

CUJACII

OPERUM

TOMUS QUARTUS.

CULIA
OPFERUM
TOMUS QUARTUS

JACOBI CUJACII

J. C. PRÆSTANTISSIMI TOMUS QUARTUS VEL PRIMUS OPERUM POSTUMORUM

*Quæ de jure reliquit, sive PAPINIANUS, quo continentur ad universa
PAPINIANI OPERA, quæ in Pandectis supersunt, Recitationes
Acutissimæ, & Utilissimæ, a mendis quibus antea scatebant
pene innumeris ope MSS. Codicum repurgatæ, jam
a CAROLO ANNIBALE FABROTO J.C. dispositæ.*

ACCESSERE in hac novissima Editione ab eruditissimo Viro græcorum Versio
locorum hætenus ab omnibus desiderata;

INDEX locupletissimus, ac perpetuus omnium omnino rerum, quæ his
Operibus continentur;

PRÆTEREA dissertatio EMUNDI MERILLII, & Interpretatio ab eodem facta
Variantium ex CUJACIO observatarum, quæ per totum opus suo
quæque loco variante notantur;

POSTREMO Controversiæ JOANNIS ROBERTI ejusdemque Notæ in Responsiones
a CUJACIO nomine ANTONII MERCATORIS editas, quæ majori
Eruditorum commodo in ipsis Observationibus afferuntur, studio
& diligentia LIBORII RANII J. C. Neap.



NEAPOLI MDCCLVIII.
EX TYPOGRAPHIA MORIANA
APUD VINCENTIUM PAURIA.
SUPERIORUM PERMISSU.

**HIC TOMUS DIVISUS EST
IN DUAS PARTES.**

In priore parte continentur

QUÆSTIONES PAPINIANI.

In altera

RESPONSA, DEFINITIONES,

Et cetera ejusdem Papiniani Opera.



**NEAPOLI MDCLXVII
EX TYPOGRAPHIA MORIANA
AD VINCENTII TABULAE
LITHOGRAPHICUM PERMISSO**

I N D E X

LEGUM, ET PARAGRAPHORUM

I N L I B R I S

QUÆSTION. RESPONS. DEFINIT.

ET LIBRIS DE ADULTERIIS

ÆMILII PAPINIANI

Explicatorum Ordine Alphabetico expositis.

A

L. A herede 2. De separationib.	645.
L. Abolitio 8. Ad Senatufc. Turpill.	1490.
L. Accepit 93. Ad leg. Falcid.	591.
L. Actio 28. De oblig. & act.	1447.
L. Actio fteftionatus 1. De crim. fteftio.	844.
L. Actio fteftionatus 54. De Edilit. edict.	974.
L. Actus legitimi 77. De reg. jur.	742.
L. Accufare pen. De publ. judic.	1391.
L. Ad cognitionem 13. Quib. ex caufad poff. eatur.	1383.
L. Ad Principem 22. De app. & rela.	912.
L. Ad tempus ordine 5. De cur. & eorum fil.	24.
L. Aede Sacra 83. De contrah. empt.	944.
§. Intra materiem.	945.
L. Aediles curules unic. De via public. &c.	1503.
L. Aedibus communibus 18. De ope. nov. nunc.	93.
§. Nec ad rem.	ibid.
L. Ait pretor 7. De mino. 25. ann.	913.
§. Sed & quod Pap.	ibid.
L. Alienationes enim 13. Fam. erefc.	148.
L. Alio herede 9. De alim. & cibar. legat.	1181.
§. Tum quoque.	1183.
L. Alimentorum 11. De assign. libert.	1377.
L. Aliquando mandare 5. De offic. proconf.	4.
L. Alterius curatoris 20. De tute. & rat. diftra.	902.
§. Non idcirco.	903.
L. Alterius ult. De Accufat.	1402.
L. Alteri 25. De Adim. leg.	1209.
L. Amiffi 52. De Fidejuf.	1315.
§. Inter	ibid.
§. Fidejuffores	1316.
§. Plures	1317.
L. A muneribus 7. De vacat. & excuf. mun.	821.
L. Ante fabulas 5. De Jure codicil.	1100.
L. Antiochenfum 21. De Privil. Cred.	1277.
L. Aquilius 27. De donat.	786.
L. Arbitr ita 33. De recep. arbit.	17.
L. Arbitr intra 42. De recep. arb.	881.
L. Arbitrio quoque ult. Famil. erefcun.	899.
L. Arbitribus quoque 58. De contrah. empt.	244.
L. Argentarium 45. De judic.	922.
§. Nomine	624.
L. Affe toto 77. De hered. inflit.	439.
L. Avia qua nepotem 77. De Cond. & demonf.	1128.
§. Mutiana	ibid.
§. Titio	ibid.
§. Pater	1129.
L. Avunculo nuptura ult. De condi. fine cau.	277.
§. Noverca	ibid.

B

L. B Inas quis ades 30. De fervit. urban. præd.	143.
L. Bona fide 27. Ad Senatufcon. Vellej.	935.
Tom. IV.	

§. Cum servi	936.
§. Uxor	937.
L. Bona fisco 39. De jure fisci.	1408.
§. Eum qui	1409.
L. Bona militis 2. De veter. & milit. Succes.	1399.
L. Bonorum poffeffionis 22. De legat. præft.	1035.

C

L. Capitis 53. De fidejuf.	1399.	
L. Capitis pen. De accusat.	1391.	
L. Captatorias 70. De hered. inflit.	1044.	
L. Catoniana regula 3. De regul. Caton.	384.	
L. Causam 20. De manumiff.	1269.	
§. Puellam	1270. §. Tempore	1271.
L. Causa cognita 40. De vulg. & pupill. fubftit.	751.	
L. Centurio 15. De vulg. & pup. fubft.	1057.	
L. Centuria 27. De milit. teftam.	1072.	
L. Cerdonem 42. De oper. libert.	1246.	
L. Certis 2. De Accuf. & inſcript.	1477.	
§. Pupillis.	1479.	
L. Civibus 2. De reb. dub.	1210.	
L. Clavibus 74. De contrah. empt.	1427.	
L. Coheredi 41. De vulga. & pup. Subftit.	1061.	
§. Ex his verbis	1063. §. Qui patrem	1067.
§. Cum filia	1064. §. Coheres	1068.
§. Quod ſi	1065. §. Cum pater	1069.
§. Qui difcretas	1066. §. Non vitari	1070.
L. Commodis 40. De re judic.	1276.	
L. Conventio 1. De pignorib.	1281.	
§. Servo	1285. §. Pacto	1289.
§. Cum pradium	1286. §. ultim.	1290.
L. Creditor 12. Qui pot. in pign.	970.	
§. Sciendum	ibid.	
L. Creditor 3. Qui pot. in pign. hab.	1291.	
§. Cum ex caufa	1292. §. Poſſ. diviſionem.	1293.
L. Creditor 42. De pign. act.	931.	
L. Creditor 1. De diftr. pign.	645.	
L. Creditoribus 4. De ſeparat.	1345.	
L. Cui pacto 5. De ſerv. expor.	259.	
L. Cum Aquiliana 5. De tranſact.	1424.	
L. Cum ad præſens 37. De reb. cred.	1426.	
L. Cum arbor 3. Ad leg. Rod. de jact.	1411.	
L. Cum Avus 102. De Cond. & demonſt.	1213.	
L. Cum ea 58. De Evict.	1297.	
§. Creditor	1298.	
L. Cum de in rem verſo 6. De uſur.	748.	
§. Imperator	748.	
L. Cum dominus 19. De pec. leg.	1120.	
§. Teſtamento	ibid.	
§. Filioſam.	1121.	
L. Cum duobus 52. Pro Socio.	967.	
§. Papinianus	ibid.	
§. Item ex facta	968.	
§. Idem Pap.	969.	

Index Alphabeticus

L. Ear-

Legum, & Paragraphorum.

E

L. E ndem rem 9. De duob. reis stipul.	580.
§. Sed si quis	581.
§. Cum duos	ibid.
L. Ejus militis 34. De milit. testam.	373.
§. Militia missus.	375.
L. Empor cum dela. De novat. & deleg.	764.
L. Empor pradium. 65. De rei vind.	291.
§. Ancillam.	392.
L. Empori 67. De evict.	1263.
L. Eo tempore 50. De peculio.	196.
§. Si creditor.	197.
§. Etiam.	202.
§. Servus.	203.
L. Equis per fideicommissum 8. De usur.	1008.
L. Error facti 8. De jur. & fact. ignor.	1249.
L. Etiam si 9. Ut in poss. legat.	561.
L. Etiam dirempto 12. De fund. dotal.	1474.
§. Socreri	1475.
L. Et ei 12. Ad munice.	845.
L. Et omnes 4. De bon. damnat.	1493.
L. Et si filium 15. De muner. & honor.	1041.
L. Et si forte 6. Si servit. vind.	99.
§. Si ades	ibid.
L. Et si maxime 5. De servit. legat.	411.
L. Et si pignus 18. Quæ in fraud. cred.	651.
L. Eum bonis 86. De acquir. hered.	1264.
§. Pupillis	1265.
L. Eum qui insulam 43. De judic.	657.
L. Eum qui tacitum 18. De his, quæ ut indig.	1386.
§. Bonis	1387.
§. Pro pane	1388.
L. Ex causa pen. De re mil.	1406.
L. Ex conducto 15. Locat.	ibid.
§. Papinianus	ibid.
L. Exceptio 28. De except. rei judic.	676.
L. Ex consensu 23. De Appell.	1114.
§. Cum procurator.	ibid.
§. Filiusfam.	1415.
§. Eum	1416.
L. Ex ea causa 9. De postulan.	840.
L. Ex ea parte 121. De verb. oblig.	107.
§. Mulier	ibid.
§. In insulam	1309.
§. Ex facto	1310.
L. Exheredatum ult. De his qui notant. infam.	28.
§. Ult.	31.
L. Ex his omnibus 54. De condic. indeb.	40.
L. Ex mille 64. De evict.	155.
§. Quod si dolo	159.
§. Quæstum	160.
§. Pen. & ult.	ibid.
L. Ex parte 22. De adim. & transfer. leg.	1084.
L. Ex pluribus 42. De Admin. tut.	1437.
L. Ex sententia 29. De test. tut.	1383.
L. Extraneus 17. De quæstion.	1402.
§. De quæstione	1403.
§. De servo	1404.

F

L. F alsi nominis 13. Ad leg. Corn. de fals.	1396.
§. Ordine	ibid.
L. Fideicommissaria 23. De fideic. liber.	1248.
§. Fideicommissariam	1249.
§. Servum	ibid.
§. Etiam	1251.
§. Ult.	1252.
L. Fideicommissum 76. De cond. & demon.	1086.
L. Fidejussor conventus 2. De distract. pign.	899.
L. Fidejussor imperitia 32. De neg. gest.	919.
§. Ignorante	922.
L. Filium senatoris 9. De senator.	971.
L. Filiam 56. Ad Trebell.	1131.
Tom. IV.	

L. Filiusfam. miles 35. De ritu nupt.	1043.
L. Filiusfam. miles 14. De Castren. pecul.	684.
L. Filiusfam. 37. Ad leg. jul. de adulte. & stup.	114.
L. Filiusfam. equestri pen. De mil. testam.	1076.
L. Filiusfam. 8. Unde lib.	1087.
L. Filius 7. De legationibus.	866.
L. Filius 9. De colla. honor.	1036.
L. Filius 5. De Collat. dot.	1037.
§. Filia	1038.
L. Filius , qui suus 15. De condit. instit.	400.
L. Filius , qui patri 24. De bon. libert.	354.
§. Castrensium	357.
§. Si falsum	361.
§. Cum filius	359.
L. Filio pater 87. De leg. I.	469.
L. Filio praterito 17. De injusto rup. & irrit. fac. test.	1032.
L. Filio , qui 16. De inoffic. testam.	883.
§. Contra tabulas	884.
L. Filio quem 23. De lib. & posth.	354.
§. Si Titius	ibid.
L. Firmio Heliodoro 26. Quan. dies leg. ced.	1241.
§. Cum	1243.
L. Fiscus 38. De jur. fisci.	1373.
§. Delatoria	1375.
L. Fratres Imperatores 33. De poenis.	53.
L. Fraudis interpretatio 80. De reg. jur.	800.
L. Fructus eos 7. Solut. matr.	285.
§. Papinianus lib. 11.	ibid.
L. Fundus 9. De annu. legat.	1115.
L. Fundo mihi legato 4. Ad leg. Falcid.	421.
L. Fundum Cornelianum 28. De Novat.	1462.
L. Fundum instructum 3. De instruct. & instrum. leg.	1180.
§. Minor	1181.
L. Fundum Mavianum 1. De reb. dub.	1127.
L. Furioso 1. De bon. poss. infam. furios. &c.	396.

G

L. G enerali mandato 34. De rit. nupt.	976.
§. Ream. 977. §. Inter	ibid.
L. Generaliter 5. De usur.	705.
L. Generaliter 78. De reg. jur.	794.
L. Generi ult. De Publ. judic.	1400.

H

L. H abitationum ult. De peric. & com. rei ven.	946.
§. Ante pretium	947.
L. Hac conditio 66. De condic. indeb.	166.
L. Heres ejus 43. De usurp. & usucap.	616.
§. Patrem.	ibid.
L. Heres furiosi 51. De pet. hered.	885.
§. Fructuum	887.
L. Heres meus 79. De cond. & demonst.	1444.
L. Heres qui tacita 11. De iis, quæ ut indig.	390.
L. Heres qui venient 40. Ad Senat. Conf. Syll.	907.
L. Heres viri 33. De neg. gest.	1260.
L. Heredi 15. De iis, quæ ut indig.	1085.
L. Heredem 17. De his, quæ ut indig.	1351.
L. Heredes 57. Ad S.C. Treb.	1193.
§. Cum ita	ibid.
§. Peto	1195.
L. Hereditas 34. De hered. instit.	1439.
L. Hereditas etiam 50. De pet. hered.	117.
§. Si defuncto	118.
L. Hereditatem 28. De donat.	958.
L. Hi qui muneris 6. De vacat. & excus. mun.	55.
L. Hic titulus 1. De collat. bon.	361.
§. Sed an id	ibid.
L. Hominis opere 2. De usu, & usufruct. legat.	454.

I

L. I dem est 3. De condit. indeb.	698.
L. Idem Papinianus 12. De fund. instr.	1132.
§. Papi-	

Index Alphabeticus

§. *Papinianus* 1. ibid. §. *Idem respondit* 2. ibid. 1.
 §. *Papinianus* 2. 1134. §. *Idem respondit* 1. 1135.
 §. *Idem respondit* 2. ibid. §. *Idem respondit* 3. 1136.
 §. *Idem servandam* 72. De leg. 2. 988.
 L. *Idemque* 10. Mand. vel contra. 966.
 §. *Si quis* ibid.
 §. *idem* ibid.
 §. *Si cui* 967.
 L. *Ideo condemnatus* 17. De compensat. 841.
 L. *Ignorante* quaque pen. De neg. gest. 65.
 L. *Illud aut illud* 25. De confit. pec. 169.
 §. *Si iurejurando* ibid.
 L. *Illud queritur* 4. De evict. 970.
 §. *Si impuberis* ibid.
 L. *Illud enim* 13. De jur. cod. 512.
 §. *Triarii* 514.
 L. *Imperator Antoninus* 70. De leg. 2. 582.
 §. *Si centum* 584. §. *Cum autem* 588. & 1140.
 §. *Cum quidam* 587.
 L. *Imperator Hadrianus* 50. Ad Trebell. 314.
 L. *Imperator Titus* De stat. hom. 64.
 L. *Imperator Titus* 8. De postulando. 24.
 L. *Imperator Titus* 11. Ad municip. 35.
 L. *In Confilium ult.* De off. adf. 834.
 L. *In Conventione* 219. De verb. signif. 912.
 L. *In eum* 19. De infit. act. 933.
 §. *Si dominus* ibid.
 §. *Taberna* 934.
 §. *Servus* ibid.
 L. *In Falcidia* 9. Ad leg. Falcid. 550.
 §. *Circa ventrem* 551.
 L. *Inferioris ult.* De success. edic. 1092.
 L. *In fideicommissi* 3. De usur. 564.
 §. *Si auro* 371.
 §. *In his* ibid.
 §. *Nonnumquam* 571.
 §. *Cum Pollidius* 574.
 §. *Si auro* ibid.
 L. *In finibus* 11. Fin. regund. 896.
 L. *In fraudem creditorum* 25. Qui, & a quib. man. 1040.
 L. *In honoribus* 8. De vacat. & excus. mun. 863.
 §. *Non alios* 864. §. *Philosophis* ibid.
 §. *Qui numeris* 865. §. *Qui maximis* 866.
 L. *In infulam* 42. Sol. matr. 907.
 §. *Fructus* 908.
 §. *Usuras* ibid.
 §. *Ad vitrum* 999.
 L. *In infulam* 3. De Sent. pass. & ref. 1407.
 L. *In legem Falcidiam* 8. Ad leg. Falcid. 372.
 L. *In multis* 9. De stat. hom. 792.
 L. *In omni fere* 13. De adopt. 807.
 L. *In omnibus* 41. De judic. 272.
 L. *In questionibus* 8. Ad leg. Juliam Majef. 375.
 L. *In Ratione* 11. Ad l. Falcid. 754.
 §. *Si servus* 755. §. *Quod vulgo* 756.
 §. *Si servus testam.* 756. §. *Si filio* 767.
 §. *Imperator* 757. §. *Quasitum* 770.
 §. *Cum quidam* ibid. §. *Si quis* 788.
 L. *In rem suam* 18. De compensat. 937.
 §. *Creditor* 939.
 L. *Infulam* 124. De verb. obligat. 1461.
 L. *In inter debitorum* 42. De pactis. 1410.
 L. *Inter eos* 51. De fidejuss. 939.
 §. *Fidejussor.* ibid. §. *Cum inter* 962.
 §. *Duo* 961. §. *Bonis.* 963.
 §. *Creditor* ibid.
 L. *Inter accusatorem* 10. De publ. judic. 1465.
 L. *Inter liberos* 6. Ad leg. Jul. de Adult. 1483.
 L. *Inter Socerum* 26. De pact. dotal. 987.
 §. *Vir* 989.
 §. *Cum inter* 990.
 §. *Convenit* 991.
 §. *Filia* 992.
 §. *Pater* 993.
 L. *Inter ceteros* 1. De jure aure. anul. 842.
 §. *Diversum* ibid.
 L. *Inter tutores* 36. De admin. & peri. tuto. 78.
 L. *In tabulis* 36. De statulib. 1455.
 L. *In totum* 76. De reg. Jur. 643.
 L. *In toto jure* 80. De regul. Jur. 802.
 L. *Intra* 41. De pactis. 1279.
 L. *Intra* 10. De div. & temp. praecrip. 1373.
 §. *Quadrimestri* ibid.
 L. *Intra* 2. De jure aur. anul. 1389.
 L. *In venditione* 41. De act. empti. 948.
 L. *Ita autem* 5. De adm. & peri. tut. 1031.
 §. *Papinianus.* ibid.
 L. *Ita stipulatus* 115. De verb. obligatio. 55.
 §. *Sed & si* ibid.
 §. *Item, si quis* ibid.
 L. *Judicata* 29. De Excep. rei judic. 1304.
 §. *Si debitor* 1306.
 L. *Julianus putat.* 43. De bon. libert. 377.
 L. *Julianus scribit* 26. Si quis omis. cau. testa. 406.
 L. *Jure nostro* 26. De testam. tut. 100.
 §. *Honoris* 1001. §. *Propter* ibid.
 L. *Jure societatis* 82. Pro Socio. 943.
 L. *Juris ignorantia* 7. De Jur. & fac. ignor. 502.
 L. *Jurisperitos* 30. De excus. tut. 1039.
 §. *Cum oriundus* ibid. §. *Patronus* 1030.
 L. *Jus civile* 7. De justit. & jur. 1448.
 L. *Justo errore* 44. De usufr. seu usufr. patron. 628.
 §. *Constat* 630.
 §. *Esi possessionis* 631.
 §. *Nonnam adita* 633.
 §. *Filiusfam.* 636.
 §. *Non mutis* 637.
 §. *Eum qui* 638.
 §. *Si cum* ibid.
 L. *L*
 L. *Legatus Caesaris* 20. De offic. praesid. 830.
 L. *Legatum sub conditione* 24. De adm. leg. 1184.
 §. *Pater* ibid.
 L. *Legatum* 80. De leg. 2. 1443.
 L. *Legata suppellectili* 7. De supelle. legat. 1122.
 L. *Legis Aquilia* 54. Ad l. Aquil. 823.
 L. *Lege Falcidia* 7. Ad leg. Fal. 139.
 L. *Lex* 1. De legibus. 1421.
 L. *Liber homo* 18. De verb. oblig. 677.
 §. *Decem bodie* 679.
 §. *Decem mih* 680.
 L. *Liberta ult.* De obseq. paren. &c. 1367.
 L. *Libertus* 14. De in jus vocand. 835.
 L. *Libertus* 17. Ad municipalem. 851.
 §. *Filiam* 852. §. *In adoptivum* ibid.
 §. *Prescriptio* ibid. §. *Error ejus* ibid.
 §. *Sola ratio* 853. §. *Patri* ibid.
 §. *Postliminio* 855. §. *In questionibus* 858.
 §. *Exigendi* ibid. §. *Sola domus* ibid.
 §. *Ex causa* ibid. §. *Fidejussores* 859.
 L. *Libertus non alius* 14. De tuto. & curato. 319.
 L. *Libertus* 41. De neg. libert. 1038.
 L. *Liberto* 31. De oper. gest. 871.
 §. *Inter* 873. §. *Tutoris* ibid.
 §. *Litem* 874. §. *Quamquam* 878.
 §. *Qui aliena* 876. §. *Uno defendente* 880.
 §. *Libertus* 877.
 L. *Licet neque* 45. De acquir. vel amit. poss. 1456.
 L. *Licet neque* 45. De acquir. vel amit. poss. 625.
 L. *Lucius Titius* 24. Depo. vel contra. 219.
 L. *M*
 L. *Majorem* 8. De pactis. 1257.
 L. *Mancipia* pen. Qui sine manum. &c. 1254.
 L. *Mandatam* 57. Mand. 1260.
 L. *Mater filio* 93. De Cond. & demon. 1187.
 L. *Mater secundas* 27. Si quis omis. caus. testam. 1079.
 §. *In*

Legum, & Paragraphorum.

§. In sententiam	ibid.	§. In eum	1080.	§. Pro herede	1078.
L. Mater 10.	De Adult.		1489.	L. Papinianus 20.	De min. 25. ann.
L. M. vius fundum 66.	De leg. 2.		440.	L. Papinianus 8.	De inoffic. testam.
§. Duorum	442.	§. Sed si	ibid.	§. Papinianus	ibid.
§. Non idem	ibid.	§. In fundo	448.	§. Unde	ibid.
§. Eum, qui	450.	§. Fundo	452.	L. Papinianus 18.	De fervit.
§. A municipibus	453.			L. Papinianus lib. 3. quæstion. 28.	Manda. vel contra.
L. Miles ad Sororem 75.	De leg. 2.		1083.	L. Papinianus lib. 3. 8.	De inoffic. test.
§. Pro patre			1084.	L. Papinianus 5. 4.	De his, quæ ut ind.
L. Miles si testamentum 35.	De milit. testam.		511.	L. Papinianus lib. 6. 14.	De Pub. in rem act.
L. Miles 11.	Ad leg. Jul. de Adult.		1493.	L. Parvi refert 17.	De cond. furt.
§. Militem	1494.	§. Defuncto	ibid.	L. Pater filiam 14.	Ad leg. Falcid.
§. Sacer	1496.	§. Volenti	1500.	§. Avia	
§. Adulterii	1497.	§. Licet	ibid.	§. Duobus	
§. Quidam	1498.	§. Mulier	1501.	L. Pater filium 6.	De Collat. dot.
§. Quærebatur	1499.	§. Ream	1502.	L. Pater filium 14.	De inoff. test.
L. Militis codicillis 36.	De milita. testam.		1072.	L. Pater instituto 10.	De capt. & posth. rever.
§. Miles 1.			1073.	§. Si mortuo	
§. Miles 2.			1074.	L. Pater nubenti pen.	De dot. Collat.
§. Veteranus			ibid.	L. Pater, qui dat 12.	De castren. pecul.
§. Miles 3.			1075.	L. Pater dotem 7.	De dote præleg.
L. Milites enim 12.	De milita. testam.		1072.	§. Sed si prius	
L. Missio legatario 12.	Pro emptore.		1275.	§. Sed si prius 2.	
L. Moris 53.	De donat. int. vir. & uxor.		994.	§. Quid ergo	
§. Res in dotem			996.	§. Sed si lex	
L. Mulier 4.	Ad Senatusc. Turpill.		1398.	§. Si forte	
L. Mulierem 14.	De iis quæ ut indig.	797.	801.	L. Pater ult.	De suis, & legit.
L. Mulieri 74.	De condi. & dem.		798.	L. Pater filia 81.	De jur. dot.
N					
L. Nam, & si 15.	De inoffic. testam.		362.	§. Si stipulanti	
§. heredi	365.	§. Titius	368.	§. Si pater	
L. Nec in ea 22.	Ad l. Jul. de Adult.		1487.	§. Servus	
L. Nec si forte 2.	Ut legat. seu fideic. &c.		707.	§. Si servi	
L. Nec utilem 20.	Ex quib. caus. major.		341.	L. Pater 17.	De castren. pecul.
L. Nepos 22.	De Manumiss.		1454.	L. Pater Severianam 101.	De Cond. & demonst.
L. Nequaquam 24.	De excusat. tutor.		311.	§. Ita	
L. Nihil interest 4.	De nautic. fœnor.		952.	§. Conditionum	
§. Pro operis			954.	§. Socrus	
§. In stipulatione			955.	§. Fideicommissa	
L. Non est cogendus 53.	Ad Trebell.		597.	L. Pater 23.	De adimen. leg.
L. Non esse 2.	Ne de stat. def. &c.		1381.	L. Pater 19.	Quæ in fraud. cred.
L. Non idcirco 44.	De judic.		882.	L. Patri datur 20.	Ad leg. Jul. de adult.
L. Non magis 3.	Pro legato.		631.	L. Patre, vel marito 6.	De quæst.
L. Nonnunquam evenit 1.	De præscrip. verb.		173.	§. Cum de falso	
§. Domino			174.	L. Patronum pen.	Si libert. ingen. esse dic.
§. Item si			ibid.	L. Paulus notat pen.	De Pub. in rem act.
L. Nonnunquam 24.	Ad Trebel.		393.	L. Paulus notat 8.	De prætor. stipul.
L. Nonnunquam 8.	De collatio. bonor.		90.	L. Pecoris pascendi 4.	De servi. rust. præd.
L. Non quicquid 40.	De judic.		1009.	L. Peculium legatum 65.	De leg. 2.
§. Judex			ibid.	§. Quadrigæ	
L. Non videntur 83.	De reg. jur.		1479.	§. Titio	
L. Non videbitur 35.	De statulib.		1253.	§. Si tamen	
O					
L. Ob eam 9.	De præscrip. verb.		1281.	L. Pecunia 9.	De usur.
L. Ob hæc verba 20.	De his, qui not. infam.		841.	§. Usurarium	
L. Obligationes 27.	De oblig. & act.		877.	L. Pecunia forem 8.	De alimen. & cib. leg.
L. Ob negotium 20.	De Compensat.		1350.	L. Peregre 44.	De acquir. vel amit. pos.
L. Ob pecuniam 81.	De furtis.		843.	§. Quæstium	
L. Operis 43.	De oper. libert.		1413.	§. Quibus explicitis	
L. Octavi gradus 9.	Unde cogn.		1090.	L. Peto Luci Titii 69.	De leg. 2.
§. Fratris			1092.	§. Prædium	
L. Oratio 4.	Si ingen. esse dicat.		614.	§. Mater	
L. Ordine Decurionum 15.	Ad municipalem.		846.	§. Fratre	
§. In eum			850.	L. Plane 4.	Ut in poss. leg.
§. In fraudem			851.	L. Pluribus ult.	De iis, quæ in test. delentur.
§. Jus originis			851.	L. Pomponius 35.	Famil. Ercisc.
P					
L. Passa conventa 72.	De contrah. empt.		247.	L. Possessio 49.	De acquir. vel amit. posses.
§. Papinianus			255.	§. Prim.	
L. Pannonius Avitus 86.	De acquir. vel omitt. her.		1076.	§. Ultim.	
§. Rei			1078.	L. Postquam 5.	Ut leg. seu fideic. &c.
Tom. IV. Prior.					
				§. Imperator	713.
				§. Si dies	716.
				§. Cum quærebatur	718.
				§. Quibus	ibid.

a 3

L. Poss

Index Alphabeticus

L. Post dotem 40.	Solut. matr.	706.	§. Verbis	1004.
L. Post finitum 11.	De susp. tutor.	1025.	§. Impuberi	1005.
L. Post mortem 5.	Quando ex fa. tut.	1023.	L. Quid ergo 13.	Ad municipalem.
L. Prædia 48.	De acquir. poss.	1272.	L. Quod bonis 15.	Ad leg. falcid.
L. Prædis a fisco 36.	De jur. fisc.	965.	§. Frater	1355.
L. Prædis 91.	De leg. 3.	1112.	§. Non idcirco	ibid.
§. ex his		1113.	§. Quod Avus	1358.
§. Titio		1114.	§. Cum fideicommissum.	1361.
§. Balneas		ibid.	§. Ex donationibus.	1363.
§. qui domum		ibid.	§. Fructus	1364.
§. Appellatione		1115.	§. Fideicommissum	1365.
L. Præfictus 63.	De ritu nupt.	1432.	§. Quarta	1366.
L. Prior emptor ult.	De in diem addic.	946.	L. Quod mihi 22.	De lib. leg.
L. Procula 26.	De probat.	577.	L. Quod per manus 10.	De jur. Codic.
L. Procurator 55.	Manda. vel contra.	842.	L. Quod D. Marco 50.	De manumiss. testam.
L. Procurator 23.	De liber. legat.	1125.	L. Quod placuit 37.	De jur. fisc.
L. Profecticia dos 5.	De jure dot.	271.	L. Quod privilegium 8.	Depos. vel contra.
L. Proprie veneni 21.	Ad Senatusc. Syllan.	1081.	L. Quod procurator 68.	De procur.
§. Neptis		1082.	L. Quod si 79.	De hered. instit.
§. Præfidiis		1083.	L. Quod si 31.	De jur. dot.
L. Publica judicia ult.	Ad L. Jul. pecul.	820.	L. Quod si filius 11.	De capti. & postli. rever.
L. Pupillus contra 6.	De fidejuss. & nominat.	905.	L. Quod statuliber 41.	De mortis caus. don.
L. Pupilli 96.	De solut.	1317.	L. Quod supra 10.	Ad L. Falcid.
§. Si		1321.	L. Quotiens quæretur 1.	De probat.
§. Soror		1322.		
§. Cum eodem		1323.		
Cum infinitus		1324.		

Q

L. Quæcumque 1.	De off. jure. cui mand. est jurisd.	8.
L. Quæ fideicommissa 29.	De leg. 2.	1301.
L. Que pater 32.	Fam. ercisc.	897.
L. Quæstum est 8.	De fer. expor.	664.
L. Quæstum est 10.	De sepul. viol.	109.
L. Quæstum scio 13.	De testib.	1471.
L. Quævis 8.	De tutel. & rat. distrach.	707.
L. Quævis 46.	De acquir. vel amit. possess.	627.
L. Quævis pignoris 8.	Ad Senatusc. Vellej.	239.
§. Si mulier		ibid.
L. Quæquam 62.	De ritu nupt.	978.
§. Mulier		979.
L. Qui domum 8.	De Adult.	1489.
L. Qui dotem 1.	Qui pot. in pig. ha.	178.
§. Alia causa		ibid.
L. Qui duos 42.	De vulg. & pupil. subfist.	1441.
L. Quid ergo 90.	De leg. 1.	469.
L. Qui ex fratribus 24.	De condit. institut.	1071.
L. Qui ex liberis 11.	De bon. possess. secund. tab.	349.
§. Filius		ibid.
§. Testamentum		352.
L. Qui fidejussor 53.	Locati.	1280.
L. Qui fructus 25.	De usu & usufru. leg.	1179.
L. Qui generaliter 2.	Qui pot. in pig.	949.
L. Qui gravi 11.	De jure codicill.	512.
L. Qui munus ult.	Ad leg. Jul. repetund.	1397.
L. Qui mutuum 56.	Manda. vel contra.	941.
§. Fidejussor		942.
§. Non ideo		ibid.
§. Salarium		943.
§. Sumptus		ibid.
L. Qui non militabat 78.	De hered. instit.	1046.
§. Lucio Titio		1052.
§. filius		1053.
§. Sejus		1054.
L. Qui places 41.	De admin. & peric. tutor.	1100.
L. Qui places 23.	De vulg. & pupil. subfist.	1060.
L. Qui possimus 4.	Ad Senatusc. Syllan.	1080.
L. Qui non 3.	De bon. eorum qui ante sent.	1410.
L. Qui solidum 78.	De leg. 2.	1203.
§. Cum post mortem		1204.
§. Eriam Resp.		1205.
§. Prædium		1206.
§. Si creditor.		ibid.
L. Qui tutelam 18.	De testam. tut.	1003.

R

L. R Edemptis 12.	De jure codic.	512.
L. R Rem hereditariam 65.	De evid.	182.
L. Rem inspicendam 78.	De furtis.	177.
L. Reo criminis 41.	De solut.	1476.
L. Reos 11.	De duob. reis stip.	1311.
§. Cum tabulis		1313.
L. Rerum amotarum 27.	Actio ob adul.	1000.

S

L. Sabinus 28.	Communi divid.	151.
L. Salarium procuratori 7.	Mand. vel contra.	939.
L. Sanctio legum 41.	De penis.	1466.
L. Scriptus heres 13.	De Carb. edic.	376.
L. Scriptio herede 7.	Unde liber.	779.
§. Non sic		782.
L. Sed an vie 12.	De pignor.	566.
L. Sed cum 12.	Ad Trebel.	593.
L. Sed quod 71.	De leg. 2.	1141.
L. Sed revocata 20.	De jur. fisci.	1328.
L. Sed si certos 51.	De legat. 1.	102.
L. Sed & si ex 4.	Quod cum eo, qui in alien. &c.	234.
§. Soli		ibid.
L. Sed si nondum 17.	De relig. & fump. fun.	925.
L. Seja 42.	De mort. caus. donat.	1269.
§. Cum Pater		1371.
L. Sejo amico 10.	De annu. legat.	ibid.
§. Medico		ibid.
§. Uxori		ibid.
§. Liberis		ibid.
L. Senatusconsulto 1.	In quib. caus. pign.	1262.
L. Servitus 4.	De servitutibus.	139.
§. Modum		ibid.
§. Intervalla		ibid.
L. Servus 3.	De manumiss. quæ servis, &c.	1379.
L. Servus ex lege 7.	De servis expor.	259.
L. Servus 34.	De statu lib.	607.
§. Imperator		609.
L. Servus 34.	De penis.	1405.
§. Eos quoque		1406.
L. Servus uxori 76.	De hered. instit.	382.
L. Servum 21.	De manumiss.	1371.
L. Servus 34.	Fam. ercisc.	1137.
L. Servus 35.	De liber. caus.	1256.
L. Servo legato 113.	De leg. 1.	971.
§. Inepias		ibid.
L. Servo manumisso 58.	De cond. indeb.	1198.

L. Si

LEGUM, ET PARAGRAPHORUM.

L. Si adulterium 38. Ad leg. Jul. de adul. & fru.
§. Stuprum
§. Quare
§. Nonnunquam
§. Fratres
§. Idem Imperatores
§. Idem Pollioni.
§. Incestum
§. Imperator
§. Liberto
§. Si quis.
L. Si bona fidei 49. De petit. hered.
L. Si bona patroni 40. De oper. liber.
L. Si centum homines 117. De verb. oblig.
L. Si cui 82. De Cond. & demon.
L. Si culpa 63. De rei vind.
L. Si cum venditor 66. De evid.
§. Si is, qui
§. Si secundus
§. Divisione
L. Sicut in annos 3. Quib. mod. usufr. amit.
§. Hac repetitio
§. Idem Papinianus.
L. Si debitor pignus 79. De furtis.
L. Si debitori 47. De fidejuss. & mandat.
§. Si filius
L. Si debitori 12. Ad leg. Falcid.
L. Si Dominus 8. De præscrip. ver.
L. Si duobus 2. Quib. mod. usufr. amit.
§. Si non
§. Cum singulis
L. Si fidejussor 7. Qui satisf. cogant.
L. Si fidejussor 19. De dolo malo.
L. Si fidejussor 59. De cond. indeb.
L. Si fidejussores 7. De fidejuss. & man.
L. Si filius 19. De interrogat. in jur. faci.
L. Si filius emancipatus 30. De min. 25. ann.
L. Si filius substituitur 75. De hered. instit.
L. Si filius ult. De condit. institut.
L. Si filius 12. De vulga. & pup. substitut.
L. Si filio puberi 6. De confirm. tuto.
L. Si flagitii 123. De verb. oblig.
L. Si fundus 52. De leg. commiss.
§. Eleganter
L. Si fundus 13. De reb. eor. qui sub tut. sunt.
§. Quamquam
L. Si gener pen. De his, quæ ut indig.
L. Si gratuitam 17. De præscrip. verb.
§. Papinianus
L. Si habitatio 10. De usu & hab.
§. Sed si xpois.
L. Si Imaginem 13. De aur. & argen. legat.
L. Si impuberi 13. De Tut. & Curat.
§. Quamvis
§. Sed si
L. Si is cui nummus 94. De sol. & lib.
§. Si autem
§. Sed & si
§. Flavius
L. Si is qui 11. De pignor.
§. Ultim.
L. Si is qui Stichum 66. De procur.
L. Si ita stipulatus 150. De verb. oblig.
L. Si ita sit 14. De legat. 1.
§. Sed & Papinianus
L. Si legatario 22. De fideicom.
§. A duobus
§. Cum is
L. Si Legatorum 8. Ut in possess. legat.
L. Si liberis 27. De pact. dotal.
L. Si Libertus patrono 41. De bon. lib.
L. Si metus causa 85. De acquir. vel omit. hered.
L. Si Mortis 40. De mor. cau. donat.
L. Si mulier 31. De minor.

811.
 814.
 ibid.
 ibid.
 ibid.
 ibid.
 ibid.
 816.
 818.
 819.
 73.
 601.
 329.
 1257.
 315.
 701.
 702.
 703.
 ibid.
 433.
 ibid.
 435.
 231.
 225.
 ibid.
 790.
 665.
 426.
 430.
 ibid.
 97.
 822.
 745.
 956.
 161.
 66.
 326.
 343.
 81.
 1006.
 1448.
 969.
 ibid.
 1032.
 ibid.
 1376.
 176.
 ibid.
 501.
 1131.
 449.
 305.
 ibid.
 ibid.
 183.
 ibid.
 ibid.
 186.
 566.
 ibid.
 193.
 827.
 564.
 ibid.
 611.
 612.
 ibid.
 137.
 1436.
 326.
 789.
 789.
 789.
 1195.

L. Si Navis 62. De rei vind.
§. Generaliter
L. Si non traditam pen. Pro legato.
L. Si pamsuit 7. De divort.
L. Si Pater ignorans 41. folu. matri.
L. Si Pater pen. De suis, & legit. hered.
L. Si Paterfamilias 33. fam. ercisc.
L. Si Patronus heres 3. Si quid in frau. patr.
L. Si Patroni 55. Ad Trebell.
§. Imperator
§. Qui fideicom.
§. Cui Titiana
§. Actiones
L. Si Plures ult. Rem. pupill. salv. for.
L. Si Plures 38. De admini. & peric. tutor.
§. Si quidam
§. Unde
L. Si Portio 21. De leg. præstan.
L. Si Precario pen. Com. præd. tam urb. &c.
L. Si Pro patre 10. De in rem verbo.
§. Cui simile
L. Si Quid dolo 2. Si quid in frau. patro.
§. Si libertus
L. Si quis ab alio 19. De manumiss.
L. Si quis ita 3. De adim. legat.
§. Conditio
L. Si quis Servus 2. De Cust. reor.
L. Si quod 73. De leg. 2.
L. Si Rem mobilem 47. De acqu. vel amit. poif.
L. Si Res aliena 52. Ad Trebellianum.
§. Servus
L. Si Servus pignori 31. Fami. ercisc.
L. Si Servus communis 18. De stip. ser.
§. Si servus
§. Servus
§. Cum servus
L. Si Socius pro filia 81. Pro socio.
L. Si Socius testamentum 48. De manum. testam.
L. Si stipulatus 4. De usufr.
§. Si post
L. Si Superatus 3. De pignor.
§. Per injuriam
L. Si Tacitum 13. Ad leg. Falcid.
L. Si Testamentum 49. De fidejuss. & man.
§. Ex duobus
§. Quasitum est
L. Si Testamentum pen. De iis quæ ut indig. &c.
L. Si tibi decem 7. De præscrip. ver.
L. Si Titio 33. De Usufr. & quemadmo.
§. Ususfructum
L. Si Titius 48. De fidejuss. & manda.
§. Huic similis.
L. Si Tutor ult. Si quis cau. judic. sist. caus. &c.
L. Si Venditor 6. De serv. expor.
L. Si Vendidero 80. De furtis.
§. Si ad exhibendum
§. Cum raptor
§. Si Titius
§. Qui rem
L. Si Vir uxori 52. De donat. int. vir. & ux.
§. Uxor
L. Si Urbana 55. De condit. indeb.
L. Si Uxor a legato 42. De judic.
L. Spurii 6. De Decur. & eorum fil.
§. Minores
§. Decurio
§. Qui judicio
§. Pater qui
§. Privilegius
L. Statu liberorum 33. De statulib.
L. Stichum 95. De solut. & liberat.
§. Quod si
§. Editio
§. Quod vulgo

124.
 ibid.
 631.
 1475.
 825.
 782.
 1097.
 380.
 598.
 601.
 602.
 605.
 ibid.
 321.
 319.
 ibid.
 ibid.
 347.
 147.
 235.
 ibid.
 379.
 ibid.
 790.
 468.
 ibid.
 1480.
 616.
 649.
 553.
 554.
 148.
 684.
 688.
 689.
 690.
 217.
 268.
 667.
 ibid.
 567.
 568.
 826.
 693.
 694.
 696.
 469.
 42.
 422.
 423.
 268.
 ibid.
 18.
 662.
 331.
 334.
 ibid.
 338.
 340.
 265.
 ibid.
 127.
 642.
 859.
 860.
 861.
 ibid.
 862.
 ibid.
 51.
 719.
 ibid.
 722.
 725.
 §. Na-

Index Alphabeticus Legum, & Paragraphorum.

§. Naturalis 727.
 §. Quæstum 730.
 §. Ususfructum 733.
 §. Si creditor 734.
 §. Dolo fecisti 737.
 §. Si mandatu 738.
 L. Sufficit 56. De condi. indeb. 168.
 L. Sumptus 48. De rei vind. 890.
 L. Sane Persona 43. De relig. & sumpt. fun. 164.

T

⁴L. T Ale pactum 40. De pact. 836.
 §. Qui provocavit 838.
 §. Post divisionem 839.
 §. Pater 839.
 L. Tamen prator 3. D pecul. 235.
 §. Si filius. ibid.
 L. Testamentum 1. De injust. rupt. &c. 1438.
 L. Testamenti factio 3. Qui test. fac. poss. 370.
 L. Testamentum 51. De manumif. testam. 1380.
 §. Cum ita ibid.
 L. Testamentis 49. De manum. testam. 1094.
 L. Titius tamen 9. De consti. pec. 169.
 L. Titius rogatus 54. Ad Trebell. 556.
 L. Titio centum 74. De leg. 2. 672.
 L. Titio centum 71. De condit. & demon. 457.
 §. Titio centum 1. ibid.
 §. Titio centum 2. ibid.
 §. Titio genero 460.
 L. Titio fundus 73. De condi. & demon. 549.
 L. Trib. heredit. 8. De usuf. ear. rer. &c. 436.
 L. Tutor 6. Quando ex fact. tut. 1453.
 L. Tutor petitus 28. De excuf. tut. 1027.
 §. Quæ tutoribus 1028.
 L. Tutor siue Curator 35. De Admin. & peric. tut. 51.
 L. Tutorem qui tutelam 37. De adm. & peric. tut. 309.
 §. Secundum ibid.
 §. Inde ibid.
 L. Tutores a Patruo 5. De confirma. tut. 302.
 L. Tutores 3. De adm. & peric. tut. 1008.
 §. Curator 1009.
 §. Qui se ibid.
 §. Heres 1010.
 §. Adversus 1013.
 §. Curatores 1014.
 §. Tutor datus ibid.
 §. Retinui 1016.
 §. Patruus ibid.
 §. Curatores 1017.
 §. Tutoribus ibid.
 §. In eum 1018.
 §. Tutores. 1019.

§. Ab eo, qui
 §. Negligentia
 §. Adolefcens
 §. Tutor
 §. Tutela
 §. Quod peculio

ibid.
 1020.
 1021.
 ibid.
 1022.
 ibid.

V.

L. V Enditor hereditatis ult. De transf. 23.
 L. Ventre praterito 84. De Acquir. hered. 402.
 L. Verba legis ult. De iur. & fact. ignor. 1041.
 L. Verbis civilibus 7. De vulgar. & pupill. subfit. 1054.
 L. Verbis legati 5. Ad leg. Falcid. 1191.
 L. Veteribus 39. De pact. 104.
 L. Vicarius 13. De legationibus. 867.
 L. Vim passam 39. Ad leg. Iul. de Adult. 1392.
 §. Nuptia ibid.
 §. In matrimonio 1393.
 §. Nuptia prius 1394.
 §. Mulierem ibid.
 §. Prescripione ibid.
 §. Incesti 1395.
 §. De servis ibid.
 L. Vir usuras 54. De donat. int. vir. & uxor. 1396.
 L. Vir Uxori 8. De dote præleg. 1139.
 L. Viro atque uxore 39. Solut. matr. 280.
 L. Virum ult. Si quis al. testam. prohib. 1383.
 L. Virum uxori 14. De curat. furios. 1031.
 L. Viva quoque 5. Rerum amotar. 294.
 L. Unus ex sociis 34. De serv. rust. præd. 144.
 §. Si fons ibid.
 §. Uli. 146.
 L. Unum ex familia 67. De leg. 2. 516.
 §. Si falcidia 519.
 §. Itaque ibid.
 §. Sed si uno 121.
 §. Si duos ibid.
 §. Sed esfi 525.
 §. Et ideo ibid.
 §. Rogo 529.
 §. Si rem 532.
 §. Si omiffa ibid.
 §. Item Marcus 535.
 L. Ususfructus 5. De usufruct. & quemadmo. 137.
 L. usu quoque 11. Usufruc. quemadmodum cav. 1097.
 L. Vulgo receptum est 2. De usuf. 130.
 L. Uxorem 15. De rit. nupt. 975.
 L. Uxori mea 9. De dote præleg. 1179.
 L. Uxori 24. De usu, & usufruc. leg. 1116.
 §. Scorpion ibid.

GRÆCARUM DICTIONUM

Quæ continentur in hoc Primo Tomo
Operum Postumorum.

INTERPRETATIO HACTENUS DESIDERATA.

Pag. 3. σοφώτατον, sapientissimum.

οἷς πρώτοις, prioribus .i. priori Dig. par-
te.

pag. 4. ἐμ-ψυχον, vivens. animatus.

ἐμ-ψυχον, animatum. vivens.

pag. 5. διεξοδικὸς λόγος, plenos, latos sermones.

pag. 10. ἐτυμολογία, etymologia.

pag. 11. ἐξ ἀντιθέσεως, ex diverso, ex contra-
rio.

pag. 16. ἀκρατον ἔμεσαν, mērum imperium.

pag. 21. κυβας ἡμέρας, fatales dies.

pag. 23. πλαγίαι καὶ, inflexæ, obliquæ.

pag. 29. ἕνατι, novem dies super mortuo agen-
di.

pag. 30. λύξ, ἢ δακρύα, singulit, & lacrymat.

pag. 33. ἀνελόντι, pro rata, pro sua cuiusque por-
tione.

pag. 45. ὡπὸ συγχρήσεως, ex conversione in usus
suos.

ὡπὸ συγχρήσεως, ex mora.

pag. 46. συγχρησις, conversio in usum suum.

ἀνατοκισμὸς, anatocismus.

pag. 50. συγχρησις, in usus suos conversio.

pag. 51. προσκειμένη ἀρετή, conditio proposita, adje-
cta.

pag. 52. οἰκοφελῆσθαι, domum juvare. domui pro-
desse.

ὁμογύρον, cui viridis est feneſtus.

pag. 53. ὦμος γέρον, frons senex.

pag. 56. χηρὰ, pejora.

pag. 56. πὸ συμβαλλομένων, quod contingit ad obli-
gationem firmandam.

pag. 62. ἀπορία, hesitancia. bis ead. pag.

ἀπορία, dubia.

pag. 63. ἀνολογισμός, novatione non facta.

pag. 65. παιδογραφίαν, documentorum ætatis libero-
rum. natiuitatis scripturarum.

ἀπογραφὰ, scripta patris.

ἐκ παιδογραφίαν, ἢ ἐξ, ex natiuitatis scri-
pturis, vel aliis legitimis documen-
tis.

πὸν παίδων, liberorum.

pag. 69. ὑποστροφῆς, postliminii jure non contine-
tur.

ψυχὴ καὶ, animo, & corpore domini.

pag. 70. πρὸς αἶσαν, ob divisionem susceptus, adi-
tus.

pag. 71. κατὰ πλοῦν, per complexionem.

pag. 72. ἐναντιοπαθεῖς, quod videtur contrarium in-
ter leges.

ὁ πρεσβύτερος, legatus Romæ convenitur pro

eo quod constituit in provincia se so-
lutorum.

pag. 82. αὐτοκληρονομήον, fui heredem.

ἀπαφανσις, exiftentia.

παρὰλληλισμὸς, vocum similitudine.

pag. 89. ἐκ τῶν ἰδίων, de suis bonis videbatur le-
gare.

pag. 92. ἀκρότης, summus apex, mediocri-
tas. medium.

pag. 96. συνασπῆν, coire.

pag. 97. παρακλιπτικαὶ . φωσφωγῆς, obliquas ad prospe-
ctum. lumen accipientes, agentes.

pag. 98. μέλλοντι, cum tempus jam jam implere-
tur.

pag. 108. ζωννύν, cingere pro discingere. περιζωννύ-
ειν, in orbem cingere.

ἐπισπῆναι, defringere.

pag. 116. ἐν ἔργῳ, in opere. ἐν ὑποπόρῳ, in ipso
scelere.

pag. 126. μεταβολῆς ἀνάγκης ἕνεκα, commutationis ne-
cessitatis gratia.

pag. 128. ἀντιχρησις, antichresis, mutui usus.

pag. 137. ἀπόρροτον, personam non habens.

pag. 149. προμύησις, prælationis. pl. ead. pag.

pag. 162. σπροντυμολογίαν, ad etymon alludere.

pag. 165. ὃ ἀκρον νομῖμεν, summi juris.

pag. 165. ἀκρίβεια, summi jus quod circa res iustas
versatur nihil æqui dæ.

pag. 174. ὑπὲρ πᾶ, supra nomina sunt vocabula.

pag. 184. καλόν, bonum sumptum.

pag. 187. μή τίς ἀμφίβολον, non in dubium.

pag. 190. ἀποχῆ, apocha.

pag. 195. ἀόριστον, Aoristum.

χρόνον ἡγουμένον, tempus quod fuit.

πεπλην, perfectum.

παρεκτείνοντι, præteritum.

ὃν βολήσωμαι, quem voldero. bis ead. pag.

pag. 207. ἀνέσσει. ἀντιστασάσει, pugnaei contentio-
ne. obfistentia.

pag. 214. ἐκ τῆς συγχρήσεως, ex commodato.

κατὰ τὸ συνωπόμενον, per ea quæ tace-
mus.

pag. 223. ἀπλῶς, simpliciter.

pag. 225. πὸ πᾶν, omnia pater obtinet.

pag. 227. ἀναφορεκάδ, per relationem.

pag. 232. ἀναφῆς, tactui non subiecta, sine corpore,
quæ mente tantum excipi potest.

pag. 241. ἀμαρτία ἀμάρτυμα, peccatum, delictum, cul-
pa.

pag. 245. ἀντιθετομένην, oppositam.

pag. 249. ὅρῳ μὲν, videat quidem huc veniens, nec
in alia distrahatur.

Græcarum Dictionum

- pag. 250. κατὰ τὴν, ex contractus natura.
 pag. 254. τυποὶ τῶν, formant actionem quæ initio sunt conventa.
 pag. 259. κενόταφιον, cenotaphium. *pl. ead. pag.*
 κενόταφιον, cenotaphio.
 ἐπ' ἐξωγῶν, ut extra agatur.
 εἰδέναι, nosse.
 pag. 264. γάμος ἄγαμος, nuptiæ sine nuptiis.
 pag. 268. χαρωνιανόν, Charonianum.
 pag. 278. κατὰ πρῶτον, primo aspectu, vel prima ratione.
 pag. 280. περὶ κακότητος, de morum improbitate.
 pag. 282. ἀπολογισμοί, proferam primum, deinde accusabo, ut legem judicariam feram.
 pag. 283. ἀντιθέρεν, contraria dos, quæ ob dotem acceptam dantur.
 pag. 293. τὰ ἐν ἀγκυαῖς, quæ inter brachia feruntur.
 ὑπερχαλός, pulcherrimus. ὑπερχαλός, qui inter brachia gestatur.
 pag. 295. περὶ ἀναδιαισώδω, ad discrimen.
 pag. 301. ἐάν τις ἡσυχία, si mulier, quæ sub potestate est res amoverit, quidam dixerunt, actionem de peculio adversus patrem dari.
 pag. 311. ἀπ' ἀρχῆς, ab initio administrationis.
 pag. 314. ἐντάσει, ἀντισταρῶσαι, pugna contentione. obfistentia.
 pag. 366. ἀνεφάνεαι, existentia.
 pag. 373. εὐλογον ἐξαγωγήν, rationabilem exitum, educationem.
 pag. 442. ἀσύστατον, minime coherens.
 pag. 458. χιασμός, chiasmus. *pl. ead. pag.*
 χιασμός, chiasmum.
 pag. 460. ἀναφαίνεαι, apparet, exiit.
 pag. 495. ὡς μέρος εἶναι, partem esse collectivam, & esse distributivam singularum rerum.
 pag. 506. ἀποκριβῆναι, subtrahionis.
 ὑπάβολον ἡσώμενον, donatio propter nuptias victa.
 ὑπάβολον καὶ ἡσώμενον, donatio propter nuptias non victa.
 pag. 535. ἀπὸ κοινῆ, ex communi.
 pag. 544. ἀποφάσις, apophthegmata.
 pag. 563. σλοκὴ, complexio.
 γυγνόμενα, nascencia, gignentia.
 pag. 573. ἐπὶ τὸ πλεον, ut plurimum.
 pag. 603. ἀνδρα μοι, virum mihi dic.
 pag. 613. ἀνθρώποις, existentia.
 pag. 622. λόγος μὲν, διαθεσις, προαίρεσις, ratio. affectus. propositum.
 pag. 627. νῆμος, nemus.
 pag. 630. τὸ αἶσος, causa hæsitantiæ.
 pag. 638. νόσοι, morbi qui sponte sua veniunt.
 pag. 666. συνάλλαγμα, synallagma.
 pag. 706. παρὰ γνώμην, præter voluntatem, sine voluntate filia.
 pag. 724. ἀκοσμον, inconditum.
 ἐπὶ ἀκοσμία, inconditi versus.
 pag. 726. πρωτότυπος, primitiva.
 pag. 729. πρὸς διαβολήν, ob discrimen.
 κατ' ἐξαιρέτην, per excellentiam.
 pag. 730. ἰδίῳ δικαίῳ, suo jure.
 pag. 741. σὴ ἐνέργεια, virtute.
 σὴ δύναμις, vi ipsa. *bis ead. pag.*
 pag. 747. ραπισμάτα, alapas.
 pag. 750. αὐτομάτως, ipso jure.
 pag. 763. ἀπόδοσις, apodosis. *bis ead. pag.*
 ἐπίδοσις, epidosis. accessio.
 μείωσις, diminutio.
 pag. 766. οὐ οἰκνῶ, sui tridentis.
 pag. 768. ἰδιαίτως, pro sua cuiusque parte.
 pag. 773. ζῶντα, intellecta solis extorqueantibus.
 pag. 778. οὐ πατρός, patris hereditas & filii esse.
 pag. 785. ὑπαλλογήν, hypallagen.
 pag. 786. ἂν ἔσται, non sic legem pertinere.
 pag. 787. μονομερῶς, una tantum parte præsentē.
 pag. 792. τὸ ἀρρίον, masculinum esse meliorem ex natura.
 pag. 793. ἐπιλυέται, solutus est. excusatur.
 pag. 819. γραβὴν, libellum submittit.
 pag. 820. αἰσχροκερδία, turpe lucrum.
 pag. 823. ἐπὶ προσποιήσεσιν, in commodis medii temporis.
 pag. 832. ἑξ Ὑμναίων, sex Romanorum fascibus parent.
 ἑξαπείλικες, hexapeleces, sex fasces.
 κληρωτοί, forte electi.
 pag. 844. ἐναντιοφανείς, quod contrarium videtur inter leges.
 pag. 845. χειρωτογιντοί, per manuum extensionem electi.
 pag. 850. δυσπῆσις, ruborem, pudorem.
 pag. 860. καλὰ ἐλπίς, bona spes in juvene.
 pag. 861. μετὰ ἐλαχίστην, ne minima quidem vestigalia conducat.
 pag. 864. Ἀσισαρχία, Asiz Sacerdotium.
 Ἀσισαρχία, Alytarchia.
 Ἀλυσταρχία, Alytarchia.
 pag. 892. τῶν κατὰ, usuras novas.
 pag. 896. διδωμι, do, & largior. *pl. ead. pag.*
 διδωμι καὶ χαρίζομαι τῇ, do, & largior fori meæ dulcissimæ meam uxorem.
 pag. 917. ἐν τοῖς πράγμασι, in rebus domini.
 pag. 924. τὴν αἰτίαν, causa cognita.
 pag. 930. μνησικαχεῖαν, rem pignori acceptam pignori tradere.
 pag. 945. διὰ τῆς τὸ προσώπου, hac de causa imagines vultus faciunt, quod inde potissimum dignoscitur.
 pag. 960. ἴνα λογισθῇ, ut computetur ipsi sua pars.
 pag. 962. παλαιὰ τίς, antiqua quædam constitutionis regula est.
 pag. 963. ἐμπορευμαί, commercii, mercatorum jure.
 pag. 968. φάικα, facti contingentia.
 σύν ἑστρα, cum alia certa quantitate.
 pag. 972. ἐπαλλαγή, permutatio. ἐπαλλογῶν, permutationes.
 pag. 973. ἐν προχρῆσιν, in promutuo.
 pag. 974. ἐπ' ἐξωγῶν, ad hoc ut extra agatur.
 pag. 975. περὶ τῶν, de iis, qui ex tertio genere continentur.
 ἐκ διγενέας, ex secundo genere.
 ἐκ τεργενέας, ex tertio genere.
 ἐκ τετραγενέας, ex quarto genere.
 ζητήσαι, querere tantum mandavit.
 pag. 977. υπερβολικῶς, per redundantiam, per hyperbolen.
 ἀπὸ κοινῆ, ex communi.
 pag. 982. παρὰφρονα, extradotalia.
 παρὰφρονα, extradotalia.
 pag. 989. ἐν τοῖς ἀδύλοις, in dubiis vergere ad æquius oportet.
 pag. 992. πρὸς αὐτόν, ad ipsum profecta est.
 pag. 993. φυσικώτερα, naturæ magis accommoda, & non omnino summum jus exequitur.
 pag. 999. ἀντιχρησις, antichresis mutuus usus. *bis ead. pag.*
 ἐν ἀντιχρησιν, in antichresi.
 pag. 1001. κατὰ τιμὴν, per honorem.
 ἐν τοῖς πράγμασι, in negotiis.

Interpretatio hæcenus desiderata.

- ἐμπροσθεν, quæ in negotiis gerendis versatur.
- pag. 1009. εἰ μὴ, nisi voluerit.
- pag. 1032. ἐμπροσθεν, emponemata: *bis ead. pag.* ἀνοβαστύς, novatione non facta.
- pag. 1042. ἀσυνδύως, disjunctim. *bis ead. pag.*
- pag. 1045. ὡς παντοίως, o omnigenæ amicitiz rependentes gratiam.
- pag. 1090. ὁμωνύμως, ejusdem nominis.
- pag. 1119. ἐνθήκη, entheca. prædiorum dotes.
- pag. 1120. συν ἐνθήκῃς, cum enthecis.
- pag. 1120. πᾶς ἐπὶ, enthecis in fundo instructis.
- pag. 1120. ἐνθήκας, prædiorum dotes.
- pag. 1123. σημάτ', signa agnoscantis.
- pag. 1127. ὁμωνυμία, nominis similitudo. homonymia.
- pag. 1132. χρήσις, usus.
- pag. 1132. χρήσις, usus.
- pag. 1132. χρήσις πᾶσι εἰσέας, ædium usus.
- pag. 1132. χρήσις μόνῳ, solum usum.
- pag. 1132. χρήσις καρπῶν, ἐπικαρτίαν, usumfructum.
- pag. 1133. τὸ ἔνεκα, id quod causa alicujus rei est comparatum, aliud est ab eo cujus causa comparatum est.
- pag. 1134. προθύρον, prothyrum. *bis ead. pag.* προαῖλιον, εἰς προαῖλιον, vestibulum. in vestibulum.
- pag. 1138. ὑπερδύωλον, superliminare.
- pag. 1138. ἵνα τὸ σπέρμα, ut triens.
- pag. 1138. κατ' ἐνέσιον, in præfenti. in conspectu.
- pag. 1144. ἢ ὡς, ac velut in præfatione.
- pag. 1158. κέρμα, æris fructula.
- pag. 1163. σύνδικμα, signum esse ex patris sententia.
- pag. 1164. ἐπορκῶ, adjuvo.
- pag. 1165. ἐπορκῶ, adjuvo.
- pag. 1166. μεταβόλον ζῶον, mutabile animal.
- pag. 1182. ἐπίτροπος, curator.
- pag. 1182. ὁπαιρτής, administrator. dispensator.
- pag. 1182. λισσαργός, sacer minister.
- pag. 1182. ἐπιμελητής, administrator eorum.
- pag. 1182. πλονασμός, additamentum. excessus.
- pag. 1182. εἰς πτωχῶν τροφάς, in pauperum alimentum.
- pag. 1192. ἐμπροσθεν, repræsentationem.
- pag. 1202. ἡλικίαν, heliciam, ætatem.
- pag. 1202. ἀπὸ τοῦ χρόνου, a tempore.
- pag. 1202. ἀπὸ τοῦ μεγέθους, a magnitudine, & longitudine.
- pag. 1203. ἡλικίαν, ætatem.
- pag. 1203. μέγεθος, magnitudinem corporis, & mensuram quandam.
- pag. 1204. σύγκριση, possessionum massam.
- pag. 1205. πρὸς πλεονεκτηρίαν, ad favorem. ad benignitatem.
- pag. 1207. κατὰ τὸν πρῶτον λόγον, ex prima ratione.
- pag. 1211. οἰκητήριον, habitationem, domum.
- pag. 1211. πλῆθος ἀνθρώπων, multitudinem hominum, qui sub eadem lege sunt.
- pag. 1211. ἱεροφυλάκι, sacrorum custodi. ædituo.
- pag. 1233. πλονασμός, additamentum pecuniæ.
- pag. 1233. νοδιδόσθαι, adulterium esse.
- pag. 1236. αἰ τὸ ἔνεκα, semper id, quod gratia alicujus rei comparatum est, diversum ab eo est cujus causa est comparatum.
- pag. 1237. ἐκ πάντων, ex iis, quæ adgnata sunt.
- pag. 1238. ἴδαν μειωθῇ, si diminutæ res fuerint non usu.
- pag. 1259. προμήσις, prælationis. *bis ead. pag.*
- pag. 1261. συμπατήμπορος, servorum mercator. mango.
- pag. 1262. καλῶς κινῶ, recte movet publicianam.
- pag. 1262. τὸ ἐργάζεσθαι, ei qui opus faciendum conduxit.
- pag. 1269. ἐκ περισσῶς, ex abundanti.
- pag. 1278. προμήσις, prælationis. *bis ead. pag.*
- pag. 1281. ἀρχαϊκῶς, antiquo more.
- pag. 1282. ἐμβασιδικόν, superficiarium.
- pag. 1290. ἀντιχρησις, antichresis. mutui usus. *pl. ead. pag.*
- pag. 1290. ἀντὶ πάντων, usus vice usufructum.
- pag. 1290. ἀντιχρησις, mutui usus.
- pag. 1292. ὑπεροχῇ, hyperochen.
- pag. 1299. ὡς ἴσως, nec omnino.
- pag. 1299. δέικναι, iconus fœnorum dabis.
- pag. 1308. ἐξερπῶν, exasperare facit.
- pag. 1309. ἀπαρθεῖ, relatio.
- pag. 1311. ἀριθμῶν, numerorum scilicet, & principum.
- pag. 1317. ἐνθήκας, enthecas.
- pag. 1322. μονομερῶς, una tantum parte præfente. *bis ead. pag.*
- pag. 1323. ἀνὰ ὅρας, pro rata. pro sua cujusque portione.
- pag. 1324. ὑπεροχῇ, hyperochē.
- pag. 1324. ὑπεροχῇ, hyperoches.
- pag. 1324. ἀνὰ ὅρας, pro rata.
- pag. 1325. ἀμφίβουλα, dubia.
- pag. 1325. πολυσήμα, multa significantia.
- pag. 1330. ἐμφυτεύσεις, emphyteusis.
- pag. 1334. ἰσομέρις, æquæ portionis. *bis ead. pag.*
- pag. 1337. παράφραση, extra dotem quæ sunt. Parapherna.
- pag. 1338. ἀσφαλείας χάριν, securitatis gratia.
- pag. 1338. λόγῳ ῥοδιακῶ, more Rhodio.
- pag. 1344. χρόνος, tempus. *pl. ead. pag.*
- pag. 1348. μετὰ τὸ, postquam pecuniam acceperit.
- pag. 1352. βίαιαν ἀνάγκην, morte violenta.
- pag. 1352. ἡργασμῶν, labore partus.
- pag. 1353. συγχωρητικόν, pactum de remittenda debita pecunia.
- pag. 1354. παραφραστικῶς, per paraphrasim.
- pag. 1357. ἀπαρθεῖσιν, infulse. non ad rem.
- pag. 1364. οἱ καρποὶ τοῦ ὑπὸ αἰσῶντος λεγασθέντος ἀγροῦ, fructus, agri sub conditione legati.
- pag. 1365. κατὰ, per syncopen.
- pag. 1368. κλεπτοτελόνημα, σφετερισμός, cleptotelonema, crimen vestigialis fraudati.
- pag. 1373. ἀκληρονομία, heredem non habentia.
- pag. 1376. αὐτὰ Φούβια, id Fulvia mulier Ciceroni indicavit.
- pag. 1376. ἀφανής, obscura, ignobilis.
- pag. 1376. πᾶν ὑπερπῶν, nobilium.
- pag. 1381. ἐνigmatικά, stigmatē notati.
- pag. 1385. προσημνία, propensiones.
- pag. 1396. ἐπὶ βλάβῃ, in alicujus damnum, vel fraudem.
- pag. 1398. γυνή, mulier falsi crimen.
- pag. 1403. ὡς ἔδειται, non licere servum adversus herem quæstionibus dari.
- pag. 1408. σύνδεσμος, conjunctio, quæ aperit, declaratur.
- pag. 1410. ἐπὶ αὐτοφρόνῃ, ἐν ἔργῳ, in ipso scelere, in opere.
- pag. 1411. ἀποβολὰς, iactura vecturæ rerum nautas facere in mari, in discrimen adductos.
- pag. 1411. ἀποβολή, iactura in mari faciendā, mercator prior proficiat.
- pag. 1412. χιλίον, decem millia ferentem.
- pag. 1412. ἐκ τῆς, si ex procella contingerit, pondus, res vectas aspergi.
- pag. 1414. καθολικός, catholicus.

Græcarum Dictionum Interpretatio hæcenus desiderata.

- | | |
|---|--|
| <p>pag. 1416. <i>σολοκοφανέι</i>, <i>σολοικόν</i>, qui videtur solæcismus. solæcismus.</p> <p>pag. 1419. <i>νύρεα</i>, nervi rerum. <i>reip.</i></p> <p>pag. 1423. <i>ὅρων</i>, definitionum.</p> <p>pag. 1424. <i>ὁμολογία</i>, confessio. sponso communis civitatis.</p> <p>pag. 1427. <i>ἀρετικοφανής</i>, quæ videtur conditionalis.</p> <p>pag. 1428. <i>σωματικῆς</i>, corporalis tactus, apprehensionis.</p> | <p>pag. 1430. <i>τὸ τῆς ὑποδισ</i>, rei subiecti perfectionem.</p> <p>pag. 1436. <i>ἀρχαϊκῶς</i>, prisco more.</p> <p>pag. 1450. <i>εἰς τιμὴν</i>, in honorem magistratum.</p> <p>pag. 1463. <i>ἐν πλάτῃ</i>, latius.</p> <p>pag. 1483. <i>καταχρηστικώτερον</i>, magis per abusionem.</p> <p>pag. 1484. <i>φθοράν</i>, corruptionem.</p> <p>pag. 1492. <i>διακενῆς</i>, frustatorius. vacuum. <i>εἰς κενόν</i>, in vacuum.</p> <p>pag. 1503. <i>ἀσυνεμικῆς</i>, de cura viarum publicarum.</p> <p>pag. 1504. <i>ἀσυνήμοι</i>, viocuri. <i>plead. pag.</i></p> <p><i>ἀγορανόμοι</i>, ædiles. <i>pl. cad. pag.</i></p> <p><i>τελεάρχαι</i>, curam viarum publicarum habentes.</p> |
|---|--|



JACOBI CUJACII J. C.
 COMMENTARIA
 ACCURATISSIMA
 IN LIBROS QUÆSTIONUM
 Summi inter Veteres Jurisconsulti
 ÆMILII PAPINIANI
 OPUS POSTUMUM.



OST Africanum, si, quod in-
 stituo, dederit Deus, ut pos-
 sum explicare Papinian.eadem
 qua soleo arte diligentiaque,
 dederit, quod nulli antea un-
 quam dederit, mihi finiend-
 rum laborum tempus, missio-
 nemque maturam. Verum non
 possum tantam rem præstare,
 nec vos in eandem rem in-
 cumbentes, quidquam profice-
 re, sine divino numine: Id invocandum est nobis ini-
 tio: invocandum quotidie dum procedit opus. Perita
 igitur hodie venia, & quotquot sequentur diebus: Te
 precamur Deus opt.maxime, per JESUM CHRISTUM,
 ut in hoc labore, nec non in ceteris actionibus omni-
 bus, nobis adis volens, ac propitius regas nos tuo san-
 cto Spiritu, ut & vivi placeamus quibus prodesse vo-
 lumus secundum ejus voluntatem, & mortui, si id opta-
 re fas est, iisdem non inutiles simus. Id ita Deus fa-
 cit.

Æmilius Papinianus, qui & Papianus dicitur con-
 tractori nomine, maxime a Græcis, ut Nov. 1.º 118.
 præceptor fuit Africani, si Lampridio credimus; a di-
 scipulo igitur ascendimus ad præceptorem, cui etiam
 eodem auctore discipuli fuere Ulpianus, Paulus, Pom-
 ponius, Alphenus, Florentinus, Marcianus, Callistra-
 tus, Hermogenes, Venulejus, Triphoninus, Metianus,
 Celsus, Proculus, Modestinus. Verum constat longe
 ante Papinianum & Alphenum fuisse & Celsum &
 Proculum, ut non poterint Papiniani esse discipuli.
 Non est igitur per omnia Lampridio credendum: sed
 nec quod de Africano: nam Juliani potius discipulus

fuit, ut notat Accurs. in l. 16. de pecul. leg. 1.º ha-
 res 21. §. servo, ff. de fidejuss. Julianum autem Papi-
 niano esse antiquiorem nemo ambigit. Dubito etiam,
 an verum sit, quod Lampridius in Papiniani discipu-
 lorum numero Modestinum ponit: nam Modestinus
 ipse Cerbidium Scævola, & Domitium Ulpianum,
 & Julium Paulum laudat quasi Coryphæos jurisperito-
 rum, l. 13. §. aliud etiam, vers. sed etsi, de excusat.
 tutor. & ipse Ulpianus eum sibi vindicat, & studio-
 sum suum vocat in l. si quis uxori, §. si quis asinum,
 de furt. hoc est, præcipue, ut Basilica interpretantur,
 quasi dicas discipulum, quod alii de nullo audent asse-
 rere: & vero nimia licentia est: nam si verum amamus,
 sumus alii aliis discipuli, & magistri simul omnes. Sed
 studiosi appellatio qua utitur Ulpian. est sane mode-
 stior, quam discipuli. Porro ejusdem Scævole discipu-
 lum Papinianum fuisse Ælius Spartianus scribit. Pau-
 lus etiam, & Triphoninus Scævole potius quam Papi-
 niani discipuli esse videntur: nam & Paulus sæpe Scæv-
 olam suam dixit, velut hoc modo: hac Scævola no-
 stro placuerunt, l. si unus 27. §. quod 1.º in specie, de pact.
 & aliis modis, ut l. 6. §. ult. de reb. auct. jud. possid. l. 19. §.
 1. de negot. gest. l. 53. de excus. tut. Qui plures liberos, §.
 ult. de vul. subst. l. 19. de bonor. poss. sec. tab. l. 24. §. Scæv-
 ola noster, de minor. l. si is, qui Stieham, §. quod di-
 citur, de jur. dot. & sic Triphoninus eundem Scævola
 suam dixit in l. rescriptum §. 1. de distract. pign. 1.º in
 l. de hereditate in princ. de cast. pecul. Fuere igitur Pa-
 pinianus, Paulus, Triphoninus condiscipuli potius,
 quam Paulus & Triphoninus Papiniani discipuli.
 Fuit autem ille Cerbidius Scævola prudentissimus Ju-
 risconsult. ut Imp. testantur in l. 3. C. Theodos. de te-
 stam. & meo judicio prudentissimi Jurisconsulti sunt

A Pa-

Papinianus & Scaevola. Et hujus Scaevolæ magnum ingenium laudat Claudius Saturninus in *la testatore* 109. de condit. & demonst. non deridet, ut fultri quidam arbitrantur: nec mirum igitur, si ab hoc Scaevola sunt profecti tam præclari Jurisconsulti. Ulpianum quoque Papiniano æqualem fuisse potius, quam discipulum facile crediderim: nam & ei fuit adfessor una cum Paulo in præfectura prætoriana, quam administrabat Papinianus sub Severo Imperatore, ut auctor est Lampridius, & ipse Paulus in *l. l. l. l. 40. si cert. per.* & cum Ulpianus utitur auctoritate Papiniani, coarguat se ei quodammodo: ut cum ait in *l. 24. fam. l. excise.* & ego Papiniano consensio: & *l. ex factio, §. unde, de hered. instit. ait: ejus (Papiniani) sententiam ipse quoque probavi.* Utuntur vero Papiniani auctoritate hinc, Ulpianus, Marcianus, Paulus: Papianus vero nullus unquam auctoritate utitur: & fuerit il omnes in consilio Imperatorum Severi & Antonini una cum Marcio J. C. & Triphonino, & aliis quibusdam, quod licet colligere ex *l. ult. de jure fsc. l. cum in fundo, §. ult. de jure dot. ubi Triphoninus, dixi, inquit, in auditorio, hoc est, in consilio Imp. Severi & Antonini.* Fuere igitur æquales, fateor tamen excelluisse Papinianum, ac semper tulisse primas, nec ullum unquam Jureconsultum fuisse, in quem homines tot laudes, totque ornamenta conciderent: & Imperatores ipsi modo magnum vocant, ut *Novell. 4. modo consp. etor.* ut *Nov. 118. consultissimum, l. 3. C. de adg. poss. discretissimum, l. 9. C. de instit. & substit. excelsi ingenii virum, l. 6. C. deod. & in §. sed quia Instit. de fideicommiss. heredit. summi ingenii, l. pen. C. de sent. & interlocut. l. 1. C. de ver. jur. enucl. excellentis ingenii, l. 1. C. Theod. de respons. prud. acutissimi ingenii virum, & merito ante alios Jureconsultos excellentem, l. cum acutissimi, C. de fideicommiss. Et Justinianus in oratione scripta Antecessoribus juris, §. tertii anni, vocat acutissimum maximum Papinianum, sublimissimum præfectorium: quia posteaquam aliquantum temporis Papinianus Severo Imperatori ad libellos paruit, l. 12. de disp. pign. insuper factus fuit præfectus prætorio, ut constat ex *d. l. l. l. 8. & ex Dione, Zonara, & Spartiano, qua dignitate nulla erat major in aula principum, ut recte eam Ammianus Marcellinus apicem omnium honorum appellavit.* Eundem Papinianum Justinianus splendidissimum vocat in *l. 1. C. de ver. jur. enucl. & itidem Lampridius in Alexandro, & quod superat omnem laudem, Spartianus in Severo, asylum juris, & legalis doctrinæ thesaurum: eadem forma, qua Valentianus in *Nov. de homicidio casu, aut vol factio, quæstorem sacri palatii* (is est quem hodie Cancellarium dicimus) thesaurum famæ publicæ, & armarium legum; & Plato in Theæteto, arcam discreti sermonis, & Theodorum Balsamonem quidam splendidissimam lucernam juris, quem honorem quidam etiam Bartolo ponunt. Quæ major laus tribui potest Jurisconsulto, quam si dixeris eum esse juris, & legum armarium? & qui honor major excogitari potest, quam qui Papiniano defertur ex Constitutionibus principum, Theodosii & Valentianiani in *l. 1. C. Theod. de resp. prud.* ut si qua in re sint diversæ jurisperitorum sententiæ, & hæc sint pares vel æquales, ea pars vincat, in qua Papinianus fuerit, qui, ut singulos vincit, ita a duobus vincitur, hoc est, non cedit nisi duobus. Quia mo ex eadem constitutione notæ Pauli atque Ulpiani in Papiniani corpus factæ penitus infirmantur. Quod & jamdudum a Constantino constitutum fuisse ajunt, ut probatur *l. ult. C. de sent. pass. in qua Constantinus ita scribit: remota Ulpiani & Pauli notis, Papiniani placet valere sententiam: quod tamen postea non probavit Justinianus, l. 1. C. de ver. jur. enucl. & suæ auctoritati restituit notas Ulpiani & Pauli, & Marciani, scubi meliori ratione nitebantur, ex quibus etiam pleraque reperiuntur in Digestis. Pertinet etiam valde ad honorem Papiniani, quod cum olim tertio anno auditores juris Papinianistæ dicebantur (quod scilicet primo anno *rois papirors*, & Institutionibus darent operam: secundo edictis prætorum:***

A. tertio libris Papiniani) erat in more, ut in ingressu tertii anni auditores festum diem Papiniano hilares celebrarent. Id voluit Justinianus etiam hodie fieri in epistola ad Antecessores juris, hoc est, vult eos tertio anno de Ulpiani nomine Papinianistas appellari, & Papiniani festum diem agere, ut per hoc viri sublimissimi præfectorii Papiniani in æternum maneat memoria. Nec omitam, quod Divus Hieronymus tanti facit Papinianum ex communi, ut arbitrator, existimatione, ut sub ejus appellatione totum jus velit intelligi, & comparet eum cum Divo Paulo, quando divinum jus cum humano confert in epitaphio Fabiolæ: *Alia, inquit, sunt Caesaris leges, alia Christi: aliud Paulus noster, aliud Papinianus præcipit.* Quis est major honos? nemo unquam Papiniano æquari potest, nisi per deridiculum: nemo unquam. Unus Papinianus erit, ut Homerus unus Poetarum princeps, sic unus princeps Jureconsultorum Papinianus, Bibliotheca *ip. lux.* & ut Eunapius de quodam Philosopho. Hic unus præceptor Jureconsultorum, quotquot fuerit ab eo vel ejus temporibus, & muto quod dixeram initio, Paulus & Ulpia. Triphoninus, quod non diffiterentur ipsi, Papinianistæ dici possunt, nullus Papinianus: in hoc uno est asylum juris, ad quod confugiant consilii inopes, jus *ip. lux.* ut Aristoteles ait. Si jus piumpque Christianis esset, illius aram optima imbueret hostia, fed religio verat: nec tamen efficit, ut non debitos ei honores juris studiosi deferant. Equidem pro mea parte in hoc ero deinceps, ut ejus acutissima scripta evolvam, enarrem, & proferam in medium, quanta potero diligentia, nec desinam quouque perduxero ad extremum, nisi vita defecerit. Scriptit Papinianus 37. libros diversarum questionum, & diversorum responso- rum 19. Quæstiones tractatus sunt uberores, & ubi simpliciter Ulpianus, vel Paulus, vel Marcianus, (qui soli, ut diximus, Papiniani auctoritate utuntur) ita scribunt, *Papinianus tractat*, intellige in libris questionum, qui ita exprimentur, *l. 6. §. si ades, si servit. vindic.* Respon- sa sunt ad consultationes brevia scripta. Scripsit etiam definitionum libros duos, quibus tradidit nobis de jure regulas veterum. Solemus enim regulas etiam definitiones appellare: & quod est scriptum a Javolen- no in *l. 302. de regul. jur. omnis definitio est periculosa, est regula: quia nulla regula juris est perpetua, nulla, quæ non perdat officium suum aliquando. Sed libris etiam definitionum quasdam inferuit finitiones verborum juris veteris. Ac præterea libros duos speciales scripsit de adulteriis, & Græca lingua librum singularem *de uxoris*, qui est de officio Edilium plebis. Hæc sunt, quæ de Papiniano habemus. Nos incipiemus a quæstionibus, & prima quæstio erit de eo cui mandata est jurisdictio, sive de mandata jurisdictio, quæ est in *l. 3. de offic. procons. & l. 1. de offic. ejus, cui mand. est jurisdictio.**

JACOBI CUJACII J. C.

COMMENTARIUS

In Lib. I. Quæstionum ÆMILII PAPINIANI.

Ad L. V. de Offic. Proconsul.

Aliquando mandare jurisdictionem Proconsul potest, etsi nondum in provinciam pervenerit: quid enim si necessarium moram in itinere patiatur, maturissime autem legatus in provinciam venturus sit?

PRIMA quæstio Papiniani est de mandata jurisdictione, & de his quæ mandata jurisdictione transeunt in eum cui mandatur, de quibus tractatur uberius in *l. 1. de offic. ejus cui mandat.* Quæstiones, ut jam dixi, sunt tracta-

status ubiores, quos Græci δικασταὶ λέγουσιν, vocant. Mandare autem jurisdictionem est vice sua alium constituit, qui ea exerceat, quæ sibi jure magistratus competunt. Recte, *vice sua*, nam ut est scriptum in *l. soler, de jurisd. omn. jud.* is, cui mandata est jurisdictione, fungitur vice ejus, qui mandavit, non sua, & in *l. 3. de offic. ejus cui mand. est jurisd.* etiam prætor alii prætori, puta urbanus peregrino jurisdictionem mandaverit, atque ita etiam prætor sit is, cui mandata est ab alio prætore jurisdictione, tamen alienam jurisdictionem exequitur, non pro suo imperio sed pro imperio ejus, cujus mandatu jus dicit. Jurisdictione exercetur pro imperio: jurisdictione omnis nexa est imperio, sine imperio certe nulla aut elusoria: & ita procuratores, quibus lites aut negotia nostra mandamus, vicem nostram fiunt, *l. minor, §. 1. de procur. M. Tullius in orat. pro Sex. Amerino: Quibus in rebus ipsi interesse non possumus, inquit, in his procuratores vicariam fidem, & operam interponunt, & juris nostri vicarii sunt.* At obijciat quis: Potest quis vice magistratus fungi etiam sine mandato ipsius magistratus, ut is, de quo agitur in *tit. Cod. de offic. ejus qui vicem alienæ lib. 1.* Neque enim idem est ille titulus cum *tit. Digestor. de offic. ejus, cui mandat. est jurisd.* non est, inquam, uterque titulus de eodem. Alius is, cui mandata est jurisdictione: Alius is, qui vicem jurisdictionis obtinet, præfide puta defuncto, vel quia ei ad tempus, quoad præfides alius vel proconsul mitteretur, regenda commissa sit provincia: & ita nonnumquam procurator Cæsaris fungitur vice præfidis, *l. 3. Cod. ubi caus. fise. l. 4. Cod. ad leg. Fab. de plag. l. 2. Cod. de pen. Reip.* Is de quo illis legibus agitur, constituitur a principe, non a magistratu, cujus vicem gerit, & præterea jurisdictionem habet propriam. Ille autem de quo agimus, a magistratu constituitur, cujus vicem subit, nec jurisdictionem habet propriam, sed alienam, ut ait *l. 3. de offic. ejus, cui mandat. est jurisd.* & consequenter non suo nomine jus reddit, sed alieno, hoc est, non se dicit pronuntiare, sed L. Titium prætorem, aut præfidem, qui mandavit jurisdictionem: sicut ante Novellam 126. quæ id prohibuit, præfatus prætorio, qui vice sacra judicabat, ita pronuntiabat: *Nostra pietas, vel nostra serenitas decernit*, ac si princeps ipse decerneret.

Porro, cui a magistratu mandatur jurisdictione, is in hoc constituitur a magistratu, ut ea exerceat, quæ sibi jure magistratus competunt. Solis igitur magistratibus hujusmodi mandata permittuntur, nec per ea in mandatarium jurisdictione transfertur, sed exercitio sola jurisdictionis. Quapropter is, cui mandata est jurisdictione, eam rursus alii mandare non potest, quia non est magistratus, *l. 5. §. 6. de jurisd. l. ultim. de offic. ejus, cui mandat. est jurisd.* Sic procurator, cui lis agenda mandata est, non potest rursus eam alii mandare, & alium procuratorem facere, quia dominus litis non est; solus dominus litis ad litem procuratorem facit, *l. si procuratorem, §. si quis mandaverit, mand.* Idque re integra & ante litem contestatam. At litem contestata, quia, qui procurator erat, litis sit dominus, cujus solus est procuratorem facere, alium procuratorem facere potest, *l. 4. §. ult. de appellat. l. procur. §. 1. de dol. except.* Quo argumento fortiter defendi potest, eum, cui mandata est jurisdictione, postquam res geri coeperit, & jurisdictione exerceri, posse alii ad eam rem jurisdictionem mandare, quasi suam quodammodo effectam, quasi non jam alienam sed suam, quod notandum. Et similiter mortuo eo, qui jurisdictionem mandavit, si res sit integra, hoc est, si res nondum geri coeperit, vel jurisdictione exerceri ab eo, cui mandata est, mandatum est extinguitur, *l. 6. de jurisd. omn. jud.* Omne enim mandatum extinguitur morte mandantis, vel mandatarii re integra, *l. mandatum, C. mandati*, hoc est, si per agere procurator nondum coeperit, *§. recte Inst. mand.* Nec illud omitendum, magistratum, vel omnem suam ju-

A risdictionem mandare generalem, ut ait *l. pen. de offic. ejus, cui mandat. est jurisd. universa, l. prætor, de jurisd. omn. jud.* five totum officium jurisdictionis, *l. 1. §. damus, de suspens. tut. vel specialem*, hoc est, unam tantum partem jurisdictionis, veluti, ut illum mittat in possessionem rei servandæ causâ, ut det bonor. possessionem secundum tabulas: vel extra ordinem cognoscat inter illos, ut exequatur sententiam illam judicis a se dati. Nec dubium, quin executio sententiæ dictæ a judice dato possit a magistratu, qui eum judicem dedit, alii mandari: quæ de re tamen dubitavit Accursius in *l. a divo Pio, de re jud.* Non dubium quin possit, cum possit pars jurisdictionis mandari, *l. soler, l. prætor, de jurisd. omn. jud.* & executio sententiæ judicis dati, pars est jurisdictionis, & quidem summa sive extrema, *l. si quis, §. 1. si quis jus dic. non obtemperat.* Ita vero procuratores alii sunt,

B qui generale mandatum habent, universorum seu totorum bonorum, omnium rerum: Alii, qui specialem mandatum habent, hoc est, ad unam rem tantum dati sunt. Et sicut legitimi procuratores sunt, ut loquitur Tullius pro Cæcio, qui omnium rerum procuratores sunt (dubitatum enim fuit, an esset procurator, qui ad unam rem datus esset, ut constat ex *l. 1. de procurat.* & licet hodie pro procuratore habeatur, tamen legitimum eum non esse dicimus. Legitimus enim est is, qui procurator est omnium rerum, & pene dominus.) Et sane eodem modo proprie mandata jurisdictione dicitur ei tantum, qui omnis mandata est, ut per omnia vicem subeat magistratus. Ideoque his verbis: *De officio ejus, cui mandata est jurisdictione*, significatur omnis mandata jurisdictione:

C Sed placet, etiam recte ex iusta causâ ad unam rem mandari jurisdictionem, & exemplum est elegans in *l. prætor, de jurisd.* Si qua in causâ quis advocatus fuerit unius partis, antequam fieret Prætor, de ea causâ post Præturam jus non dicit, sed mandabit jurisdictionem ad eam causam tantum: non potest quis jus dicere in ea causâ, in qua advocatus fuit: nam nec a desse potest in consilio jus dicentis, *l. ult. Cod. de assess.* nec testimonium dicere in ea re, *l. ult. de testib.* Et hodie Jurisconsultus, qui consilium dedit uni ex litigatoribus, postea de ea re jus non dicit non abs re. Sed est tamen exemplum in Novella 158. fingulare admodum, quo idem judex est in eadem causâ, de qua ante consultus fuerat, & scripserat: sed melius, ut puto, fecerit, si abstinerit, & nescio, an se illa Novella, quam posuimus, defendere possit, ne repellatur forte si quis illa uteretur. In lege autem prætor est exemplum, quo iusta est causâ mandandæ jurisdictionis ad speciem unam tantum: velut ad litem, in qua advocatus Prætor fuit ante Præturam. Etiam illud sciendum, nihil referre, magistratus mandet jurisdictionem privato, an magistratui, *l. 2. l. ult. de eo, cui mandat. est jurisd.* Livius lib. 24. M. Æmilius Prætor cujus peregrina fors erat, jurisdictione M. Attilio collega Prætori urbano mandata, hoc est, jurisdictionem mandat Prætor Prætori. Quod non notamus abs re. Mandatum enim jurisdictionis cum quolibet alio mandato comparavimus: at hoc casu comparatio non est similis: nam mandari quidem jurisdictione magistratui a magistratu potest, sed aliis causis magistratus procurator seu mandatarius fieri non potest, quia

D iudicium non patitur invitus, quamdiu est in magistratu, *l. neque femina, de procurat.* Ex his intelligimus quantum distet is, cui mandata est jurisdictione ab eo, qui judex datur, utrumque tamen interpretes pro uno accipiunt, & eundem faciunt eum, cui mandata est jurisdictione, & eum, qui judex datur, sed sunt quatuor differentię. Primum mandatur omnis jurisdictione legitime: judex datur tantum ad litem unam, non ad lites omnes, & ea de re judex specialis, datus, delegatus & pedaneus dicitur, *l. ult. de offic. Prætor. l. 5. de off. Præfid. l. ult. Cod. de judic.* Is cui mandata est jurisdictione etiam judicem dare potest ad litem aliquam: mandare jurisdictionem nequit: sed dare potest judicem: judicis enim dandi licentia, pars est jurisdictionis, *l. Imperium, de jurisdictione.*

visditi, omni judic. Judex datus alium judicem dare non potest: Et hoc est, quod dicitur, delegatus judex subdelegare non potest, *l. a judice, C. de judic.* Item is, cui mandata est jurisdictio jurisdictionem habet, *l. a. §. ult. hoc tit.* non suo quidem jure, cum non sit magistratus, sed alieno beneficio, id est, mandatu mandantis, *l. §. de jurisdict.* Judex datus, nullo modo jurisdictionem habet, sed tantum cognitionem causae, & pronuntiationem: quare nec habet executionem sententiae suae, quia pars est jurisdictionis: sed qui dedit judicem, exsequitur sententiam, *l. a. dno Pio de re judic.* Item mandatum jurisdictionis finitur morte dantis, sed durat in tempus successoris, *l. venditor, §. ult. de judic.* & ratio mox intelligitur. Alia & postrema differentia hæc est, a judice dato appellari is, qui dedit, *l. i. in princ. & l. 2. quis & a quo appell.* at ab eo cui mandata est jurisdictionis, is qui mandavit non appellatur, quia ipse sententiam dixisse videtur, quam dixit vicarius jurisdictionis suae. Non potest autem idem ab eodem appellari, sed is appellatur, qui provocaretur ab eo, qui mandavit, qui major est mandante, *l. i. §. ult. quis & a quo appell.* præterquam a legato Proconsulis. Proconsul mandat legato jurisdictionem suam, & a legato tamen appellatur Proconsul, *l. 2. eod. tit.* quia paulo amplius est legatus Proconsulis, quam is, cui præses aut prætor mandavit jurisdictionem suam: nam legatum Proconsul ipse non eligit, ut eligit Præses, cui mandat jurisdictionem suam, sed legatus datur a Principe, vel republ. ut & soli non alii mandat jurisdictionem suam: ideoque suo quodammodo jure jurisdictionem habet, quam in eum invitus Proconsul confert, posteaquam scilicet mandata est, alioquin legatus Proconsulis, antequam mandata ei sit jurisdictionis, nihil habet proprium, *l. legati, hoc tit.* Ergo posteaquam mandata est, habet jurisdictionem proprio jure, & non tam vice Proconsulis, quam sua fungi videtur. Et ita etiam judex datus non dicitur cognoscere, vel judicare vice dantis, sed sua: nec enim datio judicis est similis mandato, & coactus etiam magistratus necessitate officii dat judicem. Denique alius est legatus a Proconsule, alius judex datus ab eo, qui dedit. Et ideo non videtur idem ab eodem appellari, si a legato appelletur Proconsul, vel a dato judice, is, qui dedit: verum is, qui mandavit jurisdictionem, & is, cui mandata est, idem videtur esse: fungitur enim mandatarius vice mandatoris: & ideo ab uno non appellatur alter. His adhuc addamus unum. Proconsul legato sibi adjuncto mandat jurisdictionem, posteaquam est ingressus provinciam, non antea, quia ei nondum competit, *l. a. §. ult. hoc tit.* & inde potest apponi exemplum ad regulam juris, *Nemo plus juris in alium transferre potest, quam ipse habet*: sed hoc dicitur tantum de jurisdictione contentiosa, non de voluntaria. Duplex est jurisdictio, contentiosa, & voluntaria, *l. 2. hoc tit.* hæc exercetur inter volentes, ut si quis quem velit emancipare, aut manumittere apud magistratum: nam neque emancipat, neque emancipatur invitus: & plerumque etiam neque manumittit, neque manumittitur invitus: sed placet etiam invitum posse manumitti, ut si quis adeo degener sit, ut manumitti nolit, *l. ult. §. fin. vero, C. de test. man.* plerumque hæc sunt inter volentes, & inter eos jurisdictionem suam magistratus interponit. Contentiosa jurisdictio est, quæ in invitos, vel saltem in invitam alteram partem exercetur: & ita dicitur iudicium reddi in invitum, *l. inter, 83. §. si Stichum, de verb. obligat.* & inde nomen actionis, quod agit & propellat invitos in iudicium. Voluntaria jurisdictio de plano exercetur, hoc est, in ipso itinere, vel transitu: contentiosa pro tribunali: illa quolibet tempore, hæc certis diebus, festis diebus, fastis diebus. Proconsul voluntariam jurisdictionem habet etiam, antequam provinciam sit ingressus: nam in itinere possunt manumitti servi apud eum, filii emancipari vel adoptari, sed eam nullo tempore potest mandare, *l. i. de offic. ejus cui mand. est jurisdict.* Voluntaria

scilicet intelligenda est, quia lege nominatim magistratui datur, & quæ lege nominatim dantur, non possunt mandari, *l. i. de offic. ejus cui mand.* Hujus jurisdictionis voluntariæ sunt adoptio, emancipatio, legis actiones, id est, actus solemnes, quos peragit ipsemet magistratus, nec potest eos alteri mandare: & quod ait regula juris: *nemo alieno nomine lege agere potest*, non tantum pertinet ad eos, quorum res est, puta, ut non possint emancipare per procuratorem, vel etiam ut non possint adoptare, non possint adire hereditatem, tutorem dare per procuratorem, sed & ad magistratus ipsos, ut non possint per alium lege agere, vel legis actiones exequi: nam tam lege agere dicitur magistratus, quam qui lege agit apud eum: nam & partes, & actor & magistratus lege agere dicuntur. Legatus proconsulis non habet voluntariam jurisdictionem, quia mandato jurisdictionis non continetur voluntaria, *l. 2. hoc tit. & ut lib. i. obs. cap. i. admonui*, adicienda est negatio in *l. apud proconsulem 17. de manu. vind.* quam & habent quidam libri. Jurisdictionem contentiosam Proconsul non habet antequam provinciam sit ingressus, & non nisi provinciam ingressus mandare potest, ingressus, potest, & vero debet, si ipse jurisdictioni vacare non potest, & vero cum hoc esset certissimum; Papinianus invenit unum casum, quo potest recte mandari jurisdictionem, etiam antequam Proconsul ingressus sit provinciam. Nemo est Jurisconsultorum qui tot adinvenit casus singulares. Introduxit novas plerasque sententias, *l. ult. de jure fis. l. cum acutissimi, C. de fideic.* Introduxit sententiam illam, quam etiam hodie servat universus orbis, ut pure rogatus restituere hereditatem fideicommissariam, sub hac conditione intelligatur rogatus si sine liberis deceperit, *l. cum avus, de condit. & dem.* Ita in hoc proposito docet, aliquid mandari posse a Proconsule antequam ingressus sit provinciam, idque utilitate exigente. Finge, inquit, Proconsulem necessariam moram pati in itinere propter morbum, & legatum maturissime perventurum in provinciam: ratum erit mandatum jurisdictionis, sed valebit tantum ex eo tempore, quo legatus in provinciam pervenerit. Casum intelleximus singularem, quo Proconsul mandat jurisdictionem, quam non habet, contra quem est vulgaris regula, *nemo plus juris, &c.* sed utilitas suadet, ut mandare possit jurisdictionem, & hæc definitionem infert. Ut utilitas: quæ suadet, ut quam non habet, si dum proficiscitur in provinciam necessariam moram patiatur in itinere, eam tamen mandare possit legato maturissime perventurum in provinciam: quo genere quodammodo in provinciam pervenisse fingitur, qui necessariam moram patitur in itinere.

Ad L. I. de Off. ejus cui mand. est jurisdictio.

Quæcumque specialiter lege, vel senatusconsulto, vel constitutione Principum tribuuntur, mandata jurisdictione non transferuntur: quæ vero jure magistratus competunt, mandari possunt: & ideo videntur errare magistratus, qui cum publici iudicii habeant executionem lege, vel Senatusconsulto delegatam (veluti lege Julia de adulteriis, & si quæ sunt similes) jurisdictionem suam mandant. Hujus rei fortissimum argumentum, quod leg. Julia de vi nominatim cavetur, ut is cui obtigerit exercitio, possit eam, si proficiscatur, mandare: non aliter itaque mandare poterit, quam si abesse cæperit: cum alias jurisdictionem etiam a presente mandetur. Et si a familia dominus occisus esse dicitur, cognitionem prætor, quam ex Senatusconsulto habet, mandare non poterit, *§. i. Qui mandatum jurisdictionem suscepit, proprium nihil habet: sed & ejus, qui mandavit jurisdictionem utitur.* Verius est enim more majorum jurisdictionem quidem transferri: sed merum imperium, quod lege datur, non posse transire: quare nemo dicit, animadversionem legatum proconsulis habere mandata jurisdictione. Paulus notat: & imperium quod jurisdictioni coheret mandata jurisdictione transire verius est.

Man-

Mandata jurisdictione ea transferuntur in eum, cui mandata est, quæ jure magistratus competunt: mandatur igitur a solis magistratibus, & non omnia, quæ eis commissa sunt, sed ea tantum, quæ jure magistratus competunt, id est, eo ipso quod sint magistratus, tacito intellectu. Hodie magistratus a Principe creantur, l. i. c. ad leg. Jul. de amb. olim a populo, ut moribus nostris magistratus municipales. Et creatis confertur jurisdictioni nominatim, vel specialiter, non deferuntur partes singulæ jurisdictionis nominatim, sed competunt more majorum, tacito intellectu competunt postquam creati sunt magistratus, competunt suo jure: si enim deferrentur nominatim, non possent mandari. Divisio autem hic est elegans: quæ magistratui competunt, aut jure magistratus competunt, hoc est, tacito jure, sive more majorum, & hæc mandari possunt; aut ei sunt concessa lege aliqua specialiter, aut S.C. aut constitutione Principis, quæ aliquando conceduntur etiam privatis, non magistratibus tantum: & quæ non conceduntur quilibet magistratibus, hæc neque sunt jurisdictionis, neque imperii ejus, quod jurisdictioni coheret, hoc est, jure magistratus non competunt: & ideo mandata jurisdictione non transferuntur. Hæc igitur sunt legis, non jurisdictionis, nec ea habet quicumque mandato alieno, sed a lege sola nominatim. Privatus, si lex velit, hæc etiam habet quandoque: hæc non habet quilibet magistratus, verum quæ jure magistratus competunt, ea quilibet magistratus habet, & nemo privatus unquam. Declaremus per exempla, quæ sint ea, quæ conceduntur lege, vel Senatusconsulto, vel constitutione Principis. Primum exemplum sit de legis actionibus, id est, de actibus solemnibus & legitimis. Legis actiones dantur magistratibus specialiter, ut constitutione Augusti præfeco Aegypti, qui & Præfatus Augustalis dicitur, datur specialiter, ut apud eum servi manumitti possint solemniter, l. apud præfatum, de manu. vind. & ideo si is mandaverit jurisdictionem suam, non & hoc simul mandaverit: denique mandata jurisdictione non transit, ut manumissiones fieri possint, ut apud eum, cui mandata est jurisdictione, servi manumitti possint: legis enim actiones, quia lege mandatur specialiter, mandari non possunt. Eadem est ratio Proconsulis, ut l. i. c. 2. de off. proc. apud quem omnes legis actiones peragere possumus, apud ejus legatum non item, quamvis ei mandata sit jurisdictione, quia legis actio data est soli Proconsuli, quam alii delegare & demandare nequit. Eadem est ratio præsidis, sive Juridici Alexandriæ, cui l. i. præcedentis tit. air datam esse legis actionem, id est, lege datum ei esse ut apud eum solemnes actus quilibet exequi possint: si datum ei est a lege, ergo non potest alteri mandare, & mandata jurisdictione, hoc non intelligitur mandare, contentiosam non voluntariam, quæ magis solemniter est, mandasse intelligitur. Secundum exemplum fumitur ex l. unico §. i. de tut. Tutoris datio non est imperii, neque jurisdictionis, id est, non competit jure magistratus, imo nec ullius imperii est. Nam privatus tutorem dat, veluti pater liberis, quos in potestate habet, quamvis non sit magistratus, quia l. i. 2. tab. id ei nominatim concessit. Paterfamil. ut super pecunia tutelave rei sue legasset, ita jus esto. Legatus proconsulis, quamvis magistratus non sit, sed vice magistratus fungatur, dare potest tutorem, non ex mandato, sed specialiter ex oratione D. Marci, l. i. de tut. c. cur. dat. Sic privatus tutorem dat, si hoc ei lex conceperit: & contra magistratus tutorem dare non potest, nisi ei lex hoc nominatim conceperit, veluti lex Attilia Prætori urbano: l. Jul. & Titia Prædib. Provinciarum, ut est in tit. de At. tut. inf. & constituto D. Mar. juridico Alexand. l. 2. tit. præced. Tutoris ergo datio legis est, non jurisdictionis: nec recte colligit: tutorem dare potest, ergo magistratus est: vel, tutorem dare non potest: Ergo non est magistratus: & secundum hæc tutoris datio mandari non potest, l. 8. in princip. de tut. c. cur. dat. Exemplum aliud sumi potest ex oratione D.

A Marci, sive ex Senatusconsulto, quod sequebatur semper orationem principis (ut quod dicis fieri oratione, possis dicere Senatusconsulto) scilicet de transfectione alimentorum: ut is, cui relicta sunt alimenta, vel in annos, vel in menses minutatim, non possit de alimentis cum herede transigere: ne faciat contra providentiam testatoris, quam contemnere non debet, si conveniat, ut præsentis, & modica pecunia sit contentus, & una solutione accipiat legatum, l. cum hi in princ. de trans. Hac transactio de alimentis non valet, nisi facta sit interposito decreto Prætoris vel Præsidis, hoc est, causa ab his cognita, quibus hæc cognitio datur nominatim ex oratione D. Marci, Prætori in urbe, Prædidi in provinciis: ergo ab his non potest mandari alteri, nec transactio intelligitur in eum, cui mandata est jurisdictione, d. l. cum hi, §. sed nec, de transact. Et similiter lege datur Proconsuli, ut judicem dare possit. Prætor urbanus magistratus judicem dat more majorum, suo jure, & consequenter is, cui mandavit jurisdictionem suam, etiam judicem dare potest, l. cum Prætor, de judic. sed cui Proconsul mandavit jurisdictionem suam, id est, legatus Proconsulis judicem dare non potest, nisi hoc ei specialiter lege mandatum sit: nam ita lege constitutum est, ut quod Proconsuli licet lege, non liceat legato sine lege, hoc est, non liceat ex solo jurisdictionis mandato. Et similiter, cognitio de removendis suspectis tutoribus, quæ lege 12. tabul. nominatim tribuitur Prætori, & Proconsuli, non competet etiam legato Proconsulis ex mandato jurisdictionis, nisi ei datum esset constitutione Antonini & Severi: necesse id fuit lege dari, quia non sufficiebat mandatum jurisdictionis, & id propter utilitatem pupillorum receptum est, l. 4. de offic. ejus cui mand. l. i. §. damus, de susp. tut. Exemplum duo sunt in l. 2. h. tit. sunt duæ sententiæ, vulgo accipiunt unam esse. Præses vel Proconsul consilium præbet minori 20. annis manumittere volenti ex l. Elia Sentia. Cur præbet seu cogit consilium? ut scilicet probet causam manumissionis: alioqui inutilis est manumissio servi, si dominus sit minor 20. annis, nisi causa fuerit probata apud consilium Præsidis vel Consulis. Ex eadem etiam lege Præses vel Consul consilium præbet etiam majori 25. annis minorem 30. annis manumittere volenti: quod constat ex fragmentis Ulpiani tit. i. & tripliciter, quæ utitur l. un. de off. conf. ut in l. contumacia, de re judic. Cum igitur Præses vel Consul ex l. Elia Sentia nominatim consilium præbeat manumittere volentibus: ergo is, cui mandata est jurisdictione, non potest manumittere consilium præbere, & hoc est l. exemplum. Dixi, apud eum, cui mandata est jurisdictione, servum manumitti non posse, dico aliud, cum dico nec consilium posse præbere volentibus manumittere. Diversa hæc sunt, apud aliquem manumittere, & consilium manumittere volenti præbere, atque adeo diversa, ut nonnunquam is, apud quem possum manumittere, non possit etiam consilium præbere manumittenti, & contra: ut ecce, magistratus, qui legis actionem habet, apud se potest manumittere servum suum, consilium sibi ipse præbere, & causam manumissionis probare non potest, non potest esse cognitor in re sua, & sibi ipsi consilium præbere. Contra apud collegam non potest manumittere, collega tamen ei manumittere volenti consilium præbere potest, quæ eliciuntur omnia ex l. 5. l. apud filium, §. i. l. si rogatus, §. ult. de manu. vind. l. i. de off. conf. l. 2. de off. Præf. l. apud eum, de manu. l. 4. de adopt. Posterius exemplum l. 2. hoc est: Prædia minorum non possunt alienari sine decreto Prætoris vel Præsidis, id est, sine causæ cognitione Prætor. vel Præf. Idque est ex oratione Severi, qui nominatim hujus rei cognitionem commisit Prætori vel Prædidi. Ergo mandari non potest. Hæc etiam l. 2. sup. pediat tria exempla. Primum (quod facio primum, sed est secundum) est de Senatusconsulto Syllaniano. Prospexit illud Senatusconsultum saluti dominorum, qui habent amplam familiam, plures servos, & quotquot sunt servi, tot hostes ex vetori proverbio, quod ex-

tat

tat apud Theophilum. Cum igitur occisus est dominus aliquis in suis aedibus sub testamento eodem, quo erant serviti si ab his praefatum occisus, ex Senatusconsulto Syllaniano inquit nominatim Praeses vel Praetor, nec ante aperiantur tabulae testamenti occisi domini, quam hac de re quaesierit Praetor vel Praeses. Igitur non demandatur haec cognitio. Alterum exemplum est de exercitio iudicii publici, quae mandatur magistratibus. sed potest mandari etiam privato. Et generaliter, quae magistratus habet a lege specialiter, potest & privatus habere: & ideo in l. 1. §. 1. ff. ad leg. Corn. de sic. Magistratus, inquit, iudexve quaestionis, qui scilicet exeret publicum iudicium: ex quo intelligitur, cognoscere de eo crimine non magistratum tantum, sed quemlibet iudicem, cui forte obveniat haec cognitio. Iudex quaestionis non est magistratus, sicut nec iudex datus. Cice. pro Cluent. Junius, inquit, iudex quaestionis de eo crimine quaerebat: & sequitur: & Q. Voconius ut quaereret de veneno cum his iudicibus, qui ei obveniant forte: nam non quaerebat de crimine solus magistratus, solusve iudex quaestionis, cui ea fors obveniret, sed adijungebantur etiam alii iudices forte delecti: ille tamen praeparat iudicio, ille erat quaesitor summus. Et didicimus in l. Corn. de sic. quod nondum est proditum, ita esse scriptum omnino, ut is Praetor iudexve quaestionis, cui forte obveniat quaestio de scariis, ejus, quod in urbe Roma proprius mille passus factum erit, uti quaerat cum iudicibus, qui ei forte obveniant de capite ejus, qui cum telo ambulaverit. Ita legibus publicorum iudiciorum, puta, lege Julia de adult. lege Julia de vi, l. Julia de scariis, & similiter aliis nominatim datur ejus iudicii publici exercitio certo magistratui, vel ei, cui fors obveniat, etiam privato, & hanc publici iudicii exercitorem noli dicere esse merum imperium: aliud enim est, quam sit exercitio publici iudicii. Verum cum tributur quaestio iudicii cujuslibet lege specialiter, & delegatur, ut hic Papinianus ait proprie: id enim proprie delegari dicitur, quod iure proprio mihi non competit: quod mihi delegat lex, non possum rursus alii delegare, quod Papinianus fortissimo argumento a contrario sensu probat, Gracii est *dividit* vocant. Lege Julia de vi, inquit, nominatim cavetur, ut magistratus, qui de ea re quaerit, si peregre proficiscatur, possit mandare alteri exercitorem: hoc tantum l. Julia de vi caveatur, non aliis legibus publicorum iudiciorum. Inde apparet igitur ceterarum rerum quaestionem non posse mandari ab absente, a praesente ne hanc quidem mandari posse. Hoc genere argumenti saepe utuntur auctores nostri. Simile argumentum est in l. ex eo, de testib. & l. qui testamento, §. mulier qui test. fac. Mulier non potest esse testis in testamento: An potest esse in iudicio? sic videtur, & probatur argumento a contrario sensu: eodem argumento utitur l. 3. C. ex quib. caus. inf. irrog. Aliquis decurio ordine decurionum prohibitus est ad biennium, interim infamium numero habetur: sed ex sententia iudicis, qui curia interdixit, apparet eum post biennium restitui famae. Sic M. Tull. pro Balbo: Si exceptio facit, ne liceat, ibi necesse est licere ubi non est exceptum. Sic igitur dicamus. Si exceptio legis Juliae de vi facit, ut liceat absenti demandare quaestionem iudicii publici, ibi necesse est non licere ubi non est exceptum. Intelleximus ex Pap. quaestiones vel cognitiones lege vel Senatusconsulto nominatim datas magistratui iudicive, non posse ab eo alii mandari. Et singularia haec, quae nusquam alibi in iure reperiuntur, cognitionem datam praetori ex Senatusconsulto Syllaniano, eum occisus dominus a familia esse dicitur, non posse alii mandari: Quaestionem publici iudicii datam, vel ex l. Corn. de sic. vel ex aliis legibus magistratui vel iudici, cui obvenit forte, eam etiam mandari non posse. Item, quod etiam alibi non reperitur, excipiendum esse eum, cui obigit quaestio legis Juliae de vi: huic enim eadem lege permittitur, si abesse coeperit, eam quaestionem alii mandare posse. Subiicit deinde Papinianus: Qui mandatum iurisdictionem suscepit. Piacet valde verbum, suscepit: est enim proprium mandati: frustra mihi

A mandas, nisi suscipiam mandatum, & inde voluntatis esse dicitur suscipere mandatum, necessitatis consummare seu explere, l. in commendato 17. §. sient, Commod. l. si mandavero 22. §. ult. & l. si quis alicui, §. qui suscipit, mand. Congruit autem, quod hic Papinianus ait, proprium, & cum l. 3. hoc tit. l. 5. l. solet, de iurisd. eum cui mandata est iurisdicatio, non pro suo imperio agere, etiam si sit magistratus, hoc est, mandatum iurisdictionem exercere, sed pro ejus imperio, qui mandavit, & fungi ejus vice, qui mandavit, non proprio iure, sed alieno beneficio. Alienam denique iurisdictionem exequitur, non propriam. Excipitur semper legatus Proconsulis: mandata enim iurisdictione proprium aliquid habet, l. legati, de off. Proc. eum enim Proconsul non optat, non eligit, sed ei datur a Principe, vel Repub. B Exceptio igitur legato Proconsulis, is cui est mandata iurisdicatio, nihil proprium habere dicitur, & non tam ipse ius dicere videtur, quam qui mandavit. Ac praeterea non potest appellari is, qui mandavit, ne idem ab eodem appelletur. Duplex vero est iurisdicatio: una, quae lege nominatim datur, quae mandari non potest: altera dicitur notio, quae more majorum iure magistratus competit: notio est genus: species duae, iurisdicatio & cognitio, veluti iudicis dati, quae caret iurisdictione, l. notio, de ver. signif. l. ait Praetor, de re jud. & ita etiam officium ius dicentis si dixeris, multo plura comprehendens quam si dixeris iurisdictionem: nam ut est in l. 1. de iurisd. officium ius dicentis comprehendit non tantum iurisdictionem, quae iure magistratus competit, sed & eam, quae lege nominatim deferretur & delegatur, & ius quodlibet C specialiter legibus concessum, veluti ius dandi tutoris, quod neque est imperii, neque iurisdictionis: continetur tamen officio ius dicentis, si ei dandi tutoris ius sit concessum lege nominatim. Et Papinianus in hoc §. loquitur de iurisdictione ea, quae iure magistratus competit, dum ait, Eam transferri more majorum, & ita in l. more majorum, de iurisd. quod habet magistratus more majorum, id habet suo & proprio iure, etiam si lege datum non sit nominatim, quod etiam significatur verbo, solet, l. solet, de iurisd. dummodo non sit ei denegatum, l. magistratus, ad municip. & ita magistratus urbani more majorum iudices dant, l. cum praetor, de jud. & multam dicunt, ut Gell. scribit cap. 1. lib. 11. Ergo ait Papinianus, verius esse, mandatum iurisdictionem transferri more majorum, hoc est, recte mandari ab eo, qui habet proprio iure magistratus, quem gerit. Verum Paulus ad hanc Papiniani sententiam adjecit notam, quasi satis non sit quod scripsit Papinianus, more majorum iurisdictionem transferri, sed etiam addere debuerit, imperium quod iurisdictioni cohaeret, transferri: mandata iurisdictione transire etiam imperium mixtum, id est, quod immixtum est iurisdictioni, & sine quo iurisdicatio nulla est. Mixtum imperium est potestas, quae iure magistratus competit, seu quae iurisdictioni immixta & implicita est. Verum, ut subiicit Papinianus, imperium merum non transit, hoc est, animadversio, hoc est, ius gladii, aut quae alia coercitio criminum gravior nulla est iurisdictioni simplex, nulla euda, aut separata ab imperio, quae modo iure magistratus competat: & five meam iurisdictionem exerceo, eam exerceo pro meo imperio, five alienam, eam exerceo pro imperio alieno, ut est in l. 3. hoc tit. Eam ob rem illud imperium, quod cohaeret iurisdictioni dicitur mixtum imperium, quia scilicet iurisdictioni immixtum & implicitum est. Et ita designatur mixtum imperium ab Ulpiano in l. imperium, de iurisd. cui iurisdicatio inest, ac si diceris, quod heic Paul. quod iurisdictioni cohaeret, vel ut Gracii, quod cum

jurisdictione coadunatum est. Et quemadmodum refert Accursius ad *d. l. imperium*, recte veteres interpretes fenserunt Pileus & Guillelmus, idem esse mixtum imperium & jurisdictionem, nec unum unquam esse sine altero: quidquid est imperii mixti, id etiam est jurisdictionis, & contra, quidquid est jurisdictionis, id etiam est mixti imperii. Mixtio hæc rem unam efficit, hoc est magistratum unum. Et hoc est, quod ait *l. 2. de jurisdictione*, cui data est jurisdictione, videri & ea data sine quibus ea explicari non potest, hoc est mixtum imperium. Hoc est, quod ait *lex ult. hoc tit.* mandata jurisdict. etiam mixtum imperium transire, quia jurisdictione sine modica coercionem nulla est: quod ideo dicit, quia cum mixtum imperium plura contineat, continet in primis modicam coercionem per verbera, aut vincula, & ita *l. 8. §. si in locum, de relig.* Lex ait, *Eum qui mortuum intulit in locum publicis usibus destinatum, a Prætoris plebisciti modica coercionem*. Jus virgarum dixit Tacitus *lib. 1. dum* scribit, tempore Tiberii datum jus virgarum Prætori in histriones, quod tamen obtinere non potuit propter constitutionem Augusti: sed fuit etiam alia genera coercionem modicam, quæ sunt jurisdictioni. Est pignoris capio, quæ plebiscitur & coercentur contumaces captis pignoribus. Et multa dictio, quæ Gallis dicitur *amande*, est missio in bonorum possessionem, *l. 9. §. ult. ad leg. Jul. pecul. l. 1. §. cogenda, de vent. insp. §. penult. Instit. de sais. tut.* Coercentur etiam contumaces penali judicio seu actione in factum, de qua est *tit. Si quis jus dic. non obtemp.* Sine modicis hæc coercionibus, quæ vocat etiam remedia, jurisdictione quid est? Sed continet etiam alia mixtum imperium, veluti bonorum possessionem, ut det scilicet magistratui bonorum possessionem, unde liberi, unde cognati, &c. Continet etiam judicis dationem, *d. l. imperium*, continet in integrum restitutionem, *l. ea que, d. 1. ad municip.* & decretum sive justum interponendam stipulationis, *l. 4. de jurisdictione*. Et jurisdictione igitur continet etiam eadem, si hæc contineat mixtum imperium: nihil enim possit tribuere mixto imperio, quod non & jurisdictioni, & contra: denique nulla est simplex jurisdictione. Neque vero recte quis uteretur exemplo magistratus municipalis, ut probet, simplicem esse aliquam jurisdictionem, quasi magistratus municipalis jurisdictionem habeat sine imperio ex *l. ea que, ad municip.* Huic enim respondendum: municipalis magistratus non habet omnia quæ sunt mixti imperii: sunt enim ei quædam denegata nominatim: alioqui magistratus, cui nihil denegatur nominatim, omnia habet, *arg. l. magistratus, ad municip.* sed ei denegantur quædam, ea scilicet quæ sunt magis imperii, quam jurisdictionis, in quibus vis imperii elucet: quæ de causâ non restituit in integrum, non mittit in possessionem, non jubet possidere ex ulla causâ: non tanti est jurisdictione magistratus municipalis, ut possit sibi ea arrogare, nec tantum valet imperio, *d. l. ea que*; & ad eisdem magistratus pertinet *l. 4. de jurisd.* quæ est, jubere caveri Prætoris stipulatione, veluti legatorum stipulatione, & in possessionem mittere, si non caveatur, magis esse imperii, quam jurisdictionis: cur hoc ait? ut scilicet intelligatur magistratus municipalem hæc non habere, sed urbanum tantum, aut provinciale. Quapropter non decernit stipulationem damni infecti, & ex ea causâ mittit in possessionem, nisi nominatim id edicto Prætor vel Præfex ei delegasset, quod delegavit, quia hæc res celeritatem desiderat, cum timeretur labes ædium, & periculosa est dilatio: ideoque utile fuit magistratui permittere ex hac causâ interponere primum decretum, *hæc* jubere caveri, atque etiam secundum, quod mittat in possessionem, *l. 1. §. 4. de dam. inf.* Sed tertium, jubere possidere, nec ex hac causâ permittitur ei, sed illud suæ jurisdictioni reservat Prætor, *d. l. 4. §. si forte*. Non potest etiam magistratus municipalis jurisdictionem suam tueri penali judicio, quod proponitur in *tit. si quis jus dic. non obtemp.* Fateor, hæc ei denegantur: sed an ideo est expers mixti imperii?

A minime: nam pignoris habet capionem, & modicam coercionem, ex *l. 3. §. 1. de reb. eorum qui sub. tut. l. quemadmodum, §. magistratus, ad l. Aquil. juncta l. 12. de jurisd. l. 17. si privatus, qui §. a quibus manum. l. 15. §. adiciunt, de injur.* Habent etiam, ut arbitror multæ dictionem, quia publicum iudicium exercent, & quicumque publicum iudicium exercet, multæ dictionem habet, *l. 2. §. ult. de jud.* Et cum defensoribus civitatum interdicatur multæ dictione, *l. 5. C. de defen. civ.* argumento est, non etiam similiter magistratibus municipalibus esse prohibitum multam dicere, qui longe superiores sunt defensoribus. Ergo jurisdictione municipalis non vacat imperio. Porro quæ ante retuli, mixti esse imperii, ex eo apparet, quod possunt mandari, ex *l. pen. §. ult. hoc tit. l. ult. C. ubi §. apud quem cav. restit.* Mandare potest magistratus alteri ut mittat in possessionem, ut det bonor. poss. restitutionem in integrum, modicam coercionem, *l. ult. hoc tit.* Quin etiam hæc omnia tacite mandat, qui jurisdictionem mandat: sunt igitur hæc omnia imperii mixti, hoc est, innata ingenitæque magistratui. Alterum est imperium, quod dicitur merum, non mixtum, quod lege datur specialiter, nec est immixtum magistratui & jurisdictioni, sed abstractum a jurisdictione. Mixtum imperium habent soli magistratus: merum habent etiam privati: Nam Gneus Pompejus privatus contra Sertorium privatum missus est cum iure ferri, ut Tull. scribit *11. Philipp.* Idem Pompejus ad aliud bellum maximum privatus, ut idem ait pro lege Manil. pro consule missus est, hoc est, cum imperio consulari, & idem significat *l. aliud, de verbor. sign.* quæ constituit hanc inter ceteras differentiam inter poenam & multam, multam dicere solos magistratus, quod est mixti imperii, poenam irrogare etiam eos, qui non sunt magistratus, sed privati, si huius criminis executione eis data sit. Unde possis conficere definitionem meri imperii, ut sit potestas irrogandæ poenæ legitime, hoc est, poenæ constitutæ legibus publicorum iudiciorum: vel sic. Merum imperium est animadversio & coercitio omnis criminum gravior, legibus publicorum iudiciorum nominatim concessa. Potes & sic definire ex *l. unic. de off. præf. prætor.* Merum imperium est licentia emendandæ disciplinæ publicæ: hæc licentia datur etiam privato, ut dixi. Addamus, & non datur cuilibet magistratui: nullus magistratus non habet mixtum imperium: aliquis non habet merum, non quilibet præfex habet merum, *l. 4. C. de loc.* Prætor urbanus non habet merum imperium: sed si quid exigit graviores animadversionem, id remittit ad præfectum urbi, *l. 1. §. solent, de off. præf. urb. l. 1. §. 2. de susp. tut.* Ac præterea excepto præfecto prætorio, qui solus habet plenissimum imperium merum; nullus magistratus habet plenissimum imperium merum, id est, omnes partes imperii meri. Consul habet jus gladii: jus relegandi non habet, *l. 14. infra de inter. §. releg.* Præfectus vigiliis jus atrociter verberandi habet, jus gladii non habet, quia illud datum est, hoc non est datum, *l. 3. §. 1. l. 4. de off. præf. vig.* Item præfex provincie ex Constitutione Augusti habet jus gladii, jus dammandi in metallum, jus relegandi, *l. illicitus, §. qui universos, de off. præf. l. un. C. de legatorum, §. 1. de interd. §. releg.* non habet jus deportandi, quia non datum est ei: nec jus confiscandi bona reorum, *l. inter poenas, §. ult. de interd. §. releg. l. un. C. ne fin. iussu princ. cert. jud. lit. conf.* Nec in causis imperii licet argumentari a minori ad majus, quia partes imperii nemo sibi adsumit omnes, nisi acceperit omnes. Et si majorem partem acceperit, non propterea potest sibi adsumere minorem, nec si minorem non acceperit, non ideo non recte acceperit majorem. Quinimo, quod mirum est præfidi, cui datum est jus gladii, non licet vitam adimere aliter, quam gladio, non potest securi (licet habeat lictores, & secures lex, & propterea ~~etiam~~ dicatur) non laqueo, subitus, *l. aut damnus, §. 1. de pæn.* Non potest vitam adimere veneno: veluti propinato succo citæ, ut olim Athenienses: & placet quod

quod Abdias 5. hist. eccl. scribit, præsidem quoddam male necasse veneno. Quin etiam hæc eadem ratione ante Constitutionem Divorum Fratrum, de qua in *l. aut damnatum*, non potuit Præses reo liberum arbitrium mortis dare, hoc est, electionem fati: ex Constitut. DD. Fratrum habet hoc jus dandi liberum arbitrium mortis, quod habuit solus princeps olim: ut constat ex Suetonio in Vita Domitiani, & Tac. lib. 11. Annal. Et ita Nero Senecæ dedit mortis arbitrium: balneum enim ingressus, aperta vena utraque seipsum necavit. Et inde veteres quidam dixerunt, præfatio quodam Senecam dictum, quasi se necantem. Ex his intelligitur, non licere cuicumque ultra, aut contra quam ei sit præscriptum: nec esse argumentandum a pari, vel minori. Denique restrictæ accipiuntur, quæ ex mero imperio permittuntur. Sunt igitur legis, non jurisdictionis, non arbitrii magistratus: & ideo mirum non est si dicat Papin. non posse imperium merum mandari, quod confirmatur *l. si quid erit, l. solent, de off. proc.* Legatus Proconsulis, an, si quid exigit graviorem animadversionem, potest fungi imperio proconsulis? Minime: sed debet id remittere ad Proconsulem, quia non habet jus animadverendi, hoc est, gladio puniendi, non atrociter verberandi. Verum ut offendit *l. solent*, Proconsul more majorum legato mandare potest etiam cognitionem custodiarum, hoc est, reorum, qui custodiuntur in carcere. Sed respondeo, illud genus mandati esse extraordinarium, & quasi illegitimum: Nam quod est extraordinarium, id quodammodo est illegitimum: & breviter declarat, eo mandato contineri, non ut apud eum accusetur rei, non, ut ipse reos absolvat, aut damnet, sed audiat tantum custodias: & nescio, cur Servius 6. Æneid. ait: Custodia est quæ custodit, non quæ custoditur: usurpatum est autem, &c. Sed Ulpianus ait: mandato contineri, ut audiat custodias, & postea remittat ad proconsulem: quia nemo, inquit gladii potestatem, sibi datam, vel cuius alterius coercionis ad alium transferre potest, id est merum imperium mandare potest: mandata quidem reorum auditorem, & hoc ipsum tamen extra ordinem, non rite & ordine. Ex his intelligitis legem imperii indigere tantum aliquantula explicatione, quod præstamus perendie. Non displicebit hodie, & opinor enarratio *d. legis imperium*. Jurisconsulti duo Papinianus, & Paulus in *l. 1. de off. ejus cui mand. est juris d.* duplex imperium merum faciunt: merum, quod lege datur, quod & mandari non potest: & mixtum, quod jurisdictioni coheret, nec ab ea unquam divellitur, sed simul transit cum ea in legatum Proconsulis, vel quem alium cui jurisdictionis mandata est: ita quoque Ulpiano in *l. imperium*, dividit imperium in merum & mixtum: ratio nominum jam supra a nobis est exposita. Merum definit a majori parte sui, jus gladii, hoc est, jus vitæ adimendæ, quod & in ea hæc verba demonstrant, *ad animadverendum facinorosos homines*. Sic Florentia scriptum eleganti forma loquendi, ut Varro dixit: *Removendum omnes artes, per gerundii modum*. Emenandum veteranos ex campestribus locis: faciendum præfatos atrociores, injiciendum frenos. Ergo non legamus, ad animadverendum in facinorosos homines: sed animadverendum facinorosos homines, rejecta propositione in, quod est elegantius, quam si dicas: animadverendos facinorosos. Hæc verba satis demonstrant, quid sit jus gladii: ita animadvertere, est gladio punire, *l. perspicendum, §. ult. & seg. de pæn.* Capitis pœna est, inquit, bestii obijci, vel alias similes pœnas pati, vel animadveriti. Animadversio igitur est species capitalis pœnæ, animadveriti, gladio plecti, quod Græcis est *ἐντολὴ πῶλον*. Et in *l. seg. de pæn.* pœnæ fieri eos, in quos animadveriti jubetur, vel qui bestii obijciuntur. Locus hic etiam demonstrat, animadversionem esse speciem capitalis pœnæ, eamque propriam gladii. Inde (quod nescio, an adhuc quisquam explicavit) intelligere possumus, cur occiso Papin. nostro iussu Antonini Caracallæ, & percussio securi, percussori dixerit Antoninus, *Gladio te meum*

A *iussu exsequi oportuit*: quod Spartian. scribit in Antonino, & Dio, sive Xiphilinus: non video rationem cur id dixerit, nisi quod animadveriti iussisset. Qui jubet in aliquem animadveriti, gladio puniri jubet. Fuit hic Antoninus parricida: occidit enim fratrem suum in sinu matris: occisus est etiam ejus iussu Papinianus, quod faveret partibus Getæ fratris longe melioris? hæc vera causa, quidquid referant Spartianus, Lampridius, & alii quod noluerit excusare parricidium: dicens: non tam facile excusari quam fieri parricidium: quod forsitan verum est: nam non tam fuit scientia excellens, quin & probitate morum excelleret; Vel, ut alii narrant, occisus fuit, quod post occisum fratrem Getam noluerit dicere orationem, qua accusaretur Getæ, tanquam jure occisus, cum diceret, alterum parricidium esse, accusare innocentem occisum. Si hæc sunt vera, plane scientiæ mores respondebant. Verum quod ferunt dixisse Imperatorem: *Gladio te meum iussu exsequi oportuit*, non habet aliam rationem, quam quod in eum animadveriti iussisset. Ad rem redeo. Merum imperium, si vis definire a majori parte sui, est jus gladii, jus ferri, ut Lucanus dixit lib. 5. sicuti in libris nostris damnare ad ferum, est damnare ad gladium in *l. ejus qui, §. ult. ff. de testam.* & placet quod Statius ait lib. 1. ferrum mulcere toga, & lib. 5. imperium mulcere toga. Plane ferri nomine significatur merum imperium. Comprehendit etiam jus gladii, jus belli gerendi, & administrandi, licet id non sit scriptum in *l. imperium*. Cui possis addere, merum imperium esse jus gladii ad persequendum & belligendum hostes. Et adijcit Ulpian. simpliciter, imperium illud potestatem appellari: modo potestatis verbum generaliter, modo specialiter accipitur, generaliter passim. Nam quilibet magistratus potestas est. Mixtum imperium etiam potestas est, quæ jure magistratus competit: sed per eminentiam potestas est, summa & mera, id est, imperium merum, ut Zonaras loquitur in Basil. Porphy. Præter nostros auctores nescio alium auctorem qui dicat merum imperium præter Zonaram: nam *ἀποκρῶν ἔσθια* vocat dictatam, quæ habuit summam potestatem. Desinit ergo imperium heic a posteriore sui parte. Sed continet etiam alia, ut jus atrociter verberandi, dammandi in metallum, deportandi, confiscandi universa bona reorum, & generaliter omnem coercionem graviorem, *l. solent, l. si quid erat, de off. proc.* Modica coercitio est mixti imperii, gravior coercitio meri nec permittitur cuicumque, nisi sit concessa nominatim. Nec idem est, ne quis fallatur, publici iudicii exercitio, & imperium merum, quam executionem dixit Papin. non posse mandari: utrumque non potest mandari. Nec tamen dixeris utrumque idem esse: alioquin frustra utrumque repeteret in *d. l. 1.* Sed in ea *l. tria* ponit exempla eorum, quæ lege dantur, quæque mandari non possunt: quæstionem, sive executionem, aut executionem publici iudicii lege datum nominatim: cognitionem datam ex Senatusconsulto Syllan. & merum imperium lege datum. Est illa duo esse diversa ita demonstrat. Legatus proconsulis ex mandato extraordinario Proconsulis publici iudicii executionem habet: habet enim cognitionem custodiarum, hoc est, reorum, qui custodiuntur, quod quid aliud est, quam quæstio publici iudicii, quod rei postulati sunt? Ergo ex mandato Proconsulis extraordinario legatus habet cognitionem publici iudicii, ex *l. solent, de off. proc.* Merum tamen imperium non habet, quia neque apud eum inchoari accusatio potest, neque terminari: sed quæ in medio versatur, ea sola ex mandato Proconsulis quærere, & cognoscere potest. Reus non potest apud eum accusari, nec ab eo damnari, vel absolvi. Extrema non habet, quæ sunt meri imperii: cognitionem intermedium habet, sed ubi cognoverit, remittit reum ad Proconsulem *d. l. solent*. Proconsul igitur solet legato mandare quæstionem publici iudicii. Sed ut ait idem Ulpian. mandatum est extraordinarium, hoc est, illegitimum, quia cognitio publici iudicii est ei mandata a lege. Ergo dum

cam

eam mandat Proconsul, aberrat a jure, & facit illegitimum: & hoc est, quod ait in ea l. i. Papin. *errare magistratus, &c.* Et ita conjungenda est d. l. i. cum l. *solent*. Una extraordinarium mandatum dicit: altera, *errare magistratus*. Et utraque igitur l. conjuncta, diu quæsitum convenientissimum exemplum apponeretur ad l. *quod non ratione, sup. de legib.* non ratione invaluit hoc, ut Proconsul mandaret legato quæstionem publici judicii, siue cognitionem custodiarum, sed primum errore: deinde foliti sunt ita mandare. An ergo dicam & ceteras cognitiones, quæ ei lege dantur, posse Proconsulem mandare legato, veluti cognitionem de transactione alimentorum, cognitionem de domino a familia occiso, cognitionem de prædiis minorum distrahendis? Minime, est tamen argumentum idoneum. Si potest Proconsul mandare legato cognitionem criminum, cur non & cognitionem civilis rei mandare poterit? Sed respondendum, quamvis & hac l. i. & l. *solent*, detur specialiter cognitio criminum: nos tamen errorem nunquam producimus in consequentiam, d. l. *quod non ratione*. Ut vero intelligamus, quid distet merum imperium a cognitione custodiarum, vel quæstione publici judicii, observandum est quod ait l. *aliud, de verb. sign.* eum penam irrogare posse, cui hujus criminis executio data est. Is enim, cui cognitio siue quæstio & inquisitio sola data est, non potest penam irrogare: propterea in l. i. C. *ubi caus. sisc.* cui licebit penam irrogare, hoc est, qui habuerit merum imperium, quod lege datur: & licere dicitur, quod per legem licet, ut indicat oratio pro Balbo. Eadem l. *imperium*, ita definit mixtum imperium, cui etiam inest jurisdictionis, hoc est, quod implicitum est magistratui, siue jurisdictioni, quod semper cum jurisdictione coheret, quod jure magistratus competit. Et exempli tantum gratia in l. *imperium*, ait, mixtum imperium consistere in danda bonorum possessione, ex testamento scilicet, vel ab intestato, & dando iudice. Quod inquit, in danda bonorum possessione consistit. Hoc est prius exemplum. Posterius exemplum: *jurisdictio est etiam iudicis dandi licentia*. Placet admodum illa vox, *etiam*, quod idem est, ac si diceret, non tantum mixtum imperium, siue jurisdictionis consistit in danda bon. poss. sed etiam in dando iudice: recte dices, jurisdictionem esse licentiam dandæ bon. possessionis, & recte adicies, esse quoque licentiam dandi iudicis. Et idem omnino dices de imperio mixto, quia ita mixtum est unum alteri, ut nunquam fecernatur. Et hoc in iudicis datione, de qua magis ambigitur, planum facit l. *cum prætor, de jud.* quæ ait magistratum tribuam, iudices dare posse propter vim imperii. Ergo iudicis datio est imperii: aut meri igitur, aut mixti: ac certe non meri est: ergo mixti. Fateor in quibusdam magis elucere imperium, ut in modica coercitione, in aliis apparere quasi nudam jurisdictionem, ut in interlocutoria aliqua sententia magistratus: & tamen dum interrogatur, aliquid etiam pro imperio agere dicitur, l. *quod iussit, de re jud.* Videntur etiam esse magis imperii mixti, quæ denegantur magistratibus municipalibus: alia quædam videntur quasi jurisdictionis nudæ: sed nunquam mixtum imperium a jurisdictione separatur. Hodie nullum est imperium merum, quia jurisdictioni coheret jus gladii, & gravior coercitio omnis, hoc est, jure magistratus competit. Et hoc ipso, quod quis creatus est magistratus, jus gladii habet, etiam si ei non sit datum lege nominatum. Merum quod fuit olim, hodie est mixtum imperium, quia competit tacito jure, & sequitur ultro magistratum, nec est necesse nominatim delegari: si igitur mixtum est hodie imperium: ergo mandari potest.

Ad L. XXXIII. de Rec. arb.

Arbitrari ita sumptus ex compromisso, ut & diem proferre possit, hoc quidem facere potest: referre autem contrahentibus litigatoribus non potest l. 74. de regul. jur. Non debet alteri per alterum iniqua conditio inferri.

Tom. IV.

A Sciendum est, iudicem dari a magistratu plerumque, ut judicet intra certum tempus, quo finito jam non potest judicare, nisi partes ei prorogaverint tempus, quod magistratus præstituerat, l. 2. §. *si & iudex, l. si iudex, de judic.* Exemplo iudicis dati arbitri compromissarius plerumque eligitur ab ipsis partibus, ut judicet intra certum tempus, non etiam datur a magistratu: sed nonnunquam additur clausula, ut possit proferre diem compromissi, producere, prorogare, prodere diem, ut ex Lucilio notant Nonius & Donatus: *Possis ne elabi, an porro prodenda dies sit*, hoc est proroganda, prolata: & in Andria: *At qui saltem nuptiis prodas diem, i. differat, proroget nuptias*. Et hoc pertinet ad l. *Labeo, §. 1. h. t.* & ad id quod ait initio hujus leg. quod etiam ostendit l. 32. §. *dies*, quærebatur, an possit etiam *referre diem*? Et ait, eum non posse sine consensu utriusque partis. Referre diem, est anteferre, antevertere diem jubendo, ut partes adsint in illum diem, ut Festus ait, *referre diem prædictam*, hoc est, præferre; nobis est, *anticipare*. Verum si retulerit diem, & unus abfuerit, an committetur poena? Minime: quia nondum exierat dies compromissi, non potest retrocessum ire, repetere diem, aut ipsum producere diem, ut Græce *ὑπαγαγῆναι*, id est, *proferre diem*: quod si constetiat unus, ut referat diem, & propter ad sententiam, consensus unius alteri non nocebit. Et hoc est, quod ait l. 74. de regul. jur. his verbis: *non debet alteri per alterum iniqua conditio inferri*: & rectissime huic conjungitur, & est ejusdem Papin. Accipienda est hæc regula de confortibus, qui habent communem rem, aut litem: potest aptari ad coheredes, l. *si peritor, de judic.* ad fratres: nam factum fratris nocere non potest, quia coheredes sunt, aut confortes, l. 2. *si quis aliqu. test.* Sed proprius aptabitur ad propositam speciem, scilicet si duo sint litigatores, qui adierint arbitrum, non potest alteri per alterum iniqua conditio inferri, puta unus consentiendo, ut arbitri diem referat, efficere, ut alter in compromissi poenam incidat. Et ita videtur aptanda cum l. 33. de recep. arb.

JACOBI CUJACII J.C.

COMMENTARIUS

In Lib. II. Quæstionum JEMILII PAPINIANI.

Ad L. ult. Si qu. caut. jud. sist. caus. fact. non obtemp.

HÆCL. est de stipulatione iudicio sisti, quæ quidem se stipulanti obligat semper non tantum, qui suo nomine convenitur, sed & qui alieno: quam enim vocaris in iudicium, aut statim sequi debes partem, aut cavere iudicio sisti ad conditum diem, vel ad diem, quo stipulator agere volet. Elegantissima est hæc legis species. Finge: Tutor nomine pupilli in iudicium vocatus, promissit iudicio sisti in diem certum, vel ad diem, quo stipulator agere vellet (his cautionibus hodie non utimur in Gallia, nec cautione de rato, nec de iudicato solvendo: nullæ interponuntur iudicii exercendi causæ stipulationes) is vero tutor non obtemperavit stipulationi, quia ad diem iudicio non adfuit. Commissa est igitur stipulatio ipso jure. Priusquam reliqua hujus facti persequamur, sciendum est, tutorem, qui convenitur pro pupillo, cavere quidem iudicio sisti, sed non iudicatum solvi in l. i. §. *sufficit, de admin. tut. & l. ult. §. defens. C. eod. tit.* Et hæc est una differentia non unica inter tutorem, & procuratorem siue defensores litis alienæ. Et quæ de tutore dicemus, ea de curatore intelligenda sunt: nam defensor litis alienæ non est idoneus, nisi caveat iudicatum solvi: tutor vero licet defendat pupillum, non promittit iudicatum solvi: & ratio differentie hæc est, quia defensor litis alienæ volens suscipit mandatum agende litis

B

ne-

nemo enim invitus suscipit mandatum: sicut nemo invitatus contrahit, vel etiam sine mandato immiscet se liti alienæ ultro, irrogatus tutor vero tutelam suscipit etiam invitatus, quia tutelæ munus civile est, & omne munus civile invito injungitur: non est æquum onerari cautione judicati solvendi eum, qui ad litem alienam etiam invitatus accedit: potest tamen tutor obligare pignori vel hypothecæ prædia pupillaria, etiam sine decreto prætoris vel prædis contra orationem D. Severi, videlicet judicati solvendi nomine, quum ipse pupillus litem suam defendit tutore auctore, qui casus est singularis, quo hypotheca contrahitur prædiorum pupillarium sine decreto, quia pupillus, qui in judicium vocatur, cavere debet, & frustra desideratur decretum, ubi solvere necesse est. Et hoc est, quod in d. §. *defensionem*, in si. dicitur, tutorem posse subsignare, hoc est, pignori obligare res pupilli etiam immobiles, hoc est, prædia, pro cautela litis, sive pro cautione jud. solvi, non ut Accurs. pro cautione judicio fisti, l. si servus, jud. solvi, l. si eum, de fidejuss. l. 5. §. in possessionem, ut in pos. leg. Cautio jud. solvi, est cautio rei vel litis: nam est de solvenda re, aut æstimatione rei: est igitur cautio realis. Cautio judicio fisti est personalis, in Nov. 53. cap. 3. §. 2. cautio de persona, non de re. Igitur cautela litis, est cautio judicatum solvi, non cautio judicio fisti. Tutor igitur, cum non parit stipulationi stipulationis commissæ est, ut præstetur id quod interest, vel pœna stipulationis comprehensa. Verum antequam ageretur ex ea stipulatione, interim, ut Papinianus ait, vel inter moras, ut loquitur Marcellus in l. tutor 28. de administr. tut. Inter moras, inquam, id est, antequam ageretur ex stipulatione, pupillus adolevit, vel mortuus est, atque ita finita est tutela, quæ finitur adolescentia, vel morte; vel pupillus se abstinuit hereditate, cujus nomine conveniebatur: Finge enim conventum fuisse eum, aut tutorem pro eo ex contractu patris, cui heres existerat, ut ait l. 2. de administr. & peric. tutor. & commissæ jam stipulatione judicio fisti adversus tutorem, qui eam interposuerat, quive ad eam responderet, pupillum abstinuisse hereditate. Queritur, an actio ex stipulatione, quæ commissæ est, danda fit in tutorem? Et ait prudentissime Papin. denegandum esse actionem, quia finita est interim causa stipulationis cum pupillus abstinuerit se bonis paternis, vel etiam quia finita est tutela. Et ita proponitur in l. tutor. Verum Papinian. ut hoc magis probet, utitur optima similitudine: si postquam tutor in judicium vocatus nomine pupilli & condemnatus sit, adoleverit interim pupillus, vel mortuus sit, vel abstinuerit se hereditate patris, ex qua lis descendebat, beneficio prætoris: si hæc contigerint post condemnationem tutoris, actio judicati in tutorem non dabitur. Sed primo casu, id est, si adoleverit pupillus, in pupillum dabitur. Secundo casu, id est, si mortuus fuerit pupillus, dabitur in heredem pupilli. Tercio casu, si se abstinuerit, in nullum dabitur, l. 2. de administrat. tut. l. 1. C. quando ex fact. tut. Pari ergo ratione non dabitur etiam in tutorem actio ex stipulatione, si posteaquam commissæ est stipulatione judicatum solvi, hæc contigerint, quia nihil interest stipulationi interponatur sine causa, an postea finiat causa, l. ult. jud. sol. An ergo si hæc non contigerint, daretur actio judicati in tut. sic sane, si se liti obtulisset, si cum ipso pupillum exhibere posset, cujus res erat, ipse maluerit judicium accipere pro pupillo, quam ei auctor esse judicium accipiendi. Nam in ejus arbitrio est, ut nomine pupilli judicium accipiat, aut pupillum exhibeat. Quod si judicium accipiat pro pupillo, videretur se liti offerre: & ideo merito est in eum actio judicati. Aliud dicendum est, si pro pupillo absente vel infante judicium acceperit, id est, minore annorum septem cum is non posset ei esse auctor ad judicium accipiendum: nam impuberes in jus vocare permissum non est, l. neque impuberes 22. de in jus voc. Quia igitur coactus ipse judicium suscepit, actio judicati in eum non dabitur, sed in pupillum, l. 2. de administr. tut. Idemque erit in procuratore cujuslibet: nam si procurator pro domino con-

ventus sit & condemnatus, actio judicati dabitur in dominum, vel si vicerit procurator, dabitur domino: nam vincit & vincitur domino procurator. Actio ergo judicati non dabitur in procuratorem, nisi se liti obtulerit non rogatus, id est, nisi sit procurator aut gestor voluntarius, l. 4. de re jud. Et in hac re nulla est differentia inter tutorem & procuratorem, sed alia est, quæ pertinet ad quæstionem istam: Tutor si extra jus caverit se soluturum nomine pupilli, quod pupillus debuit, finita tutela recte recusat actionem, hoc est, non cogitur judicium accipere ex ea causa, l. 5. §. ult. quando ex fact. tut. Procurator autem, qui, dum gerit negotia domini, pro domino promissit aliquid, scripto mandato non recte recusat actionem. Id de tutore scripsit Papinianus in d. l. 5. Idem scripsit de proc. in l. procurator 67. de procurator. Finge: Procuratori mandasti, ut venderet rem tuam: vendidit, & cavit de evizione tuo nomine, ac postea desistit esse procurator tuus revocato mandato, aut quasi expleto mandato, cum non erat procurator omnium rerum: an procurator tenetur emptori evicionis nomine finito mandato? Sic sane: quia finito mandato non finitur obligatio, quæ de obtinuit pro domino: & ratio hæc est, quia volens cessavit ad negotium alienum, & cavit ultro de evizione. Sed si quid vendat tutor, finita tutela non tenetur, etiamsi caverit de evizione, quia invitatus accedit ad tutelam, & cavit si quid coactus necessitate officii quod sustinet vendat.

Ad L. XXXVIII. de Pactis.

C Jus publicum privatorum pactis mutari non potest.

IN hac lege ex Papiniano proponitur hæc regula juris, quia nulla est, quæ tot exempla habeat. Sed non utar vulgaribus, aut iis quæ jam a me antea sunt prodita. Jus publicum privatorum pactis mutari non potest: nullus est Jurisconsultus qui tot juris regulas nobis concesserit, quod longior progressus Papinianus offendat, id est, argumentum summæ peritiæ Papiniani. Periti est habere in promptu regulas & definitiones tum rerum, tum etiam nominum. Ac memini Theologos inter ceteros non aliam ob rem facere plurimi Damascenum, quam quod ejus scripta sint plenissima definitionum. Possent statim ex eodem Papiniano apponere exemplum ex l. ult. de suis & legit. sed est tritum. Priusquam alia proponam sciendum est, jus publicum in jure accipi dupliciter. Publicum dicitur primo, quod consistit in sacris, sacerdotibus, religione, magistratibus, l. 1. de justis. & jure. Secundo jus fiscale dicitur jus publicum, quod tamen est privatum Principis. Tercio jus publicum dicitur jus commune omnium, id est, jus civile, leges, plebiscita, Senatusconsulta, edicta prætorum, mores populi Romani, qui respiciunt omnium utilitatem, non etiam commodum privati hominis: & ita sapissime jus publicum accipitur pro legibus, puta pro lege Falcidia, &c. Hoc jus publicum privata conventionione convelli & commutari non potest. Utamur novis exemplis. Jusjurandum calumniæ introduxit Justinian. voluit enim de calumniâ jurare litigatores in ingressu litis: & pari religione exegit etiam jusjurandum a iudicibus, atque etiam ab advocatis, respiciens ad publicam utilitatem, ne quis temere litigaret. An potest jusjurandum calumniæ remitti ex consensu partium? Minime, quia jus publicum privatorum pactis mutari nequit, l. 2. §. sed quis, Cod. de jurejur. prop. cal. Plus potest jus publicum, quam privata conventio: privata conventio eludere leges, aut constitutiones non potest. Item, ut constat ex sententiis Pauli, functio dotis pactis mutari non potest, hoc est, præstatio & redditio dotis: dos reddenda est ex r. tab. annua, bima, trima die, hoc est, tribus pensionibus, si consistat in pecunia numerata, auctore Ulpian. in Fragn. tit. 6. an valebit pactum & conventum, si placuerit, ut præstaretur quadrima die?

die? minime, *l. 16. de pact. dot.* Legibus etiam prodita est actio ob mores, actio de moribus vel retentio ex dote propter mores eius, qui divortio causam dedit: quæ a Rhetoribus dicitur actio male tractationis, quæ quia publici iudicii est, pacto non tollitur. Est etiam actio ob res donatas conjugii, vel retentio, quæ non valet, nisi perseveret donator in eadem voluntate usque ad mortem. An si convenierit initio matrimonii, ut si quid doneatur, non repeti possit, vel ne de moribus agatur, aut plus, aut minus exigatur, an hoc pacto obstringi possunt? Minime: nam juri publico derogat *l. 5. de pact. dot.* Similiter ex lege 12. tabul. actiones hereditariæ dividuntur ipso jure, ut singuli heredes non teneantur in solidum, sed pro partibus hereditariis: hoc juri non potest pactis immutari, *l. 2. §. ult. famul. erisc.* Ut alio exemplo ex Novell. 22. cap. 32. & 33. Finge: datus est usufructus, vel data proprietas bonorum, aut nuda, aut plena in dotem, vel donationem propter nuptias, unus ex maritis soluto matrimonio lucratur dotem, vel donationem propter nuptias, an tale lucrum amittet, si transeat ad secundas nuptias? minime. An si initio convenierit ut amitteret hoc lucrum si forte transeat ad secundas nuptias, an transeundo ad secundas voca amittit? nec hoc etiam casum amittit. Et utitur etiam Justinianus hac regula, non posse juri publico derogari privata conventionione, *d. Novell. 22.* Exceptio est una; nisi lex specialis id permiserit, nisi pactio sit legitima, ut possit juri publico derogari privata conventionione. Exemplum est in *l. ult. §. ult. C. de tempor. appellat.* an initio litis pacifici licet, ut qui superatus sit, non appellat: aut fatalia tempora quæ dicuntur *supra huiusmodi*, non observet? sane pactio non valebat. Sed hodie valet ex constitutione Justiniani, *d. §. ult.* Hæc igitur regula patet latissime, & habet exempla innumera: nam nec voluntate testatoris mutatur juri publicum. An potest mutari *l. Falcidia*, aut prohiberi? minime: Sed hodie potest ex Novell. 1. & constitutione Justiniani. Non potest testator facere ne leges in suo testamento locum habeant, *l. 55. de legat. 1.* Est hoc addendum hujus leg. sensum hunc esse: Jus privatorum facile mutatur privatorum conventionione: ut puta quæ sita tibi actio, jus tibi questum facile condonaveris ubi quæsieris. Pacto non potes etiam efficere, ne nascatur actio, sed nata poteris non uti, aut eam remittere pacto, si volueris, quod hoc non pertineat ad jus publicum, sed ad privatum; non possunt autem privatorum pactiones efficere, ne leges, edicta, constitutiones vim habeant in suis contractibus, vel aliis negotiis, quæ ad eos spectant, quanquam, si quid eis questum fuerit, de eo uti possint pacificanter, idque remittant, aut habeant pro derelicto aut nullo: ut heres post mortem testatoris, quo maxime tempore locus legi *Falcidie* est, solida legata præstare possit non utendo *Falcidia*, *l. 46. ad leg. Falcid. l. ult. C. eodem.* Quo genere videtur heres plenum obsequium plenamque fidem exhibere defuncto in *l. qui totam*, ad *S. C. Trebellian.* Plinius lib. 2. epist. 16. & lib. 4. epist. 10. Nam lex *Falcidia* contra voluntatem defuncti patris semper inducenda creditur: nam sane solidum defunctus præstari vult, *l. 86. ad l. Falcid. C. Novell. 1.* Verum testatore vivo inutiliter pacificatur heres de non deducenda *Falcidia*, si contigerit mori testatorem: ea pactio non efficit, ne locus sit *Falcidia*, *l. 15. §. 1. ad leg. Falcid.* Et sic legatum, aut hereditas postquam delata est, recte repudiatur, sed antequam deferatur, si repudiatur, vel si de ea pacificatur heres, vel legatarius cum herede legitimo, vel scripto, inutilis pactio est, inutilis repudiatio, quæ non potest impedire delationem, quæ fit ipso jure. Obviam non potest ire legibus. Dixi hanc regulam esse frequentissimam, imo nulla frequentior, addidique nova exempla quinque. Adjiciam quod ex Græcis didici, & ad pleniorum regulæ explanationem valde facit, hanc regulam aptari posse ad legem præcedentem; ad quam ipsi coaptant, ut plurimum est series quædam etiam in ipsa digestionibus ordinis legum, & necitur quodammodo una ex aliis:

Tom. IV.

A præcedentia & sequentia legenda, ut aliquid reprehendatur, quod ad legem faciat, cui damus operam; & qui volunt legere legem aliquam, debent prius spectare, quid sit in præcedenti, quid in sequenti: ita verum percipient legum sensum sapissime. In lege præcedenti hoc ostenditur, Curatorem reip. non posse remittere pecuniam debitam reip. habita pactione cum debitore publico, & si remiserit, nihilominus esse integram ejus pecuniæ petitionem. Ad eam legem addes rectissime eam rationem, quia *jus publicum pactis privatorum mutari non potest.* Ac sane videtur etiam Papin. hac regula esse usus in hac specie. Jus publicum, hoc est, jus Reip. civitatis, municipii, mutari non potest a privatis: ita enim in *l. 42. hoc tit.* dicitur, jus etiam fiscale privatorum pactis convelli non posse. Sed patet etiam regula latius, alioquin non esset regula, hoc est, non tantum continet jus reip. aut fiscale, sed etiam jus commuæ, leges, plebiscita, edicta, & mores. Verum ad hanc regulam addidi unam exceptionem, nisi scilicet privata conventio quæ derogat juri publico, lege aliqua, aut constitutione nuntiat ac confirmetur, *l. ult. C. de temp. C. repar. appell.* quia scilicet re ipsa hæc pactio non derogat juri publico cum probetur jure publico, & sit legitima conventio. Addam hodie similiter exceptiones duas. Unam ex *l. 1. §. inde queritur, de op. novi nunt.* Finge: Si vicinus meus faciat novum opus, quod arbitror juri meo officere posse, possum eum impedire, ne ædificet, nuntiatione novi operis instituta, etiam non adito prætoris (quanquam jure Gallico oporteat adire magistratum) post eam nuntiationem litigatores se committunt prætoris jurisdictioni, ut animadvertat, remittenda sit nuntiatio, nec ne. Et qui ædificat antequam prætor remittat nuntiationem, facit contra edictum prætoris de novi operis nuntiatione, & tenetur interdicto restitutorio ut dicat quod ædificavit, cujus formula hæc est: *Quod adversus edictum prætoris fecit.* Inde queritur, an sine jussu prætoris pacto remitti possit nuntiatio? & videbatur non posse, quia in ea re verliatur prætoris imperium, etque res pendet ex jurisdictione prætoris, *d. l. 1. §. inde queritur, l. 7. §. si pacificus, hoc tit.* quæ neglecto imperio prætoris, hoc est, non adito prætoris, & admittit hujusmodi pactio quæ remittit nuntiationem, videtur privata pactio præponi imperio prætoris: edicto prætoris, ergo non admittenda, nec servanda. Sed magis placet servandam esse eam pactioem, & valere non minus remissam nuntiationem a denuntiante, quam si fieret a prætoris, quia scilicet uterque idem agit & spectat, ut finiantur lites inter vicinos: idem agit hæc pactio: quod agit & prætor: atque ita re ipsa nihil derogat juri publico: idem enim agit, quod edictum prætoris. Alia exceptio erit ex *l. 31. hoc tit.* At lex: pacifici licet contra edictum Edilium curulium omnimodo: quid est omnimodo? sive initio venditionis convenierit aliquid contra edictum edictum, sive post, rata est conventio, & infirmat Edilium edictum. Finge convenisse inter contrahentes, ne ageretur actio redhibitoria ob morbum vel vitium rei venditæ, quod est contra edictum edictum. Si ita convenierit post venditionem, sane rata est conventio, quia quæ sita actio emptori, ab eo ultro remittitur: & nemo invitatus cogitur uti jure suo. Sed si initio venditionis ita convenierit, an valet ea conventio? Et ait valere. Pacifici contra edictum edictum, est juri publico derogare. Et licet regula enuncietur duobus modis: contra leges, vel SC. aut constitutiones, pacta conventa non valent, non servantur a prætoris. Vel, *jus publicum non potest mutari pacto privatorum*; & ita dicitur videtur esse regulæ; tamen una tantum est, hoc sensus: pacta contra formam juris publici, contra leges, plebiscita, Senatusconsulta, mores, edicta prætorum, constitutiones non valent. Sed addamus etiam pacta facta a privatis, aut inter privatos contra jus fiscale non valere. Item, pacta inter privatos facta contra jus reipubl. non valere: & hoc ad ecclesiam trahi posse, quia in jure sepe comparatur reipublicæ. Ideo autem pacifici contra edictum

B 2

adi-

edilicium licet quia ea est mens edilium, ut ob eum tantum morbum, aut vitium sit actio redhibitoria, quod in gerendo negotio venditionis exceptum non sit: quod si generaliter omnes excepti sunt, cur non erit rata conventio? Et in summa, in his exceptionibus videtur quidem pactio privata derogare juri publico prima fronte, sed re ipsa non derogat, quia id fit ex mente, aut permittit legis, vel edicti, vel constitutionis. Hæc sunt, quæ maxime notanda erant ad hanc regulam.

Ad L. Ult. de Transact.

Venditor hereditatis, emptori mandatis actionibus, cum debitor hereditario, qui ignorabat venditam esse hereditatem, transigit: si emptor hereditatis hoc debitum ab eo exigere velit, exceptio transacti negotii debitori propter ignorantiam suam accommodanda est. Idem respondendum est in eo, qui fideicommissam recepti hereditatem, si heres cum ignorante debitor transigit.

Species hæc est: Heres vendidit hereditatem omnem, hoc est, jus universum, & mandavit emptori, hoc est, cessit actiones hereditarias: (in jure idem est mandare, cedere, exhibere. Erat necesse cedere actiones hereditarias emptori ante constitutionem D. Pii. Hodie etiam sine cessione in emptorem actiones transeunt, l. 16. de pact.) Is heres post venditam hereditatem certa pecunia transigit cum debitor hereditario, ignorante venditam esse hereditatem: an erit emptori hereditatis actio utilis ex cessione in debitorem hereditarium? Sic sane: sed repellitur exceptio transacti negotii, vel transactionis, quamvis non transigerit cum emptore, sed cum venditore: qua ratione fit, ut ei, qui non transigit, noceat transactio facta cum alio: & ob id hæc exceptio non est directa, sed utilis: quod hæc significat Papinianus in hac l. dum ait, *est accommodanda*, id est, inflectenda: nam in jure passim actiones & exceptiones dicuntur accommodari, hoc est, indebiti & transferri in causam, in quam proprie non conveniebant, ideo a Græcis vocantur *ἀναγινώσκονται*, quasi oblique actiones, vel exceptiones: si hæc exceptio datur ex utilitate, ne iusta ignorantia noceat debitori hereditario: qua ratione fit, ut debitor liberetur, qui solvit procuratori finita procuratore, si ignoret finitam esse, §. *Item si, de mandato, l. ejus, ff. de rebus cred.* Et patet idem juris esse in solutione quod in transactione: nam si debitor hereditatis ignorans venditam fuisse hereditatem, venditori hereditatis solverit, sane ipso jure debitor liberabitur, nec poterit cum eo experiri emptor hereditatis. Solutio ipso jure liberat, transactio per exceptionem: nam genus passionis est & passio nisi sit legitima, non liberat quenquam ipso jure, sicut nec obligat. Utitur Papin. similitudine fideicommissarii Trebelliani, non abs re: nam & fideicommissarius Trebellianus, & emptor hereditatis, uterque vicem heredis obtinet, & effectu quodammodo heres est, l. 2. §. *pen. de hered. vel act. vend. l. 5. quod cum eo, qui, & in utrumque transeunt actiones utiles etiam sine cessione: ex constitutione D. Pii in emptorem hereditatis: in fideicommissarium vero ex Senatusconsulto Trebell.* Nunc finge: post restitutam hereditatem heres transigit eum debitor hereditario accepta certa pecunia, cum scilicet debitor ignoraret causam fideicommissi, aut restitutam hereditatem: si cum eo agat fideicommissarius utili actione, repelletur eadem æquitate, exceptione transacti negotii cum herede. Sed laudo, quod dixit Accursius, emptori hereditatis vel fideicommissario teneri heredem vel venditorem, qui restituit, quia non præstitit integram hereditatem, non præstitit nomen illud, quod ipse extinxit facta transactione: nihil igitur damni facit emptor hereditatis, aut fideicommissarius Trebellianus, sed nihil etiam debitor, qui transigit ignorans. Rectissime autem ponit Papinianus, eum transigisse ignorantem: nam si sciens transigit, proculdubio tenetur: nam imputari ei potest, cur solverit ei, cui

non debuit: nam post venditionem hereditatis vel restitutionem, heres quidem remanet venditor hereditatis, ac etiam is, qui restituit, sed nomine, sed non re: actiones habent directas, sed sine re: nam si nomen est sine re, & actiones igitur. Sciens igitur debitor venditam aut restitutam esse hereditatem, de se queri debet. Recte etiam Papinianus ponit, heredem transigisse post venditam hereditatem, vel restitutam: nam quod gestit heres ante venditionem aut restitutionem hereditatis: id ratum habendum est semper, neque distinguitur hoc casu inter scientem & ignorantem, l. ante restitutam 104. de solut. quam adducit Accursius.

Ad L. VIII. de Postul. & l. 5. de decurion. & eor. fil.

Imperator Titus Antoninus rescriptit, eum, cui advocacionibus in quinquennium interdictum esset, post quinquennium pro omnibus postulare non prohiberi: Divus quoque Adrianus rescripterat, de exilio reversum postulare posse, nec adhibetur distinctio, quo crimine silentium vel exilium sit irrogatum, ne scilicet pena tempore determinata contra sententiam fidem ulterius porrigatur. Ad tempus ordine motus ex crimine, quod ignominiam importat in perpetuum moveri placuit: ad tempus autem exulare iustos, ex crimine leviori, velut transactio negotii, non esse inter infames habendos.

In hac l. Papinianus duo proponit rescripta, nec tamen quid de his arbitretur, exponit, nec invaluerint ea unquam an secus: nec enim semper omnia rescripta vim suam habuerunt: & quod experimur etiam hodie, idem fuit olim: non omnibus constitutionibus fuit sua vis. Refert igitur Papin. sententiam rescriptorum, nihil præterea: primum rescriptum est Titi, is est Antoninus Pius, non Caracalla occisor Papiniani, ex quo rescripto advocatus, cui silentium indicitur ad quinquennium, id est, ne pro aliis postulet, post quinquennium postulare potest. Subiicit ex rescripto Adriani, etiam advocatum relegatum ad tempus (nam exilium hic accipitur pro relegatione: deportatio enim nunquam irrogatur ad tempus) post tempus impletum postulare posse pro aliis. Hoc autem addit de suo Papin. ea rescripta esse generalia, nos igitur non debere illa distinguere: nam vox illa scholæ est vera; *Ubi non distinguitur lex, non debemus distinguere*. Non exprimit rescriptum, an damnatus sit advocatus famosa ex causa, an vero ex alia.

Itaque quacunq; ex causa, quocunq; ex crimine, sive famoso, sive non, ad tempus quis relegatus sit, vel interdictus sit officio advocacionis ad tempus, post tempus pristino officio fungi potest, quia rescripta non distinguunt, id est, sunt generalia: nobis non licet addere distinctionem, quia ratio rescriptorum est generalis: nec sunt hac ratione casus alii ab aliis separandi: & in summa non est adhibenda ulla distinctio, & ratio est, ne pena tempore deserta porrigatur ultra sententiae finem, ut in l. 3. de decur. ne exaggeretur, inquit, sententia, quæ certum modum habet. Ergo pena non est exaggeranda aut amplianda, sed minuenda potius & mollienda. Et hoc est, quod in hac l. a Papin. proponitur, in qua sunt in eandem rem consentientia rescripta: unum Adriani, quod fuit prius: alterum Antonini Pii, quod fuit posterius. Rescriptum autem minus est quam edictum, quamquam hodie parem vim habeant. Rescriptum mittebatur ad unum consultorum: edictum est lex missa ad populum, ad provinciam, ad S. P. Q. R. Post hæc rescripta subsecutum est edictum Caracallæ, quo generaliter sublata omni distinctione cavit, eum qui ordine decurionum motus est ad tempus poenæ causa, vel eum, cui advocacionis interdictum est, vel alio quolibet officio, puta tabellionis, aut pragmatici officio, post tempus posse fungi honore & officio pristino: Et edicto caverit nominatim: non esse distinguendum, qua ex causa ad tempus sit motus officio, vel quolibet ordine, an ex causa famosa, puta falsi, vel furti: nam post tempus, pristinum honorem

rem & dignitatem & officium recuperabit. Idem etiam erit, si leviore poena affectus sit, dum ordine motus est, seu quo alio officio ad tempus, quam legibus statuta esset: si extra ordinem (ut apertius dicam) sit ei inflicta poena lenior, quam statuta esset legibus: nam non ideo minus post tempus statutum poenæ restituatur officio: atque ita experietur duplicem humanitatem. Nam & parietur clementiorem sententiam seu poenam, & post tempus poenæ etiam recipiet honorem & officium pristinum. Et hoc edictum ita exponitur ab Ulpiano in l. 3. de decur. & extat etiam ejusdem edicti pars in l. 1. de his qui in exilium dati, vel ordine moti. ubi ait, posthac, id est, in posterum, quasi ante id non obtinuerit Romæ. Unum notandum, quod proponitur in l. 2. eod. tit. 59. C. l. 15. ad municip. ad tempus ordine motum post tempus redire in ordinem indistincte, ut vult edictum: quacunque ex causa damnatus sit: & esse decurionem igitur ut fuit ante: sed non admittitur ad honores statim, qui solent deferri decurionibus, nisi tanto tempore in eo ordine fuerit post completum tempus poenæ, quanto ea dignitate caruit, aut eo ordine abstinuit: post deferrentur ei honores non minus quam ceteris gradatim, & sigillatim, ut solebat fieri. Habemus igitur duo rescrita, & edictum unum, quæ consentiunt in idem. Sed habemus præterea etiam rescritum Severi & Antonini ex l. 3. C. ex quib. caus. inf. irrog. quod ponitur decurio ex causa famosa ordine motus ad tempus, & mitiore sententia iudicis, quod forsitan is debuerit moveri ordine in perpetuum secundum leges, sit autem motus ad biennium, & sic expertus est mitiorem sententiam ex causa famosa, tamen post biennium non habetur infamium numero, & redit in ordinem decurionum. Hæc igitur quatuor constitutiones mirum in modum inter se consentiunt. Sed repugnant nonnullæ leges, quas nunc exponemus. Ac primum l. 5. de decur. quæ tamen est Papiniani ex eodem libro, atque ita huic l. coniungenda: imo vero prius explicanda fuisset, quam hæc. Exponamus igitur eam quæ distinguit, quæ ex causa damnatus quis sit, & conferamus etiam singulas leges, quæ superioribus constitutionibus adversari videntur, hoc est, quæ distinguunt, quæ ex causa damnatus sit quis, cum constitutiones nullam distinctionem admittant. Utamur bipartita distinctione: aut damnatus quis ex causa famosa, aut non famosa. Si ex causa non famosa, non turpi, relegatur quis, vel mittitur in exilium ad tempus, quanquam hoc vix fieri possit, ut relegatur quis ex causa non famosa, sed tamen fieri potest: Si ex causa non famosa ordine moveatur ad tempus, sane post tempus redit in ordinem: non enim est infamis: nec est quod impediatur: & ita interpretanda est l. falsi pæna, §. 1. ad l. Corn. de falsis. Advocatus quidam ordine decurionum motus est ad tempus (poterat quis esse advocatus & decurio, l. 56. C. de decur. lib. 10. & perperam quibuscumque curis excluduntur hodie advocati a consilio municipiorum, des consilis de la ville) ordine, inquam, motus est ad tempus, quod falsum instrumentum apud Præsidem recitasset, quodque etiam falsa allegatione usus esset, non quod exarasset ipse, sed quod recitasset tantum, an tenetur lege Cornelia de falsis? Minime. Iudicio publico legis Cornelia de falsis, quod est famosum, tenetur is, qui falsum fecit, non qui recitavit, sed tamen & recitator plectendus est, verum non fit infamis: atque ita advocatus, qui falsum tantum recitaverat, ex causa igitur non famosa, ad tempus ordine motus, post tempus recipit pristinum dignitatem. Idem erit in plebejo qui non est decurio; & hæc sunt certissima: si advocatus, qui non est decurialis, sit relegatus ad tempus, post tempus poterit decurio creari, nec arcebitur curia & honoribus civitatis. Quid vero si damnatur quis ex causa famosa? Sic distinguendum rursus: vel damnatur poena extraordinaria, vel legitima. Et hic in primis sciendum, poenas olim fuisse legitimas, nec potuisse irrogari a magistratu: poenæ irrogatio est legis, non jurisdictionis. Erant igitur poenæ criminum

A certæ & legibus definitæ: nec a magistratu, cui data erat poenæ irrogatio, hoc est, merum imperium, poterat alia poena irrogari, quam quæ erat legibus definita; ac propterea dicitur ab ea poena non posse appellari: nam appellaretur a lege: Nec enim tam magistratus irrogat poenam, quam lex l. 13. aliud, de verb. signif. Verum non tantum poena hæc fuit olim legitima, sed etiam ordo exercendorum publicorum iudiciorum, fuit legitimus, seu solemnitas ejus legitima fuit, ac ordinaria, quam Gallice vocamus la procedure. Deinde ordo cepit esse extraordinarius, cepit contemni ordo solemnium legum, manente adhuc poena legitima, l. 8. de publ. jud. postea etiam cepit non observari poena legitima, & subrogatae sunt extraordinariæ ex constitutionibus, l. 7. §. ult. ad l. Jul. reper. l. ult. §. 1. ad leg. Fab. de plag. l. 13. de poen. l. 2. de prevar. Quod usque adeo verum est, ut fur non manifestus, qui ex legibus damnabatur in duplum, hodie damnetur in quadruplum extra ordinem: quia omnes poenæ sunt extraordinariæ, l. quid ergo, §. poenæ de his qui not. inf. Et hodie cur non utimur actione furtiva in duplum aut quadruplum? Quia non sunt in usu poenæ legitimæ: omnes sunt extraordinariæ posite in arbitrio iudicis, eaque ratione recte appellatur a poena: & sic est falsum hodie, quod ait Ulpian. in d. l. aliud 13. Redeamus ergo ad distinctionem: aut irrogatur poena legitima, aut extraordinaria. Si irrogatur extraordinaria, quæ sit gravior quam legitima, ut si is, quæ ex causa famosa debuit ad tempus ordine moveri secundum leges, extra ordinem ad tempus sit relegatus, quæ poena est durior, post tempus non habebitur inter infames, quia durior poena vel sententia transactum cum eo videtur de infamia, ut scilicet non fit infamis, qui durior poenam passus est, ut relevetur infamia, utque conservetur ejus æstimatio, qui durior poenam patitur poenam, quam lex permittit. Et ita in actione furti, quæ est famosa, & cuius poena est tantum dupli vel quadrupli, si ex causa furti conventus non condemnatur in duplum vel quadruplum, sed relegatur ad tempus, vel damnetur in opus publicum ad tempus, an post tempus erit infamis quasi damnatus poena legitima? Minime: quia severitas poenæ videtur transigisse de infamia, nec poena est producenda, sed minuenda quoad ejus fieri potest. Severiorem poenam patitur, an æquum est ei adici infamiam? Minime vero. Et hoc est quod ait in secunda parte: Ad tempus exulare iussus ex crimine leviori (quod scilicet non meretur poenam illam, sed leviorē) velus transactio negotio non esse inter infames habendos. Idemque ostendit l. 4. ex quib. caus. inf. cuius species adnotanda est, quia difficilis. Finge: Quidam, qui secundum leges in annum tantum debuit relegari, relegatus est in quinquennium ex causa famosa. Ex inquit, non excecit sententiam, quod est obscurum, hoc est, poena sua functus est, non fuit refuga poenæ, sed permansit in exilio per quinquennium; alioqui duplicaretur exilii tempus: nam contumacia refuga duplicat poenam, l. 4. aut damnatum, §. quisquis, de poen. an hic post quinquennium habebitur infamis? Minime, quia severitas poenæ cum eo videtur transigisse de infamia: non subicitur ergo duplici severitati. Idem dicitur in l. in servorum, §. ult. de poen. l. 4. §. ad tempus, de re milit. l. 13. §. poenæ, de his qui not. inf. l. ordine, ad municip. Hæc omnia adhuc consentiunt cum constitutionibus: nam post tempus poenæ non habetur infamis, qui damnatus est graviori poena. Verum ut sumamus alteram partem distinctionis: si ex causa famosa irrogata sit poena legitima, vel etiam poena ordine motus sit ad tempus poena legitima, vel etiam poena extraordinaria, quæ sit levior quam legitima, hoc casu post tempus manet infamis, & in perpetuum removeatur ordine ob infamiam. Et hoc proponit prior pars l. 5. & idem omnino est, si decurio sit relegatus ad tempus: nam ut ait l. 3. in prin. hoc tit. boni debet consulere humanitatis sententia (il se doit contenter de cela) quod sit levior poenæ affectus, nec desiderare, ut post tempus redeat in ordinem. Post tempus igitur non recipiet pristinum honorem,

rem, sed habetur infamis. Omnis infamia proprie est perpetua, nisi Princeps restituat famam, qui solus potest abolere infamiam. Et quod dictum est ante, post tempus non haberi infamiam numero eum, qui graviore poena affectus est, quam sit poena legitima, ita accipiendum est, ut nec retro intelligatur fuisse infamis: quamvis subierit poenam quandam infamiae. Sunt hi effectus infamiae, ut infamis non possit acculare, l. 8. de accus. ut non possit esse iudex, l. 12. de iud. non possit assidere iudici, l. 2. de off. assessor. ut severius puniatur quam is, qui est integræ famæ, si quid deliquerit, quod est magni momenti, l. 28. §. pen. de pen. Et ut eleganter ait M. Tullius pro Cluentio: ut in perpetuum omni honore & dignitate privetur, vel ut Tertullianus de spectaculis, Arcetur curia, rostris, Senatu, equis, & ceteris omnibus simul honoribus, ac ornamentis, quod congruit cum l. 2. C. de dignit. & l. 8. C. de decurion. Ergo si quis secundum legem vel etiam extra ordinem mitiore sententia, quam lex esset, ad tempus sit ordine motus vel relegatus, post tempus erit perpetuo infamis. Idem erit, si ad tempus damnatus sit in opus publicum, quæ est species l. 6. C. ex quibus caus. inf. in qua breviter hoc ait. In opus publicum damnatum ad tempus capite non minui, sed tamen post tempus infamiam numero censi, quando scilicet extra ordinem passus est mitiore sententiam, vel etiam ex ordine poenam legitimam ex causa famola. Idem ostendit l. 4. §. ad tempus, de re milit. Igitur l. 6. C. d. §. ad tempus & l. 3. in princip. de decur. & prior pars hujus quæ omnes leges volunt post tempus poenæ manere infamiam, pugnat cum constitutione Adriani. Prior pars l. quamvis sit ejusdem Papiniani pugnat cum l. 8. de postul. Et in querenda ratione componendi diffidii frustra fueris diligens: nulla enim est. Et hoc tantum respondemus, separandas esse constitutiones a jure quæ separatim in plerisque juris locis plurimum conducit. Juris nomine intelliguntur leges veteres populi Rom. & auctoritates Jurisconsultorum: ita nonnunquam scribitur aliquid esse cautum, non tantum jure, sed etiam constitutionibus, l. 33. de condit. & demonstr. l. 4. §. contra, de dol. except. l. 1. §. propter, nihil innov. app. int. l. 2. de offic. assessor. l. 2. C. de divers. rescript. l. 1. tit. 23. l. 5. quorum appellat. Et plane separat jura a constitutionibus Macrinus Imp. juris peritissimus & amantissimus, quem Capitolinus scribit, iussisse abolere omnia Principum rescripta, ut ex jure ageretur, non ex rescriptis. Sane non abs re. Nam rescripta & constitutiones jus omne populi Romani exturbaverunt, quo cum comparata cetera jura, incondita videbantur. Magna est quaestio, an liberis damnatorum patronorum conservetur veluti jus patronatus, quod habuit, qui damnatus est capitali iudicio? Minime, si sequamur l. 3. de releg. & inter. quæ de jure patronatus loquitur. Contra l. 4. de jure patron. ait, liberis damnatorum jus patronatus conservari, & proferunt constitutiones, quæ benignissime, ut ait, eisdem conservant jus patronatus, quod jus nolebat. Est etiam magna quaestio de maiore parte creditorum, quæ paciscitur cum debitore interveniente Prætoris solemniter, dum scilicet timent, ne labatur facultatibus, ne fore cedat. Solent convenire in unum omnes creditores vel major pars, & adhibito solemniter Prætoris pacisci cum debitore in partem aliquam debiti, ne totum amittant. Finge igitur ita rem actam apud Prætorem a maiore parte creditorum, an hoc nocet absentibus creditoribus? Sed an & noceat quoad privilegium, an aufert privilegium absentibus? Inquit aufert. Sic sane propter decretum Prætoris nocet quo ad actionem personalem, l. 58. si procedente §. Lucius, mand. quod est jure. Sed l. rescript. 10. in pr. de pact. vult, etiam privilegium auferri vel minui absentibus creditoribus ex eadem lege quæ loquitur de rescripto, quo id introductum est contra jura. Et ita in questione proposita discernendum jus a constitutionibus: & concludendum omnino ita ex edicto Caracallæ, eum, qui ordine motus est vel ad vocationibus vel quolibet alio officio ad tempus, post

tempus non haberi infamiam numero, indistincte quacunque ex causa & quacunque poena affectus sit. An idem dicemus de relegato ex causa famola, ut cum esset affectus poena legitima vel etiam extraordinaria & clementiore quam esset legitima? minime: quia edictum Caracallæ, quod est posterius, non loquitur de relegato ad tempus, sed de eo, qui ordine motus ad tempus poenæ causa. Rescripserat quidem Adrianus, relegatum ad tempus, post tempus non esse infamiam numero, eumque postulare posse, in l. 8. de postul. Sed non obtinuit rescriptum illud, nec Antonini. Et necesse fuit postea proponi ab Antonino Caracalla edictum generale, quod non comprehendit relegatum, sed ait posthac, quasi velit, hanc rem dirimi ex edicto suo, non ex prioribus rescriptis. Ergo hodie in relegato ad tempus jure sequemur, ut proponitur in l. 3. de decur. in qua etiam hoc edictum Antonini refertur & ait, sub illo edicto non contineri relegatum ad tempus. Igitur post tempus manebit infamis, scilicet si relegato ad tempus fuit poena legitima, vel etiam si fuit extraordinaria sed mitior, quam esset legitima.

Ad L. ult. De his, qui not. inf.

Exheredatum quoque filium, luctum habere patris memoria placuit: Idemque & in matre juris est, cujus hereditas ad filium non pervenit, §. 1. Si quis in bello ceciderit, etsi corpus ejus non compareat, iugebitur.

Certum est, heredem etiam extraneam lugere defunctum debere, a quo hereditas ad eum pervenit: nam & familia ejus funesta est, quoad iusta fecerit defuncto, l. si ex re, §. ult. de stip. sero. Quod quidem descendit ex jure Pontificio veterum. Hoc autem argumentum eo loco ostendit Gaius, servum hereditarium recte stipulari heredi futuro: nam jacente hereditate & nondum adita, videbatur inutiliter stipulari, quia heres eo tempore extraneus est, sed tamen placet valere stipulationem, quia qui postea heres est, retro videtur successisse defuncto a morte ejus, l. heres quandoque 54. de acquir. heredit. tempus additionis cum tempore mortis conjungitur & additio retrotrahitur ad tempus mortis. Idque, inquit ex eo apparet, quod familia heredis intelligitur fuisse funesta a tempore mortis, licet aliquo post tempore heres adiverit hereditatem: si funesta sit familia heredis, purganda igitur erit & expianda, quod non fit sine luctu. Nec tamen heres, qui iusta facit defuncto, & ideo continuo videtur se pro herede gessisse. Gestio pro herede magis est animi quam facti. Si iusta fecerit defuncto, si funus duxerit, si sepeliverit defunctum animo heredis, videtur se pro herede gessisse: si pietatis causa, secus est: nam ut pro herede gessisse dicatur, hoc in animo esse debet, ut velit esse heres, l. pro herede, §. 1. de adq. heredit. & ita alienorum negotiorum gestio, magis est animi quam facti. Si quid gessisti pro alio, animo procuratoris, est ultro citroque negot. gestorum actio: Si pietatis causa, nulla actio est, l. ex duobus 27. §. ult. l. Nefennius 34. de neg. gest. At si heres velit esse heres & adeat hereditatem, vel quo alio modo eam adquirat: sunt enim plures modi adquirendæ hereditatis, E sane habebitur inter ingratos, impios, infames, nisi funus faciat defuncto, nisi iusta funerum defuncto perfolvat, supremum officium, exequias, inferias, solemnia mortis, ut loquitur l. Marcia 44. de man. testi. nisi colat & celebret memoriam defuncti, a quo hereditatem accepit. Hic est luctus, quem ab herede desideramus, ut colat memoriam defuncti: hic est luctus temporarius, aut paucorum dierum, non annuus; alioqui est infamis, nisi in luctu sit paucorum dierum, si non jure, re ipsa saltem & opinione hominum, l. 5. C. de relig. Si non infamis, notatus saltem est: nam & infames a notatis separantur, l. 2. C. de dignit. lib. 12. ut exheredatio est nota, non infamia, l. multi, de lib. & post. Ac præterea heres, qui non luctet defunctum, quique defuncto iusta

non facit, jure Pontificio veteri contrahit porcam præcidaneam, ut scribunt Cicero, Varro, Festus, Gellius, & Victorinus, hoc est, hac poena pœditur, ut quotannis Telluri & Cereri immolet porcam ante fruges novas, quæ dicitur præcidanea, quod mactetur antequam heres possit capere fruges novas, & arva metere: annua religione obstringitur in perpetuum, qui ea fungi semel potuit, nec functus est. Porca præcidanea facit quotannis, quod semel facere potuit Porca præsentanea, hoc est, in præsentia, & quasi in conspectu mortui. Nam porcam præcidaneam opponi præsentaneæ eleganter scribit Marius Victorinus in libel. de orthograph. Denique memoriam defuncti heres celebrat quotannis, qui cogeretur semel, nisi aliud testator cavisset, ut in l. 18. §. ult. de alim. leg. l. legatum, de usufr. leg. & elegans est in hanc rem ratio d. l. legatum, quæ ponit, legatam fuisse civitati pecuniam certam, ut ex ejus usuris five redditu, quotannis spectacula celebrarentur, memoriæ defuncti causa. Id vero spectaculum in ea civitate nemini edere licebat: erat illicitum more civitatis. Quid fiet? an ea pecunia cedet lucro heredis? Minime, sed adhibito advocatogue herede, & primoribus civitatis dispiciendum erit, in quam aliam rem pecuniam converti oporteat, ut memoria defuncti celebretur alio & licito genere: qua lege recte memini alias Philippum Melancthonem uti, & eam accommodare ad mores justæ patriæ, cum illa certum genus celebrandæ memoriæ defunctorum abrogasset, ut eo uti non liceret, licet id præcepisset defunctus, qui propterea ex hac l. arbitratur eam pecuniam non debere cedere lucro heredum, sed in aliam justam causam convertendam, veluti in institutionem juvenum, aut aliam quamvis similem, ut alio genere conferretur memoria defuncti. Ut autem luctus mortui Latine variis nominibus esset, funus, iusta, supremum officium, vel suprema exequia, inferia, solennia mortis, sic, & varie Græci ἱδνῆα, νεκρῶνα, ἐπὶ νεκρῶνα, πρὸς νεκρῶνα, & ut dicunt νεκρῶνα πρὸς, ita Latini iusta ferre, non solum iusta facere, ut in l. 2. de in jus voc. d. l. pro herede Virgil.

— ingrato suprema ferebat.

Et alio loco,

Absente ferat inferias decoretque sepulcro.

Ovidius, — exequias ferre, &c. & alio loco:

Hinc quia iusta ferant, dixere feralia luctum.

Et Statius 12.

— Et miserabile surgit,

Certamen, qui iusta ferant, qui funera ducant.

Et idem lib. 6. (qui locus adhuc est corruptus.)

— Quid inania feris

iusta

Vulgo legitur, iusta.

Luctus ergo, ut ad rem redeamus, quem ab herede desideramus, consistit in exequiis, in funere faciendo, iustis faciendis, celebranda memoriæ defuncti, etiam in amictu atro, dum is supra terram esse solebat esse supra terram dies novem: tot diebus constabant iusta & inferiæ mortuorum, quæ dicebantur νεκρῶνα, id est, feriæ mortuorum, aut memoriæ: Idque constat ex Nov. 115. & 133. Atque ob eam rem intra dies novem nihil peti poterat ab herede, nec a quoquam qui lugeret defunctum, l. 2. & 3. de in jus voc. l. 36. de iud. Ita Donatus in Phormione, In funere novum diem esse solennem, & D. Augustinus in Genes. Luctum celebrari novem dies, & Latine appellari novendialia, quem tamen morem non vult observari a Christianis. Probat quædam Justinianus, quæ Theologi non probant, veluti festum Papiniani notari, & illa novendialia, dict. Nov. 115. & Nov. 133. quæ Græci veteres recte interpretantur ἡμέρα ἐνὶ νεκρῶ πρὸς Περغام. Lugeri debet defunctus non tantum ab heredibus, sed & a liberis, l. 11. in princ. & l. parentes 23. h. tit. & a liberis defunctus per annum. Tit. Livius lib. 2. Brutum, inquit, matrona annum, ut parentem luxerunt, quod tam acer ulsor violata pudicitia fuisset. Et parentes igitur sunt lugendi annum, sed non necessario annum

A integrum, ut inferius demonstrabitur, & lugendi sunt a liberis, etiam si sint exheredati a patre, vel præteriti a matre, qui pro exheredatis habentur, §. ult. Instit. de exher. lib. Pater non exheredat, nisi nominatim: mater etiam silentio exheredat, puta extraneo herede scripto & filio omisso. Et hoc est, quod ait Papin. in priori parte huius legis. Cur liberi, qui parentibus heredes non extiterunt lugent illos? quia per exheredationem, vel præteritionem non desinunt esse liberi, licet amittant jura liberorum, l. 9. §. si filium, de lib. & post. l. filium, §. videamus, de bon. poss. contr. tab. l. 1. §. post. suos, de suis, & legit. Retinent tamen quædam filii exheredati, velut jus sepulchri hereditarii, quamvis jus hereditum & filiorum amiserint, l. 6. §. 1. de relig. & sumpt. retinent dotem sibi datam a parentibus, vel liberis suis, vel datam parenti eorum causa & nomine, l. dotem, de coll. bon. l. 1. §. Celsus, l. 13. de dote præleg. l. un. §. videamus, C. de rei ux. act. retinent adsignationem libertorum, si quos eis vivus pater adsignaverit, quamvis eos postea exheredaverit: nam exheredatione sola non desinunt esse liberi, quo solo nomine admittuntur ad jus patronatus, l. 1. §. sed est, de adsig. lib. retinent lucra nuptialia, Nov. 22. l. hac edita, l. 1. §. ult. C. de sec. nupt. retinent casam militiæ, quod est lucrum quoddam Nov. 35. & 53. cap. 5. Exheredatio igitur non omnia prorsus adimit, & licet adimeret omnia, tamen quia liberi sunt, parenti luctum debent, quem si non præsent, non carent nota vel infamia. Non est hic luctus annuus, sed novem dierum, & transactu facilissimus, qui consistit in eis, quæ ante dicta sunt. Addendum est eis ex l. 23. h. t. lugeri etiam a parentibus liberos debere. Parentes igitur & liberi lugentur, imo generaliter cognati lugentur omnes & agnati. Sed animadvertendum, quem modum his præscribit d. l. parentes. Lugendi, inquit, sunt agnati & cognati secundum pietatis rationem. Pietas exigit luctum ab omni cognatione & agnatione. Et adijcit: & animi sui patientiam, prout quisque voluerit. Ex quibus verbis existimant vulgo hunc luctum esse voluntatis, non necessitatis, quod non est admittendum. Nam lex ait, lugendi sunt: neque vero ulla est lex, nisi conjuncta sit necessitati. At quod ait, secundum animi sui patientiam prout quisque voluerit: hoc significat, prout quisque hunc dolorem ferre poterit, pro captu & voluntate cuiusque: ita tamen ut lugat aliquo modo: & Græci recte interpretantur, κατὰ τὴν κατὰ τὴν οὐχί, secundum quod quisque animo ferre valet, secundum animi constantiam qui mos etiam fuit majorum nostrorum honestissimus. Alias facie, qui non lugent parentes, liberos, agnatos, cognatos, non carent nota vel infamia, hoc est, qui dum mortui sunt supra terram, ut veteres loquebantur, iusta eis non persolvunt, qui non funus sequuntur amicti atra veste: nam & hic mos fuit Paganorum, sicut & Christianorum nunc est, ut omnis agnatio & cognatio atra vestis sequebatur. Ergo non carent nota vel infamia qui non lugent parentes, liberos, agnatos vel cognatos, quique lachrymulam debitam non spargunt: nam & lugeo fortasse trahitur a λυγῶ, quod est singultio: nam de lugente Cupidine Ovid.

B

C

D

E

Oraque singultu concussiente sonant.

Et Arist. λυγῶν δὲ δακρύων. Ex his intelligitur qualis luctus exigatur a cognatione & agnatione, maxime ut sequantur funus amicti atra veste. Nemo est, qui id melius expresserit quam Varro apud Non. Propinqua, inquit, adolescentula, amicta etiam anthracinis vestibus, proxime amiculo nigello & capillo demisso funus sequuntur. Et alio loco: ut dum supra terram esset vicinis lugerent. Ricinia sunt vestes funebres atræ: & alio loco: in luctibus vestitum delicatorem ponunt, ricinia sumunt, quæ vestis erat pulla, & anthracina, habitus lugentium: & ita dicimus lugendos esse parentes, liberos, cognatos, & agnatos, alioquin notari eos: non eos dicimus esse elugendos. Et ideo subijcit idem Ulp. in d. l. parentes, eum qui non eluxit non notari infamia. Denique vult eum, qui non luxit, notari, non eum, qui non eluxit: & hoc

& hoc est etiam, quod sit in hac quoque lege, *Exheredatum filium habere luctum patris memoria*, id est, dum celebratur memoria patris, dum iusta perfolvuntur patri ab agnatione & cognatione omni. Differentia est inter *lugere*, & *elugere*. Plus elugere est, quam lugere, ut plus est evincere, quam vincere: nam evincere est rem auferre post victoriam, *l. evicta 16. §. 1. l. non ramen, de evict. l. 6. de servis export.* Plus est exigere quam agere: nam exigere est extorquere, & exprimere pecuniam, postquam existit. Elugere est consummare luctum annum. Agrotius vetus Grammaticus, *Eluxit, qui luctum deposuit*: & Livius 34. *Quid aliud in luctu, quam purpuram ponunt atque aurum deponunt? quid cum eluxerunt sumunt?* Et ita diximus, non esse elugendos parentes, liberos, agnatos, cognatos anno integro, ut uxor virum solet, sed lugendos tantum, & persequendum esse ab eis funus defuncti, eo quo diximus habitu, eaque religione. Et ita in *l. 1. b. tit. semper existimavi illo illo quo dicitur, infamem esse eum, qui filiamfam, mortuo genero intra id tempus, quo virum elugere moris est, antequam eum elugeret, in matrimonium collocaverit*: nam ante annum non recte nubit alteri mulier: & si nupserit, plectitur; legendum, *lugere*, pro *elugere*, ut postea subiiciatur, *antequam virum elugeret*, id est, ut peractum annum luctus: & secundum hoc explicanda est *l. 15. C. ex quib. caus. inf. irrog.* quae vulgo perperam accipitur, & posset multis imponere, ut mulieri lugenti virum remittatur vestis atra, tristior habitus, & insignia doloris, quod nunquam fuit observatum generaliter: neque ea est sententia legis, ut Senatusconsulto sit remissus mulieribus tristior habitus. Et Paulus recte ult. tit. 1. sentent. *Is qui luget, abstinent debet a convivio, ornamentis, & alba veste*: & haec est sententia illius legis: si quando Senatusconsulto ex aliqua causa remittatur & minuat luctus, ut accidit post Cannensem cladem, in qua ceciderunt tot cives Romani, ut omnes mulieres cernerentur atratae: quae cum tandiu non possent agere sacra Ceresis, ut ea possent agere, ex Senatusconsulto factum est, ne luctus mulieris extenderetur ultra 30. diem. ut Val. Max. & Livius scribunt: Item cum ob letitiam publicam minuitur luctus mulierum, ut non luceant ultra mensem, hoc declarat tantum lex, ut deponant atram vestem, & sumant ornamenta, non etiam, ut nubant intra annum, quo his elugere maritum moris est: nec enim ideo remittitur luctus mulieribus, ut matrimonium contrahere eis permittatur. Quid enim si eas pregnantis defuncti reliquerunt, novae nuptiae turbarent sanguinem, redderent partionem incertam, & incertum parentem: ergo non est generale Senatusconsultum illud, sed si quando caveatur SC. ne luceant ultra 30. dies, deponent tantum habitum tristitiae, non etiam nubent.

Ad §. Ultim.

Quod sequitur in hac l. nostra, non est tam planum quam videtur. Si quis in bello ceciderit, etsi corpus ejus non compareat, lugabitur? Sic sane: nec deerat causa dubitandi: nam is, cujus corpus non comparet, non lugetur, non funus ducitur, non ei ferunt iusta. Et ita invenio Pub. Mucium Scav. decrevisse apud Cic. 2. de LL. *Cum quis in mari mortuus esset, & in mare projectus, quod scilicet os ejus supra terram non esset, quod non comparet, ut familia heredis esset pura, non esset funesta, nec teneretur ulla religione ob iusta funerum, quoniam luctus habetur tantum ei, cujus corpus comparet, id est, cujus os supra terram est: ejus vero cujus corpus non comparet, familia pura est, & extra porcam heres est, ut ait M. Tull. id est, non lugendus est ab herede, cujus corpus projectum esset in mare, non est ei funus ducendum, non ei iusta facienda, neque punitur heres, porca praedicanea, quod iusta non fecerit defuncto, cum non deberet facere. Sed aliud statuendum in eo, qui*

A in bello ceciderit, cum dimicaret pro repub. Ejus os, etsi supra terram non sit, aut non compareat, recte Papin. ait, lugeri debere singulari jure, hoc est, funus ei esse ducendum, quasi corpus praesens esset: Hic luctus est novem dierum, non annuus. Ita etiam ut idem libro eodem refert, cum in 12. tabulis esset scriptum: *Mortuo homini ossa ne legito, quo post funus facias, extra quam si militia, aut peregre mortuus sit*: recte excipit bellicam mortem: sententia legis 12. tab. haec est: *Hominis mortui & cremati, ut solebant, ossa non esse legenda, ut asseruntur*: ac postea denuo ei funus ducatur, sed sepeliendum esse statim atque corpus crematum est, nec legenda ossa, ut iteretur funus, & augeatur luctus. Voluit lex minuire luctum: sed excipit eadem lex bellicam mortem, ut scilicet si quis bello ceciderit, & forte a commilitonibus ictus sit, possint ossa ab herede, vel a filio legi, aut agnato, ut filius ipse iusta faciat ipsi, qui non fecit ante. Haec erant adnotanda ad hunc §.

Ad L. ult. de Quib. reb. ad eund. jud. eatur.

Cum ex pluribus tutoribus unus, quod ceteri non sint idonei, convenitur, postulante eo, omnes ad eundem judicem mittuntur. Et hoc rescriptis principum continetur.

Hæc lex brevis est & facilis videtur; nec est tamen. Quum ex pluribus tutoribus unus convenitur in solidum, quod ceteri dicantur solvendo non esse, contra is, qui convenitur dicit, ceteros esse solvendo, & actiones dividi oportere: atque ita postulat collegas suos vocari in iudicium, & excuti facultates ipsorum, ut prout quisque facere poterit, pupillo condemnentur & ita ei solvat, utque ipse non exsolvat solidum. Hanc postulationem sane Papinianus laudat & probat: & ait omnes esse mittendos ad eundem judicem, non alium judicem dandum esse excutiendis ceteris: uni rei unum esse addicendum, & unum sufficere. Plures tutores unus personae vice fungit, sicut & plures magistratus municipales unius personae vicem sustinent, *l. 25. ad municip. Et hoc ait Papinian. contineri rescriptis principum Severi & Antonini*: & congruit etiam cum eo omnino *l. 5. C. Arbitr. tutel. quæ statuit, ut omnes tutores ad eundem judicem mittantur. Quia vero Papin. ait, unum conveniri in solidum, si ceteri contutores solvendo non sint, explicandum est pro qua parte quisque tutor conveniendus sit. Et quod de tutoribus hic dicitur, idem de curatoribus existimemus, & in quibusdam etiam idem de magistratibus municipalibus, de iis, qui honorem publicum gesserunt simul, vel quodcumque aliud munus publicum præter tutelam, & curationem gesserunt: quæ omnia videtur hoc libro pertractasse Papinianus. Nam pro qua parte magistratus quis municipalis conveniatur, quoque ordine, eodem libro explicat Papin. *l. 11. & 13. ad municip.* quas nos huic conjungemus. Porro res hæc est implicita multis distinctionibus, & proprie sunt duo loci in jure, quibus tractatur plenius, *l. 1. §. nunc tractemus, de tut. & var. distrah. & tit. C. de divi. tut. & pro qua parte quisque tutor conven. quæstio est dignissima cognituri. Ac primum quidem ita distinguimus. Aut divisa est tutela inter tutores, aut indivisa. Rursus, si est indivisa, aut omnes communiter tutelam gesserunt, aut nullus, aut quidam. Si omnes communiter tutelam gesserunt, singuli proculdubio tenentur in solidum: & pupillus vel adolescens potest eligere unum ex tutoribus, cum quo experiat in solidum, sed si omnes tutores solvendo fuerint tempore litis contestatæ (ut Julianus antecessor Constantinopolitanus scribit in collectione quadam, quam fecit de hac quæstione) & congregiatur pupillus cum uno tantum, opposita exceptione vel postulante eo, qui solus convenitur, dividetur actio tutelæ inter omnes proportionibus virilibus, hoc est, pro rata ejus, quod quisque gessit, quodque facere potest, *d. l. 1. §. nunc tractemus*. Non dico, pro portionibus aequalibus: possent viriles partes**

tes esse inæquales, §. ult. de inoffic. testament. Sed dico pro portionibus virilibus, id est, pro ut quisque tutelam gesserit, & solvendo fuerit; pro rata igitur, seu ut Gracii dicunt *divid. pupi.* Portio igitur virilis, est portio rata, non æqualis. Dividitur autem actio inter tutores exemplo fidejussorum, ut ait d. §. nunc tractemus, & mandatorum: quia ex epistola D. Adriani, si omnes solvendo fuerint litis contestatæ tempore, dividunt inter se actionem pro portionibus virilibus: notum est cuius beneficium divisionis, si epistola Divi Adriani, quæ datur etiam hodie iis, qui constituunt se solutores pro alio, non tantum fidejussoribus, l. ult. C. de constit. pec. Atque etiam datur duobus reis debendi principalibus, Novell. 99. Datur quoque hoc beneficium divisionis omnibus omnimodo accessibilibus: æquitatem enim divisionis diversa specie actionis excludere nullo modo debet, ut ait d. l. ult. de constit. pec. & idem confirmat Papin. noster in l. 7. de fidejuss. & nominat. Quod si pupillus non eligat unum, cum quo experietur in solidum, sed agat cum omnibus, qui tutelam administrant: si condemnat omnes, periculum sententiae inter eos dividitur, hoc est, executio iudicis fit in eorum bona pro portionibus virilibus, l. 2. C. si plures un. sentent. Et hæc quidem, si omnes solvendo fuerint litis contestatæ tempore. Quod si quidam solvendo non fuerint, onerantur ceteri omnes tutores, qui solvendo sunt, idonei & locupletes. Et ita recte in hac lege ponitur, usum conveniri in solidum, & sustinere onus omnium tutorum, quod ceteri solvendo non essent & solvendo impares. Quo tamen casu necesse habet pupillus, & qui solus convenitur, pro se, & collegis suis, cedere actiones suas pro parte ceterorum adversus ceteros, & cum facere procuratorem in rem suam, ut ait Papinianus in l. 42. de administrat. tutor. quod congruit cum l. 6. C. arbit. tutel. l. 2. C. de divid. tutel. vel etiam, si pupillus ei, cum quo agit in solidum non cedat actiones directas adversus ceteros, qui forsitan fuerint postea solvendo, dabuntur ei utiles ex constitutionibus, d. §. nunc tract. Sed hoc ita procedit, si unus ex tutoribus propter inopiam ceterorum conveniatur, & condemnatur, & solvat solidum ex communis negligentia, & culpa omnium: quod scilicet neglexerint negotia pupilli, vel quod aliquid deperierit pupillo: vel etiam conveniatur ex culpa, & negligentia propria eorum, qui solvendo non sunt: hoc casu, vel ceduntur ei actiones directæ, vel dantur utiles sine cessione ex constitutionibus, d. §. nunc tractemus. Sed si conveniatur ex dolo communi, quod omnes fraudem fecerint pupillo, neque ceduntur ei actiones directæ, neque dantur utiles, etsi solidum solverit, l. 1. §. plane, de tutel. & rat. quia proprii delicti penam subit, non omnium: quæ res indignum eum facit, ut aliquid consequatur a confociis, si periculis doli: nulla enim est societas maleficiorum, vel communicatio iusta damni ex maleficio est; dolo est maleficium. Is, qui prior ex dolo illo convenitur, proprii delicti penam subit, nec quicquam potest eo nomine a collegis desiderare, quod solidum solverit: ita dicitur in l. 38. si plures, de administrat. tut. dum propria cuiusque tutoris contumacia puniatur, contumacia est nolle gerere tutelam, qui condemnatus est ex ea causa, qua fronte, inquit, desiderabit cedi sibi actiones adversus ceteros? non potest sine, nisi perfricta. Contumacia, est dolo, ignavia, desidia: negligentia est culpa levis. Magna negligentia est lata culpa, & fere idem quod dolo. Ad hæc sciendum est, idoneos tutores non statim conveniri in solidum propter non idoneos: Nam servandum est hac in re ordo aliquis, antequam veniant ad contutores ceteros, prius executiendi sunt ii, qui dicuntur non idonei vel heredes eorum; deinde fideiussores eorum; ac post magistratus municipales, qui eos tutores dederunt iussu prædicti, (nam lex dedit magistratibus municipalibus ius dandi tutores) cautione non exacta, quo nomine tenentur pupillo actione in factum, quæ proponitur sit. de magistrat. eorum. Et his non satisficientibus pupillo, tum

A demum itur ad contutores idoneos, qui inter se dividunt omnes actiones, prout quisque solvendo erit, & feret onus ceterorum. Unus tantum excipitur casus, quo tutor, qui idoneus est, statim convenitur in solidum, si alter non sit idoneus, non servato illo ordine, non excusso magistratu municipali, scilicet, si ob hoc conveniatur, quod per dolum aut culpam contutorem suspectum non fecerit, vel quod tardius fecerit, illo fortasse jam lapsio facultatibus, vel quod suspectum fecerit lusorie, vel dieis causa; vel, quod a contutore siue collega cautionem non exegerit, cum feret magistratum municipale non exegisse cautionem. His enim casibus convenitur statim in solidum inexcusso atque dimisso magistratu municipali. Et hoc proponitur in d. l. 1. §. usque adeo. Sed animadvertendum maxime, qua ratione legendus sit ille §. nam mutatur scriptura illius §. duobus locis, sed non est difficile, quid de ea re statuendum sit, definire. Uno loco ita legitur Florentia (quam scripturam etiam Julianus Antecessor sequitur) usque adeo ad contutores non venit, si sint solvendo contutores, ut prius veniatur ad magistratus, qui eos dederunt, vel ad fideiussores. Quæ scriptura non potest stare, & vulgo rectius addita negativa, usque adeo ad contutores non venit, si non sint solvendo, &c. Ita legitur in Basil. Sententia illius §. hæc est: Inopia contutitoris divitem contutorem non onerat statim, antequam excussi sint fideiussores contutorum, & magistratus, qui eum dedit cautione non exacta. Deinde ita argumentatur adversus hanc sententiam: Sunt multa rescripta, quibus cavetur, ut quando vel unus contutorem est idoneus, non eatur ad magistratum municipale. Prius ergo volunt rescripta vel unum tutorem idoneum conveniri, quam magistratum municipale: Sed belle ita respondet hæc ita obtinere: Si contutor ob hoc conveniatur, quod contutorem suspectum facere, vel ab eo cautionem exigere noluerit, Flor. perperam: Non contutor, delenda est negatio, ut Hugolinus voluit, ut si ob hoc tutor conveniatur, quod non removerit contutorem, vel ab eo satis non exegerit, hoc casu possit prius conveniri, quam magistratus municipalis, qui alium contutorem dedit, & non idoneum. Et hoc quidem locum habet, si omnes contutores gesserunt tutelam. Quid si nullus gesserit? Idem dicendum, quod cum omnes gesserunt: quod confirmat l. 38. de administrat. tut. At quid dicemus, si quidam gesserunt, quidam non, ut fit, cum plures sunt tutores, quod facilius geruntur negotia per unum, vel per paucos: nam & pupilli interest ne in plures distringatur; ceteri tutores sunt honorarii inspectores, Gallice dicimus *Controlleurs*. Et hoc etiam casu, cum plures scilicet tutores sunt, prætor decernit, qui gerant, vel non gerant, vel etiam tutores inter se de ea re conveniunt, & exigunt cautionem rem pupilli salvam fore ab iis, qui gerunt. Quod docet Justinian. in §. 1. in l. de satisfact. tutor. Finge igitur quosdam non gessisse tutelam, quosdam gessisse: sane hoc casu actione tutelæ prius conveniuntur hi, qui gesserunt, eorumque heredes, l. 2. C. de her. tutor. l. 3. C. de divid. tutel. & l. 6. C. arbit. tutel. Quod si forte hi, qui gesserunt tutelam, non sunt solvendo, tunc conveniuntur utili actione tutelæ ceteri tutores, qui non gesserunt tutelam, quia suo periculo cessaverunt; debent enim confectum suo officio fungi. Et ideo in l. 55. de administratione tut. is, qui non gessit, & permisit administrationem alii accepta cautione, convenitur, quia, ut proponitur initio, is, qui gessit, non est solvendo, sed prius executiendus est is, qui gessit, qui si solvendo fuerit, liberatus est, qui non gessit. Et satis est, eum solvendo fuisse, qui gessit, tempore finitæ administrationis, vel fideiussorem ejus, vel magistratum municipale, qui eum dedit ut liberetur is, qui non gessit: nam si post finitam administrationem is, qui gessit, factus sit non solvendo, hæc res daturus cedit pupilli, non contutorem, l. 1. C. de divid. tutel. Verum hic ordo, quem servari diximus inter eum, qui gessit, & eum, qui non gessit, non servatur, si quid petiit pupillo ex dolo communi, vel lata culpa, quæ proxima semper dolo est: eo enim

nomine eligit pupillus, quem volet, vel eum, qui gessit, vel eum, qui non gessit: scus erit, si quid perierit culpa levi, aut levissima: tunc enim prius excutiendus, qui gessit, ut vult Julianus Antecessor, libenter sequimur quem propter antiquitatem: sic enim ait: Dico non administrasse tutelam eum, qui rem, qua de agitur, non administravit: nam quantum ad eam, non miscuit se administratione. Possunt in una re non administrare, & administrare in ceteris. Et hæc omnia pertinent ad tutelam indivisam. Quod sequitur de tutela divisa, est facillimum, sed distinguendum hoc modo: Aut divisa est tutela a testatore, aut a Pretore, vel iudice, aut a tutoribus ipsis inter se, uno scilicet suscipiente res urbanas gerendas, altero provinciales: uno urbana negotia, altero peregrina administrante. Si a testatore, vel a Pretore, seu iudice divisa sit tutela, unusquisque tenetur prout gessit, hoc est, pro parte suæ administrationis tantum: exceptis calibus sequentibus, quibus singuli tutores conveniuntur in solidum, scilicet, si con tutorem suspectum non fecerint: nam etsi pars tutela tantum ei commissa sit, officio tamen ejus incumbit, ut observet semper quid agat alter pro altera parte, & non potest non suspectum eum facere impune: tenetur igitur in solidum, si non suspectum eum fecerit, cum male versaretur in rebus pupilli, vel si tardius fecerit, jam eversis facultatibus contitoris: vel si per collusionem eum suspectum fecerit, tenetur in solidum, l. 2. de divid. tut. & l. si duo, de administr. & peric. tut. perinde atque si ipse administrasset. Quod si tutores ipsi inter se dividerent tutelam, perinde erit, ac si non divisissent. Sequemur igitur, quod constitutum est ante de indivisa tutela. Divisio tutorum non mutat jus publicum, non dividit periculum tutorum, quod dicitur individuum, vel commune, vel mutuum. Denique hæc divisio privata non abscindit officium tutelæ, quod est individuum. Hæc omnia & hæc distinctiones servandæ in pluribus curatoribus: Videamus, an etiam hæc serventur in pluribus magistratibus, quibus resp. gerenda commissa est. Et hæc est quæstio, quam hoc eodem libro tractat. Papin. noster in l. Imperator, & segg. ad municip. quarum legum explicationem immutatio Digestorum ordine, cogimur huic recitationi subicere, quo scilicet res omnis ordine a nobis explicetur.

Ad L. Imperator XI. & L. XIII. ad municipalem.

Imperator Titus Antoninus Lenulo Vero rescriptis, magistratum officium individuum, ac periculum esse commune. Quod sic intelligi oportet, ut ita demum collega periculum adscribatur, si neque ab ipso, qui gessit, neque ab illis, qui pro eo interveniunt, res servari possit, & solvendo non fuit honore deposito: alioquin, si persona vel cautio sit idonea, vel solvendo fuit, quo tempore conveniri potuit, unusquisque in id, quod administravit, tenetur. Quod si forte is, qui periculo suo nominavit magistratum, solvendo sit, utrum in eum prius actio reddi, quam in fideiussorem debeat? an vero non alias quam si res a collega servari non potuerit? Sed placuit fideiussoris exemplo priorem conveniendum, qui nominavit; quoniam collega quidem, negligentia, ac pæna causa, qui vero nominavit fidei ratione convenitur.

Lex XIII. Ibid.

Quid ergo, si alter ex magistratibus toto anno absuerit, aut forte præsens per contumaciam, sive ignaviam, vel agram valetudinem reipublice negotia non gesserit; & omnia collega solus administraverit: nec tamen tota res ab eo servari possit? Talis ordo dabitur: ut in primis, qui reipublice negotia gessit, & qui pro ea caverunt, in solidum conveniantur: mox peractis omnibus periculum agnoscat, qui non idoneum nominavit: postremo alter ex magistratibus, qui reipublice negotiis se non immiscuit: nec iustus, qui nominavit: universi periculum recusavit, cum scire deberet eum, qui nominaretur individuum officium, &

A commune periculum suscepturum: nam & cum duo gesserunt, & ab altero servari, quod debetur, non potest, qui collegam nominavit, in universo convenitur.

Quod de pluribus tutoribus diximus, quodque de his tractavimus, pro qua scilicet parte quisque eorum, quove ordine conveniatur: idem de magistratibus municipalibus, five duumviris tractabimus in interpretatione l. Imperator, & l. quid ergo 13. ad municip. quæ omnes leges sunt ejusdem Papiniani ex eodem libro, & tractant de magistratibus municipalibus five duumviris, qui erat annuus magistratus, ut indicat idem Papin. in d. l. quid ergo, his verbis. Quid ergo si alter ex magistratibus toto anno absuerit: toto anno magistratus scilicet: & hoc confirmatur l. 18. C. de decurion. Verum honori eorum magistratuum complura onera erant permixta, & illud in primis, ne ante accederent ad administrationem reip. quam facit dedissent, remp. salvam fore, datis fideiussoribus: satisfactio onus est: neque enim faciles inventi sunt fideiussores. Magistratus municipalis est administrator reip. cum dignitatis gradu, five cum sumptu, five fine erogatione contingens, l. 14. de muner. non igitur honos tantum, sed & onus, quia administratio non est audea sine satisfactioe. Qua de causa plerique inviti suscipiunt magistratus municipales, vel refugium, & qui refugium, hi jam non anno, sed biennio eo ordine fungi coguntur, d. l. 18. Et hoc valde congruit cum refugis pœnarum: nam sicuti damnatis ad metallum, si intra id tempus pœnæ fugerint, id tempus duplicatur l. 2. & l. 8. §. quisquis, de pœn. Ita refugis honorum municipalium, id est, qui latitant, ac effugiunt, aut etiam subterfugiant honorem municipale, duplicatur tempus gerendi magistratus municipalis, & hoc tempus biennale est, non annale. De illis Papinianus loquitur initio l. 11. & ex rescripto D. Pii hoc primum ponit, magistratum municipalium officium esse individuum, & commune periculum administrationis: quod de pluribus tutoribus dictum solet, l. 55. de administr. tut. Et secundum hoc ut plures tutores unus personæ vice funguntur, id est, pupilli, cum unam tutelam gerant, vel etiam plurium pupillorum, qui pro uno habentur. Sic magistratus municipales, ut est in l. 25. h. tit. unus personæ vice funguntur, hoc est, civitatis vel municipii vice funguntur, ut Marc. Tull. ait: Ambo ite magistratus unus personam sustinent: ea de causa, quod gerit unus, quodve administrat, eo alligatur alter, ac si ipse administrasset: neque enim dux personæ intelliguntur duumviri, sed una: sicut & Respublica, quam administrant, una est. Sed videamus, quo quisque ordine hic magistratus municipalis conveniatur post finitam administrationem & honorem illum depositum: quæ est quæstio harum ll. Finge igitur, unum ex magistratibus non gessisse rem, de qua agitur, alterum vero gessisse: puta unum non attigisse eam pecuniam Reipub. quam alter sœnori occupavit, & debitorem illum non esse solvendo: qua ratione sua res publico servabitur? quis primum convenietur? an is, qui eam rem gessit, an alter? an erit electio reipub. quem conveniat? Quod videret, secundum id, quod posuimus initio, quia officium magistratus municipalis est individuum ac officium commune & mutuum: idem etiam dicitur de pluribus tutoribus: neque tamen est per omnia verum: nam placet in tutoribus primum conveniri eum, qui gessit eam rem, qua de agitur, quam eum, qui non gessit, l. ult. C. de divid. tut. l. 1. C. si tut. reip. causa, l. 6. C. arb. tut. l. 2. C. de hered. tut. Ita magistratus, qui pecuniam reipublice collocavit non idoneis nominibus, prius conveniri debet actione personali, deinde hypothecaria, vel ipse, vel heres ejus, vel possessor quarumcumque rerum, quæ ad ipsum pertinent: actione hypothecaria convenitur quicunque rem ejus possidet, scilicet si reip. caverit, non tantum fideiussoribus datis, sed & hypothecis: post convenietur fideiussor ejus, qui sœnus contraxit: tum ad extremum si ab

is res servari non poterit, convenietur ejus collega. Hic est ordo introductus constitutionibus. Sed si is, qui administravit, neque nunc sit solvendo, neque tempore finiti magistratus, quo tempore conveniri poterat, nec fidejussor ejus, sane is ordo non observatur: frustra enim observaretur. Igitur statim conveniri, & exigi potest is, qui non administravit, pro eo, qui administravit, ex facto scilicet, ac gestu ejus, cessis tamen actionibus in collegam, qui rem administravit, vel etiam sine cessione datis utilibus actionibus, sicut in tutoribus constitutum est, l. 1. §. nunc tractemus, de tut. & rat. dist. l. 2. C. de cons. jud. tut. Et ita de magistratibus municipalibus est proditum, l. 2. §. jus resp. de adm. rer. ubi eleganter ait, magistratui, qui pro collega dependit, seu solvit, qui quidem collega rem administraverat, de qua agitur, decerni actionem in collegam, & competere eam ex æquitate. Quibus verbis demonstrat, dari utilem in collegam actionem: nam omnis actio utilis decernitur, hoc est, datur causa cognita. Omnis actio utilis est decretalis, directa non est decretalis, sed edictalis: & preterea utilis actio ex æquitate competit, atque ita dum vult Ulpian. demonstrare utilem actionem eleganter ait in d. l. 2. eam actionem, quæ decernitur in collegam, competere ex æquitate: quæ verba continent definitionem actionis utilis, directa vero ipso jure competit, & datur sine decreto, five causa cognitione. Notandum est, aliud esse competere actionem, aliud dari vel decerni. Quæ actio competit, non statim etiam datur, l. 9. §. ult. l. 10. de tut. & rat. dist. l. de heredit. & ult. ad Vel. lejan. Competere est nasci actionem. Non ut nata est tibi actio, & statim semper ea potes agere; & quod competit, hoc proficit tantum ad transmissionem, ut scilicet possit transmitti ad heredem, si moriatur is, cui competere cepit: nam si moriatur antequam competere cepit: nihil transmittit eo nomine. Ergo secundum ea, quæ diximus, prius conveniendus est & excutiendus fidejussor ejus magistratus, qui administravit prius magistratus ipse, deinde fidejussor: & si ab his res servari non possit, veniendum est ad collegam, qui eam rem non administravit: sed si ab illis res servari possit, absolutus est collega, qui non administravit, nec ad eum veniendum est, nisi dicatur individuum esse officium magistratus: non est reipublicæ electioni locus, cum is, qui gessit rem, de qua agitur, est idoneus, vel ejus fidejussor. Et hoc est, quod ait in prior parte hujus legis. Alia hinc descendit quæstio, an sicut in fidejussorem magistratus, qui gessit, prius redditur actio, quam in collegam, qui non gessit: an sic etiam in nominatorem mag. qui rem gessit, reddenda prius actio sit, quam in collegam, qui eam rem non gessit? Ut autem hoc intelligamus, hoc sciendum est, solere eos, qui vocantur ad honorem publicum nominare potiores suo periculo, si ipsi nolint eum honorem suscipere. Solent etiam ii, qui a magistratu abeunt, successorem nominare suo periculo, & nominationem nonnumquam sequitur respub. ita ut ipsa respub. non videatur creare magistratum municipale, sed is, qui nominavit successorem: qua de causa, & nominatio passim in jure creatio dicitur, & nominator, creator, l. 59. C. de decur. l. 1. C. de peric. nomin. lib. 11. l. 2. §. si eo tempore, de adm. rer. Quo loco ante Pand. Florent. male legebatur *procurator pro creator*; & similiter etiam emendamus alium locum in l. ult. C. de hered. decur. ubi legitur *creditor defunctorum, pro creator*. Et ita in Basilicis sæpe dicuntur *χρηματονται*, qui aliquem nominarunt ad honorem. Jam igitur intelligimus quis sit nominator vel creator magistratum. Quæstio igitur est, an in nominatorem ejus, qui rem gessit, prius detur actio, quam in collegam, qui non gessit: nam ex Juliano antecessore didicimus, non administrasse etiam dici, qui eam rem, de qua agitur, non attigit: quod confirmat l. 5. de mag. conv. Et Papin. definit hoc loco, etiam prius conveniendum nominatorem, quasi fidejussorem, quam collegam. Nominator est quasi fidejussor. Sunt quidam,

A qui legibus 12. tab. *subvades* nominantur, ii scilicet, qui vadum vel fidejussorum vicem sustinent, puta nominatores, creatores, affirmatores, qui non fidejusserunt quidem, sed perinde tenentur atque si fidejussissent. Utitur Papin. elegantissima ratione; *quia*, inquit, *major est ratio agendi cum nominatore, quam cum collega*. Id vero ita demonstrat. In nominatorem agitur, quod idoneum magistratum esse affirmaverit, quasi ex contractu & fidei suæ ratione, quam reipub. adstrinxit, dum affirmat idoneum esse hominem, qui sibi in magistratu succederet: in collegam autem agitur negligentia ratione quod eam rem non gesserit, quam gessit alter, cum esset communis administrator, & indivisum officium, non quasi ex contractu, sed quasi ex delicto: nam negligentia delictum est: ut Græcis *διανορία* non tantum est delictum, ut dolus malus, sed etiam negligentia, stultitia, erratum quodlibet, l. 51. de adl. ed. ibi delictum pro stultitia accipitur, quia servus sciens vitiosum mancipium emit, ut recte ibi notat Accurs. Denique, qui in nominatorem agit, rem persequitur: qui in collegam, pœnam negligentie suæ, & culpæ, & ita in l. ult. C. quo quisque ord. con. dicitur, collegam post nominatorem conveniri ob culpæ nexum, id est, negligentie nomine. Et similiter de tutoribus in l. 6. C. arbit. tut. si unus tutor gessit, eum prius conveniri, qui gessit, deinde cotutorem ob culpæ rationem. Et hoc est, quod ait in posteriore parte hujus l. Concludamus igitur, non tantum fidejussorem, sed & nominatorem, five creatorem ejus magistratus, qui rem gessit, de qua agitur, prius esse conveniendum, quam collegam, qui eam rem non gessit. Huic definitioni obstat primum l. 4. C. de magistr. conv. quæ ait, prius esse conveniendum cotutorem five collegam, quam nominatorem, scilicet, si indivisa tutela fuerit, id est, non divisa: & similiter, l. 2. C. quo quisque ord. quæ constituit ut si duobus sit injunctum munus publicum pro indiviso, veluti, ut exigenter reliqua pecuniarum publicarum, vel ut curam agerent Calendarii, etiam si eam functionem inter se dividerent, prius conveniendum esse collegam, quam nominatorem: quod pugnare videtur cum hac lege, nisi, quod est verum, separantur magistratus municipales ab iis, quibus munus publicum injunctum est pro indiviso, nisi separemus honores a muneribus. Nam ut demonstrat l. 3. & 4. C. quo quisque ord. hoc tantum in magistratibus est constitutum, quibus pro indiviso commissa est administratio reipubl. ut prius excutatur & conveniatur is, qui nominavit magistratum, quam collega, qui eam rem non attigit: qui ordo, ut dixi, non servatur in iis, quibus commissa est tutela, vel quodlibet aliud munus publicum. Ratio differentie hæc est, quia magistratus non sunt proprie correi, hoc est, non sunt proprie ejusdem debiti rei, singuli in solidum, vel non sunt omnimodo rei ejusdem debiti, ut ait l. 45. de administr. tutor. Nam in singulos non est actio in solidum finito magistratu: si ambo solvendo sint depositi honoris, vel magistratus tempore, sed dividenda est actio. Et est tamen actio in solidum in singulos tutores, si duo pluresve tutelam susceperint, vel aliud munus publicum: est actio in singulos in solidum ipso jure, licet opposita exceptione possit actio dividi, si omnes solvendo sint: sed in magistratus non est ipso jure actio in solidum, & electio locum non habet in magistratibus, sed unumquisque conveniendus est, prout quisque administravit: in ceteris, qui munus publicum suscipiunt, electio locum habet, & qui electus fuerit, potest conveniri in solidum, atque etiam condemnari, si omittat exceptionem: si non alleget beneficium divisionis: ceteri igitur sunt duo rei ejusdem debiti: atque ita prius convenitur correis, id est, collega quasi principalis: deinde fidejussor, quia fidejussor propius accedit ad rem, & similior reo quam nominator. Contra est in magistratu: nam prius convenitur fidejussor, deinde nominator, postea collega, quia is non est omnimodo correis. Ad hæc subjicitur ex eod. Pap. ex alio tamen libro: *Et ei contra nominati collegam actio*.

nem utilem dari non oportet: qui locus est depravatus: nam consideret quisque apud se, quid hac verba sibi velint. Dixit ante teneri eum, qui nominavit, fidei suae ratione: quod periculo suo successorem nominavit, teneri, inquam, ex fide sua & quasi ex contractu suo, & conveniri prius, quam collegam, exemplo fideiussorum: denique comparavit supra nominatorem cum fideiussore. Nunc videamus quomodo appetat id, quod est in l. 12. Primum quænam sit actio utilis, quæ denegatur huic nominatori, & datur aliis: non invenies quibus detur, quam huic nominatori. Deinde, ut nihil minus nec detrahamus, quid sibi volunt hæc verba? *Eum qui nominavit, si conventus vice nominati solidum praestiterit, non habere utilem actionem adversus collegam nominati.* Quis hoc nescit, cum non pro collega nominati solvitur, sed pro nominato? Si diceret Papin. nominatori, qui pro nominato solidum exsolvit contra nominatum non dari utilem actionem, esset elegans sententia. Et vero hoc scripsit Papin. & verbum *nominati* est interpretis cuiusdam, & est circumscribendum omnino, quod satis demonstrat Accursius dum ibi ait, *nominator unus cum prius convenitur, quam collega, non agit contra alium collegam, scilicet nominati.* Illud verbum scilicet ostendit verbum illud *nominati* esse interpretis cuiusdam, & interpretis quidem mali. Non dicit Papin. Et ei contra nominatum actionem dari non oportet: sed, Et ei contra collegam actionem utilem dari non oportet: vulgo ita legitur: *Et ei qui nominaverit, &c.* quæ verba, qui nominaverit, sunt etiam interpretis: vel aliter, ei, id est, nominanti contra collegam. Quod depravatum est in nominati. Hæc omnia in vestra sunt ab interprete, & omnino ita legendum est: *Et ei contra collegam actionem utilem dari non oportet*: & hæc est sententia: Tutori, qui solidum solvit, datur actio utilis adversus contutorem, etiam sine cessione (hoc est certissimum) quia solvit pro eo, & nomine ejus: sic etiam magistratui, qui solidum solvat, cum essent duo magistratus, datur actio utilis adversus collegam, pro quo solvit. Equum enim est, ut utili actione a te recipiam quod pro te solvi, si forte non efferit mihi actionem is, cui solvi pro te. An etiam dicamus fideiussori, qui solidum solvit, superesse actionem utilem adversus confideiussorem? minime, nisi cesset sit: utilis non dabitur, quia suo nomine solidum solvit, id est, propter suam obligationem: nam duo fideiussores sunt duo rei debendi, hoc est, omnimodo singuli in solidum tenentur, & si unus solidum solvat, pro se solidum solvit, non nomine confideiussoris: atque ideo non habet utilem actionem adversus confideiussorem ut vel pro parte recipiat ac repetat ab eo quod solvit: idque recte, quia ut solvit, ita erat obligatus, nempe in solidum, l. fideiussor 39. de fideiuss. & *Leum* alter 11. C. eod. tit. Ergo fideiussor adversus confideiussorem non habet utilem actionem. Ac similiter nominator, quem Papin. dixit similem esse fideiussori, idque probavit uno exemplo in l. 11. & alio in l. 12. nominator, inquam, magistratus, qui solidum solvit, adversus collegam suum, qui nominaverat eundem magistratum, non habet utilem actionem, quia etiam duo nominatores, omnimodo sunt duo correi debendi: & breviter probatur nominatorem similem esse ei, qui pro magistratu salvam esse rempublicam suam fidei jubet. Ergo nominatorem municipalis magistratus, qui pro collega solvit, non habere actionem utilem adversus collegam: sicut nec fideiussor habet adversus confideiussorem. Et ut breviter dicam: comparatur nominator fideiussori duplici ratione. Sicut fideiussor prius convenitur, quam collega, ita nominator, l. 11. & sicut fideiussor, qui solidum solvit, non habet utilem actionem adversus confideiussorem, ita nominator magistratus, qui pro nominato solidum solvit, non habet actionem utilem adversus collegam suum, qui eundem etiam magistratum nominavit. In l. 13. videtur idem dici, quod in l. 11. Sed hæc est differentia, quod uterque magistratus in l. 11. aliquid gessit,

A sed separatim. In l. 13. unus omnia gessit, quia toto anno alter absuit, vel ægrotavit, ut nihil potuerit gerere, aut quia contumaciter, vel ignaviter nihil voluit gerere; & res servari non potest ab eo, qui gessit omnia; quid fiet? sequemur eundem ordinem, quem supra diximus, & agemus prius cum eo, qui gessit, deinde cum fideiussore ejus: post excussis omnium facultatibus, & ipsius, & fideiussorum ejus, si ab eis rem non possumus extorquere, pervenimus ad nominatorem ejus, qui gessit: ac postremo ad collegam, qui nihil gessit, & nominator sustinebit universi periculum: nam cum nominavit, sciebat se nominare ad officium individuum ac periculum commune. Qua de causa, nominationis scilicet ratione, ipse universi periculo obstringitur. Et hoc verum est indistincte, non tantum, si unus magistratus gessit omnia, sed etiam ambo gesserint & administraverint rempublicam, nam si conveniatur nominator, conveniatur in universum periculum.

Ad L. LIV. de Condi. indebti.

Ex his omnibus causis, quæ jure non valuerunt, vel non habuerunt effectum, secuta per errorem solutione, conditioni locus erit.

Q. Uæstio ex libro 2. Quæst. Papin. quam explicavi nudius tertius, erat de magistratibus municipalibus & fideiussoribus & nominatoribus ejus: quæstio difficilis: hodiernæ sunt facies. In illa quæstione maxime velim vos retinere, in l. 12. circumscripto hoc verbo, *nominati*, ita legendum: & ei contra collegam actionem dari non oportet. His verbis adjicitur argumentum in d. l. 12. quo probetur, nominatorem similem esse ei, qui pro magistratu salvam esse rempublicam suam fidei jubet: nam & fideiussori, qui solidum solvit, non datur actio utilis adversus confideiussorem, quia repetat ab eo quod solvit, ut probat l. ut fideiussor, de fideiuss. & l. alter, C. eod. tit. quas leges quia non adnotaveram, ideo de fideiussore id fuit repetendum. Ita lex 12. ad municipal. ait, nominatorem municipalis magistratus, qui pro collega solvit, non habere actionem: igitur nominatorem similem fideiussori. Tutori tamen qui solidum dependit pro se & pro contutorem adversus contutores datur utilis actio. Dumviro quoque, ut sit commune periculum utriusque. Nunc quod restat agamus. In l. 54. de condi. indeb. proponitur hæc regula juris: ex omnibus his causis, &c. Nullus est Jurisconsultus, ut antea diximus, qui tot nobis regulas concesserit, totque definitiones tum rerum, tum nominum, quod est argumentum summæ & magnæ eruditionis: nulli etiam Jurisconsulto par commendatio fuit, quæ Papiniano tribuitur. Summum etiam argumentum eruditionis est, quod nullus unquam auctoritate utitur, exceptis duobus locis, in l. Sabius, communi divid. & in l. 51. venditor, de servo exportand. Nunc igitur, quod instat, agamus. Hæc eadem regula a Papin. proposita, etiam ab Ulpiano prodita est in l. 1. de condi. sine caus. quamvis concepta aliis verbis, id scilicet alicui condici posse, quod sine causa ad eum pervenit, vel injusta causa, vel etiam quod reddit ad injustam causam. Hæc est regula omnium conditionum, quibus revocatur quod solutum est, quodve prorogatum est ex bono & æquo: neque enim hæc tres conditiones sunt ex legibus. Habuimus nuper ex Papin. aliam regulam in l. ius publicum, de pact. ius publicum privatorum pactis mutari non potest: quam diximus aptari debere ad legem quæ præcedit & loquitur de procuratore reip. qui debuit reip. pecuniam pacto convento de non petenda pecunia remitti, quod pactum lex ait inutile esse & inefficax, nec perimere obligationem. Addenda est ratio legis sequentis, quod ius publicum, id est, ius reip. non potest pactis mutari: ita est in l. 2. §. reipublicæ, de admin. rer. ad civ. port. Sic regula huius legis aptanda ad casum l. præcedentis hoc modo. Dominus testamentum servum suum liberum esse iussit sub conditione, si mihi decem daret. Finge

testa-

testamentum esse ipso jure nullum, forte, quod in eo filiusfam. est præteritus: cum vero servus ignoraret esse nullum, rogavit Titium, ut mihi 10. daret: Titius id dedit, atque ita servus liber esse iussus testamento implevit conditionem libertatis, nec tamen fit liber, quia testamentum ipso jure nullum est, & libertas ipso jure nulla est. Ergo locus erit conditioni indebiti, quia ex ea causa data est pecunia, quæ jure non valet: ac proinde Titius revocare ac repetere poterit decem, quæ dedit: quæ est ratio Papiniani in hac l. 54. subiecta sententiæ Proculi. Quaritur tamen a Proculo in l. præced. cui nam detur conditio? an Titio, qui decem dedit rogatu servi, an vero heredi legitimo, id est, domino servi: videbatur sane danda conditio domino servi, quia soluta est pecunia nomine servi, & pro eo est, ac si servus ipse solvisset, qui aliunde corrasit pecuniam ad implendam conditionem libertatis. Videtur igitur a domino repetenda pecunia, qui tamen obligabitur Titio, & cogetur ei eam pecuniam reddere: Verum hoc non probat l. 10. Ait enim tam benignus, quam utilis esse rella via ipsum, qui nummos dedit, suum recipere: quæ verba sunt valde notanda: statim ergo Titio dari conditionem indebitæ pecuniæ: quia etsi non solvit suo nomine, suam tamen solvit: Facit comparationem utilitatum: & recte quidem, quia conditio indebiti ex æquo & bono proficiat, l. 66. hoc tit. Ac denique danda est conditio potius ei, cui eam dari benignius & utilis est: quæ ratio etiam efficit, ut nonnunquam detur conditio indebiti non ei, qui solvit, sed alii, l. 2. & 3. hoc tit. Non enim semper idem condicor, qui & solvit, sed & alius: non est etiam idem semper condicitor, quod solutum est, sed tantumdem, l. 7. hoc tit. Nam indebiti solutio promittitur est: & ut ex mutuo, sic & ex promutuo, non idem, sed tantumdem reddi potest. Ita igitur accommodanda est hæc regula Papiniani in hac l. 54. ad leg. præcedentem 53. quæ est Proculi. Et vix est illa regula in Digestis nostris, quin fit referenda ad præcedentem speciem, & habenda pro ratione superioris responsi. Possent tamen complura alia exempla ad hanc regulam afferri, alioqui non esset regula: sed uno contenti erimus. Heres per errorem solvit certam pecuniam ex legati causa testamento injusto relicti: cognitio errore poterit repetere per conditionem indebiti, quia legatum ipso jure non valet: idem si solverit ex test. quod valuit quidem initio, sed rescissum est per querelam inofficioli, vel per bonorum possessionem contra tabulas: nam ex his causis conditioni locus erit. Causæ, quæ ipso jure non valuerunt, sunt, quæ ab initio non consistunt. Causæ, quæ effectum non habuerunt, sunt, quæ initio quidem valuerunt, sed rescissæ sunt. Nihil ergo refert, causa valuerit ab initio, an postea rescissa sit, & Græci recte in illo loco, τὸ κατὰ βωδύμειον, &c. Sed exigit regula, ut per errorem solutum sit: Nam qui sciens solvit, quod non debet, donat, nec repetere poterit, etsi dixerit, solvo, non dono, sicut contra, non quicunque dicit, dono, donat, sed transigit, vel solvit, vel quid aliud agit. Exemplum habemus in l. 15. §. Papinianus, locati. Si uno anno dominus remissionem dederit colono ob sterilitatem, deinde sequenti anno contigerit ubertas, remissio ante facta, domino nihil obest. Nam potest exigere integram pensionem etiam ejus anni, quo remisit, licet remittendo usus fuerit donationis nomine, quia quod remittit, transactio est potius, quam donatio mera: atque ita non tam verba, quam mens contrahentium spectanda sunt. Qui sciens igitur solvit indebitum, non repetet. Id evidenter apparet in herede, qui interveniente Falcidia integrum legatum solvit: non debetur integrum legatum ipso jure, l. 73. §. ult. ad leg. Falc. quæ lex Falcidia ipso jure minuit legata. Si igitur sciens heres integrum solvit legatum, aut cavet se datum integrum sine diminutione, conditioni locus non erit, quia donasse videtur. Hæc est ratio communis: sed est in herede propria quedam ratio, qui non vult uti Falcidia, quod scilicet fidem pleniori defuncto exhi-

A buerit: nam sane defunctus voluit integrum legatum præstari, nec uti heredem Falcidia, quæ lex est contra voluntatem defuncti. Id igitur præstando, heres implet religiose voluntatem defuncti, & fidum obsequium præstat, ut loquitur l. 45. ad Trebell. quod idem dici potest citra Falcidiam, si legatum inutile ultro præstiterit heres prudens, sciensque. Nam etsi sit inutile, forte ob non observatam regulam juris, tamen præstando inutile legatum, exhibet plenum obsequium defuncto, qui non voluit tam rationem juris haberi, quam suæ voluntatis, etsi non expresserit testator; quod si expresserit, inutiliter expresserit; nec enim facere potest, ne jus locum habeat in testamento: laudatur tamen heres, qui præstat legata inutilia, quique fidum obsequium & plenam fidem exhibuit defuncto: & ita Plin. 5. Epist. 7. & similiter, si fideicommissum, aut legatum inutiliter relictum heres promiserit se soluturum sciens, explendæ fidei causa, non erit conditio cautionis, ut ea obligatio solvatur, & jam pecunia debetur non ex testamento, sed ex stipulatione, l. 62. hoc tit. quod maxime pertinet ad id quod M. Tullius scribit 2. de LL. de legatario, qui obligatur facris defuncti: nulla est hereditas sine facris: heredem sequuntur sacra defuncti, quæ ipse peragere solebat. Sed queritur, an legatarius quoque obligetur facris? minime: nisi tantum acceperit legatarius legati nomine, quantum pervenit ad omnes heredes, hoc casu obligatur facris defuncti. Verum liberatur si quod legatum est legatarius stipuletur, ut id ipsum ex stipulatione debeat, hoc est, si novet obligationem, si legati causam transfundat in jus stipulationis. Nam ita interposita stipulatio plerumque novat obligationem, l. 8. §. 1. de novat. & pro eo est ac si ea pecunia legata non esset, quia jam non debetur, aut capitur jure legati, sed jure stipulationis. Heres igitur liberatus est novatione, vel ut Tull. ait, per as & libram: nam eodem modo fiebant novationes, Livius lib. 6. libraq; æque liberatum emittit. Ignorantibus igitur tantum vel errantibus, vel etiam dubitantibus (dubitatio ignorantiam imitatur ex Constitutione Justiniani) dabitur conditio indebiti, non scientibus.

Ad L. VII. de Præscript. verb.

Si tibi decem dederò, ut Stichum manumittas, & cessaveris, confestim agam præscriptis verbis, ut solvas quanti mea interest, aut si nihil interest, condicam tibi, ut decem reddas.

Regula, quam ante exposuimus, est communis omnium conditionum: hæc lex est propria conditionis ob rem dati, quanquam ubi hæc conditio locum habet, habent & ceteræ, & est in arbitrio actoris, ut condicat rem datam, quasi non sequuta causa, vel quasi sit sine causa apud eum, qui accepit: est enim liberimus usus conditionum, sed proprie erit in hac l. 7. conditio ob rem dati. Finge: dedi tibi pecuniam, ut tabulam pingeres, vel membrum aliquod domus: hic contractus vocatur locatio & conductio: conduxi enim tuas operas, & tu mihi scilicet locasti. Hic contractus habet proprium nomen & legitimum: nam a J.C. non sunt inventa propria nomina, sed sunt indita legibus. Ex hoc igitur contractu datur actio, quæ nomen habet, actio ex locato & conducto. Finge: dedi tibi togam, ut tabulam pingeres, an est locatio & conductio? minime: nam locatio & conductio non consistit sine pretio; ut nec emptio & venditio: locatio est instar emptionis: & ideo locator dicitur quoque emptor, sicut & conductor venditor: merces, precium, sunt communia nomina: non ergo hic proponitur emptio & venditio, nec locatio & conductio, sed est contractus similis locationi, qui nomine vacat, & ideo dicitur actio præscriptis verbis, quod non est proprium nomen, quia scilicet datur secundum præscripta verba contractus, quia dum intenditur, recitantur verba contractus, cum tamen

tamen in actionibus, quæ habent proprium nomen sufficiat exprimere nomen contractus: & hoc ostenditur in l. 5. §. *at cum de, hoc tit.* Finge iterum, quæ est species hujus legis: Dedi tibi pecuniam, ut servum tuum manumitteres, non est locatio & conductio, quia hoc factum locari non solet, opera locari solet vel conducere, non liberale officium: manumissio est officium liberale, non opera. In iis igitur, quæ ex officio manant, & in quibus nulla nostra versatur opera, non potest consistere locatio & conductio: fateor tamen hoc negotium esse simile locationi & conductioni, & vacare nomine: atque ideo ex hoc negotio datur actio præscriptis verbis, quæ proprium nomen non habet. Quo fine datur hæc actio præscriptis verbis? ut scilicet præstetur id, quod interest servum manumitti, ut impleatur fides contractus, quia forte filius est, aut frater, quem cupio manumitti: Verum etiam si mea nihil interfit, condicam pecuniam quam dedi, quasi datam ob rem, non sequuta. Est igitur mihi duplex actio, præscriptis verbis, ut impleatur fides contractus, vel condictio ob rem dari ut mihi reddatur pecunia: sed his actionibus non agitur, ut docet Papinianus hoc loco, antequam cessaveris in manumittendo Stichum, hoc est, antequam moram feceris: moram autem fecisse videris, si cum primum potuisti manumittere servum, non manumissisti, maxime interpellatus: nam interpellatione sane est opus: post moram autem agam confestim, quia non est additum tempus manumissioni: sed ita res gesta est, *De pecunia, ut Stichum manumittas nullo addito tempore*: statim igitur, ut cessaveris in manumittendo Stichum, vel agam præscriptis verbis, si mea interfit cum manumitti, vel si non interfit, agam conditione ob causam dati, d. 6. *At cum de, l. si liber C. de condit. ob caus. dat. l. 2. §. 17. ff. de cond. caus. da.* Imo dices, in hoc casu non est locus iis actionibus, quia ipso jure statim atque non est manumissus servus, eripitur ad libertatem: lex representat libertatem, quam ille, qui pecuniam accepit, non præstat: non est ergo actionibus propositis locus, quia jam est ipso jure liber ex l. 38. §. *idem respondet, de liber. caus. l. 4. C. si mancip. ita alien.* Dedi tibi pecuniam, ut servum tuum manumitteres, non manumissisti: sit liber ex sententia D. Marci & Commodi. Sed distinguendum hoc modo: si pecuniam dedi veluti pro pretio ut Stichum manumitteres, & cessaveris, fiet liber ipso jure: & ita hanc rem declarant d. l. 38. §. *d. l. 4.* quæ ita proponunt, dari pecuniam veluti pro pretio. Hic vero ponere debemus non dari pecuniam veluti pro pretio, sed ut mercedem & rem quamlibet non habita ratione pretii quanti est Stichus: pecunia non semper pro pretio est: nummi peregrini, ut olim, ita hodie mercis loco sunt, ut refert Volusius Marcellianus in libro de Ase, & Plinius Hystor. 33. cap. 3. nostri etiam nummi nonnunquam mercis loco sunt. Et ita in l. ult. de cond. caus. data. Dedi tibi pecuniam, ut Stichum dares, an est emptio & venditio? sic videtur: & vero ita est, si modo pecunia data sit pro pretio: sed si dedi tibi pecuniam non veluti pro pretio, ut mihi Stichum dares, permutatio est quasi mercis cum merce. Non pecunia semper vice pretii fungitur, sed etiam mercis: quod maxime pertinet ad explicationem illius l. ult. quæ negat illud negotium esse emptionem venditionem: & adiciunt Græci recte, esse permutationem, quia non est data pecunia, veluti pro pretio Stichi, ut etiam in hac l. 7. ponendum est, non esse datam pecuniam veluti pro pretio servi: alioquin statim post cessationem servus eriperetur in libertatem ipso jure, & non esset locus his actionibus.

Ad L. I. de Usuris.

Cum judicio bonæ fidei disceptatur: arbitrio judicis, usurarum modus ex more regionis, ubi contractum est, constituitur, ita tamen, ut legi non offendat.

§. 1. Socius si fidei condemnandus eris, quod pecuniam communem invaseris, vel in suos usus converteris, omni-

A modo etiam mora interveniente, præstabuntur usuræ.

§. 2. Nec tamen iudex judicii bonæ fidei recte jubeat interponi cautiones, ut, si tardius sententia condemnatus paruerit, futuri temporis pendatur usura, cum in potestate sit actoris judicatum exigere. Paulus notat. Quid enim pertinet ad officium judicis, post condemnationem, futuri temporis tractatus?

§. 3. Papinianus. Circa tutela restitutionem pro favore pupillorum latior interpretatio facta est: nemo enim ambigit hodie, siue iudex accipiatur in diem sententia, siue sine iudice tutela restituatur, in eum diem, quo restituit, usuras præstari. Plane si tutela iudicio nolentem experiri, tutor ultro convenerit, & pecuniam obtulerit, eamque obstrictam deposuerit, ex eo tempore non præstabit usuras.

B Hodie explicabitur alia regula, quæ proponitur initio h. l. Sciendum est, in bonæ fidei contractibus, vel quasi ex mora, hoc est, posteaquam debitor moram fecerit in eo solvendo, quod debetur, deberi usuras officio judicis, l. 32. §. *in bonæ fidei l. 17. §. ex locato, hoc tit. l. 24. ff. de pos. l. 13. C. de act. empt. l. 2. C. de pos. l. 1. fructus C. de act. empt. nulla est frequentior regula, cui est adnectenda ea, quæ ponitur initio hujus l. Sed sciendum est priorem hanc regulam etiam locum habere in legatis & fideicommissis, quamvis actio, quæ legatum aut fideicommissum petitur, non sit bonæ fidei: usuræ legatorum vel fideicommissorum debentur ex mora, hoc est, si heres interpellatus congruo loco & tempore ea non solverit. Quod ad usuras attinet, comparatur semper legata & fideicommissa bonæ fidei contractibus, l. 34. hoc tit. l. 3. *C. in quib. cau. restit. in integ.* & hoc puti esse ex constitutionibus.*

C Nam ita invenio scriptum in l. 24. *C. de usuf. leg.* post moram heredis legatario reddi usuras placuit. Et verbo placuit, plerumque significantur constitutiones principum. At hoc posito in contractibus bonæ fidei, vel quasi contractibus ex mora deberi usuras arbitrio vel officio judicis: queritur, quæ usuræ debeantur? nam officium vel arbitrium judicis non est liberum aut iniquum arbitrium, non licentia pronuntiandi juris, sed arbitrium boni viri in princip. tit. Instit. de offic. jud. ut non aliter judicet, quam legibus & moribus proditum est. Queritur, quæ usuræ debeantur, quod dum querimus, querimus, quas debeat usuras iudex constituere: querimus denique de officio judicis. Et hac de re

D Papinianus dat nobis initio hujus legis regulam elegantem. Cum judicio bonæ fidei disceptatur, arbitrio judicis usurarum modus ex more regionis, ubi contractum est, constituitur, ita tamen, ut legi non offendat: ut scilicet in judiciis bonæ fidei usuræ veniant ex mora arbitrio judicis, quæ in ea regione observantur, in qua contractum est: officio, inquam, judicis veniant, vel quod idem est, arbitrio seu arbitratu judicis: ac proinde earum usurarum modum iudex constituit & æstimat, inspecto & observato jure regionis in qua contractum est, observato more negotiatorum, atque etiam observato modo legitimo. Nam leges finem certumque modum dedere, quem non potest non sequi iudex: has leges debet observare, non minus, quam morem regionis, si is mos legibus adversus non sit. Possunt moribus leviores esse usuræ, quam legibus, nec tamen possunt esse graviores: possunt attingere finem legum, non etiam superare. His igitur siue moribus, siue legibus regitur arbitrium judicis: sed quod secundum mores ac leges statuerit hac de re, id tantum potest, quantum stipulatio est. Et hoc est, quod dicitur, quod ad usuras attinet tantum valere officium judicis in actionibus bonæ fidei, quantum stipulationem nominatim factam, l. 7. de neg. gest. l. 24. de pos. Hic vero dicimus de usuris, quæ veniunt ex mora, quæ propter moram debitori infliguntur, ut creditor consequatur, quod sua interest, debitorem moram non adhibuisse, & non deberi, nisi iudex pronuntiaverit deberi. Finge, iudicem de re judicasse, & usurarum rationem non habuisse in bonæ fidei contractibus; an

post rem iudicatam apud eundem iudicem disceptari de usuris potest? an apud alium iudicem usura peti possit? Minime, quia in bonæ fidei iudiciis non est alia actio fortis, alia usurarum; nec existimavit iudex in ea re rationem esse habendam usurarum, l. 4. C. de pos. l. 13. C. de usur. Aliæ sunt usurae, quæ debentur *ἀπὸ συγχρησίου* puta cum is, qui alienam pecuniam administravit, eam convertit in usus suos: *συγχρησίου* est conversio in usum; aliæ, quæ debentur *ἀπὸ ὑπερβολῆς*: quæ ex usu debentur, illæ debentur, etiam si de iis nihil pronuntiaverit iudex, ex natura ipsius iudicii, l. ult. C. de usur. rei iud. Natura, inquit, rei iudicata ipso iure debentur, ex legibus proprie debentur usurae: hæc debentur officio iudicis, non debentur propria, l. ult. de eo quod certo loc. Est ergo regula, quæ proponitur initio huius l. de usuris, quæ veniunt ex mora, non ex abusu pecunie alienæ. Ergo debet iudex eorum usurarum, quæ ex mora infligantur modum constituere ex more regionis, ubi contractum est: & ita in l. 7. §. quæ autem, de adm. tut. dicitur, in actione tutelæ veniunt usuras officio iudicis, exceptis certis casibus, quibus tutor debet usuras legitimas, usuras maximas, centesimas: (nam ita semper oportet accipere in libris legitimas & maximas) ut puta, si tutor pecuniam pupillarem in usus suos convertit: quod est, *ἐνυχρησίου*; aut si eam apud se esse negavit, & Prætor contra eum pronuntiaverit, & aliis quibusdam casibus: quibus exceptis, ex ceteris causis tutor dependit usuras secundum modum provincie, veluti quincunces, vel trientes, vel si quæ aliæ in ea provincia leviores frequentantur. Idemque observandum in actione contraria tutelæ, quæ est bonæ fidei: nam si quid tutor dependat de suo in rem pupilli, id consequitur cum usuris, quæ ea in regione currunt, quoad ei omnis pecunia reddatur, namque æquum est ne sit ejus pecunia sterilis, l. 3. §. consequitur, de act. contr. tut. Idem habemus de contraria actione negotiorum gestorum, l. 37. hoc tit. puta si ego pro te solvi mea sponte irrogando creditori tuo, & ita te liberavero magno incommodo, ne fortasse creditor tua pignora distraxat, vel in bonorum possessionem mittatur: debetur mihi ea pecunia cum usuris, quæ frequentantur in ea provincia. Idemque d. l. 37. C. hoc l. 1. ait, generaliter constitutum in omnibus iudiciis bonæ fidei, idemque procedere in actione mandati ostendit l. 10. §. si procur. mand. Idemque in legatis & fideicommissis, l. cum servus 39. §. in usufructum, de legat. 1. legitur ex mora heredis debentur usurae legatariis & fideicommissariis, & in usufructum quantitate mos regionis servandus erit. Desinit quidem usuras iudex, sed secundum morem regionis ejus, ubi sita est hereditas, ubique solvi legatum debet aut fideicommissum. In usuris igitur consuetudo regionis aut provincie plurimum valet. Et recte Alconius Pedianus in libro de Divinatione ait, esse quadrupli actionem pecunie gravioribus usuris sumerata, quam pro consuetudine, quæ pro lege est: sed potior tamen est lex consuetudine, l. 2. C. quæ sit long. cons. Consuetudinis, inquit, magna auctoritas est: sed non valet tamen usque adeo, ut legem minuat, aut rationem. Et ideo recte adjicit Papinianus; ita tamen ut legi non offendat; id est, ita demum si mos non adversetur legi: vel si iudex dum morem sequitur non committat in legem: & similiter d. l. 10. §. si procurator, debent usuras, quæ legitimo modo, id est, intra modum legis, frequentantur; non quæ supra modum legis sunt. Magna est questio etiam hodie: utra sit potior lex, an consuetudo? quæ paucis sic dirimenda est. Consuetudo est pro lege, ubi lex deficit, vel si defuerit, aut consenserit, & hoc ait l. 33. de LL. diurnam consuetudinem esse pro lege in iis, quæ ex non scripto descendunt, hoc est, quæ scripto comprehensa non sunt: Consuetudo abrogat legem: tacitus enim illiteratusque consensus populi obliterat legem, l. 32. de legibus legem, abrogat, non tamen vincit legem: non idem est abrogare & vincere legem: In ipso concursu legis & consuetudinis, dum utraque viget, utraque suis

A consistit viribus, sane vincit lex consuetudinem dum viget, nec consensuit, non consuetudo legem. Præterea quaritur, quis sit modus legitimus usurarum, quem plus valere vult Papinianus, quam morem regionis usurpatum contra leges feneratoritias: duplex est modus usurarum, duplum scilicet & centesima: semper excipiendæ sunt trajectitiæ & nauticæ pecuniæ, fœnus nauticum, quod nullum habuit modum, nunc habet ex constitutione Justiniani: nam sæpe debebantur usurae ex fœnore nautico supra centesimas & supra duplum. His igitur exceptis, modus usurarum est duplum, quia non possunt deberi usurae ultra duplum, id est, sorte tanto amplius. Ejuge: Quidam tutori debentur centum: usurarum nomine tulit centum; sane usurarum nomine nihil præterea desiderare potest. Sed si quid amplius solvatur, id imputatur in fortem: ubi usura æquaverint fortem, nihil amplius peti usurarum nomine potest: hic modus usurarum obtinet etiam hodie. Alter modus, qui obtinuit etiam ante Justinianum, est centesima, quæ ferre in omnibus aliis negotiis admissa est, & dicebatur centesima, quæ in centenos reddit duodenos quotannis, unum nummum quot mensibus: atque dicebatur centesima, quod ejus pars centesima sit usura mensura & legitima, l. 4. tit. seg. l. 8. C. si cert. per. l. 26. C. de usur. Et utrumque modum legitimum significavit Papinianus, dum ait, ita tamen ut legi non offendat, hoc est, ne supra duplum aut centesimam usurae gestimentur. At queri potest, quæ lex hunc modum imposuerit usuris utrisque? Lege aliqua impositum esse necesse est: varii modi impositi fuere duodecim tabulis, uncia in centenos quotannis, quæ diu non obviavit: imo & quibusdam legibus semuncia tantum: sed obtinuit diu & obtinet etiam hodie in quibusdam negotiis centesima. Quæ lex eum imposuerit modum, non satis liquet. Nam quod quidam tentant, modum esse impositum lege Gabinia, cujus mentionem facit M. Tull. §. ad Attic. in fin. & alibi, falsum est: nam lex Gabinia fuit de versura, non de usura. Nescio, an quisquam adhuc intellexerit, quid sit versura. Est sane improba cum sit lege vetita, & est in versura quiddam reprehensione dignum. Jamdiu animadverti versuram esse mutationem pecunie sub usuris qua dissolvebantur usurae aliis debite: quod lex Gabinia non patitur, ne inopes usuris obruantur, dum usuris usuras cumulant: regula juris est, usuras usurarum non deberi, & in stipulationem deduci inutiliter, sed fortis tantum. Hujus regulæ, duæ sunt fraudes, una appellatur *ἀντροχρησίου*, altera, versura; & utraque fraus cœreatur legibus vel constitutionibus. *Αντροχρησίου* est, si usurae, quæ debentur interposita stipulatione fiant fors, ita ut hujus fortis, id est, usurarum redactarum in sortem usurae cedant; quod re ipsa est usurarum usuras exigere: & merito prohibetur l. ult. C. de usur. Alia fraus est versura, ut si sumas ab aliquo pecuniam sub usuris, qua alii solvas usuras debitas: non possis palam eidem creditori usuras usurarum dependere, sed nisi lex prospiceret, eas clam creditori tuo dependere, dum sumeres ab uno pecuniam sub usuris, qua solves usuras alii debitas. Hæc est versura prohibita lege Gabinia; quod etiam eleganter demonstrat Cic. libro 3. epist. ad Attic. epist. ult. his verbis: *Salaminis cum Roma versuram facere vellent, non poterant, quod lex Gabinia vetabat*, &c. Non vero dubito, quin versura nomine uti possimus in alia significatione: nam & per translationem versurae nomen pro usura accipitur: est enim versura generaliter, repensatio qualibet, seu reciprocatio. Unde & in his regionibus, dos versura dicitur, vel ut patrio sermone *verchere*, id est, versura, quasi repensatio onerum matrimonii. Nec unquam illud verbum versurae audio, quin veniant in mentem verba Marciani Capellæ de dote, dum ait: *utrum repensatrix data* id est, utrum dos, utrum versura data. Et hæc de regula. Quæ sequuntur in hac lege sunt difficilissima & scitu dignissima, eoque pertinent, ut ostendat Papinianus, aliquando in bonæ fidei contractibus usuras deberi, etiam

mora non intervenerit, & sunt utilia quæ sequuntur. Intelleximus ex initio legis, in bonæ fidei iudiciis usuras deberi officio iudicis secundum morem regionis, ubi contractum est, qui modo non fit adversus leges, quæ usuris posuere modum: & hoc locum habere in usuris, quæ debentur ex mora. Aliæ sunt usuræ, quæ in bonæ fidei iudiciis debentur & veniunt, etsi mora non intervenerit, de quibus nunc tractaturi sumus, ut in actione mandati l. 12. §. usuras, mand. dicitur usuras admitti non tantum ex mora, frustratione, cunctatione debitoris, sed iudicem etiam æstimare, si mandatarius, hoc est, procurator exegerit pecuniam sibi debitam a debitore suo cum usuris, ut domini negotia gereret, vel si mutuatus sit pecuniam gravioribus usuris, ut solveret pro domino, eumque liberaret magno incommodo, rei, earumve usurarum rationem habere iudicem ex eo tempore, quo mutuatus est pecuniam illam sub gravioribus usuris, vel quo eam pecuniam exegit a debitore suo, ut posuimus. Atque ita in actione mandati non ex mora tantum veniunt usuræ, sed & ante moram. Idem quoque constitutum est in actione depositi, l. 3. §. 4. C. de pos. Is apud quem deposita est pecunia, debet usuras ex mora, non tantum si interpellatus eam non reddiderit, sed & si eam pecuniam in usus suos converterit invito domino, cuius custodiendæ domino fidem dederat: ex eo tempore, quo eam pecuniam convertit in usus suos, usuris obligatur sine ulla alia interpellatione. Idem & in §. socius in h. l. ostenditur locum habere in act. pro soc. & act. tutelæ: tractemus primum de actione pro socio. Si socius communem pecuniam invaserit, vel in suos usus converterit, præstat usuras ex eo tempore, quo eam invasit, etiamsi nulla mora intervenerit, hoc est, etsi de ea pecunia reddenda, vel in commune conferenda, interpellatus non fuerit. Mora proprie est, si interpellationi debitor non obtemperaverit, hoc est, si non solvat. Et moram proprie creat interpellatio, nec videtur proprie moram fecisse, qui non interpellatus est. Et hoc est quod dicimus, moram fieri in personam, non in rem: moram contrahi ex interpellatione, non ex re ipsa, non ipso iure. Aliquando tamen fit mora re ipsa, quæ tamen proprie non est mora, ut significat l. 87. §. usuras, ff. de leg. 2. l. 32. hoc, mora fit re ipsa minoribus 25 annis beneficio Prætoris, hoc est, quid quid debetur minoribus 25 annis, in eo non præstando, moram facere videtur debitor, etsi non interpelletur, ex Constitutione D. Severi, quæ in hoc §. significatur illo verbo, *Hodie*. Mora etiam fit re ipsa, si non sit, qui interpelletur, si debitor non compareat, l. 32. §. ult. hoc tit. ut etiam si solutioni addita sit dies: & est nota vox communis, *dies satis interpellare*, nec alia ratione additur dies, quam ne sit necesse creditori interpellare debitorem. Constat etiam furem semper moram facere re ipsa, etsi non interpelletur, l. 17. l. ult. de cond. furt. fur autem etiam est, qui pecuniam communem invadit, hoc est, qui eam amoverit intervertendi animo, ut sibi eam habeat in posterum quasi suam, l. 25. pro soc. Atque ideo etsi non interpelletur socius, nihilominus ejus pecuniæ usuras debet iudicio pro socio, quod est bonæ fidei: is autem, qui pecuniam communem in suos usus convertit, non est fur, quia suo iure pecunia communi utitur, sed prope furem est, aut non longe abest a fure, quandoquidem clam & latenter abutitur pecunia communi. Aliud est invadere pecuniam communem, aliud eam convertere in usus suos: nam invadere, est prædonum more versari in societate, deprædari societatem. In suos usus convertere, est clam abuti pecunia communi, non tamen ut non reputaturum, sed tamen hoc est finitimum furto. Et ex utraque causa, id est, invasione pecuniæ communis, & in usum suum conversione, usuræ debentur statim re ipsa, etiam non interveniente interpellatione: quia proprie dicitur mora, quam creat interpellatio facta in personam. Et hoc valde pertinet l. 6. in princ. pro soc. Ad quam maxime est advertendum. Finge: Socius ali-

A quid ex societate lueri fecit, in eo reddendo vel conferendo moram fecit, usuras præstat: verum adicit lex, cum ipse ea pecunia usus sit, id est, socius, qui in eo reddendo quod lucrum fecit moram facit, tunc moram facere intelligitur, cum ea pecunia usus sit. Sunt duo casus. Primus, si socius in eo reddendo quod lucrum fecit, moram fecit. Secundus, si ea pecunia usus est. Nam postea eadem l. adicit hæc verba: *Sed si aut usus ea pecunia non sit, aut moram non fecerit, contra esse, id est, non præstare usuras, si aut moram non fecerit, aut pecuniam in usus suos non converterit*. Et ita Græci, deberi usuras *pro socio* dicitur: *si usus non fecerit, id est, quod moram fecerit, & pecuniam converterit in rem suam*. Et subiicit, quod eget explicatione, *Eas usuras non deberi ut usuras, hoc est, ut fœnus: nam si deberentur ut fœnus, B deberentur etiam citra moram, l. 17. §. si pupillo, h. t. usuræ, quæ propter lucrum infliguntur, hoc est, fœnus, debentur, & ante moram, imo currunt ex die ipso contractæ obligationis. Alia est usura, quæ infligitur propter lucrum, alia quæ propter moram, five moram quis faciat ex interpellatione, five re ipsa. In actione igitur pro socio, usuræ non debentur ut fœnus, sed quod socii inter sit socium moram non fecisse, vel eam, quæ ex interpellatione creatur, vel eam, quæ re ipsa fit.*

Concludamus igitur ex hoc §. socium usuras debere etiam non interpellatum, ejus pecuniæ, quam ex societate invasit, vel in suos usus convertit, & currere usuras ex eo tempore, quo invasit, & in usum suum convertit. Non satis est scire, ex quo die debeantur, nisi & sciamus, in quem diem: & significat Papinianus, deberi in diem condemnationis. Nam injure hoc est ratum: Post sententiam consistere usuras, seu cessare usuras intra tempora iudicati solvendi: non ignotum est iudicatis, hoc est, condemnatis dari certa tempora faciendi seu solvendo iudicatu; quæ in 12. tab. appellatur dies iusti. Ergo intra ea tempora usuræ nullæ currunt, l. 3. §. 1. hoc tit. l. 13. C. hoc tit. l. ult. §. pen. C. de usur. rei jud. Ratio est: quia ea tempora rei humanitatis gratia dantur, l. 16. §. ult. de compens. ubi a Græcis nominatim ita scriptum est: *quæ sunt immunes ab usuris & fructibus dependendis, non quidem a perceptis interim, sed quæ percipi poterunt*. Sunt denique expertes omnis inhumanitatis: jure postulantur, nisi ex causa iudicatis. Finitis autem his temporibus, rursus currunt usuræ, non priores, sed novæ, & plerumque graves si ne conventionē, aut condemnationem nova; sponte, & ipso jure, ex legibus, & hæc dicuntur usuræ rei iudicæ: & fuere olim ducentæsimæ, hodie sunt centesimæ. Ideo queritur, an iudex additus pro socio, qui condemnat socium in usuras præteriti temporis in diem sententiæ, possit etiam socium cogere ad cautionem interponendam de præstandis usuris futuris post tempora iudicati? Et Papinianus ait, posse socium condemnare in sortem, & usuras usque in diem sententiæ, non etiam ab eo exigere cautionem de dependendis futuris usuris post tempora iudicati solvendi: Et utitur hac ratione Papinianus, quia actori satis consultum est actione iudicati, cum ipso jure iussit usuræ legitime: & æquum non est reum onerari supervacua cautione: & hac est ratio Papiniani quam reprehendit Paul. si quis notam recte intelligat, quæ quo obcurior reprehensio est, eo modestior. Paulus non reprehendit palam rationem Pap. sed dum aliam dat, satis indicat se eam non probare: & vero est cur improbat rationem Papin. quia actori est actio iudicati, ideo non est necessaria actio ex stipulatu: an quod mihi est actio una, neganda est altera? cur non mihi possim multis cavere rationibus? & per quam utile est cavere multis cautionibus per stipulationem, etiam ei, qui habet actionem iudicati: quia de causa ante litem contestatam solet interponi stipulatio iudicatum solvi, quamvis certo sit competitura actio iudicati, si condemnatur reus. Solet etiam interponi stipulatio de novi operis nuntiatione, ut qui est actio iudicati, sit etiam actio ex stipulatu, l. 21. §. habet, de nov. op. munt. l. 8. §. idem

idem Celsus, de novat. Non est igitur hæc ratio Papin: idonea, & ideo Paulus meliorem adfert rationem, quia ad iudicem nihil pertinet tractatus futuri temporis: iudex perfungitur suo officio, dicendo sententiam, quam ubi dixit, statim definit esse iudex, l. 55. de re iud. De re gesta sententiam dicit, futurum tempus non attingit. Hoc est, discrimen inter iudicem & legem, quod lex statuat de futuris, iudex de presentibus & præteritis. Hæc est elegans ratio Pauli: usuræ rei iudicatæ, quæ forte post tempora condemnatis ad solutionem data, cedent, non veniunt in iudicium: ergo de iis nihil potest dicere, vel statuere iudex. Accursius multa offert in contrarium, ut probet iudicem de futuris etiam statuere, quæ ego perstringam breviter, & redigam ad duas objectiones. Una est ex l. 1. C. de sent. qua in cert. quant. quæ ait: Sententiam eam iudicis non esse contra formam juris, quæ iudex jubet dependi usuras pecuniæ in condemnationem deductæ, usuras scilicet rei iudicatæ: Atque ita videtur rata esse sententia iudicia, quæ statuit de usuris futuris. Sane videtur obflare hæc lex, quia scilicet ad eam non apponitur species congrua. Species est: iudex addidit erat actioni iudicati, sententia debet esse certa ex definitione iudicis, aliqui litem ferret: usurarum futuram condemnationem debet esse certa l. 7. C. ad. tit. Finge: iudex cum esset additus actioni iudicati, pronuntiavit dependi usuras rei iudicatæ, non expressit quantitatem, quoad soluta esset pecunia condemnationis iam factæ priore iudicio, neque certam sententiam dixit, neque certas usuras, an valeat sententia? Sic sane, quia est iam certa condemnationis summa facta, ad quam se refert, qui de iudicati actione pronuntiat, & sunt certæ etiam usuræ rei iudicatæ, cum sint præscriptæ legibus certis in tit. C. de usur. rei iudic. & constat esse centesimas. Igitur certa est sententia, & præterea sic posita specie, iudex non statuit de futuris usuris, sed de iis, quæ iam debentur post tempora iudicati. Altera obiectio similis est ex l. 38. pro socio, & ex l. 41. de iud. quibus ostenditur, plerumque iudicem debere interponere cautionem de re futura, veluti prætor jubet interponi cautionem de damno infecto, hoc est, de futuro: vel etiam si quid quis debeat ad diem, postulante creditore, jubet iudex in iudicis bonæ fidei cautionem interponi de solvenda ea pecunia, cum dies venerit, quum metus est, ne debitor labatur facultatibus: Facile creditor, cui debetur ex contractu bonæ fidei ad diem, ante diem exprimit cautionem per iudicem. Atque ita videtur statuere de futuris: Imo statuit de ea re, de qua iam agitur in præsentem: & de qua aditus est: sed nihil statuit si alia de re aditus sit extra eam rem de iis, quæ extrinsecus accedunt: quo nihil est evidenti. Docet etiam in actione tutelæ usuras venire & deberi citra moram: imo vero plus esse in actione tutelæ, quam in actione pro socio, vel, ut ait, latiore interpretationem fieri, quo ad usuras in actione tutelæ, quam pro socio, favore pupillorum: quia scilicet tutor usuras debet pecuniæ pupillaris etiam interpellatus, non tantum si pecuniam pupillarem invaserit, vel in suos usus converterit, vel ea quidem non fuerit abusus, sed eam apud se habuerit otiosam. Et hæc est latior interpretatio, quæ fit in actione tutelæ, quoad usuras, nec necesse est interpellari tutorem. Et de hoc hodie nemo ambigit, hoc est, ex constitutione Severi secundum l. cum vero 26. §. apparet, de fideicom. libert. quæ statuit, ut in pupillis, ad iustam ætatem usque mora fiat reipsa a debitoribus: atque ita non tutor tantum, sed quicumque debitor his usuris desringitur, etiam si interpellatus non fuerit. Verum, ut loquamur tantum de actione tutelæ, notandum generaliter, tutorem si agatur tutelæ, si repositur ratio tutelæ, usuras debere in diem sententiz. Hoc enim tantum intendit actio tutelæ, ut reddantur rationes; vel, ut loquitur Papinianus, ut restituat tutelam, hoc est, ut reddat rationes: ergo ex quo tempore habuerit pecuniam pupillarem, in diem sententiz debet usuras: vel etiam si tutela reddatur sine iudicio: in diem,

Tom. IV.

A quo reddiderit omnes rationes: quod consentit cum l. 7. §. ult. de administ. tut. l. 45. §. quæstum, eod. tit. qui §. et si dicat solvi usuras in diem accepti iudicii, hoc est, litis contestatæ, tamen sunt producendæ in diem sententiz, siue iudicati: sed notatur dies litis contestatæ, quod eo die plerumque tutores agnoscant bonam fidem, aut saltem debeant agnoscere. Nec est novum, tempus litis contestatæ produci ad tempus sententiz, in l. 29. §. si heres, de legat. 3. Igitur hæc fit conclusio. Tutor quoquo modo usus sit pecunia pupillari, usuras debet in diem sententiz, vel in diem, quo redduntur rationes. Sed quid fiet, si pupillus non curet, aut nolit sibi rationes reddi, quid si nolit agere tutelæ iudicio illeceus dulcedine usurarum, qua ratione consulatur tutori parato rationes reddere? offeret pecuniam, & si quæ sint reliqua, obfignet, offerri debet in folle obfignato, atque ita deponi: nec enim sufficit oblatio nuda, sed necessaria est depositio, l. 7. hoc tit. Hæc obfignatio pro solutione est, l. 9. C. de solut. Et ab eo tempore, quo signavit & depositum liberatur omnino: Et hoc intelligit M. Tullius 6. ad Attic. Epist. 1. Consistere usura debuit, quæ erat in edicto meo, deponere volebant: nam depositio pecuniæ solutio est. Et etiam aliud, in quo fit latior interpretatio in actione tutelæ, quam in actione pro socio. Sed, quod dicitur de tutela, idem etiam pertinet ad actionem negotiorum gestorum. Nam generaliter tutores, curatores, procuratores, magistratus municipales, dumviri, qui alienam pecuniam exercent & tractant, & ut uno verbo dicam, gestores negotiorum alienorum, hi omnes, si alienam pecuniam, quam administrant, in suos usus converterint, quod est *συνχρησις*, præstabunt usuras maximas, si clam & latenter hoc faciant. Nam fingit, tutorem accipere pecuniam pupillarem a contutore mutuum, & convertere in suos usus, an ejus pecuniæ debet usuras centesimas? minime. Finge rursus: eam pecuniam accipere a seipso, & rationibus conscribere in eam sibi mutuatam, & hac videtur uti palam & bona fide, non debet usuras maximas, sed solitas, l. 9. §. non tantum, l. 54. de adm. tut. Sed si clam quicumque gestor abutatur pecunia aliena, debet centesimas, l. 38. de neg. gest. l. 1. C. de usur. pup. Ex ceteris vero causis præstabit tutor usuras secundum morem regionis & provincie, aut quincunces, aut trientes, aut, si quæ aliz leviores in provincia frequentantur, l. 7. §. quæ autem sunt, de administ. tut. Verum huic sententiz obstat l. 10. §. si procurator, mand. maxime vexata a nostris: quæ ait, procuratorem, qui administrat alienam pecuniam, vel negotia, si eam pecuniam in suos usus converterit, debere usuras, quæ in regionibus frequentantur. Imo debet centesimas. Hunc nodum, ut dissolvant, dicunt quidam: aliud esse in tutore, aliud in procuratore. Hanc solutionem refellit l. 38. de neg. gest. quæ ait, eum, qui administrat alienam pecuniam, si eam ad suos usus converterit, maximas usuras debere, id est, centesimas, etiam si leviores frequentantur in regione. Quod vero est scriptum in d. l. 10. §. si procurator, procuratorem, qui convertit pecuniam in suos usus, cum sit aliena, debere usuras, quæ in regione frequentantur, hoc ita dicunt procedere, si palam usus sit pecunia domini, veluti, si eam sibi mutuatam scripserit, & rationibus suis eam acceptam tulerit domino, & sane sic non facit improbe, nec debet usuras centesimas. Verum hoc non exprimit §. si procurator: nec tamen aliter responderi potest, nisi hoc dicas, manifestam traiectionem verborum in eo §. esse. Ait, procuratorem ejus pecuniæ, quam habet ex negotio domini, ex mora debere usuras, ut in bonæ fidei iudiciis est receptum. Hoc etiam addendum, quæ in regionibus his frequentantur. Deinde tractat de usuris, quas consequutus est, cum pecuniam domini fenori collocavit, & tulit usuras, & has debet restituere, quia bonæ fidei hoc congruit, ne de alieno lucrum sentiat. Sequitur tertius casus, si quam pecuniam in usus suos converterit: hoc semper accipitur in malam partem: Quid fiet: damnabitur in usuras centesimas exemplo tu-

D to-

toris. Nam & mox subicit aliud in hoc §. in quo similis est procurator tutori. Si procurator pecuniam domini fenori collocavit, & exegerit usuras, quas mox in usus suos converterit, an debet usurarum usuras? sic sane, & quidem centesimas, quod etiam proditum est in tutore, l. 7. §. si usuras, de admin. tut.

Ad L. Tutor XXXV. de Admin. & peric. tut.

Tutor sua equatur nomina, qua iuste putat esse idonea, a priore tutore vel curatore suscipere quidem cogitur, non tamen exactionem periculo suo facere.

In hac l. proponitur hæc regula: non cogi tutorem nomina minus idonea suo periculo exigere, licet cogatur ea a priore quidem tutore vel curatore suscipere. Finge: tutorem vel curatorem mortuum esse, vel remotum ut suspensum, & in locum eius alium tutorem vel curatorem datum esse, Vel finge: post pubertatem impuberis, qua finitur tutela, & succedit cura: postulate adolefcente non invito, tutore succedit curator in administratione: huic curatori tutor restituit tutelam redditibus rationibus. Cum hoc curatore confert rationes pup. & cogitur curator sive tutor novus a priore tutore, vel curatore, vel herede ejus suscipere nomina, hoc est, cautiones, & penurias, siue debita, quæ is contraxit, quando gessit tutelam vel curam: etiam si tutor vel curator habeat iustam causam æstimandi, ea nomina non esse idonea, neque approbet; tamen ea suscipere cogitur: deinde nomina, quæ fecit prior tutor vel curator, siue idonea sint, siue non, sequens curator vel tutor suscipere cogitur, ut scilicet ea exigat a debitoribus, & perscrutetur: sed exactionem non faciet suo periculo, sed prioris tutoris: vel curatoris, qui ea contraxit. Ac proinde, si debitores non sint solvendo, periculum nominum pertinebit ad priorem tutorem, vel curatorem, qui nomina fecit, & satisfaciunt pupillo de suo. Idque est certissimum in jure, nominum periculum pertinere ad eum qui fecit, si ea non sint idonea, vel si culpa ejus facta sint deteriora, dum non satis mature interpellavit, l. 35. de reb. cred. l. ult. §. pen. de admin. rer. ad oliv. per. Novus igitur tutor cogitur suscipere nomina a priore tutore vel curatore, etiam si ea nomina improbet, sed non cogitur ea probare. Et aliud est suscipere nomina, aliud probare nomina, l. 12. §. Idem ait, mand. Qui probat nomina, agnoscit periculum: Ideoque si posterior tutor vel curator probaverit nomina, quæ prior tutor vel curator fecit, eorum nominum periculum in se transfert, & priorem tutorem vel curatorem omnimodo liberat. Qui probat nomina, agnoscit periculum: ideoque si posterior tutor probat prioris nomina, a priore in se transfert periculum. Nomina probare, est periculum eorum agnoscere, periculo suo nomina esse cavere, l. 44. in princ. hoc tit. l. 36. ad munic. l. 19. de sus. & rat. distr. & exquirere nomina diligenter debet, qui succedit in tutelam aut curationem, si probare vult nomina: quæque non probat invitus, licet invitus suscipiat qualia qualia.

Ad L. Statuliberorum XXXIII. de statulib.
Statuliberorum jura per heredem fieri
non possunt duriora.

Notissimum est, statuliberum esse servum, cui verbis directis, verbis civilibus relicta est libertas testamento in diem, vel sub conditione, vel ut scribit Festus ex nostris auctoribus, qui testamento certa conditione proposita jubetur esse liber. Placet illud, conditione proposita: nam nostri auctores sic loqui solent: qui enim conditio legato vel libertati adscribitur, dicitur conditio proposita legato aut libertati, l. 112. de cond. & dem. ap. eximium alipar. l. 6. de excus. tut. Dixi, verbis civilibus, nam quibus relinquitur libertas verbis precariis, his verbis scilicet: rogo te, ut servum illum manumittas sub con-

ditione, vel in diem, non sunt statuliberi, l. 14. de nox. off. l. 37. ad l. Falc. Semper in jure separantur statuliberi ab illis, quibus in diem, vel sub conditione est relicta fideicommissaria libertas. Sunt quidem similes in omnibus fere juris articulis statuliberis, sed non possunt tamen dici statuliberi: possunt dici statuliberorum locum obtinere, l. 51. §. cui per fideicom. de fideicom. libert. quia fere communia sunt horum & illorum jura. Sed verbum statuliberi, est ex 12. tab. quibus fuerit incognita fideicommissa. Nam ante Augustum fideicommissa infirma erant, vixque quisquam invitus cogebatur præstare id, de quo rogatus erat, ut constat ex tit. Instit. de fideicommiss. hered. & ex tit. ad Senatuf. Trebell. Quinimo usque ad Justinianum nulla fideicommissaria supererat actio ad id fideicommissum petendum, l. 1. C. commun. de legat. Quod etiam confirmat quædam Trajani epistola ad Plin. quæ est 80. lib. 10. his verbis: Julius Largus fidem tuam, quasi te bene nosset, elegit. Quid ergo potissimum ad perpetuam memoriam ejus faciat, secundum cuiusque loci conditionem ipse dispice, & quod optimum existimaveris, insequere. Ea probaverunt & introdixerunt constitutiones principum, non leges veteres: sed tamen plerumque fideicommissarii liberti rediguntur, ut dixi, ad exemplum statuliberorum: ac præterea dixi, statuliberum esse servum: intellige, antequam venerit dies libertatis: nam interim est servus heredis, l. 9. de statulib. Idem confirmat l. 9. §. certe si sub condit. de pecul. l. 11. de legat. 2. Itaque ratio nominis non hæc est, quod sit statuliber; nam est interim statu servus. Non licet dividere, quæ sunt composita, & aliud sæpe

aliud est *ἀποκρίσιμος*: aliud *ἀπὸ ἀποκρίσιμου*. Aliud *ἀποκρίσιμος*, aliud *ἀπὸ ἀποκρίσιμου*: & similiter si dixeris divinum aliquid esse statuliberum, hominem liberum dixeris. At si conjunctionem & compositum statuliberum dixeris, non hominem liberum, sed servum intellexeris, qui tamen sit statuta vel destinata libertas in diem, vel sub conditione. Adnotandum tamen est, in plerisque causis, illum esse liberi loco, ut in ponenda ratione legis Falcidiae: nam cum æstimatio bonorum in eunda est & conferenda cum quantitate legatorum & fideicommissorum, statuliberi non computantur numero servorum, quæsi jam adepti libertatem videntur, quam sperant, nec sunt omnino in bonis, l. 38. ad leg. Falcid. Ac similiter in publicis judiciis puniuntur ut liberi, non ut servi, hoc est, mitius, l. 14. de quest. l. 9. §. ult. de pan. ac postremo servi possunt a dominis vendi durioribus conditionibus, veluti ne unquam manumittantur: an & statuliberi? Sic sane vendi possunt, sed non duris conditionibus. Et ita scripsit Modest. in l. 25. hoc tit. Interim tamen revera sunt servi. Demonstrat scilicet, hac in re summam esse differentiam inter servos & statuliberos, quæ lex pertinet ad hanc regulam. Initio docet statuliberos posse vendi ab herede, quia interim sunt heredis, & ita ait, statuliberos venundari posse ex 12. tab. hoc est, ex sententia 12. tab. ita expressa, ut si quis liber esse iustus fuerit sub conditione, si heredi 10. dederit, & ab herede alienatus sit, emptori decem dando perveniat ad libertatem, id est, ut libertatis conditio possit impleri persona emptoris, l. statuliberi a ceteris §. ult. hoc tit. Lex

statim demonstrat statuliberum posse venundari, quamvis id non dicat nominatim: & ita putaverunt, inquit, leges 12. tab. Sic Ulpian. in Frag. loquitur de Ella Sentia; Et eodem modo Tull. 4. de Rep. apud Nonium in verbo Jurgium. Jurgare igitur lex putat inter se vicinos, non litigare. Putat, legis sententia est. Itaque ex lege 12. tab. statuliberi vendi possunt. At subijcit d. l. 25. non posse vendi duris conditionibus: puta, ne unquam manumittantur: quia si statuliber manumittatur, statim non impleta conditio libertatis, sane fiet liber, & citius perveniet ad libertatem, l. 34. de statulib. Nec tamen erit libertus manumissoris, sed Orcinus, libertus Charonianus, libertus nullius viventis, libertus Plutonis: neque enim potest fieri ejus conditio durior præ-

festinata manumissione, ut experitur duriorum patrum, scilicet heredem, qui nullum habiturus est patrum si velit suo jure uti. Dura est conditio venditionis, si statuliber ea lege vendatur, ne intra certa loca serviat, id est, ne certis quibusdam locis moretur, puta, quod heres sibi ab illo timeat, vel quod heredis oculi eum ferre non possint, l. 1. de serv. exportand. Igitur debet vendi statuliber bonis conditionibus, non ut servus, duris, ne quid fiat contra voluntatem defuncti, ne præjudicetur speratæ libertati. Et hoc vult Papinianus, dum ait, statuliberorum jura per heredem duriora fieri non posse: & potest hæc regula aptari ad præcedentem; est enim semper in libris Pandectar. ordo & series quædam legum, ut jam sup. notavimus ad l. 38. de pact. Finge: Si servus sit manumissus sub hac conditione, si uni ex heredibus decem dederit, cum essent duo & unus eum venderit ea lege, ne emptor ullam pec. acciperet conditionis implendæ causâ; nihilominus fiet liber alteri heredi dando quinqve, quamvis emptori nihil dederit: quia statuliberorum jura per heredem fieri non possunt duriora: & hac interpretatione maxime indiget d. l. 32. Et hoc idem dicimus de servo, cui relicta est fideicommissaria libertas sub conditione, quem diximus fere in omnibus causis statuliberi jure censeri; nam & hic ab herede interjura vendi potest, sed non durior conditione, non ut jura patronorum experitur duriora, non in perpetuam servitutem, l. 15. l. 24. §. ult. l. 51. §. cui per fideic. de fideic. libert. Sed necesse est ut ad hanc regulam aliud exemplum apponamus, quod convenit magis scripturæ veterum librorum, in quibus est, deteriora, pro duriora, & in Basil. γυριότερα, duobus locis. Si dominus servum, cui adscriptis directam, vel fideicommissariam libertatem sub conditione, aut in diem, vinxerit poenæ causâ, vincula necent future libertati, secundum legem Æliam Sentiam. Nam servi vincenti, si manumittantur, sunt dedititiorum numero, nec possunt pervenire ad justam libertatem, hoc est, civitatem Romanam. Et ita Suetonius in Augusto. *Augustum statuisse, ne quis totius vinctusque civitatem adipisceretur.* Vincula igitur nocent libertati, hoc est, statuliberis fideicommissariis, & pure etiam libertati. Sic quoque Paulus in l. 43. de fideic. libert. Fideicommissaria libertas non debetur ei, quem dominus postea vinxit. Que verba interpretanda sunt ex jure antiquo, ut scilicet is non possit fieri civis Romanus, sed fit tantum dedititiorum numero: & ita Paulus 4. sent. de manum. Nocet libertati non tantum, si dominus vinciat servum, sed etiam, si vincere jubeat ob delictum, aut si vincientis procuratoris factum comprobet. Quid ergo dicemus si heres statuliberum, vel eum, cui relicta est fideicommissaria libertas sub conditione vel in diem, pendente conditione ob delictum vinxerit, an jus statuliberi fit deterius, an factio heredis mutatur libertas, iusta scilicet in dedititiam? Minime, statuliberorum jura per heredem non possunt fieri deteriora; & si omnimodo Paul. d. loco, fideicommissaria libertas factio heredis non mutatur, si servum, quem manumittere iustus est, vinxerit, & ita commodissime ad hanc regulam aptabitur etiam l. frateres, de poenis, quæ sequitur.

Ad L. Fratres XXXIII. de Poen.

Fratres Imperatores rescripserunt, servos in temporaria vincula damnatos, libertatem & hereditatem, si ob legatum, postquam tempus expleverint, consequi, quia temporaria coercitio, qua descendit ex sententia, poenæ abolitio. Si autem beneficium libertatis in vinculis veniat, ratio juris & verba constitutionis libertati refragantur. Plane si testamento libertas data sit, & eo tempore, quo aditur hereditas, tempus vinculorum solutum sit, recte manumissus intelligitur, non secus ac si pignori datum servum debitor manumississet, cuiusque post liberatum pignus adita fuisset hereditas.

MAle hæc lex explicatur, nisi sumatur explicatio ex jure antiquo legis Æliæ Sentie. Species hæc est: Tom. IV.

A servo relicta est libertas sub conditione, sicut & hereditas, vel legatum, quæ relinqui non possunt sine libertate: pendente conditione ob delictum a præside provincie in vincula temporaria damnatus, & poena sua functus est. Quæro, an post tempus pervenire possit ad libertatem, & hereditatem, vel legatum: an vincula impediunt libertatem, quasi non possit fieri civis Romanus, qui vinctus fuit, sed sit dedititiorum numero tantum? Erat, expleto tempore, & solutis vinculis, eum servum pervenire posse ad libertatem, & consequenter capere hereditatem & legatum, l. 38. §. frateres, ad leg. Jul. de adult. & utitur hac ratione, quia non est exaggeranda sententia, quæ poenæ modum fecit, non est poena sententia determinata ultra finem sententiæ porrigenda, vel coercitio temporaria, qua descendit ex sententia, poenæ abolitio est, ut ait Papinianus. Ergo ea vincula non nocent future libertati. Sed hoc ita procedit, si eo tempore, quo cedit dies libertatis vel legati, vel quo defertur ei hereditas simul & libertas, servus non amplius fuerit in vinculis, si eo tempore jam expleverit tempora poenæ suæ, quia dies utiliter cedit, & solum hominem invenit, non in vinculis. Sed si quo tempore cedit libertas, servus fuerit in vinculis, nec expleverit poenæ tempus, nunquam competit libertas, & consequenter nec hereditas, nec legatum. Cedit libertas ab adita hereditate ab herede vel coherede, l. unica, §. libertatibus, C. de caduc. toll. l. Julianus 86. de condit. & demonstr. Ergo si tempore aditæ hereditatis, quo cedit dies libertatis & legati, fuerit in vinculis servus, non fit liber, quia inutiliter cessit, & quod semel cessit inutiliter, non convalescit postea, l. ult. com. præd. l. 76. §. 4. de leg. 2. Ergo constitutio DD. Fratrum ita procedit, ut vincula præterita, quibus jam solutus est, non noceant libertati, cujus dies jam cedit. Ex quo intelligitur, Catonianam regulam non pertinere ad libertates, in libertatibus non inspicit tempus testamenti, sed aditæ hereditatis: si tempus testamenti spectemus, nulla est libertas, si eo tempore fuerit in vinculis: si vero inspicias tempus aditæ hereditatis, sane libertas competit, si tunc non fuerit in vinculis. Regula Catonis hæc est: Quod non valeret, si statim testator vita decessisset, non ideo valet, quod diu vixerit; hoc est, non convalescit postea, quod ab initio non valuit: quæ regula valet tantum in iis, quæ cedunt vel incipiunt deberi a morte testatoris, non ab adita hereditate: & jam pridem docuimus observ. lib. 4. cap. 4. & inf. Quæst. lib. 15. legendum esse in l. 3. de reg. Caton. Catonianam regulam non pertinet ad libertates. Vulgo pro libertates, legitur hereditates. Quod confirmat l. 17. §. ult. qui & a quib. l. 24. §. si servum, de fideic. libert. Et hoc loco id etiam Papin. voluit probare hoc exemplo. Debitor non potest manumittere servum, quem creditori pignori obligavit. Finge, manumitti testamento, nondum soluto pignore. Si spectemus tempus testamenti, inutilis est manumissio. Sed finge, tempore aditæ hereditatis liberatum fuisse pignus, libertas quæ ab initio non valuit, convalescit postea. Satis est non fuisse pignoratium servum tempore aditæ hereditatis: ut satis est, non fuisse in vinculis eodem tempore ut plenam libertatem adipiscatur: alioquin erit dedititiorum numero, qui erant incapaces. Notandum igitur, Poenam esse magnam, si damnatur in vincula perpetua, vel temporaria, quia non potest fieri civis Rom. Longe alia est ratio servi damnati in opus publicum in perpetuum, vel in tempus: hoc servo non est poenæ, & imperite iudex damnat servum in opus publicum. Nam primum non mutat dominum, & si manumittatur, fit civis romanus, non dedititiorum numero. Igitur hoc loco nihil est poenæ opera privata quam dat domino, est illi poenæ magis, & libentius in opus publicum servit quam in opus domini: & hoc ostenditur in l. seq. imperite damnari servos in opus publicum sive in perpetuum, sive ad tempus.

Ad L. VI. de Vacat. & excus. muner.

Hi, qui muneris publici vacationem habent, ad ea, quæ extra ordinem imperantur, compelli non solent.

IN hac l. queritur, quid concessum aut remissum videatur ei cui princeps dedit vacationem munerum, hoc est, immunitatem? an hoc beneficium principis latissime interpretabimur, ut solent beneficia principum, ut si concesserit princeps alimenta puero vel puellæ usque ad pubertatem: pubertatem accipimus pro plena pubertate, quæ finitur annis 18. non ea quæ finitur 12. aut 14. anno, l. 14. de olim. lega. nec possis aptius exemplum apponere ad id quod dicitur, beneficia principum latissime esse interpretanda: sed beneficium immunitatis non ita late interpretabimur, quia vetat publica utilitas: hoc quidem beneficio principis sunt remissa onera, quæ a magistratu extra ordinem indicuntur, velut munio viarum vel aggerum vel riparum, flumine se effundente: quo exemplo utitur l. 12. de mu. & non intelliguntur enim ei remissa munera corporalia, quæ extra ordinem a magistratu imponuntur ad tempus ex improviso, ut loquitur Papin. in l. 8. §. qui muneris, hoc tit. Græci, pro ex improviso dicunt *ἐκ τῆς ἀπρόσμενης*, unde forte Latini suum ex abrupto fecere. Ei igitur, qui vacationem publici muneris habet, remissa videntur improvisa & extraordinaria munera, sed insueti onera, non etiam ea, quæ legibus, moribus, Senatusconsultis, Constitutionibus injunguntur: Veluti annuus tributorum indictiones, annonariæ functiones, quæ conferuntur in fiscum a privatis quotannis, idque certis statisque anni pensionibus. Non etiam videntur remissi canones five canonice illationes solemnes: hæc sunt ordinaria munera, quæ inducuntur in perpetuum: & eleganter l. 4. C. de ann. & trib. lib. 10. ea nec esse extraordinaria, nec vocari, quæ solemniter a provincialibus conferenda sunt: & ita in l. 1. C. de vacat. lib. 10. est constitutum, ne immunitas intelligatur de ordinariis & solemnibus muneribus: quinimo ea rescripta, quæ continent nominatim remissionem solemnium munerum, inutilia sunt, l. 7. eod. quia pugnant cum utilitate publica, l. 1. C. de immunitate nemini conced. lib. 10. Publica utilitas vetat, ne ea rescripta late interpretemur, quæ concedunt vacationem munerum. Alia igitur sunt munera ordinaria, alia extraordinaria. Vacatio munerum a principe concessa, munera extraordinaria continet, non ordinaria, non solemnia, non canonica.

Ad L. CXV. de Verb. obligat.

Ita stipulatus: te sibi in certo loco, si non siteris, quinquaginta aureos dare spondes? si dies in stipulatione per errorem omisus fuerit cum, id ageretur, ut certo die siteres, imperfecta erit stipulatio: nec secus ac si quod pondere, numero, mensura stipulatus essem; sine adjectione ponderis, numeri, mensura stipulatus essem; vel insulam adificari non demonstrato loco, vel fundum dari, non adjecto nomine. Quod si ab initio id agebatur, ut quocumque die siteres, & si non siteris, pecuniam dares, quasi qualibet stipulatio sub conditione concepta vires habeat. Nec ante committetur, quam fuerit declaratum reum promittendi sibi non posse.

§. 1. Sed & si stipulatus ita fuero: Si Capitolium non adscenderis, vel Alexandriam non jervis, centum dari spondes? non statim committetur stipulatio, quamvis Capitolium ascenderis, vel Alexandriam pervenire poteris: sed cum certum esse ceperit, te Capitolium ascendere vel Alexandriam ire non posse.

§. 2. Item, si quis ita stipuletur: Si Phanophilum non dederis, centum dare spondes? Pegasus respondit non ante commissam stipulationem, quam desisset posse Phanophilum dari, Sabinus autem existimabat, ex sententia contrahentium, postquam homo potuit dari, confestim agendum, & tamdiu ex stipulatione non posse agi, quamdiu per promissorem non stetit, quo minus hominem daret, idque defendebat exem-

A plo penus legata. Mutius etenim heredem, si dari potuisset penum nec dedisset, confestim in pecuniam legatam teneri scripsit, idque utilitatis causa receptum est, ob defuncti voluntatem & ipsius rei naturam. Itaque potest Sabini sententia recipi si stipulatio non a conditione caput, veluti, si Phanophilum non dederis tantum dari spondes? sed ita concepta sit stipulatio, Phanophilum dari spondes? si non dederis, tantum dari spondes? quod sine dubio verum erit, cum id actum prebatur, ut si homo datus non fuerit, & homo, & pecunia debeatur. Sed & si ita cautum sit, ut sola pecunia non soluto homine debeatur, idem defendendum erit: quoniam fuisse voluntas probatur, ut homo solvatur, aut pecunia petatur.

D Uas hujus l. partes facio summas. Priori parte proponuntur quatuor exempla inutilium seu imperfectarum stipulationum; posteriore tractatur difficilis questio: quando committatur stipulatio poenalis, si quis stipulatus fuerit dari aut fieri aliquid, & nisi daretur aut fieret, certam summam poenæ nomine. De priori parte prius dicamus. De te stipulatus sum, te sisti certo loco: & si non siteris, dari certam pecuniam poenæ nomine: Id agebatur inter nos, ut certo die te siteres illo loco alicuius negotii causa: & tamen per errorem dies sifendi omisus est. Dixi locum, non diem, cum tamen id ageretur ut certo die te siteres, post stipulationem dicis te sisse de uno die, ego de altero. Quid fiet? an agi ex ea stipulatione potest, in qua dies omisus est? minime. Hic error vitiat stipulationem: nihil agis, nisi & adieceris diem, maxime cum id agebatur inter vos, ut certo die te siteret promissor: & ratio hæc est, quia non potest dies, qui omisus est, haberi pro expreso, si non appareat, quid actum sit, quid voluerint, quid senserint contrahentes: quod non actum est, id non potest haberi pro cauto: & ita accipienda l. 99. hoc tit. Legendum ut Florentie, quidquid adstringenda, hoc est, quidquid constituit obligationem, aut obligat promissorem, in Bas. *ἡ ἐν τῇ πόλει* *ἐν τῇ πόλει* *ἐν τῇ πόλει* id si palam non sit expreso, omisum intelligitur. Porro quod omisum intelligitur, non suppletur, l. 64. §. pen. sol. mar. Sed hoc ita procedit, si etiam non appareat actum esse tacite id quod palam verbis non est: nam si constat de voluntate contrahentium, verba non valde desiderantur. Quam apparet quid actum est, id quod actum est, pro cauto habetur. Et hæc est vera definitio l. 3. de reb. cred. & id confirmatur l. 94. hoc tit. l. 219. de verb. sign. Contra id quod actum es, pro cauto non habetur, si non appareat quid actum sit, si in eo dissentiant contrahentes, & unus una de re, alius de alia te sisse dicat: ut in hac specie, si aliter spectari non potest, de quo die senserint, inutilis est stipulatio, non quia defuit voluntas contrahentium: id enim agitur, ut certa die te siteret promissor, sed quia deficit probatio, non jus l. 30. de test. tut. Inopia probationis sæpe facit ut sit contractus inutilis: ut datio tutoris est inutilis, si Titium tutorem defunctus dederit, & duo sint Titii amici testatoris, & non appareat, de quo senserit: non jus deficit, sed probatio, d. l. duo. Concludamus ergo inutilem esse stipulationem si dies omisus sit, quando id agebatur ut certo die te siteret.

Huic sententia obijciunt primum stipulatio damni infecti, quæ ita concipi solet inter vicinos: si quod damnum intra diem illum vicio tuarumedium mihi contigerit, quanti ea res erit, tantam pecuniam dari. Certum est stipulationi damni infecti præscribi diem certum: sed quid si omittatur & stipuletur: si quid mihi damni contigerit ruina, aut labeedium tuarum, eam mihi pecuniam dari, an est inutilis stipulatio? Minime, l. 15. in princ. de damno inf. Et ratio est, quia in eum diem cautum intelligitur, in quem ceteri solent sibi cavere & prospicere damni infecti nomine. Itaque, etiam si sit dies omisus; tamen appositus is intelligitur, qui solet vulgo apponi huic stipulationi: ac propterea omisio diei non vitiat stipulationem illam, tamen vitiat eam, de qua agi-

agitur in hac lege. Obijcitur etiam stipulatio iudicio fisti, cui etiam solet apponi dies certus: hincque illa formula: *in quem diem locumve vadimonium sistere promittis jubes*. Nam vadimonium promittere, ut loquuntur veteres, nostris auctoribus est cavere iudicio fisti: & deferere promissionem iudicio sistendi causa, l. 4. §. *quæstum*, l. 5. §. 1. si quis caut. l. ult. qui satisd. cog. est, quod alii dicunt, *deferere vadimonium*. Sed quid si stipulationi iudicio fisti, non apponatur dies, an valet stipulatio? sic videtur, quia dies est in potestate stipulatoris, hoc est, in eum diem cautum intelligitur, quo stipulator agere voluerit, l. 8. qui satisd. cog. Hanc igitur stipulationem iudicio fisti, sicut nec stipulationem damni infecti, omisso diei non vitiat, cum tamen illam vitiet, de qua hic agitur. Sed non est difficile respondere. Si quis stipulationem damni infecti, vel iudicio fisti obijcit, quæ non vitiantur die omisso; obijciam contra, has stipulationes esse solemnes seu prætorias, nullæ sunt frequentiores, imo sunt propolite edicto prætoris, & ideo etiam diem solemnem habent, ut stipulatio damni infecti, puta si quid damni contigerit intra annos decem, ut in casu l. 15. §. 1. de damno inf. Poster alius dies inferi ex conventionem contrahentium, sed & plerumque inferitur, si quid damni contigerit intra certos dies: stipulatio autem iudicio fisti solemnem diem habet eum in quo actor vel stipulator agere voluerit, qui dies est solemnis, & is pro adjecto habetur semper: consuetudo semper ostendit diem, ut sæpe etiam ostendit poenam, l. 4. de cust. & exb. reor. Si quis facisdediderit pro aliquis criminis reo, & promiserit, se eum exhibiturum, nisi exhibeat eum, plectitur poena pecuniaria, quam præses arbitratu fuerit, scilicet, si cautione vel decreto iudicis non sit comprehensa certa quantitas, in quam se obligarit, qui promissit se eum exhibiturum: vel etiam si in ea regione consuetudo non sit, quæ certam formam habeat. Nam si ex consuetudine regionis soleant cavere certum, tunc cavisse is, qui promissit, intelligitur: consuetudo ostendit quantitatem & poenam: & ita etiam ostendit diem: & quæ sunt igitur moris & consuetudinis, omissa non intelliguntur. Quæ res admittit nonnumquam tacitas stipulationes, sed opus est lege, quæ admittat tacitam stipulationem. Exempli gratia, hodie duo debetur ex stipulatione, etiam si non intervernerit stipulatio, hoc solo nomine, quod solet plurimum interponi: & ponitur aliud exemplum in l. 19. de adop. Leges ideo introducunt vel admittunt tacitas stipulationes, quod solet plurimum interponi: nostris interpretationibus non possumus inducere tacitam stipulationem: Stipulatio non fit, nisi verbis inter præsentem: stipulatio autem, de qua agitur hoc loco, Romæ fisti, non est solemnis & prætoria, sed conventionalis, & fortuita, quæ certi negotii illo loco explicandi causa inter duos interponitur: hæc non potest habere diem solemnem, cum non sit solemnis, nec solet interponi passim: & ideo inutilis est stipulatio, si dies per errorem omisus sit, cum nulla sit lex, quæ suppleat diem. Sequitur aliud exemplum in hac lege inutilis stipulationis: Si stipuler ea, quæ numero, pondere, mensuræ constant, non adjecta certa quantitate: inutilis est stipulatio, l. triticum 94. hoc tit. quia hæc res valent quantitate, non corpore: ex quantitate æstimantur, non ex corpore. Igitur prætermissa quantitate nihil agitur, si ea deducantur in stipulationem: aut enim debes quantitatem stipulari, aut nihil videris stipulatus: adjecta quantitate utrunque valet stipulatio, etiam si non sit adjecta qualitas, veluti si stipuler vini amphoras tot, nec adiciam cupus vini, optimi an medi generis, an istius vel illius regionis: utrunque valet stipulatio, quia vel pessimum, mihi dare promissor cogitur, l. si de jussorem 52. ff. mand. pessimo se liberare potest: quod tamen hic intellexi semper ut non possit se liberare determinando dando, sed dando quod est pessimo propinquius. Nam & si quis promiserit certum numerum nummorum (quod pertinet etiam ad legata) nec adjeceit qualitatem: exiguiore dando libe-

atur, l. 75. de leg. 3. non liberabitur, plumbeos, id est, vilissimos quadrantes dando, sed puto præstari debere sestertios, quia non debet munificentiam testatoris eludere heres, qui id minime sensit. Verum nummis indistincte legatis, puto præstari debere sestertios, quia cum nummi dicantur, in jure plerumque intelligimus sestertios, ut nummo uno vendere, est sestertio uno: atque ita Varro in drachmis, denariis, victoriatis nummis, id est, sestertiis. Tertium exemplum inutilis stipulationis est, si stipuler, insulam ædificari non adjecto loco, quo ædificetur, inutilis est stipulatio. Nam & stipulor superficiem, sine qua non potest stare ædificium, l. 2. §. si quis, de eo, quod cer. lo. l. 95. hoc tit. citat & Accurs. l. 43. de jud. quæ nihil pertinet ad hanc rem. Ultimum exemplum est, si stipuler fundum, non adjecto nomine, aut eo, quod nominis vice fungitur, stipulatio inutilis est, si promissor nullos fundos habuerit. Si promiserit domum, & domum nullam habuerit, derisoria est potius quam utilis stipulatio, l. 17. de leg. 1. l. 6. de aur. & arg. leg. l. 60. §. gener, de jur. dot. nam si urgeat stipulator, liberabitur vel minimum dando, quando fundus est glebula quælibet: nam fundus est quicquid fundi emitti potest: Si vero fundos habuerit promissor, utilis est stipulatio, & compellitur exiguiorem dare. Et ita in l. 75. de verb. obligat. inter utiles stipulationes ponitur stipulatio fundi sine nomine, quæ dicitur esse incerta stipulatio, quia demonstratus non est fundus, sed non est inutilis stipulatio: nullum est exemplum in d. l. 75. inutilis stipulationis. Igitur ponendum est in ea eum, qui fundos habebat, promississe fundos sine nomine. Omnes igitur hæc stipulationes inutilis sunt. Subijcit Papin. idem esse, si quis stipuletur de te pecuniam certam sub hac conditione, si Capitolium non ascenderit, vel, si Alexandriam non jeris: hoc casu non statim committitur stipulatio, id est, non statim ex ea stipulatione agi potest, atque Capitolium ascendere potuisti, nec ascendisti: sed tum demum, cum declaratum fuerit te conditionem implere non posse, quod sola mors tua declarare liquido potest. Denique hæc conditiones, quæ consistunt in non faciendo, veluti, si non steteris, si non ascenderit Capitolium, si non ioveris Alexandriam, finiuntur morte promissoris, nec ante committitur stipulatio, quam is vita sanctus sit: quandiu enim conditionem implere potest promissor, cessat pecuniæ in stipulationem deductæ petitio. Obijcies, nec immerito, quod est in l. 17. §. 1. de manum. test. de libertate data hoc modo: Stichus liber esto, si Capitolium non ascenderit. (Nostris auctores frequentissime utuntur istis conditionibus, si Capitolium ascenderit, non ascenderit: nec tamen in eorum scriptis ubique est integrum Capituli verbum. Uno loco, cum esset scriptum per compendium nomen Capitoli, hoc modo, CAP. ex eo compendio fecere causam publicam: & manet adhuc hodie error a Budæo non animadvertens in l. 2. ff. de in jus voc. qui equo publico in causa publica pro in Capitolum: quod quisque intelligeret, si ad Budæum heic adijceret quod scripsit Plin. de Fab. Rutilliano, eum statuiffe, ut Idib. Quintilibus equites Romani ab Æde Honoris in Capitolium transirent equo publico insidentes. Ulpian. in Fragment. tit. de jur. donat. int. vir. & ux. Si quis equo publico honoratus fuerit, hoc est, si sit factus eques Romanus. Et eam transvectionem equum Halicarnasseus vocat pompam habentium equum publicum. Dum sit ea transvectio sive pompa, non potest eques Romanus extrahi inde, & in jus duci ex constitutione Augusti. Verum quod attinet ad d. l. 17. §. 1. de man. testam. Si ita sit data libertas, si Stichus Capitolium non ascenderit, an hanc conditionem interpretamur, ut in stipulatione proposita hoc loco, si certum erit Stichum Capitolium ascendere non posse? Minime: sed ita accipiemus, si cum primum Stichus potuerit ascendere Capitolium, non ascenderit, si data ascendendi occasione non usus fuerit. Longe igitur aliter hæc verba accipiemus quam in stipulatione, de qua hic agitur. Cur tam varie? Dicam eam interpretationem fieri favore libertatis,

tis, ut valeat potius libertas, quam pereat: esset enim inutilis, si ea verba interpretaremur de mortis Stichii tempore: ut solemus ea interpretari in stipulationibus, in quibus mors attenditur: libertas enim conferretur in tempus mortis servi, quo modo dari non potest, *d. l. 17. in princ.* ut si dicas: *Stichus cum morietur liber esto.* Ridiculum id est: & quæ in testamentis scribuntur ridicula, pro nullis habentur. In stipulationibus aliud erit: hæc possunt conferri in tempus mortis. Aliud & in legatis, quæ & in tempus mortis legatarii conferuntur recte, *l. 79. §. 1. de cond. & demon.* & utique legatum videtur collatum in tempus mortis legatarii, si datum sit sub hac conditione, *si non ascenderit Capitolium*: nec enim ita interpretabimur hanc conditionem, si certum esse cœperit eum non ascendisse, & præstabitur legatum vivo legatario, seu representabitur, si modo caveat se redditurum legatum, si defecerit conditio legati, hoc est, si ascenderit Capitolium, *l. 7. eod. tit.* quæ appellatur cautio Mutiana, quod proposita a L. Mutio & introducta quidem in legatis, ut præstita cautione representetur legatum, sed non introducta est in stipulationibus. Sequitur in hac l. eandem interpretationem esse faciendam, si quis ita stipuletur, *si Pamphilum non dederis, centum dari spondes?* Nam Pegasus existimat, non aliter committi stipulationem, quam si Pamphilus desinat dari posse, ut si mortuus esset Pamphilus, esset pœnæ petitio: quandiu enim Pamphilus dari potest, cessat pœnæ petitio. Verum in hac specie differt ab eo Sabinus diversæ scholæ auctor, qui existimat eam stipulationem committi statim atque promissor Pamphilum dare potuit, nec dedit: nec expectandam Pamphilum mortem, si modo & promissor interpellatus fuerit: necessaria est mora, necessaria interpellatio *ex l. 24. quando dies leg. ced.* Ergo hæc stipulatio; *si Pamphilum non dederis, centum dare spondes?* committitur statim atque Pamphilum dare potuerit, nec dedit, cum interpellaretur. Nam si promissor moram non faciat in dando Pamphilum, nondum ab eo decem peti possunt. Et circumscribendum est quidquid hac de re dubitans scribit Accursius ad hanc l. 24. in verbo *interpellatus*. Est igitur hac in re summa diffensio inter Pegasusum & Sabinum, scilicet cum stipulationis dies præfixus non est. Nam si ita sim stipulatus: *Si Calendis Iulius Pamphilum non dederis, decem dari spondes?* Est sane hoc casu inter utrumque summa consensio: uterque enim putat stipulationem committi ex die Calend. *l. 8. hoc tit.* sed die non præfixo diffentiunt inter se. Pegasus spectat verba stipulationis, si Pamphilum non dederis, quæ proculdubio significant, si Pamphilum quandoque non dederis. At Sabinus spectat mentem contraheptum, quæ hæc videtur esse, ut pecunia præstetur, si promissor moram fecerit in præstando Pamphilum, si interpellatus non præstet Pamphilum: videntur stipulantes alterutrum voluisse mox præstari, vel Pamphilum, vel pecuniam. Et Sabinus hoc comprobat exemplo penus legatæ, deducto ex scriptis Mutii. Finge: Quidam ita legavit: *Heres meus illi penum meam dato, si penum non dederis, centum dato.* Q. Mutius ait confectum centum peti posse: & hoc quoque admitteret Pegasus in hac specie: nam hoc ait Q. Mutius esse receptum utilitatis gratia ex voluntate defuncti (licet hanc interpretationem non ferant verba legati) & adjicit ex natura rei legatæ; adjuvat conjectura voluntatis ex natura penoris legati, quod diutius servari non potest. Est enim penus proprie omne id, quod esui potuique est, & cellarium vocatur. Julius Firmicus omne, inquit, quod vescuntur homines penus dicitur. Idem & M. Tull. 1. de Nat. D. hinc penaria cella. Ergo J.C. omnes facile admittent, si non præstetur penus, centum præstari ob voluntatem defuncti, & naturam rei legatæ. Et ait Papinian. *confestim*, aut statim penum esse præstandam interpellato herede, ut præstet, aut eam pecuniam peti posse: quæ verba maxime indigent interpretatione, nec sic accipienda sunt, *etiamsi moram non fecerit heres, aut interpellatus non fuerit, ut penum præstaret*: hæc vitiosa interpretatio est. Nam non aliter peti possunt 100.

A quam si moram fecerit in præstando penore *d. l. 24.* sed sic accipienda, *etiamsi penus adhuc præstari possit, si exstet, si corrupta non sit*: & ita etiam articulum statim accipere oportet, *l. 19. quando dies leg. ced.* Et Paulus in *d. l. 24. eod. tit.* addit idem esse, si testator fundum legaverit, & si fundum heres non præstiterit, pecuniam certam dari: nam ea pecunia statim peti potest, si heres moram fecerit in præstando fundo. Ergo idem dicemus si hominem legaverit, & si non præstaretur homo ab herede, 100. daret: nam 100. statim peti possunt, si moram fecerit in præstando homine legato. Nec separabimus res ceteras a penore legato. Natura penoris legati id facile admittit. Sed tamen idem admittemus in ceteris rebus, ut si ita dixerim: si Pamphilum eum fundum non dederis, 100. dato. Verum pugnare videntur hæc duæ leges *d. l. 19. & d. l. 24.* Si testator ita dicat, si penum intra Kalendas non dederis 100. dato, *l. 24. ait*, duo esse legata, *l. 19. ait*, unum esse legatum, quod magni interest scire. Sed controverfia facile sic dirimi potest: ante moram heredis, antequam interpellaretur, duo sunt legata, unum purum, alterum conditionale pecuniæ certæ. Post moram heredis unum est legatum, hoc est, pecuniæ, non penoris; pecuniæ sola est in obligatione: penus vero est in conditione, imo & in solutione, vel præstatione, quia heres solvendo penum liberatur obligatione dandæ pecuniæ, & in iure certissimum est, moram emendari, si ve purgi obligatione seu præstatione ejus, in quo præstando moram traxit usque ad litem contestatam *l. 84. hoc tit.* nam post litem contestatam, ut in hoc casu post eam pecuniam, fera est emendatio moræ, & nihilominus lis de pecunia peragitur. Post moram heredis, legatum penoris transfunditur in legatum pecuniæ, quæ translatio ademptio dicitur *d. l. 24. ademptio est prioris legati*: atque ita modo translatum, modo ademptum dicitur *in d. l. 24.* Ergo concludamus: Ante moram heredis duo esse legata; post moram vero unum esse. Ante moram unum capi jure legati, si ultro eam solvat heres, quia duo intelliguntur esse legata: post moram heredis, penum non capi jure legati, sed mortis causa, quod maxime interest scire, quia lex Falcidia locum non habet in mortis causa capionibus: fuit enim tantum de legatis minuendis, quæ absumerent hereditatem supra dodrantem: sed porrecta etiam est lex Falcidia ad fideicommissum testamento relicta ex Senatusconsulto Pegasiano, vel codicillis testamento confirmatis. Quinimo ex constitutione D. Pii porrecta est etiam ad fideicommissa relicta ab intestato, & postremo ex constitutione D. Severi, ad donationes causa mortis: nondum vero est porrecta ad mortis causa capiones, neque porrigi sine constitutione potest. Mortis causa capio est adquisitio, quæ obvenit ex morte alterius, si ve per causam mortis: quæ proprio nomine caret: nam non est hereditas, non legatum, non fideicommissum, non donatio causa mortis. Exempli causa, si quid detur conditionis implendæ causa, puta, *Liber esto si Titio decem dederis*, Titius non capiet ea decem jure legati, vel fideicommissi, sed mortis causa. In mortis causa capionibus non est legi Falcidiz locus, *l. 93. ad l. Falc. l. 1. §. item si, eod.* Ergo multum interest scire, utrum quid capiar jure legati, an fideicommissi, an mortis causa capionis: si ante moram heres præstat penum, deducit Falcidiam: si post moram, præstat integram non deducta Falcidia. Et hoc obtinet, si penus non sit legata, sed dixerit simpliciter testator: *Heres meus, si illi penum non dederis, 100. dato*, pecunia sola est in obligatione, penus in solutione; Non igitur intelligitur legata penus, & si præstetur, integra præstabitur, *l. 1. de pen. leg. d. §. item si*. Ostendimus id frustra non dici. Finge, testatorem ita dixisse: *Heres penum dato, & nisi dederis, centum dato*. Finge mori legatarium, an transmittit legatum in heredem? constat legatarium puta transmittere in heredem, non conditionalia. Ergo si ante moram legatarius defecerit, heres ejus habet penoris petitionem, quia legatum purum tantum in eum transmissum est, legatum pecuniæ, quod erat conditionale, in eum transmissum non potuit. Quod si post

moram legatarius decesserit, non erit heredi ejus petitio penoris, quia translata est in legatum pecunie, atque ita adempta est penus legatario, sed erit tamen petitio pecunie heredi, quia extitit conditio legati, antequam moreretur legatarius, quod demonstrat *l. 1. si penum 24. secundum* quæ hæc verba: *si penum non dederis*, sic interpretatur, *si moram feceris*, *si interpellatus non dederis*: nam post moram unum est legatum conditionale: ante moram duo sunt legata. Verum quid tandem statuemus de illa diffensione, quæ est inter Pegasus & Sabinum? componit eam Papinianus adhibita distinctione, & ostendit, suo casu veram esse sententiam Pegasi, & item suo veram Sabinum, neutram explodendam: sed utramque suo casui aptandam. Stipulationem ita conceptam: *si Pamphilum non dederis 100. dare spondes?* Pegasus dicebat non committi quandiu viveret Pamphilus: Sabinus committi statim post moram promissoris, hoc est, si interpellatus congruo loco & tempore Pamphilum non dederit, quod confirmabat exemplo penoris: si heres penum dare iussus sit, & si non dederit, centum dare damnatus sit, confat inter omnes statim atque heres moram fecerit in dando penum 100. deberi, & peti posse jure legati licet penus extet. Cur ergo non idem in stipulationibus admitteretur: non esse hac in re cur separamus stipulationes a legatis. Est enim frequentissima comparatio legatorum & stipulationum: non est etiam cur separamus penum a ceteris rebus, quamvis in ea propria quedam natura sit. Magna est igitur Pegasi & Sabinum diffensio: eam composuit Papinianus suo cuique casui applicando: & huic diffidio quasi se medium interposuit, vel ut utar nostris verbis, eriscundum, id est, medium: quo verbo Servius significat eos, qui se medios dirimendis litibus interponunt. Igitur vera est Sabinum suo casu: vera item Pegasi suo casu. Dicamus primum de sententia Sabinum, quæ vera est, si ponas, ut possit penum legatam pure, pecuniam sub conditione, si penus non daretur. Etiam hoc in casu ita ponas Pamphilum in stipulationem deductum hoc modo: *Pamphilum dabis, si non dederis tot dabis?* Re ita gesta, si moram feceris in dando Pamphilum, pecunie petitio erit adversum te, nec expectabitur mors Pamphili: optima ratio, quia apparet contrahentes Pamphilum voluisse dari quum cum pure deduxerunt in stipulationem: Itaque si interpellatus promissor Pamphilum non dedit, statim committitur stipulatio pecunie: nec expectatur cum Pamphilum dari non possit. Nec tamen idem dicemus in stipulatione, de qua actum est initio hujus legis, *se sisti certo loco*, & *si non sisteres tot dari*, quia ea stipulatione id agitur, ut quodcumque, & quocumque die volueris, te sistas eo loco, aliqui inutilis esset stipulatio: hic non id agitur, ut quodcumque velis Pamphilum des, quod etiam si non agatur, stipulatio valet. Ergo sic statuamus in specie proposita: stipulatio penaliter committitur statim atque moram fecerit in dando Pamphilum, cum Pamphilus initio pure deductus fuit in stipulationem, ac deinde pecunia sub conditione, si Pamphilus non daretur. Et hoc elegantissime summus juris auctor ait esse verum indistincte, id est, siue id actum sit ut Pamphilum non dato, Pamphilus & pecunia peteretur: quæ conventio valet, *l. 16. sup. de trans. & soler* exprimi hac formula, *rato manente pacto, hoc sensu: Pamphilum dabis, & si non dederis, & Pamphilum, & pecuniam dabis*. Et idem ait verum esse sine dubio, quia evidens est, quod voluerint contrahentes Pamphilum dari, quem iterato in conventionem deduxerit, quod iterum deduxerint in stipulationem: sed adjecit, idem dicendum, si actum sit ut Pamphilum non dato, sola pecunia petatur: nam quod senel sit Pamphilus deductus in stipulationem, hoc demonstrande voluntati contrahentium satis abunde est. Ergo siue hoc, siue illud actum sit, stipulatio pecunie committitur statim ubi mora facta est in dando Pamphilum. Et hæc ait de Sabinum sententia. Ex quibus satis intelligitur, quando sit locus sententiæ Pegasi, quæ potest recipi, si stipulatio cæperit a conditione hoc modo: *Si Pamphi-*

lum non dederis, tot dare spondes? id est, si Pamphilus non fuerit in stipulatione, sed in conditione tantum, quia hoc casu contrahentes non omnino enixe aut districte voluerunt Pamphilum dari, quem non deduxerunt in stipulationem, sed hoc potius enserunt, ut promissor se posset liberare obligatione pecunie dando Pamphilum cum vellet: atque ideo quandiu promissor dare potest Pamphilum, pecunia peti ab eo non potest, quia est ei integrum implere conditionem, & Pamphilum dare: atque ita non alligari dationi pecunie. Et idem omnino dicendum in legatis, si testator ita dixerit, *si penum, fundum, vel Pamphilum non dederis* (nihil refert, quid ponatur in conditione) centum dato: nec enim poterunt peti statim centum, quamdiu res, quæ in conditione est, dari potest. Et rectissime idem Pegasus etiam ante Papinianum docuit locum habere in iis stipulationibus, quæ incipiunt a conditione, *si Capitolium non ascenderit, si Alexandriam non eversis, tot dari spondes?* & quia incipiunt a conditione ascendendi, aut evertendi, non a stipulatione, hæc stipulationes non committuntur statim, nec antequam declaratum fuerit conditionem expleri non posse. Ergo concludamus: Id quod est in conditione tantum, est etiam in solutione, in petitione vel obligatione non est. Huic definitioni opponitur *l. 9. l. qui Romæ §. Flavius, hoc tit. l. nuda, C. de contr. stip.* ex quibus efficitur, id, quod est in conditione etiam esse in petitione. Species *l. 9. hæc est*. Primus & secundus separatim de te stipulati sunt hoc modo: si illi fundum non dederis, mihi dabis. Vel sic: Duo de te fundum separatim stipulati sunt. Primus sic: si secundo fundum non dederis, mihi dabis; & retro secundus: si primo fundum non dederis, mihi dabis: quid fiet? quis potior erit in obtinendo fundo? Is, inquit, qui agere occupaverit, actio alterius, erit finis danti alteri, & qui prior petierit fundum, is excludetur alterum & fecerit, ut videatur impela conditio, id est, non datus fundus alteri, cum agere occupavit. Fundus fuit in conditione, & est etiam in petitione: sed & nominatim fuit fundus in obligatione. Et male Accursus non aliter ab eo se explicat, quam dicendo, conditionem eam vel stipulationem esse inexplicabilem, & ideo non subjicitur regulis juris. Falsum vero hoc est, eam esse inexplicabilem: inexplicabilis conditio est, quæ existere non potest, vel quam extitisse constituere non potes, quin inveniatur non extitisse: & e contrario, ut in *l. 16. de condit. insti.* testator ita dixit: si Primus heres erit, Secundus heres esto, si Secundus heres erit, Primus heres esto, Primus non potest heres existere, quin Secundus existat, & contra: non potest Secundus heres existere, quin existat Primus. Res est inexplicabilis: atque ideo inutilis institutio: non enim possis constituere, quis sit heres, consultusque nihil potes respondere, nisi quod Celsus, quodam loco uno verbo respondit, *atropæ, subsisto: atropæ vitiat institutionem, vitiat omnia negotia*. Sed tamen in *d. l. 9.* nulla est *atropæ*, talis: nam occupat alter, & agendo existit conditio, & ut ait Pomponius in *d. l. 9.* finis danti alteri est, quod agat alter, id est, intelligitur non posse alterum agere, cum agit alter. Sed tamen valde placet quod ibi adnotavit Accursus, quia repeti videtur ab eo, quod scribit M. Tullius in Lucullo: quanquam id didicerit potius ex Boetio: & verum est quod ait, *inexplicabilia non subjici regulæ juris*: utitur exemplo Dialecticorum, quorum axiomata est: *omne aut verum esse, aut falsum*, norum non tantum M. Tullio, sed & nostris auctoribus; nec etiam id condemnat disciplina Stoicorum: excipiunt inexplicabilia; nam nec vera, nec falsa esse possunt, *l. qui quadringenta, ad l. Falc.* & utitur exemplo accommodatissimo Marc. Tullii de loco: *Si te dicis mentiri, & non mentiris, mentiris igitur*: cui simile est, quod Accursus subjicit, *Si sancte iuras te pejerare, & non iuras, sancte pejerat*, inquit. Contra: *si sancte iuras te pejerare, & iuras sancte, non pejerat igitur*. Hæc sunt quæ dicuntur inexplicabilia, *atropæ*. Sed in *d. l.* nulla est inexplicabilitas. Altera lex est *l. qui Romæ §. Flavius hoc tit.* species hæc est. Donavi servum, ut manumitteres, & si non

non manumitteres, stipulator sum poenam: an possum agere, ut servum manumittas omnia poenae petitione? sic facit, & quod est in conditione, est etiam in petitione, quod, inquam, fuit in conditione & stipulatione, est etiam in petitione, & agam de manumittendo servo. Sed respondendum: id quod est in hac specie, non est in stipulatione, sed est in conventionione, quia donavi ea lege ut manumitteres, ex qua est actio praescriptis verbis. Difficilior est *l. nuda, de contrab. stip.* Certum est, ex pacto nudo non nasci actionem, vel si non animo stipulandi ita convenire inter nos, Dabis? dabo, non conceptis verbis: nam stipulatio fit solemniter, & a J.C. definitur conceptio verborum, qua oratione significatur solemnitas stipulationis. Sed si quibuscunque verbis convenerit, ex eo pacto nudo non nascitur actio, sed exceptio tantum. Finge: convenisse inter nos pacto nudo, ut dares mihi aliquid, & mox: si non dares, stipulanti mihi te promississe quanti ea res esset dari. Quod convenit pacto nudo, fuit tantum in conventionione, non in stipulatione, nec fuit etiam in alia obligatione, quia ex nudo pacto non nascitur obligatio. Et tamen *d. l. nuda* ait, agi posse de eo quod stipulatione comprehensum est. Id igitur, quod est in conventionione, est in petitione: dicamus breviter, in specie *l. nuda*, id, quod est in conventionione, non est in stipulatione, non est in obligatione. Fateor: sed est in conventionione nuda, ex qua non nascitur quidem actio, sed agi tamen ex ea potest reo patiente: quod si non patiatur, tum incidit in poenam stipulatione expressam. Ergo brevius ita respondendum. Imo non est nolente reo, ac simul volente reo. Hæc dixisse sufficiebat ad hanc *l. 115*. Sed necesse est ut de vexata illa questione inter interpretes dicamus aliquid. Questio est, an stipulatio poenalis novet priorem stipulationem: vel, an ita perimat ac tollat priorem, ut ea sola valeat, nam novatio peremptio est. Queritur inquam an possit solum agi ex posteriori stipulatione poenali? Nihil est certius, stipulatione poenali non novari priorem stipulationem, *l. 28. de act. empt. l. si quis, & l. seq. pro sec. l. 14. C. de pact.* & ratio est evidens, quia nunquam fit novatio, nisi id agatur in dubio non fit. Agi cum dicimus, tacitam voluntatem, non expressam intelligimus, *l. 3. de reb. cred.* nisi adjiciamus agi nominatim, ut in *l. o. de in diem addit.* Agi enim verbo significatur tacitus intellectus, & ei oppositur verbum caveri. Jure veteri non fit novatio, nisi id agatur tacite: jure novo ex constitutione Justiniani non fit novatio, nisi id agatur nominatim & diserte, *l. ult. C. de novat.* Alioqui res procedit, ut ait Justinianus *discreverit res*, ut pridem restitui. Ergo liberum est stipulatori utra maluerit agere, priori, an posteriore tantum. Obstat *l. 44. §. ult. de oblig. & act.* In ea lege proponitur hæc stipulatio, *si fundum non dederis, centum dari*, & ait eleganter sola 100. esse in stipulatione, fundum in solutione. Deinde proponit aliud genus stipulationis, de quo tamen idem statuimus, quod de priore: *stipulator navem adficiam, nisi edificaveris, centum.* Queritur, an duæ sint stipulationes, una pura, altera conditionalis? Sane ante moram promissoris duæ sunt stipulationes, ut dicebamus nuper de penu legata: post moram promissoris, hoc est, postquam noluit navem edificare, & exiit tempus, quo fieri potuit, an etiam sunt duæ stipulationes? Videntur quodammodo. Sed magis est, ut dicamus, priorem quasi transferri in stipulationem pecuniæ, & quasi novationem fieri: ac proinde solam pecuniam in petitione esse. Ergo stipulatio poenalis novat priorem. Est vitiosa collectio. Nam multum differunt inter se, fieri aliquid, & quasi fieri. Et in jure modo dicunt juri auctores, fieri aliquid absolute, modo quasi fieri. Non fit igitur novatio cum dicat Paul. *quasi novationem fieri*. Quinimo ex hoc potius colligas, non fieri novationem. Sed cur fit quasi novatio? quia superest solius pecuniæ petitio, nec jam agi potest de nave faciendâ. Cur tamen non fit novatio hodie? quia non eadem res venit in utramque stipulationem. Nam in una venit navis, in altera pecunia, & fit novatio duobus tantum modis: aut cum mutatur debitor, vel ut ait

A principalis assumitur, qui dicitur expromissor, non ut fidejussor, qui dicitur adpromissor. Item fit novatio cum mutatur causa debendi, ut cum quod debetur ex testamento, convertitur in causam stipulationis, ut deinceps debeat ex stipulatione, non ex legato. Et in summa fit novatio per mutationem debitoris, vel causæ debendi. Novatio non est si mutetur res, ut si convenit, ut pro nave detur pecunia, sed tantum quasi novatio est post moram debitoris, quam fecit in nave edificanda, quia solius pecuniæ petitio superest.

JACOBI CUJACII J.C.

COMMENTARIUS

In Lib. III. Quaestionum ÆMILII PAPINIANI.

Ad L. VIII. de Statu homin.

Imperator Titus Antoninus rescriptis, non ladi statum liberorum ob tenorem instrumenti male concepti.

ANTONINUM Pium Papinianus refert rescriptis, non ladi statum liberorum ob tenorem instrumenti male concepti. Tenor instrumenti male concipitur, si quid falsum scriptum sit errore vel simulatione, ut in *l. 16. C. de liber. cau. & in l. ult. C. de ingen. man.* si liber homo sponsaliorum, id est, arratum nomine quasi servus datus sit, ait utraque lex, eam rem nihil officere libertati, nec ladi statum capitis, hoc est, ex ea re liberum non fieri servum: quod utique verum est etiam si volente libero homine, & sciente, vel patiente conscriptum instrumentum fuerit: nam etsi palam edixerit in jure, se servum esse, non fit propterea servus: nemo fit servus nuda voluntate, confessione, vel scriptura nuda, aut nuda conventionione, *l. 37. de lib. caus. l. 6. l. parentes, l. liberos, l. interrog. C. de lib. caus.* Servi enim aut nascuntur, aut fiunt, & non quovis modo, sed certis tantum, bello, pretio seu pramio, ut est in *l. 2. C. Th. ad SC. Claudian. Bello*, si capitur ab hostibus liber homo, quæ est jurisgentium servitus: pramio vel pretio sunt servi (his enim nominibus pramii & pretii promiscue utimur) cum liberi homines se vendunt, vel etiam se venire patiuntur ad pretium partiendum, prodita scilicet libertate sua, *§. servi autem, Inst. de jur. pers.* Servi etiam sunt concubio, quod est et Senatusconsulto Claudiano (ut & illud de pretio, quod diximus) ut puta, si mulier libera junxerit se servo alieno, nolente domino servi, *l. si apud, C. Th. de lib. cau.* quod tamen hodie sustulit Justinianus, *§. ult. Inst. de fac. sublevis, & c. l. un. C. de SC. Cl. toll.* Item sunt servi, si liberi homines actum domini gerant, id est, si vendendi se patiantur, ut actum ejus qui emit gerant, *l. si quis, §. irritum, de injust. rupt. & irr. fac. test.* Et id fit hac puto ratione, quod actorem esse tantummodo ad servos pertinet; & inde nomen servi actoris, qui est column totius familie. Postremo servi sunt in censu, id est, cum liberi homines censeri nolunt, quod descendit ex lege Regia, *§. ex 12. tabulis*: quod enim est ex lege Regia, id etiam est ex 12. tabulis: nam leges Regiæ translate fuerunt in 12. tabulas. Ut servus censu fit liber: si contra liber fit in censu servus, id est, sicuti servus, si permisso domini nomen in censum detulerit, liber efficitur: soli enim cives Romani censentur: sic contra, si quis liber census non fuisset, pro servo habebatur, & a populo vendebatur. His igitur modis sunt servi, non scriptura nuda, vel errore male concepti instrumenti. Hi non sunt legitimi modi mutandæ conditionis, seu adquirendi domini servi; sicut nec cujuslibet alterius rei dominium nuda conventionione nobis adquiruntur. Et in summa, nuda voluntate, aut nudo pacto non fit servus. Hæc igitur non mutant statum capitis, vel ut ait

1.27. C. de liber. cau. hæc non mutant statum veritatis, vel nomen substantiæ ejus hominis, qui vult fieri servus. Quod est patrimonium, non fit peculium, non mutatur nomen bonorum & substantia in nomen peculii, nam in servo non nomen tantum sed & conditio & substantia mutatur, eumque in cuius potestatem redigitur servus effectus, bona sequuntur & accipiunt nomen peculii novum. Possent etiam quis rescriptum D. Pii referre ad instrumentum manumissionis, quod qui servum manumittit præstare cogitur, l. sicut datam, de lib. caus. & satis antiquum manumissionis exemplum ita fere scriptum legi: Ille civis Romanus esto, ita ut ab hodierna die ingenuus, atque ab omni servitutis vinculo securus permaneat, tanquam si ab ingenuis fuisset parentibus procreatus. Eam denique pergat partem, quamcumque elegerit, ut deinceps nec nobis, nec successoribus nostris, ul- lum debeat noxia conditionis servitium, sed omnibus diebus vitæ suæ sub certa plenissimaque ingenuitate, sicut alii cives Romani per hunc manumissionis atque ingenuitatis titulum, semper ingenuus & securus existat. Hæc verba demonstrant servum manumissionis ingenuum fieri, non libertinum. Quod jure novissimo obtinuit. Sed finge, esse in instrumento manumissionis errorem in nomine manumissi, an ejus læditur status si modo de corpore confitetur minime, l. qui habebat, de manu. test. Possis etiam rescriptum Pii referre, ut facit Accursus ad professionem natorum liberorum, quæ a parentibus solebat fieri apud acta, ad quem respicit 1.2. C. si min. se maj. dixerit: ubi proponitur minorum 25. annis ætatem probasse ex tabulis professionem, & idem ibidem in Basil. appellatur & deo pascas nō pascis, quæ etiam possunt fieri a matre absente marito, vel ab avo absente patre, l. 16. de prob. l. 2. de excus. Modest. ait, ex iis, nempe in & idem ibidem, & deo pascas nō pascis, quæ etiam possunt fieri a matre absente marito, vel ab avo absente patre, l. 16. de prob. l. 2. de excus. Modest. ait, ex iis, nempe in

Hæc est præcipua causa instituendarum harum professio- num, ut ex iis probetur ætas hominum, quæ probatur etiam ex professione censuali, l. 3. de censibus. Denique probatur testibus & obsecratoribus, & ex aspectu corporis, l. 3. C. si min. se maj. l. 3. de min. nat. & pubertate ex aspectu verecundioris partis in masculis olim di- judicabant: in feminis vero ex anno 12. quæ in re fuit controversia inter Cassianos & Proculianos: In maribus erat diffinitio: Cassiani ex habitu illius partis æstima- bant, Proculiani ex annis. Priscus Javolenus ex utroque aspectu & annis. Verum Justinianus Proculianorum sen- tentiam probavit, ut ætas in maribus probaretur ex an- nis. Sed de professione natalium tantum loquamur. Si mulier, quæ erat gravida repudiata sit, & post repudium filium enixa, odio mariti, eum filium absente marito, ut spurium, actis professæ sit: nihil ea res lædit statum filii, veritati locus superest: ideoque mortua matre intestata poterit filius hereditatem matris adire jussu patris: quæ est species 1.29. ult. de prob. Et hanc solam legem anno- tari vellem ad hoc rescriptum Antonini Pii non lædi statum liberorum, id est, rati pascitur, ut accipit Ac- cursus ob professionem natalis male conceptam.

Ad L. Pen. de Negor. gest.

Ignorante quoque sorore, si frater negotium ejus ge-rens, dotem viro stipulatus sit: iudicio negotiorum gesto- rum, ut virum liberet, iure convenitur.

Frater pro sorore dotem dedit, ut debet, quod maxi- me notandum est, videlicet si sit consanguinea, & si aliter habere non possit, l. cum plures 12. §. pen. de adm. tut. qui locus singularis est, ut frater cogatur exhibere forori paternum officium. Finge igitur: Frater cum esset animi paterni erga sororem, pro ea dotem dedit, & igno- rante sorore animo gerendi negotia fororis a viro stipu- latus est soluto matrimonio sibi dotem reddi. Papinian. ait, fratrem forori teneri ad. neg. gestorum quamvis ipse dotem dederit, in hoc ut virum accepto, liberet, si velit foror virum sibi obligatum, non fratri, vel etiam teneri negotiorum gest. iudicio, ut cedat forori actio- ni.

Tom. IV.

A nem ex stipulatu, vel maritum deleget forori: deni- que emolumentum ejus stipulationis perveniet ad so- rorem, non ad fratrem, cum nec stipulando sui nego- tii gerendi animum habuerit, sed fororis: locus est ac- tionis negotiorum gest. si ignorante sorore stipulatus sit. Quid si sciente & mandato fororis ita stipulatus sit frater in eadem causa, quam diximus? tenebitur actio- ne mandati. Idem erit si mater pro filia dotem dederit & stipulata sit, l. idemque 10. §. si cui mandavero, ff. mand. in qua citatur Papin.

Ad L. Si filius XXX. de Minorib.

Si filius emancipatus contra tabulas non accepta pos- sessione post inchoatam restitutionis questionem, legatum ex testamento patris major 25. annis petiisset, nisi renun- tiare videtur, cum etsi bonorum possessionis tempus largiretur, electio iudicio defuncti repudiatur, beneficium prætoris existimaretur.

Hæc est de filio emancipato præterito testamento patris. Filius præteritus est, qui in testamento patris silentio omissus est, id est, qui neque heres in- stitutus est, neque exheredatus. Sed quid si ei aliquod legatum sit relictum, aut fideicommissum, an præteri- tus videbitur? Sic sane, quia ommissus est in parte prin- cipali testamenti, id est, in institutione, quæ est ca- put testamenti. Differentia autem est inter suum & emancipatum filium: Nam si filius suus testamento pa- tris præteritus sit, testamentum est ipso jure nullum: Quod si filius emancipatus testamento patris præteri- tus sit, valet quidem testamentum, sed rescinditur be- neficio Prætoris, data bonorum possessione contra tabu- las, quæ tamen intra annum petenda est: post annum rescindi non potest per bonorum possessionem contra tab. Filius igitur emancipatus potest iudicium patris in- tra annum rescindere per petitionem bonorum posses- sionis contra tabulas: quam tamen si intra annum le- gatam vel fideicommissam, quod ei, vel servo ejus relictum est, elegerit, videtur repudiasse, quia agno- vit iudicium defuncti, l. 3. §. ult. de bon. poss. cont. tab. idem- que est, si quocumque alio modo agnovit iudicium patris, l. 15. §. præteritus, eod. tit. nam & filius suus, si approbavit iudicium defuncti, testamentum ex æquo & bono sustinetur quamvis sit ipso jure nullum, l. 17. filio præterito, de inju. test. Amittit quoque filius eman- cipatus bonorum possessionem contra tabul. tempore five omissione. Nam in jure amittere latius patet, quam omittere: nam amittere est tempore excludi, ut si in- tra annum non petierit bonorum possessionem, eam amittit. Sed si cum esset minor 25. annis, bonorum pos- sessionem omiserit intra annum beneficio ætatis, quia lapsus est lubrico ætatis, post annum per relict. in int. rursus admittitur ad bon. possessionem contra tabulas. Verum hæc restitutio datur causa cognita, vocatis scilicet iis quorum interest, l. 23. §. causa, l. 29. §. ult. de minor. Et ideo in hac 1.20. & in 1.26. §. intra, C. de in integ. restit. causa restitutionis dicitur lis, & qui eam postulat, quive de ea controversiam movet, dicitur agere. Itaque non male dixeris causam restitutionis in integrum esse litem: nam quod inter partes duas disceptatur causa cognita, lis est, actio est: & vera definitio actionis est, inter partes duas disceptatio causa cognita, si quidem velis litem, aut actionem non accipere latissime. Finge nunc: pendente lite restitutionis in integrum, is, qui petit restitui, qui litem fecit, jam factus major 25. an- nis legatum agnovit, an & hic rursus amittit bon. poss. cont. tab. Amiserat eam jam ante anno elapso, sed desi- derat se restitui in integrum, quia minor lapsus esset lubrico ætatis, & cum nondum desiderium suum exple- visset pendente lite legatum agnovit, quid fiet? videtur inquit petitionem bonorum repudiasse, ut in l. Papin. 20. hoc tit. quia minori etiam ex hac causa possit subve- niri. Concludamus, five post annum pendente lite re- stitutionis in integrum minor 25. annis agnovit iudicium

E

dicium defuncti, hoc est, legatum acceperit, vel fidei-
commissum ei relictum, si intra annum minor aut
major illud fecerit, amittit bonorum possessionem con-
tra tab. Et ita omnino videtur argumentari Papin. in
hac l. si intra annum electo legato amittitur bonorum
possessio: & post annum multo magis, licet ad resti-
tutionem in integrum lis contestata fuerit. Ex hoc lo-
co intelligitur minori 25. annis currere tempora, si ve
dies petendae bonorum possessionis; minorem excludi
tempore a pratoris beneficio non minus quam maio-
rem: male hic Accurs. in verbo pratoris, putat emen-
dari in l. ult. C. in quib. caus. in int. rest. est neces. quae
lex generaliter definit, exceptiones temporum minori-
bus non nocere; ex quo efficitur, non currere ullum
tempus minoribus, nec eis necesse esse, ob eam rem
petere restitutionem in integrum, quandoquidem ea
minoribus non exeunt nec pereunt. Sed ita respon-
dendum. Fateor exceptiones temporales minoribus non
nocere, nec omnia, quae tempore maioribus pereunt,
etiam minoribus perire: quaedam tempore pereunt per
exceptionem, non ipso jure: haec non pereunt minori.
Quaedam pereunt ipso jure, non opposita exceptione
temporalis: haec pereunt minori: & ita dicamus, an-
num petendae bon. possessionis currere minori ipso jure,
eumque repelli, nisi eam petierit, quae anno definitur.
Similiter quoque annus currit minori, qui est praesi-
gnatus ad implendam voluntatem defuncti, *Novell. 1. de
hered. cap. 4.* Item minori currunt tempora interponen-
dae appellationis, si forte condemnatus sit, *l. 7. ait pra-
tor, §. item si, hoc tit.* Currunt minori etiam tempora
praestita finiendis litibus, puta tempus triennii in cau-
sis civilibus, ac nisi triennio peragat, ipso jure lite cadit,
l. propterandum, §. ult. C. de jud. Saepè nostri au-
ctores utuntur ea lege ult. C. in quib. caus. in integrest.
ait scilicet ex ea offendantur pleraque jura emendari: sed
quaecunque emendant, accipienda sunt restricta. Haec
igitur l. ult. restricta est accipienda de iis scilicet, quae
minori tempore pereunt per exceptionem.

Ad L. Denique si emptor XIX. ex quibus
caus. maj. 25. ann.

Denique si emptor prius, quam per usum sibi acqui-
reret, ab hostibus captus sit, placet interruptam posses-
sionem postliminio non restitui, quia hoc sine possessione non
constitit: possessio autem plurimum facti habet: causa ve-
ro facti non continetur postliminio.

Haec lex cum praecedente & cum sequente ita conne-
xa est, ut sine illis explicari non possit. Sciendum
est, ex hoc edicto subveniri majoribus 25. annis per resti-
tutionem in integrum, absentibus scilicet ex causa justa,
veluti reipub. causa, aut studiorum. Subveniri etiam
captis ab hostibus aut aliis, qui in servitute, aut vinculis,
aut custodia, aut sub fideiussorum satisfactione fuerunt,
ne scilicet suae rei damnum faciant, ne iusta absentia, ne
captivitas, ne servitus, ac vincula, ne cetera eis noceant:
ut si interim res eorum ufucapta sit, ex eo edicto ufuca-
pio rescindatur restituta utili actione in rem, perinde ac
si res eorum ufucapta non fuisset: & subveniri etiam ne
lucrum perdat, quod fecissent interim sine damno alteri-
us, si ab hostibus capti non fuissent, vel alia iusta ex
causa peregre non abfuissent, ut si hereditatem vel lega-
tum, quod interim acquirere potuerunt, propter absen-
tiam aut captivitatem, perdidissent, id postea rever-
si recipiant, restituta eis utili actione ex testamento,
vel utili hereditatis petitione, *l. 17. 27. l. 41. si quis Titio,
hoc tit.* Duo sunt genera lucrorum: quaedam obveniunt
sine damno alterius, ut hereditas, fideicommissum, lega-
tum: haec recipiunt beneficio hujus edicti, si ea perdi-
derunt: exempli causa, si testatoris mortis tempore Ita-
lia procul abfuissent, cum tamen relictum fuisset lega-
tum sub hac conditione, si mortis tempore in Italia
essent, *d. l. si quis Titio.* Quaedam lucra obveniunt cum

A damno alterius, ut ea, quae adquiruntur per ufucapio-
nem, quae ufucapio lucrosa est ei, qui ufucapit, & dam-
nosa ei, cujus res ufucapitur, admissa tamen legibus, &
probata propter commune bonum, ut sit finis litium
l. ult. pro suo, C. l. 1. de ufucap. Ad lucra ejusmodi reci-
pienda, hoc edicto non restituitur major 25. annis. Et
hoc est, quod eleganter definit Paulus in l. praecedenti, ma-
joribus 25. ann. hoc edicto subveniri in damnis amitten-
dae rei suae, non cum alieno detrimento. Et notandum
maxime, quod ait, *ex alterius damno vel pana, C.* Inde
intelligitur hoc edicto restitui actiones eas, quae rem per-
sequuntur, non poenam, si interim earum dies exierit,
cum temporales essent. Odiosae actiones non restituan-
tur: denique, quae rem persequuntur familiarem, quae
abest, non, quae rem alienam cum alterius detrimento.

B Hujus rei exemplum subicit Papinianus in hac l. 19.
Finge, Titius a non domino rem alienam bona fide emit,
& priusquam eam ufucapisset, captus est ab hostibus.
Captivitate interruptum ufucapio: quod naturalem
rationem habet: nam possessio sane captivitate interruptu-
ritur: non enim potest sibi possidere is, qui ipse possi-
detur ab aliis. Captus ab hostibus possidere desinit, &
ufucapere igitur: nam ufucapio sine possessione contin-
gere non potest. Denique captivitate interruptum
possessio, & ufucapio. Videamus tamen, an eo reverso
ab hostibus, restituitur ufucapio jure postliminii, ut sci-
licet fingatur medio tempore possidisse, quod praecipue
definitur in hac l. 9. Deinde videamus si ufucapio non
restituatur fisione postliminii, an restituitur beneficio
hujus edicti: quod definitur in l. 1. §. Sed ante omnia

C accurate fundare oportet, quod supra diximus, ufuca-
pionem captivitate interrupti, & proponitur in l. 15.
si is, qui pro emptore, de usur. & ufuc. l. 12. in bello, §.
facti, de capt. & postlim. Papin. hoc loco, emptore, prius-
quam ufucaperet, captus ab hostibus, ait, interruptum
esse possessionem: Graeci *δωροδοκία*, idest dominium,
quod scilicet ufucapione adquiritur, l. ait prator, §. 1.
hoc tit. Ergo possessionem hic Papinian. accipit pro ufuca-
pione. Et recte Accurs. interruptam possessionem, hoc
est, ufucapionem, & ita in l. cum miles 30. hoc tit. posses-
sio defuncti quasi juncta descendit ad heredem, &c.
quod ex hoc loco hodie in tota Gallia obtinet, ut pos-
sessio, idest, usus rei, a defuncto in heredem transeat,
etiam ab herede non apprehendatur possessio: id sane
summo errore obtinet: nam error hujusce consuetu-
dinis desumptus ex d. l. cum miles, le mort s'istit le vison
plus prochain lignager habile a luy succeder ab inestat
sans apprehension de faiti, commissus est ab is, qui non
animadvertentibus possessionem accipi illo loco pro ufuca-
pione, non pro usu rei: nam possessio vera est usus
rei, quae definitio tradita est ab Aelio Gallo, nec in suum
heredem transit, nec in extraneum, nisi naturaliter
apprehendatur, l. 23. in prin. de acquir. posses. Dominium
quidem in suum heredem ipso jure transit, vel potius
continuat, l. in suis 11. de liber. & post. In extraneum
vero, ante aditam hereditatem dominium non transit.
Ufucapio autem coepta a defuncto, necdum impleta,
in heredem descendit ipso jure, & perscitur non adita
hereditate, nec apprehensa possessione: & hoc est, quod
ait l. cum miles, ad quam adde, & nondum apprehensa
possessione.

E Quae igitur coepta a defuncto, completur per
se etiam jacente hereditate & possessione vacua, hoc
est, nullo extante possessore, ac deinde proficit heredi
ea ufucapio quasi perfecta, postquam adiit hereditatem,
l. nunquam, §. vacuum, l. 44. iusto, §. nondum, l. 40.
captam, de usuc. l. 6. qui eum, §. ult. pro emp. Idque est
receptum & constitutum jure singulari: nam rigor
juris desiderat continuationem possessionis secundum
ufucapionis definitionem, quae est, adeptio domini per
continuationem possessionis, &c. Est igitur in hac l. 19.
πλοκὴ cum dicitur, possessionem sine possessione non
constitit: neque enim initio idem significat verbum,
possessionis, quod post, initio est ufucapio, post, usus
rei. Et sensus hic est, possessio non constitit sine posses-
sione:

fione: ufucapio non confistit sine usu rei. Verum quoniam ufucapio captivitate interruptitur, quid fiet, si decesserit, qui captus est ab hostibus, & non possit ad suos reverti? medium tempus proderit heredi ad ufucapionem complendam, quamvis nemo possideat eo tempore, idque per l. Corneliam, perinde ac si nondum pervenisset in hostium potestatem, d.l. 1. §. si is qui pro empto de usurp. Quod si revertatur, an dicemus, ei medium tempus proficere ad ufucapionem complendam, ut fingatur ufucapisse medio tempore, quamvis revera ipse non possiderit? minime. Et hoc voluit dicere Papinian. in hac l. 19. interruptum ufucapionem non restit. postliminio, hoc est, iure postliminii adimpletam esse medio tempore ufucapionem non fingi. Et utitur elegantissima ratione: quia, inquit, ufucapio sine possessione non consistit, possessio autem plurimum facti habet, hoc est, in facto consistit: puta cum corpore inistis, & rei incubas: causa autem facti non continetur postliminio, ut Græci ἀπορροήν διέγχει ἀπὸ τῆς ἐξουσίας d.l. 1. in bello, §. facti, de cap. & possi. Facti causæ infecta nulle constitutione fieri possunt, hoc est, facta (puta possessiones) possidere autem, aut non possidere, non possunt reddi infecta fictione postliminii. Non potest postliminium efficere, ut videatur quis fecisse aut non fecisse, possidere aut non possidere, quæ secus sunt, & consequenter, ut videatur quis ufucapisse, qui non ufucapit. Efficit igitur postliminium ut iura, quæ amissi captivitate recipias, puta, dominium, patriam potestatem, libertatem, civitatem, actiones, & cetera iura omnia: non etiam ut videaris fecisse, quod non fecisti, puta, possidere, quod non possidisti. Exponamus latius quod ait Papin. in hac l. 19. possessionem plurimum facti habere: nam etiam possessio plurimum juris habere dicitur in l. 49. de adquir. vel amitt. poss. Permixta igitur est possessio ex utroque, ex iure, & ex corpore seu facto possessoris, sed magis ex facto possessoris, ut indicat l. 3. §. 1. de bonor. poss. & hoc distat possessio a bonorum possessione: quæ plus ex iure habet, quam ex facto; plus iuris est, quam corporis, ut ait lex 3. de bon. poss. live ut nostri auctores loquuntur, detentionis, aut corporalis apprehensionis. Cur vero dicimus magis esse ex corpore? quia possessio initium sumit a facto, vel a corpore, id est, a naturali apprehensione, quæ duobus Digestorum locis detentatio dicitur: & hæc est proprie possessio naturalis. Facto seu corpori postea accedit animus, opinio, ius domini: & ita perficitur possessio civilis, quæ dicitur consistere tum corpore, tum animo, id est, ἀπορροήν καὶ ἐξουσίαν δυνάμει, ut loquitur Theoph. l. possessionem 29. de adq. vel amitt. poss. & quæstio hæc, an possessio sit facti, an juris, sic definienda est: utriusque est, sed factum videtur in ea preponderare, id est, magis in ea factum, quam ius inspicitur. Quod si possessio magis est facti quam juris, non continetur postliminio, & consequenter nec ufucapio, hoc est, qui postliminio redit, medio tempore non intelligitur possedisse, nec igitur ufucapisse. Constat igitur iure postliminii non restitui ufucapionem. At queramus, quod supra attigimus, an ufucapio restituatur beneficio edicti restit. in integrum. Pertinet ad hanc quæstionem l. 20. §. 1. 23. ait prator, §. 1. hoc vis. Et observandum maxime quibus gradibus procedat. Ulpian. in d.l. 23. ponit primum, captivum non posse inchoare ufucapionem: deinde, non posse coeptam ante captivitatem in captivitate implere: tum addit non posse fingi adimpletam ufucapionem, quæ coeperat ante captivitatem, a quibus causis semper sunt excipienda ea, quæ servi captivorum, qui in civitate manserunt, possederunt interim, dum dominus fuit apud hostes, ex causa peculiari. Nam reversus dominus etiam apud hostes medio illo tempore possedisse ac ufucapisse intelligitur: quod quidem est receptum iure singulari, nec trahendum ad consequentias, d.l. si is qui pro empto. Ea tamen, quæ possedit captivus per se ante captivitatem: nec possedisse intelligitur nec ufucapisse iure postliminii, sed adjicit in d.l. ait prator, §. 2. succurrendum esse captivo, qui ad suos

Tom. IV.

A rediit, si per captivitatem possessionem amiserit, aut quasi possessionem. Et recte definit, quid distet possessio a quasi possessione. Possidemus rem corporalem, vel fundum, quasi possidemus rem incorporealem, veluti usufructum. Dices, ergo possessio restituitur reverso postliminio? sic sane ea quam habuit ante captivitatem: qui redit ab hostibus, redit in possessionem rerum suarum; sed non intelligitur medio tempore quicquam possedisse. Atque ita verum est postliminio possessionem restitui & non restitui. Restitui, id est, reverti eum in possessionem earum rerum, quas ante possedit: non restitui, id est, non fingi eum quidquam medio tempore possedisse, licet fingatur interim sua omnia iura tenuisse. Verum, quod quævivimus ante explicet. An beneficio pratoris per restit. in integr. hoc consequi poterit, ut intelligatur medio tempore ufucapionem implevisse? minime: & hoc est, quod ait l. seq. nec utilem actionem esse dandum, nec igitur postliminio restitui ufucapionem, nec utilem actionem, id est, restitutoriam atque si ufucapisset. Et utitur elegantissima ratione: quia iniquum est auferre domino, quod usus, id est, ufucapio non abstulit. Ergo qui non ufucapit, non habet actionem vel directam, vel utilem, qua rem domino abstrahat: nam & vicissim dominus non intelligitur amisisse, quod ei ablatum non est. Nec ergo domino auferre possum, quod ei ufucapio non abstulit, aut sane injuria aufero. Unum tantum adhuc obijciat ei, quod diximus ufucapionem sive possessionem non restitui postliminio. Multa obijciuntur, sed ex his quæ diximus facile dirimi possunt. Restat unum ex l. 1. §. si quis, de itin. ad. priv. Interdictum illud, quod est prohibitorium, datur ei, qui hoc anno, nec vi, nec clam, nec precario usus est illo actu. At finge eum non esse usum hoc anno, idque per vim vel hostium, vel prædonum contigisse, non sua culpa: vis hostium, vel alia iusta causa fecit, ne hoc anno uteretur, cum tamen usus fuisset superiori anno, & usus fuisset hoc anno, nisi prohibitus fuisset, an hoc interdicto utetur? ipso iure videtur non esse dandum, quia hoc anno usus non est, sed tamen ex bono & æquo restituatur in integrum repetita die, quasi superior annus hic sit annus. Et sane summa est ratio dandæ restitutionis, nec eadem ratio intervenit in propo- sita ufucapionis quæstione. Itaque mihi videor submovisse ea omnia, quæ obijci poterant in hac legem.

D Ad L. cum Furiosus XXXIX. de judic. & ubi quique.

Cum furiosus iudex addicitur, non ideo minus iudicium erit, quod hodie non potest judicare, ut scilicet sue mentis effectus, quod sententia dixerit, ratum sit. Neque enim in addicendo presentia vel scientia iudicis necessaria.

§. 1. Qui legationis causa Romam venit, ex qualibet causa fidei iudicare potest, cum privilegio suo, cum sit in Italia contractum, uti non potest.

J Udex, qui datur a magistratu, non tantum dari dicitur a jurisconsultis, sed reddi, l. 3. C. arb. iur. itemque addici, ut hoc loco. Sicut in l. 46. §. 1. 80. hoc vis. §. 1. 4. de eo quod certo loco, l. 59. §. ult. ad Trebell. l. 30. fam. ercisc. Et ita semper legendum: iudex addicitur, non adiectus vel additus: Et ita omnino legendum in l. 7. §. 1. 10. C. fam. ercisc. §. 1. Instit. de off. jud. & in Val. Max. veluti l. 8. cap. 2. arbitrium Claudio addixit, & formulam quidquid sibi dare facere oportet ex fide bona. Hæc Valer. apud quem male legitur, arbitrum adduxit ut daret formulam; nec legendum quoque addixit formulam:

E Nam & apud eundem iudex addictus non additus: & apud Ciceronem Arbitrum addicere, non adicere, vel adigere. Non tamen sic legi velim in l. 1. C. de recept. §. qui arb. ut quidam volunt. Lex ait, Ex sententia arbitri ex compromisso iure perfectio aditi appellari non posse. Rectissime in d. l. 1. legitur aditi, non addicti. Nam non addicuntur arbitri, sed adeuntur & sumuntur: & ita recte dicitur additus arbiter ex compromisso, ut Græci ἀπὸς ἀίσεων διζήμενος, hoc est, additus. Sic nostri aucto-

E 2

auctores, & judicem addicere dicunt pro dare, five judicium addicere. Sic Trebatius apud Macrob. judicium addicere ait. Varro: addicere judicium pro eo, quod dicitur actionem dare. Et ita in 12. tab. *Addicere litem*, est secundum aliquem dare litem seu sententiam: apud Tacitum, addicere convitium, unde forte *addiciales epulae*, non *adiciales*, sic addicere bonor. possessionem, est dare bonor. possessionem. Hic igitur quaestio est de furioso addicto iudice. Primum tractemus de homine sano, qui iudex datus est, vel additus a magistratu, an furore superveniente iudex esse desinat? minime: sed mutari debet, si furor perpetuus, aut longior erit, l. 46. hoc tit. alioqui si brevis sit furor, est enim plane furor, futurus dies tantum diffiditur, ut in 12. tab. ob morbum fonticum iudicis additi: est enim plane morbus fonticus, furor, l. 66. de re jud. l. 2. §. si quis caut. Sed an etiam recte ab initio iudex datur, qui furiosus est? an recte iudicium constitutum sit? Et ait, iudicium esse: & judicem igitur recte additum esse: scilicet si per intervalla iudex additus furore corripiatur. Et quemadmodum qui alio quolibet morbo animi laborat, recte iudex addicitur: Sic & qui furore laborat, postea intermisso furore fungitur suo munere iudicandi, id est, in suis induciis, dilucidis intervallis furoris, recte iudicare potest, in quibus induciis testamentum etiam facere potest, l. 9. furiosum, qui testamen. fac. poss. & nostri auctores, cum tractant, qui iudex dari possit, & quis possit facere testamentum, utuntur argumento a nomine d. l. cum prator hoc tit. perpetuo furiosus & pupillus iudicio carent, *Instit. quibus non est permitt. fac. testam.* Ergo nec impubes, nec furiosus possunt facere testamentum, quod nihil aliud est, quam ultimum iudicium defuncti, l. 19. de inoff. test. Furiosus igitur in his intervallis, in quibus iudicio non caret, recte testamentum facit, & iudicium exercet recte, etiam si cum iudex addiceretur, animo confederat furor. Utitur autem Papinianus eleganti ratione, *Judex*, inquit, *datur invitus*: nam iudicandi munus publicum est & civile: & certum est omnia civilia munera in invitos conferri. Si invitus iudex datur: ergo & ignorans, & absens, ut in l. 26. de reg. jur. quae possunt me invito alienari, multo magis me absente & ignorante; & si iudex recte addicitur absens, & ignorans: igitur & furiosus. Nam furiosus in iure per omnia, & ut ait l. 2. §. penult. de iure cod. absentis loco est & ignorantis, l. 12. si a furioso, de reb. cred. Sic argumentatur Pomponius. Si conditio potest acquiri ignoranti: ergo & furioso, l. 209. coram, de verb. sign. l. 224. de reg. jur. Verum in contractibus furiosus non potest haberi absentis loco, l. 5. de reg. jur. quia natura negotii id non patitur: requiritur enim consensus utriusque. Sunt quidam contractus, qui sunt inter absentes, sed sanos: datur procurator absens per epistolam, quae accepta si ratum habeat mandatum, perficiuntur contractus. Sed an furiosus etiam recte procurator ratum habere, ideoque imperfectus erit contractus, l. 2. de procur. Ergo contractus inter absentes recte habetur, vel cum absente, non tamen cum furioso. Sequitur alia sententia Papiniani in §. 1. Certum est legis provincialibus Romanis missis hoc dari, ut si Romae conveniatur de eo, quod contraxerunt ante legationem, vel Romae, vel alibi, ut possint uti privilegio revocandi domum, nec cogantur accipere iudicium, l. 2. §. legis; hoc tit. Sed si tempore legationis Romae contraxerint, de eo recte conveniuntur Romae, nec possunt revocare domum, l. 32. non distinguemus, §. item si, de recept. quia Romae contrahendo in ipsa legatione, videntur suo privilegio renuntiasse. Et hoc est, quod ait Papinianus: eum qui legationis causa Romam venit ex quolibet contractu fideiubere pro aliis posse, & ibi conveniri ubi contraxit: eum, inquit, *privilegio suo, cum sit in Italia contractum, uti non possit.* *hæc dicitur*: nam in principio dictio cum ponitur pro *da*, quia; in fine autem ponitur pro *deus*, quando. Nemo pro seipso fideiubere potest, sed constitue-

re potest. Constituiamus nos solutores, vel quod ipsi debemus, vel quod alii debent: fideiubemus tantum pro aliis. Videamus, quid dicendum, si legatus se constituit Romae se soluturum, quod debebat ante legationem, an Romae conveniri potest? cum principale negotium non contraxerit Romae, sed constituit se soluturum, de eo est magna quaestio. Nam in l. 8. definitur ut possit, inspicit enim causa, & origo constitutæ pecuniæ, ut in l. 33. de don. causa autem cepit ante legationem non in ipsa legatione: nec ex ea causa posset Romae conveniri: ergo nec ex accessione, seu sequenti causa, quæ accessit priori, Romae conveniri poterit: atque ita definit d. l. 8. Sed longe alter definitur in l. 5. eum qui, §. 1. de const. pec. & nullum est *invariabile*, de quo magis certent interpretes. Legatum Romae constituentem, quod in provincia acceperat, Romae conveniri debere, inquit Ulpian. ex Iuliano in d. l. eum qui. Gaius vero in d. l. 8. ait, Legatum non cogi iudicium pati propter constitutum. Hæc maxime videntur contraria. Sed videamus, quid dicat d. l. eum qui, §. 1. duas ibi proponit species. Prior hæc est. Legatus, qui in provincia contraxit ante legationem, & in legatione Romae constituit se soluturum quod debet, Romae poterit conveniri. Posterior species hæc est: legatus, qui in provincia contraxit, atque etiam in provincia constituit se soluturum Romae, non poterit Romae conveniri actione de constituta pecunia, quamvis constituit se Romae soluturum. Quod definitur in priore specie, plane pugnat cum d. l. 8. Fuerunt itaque quidam, qui in d. l. eum qui, *subl.* voluerunt negationem addere, non demere, quorum sententia mihi non probatur, licet non caruerit ratione. Nam si potest Romae conveniri, debuit dicere Ulpian. *putat conveniri posse, non conveniri debere*: Si affirmat Iulianus, cur non ait conveniri posse? Si negat, recte ait conveniri non debere: deinde posteriorem speciem, in qua legatus Romae conveniri non potest, subiungit his verbis (*sed etsi*) quæ oratio conjunctiva est, non discretiva. Et ea est summa eorum ratio, quod in priori specie negative putant legendum, ut scilicet in utraque specie legatus Romae conveniri non possit. Non caret igitur illi ratione: sed moveor, quia Græci legunt affirmative, ut habent omnes libri, *ὁπότερ ὅταν ἐν πόλει ἢ ἐν ἑξωτερῇ ἀναρῶντος τῶν ἐν τῇ πόλει ἢ ἐξωτερῇ.* Non placet etiam, quod quibusdam videtur in d. l. 8. legatum contraxisse in provincia: deinde Romae constituisse se soluturum, cum legatione fingeretur: & tunc Romae conveniri non posse, quia principale negotium gessit in provincia: at in l. eum qui: dicunt legatum non plene contraxisse in provincia, sed tantum accepisse in provincia, veluti accipere mutuum pecuniam, non sit negotium perficere. Hoc est subtile nimis, ergo falsum: nam in utraque specie legatus plene negotium gessit in provincia. Quod autem Ulpian. in d. l. eum qui, ait, *DEBERE*, in eo non est infensendum: nam auctores nostri promiscue utuntur verbis *Possesse*, & *Debere*: sicut & alii: idem enim utrumque significat. Et in libris nostris, quod velim notetis, articulus, *Sed*, non est semper discretivus: & similiter, *Sed etsi*, non est semper conjunctivus: ideoque in d. l. eum qui, quamvis Ulpian. dicat posteriorem casu, *sed etsi non cum Romae esset*, &c. non propterea inferes, etiam in priori specie legatum non posse Romae conveniri: ideoque in dicta priori specie supplemenda esse negationem. Res ita mihi potius videtur esse definienda liquido. Si nominatim Romae constituit se soluturum, Romae conveniri potest: sed si in provincia constituit se Romae soluturum, non potest Romae conveniri. Et hæc est sententia Ulpiani in d. l. eum qui, §. 1. At si Romae constituit se Romae soluturum simpliciter, quod in provincia contraxit, non poterit Romae conveniri, ut in d. l. 8. quia non dixit nominatim se soluturum Romae: sed simpliciter Romae constituit: duo requiro, ut Romae conveniri possit, ut & Romae constituit, & ut nominatim constituit se soluturum Romae. Est & alius casus in hanc rem notandus, ex Africano in l. 3. de legationib. qui est diversus.

Finge:

Finge: quod in provincia contraxit legatus, constituit in provincia se soluturum, non Romæ nominatim, sed legationis tempore, an Romæ poterit conveniri? sic sane, quia palam renuntiavit privilegio suo revocandi domum, dum scilicet non Romæ dixit se soluturum, sed solutioni tempus legationis designavit.

Ad L. XLIX. de Petit. hered.

Si bona fidei possessor hereditatis velit cum debitoribus hereditariis, aut qui res hereditarias occupaverint, consistere, audietur, usque si periculum erit, ne inter moras actiones interdicant. Petitor autem hereditatis citra metum exceptionis in rem agere poterit. Quid enim si possessor hereditatis negligat? quid si nihil juris habere se sciat?

Quæstio legis 49. de petitione hereditatis, est: An is, qui bona fide possidet hereditatem, existimans se heredem, cum non sit verus heres, aut non jure heres, quippe qui controversiam hereditatis ab alio patitur, an interim possit, quamvis non contestatur, cum eo consistere, cum debitoribus hereditariis actione in personam, & res hereditarias reposcere, vel etiam consistere, cum his, qui res hereditarias possident actione in rem? Et recte Græci consistere interpretantur *ὑποκαταστήσαντες*: quod est litem contestari. Quod quidem verbum in iure nostro esse frequentissimum quidam rectissime observavit. Sed idem perperam illic adiecit apud Ulpianum in *L. adulter 19. §. ult. ad l. Jul. de adul.* ubi ita legitur vulgo: *proinde si per collusionem cum adultero constitueris*, rectius ita esse Florentiæ scriptum: *proinde si per collusionem cum accusatore constitueris*: perperam, inquam: primum, neque Florentiæ, neque vulgo scriptum est: *cum accusatore*, sed legitur: *cum adultero*. Et recte quidem, quia reus cum accusatore, vel cum actore non constitit, sed actor, vel accusator dicitur consistere, ac litem contestari cum reo. Idque demonstrat Ulpianus in *L. 11. de iud. Præterea*, vulgo in *d. §. ult.* ita legitur: *si cum adultero constitueris*, non ut ille ait: *si cum accusatore constitueris*. Imo etiam Florentiæ legitur: *si cum adultero constitueris*. Nec tamen mutanda est lectio Florentiæ, quia modo veteres dicebant constituere, modo consistere, pro litem contestari. Sic Papinianus noster, secundum lectionem Florentinam, loquitur in *L. Imperator 70. §. si centum, de leg. 2.* his verbis: *si centum legatis duplum restituere rogatus sit, ad summam legati videbitur constituisse*, id est, constituisse. Et sic etiam loquitur Venulejus in *L. procurator 8. §. si quis, rem rat. hab.* his verbis: *cum de libertate ejus constitueris*, id est, constituteris, id est, iudicatum erit. Sic denique loquitur Celsus in *L. 11. de custod. & ex lib.* his verbis: *ut cum cognovisti & constitisti*, id est, cum ei constitit & apparuit de crimine. Et sic etiam locutus est Sallustius in *Jugurthæ* *constitit*: verum quod ad præsentem questionem attinet; Bonæ fidei possessor, cui sit controversia hereditatis, lite nondum contestata, interim potest uti actionibus hereditariis, vel in rem, vel in personam, sed repellitur exceptione præjudiciali, quod præjudicium hereditatis non fiat, *L. 5. in fi. h. s.* magna esse auctoritas centumviralis iudicii, ut nihil in ejus præjudicium fieri possit: petitio autem hereditatis est centumvirale iudicium, ut nihil in ejus præjudicium fieri possit: *L. ult. C. eod.* Hoc cum ita esset, Papin. offendit hoc loco, aliquando ex causa denegari exceptionem præjudicalem, & citra metum hujus exceptionis utiliter bonæ fidei possessorem, quamvis fiat ei controversia, interim, consistere, vel cum debitoribus hereditariis, vel cum possessor. rerum hereditariarum, ex causa, si res urgeat, si sit periculum, ne pereant actiones temporales, vel ne debitoribus pauperiores fiant, vel si sit metus ne res ufucapiantur quæ possidentur ab aliis: loquitur de bonæ fidei possessore. Nam malæ fidei possessor, id est, prædo nullam habet actionem, vel ante controversiam motam, vel post *L. 31. §. pen. h. s.* Porro post litem contestatam omnes possessores pares

sunt, *L. sed et si 25. §. si ante, h. s.* etiam poss. bona fid. post litem contestatam prædones fiunt. Ergo post litem contestatam nullam possunt intendere actionem hereditariam. Itaque possit litem nondum contestatam fuisse, quod Papinian. demonstrat his verbis: *Si periculum erit, ne inter moras actiones interdicant*: inter moras, id est, ante litem contestatam: dum expectatur ut lis contestetur. Ita in *L. tutor 28. de administ. tut.* Tutor pupilli in jus vocatus est, & cavet se iudicio fisci inter moras pupillus pervenit ad pubertatem, hoc est, antequam lis contestaretur, an est lis contestanda cum tutore, qui in jus vocatus est? minime, sed cum pupillo, qui factus est puer inter moras. Ergo ponendum in hac specie fecisse aliquem controversiam bonæ fidei possessori, & vocasse possessorem in jus, exegisse etiam cautionem iudicio fisci, sed litem nondum esse contestatam. Nec debuit moveri Accurs. quod Papin. cum, qui facit controversiam, vocet petitorum: Nam petitor dicitur, non tantum qui litem contestatur, sed etiam qui in jus vocat, & qui controversiam facit; quique satis accipit iudicio fisci, alioquin non posset possessor bonæ fidei quasi prædo post litem contestatam movere actiones hereditarias, *d. l. si quid, §. sicut autem, h. s.* Et hoc est, quod proponit Papin. in prima parte hujus l. quæ est de bonæ fidei possessore hereditatis. Altera pars, quæ sequitur, est de petitore, in qua Græci pro petitor autem hereditatis, rectius legisse videntur, petitor etiam hereditatis, citra metum exceptionis in rem agere poterit. Supererat hæc inspectio; an etiam petitor hereditatis possit interim agere cum his, qui res hereditarias occupaverint, id est, res singulas vindicare, quas alii possident? Hoc in possessore hereditatis absolutum est: quæritur id ipsum in petitore hereditatis. Et licet hic agatur tantum de actionibus in rem, tamen inde paulo post de actionibus in personam statuemus. Ait autem petitor hereditatis ex causa posse in rem agere, nec ei agenti obviare exceptionem præjudicalem, quia maturius agendi iusta causa subest. In petitore hanc affert causam, si possessor negligat agere, si finat res hereditatis ab alio possidere, & sit periculum ne ufucapiantur: quæ causa congruit bellissime bonæ fidei possessori: non congruit prædoni, cui imputatur, si negligat res, quæ sunt ex hereditate quam possidet; bonæ fidei possessori nihil imputatur, quia res eas negligit, quas suas, *d. l. si quid, §. pen. hoc t.* Ergo iustissima est causa dandi actionem petitori, negligente possessore res hereditarias, nec interruptente ufucapionem. Adfert & aliam causam, si possessor nihil juris habere sciat. Quæ verba accipit Accurs. de malæ fidei possessore, quem etiam prima specie demonstrat. Quid aliud est quam si diceret: si malæ fidei possessor sit? Verum non est existimandum eum qui initio & tota lege egit de bonæ fidei possessore, in extremo agere de prædone, ac malæ fidei possessore. Quare ita sunt accipienda hæc verba: *Quid si nihil juris habere se sciat?* in ea re scilicet, quam petitor vindicat: vel ut dicam apertius: si nesciat eam rem esse hereditariam. Et hæc verissima est interpretatio, cui conveniunt Basilica: *ἡ γὰρ δὴ, ἵνα μὴ, ἀποκρίνεται ὁ νομοδότης, ὅτι μὴ γινώσκοντες ἀνθρώποι αὐτῶν, quid enim si possessor negligat, aut nesciat ad se pertinere?* & in latiori interpretatione id evidentius exprimitur: *τί δὲ εἰ καὶ ἐνὸς καὶ πολλοῦ ἀποκρίνεται πρᾶγμα τὸ πᾶν ἵνα μὴ καταχόμενοι, καὶ μὴ διαφύγοντες αὐτῶν ἢ δυνάμεθα περὶ αὐτῶν κινεῖν τὸν ἐν βίᾳ, quid si existimet eam rem non esse hereditariam, quam alius possidet, nec ad se pertinere, aut posse ejus nomine actionem in rem intendere?* Est tum iusta causa dandæ actionis in rem etiam petitori. His ergo casibus, sive agat possessor, sive petitor, quod interveniat iusta causa, quod res urgeat, cessat exceptio, quod præjudicium hereditatis non fiat: & hoc est quod voluit Papin. in posteriore parte hujus l. & quamvis dicat, petitorum citra metum exceptionis agere posse actione in rem: tamen est addendum, & in personam agere posse, quod adiecit Accurs.: sed non probat: probatur *L. 27. §. ult. de leg. 3.* in qua l. pro-

ponitur, fisco petente hereditatem iussisse procuratorem Caesaris, fisco solvi pecuniam. Restat ut videamus modo e contrario, an etiam possessor aut petitor hereditatis a creditoribus hereditariis conveniri possint? agere uterque potest citra metum exceptionis præjudicialis, sed, an etiam uterque citra hunc metum conveniri potest? Et constat hodie posse, nec esse exceptioni præjudiciali locum, si pendente lite creditores suum repetant, quod defunctus debuit, *l. ult. C. de pet. her.*, quæ docet esse in arbitrio creditoris cum quo agat. Sed si egerit cum possessore, & exegerit, ac deinde vincatur possessor, quod solverit recipiat, ac repetet postea a petitore. Et idem dicendum in contrarium de petitore. Videtur autem Tribon. in d. sua constitutione respexisse ad id, quod proponit Paulus in *l. 4. §. 1. si cui plussq. per leg. Falcid.* Nam ante dict. *l. ult.* pendente lite hereditatis suspendebantur actiones creditorum: & qui agebant repellantur exceptione præjudiciali, propter auctoritatem centumviralis iudicii: ex causa tamen audiebantur; puta, si res urgeret, si actio esset peritura tempore, nisi ageretur interim, quod confirmatur exemplo legis 49. ad Trebellian.

Ad L. XLIX. Ad Senatuf. Trebell.

Cum hereditas ex Trebelliano Senatuf. restituitur, si res urgeat, & metus erit, ne per absentiam forte fideicommissarii actio actionis exeat, heres iudicium suscipere cogitur.

§. 1. Similique modo filio de possessione contra tabulas deliberante, scriptus heres a creditoribus hereditariis convenitur.

IN hac lege duo casus proponuntur a Papiniano, quibus res urgente datur actio creditori hereditario in heredem scriptum, ne res sua ei pereat, quæ aliqui non darent. Sciendum est heredem rogatum restituere hereditatem, si eam restituit, transferre actiones utiles ex Trebelliano, tam activas, quam passivas, ut loquuntur interpretes, in fideicommissarium, obligationes civiles, imo & naturales, & post restitutionem hereditatis si heres conveniatur a creditoribus hereditariis, eos repellit exceptio hereditatis restitutæ, quæ dicitur Trebelliani, *l. 28. de iudic. l. Stichum, §. aditio, ff. de solutio.* & ita se habet. Verum ex causa citra metum exceptionis Trebelliani, etiam post restitutam hereditatem, creditores hereditarii recte agunt in heredem, qui rem non habet. Sciendum est, recte hereditatem restitui absentem per nuntium, vel per epistolam, *l. restituta, hoc tit.* Finge igitur heredem restituisse hereditatem fideicommissariam absentem: creditoribus vero hereditariis non esse cum fideicommissario absentem experiundi copiam, & temporalem esse eorum actionem, remque urgere ut agant, cur non eis licebit experiri cum herede scripto presente? Imo vero licebit, & denegabitur ei exceptio Trebelliani: nam adivit hereditatem: nec enim potuisset eam restituere non aditam. Eadem æquitas intervenit in alio casu, qui in eadem lege proponitur. Finge: Heres scriptus est testamentum, in quo filius est præteritus, testamentum in ea causa est ut possit rescindi petita bonorum possessione contra tabulas, si eam agnoscat filius præteritus. Finge: heredem scriptum conveniri a creditoribus hereditariis; repellit eos hac exceptione, si non in ea causa sunt tabulæ testamenti, ut contra eas dari possit bonorum possessio, *l. 2. de except. rei judic. l. is qui cum herede, de obligat. & actio.* Ita jus se habet. Verum ex iusta causa hæc exceptio denegabitur heredi scripto, nec quidquam obstat creditoribus hereditariis. Finge: filium deliberare de bonorum possessione contra tabulæ amplectenda, vel repudianda, & nimis diu deliberare, & interim periculum esse, ne actiones creditorum tempore interperant: æquissimum est conservandam actionum causam, heredem scriptum interim pati eas actiones, & iudicium in eum dari purum sine ulla exceptione. Et hoc est, quod proponitur a Papiniano in

A hac *l. 49.* cuius quidem legis argumentum, etiam dicimus possessorem hereditatis, cui sit controversia, vel cum quo lis contestata est de hereditate, citra metum præjudicialis exceptionis conveniri posse a creditoribus hereditariis, ex causa, si res urgeat, & periculum sit, ne actiones tempore pereant; & vel possessorem, vel petitorum, prout liberit creditori hereditario. Denique ita concludamus: ex causa denegari heredi, vel possessori hereditatis exceptionem præjudicalem, exceptionem Trebelliani, exceptionem in factum, si non in ea causa sunt tabulæ, &c. Nec in posteriore casu huius legis, mirum est, si conveniatur heres scriptus. Nam ponendum est, cum aditæ hereditatem, vel petuisse bonorum possessionem secundum tabulæ. Quod tamen negat Accursius in verbo *conveniatur*; licet enim tabulæ testamenti in ea causa sint, ut peti possit bonorum possessio contra tabulas, tamen, dum deliberat filius præteritus, poterit dari scripto secundum tabulas, quod tamen male negavit Accursius? Et sane omnia, quæ in eam legem scripti, circumscribenda sunt. Bonorum possessio secundum tabulæ datur cuilibet: datur enim de plano, & sine causæ cognitione, quali de jure, sine edicto scilicet. Verum si ab herede scripto bonorum possessio secundum tabulæ petita fuerit & agnita, postea sane constituitur sine re, filio præterito agnoscente bonorum possessionem contra tabulæ vel cum re, eodem filio bonorum possessionem contra tabulæ repudiante. Hæc verba, cum re, & sine re, sunt Jurisconsultorum, *l. 25. C. de inoffic. test.* & videndus omnino Ulpianus in *Fragm. tit. 28. de possessionibus dandis, §. ult.* Sic tamen locus est

C Vellejus Paterculus; Tribunitia, inquit, potestate cum exuit, cuius etiam imaginem sine re Sylla reliquerat. Et ita D. Ambros. lib. 9. Epist. Hereditas cum re, & sine re dicitur. Et quod Ovidius de Cupidine 3. Amor. scripsit, est etiam nostrum. Aut sine re Deus est nomen frustaque timetur. Ergo non est dubitandum, quin deliberante præterito possit adiri hereditas, vel bonorum possessio ex testamento, in quo est filius præteritus.

Ad L. Cum Militi XVI. de compensat.

Cum militi castrensi bonorum alius, interorum alius heres exiit, & debitor alteri heredum obligatus vult compensare quod ab alio debetur, non auditur.

§. 1. Cum intra diem ad iudicium executionem datum, D iudicatus Titio, agit cum eodem Titio, qui & ipse prius iudicatus est, compensatio admittitur; aliud est enim diem obligationis non venisse, aliud humanitatis gratia tempus indulgendi solutionis.

COMPENSATIO est debiti, & crediti inter se contributio, vel apertio; compensatio est per æris sui computationem ab ære alieno liberatio. Fit hodie compensatio ipso jure ex constitutionibus Imp. Olim fiebat tantum in iudiciis bonæ fidei ipso jure: in strictis non admittebatur. Post ex constitutione D. Marci, ut est in Inst. admissa est compensatio etiam in strictis iudiciis, non quidem ipso jure, sed beneficio exceptionis doli mali. Et ad extremum placuit generaliter in omnibus iudiciis tam strictis, quam bonæ fidei compensationem fieri ipso jure, *l. 4. l. 3. l. 2. l. 1. & ult. hoc tit. l. 4. §. 5. & 6. & ult. C. eod.* Moribus Gallie non fit ipso jure, ac ne remedium quidem exceptionis, sed ex rescripto principis nominatim, *par lettres de chancellerie*, non potest uti compensatione sine unde petitur, nisi id princeps nominatim concedat. Jure nostro, id est, Romanorum, compensatio in omnibus iudiciis fit ipso jure. Et hoc est quod ait Papinianus *l. 36. de administrat. tut. æquitate, metum jus compensationis inducere*, hoc est, compensationem fieri ipso jure, mero jure. Et ideo, si ego a te acceperim 100. ex aliqua causa, & tu mihi debeas 30. ipso jure non debeo 100. sed 70. tantum, quia æs tuum minuit æs meum ipso jure, & ex 70. tantum usura debebuntur ex mora in bonæ fidei iudiciis: vel ex stipulatione in strictis, *l. 1. r. & 12. hoc tit.*

Item

Item si per errorem 100. solvero, condicam 30. quasi ipso jure indebita: ac propterea, si petas 100. plus petis, & causa cadis, quia compensatio ipso jure minuit obligationem, vel, ut ait eleganter *l.4. h. n. si totum petis, male petis*. Male petere in jure, est plus petere vel summa, vel causa, vel tempore, vel loco, his modis plus petitur. Et minus recte Alciatus, & quidam alius, male agere dici cum, qui utitur ea actione, quæ exceptione elici potest: nam hic agit perquam bene cum ipso jure actionem habeat, nec sane ob id quod agat actione, quæ exceptione elidi potest, incidit in penam, quoniam potest omitti exceptio a reo, atque ita actor ad id quod intendit pervenire: male agere semper, est plus petere, & in litis amittendæ penam incurrere, *l.4. hoc tit.* Et ita etiam, qui ante diem agit, male agit, *l.1. Quando dies ususq. leg. ced. §. l. 36. de reb. cred.* Nihil autem agere dicitur cui nulla actio ipso jure competit, quæ res ei non est fraudi: si quis male agit, fraudi est actori: si quis nihil agit, res est extra periculum & penam. Sciendum etiam est compensationem fieri non cujuslibet debiti, non debiti incerti, ut in *l.22. hoc tit.* non debiti controversi: quo jure etiam utitur hodie, sed debiti confessi & certi, ut si quis in certam summam condemnatus sit vel confessus sit eam debere se: nam hoc casu liquidum est debitum, de quo videlicet constat sententia iudicis aut confessione debitoris. Et hoc etiam ostenditur in *l.3. de tut. §. rat. dist. l. ult. C. de compens.* Item sciendum est compensationem tantum fieri ejus, quod actor debet, ut si mecum agas, compensabo tantum quod mihi debes, non quod alii, puta Titio debes, etiam si id maxime Titius velit, *l. in rem, §. ult. b. l. 9. C. eod. tit.* Sciendum & hoc: si mecum agas, ut procurator Cæsaris in Asia, id tantum compensabo, quod Afriana statio fisci mihi debet, non quod mihi debet Africana statio, aut quod etiam alii debet Afriana, *l.1. Cod. h. tit.* Erant diversæ stationes, seu procuraciones fisci, & quidem quæque regio fiam stationem fiscalem habebat, & procuratorem suum seu rationalem: & ideo videbantur plures esse fisci, et si redirent omnes ad unum Principem, *l.1. C. de ne fisci, l.2. C. de solut.* ubi pro rationibus, leg. est *stationibus*. Si igitur Africana statio mihi debebat, & fiscus agat, compensabo quod illa mihi debet, non quod alia, quia sunt veluti duo fisci: & publice interest non confundi rationes principis, & stationes procuratorum Cæsaris. Ac similiter si mecum agas, ut heres militis ex castrensi bonis, cum alius sit heres in bonis paganis: id tantum compensabo quod defunctus mihi debuit ex causa castrensis, & non quod ex pagana. Finge, militem habuisse alia bona castrensia, alia pagana. Alium fuisse heredem castrensi bonorum, alium paganorum. Duæ sunt hereditates, castrensis & pagana; atque adeo duo quodammodo homines, paganus & miles, unus homo duorum vicem sustinet: duas hereditates fecerunt constitutiones principum, quæ sunt editæ de privilegiis militum, separando scilicet bona castrensia a bonis paganis, *l.25. §.1. fam. ere. l.19. §.1. de test. mil. l.2. C. eod.* Quia igitur duo quodammodo sunt patrimonium, pagani & castrense: paganus & miles; debitor castrensis si velit compensare, quod sibi debetur ex causa pagana, non audietur, quod in h. l. dicitur: non possum compensare cum actore, quod non actor, sed alius mihi debet, & hic utique alius mihi debere intelligitur quod mihi debetur ex alia causa, quam ex qua convenior, puta, ex causa pagana, cum convenior ipse ex causa castrensis.

Ad §.1. Sciendum est, compensationem tantum fieri præsentis debiti ac puri: nam quæ debentur in diem, debentur quidem, etiam si nondum sit nata obligatio, sed illud debitum nondum peti potest, & ideo ante diem non compensatur, quamvis illud sua die dari oporteat, *l. quod in diem, hoc tit.* necesse autem est, ut dies sit appositus obligationi ab initio: nam si obligatio pure contracta fuerit primum, & deinde humanitatis gratia datus sit dies debitori ad solvendum, sane etiam ante hanc

A diem, ejus quod debetur recte fit compensatio, quoniam inspicimus initium obligationis, quæ quidem obligatio pura fuit ab initio, & dies, qui postea debitori ad solvendum datus est, humanitatis tantum gratia datus est. Finge nunc: Titius mihi condemnatus est: iudicati quidem faciendi certa sunt tempora: olim fuere iusti dies 30. ex duodecim tabulis, qui dies dicebantur tempus modicum, hodie tempus est immodicum: nam dantur quatuor menses ex Justiniani constitutione. Qua de causa moribus nostris nulla hodie servantur tempora iudicati faciendi, & nisi iudex diem iudicati faciendi dixerit, fit statim iudicati executio, potestque statim conveniri reus. Et sane Justiniani constitutio relata in *l.2. C. de usur. rei jud. ab æquitate* 12. tab. abhorret, quæ scilicet hæc erat, quia nihil erat damni in mora modici temporis 30. nempe dierum, qui quidem dies 30. non erant iudicato invidendi, quod nulla videretur creditoris esse frustratio. At ex Justiniani constitutione fecus est, & videtur in ea esse quædam inhumanitas, cum maximum sit damnum creditoris in mora quatuor mensium. Quod si dixeris esse humanitatem, eam immodicus dicas necesse est. Quæ ex causa nulla hodie servantur tempora iudicati faciendi, nec usu recepta Justiniani constitutio, imo nec jus 12. tab. nam si sequendæ essent hæc in re leges, sane Justiniani constitutio, quæ postrema est, sequenda esset, quæ cum ab æquitate abhorreat, meritis respuitur ac rejicitur. Sed ad legis speciem redeamus, & ita fingamus: Titius mihi condemnatus est in certam summam, & ago cum illo eo nomine: post tempore iudicati, sed mei gratia nondum exierunt tempora iudicati faciendi: an intra ea tempora Titius mihi poterit compensare, quod vicissim ei debeo ex causa iudicati? Et eleganter in hoc §. definit Pap. etiam ante diem iudicati faciendi recte fieri compensationem, quoniam ab initio pura fuit obligatio, & tempus, quod indulgetur iudicati faciendi gratia, id leges indulgent humanitatis intuitu, & ut Græci dicunt, *φιλανθρωπίας οὐκ ἔχοντες*. Idem omnino dicendum est, si pura fuerit obligatio, & humanus creditor laxiorem diem ad solvendum debitori suo dederit: nihilque refert, an lex, an creditor humanitatis gratia post contractam puram obligationem, ampliorem diem reo ad solvendum dederit: nam ante eum diem utique semper admittetur compensatio. Atque ita ex facto contingit in quadam lite cui ego interfui, ex qua intelligitur quemadmodum sit utendum legibus nostris. Species talis est: Centum mihi debes ex causa iudicati (nulla servantur hodie iudicati faciendi tempora) itaque iudicatum statim exequi possum confessionemque ea 100. quæ mihi debes exigere: sed tamen rogatus distuli petitionem in biennium. Interim vero ego ex novo aliquo negotio debeo tibi aliquid, puta 40. quide ex causa iudicati, quæ quidem 40. tu confestim petis tibi solvi: impetro libellum compensationis a principibus: an ex eo uti possum compensatione? Tu dicebas, biennium nondum præterisse, atque ita nondum venisse diem, quodque in diem debetur non venire in compensationem. Ego vero contendebam, aliud esse, non venisse diem, qui fuit ab initio in obligatione, aliud vero esse, non venisse eum diem, quem ego rogatus tibi humanitatis gratia dederam, indulsieramque, cum pura esset præsentique obligatio; nam hoc casu ante eum diem, quem scilicet ipse humaniter indulsi, recte me uti posse compensatione. Et hæc est Papiniani nostri in hoc §. ult. sententia, cuius quidem auctoritate vicimus, hancque controversiam terminavimus. Superest ut interpretemur *l.36. de adm. §. peric. tut.* quæ opponitur sententiæ *d. l.16.* quæ tamen est ejusdem Papiniani, & ex eodem libro.

Ad L. XXXVI. de Administ. tutor.

Inter tutores divisa tutela est: æquitas, quæ merum jus compensationis inducit, propter officium agentis tutoris non differtur. Nam divisio tutela, quæ non iuris, sed juris est.

invalidationis est, modum administrationi facit, & inter ipsos locum habet, nec ex peritis cum pupillo volentibus obflare debet.

Finge: Duo sunt tutores pupilli: unus rerum urbanarum, alter rerum provincialium: Ita divisit iudex administrationem inter tutores, ut alter res urbanas administraret, alter provinciales, & agit mecum tutor rerum urbanarum: id sane compensabo, quod debet mihi pupillus ex causa contractusque urbano. An etiam compensabo quod mihi debet ex contr. provinciali? sic videtur: quia est propria quaedam ratio in pupillo, quæ non est vel in procuratore Cæsaris Asiæ Ditecescos, vel in militis herede castrensiu bonorum aut paganorum. Primum enim nulla constitutione bona pupilli sunt separata: unum est patrimonium pupilli: constitutionibus separantur bona castrensia a paganis, quæ quidem ad unum militem pertinent: sed non separantur bona pupilli urbana a provincialibus. Una est hereditas: & natura non fert sine constitutione speciali, ut unus hominis sint duo patrimonia: ac præterea non sunt diversæ stationes pupilli, non diversæ procuraciones, non etiam sunt duæ tutelæ, et si sint duo tutores, una est tutela ipso jure indivisa: divisio tutelæ non fit ipso jure, sed a magistratu, ut commodius res pupilli administrantur. Et hoc est, quod ait Papinianus in *h.l.* divisionem tutelæ non juris esse, sed jurisdictionis, hoc est, fieri a magistratu, non ipso jure: hoc est certum. Divisio quidem nominum inter coheredes fit ipso jure ex 12. tab. pro portionibus hereditariis: & ideo nomina non veniunt in iudicium familiaris eriscundæ, quia ipso jure divisa sunt, *hæc qua, C. fam. erc.* Divisio autem tutelæ non fit ipso jure inter tutores. Concludamus igitur: divisio tutelæ, quæ non fit ipso jure, non potest impedire compensationem, quæ fit ipso jure: & ideo si agit tutor rerum urbanarum, is, cum quo agit nomine pupilli, recte compensabit, quod sibi a pupillo debetur ex causa, & ex contractu provinciali: imo id ipsum jus merum compensat: & hoc est quod ait Pap. *inter tut. C. c.* Sequitur, *Propter officium*, id est, quod tutor qui agit, fit tantum ex divisione tutelæ administrator urbanarum rerum, hoc non impedit compensationem, id est, hoc non efficit, ut non compendatur ipso jure quod pupillus ei cum quo agit debet ex causa provinciali. Et eleganti ratione utitur hic Papin. Nam *divisio tutelæ, quæ non juris, C. c.* id est, divisio tutelæ: modum administrationis facit, hic est effectus divisionis tutelæ, quæ fit a magistratu, ut sciatur quod quisque administrare debeat, & hunc modum administrationis a magistratu præsumitur observant tantum inter se tutores, non etiam alii, puta, creditores vel debitoribus pupilli. Et ideo hæc divisio experiri cum pupillo volentibus non obstat. Experiri commune est reo & actori. Et ideo reus cum quo agit tutor rerum urbanarum propter divisionem tutelæ, non prohibetur compensare quod sibi debetur ex contractu provinciali. Non porrigitur hæc divisio ad alios, qui rei non interfuerunt: atque ideo recte ei solvit tutor rerum urbanarum, & quod solverit pupillo reputat recte, *l. Titium, §. ult. h. t.* Est igitur aperta lex, quæ prima specie videtur obscura. Nec est quod objicias *l. 2. C. si ex plur. tut.* quæ sola lex objicitur. Finge: inter tutores divisa est tutela. Agitur cum tutoribus hujus provincie, vel etiam tutores hujus provincie agunt cum debitoribus pupilli nomine: an ceteri omnes tutores de aliis provinciis in iudicium producendi, ut liti subsistant? Pone pupillum habuisse plures tutores in provinciis pluribus, & uni res Italicas, alteri Syriacas commissas esse. An si creditor pupilli cum tutore Italice rei agit, etiam alter tutor rei Syriacæ in iudicium producendus erit, ut cogatur liti subsistere? Minime. Et nihil est præterea in *h. l. 2.* hoc vero non obstat iis, quæ a Pap. proponuntur in *h. l. 36.* nam fateor quidem non omnes tutores liti subsistere debere, quam scilicet patitur tutor unius provincie: sed an ideo sequitur tu-

A torem unius provincie non posse conveniri nomine pupilli ex causa seu contractu alterius provincie? Minime, nec sane hoc dicit lex, sed hoc vult tantum, cum agitur de bonis pupilli, satis esse, si lis infinetur tutoribus ejus provincie, ubi agitur: non omnes producendos esse ad iudicium, nec litem infnuandam esse aliis provinciis: Sed si tutor unius provincie agit ex obligatione alterius provincie, quæ non pertinet ad ipsos administrationem, jure quidem agit, sed repellit potest exceptione, quod immisceat se rei ad se non pertinenti, *l. 4. h. t.* sed si cum eo agatur, veluti cum tutore urbano ex causa provinciali, non poterit uti tutor ulla exceptione adversus creditorem provinciale, quia non creditores provinciales, sed ipsi tantum tutores adstringuntur divisioni tutelæ.

B Ad L. I. de Probat.
Quotiens quaeretur genus vel gentem quis haberet, nec ne eum probare oportet.

In controversia aut lite hereditatis legitimæ incidit *l.* sæpe quaestio de genere, aut dum hi, qui gentis jura sibi vindicant hereditatem, negantur esse ex ea gente, vel dum negantur genus & gentem habere. Servi neque genus neque gentem habent: liberi vel ab iis orti gentem non habent: nam gentem hi soli habent, quorum majores nemini servitutum servierunt. Et in ea quaestione Papinianus ait, ei incumbere onus probandi, qui dicit se genus vel gentem habere: dicit gentem vel genus, ut *T. Livius l. de patriciis, nos solos gentem habere, C. c.* Objicies huic definitioni Novellam 36. quæ ab utraque parte admittit probationes, & ab ea, quæ negat, & ab ea, quæ dicit se gentem vel genus habere, sive agit, sive conveniatur: Nam, ut est in *l. 2. Et incumbit probatio, qui dicit, non qui negat*: quo loco addendum, sive agit, sive conveniatur, ex *l. in excep. hoc t.* Sunt negationes quædam, quæ vim affirmandi habent, quarum etiam incumbit probatio; ut si quis neget emancipationem filii jure factam *l. 8. h. t.* vel neget adversario licere procuratorem dare *l. 5. h. t.* si quis neget se Luteriæ fuisse eo tempore, quo cædes facta, *l. pen. C. de cons. sup.* si quis neget testatorem fuisse sanæ mentis, *l. 5. C. de epidic. negationes*, inquam, quæ vi sua affirmationes sunt, ut si nego te gentem aut genus habere, vi ipsa affirmo te servum esse: dum nego jure factam emancipationem, vi ipsa affirmo te in alterius esse potestate, & ideo etiam ex parte tua non improbe admittetur probatio. Sed si quis rursus objiciat d. Novell. ad id objiciam, probationem potissimum exigi ab eo, qui dicit se gentem vel genus habere: sed non ideo minus exigi probationem ab adversa parte, si quidem pleniorē habeat: & novum non esse ut probationes ab utraque parte afferantur, *l. fallaciter, C. de probat.* Objicies *l. 15. h. t.* quæ onus probandi confert non in eum, qui dicit se gentem vel genus habere, sed in adversarium, qui negat, & proponit vasum hominis ingenium, qui dicit se Titii filium, atque ita ejus hereditatem invasit, & in crimen falsi incidit, quod genus & parentes finxit, teneturque pena *l. Cornelie de falsis, l. falsi, ad l. Corn. de falsi, Paul. v. Sent. tit. eod.* urque magis fraudem occultaret fratribus defuncti ad quos redibat hereditas, quasi ex mandato patris fideicommissum solvit, & ab iis apocham soluti fideicommissi extorsit, cum existimarent esse verum filium fratris. Qua fraude cognita agunt petitione hereditatis in eum, idque merito, quia pro possessore possidet: sed ut ait *l. 15.* necesse habent probare, eum non fuisse filium defuncti; nec ab eo exigitur probatio se fuisse filium. Et hoc ideo fit in specie *d. l.* quia apocham, seu professio fideicommissi soluti, præsumptionem pro eo facit, qui finxit se filium Titii, & in jure semper observatur, ut præsumptio, quæ pro uno facit, transferat onus probandi in alium, *l. 24. §. si petimus, de fideic. libert. l. ult. in princ. quod non. caus.* Placet autem quod ait *d. l. 15.* quasi mandatu defuncti fideicommissum soluisse: nam *mando* verbum est fideicommissi precarium, non dire-

directum, l. 2. C. de leg. & sane perficitur fidei-
commissum his verbis, *Rogo, mando, sicut & manda-
tum, l. 2. mand. l. 16. C. de neg. gest. l. quidam, de hered.
inst. Virgil.*

--- orans mandata dabis.

in quo Virgilium admiror, quod ambiguitatem verbi
ero, sustulerit addens, *mandata dabis*: nam oro modo pro
mandato est, modo pro hortatione accipitur, *l. si servi
mei, de neg. gest.* ubi hujus verbi duplex significatio ap-
prime declaratur. Obijcies, quod ait Accursius, impossi-
bile esse probare genus, se esse filium illius: & adduces
l. Lucius 83. de consit. & demonstr. Filius suus pure est in-
stitutus, aut sub conditione possibili. Nam si filius suus
instituitur sub conditione, quæ in potestate ejus non est,
inutilis est institutio, & nullum testamentum. Finge:
filium institutum esse sub ea conditione, si filium se
probaret: non valet institutio, quia non est in potestate
ejus hoc probare. Hinc colligitur Accursius non esse in po-
testate nostra probare genus: perperam: nam non quodcum-
que non est in potestate nostra est impossibile; ut si
navis ex Asia venerit, non est impossibile, etsi in nostra
potestate non sit: Neque vero distinguo inter patrem
& matrem: ut tentat Accursius, nec diffingo inter altera
difficilior esse. Probare est persuadere iudici: adversario
nunquam probabimus. Sed non contingit semper, ut
voluimus. Conditio igitur, quæ injungit probationem,
non est in nostra potestate, est tamen possibilis: est autem
generis seu gentis nomen ambiguum: nam genus
est vel a loco, vel a patre, uti memini me legisse in In-
stitutionibus Porphyrii. Possit & genus a matre me non
refragante deduci, *l. 6. C. de reb. ered.* Gens igitur loco,
vel a majoribus est. Et inde similiter gentilis dicitur
mihi, qui eodem loco eademque patria ortus est, quæ ego
sum: & ita Gellius l. 17. cap. 17. duas & viginti linguas
Mithridatem percalluisse non minus, quam si gentilis
fuisset, hoc est, ex eadem patria. Item gentilis est, cui
nomen familiae idem est, quod mihi: veluti Marco Tulio,
Tullius Hostilius, Titus Cæsar, Julius Æneæ filius.
Agnatio ex una stirpe manat, gens vero ex pluribus.
Ideoque proximiores nobis sunt agnati, quam gentiles,
qui ultiores sunt, nec adeo certi atque agnati: agna-
tio enim ex una familia constituitur, gens ex pluribus
& innumeris: atque ideo l. 12. tabula prius vocantur ad cura-
tionem furiosorum agnatos quam gentiles, *l. 33. saepe, de
verb. signific.* & iisdem legibus ad legitimam hereditatem
primum vocantur agnati, deinde gentiles. Si intestatus
moritur, cui suus heres nec extabit, *agnatus proximus
familiam habeto, si agnatus nec erit, gentilis proximus
familiam habeto.* Jus igitur agnationis, quod & stirps di-
citur, gentilitatis jure proximus est. Jus autem cognati-
onis leges 12. tab. non novere: Prætores vero illud no-
verunt, sed ei gentilitio jure sublatum, gradum locumque
postremum post agnatos, dederunt. At Justinianus No-
vella sua 118. c. 4. parem eundemque gradum dedit agna-
tis & cognatis, voluitque ut proximior cognatus ulti-
mum agnatum a successione legitima excluderet, & re-
tro proximior cognatus, ulteriorem cognatum. De diffe-
rentia igitur generis & gentis, ita constituamus: agna-
tionem ex una stirpe seu familia: gentem ex pluribus
venire: Item agnationem proprio jure familiae suæ con-
tingeri: gentem communi jure sanguinis, petita ex longa
annorum & sanguinis serie. Cornel. Fronto: *gens ma-
jorum seriem quærit.* Item agnationis est communis fa-
milia, non etiam stirps. Et ineptissimi sunt, qui hoc in
loco gentis nomen referunt ad cognationem: nam gen-
tilitas amittitur quacumque capitis deminutione: co-
gnatio vero non omni capitis deminutione amittitur:
§. ult. Instit. de legitima agnat. tutel. Possit rectius gene-
ris nomen referre & ad agnationem, & ad cognatio-
nem, id est, ad lineam virilem, muliebremque.

Ad L. XII. de Vulg. & pupill.

Si filius, qui patri ac postea fratri ex secundis tabulis
T. om. IV.

A heres existit, hereditatem patris transset, fratrem autem
retinere malit; audiri debet: justius enim prætorem factu-
rum existimo, si fratres separationem honorum patris concess-
erit. Et enim jus dicenti propositum est liberos oneribus he-
reditariis non sponte susceptis liberare, non invitos ab
hereditate removere. Præsertim quod remotis tabulis se-
cundis legitimam haberet fratris hereditatem. Itaque le-
gata duntaxat ex secundis tabulis præstari debent, habi-
ta ratione facultatum in Calcidia, non patris, ut alias
soler, sed impuberis.

L Ex 12. de vulg. & pupill. multas res singulares com-
plectitur. Hoc primum scire oportet: filium fami-
lias patri suum heredem esse ex testamento, vel ab inte-
stato, hoc est, *ἐκ τῆς κληρονομίας*: quasi, non tam patris quam
sui ipsius hæres sit, quod vivo patre quasi dominus in-
telligatur, ideoque mortuo patre continuat dominium
in bonis relictis a patre, sibi quæ ipsi videretur succedere:
& eodem modo dicimus suum assentatorem, quasi sui
ipsius assentatorem: Item suum fratrem, quasi fratrem
sui ipsius, Seneca lib. 5. de benef. Ergo filius statim at-
que obiit pater, heres existit mero jure, ipso jure etiam
clausis tabulis testamenti, etiam invitus & ignorans,
*l. in suis, de liber. & post. l. 1. §. qui sunt, si quis omnia
caus. test. §. sui autem, instit. de hered. quas ab intest.* Exi-
stere est repente apparere, quod Græci *ἐνδοξαίνεσθαι*. Sui
heredes existunt confestim: Itemque necessarii heredes:
Extranei vero heredes, non ita subito existunt, sed mor-
tuo eo, de cujus bonis agitur, postquam deliberaverunt
& fecerunt etiam aliquid, quod declararent se heredes
C esse velle: neque enim tam jure sunt, quam facto, ut ere-
ctione, additione, vel gestione pro herede. His modis ex-
tranei acquirunt hereditatem: sui hoc solo, quod exti-
terint statim a morte testatoris, id est, quod apparuerint
heredes, & statim a morte testatoris apparuisse intelli-
guntur, etsi ignoraverint mortem parentis. Existencia
igitur, ut interpretes nostri loquuntur, sui heredis, seu
ἐνδοξαίνεσθαι illa quæ juris intellectum habet, & contingit
ignoranti & invito, species est acquirendæ hereditatis.
Hoc genere acquirunt sui heredes hereditatem, etiam
quiescentes aut dormientes. Ceteri autem, non nisi actu
interveniante aliquo. Etiam illud addendum est, filium
non tantum patri heredem existere ipso jure, sed etiam
fratri impuberi, scilicet, si & a patre substitutus sit se-
cundis tabulis, & eveniat casus substitutionis, hoc est, si
D frater ante pubertatem decesserit. Nam qui patri ex in-
stitutione invitus heres existit, existit etiam fratri ex
substitutione pupillari, *l. 2. §. prius, l. sed si plures, §. 1.
hoc tit. l. Julianus, §. 1. de acquir. hered. dum ait, utique,
si frater a patre fratri impuberi substitutus sit, sine dubio
ei necessarius heres erit, hoc est, invitus hereditati frater-
næ alligabitur, & utitur *πατρικῆς κληρονομίας*, utique sine du-
bio, ut id magis confirmaret. Et hæc quidem ita fe-
habent jure civili. Jure Prætorio five Prætoris beneficio
hoc datur filiofamil. si velit, quamvis jure civili sit ne-
cessarius heres, tum patris ex jure, tum fratris ex sub-
stitutione pupillari, ut se abstineat utriusque hereditate.
Jure civili non potest: jure prætor. potest se abstinere. Hu-
jus autem abstentionis hic erit effectus ut scilicet libe-
retur per exceptionem. Nam Prætor neminem liberare
E potest ipso jure, sed ut liberetur per exceptionem, a cre-
ditoribus hereditariis, a legatis, a fideicommissariis,
& veteris oneribus. Prætor ex æquo & bono liberat
eum, qui sua sponte heres non existit, *Lex necessarii,
de acquir. hered.* ait, eos jure civili creditoribus heredi-
tatis teneri, sed si velint abstinere, non dari adio-
nem. In jure sæpe non dari dicitur actio, quæ non da-
tur efficaciter, quæ datur cum exceptione perempto-
ria. Hic est effectus abstentionis, ut liberetur ab omni-
bus oneribus, posita hac exceptione, *si non me abstinui
bonis*, sed illud etiam non efficit abstentio, ut definit esse
heres. Obstat definitio seu regula juris in *l. ei qui solven-
do, de hered. instit.* quæ vult, ut qui semel heres existit,
non definit heres esse. Obstat & modus jurisdictionis*

nis Prætoris. Prætor non facit heredem, non dominum: & non efficit igitur, ut qui heres extitit, heres esse desinat data facultate abstinendi, & ideo quia abstinent se hereditate, nihilominus heres manet, *l. cum quasi, §. sed & si, de fideicom. libert. l. 6. §. si filius, de bon. liber. l. 2. §. sed si sint, ad Tertull.* Est igitur heres nudo nomine, sine re, sine emolumento, sine onere etiam ullo: & nullum tamen illud nomen heredis non caret effectu suo: sustinet enim secundas tabulas. Si nemo sit heres defuncti ex primis tabulis, nec re ipsa, nec nomine nudo, non valent secundæ tabulæ: sed si aliquis vel nomine nudo sit heres defuncto ex primis tabulis, valent secundæ, valent legata relicta secundis tabulis, quod hæc lex confirmat, & *l. filius, C. l. Julianus, de acquir. hered.* Valent igitur & tutelæ, & libertates, & omnia, quæ vel in primis, vel in secundis tabulis sunt: denique nudum nomen heredis sustinet, corroborat testamentum: quæ est communis opinio ac verissima. Miror Antonium G. dissentire, & huic legi non respondere, respondere tantum *l. Julianus*, in qua pupillus scriptus heres abstinent, atque ita tantum nomen retinuit, non rem: & tamen consistunt secundæ tabulæ, & comminiscitur in ea specie quod non extat in tenore legis pupilli, qui se abstinent miscuisse se bonis ab initio, mixtionem hanc confirmare secundas tabulas, non nudum nomen heredis, quod relinquunt post abstentionem: nihil debemus temere comminisci, supplenda sunt quedam, nobis, quæ scripta non sunt. Sed hoc totum quod hic scribit commentitium esse ex eo apparet, quod non possit in concordiam adducere *l. Julianus, cum l. paterfam. de reb. auct. jud. possid.* nisi in *l. paterfam.* dicas abstinentisse eum, qui ab initio miscuerit se bonis: in *l. Julianus*, qui se ab initio non miscuerat. Sed nec illud ferendum, quod adicit suum heredem ex testamento non esse: qui hoc scribit deducendi sunt ad Institutiones, ad §. *sui autem & necessarii, de hered. qual. & diff.* nihil est certius. Etiam illud non fero, ex *l. sed si plures, §. si ex asse, hoc tit.* liquere nudum nomen heredis non confirmare tabulas pupillares. Videamus ut liqueat, quod dicit Jurisconsultus: non confirmari secundas tabulas, id est, non confirmari secundas tabulas, si ita factum sit testamentum, ut ex eo hereditas adiri possit, sed necessariam esse additionem ex eo ait liquere, nudum nomen heredis non confirmare secundas tabul. vobis, ut puto non liquet, neque definitum est: nam de extraneo herede loquitur, qui hereditatem repudiavit, vel omisit non adeundo intra tempora: hic non retinet nudum nomen heredis: & ideo non consistunt secundæ tabulæ, quia nemo heres est nomine vel re: si quis nomine esset, utique consisterent secundæ tabulæ. Videtur nimium studium reprehendendi Bartolum, hic eum induxisse in errorem, sed nihil est verius quam quod ajunt nostri: existentiam sui heredis confirmare secundas tabulas, id est, nudum nomen heredis confirmare omnia, quæ scripta sunt & in primis, & in secundis tabulis. Id satis ostendit *l. nostra*. Primas tabulas dicimus testamentum patris, quo sibi heredem instituit: secundas testamentum filii impuberis, quo pater heredem ei substituit in hunc casum: si antequam pubes exisset, vita decesserit, si eo tempore decesserit, quo sibi testamentum facere heredemque in eo instituire non potest: & alii quidem, quam filio impuberi nemo recte testamentum facit: nec potest quidem pater filiofamilias puberi facere testamentum, cum possit sibi ipse facere pubes. Et moribus tantum receptum est, ut pater testamentum facere possit filio impuberi, quod valeat tantum ad pubertatem usque: & hoc testamentum appellamus secundas tabulas, vel substitutionem pupillarem. Et licet videantur esse duo testamenta, tamen ex Sabini sententia quæ ostenditur in *d. l. paterfamilias*, pro uno habentur. Quæ ita duo testamenta, quodammodo in unum confunduntur: & ideo in ponenda ratione legis Falcidie legata primarum & secundarum tabularum, relicta utroque testamento, quasi uno relicta confunduntur, con-

A tribuuntur, communi calculo subijciuntur, & ex his una Falcidia deducitur, si superent dodrantem hereditatis paternæ. Bona tamen paternæ, & bona pupillaria non confunduntur, unum enim est testamentum, sed duorum bonorum, duarum hereditatum, duarum causarum, §. igitur, *Inst. de pupill. subst.* Et ideo in ponenda ratione legis Falcidie computantur bona paternæ tantum, non pupillaria, quæ bonis paternis non miscuntur in quantitate patrimonii excutienda, sed spectatur tantum, quanti sint bona paternæ, nulla ratione habita bonorum pupillariorum, & si legata contributa superent dodrantem ejus quantitatis, cujus sunt bona patris, uni duntaxat Falcidie locus est. Igitur, ut dicam apertius, si omnibus legatis exsolvendis sufficiant bona patris, ut si omnia legata in unam summam redacta efficiant trecenta, & in bonis patris mortis tempore fuerint quadragesenta, cessat Falcidia, etiam si iisdem forte legatis exsolvendis non sufficiant bona pupillaria. Et contra si his legatis solvendis non sufficiant bona paternæ, ut si legata paternæ excedant dodrantem, vel assem bonorum patris, locus est Falcidie, hoc est, substituitur impuberis detrahit Falcidiam ex legatis relictis primis, vel secundis tabulis, & præter Falcidiam habet etiam bona pupilli integra & illibata. Falcidia igitur detrahitur tantum ex bonis paternis, siue primis, siue secundis tabulis relicta sint legata, quia de suo præstari legata voluerit: & non spectatur quid sit in bonis pupilli, sed tantum quid in bonis patris: & legata relicta secundis tabulis videntur relicta in primis in ponenda ratione legis Falcidie, ut sola bona paternæ estimantur, & ut quantitas sola bonorum patris conferatur cum legatis primarum & secundarum tabularum: quæ est definitio *l. in ratione, §. quod vulgo, ad l. Falcid. l. coheredi, §. coheres, hoc tit.* Et hæc regula juris demonstratur in hac *l. his verbis: ut alias solet.* Sed non servatur in specie hujus legis. Nam hic legata relicta secundis tabulis præstantur ex hereditate pupillari, & in inuenta ratione legis Falcidie computatur hereditas pupillaris, non paternæ. Huiusce autem legis facio duas partes: una est de secundis tabulis, an ex eis hereditatem possit obtinere is, qui renunciavit primis? Altera de legatis relictis secundis tabulis, an debeantur, & si debeantur, an præstentur de pupilli bonis, & an in ponenda ratione Falcidie habeatur ratio hereditatis paternæ? Explicabo hodie priorem partem. Finge: Sempronio duo sunt filii, unus pubes, alter impubes: puberem heredem instituit ex asse, vel ex parte, adjecto coherede extraneo: filium vero impuberem exheredavit, si impubes ante pubertatem vita decesseret: licet substituere etiam hoc modo exheredato, quia possunt ei esse aliqua bona adventitia: deinde pater eundem filium sibi, & filio impuberi heredem fecit, filium scilicet puberem, qui mortuo patre ei heres extitit statim: deinde fratri impuberi mortuo, etiam heres extitit statim: postea quidem utriusque bonis se abstinere beneficio Prætoris, at non vult utriusque, sed patris tantum. Queritur an possit? Papinianus ait, Prætozem, ex cuius jurisdictione manat abstinendi facultas (neque enim est hæc facultas ex jure civili) iustus facturum, si id ei permiserit: ut relinquat bona paternæ, & amplectatur fraternæ. Nam, ut ait, edicto, quo Prætor abstinendi potestatem facit, hoc ei propositum est, ut liberos solvat oneribus, quæ inviti susceperant, quasi heredes necessarii, dum repente heredes existunt, non etiam, ut removeat eos ab hereditate, quam amplecti desiderant. Atque ita in hac specie filius pubes non removebitur invitatus ab hereditate fratris impuberis, id est, non removebitur a secundis tabulis, quamvis exoneratus sit primis, nec quo minus patris repudiet hereditatem impeditur. Obsequi Prætor vult voluntati liberorum, non ei obfistere: quinimo ei propositum est obfistere incommodis eorum, non etiam commodis, & abstentionis beneficio eos exonerare, non onerare aut lædere. Et hoc est, quod ait in primore parte hujus leg-

dein-

deinde ait, in filio si fratre esse præcipuam quandam rationem, ut etiam si spreverit paternam hereditatem, retineat fraternam, quia omnimodo habiturus erat fratris hereditatem ab intestato. Omnimodo, id est, etiam deficiente voluntate patris, seu pupillari substitutione. Unde ita concludamus: Qui spernit paternam hereditatem, non ideo protinus removetur ab alia hereditate, quæ ei delata est iudicio & voluntate patris, si & citra voluntatem patris habiturus eam fuerit: & frustra removetur a substitutione pupillari, qui mox ipso iure ad eam hereditatem est perventurus. Et sane non invidemus commodum substitutionis pupillariæ, cui non potest ea res eripi, qui non potest non esse heres fratris impuberis. Et hujus prioris partis velut brevis summa est in *l. filius, de acquir. heredis*. *Filius*, inquit, *qui se paternam hereditatem abstinuit, si exheredatus frater hereditatis se immiscuerit, & pro herede gesserit, poterit ex substitutione hereditatem obtinere*. Hæc lex, inquam, definitio est prioris partis hujus legis. Ideoque posui filium puberem substitutum filio impuberi exheredato, sicut *l. filius*, quæ, ut jam dixi, hujus *l.* brevis comprehensio est. Alii ponunt puberem filium institutum ex una parte, substitutum filio impuberi ex altera parte instituto, id est, coheredem coheredi substitutum fuisse: si intra pubertatis annos decesserit, & ab eo bona separari possit, ita ut recuset paternam, & retineat fraternam, si locus sit substitutioni. Id vero ratio non patitur: neque igitur ita species apponi potest ad hanc legem. Nam ita posita specie, non potest reculare hereditatem patris, quin & recuset fratris, quia portio hereditatis paternæ quam recusavit adtreceit impuberi fratris: atque ita in personam impuberis confluent omnia bona patris, & commiscerentur ceteris bonis pupilli, ut substitutus, qui non vult bona paternam, non possit etiam habere fraternam: confusa enim sunt bona in una persona, & unius personæ hereditas scindi non potest, ut pro parte habeatur, pro parte non habeatur. Nam nec legatum quodlibet scindi potest, non possimus honorem, quem nobis moriens reliquit, scindere superbe, & ut totum aspectu oportet, aut totum reculare. Et ita in extraneo herede substituto filio impuberi heredi instituto ex æsse aperte definitum est in *l. sed si plures, §. filio, hoc tit.* & definiendum idem in fratre coherede, quia eadem ratio in utroque intervenit, quod junctæ & coadunatæ sint hereditates in personam filii, & jam una est, quæ scindi nequit. Et illi etiam censent non distinguendum esse in hac re inter extraneum, & fratrem: quod probò: sed illud non probò: ut hoc accipiatur de filio impubere, qui pro parte patri heres extitit: est enim intelligenda, ut dixi, de impubere exheredato; & ideo maneam dco esse laborem illorum, dum quarunt rationem conciliandæ hujus *l.* cum *§. filio*: neque etiam specie ulla pugnant iuricem: non enim est utraque de substituto coheredis, sed ille *§. de filio tantum*, hæc autem *l.* est de substituto exheredato. Substitutus coheredis nullo modo potest inducere separationem bonorum; substitutus exheredati facillime, quoniam hereditas patris, quæ se abstinuit, non adcrevit exheredato, sed bona venierunt a creditoribus, *l. patres de priv. cred.* Videamus tamen quam conciliationis rationem adinvenerint, nulla cum effectu. Distinguunt abstentionem a separatione bonorum, & dicunt in hac *l.* agi de separatione: at in *d. §. filio*, agi de abstentione: hunc esse modum concordie. Perperam: nam abstentio, quæ ab eis fingitur fuisse in *d. §. filio*, in eod. *§.* palam dicitur separatio: &, ut breviter dicam, ait, *si filio impuberi heredi ex æsse instituto substitutus quis sit secundis tabulis, hic substitutus non potest separare hereditatem: & substituit, idem esse si coheres coheredi impuberi substitutus sit: idem igitur esse, ut non possit separare hereditatem, & nihil est præterea in *d. §. nihil, de abstentione*, rotus *§. est de separatione*. Si verum amamus, nullum est discrimen inter separationem & abstentionem: Nam separatio nihil aliud est, quam horum bonorum abstentio, & illorum retentio. Qui abstinet se bonis paternis & an-*

Tom. IV.

A plebitur fraternam, utique separat bona, sicut qui repudiat hereditatem paternam, & adit fraternam, id est, pupillarem hereditatem. Nam qui apprehendit fraternam, averatur paternam. Igitur diversa illi faciunt, quæ sunt plane eadem. Sed demus esse diversa, juvat scire quam constituant rationem differentie. Horum differentia hæc est: is, qui se abstinuit bonis paternis removetur a pupillaribus, ne videatur partim improbare iudicium defuncti, partim approbare, & scindere; quod est absurdum, *l. 7. de bon. lib.* Et ita accipienda est secunda pars *d. §. filio*. Altera est: is, qui impetravit separationem bonorum, non improbat iudicium defuncti, & ideo non removetur a substitutione pupillari, ut in hac *l.* & abstentio & separatio impetratur a Prætoribus: & sive abstentio impetres, sive separationem, quid aliud agis, quam, ut partim probes, partim improbes iudicium defuncti: non minus id agis, si separes bona, quam si te abstineas a bonis paternis? Hæc igitur ratio differentie non est idonea: in ea igitur non est insistendum: res est clarissima: non eadem est species hujus legis, quæ *§. filio*. Hæc lex est de substituto exheredato, qui si se abstinuit paternis bonis, non removetur propterea a fraternis, quæ omnimodo habiturus esset, etiam si non fuisset substitutus. In *d. §. filio*, agitur de coherede substituto coheredi, qui si omittat hereditatem paternam, nec pupillarem habebit, ne eandem unius personæ pecuniam scindat. Verum ut nihil ad hæc desideretur, nobis sunt diligentius explicandi tres casus, qui proponuntur in *d. §. filio*, & in *§. seg.* Hi tres casus sunt diversi a casu hujus C legis, ideo distinguendi accurate, ne quid nos perturbet. Prior est, filio impuberi instituto ex æsse quidam substitutus est secundis tabulis: nihil refert bono casu quis ille fuerit, extraneus, aut frater. Nam quicquid fuerit, si pupillus se non abstinerit ab hereditate patris, a quo fuit institutus ex æsse, & obierit impubes, substitutus ejus non potest separare hereditates, ut patris habeat, fratris non habeat, sed utriusque hereditatem, aut neutrius habere debet, quia in una persona juncta esse coepit hereditas. Et hoc ut dixi, si filius impubes non abstinerit se bonis paternis. Quæro quid sit dicendum si institutus ex æsse abstinerit se bonis paternis, & alia habeat bona, si moriatur ante pubertatem, an substitutus cogetur respondere creditoribus paternis? Julianus putat obligari, *l. Julianus 42. de acquir. hereditate*, cujus sententia merito reprehenditur a Marcello, quia hæc sententia impugnatur utilitatem pupilli, quandoquidem efficit, ne quis pupillo velit heres esse ex substitutione, si substitutus cogatur ferre onera patris, qui nihil tulit ex ejus bonis, cum iis se abstinerit pupillus cui succedit: nemo vult heres esse pupillo sub hac conditione, sed repudiabit, aut etiam si possit venire ab intestato, ut si substitutus sit fratri, omittet causam substitutionis, & ab intestato veniet ad hereditatem, quod faciet impune, id est, non incidet in edictum *si quis omissa causa testamenti*. Cujus hæc est sententia, ut qui omissa causa testamenti, ab intestato vult succedere, perinde obligetur, ac si ex testamento succederet: nam cum mutando causam successionis voluerit fraudare creditores & legatarios, æquum est, ut & ipse hac spe multetur per hoc edictum, *l. si duo heredes vob. ff. si quis omis. cau. testam.* & hoc obtinet tantum, quoties dolo malo id fecit propter suam compendium, & detrimentum alterius: neque enim cuiquam interdum est, ut omittat hereditatem, si sine fraude id fiat, *l. quia autem, §. si patronus inf. eod.* In specie *l. Julianus*, fraude caret, quia id facit, non ut evitet onera, qui mavult succedere ab intestato, sed ut vitet onera patris, quæ etiam iniquum erat in eum confecti, cum ex bonis parentis nihil habeat ob abstentionem pupilli: & quod de fratre notat Marcellus, recte Ulpian. interpretatur de fratre patris, id est, patruus impuberis. Nam frater impuberis cum sit necessarius, non posset omittere causam substitutionis sine beneficio prætoris. Ergo concludamus. Qui ex

substitutione pupillari obtinet bona pupilli & se abstinent bonis paternis, non cogitur respondere creditoribus paternis, cum commoda non fenderit. Sed huic definitioni adversatur *l. paterfamil. de priv. cred.* quæ aperte docet, pupillo se abstinente bonis paternis, substitutionem ei succedente ex causa substitutionis, substitutionem teneri creditoribus paternis, quibus tamen non tenebatur pupillus ob abstentionem: & res difficilis est, nisi ita distinguamus, Aut pupillus, qui se abstinent bonis paternis, miscuerat se ante his bonis: & hoc casu, si substitutus adierit hereditatem pupilli, obligatur etiam invitatus in omne æs alienum patris & filii, quasi unum testamentum, & abstentio filii ei proficiat soli, non substitutioni ejus: & pupillum miscuisse se bonis paternis ab initio, hoc est, priusquam se abstineret: hoc dicit aperte *l. paterfamilias*: hoc non fingimus. Lex autem *Julianus* non exprimit an miscuerit se pupillus, necne bonis paternis ante abstentionem. Dicam igitur potius se non miscuisse pupillum in *d. l. Julianus*, & hoc casu abstentionem proficere substitutioni: abstentionem, quam non præcessit mistio ulla, porrigi & ad substitutionem, ut non teneatur creditoribus paternis. Secundus casus §. filio hic est: Coheres coheredi impuberi substitutus est: hoc casu nihil interest, substitutus sit filius aut frater. Si substitutus recuset bona patris, remouetur a bonis pupilli, quia iuncta esse ceperunt in persona pupilli: & contra si agnoverit bona patris, necesse erit agnoscere pupilli bona, *l. quidam, C. de jur. deliber.* Denique non potest substitutus inducere separationem: nec igitur hic casus apponi potest ad *l. nostram* quæ admittit separationem: hic enim casus est de substituto coheredis, lex nostra de substituto exheredati. Tertius casus §. si ex asse, est: Heres institutus ex asse substitutus est filio exheredato, & recusavit hereditatem paternam. In hoc casu distinguere debemus omnino, ac separare extraneum a fratre. Et primum loquamur de extraneo. Finge igitur: Hic extraneus institutus est ex asse impuberi substitutus repudiando hereditatem paternam, non habet substitutionem vulgaris: an potest capere hereditatem pupilli, si casus substitutionis existat? Minime, quia nulla est institutio. Si nulla est institutio, nulla est substitutio. Si nullum testamentum patris, nullum est filii: nullum est autem testamentum patris, nullum desinitur & repudiari: nec ullus est heres, vel re, vel nomine. Sed si fuerit suus heres ex asse, & abstinerit, non impeditur capere hereditatem pupillarem, quia valet substitutio pupillaris: nam licet substitutus abstineat se bonis paternis, sustinet tamen nudum nomen heredis, quod non admittit abstentio. Et ad hunc casum pertinet *lex quasitum 40. de acquir. vel omitt. her. l. filius 24. eod. tit.* quæ congruit cum *l. nostra*, *lex quasitum* pugnat omnimodo: ergo & cum *l. filius*. Suat duæ illæ affines, quæ pugnant invicem. Heres institutus est a patre, idemque substitutus impuberi filio: substitutus nihil attingit ex hereditate patris: queritur, an cogatur respondere creditoribus paternis, si propter voluntatem patris aliquid aliud habeat, vel faciat, ut puta, quia impuberi filio fuit substitutus, & immiscuit se hereditati impuberis: hanc hereditatem habet ex iudicio & voluntate patris, qui eum filio impuberi substituit, an propterea obligatur creditoribus patris? videtur obligari, quia incidit in edictum, de quo ante egimus, scilicet, *si quis omis. caus. test.* quod tamen prima specie non videtur: nam in illud edictum incidit secundum verba, qui omittit causam testamenti, & possidet hereditatem ab intestato, sed secundum sententiam edicti & in edictum incidit, qui omittit institutionem & amplectitur substitutionem, *l. Julianus, si quis omis. caus. test.* Et similiter incidit in sententiam edicti, qui omittit hereditatem paternam, & amplectitur pupillarem. Si incidit, ergo tenetur creditoribus paternis, ac si attingisset hereditatem paternam. Denique ita concludit, aut si se miscuit hereditati pupillari, tenetur etiam creditoribus paternis: aut si sprevit hereditatem patris, nec quidquam consequitur ex substitutione; debet etiam filii

A hereditatem spernere, quia, qui iudicium patris semel oppugnavit, nihil debet consequi ex substitutione pupillari, id est, qui primas tabulas oppugnavit, dum eas rejecit & repudiavit, nihil debet consequi ex secundis. Sed distinguit Marcellus: Aut enim ex parte filius heres institutus est adjecto extraneo coherede, aut ex asse. Si ex parte & spernat hereditatem patris, non prohibetur capere hereditatem pupilli, quia non oppugnavit iudicium patris, cum habuerit coheredem, a quo sustinebantur primæ tabulæ, ne ruèrent, sed si fuerit ex asse institutus & repudiaverit hereditatem patris, repellitur etiam a substitutione, nec ex secundis tabulis quicquam obtinebit, quia evertit primas: aut si ex secundis tabulis speret lucrum, debet ferre onera primarum. Hoc vult *l. quasitum*: ex qua colligitur eum qui recusavit hereditatem paternam aceri a pupillari. Verum considerandum est, *l. filius* loqui de filio instituto & substituto fratri exheredato: quæ etiam est species *l. nostræ*. At *d. l. quasitum*, non loquitur de filio, licet memoret sape patris successorem: quod facit respectu pupilli, non heredis instituti, qui extraneus fuit: quæ est ultima animadvertio Accursii nostri ad *d. l. filius*, ut scilicet *d. l. quasitum*, de extraneo intelligatur, non de filio: nec sane querendum est alia conciliationis ratio. Enimvero si utraque lex de filio intelligatur, & quævis rationem componendi diffidit, frustra fueris diligens. Ceterum ratio differentia summa est: si filius institutus sit ex asse, & substitutus fratri exheredato, ap se abstinerit bonis paternis, non repellitur a substitutione pupillari propter priorem abstentionem, quia etiam non fuisset substitutus, quæ ratio non valet in extraneo, tamen successisset jure legitimo, qui cum evertit primas tabulas repudiando hereditatem paternam, ita plecitur ut cadat secundis, aut si commodum caperet secundarum tabularum, ferre etiam debet incommodum primarum, quæ est sententia *d. l. filio*. Intelleximus ex priore parte hujus legis, filium, qui se abstinit hereditate paternam, non repelli ab hereditate fratris impuberis exheredati, cui secundis tabulis substitutus est, & nihil obstat *l. sed si plures, §. filio, & §. si ex asse, hoc tit.* nihil *l. quasitum, de acquir. heredit.* posita differentia inter filium & extraneum: extraneum quidem institutum ex asse, qui omittit hereditatem paternam, non admitti ad substitutionem pupillarem. Filium, qui abstinit a paternam, frustra repellit a substitutione fratris: qui si repellatur, mox ad eam redit jure legitimo. Denique intelleximus non pugnare *l. paterf. de privileg. cred. cum l. Julianus, de acq. her.* posita differentia inter eum, qui miscet se bonis paternis, antequam abstineret, & eum, qui non miscuit se: nam si pupillus miscuit se bonis paternis, antequam abstineret, substitutus, qui impuberis hereditatem adit, obligatur creditoribus hereditariis: mistio nocet heredi pupilli, & abstentio soli pupillo prodest. Quod si pupillus non miscuerit se bonis paternis, abstentio liberat etiam heredem ab oneribus paternis. Tractemus de posteriori parte *l. filio* abstinente se bonis paternis & retinente permixtum prætoris substitutionem, & ita facta separatione bonorum, colligit Papinianus, sic fieri ut legata debeantur ex secundis tabulis, non ex primis. Fuere relicta primis, sed ea præstantur ex secundis, quia beneficio abstentionis liberatus est oneribus primarum tabularum, divisa sunt bona, divisa ergo erunt onera: pupillaria bona agnoscat, non paternam. Dices, non debentur etiam legata relicta secundis tabulis hac ratione, quia a substituto exheredati, vel etiam a legitimo exheredati herede legata inutiliter relinquuntur: non enim plus juris habet in substituto, quam in eo, cui substitutus erat: ab exheredato substituto, *h. ab exheredati, in pri. de leg. 1. l. qui fundum, §. qui filius, ad leg. Falc.* & in specie proposita, legata relicta sunt a substituto exheredati: sed decedat utiliter legata relinquunt a substituto exheredati, si & ipse substitutus sit institutus primis tabulis, *l. in ratione, §. uti. ad leg. Falcid. l. plane,*

in princ. de leg. 1. Et hoc loco filius substitutus fratri impuberi, a quo legata relicta sunt secundis tabulis, fuit etiam institutus primis tabulis, nec definit esse, quamvis abstinerit & per eum steterit, ne hereditatem haberet; neque enim prætor per beneficium abstentionis efficere unquam potest, ut qui semel heres extitit, desinat heres esse. Merito igitur debet legata a se relicta secundis tabulis. At quaeritur, si oneratus sit legatis, & ponatur ratio legis Falcidiae, Falcidia enim minuit onus legatorum: Quaeritur, inquam, in quibus bonis ponenda sit ratio legis Falcidiae? In ponenda ratione legis Falcidiae comparamus bona, ex quibus præstantur legata, cum ipsis legatis, & æstimamus quanti sint bona, quanti legata; & legata redigimus ad modum dodrantis, si exsuperent, ut heredi quadrans eorum bonorum superest: ponenda est igitur Falcidia: ratio in bonis. Sed in quibus an in bonis, quæ pater mortis tempore reliquit, an in his, quæ frater reliquit mortis tempore, cui substitutus est quis: an habebitur ratio bonorum paternorum, aut pupillarium? Si substitutus non abstinerit se bonis paternis, vel qua alia ratione bona paterna ad eum pervenerint, legata relicta primis, & secundis tabulis solvuntur habita ratione bonorum paternorum, non pupillarium, id est, eorum bonorum, quæ pater reliquit mortis tempore; non spectabitur quanti sint pupilli bona, sed quanti sint bona patris mortis tempore, ut ecce si legata omnia primarium & secundarum tabularum permixta superarent dodrantem bonorum paternorum, detraheretur vel suppleretur Falcidia, id est, quadrans bonorum paternorum, etiam si opulenta esset hereditas pupilli, & ita institutus haberet Falcidiam bonorum paternorum & integram pupilli hereditatem. Quod si legata non excederent dodrantem bonorum paternorum, non detraheretur Falcidia, etsi per se inspecta legata secundarum tabularum ampliora essent bonis pupillaribus, & absumerent bona pupillaria, quod fit idonea hereditas patris, quæ sola intenda est: atque ita substitutus teneretur legatariis secundarum tabularum ultra vires hereditatis pupillaris, *l. in ratione, §. quod vulgo, ad leg. Fal. l. coher. §. coher. de vulg. & pup. subst. l. non solum, §. ult. de liber. leg.* quæ legata relicta secundis tabulis in hac parte juris, quæ est de Falcidia & detractio legatorum, perinde habentur, ac si essent relicta primis tabulis, & revocantur ad rationem primarum tabularum, & ad rationem patrimonii, quod primis tabulis continetur, & comparantur ea legata cum bonis paternis, non cum bonis pupilli, & solvuntur ex bonis paternis, & in hac parte juris substitutus comparatur instituto ex his bonis, in quibus substitutus est, *d. l. in ratione, §. quod vulgo.* Et ad summam, in ponenda ratione legis Falcidiae sic habetur ratio legatorum, ac si nullæ extarent secundæ tabulæ, nulla bona pupillaria: nulla denique alia præter paterna. Est qui scripserit, legata relicta secundis tabulis solvi de hereditate pupilli: quod non est admittendum. Id pugnat cum *d. l. in ratione, §. quod vulgo* cum ait: *de suo quadrante, nimirum dabit substitutus, quoniam pater legavit de suo:* & ita Florentie & ita in Basil. *in rati. id est, id est, ex reprobis:* & recte si de suo legavit pater, ea quoque de suo præstari voluit. Præstabantur ergo de bonis paternis, non pupilli: & quod ait de suo quadrante dabit, id est, ea legata implebit substitutus de quadrante bonorum paternorum, quem solum habebat mortis tempore, qua in bonis paternis erant 400. in legatis 300. Sed post mortem finge periisse centum, ea centum substituto perierunt, non legatariis, reliqua trecenta omnino præstanda sunt legatariis sine diminutione: atque ita substitutus perdit quadrantem, quem habebat mortis tempore, tum ut consultatur legatariis, tum etiam quia mortis tempore idonea erat hereditas patris: & in ponenda quantitate patrimonii hoc tantum tempus spectatur, *l. in quantitate, ad leg. Falcid.* Verum longe alia est species l. nostræ: Substitutus abstinet se bonis paternis, non pervenerunt ab substituto ulla bona paterna; & substitutus est non coheredi, sed exheredato. Ratio igitur

A tur non fert, ut legata relicta secundis tabulis referamus ad rationes patrimonii paterni, quo se abstinet substitutus; sed cogimur illud tantum spectare, quod retinet, nempe pupillare, & pro ejus modo & quantitate vel Falcidiam inducere, vel non inducere. Itaque præstabantur sola legata secundarum tabularum habita ratione bonorum pupillarium, & de bonis pupillaribus salva Falcidia, nec ultra vires hereditatis pupillaris, aut ultra dodrantem præstabantur. Et hoc est, quod ait in secunda parte hujus legis. Itaque, inquit, legata, &c.

Ad L. VIII. de Collatione.

Nonnunquam prætor variantem non repellit, & consilium mutantis non adspernatur. Unde quidam filium emancipatum, qui de bonis conferendis cavere fratribus voluit, audiendum postea putaverunt, si velles ablata cautione beneficium bonorum possessionis exercere. Tamen si respondere potest, videri eum possessionem repudiasse, qui formam possessionis conservare voluit: sed benignior est diversa sententia, maxime cum de bonis parentis inter fratres disputetur: quem tamen facilius admittendum existimo, si intra tempus delata possessionis cautionem offerat: nam post annum, quam delata esset bonorum possessio, voluntariam moram cautionis admittere, difficultus est.

Nihil est in Papin. quod non sit singulare admodum. Superiore lege habuimus casum, quo legata relicta secundis tabulis solvuntur de bonis pupilli contra reg. juris. Habebimus hodie similem casum, in hac l. 8. quo quis potest mutare consilium in alterius fraudem injuriamque: nam & hoc est contra regulam juris. Hoc autem ut intelligatur, sciendum est, filio emancipato non dari bonorum possessionem unde liberi ab intestato, vel etiam eidem præterito testamento patris non dari bonorum possessionem contra tabulas, vel datam sine re constitui, id est, non dividi inter eum & fratres, qui remanserunt in potestate, hereditatem patris, nisi cum satisfactione caverit iis, qui in potestate remanserunt, de bonis propriis conferendis, quæ moriente patre habuit, aut nisi statim ex bona fide bonorum propriorum divisionem fecerit cum fratribus, quo jure etiam utimur hodie. Emancipatus filius, qui appetit bona paterna, debet in medium conferre bona propria ex hoc edicto, quasi paterna, quia ipse jus filii habere vult, & venire in partem bonorum paternorum una cum filiis qui in potestate remanserunt. Bona autem, quæ filiorum sunt, patris sunt: Ac proinde non aliter succedet, quam si bona propria contulerit. Collatio fit vel cautione, vel re ipsa, id est, divisione, *l. 1. §. jubet, & §. quamvis, hoc tit. l. pen. §. videamus, de bon. poss. cont. tab.* Plerumque autem collatio fit cautione, quia cum possint bona quadam propria emancipati esse in occulto: non satis videtur conferre, qui non cavit, quamvis dividat bona propria, & conferat in medium, ac in commune redigat. Melius est igitur, cautione conferre, id est, cavere de conferendis bonis propriis datis fidejussoribus, quæ scilicet ejus fuisse propria quandoque confiteri, quam dividi, id est, re ipsa collationem fieri: conferunt, ut dixi, emancipati suis, id est, iis, qui in potestate remanserunt, quia suos, qui jure civili soli erant heredes patris, incommodo quodam afficiunt, dum jure prætorio volunt venire in partem bonorum paternorum, *l. 1. §. toties, hoc tit.* Æquum est igitur, ut emancipati eis conferant bona quæ post emancipationem adquisierunt, ac si ea adquisissent patri non sibi. Conferre, est bona propria paternis commiscere, ut omnia simul inter fratres emancipatos & suos dividantur ex æquo, quasi unum fit patrimonium paternum. Emancipati sibi utriusque non conferunt, *l. ult. §. ult. l. 2. §. si tres, l. 3. §. quotiens, hoc tit. l. si emancipati, C. de collat.* quia alter alteri non est incommodo: sunt enim omnes pari jure: inter fratres inæquales collatio locum habet, non inter æquales: ac propterea sui etiam non

non conferunt emancipatis plerumque, quia nihil habent, quod conferant præter dotem aut donationem propter nuptias, quam conferunt: Castrense autem peculium, vel quasi, nunquam conferunt vel sui vel emancipati; sed ea retinent præcipua, vel præcipui titulo, quod dicimus *par præcipui*, l. 1. §. nec castrense, hoc tit. Præterea sui testamentum non faciunt, quia, ut ait Ulpian. nihil habent proprium, ut de eo testari possint: cujus sunt in potestate & in ejus potestate ac dominio sunt bona eorum quæcunque sibi adquirunt. Dionysius 8. vivo patre nihil habent proprium filii sui, sed jus est patri cum in bonis, tam in corpore, ut de iis possit statuere ut libet: & ea ratione dicuntur sui non conferre emancipatis. Diximus plerumque satisfactione, idonea cautione collationem fieri: quid fiet, si filius emancipatus non caveat, & paterna tamen appetat, vel etiam ea possideat pro sua portione: nam bonorum possessio emancipato dari potest, etsi nondum contulerit, quæ tamen constituitur sine re, nisi postea contulerit; quia ut ait Papin. in hac l. formula bonor. possessionis hæc est, ut qui non contulerit bona propria, non possit ejus beneficio uti. Et distinguendum est ea in re, aut per inopiam filius emane. non potest cavere de conferendo, aut per contumaciam noli. Si per inopiam non potuit cavere, ut vix reperitur ulli, qui pro inope velit fidere, non statim ab eo transferenda est possessio portionis suæ, sed sustinendum donec sponsores invenerit, ita tamen, ut interim fratribus, qui in potestate remanserunt, actio detur de his, quæ mora deteriora futura sunt, id est, quæ tempore pereunt, l. 2. in fin. hoc tit. qui locus est obscurus, nisi actionem accipias pro auctione, quod frequentissimum est in his libris. Ambrosius ex Basilio de Tob. liberos pro paterno debito in actionem deduci fratribus. Basilus, de re p. p. p. p. p. Hic est sensus l. 2. §. ult. hoc tit. Aut si in portione filii emancipati sunt quædam, quæ servari non possunt, de iis dabitur actio, vel actio, id est, jus vendendarum rerum, dummodo caveant de restituenda pecunia, quam ex auctione redegerint, quoties propria contulerit: & si non caveant, non dabitur illis actio, ut vendant, sed dabitur curator portionis emancipati, qui eam rem peragat, & vendat, & pecuniam ei servet, l. 1. §. si frater, hoc tit. Hic est ordo juris, quum frater emancipatus non potest per inopiam cavere, & quum fratres non contenti divisione, cautionem exigunt, existimantes latere multa ex bonis fratris emancipati, nec prodi ab eo omnia. Quod si per contumaciam nolit cavere de conferendis bonis propriis, hoc casu statim transferenda ab eo possessio est portionis suæ, & denegandæ ei sunt petitiones possessoriæ seu hereditariæ, perinde ac si bonorum possessionem non accepisset, ut est in l. 2. §. penult. l. 3. in princ. hoc tit. l. 11. 12. 14. 16. C. de collat. Et hæc locum habent, cum data jam est bonor. possessio: nam si nondum data sit, denegabitur, quum propalam negabit se satisfacturum, quandoquidem hoc genere videtur repudiassse bonorum possessionem, cum palam edixerit, se ejus formam observare nolle, id est, non cavere velle. Denique, qui per contumaciam non cavet, vel repudiare videtur commodum bonorum possessionis, vel ei renuntiare. Quod si initio dixerit, se nolle cavere, & postea penitentia actus offerat cautionem, an audietur? an poterit emendare contumaciam suam, & commodum seu beneficium bonorum possessionis repetere, quo per contumaciam cecidisse videtur? An, inquam, penitens recipit jus pristinum? Hæc est questio hujus l. Et sane videtur non esse audiendus secundum regulam juris, quæ nemo potest mutare consilium suum in fraudem alterius, l. 75. de regul. jur. quæ est Papiniani ex eodem libro, & est præponenda huic l. quia hæc lex hujus regulæ est exceptio: Hic mutat consilium suum in fraudem fratrum, qui in potestate remanserunt, nam ad eos jam pertinebat tota hereditas. Nemo ambigit, quum liceat sine alterius injuria mutare consilium, l. de atate, §. ult. de interog. in jur. fac. Si interrogatus in iure ab

A adversario, an heres sim, & respondeam, me non esse: mihi licebit postea penitere, & respondere, me esse: quo responso obligabor adversario: & ex ea penitentia non læditur adversarius, imo commodo maximo afficitur: quia ex responso meo ei paratur actio in me ut heredem: licet igitur penitere sine catione alterius. Et ita, si pecuniam tibi dedi, ut Stichum manumitteres, est mihi conditio pecuniæ vel ex cessatione tua si cesses Stichum manumittere, vel ex penitentia mea, si jam nolum Stichum manumittere, l. 3. §. 1. de cond. causa data. Nec enim hæc penitentia nocet alteri, cum nondum manumissus sit Stichus, & res in integro sit: licet mihi re integra revocare mandatum, licet etiam mutare testamentum re integra, cum nullum jus ex eo me vivo alteri quæsitum sit, nec id inconstans est. Nemo doctus, inquit ille, mutationem consilii esse inconstantiam dixerit. Sed in fraudem alterius mutare non licet. Finge: Vendidi tibi fundum ea lege, ut nisi ad diem solveres pretium, res esset inempta, quæ dicitur lex commissoria: non solvisti ad diem. Est in arbitrio venditoris, ut utatur lege venditionis, rescissa venditione, vel ut pretium petat si nolit uti lege commissoria: & de alterutro hoc vel illud debet constituere, id est, eligere. Sed si semel unum elegerit, non poterit variare, quia ea variatio, seu mutatio consilii fraudi esset emptori, l. si fundus, §. eleganter, de lege commiss. Et ita si filius præteritis testamenti patris judicium patris forte legato vel fideicommissi accepto approbet, jam non potest petere bonorum possessionem contra tabulas, relicto leg. aut fid. hoc enim esset fraudi heredi scripto, cui jus omne adquisitum est, l. si filius de minor. Et similiter, si creditores hereditarii impetraverint separationem bonorum, cum existimarent hereditatem esse idoneam, heredem non item, & nollent creditores hereditarii misceri creditoribus heredis, sed solvi sibi de bonis hereditariis; creditoribus vero heredis solvi de bonis heredis propriis: si inquam creditores hereditarii separationem bonorum impetraverint, & postea non idonea hereditas inveniatur, heres autem idoneus: an possunt mutare sententiam & discedere a separatione, & reverti ad heredem? Minime: sed perire debent in eo, quod elegerunt, ne fraudent heredem commodo, quod ei ex hac re contigit. Innumeris exemplis hoc probare possis, quæ passim occurrunt. Sed tamen in specie propodita ex æquo & bono auditur filius emancipatus, qui mutat consilium suum. Noli per contumaciam initio cavere de conferendis bonis propriis, atque ita excidit commodo bonorum possessionis, & id omne recidit in fratres; nunc penitentia ductus, paratus est cavere, & postulat, ut sibi liceat exercere & exequi beneficium bonorum possessionis contra tabulas, vel unde liberi, non videtur quidem summo jure admittendus. Sed non semper summum jus iustitia est. Iustitia est *duplex*, non *unus*, ut ait Philosophus. Igitur auditur filius emancipatus ex æquo & bono, cum maxime de bonis paternis inter fratres disceptetur. Hoc maxime notandum est, quia multa sic dirimuntur controversiæ: ex ea enim constituimus, quoties inter fratres de bonis paternis lis est, non spectari regulas juris, quæ omnes sunt summi juris, sed benignitatem & æquitatem. Et hoc utique procedit, ut ait Papin. si intra tempora delatæ possessionis, hoc est, intra annum mutet consilium & corrigat factum: nam post tempora vix auditur, inquit, sera est enim penitentia post annum delatæ possessionis. Si peniteat, difficilius auditur: nam ut audiat etiam post annum, hoc positum est in arbitrio Prætoris, sed vix auditur, quia sera est penitentia. Nam si post annum non potest petere bonorum possessionem, nec igitur post annum bonorum possessionis commodo frui poterit, qui excidit ante annum. Confirmatur hæc æquitas l. 1. §. si frater, ff. hoc tit. dum ait, fratrem, qui per contumaciam non cavet, postea oblata cautione recipere pristinum jus. Quod tamen explicandum est secundum sententiam Papin. Florentiæ sic scriptum: non repellis, & consilium mutantis non aspernatur verum,

terum, omnino legendum: *confilium mutatum* est; ut in
Bartolici *pro herede huius*. Cum igitur Papinianus posuisset
hanc regulam, *nemo potest mutare confilium in deivotumque*
alterius; modo subiecit exceptionem, filium penitere posse,
etiamsi videatur pertinere ad injuriam alterius, scilicet
fratrum. Et ut alio exemplo demonstrem, non esse
vivum rescadenda ea, de quibus disceptatur inter fratres
de bonis paternis, id petamus ex l. 3. C. de *inoffic. test.*
Finge: mater extraneum heredem instituit, & post
testamentum filium peperit, quem testamento prateritum,
matris prateritum exheredat. Secus de patris pra-
teritione: filius prateritus agit querela adversus herede
mum scriptum, & rescindit totum testamentum. Quod
si mater filium suum heredem instituit, & post testa-
mentum alium filium peperit, quem prateritione ex-
heredavit, an hic filius agit querela adversus fratrem,
et totum rescindit testamentum? Minime, si mulier
iupuerio diem suum obiecit, nec ei licuerit rumpere tes-
tamentum, hic filius prateritus non rescindit totum,
sed addecesit fratri in dimidiam partem, quod mitius in-
ter se agere debeant fratres de bonis paternis. Ac simili-
ter, ut Paulus notat d. 4. *sent. de querela inoff.* Si duo filii
heredes instituti ex debita portione, & tertius ex mi-
nore portione, quam fit legitima, an hic tertius agit ad-
versus fratres querela testam. Ageret utique adversus
extraneum: non enim tantum filius exheredatus vel
prateritus, sed & qui institutus est ex minori parte,
quam fit legitima, agere potest querela inofficio secun-
dum jus vetus; quod quidem obtinuit ante constitutionem
Justin. de suppelenda legitima, quæ est l. 35. de *inoff.*
test. Sed adversus fratres coheredes in hoc tantum agere,
ut suppellear pars legitima, etiam secundum jus vetus:
nam quoties inter fratres agitur de bonis paternis vel
maternis, sequimur quod benignius sit, ac mitius: non
regulas juris, quæ summi juris definitiones sunt.

Ad L. XVIII. de Operis novi nuntiat.

Ædibus communibus, si ob opus novum nuntiatio uni fiat, si quidem ex voluntate omnium opus fiat, omnes nuntiatio tenebit. Si vero quidam ignorent, in solidum obligabitur, qui contra edictum prætoris fecerit.

§. 1. Nec ad rem pertinet, *cujus solum sit, in quo opus fiat, sed quis ejus soli possessor inveniat, modo si ejus nomine opus fiat.*

Quod in hoc edificio de operis novi nuntiatione cavetur, est notum fit omnibus, tamen initio exponi necesse est. Hoc edificio confilium videtur adversum vicinum, qui quid in suo molitur, aut demolitur, quod vicino nocere possit: Nam si, cui opus novum quod vicinus facit vel infirmitur nocere potest, si vercat, ne ex eo opere suo suum deterius fiat, potest prohibere vicinum, id est, denuntiare, ne quid novi operis instituat, testibus presentibus etiam non adito pratoris: est hodie moribus nostris necesse fit nuntiationem fieri auctore iudice: & nuntiarum his verbis: *Denuntio tibi, ne quid operis me invito in illo loco facias.* Hanc nuntiationem permittit ipso iure, id est, ex edito pratoris, & hunc effectum habet, ut qui ei non obtemperaverit, id est, qui non desisterit ab opere, sicuti denuntiatum est, quidquid post denuntiationem fecerit, compellatur destruire, aut restituere edificio refutatorio, cuius formula hæc est: *Quod adversus edificum feceris: nam, qui facit contra nuntiationem vicini, videtur contra edificum facere, in l. 5. §. si quis forte, l. si opus, §. ut l. i. ut. hoc tit. l. 20. §. 1. i. ed. l. 1. 22. & ut. ed. l. ut ne quid in loco pub. l. qui vetante, de reg. iur. l. prator §. 1. hoc tit.* Secundum superiores locos omnino legendum est in d. l. prator, §. 1. qui facit contra nuntiationem, estque sui facienda habuit, tamen contra edificum pratoris facere videtur. Legendum est edificum, non interdicium. Nuntiat novum opus non tam is, qui nuntiat, quam prator. Igitur, qui pergit facere nec desiste-

A dit ab opere post denuntiationem, contra edictum prae-
toris facit, & subijcit interdicto restitutorio, quo
compellitur restituere rem in eum statum, quo fuit
nuntiationis tempore. Et hoc ita procedit, si qui is,
qui nuntiatum est, faciat post nuntiationem, antequam
praetor remiserit nuntiationem, quod facit causa cog-
nita: post remissionem nuntiationis licet aedificare: re-
missio abolitio est nuntiationis: remissionis vicem ob-
tinet satisfactio, veluti si is, cui facta est nuntiatio, satisfice-
re se restitutorum omnia in pristinum statum, si iudicatum
erit eum non habuisse jus faciendi novum operis, & eum,
qui nuntiavit, jus habuisse: nam post eam satisfactionem
impune aedificabit, hoc est, non tenebitur edicto resti-
tutorio. In hac l. 18. quaeritur, si aedes, in quibus novum
opus sit. *fr. de aed. l. 1.*

nuntiatio fit facienda omnibus, an satis fit fieri uni ex
 sociis? Et definit eleganter Papinian. satis effe uni ex
 sociis nuntiatio fiat: uni factam nuntiationem, omnibus
 factam videri. Sed si post nuntiationem quidam opus
 fecerint, quidam non, hi, qui non fecerunt, non tene-
 bentur edicto restitutorio, sed is solus in solidum tene-
 bitur, qui non paruit nuntiationi, cuius factum non no-
 cere debet alii, qui nihil fecit, quocirca etiam assensus
 non est, *Id. de pupillo, §. si plurium, hoc tit.* Igitur nuntiatio
 omnes tenet, etiam si facta sit uni; si omnes fece-
 rint opus, id est, si omnium voluntate factum sit
 opus, utique omnes tenebuntur edicto restitutorio,
 non tantum, ut patientiam præstent, quod voluit Ac-
 curf. fed etiam, ut impensa sua fuisse sumptibus opus
 vult. *Id. de rebus, §. si quis, hoc tit.*

port uenditionem inactum restituit, quia recte videtur, etiam qui non fecerunt, si alii voluissent eundem fecerint, ne sit infamia nuntiatio, & infamior editum praeoris, *i. ult. ne quis in loco publ. sed si non fecerint omnes, aut facienti non assensum praeberint, non tenebuntur omnes editio restitutorio propter factum sociorum, qui ipsi nihil facere, nihilve volvere facere operis novi.* Et hoc est, quod ait Papinian. in priori parte hujus legis: *Omnes nuntiatio tenet, &c.* id est, omnes tenebuntur editio restitutorio. In posteriore parte, quia dixit initio de aedibus communibus, docet Papinian. aedes communes videri non tantum, quae plures dominos habent, quas plures domini dominantur, sed & quas plures non domini communiter possident. Quod commune est, vel dominio, vel possessione commune est, & quidem

dominare et: et tunc nuntiatio nem non tantum dominum, vel dominis ego soli, in quo nuntiatio fit, sed etiam possessori, vel possessoribus, si modo eorum nomine opus fiat: nam si non fiat eorum nomine, et si sunt domini, nihil attinet ei nuntiari. Denique nuntiatio fit, vel domino, vel possessori, cuius nomine opus novum fit. Nam hæc nuntiatio non tam fit in personam, quam in rem; ut actio alia est in rem, alia in personam, sic nuntiatio alia in rem est, alia in personam, l. i. §. nuntiatio. l. de pupillo. §. nuntiacionem, l. x. §. i. l. i. §. hoc sit. Et fit in rem præsentem, id est, in locum ipsum quo opus fit, sicut vindictio fit in rem præsentem ex jure veteri, atque fit etiam nuntiatio operis in ignorantem, l. i. §. actio, hoc sit. quia magis est in rem, quam in personam; & utilis est etiam non fiat personæ, modo fit in us, et in fructum.

Et hoc nunc re presenti nuntiatio alia in personam, alia in rem est, ut dicit. Nuntiatio, quae fit in rem, fit semper in rem praesentem: nuntiatio in personam, si non possit fieri in personam, pura, si non inveniatur is, cum quo nobis res est, cuius nuntiare novum opus volumus, fit ad domum eius libello ad postem fixo: ut ex 12. tabulis identiter testimonii, quae est in personam, fit ob portum, id est, ad domum. Hoc confirmat 4. §. *praetor*, de *damm. infse. l. 20. §. nuptia ad l. jul. de adul. l. 13. de exca. test. l. 1. C. *Theod. ed. l. 2. C. de ann. except. l. 5. §. 1. quod vi aut clam. l. 1. §. 1. de agnos. C. *alend. lib.* In his omnibus lib. agitur de denuntiatione operis, quae fit ad domum, vel per praecornam, vel per libellum. Utrum autem Papin. in hac posteriori parte; verbis *soli & solum*, quia nuntiatio pertinet tantum ad ea opera, quae**

sola

solo coherent: nam qui putat vineas, aut messem facit, vel succidit arbores, opus quidem facit, sed quod non possit inhiberi ex hoc edicto, quod pertinet tantum ad ea quæ soli sunt, l. i. §. hoc autem, hoc iis.

Ad L. XLII. de Usucap.

Cum vir pradium dotale vendidit scienti, vel ignoranti rem dotis esse, venditio non valet, quam defuncta postea muliere in matrimonio confirmari convenit, si tota dos lucro mariti cessit. Idem juris est, cum is, qui rem furtivam vendidit, postea domino heres extitit.

St hæc lex elegans pertinet ad leg. Juliam de fundo dotali, & ad leg. Attiniam de re furtiva. Ex lege Julia maritus pradium dotale, quamvis interim videatur dominus, non potest alienare, vetat etiam usucapi, l. si fundum, de fun. dot. Prædii dotalis usucapio non est, nec alienatio ex lege Julia: ex lege Attinia, non est etiam usucapio rei furtivæ, obstat usucapioni rei furtivæ. Hoc cum ita esset, docet Papinian. in hac lege, aliquando confirmari alienationem prædii dotalis, ac deinde usucapionem procedere, confirmari quoque venditionem rei furtivæ, & usucapionem procedere, convalescere alienationem, & restitui causam usucapionis, cui ab initio obstat lex Attinia. Loquamur primum de fundo dotali. Finge, Maritus constante matrimonio alienavit fundum dotalem: deinde morte mulieris solum est matrimonium, & dos cessit lucro mariti ex pacto dotali: convalescit alienatio fundi dotalis quando maritus, qui cum alienavit, in eo fundo mulieri successit ex pacto dotali: & procedit usucapio, si forte non fuerit mulieris, vel, si forte ad quemdam alium bonæ fidei possessorem pervenerit, l. pen. de fund. dot. Si is, qui rem furtivam vendidit, heres extiterit domino rei, purgatur vitium rei, & convalescit venditio, quia venditor ejus dominium acquisivit, & procedit usucapio pro emptore. Mirum est alienationem convalescere, quæ ab initio non valuit ipso jure, & tamen ita definit Pap. in hac l. Obicitur primum regula Catoniana: quæ ab initio non valet, ex pacto non convalescit: quæ plerumque valet, non solum in legatis, & substitutionibus, sed etiam in contrahibus. Sed ita respond. non convalescit ipso jure, fateor, directo, sed remedio retentionis, remedio exceptionis doli mali ex æquitate: quod ita demonstr. Re alienæ Pignus non valet, convalescit tamen acquisitione dominii, si is, qui domino pignus posuit, domino heres extiterit, & convalescit, non directo, non ipso jure, l. si Titio, de pign. sed per retentionem, ut ait lex i. in prin. eod. id est, per exceptionem doli mali, quod scilicet debitor velit auferre rem creditori, quam ei pigneravit, quod fit mendax. Nam actioni & exceptioni doli mali insunt mendacia, l. quid enim, de dolo. Finge: Tu mihi rem pignerasti, cum non esses dominus, postea factus es dominus, & vindicas eam, nec visueri pignus, quod mecum contraxisti: arguam te mendacii, & utar exceptione doli mali: imo si ignoraverim rem fuisse alienam, dabitur mihi actio utilis hypothecaria, l. rem de pign. actio, l. §. C. si res alie. pign. data sit. Ergo concludamus: Regula Catoniana est directi juris, quæ tamen inflectitur sæpe ex æquo & bono remedio retentionis, vel exceptionis. Rursus obicitur l. nec nos, C. de postlim. rever. Si nesciatur quis ab hostibus captus sit, necne, si cuius sit incerta vita ac fortuna, ejus hereditas adiri non potest. Certa enim debet esse mors, priusquam adeatur hereditas, & adjicit, de bonis ejus, cujus incerta fuit vita ac fortuna, transigi vel judicari non potuisse: hoc inquirunt pugnare cum hac l. perperam. Fateor quidem non potuisse transigi vel judicari, sed si postea constituerit esse mortuum eum de cujus hereditate agitur, valebit aditio, vel transactio aut judicatum, non quidem directo, sed per retentionem, puta, si is, secundum quem judicatus esset, rem habuit apud se, vel si ex transactio-

A ne eam habeat, eam servavit vi anterioris transactionis, vel judicati, quamquam jure transactionis aut judicati eam rem non habuerit. Magna vis est retentionis, magna possessio: & valet plurimum in omnibus controuersis: difficile est removere possessionem cum, qui in ea est, nec habet injustam possidendi causam. Obicitur etiam l. si seruo, qui & a quibus man. Servum alienum manumissi, deinde domino ejus heres extitit, an convalescit manumissio? minime. Hoc pugnat cum h. l. nam cur manumissio non convalescit, si domino servi heres extiterit, cum usucapio rei furtivæ, & venditio fundi dotalis ex pacto facto convalescat? Dicendum est, non idem posse constitui in manumissione, quod in venditione, aut judicio, aut transactio: nam ex manumissione nulla nascitur obligatio, ut non possit jure obligationis, jure exceptionis, aut retentionis sustineri manumissio ex pacto facto. Ceterum ex venditione, transactio, judicio nascitur obligatio, quæ efficit, ut inviti cogamur stare ei venditioni, transactio, vel judicio, si dominum adquisiverimus ejus rei, de qua agitur. Ergo proprium hoc in manumissione est, ut si manumissor domino servi heres non extiterit, non convalescat manumissio. Contra si dominus servi manumissor heres extiterit, qui inutiliter servum alienum manumissit, convalescit manumissio, l. filium, de lib. caus. l. si ab eo, C. eod. tit. Ratio differentie est, quia cum dominus servi manumissoris hereditatem adit, adeundo tacite probat factum defuncti, manumissionem defuncti, voluntati defuncti accedit tacita voluntas heredis. Aditio est tacita adprobatio eorum, quæ gessit defunctus. At cum manumissor adit hereditatem domini servi manumissi, non ita concurrit voluntas utriusque in libertate servi: neque enim possis dicere unquam, voluntatem domini defuncti accessisse voluntati manumissoris: est satis evidens discrimen. Ergo hæc nihil obstat huic legi: & verum est, venditionem rei dotalis, aut furtivæ, quæ ab initio fuit inutilis, dominio ejus rei adquisito venditori, convalescere & confirmari: non quidem directo, sed remediis Prætoris, remedio exceptionis doli mali: quod fit putidum non manere in eadem voluntate, in eadem venditione, quasi ipse fecit. Et videtur non male huic legi conjungi posse l. 12. de except. doli: quæ generaliter definit: quoties æquitate defensionis infringi actio potest, locum esse exceptioni doli mali: significatque doli exceptionem esse generalem, & manare latissime: id est, opponi posse in omnibus causis, quibus æquum est defendi reum.

D Restat ex hoc libro l. si minor, ad leg. Jul. de adult. quæ non indiget longa interpretatione: non enim dubium est, quia teneatur minor lege Julia si commiserit adulterium. Ideo autem Papin. dicit: si minor annis, scilicet 25. quoniam adulterii crimen incidit in puberem, non etiam in impuberem, l. tamen 12. tab. pueros impuberes in furto manifestos prætoris arbitratu verberari voluerunt, noxamque ab his factam faciri, auctore Gellio l. 11. cap. ult. si proximi pubertati sint, quia jam doli capaces sunt. Justinian. in §. pen. Insti. de oblig. quæ ex del. nasci. l. impuberem, de juris, l. §. quod si impubes, ad l. Aquil. l. pupillum 111. de reg. jur. Vix autem adulterii crimen in impuberem cadit, quia nondum per ætatem potest contrahere.

Ad LL. In quibus citatur Papin. ex hoc libro tertio Q.

Q Uæ ex libro 3. Quæstionum Papin. alii Jurisconsulti reputerunt, non possum sine scelere præmittere: sunt enim præclara admodum. Primum exponamus, quod Harmer l. 2. Epit. tit. 4. quod nunquam alibi dicitur, refert Papinianum in ultima quæstione libri 3. scribere, non posse nos vicinis auferre prospectum montium. Quæ sententia est verissima, sed vitatur tribus casibus; si vicinus hanc servitutem mihi concesserit, jus mihi esse altius ædes meas ædificandi, & pro-

prospectui suo officendi. Item vitiatum si in edificando servavero formam, & statum ædificiorum antiquorum: nam etiam luminibus vicinorum impune officio, si servato statum antiquorum ædificiorum, l. qui lum. de servit. urb. præd. & in Græca Constitut. Zenonis, quæ extat in l. pen. C. de ædific. privo. & ut luminibus officere possim, modo servem veterem ædificiorum formam, ita & prospectui. Item officere possim prospectui vicini, & prospectui montium, si intermisero spatium 100. pedum: nam ut intermisero spatium 100. pedum potest vicino auferri prospectus maris ex constitutione Zenonis, & Novar. & 165. ita intermisero eodem spatium, Harm. putat posse vicino auferri prospectum montium, ducto argumento a similibus ad similia: Parem enim esse utriusque prospectus gratiam, parem amenitatem. His ergo tribus casibus potest auferri vicino prospectus montium, alias non potest, ut desinit Papinianus. Dices, est quædam servitus, ne prospectui officatur, l. 2. de serv. urb. præd. licet ergo prospectui officere, si ea servitus constituta non sit? Dicam licere prospectui officere servanti formam & statum antiquorum ædificiorum: item licere intermiscendi spatium legitimum: item licere ei, cui vicinus cessit prospectui suo officere, alias non licere: illis tantum tribus casibus servitus illa recte constituitur. Est ab ea servitute diversa servitus prospectus, ut & alia est servitus luminum, & alia ne luminibus officatur: nam & alia est servitus prospectus, alia ne prospectui officatur. Servitus prospectus vis hæc est, ut liceat parietem cæcum aperire, & facere fenestram prospiciendi causâ. Eleganter Zeno in d. Græca constitutione, fenestras alias facit παραπνεύσιδες, alias φωταγωγάς, quæ sunt luminis causâ, & inde ius fenestræ immitte: Alia est servitus luminum, alia servitus prospectus: inter quæ illa est differentia, quod lumen egrediatur, prospectus ingrediatur, & quod lumen sit ut cœlum videatur: prospectus, ut terra videatur, aut mare, l. lumen, de servit. urb. præd. Ius itaque fenestræ est ius prospectus, vel luminum. Ex eod. libro Papiniani: Ulpianus reulit quæstiones quatuor, unam initio l. 7. qui satisd. cog. alteram l. 21. §. Papin. de recept. arb. tertiam l. 8. §. si cederet, si servus vind. quartam l. 28. mand. Addiderem quintam ex l. 20. §. Papin. de petit. hered. nisi corrupte in eo §. esset scriptum lib. 3. pro lib. 6. quæst. Eam igitur quæstionem refero libro sexto.

Ad Princ. L. VII. qui Satisd. cog.

Si fideiussor non negetur idoneus, sed dicatur habere fori præscriptionem, & metuat peritor, ne iure fori utatur, videndum quid iuris sit. Et Divus Pius (ut & Pomponius lib. epi. celsiana refert, & Marcellus libro tertio digestor. & Papinianus lib. 3. quæstionum) Cornelio Procule refcripsit, merito peritorem recusare talem fideiussorem: sed si alias cavere non possit, prædicendum ei; non usum eum privilegio si conveniatur.

IN d. l. 7. tractatur de satisfatione iudicatum solvi, vel iudicio fisci. Si reus, qui in ius vocatus est, dederit fideiussorem idoneum & locupletem de iudicio solvendo, vel iudicio sistendi causâ, non potest cum actor reculare, vel si recuset, tenebitur actione injuriarum tam reo, quam fideiussori, l. 5. §. ult. qui satisd. cog. Inops fideiussor recte recusat: nam si dederit inopem, pro non dato habetur: & ut ait l. 6. eo quæstio vitiose capium est, vel satisfactum, non cautum videtur: vitiose Græci ἐπαισινος: ut qui dat inopem fideiussorem, vel difficilem conventu, divitem, vel potentiorum. Nam ut ait l. 2. h. t. locuples fideiussor non ex facultatibus tantum, sed etiam ex facilitate conveniendi æstimatur. Is est locuples & affluens, qui est conventui facilis, & locuples. Vitiosus etiam videtur satisfactor, qui dat quidem locupletem fideiussorem, sed non suppositum jurisdictioni ejus, apud quem in ius vocatus est, qui si convenitur ex causâ fideiussor-

nis, potest uti præscriptione fori. Si actor metuat, ne fideiussor utatur privilegio sui fori, recte enim recusat: nec tenebitur actione injuriarum, nisi fideiussor renuntiet privilegio sui fori, ac se subiciat jurisdictioni ejus iudicis cui suppositus est reus, l. 1. §. quis in ius voc. & ex Pap. Ulpianus refert ita rescriptisse D. Pium. Et placet valde quod ibi scribit Accursius, eum, qui fideiussor, non posse uti præscriptione fori, quod ad locum attinet, quum eo loco contraxit, id est, non posse eum revocare item ad aliam civitatem, l. cum furios. §. ult. de iud. sed posse uti præscriptione fori, quod ad iudicem attinet: Exempli causâ, si palatinus miles, puta, domesticus, protector, vel agens in rebus, qui magisterianus dicitur, fideiussor pro alio in ius vocato apud iudicem civilem, non intelligitur esse idoneus fideiussor, quia si conveniatur ex causâ fideiussionis, potest revocare item ad iudicem suum militare: hic igitur merito recusat.

Ad §. Papinianus l. XXI. de Recept. arb.

Papinianus libro tertio quæstionum ait, si cum dies compromissi finiretur, prolatore die litigatores denuo in eum compromiserint, nec secundi compromissi arbitrium recipere, non esse cogendum recipere, si ipse in mora non sit, quo minus partibus suis fingeretur. Quod si per eum factum est, aquissimum esse cogi eum a Prætoris sequens recipere. Quæ questio ita procedit, si nihil in priori compromisso de die proferendo caveatur. Ceterum si caveatur, & ipse protulerit, mansit arbitrer.

Idem Ulpianus in l. 21. §. Papin. de recept. arbit. hanc quæstionem tractat: Duo compromiserunt in arbitrium præstituta die, ut sententiam diceret intra menses tres: is recepit arbitrium, necdum sententiam dixit, & instat tamen finis trium mensium: cum ita finiretur dies compromissi, id est, ne quis laboret ut Accursius cum instaret finis: sic enim habent Basilica cum instaret finis, μηδὲν αὐτὸν αἰετὶν παρασχεῖν, litigatores prolatore die, denuo compromiserunt in eundem arbitrum sine consensu arbitri. Queritur an cogatur arbitrer arbitrium seu auditorium suscipere secundi compromissi? Quod non videtur, quia recipit arbitrium primi compromissi, non secundi, & sine consensu ejus diem protulerunt. Sed Papinianus distinguebat: aut per arbitrum stetit, quo minus intra diem præstitutum sententiam diceret, aut non: si per eum stetit, cogitur suscipere secundum arbitrum, quia ipse moram attulit primo: sed si pereum non stetit quo minus suis partibus fingeretur, sane non cogitur recipere arbitrium secundi compromissi. Et recte ad hanc distinctionem adnotavit Ulpianus, hunc locum esse si in primo compromisso non fuit adjecta clausula de proferendo die compromissi, ut liceret arbitro diem producere. Nam si hæc clausula fuerit adjecta, & arbitrer protulerit diem, omnimodò constat, eum manere arbitrum, & cogi sententiam dicere, & posulantibus litigatoribus cogi diem proferre per Prætorum, l. 12. hoc tit. Et secundum hæc accipiendum est quod est scriptum in l. non distinguemus, §. dies hoc tit. Dies compromissi proferri potest, non cum ex conventionione. Quæ verba videntur Accursio obscura: nam ex conventionione sola partium non profertur dies compromissi, ut constat ex sententia Papiniani, sed cum iussu arbitri eam proferri necesse est, ne poena committatur: quod accidit, quando in compromisso nominatim permittum est, ut diem proferret arbitrer. Nam si diem protulerit cum ei proferendi data esset potestas, & aliquis ex litigatoribus dicto audiens non fuerit, incidit in penam, sed si hoc non sit datum arbitro, & diem protulerit, & neuter consenserit, poena non committitur, l. arbitrer ex compromisso, hoc tit.

in iudicando est, ut litem alienam suam faciat, ut liti alienæ periculum ac discrimen omne sustineat, atque adeo, ut cogatur præstare ei, cuius interest veram æstimationem liti, ut cogatur præstare duplum, si quem absolvit dolo malo, quem debuit condemnare in duplum, *l. si filiusfam. in princ. hoc tit.* Multum interest, utrum iudex contra leges iudicet dolo malo, an per imperitiam: Nam si dolo malo legem offenderit, veram liti æstimationem præstare cogitur, *d. l. filiusfam. in fine*; si vero per imprudentiam male iudicavit, non tenetur ex maleficio: nec enim imprudentia maleficio est, sed tenetur quasi ex maleficio pœnali actione: verum non in solidum, non in universam æstimationem liti, sed in id tantum, quod religioni iudicantis bonum & æquum videbitur: quæ actio vocatur in factum, *l. ult. de var. & extraord. cogn.* & secundum eam accipienda est *d. lex filiusfamilias in princ.* quæ nulli non facessit negotium, nam ait: *filiusfam. iudex si litem suam faciat perperam iudicando, in tantam quantitatem tenetur, quæ tunc fuit in peculio, quam sententiam dixerit.* Nullus est, qui non labores plurimum in ratione ejus querenda, & est veluti crux quædam ingeniorum. Quidam interpretes sic eam accipiunt, ut si filiusfam. male iudicavit, teneatur pater pro modo peculii filiusfamil. quod fuit tempore sententiæ perperam dictæ a filiofam. sed manifesto lex dicit, teneri filium si de patre intellexisset, dixisset, *tenetur pater.* Sed existat ex hac causa non teneri patrem de peculio, quia ex pœnalibus causis non datur actio de peculio, *l. ex paratib. de reg. jur.* posset teneri ex causa iudicatis: Nam licet non teneatur ex maleficio, tamen ex ea causa condemnatio filiofam. in certam summam, pater potest conveniri de peculio actione iudicati, *l. 3. §. idem scribit de pecul.* Atque ita convento patre actione iudicati de peculio, secundum illorum sententiam, spectabitur quantitas peculii, quæ fuit, quum filiusfam. contra leges ac constitutiones sententiam dixit: quod non possumus admittere: Nam in actione de peculio semper spectatur tempus rei iudicatæ, id est, spectatur quantum sit, & eatenus consistit condemnatio in peculio. Non spectamus igitur tempus, quo filiusfam. iudicavit, sed tempus quo iudicavit is, qui est adductus actioni de peculio, *l. quæstus, de pecul.* & aliis innumeris locis. Res adeo obscura quibusdam visa est, ut maluerint scribere: *si iudex filiusfam.* ita posita specie: Pater conventus est de peculio; in eam quantitatem damari debet, quæ est in peculio rei iudicatæ tempore. Iudex non observavit eam quantitatem, quæ erat in peculio tempore rei iudicatæ, atque ita prætermittendo quod erat cautum a Prætoris in actione de peculio, litem suam fecit, & tenetur in eam ipsam quantitatem, in quam pater damari potuit: & ita iudicem filiusfam. vocant iudicem adductum actioni de peculio adversus patrem institutæ nomine filiusfam. quæso an apte dicatur ille iudex filiusfamil. cuius persona in eo iudicio non consistit: nihil omnino mutandum est in *d. l. filiusfam.* & sequenda est sententia Azonis ad eam legem, quæ vera est, sed indiget assertore. Filiusfam. litem suam facit. Primum non est accipienda ea sententia si dolo malo offenderit legem; nam teneretur in veram æstimationem liti, si de eo, qui per imprudentiam male iudicavit, qui tenetur in id, quod æquum & bonum iudicanti videbitur, *d. l. ult. de var. & extraord.* Et illud æquum & bonum ita definitur in *d. l. filiusfam.* ut filiusfam. qui litem suam fecit per imprudentiam, non dampnetur ultra quantitatem, quam habet in peculio, quasi in suo patrimonio iudicati tempore, ita tamen, ut non de eo peculio satisfaciatur invito patri, quia non convenitur actione de peculio, nec posset, sed convenitur actione in factum pœnali. Itaque solvet aliunde, vel eacere continebitur, *l. pen. C. qui bon. ced. poss.* Peculium filiusfam. veluti patrimonium ejus est, & si litem suam fecerit per imprudentiam, non dampnabitur ultra patrimonium, quanquam non debeat de eo solvere invito patri, sed aliunde, tamen pro modo peculii, quod fuit iudicati tempore. Et hoc

Tom. IV.

A sensu accipienda sunt, quæ scribit Justin. in *§. si filiusfam.* Infit. de oblig. quæ quasi ex del. nasc. quo loco ait filiusfam. qui litem suam fecit, teneri, non patrem: teneri, inquam, ex bono & æquo, pro modo peculii, aut teneri etiam ultra quantitatem peculii in veram æstimationem liti jam suæ non alienæ, si dolo malo legem offenderit in iudicando. Res hæc non est difficilis. Pleraq; sunt in veter. interpretibus vera, quæ negliguntur, quia deest assertor.

Ad L. LI. de Legatis I.

Sed si certos nummos, veluti, quos in arca habet, aut certam lancem legavit, non numerata pecunia, sed ipsa corpora nummorum, vel rei legatæ continentur, neque permutationem recipiunt, & exemplo cujuslibet corporis æstimanda est.

Hoc tantum annotabo ad hanc legem, multum interesse, an numerus certus nummorum legetur, an nummi certi, vel corpus certum: quæ distinctio placet. Nam si legetur certus numerus nummorum, puta, 100. non est necesse eos solvi, qui inventi sunt in hereditate: nam & alii solvi possunt, dummodo sint ejusdem generis & quantitatis, nec videbuntur alii pro aliis solvi, nam quæ quantitate magis valent, quam corpore, in suo genere functionem recipiunt, id est, promiscuam permutationem, *l. 2. §. mutui, de rebus credit.* Regula est, aliud pro alio solvi non posse. Sed non videtur aliud pro alio solvi in hoc casu, cum eadem quantitas solvatur, & ejusdem generis. Sed si legetur certum corpus, ut lanx certa, non potest alia pro alia solvi: corpora enim permutationem non recipiunt. Idemque erit si legetur nummi certi. Aliud est legare certum numerum nummorum: hoc enim est quantitatem legare; aliud certos nummos, puta illos, qui sunt in hac arca. Nam hoc modo, non possunt alii pro aliis solvi, invito legatario, & nummi in hoc casu, ut corpus accipiuntur, non ut quantitas. Et sic etiam hoc est, quod ait Papinianus in *l. 51. de legat. 1. §. si legetur certus numerus nummorum*, & nulli sint nummi in hereditate, constat deberi legatum, quia quantitas inest hereditati, etiam si non sint nummi, quia tot refici possunt ex hereditate, *l. 12. de legat. 2.* Sed si legetur certi nummi, puta, qui sunt in arca, & nulli inveniantur in arca, legatum est inutile. Et similiter, si certus numerus nummorum eodem testamento legetur sæpius, eadem quantitas sæpius præstari potest volente testatore, id est, si appareat multiplicare legatum voluisse. Sed si legetur certi nummi, puta, qui sunt in arca, amplius quam semel legatum præstari non potest, *l. plane, §. 1. & sequ. de legat. 1.* Atque ita apparet multum interesse, legetur certi nummi, an certus numerus nummorum.

Ad L. CXVI. de Verb. Obligationibus.

Decem stipulatus a Titio, postea quanto minus ab eo consequi posses, si a Mævio stipularis: sine dubio Mævius universi periculum potest subire: sed & si decem petieris a Titio, Mævius non erit solutus, nisi iudicatum Titius fecerit. Paulus notat: Non enim sunt duo rei Mævius & Titius ejusdem obligationis, sed Mævius sub conditione debet, si a Titio exigi non poterit. Igitur nec Titio convento Mævius liberatur, qui an debitor sit, incertum est. Et solvante Titio non liberatur Mævius, qui nec senebatur, cum conditio stipulationis deficiat: nec Mævius pendente stipulationis conditione recte potest conveniri. A Mævio enim ante Titium excussum, non recte petetur.

Subtile est valde, quod proponitur in hac l. Stipulatus sum decem a Titio, & accipi fideiussorem Mævium in id, quod minus a Titio consequi possem. Titius est reus principalis, Mævius fideiussor: fideiussorem esse constat ex *l. 6. de novat. l. fideiussores 9. & l. amiss. de fide-*

fidejuss. l. 2. C. de fidejuss. tut. Sed inter hunc fidejussorem & alios multum interest. Nam hoc jure alius fidejussor potest conveniri inexcussio reo, quod tamen Justinianus mutavit Novell. 4. qua utimur: nam prius est excutiendus reus, quam fidejussor: ante hanc Novell. erat in arbitrio creditoris convenire quem vellet. Sed is, qui fidejussit in id, quod minus creditor a reo servare posset, non potest conveniri inexcussio reo, quia videtur sub conditione fidejussisse, si a reo exigi pecunia non potuerit. Ergo pendente conditione non potest conveniri: vel si quis cum eo agat pendente conditione: non recte agat, id est, male agat, quia plus petit causam, cum agat antequam excussus sit reus principalis, id est, antequam extiterit conditio fidejussionis. Is igitur fidejussor longe alterius est conditionis, quam sint alii: nam non potest conveniri ante reum excussum: quod tamen pugnare videtur cum *l. si decem, de solut. & l. ult. de reb. cred.* Sed rem recte explicavit Accursius ad *d. l. ult.* hoc modo: Si dubitetur de facultatibus rei principalis, id est sit solvendo, necne, non potest fidejussor conveniri ante Titium excussum, quia pendet conditio stipulationis, & quia de eo ambigitur, an servari possint decem. Sed si confitetur reum principalem nihil facere posse, licet convenire Mævium fidejussorem, quia extitit conditio: vel si confitetur Titium partem tantum facere posse, reliqua pars peti potest a Mævio fidejussore. Atque ita Mævius fidejussor prius convenitur, deinde Titius reus principalis in eam partem convenitur, quam facere potest. Ergo cum notae facultates Titii, licet prius convenire Mævium fidejussorem, deinde Titium. Sed si sint incognitae, & ambiguae facultates Titii, prius est conveniendus & excutiendus Titius. Quid est excutere? non agere est, quamquam actio sit species quaedam excussionis, sed excutere est etiam extra iudicium inquirere de facultatibus rei. Excussio Titio, etiam si non sit cum eo actum, si visus fuerit non esse solvendo, licet experiri in Mævium, non ante: & secundum hanc *l.* cum hodie ex Nov. Justin. idem locum habeat in omnibus fidejussoribus, ut non possint conveniri ante excussum reum, forte potest defendi secundum hanc leg. non esse necesse reum excuti iudicio, satis esse, si excussus sit extra iudicium: & consequenter etiam hodie priorem iudicio conveniri fidejussorem posse: quod prima facie videtur absurdum, sed non ante excussum reum, qui utique excutitur etiam sine iudice. Ex Pap. hic primum proponit eum, qui ita fidejussit *quanto minus, &c.* aliquando universi periculum subire, id est, teneri in solidum in ea decem, quae stipulator reo principali stipulatus est, puta, si reus nihil facere possit: nam & qui nihil facere potest, minus facere dicitur, quo casu Mævius in solidum condemnatur. Et id ait Papin. esse sine dubio, sicut & Gajus non solere dubitari, *l. si ita a te stip. de verb. oblig.* Et ait hoc in loco Papin. universi periculum subire, ut idem in *l. quid ergo, ad municip.* Hoc igitur caret dubitatione, si Titius nihil facere possit, Mævium damnari in solidum, sed adiecit hic Papinian. *sed etsi decem petieris a Titio, Mævius non erit solutus, nisi iudicatum Titius fecerit*, id est, sed etsi creditor egerit cum Titio, & ab eo decem petierit, non statim Mævium solvi obligatione, quod stipulator elegerit reum principalem. Nam incertum est, an Titius sit soluturus, quia fieri potest, ut agatur cum Titio, & condemnetur Titius, & tamen iudicatum non faciat, id est, non possit solvere. Si solverit, Papinianus significat liberari Mævium fidejussorem: si Titius iudicatum non fecerit, non est liberatus Mævius: nam jure conveniri potest cum Titius non fecerit iudicatum. Electione igitur sola Titii non liberatur Mævius, sed exactione ac solutione, non litis contestatione facta cum Titio, sed perceptione pecuniae in stipulatum deductae liberatur Mævius. Adiecit nota Pauli ad Papinianum: reprehensio igitur. Reprehendit autem quod prima specie non videtur, Papinianum in hoc quod significat solvete Titio *ro. quia promittit, liberari Mævium: dixit enim Papinianus decem petitis a Titio, non liberari Mævium, nisi iudicatum fecerit.* Ergo si

A solverit decem Titius, lib erari Mævium: hoc reprehendit Paulus, quia & solvete Titio non liberatur Mævius, cum non sit in obligatione, nec intelligatur debitor fuisse ejus pecuniae, quia defecit conditio sub qua se obligaverat. Ergo nec electio Titio, nec solvete liberatur Mævius. Et hoc ut offendat Paulus, ponit Titium & Mævium non esse duos reos promittendi, quod est verissimum, quia unus, nempe Titius, est reus principalis, alter, scilicet Mævius fidejussor est, seu accessor: qui locus summe est notandus: nam demonstrat jus duorum reorum hoc esse, ut uno electo, etiam si nondum exacto, alter liberetur, *l. 2. de duob. reis.* Placet, quod Stephanus in hunc locum notavit, hoc jure, id est, ante Justinianum electione nuda unus ex reis liberari corream, etsi creditor nihil perceperit. Sed ex *l. ult. C. de fidejuss.* ad quam tamen inlexi sunt quidam loci Digestorum, hodie electione unus ex reis non liberatur alter, sed exactione demum ac solutione, non litis contestatione, sed perceptione. Verum hic locus offendit, ante Justinianum electione unus ex reis promittendi absolvi alterum, eum cum quo egisti peragere debes, nec potes congressi cum altero, & cum alterum elegisti, alterum dimisisse videaris. Et ob id ait Paulus hoc loco, Titium & Mævium non esse duos reos debendi. Nam debet Mævius sub hac conditione, si a Titio exigi non potuerit; sub qua non potest accipi corream, quamvis sub alia conditione accipi possit: *Instit. de duob. reis, §. ult.* Sed non sub hac conditione: nam aliena est a jure duorum reorum. Quia igitur Mævius debet sub hac conditione, Titio convento & nondum exacto, non liberatur Mævius, quia incertum est, an sit debitor Mævius, id est, an sit soluturus Titius: & ita etiam solvete Titio non recte dices non liberari Mævium, quod videtur admittere Papinian. quia defecit conditio, & ideo Mævius nunquam intelligitur debuisse, imo nec obligatus fuisse, quae est Pauli reprehensio.

JACOBI CUJACII J.C.

COMMENTARIUS

In Lib. V. Quaestionum AEMILII PAPINIANI.

Ad L. XXXIX. de Pactis.

Veteribus placet pactiorem obscuram, vel ambiguum venditori, & qui locavit, nocere, in quorum suis potestate legem apertius conscribere.

I N hac lege proponitur haec regula juris antiqui: Pactiorem adscriptam venditioni, vel locationi, si sit obscura vel ambigua, venditori aut locatori, qui eam pactiorem condixit aut concepit, potius nocere, quam emptori, aut conductori. Sic veteribus jurisconsultis placuisse ait, ut Labeo, qui eam legem dixit, & apposuit in venditione aut locatione, potuerit re integra eam apertius condicere & conscribere, cum potuerit, nec dixerit, in dolo versari videtur, id est, emptorem aut conductorem decipere voluisse videtur. Merito igitur interpretatio contra eum fit potius, quam contra emptorem, aut conductorem. Imo id potius accipitur, quod est utilis emptori & conductori, cujus oratio ambigua etiam in sermone quotidiano tendicula est quaedam, quae ei qui tetendit potius fraudi esse debet. Et hoc est, quod ait; *veteribus placuisse, &c.* Et cum ait; *In quorum potestate fuit, rationem regulae reddit, quod qui potuerit apertius loqui; nec loquutus est, decipere voluerit.* Est frequentissimus hujus regulae usus, neque ulla est certior, quia quis possit uti in iudicando, si quam partem deprehenderit vel ambigue vel persusorie loquantur fallendi causa, non potest

potest adversus eam non recte judicare, quæ adversario ambiguo sermone tetendit infidias. Et eleganter *l. ea, quæ, §. ult. de contr. empt.* dolum malum esse, si venditor obscure loquatur: quam enim ob rem obscure loquitur, nisi ut fallat emptorem? & si dolus est in eo, qui ambigue loquitur, est eo, qui & in perfuris loquitur, *l. qui libertatis, §. sed est, de evict.* Non tantum igitur ambiguitas, vel obcuritas est contra eum, qui eam invexit, vel affectavit, sed & ratio perfuris est contra eum, qui ea usus est. Obscure loquitur quis, si quod dixerit, non apparet. Ambigue, si utrum dixerit non apparet, id est, qui non certo, sed dubitanter profert hoc vel illud. Nam ambigua oratio est, quæ est *ἀμφοτερος*, quæ duobus modis accipi potest, *l. cum Stichus, de solut.* Perfuris autem loquitur, qui rem totam non aperit, sed dissimulat, aut reticet aliquid: quod omne demonstrari exemplis necesse est. Finge: Venditor in lege venditionis, aut traditionis, dixit hoc modo generaliter, servitutes, si quæ debentur, debentur, vel etiam dixit: Itinera, actus, viæ, quibus sunt, ut ita sint. Sciebat venditor, quæ servitutes debebantur, & quibus debebantur, neque tamen hoc voluit exprimere, sed perfuris dixit dolo malo servitutes, si quæ debentur, debebantur, neque dixit emptori, quæ certo deberentur, & quibus: dixit quidem prædium debere servitutes, sed non quas & quibus. Quare eo nomine tenebitur emptori ex empto, si quid interit emptoris, quia forte si id quod reticuit venditor agnovisset emptor, vel empturum fundum non esset, vel minoris empturus, si id omne apertius locutus fuisset venditor; *d. l. qui libertatis, §. pen. de evict.* Et *l. quare, de act. em.* nam & *l. quare*, est de venditor, qui perfuris loquutus est, quamquam non utatur hoc verbo, *perfuris*, quod est in *d. l. qui libertatis*. Qui igitur dicit prædium, quod vendidit, debere servitutes, seu non exprimit quam, aut cui, hic perfuriosus loquitur: perfuriosus hanc argumentum est fraudis. Ambigue loquitur venditor, qui in lege venditionis ita loquitur: Flumina & stillicidia uti nunc sunt, ut ita sint. Idem dici potest de ceteris servitutibus: non dicit plane, ipse ne debeat excipere flumina vel stillicidia, an vicinus: non dicit palam, an prædium illud debeat servitutem, an ei debeatur. Igitur ut id accipiat, quod nocet venditori, interpretabimur eum dixisse de fluminibus vel stillicidiis, quæ vicinus excipere debet, non de iis, quæ ipse excipere debet: & consequenter interpretabimur servitutem dixisse eum fluminum vel stillicidiorum sibi deberi: ædes autem nulli debere stillicidia, aut flumina, hoc est, ædes dominari, non servire, *l. cum in lege, de contr. empt. l. si arborem, §. ult. de servit. urban.* Quod si ædes, quæ venierunt, forte deberent flumina vel stillicidia, nec tamen eis debeantur, sane venditor tenebitur emptori in id, quod interest, quia non dixit aperte: atque ita videtur voluisse decipere emptorem. Cur enim est usus ambiguo sermone? Est profecto hac regula æquissima, quia coercet fraudes venditorum. Obijciunt huic regulæ multa. Primum, *l. insulam, qui pot. in pign.* cujus species hac est: Qui fundum locaverat in quinquennium, intra tempus locationis, nondum peracto quinquennio, eum fundum vendidit ea lege, ut emptor stare locationali quoad peracta esset, aliqui emptori liceret expellere colonum, *l. emptorem, C. de loc. & dixit etiam hanc legem, prioris anni pensionem sibi accessuram, sequentium autem annorum emptori, & pignorum datorum a colonis vel inquilinis nomine pensionis jus utrumque consequatur. Queritur, utrum si pignora non sufficiant utrique, id est, si non sufficiant omnium annorum pensionibus, an jus omnium pignorum primum pertineat ad venditorem, qui sibi recipit pensionem prioris anni, an vero tantum ad eum pertineat pro rata ejus anni? de eo nihil aperte dictum est, inquit Paul. in lege venditionis. An igitur interpretatio fiet adversus venditorem, qui legem dixit? Minime. Ait enim Juriconsultus hanc questionem esse facti, id est voluntatis: hoc enim venire in disquisitionem, quid*

A voluerint contrahentes: ac subjicit verisimile esse id actum inter eos, ut primam pensionem omnium pignorum jus sequeretur, id est, ut prima pensio in solidum ex pignoribus redigeretur, quod est pro venditore, non contra venditorem, quia tamen eam legem aperte non dixerat, sed in ambiguo reliquerat. Respondeo, nihil esse, quod tam facile expediri possit: lex ait, *verisimile esse id actum, ut primam pensionem jus pignorum omnium sequeretur*: quod est verisimile, id neque obscurum, nec ambiguum esse videtur. Et in his questionibus observandæ sunt duæ regulæ, quarum prior hæc est, ut id assumatur, quod verisimile est egisse inter se contrahentes: posterior reg. quæ priori succedit hæc est: si verisimile nullum extet, ut tum pronuntiemus contra venditorem. Non utimur hac posteriore regula, nisi quam prior debet. Et ita respondendum ad *leg. eum qui Calendis, de verb. oblig.* Ut in venditionibus & locationibus, ita & in stipulationibus ambiguitas est contra eum, qui ambigua oratione usus est: ambiguitas stipulationis, aut pactionis huic adjectæ, contra stipulatorem est. Finge, stipulatum sibi dari Calendis, neque adiecisse quibus Calendis, an faciemus interpretationem contra stipulatorem si non appareat de quibus Calendis fenserint contrahentes? minime: nam benignior & utilior est sententia Sabini existimantis, esse verisimile eos sensisse de primis Calendis. Sabinus hanc conjecturam habuit pro certissima: ubi conjectura certa non deficit, non utimur hac regula, id est, non facimus interpretationem contra stipulatorem. Obijcit etiam Accursius *l. si ita, de contr. empt.* quam non opponerem: nam res est apertissima. Finge: Quidam ita vendidit, illa aut illa res tibi sit emptæ totaureis, an illa erit emptæ, quam voluerit venditor? an sequemur potius animum venditoris, quam emptoris? Et ait Ulpian. eam rem venditam fore, quam venditor elegerit, non quam emptor. Sed non potest esse locus huic regulæ in hac specie, quia præcedit alia, quæ hanc remorat quasi ultimam, quod electio sit semper debitoris, quoties quid in obligationem venit sub disjunctione. Erit igitur electio venditoris. Obijciunt etiam *l. si quis, de judic.* Finge: Usus est aliquis intentione ambigua, id est, actione seu formula ambigua actionis, vel usus est in ea formula oratione aliqua ambigua (actio est intentio ejus, qui ad judicium provocat) si igitur intentione ambigua usus sit, id sequemur, quod utilis est actori. Ergo & quod utilis est ei, qui ambigue loquutus est? Responso sumenda est *ex leg. in contrahenda, de regul. jur.* quæ palam ostendit hac in re esse differentiam inter contractus & judicia. Contractus perficiuntur duorum voluntate: judicia etiam unius, puta actoris: nam redduntur in invitum: agimus in invitum, & trahimus ac rapimus in jus. In contrahendo, si quis utatur ambigua oratione, contra eum interpretatio fit: in agendo vero si quis utatur ambiguo sermone, pro eo fit interpretatio id est, semper adsumitur quod ipse fenserit, non quod fenserit reus, aliqui nullum judicium consisteret: semper enim negaret reus se sentire, aut consentire in eam rem, & ne condemnaretur, semper ludificaret, & impediret intentionem actoris, *l. inter stipulantem, §. 1. de verb. oblig.* Magis obstat huic regulæ *l. si in emptione, de contr. empt.* Finge: Dictum est in emptione fundi, fundo accessurum Stichum, plures erant Stichi: non intelligitur quis accesserit: de alio aut se fensisse venditor, de alio emptor: nam si verus sit consensus in eo Stichus, non consistit venditio, dissentio vitiat emptionem, *d. l. inter stipulantem, §. 1.* Sed si simularent dissentiant, ut amantes litium, quid fiet? Labeo ait, eum Stichum accessurum, quem venditor intellexit: & ambigua tamen venditor usus fuit oratione, *l. ubi est, de reb. dub.* Paulus ait, verborum ambiguitatem esse si veneat Stichus ab eo, cui sunt plures Stichi. Sic ubi Carthagini dari quis stipulatur, ambigua est oratio: quia duplex est Carthago: propterea ambiguum dicit. Constat igitur ambiguum esse orationem, si dicatur in lege venditionis Stichum accessurum, cum essent plures Stichi: &

tamen interpretatio fit pro venditore: & subicit Paulus in *d. l. si in emptione*; nihil referre quanti sit accessio, id est, Stichus: nam pleraque res, inquit, pluris emimus propter accessionem, ut domum propter columnas, vel statuas pictas, vel servum propter peculium, *l. 44. de edit. edic.* Hæc est sententia hujus legis: nunc ut ei respondeam, omnes statuunt, nec possunt aliter, in specie *d. l. 34.* legem venditioni dixisse emptorem, non venditorem, nec palam pronuntiasse emptorem, quem Stichum intelligeret, arque ideo fieri interpretationem pro venditore. Hoc ego non possum admittere: nam in venditionibus semper legem dicit venditor rei suæ, ut in locationibus locator. Hinc Plautus in *Captiv. Scen. 2.* quasi fundum venderet: *meis me addicam legibus*, & ita in *l. insulam*, qui potiores in pign. *l. si quis*, & *leg. de action. empt. l. quidquid*, *ff. de d. l. qui fundum*, *l. si cum fundum*, *l. comprehensum*, *l. si stultas*, de *com. empt.* evidenter expressum est, venditorem in lege venditionis dicere, venditioni accessura dola, accessuras stultas, accessuram villam, accessura pleraque alia. Semper creditor quod accedit venditioni accessurum dicit. Ergo & in *d. l. 34.* is est, qui in lege venditionis dixit accessurum Stichum. Cur ergo secundum hanc regulam, non sit adversus eum interpretatio? Et jam dudum docui libro 1. observat. cap. 10. in *d. l. 34.* esse legendum *emptor*, pro *venditor*. Moveor multis argumentis. Primum quod id referatur ex Labeone, qui scripsit interpretationem fieri pro emptore, ut idem Paul. refert in *l. Labeo*, de *contrah. empt.* Moveor etiam quod in lege præcedenti *d. tit.* ponatur aliud exemplum, in quo ambiguitas est contra venditorem, ut quasi sub oculis poni videantur duo exempla posterioris illius regulæ: unum in *l. præced.* alterum in hac *l. si in emptione*. Moveor etiam quod Paulus sub finem *d. l. 34.* dicat: *pleraque enim res aliquando propter accessiones emimus*. Necessæ est igitur eum dixisse eam deberi quem emptor dixerit. Moveor etiam, quod in stipulationibus, Stichus in stipulationem deductus, si stipulator de alio dicat se sensisse, de alio promissor, & sunt plures Stichus, is debetur, de quo promissor senserit, quod debuerit stipulator apertius stipulationem concipere *l. cum quaeritur de reb. dub. l. 38. §. in postulationib. de verb. obligat.* Moveor postremo, quod fit facilis commutatio venditoris in emptoris, & contra, ut in *l. §. C. qui manum*, non poss. ubi vulgo scriptum est *emptori*, cum debeat esse *venditori*, ut in Basilicis. Est facilis commutatio affinium nominum inter se, & falsit sæpe nos manus nostræ; sicutque in auctoribus pleraque errata, quæ insederunt ab initio, ac auctores ipsos sefellereunt. Ac præterea est ratio evidens, quod in *d. l. 33.* & *d. l. 34.* duo veluti exempla ponantur ad hanc nostram regulam: opponitur etiam huic regulæ *l. in lege 29. loc.* cuius species hæc est: Locator hanc legem dixit conductori falsus: Sylvam ne cædit, neve cingito, neve deurito, neve quem cingere, cædere, deurere, finito. Hæc est lex locationis. Ambigua sunt in ea lege ea verba, *ne finito*: nam vel ita intelligi possunt: Illum prohibeto, quem videris sylvam cædere, cingere, deurere: vel ita: dato operam, observa diligenter, ne quis sylvam cædat, &c. Quæritur, utra interpretatio accipienda sit? Et Jureconsultus ait, esse utramque accipiendam: quod locator sic lege dicta videatur voluisse dicere, non tantum ut non sineret quempiam cædere sylvam, sed ut daret operam, ne quid earum rerum fieret. Igitur se secundum voluntatem locatoris interpretationem fieri, utilitatem ejus solam spectari, quamvis usus sit ambiguo sermone, quod est contra regulam *l. veteribus*. Res est explicatu facilis: mitto quod notavit Accursus in verbo *cederet*, & puto hoc sufficere, si duas constituamus regulas. Prior est cum utraque interpretatio, quam admittit ambiguis sermo pro locatore est, ut in *d. l. 29.* utramque amplectimur. Cum autem una interpretatio pro locatore est, altera pro conductore, hanc potius quam illam amplectimur, ac locus est regulæ *l. veteribus*: & ne quis hæreat in verbo *cingere*, verissime scripsit Paulus in *l. §. arbor. furt. casar.* cingere

A re esse deglabrare, ut fringere dicimus pro destringere: nam cingere arborem, est discingere in orbem, decorticare, deglabrare, quod interpretes Græci varie explicant, modo simpliciter *καρπύου ἀρτί τῷ ἀποκαρπύου* dixerunt, modo *πυλὸν ἀρτί*, modo *ἀποκαρπύου*: & Latini interpretantur eleganter. Cingere, inquit, est detrahare corticem, in quo inest veluti spiritus animalis arboris: nam eo sublato pleraque arbores exarescunt.

Ad L. XIV. de Inoffic. testam.

Pater filium emancipavit, & nepotem ex eo retinuit: emancipatus suscepto postea filio, duobus exheredatis, patre præterito vita decessit, in questione de inofficio testamento præcedenti causa filiorum patris intentio adduc pendet: quod si contra filios iudicetur, pater ad querelam vocatur, & suam intentionem implere potest.

E x hac lege 14. duo potissimum notanda sunt. Unum est, patri præterito testamento filii, dari querelam inofficii testamenti, filio exheredato testamento patris eadem querela datur: præterito autem non datur, sed bonorum possessio contra tabulas. At patri vel exheredato, vel præterito testamento filii semper datur querela inofficii, quoniam præterito patris habetur pro exheredatione, id est, si filius in testamento suo patrem prætermiserit, non instituerit, vel exheredaverit nominatim, eum exheredasse intelligitur. Pater, non exheredat filium, nisi nominatim. Ceteri omnes exheredant, exheredanturque silentio, hoc est, præteritione sive omissione. Loquimur autem de filio emancipato: nam filiusfamilias non facit testamentum, nisi de peculio castrensi vel quasi, & illud non potest impugnari a patre per querelam inofficii. Patri ergo præterito testamento filii emancipati dicimus competere querelam inofficii, quod contra pietatem testamentum fecerit filius insuperhabito patre. Et placet ratio, quæ ex alio libro Papiniani subicitur in *l. seq. his* verbis: *nam est parentibus non debeat filiorum hereditas, propter votum parentum, & naturalem erga filios charitatem: turbato tamen ordine mortalitatis, non minus parentibus, quam liberis pie relinqui debet.* Ex his Papiniani verbis liquet, jus piumque esse, patri dari querelam inofficii testamenti. Nam non videtur quidem deberi patri hereditas filii, si spectes votum patris, & erga filium charitatem. Cujus voti meminit Papin. in *l. Julianus*, *si quis omis. caus. test. l. scripto*, in fin. unde *liberi*. Est vero hoc commune votum omnium parentum, & ut ait Philo, *μία σπουδή τῶν γονέων*, ut liberos suos heredes relinquant. At si forte hic ordo turbetur, si inversa erunt ordine fata, tunc miserationis ratione debetur patri hereditas filii. Turbatur ordo, si filio superstiti pater: nam naturalis ordo, & ut ait Aufonius, iusta series est supervivisse filium patri: & ideo cum pater & filius simul intereunt, ut naufragio, vel alio casu, suggerente ordine naturæ præsumimus filium supervivisse patri, vel matri, *l. qui duos*, *§. ult. de reb. dub. Tacitus Annal. 16.* *servavit ordinem natura fortuna.* Statius 4. *Lingua equidem tholamos, solvo tamen ordine tristes.* Hoc igitur ordine naturæ turbato, male iudicantibus fatiis, pietatis ratio exigit, ut testamento filii patri relinquatur quarta debita portio: aut intestato, quæ vulgo legitima dicitur, institutionis jure: quæ si non relinquatur patri, quasi exheredato competit querela, & vindicatio totius hereditatis. Competit etiam patri præterito bonorum possessio contra tabulas non in adsem, id est, totam hereditatem filii, sed in trientem secundum jus novum, scilicet si in emancipatione filii pater ipse manumiserit filium. Emancipare est vendere filium, venditus filius manumittitur vel ab emptore vel a patre naturali, si eum ab emptore redemerit, quod agebatur contracta fiducia, quod nos dicimus *par un pache de vachapt*. Contrahere fiduciam, est mancipare ea lege, ut mihi reman-

cipe-

cipetur, & a me manumittatur: & ita si emancipati filii manumisso extitero, quasi patronus sum filii; & non quasi patri, sed quasi patrono, si me praterierit filius, qui est mihi quasi libertus, competit bonorum possessio contra tabul. hodie tertiæ partis bonorum filii: nam cui liber alii patrono praterito datur: quod procedere in patre manumisso ostendit *l. si a milite, §. ult. de test. mil. l. filio, §. 1. hoc tit.* Ergo ei, ut patrono, datur bonorum possessio contra tab. tertiæ partis bonorum filii: ut patri autem datur querela in assem, quod hæc *l. 14.* demonstrat, si pater manumisso extiterit in emancipatione filii, siue non. Duplex jus habet pater, qui manumisso extitit: jus patris, & jus quasi patroni. Qui vero manumisso non extitit, habet jus patristantum, quod dicitur jus antiquum, *l. 1. §. ult. si a par. quis manum.* Quod primus nos docuit Virgilius: nec enim antea intellexerant interpretes, quid interesset inter jus vetus, & novum. Et accepta bonorum possessione contra tab. certæ partis a patre praterito quasi patrono, *dict. l. 1. §. ult. eleganter ait,* patrem posse etiam sibi defendere jus antiquum, quod etiam sine manumissione habebat, id est, patrem posse agere querela, & evincere totam hereditatem, qui tamen contra tabul. per boqorum possessionem absulit tantum trientem: neque enim ei nocere debet jus patronatus, inquit *d. l. 1.* cum sit & pater. Denique habebit & jus patris, & quasi patroni. Sed si prius egerit querela, & obtinuerit, frustra postea petit bonorum possessionem contra tab. quasi patronus, quia assem evicit querela inofficiosa, quæ infirmat hoc iure totum testamentum: novo iure, institutionem tantum. Patri igitur praterito, ut patrono intelligimus dari bonorum possessionem contra tab. certæ partis: ut patri querelam inofficiosi testamenti in assem. Nec pugnare videntur hæc duo remedia, cum non eodem iure concedantur, sed unum, ut patrono, alterum ut patri. Et cui ut patri consulum est alia via ut perveniat ad hereditatem filii, hinc non datur querela inofficiosa. Et hoc est quod dicitur, querelam inofficiosi testamenti esse subsidiarium auxilium: sed cui, ut extraneæ, ut patrono consulum est alia via, ei ut patri non denegatur querela inofficiosa testamenti. Alterum quod in hac *l.* velim vos notare, hoc est, in querela inofficiosi testamenti successioni locum esse (quod potissimum respicit hæc lex) id est, prioribus exclusis, quibus deferrebat querela inofficiosa, sequentes ad querelam admitti; ut si testatori fuerint filii, pater, avus, & proavus, & omnes injuria affecterit, exheredatione puta, vel præteritione, quæ pro exheredatione sit, primum ad querelam invitatur filii; his non obtinentibus, forte quod merito sint exheredati, invitatur ad querelam pater prateritus: post patrem avus, & sic deinceps. Et hoc est quod dicitur, in querela esse successioni locum, *l. si non mortis, §. ult. l. 3. b. t.* Species igitur legis nostræ hæc est: Quidam filius emancipatus duos habebat filios; unum, quem pater retinebat in sua potestate, alterum, quem post genuerat. Duos filios exheredavit, patrem prateriit: filii præferuntur patri in querela. Sed quid fiet, si filii non obtinuerint, si iudicetur merito exheredatos; vel ut solebant veteres iudicare, si dictum sit, iustam causam habuisse patrem videri irascendi filiis. Et si non obtinuerint filii, succedit pater in querelam, qui & ipse injuria affectus est, & implebit intentionem suam. Idem erit, si filii, qui præcedebant patrem, hoc est, avum paternum, repudiaverint querelam, si approbaverint iudicium patris. Nam & tum succedat in querelam pater. Est igitur in querela successioni locus. Verum hoc non erat sine dubitatione: & ratio dubitandi erat hæc: quia in legitimis hereditatibus non erat successioni locus ante Iustinianum, §. placebat, *Inst. de legiti. agnat. success.* quia omnis successio legitima deferrebat agnato proximiori, & hoc exclusio non poterat deferri sequenti: a querela autem inofficiosa fit via ad legitimam successiorem: imo vero, qui agit querela, is vindicat hereditatem quasi sibi delatam iure legitimo. Sed fateri prius debere rescindi testamentum:

A rescinditur autem si iudicatum erit, filium immerito exheredatum videri, & rescisso testamento, ut legitimum, heres ab intestato hereditatem vindicabit. Unde quero si in legitima hereditate non est successioni locus, quomodo posset esse locus successioni in querela inofficiosa testamenti? Sed respondeo hoc fieri adinstituto pratoris, non iure civili, d. §. placebat. Sic igitur concludamus. Ratione pietatis filii hereditas debetur patri, quoties voto suo frustratur pater. Ponitur in hac specie, priores egisse filios querela inofficiosa, & non obtinuisse: postea igitur egisse patrem testatoris. Quæro quid dicendum sit e contrario, si prior egerit pater querela (non debuit quidem prior agere, quia præcedebat causa filiorum, & erat adhuc intentio patris in pendenti: sed tamen nemine eum repellente prior egit) & casu quodam etiam obtinuerit? Si obtinuit, filium intestatum fecit: nam querela rescindit testamentum totum, unde consequens est, patris victoriam ei non prodesse, sed nepotibus ex filio, quia non recte egit, ideo non sibi vicit, sed aliis, quia ab intestato prior est causa filiorum, non patris: quod ita ostenditur in *l. 6. §. si quis ex his, b. t.* quod maxime notandum. Sæpe victores pariunt victoriam, non sibi, sed aliis: cum non iure agunt, cumque etiam non iure obtineant causam. Quod si pater prior petierit bonorum possessionem contra tabulas ut patronus, & abstulerit tertiam tantum partem bonorum filii, non propterea intestatum fecit filium: nam bonorum possessio contra tabulas certæ partis, quæ datur patrono, non facit intestatum libertum. Hoc igitur casu victoria patris non prodest filiis, cum non sit aperta via succedendi ab intestato. Sed tamen, si postea egerint querela & obtinuerint, ad iram deductur illa bonorum possessio contra tabulas accepta a patre, quasi patrono, & sine re constituetur: ideoque pater tertiam illam partem, quam accepit restituet filiis cum fructibus, *l. filio, §. 1. b. t.* Ex quo intelligitur, querelam inofficiosi non dari tantum adversus heredem scriptum (quod vulgo dicitur, & plerumque verum est) quia in re distat querela inofficiosa a bonorum possessione, quæ dicitur dari contra lignum, ut ait *l. quod vulgo, de bon. poss. contra tab.* querela inofficiosa non datur contra lignum: nec enim datur antequam heres adierit, sed demum nascitur ab adita hereditate. Ergo datur querela contra heredem, qui tener hereditatem: datur etiam ea contra substitutum, qui adiit hereditatem: imo datur etiam contra fideicommissarium Trebellianum, *l. 1. C. de inoff. test.* Datur etiam fratri exheredato testamento patris, contra fratrem prateritum eodem testamento, qui tamen per bonorum possessionem contra tabulas rem habet, *l. filium, §. sed quemadmodum, de bonor. poss. contra tab.* Et similiter filio exheredato adversus avum paternum prateritum, qui per bonorum possessionem contra tabulas, ut patronus partem hereditatis habet, recte dabitur querela inofficiosa. Ex quibus planum sit, querelam non semper dari contra heredem scriptum, sed & contra alios, qui tam testamento, quam alio quovis modo rem sunt consecuti. Sac multa in hac legem scripsit Accursius, sed si ea, quæ dixi, teneamus, nihil illa nos remorabuntur.

Ad L. VIII. de Prætor. stipulat.

Paulus. notat. Qui sub conditione institutus est, agnita bonorum possessione, cogitur substituto in diem cavere longiorem: prætor enim beneficium suum nemini vult esse capiosum, nec potest videri calumniose satis petere, quem alius antecedit.

§. 1. Cum sub contrariis conditionibus Titio & Marcio legatum sit, utrique caveatur, quia uterque ex voluntate defuncti sperat legatum.

Prætorie stipulationes sunt, quas edicto prætor sedaturum pollicetur certas ob causas, si hærere verbis: Causa cognita repromitti, aut satisfdari iubebo: exempli gratia, damni infecti, vel iudicatum solvi. Hæc est vera definitio.

definitio prætoria stipulationum: prætore eas promittit edicto, sicut actiones; dat quoque stipulationes, ut loquitur *l. si finita*, §. *eleganter, de dam. inf.* sicut actiones, cum jubet stipulationes interponi: atque multe sunt hujus generis stipulationes. In l. 8. agitur de duabus stipulationibus, quarum una est de hereditate testamento relicta sub conditione heredi scripto; altera est de legatis eodem testamento relictis sub conditione. De priore prius dicamus. Heres institutus sub conditione pendente conditione jure civili hereditatem adire non potest: expectare enim debet conditionem, siquidem velit jure civili heres esse per additionem, *l. si quis extraneus, §. ult. de acqu. hered.* At jure prætore benigniore, quod respicit magis ad utilitatem negotiorum: heres scriptus sub conditione, pendente ea potest admittere bonorum possessionem secundum tabulam, quod certum est, etsi primo mirum videatur, *l. 2. §. si sub conditione, l. si sub conditione, C. seq. de bon. pos. sec. tab.* Hoc autem privilegium prætore concedit non absere, hoc est, facile petenti ante conditionem existentem bonorum possessionem secundum tabulam impetrat, quod sit ea res utilissima creditoribus, ne longior mora eis fiat, diu jacentem hereditatem sine domino, vel quasi domino: poterit enim conditio pendere per vicennium, & quis interim respondebit creditoribus? prætore inutile esse existimavit diu in suspensio esse successionem, ideoque dat facile bonorum possessionem etiam scriptis sub conditione, antequam conditio extet, quæ tamen bonorum possessio, si conditio defecerit, sine re constituitur: sed interim pro bonorum possessore habebitur, hoc est, velut heres existimabitur, & cum convenientes creditores, & legatarii, & fideicommissarii. Quid fiet, si heredi instituto sub conditione datus sit substitutus vulgariter sub contraria conditione, veluti hoc modo: Primus heres esto, si navis ex Asia venerit: si primus non erit, secundus esto: vel sic: Primus heres esto, si navis ex Asia venerit, secundus heres esto, si non venerit. Quid, inquam, fiet, si hoc casu heres institutus sub conditione, pendente ea petat bonorum possessionem secundum tabulam, quomodo erit cautum substituto, cum interim bona dilapidare possit primus, & ita lacerare substitutum? Equum est cavere substituto, sed ex iusta causa, non temere. Prætore hoc casu ex iusta causa jubet heredem scriptum, qui pendente conditione accepit bonorum possessionem secundum tabulam, cavere substituto hac stipulatione nihil se in annos 10. vel 20. vel prout libuerit prætore præstituræ diem, si tamdiu pendeat conditio institutionis: nihil, inquam, se in ea hereditate deterius facturum. Demonstrat hoc Paul. §. *sent. de stip.* Ulpian. in *l. inter*, qui satisd. cog. quæ explicatur male ab omnibus, & auctor vobis sum, ut deleatis majorem glossam Accursij. Et vero tantum abest, ut *d. l. inter*, ab hac nostra differat, quinimo illa huic maxime consentit, idque ut liquet apparet nobis enarranda sententia est *d. l. inter*. Primum ait, *inter omnes constare*, id est, certissimum esse. Hoc verbum *constare* est verbum proprium jurecons. ut liquet ex Cicerone in orat. pro L. Flacco, illo loco: *Census est mancipia Amynta, neque huic ullam in eo fecisti injuriam: possidet enim ea mancipia Amyntas, ac primo quidem perimuit, cum te audisset servos suos esse censum. Revertit ad iuriconsultos: constat inter omnes, si aliena, censendo Decianus sua facere possit, eum maxima habiturum esse.* Constat autem maxime inter omnes, quod est edicto proditum. Hæc autem stipulatio, de qua hic agitur, & in *l. inter*, est edicto prodita, ut omnis prætoria stipulatio edictalis est, sed & postea decernitur, cum quis interponi postulat secundum formulam edicti. Ait autem postea Ulpian. in *d. l. inter*, heredem scriptum sub conditione, ea pendente possidentem hereditatem (non dicit ex edicto, non dicit adeuntem. Nam adire non potest ante conditionem) cavere debere substituto de non minuenda hereditate, & si defecerit conditio, primum bonorum possessio secundum tabulam sine re constituitur, & licebit substituto adire ex causa substitutionis, & petere hereditatem a pos-

ribus, & si obtinuerit, committetur illa cautio adversus heredem scriptum, si quid penderet conditione deterius in hereditate fecerit. Et dicit interponatur cautio, antequam deficiat conditio institutionis, & existat conditio substitutionis, non tamen etiam ante committitur ea stipulatio. Et subjicit eam cautionem plerumque interponi jussu prætore ex causa, etiam ante conditionem existentem, hoc est, antequam existat conditio substitutionis, substitutum eam cautionem recte desiderare, etsi nihil juris tunc habeat in ea hereditate, & audiri eum. Et addit Ulpian. interponi etiam ante diem petitionis venientem: quod obscurum est, & explicandum hoc modo. Interponitur cautio ea, antequam conditio substitutionis existat. Hoc dixit sup. Adicit autem, interponi, etiam eam, posteaquam extiterit conditio substitutionis, antequam scilicet venerit dies additionis, & petitionis hereditatis, quæ substituto competere potest, id est, interponi eam, antequam scierit se esse substitutum, vel potius, antequam scierit sibi delatam esse hereditatem ex substitutione. Idem est dies additionis, & petitionis hereditatis, quod ad initium attinet, non quod ad finem: nam & additionis, & petitionis dies cedit, ex quo cognovit institutus, vel substitutus sibi deferri hereditatem, *l. Panponius, de acqu. her. l. regula, §. si filius, de jur. & fact. ignor.* Sed dies additionis finitur 100. diebus, sicut & olim dies cretionis fidebatur. Dies vero petitionis est perpetuus, hoc est, finitur annis 30. *l. hereditatis, C. de pet. hered.* Ceterum quod vult *d. l. inter*, hoc est, eam cautionem præstari substituto, antequam extiterit conditio substitutionis, id est, antequam scierit sibi delatam esse hereditatem, & poterit eam adire: nam duo exiunguntur, ut scierit, & poterit. Hæc est sententia *l. inter*, in qua maxime notandum quod ait, hæc cautionem interponi ex causa, non passim: nam exempli gratia, si heres scriptus sub conditione, qui bonorum possessionem secundum tabulam accepit, sit homo bonæ frugis, non patietur prætore ab eo cautionem exigere de non minuenda hereditate: si sit dissolutus, compellet eum, ut caveat substituto. Veruntamen si sit modica hereditas, vix interponetur hæc cautio: si vero sit ampla, utique interponetur, quia major erit facultas heredi grassandi & dilapidandi: quod definit Paulus d. libro 5. *Sent. tit. 9.* his verbis: *Hujus enim præjudicium a superiore differt, quod quaeritur, an ea res, de qua agitur, major sit centum festeriis, ideoque in majorem diem concipitur.* Quibus verbis videtur Paulus definire ampliore hereditatem ad modum centum festeriorum. Existimat Paulus eam hereditatem esse locupletem, quæ major est centum mille festeriis, quæ summa redigitur ex constit. Justiniani ad centum aureos, seu solidos: semper enim Justinian. mille festeriis æstimat aureo uno. Si igitur hereditas major sit 100. aureis, id est iusta causa interponendæ cautionis, non etiam si minor sit hereditas; atque ita ex causa interponitur hæc cautio, hoc est, causa cognita. Nunc videamus, quomodo constituitur *d. l. inter* cum hac l. nostra. Initio quidem huius legis 8. non profertur quod scripserat Papinianus, ad quod notam adhibuerat Paulus: & ideo quamobrem reprehenderit Papinianum nescimus. Nota autem Pauli sententia apertissima est ex formula cautionis: nam ait, qui sub conditione institutus est, agnita bonorum possessione secundum tabulam, cogitur substituto in diem cavere longiorem. Ex formula cautionis patet, quid sit cavere in diem longiorem, puta, in annos decem, vel 20. vel si ita præfuerit prætore tempus, se nihil in annos 20. deterius facturum, hoc est, cavere in diem longiorem, *l. 1. de ripa mun. C. l. si finita, §. 1. de dam. inf. l. pen. hoc tit.* Ideo autem cavetur in diem longiorem, quia nolunt fidei jussores se obligare in infinitum: sed in hac specie non idonee cautum videtur, nisi caveatur in diem longiorem, & si non in infinitum caveatur, die illo cautionis finito, si adhuc pendeat conditio, quid fiet? Aut liberabitur heres scriptus, qui cavit, aut arbitratu præ-

prætoris ex integro cavendum erit, d. l. si finita § in princip. Ergo qui sub conditione heres est institutus agnita bon. possessione secundum tab. cogitur cautionem interponere. Subjicit Paul. rationem interponendæ cautionis hoc modo: prætor, inquit, nemini vult esse capitiolum beneficium suum: intelligit beneficium bon. possessionis secundum tabulas: & ita in l. sed cum patrono, §. 1. de bon. posses. ait, beneficium bonorum possessionis multiplex est. Beneficium igitur hoc prætoris, quod datur heredi scripto sub conditione, non vult prætor esse capitiolum alteri: non vult bonorum possessionem, quam dat heredi conditionali, præjudicium asserere alteri: & ideo vult caveri alteri, cuius interest, ut puta, substituto, hereditatem scilicet diminutam non iri. Valde sunt suaves, qui ita interpretantur: & possent tamen illi plerisque imponere: ut scilicet prætor nolit beneficium suum esse capitiolum heredi scripto in quem contulit beneficium suum: ideoque heres scriptus, inquit, non est onerandus satisfactione, ut cogatur quærere fideiussores, & cavere, quæ cautio difficilis est, & molesta: sunt enim inventi difficiles fideiussores, l. omnes, §. præterea, C. de episc. & cler. imo est contumelia quædam desiderare ab honesto viro fideiussorem, quasi sit dubia fides illius, aut suspecta, aut non sint ei facultates idoneæ, l. 17. in fin. de testi. tut. Ergo ne beneficium illud heredi scripto sit oneri, non cogitur cavere fideiussoribus: sed satis erit, inquit, si præstet cautionem nudam, nullo adhibito fideiussore, id est, si ipse solus promittat, se in ea hereditate deterius nihil facturum. Atque hoc vis verbi Pauli, quæ sequitur congruere dicunt illi: his scilicet. Nec potest videri calumniose satis petere, quem alius antecedit. Hoc videtur recte dictum, tamen non probatur a nobis, quia satis petere, nobis est petere fideiussores. Denique is, inquit, quem alius antecedit in ea hereditate, videtur calumniose desiderare fideiussores, quos quidem desiderat substitutus, quem antecedit institutus. Et ita durus est actor dum sibi vult fideiussores dari, quod videtur facere vexandi heredis scripti causa, ut indaget fideiussores: nec vero debet tam sollicitè desiderare sibi caveri datis puta fideiussoribus: & æquum est, ut sit contentus nuda promissione. Sed hæc expositio a nobis probari non potest. Nam statimsum hanc cautionem esse satisfactionem, nec caveri recte hæc de re, nisi fideiussoribus idoneis. Paulus dicto loco ait, utiliter esse cavendum. Porro utiliter cavere in jure est satisfactio cavere, §. constituitur, Instit. de usufr. ac propterea, cum summa divisio prætoriarum cautionum hæc esset, alias esse nudas cautiones, sive repræsentationes, alias satisfactiones, Jurisconsultus in l. 1. hoc tit. enumeravit diligenter nudas cautiones, ut intelligeremus, ut ipse ait, ceteras esse satisfactiones. Igitur quæ non sunt in lege prima enumeratæ, satisfactiones sunt. Hæc igitur satisfactio est, quia non est in eo numero. Præterea si non est æquum, si est calumnia quædam seu vexatio ab eo, qui antecedit, desiderare fideiussores, cur non erit etiam calumnia quædam desiderare cautionem nudam? Nam in l. prætor ait, de damno infecto, non tantum qui desiderat satisfactionem damni infecti, sed etiam qui nudam desiderat cautionem damni infecti jurat se eam non petere calumnia causa, aut vexandi animo, quod nos dicimus, pour fascher seulement sa partie: ex quo intelligitur in utramque postulationem cadere posse calumniam, & consequenter eum heredem, qui sequitur alium, puta substitutum, non minus videri calumniose petere cautionem nudam, quam satisfactionem. Postremo nullus ferat unquam ut hæc verba, Prætor suum beneficium vult nemini esse capitiolum, intelligatur de eo, cui dedit beneficium: intelligaturque de omni altero. Nam dicit nemini: hoc est, non vult bonorum possessionem, quam dat instituto, nocere substituto, atque ideo non vult caveri substituto ab instituto, idque satisfactio. Est itaque legendum, in hac lege ut antea probavi, nec potest videri, &c. non ut vulgo, & potest quia & ipse, qui succedit, sperat hereditatem, sperat uterque, nec utri eorum adhuc competit

Tom. IV.

A in hereditate jus ullum: & idem contigit in specie, quæ sequitur. Posterior pars hujus legis est Papiniani, non Pauli, ut constat ex l. etiam, ut in pos. ait. Est quædam stipulatio prætoris, quod legatorum, de qua in tit. ut legatorum nomine caveatur. Hanc stipulationem exigunt legatarii, quibus legata sunt relicta sub conditione ab herede scripto, dum veniunt, ne interim dissipet legata heres scriptus, aut legatorum inanes actiones reddat. Et cavet heres his fere verbis: Quæ dari ferive voluit testator, ea iis diebus dari, ferive quibus voluit, dolumque malum abesse abfuturumque esse. Nunc finge. Eadem res duobus legata est sub contrariis conditionibus, primo fundus ille, si navis ex Asia venerit, secundo idem fundus, si non venerit: utrique legatario præstanda cautio est, quæ etiam satisfactio, & legatum uterque sperat, & nili utrique caveatur, uterque mittetur in possessionem, d. l. etiam, in fine, ut in pos. leg. Idemque erit, si eadem res legata sit duobus sub diversis conditionibus, l. 3. ut leg. nomine cav. quæ corrupte hæc ab Accursio citatur diversæ sunt: ut eam rem lego Titio, facit differentiam inter diversas & contrarias: si navis ex Asia venerit. Deinde, eandem rem lego Mævio, Si Titius consul factus sit: cuius conditio prior extiterit, is prior ad legatum admittetur: erit tamen utrique cavendum. Dices, hoc magno oneri futurum heredi, dum utrique quærendi sunt fideiussores. Dicam, imo non erit, nam poterit utroque fideiussores ad utramque fideiussionem adhibere: nec ideo fideiussores onerabuntur cum futurum sit, ut alterutri tantum teneantur, l. si duo, ut legat. nom. cav. Et sic etiam si filiofamil. legatum sit sub conditione, & patri & filio est cavendum, quia tempore existentis conditionis fieri potest, ut filius non sit in potestate, ut adquiratur filio legatum, non patri. Igitur & filio cautum esse debet, sed iisdem personis cavebitur: quare non onerabuntur fideiussores, qui uni tantum tenebuntur, neque etiam heres d. l. 3. ut leg. nom. caveatur.

Ad L. XXXVII. ad L. Jul. de adult. & L. VIII. de inoffic. testam. & L. IV. de his quæ ut indign.

Sequuntur loci, in quibus ab aliis auctoribus citatur Papinianus in hoc libro quinto questionum.

Scriptisse Papinianum libro 5. questionum de querela inofficiosi testamenti intelleximus jam ex l. 14. de inoffic. test. Et hodie etiam intelligemus conjuncta l. filiumf. 37. ad leg. Jul. de adult. cum his, quæ ex eodem libro Ulpianus refert in l. 8. de inoffic. test. l. 37. ad leg. Jul. de adult. & l. 4. de his quæ ut ind. auf. Quæ omnes il. ostendam pertinere ad querelam inofficiosi testamenti. Et primum in d. l. 8. refert Ulpianus Papinianum libro 5. quæst. scripsisse, filio quem habet in potestate pater exheredato, vel præterito testamento matris, vel avi materni (quorum silentium, sive præteritio exheredatio est) patrem non posse nomine filii instituire querelam inofficiosi invito filio. Aliis actionibus, quæ persecutionem habent nomine filii, quod sint scilicet adquisitæ filio, ac per filium mox patri, potest experiri invito filio, quia pecunia est propria patris. Querela inofficiosi testamenti an habet principaliter pecuniæ persequutionem? Minime: quamvis ei, qui vicerit, obveniat pecunia, hoc est, hereditas: tamen magis injuriæ, quam pecuniæ persequutionem habet; quamquam pecuniam secum trahat: & injuria seu indignatio est propria filii, l. filius de inoff. test. Exheredatio est injuria, infamia, nota. Et querela inofficiosi quasi hujus injuria actio, ac persecutio, id est, exheredationis potius quam pecuniæ: quæ injuria & infamia cum sit propria filii, non est persequenda invito filio, non revocante in animum injuriam filio: querela, inquam, inofficiosi est species actionis injuriarum, est certæ injuriæ actio, id est, exheredationis: qua de causa comparatur recte generali actioni injuriarum. Querela est specialis actio injuriæ: generalis est de ea de qua est titulus, &c. Actio injuriarum

H

rum

rum generalis causam doloris agit, ut ait *Novell. Valentiniani, de libert. & success. cor. Cicero pro Cæcinnæ. Actio injuriarum, non jus possessionis assequitur, sed dolorem immutata libertatis pœna judicioque mitigat, l. 2. §. emancipatus, de collat. bonor. l. Item apud, §. si quis servo, de injur. & famof. libell. actio injuriarum magis doloris & contumelie, quam pecuniæ perfectionem habere, licet lis pecuniâ æstimetur. Et ita etiam querela inofficiosi, doloris & injuriæ est actio, quod ipsum nomen querelæ demonstrat: & sicut generalis injuriarum actio tacita diffimulatione, amittitur, l. non solum, §. i. de injur. ita & l. . . C. de in integr. restit. min. Et secundum hæc, quod Ulpianus ex Papiniano refert in d. l. 8. ut non possit eam pater nomine filii instituere invito filio, quod filii sit injuria, possis verissime trahere etiam ad quamlibet actionem injuriarum, ut nomine filii non possit pater, si filio facta sit injuria, intendere actionem injuriarum invito filio: suo nomine potest agere actione injuriarum, si filio sit facta injuria, etiam invito filio, non filii nomine. Et in hoc discrimen est unicum inter querelam inofficiosi testamenti, & generalem actionem injuriarum: nam injuria alia, quæ fit filiofamil. est communis patris & filii, & ex ea nascitur duplex actio: una, quæ patri competit, altera quæ filio, nec alia aliam consumit, sed ex utraque & actio est, l. i. §. ult. de injur. Nam injuria filii pertinet & patrem, & inde duplex actio oritur, quarum una si egeris, non ideo minus etiam egeris altera: una tuo, altera filii nomine. Tuo nomine, etiam invito filio, quia de honore & dolore agitur, non de re quæ sita per filium. Verum exhereditatio est genus injuriæ, quod solum filium afficit, non est communis patris & filii. An pater pro filio exhereditato, suo nomine non poterit agere querela inofficiosi testamenti nomine? minime: non est injuria communis, sed ut ait l. 8. filii propria. Igitur invito filio pater queri non potest. Item quæro, an præparata querela inofficiosi a filiofamil. exhereditato testamento matris, si mox decesserit filius, an possit pater agere querela inofficiosi? an possit exequi querelam, quam præparaverat filius? Et ex eodem Papiniano d. l. 8. §. i. refert Ulp. non posse, quia filio exhereditato, querela inoffici. testamenti non datur patris, sed filii nomine, qui mortuus est, & cui mortuo heres non existit pater. Querela quidem præparata transmittitur in heredem, fateor, sed filiusfam. heredem non habet, ne patrem quidem. Cum igitur defecerit is, cujus propria injuria erat, nec reliquerit heredem, finita querela est. Et docet d. l. 8. §. i. præparari querelam, hoc est, comparare se exhereditatum videri ad querelam instituendam, si agnoverit bonorum possessionem litis ordinandæ causâ. De qua bonorum possessione hoc breviter observandum est, non esse specialem bonorum possessionem, sed esse bonorum possessionem unde legitimi. Hoc casu, quando filius est præteritus testamenti matris: vel esse bonorum possessionem unde cognati, quando frater est exhereditatus testamento fratris turpi herede scripto: & hanc bonorum possessionem agnoscit exhereditatus, antequam accedat ad querelam, ne ad eam accedat sine prætextu, sine titulo, hoc est, ut dicat, se esse cognatum, vel legitimum, ut dicat se non debere exheredari. Et ita in Gallia necesse est, ut inipetremus litteras regias, quas vocamus *Lettres de Chancellerie*, priusquam liceat licem movere. Ceterum etiam si filiusfamil. exhereditatus intruxerit se ad querelam, & mox decesserit, nihil transmissit se ad querelam, quia solus filii nomine, & voluntate institui potest. Nunc queramus ex contrario, an si filiofamil. sit facta injuria, possit filius agere injuriarum invito patre? Et sane eadem ratione, quia propria est injuria filii, & actio doloris, non pecuniæ persequit principaliter: consequens est, ut possit filius agere invito patre ex iusta causâ. Nam etsi fit propria injuria filii, proprius dolor filii, tamen multum potest patris potestas, multum conferre filium convenit paternæ reverentiæ, ideoque non temere agit, ne de injuria quidem propria invito patre:*

A agit tamen ex causa, ut si pater sit vilissimus, cui jure meritoque Prætor sit daturus curatorem, si pater facili remittat injuriam filio factam, nec velit filium agere injuriarum: filii vero persona sit honesta, hoc casu licebit filio agere injuriarum invito patre, l. sed si unius, §. filiosfam. de injur. Pari ratione filiosfam. licebit reum arguere adulterii eum, qui violaverit thorum suum, aut etiam ream facere uxorem invito patre, quod lex 37. ad leg. jul. de adult. ait constitutum esse: & vero constitutum est ad Adriano. Opus fuit constitutionem, l. inter, §. i. eod. Et subicit rationem Papin. *Vindictam enim proprii doloris consequitur*: ac si diceret: hoc judicium adulterii non est de pecunia, quæ patris est, sed est de proprio dolore, & iustissimo, ut ait l. si adulterium, §. Imperator, hoc tit. Et convenit huic rei, quod ait Ovid. Eleg. i.

B Exigit iste dolor plusquam lex ulla dolori Concessit, at tu ne dubita, minuet vindicta dolorem. Exigit nempe, ut hunc dolorem ulciscatur filiusfamilas etiam invito patre, publico judicio legis Julæ de adulterii. Et consequitur, id est, persequitur, in glossis Basil. *adversari*, quod est persequitur. Eodemque modo filiusfamil. maritus, perinde ac si esset patremfam. adulterum domi suæ deprehensum occidere potest non consulto patre, si modo sit ejus conditionis, quæ exprimitur lege Julia, l. marito, hoc tit. nam non quemlibet marito licet occidere, sed infamem judicio publico damnatum, servum aut libertum suum, aut uxoris, patris, matris, filiæ, vel etiam utriusque eorum. Sunt certi homines, quos deprehensos in adulterio licet occidere, non licet quemlibet, nec omni loco, sed domi suæ, quo casu non distinguitur filiusfamil. a patrefamil. l. inter, §. ult. l. marito, §. i. hoc tit. Hoc est ex l. Julia de adulterii: itemque hoc est ex l. Julia, ut maritus possit uxorem occidere: & necesse est ut triduo id profiteatur apud magistratum. Si tamen impatientia doloris etiam uxorem occiderit, leviori pœna puniatur, quam sit definitum lege Cornelia de fisciis: nam ei remittitur ultimum supplicium, d. l. si adulterium, §. Imperator. Olim licebat & uxorem occidere, ut constat ex Catone apud Gellium, hodie licet ex Novell. Majoriani, quæ dicit, se jus antiquum restituisse: illud scilicet, quod refert Caro & ut Harmenopolus etiam refert, jure veteri quemlibet adulterum licuisse occidere: & notanda est hac in re differentia inter patrem & maritum. Marito five sit patrefamilas, five filius, jus est occidendi adulteri ejus, qui comprehenditur lege Julia. Patri autem si deprehenderit filiam in adulterio jus est occidendi adulteri si modo & filiam occidat: est mira prudentia legis Julæ: vix occidit filiam, nec adulterum igitur: alioquin erit reus homicidii si salva filia, solum adulterum occiderit: sed si filiæ non pepercerit, impune occidit adulterum: & non refert five occidat in domo sua, five generi, non etiam si in alio loco eum deprehenderit. Exiguntur tria aut etiam quatuor ut faciat impune. Primum ut utrumque occidat: nam si alterum tantum occiderit, in legem Corneliæ incidit: deinde ut occidat filiam ex continenti, uno ictu, equali ira in utrumque sumpta, l. quod ait, §. ult. hoc tit. Ex intervallo si occiderit filiam, est reus homicidii, quod occiderit filiam post iram sedatam, non ex continenti. Pleraque licent ex continenti, quæ non licent post tractum temporis, ut ecce, si quis vim, vel injuriam tibi inferat, licet tibi eam ulcisci ex continenti, non ex intervallo, l. 3. §. eum, de vi, & vi arm. quod & verbum *propulsare* demonstrat, cum ait, *vim & injuriam propulsare licere*. Propulsatio non fit nisi ex continenti: ac similiter deprehensa in adulterio filia, non impune alterum occideris, nisi utrumque in continenti occideris ictu uno; atque etiam necesse erat ex lege Solonis, deprehendere *ἐν ὅπῳ*, l. quod ait, l. 23. in princ. hoc tit. seu *ἐν αὐτῷ ὅπῳ*, Lucianus in Dialogo Deor. quod etiam Græci de omnibus criminibus, proprie tamen de furto. Item exigitur ut filia ea sit in potestate patris, nam concipitur l. Julia de eo qui non est in potestate: qui non est suæ potestatis, non potest alterum

rum habere in potestate. Et sane ita est secundum verba legis Juliae. Sed tamen Paulus in Sententiis scribit (quæ tamen sententia non extat) verbis quidem legis prope esse, ut filiusfamilias pater non possit filiam occidere, & adulterum, quoniam lex loquitur de patre, qui filiam habet in potestate: permittit tamen ei, ut eam occidat. Ex his apparet nos existimare tractantem Papinianum de querela inofficiosi testamenti; seu de injuria exheredationis, miscuisse huic tractatui etiam quamlibet injuriam, & agitasse simul, possitne filius invito patre suam injuriam persequi, & contra, possitne pater filii nomine invito filio? Puto etiam, quod ex eod. libro refert Ulp. in l. q. de his quæ ut ind. commodissime referri ad tractatum de querela inoffici. Illud est de legatario, qui unum ex heredibus falso esse adscriptum dicit, nec obtinuit: non est ea lex de inofficio, sed de falso, vel de herede testamentum, quem quis falso heredem esse dicit, & hac in re est differentia, utrum quis dicat inofficiosum testamentum, an falsum. Si quis, cui legatum relictum est, dicat totum testamentum esse falsum, & non obtineat, vel etiam si obtineat, a legato repellitur, l. 3. ad l. Cornel. de fals. Finge, non obtinuisse, & postea petere legatum: non obtinebit, quia impugnavit iudicium defuncti, l. 3. ad leg. Corn. de fals. Sed si dicat unum ex heredibus falso scriptum, non statim repellitur a legato relicto ab illo herede, quem dixit esse falsum; non a legato relicto ab altero, quem non inquietavit. An vero idem dicemus de querela inofficiosi testamenti? licet agere querela pro parte, l. circa, de inoff. test. Sic fieri pro parte testatus, pro parte intestatus, qui ab initio fieri non possit. Finge: Exheredatus egit adversus unum ex heredibus, & non obtinuit, an repellitur a legato? Sic sane, quia adversus unum heredem egit, & totum testamentum incutavit: neque enim potuit agere querela pro parte, qui diceret testatorem dementem fuisse videri. Hic enim est color querelæ: si abesset hic color, non esset locus querelæ, quæ est actio colorata. Asinius apud Quintilianum Furiosum, non inofficiosum testamentum reprehendimus, l. 2. §. l. mater, l. l. Titio, de inoff. test. Quia de causa etiamsi dixeris pro parte adversus unum heredem, tamen non exigeris pro parte dementem defunctum fuisse: atque ita impugnas totum testamentum, ideoque cadis legato tibi relicto. Est etiam alia differentia, quam adnotavit Paul. in l. 5. de his quæ ut ind. exheredatus, qui agnovit legatum non potest agere de inofficio testam. & qui agnovit legatum potest agere de falso testamento. Et hanc adfero differentiam rationem: quia exheredatus, qui agnovit legatum, qui accepit legatum ab herede, accepit, sciens testamentum esse inofficiosum, quia non potuit ignorare se exheredatum esse, qui alium cernebat heredem exequentem partes heredis. Sciens igitur approbavit iudicium defuncti, & injuriam ad animum non revocavit. At potest quis ignorans testamentum esse falsum, accipere legatum, qui si postea cognoverit esse falsum, cum non licebit ei dicere falsum esse testamentum, & legatum obtinere, qui si forte non obtinuerit, causa ei, quod fortasse ei persuasum fuit testamentum esse falsum, vel erat revera falsum, sed non obtinuit. Contra, qui accepit legatum, prohibetur inofficiosum dicere, quia defuncti iudicium approbavit, in quo vel præteritus, vel exheredatus erat, quod non potuit ignorare, cum ab herede scripto legatum petiit, atque accepit.

JACOBI CUJACII J.C.

COMMENTARIUS

In Lib. VI. Quæstionum ÆMILII PAPINIANI.

Ad L. L. de Petitione hereditatis.

Hereditas etiam sine ullo corpore juris intellectum habet. Tom. IV.

A §. 1. Si defuncto monumentum, conditionis implenda gratia, bona fidei possessor faciat: potest dici, quia voluntas defuncti, vel in hoc servanda est: utique si probabilem modum faciendi monumenti sumptus, vel quantum testator jussit; non excedat eum, cui asportur hereditas, impensas ratione delicti exceptione, aut retenturum, aut actione negotiorum gestorum repetiturum, veluti hereditario negotio gesto; quamvis enim stricto jure nulla veneantur actione heredes ad monumentum faciendum, tamen principali, vel pontificali auctoritate compelluntur ad obsequium supremæ voluntatis.

L I B R I quinti quæstionum Papiniani magna pars fuit de querela, & petitione hereditatis, quæ datur ex causa inofficiosi testamenti. Liber sextus est de generali petitione hereditatis, & de speciali in rem actione; & quod primum ex illo libro se offert in l. 50. de per. her. docet quid hereditatis nomine contineatur. Hereditas, inquit, etiam sine ullo corpore, juris intellectum habet. Sententia hæc est: Hereditatem cum dicimus, ius dicimus, non corpus, non pecuniam: hereditas est nomen juris, non corporis, res incorporalis, non corporalis, l. 1. §. quædam, de ver. div. l. 3. §. 1. de bon. poss. l. hereditatis, l. bonum, l. pecunia, de ver. sig. Ergo hereditas res est, quæ sensibus non percipitur, sed quæ intellectu abstractitur, & apprehenditur. Corpora solis sensibus percipiuntur, aut non nisi sensibus. Et hoc est quod dicunt Philosophi: sensus cognitionem non ante sensum esse: neque enim rem corporealem nostri, nisi eam videris, vel attigeris. Secus in corporalibus: nam ante sensum rem incorporealem nostri, etiam si eam neque videris, nec attigeris. Ex eo sequuntur multa: hereditatem non posse usucapi, quia res incorporalis non potest usucapi: hereditatem non posse possideri pro diviso, l. 8. in fi. de rei vin. quia pars pro diviso est corporalis, rei autem incorporalis pars corporalis esse non potest: possideri quidem hereditas potest pro parte indivisa: hæc enim pars non est, sed intelligitur, sed non potest etiam hereditas possideri pro parte divisa. Sicut etiam d. l. 8. ait, quod notandum, rem mobilem non posse possideri pro diviso: nam si rem mobilem dividis, perdis, navem dividere, perdere est, ut dicebat Calcellius apud Macrobius 2. Saturnal. 6. Ideoque nec res mobilis corporalis, nec hereditas pro diviso possideri potest. Ex eo etiam sequitur quod est in l. cogit, §. inde quaritur, ad Trebell. si quis rogatus sit restituere hereditatem deducto ære alieno, & legatis, & oneribus deductis, inanem esse eam deductionem, aut compleri eam non posse, quod non possit ex jure (id autem est hereditas) deduci quantitas. Et ex his etiam intelligitur, etiam si in bonis, quæ relinquit defunctus, nulla sint corpora, nulla pecunia, sed jura tantum, ut actiones, obligationes, nomina, hereditatem tamen esse. Si in bonis tantum sit unum nomen, hereditas est, cuius tamen nullum subest corpus, quod mihi possis demonstrare, nisi corpus chirographi, quod per se nihil est. Nam non corpus chirographi spectamus, sed nomen & actionem. Et ita fit, ut actione, quæ proponitur hoc titulo, agatur non tantum adversus eum, qui possidet corpus hereditatis, sed etiam adversus eum, qui jussu possidet. Sic hereditas petitur a debitore hereditario, vel ab eo, cui per causam hereditatis actio aliqua competit, l. nec ullam, §. ult. l. quod si, §. idem Julian. & l. idem Julian. h. t. Finge: is, qui possidebat pro herede, fundum hereditarium, dejectus est vi de possessione fundi, an recte ab eo petitur verus heres hereditatem? Sic sane: quin etiam si non possideat fundum, cuius possessione detrusus est; habet, tamen ius, id est, interdictum unde vi recuperandæ possessionis causa, quod quidem actori, seu heredi vero conventus petitione hereditatis cogetur cedere; hoc enim tantum intendit actor: nam hæc actio est mista, & intendit non tantum suam hereditatem esse, sed etiam sibi dari, aut fieri oportere. Mista igitur actio est tam in rem quam in personam. Breviter quid est hereditas? est ius universum successionis defuncti; vel, successio juris universi defuncti. Ut medicis infirma valetudo, & valetudi-

divis infirmitas ægritudo est: ita nos dicimus jus universum successione, & successionem juris universi pro hereditate. Et jus universi dicimus, quod nomen istud comprehendat non lucra tantum, sed etiam damna: non tantum commodam, sed & onera. Et sunt pleraque damnosæ magis hereditates quam lucrosæ: est enim hereditas jus universum, quod sustinuit defunctus: & similiter recipit nomen istud quasi nomen juris, accessiones & decessiones omnes: hereditas facile suscipit augmentum & diminutionem, neque ei, ut corpori certi fines circumscribuntur. Et quamvis in actione in rem speciali, quæ est de corporibus, non veniant fructus percepti ante litem contestatam, neque adionis jure, neque officio judicis: fructus tamen percepti ante litem contestatam post mortem defuncti veniunt in petitionem hereditatis, *Item veniunt, si item non solum, h. tit. quia formula petitionis hæc est, si hereditatem Titianam meam esse paret.* Petitur ergo hereditas, porro augetur hereditas fructibus, verbis ergo formulæ prope est, ut videaris etiam petere fructus, qui hereditati accesserunt post mortem defuncti. Juris nomen latissime patet, quod facile augetur, vel diminuitur, & hereditas igitur: hereditas Rhetoribus est pecunia, nobis non est pecunia, sed jus, cum peculium, cum dotem, fructum dicimus, jus peculii, jus dotis, jus fructuum dicimus, non peculium, non dotem, non fructum simpliciter: quæ fere verba juris in jure consistunt, id est, juris intellectum habent. Proposita definitione hereditatis transit Pap. ad quaestionem hujusmodi. Quidam heredem scriptis sub conditione, si ei monumentum intra tres menses edificaret: Bonæ fidei possessor, qui existimabat se esse heredem, ejus conditionis non ignarus, eam implevit, monumentum edificavit, ut perveniret ad hereditatem: deinde evincitur ei hereditas petitione hereditatis a vero herede, suam esse hereditatem asserente. In hoc judicio bonæ fidei possessor justus sumptus reputatur actori, eosque sibi servat beneficium retentionis, vel exceptione doli mali. Quæritur, an justus sit sumptus, quem fecit monumenti causa? Aut justum sumptum esse, non tantum, si sub ea conditione heredem scripserit, ut monumentum faceret, sed etiam si pure cum scripserit, & damnaverit, ut monumentum faceret: nam utroque casu servanda est voluntas defuncti: & sane priore, quia ante conditionem impletam non potest adire hereditatem scriptus heres sub conditione: sed & posteriore etiam. Et hoc est quod ait: *voluntas defuncti, vel in hoc servanda est, id est, etiam in hoc, si in quovis, ut in Basilicis, nam hoc vocabulum, vel, non est hoc loco particula disjunctiva.* Sed exigitur, ut ait Papin. ne probabilem modum exceßerit extruendo monumentum: qui constituitur arbitrio boni viri pro facultate, & pro modo dignitatis defuncti. Vel exigitur ne excedat modum, quem ipse testator constituerit, si modo & ipse testator justam rationem sumptuum servaverit: nam si immodicum sumptum fieri jussit, non erit servanda ejus voluntas. Et placet valde quod est in l. i. in fi. & l. a. ad leg. Falcid. si cui sit legata pecunia ad monumentum faciendum, quandoque legatarius pati Falcidiam: nam si legatum tantum sit pecuniæ, quantum sufficit ad speciem modicam monumenti, non patitur Falcidiam, legatum habet extra rationem Falcidie: sed si legata sit immodica pecunia ad monumentum faciendum, in eo quod abundat, legatarius patitur Falcidiam, nec permittitur illi totam pecuniam infundere in monumentum, ne plus impendat, quam ferat arbitrium boni viri: sunt enim leges, quæ imminuunt istos sumptus, nec omnia volumus concedi defuncto, sed id tantum quod sufficit ad speciem modicam monumenti: reliquum igitur habebit inavit legatarius, & ex eo patietur Falcidiam detrahi. Significat d. lex i. §. ult. necessariam quidem impensam esse funeris, & sepulture, & eam deduci in ratione Falcidie ponenda quasi æs alienum, tamen impensa monumenti non deducitur, quia non est necessaria, nisi scilicet eam testator fieri voluerit, ac tum etiam non est necessaria quatenus excedit modum. Ergo si hunc modum

A servavit bonæ fidei possessor, qui ex voluntate defuncti monumentum fecit, sane modum heredi reputabit, qui sibi aufert hereditatem hoc judicio: & ait, *eum ratiore impensas ratione doli exceptionis: vulgo legitur, impensas ratione doli retentionis.* Florentie legitur: *impensas ratione doli exceptionis, aut retentionis: manifesto ita legendum est: ratione doli exceptionis, par le moyen, retentionis.* Ita legitur in l. unum, §. sed si uno, de leg. 2. l. 12. ad l. Falcid. l. 69. §. ult. de leg. 2. Ergo opposita exceptione doli mali retinebit possessor sumptum, vel etiam non sit usus retentione, vel exceptione doli mali, licebit ei cui evincitur hereditas, agere cum herede actione negotiorum gestorum, quasi gesserit negotium hereditarium, quia necesse fuit heredi monumentum facere. Et hoc ut ostendat eleganter dicit: nulla quidem actione civili compelli heredem ad monumentum faciendum: ex præcepto testatoris non nascitur actio stricto jure, non potest compelli: non omnia præcepta defuncti pariunt obligationem, l. 2. Mutius de ann. legat. deficit ergo ordinaria actio: sed Principali vel Pontificali auctoritate potest compelli ad obsequium voluntatis supremæ: tenetur igitur heres: Et ille ergo bonæ fidei possessor agat recte negotiorum gestorum in his, quæ ad sepulture religionem pertinebant. Solebat etiam extra ordinem, quia & ipse plerumque erat Pontifex Maximus. Hodie solent adiri Episcopi, maxime cum quid fieri pie jussit defunctus, ex l. nulli, & ex l. 45. C. de Episc. & Cler. & quod dixit ad hæc, quæ pia sunt exequenda compelli heredes, non tantum Pontificali, sed & Principali auctoritate, ut l. ossa, de religio. & sumpt. sum. ex eo possis defendere, quod cum hodie judicet vice nomine principis, auctoritate Senatus compelli heredes exequi pia jussa defunctorum. Et mihi contigit alias videre Pand. magni Ranceti: is hoc loco, & ad verbum illud, *Principali auctoritate*, adnotaverat: M. d. xxx. vi. Kal. Majas, hac de re ita Luterzæ Senatum censuisse, cum ageretur de sacerdotis cuiusdam pia voluntate exequenda, cujus executionem ipse commiserat alteri sacerdoti: & cum is executor sacerdos, rem revocaret ad suum iudicem, Senatus postulationi locum non dedit, sed remisit illum ad cognitores libellorum, a la chambre des requêtes, ac si ea cognitio non esset tantum Pontificalis, sed Principis, & consequenter Senatus. Ergo recte definit Papia. justum esse sumptum, quem fecit bonæ fidei possessor, ac recte reputari ei qui evicerit: & si fuerit omnia reputatio, adhuc bonæ fidei possessori integram esse negotiorum gestorum actionem. Nam etiam si non fuerit heres obligatus summo jure, tamen compelli poterit Pontificali, vel Principali auctoritate. Uno casu etiam tenetur civi actione heres, qui monumentum facere jussus est, nec necesse est adire Principem, scilicet si coheredem habuerit: Potest enim a coherede compelli monumentum facere actione familiaris circumscribenda, & post divisionem hereditatis actione præscriptis verbis, quoniam divisio hereditatis est quasi permutatio, hac ratione scilicet, quia interest coheredis monumentum fieri, nam jus monumenti omnem heredem sequitur, nisi aliter caverit defunctus, l. his consequenter, §. sed & cum monumentum familiaris, sed si sit ex asse heres, non potest compelli ad monumentum faciendum, nisi extra ordinem, vel a Principe, vel a Pontifice, vel a Senatu, qui vice Principis est, & cujus ipse Princeps pars est, l. quisquis, C. ad l. j. ul. majest.

Ad L. ult. Si pars heredit. petatur.

Cum heredis ex parte instituti filius, qui patrem suum ignorabat viro testatore decessisse, partem hereditatis, nomine patris, ut absente, administraverit, & pecunias distraxisse rebus accepit: hereditas ab eo peti non potest, quia neque pro herede, neque pro possessore pretia possidet, sed ut filius patris negotium curavit. Negotiorum autem gestorum actio ceteris coheredibus, ad quos portio defuncti pertinet, dabitur. Illud enim utique non est metuendum, ne etiam patris,

patris, a quo forte exheredatus est, teneatur hereditibus quasi negotia hereditaria gesserit: cum id quod administravit, non fuerit paterna hereditas. Nam etsi negotiorum gestorum actio sit ei cuius nomine perceptum est: ei cuius nomine restitui aequum est. Sed in proposito neque patris negotia fuerant, qui esse desierat, neque paterna successione, que fuerunt alterius hereditas. Quod si filius iste patri suo heres extitit, & movet controversiam, quod pater ejus postquam heres extitit mortem obierit, ille tractatus incurrit, an ipse causam possessionis mutare videatur? Quoniam tamen qui negotia hereditaria gessit, & debitor esse cepit, postea faciens controversiam hereditatis, ut juris possessor, convenitur, idem etiam in hoc filio respondendum erit.

Sequitur de petitione hereditatis alia longe difficilior **B** quæstio, l. ult. si pars hered. Sciendum est, petitionem hereditatis dari tantum adversus eum, qui pro herede, vel pro possessore possidet, non adversus eum, qui alio titulo possidet, veluti pro emptore, pro donato, l. regulariter, de pet. hered. l. pen. C. in quib. caus. cess. lon. temp. præs. Et ratio regulæ est optima, quia is, qui alio titulo possidet rem hereditariam, veluti pro emptore, heredi non facit controversiam hereditatis, sed ejus rei tantum, quam possidet pro emptore. Nam etsi dicat se eam rem emisse, quæ est ex hereditate ad te pertinet, se habere in manu instrumentum emptionis, non ideo negat te esse heredem: denique non facit tibi controversiam hereditatis, non contra vindicat hereditatem: & vindictio omnis mutua est, vindicat actor, & contra vindicat reus, aut non est lis de vindicatione, nisi uterque idem intendat, §. 1. Inst. de act. Ad qui pro herede possidet vel minimam rem, facit tibi controversiam hereditatis, quia existimat se heredem esse, & contendit. Is quoque, qui pro possessore possidet, facit controversiam hereditatis. Pro possessore possidet fur, aut prædo, qui possessionis suæ nullam iustam causam allegare potest, qui interrogatus cur possideat, hoc solum respondet, quia possideo, qui interrogacionem vertit in responsonem, atque ita si nullam afferat causam suæ possessionis, & tamen litiget tecum, qui me heredem esse aio, profecto videtur & hic mihi facere controversiam hereditatis, dum suæ possessionis nullum mihi titulum proferat, & presumitur ut heres possidere, qui cur possideat non dicit, nec possit dicere. Et inde factum est, ut detur tantum petitio hereditatis adversus eum, qui pro herede possidet, vel pro possessore, id est, qui facit controversiam hereditatis, quam non facit, qui ex alio titulo possidet. Item sciendum est, petitionem hereditatis dari non tantum adversus eum, qui pro herede, vel pro possessore possidet, sed etiam adversus eum, qui veluti possidet jus, d. l. regulariter, & l. etiam. Ut datur adversus debitorem defuncti, sic datur adversus debitorem hereditarium, hoc est, qui negotium hereditarium gessit jacente hereditate: hic nunquam fuit debitor defuncti: nam post ejus mortem ad negotium hereditarium accessit, & debitor esse cepit ex gestione: ab hoc peti potest hereditas quasi a juris possessore. Omnis debitor juris possessor est, id est, quicumque est in ære nostro, jus nostrum quodammodo possidet: a debitore heredis, veluti ab eo, qui negotium gessit heredis, post aditam hereditatem non potest peti hereditas, l. quod si in diem, §. non solum, de pet. hered. His cognitis ita ponamus speciem. Titius Valentis moriens multos sibi heredes instituit, & in his patrem tuum profectum in Asiam, & qui ibi decesserat vivo testatore: tu vero cum existimares patrem adhuc vivere, partem hereditatis, ex qua heres a Titio scriptus fuerat, administrasti, & rebus hereditariis quibusdam distractis pretia percepisti. Pone, distractis te fructus, vel alias res, quæ mora periturae erant: nam ceteræ res non possunt distrahi a gestore negotiorum: nam nec a procuratore totorum bonorum sine speciali mandato, l. procurator, de procur. Quæritur, an coheredes patris possint tecum agere petitione

A hereditatis, qui ex rebus hereditariis pecuniam conficisti, & apud te habes? Et ait Papin. non posse agere, quia non potes videri pro herede, aut pro possessore possidere, quia non tibi, sed patri possides, & contemplatione patris, quem superstitem arbitraris, & ita l. etiam §. si quis, de pet. hered. Hæc actio datur adversus eum, qui sibi possidet, non qui alii, ut gestor, ut procurator voluntarius. Verum coheredibus patris erit in te actio negotiorum gestorum, quasi negotio hereditario gesto, quia scilicet, portio patris accrevit coheredibus ejus. Dices: imo non accrevit, sed pervenit ad fiscum. Nam ponitur pater decessisse vivo testatore. Ergo portio illi adscripta fuit in causa caduci: quæ relicta deficiunt post testamentum vivo testatore, sunt in causa caduci, cadunt in fiscum, nec accrescunt heredibus, hoc, inquam, jure ante constitutionem Justiniani, qui sustulit caduca, & ea quæ sunt in causa caduci: id est, jus omne fiscale, cui ex his causis locus erat ex l. Papia: sed hoc jure ea, quæ sunt in causa caduci, ut si unus ex heredibus moriatur vivo testatore, portio ejus cadit in fiscum, nec accrescit coheredi: & tamen hoc loco Papinian. offendit, eam portionem patris accrevisse coheredibus: quid dicemus? Aut coheredes fuisse ex liberis, aut parentibus testatoris, in quibus servabatur jus antiquum, non novum, id est, leges caducariæ: præferbantur enim fisco in his, quæ deficiebant post testamentum, quæ deferebantur fisco, l. unica, §. & cum lex, C. de cad. vol. & Ulpianus in fragm. Vel dicemus coheredes fuisse invicem substitutos, portionem patris coheredibus jure substitutionis reciproce obvenisse, quæ substitutio præfertur **C** fisco l. 5. de vulg. subst. d. l. un. §. 1. Vel quod magis est, quodque Græci sequuntur, in l. ult. & l. pen. hoc sit, quæ est de re eadem fere, ponendum portionem hanc non esse in causa caduci, sed haberi pro non scripta, patrem decessisse ante testamentum: plane ergo vivo testatore mortuum fuisse heredem scriptum ex parte: ergo portionem ipsius esse pro non scripta: semper autem quæ pro non scriptis erant, accrescebant coheredibus, neque ad hæc admittebatur fisco, sed ad caduca tantum, id est, quæ deficiunt post testatoris mortem; vel quasi caduca, quæ deficiunt post testamentum Patri meo post mortem meam ab alio herede scripto, mortuo patre herede scripto ex parte, ut dicam brevius. Nec movemur verbis l. dum ait, patrem decessisse vivo testatore: nam & is sane decessit vivo testatore, qui decessit ante testamentum, & hoc interpretamentum Græcorum extat in Basil. lib. 42. tit. 2. his verbis: τὸ πατρὸς μὲν μὲν τὸ τελευτήσαντος, ἀλλ' οὐδὲν μετὰ τὸν θάνατον. Cum quidam patrem meum, qui jam vita exceperat, heredem instituisse. Ergo tu, qui eam partem quæ erat patri jam mortuo adscripta administrasti, negotium hereditatis gessisti, & consequenter negotium coheredum patris, qui postea adierunt: nam tu administrasti eam portionem, & distractisti, antequam heredes adirent, hoc ponendum est cum hoc loco, tum in l. pen. nam si post aditionem coheredum partem illam administrasti, non gessisti negotium hereditarium, id est, jacentis seu vacantis hereditatis, sed negotium heredium, & factus es ex ea causa non debitor hereditarius, sed heredum. Itaque nullo casu conveniri potes petitione hereditatis: nam a debitore **E** heredis non potest peti hereditas, d. l. quod si in diem, §. non solum. Et tamen in fine hujus legis datur casus, quo a te petitur hereditas, quasi a juris possessore: quæ sane non peteretur, si esses debitor heredium, non hereditatis, nec diceret lex passim, te gessisse negotium hereditarium: gerendo autem negotium hereditatis, antequam heredes adirent, tu tibi hereditatem obligasti, & tu vicissim te hereditati obligasti actione negotiorum gestorum, ut ait l. nam & servus, §. 1. de negot. gest. nam etiam si negotium illud gesseris nomine patris tui ut abscentis, non nomine totius hereditatis, tamen re ipsa gessisti negotium totius hereditatis, & consequenter teneris eo nomine heredibus, qui post adierunt Titianam hereditatem: nec enim tam spectamus, cujus nomine negotium gesseris, quam

quam cuius rei ipsa gesseris: nam etiam si primi negotium gesseris, cum existimares te agere secundi, inter te & primum est actio negotiorum gestorum ultro citroque l. 5. §. 1. & l. 6. §. item queritur, & duab. seq. l. qui utiliter, de negot. gest. l. in hoc iudicium, comm. divid. Atque ita in hac specie non teneris quidem coheredibus patris petitione hereditatis, quia tibi non possidisti, sed patri, sed teneris negotiorum gestorum, quia revera negotium hereditarium gessisti distrahendo, ut scilicet reddas pretia, quae accepisti, coheredibus, quibus portio illa accrevit: patris autem heredibus non teneris eadem actione, vel alia ulla. Finge te fuisse exheredatum a patre aliis heredibus scriptis, an quod partem hereditatis adscriptam patri administrasti, teneris paternis heredibus? Minime, quia quod administrasti est Titianae hereditatis, non paternae: & hoc est quod proponit his verbis: Cum heredis, &c. Quod sequitur est obscurum. Contra sententiam hanc, quae dicitur, te non teneri heredibus patris a quo fuisti exheredatus, ejus negotii nomine, sed heredibus Titii negotiorum gestorum actione, posset quis ut hoc argumento, cui respondet Papianus in sequentibus: *Actio negotiorum gestorum datur ei cujus nomine debitum exactum est, quamvis ei revera nihil debitum fuerit, l. 6. §. item queritur, & §. seq. de negot. gest.* Sed ut Latini & Graeci suppleant recte: *Exigitur, ut ratam exactionem habuerit*: nam rati habitio constituit negotium ejus, quod initio ejus non fuit, licet sit gestum nomine ejus. Porro filius nomine patris administravit eam partem hereditatis, cum tamen non esset heres pater: erat enim ea portio pro non scripta, & pater pro non scripto, & distraxit res nomine patris. Ergo heredibus patris, in quibus, danda est actio negotiorum gestorum, quia nomine patris tu illud negotium gessisti: nec refert, quod revera non fuit ejus negotium, sed est quod gessisti nomine patris. Papianus respondet, nos in hanc rem abuti propositione, quae sumpta est initio: neque enim species de qua hic tractatur, sive propositio, ut solet loqui Julianus, convenit cum specie, & propositione superiori: quia negotium quod tu gessisti nunquam fuit patris, qui eo tempore quo gessisti desierat esse in rebus humanis, quique illud ratum non habuit, quod omnino requirebatur: rati habitio illud negotium non conciliavit, non fecit patris, qui desierat esse: ac propterea negotium illud non fuit hereditatis patris, sed hereditatis Titii, non fuit ergo heredum patris, nec susceptum est nomine heredum patris, nec gestum, ut non possit inde dari actio negotiorum gestorum heredibus patris: sed videtur esse alienum negotium, id est, hereditatis Titianae: nam nomine patris gessisti, ut heredis Titii, qui tamen heres non erat: & ideo magis est, ut dicamus alienum esse nomen, alienam rem, alienum negotium, id est, hereditatis Titianae. Ergo debere te pecuniam redactam restituere heredibus Titii, non heredibus patris. Et hoc est, quod voluit Papianus in seq. sed locus est valde depravatus etiam in Pand. Florentinis: sic enim legitur: *nam etsi negotiorum gestorum actio sit ei, cujus nomine perceptum est, ei cujus nomine restitui aequum est*: & verior est vulgata scriptura, quam sequuntur Basilica; *heic tamen legendum est, non, hoc*. Ergo sententia haec est: quamvis debitum exactum nomine Titii, Titius repetat actione negotiorum gestorum, quamvis ei non sit debitum, dummodo ratum habeat, tamen *hic, in rati habitio* in specie proposita, quod nomine hereditatis non patris, sed alterius est perceptum, aequum est restitui hereditati: coheredibus ergo patris, non heredibus. Restat unus casus tantum de filio eodem, qui in specie eadem cum pater decessisset vivo testatore, hoc ignorans pecuniam ejus administravit, de eodem inquam filio non exheredato, sed herede patris. Idem filius, qui id negotium gessit ignorans patrem decessisse, heres existit patri, & quasi heres dicit ad se pertinere partem illam hereditatis Titianae: Nam affirmat patrem decessisse post additionem, *il meo celo en fait*, non ante, atque ita adquisisse portionem illam hereditatis Titianae. Facit igitur controversiam hereditatis pro par-

A te illa. Queritur, an conveniri possit petitione hereditatis? Et ita videtur: possidet enim jam pro herede, aut si falsum titulum heredis sciens praetendit, id est, si falso sciens affirmat patrem decessisse post additionem, possidet pro possessore. Sed contra non videtur teneri petitione hereditatis, quia neque pro herede possidet, neque pro possessore: etiam si enim assumat nomen heredis, & contendat eam partem ad se pervenisse, quod ex ea parte adierit hereditatem Titii: tamen non potest videri eam partem possidisse pro possessore, vel pro herede: nam regula juris est, neminem sibi ipsi posse mutare causam possessionis l. 3. §. illud, l. quod, l. cui bona, §. ult. de acquir. posses. l. 2. §. 1. pro her. l. non solum, §. quod vulgo, de usucap. causam possessionis, id est, titulum. Filius possidet alieno nomine, hoc est, patris: non potest igitur efficere, ut possideat suo nomine, qui alii: non potest efficere, ut possideat sibi: non mutavit causam possessionis, ergo non tenetur petitione hereditatis, quia sibi non possidet. Sed longe aliter respondet Papianus, & ab extraneo fumit argumentum ad filium. Finge: Quidam extraneus gessit negotium heredis, & debitor esse coepit ex ea administratione, alii gessit, nunc facit controversiam hereditatis, cum pecuniam possidet ut heres, an teneatur etiam petitione hereditatis? Sic videtur, ut possessor juris, id est, ut debitor hereditarius. Ergo & filius tenetur ea actione, hoc est verissimum, d. l. quod si diem, §. non solum. Neque obstat illa regula: neminem sibi possessionis causam mutare posse: quae ita procedit, ut nemo solus sibi mutare possit titulum possessionis nulla extrinsecus accedente causa, l. cum nemo, C. de adq. her. Sed nova quaedam extrinsecus accedente causa potest mutari causa possessionis; non potest sibi mutare, sed potest sibi mutari re ipsa, re existente quadam nova. Finge: Fur rem furtivam possidet pro possessore: sed si rem dominus ei donaverit, incipit possidere pro donato: mutavit causam possessionis, sed eam ipse non mutavit, sed dominus. In hac etiam specie dico accidere novam causam extrinsecus, quae mutat titulum, cognatio scilicet mortis patris: haec efficit per se ipsam, non sola destinatio filii, ut, qui possidebat patri, quem vivere putabat, nunc faciens controversiam hereditatis possideat sibi. Cognitio erroris nova causa est, quae patitur facile mutari titulum possessionis, & ita in l. etiam, §. si quis absentis, de pet. her. Quidam possidebat nomine absentis hereditatem totam, vel partem, & incertum erat, an absens ratum habiturus esset, nec ne: interim is, qui possidet absentis nomine hereditatem, non tenetur petitione hereditatis, quia non sibi possidet, sed alii: sed si postea ille ratam illam possessionem non habeat, tunc gestor ille videbitur suo nomine possidere pro possessore, quasi praedo, & tenebitur petitione hereditatis. Nam quod contigit, ut non habuerit ratum is, cujus nomine possidebat, hoc immutat titulum possessionis. Ratum non habere, est facere: non ipse sibi mutat, sed factum absentis, qui quod is gessit ratum non habet: & ita iusta aliqua causa accedente, potes dicere non tam mutare sibi quem causam possessionis, quam ei mutari: & hoc facile toleravit in ultima parte hujus legis, idemque evenire in l. pen. cum multi sunt instituti heredes, & inter eos, qui erant in Asia, qui ante testamentum relicto herede suo procuratore, & alio quodam: & hoc omne cum ignoraret procurator, partem hereditatis administravit, ex qua fuerat scriptus: ait eum teneri coheredibus domini petitione hereditatis, ut reddat eam pecuniam, videlicet, quod supplendum est, si is procurator, addendum est, faciat controversiam hereditatis, veluti possessor juris, id est, debitor hereditarius: nam gessit antequam adirent coheredes: haec sunt, quae erant adnotanda ad hanc legem.

Ad L. Sinavis LXII. de Rei vindicatione.

Si quis a mala fidei possessore petatur, & fructus asistat

mandi sunt, ut in taberna, & area, quæ locari solet: non est ei contrarium, quod de pecunia deposita, quam heres non attigit, usuras præstare non cogitur: nam & si maxime vectura, sicut usura, non natura provenit, sed jure percipitur: tamen ideo vectura desiderari potest, quoniam periculum navis possessor petitori præstare non debet, cum pecunia periculo dantis saneretur.

§. 1. Generaliter autem, cum de fructibus æstimandis quaritur, constat animadverti debere, non an male fidei possessor fruiurus sit, sed an petitor frui poterit, si ei possidere licuisset, quam sententiam Julianus quoque probat.

Hæc lex etiam est de petitione hereditatis, sicut duæ priores, & quæstio ejus est de æstimandis fructibus a iudice in petitione hereditatis & in actione in rem speciali. In hac quæstione, ut notatur in l. fructus hoc tit. separandus est male fidei possessor a bonæ fidei possessore, & hujus sententia prior summa hæc est. Post litem contestatam nullam esse inter bonæ fidei & male fidei possessorem differentiam, scilicet si quaratur de fructibus perceptis, aut percipiendis post litem contestatam: neque enim eos indistincte restituit: Sed differentia est inter eos quoties quaritur de fructibus perceptis, aut percipiendis ante litem contestatam: nam si conveniatur male fidei possessor, æstimantur fructus, qui percepti sunt ante litem contestatam, atque etiam ii qui percepti debuerunt, idque indistincte & percipiendi, idque indistincte, sive titulum habuerit male fidei possessor, sive non: quam tamen distinctionem Accursius conatus est introducere perperam, sive ex his locupletior factus sit, sive non. Bonæ fidei vero possessor restituit fructus perceptos ante litem contestatam, nec tamen omnes, sed eos dumtaxat ex quibus locupletior factus est, fructus percipiendi non æstimantur, quia cum esset bonæ fidei possessor, eximitur rem suam neglexisse. Porro in fructibus numeramus mercedem locationum, vecturas jumentorum & navium, l. mercedes, de petis. her. Finge: Is, qui mala fide possidebat navem alienam, nullum quæstum fecit ex ea, nulli eam locavit, & nullam vecturam tulit. Ait Papin. hoc loco, in petitione hereditatis, & in speciali vindicatione male fidei possessorem damnari domino navis, quod ex ea fructum non perceperit, quem dominus perciperet, si navem possideret. Damnamus igitur fructuum percipiendorum nomine. Idem esse ait, si tabernam, vel aream alienam mala fide possederis (nam & hæc locari solent) si igitur aream non locavit, periunde domino tenetur, ac si eam locasset. Denique præstat domino mercedem locationum et si locationes nullæ intervenierint. Solere tabernas, ergasteria locari nemo est qui nesciat: locari nemo nescit: Solere etiam areas, id est, plateas locari, eas domini locant mercatoribus, ut in iis merces suas disponant. Itaque bonus paterfamilias primo loco ponit areas & prata: & inde in l. 7. de usufruct. ad fructuarium pertinere obventiones exareis. Et M. Tullius ad Varronem: nos quantum ex areis habemus, &c. nec pro areis est mutandum areis. Areæ igitur locantur mercum disponendarum causa: quamvis alias non locat fructuario ædificare in prædio fructuario. Sed casæ ædificium tolerabitur: nam ædificatur temporis causa tantum, non ut ibi perpetuo sit, & plerumque ductilis est, & sic l. 2. in quibus causis pign. vel hypot. & l. hujus, qui pos. in pign. ostenditur, area locata mercès in ea posita tacite pignorat esse pro mercede, sicut pro pensione ædium, res ab inquilino investita & illata tacite pignori sunt, sicut & pro vectura res investita in navem, l. 5. ad exhib. Ergo, quod primum velim vos ex hac lege annotare, hoc est: male fidei possessorem, qui navem, tabernam, aream non locavit, nihilominus mercedem locationis domino præstare. Obicit huic sententia Papinian. quod constat inter omnes, male fidei possessorem, qui sciens possidet hereditatem alienam, quique pecuniam depositam & inventam in hereditate non attigit, id est, non fœnori occupat, sed otiosam & sterilem habet, eum ejus pecuniam

A usuras non præstare domino, quamvis peticio hereditatis, qua convenitur, sit bonæ fidei iudicium: nam & idem servatur in aliis bonæ fidei iudiciis, otiosa enim pecuniarum usura non præstatur, l. qui semisses, §. ult. de usur. Ergo & male fidei possessor, qui non attrectavit pecuniam inventam in hereditate, ejus usuras non præstat: & hoc ita proponitur a Papiniano, & refertur ab Ulpiano, in l. item veniunt de petis. heredit. ex lib. 3. quæst. Sed emendandum ex sexto per istam legem: & ait hoc loco Papinian. pecuniam depositam non intelligens pecuniam ex depositi contractu, sed depositam veluti prædicii causa, ut in l. si chorus, de leg. 3. Et eodem sensu d. l. qui semisses, l. quamvis, §. ult. de pig. act. pecunia deposita vel reposita, id est, prædium; usura sunt vice fructuum, ut ait l. usura, de usur. usura est velut usufructus, l. 3. de usufr. ear. rer. Hoc cum ita sit, sic arg. si male fidei possessor, qui pecuniam non attigit, fructus, hoc est, usuras pecuniarum non præstat: cur tamen is, qui navem non exercuit, fructus, id est, vecturas præstat? & usura & vectura vice fructuum sunt, aut sane fructus civiles, qui ex obligatione civili percipiuntur, usura ex stipulatione, vectura ex locatione & conductione, l. usura, de verb. sign. Neque usura, neque vectura natura provenit, ut ait Papin. neque enim sunt fructus naturales; quia nec fructum fert pecunia, neque navis naturaliter. Neque ideo Aristot. dixit, usuram non esse secundum naturam, quod efficiat, ut videatur pecunia fructum ferre: Alioqui neque vectura videretur esse secundum naturam: sed ideo quia locatio proprie in nummos non cadit: inventus est enim nummus ut ejus beneficio contraheretur emptio & venditio, non ut ipse interveniat in venditione, est ut ille ait *μεταβολῆς*, Plauto *dirækus* *tricus*, fœneratio est veluti locatio pecuniarum, usura merces: navis tamen recte cadit in venditionem & locationem, nec possis etiam dicere, vecturam, non esse secundum naturam, imo est: sed usura non secundum naturam est: nam utimur navi dum eam locamus, nummis abutimur, eos collocamus fœnori: unde merito quaritur, cur male fidei possessor, qui pecuniam non exercuit, usuras non præstat, & tamen male fidei possessor, qui vecturas non exercuit, vecturas præstat? Huic objectioni respondet Papinianus, & est valde præclara hujus legis sententia, magnam rationem differentia esse inter vecturam & usuram, inter collocationem pecuniarum & navis: nam pecunia collocatur periculo dantis, non domini, navis locatur periculo domini: non est igitur culpandus male fidei possessor, qui noluit se conicere in periculum pecuniarum fœnori occupatæ, qui noluit adire istam aleam amittendæ ejus pecuniarum, puta debitore pauperiore factio: verum culpandus, si quod potuit facere sine suo periculo, non fecerit, ut si navem idonea tempestate non locaverit. Pecunia locatur periculo dantis, ut si tutor pecuniam pupilli locaverit, illud periculum ad tutorem pertinet, non ad pupillum. Idem est in curatore civitatis, l. ult. §. pen. de administr. rer. ad civit. pert. quia debuit eam collocare melioribus nominibus, aut si forte elegit idonea nomina, debuit in tempore ea exigere, & appellare. Denique periculum nominum ad eum pertinet, qui ea contraxit, non ad dominum, etiam si forte est cui pecunia creditur fiat non solvendo. Is, qui credit, domino tenetur, ut refundat eam pecuniam. Et hoc est, quod ait Papinianus, cum pecunia periculo dantis saneretur: non est igitur incusandus male fidei possessor, qui noluit pecuniam collocare, quia licebat ei periculum refugere: sed incusandus est, si navem non locaverit idonea tempestate, nam potuit eam locare absque suo periculo, præstat enim dolum tantum, & culpam, non casum fortuitum, non naufragium. Igitur culpa vacat, si idonea tempestate navem navigatum miserit nec si vi majore perierit navis, eum casum petitori præstat. Sciendum, me nullo modo concedere, quod ad hanc legem adnotavit Accursius, male fidei possessorem pecuniam usuras, quas percepit, non præstare domino: de usuris percipiendis non tenetur domino, ut diximus; de ceteris fru-

fructibus tenetur, & dicit eadem ratione id fieri, quia eas collocavit suo periculo. Hoc non admitto: refragatur l. 1. G. de pet. her. l. 1. G. de his qua ut ind. & quod dicitur generaliter, omne lucrum esse auferendum male fidei possessori, l. 28. de pet. her. ergo & usuræ sunt auferendæ, quas percipit. Nec moveor l. si unus, §. si unus, pro foc. quam adfert A. Socius pecuniam communem communi periculo collocavit: commune erit lucrum, communes usuræ. Rursum finge: socius communem pecuniam suo nomine collocavit, & usuræ percipit, an eas communicabit? minime, quia non queritur de aliena pecunia feneratori occupata, sed communi, cujus ipse periculum adire voluit: cum suum fecerit periculum solidum, æquum est ei relinquere usuræ. Non est ei invidendum lucrum: & alia est causa alienæ pecuniæ, & longe alia communis. Utitur etiam Accursus l. postulante, §. ult. ad JG. Trebell. Finge: heres rogatus restituere hereditatem sui conditione, capendente pecuniam hereditariam collocavit, & usuræ percipit: hæc usuræ non veniunt in restitutione fideicommissi, ut cujus periculum fuit, ejus sit etiam lucrum. Et hic casus non est nostro similis: est enim de propria pecunia, non aliena. Interim hereditaria pecunia est heredis antequam venerit dies, vel conditio fideicommissi. Concludamus igitur: male fidei possessorem præstare usuræ, quas percipit, non etiam quas percipere potuit; de ceteris omnibus fructibus teneri etiam non percipit, quos percipit, vel percipere potuit, quia potuit eos percipere citra ejus periculum, non item fœnus. Ad hæc Papin. addit generalem regulam in §. ult. de fructibus æstimandis. Tota igitur quaestio est de officio judicis. Æstimantur ergo fructus percipiendi, cum agitur cum male fidei possessore, vel speciali in rem actione, vel petitione hereditatis: nihil refert utrique hæc lex communis est: & generaliter non tam spectandum esse ait, quos esset percipitur male fidei possessor, ut in eos condemnatur, etiam si non perciperit; sed inspicendum, quos percipere potuisset dominus, si eam rem possideret: damnatur ergo male fidei possessor, non in eos quos ille percipere potuisset, sed quos dominus honeste. Et placet quod ait, *confut animadverti debere*: quibus etiam verbis ostenditur hic agi de officio judicis: animadverti scilicet ab ipso iudice æstimationem fructuum. Sic in l. cum te, §. cert. per. C. in l. mora fieri, de usur. cum queritur, an mora facta sit, animadverti debere ait, a iudice scilicet: nam iudex est iustus æstimator moræ: Jurisconsultus non potest æstimare, sed iudex est ejus rei arbiter & disceptator, d. l. mora.

Ad L. Si urbana IV. de Condi&it. indebiti.

Si urbana prædia locaverit prado: quod mercedis nomine ceperit ab eo, qui solviti, non repetitur: sed domino erit obligatus. Idemque juris erit in vecturis navium, quas ipse locaverit, aut exercuerit. Item mercedibus servorum, quorum opera per ipsum fuerint locata. Nam si servus non locatus mercedem ut domino, prædoni retulit, non fiet accipientis pecunia. Quod si vecturas navium, quas dominus locaverat, item pensiones insularum acceperit, ob indebitum ei tenebitur, quia non est liberatus solvendo. Quod ergo dici solet, prædoni fructus posse condici: tunc locum habet cum domini fructus fuerint.

Quæstio hæc conjungenda est cum superiore, nam utraque est de fructibus, utraque pertinet ad materiam de petitione hereditatis, de qua potissimum Papinianus eodem libro tractavit. Ex superioribus intelleximus male fidei possessorem, qui rem alienam locavit, teneri domino petitione hereditatis, ut præstet mercedes locationum, quas percipit: nunc videamus, an idem etiam teneatur conditione indebiti ei, a quo mercedes accepit, quasi is non deberet male fidei possessori solvere, sed domino. Et hoc primum Pap. tractat in prædone, seu male fidei possessore, qui locavit urba-

na prædia, sed & tractari quidem potest in eo, qui locavit rustica prædia, & qui mercedes accepit: & ait, conductorem non posse condicere, quod solvit, quia ei debuit ex contractu locationis, non domino, & pecuniam accipientis fecit, & liberatus est: cui ex solutione contigit liberatio, is non habet conditionem indebiti: nam quicumque liberatur, recte solvit: conditio indebiti parata est tantum solventi perperam: non tenetur igitur prado conditione indebiti conductori a quo mercedem accepit, sed domino tantum, ut mercedem quam accepit, reddat; & tenetur petitione hereditatis, quæ mixta est actio, & continet personales præstationes: vel si non sit controversia de hereditate, tenetur conditione sine causa, quod ex re aliena pecunia sine causa acceperit, vel ex injusta causa: dixi conductorem, cui prado locavit, quique prædoni mercedem retulit, mercedem fecisse accipientis prædonis: dices, mercedes sunt loco fructuum, male fidei possessor five prado fructus suos non facit, nec mercedes igitur. Est vera propositio, verissima assumptio, rectissima conclusio. Nos dicimus, pecuniam factam prædonis, quam solvit conductor, quæ loco fructus est: prado igitur facit fructus suos, sic respondendum: per seipsum non facit fructus suos, etiam si ipse eos percipiat, sed per alium potest facere fructus suos, ut per conductorem, qui bonæ fidei possessor fuit, vel etiam per creditorem suum, qui bona fide pignus accepit, l. si pignore, §. si prado, de pign. act. Cujus species est relatu dignissima. Prado rem alienam creditori suo pignori dedit: soluto debito agit pigneratitia, ut sibi reddatur pignus: an in hanc actionem venient etiam fructus? an pigneratitia agere potest de reddendis fructibus quos percipit creditor, vel imputabit in sortem, vel usuræ? cum non fuisset contra hæc *arrigens*. Et ait, eum etiam actum pigneratitia actione de fructibus. Atqui fructus suos non facit prado, sed vindicantur a domino, si extant, vel consumpti condicuntur conditione sine causa, vel injusta causa: cur ergo ei detur actio de fructibus, quos suos non facit? Immo vero in hac specie suos facit, quia prodest ei, quod creditor bonæ fidei possessor fuerit: quæ verba sunt obscura. Sed res ita se habet; si prado fructus deceptat, & colat, ipse fructus suos non facit, dominus prædii eos vindicabit quasi suos. At creditor, qui bonæ fidei possessor fuit, videtur eos fecisse suos, ea perinde per eum etiam prado cui restituitur res pignerata cum fructibus a creditore perceptis: nec est novum, ut quod quis perse non habet, per alium habeat, l. Aristo, quæ res vig. dar. l. cum her. de adq. her. Per conductorem igitur & creditorem, qui bona fide possedit, etiam prado fructus suos facit, nec domino obligatur eorum nomine rei vindicatione, aut cum eo dominus agere non poterit rei vindicatione, sed agit petitione hereditatis, vel conditione sine causa cum prædone. Hoc cum docuisset Pap. de pensionibus prædiorum urbanorum subiicit idem esse in vecturis navium, si prado navem alienam locaverit, aut exercuerit, & vecturas acceperit. Aliud est locare navem, aliud exercere. Nam exercet navem etiam, qui non locat, sed qui mandat magistro, qui quasi insitor est, curam totius navis: ea lege, ut ad se pensionem & reditus perveniant, quo nomine est actio mandati exercitori in magistrum, l. 1. §. magistrum v. si eum, qui, de exercit. act. Quocirca non recte condicit magister navis vecturas, quas retulit exercitori, quandoquidem referre obligatus erat iudicio mandati; sed exercitor eas vecturas, quas accepit, cogitur reddere domino navis. Idem omnino servari ait Pap. in mercedibus servorum, si prado servi alieni operas locaverit, & mercedes acceperit: nec enim eas condicet, qui prædoni solvit, sed dominus recte agit cum prædone, & intendet eas sibi dari oportere. Et hoc est quod continetur prima parte hujus legis. Secunda pars hujus legis non est de prædone, qui domum, vel navem, vel operas servi locavit, sed de servo ipso, quem mala fide prado possidebat, qui seipsum locavit, hæc est, operas suas, & mercedem prædoni ut domino suo retulit: hoc casu Papinianus.

nian. ait, eam mercedem non fieri accipientis, prædonis scilicet: & nihil addit præterea. Papinian. putabat posse satis intelligi ab omnibus quod prætermittebat. Neque tamen id videtur Accursius intellexisse: vult enim domino servi dari ejus pecuniæ vindicationem, si extet, vel si sit consumpta, conditionem sine causa, vel ex injusta causa, cum tamen tota hæc lex sit de conditione indebiti, ut titulus indicat, & omnino sunt tres casus in hac lege. Primo casu prædo non tenetur conditione indebiti, duobus aliis tenetur: & debuit Accursius dicere: & ideo is, qui mercedem solvit servo, qui suas operas locaverat, quam deinde prædoni servus retulit, adversus prædonem habet conditionem indebiti, qui ratum habuit, quod servus fecit, id est, qui relictam pecuniam accepit, qui scilicet conductor non eidebit mercedem, sed domino servi; & consequenter non est liberatus solvendo mercedem servo, cui solventi non contingit liberatio, ei datur conditio indebiti: non liberabitur is, cui servus conduxit operas suas, si servo solverit mercedem sine voluntate domini, quamvis servus eam non sibi retinuit, sed possessori retulit, quia tenetur adhuc vero domino ex locato: merito igitur condicit, & repetet tanquam solum per errorem. Obijcit l. i. §. si rem a servo depol. Res a servo apud me deposita est, ego eam reddidi Titio, quem putabam dominum servi, cum non esset, vel eam reddidi servo, ut perferret ad Titium, an sum liberatus, an domino est integra adversus me actio depositi: quod negat d. l. i. §. si rem. & ait domino competere adversus Titium, cui res restituta est, actionem ad exhibendum, & rei vindicationem si exhibuerit: Verum longe alia est ratio depositi, alia locati & cond. Nam depositarius dolum præstat, non culpam. Et hoc casu depositarius vacat dolo, error est non dolus: at conductor præstat etiam culpam, §. pen. Institus. de loc. & cond. Nam conductor debet esse curiosus & diligens, & inquirere, quis sit verus dominus servi, qui seipsum locavit, & in culpa est si eam diligentem non adhibuerit, si cuilibet solverit: si persuaserit se esse dominum servi. Tertiis casus hujus legis est de vero domino, qui domum aut navem locavit, aut aliam rem. Primus casus fuit de prædone, qui seipsum locavit, tertius est de domino, qui locavit rem suam. Finge: dominus rem suam locavit, sed postea prædo mercedes exegit, dominus contraxit locationem: prædo nactus possessionem ejus rei, mercedes accepit: hoc casu etiam prædo tenetur conditione indebiti ei, qui solvit per errorem, quia solvendo non est liberatus, cum pecuniam non fecerit accipientis, alias non liberatur nisi fecerit, & perfecte, l. cum quis, §. qui hominem de solut. Denique non se liberat, merito igitur condicit quasi indebitum quod prædoni solvit. Primum si dico, non se liberavit a domino eodem locatore, qui per errorem prædoni solvit. Contra dices (quod obijcit Accursius) imo ignorantia proficere ei debet ad liberationem, ut in l. ejus, qui in provincia, de reb. credit. l. inter, §. i. mand. quod negandum est: nam non proficit ad liberationem: alioquin omnes liberarentur prætextu ignorantie; neque enim quælibet ignorantia est iusta & probabilis, & iusta tantum ignorantia parit liberationem, ut si præcesserit mandatum, & solveris tardius tamen extincto mandato morte mea, ignorans, me esse mortuum; hoc casu ipso jure liberaberis, quod antecesserit mandatum. Sed nullo præcedente mandato, si quis solverit falso procuratori, vel ei cui falso existimat seolvere voluntate creditoris, non liberatur, l. qui hominem, §. si nullo, de solut. Repetamus quod ante diximus, non liberatur a locatione, qui prædoni solvit per errorem; sic est, sed si postea prædo quod percepit, restituat domino & locatori, ipso jure contingit liberatio, l. sed etsi lege, §. certe, de pet. hereditat. (ex Julian. 4. ff. sed legendum §. id ex l. qui hominem, §. si nullo, de solut.) & ita etiam in l. si quid possessor, §. ut, de pet. hereditat. in quo refertur eadem Juliani sententia, legendum est §. 4. His autem tribus casibus propositis Papinianus concludit ita, & hanc conclusionem posses facere quartam par-

Tom. IV.

A tem hujus legis, id quod vulgo dicitur, fructus prædoni condici posse, conditione scilicet indebiti, de qua tota lex est, qui ei soluti sunt: vulgaris est hæc sententia. Sed concludit Papinianus hanc sententiam esse intelligendam de fructibus, qui domini fuerunt, id est, de fructibus, qui domino debiti fuerunt, ut secundo casu & tertio. Secundo, quia servus ipse locationem contraxerat: tertio, quia dominus ipse contraxerat. His igitur duobus casibus fructus prædoni solutos, quasi indebitos condici posse. Id autem intelligendum non est de fructibus qui fuerunt prædoni debiti, ut primo casu cum prædo locationem contraxit, hi non condicuntur prædoni ab eo, qui solvit: quique liberatus est solvendo. Et perperam Accursius hanc generalem conclusionem refert tantum ad secundum casum, non etiam ad tertium: nam utroque casu fructus domino debiti fuerunt, & ei qui solvit prædoni est conditio indebiti. Deinde etiam male Accursius. vulgarem illam sententiam accipit de conditione fructuum a prædone perceptorum, & consumptorum, quæ datur domino: hæc vero conditio est conditio sine causa vel injusta causa, quod constat ex l. 3. C. de cond. ex leg. non est conditio furtiva, ut hic Accursius, quia non omnis malæ fidei possessor fur est, aut invalor, licet prædo appelletur passim, nam prædo non semper nobis invalor est, sed quilibet improbus & inverecundus possessor, ut a Græcis dicitur ἀνίσχυρος, qui sciens insidet rei alienæ. Item non est conditio incerti illa generalis, nam fructus percepti maxime certi sunt, & incerti conditio non datur nisi de futuris fructibus, qui maxime incerti sunt, non de presentibus, l. ubi autem, §. illud de verb. obl. C. Ergo vulgaris illa sententia accipienda est de conditione indebiti, quæ non domino, sed ei qui solvit datur, five extantes, five consumpti sunt. Et omnino sententia hæc est: fructus solutos prædoni quasi indebitos condici posse ab eo, qui solvit; quam tamen sic accipiendam esse ait Papin. si fructus domino fuerint debiti, ut secundo & tertio casu, non etiam si prædoni, ut primo casu.

Ad L. Vulgo II. de Usuris.

Vulgo receptum est, ut quamvis in personam actum sit, post litem contestatam causa præstetur: cujus opinionis ratio redditur, quoniam quale est cum petitur, tale dari debet, ac propterea postea captos fructus, partumque editum restitui oportet.

E A mens Papiniani est, ut ostendat, non tantum in actione in rem, sed etiam in personam, officio judicis post litem contestatam omnem causam præstari. Causa est omne quod actor habiturus fuisset, si tempore litis contestatæ ei reus satisfecisset, l. præterea, de rei vind. l. cum fundus, in prin. de reb. cred. In omnibus igitur his judiciis, vel in rem, vel in personam præstantur fructus percepti post litis contestationem: imo & percipiendi, quos scilicet actor percepturus fuisset, si ei rem de qua agitur possidere licuisset. Et quamvis Papinianus dicat, fructus postea captos restitui, non ideo sequitur captos tantum restitui: non possunt auctores exprimere omnia: ideoque addendum est, etiam capiendos fructus restitui: alioqui ex l. si fundum, C. de rei vind. qua plerique abutuntur, tu colligeres, malæ fidei possessorem non reddere rationem fructuum percipiendorum, non præstare fructus percipiendos, quod dicat præstare eum fructus perceptos, sed non adicit taxationem, fructus perceptos tantum: constat malæ fidei possessorem semper præstare fructus percipiendos, vel ante vel post litem contestatam: & hoc est proprium in malæ fidei possessore, ut patiatur rationem fructuum, quos percipere debuit ante litem contestatam, non item in bonæ fidei possessore. Nam post litem contestatam nulla est inter bonæ fidei, & malæ fidei possessorem differentia. Ex hoc est quod dicitur, Omnes possessores post litem contestatam esse pares, esse prædones, præstare scil. fructus perceptos & percipiendos: quo tam in dicto non debemus uti ad omnia: nam falleret nos sæpe numero, ne-

I

que

que enim per omnia verum est, post litem contestatam omnes possessores esse pares, quod potest demonstrari duobus exemplis. Finge: Homo, de quo lis est contestata, postea mortuus est, an ejus hominis nomine damnabitur bonæ fidei possessor? minime; Bonæ fidei possessor factum, seu mortalitatis casum non præstat post litem contestatam, malæ fidei possessor præstat, *l. illud, de pet. her. l. usque, de rei vind.* Item quod post litem contestatam bonæ fidei possessor acquirit per servum, qui petis-
 sor est, ex re sua, id non venit in restitutionem, *l. præ-
 serea, de rei vind.* quod tamen restitueret malæ fidei pos-
 sessor, ut etiam per eum hominem parta ex re sua post
 litem contestatam, *l. 1. C. de rei vind.* Sed quod attinet
 ad fructum rationem, vel etiam usurarum, verum est,
 sustinere æstimationem non tantum captorum, sed & ca-
 piendorum fructuum, & non fructuum tantum, sed etiam
 omnis causæ: nam & præstare debent partus editos, ut
 hæc lex ait, & *l. partum, h. t.* comparantur partus cum fru-
 ctibus. Fuit hæc vetusta questio, an partus esset fructus
 annuerandus: sed obtinuit non esse: homo non
 est in fructu, cuius causæ natura omnes fructus profert.
 Præstantur etiam post litem contestatam omnia com-
 moda, emolumenta, & ut uno verbo aboluimus, omne
 id quod interest actoris, etiam in specie *l. numeris, de in
 lit. jur.* quam citat Accursius, quia etiam causæ nomine
 continetur id, quod interest, *l. pecuniam, de compens.* ni-
 hil non comprehendit causam. Ergo intelligimus, quid
 sit quod ait Papinianus indistincte, siue agatur in rem,
 siue in personam, causam præstari post litem contesta-
 tam: addendum est etiam, officio judicis: nec enim pe-
 titur causam, sed venit officio judicis. Sed nondum intelli-
 gemus, quæ sit vis hujus sententiæ, & prius inspicendum
 est, quo jure id sit introductum, constat causam præ-
 stari officio judicis in actionibus in rem, *d. l. præterea.*
 Sed notandum id originem sumere ex 12. tabul. quæ in
 vindiciis, id est, in actionibus in rem fructus æstimant
 duplione, si possessor rei alienæ victus fuerit. Volunt
 enim duplos fructus præstari ex tempore litis contestatæ
 his verbis: *Si vindiciam falsam tulit, ejus rei siue litis ar-
 bitros suos dato, eorum arbitrio fructus duplione dampnum
 decido.* Et inde Paulus 5. Sent. ex die accepti judicii,
 id est, ex tempore litis contestatæ duplos fructus præsta-
 ri: & D. Ambrosius in Epist. 24. Cum adverterem, inquit,
 eum, si viciisset, acturum de duplis fructibus, & ita in l. 1.
 C. Theod. de usur, rei ju. l. 1. C. Theod. de fructib. &
 sumpt. lit. & hi sunt, qui in his libris duobus locis di-
 cuntur majores fructus, id est, dupli, qui in rei æstima-
 tione in restitutionem veniunt, *l. receptum, §. 1. de dist.
 pig. l. 6. §. ult. mand.* Inde intelligitur quod ait l. Julian.
 §. quantum, ad exhib. in actione ad exhibendum, quæ
 scilicet datur propter vindicationem (nam vindicaturus
 desiderat rem sibi exhiberi) in ea, inquam, actione si-
 cut in actione in rem venire fructus post litem conte-
 statam, & æstimari secundum leges 12. tabul. scilicet æsti-
 mari duplione, igitur loquitur l. 12. tab. de fructibus tan-
 tum, sed porrigitur ab Interpretibus etiam ad partus, &
 commoda, & ad omnem causam, l. Julian. §. idem, de rei
 vind. Igitur ex mente 12. tab. omnis causam est duplenda
 post litem contestatam: hodie non duplatur. Ergo si
 quis querat, quo jure post litem contestatam causa præ-
 stetur in actione in rem, dicemus id fieri ex 12. tab. non
 idem dicam in actione in personam. Nam neque 12. tab.
 neque alia lege idem ait Pap. vulgo id receptum est, id
 est, hoc jure utimur, *l. cum fundus in princ. de re. cred. &
 est.* opinione scilicet: nam & opinionem hanc appellat
 Pap. ex opinione, inquam Sabinianorum, ut ostendit
 l. videamus, §. si actionem, h. t. Nam Proculiani nec post
 litem contestatam in actionibus in personam admitte-
 bant haberi rationem causæ, quæ rem sequeretur, de qua
 erat actio: sed obtinuit opinio Sabinianorum cuius, ut
 heic ait Pap. ratio est sumpta ex æquitate, ut ait d. §. si
 est, quod æquum sit tale quidque dari, quale fuit cum

A peteretur, id est, cum lis contestaretur: Præstanta igitur
 omnis ea causam, etiam si sit actio in personam, non in
 rem: & lex ea loquitur tantum de actione in rem. Et
 ita in l. 8. de re. jud. ostenditur, in actione ex stipulatu,
 quæ est in personam & valde stricta actio, hac nulla ma-
 gis stricta, fructuum rationem haberi a tempore litis
 contestatæ. Et sic in l. 3. §. in his, h. t. In his etiam judiciis,
 quæ neque sunt arbitraria, neque bonæ fidei post litem
 contestatam omnem causam esse præstandam in eum
 diem quo sententia dicitur, quibus verbis significat, non
 tantum in actionibus arbitrariis, vel bonæ fidei, sed etiam
 in actionibus maxime strictis, post litem contestatam
 omnem causam præstari. Ad quam sententiam notan-
 dum, etiam in bonæ fidei judiciis plerumque præstari ante
 litem contestatam. Certum est indistincte in omnibus
 judiciis causam præstari post litem contestatam: sed si
 queratur, an ante litem contestatam, tum separanda nobis
 sunt judicia alia ab aliis. In actionibus bonæ fidei
 fructus omnimodo præstantur, etiam si mora non inter-
 venerit, nec lis sit contestata, *l. vind. §. pen. h. t.* Actio enim
 ex empto vendito non tantum rem præstat, sed & fru-
 ctus captos post venditionem etiam ante moram. In ju-
 dicio pro socio communicantur etiam fructus. In ju-
 dicio communi dividundo dividuntur etiam fructus. In ju-
 dicio dotis restituuntur etiam fructus percepti ante nu-
 ptias: Nam percepti in matrimonio cedunt luero mariti
 pro oneribus matrimonii. Et generaliter in actionibus
 bonæ fidei fructus omnino sunt præstandi, id est, siue
 mora intervenerit, siue non, siue lis contestata fuerit,
 siue non. Et hoc distat fructus ab usuris, quæ in bonæ fi-
 dei judiciis non præstantur nisi ex mora, nisi mora dam-
 num intulerit, *l. mora, §. in bonæ fidei, h. t.* Habuimus
 unam differentiam in l. si novis, quod usuras non præstat
 debitor, qui pecuniam non exercuit, nauta fructus præ-
 stat, id est, veduras, qui navem non exercuit. Addamus
 hinc differentiam istam, & utramque ad l. usuras, h. t. dum
 ait usuras vicem fructuum obtinere: nam his duobus
 casibus separanda usura a fructibus. Notandum etiam
 actiones legatorum & fideicommissorum semper compa-
 rari judiciis bonæ fidei, sed non omnia quæ illis in-
 sunt. An dices fructus legatorum vel fideicommissorum
 præstari ex die mortis ante moram? minime: sed ut usu-
 raræ legatorum & fideicommissorum, ita & fructus præ-
 stantur tantum ex mora, si qua antecesserit litis con-
 testationem, l. 3. §. 1. h. t. ult. C. de usur. & fruct. leg. Illa igitur
 D differentia inter usuras & fructus, locum tantum habet
 in bonæ fidei judiciis, non in actione ex testamento, vel
 in persecutione fideicommissi: nam ex mora tantum præ-
 standorum legatorum debentur usuræ & fructus. Dices,
 cur in actione bonæ fidei veniunt fructus percepti ante
 litem contestatam? hoc fit potestate hujus judicii, &
 formulæ ipsius prætoris: nam ita agitur his: *quod ex bo-
 na fide dari oportet, & ut Scævola dicebat, bonæ fidei no-
 men latissime manet, id est, completitur fructus, & om-
 nem causam & usuras.* Igitur, quas æquum est præsta-
 ri post litem contestatam, non ante veniunt in hæc judi-
 cia, ut dampnum faciant quod fecit actor, non etiam
 ut eum lucro afficiant. Et ex ratione formulæ sumitur
 etiam, quod proditum est, in l. illud, de pet. her. in peti-
 tionem hereditatis venire fructus etiam perceptos ante li-
 tem contestatam, & percipiendos, si sit malæ fidei pos-
 sor, & perceptos, si sit bonæ fidei, modo ex his factis sit
 locupletior. Igitur in petitione hereditatis venire fructus
 ante litem contestatam, quia petitionis hereditatis hæc
 est formula: *Si hereditatem Titianam meam esse paret.* Et
 hereditatis incremento fructus accedunt, sicut de equi-
 tate dicitur in l. 39. hoc tit. quæ ostendit, multum inter-
 esse, an equi legentur, an equitum. Nam equi legatis
 factus hi tantum debentur, qui sunt nati post moram: le-
 gato equitio debentur factus etiam, qui sunt editi ante
 moram, quia equitium est nomen juris universi, quod
 continet etiam factus, siue fructus. Hereditas est nomen
 juris quod comprehendit etiam fructus, id est, qui peti-
 hereditatem, & fructus petit: non veniunt fructus in pe-
 titio.

tionem hereditatis officio iudicis, sed vi & potestate ipsius iudicii sive formulæ. At in actione speciali in rem utimur verbo rei, hanc rem meam esse ajo: quod quidem nomen nudum corpus significat: & ideo in actione in rem non veniunt fructus percepti ante litem contestatam, non veniunt potestate actionis, quia rei nomine non intelliguntur fructus, nisi adhuc pendeant, & cohæreant rei: nam pendentes sunt pars corporis, sed qui re separati sunt, jam non sunt pars ejus rei, nec nomine rei comprehenduntur, aut rei petitione: non veniunt igitur l. 2. C. de petit. hered. non veniunt etiam officio iudicis antecedentes fructus, id est, qui capti sunt ante litem contestatam, sed sequentes tantum, h. si fundus, §. interdum, de pign. Notanda est maxime illa differentia inter petitionem hereditatis, & actionem in rem. Ratio differentie, ut dixi, est sumenda ex formula, qui hereditatem petit, fructus petit, non etiam qui rem petit. Et inde observanda est ratio l. heres, §. ult. de pet. hered. & l. neque, hoc tit. l. eum qui, de his quib. ut ind. quibus locis tractatur hac de re, an fructuum usura debeatur (venditorum scilicet fructuum a possessore) & veniant in petitionem hereditatis? Et ita distinguit; aut pretia ex venditione fructuum redacta sunt post litem contestatam, & usura non debentur, quia scilicet ea pretia rerum, quæ distrahæ sunt a possessore post litem contestatam, sicut fructus percepti post litem contestatam, petita non videntur: qui petit hereditatem, non petit etiam fructus, qui percipiuntur post litem contestatam: sic nec intelligitur petita pecunia redacta post litem contestatam ex venditione rerum hereditariarum, sed veniunt officio iudicis non quasi petita: ejus autem quod venit officio iudicis nulla potest esse accessio, id est, accessionis nulla est accessio: quod venit officio iudicis accessio est iudicii, quia non continetur formula hujus accessionis. Igitur usura non debentur. Alia est ratio fructuum, seu pecuniarum redactarum ante litem contestatam. Nam hi fructus petiti intelliguntur, non veniunt officio iudicis, & huic petitioni facile accedunt usura officio iudicis. Hoc ita fit in petitione hereditatis, quæ ante constitutionem Justiniani multa habebat ex bonæ fidei iudiciis: hodie omnino est bonæ fidei. Neque hodie servatur in conditione fructuum. Finge, mala fidei possessor percepit fructus ex re aliena, antequam moveretur controversia, eos distraxit & consumpsit. Possunt conditioni fructus consumpti a malæ fidei possessore conditione ex iniusta causa, aut sine causa: an veniant usura? Minime: accessionem enim usurarum non admittit strictum conditionis iudicium, quam admittit petitio hereditatis, d. l. neque. Extremum hoc erit, ut admoveamus, in actione in personam non venire fructus perceptos ante litem contestatam, nisi nominatim petantur, l. parium, h. t. Ante litem contestatam in actionem in personam non veniunt fructus, non causæ, nisi sint bonæ fidei: Nam bonæ fidei nomen, quo utimur in formula, comprehendit omnem causam. Et quandoque etiam quamvis sit stricta actio ratione formulæ, veniunt fructus capti ante litem contestatam, ut in actione Fabiana, vel Calvisiana, Pauliana, Quod metus causa, in interdicto unde vi, in interdicto fraudatorio, in interdicto quod vi aut clam: in his iudiciis, etiam fructus restituuntur officio iudicis, qui ad rem pervenerunt, vel pervenire poterunt ante litem contestatam, si mala fides in eo argui possit, quoniam Prætor, qui dat ea iudicia, utitur pleniori verbo, scilicet restituendi, quod habet plenioris significationem. Restituere est in integrum restituere, perinde atque si quod fuit nunquam fuisset: restituere igitur & fructus, hoc facit formula: sicut jurisconsulti veteres fuerunt observatores formularum, ita & nos esse debemus, quia ex his pleræque controversiæ dirimuntur.

Ad L. XIV. de Publiciana in rem act.

Papinianus lib. 6. Quæstionum scribit: Si quis prohibuit, vel denunciavit ex causa conditionis rem tradi, quæ ipsius voluntate & procuratore fuerat distracta: & is ni-

Tom. IV.

A bilominus tradiderit, emptorem tuebitur prætor, sive possideat, sive rem petat. Sed quod iudicio empti procurator emptori præstiterit, contrario iudicio mandati consequatur. Potest enim fieri ut emptori res auferatur ab eo, qui venire mandavit, quia per ignorantiam non est usus exceptione, quam debuit opponere: veluti, si non auctor meus ex voluntate tua vendidit.

Pertinet etiam ad tractatam de rei vindicatione id, quod ex eodem Papiniani lib. refert Ulpian. in l. Papinian. de Publ. in rem act. Pertinet enim ad vindicationem, non quidem directam, & civilem, quæ domino datur, sed ad utilem & Prætoriam, quæ datur bonæ fidei possessori ex iusta causa possessionis, non etiam per continuationem possessionis dominio adepto, si forte ante impletam usufrucationem possessionem amiserit, & res ab extraneo possideri cœperit: quæ actio appellatur Publiciana a Publicio Prætor, qui eam primus introduxit, quod scilicet æquius sit eum, qui bona fide nactus est possessionem, rem habere, quam extraneum, qui eam tenet sine causa. Ergo actio Publiciana est prodita præcipue adversus extraneum possessorem. Actio Public. est proprie efficax tantum adversus extran. possessor. qui sine causa rem tenet, cujus possessionem amisit bonæ fidei possessor. Adversus dominum actio Publiciana est inefficax: quia æquius est dominum rem suam potius habere, quam bonæ fidei possessorem, & alium quemquam. Et hoc est, quod dicitur, actioni Publicianæ obstat exceptio dominii iusti, hanc scilicet, si non ea res possessoris sit unde petitur, l. pen. & ult. hoc tit. l. mandatum, mand. Sunt tamen casus octo, quibus actio Publiciana datur utiliter adversus dominum possidentem rem suam, quibus domino potior est bonæ fidei possessor, vel donatarius. Quinque casus refert Accursius in l. ult. de Public. in rem act. Sextus est in d. l. mandatum. Septimus in l. si is cuius, ex quib. caus. maj. Octavus est in d. l. Papinianus. Hunc solum tractabimus, quia hic solus refertur ex libro sexto Papiniani. Ponamus speciem hujus legis. Mandavi tibi, ut rem meam Titio venderes: vendidisti, & pretium accepisti, rem vero nondum tradidisti: Ego prohibeo vel denuntio ne tradas (facit differentiam inter prohibitionem & denuntiationem. Denuntiatio fit ante traditionem: prohibitio initio traditionis). At tu contra quam prohibuissim, vel denuntiassim, nihilominus tradidisti. Inde queritur, si Titius ejus rei possessionem amiserit, & ea res forte ad me pervenerit, an possit Titius utiliter, id est, efficaciter mecum agere actione Publiciana, quamvis sum dominus rei ejus? Et Papinianus dicebat utilem esse actionem. Nam si ego ei opponam exceptionem dominii, si non ea res mea est: Titius replicabit hoc modo, quæ formula ponitur in hac l. si non auctor meus, eam rem ex tua voluntate vendidisti. Hæc erat formula replicationis, quia non est æquum, ut Titio auferam rem, quam procurator meus ei vendidit mandatu meo, licet non tradiderit mandatu meo: quia omnimodo obligatus erat tradere, id est, implere venditionem factam mandatu meo. Et similiter, si Titius possessionem ejus rei non amiserit, & ego vindicem, Prætor tuebitur eum, nec potero ei rem auferre per vindicationem, quia tuebitur se Titius exceptione rei vendite & tradite, cujus formulam exposuimus initio: scilicet si Titius pretium solverit, antequam veterem ei rem tradidissim: si veterem antequam pretium solvisset, postea vindicanti mihi eam rem, exceptio non obstat, l. 1. §. t. de except. rei vend. secundum quam legem recte Accursius in hac l. quod non exprimitur, supplendum censet, ut tu procurator meus vendideris, & pretium accepisti, deinde veterem rem tradere. Et ita in l. si a Titio, de rei vind. in qua ponitur alius casus, quo actio Publiciana datur bonæ fidei emptori adversus dominum: ponitur eum pretium solvisse, quod poni volumus etiam in hac l. Ergo ut diximus, si Titio res vendita sit mea voluntate, & post tradita non mea voluntate, cum jam is solvisset pretium, mihi vindicanti Titius obijcet exceptionem rei vendite

1 2 & tra-

& tradita sibi. Fieri tamen potest, ut non obijciat per ignorantiam, per errorem. Exceptiones sunt facti, ut nos loquimur, id est, non insunt iudiciis arbitrariis, vel strictis ipso jure, ut possint suppleri officio iudicis: obijcienda & alleganda sunt: denique facti sunt, non juris, nec posita in arbitrio iudicantium, sed partium. Si exceptionem quam habes non opponis, sequetur condemnatio; excipienda sunt bonae fidei iudicia, quibus exceptiones insunt, & etiam non opposita supplentur officio iudicis. Summa vis est, ut dicebat Scævola, iudiciorum bonae fidei. Et inde observandum, non esse verum, quod plerique putant, actiones arbitrarias imitari actiones bonae fidei. Actio in rem est arbitraria sive sit civilis, sive honoraria, id est, Publiciana, & tamen omnia exceptio non suppletur officio iudicis, sed pro omnia est, eritque id tibi fraudi, qui exceptionem quae tibi competeat omisti: quae tamen tibi fraudi non est in bonae fidei iudicio. Et ideo in actione in rem, quae arbitraria est, non veniunt fructus capti ante litem contestatam, qui tamen veniunt in iudicio bonae fidei. Non igitur actio arbitraria imitatur actionem bonae fidei, & vero media est inter actionem strictam, & bonae fidei, sed magis accedit ad strictam. Si ergo Titius non utatur exceptione rei venditae & traditae, condemnabitur, sed condemnatus habebit regressum, ut Graeci *ἀναστροφῇ*, adversus procuratorem meum, qui ei vendidit, habebit, inquam, regressum actione ex empto, quod ego ei rem abstulerim, seu evicerim. Rursus id a me procurator recipiet, quod solverit Titio evictionis nomine actione mandati, quia non potui efficere prohibitionem, vel denuntiationem mea, quo minus rem traderet, quam vendiderat, & cuius pretium acceperat: inanis est igitur prohibitio mea, quia intemptiva, post solum pretium, videlicet, quae est sententia l. Papinianus.

Ad L. XLVII. de Manum. test.

Cum ex falsis codicillis per errorem libertas, licet non debita, praestita tamen ab herede fuisset, viginti solidos a singulis hominibus inferendos esse heredi, Principes constituit. §. 1. Sed si conditionis implenda gratia servum institutus manumiserit, ac postea filius de inofficioso agendo tenuerit, vel testamentum falsum fuerit pronuntiatum, consequens erit, idem in hac specie fieri, quod in falsis codicillis constitutum est.

Idem Papinianus eodem libro, quod tractat l. 47. de manum. test. potest etiam referri ad vindicationem, puta, ad petitionem hereditatis de inofficioso vel falso testamento. Finge: Heres ex falsis codicillis cum per errorem existimaret esse veros, servo libertatem praestitit: postea cognovit esse falsos: cognovit errorem suum: an potest revocari libertas? Minime: nam jure data est a domino, servo sup scilicet, sed aequum est ei subveniri, ne damnum servi faciat temere, & inconsulto manumissi, ita scilicet ut cogatur servus manumissus ei praestare estimationem sui, id est, viginti aureos, ex Constitutione Adriani non favore libertatis: neque enim ullo modo poterat revocari: sed in gratiam dominorum, qui errore decepti servos manumiserunt, l. 2. C. de fideicom. libert. l. pen. in fine, de jure patronat. Adrianus definit estimationem servi: voluit enim pro capite singulorum qui manumissi essent solvi vicenos aureos. Hæc fuit estimatio vulgaris servorum, & alii quidem aliis pretiosiores erant, sed estimatio vulgaris erat viginti aureorum: l. si fundum, §. si libertas, de leg. 1. l. 4. C. de serv. fugit. Ergo cum heres per errorem ex falsis codicillis praestitit libertatem beneficio constitutionis Divi Adriani, servus manumissus cogetur ei solvere & dependere pro pretio sui viginti aureos. Hoc cum ita esset constitutum ab Adriano, a Jurisconsultis porrectum est etiam ad sequentem speciem. Finge: Heres institutus est sub conditione, si servum suum proprium manumiserit, con-

ditionis implendae causa manumisit servum suum proprium, non hereditarium: deinde testamentum rescissum est querela inofficiosi, & evicta hereditas heredi scripto, vel etiam testamentum falsum esse pronuntiatum est: non revocabitur libertas, quae jure data est a domino: sed aequum est, ne frustra heres servum suum perdat sine emolumento aliquo, ut servi pretium a manumisso recipiat, id est, 20. aureos, l. si sub cond. de inof. testam. Et hi sunt duo casus qui notantur in hac lege. His tria obstant. Primum l. 31. si mulier, de minor. cuius species est. Heres scriptus adivit hereditatem, & servo hereditario praestitit libertatem fideicommissariam; postea restitutus est in integrum beneficio etatis abstinendi causa; ad quem transeunt bona? Ad proximum successorem, non jure legitimo: nam qui se abstinit, heres quidem manet jure civili: sed jure pratorio transeunt ad proximum successorem data possessione, quia Prator, qui dat facultatem abstinendi, non habet eum pro herede, etiam si heres sit jure civili. Si igitur proximus successor, ad quem per abstentionem bona heredis scripti perveniunt, desideret a servo manumisso sibi pretium praestari 20. aureorum, si velit retinere libertatem: an cogetur servus eos praestare? Minime. Cur hic aliter definitur, quia hic servus de quo agitur in l. si mulier, jure optimo libertatem consecutus est, id est, ex testamento iusto, id est, solemnibus, & vero, & non deserto, quandoquidem heres adivit, nec abstentione defuit esse heres, nec etiam rescisso testamento pro libertate, quam quis optimo jure habet, est aequum inferre estimationem sui. At in specie legis 47. servus quidem libertatem habet jure, quia est manumissus a domino, sed non optimo jure: uno casu pro causam falsorum codicillorum, qui imposuerunt heredi altero casu pro falsi testamenti vel inofficiosi causam. Secundo obstat lex ult. C. de petit. hered. ex qua hoc eliciunt contra l. 47. ex testamento quod falsum pronuntiatum est non competere libertatem, & tamen in specie hujus legis videtur competere libertas ex falso testamento, vel ex codicillis falsis. Et plenior sententia leg. ultima est. Duo sunt, qui certant de hereditate, legitimus, & scriptus: in testamento relictae sunt libertates duo fideicommissariae, vel directae, an in suspensio etiam erunt libertates quamdiu lis pendebit de hereditate? non est aequum diu moram fieri libertatibus. & vero Justinianus huic rei ait profexit, ut velit libertates manere in suspensio annum duntaxat: si diutius moram trahat lis, nec constare posita quo debeant servi manumitti, competet libertas post annum ipso jure, nec revocabitur libertas, etiam si judicetur contra heredem scriptum: Sed ut exprimit Justin. si judicetur testamentum falsum, atque ita vincatur scriptus, non intelligitur servi ipso jure pervenisse ad libertatem: atque ita apparet ex testamento, quod falsum pronuntiatum est, libertates non competere. Respondeo sic, non jure competere, id est, non videri esse liberos: non conservari praestitas libertates nego. Postremo, quod valde obstat, nec tamen obijciitur, est l. Papinianus, §. ult. de inoffic. testam. secundum quam est accipienda l. 4. cod. tit. C. l. uxorem, in fi. de manum. testam. Finge: Testamentum inofficiosum pronuntiatum est, in quo servi quidam erant manumissi: vel etiam idem testamentum, injustum pronuntiatum: utraque sententia totum testamentum infirmatur. Ergo & legata, & libertates. Sed ex Nov. Justiniani, non infirmatur ex causa inofficiosi totum testamentum, sed heredis institutio sola, cetera firma manent. Ante Novellam Justin. querela inofficiosi omnia rescindebat: querela injusti sane si is qui agit obtinuerit declarat omnia esse nulla ipso jure ab initio: libertates igitur sunt nullae testamento praestitae, vel directae, vel per fideicommissum, si testamentum pronuntietur inofficiosum, vel injustum, & revocantur quasi non jure datae in testamento injusto, vel quasi rescisso querela inofficiosi. Revocantur, inquam, nisi quinquennium morati sint in libertate, antequam moveretur querela inofficiosi, vel injusti: quo casu retinent libertatem, modo

victori referant pretium sui, id est 20. aureos. Quæro cur hoc casu exigis, ut quinquennium morati sint in libertate, & prioribus casibus id non exigis? Breviter sic est respondendum: prioribus casibus iusta fuit, & utilis manumissio, quæ non indigebat confirmatione quinquennii. Nam heres manumisit servum suum, & effectum habuit manumissio statim. At in casu d. l. Pap. & l. uxorem, vel non valuit ab initio manumissio ex injusto testamento, vel ex post facto rescissa est per querelam inofficiosa: revocabitur ergo, nisi accedat confirmatio quinquennii: ægre in servitutem revocatur qui in libertate fuisse quinquennio. Nam & de statu defunctorum post quinquennium non queritur.

Ad L. VIII. Ut in poss. legat.

Non possum referre ad vindicationem l. si legatorum 8. d. ut in poss. legat. cuius sententia est: Legatum relictum est sub conditione: pendente ea caveri debet legatario, si hoc dederit, de solvendo legato, ubi conditio extiterit: a quo? an ab herede scripto, vel ab herede heredis, vel a fideicommissario Trebelliano, cui heres restituit hereditatem, l. 1. §. non solum, ut legat. nom. nam alia sunt onera creditorum, alia legatariorum vel fideicommissariorum. Onera creditorum dividuntur inter heredem & fideicommissarium pro dodrante & quadrante: onera autem legatariorum aut fideicommissariorum non dividuntur, sed solida transeunt in fideicommissarium Trebellianum, l. 2. §. si quis, ad Trebell. Merito igitur ab eo exigitur cautio legatorum, & si eam non præstiterit, ex ordine legatariorum mittitur in possessionem rerum hereditariarum omnium, quæ in causa hereditatis manserunt, vel etiam, quæ dolo fideicommissarii in causa hereditatis esse deserunt: nam & hæc finguntur manisse, l. is cui, §. qui in possessionem, hoc tit. & hoc est quod ait Papin. in hac lege.



IACOBI CUJACII J.C.

COMMENTARIUS

In Lib. VII. Questionum ÆMILII PAPINIANI.

Ad L. V. de Usufructu.

Usufructus & ab initio pro parte indivisa, vel divisa constituitur, & legitimo tempore similiter amittitur, eademque ratione per legem Falcidiam minui potest. Res quoque promittendi defuncto, in partes hereditarias usufructus obligatio dividitur. Et si ex communi prædio debeat, uno ex sociis deficiente, pro parte defidentis fiet restitutio.

In hac l. hoc unum agit Papinian. ut ostendat usufructum servitutem esse dividuam: ceteræ servitutis sunt individue. Ratio differentie constabit ex definitione usufructus: quid est usufructus? *ius utendi fruendi, quod homini competit in re aliena, quamdiu is homo, eaque res salva permanet.* Recte, fruendi: nam si utendi tantum, usus est, non usufructus: usus est individuus, usufructus dividuus. Recte etiam, *quod homini competit in re aliena*: nam per usufructum res aliena servit homini, l. dominus, in princ. h. t. Alia est servitus quam homo homini debet, aut servit servus libero scilicet: alia est servitus, quam prædium prædio debet, veluti iter, actus, via, ius silvicius in utendi, ius altius non tollendi. Alia autem est servitus, quam prædium, aut qua alia res homini debet, & ex hoc genere est usufructus. Usufructus igitur est servitus hominis, ut loquitur l. 1. §. de servit. id est, servitus ex re aliena debita homini, id est, personæ: homini igitur libero: nam servus est quidem homo (servus homo, ut dicitur mulier ancilla Salustio) sed personam non habet, est ἀνθρώπου, Theoph. Institut.

A quibus mod. toll. obl. Aliud est homo, aliud persona. Persona est civile nomen, homo naturale. Recte etiam in definitione, *quamdiu is homo, eaque res salva permanet*: nam ut eleganter est scriptum in l. pen. C. de usufructu, cum anima, & cum rei substantia usufructus expirat: cum anima, id est, cum vita hominis: neque enim usufructus transmittitur ad heredem, l. 3. quan. di. leg. ced. Quod autem est præcipuum verbum in definitione? est verbum fruendi, quo maxime hæc servitus ab aliis distinguitur, quoque vis ejus propria maxime demonstratur: Nam usufructus potissimum ex fruendo consistit, l. 1. in princ. eod. Frui autem est fructus percipere, quæ res divisionem recipit: possum enim partim fructus capere, partim non capere. Hinc fit, ut cum aliæ servitutes sint individue, hæc una sit dividua, quæ usufructus dicitur.

B Aliæ servitutes, siue sint hominum, siue prædiorum, sunt individue omnes. Cur? quia in utendo consistunt, & usus sui natura individuus est: neque enim possum ullius rei parte uti, quia re tota utar, & ut dicebat Pomponius ita connexus est, ut qui eum partiatur, naturam ejus corrumpat: dum hanc l. una vobiscum studeo, non pro parte utor hoc libro, sed toto libro: & fructus possum capere pro parte, l. 17. via, de servit. l. 19. usus pars, de usu, & hab. l. 5. si ut certo, §. ult. commod. Frui pro parte possumus, uti pro parte non possumus. Nam si vel minimam rem attigero utendi causa, totius rei usum usurpare videor. Breviter, ceteræ servitutes in utendo consistunt, usufructus in fruendo: ex quo sequitur, ceteras servitutes divisionem, vel, ut loquitur lex, *Quadrangena ad l. Falc.* & Tertullianus, dividuitatem non recipere, usufructum vero dividuitatem recipere. Et hoc Papinian. in h. l. 5. quinque argumentis docet. Primum est hujusmodi, usufructus potest constitui, hoc est, cedi pro parte divisa, & pro parte indivisa. Indivisa, ut ex omnibus fructibus, qui in illo fundo nascuntur tertiam partem capias: pro divisa ut omnes fructus pars tertie fundi capias: pars divisa est certa, & sensibus percipi potest, & totum potius quam pars est. Diviso ex uno toto conficitur plura. Pars autem indivisa est diffusa per totum fundum, & incerta, quæ intelligitur tantum, cerni autem, tangi, vel demonstrari non potest. Quum dicis, hæc pars mea est, hæc pars tertia vel dimidia, partem divisam dicis: demonstras enim eam: cum autem dicis partem simpliciter, pars tertia mea est, partem indivisam dicis. Aliæ servitutes possunt quidem constitui pro parte divisa, puta, ut ad hanc partem fundi mihi ire agere liceat, l. 6. de servit. Pro parte autem indivisa servitutes alteri constitui non possunt l. pro parte, de servit. puta, ut ad tertiam fundi partem mihi ire agere liceat, non demonstratam, quia scilicet non possum illa parte ire, quam non video, quamque monstrare nemo mihi potest: & si alia parte iero, non ea iero, quæ constituta est. Unde constat, ad partem indivisam non posse constitui alias servitutes: ad partem divisam posse, quæ totum est potius quam pars. Secundum argumentum, quo utitur, hoc est. Eodem quoque modo usufructum amitti non utendo, non tantum pro parte divisa, sed & pro indivisa: ut si is, qui totius fundi usufructum habet, legitimo tempore, id est, secundum jus antiquum per biennium, vel secundum jus novum per decennium inter præsentem, aut vicennium inter absentes, non perceperit nisi fructus dimidiam partem, alterius dimidiæ partis usufructum amittit pro indiviso. Ceteræ servitutes non utendo intereunt legitimo tempore, quod jam supra definivi, sed pereunt in solidum, non amittuntur pro parte indivisa, d. l. pro parte, de servit. Sequitur tertium argumentum. Usufructus minuitur per legem Falcidiam pro parte, id est, pro quadrante Falcidiano, si sic exhausta legatis hereditas: etiam ex legato usufructus heres retinet quartam Falcidiam: sic igitur retinebit quartam partem usufructus singulis annis. Nam in usufructu fructus spectamus potissimum, veluti corpora quædam, non jus utendi fruendi, qui fructus divisionem recipiunt, atque adeo diminutionem legis

legis Falcidia. Ususfructus minuitur per legem Falcidiam, l. 1. §. si ususfructus. & l. sed & ususfructus ad leg. Falcid. & hoc est quod ait in princ. hujus legis. Breviter hoc ait, ususfructum pro parte constitui posse, & amitti, & minui: at aliae servitutes non minuantur per legem Falcidiam, sed praestantur in solidum legatariis sine ulla diminutione, ut via, iter, actus, haec solida praestantur: succurrit tamen heredi hoc remedium, ut fiat aestimatio legatae servitutis, quanti sit servitus via, itineris, actus, &c. & facta aestimatione, ut heres opposita exceptione doli mali, non aliter praestet servitutem, quam si legatarius inerat quadrantem aestimationis: atque ita non fraudatur heres Falcidia. Ceterum servitus integra ceditur, quia res est incorporalis, l. 8. si quis, §. ult. ad l. Falc. l. 5. pure §. 1. de doli excepti. Quod Papin. hoc eodem libro scripsit de aliis servitutibus in l. 7. ad leg. Falc.

Ad L. VII. ad L. Falcid.

Lege Falcidia interveniente, legata servitus quoniam dividi non potest, non aliter in solidum restituitur, nisi partis offeratur aestimatio.

Contulit Papin. hoc lib. ususfructum cum ceteris servitutibus, & quaecunque scribit in ea lege 5. de ususfructu, ea existimandum est, locum non habere in ceteris servitutibus, scribantur enim de ususfructu, ut intelligatur non idem servari in ceteris servitutibus, quod idem subiecerat in l. 7. ad l. Falc. quae cum d. l. 5. est omnino coniungenda. Quartum argumentum est huiusmodi. Si is, qui stipulanti promiserat ususfructum, decesseret duobus aut pluribus heredibus relicto, obligatio inter coheredes dividitur pro portionibus hereditariis ex l. 2. tab. ut scilicet singuli heredes pro portione sua praestent ususfructum stipulatori: ex quo apparet ususfructum esse dividuum. At si is, qui promissam servitutem, decesseret pluribus heredibus relicto, ea obligatio non dividitur ex l. 2. tab. sed singuli heredes tenentur in solidum, quia nec possunt partem praestare, l. 2. de verb. obl. l. heredes 25. §. an ea stipulatio 9. fam. l. erisc. Quintum argumentum quo utitur Pap. tale est. Si ex fundo communi duorum debeatur ususfructus, & unus tantum ex his conveniatur, an condemnabitur in solidum? minime: uno ex sociis convento condemnatio fiet pro parte tantum, quia aequum non est, eum pro parte foculi condemnari; quoniam res divisionem recipit: sed si ageretur de alia servitute, cuius causa, vel natura est individua, etiam si conveniretur unus tantum ex sociis, & rem defenderet, damnaretur in solidum, & restitueret servitutem in solidum, l. 4. loci, §. si fundus, l. 6. sed et si forte, §. si ades, si servi. vind. & hoc est quod sequitur in hac l. in summa, quae de ususfructu scribit Papin. in hac lege, ea vult, locum non habere in ceteris servitutibus. Ea igitur scribit ad differentiam ceterarum servitutum. Qui dicit ususfructum esse dividuum & individuum, ceteras servitutes individuas, multa dicit & infinita, non has tantum differentias notat, quas hic Papinian. nam ex hoc principio pendunt plurima.

Ad L. IV. de Servitut.

Servitutes ipso quidem jure, neque ex tempore, neque ad tempus, neque sub conditione, neque ad certam conditionem, verbi gratia, quamdiu volam, constitui possunt: sed tamen, si haec adiciantur, pacti vel per doli exceptionem occurreret contra placita servitutem vindicanti, idque, & Sabini respondisse Cassius tulit, & sibi placere.

§. 1. Modum adici servitutibus posse constare, veluti quo genere vehiculi agatur, vel non agatur, veluti ut equo duxatur, vel ut certum pondus vehatur, vel grex ille transducatur, aut carbo portetur.

§. 2. Intervalle dierum & horarum, non ad temporis causam, sed ad modum pertinent jure constituta servitutis.

A Diximus heri ususfructum legitimo tempore non utendo amitti pro parte divisa, vel indivisa, quod etiam ostenditur in l. placet, quibus mod. ususfr. amitt. quae & certae partis, & pro indiviso ait ususfr. non amitti: rursus quae notata est differentia ad d. l. 5. ea est inter ususfructum, & ceteras servitutes omnes, siue personales, siue praediales: quae vero notabitur ad l. 4. erit tantum inter ususfructum & servitutes praediales. Nam servitutes personales eodem jure sunt, quo dicimus esse ususfructum, differentia est huiusmodi, ususfructus ex die, vel ad diem constitui potest, l. 4. de usufr. l. 1. & puto, §. ususfr. fam. erisc. l. unica §. item si ex die, quando dies ususfr. ced. Ergo potest etiam constitui ususfructus ex conditione, vel ad conditionem, & finietur, ac extinguetur die, vel conditione: ut si ad conditionem sit concessus ususfructus servi, quando scilicet non manumittatur, manumisso servo extinguatur ususfructus, l. interdum, quib. mo. ususfr. amitt. Servitutes autem praediales neque ex die, vel ad diem, neque ex conditione, vel ad conditionem constitui possunt jure civili. Ex die, puta, cedo tibi iter ex Cal. Janu. Ad diem, cedo tibi iter ad Cal. Mart. utrumque dicitur fieri ad diem: nam & quod fit ex die, fit in diem, l. quoties, §. ult. de her. inst. Sub conditione autem hoc modo: Cedo tibi iter, si navis ex Asia venerit: ad conditionem, cedo tibi iter, quando vivam, vel quando volam, & utrumque dicitur fieri sub conditione: nam & quod fit ad conditionem, dicitur fieri sub conditione, l. pater §. ult. de condit. & demonst. & his omnibus modis servitus ipso jure inutiliter constituitur in praedio urbano, vel rustico. Proinde servitutibus praediorum neque dies, neque conditio adici potest. Notandum interim est, conditionem illam, quando volam, malum distare a conditione, si volam, nam sub conditione si volam non recte constituitur ususfr. neque enim intelligitur constitutus, quando est in potestate domini, an sit constitutus, l. sub hac, de obl. & act. Sub conditione, quando volam, recte constituitur ususfr. & nihil refert utrum dixeris, quando volam, an quando nolum. Nam utriusque conditionis eadem vis, ac potestas est. Videtur haec contraria, sed unum idemque tempus utraque oratio demonstrat. His positus, quae sunt certissima, videamus, quae sit differentia ratio inter ususfructum & servitutes praediorum. Ususfructui recte adicitur dies, vel conditio, non etiam servituti praediali. Servitus est qualitas praedii, ex qua praedium, vel dicitur dominans, cui acquisita est servitus, vel serviens, cui imposita: servitus est habitus praedii, l. qui fundum, quemadmodum. servit. amitt. Celsus in ea lege ostendit, servitutem itineris retineri non tantum per dominum fundi, sed & per possessorem bonae aut male fidei, si usus sit itineris, quod fundo debetur: retineri, id est, non perire non utendo: Pereunt enim servitutes non utendo legitimo tempore, sed non pereunt, si quis usus sit, licet sit praedio. Et addit Celsus rationem: fundus enim qualiter se habens, ita cum in suo habitu possessus est, jus non perit, id est, servitus non perit non utendo, si vel aliquis possederit fundum cum qualitate sua, id est, si usus sit aliqua qualitate, causa, & habitu fundi. Et eadem loquendi formula idem Celsus utitur in l. quid aliud, de verb. signif. Quid aliud sunt jura praediorum, quam qualiter se habentia, ut bonitas, salubritas, amplitudo? Sciendum est jura praediorum alia dici strictae servitutis: & quum servitutes absolute dicimus, praediales intelligimus: sed d. l. quid aliud, ostendit, jura praediorum latius accipi pro omnibus qualitatibus praediorum, & in ea significatione jura praediorum definit Celsus, ut si morbos definire, corpora male affecta ex adjuncto & subiecto: & subijcit exempla, ut salubritas, bonitas, amplitudo, quae etiam qualitas est, non quantitas: fundum cum dicis esse tor jugerum, non quantitatem, sed qualitatem dicis, ac si de pinguedine diceret: ex d. l. qui fundum intelligimus, servitutem esse habitum praedii, hoc est, qualitatem inherentem praedio, quasi habitum. Est igitur firmam, constantem, perpetuam: ut in definitione Iustitiae Constantiani,

flans, & perpetua voluntas, id est, habitus voluntatis par sibi semper, qui nec die finire potest, neque pendere ex die, sed est perpetuus, & secundum hæc, servitus existit statim, & ubi existit semel, die non finitur, non mutatur, non evellitur etiam si ita convenerit. Denique conventio sola non mutat habitum prædij. At usufructus est etiam qualitas: faretur, nam ex ea fructuarius dicitur, id est, qualitas ex qua qualis dicitur, is scilicet ex cuius persona constitutus est usufructus. atque ita feceritur a proprietario. Et cum dicimus non esse usufructum itineris, sicut non esse aquæ haustum, aquæ ductum, ex quo servitutis servitus esse non potest, *l. 1. de usus, leg. l. 33. ff. de servit. rusticis*. hoc dicitur, quod qualitas qualitatis esse non potest, accidens accidentis. Ergo facile concedo, usufructum esse qualitatem in homine, cui coheret, & cum quo extinguitur, sed dispositionem esse, *diuersimodum*, non habitum: qualitem igitur infirmam & instabilem pro voluntate hominis, id est, fructuarii, & secundum quod conventum fuerit inter contrahentes. Papinianus cum ait constitui, quod est, acquiri & imponi uni scilicet prædij, imponi & acquiri alteri: nam promitti potest servitus prædialis ex die, & conditione, *Lexistimo, de verb. oblig.* ut si stipulanti promittam me daturum iter Cal. prox. vel etiam si navis ex Asia venerit, stipulatio valet. Aliud est constituere, aliud promittere: constituta vindicatur, promissa non vindicatur, sed agitur in personam ut præstentur. Item constituta servitus pro parte retineri potest fundo communicato alteri, *l. ut ponam, §. 1. hoc tit.* promissa servitus pro parte acquiri non potest, & ideo stipulatio servitutis fundo communicato corrumpitur, quia pro parte non potest constitui *l. pro parte, hoc tit.* Atque ita promitti quidam potest ex die vel conditione, sed addamus, non posse etiam promitti utiliter ad diem, vel conditionem, ut scilicet finiat die, vel conditione; ut incipiat quidem recte, sed ut finiat non recte; & generaliter nulla obligatio contrahi potest ad diem, vel ad conditionem, ut scilicet permaneat ad eum usque diem tantum, vel ad eam conditionem: nam semel nata obligatio, tempore, vel conditione non finitur, *l. obligationum, §. 1. & §. conditio, de oblig. & act. l. eum, qui, §. qui ita stipulatur, de verb. oblig. & act. l. i. ff. de i. nemo potest, de leg. 1.* sed explicanda est ratio. Placeat valde ratio *d. l. obligationum, §. 1.* Nam quod femel debet capiti, certis modis debet definit, cui simile est quod est scriptum *l. ex stipulatione, C. de sentent. & interloc.* Obligatio contracta ex stipulatione certo tantum iure tollitur, id est, certis modis, non qualibet pactione nuda: nam omnium rerum, vel simplicium, vel compositarum, certi sunt modi, quibus vel sunt, vel desinunt esse: neque enim temere, & uno modo creantur omnia, neque eodem modo tolluntur, sed certis præscriptisque modis. Sic in obligationibus & omnibus, quæ artis, vel juris sunt, certi sunt modi, quibus ea tolluntur, vel inducuntur. Certi sunt modi contrahendæ obligationis, veluti contractus jurisgentium, aut juris civilis, qui quidem sunt certi, vel etiam pactiones legitimæ, id est, iure civili comprobata: certi quoque modi tollendæ obligationis, veluti solutio, & cetera, quæ pro solutione sunt, ut compensatio, in solutum datio rei alterius, quam quæ in obligationem venit, & novatio, & acceptilatio, & dissensus, qui intervenit re integra, quando consensu nudo contracta est obligatio. Ad summam, hi tantum sunt modi tollendæ obligationis, qui continentur *tit. l. i. ff. quib. mod. sol. obl.* hi tantum sunt modi tollendæ servitutis, qui continentur *tit. quib. mod. serv. amit.* hi tantum sunt modi tollendæ patris potestatis vel dominicæ, qui continentur *tit. quibus modis jus pot. solv.* nec licet nobis alios addere: Sicut nec enumerationi actionum bonæ fidei alias addere, enumerationi stipulationum inutilium alias addere. Denique certi sunt tantum modi tollendæ obligationis. Cic. pro Cæcinnâ: *Si majores nostri per has rationes liberari nos voluerunt, certe intelligimus alio modo nos liberari noluisse.* An pactione nuda tollitur obligatio? Minime: an tem-

pore vel conditione? minime, etiam si convenerit, ut duraret obligatio ad diem, vel conditionem. Ergo post diem, vel eam conditionem eadem obligatio manet, & ex ea agi potest ipso iure: verum ex æquitate actio eliditur exceptione pacti, vel doli mali, quod dolofaciatur, qui facit contra fidem pacti. Et ita obligatio & actio, quæ ipso iure non tollitur tempore, vel conditione, id est, iure civili, prætorio tollitur: id est, prætoria exceptione pacti, vel doli. Tollendæ obligationis iure civili sunt certi modi, ex iure prætorio incerti, & infiniti: nam quotiescumque æquitas desiderat tolli obligationem aliquam dat prætor exceptionem. In remediis prætoris tollendæ obligationis, factum versatur, id est, exceptio, quandoquidem si omittatur exceptio, obligatio non tollitur: si vis tollere obligationem remedio prætoris, necesse est, te obicere exceptionem. Et hoc est, quod dicitur, in remediis prætoris, quibus tollitur obligatio, factum, in civilibus ius versari, ut solutione & ceteris modis obligatio tollitur: etiam si non obicias, ea intervenisse creditur, *l. si unus, §. pactas, de pact.* Quod igitur ipso iure non fit, sepe fit per exceptionem. Et ita in specie huius legis: ipso quidem iure, ut ait, *servitutes neque ex tempore, neque ad tempus constitui possunt*, sed si quis eas vindicat non habita ratione temporis, vel conditionis, quia facit contra placitum, licet non contra ius: huic, inquam, vindicanti contra placita obstat exceptio pacti, vel doli mali, quæ semper occurrit cum exceptione pacti. Exceptio doli generalis est, pacti specialis; & honestior est pacti, quia in factum concipitur, non in dolum, id est, doli mentionem non facit: turpis est quodammodo exceptio doli, quamquam nullæ exceptiones iure turpes, & infames sunt. Ergo generaliter Papinianus concludit, nullam ex tempore constitui servitutem prædiorum alienorum, sed constitutam retineri exceptione. Et hoc ait placere Sabinianis, quo satis demonstratur, dissensisse Proculianos: Sabinianos speciasse æquitatem. Procul. asseruisse ius summum, nec dedisse exceptionem: nec ulla res inter eos peperit maiorem dissensionem, quam quod alii æquitatem speciant, alii ius strictum. Non constabat igitur inter omnes, an remedio exceptionis utilis esset adfectio temporis, vel conditionis in imponenda servitute: sed, ut postea subiicit, constabat inter omnes, modum recte adijci servitutibus, quod cum ait, diem aut conditionem adijci posse non constabat: nam quod ait, utiliter adijci tutione prætoris, sive beneficio exceptionis pacti, aut doli, hoc soli Sabiniani probavere: at modum posse adijci constabat inter omnes. Separat igitur modum a conditione: conditio retardat usum servitutis, aut etiam finit: modus non retardat, non finit usum servitutis, sed incommodiorem eum reddit. Et utitur Papinianus exemplo servitutis actus. Actus est jus agendi jumentum, vel vehiculum per fundum alienum. In hac servitute constituenda potest adijci modus, *l. 11. quemadmodum. servit. amit.* quo scilicet genere vehiculi agat, aut ipse agatur, & quo non; num hoc vehiculo utatur, ne alio forte quam rheda, vel ut equo duntaxat, id est, ut vehiculo jungat equum, non aliud animal: ut equo tantum utatur ad vehendum sub iugo: vel etiam, ut certum pondus, certum onus tantum vehatur, *d. l. 11.* vel ut grex ille traducatur, qui erit constitutus actu, grex equorum forte, non ovium, vel carbo portetur, non alia materia. Sic modus recte adijcitur servitutibus, quia neque finit, neque moratur usum servitutis. Modus etiam adijcitur servitutibus, si usus servitutis fecernatur temporibus, ut puta si id agatur constituto itinere, ut eat tantum ab hora octava ad decimam, ut die non noctu, ut alternis mensibus, vel diebus: his conventionibus fit incommodior usus servitutis, sed non ei afferitur mora aut finis. Et hoc est, quod ait, intervalla dierum & horarum non pertinere ad tempus, sed ad modum constitutæ servitutis. Qui præscribit horas vel dies, ut utatur servitute is cui cessat est, modum præscribit constitutæ servituti, non etiam illam tempore circumscribit, *l. iter, comm. præd. l. si prius, de ag. & ag. plu.*

Ad

Ad L. XXXVI. de Servit. urb.

Binas quis aedes habebat una contiguatione testas, utraque diversis legavit: dixi, quia magis placeat tignum posse duorum esse, ita ut certa partes cuiusque sint contiguationis, ex regione cuiusque domini fore signa: nec ullam invicem habitus actionem, jus non esse immixtum habere, nec interesse, pure utrisque, an sub conditione alteri aedes legata sint.

Questio huius legis hæc est: Qui habebat binas aedes una contiguatione testas, unam legavit Primo, alteram Secundo. Contigatio est lignorum contextura comparata ædium operiendarum causa. Tignum uno ductu, igitur unum utraque tegebatur aedes, denique divise erant aedes parietibus, non etiam tignis. Queritur, an possint Primus & Secundus invicem agere actione negatoria, jus non esse tigni immittendi: nam cum eadem sint tigna utrarumque ædium, videntur ex ædibus Primi immitti in aedes Secundi, vel ex ædibus Secundi in aedes Primi? Sed Papinianus ait, nullam eos invicem habituros actionem negatoriam, jus non esse tigna immissa habere, quia scilicet, nec intelligitur sua tigna immissa habere Primus in aedes Secundi, nec Secundus item sua in aedes Primi: sed intelliguntur cuiusque propria esse tigna, quibus aedes sibi legatæ conteguntur pro regione contiguationis: non videntur tigna immissa in aedes nostras, quæ nostræ sunt, sed quæ aliena, & alienorum duntaxat nomine, quæ immittuntur in aedes nostras, competit actio negatoria. Denique non competit hæc actio, jus non esse immittendi, cum nihil sit immixtum. Contigatio dividitur regionibus, est regio, quæ pertinet ad aedes Primi, est regio, quæ pertinet ad aedes Secundi, & pro regione contiguationis tigna propria sunt. Sunt igitur communia pro diviso: si contigatio dividatur regionibus, & tigna igitur, nec teguntur aedes Primi tigno alieno, sed suo, & contra: denique tigna sunt communia pro diviso, id est, pro regione contiguationis: nec intelligitur quicquam esse immixtum ex ædibus alienis in alias. Et ita arbor posita in confinio duorum fundorum, si ex utraque parte radices egerit, est communis: pro regione fundi cuiusque: pro diviso igitur, *l. arbor, comm. divid. l. 8. de adq. rer. dom.* Lapis quoque, qui in confinio nascitur & extenditur per fundos duorum, est communis pro regione finium fundi utriusque, ergo communis pro diviso. Nec obstat *l. si plures, §. ult. arb. fur. easi.* dum ait: si radicibus arbor vicini alatur agro, arbores ejus esse, in cuius fundo origo est, arborem origini cedere, non alimento. Hæc sententia vera est, sed non est intelligenda de arbore posita in confinio: nam arbor posita in confinio utriusque est, si ex utriusque agri alimento alatur, & est communis pro diviso, id est, pro regione fundi cuiusque. Dices, ergo lapis potest esse communis pro diviso, tignum commune pro diviso. Atqui ex *l. 8. in fine, de rei vind.* constat, rem mobilem non posse possideri jure domini pro diviso, & rem immobilem tantum. Necque est constituenda differentia inter dominium & possessionem: nam si res mobilis non potest possideri pro diviso, nec etiam esse jure domini pro diviso, quod etiam constat natural ratione: nam diviso rei mobilis fieri non potest sine ejus corruptione, ut tignum, navis, equus, homo: nam si equum, navem, bovem divides, divisione definit esse navis, homo, equus, tignum: quod de qualibet re mobili dici potest. Si rem mobilem divides, perdis: pars navis non est navis, pars bovis non est bos, & tamen pars fundi est fundus. Verum ex his quæ diximus ante appareret, & tignum, & arborem, & navem esse nostram pro diviso, id est, pro regione prædiorum. Respondeo, rem immobilem esse non mobilem, arborem, vel lapidem, quæ coheret solo, tignum quod junctum est ædibus. Quæ religiosis adherent religiosa sunt, *l. 43. de rei vind.* quæ immobilibus adherent, sunt quoque immobilia,

A nihil igitur vetat habere ea pro diviso: sed si lapis eximatur, qui est in confinio, vel si arbor eruat, aut succidatur, aut si navis excidatur, vel si tignum ædibus solvatur, tunc fit res communis pro indiviso, quæ antea erat communis pro diviso, quia confunduntur partes, quæ antea ex regione prædiorum discernabantur, *l. arbor, comm. divid. l. pen. pro soc.* Et secundum has leges, *l. 8. de adq. rer. dom.* est emendanda. Si, inquit, lapis in confinio nascatur, & sint prædia communia pro indiviso, tunc lapis erit communis pro indiviso, cum terra exemptus erit: male, si sint prædia communia pro indiviso: nam si prædia affinia sint communia pro indiviso, etiam lapis, qui est in confinio, quamvis non sit terra exemptus, erit communis pro indiviso. Et ideo legendum est: si sint prædia communia pro diviso. Ergo in specie huius **L** tigna sunt communia inter Primum & Secundum pro diviso: id est, pro regione contiguationis: neque videtur quicquam alter immixtum habere in aedes alterius: & proinde cessat actio negatoria, jus non esse tigni immittendi. Et in fine ait: *nihil interesse pure utriusque legatæ sint aedes, an uni pure, alteri sub conditione:* hoc ait, ut demonstret, quod licet re conjuncti sunt, quibus eadem res legatur, licet uni pure, alteri sub conditione, *l. idem, §. ult. de usus. accresc.* ita quod ad contiguationem attinet, quæ una eademque est, quæ binæ aedes contignantur, & conjunctæ sunt, habent tigna communia pro diviso, quibus binæ aedes legatæ sunt, licet uni sint legatæ pure, alteri sub conditione. Et hoc est quod Papian. voluit in hac *l.* In *l. seq. ant.* Julianus idem esse, & si duobus aedes quis cesserit, cedere est dominorum *l. ult. in fi. com. præd.* Idem igitur est, si quis legaverit binas aedes, quæ erant una contiguatione testæ, live cesserit, veluti venderit. Idem juris est in ultimis voluntatibus & contractibus.

Ad L. XXXIV. de Serv. rust. præd.

Unus ex sociis fundi communis permittendo jus esse ire agere, nihil agit. Et ideo si duo prædia, quæ mutuo serviebant inter eosdem fuerint communicata, quoniam servitutes pro parte retineri placet ab altero, servituti alteri remitti non potest: quamvis enim unusquisque sociorum solus sit, cui servitus debetur: tamen quoniam non persona, sed prædia debent, neque adquiri libertas, neque remitti servitus per partem potest.

D §. 1. Si fons exaruerit, ex quo ductum aqua habeo, isque post constitutum tempus ad suas venas redierit: an aquæ ductus amissus erit, queritur?

Pendet questio huius legis ex eo, quod dicitur, servitutem prædialem non posse adquiri, vel imponi pro parte indivisa: non posse etiam remitti, aut adimi, *l. pro parte, de servit.* quamvis ad certam fundi partem constitui possit, & remitti, *l. d.* Aliud est in usufructu, cuius differentia rationem exposuimus in *l. 5. de usufr.* Secundum hanc sententiam Papian. ostendit, quod si duo sint domini fundi pro indiviso, unus non potest fundum imponere servitutem pro parte sua: & consequenter ait, unum ex sociis non posse etiam remittere servitutem debitam fundo communi pro parte sua, quæ indivisa est, & ita argumentatur, si non potest imponere, nec ei fundum adquirentem servitutem remittere: rectissime, quia eadem est ratio & causa imponendi & remittendi servitutis, & eadem causa obligandi & liberandi, *l. 83. §. facram, de verb. obligat.* Eadem facultas contrariorum, scilicet genere, non specie: nam specie contrariorum contraria est facultas. Sic igitur argumentatur: si potest condemnare, ergo & absolvere; si obligare, ergo & liberare; si imponere, & remittere; vel si non potest imponere servitutem, ergo nec remittere. Placet tamen servitutem, quæ ab initio recte imposita est, posse retineri pro parte indivisa, *l. ut pomum, §. 1. de servit. l. si quis aedes, §. 1. sit. præd.* & principium juris hoc est, servitutu-

vitutem non posse constitui pro parte indivisa, retineri posse; quia facilius est retentio, quam adquisitio, facilius etiam quam actio, *l. i. de pign.* Retentio fit beneficio exceptionis, cetera procedunt ipso iure, & suo Marte (ut ita dixerim) sine opera, sine facto nostro, nec divisionem recipiunt. Explicemus quod dixi, servitutem posse retineri pro parte indivisa. Finge: fundum meum, cui tuus serviebat, tibi communicavi: retineo servitutem pro parte, atque ita proprius tuus fundus communi meo & tuo servit. Et similiter, si fundum meum, qui tuo servit, tibi communicavero, tu retines servitutem pro parte, atque ita fundus communis meus & tuus servit proprio tuo: & in summa per hanc rationem, qua servitus pro parte retineri potest, fit, ut proprius servat communi, vel communis proprio, *l. si communi, in fi. hoc tit.* Per eandem rationem, id est, quod servitus retinetur pro parte, fit etiam absque dubio ut fundus communis inter nos serviat fundo communi inter nos & alium: & contra, ut fundus communis inter nos & alium serviat fundo communi inter nos tantum: & per hanc rationem fit, ut fundus communis inter nos serviat fundo communi inter nos, quod notandum. Fundum communem deinceps accipias pro fundo communi inter nos, non inter nos & alium. Quæro ita accipiendo fundum communem, an communis communi servire possit? Et est unus casus in *dic. l. si quis ades, §. i.* quo fundus communis communi servit. Est & alius in *hoc l.* in qua fundus communis communi servit propter illam regulam, quæ vult, servitutem pro parte retineri posse. Denique quoquo modo accipias, commune communi servire potest, propter illam rationem. Sed obstat vehementer *l. si communi, in princ. hoc tit.* Communi fundo meo & tuo servit fundus Sempronianus: fundum Sempronianum in commune redimimus, atque ita incipit esse fundus communis inter nos dominans & serviens. Confunditur servitus acquisitione domini fundi Semproniani, quia par utriusque domini ius in utroque fundo esse incipit. Commune igitur non potest servire communi: quod pugnat cura hac *l. & d. l. si quis ades, §. i.* in quo laborat maxime Accursius. Sed mihi videtur distinguendi hic tres casus; Casus *leg. si quis ades, §. i.* & casus *l. unus*: in quo idem obtinet quod in casu *d. l. si quis ades*. Tertius casus *l. si communis*, qui est longe dissimilis ab illis duobus. Primus hic est, communis mihi fundum servientem, communico tibi fundum dominantem: communis fundus communi servit: quia servitutem retineo, quam mihi debuisti ante: retineo pro parte tua, *d. l. si quis ades*. Secundus casus qui est *l. unus*: Meus fundus tuo servit, & tuus meo: communicas mihi tuum, communico etiam tibi meum: non fit confusio servitutis omni modo: nam & hoc casu fundus communis communi servit. Nam servitutem, quam ante mihi debuisti, retineo pro parte tuæ & similiter servitutem, quam tibi antea debui, tu retines pro parte mea. Denique hoc casu utraque ex parte retinetur servitus pro parte quantumvis indivisa: an poterit remitti alteri ab altero? Minime, si retineatur solida servitus, si pro parte tantum: non potest adquiri servitus pro parte, nec libertas etiam. Quia ergo non est confusa servitus, sed retinetur per partes, non poterit alteri ab altero remitti, id est, non poterit remissione tolli, quæ penitus non est sublati confusione. Dices: videtur posse remitti alteri ab altero, quia iam non debetur utrique, sed uni soli ex sociis, cur & ei soli non remittitur? Respondet Papinianus, non personæ, sed prædio deberi servitutem: non esse servitutem personalem, sed prædialem, & quoties dico, mihi deberi servitutem, intelligo propter prædium meum: quod evidenter apparebit, si persona alienet prædium: neque enim amplius personæ debetur: non potest servitus remitti pro parte: quin remittatur tota. Ergo ex *l. unus, & d. l. si quis ades*, quamquam sint diversi casus, colligitur, fundum communem communi servire posse. Dissimilis est tertius casus *l. si communi*. Casus hic est: Communi fundo meo & tuo servit Sempronianus: eum in commu-

ne acquisivimus: communis communi non serviet: Quia ratione communis communi non serviet, duobus superioribus casibus servit? propter retentionem partis: hic casu tertio non suppetit retentio partis: nec igitur potest communis communi servire. Cedo, cur non suppetat retentio partis? quia non possum pro parte tua retinere servitutem, quam mihi ante non debuisti, vel non potes tu pro parte mea retinere servitutem, quam tibi ante non debui. Quid est retinere? est ex eo, quod solidum mihi ante debuisti propter fundum tuum, partem retinere pro indiviso. Atqui fundus meus, vel tuus non fuit, qui serviebat, sed Sempronii, qui desiit servire abalienato fundo: necessaria est igitur adquisitio in communi fundo, nec suppetit retentio partis: proprius proprio non servit: & ideo si dominus fundi servientis adquirat dominantem in solidum, vel contra dominus fundi dominantis adquirat fundum servientem in solidum, perimitur servitus, quia nec potest conservari pro parte, nec pro solido, quia res sua non potest rei sue servire, nec pro parte, quia non suppetit retentio partis.

Ad §. ultim.

EX priore questione *l. unus, de servit. vult. præd. in-*telleximus, unum ex dominis rei communis servitutem debitam fundo remittere non posse, solidam certe non posse invito socio, sed neque pro parte indivisa, quæ ei competit, licet socio ea servitus non competat pro parte sua. Ergo nec remitti servitutem pro parte, id est, libertatem adquiri pro parte non posse ei, qui solus servitutem debet, licet solus eam non debeat pro parte sua: servitutis & libertatis acquisitionem individuam esse, retentionem dividuam, quia & personalis magis est, quam realis, & personalis potius, quam realis, & facti magis quam juris. Sequitur alia questio in *§. ult.* Constat servitutis admitti non utendo biennio, secundum ius antiquum: ex constit. Justiniani decennio aut vicennio. Finge: fons, ex quo ducebam aquam iure servitutis, exaruit, atque ita per biennium usus non sum ea servitute: post fons ad suas venas prodiit, & ex eodem fonte fluere coepit aqua: quaeritur, an mihi liceat aqua uti, an aquaeductus videtur amissus non utendo? non videtur, quia neque per culpam, neque per negligentiam meam videtur factum ut non uteretur aqua: hac servitute fonte profluente cum uti licet, si non uteretur fonte torrido, non sum culpandus si non utar, quo uti non possum. Nescimus quid ad hanc questionem responderit Papinianus: Nam hic tantum proponitur questio, non definitur, sed definitur rescripto Octavii Augusti in *l. seq. ex Pauli libris*, his verbis. *Et Atticilius ait, &c.* quo loco Cæsarem accipio pro Augusto, ut Alphenus Iuriconsultus in *l. Cæsar, de Publican.* Cæsar, hoc est, Augustus, quem constat censoria potestate lustrum condidisse, publica locasse, sensum recensuisse, &c. Fuit autem Alphenus sub Augusto ex futuro Iuriconsultus, & Atticilius eadem ætate, cum laudetur a Fufidio *l. §. de au. & arg. leg.* & consulat etiam Proculus qui fuit eadem ætate, ut constat ex *l. Atticilius, de pact. don.* & Statilius Taurus ad quem rescripsisse dicitur Cæsar hac de re, is est, qui Consul fuit cum Augusto, qui triumphavit. Et Tertull. memia Carthaginis construxisse scribit libro de Pallio. Definitio igitur questionis est, non utendo quidem amissam servitutem esse tempore legitimo, sed ex æquitate eam renovari, & restitui fonte reverio: & ita si fundus, per quem via aut iter aut actus debetur, inundatione fluminis occupatus sit, & post biennium restitutus in pristinum statum, sane restituitur etiam & renovabitur servitus, quæ videtur summo iure non utendo perisse, *l. si locus, quem. ser. amitt.* Idemque erit, si quis per vim tanto tempore prohibitus sit uti servitute, quanto servitus amittitur: Nam & huic servitutem restitui æquum est, *l. i. §. si propter, de itin. act. priv.*

Obijciunt huic definitioni *l. i. §. ult. C. de ann. except.* quæ adeo movit Accursium, ut censuerit hac in re separandas esse res corporales a servitutibus, quo nihil opus est: ex ea lege colligunt, non utendo non amitti servitutem, quando per eum, cui servitus debetur, non fiat, quo minus utatur. Male; nam sententia *d. l. i. §. ult.* est, præscriptionem temporis, qua excluditur actio non nocere auctori, quo agere cum effectu non potuit, id est, auctori non computari tempus quo agere non potuit; exempli gratia, si ut quasi filiofamilias sit acquisita actio temporalis, ei non currit tempus, quo fuit in potestate patris, nam eo tempore invito patre non potest agere. Igitur ex eo die actionis tempus currit, quo factus est sui juris, antequam tempus non currit, quo non potuit agere, quia lex impedit executionem actionis soli filiofam. exceptis quibusdam casibus: non tantum servi, sed nec filiofam. causas orare possunt, invito patre scilicet, nisi de peculio. Et hoc etiam congruit cum *l. ult. §. pen. quis ord. in poss. serv.* quæ loquitur etiam de filiisfamil., qui non possunt petere bonor. possess. sibi delatam invito patre, aut si petant, frustra petunt, nisi pater ratum habeat. Quamobrem filiofamil. non cedit tempus petende bonorum possessionis, quamvis est in potestate patris: & ita creditoribus hereditariis, quibus competit actio temporaria, non cedit tempus, quo heres conficit inventarium. Nam Justin. constitutio verat eo tempore agi adversus heredem, quo iure utimur, a creditoribus, vel legatariis. An igitur interdicat interrim actio tempore, quæ creditoribus competit? Minime: non currit creditoribus tempus, quo epos agere lex vetat, *l. ult. §. donec, C. de jur. delib.* Resp. præscriptio ejus temporis non obest auctori, quo agere cum effectu non potuit, quia lex impedit: secus si alia causa impederet actionem, vel usum servitutis, si natura rei scil. non lex, quæ hæc de re certa fuerit, sed defectus aque quo fons exaruerit: non ideo minus peribit aqueductus, quia lex non inhibuit uti.

Ad L. pen. Com. præd.

Si precario vicinus in tuo maceriem duxerit, interdictum quod precario habet, agi non poterit, nec maceria posita, donatio servitutis perfecta intelligitur: nec utiliter intendetur, quis sibi esse invito te ædificatum habere, cum ædificium soli conditionem secutum inusitum faciat intentionem. Ceterum si in tuo maceriem precario, qui servitutem tibi debuit, duxerit: nec libertas usucapietur, & interdictum, quod precario habet, utiliter cum eo agitur. Quod si donationis causa promiseris: & interdictum agere non poteris, & servitus donatione tollitur.

DUæ proponuntur species in hac *l.* Finge: Vicinus tibi debet iter, tu ei concessisti precario, non absolute, non perfectæ donationis causa, ut in tuo maceriem duceret, id est, ædificaret: quam Græci *ἑρπύλλω*, & male maceriem definiunt esse congestum lapidum cum cemento. Imo est paries ex puris cementis, sine arenato & calce: duxit maceriem, an ages precario interdictum, ut demoliat maceriem? Precario est quod datur utendum ea lege, ut revocetur cum libuerit concedenti: & hoc dicitur a commodato: nam commodatum datur etiam utendum, sed non revocatur statim ac libet commodatario, sed ubi is cui commodata res est, usum explevit, cuius causa commodatum est contractum. Precarium revocatur, quando libet interdictum de precario. Tu igitur, qui concessisti vicino precario, ut in tuo maceriem poneret, an potes cum eo agere, quam libuerit, ut maceriem demoliat? Minime, cum possis eam demoliri quæ est posita in tuo solo. Cessit enim maceria solo secundum eam regulam, superficies solo cedit, superiora inferioribus, *l. hoc quod dictum, de servit. vrb.* Subjicit Papinian. maceria posita in tuo non videri perfectam donationem servitutis: qui locus male interpretatur vulgo: Nam donationem accipitur pro cessione servitutis, cum donatio hic sit remissio servitutis, non cessio, sive constitutio servitutis: & tota lege sane donatio servitutis est

A remissio, condonatio servitutis, quæ fit precario, donatio servitutis imperfecta est donatio, dicitur quidem precarium donationi simile, *l. i. de precar.* sed hoc distat inter precarium & donationem, quod illud revocari possit, hæc non possit. Ergo dum ait, maceria posita in tuo, & te vicinus precario rogavit, non videri perfectam donationem servitutis, hoc ait: non videri remissam servitutem itineris, quam tibi debuit vicinus, quia servitus precario non remittitur perfecte, atque adeo non usucapies servitutem, aut vicinus libertatem, etiam si tanto tempore maceriem in tuo habuerit, quanto usucapitur libertas, & similiter maceria posita in tuo non videtur contraria servitus imposita, ut vicinus in tuo ædificatum habeat, quia precario servitus non imponitur perfecte: nec ejus generis potest esse ulla servitus, ut in tuo ædificatum habeam, quod non possum in tuo, quod meum sit ædificatum habere: possum habere in tuo immisium, quod sit meum, quia quod in te immisum, illud est meum, *d. l. hoc quod dictum*: non est meum quod ædificatum habeo in tuo. Altera species hæc est. Vicinus tibi præbuit iter, tu precario ei etiam concessisti, ut in tuo maceriem duceret, quæ iter impedit: hoc etiam casu vicinus non usucapiet libertatem, nec liberat suum fundum servitute itineris, etiam si tanto tempore maceriem precario ædificatam in suo habuerit, quando libertas usucapitur, *l. si ades, de servit. rust. præd.* Sed an interdictum precario poterit cum eo agi ut maceriem tollat? sic sane. Modo precarium interdictum dicitur, modo interdictum quod precario concessit, *l. illud, §. pen. de pet. hered.* Hoc loco dicitur interdictum, quod precario habet, a primis verbis editi, *l. 2. de precar.* quia igitur precario tantum illud concessit, non amittes iter ut superiori casu: sed si ut in tuo, non ages interdictum precario, cum ipse possis diruere maceriem, quæ in tuo est, & tua: at posteriore casu recte ages precario, quum voles, ut vicinus diruat maceriem, est enim precarium imperfecta donatio: nam si donationis perfecte causa tibi concesseris maceriem ducere, quæ iter impediatur, cessat interdictum de precario, quia donatio perfecta contracta est, & servitus tollitur donatione, id est remissione, ut *l. si filiofamil. quem, ser. amitt.* Ergo ut in fine donatio servitutis est remissio, sic & initio. Et tollenda est Glossa, quæ donationem aliter accipit: & hinc apparet evidenter, aliud esse donationem, aliud precarium. Est simile quidem donationi precarium, sed non donatio, ut simile commodato, sed non vere commodatum.

Ad L. XIII. alienationes & L. XXXI. si servus, Famil. Eriscum.

L. XIII. Alienationes enim post judicium acceptum interdicta sunt duntaxat voluntaria, non quæ vetustiorum causam & originem juris habent.

L. XXXI. Si servus pignori obligatus luatur ab una ex heredibus, quamvis postea, decedat, officium tamen arbitri durat, sufficit enim communis causa, quæ præcessit, quæque hodie duraret si res non intercidisset.

MATERIA harum legum repetenda est ex *l. 12. quæ* præcedit. Res quæ sub conditione legata est, interim quamdiu pendet conditio est heredum, qui hereditatem adierunt, servus quoque manumissus sub conditione, id est, statuliber, interim est heredum, *l. i. de leg. 2. l. 9. §. certe, de pec. l. editum, §. ult. de quest. l. i. §. servi, ad Senatus. Syll.* Sunt igitur illæ res heredum interim, & consequenter veniunt in judicium familiaris eriscundæ. Sed pendente judicio si existat conditio legati, vel libertatis, ea res, si homo subducatur judicio, res transibit in legatarium, servus liber fiet, ipso jure eximetur communione, nec veniet in divisionem inter coheredes: atque ita fit, ut post litem contestatam, post acceptum judicium familiaris, erisc. res hereditaria alienetur: & eodem modo usucapio rei hereditariæ coepa ab extraneo ante litem contestatam, si impleatur pendente judicio familiaris eriscum.

ciscundæ, huic iudicio subducitur, quia definit esse hereditaria, & communis inter coheredes, quod ostenditur in *l. seg.* Usucapio est alienationis species: quod apparet ex *l. Julia*, quæ vetat fundum dotalem alienari: Nam ea pertinet etiam ad usucapionem, *l. si fundum, de fun. dot.* & lex, quæ vetat alienari, vetat & usucapi: eo igitur modo etiam fit, ut post litem contestatam de dividenda hereditate, res hereditaria alienetur. Obstat huic definitioni videtur, quod dicitur: post litem contestatam iudicio familiæ erisc. vel iudicio communi dividundo interdixtas esse alienationes, *l. 1. C. comm. divid.* Sunt interdixtas lege, ipso iure: non Prætor sed lex eas interdixit, quæ non vult rem hereditariam alienari, posteaquam inter coheredes agi coeptum est de familia eriscunda. Sed ea lex est accipienda tantum, vel ea interdictio, de alienationibus voluntariis: neque enim licet coheredibus, vel sociis ultro quicquam iudicio divisionis subtrahere. Ante litem contestatam, potest quilibet coheredem, vel socium partem suam pro indiviso alienare, *l. portio nem, C. de donat. l. ante, C. de iure dot.* & ut ostenditur in *l. falso, C. de comm. ver.* al. etiam potest coheres vel socius, partem suam vendit ante iudicium divisionis, prætere extraneum emptorem coheredi vel socio, quia iure nostro coheres aut socius non habet jus *proprietatis*, ut si velit eodem pretio amere socius, vel coheres, cogatur ei potius vendere, quam alteri: habuit quidem olim jus *proprietatis*, imo & propinquus, sed sublatum est, *l. falso, C. l. dudum, C. de contr. empt.* Per huiusmodi productum est jus *proprietatis*, constitutione Friderici, quæ utuntur etiam quidam in Gallia: Nam & propinquus licet uti iure *proprietatis*, atque ab extraneo emptore revocare ac retrahere rem, quam emit oblatu aut obligato eodem pretio. Habent etiam jus *proprietatis* domini *quæritoris*, & domini beneficiorum sive feudorum: sed iure civili jus *proprietatis* non approbatur, quamquam aliquando obtinuerit, ut dicit *d. l. dudum*; & obtinet etiam in auctoribus: nam pluribus licentibus propinquis & extraneis, propinquus potius adducitur res, quam extraneo, nisi extraneus plus liceatur, id est, adiciat. Licet est adicere pretium, & addicere, id est, *effundit*: sed quoties omnes idem pretium adiciunt, creditor, cui ut satisfiat sit auditio, præferatur cognato, & cognatus extraneo: & inter creditores, præferatur is, cui plus debetur, *l. cum bona, in fi. de priv. cre. C. l. Imperator, de pass.* Ergo, ut ad rem redeam, ante litem contestatam coheres, vel socius quilibet partem suam alienare potest, nec est coheredi salvum jus *proprietatis*: post litem contestatam nullus potest alienare sua sponte. Nam necessaria alienationes admittuntur, quæ vetustiorum causam & originem juris necessariam habent; ut in superioribus casibus, si conditio statulibertatis post litem contestatam existat, vel conditio legati, vel si usucapio post litem contestatam impleatur, quæ ante incepta fuit. His omnibus casibus licita est alienatio, & antiquior est origo alienationis lite contestata. Et hoc est, quod ait Papinianus in *l. 13.* Multa in hanc rem peccat Accursius. Primum statuit hanc esse differentiam inter iudicium familiæ erisc. & iudicium communi dividundo: quod in iudicio familiæ erisc. non tantum post litem contestatam, sed etiam post controversiam motam sint interdixtas alienationes voluntariæ: in iudicio communi dividundo post litem contestatam tantum. Sumit hanc differentiam ex *l. 1. in C. comm. divid.* quod dicit, socium post litem contestatam invito socio rem alienare non posse, & tractat de iudicio communi dividundo: ergo tantum interdixta est alienatio in iudicio familiæ eriscunda post litem contestatam. Eodem argumento uti licebit in iudicio familiæ eriscunda ex hac *l. quæ ait*, post acceptum iudicium familiæ eriscunde interdixtam esse alienationem: nam post acceptum iudicium, & post litem contestatam, idem est semper. Ubi interim notandum est, aliud esse iudicium accipere, aliud iudicem accipere. Iudicium accipit reus lite contestata, actor dicitur: iudicem accipit reus, actor adversus reum, *l. 9. §. quem igitur, de iur. C. rat. di. Tom. IV.*

A *Strab. C. l. 30. mand. l. 1. C. de in lit. iur.* Rursus existimat Accursius, in iudicio familiæ eriscunda: etiam post controversiam motam interdixtam esse alienationem. Monet *l. Divus, de pet. hered.* quæ ait possessorem alienæ hereditatis post controversiam motam, si vel in ius vocatus sit tantum, vel si porrectus sit libellus adversus eum antequam hereditas petatur, nihil ex ea hereditate deminueri posse, nihil detrudere, nihil distrudere, nihil alienare. Post controversiam motam ait, prohibendum esse possessorem quicquam alienare ex ea hereditate, etiam si lis non sit contestata. Respondi, *l. Divus* loquitur de petitione hereditatis, non de iudicio familiæ eriscunda; & propterea ait, prohibendum esse possessorem a Prætoris, non prohiberi lege, sed prohibendum esse a Prætoris, causa cognita, quia de universo iure hereditatis movetur controversia: alter enim negat alterum esse heredem. Controversia de familia eriscunda non est de universo iure hereditatis: imo alter alterum fatetur esse coheredem; sed est de dividendis rebus hereditariis, quæ divisionem recipiunt, de communione dissolvenda, dirimenda, nec est causa interdixtas alienationis, si coheres velit suam partem alienare ante litem contestatam. Post litem contestatam, id est, coepo iudicio familiæ eriscunda est causa, ne quid divisioni subtrahatur. Eset absurdum provocare coheredem ad divisionem: & interim res divisioni subducere. Provocat autem ad divisionem alter alterum iudicio familiæ eriscunda: nam est actio duplex, in qua uterque est reus, & actor. Petitio hereditatis non est actio duplex, & interdictio hæc ex lege est. Permaueamus igitur in verbis legis, & dicamus interdixtam tantum esse alienationem post litem contestatam iudicio familiæ eriscunda, & iudicio communi dividundo sine discrimine. Male etiam Accursius, interdixtam esse alienationem partis coheredibus, vel sociis ante litem contestatam, si fiat iudicis mutandi causa, ut acturo iudicio familiæ eriscunda, vel communi dividundo opponatur durior adversarius, in quem fit alienata pars: nam ex hac causa iure non invenies interdixtam esse alienationem, quod fiat iudicis mutandi causa: imo vero alienatio valet. Sed is qui alienavit ut durioris adversarium opponeret, tenetur in id, quod interest durioris adversarium non habuisse ex edicto de alienatione iudicis mutandi causa facta. Ceterum alienatio valet, nec fit irrita: nam & alienatio rei litigiosæ valet ipso iure, *l. 17. C. seg. de rei vind.* Sed emptori rem litigiosam persequenti obstat exceptio litigiosi: atque ita per exceptionem redditur inutilis, quæ valet ipso iure: ac propterea venditor, quam emptor rei litigiosæ fisco tenentur pœnæ nomine, si emptor sciens rem litigiosam emerit, *l. 1. de iure fisci, l. 2. de litig. l. ult. C. eod. tit.* Punitur, qui vendidit rem litigiosam, vel qui emit: non fit igitur irrita venditio, non fit irrita ipso iure, nec aliter quam per exceptionem, quæ dicitur exceptio litigiosi: & non ideo post litem contestatam iudicio familiæ eriscunda interdixta est alienatio, quod familia sit litigiosa: (neque enim est litigiosa,) sed quod sumpto arbitro familiæ eriscunda causa, non debeat ulla res arbitro subduci, sed omnia in medium proferri, quæ hereditaria sunt, ac postea dividi: Male etiam Accursius in *l. ante C. de iur. dot.* post litem contestatam familiæ eriscunda nomine, vel communi dividundo posse alienari partem dotis causa, quod ducit ex *l. ult. C. de litig.* quæ loquitur de rei litigiosa, non de re, de qua dividenda agitur, quæ certe non est litigiosa: inter partes enim convenit de dominio eius rei, & alter alterum fatetur sibi in ea esse socium. Itaque non oportet rem litigiosam permiscere rei, de qua non est lis, sed de divisione ejus. Et quod ait *d. lex ult.* hoc est impune alienari rem litigiosam dotis causa, sponsaliorum causa, transactionis causa, divisionis causa, has causas exceptio tantum ex quibus si fiat alienatio rei litigiosæ pœna in fisco non committitur. Sic igitur concludamus: impunita est alienatio rei litigiosæ dotis causa. At alienatio rei, de qua dividenda agitur, est impunita qualibet ex causa, quia ipso iure nulla est: nam si quid agens nihil

ago, non punitur; id tantum poena plectitur, quod affectum habuit, & lex quae vetat alienari rem litigiosam est imperfecta. Imperfecta lex est, quae vetat quid fieri, sed factum non rescindit, verum poenam injunxit ei, qui fecit, ut lex Cincia, de donis & muneribus, quae modum imposuit donationibus: prohibebat scilicet donare ultra certam quantitatem, & si plus donatum esset, non rescindebat, ut scribit Ulp. *tit. i. §. quae prohibet*: sed donatarium coercerat. Imperfecta fuit lex Furia testamentaria, quae prohibuit capere legatum supra mille asses, & ei, qui cepit, indixit poenam quadrupli, nec legatum revocavit. Sic etiam lex, quae vetat rei litigiosae alienationem, alienationem non rescindit, sed punit tum venditorem, tum emptorem. Perfecta lex est, quae rescindit, quod fieri vetat; & ideo perfecta est lex, quae interdicat alienationem partis post litem contestatam: ideoque qui alienat, nihil agit, & consequenter non punitur. Postremo male Accursius in *l. i. c. comm. divid.* ait, post litem contestatam communem dividendo, vel familiae resciscundae, non posse etiam partem pignori obligari, & tamen rem litigiosam posse pignori obligari: placet, quod separat rem litigiosam a re, de qua dividenda agitur, quod supra non fecit; ego volui antea separare accuratissime, quia quaestio divisionis alia est, alia proprietatis, & res litigiosa dicitur tantum, si de proprietate ejus sit lis, alio dicente, se esse dominum, & alio negante. Verum falsum est, quod ait, rem de qua dividenda agitur, non posse pignori obligari: hoc enim ratione vacat, quia pignus non mutat dominium, pignus rem non subducit iudicio: nam & res pignerata veniunt in iudicium familiae resciscundae. Causa interdictionis est, ne quid divisioni subducatur. Pignus rem divisioni non subducit: ergo pignus non interdicatur. Falsum etiam quod ait, Rem litigiosam posse pignerari, neque enim potest utiliter: nam creditori, cui pignerata est res litigiosa, agenti hypothecaria obstat exceptio litigiosa, *l. i. §. ult. quae res pign.* Et alia est sententia Novell. de litig. quam adducit Accursius: non hoc vult, rem litigiosam posse pignerari, sed rem litigiosam non esse eam, de cuius hypotheca, seu pigneratione lis est, siue posita hypotheca, an non: sed rem litigiosam esse eam de cuius dominio lis est.

Quod est in *l. 31. hoc tit.* est facillimum: non solui iudicium familiae resciscundae interitu rei hereditariae. Finge: servus hereditarius pignori obligatus erat: unus ex heredibus sua pecunia luit, deinde actum est familiae resciscundae iudicio, eoque pendente homo decessit, an solvitur iudicium familiae resciscundae? & ait, durare officium arbitri propter praestaciones, scilicet, quae eum hominem respiciunt: nam veniunt in hoc iudicium praestaciones earum rerum, quae in rebus humanis esse desierunt, *l. 24. sed & ejus, hoc tit. l. 18. in fine, l. 25. §. idem jur. hoc tit.* nam iudex familiae resciscundae, quod propter eum hominem luendum coheres de suo solvit, curabit ut coheres partem recipiat per rata, *κατ' ἀνάλογον*, ut est in Basil. nam et si divisione communio sit sublata, praecessit tamen, & duraret etiam hodie, nisi res interisset. Et ita etiam actio communi dividendo non solvitur interitu rei communis: nam supersunt aliquae praestaciones, quae spectant ad rem illam, *l. 9. l. 11. tit. seq.* & similiter iudicium rei vindicationis non tollitur rei interitu, etiam si res, de qua agitur, sine dolo, & sine culpa possessoris interierit: nam superest adhuc lis propter partem, vel fructus, vel stipulationem de evizione, ut sciatur, an commissa sit ea stipulatio nec ne, *l. iustque, de rei vindic.*

Ad L. Sabinus XXVIII. Comm. dividendo.

Sabinus in re communi neminem dominorum iure facere quicquam invito altero posse: unde manifestum est prohibendum jus esse: in re enim pari potiorum causam esse prohibentis constat. Sed esse in communi prohiberi socius a socio, ne quid faciat, potest, ut tamen factum opus tollat, cogi non potest, si cum prohibere poterat, hoc pratermissi: & ideo per communi dividendo actionem damnum saxeiri poteris. Sin autem facien-

A *ti consensisse, nec pro damno habet actionem. Quod si quid absente socio, ad lesionem ejus fecis, tunc etiam tollere cogitur.*

EX Pap. hodie explicabitur haec regula Sabini hac lege. Unus ex sociis in re communi nihil facere potest invito socio: secundum hanc regulam, ut scriptum est in *l. parietem, de servit. urb.* non potest unus ex sociis parietem, qui naturali ratione communis est, rescire ac demoliri invito socio, quia non solus dominus est: paries est communis naturali ratione, si edificatus sit in loco communi, ut puteus est communis, si putei solum sit commune, ut puta si sit in consilio, *l. 4. §. i. hoc tit.* Et naturalis ratio est, quia semper superficies qualicumque sequitur jus & conditionem soli, *l. pen. comm. praed. l. pen. §. sed si, uti possid.* Integerius paries est, qui duo aedificia differminat, ut Glossa antiqua interpretatur. Et hic vel est communis inter vicinos, vel proprius alterius horum. Communem rescindit aut demolienti jus non est alterutri vicinorum invito altero: imo nec agere ita potest, sicut agitur de servitutibus, jus sibi esse rescindendi, vel demolienti parietem communem invito socio, & est propria vis *l. parietem*, nullam esse positam actionem talem sicut follet concipi de servitutibus, quia non solus dominus est. Secundum eandem regulam unus ex sociis de communi servo quaestionem habere non potest, nisi communis negotii causa invito socio altero, *l. causa, hoc tit.* propter quam puto statim subiectam fuisse hanc regulam. Item secundum hanc regulam, unus ex sociis in loco communi edificare non potest invito altero, *l. an unus, si servit. vindic. l. 27. sed si inter, §. ult. de servit. urb.* unus ex sociis in communem locum primum inferre mortuum invito altero, & locum religiosum facere non potest, *l. 2. §. an & socius, de religio. l. 6. §. si quis, hoc tit.* Unus ex sociis non potest imponere servitutem fundo communi, *l. 2. de servit.* solidam scilicet. Sed nec etiam pro parte sua, quia servitus individua est. Ergo omnibus modis vera est definitio Sabini. Ex ea Papinianus colligit: si quid vicinus faciat in fundo communi invito socio, socio jus esse prohibendi, quia Sabinus ait invito socio: & invitus est proprie, qui prohibet alteri: igitur socio est jus prohibendi per Praetorem extra ordinem, vel per arbitrum communi dividendo: nam agendo de communione tollenda hoc consequitur, ne socius faciat, quod conatur facere, *l. 3. §. plane, de novi op. nunti.* Si quid socius aedificet, vel moliat, an etiam est jus prohibendi per operis novi nuntiationem? Minime: quia nec adversus socium agere potest, jus ei non esse aedificandi, licet non possit aedificare in loco communi invito socio, *l. 26. in re communi, de servit. urban.* Fateor, non licere socio edificare invito socio in loco communi, sed non licet etiam socio, quo invito aedificatur, ita agere, ut agitur de servitute, jus illi non esse aedificandi, quia quodammodo videtur asserere servitutem, & fieri non potest, ut res nostra vel pro parte, vel in solidum, nobis serviat: & consequenter non licebit etiam socio nuntiare opus novum: nam & eadem ratione usufructuarius non nuntiat novum opus proprietario aedificanti, quia nec agere potest, jus non esse domino edificare se invito, *l. 2. de no. op. nunt.* Ergo socio jus est prohibendi tantum per praetorem, vel arbitrum communi dividendo, non per actionem confessoriam, aut negatoriam, qualis competit de servitutibus, non per novi operis nuntiationem. Jus facienti non est socio, igitur jus prohibendi est. Id Papinianus verum esse demonstrat pulchra ratione, quae aptari potest multis negotiis, quia in re partim melior & potentior est causa prohibentis. Alia est regula, in re pari meliorem esse causam possessoris, id est, si in hac re neque ego jus habeo, neque tu, sumus pares: ego tamen, qui possideo, sum potior te. Sed alia est regula, in re pari, &c. Pare est, causa utriusque socii in re communi: uterque dominus. In re autem pari, si vel unus intercedat, prohibet, contradicat, ceteris impedimento est: aut enim omnes consentire debent, quando omnium par est causa, aut injuria sit quicquid sit, & potior est qui prohibet, quam

qui facit, quia socio magis est jus prohibendi, quam faciendi, nec videbatur esse jus prohibendi, sed magis est jus prohibendi quam faciendi sine altero, quia is qui conatur agere, magis quodammodo jus alienum sibi præripit, si quasi solus sit dominus, ad suum arbitrium re uti velit, *l. an unus, §. servit. vindic.* Est et ratio valde notanda; invitus ut dixi, est, qui prohibet. Invitus est etiam is qui abest, & per absentiam prohibere non potest, nam & hic prohibere intelligitur qui abest, quique ignorat quid faciat socius, vel qui scit, nec tamen per absentiam prohibere potest. Quæro an etiam invitus sit is, qui præsens est, & tacet, dum socius in re communi facit aliquid? nam hic neque nolle omnino videtur, neque velle: præsentem & tacentem non posse dicere nolle, & velle. Et notanda est differentia inter eum, qui præsens est, & tacet, & prohibentem vel absentem. Quod si prohibente vel absente socio, socius aliquid fecerit in læsionem socii, id tollere cogitur per prætorem, vel per actionem communi dividundo, & interdum etiam per interdictionem uti possidetis, si ex re afferat vel adroget sibi possessionem totius rei communis, ut in specie *l. pen. §. si vicinus, uti possid.* Si vicinus in pariete communi imponat testoria, in crucustationes ac picturas, non tantum pro parte sua, fed etiam ex parte vicini: nam hoc genere inquietat vicinum, & sibi quodammodo defendit possessionem totius parietis, atque ideo uti potest interdictione uti possidetis, ne vim faciat possidenti, & ut abradat picturas, & tollat testoria ex parte vicini, ne ex eis in futurum argumentum sumat possessionis, & dominii consequenter. Quod si præsentem & tacentem socio, socius aliquid fecerit in re communi, non cogitur tollere quod fecit, fed damnnum facere actione communi dividundo, si quo affectus sit socius, quo non consentiente fecit. Præsentem esse & tacere est medium quiddam inter consensum & dissentium: ideoque quasi consenserit denegatur ei actio communi dividundo per quam faciatur damnnum quod patitur: nec quasi dissenserit, agit ut opus tollatur. In summa taciturnitas præsentis est media inter consensum & dissentium: taciturnitas autem absentis omnimodo dissentium imitatur hac in re: nam sunt pleræque causæ, in quibus taciturnitas consensum imitatur, nec possis certi quicquam definire in hac questione: Qui tacet, consentiat ne, an non? Nam pro subiecta materia alias dissentire, alias consentire dicitur. Absens comparatur contradicenti, prohibenti. Notandum quod ait hæc *l. damnnum facere*, quod scilicet, fecit socius. Et paulo post, *pro damnno*, & in extremo, *ad læsionem ejus*: Nam ut cogatur tollere quod fecit, vel præstare damnnum, sine necesse est, ut intersit socii, at læsus & damnnum passus sit: nam si ejus nihil intersit, nulla competit actio, nulla datur actio, nisi ejus intersit cui datur: atque ita etiam si socius aliquid fecerit in scio socio, aut non consentiente in re communi, id permanebit, neque eo nomine convenietur, si alterius non intersit. Recte igitur tribus locis ait, damnnum datum, læsionem: Finge, unum ex sociis rescisse parietem communem, vel diruisse rescissam causam, quia vitium faciebat, & ejus labes gravis damnnum rei communi allatura fuisset, finge refectionem necessariam aut demolitionem. Sane tantum abest, ut de eo possit queri alter socius, cujus commodum hæc res cesset, ut teneatur præstare partem impensæ actione pro socio, vel communi divid. cum usuris centesimis, si cessaverit in inferenda impensæ parte intra quatuor menses: nam si traxerit solutionem, quoad exterint quatuor menses, ex oratione D. Marci rei communis dominus sit in solidum ipso jure is, qui rescit rem communem, qui impensam eam necessariam fecerit, *l. si adibus, de dam. inf. l. cum duobus, §. item respondit, pro socio, l. 4. C. de adif. priv.* Imo vero, si sit necessaria resectio, vel demolitio parietis communis, vel alterius rei communis, in ipso initio resciscendi, si non patiarur socius rescicere, potest eo nomine cum socio experiri communi dividundo, vel pro socio, vel interdictione uti possid. Quia,

A qui me impedit rescicere rem communem, quam est opus & expedit, & rem possidere impedit, tenetur interdictione uti possidetis, quæ est sententia legis si ades hoc sit, in qua notandum maxime quod dicitur, *quum est opus*; nam necessariam resectionem socius non potest impedire, nec est, quod exspectet alter ejus consensum, quando est necessaria resectio, quanquam verum est, eum non posse ita agere, quamvis necessaria sit resectio, vel demolitio, jus sibi esse rescicere (faceant hæc formulæ) ac si ageret de servitutibus, fed agit pro socio, communi divid. vel interdictione uti possidetis, cum nobis res communis non serviat, *d. l. an unus, §. serv. vind. C. l. in re communi, de serv. urb.* Nihil esset addendum, nisi nos Accurs. cogeret, qui putat vitari hanc regulam Sabini in quibusdam casibus: primum in casu *l. qui dam, §. ult. de servit. urb.* quo dicitur, posse socium parietem communem incrustare invito socio: facit igitur aliquid in re communi invito socio. Primum factor voluptariam esse impensam, non necessariam, non utilem, & ejus non esse repetitionem: nam ea ornamenta ponit in parte sua, quæ res non offendit vicinum: deinde non tam id videtur facere in re communi, quam ad rem communem quod licet, ut ait M. Tullius in Top. ad parietem communem licet adicere parietem directum, solidum, vel foraicatum, quod adiciendum est ex *l. f. f. stulam, §. pen. de servit. urb. pr.* Parietis directus adjunctus ad communem est, qui ita suspenditur, & retinetur ut sublato communi maneat, nec resectionem communis parietis impediat. Dicitur ergo recte, fieri ad communem, non in communi, & jure igitur etiam non exquiritur consensu socii. Vitiari secundo putat Accurs. reg. Sabini, si id faciat socius in re communi, cujus causa res communis parata est, ut si inhabitat ædes communes, si immittat onus in parietem communem: nam parietes destinantur oneri ferendo: vel si inferat mortuum in commune sepulchrum. Hæc omnia licent sociis etiam non explorata sociorum voluntate, *l. 6. §. si quis, hoc tit.* Sed non videtur hæc exceptio recte accommodari ad hanc regulam, quia ab initio, ut id liceret, convenit inter socios, quando ejus rei causa rem communem paraverunt, nec si contradicat socius, ideo non servabatur conventio facta in comparanda re communi. Tercio putat vitari regulam istam, si resciciatur res communis. Hoc non est admittendum indistincte, fed addendum est, si resciciatur necessario. Quarto eandem vitari ait, D favore necessitatis publicæ & religionis: & hoc facile admitterem in casu *legis sunt persone, de relig.* (in aliis enim casibus non admitto) in qua socius in locum communem purum potest inferre mortuum aliquem ex suis, forte, si non habeat, ubi inferat, ne corpus sepulchrum maneat, propter publicam utilitatem, & compellet socium interdictione de mortuo inferendo, ut finat inferri mortuum, nec tamen erit locus religiosus, nec iustum sepulchrum, quia dissentit socius. Postremo ait, vitari regulam, si res quædam sit communis inter donatorem & donatarium, ex *l. sancimus, §. non autem, C. de donat.* ex eo §. nunquam id colliges, si res sit communis inter donatorem & donatarium, alterum in ea re quicquam facere posse invito altero. Sed sententia hæc est. Finge: Donatio, quam in te contuli, pro parte utilis est, pro parte inutilis ut ante Imp. proponit casum similem: quo casu res donata sit communis inter donatorem & donatorem, quia pro parte tantum donatio consistit, verum mox est dividenda desiderante alterutro, si commodè possit dividi, vel ei, cui major pars competit, licet offerre æstimationem reliquæ partis, quam si offerat, alter cogitur accipere: atque ita totam rem possidebit sublata communi per oblationem æstimationis minoris partis: vel si nolit offerre is, cui major pars competit, licebit ei, cui minor pars competit, alteri offerre æstimationem suæ partis, atque ita totam rem possidere. Is, cui offertur, accipit quidem invitum, fed oblatio hæc nihil facit in re communi: itaque non est quod existimas hanc speciem a regula Sabini.

Ad L. ex mille LXIV. de Evict.

Ex mille jugeribus traditis ducenta flumen abstulit, si postea pro indiviso ducenta evincantur, dupla stipulatio pro parte quinta, non quarta, præstabitur: nam quod perit, damnum emptori non venditori attulit. Si totus fundus, quem flumen deminuerat, evictus sit, jure non deminuetur evictionis obligatio, non magis, quam si incuria fundus aut servus traditus, deterior factus sit: nam & contrario non augetur quantitas evictionis, si res melior fuerit effecta.

§. 1. Quod si modo terra integro, qui fuerat traditus, ducenta jugera per alluvionem accesserunt: ac postea pro indiviso pars quinta totius evicta sit, perinde pars quinta præstabitur, ac si sola ducenta de illis mille jugeribus qua tradita sunt, fuissent evicta: quia alluvionis periculum non præstat venditor.

§. 2. Questum est: si mille jugeribus traditis, perissent ducenta, mox alluvio per aliam partem fundi ducenta attulisset, ac postea pro indiviso quinta pars evicta esset, pro qua parte auctor renoveretur? dixi, consequens esse superioribus, ut neque pars quinta mille jugerum, neque quarta debeatur evictionis nomine, sed perinde teneatur auctor, ac si de octingentis illis residuis sola centum sexaginta fuissent evicta: nam reliqua quadraginta, qua universo fundo decederant pro rata novæ regionis esse intelligenda.

§. 3. Ceterum cum pro diviso pars reliqua fundi evincitur tamen si certus numerus jugerum traditus sit, tamen non pro modo, sed pro bonitate regionis, præstatur evictio.

§. 4. Qui unam jugerum pro indiviso solum habuit, tradidit: secundum omnium sententias non totum dominium transiit sed partem dimidiam jugeri, quemadmodum, si locum certum, aut fundum similiter tradidisset.

Sciendum est, evictionis nomine venditorem solere promittere emptori duplam, quanti res venit, ut si decem venit, promittit 20. & tota re evicta præstantur 20. parte autem evicta, si quidem singulis partibus dictum sit pretium, ejus partis, quæ evicta est pretium duplatur & præstatur ex causa evictionis, l. si fundo tradito, hoc tit. Quod si singulis partibus dictum non sit pretium, sed averione, id est, confuse uno pretio fundus venerit, parte una fundi evicta, quid fiet? quanti ea pars æstimabitur? neque enim ei parti dictum est pretium, & non omnes partes fundi dignitate sunt pares, est una vilior & pretiosior altera, & propter unam partem sæpe totus fundus emitur. In hac questione acumina valent Jureconsultorum, si quæ sunt, & separanda est statim pars pro diviso a parte pro indiviso. Si evincatur pars pro diviso, id est, certa pars circumscripta suis finibus, non fiet æstimatio, non præstabitur evictio pro modo ejus partis, pro modo jugerum quibus ea pars constat, licet in emptione modus dictus sit: sed præstabitur evictio pro qualitate ejus partis, hoc est, pro bonitate & pravitate ejus. Finge, fundus venerat decem: ea pars, quæ evicta est, digna fuit octo venditionis tempore, præstabitur 16. evictionis nomine ex stipulatione duplæ: vel contra, ea pars fuit digna duobus tantum: præstabitur quatuor ex stipulatione duplæ, quod ostenditur in l. 1. & l. bonitatis, hoc tit. l. p. de adil. ed. & in §. penul. hujus legis. Et hoc expeditum est, si tanti emisti fundum, quanti dignus erat: nam si emisti minoris, (quod Joannes annotavit) ut si fundum dignum 20. emisti 10. (quæ fraus non est illicita) & evincatur pars tertia pro diviso quæ est digna octo, non præstabitur octo, nec ea pars æstimabitur octo, quia non tanti emptor intelligitur, sed æstimabitur quatuor dimidio minoris, sicut res tota venit dimidio minoris: & e contrario, si plures emisti, ut si fundum dignum decem, emisti viginti, & evincatur pars tertia, quæ digna est octo, quanti æstimabitur? Sexdecim, id est, dimidio pluri, quia tanti emptor intelligitur, sicut res tota empti est dimidio

A pluri: atque ita inveniunda est bonitatis seu qualitatis ratio. Nunc tractemus de parte pro indiviso. Si pars pro indiviso evincatur, æstimatio fiet pro quantitate ejus partis, id est, pro modo jugerum, l. 1. hoc tit. Ut si fundus mille jugerum venit quingentis, & evincantur ducenta pro indiviso, id est, quinta pars mille jugerum: pro indiviso æstimabitur quinta pars pretii, & præstabitur 200. ex stipulatione duplæ: nam quinta pars pretii est 100. Pars ergo pro indiviso æstimabitur ex quantitate, ex modo: nec enim ex qualitate potest æstimari, cum ejus partis nullum certum corpus subit, nulla qualitas. Pars est quata ut ajunt, non qualis: pars est sine qualitibus. His cognitis, finge: Quidam vendidit & tradidit fundum mille jugerum, & stipulanti promisit duplam evictionis nomine: fundus minor factus est alluvione, quia flumen abstulit ducenta jugera. E'uvio minuit fundum, alluvio auget: flumen igitur abstulit 200. jugera, post evictus est fundus totus, residua igitur octingenta jugera. Jure, inquit Papinianus, ut in l. ubi cunctæ, de fidejuss. l. fundum Cornel. de novat. jure, id est ipso jure stricto: jure, inquam, præstabitur evictio pro mille, quamvis evicta sint octingenta tantum, atque ita perinde præstabitur evictio duplex totius pretii mille jugerum, atque si flumen nihil abstulisset, sed manifestet semper integer fundus non immutatus modo qui fuit venditionis tempore, atque ita diminutio illa fundi, siue periculum alluvionis, non pertinet ad emptorem, qui agit de evictione, perinde atque si mille essent evicta in duplum, sed ad venditorem. Idemque erit, si fundus incuria deterior factus sit. Differentiam facit inter fundum minorem & deteriorem, ut §. cum autem, Instit. de empt. minor si fundus, si minuitur modus terre: deterior, si integro modo terræ terra uratur, vel alio modo corrumpatur, utrumque periculum respicit venditorem, non emptorem toto fundo evicto, quod ita proponit in §. 1. his verbis: Si totus fundus, &c. Id probat Papinianus a contrario secundum id, quod dicitur, eandem esse rationem contrarioram, eandem esse augmenti, & diminutionis, si fundus venditus melior fiat, aut peior, & totus postea evincatur, venditor non tenetur nisi pro mille, id est, in duplum pretii fundi mille jugerum qui fundum addidit, etiam si fundo accesserint alia mille jugera, & evincantur bis mille jugera. Ejus incrementi non habebitur ratio in causa evictionis, ergo nec diminutionis. Sed etsi superint tantum octingenta, quæ evincantur, æstimatio fiet mille jugerum, id est, pro mille jugeribus æstimabitur in duplum. Huic sententiæ objicitur l. 70. hoc tit. quæ ait, si minor fiat fundus, ut si flumen ei aliquid auferat, damnum esse emptoris: minui igitur emptori quantitatem evictionis. Item obstat l. si cum venditor, §. ult. hoc tit. quæ ait, si deterior fiat fundus, minui quantitatem evictionis, si melior, augeri: atque ita in causa evictionis spectandum, quanti res sit evictionis tempore, non & quanta fuerit venditionis tempore, & qualis. Et in l. Titius, §. ult. & l. id quod, de act. empt. si servus venditus apud emptorem deterior factus sit, minui præstationem evictionis: fin autem melior sit cum evincitur, si didicerit artem aliquam, augeri æstimationem evictionis. Æstimationem igitur non reduci ad tempus venditionis, sed sumi ex tempore evictionis; quod est contra hunc

B E §. 1. hujus leg. Fatentur omnes interpretes, & rectissime, constituendam esse in hac re differentiam inter actionem ex stipulato, & actionem ex empto. Illæ leges sunt de actione ex empto, l. 70. & l. Titius, & l. id quod, de act. empt. Et l. si cum venditor, §. ult. est de actione præscriptis verbis, quæ ex permutatione datur, siue ex divisione, quid est divisio? distributio partium, quæ fit permutationis partibus, est igitur de actione præscriptis verbis, quæ datur ex permutatione, vel divisione, quæ comparata est ad exemplum actionis ex empto, & est bonæ fidei, sicut actio ex empto. Illæ igitur leges sunt de actione ex empto, vel quasi: hæc lex de actione ex stipulato, vel quasi: hæc actio competit in solidum, sicut stipulatio concepta est in solidum, & in duplum stricto jure, quod omnes

omnes stipulationes sequuntur, tota re evicta, siue minor sit res, siue maior, quum evicta est, & siue deterior, siue melior: Eadem enim res est, quæ fuit ante, etiam si aucta sit, vel diminuta: alioqui nos non esse iudicemus, propterea quod quotidie, ut Philosophi dicunt, & refertur in *l. proponatur, de iud. atomi*, quibus corpora nostra constant, decedunt a nobis, & alii in eorum locum accedunt, ergo idem est fundus, qui venditus est, licet diminutus sit, & sit modo octingentorum tantum iugerum, non mille, & perinde atque si esset integer, & ita evictus ager in duplum pretii sine diminutione, id est, pro mille iugeribus: hoc est iustum stipulationis. Actio ex empto, vel actio præscriptis verbis ex permutatione, est bonæ fidei, in qua etiam tota res evicta sit, ultra pretium id tantum venit, quod æquum & bonum est, id est, quod revera emptoris interest; si minor sit fundus quam evincitur, minor erit æstimatio ejus quod interest: si maior sit fundus, major erit æstimatio ejus quod interest: & ita in hoc tractatu de evictione sæpe quamvis id auctores non expriment, distinguenda est actio ex stipulatu ab actione ex empto, etiam si utraque detur evictionis nomine, non enim utraque eodem jure est, quia una est bonæ fidei, altera stricta: quod ostendimus aliis duobus exemplis. Fundo vendito & evicta parte fundi pro diviso, in actione ex stipulatu est ejus bonitatis æstimatio, quando parti non est dictum pretium, quæ fuit venditionis tempore, *l. bonitatis, h. tit. in actione ex empto sit*, id est, quod fuit evictionis tempore. Item domo vendita & evictio tigno, non est actio ex stipulatu de evictione, quia neque domus evicta est, neque pars domus, tignum non est pars domus, imo nec venditum videtur tignum, *l. nave, h. tit.* Est tamen actio ex empto in id, quod interest, *l. eum qui de usucap.* Et similiter vendita ancilla & evictio partu non est de evictione actio ex stipulatu, quia non est venditus partus, *l. si prænatus, hoc tit.* Est tamen actio ex empto, quod nostra interest partum sequi matrem, *l. venditor, h. tit.* Atque ita sæpe nobis est accurate separanda actio ex stipulatu ab actione ex empto. Nunc constituamus aliam speciem, in qua non evincitur totus fundus, ut superiori specie posuimus, sed pars fundi pro indiviso post eluvionem fluminis. Finge: Quidam vendidit fundum mille iugerum, & promisit duplam; flumen abstulit ducenta jugera, deinde evincuntur ducenta jugera pro indiviso, id est, quinta pars mille iugerum, non evincitur totus fundus, id est, octingenta, quibus nunc constat fundus, sed pars quinta tantum, id est, ducenta. Hoc casu non est differentia inter actiones, sed siue agatur ex empto, siue ex stipulatu ob evictionem, periculum eluvionis respicit emptorem, & præstat evictio pro parte quinta tantum mille iugerum, id est, pro ducentis, quæ evicta sunt. Sed videbatur esse præstanda evictio pro parte quarta mille iugerum, id est, pro ducentis quinquaginta, hoc argumento quod intellexit Accursius initio glossæ tertiz, & notandum est maxime argumentum. Si arguerentur: si evictio toto fundo, cujus modus nunc est octingentorum iugerum, quoniam flumen abstulit ducenta, evictio præstabitur pro modo fundi, qui olim fuit, id est, pro mille, ut in §. 1. & evicta igitur parte quarta fundi, qui nunc est octingentorum, evictio præstabitur pro quarta parte fundi, quæ olim fuit, id est, pro ducentis quinquaginta, servata scilicet eadem ratione in parte, quæ servatur in toto. Quod tamen Papinianus non admittit hac ratione, quia quinquaginta illa, quæ superadjicit, id est, quartam partem ducentorum, flumen abstulit, quæ res cedit damno emptoris non venditoris, cum pars evincitur, non totum. Non ita recte argumentaris: si evictio ducentis iugeribus pro ducentis tantum præstat evictio, & evictio igitur fundo toto, qui nunc est octingentorum, pro octingentis tantum præstabitur evictio. Falsa est collectio, & omnino ea sententia Papiniani resita procedit. Toto fundo evictio, periculum eluvionis respicit emptorem. Et nihil restat quam ut exponamus rationem differentiz. Quæso repetamus eam speciem quæ

A proponitur initio *l. ex mille iugeribus venditis* & traditis præstita cautione duplæ, ducenta flumen abstulit, post evicta sunt ducenta pro indiviso. Quæritur pro qua parte sit commissæ stipulatio duplæ, pro quinta, an pro quarta? & Papinianus ait, pro quinta esse commissam, non pro quarta. Ubi dubitatur quam quintam, aut quam quartam intelligat Papinianus; an quintam residuorum octingentorum, id est, centum sexaginta, & quartam etiam residuorum octingentorum, id est, ducenta? quod stare non potest; an quintam mille iugerum, id est, ducenta, & quartam octingentorum, id est, totidem? quod esset per absurdum: vel contra, an quintam octingentorum 150. & quartam mille iugerum, id est, 250. quod etiam stare non potest; an igitur quintam mille iugerum, id est, ducenta, & quartam etiam mille iugerum, id est, ducenta & quinquaginta? Et hoc est verius; nam & ita capitur quinta & quarta in §. *quæstum, in hac l. in §. quod si modo, in illo loco: Pars quinta præstabitur.* Hoc igitur Papinianus ait; non præstari stipulationem duplæ in specie propofita pro quarta parte mille iugerum, id est, pro ducentis quinquaginta, sed pro quinta, hoc est, pro ducentis, quæ etiam sola evicta sunt; & ideo si fundus mille iugerum venierit 50. aureis, evicta parte quinta, id est, ducentis, post eluvionem ducentorum, non præstabitur 25. emptori actione ex stipulatu, sed 20. tantum. Simpla quintæ partis pretii est decem: simpla quartæ partis est 12. cum dimidio. Duplanda autem est simpla quintæ, non quartæ: atque ita fit, ut præstentur tantum viginti, non viginti quinque. Et similiter, si fundus venierit decem, non præstabitur quinque, sed quatuor tantum. Simpla quintæ partis, est duo: simpla quartæ, duo & semis, & duplanda est, ut dixi secundum responsum Papiniani, simpla quintæ, non simpla quartæ. Ratio autem decidendi, cur pro quinta parte tantum mille iugerum, quæ est quarta octingentorum, non etiam pro quarta mille iugerum, hoc est, pro ducentis quinquaginta, cur inquam, pro quinta, non pro quarta mille iugerum præstetur dupla, hæc est; quia illa ducenta, quæ flumen abstulit emptori perierunt, ut jam non possit illorum ducentorum quartam partem, id est, 50. a venditore repetere per evictionem, ac si evicta essent, nec ei præstidetur: nam sane ei perierunt. Et generaliter verissimum est, post perfectam venditionem præter evictionis periculum ad emptorem pertinere omne periculum diminutionis & deteriorationis cum ad eum etiam pertineat omne commodum augmenti, & meliorationis: quod & nominatim de commodo alluvionis, & periculo eluvionis ita est proditum, *l. id quod, de peric. & comm. rei vend.* Et hoc est, quod Papin. ait in prima parte hujus *l.* Ratio autem, propter quam mille iugerum, an stipulatio committatur pro quarta parte mille iugerum, id est, pro ducentis quinquaginta, sumitur ex §. *seq.* argumentando a toto ad partem: quod etiam Accursius intellexit, & omnino vim præcipuam hujus legis intellexit: nec potui tandem post longam disputationem, quam ab hac hyeme usque in hunc diem traxi tecum, doctissime Gregori, in sententia Accursii non manere. Ratio igitur dubitandi hæc est. Evictio fundo toto, qui nunc est octingentorum, stipulatio duplæ committitur, ut ait in §. *seq.* non pro pretio octingentorum, sed pro pretio mille iugerum, perinde ac si fundo nihil deperisset: ut si fundus venierit 100. ex stipulatione duplæ præstatur ducenta, non 150. Sic igitur arguerentur: evictio toto fundo, qui nunc est octingentorum iugerum, pro toto fundo, qui olim fuit mille iugerum, præstatur evictio: ergo evicta quarta parte fundi, qui nunc est, id est, pro ducentis, non pro ea parte præstatur evictio, sed pro quarta parte fundi, qui olim fuit, id est, pro ducentis quinquaginta. Sed respondeo, non valere argumentum a toto ad partem, & aliam esse rationem totius fundi, aliam evictæ partis. Videamus, quæ sit ratio differentiz: ea non est obscura: si fundus nunc est octingentorum iugerum, perinde committitur stipulatio, ac si fundus mille iugerum evictus fuisset, & duplatur pretium mille iugerum: quia

jure

jure committitur stipulatio in totum, cum fundus evictus sit totus, quantus quantus est, qualis qualis est, etiam si unius tantum jugeri fundus fuerit, cetera jugera flumen abstulerit: Perierunt quidem etiam hoc casu emptori secundum regulam juris, quaecunque flumen abstulit, sed finguntur non perisse ei, ant diffimulamus ei perisse, & perinde, ac si non perissent, & evictus fuisset fundus mille jugerum, ei competit actio ex stipulatu: quia verum est totum fundum fuisse evictum, quamvis cum evinceretur, non fuerit tantus, quantus cum venderetur. Priore autem casu hujus l. non jure committitur stipulatio pro quarta mille jugerum, cum non quarta, sed quinta evicta sit, id est, ducenta, quia iniquum est emptori praestari amplius evictionis nomine, quam evictum est, & ducenta tantum evicta sunt: ex ducentis, quae flumen abstulit, nihil est evictum: eorum igitur rationem haberi non convenit, etiam si totus flumen fundum redegit ad unum jugerum, cetera absumpisset, & evinceretur semijugerum pro indiviso, non pro dimidia parte mille jugerum, sed pro dimidia unius jugeri, quae evicta est; committeretur stipulatio duplex: haec ratio apertissima est. Neque est alia querenda. Azonis ratio alia est, quae tamen Accursio placet, ideo evictis ducentis, five parte quinta, non haberi rationem ejus, quod flumen abstulit, quia quantum elavio abstulit, inquit Azon, tantum forsitan post alluvio allatura est. Is qui sperat commodum alluvionis, aequo animo debet ferre incommodum eluvionis. Evicto autem fundo toto, emptor nullum sperat commodum alluvionis, quia nihil ex fundo retinuit. Sed ea ratio non est probanda nobis, quia non propter spem incertam alluvionis, vel cujusvis commodi futuri periculum pertinet ad emptorem ex regula juris, sed quia venditio perfecta est, & id tantum potest ex fide bona imputari venditori, quod dolo vel culpa ejus accidit, §. cum ante, de empt. & vend. Quae ratio etiam efficit, ut sequenti casu, quo totus fundus evincitur, periculum etiam eluvionis pertineat ad emptorem, quamvis toto fundo evicto nullum ex alluvione lucrum speret, sed effectum ipso, perinde atque si ad eum non pertineret periculum, res aestimatur & stipulatio committitur. Altera ratio differentiae, quam Accursio affert, ideo evicto fundo toto, qui nunc erat octingentorum, & fuerat venditionis tempore mille, stipulationem committi pro mille, quia, qui cum evincit, si integer permanisset, eum etiam evicturus erat, id est, mille jugera: quae ratio merito displicet, quia non, quod evicturus quis fuerit, committitur stipulatio duplex interposita evictionis nomine, sed quod evicerit, l. si rem, §. 1. h. tit. Et fuit formula actionis de evictione hujusmodi adversus venditorem; quod evictionis nomine victus fueris, id est, quod denuntiatio te ac praesente, ac liti subsistente res mihi evicta fuerit: vel dicamus, quod te denuntiatio, ac praesente, & liti subsistente res evicta mihi fuerit: quod evicerit igitur adversarius, non quod evicturus fuerit: & displicet ratio, quae Accursio etiam quod Accursio in ponenda specie primae partis, fingit, eum, qui evicit ducenta jugera pro indiviso, petisse 250. ab emptore, & emptorem ei reputasse 50. pro rata ducentorum, quae flumen abstulerat, atque ita eum non evicisse totum, quod petierat, id est, ducenta quinquaginta, sed ducenta tantum. Nam etiam si hoc emptor non fecerit, res ita procederet ut diximus: non est igitur necesse id fingere ubi suppletionis non est opus. Quae auctor omittit, & nos omittere debemus.

Ad §. quod si I.

Nunc videamus, quid praeterea ad haec tractet Papin. Proponit speciem novam in §. quod si, h. tit. sed ad similem superiori. Quidam vendidit fundum mille jugerum, cui flumen nihil abstulit, imo vero adject 200. jugera alluvione, deinde pro indiviso evicta est pars

A quinta totius, id est, mille ducentorum jugerum pars quinta est evicta: igitur evicta sunt 240. de mille ducentis: de ducentis, quae accreverunt 40. Queritur pro qua parte praestetur evictio, an pro 240. quae evicta etiam sunt? Minime. Sed pro ducentis tantum, perinde atque si sola 200. de mille fuissent evicta, non 240. quia periculum ejus, quod alluvione accessit, non praestat venditor; neque enim id vendidit, nec de eo cavet quicquam, quod notandum: periculum alluvionis non praestat venditor, sed rei venditae. Huic definitioni obstat l. 15. in princ. h. tit. Si id, quod alluvione cessit evictum sit, ait in actione ex stipulatu de qua accipienda est, ut l. bonitatis quae praecedit, bonitatis aestimationem fieri, non quae fuerit venditionis tempore, sed quae alluvionis tempore: quo accessit illa pars fundo vendito, & pro bonitate ejus, quod alluvione accessit, damnari venditorem: praestat igitur venditor periculum alluvionis, si evincatur. Respondeo, quod omnes agnoscant, in ea lege convenisse aliquid inter contrahentes de eo, quod accederet alluvione, quod essent frequentes in ea regione alluviones, & proximus flumini venditus fundus: nam citra conventionem sane venditor evictionem ejus quod alluvione accessit non praestat. Obstat etiam l. 16. in princ. h. tit. quae ait, evicto fundo vendito agi ex empto de eo, quod accessit: loquitur de actione ex empto, fateor, sed quod attinet ad id, quod accedit alluvione, ejus nomine, neque ex empto de evictione, neque ex stipulatu venditor conveniri potest. Et verum etiam d. l. 16. non loqui de eo, quod accessit alluvione, sed de eo, quod accessit, vel nominatim, vel etiam tacite. Nominatim, veluti servo vendito peculium tacite accedit, ut ancillae venditae partus, & si evincatur partus, actio est ex empto, non ex stipulatu, ut heri diximus, non quasi sit venditus partus, nec enim est venditus, sed quia accessit rei venditae, l. 4. de penul. leg. & ita ibi recte Accursio accipit d. l. 16. hic male.

Ad §. quaesitum II.

Alia species, quam attingit Papinianus in §. quaesitum, haec est. Quidam vendidit fundum mille jugerum, flumen abstulit 200. mox idem flumen adiect 200. per aliam partem fundi: post evicta est quinta pars totius, id est, 200. pro qua parte praestabitur evictio, seu committetur stipulatio: non pro parte quinta lex ait, id est, pro 200. quamvis sint evicta: non etiam pro quarta mille jugerum, id est, pro 250. sed committitur pro quinta octingentorum, id est, pro centum hexaginta: cur non committitur etiam pro reliquis 40. hoc est, pro quinta ducentorum, quae alluvio attulit? Ratio est in promptu, quia ut lucro emptoris cessit alluvio, ita pro rata ejus alluvionis evictionis periculum sustinere debet, non venditor. Et Papinianus ait, hoc esse consequens superioribus, id demonstramus. Non committitur stipulatio pro quarta parte mille jugerum, id est, 250. quia nec pro ea parte praestaretur evictio, si nihil alluvione accessisset: non etiam pro parte quinta, quia pro rata alluvionis, id est, pro quadraginta periculum evictionis venditor non praestat, ut dictum est §. praecedenti. Sunt igitur detrachenda ex 200. quae praestarentur, si nihil alluvio attulisset, quadraginta pro rata ejus, quod alluvio attulit, quodque periculo est emptoris, non venditoris: hoc est quod ait in §. quaesitum: mihi placet valde, quod novam regionem vocat eam, quae alluvione accessit, quia per aliam partem accessit, quam qua fugerat: Nam si per eandem ipsam partem accessisset, quae decessit, eadem pars videtur esse, id est, fundus suae pristinae formae restitutus videtur, & forte tum praestaretur evictio pro ducentis.

Ad §. pen. & ult.

Quod subjicit Papin. in §. pen. non est de parte pro indiviso, sed de parte pro diviso: sed quod est in §. ult.

ult. est etiam de parte pro indiviso non quidem affine, aut consequens superioribus, sed acutum tamen ut superiora. Finge, vendidi tibi unum iugerum pro indiviso, ex fundo scilicet, quem habebam communem cum alio, & vendidi pro indiviso: nec enim poteram aliter, non facta divisione inter me, & socium. Præterea eum tradidi tibi pro indiviso, non potui tradere corporaliter, quia ea pars quodammodo non est corporea. Sed traditionis multa sunt genera, & tradidi tradito tibi instrumento meæ auctoritatis, de non vire, qui modus traditionis receptus est, l. 1. C. de donat. l. pen. §. ult. de leg. 3. Quæritur, an totum iugerum fecerim tuum traditione? an traditione unius iugeri pro indiviso, totius iugeri dominium in te transfusi? Minime, sed pro dimidia tantum, quia erat tantum meum pro dimidia, altera dimidia erat socii: & ita erant confusa nostræ partes per totum fundum, ut unaquæque gleba esset inter me & socium communis: ergo traditione iugeri non alienavi nisi partem dimidiam. Igitur, quod est suppleendum, pro altera parte præstabitur evictio, quam tibi vendere non licet, cum non dominus venderem, & eam tibi sit evictoris socius meus, qui nunc est tuus. Idemque erit si ego fundum, quem communem habebam cum alio, vel certum locum, id est, certam partem fundi (nam dividitur fundus in loca & regiones) tibi tradidero: Nam videor tantum tradere, & tradendo transferre dominium ejus partis, quam in eo fundo habeo pro indiviso: alterius partis non facio te dominum nec possum, quia in eo nihil juris habeo, & ideo pro parte una tantum præstatur evictio.

JACOBI CUIACII J.C.

COMMENTARIUS

In Lib. VIII. Quæstionum ÆMILII PAPINIANI.

Ad L. XIX. de Interrog. in jur. fac.

Si filius, cum pro patre suo ageret, taceat interrogatus, omnia perinde observanda erunt, ac si non esset interrogatus.

HÆC lex brevis quidem est, sed comprehensione rerum longa satis & obscura admodum, adeo ut nemo bene adhuc eam explicarit. Titulus est de interrog. in jur. fac. In jure, id est, apud prætorem, ad fellam prætoris, vel præsidis: actiones, vel exceptiones, vel replicationes, vel interdicta, vel stipulationes prætoris postulabantur in jure: & ut M. Tullius eleganter 2. de Invent. ait, quodammodo potestas agendi datur in jure, & omnis privatorum judiciorum ordo constituitur. Denique eadem res bis veluti agitur, apud prætorem quasi velitatione: apud judicem eum, quem dedit prætor, quasi iusto certamine. Fiunt etiam in jure sæpe interrogationes, antequam detur actio, & judex statuatur: veluti cum is, adversus quem postulat actio, interrogatur, quota ex parte heres sit, ut ex ea conveniatur, & formetur actio: Nam heres creditor hereditario ex 12. tabul. non teneatur ultra portionem hereditariam, & causa cadit creditor, vel alia poena afficitur hodie, si contra heredem ex quadrante agat in semissem, quia quantitate plus petit: vel etiam is, adversus quem postulat actio, interrogatur, an filius suus sit, vel in sua potestate, an servus, cujus nomine postulat actio de peculio, vel de in rem verso, vel quod iustum, vel infistoria, vel exhercitoria, vel noxalis actio: Nam causa cadit etiam is, qui non cum eo agit, quocum agi oportet. Formandæ igitur & concipiendæ futuræ actionis causa, antequam ea detur, in jure fiunt interrogationes, ne aliter agatur, quam oportet, ne plus petendo actor causa cadat, damnumve sentiat, l. 1. h. c. tit. Et interrogationes ejusmodi fiunt ab eo, qui actus est, ab adversario, vel actore ipso, ubi æquitas eum movet, ubi laborat in concipienda formula, & interrogatus respondere cogitur, ac mox

Tom. IV.

A ex sua responsione convenitur ex hoc edicto de interrog. in jur. fac. nam si confiteatur, se heredem esse ex asse, ex contractu defuncti convenitur in assem: vel si interrogatus quota ex parte sit heres, confiteatur se heredem non esse; quo casu necesse fuit proprie illud edictum proponi, & dari ex eo eandem actionem in eum, qui falso confiteretur: Nam fides ei habetur contra se, & perinde ac si heres esset, convenitur ex edicto, l. de atate, §. 1. hoc tit. Dixi sciens, qui sciens se heredem non esse, confitetur tamen se heredem esse: Nam ignoranti & erranti succurritur ut d. l. de atate, §. ex causa: ut si filius ignorans se esse exheredatum, respondeat se heredem esse: vel etiam si quis ignorans falsum esse testamentum, in quo est heres scriptus, respondeat se heredem: ignorantem succurritur, ne ex sua confessione damnetur, quæ falsa est. Et denique falsa confessio ei tantum nocet, qui improbe confitetur, qui mentitur, non qui mendacium dicit. Notandum etiam falsam confessionem ita demum nocere, si juri & naturæ congruat: Nam si juri vel naturæ refragetur, nihil nocet: ut si quis interrogatus, an ille suus filius sit, respondeat filium suum esse, cum tamen veritas ejus non patitur, ut filius ejus esse possit, falsa est confessio, sed naturæ repugnat, quia quod confitetur non potest esse, nec fieri: vel etiam si liberum hominem confiteatur servum suum esse, quod abhorret a jure & natura, vel etiam si eum, qui jam excessit e via, confiteatur servum suum esse, ut in l. confessionibus, & l. seg. & l. si ante. Jocularis sunt hujusmodi confessiones potius quam improbe. Qui jocatur, non mentitur, mendacium est species dolimali, l. quid enim, de dol. mal. Ergo qui confitetur se heredem esse, quod dicitur exempli gratia, omnimodo convenitur, sive mentitur, sive verum dicat, non si mendacium dicat. Nam qui fallitur, venia dignus est: contra is, qui negat se heredem esse, & verum dicit, non convenitur; qui mentitur, ut si neget se heredem esse, qui heres est; in solidum convenitur in assem, licet heres sit ex parte tantum: hanc mendaciam fert poenam, d. l. de atate, §. si non. Et ita si quis negat servum suum esse, cujus nomine postulat actio noxalis, cum tamen is servus sit suus, si mentitur negando servum esse, non in hoc convenitur, ut servum noxæ dedit, l. si servus, hoc tit. l. 1. §. in verum. si quidam pauper fecit, dic. Sed si mendacium dicat, negando se heredem esse, id est, si iusto errore ductus, non dolo malo neget se heredem esse, cum tamen heres sit, ut quia testamentum cernit prius, in quo alius est heres scriptus & ignorat prius ruptum esse posteriori, in quo scriptus est ipse, ducitur hic falso errore, ut neget se heredem esse, & ideo excusatur d. l. de atate, §. qui iusto. Quid autem dicemus, si interrogatus in jure taceat? de confitente & de negante diximus, nunc de tacente. Et placet eum, qui tacet quasi mendacem propter suam contumaciam teneri in solidum, etiam si sit ex parte heres, vel ex nulla parte, perinde atque si dolo malo negasset se heredem esse, cum esset. Taciturnitas negationem imitatur, non confessionem, d. l. de atate, §. qui cavet, & §. nihil. Ubi adjicitur illa ratio contumaciæ: quia qui non respondet prætori, vel alii apud prætorem, qui non respondet in jure contumax est, id est, contemnit majestatem prætoris, contemnit jus: contumax dicitur a condemnando, l. contumacia, §. 1. de re jud. videtur ἀπερὶστατος. Contumax is est, qui non respondet ei, cui obtemperare debet: superbus is est, qui non respondet etiam cui obtemperare non debet. Et inde M. Tull. 2. de orat. ex Jurisconsultis nostris Trebatius & Cassi. Superbos dici volunt, qui rogati non respondeant: & idem in Lucullo, si habes quod respondens, nec respondes, superbe agas. Quod erga alium superbia est, erga prætorem est contumacia, quæ ita plectitur, ut habeatur tacens pro negante. Et ita in confessione in jure is qui tacet, pro negante habetur: neganti comparatur, Cujus 2. Instituit. ut refert Boet. Postquam, inquit, is, cui res in jure ceditur, vindicaverit, Prætor interrogat eum, cui cedit, an contra vindicet, quo negante vel tacente, tunc ei, qui vindicaverit, eandem rem addicit prætor: comparatur neganti tacens.

L.

Verum

Verum etiam aliquando tacenti succurritur, ut in specie l. 19. si filius hoc tit. Credo vos scire filium, qui beneficio pratoris abstinere se hereditate paterna, non definire esse heredem iure civili, heres manet post abstentionem a nomine nudo, non re, quia re se abstinere. Iure igitur civili heres est, sed iure pratorio non habetur loco heredis. Finge: Hic in iure interrogatus post abstentionem a creditore hereditario, vel a pratore instante creditore hereditario tacuit: videtur ergo negasse se heredem esse, cum tamen heres sit iure civili; atque adeo videtur tene-ri in solidum creditor. Imo vero non tenebitur, quia et si mentitur negando vel tacendo iure civili inspecto, iure tamen pratorio inspecto, neque mentitur, neque mendacium dicit, d. l. si filius, aliquando etiam tacente eo, qui interrogatus est, omnia perinde observantur, ac si inter-rogatus non fuisset. Quod proponitur in hac l. his verbis: Si filius, cum pro patre suo ageret, taceat interrogatus. Accursum aliter legit: si filius cum patre suo ageret. Et ita rem bene explicat, si lectio est casta: Filius namque vult agere cum patre, & vicissim pater cum filio: mutue sunt peti- tiones, mutue actiones, & interrogatus filius tacet, nulla est interrogatio: nullum igitur taciturnitatis pericu- lum. Cur? quia nullum est iudicium, quod postulat, nulla sit esse potest inter patrem & filium. Et utitur argu- mento l. 9. §. 1. hoc tit. si servus interrogetur in iure, nulla est interrogatio, quia interrogatio fit formandi iudi- cii causa: atqui cum servo nullum iudicium est, nulla est interrogatio, si nullum iudicium sequi possit. Et nihil vi- detur verisimile, Accursum & anteriores mutasse scrip- turam huius legis, quod veram non intelligerent, sed non bene mutarunt: quia ut legunt est imperfecta oratio, quia ita est legendum, si filius cum ageret cum patre suo: veram scripturam retinent Florentini sicut plurimum: Si filius cum pro patre suo ageret. Et Basilica d. ubi: ubi pro- pateris videtur non ipamdeus ostendit. Elegans est senten- tia Papiniani, filius potest agere pro patre, etiam sine mandato, l. sed et hoc de procurat. Sunt quadam persone, quae possunt agere pro aliis etiam sine mandato, ut liberi, fratres, liberi: sed finge eum, cum quo agit filiusfamil. pro patre, agere vicissim nomine patris, mutuas esse actio- nes, mutuas petitiones, si patrem non defendat filius, qui item facit, si inchoavit pro patre, non potest agere. Pena procuratoris non defendentis hac est, ut ei denegetur actio, l. mutus, §. pena, de procurat. l. 7. de novi op. nunt. Nunc ergo filius agit recte pro patre suo: sed rur- sus non agit recte, nisi & patrem defendat, si convenia- tur ab eo; cum quo agit nomine patris, non videtur au- tem defendere is, qui non cavet, seu satisfacit iudicium solvi, non est idoneus defensor aliena litis quicquam sine satisfactione iudicium solvi, l. qui proprio, §. qui alium, de procurat. l. 18. §. pen. de cast. pec. §. pen. Institut. de satisf. quae satisfactio habet tres clausulas: de solvendo iudica- to, de payer la chose jugee, de re defendenda, & de dolo malo, ut is abstinere semper habet clausulas, seu causas tres. Non videtur etiam defendere is, qui interrogatus tacet. Procurator enim cum eius nomine agit, debet defendere non tantum in actionibus, sed etiam in inter- dictis, & in stipulationibus, & in interrogationibus, quae sunt in iure, si taceat non videtur dominum defendere, l. non solum, in princ. de procur. l. 9. §. Celsus hoc tit. Huius- modi consequens est, filium, qui agit pro patre, & interro- gatus ab adversario, vel pratore instante adversario, ta- cet, non defendere patrem: si non defendat nec potest agere pro patre, nulla actio est, nullum iudicium, & nul- la igitur interrogatio; ac proinde nulla etiam taciturni- tas: sed omnia perinde, ut ait, observantur, ac si interro- gatus non esset. Haec est ratio Papiniani. Sed obstat huius rationi & legi d. l. non solum, in princ. procurator agit nomine alieno, & adversarius vicissim etiam cum eo agit eiusdem personae nomine, cuius vicem ille procurator gerit, & interrogat procuratorem in iure, an dominus sit heres, eius nomine agit. Si respondet heredem esse, te- netur ex hoc edicto. Idem erit si taceat; ut ait l. non so- lum. Ergo non perinde omnia observantur, ac si non ef-

A set interrogatus, tenetur enim ex taciturnitate. Respon- deamus, non quod taceat teneri ex hoc edicto in soli- dum, cum tacendo actionem a se institutam, vel institu- dam nullam reddiderit: sed tenetur quod taceat ex sti- pulatione iudicium solvi, si eam praestiterit, quod ponen- dum est: tenetur ex clausula de re defendenda, quae inest stipulationi iudicium solvi: quod recte Accursus intellexit. Nam & si filius sit, qui agit pro patre, & convenia- tur, debet satisfacere iud. solvi: filius, qui satisd. cog. Finge igitur: Filius est patris nomine, & eodem etiam nomine agit cum eo is, cum quo ipse experiebatur: mutue sunt actiones, mutue petitiones, & eodem iudicium satisfac- tionis, ut ait Cic. pro Quincto. Filius igitur satisfacit iudica- tum solvi, cui satisfactio inest clausula de re defenden- da, & interrogatus in iure tacet, & ita rem non defen- dit, an teneatur ex taciturnitate? Respondeo, non tene-ri ex hoc edicto, de interrogationibus in iure fac. quod Papin. vult. h. l. sed ex stipulatione iudicium solvi, quod rem non defenderit, hoc est, quod taceat.

Ad L. XLIII. de Religios. & sumpt. fun.

Sunt persona, quae quamquam religiosum locum facere non possunt, interdictum tamen de mortuo inferendo utiliter agunt, ut puta dominus proprietatis si in fundum, cuius fru- ctus alienus est, mortuum inferat, aut inferre velit. Nam si intulerit, non facit iustum sepulchrum, sed si prohibetur, uti- liter interdictum, quo de iure domini queritur, agat. Eademque sunt in socio, qui in fundum communem invito socio mortuum inferre vult: nam propter publicam utilitatem, ne insepulta cadavera jacerent, strictam rationem insuper habemus, quae nonnumquam in ambiguis religionum questionibus omitti solet: nam summam esse rationem, quae pro religione facit.

Sunt persona, quae locum religiosum facere non pos- sunt. Socius invito socio in commune sepulchrum mortuum inferre potest, quod constat satis, quia ejus rei causa habetur sepulchrum, l. 6. §. si quis, commun. divid. l. 6. §. pen. de ver. divis. In commune autem locum pu- rum, in quo non sit sepulchrum, socius invito socio non potest mortuum inferre, & religiosum locum facere se- cundum regulam Sabini: & si intulerit invito socio, non tenebitur actione in factum pratoria, quia tenetur is qui mortuum inferit in locum alienum, ut tollat eum. Quan- quam Trebatius & Labeo putabant eum teneri ea actio- ne in factum, d. §. si quis, sed male, quoniam sufficit actio fam. circumsuade, vel commun. divid. l. 2. §. an et socius, h. t. qui habet civilem actionem, non indiget pratoria, l. i. in princ. de Publ. in rem act. qui habet directam, non indiget utili, l. si heres ad Trebell. & melior est civilis quam pra- toria, & directam quam utilis, l. si creditor, de leg. 1. Et quae refertur sententia Trebatii & Labeonis in d. §. si quis, re- fertur tantum non etiam probatur: neque est quod exi- stimes eum §. si quis pugnare cum §. an et socius. Hoc ve- ro, quod constitutum iam procedit, si socius extraneum inferat in locum communem invito socio: Nam ex ipsis sociis quilibet ibi sepeliri potest, etiam invito altero, ma- xime si non sit alius locus opportunus, ubi sepeliri pos- sit, si non sit proprius, sepelietur in communi, l. si plures, h. t. Ergo si socius invito socio extraneum inferat, non fiet E locus religiosus, imo ob id ipsum quod intulit tenebitur, ut tollat quem intulit fam. circ. actio, vel intulit, tenebitur divid. non igitur intulit iure, qui postquam intulit, tenetur ut tollat. Huic definitioni, quae tamen est verissima, ob- stat hac l. 43. Semper tractat Pap. singulare aliquid, & quod videtur pugnare cum regulis juris. Nam ex hac l. ducitur argumentum ejusmodi. Socius invito socio iure mortuum inferit in locum communem, etiam extraneum, quia si prohibetur a socio, ei competit interdictum de mortuo inferendo, ne scilicet vis ei fiat inferenti mor- tuum in locum communem. Si agat de mortuo inferen- do, iure igitur inferit, etiam prohibente socio; agit in in- vitum: & iure igitur inferit invito socio: & ut latius ex- ponamus quae scribit Papinianus, proponit generaliter, quaf-

quoddam esse personas, quæ etiam locum religiosum non faciant mortuum inferendo, tamen agunt interdictio de mortuo inferendo, ne prohibeantur inferre. Interdictum de mortuo inferendo datur domino proprietatis, l. 1. §. 1. tit. seq. ne scilicet prohibeatur mortuum inferre in locum suum, siue is locus sit religiosus, siue purus, ne vis ei fiat quo minus in eum locum, cuius dominus est, mortuum inferat, & ibi sepelire liceat: est interdictum prohibitorium, id est, ne prohibeatur, ne vis ei fiat inferenti mortuum: datur inquam domino proprietatis, siue locus sit religiosus, siue purus. Locus purus est suus absque dubio: locus religiosus si per se spectatur non est suus, sed nullius in bonis, sed si spectatur cum fundo ipso, est quasi suus, & fundo vendito etiam locus ille sequitur emptorem, atque ita venit per consuetudinem quod est nullius in bonis, & esse non potest, l. in modicis, de cont. empt. Ad summam, interdictum de mortuo inferendo datur domino, ne prohibeatur inferre in locum suum vel quasi suum: & ideo l. 2. §. quædam, de interd. interdictum de mortuo inferendo ait continere causam veluti proprietatis, maxime si quis velit inferre in sepulchrum suum, in locum religiosum. Est quædam veluti proprietatis, quoddam veluti dominium, vel quasi dominium, nec omnia interdicta sunt de possessione, id est, non in omnibus queritur de possessione, seu de momentaria possessione, quamquam ut plurimum pertineant ad causam possessionis interdicta: sed quædam sunt de proprietate, vel quasi proprietate, & ita eleganter ait Papin. hoc loco, qui de iure domini queritur: nam hoc queritur, an is, qui agit interdictio de mortuo inferendo, sit dominus ejus fundi, in quem mortuum inferre vult. Satis intelligimus jam, quæ sit vis huius interdicti: tractemus modo, quibus casibus locum habeat, quod sic generaliter proponit Papinianus. *Sunt quædam personæ, inquit, quæ quancumque religiosam locum facere non possint, interdictio tamen de mortuo inferendo utilis agitur.* Hujus rei duo dæ exempla: unum de dominio proprietatis nudo, alterum de dominio pleno ex parte tantum. Sunt in iure nostro quatuor genera domini: est dominium proprietatis, usufructus, possessio, & dominium plenum aut plenissimum. Dominus proprietatis (ut de eo primum tractemus) invito domino usufructu, seu fructuario, inferendo mortuum locum religiosum non facit, non facit iustum sepulchrum, ut ait Papinianus. quia locus non occupatur religione; sed si prohibetur inferre suorum aliquem, ut loquitur l. 2. §. ult. hoc tit. quem scilicet non potest inferre in alium locum tam opportune, ne corpus illud insepultum jaceat, ager interdictio de mortuo inferendo, ne tantisper prohibeatur mortuum inferre in eum locum, cuius proprietatis nuda ad eum pertinet, usufructus est alienus, sed non facit locum religiosum, l. locum, §. 1. de usufr. l. 2. §. si usufr. & l. ult. h. t. Alterum exemplum est: Socius invito socio non facit religiosum locum, sed si prohibeatur suorum aliquem inferre, quem non potest in alium locum opportune inferre, tunc ager interdictio de mortuo inferendo, ut scilicet tantisper ei inferre liceat, dum querat locum alium, ne corpus jaceat insepultum. Unde sic argumentor: si agat, ut ne inferre prohibeatur, quasi asserens sibi licere inferre, licet igitur inferre invito socio: Nam cuius rei actio mihi prodita est, & eam rem exequi iure possum: si persequor iure, & exequor etiam. Respondit Papinianus definitioni a nobis propositæ initio, stricta ratione non posse eum inferre mortuum in locum communem purum invito socio: sed summa ratio potior est: est ratio alia, alia potior, scripto est utilitas potior, & summa ratio est, quæ pro religione facit, quæ publicam utilitatem tuetur: ne corpora jaceant insepulta: summa ratio utilitatis, & æquitatis ratio, l. sufficit, de cond. indeb. l. summa, de pecul. Et ita quod dicitur fieri summa ratio, l. 2. de præst. id in eadem specie dicitur fieri utilitatis causa, l. 4. §. ult. de verb. oblig. Stricta ratio videtur etiam esse summa ratio: Est enim summum jus, ἀρχὴ δικαιοσύνης, Dion. 8. jus strictum τοῦ δικαίου, Plut. in Coriol. τὸ ἀρχὴ τοῦ δικαίου, & Arist.

Tom. IV.

A ἀρχὴ τοῦ δικαίου τὸ ἀρχὴ τοῦ δικαίου ἀρχὴ τοῦ δικαίου ἀρχὴ τοῦ δικαίου. Summa æquitas summa ratio est. Porro ex duabus summis rationibus ea est potior, quæ est pro republica, veluti pro religione, pro sepultura mortuorum. Dices, non est pro religione ratio dandi interdictio de mortuo inferendo in hac specie, cum illatione locus non fiat religiosus. Dicam, ea quidem illatione nullum locum occupari religione, sed religionem omnem esse in sepeliendo. Qua de causa interdictum de mortuo inferendo dicitur esse de religione, l. 2. §. 1. de interd. Et notandum quod ait Papin. in ambiguis religionum quæstionibus strictam rationem insuperhaberi, quæ notanda valde est regula: possis dicere, in ambiguis quæstionibus, in quibus vertitur quædam ratio publicæ utilitatis, strictam rationem insuperhaberi, propter utilitatem publicam: quod postea interpretatur, omitti: & eodem verbo usus est Papinian. in l. heredes, de his quæ ut ind. In qua lege ante Pandect. Flor. ex ora libri irreperat in contextum hoc modo: *omissit & insuperhabuit*: quo verbo usus est Gell. & Symmac. & verbum hoc restitui in l. 2. C. si omisi. sit cau. test. In qua lege proponuntur tres casus. Hæres omittit causam testamenti, non petit bonorum possessionem secundum tabulas, sed ab intestato amplectitur hereditatem, cum is esset, qui poterat ab intestato succedere defuncto. Hic heres præstat legatum nihilominus relicto testamentum, quamvis quantum in eo fuit, desertum sit & irritum testamentum. Alter casus est: non poterat ex testamento adiri hereditas, vel bon. possessio peti, quia erat falsum testamentum, vel irritum, vel ruptum, atque ita iudicium defuncti non insuperhabuit est, l. e. non est omisa causa testamenti, sed ad irritum juris ratione revocatum est: hoc casu non debet tolerari petitio eorum, quæ ex testamento relicta sunt. Tertius casus, hæres scriptus, qui erat extraneus defuncto, repudiavit, & legitimus heres adivit hereditatem deserto testamento: hoc etiam casu non debentur legata, nec libertates valent: ita est ille locus restituendus. Verum retineamus quod ait Papin. in ambiguis quæstionibus in quibus de religione, vel de alia publica utilitate aliquid vertitur, strictam rationem insuperhaberi. Stricta ratio est, ut in pari re potior sit causa prohibentis, l. Sabinus, comm. divid. causa prohibentis est potior: & hac causa rursus est potior publica utilitas siue religio: atque ideo in hac specie non est potior causa socii prohibentis, sed vincit qui vult inferre mortuum tantisper dum alium locum inveniat, & quasi deponere terræ, non quasi iustæ sepulture. Et abutimur quotidie illa ratione stricta, ut in causa pari potior sit causa prohibentis, ut si in collegio quodam, in quo par est cuiusque jus & potestas, sint qui vel propter unicam illam rationem velint impedire quod agitur: unius intercessio ceteris impedimento est: sic sane, nisi aliud suadeat publica utilitas: nam prohibitionem publica utilitas est potior: sic leges ad usum sunt revocandæ.

Ad L. LXVI. de Condict. indeb.

Hæc conditio ex bono & æquo introducta, quod alterius apud alterum sine causa deprehenditur, revocare consuevit.

Explicatur quæ scripsit Papin. hoc lib. 8. de cond. indeb. incipiam a l. 66. in qua Papin. ait, hanc conditionem esse introductam ex æquo & bono; non est introducta lege aliqua certa, non prætoris edicto (nec enim est prætoris actio, sed magis civilis) verum est introducta auctoritate siue interpretatione prudentum, ex sententia legum, ex bono & æquo, quasi ex promutuo, b. e. perinde atque si is, qui indebitum pecuniam solvit, eam dedisset mutuum, l. 5. §. si quoque, de obl. & act. Indebiti solutio quasi promutuum est, & veluti ex mutuo datur conditio. Et hoc est, quod ait l. 15. h. t. indebiti conditionem esse naturalem, b. e. ex iure gentium, ex æquitate naturali, quod

L 2

quod constat in l. si id quod, hoc tit. & l. pen. ad S.C. Trebell. A
 Condictio indebiti, natura venit, non legibus, sed ex sententia legum tantum, id est, veluti ex mutuo, sive exemplo mutui, exemplo mutuatitiae pecuniae: non venit igitur sine exemplo legum. Et notandum quod ait d. l. 1. §. quia condictio indebiti est naturalis, ideo venire in conditionem etiam quod accessit rei soluta, veluti partum, id est, non tantum rem solutam condici posse, sed etiam, quod ei rei accessit, ut partum, si soluta sit ancilla, vel quod alluvione accessit, si fundus sit solutus, & venire fructus, qui ab eo, cui solutum est, bona fide percepti sunt. Videamus quemadmodum hæc recte colligantur ex illa propositione indebiti conditionem esse naturalem, & ideo venire partus, foetus, fructus, accessiones deductis impensis, l. in summa, §. et qui, h. t. ratio consequentiae est evidens, quia sicut æquum est rem profectam ex bonis meis, quæ apud te sine causa deprehenditur, restitui mihi, ita etiam rei fructus & accessiones eadem ratione æquum est mihi restitui, quia ad te etiam pervenerunt sine causa. In omnibus est par æquitas, & æquitas mater hujus actionis. Quod tibi indebite solutum est, id sine apud te est sine causa. Itaque mihi est liberum id revocare vel per conditionem indebiti, vel sine causa: concurrit condictio indebiti cum condictio ne sine causa, & utraque est ex bono & æquo: de conditione sine causa est l. si me, de reb. cred. Eadem etiam causa est conditionis ob rem dati, & conditionis ex iniusta causa, vel turpi: omnes hæc conditiones de quibus in hoc lib. 8. agitur, veluti condictio indebiti, ob rem datam, ex iniusta vel turpi causa, sunt ex bono & æquo, l. in summa, §. quod ob rem, hoc tit. l. 3. §. si quis, de cond. caus. dat. Et ideo in eas omnes conditiones veniunt ea quæ venire æquum est: & accessiones igitur omnes, ut diximus: nam si res principalis est apud te sine causa, & accessio quoque, & æquum est omnia mihi restitui, a quo profecta sunt. Et similiter ideo fit, ut, exempli gratia, si qui accepit pecuniam indebitam, non teneatur conditione indebiti, nisi querens ex ea re locupletior factus est, si bona fide pecuniam quasi debitam accepit, l. cum hi, §. sane si is qui, de trans. Pendunt multa ex hac definitione Papin. quod indebiti condictio sit ex bono & æquo, & illud quod modo dixi, ut non teneatur qui accepit nisi in quantum locupletior factus sit: sequitur etiam ex eo, ut condictio indebiti non detur in ignorantem, ut puta si is, cui solutus est homo indebite, ignorans eum manumiserit, valet manumissio, ut facta a domino, nec potest rescindi libertas, & qui manumissit, non tenetur, quia bona fide manumissit, nisi in operas liberti, & ut ejus hereditatem restituat, l. in summa, §. pen. hoc tit. Omnia in his conditionibus ex æquo & bono dijudicantur. Et pari ratione condictio indebiti non revocat quod ex bono & æquo debetur, id est, quod natura, l. Julianus, & l. naturaliter, hoc tit. etiam si jure civili non debeat, & eoque nomine nulla competat actio: & e contrario condictio indebiti revocat quod ex bono & æquo non debetur, licet debeat jure civili, ut si is, qui aliquid debet jure civili, tutus sit exceptione perpetua, & solverit per errorem, revocat quod solvit, quia id natura non debuit, sed jure ipso debuit: atque ideo tutus fuit exceptione æqua. Quod ita procedit, si exceptio fuerit ex genere earum, quæ tollunt naturalem obligationem, ut puta, exceptio pacti perpetui ne omnino petatur: nam ut pactum parit naturalem obligationem, ita omnino tollit. Et ideo, qui tutus hac exceptione per errorem solvit, repetit quia non debuit natura. Ejusdem generis est etiam exceptio dolimali, S. Cti Velleiani, jurisjurandi l. qui exceptionem hoc tit. Quædam aliæ exceptiones sunt perpetuæ, quæ non tollunt naturalem obligationem, ut exceptio S. Cti Macedon. qua se tuetur filius, cui mutua pecunia data est, & etiam pater ejus, si conveniatur. Si data sit pecunia mutua, debetur quidem, sed agenti obstat exceptio S. Cti Macedoniani, quæ non extinguit naturalem obligationem: Ideoque si filius iam solvit, non repetit, quia debuit

natura, & non congruit ea exceptio cum naturali ratione. Cur datur exceptio S. Cti Macedoniani? an quia non est æquum mutuum pecuniam filio datam non reddi? minime, sed odio creditoris ratio potius causa, d. l. qui exceptionem. Eadem est ratio exceptionis rei judicæ & exceptionis ex edicto, quod quisque juris in alt. fiat. &c. eandem causam habent hæc exceptiones: non tollunt naturalem obligationem, quamvis perpetuæ. Ideo qui, cum eas haberet, solvit, non repetit, non condicit, quia quod solvit, natura debuit. Ergo ita concludamus. Perpetua exceptio inducit conditionem indebiti, si modo ex genere earum fuerit, quæ tollunt naturalem obligationem. Aliæ sunt exceptiones temporariæ, & hæc generaliter non inducunt conditionem indebiti: veluti exceptio pacti temporarii, puta ne intra quinquennium agatur. Finge: is, qui tutus erat ea exceptione, ante quinquennium solvit, an habet conditionem indebiti? Minime, quia id sine debuit & jure & natura, licet ante quinquennium pecunia peti non posset: & pactum proficit in hoc ne petatur, non etiam ut interim non debeat: sane debetur interim, licet non possit peti. Igitur exceptio pacti temporarii non inducit conditionem indebiti. Idem etiam est, si quis promiserit pecuniam, ab initio in diem, puta se daturum Calend. Martis: nam & hic tutus est exceptio temporaria, cujus vetus formula hæc erat: *cujus pecunia dies fuisset, ut est in l. de verat.* nam dabatur actio pecuniæ creditæ adjecto hoc modo, *cujus pecunia dies fuisset*, id est, si ejus pecuniæ fuisset. Est igitur debitor tutus exceptione temporaria: quid si solverit ante diem per errorem (nam hoc semper statuendum est): quod solutum est per errorem, est sine causa apud eum, qui accepit: quod sciens solvit indebitum, est ex causa donationis apud eum, qui accepit, nec potest ei condici, quia qui sciens indebitum solvit, donat: & hoc de debitoris in diem ita est proditum, l. in diem, hoc tit. l. 51. mand. & ratio est optima, quia ante diem nascitur obligatio statim, sed non potest peti statim: solvit ergo debitor, etiam si representaverit pecuniam & solverit ante diem: & ita statuenda est differentia inter exceptionem perpetuam & temporalem. Sunt quædam exceptiones ambiguae, & de quibus dubitatur sint ne temporariæ, an perpetuæ. l. 56. est de ambigua exceptione:

Ad L. LVI. de Cond. indeb.

Sufficit ad causam indebiti, incertum esse temporaria sit, an perpetua exceptionis defensio. Nam si quis, ne conveniatur, donec Titius consul fiat, paciscatur, quia potest Titio decedente perpetua fieri exceptio, quæ ad tempus est, Titio consulatum inveniente, summa ratione dicitur, quod interim solvitur, repeti. Ut enim pactum quod in tempus certum collatum est, non magis inducit conditionem, quam si ex eo die debitor solvit: ita profus defensio juris, quæ causam incertam habet, conditionis instar obtinet.

Finge: Cum mihi deberet certam pecuniam, pacti sumus ne ea peteretur donec Titius Consul fieret. Si Titius moriatur, exceptio fiet perpetua: si Titius consulatum inierit, invenitur fuisse temporaria. Quid fiet, si interim pecunia solvatur vivo Titio necdum inveniente consulatum, an quod solutum est, repeti potest? Perpetua exceptio inducit conditionem indebiti, non temporaria. Et definit Papin. etiam ambiguum exceptionem inducere conditionem indebiti; & summa ratione, id est, æqualitatis ratione, quia parere conditionem est conditione indebiti repeti, quod solvitur interim, id est, dum vivit Titius, nec Consul designatur; tandem ita definit Papin. exceptionem pacti temporarii non inducere conditionem indebiti: item, exceptionem, *cujus pecunia dies fuisset*, videlicet si debitor ex die solverit ante diem: nam uterque debitor solvit: loquimur de die certo ne ante quinquennium petatur, vel ut ex calendis illis pecunia solvatur: sed dies, de quo agitur in hac specie

cie non est certus, donec Titius consul fiat: & exceptio, quæ inde nata est, etiam incerta & ambigua est, & dies incertus conditionem facit, *l. dies, de condit. & dem.* Quod autem debetur sub conditione, si solvatur pendente conditione, repeti potest; *l. 16. hoc tit. l. sub conditione, de solution.* Ergo & quod debetur sub incerto die, pendente die si solvatur, repeti potest, quia dies incertus conditionem facit. Nihil refert aliquid debeat sub conditione, an sub incerto die, quia non debetur absolute, *l. cedere diem, de ver. sig.* nec certum est debitum iri. Et hoc ita procedit, si dies adeo fuerit incertus, ut & incertum fuerit, an venturus sit: ut si promisero, cum domum ædificavero, vel cum Titius consul factus erit, quo exemplo titur Papin. Cum dies ita est incertus, sane dies incertus conditio est, & quod sub die ita incerto promittitur, sub conditione promittitur, & interim deberi non intelligitur. Quapropter si solvatur interim, repetetur etiam interim, sed non posteaquam extiterit conditio. Alia ratio est diei incerti, quem tamen certum est esse venturum: nam hic comparatur diei certo, non conditioni, ut si promitto datum cum moriar: incertus est dies mortis meæ, sed tamen certum est me moriturum. Finge: Vivus solvi, quod promiseram & contuleram in diem mortis meæ, an repetam quod solvi? minime, sicut non repeterem, si dies certus fuisset: quia five sub die certo promittatur, five sub incerto, qui omnimodo venturus sit, certum est debitum iri. Imo & jam debetur, antequam dies adveniat, *l. 17. hoc tit.* Et hic necesse est, nos observare maculam, quæ occupavit *l. 16. hoc tit.* cuius mens hæc est: ut ostendat multum interesse sub conditione aliquid debeat an sub die incerto, qui omnino fit venturus. Nam dies incertus, quem incertum est an sit quandoque venturus, pro conditione est. Sed multum interest utrum quid debeat sub conditione, an die incerto, qui omnino venturus sit: nam si sub conditione debeat, id est, quasi debeat, (nec enim debetur absolute) & solvatur pendente conditione, repeti potest, quia forsitan non debebitur deficiente conditione: existente autem conditione non repetetur sub die incerto, promitto cum moriar: ait die existente non posse repeti. Idem dixit de debito sub conditione *l. 16.* & tamen certum est, eum velle constitutere differentiam inter debitum sub conditione, & debitum sub die incerto qui omnino venturus est: nam cum dixisset, debitum sub conditione, si solvatur, pendente conditione repeti, existente conditione non repeti, subdit, quod autem: quæ nota est differentia & diversi casus: pro existente igitur, pendente legendum est. Cognata sunt verba quæ facile commutantur. Huc plurimum facit *l. 17.* nam ait: etsi cum moriar, promisero, & ante solvam, id est, pendente die, non repeto, quod valde notandum. Exceptio, est defensio juris opposita intentioni adversarii, quæ est, vel perpetua, vel temporaria, vel ambigua. Perpetua inducit conditionem indebiti, si naturalem obligationem tollat. Ambigua etiam inducit, non temporaria. Nam si qui, ut sæpe apud bonos auctores, idem ut si quis. Florent. male conditionis, legendum, conditionis.

Ad L. IX. & L. XXV. de Const. pcc.

L. IX. Titius tamen indebiti conditione tenebitur, ut quod ei perperam solutum est, ei qui solvit, reddatur.

L. XXV. Illud aut illud debuit, & constituit alterum, an vel alterum, quod non constituit, solvere possit quæsitum est. Dixi non esse audiendum, si velis hodie fidem constitutæ rei frangere.

Sic. Si iurejurando delato, deberi tibi iuraveris, cum habbas eonamine actionem, recte de constituta agis. Sed & si non ultro delatoris iurjurandum, sed ad deferendum necessitate compulsus id fecero, quia nemo dubitat modestius sacro, qui refert, quam ut ipse iuret: nulla distinctio adhibetur, tamen ob suam facilitatem ad meam verecundiam subsecuta sit referendi necessitas.

A Ex nona pertinet ad conditionem indebiti: Sæpe fit ut pro alio constituat quis se soluturum sine stipulatione his fere verbis, *de pecunia, quam credidisti Titius, noli laborare, illam illo die solvam tibi sine controversia.* Qua ex conventionione etiam si stipulatio non interesse-rit, ex edicto prætoris, is qui constituit, tenetur actione de constituta pecunia, quæ dicitur quoque actio constitutoria. Et is est proprie, qui vulgo dicitur respondere. Hic est proprie responso non fideiussor, quia non intercedit stipulatio, & fideiussor intervenit tantum per stipulationem. Non est etiam expromissor, quia non intercedit stipulatio, & non novatur prior obligatio: nam hæc sunt rata, ubi quis expromittit pro alio, is pro quo expromittit liberatur, quia novatio fit: ubi autem quis fideiubet, vel constituit se pro alio soluturum, is pro quo fideiubet, vel constituit, non liberatur, ubi quis *h. tit. l. si Titius, de in rem verso.* fideiussor est adpromissor, non expromissor: responso live constitutæ pecuniæ reus, neque est adpromissor, neque expromissor. Sæpe enim fit, ut debitor ipse constituat se soluturum id, quod debet: nemo fideiubet pro seipso, *l. heres, §. servus, de fideiuss.* respondet tamen quilibet pro seipso, id est, constituit se soluturum, quod debet, & tenetur hac actione constitutæ pecuniæ, nec non & prioræ actione: nam, ut diximus, constituto non novatur prior obligatio, *l. item, §. ult. l. si post, hoc tit. l. 4. §. in eum de adm. rer. ad civit. pert.* Plurimque autem, cum quis constituit se soluturum id, quod debet, novi aliquid intervenit, alioqui videretur esse supervacuum constitutum, cum satis teneatur priori obligatione: Nam vel constituit se soluturum alio die, vel alio loco, quam initio convenit, *l. 3. §. ult. l. 14. in prin. h. tit.* Vel constituit aliud se soluturum, quam quod debet, veluti debet forte pecuniam, & constituit se soluturum frumentum, *l. 1. §. an potest, h. tit.* vel etiam cum debet illud aut illud sub disjunctione, cum promittit se soluturum Stichum aut Pamphilum, constituit se soluturum Stichum, sine ulla disjunctione, *l. illud h. tit.* atque ita non constituit quis pro seipso, quia fiat novi aliquid, nec tamen fit novatio prioris obligationis. Nam integrum est, vel posteriore obligatione uti, vel prioræ. Verum cum quis pro alio constituit, etiam si nihil novi interveniat, hæc causa utilisima est, cum uni reo accedit etiam alius. Certum nullum est constitutum, nisi quod constituitur, debitum fuerit: nam sicut stipulatio nulla est, nisi procedat causa aliqua interponende stipulationis, *l. 2. §. circa, de doli except.* Ita etiam constitutum sine causa non valet, id est, nisi præcedat debitum, vel iure, vel natura: & constitutum comparatur etiam in co stipulationi, quod non novat priorem obligationem: Nam stipulatio non novat priorem stipulationem: ut si credita pecunia in stipulationem deducatur, creditor est conditio si certum petetur, tam ex mutui numeratione, quam ex stipulatione; est conditio ex duob. contractibus, *l. obligamur, §. re de oblig. & act. l. certi §. quoniam, de reb. cred.* Stipulatio & constitutum accessiones sunt priorum obligationum, non novationes: conventiones sunt, quæ interponuntur prioris obligationis confirmandæ causa, aut permutandæ: nam additur aliquid, ut si alio die constituitur solvi, vel alio loco, vel si alia res pro ea quæ debetur, vel si constituitur pure, quod debitum erat sub conditione. Quod autem prætori in hoc edicto est constituere, id legibus olim erat, recipere, veluti recipere se soluturum, aliquid datum, vel facturum; & actio legitima, quæ dicebatur receptitia. Sic mutantur vocabula juris: Quod olim recipere, hodie constituere est; longæque alia est ratio constituti, quam fuerit recepti, ut jus mutatur ita & nomina: longæ alia ratio receptoriæ, quam constitutoriæ. Sed Iustiniani constitutione transfusa est receptitia actio in constitutoriam, ut jam duæ non sint actiones, sed una fit constitutoria. Ita sæpe mutata sunt juris vocabula. Ita quod fuit olim utendum dare, id est hodie commodare: quod in interdicto de vi detrudere, hodie est deiecere. Et hæc quidem de constituto præfari erat necesse. Dicendum est etiam ali-

aliquid de adjecto solutionis gratia: si stipuler mihi & Titio dari, partim utilis, partim inutilis stipulatio est; nam pro parte Titii est inutilis, cum pro alio facta stipulatio non valeat. Itaque mihi soli pro parte mea adquiratur obligatio, *l. ult. in fin. de verb. obl. §. quod si quis in sol. de inus. stip.* Aliud dicemus, si stipuler mihi aut Titio dari: nam illa stipulatio pro parte mea tantum valet, posterior vero tota utilis est, quia non id agitur, ut Titio adquiratur obligatio, quae etiam non posset adquiri Titio per me, sed ut adquiratur mihi soli: solvatur autem vel mihi, vel Titio quasi procuratori meo: conjunctio facit nos pares, disjunctio facit dispares: Et in persona quidem alterius, non stipulantis, obligatio consistere non potest, quia per liberam personam, vel per alienam personam, alteri non adquiritur obligatio, sed per eum tantum, qui illius juri subiectus est: verum in alterius persona, quasi procuratoris, solutio consistere potest. Hoc igitur sermone, *mihi & Titio dari*, applicatur obligationi Titius, quod fit inutiliter. Illo autem sermone; *mihi aut Titio dari*, Titius solutioni applicatur & adhibetur, quod fit utiliter: obligationi enim non applicatur. Atque ideo dicitur Titius adjectus solutionis gratia. Nemo potest communis obligationis gratia adici: communis solutionis gratia adici quilibet potest: & ideo Titio recte solvitur, etiam invito me stipulatore; sed non potest ex stipulatu agere, & similiter non potest novare obligationem, non acceptum facere, non pignus, non fideiussorem accipere: postremo ei etiam non constituitur recte. Finge: stipulatus sum de te *mihi aut Titio dari*, constituiti Titio, te ei daturum, an teneris constituta pecunia actione minime, quia constitutum caret causa: neque enim tu Titio quidquam debuisti. Titius actionem non habuit, tamen si solvere potueris: ergo ita dicamus: constitui Titio, suo nomine non potest, *l. 7. §. ult. hoc tit.* Recte ait, *suo nomine*, quia scilicet ei suo nomine nihil debetur: nam procuratorio nomine ei constituitur recte, videlicet quasi procuratori stipulatoris, *l. 6. §. Julianus, h. t.* Omnis autem adjectus solutionis gratia, est procurator, quoniam videtur ei mandatum, ut pecuniam solum accipiat. Atque illud in iure passim dicitur, cum teneri actione mandati, ut scilicet solutam ei pecuniam reddat, *§. plane, in sol. de inus. stip.* Constitui igitur adjecto potest ut procuratori, sed non ut creditori, alieno nomine, non suo. Rursus finge: stipulatus sum de te mihi aut Titio dari; ac similiter tu constituis te soluturum mihi aut Titio; constituis ut promissisti, res expedita est, mihi soli competit actio de constituta pecunia, *l. 8. h. tit.* Titio solvi poterit: ut adjectus est in stipulatione solutionis gratia tantum, ita & in constituto: mea est autem actio propria, & prior ex stipulatu, & posterior ex constituto: Titio tamen solvi potest etiam invito me, & si sit solutum, non est conditio indebiti ei qui solvit, argum. *l. sed est, de cond. indeb.* ac rursus, si solutum sit Titio, ipso iure perimitur utraque actio, quae mihi competeat ex stipulatu, & ex constituto, *§. plane, in sol. de inus. stip.* perinde ac si mihi solutum fuisset: nam quod solvitur Titio, mihi videtur solvi, & debitori ipso iure contingit liberatio utriusque obligationis. Quod quidem ita procedit, ut propofui, si stipulatus sim mihi aut Titio dari, ac similiter promissor constituerit se daturum mihi aut Titio: nam (qui est alius casus) si stipuler mihi dari non adjecto Titio; deinde promissor constituat se daturum mihi aut Titio, & solvat Titio, ipso iure perimitur actio constitutoria, quae mihi competeat, quia solutionis gratia Titius fuit adjectus constituto. Actio autem prior ipso iure non perimitur, quia in stipulatione priori Titius non fuit adjectus, nec inspecta stipulatione Titio recte solum intelligitur: Ideoque ipso iure non perimitur prior obligatio, sed perimitur per exceptionem huiusmodi; si non tua voluntate solvi Titio. Quae est sententia legis *pen. h. tit.* nam ut recte Accursius intelligit, pone in illa *l. me mihi tantum stipulatum esse*, deinde constitutum esse mihi aut Titio, & soluta pecunia Titio, ipso quidem iure peremptam esse actionem

A constitutoriam, sed non priorem actionem ex stipulatu. Verum ut ait *d. l. pen.* debitor erit adjuvandus per exceptionem, si conveniatur priori actione: priorem illam actionem vocat, ut vulgo est scriptum, propriam actionem, cum utraque sit illius propria, qui stipulatus est, non communis cum adjecto. Vocat haud recte ut videtur propriam actionem, cum utraque sit propria, quae dicitur alibi in *h. tit.* obligatio fortis (sequens n. quod ex constituto nascitur est potius accessio) & dicitur prior obligatio, *l. si actor, de iur. jur.* atque ita cum Flor. in *d. l. pen.* sit scriptum *proprie actioni*, ausim affirmare esse translationem literarum, & legendum, *priori actioni*, ut in *d. l. si actor*, quia inspecta priori obligatione non potuit solvere Titio: stricto igitur iure priori actioni pecuniae, postea constituta obligatum manere debitorem, sed etiam ei succurrendum data exceptione hac, si non voluntate tua solvis Titio. Quod si mihi aut Titio promississet, & constituitisset etiam, solvendo Titio, ipso iure & priorem & posteriorem obligationem perimeres, *d. §. plane.* Rursus fingamus ex *d. l. 8.* cum qua haec lex *9.* est coaptanda: stipulatus sum mihi aut Titio dari, & constituit promissor mihi soluturum soli: nihil mutat, etiam si adjecerit soli. Cum ita constituitisset: Titio solvi, an liberabitur? Priori sane actione liberatur, quoniam in stipulatione priori Titius fuit adjectus solutionis gratia: posteriori actione non liberatur. Atque ita licet solverit Titio, tamen cogetur mihi solvere actione de constituta pecunia, sed dabitur ei conditio indebiti adversus Titium, quia bene sibi non propefit solvendo Titio, qui mihi soli constituerat soluturum. Erravit: conditio indebiti solet dari errantibus & improvidis. Et hoc est, quod ait Papin. in *l. 9.* Ego vero nihilominus agam actione constitutoria, ut mihi solvat, quod mihi constituit se soluturum, tamen si jam solverit Titio. Nec obstat *l. si ita stipul. de solut.* cui aliter respondendum est, quam resp. Accursius. Species est huiusmodi: stipulatus sum mihi, aut Titio dari, deinde constituit promissor se mihi soli soluturum. Si postea solvat Titio, non est perempta actio de constit. pec. quamvis potuerit solvere Titio. Si potuit solvere Titio, cur teneretur actione constituta pecuniae? cur bis eandem pecuniam inferret, Titio semel, & mox mihi, vel etiam si recte solvit Titio, cur condicere res ita explicanda est: potuit solvere secundum stipulationem Titio, sed non secundum constitutum, ideoque solvendo Titio ipso iure liberatur priori obligatione, sed non posteriore: quamquam etiam hoc casu æquum est ei subvenire per exceptionem, quod sequutus sit formam stipulationis, quam non putabat immutari velle stipulatorem, etiam si constituerit non adjecto Titio. Igitur debitori superpetuo duo remedia, ut vel me agente de constituta pecunia opponat exceptionem quod solverit Titio secundum stipulationem, arg. *l. pen. hoc tit.* vel si omittat hanc exceptionem, & mihi iterum solvat hanc pecuniam, ut condicat, quasi indebitum, aut quasi sine causa, quod solvit Titio perperam, hoc est, per errorem: perperam vox est communis Graecis & Latinis, quod significat per errorem, & inconsulto; nam scienti nunquam datur conditio indebiti. Perperam eum solvisse ex eo apparet, quia non est a me liberatus actione constituti. Cur non liberatur ex causa constituti, qui solvit Titio, licet constituitur se mihi soluturum non Titio? quia ut dicitur in *l. seq. is*, cui constituitur, loco eius habetur, cui solutum est: constitutum est vice solutionis: videtur ergo quodammodo mihi solvisse, qui constituit mihi solvi. Ergo, si post solvat Titio per errorem, æquum est ei soluti repetitionem dari. Erravit quod constitutum non habuerit pro solutione, vel quod oblitus fuit se constituisse mihi soli. Et ita si duo sint rei stipulandi, ut si ego & Titius stipulati sumus de te nobis dari, singulis debetur in solidum. Post si constitueris te mihi soluturum, & solveris Titio alteri ex correis, nihilominus teneris mihi actione constitutoria, sed dabitur tibi conditio indebiti adversus Titium, quia is cui constituitur, inquit *l. seq.* haberi de-

bet

bet loco ejus, cui solutum est, & similis ei est, qui pecuniam accepit: quod si ita est, apparet perperam eum solvisse alteri, quia jam non habetur pro correo, cum alteri solutum intelligatur. Et ita in hoc tractatu observo semper auctores argumentari a solutione ad constitutum, ut in l. 1. §. an potest, hoc tit. aliud pro alio solvi potest volenti creditori, & constitui igitur: quia constitutum vice solutionis est: ac similiter pro invito solvere possum, & eum liberare, l. solutione, de solut. Possumus etiam pro invito constitutere, l. utrum, hoc tit. exemplo solutionis, nec tamen eum liberabo; constitutum enim non solvit obligationem: atque ita constitutum non per omnia simile est solutioni, sed in multis.

Eadem ratio est l. 35. in prin. hoc tit. quæ est ex eodem lib. Pap. Stipularus sum illud aut illud dari, Stichum aut Pamphilum: uterque est in obligatione, alter in solutione tantum, uterque in petitione; modo ita petatur ut est deductus in stipulationem. Promissisti illud aut illud, & peto illud aut illud: solves alterum tantum. Finge: constituissti alterum tantum, ut Pamphilum te soluturum, an postea poteris solvere Stichum, quem non constituissti? Minime, quia non debes constituta rei fidem frangere, & licet addere, & quia pro eo est, ac si solvisset Pamphilum, quem constituissti, ut jam non sit tibi integrum solvere Stichum: præstare debes in constituto & solvere Pamphilum, ut in solutione Pamphili perstares, siquidem eum solvisset naturaliter. Addit alius de constituta pecunia, quod Accurs. pessime interpretatur, & ceteri, & delenda est summa Bartoli ad §. seg. Finge: derulisti mihi jurjurandum, cum esset inter me & te lis de pecunia credita, quam ego dicebam me tibi credidisse, & juravi mihi deberi: ex jurjurando nascitur actio in factum honoraria ad exemplum judicati, l. actori, C. de reb. cred. §. item si quis stipul. Inst. de act. Qui teneretur actione jurjurandi in factum, an & constituendo tenetur? Qui scripserunt de constituta pecunia veteres: auctores percurrunt omnes actiones, ut cum scribunt de fidejussoribus, & ostendunt constituti recte, quod debetur actione furti, aut vi bonorum, raptorum, actione legis Aquilæ, aut injuriarum, l. 29. hoc tit. pro actionibus, quæ ex maleficio oriuntur, recte fit constitutum; certe etiam pro actionibus, quæ ex contractibus, vel quasi nascuntur, sive sint civiles sive honorariæ, l. 1. §. debitorum, hoc tit. Imo & pro naturali obligatione tantum recte fit constitutum, sicut & pro his omnibus causis recte adhibetur fidejussor. Notandum in hac l. etiam pro actione jurjurandi recte fieri constitutum, id est, recte constitui, quod venit in actionem in factum ex jurjurando: ut si delato mihi juramento juravero mihi deberi, recte mihi constituitur quod possum petere actione in factum ex jurjurando. Non est ponendum me jurasse, te constituisse mihi, sed jurasse mihi debere: & adiciat nihil interesse, an juravero delato, an relato jurjurando: deferatur ultro, referatur coacte. Nam exempli gratia, si cum abs te peterem decem, & negares te mihi quidquam debere, detulero tibi jurjurandum ut jures te non debere, nec velis jurare, si ita sis superstitiosus, vel verecundus, sane cogaris mihi jurjurare, ut ipse jurem mihi deberi, l. manifeste, de jurjur. alioquin manifesta turpitudinis & confessionis est nolle nec jurare, nec jurjurandum referre. Ergo si cum mihi deferretur, sive cum mihi referretur, juravero mihi deberi, recte postea mihi constituitur, quod petere potui actione in factum ex jurjurando. Est quidem ea actio prætoria, non civilis: Sed & deberi recte dicitur, quod jure prætorio debetur: si debetur, & constituitur actione recte: quapropter licet etiam addere ad tit. de fidejussoribus pro actione jurjurandi recte actionem dari.

Ad L. I. de Prescript. verbis.

Nonnumquam evenit, ut cessantibus judiciis proditis, & vulgaribus actionibus, cum proprium nomen invenire non possumus, facile descendamus ad eas, quæ in factum appellantur. Sed ne res exemplis egeat, paucis agam.

§. 1. Domino mercium in magistrum navis, si sit incertum, utrum navem conduxerit, an merces vehendas ligaverit, civilem actionem in factum esse dandam, Labeo scribit.

§. 2. Item si quis pretii explorandi gratia rem tradet, neque depositum, neque commodatum erit, sed non exhibitæ fidei, in factum civilis subjicitur actio.

Cum libro octavo Papin. proposuisset varias species actionum, quæ ex singulis negotiis dantur, & nomen proprium habent, transiens ad actionem de præscr. verb. quæ nomen proprium non habet, & non ex uno, sed ex innumeris negotiis datur, quorum actiones nulle jure civili proditæ sunt: usus est præfatione eleganti in hac l. 1. nonnumquam evenire, ut deficientibus ulstatis & vulgaribus actionibus, quæ legibus proditæ sunt, deficiente proprio nomine contractus, facile decurramus ad actionem præscr. verb. quasi ad extremum subsidium juris sui persequendi, & obtinendi; quod ait, se breviter demonstraturum duobus exemplis. Verum antequam eas exponamus, paululum nobis est enarranda causa introducendæ actionis, quæ dicitur præscr. verbis, & explicandum etiam, cur hæc appellatio non sit proprium nomen, seu propria appellatio. Prætor vel Jurecons. qui formulas concipit, vel actor, qui eis utitur, cum eas sibi dari, aut ita concipi postulat, hoc custodire, hoc curare semper debet, ut rebus accommodentur actiones propriæ: & actor, ut edat etiam specialiter nomen actionis adversario suo putasse acturum ex empto, depositi, vel commodati, l. edita, C. de edend. l. 2. C. Gregor. de calum. & in nov. Valentin. de Episc. jud. Et hoc quidem est facile factum, si quibus de rebus agitur, legibus proditæ sint actiones propriæ. At non omnibus de rebus proditæ sunt actiones propriæ, peculiariæ, singulares, non est plenus actionum numerus, l. quia actionum hoc tit. neque vero tanta potuit esse prudentia majorum, quamquam fuerit summa, ut omnib. reb. actiones proprias, nomina propria constitueret. Ingens est copia rerum & infinita, nominum autem non est tanta, ut omnia negotia suis nominibus appellari possint. Rerum est infinitus numerus, nominum finitus, Arist. initio elechor. Nec mirum, cum res sint a natura, voces ab hominib. & superat facile natura hominum inventa: finiti ad infinitum, nulla est proportio: & hoc est, quod ait Ulp. in l. 4. hoc tit. natura rerum conditum esse, ut plura sint negotia, quam vocabula. Contractus superant nomina: non suppetunt omnibus contractibus nomina civilia: nec actionibus igitur civilibus, quæ manant ex contractibus *ἡνὶ τὰ ἐνοικητὰ ἰσὶ τὰ συναιρούμενα*: concurrunt sæpe negotia, ex quibus nullæ legibus proditæ sunt actiones, negotia, quæ proprio nomine vacant, ac sæpe est magna questio, negotium, quo de agitur, quemadmodum gestum sit inter contrahentes, & ejus nomen quale sit, aliud aliis impotentibus; & diversa sæpe in ea re judicia Jurisconsf. & judicum, & litigatorum. Quod cum evenit, rutilius est, ut ait l. naturalis, §. pen. & l. Titius, hoc tit. dubitationis tollendæ causâ, ut ait l. 1. de æstimator. agere præscr. verbis, id est, conceptis verbis in factum & rem, de qua agitur, narrare prout gesta est, nullo nomine expresso actionis contractus: agere, ut Teoph. ait, *ἡνὶ τὰ ἐνοικητὰ*, narrare: datur ergo actio præscr. verbis: quæ definitio notanda est: ex contractibus, sive negotiis, quæ nomen non habent certum, vel quia quemadmodum sunt gesta, non liquet satis, vel quia de eorum nomine ambigitur, ita ut nesciatur ad quam legem referenda sint, & est ea actio non prætoria, sed civilis, quia sci. non datur, nisi ex negotiis moribus civitatis receptis, vel quæ proxime accedunt ad negotia civilia, legitima, ulstata, vulgaria, solemnia, quæ nomen suum habent. Et ita in d. l. 1. de æstimator. si rem meam æstimatori tibi vendendam dedero, ut vel eam referres, vel pretium & æstimationem, quam ego indicavi, dari actionem præscr. verbis, quia civile negotium gestum est, inquit, & simile scilicet negotio habenti nomen proprium, locationi scilicet & conductioni, vel mandato. Omnis actio præscriptis verbis est similis actioni

actioni civili, *l. naturali §. pen. h. rit.* Et civilis igitur etiam ipsa: quæ est proxima & similis civili, & ipsa civilis est. Omne negotium, ex quo datur actio præscr. verbis, est simile vel emptio, vel locationi, deposito, commodato, mandato, vel negotiis aliis, quibus leges nomina dederunt propria: alioqui, si quod negotium forte illorum instar non habuerit, ex eo non dabitur actio præscriptis verbis, *l. naturalis §. quod si fac. h. rit.* Sed ne longe aberremus a lege nostra, ejus, quod proposuit, Pap. initio, duo dat exempla. Tractemus de priori. Locatori, si sit contracta locatio & conductio, datur actio ex locato, conductori ex conducto. Verum sæpe dubitatur, quis sit locator, quis sit conductor, cui sit danda actio ex locato, cui ex conducto. Definiamus igitur, quis sit locator, quis sit conductor, cui sit danda actio ex locato, cui ex conducto. Locator est is, qui accipit mercedem, ut dominus ædium: conductor autem est is, qui dat mercedem, ut inquilinus, qui ædes conduxit, dat mercedem, & est conductor. Hæc definitio est falsa in multis casibus: Nam si ego domum ædificandam dedi, locator sum, nec tamen accipio mercedem, sed do: & contra, si domum ædificandam accepi, conductor sum, nec tamen do mercedem, sed accipio. Igitur certissima definitio hæc est, qua ego uti soleo & quæ neminem fallit. Locator est is qui dedit aliquid fruendum vel faciendum: qui dedit fruendum, accipit mercedem, qui dedit faciendum, dat mercedem. Conductor est is qui accipit fruendum vel faciendum: qui accipit fruendum, dat mercedem; qui accipit faciendum, accipit mercedem. Denique locatoris est dare, conductoris accipere: & secundum hæc, si magister navis mercatori det navem utendam constituta certa mercede, locator est magister navis, & accipit mercedem, dominus mercium est conductor, & dat mercedem. Longe aliud erit, si res ita gesta sit, puta, si magister navis merces vehendas acceperit: ita enim gesto negotio magister navis est conductor, & accipit mercedem: dominus mercium est locator, & dat mercedem, *l. 2. ad l. Rhod.* Atque ita multum interest magister navis navem locaverit, *l. dederit* utendam, quo casu dominus mercium conductor est, & agit cum magistro navis ex conducto, non ex locato, an vero magister navis acceperit merces vehendas, quod est conduxit, quo casu dominus mercium est locator operum magistri, & agit cum magistro navis ex locato. Si agat ex conducto, agit perperam. Quid ergo fiet, ne agat perperam? Si incertum sit, magister navis navem locaverit an conduxit merces vehendas, si ignoretur quemadmodum negotium gestum sit, hoc si ignoretur, & illud quoque ignoratur, mercatori in magistrum navis danda ne sit actio ex hoc negotio ex locato, an ex conducto: & in re dubia tutius est missa utraque actione, agere præscr. verbis, quod idem est, in factum civili actione, quæ tamen erit instar actionis locati conducti, instar civilis actionis, quæ nomen suum habet, quamvis ipsa non habeat: & hoc est prius exemplum, quo utitur Papin. Sequitur posterius: rem tibi tradidi, ut eam inspiceres, & pretium ejus explorares: queritur, quale sit hoc negotium, an sit depositum? Minime: neque enim rem tibi custodiendam, sed inspiciendam pretii excutiendi causa dedi: non etiam commodatum, quoniam non tibi dedi rem utendam, sed inspiciendam tantum. Et hoc ita proponit Papin. Nihil scribit de mandato, & tamen videtur esse mandatum, ut cum ego rem tibi do & mando, ut inspicias & æstimes: quod negandum tamen est, alioquin ex hoc contractu non daretur actio præscr. verbis. si sine controversia esset mandatum. Ut igitur neque est depositum hoc genus negotii, neque commodatum: Sic nec mandatum, quia mandatum non est, nisi fuerit animus constituendi procuratoris in hanc rem: & hoc liquet, quod non liquet, cum in dubio possit videri depositum, vel commodatum. Ergo ex hoc negotio etiam tutius erit agere præscr. verbis in factum civili actione, quasi ex negotio novo & inusitato, ex quo datur actio præscriptis verbis, *l. si tibi polienda, hoc tit.* sed quod sit proximum & vicinum negotio ultato. Et ita in hoc po-

A steriori exemplo dices, actionem præscriptis verbis esse similem civili, negotium illud esse proximum civili, atque adso civile ipsum esse. Et placet verbum, quo utitur Papinianus: *non exhibita fide, subijci actionem in factum civilem*, id est, si non exhibeat fidem is, qui rem inspiciendam accepit, id est, si explorator eam rem non reddat, subijci actionem civilem in factum: non dicit eum subijci actioni in factum civili, ut Marc. Tullius in Topicis, quod fumpsit ex jure: In actionibus civilibus plerumque subijci illum arietem, id est, defensionem illam juris, si telum manu fugit magis, quam jecit: quoties reus excusat factum imprudentia teli emissi. Ad quam formulam antiquam, non ex 12. tab. ut quidam scripserunt, sed ex auctoritate prudentum respicit Augustin. lib. 1. de lib. arbit. cui invito atque imprudenti telum manu fugit: quod est relatum in cæa. *§. homicid. 25. quest. 5.* Ita exceptio subijctori actioni, ut in *l. 7. de condit. insti. l. ex contractu, de re jud.* actio enim subijctori actioni, & hoc est quod heic ait. Papin.

Ad §. Papinianus L. XVII. eod. tit.

§. 2. Papinianus lib. 8. quaestio scriptis. Si rem tibi inspiciendam dedi, & dicas te perdidisse, ita demum mihi præscriptis verbis actio competit, si ignorem ubi sit. Nam si mihi liquet apud te esse, furis agere possum. Secundum hæc, si cui inspiciendum dedi, siue ipsius causa, siue utriusque, & dolum & culpam mihi præstandam esse dico propter utilitatem; periculum non. Si vero mei duntaxat causa datum est, dolum solum: quia prope depositum hoc accedit.

Subijcienda nobis sunt necessario, quæ ex eodem libro Papin. de eadem specie, quæ proponitur in posteriore exemplo Ulpian. refert in *l. si gravatam, §. Papinianus, hoc tit.* & quod ex eodem libro Papin. exstat in *l. rem 78. de furt.* Illi loci sunt conjungendi cum extrema parte hujus legis. Exponamus quemadmodum tibi rem inspiciendam dedi: sic loquitur *l. si gravatam, §. Papinianus, & l. rem de furt. & l. cum, qui §. 1. commod.* quod ita interpretandum est. Si rem tibi dedi pretii explorandi causa. Bal. *in παρρησιάζομαι πρὸς τὴν διακρίσεως* *§. 2. de furt.* quod idem Papin. hoc loco verbo inspiciendi, sed nihil interest dixeris rem dari inspiciendi gratia, vel pretii explorandi gratia, Græcis *διὰ τὴν γνώσιν*, inspector dicitur, & longe aliud est inspicere, aliud respicere: de eo, qui rem accepit, ut respiceret, est *l. duo, hoc tit.* Legitur enim in ea recte Florentia, *respicere, non inspicere.* Species est. Duo secundum Tyberim ambulabant, unus ex his rogatus, alteri anulum suum ostendit, ut respiceret, inquit, is culpa ejus illi excidit & devolutus est in Tyberem, queritur, qua actione cum eo agatur? non est commodatum, quia dedit, ut eodem momento redderet, ut respiceret, non inspicere, non ut exploraret pretium annuli, quasi tamen ex commodato dabitur actio præscr. verbis, quia ita intelligitur dedisse, ut mox redderet, & culpa ejus factum est, ne redderet, aut posset reddere. Sed videamus, quid ad hoc postremum exemplum sit addendum ex d. §. Papinianus, & *l. rem, de furt.* Si inspector rem non reddat, tenetur actione præscr. verbis. Hoc ita procedit, si ignoretur, ubi res sit, si non invenitur, si quis eam furto abulerit, nec sciatur quis ille fur sit, nec tamen indifinite: nam inspector quandoque culpam præstat, quandoque non: Nam si mea causa tantum rem inspiciendam dedi, dum volo inquirere pretium rei meæ, quia nulla utilitas versatur inspectoris, sed mea tantum, inspector debet præstare dolum tantum, sicut depositarius, & culpam dolo proximam eadem ratione, quia in deposito nulla utilitas depositarii versatur: depositum sit solius deponentis gratia, & ideo præstat depositarius dolum tantum: hoc casu inspector similis est depositario, nec tamen depositarius, quia non custodiendi, sed inspiciendi causa rem accepit: & ideo

ideo si sine dolo ejus vel inspectoris ejus res interierit, licet culpa ejus levi perierit, non tenetur actione præfer. verbis. Finge, extraneum furto abstulisse eam rem, est sane in culpa depositarius, vel inspector, quod rem non servaverit diligentius, sed tamen non tenetur depositarius depositi, vel inspector præscriptis verbis: & ideo non habet actionem furti adversus furem, quia nihil ejus interest, cum non teneatur domino rei: & actio furti datur tantum ei, cuius interest, & in id, quod interest in duplum, vel quadruplum, sed datur actio furti domino rei, l. eum qui, §. 1. commod. Et notandum, furtum plerumque imputari culpæ possessoris: latrocinium, prædatura, abigeatus, quoniam fiunt vi majore, sunt casus fortuiti, damna fatalia, quibus resisti non potest: furtum non est damnum fatale: nam furto cavere diligenter paterfamilias potest, l. cum duobus, §. damna, pro soc. l. 4. naut. caup. Et ideo ego probavi semper, quod alii improbant, id scilicet, quod est in more positum in quibusdam Galliarum regionibus, ut fur plectatur sua poena ob turpe lucrum, & dominus publicatione rei furtivæ ob suam negligentiam: furtum plerumque negligentiae imputatur. Invenies interdum furtum culpæ non imputari, l. eum qui, §. item quæritur, de furt. Fateor, est quoddam furtum quod adnumeratur casui majori potius quam culpæ, ut quod faciunt sacularii, qui sunt quasi præstitores, vel quod faciunt apertularii, Crocheteurs, quibus nihil est tam bene obsequatum, quod non apertant: quis istos cavere potest, quorum ars in furando est subtilis nimis? Quid vero dicemus si ego rem tibi dedi inspicendam tua causa, vel mea & tua? si tua tantum: si mea tantum causa, præstas dolum tantum ut depositarius, si mea & tua, quia etiam tua utilitas vertitur, teneberis mihi præfer. verb. etiam si sine dolo tuo, non tamen sine culpa tua levi ut si furto res subleata sit: atque ideo habebis actionem furti adversus furem, non ego, d. l. eum qui, §. 1. C. d. §. Papinianus: & hoc est quod ait lex rem, de furt.

Ad L. LXXVIII. de Furt.

Rem inspicendam tui dedit, si periculum spectet eum, qui accepit, ipse tui agere potest.

SI periculum spectet inspectorem, quod scilicet in ea re utilitas ejus aliqua fuerit, vel ut dicam apertius, quod ei expediret eam rem inspicere, dum forte eam emere vult: & periculum non oportet accipere pro casu fortuito, ut in d. §. Papinianus, ubi ait, inspectorem nunquam præstare periculum, hoc est, casum majorem: sed cum illius gratia res inspicenda illi data est, periculum eum spectabit, veluti periculum furti, quod intelligitur plerumque contingere culpa possessoris, vel ejus, qui rem naturaliter tenet. Concludamus ergo: si periculum furti ad inspectorem pertinet, quoniam tenetur domino actione præfer. verbis: ergo ei dabitur actio furti adversus furem, non domino. Quædam omiseram nudius tertius ad l. rem, de furt. Si tibi rem inspicendam dedi, & aut extraneus furtum fecit, aut tu ipse. Si extraneus & tui causa eam rem inspicendam tibi dedi, quod eam emere velles, tibi competit actio furti adversus furem, quia teneris mihi actione præfer. verb. quod culpa tua ea res amissa sit: si mei duntaxat causa rem tibi inspicendam dedi, dum volo pretium exquirere: ego habeo actionem furti adversus furem extraneum, quia tu mihi non teneris actione præfer. verb. nec enim hoc casu debes præstare culpam, sed dolum tantum, quia in hoc negotio nulla tua utilitas vertitur: quod satis exposuimus: sed, quod omiseram, si tu ipse, qui rem inspicendam accepisti, ejus rei furtum feceris interversa possessione, & liqueat eam rem apud te esse, & retineri abs te luci faciendi causa, jam non est quod agam tecum actione præfer. verb. ut eam rem mihi reddas, cum suppetant civiles & directæ actiones quamplurimæ adversus re, nimirum furti poenalis in duplum & rei perfequendæ nomine, conditio furtiva, & actio ad exhiben-

Tom. IV.

A dum, & rei vindicatio, quæ dantur in fures, l. si grauitam, §. Papinianus, de præscr. verb. & hoc est quod omiseram nudius tertius.

Ad L. I. qui pot. in Pign.

Qui dotem pro muliere promissit, pignus sive hypothecam de restituenda sibi dote accepit: subsecuta deinde pro parte numeratione, maritus eandem rem pignori alii dedit: mox residua quantitatis numeratio impleta est. Querebatur de pignore? tum ex causa promissionis ad universæ quantitatis exsolutionem, qui dotem promissit, compellitur, non utique solutionum observanda sunt tempora, sed dies contractæ obligationis. Nec probe dici in potestate ejus esse, ne pecuniam residuam redderet, ut minus dotata mulier esse videatur.

B §. 1. Alia causa est ejus, qui pignus accepit, ad eam summam, quam intra diem certum numerasset: ac forte prius quam numeraret, alii res pignori data est.

L Ex 1. huius tituli, imo omnes leges sunt de duobus creditoribus, quibus diversis contractibus, diversis temporibus eadem res pignori obligata est in solidum. Qua in re primum monendi estis, aliquantulum interesse, utrum eadem res duobus diversis contractibus vendita, aut donata sit, an pignori obligata. Nam si duobus diversis contractibus & temporibus eadem res sit vendita vel donata, in rei vindicatione potior est, cui res tradita est: nam traditione translatus est ius domini, si dominus est: & potior igitur in rei vindicatione, l. quoties, C. de rei vind. l. si res autem, §. si duobus, de Publ. in rem act. l. si duobus de div. C. temp. præf. Sed si duobus eadem res pignori obligata sit diversis contractibus, in actione hypothecaria, in vindicatione pignoris, potior est, cui tantum is, cui pignori res tradita est: sed & is, cui priori res obligata est nuda conventione, nam pignus non tantum traditione contrahitur, sed etiam nuda conventione, l. 1. de pign. act. Item si quis duobus eandem rem in solidum venderit diversis contractibus, tenetur crimine falsi, l. qui duobus, ad l. Corn. de fals. At si quis duobus eandem rem diversis temporibus pignori obligaverit, tenetur crimine stellionatus, quia scilicet deficit proprium nomen criminis: nam crimen quod non habet proprium nomen, dicitur stellionatus: impostura quæ caret nomine dicitur stellionatus: & tamen certum est, eum, qui duobus diversis temporibus eandem rem obligat pignori, non teneri crimine falsi l. Cornel. de fals. sed crimine stellionatus. Num igitur est falsum crimen stellionatus, quod non est crimen legitimum, non ordinarium, est inscriptum, ut vocant Rhetores, de quo nulla lex scripta est, ut possis etiam actionem præfer. verb. appellare inscriptam l. tutor, §. contrarium, l. si quis, §. ult. de pign. act. Sed explicanda est ratio differentie, cur tenetur crimine falsi venditor? quia rem quam vendit, vendit quasi suam, asserens esse suam, aut quasi asserens, dicit rem suam esse, aut dicere intelligitur, & mentitur tamen, qui vendit posteriori, cum dominum ejus rei transfulerit in priorem emptorem, & mendacium species est falsi: mendax est falsarius, tenetur ergo l. Corn. de fals. quasi falsarius & mendax: Qui rem pignori obligat, dicit quidem esse suam, sed non dicit esse liberam, non esse obligatam alii, non mentitur, sed dissimulat priorem obligationem, dissimulatio est stellionatus, non falsum, cum nihil affirmet, vel affirmare intelligatur: sed si diceret pignerando rem posteriori, rem esse liberam, sane teneretur falsi, & cessaret crimen stellionatus: quod in hypothecis Athenienses semper exprimere solebant, rem esse liberam, ut in actionibus & præscriptionibus, Demosth. maxime in ea, quæ est adversus Lacritum, pignori obligari res liberæ & immunis, ut etiam nostri auctores dicunt, liberam rem, liberum prædium, non solum, quod non debet servitutem, sed etiam quod non est pigneratum, l. si profundo, C. de arant. l. ult. §. 1. ad Velle. Et ita si pignerando eam rem po-

M

teriori

steriori dixeris esse liberam, & fuerit ante obligata aliis, committis in *l. Corn. de falsi*. nec opus est accusatione stellionatus, cum suppetat ordinaria & legitima. Sed non solebant hoc affirmare qui pignori rem opponebant; Cum hoc autem affirmatur, hoc solo casu est accusatio stellionatus. Verum excutiendum illud est diligenter, quod posuimus initio, eum qui prior est tempore, potior rem esse jure hypothecae vel jure pignoris, id est, creditorem in cuius persona prius constitutum est pignus, potior rem esse creditore pigneraticio, vel hypothecario. Quo principio posito, oriuntur statim ex eo quaestiones multae, & illa in primis, quis prior intelligatur, quis posterior, quis antiquior in causa pignoris. Prior qui dicitur variis modis, ut docuit Aristoteles, & non immerito dubitatur, quis; & hoc potissimum quaeritur in specie hujus legis, quae est huiusmodi. Ego promisi dotem pro muliere marito stipulanti, nondum numeravi, & antequam numerarem maritus stipulanti mihi cavit, se dotem redditurum mihi soluto matrimonio; dos fuit receptitia, & eo nomine rem suam mihi pignori dedit de restituenda dote dirempto matrimonio; post ego partem dotis numeravi, & antequam numerarem residuam partem dotis, maritus eandem rem Titio pignori obligavit, ac deinde ego numeravi residuam partem dotis, implevi dotem, implevi maritum. Quaeritur quis sit potior in ea re pignoris jure, quis prior, ego an Titius? & Papin. prudenter ait pignoris jure, me esse priorem, potior rem, potentior, & non esse observandum tempus impletz numerationis. Titius est prior, quia post Titium ego implevi numerationem dotis, sed si spectemus tempus contractus obligationis, ego sum prior, non Titius. Prior igitur varie accipitur pro ratione temporis, quod observatur. Et Papin. ait, non esse spectandum tempus impletz numerationis, sed tempus contractus obligationis, quo tempore in causa pignoris nemo me praecessit, quo tempore pignus restituenda dotis recte contractum est: nam pignus restituenda dotis recte contrahitur non tantum dote numerata, sed promissa stipulanti, quia qui promissit non potest numerare, cum sit efficaciter obligatus, neque potest mulierem pro qua promissit dotem, indotatam facere: atque ita tempus contractus obligationis efficaciter comparatur temporis numerationis, quia qui contraxit efficaciter obligationem, & numerasse intelligitur. Et hoc est quod ait Papin. in 1. parte hujus *l.* Efficax promissio pro numeratione est, quia non potest non sequi numeratio; atque adeo non oportet animadvertere ad tempus numerationis, sed ad tempus contractus obligationis, cum quaeritur uter ex creditoribus sit prior vel potior. Eadem ratione idem dicemus, si post stipulationem dotis pignore mihi dato de restituenda dote soluto matrimonio, antequam quicquam numerarem ex dote, maritus eandem rem Titio obligavit; Nam & hoc casu praefertur Titio. Non pono, ut posuit qui consuluit Papin. per partes fuisse solutam dotem, partem antequam cum Titio contraheret, partem residuam post obligationem Titii, sed fuisse promissam tantum, & nihil fuisse adnumeratum, antequam idem pignus Titio obligaretur, & tamen dico me esse Titio potior rem in vindicatione pignoris. Etiam illud adjicio, idem esse dicendum si stipulatio dotis sit facta pure, siue in diem, siue sub conditione collata in casum, vel in potestatem mariti stipulatoris, quia existente die vel conditione, perinde est atque si pure facta stipulatio fuisset, *l. qui balneum*, & *l. potior*, hoc tit. Et hoc quod ad priorem partem hujus legis attinet. In posteriore parte Papin. docet, aliud esse dicendum, si nulla praecessit stipulatio dotis, nulla obligatio, si me non obligavi ad dotem dandam, sed maritus mihi cavit, mihi promissit se redditurum dotem, quam ei numerarem intra diem certum, quam ei non promiseram, etsi eo nomine rem suam mihi pignori dederit. Fingamus igitur & ponamus hanc speciem apertius. Ego non promissi dotem pro muliere, sed spem feci numeranda dotis pro muliere: & hac spe fretus maritus mihi promissit se dotem redditu-

rum quam ei numerarem intra diem certum, numerabo si volo, & rem suam mihi dedit pignori in eam summam, quam numerarem si velim: neque enim sum obligatus: ac deinde ante eum diem, antequam numerarem, maritus eandem rem Titio pignoris obligavit. Sunt notandae huiusmodi quaestiones, in quibus nullum verbum est, quod non accurate observetur hodie. Titius erit potior, non ego, & spectabitur tempus numerationis: non potest spectari tempus contractus obligationis, cum nulla contracta sit, cum non me obligaverim danda doti, & fuerit in mea potestate, non numerare, non dare: non est quod aliud tempus igitur spectes quam tempus numerationis: eo tempore me praecedit Titius; ergo me potior est. Addendum est, idem esse, si cum ego me non obligassem dande doti, sed spem tantum fecissem, me daturum intra diem certum, & sub hac spe maritus mihi rem suam pignori dedit de restituenda dote, ac deinde antequam rem numerarem, idem pignus Titio vendidisset, post ego numerarem pecuniam dotaalem: Nam hoc casu nullum pignus contractum intelligitur etiam si postea numeraverim, quia tempore numerationis quod solum observari potest, ea res non fuit in bonis Titii, cui vendita & tradita fuit: & constat non consistere pignus, nisi ejus rei, quae est in bonis debitoris ex formula pigneratitiae actionis, *l. pen. sup. tit. prox. l. potior*, in prim. hoc tit. Unde ita concludam: pignus potest praecedere obligationem sicut fidejussor: pignus est sequela principalis obligationis ut fidejussor, fateror, & intelligitur etiam esse sequela, licet praecedat obligatio, & non male praecedit, *§. fidejussor*, *Inst. de fidejussor.* Pignus, inquam, potest praecedere obligationem, sed secuta obligatione ita demum pignus consistit, si eo tempore, quo contrahitur obligatio, invenitur in bonis debitoris: alioqui est inutile, propterea quod spectare oportet tempus contractus obligationis, a quo non est diversum tempus numerationis in hac specie. Quod si eodem tempore, quo sequitur obligatio, pignus quod praecesserat, invenitur obligatum alii, consistit quidem, sed non est potentius: praefertur namque alius, qui prior credit. Unde in hac quaestione haec sunt nobis semper retinenda conclusiones: contracta obligatione principali, siue personalis, id est, facto vel perfecto contractu, quamvis nondum impletus sit, observatur tempus dati vel conventi pignoris, id est, facti vel perfecti contractus, facta seu confecta obligationis, non tempus impleti contractus, quia ab initio pignus recte constitutum fuit. Altera conclusio haec est: nec impleto contractu, id est, nondum constituta obligatione ullo modo, spectatur tempus contractus, non tempus dati, vel conventi pignoris, quia nulla esse intelligitur obligatio dati vel conventi pignoris ante contractum, & ut de stipulatione dicitur in *l. 6. de novat.* numerationem pecuniae fieri implenda stipulationis gratia, quae praecessit, ut potest praecedere, ita hoc casu licet dicere, contractum fieri implendi pignoris causa, quod praecessit: fidejussor potest praecedere obligationem, item pignus, item stipulatio. Nam & stipulatio accessio est, sicut pignus, & fidejussor. Stipulatio est conclusio contractus, *l. si dominus*, de praeser. verb. nisi animus novandi adhererit. Et hoc est quod dicitur, stipulationem non fieri sine causa: accedunt stipulationes contractibus, non per se subsistunt. Absoluta est sententia hujus legis. Sed ne quid desideretur quod pertineat ad hanc quaest. quae est quotidiana hodie: fingamus novam speciem, nec tamen longe remotam a superiori. Cum ego a te vellem mutuo pecuniam ingentem accipere, & tu velles dare, ego non sine fraude accepi modicam pecuniam, & pignus dedi, ac deinde a Titio etiam accepi mutuum pecuniam sub eodem pignore, & postea a te accepi residuum pecuniam, quam ab initio accipere volebam, & tu dare a te es potior, quia prior creditisti. Et ex quaestione tractata a Papiniano hoc intelligitur, priorem esse eum, qui prior credit, etiam si posterior pignus acceperit: contra priorem non esse eum, qui prior pignus acceperit, nisi ei crediderit prior;

prior; plane igitur tu prior es, quia tu prior credidisti, & sine dubio tu prior es in prima illa modica pecunia, quam initio mihi credidisti sub pignore illo: sed alter au prior est in posteriore pecunia in residua pecunia? quod videtur exemplo usurarum posteriorum, quæ accessere post secundum creditorem in specie *l. Lucius, hoc tit.* quæ est huiusmodi. Ego mutuam pecuniam a te accepi sub usuris certis dato pignore: Deinde mutuam pecuniam accepi a Titio sub eodem pignore: proculdubio tu es prior fortis nomine, quia prior fortem mihi credidisti: tu es etiam prior usurarum nomine, quæ acceperunt antequam mihi crederet Titius, quæritur, an sis etiam prior usurarum nomine, quæ acceperunt post creditum Titii? & ait *l. Lucius*, te esse priorem usurarum omnium nomine: quod concedam facile, quia usuræ sequuntur jus fortis: sed videtur etiam idem esse constituendum in posteriori sorte, ut sequatur jus prioris, ita & quemadmodum tu habes privilegium temporis in priori, etiam habes in posteriori pecunia: sed si hoc admitteretur, hæc via posterioris creditores circumferberentur. Et sane videtur debitor habuisse animum circumscribendi secundum creditoris, qui ita rem gessit, qui cum potuit ingentem pecuniam accipere, noluit nisi modicam accipere. Et ideo recte definitur in *l. si creditor, §. si idem, hoc tit. eum*, qui bis credit esse ante secundum, & post secundum creditorem, in pecunia priore esse potiorum, in posteriori esse tertium, Titium in sua pecunia esse secundum. Ex iis, quæ diximus ad *l. 1. resumere* nos aliquid oportet, quod maiore confirmatione videtur indigere. Qui duobus eandem rem diversis temporibus, diversis contractibus in solidum vendidit, tenetur poena falsi ex *l. Cornel.* qui autem duobus eandem rem diversis contractibus obligavit, tenetur crimine stellionatus, quasi deficiat crimen falsi: non tenetur ergo crimine falsi: nam ubi est aliud crimen, ibi cessat stellionatus, *l. 3. inf. de crim. stell.* Quæro quæ sit ratio differentie? hæc differentia verissima esse videtur: qui vendidit duobus eandem rem, tenetur falsi ex *l. Cornel.* quia vendendo posteriori, rem dixit esse suam, & mentitus est, mendacium est falsum, quia scilicet jam priori eam rem venderat & traderat: vel licet non dixerit palam, rem suam esse, utique intelligitur dixisse semper, quia etiam si rei alienæ venditio valeat, tamen emendo vendendo id agitur, ut dominium transeat in emptorem, *l. 80. §. ult. de cont. empt.* & quod agitur, pro dicto habetur, *l. quum quid, de reb. cred.* Quid si quis duobus eandem rem in solidum pigneravit duobus contractibus? & quidem si dixerit, eam rem liberam esse, vel esse suam falsum, cum esset vel alii obligata, vel aliena, mea quidem sententia hic tenetur etiam crimine falsi, quia mentitus est. Sed si diffimulaverit rem esse alienam, vel alii obligatam, non etiam affirmaverit quicquam, hoc casu tenetur crimine stellionatus, *l. tutor, §. contrariam, l. si quis, §. ult. de pign. act. §. 1. 2. C. de crim. stell. l. 3. inf. eod. tit.* quæ id evidenter demonstrat in illo loco: *diffimulata obligatio.* Diffimulatio illa non est falsum: non ergo tenetur crimine falsi: & tenetur tamen quasi stellio, quasi Ægyptius, ut veteres loquebantur. Est proprium vitium Ægyptiorum stellionatus, stellioque frequens in Ægypto animal, inde *αἰγυπτιακὸν* est imponere & stellionem agere. Denique non est falsum, sed propter illam diffimulationem vestram tenetur stellionatus crimine: quod quidem crimen nunquam concurrat cum alio crimine legitimo, sed est stellionatus persecutio, cum nullus alius criminis est persecutio. Verum obijci potest *l. ult. de crim. stell.* quæ ait, eum teneri crimine stellionatus, non ergo falsi, qui falso dixit, rem esse suam, quam pignori dabat, jurando vel potius pejerando rem esse suam: quod est plane contra illud, quod ante dixi. Et placet obijcio valde, quia mihi præbet causam explicandam *ad ult.* difficilis satis & vexata nimis. De perjurio ait: crimen stellionatus fit si quis falso iuraverit suum esse pignus, quod fuit alienum: cur non tenetur falsi? In iure nos oportet separare perjurium a falso: nam perjurium est sane plus quam fal-

Tom. IV.

A sum: non invenies *l. Cornel. de falsis*; contineri perjurium, quia majus est crimen perjurii quam falsi: falsi poena est legitima, perjurii nulla: si quis per Deum pejeraverit, Deum ultorem habet, *l. 2. C. de reb. cred.* Perjurii igitur nulla est poena legibus prodita, nulla accusatio, quamvis sit plusquam falsum, & ratione falsi per se tantum, *ad ult.* non subijcit perjurium crimini stellionatus, sed quod deficiente crimine falsi, cum perjurium sit separatim a falso, quod par sit & aquabile, non minus teneri eum crimine stellion. qui pejeravit pignus suum esse quam qui simulavit. Si ex simulatione contrahitur crimen stellionatus, cur non ex perjurio? Crimen stellionatus maxime est generale, quod complectitur omnes impossituras vacantes nomine proprio, nec scriptas sive comprehensas legibus; & ita omnino res explicanda mihi videtur.

Ad L. LXV. rem Hereditariam, de eviction.

Rem hereditariam pignori obligatam heredes vendiderunt, & evictionis nomine pro partibus hereditariis ponderunt: cum alter pignus pro parte sua liberaisset, rem creditor evicit, quærebatur, an uterque heredum convenire posset, idque placebat, propter indivisam pignoris causam, nec remedium locus esse videbatur, ut per doli exceptionem actiones ei, qui pecuniam creditor dedit, præstarentur, quia non duo rei facti proponerentur, sed falsum erescunda iudicium eo nomine inutile est: nam quid interest, unus ex heredibus in totam liberaverit pignus, an vero pro sua duntaxat portione? cum coheredis negligentia damnosa non debet esse alteri.

Ex hæc est elegans, & quæ ego soleo uti semper, quæ ties agitur de evictione pignorum, quæ dicitur esse individua, propterea quod pignus non potest lui sive repignerari, ita ut non perferret in solidum, ut non sit obligatum totum, nisi & tota pecunia soluta sit, nisi fors tota soluta est: hoc est, quod ait Papin. indivisam esse pignoris causam, & ait indivisam, pro individuum, ut in *l. via, de serv. indivisum* esse usum servitutis, hoc est, individuum: revera hæc sunt diversa: pleraque sunt indivisa, quæ tamen non sunt individua: & ait Papin. indivisam esse pignoris causam, id est, non solvi pignus, nisi soluta omni sorte, soluta parte fortis, non ideo minus pignus manere obligatum in solidum. Finge, te debere mille & solutam esse maximam partem, ita ut debeat unus nummus tantum: pignus pro illo nummo in solidum tenetur. Individua est igitur pignoris causa, individuum pignus: nam & nobis ut quibuscum auctoribus pignoris causa, id est, pignus, dotis causa, id est, dos. Speciem huius legis ponamus. Qui debet certam pecuniam sub pignore rei suæ, vita decessit, relictis duobus heredibus. primo & secundo: hi eandem rem quam defunctus obligaverat vendiderunt, & caverunt emptori evictionis nomine pro hereditariis portionibus non in solidum singuli: ergo non sunt duo rei promittendi: post unus ex coheredibus, puta, primus, pignus liberavit pro sua parte, videlicet soluta sorte pro parte hereditaria: quantum in eo fuit, bene functus est suis partibus & suo munere, quia intulit portionem hereditariam: deinde creditor evicit pignus & abstulit emptori actione Serviana, quæ etiam dicitur hypothecaria: commissa est stipulatio evictione adversus venditores, quæ committitur non tantum, si res evincatur rei vindicatione, sed & si evincatur actione hypothecaria, *l. si mancip. §. ult. hoc tit.* Quæritur an evicta re iure pignoris, ut proponitur, possit uterque heredum conveniri ab emptore ex stipulatione interposita evictionis nomine? Videtur non posse conveniri illum, qui pro parte sua pignus liberavit, solvendo sortem pro parte sua; an igitur evictionis nomine teneatur alter, id est secundus, qui pro sua parte pignus non liberavit? Responde, utrumque teneri pro hereditariis portionibus evictionis nomine: uti cavet, quia singuli in solidum se non obligarunt, nec sunt duo

M 2

rei

rei promittendi. Hoc ut intelligatur, sciendum est, magnam esse differentiam inter obligationem personalem, quæ obligatio principalis dicitur seu fortis, & obligationem hypothecariam. Nam obligatio personalis ipso jure ex 12. tab. dividitur inter coheredes pro hereditariis portionibus. Fateor eum, qui solvit sortem pro sua parte, jam non posse conveniri actione personali; Obligatio autem hypothecaria est individua, non dividitur inter coheredes: nam singuli tenentur in solidum actione hypothecaria si pignus possideant, vel dolo defierint possidere, etiam is, qui solvit pro sua parte: quia solvendo sortem pro sua parte nihil agit: liberavit quidem se penitus ab obligatione personali, liberavit etiam pignus pro sua parte, nullam tamen pignoris partem liberavit, quia pro residua parte fortis, quæ non est soluta, pignus tenetur in solidum, perinde atque si nihil ex sorte solutum esset, l. 1. & 2. C. de lit. pign. non liberatur pignus, nisi tota pecunia solvatur, & quamdiu vel unus nummus supersit, totum pignus obligatum manet, nec potest reperti actione pigneratitia, l. si remi, §. omnis, de pign. act. l. 1. de migrando, l. pen. de except. rei jud. l. aliquando, §. 1. ad Velle. l. grege, §. etiam, de pign. act. Eadem est ratio ejus, quod debetur sub pœna. Ut pignoris, ita & pœnæ causa est individua: veluti si acceperis & promiseris pecuniam ea lege, ut nisi ea die solveris, tot præstares pœnæ nomine: individua est causa pœnæ, quia nisi tota pecunia solvatur dicto die, pœna in solidum committitur, perinde atque si nihil solutum esset, l. 18. §. Celsus, l. hered. l. idem juris, & seq. famil. ercise. Unde ita concludamus, quod ad hanc speciem attinet, quia nulla ex parte primus pignus liberavit, etiam si debitam pecuniam solverit pro sua parte, evicto pignore tenetur emptori ex stipulatione interposita evictionis nomine pro sua parte ut cavit: & non quolibet remedio ei consulitur, cum tamen sit æquum ei consuli, ne pro sua parte præstet evictionem, qui pro sua parte solvit, pro qua tantum tenebatur ipso jure: æquum est enim cum non versari in damno. Videndum quo remedio ei subveniatur: an si conveniatur ab emptore evictionis nomine pro sua parte, an opposita exceptione doli mali poterit desiderare ab emptore, ut sibi cedat actiones adversus coheredem, qui pro sua parte nihil solvit: minime, quia emptor adversus coheredem non habet actionem de evictione in solidum, sed pro sua parte tantum, quia non fuit duo rei promittendi: cessante igitur actionum ei consuli non potest. Verum si hic coheres solidam pecuniam solverit, si pro parte sua tantum, & deinde etiam conventus evictionis nomine pro sua parte præstiterit emptori uti promiserat, tum ne negligentia coheredis, qui pignus non liberavit pro parte, noceat ei, qui liberavit pro parte sua: famul. ercise. iudicio confectetur ut coheres, qui non solvit, ei reddat, quod pro sua parte præstiterit evictionis nomine, atque ita hoc remedio totum onus evictionis conferat in negligentem coheredem, non in eum, qui egit quod suarum partium erat fide bona, proque sua parte pignus liberavit.

Ad L. LXXXI. de Jur. dot. & L. XCIV. de sol.

Pater filie nomine nummos alienos, quos mutuos acceperat, aut in causam crediti receperat, in dotem dedit, consumptis his, dos profectitia efficitur.

L. XCIV. De solut. Si is, cui nummos debitos solvit alienos, nummis integris pergat petere, quod sibi debeatur, nec offerat quod accepit, exceptione doli submovebitur.

§. 1. Si autem communes nummos credam, aut solvam, confestim pro parte mea nascetur & actio & liberatio, si in singulis nummis communionem pro indiviso, quis esse intelligat, si in pecunia, non corpora cogitet, sed quantitatem.

§. 2. Sed & si fidejussor alienos nummos in causam fidejussionis dedit, consumptis his mandati agere potest, & ideo si eam pecuniam solvat, quam subripuerat, mandati agat, postquam furti, vel ex causa conditionis præstiterit.

A Sequitur ut exponamus l. pater, de ju. dot. ad quam etiam pertinet l. 94. de solut. quæ est ex eodem libro Papin. atque etiam id quod ex eodem lib. Papin. Ulp. refert duobus locis, l. 13. §. 1. & §. ult. de reb. cred. Hæc l. pater filie, & d. l. 94. usque ad §. Flavius, & quæ referuntur ab Ulpi. d. l. 13. pertinent ad eandem quæst. ac simul sunt explicanda. Sciendum est sæpe consumptione mutuum fieri, quod ab initio ex numeratione ipsa non fuerat mutuum: Nam si credidero tibi nummos meos, est mutuum, si alienos, non est mutuum, quamdiu extant quia eos non feci tuos, non est mutuum nisi fiat de meo tuo. Quid est mutuum? Alienatio pecuniæ, quæ fit sub lege quandoque reddendæ ejusdem pecuniæ. Sigitur tibi credidero alienos nummos, & extent apud te, non est mutuum, sed si consumantur bona fide, fit mutuum, & datur conditio ex consumptione, quæ non fuit ex numeratione, datur conditio de bene depensis, ut veteres loquebantur, non conditio de reb. creditis. Et hoc est quod ex hoc lib. Papiniani Ulpian. refert in d. l. 13. §. 1. si alienos nummos tibi mutuo dederis, te non teneri mihi conditione si cert. per. nisi eos consumpseris, & si eos consumpseris per partes etiam me eos tibi conditurum, si cognovero eos esse alienos. Eodemque modo si creditori meo solvero nummos meos, mihi contingit liberatio; si alienos, non liberor: non est solutio, nisi pecunia mea fiat tua. Quid est solutio? alienatio tantæ pecuniæ quantum debebatur: si igitur alienos solvero, non liberor, nisi ex consumptione demum, hoc est, si bona fide consumpti fuerint: Consumptis nummis ego liberor, non extantibus vel integris, l. non omnis, §.

ult. de reb. cred. l. quod si forte, §. ult. & l. Cassius, de solut. consumptio mihi conciliat liberationem, quam non conciliat numeratio. Idemque sequitur in dote profectitia. Dos profectitia est, quam pater dat pro filia: cuius proprium hoc est, ut mortua in matrimonio filia redeat ad patrem: dos enim adventitia morte mulieris soluto matrimonio remanet apud virum: & est dos profectitia, si pater nomine filiæ dedit nummos suos in dotem: erant plerumque dotes nummarie: & dos etiam est alienationis species: non est dos, nisi dotis dominus fiat maritus. Si igitur alienos nummos pater dedit in dotem, veluti quos mutuos acceperat, vel quos solutos receperat, a non domino, dos non erit profectitia, quia ea pecunia non est patris, antequam scilicet a marito bona fide consumpta sit: consumptis nummis a marito dos efficitur profectitia, quia retro facti videntur patris mutui datione, cum condici ei possint conditione de bene depensis, vel solutione, cum a patre debitor liberetur post consumptionem pecuniæ alienæ in solutum datæ: non consumpti pater nummos, quos alienos sumperat, dando eos in dotem, sicut nec si eos alii dedisset in creditum, vel in solutum, d. l. non omnis, §. ult. sed eos consumpsit maritus, ignorans esse alienos, disperdendo bona fide, ita ut non appareant, vel immiscendo suis, ita ut discerni non possint, jure consumpti intelliguntur, quia vindicari non possunt, cum non sit facilis eorum discretio, l. 78. de solut. Et generaliter consumpti dicuntur nummi in hac quæstione, quorum nomine nulla actio domino competit, & hoc ita si consumpti sint bona fide: nam si mala fide, superest domino actio ad exhib. perinde atque si extarent nummi, l. 11. §. ult. & l. 12. de reb. cred. mala fide consumpti habentur pro extantibus, ut qui mala fide desit possidere videtur possidere. Hi igitur tantum consumpti intelliguntur, qui bona fide consumpti sunt, quia eorum nomine nulla actio superest domino, & eo fit, ut consumptio bona fide facta, & ut loquuntur veteres bene depensa, Græci κατὰ δυνάμιν, conciliet mutuum, quod initio non fuit mutuum: nam domino nummorum aufert omnem actionem. Ac similiter, ut ostenditur in l. 94. §. 1. de solut. exempli causa, si fidejussor solverit creditori suos nummos, liberatur fidejussor, liberatur reus; si solverit alienos, neuter liberatur, & ideo non habet fidejussor actionem mandati adversus reum, ut recipiat nummos, quos pro eo solvit, quia etiam non libe-

ravit

ravit solvendo alienos, sed si consumantur bona fide, liberatur reus per consumptionem nummorum, imo liberatur uterque, & recte agit fideiussor mandati, ac si de suo solvisset, sed finge: Fideiussor eos nummos furto surripuerat, atque ita solverat ei, apud quem intervenerat, & mox donventus actione furti a domino, vel conditione furtiva præstitit tantandem pecuniam, & duplum actione furti, atque ita domino jam eorum nummorum nomine nulla competit vindictio, etiam si exent, quoniam ei, cui subrepti sunt, satisfactum est: videbuntur tamen esse consumpti, quod domino eorum nummorum nomine jam nulla sufficiat actio: consumpti igitur dicuntur, qui sunt domino consumpti, qui domino perierunt, quorum repetitio domino non est: Ante consumptionem igitur dos non fuit ex re patris, atque ita nec profectitia in specie legis nostræ. Obijciunt Græci *l. jure, §. 1. h. r.* quæ ait, dotem esse profectitiam, si pater alienum fundum bona fide emptum in dotem dederit, quamvis sc. is fundus non sit peremptus, nec ejus fundi perfectio domino perierit. Verum ita respondemus: alia est ratio fundi, alia pecuniæ, & alia ratio venditionis, alia mutui, vel solutionis: alienæ rei venditio valet, alienæ pecuniæ mutuum vel solutio non valet: & consequenter qui fundum alienum emit, tenetur ex vendito, ut pretium solvat: qui alienam pecuniam solvit non liberat a se debitorem: a postremo, fundus bona fide emptus, videtur ex re emptoris esse, quia ei pretium abest, vel abfuturum est, cum teneatur ex vendito: & habet etiam ipse actionem ex empto, si res evincatur, & utitur gener acceptione temporis ex persona socii ad usufructum ejus rei: pecunia autem aliena bona fide accepta vel recepta, non videtur esse ex re ejus, qui eam pecuniam accepit vel recepit, cum ne teneatur ex numeratione, nec debitorem recipiendo a se liberavit nummis integris. Et hinc liquet ratio differentie Papin. qui nummis consumptis opponit integros: nummi integri sunt, qui nondum consumpti sunt, hoc est, quorum actio domino non perit, & idem ait in *l. 94.* cuius sententiam modo exponemus. Finge: Solvisti creditori nummos alienos, non liberaris integris nummis, id est, nondum consumptis; consumptis liberaris. Sed finge, esse integros nummos, quia nummi sunt integri, quos solvisti, quique alieni sunt, non liberaris: ergo possum a te petere eandem pecuniam, & tecum agere de pecunia credita, sed tu me repelles exceptione doli mali nisi offeram nummos illos alienos, quos accepi, oblati illis nummis, quos admonitus sum esse alienos; recte a te petam pecuniam debitam, cum non sis liberatus, nec me repelles exceptione doli mali, & ita etiam, cum mihi deberes aurum, tu mihi solveris res Corinthium, quod habet speciem auri, non liberaberis, quia non solvisti quod debes, sed aliud: petam igitur ate aurum, sed nisi offeram res, quod dedisti, repelles me exceptione doli mali, *l. si cum aurum, h. tit.* Ac similiter, si solvisti mihi reprobos nummos, non liberaris, quia debuisti probos, non reprobos. Itaque est mihi adversus te integra actio, & etiam, si modo referam tibi reprobos, quos mihi dedisti; alioqui repellat exceptione doli mali, *l. eleganter, §. qui reprobos, de fig. act.* nummi reprobi a creditore sunt reddendi, non retinendi: nam usui esse possunt debitori in aliam rem: possunt collibisse vendi pretio aliquo. Secundum ea omnia, quæ diximus, subiicit Papin. in hac *l. 94.* si solvisti mihi nummos, quos habebas communes cum alio ex partibus æquis, consequens est superioribus, ut pro parte tibi contingat liberatio, quam habuisti in eis nummis, non pro parte altera, nisi omnis pecunia consumatur bona fide. Ac similiter si credidisti mihi nummos communes cum alio, pro parte tantum conficit mutuum, pro altera non conficit, nisi post ex consumptione demum totius pecuniæ: integris nummis pro parte tantum conficit mutuum: pro parte igitur tantum competit conditio creditæ pecuniæ. Sed quomodo partem accipiemus in hoc proposito? nam ambiguum est nomen partis; vel enim est pars summæ, vel

A pars corporum. Finge, centum sunt inter me & te communes nummi, & tu eos credis Titio me inficio vel invito, tu condices Titio partem tantum: utrum vero partem summæ, id est, 50. an partem dimidiam singulorum nummorum? Et verius est, esse conditionem 50. nummorum, non etiam singulorum corporum, quamvis singula corpora nummorum fuerint communia: pro indiviso: nam verius est semper in pecunia spectari non corpora, sed quantitatem, id est, numerum & potestatem nummorum, valere pecuniam non corpore, non substantia, sed quantitate, *l. 1. §. non solum, ad l. Falc. l. r. de contrab. empt. l. 29. infr. h. r.* Communio, quæ in eis nummis est inter me & te, vel est communis singulorum corporum, vel summæ. Verum nihil refert utro modo communionem acceperis: nam five sint communes nummi B pro indiviso, hoc est singula corpora nummorum, five pro diviso 50. tui, & 50. mei, semper divisio fiet, non corpore, sed quantitate, id est, numero: atque ita ex causa mutui tui condices 50. non singulorum corporum partem dimidiam, & in hanc rem citatur ex hoc lib. id est, ex hac *l. 94.* Papinianus ab Ulp. in *l. 13. §. ult. de reb. cred.* & congruit etiam omnino, citatur & ex hoc libro, id est, ex *l. si pæna, §. si falso, de condit. indeb. quod postremo in hac l. addit Papin. de fideiussore, qui solvit ex causa fideiussionis nummos alienos, ut eis consumptis demum agat mandati adversus reum principalem, est etiam consequens superioribus, & supra explicatum a me. Cessavit heic Cujacius circa Id. Quintil. anni 1571. Repetiit 13. die Nov.*

C Ad §. Flavius L. XCIV. de Solut.

Flavius Januarius Papinianus salutem. Cum Titius Gæjo Sejo deberet ex causa fideicommissi certam quantitatem, Et tantundem eidem ex alia causa, quæ peti quidem non poterat, ex solutione autem petitionem non præstat. Titii servus actor absente domino solvit eam summam, quæ efficeret ad quantitatem unius debiti, cautumque est ei, si solutus ex universo credito. Quæro id quod solutum est, in quam causam acceptum videtur? Respondi, si quidem Titio Sejus ita cavisset, ut sibi solutum ex universo credito significaret, crediti appellatio solam fideicommissi pecuniam demonstrare videtur: non eam, quæ petitionem quidem non habet, solutione autem facta repeti pecunia non potest. Cum vero servus Titii actor absente domino pecuniam solverit, ne dominum quidem nummorum in eam speciem obligationis, quæ habuit auxilium exceptionis, translatum foret, si ex ea causa solutio facta proponeretur, quia non est verisimile, dominum ad eam speciem solvendis, pecuniis servum præposuisse, quæ sibi non debuerunt, non magis quam ut nummos peculiares ex causa fideiussoris quam servus non ex utilitate peculii suscepit, solveret.

Q uæstio hujus §. est de eo, qui debet creditori suo ex pluribus causis, veluti ex causa legati, stipulationis, crediti, & qui solvit, non quodcumque debet ex omnibus causis, sed certam pecuniam indistincte, non exprimens, in quam causam solveret, qui ut veteres Juriconsul. definiunt, intelligitur solvisse in duriorem & graviores causam, *l. 1. 2. 3. 4. 5. 6. 7. l. cum ex plurib. h. tit.* videtur, inquam, solvisse in eam causam, quæ eum prægavat magis. Prægavat autem magis causa ejus pecuniæ, quæ debetur sub infamie periculo, & ejus, quæ debetur sub poena, vel sub usuris, vel sub pignoribus, vel sub fideiussoribus: nemo enim est, qui non se his causis quamprimum solvi & exonerari cupiat. Durius etiam quodammodo est, quod debetur proprio nomine, id est, principali, quam sit id quod debemus nomine fideiussorio. Et inter has causas servatur ordo aliquis. Nam prima & omnium gravissima causa est ejus pecuniæ, quæ sub infamia debetur, id est, quam sequitur infamia, si quis vel eam pecuniam quam debet inficietur, vel detrectet solvere, *d. l. cum ex pluribus: & apertissime l. 7. h. tit.* quæ indiget explanatione nostra, ut intelligatur ex eo quod proponit *d. l. 7.* cur inferat duo, id est, quæ sit ratio

tio consequentiae? Propositio est apertissima: si quid debeat ex causa famosa, & non famosa: quod solvitur indistincte: in eam causam solum videtur quod debeat ex causa famosa: hoc enim praegravat, & praeponderat magis. Inferit ex eo: *proinde, &c.* quae est nota illationis. Si debeat ex causa iudicati, & non iudicati, in id puto solum quod ex causa iudicati debeat. Inde colligitur, ut puto, actionem iudicati esse famosam, quae inaudita sententia est. Verissime tamen actio iudicati est executio condemnationis, quae fit in bonis iudicati positus sub hasta praconis & distractis, quae distractio importat, & asserit infamiam, suffundit pudorem & sanguinem iudicato, §. 1. *Institut. de hered. qual. & differ. l. 1. ex quib. caus. l. paterfamil. de reb. auct. iud. poss. l. curator, l. cuius, de iur. fur.* Legibus 12. tab. licebat effundere sanguinem iudicati, secare in partes, si plures essent creditores: hodie licet tantum suffundere non effundere: & haec bonorum proscriptio tantum, quae successit capitali poenae, siue sectioni, retinet nomen antiquum, & appellatur sectio, & comparatur morti passim in iure, *l. actione, §. 1. pro soc. & ita Tertull. in Apolog. iudicati*, inquit, *in partes secari leges erant, &c.* Et paulo post: *in pudoris poenam suffundere malis hominis sanguinem.* Hieronym. *in epist. ad Iovinianum, non idem est suffundere & effundere.* Hodie suffunditur tantum sanguis & pudor, & inde fit ut dixerim, actionem iudicati esse famosam, quia importat infamiam, nisi quis pareat iudicato in tempore. Inferit rursus *d. l. 7.* Ergo si ex ea causa debeat, quae ex infestatione crescit, potior ea causa videbitur: & auctor his verbis: *Ergo*, inquit, &c. quia scilicet actio iudicati etiam infestatione crescit in duplum, ut est in sentent. Pauli, ut actio legis Aquiliae, quae poena est legitima, & causa eius pecuniae quae sub poena debetur, siue sit legitima, siue conventionalis, siue usura, quae vice poenae est, & e contra poena vice usurae: huic pecuniae secundum gradus datur: primus datur pecuniae debitor sub infamia: secundus pecuniae, quae debetur sub poena, vel sub usuris, *d. l. cum ex pluribus*. Quod si omnes causae sint pares, nec praegravet magis una, quam altera, solum videtur in antiquiorem causam, *l. 5. & 24. hoc tit.* Si nulla sit antiquior, ex omnibus pro rata solum videtur, *l. 8. hoc tit.* Ad haec notandum, id quod solvitur in usuris potius imputari, quam in sortem, ut proditum est in *l. 1. ead. tit. de solut.* Dura est causa pecuniae debitor sub usuris, longe durior usurarum debitorum, durior causa poenae debitor. Quare existimo & in poenam, quae jam commissa est, quod solvitur imputari potius, quam in sortem, & sortis suo ordine potius esse causam, si nec usura, nec poena debeat. Notandum etiam ad haec, si fors debeat alieno nomine, non suo, ut puta si debeat a fideiussore, vel ab alio, qui accessionis loco intervenierit, & alia quoque pecunia ab eodem eadem debeat proprio & principali nomine, videri eum solvisse in principalem causam potius, quam in fideiussoriam, *d. l. 1. hoc tit.* Notandum etiam forti non aliter accepto ferri id, quod solvitur, quam si sit certa, liquida, confessa pecunia, si confessum res, non controversum sit, si sit praesens, quod praesenti die debeat, non in diem, vel sub conditione, quod etiam ostendit *d. l. 1. sed cavendi codices mendosi*, in quib. legitur: Creditorem, cui solvitur solutus esset, si deberet, quod est clarum. Sed hoc demonstrat exemplis, ut vulgo scriptum invenitur, hoc modo: *id est in id debitum quod non est in controversia*: ac si diceret: in id debitum solum videri quod est controversum. Sic habent plerique codices, sed Basilica melius, *aut eis a quo solvitur, &c.* & veriores codices, non in id debitum quod est in controversia: id est non videri solvisse in controversum debitum: vulgata scriptura demonstrat, non videri solum quod est liquidum: sed est manifesta traditio, ut consequenter subjiciat: *aut in illud, &c.* Possremo notandum quod pertinet ad hunc §. solum pecuniam civili debito acceptam ferri potius

A quam naturali: naturalem causam usitatum locum obtinere quasi leviores, & quasi nullam, cum ex causa civili sit petitio, ex naturali non item: ut dicimus ex naturali obligatione, non esse petitionem, si solum non sit, nec repetitionem, si solum sit. Itaque non est proprie obligatio, quae tantum sustinetur aequitate naturali, non etiam iure civili, est enim obligatio necessitas iuris, *l. in vendendis, de contra. empti.* adstringit necessitate obligatio tanquam carcer & vincula: proinde nec debitor proprie est qui debet, nec creditor, cui debetur tantum naturaliter. Et h. e. quod haec ait Papinian. credendi verbo non demonstrari eam pecuniam, quae petitionem non habet, quamvis si solvatur non repetatur, quod naturalis obligatio inhibeat conditionem indebiti, quae comparata est ex aequo & bono, ut exempla demus naturalis B obligationis: est naturalis obligatio ex pacto nudo, non est, quod de eo quis ambigat, *l. 5. §. 6. in his, h. tit.* Est naturalis obligatio inter patrem & filium, si quid inter se gerant: est inter dominum & servum: imo & inter extraneum & servum quemlibet, & inter fratres qui sunt in eadem familia, *l. frater, de cond. indeb.* Pupillus quoque ex contractibus naturaliter obligatur sine tutoris auctoritate, si locupletior factus sit. Libertus etiam patrono debet operas naturaliter. Quare autem plerique libertum post manumissionem non male *dominus* nominari, quia naturali iure fit *dominus*, qui edat patrono operas invitus, etiam si nihil de his convenerit. Ac rursus naturalis obligatio est, non tantum si nulla prorsus sit civilis, sed tantum naturalis, sed etiam si sit civilis inefficax, id est, ut eleganter Papin. ait, *quae habet auxilium exceptionis*, est ea inefficax, quod non est absolute verum, sed indiget sustinamine: neque enim id est accipiendum de qualibet exceptione, sed statuendum hoc modo: naturalis obligatio est, etiam si sit civilis, modo ea sit inefficax, h. e. si habeat auxilium exceptionis, ejus scilicet quae non elidit naturalem obligationem, ut Senatusconsult. Macedoniani, aut rei iudicate: nam haec exceptiones perimunt civilem, non naturalem, *l. quia naturalis, ad Maced. l. Julianus, de cond. ind.* nam aliae exceptiones sunt quae tollunt etiam naturalem obligationem, quae tollunt omnem obligationem, ut pacti nudi, doli mali, jurisjurandi, Senatusconsult. Vell. *l. qui exceptionem, de cond. indeb.* Non omittam illud alio modo, & insultato plane dici naturalem obligationem posse, quae etiam est civilis & efficax, quae parit actionem, quae civilis est & naturalis, de qua non agimus hoc loco. Verum ita varie accipi naturalem obligationem demonstrat *l. naturales, de obl. & act. l. si de iussor, §. fid. de fideiuss.* naturales obligationes, inquit, non eo solo aestimantur, si aliqua actio earum nomine competat: ergo ex eo aestimantur, si pariant actionem, videlicet quae iure civili sustinetur. Sequitur alia clausula: *verum etiam*, inquit, *naturalis obligatio eo aestimatur, si soluta pecunia earum nomine, quasi indebita condici non possit*: quae juris civilis vinculo non sustinentur, nec pariunt actionem, sed hunc effectum habent, ut soluta pecunia, quasi indebita condici non possit. Et generaliter naturalem obligationem eo aestimamus, & dicimus in eam non imputari quod solvitur indistincte, si tantumdem debeat ex civili obligatione: quae est sententia huius §. cui conveniunt, etiam si certo constet, quod solvitur indistincte E in usuris imputari debitas ex stipulatu, quarum petitio est, atque in usuris ex pacto, id est naturaliter tantum debitas, quarum petitio non est, pignoris tamen est retentio, pignore posito etiam usurarum poenae, *l. 4. C. de usur. l. Paulus 2. h. t.* Non imputatur tamen id, quod solvitur in usuris, quarum nomine neque petitio est, neque pignoris retentio, puta chirographarias, *l. 5. §. pen. hoc tit.* sed in sortem statim imputatur. His cognitis ponamus speciem huius §. Titius Sejo debet centum ex civili obligatione, puta ex causa legati, vel fideiussionis, & totidem ex naturali obligatione, puta pacto nudo: servus actor Titii debitoris, solvit eam summam, quae efficit quantitatem unius debiti, puta 100. tantum, cum ex singulis deberentur 100. & solvit ignorante & absente domi-

domino, quod potuit facere: nam magna est potestas, & libertas actoris servi, est columen totius familiæ, habet enim liberam administrationem omnium rerum domini: potuit igitur solvere ignorante domino; nam & id ei permisisse intelligitur permissio actus rerum suarum libero. Sejus igitur fecit apocham servo actori, & cavet ex universo debito se accepisse 100. non dixit in quam causam naturalem vel civilem, sed ex universo credito, quod alibi dicunt Juriscons. ex majore summa, l. creditor, §. Valerius, h. de deductione de plus grande somme de ce que je vous dois: quæstio est in quam causam solvissse intelligatur? Et ait Juriscons. si vero domino solventis indistincte, si vero servo actori ita caverit creditor, videri solum in causam civilis obligationis: nam crediti verbum non pertinet ad naturalem obligationem, non est creditum, licet abusive quandoque creditum dicatur. Deinde ad hoc adjicit veluti excessum quendam Papin. quia poterat adhuc dubitari, an servus actor qui habet totam administrationem omnium rerum possit specialiter & proprio titulo solvere in causam naturalis obligationis: quod statim rejicit Pap. & ait, non recte solvissse servum in causam naturalis obligationis: quia solvere non debuit, non fuit adstrictus necessitate ad solvendum, & permisisse dominus videtur, ut id tantum solveret, quod debuit. Itaque ait, *solutio non transfert dominium in accipientem*; quod confirmat a simili. Finge: servus non habens liberam administrationem bonorum domini, sed habens liberam administrationem peculii, se obligaverat ex causa fidejussionis, quasi ea res conferret ad utilitatem peculii sui, expediret peculio, eam suscipere causam fidejussionis; neque tamen erat ex utilitate peculii fidejubere pro alio, solvit tamen ex ea causa nummos peculiares: non fecit accipientis, quia non fuit efficax obligatio; si solverit igitur, nihil agit. Idem dicendum de procuratore. Finge, procuratore creasse omnium bonorum, an recte solvit in causam naturalis obligationis? Minime, quia etsi liberam nactus sit administrationem, non videtur tamen dominus permisisse ei solvere quod non debet & quod etiam, ut arbitror, recte trahitur ad executores testamenti, ut sint diligentes & attenti, ut nihil solvant nisi cum effectu debeat, aliquo suo detrimento solverint. Alia est quæstio in l. co. de sepulch. viol. quæ explicabitur crastina die. Diximus heri liberum patrono obligari naturaliter ad præstandas operas, etiam si de eo nihil convenit inter liberum & patronum. At dixi invitum, quod emendandum est; nam liberus invitus non præstat operas patrono, nisi de eo convenit stipulatione, vel jurejurando, quandoquidem cum nihil de iis convenit, liberus eas debet patrosolvo naturaliter, l. si non sortem, §. libertus, de condict. indeb. Et ex naturali vinculo non est actio, non est compulso, aut coactio ulla. Dixeram cursum invitum. Verba autem §. Flavius hæc sunt: *Flavius Januarius Papinianus salutem, &c.* Fideicommissa fuisse inter vinculo juris civilis vel prætorii, quod tantum potest, quantum jus civile ad constituendam obligationem ex causa fideicommissi. Ex causa igitur civilis obligationis, & tantumdem ex alia causa, quæ petitionem non præstat, id est causa naturalis obligationis, ex qua non est petitio, sed neque soluti repetitio, non est petitio, neque repetitio. Hæc est certissima nota naturalis obligationis. Cum ex iis causis deberet Titius, Titii servus actor pecuniam solvit absente domino, cautumque est ei, per apocham scilicet (siquidem Titio Sejus) est adnotandum Titio cautum videri, cum cautum est Titii servo actori: professio solutæ pecuniæ, id est, apocha, quæ servo actori datur, data videtur domino servi actoris. Itaque nihil refert dixeris. Rursus, inquit, cum Titius Sejo deberet certam quantitatem ex causa naturalis obligationis, ex qua non est petitio, sed neque soluti repetitio (hæc est certissima nota naturalis obligationis) cum ex his causis deberet Titius: Titii servus actor pecuniam solvit absente domino, cautumque est ei solum ex universo credito: quæritur id, quod solum est, in quam cau-

A sam solum videatur? Resp. siquidem Titio, hoc est, domino ita Sejus cavisset, Titio cautum videtur, & cautum est Titii servo actori professione solutæ pecuniæ, *apochæ*, nihil refert, dixeris Titio, an Titii actori cavisse creditorem sibi solum pecuniam ex universo credito. Itaque ait Papin. *si quidem Titio Sejus ita cavisset*, crediti obligatio solum obligationem demonstrare videtur, hoc est, obligationem civilem, non naturalem: deinde adjicit, servum actorem, nec nominatim quidem posse solvere pecuniam in causam naturalis obligationis: servus actor præponitur omnibus negotiis domini: ergo & solvendis pecuniis, & expendendis, sed non solvendis pecuniis, jure civili indebitis, quas nemo cogitur solvere invitus, non profundendo patrimonio domini; ut etiam servo ordinario cui conceditur libera peculii administratio, non B hoc concessum intelligitur ut solvat quod invitus solvere non cogitur, ut puta, si per causam peculii se obligaverit, quæ fuit tamen inutilis peculio, aut detrimento. Hoc est quod sequitur, *Cum vero servus, &c. obligationis civilis scilicet exceptionis*, addendum, veluti Macedonianj, aut rei judicatæ, id est, quæ potuit evitari postea exceptione, quæ redditur inefficax per exceptionem, salva tamen manente naturali obligatione integra atque utili: *si ex ea causa*: intelligendum nominatim.

Ad L. quæstum. de Sepul. viol.

Quæstum est, an ad heredem necessarium, cum se bonis non miscuisset, actio sepulchri violati pertineret: dixi recte cum ea actione experiri, quæ in bonum & æquum concepta est. Nec tamen, si egerit, hereditarius creditor simabit: cum etsi per hereditatem obtingit hæc actio, nihil tamen ex defuncti capiat voluntate, neque id capiat, quod rei persecutione, sed in sola vindicta sit constitutum.

SEquitur lex de necessariis heredibus. Necessarii heredes sunt, qui invitati heredes sunt & ignorantes, statim atque delata est hereditas, & statim ipso jure, ut in l. in suis, de suis & legiti. & protinus, ut in §. 1. Inst. de hered. qual. id est, etiam clausis tabulis: necessarii heredes sunt, qui invitati & ignorantes heredes existunt, statim ipso jure, statim, id est, etiam non apertis tabulis testamenti, l. 3. C. de jur. delib. etiam non adita hereditate a coherede extraneo, l. ex parte, de acq. hered. Et heredes existunt ipso jure, non per additionem, non per cretionem, non per gestionem pro herede, quia etiam si necessarij heredes sint instituti cum cretione, id est, ea lege, ut cernant hereditatem, si veadeant intra 100. dies: ut erat in formula cretionis, tamen neque adeunt hereditatem, neque cernunt, neque pro herede gerunt, quia ipso jure heredes existunt, miscent se quasi rei suæ, cuius & invitati & ignorantes protinus domini facti sunt. Nusquam adire, vel cernere, vel pro herede gerere dicitur de necessariis heredibus. Horum sunt duo genera. Alii sunt servi heredes instituti a domino: hi sunt necessarij jure civili, & prætorio, quia abstinendi proximum gradum obtinent delatæ hereditatis tempore ab intestato, vel ex testamento, qui & sui heredes appellantur: superiores non appellantur sui: sed hi appellantur sui & necessarij E heredes: Hi sunt necessarij jure civili: Jure prætorio abstinendi se hereditate facultatem habent puberes, si se bonis non immiscuerint, impuberes etsi se immiscuerint, l. impuberibus, l. in necessariis, de acq. hered. Abstinio liberat eos oneribus hereditariis, non etiam efficit, ut desinant esse heredes: nam prætor, neque dare potest nomen heredis, neque adimere. Prætor heredem non facit, neque exheredem. Prætorium igitur beneficium abstinentionis non facit, ut necessarius heres desinat esse heres, sed ut ne obstringatur oneribus hereditariis, breviter, ut habeat nudum nomen heredis sine re. Sui, ut dixi, & necessarij heredes abstinendi se bonis potestatem habent, puberes si se non immiscuerint: nam immisione consumitur abstinendi facultas. Impuberibus autem

autem conceditur abstinenti facultas; etiam si se immiscuerint bonis hereditariis. Quid est immiscere vel miscere? est rebus hereditariis tanquam dominus uti vel abuti: quod in extraneis sive voluntariis est pro herede gerere, id in necessariis est immiscere, *l. si quis, §. plerique, de religio.* Si necessarii, inquit, non immiscuerint se, & ceteri pro herede gesserint. Extranei in jure nunquam dicuntur se pro herede gerere, aut adire, aut cernere hereditatem. Immiscere est, quasi res suas attritare & attingere: cernere, adire, pro herede se gerere, est acquirere hereditatem. Immiscere est jam adquisitam attritare: Adeo tanquam non dominus, vel cerno, vel pro herede gero, immisceo tanquam dominus. Ad hac quaritur, si servus & necessarius heres nondum se immiscuerit bonis, si integra ei sit abstinenti facultas, violato sepulchro hereditario, dejecto vel fracto, an possit agere sepulchri violati: heres extitit ipso jure, an igitur potest agere de sepulchro violato? & Papinianus ait, ei permittitur actionem sepulchri violati, etsi nondum se immiscuerit hereditati, videlicet ex primo capite hujus edicti de sepulchro violato. Et suae sententiae hanc videtur adducere rationem, quod hæc actio sit concepta in bonum & æquum: conceptam esse in bonum & æquum apparet ex edicto, quo sepulchri violati, ei ad quem res pertinet, id est cui jus sepulchri competit, cuius interest, datur actio in factum, non in certam quantitatem pecunie, sed in quantum iudici bonum & æquum esse videbitur. Ergo hæc actio ita concluditur, quanti tibi iudici æquum videbitur, tanti condemna eum iudex: æquum est autem hanc actionem dari filio, vel nepoti, necessario heredi & suo, qui etiam si abstineat se hereditate, retinet jus sepulchri, & potest in sepulchrum hereditarium vel familiare mortuum inferre, *l. 6. de rel.* Concipitur hæc actio in bonum & æquum, ergo datur cui libet, cui æquum fit eam dari: denique cui libet habenti jus sepulchri, etiam si sepulchrum sit hereditarium, & is heres scriptus, nec tamen hereditatem agnovit. Et eadem forma actio de dote dicitur concepta in bonum & æquum, *l. eas, de cap. minut.* quia scilicet per eam actionem ex veteri formula petitur, quanto æquius melius, concipitur manifesto in bonum & æquum: & eodem modo actio iniuriarum dicitur oriri, vel esse ex bono & æquo, vel quod idem est, concipi in bonum & æquum, quod in id detur, quod ob eam rem iudici æquum esse videbitur: actio iniuriarum prætoriam quæ non datur in certam quantitatem, vel certam pecuniam, sed in eam rem quam præstare iudici æquum & bonum videbitur, *§. pen. Inst. de injur. l. non solum, §. 1. eod.* Sic actio de dejectis & effusis, si quis ex suo conaculo deiecerit, vel effuderit, quo libero homini nocitum sit, *l. 1. §. 1. 8. hac autem, de his qui deiec.* & eff. Possit quis tentare has omnes actiones esse bonæ fidei, quod concipiuntur in bonum & æquum, nihilque sit aliud bona fides, quam bonum & æquum, jus piæque, nec tamen comprehenditur in enumeratione actionum bonæ fidei, quam existimant omnes perfectam; & vero ita est: nulla in toto jure est perfectior enumeratio illa, quæ est de bonæ fidei actionibus, *§. actionum, Inst. de act.* Igitur non omnes actiones, quæ concipiuntur in bonum & æquum, propterea sunt bonæ fidei, nam & conditiones omnes, veluti indebiti, ob rem dati sine causa, &c. dicuntur esse ex bono & æquo, & sunt; nec tamen sunt bonæ fidei, & quod plus est, actio præscriptæ precario, dicitur ex bona fide oriri, *l. 2. de pres.* nec tamen est bonæ fidei. Pleraque actiones strictæ oriuntur ex bono & æquo, & in id concipiuntur & non tantum ex verbis edicti, quo proponuntur, sed & verbis actionis, quæ ab actore intenditur: sed bonæ fidei tantum sunt eæ, in quarum formula fit mentio bonæ fidei, Quod te mihi ex bona fide dare facere oportet: quod quidem nomen, aut aliud simile, manat latissime. Qua de causa dicitur latissimam esse formulam actionum bonæ fidei: bonam fidem dicimus, & loquimur de hac inquit dolo malo, quæ adversatur dolo malo, atque etiam stricto &

A directo juri, moderationem, humanitatem, benignitatem, de ipso jure decessionem, deminutionem: etiam si actio concepta sit in id, quod iudici æquum videbitur, nihil tamen potest iudex de æquo abraderet, quod tamen potest in bonæ fidei iudiciis, in quibus facit totum arbitrium iudicis: formula strictæ actionis est angustissima. Rursus ad hæc quaritur Papin. an idem heres, dum se immiscuerit, agendo sepulchri violati, ut prædixit proposuitque recte ei competere actionem sepulchri violati, videatur se miscere bonis. Et Papin. ait, eum non videri propterea se immiscere bonis parentis, licet sepulchrum sit hereditarium, optima ratione, quia beneficio istius actionis nihil caput ex bonis paternis, ex hereditate nihil attingit, vel consequitur, quod sit hereditarium. Hæc enim actio non persequitur rem, quæ hereditati ab sit, sed tantum vindictam, ultionem, dolorem læsæ vel immixtæ, aut violatæ religionis, *l. pro herede, §. pen. de eccl. her. l. 6. hoc sit.* Competit quidem hæc actio per hereditatem, quod sit hereditarium sepulchrum, *σποδίου νόμις κληρονομία, occasione hereditatis.* recte, fateor, sed nil ex hereditate auferit, nil adipiscitur, nil caput ex bonis defuncti, nec hereditaria est actio, & citra hereditatem competit necessario heredi, id est, etiam si se abstineat, citra rem, competit habenti nudum nomen heredis, *d. l. 6. de relig.* Differentiam fecerit inter ex & per. Immiscet se qui ex hereditate capit aliquid: non immiscet se qui per hereditatem capit aliquid: & ita in l. eo tempore in fin. de pec. quoniam, inquam, magis propter rem meam, quam ex re mea, pecunia mihi daretur. Ad id quod ait Papin. hanc actionem esse conceptam in bonum & æquum, notandum est, concipi & inferri hanc actionem non in bonum & æquum, sed in certam pecuniam: quod refero, ut intelligatur, *l. 9. quæ præcedit.* Actio quoque pecuniaria datur, quoque ac si diceret, de sepulchro violato non tantum datur actio in bonum & æquum, sed etiam in pecuniam certam, puta, cui libet de populo. Est enim popularis actio, etiam si actoris nihil inter sit, scilicet in aureos 100. aut 200. secundum definitionem *l. 3. hoc sit.* Adiciam & illud, ut tollam quedam menda, quæ sunt in hoc sit. Ita demum hanc actionem in eum dari, qui sepulchrum violavit, si dolo malo violaverit, dolo coercetur, non res ipsa: nam si dolo ab sit, ut si impubes doli incapax deiecerit sepulchrum nesciens, cessat actio, quod proponitur in l. 3. §. 1. hoc sit. Sed locus est corruptus, vulgo sic legitur: Si dolo ab sit, cessabit poena. Flor. sic legitur, si igitur dolo ab sit, cessabit ejusdem personæ. Vitium est ab interpunctionibus: nam vox illa persona, est conjungenda cum sequenti, & ita omnino legendum: Si igitur dolo ab sit, cessabit ejusdem edicti, scilicet poena, jus, iudiciumque. Sequitur alia clausula: Poenæ igitur doli non capaces, ut impubes. Est & aliud mendum in l. 5. Qui fundos vendunt, in quibus sunt sepulchra, non vendunt etiam sepulchra, neque vero possunt vendere: nam rei religiose non est commercium: modica quidem loca, quamvis sint religiosa, fateor accedere venditioni totius prædii, *l. in modicis, de con. empt.* modicus locus, quamvis religione affectus sit, sequitur emptorem; sed locus non modicus, nec contemptibilis, qui religiosus est, non sequitur emptorem. Sepulchrum manet in dominio venditoris: quæ nec ei jus est adeundi sepulchrum invito emptore, idque solet excipi in legibus vendendorum prædiorum. Exponit l. 5. veterem formulam legis quæ dici solebat in vendendis prædiis, quoniam in eis prædiis erant edificata sepulchra. Formula est, ut ad sepulchra, quæ in fundis sunt, iter eis, sic vulgo Florent. aliter, iter ejus. Varietas lectionis indicat subesse mendi aliquid; & vero arbitror sic esse legendum, ut in antiquis inscriptionibus, huic monumento itus, aditus, ambitus debetur, sic hoc loco, ut ad sepulchra, quæ in fundis sunt, itus, aditus, ambitus funeri sciendo sit. Nam credo vos intelligere, non solum fuisse in fundis sepulchra, sed etiam certum ambitum ad sepulchrum funeri faciundo, id est, certorum pedum numerum in agro ad sepulchrum faciundo: & ob id venditor recipie-

capiebatur sibi iterum, aditum, ambitum funeri faciendo, A
iustis faciendis, inferis perfolvendis.

JACOBI CUJACII J.C.

COMMENTARIUS

In Lib. IX. Questionum EMILII PAPINIANI.

Ad L. LXVI. de Procuratoribus.

Si is, qui Stichum vel Damam, utrum eorum ipse
vellet, stipulator est, & ratum habeat, quod alterum pro-
curatorio nomine Titius petat, facit ut res in iudicio de-
ducta videatur, & stipulationem conjungat.

INCIPIT liber nonus questionum Papiniani a le-
ge 66. de Procurat. cujus sententiam exponamus, &
cetera, quæ ad eam pertinere videbuntur. Stipulator
sum sub alternatione, Stichum aut Damam, utrum
eorum ipse vellem: servavi mihi optionem, alioqui optio
esset promissoris: si procurator meus in iudicio petat Sti-
chum sine mandato specialis, sine voluntate mea, an au-
ferri mihi electionem & optionem? an petitio procurato-
ris mihi noceat, quominus Damam eligere possim si eum
malim? Minime: Petitio procuratoris mihi non auferit
optionem meam: quia non potest deterius conditionem
meam facere invito me, l. ignorantis 49. hoc tit. etiam si
procurator retorum bonorum, vel generale mandatum
habeat, ut non potest etiam invito me solvere debitum
naturale, ut dixi in §. Flavius regis si is, qui nummos, de
solus. non potest transigere deminuti causa, l. manda-
to 60. hoc tit. ut jamdiu emendavimus ex l. Lucius 2. §. ult.
de admin. tut. non potest, inquam, quidquam deminue-
re, dispendere, vel quidquam gerere in perniciem sive
in necem domini, quia non est verisimile hoc ei esse
mandatum, ut quid faceret in fraudem domini. Et ge-
neraliter, qui mandatum aut voluntatem non habet,
rem sive litem in iudicio deducere non potest, id est, si
agat, si litiget, nihil agit, nihil litiget: namque irri-
tum erit iudicium, irrita lis, irrita sententia, si quam
consequatur, hoc est non deducere rem in iudicium, qui,
inquam, ratum non habet, rem in iudicio non deducit,
l. 27. in causa, §. 1. hoc tit. l. licet 24. C. eod. voluntatem
ratihabitionem dicimus, l. 3. §. sed si, de in rem verso,
l. Pomponius, §. ult. hoc tit. l. si fundus 16. §. 1. de pignor.
In hac igitur specie nullum est iudicium, nulla lis, quæ
contestata est: procurator meus petendo Stichum, &
quasi præcipiendo nihil agit, & ego non possum repelli
a petitione Damæ, si eum malim, licet procurator meus
jam petierit Stichum: quæ est sententia huius legis: vi-
delicet, si non mandavi, si non ratum habui, ut Sti-
chum peteret, sed si ratum habuero quod procurator
petiit, ratihabito retrahitur, & mandato comparatur:
quod in omnibus causis hodie obtinet ex constitutione
Iustin. ut ratihabito comparari possit iusto, & in adeun-
da hereditate non minus proficiat filiosam, ratihabito pa-
tris quam iustus. Quamobrem, si ratam fecero petitio-
nem procuratoris mei, ratihabito retrahitur, & man-
dato comparatur, & facit, ut res in iudicio dedu-
cta videatur, id est, ut lis rite contestata videatur &
consumitur stipulationem. Quid hoc est, consumitur? In hæc
verba tres interpretationes attulit Accursius. Sed nihil est
evidentius, consumitur stipulationem, id est, ius omne
stipulationis, ut in l. apud Aufid. de opt. leg. optione ves-
timentorum legata, legatarius prima optione consu-
mere ius omne legati, quia scilicet mutare voluntatem
non potest, & alia vestimenta eligere: non potest uti
optione sibi legato concessa, ut in hac specie, non po-
test uti optione, quæ sibi stipulatione concessa est. Quid
est igitur consumere stipulationem? est denuo eligere
non posse, electionem semel factam mutare non licere.

Tem. IV.

A Et ex his, quæ diximus illud inter nos fixum habeamus
consumi electionem, vel stipulationem, quæ electio-
nem differt, etiam si nondum sit exacta, sive extorta res,
quæ petita est, modo stipulator, qui sibi reservavit
optionem, lite contestata alteram rem petierit, vel pro-
curator ejus eo mandante, vel comprobante, id est, ra-
tum habente: nec enim minor est vis ratihabitionis,
quam mandati. Et rursus illud fixum habeamus, quod
idem est, sed enuntiatur brevius, unam electionem con-
sumere stipulationem eam, quæ electionem differt, sti-
pulatori non licere amplius, quam semel eligere in l. 112. de
verb. obligat. l. §. de legat. 1. d. l. apud Aufidum: non oportet
amplius quam semel optare: omnis nimia licentia
brevitate constringitur, & qui optare potest, semel tan-
tum potest optare, & consumitur una lis contestatio
ne, quod idem est, petitione in iudicio: neque enim pe-
tis, nisi litem contestatus fueris: & idem est in iure pe-
titiio & lis contestatio. Et hoc est certissimum, lis con-
testatione consumi electionem, quia lis contestatio elec-
tio est, nec licet amplius, quam semel eligere. Verum ad-
dendum est, una testatione consumi optionem stipulationis,
d. l. apud Aufid. ut puta, si quis extra iudicium tes-
tibus adhibitis dicat illam rem velle: hoc ubi dixerit se-
mel, non poterit illam rem malle: ergo non lis conte-
statione sive petitione tantum, sed etiam testatione
qualibet & declaratione voluntatis suæ consumitur optio,
& stipulatio optionem deferens. Posset quis tamen non
immerito contendere, etiam semel facta electione pon-
nitentiam admitti & retractari electionem posse ex l. 8.
§. unus, de opt. leg. a qua re perperam se expedivit hoc
loco Accurs. nec invenit alium modum se expediendi,
quam ut diceret, mutari posse voluntatem, si electio,
quæ facta est, non fuerit rite facta, quod verum est, id
est, si non congruo loco, opportuno tempore facta sit, re-
tractari potest: fateor: sed vaticinatur, quum ponit in
d. §. unus, optionem non iure fuisse factam, incongrue,
aut intempestive, atque ideo eam pro infecta haberi. Sed
enarremus sententiam huius §. Mihi & tibi unus homi-
nis optio legata est ex universa familia; si cum ego opta-
sem Stichum ex ea familia, nec mutassem voluntatem:
significat nos potuisse mutare voluntatem, alioquin id
supervacuum adiecisset: nihil est quod tam facile expe-
diri possit. Dico J.C. adiecisse, nec mutasse voluntatem,
non quod liceat mutare, sed vel quod ea mutata possit
dici, me servi dominium amisisse quem optaveram, &
ideo servum communem non futurum: quod tamen est
falsum. Nam dominium non amittitur nuda voluntate:
& si dixerio nolle me eam rem meam esse, non desino
esse dominus, sed amittitur certis modis comparatis iure
civilis, qui proponuntur in tit. de adq. rer. dom. Possessio
quidem amittitur nuda voluntate, hæc est differentia
inter utrumque, l. si quis 17. §. 1. de acquiren. posses. l. ius
adgnat. de pact. Vel certe, quod magis placet, ideo di-
cit, nec mutasse voluntatem, quia mutata voluntate pos-
set dici, eum nunquam dominium in eo servo acqui-
sisse, & electionem semel factam pro non facta haberi,
si in ea non perseveravit, quod tamen etiam est falsum,
quia factum infectum reddi non potest: & ita mihi vi-
detur explicandus ille locus. Adnotandum modo, unum
esse casum, quo, etiam si elegerit is, cui electio compe-
tit, licet ei mutare sententiam, & ponit, subinde
eligere, subinde optare, quoad alterares in iudicio peti-
ta sit: ut si stipulator sit Stichum aut Damam, utrum
volam (non utrum voluero) antequam alterum pete-
ro, omne tempus mihi liberum est ad eligendum. Igitur
eo modo concepta stipulatione utrum volam, quoad al-
terum petiero, omne tempus mihi liberum est, quod
ostenditur in leg. 112. de verb. obligat, quia scilicet ver-
bum volam est extensivum, sive voluntas, in futurum
tempus verbum volam extendit optandi voluntatem: la-
tissima est electio, quæ datur verbo volam, & ideo, in-
quit, l. 112. si ita stipuler, Stichum aut Damam quem
voluero, non possum mutare voluntatem, si semel unum
voluero: sed si ita stipulator sit Stichum aut Damam,

N

quum

Et, quod omni, acerbitas hæc in eo consistit, quod pauci animadvertunt, quod facta venditione bonorum, & redacto pretio ex bonis, absolutique creditoribus omnibus si quid superest, id non restituitur passio venditionem bonorum, sive proscripto: Hoc enim tantum est humane concessum pupillo, furioso, & prodigo, quia horum status non multum a pupilli conditione abhorret, non differt multum furiosi conditio a conditione pupilli, *l. Fulcinius, §. plane interdictum, quibus ex caus. in poss.* Denique debitor idemque fraudator exiit omnibus bonis, nec quod superest ei restituitur, ei vivo: viventi que sanus acerbitissimum ducitur, ut ille ait in Quintiana. Quæstio autem quam proposui hæc est. Si nihil sit in peculio, atque ita si videatur agi non posse cum patre cum effectu de peculio, an frustra desideret creditor se mitti in bonor. possessionem patris se occultantis & evitantis suum aspectum? Et Papinian. ait, non posse, licet latitet pater, quia frustra latitat, & sine causa vitat occursum creditoris & horret, & ut fiat missio in possessionem non sufficit latitare, sed necesse est fraudationis causa latitare, & re ipsa subesse fraudationem creditoris, *d. l. Fulcinius, §. 1.* Non videtur autem fraudationis causa latitare, qui si conveniretur absolvi deberet, sed stulte videtur latitare, quia nihil est in peculio, & adversus patrem competit tantum actio de peculio: si nullum est peculium, & nulla actio de peculio erit, *l. servus, de dol. l. de possit, in prin. hoc tit.* nulla etiam cautio de futuro peculio, de futura accessione aut incrementum peculii interponitur, *l. quoties, §. si semel, hoc tit.* Hoc igitur tantum locum habet in actionibus bonæ fidei ut cautio exigatur, etiam antequam debeat, future obligationis nomine, puta, antequam dies veniat, *l. in omnibus, de judic. l. quod si in diem, de petit. hered.* In iudiciis strictis, ne quidem cautio desideratur, antequam extiterit obligatio, nisi uno casu, cum sit separatim bonorum hereditarium & bonorum heredis inter creditores hereditarios, & creditores heredis, *l. q. de separ.* Ex sententia Papin. sic statuo: Si nihil sit in peculio, creditor peculiaris non potest mitti in bona patris latitantis, quia hæc latitatio caret fraude. Huic sententiæ poterit quis obijcere argumenta duo, quibus Papin. respondet: ac primum posset quis obijcere, non omnino esse inutilem aut nullam actionem de peculio, tamen nihil sit in peculio, si modo pater concesserit filio: peculium: quia fieri potest, ut sequatur condemnatio, injuria forte iudicis vel stultitia. At contra Pap. obijcit, eadem ratione non inutiliter agi adversus debitorem in diem, vel sub conditione, & ante diem vel conditionem, & consequenter bona ejus debitoris non inutiliter possideri, antequam dies venerit, vel conditio extiterit, & distrahi, quod scilicet condemnari possit injuria iudicis, si hoc licet spectare etiam ante diem, vel conditionem: quod tamen est falsissimum. Et vero non est satis honestum rationem habere ejus, quod injuria iudicis contingere potest. Itaque obiectio illa belle diluitur alia obiectio. Altera obiectio hæc est: fidejussor dari potest a patre nomine actionis de peculio, etiam si nihil sit in peculio, quia potest esse postea: hoc est certissimum: cum fidejussor dari possit actionis future, cur non & bona patris latitantis possideri, tamen si nihil sit in peculio, crediti servandi futuri causa? Et huic obiectio non est difficile respondere: fidejussor ut constat pro certo adhiberi potest futura obligationi, *l. 6. §. ult. de fidejuss.* Futuri debiti servandi causa bona possideri non possunt. Fidejussor vel præcedere, vel sequi principalem obligationem potest: possessio & venditio bonorum & judicium sequitur, non & præcedit obligationem, *l. non quemad. 35. de jud.* Nec abs re: fidejussorem enim dat volens, possessionem bonorum patitur invitus: judicium patitur invitus, & inde actionibus nomen quod agant invitos in jus: actio redditur in invitum, *l. inter, §. si Stichum, de verb. oblig.* & iniquum est, me invitum quicquam pati antequam debeam. Et hoc est, quod Papin. proponit initio *h. l.* Respondet Papin. duabus objectionibus, prætermittit tertiam, quæ majus nobis negotium

A facit; quam ceteræ: nec prætermisit absere. Potest huic definitioni Papin. fortiter opponi *l. Fulcinius, §. si quis actio, quibus ex caus. in poss. ear.* Sententia ejus §. hæc est. Pater conveniri potest de peculio, quia concessit peculium filio: sed latitat, & nihil est in peculio, queritur, an creditor possit mitti in possessionem adversus latitantem? & Ulpian. ait: bona latitantis possideri, & distrahi posse, etiam si nihil sit in peculio, quia potest esse antequam lis finiatur: quod si est actio, & missio igitur adversus latitantem: nihil est quod magis adversetur huic definitioni Papiniani: nam non dicemus dissentire Papinianum ab Ulpiano, sive fuisse controversium inter Sabinum & Proculum sit ne actio exhausto peculio, *l. quæ situm hoc tit.* Sabiniani negabant actionem: Proculiani dabant, tamen si nihil esset in peculio: & tenere eam arbitrabantur si quid filiusiam. comparasset rei judicate tempore, & redegeret in peculium, & hæc sententia obtinuit, exemplo actionis in rem, & ad exhibendum, quæ tenent, id est, vim suam exercent, etiam in rem, de qua agitur, non possideat is cum quo agitur litis contestate tempore, modo eam possideat rei judicate tempore. In his enim actionibus spectamus rei judicate tempore, *l. si autem, §. 1. de rei vindic. l. tigni, §. si quis, §. l. seq. ad exhib. l. item vidend. §. si quis, de petit. hered.* Et ut opinor ab hac sententia Proculianorum Pap. non abhorrebat. Videamus igitur quemadmodum in concordiam sit adducendus Ulpianus cum Papiniano. Accursus duas tantum rationes concordie excogitavit. Una est: In hac *l. 50.* (inquit) lis non erat contestata cum patre de peculio, atque ideo proceditur ad diffinitionem & missionem bonorum facillime: hoc vero nego, & pernego, quia *d. l. Fulcinius* est de eo, qui latitat ne in jus vocetur a creditore, qui vitat occursum creditoris, ne oborto collo trahatur in jus manu creditoris, tantum absit, ut cum patre lis sit contestata, cum nec sit vocatus in jus, nec aliam ob causam latitet quam ut ne in jus rapiatur. Altera via conciliandi hæc est in *d. §. si quis act.* spes erat peculii, vivo scilicet adhuc filio, cui pater poterat concedere denuo aliquid in peculium: vel etiam qui ipse sua parimonia poterat aliquid acquirere, idque pater relinquere in peculii causam: igitur erat spes peculii. In hac *l.* finitum erat peculium morte filiusiam. Hoc vero est commentitium, quis hoc admittit? ut dixi ante, non abs re prætermisit hanc objectionem Papin. non abs re est quod de eo nihil attigit, qui tantum attigit duas, eisque bellissime respondit. Puto prætermisit hanc objectionem, quod non conveniret quæstioni Papiniani. Hoc enim tantum querit, an hac ratione quod possit sequi condemnatio injuria iudicis, recte mittatur creditor in bonorum possessionem, patris latitantis? Et docuit hunc colorem missionis non esse idoneum, hanc causam non esse honestam, nec honesto viro venire in mentem debere, ut possit injuria iudicis condemnatio sequi, ubi nulla est actio: non sit igitur missio hac ratione, quod damnatio sequi possit injusta: alioquin fieret passim & promiscue. Sed si quis quæssisset a Papin. an hac ratione, quod possit esse aliquid in peculio rei judicate tempore, hac consideratione, hoc intuitu fieri possit missio in bonorum possessionem? aut ego fallor, aut is utique respondisset, quod Ulpian. Nam hic color est honestus & civilis. Et ita etiam, si quis quid debeat in diem vel sub conditione, dicam etiam ante diem vel sub conditione creditorem mitti in possessionem in iudiciis bonæ fidei, in quibus rei judicate tempus spectatur ut in actionibus in rem, hoc colore; quod rei judicate tempore fieri possit, ut dies veniat, & existat conditio: Cur non interim servandæ meæ rei, puta debiti causa non mittar in possessionem, fretus scilicet hoc colore, sine quo sane non possem mitti arg. *l. quod si in diem, de petit. hered. l. in poss. qui ex caus. in poss. dum* ait, in poss. mitti debere etiam conditionalem creditorem, etiam si conditio non extiterit. Sed mitti potest tantum, non etiam procedere ad venditionem bonorum. Interim eat in possessionem bonorum, sed caveat ne præ-

propere distringat bona, antequam conditio extiterit, *l. Falcidius, §. si in diem, eod.* Possideri igitur bona ab eo possunt, sed non etiam distrahi, antequam dies obligationis cesserit, aut venerit: & si forte rei iudicata tempore defecerit conditio, vel. non extiterit, si rei iudicata tempore non venerit dies, plane inutilis erit missio, vel etiam non erit actio creditori, quanti ea res est, missio in possessionem advesus debitorem, qui eum non admisit, quia tamen solet competere creditori missio in possess. ex edicto, nec admissio a debitore. Ex eventu igitur constitutus nullam esse missionem, vel creditori non esse actionem quanti ea res est, quod sit missus, sed non admissus a debitore. Et huc pertinet *l. pen. quib. ex caus. in poss.* quæ adversari videbatur *d. l. in possessionem, quæ ait*, creditorem conditionalem non mitti in possessionem, non mitti cum effectu, scilicet quia eam missionem venditio sequi non potest, antequam conditio extiterit: & quia non est actio, quanti ea res est, si sit repulsus a debitore: denique effectu conditionalis creditor non mittitur in poss. & infirma missio est quamvis fiat forte iussu Prætoris. Hæc ita explicanda mihi videbantur.

Ad §. Si creditor.

Si creditor patrem, qui peculio tenebatur heredem instituerit: quia mortis tempus in Falcidia ratione spectatur, illius temporis peculium considerabitur.

SEquitur alia quæstio de peculio in §. si creditor. Pater, qui conveniri poterat peculio, creditori peculiari heres extitit ex testamento, & quasi oneratus legatis, desiderat uti Falcidia, id est, deductione quadrantis, residuo dodrante distributo inter legatarios. Arbitratur Falcidia, qui dari solet ad ineundam quantitatem bonorum & legatorum, ad ineundam rationem legis Falcidie, in Falcidiam patri imputabitur id, quod defuncto debuit actione de peculio, quasi nomen hereditarium, quod hereditati contribui oportet. Videamus quid quantumve pater, idemque heres testatoris quo debuerit nomine peculii? Certe tantum debuit, quantum fuit in peculio: Sed quo tempore spectamus quantum fuit in peculio? non spectamus tempus rei iudicatæ, quia non fuit actum de peculio: sed, ut Papin. docet, spectatur tempus mortis creditoris, siue testatoris, spectatur tempus mortis creditoris, siue testatoris, quod defuncto debuit de peculio, fingitur solvisse hereditati, atque ideo quod debuit, computatur hereditati, *l. si ei cui vend. §. pen. de evict.* Confusio pro solutione est, quæ fit, si debitor creditori, vel contra si creditor debitori heres extiterit. Et sane quod debuit pater de peculio testatori, confusum est; verum etiam confusum sit omnino, ut jam nemo sit qui agat, cum quo agi possit de peculio, tamen in computationem venire potest, & in deductionem, vel retentionem, *l. 1. §. si debitor, ad l. Falc.* Atque ita hoc casu, quod heres testatori debuit actione de peculio, computatur in hereditate, auget hereditatem, licet actio sub lata sit confusione, id est, concursu debiti & crediti in unam eandemque personam: quantum vero computatur in peculio, quantum denique in bonis testatoris? quantum fuerit in peculio mortis testatoris, ejusdemque creditoris peculiaris tempore. Spectatur tempus mortis: quod congruit regulæ juris, quæ vult, ut in ponenda ratione *l. Falc.* & exquirenda quantitate bonorum tempus mortis spectemus, *l. in quanti. 73. §. l. cum quo 59. ad l. Falc.* Et ideo si post mortem testatoris ante aditam hereditatem deminuit sit peculium, vel consumptum, non ideo minus intelligitur fuisse in bonis, vel in peculio: satis namque est, quod fuit in bonis mortis tantum tempore: nec necesse est, ut duret esse in bonis: locuples est hereditas, quæ fuit locuples mortis tempore, etiam si postea pauperior effecta sit, quia quod postea periiit, heredi periiit,

A non legatariis. Et hoc est, quod ait Papin. in hoc §. Putare mirum in modum videtur cum Pap. Julian. in *l. si creditor 83. ad l. Falcid.* cujus sententia hæc est: Creditor filii patrem cum quo de peculio agere poterat, heredem instituit: pater posuit rationem legis Falc. id est, dixit se esse oneratum legatis, locum esse Falcidie, minuenda esse legata quadrantis Falcidiam obtinendi causa. In quadrante, inquit, patri imputabitur, quod in peculio fuerit adita hereditatis tempore. Ex sententia Papi. patri in Falcidiam imputatur, quod in peculio fuit mortis tempore, quasi hereditarium nomen, quia id debuisse intelligitur, & solvisse hereditati. Ex sententia Juliani, patri in Falcidiam imputatur, non quod fuit in peculio mortis tempore, sed quod fuit post mortem adita hereditatis tempore. Non est facile hos auctores inter se conciliare: non dicam eos inter se dissentire, quamquam Marcellus in *l. cum quo, ad l. Falc.* hanc rem in controversiam vocet. Nam ait: perique putant inspicendum esse, quod in peculio fuit additionis tempore, sed se dubitare propterea, quod placet in ineunda ratione Falcidie tempus mortis spectari. Marcellus rem dubiam facit, ut non mirum videatur forte, si unus censuerit rationem esse habendam mortis tempore, alter additionis: sed in eo non est peritandum ullo modo. Non dicam etiam, quod Accursius primo loco tradidit, fingendum esse disidii componendi causa inter Papinian. & Julianum, idem fuisse tempus mortis & additionis: & ideo nihil referre dixeris mortis tempus spectari, vel additionis: jubet me fingere quod natura vetat, natura non fert, ut id fingam: nec enim potest idem esse tempus mortis, & additionis, quis hoc non dicer? Est idem tempus mortis & additionis, siue existentie, id est, eo ipso tempore, quo moritur quis, sui heredes ei heredes existunt, & ipso jure hereditatem adquirent, sed non potest esse idem tempus mortis, & additionis. Non dicam etiam, quod secundo loco tentavit Accurs. fingendum esse ne pugnent inter se, eandem quantitatem fuisse peculii utroque tempore mortis, & additionis: & ideo nihil referre, dixeris tempus mortis, an tempus additionis, quæ etiam diviniatio non videtur esse sani hominis: Sed quod tertio loco breviter & obscure satis tradidit, id vehementer amplector, & amplector quilibet ubi bene perceperit. Quid me vis ergo respondere ad *l. si creditor?* nempe hoc: Illud tempus inspicere, quo major fuit quantitas peculii, siue mortis, siue additionis tempore, ut quoad fieri potest legata ferventer integra & immixta: Non multum si verum legi Falc. est enim contra voluntatem, quia minuit quod defunctus solidum præstari voluit: quia de causa quantum possumus, legata legatariis servamus integra. Hoc nobis latius explicandum est. Sic dico, *l. si creditor* ita accipienda est, ut si post mortem testatoris ante aditam hereditatem auctum sit peculium, id patri quasi hereditarium in Falcidiam imputetur, quod fuit in peculio additionis tempore, non spectato mortis tempore: quod probo a simili: Si debitor hereditarius non fuerit solvendo mortis tempore, & additionis tempore invenitur esse solvendo: sane id, quod facere potest additionis tempore, imputatur in hereditate, nec spectatur tempus mortis, quo non fuit solvendo. Nomen non idoneum, auget hereditatem ex eventu, ut ait *l. Nezerminus, §. si debitor, ad l. Falc.* Si postea fiat idoneum nomen & restum, nomen non idoneum auget hereditatem ex post facto: & ita conditio debiti extiterit post mortem, quæ non extiterat mortis tempore, debitum illud computatur in bonis: denique nomen, cujus dies non cesserat mortis tempore, nomen conditionale auget hereditatem ex eventu, & ex post facto, id est, si postea extiterit conditio, quæ pen debuit mortis tempore. Sed vice versa, si post mortem, testatoris ante aditam hereditatem minuit sit peculium, id imputatur in Falcidiam patri, & contribuitur bonis, quod fuit in peculio mortis tempore, nec spectatur tempus additionis: sicut si debitor hereditarius, qui est solvendo mortis tempore, post mortem factus sit non solvendo, id computatur bonis, quod facere poterat mor-

vis tempore, nec spectatur tempus additionis: Si autem sit peculium post mortem, spectatur tempus additionis. Secundo casu, si deminutum sit peculium, spectatur tempus mortis: denique tempus, quo plenus sive auctius peculium fuerit, *l. cum quo, ad leg. Falcid.* aut propterea quod videri potest obsecra sententia *d. l. cum quo*, nihil aliud est, quam distinctio hæc, quam exposui: & est lex elegantissima. In summa, post mortem testatoris ex eventu aliquo minor hereditas fieri non potest, uberior & plenior potest, ut hoc casu nomine idoneo facto, vel nominis existente conditione, & aliis casibus reverso servo ab hostibus post mortem: nam & hic servus auget hereditatem post mortem, *l. servi, ad l. Falcid.* vel etiam soluto naturali debito post mortem: nam & naturale debitum auget hereditatem ex eventu, id est, si solvatur, propterea quod soluti non est repetitio, *l. r. §. id quod nat. ad l. Falc.* Rem igitur omnem ita componamus & concludamus. Si deminutum sit peculium, tempus mortis spectatur, ut in hoc §. si creditor, si auctum sit peculium, tempus additionis, *d. l. si cred.* Et ita in hac re nullus erit labor. Verum potest quis obficere non immerito, acquirissimum esse, ut quemadmodum damnnum post mortem illatum respiciat ad heredem, ita etiam lucrum pertineat ad solum heredem, ut etiam definitur in *l. in ratione 30. C. l. in quant. 73. ad l. Falc.* damna illata post mortem sustinet heres solus, puta mortem servorum, furta, rapinas, incendia, ruinas, vim hostium, pejora facta nomina: lucra quoque, quæ obtingunt post mortem, ad solum heredem pertinent, ut fructus partus, foetus: eadem est ratio damni & lucri, si me vis damnnum sentire, & etiam lucrum necesse esse: & ideo sicut deminuto peculio post mortem, damnnum respiciat ad heredem, nec propterea videtur deminuta hereditas nec minor ad eum pervenisse, ita etiam post mortem, aucto peculio lucrum debet pertinere ad heredem, nec scilicet ad eum videatur major hereditas pervenisse, quam fuerat mortis tempore. Nemo est, quem non perturbet hæc obiectio, nisi præviderit. Respondere debemus hoc modo: omnia damna illata post mortem, etiam pejora sive deteriora, & pauperiora facta nomina post mortem: omnia tamen lucra non respiciunt ad heredem, pleraque etiam lucra respiciunt ad heredem quæ veniunt post mortem, sed tamen non omnia, non meliora facta nomina. Et observandum est in *d. l. in ratione*, Jureconsultum pejora facta nomina adscribere heredi initio dum ostendit, omne damnnum pertinere ad heredem, sed dum etiam ostendit lucrum pertinere ad heredem, non dixit meliora facta nomina pertinere ad lucrum heredis: nam sane meliora facta nomina non pertinent ad lucrum heredis, quod tamen videtur æquum. Et hic nisi reddidero rationem differentiarum, aberravero longe a munere nostro. Quæ meliora facta nomina augent hereditatem, nec cedunt lucro heredis: meliora, inquam, facta post mortem, & tamen fructus post mortem percepti, partus ancillæ, foetus, acquisitiones servorum cedunt lucro heredis: Ratio differentiarum hæc est, quia fructus non erant nati mortis tempore, vel partus, vel foetus, acquisitiones servorum, factæ non erant mortis tempore: nomina sunt accessiones, quæ hereditati accepto non feruntur, quæ sunt mortis tempore: nomina autem jam erant contra dicta mortis tempore, quamvis non erant idonea propter infortunium debitorem. Eadem igitur quantitate recte in hereditate computantur. Eadem igitur facta sunt mortis tempore, si post mortem facta sint idonea. Eademque est ratio nominis conditionalis: nam etsi conditio ejus existeret post mortem, tamen vires accipit ex contractibus tempore, & incipit habere vires eadem mortis tempore, *l. usufr. de stipulas. servor.* Eadem est ratio servi captivi post mortem reveri, quia postliminium fingit eum fuisse in hereditate mortis tempore. Eadem est ratio debiti naturalis soluti post mortem, quia contractum erat mortis tempore. Igitur non mirum, si nominum exactio sit, quæ idonea facta sunt post mortem, quandoquidem contracta jam erant mortis tempore. Et lon-

ge est alia ratio ceterarum rerum, quæ acquiruntur post mortem, quæque non erant in rebus humanis, aut in bonis defuncti mortis tempore. Hæc, qui bene perceperit, expedit se multis locis juris nostri: hæc vero censeo valde esse notanda.

Ad §. etiam.

Etiam, postquam dominus de peculio conventus est, fidejussor pro servo accipi potest. Et ideo qua ratione, si post actionem dictatam servus pecuniam exsolverit, non magis repetere potest, quam si judicium dictatum non fuisset: eadem ratione fidejussor quoque utiliter acceptus videbitur: quia naturalis obligatio, quam etiam servus suscipere videbitur, in litem translata non est.

R Estant hujus legis duæ quæstiones, quarum vim & definitionem, nescio an adhuc quicquam explicaverit bene, tamen paucis verbis comprehendere possit, nec desiderat longam tractationem. Et est sane definitio earum singularis admodum & cognitione dignissima. Sciendum debitorem liberari etiam invitum & ignorante, si quis solvat pro eo, *l. solut. 23. de solution. §. 1. quib. mod. toll. obl.* Item si quis promittat pro eo novandi animo, *l. 8. in fine de novat.* item si quis judicium accipiat pro eo, quamvis invito & ignorante, *d. l. solut. l. §. si plures, de pign. l. qui servum 30. de interdig. in jur. fac. l. 2. C. de pign. l. 3. C. de execut. res judic.* Cur etiam si quis judicium accipiat pro debitore, liberat eum? quia scilicet judicio accepto, & sequuta condemnatione, etiam vulgo dicitur necessaria novatio, *l. aliam, infra, de novat. l. ult. inf. de separatis.* Necessaria, quia judicia invitos tenent. Alia est novatio voluntaria inter convenientes, quæ proprie est novatio, quæ proprie dicitur fieri legitime, aut esse legitima novatio, *l. novationes 2. de novat.* Et longa differentia est inter voluntariam novationem, & necessariam. Notatur una distantia sive differentia in *d. l. novatione*. Notemus modo alteram: voluntaria novatio tollit omnem obligationem, id est, civilem & naturalem: necessaria quæ fit judicio accepto pro alio tollit civilem, non naturalem: nam & fidejussor & pignus obligatum manet, & usque curant, etsi de forte tantum acceptum sit judicium pro alio, *l. lite, de usur. l. cum stipulatus 90. de verb. oblig. l. judex, l. Julianus, de cond. indeb. l. grege, §. etiam, de pignor. l. 8. C. eod.* His ostensis fingat: pater vel dominus accepit judicium pro filio, aut servo conventus actione de peculio; post acceptum judicium, post litem contestatam idem servus post dictatum judicium, post litem contestatam. Post judicium igitur acceptum cum patre servus fidejussorem dedit, queritur, an ejus fidejussor obligetur? Et sane si fidejussor datus sit ante judicium acceptum cum patre, obligatus manet fidejussor post acceptum judicium: nec enim novata est naturalis obligatio, qua tenetur servus obstrictus: & fidejussor naturali obligationi adhiberi potest. Si post acceptum igitur judicium cum patre servus solverit, soluti repetitio non erit, quia natura debitum solvit. Servus ex suis contractibus obligatur naturaliter, non civiliter; *l. servi, de obligat. & action. l. cum quo, §. 1. ad l. Falc.* nec liberatur naturali obligatione judicio accepto inter dominum & creditorem, quasi novatione facta: nec enim fit novatio: quod Papinian. demonstrat his verbis: *naturalis obligatio, quam servus suscipere videtur: naturalem obligationem qua servus tenetur obstrictus ex suis contractibus non videri in litem translata, quæ scilicet instituta est cum domino actione de peculio, id est, non videri novatam: novatio enim definitur esse translata in *l. 1. de nov.* novatio est prioris debiti in aliam obligationem, vel civilem, vel naturalem transfusio. Summa igitur hæc est: Naturalem obligationem, qua servus tenetur ex suo contractu, non novari judicio accepto cum domino actione de peculio, quia magis judicium illud accipit pro se, quam pro servo, quod ipse teneatur jure honorario ex contractu servi: servus autem*

tem jure naturali: nec agitur cum domino ex eo jure, quo obligatus est servus, sed ex alio. Hæc est sententia §. etiam, in quo etiam notat duos effectus naturalis obligationis, ut ei accedere possit fidejussor, & ut solum ex causa ejus obligationis non possit repeti. Inquit, *translatum non est*, id est, novata non est, quamvis videatur dominus pro servo, judicium accepisse, & soleat fieri novatio judicio accepto pro alio.

Ad §. ultimum.

Servus alienus cum bona fide serviret mihi, nummos a Titio mutuatus mihi dedit, ut eum manumitterem, & manumisi. Creditor querebat quem de peculio conveniret. Dixit, quamquam creditor electionem alias haberet, tamen in proposito dominum esse conveniendum: & eum ad exhibendum mecum acturum pecunia nomine, quæ ipsi esset acquisita, nec in eam causam alienata, quæ pro capite servi facta proponeretur: Neque enim admittendam esse distinctionem eximiam, si non manumittam, domini pecuniam esse: manumissione vero secuta, videri pecuniam ex re mea quesitam mihi: quantum magis propter rem meam, quam ex re mea, pecunia mihi daretur.

SEquitur alia questio elegans. Servus alienus mihi bona fide servit: ego per eum adiro ex duabus causis tantum, ex operis suis scilicet, & ex re mea, ex residuis causis acquirit domino. Finge: is servus mutuatus est pecuniam ab extero, & eam mihi dedit pro capite, id est, pro libertate, ut eum manumitterem, manumisi & accepi pecuniam, non feci liberam, quia non sum dominus, sed bonæ fidei possessor tantum, quod tamen voluit servus, id peregi libens accepto pretio libertatis. Quæritur, creditor, qui eam mutuam pecuniam dedit servo, cum quo agere possit de peculio, an cum domino, an cum bonæ fidei possessore? dicit forte aliquis eum posse agere cum bonæ fidei possessore, cum sint multi loci in jure, qui ostendant de peculio agi posse non tantum cum domino, sed & cum bonæ fidei possessore, ut & noxali actione offendimus ad Afric. in l. §. generaliter, de nox. act. l. 1. §. ult. l. est duo, l. si ex duobus 32. §. 1. h. 2. quia scilicet potest servus bona fide possessor habere peculium, quod pertineat ad bonæ fidei possessorem, de quo æquum est, ut teneatur, perinde ac si dominum in eo servo haberet plerumque in jure bonæ fidei possessor pro domino est. Et electio igitur erit creditoris, ut vel agat de peculio cum domino, vel cum bonæ fidei possessore qui eam pecuniam accepit a servo ut eum manumitteret. Fateor regulariter creditorem habere electionem; & id est valde notandum in hoc §. Ergo eorum quilibet tenetur de peculio, quod ad eum respicit, sive is dominus sit, sive bonæ fidei possessor, & electo uno alter liberatur. Quod notandum. Non exigo ut alter liberetur, ut creditor perceperit suum: satis namque mihi est, si elegerit alterum & cum eo egerit de peculio: electio sola, intentio, litis contestatio liberat alterum ipso jure, etiam si nondum quicquam perceperit. Et hoc rursus verum est, etiam si is, qui electus est, vel dominus, vel bonæ fidei possessor, non in minore quantitate peculii damniari debeat, quam apud eum sit. Finge: debentur 100. creditori: agit cum bonæ fidei possessore de peculio omisso domino, & fert 20. tantum, quia non est amplior quantitas peculii, quod respicit ad bonæ fidei possessorem, an liberatur dominus? Sic sane electio liberat alterum quoties duo sunt, qui de peculio conveniri possunt: sed hoc summo jure ita se habet: nam si creditor minus sit consequutus ab eo quem elegerit, æquum est & bonum, ut rescisso eo iudicio, restituito, & restituito quo minus consequutus est, quod minus esset in peculio, in superfluum detur actio rescissoria utilis in alterum, non directæ, quia ipso jure est liberatus, & per hanc viam alterum liberet magis perceptio, quam electio, l. hinc queritur, §. 1. l. si ex duobus l. quoties §. si creditor, l. si creditor §. pen. hoc tit. Et ratio æquitatis hæc est: quia is qui cum servo contrahit, totum peculium

A servi, quod ubi ubi est, intuetur velut servi proprium patrimonium, d. l. si ex duobus. Ergo intuetur peculium non solum quod est apud bonæ fidei possessorem, sed & peculium, quod respicit ad dominum. Ratio est in d. l. hinc queritur, & in d. l. si ex duobus, sed non est posita sub loco. In l. hinc queritur, iisdem verbis ea ratio ponitur, sed locata male, ait: fructuarium teneri de peculio, quod ad eum respicit, non ad proprietarium, & ex omni contractu generaliter, sive ad eum pertineat, sive ad proprietarium, quia qui cum servo contrahit, respicit peculium totum, velut servi patrimonium. Subdenda est ratio clausulæ, quæ sequitur, quæ ostenditur, fructuarium quidem teneri ex omni contractu in solidum, si modo vires peculii patiantur, & sint solidi capaces, sed omnino admittendum esse quod est ex æquo & bono, ut priore

II convento, ad quem peculium respicit, puta fructuarium, in superfluum conveniatur alter, qui acquisitum non est: subjicienda est ratio illa, quia qui contraxit cum servo, totum peculium intuitus videtur, ubi ubi est, & congruit cum ea l. 2. h. t. Restat ex his, creditorem habere electionem, quoties plures sunt, qui de peculio conveniri possunt, sive domini, sive non domini, & electo uno non liberari alterum consensum recto jure: ex æquo & bono in alterum dari utilem actionem, si creditor integrum pecuniam ab eo, quem elegit, consequi non poterit. Verum in specie a me propoita, Papinianus eleganter docet, non esse electioni locum, non posse conveniri bonæ fidei possessorem de peculio: posse conveniri dominum solum, cedo rationem. Accurcius videtur ignorasse rationem uti editus est, sed si emendate legas, veram rationem assequutus est, nec absurdum est emendare Glossam, non minus Glossæ studiosum esse deest, quam ipsius textus. Vulgo ita legitur, dominum vel bonæ fidei possessorem, & hoc si servus, & legendum, alias habet, quæ verba contextus sunt, & annotat Accursius, scilicet, si servus a bonæ fidei possessore fidei subtrahere novit, sicut facit hic. Placet Accursii annotatio maxime, sed explicatione indiget. Dominus ex contractu servi tenetur de peculio jure prætorio. Verum excipe contractum, quo se servus domino subtrahit, subducit, auferit: nam ex contractu servi, quod agit servus, ut se domino auferat, ut liber fiat, vel ut mutet dominum, dominus non tenetur de peculio, ut in hac specie contrahit mutuum, ut se bonæ fidei possessor auferat, ut eam pecuniam adnumeret pro capite. Ex eo igitur contractu mutui bonæ fidei possessor non tenetur de peculio: & ita, si servus extero se emi mandaverit, & manumitti, & exterus eum emerit suis nummis, an eos nummos recipiet a venditore actione de peculio? minime, quia eo contractu id agit servus mala ratione, ut se domino subtraheret, ut ait idem Papinianus in l. cum servus, ff. mand. ubi obscurum est quod dicit, servum, qui se emi mandaverit mala ratione ut subducatur se domino: cur dicit mala ratione? nulla est mala ratio: nam dominus invitus eum non vendit. Eo enim casu non cogitur vendere, si servus meus, ff. mand. Liberæ sunt venditiones, liberi contractus, quandoque non exte redimit servum mandato servi, sed ipsimet servi se redimunt λόγρον ἀνταρτίδωσι: numerata pecunia pro capite: sed inviti domini non vendunt, nec redimere se volentes inviti audiunt. Quænam igitur in eo est mala ratio? quia ex parte servi mala quædam arte supponitur emptor plerumque clam domino, ut hac via ei fide subripiat, & dominum pelliciat ad vendendum, qui si hoc sciret, non concederet, sed retinere potius maleque habere. Igitur ex parte servi est mala ratio, quia vult se clam domino subtrahere, quoniam exterus non emit ut servum habeat, sed ut statim manumittat. Ergo hic §. ult. & d. l. cum servus, eleganter demonstrant, dominum non teneri de peculio ex contractu servi, quo agit, ut se subtrahat domino, quia mala ratione est habitus hic contractus, quamvis non habeatur nisi inter volentes. In specie igitur §. ul. bonæ fidei possessor non tenetur de peculio ejus pecunie nomine, quæ mutuo data est in hoc, ut servus subduceretur domino. Proinde actio de pecu-

peculio est in solum dominum. Verum dominus aget in rem, aut ad exhibendum cum bonæ fidei possessore, propterea quod ea pecunia non est acquisita bonæ fidei possessori, sed sibi: neque enim est ex operis servi: non est etiam ex re bonæ fidei possessoris, sed magis propter rem, id est, propter servum, quasi quodammodo suam rem, non ex re sua: differentia est inter ex & propter, *l. pen. de sepul. viol.* Præterea hic locos, quos adducunt in *l. 1. C. si serv. ext. emi se mand.* quia heic agitur, non ut ex eo contractu, sed propter eum contractum: ibi ex eo contractu actionem statuunt. Ea igitur pecunia non est acquisita bonæ fidei possessori. Restat igitur adquisitam domino, idque verum esse ait, sive manumiserit servum, sive non. Neque moveor *l. si servus, de acq. ver. dom. l. 1. §. sed & per eum, de acq. pos.* quibus locis ostenditur, servum bona fidei possessum, cui quid traditur, neque acquirere possessionem bonæ fidei possessori, si nec fit ex re ejus, nec ex operis servi; neque domino, quia per eum, quem non possideo, non possum acquirere possessionem. Quibus legibus male respondit Accursius, ubi differentiam ponere debuit inter possessorem, & dominum. Et fateor in hac specie ejus pecuniæ, quam mutatus est servus, dominum acquiri domino servi, possessionem autem non adquiri, etiam si apprehenderit: fac accepisse a creditore. Alia est ratio adquirendi domini, alia possessionis: alia ratio amittendi domini, alia amittende possessionis: amittitur possessio nuda voluntate, dominium non item.

Ad L. VII. ad Vell.

Quamquam igitur fideiussor, doli replicatione posita, defensionem exceptionis amittat: nullam tamen replicationem adversus mulierem habebit: quia facti non potest ignorantiam pretendere. Sed non erit iniquum, dari negotiorum gestor. actionem in defensorem: quia mandati causa per Senatufc. constituitur irrita, & pecunia fideiussoris liberatur.

Hujus l. quæstio nexa est cum iis, quæ Ulp. retulit in *l. 6. ex eod. Papiniani lib.* Regula est juris: Neminem esse defensorem idoneum alienæ litis sine satisfactione judicatum solvi, *§. 1. Instit. de satisdat. l. 18. de cast. pec. l. qui proprio 46. §. qui alium, de procur.* Secundum hanc regulam, qui defendebat filium alienum absentem, judicatum solvi fideiussores dedit, non matrem: hæc enim non fuisset idonea propter Senatufc. Vellejan. quo improbantur intercessiones mulierum, sed dedit alios, qui tamen mandatu mulieris interveniebant pro defensione filii: ii etiam non sunt idonei, quia exceptione Senatufc. Vellejani, non tantum mulierum succurritur, quæ intercessit pro alio, sed etiam procuratori mulieris, qui intercessit mandatu ejus, *l. si decipiendi 30. §. ult. hoc tit.* Procurator, inquit, si mandatu mulieris intercessit pro alio, exceptione Senatufc. Vellejani adjuvatur, id est, ex intercessione non tenetur: Et subicit (quod est obscurum) ne alias actio intercedat: Sic Florentinus, vulgo male: nec alias actio intercedat: nunquam est temere discedendum a Florentino: scriptura enim certior quam ulla: subtiliter est scriptum, ne alias actio intercedat: quæ certe nihil aliud possunt velle, quam, ne si procurator expromiserit (quo genere plane fit novatio) vel si iudicium acceperit pro alio mandatu mulieris, ne adjuvetur exceptione Senatufc. Vellej. prior actio intercedat, quæ competeat in priorem, videlicet quasi novatione facta, contra sententiam SC. Velleja. vel ut dicam planius, ne fraus fiat Senatufc. Vellej. & actione precepta novatione, & muliere contra mentem Senatufc. Vellejani non intercedente quidem palam pro alio, sed dante alium, qui intercedat, veluti procuratorem suum, *l. ult. §. si mulier pro eo, hoc tit.* Ergo in hac specie, si pro defensore filii procurator mandatu mulieris fideiussor judicatum solvi, & conveniatur actione ex stipulatu, tueri se potest exceptione Senatufc. Vellejani, perinde atque si fideiussor pro muliere intercedente: nam & fideiussori

A mulieris Senatufc. subveniri constat, *l. si mulier contra, §. 1. l. quamvis, §. interdum, hoc tit. l. 14. C. 19. C. eod.* Et notandum maxime ex *d. l. si mulier contra*, liberari & mulierem, quæ intercessit, & fideiussorem, qui intercessioni mulieris accessit, etiam si fideiussor ille non habeat *divagari*, regressum adversus mulierem actione mandati, si solverit. Solet fideiussori qui solvit dari actio mandati, adversus principalem debitorem. Tres tantum sunt casus, qui excipiuntur: unus est, si donandi animo fideiussor alter, si in rem suam fideiussor magis, quam in rem debitoris principalis, *l. si quis rem, de lib. leg. & si quis pro invito præsentē & repugnantē fideiussor, l. si remunerandi, §. si passus, l. si pro te, mand.* Finge, unum ex istis casibus existere, & fideiussorem, qui accessit intercessioni ex mandato pro muliere, non habere regressum ad mulierem, an denegabimus opem Senatufc. Vellejani?

B lierem, an denegabimus opem Senatufc. Vellejani? Minime, quamquam ea res non pertineat ad mulierem, cum non teneatur mandati: cur ita? quia tota obligatio, inquit lex *si mulier contra*, Senatufc. reprobat, id est, non principalis tantum, quæ est intercessio mulieris, sed etiam accessoria, & a pratore restituitur prior debitor creditori, qui quodammodo desierat esse debitor muliere intercedente novandi causa. Hoc enim dici tantum potest de intercessione, quæ novat priorem obligationem. Intercessionem autem duo sunt genera: alia novant, alie non novant, sed accedunt priori obligationi. Ergo fideiussori mulieris, quæ intercessit, succurritur SCto Vell. non minus, quam ipsi mulieri, etiam si mulier ex mandato non obligetur fideiussori. At quia is de quo agitur in specie proposita, non fideiussor pro muliere, sed pro defensore filii: ergo ei non videtur imperitendum esse beneficium SCti Vell. Imo vero nihil refert pro muliere fideiussor, an pro defensore filii mulieris gratia, quod significat *d. l. 16.* Et generaliter igitur datur exceptio SC. fideiussori mulieris, quæ intercessit & procuratori, qui intercessit mandatu ejus. Verum ita demum procuratori dabitur exceptio Vellejani, qui pro defensione fideiussor judic. solvi mandatu matris, & actor, apud quem fideiussor, scivit eum mandatu mulieris fideiussisse: nam si ignoravit quod agebat mulier per alium in fraudem SC. ignorantem non obstat exceptio, *l. 1. C. ad Vell.* sicut nec ignorantem creditori obstat SCti Maced. exceptio, *l. pen. ad Maced. l. 1. C. eod.* Exceptio Maced. obstat ei, qui scivit, aut scire potuit filium esse cui credebatur. In iure sunt paria, si quis scierit, sive potuerit scire: idemque est posse, & debere scire, *l. 1. de adit. ed. venditor tenetur adlitis actionib. de vitis, qui scire debuit. M. Tull. scire potuit. Coheres qui scivit aut scire potuit abstinente coherede, se omnibus oneribus hereditatis implicitum fore, videtur postea se ea conditione bonis immiscere, l. si duo 38. ff. de acq. her. Dixi qui scivit, aut scire potuit: ergo de exceptione SC. Vell. sic statuamus: eum duntaxat creditorem repelli exceptione, qui scivit, aut scire potuit, i. e. debuit, mulierem intercessisse ratione aliqua ignorantem creditori, si opponitur exceptio SCti Vell. ab eo eliditur opposita replicatione doli mali, quia dolo facere videtur, qui adversus ignorantem vult uti exceptione. Replicatio doli datur ignorantem, non scienti, & perimit exceptionem Vell. Et hoc est, quod Ulpian. ex eo libro Papin. in *l. 6. ait in fine*, exceptionem Senatufc. replicatione doli mali repellendum: quam scripturam nostri violaverunt, dum existimabant in ea esse mendum, & similes omnes violaverunt, quæ erant in *ff. in l. bello, §. facti, de capt. & possim. rev. sententiam sequendum est in l. at quia, §. 1. de negot. gesti. rationem a capite reddendum in l. Gaius 45. solut. matrim. permittendum utilem actionem in l. 19. in fine de novat. merito denegandum exceptionem: & legendus est Gellius de hac re, *l. 1. cap. 7.* Intelleximus quid ex Papin. lib. retulerit Ulpian. in *l. 6. Ex eo nascitur quæstio alia, quæ definitur in l. 7. ab Ulp. adiunctis iis, quæ sequebantur in Papin. lib. Finge: procurator ille, qui pro defensione filii fideiussor mandatu mulieris, conventus est ex stipulatu, & coactus est solvere sublata exceptione Senatufc. Vellejani.***

Vellejani replicatione doli mali, propterea quod creditor ignorabat eum fidejussisse mandatu mulieris: quæro, an habeat actionem mandati adversus mulierem, ut consequatur, quod solvit mandatu mulieris? Et rectissime ait Papia. agentem eum adversus mulierem repelli exceptione Senatufc. quia inutile fuit ex sententia Senatufc. tale mandatum. Id enim mandante muliere sane intercedebat pro filio: nstantum intercessio est. Ergo si ex eo conveniatur, adiuvanda est exceptione Senatufc. Dices, an procurator ille agendo mandati adversus mulierem, & muliere opponente exceptionem Senatufc. possit se tueri replicatione doli? Dicemus non posse, quia fuit sciens, non ignorans: non potest facti ignoracionem pretendere, & replicatio doli mali datur tantum ignorantibus, non scientibus: & facti proprii intelligit, vultque alieni facti tolerabilem esse ignoracionem: proprii facti non esse tolerabilem. Atque adeo, non potest ignorare mulierem sibi mandasse ut fidejuberet pro defensore filii, atque ita mulierem intercessisse: non potest ignorare, se mandatum suscepisse: neque pretendere huius facti ignoracionem. Quapropter non utetur adversus mulierem replicatione doli mali: quinimo in replicatione sua repellitur iure per exceptionem Senatufc. Vell. l. ult. §. mulier ne ipsa, in §. hoc tit. Dices, ergo in damno versabitur procurator mulieris idemque fidejussor pro defensione filii? nam quod solverit non recipiet a matre. Verum non deest alius, a quo recipiat, nempe defensor. Erit enim ei in defensorem actio negotiorum gest. quia sua eum pecunia liberavit, & mulierem ex mandato cum effectu obligant non habet: atque ita data actione negotiorum gestorum in defensorem, ei consulitur, ne in damno moretur. Animadvertendum est, Papin. in hac l. 7. duplici ratione uti ut offendat, defensorem teneri negotiorum gestorum. Una est, quia eum liberavit suo ære, suis nummis: altera, quia non habet mandati actionem adversus mulierem: ac si fideret, quia non potest agere adversus mulierem, recurret adversus defensorem actione negotiorum gestorum: unde recte colligitur, eum: qui ex negotio alieno quod gestit, habet actionem mandati adversus alium mandantem, non habere negotiorum actionem adversus alterum, cuius commodum negotium cessit: & actionem negotiorum gestorum esse quasi subsidiariam, antequam actionem mandati. Et sicut, qui apud unum potest agere mandati, non potest adversus eundem ex eadem causa quod gestit, habet actionem mandati adversus alium mandantem, non habere negotiorum actionem adversus alterum, cuius commodum negotium cessit: & actionem negotiorum gestorum esse quasi subsidiariam, antequam actionem mandati. Et recte Papin. utitur *incedat*, & *divincedat*, id est, duplici ratione, ut ostendat defensorem teneri negotiorum gestorum, quia, inquit, non tenetur mandati, quia deficit actio mandati, & eum sua pecunia liberavit.

Ad L. LIII. Qui fide Mandati.

Qui fide alterius pro alio fidejussit, præsentis & non recedente: utroque obligatus habet iure mandati. Quod si pro invito vel ignorante, alterutrum mandatum secutus fidejussit: eum solum convenire potest, qui mandavit: non etiam reum promittendi. Nec me movet, quod pecunia fidejussoris reus liberetur: id enim contingit etsi meo mandato pro alio solvas.

Prætermisimus, quæ cum l. 7. est coniungenda l. 53. mand. quæ est ex eo libro: nam ita sunt nexæ, ut videatur una alterius ope indigere, aut esse imperfecta quælibet, nisi apponatur etiam altera. Ex l. 7. ad Vell. (ut diximus) datur actio negotiorum gestorum ei, qui pro alio fidejussit mandatu alterius, adversus reum debendi, quem solvendo sua pecunia liberavit, maxime si nullus sit, qui mandati conveniri possit, ut si mandatu mulieris fidejussit, quod constat irritum fieri Scto Vellejano. Ex hac autem lege 53. eidem fidejussori non datur actio mandati adversus reum principalem: nullum enim mandatum antecessit, sed datur tantum ei actio man-

A dati in eum, qui pro eo fidejussit, in marem, scilicet non in feminam: nam femine mandatum irritum est. Ergo conjuncta utraq; lege, ut lex Gallus, de liber. & passum. ait, conjunctis capitibus legum, probe interpretationem rerum fieri, ac proinde conjuncta utraq; l. intelligimus, non esse actionem mandati huic fidejussori, qui fidejussit mandatu alterius, sed esse negotiorum gestorum actionem, præferim si nec sit in alium actio mandati utilis: ut si is, cuius mandatu fidejussit pro alio, sit femina, vel clericus, etiam intercessio irrita constituitur canonibus, nam & ita, ut heic offendit Papinianus, si non fidejussit pro alio, sed solvit tantum mandatu alterius, quamvis eum sua pecunia liberavit, non ager cum eo mandati: sed cum mandatore duntaxat, cuius mandatu solvit pro eo, quo tamen liberato Scto, alio legis beneficio in eum, quem sua pecunia liberavit, dabitur actio negotiorum gestorum, ne in damno veretur. Et in summa res ita se habet: non omnem, qui pecunia mea liberatus est, mihi teneri mandati, certe negotiorum gestorum teneri, si nec in alium mihi suppetat actio mandati. Et hac omnia, quæ necesse erat demonstrari, vera esse Papin. ait in l. 53. si quis mandatu alterius fidejussit pro invito vel ignorante. Hic non habebit actionem mandati in eum, pro quo fidejussit, sed habebit negotiorum gestorum: nam ea etiam datur iis, qui reculantium, contradicentium negotia gesserunt, modo ea utiliter gesserint, l. solvendo, de negot. gest. & si solvero pro te, mihi competit actio negotiorum gestorum, cum non possis effugere debiti solutionem, vel cum immineret periculum pœnæ, aut usurarum nisi solvissem pro te: si ergo mandatu alterius fidejussit pro altero invito, is qui mandatu exposuit, tenetur mihi mandati. Is vero pro quo fidejussit invito, non potest mihi teneri mandati, sed tenebitur negotiorum gestorum. Hæc erit mihi extremum res meæ servandæ subsidium, si non sit alia actio potior, quæ meum servare possim, id est, id quod solvi pro reo debendi: sed si mandatu alterius fidejussit pro præsentis & tacente, actio mandati mihi dabitur non tantum in eum, qui nominatim mandavit: sed & in eum pro quo fidejussit præsentis & tacente: nam silentium pro mandato habemus, & patientiam pro ratihabitione: nec minor est vis taciti mandati, quam expresse.

Ad L. VIII. Quod privilegium, depositi.

Quod privilegium exercetur, non in ea tantum quantitate, quæ in bonis argentarii ex pecunia deposita reposita est: sed in omnibus fraudatoris facultatibus: idque propter necessarium usum argentariorum ex utilitate publica receptum est: plane sumptus causa qui necessario factus est semper præcedit: nam deducto eo bonorum, calculus subdaci solet.

Hæc l. est de creditoribus argentariorum, & docet quis ordo inter eos fervetur, id est, quibus in bonis argentarii vendendis, qui bonis cessit, prius satisfieri oporteat. Argentarii (quod sæpiissime offendimus, & nunc breviter offendemus, nam ea res debet omnibus hodie esse cognita) sunt, qui in foro publico tabernam publicam habent nummariam, apertam, & expositam volentibus rationcinia sua conficere vel purgare: erant enim ratiocinatores optimi. Item volentibus pecunias permutare five cambiare: pro qua re, id est, pro permutacione nummorum veterum pro recentibus dari solet collybus five aspratura. Apertam etiam tabernam habent volentibus nummos probare. Erant enim nummorum peritissimi, nec fiebat solutio sine nummulariis, aut non existimabatur posse recte fieri, nisi expendissent, numquid subesset subarati, numquid lacuna. Quicunque contrahebant, ad mensam ibant frequentes: & propterea nec sine argentario ullus contractus habebatur, in quo scilicet pecunia interveniret; nam apertam tabernam habebant volentibus pecu-

pecuniam accipere; sicut feneratoribus publici, vel etiam volentibus dare feneratori, & dare vel ipsis argentariis, vel aliis per argentarios: nam plerumque dabatur certa quantitas nummorum, ut eos apud alios occuparent, vel exercerent. Item volentibus pecunias suas dare custodiendas sub publica fide, quod plerumque faciunt peregre profecturi domini, fidem suis non magnam habentes: & quicquid habent nummorum, id malunt concedere argentariis: major enim illorum fides erat olim, quam nunc sit in iis, qui eos hodie imitantur: & sicut aditus pecunia dari solebat in causam depositi, ita & argentariis, *d. si ventri, §. in bonis, de rebus auct. jud. poss. & (ut ait Papinianus in hac l. 8.)* usus eorum est necessarius, sed quandoque periculosus: propterea quod nonnunquam foro cedunt clausa tabernacula fide, fraudatores, decoctores: quod quum contingit, evertit ea res, & proturbat non unius tantum, sed multorum negotiorum rem, qui rem habebant cum argentario, qui cessit foro: & solent, dum id contingit, creditores omnes coire in unum, & distrahere bona fraudatoris per procuratorem seu magistrum, & ex pecunia redacta ex venditione omnium bonorum decoctoris portionem ferre pro rata crediti: quod ita ostendit isdem fere verbis *l. ult. de curat. bon. dat.* Et ad eum morem liquidum est respexisse Senecam lib. de Benefic. dum ait: *Debitorum appellabo, & si foro cessit, portionem feram ex contractu*: scilicet, ex pecunia, quam redegerit procurator constitutus bonis distrahendis. Vide quid sit neficere jus, qui non sunt in eo versati, referunt illum locum ad actionem quasi Servianam: quasi vero ea actione fiat distributio inter creditores: nec enim in ea quicquam agitur de partiendis bonis: etiam pessime addunt ea auctoris verba posse referri ad actionem tributariam: Nam hæc actio distributionem tantum facit merces pecularias, in quas servus negotiarius est sciente domino: inter dominum & creditores merces pecularias, non omnes: & perperam, per actionem tributariam creditores capere partem de peculio, imo de merce peculari, non de peculio: Nam aliud est merx peculariis, aliud peculium. Peculium intelligitur deducto eo, quod domino debetur: merces, etiam eo non deducto, *l. 1. §. peculium, de tribut. act.* sicut aliud est peculium, aliud servus pecularis: legato servo cum peculio, & alienato, & manumisso vel mortuo vivo testatore extinguitur etiam peculii legatum, *l. 1. & l. 3. de pecul. leg.* legato servo cum vicario, mortuo servo manet vicarius legatus. Num finge: multi erant argentarii, qui fregit fidem, & clausit tabernaculum, creditores variis ex causis: alii erant ex causa feneratoritii, alii ex causa depositi, alii ex causa mandati, ut quia datis nummis eis mandaverant, ut eos exercerent, ut ne otiosos relinquerent: alii ex causa societatis, utpote misceverunt suos nummos cum nummis argentarii feneratoris exercendi causa, alii ex aliis causis: & erant ex iis privilegiarii quidam, pupilli puta, quorum tutelam gesserat argentarius, vel fiscus, vel respublica, qui etiam habent privilegium, vel qui crediderant pecuniam ob confectionem ædificiorum, vel ob navem instruendam, armandamque, vel qui in eorum locum successerant, id est, quorum pecunia creditores privilegiarii dimissi fuerant. Ii sunt privilegiarii, & alii quidam, id est, qui habent privilegium exactionis, *πρωτον πωλεις*. Ex his etiam est mulier, quæ de dote agit: hæc est valde privilegiaria, vel qui, quæve in funus defuncti sumptus fecit, quæ causa est etiam valde privilegiaria: sed & mulier, quæ de dote agit, non tantum habet privilegium exactionis, sed & hypotheca, id est, præsertim omnibus creditoribus, & chirographariis, & hypothecariis. Et breviter sive agat personali actione, quod est privilegium exactionis, sive hypothecaria agat, excludit ceteros creditores: nam ei satisfieri oportet: eius rationem prius purgari oportet, quam veniat ad ceteros. Sed nos hic loquimur tantum de privilegio exactionis, qui hoc habent præferuntur ceteris, ergo

Tom. IV.

A eis prioribus satisfiit. Ulpian. *l. 7. §. ult. hoc tit.* ex qua pendet *l. 8.* docet, omnibus privilegiariis creditoribus præferri depositarios, id est, qui pecuniam depositam apud argentarios habuerunt, præferuntur etiam privilegiariis: namque ait, rationem haberi depositariorum, qui pecuniam deposuerunt apud mensam, stante fide publica ante privilegia: satisfiit igitur depositariis prius, deinde sequuntur privilegiarii: quod ita procedit, si usuras depositarum pecuniarum non acceperunt ab argentariis. Nam si acceperunt usuras, non sunt depositarii; depositum est gratuitum, quod explicabitur in *l. 24. hoc tit.* Et deponere pecuniam sub usuris, credere est, non deponere. Quum ergo dicimus, depositariorum rationem haberi ante privilegios, depositarios accipimus proprie, id est, qui simpliciter pecuniam apud mensam argentariorum deposuerunt, nec ullas usuras acceperunt: eorum habetur ratio ante privilegia. Et quidem omnium, qui deposuerunt, eorum nullo observato ordine temporis: simul omnes depositarios convocabimus, eisque satisfaciemus, antequam rationem ullam habeamus privilegiariorum, *d. l. 7. §. ult.* Verum huic definitioni obstat *l. si ventri, §. in bonis, ff. de rebus auct. jud. poss.* alia est sub tit. de privi. credit. qui tamen tit. est superpositus: ait, *in bonis mensularii*, id est, argentarii, distrahendis, post privilegia haberi rationem eorum qui deposuerunt suas pecunias. Lex 7. ait, ante privilegia, illa, post privilegia, non videtur ulla lex alteri magis adversari posse. Sed si perlegatur *d. l. 7.* facile erit se expedire posita hac differentia: aut pecunia deposita exiit, aut non exiit (deponeretur obignata pecunie in arca) si exiit pecunia, præferuntur privilegiariis, quia æquissimum est, eis pecunias suas restitui: neque enim depositione deserunt esse domini, sed si non existant, si consumptæ sunt, præferuntur non privilegiariis, sed ceteris, qui non sunt privilegiarii: pecunia non existente, ipsi sunt infimi, ultimi privilegiarii. Res ergo ita se habet. Depositariorum rationem haberi, si exiit loculi non inanes, nec resignati. Et rursus priorem esse causam depositariorum post privilegia, si non exiit nummi, hoc casu præferri privilegiarios depositariis, atque ita hoc casu depositarii ultimum gradum obtinent, & secundum hoc, est accipiendum quod ait Papinianus in *l. 8.* hoc privilegium, quod datur depositariis non tantum in pecuniis depositis exercet, sed etiam in universis bonis fraudatoris. Adducit rationem, cur hoc privilegium detur depositariis, quod publica utilitas hoc exigat, ne salantur, qui sequuti sunt fidem publicam, quique necessario usi sunt opera argentariorum, dum alios non habent, apud quos deponant nummos suos. Et postremo ait, si quod privilegium interveniat, vel horum, vel illorum, semper haberi ante omnia rationem sumptuum necessario factorum, quia expedienda actionis causa, (*les frais des crises sont les premiers payez*) expedienda bonorum venditionis causa: nam bona intelliguntur deducto eo sumptu, nec ante bonorum calculi subducitur, quam ea impensa subducta sit, *l. quant. ad l. falc. l. 1. §. in fi. ad Treb. l. ult. §. in comput. C. de iur. delib.* In *l. Falcidia*, vel alias, in computatione patrimonii vel bonorum semper deduci ante omnia, quod E impensum est in confectionem inventarii: quod impensum est in inscriptionem siue publicationem testamenti. Hi sumptus post mortem domini necessario fiunt, ac minuunt bona, neque enim bona calculo subducuntur, antequam hi sumptus impleti fuerint.

Ad L. XXIV. Lucius, eod. tit.

Lucius Titius Sempronius salutem. Centum nummos quas hoc die commendasti mihi, adnumerante servo Stichio actore, esse apud me, ut notum haberes, hac epistola manu mea scripta, tibi notum facio, qua quando voles, & ubi voles confestim tibi numerabo. Quamvis propter usuram

facte-

incrementum. Respondi depositi actionem locum habere: quid est enim aliud commendare, quam deponere? quod ita verum est, si id actum est, ut corpora numerorum eadem redderentur: nam si, ut tantundem solveretur, convenit: egreditur ea res depositi notissimos terminos: in qua questione, si depositi actio non teneat, cum convenit tantundem, non idem reddi: rationem usurarum haberi, non facile dicendum est: & est quidem constitutum in bona fidei iudiciis, quod ad usuras attinet, ut tantundem possit officium arbitri, quantum stipulatio: sed contra bonam fidem, & depositi naturam est, usuras ab eo desiderare temporis ante moram, qui beneficium in suscipienda pecunia dedit: si tamen ab initio de usuris prestandis convenit, lex contractus servabitur.

EX tractatu legis 8. *depos.* hæc potissimum in memoriam redigi velim. Ulpian. in l. 7. §. pen. ex qua pendet d. l. 8. depositarios interpretatur hoc modo, id est, eos, qui depositas pecunias habuerunt: non abs re; nam vulgo depositarii sunt, non qui pecuniam deposuerunt, sed qui acceperunt pecuniam depositam: alii qui dederunt, sunt depositores: sed in constitutione ea, qua privilegium dabatur depositariis (nam hoc constitutionem aliquam efficisse necesse est) depositarios interpretatus est Ulpianus esse depositores. Ita inventio in iure, fideicommissarium, quem scilicet vulgo dicimus pro eo, cui est relictum fideicommissum, accipi tamen nonnunquam pro herede: fideicommissarius nonnunquam est heres, vel legatarius, qui rogatus est prestare fideicommissum, l. quamvis, de iudic. & Novell. 108. Illud quoque in memoriam veniat, depositores, quos dixit privilegium habere in bonis numerarum vendendis, qui bonis esset, omnes concurrere, & simul admitti, omnium simul rationem haberi ante privilegia, si existent pecunie depositæ, & non servari ordinem temporis, non satisfieri antiquiori depositori, sed omnibus simul. Ex quo intelligitur in hypothecis quidem servari privilegium temporis, & potioris, potentioremque esse eum in vindicanda hypotheca, qui est prior tempore: sed in actione personalis non observatur privilegium temporis in exigendo debito, in actione in personam non servatur privilegium temporis inter creditores, qui tempore ejusdem tituli, id est, quibus ex eadem causa debetur, ut inter depositarios plures, l. privileg. de reb. auct. jud. in hypothecis privilegia æstimantur ex tempore. In personali actione ex causa debiti, non ex tempore, hoc est, non præsertur ceteris, qui est antiquior creditor, sed qui causam debiti habet privilegiam, veluti causam dotis, aut similem; quæ sit fulta privilegio juris. Postremo redigamus etiam in memoriam, quod didicimus ex d. l. 7. §. penult. depositarios habere privilegium exactionis, si modo depositarum pecuniarum usuras non acceperint, si fuerint simplices depositarii. Nam si usuras acceperint, non utuntur privilegio depositariorum, nec depositarii esse censentur, vel etiam si per argentarium, apud quem pecuniam deposuerunt, ex iis pecuniis foverentur, ii quoque non sunt proprie depositarii privilegarii. Huic parti est statim coniungenda lex 24. *hac res.* Privilegium depositariis datur iis tantum, qui usuras accipiunt, vel qui pecuniam deponunt ea lege, ut usuras foverant, creditores potius sunt, aut foveratores, quam depositarii, l. si ventri §. in bonis, de reb. auct. jud. vel etiam qui depositis pecuniis gratuito, nulla facta mentione usurarum, postea usuras acceperunt, videntur renuntiare deposito, & in creditum transire. Non est igitur depositum proprie, si veluti pro usu usuræ præstentur, ac si liceret uti pecunia deposita, quod certe non licet, & qui utitur fur est; l. si sacculum, hoc tit. non est proprie depositum si pecuniæ depositæ scenus accipiat, licet contrahentes appellaverint depositum, rem enim spectamus, non verba. Non est usus pecuniæ depositæ, sed custodia permessa tantum: ergo nec usuras

A debentur. Et sane quod ad privilegium attinet, de quo tractatur in l. 8. non est depositum: at crediti potius iure censetur five foveris. Hinc quaeritur, an eo casu, quo de usuris præstandis convenit, earum pecuniarum, quæ velut depositæ sunt, sicut cessat privilegium illud, si de usuris præstandis convenit, an cesset etiam actio depositi? num possum repetere pecuniam depositam actione depositi? an impediatur conventio usuraria, quam deposito appositum, quod alia res acta sit, quam depositi. Denique si cessat privilegium depositi, an cesset etiam actio depositi? Finge, depositum apud te pecuniam eo pacto, ut tantundem redderes, ut idem genus redderes, non eandem speciem: quo quidem pacto tacite id agitur, ut pecunia utaris, si velis, ut abutaris, ut consumas, neque enim eadem corpora numerorum mihi reddi spero, sed tantundem, quantitatem eandem. Ex hoc negotio estne actio depositi, necne? an est potius actio si certum petetur, id est, quæ ex mutuo competit? vel an actio præscriptis verbis, quæ ex negotio dubio & incerto? quod magni interest scire præter usuras. Nam si percipitur quis an ex negotio veniat usuræ, spectandum est, quæ actiones dentur, ex quo cognoscimus, usuræ ne veniant, necne. Nam si est actio depositi, usuræ veniunt ex pacto: vel si pacto nulla intervenierit, ex mora officio iudicis: si sit ex mora officio iudicis: si sit actio creditæ pecuniæ, vel actio præscriptis verbis, quæ sunt strictæ, usuræ non veniunt nisi ex stipulatione, non veniunt ex pacto, etiam si pactum sit initio contractus, & ex continenti, id est, etiam si pactum sit ex continenti appositum. Non veniunt igitur ex pacto, non etiam ex mora officio iudicis. Nam hæc est certissima differentia inter iudicia bonæ fidei & stricta, quod in bonæ fidei iudiciis usuræ veniunt ex pacto convento ab initio, l. Publica, §. 1. cum quidam; & ex loc. de usur. l. initio, C. de pact. int. empt. & vend. In strictis autem, non veniunt ex pacto sine stipulatione, licet pactum inest continenti contractus, l. idemque, §. si Titio, l. si Titio, l. qui neg. mand. l. 10. §. sed utrum, de in rem verso, l. Titius, de præscript. verb. l. quamvis, de usur. Ratio diversitatis est, quia in contractibus stricti juris pacta incontinenti non insunt ex parte actoris, insunt ex parte rei, id est, non formant actionem, sed exceptionem tantum. In contractibus bonæ fidei insunt ex parte actoris, id est, ex eis agere possumus, nedum excipere, ac proinde insunt non tantum ex parte rei, sed ex parte actoris. Est & alia differentia non minus certa: in bonæ fidei iudiciis usuras venire ex mora officio iudicis citra pactiorem, si ita arbitretur iudex, quia in illis iudiciis tantum potest officium iudicis, quantum in strictis stipulatione, quod repetitur in l. quia tantundem, de negot. gest. In iudiciis strictis usuræ non veniunt officio iudicis, quod nullum est, aut perquam exiguum: formula enim includitur iudex, nec sui juris est, apud quem agitur stricto iure. Magni ergo interest scire, an sit actio bonæ fidei, id est, depositi, an stricta, id est, coadiutrix ex mutuo, vel præscript. verbis. Et Papinianus, ut hoc definat ita distinguit: duo genera ponit contrahendi depositi; vel (inquit) pecunia deponitur obligata; aut clausa, ut scilicet eadem corpora numerorum reddantur, ut idem sacculus, idem loculi, quo genere non proponitur gestum esse negotium in hac lege: ut pecunia deponitur non obligata, non obligata, ut scilicet tantundem reddatur, de quo negotio hic agit. Priore casu constat esse depositi actionem, imo nihil habere id negotium, quod ita gestum est, quod non conveniat naturæ depositi, si obligatus datur sacculus ea lege, ut idem reddatur cum pecunia eadem, sed proposuerat Papinianus contrahentes, quod ita rem gesserant, non fuisse usus verbo deponendi, sed commendandi: centum, inquit, nummos quos hæc die commendasti: non dixit, quos deposuisti mihi: utrum est depositum, an novum negotium commodati, quod ex tunc actio præscript. verbis? in eo non laborat Papinianus. cum ait, commendare nihil aliud esse quam deponere. Quid est enim aliud commenda-

dare quam deponere? hoc idem ex Ulpian. lib. 30. ad edictum refertur in *l. commendare, de verb. sign.* Commendare nihil aliud est, quam deponere. Et notandum eo libro 30. tractat eundem Ulpian. de privilegio depositariorum, *l. 7. hoc tit. quæ est ex lib. 30. ad edict.* Sicut ergo Papinian. eodem libro tractavit & de hac re, & de illa quæstione, ita & Ulpian. nempe ad edictum. Et sane jam initio ostendi, esse affinem seu proximam alteram alteri, ut sit facile ex una labi in alteram, propterea quod distinguuntur depositarii, qui usuras accipiunt, ab his, qui non accipiunt. Eodem sensu dicimus commendare corpus mortui terræ, *l. est quis, §. funeris, de religiof.* quod est deponere, *l. si quis, 40. eod. tit.* deponuntur quoad fiat sepultura: & aliud est sepelire, aliud commendare. Commendatio mortui non est iusta sepultura: sit enim temporis causa tantum, sepultura sit, ut perpetuo ita sit. In legendis auctoribus accurate semper cavendum est, ne decipiamur: nam innumeris locis legitur verbum commendare, depravatim in commodare, ut olim legebatur in *l. 9. C. de pos. res commendatas, id est, depositas*, qui error effecit, ut Tribonianus legem ult. *C. commod.* poneret sub eo tit. quod in ea constitit. legisset commodatum pro commendatum. Perperam: quod difficulto jure, vel animadverso diligentius debuisset emendare, *commendare in commendare*, atque ita eam legem ponere debuisset sub titulo depositi. Nam & sententiam *d. l. ult.* tuert nemo potest absque calumnia. Quod vult ea lex in actione commodati non esse compensationi locum, sed rem commodatam statim reddendam, etiam si quid vicissim debeatur, est falsum, *l. Lucius, mand. l. in reb. §. quod autem, ff. commod.* & specialiter tantum hoc est receptum in actione depositi, ut non possit ei obici compensatio, ne quid moretur redditionem depositi: omnes alie actiones compensationem patiuntur ipso jure hodie. Et merito excipitur actio depositi: quoniam hæc actio summam fidem exigit, non par est fides, quæ in bonæ fidei iudiciis exigitur ubique: major in uno exigitur, quam in alio, sicut quæ sunt stricta iudicia non sunt. pari modo stricta; alia astricta, alia minus. Contractus depositi est sacer contractus, ut Juvenalis dixit, *sacrum depositum*, non quod in ædes sacras deponere solerent pecuniam, sed ut non fas sit fidem fallere depositi. Quid etiam in eo apparet, quia qui sefellit depositi fidem, sit infamis: qui commodati, non sit infamis: & quod actio depositi est privilegiaria, commodati non item: & quod depositum non opponitur exceptio non numeratæ pecuniæ, *l. in contract. C. de non num. pec. commodato* opponitur & ceteris actionibus: & ita etiam in solo depositum hoc receptum est, ut ei non opponatur compensatio, *l. pen. C. de pos. l. ult. C. de compens.* Verum ad rem: si pecunia, quæ est altera pars divisionis Papin. data sit non obligata, ea lege ut tantundem solveretur, an ex hoc negotio est actio depositi? Papin. ait, *eam rem excedere depositi notissimos terminos*, excedere depositæ pecuniæ modum. Termini depositi sunt, in quos resolvitur definitio depositi. Quid est depositum? Est conventio qua id agitur, ut rem meam custodias, & mihi possideas non tibi, eamque mihi reposcenti restituas, *l. 2. in pr. de reb. cred. l. licet, §. rei, hoc tit.* hos terminos egreditur, qui pacificatur, ut tantundem reddatur quantum deposuit: Nam hoc agit, ut is, apud quem deponit, sibi habeat, sibi possideat, & non eandem speciem reddat, sed quantitatem, *l. in navem, loc.* Est igitur hæc conventio contra naturam depositi. Papin. non definit aperte in hac *l. 24.* utrum sit actio depositi ex hac conventionione, an non, quod tamen multum interest scire. Nam ut ipse Papin. offendit in hac *l.* si non sit actio depositi, sed creditæ pecuniæ, vel præscriptis verbis, usuræ non venient nec ex pacto, nec ex mora, neque ex officio iudicis: sed si sit actio depositi, usuræ venient ex pacto convento in continenti officio iudicis, sive ex pacto ex fide bona. Ex mora igitur, non ante moram, nisi aliud convenerit ab initio, ut usuræ præstentur etiam ante moram. Unde notandum est, off. iud. in actionem depositi non venire

Tom. IV.

A usuras, nisi ex mora, propria quadam ratione, quia esset contra bonam fidem, & contra naturam depositi, si usuras alligaretur is, qui beneficium dedit in recipienda re, & custodienda, nec recusavit unquam, aut moram fecit in ea reddenda, hoc est proprium in deposito. Ergo in aliis contractibus veniunt usuræ etiam ante moram officio iudicis. In aliis contractibus bonæ fidei officio iudicis usurarum ratio habebitur, etiam ejus temporis, quo debitor non erat in mora, veluti ex tarda solutione. Nam non omnis tarda solutio est mora. Mora est tarditas, quam creat interpellatio. Potest esse tarditas in re ipsa, quod longius trahat solutionem, licet non interpelletur, *l. cum quidam, §. ex locato, de usur.* quæ constituit differentiam inter tardam solutionem & moram *ex viis scripturarum*. Ergo possunt venire usuræ ante moram ex tarda solutione, vel quod pecuniam (exempli gratia) mandatarius converterit in suos usus, licet nondum sit interpellatus de ea reddenda, *l. idemque, §. 3. mand. l. socum, pro socio*. Præterea stipulatio usurarum ante moram jure procedit, quis hoc negabit? in *l. lecta, de reb. cred.* tantum proficit officium iudicis, quantum stipulatione: quod stipulatione contrahentes efficere possunt, idem facit iudex ex officio. Ergo (quod sæpe iterandum est) multum interest scire, quæ actio sit ex proposito negotio. Sed ad extremum Papin. rem non definit, movet omnem lapidem excutiendæ hujus rei causæ, nihil tamen efficit, quia rem indefinitam relinquit, sed subolet, Papinianum, facile admisisse actionem depositi: cessare quidem privilegium depositi, sed non actionem: non male agere eum, qui depositi agit, & consequenter in hoc negotio venire usuras ex pacto, vel ex mora officio iudicis, licet excedat modum depositi, quod significat & *l. sequi, §. ult. l. Publica, §. 1. l. Quintus, l. si sacculum §. ult. hoc tit.* Exponenda nobis sunt primo reliqua *l. 24. depositi*, denique id quod proposuimus, contra naturam contractus pacta facta non esse rata. Proponitur initio *l. 24.* cautio pecuniæ depositi his verbis: *Lucius Titius Sempronio salutem, &c.* cautio & chirographum depositæ pecuniæ sit per epistolam: sed queritur, an ex ea cautione sit actio depositi? & hoc queritur propter usurarum incrementum: Nam si sit actio depositi, accrescent usuræ ex pacto vel off. iud. quia actio depositi est bonæ fidei: quod non contingeret, si non teneret actio depositi, sed competeret alia actio stricta. Et sequitur proposita cautio: *queritur, inquit, propter usurarum incrementum*. Est methodus brevitatis, quæ dicitur *κατὰ τὸ συντακτικόν*. Nam explenda est omnino hoc modo, aut intelligenda, ac si ita explanata fuisset. Queritur an sit actio depositi propter usurarum incrementum? & ita etiam in *l. Publica, §. 1. hoc tit.* Si de præstandis usuris pecuniæ depositæ convenerit, eum contractum excedere modum depositi, ideoque secundum conventionem usuras peti posse actione depositi: hoc postremo non inferatur: neque enim inferretur probe, sed ex eo quod subintelligitur, ac si dixisset contrarium, excedere modum depositi, neque tamen ideo minus depositum esse censeri: inde recte inferit, actione depositi usuras peti posse. Cur autem dubitat an ex cautione proposita sit actio depositi? nempe, quia is, qui cautionem emisit, non scripsit depositam, sed commendatam sibi pecuniam fuisse. E Verum Papin. ait, esse act. depositi, quod idem sit commendare & deponere: & hoc ita se habere sine ulla controversia, si obligata pecunia data sit ea lege, ut idem sacculus, eademque corpora nummorum redderentur. Nam in hoc contractu nihil est, quod non conveniat deposito, nihilque est, quo quis fretus, possit denegare actionem depositi. Et hoc est quod sequitur. Quid ergo? si id actum est numerata pecunia, ut alia tanta redderetur, non eadem, quid fiet? hoc deinde explicat Papinianus, *si numerata sit pecunia, &c.* Papin. ait, hanc rem excedere modum depositæ pecuniæ, depositum vel commendatum esse quidem nomine, non re, non substantia, non natura. Hæc lex subiecta deposito, ut tantundem reddatur, facit, ut quod depositum esse dixerunt, non

fit depositum, & hoc forte casu non erit actio depositi, sed erit actio creditæ pecuniæ, quia ea res credito magis accedit, vel, quod in ambiguo, erit actio præscript. verbis, & consequenter non accrescent usuræ sine stipulatione: & hoc est quod subiicit, *nam si tantundem, &c.* si non est, inquit, actio depositi, non venient usuræ ex pacto, vel ex officio iudicis, venient ex stipulatione sola: quæ omnia satis probavimus constituta differentia inter iudicia stricta & bona fidei. Contra si non convenit tantundem reddi, actione depositi venient usuræ, accrescent usuræ officio iud. perinde atque si essent in stipulationem deductæ, quoniam officium iudicis tantum potest exprimere, vel extorquere, idem & iudex potest, qui est additus bonæ fidei actioni: & accrescent officio iudicis ex tempore moræ, non ante moram: nam iniquum & absurdum & alienum a natura depositi est, ut usuris opprimatur depositarius, qui in custodienda pecunia beneficium dat, qui neque utitur ea pecunia, nec moram facit in ea reddenda. Usuram dat, qui beneficium accipit, non qui non accipit, non qui beneficium dat, si vacet mora: natura depositi est, ut custodiam solam injungat absque usu & usuris. Igitur non ante moram. Sed si initio deponenda pecunia conveniret de præstandis usuris etiam ante moram, lex contractus servabitur, id est, præstabitur usuræ ex pacto: nam in bonæ fidei iudiciis veniunt usuræ officio iudicis. In hoc iudicio depositi, ex mora tantum, vel ex pacto ante moram: & hoc est, quod subiicit, *& est quidem constitutum, &c.* Hoc ergo vult in extrema parte h. l. Papin. si sit actio depositi, usuras deberi ex pacto etiam temporis ejus, quod fuit ante moram: ex officio iudicis, non nisi ex mora. Et ait, *si tamen de usuris præstandis conveniret, ante moram scilicet, lex contractus servabitur*, id est, usuræ præstabitur. Ex eo colligo, quod notandum, esse actionem depositi, licet conveniret de usuris præstandis depositæ pecuniæ ante moram, alioquin non deberentur usuræ, si deficeret actio depositi, non enim alia suppetret, quam stricta. Item colligo non esse actionem depositi, si conveniret, ut tantundem solveretur, non idem: quod agi plerumque intelligitur, si pecunia numerata deponatur non tamen in folle, non in sacculo obsignata vel obserata: hæc duæ pactiones, ut *tantundem solvatur, vel ut usura præstetur ante moram*, sunt contra naturam depositi: hoc Papin. ait aperte in illo loco: *sed contra bonam fidem, &c.* Item superiori quo dixit eam legem, ut tantundem solvatur, egredi notissimos terminos depositi: nihil enim aliud est, quam eam legem egredi naturam depositi. Qua vero ratione sunt contra naturam depositi? quia tacite permittunt uti pecunia, si vis me usuras præstare, vis ergo, ut mihi liceat uti pecunia, si vis ut tantundem solvam, non illam quam deposuisti, vis me eam consumere. Permittitur enim tacite, ut uti liceat: hæc sunt contra naturam depositi, l. pacta, de contrah. empt. l. iure gentium, §. idem responsum, de pact. nec sunt audiendi, qui differentiam constituunt inter ea, quæ sunt contractus naturalia, & substantia: ex natura (inquam) & substantia, ex ipsorum contractuum hoc est, ne utatur pecunia, si re deposita, qui accipit, sed eam servet intactam: depositum consistit ex custodia, non ex usu. Quæ lex sive pactio depositæ pecuniæ usum permittit, aberrat a natura depositi. Et hinc sumpta occasione dicit aliquis, si hæc pactiones sunt contra naturam depositi, ergo non servabuntur: & tamen ait Papian. servari, quod verbum est ex edicto prætoris, *pacta servando*, in §. de illa, Inst. de sociat. Res explicabitur adhibita distinctione huiusmodi. Pactio dicitur esse contra naturam contractus, vel quod palam sit contra naturam contractus, vel quod tacite dumtaxat: hæc servatur, illa non servatur. Propterea contra naturam contractus est pactio, quæ manifeste adversatur contractui: ut puta si quid conveniret, quod pugnat omnino cum eo, quod primo contractum est, ut si post contractam societatem, quæ nihil aliud est, quam communio

lucris & damni, conveniat, ut unus totum lucrum fentiat? alter totum damnum, conventio non valet: quid enim est aliud, quam convenire, ne sit societas? Potest etiam exemplum sumi de precario, l. precario 9. de precar. Precarii natura est, si tu rogas me rem meam precario, ut eam revocem, ego qui precibus tuis locum dedi, cum mihi libuerit, quod commodato dedi, non revoco antequam usus fueris: nam id tibi utendum dedi: ut si equum tibi commodavero Lugdunum usque, antequam veneris Lugdunum, non possum equum revocare: quod datur precario, non ita utendum datur, sed ut hac liberalitate mea utaris, quandiu mihi libuerit; nec datur proprie utendum, quod precario datur, sed precibus tuo tantum locum, non etiam in hoc me astringo, ut ne revocem rem precario datam, antequam usus fueris certæ rei, causa: denique quod precario datur, non datur palam utendum. Verum finge: contracto precario convenit, ne ante Calendas Julias repeteres: hæc conventio est contra naturam precarii: Nam hoc perinde est, ac si diceres, ne sit precarium. Item si contrahatur feudum, & conveniat, ne fidelitas præstetur, hoc enim est, ne sit feudum. Item si contrahatur mutuum, & mox conveniat, ne pecuniam attingas, nec consumas, ne ea utaris, non erit mutuum, hæc pactiones sunt contra naturam contractus, quæ manifeste sunt contrariæ ipsi contractui, quæque evertunt palam, quod actum ante. Item in deposito, si conveniret ut pecuniam consumeres, ut ea abutereris si velles: nam depositum contrahitur custodiæ causa, & hæc sunt contraria, custodire & consumere sive absumere. Quid fiet, si hæc pactiones contractibus ex continententi adiciantur, ut in superioribus exemplis? duorum alterum accidet, ut vel nullæ sint pactiones, & habeantur pro non adjectis, nec tamen vitiatur contractus, sicut dicitur in l. 6. §. 1. de pecul. leg. adjectionem legati, quæ est contra naturam legati nihil adicere, id est, pro nulla & non scripta haberi, & non vitare legatum. Exempli gratia, legatum est peculium servi (peculium intelligitur deductio eo, quod domino debetur) subducitur debitum, & æs alienum domini, non potest videri in peculio esse, ut quod ego debeo, non est in bonis meis. Finge tamen legari peculium, & adici non deducto eo, quod domino debetur. Hæc adjectio est contra naturam, contra substantiam peculii, & ideo nihil adicit: nec propterea minus fiet ea deductio, aut minus præstabitur legatum: nec enim vitiatur per adjectionem repugnantem legati naturæ. D Similiter igitur modo hæc pactiones adjectæ contractibus, quæ manifeste contractum impugnant, non vitiabunt contractum, sed vitiabuntur ipsæ, vel etiam aliud continget, ut confessum propter pactionem, quæ adjecta est contraria contractui ante habito, si negotium id ferat, ut res transeat in aliud genus contractus, veluti si deposuero apud te pecuniam, & confessum conveniret, ut ea uteris, interpretabimur creditum esse contractum, non depositum, l. o. §. ult. l. 10. de reb. credit. Palam edico, ut pecunia deposita utaris, non depono, sed credo. Et ita Accursius recte in l. seg. §. ult. hoc tit. distinguit, utrum usus pecuniæ permittatur nominatim, an tacite. Nam si nominatim pecunia creditur sit, in ipso momento videtur contrahentes mutasse propositum, & depositum mutasse in creditum. Sed si tacite permittatur E usus pecuniæ depositæ, non definit esse depositio: & ita in mutuo, si conveniret, ut eadem corpora numerorum redderentur, quod videtur alienum a natura mutui, quia mutuum dantis recepturi idem genus, non speciem, mutuum est quantitatis, non corporis: valet tamen ea pactio, quia non palam tibi interdico usum pecuniæ, licet legem adiciam, ut reddas eandem pecuniam, & possis uti medio tempore. Idem erit in deposito, si conveniret, ut usuras præstes, vel ut tantundem reddas, quia hoc non palam edico, ut ea pecunia utaris, sed tacite tantum per consequentiam. Et multa que non sunt rite propalam, sunt rite per consequentiam, & tacito intellectus: sunt hujus rei innumera exempla. Et si quis generatim quærat, utrum sit major vis expressi, an taciti, vel

an par sit, vel non? debes respondere, ex eo quod sit plerumque, maiorem esse vim taciti, quam expressi, hoc est, plerumque tacite procedere, quæ palam non admitterentur. Ergo argumento proposito breviter ita respondendum est: intelligendos casus de passionibus, quæ nominatim concipiuntur contra naturam contractus, non de his quæ sunt tacite contra naturam contractus, quales sunt hæc duæ in hac lege, ut tantum reddatur, quantum depositum est, & ut depositi usuræ reddantur.

Ad L. LXXXI. si Soc. pro fil. pro socio.

Si facius pro filia dotem promissit: & prius quam solveret, herede ea relicta decessit, quæ postea cum marito de exigenda dote agit, accepio liberata est: quaestum est, an si pro socio ageret, dotis quantitatem præcipere deberet si forte convenisset inter socios, ut de communis dos constitueretur. Dixi pactum non esse iniquum, utique si non de alterius tantum filia convenit; nam si communis hoc pactum fuit; non interesse, quod alter solus filiam habuit. Ceterum, si numeratam dotem pater, defuncta in matrimonio filia, recuperasset, reddi pecuniam societati debuisset: pactum ex æquitate sic nobis interpretantibus. Quod si salva societate, divortio matrimonium solutum foret, cum sua causa dotem recipere, scilicet, ut eo vel alii marito dari possit, nec si prior maritus facere non posset, deus de societate constituendam dotem: nisi si nominatim ita convenisset. Verum in proposito largiter esse videbatur, dos numerata esset, an vero promissa: nam si filia datam dotem posteaquam patri heres exiit, jure suo recepit, non esse referendam pecuniam societati, quam mulier habuita fuit, etsi alius heres exiisset: quod si accepio a marito liberata esset, nequaquam imputari posse societati non soluma pecuniam.

Sequitur, ut transeamus ad l. 1. pro soc. quæ lex continet plura, & singularia multa: vellem, ne mihi vel aliis illius tenor memoria excideret: nam posset multis rebus accommodari, habetque rationem summam. Sciendum est, mortuam in matrimonio filiam, dotem profectitiam redire ad patrem: hoc nemo est, qui nesciat, l. jure, de jure dot. Ex dotem profectitiam esse, non tantum, si de suo eam dederit pater, sed & si de communis. Verum hoc interest, quod si dedit de jure proprio, dos revertitur ad eum, & remanet apud eum jure perpetuo: mortua enim in matrimonio filia, si dedit dotem de communis pater, rursus eam debet redigere in commune, quod hoc loco offenditur singulari. Dos profectia de communis a patre recipitur, sed mox refertur in commune, nec retinetur a patre. Divortio autem facto inter virum & uxorem, repetitio dotis est communis patris & filiae: nec enim pater potest dotem profectitiam repetere invita filia, l. 2. solut. matr. l. pater filia, ad l. Falc. Et si eam repetierit, ut oportet volente filia, eam ei servare debet, quoad nubit forte alii viro; non potest eam minuire, vel perdere, aut adimere filiae: nam in patrimonio filiae esse coepit, quamvis sit in patris potestate, l. 24. de collat. & l. 1. §. ult. de collat. dot. Et finito matrimonio non definit esse in patrimonio filiae, ac eadem filia rursus fungi potest repetito matrimonio. Atque hoc est, quod ait Papinianus, dotem a patre recuperari cum sua causa, ut scilicet, vel alii marito detur, ut eadem dos fungatur pro eadem filia, nec immutatur causa ejus pecunia, quia in bonis intelligitur esse filiae etiam soluto matrimonio, potius quam in bonis patris; filiafamil. habent castrensæ, vel quasi castrensæ peculium in proprio patrimonio: filiae, dotem profectitiam; sed si divortii tempore pater non fuerit in rebus humanis, a quo dos profectia est, repetitio dotis competit soli filiae, & recipit eam jure suo, ut Florentis scriptum est hoc loco. Idem dicam, si divortii tempore mortuus fuit pater, & jure suo, ad differentiam juris hereditarii, quia ponitur in b. l. filiam patri heredem exiisse: nam filia non recipit dotem jure hereditario, licet patri heres exiit, sed jure suo, jure proprio. Ex ita idem Papin. in l. pat. fil. ad

A l. Falc. filiam, quæ heres instituta, & rogata est hereditatem restituere, habituram Falcidiam jure hereditario, dotem autem jure suo. Conferat ibi palam jure hereditarium cum jure proprio: & vis differentie in eo consistit, quod qui jure suo recipit dotem, eam non refert societati, & refert societati, sicut pater, si eam reciperet jure hereditario, quod post dicemus enucleatius, & apertius. Ad hoc sciendum est, soluto matrimonio maritum teneri de dote reddenda focero vel uxori, vel heredi ejus, non tantum si dotem acceperit, sed etiam, si per eum steterit, quo minus acceperit, & alias teneri in dotem ipsam, hoc est, in quantitatem dotis, quæ deducta vel promissa est, alias in hoc tantum teneri, ut actorem liberet ab obligatione dotis, quod exemplis fiet manifestius. Finge: mulier debitorem suum delegavit marito, ut quod sibi is deberet, marito promitteret, idque acceptum maritus haberet in causam dotis: quo genere dos sæpissime constituitur. Si debitor sit a muliere marito delegatus, & id quod debet mulieri marito dote dixerit, vel promiserit, nec maritus eum exegerit, ac deinde defectus sit facultatibus debitor delegatus: divortio facto mulier repetet dotem, perinde ac si eam exegisset: quoniam hoc ei imputatur, quod sibi delegatum debitorem mulieris non urserit ad solutionem, priusquam laberetur facultatibus, l. si extraneus 33. de jure dot. Cur non exegit in tempore? cur fuit segnis? culpanda est segnities mariti, & plebenda redditio dotis, perinde ac si numerata fuisset, & exacta. Sed si focer, qui dotem promisit genero, nec solvit, mortua in matrimonio filia (quo casu dos ad eum redit) agat de dote, quam maritus debuit exigere, nec exegit, vel etiam si uxor, quæ dotem promisit, vel quæ debitori a se delegato, & promissori dotis, vel quæ alii debitori dotis heres exiit: aut, si debitor delegatus, qui mulieri heres exiit, soluto matrimonio agat de dote, quam exigere debuit maritus, nec exegit, non consequetur dotis quantitatem: quia sine rubore non potest imputare, aut culpæ vertere viro benignitatem suam, qui eum non urserit ad solutionem; non possum imputare honesto marito, qui me non exegerit, qui mihi pepercerit, qui eram debitor dotis, vel jure proprio, vel jure hereditario: possum ei imputare, quod ab extraneo non exegerit dotem, quod a patre, non item; non possum imputare viro, quod patrem meum non urserit, d. l. si extraneus. Ergo si qui sunt debitor dotis, vel jure proprio, vel nomine hereditario soluto matrimonio agant de dote, quam non exegit maritus, non consequentur dotem, quia culpa omni vacat, quod non exegit, quod agentibus de dote pepercit, sed hoc tantum consequentur, ut liberentur obligatione dotis per acceptilationem, quæ obligatio sola fuit apud virum dotis loco, non res ipsa, l. nupta, §. quoties, sol. matr. l. promittendo, §. ult. de jure dot. l. depositi §. 1. de pecul. Et secundum hanc definitionem juris res proponitur gesta fuisse in hac lege: modo ejus speciem videamus. Species hæc est: duo sunt socii omnium bonorum, primus & secundus. Convenit inter eos, ut unusquisque filiae suæ dotem constitueret de communis, hoc est, ut dotem quam quisque constitueret pro sua filia, sumeret de arca communis, & utrique imputaret. Commune fuit pactum, communis conventio, alioqui esset iniqua: Nam si ita convenisset, ut primus pro sua filia dotem constitueret de communis, non secundus, inæquale esset pactum, l. 3. Ci. comm. utriusq. judic. & contra naturam societatis, nec valeret: sed hoc casu commune fuit pactum, ut quisque filiam suam dotaret de communis, pactum igitur cum sit justum, servandum est. Nec obstat, quod conventionis tempore unus filiam habuerit, alter non: nam potest habere de pacto igitur, cum sit commune, nulla est dubitatio quin pactum ratum habendum, & servandum sit. Porro unus ex sociis dotem promisit pro filia, nec solvit: communioni igitur eo nomine secundum conventionem nihil abstulit, & priusquam solveret pater, eo mortuo filia heres exiit, pro qua dotem promiserat, atque ita filia coepit debere dotem marito, quam debuit pater, jure hereditario, nec solvit, non coegit eum

rogetur restituere hereditatem, quam est adquisiturus per filium, eidem filio post mortem suam, vel si rogetur restituere cum emancipatus fuerit filius. Idem erit, si rogetur servum manumittere: utilia sunt fideicommissum. *l. quæsitum* g. i. §. cum servus, de leg. 1. *l. quidam*, §. si filio, ad Trebell. l. 5. §. si servum, de his que ut indig. *l. quærimus*, C. de fideicommissum. Sed pergamus: multum tamen interest, utrum a patre vel domino heredis instituti fideicommissum relinquatur extraneo, an ipsi filio, aut servo: nam si extraneo, ei pater obligatur nomine fideicommissi ex persona filii ut heres, quia sustinet vicem heredis, id est, filii: & filiusfam. si esset paterfamil. teneretur fideicommissario, quod relictum a patre, relictum a se intelligatur. Ergo, extraneo tenetur pater ex persona filii ut heres: filio autem si sit rogatus prestare fideicommissum, tenetur ex sua persona, non ex persona filii, quia & filius si esset paterfamil. non teneretur sibi ipsi: nemo obligatur sibi ipsi, ex persona mea mihi deberi non potest, alii potest. Ergo si ipsi filio a patre sit fideicommissum relictum, pater non tenetur ut heres, hoc est, non tenetur ut filius, sed tenetur ut pater, ut quilibet ad quem morte testatoris aliquid pervenit: nam regulare est, fideicommissum posse relinqui non tantum ab herede, sed etiam ab omnibus iis, ad quos morte testatoris aliquid pervenit, velut a legatario, fideicommissum, donatario causa mortis, a marito, qui lucrum dotale ex causa mortis fert *l. 1. §. sciendum*, C. seg. de leg. 2. Ex eo sequitur res magis momenti, ut si priori quidem casu pater instituit heredis, aut legatarii rogatus sit prestare fideicommissum, ut possit detrahere Falcidiam, si interveniat: sed si sit relictum filio, hoc est, si rogatus sit filio post mortem suam restituere hereditatem, quæ ei per filium obvenit, non potest deducere Falcidiam, sed restituere totam sine diminutione, quia beneficio legis Falcidiz utitur tantum heres, aut veluti heres. *l. mulier* 22. §. ult. ad Trebell. Ex filio non præstat fideicommissum ut heres, ergo non utitur Falcidia: extraneo præstat fideicommissum ut heres, ergo recte utitur Falcidia heredis beneficio. Falcidia, inquam, utitur tantum heres, vel quasi heres. Exempli gratia, bonorum possessor utitur Falcidia, quoniam est veluti heres. Item pater, qui filiofamil. militi successit ab intestato in castrensi peculio, si ab intestato miles filiusfamil. reliquerit multa fideicommissa, ex eis deducit Falcid. *l. filiusfamil.* 18. ad leg. Falcid. quia est veluti heres filii sui: heres certe non est absolute, quandoquidem bona castrensia redierunt ad patrem non quasi hereditas, sed quasi peculium, *l. 1. C. 2. de cast. pec.* Item Falcidia utitur pater heredis, qui rogatus est restituere hereditatem extraneo, ut offenditur hac *l. C. l. Nesejennius* 22. §. servo, ad leg. Falcid. quia est veluti heres. Et fideicommissum præstat ex persona filii scripti heredis. Quæro, an legatarius oneratus fideicommissum detrahet Falcidiam? minime, quia neque est heres, neque veluti heres, etiam si sit partiarus, *l. mulier*, §. ult. Legatarius igitur non utitur Falcidia ex sua persona, sed ex persona heredis, hoc est, si ipse passus sit Falcidiam. Et rescissione legati sui in fideicommissario, cui est rogatus prestare aliquid, reputabit pro rata, *l. ponzales*, §. si Titio, ad leg. Falcid. Idemque statuendum est de fideicommiss. speciali. Quæro fideicommissarius generalis, an detrahet Falcidiam? Finge: heres scriptus rogatus restituere hereditatem primo, primo secundo, an primus secundo detrahet Falcidiam? minime, quia ea jam antea usus heres scriptus, aut uti potuit. Falcidia non iteratur, semel tantum in eadem hereditate deducitur Falcidia, *l. si pater* 55. §. qui fideicommissum. *l. 1. §. denique*, C. seg. ad Trebell. *l. lex Falcid.* §. ult. ad *l. Falcid.* *l. coheredi*, §. quod si heres, de vulg. substit. Excipiuntur casus quidam; si ideo heres non detraheret Falcidiam, ut detraheret fideicommissarius prior, dum ei vult donare Falcidiam, non posteriori Falcidiam. *l. 1. §. inde Nervarius*, ad Trebell. Excipitur etiam hic casus, si fideicommissarius conveniatur a legatario ex persona heredis, quia omnis legatorum feli-

storum ab herede transit in fideicommissarium, cui est restituta hereditas: & ita si conveniatur ex persona heredis, utetur etiam Falcidia, quia heres uti potuisset, *l. Marcellus*, §. 1. ad Trebell. Non utetur etiam Falcidia pater filii heredis instituti, qui rogatus est restituere ipsi filio hereditatem, sed restituet solidam hereditatem filio, quia neque est heres, neque veluti heres, hoc est, non debet fideicommissum filio ut filius, ergo nec ut heres: sed ut pater, quod hæc lege ostenditur. Nec obstat *l. 1. §. si filio*, ad Trebell. si pater filii instituti rogatus sit filio restituere hereditatem, locus est Senatusc. Trebell. Fateor, locum esse Senatusc. Trebell. sed non legi Falcidiz, hoc est, a patre restituta hereditate, hæc actiones transiunt in filium ex Trebelliano; verum ipse pater non detrahit Falcidiam. Nec obstat *lex jubemus*, §. 1. C. ad Trebell. pater rogatus est restituere filio, deducit Falcidiam. Resp. pater heres institutus est, & rogatus restituere hereditatem: sed pater heredis instituti rogatus eidem restituere, non detrahit Falcid. quia non est heres, neque vice heredis, quæ heredibus tantum permittitur, aut veluti heredibus, live iis, qui explent voluntatem testatoris, velut heredes vel heredum loco, ex persona heredum. Et hoc est, quod ait Papin. in hac *l.* videamus tamen antequam ad posteriorem, *l. deveniamus*, filio herede instituto, uter sit heres, filius an pater. Idem queritur de servo herede instituto, uter servus, an dominus sit heres? Res est expedita facillima. Dicam enim dominum non esse heredem; sed velut heredem: quod ex superioribus liquet: vel dicam, dominum non esse heredem suo nomine, non directo, non principaliter, sed per suum, & patrem per filium, per intermediam personam, *l. 2. de pœrit. hered.* *l. 9. §. illud*, de interrog. in iure fac. *l. qui liber*, §. ult. de vulg. substit. Vel dicam, dominum non esse heredem *ἀλλ' οὐκ*, sed *ἀντὶ τοῦ* quod rem habeat, id est, hereditatem. Heres est, qui scriptus vel auctoratus est, cui honos habitus est, qui honoratus est nomine heredis. Institutio est honos, *l. si filium*, §. sed & si *l. 3. §. hoc autem*, de leg. præst. non exigimus, ut habeat rem, sed ut nomen: nam & qui se abstulit hereditatem, heres est, & qui restituit hereditatem ex Trebell. heres est. Heres est, scilicet sine re, qui adivit aut misit: nec qui restituit heres est cum re sc. heres igitur alias sine re, alias cum re, ut Ambros. dicit in Epist. & ex iure nostro in *l. filius*, ff. de inst. test. & *Ulp. in fragm.* Et qui successit loco ejus, qui se abstulit, non est heres, nec usurpat nomen heredis: sed est bonorum possessor, & fideicommissum cui est restituta hereditas, non est heres, nec dicitur heres, sed fideicommissum. Denique heres est, qui nomen & titulum heredis habet, tamen rem ipsam non habeat, sed alius: dominus non habet nomen heredis: ergo non est heres, licet rem obtineat, quia res non facit heredem, sed nomen. Et ita *l. qui heres*, de cond. & demoyst. qui iustus est dare heredi, si servus sit heres, non satisfacit voluntati defuncti, si domino dederit, *l. 3. l. qui liber*, §. ult. de vulg. substit. His verbis substitutionis: *Qui mihi heres erit, sit etiam filio meo impuberi*: non comprehenditur dominus, vel pater factus heres per servum, aut filium, *l. 3. §. hoc autem*, de leg. præst. Rescisso testamento per bonor. posses. contra tab. corrumpunt omnia, sed legata servantur liberis tantum & parentibus relicta: an etiam, quæ sunt relicta servis eorum? Minime: nam non quarimus, cui adquirantur, sed cui honos habitus sit: & levia sunt, quæ in contrarium obijciuntur, eaque paucis expediam. Obijciunt in contrarium, ut efficiant dominum esse verum heredem, §. item nobis, Instit. per quas pers. nobis adq. Adquirunt patri vel domino hereditas perinde atque si heres institutus esset. Ergo heres est. Resp. non dicit, eum esse heredem perinde atque si institutus esset, sed dicit ei adquiri, quod non nego. Item obijciunt, quod diximus ante ex hac *l.* patrem uti Falcidia rogatum extraneo restituere hereditatem: si utitur Falcidia heres est: nam uti Falcidia solius est heredis: Resp. uti eum Falcidia ex persona filii. Obijciunt *l. placet* 79. de adq. hered. filio instituto & adveniente iusto patri confestim hereditas adquiritur patri, & ne momentum quidem, inquit *lex*, intelligitur remansisse apud

apud filium, quoniam confestim acquiritur patri. Resp. non ex eo sequitur, patrem esse heredem: acquirit rem, ergo heres est, vitiosa est collectio. Filius patri acquirit rem, sed non nomen heredis, quod notandum. Posset magis vos movere *lex 12. §. si filius, de usu & habit.* Finge: usum ædium est legatus filiosam. acquiritur patri: pater autem utetur ædibus cum uxore, & cum liberis, & cum servis omnibus. an etiam filius, cui legatus est usus ædium potest habitare cum liberis & uxore? Minime. Ergo pater videtur esse usufructus, non filius; consimiliter pater videtur esse heres, non filius. Resp. hoc ita fieri, ut pater solus habitet cum suis, non etiam filius cum suis, quod patri sit adquisitum omne emolumentum; usus abiit a filio, & residet nudum nomen usufructus: unde sic statuo. Usufructus est, cui relictus est usus, non cui adquisitus: & simili modo heres, cui relicta est hereditas, non cui adquisita, quamquam etiam possit dici heres, sed non *heres*. Repetamus paucis quæ didicimus ex *l. 11. de leg. 1.* Regula est juris, quæ constituitur, a patre vel domino, qui hereditatem vel legatum adquisivit per filium, vel per servum jure potestatis fideicommissum relinqui posse. Regula concepta est de fideicommissio. In hac *l. 11.* & in *l. 4. de leg. 3.* & in *l. si alienus, de leg. 2.* quia ante constitutionem Justin. de exæquatione legati, & fideicommissum recte a patre vel domino relinqui legatum non potuit, fideicommissum potuit, ut Ulpianus docet in fragm. de fideicommissum. Et vera est regula, si pater aut dominus rogetur prestare fideicommissum, extraneo, si pater aut dominus ipse, aut servo suo sub conditione, scilicet cum erit sui juris, vel post mortem suam, id est, cura mortuus fuerit pater vel dominus. Utile ergo est fideicommissum relictum a patre vel domino heredi instituti, aut legatarii, si relictum sit ipsi filiosam vel servo, vel extraneo: sed hoc interest inter filium & extraneum, quod si extraneo relinquatur fideicommissum, vires accipit ex persona filii: si autem relinquatur filio fideicommissum, vires accipit ex persona patris: vel aliter: fideicommissum debet pater extraneo ut heres filio aut pater, & ut alius quilibet, ad quem morte alterius commodum aliquod pervenit. Hæc omnia sunt certissima. Nam satis perspicuum est filio non posse deberi fideicommissum ex persona filii: nemo enim sibi ipsi debere potest, nec obligatus esse potest: denique pater filio fideicommissum non debet, ut heres, id est, ut filius, ut vicem gerens filii, sed debet fideicommissum filio ut pater, ut persona, quæ fideicommissum dñari potest. Ex iis, quæ diximus esse certissima, duo Papinian. desinit. Unum est, patrem rogatum restituere extraneo, in eo fideicommissio exercere Falcidiam, quia id debet ut heres, *l. Neveum §. servo, ad leg. Falcid.* & lex Falcidia lata est heredis gratia, *l. 71. eod. tit.* ne hereditatem repudiaret, ne desisteretur testamentum, non etiam alterius persone gratia, ad quam commodum aliquod pervenisset ex bonis defuncti: beneficium legis Falcidiae datum est heredibus: sed si filio pater rogatus sit restituere fideicommissum, non exercere Falcidiam, quia id debet ut heres, sed ut pater, ut quilibet: Falcidia autem non utitur quilibet, sed heres tantum. Est elegans quod ait *d. l. 71.* legem Falcid. esse latam heredis gratia, propter *heredis* heredis tantum, ne respueret hereditatem defuncti: & hoc primum quod dixi efficere Papinianum ex superioribus, latius exposuimus supra. Restat ut tractemus de altero. Positis superioribus principis duo Papin. efficit. Unum exposuimus, alterum proponitur in ultima parte h. l. his verbis, *quod si pater, &c.* hanc partem explicant male qui aspernantur juris antiqui cognitionem, ex quo petenda hujus partis interpretatio. Interpretes multum dissimiles ab Aristone, quem Plinius scribit *sic jura publica tanquam privata, sic antiqua tanquam nova, sic rara ut assidue tractasse;* nec erit unquam fidus interpretis juris, nisi qui & antiquum, novum & medium jus bene cognoverit. Ergo imitemur Aristonem, & nullius juris cognitionem negligamus. In quo doctores nostri versati errare malunt quam veritatem cognoscere. Nec existiment nihil ex jure antiquo residere in Pandectis: residet enim innumera, quæ si nolis agnoscere, necesse est hæreas semper in luto: nec existi-

A memus ea, quæ sunt scripta in Pandectis omnino congruere cum novissimis constitutionibus Cod. hoc enim est manifeste falsum. Ne existimemus hoc Justinianum ipsum voluisse, cum jubet in præfatione *ff. de ver. jure enuci.* ea quæ sunt scripta in his libris, ita accipi tanquam ab ipso Justiniano scripta, non tanquam scripta a Papin. vel aliis auctoribus. Dicemus igitur superfluas esse inscriptiones auctorum: quod scimus, quodque cernimus, neque licebit nobis scire neque cernere? Justin. scribere, nihil esse dissonum, nihil simile in D. vel Cod. cum tamen multa sint non similia tantum, sed eadem, & iisdem verbis repetita: multa sint quoque dissona atque contraria: nihil est hac opinione perniciosius. Et quod Justin. ait, nihil esse contrarium, nihil dissimile, & congruere inter se omnia ex quibus constat Codex & Digesta, id est, B commendatio operis potius, quam affirmatio vera & demonstratio ejus, quod conatus est, quod satis, egit, non etiam peregit. Pleraque scribuntur a nobis aut dicuntur, non quod vera sint, sed dicuntur ostentationis gratia, vel demonstrandi conatus nostri. Ita est iis respondendum: neque ad summum perveniet, qui fuerit juris veteris contemptor, quique non cognoverit resare in D. multa vestigia duarum familiarum invicem diffidentium Sabinianorum & Proculianorum. Exponenda igitur nobis ultima pars hujus legis ex jure antiquo. Finge: patri per filium adquisita est hereditas vel legatum, & fuit rogatus pater, ut filio restitueret eam hereditatem vel legatum post mortem suam, vel cum morietur. Denique a patre fuit relictum fideicommissum filio, ita ut filius repeteret post mortem patris: fideicommissum inquam hereditatis aut legati sibi adquisiti per filium: deficit conditio fideicommissum, quoniam mortuus est filius vivo patre, & fuerat relictum fideicommissum filio post mortem patris, atque adeo sub conditione, si superviveret patri, non præmoreretur. Curritur antefideicommissum remaneat apud patrem, quod deficit conditio præmortuo filio? & omnimodo ait, remansurum esse: nec rationem dubitandi explicat: decidendi tamen hanc rationem subiecit, remansurum fideicommissum apud patrem, quia id debuit ut pater, non ut heres. Supplenda igitur a nobis est ratio dubitandi, quæ proculdubio hæc fuit, quia videbatur fideicommissum recidisse in fideicommissum post mortem testatoris mortuo filio, cui fideicommissum erat relictum ante patrem. Nam caduca sunt, quæ deficiunt post mortem testatoris, ut si legatarius aut fideicommissi. conditione fideicommissi deficiat post mortem testatoris: filius hic defecit conditione fideicommissi post mortem testatoris vivo patre, qui rogatus est: ergo est caducum. In causam autem caduci rediguntur in fideicommissum, quæ deficiunt vivo testatore post testamentum. Hæc quæ sunt caduca, vel in causa caduci ab initio sunt utilia, sed deficiunt postea. Alia sunt quæ relinquuntur testamentis, quæ ab initio sunt inutilia, quæ dicuntur esse pro non scriptis. At Papinian. ait fideicommissum, quod deficit præmoriens filio, cui relictum erat, non fieri caducum, sed remanere apud patrem, quia onus caduci irrogatur soli heredi; legem caducariam, id est, Julia & Papia invident lucrum heredi, non aliis personis, heredem solum incesant. Pater autem hoc fideicommissum non debet ut heres, sed ut pater, ut E quilibet, & fideicommissi. vires capit ex persona patris: ergo non subiecitur legibus caducariis, quæ heredem solum insequuntur. Et recte ponit exemplum in patre rogato restituere filiosam, & moriatur extraneus vivo patre, & ita deficiat fideicommissum. nam hoc casu fiet caducum, nec remanebit apud patrem, quia id debuit ut heres, non ut persona quælibet, & heredi soli obijciuntur fideicommissum non personæ quælibet. Quam quidem distinctionem inter extraneum & filium volumus tantum aptari ad fideicommissum hereditatis. Si pater rogetur restituere hereditatem filio, præmortuo filio, non fit caduca hereditas: si rogetur restituere extraneo, præmortuo illo fit caduca hereditas. Separemus igitur extraneum a filio si sit fideicommissum.

comm. hereditatis: non separamus extraneum a filio si sit fideicommissum legatum, si legatum quod adquisivit per filium rogetur restituere. Nihil enim interest utrum rogetur restituere extraneo, vel filio. Nam pramortuo extraneo, vel filio non sit caducum fideicommissum, sed retinetur a patre eadem ratione, quia onus caduci irrogatur heredi soli: pater vero hoc casu fideicommissum rei legatæ filio ut pater, extraneo autem id debet ut legatarius, neutri ut heres: non est igitur cur debeat patri onus caduci, excludit igitur fideicommissum. Quod confirmatur etiam hac ratione, quandoque heres præfertur fisco etiam si legatum deficiat mortuo, aut vivo testatore. Est duplex jus, antiquum & novum. Antiquum appellatur quod obtinuit ante legem Jul. & Pap. ante leges caducarias, quo non invitatur fiscus, sed quæ deficiebant legata vivo vel mortuo testatore, apud heredem remanebant. Hoc jus antiquum hodie post leges novas reservatur esse liberis & parentibus defuncti hereditibus institutis, l. 1. §. C. cum, de cad. toll. l. Celsus in fin. de leg. 2. Ulpianus in fragment. nam liberi & parentes deficiente legato post testamentum, vel mortuo testatore præferuntur fisco, neque adversus eos habent locum l. novæ l. ult. de reg. Cation. Finge igitur, heredem esse ex liberis vel parentibus, ab herede legatum Titio, Titium rogatum restituere Cajo, mox Cajum vivo Titio, an legatum remanebit apud legatarium: an vero cedet lucro heredis? Et constat legatarium præferri heredi habenti jus antiquum, l. pater §. fideicommissum. de leg. 3. l. Julianus 60. de leg. 2. Inde sic colligo. Legatarius excludit heredem, qui jus antiquum habet, ergo excludit etiam fideicommissum: si heredem excludit, & fideicommissum excludit: nam ea tantum fiscus vendicat, quæ apud heredem erant remanens, hoc est remanens apud legatarium, non apud heredem. Qui igitur vincit heredem, & fideicommissum vincit. Duo sunt casus, quibus legatarius in proposito casu non præfertur heredi, id est, quibus fideicommissum relictum a legatario si deficiat, cedit heredi, non legatario. Unus est, si testator legatarium elegerit, ut dispensatorem legatorum: nam hoc casu fideicommissum ab eo relictum quod deficiat, non remanet apud eum, sed redit ad heredem, qui jus antiquum habet, vel ad fideicommissum, si heres utatur jure novo. Alter est, si legatarius moram fecerit in præstando fideicommissum, quod licet colligere ex d. l. pater §. fideicommissum. Finge, a legatario reliquit fideicommissum collegio cujusdam templi: is moram fecit in præstando fideicommissum, cum jam nata esset actio collegio, & interea dissolutum est collegium auctoritate principis: queritur an fideicommissum remaneat apud legatarium? non, quia fuit in mora, quia conveniri potuit ab actoribus collegii fideicommissum nomine: an pertinebit igitur ad heredem? Minime, sed ad eum, cui bona ejus collegii princeps adjudicaverit: quod ita observatum fuit in Gallia in dissolutione collegii Templariorum. Et hæc dicuntur de his, quæ possunt cadere in fideicommissum, id est, quæ deficiunt post testamentum vel mortem testatoris, quæ dicuntur esse caducæ: nam ea quæ ab initio sunt inutilia, proculdubio remanent apud heredem omni jure. Concludamus igitur in hac questione, non idem juris esse in hereditate, quod in legato. In hereditate commissa fidei patris, separari extraneum, cum fideicommissum, est relictum a filio: in legato nullam esse inter eas personas separationem: & ideo patrem omnino reteritur, id est, non tantum legatum, sed etiam hereditatem: omnimodo, id est, quodcumque per filium consequutus est, si sit legatum, si sit hereditas: & ita in l. si mihi 39. de leg. 2. omnino, id est, in totum; τὸ πᾶν ὁ πατὴρ παραλαβὼν, id est, sine ulla diminutione accipit, quia debet fideicommissum ut pater: nam si debet ut heres, subicitur caducariis.

Ad l. si debitori XXXVII. de fideiussor.

Si debitori depositio irrogata est: non posse pro eo fideiussorem accipi scribit Iulianus: quasi tota obligatio contra eum extincta sit.

§. 1. Si filius in causa pecuniaria ita fideiussorem accepit, quantum pecuniam tradidero fide tua esse jubet: & emanet ut creditur, patri quidem si non est reus obligatus, non Tom. IV.

A tenebitur, filio vero humanitatis intuitu obnoxius esse debet?

IN hac l. duæ quæstiones definiuntur: una est de fideiussore, qui pro debitorum deportato intercessit, ex causa præcedente deportationem, an teneatur. Altera est de fideiussore adhibito futuræ obligationi quem filiusam accepit, si post emancipetur filius, & tunc ea obligatio nasci incipiat, utri teneatur patri an filio. Quod ad priorem quæstionem attinet, deportatio est exilium, quo damnatus ad peregrinitatem redigitur, id est, quod ex cive fit peregrinus, & exlex: nec enim deportatus utitur legibus aut jure civium, sed utitur liberorum hominum jure, id est, jure gentium. Igitur deportatio est media capitis deminutio, non maxima, quia libertatem non admittit, ea quæ juris gentium sunt non admittit.

B. Civitatem admittit & bona, sola nuncupatione deportationis auferuntur bona: neque enim necesse est hæc adimi nominatim: nam satis est, si ita judex reum condemnet; illum deportari in insulam illam placet: & eleganter in l. ult. in fin. C. de sent. pass. dicitur, ipsum per se nomen deportationis bonorum omnium spoliationem esse, una cum civitate, cumque iis omnibus, quæ manant ex jure civili, quæ nobis, qui cives sumus, competunt: hoc convenit cum l. deportatorum, C. de pen. quæ constituit differentiam inter relegatum & deportatum: quod relegato in insulam non adimuntur bona, nihil admittitur, nisi sit expressum specialiter in condemnatione, & omnia bona nunquam, sed plerumque pars quædam ei nominatim admittitur, deportato omnia adimuntur tacito jure, tacito intellectu: hæc est vis verbi. Plerique exstant nos auctores promiscue abuti iis verbis deportandi & relegandi: quod fieri non potest, quandoquidem deportationis verbum multa secum trahit: & sicuti iudices in foro religiose distinguunt unum ab alio per consequentias: sic & auctores nostri semper; & recte etiam in l. tutelæ in fi. de cap. min. Deportatum amissis bonis & civitate relicta nudum exulare. Hæc sunt propria deportationis. Relegatus dicitur improprie exul, vel quia neque libertatem, neque civitatem amittit, nec familiam mutat; relegatio non est capitis deminutio, sicut nec damnatio ad tempus ad opus publicum. Errant plerique qui dicunt illam esse capitis deminutionem. Nam integerrimus est status legati: ergo bona adimuntur deportato una cum civitate: cui vero cedunt ea bona? rediguntur in fideicommissum: fideus est, veluti successor deportati cum oneribus: (quod notandum) adversus fideicommissum quasi adversus successorem creditores deportati agunt, & vicissim fideus quasi successor agit contra debitores deportati, l. 5. C. de bon. prof. l. 3: l. 5. C. de sent. pass. Ipse autem deportatus liberatur. Deportatio liberat ab omni obligatione, l. 2. l. tutelæ, §. ult. de cap. min. nam omnis liberatio refertur ad instar legitime liberationis, veluti solutionis, acceptilationis, novationis: deportatus liberatur veluti morte; deportatio quasi mors est. Intereunt homines non morte tantum, sed etiam maxima aut media capitis deminutione. Imo nonnunquam sine capitis deminutione intereunt, proscriptio scilicet, relegatio, vel publicatione bonorum, quæ contingit sine capitis deminutione; nam possunt (*) bona publicari sine capitis deminutione, si quis relegatur in insulam, & specialiter ei adimatur magna pars bonorum, ac redigatur in fideicommissum, pro ea parte bonorum relegatus liberatur, quasi videatur pro ea parte fideicommissum habere successorem, & semivivus esse: pro ea parte, quæ publicata est, pro mortuo habetur, pro ea parte quam retinet, non videtur mortuus: atque ita quodammodo partim successorem habet, partim non habet, l. 1. C. de fideiuss. l. 2. C. ad leg. Jul. de vi. ubi eleganter ait, successorem pro oneribus portionis suæ respondere: fideicommissum igitur respondere pro parte bonorum legati, quæ ei adempta est, pro reliqua parte respondere ipsum legatarium. Ergo non deportatio tantum quasi mors est, mortis effectus habet, sed etiam relegatio, cui juncta est publicatio partis

P

bono-

(*) Vide Merill. Variant. ex Cujac. lib. 2. cap. 15.

bonorum: atque ideo quæritur cur deportatus pro mortuo habeatur: an quia insula circumscribitur? an quia sit peregrinus? minime, sed quia bona adimuntur. Quæro nunc deportatione liberato debitore, an etiam fidejussor ejus liberatur quem dederat, antequam deportaretur? Id quæritur non abs re. Nam plerumque liberato reo liberatur etiam fidejussor: propterea quod fidejussor habet regressum adversus debitorem, si solvere compellatur, atque ideo non plene liberatur reus, nisi fidejussor ejus liberetur: sed hoc tamen non evenit semper, quia interdum liberato principali non liberatur fidejussor, etiam si sit ei regressus adversus reum principalem. Possit enim non esse regressus propter inopiam debitoris: exempli gratia, reus liberatur cessione bonorum ex lege Julia, an & fidejussor? minime, *q. ult. Instit. de repleti.* Rursus liberatur debitor deportatione, vel publicatione bonorum: sed non etiam fidejussor ejus, ne fiat contra mentem contrahentium. Cur datur fidejussor? cur accipitur? quid respiciunt, qui fidejussorem dant, sive accipiunt? nempe hoc, nec aliud quidquam, quam ut si forte debitor labatur facultatibus, suum consequantur a fidejussore. Ergo per omnia lapsu facultatum liberato debitore, non utique liberatur fidejussor: imo magis obligatur, si obligatio possit accipere incrementum, id est, tum maxime necesse est experiri cum fidejussore eversa re debitoris: quod confirmat *l. 1. c. de fidejuss.* sed fidejussor si solverit, habebit regressum adversus fideum, qui occupavit bona, quasi adversus successorem debitoris. Idem confirmat *l. de fensor. C. de excep.* quæ ait, defensionibus competentes reo principali, competere etiam fidejussoribus: quibus remediis liberatur principalis, iidem etiam liberari & uti posse fidejussores: sed addit *integro manente statu*, id est, reo principali non capite deminuto. Nam reus principalis liberatur per capitis deminutionem: non liberatur etiam fidejussor, nec mirum cum neque liberato reo per publicationem bonorum integro manente statu liberetur fidejussor. At rursus quæro an post deportationem datus fidejussor a deportato ex causa, quæ præcessit deportationem, obligetur? quod quæri potest etiam de pigore dato post deportationem, & de eo, qui constituit se pro deportato soluturum an obligetur. Ex Papiniani definit. non obligari fidejussorem his verbis: *si debitori, &c.* Utitur hac ratione, quia tota obligatio adversus eum extincta est, quia deportatio suffulit totam obligationem: fidejussor autem vel pignus, vel is, qui constituit pro debitore, non obligatur nisi præcedat obligatio principalis. Et quod ait in prin. *si debitori, &c.* id est accipiendum, ut loquuntur auctores nostri *avagoridi*, quia nunc non est debitor, sed fuit: tota enim obligatio contra eum extincta est, id est, etiam naturalis: fidejussor accedere potest naturali obligationi, & constituta pecunie reus, & pignus vel hypotheca, sed vel naturalem obligationem præcedere necesse est, alioquin nulla est obligatio. Ita enim in *l. si unus 27. §. post. de post.* totam obligationem, id est, etiam naturalem, *l. si mulier, §. ult. ad Vell.* Senatusconsulti beneficio liberari non tantum mulierem, sed etiam fidejussorem mulieris: quod rationem habet perspicuam: si fidejussor erat habiturus regressum adversus mulierem: sed quid si fidejussor non erat habiturus regressum, ut si fidejussit animo donandi in rem suam, si invita muliere? iis casibus non poterit uti beneficio Senatusconsulti, quia Senatusconsultum totam obligationem improbat, id est, etiam naturalem. Qui improbat naturalem, improbat & fidejussorem: quod non ita procederet in Senatusconsulto Maced. nam illud non improbat totam obligationem, id est, non tollit naturalem, sed civilem tantum, *l. quia naturalis, ad Maced.* Igitur Macedoniano liberatur filiusfamil. at pater fidejussor filium: non liberatur, quibus casibus non est habiturus regressum adversus filiumfamil. nam si habiturus est adversus filiumfamil., & ipse fidejussor filiumfamil. liberatur: quæ de causa mihi valde placet, quod Accurs. hic notavit, tota, inquit, id est, omnes. Philosophi notant differentiam esse inter totum & omne: totum quan-

A titatis nomen esse: omne numeri: vel totum, in singulis agnosci, omne in multis. Nam non hoc vult Papinianus totam obligationem extinctam esse, id est, nulla ex parte consistere, quod possit dici de obligatione civili tantum. Non hoc demonstrat Papinianus, in solidum, in integrum manere obligationem, sed cunctam obligationem esse extinctam, tam naturalem, quam civilem. Totam igitur, id est, omnem cuiuscumque generis sit: non totam, id est, integrant quantitatem. Quod de una tantum obligatione dici possit. Unum est quod opponitur huic legi, *l. ult. de duob. reis*: Triplex est capitis deminutio, maxima, media, minima. Minima non liberat naturalem obligationem, *l. 2. §. hi qui, de cap. min.* & emancipatio & arrogatio est minima capitis deminutio, an liberat causis sive obligationibus præcedentibus? minime, quia naturaliter obligati permanent, non civiliter. Nam & minima perimit civilem obligationem, sed restituit in integrum ex edicto de capite minutis: maxima autem vel media capitis deminutio perimit civilem, & naturalem obligationem, ita ut nec possit restitui beneficio prætoris. Quæ de causa post deportationem inutiliter fidejussor datur ex causa, quæ præcessit deportationem, quia nulla superest obligatio: nulla quoque est spes restituendæ obligationis, quæ si esset, recte adhiberetur fidejussor quasi futura obligationi, *l. 6. §. ult. de fidejussor.* sed deportatio omnem obligationem perimit, & spem restituendæ ejus. In aliis locis magis proprie loquuntur auctores, dum inquirunt: *Omni obligationi fidejussorem accedere posse, & alio loco: solutio ejus quod debetur tollitur omnis obligatio*, id est, etiam naturalis. Verum ut capi dicere videtur huic definitioni propositæ obflare *d. l. ult.* Finge. Duo sunt rei debendi: singuli igitur tenentur, & in solidum conveniri possunt, unus deportatus est, an nihilominus alter obligatus manet? Plerumque uno ex reis liberato, liberatur alter, ut si acceptolatum sit uni ex reis, unus acceptolatus liberat alterum: si electus sit unus ex reis lite cum eo contestata, liberatur alter, an etiam per deportationem uno ex reis liberato, liberabitur alter? minime, quia est diversæ conditio: Duo sunt genera liberationum, Quædam liberant personam tantum, quo genere sit, ut persona liberetur, & maneat obligatio: hoc facit liberatio persona, manente obligatione. Et hoc fit deportatione vel publicatione, quæ contingit cap. deminutione. Aliud est genus liberationum, quo res dissolvitur, id est obligatio. Alias ergo persona solvitur, alias res sive obligatio, veluti acceptilatione, litis contestatione, novatione. Quoties autem res solvitur & personæ omnes solvuntur, sive specialiter, sive alieno nomine se obligaverint. Quoties autem persona tantum eximitur, liberatio tantum personæ proderit, non ceteris personis, quæ accesserunt obligationi. Ideoque deportato reo principali, nec liberatur fidejussor, nec constituta pecunie reus, nec pignus, nec correat, sive consors obligationis ejusdem, quia deportatio est liberatio, quæ personam solvit, non rem. Et ita recte ait *d. l. ult. de duobus reis*, persona liberatur manente obligatione, id est, in universum manente obligatione, præterquam in una persona. Cum igitur persona liberatur, alter, qui fuerat obligatus, manet obligatus: & ideo si deportatus sit unus ex correat, fidejussor postea datus ab eo tenetur.

E Quod si ita legamus, pugnat omnino cum sententia Papiniani: sed animadvertendum est, Florentiæ esse scriptum, *Et ideo si alius fidejussor*, id est, alterius, ut supra dixit, *alter erat obligatus*, ita nunc ait, *alterius fidejussor tenetur*: vel legendum, *alius*: unde fit statumens. Deportati fidejussor postea datus tenetur, correat illius fidejussor postea datus tenetur, quia correat non fuit liberatus deportatione correat: deportatio correat non liberat eum, quia non rem, sed personam deportatam liberat. Diximus hæcenus satis de quæstione prioris legis nostræ: dicendum nunc nobis est de posteriori. Ea est de fidejussore adhibito futuræ obligationi, quem filiusfamil. accipit: si post emancipationem filius, & post emancipationem filii ea obligatio nasci incipiat, utri teneatur, patri

an filio? fidejussor potest antecedere obligationem, id est, adhiberi potest futuræ obligationi, *l. eo temp. 50. de pecul. l. 9. §. ult. hoc tit. l. non quemad. 35. de jud.* Pono filiusfamil. crediturus ex suo peculio, fidejussorem accepit in futurum de pecunia, quæ postea in obligationem veniret, & accepit his verbis; *Quantum pecuniam credidero Titio tua fide esse jubes? fidejubeo;* deinde emancipatus Titio credidit cum nondum ei esset ademptum peculium, plerumque patres emancipatis filiis non adimunt peculium: imo si non sint peculiatii filiifamil. solent eis aliquid donare, filium ergo pater emancipavit, nec ei ademittit peculium: ergo tacite videtur ei concessisse, vel donasse: nam hoc generale est, peculium, quod non adimittit specialiter emancipato, vel manumisso inter vivos, tacite concessum videri, *l. donationis 39. §. pater de donat. l. un. C. de pecul. ejus qui libere.* Hinc quaritur, fidejussor acceptus a filiofamil. quum erat in potestate patris, futuræ obligationis nomine, si ea obligatio nascatur, post emancipationem filii, utri obligetur, patri an filio? Et certi juris est, fidejussorem non posse obligari patri, quamvis acceptus sit, filio existente in familia patris. Cur vero non potest? quia reus principalis non est ei obligatus, quum principalis obligatio contracta fuit post emancipationem, & fidejussor non obligatur, nisi iis, quibus rei principales obligati sunt: sunt enim accessiones. Et hoc significat Papinianus, dum ait, *Patri quidem si non est reus obligatus:* ubi existimandum esse omnino, si esse affirmantis, non dubitantis, id est, siquidem, ut in *l. penult. ut legat. nomine cau. si solidum ad se pervenire*, id est, siquidem? patri ergo, inquit, si reus non est obligatus, id est, quia non est obligatus, cum quo contraxit filius, post emancipationem fidejussor non tenebitur. Et hoc accipiendum est, ut nullo modo nec civiliter, nec naturaliter teneatur. Et consequenter, patri nec directæ, nec utilis competit actio in fidejussorem, qui nullo jure reum obligatum habet, pro eo fidejussorem accipit inutiliter. At videtur etiam eum fidejussorem non obligari filio, propterea quod filius eum fidejussorem accepit, quum erat in potestate patris, atque adeo ne momento quidem videtur stipulatio consistere in persona filii: contraxit in persona patris cum fidejussore; ergo ex illo nancisci actionem non potest. Quæcumque contrahit filius in familia patris, aut cedunt patri, aut neutri. Et hac ratione verum est, filio, qui fidejussorem in futurum accepit, non dari actionem directam, vulgarem, civilem. Dabitur tamen utilis, non dabitur directæ actio, sed obliqua, ut Theoph. actiones vocat *παραγενέες*, id est obliquas sive inflexas. Et hoc demonstrat Papinianus his verbis, quæ sequuntur: *filio vero obnoxius esse debet*, id est, filio dabitur actio utilis ex humanitate quadam, & benevolentia, non jure ipso, quæ humana quadam ratione & ex æquo & bono datur, non jure ipso, sed *ex humanitatis intuitu*. His verbis significatur utilis ex stipulatu actio in fidejussorem. Ratio autem humanitatis hæc est, quod sit æquum, eam fidejussionem non accipere vires ex præsentis tempore, id est, ex die interpositæ stipulationis, sed nata demum & constituta principali obligatione: & quod filiofamil. reus principalis sit obligatus, facile obligatur fidejussor ei cui reus principalis obligatus est, etiam si qua obstat juris regula. Nam sicut fidejussor patri non obligatur, quia reus non est obligatus, æquum etiam est contra fidejussorem filio obligari, cui reus principalis est obligatus perinde ac si intercessisset fidejussor post emancipationem, *l. quidam 132. §. ult. de verb. oblig.* fidejussoris obligatio trahetur retrorsum. Pleraque in jure nostro trahuntur retrorsum, ut videatur fidejussisse, quo tempore numerata pecunia est. Hæc est definitio Papiniani, cui duo obijciuntur: primum *lex si filiusfam. 78. de verb. oblig.* Finge, filiusfamil. stipulatus sub conditione, & post emancipationem extitit conditio: quaritur utrum adquiratur obligatio ex stipulatu patri, an filio? Si inspicias tempus contractus, adquiritur patri, quia eo tempore fuit in potestate patris: si inspicias tempus conditionis, adquiritur filio, quia eo tempore eman-

cipatus fuit. Et certissimum est patri adquiri obligationem inspecto tempore stipulationis, non filio: inspecto tempore emancipationis vel conditionis, filio. Cur ergo non etiam in specie proposita spectamus tempus stipulationis? cur hoc intuitu non damus patri actionem in fidejussorem, qui intercessit eo tempore, quo filius fuit in potestate? Respondeo, separandam esse obligationem principalem ab accessoria, *lex si filiusfam.* loquitur de principali: nos tractamus de accessoria. Principalis stipulatio facta sub conditione statim ex præsentis tempore vires accipit, nec videtur esse in suspensio, quamvis ex ea petitio suspensa sit, quæ sunt verba legis *usufruct. 16. de stipulat. serv.* dies igitur quodammodo cedit statim: quod tamen non dico absolute. Nam facta stipulatione sub conditione neque cessit, neque venit dies, id est, conditio suspendit non tantum petitionem, sed etiam obligationem, & rem ipsam, *l. cadere diem 232. de verb. signific.* sed quodammodo cedit dies statim, quandoquidem si stipulator moriatur antequam existat conditio, stipulationem transmittit in heredem suum, quam non transmitteret, si ante conditionem nullum esset virum, *§. ex conditionalis, de verb. obligat. Instit.* Similiter si ab initio fuerit utilis stipulatio conditionalis ex causa quadam legitima, erit etiam inutilis tempore, si postea extet conditio, *d. l. usufruct.* Inspicitur ergo tempus contractus, non conditionis. Finge, conditionis tempore in ea causa esse omnia, ut si tum interponeretur stipulatio inutilis futura sit, an erit utilis? Minime: quia desecit ab initio, quod quidem nos spectamus. Initium stipulationis spectamus, non eventum conditionis. Et secundum hæc, qui stipulatur sub conditione, est creditor, quamquam legatarius conditionalis non sit creditor, quia ex præsentis vires accepit stipulatio, non tamen simpliciter est creditor, sed creditor conditionalis, neque enim ita recte argumentor. Titius est creditor conditionalis: Ergo est creditor. Nam in adjuncto est repugnantia. Titius est homo mortuus, ergo est homo, non semper valet argumentum a conjunctis ad divisa. Et hæc de stipulatione principali. Stipulatio accessoria collata in futurum vel facta sub conditione, vires non statim accipit ex præsentis tempore, sed omnino est in suspensio, quoad existat aliqua principalis obligatio, Accessoria pendet ex principali: principalis subsistit per se nec pendet ex alio: alioqui non esset principalis. Accessoria expectat principalem antequam dicatur vires habere aliquas: ideoque in stipulationibus accessoriis collatis in futurum, non tempus stipulationis spectamus, sed tempus nate principalis obligationis. Loquimur de fidejussore, qui antecessit obligationem, quæ desecit, quo tempore nulla existerat principalis obligatio, neque pura, neque conditionalis: nam si fidejussor accesserit obligationi conditionalis, & post emancipationem filii extiterit conditio, patri adquiritur obligatio in fidejussorem, quia principalis obligatio ex præsentis tempore vires accipit, licet fuerit conditionalis. Reus principalis est obligatus patri, ergo & fidejussor. Et ponendum est, fidejussorem intercessisse sub eadem conditione: nam si pure intercesserit fidejussor, non tenetur, *l. 8. §. item si acc. hoc tit.* Sed si pro reo principali obligato sub conditione intervenierit sub eadem conditione, utraque obligatio ex eo tempore vires accipit & acquiritur patri post emancipationem filii. Secundo obijciatur *lex ult. de stipulat. serv.* Servus meus stipulatus est, & stipulationem contulit in alienationis vel manumissionis tempus, si alienetur vel manumittatur, an adquiritur ex ea stipulatione actio domino pristino? sic sane: quia servus ejus in potestate fuit eo tempore quo contraxit. Inspicimus tempus contractus. Ergo ex eo adquiritur domino actio: nec mutat hoc stipulatio collata in manumissionem, quo genere semper fraus fieret domino, si acquisitiones servorum differrentur obligationibus collatis in tempus manumissionis. Idem esse ajo in filiofamil. nam si filiusfam. stipulationem contulerit in tempus emancipationis, nihilominus patri competit actio post emancipationem: quod utroque ca-

su verum est, si dolo id fecerit: nam posset conferre si ne dolo malo in illud tempus: coercetur tantum dolo malus. Respondeo in ea specie, quam tractat Papinian. filium dolo non contulisse in tempus emancipationis: filium nihil dolo malo fecisse, sed stipulatur tantum hoc modo: *Quantum pecu. &c. d. ult.* nihil pertinet ad speciem propositam: non coercet dolum malum; in hac specie nullum est argumentum doli mali, & placet valde, quod dicitur in *d. l. ult. si dolo malo*: nam si bona fide, dabitur filiofamil. actio utilis ex contractu habito in familia patris, *l. quidam 45. de hered. inst.* Ego te filium volebam instituire sub conditione emancipationis, quoniam nolebam mea bona pervenire ad patrem tuum: tu timens ne ea re offenderetur pater, cognita destinatione mea rogasti, ne te scriberent sub ista conditione, & adiecisti, ut instituerem potius Titium, quem supposuisti, & cui mandasti, ut post emancipationem tibi eam restitueret hereditatem. Queritur, an post emancipationem tibi competat adversus Titium actio mandati? Respond. non quidem vulgaris, id est, directa, sed utilis dabitur. Atqui mandatum contulisti in tempus emancipationis, sed sine dolo malo ex voluntate defuncti, qui voluit sua bona pervenire, non ad patrem, vel ad Titium, sed ad te, ex bona fide fit, quod fit voluntate testatoris. Et ita etiam alio casu, post emancipationem filio datur actio utilis ex contractu habito ante emancipationem, *l. si vero non remunerandi 12. §. filiofam. mand.* mandavi filiofamil. ut pro me fidejuberet, fidejussit, & post emancipationem solvit, an ei dabitur actio mandati, ut recipiat quod solvit? Dabitur ei utilis: ex mandato igitur contractu ante emancipationem. Quidni, cum solverit post emancipationem? Et sic habemus tres casus, quibus ex contractu ante emancipationem habito, post emancipationem filiofam. dantur actiones utiles.

Ad L. si debitor LXXIX. de furtis.

Si debitor pignus subripuit, quod actione furti solvit, nullo modo recipit.

SUPEREST ex lib. 9. Papin. *l. 79. de furt. & l. si pignore §. quidem, ff. de pign. act. & l. 81. de furt.* Brevis est, sed qua de re eod. libro Papin. copiosius scripsit, ut Ulp. refert in *l. si pignore 22. de pign. act.* quæcunque ibi referuntur ex Papin. sunt aptanda huic legi, & plenius ibi scripta inveniuntur. Sciendum est autem, creditori, cui subripitur pignus, dari actionem furti non tantum adversus extraneum, sed & adversus debitorem dominum rei furtivæ: neque enim rei alienæ furtum fit tantum, sed etiam rei suæ; rei, inquam, suæ, sed possessionis alienæ, furtum facio rei meæ, cum tamen possessio non fuit mea, sed aliena, vel cujus usus aut fructus fuit alterius, *l. 20. §. ult. hoc tit.* Fit etiam furtum rei suæ, sed hypothecæ alienæ, quamvis hypothecarius non possideat hypothecam, *l. in actione 19. §. ult. hoc tit.* Furtum enim est interversio rei, hoc est, proprietatis alienæ, vel possessionis, vel usus, vel usufructus, vel hypothecæ alienæ. Verum est igitur subrepto pignore, creditori dari actionem furti & adversus dominum rei, si eam surripuerit, *l. itaque 12. §. ult. hoc tit.* Et addendum, dari etiam creditori pignore subrepto conditionem furtivam adversus debitorem, qui subripuit. Credo vos scire, ei cui furtum factum est, dari conditionem furtivam, atque etiam actionem furti, & conditione furtiva eum persequi rem, vel possessionem, vel commodum aliud, quod ei abest, vel estimationem ejus, aut id quod interest circa eam rem: actione autem furti extra rem, eum penam persequi dupli, si sit nec manifestum: quadrupli, si sit manifestum: utramque autem actionem dari creditori adversus debitorem subrepto pignore, Dices, conditionem furtivam dari soli domino, *l. 1. de cond. furt.* creditorem non esse dominum pignoris, ergo creditori non datur conditio furtiva. Duplex est conditio furtiva, certi & incerti: conditio certi, id est, conditio rei datur soli

A domino: actio furti penalis datur etiam non domino, cujus modo iusta causa interfit rem non subripi: conditio quoque incerti datur non domino, veluti conditio possessionis: possessio fuit creditoris, hæc intervertitur furto. Creditor recte condicit possessionem intervertam, sed hæc non erit conditio certi, sed incerti: possessio enim est res incerta, quia nec cerni, nec tangi potest, & numeratur inter incorporalia: est *ἀνερως, ἀσώματος & ἰν ὁποῦ μὴν ἴσται*. Hanc ergo rem potest condicere: neque enim possessio est ex iis reb. quæ tangi possunt, neque qui dicit se possidere, is hanc rem condicere potest. Et respicit ad formulam vindicationis, quæ est hujusmodi: *hanc ego rem meam esse ajo*. Possessionis nomen non est vindicatio, sed itur ad interdictionem uti possidetis; ergo creditori etiam adversus debitorem datur conditio furtiva incerti, non certi; & in summa non tantum actio furti, sed etiam conditio furtiva datur creditori pignore subrepto tam adversus debitorem, qui id subripuit, quam adversus quemlibet extraneum. Sed observandum est, quibusdam in reb. multum interesse, utrum agat creditor furti, vel conditione furtiva incerti cum extraneo vel debitoris nam cum egerit cum extraneo hac vel illa actione, id quod hac actione percepit, vel imputat debito (*il se paye par ce moyen*) & id quod debitum excedit, debitori restituit, vel nihil imputat debito, & totum quod percipit, restituit debitori. Duplex est via, quæ eodem spectat: duplex modus quidem efficit, ut quod consequitur creditor ab extraneo conditione furtiva vel actione furti, id vel imputet debito, vel restituat debitori, ut exigat debitum. Et hoc ita refert Ulp. ex Pap. in *d. l. si pign.* quæ est veluti commentarius h. l. & confirmat *l. creditor, h. t.* & adicit Ulp. hoc verum esse, etiam si culpa creditoris furtum factum sit, quod indiget explanatione. Finge: furtum factum est culpa creditoris, quod fit plerumque; furtum culpæ adscribitur, non vi majori, aut casui fortuito, sicut ruine, latrocinio, &c. ceterum, etiam si culpa furtum factum sit, creditor quod actione vel conditione furtiva percepit, id debito imputabit, vel restituet debitori. Quibus verbis satis demonstratur, posse furtum fieri sine culpa ejus, cui fit. Sunt furta quædam, quæ nulla diligentia vitari possunt, ut quæ admittunt facultarii, qui præstigis quibusdam & arte inevitabili sine pecuniis nobis eripiunt: horum furtum adscribam non culpæ, sed casui; quod etiam oculatissimo & prudentissimo contingit. Sed tractemus primo de furto, quod creditori fecit extraneus culpa sua: si furtum creditori factum sit culpa sua ab extraneo, eo nomine tenetur debitori, quod creditor non tantum dolum, sed etiam culpam præstare debet, *l. eum, qui 14. §. idem scribit, h. t.* ex hac igitur causa quod furto obviam non ierit, non evitaverit, creditor tenetur actione pigneratitia. Ergo æquum videtur, ut suum faciat, quod consequitur actione furti, hoc est, conditione furtiva, quia & hæc dicitur actio furti, vel actione furti penalis; ut quemadmodum damnum sentit, pigneratitia actione, lucrum etiam sentiat, & sibi habeat. Verum non ideo habebit jus retinendi vel faciendi lucri ejus, quod percepit, nisi in causa crediti id retinere velit. Imo sicut furtum ei imputatur, quod non fuerit satis diligens in servando pignore; id etiam ei imputari debet, quod ex causa furti consequitur; atque ita fit, ut creditum perdat, qui perdit pignus culpa sua. Quid vero si furtum pignoris factum sit sine creditoris culpa? Eo casu non tenetur pigneratitia, quia non præstat casum fortuitum, & omne periculum. Et non dubitatur hoc casu, quin quod percepit debeat imputare debito, vel restituere debitori, non sibi habere vel lucrum facere. Verum videamus cum percipiat creditor a fure extraneo per actionem furti penalem duplum aut quadruplum, an duplum veri pretii pignoris percipiat, an vero summæ solus debitor? Est etiam in hac questione utendum eadem distinctione; aut furtum culpa creditoris factum est, aut non: & posteriori casu percipit duplum summæ debitoris; non duplum pignoris, quia non plaris interest, cum non teneatur debitori pigneratitia. Et summam pignoris vocat *l. cred. 89. h. tit. (la valeur*

du gage) αξία, dignitas, quantitas. Quia ergo pignore subrepto cum vacet culpa, non tenetur pigneratitia actione non conseqitur ab extraneo actione furti duplum aut quadruplum summæ pignoris, sed tantum summæ debita quia credito tenus tantum ejus interest. Et ideo, quod maxime notandum, quodque præmittitur a multis propter difficultatem rei, si plus valeat pignus, quam sit in debito, creditor quidem agit actione furti tantum in summam debiti, & duplum, vel quadruplum summæ: in residuum debitor agit in furem actione furti, l. inter 47. §. hanc actio, h. r. atque ita sit tam creditori, quam debitori tenebitur actione furtiva, & non uni eorum, sed ambobus, & conficiet duplum, aut quadruplum pretii pignoris. Priore autem casu, si cum creditoris culpa furtum factum est, creditor agit in summam pignoris, quia & ipse in eam summam culpæ nomine tenetur debitori, l. credit. 15. h. tit. & debitor hoc casu non agit furti, sed recipiet a creditore quodcumque perespit a fure extraneo, & hoc de fure extraneo. Quid dicendum, si debitor pignus subripuerit & creditor cum eo egerit actione furti, vel conditione furtiva, an imputat debito, quod ea actione percipit? Minime: atque ita apparet, multum interesse, an cum debitor, an cum extraneo agatur. Nam quam agit cum debitor, id quod percipit, retinet, non reddit debitori, penam furti lucrificat si agat actione furti, alioquin esset inanis actio penalnis, affirmationem quoque litis suam facit, si egerit cum debitor conditione furtiva. Et quamvis hæc actio non sit penalnis, tamen infusa est odium furum contra constitutiones legum, quæ volunt, ne quis rem suam condicatur. Quia de causa ejus hæc actio non fit proprie ex maleficio, tamen est ex quasi maleficio, §. si itaque, Inst. de act. l. si mulier, §. hæc actio, verum amot. Et ut breve faciam, conditioni furti inest vindicta quædam (quod summe notandum) quia de causa creditoris non tantum lucrificat penam dupli, aut quadrupli, sed etiam rem, quam amisit, feret, & supererit ei petito creditæ pecuniæ, ut recte Azo existimat: atque ita bis eandem rem videtur persequi. Consequitur rem, nam hæc actio rem persequitur, non penam. Item consequitur rem actione creditæ pecuniæ. Et hoc est, quod ait lex id quod 74. de solut. id quod exigit a debitor creditor penæ nomine, debere lucro creditoris cedere, non debere imputari debito, nec debere restitui debitori, qui ea penam factus est: quis hoc audit, ut mihi ex post facto restitatur penam, qua semel functus sum jure meritoque? Et subiecerat Papin. ut constat ex d. l. si pign. idem esse, si cum debitor creditor egerit, quod metus causa, id est, in quadruplum, quod ei debitor pignus extorserit: nam quod hæc actione consequutus fuit, id etiam creditor lucro suo computabit, non debito imputabit. Et recte mihi videtur Accursius adungere ad hanc regulam l. penam, de cond. ind. penam depensam semel repeti non solent: recte, quia nec vere indebitæ depensæ sunt nec redemptæ ad causam indebiti, postea solvente eo, qui penam subiit: & ita Græci cum hoc loco proposuissent sententiam h. l. παντὶ γὰρ κατὰ βλάβην, ὅτι ἀναλογιστέον. Penam depensam non repetitur: quod accidit non tantum hoc casu, sed etiam aliis plerisque, ut qui incidit in penam pecuniariam legis Julia de ambitu, & relegatus, vel deportatus, si restituitur in integrum, non recipiet penam semel depensam, etsi videatur redire ad indebiti causam, ut si restituitur in pristinum statum, qui penam intulit, l. i. ad l. Jul. de amb. & ita in hac l. 3. §. condemp. de tab. exhib. Erat quidam legatarius conditionalis, qui considerabat sibi tabulas exhiberi: noluit exhibere eas, qui in potestate eas habebat, & penam contumaciæ dependet ex edicto de tabulis exhibendis. Post deficit conditio legati, an legatarius, cujus legatum interit, cogitur restituere penam ei, qui penam semel factus est? Minime. Hic erit finis, si admeanus hoc tantum, creditorem agere cum extraneo in summam crediti, si sine culpa ejus furtum factum sit, vel in summam pignoris, si culpa sua furtum factum sit: cum debitor autem creditorem agere indistincte, si culpa ejus furtum factum sit, si culpa ablit, in summam debiti universi, hoc est, pecuniæ creditæ, & usu-

A rarum, qui tanti ejus interest: ea summa actione furti duplatur, vel quadruplatur, non summa pignoris, si ve minor, si ve major fuerit, l. creditori 87. hoc tit.

Ad L. IV. §. Soli, quod cum eo, qui in alien. &c.

Soli autem filio succurritur, non etiam heredi ejus. Nam & Papinianus libro 9. Quæstionum scribit, in heredem filii in solidum dandam actionem.

Ulpianus Papiniani studiosissimus ex hoc lib. 9. duobus locis usus est auctoritate Papiniani in l. 6. ad Vell. & in l. si pign. de pign. act. qui a nobis satis explicati sunt. Sed sunt adhuc quatuor loci, in quibus idem Ulpianus ex eodem libro Papin. utitur ejus auctoritate. In l. 4. §. soli, ff. quod cum eo, &c. Filius familias quando est in familia patris, ex suis contractibus convenit, & condemnatur in solidum, vel si non solvat ex peculo castrensi vel quasi, aut per patrem (quanquam pater non possit cogi solvere solidum) si, inquam, non agatur cum patre, ut pro se solvat solidum, in carcerem mittitur, l. i. C. de cess. bon. Qua de causa fit, ut non solum patres, sed & filii cedant bonis vitandi carceris causa. Cessio bonorum erat beneficium legis Juliz, quod debitores liberat molestia carceris, & hoc beneficium etiam utitur filiusfam. cum urgetur ad solutionem solidi, cedendo scilicet omnibus, quæ habet, quantumcumque sint. Illud ergo exploratissimum est, filiusfam. dum est in potestate patris, ex suis contractibus teneri in solidum. Sed & si fiat filii juris emancipatione, vel morte patris, iudex tamen non temere condemnabit eum in solidum, sed æstimabit prius causam cognita, & re omni bene perpensa, an dampni debeat in id tantum, quod facere potest: atque ita fit, ut qui in familia patris condemnatur in solidum ex suo contractu, extra familiam patris, si sit sui juris effectus, non in solidum condemnatur, sed in id, quod facere potest, hoc est, quantum facultates pati possunt. Nam facultas & facere sunt ejusdem generis, & recte ita argumentamur, facultatem non habet, ergo facere non potest. Ex causa igitur, qui factus est sui juris, ejus rei nomine, quam contraxit in familia patris, condemnatur tantum in id, quod facere potest. Nam si sit exheredatus a patre, vel si abstinuerit se ab hereditate paterna, vel etiam si institutus sit a patre, & rogatus restitueret hereditatem alteri, & cum velleret se abstinere a fideicommissario coactus se immiscuerit; hoc casu, quia coactus immiscuit se, perdit Falcidiam, l. quia poterat, ad Treb. Et ita nihil consequitur ex bonis patris, qui coactus immiscuit se, similis est abstinenti, quia non detrahit Falcidiam. His vero casibus æquum est, non urgeri ad solutionem integram debiti novum patremfam. ad quem nihil pervenit ex bonis paternis, ita ut sit sui juris, ut non redigatur ad inopiam, qui nuper factus est novus paterfamil. quique non idoneas facultates sibi acquisivit. Idemque erit, si filiusfamil. institutus sit a patre ex tradita, id est, ex debito bonorum subsidio, ex legitima portione, quæ minuscula erat: & sic semper modica portio accipitur pro legitima, quia minus relinqui non potest. Filio igitur morte patris sui juris effecto, quod minusculam portionem tulit ex bonis patris succurritur, ne damnetur ex negotio gesto in familia ultra quam facere potest. Imo interdum succurritur instituto, non ex modica parte, sed etiam ampliore, ut ostenditur in h. l. 4. in pr. Res tota ex affirmatione iudicis dependet; cui cum æquum videtur, qui nuper factus est paterfamil. non dampnabitur in solidum, sed pro modo facultatum. Dices: filiusfam. nihil proprium habet extra causam castrensem aut quasi castrensem, quæ non semper suppetit. Cui filiusfam. nihil proprium habet, cur ei non parcimus? cur damnatur in solidum? Dicatur, non parcimus inopie debitorum; hoc nunquam auditum est, ut propter inopiam condemnemus debitorem in id, quod facere potest. Nam ejus ratione, quod non facere potest, coercemus illum

carce-

carcere quoad solvat, aut satisfaciât: sed parcimus novo patrif. ut novo nupto interdum, quandoque oneribus civilibus parcimus; hoc beneficium datur iis, qui nuper de patria potestate exierunt, & novam familiam instituerunt familie sustentandæ causâ, non solius inopiæ causâ, alioqui subveniendum etiam esset filio manenti in potestate, a quo tamen solidum semper stricte exigitur. Sed observandum semper, novum patremf. hoc beneficio uti causâ cognita, & exarinata a iudice: quod exemplis planum facio. Causâ cognitio in eo vertitur, ut si statim arque exiit potestate, conveniatur, si statim præcipitur ad solutionem solidæ pecuniæ, ut condemnetur in id, quod facere potest: si post multos annos conveniatur, damnatur in solidum: neque enim in perpetuum ei parcimus, sed ad modicum tempus in initiis novæ familiæ: quod ostenditur in *h. l. 4. §. pen.* Item si filius exheredatus sit, & neque directo, neque per fideicommissum, hereditas ei relicta sit, in id duntaxat, quod facere potest, damnatur: sed si exheredato per fideicommissum hereditas relicta sit, & restituta per S. C. Treb. in solidum condemnatur, quia ad eum res paterna pervenit, nec locupleti hoc beneficium datur, sed mediocri, aut tenui tantum, & novo, non etiam veteri patrif. nam effectu quodammodo heres est is, cui restituta est hereditas ex S. C. Treb. *l. 5. §. pen. h. l. si necem, Sult. de bon. libert. l. filiusf. in fi. ad l. Falc.* His igitur exheres est iure, heres est effectu, quod notandum: nam ita fit, ut exheredatus loco sit heredis; fideicommissarius Treb. est quodammodo heres: fideicommiss. Pegasus, non sit heredis loco. Nam in eum non transibant actiones hereditariæ, quæ dantur hodie in fideicommissarium Treb. Sic igitur fit, ut exheres, sit quasi heres: exheres directo, heres per fideic. exheres iudicio defuncti, heres beneficio S. C. Treb. Item si filius, in contrahendo finxerit se esse patremf. non habet hoc beneficium, ne condemnetur ultra quam facere possit. Imo propter dolum, mendacium, & fictionem debet damnari in solidum, *l. 10. de re iud. h. l. 4. §. 1. & l. 6.* quæ eleganter ait, eum, qui patremfam. mentitus est cum contraheret, ex eo contractu teneri in solidum etiam post emancipationem, vel mortem patris, quamvis rem præstare non possit, id est, quamvis non sit solvendo: Notanda hæc verba, *quamvis rem præstare non possit*: nam Plautus ait modo *resolvere*, modo *rem solvere*: sic nostri eodem sensu dicunt rem præstare, & repræstare, id est,olvere, *l. Lucius, de act. empt. l. mulier, §. 1. ad Treb.* nec quicquam mutandum censeo. Nam repræstare, est rem præstare, ut *resolvere* est remolvere. Hoc igitur beneficium mentientibus se esse patresfam. filiusfam. non datur: & ita beneficium Senatus Conf. Maced. non datur iis, qui se esse patresfam. finxerunt. Sic Vellejanum non datur his, qui se mares finxerunt. Beneficia juris non impertiuntur mentientibus, sed iis tantum, qui in contractibus bona fide versantur; ceteri indigni sunt, qui alios decipere conati sunt. In causâ igitur cognitione hæc omnia animadvertet iudex, & secundum hæc, eum qui nuper factus est paterfam. damnabit in solidum, vel in id tantum, quod facere potest. Ad hæc sciendum, hoc esse personale beneficium: hoc est concedi filiosfam. sui juris effecto; ergo non heredi eius, extinguatur cum persona, nec in heredem transit. Et ita ut refert Ulp. hic Papin. dixisse, heredem filii damnari in solidum: quod generaliter procedit in iis omnibus, quibus idem beneficium competit, ne damnentur in solidum, ut in marito, cum quo uxor agit, in fratre, in patre, in patrono, in socio: hæc personæ utuntur hoc beneficio, non heredes eorum, quia personale beneficium est, *l. verum 63. §. patrif. pro soc.*

Ad L. III. §. ult. de Peculio.

Si filiusfamilias duumvir pupillo rem salvam fore cavet, non curat, Papinian. lib. 9. Quest. de peculio actionem competere ait, nec quicquam mutare arbitror, an voluntate patris decurio factus sit: quoniam rempublicam salvam fore pater obstrictus est.

A Duumviri sunt magistratus municipales creati ex ordine decurionum: nec enim ex plebe creabantur, sed ex Curia. Unumquodque municipium olim fere habuit curiam, live ordinem decurionum, quam vocabant senatum minorem; quoad Leo sustulit omnes curias in novella quadam. Qua de causâ omnes leges de decurionib. absumt a Basil. quia tempore Leonis nullæ erant curiæ, unus tantum senatus, iſq; Romæ. Creantur ergo duumviri ex ordine decurionum, ac duumviri jus habent dandi tutores *l. 3. de tut. & cur. dat.* Sed curare debent, ut tutor quem dant satisfiat rem pup. fal. fore, alioqui tenentur pupillo, si is suum servare non potest a tutore. Tenentur igitur subsidiaria actione, si tutor pupillo non possit indemnitate præstare, in factum actione, quæ nascitur ex quodam S. C. ut ostenditur in *tit. de magist. conveniend.* id est, de duumviris conveniendis subsidiaria actione, cum a tutore dato satisfidari non curarunt; & ex aliis quibusdam causis. Nunc fingemus: filiusfam. cum esset factus decurio voluntate patris (hoc enim necessario ponendum, filiusfam. venisse in curiam voluntate patris, hoc est, non refragante patre: nam taciturnitas patris habetur pro voluntate) filius igitur famil. cum esset factus decurio voluntate patris, in duumviratu tutorem dedit, nec curavit satisfidari rem pupillo salvam fore, queritur quatenus pater teneatur? Ipse quidem pupillo tenetur in solidum, pater de peculio tantum; & ita definitur in *h. l. 1. §. ult.* Obijciatur statim, quod filius factus sit decurio voluntate patris, id est, quod taciturnitas patris obligat patrem omnibus oneribus pro filio, quæ sc. filio injunguntur, & habetur pater vice fideiussoris pro filio: ergo tenetur in solidum, *l. 2. ad municip. l. 1. C. de decur. l. 1. C. de filiusfam. & quemadm. pat. lib. 10.* Filius factus est decurio voluntate patris, ac deinde idem creatus est duumvir: ejus igitur rei nomine, quam gessit in duumviratu, pater tenetur in solidum, non de peculio tantum. Ita respondeamus: pater tenetur in solidum, non pupillo, qui filiusfam. dedit tutorem non exacta satisfactione, sed reip. tenetur in solidum, quia dum patitur filium fieri decurionem, videtur sibi sua jubere, ac promittere rem republicæ salvam fore, non rem pupilli privati hominis cuiusdam, voluntas patris, quæ patitur filium fieri decurionem obligat eum reip. si quid facti filii, cum male sibi injuncto munere fingitur, reip. deperierit, quia videtur promissæ rempublicam salvam fore. Igitur pupillo tantum tenetur de peculio: reip. in solidum, si filius voluntate ejus decurio factus sit, *d. l. 2. §. ult. ad municip. l. 1. §. ult. de magist. conven. l. si filiusf. 7. de adm. rer. ad civit. perit.* Et hoc est, quod ait Ulpian. hoc loco ex Papin. *quoniam rempublicam fore pater obstrictus est.* Huic tamen patri obijci solet *lex 1. C. quod cum eo*, si filiusfam. tutelam gesserit, vel curam, ait patrem teneri de peculio, vel de in rem verso actione tutelæ, aut negotiorum gestorum. Et subijcitur: sed si voluntate patris filius decurio factus sit, & tutor a magistratu datus, pater tenetur in solidum, quod filius ejus voluntate decurio factus sit, quam voluntatem dixi patrem obstringere reip. non pupillo. Et sane secundum ea, quæ dixi, accipienda *lex 1. ut pater teneatur curiæ, vel reip. cujus periculo datus tutor est*, non etiam pupillo.

E Duos exposuimus locos, quibus Ulpianus utitur Papiniano ex lib. 9. Question. Locus secundus negotium facit nobis: cui obstat *lex 1. C. quod cum eo*, quem nondum mihi videor bene expedivisse: nam & de eo tractavi in extremo. Ex his locis, hoc est, ex *l. 3. §. ult. de pecul. l. 2. §. pen. ad municip. l. 1. §. ult. de magist. conven.* apertissime constat, etiam si filiusfam. factus sit decurio voluntate patris, & post duumvir creatus tutorem dederit, illi, cui tutorem dedit, ex causâ tutelæ patrem non teneri in solidum, sed de peculio, & de in rem verso. Huic definitioni, quod evidenter proponitur in trib. illis locis obijciatur *d. lex 1. C. quod cum eo*, cujus duæ sunt partēs. In prioribus ponitur regula: patrem ob tutelam gestam a filiosfam. teneri de peculio, & de in rem verso. In posterioribus ponitur exceptio, nisi filiusfam. qui a magistratu tutor datus est, fuit creatus decurio voluntate patris: nam hoc casu pater tene-

teneretur in solidum: Tentabam, num dici posset, patrem teneri in solidum reip. non pupillo: sed hoc non possum evincere recte: quia necesse est, si hoc velis admittere, magistratum tutorem dedisse filiumfam. qui fuerat creatus voluntate patris decurio, & tutorem datum fuisse filiumfam. a magistratu municipali periculo curæ, quoniam curia recepit in se periculum tutelæ delatæ a duumviro: alioquin curæ non obligaretur, sed pupillo. Sed hoc casu quia obligatur pupillo filius, & pater curæ in solidum, sed non etiam pupillo, hæc divinationes, si fieri potest, semper vitandæ sunt. Et præterea animadverto quæstionem d. legis 1. pertinere eo, quatenus pater pupillo teneatur, cuius tutelam filius gessit, & post regulam statuit, teneri de peculio, & de in rem verso, & per exceptionem filii. patrem teneri, si filius factus sit voluntate patris decurio, & tutor datus a duumviris: denique ait lex, eum teneri in solidum. Res omnino ita se habet, quemadmodum sum dicturus, remque omnem dilucide explicabo. Observandum, aliam esse speciem l. 1. C. quod cum eo, & aliam esse speciem l. 3. §. ult. de pec. & similibus: Nam in specie legis 1. filius factus est decurio voluntate patris: videtur etiam tutor datus voluntate patris, sicut si creetur curator Calendario, si curator operum, si rei frumentariæ, vel si quod aliud opus civile injungatur, videtur voluntate patris creatus, quia consentiendo decurionatui filii, videtur agnoscere omnia munera civilia, quæ postea injunguntur filio: tutela est munus civile: quæ de causâ pupillo tenetur in solidum, quod agnoverit tutelam: si fideiussor agnoscit omnia munera civilia, quæcumque ei postea deferentur, vel tutelam, vel curam adolefcentium, vel curationem aliquam publicam: & ex constitutionib. sufficit taciturnitas patris: pater qui tacet, nihilominus fideiussor intelligitur. Sunt multe tacitæ stipulationes. Longe aliter res procedit, si filius non sit decurio, vel si filius qui factus est decurio, contradicente patre palam, tutor datus sit: nam hoc casu taciturnitas patris non habetur pro consensu, id est, non videtur agnovisse periculum tutelæ: si taceret, cum nec videatur consensisse, si monuerit filium, ut bene tutelam gereret: monitio hæc non habetur pro consensu, l. si filius. de tut. l. Lucius. de adm. tut. Et ideo si filius, qui tutor datus est, non sit decurio, vel si sit factus invito patre decurio, pater pupillo, cuius tutelam filius gessit, non aliter tenetur, quam si specialiter tutelæ periculum in se receperit. In casu autem l. 3. §. ult. de pec. & similibus, filius factus est decurio voluntate patris, & post duumvir creatus: in duumviratu tutorem dedit, in illa filius tutor datus est: hoc igitur casu, si patris voluntate vel tacita filius factus sit decurio, videtur etiam duumvir creatus voluntate patris, sed non videtur etiam tutor iste, quem filius duumvir dedit, datus voluntate patris: & ideo pupillo, cui datus est tutor, pater non tenetur in solidum, sed de peculio tantum, & de in rem verso. Hoc casu non videtur cavisse pupillo de periculo, illo videtur.

Ad L. si pro Patre, §. I. De in rem verso.

Nunc exponamus alios duos locos: unus est in l. si pro patre, §. cui simile, de in rem verso. Pater ejus rei nomine, quæ contracta est a filiofam. non tantum tenetur de peculio, sed etiam quatenus in rem ejus versum est, quo nomine est actio de in rem verso, quæ inest actioni de peculio: nam qui agit de in rem verso, agit de peculio. Sed qui de peculio, non contra de in rem verso. De in rem verso proponuntur in h. l. tria exempla. Primum est si filiusfam. fideiussor pro patre & solvit: in rem patris videtur vertisse: imo in rem filii, quia se liberavit, sed & patrem liberavit, & principaliter animo gerendi negotii patris solvit uti fideiussor: ideoque in rem versum videtur. Item si quasi defensor patris iudicium pro patre suscepit & solverit, in rem patris versum videtur, quia & hoc genere patrem liberavit. Iudicio accepto quasi contrahitur, l. 3. de pec. Ex hoc igitur quasi contractum, hoc est, si filius, pro patre iudicium sus-

A cepit & solverit, pater tenetur de in rem verso, quia cum filius liberavit. Iudicatum, est species novationis: si condemnatus defensor alterius, alter liberatur, & is, qui condemnatus est, solus manet obligatus. Actio iudicati novat priorem actionem. Et adicit Ulp. idem esse, si filius, expromiserit pro patre novatione facta, & solverit. Expromittere in iure, est semper subire locum rei principalis liberato reo, & totam obligationem in se transferre, vel substituere se loco rei: expromissio est vera novatio. Hoc igitur genere etiam liberat patrem, & omnino paria facit hæc tria, fideiubere, iudicium pro alio accipere, & expromittere, quod est suscipere debitum alienum: & duo posteriores, qui iudicium suscipiunt pro alio, vel debitum, sunt similes primo, hoc est, fideiussori, l. in person. 30. §. a. de pact. Expromissor dicitur quasi fideiussor, & ita SC. Vell. fideiussionis verbo continetur etiam expromissio: quamquam ptoprie fideiussio accedat sine novatione, expromissio cum novatione, id est, cum liberatione rei principalis, & ita in l. ult. quod cum eo, ubi scriptum est, quasi fideiussionem esse videri cum pro alio solverit debitum. Sic vulgo legitur nullo alio addito ad eam clausulam. Flor. aliter, ubi additur, non pro aliis suscipit debitum, illo loco non est utrumque retinendum, quod extat Flor. nec quod retinet vulgus: ego probo posteriorem, sicut d. l. in person. quasi fideiussionem esse videri, cum pro aliis suscipit debitum. Et res ipsa hoc manifestissime docet: species est d. l. ult. Quidam præposuit infitorem non culibet rei, sed pecuniis dandis sub pignore: ille etiam expromissit pro emptore heredi apud venditorem: venditor agit actione infitoria adversus dominum. Dom. negat in eam rem se præposuisse infitorem: non præposui infitorem, ut pro aliis expromitteret, ergo non teneor. Res discipata est apud præfectum annonæ, & ille præfectus condemnavit dom. hac ratione, quia apparebat eum servum, non tantum mutuas pecunias dedisse, sed etiam alia pleraque gessisse, & horrea conduxisse, & multis solvisse, non perstitisse in institutione, sed omnia tractasse, quæ ad dominum pertinebant, vel quæ ad eum pertinere poterant: quasi igitur ex contractu infitoris generaliter condemnavit dominum: dominus appellavit. Princeps in consilium Paulum adhibuit. Paulus dicebat, quasi fideiussionem esse videri, cum servus pro aliis suscepit debitum: servus autem fideiubens pro alio extra causam peculii, non obligatur naturaliter, cum soleat tantum obligari ex peculii causa: & consequenter nulla actione obligari dominum, nec ne peculio, nec alia actione: si servus non est obligatus, nec dominus: quia igitur hoc casu quasi fideiussor, non videtur dominus teneri: ac propterea adiciebat Papinian. dominum non videri mandasse, ut servus expromitteret: princeps tamen non est sequutus sententiam Pauli, l. 20. de fideiussor. l. ult. quod cum eo, & conservavit sententiam præfati annonæ, magna ratione, quia videbatur ex his omnibus, quæ gesserat servus, eum in omnibus præposuisse. Lex quidem præpositionis angustior fuit, sed post successu rerum videbatur in omnibus præposuisse. Et hoc igitur casu tenebitur ex omnib. causis, infitoria. Quod diximus, servum qui fideiussit pro alio, extra rem peculiarem non obligari naturaliter, quamvis ex aliis negotiis soleat, & consequenter ex ejus fideiussionis causa nullam actionem in dominum competere, id probat lex 20. de fideiussor. & l. ult. quod cum eo. Idem procedere arbitrat, si servus quasi fideiussor extra causam peculiarem, id est, expromiserit. Hic casus est valde notandus, quo servus ex contractu non obligatur naturaliter, nec dominus tenetur ulla actione. Addemus l. 20. ff. de fideiussor. quæ maxime pertinet ad explicationem l. ult. Est etiam aliud quod omni ad l. si pro patre 10. de in rem verso. In rem patris videtur versum, si filius pro patre fideiussor, vel si quasi fideiussor, id est, expromiserit, vel si pro patre iudicium acceperit: quod etiam genus quoddam expromissionis est. Nam litis contestatione si sequatur etiam condemnatio, novatio fit obligationis, non minus quam ex stipulatione. Expromittere est debitum suscipere pro alio, litem contestari pro alio

est

est iudicium suscipere pro alio, & quasi expromittere nam iudicio suscepto sive pro nobis, sive pro alio suscipimus, obligamur, & debitum novamus. His igitur tribus modis in rem versum videtur, si fideiussit, si expromiserit, si iudicium suscepit, & solvit. Addit Ulpianus in l. 10. hoc procedere, si non animo donandi id fecerit filius, si non donare voluit patri cum fideiussit vel expromisit, vel iudicium suscepit: nam si donare voluit, non videtur versum in rem patris: hoc est pene incredibile, sed nihil est certius. In rem versum non aestimatur ex eventu, sed ex consilio filii sui. & ejus, qui cum eo contrahit: si filius sui, solvit pro patre, dum ei vult donare, sane locupletiore eum fecit, & in rem patris versum est: sed non ita, ut inde detur actio, ut sit actio contra patrem, quia in rem videtur versum, si filio fuerit animus gerendi negotii paterni, quasi procuratori patris, atque ita obligandi patrem: si hoc animo rem eam, quam contraxit redegerit in patrimonium patris, pater tenetur de in rem verso, quia filius fuit patris quasi procurator hoc casu: atque ita patrem obligare voluit, d. l. 10. §. ult. & l. 11. nam si eum obligare noluit, dum rem ejus auget, cessat actio de in rem verso.

Ad L. VIII. Quamvis pignoris, §. I. ad Vellejanum.

Si mulier interveniit apud tutores filii sui, ne hi praeda ejus distraherent, & indemnitate eis repromissio: Papin. lib. 9. questionum non putat eam intercessisse: nullam enim obligationem alienam recepisse, neque veterem, neque novam, sed ipsam scisse hanc obligationem.

Questio. §. 1. h. l. est, an cautio indemnitate promissa a muliere sit intercessio: & est species hujusmodi.

Tutor volebat distrahere praeda pupilli, aris alieni dissolvendi causa auctore pratore, alioquin non valeret alienatio: mater hoc cum intelligeret, tutorem rogavit nesciret, & promisit ei indemnitate, id est, si quid tutor conventus iudicio tutelae ob praeda non distraxit, quasi re non bene gesta, praestiterit, ipsum indemnem eo nomine recte praestari: tutor eo nomine praestitit aliquid pupillo culpa nomine, qui debuerat praeda distrahere, & quae distraxit, an quae praestiterit poterit matrem recuperare? sic videtur, quia non poterit juvari mater Senatusconsulto Vellejano; nec enim videtur intercessisse pro alio: & Senatusconsultum Vellejanum est tantum de intercessionibus mulierum improbandis: mater hanc obligationem fecit, non etiam factam, aut cum ibi esset ut fieret, in se recepit, vel (ut urar verbis legis) eo genere neque veterem, neque novam obligationem alienam in se recepit, sed ipsa fecit obligationem. Recite, neque veterem, neque novam. Nam si veteris, si nova sit obligatio aliena, quam in se recepit mulier, ei succurritur, l. feminis, C. ad Vellejan. Et veteris obligatio in Senatusconsulto significatur verbo fideiussionis: nova verbo mutui dationis. Mulier veterem obligationem recepit, si fideiubeat pro alio, si constituat pro alio, si expromittat pro alio, si iudicium suscipiat pro alio, si mandet alii mutuum pecuniam dari; quae omnes intercessionis infirmantur, & actio restituitur in veterem debitorem. Novam autem in se recipit mulier, si mutuum acceperit, quod alius rogaverat, cui mox ipsa eam pecuniam numeratura est: quo genere suscipit obligationem alienam, quam alius erat subiturus nisi ipsa intercessisset. Et hoc plerumque genere occulto intercedunt, dum qui volunt, ut mulier intercedat, agunt, ut ipsa contrahat: sed hac intercessio etiam infirmatur, & in eum, pro quo intercessit, nulla restituitur actio, quia nulla fuit, sed instituitur perinde ac si mutuum accepisset. Et ita in hoc Senatusconsulto, dicitur, modo institui actionem in novum debitorem, modo restitui in veterem debitorem. Et hoc genus intercessionis, cum scilicet, mulier acceperit mutuum intercedendi gratia, significatur in Senatusconsulto his verbis, Quod ad mutui dationes pro aliis, quibus intercesserint feminae, pertinet: nam

A mutui dationes oportet accipere passivae, id est, si mutuum detur feminae, & ita in l. civitas, de rebus cred. civitas mutui dationi obligari potest, id est, si detur mutuum civitati: non est etiam, cur in eo Senatusconsulto (quod quidam tamen tentant) quo loco scriptum, de ea re ita consuluerunt, emendes, censuerunt. Videamus cur in specie propofita non videatur intercessisse mulier: hoc ostendat hoc modo: si intercessit, aut intercessit pro pupillo, aut pro tutore: non intercessit pro pupillo, hoc est, non intercessit pro eo quod deberet pupillus, sed pro eo quod culparetur tutor a pupillo: ergo evidens est non intercessisse pro pupillo: sic nec pro tutore, quia se ei obligavit: si tutori se obligavit: ergo non pro tutore, l. Granus, de fideiuss. l. tutor, in prin. h. t. denique neque pro pupillo obligatur, neque pro tutore, sed tutori proprio nomine: ergo non intercessit.

B Quid est intercedere alii? pro alio se obligare: hoc modo, se quidem obligat alii, sed non pro alio, nisi pro seipsa, quod non potest dici eleganter, quin delinquas: non belle hoc dici potest. Adversus hanc definitionem Papin. obijcit lex §. mater 6. ad Vellejan. Sed Accursius respondet recte: eget tamen explicatione responsio ista. Species hujus legis est. Tutor se excusare volebat a tutela, nec deerant causae iustae: mater rogavit, ut tutelam acciperet, & indemnitate ei repromisit: videtur intercessisse, & pertinet ad Senatusconsult. Velle. In specie l. 8. §. 1. indemnitate promissio non est intercessio. In specie l. si mater, indemnitate promissio, est intercessio. In l. 8. mater, quae promisit tutori, non videtur intercessisse. In specie l. si mater, videtur intercessisse. Et sane ita est omnino, videri intercessisse hoc postremo casu, quandoquidem se obligavit pro pupillo tutori: non suscepit periculum contrariae actionis tutelae, quam habiturus esset tutor adversus pupillum: non ita dixisse videtur mater nude: suscipe tutelam: nam si quid deberet tibi pupillus, nec praestare possit, eo nomine te indemnem praestabo, quo casu intelligitur intercedere pro pupillo. Paul. lib. 1. sent. ita scribit: Mulierem quae pro tutoribus filiorum suorum indemnitate promissit, non pervenire ad beneficium Senatusconsulti, quae sententia est intelligenda secundum l. 8. §. 1. si pro tutore apud ipsos tutores indemnitate promissit: nam si pro filiis tutoribus indemnitate promissit, vel contra, si pro tutoribus filiis indemnitate promissit, pertinet ad SCtum. Ex quibus verbis rem explicat Accursius, etiam si nomine ejus, quod debitorum est tutori pupillo, pupillo indemnitate promissit. Item si nomine ejus, quod pupillus debitorum est tutori, tutori indemnitate promissit. Sed si nomine ejus, quod pupillus debet tutori, ipsi pupillo indemnitate promissit, vel contra si ratione ejus, quod tutor debet pupillo, ipsi tutori indemnitate promissit, non intercessit, sed ipsa facit obligationem, atque ideo ea res non pertinet ad SC. Vell.

JACOBI CUJACII J.C. COMMENTARIUS

In Lib. X. Questionum AEMILII PAPIANIANI.

Ad L. XVII. de Cond. furtiva.

Parvi refert ad tollendam conditionem offeratur servus furtivus, an ad aliud nomen, atqueque statum obligationis transferatur: nec me movet praesens homo fuerit necne, cum mora, quae eveniebat ex jure, veluti quaedam delegatione finitur.

EX libro 18. questionum Papiniani prima, quae exponitur quaestio est de purgatione morae in l. 17. de condition. furt. quae nunc explicabitur. Offendit in hac l. Papin. moram finiri & purgari, & conditionem furtivam tolli tribus modis, obligatione, delegatione, novatione. Sed hoc ante omnia notandum est, multum interesse rem aliquam debeat quis

ex causa furtiva, quod eam furto abstulerit, an ex alia causa: nam alius debitor, si ea res ante moram interierit, liberatur; si post moram, vel quam aliam culpam, debitor non liberatur, l. si ex leg. 23. de verb. oblig. l. quod te, de reb. cred. quia mora perpetuat obligationem, siue productit eam in perpetuum; l. si servum 91. s. sequitur, de verb. oblig. In fure non utimur hac distinctione, quia fur nunquam non facit moram in restituenda ea re, quam non debuit auferre. Igitur nec unquam liberatur morte vel interitu rei furtivæ: semper enim intelligitur interisse post moram, l. 8. §. pen. l. ult. hoc tit. l. inter 83. §. pen. de verb. oblig. Item alterius debitoris mora fit in personam, quia non fit nisi si conventus opportune, & rite interpellatus debitor non solverit. In alio debitor interpellatio creat & gignit moram, nec videtur alius debitor non interpellatus, non admonitus, non conventus moram adhibere in solvendo, l. mora, de usur. mora autem furis fit ex re etiam non interpellato fure, ipso iure, l. ult. C. de cond. ob. turp. caus. Res ipsa satis interpellat furem, nec admonitio domini exigit, ut intelligatur fur moram facere. Etiam illud sciendum est, aliam esse causam moræ, quam, ut diximus fur semper adhibere intelligitur etiam non interpellatus, longe aliam maleficii, id est, furti quod admisit. Nam maleficium non purgatur oblatione, imo nec restitutione rei furtivæ, & siue obulerit, siue restituerit rem, is, qui furtum fecit, non ideo tollitur actio furti, quæ ad poenæ persecutionem pertinet: nemo tali poenitentia noceus esse definit, l. qui ea mente 63. de furt. l. pen. vi bon. rap. Seneca 4. declam. Tam mihi teneris, inquit, quam qui vulneravit aliquem, licet eum servaveris; tantum abest, ut oblatione liberetur fur, ut nec restitutione liberetur dupli, aut quadruplo, id est, actione furti. Poena semel commissa emendari non potest, ut poena semel soluta repeti non potest: mora autem purgatur oblatione etiam sola, & tollitur conditio furtiva, quæ ad rei recuperationem pertinet, non ad poenæ persecutionem, si res offeratur ei, cui furtum factum est, integra scilicet, & congruo loco, & tempore: mora enim non est maleficium, sed culpa, d. l. si servus §. sequitur, de verb. oblig. l. fundum Corn. 28. de novat. ubi Accursius annotat, moram & culpam, in verbo, sine culpa, & solum ita definire moram, culpam non respondentis ad conventionem opportunam creditoris vel debitoris. Et dicimus, ad conventionem, quoniam hæc proprie est mora, quam conventio, id est, interpellatio gignit: & exceptis paucis casibus, quibus mora fit ex re, non ex persona: certe ut plurimum fit mora ex persona, ex conventionem, & interpellatione personæ, non ex re sola, sed quæ ex persona fit, & ex re ipsa fit, non contra: culpa facilius aboletur quam maleficium, & emendatur, & remittitur facilius: Oblatio purgat culpam veluti moram, sed non maleficium, & consequenter oblatio poenali actione non liberat, quæ est ex maleficio, rei persecutoria actione liberat, quæ non est proprie ex maleficio: nam quæcumque est ex maleficio, vindictam, ultionem, poenam persequitur, non rem solum. Et malui uti maleficii nomine, ut nostri auctores plerumque malunt dicere obligationem ex maleficio, quam ex delicto: nam delictum est nomen ambiguum, quia & maleficium, & culpam significat, stultitiam, negligentiam, ignorantiam quamlibet, ut Græcis ἀναρτία, ἀσέπεια, utrumque significat; & in l. cum mancip. de adilit. edit. delictum est culpa seu stultitia. Et in definitione legis, Lex est coercitio delictorum, quæ sponte, id est, opera confusa; hæc sunt maleficia proprie, vel per ignorantiam contrahuntur. Sed ad rem: mora purgatur oblatione: moræ purgatio tollit conditionem furtivam: sed sciendum est, duo esse oblationis genera, nudam oblationem, & consignatam, depositam. Est igitur oblatio nuda, oblatio rei relictæ presentibus. Hæc oblatio, cui additur obsignatio & depositio, statim liberat furem conditione furtiva, quia pro solutione est, cum non retinuerit, quod obtulit debitor, sed obsignaverit, & deposuerit apud additum vel tabellarium. Obsignatio pro solutione est, l. ob signatione, C. de solus. & perpetuum illud

Tom. IV.

A est, solutione liberari debitorem omni obligatione, omni actione. Idem etiam de oblatione & depositione, l. 1. §. si pecunia, in fi. depos. Idem igitur effectus eademque vis solutionis & oblationis, quæ fit consignatione & depositione. Oblatio autem nuda non liberat furem conditione furtiva, vel alium debitorem, antequam res interierit: re existente tenetur conditione furtiva, re perempta sine culpa furis non tenetur, quia periculum desit ad eum pertinere, quasi mora purgata per oblationem, si modo actor siue creditor non habuerit iustam causam non accipiendi rem, quæ sibi offerebatur. Posterior mora creditoris facta in non accipiendo emendat & purgat priorem moram debitoris, l. illud, de peric. & comm. rei vend. & d. §. sequitur, l. sed etsi alia die, de const. pec. Ergo oblatio nuda liberat tantum periculo, & ita demum obligatione omni, siue conditione furtiva in specie huius legis, si res post oblationem interierit: nam quoad res manet, & obligatio manet: & ita constituenda est differentia inter illa duo oblationum genera. Possit itaque lex intelligi de oblatione nuda, si modo ea intellexeris tolli conditionem post mortem hominis furtivi, vel interitum rei furtivæ, non ante. Porro non tantum oblatione purgatur mora, tolliturque conditio furtiva, sed etiam delegatio & novatio, ut ait, veluti quadam delegatione, subdicans, novationem esse quandam delegationem, delegationem purgari moram, ergo & novationem. Eorum quæ similia sunt plerumque in iure idem est effectus: quod est verissimum. De eo, quod similitudinem habet solutionis idem statuamus, quod de solutione: nec interestolverit quis, siue fecerit, quod solutioni simile est vel proximum: delegatio mora purgatur, si id quod mihi debes ex causa furtiva iusserim creditori meo stipulanti promittere, & promiseris, quo facto liberaris a me omnimodo, nec mihi amplius teneris conditione furtiva, & obligaris creditori meo ex causa stipulationis, non ex causa furtiva: nam hæc est abolita. Delegatio est abolitio & finis causæ furtivæ: ergo & moræ, quæ ex ea pendit: novationem quoque mora purgatur, & tollitur conditio furtiva, si novandi animo stipulor a fure, vel ab alio, quod fur mihi debeat ex causa furtiva: quia hæc novatio veluti delegatio est: videor enim furem, qui mihi obligatus est ex causa furtiva, delegare mihi ipsi, ut ipse mihi debeat rem non amplius ex pristina causa, sed ex nova, id est, ex stipulatione, scilicet si stipuler ab eo. Nam si ab alio stipuler, videtur fur mihi delegasse eum, qui expromisit pro eo, id est, qui totam obligationem in se recepit novandi causa. Novatio est, ut apparet ex hac l. in aliud nomen, aliumque statum prioris obligationis translatio. Delegatio est mandatum, quo iubetur debitor id, quod debet, alii promittere. Et recte mandatum, nam ex eo negotio siue iussu nascitur actio mandati, l. 12. de novat. Ex recte, quo iubetur promittere: Nam delegatio consummatur per stipulationem eius, cui debitor delegatus est, quæ stipulatio efficit novationem. Delegationem igitur sequitur novatio. Nam novatio est non tantum si mutetur debitor vel causa debendi, sed etiam si creditor mutetur: & interveniente delegatione, atque impleta per stipulationem sequentem, mutatur tam creditor quam debitor: creditor mutatur delegatione: ei autem, cui delegatur, mutatur debitor, secuta, ut dixi, stipulatione: alioqui delegatio est imperfecta: rursus dixi, quod iubetur promittere: nam secus est, si debitor meus iubeatur aliiolvere. Si iubeatur promittere tibi, tu statim, etiam id stipulando novare potes; sed si iubeaturolvere, non statim etiam tu stipulando id novare potes invito me, l. si debitorum, de novat. Tollit igitur novatio priorem obligationem: ergo tollit etiam moram siue culpam, quæ obligationi iuncta est, atque coheret: & rursus, ergo tollit etiam conditionem furtivam, quæ ex obligatione nascitur: quæ denique in universum tollit obligationem, & quæcumque eam circumstant: & confuit obligatio in alium statum, inque aliud nomen. Ac præterea tollit novatio priorem obligationem, non tantum si res post novationem intereat, sed etiam si existat, ut plane fit recipienda differentia Accursii inter novatio-

Q

ratio-

rationem, & oblationem. Oblatione nuda liberari rem re perempta demum, novatione liberari statim etiam re extante. Nec quicquam obstat *l. si ve debemus 20. §. ult. de verb. oblig.* quæ eum, qui stipulatus est a fure quod fur sibi debet ex causa conditionis furtivæ, ait, uti posse conditionis furtivæ, condicere furi posse si res extet. Nam, ut respondeamus breviter, non loquitur de stipulatione facta novandi causa, quandoquidem si hoc animo facta sit novatio, statim extinguatur conditio furtiva. Græcorum etiam differentia placet inter oblationem nudam & novationem, ut oblatio nuda exigat præsentiam rei, novatio non exigat. Oblatio exigit præsentiam rei, quia non potest obtulisse videri quis rem, quæ non aderat. Res præsens non est ea quæ in conspectu est, seu quam cernere & tangere licet: nec est ea, quam fur fert, aut agit, aut portat, sed quæ est in ea provincia, ubi de ea queritur. Absens est, quæ est peregre, & in alia provincia, quod offendit aperte *lex qui decem, §. idem responsum, de solut.* Ergo oblatio quidem exigit, ut res præsens fuerit, alioqui non intelligitur obtulisse rem propter absentiam, & solum est præsens, quod est in ea regione: novatio autem non exigit, ut res sit præsens, & eundem habet effectum si res sit præsens, sive absens: & hoc est quod ait Papinianus. Nec me movet *lex qui decem, §. cum Stichum, & §. seg. de solut.* ex qua efficitur etiam in novatione exigi præsentiam rei, id est, novatione non finiri moram, non tolli pristinam actionem, nisi res præsens fuerit quod tempore actum est de novatione. Hoc in illo §. ostenditur, oblationem liberare periculo, & emendare moram, sive a debitore fiat, sive ab alio nomine debitoris, sciente debitore vel ignorante, scilicet si creditor accipere noluerit, id est, si posterior ipse fecerit moram. Et adicitur, eundem esse effectum stipulationis non conceptæ pure, sed factæ sub conditione novandi causa, licet novatio non contingit, quod scilicet res interierit pendente conditione stipulationis: neque enim novatio contingit, nisi res sit in rebus humanis cum existit conditio. Et hoc ita esse, sive creditor stipuletur sub conditione a debitore, sive ab alio ignorante debitore. Ergo ita constitutum: moram purgari per stipulationem conditionalem, licet ex ea novatio non contingat: quod confirmat etiam *lex qui tenens, §. 1. de novat.* Sed hoc ita verum est, si res præsens fuerit, quæ in stipulationem conditionalem deducta est: Nam si res præsens fuerit, stipulatione nuda, ex qua novatio non fit, licet fuerit interposita novandi animo, mora purgatur, quia pro oblatione cedit, si res præsens fuerit. Offero rem non tantum, si dicam me paratum esse solvere: sed etiam si promittam stipulanti tibi, vel pure, vel sub conditione: neque enim quod promitto, recuso solvere, imo me ad solvendum adstringo: denique offero & purgo moram, si quam ante admisi. At si res ipsa, quam ab eodem debitore stipulatus sum sub conditione, fuerit perempta pendente conditione, atque ideo non secuta novatio sit, ea stipulatione non censetur purgata mora: non certe stipulatione, quia effectum non habuit re perempta interim: non etiam quasi oblatione, nam res absens non intelligitur oblata. Et hæc est sententia illius §. satis obscuri, qui tamen non adversatur Papiniano: Nam Papinianus in stipulatione, ex qua contingit novatio, putat nihil referre, præsens fuerit res, an absens. Marcellus in eo §. de stipulatione loquitur, ex qua non contingit novatio, in qua omnino exigimus præsentiam rei, ut pro oblatione habeatur, atque ita purgat moram. Diximus in summa, purgari moram, & liberari debitorem periculo per stipulationem conditionalem novandi causa interpositam, si modo res præsens fuerit, licet novatio non contingit extincta pendente conditione stipulationis, & novationem non contingere, etiam si conditio stipulationis existat post interitum rei. Hæc est summa doctrina superioris. Cui tamen valde obstat *lex si rem, de novat.* quæ significat, in ea specie nec purgari moram, & novationem contingere: obstat etiam *lex eum qui 56. de verb. oblig.* ex qua efficitur, novationem quidem non contingere,

A sed moram etiam non purgari. Sed quidnam sit illis legibus respondendum, postea explicabimus; cum aggrederemur legem arboribus, de contr. empt.

Ad L. Arboribus LVIII. de Contr. empt.

Arboribus quoque vento dejectis vel absumptis igne, dictum est emptionem fundi non videri contractam esse, si contemplatione illarum arborum veluti olivæ, fundus comparatur, sive sciente, sive ignorante venditore; sive autem emptor sciebat, vel ignorabat, vel uterque eorum, hæc obstant, quæ in superioribus casibus pro edibus dicta sunt.

Diximus, moram purgari & debitorem liberari periculo omnino non tantum novatione quæ fiat interveniente stipulatione pura: sed etiam stipulatione conditionali: Nam et si conditio existat post extinctam rem, novatio non fit, quia nulla est res, quando conditio existit: novatio non tantum emendat moram, sed etiam stipulatio interposita novandi causa, licet effectum non habuerit. Et hæc ita procedunt, si tempore conditionalis stipulationis res præsens fuerit, id est, si in eadem provincia fuerit; hoc casu moram purgari per conditionalem stipulationem, licet ex ea novatio non existat, ut res quæ præsens in stipulationem deducta est, oblata videtur; & consistat oblatio moram purgari, novationem autem: non fieri, quia res interit ante moram; nec enim post veterem moram, quæ sublata est, nova intercessit mora. Hoc est quod supra diximus: & adjecimus huic definitioni obitare legem *si rem, de novat.* *l. eum qui §. ult. de verb. oblig.* quæ nobis explicandæ sunt, & demonstrandum, quidnam respondendum sit. Ex *l. si rem* colligitur in eadem specie rei debita deducta in stipulationem conditionalem factam novandi animo, & pendente conditione re perempta debitorem non liberari periculo, & novationem fieri, post interitum rei conditione existente. Et ut explicatius dicam, finge: rem quam mihi debes, de te stipulatus sum novandi causa sub conditione, non fiet igitur novatio, nisi res existat tempore conditionis existentis, & nisi res ea fuerit in rerum natura: verum adicit *d. l. hoc ita verum esse, si tu ante eam stipulationem conditionalem moram feceris*: Nam si moram feceris, etiam si res non extet tempore existentis conditionis, tu mihi teneris ex stipulatione, quasi novatione facta: stipulatio committitur existente conditione, quia res perit post moram commissam: nec enim interim videtur purgata mora. Sed si verum amamus, id tantum dici potest, atque id procedit simpliciter, si res absens fuerit tempore interpositæ stipulationis conditionalis. Superior definitio est de re præsentem, res præsens pro oblata habetur, res absens pro oblata non habetur: & ideo non videtur purgasse moram qui rem absentem promisit sub conditione: certe non purgavit moram stipulatione, quæ est in suspensio: non purgavit etiam quasi oblatione, quia res absens oblata intelligi non potest; & consequenter, quia periculum ad eum pertinet, quasi mora non purgata existente conditione teneatur, & novatio fit. Sententia legis *eum qui, §. ult. hæc est, rem, quam mihi debes, stipulatus sum sub conditione*, non a te, sed a Titio, pendente conditione res interit post moram tuam, post extitit conditio: non fit novatio, & tu mihi teneris, licet res interierit: ergo ea stipulatio non potest purgare moram: hoc facilius possumus expedire, quam illud, quod ante diximus. Respondeo moram quæ præcessit stipulationem conditionalem purgari per eam stipulationem, licet ex ea novatio non fiat: moram autem, quæ secuta sit eam stipulationem, quæ facta est pendente conditione, de qua agit *lex eum qui, non de ea, quæ præcessit stipulationem*, non purgari, sive res præsens fuerit, sive absens: & ideo quod moram commissisti, mihi teneris etiam re perempta. Titius non teneretur, quia res interit antequam moram faciat: novatio igitur non fit, quia Titius non obligatur,

tu obligatus manes, *l. 57. §. ult. de verb. oblig.* Nunc in interpretationem legis arboribus aggregamus. Quæritur est de fundo vendito contemplatione arborum, quæ in eo fundo confita sunt, ut de oliveto vendito: fundus qui olivetanus dicitur, venit contemplatione arborum, aut de vineto, de arbuso, an valeat venditio, si ante venditionem arbores evulsæ, exsulæ, dejectæ fuerint vento: eadem quæritio extat de domo in *l. prox. sep. an domus venditio valeat*, quæ ante venditionem combusta fuit: & quæ, ut Papin. admonet in hac l. distinctionibus quibusdam additis, definiuntur de domo vendita, sunt etiam transferenda ad hanc legem, & licet Papin. de fundo tantum agat, tamen demonstrat idem tractatæ afferre domo. Finge igitur domus vendita est, quæ ante venditionem combusta fuerat, superficies perierat; area manebat, velium manebat, quæ est maxima pars domus, *l. qui res 98. §. ult. de solut.* Superficies est pars minima, si confiteretur cum solo, & ideo jure gentium superficies semper cedit solo, *l. pen. ult. §. fed si, uti possid. l. qui domus 50. ad l. Aquil.* Vel finge: fundum vendidisti contemplatione arborum, veluti olivetum, aut vinetum, & arbores igne absumptæ fuerant aut vento dejectæ ante venditionem. Arbores sunt superficies fundorum, atque ideo latior superficies, quam ædificii appellatio: & rursus etiam ad aliquid latior ædificii, quam ædium. Nam ædificia alia sunt urbana, alia rustica: ædes tantum sunt urbana prædia; & rursum ædium ad aliquid latior significatio, quam ædificii. Nam ædes solum & superficiem continent, ædificium proprie est superficies in *l. domo 21. de pign. actioe, l. 9. §. questum, & cum. ult.* Edificium est pars, ædes totum, *l. 34. de leg. 3. si cum ædes legata sunt*, omne id ædificium habebit, quod solum earum ædium erit. Quæritur autem superioribus duobus casibus, an venditio confisat, si res perierit ante venditionem, & an ex eo negotio sit actio, id est, an impleri debeat contractus utraque ex parte? Et auctores ita distinguunt. Aut uterque ignoravit domum esse combutam, vel emptor scivit, venditor ignoravit, aut contra, aut uterque scivit. Divisio hæc est perfectissima. Si uterque ignoravit, nulla est venditio, quia nec res venditio non confisat: emptiois venditionis substantia confisat ex re & pretio, *l. est consensum 13. hoc tit.* etiam si consensum in corpore, si tamen nulli id perierit ante venditionem, nulla est venditio: & ideo emptor non compellitur venditionem implere, & quod ignorans solvit, potest condicere, quia nautra ex parte contrahitur obligatio. Et hoc ita, si tota domus exsulæ sit, si totum olivetum consumptum sit, vel major pars ejus. Nam in rebus humanis non videtur esse res, cuius major pars interit; res quælibet ex majori parte censetur. Consumpta igitur majori ex parte res, absumpta videtur. Nam solum, five area non est domus, imo nec pars domus sublatum folum. Ergo fide res videtur contracta venditio, si ea res, quæ venit, majori ex parte perierit ante venditionem; sed si pars dimidia permanferit, & dimidia perierit, vel si minor pars, venditio confisat, quia non intelligitur perisse domus, cuius pars major superest, aut dimidia. Et ideo hoc casu, si dimidia tantum perierit, emptor cogitur perficere contractum: nam periculus nudo confensu, & aliud est proprie pericere emptioem, aliud implere. Cogitur igitur emptor solvere pretium rei, quævis non sit integras res, puta pars dimidia consumpta: fed quia actio ex vendito est bonæ fidei, bonus vir arbitratitur, ut diminuat pretium, & boni viri arbitratu, id est, officio judicis, *l. officio, hoc tit.* Iudex quid est? magister & sacerdos quæsi & boni: ariter, vir bonus, cui causæ cognitio, aut jurisdictio data est: Interpres bonæ fidei & doli mali, *l. si feruus 61. d. si res commodatam, de furti.* Habet enim doli malus *avertens bonam fidem*. Si utroque ignorante domum exsulam esse vel olivetum, venditio contracta fuerit, nec fuerit exsulæ tota, fed pro parte tantum dimidia; aut minor, valere venditionem. Obijciunt sulte *lex si duos 44. hoc tit.* non pugnat ea lex. Finge: Vendidi tibi duos cantharos, quorum unus non possit ferui & altero sine

A incommodo, finge unum ex iis interisse ante venditionem, at in uno confister vendito? minime. Quia igitur non dicit idem in domino? Ratio est diversitatis, cur nec venditori, nec emptori, nisi utrumque habeat, expedit: partem domus habere expedit, & potest esse usus, nec quicquam incommodo patitur emptor, cui diminueretur pretium pro rata ejus, quod incendio perit. Aut venditor scivit, emptor ignoravit, & hoc casu nulla est venditio, si tota res perierit ante venditionem, sed si extet pars aliqua vel major, vel minor: neque enim fletusquam quanta permaneat, sed dicimus indistincte valere, & venditori teneri in id, quod interest propter retentam, *l. si post q. de peric. & com. rei vend. & ita operetur dulus venditoris; non ad rem tantum, sed etiam in id, quod interest. Obijciat lex *si in empt. 34. §. item si, hoc sit.* agitur ibi de re futura vendita: non potest vendi res futura, res aliena potest vendi, nec tantum dicimus rei futuræ non esse ufucapionem: sed etiam venditionem non esse, donationem non esse. Nam si ille §. conjungatur cum præcedenti, apparet Jureconsulti. adnumerare illis rebus, quarum commercium non est, rem futuram: & consequenter aut, nullam contrahi obligationem, si uterque scierit rem esse futuram, & contraheretur tamen, si uterque scierit rem esse alienam. At etiam, si venditor ignoravit, emptor scierit, non obligari venditorem, sed nec agere ex vendito, nisi ultro id quod convenisset præstet: contra si venditor scierit, rem esse futuram, emptor ignoraverit, utrinque obligatio nascitur. Ergo in nostra specie cur non debet nasci obligatio? Respondeo uno verbo, non potest nasci, quia nulla res subest tanto domino combusta. In d. §. subest res: Aut e contrario venditor ignoravit, emptor scivit domum esse exustam, & hoc casu non valet venditio, si tota sit exusta, sed si vel portiuicula manet, venditio valet propter dolum emptoris, & tenetur emptor adimplere contractum, quia dissimulavit, ut forte venditorem condemnaret ex empto: dissimulatio omnis, retentia, dulus est, & sibi imputare debet, quod emerit rem, quam sciebat extinctam. Aut uterque scivit, & hoc casu sive exusta sit, sive ex parte, venditio non valet, quia uterque scivit, utraque ex parte dulus intercessit: ergo ex neutra parte confisit contractus bonæ fidei: contraria hæc sunt doli & bonæ fides. Et falso hic Accursi. in *l. domum, hoc sit.* quæ hæc præcedit, in verbo, *nil actum*, meo quidem iudicio, pro parte; quæ supersæpe potest contrahi venditionem, licet uterque scierit, quod acciderat rei ante venditionem. Nam dollarius obstat universæ venditioni. Ideo ait lex nihil penitus agi, nec posse se coarguere inveniunt, dulus doli compensatur, *l. viro 39. solut. maritum. l. 10. de compensat.* quod etiam male colligit ex §. *quoribus, §. l. 1. quo* tantum ait, quod supra diximus in *l. arboribus, & l. domus, de contr. empti.* quoties ex delicto oritur actio, utpote ex causa futura, si de ea vel pecuniario iudicio agitur, compensatio locum habet. Post hæc nimirum valet esse legendum, id est, per, pro; idem: ita in *l. 30. de arb. empti. id est,* melius quam Florent. idem §. *l. veteres, hoc sit. l. 45. §. seq. loc.* Et eam emendationem confirmant *Beccusius*, in quibus nimis illa brevi sermone comprehensa sunt. Is cum quo agitur pecuniarie ex furto vel maleficio, compensationem opponere potest: & de noxali actione idem adijciat, ex quo habemus doli fingularia: Actionem seu conditionem futuram ex maleficio dari, ut in *l. si mulier 21. §. hæc act. rem. amot.* nam non ideo ruius videtur ex delicto dari, quod sit etiam rei periculatoria, sicut dicitur de actione in factum ex edito de alienatione iudicii mutandi causa facta, quæ licet ad rei persecutionem pertinet, tamen videtur ex delicto dari: adde *l. quia pervenit et alie. jud. mut. caus. fac. idque fit odio furis, & ut Theophr. ait contra reg. n.* Deinde est notandum ex his, noxalem actionem pecuniariam: & elegant in *l. §. 1. de re jud. solius noxæ deditiois nullum esse iudicium, sed condemnationem pecuniæ persequi: in condemnatione esse pecuniam, noxæ affirmationem: in solutione, ex *l. 12. tab. & noxæ deditioem.* Quam**

obrem recte mihi videtur concepta formula sententiae proferendae in noxali iudicio in *l. de off. jud. Inst. lib. 4. Publium Marium in pecuniam certam condemnz, aut us noxam dedat*. Praecedit verbum *condemna*, sequitur, *noxam dedere*; Hanc igitur facultatem noxae dedendae habet ex *12. tab. si nolit subire assimationem litis*; hic actionem in factum iudicii mutandi causa factam pecuniariam, civilem esse ex delicto, & noxalem esse pecuniariam. Summa autem eorum, quae exponuntur in *h. l. arboribus*, & in *l. domus*, praecedentis haec est. Si res quae veniit, tota perierit ante venditionem, & hoc uterque scierit, vel ignoraverit tam emptor quam venditor, vel alteruter, non stare venditionem. Idemque esse, si quaelibet pars perierit ante venditionem, & hoc scierit uterque contra venditionem, si perierit dimidia pars, aut minor, quam dimidia utroque ignorante. Itemque si perierit pars quantalacunque solo venditore, vel solo emptore sciente. Et hoc est, quod ait Papin. hac lege, *sive*, id est, non distinguimus si sciverit venditor, an ignoraverit, omnes arbores consumptas igne. Alia distinctio in *l. si post, de peric. & cont. rei vend.* Quaedam arbores vi deiecte sunt, & constat venditio, si emptor ignoravit, venditor scivit, nec admonuit. Quod ad Papin. videtur Ulp. adiecisse.

Ad L. Pacta conventa LXXII. cod. tit.

Pacta conventa, quae postea facta debuerunt aliquid emptioni, contineri contractus videntur, quae vero adiungunt, credimus hoc non inesse, quod locum habet in his, quae adimicula sunt emptioni: veluti ne cautio dupla praestetur, aut ut cum fideiussore cautio dupla praestetur. Sed quo casu agente emptore, non valet pactum, idem vires habebit iure exceptionis agente venditore. An idem dici possit aucto postea vel diminuto pretio non immerito quaesitum est: quoniam emptiois substantia consistit ex pretio, Paulus notat: si omnibus integris manentibus, de augendo vel diminuendo pretio-rum convenit, recessum a prioris contractu, & nova emptio intercessisse videtur. (*)

Est haec lex famosissima. Pacta conventa dicuntur non per *diavolū*, quasi sint quaedam pacta non conventa sed perpetuum est epithetum, quia ex solo conventu valent, & estimantur: contractus propter conventum valent, & estimantur ac censentur nomine legitimo & proprio; ut societas, mandatum: vel deficiente nomine estimantur, & censentur ex causa, a qua incipiunt, id est, datione vel facto aliquo, ut do, ut des, do ut facias, facio ut des, facio ut facias. Do ut des, est contractus, quia praeter conventionem coepit res a datione, hoc est, conventioni accessit datio. Dabo ut des, est pactum. Quid est contractus? conventio, quae nomen proprium habet, quae datione, traditione, aut facto aliquo sumit effectum: Vel, ut Theophilus definit: Contractus est duorum pluriumve in idem placidum consensus, ex quo nascitur obligatio. Ab effectu sic definitur: sed prior ad substantiam magis pertinet. Quid est pactum? Res de qua convenit, quae nomen non habet aliud, quam pactum, quaque nulla ex parte sumpsit effectum, nec versa est in stipulationem. Vel, imitatione Theophili: Pactum est duorum, pluriumve in idem placitum consensus, ex quo non nascitur obligatio: Vel pactum est conventio, cuius neque ulla causa subest, quodque nomen proprium non habet. Conventio est genus, cuius species duae sunt, contractus, & pacta, *l. 1. de pact.* Eadem ratione dicuntur pacta, & conventa. Paul. *1. sent. 1. Tull. pro Caelio. quam pacti & conventi formula*. Seneca de benef. *nec pacta, conventaque impressis signis*; & e converso etiam conventa, & pacta. Juvenal. *Saty. 6.* Eadem quoque ratione dicuntur pacta nuda, non quasi alia sint non nuda: nullum est pactum, quod non sit nudum: ut si ita convenierit, dabo ut des, pactum est. Etiam ea pacta,

A. quae pariunt actionem, sunt nuda, & ex pacto saepe res meat in contractum, vel stipulationem, vel quem alium: ut si ita convenierit, dabo ut des, est pactum: si coepero dare, desinit esse pactum, & fit contractus. Dicuntur pacta nuda, quia solo consensu constant, & nuda a nomine, nuda a causa, nuda a vinculo stipulationis, circumscribuntur, statque ad finem placent, *l. si tibi 27. G. de loc. & cond. l. si divisioni, C. fam. erecis*. Ex contractibus nascitur civilis & naturalis obligatio: sunt enim contractus non tantum civiles, sed & iurisperitum: ex pactis non nascitur civilis obligatio, sed nec etiam tollitur civilis obligatio: naturalis tamen obligatio nascitur ex pactis, atque etiam tollitur; Ergo ex pactis actio neque datur, neque ipso iure perimitur exceptio & replicatio datur iure praetorio, & iusta pacta ita rata habentur, ut iuri praestare dicantur. Vetus erat verbum, *pacta iuri praestare*, apud Cornif. hoc est, praestabilia esse legibus, licet legibus non observentur, sed edictis praetorum tantum, datis exceptionibus, & replicationibus: & quandoque datis actionibus, ut iure praetorio de pignore ex pacto nascitur actio pign. five hypothecaria, *l. si tibi 17. §. de pign. de pact.* Eodem iure de constituta pecunia quasi ex pacto nascitur actio, *l. 1. de const. pec.* De alia re quod sciam, aliove gestu, ne iure quidem praetorio ex pacto nascitur actio, quod lege non confirmatur. Quaedam tamen sunt pacta, quae legibus observantur: regulariter pacta legibus non observantur. Observantur autem legibus ut de iniuriis, & furtis, ex *12. tab. Hae actiones pacto ipso iure tolluntur etiam non opposita exceptione*, *d. l. si tibi §. 1. de pact.*, *l. post decisionem 13. C. de furt.* Idem ostenditur in *l. iurisperitum. §. si paciscar, de pact.* *post decisionem*, hoc est, post pactum, si quis pro fure damnum deciderit. Et sumpta sunt haec verba ex *12. tab. ut in alio capite, fructus duplone damnum deciderit*. Damnus decidere, est pacisci, quae pactio perimit actionem de furto. Sic etiam iniuriarum actio pactio tollitur ex *12. tab.* Actionem igitur iniuriarum, ut si quid adfectus debitor creditori cum creditore paciscatur (ut mea fert opinio) ex iisdem legibus *12. tab.* pacta observabantur quasi legitima, quoniam post additionem debitoris Gellius ait, interim fuisse jus paciscendi: ex iisdem legibus igitur, & nisi pactum fuisset haberi dies 60. in vinculis. Et pacta etiam ea legibus observantur, quae contractui bonae fidei adiunguntur ex continenti: nam leges non servant tantum contractus, sed & leges contractuum, hoc est, pacta adiecta in continenti. Non quodlibet pactum lex est, sed id tantum, quod additur ex continenti, quia format actionem venientem ex contractu. Haec igitur pacta sunt legitima, hoc est, iure approbata confirmataque, *l. iurisperitum, §. quiniimo, de pact. l. cum dotem, C. de iur. dot. l. nec ex prat. 27. de re. iudic.* Proficiunt ergo ad actionem, & obligant, ut in *l. venditor 13. com. praed.* per venditionis legem obligantur, &c. & in *l. is bona fide, C. de pact.* ex his pactis competere actionem; cur ita? quia si contractus est legitimus, & ipsa sunt legitima, quandoquidem habentur pro parte contractus, continentur & insunt contractui. Ex pactis autem ex intervallo non nascitur actio, quia non videntur inesse contractui, quae sunt longe post contractum, quae non coherent contractui, sed ab eo absumt, distantque longissime. Cur pacta incontinenti facta proficiunt ad actionem? quia insunt contractui, & contractus utilis est ad actionem. Ergo, quod non insunt, non proficiunt ad actionem, sed ad exceptionem tantum iure honorario: imo ut ostendit Papin. in *h. l.* interdum pacta ex intervallo proficiunt ad actionem iure ipso quasi legitima. Sunt multa ejus rei exempla: quaerunt tamen interpretes. Est vero tota haec lex de pactis factis ex intervallo, nihil in ea agitur de iis, quae ex continenti. Et ait, *pacta quae postea facta, id est, post emptionem ex intervallo*. Postea semper significat ex intervallo, mox plerumque ex continenti, interdum ex intervallo, ut *d. l. 23. de capivo. & possit*. Horatius: *mox daturus progeniem vitiosorem*, & alio loco,

(*) Vide Merill. Variat. ex Cujac. lib. 1. cap. 25.

stantiam. Accurs. dicit, alia esse pacta de naturalibus, alia de substantialibus, quæ idem sunt. Et rursus naturalia, quæ vocat & accidentalia idem non sunt, veluti evi-
diones, quæ Accurs. vocat naturalia, & accidentalia, nos adminicula vocamus: & pacta accidentalia sunt, quia non oriuntur ex natura contractus, & per se sine his subsistunt contractus: ergo quæ ille vocat naturalia, nos non ita vocamus: pacta, quæ sunt de adminiculis, nos accidentalia dicimus. Verum ad rem: quæ detrahunt emptioni, sunt de natura & substantia emptionis; detrahunt emptioni pacta, quæ pretium, de quo convenit initio, minuunt: hoc statetur statim unusquisque. Sed hoc etiam dicimus, detrahere non ea pacta tantum, quæ diminuant, sed etiam ea, quæ augent pretium, hoc est, quia sunt de substantia emptionis & venditionis, quia utroque genere sive pacificantur de minuendo, sive de augendo pretio, recedunt a priori emptione & nova constituitur. Sane detrahunt priori emptioni, quia a priori recedit: non autem minus recedit, qui pacto auget pretium, quam qui minuit. Ergo recedunt utroque genere a priori contractu, & constituitur novus. Pretio enim mutato, & emptio mutatur: mutatis adminiculis, emptio non mutatur, sed adicitur aliquid contractui, sive convenerit de præstanda evisione, vel non præstanda. Breviter, detrahere emptioni est ab ea recedere; adicere est intacta substantia emptionis, hoc est, salvo manente contractu pacifici aliquid de accessionibus, de pedissequis emptionis venditionis. At Papin. quæsitum esse ait, an quod diximus de pactis, quæ adiciunt, ut non proficiant ad actionem, locum etiam habeant in pactis, quæ detrahunt, puta quibus augetur vel minuitur pretium ex intervallo, an hæc etiam sint inefficacia ad agendum? Et merito dubitatum esse ait, quia hæc pacta, quæ detrahunt, quæ augent minuuntque pretium, videntur constituere novam emptionem: sunt enim de substantia contractus, quæ consistit ex re, pretio, & consensu. Extra hæc tria, quæ accedunt, adminicula sunt contractus, non substantia, quia contractus non eget adminiculis, hoc est, contractus est, etiam si defuerint ea adminicula, etiam si rem habere non liceat, hoc est, etiam si evinceatur res. Quod si ea pacta novam substantiam emptionis constituent, vires igitur habent ad agendum, quia res hæc non est pactum statum, sed contractus. Pactum quod proficit ad contractum novam parit actionem, non quatenus per se solum est pactum, sed quia constituit contractum, ex quo certum est, nasci actionem. Et ita cum Papin. dixisset, quæsitum esse de ea re, nec quicquam defuisset, Paul. scribens notam ad Papin. rem ita definit: si omnibus integris, hoc est, nondum adimpleta emptione, nondum tradita re, nec pretio numerato, vel etiam si adimpleta sit venditio, in integrum restitutus omnibus, quæ præstita sunt, hoc est, reddita re, reddito pretio, si inquam, integris omnibus, vel restitutus in integrum, ut in *l. ab emptione* 58. *de pact. rursus*. pacificantur de augendo vel minuendo pretio, recessum videri a priori emptione, & emptionem novam intercessisse videri: necesse est rem esse integram, vel restitui in integrum: alioquin remaneret prior emptio, quæ ob id nondum perfecta & impleta est, nec possit sub pacto nova emptio constitui: sed si res sit integra, hoc est, si non sit impleta emptio venditio, vel, si quæ impleta est, sit rescissa reddita re venditori, reddito pretio ejusdem rei, augendo & minuendo detrahatur priori emptioni, quæ erat perfecta, etiam si non impleta sit, & constituitur nova emptio, repetitur emptio, *l. 2. inf. de rescin. vend. l. jurisgen. §. adeo*. Quod si nova constituitur, ergo nascitur actio, & intelligitur pactum inesse utraque ex parte; hoc est, intelligitur contrahi nova emptio cui ius illud pactum majoris vel minoris pretii. Atque ita notandum ex novo pacto effici novam emptionem, *l. 3. de pact. l. si unus 27. §. idem dicimus d. t.* Hoc summe notandum: nam usui erit ad intelligendam legem *l. 1. C. de pact. quæ repetitur in l. 1. C. de pact. conven. & ad intelligendam l. ultim. C. de rer. permitt.* Ex quibus solis legibus refractarii efficiunt, non esse verum, quod jam-

A diu constitutum & probavimus, omne pactum esse nudum, & pactum nudum dici, non ad differentiam alterius quod non sit nudum, sed quasi perpetuo epitheto, quod non sit nisi conventio nuda, consensus nudus. Et possent movere unumquemque adversus hanc sententiam hæc duæ leges, *d. l. i. de pact. conu.* sententia est: Dedi dotem certa lege, certo pacto, quod posui initio dandæ dotis, ut scilicet dos redderetur soluto matrimonio. Pactum, inquit, servari debet datione actione, scilicet datione conditione, (sic enim legendum est.) Ex eo igitur pacto datur actio: Obijciatur, ex pacto non dari actionem, & respondet, tunc hoc dici, hoc procedere, quom pactum nudum est: nam si res data sit sub pacto redhibendi, ex eo pacto nascitur actio: non videtur ergo esse nudum; nam si effect nudum, non daretur actio ex pacto nudo.
B Sent. legis ult. est. Donavi tibi rem eo pacto, ut quod placerit, mensuram fere annuum, mihi dares: ait ad implendum placitum competere mihi actionem præfix. verb. quia hæc conventio non pacti nudi nomine censetur; sed *rebus propriis dicta legis substantia mutatur, vel propriæ datione mutatur* pactum, quod dictum est: non est igitur nudum, sed munitionem rei præfixæ datione, atque ideo parit actionem. Sed res omnis explicanda est ex iis, quæ diximus, ex pacto novum contractum effici, pactum proficere ad contractum. Qua de causa nonnunquam diverso respectu idem dicitur, pactum illud etiam contractus, ut arra dicitur pactum in *l. 2. C. quando lic. ab empt. rec.* & eadem arra dicitur contractus, in *l. contractus, C. de fide instrum.* Ita etiam pactum divisionis, vel permutacionis, vel dotis, vel donationis, si modo datione sumperit effectum, hoc est, si causam habeat, vel si stipulatione sumperit effectum; pactum illud etiam contractus est, quia non perficit in finibus pacti, sed pervenit ad dationem, *l. 3. C. de rer. perm. l. divisione 45. de pact.* Est igitur munitionem illud pactum datione, & nihilominus est nudum: nam si per se spectetur, solum est & nudum, sive munia-tur causa, & transeat in contractum, sive lege munia-tur, ut pactum de iniuriis, de foris, sive contractui cohaereat ex continenti, sive ex intervallo. Et quod ait *d. l. legem, & d. l. ult.* hanc habet sententiam: dote data, vel re donata sub pacto aliquo, non pactum solum esse eam conditionem, sed contractum; quia pactum non consistit in fine placiti, sed datione sumit effectum; vel potius esse contractum, cui inest illud pactum, quod tamen pactum, si per se spectetur, erit nudum: nunc erunt apertissima verba Papia. Exposui sententiam *hujus legis pacta conventa*; debeo tamen nunc etiam aperire, quæ in Glossa Accurs. probanda, vel improbanda sunt. Ac primum quidem non probavi, neque probo divisionem Accurs. inter substantialia & naturalia, & accidentalia contractus: nam quæ sunt naturalia, substantialia sunt; natura sive substantia emptionis idem est: emptionis substantia constat ex re & pretio; perficitur enim simul ac convenerit inter emptorem & venditorem de pretio: & quæ Accurs. vocat naturalia, id est, adminicula, certe accidentalia sunt. Est enim hoc in propatulo, ea quæ non sunt ex substantia, esse ex accidentibus: & quæ Accurs. vocat accidentalia emptionis, non sunt etiam accidentalia, ut si conveniat (hoc exemplo utitur) emptorem venditori, exemplar dare ejusdem libri: quæ conventio est omnino inutilis, cum nihil pertineat ad negotium venditionis, & pro non facta habetur, nisi venditor vilius vendiderit, ut *l. fandi 79. hoc tit. l. si fieritis, §. pena de act. empt.* Est et eo casu conventio ex substantia emptionis, quia est in partem pretii, non ex accidentibus. Debitur porius ita dividere: Alia sunt substantialia, sive naturalia emptionis, quibus consistit emptio. Alia sunt adminicula emptionis, quæ si absint, emptio consistit: nonnihil tamen ad eam pertinent, etiam corroborant atque confirmant. Alia sunt necesse substantia, neque adminicula emptionis, quæ si adiciantur, inutiliter adiciantur, & in nihilum proficiant. Non probavi etiam neque probo divisionem pacti nudi, & veluti: nam omne pactum est nudum, aut sane non est pactum, sed contra-

ctus.

Etus. Et vestiri ait Accurs. coherentia contractus, aut lege, aut datione rei propria, vel stipulatione: vestiri coherentia, ut si contractui bonæ fidei ex continenti pactum adiciatur: nam non esse nudum pactum, sed vestitum sive cooptum contractu, cui inicitur, quod falsum esse demonstrat l. 7. §. *quinimo*, de pact. si modo cooptetur præcedenti §. Nam ubi ait, pactum nudum non parere obligationem, sed parere exceptionem, & subicit, *quinimo interdum format actionem*, sane est repetendum pactum nudum, ac si diceret, pactum nudum non parit actionem: imo format actionem in bonæ fidei iudiciis, si subsequatur ex continenti: id vero pactum, quod in exordio contractus bonæ fidei fit, legitimum est, cum in sit contractui legitimo quasi pars: ex quo sequitur & cetera omnia pacta esse nuda, non vestita. Lex legitima de pact. dum ait: *interdum ex pacto nasci actionem: veluti ex legitimo*, id est, quod lege vel Senatusconsulto confirmatur, satis demonstrat, pactum legitimum esse nudum: nam si nudum est, de quo etiam regula coarctatur, consequens est, & nudum illud, quod a regula excipitur: ergo pactum legitimum est nudum: sic pactum dotis dandæ, quod hodie est legitimum ex constitutione, parit actionem etiam non secuta stipulatione & datione dotis foremali: nuda pollicitatio dicitur, l. ad exactionem, C. de dot. promiss. l. nuda, C. de contr. stipul. In titulo de pollicet. aliter accipitur pollicitatio: non enim ibi est conventio, sed obligatio liberalitatis erga remp. ex qua non datur actio, nisi reip. nec reip. nisi facta sit ex causa, hoc est, nisi quis ultro non rogatus obtulerit ob honorem sibi delatum: & uno casu, si facta sit fine causa, & coeperit facere, cogitur implere quod cepit: sed in supradictis locis aliud significatur: in iis enim pollicitatio est pactum seu conventio. Ex quibus liquet, pactum non vestiri lege: nam id etiam nudum esse, quod lex confirmat, quodque vult esse utile ad adiungendam obligationem. Falsum est etiam pactum vestiri rei datione, falsum vestiri stipulatione: nam & hoc, si per se solum spectetur, nudum est, ut in d. l. nuda. Et quod ait l. ult. C. de ver. perm. pactum muniri datione rei propria, hoc est, muniri contractui: datio rei propria contractum facit, & hanc rem contractum potius esse, quo pactum illud continetur, non pactum, quo contractus continetur: maior enim & nobilior est causa contractus, & nihil refert pactum, an contractus sequatur, l. pacta 12. C. de pact. sicut pactum, quod sequitur, inest contractui, ita quod præcedit: intellectu enim sequitur, etiam si non tempore: atque ita fit, ut pactum contrahatur emptio venditio: nam ita positum est in h. l. C. in l. si unus, §. *idem dicens*, de pact. si emptio pacto contrahitur, & locatio igitur, & societas, & mandatum, quæ negotia iure civili nudo consensu contrahuntur, hoc est, nudo pacto, vel sumunt initium ex nudo pacto, atque inde transeunt in nomen contractus, quo nomine fit, ut plus æstimentur, quam pacta: & iure honorario hypotheca contrahitur nudo pacto convento, l. 4. de pign. Pactum autem conventum, & nudum idem est. Pacta igitur, quæ transeunt in aliud nomen, quæque datione aut stipulatione sumperunt effectum, pactum principale nomen amiserunt, & contractuum assumpserunt, qui tamen nec unquam pacta nuncupantur, licet pactis constituti sint: sunt enim plus quam pacta, sed his pacta inesse dicuntur, sive præcesserint, sive secuta sint. Vera divisio est hæc conventionum, alias esse pacta, alias contractus, & coalescere pacta in contractus: falsa hæc, nuda alia, alia vestita esse: non est etiam probandum quod ait Acc. pacto ex continenti appposito de augendo vel minuendo pretio, non tolli priorem emptionem: nam hoc proinde est ac si diceret, non licere pœnitere ex continenti: ut fundus ille esto emptus decem, imo duodecim, quod est aperte falsum, ut l. si ita scriptum 67. de hered. inst. l. 21. de manum. test. Nec obstat lex non ad ea 88. de cond. & dem. nam lex illa loquitur de eo, qui incontinenti legavit eidem personæ, primum pure, deinde sub conditione, non ut se corrigere, sed ut legatarius eligeret, utro iure uti mallet: pone posse legatarium capere legatum ex conditione, & eo tempore esse incapacem, vel

A mortis, sed si animo corrigendi se, quod pure legavit, mox sub conditione legavit, sane testator revocavit legatum: sic si animo reformandi contractum, idem est. Non probat, ex pacto adjecto emptioni ex continenti dari actionem præscript. verb. hoc non admittit: nam d. §. *quinimo* ait, ex eo pacto formari ipsam, id est, actionem venientem ex ipso contractu, cui adicitur, & format, non parit actionem. Et esset absurdum ex contractu aliam dare, ex lege contractus aliam: nam ita non videretur pactum contineri contractui. Constat etiam ex eo pacto dari actionem ex empto & vendito: non dabitur ergo, aut frustra actio præscriptis verbis, ad quam non descendimus, nisi quum deficit nomen contractus, & ideo quasi subsidiaria est, l. 1. de præscr. verb. Et hoc demum ex pacto facto in continenti, convenienter & proprie non dabitur actio præscriptis verbis, B ubi ex ipso contractu actio est. Nec obstat lex 3. C. de pact. int. empt. vendidi tibi eo pacto, ut quandoque offerenti pretium tu eandem rem venderes: quaritur qua actione agam? lex ait, me agere præscriptis verbis, vel ex vendito, quod est verius, quasi non fit ex pacto emptio transformata: pacto illo non desinit esse emptio venditio. Igitur est supervacua actio præscriptis verbis. Adde l. Labeo 50. hoc tit. l. si fundus, de leg. commiss. quæ dicit, hodie non posse agi ex vendito ad rescindendam venditionem, ut quod ego vendidi, tu revendas mihi: hodie igitur est certum mihi dari actionem ex vendito. Olim quidam dubitabant, an daretur actio præscriptis verbis, an ex vendito, & ita in l. si convenit, inf. de rescin. vend. Male etiam Accurs. pacto ex continenti veterem actionem informari. Quid est informari? corrupte legerat in d. §. *quinimo*, informat, C hodie recte legitur format, ut in l. cum dotem, C. de iure dot. l. Pomponius, de neg. gest. Et in Basilicis, *ἐννοεῖται τὸν δὲ νόμον τὸν αὐτοῦ τοῦ νόμου*, formare ipsam obligationem, est ipsam legem dare & præscript. verb. aliquam, ut in l. contractus 23. de reg. iur. l. 1. si convenit, de pos. Et pactum illud, quod sequitur ex continenti vel format actionem statim, vel postea, ut Accursus recte docuit duobus exemplis: ut si venditio fuerit conditionalis, ergo imperfecta, & convenerit, ut interita ea res esset periculo emptoris: quod pactum si valet, juri præstat: nam contra jus ita se habet, ut ante perfectam emptionem rei periculum valeat emptorem, sed valet pactum: verum si res interierit, antequam conditio existat venditionis, non formabit actionem. Item si vendidisti tibi rem certo pretio, & ea lege, ut quo pluris eam venderes, id etiam mihi præstares propter certum illud pretium, quod dixi initio, non potest agi ex pacto, antequam venderis. Et post hæc Accurs. explicat casus, quibus pacta facta ex continenti non proficiunt ad actionem. Fateor unum esse in l. quod si locus, de religiof. alterum in l. servus ea lege, de serv. export. quam exponam: nego autem esse quartum casum in l. quamvis, C. de usur. quæ ostendit, ex pacto adjecto incontinenti pecunie non posse peti usuras, nisi subsecuta sit stipulatio: nam non est hic casus ullus propter odium usurarum sc. si generale est in contractibus stricti iuris, pacta etiam si fiant ex continenti, non inesse ex parte actoris d. §. *quinimo*, in bonâ fid. C. de pactis, inesse tamen ex parte rei, l. lecta, de rebus cred. notant casus quibus pacta ex intervallo proficiunt ad actionem: unum habuimus in hac l. pacta conventa, si sc. sint de substantia emptionis, admitto, alterum de constituta pecunia, ut si quis post longum intervallum constituerit se soluturum, ut actio sit ex pacto, quo solo fit constitutum jure prætorio, & de pecunia constituta, sicuti est de pignore sive hypotheca, etiam si fiat ex intervallo. Sequentes tamen casus non admitto ex l. si quis arg. C. de don. qua lege Just. efficit, ut donatio perficiatur nudo consensu, & ut ex placito solo donationis datur actio, cum tamen olim non perficeretur donatio nisi re, id est, emancipatione vel traditione: hodie donatio est contractus, qui perficitur pacto: sed illud non fit ex intervallo, sed ab initio constituitur contractum donationis: nihil igitur casus ille pertinet ad pacta. Eadem ratione non admitto casum legis ad exat. C. de dor. promiss. quia pactum dandæ dotis non potest videri factum ex intervallo.

tervallo, cum non sit factum post alium contractum: eadem ratione non admitto casum, quo ex pollicitatione Reipublicæ datur actio: nec enim pollicitatio respicit contractum ullum: nec postremo casum *l. periculi, de nauis. fan. l. etiam, de usur. l. frumenti, C. eod.* nam tres illæ leges sunt de pactis, quæ sunt ex continenti, & sunt singulares tantum casus quibus formatur actio stricta ex pacto contractui stricto in continenti adhibito: primum ex pacto reipub. debentur usuræ. Itemque cui libet debentur usuræ pacto adjecto statim, si non numerum mutuum contractum sit, sed frumenti, frugum, olei, quæ recipiunt usuræ: debentur etiam cui libet, si creditor suscepit periculum pecuniæ. Non est reprobandum quod Accursius ait: Si rem tibi dedi sub lege aliqua, quero an eam rem possum vindicare pacto non impleto? Respondeo, si dedi rem sub conditione, vel modo, qui modus plerumque pro conditione habetur, non impleta conditione mihi competit vindictio, quia cum res imperfecta fuerit, non videor transulisse dominium, *l. i. C. de donat. quæ sub modo, l. 3. C. 4. C. l. cum te, C. de pactis inter empt. C. vend. nec inspicitur solum fuerit pretium nec ne.* Sed si tibi dedi pure, finge, iure emptio-nis, non iure precarii, non enim transferrem dominium, & conveniret, ut mihi revenderes eandem rem, vindictio cessat, competunt tantum personales actiones. Ex postremo quod ait, cum actione, quæ habet nomen proprium non concurrere conditionem sine causa, vel ob causam, id falsum est. Sententia Martini verior, quæ vult nos ex omnibus contractibus posse uti conditione sine causa: certe conditio generalis datur ex omni causa, & confirmatur *l. ex emptio 11. §. is qui vina, de act. empt.*

Ad §. ult. *L. pacta conventa.*

Papinianus: *lege venditionis illa facta: si quid sacri aut religiosi aut publici est, ejus nihil venit: si res non in usu publico, sed in patrimonio fisci erit, venditio ejus valet: nec venditori proderit exceptio, quæ non habuit locum.*

In legibus prædiorum vendendorum hæc est frequens actio: si quid sacri aut religiosi, aut publici est, ejus nihil venit, quæ exceptio dicitur hoc loco, quoniam a venditione prædii excipit loca religiosa, sacra, publica, & hac ratione, nisi mavis depectiones, *l. juris §. adeo, de pact. pacta exceptiones vocari videntur.* Et huic similis est illa exceptio, quæ in legibus publicis populi Rom. adscribi solet, si quid sacri & sancti est, quod iure non sit rogatum, ejus hac lege nihil est rogatum, apud Valer. Probum. M. Tull. pro domo sua: & non exciperes, ut si quid ius non esset rogari, ejus ea lege nihilum rogatum; sic etiam in oratione, pro Cecina conscripsit Syllam, si quid ius non esset rogare; ejus ea lege, nihil rogatum. Videtur autem illa pactio sive exceptio esse supervacua, quia ipso iure ita se res habet, etiam non adscripta sit, etiam non facta ea lege venditionis: nec enim potest locus religiosus aut sacer transferri per venditionem in emptorem: nam harum rerum commercium non est, *l. sep. b. tit. l. 6. Seco. l. locum, C. de relig. l. 5. sup. de sep. viol.* licet cedere possit in modum agri, id est, computari, si id actum sit inter emptorem & venditorem. Finge: venditorem dixisse in fundo esse 1000. jugera, si modo in eum computarentur etiam loca sacra aut religiosa: non venierunt quidem (nec enim potuerunt) sed tantum computantur in modum agri, nec videtur mentitus venditor: sed si id actum non sit, ut ea loca computarentur, sane ut non venierunt, nec sane potuerunt, ita nec computabuntur, *l. id quod, supra de per. C. rei vend.* Ceterum etiam si de eo actum sit nominatim, loca sacra aut religiosa non continentur emptione, quia religio ea loca eximit commercio hominum. Idemque iuris est in locis publicis: nam & loci publici commercium non est, vel (ut alii loquuntur) promerium non est, id est, ius emendi & vendendi: an ergo dicemus eam legem esse supervacua? minime: nam etiam locus sacer aut re-

A ligiosus specialiter venire non possit, tamen si modicus sit, si modica, species ædis, vel fani, vel sepulchri, vel luci, tacite quasi accessio sequitur venditionem fundi, si is locus exceptus non sit, id est, si adscripta venditioni ea lex non sit, & competit actio ex empto, ut fundus totus non deducto eo loco præstetur, *l. in modicis 24. hoc tit.* atque ita, etiam si locus modicus sepulchri non possit venire specialiter, tacito iure tamen accedere potest emptioni majoris locis. Et ita Tiberius Imperator apud Corn. Tacit. lib. 1. non fieri contra religionem, si effigies Augusti venditionibus hortorum, atque domuum accederent. Et simili modo licet rei suæ nulla sit emptio, tamen cum tota re, etiam suam partem emere quis potest, *l. quod si uno, in fine, de in diem addit.* Finge: venditus est fundus pluribus, & additus in diem, ut eorum is fundus esset, eumque perpetuo iure retinerent, nisi intra certum diem aliquis meliorem conditionem offerret, id est, plus licitaretur, plus adjiceret pretio: an unus ex emptoribus potest adjicere, atque ita ex posteriori emptione nancisci totum fundum, quod non sibi soli venierat, sed & aliis collegis? Et ait posse, quoniam emere cum tota re etiam partem nostram possumus: ergo emptioni fundi accedit sepulchrum, quod in eo est, id est, sepulchri locus modicus, si exceptus non est locus amplior reliquo fundo: amplissimum sepulchrum non accedit, sed modicum tantum, si modo non sit exceptus. Hoc non est perpetuo verum: nam hoc ita procedit, si ad sepulchrum ire non possit, nisi transeat per fundum: hoc enim casu suado cedit sepulchrum, ad quod venditori ius aditus non est. Unde: si venditor ad sepulchrum venire possit per viam publicam, quæ recta eum ducat ad sepulchrum, hoc casu non sequitur sepulchrum emptionem fundi, quasi intelligatur hoc non esse actum, ut sepulchrum sit accessio fundi. Quod eleganter in *l. si mercedem 35. §. 1. de act. empt.* Labeo dicebat, si fundum vendidisti, in quo est sepulchrum, nec nominatim sepulchrum exceptisti, sepulchrum sequitur emptorem, & tu eo nomine parum tibi cautum habes, ut in *d. l. si mercedem §. ult.* parum tibi caveris, & in condemnationibus parum cavisse videris apud Festum: ergo sepulchrum sequitur emptorem. Paulus notat: imo quandoque non sequitur, si videlicet in sepulchrum iter publicum transeat, id est, si possit venditor ire in sepulchrum, non eundo per fundum: hoc casu non tacite accedit sepulchrum, & de sepulchro loquimur non excepto. Ubi autem exceptit, atque ita bene sibi cavet, sepulchrum, inquam, in quod non ducebat iter publicum, & nihil dixit de itinere vel aditu præstando, videtur etiam excepisse iter vel aditum, licet non excipiat palam, *l. si venditor 11. de religiof.* quia sine aditu nullus est usus portionis istius, & non tantum videtur (mea sententia) iter vel aditum, sed & ambitum ad funus faciendum excepisse. Nam etiam sepulchrum est inutile sine ambitu in frontem, & in latus, quod ita cavere solebat, *l. 5. de sepul. viol. ut iter, C. ius aditus, ambitus funeris faciendi esset:* sic malim legere ex antiquis inscriptionibus: neque enim est utile sine aditu, & rursus inutile ius adeundi sine ambitu ad funus faciendum, iustaque perficienda: ut excepta aqua, etiam excipitur ambitus aquæ, nedum iter: quin exceptio itineris & aquæ nihil proderit nisi præstetur etiam ambitus, *l. qui duo pradia, de ser. rust. Vendidit quis fundum, sed exceptit aquam, & circa eam 10. pedes, ut in l. Rutilia 69. hoc tit.* Loquimur autem de sepulchro quasi de re, cuius commercium non est, quæ tamen, si modicum locum occupet, tacite sequetur emptionem: de monumento non loquimur: nam monumentum vel cenotaphii venditio valet, quia non est locus religiosus, *l. 6. §. ult. l. quod si locus 11. de religiof.* non est sepulchrum, nisi in eo sit quis sepultus: non est igitur religiosus, nisi sit mortuus illatus: monumentum est locus purus, in quem, si nondum illatus est mortuus, si modo proprie accipiamus pro memoria solum, non pro loculo mortui. Quandoque etiam monumentum appellabant veteres memoriam in antiquis inscriptionibus, memoriam sibi consecrasse uxori &

ri & liberis, id est, monumentum, in quod postea inferrentur, & illatione sit sepulchrum & definit esse monumentum, atque ita exiti commercio: Abusive etiam accipitur pro sepulchro in l. 4. C. de relig. quasi non constaret, an sepulchrum, vel monumentum dici debeat. Leguntur studiose a quibusdam inscriptiones sepulchrorum (quod laudo valde) sed ex iis, qui hoc studio delectantur, reperi quosdam, qui existimabant jus sepulchri etiam pertinere ad liberos: sic enim inscribitur sæpe; *sibi & uxori, & liberis, libertis, libertabus, & posteris eorum*. IC. ea verba non spectant, nec constitutiones principum: nam sepulchrum vel est hereditarium, ut si defunctus constituerit sibi & suis, vel si hereditario jure adquisierit, vel est familiare sepulchrum, quod constituitur non hereditas tantum, sed & familiæ: & si sit hereditarium, inscriptio sepulchri libertis non tribuit jus sepulchri, l. 6. §. *liberti*, de relig. l. monumentorum, C. de relig. vel si sit familiare, etiam illa inscriptio non tribuit jus libertis, nisi in familiâ permanferint, id est, in nomine. Quid enim si per arrogationem transferat in aliam familiam? verum ad rem. Sepulchrum quod exceptum non est, ita demum sequitur emptionem fundi tacito jure & intellectu, si amplius sit fundus quam locus sepulchri. Videamus quid dicendum, si religio occupavit omnem fundum, vel majorem partem fundi? Venditio nulla est, & non compellitur emptor adimplere emptionem, sed etiam quod solvit forte per errorem pretii nomine, condicere potest quasi indebitum, *hac lege, & seg. hoc tit.* Unde si venditor ignoravit majorem partem fundi teneri religione, ut & aliis perisque casibus, ignorans venditor ignorantem emptori tenetur condictione indebiti, vel condictione sine causa, quoties emptio nulla est. Ibi enim cessat actio ex empto, l. *sue rei* 16. l. cum ab eo, l. 41. §. ult. l. domum 57. hoc tit. l. cum heredi, de hered. vend. Et hoc si uterque ignoravit: nam venditor sciens emptori tenetur utili actione ex empto: proprie nulla est actio ex empto vendito, sed propter dolum condemnabitur emptori, quamvis nulla sit emptio actione ex empto in id quod interest: an & ipse vicissim agat ex vendito, ut pretium recipiat? minime, non potest compellere emptorem, qui dolo caret, ut impleat, sed emptor non aliter consequitur id quod interest, quam si emptio obtulerit pretium, & solverit, de quo convenit, l. qui officii 62. §. 1. h. tit. l. ossa, §. 1. de religio, §. ult. Inst. de empt. & vend. Qui §. est intelligendus de venditore sciente, & emptore ignorante, cum dicat emptorem deceptum: nemo enim decipitur, nisi ignorans, & nemo decipit nisi sciens. Ignorans autem venditor scienti emptori nec tenetur ex empto, nec condictione indebiti, si solvit scienti: condictio datur tantum erranti, non donanti: ergo ignorans venditor nulla actione tenetur emptori: quemadmodum nec emptor ignorans venditori nulla actione teneri potest: sed addendum, venditori emptorem non teneri actione ex vendito, quamvis emptor in dolo fuerit, quia etsi jure ignorantem competit actio ex vendito adversus scientem, tamen effectus carebit ea actio, id est, nihil ex ea consequitur venditor, nisi ultro præstiterit, quod vendidit: nec enim potest cogi præstare emptor quod convenit, nisi venditor præstet quod vendidit: atqui hoc casu non potest præstare quod vendidit, nec estimationem ejus, quia res est inestimabilis: relinquatur igitur neutra ex parte nasci actionem, l. si in empt. §. item si, hoc tit. Quod si uterque scierit, multo magis: sed neque emptori dabitur condictio. Ad hæc queritur quonam modo nomen publici accipi hæc debeatur, quia est nomen ambiguum: Publica dicuntur duobus modis: Quæ sunt in usu publico, id est, quæ nullius in bonis sunt, quorum tamen usus omnibus patet promiscue, & quæ non sunt item divini juris, neque humani, sed quæ in publico tamen, ut theatra, stadia, campus Martius, ut viæ publicæ, ut litora, & adjectic l. id quod, de per. & comm. rei vend. limites decumani vel cardines, qui iter populo præbent, ex lege Sempronia de limit. agrorum. Horum locorum commercium non est:

Tom. IV.

hæc loca excipi videntur hac lege venditionis. Alia sunt publica, quæ sunt in patrimonio populi, vel fisci, quæ sunt in reditu populi vel reipublicæ, veluti lacus, stagna, l. 6. in princip. hoc tit. l. inter 17. de verb. signific. Et hæc possunt vendi, sicut res aliena quælibet, licet sua non sint. Si possum vendere rem tuam, & rem populi igitur & fisci, & reipublicæ: nam constat vendi posse rem alienam, & nasci obligationem; non teneri venditorem rem facere emptoris, sed sufficit possessionem vacuum tradere. Sed si res evincatur jure judicioque, tenetur venditor: & si sciens, tenebitur ex empto de dolo malo, & emptori tantum tenetur præstare venditor possessionem vacuum, ut se purget a dolo malo, leg. rem alienam hoc tit. l. 1. de verum permur. Ergo vendi possunt res, quæ sunt in patrimonio fisci, in pecunia populi, in dominio populi vel fisci. Quæ de causa illa exceptione, si quid publici est, & res illæ non continentur, quarum proprietas pertinet ad fiscum: nam excipiuntur tantum ea, quæ jus non est vendere, ac si ita dixisset: si quid sacri, aut religiosi, aut publici, quod jus non est vendere, ut in legibus publicis populi Romani, si quid publici est, quod jus non est rogari: diximus ea, quæ sunt fisci, non esse extra commercium. Imo (inquit Accursius) non possunt vendi sine jussu principis lege Regia. Possum rem alienam privati hominis vendere sine jussu domini, & emptio constat: rem fisci non possum vendere sine jussu principis. Et movetur l. 39. §. ult. de leg. 1. pessime loquitur in §. non de publicis rebus, id est, non de iis, quæ sunt in privato arario, vel non loquitur de iis, quæ sunt in patrimonio publico, sed de iis, quæ sunt in privato patrimonio Principis. Duplex est patrimonium, aliud publicum quod pertinet ad fiscum, aliud privatum Principis, ut Albana villa, horti Sallustiani. Quædam ita sunt bona redacta in formam patrimonii Principis, quibus præest procurator patrimonii Principis: horum bonorum, etiam si sint privata Principis, commercium tamen non est: non solent distrahi ne a principe quidem: possunt tamen distrahi a principe jure nostro, nec revocari debet venditio, vel possunt distrahi jussu principis, non aliter: non possunt igitur distrahi ea bona injussu principis. Sed frustra confundimus ea cum publicis, cum iis, quæ sunt in patrimonio fisci: hæc vendere quis potest sine voluntate principis: privata bona principis, quæ usui ejus reservata sunt, vendi non possunt absque ejus jussu. Intelleximus ex hoc §. rem, quæ in patrimonio fisci, in bonis fisci, id est rem fidei, sicut rem alienam quamlibet vendi posse a non domino, & contrahi obligationem venditori, & empti utrinque, etiam si dominium rei non transferatur in emptorem, sed possessio tantum: cui sententiæ obstat lex 39. §. ult. de legat. 1. ad quam respondi ut debui, sed non breviter & enucleatè, ut volui. Respondeo igitur, illam legem non loqui de re fidei, sed de privata re principis. Alia sunt fidei, alia patrimonialia principis: vel alia in patrimonio fisci, alia in patrimonio privato principis. Rei fidei est commercium, rei private principis non est commercium: quod confirmat l. 9. & rō. C. de fund. patrim. l. 11. l. 9. C. de omni agr. desert. eod. lib. Eidem sententiæ obstat, quod res fisci non potest ufucapi, §. res, Inst. de ufucap. Videtur ergo nec vendi posse, ut res furtiva non potest ufucapi, nec igitur vendi a quolibet, l. si in empt. §. item si, eod. tit. Respondeo, hoc non esse perpetuum, ut quæ non possunt ufucapi, non possint etiam vendi: res pupilli non possunt ufucapi, l. bona fidei de acquir. rer. dom. possunt tamen vendi: & vendi potest etiam similiter res fisci: res incorporales ufucapi non possunt, & vendi tamen possunt. Plurique tamen e contrario, quod vendi non potest, nec ufucapi potest, ut fundus totalis ex l. Julia non potest vendi, nec ufucapi, l. si fundum, de fund. dot. res sacra, sancta, religiosa non potest vendi, sane nec ufucapi: liber homo vendi non potest, d. l. si in emptione §. liberum, nisi seipsum vendat prodiva libertate sua, & consequenter nec ufucapi potest, l. ufucapionem, de ufucap. res publica populi Rom. id est, quæ est in usu publico, ut via publica, non potest vendi: d. l.

R

patis

passa conventa, §. ult. non etiam usufructu, d. l. usufructu. His vero quae supra dicta sunt ad §. ult. de sepulchris & monumentis, quoniam in ea re errore labuntur nonnulli, velim vos addere, de jure veteri monumenti nomen esse varium & multiplex. Alias sepulchrum, & proprie est locus purus ea mente constructus, ut in eum inferatur mortuus; alias est *xvotapion*. Et male Accursius in l. 6. in qua prius agit de monumento, deinde de *xvotapion*, & ait, monumentum purum, quod nondum transierit in nomen sepulchri posse vendi, posse donari, quod nondum sit locus religiosus; & sequitur, cenotaphium etiam posse vendi & donari, quia non est locus religiosus; manifeste separat monumentum a *xvotapion*. Separatio haec est, quia etiam si *xvotapion* vocetur aliquando monumentum, ut in l. monumentum 42. eod. tamen monumentum est proprius, in quod inferendus est mortuus: *xvotapion* est in quod nec illatus, nec inferendus est mortuus, quod edificatur memoriae tantum & honoris causa: & illustribus viris solebat olim in multis locis, in quibus illi aut vixerant, aut precari quid gesserant, extrui *xvotapion*, in quod tamen post mortui non inferbantur, monumentum potest fieri sepulchrum. Ab his etiam diversum, quod dicitur monumentum sepulchri; nam l. funeris 37. §. ult. de relig. dicitur, quod factum est, muniendi & custodiendi sepulchri gratia. Aliud est monumentum. Et breviter, monumentum sepulchri est tutela sepulchri, ut pater ex quibusdam antiquis inscriptionibus; nam sepulchra habebant porticationes quasdam vel macerias intermedio aliquo spacio puro, & dicebatur etiam tutela & taberna, quum aedificii hujus monumenti tutela est; & alibi, huic non cedunt agri jugera 20. & taberna, quae proxime lucum est.

Ad L. V. de Servis export.

Cui pacto venditoris pomerio cuiuslibet civitatis interdictum est, urbe etiam interdictum esse videtur, quod quidem alias cum principum mandatis praecipitur, etiam naturalem habet intellectum, ne scilicet, qui caret minoribus, fruatur maioribus.

Haec l. & l. 7. eodem, sunt etiam de pactis venditionis; pactis, inquam, adiectis ex continenti venditioni. Legis 5. apertissima verba sunt. Finge; servus venditus est ea lege, ne sit in pomeriis urbis: id est, ut exportetur extra pomerium (quod Graeci dicunt vendere *πρὸ ἑξωπόρου*). Ea vero lex venditionis servanda est, alioquin venditori competit manus injectio in servum, si eum loco interdicto comprehenderit, vel etiam datur ei poenae promissae petitio adversus emptorem: ea vero lege venditionis non tantum pomerio, sed etiam urbe servo interdictum videtur; si non licet esse in pomerio urbis, nec in urbe igitur, argumento a minori. Et hoc ita obtineret, etiam si deessent mandata principum, quibus id constitutum est. Et hoc est, quod ait Papinianus eleganter in hac lege quum ait, *quod quidem alias, &c.* Qui locus facit adversus eos, qui dicunt, nullam fieri legem, nisi de re dubia; imo sunt etiam leges de re certissima, quae per se satis plana est, & per se etiam observatur sine legibus in l. *visum* 13. §. *consequens*, de *excusat.* At non videtur interdictum suburbis. Et ideo dicimus, ei cui est interdictum pomerio, non videri etiam interdictum suburbis, & continentibus aedificiis, quia pomerium non significat suburbia. Pomerium finit urbem, vel civitatem quamlibet: suburbia finiunt Roman. Vel aliter, urbs finitur pomerio. Roma suburbis; cui interdictum est urbe, & pomerio, ei non videtur interdictum suburbis: Quod probari potest ex Oratione Ciceronis pro Cluentio. Sequitur ut exponamus quaestionem l. 7.

Ad L. VII. eodem.

Servus ea lege venit, ne in Italia esset quod si aliter factum esset, convenit circa stipulationem, ut poenam praestaret emptor, quia est, ut eo nomine vindicta ratione venditor agere

A possit, acturus utiliter, si non servata lege, in poenam, quam alii promissit, incidit. Haec consequens erit, ut haecenus agere possit, quatenus alii praestare cogitur: quidquid enim excuset, poena, non vel persequitur est. Quod sine poena causa exportaretur, convenit, etiam affectionis ratione recte agitur. Nec videntur haec inter se contraria esse, cum beneficio adfici hominem interfit hominis: enimvero poena non irrogare indignatio solam duritiam continet.

Sciendum est, hoc inter cetera differre stipulationem a ceteris contractibus, quod ex ceteris non datur actio, nisi ei cuius interest: ergo nec ex pacto in contrahendo facto incontinenti denique ex aliis contractibus, vel ex eorum legibus non ago, si mea non interfit: non ago ex vendito, nisi mea interfit: utilitatis causa comparatae sunt actiones: ubi nulla subest utilitatis ratio, nec

Bullo remedio juris opus est, nullave actio postulant datur, l. qui fundum, loc. l. si procuratorem §. mandati, mand. Et hoc est, quod Cicero ait: Expressas esse actiones ex cuiusque damno & injuria: & est utilitas, quae mihi auferatur vel interceptur, auferatur damno dato, interceptur lucro defraudato, quod alioquin eram facturus, vel id quod interest, est res, quae ex patrimonio mihi abest, quamve lucrari potui, l. si commissa rem rat. hab. res dicitur, ut in formula stipulationis, quanti ea res est dari, quae sit frequenter, non semper: & plus dicit, ut rem dicit, quam qui pecuniam, etiam si plurimum non dicatur cuiusquam interesse, nisi pecuniarie interfit.

CLatiore verbo res utitur definiendo id quod interest, quam sit verbum pecuniae, quia in estimatione ejus quod interest, non tantum habetur ratio pecuniae, quae abest, quamque servare potui, sed etiam affectionis cum humanitate conjunctae, & pii desiderii, maxime si sit iudicium bonae fidei, id est, non tantum spectatur, quid pecuniae meae decesserit, quidve accedere poterit, sed etiam habetur ratio desiderii mei pii & iusti: quod Papinianus offendit in b. l. & in l. cum servus, sup. mand. Servus extraneo se emi mandavit, ut deinde manumitteretur atque ita contraxit mandatum cum extraneo: & acquirit mandati actionem domino; extraneus emit servum, nec tamen manumittit; Papinianus ait, venditori dari non tantum actionem ex vendito, sed & mandati, quasi quaesitam per servum, ut servus manumitteretur. Dices, nihil ejus interest servum manumitti; imo potest ejus interesse: fac eum servum fuisse filium ejus naturalem, vel esse fratrem: interest meum filium meum, aut fratrem manumitti, etiam si non pertineat ea res ad patrimonium meum, sed ad benignam affectionem meam, quia scilicet, bono viro convenit credere, interesse mea filium naturalem, aut fratrem manumitti, licet eo non manumisso, patrimonium non interceptur. Et similiter bonus vir interpretabitur, semper mea interesse, filium meum, aut fratrem meum manumitti, non exportari, non male tractari, non poenae subijci: atque ita bonus vir, qualis est arbiter bonae fidei, interpretabitur in iudiciis bonae fidei non tantum nostra interesse ratione nostri patrimonii, sed etiam ratione affectionis benignae, & officio, quam explere quis summopere cupit; secundum

Equae lucrum esse interpretabimur, non tantum rem facere, & augere patrimonium, sed etiam potiri concupiscere, si modo animi ea fuerit affectio pii & benevoli, qualis est patris erga filium, & fratris erga fratrem; imo & hominis cuiuslibet erga hominem, quia homo hominis est cognatus jure naturae, l. ut vim, de iust. & jure. quum, inquit, cognationem quandam inter homines natura constituit, consequens est, &c. Et observandum in ea l. tacite hoc argumentum: inter quos est cognatio, horum alterum alteri insidiari nefas est; inter homines natura constituit cognationem, ergo, &c. Denique lucrum est dare beneficium amico, inire gratiam alienam, gerere negotia aliena, & suo animo indulgere, & satisfacere bene cupienti alteri, l. r. C. de hered. tut. lucrum scilicet esse, si quis per gratiam aliquid praestiterit alteri: unde Graeci κέρδος λέγεται, καὶ τὸ τῷ ἀλλοτρίῳ ἀποδοῦναι: lucrum est

est etiam persingere supponit. Et notandum valde, quod non possum non probare, Græcos in d. l. i. non habere negationem illo loco, quæ non lata culpa comparari possit. Et ut res omnis enodetur, sciendum est ex delicto defuncti heredem non teneri, nisi in id, quod ad eum pervenit, in solidum non teneri; ex contractu defuncti teneri, licet delictum in eo veretur, ut si quid dolo fecerit, aut lata culpa, quæ est proxima dolo: nam etiam si sit quæstio de dolo, tamen quia actio ex contractu venit, heres defuncto tenetur in solidum, tamen nihil ad eum pervenit, l. ex contrahibus, de obligat. & action. Cui definitioni, sita legamus, & si tollamus negationem in d. l. i. adverbatur omnino ea lex: nam ait, heredem tutoris ob negligentiam, quæ latæ culpæ comparari possit, non oportere condemnari, id est; non teneri ex lata culpa, actione, scilicet, tutela, quæ venit ex contractu, non ex delicto, licet in ea possit delictum vereri. Quid igitur: an dicemus hoc verum esse? Si hoc dicimus, & dicemus, eos non teneri ex dolo defuncti: nam dolo & lata culpa idem fere est: inexcusabilis culpa, quæ doli faciem habet, per omnia fere doli jus sequitur. Sic sane possum hoc constituitur, heredem ex contractu non teneri ex dolo vel lata culpa in solidum, sed cum exceptione in d. l. subiecta, si lis non sit cum defuncto contestata: item, si ex damno pupilli lucrum capetur, vel gratia præstita non sit: nam si lis sit contestata cum defuncto, transferretur in heredem in solidum: item si defunctus capta verit lucrum ex damno pupilli, vel si gratiam præstitisset, heres tenetur in solidum, ac si vellet hæc lex heredem non teneri ex quolibet dolo, vel lata culpa in solidum, sed his tantum casibus, quos diximus: quod verbum, Gratiam, confirmat eam Græcorum lectionem: nam gratia est lata culpa, id l. si procurator, §. ut. mand. Mandavi ut emeres, te empturum suscepisti, non emisti, sed accepta pecunia passus es alterum emere: dolo est: quod si gratia ductus, passus es alterum emere, lata culpa est: Atque ita inde colligitur Græci recte, lucrum capari ex damno alterius: etiam quæ quid faciat gratia ductus, non lucri cupiditate. Nam lucrum est gratiam inire posse alterius, lucrum est benefacere, cui cupimus bene, & in eam rem eam legem attulimus. Ex his, quæ ante dicta sunt, intelligimus, actionem in id quod interest, esse rei perfectionem, rei verò contineri pecuniam vel etiam affectionem benignam, animum benevolum, pecuniam non contineri. Pœna enim est extra rem, & ea re semper separatur, ergo pœna persecutio non est ejus, quod interest, sed solius ultionis persecutio, l. 6. §. pen. de sep. viol. Nullus autem est contractus pœnalis, nulla lex contractus pœnalis, quia omnes pertinent ad rem familiarem; excipitur sola stipulatio: nam stipulatio potest esse pœnalis, ut si stipuler pœnam certam, nisi id feceris, de quo convenit, etiam si non interit id fieri, valet stipulatio, quia non inspicitur quid interit, sed quæ sit quantitas stipulationis, l. stipulatio 38. §. alteri, de verb. oblig. Et in hoc potissimum inventa est stipulatio, ut vinculo pœne confringat ad id quod aliqui compelli non possit, quare fere omnis stipulatio pœnalis est: denique sit plerumque stipulatio pœnalis, aut sapissime: contractus, aut pactio contractus pœnalis nunquam, l. quod si locus, de religiof. l. pen. sup. de pact. Si lege venditionis pacificari sine stipulatione, ne in locum live agum, quem vendidi, auferas mortuum, & si intuleris, ut prestes pœnam, pactio nulla est, quia nihil mea interest, stipulatio tamen valebit. Et idem in specie l. 7. servum vendidi ea lege, ut eum emptor exportaret, quod oculi mei cum ferre non possent: vendidi eum, ne esset in Italia, & sine stipulatione pacto ex continentis facto, convenit, ut si fecerit emptor, præstaret pœnam: factum est pactum pœnale, an ex eo pacto mihi dabitur actio? Distingue; aut mea interest servum exportari, aut non. Si mea interest, ut puta si eum emi ea lege, subiecta stipulatione pœnali seu pacto, cum posteriori emptore agam, non, non pœnam persequar, sed quanti debeo præstare alteri ob legem non expletam. Aut mea nihil interest, ut

quia nihil debeo præstare alteri, & hoc casu nulla est actio: nec enim agitur ex pacto solius pœne nomine, id est, quod favitia mea expleta non sit, quod odio meo satisfactum non sit: nam bono viro non convenit credere venditoris interesse, quod ejus animo favitiæ satisfactum non sit, l. 6. §. ult. hoc tit. quasi lucro intercepto scilicet, nam benigne nunquam interpretabitur ejus interesse. Et ideo in bonæ fidei iudiciis ejus tantum lucri ratio habetur, cujus rationem haberi bonum & æquum est, non etiam ejus lucri, cujus ratio manat ex malitia, duritia, favitia, & crudelitate: nam causa duritiæ bonus, vir nunquam permittit habere rationem ejus, quod interest. Sed obiciet aliquis, ex hoc pacto: ne servus exportetur, datur actio, cur non etiam ex pacto, ut exportetur? Respondet Papin. diversam esse causam hæc pactio; illam continere humanitatem, alteram esse plenam duritiæ, asperitatis, & interpretet bono viro interest hominis, hominem beneficio affici, propter cognitionem naturalem, non interest pœna affici: aut certe bonus vir ex ea causa nunquam permittet deduci rationem ejus, quod interest. Hæc est hoc loco Papin. sententia, quæ mihi mirum in modum placet, sed in ea etiam non permansit, sed retractavit eam in lib. 27. quæst. ex qua est lex prox. cujus ut conciliationem conquiramus, nihil est. Sunt enim plane contrarie: nam quod scripsit libro 19. id mutavit libro 27. ut demonstrant illa verba l. 6. hoc tit. aliquando placebat: sed, inquit, in contrarium me vocat Sabini sententia; namque admonitus a Sabino ea retractavit. Pactum illud, ut servus exportetur, semper continet id, quod interest, quia ideo videtur vilius vendidisse, quod adjecit, ut exportaretur: vendidisse pluris, si existimasset te legi non obtemperaturum. Denique si agatur ex pacto, videtur agi ex pretio, non videtur pœnam persequi, sed rem, l. fundi, de cont. empti. l. si sterilem, §. pen. de act. emp. Et eadem ratione impulsus Justin. l. ult. C. de pact. inter empt. mutavit quod est in l. quod si locus, de religiof. l. pen. de pact. ut ne valeat pactum, ne inferas mortuum in locum, quem tibi vendidi: Imo videtur mea interesse, quia vilius vendidi, vel quod nolui mihi vicinam religionem, natura nihil facit frustra, nec homo prudens: spectavi utilitatem aliquam, dum adjeci hoc pactum: servandum igitur, noluit Papinian. in re parum cognita diu aut stulte perseverare: quod est argumentum magni viri, & ita Justin. l. ult. §. & licet, C. de furt. refert Papinian. variasse in alia re. Ulp. quoque Scævola consultiſsimum virum refert, quæ tractavit priore libro, mutasse posteriore, l. qui boni, §. si quis duob. de acq. rer. dom. Et memini quoque Julianum variasse alicubi, ut sæpe variant docti: non variant vero vulgus, & refractarii, & ineruditi.

Ad L. LXVIII. Dotis promissio, de jur. dot.

Dotis promissio non ideo minus valebit, quod ignorante initio patre, nuptiæ fuerint, si postea consenserit: cum omnis dotis promissio, sicuti matrimonii tacitam conditionem accipiat. Nam est minor annis 12, ut major de aduſa sit, tunc primum peretur, cum major annis apud eundem esse coeperit. Quod enim vulgatum est, dotis promissionem imprimis dilatare nuptiis destinari, neque durare obligationem, si post alterius matrimonium ei nubat, cui dotem promissuram, tunc locum habet, cum intercesserint alia nuptia.

Sciendum est, nuptias non esse iustas, quæ sunt ignorante patre, in cujus potestate est vir aut mulier: nam in nuptiis scientia & patientia patris exigitur, idque ut est in Justin. non est tantum jure civili, sed etiam jure nature constitutum, ut non possit mutari absque scelere: nuptiis igitur contractus ignorante patre, quia iustæ non sunt, & breviter, contra non sunt nuptiæ, nec dotis promissio valet, quia ubi non sunt nuptiæ, ibi neque dos, l. 3. hoc tit. nec sponsalia, quia etiam in sponsalib. requiritur consensus patris, l. 7. de spons. & consequenter, nec sponsa, nec iusta uxor est, neque iusti liberi nascuntur

ex ea quæ nupti ignorante patre, nec tenetur avus cognoscere pro nepotibus suis, l. 2. de rit. nupt. l. Paulus, de stat. hom. Sed quum initio factæ erunt nuptiæ inconsulto patre, si postea pater resciverit nuptias, nec dissentiet, tunc iustæ nuptiæ incipiunt esse, quia videtur earum tunc primus auctor fuisse pater, l. 5. C. de nupt. Quib. consequens est, tunc primum iustam uxorem fieri, & iustos nasci liberos post patientiam & consensum patris: nam d. l. 5. est accipienda de filiis conceptis post consensum patris: hi sunt iusti liberi: non autem dicere filios conceptos & natos ante consensum patris, fieri iustos post consensum patris, quod est notandum: nam inventio filios naturales ex concubina conceptos fieri iustos, si concubina ducatur uxor: sed hoc invenio in constitutionibus tantum, non in iure: sed non invenio liberos susceptos, antequam nuptiis consenserit pater, secundo consensu fieri iustos, nec possim hoc affirmare, nec admittere sine constitutione. Et ut dixi d. l. 5. est accipienda de filiis conceptis post consensum patris. Scientia autem & patientia patris pro consensu habetur, & iustas efficit nuptias: nec enim exigitur consensus expressus, neque hunc consensum, qui sequitur nuptias iniustas esse ratihabitionem aio: nec dixeris ratihabitione confirmari nuptias: nam si esset ratihabito, recurreret retro, retrotraheretur secundum iust. sententiam, quam & Sabiniam approbant, l. ult. C. ad Maced. l. donationis 2. C. de donat. inter vir. Atqui hic consensus patris retro non currit, ergo non est ratihabito, quia nuptiæ valere censentur, non ex quo tempore contractæ sunt, sed ex quo pater rescivit, & equo animo id tulit, l. si uxor, §. si quis uxori, ad l. Jul. de adul. Et hoc est quod dicitur in Insit. (qui locus valde notandus est. de nupt. in nuptiis iustum patris procedere debere, id est, consensum, quem imitatur taciturnitas: sed vis ejus sententia hæc est: eum consensum potius esse iustum, quam ratihabitionem, id est, non confirmare nuptias, jam antefactas, sed tunc eas constituere: iustum præcedit rem, ratihabito sequitur, l. ult. de bon. poss. Non sunt igitur nuptiæ, si præcesserit consensus patris, id est, non demum sunt nuptiæ, si præcesserit consensus patris, & cum consenserit iis pater, qui non contradiendo assensive factis videtur. At inde quaritur hoc loco, si eo tempore quo filia nupti ignorante patre, aliquis dotem promiserit, vel ipsa promiserit, nihil enim refert, hæc promissio non valet, ut neque nuptiæ: an postea convalescet hæc promissio & stipulatio dotis, nuptiis consentiente patre, etiam eam dotem non stipuletur maritus? videtur non convalescere, quia revocari & resciri non potest, sed ipso jure non convalescit, & omnino videtur esse necessaria stipulatio nova: quia sc. regula Catoniana non pertinet tantum ad ultimas voluntates, sed etiam ad stipulationes, §. 4. Inst. de inut. stip. l. inter 83. §. sacrum de verb. obl. quæ regula Catoniana hoc distat: quod sub initio non valet, ex post facto non convalescit: verius tamen est, eam stipulationem convalescere, quia conditionalis fuit stipulatio, non pura. Et regula Catoniana pertinet tantum ad stipulationes puras, non conditionales, l. 32. Lexicistimo 98. de verb. obl. sicut nec pertinet ad legata conditionalia, l. cetera, de leg. 2. l. placet, de reg. Caton. Omnia quæ sunt conditionalia ex post facto confirmantur: hoc conditioni innotum est, l. 8. de reb. cred. Stipulatio autem dotis semper intelligitur sub hac conditione, si nuptiæ sequantur, quia sine nuptiis non est dos: & ideo ita demum illa stipulatione agi potest, si nuptiæ sequantur, ut recte ait l. sigul. h. tit. constat ergo, si nuptiæ sint secutæ, aliquin non constat: nam si iniuste sint nuptiæ, non videtur impleri etiam stipulationis. Sed quod notandum, non videtur etiam defecta conditio contractus nuptiis illegitimis, & integrum est stipulatori conditionem implere: sed si defecta esset conditio, postea tam frustra adimpleret, l. quidam 10. in pr. de fideic. libert. Et secundum hoc (quod est evidentiissimum) in h. 10. de cond. & demon. deest negatio loco uno, quam species proposita indicabit. Finge: legavi aliquid filia, si nupserit: illa nupsit, sed non apte, non jure, non imple-

A vit conditionem: ergo nondum perveniet ad legatum: sed queritur, an postea contrahendo nuptias possit implere conditionem, & capere legatum? Quidam non posse dicebant, quasi defecta conditio: sed IC. putabat, benignius esse dicere nondum impletam conditionem defectam. Ita habent omnes libri, sed legendum: benignius esse dicere, nondum impletam conditionem, non defectam: nam si defecta esset, frustra ei pareret filia: ergo, ut dixi, stipulationi dotis inest conditio, si nuptiæ sequantur, & non est ea stipulatio præsens, aut pura, & conditio ejus stipulationis non videtur defecisse secutis nuptiis iniustis, sed videtur non existisse, & esse adhuc in suspensio, in pendenti. Quando igitur ea conditio videtur defecisse, & evanuisse ea stipulatio dotis? Distinguendum: aut sponsalia facta sunt, aut non. Si sponsalia facta sunt, non nuptiæ, & sponsalibus renuntiatur sit missio libello repudi, nuntio remisso, qui referret, nolle alterum sua conditione uti; hoc modo videtur defecisse conditio, & evanuisse stipulatio, etiam alii non nupserit mulier, & non convalescit stipulatio, si nullis aliis nuptiis interpositis cum alio quolibet, postea mulier nupserit ei, cui dotem promiserat, l. stipulationem 21. cum l. seg. h. 1. l. 4. de pacti. nam stipulatio, quæ semel evanuit, convalescere non potest, l. quæ res 5. de am. de solut. Et hoc sponsalia facta sunt. Quod si sponsalia facta non sunt, non aliter videtur defecisse conditio stipulationis quam si mulier cum alio contraxerit nuptias, si alii nupserit, evanescit stipulatio, nec convalescit, si soluto matr. ei postea nupserit, cui dotem promiserat: si autem alii non nupserit, & si post decennium ei nupserit, stipulationi dotis locus est, modo intermedia nuptiæ cum alio non intercesserint, l. si sponsa 58. hoc tit. Evanescit ergo stipulatio, nuptiis cum alio contractis, si sponsalia facta non fuerint. Item evanescit stipulatio ob repudium, etiam alii non nupserit mulier; & ita hæc subtiliter distinguenda sunt. Et hoc est quod ait Papinian. hæc l. pulcrum est, dotis promissionem referri ad primas nuptias, non factis sponsalibus, hoc est, dotem deberi ei, cui promissa est: si ei priori mulier nupserit, non si post alterius matrimonium ei nupserit, quia dotis stipulatio dissoluta est, & quæ semel dissoluta est; nunquam restituitur. Et recte Papia, ait, dotis promissionem designari primis nuptiis, & non durare obligationem, id est, evanescere stipulationem, si post alterius matrimonium, ei nupserit, cui promissa dos est. Et id locum habet, quum aliz nuptiæ intercesserint, quod jam videtur supra dixisse. Sed illa verba postrema accipienda sunt, ut intercesserint nuptiæ cum alio, cui dos promissa non est, post promissionem dotis alteri factam: nam si antequam dos promitteretur alteri, fuerit mulier in matrimonio alterius, ea res non nocet stipulatori, cum eadem mulier post alterius matrimonium ei nubat. Et igitur Pap. alio exemplo. Quæstio erat de nuptiis iniustis propter ignorantiam patris. Exemplum quod subiicit, est de iniustis nuptiis propter ætatem ejus, quæ nupsit. Finge: dotem promissam de ea, quæ non est viripotens, quia nubilis non est, quæ annis 12. minor. Et ea vero uxor in domum mariti deducta est, & facta sunt solemnia nuptiarum, & accepta est igni & aqua, nec tamen sunt nuptiæ, quamdum est impubes, l. penult. quando di. leg. ced. nupta non videtur, quæ virum pati non potest, quo ex loco, ut ait Felsus, nihil referre dicas, viripotentem, vel viri patientem: nuptiæ non sunt, & uxor ætatis. Et observandum ex Insit. non esse iustas nuptias, nisi masculi puberes, & femine viripotentes sint. Cur puberes separat masculos a feminis viripotentibus? non abs re sane, ut in l. 3. quibus ex causis in possess. Inquit prietor, si pupillus in suam tutelam venerit, aut pupilla viripotens facta fuerit: quare non dicit etiam cum femina in tutelam venerit? quia feminæ erant in perpetua tutela. In maribus autem sufficiebat ætas major 14. annis, qui est finis pubertatis: in feminis quoties de nuptiis agendis agebatur, non spectabatur tantum ætas 12. sed etiam an viripotens esset, ut Servius annotavit in illum locum Virgil. Jam matura virgo, &c. nec abs re: ita scriptum est, in Institution. l. 10. loco.

læco. Ergo si detem promissi pro ea, quæ nondum est viripotens, non teneor ex stipulatu, antequam viripotens fuerit, quia tunc solum incipit iusta esse uxor, quum approbatur pro viripotente, referente medico, si res sit obcurior, ut & in aliis causis ius ocularem cognitionem desiderat, de quo in *l. item si, ad l. Aquil.* Quod non intelligunt vulgo: si damnum dederit obsequi, inquit, supponens, &c. quia solebant mulieres ejusmodi videre pestes, seu *epidæmas*. Ergo cum mulier fuerit viripotens, incipit esse iusta uxor, non ex quo deducta fuit in domum mariti, nec interim videtur sponsa, quamvis sponsalia cum minore contrahantur; non enim in iis spectatur pubertas, *l. 14. de spons.* Sed si sponsalia facta non fuerint, quæ deducta est ante pubertatem quasi uxor, nec uxor nec sponsa fuisse censetur: Interim iniuste nuptiæ non valent, ut & sponsalia: quemadmodum iniustum testamentum non valet ut codicillus, nisi id nominatim dictum sit: sic stipulatio, quæ acceptatio non valet, nisi nominatim dicta vel pacta sit. Et in hanc rem citatur ex libro eodem Papin. in *l. cum hic stat. 32. §. pen. de donat. inter vir. & uxor.* & *l. quæstium, de sponsal.* Sola deductio in domum mariti, quæ est sedes matrimonii, non facit nuptias; sed neque sponsalia: ut sola dotis promissio non facit sponsalia, *l. si sponsa, hoc tit.*

Ad *l. si vir uxori LIII. de Donat. inter vir. & uxorem.*

Si vir uxori, donationis causa, rem vilis locaverit, locatio nulla est: cum autem depositum inter eas personarum minoris donationis causa, æstimatur, depositum est: hoc ideo tam varie, quia locatio quidem sine mercede certis contrahi non potest: depositum autem, & circa æstimationem quæque dari potest.

§. 1. Uxor viro fructum fundi ab herede suo dari, quod si datus non fuisset, certam pecuniæ mortis causa promitti curavit. De iusto viro viua muliere stipulatio solvitur: ut iudicio, quæ mandante uxore, mortis causa facta est: nam quo casu inter vivos conditio nascitur, inter vivos nihil agitur.

Facili negotio explicabimus *l. 53. de donat. inter vir.* atque etiam *l. 48. de manum. test.* quo pacto licebit brevi hunc librum absolovere, non est: quidem admodum difficile, quod scribit Papin. in hac *l.* sed valde singulare utrumque: duas enim tractat quæstiones. Inter virum & uxorem, nec proprietatis, neque possessionis ulla est donatio, exceptis quibusdam causis, veluti exillii, divortii, sepultura, & aliis quibusdam: nec explicanda mihi nunc est ratio prohibendarum donationum inter conjuges. Est enim in promptu, & illa maxime, ne se mutuo amore spoliarent: Nam si liceret donare, nullum facerent finem donandi. Et si idem statueres, inter amicos non esse donationem permittendam, quod possint se mutuo amore spoliare, dum alter alterum superare vellet, non recte faceres, quia inter has permittitur. Sed affectio conjugum major est: igitur inter ipsos tantum invenitur prohibita donatio: quo iure utimur hodie. Donatio (inquam) inter vivos, donatio directa, sic appellatur, quæ fit inter vivos: nam donatio mortis causa recte fit inter conjuges, quandoquidem donatio mortis causa effectus excurrit in id tempus, quo conjugum esse definit, *l. 10. hoc tit.* Sed etiam donatio inter vivos ex SC. & ex oratione D. Antonini comparatur donationi causa mortis, quia donantis morte confirmatur, hoc est, si vir aut uxor, quæ donavit, in ea voluntate perseveravit usque ad finem vite. Virus aut viua donationem quamlibet revocat penitentia, & si non revocaverit, mors eam confirmat, & est instar fideicommissi: atque ideo subijcit Falcidia, & est instar fideicommissi: atque ideo donatione inter vivos alias non detrahatur Falcidia, *l. Seia, §. ult. de don. cum mort.* Ex donatione (inquam) perfecta, & irrevocabili, ex donatione, quæ ab initio non valet, morte tamen confirmatur, detrahatur Falcidia, quia similis est fideicommissio, vii donationi causa mortis, quæ subijcit Falcidia. Donat autem vir

A uxori, & contra, non tantum qui donare se dicit, vel palam confitetur, sed etiam qui vendit, aut locat aliquid uxori viliori pretio donationis causa: quæ res non valetur donatio, neque ut venditio & locatio: ergo nec alienatio domini fieri intelligitur, *l. nulla, de contr. empti. l. si res 12. in prin. de jur. dot. l. vir uxori, ad Vell.* Et hoc est, quod ait Papin. *l. l. locatio nulla est*: nihil ergo agitur, quia nase donatio est, nec locatio. Idem etiam erit, si vir uxori rem venderit iusto pretio, non exacturus pretium, hoc est, si fecerit pretium tantum, nec exegerit, neque exigendi pretii unquam habuit animum: nam & hæc sive venditio, sive locatio nulla est, *l. cum in vendit. 36. de contr. empti.* Res quidem colorum habet venditionis, locationis, substantiam non habet: multa sunt in iure colorata, commenta innumera, multa fictitia, multa sunt dicis causa, multa rerum expediendarum causa, quæ leges introduxerunt, hæc recipimus: recipimus fictitias actiones, ut Publicianam, in qua fingimus usufructu esse eum, qui non usufructu: & rescissoriam ex tit. ex quib. caus. mas. in qua fingimus cum non usufructu, qui usufructu, & eas actiones, quæ dantur bonorum possessori, vel in bonorum possessorem, quales etiam Ulpian. in fragm. vocat fictitias, quibus fingimus, eum esse heredem, qui non est. Recipimus fictitias & tacitas stipulationes, item hypothecas, item tacitas traditiones & fictitias, *l. a. pro socio.* In hereditatibus recipimus fictionem postliminii, fictionem legis Corneliæ, in penis dicimus commenticio iure esse receptum, penam reo irrogatam non transire ad heredes. Est ergo ius quoddam commentitium, sunt juris quædam commenta, quæ recipimus, quæ leges introduxerunt, & mores recipiunt & præsumptiones recipimus, & nullum est in iure frequentius verbum, quam fingitur, videtur, præsumitur. Omnia sunt fictionum plena in iure, & commentitia, etiam in foro recipiuntur, ut Fabius ait, falsæ narrationes, id est, colores & figuræ: nec excluduntur statim patroni, qui, ut ad id perveniant, fingunt, narrantque falso, &c. Colores autem & commenta ex cogitata in fraudem legum non accipimus, quia & æ leges ipse rejiciunt, ut in testamento per as & libram recipimus imaginariam venditionem. In donatione inter vir. & uxor. non recipimus. Sed huic sententiæ obstat *l. si quis donat. in prin. de contr. empti.* Papin. ait, si quis donationis causa minoris vendat, valet venditio, & similiter / si quis minoris locet donationis causa, valet locatio, & utrumque est verum, si modo non accipitur generaliter. Est enim distinguendum hoc modo: aut vendo ei, cui donare possum, & totam venditionem facio donationis causa, & non est venditio, sed donatio, ut inspicitur magis quod est in re, quam quod est in forma conceptionis contractus: quod agitur potius, quam quod scribitur, *l. 3. §. 9. C. de contr. empti. d. l. si quis donat.* aut pars venditionis fit tantum donationis causa, ut si vendo viliori pretio, ei scilicet, cui donare possum, non in fraudem legum, & hoc casu venditio valet, non contrahitur donatio: venditio enim præponderat, & utrinque contrahitur obligatio empti & venditi: si vero vendo ei, cui donare non possum, aut vendo bonâ fide, nasciturque subito citroque actio ex emptio vendito, quamvis postea mutato consilio pretium ei donavero; valet (inquam) quia, quæ primo facta est bona fide venditio, non temere retractatur, & ex eo negotio datur actio empti venditi, *l. si sponsus 5. §. circa, l. quod autem, §. si uxor, hoc tit.* aut vendo ei, cui donare non possum in fraudem legum, ut quod non possum donare palam, donem sub titulo venditionis, locationis. Et hoc casu nihil ago, sive vendo, sive dono, sive unum numerum pro pretio poshero, sive aliud vile pretium exigam, *d. l. si quis donat.* At inde queritur, an id, quod dictum est de venditione & locatione, quam vir facit uxori donandi causa, affectato hoc titulo circumscribendi iuris civilis

civilis gratia, habeat locum in deposito? Finge: vir rem deposuit apud uxorem, eamque vilis aestimavit donationis causa, non bona fide, sed in fraudem legum, ea scilicet mente, ut redderet eam rem, vel aestimationem, quæ lex non facit, ne sit depositum, quamvis egrediatur terminos depositi, *h. l. Lucius 24. de pos.* quia depositum plerumque datur, ut reddatur idem, non pretium, aut aestimatio, sed vel donatio, vel venditio, vel mutuum videtur esse, si sit res, quæ constet pondere, numero, vel mensura. An vero dicimus, ideo depositum non esse, quod facta sit aestimatio depositæ rei donationis causa? Minime: quia nascitur actio depositi directæ, & contrariæ. Et rationem differentie inter depositum & donationem explicat Papin. quia depositi substantia consistit sine aestimatione. Est enim depositum, etiam si rem depositam non aestimes. Locatio autem non est sine pretio certo, & sine pretio videtur ea, quæ fit nummo uno, vel lesserio, *l. si quis 10. in fi. de adq. pos. l. si quis 46. loc.* vel etiam quæ fit pretio viliori: nam vendere viliori pretio, puta nummis 10. quæ valeat 100. non vendere, sed rem proferre est, *l. si pign. 50. de evict. l. 36. mand.* Ergo imaginaria venditio est, quæ fit viliori pretio, ac si facta esset sine ullo pretio: ergo nullus est contractus: contractus imaginarii nulli sunt, nisi sint dicis causa, *videtur 24. de pos. h. e.* ut satisfiat solemnitatibus legum, ut in emancipationibus liberorum, & testamentis per as & libram, *l. contractus 54. de obi. & act. l. nuda 53. de contr. empt.* Depositum autem non est imaginarium, si res deposita aestimetur vilii pretio, quia plane aestimari depositum necesse non est. Et hoc est, quod ait Papin. in princ. leg. Magis mihi placet, quod est in secunda parte hic. Eius interpretatio tot verba non requirit, est tamen valde singulare, quod velim studiosos omnes perpetuo retinere. Nam ait, *quo casu inter externos nascitur conditio rei, id est, repetitio rei venditæ, nihil agi inter maritos, h. e. conjuges.* Et species hæc est: uxor curavit heredem suum, quem testamento scripserat, promittere stipulantibus usufructu fundi, aut certam pecuniam mortis causa, *h. e.* si ipsa prius moreretur, sicut etiam in *l. quod in bonis 15. §. 1. ad l. Fal.* testator curat heredem suum promittere se vivo ei, cui donatum vult mortis causa, ut adversus eum non utatur *l. Falcidia*, vel ut certam pecuniam, si secus fecerit præstaret: quæ stipulatio olim non valuit, hodie valet, quia *Falcidia* locus non est invito testatore, ex Novell. Justin. Eodem igitur modo mulier donatura mortis causa, quæ donatio rata est, curavit promitti, ne *Falcidia* detrahatur: præmortuus est maritus superstiti uxore donatrice stipulatio, inquit, solvitur, quia facta fuerit mortis causa, *h. e.* est, solvitur donatio morte donatarii, perficitur morte donatoris. Et similiter, si rem mandato uxoris tradiderat marito mortis causa sub conditione, si ipsa prius moreretur, præmortuo marito solvitur alienatio, & traditio, vel stipulatio ipso jure. Ergo rei traditæ vindictio mulieri competit, quia solvitur ipso jure traditio, & donatio, quod non obtineret in extraneo: nam extero non daretur vindictio, sed conditio ob causam, causa non secuta. Finge: extraneus donavit tibi mortis causa, & tradidit, vel etiam promisit tantum, non tradidit: te præmortuo rem non vindicabit, sed condicet, quod traditione ipso jure non solvitur, dominium manet apud eum, vel condicet liberationem: non enim est ipso jure liberatus morte donatarii. Ex quo apparet, quod ego censco valde notandum, quo casu inter extraneos conditio nascitur vel certi rei, quæ tradita est ad rem repetendam, vel incerti ad obligationem, quæ contracta est acceptatione, solvendam: eo casu maritus nihil agit ipso jure, quod putro generaliter constitui posse in omnibus casibus: Nam nisi mulier intercesserit pro marito, ipso jure non obligatur, *Novella 134. cap. 8.* Quod etiam ex hoc loco recte defendes etiam obtinuisse ante Novellam illam, nec ea *Novella* introduxit quasi novum: sed si mulier intercesserit pro extraneo non liberatur ipso jure, sed per exceptionem Senatûsconsulti Vellejani, *l.*

A si decipiendi, ad Senatufc. Vellejan. omnia exceptione solvere compellitur ex sua intercessione.

Ad L. Si socius XLVIII. de Manum. testam.

Si socius testamento libertatem ita dederit: Pamphilus: si eum socius manumiserit, liber esto. Servius respondet, socio manumittente, communem fieri libertum familia atque manumissoris. Neque enim novum, aut incognitum est, vario jure communi mancipio libertatem obtingere.

Quod est in hac lege, explicabitur uno verbo. Finge: servus erat communis, unus ex dominis eum manumisit testamento sub conditione, si eum, quoque socius manumitteret. Non frustra apposta est hæc conditio: alioquin ex testamento facta manumissio ab uno sociorum non valeret secundum jus vetus, quo constitutum est, si unus ex sociis servum communem manumittat, ut non fiat liber, sed pars ejus domini, qui manumisit, accrescat alteri: definit esse communis, sed non definit esse servus, quinimo fit in solidum servus unus. Quod Justin. mutavit favore libertatis, qui voluit servum manumissum ab uno socio, fieri libertum, si modo pretium alteri sue partis referat alteri. Quæ constitutio summam habet æquitatem: apte illam constitutionem necesse erat apponere illam conditionem, si alter quoque manumiserit. Finge: cum ita manumississet unus ex sociis servum communem, si alter manumiserit, si expleta conditio fuerit, ut perveniret ad libertatem: quod videtur absurdum, ut perveniret ad libertatem diverso jure, partem testamentum, partem vindicta, quia cum alter socius, qui superstitis erat, manumississet: hæc res non officit libertati: erit igitur libertas communis, hoc est, ejus, qui manumisit inter vivos, & libertas familie defuncti, *h. e.* Orcinus: ergo erit libertas diverso jure. Et observandum libertum Orcinum appellari hoc loco libertum familie: non est libertus heredis, non est libertus defuncti, qui desit esse in reb. humanis: nec dixeris recte libertum esse defuncti: libertum Orci dices recte: sed aliud est defunctus, aliud Orcus: sed quia defuncto superest familia, recte dices, cum esse libertum familie: non libertum certi hominis, sed libertum familie, sive Orcinum, Platonis, sicut Teoph. ait, *χαριστωρ*.

Ad L. Si Titius XLVIII. de Fidejuss.

Si Titius & Sesa pro Mævio fidejusserint, subductæ muliere addimus in solidum adversus Titium actionem: cum scire potuerit, aut ignorare non debuerit, mulierem frustra intercedere.

§. 1. Hæc similis illa questio videtur potest: obstatem si restituatur in integrum unus fidejussor, an alter omnis obligationis integrum excipere debeat. Sed ita demum alteri totum irrogandum est, si postea minor intercessit propter incertum status ac restitutionis. Quod si docto creditoris indultus sit minor us fidejubeat, non magis creditori succurrendum erit adversus confidejussorem, quam si facta novatione circumvento minore, desideraret in veterem debitorem actionem utilem sibi dari.

Uas in hac l. Papin. addert questiones: una est, de mare & femina, quæ pro aliquo fidejussit cum mare: altera est, de majore 25. annis, qui pro aliis fidejussit. Et primum, si mas & femina pro alio fidejusserrunt, & facti fuerunt duo rei ejusdem pecunie, mulier non tenebitur cum effectu, propter Senatusc. de intercessionibus mulierum, quod Vellejan. dicitur. Mas autem teneretur in solidum, sed habet beneficium divisionis, quod habet alias ex epistola Adriani & edicto prætoris, ut Paul. ait *l. Sent. ff. penult.* quod datur pluribus fidejussoribus & mandatoribus: sed hodie omnibus correis debendi principalibus ex *Novella 99.* Beneficium divisionis hoc est, ut non sit liberum creditori cum uno eorum experiri in solidum, ut cogatur dividere actionem, ut fidejussores sive correi non teneantur nisi

nisi pro virili, si omnes solvendo fuerint litis contestatæ tempore: nec enim inopia, quæ supervenerit, postea onerat ceteros. Singuli quidem ipso jure sunt obligati in solidum, sed beneficio epistolæ, id est, opposita exceptione epistolæ Divi Adriani, non condemnantur ultra virilem portionem, si litis contestatæ tempore omnes solvendo fuerint. In hac autem specie, cur mas non utitur beneficio? cur convenitur & condemnatur in solidum? quia videtur renuntiasse beneficio, qui scire debuit ex Senatusconsulto Vellejan. feminam frustra intercedere, & onus obligationis in sua tantum persona consistere, ac si solus intercederet. Et hoc est, quod ait Papin. in 1. parte hujus l. Huic sententiæ obstat l. idem est 18. *supr.* ad Vellejan. quoniam ait idem esse, &c. Repetenda sunt ea, quæ scripta sunt ante eam l. & hoc in l. quæ procedit ostenditur, si mas & femina pecuniam mutuum sumperint in rem communem, puta ut fundum ea pecunia in commune compararent, mulier teneretur pro sua persona, pro sua parte tantum, non pro parte masculi correi, quia pro parte correi videtur intercessisse, dum se obligavit in solidum, partim suo nomine, & hoc nomine teneretur pro parte sua, partim nomine alieno, correi nomine, & hoc nomine solvitur beneficio Senatusconsulti Vellejani. Idem esse ait l. idem est, si pro debitore meo, mas & femina intercesserint si idem est: ergo cum mas & femina pro debitore meo fidejusserint, mulieris persona non subducitur in totum, scilicet non eximitur obligationi in totum, sed teneretur pro parte. Sed hoc non potest esse verum, nisi ut in ea lege, quæ procedit, similiter fingatur species in d. l. idem est, puta marem & feminam pro alio fidejussisse in rem communem: quo casu cessat Senatusconsultum Vellejanum, l. aliquando, eod. nam si in rem alienam prorsus fidejusserint, in totum persona mulieris subtrahitur creditori, & mas sustinet integrum onus obligationis. Obstat l. 8. C. ad Vellejan. Filia emancipatæ, vel etiam filii famuli expromiserunt pro patre obligato alteri, id est, patrem liberaverunt novatione facta, & omnem obligationem in se receperunt: expromissor liberat rem principalem, fidejussor non: expromissione fit novatio, fidejussione non fit. Ergo pro patre intercesserunt filii mares & femina: lex ostendit mares non teneri in solidum, filias eximi obligatione, fateor hoc ea lege aperte demonstrari, sed non (ut qui iam vult) illis verbis feminas eximi virilibus obligationibus. Nam viriles obligationes vocantur, quæ conveniunt masculis tantum, quasve mulieres suscipere non possunt: vel aliter, hoc vult, intercessionem esse munus virorum, non mulierum, l. 2. ad Vellejan. æquum non esse, feminas virilibus officiis fungi & obstringi obligationibus ejus generis, virilibus scilicet, quales sunt obligationes, quæ contrahuntur nomine intercessionis, non principali nomine & directo. Et ita l. pen. de edendo, removeret feminas ab officio argentiarii, quoniam frequens est in hac opere, ut interveniant pro alius: dum senatus removeret mulieres ab intercessionem, tacite removel etiam argentaria. Sed non desunt alia indicia in d. l. 8. quibus patet, filios, qui cum fororibus pro patre intercesserunt, non teneri in solidum, etiam subductis fororibus beneficio Senatusconsulti. Sed pro virilibus portionibus tantum; quandoquidem lex ait, mares tantum teneri in id, quod se obligaverunt, non ait, mares teneri in solidum, sed pro rata, pro virili, pro portione, & pro parte filiarum, quæ eximuntur obligatione, actionem restitui in patrem. Ergo aperte lex ostendit, subductis feminis mares non obligari in solidum, sed pro virilibus portionibus, quia scilicet ita se obligant: nam erant plures rei fratres, qui pro patre intercesserunt. Illud non probo, quod Accursius hic distinguit inter expromissores & fidejussores, imo indistincte sic constituo, sive sint duo expromissores, sive duo fidejussores, qui pro alio intercesserunt, & facti fuerunt duo rei debendi, mas scilicet & femina, mas teneretur in solidum, mulier in nihilum teneretur effectus; & duo sunt rei, sive fidejubendo, sive expromittendo

A caverint solidum & partem virilem: si expromiserint, vel fidejusserint solidum & partem virilem, si ubi sint his verbis, se caveri pro solido, & parte virili (chacun pour soy, & un chacun pour le tout) nec enim sunt duo rei, si caverint solidum, aut partem virilem. Nam si dixerunt, se promittere solidum, aut partem virilem, non sunt duo rei, l. inter eos, hoc tit. singuli enim ab initio tenerentur pro parte tantum: & ita duo rei stipulandi sunt, qui stipulati sunt non solidum, aut partem virilem: sed solidum, & partem virilem, ut sit exactio unicuique in solidum, & in partem virilem: si mas & femina, qui pro alio intercesserunt non sunt duo rei, mas ab initio teneretur pro parte tantum ut d. l. 8. videlicet ipso jure divisa obligatione in initio contractus. In continenti divisio obligationis fit vel ipso jure, vel epistola Divi Adriani, l. inter fidejuss. h. t. ipso jure fit, si non sint correi: ex epistola Adriani fit, si sint correi: & ipso jure fit semper sicut convenit initio: ex epistola non fit divisio, si mas & femina, duo rei intercesserunt: mas enim teneretur in solidum, ut in h. l. At queritur in secunda parte hujus legis in eodem exemplo: si pro alio fidejusserunt major 25. annis, & alius qui erat minor 25. annis, restitutor minore 25. annis adversus intercessionem suam beneficio ætatis, & rescissa intercessione ejus, an similiter dici possit, majorem teneri in solidum subducto minore per restitutionem in integrum, & non posse majorem uti beneficio divisionis; an idem constituemus, quod in illo casu? Et prudentissime Papin. ostendit, mulierem non esse similem minori 25. annis: neque idem esse hoc casu constituendum, quod illo priori: Nam in muliere non distinguimus, utrum simul fidejusserint mas & femina eodem tempore, an mas primum, deinde femina interposito tempore: nam utroque casu subducta femina mas teneretur in solidum: in minore 25. annis distinguimus. Nam si major 25. annis solus ab initio fidejusserit pro alio, deinde minor restitutor in integrum, major teneretur in solidum, quia & ab initio obligavit se in solidum, nullum sperans beneficium, quo solveretur præstatione solidi, nullum sperans se habiturum participem ejusdem obligationis, quia nesciebat creditor: effectus acceptus alium confidejussorem: hoc ergo casu major teneretur in solidum rescissa intercessione minoris. Quod ita verum est, ut eleganter docet Papin. nisi dolo creditoris inductus sit minor ad fidejubendum: Nam rescissa intercessione minoris creditori dolo, id est, quod per dolum extorsit fidejussorem minoris, non succurrimus, data scilicet in eum fidejussorem minoris actione in solidum, sed utetur recte fidejussor major beneficio divisionis: neque enim opitulamur creditori, qui dolum admisit, qui per dolum effecit, ut & minor fidejuberet. Namque subducto minore non dabimus ei actionem in solidum contra majorem, sed pro parte ex epistola: & ita etiam si dolo creditoris minor pro debitore expromiserit novatione facta, atque ita liberaverit debitorem restitutor minore, rescissa intercessione minoris, non revocatur liberatio debitoris, id est, non restituitur vetus actio in debitorem, non succurrimus creditori dolo restituta veteri actione, non damus ei utilem actionem in veterem debitorem. Omnis actio restitutoria est utilis, & hoc si solus major 25. annis initio fidejusserit non sperans futurum alium confidejussorem, & postea ei adjunctus fuerit minor. Sed si simul fidejusserunt major & minor, locus est epist. Divi Adriani, id est, major teneretur pro parte tantum, etiam rescissa intercessione minoris. Atque ita multum hic casus distat ab eo, qui proponitur initio hujus legis. Et ratio differentie est elegans inter mulierem & minorem, quam paucis verbis notavit Papin. nempe propter incertum ætatis & restitutionis, scilicet eventum, quæ brevis fecit, ut non ea intellexerit Accursius. Franciscus Connanus, perquam suaviter emendavit, & pro his verbis (si postea minor intercesserit) posuit si sponte intercesserit, vir est doctissimus, sed non juris: corrumpit iudicium & tempus perdit, qui in ejus commentariis illud ponit. Verum ratio

ratio differentia est elegantissima, nec mutandi quidquam vel minima est ratio, aut occasio. Initio, inquit, differentia hæc est; mulierum intercessionem Senatus improbat; minorum intercessionem nullum Senatufconsultum improbat: mulier quæ intercessit liberatur per exceptionem, quæ descendit ex Senatuf. Vellejano: minor non liberatur per exceptionem, sed per restitutionem in integrum (*par lettres de chancellerie.*) Exceptio est certa, sicut jus ex quo descendit: restitutio in integrum est incerta & arbitraria: neque enim temere datur, sed causa cognita perraro, *l. in causa 12. de minor.* & pendet ex arbitrio prætoris, qui sicut ei libuerit, dabit vel non dabit restitutionem in integrum: exceptionem Senatufconsult. Vellejan. non potest denegare. Ac postremo sexus mulieris certus est, ætas hominis plerumque est obscura & incerta: etiam si viderim hominem. Nam eventus sæpe, ut existimemus eos esse majores, qui sunt minores, & contra. Hac ratione propter incertum ætatis, & propter incertum restitutionis in integrum, si mas & femina fidejusserint pro alio, mas tenetur in solidum, quia scivit se solum cum effectu obligari: sed si major & minor fidejusserint pro alio, major non tenetur in solidum, quia vel nescivit correm esse minorem 25. annis, vel existimavit esse majorem: existimavit cum vix impetrarum restitutionem in integrum, & cogitavit auxilium restitutionis esse perquam dubium & incertum: major, inquam, subdūcto minore, forte impetrata restitutione in integrum, non tenetur in solidum, nisi solum fidejusserit ab initio, & postea non inductus dolo creditoris minor etiam fidejussit, ac deinde eo nomine restitutus fuerit. Hæc ratio est dignissima cognita, ita demum, id est, hoc solo casu (*postea*) interposito tempore. Cur non tenetur in solidum major, nisi illo casu cum interposito hoc tempore intercessit minor? Ratio est propter incertum ætatis, id est, quia existimavit cum effectu obligari minorem, &c. Atque ita nihil habet certi major de obligatione minoris, quod possit ejus scientia imputari.

Ad L. penult. de Public. in rem actione.

Paulus notat. Exceptio justis dominis Publiciana obijcienda est.

Plura scripsit Papia, & inter ea quiddam ad Publicianam. Nam in *l. pen. de Public.* exstat nota Pauli ad Papin. eodem lib. ubi notat Paulus, Publicianæ actioni obijci posse exceptionem dominii, scilicet veri dominii, ad differentiam fictitii, quod habet bonæ fidei possessor. Quid est actio Publiciana? est vindictio dominii, quæ datur ei, qui rem bona fide possederat, necdum ufuceperat, amissa ea possessione, adversus extraneum, ad quem pervenit possessio, non adversus dominum verum. Nam potior est causa veri domini, quam bonæ fidei possessoris: potior est vindictio directa quam prætorica. Hoc est quod dicitur, *Publicianæ actioni obijci exceptionem justis dominis.* Hæc tamen regula vitatur multis casibus, *l. mandatum, mand. l. si is cuius, ex quibus caus. major.* vide Accursium in *l. pen. hoc rit.* citatur etiam Papin. in *l. 5. §. pen. de jur. dot.*

Ad §. penult. L. V. de jur. dot.

Papinianus lib. 10. questionum ait: Cum pater curator sue filie juris sui effecta, dotem pro ea constituisset, magis eum quasi patrem id, quam quasi curatorem fecisse videtur.

Pater est curator filie emancipatæ: dat dotem pro ea, vel ut pater, vel ut curator: nam dotem constituere pertinet ad utrumque: non apparet, qua mente dederit dotem, videbitur ne dedisse ut pater, an ut curator? Ut pater, inquit, quia prædominasse & prævaluisse videtur affectio paterna: si dedit ut pater, dedit de suo, ergo est dos profectitia. Quid est dos profectitia? quam pater dedit pro filia ut pater: effectus est, quia dos profectitia reddit ad patrem mortua filia in matrimonio, si fuerit sui

A juris, sive in potestate patris, *l. pater 71. de viict. d. l. 5. §. emancipata, l. si ab hostibus, l. filia 59. sol. matrim. l. si filia, de divort.* Et huic præsumptioni, ut videatur scilicet dedisse quali pater, consentit *l. ult. C. de dot. promiss.*

JACOBI CUJACII J.C. COMMENTARIUS

In Lib. XI. Questionum EMILII PAPINIANI.

Ad L. in omnibus XXXXI. de judiciis.

In omnibus bonæ fidei judiciis, cum nondum dies præstans pecunia venit, si agat aliquis ad interponendam cautionem, ex justa causa condemnatio fit.

Si creditor in diem, vel conditionem agit, ante diem, vel ante conditionem perperam agit, quia plus petit tempore, & repellitur exceptione, *cujus pecuniæ dies fuisset: vel ejus pecuniæ dies nondum venit.* Et hoc, si agat ad pecuniam: nam si agat ad cautionem interponendam, quandoque male agit: Finge: creditor vel est in diem, vel in conditionem, id est, creditor in diem certum, vel creditor in diem incertum. Quid est conditio? est dies incertus, in quem confertur obligatio, ex quo suspenditur obligatio & sustinetur in eum usque diem. Finge igitur: creditor veretur, ne interim debitor labatur facultatibus, & propterea desiderat sibi caveri de pecunia sua sibi suo die solvenda, vel veretur, ne interim debitor dolo malo faciat in ea re, quam debet, ne corrumpat eam rem: exempli causa, ne servum interim inficiat veneno, & ideo desiderat caveri, dolum malum abfuturum: sive autem hoc desiderat, sive de illo sibi caveri, id est, de dolo malo, vel de re aut pecunia sua die solvenda: & agat eo nomine, ex justa causa audietur, nec repellitur. Et ut ait, condemnatio fiet, id est, condemnabitur debitor interim præstare juratoriam cautionem, vel repositionem, vel satisfactionem pro qualitate personæ. Nam locupletissimus non satisfabit, sed reponit tantum cum jurejurando, vel sine jurejurando. Et hoc Papin. ait in hac *l. 41.* obtinere in omnibus bonæ fidei judiciis. Quid hoc est in omnibus? id est, sive generalia sint, sive specialia. Sumptis hanc sententiam ex Sabino: a quo alia multa sumit, & a quo facile patitur se reprehendi, ut in *l. 6. de servo. export. l. pro socio arbitri, pro soc.* Sabinus dicebat, judicem prospicere debere creditori in judiciis bonæ fidei, in futuro damno, vel lucro pendente ex contractu bonæ fidei, etiam si nondum quicquam cum effectu deberetur, sive generalia essent judicia, sive specialia. Et specialia vocat, quibus agitur de re singulari, de homine, de summa certa, veluti commodati, depositi, mandati. Generalia sunt, in quibus venit universitas bonorum, vel quibus universum quid petitur, ut actio pro socio, cum contracta est societas omnium bonorum: actio negotiorum gestorum est generalis: actio tutelæ est generalis: omnia enim pupilli bona apprehendit, & in his judiciis, quibus universum quid petitur, magis videbatur habenda ratio futuri debiti, atque adeo magis eo nomine actori postulanti cautionem esse concedendam. Sed placet indistincte, in omnibus, id est, tam generalibus, quam specialibus judiciis bonæ fidei, ante diem recte agi ad interponendam cautionem, & officio judicis condemnationem fieri. Et huc pertinet *l. Seja 42. de mort. caus. donat.* ubi est actio bonæ fidei non sui origine, sed constituta per exceptionem doli mali. Certe sunt actiones bonæ fidei, quæ enumerantur in *Instit. §. actionem, de off.* Enumeratio est certissima sua origine: alia quæ non sunt enumerata in *Instit.* sunt strictæ, quæ tamen possunt constitui bonæ fidei, videlicet opposita exceptione doli mali, vel replicatione: Nam est verissimum & elegantissimum, quod Dorotheus

theus scribit in *d. l. Seja*, exceptionem doli iudicium strictum facere bonæ fidei: quod comprobatur *l. 5. C. de except. doli*: exceptio addita exceptioni strictæ facit, ut iudex possit ex bono & æquo condemnationem facere non serviens formulæ. Mentio doli mali iudicium reddit bonæ fidei, quod initio erat strictum. Sic igitur in specie *l. Seja*, iudicium strictum exceptio illa facit bonæ fidei, & propterea merito dubitatur in ea lege de præstanda cautione futuræ obligationis, quoniam solebat præstari in omnibus bonæ fidei iudiciis. In omnibus, siue sui origine sint bonæ fidei, siue fiant postea. Sed tamen in *d. l. Seja* non præstatur cautio, quia nulla in ejus legis specie suberatur causa vel obligatio, ne in diem quidem, vel sub conditione. Ergo quod scribit Papinian. hoc loco, non habet locum in actionibus strictis. Nam non frustra ait, in omnibus bonæ fidei iudiciis: est *ἐν τοῖς δικαστηρίοις*, quia significat aliud esse in iudicio stricto: ex causa enim iudicii stricti non ago ante diem ad cautionem interponendam, ut in *l. quotiens §. si semel, de pecul. quod intelligi debet de actione de peculio stricta, veluti ex fideiussione servi, ex qua fideiussione servus naturaliter non obligatur, nec dominus tenetur de peculio. Sed si fideiussit in rem domini, tenetur dominus de peculio stricta actione ex stipulatu: de peculio est adiectio communis omnium actionum: modo igitur stricta, modo est bonæ fidei actio. Ideo si de peculio agatur stricto iudicio, & nihil sit in peculio rei iudicatur tempore, an cavere debet dominus de futuro incremento peculii? minime, quoniam est actio stricta, & de cautione interponenda ejus, quod quis debet, non agitur, nisi ex causa bonæ fidei contractus siue iudicii. Et ita semper in libris nostris existimandum est, quoties dicitur obtinere in bonæ fidei iudiciis, idem non obtinere in strictis: nec unquam persuasio hæc fallit: ut exempli causa, hoc est proditum, in bonæ fidei iudiciis ex mora venire usuras: veniunt autem officio iudicis, *l. in bonæ fidei, C. de usur. l. 32. mora, §. in bonæ fidei, inf. addit.* Ergo in strictis ex mora non veniunt usuræ officio iudicis: hoc est certissimum: si non sint in stipulationem deductæ: nam veniunt tunc ex stipulatione. Scriptum etiam est, pacta facta in bonæ fidei iudiciis ex continententi, inesse ex parte actoris, *l. juris, §. quimodo, de pact. l. in bonæ fid. C. end. ergo aliud est in strictis iudiciis (ut docui semper). Et ita nihil moveor *l. lecta, de reb. cred. quæ dicit stipulationi pactum factum incontinententi inesse: nam lex integra demonstrat, inesse ex parte rei, non etiam actoris, id est, exceptionem pacti inesse stipulationi ipso jure, etiam non oppositam, ex eo autem pacto agi non posse. Scriptum etiam est, in bonæ fidei contractibus, patrem non solum de peculio teneri, & de in rem verso, sed etiam si quid præterea dolo malo patris captus fraudatusque actor est, *l. in bonæ fid. de pecul. nam actionibus bonæ fidei inest actio doli, exceptio doli, omnis exceptio: omnia enim exceptio suppletur officio iudicis, l. sed etsi ideo, sol. mat. l. huiusmodi §. 4. §. qui ser. de leg. 1. Dolus vindicatur actionibus bonæ fidei. Quid est actio bonæ fidei? vindex doli mali: actione stricta non vindicatur dolus malus: & necessaria est actio doli mali in actionibus strictis, quasi non sufficeret actio ex contractu: neque enim inest actio de dolo actioni strictæ. Scriptum etiam est, in bonæ fidei iudiciis haberi rationem affectionis, *l. cum servus, mand. id est, æstimari in iis non tantum pecuniarum damnum & lucrum, sed etiam damnum affectionis pæ & benevolæ, quæ non fuit expleta propter perfidiam adversarii l. 7. de servis export. Item, in bonæ fidei iudiciis haberi rationem furti ab adversario admitti. Finge: socius aliquid furripuit ex focietate, tenetur furti & conditione furti. An & pro socio sic videtur: concurrat actio pro socio cum conditione furti, licet ultio furtum actione bonæ fidei, *l. rei com. 45. pro soc. actione stricta nec doli vindicatur, nec furtum, & eo nomine necessaria est conditio furtiva, quia non sufficit actio ex contractu stricti iudicii. Ex quo intelligitur cur dicantur strictæ: neque enim licet iudici eas******

Tom. IV.

A extendere, aut proferre fines earum. Ergo merito dicimus definitionem huius legis, non habere locum in strictis iudiciis, & appellatione actionum bonæ fidei nos excludere stricta iudicia, & nos ita debere constituere, in nullis iudiciis strictis ante diem agi, sicut nota universaliter scribit Papin. in omnibus, &c. ergo dicamus, in nullis iudiciis strictis, id est, siue sint arbitraria, siue non, contrariam huic legi definitionem constituimus, & sequimur: nam & arbitraria stricta sunt. Et errant Græci in eo, quod arbitraria comparant bonæ fidei iudiciis: namque sunt proximiora strictis, imo stricta, licet in eis arbitrium iudicis multum possit. Et hoc esse verum sic ostendo: nam in actione in rem, quæ est arbitraria, exceptio omnia non suppletur officio iudicis: non inest igitur, *l. Papin. l. 4. de Pub. in rem actio*. In actione igitur arbitraria arbitrium iudicis non est latissimum. In actionibus bonæ fidei latissimum est, ideo doli exceptio inest bonæ fidei iudiciis tacite. Ac præterea in actione in rem fructus non veniunt ante litem contestatam, *l. 2. C. de pes. hered. qui tamen veniunt in bonæ fidei iud. Ante moram usuræ non veniunt in bonæ fidei iudiciis, fructus veniunt, l. vi. deamus, §. pen. de usur. Posset quis tentare ex *l. grege, §. pen. de pig. in actione hypothecaria, quæ est arbitraria, posse agi ante diem ob cautionem interponendam: Nam sententia legis est: debes mihi aliquid præstare die, obligatio hypothecaria sub conditione: non aget creditor recte ante conditionem ad auferendam hypothecam, sed aget recte ad cautionem interponendam, si conditio extiterit nec pecunia soluta fuerit, hypothecam restituit quæ in rerum natura fuerit: ergo ante diem huic cautioni locus est in actione hypothecaria. Sed hoc ideo, quia debitum erat præsens, & ideo intererat creditoris securum eum fieri de causa hypothecaria: nam si debitum conditionale fuerit, interim nullo modo agi potest, nec ad cautionem interponendam, quia stricta est actio. Diximus, in omnibus iudiciis bonæ fidei, siue specialia sint, siue generalia, siue sui origine sint bonæ fidei, siue fiant postea opposita exceptione, vel replicatione doli mali, cum dies pecuniæ solvendæ nondum venit, creditorem male agere ad pecuniam solvendam, & incidere in periculum plus petitionis: agentem vero ante diem ad cautionem interponendam, ad solvendam pecuniam, cum dies venerit aut conditio extiterit, audiri ex iusta causa, & condemnationem fieri: Contra in nullis iudiciis strictis creditorem in diem, vel in conditionem agere ante diem: nec agere igitur ad pecuniam, nec etiam ad cautionem interponendam, siue iudicia sint arbitraria, siue non: actiones arbitrarie esse strictas: namque in eis arbitrium non esse latissimum, sicuti & in actionibus bonæ fidei. Et multa discrimina proposuimus inter bonæ fidei actiones, & arbitrarie, & strictas. Sciendum nunc est, in strictis iudiciis agi ante diem de cautione interponenda, de solvenda pecunia, vel re integra præstanda. Habuimus unum casum ex *l. grege, §. pen. de pign. Alter est, si agatur de legato, vel fideicommissio, vel etiam hereditate directa, quod vulgo additur: Nam et si strictæ sint actiones legatorum aut fideicommissi. tamen pleraque mutantur ex iudiciis bonæ fidei, & inter cetera hoc, ut ante diem cautio exigatur legati relicti in diem aut fideicommissi, idque nominatim est proditum in tit. *ut leg. non mine cav.* Est igitur cautio prætorie: Nam edicto prætoris interponi iubetur: cautio iudicialis est, quæ sine edicto, ex mero officio iudicis proficiuntur, *l. 5. de verb. obligat.* Et in bonæ fidei iudiciis cautio ad quam agitur ante diem, est cautio iudicialis: interponitur enim merito iudicis officio, nec ullo edicto interponi iubetur cautio legatorum vel fideicommissi. & ita in *l. quod si in diem 16. de pet. hered. debitor in diem iubetur cavere officio iudicis, quia petitio hereditatis est actio bonæ fidei. Et hæc l. 41. nihil pertinet ad titulum de iudic. nisi eam interpretemur, ex iusta causa damnatio fit, id est, officio iudicis debitor cavere iubetur, alioquin non pertinet ad hunc titulum: hic titulus est de officio iud. Quid est iudicium in hoc****

S

titu

titulo? Est officium iudicis, & ita Theoph. in §. *quidam*, de act. volens citare titulum de officio iud. citat titulum de iudicis, qui est in 4. *Instit.* quoniam idem est iudicium & officium iudicis. Et notandum etiam, hanc eandem cautionem interponi nomine hereditatis, non tantum fideicommissariae, sed & directae: & non tantum substitutionis fideicommissariae, sed & substitutionis directae ex edicto praetoris. Ita ad titulum ut leg. *nom. cau.* recte adicias, *et hereditatum nomine*: hereditatum quoque directarum nomine, l. *inter*, qui satisd. cog. l. 8. de prat. stipulat. quod procedit in hac specie. Finge: heres institutus est sub conditione, & ei datus est substitutus sub contraria conditione: heres institutus pendente conditione non potest adire hereditatem, sed bonorum possessionem secundum tabul. petere, quae tamen sine re efficietur, si deficiat conditio, & substituto pateat aditus ad hereditatem. Ceterum interim petitor bonorum possessio sec. tab. & substituto, siquidem hoc desiderabit, cogetur heres scriptus cavere ex edicto Praetoris de praest. hereditate, in quam ipse est ingressus beneficio possess. bonorum sec. tab. si substitutionis conditio extiterit, *et dolum malum abstinendum*, interim institutum tamen non dissipaturum bona hereditaria: atque ita cernimus edictum, ut leg. *nomine caveatur*, pertinere etiam ad hereditates directas. Habent etiam hae actiones legatorum & fideicommissorum, ergo, & hereditatum commune hoc cum bonae fidei, ut ex mora debeantur usurae, quae non debentur in aliis strictis, l. 3. Cod. in quib. caus. rest. in integrum non est necessaria, *et tit. Cod. de usuris leg.* quod quidem favor conservandae voluntatis ultimae extorsit. Cur repetit usuras ex mora & ante diem cautionem legatarius? ut conservetur voluntas defuncti. Et similiter favor dotis efficit, ut stipulatio dotis, quae tamen stricta est, plerique habeat ex bonae fidei iudiciis: nam & in ea stipulatione usurae debentur ex mora biennii, l. *ultra*. §. *praeterea*, Cod. de jur. dot. quae tamen non veniunt in aliis negotiis strictis. Itemque stipulatio dotis ipso iure nulla est, si dolum malum ei causam dederit, l. *si mulier* §. *si dolo*, ff. *quod met. caus.* quod obtinet generaliter in omnibus bonae fidei contractibus. Unde statimur: dolum vel metus dans causam contractui bonae fidei, ut stipulationi dotis, vitiat contractum ipso iure: alias contractum stricti iuris non vitiat, sed necesse est, cum rescindi instituta actione doli mali, quam non esse necesse institui, si est contractus bonae fidei, cui inest actio de dolo, stricto non item. Paulatim crevit ius, atque ita stipulatio dotis paulatim hunc favorem accepit, ut hodie in omnibus & per omnia facta sit. bonae fidei ex constit. Justin. quae antea quaedam tantum communia habebat cum actionibus bonae fidei. Differentia igitur fuit in plerisque: non potest esse commune quid inter hanc & illam rem quae non habeat etiam inter se differens aliquid, sicut non potest esse inter duas res differentia, nisi inter eas aliqua sit communis. Postremo etiam est unus casus, quo creditor in diem, vel sub conditione, cui debetur aliquid stricto iudicio, possit ante diem agere ad cautionem interponendam, videlicet si postuletur separatio bonorum, l. 4. de separ. Sciendum est adita hereditate confusam defuncti bona & bona heredis, etiamsi non re ipsa, saltem iure ipso: quinimo definit esse hereditas, quae adita est, & incipit esse proprium patrimonium heredis: hereditas obveniens augeat patrimonium heredis: & consequenter creditores defuncti & creditores heredis commiscetur, quia heres omnibus ex aequo respondere cogitur, quia unus personae unum tantum est patrimonium, eademque obligationes tam activae quam passivae. Hoc ita se habet: sed decreto Praetoris, non iure, postulantibus creditoribus defuncti, separantur bona defuncti a bonis heredis: separantur creditores hereditarii ab heredis creditoribus, & creditores hereditarii mittuntur in bonorum possessionem defuncti, non contra, quod perquam utile est creditoribus defuncti: nam finge: heredis modice sunt facultates, defuncti hereditas

A satis ampla est, & sufficit creditoribus hereditariis, quae non sufficeret, si miscerentur creditoribus heredis, id est, si simul creditores heredis venirent in bona defuncti. Quamobrem maxime interest creditorum hereditariarum separari bona: & in postulanda separatione a praetore, an admittuntur etiam creditores in diem, quibus non dum debetur? Sic videtur, quia ut ait d. l. 4. & communi cautione eis consulitur. *Communis cautio* dicitur, non quasi sit praetoria & iudicialis, id est, quod & edicto praetoris interponatur, & officio iudicis: sed communis dicitur quia vulgaris, quae in hac causa omnibus creditoribus praestatur de solvenda sua pecunia suo die, l. *filiosfam.* 114. §. *idem*, in princ. de leg. 1. Et vero si postuletur separatio bonorum & creditorum, in hac recessione creditorum, & separatione quam fecerint, creditores in diem, vel sub conditione recte desiderabunt sibi cavere: quandoquidem recipiuntur in numerum creditorum, sicut ii, quibus pure debetur. Nam ut & de puro debito exigitur cautio propter moram iudiciorum, sic ex legatis puris etiam exigitur cautio, l. *etiam*, ut leg. *nom.* quoniam potissimum sit comparata eorum nomine, quae debentur in diem, vel sub condit. nihil verat tamen de eo exigi, quod debetur pure, quia exercitio iudicii nonnullas moras habet. Postremo notandum est, nihil ad h. l. 4. pertinere plerisque leges, quas adducit Accurs. ut l. 2. de evict. l. *prator*, de damno inf. l. *si per* §. *si quis*, de condit. cum d. l. *si cum except.* §. *quatenus*, quod met. caus. l. *si à bona fidei cum seg.* de rei vind. l. *si cui pluri*. per leg. Fale. l. 2. C. de her. vend. non debuit has Accurs. huic permiscere. Primum enim in l. 2. de evict. non agitur ad caut. interponendam. Sent. leg. hac est: Si venditor non promiserit dupli evictionis nomine, & eo nomine agatur, reum dupli condemnandum esse. Quid est eo loco agatur? an significat agi ad cautionem dupli interponendam, quamquam fateor agi posse: sed hoc agit, si dupla non sit promissa: & eo nomine agatur, id est, propter evictionem factam dupli dammandum est reus actione ex empto, in qua inest quidquid moris est cavere, licet cautum non sit: ergo & stipulatio dupli, & inde agi potest in duplum, ac si stipulatio intercessisset, & ita accipienda l. *si nolit* 31. §. *quia assid.* de ad. edi. Ergo non agitur in l. 2. ad cautionem dupli, sed ad duplum, & si de ea ageretur, nihil pertineret ad hanc l. Nam hac lex est de alio genere cautionis: nihil etiam lex praetor. de dam. infec. quoniam non loquitur de cautione, qua cavet debitor de solvenda pecunia sua die, de qua est hac lex, sed de cautione damni infec. quod vicinus, cuius aedes sunt ruinosae, suo vicino cavet, non de credito, non de chirographo, quod vicinus vicino debet. Nam *chirographum* dicitur cautio quaelibet, etiam liberatoria, apocha, acceptilatio, & ut cautionem cavere dicunt, ita etiam chirographum cavere, quod quidam nimis temere tollunt in l. *si ut certo* §. *si demque ait*, commod. ubi est scriptum, in eo chirographum debitorum tuum cavere feceris, emendant chirographo: item in l. 89. de solut. ubi ait, ex chirographis cautis, *et ex chirographis, qua debitor cavet*. Nihil etiam pertinet ad hanc l. si per. §. *si quis*, quia non est etiam de solvenda pecunia cautione, sed de cautione restituendi servi, qui est in fuga: non est de debitore in diem, ut ante diem caveat de solvendo debito. Species E est: Dedi tibi ro. ut emeris servum: emisti, & fugit priusquam eum mihi restitueres, sine dolo malo, aut culpata: an teneris mihi in ro. quod non possis restituere servum? Minime: namque liberaberis, si caveris de restituendo servo, si quando in potestatem tuam pervenerit, quod longe aliud est genus cautionis quam de qua agit Papin. in h. l. Nihil pertinet etiam d. §. *quatenus nec l. si à bona fidei*. *et seg. de rei vind.* Nam non loquuntur etiam de hoc genere obligationis, id est, de solvenda pecunia sua die, sed loquuntur de cautione, quam domino cavet possessor rei, si ejus rei restituenda facultatem non habeat, ut cum homo petitus fugit: Nam hoc casu possessor mala fidei, de persequendo suis sumptibus, & de restituendo eo homine, qui se contulit in fugam tenetur: bonae fidei posses-

for de restituenda re tantum cavet; depositarius vero nullo modo, id est, si depositarius rem amiserit sine dolo malo (quem solum præstat) non cogitur cavere, nec de ea re restituenda, nec de eare persequenda: sed si iterum in suam potestatem pervenerit, iterum agi potest: interim non oneratur cautione, quia beneficium dedit: nec test æquum, qui beneficium dedit, ut oneretur cautione, arg. l. Lucius, de pos. Sunt igitur leges, quæ cavent de restituendo, de prosequendo, requirendo: sunt quæ de requirendo tantum: sunt quæ neque de hoc, neque de illo. Ceterum alie sunt, de quibus agit Papius. hoc loco. Nec hæc refertur recte, l. 2. de heredi. vend. quæ est de cautione, quam emptor hereditarius venditori cavet hoc modo: *quantum pecuniam venditor hereditario nomine dederit, solvere, præstiterit, tantam recte præstari*: quia scilicet ad venditoris hereditatem creditores hereditatis eunt, non ad emptorem: & ideo æquum est, eum indemnem præstari ab emptore; si quid præstiterit creditoribus hereditariis. Postremo nihil etiam pertinet l. 1. ff. si cui plus quam per l. Falc. quæ est de cautione, quam legatarius heredi præstat in accipiendo legato, quod nondum certum est an subitum sit deminutionem, nec rescissionem Falc. legis. Cavet enim hoc modo, nec aliter præstatur legato, quod amplius legati nomine, quam per legem Falc. licuit capere, *quantum ea res erit, tantum recte præstari heredi*. Solvit dubius. Hæc sunt, quæ ad hanc l. annotare libuit. Etiam hoc annotare velim, soluto matrimonio non statim esse reddendam dotem, quæ numero, pondere, mensura continetur, sed annua, bima, trima die, hoc est, tribus pensionibus, & hodie una pensione annua ex Constit. Justin. Deberi igitur dotem in diem annum, bimam, trimam: sed si interim, antequam exierit dies nequitia suspectus maritus fiat, mulier recte agit ad interponendam satisfactionem de reddenda suis diebus dote, non potest ante diem agere ad dotem recipiendam, sed ex iusta causa audietur, si agit ad cautionem interponendam: quam si non præstiterit maritus, confectum domo reddere cogitur deducto interusurfo, hoc est, commodi medii temporis: Nam usuræ & fructus, quæ, quive obveniant interim, ad maritum pertinent, non minus, ac si constaret matrimonium, atque ita si cogitur statim reddere, deducendum interusurfo, l. si constante, §. quotiens, sol. matr. Et observandum Papium in hoc libro 11. tractasse quoque de dotibus. Unde consilio, idem scripsisse Papius. hoc libro de dote reddenda, aut satisfactione præstanda, quod est proditum in d. §. quotiens, & id quod scripserat de dote reddenda, aut satisfactione interponenda, generaliter scripsit & definit d. l. 1. in omnibus bonæ fidei iudiciis, non tantum in iudicio dotis, sed & de ceteris omnibus, cum nondum dies pecuniæ venit, si agatur ad cautionem interponendam: atque ita, quod scripserat de iudicio dotis, protulit ad iudicia omnia bonæ fidei. Definitio igitur est valde notanda: nam ea non servatur in iudiciis strictis, neque etiam in iudiciis bonæ fidei temere ea cautio interponitur, sed causa cognita officio iudicis, ut si maritus vivat luxuriose, remque suam & alienam disperdat, ante diem reddendæ dotis compellatur satisficere. Nunc pergamus ad reliquas leges.

Ad L. Ult. de Cond. sine causa.

Avunculo nuptura, pecuniam in dotem dedit, neque misit, an eandem repetere possit, quæsitum est? dixi cum ob turpem causam dotis, & accipientis pecunia numeretur, cessare conditionem, & in delicto pari potius esse possessorem: quam rationem fortassis aliquem sequutum respondere; non habituram mulierem conditionem, sed recte defendi, non tam turpem causam in proposito, quam nullam fuisse, cum pecunia, quæ daretur, in dotem converti nequiret: non enim filii, sed matrimonii gratia dotem esse.

§. 1. Noverca privigno, nurus sacro pecuniam dotis nomine dedit, neque nupsit: cessare conditio prima facie videtur, quoniam jure gentium incestum committitur. Tom. IV.

A. *Atquin vel magis ea in specie nulla causa dotis, danda fuit: conditio igitur competit.*

Hæc lex refertur ad dotis causam, quod satis patet. Quæstio est: sororis filia, quæ nuptura est avunculo, ei pecuniam dedit, quasi in dotem: nuptiæ secutæ non sunt, quæ nec jure sequi possunt: quæritur, an sororis filia possit eam pecuniam condicere quasi datam ob causam? Quæstio est aperta satis. Sed observandum quæstionem formari de sororis filia & avunculo, inter quos sunt nuptiæ illicitæ, non de patruo & fratris filia, non abs re. Nam nusquam invenies in jure prohibitas esse nuptias inter patruum & fratris filiam. Illicite sunt inter avunculum & sororis filiam, ut in l. ista, & in l. qui in provincia, de rit. nups. De avunculo fit mentio, qui duxerat sororis filiam, non de patruo, & propoluit in ea lege elegans rescriptum principis, quo confirmatur status liberorum ex iustis nuptiis procreatorum. Necessaria est confirmatio: si injustæ sint nuptiæ, sunt iniusti liberi: sed princeps cum avunculus duxisset sororis filiam, confirmavit statum liberorum: matrimonium non confirmat, nam ut noster Papius ait in l. si adulter, §. incestus, ad leg. Jul. de adul. incestu nuptiæ non solent confirmari: igitur non confirmavit nuptias, sed liberos fecit legitimos: an temere? Minime, quatuor ductus rationibus: motus fuit diuturnitate temporis, & ignoratione mulieris, quæ scilicet ignara juris in matrimonio fuerat; tertio, quod ipsa non eum sibi virum optaverat, sed fuerat collocata ab avia sua, quarto, numero liberorum. Hæc omnia, inquit, si concurrant, statum liberorum confirmant: qui locus est notandus, sed ut initio dixi, de avunculo loquitur, l. sororis, l. etiam si conc. de ritu nups. Sororis filiam ducere non licet, ergo nec neptem, nec proneptem: quoniam sunt filiarum loco: nec enim concubinatu licet has personas habere: nihil dicit de fratris filia: nam verum est, licuisse fratris filiam uxorem ducere ex Senatusconsulto, ut est apud Cornelium Tacitum libro undecimo, sed non licuit ducere sororis filiam: & Xiphilinus ait, Nervam vetuisse, ne quis duceret *filiam avunculi*: intelligit sororis filiam. Cur vero has prohibuit, non illas? non est guardenda ratio, nam hæc pendet ex jure positio. Jus positum dicitur ad differentiam juris naturalis, quod est authenticum, nuptiæ, quæ non sunt nominatim prohibite, permisse intelliguntur: at non sunt nominatim prohibite cum fratris filia, igitur permisse sunt. Non ergo abs re est, quod proponit, sororis filiam avunculo nupturam pecuniam in dotem dedisse: unde quæritur, an possit condicere pecuniam nuptiis non secutis? Et videtur prima facie non posse: alii prima fronte, alii prima ratione, *secundum rationem*, l. 1. de auctor. tutor. l. usum, de petit. heredit. Cujusque rei veræ duæ sunt rationes, prima & secunda, & secunda potior semper: prima ratio, quæ efficit, ut non videatur competere conditio, quia ea cessat, sive solus accipientis turpitudinem, sive turpitudinem utriusque versetur, ut in hac specie, l. 3. & 4. §. penult. de condit. ob turp. causam, quia etiam utriusque turpitudinem versetur in pari delicto, melior est causa possessoris, durior petitoris, quæ regula latissime patet, sive queratur de lucro, sive de damno: nam in eo, quod petitor, aut possessor lutri aut damni facturus est, durior est causa petitoris, id est, lucrum pertinet ad possessorem, damnum ad petitorum, cuius rei innumera licet exempla ex jure proferre contenti erimus his, quæ sequuntur, ut in §. retinenda, Instit. de interd. l. 1. de cond. indeb. l. si servum, §. sequitur, de verbor. oblig. Paulus 1. Sent. l. pen. de Salvo interd. Theoph. §. æque de actionib. Fortuna pro possessore sententiam dat si par sit causa ejus, qui petit, & ejus unde petitur, nec recte condicet quis ei, qui accepit turpiter, si & is, qui dedit, turpiter dedit, non agit interdicto de opere illicito facto in loco publico, quod & ipse idem fecit, l. 2. §. idem ait, ne quid in loco publ. Et possessoris, in jure semper melior causa est: Sic semper melior est causa rei, reus

non damnatur absens, accusator damnatur, qui litem fecit, *l. absentem, de pen.* Accusatori dantur duae dilaciones, reo tres, *l. ult. de feriis*: Sic olim reo tres horae dabantur ad causam peragendam, actori duae: ac praeterea, si pares sunt sententiae iudicum, causam accusator non profert, sed absolvitur reus: in causis criminalibus actor cogitur edere reo rationes, non reus actori, *l. ult. C. de edem.* Reus potest uti variis & diversis exceptionibus, actor non pluribus actionibus, sed eligere debet, quae velit uti, aut protestari debet, quod ex una non potest consequi, se ex altera velle proficere, *l. r. §. quia autem, quor. legat. l. 43. de regul. iuris.* Ergo secundum primam rationem, fororis filia, quae quasi in dotem pecuniam dedit avunculo, nuptiis non secutis, eam condicere non debet, quia turpiter dedit, & avunculus turpiter accepit: melior est igitur causa possidentis. Papin. hic animadvertit, conditionem dandam esse filiae fororis, quia in proposita specie non fuit turpis causa potius, quam nulla, id est, potius fuit nulla causa dandi, quam turpis causa, quandoquidem ea pecunia non potuit converti in dotem, quod nuptiae non constabant, & dabatur pecunia, non ad stuprum, sed ad nuptias nomine dotis. Quid est dos? res vel pecunia quae datur viro matrimonii nomine: non fuit igitur data ob turpem causam, sed plane ob nullam, ideoque dabitur conditio sine causa, quia sine causa eam dedit: nec distinguo, an mulier ignoraverit nuptias fuisse illicitas, nec ne. Nam utroque casu idem dicendum, conditionem dari, etiam si scierit, *§. ult. iadicat etiam scienti*: aut ei, qui scire debuit: cum privigno, id est, qui fuit privignus: noverca scire debuit, non esse inter eos nuptias, quia est iurigenitum, quod nemo potest ignorare. Ergo scisse videtur cum privigno non esse nuptias: nihilominus tamen conditio datur. Sed non scire debuit in nostro casu, quod cum avunculo sint illicitae nuptiae, quod est iuris civilis, *l. si adulterium, ad leg. Jul. de adul.* Et dari conditionem intelligendum, si non nupserit privigno, vel socio, vel avunculo. Nam si nupserit, dos est caduca: & quod factum est caducum semel, nunquam repetitur: dos fit caduca, nec revocatur, etiam si postea nuptiae confirmantur, *l. incesta, l. dote, de ritu nupt. l. 4. C. de incest. nupt.* nisi errore acrisimo, ut ait *d. l. 4.* decepti sint. Nam si errore acrisimo decepti sint, & errore comperto, confestim diremerint matrimonium, dos non fiet caduca: & si praesens provincia, in sua provincia uxorem duxerit, dos non fiet caduca, *l. si quis officium, §. veterem, de ritu nupt.* Ergo generaliter, si quis eam duxerit, cum qua non sint licitae nuptiae iure civili, si eam cum qua non sint licitae iure gentium, dos fiet caduca. Obijceret quis minorem duodecim annis pupillam. Haec si nupserit ante pubertatem, dos non fit caduca, & condicatur, si post pubertatem nuptiis non consenserit: similiter si ancilla nupserit libero homini, & dotem dederit, dos non fiet caduca, sed condicetur a domino ancillae, vel ab eo qui pro ea dotem dederit, nisi ea libera facta nuptiae sequutae sint, *l. qui servus de condit. causa dat. Gellius libro 4. capite 3. & 4. l. 59. §. ult. de iure dot.* Iustae non sunt nuptiae cum ancilla, cum minore duodecim annis, fateor. Cur ergo dos non fit caduca? quia non sunt illicitae nuptiae: fateor non esse iustas & solemnes: nego esse illicitas conjunctiones, & contubernia, & quasi nuptiae: si essent illicitae, non confirmarentur manuissione. Illicitum aliud est, quam iniustum, in titulo de iustitia & iure. Et similis est species in *§. ult.* Noverca privigno dotem dedit quasi nuptura, neque nupserit: nurus, hoc est, quae fuit nurus, dotem dedit socio quasi ei nuptura, neque nupserit, *ei dabitur conditio, quae prima facie videbatur cessare, hoc casu, inquit, vel magis, &c.* Cur? quia scilicet magis est nulla causa dandae dotis, propterea quod magis sunt prohibita nuptiae inter has personas. Sunt namque prohibita duplici iure, iure gentium, & civili: cum avunculo non committitur incestus iure gentium, sed iure civili tantum: nam harum nuptiarum permissio modo approbata est a principibus, modo improbat, *d. l. adulterium §. 1.* stuprum comprehendit & incestum iure civili

A li: ideoque excusatur ignorantia pupillae, quia potuit ignorare ius civile: non excusatur, si privigno, quia non licet ignorare ius gentium, atque ideo nulla fuit causa dandae dotis.

Ad L. XXXIX. Sol. matrim.

Viro atque uxore mores invicem accusantibus, causam repudiis dedisse utrumque pronuntiatum est. Id ita accipi debet, ut ea lege quam ambo contempserunt, neuter vindicetur: paria enim delicta mutua pensatione dissolvuntur.

*H*ae lex est de actione de moribus, quae olim divortio facta erat inter virum & uxorem: hodie sublata est: quae de re Tertullianus queritur, quod sublata sint magistri morum, hoc est, censores. Locus hic posuit, ut de ea copiose differamus ex Digestis. Divortio facto inter virum & uxorem erat actio de moribus, vel actio iniusti repudii agente utroque, vel altero eorum *ut vel uxoris propter* a Rhetoribus actio iniusti repudii dicitur male tractationis. Pars videtur fuisse actionis rei uxoriae, maxime agente muliere, & viro agente proprie erat actio de moribus. In hac actione queritur, cuius mores divortio causam dederint, quia divortii causam dedisse videatur. Et actio civilis, non criminalis, quamquam dicitur accusatio hoc loco, & in *l. cum mulier 47. hoc tit.* Sed non est novum, ut actio civilis vocetur accusatio, si vindictae solius persecutionem continet, non pecuniae, non rei familiaris, ut actio ingrati, quae iure nostro datur duobus casibus tantum, si ingratus fuerit libertus erga patronum, & si donatarius adversus donatorem. Dicitur hac actio accusatio, quia arguit malos mores, & vindictae persecutionem continet. Qui agit actione ingrati, agit causam doloris, nec de pecunia amissa queritur magis, quam de beneficio male collocato: agit de moribus ingrati hominis: & similiter actio suspecti tutoris, accusatio dicitur: actio inofficiosi testamenti, accusatio dicitur: nam arguit testatoris impietatem, ingratitudinem, inhumanitatem. Accusatio etiam dicitur habere persecutionem vindictae, licet res sequatur eum, qui obtinuerit, *l. 1. §. sed si puta, inf. si quid in fraud. patr.* Eadem ratione actionem injuriarum esse accusationem, quae dolorem mitigat ejus, cui facta est injuria: quamquam sequatur pecuniaria condemnatio, sed huc non spectat. Qua de causa haec omnes actiones, quae vindictae persecutionem habent magis, quam pecuniae, non dantur in heredem, quia nulla poenalis datur in heredem, licet sit pecuniaria: sed nec dantur heredi, quia vindictae persecutionem habent. Indignatio est conjugis, non heredis: quae de causa actio inofficiosi testamenti non datur heredi. Datur tantum exheredato, cui injuria facta est. Actio poenalis, quae persequitur rem, datur heredi, ut actio furti, non in heredem, ut puniatur, qui nihil deliquit, & actio, quae vindictam solam spectat, nec heredi datur, *l. 1. C. Theod. de dotib. l. rei iudic. §. 1. hoc tit. heres, inquit, morum coercionem non habet, id est, non agit de moribus adversus uxorem defuncti.* Hac actione autem de moribus puniuntur tam graviiores mores, quam leviores: graviiores, qui & majores: leviores, qui & minores dicuntur. Et graviiores mores vocabant adulteria tantum, leviores, reliquos omnes pravae mores, quos indicat Ulpian. in *tit. de dot.* Et aliter puniuntur mores mulieris, aliter mores viri. Mores mulieris graviiores sunt, ut adulterium vi probatur. Probrum in iure accipitur pro adulterio, *l. probum, de verb. signif.* quae est referenda ad leg. *Jul. de adul.* sicut furum est crimen iure gentium, sic & adulterium. Graviiores, inquam, puniuntur retentione, vel petitione sextae partis dotis, leviores octavae partis dotis. Ergo ob adulterium non amittebat dotem totam, sed partem tantum, id est, sextam. Quod & indicat lex cum mulier, hoc tit. cum mulier lenocinio mariti adtulerat est, maritus nihil ex dote retinet: ergo alias retinet

ex dote, non dotem; propter adulterium, non est retentio dotis totius, sed partis tantum. Et ideo in *l. miles*, §. si focer de adul. focerum, qui accepit dotem nura deprehensa, retinere vel petere lucrum ex dote: non dicit dotem, sed ex dote. Horatius tamen deprehensam in adulterio doti metuere dixit, &c. Plinius eam, quæ vinum bibisset, dote multatam, quod id haberetur instar probris, si ve adulterii, quæ secundum jus non possunt accipi, nisi de parte dotis. Caro in oratione de dote, ut est apud Gellum: si quid perverse, vel tetrefactum esset a muliere, multari mulierem, si vinum biberit, si cum alieno viro probris quid fecerit, condemnari: condemnari igitur in partem dotis tantum. Et ita in *l. 8. hoc tit.* mulierem, cujus culpa divortium factum est, ob adulterium multari: multari igitur parte dotis. Nam non invenio, ne ob mores quidem graviores, dote tota multari, nisi ex pacto, vel nisi extra ordinem motu judicis. Possunt ergo multari dote solida, vel motu judicis, vel pacto convento. Videamus, quemadmodum coercerentur mores mariti. Graviores etiam coercentur aliter, quam leviores. Et sciendum est, duo esse genera dotium. Alia est dos, quæ redditur annua, bima, trima die, si constat numero, pondere, mensura: dos alia, quæ præstenti die. Dos, quæ consistit in corporibus, in rebus mobilibus, vel immobilibus redditur præstenti die, quia earum rerum redditio non est difficilis: sed si fuerit pecunia est difficilis. Actio rei uxoris est bonæ fidei, ob id indulgetur annua, bima, trima die, si redditur hodie annua tantum. In ea dote, quæ reddenda est annua, bima, trima die, graviores mores mariti ita puniuntur, si cum aliena muliere fuerit, ut eam dotem reddat præstenti die, leviores, ut eam reddat intra sex menses. In ea vero dote, quæ reddenda est statim, mores ita puniuntur, ut tantum reddat ex fructibus prædii dotalis, quantum ex eo quadriennio redigatur, quamvis percepti fuerint manente matrimonio, quod Ulpianus in fragmentis explicat in *vir. de dot.* Est igitur hæc actio penalit & civilis: regulariter actio civilis non confinitur poenalem. Nam & si quis sit victus civiliter, potest postea agere criminaliter, in *vir. quando civilis actio crimin. præjud.* Excipitur actio civilis, quæ habet vindictam & persecutionem: ut actio iniuriarum confinitur criminalem, quia idem persequimur criminali, quod civili, nempe vindictam publicam tantum, qui cecidit ergo civili, non potest intendere criminalem, *l. prætor, 7. §. si dicatur, de injur.* Ejusdem generis est actio de moribus: hac actione victus non potest mulierem accusare adulterii, quia pronuntiatum est, eum non habere vindictam graviorum morum, aut innocentem esse mulierem, nec probrum ullum fecisse, quod offenditur *l. 1. C. theod. vir. civil. crim. alio posse, titulus est regula juris, sed lex excipit actionem de moribus. Ab ea regula etiam illud notandum est, in contrahendo matrimonio, vel in dote danda, aut amplianda non valere conventionem ita factam, ne quandoque de moribus agatur. Est turpis conventio: vel si convenierit, ut plus aut minus exigatur propter mores, non est honesta conventio, quia publica legum coercitio privata pactio- ne tolli non potest, *l. 9. de pact. dot.* & in *Notis Pandect.* & in aliis Flor. nescio quomodo fuerit sublatum, propter jus novum, quod sublata est actio de moribus: sed hodie hoc est planum, conveniri non posse ab initio contrahendi matrimonii, aut dotis, ne agatur de moribus: nam post divortium valet conventio: cum jam nata est actio de moribus, licet eam mihi remittere, *l. 20. de pact. dotal.* ubi fuit simile flagitium, quod extat hodie in omnibus Pandectis. In ea *l. 20. scriptum est, ob res donatas, vel ob amotas, vel ob impensas, ne quid retineatur ex dote:* erat enim retentio propter has causas: pactio interposita valet post divortium. Verum ex Basilic. addendum est, ob mores, vel ob res donatas, vel amotas, vel ob impensas pactio valet post divortium. Ita, si in contrahendo societas, vel mandato, vel constituendo procuratore convenit, ne furti agatur, conventio est contra bonos*

A mores: valet tamen, postquam furtum factum est, *l. si unus §. pacta, de pact.* nec post furtum admittum turpis est conventio: ante est turpissima. De actione de moribus illud etiam est notandum, quod ait Senatusconsultum, ei posse obijci compensationem lenocinii: hoc est verum; non recte agit de moribus, qui ipse lenocinium uxori præbuit. Et ita species proponitur. Divortio facto mutuo egisse de moribus virum & uxorem, viro dicente divortii causam dedisse uxorem, & contra uxor affirmabat idem de viro. Iudex pronuntiavit: causam utriusque divortii dedisse videri, quod notandum. Cum autem ita pronuntiavit iudex, quid significatur his verbis? Compensationem locum esse: ergo maritum nihil posse retinere ex dote ob adulterium mulieris, cum ille causam adulterii dederit; paria delicta, inquit, mutua compensatione tolluntur, τὰ ἰσα πλημμελήματα ἀντιπολλοῦνται, ut est in Basil. Et similiter in *l. cum mulier, hoc tit.* ponitur, mulierem adulteratam lenocinio mariti, & ait, eum nihil ex dote retinere: cur enim improbat mores uxoris, quos ipse ante corrupti, aut post probavit? Lenocin- igitur non habet retentionem dotis: an habet petitionem, hoc est, potestne agere de moribus? Minime: hoc sub- jicit *l. cum mulier, ex mente legis, scilicet Julæ, hoc esse, ut qui lenocinium probavit, non possit mulierem accusare de moribus. Non oportet accipere hunc locum de actioni criminali, sed civili: huic legi aliquo ob- staret *l. 2. §. si publico, de adulter. si uxor §. iudex, eodem:* in quibus offenditur, eam, quæ criminaliter accu- sata est adulterii a marito, non obijcere compensatio- nem lenocinii: allegare quidem lenocinium, sed non, ut fiat compensatio, neque fieri potest, sed ut oneretur ma- ritus. Allegatio lenocinii onerat maritum, sed non exo- nerat uxorem: quandoque uterque puniuntur. Non fit igitur compensatio mutui criminis. Mulier, quæ rea accusata est lege Julæ de adulter. non potest maritum accusare lenocinii iudicio publico, sed referre, hoc est, retorque- re, quod non est accusare: quæ res onerat maritum, nam efficit, ut damnetur etiam sine accusatore: quod non est novum, sed non excusat etiam mulierem. Et eleganter nostri auctores non relatione criminis, non recri- minatione criminis, sed innocentia purgari reum, ἀποκαθ- αίνειν πρὸς τὸν ὅτιον καθήρησιν ἢν ἔχον δικαστικὸν βου- λῆσιν. Id Nazianzenus in epistola quadam refert esse cautum lego judiciaria. Relatio ergo criminis non liberat, onerat tantum eum, in quo refertur, & potest mulier marito agente criminaliter ex *l. Julia de adulteriis*, ob- jicere non tantum crimen lenocinii, sed & adulterii, si dicat & ipsum fuisse cum alia muliere, in *d. l. si uxor, §. ju- dex*. Non ibi dicit Jureconsultus, ea verba esse ex rescri- pto, sunt tamen ex rescripto Antonini. Sunt innumera rescripta in Pandectis, quorum auctores tamen reticen- tur. Non solet vir accusari adulterii: quod Theologi probant, & sacre literæ, sed est relatio, hoc est, mulier, quæ accusatur impudicitie, potest & virum impudicitie redarguere, & eo casu punitur etiam adulterium mariti, & non fit compensatio mutui criminis. Dum non dis- tinguunt interpretes inter has duas actiones de mori- bus civilem, & legis Julæ de adulteriis, criminalem, in hoc diffidio pungunt se vehementer. Lex cum mulier admittit accusationem morum: dicta lex secunda non admittit. Et ita dirimenda lis in actione de moribus civili admitti compensationem criminum parium; in actione de moribus criminali non admitti. Et ne vi- deatur hæc differentia nova, observemus etiam non accusari maritum adulterii, nec a muliere, nec ab alio, *l. 1. C. ad leg. Jul. de adulter.* accusatur tantum de moribus civiliter, & punitur, ut diximus: & simili- ter heres ejus non agit de moribus contra uxorem de- functi. At post mortem mariti mulier potest accusari adulterii, *l. miles §. defunctio, ad leg. Jul. de adulter.* Ita tres sunt differentie inter actionem, & accusationem civilem de adulterio, & criminalem de adulterio. Possunt hæc accommodari ad cetera quamplurima, quæ antiquata non sunt. Actio de moribus hodie sub- lata*

blata est tit. *Cod. de repud. & judicio de moribus*; constat etiam sublatam retentionem ex dote, quæ competeat viro ob malos mores mulieris tam graves, quam leviores: retineri etiam non dotem totam, sed partem sextam tantum, eaque pars retinebatur, vel agente muliere rei uxoris: vel de dote, vel petebatur actione de moribus: retentio etiam subblata est, l. 1. §. *taceat*, C. de rei uxori. act. Inductum est aliud jus, nec data impunitis malis moribus. Imo gravius coerciti sunt mores conjugis, qui divortii causam dedisset: mulier enim, quæ causam dedit divortii, ipso jure amittit dotem totam, amittit etiam (quod obvenire solet mulieri ob donationem propter nuptias) emolumentum, quod ex casu divortii ad eam pertineret, si mores ejus causam dederit, si culpa mulieris factum fuerit divortium. Sic loquatur Juriconsul. ubi culpa significat dolum, aut violatam pudicitiam. In illum locum Virgilius: *Conjugium vocat: hoc prætexit nomine culpam*. Verbo juris, inquit Donatus, usus est. Et præterea ob adulterium tantum præstat mulier marito, quantum efficit tertia pars dotis ex Novel. 112. & 117. Longe igitur gravius hodie coercetur. Sublata poena hujus judicii, vel aucta, vel mutata, & judicium sublatum est, siue actio de moribus, non quod hodie liceat impune conjugii malos mores habere, male esse morigerum vel morigeræ. Ac similiter maritus ob mores malos amittit totam donationem propter nuptias, quæ est reciproca, quasi *emptio*: amittit lucra nuptialia & debita ex pacto dotali: solent enim esse paria, quantumque defertur lucra marito ex pacto dotis, tantum mulieri ex donatione propter nuptias, idque jus æquabile postulat. Si igitur cum altera uxore maritus probri quid fecerit, etiam præstat ex bonis suis ultra donationem, quam amittit tantum, quantum efficit tertia pars donationis propter nuptias, Novel. 134. Quid vero dicemus, si matrimonium fuerit sine dote, sine donatione propter nuptias, qui casus non erat comprehensus jure veteri, quia nullæ erant nuptiæ sine dote: ex constitutionibus, hoc est, ut possint nuptiæ sine dote: imo vero olim turpe estimabatur nubere eam, quæ non adfert dotem, nec estimabatur esse nupta, sed concubina potius aut injusta uxor: ex constitutionibus, hoc casu uterque ob mores malos præstat ei, quem offendit, quemque coegit ad repudium, quadrantem bonorum suorum, si modo quadrans non excedat legitimum modum dotis legis Papie, l. 1. C. Theod. de inoffic. dote. Et qui modus est dotis, idem est in donationibus propter nuptias. Et videtur ex leg. Papia hic fuisse modus dotis centena millia sestertia, & ita in l. cum de in rem verso, ff. de usur. dicitur decies centena, hoc est, decies centena millia sestertia nummum. Dicitur Athenagoras dedisse centena millia sestertia. Idem etiam testatur Juvenal. Et ritu decies centena dabuntur, Antiquæ, & alibi, bis centena dedit, &c. Et Martialis: centena decies tibi dedit dotis. Fuit satis magna hæc dos: exiguior fuit longe prisca ætate, & ut Valer. refert quarto capite: *Quendam Tatiam visam est maximam dotem attulisse, quæ dederat decem millia æris, cent æsus*. Et Senatus in gratiam Scipionis constituit quadraginta millia. Et ut idem scribit, Megalia mulier obtinuit nomen Dotatæ, quod super alias omnes mulieres ingentem dotem, videlicet quinquaginta millia æris (cing cent æsus) habuisset. Nam ut potius legatus 50. paupertas ejus seculi indicat. Nota est prisca paupertas, & locietas, & sedulitas, cui maxime studebant veteres. Et notandum est etiam locus Justin. de injur. ubi dicit in §. pena: *Propter os fractum nummaria: panis esse constitutus, ut in magna veterum paupertate*. Et ita etiam in l. 3. de suppellectile leg. ubi queritur, an suppellectile legata debeantur vasa argentea, ait hodie deberi: sed olim vasa argentea propter prisca seculi severitatem, non erant in suppellectile. Constat plerisque feneratorum, non erant in suppellectile. Constat plerisque feneratorum, quod possidebant millia pondus argenti facti vel auri, Plotarchus in Syll. Gellius l. a. Valer. lib. 2. Verum ad rem. Servatur modus dotis legitimus, non tantum in constituenda dote, sed etiam cum matrimonium fuit sine dote in mul-

A ctando eo, eave, quæ divortio causam dedit. Nam infer ei, quem læsit, quadrantem dotis, vel donationi propter nuptias: non excedit modum dotis centum librarum pondus auri. Item hodie certæ sunt causæ justæ repudii, quæ enumerantur in l. consensu & l. ult. C. de repud. nec licet alias adicere. Ante Pandect. Florent. in l. 7. de bon. damnat. male legabatur, *exheredari liberos certis ex causis*, quia ante ejus Novell. non fuerunt certæ causæ. Olim certæ non fuerunt causæ repudii. Et notandum, quod ait d. l. ult. quod actio de moribus etiam minus olim frequentabatur, quod non est usquequaque verum. Nam hoc ita intelligendum est, minus fuisse frequentatam actionem de moribus agente viro, maxime ob mores graves: Nam unusquisque malebat accusare criminaliter de adulterio, quam civiliter de moribus: qui eligit criminale judicium, consumit civile. Ita etiam hodie actio furti in duplum vel quadruplum, non frequentatur, quia extra ordinem criminaliter agitur, l. interdum, §. qui furem, de furt. Hodie omnia judicia sunt extraordinaria, quanquam, si quis vellet agere ordinarie, liceret, sed minus frequentatur jus legitimum: eligentes autem extraordinaria, ordinario decidunt, & ita quod hodie non fit actio furti in quadruplum, est ex jure: quod non appelletur, non est ex jure. Et quod hodie a poena appelletur, videtur non esse ex jure, alioqui appellatur a lege. Nam poena irrogatur lege, multa extra ordinem: a multa licet appellare, a poena non licet; hodie a poena licet appellare, quia non est contra jus; quia omnis poena est extraordinaria, vel arbitraria. Et simili modo, si dixeris, hodie nullum esse imperium merum, omne esse mixtum, etiam jus gladii tacite sequi magistratum. Imperium autem merum nominatim lege deferbatur, vel plenissimum, vel ex parte tantum, ut jus deportandi, non relegandi, vel jus gladii, non adjecto jure deportationis: sed hodie omne imperium est mixtum jurisdictione.

Ad L. LXI. Solutio mat.

Dotalet servum, vir in vita uxore manumisit: heres solus vir a liberto institutus hereditatis portionem, quam ut patremus consequi possit ac debeat, restituere debet: alteram vero portionem dotis judicio si modo uxor manumittenti refragatur.

Jura ad quæst. l. 61. vir non potest alienare fundum dotalet invitæ muliere ex l. Jul. ex constit. Justin. ne volente quidem muliere: lex vel constitutio loquitur de fundo, & facile trahitur ad domum, ut l. 12. tab. de usucap. fundi, trahitur etiam ad domum: lex, inquam, loquitur de fundo, de prædio, non de servo dotali: nam maritus quasi dominus constante matrimonio, si sit solvendo, potest manumittere servum dotalet, vel in testamento, vel inter vivos, & valet libertas etiam invitæ muliere, videlicet si maritus fuerit solvendo, si reddendæ dotis fuerit idoneus, aut estimationis dotis: sed si non fuerit solvendo maritus, & manumiserit servum dotalet, sane si in fraudem creditorum, (videtur autem semper fraus intercessisse, si non est solvendo debitor) non valet ipso jure libertas ex l. Ælia Sentia. Sed si non manumiserit in fraudem creditorum, id est, ut ait l. servus dotal. de manumiss. Si alios creditores non habuerit, etiam ipso jure non valet libertas ex l. Julia, quæ vetat manumitti servum dotalet ab eo, qui solvendo non est. Nam quando maritus solvendo non est, dos statim debetur etiam constante matrimonio, l. si constit. in princip. hoc tit. l. 3. C. de jur. dot. l. 1. & ult. C. de ser. pign. dat. manum. Nunc fingit: maritus, qui erat solvendo constante matrimonio servum dotalet manumissit, rata est libertas, & habetur pro patrono, l. intestato, §. 2. de suis & legi. valet etiam invitæ muliere facta fuit. Sed alia in re multum interest, volente an invitæ muliere manumiserit. Nam si volente & donante maritus servum dotalet manumiserit, valet donatio inter vivos & uxorem, quia non locupletat maritum. Nam qui acquirit libertum, non videtur locuples fieri: si, inquam,

ser-

servum dotalem manumiserit, non tenetur restituere, quod ad eum pervenit ex bonis liberti, si pervenit jure patronatus, si vero alio jure: quod ostenditur in l. seq. & l. 53. Quod si in invitam manumiserit, valet quidem libertas, sed an restituere debet ea, quæ a liberto ad eum perveniunt? Finge: qui erat solvendo (quæ est species l. l.) servum dotalem manumisit invitam muliere: libertus eum heredem ex asse instituit. Quæritur, an omnia bona liberti debeat restituere mulieri? Concludit Papinianus, restitui omnia debere, sed diverso actionis jure. Nam portionem bonorum liberti, quam ut patronus consequi potuit, id est, legitimam debitam patrono, quæ portio fuit semis bonorum, hodie est triens, hanc inquam portionem restituere tenetur uxori, quia invitam manumisit. Qua actione? Conditione ex l. Julia, quæ dabitur etiam constante matrimonio. In l. 65. hæc actio, id est, conditio ex l. Julia, de qua tractant superiores leges & ita in l. filius, §. ult. ad l. Corn. de fals. appellatur; conditio illa ex l. Julia datur etiam constante matrimonio, non est interpretandum de actione mandati, ut alii, aut negotiorum gestorum, aut actione de dote, sed de conditione ex lege Julia: & hoc exemplum addendum est ad tit. de conditi. ex lege. Aliam vero portionem tenetur restituere uxori actione de dote: ergo soluto matrimonio, non constante: nec enim nascitur actio de dote constante matrimonio, nisi in casu d. l. constante, in princip. & in casu legis 1. de repud. quia ex dote causa lucrum illud ad eum pervenit, & quia invitam nomen est ambiguum: Nam dicitur invitum, qui contradicit palam: vel invitum est, qui tacet, qui non consensit palam: nam taciturnitas aliquando imitatur consensum, aliquando dissentium, de qua re non potest certa regula constitui. Papin. in hac lege interpretatur invitam mulierem, si modo uxor manumittenti refragatur. Ergo in hac lege, invitata est, qui contradicit palam, alioqui pro consensiente habetur, quod evenit & in aliis casibus, l. 1. C. de servo pigriori dato, adhibita l. 1. C. de remis. l. 2. §. voluntate, hoc tit. l. mand. l. 6. C. de nupt. Non sunt justæ nuptiæ, quæ sunt invito patre, id est, prohibente, contradicente. Nam si taceat, velle videtur, & in l. 7. de sponsal. Alias invitum est, qui non suffragatur, qui tacet, atque ideo taciturnitas imitatur dissentium, l. invitum, de servo. ubi. l. si eo jure, §. 1. de ritu nupt. l. 1. C. de testaur. l. 10. & l. filiusfam. 9. §. invitum, de procurat.

Ad §. Papin. L. VII. Solut. matrim.

Papin. lib. 11. questionum, divortio facto fructus dividi ait, non ex die locationis, sed habita ratione præcedentis temporis, quo mulier in matrimonio fuit: neque enim si vindemia tempore fundus in dotem datus sit, eumque vir ex Calend. Novemb. primis fruendum locaverit, mensis Januarii suprema die facto divortio, retinere virum, & vindemia fructus, & ejus anni, quo divortium factum est, quartam partem mercedis, æquum est: alioquin, si coactis vindemiis, altera die divortium intercedat, fructus integros retinebit. Itaque si fine mensis Januarii divortium fiat, & quatuor mensibus matrimonium steterit, vindemia fructus, & quarta portio mercedis instantis anni confundi debebunt, ut ex ea pecunia tertia portio viro resignatur.

Explicanda nobis ex quæstio l. 7. §. Papin. sol. matr. de fructibus fundi dotalis proratione dividendis inter virum & uxorem soluto matrimonio, quæ est quæstio vexata ab omnibus interpretibus tam veteribus, quam novis: & a veteribus sane consensu, quam a novis: quam incipere necesse est ab hac juris definitione certissima. Fructus extremi anni, quo divortium factum est, dividi inter virum & uxorem pro rata temporis, quo eo anno matrimonium stetit: ut si eo in anno stetit mensibus quatuor, fructus dividuntur inter virum & uxorem pro triente & besse, trientem retinet vel petit maritus, bessem repetit uxori judicio dotis, quod fit quasi augmentum dotalis fundi: & annus incipit modo a die traditi fundi do-

talis modo a die nuptiarum: annus incipit ex die traditi fundi dotalis, non ex die nuptiarum, non ex die promissionis, si traditio secuta sit nuptias, vel conventionem dotis: hoc enim casu annum non numerabo a die nuptiarum, sed a die traditi fundi dotalis, quando traditus est post nuptias, l. 5. hoc tit. In qua sciendum, ne quis erret, & erravit in verbo *constituere dotem*, bis facit mentionem in ea lege constituta dotis, sed in priore loco aliud significat constituta dos, in posteriore aliud: Nam in priori loco est dos dicta vel promissa. Et ita etiam videtur scriptis Ulpianus in d. l. 5. *dotis dicta*, non *constituta*; non constituitur enim verbis, sed re, quia dictio dotis erat sublata: substituit Tribon. dotis constitutionem: posteriori autem loco dos constituta est, cujus possessio traditur, ut interpretatur etiam Ulpianus, dote constituta, id est, tradita possessione, quoniam id ante non eodem significatu dixerat: in jure semper constituitur dos traditione rei, non verbis, l. si socius pro filia, pro soc. & aliis locis: Si ergo dos sit tradita post nuptias, annus numeratur ex die traditionis: sed si ante nuptias, annus numeratur ex die nuptiarum. Nam fructus ante nuptias ex ea dote percepti augent dotem, & sunt restituendi mulieri, quasi pars dotis soluto matrimonio, l. 6. hoc tit. l. videamus 38. *Sante matrimonium, de usur. l. dotis 2. §. 1. l. si servo in dote, de jur. dot.* Et ita annus alias incipit ex die traditi fundi dotalis, alias ex die nuptiarum. Ex die traditionis incipit, si traditio fuit posterior matrimonio. Exempli gratia: si contractæ sunt nuptiæ Cal. Januar. & dos tradita est Cal. Decemb. divortium autem factum est pridie Cal. Januar. vel Cal. Januar. Maritus ex fructibus fundi dotalis retinebit tantum pro rata unius mensis, quia numerando annum a die traditæ dotis, uno tantum mense stetit matrimonium. Et hoc est certissimum. Vexum additur exceptio hæc a quibusdam, nisi moram fecerit mulier in tradenda dote. Hoc enim casu inquirunt, ex mora annus computabitur, non ex dote tradita: quam sententiam improbo: quia in strictis judiciis, neque usura veniunt ex mora, neque fructus: moram creat interpellatio, conventio creditoris, etiam si fiat extra jus judiciumve: hoc est certissimum. Ergo multo magis moram creat litis contestatio: hæc est certior mora, id est, interpellatio judicialis: sed & illa est mora. Dices, fateor non venire usuras ex mora in strictis judiciis, id est, ex interpellatione judiciali. Dubito an non veniant ex lite contestata: non abs re. Nam fuit hac de re controversia inter Sabinianos & Proculianos. Procul. volebant nec venire usuras, nec fructus ex lite contest. Sabinianorum tamen sententia obtinuit, ut ex lite contestata in strictis judiciis veniant fructus tantum, non usurae, non jure, sed æquitate, ut ait l. videamus, §. si actionem, de usur. l. 8. de re jud. l. 2. C. de pot. hered. Et fructus veniunt ex lite contestata, usurae non veniunt, quia non ex rebus, quæ in judicium veniunt percipiuntur: sed ex obligatione civili percipiuntur, l. usura 121. de verb. signif. Stricto judicio dos debetur marito veluti ex stipulatione dotis: jure veteri ex ditione dotis, quæ erat solemnibus obligatio, & præcipue recepta in dotium causa, & hodie ex pacto nudo, ex pollicitatione, ex quibus causis paratur actio stricta. Ergo in hac actionem non veniunt fructus vel usurae: nisi fructus post litem contestatam. Mulier autem repetit dotem judicio bonæ fidei, & in judicio bonæ fidei veniunt fructus etiam sine mora, l. videamus, §. pen. de usur. usurae non veniunt nisi ex mora. Et hoc omne est retinendum memoria: nam sepe fallimur, & usum habet quotidie, atque adeo debet esse nobis in numero. His addendum est, superiori sententiæ de dividendis fructibus pro portione, ita demum locum esse, si divorcium fiat bona gratia: nam si fiat culpa mariti, maritus tantum restituit ex fructibus fundi dotalis, quantum ex eo quadrienno redigitur, quod scripsit Ulpian. de dotibus. Non dividuntur ergo fructus extremi anni, cum retro quadriennio maritus ob culpam eos reddat ob mores. Quod si culpa uxoris fiat divorcium, hodie retinet totam dotem, ergo & fructus dotis.

Sed

Sed ita demum superiori sententiae de rata fructuum locus est, si fundus dotalis fuit inestimatus, qui proprie est dotalis, ut ait Justinianus in *l. unica, §. itaque, C. de rei uxoris act.* Nam si fundus fuit estimatus, non est proprie dotalis sed emptus: estimatio est quasi emptio, & quasi emptor maritus fundi estimati sustinet dispendium, atque compendium, & periculum omne. Idcirco fructus ad eum pertinent jure perpetuo etiam post divortium, & liberatur pretio fundi dotalis, de quo convenit initio. Itaque questio hujus *l.* pertinet tantum ad fundum dotalem inestimatum. Item superiori sententiae locus est cum hac exceptione, nisi convenerit inter virum & uxorem, ut extremi anni fructus, nondum percepti mulieris lucro cederent. Namque potestate conventionis omnes cedunt mulieri, quos non percepit maritus tempore divortii, *l. pen. de pact. dot.* Item superiori sententiae locus est divortio soluto matrimonio. Idemque erit morte mariti soluto matrimonio, quo casu reddenda est dos mulieri cum fructibus pro rata ejus temporis, quo fletit matrimonium, ab herede mariti, vel a socero, quod ostendit *§. interdum, hac lege.* Idem etiam erit morte mulieris soluto matrimonio, si dos fuit profectitia, quia reddenda est patri cum fructibus: similiter servata eadem ratione divisionis & temporis. Sed non idem erit, si dos est adventitia, & finiat matrimonium morte mulieris: nam hoc casu dos remaneat apud virum: ergo & dotis fructus qualescunque, & quocunque tempore percepti, *l. mulier, de condit. infit. l. 5. de bon. dam.* Cornutus in Perium etiam hoc probat his verbis: *Dos* (inquit) *a civis Romano data, non patri dicta morte, id est, non profectitia, si non divortium intervenit post mortem mulieris, apud maritum remanet.* Probat etiam superior sententia præter hunc paragrafum, Papin. etiam *l. cum in fundo 78. §. divortia, de jur. dot. quæ etiam usus. dato in dotem, nominatim ait, fructus divortio facto dividi pro rata ejus anni, quo divortium factum est.* Probat etiam *§. sed novis, C. de rei uxoris act.* ubi Thalelaus hoc utitur exemplo, quod perquam depravate Latine Gentianus Hervetus reddidit. Exemplum tale est, Fundus dotalis post nuptias traditus est Calend. Sept. vel post traditionem fundi nuptias contractæ sunt Calend. Septemb. a die traditi fundi, vel a die nuptiarum, matrimonium fletit decennio, & undecimi anni mensibus 8. namque divortium factum fuit pridie Calend. Mart. anno undecimo. Omnes menses matrimonii sunt 128. quot retinebit maritus ex fructibus? proculdubio retinebit fructus decennii, quia tamdiu sustinuit onera matrimonii, & ex undecimo retinebit bessem, restituet mulieri trientem: ergo æquum est, ut fructus dotis percipiat pro rata ejus temporis: Quid est dos? Pensatio onerum matrimonii. Et ideo absolute a Martino Capella dicitur *reponsatrix*, & in hac provincia dos vocatur *versuta*: nec alia est ratio repetitionis dotis constante matrimonio quam si maritus non sit solvendo, sit impar oneribus matrimonii ferendis, aut periculum sit ne fiat impar, *l. si constante, in princ. hoc tit. §. l. servus dot. de manum.* Et ex eo beneficio *l. si constante*, non tantum est repetitio dotis, sed etiam petitio. Est repetitio adversus maritum manente matrimonio, si non sit solvendo, vergentem ad extremam egestatem, & propemodum profligatis rebus dotalibus: alioquin maritus non tenetur, nisi in id quod facere potest. Sane soluto matrimonio non tenetur, nisi in id quod facere potest, & multo minus manente matrimonio: sed hoc est, pro majori beneficio: est etiam vindictio dotis, si re rerum dotalium per directam vindictionem, vel hypothecam adversus extraneos possessores etiam manente matrimonio, *l. ubi, C. de jure dot.* Et in eo magis apparet beneficium *l. si constante.* Sed pergamus & confirmemus adhuc magis superiorem sententiam, quæ est veluti arx totius disputationis. Probat etiam *l. etsi maritus §. ult. hoc tit.* Et ex *d. §.*

ult. potissimum intelligitur, analogiam illam fructuum augere dotem, id est, pro rata temporis, quo postremo anno mulier in matrimonio non fuit: unde sic de finire licet: fructus percepti ante nuptias augent dotem: fructus etiam post nuptias augent dotem pro rata temporis, quo divertit. Postremo comprobatur a Paulo in Sentent. lib. 2. Sed questio videamus quibus verbis? ait fructus fundi dotalis constante matrimonio perceptos, lucro mariti cedere pro rata anni ejus, quo divortium factum est: hoc est certum in fructibus perceptis. Quod est certius, eo loci Paulus proposuit. Sed addere etiam oportet, habendam rationem fructuum pendientium extremo anno: non tantum veniunt in contributionem fructus percepti a marito, sed etiam pendentes, *§. inter, h. l. §. l. si filius 23. §. ult. sol. mat.* quod indicat *l. pen. de pact. dot.* dum ait, *Pactis conveniri posse, ut fructus nondum percepti, id est, pendentes cedant lucro mulieris.* Detraçto igitur tali pacto, fructus non omnes cedunt mulieri, sed dividuntur servata temporis ratione, quo extremo anno fletit matrimonium. Etiam notandum est illud, fructus, in hoc proposito, & alias semper intelligi in jure deductis impensis factis fructuum causa. Et eleganter dicitur in *l. fundus qui dot. sam. erisc.* nullum casum intervenire, qui impediatur hoc genus deductionis, vel compensationis, id est, nullo casu venire, ut impense factæ fructuum gratia non compententur: fructus sunt in lucro: non sunt autem in lucro, quatenus conveniunt cum sumptuum quantitate: ergo non sunt fructus: nullus, inquit, casus intervenire potest, qui impediatur hoc genus deductionis. Est tamen unus in *l. ult. C. de fund. rei private lib. 11.* Si quis emerit fundum rei private Principis inficiens, sine dolo malo, nihilominus restituit fundum, non habita compensatione expensarum cum fructibus: restituit igitur fructus omnes sine deductione meliorationum. Ergo ut me recipiam ad id, quod inceptam dicere, cum dicimus, fructus esse dividendos, eos dicimus, qui supersunt deductis sumptibus: prius habenda est ratio sumptuum, deinde facienda eorum qui supersunt divisio: hoc refertur in initio hujus legis. Sævola dicebat pertinere tam ad sumptus factos a muliere fructuum gratia ante nuptias, vel traditam dotem, quam ad sumptus factos a viro ante vel post nuptias. Nam uterque suorum sumptuum deductionem habet. Finge: mulier pridie fructibus fundum in dotem dedit, mox a marito collectis vindemiis divertit, atque ita uno tantum mense constitit matrimonium: fecerat mulier in colenda vinea sumptus, fecerat & maritus in colligenda vindemia: mulier impendit 4. vir 2. solidos, fructus vindemiæ sunt 18. quid fiet? ante omnia ex fructibus deductæ mulier quæ impendit, vir autem 2. reliqua erunt 12. quæ ita dividuntur, ut mulier habeat 11. maritus unum duntaxat. Et hoc ita proponitur initio hujus legis, cum uno tantum mense fletit matrimonium. Quid si pluribus annis fletit matrimonium, & uxor, antequam fundum traderet, aliquid impenderit in ejus fructu culturam? eadem ratio servabitur. Nam ante omnia soluto matrimonio, id est, antequam fiat divisio fructuum, implere mulieri sumptus debet: Et hoc est, quod ait initio *l. 7.* necesse esse primi anni computari tempus: id est, rationem haberi temporis primi anni, quod sit ante prædium datum, ratione scilicet impensarum quas mulier fecit, etiam si pluribus annis matrimonium fletit. Nam vetustas temporis non potest mulieri adimere deductionem impensarum. Species hujus §. hæc est, mulier tempore vindemiarum, id est, Cal. Octob. dedit vineam in dotem, mox maritus collegit vindemiam, & vineam locavit ex Cal. Novemb. & matrimonium solutum est suprema die Januarii, atque ita matrimonium fletit 4. mensibus tantum, numerando, ut oportet, a die traditi fundi: Queritur, quantum retinere maritus ex fructibus possit? Et dubitatur, an possit integros vindemiæ fructus retinere, quos sustulit, & pensionis, quia a die locationis matrimonium fletit tribus mensibus tantum, id est, quadrante anni, an inquam,

maritus possit retinere integros fructus vindemiæ quos sustulit, & præterea quartam partem mercedis locationis, quia a die locationis stetit tres menses? *ait*, annum non computari a die locationis, sed a die traditi fundi. Atque ita computando, matrimonium stetit 4. mensibus, id est, triente anni. Ergo non debet retinere, nisi trientem fructuum. Qua de causa non confundemus fructus, fructus scilicet vindemiæ, & pensionis trium mensium, qui cesserunt: reliquorum mensium, qui non cesserunt, non confundemus. Et ita confusa vindemia, & mercis quarta, dabimus trientem marito, quia tertiam quoque partem anni cum uxore vixit: reliquum restituet mulieri. Et hoc ostendit ab absurdo, ut refellat eos, qui contrarium sentiebant, & dicebant, maritum retenturum fructus vindemiæ, cum non debeat retinere, nisi trientem vindemiæ, & trientem quadrantis pensionis confundi cum vindemia: Nam si maritus non locaverit vineam, sed legerit tantum vindemiæ, & altera die divortium fecerit mulier, integros an retinebit fructus? minime. Eadem absurditas intervenit si locaverit, si non toto anno, sed quatuor mensibus stetit matrimonium. Verba sunt planissima, sed fundanda, & confirmanda sunt: exponenda nunc sunt ea, quæ diximus, diligenter. Mulier pendente vindemia fundum in dotem dedit Calen. Octobr. mox lecta uva, sublata vindemia, maritus eundem fundum locavit ex Cal. Novemb. ejusdem anni, & divortium est factum suprema die mensis Januarii, pridie Cal. Feb. atque ita matrimonium stetit 4. mensib. Queritur quemadmodum fructus ejus anni sunt dividendi inter virum & uxorem? Et quia matrimonium stetit 4. mensibus, ex sententia Papin. maritus retinebit tertiam partem ex mercede quæ cesserat & debebatur tempore divortii, id est, ex quarta parte mercedis, æque maritus retinebit tertiam partem. Separatim igitur ex vindemia retinet tertiam partem, ex quarta parte mercedis etiam tertiam partem, vel confusa vindemia cum quarta mercedis parte, retinebit tertiam partem. Consultantur Mathematici: respondebunt, nihil esse æquius distributione Papiniani. Cum verba sunt clara, quid jurgamur? Cur in inquirenda ratione sententia, quam verba præferunt, non laboramus? Eam distributionem defendit Joan. Buteo adversus Accurs. & Alciatum, secundum Papin. proportionem Geometricam, quæ servatur in distributionibus. Arithmetica servatur in commutationibus, quam tamen Geomet. scilicet non servat Franc. Accurs. cum scribit contra Papin. verba manifestissima. Proportio Arithmetica est, cum est idem excessus, ut idem est excessus 3. ad 4. qui 2. ad 1. nam utrobique major numerus exuperat uno. Geometrica est cum non est idem excessus, sed eadem ratio proportionis, ut eadem est ratio 8. ad 4. quæ 16. ad 8. nempe dupla: nam in 8. insunt bis 4. & in 16. insunt bis 8. Denique eadem est proportio octo ad 4. quæ ad 16. Servatur & proportio hæc, cum mulier extremo anno inupta fuit mensibus octo, nupta quatuor. Sic ex vindemia, quæ est 24. marito relinquuntur 8. mulieri 16. quæ est eadem proportio, quæ in iisdem mensibus, quibus vel nupta fuit vel inupta, in distribuenda vindemia. Et similiter ex quarta parte mercedis locato fundo 12. (puta) marito relinqueretur unum, id est, tertia pars quartæ partis, mulieri duo, quæ est eadem proportio. In videamus quæ obijciuntur sententia Papiniani. Hic vult, in divisionem venire portionem mercedis tantum, id est, quartam partem mercedis, quæ cesserat, & debebatur tempore divortii. Si maritus fundum locaverit 12. vult dividi 3. mutuos, ita ut maritus unum habeat duntaxat, mulier 2. Contra in §. *seq. e contrario*, & §. *item si messis*, ostenditur, totam mercedem in contributionem venire, & divisionem fieri pro rata temporis, quo matrimonium stetit: ergo pro rata quatuor mensium, est locatio non capiti primo mense, sed secundo: debuit igitur in divisionem venire non quarta pars mercedis, sed tertia, id est, quarta nummi. Nam non spectamus, quid tempore divortii debebatur, sed quid debebatur, ut recte Florent. scriptum est in §. *e contrario*: Recte & hoc, ut planius intelligamus,

A sciendum est, in divisionem venire non tantum fructus perceptos, vel pensiones locationum, quas maritus accepit, quæ pro fructibus accipiuntur semper in jure, sed & pendentes, stantes & omnem omnino spem futurorum fructuum, futurarumque pensionum habita ratione proportionis anni, quo divortium factum est. Qua de causa mulier, cui redditur fundus stantibus fructibus, cavere solet ex fructibus, quos perceptura est, redditum iri marito pro portione matrimonii temporis, §. *in verum*, h. l. & præterea solet eum indemnem præstare adversus conductorem, cui maritus forte locavit in longum tempus: & e contrario maritus cavet quidquid acceperit, consecutusque fuerit ex mercede, id se redditurum mulieri pro portione ejus temporis, quo divortium factum est, l. *filiosam*, §. *ult. hoc tit.* Et apertissime in §. *non solum*, h. l. ait, haberi rationem fructuum, non tantum temporis, quo percipiuntur, sed etiam totius temporis quo servantur. Igitur spem etiam in divisionem venire nondum perceptorum fructuum pro rata temporis, quo mulier in matrimonio fuit, & quo fundus dotalis fuit. Et idem etiam ostendit §. qui sequitur, & §. *item si messis*. Species est: Mulier sublatis vindemiis statim fundum dedit in dotem, puta Calen. Octobr. & vir eundem fundum locavit Calen. Mart. & divortium subsequutum est Calen. April. atque ita a locatione stetit matrimonium uno mense tantum, a traditione fundi dot. sex mensibus: an dicemus a locatione pensiones locationis ita dividi, ut maritus tantum habeat duodecimam partem pro rata unius mensis, qui cecidit a locatione? minime: quandoquidem etiam ratio habenda est præteriti temporis, quo mulier in matrimonio fuit, & quo dotale prædium fuit. Igitur ex mercede, vel ex specie futura mercedis ejus anni, maritus retinebit aut repetet dimidiam partem: quod aperte ostenditur in §. *e contrario*. Et inde colligimus tria. Primum est, fructus vindemiæ captos a muliere ante traditum fundum dotalem, non venire in divisionem, sed lucro mulieris cedere, quia capti sunt ex fundo nondum facto dotali: quod ostenditur etiam in §. *item si messis*, in fine. Item colligo ex specie §. *e contrario*, non ex die locationis, quasi novum annum incipere, sed unum esse annum matrimonii, eumque incipere a die traditi fundi, si traditus sit post nuptias, vel a die nuptiarum, si traditus fuit ante nuptias, l. 5. & §. 6. *sup.* Tertio intelligimus ex eo in divisionem venire non tantum mercedem unius mensis, quæ debebatur tempore divortii, sed & spem futura mercedis, quæ debebatur pro portione anni, quo matrimonium stetit. Quæ tria etiam licet colligere ex §. *item si messis*, quem nescio an quis explicaverit bene. Verba §. *item si messis*, angusta sunt nimis, & maxime pressa, ut putem hæc omnia esse relata ex Papin. ad Ulpian. usque ad §. *ob donat.* Græci cum paragraphum non intellexerunt, imo etiam corruerunt legentes, *mensis* & *mensium*, pro *messis* & *messium*. Verum ut intelligatur, sciendum est in hoc §. 1. & in tota hac lege, fundum non esse vineam simpliciter, sed arbutum, quod fert & messes & vindemias, & poma, & nuces, ut in Italia unus fundus habet hæc omnia. Species est: Mulier perceptis etiam vindemiis (ut posuimus ante) statim fundum dedit in dotem Calen. Octobr. & vir eum locavit ex Calen. Mart. sub hac lege, ut conductorem sequeretur tam messes, quam vindemias. Poni potest varie species hujus §. sed hoc modo convenientius: Adde, matrimonium stetit mensibus decem a die traditionis, atque ita matrimonium solum fuisse mense Augusto: post messes igitur & ante vindemias maritus percepisse mercedem messium, uxorem percepturam mercedem vindemiarum: quæro quomodo fiet divisio horum fructuum? Et hoc significatur in §. *item si messis*, ex mercede messium, quam maritus percepit, mulierem habituram sextantem, quia sexta tantum pars ejus anni inupta fuit: ex mercede autem vindemiarum, quam mulier percepit, marito præstabit sextantem, atque ita sit computatio a die traditionis, non a die loca-

cationis; & vindemiæ percipere a muliere antequam haberet, non veniunt in divisionem; & spes futura vindemiæ venit in divisionem pro portione anni sive mercedis pro vindemia. Et id est quod ait d. §. cum spe futura vindemiæ. Cyrillus ita interpretatur hunc §. §. si, inquit, post menses, & ante vindemias dirimatur matrim. & ego (maritus sc.) mulieri rationem reddo mensem, & ipsa mihi rationem vindemiarum. Valde fuit necesse hæc explicare, sed quod incepimus absolvimus, i. e. objectionem. Cur in specie §. Papin. in computationem non venit spes futura mercedis pro rata temporis, quo matrimonium statuitur? Cur venit tantum in computationem quarta portio mercedis? quis non dixerit hoc pugnare cum iis, quæ sequuntur? Resp. In computationem venit spes futura mercedis pro modo temporis, quo statuitur matrim. si post traditionem vel post nuptias nulli alii fructus fuerint; puta, quod mulier vindemiavit fundum antequam traderet vel nuberet: Nam si fuerit fructus aliquis ante locationem, & ante nuptias, vel traditionem, ut in specie §. Papin. hoc casu non est æquum, ut omnis spes futura mercedis veniat in contributionem, sed id tantum, quod a locatione in diem divortii ex causa locationis debebatur. Est & aliud, quod objicit Papinianus. Extremi anni fructus tantum veniunt in contributionem, l. 5. & 6. h. tit. l. pen. de pact. dot. Et videtur Papinianus etiam dividere fructus penultimi anni, id est, fructus vindemiæ. Nam fructus vindemiæ videntur esse penult. anni, mercedes ultimi tantum: cur servat analogiam etiam in penultimo anno, cum tamen servetur in ultimo tantum? Hac ratione moti aliqui, quos Papinianus refutat, dixerunt, maritum integros fructus vindemiæ lucrari, & mercedis partem quartam, cum a locatione anni quarta parte statisset matrimonium. Cur dicebant fructus penultimi anni in computationem non venire? quia ea analogia non servatur, nisi in ultimo anno. Cur dicebant eum lucrari quartam partem mercedis? quia ultimus annus incipit a die locationis, & eo anno ultimo matrimonium statuit mensibus tribus, id est, quarta parte anni. Sed hos dum refellit Papin. satis ostendit, non esse constituendos duos annos, sed unum tantum. Incipit enim annus a die traditi fundi seu nuptiarum. Ergo eadem die desinit, nec unus annus scindi potest in duos: si annum computas a collectis vindemiis, qui sunt plerumque ultimi fructus, ut solent computare quidam; si ita computas annum a collectione frugum, duo sunt anni: priori finem dant vindemiæ, posteriori initium dat locatio: sed male computas. Nam ut proposuit ante l. 5. & 6. annus est computandus ex die nuptiarum seu traditionis, non ex die conventæ dotis, non ex die locationis, quæ est posterior traditione fundi totalis: & ideo (quod notandum maxime) si is annus, qui incipit ab eo die, id est, traditione, expleatur in matrimonio, etiam si maritus bis perceperit vindemiam, omnes fructus lucrabitur. Fieri potest, ut statim post traditum fundum colligat vindemias, & ut eodem die, vel postmodum ejusdem anni colligat etiam vindemias, moxque discedat ab uxore: & si bis perceperit vindemiam eo anno, omnes fructus lucrabitur, quia totius ejus anni onera matrimonii subiit. Papinian. ait confundi fructus vindemiæ cum quarta parte mercedis: quod demonstrat non tantum vindemiæ & locationis confundi fructus, sed etiam annos, quia videbantur duo, & cogi in unum; Itaque si anno, antequam fuerit dissidium inter conjuges, bis collegerit vindemiam, dicam utramque vindemiam esse unius anni, quia non duos, sed unum facio annum. Annus varie computatur pro materia subiecta, & vulgo hodie etiam alii a Cal. Mart. alii alio modo incipiunt annum. Et notanda est valde ratio, qua utitur Papinianus adversus eos, qui contrarium sentiebant: sic argumentatur. Si annus ultimus computatur post collectionem fructuum a die locationis, id est a Calend. Novemb. computabitur ergo etiam ab eo die non facta locatio, quia post vindemias desinit annus penultimus, & incipit ultimus, & conse-

A quenter, vindemiæ fructus integri pertinebant ad maritum, etiam postea die quam collegit vindemiam, solutum in matrimonium, atque steretis paucis diebus. Hoc inquit, est absurdum, nec ulli hoc admitterent; ergo nec illud. Erat tamen tolerabilior eorum sententia, quam sit novorum interpretum: quandoquidem volebant illi, quos refellit Papin. non servari proportionem in fructibus vindemiæ, quasi sint fructus anni penultimi: & eos integros igitur pertinere ad virum, & servari tantum in fructibus ultimi anni, qui incipit a fructuum collectione, Sed peccant dupliciter: primum, quod constituunt duos annos, deinde quod inducunt eandem proportionem in penultimo & ultimo, quæ inducitur tantum in ultimo. Aut ergo vehementer fallor, aut nemo est, qui non intellexerit, quod diximus heri de distribuendis fructibus pro rata ejus anni quo factum est divortium. Itaque non est quod diutius immorem in re tam perspicua, & refellendis aliorum opinionibus, & ut cum Aristotele dicamus, sultum est, stultas opiniones nimis anxie speculari. Igitur duo tantum nunc adnotabo. Primum quæ in hac l. 7. subiunguntur de eadem questione, quæ nondum attigi deinde exponam, in eadem ratio proportionis servetur inter fructuarium & proprietarium finito vel amisso usufructu, & inter alias quasdam personas, de quibus inferius. Quæ hæcenus diximus, de fundis sunt, quia ferunt fructus quotannis: sed sunt quidam fundi irrigui, in quibus fructus crescunt uberrimi, qui bis ferunt fructus in anno, aut bis vindemias: nihil est certius, horum fundorum fructus non dicemus dividi pro rata anni, quo divortium factum est, sed pro rata sex mensium, §. quod in anno h. l. contra sunt fundi quidam, qui non ferunt quotannis, sed post plures annos, puta qui ferunt quinquennium quoquo, veluti sylvæ cædæ, quæ non solebant olim cædi, nisi in quinquennium, hodie in quadriennium, l. ult. C. de servit. l. cum manum. 30. §. sylva, de cont. empt. Sylvæ igitur cædæ fructus non dicam dividi pro rata unius anni, sed pro rata quinquennii: quod etiam ostenditur in d. §. quod in anno, & si sit novalis ager, id est, qui alternis annis, qui uno anno cessat, & quasi requiescat, quod dixerō vervaustum & vervaum, cui opponitur terra cruda, hoc est, quæ nondum est præcisa aratione, en friche Novali etiam opponitur restibilis ager, qui fert quotannis, qui nunquam cessat, vel etiam, qui fertur biennio continuo spico aristato: quæ de causa patresfam. solent excipere in locatione, ne biennio continuo ager feratur spico aristato, sed potest feri quotannis uno fariceo spico, altero leguminibus: Si igitur totalis fundus novalis fuerit, hoc est, si ferat biennio quoquo duntaxat, non dices etiam dividi fructus pro rata anni, sed pro rata biennii. Eadem est ratio sylvæ cædæ & novalis agri: nam ut in sylva cædua spectas quinquennium, ita in novali spectas biennium. Etiam illud adnotandum est ex §. non sol. inf. in fructu esse non tantum menses, & vindemias, de quibus supra, aut pensiones prædiorum rusticorum, sed in fructu etiam esse lanam ovium, in fructu esse fectus pecorum, operas servorum, & ut additur in extremo hujus §. pensiones prædiorum urbanorum eadem ratione dividantur: Dubitabatur magis, an pensiones essent in fructu urbanorum prædiorum, & ob id in l. 36. prædior. de usur. omnino accipiuntur pro fructibus. Cur dubitatur de pensionibus urbanorum prædiorum? quia naturaliter urbana prædia non ferunt fructus: & ita in l. ancillarum 37. l. mercedes, de petit. hered. cum dixisset in l. ancillarum, pensiones prædiorum urbanorum venire in hereditatis petitionem, subiecit in l. mercedes, mercedes a colono acceptas, hoc est, pensiones prædiorum rusticorum locum fructuum obtinere plane, hoc est, absque dubio. De arboribus quærebatur, an essent in fructu, & ideo, an cederent lucro mariti pro rata temporis, quo mulier in matrimonio fuisset? nec potest generaliter constitui, eas esse in fructu. Nam si sit sylva data in dotem, distinguendum est: Aut

Aut est sylva cædua, aut incædua, hoc est, non cædua. Si sit sylva incædua, & maritus deciderit arbores ex ea sylva, deteriorem fecit fundum dotalet: glandem legere potest, arbores decidere non potest, sicut nec fructuarius. Imo vero, si viventorum dejectæ fuerint, non sunt lucro mariti, sed arbores sylvæ cæduæ sunt in fructu, non inciduæ arbores: gremiales sunt in fructu: alii gremiales indifferenter: quidam gremiales dictas putant, quod legantur in gremium. Ideoque in Basil. pro arbore gremiali, *ut in gremio sit fructus*. Estque illud verbum valde depravatum lib. 7. *Halicarn.* cum loquitur de filiis Coriolani, quorum unus, inquit, fuit annorum 10. alter fuit *interualle*, sed legendum est *interualle*, qui nondum poterat incedere. Etiam illud est notandum, quod proponitur in §. *si vir*, argentifodinas, aurifod. arenæ vel aluminis, vel cretæ fodinas esse omnia in fructu, subijci ea calculo, seu distributioni: de lapidicinis dubitat. Et ideo distinguit Papin. nam si lapis solet crescere, lapidicinis sane sunt in fructu: sed si non solet crescere, si inveniatur marmor in fundo dotali, & excidatur a viro, fit quidem viri quasi fructus, sed tamen non est in fructu, quia fundum fructuosorem non facit, cum non solet crescere, nec possit excindi plusquam semel uno in loco: ideoque impensam in eo marmore cadendo non potest maritus repetere, repetet impensas necessarias, & utiles, sed non impensas factas in eo marmore cadendo: quia in ea cæsurâ fundum fructuosorem non facit, *l. ult. de pæc. dotal. l. si ex lapid. de jure dot.* Qua de causâ ego docui in d. §. *si vir*, esse legendum, *lapidicinas marmoreas invenit, nec fundum fructuosorem reddiderit*. Nunc transferamus ad alterum. Quæro, quæ ratio dividendorum fructuum servatur inter virum & uxorem, an ea etiam servetur inter fructuarium & proprietarium? Et, ut jam aperui, eadem sane ratio videtur observanda, quam sententiam introduxit in feudis. Nam omnium opinio hæc est, & res est dignissima cognitâ, ut finito usufr. vel amisso fructus percepti cedant fructuario, fructus pendentes cedant proprietario: est iniquissima opinio, quod facile persuadebit. Sic igitur statuo: fructus dividi inter fructuarium & fructuarium pro rata ejus anni, quo finitus est usufr. *l. si operas 16. de usufr. l. 5. §. ult. si usufr. per.* Et hoc generaliter constitui volo, si sint percepti fructus, si pendentes, ut dividantur pro rata, & si percepti existant, si consumpti sint, & si percepti sint a fructuario, vel nomine fructuarii quos solos sibi acquirit, vel alius ejus nomine, §. *is ad quem, Inst. de rer. divis.* quæ servatur etiam in colono. Nam fructus, quos alius percipit & separat a solo, non nomine fructuarii, vel fructus qui sua sponte decidunt, non acquiruntur fructuario antequam eos apprehenderit. Et hac in re distat tantum fructuarius a domino; ergo & maritus, & a bonæ fidei possessore, ab emphyteuticario, quia ii fructus suos faciunt, quoquo modo terra separati sint, si modo eos apprehenderit, *l. qui sit, §. pen. de usufr. l. si fructus, quib. mod. usufr. amitt. l. 12. §. ult. de usufr.* Ergo tempore finito usufructu, si fructus pendente, si sint consumpti, dividendi sunt proportionem anni, quo usufructus extinctus fuit: nec est, cur nova ratio distributionis inducatur a fructuario. Et summa iniquitas est, perceptos fructus omnes relinquere fructuario, & pendentes pertinere ad proprietarium: aut certe distributio hæc non est. Contra hanc opinionem nostram duo obijciuntur: fructus pendentes finito usufructus tempore acquiruntur domino: ergo non veniunt in divisionem. Est tota vitiosa collectio. Nam & fructus pendentes divortio facto, mulieris sunt, & tamen eorum mulier rationem reddi vult, & deducuntur in divisionem: & similiter fructus pendentes capti usufructus tempore, sunt fructuarii, *l. si pendentes, de usufr.* & tamen, si paulo post extinguatur usufructus, quam cepit, debetur ex eis fructibus portio fructuum proprietario: dominum non impedit divisionem pro rata, & in partitionis rationem veniunt. Et similiter bonæ fidei possessor facit fructus suos, quos curavit & percepit bona fide: verum domino vindicante

Tom. IV.

A rem, eos fructus bonæ fidei possessor facit suos, qui bona fide consumpti sunt: si extent, tenetur restituere domino, non minus quam pendentes, *l. certum, C. de rei vind.* Et nihil est frequentius, quam ut cogamur rem, quæ nostra est, vel communicare aut contribuere. Obijciunt *l. defuncta, ff. de usufr.* Cur vero errorem hunc creavit ista lex sola? quia nescierunt speciem ejus legis. Species est: Fructuarius locavit fundum ex Kal. Mart. eademque die pensionem sibi solvi curavit, & mortuus est mense Decembri, atque ita finitus est usufructus morte fructuarii decimo mense a locatione, quo tempore conductor collegerat omnes fructus ejus fundi. Quæritur, utrum pensio sit dividenda inter proprietarium, & fructuarium pro rata anni, an heredi fructuarii debeatur integra? Et ait, heredi fructuarii pensionem esse solvendam integram Kal. Mart. quia eo die pensionem solvi convenerat. Non fit igitur distributio similis inter fructuarium & proprietarium, sed non absque ratione. Fallantur in computatione anni, quo usufructus constituitur; computandus non est a die locationis, sed a die constituti usufr. & ponendum constitutum fuisse a Kal. Jan. locatum Kal. Mart. durasse igitur usufr. annum integrum, unde non mirum, si pensio integra debeatur heredi fructuarii: nihil igitur ex ea pensione est habiturus proprietarius. Ego introduxi hanc sententiam, nec potui probare statim, sed casus fecit, ut probarem. Erat quidam fructuarius sylvæ cæduæ, cui scilicet fuerat constitutus usufr. statim post cæsuram: non erat igitur fructum ex eo fundo laturus ante quinquennium: quid accidit? mortuus est: finge tertio aut quarto agno, antequam venisset dies cæsuræ, an fuit inutilis usufructus? Dices inutilem fuisse: non certe ullo auctore. In hac specie prudentissimus Senatus ita judicavit: fructus pendentes esse dividendos inter fructuarium & proprietarium: an sequimur eam rationem in aliis personis? Finge: Colonus vel emphyteuticarius, vel etiam libellarius fundi possessor in feudis, aut precarius, quia canonem siue pensionem non solvit, fundus committitur, quem eo jure possidet, id est, reddit ad dominum: Nam in omnibus his negotiis est locus commissi ob non solutam pensionem, hoc est, reddit ad dominum ipso jure commissio fundo: quemadmodum dividuntur fructus pro rata temporis, quo ea jura confiterentur in eadem persona ut constat ex libro 4. *Feud. tit. de fructibus feud.* Ante nostram divisionem olim ii libri valde male dividebantur. Magna est quæstio in eo titulo, quemadmodum dividendi sunt fructus inter dominum & vassallum, feudo commissio & aperto: committitur feudum propter infidelitatem: aperitur propter inopiam filiorum masculini generis, defuncto scilicet cliente sine herede masculino: nam feuda plerumque non sequuntur feminas; possunt tamen quædam esse feuda muliebricia. Igitur in eo titulo referuntur quorundam opiniones, nec adfertur tamen ulla, quæ accedat ad distributionem Papiniani, quæ nulla est æquior.

Ad L. V. Rerum amor.

Viva quoque filia, quod ad patrem ex rebus amoris E pervenit, utili iudicio potendum est.

Primum quidem, quid sit actio rerum amotarum indicabo, quod nescio, an factum sit ab aliquo liquido. Actio rerum amotarum est, quæ datur in solidum, & statim divortio facto in eum eamve, qui maritus, quæve uxor fuit, de rebus, quas conjugi amovit divortii causa, id est, cogitatione divortii, quod versabatur in animo, & fecit, vel etiam de rebus, quas nihil dum cogitans de divortio amovit, & divortens postea celavit, atque suppressit. Nam hæc res sunt earum loco, quas divortii causa amovit, licet non eo consilio attigerit eas initio *l. 17. §. 1. h. tit.* Competit etiam marito vel uxori, cui res subtractæ sunt, & cui furtum factum est, ea-

T 2

rum

rum rerum nomine vindictio, vel ad exhibendum actio l. 34. hoc tit. nam ut rei furtivæ non tantum vindictio, sed etiam conditio est: ita & rei amotæ, quia revera quæ amota dicitur, furtiva est: res furtiva non ufucapitur a bonæ fidei possessore, nec res amota ufucapi potest ex lege 12. tab. l. pen. hoc tit. nihil refert quo utaris verbo: res est eadem, jus idem in utroque, & actio rerum amotarum conditio est, l. 26. hoc tit. similis scilicet conditio rerum furtivarum, imò eadem: hæc honestior, si verba spectes: in d. l. 26. rerum, inquit, amotarum dicitur conditio est: nihil est præterea, hoc est, formula ejus hæc scilicet si paret dari oportere. Male Accursius, rerum amotarum conditio est, hoc est, in personam: Nam non omnis actio personalis conditio est, ut actio depositi, quæ non dari, sed reddi oportere intenditur, & in l. si quis inficiatus, §. ult. depos. nemo cum ipso, quod depositum suscepit, condicione obligatus est, sed si depositum abjiceret, condicione obligatur eo casu solo. Inficiator depositi proximus est furi, & quicumque sunt furibus proximi, condictionibus obligantur, quæ quidem actione magis oneratur, quam vindicatione. Utraque in eos est actio, sed conditio durius, quia scilicet in condicione indistincte fit condemnatio, si res sit in rebus humanis, si non, & si fuerit interitura æque apud dominum, si non. Hæc distinctio non observatur in condicione rerum amotarum, rerum furtivarum, non in actione quod metus causa, non in interdicto unde vi, quod vi aut clam, quæ descendunt ex delicto, l. si cum exceptione, §. quatenus, quod met. caus. quæ tamen distinctio observatur in vindicatione: Nam si res interierit sine culpa possessoris, quia æque erat interitura apud dominum, possessor absolvitur. Merito ait Justin. odio furum comparatam esse condicionem, contra regulam quæ vult, ut nemo rem suam condicas, quia gravior est actio, quam vindictio, vel exhibitio actio: ergo rebus amotis ex bonis mariti, vel uxoris divortii causa, marito vel uxori, cui furtum factum est, ut apertius loquamur, ut quod in re ipsa est, exprimat. Plane hæc vindictio rei suæ, & conditio competit, non quasi rei furtivæ: debet enim cum ea, quæ uxor fuit, vel cum eo, qui maritus fuit, honestioribus viribus configere, sed quasi rei amotæ. Fit etiam eo nomine compensatio, si quid mulier amoverit ex dote, vel ex fructibus quos maritus post divortium percepit, quos constat ad mulierem pertinere pro rata temporis, quo nupta fuit, l. 7. §. ob donat. sol. matrim. l. 1. C. hoc tit. ita etiam mutua compensatio fit nonnunquam si vir & uxor invicem agant de rebus amotis, ut in actione de moribus, sicut diximus ad l. viro, sol. matrim. In hac actione mutua delicta pari compensatione tolluntur. In delictis mores numeramus, l. 7. hoc tit. Dixi initio rerum amotarum actionem dari in solidum, & statim divortio facto dari in solidum ad differentiam, quæ post divortium, actionis de dote, quæ datur in id, quod maritus facere potest, inopia prodest marito ne damnetur in solidum, quæ nihil prodest in iudicio rerum amotarum, l. 21. hoc tit. Dixi statim divortio facto, ad differentiam actionis de dote, quæ non repetitur statim, si pondere, numero constat, vel in aliqua re mobili, sed repetitur annua, bina, trima die. Et hæc differentia monstratur in d. l. 21. §. rerum, hoc tit. Actio de dote non repræsentat dotem, sed dividit præstationem dotis in annum expletur, in pensiones tres. Præterea observandum ex depletionem quam supra attulimus, hanc actionem rerum amotarum dari de rebus amotis divortii causa, hoc est, meditatione futuri divortii. Quid dicemus, si quid amoverit alter alteri mortis causa, quæ constat solvi matrimonium? Finge, marito decumbente & fere occumbente, mulier desperans de vita mariti, omnem pecuniam subripuit: an tenebitur heredibus mariti condicione rerum amotarum? Denique, quæ amovit aliquid de bonis mariti mortis causa, an tenebitur hoc iudicio? constat hanc actionem dari heredibus d. l. 21. §. pen. Et Accurs. scribit, etiam dari utilem actionem rerum amotarum, de rebus amotis mortis causa,

A nisi fallor in l. 22. §. ult. hoc tit. & perperam Hervetus fecit, ut scriberet Theodorus ad l. 2. C. rer. amot. mortis causa dari hanc actionem, nam hoc est falsissimum, vel directam, vel utilem competere ob res amotas mortis causa. Proinde sic statuo, ob eas res, neque directam, neque utilem est actio, siue conditio rerum amotarum. Hoc comprobatur aperte l. 21. in pr. hoc tit. Mulier amovit res mariti, mortis causa desperans de ejus vita, ac sibi persuadens, se quamprimum solam fore sine marito, neque tamen mortuus est maritus: post divortit mulier: an earum rerum nomine tenebitur actione rerum amotarum? ait eam teneri utili actione: quod placet admodum: nam cur non directam teneatur? quia amovit mortis causa: cur teneretur utili? quia tempore divortii postea subsecuti, res celavit, quas amoverat initio mortis causa. Confirmatur hæc sententia l. 9. §. ult. C. l. 22. §. ult. hoc tit. Mulier res amovit mortis causa & morte mariti solutum est matrimonium: quæ actio dabitur heredibus earum rerum nomine? petitio hereditatis muliere eas res possidente pro herede, vel possessore, vel actio ad exhibendum. Nullam aliam dat actionem: non dat rerum amotarum: dum aliam dat, hanc negat. Ergo de rebus amotis mortis causa hæc actio non datur: nihil verius: sed explicanda ratio diversitatis, cur de rebus amotis divortii causa sit hæc actio, de rebus amotis mortis causa non item: cum tamen utroque genere finiatur matrimonium. Quæ divortii causa res amovit, id mala mente fecit ut noceret marito, id fecit in fraudem mariti, hoc est, inimica, ut duobus locis in libris nostris, quæ divortit: vel repudiata dicitur, l. cum in fund. 78. §. divortio, de jur. dot. l. Cicer. 29. de panis. In qua ait, usque adeo fuisse inimicam, &c. Ergo cum res divortii causa amovit, furandi habuit animum, quæ voluit intervertere rerum suarum possessionem, & fuit, cui furtum faceret, maritus superflus: sed cum amovit mortis causa, non fecit furtum. Illud. n. non fit, nisi sit, cui fiat, non fecit marito furtum decumbenti, vel occumbenti, ac propemodum mortuo, neque ei adferre voluit, quem habebat pro mortuo, quia non videtur fuisse maritus, nec ipsa animam furandi habuit, non fecit furtum heredi nondum heredi, non fecit furtum hereditati nondum hereditati, quia & hereditati post mortem mariti furtum non faceret. Et hoc est, quod dicitur, hereditati furtum non fieri: hereditas est, quæ jacet, substantia defuncti, necdum adita, id est, jus universum, quod in ea substantia habuit defunctus: nam D hereditatis vocabulum juris est, non corporis: furtum fit soli possessori, & nihil est aliud furtum, si rem velis paucis stringere, quam possessionis interversio: hereditas autem interim dum jacet, habetur quidem pro domina, sed non pro possessore. Possessio vacat, quia possessio est facti & animi, in l. 1. §. Scævola, si is, qui test. lib. esse iuss. Hereditas autem est inanimata & incorporealis: quod facit corpus est, hereditas non est corpus, ergo non facit: est etiam animi, sed hereditas inanimata est, ergo nec facit, nec animo hereditatem apprehendere & retinere potest: non est autem actio rerum amotarum, nisi cum furtum factum est. Nam ea actio condictioni rerum furtivarum similis est: imo est conditio rerum furtivarum, si verum amamus: sed non dicitur tamen conditio rerum furtivarum, sed amotarum honestiori ratione, propter pudorem transacti matrimonii, ut ait l. ult. C. de furt. propter honorem matrimonii, ut ait l. 2. hoc tit. non dicitur mulier furtum fecisse: nulla est in iure actio temperatio siue modestior. Solent Jurisconsulti rem verbis temperare, & furtum non semper vocant furtum: quorum exemplis patroni in foro & omni negotio modestioribus verbis utuntur nisi rejici velint: multa alia restant, quæ pertinent ad definitionem superiorem. Dicitur est dari hoc iudicium soluto matrimonio per divortium, sed non datur constante matrimonio. Quid igitur, si quid amoverit constante matrimonio vir uxori, aut uxor viro, num dabitur hæc actio? Non utique. Nam inest in ea infamia quædam, etiam si dicam amovisse, non furtum fecisse, & par-

endum est conjungi: verum non deest alia actio: dabitur actio in factum verbis temperanda, ut in *l. non debet*, de dolo, hac formula: *si paret ex rebus meis hanc vel illam apud te esse*: non dicam te furtum fecisse, aut amovisse, sed apud te esse, & casu quodam eam rem sublatam fuisse; narrabo factum, quo genere agitur hodie, quia omnes actiones sunt in factum, aut esse debent. Dabitur etiam conditio ex iniusta causa constante matrimonio, quæ etiam datur soluto matrimonio de rebus amotis causa mortis. Nam regula juris est, *neminem rem suam condicere*, cujus ratio naturalis est. Quid est condicere? nempe sic agere, *si paret eam rem mihi dari oportere*. Quid est dari? dominum fieri: si paret igitur ejus rei me dominum fieri oportere, quod intendo male, cum jam sim dominus. Nemo igitur aperte condicit: sed ab hac regula excipitur conditio rerum furtivarum, quæ etiam domino datur: item conditio rerum amotarum: & ad extremum obtinuit, excipi etiam conditionem ex iniusta causa, quæ repetimus rem nostram, quæ ex non iusta causa, apud aliquem est. Condicionem ergo rem nostram non tantum furti, aut prædoni, aut ei, quem dicimus amovisse, sed etiam cuiuslibet possessori ex non iusta causa, *l. 6. §. ult. l. 25. hoc tit. l. 1. §. res, l. si & me, de reb. credit.* Et notandum, quod ait lex perpetuo, de condic. ob turpem caus. perpetuo hoc esse verum, & a Sabino affirmari ita secundum veterum opinionem, ut possit quis rem suam condicere ei, qui eam possidet non ex iusta causa: eamque definitionem probari a Celfo, licet contrariæ sectæ, & probatur in *d. l. si & me*. Sunt quædam perpetuæ definitiones juris: ut plurimum non sunt perpetuæ, ut illa *d. l. perpetuo*, & *l. qui res 98. §. a ream, de solutio.* In perpetuum sublata obligatio restitui non potest, *l. 6. inf. eod.* In perpetuum, si quod tibi debeo ad te pervenerit, verum est, me liberari, etsi non per me pervenerit, aut factio meo, nisi tibi aliquid ablit, ut puta, nisi emeris. Si igitur pervenerit ex causa lucrativa: & præterea, si ita pervenerit, ut non possit a te reperi: & tunc verum est, in perpetuum me liberari: nec est unquam varius pes hujus regulæ, quæ nunquam fallit: & illud quoque in perpetuum valet, ut possim rem meam, licet absurde videar agere, condicere ei apud quem res mea est ex iniusta causa. Verum videamus, quare constant matrimonio non possim uti actione rerum amotarum. Si quid amotum sit, utor condicione ex iniusta causa, aut actione in factum, quæ sunt honestæ actiones, nec inessunt mores rei, sed tamen cur non utor condicione rerum amotarum? nam hæc actio non est famosa, licet ex causa famosa, id est ex furto descendat, si rem ipsam inspiciamus: nam & conditio rerum furtivarum non est famosa, *l. cessat 36. de oblig. & act.* actio furti est famosa, id est, infamat reum, si condemnatur: neutra etiam est pœnalis: & rerum amotarum & furtivarum conditio utraque persequitur id, quod interest, non pœnam. Quid vetat agi condicione rerum amotarum in uxorem vel maritum constante matrimonio, cum non sit pœnalis, nec turpis actio? Et tamen *l. 2. ff. hoc tit.* ait, ideo non dari constante matrimonio rerum amotarum, quia constante matrimonio non solet dari conjungi in conjugem actio pœnalis vel famosa. Itaque actione rerum amotarum satis significant, vel pœnalem, vel famosam. Et est *d. l. 2.* crux quædam nostrorum interpretum: nemo in ea re non torquet se, quæ tamen videtur facile explicari posse, *l. 17. §. res amotas, hoc tit.* nempe hoc modo: factor, illa actio non est pœnalis, *l. cessat*, de oblig. & act. non est famosa, sed est quodammodo famosa & pœnalis: nam inest in ea mentio furti: aut quod omnes intelligunt, tantumdem potest rei amotis nomen, quam furti, quod populus interpretatur furtum. In quem autem non datur actio famosa, nec ea datur, quæ speciem habet. Sunt famosæ, quibus inest palam vel tacite doli, vel fraudis mentio, ut in patrem non ages famosa, neque ages non famosa, si habet speciem famosæ: & ita non ages in patrem condicione furtiva, *l. parens cum l. seq.*

A de obseq. a lib. prest. Cur ergo constante matrimonio non agitur rerum amotarum? quia est quodammodo pœnalis & famosa. Dicam nunc rem novam, certissimum tamen, & non dicam tantum, sed ut spero, persuadebo etiam verissimam esse, & conditionem rerum furtivarum quod plus est, & conditionem rerum amotarum quodammodo pœnalem, quodammodo famosam esse: hoc sensu pœnalem & famosam dici posse, licet revera non ita sit: nam utraque rem persequitur, neutra lædit æstimationem: hoc confirmo quatuor argumentis. Primum est, quia conditio furtiva comparata dicitur odio furum, & quod de ea dicitur, id etiam dicitur de condicione rerum amotarum, §. *Sic itaque, Inst. de act. si odio*, ergo pœnæ causa: si pœnæ causa, ergo pœnalis, aut veluti pœnalis est, nam & ita exceptio Senatufconsulti Macedon. comparata dicitur odio creditoris, *l. sed si pat. §. pen. ad Macedon.* Secundum argumentum est eiusmodi, quia & hæc, & illa actio ex maleficio & delicto nasci dicitur in *l. 22. §. pen. hoc tit. l. 10. §. quotiens, de compens.* Hæc actio, inquit, ex delicto nascitur, licet rei perfectionem contineat, quod videtur valde novum, ut agam ex delicto, nec tamen agam in pœnam, sed in id, quod interest: verum id ita se habet, ut etiam in aliis actionibus, ut in actione, quæ datur ex edicto de alienatione iudicii mutandi, &c. quod dicitur pertinere quidem ad rei perfectionem ex ea specie doli, quæ illo edicto coercetur, sed tamen dicitur ex delicto dari, *l. quia pertinet, de alienat. jud. mut. causa*, ex delicto dantur etiam actiones, & tamen rei perfectionem continent, verum non ita, quin inesse videatur aliquid in eis pœnæ, cum sint ex delicto: nam vel ipsum agere ex delicto pœna est, & ultio quædam: moveor etiam argumento, quod hæc conditiones non dantur in heredem, quæ darentur, nisi subesset in ea pœnæ aut vindictæ ratio quædam. Nam hoc est generale, actiones, quæ non sunt ejus generis, dari in heredem, & heredibus. Sed illæ conditiones non dantur in heredem, nisi quatenus ad eum pervenit ex rebus furtivis, *l. ult. C. rer. amot. l. 9. §. ult. l. 10. de tut. & rat. distrah.* Et valde nova est hæc sententia. Nam multæ possunt opponi leges quibus ostenditur, illas conditiones dari in heredes; sed non est recedendum a superioribus legibus: quinimo observandum hoc, & in *l. 22. hoc tit.* actionem rerum amotarum dari heredibus, nec adici, & in heredes, quod potissimum refragatur huic sententiæ. Est lex *9. de cond. furt.* quæ dicit, conditionem furtivam dari in heredem, sed exemplo *l. 2. in fine, de prat. stipul.* secundum quam etiam intelligenda est lex *si hominem §. 1. de pos.* ita interpretanda est *d. l. 9.* si videlicet lis sit contestata cum defuncto, vel si res sit judicata contra defunctum ex causa conditionis furtivæ: heres ex asse, in solidum, heres pro parte, pro portione hereditaria tenetur: nam generaliter pœnales actiones dantur in heredem, si actor item cum defuncto contestatam habuit. Refragatur, *l. 7. §. ult. eod.* Sed valde placet, quod notat Accursius, non teneri heredem, nisi heres rem contrectet, id est, non tenetur nisi ex sua persona: nam certo certius est, conditionem illam non dari in heredem, nisi in quantum locupletior factus sit ex delicto defuncti. Quartum argumentum sumitur ex *l. si pig. 22. de pig. act.* Finge; debitor mihi pignus dedit crediti nomine, quod post surripuit, mihi tenetur furti; rei fure mihi furtum fecit, mihi creditori actione in duplum & quadruplum furti pœnali tenetur, sed quod consequutus fuero, an imputabo debito, vel an restituum debitori? minime: alioquin essent elusoræ pœnæ; pœna quæ semel est pensæ, nunquam restituitur. Finge; non egi actione furti in duplum sed condicione furtiva, & consecutus sum quod mea interit pignus non surripui, an id, quod consecutus sum, restituum, an imputabo debito? minime. Ergo quod condicione furtiva consecutus sum, pœna est. Nam si mea res esset, non sola maneret debiti petitio, sed imputaretur debito, *d. l.*

d. l. si pignore. Hoc ego censeo valde esse notandum; illas conditiones esse quodammodo penales, famosas, ac proinde neutram dari constante matr. Sed notanda duo sunt ad hæc. Primum, nec constante matr. nec divortio facto dari in conjugem, vel in eum, qui conjux fuit, conditionem rerum furtivarum, & multo minus actionem furti, sed dari divortio facto conditionem rerum amot. videlicet si post divortium factum, qui eas amovit, non jam contrectet amplius. Nam si post divortium eas res, quas amovit divortii causa, contrectare perseveret, cessat rerum amot. actio, non cogitur eligere hanc actionem is, cui res amota est, sed agit graviori iudicio, furti scilicet, & conditione furtiva, ac si post divortium primo non ante furtum fecisset, *l. 7. hoc tit. in pr.* Furtum non fit semel, sed fit sæpe, fit tot horis, tot diebus, tot momentis, assidua contrectatione, *l. 6. de cond. furt.* quasi igitur ex novo furto convenietur actionibus omnino famosis penalibus. Secundo notandum, de rebus fureptis ante matrimonium, non dari quidem constante matrimonio penalem actionem furti, parcendum est conjugi, & satis esse debet, si consequamur quod nostra interest. Erit tamen conditio furtiva, quæ non est tam honesta, quam conditio rerum amotarum inspecto tempore præterito, quo non fuit conjux, *l. 3. in princip. hoc tit.* Atque ita fit, ut qui furti non tenetur, teneatur conditione quasi furti: sicut e contrario, qui tenetur furti, veluti qui opem tulit furti, conditione furtiva non tenetur, quæ tenetur solus fur, *l. proinde, de cond. furt.* Hoc etiam adnotandum est, huic iudicio locum esse inter nulum, generum, & focerum; focero dari eam conditionem rerum amotarum in nulum, quæ nupsit filiofamilias, si quid divortii causa amoverit ex rebus foceri, vel ex peculio mariti. Et recte, quæ nupsit filiofamilias: Nam in eam, quæ nupsit filio emancipato, ex causa focero dantur graviore actiones furti, & conditio furti, *l. 6. in princip. C. §. 1. l. 15. C. §. ult. hoc tit.* Nurus, quæ nupsit filiofamilias, est in familia foceri, & maritus ejus, & onus ejus ad focerum spectat, *l. si filia, §. si filiusfamilias, fam. exscum.* quæ nupsit emancipato est extranea, sicut filius, nec eo vinculo conjuncta focero, nec ea intercedit reverentia personarum, non interveniente vinculo patriæ potestatis. Et licet *l. 6.* loquatur tantum de nuro, recte Basilica adjiciunt, vel contra generum, qui scilicet duxit filiamfamilias. Et pari ratione dicendum est, hoc iudicium dari nurui, vel genero in focerum, in cujus potestate est maritus, vel uxor, si quid focer missurus repudium (nam mittere potest: imo ejus est mittere consentiente filio, aut filia, *l. 2. de divort.*) divortii causa amoverit ex rebus nurus, vel generi. Hoc est jus æquabile. Quod diximus, constante matrimonio in virum & uxorem, neque penalem, neque famosam actionem dari, ei obstat primum, quod datur in uxorem actio servi corrupti, *l. ult. de serv. corrup.* quæ est penalis, cum sit mixta in duplum, *l. ut tantum, §. in hac actione, eod.* & est etiam famosa, *l. nec quicquam, pro socio.* Sed respondeo ex *l. ult. C. de furt.* favore nuptiarum, sive propter honorem nuptiarum, in uxorem dari actionem servi corrupti in simplum tantum, id est, in id, quod interest, non penalem in duplum. Et consequenter eadem actio servi corrupti, si intentatur in uxorem constante matrimonio, verbis erit temperanda in factum, detracta omni atrocitate, & infamia verborum. Obstat etiam, quod actio legis Aquiliæ datur in uxorem constante matrimonio, *l. si servus servum, §. si cum maritis, ad l. Aquil.* Quæ tamen est penalis, cum sit mixta. Mixta autem est, quæ rem & penam persequitur. Respondeo, eodem modo exemplo actionis servi corrupti, quod & Græci notarunt ad *l. C. rer. amot.* eam actionem non intendi penaliter, sed in simplum tantum, id est, quanti hodie res est, cui danamur illam est, non quanti eo nomine fuit plurimi. Et recte in *l. si mulier dolo, de don. int. vir. C. uxori.* si rem donatam sibi a marito, quæ non valet, sed revocatur penitentia, dolo malo consumpleris, si fecerit, ne

A exstaret, commodari, perdidit dolo malo, teneri eam *l. Aquilia damni injuriarum*: quia rem tantum maritus ea actione consequitur, non penam. Et proprie actio legis Aquiliæ penam persequitur, sed parcamus uxori. Postremo obstat, quod in uxorem datur actio depositi, mandati, *l. 10. §. ult. de jur. dot.* quæ sunt famosæ, *l. 1. de his qui notant. infam.* Et breviter respondeo: hæc actiones sunt famosæ, si agatur de perfidia depositarii aut mandatarii: quæ ex causa si agatur cum uxore, sane non erit exprimenda causa perfidie, aut violatæ fidei, sed verbis erit temperanda actio, ne lædatur existimatio mulieris. Et ita etiam est accipiendum, nonnuncquam filium agere furti in patrem, quæ est penalis & famosa, si quid pater furripuerit ex peculio castrensi, vel quasi castrensi, in *l. si quis uxori, §. sed si filius, de furt.* sed intelligendum est filio dari utilem actionem in factum, quæ mentionem non habeat furti, ut conservetur fama patris. Utiles actiones verbis leniores sunt, vim tamen eandem habent: nam ea actione consequitur filius duplum, id est, penam: quod est notandum: ut inde appareat, in patrem quidem non agi famosam actionem: sed tantum penali: quidam cum tamen in conjugem nec penali nec famosam agatur durante matrimonio. Ea igitur actio quæ datur, est utilis in factum, & ab Harnenopulo scribitur, eam non esse *propter uxorem, danda propter uxorem* de furto, sed rerum amotar. *lib. 1. Epitomes tit. de minor.* Est vero elegans questio *l. 5.* quæ pendet ex *§. ult. l. 3.* & modum addit sententiæ propositæ initio *d. §. ult.* loquitur iste *§. de filiam.* quæ res amovit marito divortii causa: sed quæ scribuntur in eo *§. de filiasamil. l. 4. §. C. & 6.* eadem obtinent in filio. quæ amovit res uxoris, *l. 6. §. item, hoc tit.* Finge: filiamfam. res amovit marito divortii causa: est in eam actio eo nomine, & in patrem in cujus potestate est: in eam est actio rerum amot. in solidum, quæ constat filiamfam. & filiamfam. ex omnibus causis obligari in solidum tantquam patremfam. *l. filiusfam. 2. de oblig. C. act.* in patrem est actio rerum amot. de peculio. Utriusque sententiæ redditur ratio in *d. §. ult.* quia displicuit eam furti obligari, & in *l. 1. hoc tit.* quia non placuit, cum ea furti agi posse. Illa ratio servit tam inferiori, quam superiori sententiæ, ut in *l. ult. de condit. sine causa.* Hæc ratio, quia incestum jure gentium committit: servit & superiori & inferiori sententiæ: itaque inter utramque ponitur. Cur datur actio in filiamfamilias? quia displicuit eam furti obligari: ergo nec conditione furtiva, nam singularis est casus in *l. 3. §. ult. ubi*, quæ non obligantur furti, non obligantur conditione furtiva. Sed cur datur contra patrem de peculio, non in solidum? quia displicuit filiam furti obligari, id est, si filia obligaretur furti, pater ex penali actione non teneretur de peculio, *l. ex penali, de reg. jur.* nam illa actio datur tantum ex contractu filia. ex negotio gesto. Qua de causa non fuit hoc sine controversia, an ob res amotas pater teneretur de peculio: videtur enim non teneri, quia actio rerum amotarum datur ex delicto, *l. si mulier 25. §. pen. hoc tit.* Contra videbatur teneri, quia etiam ex delicto veniat, tamen non persequitur penam meram, sed rem. Et ita statuunt Mela & Fulcinius, ut fit ex hac causa etiam in patrem actio de peculio. Est quidam jurisperitus, qui in libro quodam olim edito, credit tractata esse verba *§. ult. l. 3. hoc tit.* & ita esse reponenda, ut non medio loco ponatur illa ratio, sed ultimo, atque ita ea ratio applicetur posteriori, non priori sententiæ: innovetur eo, quod ea non videatur idonea ratio danda actionis de peculio, quia furti non obligatur. Nam, inquit, etiam si furti obligaretur, pater teneretur ex causa furtiva, *l. 3. §. pen. de pecul.* Cui tamen respondere facile est. Imo maxime est idonea ratio, hoc pacto scilicet: si furti obligaretur filia, pater non teneretur actione penali de peculio, *d. l. ex penali.* sed quia furti non obligatur, sed rerum amotarum, tantum ex ea causa pater teneretur de peculio: quo nihil est apertius. Ratio igitur illa non est loco movenda. Nam & Basil. eundem ordi

ordinem verborum observant, *id est ut si quis alius de peculio suorum agat, non potest agere, quia & sequentis sententia ratio servit & prima.* Ergo ex causa rerum amotarum per filiamfam. pater tenetur tantum de peculio. Sed ut subjicit in *d. §. ult.* si pater agat de dote conjuncta filia uti debet, non diffentiente filia. Pater enim dotem profectitiam repetere non potest non consentiente filia, quia est communis, *l. 2. §. 1. fol. matr.* sed patri deferentur agendi partes. Si igitur pater agat de dote consentiente filia, fiet compensatio ob res amotas in solidum, non peculio tenus. Itaque pater repetens dotem non auditur, nisi filiam defendat nomine rerum amotarum in solidum, & nisi satisfidat iudicatum solvi secundum regulam generalem, quæ vult ut nemo sit idoneus defensor sine satisfactione. Atque ita notandum generaliter: cujus rei in solidum quis non obligatur, sed de peculio tantum, ejus compensatio tamen patitur in solidum, si ipse ultro agat, *l. 9. in prin. de compens. filiamfam. contraxit societatem cum altero; multum interest an socius filiamfam. agat pro socio in patrem, an pater in socium: nam ille focus si in patrem agat, aget de peculio tantum: si agat pater filiam, solidum sibi reservabit per compensationem: focus non est idoneus defensor, qui non satisfidat iudicatum solvi, neque etiam est idoneus defensor, qui scindit defensionem, aut minuit. Ergo in patrem non agitur rerum amotarum in solidum, sed in peculii quantitatem & modum. Et actio de peculio perpetua est, quando peculium manet, aut restitui, aut constitui potest. Nam satis est, si rei iudicanda tempore aliquid sit in peculio, etiam si nihil fuerit tempore litis contestata: sed extinctio peculio actio est annalis in patrem: extinguitur peculium morte filiamfam. Mortuo igitur eo actio dabitur intra annum tantum in patrem. An ergo in hac specie mortua filiamfam. post divortium, quæ res amoverat in patrem dabitur actio annalis de peculio? non, ut subjicitur in *l. 3. §. ult. hoc tit.* nisi in id, quod ad patrem ex rebus amotis pervenerit, vel dolo malo ejus factum erit, quo minus pervenerit, ut subjicitur *l. 4. ergo nec aliter dabitur in patrem, quam si aliquid ad eum pervenerit ex rebus amotis.* Subjicit Papin. in *l. 5. viva* quoque filia non dari in patrem actionem de peculio ob res amotas, nisi in id quod ad patrem pervenerit: nihil interest vivat, an mortua sit filia, atque ita interpretabimur ex Papiniano quod proponitur in *d. §. ult.* in patrem dari actionem de peculio, sed addendus est modus ex *d. l. 6.* teneri ex eo tantum, quod ad eum pervenerit. Qua de causa etiam dicitur a Papiniano actio utilis. Cur appellatur utilis? cur non directa? quia venit ex delicto: & de peculio si directo, & summo jure agitur, non agitur nisi ex contractu, ex negot. gesto. Rursus cur non datur directa? quia directa de peculio non datur in id solum, quod ad patrem pervenerit: sed in id totum, quod est in peculio, etiam si nihil ad patrem pervenerit. Est elegans questio hæc: Nam videbatur non esse actionem de peculio rerum amotarum in patrem, quia venit ex delicto: videbatur esse, quia pertinet ad rei persecutionem, nec penam persequitur. Quid definitum est? Placuit media sententia, ut teneatur de peculio in id totum, quod ad eum pervenerit: & simili modo condicio furtiva datur in patrem, vel dominum de peculio, non ut solet dari ex contrahibus, sed in id tantum, quod ad eum ex furto pervenit: sequuntur hæc in re media sententia, *l. 3. §. pen. de condit. furt.* Quæ dicta sunt de filiamfam. eadem obtinent in filiofam. Quid in servo? Finge: Servus vel ancilla amovit res sui contubernalis, an in dominum dabitur actio rerum amotarum de peculio? nihil de hac re scribitur, quia constabat cessare rerum amotarum: nam ubi cessat matrimonium, ibi cessat rerum amotarum actio, quia competit divortii causa: ibi autem non est matrimonium, ibi non est divortium, *l. si concubina, hoc tit.* cum in servis, vel inter servos non fiat nuptiæ, *l. 3. C. de incest. nupt.* Sed si alii servus furtum fecerit, condicio furtiva de peculio dabitur in dominum de eo, quod ad eum pervenit: in res-*

A duum noxæ deditur servus: & si filius sit, in residuum agitur cum filio.

Ad L. ult. Rerum amotarum.

Cum soluto matrimonio rerum amotarum iudicium contra mulierem instituitur, redintegrato rursus matrimonio, solvitur iudicium.

Judicium rerum amotarum solvitur reconciliato matrimonio, iudicium solvitur, id est, iudex esse definit, qui datus in eam speciem *l. iudicium de judic.* & reus interim absolvitur ab observatione hujus iudicii, judicative, & actio rerum amotarum cessat, vel interquiescit, non etiam extinguitur, alioquin non restitueretur actio rerum amotarum divortio iterum facto, *l. redintegrato, h. t.* Et tamen restituitur. Cessare actionem, est sopiri actionem, non extingui, ut in *l. qui res, §. arcam, de solut.* illo loco, ut magis, *l. inter stipulantem 83. §. sacram, l. continuus, §. illud, de verb. obligat.* Seneca in ep. *insanus per intervalla, dum interquiescit, sano similis est, in eo, inquit, suorem cessare non desse.* Actio quæ cessat facile restituitur, quæ extincta est, nunquam restituitur, nisi ex nova causa, sed hoc non est restitui, sed nasci, *l. 10. §. pen. de in rem verso, quare naturalis, ut Aristot. ait, est quidam regressus ab habitu ad privationem, non contra: nec enim quod extinctum est, amplius restituitur, & quæ restituntur actiones, sane reviviscunt, cessasse intelliguntur, non extinctæ fuisse.* Verum quid fiet, si post divortium nondum sit actum rerum amotarum, & antequam ageretur, restitutum sit matrimonium, an tunc agat rerum amotarum, ob res amotas prioris divortii causa? agenti obstat exceptio doli mali: nam nata est quidem actio, sed æquum est, eam solvi, aut cessare matrimonio redintegrato, cujus rei argumentum præbet *l. si mulier post divort. de jur. dot.* quia scilicet constante matrimonio, actio rerum amotarum non est inter virum & uxorem, *l. 2. l. ult. §. l. 5. h. t.* Et quod ait hæc lex ult. de iudicio rerum amotarum, idem etiam obtinet in iudicio de dote, quo mulier post divortium agit cum viro: nam reconciliato matrimonio solvitur iudicium de dote: vel si nondum actum sit de dote, & reconciliato matrimonio agatur, olim ipso jure non competebat actio rei uxoriæ, quia est bonæ fidei, & doli mali exceptio inest bonæ fidei iudiciis, ut necesse non sit eam opponi: actio ex stipulatu de dote perimebatur per exceptionem doli mali, *d. l. si mulier, post divortium hodie perimitur ipso jure, quia est bonæ fidei, ex Constitutione Justiniani.* Verum ita demum iudicium de dote, quod inchoatum est ante redintegratum matrimonium, solvitur, si mulier egerit, quæ dotem dederat, non si extraneus egerit, qui dotem dederat pro muliere, & stipulatus fuerat, eam sibi reddi divortio facto, & ei quæ sita actio de dote semel, non interdicat reconciliato, redintegrato matrimonio, nec dos rursus eadem fungi potest nisi ipse denique consentiat, & velit eandem pecuniam doti esse: alioqui recipit pecuniam ex stipulatu, etiam si redintegratur matrimonium. *l. stipulatio, de jur. dot. l. in insulam, §. ult. fol. matr.*

Ad L. V. de Confirm. tutore.

Tutores a patre testamento datos iussu prætor magistratue confirmant, hi cautionem quoque accipere debuerunt: nec voluntas ejus, qui tutorem dare non potuit, negligentiam magistratum excusat. Denique prætor non ante decretum interponere potest, quam per inquisitionem idoneis pronuntiatis. Unde sequitur, ut si tutela tempore solvendo non fuerunt, in id, quod de bonis eorum servari non possit, contra magistratus actio decernatur.

T Ranseamus a dotibus ad tutelam: nam reliqua, quæ sunt in hoc libro, & quæ fere sunt in lib. 12. sunt de tutelis. Et prima questio est de confirmando tutore, vel curatore. Confirmari dicitur, qui non jure testamento da-

tus a magistratu tamen, cui jus dandi tutoris, datur secundum iudicium & voluntatem testatoris. Jure datur tutor testamentum a patre vel avo liberis, qui sunt in potestate, atque ita privatus dat tutorem. Et hoc est, quod dicitur, tutoris dationem non esse jurisdictionis vel imperii. Nam & is, qui nec jurisdictionem, nec imperium habet, tutorem dat, veluti pater filiofamilias, quia hoc ei permittit lex 12. tabul. Ergo tutoris datio est legis, id est, competit ei, cui lex dedit, vel Senatus. aut ipse Princeps, l. 6. §. tutoris, de tutor. Curatorem autem nec filiofamil. jure dat pater in testamento: Nam generaliter nusquam a quopiam jure testamento curator datur, hoc est certissimum, ex tit. Instit. de curat. nec querenda est alia ratio differentiae, de tutela tantum loquitur, super pecunia, tutelaeve suae rei, non de curatione. Ergo tutor tantum jure datur testamento, ab eo, qui pupillum habet in potestate, non item curator. Et similis est ratio, cur ventri datur curator, non tutor ex edito Praetoris de ventre in possessionem mittendo, l. ventri, de tut. & cur. dat. Nam, inquit de curatore constituendo edito comprehensum est, non dabitur ergo tutor, & tutoris & curatoris datio, legis est omnimodo, nec plus licet in dando tutore, quam lex concessit vel editum. Non jure datur tutor testamentum a patre filio emancipato vel naturali in servitute quaesito, & postea manumisso una cum patre, vel suscepto ex concubina, non ex uxore iusta: nam & hic non est in potestate. Imo ut loquitur lex ult. C. de natur. lib. est deneger partus & obliquus partus, ut loquitur Status. Et pari ratione mater non jure tutorem dat, quia liberis non habet in potestate. Itemque patruus aut patronus liberi filio non jure dat tutorem: & generaliter extraneus, id est, qui non habet pupillum in potestate, testamento jure tutorem non dat. Sed hoc interest inter eum, qui datur a patre pupillo emancipato vel naturali & non iusto filio, & eum, qui datur a ceteris, quod datus a matre vel ceteris extraneis, solet confirmari decreto consulis, ut in l. i. hoc tit. vel praetoris vel praefidis ex constitutione principum, ut ait d. l. 1. Solet, inquam, confirmari ex inquisitione. Nam antequam confirmetur, inquisitio fit per scribas & officiales praetoris, ut praefidis, l. 3. §. tutor qui, de susp. tut. Inquirunt an tutor datus a matre vel ab extraneo sit solvendo: si non sit, non confirmant: inquirunt an sit bene moratus, quod est caput: an sit diligens, an optimus paterfamilias, an noverit educare liberos, an patriam amet, an sit vagus & erro. Post inquisitionem hujusmodi pronuntiatur hoc modo a iudice, *testamento datum idoneum videri*; & decretum interponitur, quo jubetur tutelam suscipere, qui datus est, quive se non excusat. Ac praeterea datus a matre vel ceteris non confirmatur, nisi datus sit pupillo heredi instituto, quasi in rem potius & bona, quae illi reliquit, quam in personam, ut ait, l. 4. de test. tut. nam datus non instituto, non confirmabitur. Et placet valde ratio l. 4. hoc tit. ut si patronus vel quis extraneus pupillum herede instituerit, eique tutorem dederit, quae datio jure non valet, confirmari debere tamen datum tutorem, secundum voluntatem testatoris. Confirmare, est sequi iudicium testatoris, quod non fiet sine inquisitione. Sed cur exigit, ut fit institutus pupillus, ut confirmetur tutor, qui ei datus est? quoniam testator ejus personam, quem tutorem esse voluit, noverat, nec elegit eum frustra aut temere, aut inconsulto, & impuberem ita dilexerat, ut eum heredem institueret. Sane diligo eum, quem heredem facio, ergo etiam video ei de optimo tutore prospexisse, nec igitur ab ejus iudicio temere recedit magistratus, sed neque id sequitur citra inquisitionem. Eadem offendit etiam l. 4. de test. tut. l. 23. hoc tit. l. 4. C. de test. tut. ubi jamdiu offendi abundare negationem. Nam d. l. 4. ait in matrem dare posse tutorem iis tantum impuberibus filiis, quos heredes instituerit. Et subjicit, *quando eos heredes non institueris*; ubi delenda est negatio, & perspicue legendum, *eos heredes institueris*. Solet tutor ex voluntate matris a praefide confirmari, qui sane non confirmaretur liberis non institutis. Et haec de tutore dato a matre, vel

A qui libet extraneo. Aliud servatur in tutore dato a patre filio emancipato, vel naturali, ut subjicit postea. Nam datus emancipato, a patre confirmatur sine inquisitione, Instit. de tut. Electio patris est firmissimum iudicium, quia paterno amoris nullus est similis, nullus major affectus: confirmabitur ergo sine inquisitione, eo tamen animadvertito, an duraverit voluntas patris, l. 8. hoc tit. Et praeterea nihil intererit, dederit pater tutorem filio instituto vel exheredato, l. 4. supra de test. tut. Exheredatus autem emancipatus filius, non autem naturalis, quia res esset inepta: naturalis nunquam exheredatur, sicut nec extraneus: filius naturalis intelligitur esse extraneus penitus: emancipatus, vel jure praetorio non est extraneus, est instituendus vel exheredandus, l. quidam, de verbor. obligat. sicut suis: non naturalis. Sed & in naturali ita se res habet, ut si dederit ei pater tutorem, cui nihil reliquit, ut ait, l. naturali, hoc tit. non dixit, quem exheredavit, sed cui nihil reliquit; nam exhereditatio non cadit in naturalem, confirmetur, verum non sine inquisitione, quamvis fit datus a patre, quando incertus esse intelligitur pater, quem nuptiae non demonstrant. Et licet dicat d. l. naturali, hoc tit. naturali filio, cui nihil reliquit, frustra tutor datur a patre, non ideo sequitur, quin possit confirmari, vel adhibita inquisitione, sicut in l. qui tutelam, §. ult. de test. tut. Jurisconsultus ait, *impuberi liberto patronus tutorem frustra dat*, & subjicit tamen, *sed ex voluntate patroni confirmabitur, si fides inquisitionis congruat iudicio testatoris*: debent congruere iudicium defuncti, & fides inquisitionis. Haec differentia est valde notanda inter tutorem datum a patre, & datum a matre & ceteris exteris. Ad haec notandum, confirmatum tutorem, qui testamento jure datus non est, non satisfacere rem pupilli salvam fore: hoc est indistincte verum, si datus sit a patre, si ab aliis personis. Primum datus a patre non jure, & confirmatus, non satisfat, quia ut ait l. 3. hoc tit. perinde est atque si ex testamento tutor esset. Quid? ergo tutor confirmatus, qui datus est testamento non jure, non est tutor ex testamento, sed ex decreto Praetoris vel Praefidis? Sic est: non est tutor testamentarius, sed dativus. Confirmare tutorem, est dare, l. jure 26, §. ult. & l. seg. de test. tut. sed perinde est, ac si ex ipso testamento tutor esset: Ergo remittenda est ei satisfactio. Nam tutor datus testamento, & qui pro eo habetur, non satisfat, quia fides ejus & diligentia satis intelligitur approbata a testatore; nec sunt onerandi satisfactio, qui D habent certissimum iudicium de defuncti. Datus autem tutor non jure a matre vel extraneo, & confirmatus, non satisfat etiam rem pupilli salvam fore, l. 2. hoc tit. Cur non eadem ratione, qua iis sumis in patre sed haec, quia ex inquisitione confirmatus est, & via & fides inquisitionis pro vinculo satisfactionis cedit, l. 23. de tut. & cur. dat. Insuper de satisf. tut. initio tit. Satisfacti, inquit, dativo, qui scilicet, dati sunt a magistratu sine inquisitione. Ceterum dati ex inquisitione non satisfaciunt, quia idonei electi sunt: sed ex hac l. C. pronuntiati sunt idonei, id est, videri esse locupletes & bene moratos, & bonos paterfamilias. Atque ita demonstramus, tutores confirmatos indistincte non satisfacere rem pupilli salvam fore, quia scilicet confirmantur vel ex inquisitione, vel quia perinde sunt, atque si tutores essent ex testamento, quales dicuntur esse a patre dati tantum, non a matre, vel aliis personis. Sit igitur haec sententia data & fixa, confirmatos tutores non satisfacere. Obstat tamen huic sententiae vehementissime haec l. 5. Species est: Patruus filio fratris impuberi testamento tutorem dedit, ergo non jure, quia pupillum non habet in potestate. Praetor iussit eum tutorem a magistratu municipali confirmari, quod est dari, ut ante dictum est: magistratus municipalis habetne jus dandi tutoris? habet, non minus quam magistratus urbanus, vel provincialis, l. 3. de tut. & cur. dat. jus datum est: lege igitur aliqua vel constitutione, sed plerumque magistratus municipales non dant tutores nisi iussu Praefidis, aut Praetoris praepcepto, quod praepceptum non est mandatum: Nam tutoris datio non potest mandari, vel delegari alteri, quia ea tantum possunt mandari, quae sunt jurisdictionis, datio tu-

toris

toris non est jurisdictionis, sed juris, *l. nec mandante, in princ. de tut. & cur.* Ergo dum jubet præses magistratum municipalem tutorem dare, non hoc ei munus mandat, quod habet ipse sine mandato, quia datum est ei ius dandi tutoris, *l. 3. §. 2. & si quem, ad Terentium.* Iustum illud est admonitio tantum, ut loquitur recte *l. 1. §. magist. de mag. conven.* Hoc pertinet etiam *l. Lucius, §. cum testam. de adm. tut. l. 3. & 4. de cur. fur. §. sed hoc iure, Inst. de Ant. tut.* Resumamus speciem. Finge: Tutorem datum a patre prætor iussit magistratum confirmare, magistratum intellige municipalem: (ut plurimum in iure cum loquimur de magistratu, municipalem intelligimus, in *tit. de magist. conven.* magistratus, id est, municipalis) magistratus confirmavit: ab eo satisfactionem rem pupilli salvam fore non exigit: & tempore finitæ tutelæ tutor non est solvendo, quid fiet? pupillus actione utili aget in magistratum, qui confirmavit tutorem sine satisfactione, & datur actio ex Senatusconsulto utilis in factum, & est subsidaria, quia datur in magistratum municipalem in id tantum, quod a tutore servari non potest, ex *tit. de magist. conven. inf.* Ergo negligentiam magistratus municipalis non excusat voluntas patris, non iudicium testatoris, nec enim debuit confirmare eum tutorem sine satisfactione. Hic se torquet Accursius: cuius magna glossa circumferenda est, hac enim: in re nihil evidentiū est, quam quod magistratus municipalis separandus est a magistratibus urbanis, aut provincialibus, quorum amplior est potestas, quorum majus est imperium: Nam magistratus municipales non confirmant tutorem ex inquisitione sola, sed exigunt satisfactionem, aut hoc potest eis culpa imputari & verti, si tempore finitæ tutelæ, tutor inopia labore, nec possit restituere tutelam. Alii autem magistratus urbani, vel provinciales non exigunt satisfactionem, sed dant ex inquisitione: ista inquisitione non utuntur magistratus municipales, sed satisfactionem. Ergo exigere debent satisfactionem. In aliis inquisitione pro satisfactione est, ergo & supervacua satisfactio est. Igitur in hac specie dicitur, denique Prætor non ante decretum, &c. Dixit magistratus municip. debuisse satis exigere: si id debuit facere, ergo & Prætor non debuit etiam dare sine inquisitione. Tutor datur decreto pro tribunali, non de plano, non per libellum. Et ideo ait, Prætor non ante decretum interponere, quam per inquisitionem idoneis pronuntiatis, secundum fidem inquisitionis, hoc in prætoris: in dumviro ita dicamus, in magistratu municip. dumviro non potest decretum interponere, nisi exacta satisfactione, nec idem ordo servatur ab hoc & ab illo in confirmando tutore. Ideoque subijcit, si tempore tutelæ, id est, finitæ tutelæ, vel aliter, id est, tempore, quo pupillus sit suæ tutelæ, suæ ætatis, solvendo non sit tutor, magistratus municipalis tenebitur actione subsidaria, si non exegerit satisfactionem. Et hoc est quod ait Papinianus in hac *l. 5.* Huc pertinet etiam ad hoc propositum *l. 1. §. sed ex fidei, de mag. conven.*

Ad L. XIII. de Tut. & curat. datis.

Si impuberi libertas & hereditas per fideicommissum data sit, & institutus adire nolit, Senatus censuit, eum si impuberis nomine desideretur, adire cogendum, ut tamen pupillo, pupilla tutor ab eo, cui ius dandi erit, detur qui tutelam retineat, quoad restitutus hereditas, & rem salvam fore ab herede caveatur. Postea Divus Hadrianus ut idem in eo servaretur, cui directæ libertas data fuerit, rescripsit.

§. 1. Quamvis autem a patre, rem salvam pupillo fore, non facile auctores exigant: tamen Senatus pro extraneo habuit eum, qui quod in ipso fuit etiam libertate privavit impuberem, & ius quidem libertatis, quod habet, quia ex causa fideicommissi manumittitur, non est ei ablatum. Tutela vero sine vinculo cautionis non committitur: quid ego si non caveat? non dubie tutela non erit apud patronum.

§. 2. Sed si puella duodecim annuum impleverit, tutor desinit esse: quoniam tamen minoribus annorum desiderantibus curatores dari solent, si curator patronus peccat, fides inquisitionis pro vinculo æquet cautionis.

Tom. II.

A St verum quod Bartolus in hanc *l.* scribit, esse elegantissimam, & auream, quod nescio quo spiritu scripserit, cum non bene tenuerit sententiam legis. Ponitur hac species, heredem institutum & rogatum servum manumittere, eique hereditatem restituere: quo casu Papin. ait, senatum censere, heredem esse cogendum adire hereditatem, si hoc desideretur nomine servi impuberis, cui hereditatem restituere rogatus est, ut tamen impuberi cujuscunque sexus sit, tutor detur ad tempus, qui scilicet retineat tutelam, quoad pupillo heres restituerit hereditatem, atque etiam ei pupillo caverit heres, vel satisfecerit rem salvam fore. Verbis Pap. ut se habent, prima fronte videtur in specie legis propositæ servo tutor dari: servo inquam, impuberi, cui relicta est libertas, & hereditas per fideicom. & ita existimat Accursius in *tit. Inst. de test. tut. l.*

I verbis hujus legis servo tutorem dari existimant & alii, quod est contra definitionem tutelæ. Tutela est vis ac potestas in capite libero, id est, in caput liberum. Caput liberum dicitur eum, qui est sui juris, qui neque est in potestate parentis, neque in potestate domini: nam servo vel filio tutor non datur. Imo vero tutela finitur, si pupillus fiat servus, vel si forte fiat filius, per arrogationem, *l. si arrogati, super. de tut. ergo* soli patrifam. impuberi, solvite matrifam. impuberi tutor datur. Est casus in quo filius tutelam habet in *l. ult. §. minores, C. de sent. passis*: possit etiam aliquis esse casus, quo servo detur tutor, inquires: quod ego non concedam: nam & in illo casu *d. ult. ult.* filius tutor non datur, sed tutor datur patrifam, post reversionem eo in potestatem patris tutor manet propter dissolutos mores, & nequitiam, luxuriam patris. Et talis est casus. Desorptione patris solvitur patria potestas, & filius fit sui juris, & quamdiu pater est in exilio, sibi acquirit, & testamentum facit tanquam paterfam. quod si postea pater restituitur in civitatem indulgentia Principis, an testamentum, quod interim fecit filius irritum sit, an quod interim acquisivit pertinet ad patrem restitutum in integrum, restitutum patriæ? Minime: atque ita in illo casu filiusfam. habet testamentum, habet bona propria pagana: nam castrensis proculdubio potest habere. Finge: filius deportatus erat pupillus: ideoque interim datus est illi tutor, restituito patri an tutor esse desinit? sic viderit, quia æquus est, patrem administrare bona filii, quam interim acquisivit, quam extraneum. Sed hoc ita procedit, si pater sit homo frugi: nam si sit nequam pater, si prodigus, si luxuriosus, tutor idem manebit, qui fuit ante, atque ita filiusfam. habet tutorem. Nam sane restituito patri revertitur in potestatem patris. Fateor, illo casu filiusfam. habet tutorem, sed non datur filiof. verum tantum retinetur. Et similiter non datur servo tutor in *l. 17. d. l. 1.* ei, qui de statu suo litigat, id est, qui petitur in servitutem ex libertate, si datur tutor, ita demum datio valet, si liber sit, quod eventus litis declarabit. Denique eventus ejus cognitionis declarabit, iure datus sit is tutor nec ne; interim erit in possessione libertatis, & tutor quasi datus libero approbabitur & admittetur. Et in specie igitur hujus *l.* cum lex non dicat palam servo tutorem dari, in ea, inquam, specie ponenda, observare debemus, ut ita ponatur, ne illud quod perquam absurdum & legibus contrarium efficiat, servo tutorem dari. Et ita verissime ponatur species. Quidam heredem instituit, eumque rogavit verbis fideicom. ut servum hereditarium impuberem manumitteret, eique hereditatem restitueret, atque ita ab herede instituto testator servo proprio impuberi reliquit & libertatem fideicom. & hereditatem fideicom. heres institutus recusat adire hereditatem, dicens eam esse suspectam & damnosam: si non adeat, interdicet utrique fideicom. hereditatis & libertatis: nam desitutum testamentum, pro non factum habetur. Desituitur, si heres non adeat. Quid igitur fiet, ne interdicat libertas & hereditas fideicommissaria? Senatus, inquit, censuit heredem compellendum adire hereditatem si hoc desideretur, nomine impuberis. Caput hoc unum est Senatusconsulti. Pegasus, cuius fuerunt & alia multa capita, *l. cogit, l. ex facto, ad Trebell.* & in multis locis eodem titulo. Ergo Senatusconsultum Pegasus cavetur, ut etiam hoc ca-

fu, si hoc desideretur nomine impuberis, compellatur heres adire. Impubes quidem hoc non postulat, quia ætas non fert, ut postulet quicquam per se, sed quilibet alius pro eo postulat. Ætas ne postulet, impedit: conditio servilis sola ne hoc postulet, non impedit, quia etsi regulariter servus non possit consistere in iure vel in iudicio, tamen libertatis causa etiam per se aditum ad prætorem habet, *l. vix, de iudic. l. mulier, §. non est, ad Treb. l. de libertate, de fideic. libert. l. Titius, de act. empt.* Ergo quolibet postulante nomine pupilli, aut pupillæ, heres scriptus cogitur hereditatem adire, quam suspectam dicit, non suo, sed pupilli periculo, qui eum cogit ex Pegasiano. Cogitur pupillum pupillamve manumittere ex causa fideicommissi. manumissione heres fit patronus pupilli, ergo tutor legitimus: nam patronus liberti impuberis est tutor legitimus. Denique heres idem manuissor pupilli, pupillave est tutor legitimus, quasi patronus: sed non potest auctor esse in ea re, quæ inter eum vertitur & pupillum, puta de hereditate restituenda. Ac præterea non potest tutelam gerere, antequam satisfiat rem pupilli salvam fore: testamentarii tutores, & ex inquisitione dati non satisfiunt, at legitimi satisfiunt, aut sane tutela non erit apud eos: quia igitur manuissor, licet manuissio fiat tutor legitimus pupilli pupillave, non potest tamen in causa restituendæ hereditatis auctoritatem suam pupillo interponere, & quia non potest tutelam administrare, nisi satisfiat; igitur interim dabitur tutor specialis manuissor, datur tutor non servo sed manuissor, ut in *l. apud, §. ult. ad Treb.* tutor temporarius, quo auctore pupillo heres restituit hereditatem. Nam solvi quidem potest pecunia pupillo a debitore sine tutoris auctoritate, sed hereditas ex fideicommissi. restitui pupillo non potest sine tutoris auctoritate, quia restitutio hereditatis fideicommissi non tantum est solutio, sed etiam successio, cum fideicommissi restituta est hereditas, loco heredis habeatur, & suffineat onera hereditaria ex Senat. Treb. *l. restitut. §. ult. & l. seg. ad Treb. l. obligari, §. pupillus, de auct. tut.* Ergo manuissor pupillo interim dabitur tutor specialis, quo auctore heres restituit pupillo hereditatem, & tutor manebit quoad heres restituerit, & quoad heres pupillo satisfecerit rem salvam fore. Iis peractis heres suscipiet tutelam, quasi legitimus tutor, & ille desinet esse tutor, qui datus est ad tempus tantum, & in speciem unam. Et hoc est quod ait in *prin. h. l.* Subiicit ex Comiti. Adriani, *idem servari in eo servo hereditario impubere vel ancilla hereditaria, cui directæ relicta est libertas & hereditas per fideicommissum.* Senatus loquitur de eo, cui libertas relicta est per fideicommissum, sed Divus Adrianus ait *idem esse, si libertas relicta sit per fideicommissum aut directo.* Et hoc est, quod sequitur, *postea D. Adrianus & c.* non tamen idem omnino servatur in eo, cui utrumque datum est per fideicommissum. Quod quemadmodum intelligendum sit, videamus, nec enim idem servatur in illo, quod censetur in eo, cui data est libertas per fideicommissum. nam idem, quod ibi servatur, si impuberis nomine desideretur, ut heres cogatur adire, idem servatur, ut pupillo datur tutor libero factio, jam statim post aditionem iure directo sine factio heredis. Sed hic tutor, an erit specialis, an erit temporarius? imo erit generalis & perpetuus, quia pupillus non est libertus heredis, nec enim heres eum manuissit, sed est libertus orcinus, vel libertus familiaris, *l. 43. de manum. test. l. 3. §. plane, de leg. tut.* non est libertus heredis: ergo heres non est ejus tutor legitimus, & qui datus est, tutor manet, non existente legitimo, qui ei præferatur. Observandum est, quod posuimus speciem in eo cui est relicta libertas & hereditas, utrumque per fideicommissum. ab eodem herede scilicet, nempe rogato uno eodemque herede eum manumittere, & ei restituere hereditatem, quem heredem dicimus compelli adire hereditatem. Hoc verum est, etiam si ab eodem herede libertas per fideicommissum sit relicta pure, hereditas autem sub conditione: nam & pendente conditione cogitur adire. *l. si cui pure, in pr. ad Treb.* Adicione facta cogitur heres manumittere, quia pure libertas data est, cogitur & interim restituere, qui invitatus adivit, non suo periculo, sed alieno. Sed aliud erit & contrarium, si hereditas pure per fi-

A deicommissum, libertas sub conditione relicta sit: nam heres non cogitur adire, antequam extiterit conditio, quia nondum libero non potest restitui hereditas, & secundum voluntatem defuncti, non cogitur heres eum manumittere prius, quam conditio existat, *d. l. si cum pure, §. ult.* Eadem ratione, si ab uno herede relicta sit libertas, ab altero hereditas per fideicommissum sub conditione, is, a quo relicta est hereditas, non ante cogitur eam adire ex Senat. Conf. Pegasiano, hodie Trebell. quam servo libertas contigerit, quam servus manuissus sit, quia nondum libero non potest deberi hereditas, deberi fideicommissum, quum scilicet servus fuit proprius testatoris, *l. si res aliena, §. servus, ad Trebell.* Postremo ex his, quæ diximus, observandum est, legitimum tutorem satisficere rem pupillarem salvam fore, aut non attingere eam tutelam, non pervenire ad legitimam tutelam sine satisficatione. Legitimi tutores ita sunt, qui satisfiunt: nam testamentarii, & qui dantur ex inquisitione, non satisfiunt: dati sine inquisitione, satisfiunt, ut dati a duumviris. Sed videtur satisficere remitti quibusdam. Plerumque legitimi satisfiunt: quæro, an omnes legitimi, quia videntur quidam excipiendi? Sane a patrono non est exigenda temere satisficatio, sed causa cognita, *l. legitimus, de leg. tut.* In hac specie tutor legitimus est patronus, ergo non est onerandus satisficatione, id est, non temere: quod tamen lex non vult ut attingat tutelam, antequam caverit, ut satisfiat, non est abique ratione, quoniam hic heres, idemque manuissor & patronus, quantum in ipso fuit pupillum relicta fideicommissaria libertate privavit: nec enim ultro eum manuissit, sed coactus a prætore, & ob id oneratur satisficatione, nec tutela ad eum pertinet, antequam satisfiat: ius tutoris, item ius patronatus non amittit, imo nullum ius patroni amittit, licet coactus manuissit, sed oneratur tamen satisficatione. Et alia est ratio ejus, qui fit liber ex Senat. Conf. Junciano, quod factum est Emilio Juncio & Julio Severo COSS. *l. si cum servum 28. §. si quis, de fideicom. libert.* Senat. Conf. locus in hac specie: rogatus est heres servum suum manumittere, sed si latret, ne servum manuissit & tergiversetur, tergiversatur est debitor, qui latrat, & tergiversatur, *l. i. §. ult. de leg. tut.* quid fiet? ipso iure fiet liber ex Senat. Conf. Junciano, & heres amittet ius patroni: non immemoro, quia non ipse manuissit, sed Senat. perduxit servum ad libertatem: vulgo in *d. §. si quis, legebatur, Factum Senat. Conf. Emilio Vinco & Julio Secundo COSS.* Sed legendum est, Juncio, ut recte Florent. & ita Satyr. 15. apud Juven.

--- Sed consule Juncio, Gesta.

Alia est ratio ejus, qui fit liber ex Senat. Conf. Rubriano, *l. quum vero 26. §. subventum, de fideic. libert.* Heres rogatus est manumittere: evocatus est a prætore, nec venit, nec obtemperat edicto prætoris: ex eo Senat. Conf. prætor pronuntiat eum esse liberum, perinde atque si directæ libertas relicta esset, id data esset: heres amittit ius patronatus, ergo non manuissit. At in specie proposita heres licet coactus, manuissit, & ideo conservatur ei ius solum, retinet ius omne suum, conservatur ei ius patronatus: quod omne demonstrant initio illa verba: *quia ex causa fideicommissi manuissit.* Quod est in extremo, facillimum est: loquitur de pupilla, de puella, id est, pupilla, sed idem obtinet in pupillo, ut initio legis dixi, ut tamen pupillo pupillave. In hac specie heres, idemque patronus tutor est legitimus, sed tutor esse definit pubertate, si pupilla 12. annum impleverit: puer 14. Post pubertatem datur curator, sed hoc interest inter curatorem & tutorem, quod hic datur invito, cum pupillus nihil velle aut nolle intelligatur, ille non datur invito, *l. 3. §. puberi, de tut.* Finge: impuberis tutor fuit patronus. Idem datur curator eidem facto puberi fuit eo desiderante: ut patronus fuit tutor, legitimus: si curator erit, erit curator datus, nam curatores puberum nulli sunt legitimi, nisi sint furiosi aut prodigi. Denique curator erit datus, qui tutor fuit legitimus, ergo curator dabitur ex inquisitione: proinde non satisficiat rem puberis salvam fore: sic fit, ut qui satisfecerit, quasi tutor; quod sit legitimus, non satisficiat quasi

quasi curator, quod sit datus ex inquisitione, & ubique in iure inquisitio pro satisfactione est. Observandum etiam in fine l. 3. quod supra omiseram, patronum libertate tutorem esse definire, si liberta puberit, hoc est, si 12. annum impleverit. De liberta loquor, non de liberta de pupilla, non de pupillo, quando certissimum erat pupillum pubertate liberari tutela. Feminae olim erant in perpetua tutela, nec pubertate fiebat tutela, sed liberabantur tantum libertate tutela patronorum iure quatuor liberorum ex l. Papia, ut Ulpian. scribit in *Fragm. tit. ult.* quæ non habebant ius quatuor liberorum erant sub tutoribus, nec poterant facere testamentum sine auctoritate tutorum, nec dotem dicere nupturæ, nec civile negotium contrahere, nec lege agere, nec se obligare, nec mancipia alienare sine auctoritate tutoris, & hoc ex l. Papia: ex constit. etiam receptum, ut liberta liberetur tutela patroni, & generaliter, ut pupilla liberetur tutela, quum coepit esse puer, ut mas, ut in tit. *Inst. quib. mod. tut. fin.* Pupilli pupillæ liberantur tutela pubertate, adiecit, pupillæ, ut notet juris antiqui abrogationem: quæ de causâ etiam Papinianus in d. l. 3. maluit in puella exprimere, quod in mare erat indubitatum.

Ad L. XXXVII. de Administr. tutor.

Tutorem, qui tutelam gerit, Sabinus & Cassius prout gerit in singulas res per tempora, velut ex pluribus causis obligari, putaverunt.

§. 1. Secundum quam sententiam servus infrior dominica mercis, vel præpositus debitis exigendis; si liber factus in eodem actu perseveret, quamvis tempore servitutis obligari non poterit: præterit temporis nomine, actione negotiorum gestorum non inutiliter convenietur, earum scilicet rerum, quæ connexam rationem cum his, quæ postea gesta sunt, habuerunt. Sic enim & tutela iudicium earum quoque rerum causa tenere placuit, quæ post pubertatem administrantur, si posterior actus priori coheret, neque divisus propriam rationem habeat.

§. 2. Inde descendit questio, quæ vulgo circa filiumfam. tractata est, qui tutor testamenti datus post tutelam gestam emancipatus in eodem officio perseveravit. Et secundum Sabinum & Cassium sententiam, eveniet, ut de eo quidem, quod post emancipationem gestum est, in solidum conveniri possit, de præteritis autem, si peculium non sit ademptum, siue sit ademptum, in id, quod facere possit: quod si superioris temporis nomine patrem de peculio pupillus conveniri maluerit, (annus enim utilis, ex quo tutela agi posse capit, computabitur) nec capiatur pater inducta totius temporis causa, tempus quo filiusfam. tutelam gessit, comprehendendum erit.

Proponitur initio generalis quædam sententia Sabinianorum: ad quam cetera omnia, quæ subicit Papinianus referuntur. Sententia hæc est: tutorem, qui tutelam gerit (quod dicitur ad differentiam tutoris honorarii) prout gerit in singulas res per tempora, velut ex pluribus causis obligari posse. Per tempora, id est, habita differentia & distinctione temporum, quibus gerit: & tempora, dicit, non singula momenta, sed quæ longius spatium habent. Idem vero dici potest de fure: imo de imagine furis, quod Sabiniani definiunt in tutorem, quod evidens etiam fieri potest. Fur prout contrectat rem furtivam per tempora obligatur, prout contrectat. Igitur sæpius contrectando tutorem etiam facit sæpe, quia tamen re non ideo magis nascitur actio furti vel crescit, l. 6. & q. de furt. Et per tempora obligatur, hoc est, habita ratione & distinctione temporum, ut mulier aut vir ob res subreptas in matrimonio divortii causa, non tenetur furti, sed si res contrectet post divortium, eadem res contrectando post dissolutum matrimonium tenetur furti & conditione furtiva, l. 3. ver. amot. atque ita distinguuntur tempora, quia contrectans in matrimonio non tenetur: contrectans post divortium tenetur: & ita servus ob res subreptas domino in servitute, non tenetur furti, sed si eas contrectet post libertatem tenetur, l. 1. de noxal. act. Ac similiter tu-

Tom. IV.

A tor prout gerit tutelam, per tempora obligatur, non quod ideo magis nascatur obligatio vel actio tutelæ, sed distinctio sit & separatio temporis, quo gessit & administravit, quod quatuor exemplis planum faciam. Primum est tale: tempus pupillaris ætatis separatur a pubertatis tempore: quomodo? nam quod tutor gessit pupillaris ætatis tempore, hoc est, quamdiu pupillus fuit, & ejus tutelam administravit, de eo tenetur actione tutelæ: quod gessit post pubertatem, de eo tenetur actione negotiorum gestorum, non tutelæ: nisi uno casu, si id, quod gessit post pubertatem connexum sit iis, quæ gessit antea, ut inquit textus eleganter. Si quod gessit, sit posterior actus, hoc est, administratio post pubertatem priori cohereat, nec divisus propriam rationem habeat. Connexum est, cujus ratio a tutelæ ratione, a tutelæ administratione separari non potest, vel id sine quo tutelæ administratio expediri non potest, l. 12. de neg. gest. l. 13. de tut. & rat. dist. Et nihil refert, geratur ante vel post tutelam, l. quid ergo, §. pen. de cont. act. tut. & inter cetera connexum dicitur officio tutelæ, ut tutor pupillam suam puberem factam statim admoneat, ut sibi curatorem petat, l. 5. §. si tut. hoc tit. Ita etiam de nexis tutelæ constituendum est. Nexa tutelæ veniunt in actionem tutelæ, licet gesta postea non sint in tutela, sed ante, vel post tutelam, quod confirmat etiam d. l. 13. cum seq. de tut. & rat. dist. l. 11. C. arb. tut. neque vero hoc est sine effectu magno, ut nexa veniant in actionem tutelæ: nam actio tutelæ est privilegiaria & fideiussores tenentur, si cautum sit rem pupilli salvam fore, l. quotiens §. 1. & 2. hoc tit. quod non fit in actione negotiorum gestorum: neque enim est privilegiaria, nec fideiussores interveniunt. Et similis distinctio fit temporum in servo institore, vel dispensatore, hoc est, præposito calendario, pecuniis fomerandis, & exigendis rationibus calendarii, & veluti institor, l. 5. §. 1. l. in eum, §. ult. de inst. act. Quæ, inquam, distinctio temporum servatur in tutore qui bona pupilli gessit, eadem in servo vel dispensatore, & in actore: Nam de eo, quod gessit post manumissionem tenetur actione negotiorum gestorum; de eo, quod gessit in servitute ante manumissionem, dum gererat actum domini, dum erat præpositus merces dominicæ exigende aut fomerandæ pecunie, de eo non datur in eum ulla actio, non tenetur ulla actione, quia nec ulla fuit in eum actio ab initio; ne post manumissionem quidem servus stat in iudicio: nam naturalis obligatio quam servus suscipit, nullam parit actionem, sed addenda est exceptio ut in tutore, nisi id, quod in servitute gessit, connexam rationem habeat, connexum sit cum eo, quod post manumissionem gessit: nam hoc casu redder rationem connexi, l. 17. cum actum, de neg. gest. quæ lex ex eodem Ulpiani libro conjungenda est cum d. l. 13. de tut. cum l. 17. de adm. & per. Hæc est de tutore; illa de servo actore, comparavit alterum alteri Ulpianus. Et hæc ita se habent ex Sabinianorum sententia, subindicans, non eandem fuisse rationem & sententiam Proculianorum: nam hi per tempora non dividebant obligationis causam, sed dicebant manumissionem teneri ex antegesto, etiam si ei connexum non fuisset post gestum, si modo in eodem actu perseverasset post libertatem. Nam perseverans in eodem actu, debuit a semetipso exigere & sibi solvere, quod reliquus est in servitute.

E Cur tegetur, inquit Proculiani ex antegesto? quia post agendo debuit a se exigere reliqua adus gesti in servitute: & si non exegerit, tenetur culpe nomine actione negotiorum gestorum, quasi non præstita bona fide, quæ excludit non tantum dolum, sed culpam, l. 18. & 19. in pr. de neg. gest. ut plane videtur lex 17. esse secundum Sabinum. lex 18. & 19. secundum Proculianos: l. 18. & l. Proculus contrariæ sunt. Imo ita est omnino, nec in eo habendum est, quod tamen Accursius facit in d. l. 18. & exemplo servi non dubitandum, quin Proculiani idem starent in tutore, qui post pubertatem pupilli sui in administratione perseverasset. Nam & hunc dicebant a semetipso perseverante in administratione rationem exigere debuisse de eo, quod administrasset & reliquisset in tutela.

V 2

la.

la. Et videtur etiam sententia Proculian. habuisse aequitatem, nec probatur tamen, nisi in his tantum, quae apud eum servum postea manumissum apparuit esse reliqua post manumissionem: nam eorum nomine, quae reliqua restabant ex antea gestis tenebatur proculdubio actione negotiorum gestorum. Et ita etiam Scævola in d.l. 19. §. 1. interpretatur, quod dicebat Sabinus, servum actorem & postea manumissum a capite rationem reddere debere: quod Scævola ita ait accipiendum esse, ut reliqua, quae apparuerint fuisse tempore libertatis, ea reddat, eorum rationem reddat, & ita rationem reddat *de approposito* *de manumissionibus*, videlicet si reliqua quaedam superstit tempore manumissionis, non etiam ut revocetur in obligationem dolus vel culpa admissa in servitute, quod non praestiterit bonam fidem in exigendis reliquis a feneratorio: quae omnia erant satis difficilia explicatu: quae sequuntur, erunt leviora & apertiora. Restant tria exempla, quae demonstrant obligationem tutoris, qui tutelam gessit, dividi per tempora: hoc demonstravimus uno exemplo, demonstrabitur adhuc tribus. Unum est in l. divi, h. l. 2. §. in quibus causis. tut. hab. Si sint plures tutores, qui gesserint tutelam, regulariter tenentur pro rata administrationis, & nonnumquam singuli in solidum in id, quod collegae gesserint ex constitutionibus quae sunt ea de causa: tenentur, inquam, vel pro rata administrationis, vel in solidum, ratione scilicet temporis, quo tutores fuerunt, quo pupillus fuit impubes: nam post pubertatem generaliter, si perseveraverint in administratione, tenentur tantum pro rata administrationis. Tertium exemplum est huiusmodi: Si filiusfam. tutelam gessit, & emancipetur nondum tutela finita, de eo, quod gessit ante emancipationem, plerumque tenetur in id tantum, quod facere potest ex edicto praetoris, l. 2. C. quod cum eo, ne novus paterfamil. vextetur vel opprimatur, vel oneretur solidi praestatione, sed non tenetur, nisi causa cognita a praetore. De eo igitur, quod gessit ante emancipationem, tenetur in solidum, sive in id, quod facere potest causa cognita. Et eleganter dicit Papinianus, sive ademptum ei sit peculium, sive concessum in emancipatione. Quod si concessum peculium locupletissimum & amplissimum eisset, non aequum videtur, ut exoneretur solidi praestatione, quem pater locupletavit concessione amplissimi peculii. De eo autem, quod gessit filiusfam. post emancipationem, omnino tenetur in solidum, l. 1. §. de tut. & rat. distr. Et ita per tempora filiusfam. tutor obligatur, modo in solidum, modo in id, quod facere potest, in quantum facere potest. Quartum exemplum est, quo demonstratur, dividi obligationem per tempora. Filiusfam. tutor emancipatur: pater ejus de eo, quod filiusfamilias gessit ante emancipationem, tenetur de peculio intra annum, quia extinguitur peculium, quod computatur, non ex die emancipationis, sed ex die finitae tutelae: quo agi potest tutelae: nam tutelae non agitur ante finitam tutelam. Quid est tutelae actio? quid est tutelae agere? postulare rationem tutelae reddi. Et ideo dicitur annus utilis, qui ab eo computabitur die, quo agi potest de peculio, & computantur tamen illi dies in annum, quibus agi potest de peculio, non dies continui, qui annum efficiunt. De eo autem quod filiusfamilias gessit post emancipationem nullo modo tenetur pater, l. 1. §. si filiusfam. §. 6. de tut. & rat. distr. Et ideo hoc exemplo demonstratur distingui tempora. Interpunctio in fine l. emendanda, id est, apponenda virgula, non comma, ne capiatur pater ind. tot. temporis causa, tempus, quo filiusfam. (subintellige, non emancipatus) Annus enim, &c. per parenthesin legenda sunt.

Ad L. XXIV. de Excusat. tut.

Nequaquam credendum est ei privilegium excusationis ablatum, cui fideicommissaria libertas soluta est: nam in tota fere jure manumissor ejusmodi, nihil juris ut patronus adversus liberti personam consequitur, excepto quod in jus vocare patronum injussu praetoris non debet.

A **I**llae tres leges, quae restant, sunt omnino singulares. Incipiamus a lege 24. Sciendum est, libertum, qui tutor vel curator datus fuit liberis patroni aut patronae impuberibus, aut adolescentibus, cogi tutelam, aut curam suscipere omnimodo, nec ullum privilegium excusationis habere. Multae sunt iustae causae, quae alios excusant a tutela & cura, nulla harum excusat libertum a tutela, vel cura filii sui patroni vel patronae: non excusat onus seu numerus liberorum, non onus trium tutelarum, sed neque ulla alia causa, quae alium excusaret. Et hoc est ex Senatusconsulto facto auctore D. Marco, l. libertos, C. de excusat. tut. Et hoc locum habet, id est, si in equestrem ordinem redactus fuerit; l. 14. h. tit. nam in aliis causis libertus, qui jus aureorum annulorum impetravit, habetur pro ingenuo, non pro libertino. In hac causa non habetur pro ingenuo, ut possit se excusare, quantumvis habeat iustam causam. Verum Senatusconsultum non intelligitur de libertis quolibet, sed de eo, in quo manumissor plenum jus patronatus habet, & in quo liberi ejus plenum jus patronatus habuit fuit, l. libertus, de tut. & curat. dat. ut puta, si sponte & ultro eum manumiserit: hoc enim casu, si eum miserit nulla cogente necessitate, nanciscitur in plenum jus patronatus: nam si quasi debitor ex causa fideicom. eum manumiserit, si non donaverit, si non dederit ei libertatem, sed solvit, si debita libertatem, non gratum praestiterit, fiet quidem is libertus, & ille patronus, sed non in plenum: namque omnia jura patronatus non habebit, omne jus in libertum non habebit, quale habet in libertis sponte manumisso: haec enim tantum habebit, ut ejus liberti, quem manumiserit ex causa fideicom. ut ejus, inquam, sit tutor legitimus, si sit impubes, l. 13. de tut. & cur. dat. & ut inon possit ab eo in jus vocari sine venia praetoris, l. 9. de in jus voc. & praeterea, ut ad bona ejus venire possit quasi patronus, vel ab intestato, vel ad bonorum possessionem unde legitimus, vel si testamentum ejus liberti praeteritus sit, per bonorum possessionem contra tab. quod ostenditur in l. qui ex causa 20. de bon. lib. l. 3. §. 1. de ius & hered. Tria habet quasi patronus, qui manumiserit ex causa fideicommissi, quique invitatus manumiserit secundum voluntatem defuncti, qui non magnam beneficium dedit, qui potuit cogi dare. Cetera autem jura patronatus non habet: primum invito libertum non potest donum, munus, operas imponere, comme avord huyls Seigneurs font à leurs subjects en quatre cas, qualla onera hodie imponimus clientibus sive vasallis: ei quem manumiserit sponte, potest libertatis causa donum, munus, operas imponere: ei, quem manumiserit ex fideicom. non potest imponere: & si imposuit, non potest petere, l. 7. §. de rescriptum, l. si quis hac lege, §. 1. d. Campanus, de oper. lib. l. mater, C. eod. nisi si. sit filius defuncti, qui rogatus est manumittere, & pater voluerit eum plene jus patronatus habere, d. l. qui ex causa: nam hic poterit etiam operas imponere, quia & directo manumisso a patre inter vivos posset operas imponere quasi patroni filius, non directo manumisso testamento: nam hic patronum non habet: libertinus potius est, quam libertus, neque etiam proprie est libertus sine patrono. Et ita est accipienda lex si filius, in pr. de fideic. lib. Ergo proprie est libertus sine patrono, & filius defuncti rogatus servum hereditarium manumittere, poterit ei operas imponere, maxime si ita censcat patronus, si non refragetur voluntas patroni, & tamen si testator rogasset extraneum heredem, ut manumitteret, & palam dixisset se velle, ut uteretur is heres pleno jure patronatus, hoc jure non uteretur, id est, non poterit donum, munus, operas imponere, quia non quicumque scripta sunt in testamento valent, aut servanda sunt: non sane, nisi quatenus congruit legibus & constitutionibus. nam non potest facere testator, ne leges & constitutiones in suo testam. locum habeant, & ita provi-
sum est in hac specie l. eodem, de oper. lib. l. videntur, de leg. 1. Constitutiones verant imponi operas manumisso per fideicom. nec igitur potest testator efficere, ne is constitutionibus sit locus, quae noluerunt onerari libertatem nisi
eam,

eam, quæ ultro & sponte præstaretur, & nulla necessitate cogente. Secundo, non potest desiderare patronus, si sit egenus, ut libertus cum alio, quod tamen solent patroni a libertis desiderare, quos sponte manumiserunt, sed ille non potest, l. 5. §. si quis a libert. de lib. agnosc. Tertio, non potest eum ingrati accusare, l. 1. C. de libert. & cor. lib. atque ita revocare, redigere in servitutem. Ingrati actio, hoc est, revocatio in servitutem, rescissio libertatis, datur tantum iis, qui sponte manumiserunt. Item si is, qui rogatus est manumittere, eum manumiserit suo testamento, & sibi heredem fecerit, non erit ei heres necessarius, l. si servo, de hered. instit. Servus domino est heres necessarius civili & pratorio jure, si eum sponte in testamento manumiserit, nulla cogente obligatione, non aliter. Item liberta, quæ manumissa est ex causa hujusmodi fideicom. si nupte manumissori, potest ab eo divertere vel discedere, & alii nubere etiam invito eo, quod tamen non potest ex l. Julia & Papia, si sponte esset manumissa, quod offenditur in luit. de divort. l. proxime, de rit. nupt. Et excipienda est hæc liberta, quæ est manumissa ex causa fideicom. a lege Julia & Papia. Denique lex Jul. & Pap. quæ vult, ne liberta diverfat invito patrono, de eo accipitur, qui sponte manumissit nulla necessitate cogente. Hic enim est proprie aut vere patronus. In hunc congruunt omnia jura patronatus. Ac postremo, ut offendit Pap. in hac l. 24. quod non est alias scriptum, libertus hujusmodi non cogitur suscipere filiorum patroni tutelam, si habeat legitimas excusationes: libertus quem dominus manumissit sua sponte, aufferit privilegium excusationis: huic, quem dominus quasi debitor manumissit, non sua benignitate, reservatur. Et hoc est, quod ait Papinianus hoc loco.

Ad L. ult. Si quis a parente manumissus.

Divus Trajanus filium, quem pater male contra pietatem afflicto, cogit emancipare: quo postea defuncto pater, ut manumissio bonorum possessionem sibi competere dicebat. Sed consilio Neratii Prisci & Arifonis ei propter necessitatem solvenda pietatis denegata est.

Dixi, patronum hujusmodi, qui manumissit ex causa fideicommissi habere possessionem contra tabul. si præteritus sit, si in testamento ejus liberti silentio omiffus sit, & quod ait Papin. non tantum excipiendum est de patrono, nam hoc etiam obtinuit non tantum in filio defuncti, l. 1. C. de bon. posses. contra tab. lib. sed etiam in alio quolibet herede defuncti, l. 1. qui ex causa, l. 3. §. 1. de suis & legatis. Sed forsitan hoc non ita procedit, ut possit petere bonorum possessionem contra tabulas & consequenter legitimam debitam patronis, si coactus a patre eum manumiserit, si in ius vocatus fuerit, ac tandem damnatus fuerit eum manumittere: nam eodem etiam libro Papin. scriptum in l. ult. si quis a parente man. patrem, qui coactus emancipavit filium, hoc est, vendidit, ac deinde redemit, & manumissit, non habere bonorum possessionem contra tabulas filii, si sit præteritus in testamento filii. Quid? cogiturne pater filium emancipare, non quidem regulariter, sed existant casus quidam, quibus cogitur, maxime a principe, non a quolibet magistratu, ut si filius ab eo atrociter tractetur contra officium pietatis, si male afficiatur a patre, si pater nimium in eum saeviat, idque liqueat principi, coget princeps patrem eum emancipare, quia patria potestas consistit in pietate. Et cum auctoritate Adriani aliquando pater ob eam causam coactus fuisset emancipare & manumittere filium, deinde mortuo filio testato, & præterito patre, patri denegata est bonorum possessio contra tabulas, quæ tamen alias competit patri manumissori, ut patrono: ut filio sic patri competit querela inofficiosa. Igitur, si sit præteritus testamento filii, alias vel ut pater agat querela inofficiosa, vel alias poterit petere bonorum possessionem contra tabulas, ut patronus, si manumissor extiterit, l. pater, de inoffic. testam. l. 1. si quis a par. manumissit, huic tamen patri, qui coactus fuit manumittere, & emancipare filium, etiam præterito testamento filii, de-

A negata est bonorum possessio contra tabulas, consilio, inquit, Neratii Prisci & Arifonis. Ex quo loco patet & intelligitur, illos duos Trajano fuisse a consiliis, Neratium scilicet & Arifonem, & Trajanus etiam hunc Neratium destinavit successorem imperii. Cur denegata est bonorum possessio? propter necessitatem, inquit, solvenda pietatis, hoc est, quia coactus emancipaverat, quæ coactus dissolverat patriam potestatem. Pietas pro potestate Tertullian. in Apolog. Gravius est pietatis, quam potestatis vocabulum, l. divus, ad leg. Pomp. de parricid. Patria potestas in pietate consistit. Et hoc est, quod dicitur in hac lege.

Ad L. L. ad Trebell.

B Imperator Adrianus, cum Virius Cerealis filio suo Virio Simonidi, si in potestate sua esse desisset, hereditatem restituere rogatus esset, ac multa in fraudem fideicommissi fieri probarentur, restitui hereditatem filio iussit, ita ne quid in ea pecunia, quamdiu filius ejus viveret, juris haberet: nam quia cautiones non poterant interponi conservata patria potestate, damnum conditionis propter fraudem inflixit: post decreti autem auctoritatem, in ea hereditate filio militi comparari debuit, si res a possessoribus peti, vel etiam cum debitoribus agi oporteret: sed paternæ reverentiæ congruum est, egenti forte patri officio iudicis ex accessibus hereditariis emolumentum præstari.

Ultima lex est 30. ad Trebell. quæ etiam singularis est, & valde elegans. Pater heres institutus est, & rogatus restituere hereditatem filio, ea conditione, si in sua potestate esse desisset, cum esset sui juris. Interim multa pater fecit intervertendi fideicom. causa, disperdit, profligat bona hereditaria, quomodo consuleret filio? de erat auxilium juris filio. Sed in hac specie, patre non conservante hereditatem fideicommissum, filio in diem conditionis, sed interim dissipante omnia, Imperator Adrianus decrevit, ut pater restitueret filio statim: etiam si esset in potestate sua ante conditionem, ita ut in ea hereditate pater nihil juris habeat vivo filio. Recte, vivo filio: nam mortuo filio in familia superfluit patre, ea hereditas redit ad patrem, sicut omne peculium filifamilias. Hoc igitur casu fideicommissum hereditas restituitur ante conditionem, & ut loquitur Adrianus, inflixit damnum conditionis, dum fideicommissum representari voluit: quomodo dicatur damnum voluntatis in l. 23. §. servum, de fideicommiss. libert. quoties non obtemperatur voluntati defuncti. Evenit etiam alio casu, ut fideicommissaria hereditas restituatur ante conditionem, videl. si heres sit compulsus adire: nam hoc casu etiam restituitur, non expectata fideicommissaria conditione, l. apud, §. ult. l. si cui pure, ad Trebell. Cui sententia nihil obstat l. sed est ante diem, §. cum patre, eodem. Paucis explicanda est species: pater heredem instituit, eumque substituit filio exheredato, & rogavit, ut omnem hereditatem, quæ ei obveniret ex substitutione, restitueret Titio: an a Titio heres institutus poterit cogi adire, ut valeat substitutio, & fideicommissum? Non potest, Utitur duplici ratione. Prima est, quia fideicom. est relictum sub conditione: ergo a fideicommissario non potest cogi adire, antequam conditio existat. Hæc ratio, ut inquit Accursius, non est idonea. Igitur aliam subiicit: deinde, quia non probe agitur de hereditate viventis pueri, quæ est idonea ratio. Et hoc solemne juris auctoribus, ut utantur duabus rationibus a rethoribus more sumpto innotuit & ut quæ postulat, quando prior est minus idonea, alioqui superflua esset posterior. Unius enim rei una tantum ratio est. Ergo evenit etiam in casu h. l. propter mores patris, ut representet filio fideicommissum, atque ita sit, ut filiusfamil. habeat bona pagana propria, quando vivit: nam hæc certe non sunt castrensia, non quali castrensia, sed pagana five paganica: mores patris faciunt, ut representetur filio fideicommissum, ut quali a patre profecta ab eo retineatur hereditas. Dices, alia ratione potuit consuli filiofamil. puta exacta cautione a patre, & satisfactione de non minuenda,

deva-

devastanda hereditate, quæ cautio præstatur de hereditate tam fideicommissi. quam etiam directa, *l. hac stipulatio, ut leg. non. cau. l. 4. C. ut in pos. leg. l. inter, qui satisd. cog.* Sed respondeo, non potuisse interponi hanc cautionem, quia filius, a patre, in cuius est potestate inutiliter stipulatur, & prius stipulari oportuit a patre, alioqui fidei-
jussores non obligarentur: ergo cum non posset interponi hæc cautio, damnum infixit. Inter patrem & emancipatum filium potest cautio interponi, sed plerumque etiam remittitur patri propter reverentiam paternam. Duobus tamen casibus non remittitur restituendæ hereditatis cautio, id est, filius emancipatus exigit cautionem a patre. Uno, si testator nominatim præcepit patrem satisfacere de hereditate restituenda filio: & altero casu, si transeat ad secundas nuptias, *l. jubemus, §. 1. C. ad Treb. & in Nov. 22. l. filio, ut leg. nomine cau. in fine.* Exposito hujusmodi decreto Adriani, ait Papinian. post illud decretum Adriani, filiumfam. paganus in ea hereditate comparari militi, qui habet castrense peculium. Constitutiones fecerunt, ut miles & filiusfam. haberentur pro patribusfam. in castrensi peculio. Decretum Adriani fecit, ut filiusfam. paganus in ea hereditate, & in specie hujus l. habeatur pro patrefam. Ergo agit hereditatis actionibus, quæ in eum transeunt restituta hereditate ex Trebell. Senatusconsult. agat, inquam, etiam non adjuncta persona patris: nam quod potest filiusfam. miles in castrensis, idem potest in hac specie paganus: sed hoc interest, quod filiusfam. miles potest testamentum facere de peculio; filiusfam. paganus etiam in ea hereditate non potest testamentum facere, sicut nec de peculio pagano, cujus proprietas hodie ex constitutionibus Justiniani ad filiumfam. pertinet, usufructus solus est patris, sicut & omnium bonorum adventitiorum. Hodie igitur filiusfam. est proprietarius, non tantum hujus hereditatis, sed & adventitiæ cujuslibet: sed hujus hereditatis est etiam usufructuarius. Ceteroquin non poterit de ea facere testamentum. Et hoc est, quod dicit, *quandiu filius viveret, nihil juris patrem in ea hereditate habere.* Vivus filiusfam. in ea hereditate pro patrefam. habetur, mortuus pro filiofam. & inutile est testamentum, quod de ea hereditate fecerit, quia *quandiu vivis duntaxat, jus omne habet in hereditate.* Verum subicit eleganter in fine, si pater sit egenus, si inopia labores, qui representant fideicommissum ex decreto principis, officio judicis ei esse prestandum emolumentum ex accessionibus, id est, ex fructibus ejus hereditatis. Emolumentum autem hoc loco, id est, alimonia patri egno esse præstanda, ut plerumque sic emolumentum accipitur, *l. 3. §. generaliter, l. ut, si cui plusquam per leg. Falcid. l. dominus, de usufruct. l. Movius §. pen. de legat. 2.* accipitur pro usufructu, ab emolendo, ut Persius ait, *Granaria emole, & Caesar, sine magno commentu & emolumento, quem locum quidam corruperunt.*

JACOBI CUJACII J.C.

COMMENTARIUS

In Lib. XII. Quæstionum ÆMILII PAPINIANI.

Ad L. LXIII. de Rei vindic.

Si culpa, non fraude quis possessionem amiserit, quantum pati debet æstimationem, audiendus erit a iudice si desideret, ut adversarius actiones suas cedat, cum tamen prætor auxilium quandoque laturus sit quolibet alio possidente, nulla capione adficietur. Ipso quoque, qui litis æstimationem percepit, possidente, debet adjuvare, nec facile audiendus erit ille, si velit postea pecuniam, quam ex sententia iudicis periculo iudicari recepit, restituere.

LIBRO XII. Quæstionum Papiniani iniriump dat l. 63. de rei vind. quæ tamen non esset inscripta Papiniano, stylus ipse statim proderet esse Pap. nemo alius tam graviter scribit, neque

A tam multa paucis complectitur. Egi rei vindicationem cum eo, qui rem meam bona fide possidebat: post litem contestatam, is ejus rei possessionem amisit culpa sua, an mihi condemnabitur culpa nomine? Et de hac re ita definitum est, si post litem contestatam iudicio in rem bona fidei, possessor, unde petitur, ejus rei possessionem amiserit sua culpa, culpa nomine condemnabitur, *l. qui petitorio §. 1. h. tit. l. si servus §. item cui Julianus, de evict.* Declaremus hoc exemplis. Finge: Rei vindicatione petitus est homo a domino: dominus petit servum per rei vindicationem a bona fidei possessore: pendente lite is servum per insidiosa loca misit & perit, vel etiam non custodivit, non vinxit, cum ejus conditionis, eorum morum esset, ut custodiri aut vinciri deberet, fugitivus forte, & is dum non custoditur, aufugit, nec facile recuperari potest, vel etiam is, unde petitur, pendente lite hominem petitum permittit in arenam descendere, & jugulatus est, vel etiam nave petita is, unde petebatur navem navigatam misit, & perit, vel etiam eam misit non idonea tempestate, puta bruma, non idoneo tempore, vel idoneam navigatam misit, & idoneo tempore, sed non idoneam gubernatori commisit, & perit naufragio: culpa nomine damnabitur, quia culpa ejus res interit perit; atque ita bona fidei possessor non tantum præstat dolum, sed etiam culpam; post litem contestatam culpam præstat. Ad videamus, culpa nomine in quantum condemnatur: sane tanti condemnatur, quanti litem æstimaverit. Iudex litis æstimator erit. Iudex, alias litem æstimat, id est, rem, de qua lis est. Iudex juxta pretio: aliquando litem æstimat actor juratus, non juratus, id est, dato jurejurando in litem æstimandam scil. id est, jurat se tanti rem æstimare, quod iurandum non necesse est redigi ad pretium justum: nam æstimabit etiam injusto pretio: æquum est enim, ut unusquisque rei suæ pretium, quod vult, faciat. Verum cum culpa bona fidei possessoris post litem contestatam res perit, non tanti lis æstimabitur, quanti actor in litem juraverit, sed quanti iudex æstimaverit, id est, quanti ea res erit. Inferet ergo reus æstimationem, quam dixerit iudex. Sed æquum est, si hoc desideret reus, qui nondum rem uscepit, ut actor, qui fert litis æstimationem, ei cedat actiones suas, id est, cedat actione sua, rei vindicatione, scil. & eum faciat procuratorem in rem suam, ut is rem vindicet a quolibet possessore tantum dom. Aget vindicatione recte, quasi procurator domini, id est, ex cessione sine mandato dom. Et hoc ostenditur in l. 2. in pr. & §. 1. h. t. Ergo non aliter cogetur reus fuisse litis æstimationem aut solvere, quam si actor ei cedat rei vindicationem, quæ ei competit jure domini. Sed ut ostendit Pap. hoc loco, etiam sine cessione reo, qui subit litis æstimationem, a prætore dabitur vindicatio utilis, id est, Publiciana actio, non directa vindicatio, licet videatur rem emisse præstita æstimatione, quia quum res abest, non aliter fit dominus is, qui subit litis æstimationem, quam si ejus possessionem apprehenderit, ut præstita æstimationis litis non aliter fit dom. servi, qui est in fuga, quam si possessionem servi ejus apprehenderit, *l. hac si res, h. t.* Concludamus igitur hoc modo. Reus cujus culpa res abest, post litem contestatam condemnatur, quanti ea res est culpa nomine, sed rem persequitur, vel ex cessione domini cui solvit litis æstimationem directa vindicatione: vel sine cessione, utili vindicatione, id est, Publiciana: quum nondum uscepit, & initio possedit bona fide, iustoque titulo. Et hoc est quod ait in priore parte *h. l.* bona fidei possessorem, qui possessionem non fraude amiserit, condemnatur æstimationem litis præstare, posse desiderare ut adversarius actiones suas cedat, id est, vindicationem directam: quamvis nulla capione afficiatur, ea non cessat. Cum prætor auxilium quandoque id est, quandocumque laturus sit, data Publiciana scil. ergo desiderabit sibi cedimus minus, prætor ei semper dabit Publicianam. Et subicit in posteriore parte, etiam ei dari Publicianam adversus dominum, si forte dominus ejus rei, cujus æstimationem accepit, possessionem nactus sit: postea nec obstat exceptio justi domini, quia Publiciana obitare solet. Nam Publiciana dari solet tantum adversus extraneum possessorem,

forem, non adversus dominum *l. pen. tit. seg. de Publ. in rem act. l. mandatum 57. man. sed sunt 4. vel 5. casus quibus Publiciana datur etiam adversus dominum, nec obstat agenti exceptio domini. Unus est in hac l. cuius ratio est elegans & evidens: nam si non esset efficax actio Publiciana adversus dominum, dominus haberet & rem & æstimationem. Quod est iniquum. Imo vero, ut idem Pap. in fine demonstrat, non auditur dominus, cum quo agitur Publiciana, si velit, ne rem restituat omnia retro agere, & retractare, id est, si paratum se esse dicat pretium, & litis æstimationem restituere, se malle rem quam pretium redditorum, modo sibi res non auferatur Publiciana: non audietur, quia in potestate venditoris non est recedere a venditione, quæ perfecta est invito emptore, litis æstimatione venditio est, *l. litis æstimatio, D. pro empt. Qui litis æstimationem solvit, rem retinet: aut recipit postea atque possidet & utitur pro emptore. Emptor est, qui solvit pretium rei, etiam si dominus pretium non fecerit eius rei, sed iudex: sunt necessaria quedam venditiones. Ergo is, qui litis æstimationem pertulit, actione Publiciana invito domino rem auferet. Qui litis æstimationem pertulit suo periculo, ut ait; Ait enim, actorem accipere litis æstimationem periculo iudicis, id est, condemnati, ut Accur. Quomodo periculo condemnati? quia solvit pretium sub incerto, sub alea, ejus forte rei nunquam recuperandæ, quia damnum facit sue pecunie, etiam si rem non recuperet. Ergo æquum est, ut qui litis pretium domino intulit suo periculo, sive rem possit recuperare sive non actione Publiciana; invito domino rem auferat, quæ forte postea ad dominum pervenit. Et hoc est quod ait in posteriore parte hujus *l. ipso quoque possidente, qui litis æstimationem percepit* adjuvari debere eum qui eam præstitit; scilicet per eandem actionem institutam, id est, per Publicianam, quæ etiam datur adversus dominum. Repetamus definitionem initio propositam. Si post litem contestatam bonæ fidei possessor culpa sua amisit rei possessionem, culpæ nomine condemnatur, quanti ea res est, id est, quanti iudex arbitratus fuerit. Ait enim Pap. ex sententia iudicis, id est, æstimatione iudicis, rei pretium præstabit actori, æstimationem igitur, non fieri iurejurando actoris, sed sententia iudicis sola. Definitio illa sic ait, *si post litem contestatam*. Quid si ante litem contestatam rei possessionem amisit, culpa sua? Rursus ait, *si post litem contestatam amisit culpa sua*. Quid si dolo amisit vel fraude? & rursus quid si sine dolo, sine culpa? Præterea definitio loquitur de bonæ fidei possessore. Quid in malæ fidei possessore juris est? hæc omnia explicanda. Et primum si bonæ fidei possessor ante litem contestatam culpa sua rem amisit, an præstabit culpam? minime: dolum dumtaxat præstabit, si forte rem alienam esse cognoverit, quam initio possederat bona fide. Ante litem contestatam interpellatus & conventus a domino aliud est conventio, aliud litis contestatio. Conventio potest præcedere litis contestationem. Conventio est interpellatio & admoitio: & ita, si post dolumalo effecit, ut res interiret, utique dolum præstabit præteritum, id est, admissum ante litem contestatam, culpam non præstabit, *l. si homo hoc tit.* Rursus quero, quid si dolo malo possidere desierit post litem contestatam? pro possessore habebitur. Et hoc est quod dicimus, dolum esse pro possessione, *l. 22. h. t.* Quanti condemnabitur? sane tanti condemnabitur hoc casus, quanti actor in litem iuraverit; quod iusjurandum plerumque iudex sequitur, etiam si iuraverit in infinitum, quamquam iudex possit moderari, reserare iusjurandum, moderari æstimationem. Ex eo tamen iurejurando plerumque nihil minuit, sed tanti damnat reum, cuius dolo res perit, quanti actor iuratus æstimaverit rem suam: nam æstimationi rem sine iurejurando actori fides non habetur: ac præterea illata ea æstimatione secundum iusjurandum actoris, actor non tenetur, non cogitur ei cedere actiones suas, quia dolo desit possidere, non habebit etiam ipse, qui intulit æstimationem litis, actionem Publicianam, neque adversus dominum, neque adversus alium possessorem, *l. qui restituitur, cum l. seg. h. t.* Quibus solet opponi lex in depositis, de re iud. Fluge. Actum est depositi vel commodati cum**

A depositario, vel commodatario: post res deposita, vel commodata interit dolo rei: sustinebit æstimationem litis, de eo nemo dubitat, sed succurretur ei, ut dominus cedat actiones suas rei persequendæ causâ, compulsio domino ad cedendum ei actionem suam rei persequendæ causâ, cuius ille pretium intulit. Cur ergo etiam in casu proposito, quando is, qui dolo desit possidere, æstimationem intulit iudicio in rem, quare non cogitur actor cedere actionem suam? Distinguenda sunt in hac re bonæ fidei iudicia a strictis. In iudiciis bonæ fidei officio iudicis is, qui condemnavit reum, cedit actiones suas reo, officio iudicis, quod est certissimum in strictis, ut in actione in rem, etiam si sit arbitraria actio, non est latissimum officium iudicis: Et falsum est, quod Græci dicunt, actionem arbitriam imitari bonæ fidei actionem, imo stricta est actio, quia stricta est, in qua tamen aliquid possit officium iudicis, sed non quodlibet; in qua tantum possit aliquid arbitrium iudicis. Notanda est hæc differentia inter iudicia bonæ fidei & arbitraria, quod genus est strictorum iudiciorum: nam sunt arbitraria vel non. In actionibus bonæ fidei is, cuius dolo res abest, si solverit litis æstimationem, actor cogitur ei cedere actionem suam, non in arbitrariis, ac multo minus in non arbitrariis. In iudiciis bonæ fidei officium iudicis est latissimum, non in arbitrariis. Et in iudiciis bonæ fidei insunt omnes exceptiones, id est, suppletur officio iudicis, omittuntur a reo sine periculo, non etiam in arbitrariis, *l. Pap. l. seg. de Pub. in rem act.* In iudiciis bonæ fidei exigitur cautio ante diem, ad diximus in *l. in omnibus, de iudic.* in arbitrariis idem non obtinet. Ac postremo, in iudiciis bonæ fidei veniunt fructus, etiam percepti ante litem contestatam, non etiam in arbitrariis, nisi extent, *l. 2. C. de pot. hered.* Arbitraria ergo iudicia, nea sunt bonæ fidei, nec imitantur iudicia bonæ fidei. Imo origine sunt stricta, atque eventu ut plurimum. Rursus queritur, quid sit dicendum, si bonæ fidei possessor post litem contestatam sine dolo & sine culpa rem desierit possidere? hoc casu absolvitur non quidem omnimodo: namque actor potius vincit quodammodo, ut Theoph. demonstrat in tit. de divisi. *l. 1. p. Videamus quomodo?* Quia absolvitur quidem reus, qui vacat dolo atque etiam culpa, quo enim nomine condemnaretur? Sed si rem usucepit interim: nam litis contestatio non interruptit usucapionem, cogitur domino cedere actiones suas, id est, rei vindicationem, *l. 2. h. t.* Præterea debet cavere de ea re restituenda, si in suam potestatem pervenerit, non de ea re requirenda & persequenda suis sumptibus, sed de restituenda tantum, si casu quodam ad se res redierit, imo & de persequenda, si non cedat actionem suam, ut Theoph. declarat. Sed si non usucepit rem, absolvitur omnino, quia non habet actionem quam cedat, & quia supervacua esset cautio, cum rei persecutio sit domino salva, nondum impleta usucapione: dominus enim rem persequi potest, ut ait *l. 21. h. t.* rationem tamen reddit utroque casu, id est, sive usucepit, sive non, de fructibus, quos percepit eo tempore quo possedit, *d. l. 21.* Postremo queritur, quid sit dicendum in possessore malæ fidei? Primum possessor malæ fidei ante litem contestatam culpam præstat, quod supra diximus non obtinere in bonæ fidei possessore, *l. si homo, hoc tit.* Ergo multo magis culpam etiam præstat post litem contestatam, quam præstat etiam bonæ fidei possessor, sed durior erit condemnatio malæ fidei possessoris: nam ei non cedit dominus actione sua, & non dabitur ei Publiciana, quæ datur bonæ fidei possessori: & præterea, non quanti res erit condemnabitur, sed perinde ac doli nomine, qui conductus in eo intelligitur post litem contestatam, etiam si non manifesta fraus arguatur, sed culpa tantum, aut negligentia. Et ita non est perpetuo verum, quod dicitur, *post litem contestatam omnes possessores pares esse*. Id non obtinet in hoc casu, quod obtinet in aliis: nam bonæ fidei possessor fatum non præstat, id est, si res post litem contestatam interierit suo fato: malæ fidei possessor, fatum præstat post litem contestatam, si modo res non erat interitura apud dominum, *l. illud, de pot. hered.* Atque ita in eo etiam sunt dispares, ac etiam in alio, quia bonæ fidei possessor, quod acqui-

adquirat servus, qui petitus est, post litem contestatam ex re ejus ei acquirit, non domino, nec id venit in restitutionem, quia ex re ejus partum est, quod ipsum veniret in restitutionem, si male fidei possessor esset, quod indicat l. 20. hoc tit. Atque ita his tribus casibus omnes possessores pares non sunt post litem contestatam.

Ad L. XIV. de Tut. & curat. dat.

Libertus non aliis patroni, patronave liberis tutor esse cogitur, quam qui jura patronatus sperare possunt.

Sententia l. 14. de tut. neque ab Accursio, neq. ab aliis explicatur: nam qui ad eam notantur loci, nihil pertinent ad legis sententiam, nihil ad verba. Intelleximus l. 11. ex l. 24. de excus. tut. libertum datum tutorem liberis patroni, patronave, compelli tutelam suscipere vel curationem, etiam si privilegio aliquo excusationis subnixus sit, omne ei privilegium excusationis auferri ex Senatusconsulto, quod tamen Papin. docuit d. l. 24. locum non habere in liberto, quem quis compulsus ex causa fideicommi. non sponte sua munivit. Et in hac l. 14. idem Papin. docet, id locum habere in liberis patroni, qui jura patronatus sperare possunt: locum igitur non habere in liberis patroni, qui jura patronatus sperare non possunt. Et jura patronatus vocat per excellentiam, ut alibi jura succedendi in bonis liberti per bonorum possessionem, unde legitimi ab intestato, vel per bonorum possessionem contra tabulas, hoc est summum commodum patronatus, quod & jus libertorum dicitur, l. 13. hoc tit. Jus liberti, id est, jus succedendi liberto, cui nexum est jus tutelae, nam quo successio, eo etiam tutelae redit secundum regul. juris. Qui liberti sperat successionem, & ejusdem impuberis tutelam gerit. Ergo ut dixi, in h. l. 14. jura patronatus sunt jura succedendi liberto. Sunt autem quidam liberti patroni, qui hac jura non habent, ut liberti exheredati, qui non succedunt liberto paterno, nisi pater nominatim caverit, ut exheredato esset salvum sui patronatus, si pater exheredato, de bon. liber. Item liberti ejus patroni, qui contra legem Eliam Sentiam libertum jurejurando adegit, ne nuberet, ne liberos tolleret, nam hic ex lege Alia Sentia non succedit liberto, nec liberti ejus: non habent jura succedendi, l. qui contra legem, de jure patr. atque ita sicut in l. 1. de leg. tut. dicitur, legitimos tutores esse eos, qui sperant successionem pupilli, ita, ut hoc loco proponitur, tutor datus filio patroni, ita demum repellitur ab omni excusatione, & tutelam suscipere cogitur, si pupillus speret successionem ejus, id est, si ipse patronus sit: nam & filius patroni, patronus dicitur, si jura habeat in bonis liberti, licet non sit principalis patronus. Et ita explicanda est hac lex.

Ad L. XXXVIII. de Adm. tut.

Si plures tutelam non administraverint, & omnes solvendo sint, utrum quia nulla partes administrationis inveniantur, electioni locus erit: an ut ejusdem pecuniae debitores excipere debeantur periculi societatem? quod magis ratio suadet.

§. 1. Si quidam ex his idonei non sint, onerabuntur sine dubio ceteri, nec inique, cum singulorum contumacia pupillo damnus in solidum dederit.

§. 2. Unde querendum est, an actiones pupilli, et

Quastio est elegantissima, pro qua parte quisque tutorum conveniatur & condemnatur. Finge: Duo sunt vel plures tutores, & sciunt, se esse tutores accessantes, id est, non administrant, quid fieri? Extra ordinem cogentur administrare, l. 1. in princ. hoc tit. l. 4. §. ult. rem pup. solu. fore. Extra ordinem, quod notandum, quia nulla est prodita actio eo nomine, qua cogantur, sed multa coercentur, vel capris pignoribus compelluntur, quae vocat strictiora remedia, l. 3. de susp. tut. sed possunt per-

A tinaces, contumaces, refractarii, contemnere hac remedia, & vel multati, vel coerciti capione pignorum persequere in eadem excusatione. Quid vero tunc fiet? ut ostendit l. 3. vel tanquam suspecti removebuntur, & alii in locum eorum dabuntur, vel si nemo sit, qui possidet eos suspectos, omne periculum tutelae sustinebunt. Quare maxime onerabuntur, & suo periculo cessabunt, l. 1. §. 1. hoc tit. & tenebuntur utili actione tutelae: directa tenebuntur, qui administraverunt, utili qui non administraverunt, d. l. 4. §. 1. rem pup. soluam fore. Sed si omnes tutores, qui cessarunt, solvendo sint eo tempore, quo finitur tutela, & inchoatur actio tutelae, queritur an pupillus quem volet ex iis eligere possit, eumque in solidum conveniri? Quod videtur: nam non potest pupillus actionem dividere pro rata administrationis, cum nullus administraverit: verum si omnes administrationis, cum nullus administrationis tempore, cum eo scilicet quem elegerit pupillus, licet singulorum dolus, id est, cessatio, mora, contumacia, pupillo damnus dederit, in solidum tamen, quia omnes locupletes sunt, omnes solvendo sunt. Is quem elegerit pupillus, quemque convenit in solidum opposita exceptione efficit, ut actio dividatur inter collegas pro virilibus portionibus, exemplo plurium fidejussorum, vel mandatorum, qui habent beneficium divisionis ex epistola D. Adriani, si fuerint solvendo litis contestatae tempore, §. si plures, Instit. de fidejuss. Duo rei ejusdem pecuniae idera beneficium non habuerunt ante Novellam 99. fidejussores & mandatores habuere, sed non alii rei, praeterquam tutores, qui tenentur iudicio tutelae, quod est bonae fidei. Interpretatio bonae fidei inducit divisionem periculi inter tutores. Certum igitur est plures tutores habere beneficium divisionis, si omnes cessaverint, si omnes administraverint. Qui cessarunt, dividunt actionem pro virilibus portionibus: qui administraverunt, dividunt administrationem, id est, actionem pro rata administrationis, si ea divisa fuerit a testatore vel a iudice, non si ab ipsis tutoribus: si indivisa fuerit administratio, dividunt actionem pro virilibus portionibus. l. Divi, l. si duo, hoc tit. l. 1. §. nunc. de tut. & rat. dist. l. 2. C. de divid. tu. Addit l. Divi singulos tutores nonnunquam teneri in solidum, & condemnari scilicet nec habere beneficium divisionis.

B Quod procedit his casibus, tantum: nam & ait, nonnunquam. Si, exempli gratia, duo sint tutores, primus & secundus, & primus graviter & bene gesserit tutelam, secundus ignaviter, vel omnino non gesserit, primus convenitur in solidum detracto beneficio, divisionis scilicet si debuerit contutorem suspectum facere, & removere, nec fecerit, vel si a contutore satis non exegerit, cum sciret satis non exegisse magistratum municipale, qui eum dedit, vel si contutorem tarde suspectum fecerit, ac propterea si lusorie eum suspectum fecerit, id est, ita ut pateretur se vinci, si desuntorie suspecti eum accusaverit, non strenue, non sedulo. Et hac pertinet d. l. 2. C. de divid. tut. l. 2. & §. de magistr. conven. His casibus tutor, qui hac commisit, ut non peregit sedulo, pro contutore tenetur in solidum: ac praeterea his casibus contutor prius convenitur pro contutore suo quam magistratus municipalis, l. 1. §. 1. si quis adeo, de tut. & rat. dist. si modo in eo §. ita legatur, ut ostendimus lib. 2. quaest. l. 2. de quib. reb. ad evand. iud. hoc modo, si tutores solvendo non sint, & alio loco, si tutor ob hoc conveniatur, quod suspectum facere vel satis exigere superederit: quod Huiusmodi animadvertit: ac praeterea his casibus tutor, qui in solidum convenitur, condemnatur, non in sortem tantum, sed etiam in usuras, ut ex eodem lib. 12. quaest. Ulpien. refert in l. tutor qui repertorium 7. §. pen. hoc tit. & §. si post. de pos. & segg. Alias, antequam ad contutorem veniatur, excutitur tutor vel heres ejus, & fidejussor ejus, & magistratus municipalis qui eum dedit, & extremo loco pervenitur ad contutorem, l. Lucius 48. §. pen. hoc tit. Alias quoque contutor, qui pro tutore convenitur, non convenitur in usuras, nisi his casibus l. 2. C. de usur. suae administrationis nomine condemnatur in usuras, non nomine contutoris. Et generaliter iis, quos dixi esse

excutiendos, excussis, fortis nomine tutor qui solvendo est convenitur pro contutore, qui solvendo non est. Inopia unius onerat copiam alterius, l. 2. de quibus rebus ad eund. jud. Inde queritur, si quis solverit pro contutore suo, an pupillus ei debeat cedere actionem suam adversus contutorem? Et distinguitur subtiliter hoc modo: si pro contutore solverit ex proprio dolo vel culpa contutitoris, non communi, vel si solverit solidum ex communi culpa, & desidia ex communi gestu, pupillus ei cedere debet actionem suam, eumque facere procuratorem in rem suam, & si forte non cedat ei, is nulla captionis afficitur: nam ex constitutionibus tutori, qui ex his causis pro contutore solvit, datur actio utilis adversus contutorem, adeo ut non admodum desiderare debeat, sibi actionem directam cedi a pupillo: nam utilis idem est effectus, qui directæ. Et hoc ostenditur in l. 1. §. nunc tractemus, de tut. & rat. diff. l. ex pluribus, hoc tit. l. 2. C. de cont. jud. l. 3. C. de divid. tut. Sed si tutor conveniatur in solidum ex dolo communi, neque cederet ei pupillus actionem suam adversus contutorem, neque utilis dabitur, l. 1. §. plane, de tut. & rat. diff. ut in specie h. l. 3. si omnes tutores cessaverint. Cessatio est doli, sane est contumacia, & omnis contumacia fraus est, & doli, nec nisi per abusionem dicitur fraus & doli communis, neque enim delicti est societas sive communio. Est igitur unusquisque tutoris, qui cessavit propria contumacia, proprius doli in solidum, id est, qui pupillum damno affecit in solidum, quare indignus quoque est quicquam confuegi a doli participante contutore, quando unusquisque suffert penam proprii doli, ut non sit æquum ei cedi actionem adversus alterum, cum non pro altero condemnatus sit, sed pro seipso ex dolo proprio. Et hoc est, quod dicitur, culpæ quidam societatem esse: doli, & generaliter, maleficii non esse: & rursus doli, & periculi ex dolo communi societatem quidem esse, quod attinet ad beneficium divisionis, sed non quod attinet ad beneficium cessionis, sive utilis actionis in contutorem. Deinde, ut rectissime Bartol. inter plures contutores per contumaciam non gerentes tutelam, locum habere beneficium divisionis, non cessionis, quæ est verissima definitio legis, quam Azo conatus est pervertere: & est summa ratio differentie inter beneficium cessionis & divisionis: nam beneficium divisionis nihil consequor a contutore, sed me defendo, ne damner in solidum ultra virilem portionem. Beneficium divisionis est mera defensio, ut inquit idem Bartolus, & facile concedimus copiam defendendi se cuilibet. Beneficium autem cessionis consequeretur a contutore meo partem ejus, quod ex meo proprio dolo perfolvi: quod est iniquum, ut scilicet damnum mihi præster alter, quod sustinui ex meo proprio dolo: neque enim doli societas est. Et ita eleganter Papin. constituit differentiam inter dolum & culpam: nempe hanc: eum qui solvit solidum ex dolo communi non posse desiderare, ut pupillus cedat sibi actionem suam adversus contutorem suum, non posse etiam desiderare actionem utilem. At eum qui solvit solidum ex proprio dolo vel culpa contutitoris, iuste desiderare, ut sibi cedatur actio in solidum adversus contutorem, vel si solverit ex communi culpa, ut sibi cedatur pro parte tantum, & sine cessione habeat utilem. Ego existimo Papin. hæc conjunxisse eis, quæ scripsi in l. si culpa de rei vind. quæ fuit t. h. libr. & in qua ponitur similis differentia inter dolum & culpam. Ita est copulanda hæc lex cum d. l. si culpa.

Ad L. ult. Rem pup. salvam fore.

Si plures fidejussores a tutore pupillo dati sunt, non esse eum distringendum, sed in unum dandam actionem: ita, ut ei qui conveniretur actiones præstarentur: nec quisquam putaverit ab iure discessum, postquam pro ea parte placuit tutores condemnari quam administraverunt. Et ita denum in solidum, si res a ceteris non seruetur, & idonea culpa detegatur, quod suspectum facere superfederit: nam æquitas arbitri, atque officium viri boni videtur eam formam juris desiderasse. Ceterum fidejussores civiliter in solidum obligati, ceteris qui-

Tom. IV.

A dem agentibus ut dividatur actio, impetrare possunt: pupillo vero agente, qui non ipse contraxit, sed in tutorem incidit, & ignorat omnia, beneficium dividenda actionis injuriarum habere visum est: ne ex una tutela causa, plures ac variae quæstiones apud diversos iudices constituerentur.

Explicatur sum l. elegantissimam, l. ult. rem pup. salvo. for. Quod supra didicimus ex l. si plures, de adm. tut. idem aliqua ex parte repetitur in hac l. Si plures tutores sint, habere eos beneficium dividenda actionis, id est pupillum a singulis, qui modo solvendo sint litis contestatæ tempore, compelli partes pro virili, vel pro rata administrationis petere: nonnumquam tamen tutorem idoneum in solidum teneri pro collega, qui non est idoneus: ut puta si suspectum eum facere potuerit, & debuerit nec fecerit, vel si tarde vel luforie fecerit, vel si debuerit ab eo satis petere nec petierit, cum sciret magistratum ab eo satis non exegisse, & ita exprimitur partim in hoc loco, partim in aliis similibus, l. etiam, de adm. tut. l. 2. l. 5. de magistr. conven. l. 1. §. usque adeo, de tut. & rat. diff. l. tutor qui repertorium, §. pen. de admin. tut. l. 2. C. de divid. tut. Ex quibus locis explicandum est, quod ait l. Dfot, de adm. tut. nonnumquam tutores in solidum condemnari, nec scindere actionem. Regulariter scindunt actionem, id est, pro parte tantum conveniuntur & condemnantur: nonnumquam etiam in solidum, quod idem proponitur in h. l. ult. Sed mendum est in verbis quibus in hoc loco proponitur. Mendum unum est in verbo (idonea) Ait enim, pro ea parte placuit tutores condemnari, quam administraverunt, id est, tutores, qui habent beneficium divisionis. Sequitur exceptio, si ceteri, & c. vulgo legitur, & ideo in eo culpa detegatur. Recte legitur Florent. & idonea culpa detegatur. Florent. scriptura magis accedit ad veritatem, & idonea culpa detegatur, mutanda est una tantum litera, & leg. idonei culpa detegatur. Idoneum vocat tutorem, qui solvendo est, qui oneratur propter inopiam contutitoris, quem suspectum facere superfedit. Auctores Basil. ita legisse apparet, si horum tutorum scilicet quidam inveniantur non idonei, & idonei superfederint, eos veluti suspectos remove. Legendum igitur, & idonei culpa detegatur, id est, negligentia idonei tutoris detegatur in non removendo non idoneo tutore, hoc scilicet casu idoneus condemnatur in solidum, nec uteretur beneficium divisionis. Et hæc de pluribus tutoribus. Nunc queritur de pluribus fidejussoribus unius tutoris, qui pupillo caverint rem salvam fore, an hi etiam habebant beneficium divisionis. Proposui plures tutores habere beneficium divisionis exceptis certis casibus, sed quid de fidejussoribus tutoris unius? Et recte hoc querimus, ut proponitur in hoc tit. Nam si plures sint tutores, & singulorum plures fidejussores, & singulorum singuli fidejussores, non est dubium, ut inter tutores, ita etiam inter fidejussores exemplo tutorum dividi actionem, l. pupillus, de fidejuss. tut. At plures fidejussores unius tutoris non possunt dividere actionem. Et hoc est, quod ait Papin. hoc loco, pupillum non esse distringendum in plures adversarios: distringitur, qui cogitur dividere actionem, qui cogitur partes petere a singulis, nec potest eligere unum, cum quo agat in solidum: qui, ut est in fine hujus legis, ex una causa, ex uno negotio plures lites apud diversos iudices instituire compellatur. Hoc plane est distringi, adire diversos iudices ex una causa, pupillum non est distringendus. Ergo pupillo permittitur, cum quo velit ex fidejussoribus a tutore datis in solidum experiri: Sed cogitur etiam vicissim, si hoc desideret is, cum quo agit pupillus, ut cedere actionem suam, quod etiam hoc loco proponitur. Et ita cessio actionis necessaria in hac specie, quia confidejussori, qui solvit solidum, non datur utilis actio, nisi cessio sit, l. si fidejussor, de fidejuss. Ex hoc loco intelligitur, quam apte conjungantur hæc tres leges, l. 38. de adm. tut. l. si culpa, de rei vind. & l. nostra, quæ omnes tractant de cedenda actione a victore victo. Denique plures fidejussores unius tutoris non habent beneficium divisionis: & ideo potest pupillus agere in solidum, cum

X

quo

quo velit congregari in solidum, si modo ei cedat actionem suam adversus alios confidejussores. Unus tantum est casus in *l. pen. ff. de fidejuss. tut.* summe notandus, quo fidejussor tutoris beneficium divisionis habuit. Sciendum est autem ante Novell. Justin. in actoris arbitrio fuisse, aut agere eum fidejussoribus statim, vel cum principali reo. Hodie creditor non habet electionem, sed excutere prius debet principalem: licebat olim auctori, ergo pupillo cum quo vellet experiri. Finge: agit cum fidejussoribus, & eorum rogatu cum egisset, vel agere voluisset adversus eos, convenit tutorem, expertus est cum tutore, & cum stipulatus esset, rem pupillarem salvam fore, initio tutelae susceptae, nunc adolescens post finitam tutelam denuo stipulatus est ab eis de reddendo eo, quod non posset servare a tutore, cum quo prius agebat fidejussorum rogatu. Exegit a tutore quaedam, sed non omnia: effresiduum aliquid, & huius residui petitio adversus fidejussores ex posteriori stipulatione: an dividant actionem residui inter se? sic videtur, quia adolescens videtur omnes fidejussorum suscepisse, qui post pubertatem denuo ab eis stipulatus est, quasi omnia stipulatione priore rem pupilli salvam fore, ut jam non posset cum quo velit experiri in solidum; sed habebant beneficium divisionis: & hic est casus elegantissimus *l. pen. D. de fidejuss. tut.* Ad hanc quaeritur. Cur plures tutores habeant beneficium divisionis, non etiam plures fidejussores tutores? Proponitur differentia in hac *l.* & subjicitur elegantissima ratio, quia actio tutelae, qua tenentur plures tutores, est bona fidei, & aequitas arbitri, atque officium boni viri, seu bona fides desiderat huiusmodi divisionem admitti, sive concedi pluribus tutoribus, maxime cum non propterea pupillus distringatur pluribus iudiciis, quandoquidem plures tutores mittuntur ad unum eundemque iudicem, *l. 2. de quibus rebus ad eund. iud. l. 5. C. arb. tut.* Quid igitur est bona fides? hoc loco est aequitas arbitri atque officium boni viri, hoc est bona fides, quam bonus vir exstimatoris est. Arbitrator & bonus vir idem est. Arbitrum & bonum virum vocat hoc loco iudicem additum iudicio tutelae, actioni tutelae; & dicitur proprie arbitror in iure iudex, quoties actio est de rationibus reddendis, & ea actio arbitrium dicitur, ut in *l. ult. C. arb. tut.* Ergo bona fides & aequitas exigit, ut in actione tutelae toleretur divisio actionis inter tutores, ut conveniatur quique pro parte tantum, ut dixi cum non distringatur pupillus, quandoquidem omnes tutores mittuntur ad eundem iudicem ex constitutionibus: plures fidejussores non mitterentur ad eundem iudicem, si inter eos divideretur actio, ut indicat hac lex in fine. Idem non est constitutum in pluribus fidejussoribus, ut mittantur ad eundem iudicem, quod in pluribus tutoribus. Et praeterea actio exstipulata, qua fidejussores tenentur singuli in solidum, ipso iure stricta est actio, nec facile admittit aequitatem divisionis, praesertim agente pupillo, quem distringi iniuriolum est: fateor, alio agente, quam pupillo fidejussores habere beneficium divisionis exepit. Divi Adriani, si omnes sint solvendo litis contestatae tempore: sed ab epistola excipiuntur fidejussores, qui caverunt rem pupilli salvam fore: nam pupillo agente non habent beneficium divisionis: pupillo, inquam, agente beneficium dividenda actionis iniuriam habere visum est. Cur ita? quia aequum non est distringi pupillum, qui non contraxit cum tutore, qui eos fidejussores dedit, sed in eum incidit. Et hoc est quod dicitur, actionem tutelae non esse ex contractu, sed quasi ex contractu: pupillus enim non contrahit, & tutor datur etiam pupillo invito, & ignorant, & propterea aequum non est distringi pupillum, qui ignorat, quod agit. Et hoc est, quod dicitur pupillum non intelligere quid agat, pupillum ignorare, quod videt. Seneca in epist. *pupillum nondum rationalem esse*. Et ita multa habet singularia ex duabus posterioribus legibus: fidejussor etiam si solvendo sint, non habere beneficium divisionis agente pupillo, tutores vero habere beneficium divisionis, etiam si alii duo rei principales ante Novell. non habebant illud beneficium divisionis. Hoc etiam singulare est, differentiam esse

A constitutam inter actionem bonae fidei, & strictam: In bonae fidei actione divisionem facilius admitti, in stricta difficilius. Verba Papiniani Accursius non intellexit (*nam aequitas*) Responso est ad objectionem quae praecedit.

Ad L. X. de Suspect. tut.

Decreto pratoris ut suspectus remotus, periculum futuri temporis non times: iniquum enim videtur amoveri quidem a tutela, vel cura, in futurum autem non esse securum.

Sentential. 10. hac est. Ad eum tutorem, qui ut suspectus remotus est decreto pratoris periculum futuri temporis non pertinere: nam iniquum est, inquit, removere quem a tutela, & in futurum, post remotionem, non esse securum: alioqui si administrationis periculo etiam post remotionem obstringeretur, hoc esset removere nomine, non re, qui removeretur tutor esse definit, *l. 4. §. pen. hoc tit. l. quod si forte, §. quod si remoto, de solut.* Et ita si quis pupillo facto pubere, facto suae aetatis, tutor esse desinuit, periculum futuri temporis ad eum non pertinet, nisi perseveraret administrare, aut quid superfluum, quod sit nexum cum superiori tutelae administratione, *l. ult. C. de peric. tut. l. tutor, arbit. tut.* Pubertate definit quis esse tutor. Remotione definit esse tutor: ergo utroque genere periculum administrationis definit pertinere ad eum: nam administratio transferretur in alium, isque in quem administratio transferretur, periculum successor esse incipit: nihil autem refert, quibus verbis quis removeatur: nam si prohibitus sit tutela abire, sive prohibitus sit tutelam gerere, utroque modo definit esse tutor, *d. l. 4. §. pen.* nec unquam iure civili sententiarum fere decretorum fuit una certa & perpetua formula: nam qualiacunque verba sufficiunt: plerumque tamen ita solet decernere praetor, dum rejicit suspectum: quando Lucius Titius tutelam C. Seii ob inertiam gerere non potest, eum ob hanc causam tutelae abire jubeo. Exprimitur causa in sententia, vel ob rusticitatem, simplicitatem, dolum, fraudem, latam culpam, negligentiam, & exprimitur plerumque causa, ut appareat de fama & de existimatione: nam qui removeretur ob inertiam, vel simplicitatem, non est infamis, qui ob dolum, est infamis: sed potest etiam praetor suppressimere causam, & ita pronunciare: quoniam Lucius Titius C. Seii tutelam gerere non potest. Et quoties non est expressa causa, etiam si, quae causa movet praetorem, si turpis, veluti doli mali, qui removeretur non sit infamis, quod ex Papiniano traditur in *l. 4. §. 2. hoc tit.* nam actio proprie non infamat, sed verba sententiae, quo iure utimur. Actio iniuriarum est famosa, sed si verba sententiae sint ita composita, ut rem obumbrant, ut mentionem non habeant iniuriae, conservabatur condemnatio existimationis, nec fit infamis, quia causa condemnationis suppressimur data opera, ne fiat infamis: sententia est, quae infamat, non lis. Tantum autem abest, ut ad eum, qui remotus est, pertineat periculum futuri temporis, ut nec ejus temporis periculum sustineat, quo pependit cognitio suspecti, sive accusatio suspecti: nam interim statim atque postulaturs est suspectus, interdicitur ei administratio, & curator datur interim in locum ejus, quod ex eodem Papiniano est propositum in *§. si quis autem, Instit. de suspect. tutor.* & confirmatur *l. eum quem, C. eod. l. quod si forte §. 1. de solut.* At periculum praeteriti temporis, quod fuit ante suspectam cognitionem suspecti, proculdubio praestat, quod quidem incipit statim atque rejectus est, non antequam rejectus sit: tutor manet tutor etiam si postulaturs sit suspectus, antequam rejectus sit: ergo cum eo agi non potest actione tutelae, quia tutelae agi non potest, nisi cum eo, qui tutor esse desit. Ergo prius est removere, dum agitur tutelae iudicio, vel negotiorum gestorum cum curatore, *l. actus, de administrat. tut. l. pen. C. de suspect. tut.* Et nihil est praeterea, quod pertineat ad hanc legem.

Ad L. XXIII. de Liberis & postumis.

Filiū, quem pater post emancipationem a se factam iterum adrogavit, exheredationem antea scriptam nocere dixi: nam in omni fere jure sic observari convenit, ut veri patris adoptivus filius nunquam intelligatur, ne imagine naturæ veritas adumbretur, videlicet quod non translatus, sed redditus videretur: nec nullum puto refert: quod ad propositum attinet, quod loco nepotis filium exheredatorem pater adrogavit.

§. 1. Si Titius heres institutus, loco nepotis adoptetur, defuncto postea filio, qui pater videbatur, nepotis successione non rumpitur testamentum ab eo, qui heres invenitur.

Certum est, testamentum rumpi agnatione (nascantur) sui heredis, veluti postumi, id est, si nascatur filius ex iusta uxore post testamentum, qui quidem fit in eo testamento præteritus five omisus, id est, neque institutus, neque exheredatus: & præterea non tantum rumpitur agnatione, sed etiam quasi agnatione, veluti adoptione vel arrogatione: ego acquiro mihi, si ve adfisco mihi filium: atque ita quodammodo mihi videtur nasci si ve adfisco filium. Ergo hic etiam, quia adoptatur, rumpit testamentum, si in eo sit præteritus, l. 8. in pr. 2. seg. Verum quæro, quid sit dicendum, si is qui adoptatur post testamentum, in eo sit exheredatus. Rursus quæro, quid si inveniantur institutus? aut extraneus in testamento exheredatus est, & postea adoptatus est, aut filius emancipatus: nam est differentia constituta inter hunc & illum. Extraneus transfertur in potestatem adoptione: filius autem emancipatus revertitur, redit in potestatem (adoptione, sc. si l. entre: extraneus redigitur, l. entre in potestatem, l. qui liberatus, de adopt. Er. ut hic ait filius emancipatus redditur familiæ, non transfertur. Si extraneus sit exheredatus in testamento, & postea adoptatus, illius adoptio rumpit testamentum, quia pro præterito habetur: nulla est enim exhereditatio extranei. Exheredare enim est adimere hereditatem ei, qui eam sperat ex lege, vel edicto prætoris. Extraneus eam non sperat, ergo in eo nulla est exhereditatio, l. quidam, de verb. oblig. Quod si filius emancipatus exheredatus sit, in eo testamento exhereditatio valet jure prætorio: nam prætorius filius emancipatus non est extraneus patri: jure prætorio non habetur pro extraneo, jure civili est pro extraneo. Denique exhereditatio emancipati valet jure prætorio, quia eo iure vocatur ad hereditatem, perinde ac sius: prætor in danda hereditate, vel bonorum possessione non separat suum ab emancipato: Et ideo si post emancipationem filius exheredatus adoptetur, non rumpit testamentum, nec quasi præteritus petet bonorum possessionem contra tabul. quia invenitur jure exheredatus: nec quidquam refert, hic filius adoptetur in locum filii, an in locum nepotis: nam, quod est subtilissimum, commentum adoptionis si ve fictio, non potest efficere, ut qui natura est filius, minus videatur esse filius adoptionis filii emancipati non potest efficere, ut is magis videatur esse filius lege quam natura: potius, non commentitius est filius, sed naturalis, & filius verus, etsi adoptetur in locum nepotis; filius est naturalis & verus potius, quam nepos adoptivus. Prævalent enim jura sanguinis, naturalia jura, & eleganter Papin. ait: In omni fere jure sic observari, ut veri patris filius adoptivus nunquam intelligatur: sic loqui solet Pap. ut in l. 24. de excus. suc. & in l. in omni, de adopt. in omni fere jure. Et ait, fere, quoniam in potestatem redigitur, vocabulo adoptionis, vi adoptionis. Et subjicit recte, veri patris filium, verum filium adoptivum non intelligi, quod veritas sit fictio potior, ne, inquit, veritas adumbretur imagine naturæ: veritas: id est, jura naturæ: veritas suscipiendorum liberorum, ut Cic. loquitur pro domo, opponens eam adoptioni. Adoptio est jura civile: veritas est ejus naturæ. Adoptio est imago naturæ, & imitatio. Imago autem non debet aut potest naturæ, hoc est, veritatis, offundere caliginem. Quamobrem prævalent natura: & hic semper dicitur pro vero filio magis, quam adoptivo ait

Tom. IV.

A que ita pro exheredato habetur, nec rumpit testamentum: nam invenitur jure exheredatus. Et hoc est, quod ait in prima parte hujus l. Et notandum, citari hunc locum ab Ulpiano in eandem rem, in l. non putavit, §. si quis emancipatus, de bon. poss. cont. tabul. Verum, quid si quis institutus sit, & postea adoptatus, an adoptione rumpitur testamentum, quasi agnatione sui heredis? Et dicemus multo minus rumpi: imo hoc casu non constituemus differentiam inter extraneum & filium emancipatum: valet enim institutio in utriusque persona: nam in utroque adoptio non infirmat testamentum, in quo adoptatus invenitur institutus; valet enim institutio utriusque personæ, non exhereditatio. Et ita proponitur in l. 8. h. 2. ita proponitur etiam §. ult. hac l. Species hæc est. Extraneum in testamento heredem scripsi: deinde eum adoptavi in locum nepotis, quasi natum ex meo filio: nondum est mihi suus, quia eum præcedit filius, sed si præmoriar filius, mihi fiet suus, qui adoptatus est loco nepotis: mihi, inquam, fiet suus successione in locum filii ex l. Velleja. an successione rumpet testamentum? minime: non quæro, an adoptione, quia non hæc per se ei suum tribuit, sed successio facit suum, sed an rumpet testamentum? minime, quia invenitur institutus, ergo non est præteritus. Et hoc est, quod ait in §. ult. hac l.

Ad L. LXXV. de Hered. Instit.

Si filius substituitur ei a quo præteritus est: non ut institui patris, sed ex testamento habebit hereditatem: quoniam & quolibet alio substituto, si fuisset ab eo exheredatus, inde testamentum inciperet, ubi filius esset exheredatus.

IN hac l. vulgo dicitur ab interpretibus, (qui non loquantur accurate) non a juris auctoribus, non valere testamentum, id est, ipso jure nullum est, in quo filius suus est præteritus. Ego nollem, ut quis uteretur hac sententia his verbis, nam est plerumque falsa: fallit plerumque: vera enim est uno tantum casu, si filius sit præteritus ab omnibus gradibus heredum, ab omni parte testamenti. Intestatus est is, qui filium suum præterit, ab omni parte testamenti scilicet: aliter ita concipienda est illa sententia: non valet is gradus, cave dicas pars testamenti, in qua filius suus est præteritus, ut in l. 14. §. quod vulgo, de lib. & post. nam si exempli gratia, filius sit præteritus a primo gradu alio herede instituto ex asse, & secundo gradu sit substitutus instituto, vel in secundo gradu alio substituto sit exheredatus, vitiatur in primo gradu. Si primo gradu herede instituto ex asse, & filio, nec instituto, nec exheredato, & secundo gradu filius sit substitutus, vel si alio substituto sit exheredatus, rumpitur tantum primus gradus præteritionis, & tantum incipit testamentum a secundo gradu, l. 3. §. ult. de lib. & post. Et ita Papin. ait in hac l. si filius sit præteritus primo gradu, & substitutus secundo, quia testamentum valet, quod intelligatur incipere a secundo gradu. Ait igitur, eum succedere ex testamento. Vitiatur enim tantum primus gradus. Idem erit, si a secundo gradu sit exheredatus: nam testamentum incipit a secundo gradu, nec succedet filius ullo jure, nisi instituta querela inefficaci probaverit, se injuste & immerito exheredatum.

Ad L. XXXI. de Bon. libert.

Si libertus patrono, quod ad debitam portionem attinet, satisfaciatur, invito tamen aliquid extorquere conetur, quid faciendum est, quaeritur? Quid enim, si ex parte debita instituto, decem præterea legentur, & rogatur servum proprium, qui sit decem vel minoris pretii, manumittere? iniquum est & legatum velle percipere, & libertatem servo non dare: sed parte debita accepta, & legatus temperare, & libertatem imponere non cogi, ne servum forte de se male meriti cogatur manumittere. Quid ergo si solo eodem herede instituto idem libertus perierit? si substitutum habebit, æque decreti remedium poterit procedere, ut accepta debita portione, cetera

X 2

partes

pars ad substitutum perveniat, ita ut si forte servus redimi potuisset, praestaretur libertas, cessante vero substitutione patronum hereditatem liberti amplectentem Prator, qui de fideicommissio cognoscit, libertatem servo cum imponere cogat.

Hæc lex est facie aperta, sed sensibus abstrusis, ideo omnino eget interpretatione. Sciendum est patrono præterito in testamento a liberto, vel instituto ex minori parte, quam dimidia vel tertia bonorum, quæ mortis tempore fuerunt, dari bonorum possessionem contra tabulas. Dimidia partis iure antiquo, tertia partis iure novo: nam portio legitima debita reverentiae patroni, fuit olim semis omnium bonorum, hodie est triens, siue sit unus patronus, siue plures. Plures illi non sunt habituri amplius quam trientem, legitima est ea portio: sicut filii & liberi hodie siue sint plures, siue unus, habent trientem ejus, quod habituri erant ab intestato, trientem legitimæ portionis: nam legitima filii non proprie est legitima, sed triens legitimæ. Legitima est, quæ obvenit ab intestato unicuique ex liberis. Verum adiendum, patrono dari bonorum possessionem contra tabulas, quia non infirmantur omnino possessionem infirmantur prius per bonorum possessionem contra tabulas, quæ competit liberis præteritis, quæ differentia notanda est, possessio bonorum, quæ competit patrono, rescindit testamentum pro parte dimidia, vel hodie pro parte tertia, quod omne locum habet, si libertus factio testamento sine liberis decesserit. Et notanda est alia differentia inter filium præteritum & patronum: nam patrono præterito datur bonorum possessio contra tabulas, vel contra heredem scriptum potius, qui adiit ex testamento, contra contra tabulas: neque enim datur ante aditam hereditatem: filio autem præterito datur bonorum possessio vere contra tabulas, contra lignum, ut ait l. vulga, de bon. poss. cont. tab. etsi heres nondum adisset hereditatem, etsi nemo ex eo testamento heres existisset: quæ differentia ostenditur in l. illud, de bon. poss. cont. tab. l. 3. §. ut patronus, & §. si patrono, hoc tit. Secundum hæc, ut patrono satisfiat, testamento liberti est relinenda tertia pars, & quidem sine onere ullo, idque secundum jus novum, sicut constat liberis esse relinquentiam portionem legitimam sine onere ullo, ne testamentum rescindant ut inofficiosum, & patrem vel avum intestatum faciant. Quæ verba, sine onere ullo, latissime patent, id est, sine die, sine conditione, sine onere legati, fideicommissi, satisfactionis, denique sine onere ullo, quia portionem legitimam, puram, & immunem esse oportet: & si ita satisfactum sit patrono testamento liberti, ei non datur bonorum possessio contra tabulas. Nihil vero refert, quo titulo datur patrono portio legitima quæ ei debetur iure patronatus: nihil refert, relinquam titulo institutionis vel legati, l. 44. §. ult. hoc tit. sicut ante Novellam Justin. nihil referebat, portio legitima relinqueretur liberis, illo aut h. tit. ad excludendam querelam §. ult. Insist. de inoff. test. Hodie relinquenda est titulo institutionis. Cur? nam si non instituitur, exheredatur: alioquin ipso iure nullum est testamentum. Exhereditatio autem nota quædam est, infamia & macula: non est filius temere notandus: ergo non tam affectatur titulus institutionis in Novella Justiniani, quam ratio quæritur non inveniendæ infamiae filio, qui libertus ab infamia filium. Titulus institutionis est necessarius, ut liberetur ab infamia filium. Portionem debitam patrono fuisse olim semissem scriptum est in Inst. de success. lib. sed sunt huius juris antiqui etiam pleraque vestigia in Digestis, quamquam conatus sit Tribonianus ea omnia abolere, qui pro dimidie partis, reposuit, partis in l. i. §. pen. si cui plusquam per leg. Falcid. & l. debitor §. i. de pign. act. l. i. & l. 43. hoc tit. Idem etiam indicat Sueton. in Nerone, dum ait, Nerone constituisse, ut de bonis libertorum pro semisse dodrans præstaretur, id est, solvaretur patrono. Nunc finge: patrono relicta est debita portio, & præterea sunt legata decem adjecto onere fideicommissi, ut scilicet servum proprium manumitteret, qui erat decem vel

A minoris pretii. Debita portio non potest onerari fideicommissio, l. 45. hoc tit. & l. 28. de leg. 2. Legatum quod patrono relictum est, potest onerari fideicommissio, id est, legatum quod relictum est præter debitam portionem. Quod mihi debes, non potes onerare: quod mihi benigne concedis, potes onerare: legatum igitur potest onerari fideicommissio. Verum distinguendum est: aut patronus agnovit legatum, aut repudiavit: si agnovit legatum, eo casu cogitur onus, quod ei impositum est, adimplere, hoc est, servum manumittere, maxime cum plus non sit in pretio servi, quam in quantitate legati, ut ponit Papinianus hoc loco. Hoc igitur legato percepto, per prætorem fideicommissarium, qui cognoscit de omnibus fideicommissis, omnino cogetur eum servum manumittere. Quod si plus sit in pretio servi quam in summa legati, & legatum percepit, cogetur servum manumittere, qui longe plus est? Et videtur cogi posse, ut servum manumittat, quia percipiendo legatum, quod quasi pro pretio servi ei relictum est eum manumittat, non plus videtur aestimasse servum, licet sit plus. Et hoc ita procedit, etiam legatum sit diminutum per legem Falcidiam, si sit divisum, ut ait lex §. debitor 45. §. in fideicommissaria, de fideic. lib. id est, si divisum sit inter heredem & legatarium pro dodrante & quadrante, & legatarius dodrantem acceperit, non solidum legatum: nam etiam hoc casu, quia contentus fuit dodrante, eumque percepit, cogetur servum manumittere, quia non plus eum fecisse videtur, quam sit in summa, quam sit summa dodrantis, l. sed si non servus, ad leg. Falc. quod tamen non fuit sine controversia, non obtinuit nisi post multas controversias: nam ut indicat lex 6. de fideic. lib. quidam existimabant, eum qui rogatus erat servum proprium manumittere, si ex legato dodrantem duntaxat percepisset propter legem Falcidiam, non compelli manumittere, si plus sit servus, quam dodrans. Et profecto huius sententia videtur fuisse Papinianus, dum posuit non minus esse in legato, quam in pretio servi: legata fuisse 10. & servum fuisse dignum 10. vel minoris: non posit servum fuisse plus. Ideo si sit plus, subindicat legatarium non compelli eum manumittere, maxime si tantum sit Falcidia. Et fortasse in patrono hanc sententiam sequendam est, non aliis, aut quod malo, etiam in patrono: nam vehementer placet sententia legis §. debitor 45. §. in fideicommissaria, de fideicommiss. lib. qui §. est elegantissimus, & eum exponamus.

Instituto proponit, si relicta sit fideicommissaria libertas a legatario servo legatarii, necesse esse, ut legatarius suum servum proprium manumittat, necesse esse, ut legatarius suum legatum consecutus fuerit, id est, quavis lex Falcidia diminuerit legatum: & subiecit rationem: pecuniarium enim fideicommissum si divisum fuerit, satis injuriam facit libertati, quam fideicommissario. Legatarius in eo §. oportet accipere pro fideicommissario, ut seipsum in iure legatum comprehendit fideicommissum, atque etiam tutoris dationem, & libertatis dationem comprehendit. In eo §. igitur legatum, id est, fideicommissum erat: pecuniarium, id est, legaverat 10. ita ut legatarius servum proprium manumitteret. Finge: legatum: divisum est per l. Falc. in dodrantem & quadrante: atque ita legatarius tantum accepit dodrantem. Hæc divisio injuriam facit legatario, quia minuit & abscondit legatum, quod ei quasi pro pretio servi relictum est, & quia minuit pretium servi. Rursus hæc divisio legis Falcid. injuriam facit libertati, hæc abscessio legati injuriam facit libertati, si legatarius non cogatur servum manumittere, qui plus est, scilicet, quam quod legatarius ex legato percepit, quæ major est injuria? quæ minor? nam duabus injuriis propolitis minor optanda est: sane major est injuria, quæ sit libertati, unde concludit rectissime, satis esse eum, qui agnovit legatum, onerari, id est, præstare libertatem fideicommissarium, quam libertatem interdicere, ut scilicet minor injuria eligatur: neque enim potes unam injuriam evitare, quin incidas in alteram.

ram: melius est igitur, ut fiat injuria fideicommissario, melius est officii legatario, quam libertati. Ratio h. l. etiam aptari potest ad alios multos casus, ut scilicet minor injuria eligatur. Nunc videamus, quid sit dicendum de altera parte distinctionis, si patronus legatum illud repudiaverit, si legato non obtemperaverit, an cogetur manumittere, qui spernit legatum? Et ait Papin. æquitatem postulare, ut non cogatur manumittere, licet legatum adæquet aut superet pretium servi. Igitur non imputabitur ei, quod legatum spreverit, ut hoc ei imputato cogatur servum manumittere, ne, inquit, servum de se male meritum cogatur manumittere. Qui igitur contempsit legatum, exoneratur fideicommissaria libertate, & nihilominus retinebit portionem legitimam, quæ ei relicta est. Res ita se habet, sed est contra jus. Verum, ne forte servum, ut ait, de se male meritum invitum manumittat, prætor fideicommissarii ita decerneret, ut non manumittat, si legatum repudiaverit. Hoc igitur fiet non jure, sed extra ordinem decreto prætoris. Nam regulariter, qui hereditatem vel legatum accipit sine onere, & aliud legatum cum onere, agnita hereditate vel legato, quod est immune, & repudiato altero legato vel hereditate, nihilominus cogitur subire alterius legati onus, & debet aut omne commodum testamenti spernere, aut subire onus fideicommissi, quod ostenditur in l. 5. de leg. 2. & l. 1. si legatario 22. de fidei. libert. Sed in hac specie aliter statuitur decreto prætoris fideicommissarii favore patronarum. Verum ad hæc querit Papin. omnia superiori specie quid sit dicendum, si patronus sit institutus solus ex affe, & rogatus præstare libertatem proprio servo? Et constat quod si patronus eam adierit hereditatem, si totam amplexus sit per prætorum fideicommissarium, cogetur servum proprium manumittere, quia non est oneratus fideicommissio libertatis semis debitis verecundia patronali, ut loquitur lex si patronus 21. C. de donat. sed alter semis, qui potuit onerari. Compellitur autem patronus hereditatem totam adire: nemo enim potest partem hereditatis adire, partem omittere, heredis institutio est honor, l. 1. de i. h. & in his itaque, C. de cad. Quod exemplum pervenit etiam ad hereditate ad legatum: nam non licet etiam scindere legatum, & partem amplecti, partem repudiare, respuere, sed totum amplecti oportet, aut toto abstinere, totum respuere, l. 4. de leg. 2. Cogitur ergo patronus ex affe institutus, affem amplecti totum. Sed addendum: maxime, si substitutum non habeat vulgarem, a quo possit sustineri testamentum patrono illud destitute, respuente testamentum in totum, vel pro parte: nam si libertus ita scripserit: patronus heres esto, & si heres non erit, heres ille esto: & patronus velit tantum partem debitam ex bonis retinere, alteram partem repudiare: hoc non potest jure, sed decreto prætoris hoc ei conceditur. Igitur altera pars pertinebit ad substitutum cum onere servi manumittendi, qui est in dominio patroni, si eum possit redimere a patrono. Cum onere igitur redimendi servi & manumittendi: nam constitutio Severi legata relicta ab intestato debentur a substituto, nisi fuerit evidens diversa voluntas, & ex multis colligitur, an quis ab herede legatum vel fideicommissum voluerit a substituto deberi, l. licet, de legat. 1. l. si Titius 61. §. ult. de legat. 2. Atque ita quidquid est proditum in hac lege, sit decreto prætoris fideicommissarii, non jure ipso, & quod statuitur in prioribus specie, & in posteriori. Hæc est sententia legis, l. si debitor §. in fideicommissaria. Unum omnisim, cavendum esse, ne nos fallant Basil. namque ibi legit interpres: Pecuniarum epim fideicommissum, §. si donatum fuerit: sed est mendum in verbo donatum & legendum, §. si divisum fuerit. Alioqui in magnum errorem incideres, ut ex specie legis aperte liquet.

Ad L. CXVII. de Verb. oblig.

Si centum homines quos ego heresve meus elegisset stipulatus, antequam elegerem duos heredes reliquero: nu-

A mero dividitur stipulatio: diversum erit; si jam electis hominibus successerint.

Species hujus l. hæc est. Stipulatus sum homines 100. quos ego, heresve meus elegisset: nisi adiecissem, quos ego heresve meus, secundum regulam communem juris, electio esset promissoris: nam ea non est stipulatoris, nisi eam sibi reservaverit: multum interest stipulatori antequam elegerit vita decesserit, an postquam elegerit 100. homines, decesserit (erant enim amplissima familia servorum apud locupletes, erant plerumque plurquam mille servi, ancillæve.) Si igitur antea decesserit, & exempli gratia, duos heredes reliquerit ex æquis partibus, stipulatio hæc dividitur inter heredes numero, non specie, id est, singuli heredes eligunt & petunt 50. servos. Et hoc, si decesserim antequam elegerim: sed si postquam elegi 100. servos diem ultimum obiero, heredes mei duo, qui sunt ex æqualibus portionibus heredes, in singulis servis sunt habituri partes pro indiviso: nam pro diviso habere in uno non possunt: homo enim non potest dividi: quas partes habebunt in hereditate mea, easdem habebunt in singulis servis, nec dividunt numero, sed specie, pro indiviso tamen. Nobis est divisio duplex. Divisio pro diviso, quæ est corporalis: & divisio, pro indiviso, quæ est, ut ita dicam, intellectualis. Et hoc est, quod ait Papin. in hac l. diversum erit, &c. quia non numero dividitur stipulatio, sed specie. Ratio differentia ut intelligatur, sciendum est, genera alia esse prima, & antiquissima, & generalia, veluti res, quod dicitur, quod Latine possum dicere, id quod est: alia esse specialia, veluti homo. Generale genus est, quo universa comprehenduntur, veluti res, ut dixi. Speciale genus, veluti homo habet in se singulos: & dividitur nomen hominis in nationes, Gallos & Hispanos: in colores albos, rufos, atros: & in singulos, veluti Sempronium, Cajum, Lucium: habet igitur hoc nomen homo in se multos. Et quia multos continet, in genus cadit, ac videtur generale nomen, sed quia sub alio subicitur, nempe sub animali, in speciem cadit, atque ita speciale genus est, non generale. Proinde si stipuler 100. homines, quos ego elegero, heresve meus, genera stipulor, generaliter, non specialiter, illud, aut illum Titium aut Sempronium, vel quia incertos homines incerto nomine stipulor: omne vero genus incertum: generis autem stipulatio non nisi numero dividi potest, non corpore si ve specie, cum generis nullum subit corpus: genus enim non est, sed intelligitur. Denique generis stipulatio, non nisi numero dividitur, & intellectu abstractitur. Ideoque si duos heredes reliquero ex æquis partibus, divisio fit numero, non etiam singulorum servorum, singulis heredibus partes dimidia debentur, homines 50. atque ita cum servi certi non sint, id est, cum nondum electi sint, si vis dividere stipulationem inter heredes, numero dividas necesse est. Ergo singuli heredes eligunt & petunt 50. Sed si jam elegero, ego qui stipulatus sum, puta si elegero Stichum & Pamphilum, & alios usque ad 100. in singulis heredes mei habituri sunt partes pro indiviso, partes scilicet easdem quas habuerunt in hereditate mea: atque ita divisio fiet specie non numero: nec enim ex illis, quos elegi unus feret 50. & alter 50. sed singuli ex singulis partem hereditariam pro indiviso ferent: quæ est sententia Papinian. & confirmatur l. in stipulationibus 54. h. t. l. cum Stichus, de solut. Quæ tamen, ut jam dudum docui, non caret mendo: nam negatio una, quæ abundat initio l. in D. Flor. est in eadem lege reponenda alio loco: alioqui falsa esset lex & mutila, quæ ita emendata, integra & sincera erit. Species est talis. Servus communis stipulatus est Stichum & Pamphilum: quæro quemadmodum dividatur hæc stipulatio inter dominos singulorum, an unus ferat Stichum, alter Pamphilum? minime, sed singulorum servorum partes dimidia singulis dominis debebuntur, si quidem

quidem sunt domini ex æquis partibus, quia servus communis stipulatus est species certas, sive individua. Ex ita ait d. l. cum Stichus: cum Stichus & Pamphilus communi servo promissi sunt, non alteri Stichus, alteri Pamphilus solvi potest. Et ita legendum est. Florentia legitur, non alteri Stichus, alteri Pamphilus solvi non potest, posterior negatio est transferenda in sequentem locum. Illo igitur casu non solvitur alteri Stichus, alteri Pamphilus, sed singulis singulorum solvuntur partes dimidiæ. Diversum est in specie sequenti, idemque non est, &c. Et ait, idem non esse dicendum, ut fiat divisio specie sive corpore, sed esse potius dicendum divisionem fieri numero inter dominos, si servus stipulatus sit duos Stichos, vel duos Pamphilos: nam adjectio illa numeri, facit ut dividatur numero stipulatio, quia divisio hæc est commodior tum stipulatori, tum promissori, & ea utimur semper in re difficiliore, si locum habere possit. Itaque Stichum habet unus, alter Pamphilum, nec ulla erit in singulis communio pro indiviso. Idem erit si servus communis stipulatus sit res. homines: nam divisio etiam fiet numero inter dominos, uni debebuntur quinque, alteri quinque pro folio. Et hoc demonstrat hac ratione elegantissima. Ambigua est oratio, si quis dicat res homines, duos Pamphilos. Cur? quia dupliciter accipi potest: ambigua est igitur oratio: nam utriusque rei dimidium potest duobus modis intelligi, vel dimidium numero, vel dimidium specie, & ambiguum est, quod duobus modis intelligi potest. Dimidium quum dicis, ambigue loqueris, quia dimidium duobus modis intelligitur. In ambiguis autem, quod est commodius sequendum: hoc ostendit etiam d. l. cum Stichus. Ad hoc notandum, in ambiguis sequendum quod est commodius contrahentibus. Commodior est divisio, quæ fit numero. Sane si res denarios servus communis stipulatus sit, divisio fiet numero: sed & inde concludes, ergo divisio etiam fiet numero, si res homines stipulatus sit, quia eadem ambiguitas interveniet.

Ad L. LXXX. de Furt.

Si vendidero, neque tradidero servum, & is sine culpa mea furripitur: magis est ut mihi furti competat actio: & mea videtur interesse, quia dominium apud me fuit, vel quoniam ad præstandas actiones teneor. Cum autem iure domini defertur furti actio, quamvis non alias, nisi nostra intersit, competat, tamen ad æstimationem corporis, si nihil amplius intersit, utilitas mea referenda est. Idque & in statuliberis, & in legato sub conditione relicto probatur. Alioqui diversum probantibus statui facile quantitas non potest. Quia itaque tunc sola utilitas æstimationem facit, cum cessante dominio furti actio nascitur, in istis causis ad æstimationem corporis furti actio referri non potest.

Certum est in iure, post perfectam venditionem, (perficitur autem solo consensu etiam sine numeratione præcii, sine traditione rei, sine stipulatione, sine scriptura) ante traditionem rei periculum pertinere ad emptorem, quamvis nondum sit dominus: nam non fit dominus antequam res tradita sit: periculum, inquam, pertinet ad emptorem, si homo quem emerit, interim fato suo interierit. Periculum rei ad emptorem pertinet, ut legitur recte in l. cum qui, hoc tit. non periculum pretii: nec enim solvet pretium: aut si solvit, repetet, ut ostendit l. si fundus, hoc. quod est ex æquo & bono: nam regula juris repugnat, si cum autem, Institut. de empt. & vendit. Concludamus igitur, post perfectam venditionem & ante traditionem, periculum rei pertinere ad emptorem. Addendum: Venditor autem præstat custodiam & diligentiam, id est, venditor tenetur emptori, si res perierit dolo vel culpa venditoris, l. 2. §. ult. cum l. seq. de per. & comm. rei vend. si homo qui venit, fugerit, aut surreptus sit. Denique venditor præstat dolum & culpam etiam levissimam, vel quod idem est, exactissimam diligentiam in re vendita custodienda: ca-

A sum fortuito, damnum fatale, vim divinam, vim majorem non præstat nisi ex conventionem: sed & culpam non præstat post moram emptoris: nam si moram adhibuerit emptor in re vendita accipienda, venditor postea culpam non præstat, sed dolum tantum, d. l. illud sciendum, de peric. & comm. rei vend. nunc finge. Servum vendidi, nec tradidi: si mihi furto surreptus est sine culpa mea, an teneor emptori? minime, nisi in hoc tantum, ut ei cedam actiones meas ad eum servum persequendum, veluti vindicationem, & actionem ad exhibendum, & conditionem furtivam, quæ soli domino competit. Ego autem sum dominus, quia nondum tradidi. Cedere etiam deo emptori actionem furti, quod ostenditur in d. §. cum autem, Institut. de empt. & vend. l. quod sap. §. si res vendita, de cont. empt. l. si ea res, de actio. empt. l. cum qui 14. hoc tit. Cedere deo actionem furti: nam ea mihi, non emptori competit. Cum res vendita subripitur ante traditionem, mihi competit iure domini, mihi etiam competit eo iure, quod mea intersit eam rem furto esse sublatam, propterea quod teneor emptori cedere actiones meas ad eam rem persequendam. Hæc actio furti datur domino, etiam si nihil amplius intersit: Datur etiam non domino, si modo ejus intersit rem non furripiri. Ergo deo cedere emptori actionem furti. Si autem ego præstilarim, præoccuparim agere actionem furti, deo emolumentum ejus actionis præstare emptori, id est, duplum vel quadruplum, quod ex ea actione consecutus sum: Nam hoc est perpetuum in iure, cui deo cedere actionem, & id ei deo cedere, quod ex ea consecutus sum, d. leg. 14. Sed obstat huic sententia, ut videtur prima fronte, lex venditor, in fi. de hered. vendit. Species hæc est: Ego rem meam vendidi, & cum eam alius possideret, eam vindicavi, & abstuli non rem, sed litis æstimationem, quod dolo desisset possidere. Quid deo præstare emptori? an pretium, an æstimationem quam accepi? Minime: quia non deo ei actionem, sed rem: ergo nec ejus æstimationem, nec emolumentum actionis: rem debui ei præstare, aut quanti ejus rei intersit emptori, vel finge: Rem meam vendidi, quam fur mihi furripuerat, & cum fure egi furti, & consecutus sum duplum, vel quadruplum: debone præstare duplum vel quadruplum emptori? minime. Emptoris petitio est rei non dupli: ergo saltem est quod ait l. 14. venditor, cuius culpa res subrepta est ante traditionem, teneri cedere actiones suas emptori, & debere præstare duplum, quod consecutus est actione furti. Sed res est facilis explicatio: nam ita est distinguendum. Aut res, quo tempore vendita fuit, erat furto subrepta, nec possidebatur a venditore, & hoc casu venditor tenetur emptori præstare rem, non poenam furti, quam consecutus fuit, quia rem debuit, non poenam, non actionem furti. Aut res subrepta est post venditionem, sine culpa venditoris, quo casu venditor debuit ei cedere actionem, propterea quod culpa vacavit. Ergo etiam debet emolumentum actionis, id est, quod ex ea consecutus fuerit, vel si absque furto post venditionem alius eam rem possederit, ejus rei possessionem apprehenderit, sine culpa venditoris, & cum eo egerit, ac litis æstimationem consecutus sit, eam debet præstare emptori: nam cui debet actionem cedere, debet & æstimationem ac emolumentum ejus actionis, ut ostendit d. l. venditor, in fi. Et ita aliud est si quis vendiderit rem quam non possidebat: aliud si vendiderit rem quam possidebat, & post venditionem possidere desierit, possessionem rei amiserit.

Exposuimus initium l. 80. exponamus nunc cetera. Papinianus in §. 1. ait, Quum autem iure domini defertur, &c. Est elegantissimus §. & quem qui non bene tenet, nunquam explicabit bene questionem de eo, quod intersit: nam habet præcipuum aliquid, quod proficere plurimum elucidanda ejus materie causa. Sciendum est actionem furti dari non tantum domino, sed etiam non domino, si ejus intersit rem subripiri: domine autem

autem dari jure domini solo, id est, etiam si nihil amplius ejus interfuit. Ex exemplum proponitur in hoc §. in statulibero, qui si subripiatur, heredi furti actio competit jure domini, quandoquidem interim est dominus servi legati, licet mox mutaturus sit dominum existente conditione legati, licet mox statuliber sit perventurus ad libertatem. Idemque est in servo legato sub conditione: nam & hic si subripiatur heredi, ei competit actio furti, quia interim est dominus servi. His exemplis utitur, ut appareat ex his verbis, *idque* in statuliberis, & in legato, *Idque non idem*, ut in vulgaribus libris: proponitur enim exemplum. Ergo actio furti datur domino, etiam si nihil amplius interfuit: non domino non datur, nisi ejus interfuit, puta quod possit ei culpa a domino imputari, quod non bene rem custodierit, nam furtum plerumque culpæ, aut negligentie annumeratur. Est & alia differentia hac in re inter dominum: nam si dominus agat furti, quamvis ejus nihil amplius interfuit, quam quod dominum apud eum fuit, quo casu actio furti in id quod interfuit: nam in omni actione furti habetur ratio quodammodo ejus, quod interfuit; actione, inquam, furti agente domino cuius nihil amplius interfuit, quod deducitur in eam actionem referatur ad verum pretium rei, idque duplatur vel quadruplatur, & tanti interesse intelligitur, quanti res est: tanti autem res esse censetur, quanti venire potest, *Idque non idem*, ut in aliis libris est, §. ultimus, hoc sit. Et ita sepius evenit, ut id quod interfuit, non egrediatur rei pretium, l. i. in pr. de action. emp. l. i. C. de his, qui a non domin. si modo in ea lege delectat hic articulus distinctivus, vel, ex Basil. quod peripicue rectum est: nam hac est species: ego servum alienum manumisi, quasi meum: nulla est libertas: nam domino licet servum suum vindicare. Finge, dominum malle pretium petere, id est, quanti sua interfuit, nec revocare libertatem vindicando servum, an audietur? & lex ait, sepius esse constitutum, ut manumissor ille pretium domino dependat, si malit quanti sua interfuit: ubi recte Thalelaeus Græcorum doctissimus, & alii interpretes, nota, inquit, pretium appellari ab Imperatore, quod potius appellatur id, quod interfuit. Accurrit, retulit, quoddam ita definire id quod interfuit, singulare rei pretium, falsa est definitio, quia generalis non est, sed quandoque est vera, id est quibusdam casibus. Id quod interfuit, nihil aliud est, quam pretium rei. In id quod interfuit, nihil aliud venit, quam pretium rei. Velim etiam in illa definitione, ut mutes verbum singulare, & ponas, verum rei pretium. Quibusdam igitur casibus, non omnibus. Igitur non erit definitio nisi ex parte vera. Adnotatio erit potius verissima. Vera definitio hac est. Id quod interfuit, est utilitas, quam habere non nisi mihi damnum datum vel lucrum interceptum fuisset. In casu proposito nihil etiam aliud est id quod interfuit, quam verum rei pretium: Idque duplatur vel quadruplatur: ut si res sit top. fur damnetur in quadrigenta, si sit manifestus, vel in ducenta, si non sit manifestus, & hoc amplius tenetur in 100. rei nomine: nam extra poenam est rei persecutio, & poena actionis furti est mera poena, non est poena commixta rei persecutioni. Domino igitur agente furti, cuius nihil amplius interfuit, quod quod dominus est, revocabitur æstimatio ejus, quod interfuit ad verum pretium rei, alioquin non posset iniri ratio ejus, quod interfuit, quando extra pretium rei amplius nihil ejus interfuit. Ex secundo hunc locum est accipienda lex in furti actione, hoc sit, qui vexat plurimos, & ei similis lex 2. §. in hac actione, ut bonorum rapt. lex ait in actione furti non quod interfuit, sed verum rei pretium duplatur, aut quadruplatur. Primum separat id, quod interfuit, a rei pretio, deinde negat in actione furti duplari id quod interfuit. Utrumque est falsum: nam in hac causa rei pretium, & id quod interfuit, possit appellari, ut demonstravimus. Falsissimum etiam, in actione furti non duplari id quod interfuit. Sunt loci innumeri, quibus ostenditur, id quod interfuit duplari, & in actione furti, & in actione vi bonorum raptorum. Quid quæso duplatur? sim-

plum. Quid est simplum? Id quod venit in conditionem furtivam, quæ est in simplum, id est, rem solam persequitur. Quid venit in conditionem furtivam? id quod agentis interfuit, l. 2. de cond. furt. Ergo id quod interfuit agentis in actione furti duplatur, & verum rei pretium, quia amplius non interfuit. Quemadmodum igitur accipienda est d. lex, in furti actione, non id quod interfuit, sed verum rei pretium duplatur, aut quadruplatur. Id quod interfuit, vocat id, quod excedit rei pretium, cui res, aut verum rei pretium non annumeratur, quod extra rei pretium spectatur. Quod si nullum existat tale, veluti domino agente, cuius nihil amplius interfuit, necessario id quod interfuit sine pretii continetur, nec cum finem egredi potest. Et ita id est explicandum, quod non videatur proprie interesse, nisi si quid plus interfuit, quam res sit. Et hæc si dominus agat furti: si non dominus agat, æstimatio ejus quod interfuit, quæ sit in actione furti, non revocatur ad pretium rei, quæ non est in dominio actoris, sed revocatur ad alterius utilitatem, veluti possessionis, quæ fuit apud non dominum, vel detentionis, vel usufructus, vel usus, vel pignoris: nam creditori surrepto pignore datur actio furti tam adversus dominum, quam extraneum, quia maxime interfuit creditoris pignori incumbere, si debitor solvendo sit, si non, quod plus cautionis sit in re quam in persona. Et hoc ipso libro de creditore scripsisse Papinian. refert Ulpianus l. 12. §. ult. h. t. Utilitas, id est, id quod interfuit, his verbis utitur Papinian. æstimandi ejus quod interfuit gratia. Quod sequitur est apertius.

Ad §. Si ad exhib.

Si ad exhibendum egissem, optaturo servum mihi legatum, & unus ex familia servus subreptus; heres furti habebit actionem: ejus interfuit: nihil enim refert, cum præstari custodia debeat.

Sciendum est, actionem ad exhibendum dari vindicatur, quia non possum vindicare nisi rem presentem: exhiberi igitur eam mihi prius necesse est, ut vindicem, ut l. 2. §. ult. de crim. expil. hered. hereditatem vindicaturus exhiberi desiderat, id est, agit formula ad exhib. idemque est in l. 3. §. si ipse, de tab. exhib. l. 3. §. est autem, ad exhib. Addendum eandem actionem exhibitoriam, actionem ad exhib. ut loquitur in lib. Inst. 2. dari optaturo servum, quoniam e multis servis non possum optare, nisi omnes mihi exhibeantur, & eum quem optaverò, vindicaturus sum. Finge: habebam amplissimam familiam servorum, & tibi legavi optionem servi unius: dabitur tibi actio adversus heredem, ut omnem familiam, omnes servos meos exhibeat, qui fuerunt mei mortis tempore, atque ita optaturo dabitur actio ad exhibendum, quia & vindicaturus est eum, quem optaveris. Et hoc ostenditur in l. 2. §. item si optaveris, ad exhib. l. 18. in princ. famil. eris. Nunc finge: Legata est mihi servi optio, egi cum herede, ut exhiberet omnes servos, totam familiam, & interim unus servus subreptus est negligentia heredis. Cui dabitur actio? heredi, non jure domini solo, quia dominus fuit, sed etiam quia extra causam domini ejus interfuit, servum non subripi, propterea quod custodiam & diligentiam præstare debet in servo legato, in servanda re legata, in servanda tota familia, si ex ea unus servi optio relicta sit, & si negligens fuerit tenetur eo nomine legatario, l. cum res legata §. culpa, de leg. 1.

Ad §. cum raptor.

Cum raptor omnimodo furtum facit, manifestus fur existimandus est. Is autem cujus dolo fuerit raptum, furti quidem non tenebitur, sed vi bonorum raptorum.

Dei hunc §. esse facillimum, sed multa præclara continet, & in hac l. magni facio eum §. Intelleximus

mus sup. heredem, a quo legata est servi optio, si cum eo egerit legatarius ad exhibendum omnem familiam, puta ut exhiberet universam familiam defuncti, eaque exhibita, antequam legatarius eligeret quem mallet, interim unus ex ea familia servus subreptus sit, heredi competere actionem furti, si subreptus sit negligentia ejus: ut plurimum furtum adnumeratur negligentia domini: diligenti patris. non sit furtum: rapina, vi majori annumeratur. Ideo autem ei competit actio furti, quia ejus maxime interest, nullum servum subripi, quia plerumque ei debet prestare custodiam, & diligentiam in conservanda omni familia. Ergo tenetur culpa nomine etiam levissima, quia plenam diligentiam prestare debet, & semper legatarius illius negligentia imputabit furtum, nihil autem refert, inquit, cur prestari custodia debeat, ut competat actio furti, si prestare debeat ex causa legati, siue ex qua alia causa ei, qui custodiam non praestitit, competit actio furti. Dixi & praemonui hanc l. esse quidem facilem figura verborum, sed sensum esse abstrusum & reconditum, nec scio an vulgo sint nota, quae sub hoc §. continentur. Cum raptor, inquit, omnimodo furtum facit, manifestus fur existimandus est. Raptor omnimodo furtum facit, quippe cum sit & dicatur fur improbus l. si cum exceptione, §. qui vim, quod met. caus. l. 2. §. etiam, vi bon. rap. §. eod. tit. Inst. & fur atrocior, l. 1. de exil. & effra. Sic autem argumentatur Pap. Raptor omnimodo furtum facit, ergo fur manifestus existimandus est. Et adjiciamus, est fur manifestus, ergo tenetur actione furti manifesti, quae actio est in quadruplum, & praeterea perpetua, & mere poenalis, non mixta, nec hoc casu necessaria est actio vi bonorum raptorum: ne existimemus unquam titulum vi bonorum raptorum ad quemlibet raptorem pertinere. Ad raptorem manifestum proprie non pertinet, sed comprehenditur is sub actione furti manifesti, quae longe est gravior: actio vi bonorum rap. est levior: est quidem in quadruplum, sed est mixta, non mere poenalis, quia in quadruplo inest rei persecutio. Ac praeterea actio vi bonorum raptorum est annalis, non perpetua, & utraque est praetoria: ideoque praetor, qui sub actione furti manifesti comprehenderat raptorem manifestum, furem improbum, non putavit eum comprehendendum, vel sub leviori actione vi bonorum raptorum: sed si quis malit in raptorem manifestum experiri actione vi bonorum raptorum, sane non prohibetur. Idque indicat §. 1. Inst. vi bon. rap. siue in delicto, inquit, comprehendatur, id est, siue sit fur manifestus, siue non: sed voluntas adversarii actoris hoc facit, ut agatur cum fure manifesto vi bon. rap. non editum praetoris, quia hoc nihil pertinet ad casum furti manifesti, sed litigatori licet esse clementiori, quam sit editum praetoris, quia etiam litigatori licet omittere actionem furti manifesti, & potest actor agere furti nec manifesti: nam ita dicere videor: volo furem nec manifestum furem esse, qui manifestus est, & volo esse contentus duplo, nec desidero quadruplum, ut in l. pen. §. 1. ff. quand. appell. sit. Alia sunt tempora appellationis in causa propria, alia in causa aliena. In causa propria observabo tempora, quae observantur in causa aliena si volo. Et similiter licet vulgo dicatur, neminem posse condicere rem suam, tamen potest condicere dicens, se velle rem suam alienam videri: & similiter se velle furtum nec manifestum, manifestum videri. Sed cum tam furti manifesti, quam vi bonorum raptorum actio sit praetoria, praetor voluit furtum manifestum sub illa tantum comprehendere, non sub ista, quae pertinet tantum ad rapt. non manifestum: nec enim omnis raptor manifestus est. Plerumque est manifestus. Et raptor ita demum fur manifestus intelligitur: si solus vel coactis hominib. armatis, vel inermib. palam, non clam, ut fur simplex, eripiat & extorqueat alteri rem suam praesenti & resistenti, vel reclamanti: nam quod me praesente auferis palam, nihil veritus praesentiam, clamorem, quiritationem meam, sane manifesto rapis: sed non est satis, ut videaris manifesto rapere, si videam te subripere coactis hominib. sed necesse etiam est, ut acclamem, inclamem: quid agis? quo te proripis cum re mea? nam

A etiam qui visus est rem auferens clam, dicitur fur manifestus, §. furor um, Inst. de obligat. quae ex delicto, in Basil. ad l. 52. §. ult. b. 2. secundum Digest. Flor. dicitur, eum, qui rapuit ex domo aliena nemine cernente, non teneri furti manifesti, qui a nemine visus est, inquit, non ego te vidi: manifesti, inquit, furti illum arguit, dum, inquit, vidi: sed non satis est videre, nisi etiam acclamaveris, oportet inclamare. Ideoque sequitur: Et cum clamarem, quo nunc se proripit ille. Et ita in l. 7. §. ult. b. 2. si furem rem tuam subripientem vidisses, & ad comprehendendum eum accurrisses cum clamore, scilicet cum testificatione, & ille te acclamante & accurrente abjecto furto aufergit, nihilominus est fur manifestus, licet eum non comprehenderis. Et ita etiam ex 12. tabul. furem nocturnum non licebat occidere: nisi ei qui cum clamore id testificatus fuisset: furem autem interdium, qui se telo defendisset, non licebat occidere, nisi etiam ei qui cum clamore testatus fuisset, l. 4. ad leg. Aquil. alioquin praesumeretur casus dolo malo potius: clamor & quiritatio illa liberat suspitione, tollit praesumptionem hanc doli. Nocturnum licet occidere: nocturnus fur est peior, quam interdiarius, & a Comici dicitur dormitator, quod dormitet die, nocte furetur. Intelligimus quando raptor pro fure manifesto habeatur. Videamus modo quid sit dicendum, si raptor ad rapiendum homines collegit, quia ex re sumitur certa conjectura, voluisse eum rapere, non furari clam, & ex domo, in qua putabatur esse aliquos, rapuerit aliquid, in qua tamen erat nemo, si rapuit nemine cernente, reclamante, qua actione tenetur? Hoc casu competit proprie actio vi bonorum raptorum, quia non tenetur furti manifesti, cum neque visus sit, neque deprehensus, neque acclamatus, & actio furti nec manifesti est levior, nempe in duplum tantum, & civilis: furti manifesti est praetoria, nec manifesti civilis ex 12. tab. sed si furto nec manifesto adjectum sit consilium rapiendi, quoniam hic est plus, quam fur nec manifestus, quia rapiendi consilium habet, praetori visum est, non sufficere hoc casu civilem actionem in duplum furti non manifesti: quia de causa dedit actionem vi bonorum raptorum in quadruplum, si raptor esset nec manifestus. Et hoc est, quod ait §. 1. Inst. vi bon. rap. etiam si raptor non deprehendatur, competere actionem vi bonorum raptorum, quia non sufficere visa est civilis actio in raptorem nec manifestum, data a praetore actione vi bonorum raptorum, longe graviore, quam civilis: non abolevit praetor, nec potuit abolere civilem, sed introduxit graviores. Ideoque licet mihi hoc casu, si velim agere in raptorem, qui rapuit coactis hominibus, neque visus est, neque deprehensus, licet, inquam, agere civili actione furti nec manifesti, ac licet mihi agere in eundem vi bonorum raptorem, sed non in solidum, sed in aliud duplum, cui tamen inest rei persecutio: sed si prius egero actione vi bonorum raptorum, tollitur civilis, quia major actio tollit minorem. Et hoc ostendit l. 1. vi bon. rap. l. si quis egerit, hoc ius, ac memoria retinendum est, semper agi in iure de concursu actionis furti nec manifesti cum actione vi bonorum raptorum: quia ad eum casum proprie pertinet actio vi bonorum raptorum, si raptor non fuerit deprehensus, si fuerit nec manifestus, si rapuerit in domo, in qua nemo erat: nunquam tractatur in iure de concursu actionis vi bonorum raptorum cum actione furti manifesti, quia ad illum casum nihil pertinet actio vi bonorum raptorum. Etiam illud adiciendum est, in d. l. 52. §. ult. hoc ius, ostendi actione vi bonorum raptorum teneri eum, qui ex domo rapuit, in qua nemo erat, nemine cernente, nemine acclamante, & eum etiam teneri furti nec manifesti, nec quicquam aliud continetur eo §. Non hoc vult, hoc uno facto, quod quis rapuerit ex domo, in qua nemo erat nemine acclamante & cernente, existentibus dubus actionibus de bonis raptis, & furti nec manifesti, alia aliam constituimus, furti quidem nec manifesti, si prius actum sit vi bonorum rap. vi autem bonorum raptorum, si prius furti nec manifesti actum fuerit, hoc frustra colligitur: & ma-

& male vulgo legitur hoc modo: si quis ex domo, in qua nemo erat, &c. furti non manifesti, videlicet si nemo eum deprehenderit tollenda, ac si diceret prius actum fuisse vi bonorum raptorum. Et ideo sublatam esse furti actionem, sed non dicit qua actum sit, sed utramque superesse declarat, & essent supervacanea verba, si nemo eum deprehenderit. Et recte Flor. si nemo eum deprehenderit tollentem, duplicem competere actionem. Græci legunt tollenda, pro tollentem. Subiicit in hoc §. Papin. eum cuius dolo raptum est, teneri vi bonorum raptorum, non furti, id est, eum, cuius dolo rapuit alter, l. 2. §. si quis non homines, vi bon. rapt. quod non obtinet in actione furti, quæ datur in eum, qui rem contraxit. Is autem, cuius ope, consilio, dolo, furtum fecit alter, non tenetur furti vel manifesti, vel nec manifesti, sed propria actione ex 12. tab. tenetur actione hac, ope, consilio tuo furtum factum esse ajo, quæ formula est in l. si servus servum, §. si quis, ad leg. Aquil. Et est in duplum, l. ult. C. de nov. a. s. Hinc igitur eliciemus elegantissimam sententiam, eamque enodabimus aliis verbis magis perspicue. Raptor qui deprehensus est, tenetur furti manifesti, non vi bonorum raptorum ex edicto, quæ est prima pars §. nisi actor leviori actione uti velit. Ex posteriori eliciemus: Is cuius dolo alter rapuit, tenetur vi bon. rapt. non furti: & verum est omne quod diximus, quodque palam ait Pap. vi bon. rapt. teneri non tantum eum, qui rapit, sed etiam eum, cuius dolo quis rapuerit. Id confirmatur d. l. 2. §. si quis, vi bon. rapt. qui §. neminem non vexaturus est, si velit diligenter examinare, & ideo omnino explicandus, & non potest explicari, nisi prius exponamus, quod est in d. l. 2. §. dolo. Verba edicti quo datur actio vi bon. rapt. hæc sunt: si cui dolo malo hominibus coactis damni, &c. De damno, ait generaliter, & exigit, ut coacti sint homines, ut collecti sint homines ad damnum inferendum alteri. Idem non exigit in secunda clausula, si cuius bona rapta esse dicuntur: nam non est necesse repetere collectis hominibus. constat id ex d. l. 2. §. item si. Nunc ait in d. §. dolo videtur facere non tantum eum, qui rapit, sed etiam eum, qui præcedente consilio dolo ad rapiendum collegit. Videtur perverfus esse ordo verborum: nam sic debuit ponere, non tantum, qui coegit homines ad rapiendum, & rapuit, vel hominibus a se non collectis, sed ab aliis: sed nulla est perveritas in collocactione verborum, propterea quod edictum dicit: Si cuius bona rapta esse dicuntur, nec adicit, collectis hominibus ab aliis: ergo ex edicto tenetur, qui rapuit, vel solus, vel collectis hominibus ab aliis, & ita concludit in isto §. ideoque quærebatur, quid si ipse collegisset homines ad rapiendum, an erit locus huic actioni? Et multo magis erit, ac si dixisset, non tantum locum esse huic actioni in eum, qui rapit, sed multo magis in eum, qui coegit, qui collegit ipse, & rapuit. Et ita in l. non defendere §. 2. de reg. jur. non defendere litem videtur non tantum, qui latrat, sed qui præsens negat se defendere: Nulla est etiam ibi trajectio verborum: nam respiciendum est ad edictum, & ad ordinem, quo sit missio in possessionem bonorum. Edictum loquitur de latitante tantum, sed quid si non latiter, sed neget? & multo magis fiet missio adversus eum. Ita & in d. l. 2. §. si quis non homines, ostenditur actione vi bonorum raptorum teneri non tantum eum, qui coegit homines ad rapiendum, si quid rapuit, sed etiam eum, qui coactus est, ab eo ad rapiendum si modo quid rapuit. Deinde quæritur, quid sit dicendum, ut verba præ se ferunt, si quis rapuerit, non hominibus a se coactis, sed ab aliis? Et ait, melius esse, ut hæc omnia contineantur, &c. Id est, vi bonorum raptorum teneri eum, qui rapuit, etiam si usus sit hominibus coactis ab aliis, non a se: quod frustra adnotatur, cum id paulo ante dixerit in §. dolo: ne fane hic est sensus huius verfic, & recte Græci ita accipiunt hunc locum, ut teneatur etiam vi bonorum raptorum is; cuius dolo alter rapuit, etiam si ipse homines non coegerit, sed aliquod callide admisit, ut ait in §. doli mali: quod congruit omnino cum loco Papiniani, qui vult, vi bonorum raptorum teneri eum, cuius dolo rapuit, hoc est, cuius dolo rapuit alter, teneri inquam vi bonorum raptorum, non furti.

Tom. IV.

Ad §. penult.

Si Titius, cuius nomine pecuniam perperam falsus procurator accepit, ratum habeat: ipse quidem Titius negotiorum gestorum ager (§. ei vero, qui pecuniam indubitam dedit, adversus Titium erit indubiti conditio, adversus falsum procuratorem furtiva durabis: electio Titio, non inique per doli exceptionem, uti praestatur ei furtiva conditio, desiderabitur. Quod si pecunia fuit debita, ratum habente Titio, furti actio evanescit, quia debitor liberatur.

EX libro 12. quæstionum Papin. restat una quæstio, quæ tractatur in §. pen. & ult. l. 80. de iur. Ea est de falso procuratore, qui pecuniam furtum fecit, quam ei debitor solvit quasi vero procuratori creditoris. Quid vocat Papin. falsum procuratorem? non dicit simpliciter tantum eum esse falsum, qui procurator non est, quive mandatum non habet, sicut in tit. quod falso tus, generaliter dicitur falsus tutor, qui tutor non est, l. Paulus 221. de verb. significat. non sic accipiendo est hoc loco falsus procurator: alioquin is, qui bona fide gerit aliena negotia sine mandato, vel qui per errorem gerit, existimans se procuratorem, cum non sit, falsus procurator esset: quod vix quisquam admisit. Est quidem non verus procurator, nec tamen ideo falsus: nam ut inter doctum & indoctum potest esse medius, non doctus, non indoctus, nec enim sequitur sum indoctum esse, qui doctus non sit: ita inter verum & falsum procuratorem est non verus, non falsus, nec quicunque non verus procurator est, continuo falsus existimari debet. Falsus procurator est, qui simulat, fingit, asseverat falsa, qui mentitur se esse procuratorem, l. si is, qui simulabat 77. hoc tit. l. si quis servo, de solut. vel exempli gratia, qui imponit sibi nomen veri procuratoris, quem dominus habet, sicut falsus creditor est, qui simulat se creditorem, l. falsus, in princip. hoc tit. vel etiam, qui assumit nomen creditoris, hereditate ejus. Simulatio est species falsi, & hoc dicitur a dissimulatione: nam dissimulatio est stellionatus, non falsitas: est dolus malus, non falsitas, l. 3. de crim. stellion. Et ita recte Papinian. hoc loco ait, falsum procuratorem furtum facere accipiendo pecuniam nomine creditoris, non tantum si asseverat se esse procuratorem verbo tenus, sed etiam, si (quod & aliud genus est simulationis) veri procuratoris, quem creditor habet, nomine adsumptum, debitorum alienum circumvenit. Sic habent omnes libri. Græci ad l. 78. de condit. fur. legunt, si debitorem alienum convenit. Multa scribunt de significatione ejus verbi, quæ licet legere, male autem legunt, convenit, sicut in l. 1. ad leg. Cornel. de scar. scriptum male Florentiæ, qui quid fecit quo innocens conveniretur, condemnatur: scribendum circumveniretur, ut l. 3. §. item, eod. tit. Et adicit hoc loco Papinian. eum etiam furtum facere pecuniam, quam accepit assumpto falso nomine heredis creditoris. Hic est falsus creditor, ille falsus procurator: uterque falsarius: an etiam uterque fur? notandum valde, falsum procuratorem, qui nomine creditoris pecuniam accipit a debitore, non statim furem existimandum esse, esse quidem falsarium. Falsarius est, quicunque nomen alienum assumit, vel usurpat, vel alienas imagines (le cachet d'autrui) quæ sunt pro nomine: non igitur omnis falsus procurator fur est, quod ita demonstro. Finge: debitor falso procuratori solvit pecuniam non obsignatam, quod confirmatur l. die sponsal. §. ult. de pos. pecunia non obsignata est argumentum translati dominii in accipientem: hoc est, qui solvit pecuniam non obsignatam falso procuratori, videtur ea mente solvere, ut fiat accipiens, ut ea is qui accipit, utatur, ac deinde eandem vel tantundem creditori reddat. Et hoc casu non potest videri furtum factum huius pecuniæ, cuius dominus sit, l. falsus, §. 1. hoc tit. Repugnat enim dominum pecuniæ fieri, & ejusdem pecuniæ nomine furti teneri: Furti tenetur is duntaxat, qui non dominus est. At si debitor falso procuratori sol-

verit

verit pecuniam forte obsequatam, vel obferatam, ut eam ipsam pecuniam, scilicet perferret ad creditorem, neque refereret loculos, & eam ipse procurator retinuerit, interceperit lucrando animo, furtum facit proculdubio, nec pecunia ejus fit, *d. l. falsus §. 1.* Non est igitur falsus procurator fur, nisi perperam acceperit, ut Pap. loquitur in hoc §. *perperam accipere, est, intercipere, hoc est, ea mente pecuniam accipere, ut eam lucrificat invito domino, Alias, perperam, est per errorem, sepe in tit. de cond. ind. hoc loco, est per fraudem, & dolo malo, sive per furandi consilium, ut in tit. de jurejur. perperam jurare, id est, pejerare.* Verum si falsus procurator perperam acceperit pecuniam nomine creditoris, furtum facit ejus pecuniae, si nec dominus, nec creditor ratum habuerit, quod is gessit. Debitor non liberatur ipso jure, sed si conveniatur, poterit liberari per exceptionem doli mali, si modo paratus sit creditori actionem furtivam cedere adversum falsum procuratorem, qui perperam accepta pecunia tenetur furti nec manifesti in duplum, *l. si falsus, C. de furt.* Hoc casu debitor, qui ei solvit perperam accipienti, non liberatur ipso jure, sed si conventus fuerit, poterit liberari per exceptionem doli mali, si modo creditori paratus sit cedere actionem furti adversus falsum procuratorem, *l. cum quis 38. §. 1. de solut.* Et hoc genere, si liberatus fuit, evanescunt actiones furti, hoc est, debitoris competere desinunt adversus falsum procuratorem. Quod si creditor ratum habuerit, quod ille falsus procurator gessit, non tenetur debitori actione furti, vel conditione furtiva, ergo liberatur, cum rati habito mandato comparetur, & nihil amplius quicquam interfit debitoris, qui liberatus est. Et hoc, si falsus procurator furtum fecit, hoc est, si perperam acceperit pecuniam. Quid si recte acceperit? puta domino pecuniam in eum translato forte non obligatur? Constat, creditore ratum habente, debitori nullam competere actionem adversus procuratorem: creditore autem ratum non habente, falsus procurator tenetur debitori qui solvit, non conditione furtiva, sed tenetur conditione ob rem dati, vel conditione indebiti. Una dat conditionem indebiti, *l. creditoris, C. de cond. ind. altera dat conditionem ob rem dati, l. si procuratori, de cond. caus. data.* Nec sunt haec contrariae, sed concurrunt ut plurimum haec duae conditiones ob rem dati, & indebiti, *l. creditoris, C. de cond. ind.* ut verbi gratia, quae dantur conditionis implendae causa, si dandi nulla causa fuerit, vel quasi indebita, vel quasi sine causa data condicuntur, *l. ult. de cond. ind. l. 3. §. si quis quasi, de cond. caus. dat.* Et, ut recte Stephan. ait, non tantum haec conditiones concurrunt cum conditione furtiva: nam conditio furtiva est de re tantum nostra: Condicio ob rem dati de re, quae nostra fuit, non est, ut & conditio indebiti de re, quae nostra fuit, & nunc non est: conditio furtiva datur domino in non dominum. Illae autem dantur in dominum: non possunt igitur concurrere cum conditione furti. Et haec quidem, si debita fuerit pecunia, quae falso procuratori soluta sit. Quod si indebita fuerit, & soluta sit per errorem quis tenetur conditione? & qua conditione? Hoc etiam explicat Papin. hoc loco, & primum indistincte falsus procurator, qui perperam accepit indebitam pecuniam, ei, qui solvit, tenetur conditione furtiva. Indistincte, id est, si is, cujus nomine indebitum solutum est, ratum habuerit, sive non: sed alia in re multum interest, num is ratum habuerit, necne: nam si ratum habuerit is, cujus nomine indebita pecunia soluta est, ipse tenetur conditione indebiti, perinde ac si ei soluta fuisset, quia rati habito comparatur mandato, verum per exceptionem doli, non sine except. non ergo officio judicis, ut in specie §. ult. quia conditio indebiti est stricta, & in strictis judiciis vix quicquam obtinemus officio judicis, non opposita exceptione. Per exceptionem igitur doli mali, is, cujus nomine indebita pecunia soluta est, si ratum habuerit, & conveniatur conditione indebiti, consequetur, ut ei actor cedat conditionem

A furtivam adversus falsum procuratorem: habet etiam suo nomine sine cessione actionem negotiorum gestorum ut procurator falsus ei reddat, quod exegit, quia rati habito ejus negotium fecit, qui ab initio non fuit ejus, *l. si pupilli §. item queritur, de negot. gestis.* Habet igitur suo nomine negotiorum gestorum propter rati habitationem, & hodie magis quam antea: nam omnibus subtilis distinctionibus hodie constituit. Justin. rati habito comparatur mandato, habet & alieno nomine, hoc est, ex cessione conditionem furtivam, & melior est conditio furtiva, quam negotiorum gestorum duplici ratione, quoniam conditio furtiva tenetur reus etiam re suo facto perempta, sive peritura fuerit apud actorem, sive non, indistincte. Qua de causa conditio furtiva oneri est furi, alioqui satis esset, ad rei persecutionem rei vindicatio, sed praeter hanc etiam tenetur conditione furtiva, quae oneretur magis. Idem non observatur in actione negotiorum gestorum. Denique in illa affirmatio rei fit illius temporis, quo res unquam fuit plurimi, quod arbitrium judicis non admitteret in actione negotiorum gestorum, est enim melior actio & levior. Et haec, si is, cujus nomine indebita pecunia soluta est falso procurator, ratum habuerit. Quid si ratum non habuerit? Et placet hoc casu eum non teneri ei, qui solvit, sed falsum procuratorem teneri conditione indebiti, si furtum non fecerit, id est, si recte acceperit, si furtum fecerit, teneri conditione furtiva, & actione furti, *l. si indebitum, ratam rem hab.*

Ad §. ult. L. LXXX. de Furt.

Qui rem Titii agebat, ejus nomine falso procuratori creditoris solvit, & Titius ratum habuit: non nascitur ei furti actio, quae statim cum pecunia soluta est, et qui dedit nata est, cum Titii numerum dominum non fuerit, neque possessio: sed conditionem indebiti, quidem Titius habebit: furtivam autem, qui pecuniam dedit, quae si negotiorum gestorum actione Titius conveniri caperet, arbitrio judicis ei praestabatur.

Negotiorum gestor, vel procurator meus solvit procuratori, falso creditoris mei perperam accipienti, & ratum habui, an habeo actionem furti, an conditionem furtivam adversus falsum procuratorem? minime: optima ratione, quia hujus pecuniae, quam solvit procurator meus vel negotiorum gestor, neque dominum, neque possessio apud me fuit, & conditio furtiva competit soli domino jure domini. Actio autem furti jure possessionis competit. Huic rationi similis est in *l. si gratuitam, §. ult. de praescript. verb.* Notandum quod dico, conditionem furtivam dari jure domini, actionem furti, jure possessionis: nam quod dicitur initio, hoc sit. jure domini competere actionem furti, ita demum verum est, si fuerit dominus & possessor, nam solius possessionis furtum fit, *l. 1. §. Sezwola, si quis testam. liber.* Quid est furtum? Interversio possessionis: intersersio rei, *d. §. Sezwola*, si ejusdem rei fuerit dominus & possessor: & hac ratione hereditari antequam adeatur, id est, jacenti furtum non fit, sed agitur expolata hereditas, quia hereditas jacens habetur quidem pro domina, sed non pro possessore, quia possessio est facti & animi. Quicquid facit corpus est, hereditas non est corpus: ergo non facit, quia possidere, facere est, atque adeo non possidet. Item possessio est animi: hereditas est jussu inanimae: ergo possessio nullo modo in hereditatem cadit, quia neque facti, neque animo ab ea possessio obtineri potest: facile intelligitur esse domina, quoniam ibi facti vel animo non est opus, non ita intelligitur possessio, ut Marc. Tull. loquutus est. Ergo si procurator meus solvit falso procuratori, & ratum habuero, non habeo actionem furti, habeo quidem conditionem indebiti, si indebitum solverit propter rati habitationem, perinde atque si ego solvissem. Gestor autem procurator meus proculdubio habet actionem furti & conditionem furtivam adversus falsum procuratorem: nam ei furtum factum est, non mihi: adversus me habet actio-

sem negotiorum gestorum, ut recipiat id, quod solvit meo nomine, quia ratum habui: sed si mecum agat negotiorum gestorum, officio iudicis, etiam non opposita exceptione doli mali, consequatur, ut mihi cedat condictionem furtivam adversus falsum procuratorem. In superiori specie non consequatur, nisi per exceptionem doli mali, quia conditio indebiti est stricta. Et inde notanda est differentia inter stricta & bonæ fidei iudicia. In strictis actor cedit reo actiones, ubi æquitas id postulat beneficio exceptionis doli mali, quod eleganter demonstrat §. ut collatus cum *pen.* ceditur actio rei furto, ceditur tantum conditio furtiva, quia scilicet ei, qui solvit, desit competere actio furti, ut recte Græci, & solutionem ratam habenti, hoc est, desit ejus interesse, cum res ei non sit peritura. Et ne quis objiciat, actionem furti competere jure domini, si idem sit dominus & possessor, si possideat, addendum, jure domini etiam competere actionem furti domino, qui non possidet rem, cum subriperetur, videlicet si alii possidenti res subrepta sit, nam si possessionis furtum fit, & rei quoque: rei autem solius furtum non fit. Re bonæ fidei possessori subrepta, tam ei, quam domino datur actio furti ejusdem rei nomine, possessori quanti interest, domino quanti ea res est, possessori causa possessionis, domino causa proprietatis, quasi possessor fit & domino non possessori: si possessionis furtum fit, & rei quoque. Rei solius furtum non fit, forte a nemine possesse: nec alia ratione rei hereditariæ furtum non fit, quia licet hereditas sit interim, quum jacentis est, pro domina, nullus tamen est possessor: sine possessore furtum non fit, sed si sit possessor rei hereditariæ, quando jaceret, hoc casu rei hereditariæ furtum fit, & heres, qui postea adit, recte furti agit, *l. hereditaria, C. seq. de furt.* alias rei hereditariæ non possesse non fit furtum, ut dicitur in *l. 1. §. 1. si quis testamen.* quia hereditas furtum facit nondum possesse. Ea verba referuntur ad factum magis, quam ad jus, quia jure rei hereditariæ non possesse furtum non fit, licet quum dicimus, servum aliquid debere: his verbis factum potius demonstramus, quam jus, quia servus juris civilis non obligatur, *l. nec servus, de pecul.* Ergo verba non semper sunt secundum jus accipienda. Veteres quidem Jurisconsulti exstimabant, rei hereditariæ furtum fieri etiam non possesse: sed contraria sententia obtinuit, Sext. Alii Man. Marci Bruti. Marc. Tullius ad Trebatium ait, se magis assentiri Scaevolæ & Trebatio, ut rei hereditariæ furtum non fiat ante aditam hereditatem, *l. 1. §. Scaevola, si quis testam. liber.* Adhibita hac explicatione pro certo constituamus, solius possessionis furtum fieri, hoc est, ejus rei, quæ possidetur ab alio, sive sit dominus, sive non sit dominus: furtum esse interventionem possessionis: rei a nemine possesse furtum non fieri.

JACOBI CUJACII J.C. COMMENTARIUS

In Lib. XIII. Quæstionum ÆMILII PAPINIANI.

Ad L. XIX. Ex quibus caus. maj.

Denique si emptor prius, quam per usum sibi adquirit, ab hostibus captus sit: placet interruptam possessionem postliminio non restitui: quia hac sine possessione non constituitur: possessio autem plurimum facti habet, causa vero facti non continetur postliminio.

L. XX. Nec utilem actionem ei tribui oportet, cum sit iniquissimum auferre domino, quod usus non abstulit, neque enim intelligitur amissum, quod ablatum alteri non est.

SEGIENDUM est ex hoc edicto etiam majoribus 25. annis subveniri per restitutionem in integrum absentibus reipublice, causa, & deinde revertis, vel captis ab hostibus, si quid interim sue rei,

amiserint, dum absint, ut si res eorum interim usucapta fuerit: nam rescissa usucapione revertis datur pristina actio in rem, hoc est, utilis vindictio in rem. Omnis actio restitutoria est utilis, omnis actio extincta jure civili, quæ acquiritur prætoris restituitur, est utilis, non directa. Idem est effectus utriusque, sed non promiscuus usus, *l. actio, de neg. gest.* ut actionis mandati, & negotiorum gestorum est idem effectus. Ratihabitionis, & mandati idem est effectus: sed ex utroque non datur eadem actio: ex mandato datur mandati, ex ratihabitione, negotiorum gestorum: & multum interest, qua formula, & qua actione quis experiatur. Igitur si quis dum est apud hostes, res ejus usucapta sit pendente captivitate, ex hoc edicto rescindetur usucapio, & dabitur utilis vindictio, quæ restitutoria est, & fictitia. Idem erit si legatum sibi delatum vel hereditatem propter absentiam vel captivitatem adeptus non fuerit: Nam reverso præstabitur legatum restituta actione ex testamento, perinde ac si lucro illo non decidisset. Ergo non tantum eis succedunt, qui datum fecerunt, sed qui lucrum non fecerunt, *l. C. per quis, l. si quis, §. 1.* Loquimur de lucro, quod obvenit sine damno alterius, quale est legatum: aliud est lucrum, quod obvenit cum damno alterius, ut si usucepero rem alienam. Usucapio est lucrum, quod ex *l. 12. tab.* propter commune bonorum obvenit ex damno alterius, vel lucrum conjunctum cum detrimento alterius, ut in *l. 18. C. 10. h. t.* Qui captus est ab hostibus, rem alienam bonæ fidei emerat, necdum usuceperat: captivitate interruptum usucapio: ergo apud hostes non potuit implere usucapionem: an revertis jure postliminii recuperat interruptam usucapionem, ut medio tempore fingatur implevisse usucapionem? minime: quia auxilium restitutionis non datur lucrificandi causa cum damno alterius, *l. act. prætor, §. 1. C. 1. §. 1. h. t.* Quod cum superior lex docuisset postliminio non restitui interruptam usucapionem, subiicit nec beneficio hujus edicti: quia ex hoc edicto revertis restituitur dominio suo vel lucro, quod obvenit sine damno alterius. Ea autem ratione postliminio non restituitur interrupta usucapio, quia usucapio sine possessione non procedit. Usucapio est acquisitio per possessionem. Possessio autem plurimum facti habet. Causa autem facti, id est, factum non continetur postliminio. Postliminio jure omnia restituantur, perinde ac si revertis ea nunquam amisisset. At postliminio non potest efficere, ut videaris fecisse, quod non fecisti, vel usucepisse, quod non usucepisti, *l. in bello, §. facti, de cap. C. post. revertis.* Facti causæ postliminio infectæ fieri non possunt, vel licet ut non possederit, qui possedit. Adjicitur in hac *l. 20.* non tribui etiam reverso utilem actionem ex hoc edicto, quasi usuceperit. Utilis actio est, quæ fingit usucepisse eum, qui non usucepit, ut Publiciana. Et breviter omnis fictitia, rescissoria, restitutoria actio utilis est, non directa. Ratio est, quod iniquissimum sit, & contra mentem edicti, quod ex aequitate proficiscitur, domino auferre, quod usus non abstulit. Et subiicit rationem rationis Papin. nec enim intelligitur amissum, quod ablatum alteri non est. Alter non intelligitur amisisse puta dominus, quod ei non est ablatum. Aliud est rem amittere, & rem ei non esse ablatam. Ergo dominus non intelligitur amisisse, quod usus, nec alia ratio ei abstulit, ut in hac specie, rem amisit, si usucapio eam abstulorit, vel eam pro derelicta habuerit, *l. falsus, §. qui alienum, de furt.* Nec obstat *l. si quis vi, §. differentia, de acq. poss.* Possessio nuda voluntate amittitur, si constitueris me non possidere mihi, sed alii, vel si possessionem tradidero ea mente, ut mihi restitueretur: nam interim non video possidere. Dominium nudo animo non amittitur, si dixeris rem meam nolle meam esse, *l. jus agnationis, de pact.* Sed si voluisti accesserit abjectio rei, desino esse dominus ex titulo pro derelicto: quod hac ratione vel alio non est domino ablatum, id non fingitur amisisse: si nulla ratione amisit, ergo ei auferri non potest per causam hujus edicti, quæ acquiritur mera sustinetur: recte itaque ait, nec utilem actionem id est, restitutivam in rem, quasi usuceperit. Notandum est

ad hæc, reverbis ab hostibus restitui possessionem jure postliminii, quam habuit, antequam caperetur ab hostibus, l. an prator, §. 1. hoc tit. nam non fingitur medio tempore possedisse, sed ei reverbis restituitur eadem possessio, quam habuit, ac si captus non esset ab hostibus.

Ad l. ult. de Condit. inst.

Si filius sub conditione heres erit, & nepotes ex eo substituantur, cum non sufficit sub qualibet conditione filium heredem institui, sed ita demum testamentum ratum est, si conditio fuit in filii potestate, considerandum nunquid inter sit, quæ conditio fuerit adscripta, utrum quæ moriente filio impleri non potest, veluti si Alexandriam ferit, filius heres esto, isque Romæ decessit, an vero quæ potuit, etiam extremo vitæ momento impleri, veluti si Titio decem dederit, filius heres esto, quæ conditio nominis filii per alium impleri potest: nam superior quidem species conditionis admittit duo filio nepotes ad hereditatem, qui si neminem substitutum haberet, dum moritur, legitimus heres patri extiterit: argumentoque est, quod apud Servium quoque relatum est: quendam enim referri ita heredem institutum, si in Capitolium adscenderit, quod si non adscendisset, legatum ei datum, eumque antequam adscenderet mortem obijisset, de quo respondit Servius, conditionem morte descensisse, idque moriente eo legati diem cessisse: altera vero species conditionis duo filio, non admittit nepotes ad hereditatem, qui substituti si non essent, intestato avo heredes existerent: qui substituti si non essent, intestato avo heredes existerent: neque enim filius videretur obijisset, post cuius mortem patris testamentum destituitur, quemadmodum si exheredato eodem filio, nepotes, cum filius inoretur, heredes fuissent instituti.

In jure civili ratum hoc est: filium, qui est in potestate parentis, aut pure heredem esse institutum, aut pure exheredandum, l. 3. §. 1. de lib. & post. l. 4. in pr. de hered. inst. Sub conditione non instituitur recte, quæ sit in casu, id est, quæ conferatur in fortunam: sub eadem conditione etiam non exheredatur recte, vel si ita exheredatur, aut instituitur, nullum est testamentum, quia pro præterito habetur. Sane si deficiat conditio, invenitur præteritus: præteritus autem filii, vitiat testamentum ipso jure. De filio loquor tantum: nam filia, nepos & ceteri liberi possunt institui sub conditione, l. 4. in pr. l. 6. §. 1. de hered. inst. l. 1. §. sciendum, de suis & leg. Cur filium ita separamus a ceteris? quia ceteri præteriri possunt, id est, præteriti non infirmant testamentum jure civili, ut constat ex Instit. tit. de exhered. lib. & l. ult. C. de lib. præter. Hodie tamen omnium liberorum par conditio est, nulli prætereundi silentio, omnes sunt vel instituendi pure, vel exheredandi pure, alioqui corrumpit testamentum. Ea igitur differentia est ex jure civili antiquo, quod nostri auctores sequuntur, & spectant in Digestis, atque omnes Imperatores in C. nam primus, qui differentiam sustulit Justin. est. Videamus autem, an illa sententia de filio sit perpetuo vera. Et sciendum est, tria esse conditionum genera. Est potestativa, est casualis, est & mixta conditio. Conditio potestativa est, quæ est in arbitrio & potestate heredis scripti, atque pendet ex voluntate ejus, veluti si Capitolium ascenderit, si urbe exierit. Casualis est, quæ in casu aliquo incerto consistit, vel quæ pendet ex casu & eventu, veluti si Titius Cos. factus fuerit: hæc est in difficili, quia non impletur quandoque volumus; hæc proprie moram inicit institutioni & legato, etiam nolimus moram fieri nobis. Conditio autem potestativa est in facili. Conditio casualis impleti potest vivo testatore, potestativa post mortem, l. 11. §. 1. de cond. & demonstr. Quæ autem est mixta conditio? vulgo accipitur pro ambigua, quæ potest esse potestativa, & non esse, veluti, si Alexandriam ferit, fiet non potestativa, si per hyemis injuriam iri non possit: & erit potestativa, si imponatur ei, qui a primo millario Alexandrie agit, quia impleti facilis est & prompta. Item hæc conditio, si Titio decem dederit est potestativa, si Titius præsens fuerit: non est potestativa, si Titius longin-

A quo itinere peregrinetur, & forte nesciatur ubi gentium degat, l. 4. §. pado, de hered. inst. Et fere, hoc notandum, nulla est conditio potestativa, quæ non possit non esse potestativa: quæ ratione putem non alia ratione potestativas appellari promiscuas, d. l. ult. quæ quod possit esse potestativa, & non esse. Casuales autem appellari non promiscuas, quia quæ casualis est, non potest esse potestativa, veluti hæc est, si fulserit cras, nunquam non potest esse casualis: non est igitur promiscua: sed male vulgo mixta conditio dicitur, quæ est promiscua, hoc est, quæ potest esse potestativa, & non esse: nam non ideo mixta est: mixta est, cujus eventus partim pendet ex voluntate, partim ex casu, l. un. §. si autem, C. de caduc. toll. l. ult. C. de necess. serv. veluti hæc conditio, si Titio reverbis, postliminio decem dederit, partim est casualis, partim potestativa: vel hæc conditio, si Titio consule Capitolium ascenderit, heres esto. Videamus, quæ in jure sit inter hæc conditiones differentia, & ita statuamus. Si filius familias a patre heres instituitur sub conditione casuali, testamentum est nullius momenti, l. Lucius, de condit. & demonstr. l. 1. §. hoc tit. nisi sc. in defectum ejus conditionis, hoc est, sub contraria conditione exheredetur: a coheredibus suis, aut substitutis, l. jam dabitur, de hered. inst. l. 4. C. de inst. & substitut. Alioqui deficiente conditione institutionis, si sub contraria non sit exheredatus, invenitur præteritus, quæ res testamentum vitiat ipso jure. Qui filium igitur heredem instituit sub conditione casuali, magis cum præterire, quam instituire videtur: neque igitur eum instituit, neque exheredat, & non institutus non potest esse heres ex testamento, & rursus non exheredatus non potest repelli ab hereditate. Ille igitur filius præteritus heres existit ab intestato, non ex testamento, quod nullum est: & idem erit, si filius instituitur sub conditione mixta, eadem ratione, quia deficiente parte casuali invenitur præteritus. Nunc de potestativa ita constitutus: si filiusfam. ita a patre instituitur sub conditione potestativa, testamentum, valet, quasi sub conditione contraria exheredatus fuerit: nam hoc ineptum esset, cum exheredari sub contraria conditione, cum in potestate ejus sit an heres sit & conditio potestativa pro pura haberi debet, l. 1. §. 1. qui sub condit. si quis omis. cau. test. Et præterea, si non impleatur conditio potestativa, non deficit proprie, sed omitti videtur, l. libertus, §. exijimo, de bon. lib. ut merito filio imputari possit, quod eam omiserit. Item filius non parendo conditioni potestativæ, patrem intestatum non facit: & ideo coheres ejus, si quem habet, statim adire potest hereditatem, etiam si filius nondum conditioni paruerit, non expectato filio: nam eum duntaxat, expectat, qui patrem intestatum facere potest, qui testamentum infirmare potest, l. 4. §. 1. de hered. inst. non existente autem conditione casuali, filius patrem intestatum facit, id est, infirmat testamentum, quasi præteritus: imo statim ob eam causam, quod magis præteritus intelligitur, quam institutus, quod magis coheres ejus etiam statim pendente conditione casuali repellitur a successione testamentaria. Ad hæc notandum est, conditionem potestativam omisam intelligi, vel mortuo demum filio, & substitutum admitti, vel coheredi adcrecere portionem filii post mortem ejus, vel omisam videri vivo filio: nam duo sunt genera conditionis potestativæ: est quæ impleti non potest ultimo vitæ momento, hoc est, mortis proximo tempore. Certum est nunquam impletum iri, veluti, si Alexandriam ferit: constat enim morienti Romæ non esse integrum Alexandriam ire. Alia est conditio potestativa, quæ potest impleti eo tempore, hoc est, ultimo vitæ momento, veluti, si decem dederit: nam hæc conditio, moriente filio impleti potest per alium. Ita ergo definiamus: si prior potestativa conditio adscripta sit filio, quæ non possit impleti ultimo vitæ momento, filius patri ab intestato heres fuisse intelligitur in ipso momento morientis, quo certum esse cepit jam amplius conditionem non posse impleti. Eo igitur momento filius patri ab intestato heres fuisse intelligitur, & hereditatem transmitti ad suos,

suos, si substitutum non habuit, l. si filius, de lib. & post. Sed si posterior conditio, quæ potest impleri ultimo vitæ momento, imposita sit, nec impleta, filius postea mortuus, neque ex testamento, neque ab intestato patri heres fuisse præsumitur: non est ex testamento, qui non implevit conditionem: non ab intestato, quia pependit causa testamenti, quandiu vixit propter incertum conditionis, nec ultimo vitæ momento impleri potuit, & pendente causa testati, cessat causa intestati. Denique neque ex testamento, neque ab intestato heres intelligitur, sed vocatur substitutus filii vel coheres jure adrecedendi, vel his deficientibus vocatur suus vel agnatus, quod omne rursum offendi potest manifestius hoc modo. Prior species conditionis vivo filio, sed morti proximo admittit substitutum: nam conditio intelligitur defecisse in ipso mortis articulo, quia tempus moriendi semper in jure deputatur vitæ, non morti computatur: vivo igitur filio deficit conditio, igitur admittitur substitutus. Er Pap. hic ostendit propositio simili exemplo ex lib. Ser. Sulp. quod est elegantissimum. Heredem institui sub conditione, si Capitolium ascendat, conditio est potestativa, quæ non potest impleri ultimo vitæ spiritu, & si Capitolium non ascenderet, ei legavit 100. mortuus est omnia hereditate non impleta conditione, an transmittit legatum ad heredem? sic sane, quia dies legati cessisse intelligitur eo vivo, propterea quod eo adhuc vivo certum esse cepit, conditionem impleri non posse: quod si non possit, in eum casum voluit ei legatum præstari. Et ita Pap. refert hanc sententiam, dum ait, morte defecisse conditionem. Utrumque aut improprie: nam non morte defecit, sed eo moriente, & non defecit potius, quam omnia est, ut si fuerit posterior conditio potestativa, quæ possit impleri ultimo vitæ momento, mortuo dein filio admittit substitutum vel coheredem vel suum, Item posterior species conditionis, si filius institutus sit sub conditione potestativa, quæ possit impleri ultimo vitæ momento, & nepos ei fuerit substitutus, sola contraria conditione post mortem filii substitutus nepos vocatur ad hereditatem, non ante mortem: si substitutus non fuerit nepos, nec alius quisquam, nepos vocatur ad legitimam successionem avi, hereditatem avi, id est, ab intestato, quasi suus, quia filius eum non præcessit eo tempore, quo delata est hereditas avi: Jam enim erat mortuus filius, & suus est, quem alius non præcedit: est certissima hæc definitio, suum heredem esse meum, qui est ex liberis defuncti, & quem nemo præcedit delata hereditas tempore: ea propter in hoc casu filius non videtur obtulisse nepotibus, quamvis avo intelligitur esse suus heres, quia quo tempore delata est hereditas avi nepoti, filius non erat in rerum natura, id est, nepotem nemo præcedebat. Et Papinianus ponit similem casum his verbis, quemadmodum si exheredato eodem filio &c. Qui versus, crux est juris studiosorum: nemo non fuit diligens in exquirenda ejus versus sententia, & frustra: nam, ut ostendi jam pridem labes facta est in Digestis tribus aut quatuor locis, maxime in fine titulum aut librorum, ut labes est facta in vit. de bon. damnat. & alia in vit. de interd. & relog. & alia in fine libri 2. ubi desideratur titulus, communis de usucapionibus, ut indicat index Digestor. Et hoc etiam loco labes facta est: nam est imperfectus hic versus, & sunt ejus verba contorta: nam ut in l. 1. §. sciendum, de suis & legit. heredib. conjunguntur duo casus, quibus filius non obstat nepoti in jure sui: ita etiam Papin. hoc loco eodem casum voluit conjungere, & legendum, quemadmodum si exheredato eodem filio, nepotes cum filius moreretur fuissent, et heredes institui postea repudiassent. Et casus hic est: filium exheredare, nepotem pratermitti, nec vero debuit eum instituire, vel exheredare, quia non erat suus præcedente filio: recte igitur filium exheredavit, nepotem pratermittit, & extraneum scriptis: filius mortuus est deliberante extraneo herede scripto: nondum igitur exheredatione consistente, quia ante hereditatem non valet exheredatio: mortuus est suus filius deliberante scripto, etque adeo exheredatione nondum obtinente: post mortem filii heres scriptus repudiavit, nepos erit suus heres

A avo ab intestato, nec videbitur filius ei obtulisse, quia tempore delata hereditatis avi filius non fuit in rebus humanis, id est, quia in ea hereditate filius eum non præcessit unquam. Et ita duos proponit casus, quibus filius non obstat nepoti in jure sui, l. si quis, de injust. rupt. §. ita ea causa, Inst. de hereditatibus quæ ab intest. defer. l. scriptis, unde liberi. vide d. l. 1. §. sciendum.

Ad L. XIV. de Bonor. posses.

Cum quidam propinquus falsum testamentum accenseret, ac post longum spatium temporis probasset: licet dies ei petende possessionis, quam forte certus accusationis petere debuit, cessasse videtur: attamen quia hoc proposito accusationem instruit, ut suum jus sibi servet, agnovisse successionem non immerito videbitur.

¶ Cum quidam propinquus, id est, agnatus, ut illo loco Horatii,

— & ad sanos abeat tutela propinquus.

nam cognati ad tutelam vel curam non vocantur, & in specie hujus legis inferimus agnatum appellari propinquum, quia vocatur ad hereditatem. Species hæc est. Quidam agnatus testamentum avari, quo extraneum heredem scripserat, falsum esse dixit instituta accusatione adversus heredem scriptum ex l. Corn. testamentaria, & post longum tempus probavit esse falsum testamentum, puta post decennium: certe post tempus intra quod petere debuit bonorum possessionem, puta intra 100. dies: (liberi & parentes petunt bon. posses. intra annum: agnati intra 100. dies) Igitur post longum tempus obtinuit agnatum intestatum fuisse, neque tamen petiit bonorum possessionem ab intestato intra 100. diem, ut oportuit ex edicto prætoris, quam diu traxit accusationem, nec ea pendente petiit bonorum possessionem unde legitimi: Quæritur, an ei cessarit tempus petende bonorum possessionis, an ei cessarit 100. dies constituti ad bonorum possessionem? atque ita an tempore sit exclusus a bonorum possessione unde legitimi, an petenti eam obstat clausula, quæ ponebat cessisse ei tempus, si certus accusationis fuit, id est, si certo scivit falsum esse testamentum. Et certus accusationis, inquit: certo accusationis procedunt tempora: ergo debuit bonorum possessionem petere, cui de jure suo liquido constabat, incertus fuit accusationis, si dubitavit de jure testamenti, non potuit recte petere bonorum possessionem, sicut nec adire,

D l. cum falsum, de acqui. hered. l. 3. ad l. Corn. de fals. Certum, scientemque adire oportet, aut bonorum posses. amplecti, non incertum juris sui, alioqui adeundo nihil agit, & incerto accusationis non procedunt tempora bonorum posses. & statim atque ei constituit falsum esse testamentum, etiam si post diuturnum tempus constituit, erit ei integrum petere bonorum posses. unde legitimi quasi intestati agnati: nam certo accusationis tantum cedunt tempora. Accurrit & alii, tentant certo accusationis non cedere tempora, si instituerit accusationem falsi testamenti: id est, quandiu accusat testamentum falsi, non cedunt ei tempora petende bon. poss. ab intestato. Hæc est vulgaris sententia omnium ad hanc legem. Movetur Accurrit hac ratione, quia certo, inquit, accusationis non cedunt tempora, quoniam eum non potuit petere, sane si non potuit eam petere, non cedunt ei tempora. Ergo ea tempora sunt utilia, quibus solet potueritque scire sibi competere bonorum possessionem, ut in cretionibus, & quibus potuerit petere. At nego eum non potuisse petere, cum, ut Papin. ait, debuerit petere: si debuit, & potuit: quam autem potuit petere, nec petiit, tempore amisit, id est, omisit: nam quittere proprie est tempore excludi, scriptum tempore submoveri. Movetur etiam Accurrit, & quidem rationabilius, l. contra, C. de inf. test. Sciendum est querelam inefficaci testam. quæ datur liberis exheredatis extingui quinquennio: nam aut intra quinquennium est constituenda, aut non potest, l. 2. C. in quib. caus. in integ. restit. facultas accusandi testamenti paterni, quasi impii co-

cedit

cetur brevitate temporis. Finge: egisti querela in iusti testamenti, quod defuit in testam. solemnia, five etiam egisti inofficiosi: duas querelas intentasti sibi admodum adversas: nam si iniustum est testam. non valet: si inofficiosum valet, sed agitur ut rescindatur. Utramque tamen querelam instituisti, iniusti testamenti, & inofficiosi. Ex una vel le consequi quod te contingit videris, l. 1. §. qui autem, quod legat. ut fit hodie frequenter, quoties diversa actiones ejusdem rei nomine intentantur. Dixisti iniustum esse testamentum, & inofficiosum, licet esset iustum, & priorem querelam tantum executus es, his tracta est in septennium, nec obtinuisti: quæritur an amiseris querelam inoffic. testamenti, an postea exequenti tibi alteram querelam obisset præscriptio quinquennii? Et ait d. l. contra, non obstare, quia non cessantibus præscriptio obijci non potest, tu non cessasti, cum interim querelam de iniusto testamento persecutus fueris. Ergo præscriptio temporis tibi non obstat, postea persequenti querelam inofficiosi testamenti. Præscriptiones sunt cessantium, castigationes seu reprehensiones, non etiam non cessantium. Finge, habeo actionem temporalem, veluti rehibitoriam, aut quanto minoris, nec eam intendo intra tempus constitutum sed ea de re litigo cum compromissario, nec quicquam perficio, an post tempus actionis erit mihi actio integra? Et sane erit, quia interim non cessavi, Novell. 62. Unde colligit Accurs. etiam te, qui dixisti falsum testamentum agnati, atque ita non cessasti, non debere repelli præscriptio temporis a bonorum possessione unde legitimi, quia non cessasti, & quia etiam si bona persecutus non fueris, tamen hac mente dixisti falsum esse testamentum, ut ea postea persequeris: ergo tibi non cessaverunt tempora. Non est difficile respondere. In specie l. contra, tu egisti querela iniusti & inofficiosi, & executus es priorem, posteriorem ergo querelam non omisit, quia eam inchoasti, cum priore egisti igitur in d. l. querela inoffic. quia eam non omisit. In hac specie non petisti bonorum possessionem, ergo eam omisit tempore, nec tibi est integrum eam petere tempore exsolvo. Verum non deest aliud remedium: quia etiam hoc ipso, quod accusationem falsi instituis, juris tui conservandi causa, videris successionem agnovisse animo: ad te igitur intelligitur pervenisse hereditas agnati, quia accusando testamentum falsi, videris successionem agnovisse. Quid autem est agnoscere successionem? Pro herede gerere, qui unus est modus acquirendæ hereditatis, l. gerit, de acq. hered. Gerit pro herede, qui agnoscit animo successionem, licet nihil attingat. Non dicit Papinianus te bonorum possessorem fieri, quia tempora bonorum possessionis præterierunt, sed dicit te successionem agnovisse: non dicit bonorum possessionem, sed successionem: igitur heres es, non bonorum possessor, vel es, vel fieri potes. Bonorum possessio nisi petita vel data sit, non acquiritur: aut est petenda, aut a prætoris scientia non petenti danda, l. servus, hoc tit. Excipitur municipium, cui acquiritur bonorum possessio etiam sine petitione vel datione, ipso jure, l. 3. §. a municipalibus, hoc tit. Et hodie etiam ex novissimis Constitutionibus ad acquirendam bonorum possessionem sufficit nuda voluntas, id est, quælibet testatio, five quodlibet indicium amplectendæ bonorum possessionis, l. ult. §. non utitur, de civat. jur. §. ult. Insti. de bon. posses. Hodie igitur videtur bon. posses. agnovisse. Quem volunt esse sensum hujus legis, verum is esse non potest, cum nondum existissent Constitutiones, quæ quamlibet agnitionem bon. posses. admittunt. Verus sensus hic est: agnatum, qui dixit testamentum agnati falsum, nec obtinuit intra tempora, sed postea, repelli a bonorum possessione unde legitimi: non repelli ab hereditate, quemadmodum dicendo testamentum falsum, videtur se pro herede gessisse ab intestato, cum non alio fine dixerit, quam ut hereditatem sibi reservaret legitimam.

Ad L. XXI. de Leg. præst.

Si portio hereditatis quam excepta persona beneficio legis habere potuit, repudiatur, pro ea quoque parte filius,

qui bonorum possessionem accepit, non aliis quam exceptis personis legata præstabitur.

Notandum est, magnam esse differentiam inter querelam inofficiosi testamenti, & bonorum possessionem contra tabulas: nam querela inofficiosi testamenti datur immerito exheredatis suis, five emancipatis, five sint emancipati, five in potestate, & necessaria est utriusque, alioqui non pervenirent ad hereditatem. Datur etiam parentibus exheredatis, & necessaria est, ut ad bona veniant. Bonorum autem possessio contra tab. datur liberis silentio præteritis: & emancipatis est necessaria, suis autem non est necessaria: quamvis enim sui præteriti eam petere possint, tamen necessaria non est, quia mero jure ab intestato heredes sunt, l. pen. §. legata, tit. prox. supr. Datur etiam bonorum possessio contra tabulas parentibus, sed non semper: nam is tantum datur, qui filium vel nepotem emancipavit & manumiserunt, id est, qui in emancipando contraxerunt fiduciam, in tit. si quis a parente manum. Datur etiam patronis quibudam bonorum possessio contra tabulas, non tamen unquam querela datur patronis. Addendum est etiam, querela inofficiosi testamenti dari contra heredem scriptum, qui adiit hereditatem, nec enim ante adiit hereditatem nascitur querela. Bonorum possessio contra tabulas datur contra testamentum, etiam si heres scriptus non adierit. Et hoc est, quod dicitur bonorum possessionem contra tabulas dari contra lignum, l. quod vulgo, supr. tit. prox. Querela inofficiosi testamenti, alias in totum rescindit testamentum, alias pro parte: in totum, si scriptus sit extraneus: in partem, si scriptus frater fratris exheredati, qui agit querela, l. Papin. §. sed neque, de inoffic. test. Bonorum possessio contra tabulas, semper rescindit testamentum: & si frater præteriti sit heres institutus, præteritus instituto fratre committit edictum, id est, aperit ei viam ad petendam bonorum possessionem contra tabulas, & sic infirmat totum testamentum. Item querela inofficiosi testamenti patrem facit intestatum, l. 6. §. pen. l. mater, de inoffic. test. Bonorum possessio contra tabulas testatorem non facit intestatum ipso jure, licet jure prætorio testamentum rescindatur, l. 1. hoc tit. l. ut liberis, C. de collat. Sed non ideo sequitur, testatorem fieri intestatum ipso jure, id est, civili, nec etiam prætorio, ut in l. pen. §. pen. §. sed quemadmodum, supra tit. prox. ostenditur quamvis obscure. Finge: Duo sunt fratres, unus exheredatus, alter præteritus, si præteritus sit filius, testamentum nullum est ipso jure, ergo uterque etiam exheredatus succedet ab intestato: sed si præteritus sit emancipatus, licet accepit bonorum possessionem contra tabulas, testamentum valet, si heres aliquis adierit ex testamento, & exheredato fratri non committitur edictum, l. si post mortem, §. exheredati, tit. prox. supra, id est, non potest venire exheredatus una cum fratre præterito ad bonorum possessionem contra tabulas, nec ad legitimam hereditatem ab intestato, quia testamentum valet ipso jure, licet rescissum sit jure prætorio per bonorum possessionem contra tabulas. Ideoque necesse habet agere querela inofficiosi, scilicet adversus heredem scriptum qui adiit. Instituto tamen fratri committitur edictum, non exheredato. Ultima differentia hæc erit, si testamentum rescindatur per querelam inofficiosi, nihil in testamento scriptum valet secundum ius, quod obtinuit ante Novellam Justinianæ, quæ vult solam institutionem rescindi ex causa exheredationis vel institutionis, quæ pro exheredatione habetur, ut si filius sit præteritus a matre: nam silentium matris esse exheredatio, non silentium patris: sed si per bonorum possessionem contra tabulas testamentum rescindatur, secunda tabula, id est, pupillares, & quæ in eis relicta sunt legata, non rescinduntur, l. ex duobus, §. ult. de vulg. sub. Legata quoque relicta primis tabulis his personis, quæ sunt excepte in hoc edicto de leg. præst. ut liberis & parentibus testatoris, vel quæ sunt relicta uxori, aut nurui testatoris, dotis nomine, ea prætor non rescindit. Bonorum possessio est ex edicto prætoris. Querela inofficiosi est ex jure civili: ius prætorium instituit ex jure civili: hodie Justinianus

nus mitiorem fecit querelam inofficiosa: nam legata omnibus conservari voluit rescissa institutione sola, *Nov. 115*. Et hoc est, quod dicitur, ex causa exheredationis vel pratoris, quæ pro exheredatione habetur, sola institutio vitatur, cetera firma manent, ut secundæ tabulæ, tutelæ, libertates, legata omnia & fideicom. quibuscunque personis relicta. Petita autem bonorum possessione contra tabulas, ex hoc edicto de legatis præstandis exceptis personis non tantum conservantur legata, sed etiam quæ instat legatorum habent, fideicom. & mortis causa donationes, *l. 3. l. 5. §. idem observatur, l. si filius h. r.* Conservantur enim portiones hereditatum, non ex hoc edicto: nam legati verbum non potest continere hereditatem, sed ex constitutione Divi Pii, ut si parentes vel liberi sint heredes scripti ex parte, ea pars eis conservetur, *l. 5. §. sed & si portio, l. 7. hoc tit. l. qui duos, in fine, de conjung. cum emancip. lib.* Exceptis igitur personis hæc omnia conservantur, sed quomodo? an omnino hæc omnia conservantur? minime: nam hæc quæ retulimus exceptis personis ita conservari intelligimus, ut nullo titulo plus ferant, quam virilem portionem, nec titulo institutionis, nec legati; Namque ad portionem virilem duntaxat parentes, & liberi tuendi sunt, ne plus habeant, quam præteriti, qui petierunt bonor. posses. contra tabulas. Ideoque eorum portio in virilem redigi potest, si ex majore parte scripti sint, sed si ex minori parte, eorumdem portio augeri non potest, *l. 5. §. ad eum autem modum, h. r.* Uxor autem vel maritus, cui aliquid relinquatur dotis nomine, non rediguntur in virilem portionem, sed totum legatum percipiunt, quia rem suam percipere videntur. Ideoque legatum dotalis Falcidia non minuitur, *l. viriles §. si quid uxori, hoc tit. l. sed ususfr. §. 1. ad leg. Falc. Finge*: in testamento quo filius heres præteritus est, heredes scripti sunt alii filii ex portione quadam, vel nepotes, vel parentes testatoris, & ab eis relicta sunt legata, non adeunt hereditatem, nec etiam repudiant, sed omittunt, quia sciunt præteritum petiisse, aut petierunt esse bonorum possessionem contra tabulas, ut fit *l. 4. h. r.* conservatur eis portio hereditatis ex Constit. Divi Pii, æ legata præstabant omnibus? Minime, sed ea tantum, quæ relicta sunt exceptis personis, perinde ac præteriti, qui petierunt bonorum possessionem contra tab. *l. 5. §. 20. sup.* Sed qui si parentes & liberi repudiaverunt portionem hereditatis, ea portio accrescet præterito, qui petit bonorum possessionem contra tabulas, & non tantum pro sua parte, sed etiam pro ea parte, quæ ei accrevit, præstabit legata personis exceptis. Quid si parentes & liberi adierint hereditatem? pro ea parte, pro qua instituti sunt omnibus præstabit legata. Hæc quæ diximus sunt accipienda de præterito emancipato. Nam si præteritus, qui petit bonorum possessionem contra tabulas, ne exceptis personis præstet legata, *l. 1. is qui in potestate, hoc tit.*

Ad L. XI. de Carb. edicto.

Cum sine beneficio pratoris, qui patitur controversiam, filius heres esse non potest, forte quia scriptus est, edicto Carboniano locus non est: ac similiter cum certum est, quamvis filius sit, eum tamen heredem non fore: veluti si Titio herede instituto, postumus aut impubes exheredatus negetur filius. Nec ad rem pertinet, quod interest illius in quibusdam filium esse, veluti propter fratris ex alia matre nati bona vel jura libertorum, & sepulchrorum: istos enim casus ad Carbonianum consistat non pertinere.

Carboniana bonorum possessio non est propria quædam bonorum possessio, sed vel unde legitimi, vel unde liberi, vel secundum tabulas. Et huic locus est in hac specie: Filius pupillus in testamento præteritus, nam pupillo tantum debetur hæc bonorum possessio: filius igitur præteritus est testamento patris, & petit bonorum possessionem contra tabulas, vel patre intestato bonorum possessionem unde liberi: fit ei controversia status quod negetur filius esse defuncti, fit ei controversia hereditatis pa-

A ternæ, an dabitur possessio bonorum, quam petit? Quod non videtur, quia quæstio status est præjudicialis. Igitur quia petit jugulum causæ, est peremptoria: & sane jure non est danda, quoad finita fuerit status quæstio. Verum ex edicto Carboniana causa cognita interim pupillo dabitur bonorum possessio, vel contra tabulas, vel unde liberi, quæ dicitur Carboniana, & differetur status quæstio in tempus pubertatis. Datur causa cognita: nam debet prætor perpendere, utrum expediat pupillo representari, an differri quæstionem status. Ergo hæc bonorum possessio est decretalis, quia decreto interposito datur: extraordinaria, non ordinaria: *provisioinaire*: temporaria non perpetua, nam pubertate finitur, nec interim suo effectu caret: nam pupillus cui decernitur, interim possidet solus, nisi adversarius sit ex liberis, & interim alitur ex bonis & ex-

B cer actiones tempore perituras. Plerumque autem Carboniana bonorum possessio datur filio præterito, vel filio venienti ab intestato: nam filio pupillo instituto non datur Carbo. bonorum possessio secundum tabulas, quamvis negetur esse filius, quia non ut filius venit ad hereditatem, sed ut scriptus, & sufficit ei bonorum possessio secundum tabulas edictalis, nec opus est decretali, *l. 1. §. Pompon. h. r.* Et hoc est, quod ait Papinianus in princ. hujus l. Verum quæstio status differtur in tempus pubertatis ex Constit. *l. 3. §. 1. h. r.* non ex hoc edicto: sed ex Constit. Et ita demum huic edicto locus erit, si status & hereditatis controversia sit: nam si status tantum, statim iudicium explicandum est, *l. de bonis §. ita demum, h. r.* Et hoc ita procedit, ut non sit locus Carboniano, nisi sit institutus quasi filius ab eo, qui eum non instituit, si cognovisset eum filium suum non esse: nam hoc casu indigebit auxilio edicti Carbon. *l. 4. C. de hered. instit.* Pupillo exheredato non datur Carboniana bonorum possessio, maxime si fit exheredatus non apposito elogio hujusmodi, quia filius meus non est, vel quia ex adulterio est conceptus, exheres esto: nam si secundum quod scripsit testator, & post mortem ejus negetur esse filius, locus erit Carbo. edicto, alioqui exheredato pupillo non datur bonorum possessio Carboniana, quamvis negetur filius, *d. l. 1. §. item Pompon. §. 7. h. r.* quia certum est, eum, heredem non fore (quamvis filius sit) propter exheredationem: interest tamen ejus, ut filius pronuncietur, licet institutus vel exheredatus sit propter alias quasdam causas, non propter Carbon. sed in aliis causis interest illius filium esse defuncti, ut si sit quæstio de bonis fraternis. Finge: Deductum ab intestato nato ex alia matre, pupillus dixit, se ejus fratrem esse: & fratrem consanguineum præferri matri ex Scto Tertull. mater negat eum esse fratrem, an interim dabitur Carboniana?

C Minime, quia non agitur de bonis paternis, quo solo casu datur Carboniana, *l. 3. §. si is qui status, h. r.* & tamen interest ejus, filium censeri ejusdem patris, ut habeat bona fraterna: nam exhereditatio non admittit bona fraterna, sed jus suutatis, non jus consanguinitatis. Secunda causa est, ut ejus interfit esse filium, si sit quæstio de bonis paternis liberti, & negetur esse filius patroni. Ad hanc speciem non pertinet Carboniana, *l. 7. si impubes §. si pupillus h. r.* sed tamen interest ejus filium esse, ut obtineat bona liberti. Et loquitur de filio pupillo instituto: nam exheredatus non admittitur ad bona paterni liberti, nisi libertus ei sit assignatus, *l. 1. §. sed est exheredato, de adsig. lib. & nisi pater caverit nominatim, ut jus ei sit salvum in libertum, l. si pater exheredato, de bon. lib.* Tertia causa est propter jus sepulchrorum, *l. 6. §. 1. de relig. & sumpt. fun.*

Ad L. XI. de Bon. poss. sec. tab.

Qui ex liberis meis impubes supremus morietur, ei Titius heres esto: duobus peregre defunctis, si substitutus ignoret uter novissimas decesserit, admittenda est Juliani sententia, qui propter incertum conditionis etiam prioris posse peti bonorum possessionem respondit.

§. 1. Filius heres institutus post mortem patris ab hostibus rediit, bonorum possessionem accipiet, & anni temporis, a quo rediit, ei computabitur.

Pri-

Prima quaestio versatur circa speciem ejusmodi. Duo sunt filii impuberes, pater ut inter eos conservet jus legitimam hereditatis, ut *l. vel singulis, de vulg. substit.* non substituit utrique, id est, si uterque impubes decederet, sed substituit ei tantum, qui supremus moreretur: quae substitutio est quidem pupillaris, cum sit facta in secundum casum: sed & vulgaris dicitur, quia quotiens erant duo vel plures impuberes, pater solebat ei substituisse, qui supremus moreretur, *l. in vulg. de verb. sign.* Ergo vulgaris substitutio dicitur duobus modis, quae sit in primum casum: & formula vulgaris substitutionis pupillaris, quae scilicet fit supremo morienti in secundum casum. Duo tantum sunt casus substitutionis. Primus est casus non acquisita hereditatis, ut si primus heres non erit, secundus heres erit, quae est substitutio vulgaris separata a pupillari, quae fit passim a quolibet ex 12. tabulis. Secundus casus est acquisita hereditatis & mortis, in quem substituitur tantum directo: ut liberis impuberibus, qui sunt in potestate nostra, hoc modo: *filiius ille impubes heres esto, si heres erit & impubes decesserit ille heres esto*, vel etiam secundum casum est casus mortis tantum. Nam substitutio pupillaris fit etiam exheredato hoc modo: *Ille filius quem exheredavi si impubes decesserit, Titius illi heres esto*. Pupillaris substitutio non est testamentum paternum, sed pupillares tabulae secundum quas datur substitutis bonorum possessio perinde, atque secundum tabulas institutis. Nunc finget: Ex duobus impuberibus pater substituit supremo morienti: at non apparet quis fuerit, quia simul perire in mari, nec apparet aut constaret uter novissimus decesserit. Quæritur substitutus, qui substitutus est ei, qui supremus moreretur, utrum nulli heres erit, an utrique? & ait, substitutum utrique heredem esse ex substitutione, & posse utriqueque pupilli bonorum possessionem petere secundum tabulas. Ergo neuter filius mortuus est intestatus, quandoquidem substitutus supremo morienti, utriusque videtur substitutus: quoniam jure patriæ potestatis pater filiis fecit testamentum: nam alius nemo testamentum facit: pater autem non potest ita substituire, nisi per fideicommissum: non possum heredem dare ei, qui solus heredem facere potest. Et hoc ita respondit Julianus, propter incertum conditionis, quia incertum est extiterit conditio substitutionis, an decesserit, propterea quod non apparet uter supremus decesserit. Nam & uterque supremus dici potest, cum neutri eorum alterum superstitem fuisse apparet, *l. qui duobus, de reb. dub. l. ex duobus de vulg. substit.* Ergo uterque intelligitur supremus decessisse, proinde in utriusque persona substitutio locum habet: nam supremus non est tantum est, qui post alium moritur, sed & is, post quem nemo est, neque autem post hunc, neque post illum alius est. Ergo uterque est supremus: sicut ultima voluntas hac demum est, quae facta est post aliud testamentum: sed & ea post quam nullum est testamentum, ut unicum testamentum, ultimum est, *d. l. in vulgari*: atque ita secundum verba substitutionis statues, substitutum ad utriusque bona ad utriusque hereditatem admitti. Secunda quaestio est de filio, quem pater heredem instituit eo tempore, quo erat apud hostes. An aliquando poterit filius institutus a patre, petere bonorum possessionem secundum tabulas? sic sane, si redierit ad suos: quia fictio postliminii fingit eum nunquam fuisse in servitute. Ideo & interim fratribus partem facit, id est, ejus persona numeratur in partibus faciendis propter spem postliminii, *l. i. §. si ex tab. de bon. poss. cont. tab.* reverso datur bonorum possessio secundum tabulas. Atqui bonorum possessio petenda est intra annum. Finge: fuit apud hostes ex quo heres institutus est per quinquennium, an ei cessit tempus? minime: quia est annus utilis, & in eo, quo fuit apud hostes, nullus dies fuit ei utilis ad petendam bonorum possessionem: quia annus computatur, non ex quo pater mortuus est, sed ex quo rediit postliminio. Quod notandum: nam idem trahi potest ad absentes, & ad relegatos, nec facio inter eos differentiationem, quam introducit Accursius hoc loco; nam his omnibus tempora utilia cedere dico ex quo redierunt: dicit Accursius, constituendam videri differentiationem inter eas per-

sonas, quia captivus procuratorem constituere non potest, quia de causa non poterit ei imputari, quod non egerit: relegatus potuit agere vel petere per procuratorem: itemque absens reipsum causa: debent ergo eis cedere tempora dum absunt. Circumscribimus nisi provideamus: nam captivus etiam si procuratorem habere non possit, potest tamen bonis ejus curator constitui, & hic potest actiones intendere tempore perituras, & vero solet plurimus is curator bonis captivi, per quem cum agantur & fiant omnia, cur non cedunt tempora captivo? Eandem igitur rationem oportet inducere in omnibus personis, *l. semper, §. si quis, quod vi aut clam*. Interdictum quod vi aut clam est annale: absenti reipsum causa istud interdictum coepit competere, nec tamen eo egit, vel per se, vel per procuratorem, quem tamen potuit constituere, an annus ei computabitur? non, sed ex tempore quo rediit: imo excluditur ando: sed ex ea causa ei subveniatur, etiam si procuratorem habuerit, aut etiam procuratorem potuerit constituere, quia non omnis, qui procuratorem habet, & defendi ab eo potest, non omnis procurator est admodum sollicitus, & vel potest mori, vel deprehendi non idoneus ad agendum, vel est hujusmodi, ut possit ei opponi exceptio procuratoria, *l. sed est per prat. §. i. & §. item, ex p. lib. caus. maj.* quod velim transferre omnino ad *l. Papi. de minorib.* Finge: minor 25. annis relegatus est, quem aliquis circumscripterat ante relegationem: nondum restitutus implevit 25. annos, etiam implevit annum utilem, intra quem post 25. annum potest peti restitutio in integrum. Quæritur an reversus post 30. annum possit petere restitutionem in integrum? ait non posse, quia potuit per procuratorem agere, namque procuratorem habere & facere potuit: ex causa tamen ei subveniendum est. Et tollenda est differentia Accursii illa, inter absentiam sine relegationem, & absentiam necessariam & probabilem, vel absentiam reipsum causa: nam siue hæc, siue illa fuerit causa absentie, absenti & reverso ex causa subveniendum est: nam & illarum causarum differentia rationem nullam habet. Qui enim nominatur ut peregre reipsum causa eat, invitus hoc suscepit. Est enim hoc munus publicum, quod invitis deferatur.

Ad §. ult. Eod.

Testamento facto Titius adrogandum se præbuit, ac postea sui juris effectus, quia decessit: scriptus heres, si possessionem petas exceptione dolimali summovebitur, quia dando se (in) adrogandum testator cum capite fortunæ quoque suas in familiam, & domum alienam transfert. Plane si sui juris effectus codicillis aut aliis literis eodem testamento se mori velle declaraverit, voluntas, quæ decesserat, iudicio recenti rediisse intelligitur, non secus ac si quis aliud testamentum fecisset, ac supremas tabulas incidisset, ut priores supremas relinqueret: nec putaverit quisquam, nuda voluntate constitui testamentum: non enim de jure testamenti maxime quaritur, sed viribus exceptionis, quæ in hoc iudicio, quamquam auctori opponantur, ex persona tamen ejus, qui opponit, assumatur.

Scindum est, non dari bonorum possessionem secundum tabulas heredi scripto, nisi testator habuerit testamenti factionem mortis & testamenti tempore, *l. i. §. exigit, hoc tit.* Quod ita accipiendum. Si filiusfamilii testamentum fecit, & mortuus sit paterfamilii, non valet testamentum, quia habuit quidem testamenti factionem mortis tempore, sed non eo tempore, quo fecit. Idemque erit, si servus testamentum fecerit, & liber decesserit, si pupillus testamentum fecerit, & pubes decesserit, *l. si filius, qui test. fac. poss.* & iisque fere verbis Marc. Tit. in epist. ad Treb. lib. 7. epist. 21. Negare a sebat Servium tabulas testamenti esse eas, quas instituisse it, qui factionem testamenti non habuerit. Ergo non satis est habuisse testamenti factionem mortis tempore, nisi habeas etiam testamenti faciendi tempore. Ad contra, quod notandum, nonnunquam satis est habuisse testamenti factionem testamenti facti tempore, licet non habue-

habueris mortis tempore: tunc si post factum testamentum mutus aut surdus factus fueris, atque ita decesseris, fecisti rite testamentum, sed non faceres rite mortis tempore, quia es elinguis vel surdus, vel etiam post testamentum factum in furorem incidisti, vel tibi bonis interdictum est quasi prodigo, & nihilominus valet testamentum, quod ante fecisti, l. 6. qui test. fac. poss. c. 1. §. si quis autem, h. tit. Sed exigo omnino, ut testator, qui post testamentum factus est vel furiosus, vel mutus, vel surdus, vel qui prodigus pronunciatus est, permanserit utroque tempore civis Romanus, & sui juris, quia scilicet ut detur secundum tab. bonorum possessio, non tantum mortis tempore, sed etiam testamenti tempore, testatorem sui juris esse oportet, & civem Romanum: & non tantum testamenti tempore, sed etiam mortis: hoc retro agitur: nam si post testamentum deportetur vel adrogetur, deportatione fit peregrinus, arrogatione desinit esse suus, & propterea deportatione, & arrogatione testatoris irritum fit testamentum: deportatione, quia omnia bona sua amittit. Deportationis verbo continetur semper publicatio omnium bonorum. Adrogatione autem, quia cum suo capite omnia sua bona transferuntur in familiam, dominium & potestatem adrogatoris: cuius autem nulla sunt bona, ejus & nullum testamentum est. Quid tamen si utroque tempore fuerit civis Romanus? veluti paterfam. testamentum fecit, post se adrogandum dedit, deinde emancipatus vita decessit: fuit igitur civis: fuit paterfam. mortis tempore, & testamenti, non etiam medio tempore. Quæritur, an scripto heredi sit danda bonorum possessio sec. tab. Et sane jure prætorio datur heredi scripto, §. non tamen, Inst. quib. mod. rest. infirm. licet medio tempore non fuerit civis Romanus, aut paterfam. l. 1. §. sed si quis utroque, h. 1. Ergo, ut dixi, testamentum valet, dummodo sit obligatum septem testium signis, etiam in eo alia solemnia desint, etiam si ruptum, dummodo obligatum sit, & fuerit testator civis Rom. & paterfam. utroque tempore, prætor dat scripto heredi bonorum posses. secundum tabulas, l. confirmatur, §. si post, de jure codicill. Sed aliquando bonorum possessio secundum tabulas sine re constituitur, quia scripto, qui accipit secundum tabulas, agenti possessoris actionibus obstat exceptio doli mali, quod scilicet ex eo testamento pergat agere, quod jure civili irritum factum est adrogatione. Ergo datur quidem secundum tabulas, sed erit sine re, propterea quod ipso jure irrita sunt tabule, neque prætor unquam abrogat jus civile, emendat tamen. Verum quid dicemus, si testator ille dixerit, se mori velle eodem testamento? Potuit rescire testamentum, non rescit tamen: videtur testamentum, quod fuerat irritum, recenti judicio testatoris revaluisse, sicut evenit in hac specie. Finge: post prius testamentum scripti posterius: utrumque rite, posteriore rumpitur prius. At finge, me confregisse posterius, an valet prius? valet quasi ultimum, nec aliud factum fuisse intelligitur. Ergo etiam in proposita specie, videtur recenti voluntate revaluisse voluntas defuncti, quam adrogatio irritam fecerat. Et sane concludendum est, quoniam declaravit, se velle eodem testamento mori, scripto heredi agenti possessoris actionibus jure bonorum possessionis secundum tabulas, non obstat exceptionem doli mali, non quia nuda voluntate sit restitutum testamentum: nam nuda voluntas nunquam restituit testamentum, sed quia hæc exceptio doli proficiscitur ex bono & æquo, & bonum & æquum est conservari tabulas, quas testator judicio recenti confirmavit: nam, ut subjicit, opposita exceptione non quaritur potissimum de jure testamenti, non in id exceptio concipitur, sed quaritur de bono & æquo, quæ æquitas spectatur ex persona rei, qui obicit exceptionem doli mali, quia si reus jure civili heres sit ab intestato, præferatur scripto, & bonorum possessio secundum tabulas sine re constituitur, ut notatam scribit Ulpianus in fragmento,

Tom. IV.

si. quemadm. testam. rump. Sed si heres non fuerit ab intestato, scriptus præferatur, maxime si scriptus, & ab intestato potior futurus sit eo, qui utitur exceptione doli mali, argum. l. 2. c. l. post. de inj. rupt. testam. Sententia proposita initio l. pen. multa obici poterant, quæ ego prætermisi data opera. Ex eadem l. §. ult. elicimus, hæredi scripto testamento ejus, qui mortis & testamenti tempore fuit paterfam. non medio, recte dari bonorum possessionem secundum tabulas: si modo sint obligata septem testium signis: ergo nihil præterea prætor requirit. Verum agenti, exceptionem obstat doli mali, quia jure civili irritum est testamentum propter capitis deminutionem, quæ medio tempore contingit. Inde quærebatur, an obstat etiam ei exceptio doli mali, si testator priusquam moreretur, declaraverit, se eodem testamento mori velle? Er puto non obstat exceptionem propter recens judicium defuncti, & bonorum possessionem secundum tabulas fore cum re propter recens judicium defuncti, non quasi recenti illo judicio, quod nudum fuit, non solemne, non inquam, quasi recens illud judicium restituerit tabulas, quæ defecerant, quod fieri nequit: nam testamentum neque constituitur, neque restituitur nuda voluntate: sed non obstat exceptio doli mali, quia proficiscitur ex bono & æquo, hoc est, quia in ea vertitur quæstio boni & æqui ex adverso doli mali, & æquum est observari tabulas, quas vel nuda voluntate testator confirmavit & renovavit: nam in exceptione doli mali potissimum de jure non quaritur, sed de bono & æquo, quod quidem æstimatur a iudice, non æstimatur ex persona actoris, sed ex persona rei: quoniam opponit exceptionem doli mali, de qualitate ejus personæ inquit iudex, & si invenit, ab intestato eum esse defuncto potiorum heredem, eum præferit scripto, atque ita bonorum possessio secundum tabulas constituitur sine re, & obstat exceptio actoris: Sed si is, qui opponit eam exceptionem, non sit futurus potior ab intestato, id est, si heres scriptus etiam ab intestato rem obtinere possit, & ei præferri, præferretur scriptus, & bonorum possessio erit cum re, & hoc casu non obstat exceptio doli mali, quia heres scriptus omnino rem habiturus est: non est igitur invidenda successio honoraria, quia & ea omnia jure legitimo heres futurus est, præsertim cum testator declaravit se eodem testamento uti velle.

Ad L. XLII. de Bon. libert.

Titius, qui patri heres exstitit, fratrem exheredatum adrogavit, atque ita herede eo relicto, defunctus est: bonorum possessionem libertus patris naturalis exheredatus non habebit: nam cui non exheredato talis adoptio noceret, nocere debet exheredato: quoniam pena quæ legibus aut edicto irrogaretur, adoptionis remedium non obliteraretur. Paulus notat: Et qui alio jure venit, quam eo, quod amitte, non nocet, id quod perdidit, sed prodest, quod habet: sic dictum est, patrono eidemque patronæ filio non obesse: quod quasi patronus deliquit, si patrona filius venire possit.

Sunt tres aut quatuor quæstiones in hac lege. Certum est, filium patroni exheredatum a patre repelli a bonis liberti, quasi indignum, ut l. 12. §. pen. hoc rit. Indignum, inquit, non existimat pater filium bonis liberti, quem vocat ad suam hereditatem: contra, quem existimavit esse indignum suis bonis, existimavit indignum bonis liberti, & consequenter exheredatus non tantum repellitur a bonis paternis, sed etiam a bonis liberti. Et ita apud Valer. Max. Cum Syllanum filium meum, pecunias a sociis accepisse probatum sit, & republica & domo mea indignum iudico, protinusque a conspectu meo abire jubeo. Excipiendi sunt quidam casus, ut si pater filio exheredato libertum assignaverit. Item, si bona mente eum exheredavit, non injuriæ, aut pœnæ causa: nam quandoque exheredatio non fit irato animo, sed prudenti consilio patris, ut si filius sit pupillus, & præstet in eâ ætate filium exheredari, quam habere hereditatem. Vel finge: exheredavit filium furiosum, & reliquit ei hereditatem per fideicommissum rogato herede instituto, ut hereditatem ei restitueret, cum respuisset: hæc exheredatio fit bona mente,

mēte, nec aufert jura libertorum, patronatus jura, nec lucra nuptialia, ut in *Novel. 27*. Et ita exheredatio non datur querela inofficiosi testamenti, & non est inofficiosum testamentum, in quo bona mente filius exheredatur: non est igitur querela: nam nemo queritur de prudentia patris, sed de ira patris, & injuria. Item si filium exheredatum patronus aliquo gradu infirmaverit; hoc enim casu non repellitur a bonis liberti. Potest quis esse eodem testamento exheredatus & institutus, ut institutus primo gradu, exheredatus secundo, & contra: hic non est indignus hereditate liberti paterni, cum nec cum pater amiserit proflus sua domo indignum, *d. l. 12. §. pen. Est* & alius casus: si pater exheredato filio caverit nominatum ut jure salvum esset in libertum, *l. si pater exheredato h. s.* His casibus exceptis exheredatus repellitur, non tantum a bonis patris, sed etiam liberti. Et idem obtinet in prætito a matre: nam & hic repellitur a bonis liberti matris, quia prætérito pro exheredatione habetur. Idem etiam obtinet in filio prætérito testamento militis: nam prætérito etiam militis pro exheredatione habetur, propterea quod ea diligens observatio testamentorum ordinandum, & hac inter cetera non servatur in testamento militis. Ergo quem prætérito miles, repellitur a bonis paternis, quasi exheredatus, & a bonis liberti, *l. 12. in pr. h. s.* ut non possit non dicere, Ulp. non pugnare cum Paulo in *l. Paulus h. s.* nisi aliquid finxeris prius: nam possis dicere negationem deesse in *d. l. Paulus*. Finge: miles filium prætérito in testamento, exheredavit igitur. Quæritur, an admittatur hic filius ad bona libertorum avitorum. Et regulariter exheredatus a patre repellitur, & a bonis liberti tam paterni, quam aviti, quia per patrem consequitur avitos libertos, *l. 20. §. 1. hoc tit. sed silentium militis non usque adeo debet nocere filio, ut ait d. lex Paulus, ut & repellat eum a bonis libertorum avitorum. Et significat repelli quidem eum a bonis paternorum libertorum, sed non etiam a bonis avitorum, atque ita nihil pugnat: Et in fine legendum est: idem responsum non est de bonis libertorum paternorum.* Nam silentium excludit eum a bonis libertorum paternorum, non ab avitorum: Ad hac notandum, quia diximus de filio exheredato a patre; quæ de filio patroni, qui est in adoptiva familia, an sicut exheredatus repellitur a bonis liberti, ita & filius patroni, qui est in adoptiva familia? minime, *l. patroni filia, h. s.* Id vero dubitatione non carebat: nam filius meus repellitur a bonis meis, si sit in adoptiva familia, repellitur a possessione bonorum contra tabulas, & unde liberi & unde legitimi. Igitur a bonis meis, nisi sit heres institutus: & hodie ex. Confir. Justin. nisi sit adoptatus ab extraneo, repellitur a bonis paternis propter adoptionem, id est, quia transit per adoptionem in alienam familiam. Videbatur etiam repellendus a bonis liberti, sed non est semper eadem ratio bonorum patris, & liberti paterni, ut in hac specie. Verus est filius emancipatus, & nepos ex eo, qui in avi familia remansit, uterque pariter vocatur ad hereditatem parentis ex edicto de conjug. cum emanc. liber. Ad hereditatem liberti paterni solus filius emancipatus vocatur, nec ei conjungitur nepos, *l. 5. §. ult. hoc tit.* Item filius deportati & proscripti certe ab ejus bonis repellitur, non tamen a bonis liberti, *l. 4. sup. de jure patron.* Aliud est jure civili, *l. 3. infr. de in iur.* sed constitutiones potiores sunt jure. Ergo non semper eadem est ratio bonorum patris & liberti. His cognitis, singulam speciem juris legis: Pater duos habet filios, unum heredem instituit, alterum exheredat: post mortem patris institutus exheredatum adoptavit in locum filii, eoque instituto vita functus est. Quæritur, an exheredatus admittatur ad bona liberti patris naturalis? Et videtur admittendus, quia exheredationem videtur obclusus per successionem fratris adeptus est bona paternam, & eo modo rediit in familiam, qua fuerat exclusus. Exheredatione desit esse suus, *l. 9. §. si filium, de lib. & post.* Si suus desit esse, & agnatus igitur, cum fuit sit specus agnationis, *l. scripto, unde lib.* Et est, quod dicitur, ex-

A heredationem successisse in locum abdicacionis: nam certe Græce utraque habes idem nomen: nam in Basil. exheredatio sæpissime appellatur ἀποκρίσις. Hodie abdicacione non utimur, quæ fiebat olim etiam vivo patre: Exheredatio non valet nisi post mortem patris. Et abdicatio fiebat passim quicumque scriptura: Exheredatio non valet nisi fiat testamento rite perfecto. Papin. autem existimavit hunc filium exheredatum, quem postea frater heres institutus adoptavit, non habere bonorum possess. liberti patris naturalis. Et utitur Papin. hac ratione: Filius, inquit, qui &c. Respondet, eum non habiturum bona liberti naturalis, licet postea adoptatus fuerit a patre: nam cui non exheredatus talis adoptio noceret, nocere debet exheredato. Est falsa ratio: nam non exheredato talis adoptio non noceret: patronus enim manet & qui capite minuitur, *l. sed est, de in jure voc.* Non exheredato igitur subsequens adoptio non noceret: quia igitur propositio falsa est, & confectio igitur, & ut jamdiu ostendi, & hic manifesta traductio verborum, & sic legendum est: nam cui non adoptio talis exheredatio nocet, nocere debet adoptio, quod ostendit ratio rationis, quoniam paria, &c. Quod sic explicandum est, Lege 12. tab. & legibus novis, id est, Julia & Papia, atque etiam edicto prætoris, hac pena irrogatur exheredatis filiis, ut non tantum bonis patris, sed etiam bonis paterni liberti submoveantur, quasi indigni, *l. 2. hoc tit.* Hoc edictum de bon. liberti. quo excluduntur hereditate, consentit cum legibus, & ideo auxilium hujus edicti etiam dicitur auxilium legitimum *l. 8. §. pen. hoc tit.* Hoc autem pena exheredationis exheredatis irrogatur edicto vel lege, dum propter exheredationem repelluntur a bonis liberti paterni. Hac pena non potest aboliri commento adoptionis, puta ut si frater non exheredatus, dolens vicem fratris, eum adoptaverit: Sed reprehenditur Papin. a Paulo: nititur etiam Paulus æquiori ratione. Ratio Pauli propter quam differat a Papiniano, hæc est: qui alio jure venit, quam eo, quod amittit, æquum est, ut non nocet id, quod perdidit, sed proficiat quod habet. Hæc est regula, quæ declaratur ab eodem Paulo, propositio exemplo quum ait, si dictum est, &c. Et hæc est sententia. Finge. ego sum patronus & filius patronæ: igitur ego & mater servum communem manumissum: repellor a bonis ut patronus: quia forte ab eo exegi jururandum, ne uxorem duceret: ex hac causa amitto libertum, *l. qui contra, de jure patron.* vel etiam repellor a bonis liberti quod libertum egentem non aluerim, *l. si patronus, hoc tit.* vel etiam quod domum, rannus, operas, quæ liberti imposueram libertatis causa, ei revenderim: nam ex hac causa etiam libertus adipiscitur liberam testamenti factionem, *l. Julianus, hoc tit.* nec patronus prætérito habet bonorum possessionem contra tab. liberti: non tamen repellor, si veniam tanquam patronæ filius, quia non per alium venio ad bona liberti, & quod per me non possum, non possum etiam per alium, *l. bona, l. quæritur, hoc tit.* sed venio meo nomine & meo jure, ut patronæ filius. Et ita recte ait, ei, qui alio jure venit, non per alium, sed alio jure. Est simile exemplum in *l. mater, de inoffic. test.* Ergo in proposito, exheredatum non venit ut filius patroni, id est, patris naturalis, sed ut filius patris adoptivi, id est, fratris naturalis. Denique per fratris adoptionem adipiscetur jura libertorum patris naturalis, non quasi filius, quia amittit filii jus, sed quasi filius patris adoptivi. Ad notam, quam Paulus impressit Papiniano, notandum est, valde pertinere ejusdem Pauli *l. si filius, §. pen. de fideic. liber.* Sententia hæc est: heres rogatus est servum manumittere, & latitaret, nec evocatus a prætoris sui copiam facit: prætor pronunciat libertatem servo debitam ex Senatuf. Rubriano. Si servo status servatur eodem jure, ac si directo manumissus esset testamento domini, hoc est, ac si directæ libertas ei data esset, non fideicommissaria: ergo erit libertus orcinus, non fideicommissarius. Idemque erit, si heres rogatus sit manumittere sub conditione, & heres conditioni impedimentum fecerit; nam ex hac causa libertum amittit, etiam si fuerit filius defun-

defuncti: *quamvis*, inquit *alio jure libertum habiturus sit*: nam filius defuncti non erit ut patronus, quia nec manumissit, sed erit ut patroni filius. Et magna est differentia, utrum quis veniat ut patronus, an ut patroni filius: nam patronus, si libertum in servitute petierit, vel capitis accufatus, nec obtinuerit, non amittit libertum: filius patroni amittit, quod admodum multæ leges ostendunt, *sic, de jure patron.* congruebat valde ea l. cum hac nota Pauli. Notandum est etiam, quod in prima quæstione hujus l. Papinian. ait, filium heredem institutum a patre fratrem exheredatam adoptasse, eoque herede relicto decessisse. His verbis, *herede eo relicto*, significatur eum non fuisse etiam exheredatam a patre adoptivo, sicut fuit exheredatus a patre naturali, aliqui non venirent ut filius patris adoptivi, nec ut filius patris naturalis: igitur exheredatus effect ab utroque: sed quum esset heres relictus a patre adoptivo, quantulumcumque ex parte, qui non venit ut filius naturalis propter exheredationem, quam adoptio non abolevit, venit secundum notam Pauli æquissimam, ut filius patris adoptivi, atque ita assequetur libertos patris naturalis, qui post eum liberi fuere patris adoptivi.

Ad §. Castrensiū.

Papinianus. *Castrensiū bonorum Titius libertus fecit heredem, ceterorum alium: adita est a Titio hereditas, magis nobis placebat, nondum patronum possessionem contra tabulas petere possit. Verum illa quæstio intervenit, an omittente eo, qui reliqua bona accepit, perinde accrescat, ac si partes ejusdem hereditatis accepisset. Verius mihi videtur, intestati jure decessi bona cetera. Titius igitur heres non poterit invitare manumissorem, cum Titio nihil auferatur, nec bonis ceteris, quæ nondum ad causam testamenti pertinent.*

Nunc, ut transeamus ad quæstionem §. *Castrensiū*, pauca ex his quæ dixi supra repetam, & primo hic §. accipiendus est de liberti milite, ut etiam est expressum l. *si duobus de milit. testam.* in qua idem proponitur, ut non abs re quidam in hoc paragrapho adjece-
rint verbum *commilitonem*, legentes hoc modo: *Titium commilitonem*, quod verum est etiam in l. *2. C. de test. milit.* quæ lex pertinet ad eandem quæstionem. Nunc sciendum est, si miles, qui habet bona castrensia & bona pagana, alium fecerit heredem bonorum castrensiū, alium paganorum, quasi duorum hominum duas hereditates fecisse, non esse unam hereditatem, sed duas: non unum hominem, sed quasi duos, militem & paganum, ut ait, l. *17. §. 1. de testam. milit.* neque intelliguntur esse coheredes, heres castrensiū, & heres paganorum, non sunt conjuncti, *l. heredes, §. 1. fam. erisc.* & ideo inter eos non est actio familiaris excusandæ, quando quidem divisa sunt patrimonialia, divise hereditates, unus ex castrensi heres est, alter ex pagana, inter quas nulla communio est, & consequenter inter eos non est jus accrescendi: ut ecce repudiante herede pagano, bona pagana non accrescent heredi castrensiū: ergo non sunt coheredes, & jus accrescendi versatur tantum inter coheredes vel collegatarios, ac præterea in bonis castrensi-
bus patrono vel patri præterito non datur bonorum possessio contra tabulas: & rursus patri vel liberi in bona castrensia non datur querela inofficiosi testamenti, l. *si a milite, §. ult. C. l. seq. de testam. milit. l. 3. §. par. hoc tit. l. si instituta, §. 2. sup. de inof. test. l. ult. C. eod.* At in bona pagana datur bonorum possessio contra tabulas, & exheredatus institutus in bona pagana, non in bona castrensia. Ad hæc sciendum est, patrono præterito testamenti liberti, non dari bonorum possessionem contra tabulas, nisi heres scriptus ex testamento adierit hereditatem, vel petierit bonorum possessionem secundum tabulas, l. *ult. de bonor. possell. contra tabul. l. 3. §. ut patronus, hoc tit.* Non defertur ergo patrono præterito bonorum possessio contra tabulas ante aditam hereditatem, sicut nec querela exheredatis. Et eo distat vehementer bonorum possessio contra tabulas, quæ datur patrono præterito, a bonorum possessione, quæ da-

tur filio præterito: nam bonorum possessio, quæ datur filio præterito contra tabulas, datur contra lignum, etiam si heres in eo ligno scriptus nondum adierit: quæ autem patrono præterito datur, datur contra heredem qui adierit. Et ratio differentie hæc est, quia bonorum possessio quæ datur filio præterito, assem persequitur, quæ datur patrono, persequitur certam partem tantum, puta semidem, vel hodie trientem. Est igitur partienda hereditas inter heredem scriptum & patronum, & consequenter heredem prius esse oportet, cum quo partiatur, aliqui si heres scriptus repudiet, patrono jam non dabitur bon. possessio contra tab. certæ partis, sed datur bonor. possessio assis ab intestato, l. *si libertus, hoc tit.* Ergo expectare debet heredem scriptum, ut sciat pro parte, an pro asse accipere debeat bonorum possessionem. Querela inofficiosi testamenti quandoque etiam assem persequitur, sed tamen non competit ante aditam hereditatem, quia exheredatio, cujus ulciscendæ causa datur querela, vires non habet ante aditam hereditatem: imo nihil in testamento scriptum valet: quomobrem necesse est expectare heredem scriptum: nam si adierit, agatur cum eo querela inofficiosi, si non adierit, exheredatus venit ab intestato, nec videbitur exheredatus, quia desitudo testamento effectum non habuit exheredatio. Quæ rationes valde sunt notandæ: proponitur species h. §. *Libertus miles alium fecit heredem castrensiū, alium paganorum patrono præterito*, heres castrensiū adivit hereditatem, heres paganorum non adivit hereditatem: an patrono competit bon. possessio cont. tabulas debita partis, quia adita est hereditas ab herede bonorum castrensiū? Et ait Papin. nondum competere patrono bon. possessionem contra tab. nec aliter competere, quam si adierit heres paganorum: nam is, inquit, si heres exstiterit, patrono dari potest bonor. possessio contra tab. heres scil. paganorum, & hæc bon. poss. non datur patrono ante aditam hereditatem: in heredem castrensiū nunquam datur, ut supra diximus: ergo patrono nondum competit bonor. possessio cont. tabul. si solus heres castrensiū adierit. Quid autem fiet, si heres paganorum nunquam heres exstiterit? quid si omiserit hereditatem, an accrescet heredi castrensiū? minime, quia non sunt coheredes, nisi scil. heredi paganorum heres castrensiū substitutus sit, quo casu ei, repudiante herede paganorum, pagana accrescent substitutionis jure: vel etiam non est necessaria substitutio expressa: nam satis est, si hæc voluntas defuncti militis probata fuerit, l. *si duob. de mil. test. l. 1. C. de test. mil.* alias herede castrensiū adeunte, herede paganorum repudiante, pagana non accrescent castrensiū, quia non sunt eadem bona, sed sunt duo patrimonialia, & duæ hereditates, veluti duorum heredum, & inter solos coheredes valet jus accrescendi. Ergo ad patronum pervenient bona pagana ab intestato accepta bonor. possell. unde legitimi: nam casus bonor. possessionis contra tabul. non exstiterit, atque ita fiet, ut miles sit testatus de bonis castrensiū, de bonis paganis intestatus, secundum id, quod generaliter proditum est, militem pro parte testatum, pro parte intestatum decedere, quod confirmat etiam d. *l. si duobus*. Et idem esse ostenditur in l. *1. C. de test. mil.* Explicanda est species illius. Miles unum heredem scripsit ex bonis paganis, alium ex bonis castrensiū: heres castrensiū bonorum repudiavit: an castrensia accrescent instituto ex paganis bonis? Minime: quia non sunt coheredes, sed venient ab intestato ad heredes legitimos, veluti ad matrem militis ex Senatufcons. Tertull. nam potendum est, eum fratrem militis fuisse uterinum, vel generaliter fuisse fratrem cognatum, non etiam agnatum: frater agnatus, qui & consanguineus dicitur, excludit matrem: fratrem cognatum excludit mater; aliqui, si fuerit frater consanguineus, bona castrensia, quorum heres defecit, ei quidem non accrescent jure testati, sed accrescent jure intestati exclusâ matre. Obcurior est sententia legis 2.

Miles commilitonem castrensiū rerum fecit heredem: mens legis hæc est: Commilitonem nulla ratione pervenire posse ad bona pagana, sed habiturum eum duntaxat bona castrensia: ex quibus heres institutus est: nam ita lex distinguit: heredem miles alium scripsit castrensiū bonorum, alium paganorum. Et ait, heredem admittere ad eam hereditatem: si non adierit, heres ab intestato ei commilitoni præfertur, vel si non scripsit alium heredem paganorum, legitimus vocatur ad bona pagana ab intestato, exclusio commilitone: una tantum est ratio commilitone instituto ex bonis castrensiū, si probaverit eam voluntatem defuncti fuisse, ut altero repudiante, tota hereditas ad alterum perveniret, d. l. si duobus: alioqui in dubio ea mens videtur militis fuisse, ut institutus ex castrensiū haberet duntaxat castrensia, nec pateret ei aditus ad pagana. Ex his liquido intelligimus quid sit, quod ait Papinianus hoc loco: Titius, inquit, non poterit invitare manumissorem, cum Titio nihil auferatur. Quæ verba male accepit Accursius. sed est perspicuum, heredem castrensiū non invitare patronum ad bonorum possessionem contra tabulas, cum nihil ei patronus auferre possit: quod locum non habet in bonorum possessione contra tabulas, in bonis castrensiū. Sed subijcit etiam non invitari patronum per eandem bonorum possessionem contra tabulas ad bona pagana, quia ea bona nunquam ad causam testamenti pertinuerunt, quia heres ex eis bonis scriptis repudiavit, & repudiando destituit testamentum, redegitque rem ad causam intestati. Ergo non invitatur etiam patronus ad bonorum possessionem contra tabulas in bona pagana, quæ nunquam adita fuerunt, sed invitatur patronus ad bonorum possessionem unde legitimi ab intestato ad bona illa pagana, nisi scilicet heres castrensiū sit, vel intelligatur substitutus heredi paganorum: tunc enim heredes castrensiū amplectente etiam bona pagana, in eum competit patrono bonorum possessio contra tabulas.

Ad §. Cum filius liberi.

Cum filius liberi impubes, qui subiectus dicitur ex prima parte bonorum possessio accipiat, an patronus defuncti possessionem accipere possit, quaesitum est. Et sine dubio, qui sequentis gradus sunt, non admittuntur interim. Cum enim præcedit alia possessio, qui sequitur, accipere non potest. Plane si contra eum, qui subiectus dicitur, fuerit iudicatum, data non intelligitur. Sed & in patrono, pendente controversia, idem erit dicendum, plane quod ad patroni quæque personam pertinet, differri controversia debet.

Residue sunt quaestiones duæ. Ut prima quaestio intelligatur, illud ante omnia sciendum, filium naturalem liberi excludere patronum a bonorum possessione unde legitimi intestato liberti, atque etiam removere possessionem contra tabulas testato liberti & patrono præterito, si in eo testamento forte sit solum heres institutus sit quantulumcumque ex parte, l. 6. in pr. hoc tit. filius, inquam, sive sit suus, sive emancipatus, sive in adoptionem datus alteri, §. prodest, Inst. de success. lib. dico filium naturalem, ut & l. suus, §. & ille, de iure patron. Nam liberti filius adoptivus non expellit patronum: alioqui remedio adoptionis semper repelleretur patronus. Dixi filium institutum: nam exheredatus non expellit patronum: sed neque institutus a patre libertino, si repudiaverit vel abstinerit se, l. si filius liber, §. ult. & l. 6. §. pen. l. quaritur, §. ult. hoc tit. Rursus dixi institutum, sed addi volo institutum etiam filium naturalem præteritum, qui modo accipiat bonorum possessionem contra tabulas, & vincat: nam hic etiam præfertur patrono, d. §. prodest. Instituto quoque addi volo exheredatum, qui per subiectam personam veluti filium, aut servum suum patri heres extiterit, obijciatur patrono, d. l. si filius liber, §. pen. Et hæc omnia ita procedunt ex edicto prætoris, de quo agit hoc tit. Mitto eadem de re l. 18. tab. mitto leges Papias, quæ absoleverunt. Nunc accedamus ad verba, & sententiam hujus §. cum filius liberi impubes. Quæ verba Accursius accipit

A de bonorum possessione unde liberi. Verba sunt ambigua, illa scilicet, ex prima parte edicti: nam quomodo agitur de successione intestati, prima pars edicti, est ea pars qua defertur bonorum possessio contra tabulas. Ideoque, de Carb. edic. l. 1. hoc tit. & ob id tit. de bon. poss. contra tab. anteponitur titulus de bon. poss. secund. tab. Et de hac prima parte edicti, id est, de bonorum possessione contra tabulas, puto accipiendum hunc paragrammum, cum filius, & ita ponendam esse speciem. Testamento liberti filius est præteritus, atque etiam patronus: filius est impubes, & pupillus, & ab herede scripto negatur esse filius: suppositus esse dicitur, atque ita fit ei controversia status & bonorum paternorum. Secundum Carbonianum edictum, ut non ita dudum ostendimus, differenda est controversia status in tempus pubertatis, quia metus est, ne interim pupillus minus idonee defendatur, & interim, par maniere de provision, danda ei est bonorum possessio contra tabulas, non Carboniana tantum, sed etiam ordinaria, ut ei plenius cautum sit, ne scilicet post pubertatem nihil juris obtineat: quoniam Carboniana finitur pubertate, ordinaria est perpetua, l. 3. §. ult. de Carb. edic. atque etiam, ne heres scriptus possit accipere bonorum possessionem secundum tabulas, quam utique acciperet, si pupillus solam Carbonianam acciperet, l. singulis, l. 3. §. ult. de Carb. edic. l. 4. eod. tit. Ergo certissimum illud est, interim dari bonorum possessionem contra tabulas, dilata quaestione status in tempus pubertatis. Quæritur, an detur etiam bon. poss. contra tab. patrono præterito, qui etiam præteritus est eodem testamento? Et Papinianus ait, patrono præterito non dari eo casu possessionem contra tabulas; non absque ratione, quia filius liberi eum præcedit, & eum expellit: præsumitur enim esse filius interim, licet suppositus dicatur: hæc est præsumptio Carboniani edicti, l. 3. §. pen. de Carb. edic. l. pen. in fine: ne vis fiat ei, qui in possess. Cum est, qui præcedat, sequens non admittitur ad bonorum possessionem contra tabulas. Ergo spes patroni non habet locum. Sed si post pubertatem contra filium pronuntiatum sit, eum suppositum esse, non verum filium defuncti, bonorum possessio ei data pro non data habebitur, id est, erit sine re tam Carboniana, quam ordinaria, & denegatur ei actiones possessionis, l. 4. in fi. de Carb. edic. At tunc patronus veniet ad bonorum possessionem contra tabulas: interim non veniet. Sed cum his pugnant omnino, quæ sequuntur, sed in patrono idem erit dicendum. Ergo pendente controversia in tempus pubertatis, interim patrono dabitur bonorum possessio contra tabulas: ergo si possit patronus accipere bonorum possessionem contra tabulas, sequitur ut accepta sit cum re, si contra filium iudicatum sit: sine re vero, si secundum filium lis data sit. Et sane hæc verba, quæ sequuntur, videntur esse ex notis Pauli: nam in libris nostris non semper hoc adnotatur, Paulus notat: & ita de aliis, non semper adscribitur esse notam, ut in l. pen. de iure codicillorum, illo loco, duntaxat, non est adscriptum, Ulpianus notat: sed tamen est manifesta nota Ulpiani, ut etiam hoc loco, dum ait, sed & in patrono, id est, imo & in patrono, idem erit dicendum, non sunt hæc verba Papiniani qui scripsit sine dubio, patronum non admitti, sed Pauli, quæ summam rationem habent, ut interim patronus accipiat bonorum possessionem contra tabulas, sicut filius: & ut ea sit sine re, si secundum filium pronuntiatum sit. Denique in patrono idem est dicendum, quod in filio præterito, ut idem jus sit. In re dubia admittimus & primum gradum, & secundum. Sed non tantum, quod attinet ad personam heredis scripti, qui filium subiectum dicit, sed etiam quod attinet ad personam patroni, differret quidem controversia status in tempus pubertatis, nec propter patronorum cognitionem præsentatur, sed interim patrono datur possessio contra tabulas in omnem eventum: nam datur etiam scripto bonorum possessio secundum tabulas; si pupillus solam Carbonianam cognoverit, non etiam ordinariam, l. 7. §. ult. de Carb. edic.

Ad §. ult.

Si falsum liberti testamentum ab aliis in provincia dictum, atque ita res per appellationem extracta esset, defuncta medio tempore patroni filia, quam libertus heredem instituerat: filio mulieris servavit D. Marcus eam partem bonorum, quam filia patroni vel jure intestati, si vixisset, habere potuit.

Libertus filiam patroni heredem instituit, ei satisfecit: patronus erat mortuus, supererat tantum patroni filia. Quidam testamentum falsum dixit, & obtinuit: appellavit illa, atque ita extinxit iudicatum, vel interim diu tracto negotio diem suum obiit. Quæritur, an jus suum transmiserit ad filium suum, quem reliquit superstitem? Jus ejus quale est? ut etiam falso testamento pronuntiato, liberto possit succedere ab intestato: nam qui adiit hereditatem ex testamento, quod putat verum & valere, non ideo videtur repudiasse hereditatem ab intestato, *l. mater, de inoffic. testam. l. legitimum, de pet. heredit.* Ergo etiam si is, ad quem provocatum est, confirmaverit sententiam Prioris judicis, & pronunciaverit, falsum testamentum videri, filia patroni, si vivat, succedet liberto ab intestato. An idem jus transmittit in filium suum? Videtur non transmittere, quia nondum agnoverat hereditatem ab intestato. Finis, secundum iudicio pronuntiatum esse testamentum falsum videri, aperta est via successione ab intestato. At ipsa non agnovit hereditatem: successione ab intestato non transmittit igitur, hereditas non agnita non transmittitur. Verum eleganter Papinianus offendit aliter decrevisse D. Marcum cognita causa inter litigatores, inter eos, qui de eo contendebant, decrevisse etiam transmissioni locum esse, *l. 6. §. 1. hoc tit.* Et miror quod Accursius neque hoc loco, neque illo, contulerit hos locos inter se. Et ratio decreti hæc est, quia filia patroni non cessaverat eam hereditatem persequi, & quia, ut dicam explicatius, eam videtur utroque genere persecuta, jure testati quasi scripta, vel si eo jure non obtineret, jure intestati, *argum. l. 3. de mil. testam.* Miles testamentum facere voluit jure communi, nec fecit: testamentum quidem fecit, sed non servato jure communi, ut voluit, an valeat testamentum jure militari? Sic videtur, quia non videtur elegisse miles jure testandi ad impugnandum suum iudicium: imo vero utroque genere testari voluisse videtur, propter casus futuros. Sic etiam utroque genere filia patroni vindicasse hereditatem videtur, & consequenter transmisisse, quod potest transferri ad similes complures casus.

Ad §. sed an id l. i. de Collat. bonor.

Sed an id, quod dignitatis nomine a patre datum est, vel debetur, conferre quis in commune cogatur, videamus. Et Papinianus lib. 13. Quæst. ait, non esse cogendum. Hoc enim propter onera dignitatis præcipuum haberi oportere. Sed si adhuc debeat, hoc sic interpretandum est, ut non solus oneretur is, qui dignitatem meruit, sed commune sit omnium heredum onus hoc debitum.

His addendus est unus locus, quo Ulpianus utitur auctoritate Papiniani eodem lib. 13. quæst. Is locus est in l. 1. §. sed an id, de collat. bon. neminem arbitror ignorare, filios emancipatos suos, atque etiam hodie filios omnes, qui volunt venire ad bona paterna, conferre (*rapporter*) ea bona quæ a patre acceperunt, dum viveret. Vis mecum partiri frater? confer quæ ex bonis patris acceperis. Quæritur, quæ bona veniant in collationem: non omnia certe: nam excipitur castrense peculium, etiam si pervenerit a patre, ut si in militiam profecto pater dederit aliquid; sed conferunt etiam bona, quæ non acceperunt a patre, castrense peculium non conferunt, nec quasi castrense, id habent præcipuum, ut dixi. Quæritur, an conferant id, quod dignitatis nomine pro filio datum est, ut filius fieret decurio, Edilis, Consul: nam has dignitates non assequantur sine sumptu: dabantur honoraria decurio-

Anibus pro introitu, solebant edi munera propter honorem adeptum, solebat etiam aliquid dari suffragii nomine, vel solatii, consuetudinis: non emebantur dignitates, sed erogare aliquid necesse erat. Ergo pater, ut filius dignitatem adipisceretur, dedit aliquid: an id conferet fratribus, an quodammodo dignitatem ipsam conferet? lex ait non conferri: quoniam æquum est, ut eam dignitatem habeat præcipuum, quo sustineat ejus dignitatis onus: nam nulla est dignitas, cui non cohareat onus, *l. 2. §. muneris, de vocat. mun.* Qua de causa, si pater pro filio dignitatis nomine non dederit, sed promiserit tantum, commune erit onus omnium fratrum, quod tamen non esset commune, si eum sumptum fratribus conferre oporteret, sed liberandi essent fratres pro rata, *l. 2. C. de collat.* Atque ita Papinianus rectius scripsit hoc eodem libro, non esse cogendum filium conferre, quod dignitatis nomine ei a patre datum est, quia hoc debet habere præcipuum propter onera dignitatis. Obstat *l. pen. C. de collat. bonor.* quæ ait, militiam (*un office*) emptam filio a patre (*cela est remarquable pour les effets qui s'achètent*) conferri: sed aliud est militia, aliud dignitas. Dignitas non emitur ut militia, non est armata, sed civilis, adiutor quætoris, *le Greffier du Chancelier*, militia solertiarum, stratologia, *Contrerolleur de guerre*: hæc militiae sunt in patrimonio nostro, sicut feuda, & emi possunt, & transeunt ad heredes, sicut patrimonium nostrum: militia est in patrimonio nostro, ergo conferetur, dignitas non est in patrimonio.

JACOBI CUJACII J.C.

COMMENTARIUS

In Lib. XIV. Questionum JEMILII PAPINIANI.

Ad l. XV. de inoffic. testam.

Nam & si parentibus non debetur filiorum hereditas, propter votum parentum, & naturaliam erga liberos charitatem, turbato tamen ordine mortalitatis, non minus parentibus, quam liberis pie relinqui debet.

§. 1. Heredi ejus, qui post litem inofficiosi preparatam mutata voluntate decessit, non datur de inofficio querela: non enim sufficit litem instituisse, si non in ea perseveres.

§. 2. Filius qui de inofficiosi actione adversus duos heredes expertus diversas sententias iudicum tulit, & nunc vivit, ab altero superatus est, & debitores convenire, & ipse a creditoribus conveniri pro parte potest, & corpora vindicare, & hereditatem dividere: verum enim est familiæ eriscunde iudicium competere, quia credimus cum legitimum heredem pro parte esse factum, & ideo pars hereditatis in testamento remansit, nec absurdum videtur, pro parte intestatum videri.

JAM in ea l. quæ præcedit ex lib. 5. quæst. Papinianus ostendi, patrem præteritum a filio emancipato admitti ad querelam inofficiosi post liberos. (In omni jure semper prima & potior est causa filiorum,) patrem, inquam, ut dixi, præteritum a filio emancipato: nam filius a. testamentum non facit, quod possit rescindi per querelam inofficiosi, præterquam hodie ex *Novell. 115.* si jure communi de castrensi peculio testetur: nam si jure militari, tunc nec pater, nec liberi vocantur ad querelam inofficiosi. Pater igitur vocatur post nepotes & suam intentionem implere potest. Idem Papianus videtur repetiisse hoc lib. 14. Verissimum igitur est hac in re parem esse causam filii & patris: filius recte agit de inofficio patris testamento, & contra pater: quod non carebat dubitatione, quam ut tolleret id scripsit, quod est initio hujus l. Quia patri non debetur hereditas filii, ut debetur hereditas patris filio; nam ordo naturæ, & commune parentum votum est, ut filius succedat patri, hoc est, quod maxime omnes optant. Hæc præterea

l. j. n.

l. Julianus in fine, si quis omiff. causa test. Cujus species est elegantiff. Filius heredem scripsi, & ei heredem substitui patrem in cuius potestate erat in primum casum: non potest si filius adire in iussa patris, non jubet pater, sed ipse ex substitutione vulgari adit: Queritur, an incidit in edictum, si quis omiffa causa, & an debeat legata relicta primo gradu per hoc edictum? Respondet, non debere: quia eo edicto dolus tantum plectitur: at pater dolo nihil videtur facere: nemo enim videtur contra votum parentum plane patrem substituire filio: videtur ergo ei datum arbitrium eligendi, ut vel ipse adeat, vel filius ejus: nam est ominosa ea institutio. Et similiter in *l. cum tale, de cond. & demonst.* Quidam ita legavit: Titiae, si a liberis quos habet non discesserit: Queritur, an statim possit pervenire ad legatum praestita cautione, non convoluturam ad secundas nuptias? huic cautionis locus est in his conditionibus, quae vivo legatario impleri non possunt, ut si in Capitolium non ascenderit. In his igitur conditionibus locus est cautioni Mutianae. In his vero, quae vivo legatario impleri possunt, non est locus cautioni Mutianae, sed expectandum est, & differenda petitio legati, donec impleta sit conditio. Conditio autem illa, si a liberis quos habet non discesserit, potest expleri viva matre: quia mori possunt liberi viva adhuc matre, atque ita legatum videbitur relictum post mortem liberorum. Consequens ergo, cessare cautionem Mutianam, & expectandum mortem liberorum. Sed idem improbat hanc opinionem & concludit esse locum cautioni Mutianae, quod voto matris non probe opponatur tam ominosa non interpretanda cautionis interpretatio: matris autem votum est, ut ne mater cernat morientes liberos, sed ut ei supervivant. Ergo hac ratione filii hereditas non debetur patri, aut sane, ut ait *l. scripto in fine, unde lib. non sic debetur hereditas filii patri, ut patris filio: aliquatenus debetur, sed non ratione patri.* Nam quid vocat filium ad hereditatem patris? ratio naturalis, quali tacita quaedam lex, ut ait *l. 7. de bon. dem. ac praeerea commune votum filium vocat ad hereditatem patris: patrem autem ad bona filii, tantum miserationis ratio, vel solatii ratio tantum, sicut dicitur in *l. iure, de jur. dot.* solatii causa mortua filia in matrimonio dotem profectitiam reverti ad patrem. Secundum haec, non videtur pater jure queri de testamento filii quasi inofficioso, quia nec ei quicquam debuit relinquere, nec id optavit pater, abhorruit ab eo maxime mens patris: nulla est igitur ejus indignatio iusta: sed utitur hac ratione Papinian. Turbato ordine mortalitatis, quo sermone uti sunt parentes ipsius Papiniani, quum eo mortuo inscripserunt monumento, & turbato ordine, in senio parentes ferisse: non euntibus igitur ordine satis, ut inquit Ovid. & Horat. male judicantibus satis, turbato ordine, non minus jus piumque esse filium relinquere patri bona, vel portionem debitam, quam servato ordine relinquitur portio filio. Justus enim ordo & iusta series est patri succedere: & ideo si pater & filius simul perierint suggerente ordine naturali, ut ait *l. qui duos, de reb. dub.* filius videtur supervixisse patri. Pietatis officium mutuum esse debet inter filium & patrem. Igitur si neglecto officio patris filius erga patrem inofficiosus eum praetermisit, aequissimum erit ei etiam dari querelam per quam arguet filium dementiae, sicut & filius, qui agit querela, arguit patrem dementiae quodammodo: nam dementia est officiorum & affectuum obliviscentia, sicut *l. 1. qui duos, de reb. dub.* Dixi sup. in hoc tractatu de inoff. ad leg. praeced. lib. 5. quae sit esse parem causam patris & filii. Hoc intelligitur, ut detur utrique ex causa: sed tamen haec est differentia, quod filio exheredato datur querela, non praeterito, patri etiam praeterito datur querela. Sciendum est, querelam dari liberis & parentibus, & interdum fratribus, ut si frater fratribus omiffis turpes personas, ut meretrices, insituerit: liberis autem datur querela exhereditatis a patre vel avo, proavo pagano: praeteritis autem liberis a milite patre vel ab avo paterno, sciente eos liberos sibi superesse, *l. q. l. 10. C. de test. milit.* item praeteritis a matre vel avo, aut proavo materno, procreatis a patre, vel ab avo paterno, vel a milite ignorante se libe-*

ros habere, non datur querela, sed bonorum possessio contra tabulas, vel si sint in potestate, ipso jure testamentum rumpitur, *l. si qui in potestate, de leg. prest.* Ratio autem est, quoniam inter alia, quae ad ordinanda rite testamenta necessaria sunt ex jure antiquo, filius a patre pagano, vel nominatim instituendus est, vel nominatim exheredandus: filia, vel ceteri liberi, qui ex masculis descendunt, inter ceteros exheredandi sunt: nam silentium patris pagani, vel etiam militis ignorantis liberos sibi superesse, non habetur pro exheredatione: ex quo sequitur nullum esse testamentum ipso jure: patri autem militi, qui non ignorat se eos filios habere, vel matri, vel avo materno, haec solemnitas remittitur: silentium enim eorum pro exheredatione habetur. Et hinc licet constituere tres formas exheredationis: quaedam sunt nominatim, quaedam inter ceteros, quaedam silentio, *l. 12. in pr. de bon. libert.* Et addendum est, a liberis parentes silentio exheredari & fratres. Praeterito igitur patri recte datur querela. Ergo ita constituimus: patri praeterito in testamento filii emancipari dabitur, ut patri querela inofficiosi in assem: Nam plerumque querela evincit assem, bonorum possessio contra tabulas non dabitur, ut patri, sed ut patrono: nam si pater in emancipatione manumissor exstiterit, & fuerit praeteritus testamento filii, ut patrono ei dabitur bonorum possessio contra tabulas, quae non est in assem, sed certae partis bonorum, vel semissis, vel trientis hodie, si turpis persona instituta non sit, vel etiam assis, si turpis persona instituta sit, *l. 3. si a parente quis manumissor, sit.* Patrono praeterito nunquam dabitur querela, quia si patronum silentio praeterierit libertus, ea praeterito pro exheredatione haberi non potest, quandoquidem exheredatio cadit tantum in agnatos, non in extraneos, nisi sint ea conditione heredes instituti, ut, *Titius heres esto, & illud facies, si non feceris, exheres esto, paterfamilias, de hered. instit. l. uxorem, de legat. 3. l. servus, ad legem Falcid.* Et in formula cretionis videtur illud est, quod apud Ulpianum in fragmentis titulo, qui heres institui possit. Et generaliter is tantum exheredatur, qui vocatur ad hereditatem jure civili, vel honorario. Extraneus non instituitur non vocatur ad hereditatem. Sciendum autem est, alias filium emancipari & manumitti a patre, alias emancipari tantum. Emancipare est vendere. Venditus filius non potest a patre manumitti, nisi eum redemerit ab emptore: venditione rededit eum in servitutem, quod agitur inter patrem & emptorem contracta fiducia, id est, si filium ea lege vendiderit, ut is emanciparetur sibi. Contrahere fiduciam, est legem addere venditioni, ut emedimere liceat, *pache de rachapi.* Quae fiducia semper hodie contracta intelligitur, non in venditionibus omnium rerum, sed in emancipationibus filiorum, *§. ult. de success. agnat.* Finge: Pater ex lege fiducia filium redemit ab emptore & manumittit, atque ita filius fit sui juris, & quia manumissit quasi patronus, praeteritus certae partis accipiet contra tabulas bonorum possessionem, *l. si a milite, §. ult. de test. sur. l. filio, hoc tit.* sed omisso jure patroni, ut pater recte agat querela in assem. Unicum jus habet pater, si in emancipatione manumissor non exstiterit: duplex jus habet, quae solet accipi querelae adjuvanda causa. Sed si in emancipatione manumissor exstiterit, duplex jus habet, jus patroni, & jus patris, & accepta bonorum possessione contra tabulas jure patronatus, potest patrio jure sibi defendere jus antiquum, id est, querelam, *l. 1. §. ult. si quis a parente manumissor, Igitur, ut ait, vel non debet ei nocere, quod sit patronus, cum sit & pater: & eadem ratione repudiata bonorum possessione contra tabulas, supererit ei querela secundum regulam juris, l. quoties duplicis, de reg. jur. Jus antiquum est querela, d. l. Jus novum est bonorum possessio contra tabulas. Utrumque jus defertur patri emancipatori & manumissori: & prius defertur jus novum, id est bonorum possessio contra tabulas, quam unde legitimi, quae longum sequitur in edicto. Querela recte dicitur jus antiquum: nam est ex antiquissima lege Glicia, ut conjicere licet ex inscriptione *l. 4. hoc tit.* quae*

quæ est ex libro singulari ad legem Gliaam. Coniice inde eam I. pertinere ad hanc questionem de inofficio: sit mentio in hoc titulo de lege Glia, ergo pertinet ad inofficium testamentum. In d. l. 4. ponitur ratio querelæ: ratio igitur ferendæ legis Glia. Probabile igitur est, querelam esse ex lege Glia, quæ lata est à Glia dictatore, & forte a consule vel prætoris eiusdem nominis: nam & Prætor leges ad populum ferebat: sed malim appellatam a dictatore, quod quidam impugnat hoc modo. Coactus Glia se abdicare magistratu, ergo non habuit satis temporis ad ferendam legem. Nego: rursum coactus est se abdicare, priusquam aliquem magistratum equitum sibi nominasset. Hoc etiam nego, nam raro magister equitum a dictatore dicebatur, sed plerumque a Consule vel populo, & Gliaam coactum se abdicare, antequam magistrum sibi diceret, nusquam invenies: moventur falsis Capitolinis in quibus est: *M. Claudius Glia, qui scriba erat, dictatorem coactus abdicare se antequam magistrum equitum haberet.* Fuit igitur dictus dictator nullo adjuncto magistro equitum, ut *L. vius lib. 23. C. Terentius Consul M. Fabium sine magistro equitum dictatorem in sex menses dixit.* Aliqui male referunt leges non appellari a cognomine, sed a nomine familie, & Glia esse cognomen. Hoc est falsum; nam & lex dicitur Syllana & Graccharia a cognomine: & Senatusconsultum Neronianum, & Plancianum. Male etiam referunt querelam ad auctoritatem prudentum: querela est actio directa, ergo ex legibus descendit. Probabilius est, querelam esse ex *l. Glia*, ac similiter quam, *la legitimo*, quæ excludit querelam, eam esse ex *l. Glia*: lex fuit forte ita concepta, *Querelam dari iuris, nisi sit satisfactum sit data quarta.* Et hanc quam non esse ex constitutione D. Marci: Male scribunt etiam, ante Senatusconsultum Orfitianum, quo filius succedit matri, filium successisse matri, moti quibusdam locis, quibus moveri non debuerat, quibus dicitur hereditas matris pertinere ad filios: fateor, sed non ideo ius illud est confundendum cum Senatusconsulto Orfitiano: nam hoc & certum. Hereditas matris pertinet ad filios iure legitimo, quamvis mater sit filius cognata, non agnata, tamen iure agnationis exclusis ceteris agnatis deferatur matris hereditas filiis. Olim iure honorario pertinebat ad filios, quasi ad cognatos: post agnatos vel quasi ad consanguineos, si mater convenerat in manum mariti. In *l. 12. tabular.* nihil fuisse cautum ajunt de liberis instituendis vel exheredandis, præteriri igitur potuisse, quod nullo loco & ratione confirmatur. Præterea hoc ius ut liberi vel instituantur, vel exheredentur, tribuitur antiquitati, *l. Gellius de lib. & postum.* & plerumque antiquas refertur ad *l. 12. tabular.* In *l. 12. tabul.* liberi appellantur sui heredes, *l. liberorum, de verb. signific.* Ea appellatio quid demonstrat? Eos esse heredes instituendos, vel exheredandos, quia sunt sui heredes, qui si extranei essent, non possent exheredari. Etiam addo ex *l. 12. tabulis*, filios occidi & vendi posse, & similiter, ut ait *l. in suis, de liber. & postum.* exheredari potuisse, namque hi sunt effectus patriæ potestatis, ut filium exheredat, *l. quidam, de verb. obligat.* Constat patriam potestatem esse ex *l. 12. tabul.* Ergo ius illud matris omnino ex antiquissimo iure *l. 12. tabul.*

Ad §. I. Heredi.

Hic §. est de transmissione querelæ, & generaliter de transmissione hereditatis, quæstio frequens & cognata necessaria. Certum est exheredatum, vel præteritum non transmittere querelam ad heredem, nisi eam preparaverit, & ordinaverit ipse vivus. Idem fere est preparare & ordinare. Preparatur autem querela inofficij adita hereditate, veluti ab intestato, vel accepta bonorum possessione unde legitimi, vel unde liberi, vel unde cognati, *l. 6. §. ult. h. tit.* neque enim sine aliquo titulo exheredato patet aditus ad querelam, sed eo titulo fretus, quasi heres, scilicet agit querela inofficij, & si probet se immisso exheredatum, testamentum rescin-

A dit, heredem scriptum expellit, vindicat & evincit hereditatem totam: licet, quod notandum, is titulus interim sit sine re: nam pendente lite inofficij, potius habetur causa heredis scripti, *l. 2. C. hoc tit.* Est igitur ille titulus falsus & coloratus. In foro recipiuntur falsi tituli & colorati actiones, falsæ expositiones, ut Fabius ait, ut scilicet res videatur agi recte, & ordine. Et hodie sapissime utuntur in foro falsis narrationibus, & titulis, ut exempli gratia, inspecta turris templi: id est, pro possessore beneficii accipiunt eum, qui duntaxat turrem eminens inspicit. Inspecio illa est pro titulo possessionis. Proditum quidem est, non tantum possessionem apprehendi corpore & actu, sed oculis & affectu, *l. 1. §. pen. de acquir. poss.* Sed si id fiat in re præsentia, cominus, non eminus: ut si rem quam mihi vendidisti, quæ est in præsentia, meo iussu tradas meo procuratori, vel si pecuniam, quam mihi debes, tradas alteri meo iussu, qui erat in præsentia, videris mihi tradidisse, id est, videor ejus rei possessionem apprehendisse. Idem erit si columnas mihi vendideris, quæ propter magnitudinem moveri non possunt, dummodo confenserimus in rem præsentem. Nam & earum oculis videor possessionem nactus, sed id fit cominus. Ergo in iure & in scholâ, & in foro recipiuntur falsi tituli, colorati, falsæ expositiones, ut satisfiat rigori juris, ne quis calumniatur factum, gestumve. Ergo non pervenies ad querelam inofficij, nisi titulum heredis assumpseris: aut bonorum possessoris, quamvis is interim sine re futurus sit, atque etiam semper, nisi vigeris querela. Porro is titulus necessarius est ceteris omnib. præterquam suis heredib. id est, qui detrahita exheredatione sui heredes futuri sunt, *l. 7. h. tit.* quia ipso iure heredes existunt, & ut Græci dicunt, habent ius *divagare*, id est, existunt, non sunt heredes: ceteri sunt: hi existunt statim, ut ait, *l. in suis, de suis & legitimis, l. 1. §. qui sunt, si quis omnis, causa test.* Et statim etiam clausis tabulis testamenti, etiam forte ex parte heredis scripti sunt, *l. 2. C. de jure delib.* Ceteri qui non sunt sui, non possunt heredes fieri, antequam apertæ sint tabulæ, si sint scripti ex parte: nam heredes scripti ex assensu heredes sunt generaliter etiam ante apertas tabulæ, *l. de suis & legitimis, l. 1. §. ult. de jur. & fact. l. nullum, de cond. & dem.* Et quod dicitur de suis, id obtinere volumus in necessariis heredib. ut in servis. Nam hi protinus sunt heredes, id est, clausis tabulis, *§. 1. de hered. qual. & differ. h. ex parte, de acquir. hered.* Igitur isti heredes nunquam adire hereditatem accesserunt, quod existunt, *d. l. in suis, l. 1. §. qui in potestate, de leg. præst. l. pen. §. pen. de bon. libert.* Quid igitur fiet, si filiusfamilii, qui patri suus heres futurus sit, exheredatus sit? quemadmodum preparabit querelam? Ceteri preparant adita hereditate vel agnita bonorum possessione. Igitur sui heredes, ut querelam ad heredes transmittant, eam preparabunt his modis, quibus & ceteri omnes eam preparare possunt, si committentur heredi scripto accusationem inofficij denuntiatione, quæ fiat solemniter, item libelli datione, *l. 7. hoc tit.* Comminatio & denuntiatio fit heredi scripto. Nam libelli dationem accipio pro editione actionis, *l. 1. §. 1. de eden.* Edere est libello completi & dare. Illud certum erat, post litem contestatam querelam transmitti ad heredem, sed placet etiam transmitti, si exheredatus propositum habuerit inofficium testamentum dicere, *l. 5. C. de ad.* Pater tuus post litem contestatam, vel idem pater tuus postquam propositum habuit dicere inofficium, nondum lite contestata decessit: quocunque modo potes exequi patris placitum, & patrem hoc propositum habuisse appareat ex comminatione & denuntiatione, & libelli datione, & ex alio quocunque modo, ut ait *d. l. §. ex mota controversia.* Incipit lis a contestatione, ordinatur autem contestatione, & ante contestationem controversia est, non lis. Lis est res in iudicium deducta. Igitur in *d. l. §. propositum habere sic accipitur*, ut illo loco Cælaris, *Cæsar cum in Belgio hyemaret, unum propositum habuit, civitates in amicitiam confirmare.* Et sic propositum accipitur in *l. in plures, §. locator, loc.* Locator, qui locaturus erat horreum, propositum titulum habuit ante horreum se locaturum

hor-

horreum cuiusque volenti, ea lege tamen, ne reciperet custodiam auri, argenti, margaritarum, quæ inferrentur in horreum. Eas vero species cum sciret inferri in horreum, passus est inferri: lex ait, eum esse obligatum custodiæ nomine, etiam propter eas res, quod propositum non fuit: sic legunt Græci, Florentia aliter, vulgo aliter, ac si propositum non fuit. Deinde sequitur, *remissam etiam videtur, quod sciens passus est eas species inferri*. Ergo obligatur etiam earum rerum nomine. Nec igitur sui, nec extranei, hoc est, emancipati, vel pater, querelam transmittunt ad heredem, quam non præparaverunt: quod confirmat etiam *l. si quis adfirmavit, §. v. de dolo*. Supprimebas tabulas testamenti paterni, nesciebam quis in eo testamento esset scriptus, an ego essem in eo exheredatus; non præparavi querelam, & mox vita deceffi: non transmissi igitur querelam ad heredem, quæ res fraudi est heredi, & causa fraudis est suppressor testamenti, ideoque heres poterit agere civiliter de dolo in suppressorem, & criminaliter agere Cornelia: ex quo intelligitur, querelam non præparatam non transmitti. Querela est specialis actio injuriarum, actio injuriarum non transmittitur in heredem, nisi post litem contestatam, *l. 13. in prin. de injur.* Possis addere, nisi post litem præparatam, licet nondum contestata sit, exemplo querelæ, quæ ipsa est actio injuriarum specialis quædam. Idem, quod constitui, verum esse demonstrat, querelam non præparatam, quæ competeat suo, vel non suo, non transmitti. Querela est civilis, vel possessoria petitio hereditatis. Civilis si adierit, & extiterit suus: Possessoria ex jure prætorio est vindictio hereditatis, *l. 3. C. de petit. hered.* qui agit querela, vindicat hereditatem, & sunt fulti, qui in eo laborant, idem non esse in jure querelam inoffic. & petitionem hereditatis, *l. 20. h. v. l. si quis servum, C. de ad. l. ult. §. sed quem admodum de bon. poss. contra tab. Petito autem hereditatis quacunque ex causa intendatur, nunquam in heredem transmittitur, nisi ea contestata, & præparata fuerit. Paulus 1. Sentent. Petitio, inquit, hereditatis, cuius defunctus litem contestatus non esset, ad heredem non transmittitur. Loquitur de lite contestata, sed non est novum, ut quod dicitur de lite contestata, ad litem præparatam transferatur, *l. sed est lege, §. si ante, de petit. hered.* Separatim de petitione hereditatis, loquitur de lite contestata, ut post litem contestatam male fidei possessores existimantur, sed tradit etiam ad controversiam motam, & ita in *tit. C. de usur. legat.* dicitur, usuras venire ex lite contestata: proculdubio veniunt etiam ex lite præparata: post litem contestatam actionem injuriarum, & omnem venientem ex delicto, transmitti ad heredem. Idem potest dici post controversiam motam: motus controversiæ litis ordinatio est: cur non transmittam jus, ad quod persequendum nunc præparavi, in quo exequendo minime fignis, aut vecors fueram? Illud etiam addendum, petitionem hereditatis non transmitti ad heredem, nisi adita sit hereditas, vel agnita bonorum possessio: non adita hereditas non transmittitur, non adita vel non acquisita alio modo. Sunt multi modi acquirendæ hereditatis: aditio, cretio, petitio bonorum possessionis. Et hodie ex constitutione Justin. quodlibet indicium, etiam pro herede gestio, existentia five *diversarum*, missio, agnitio, & in summa quodlibet indicium animi volentis amplecti bona quæ deferuntur. Ergo non acquisita hereditas non transmittitur. Ab hac regula excipiuntur constitutiones Theodosii, liberi non sui: nam hi hereditatem parentum non aditam transmittunt ad liberos suos vel non suos, *l. un. de his qui ante apert. tabul. l. un. §. in noviss. C. de cad. toll.* liberos suos certum erat transmittere, quia existebant statim, sed transmittentibus sui tantum in liberos suos: ex constitutione Theodosii transmittuntur omnes in liberos non suos. Item non sui liberi transmittunt in quoscunque liberos, ut quod ad causam transmissiois hodie attinet, nihil plane interstet inter suos, & non suos. Et hæc quidem dicuntur de liberis non exheredatis: nam exheredati non possunt transmittere hereditatem, quæ eis adempta est, five sui sui, five emancipati, nisi præparaverint querelam. Quibus autem *l. si quis filium, C. hoc tit. l. pen. §. ult. h. tit.* ex*

quibus elicitur, liberos exheredatos transmittere querelam ad heredem suum, quam non præparaverint: Et ut hi loci conciliantur, sic distinguendum est: Aut heres exheredatus extraneus est, aut suus: si extraneus, querela præparata non transmittitur. Si est suus: aut exheredatus deceffit post aditionem heredis scripti, atque adeo jam nata querela, & hoc casu non transmittitur querelam non præparatam, nec in filiumfamil. heredem suum: cur enim eam non præparavit, cum ei ex aditione heredis scripti competeat? Aut deceffit deliberante herede scripto, & hoc casu transmittitur in suum, non extraneum; & hoc casu procedit *d. l.* Postremo interdum querela præparata non transmittitur, ut puta, si filius exheredatus, qui eam ordinavit, vel contestatus est litem, post litem dereliquerit, hanc non transmittit: nam & ipse ad eam postea reverti non potest, *l. §. si quis, h. tit.* At querela inofficiosa imitatur actionem injuriarum, de qua tit. est, de injuriis: nam injuria est, id est de nota & macula exheredationis, *l. 8. in prin. h. tit.* Filius, qui est in mea potestate, præteritus est testamentum matris, an agam querela invito filio? minime, quia filii indignatio est, ut ait *l. filius, h. tit.* & quamvis querela vindicet hereditatem, tamen magis habet persecutionem injuriæ, quam hereditatis, sicut actio injuriarum, quamvis, qui ea agit, agat de imminuto honore potius, quam de adeptis bonis. Id querelæ nomen demonstrat, queritur enim de injuria sibi facta, cuius pretium nulla hereditas aquare potest: queritur ergo de injuria sibi facta, de impietate patris aut filii: quomobrem Rhetores quidem, ut *Fab. lib. 7. c. 4.* has causas de inofficioso testamento vocaverunt *materias officiorum*. Actio injuriarum generalis, finitur pactione & diffinitione, & denuntiatio, *l. non solum, §. 1. de injur.* & hæc etiam querela inofficiosa aboletur diffinitione, *l. i. C. de in integ. rest.* Ergo & aperta renuntiatione, quod hic demonstratur. Oportet perferre accusationem inofficiosa, si quis ad eam velit reverti: si autem voluit transmittere, satis est, si præparaverint. Itaque per omnia fere querela similis est actioni injuriarum. Hoc est diffimile, quod actio injuriarum fit annalis, querela quinquennalis: igitur gravior est injuria exheredationis, cum non tantum imminuat honorem, sed etiam adimat hereditatem debitam ratione naturali. Quod diximus, querelam inofficiosa; injuriæ, doloris, vindictæ potius, quam pecuniæ persecutionem habere, idque demonstrare querelæ nomen, & accusationis, hinc dico, consequens esse querelam inofficiosa, non computari in bonis ante litem contestatam, vel præparatam: ceteræ actiones computantur in bonis, nomina quoque, sed non hæc actiones, quæ vindictam persequuntur, ut actio injuriarum, & actio de morib. *l. 1. §. sed si parente, si quid in frau. pat.*

Ad §. filius.

§. Filii species hæc est: paterfil. duos ex æquo heredes scriptis, extraneum & filium, alium filium exheredavit, qui egit querela inofficiosa contra utrumque heredem scriptum, & diversas judicum sententias tulit. Extraneum vicit, fratrem non vicit. Notandum, quod ait, *diversas judicum sententias tulit*. De inofficioso testamento non unus, sed plures iudices judicabant: querela enim inofficiosa est centumvirale judicium, *l. Titia, l. qui repudiavit, h. tit.* Sed ut omnis petitio hereditatis centumvirale judicium est, neque tamen centumviri judicabant: sed ex eo ordine septem, unde septemvirale judicium dicitur querela inofficiosa, ut liquet ex inscriptione *l. 28. C. l. 31. h. tit.* Sic hodie de quacunque causa senatores omnes non judicant, sed septem sufficiunt cuique rei judicanda. Sic igitur in proposita specie evenit, ut filius exheredatus uno septemvirali judicio vinceret extraneum, altero vinceretur a fratre, vel etiam uno eodemque judicio vinceret, & vinceretur. Queritur, an aliquid proficiat, qui non utrumque vicit, sed alterum tantum? Res non caret dubio: nihil enim videtur egisse is, qui non utrumque heredem vicit: nam vicisse unum magis videtur prodesse coheredi, ut ejus parti pars loci

socii accrescat potius, quam victori, ut alias querela non proficit ei, qui vicit, sed alii, l. 6. §. pen. h. t. nam si dixerimus in hac specie victoriam ei, qui vicit proficere, dixerimus, eum esse ab intestato heredem pro parte, qui pro parte patremf. intestatum fecerit, eum autem, quem non vicit, testamento heredem esse, quod est absurdum, l. 7. de reg. jur. Aut certe, si aliquid egit exhered. qui unum tantum ex heredib. vicit, totum testam. delevit, quasi furiosus testator fuerit, & non sanæ mentis, infans l. 2. l. Titia, l. mater, h. t. Et hic color tanti est momenti, ut nec credatur testamenti habuisse factionem, l. qui repudiantis, h. t. At consequenter, ut nihil in eo testamento scriptum valeat, & omne iudicium defuncti convellatur, l. nec fideicom. de leg. 3. Et quamvis pater, qui unum filium exheredavit, in eo testamento alium filium instituerit, non ideo minus testamentum dicitur plenum furoris, apud Val. Max. lib. 7. c. 8. Igitur, si unum tantum vicit, totum iudicium patris evertitur videtur. Et veluti ab intestato dividenda sunt bona inter exheredatum & institutum, & hæc ratio dubitandi. Aequius tamen est, pro parte testamentum consistere, pro parte rescindi, pro parte patremf. intestatum fieri, pro parte testatum manere, & victoriam exheredati in hoc ei prodesse, ut sit heres ab intestato pro parte, utque exerceat actiones hereditarias pro parte: nam & conveniri potest pro parte a creditoribus hereditariis, non a legatariis, & fideicom. nam is solus, qui ex testamento heres manet, præstabit a se relicta, l. iudicata, de excep. rei jud. l. pater, de collat. dor. l. cum filius de leg. 2. l. cum duobus, C. h. t. Nam in totum rescisso testam. infirmatur omnia, sed testamento rescisso pro parte, non totum infirmatur, neque libertates, neque fideicommissa. Parte pretii victori soluta, non infirmatur substitutio pupillaris, l. 8. §. sed nec impuberis h. t. Potes enim similiter dicere, non infirmari tutelas pro parte rescisso testamento, non in assem. His addit, exheredatum quoque qui unum ex heredibus superavit, ab altero superatus est, recte vindicatorum pro parte singulas res hereditarias, recte actuum familiarum eriscundus cum eo, quem non superavit. Repelli igitur a testamentum extraneum, ut ait fratrem scriptum ex testamento heredem remanere pro parte, fratrem exheredatum ab intestato heredem fieri pro parte. Et rationem dubitandi, quam antea exposuimus, Papin. refellit his verbis, nec absurdum &c. Quod sic declarat: absurdum est paganus (nam in milite aliud est) pro parte decedere testatum, pro parte intestatum. Et quod videantur hæc absurda, si paganus forte unum heredem scripserit ex fundo certo, si erit heres ex asse, non ex fundo illo dumtaxat, l. 1. §. si ex fundo, de hered. inst. Et causa testati trahit causam intestati: sicut contra evenit, ut causa intestati trahat causam testati, l. pen. de injust. rupt. Absurdum autem non est, testatum ex post facto pro parte intestatum fieri: aliud est esse, aliud videri, aliud decedere pro parte intestatum ab initio, aliud postea decessisse videri. Et rursus aliud est videri, aliud esse. Qui fit intestatus, videtur esse, nec tamen fuit ab initio: & certe in l. 6. §. pen. & l. qui repudiantis, h. t. eum, qui egit querela & obtinuit, patremf. facere intestatum; obinet, ut fiat intestatus, non etiam, ut decesserit. Et absurdum non est, testatorem habuisse partem mentis sanam, aliam insanam, ut simuletur quis furoris pro una parte, non autem pro altera parte. Hodie qui filium exheredavit immerito, non per omnia habetur pro furioso, Nov. Justin. 115. quia sola institutio viciatur, non autem cetera. Ad hæc notandum, aliis etiam modis evenire, ut per querelam testamentum rescindatur etiam pro parte tantum, ut si filius exheredatus, vel præteritus elegerit unum ex heredibus, contra quem instituit querelam: nam querela institui potest pro parte, ut quilibet petitio hereditatis. Et hic casus proponitur in l. 24. §. h. t. Est alius casus, si frater fratrem silentio præterierit, & duos extraneos heredes scripserit, vel ultiores cognatos, unum honestum, alterum turpem: nam frater præteritus utilis agere adversus personam turpem, atque ita agere dumtaxat pro parte, id est, pro semisse adscripto turpi personæ, eique

Tom. IV.

A eripiet partem suam, l. civica h. t. Idem etiam accidit in hac specie: Pater filium heredem scriptis ex asse, alium filium exheredavit: an hic acturus est contra fratrem in solidum querela? minime, sed in partem tantum: atque ita pro parte valebit tantum, pro parte rescindetur, pro parte pater manebit testator, pro parte intestatus. Vel finge: Testamento parentis duo filii sunt exheredati, vel præteriti, primus & secundus: tertius, qui etiam erat ex filiis, heres est institutus: si primus agat prior, secundus non agat, primus agat pro triente, licet secundus nondum agat, quia secundus eis partem facit, quandiu consultat & deliberat, hoc est, inter participes numeratur: sed si secundus repudiaverit, vel si agnoverit iudicium defuncti, puta si agnoverit legatum sibi in testamento relictum, si testamentum patris patientia honorare, quam iudicio accusare maluit, vel exclusus sit quinquennio, partem non faciet primo. Proinde primus consequenter semissem a fratre herede scripto, l. seq. in pr. l. qui repudiantis, §. sed quoniam, h. t. vel etiam in hac specie, si primus egerit pro triente, vel si trientem consecutus fuerit, tantum abest, ut eum trientem communicet secundo, qui repudiavit, ut & pars secundi ei accrescat pro rata: non accrescet utrique primo & tertio scripto extraneo, soli primo adcreset, & repellatur extraneus, repellatur etiam secundus frater, propterea quod repudiavit, aut exclusus est, iudiciove inofficiosi cecidit, l. si ponas, §. ult. Exheredatus qui egit, nec obtinuit, habetur pro mortuo, l. 1. §. sed & de conjung. cum emanc. lib. l. qui repudiantis hoc s. Exheredatus, qui nondum egit, nec tamen repudiavit, non habetur pro mortuo, & partem facit fratri. Idem vero accidit in casu l. mater, h. t. Finge: mater heredem extraneum scripsit, vel ex dodrante, filiam ex quadrante, aliam præterivit, omisit, neglexit, que egit querela contra forem, & extraneum: non recte egit contra forem, recte contra extraneum, non debuit admitti contra forem: sed ponit admissam, atque peregrisse, vindicasse igitur assem: cum utrumque heredem conveniret, aut obtinuit assem, aut dodrantem tantum: si assem, foror scripta ei concurret in legitimam hereditatem ab intestato, quia licet adierit ex testamento, quod existimabat valere, aut rescissum non iri, non ideo videtur repudiasse jus legitimæ successione, l. legitima, de petit. hered. l. 42. de bon. liber. Quod si dodrantem tantum obtinuerit, id est, si obtinuerit tantum contra extraneum, id dodrans ita dividetur inter sorores, ut filia præterita habeat semissem ab intestato, & alterum quadrante ex testamento: atque ita fiet, ut foror scripta, sit partim heres ex testamento, partim ab intestato: proinde querela inofficiosi non hoc tantum efficit, ut unus sit heres ex testamento, alter ab intestato, sed etiam efficit, ut unus idemque homo partim heres sit ex testamento, partim ab intestato.

Ad L. III. Qui Test. fac. poss.

Testamenti factio non privati, sed publici juris est.

Testamenti factio dupliciter accipitur, proprie pro iure faciendi testamenti, & minus proprie, hoc est, per abusionem, videlicet pro iure capiendi & acquirendi sibi vel alii ex testamento alieno. Et hoc sensu dicimus, furiosum, mutum, surdum ita natum, postumum, infantem, pupillum, servum habere testamenti factionem, licet non possint facere testamentum, l. filiusfamil. hoc tit. & testamenti, de hered. qual. & diffor. Servum cum dico habere testamenti factionem, licet testamentum facere non possit, servum alienum intelligo, quia servus proprius sine libertate neque hoc, neque illo modo testamenti factionem habet, & cum libertate utroque modo habet; imo & hodie ex novissima constitutione Iulianiani, id est, l. pen. §. illo videt. C. de necess. hered. inst. Servus proprius sine libertate habet testamenti factionem, id est, ius capiendi legata, aut fideicom. non hereditates. Fit igitur servus heredis, & tamen heres ei perfolvit legata, quæ dominus reliquit, nec ei potest adimere, aut in peculium imputare iure antiquo: Servi etiam proprii si-

A a ne

ne libertate dicebantur alimentorum esse capaces, quasi miserationis ratione, non tamen omnium legatorum: sed hodie etiam omnium sunt. Furiosus quoque dixi habere testamenti factionem, quia ei acquiruntur actiones legatorum & fideicommissorum, etiam invito & ignoranti. Quod sanus acquirat invitum & ignorans, etiam infans acquirat, *l. filius. h. r.* Non tamen potest furiosus acquirere hereditatem, nisi ex testamento patris, in cuius sit potestate, *l. furiosus, de acquir. her.* Patri heres existit etiam invitum, & ignorans ipso jure extraneo heres fit, non existit: nemo autem fit heres inficiens aut nolens. His duobus modis in jure testamenti factio accipitur: nunquam testamenti factio accipitur (quod tamen tentat Accursius) pro forma, modo, & ordinatione testamenti, sed semper testamenti factio, vel est potestas legandi, vel potestas capiendi legatum, hoc est, hereditates, & quaecumque relinquuntur testamento iusto. Est autem hic testamenti factio, jus, potestasque testamentum faciendi: nam pertinet ad partem priorem tit. qui test. fac. poss. Et ait lex, hanc potestatem esse publici juris, non privati: nam hanc accipimus ex legibus & constitutionibus, non ex hominis cuiusquam privati voluntate. Exemplo erit filiusfam. Hic de bonis castrensis, vel quasi castrensis testamentum facere potest, & hanc potestatem accipit a jure publico & constitit. principum, cum in his bonis habeatur semper pro patrefam. De paganis bonis undecunque obvenierint filiofam. etiam si eorum bonorum proprietates nuda, vel etiam plena ad filiumfam. pertineat, de eis, inquam, bonis testamentum facere non potest, *l. Imperator, ad Trebell. lult. §. si filius, C. de bon. que liber. acq.* Cur ita? jure publico ita cautum est, puta in *l. 12. tab. paterfam. uti legassit super pecunia tutelave sua, ita jus esto.* Testamentum patrefam. esse oportet, id est, sui juris: nec quicquam mutet hoc jure publico hominis privati voluntas, ut puta patris, & nec auctore patre jure filiusfam. testator de bonis paganis, *l. 6. hoc tit. l. tam is; §. 1. de mort. caus. don.* Sed filiusfam. de castrensis bonis jure testatur sine patris auctoritate: sufficit enim constitutio, & datur hac in re tutori plusquam patri: nam femina pubes, quae erat in tutela (mas enim pubes nunquam fuit in tutela) olim sine tutoris auctoritate non poterat testari, *Ulp. tit. 26.* Et similiter pupillus tutore auctore obligatur, patre auctore non obligatur, *lult. §. pupillus, de verb. oblig.* etiam si permittat pater, filius non potest testari de peculio pagano, quia quum de testamenti factione quaeritur, quid jure publico cautum sit, spectatur, nec potest jure publico potentior esse hominis privati voluntas. Denique testamenti factio, non privati, sed publici juris est. At filius donare potest, vel inter vivos, vel mortis causa volente patre, *l. filiusfam. de donat. l. tam is §. 1. de mort. caus. don.* Quod patrefam. donationis causa in eo, qui in potestate est, approbat, ratum est. Similiter volente patre vovere potest filius, *l. 2. de pollicit.* Ratio, quia donare quilibet & vovere Deo aliquid per alium potest, testamentum facere per alium non potest, *l. illa institutio, de her. inst. & filiofam. donante aut vovente aliquid voluntate patris, pater ipse videtur donare aut vovere, l. in adibus, §. qui filiusfam. de don. & rursus donare aut vovere de alieno licet mandatu aut voluntate domini: testamentum facere de alienis bonis non licet, quod indicant *12. tab. paterf. uti legassit super pecunia tutelave sua, ad quod respicit l. testandi, C. de test. l. cum pater §. mando, de leg. 2.* nam videtur, inquit, de sua pecunia testari. Unus tantum casus est, quo licet de aliena pecunia testari: nam pater potest facere testamentum filiofam. pupillo, quo genere non testatur de sua pecunia, sed de pupilli, *l. sed et si plures, §. ad substit. de vulg. substit.* Hoc igitur casu pater testatur de pecunia pupilli, ergo aliena etiam, quae post mortem ejus pupillo obvenit, quamquam ei filius nunquam acquisierit, quod est contra *12. tab. quae de causa dicitur introductum esse moribus: non enim est secundum leges 12. tabul.* Utitur etiam alio exemplo ad hanc legem: libertus liberam testamenti factionem non habet, quia patronum impune praeterire non potest: hoc*

A est jus publicum, quod descendit ex edicto praetoris, & lege Papia: an juri huic publico derogabitur, si patronus liberto concesserit liberam testandi facultatem? minime, *l. Paulus, §. patroni, de bon. libert.* potest patronus de jure suo concedere, & patienter ferre praeteritionem liberti, sed liberam testandi facultatem liberto concedere non potest, quia illud non est privati hominis, sed lex vel princeps concedit liberam testandi facultatem, *l. si quando, C. de offic. test. l. 1. l. si a militib. §. ult. de test. mil. l. 7. hoc tit. l. 3. §. 1. de bon. libert. l. 4. C. cod.* Et rursus, patronus liberto tacite potest concedere liberam testamenti factionem, ut si libertum dimittat operarum obligatione, si liberto concedat operas, donum, munus, *l. libertus de oper. libert. l. 4. C. cod.* vel si quo alio modo remittat jus patronatus, *l. pater, lult. C. de bon. libert.* nam ex his sequitur, ut libertus libere testari possit, sed nominatim hoc concedere patronus non potest: multa licent tacite in jure, quae non licent expresse, *l. nonnumquam, de cond. & demonst.* servus non potest facere testamentum, quod si permittat dominus servum facere de suo peculio, non ideo magis erit legitimum testamentum: non accipio potestatem testandi a privato, sed a lege: quod si lex non dederit, nec dabit privatus, sed fateor, connivente domino posse conservari etiam testamentum servi. Finge: volente domino servus de peculio testamentum fecit: non est legitimum, sed quandoque id observabatur & exequabatur. Quod etiam transferri potest ad filiumfam. si volente patre de paganis testatus sit, nec post mortem filii mutante factum, non est quidem legitimum, sed servatur quasi legitimum: non est testamentum, sed quasi testamentum, ut testamentum, quo filiusfam. praeteritus est, sustinetur ex aequo & bono, si filiusfam. honorat patientia testamentum, neque convellat, *l. filio, de injus. rupt.*

Ad L. VIII. ad L. Falcid.

In legem Falcidiam aris alieni rationem in hereditate relinquit, quod unus ex heredibus solvere damnatus sit, ipse solus habeat.

Sciendum est in ponenda ratione legis Falcidiae, quod si hereditate exhausta, aut onerata legatis, aut fideicommissis, rationem poni habita computatione bonorum & legatorum: in hac ratione ponenda, ante omnia deducitur res alienum, quia bona intelliguntur deducto aere alieno. Et ut deductio fiat, cautum fuit nominatim l. Falcidia, quae heredi dedit quadrantem ex legatis, & ex Senatuf. Pegasiano, quod heredi dedit quadrantem ex fideicommissis, *l. 1. §. haec verba, fixi plus, quam per l. Falc.* Ergo primum deducitur res alienum, deinde quod superest inter heredem, & legatarios dividitur pro quadrante & dodrante. Legatum est deliberatio hereditatis; Haec definitio confecta fuit post l. Falcid. nam ex ea legatum potest deliberare tantum hereditatem, non absumere. Item illud sciendum est, in singulis heredibus poni separatim rationem l. Falcidiae, *l. in singulis, h. r.* Finge: duo sunt heredes ex aequo, Primus & Secundus; Primi semis exhaustus est legatis, Secundo totorum bonorum quadrans relictus est. Secundus non utetur Falcidia, sed Primus, deducto aere alieno, quod contingit semislem. Finge: plures instituit heredes, & uni injunxit onus aris alieni, non ceteris: ea re ceteri heredes non liberantur a creditoribus hereditariis, quia non potest privati hominis voluntas mutare leges, & l. 12. tab. haec est, ut res alienum defuncti dividatur inter heredes pro hereditariis portionibus. Ergo etiam si unijunxerit onus aris alieni, tamen ceteri pro suis portionibus obligantur, sed indemnes praestandi sunt a coherede, idque consequuntur iudicio familiae erisc. vel etiam actione ex testamento, si genere legandi aut praegrandis usus sit reitor, id est, si onerando unum ex heredibus forma legandi usus sit, quasi scilicet legaret aliis heredibus id, quo onerabat unum in solidum, *l. si filia; §. Pap. fam. erisc. l. non solum, inf.*

inf. de lib. leg. Omnes igitur heredes creditoribus tenentur. Quæritur, an in ponenda ratione l. Falcidia etiam omnes heredes utantur deductione æris alieni, quoniam ei omnes sunt obnoxii? & videntur omnes posse uti deductione: cum ei omnes obnoxii sint. At contra respondet Papin. ergo uterut deductione istantum, cui inunctum est onus æris alieni, deductione duplici, primum æris alieni, deinde ex reliquo deducta ei Falcidia. Et ita summarium rectissimum est, l. in leg. ad l. Falcidia. æs alienum deducitur ab eo, qui id solus agnoscere cogitur. Et Cyrillus rectissime, unus heredum rogatus implere creditores, solus deducit æs alienum. Implere etiam creditores & Græcis, & Latinis est, solvere creditoribus. Uti Falcidia non tantum est deducere quadrantem, sed etiam æs alienum: nam non tantum quadrantis, sed etiam æris alieni deductio nominatim comprehensa erat lege Falcidia, & Senatusconsulto Pegasus.

Ad L. XXXIV. de Testam. milit.

Ejus militis, qui doloris impatentia, vel tædio vitæ mori maluit, testamentum valere, vel intestati bona ab his, qui lege vocantur, vindicari, Divus Hadrianus respondit.

Non est dubium, quin hæc lex sit ascribenda Papin. non Paulo: hoc series legum ostendit, præcedunt enim semper quæstiones, responsa, definitiones Papin. sequuntur, post Pauli quæstiones: ac præterea Paulus 14. quæst. nihil tractavit de testamentis; Pap. vero totum 14. in testamentis tractandum consumpsit, & de testamentis militis. Jam unus locus Papin. ab Ulp. probatus est ex lib. 14. in l. in fraudem, §. ult. b. t. ut bon. posses. secundum tab. militis ultra tempora præsentia non possit agnosci: nam Confess. militi dederunt testamenti hanc legem: non heredi militis liberam additionem. Et ut ait d. l. in fraudem, generalis est editi determinatio: comprehendit igitur ea determinatione militis tam militem, quam paganum, ac proinde bon. posses. secund. tab. militis liberis ejus est agnoscenda intra annum: ac ceteris intra 100. dies: alioquin submoventur præscriptio temporis, & amissa bona intelligitur, atque ita nulla differentia est inter militem, & paganum: nam & hujus & illius heres observat tempora successoris editi. Igitur privilegium datur militi, non heredi ejus. Et addamus nunc ex initio legis, nullam esse differentiam inter paganum & militem: de eo, qui sibi mortem conscivit, cum habeat heredem testamentarium, vel legitimum, vel honorarium, quæritur an bona ejus caduca fiant, quæ quæstio olim erat frequentissima. Et si miles vel paganus mortem sibi consciverit timore mortis, veluti percussus conscientia criminis capitalis, quod admisit, cujus postulat est, vel in quo deprehensus est, & ex quo solet esse poena mors vel deportatio, & bonorum publicatio, si inquam, metu futuri supplicii mortem sibi consciverit, testamentum quod fecit, non valet & irritum fit: imo quælibet alia voluntas, & donatio causa mortis, etiam in hac causa comparatur ultimæ voluntati, l. cum hic status, §. si maritus uxori, de donat. inter vir. & uxor. Ac præterea non habet heredem, sed bona fisco vindicantur, l. 6. §. eum qui, de injusti. rupt. l. in fraudem, §. ejus bona, de jure fisci, & non luget eum uxor, neque parentes iusta ferunt suspensio, id est, qui suspensio vitam finivit, ut ait l. liberorum, §. non solent, de his, qui not. inf. & consequenter corpus non humatur, quod fit hodie, sed cruci affigitur: quia qui ita sibi mortem conscivit, pro confesso habetur, convicto & condemnato, ipse de se sententiam tulisse videtur, l. ult. §. 1. de bon. eorum, qui ante sent. Et condemnati morte non humantur, nisi ex indulgentia principis, ut de cadaver. pun. Quibus est similis, qui sibi mortem conscivit metu imminentis poenæ criminis, sed necesse est, ut ejus criminis reus postulat sit, vel in eo deprehensus: nam deprehensum non est necesse postulare, sed subit poenam statim. Ergo talis si sibi mortem conscivit, pro damnato habetur.

A tur, modo postulat sit criminis capitalis: nam qui non postulat criminis capitalis, puta modici furti, non pro damnato habetur. Hujus ergo bona publicantur, ac si mortis poena affectus esset, qui maluit mori, quam damnari morte naturali & civili, qui ne moreretur, mortuus est sua manu. Ergo, qui est criminis capitalis postulat, si sibi mortem consciverit, pro damnato habetur, non habetur pro cive: nulla igitur est rata ejus ultima voluntas. Sed si non postulat sit, quamvis crimen admiserit, & post sibi manus attulerit, bona ejus fisco non vindicantur, quia ut eleganter ait Papinian. in d. l. ult. §. 1. non fatis celeritas est obnoxia, id est, quod quis sibi properaverit fatum: nam fatis celeritas non est obnoxia poenæ, sed conscientia criminis, & non reus est criminis, nisi postulat sit, vel deprehensus. Illo loco B Florentiæ legitur, non fatis, sed legendum est, fatis, quod sæpius etiam legitur in Florentin. factum, pro fatum, nihil refert sua quis sententia morte moriatur, an sententia judicis. Et hæc de his, qui conscientia criminis sibi mortem consciverunt. Alii sunt, qui sibi mortem consciverunt tædio vitæ, stulti, miseri homines, doloris impatentia, & valetudinis adversa, pudore æris alieni, quam mortem Stoici vocant τῶν αἰσχυρῶν. Et nostri quoque auctores, l. ult. §. ult. mortem conscitam vocant iusta causa præcedente, qui sunt imbuti a Stoicis: dolorem separant ab adversa valetudine: nam & potest esse adversa valetudo sine sensu doloris. Dolor, est luctus vel amissa uxoris, vel amissi viri, d. l. ult. §. videtur. Et dolor etiam corporis, sicut qui furore, vel iactatione moriuntur suis manibus, l. 6. de injuri. rupt. Quæro, qui ob has causas mortem sibi consciverit, an ejus testamentum valeat? Et definiunt valere quamlibet ultimam voluntatem, sive sit paganus, sive sit miles: nam Adrianus hoc loco definit, nihil interesse: eorum enim corpora humanantur, testamenta manent, si non testati sint, habent heredes successores ordinarios, quibus deficientibus jure communi bona pagani cedunt in fisco, bona militis cedunt in legionem, aut in vexillationem, in qua militat. Legio est pedum, vexillatio equitum, l. 2. C. de hered. decur. l. 6. §. 7. de inj. rupt. militi, qui intestatus decedit sine ullo successore civili vel pratorio, succedit legio: ac præterea in exercitu erant librarii caducorum, qui consuebant rationes eorum bonorum, quæ morte militis cadebant in legionem, l. ult. de jure immu. quæ tota pertinet ad rem militarem, ut indicat inscriptio legis. Et hæc traditio de milite, qui tædio vitæ, vel alia ex causa simili, non conscientia & metu furiarum sibi mortem conscivit. D Quod potest etiam procedere in milite mortuo sua morte: nam ei succedet legio, deficiente successore ordinario, fisco succedet. Loquor igitur de milite indemnato, qui vitæ decessit sua morte, vel adscita citra conscientiam metum: nam militis damnati ex delicto militari, vel defectionis, vel proditoris, bona fisco vindicantur. Quod est ex eodem rescripto Adriani. Et ita est accipienda l. 2. de veteran. & mil. success. alioquin d. l. 2. valde pugnet cum eo, quod diximus, legioni bona vindicari, sed bona damnati est intelligendum. Observandum etiam est secundum hanc definitionem ex eodem rescripto Adriani, militem, qui manus sibi intulit, nec perpetravit, alias ignominia mitti, alias capite puniri: nam si metu criminis sibi manus intulerit, ex quo criminis poena sit mors vel deportatio, capite punitur, atque si damnatus esset. Et notandum etiam, eum militem, qui sine causa se vulneravit, nec necavit, capite puniri, id est, qui non conscientia criminis, non tædio vitæ, non furore impulsus, sed quia non cupit vivere, quasi ignavus capite punitur. Et utitur l. ult. de hon. eor. qui ante sent. optima ratione. Qui enim sibi non pepercit, multo minus alii parceret. Igitur melius est, etiam de medio tollere. Sed si ex causa manus sibi intulerit impatentia doloris, & tædio vitæ, nec factum peregerit, ignominia tantum mittitur, quasi vir non vir, qui non potest ferre dolorem, l. omne, §. qui se vulneravit, de re milit. l. si quod æquum, §. ult. de pen. Et est ex eodem rescripto Adriani. In summa, in eare, de

qua tractat hic Papinianus nihil distat miles a pagano, sed quod sequitur multum distat.

Ad §. Militia missus.

Militia missus intra annum testamentum facere capit, nec perficere potuit: potest dici solum in esse testamentum, quod in militia fecit, si jure militia fuit scriptum: alioquin si valuit jure communi, non esse jure rescissum. Nec tamen circa militem eadem adhibetur distinctio: nam quocunque modo testamentum fecerit, novissima voluntate rescinditur, quoniam voluntas quoque militis testamenti est.

Missus militia, paganus est, non miles. Finge: miles testamentum fecerat in militia jure militari, non observatis regulis juris civilis: testamentum igitur imperfectum: deinde dimissus est. Testamentum quod quis fecit in militia jure militari valet etiam eodem jure intra annum, si modo ignominia militis non sit, si fuerit missio causaria & honesta: Nam si fuerit missio ignominiosa, testamentum fit irritum & nullum, l. testatoris, h. 1. At si fuerit missio honesta propter mortem, aut valetudinem, testamentum post missionem valet intra annum, si post missionem aliud testamentum non fecerit intra annum: nam posteriore prius rumpitur. Quæro an etiam si imperfectum sit posterius, tollatur prius quod factum est jure militia? Utrumque est imperfectum. Et prius, quia militare, & posterius. Et placet rectissime, imperfecto testamento imperfectum rumpi & solvi: sed si in militia jure communi, id est, rite, ordine solemniter testamentum facit, id non rumpitur posteriori testamento, quod fecit post missionem, nec jure perficit. Constat perfectum imperfectum non rumpi, sed nec perfectum in militia imperfecto rumpitur, nisi scilicet in posteriore sit scriptus is, qui rem ab intestato omnimodo habiturus est, l. 2. de imp. rup. quæ ponit hanc regulam, superius testamentum jure perfectum posterius imperfecto non rumpi, nisi posterius sit factum jure militari, vel nisi in posteriore imperfecto scriptus sit is, qui jure vocatur ad bona. His duobus casibus posterius imperfectum rumpit prius, quod erat perfectum. Et hæc ita distinguimus in eo, qui missus est militia: nam in milite non utimur ista distinctione: miles enim si testatus sit jure communi, si militari si sit adhuc miles, testamentum ejus rumpitur quacunque novissima voluntate vel perfecta, vel imperfecta. Ergo quilibet voluntas militis, testamentum perfectum est, ut ait l. seg. testamentum militis perficitur sola voluntate. In pagano exigitur solemnitas. Et ideo rectissime statuere possis, testamentum militis jure militari factum, factum esse jure gentium, in quo nulla observatur subtilitas juris, & nulla scrupulositas. Testamentum omne pagani pertinet ad jus civile: nam est solemnæ. An fideicom. sunt juris civilis? minime, quia nituntur sola voluntate, & nutu solo, & gestu relinquuntur. Interpretes in l. hac consil. §. ex imperfecto, C. de test. hac in re militi exaquant patrem testantem inter liberos, & errant: namque agunt contra Nov. 107. Patri dabantur hæc duo testanti inter liberos; primum ut esset ratum testamentum factum inter liberos scriptum notis, non literis, l. ult. C. de test. quod hodie sublatum est d. Nov. nam etiam si inter tuos liberos fecisti testamentum notis, non valet, notis, par chiffræ. Sed non notæ sunt, ut solemus scribere S.P.Q.R. nam testamentum scriptum siglis, singulis, id est, singularibus literis valet, ut S.P.Q.R. Alterum, quod datur patri hoc est, quod etiam hodie manet, ut valeat testamentum, licet sit imperfectum, ex d. §. ex imperfecto: quod vulgo accipiunt perperam generaliter: nam si generaliter verum est, testamentum omne factum inter liberos valere, & hoc imperfectum valeret testamentum notis scriptum, vel sine testibus: quis hoc dicat? nam ne militis quidem voluntas valet sine jure: sed imperfectum testamentum in jure est, quod non est signatum septem testium ff.

Agnis: nam hoc solum vitium prætor agnoscebat in testamentis. Adde, vel quod non est subscriptum a septem testibus, quod exigunt constitutiones: & sic in l. 6. ad leg. Corn. de fals. Perfecto testamento opponitur non signatum. Et sic d. l. hac consiliosissima: paulo ante §. ex imperfecto, ait, non signatum, vel non subscriptum a testibus, pro imperfecto haberi. Deinde sequitur, ex imperfecto testamento liberis competere hereditatem, id est, ex testamento non signato. Imperfectum testamentum, quod pater fecit inter liberos, non tollitur quolibet alia voluntate imperfecta, Nov. 107. necesse est, ut posterior voluntas sit jure perfecta, si velit rumpi priorem imperfectam; at testamentum militare imperfecto novissimo testamento facile tollitur. Legendum est in fine legis, quaque non quoque, voluntas quaque militis, &c.

Ad L. XII. de Carbon. edicto.

Scriptus heres, contra quem filius impubes perit subje-
ctus dicitur, ex edicto primo bonorum possessionem peti, exem-
plo legitimi, secundum tabulas interim accipere non po-
test, quod si medio tempore scriptus, vel ille, qui intestati
possessionem habere potuit, moriantur, heredibus eorum
succurrendum erit: quid enim si non potuerant adire heredi-
tatem jure cessante, vel ob litem in dubio constituti?

Species est: In testamento patris filius impubes præ-
ritus est, extraneus scriptus: heres scriptus filium
præteritum suppositum dicit, argue ita facit ei contro-
versam status & bonorum paternorum: filius petit bo-
norum possessionem ex primo edicto, id est, bonorum
possessionem contra tabulas: Nam in ordinatione per-
petui edicti sub titulo de bonorum possessionibus, prima pars
edicti fuit de bonorum possess. contra tab. Queritur, an
etiam heres scriptus interim possit petere bon. possess. se-
cundum tab. ut filius petit contra tab. Et ait non posse. Er-
go lex, si scriptum Papin. sic est accipiendum, ut ordina-
riam, siue edictalem bonorum possessionem filius pe-
tierit, non Carbonianam, quæ est decretalis: vel si Car-
bonianam, & ordinariam simul, quod & verba demon-
strant: neque enim dicit, filium petisse ex decreto vel
edicto Carboniano, sed ex edicto primo. Carbonianam
autem fuit secundum edictum, non primum. Et rectissime
ait, eo casu, puta si filius petierit ordinariam bonorum
possessionem, heredem scriptum interim non admitti ad
bonorum possess. secundum tab. nam si filius solam Car-
bon. acceperit, vel contra tab. vel unde liberi patre inte-
stato defuncto; Carboniana enim adaptatur omnibus bo-
norum possessionibus, si, inquam, filius petierit solam
Carbon. contra tab. vel unde liberi, quæ quidem durat
tantum usque ad pubertatem, hoc, inquam, casu scriptus
poterit petere bon. possess. secundum tab. quia ad plenum
bonorum possess. contra tabulas filius non accepit. Ergo
scriptus interim accipiet secundum tab. vel ab intestato,
si sit defuncti intestati frater consanguineus, vel patro-
nus, qui filium suppositum esse dicat. Interim enim, si
filius, qui subiectus dicitur, petierit Carbon. poterit, &
ipse frater petere ordinariam, unde legitimi, l. 7. §. ult. h.
rit. l. 1. §. sed etsi ex Carbon. si tab. test. nulla ext. Carbonia-
nam solam non impedire edictalem bonorum possessionem
delatam heredi scripto, vel legitimo, quia temporaria
est bonorum possessio. Alia est bonorum possessio
edictalis, quæ ordinaria dicitur: alia decretalis; & omnis
Carboniana est decretalis, id est, datur causa cognita, non
passim & temere. Et hæc summe differunt inter
edictalem & decretalem, quod edictalis datur de plano
in transitu, en se pourmeant, domifuz: decretalis datur
pro tribunali: nam quicquid exigit causæ cognitionem,
tribunal exigit. Decretum est causæ cognitio, & quæ post
eam sequitur pronuntiatio, & consequenter petendæ bo-
norum possessioni edictalis cedunt dies, quibus prætoris
copia fuerit, etiam si non federit pro tribunali. Petendæ
autem decretali cedunt hi tantum dies, quibus prætor
fedit pro tribunali, qui app. r dies sessionum, l. 2. §.
dies; quis ordo in bon. pos. l. 3. §. si cau. de

de bon. poss. Ac præterea decretalis petitur etiam hodie, edictalis hodie non petitur. Est in agnitione, non in petitione: nam quodcumque iudicium agnoscendæ bonorum possessionis sufficit, §. ult. de bon. poss. Sed decretalis petenda est. Item bonorum possessio edictalis potest repudiari intra tempora præstituta, decretalis nunquam potest, quia id tantum repudiatur recte, quod delatum est: decretalis autem non intelligitur delata, antequam sit decreta, & postquam decreta est, sibi repudiatio est, quia iam acquisita est, & quod acquiritur est, non repudiatur, l. 1. §. decret. de suc. edic. Ergo decretalis repudiatione non amittitur. Edictalis potest amitti. Utraque tamen amittitur tempore: utraque diebus certis finitur, d. §. decretalis, l. 3. §. ult. h. t. Si filius impubes, qui subiectus dicitur, acceperit solam Carbonianam, scriptus heres admittitur ad possess. secundum tab. & legitimus, qui filium subiectum dicit, ad unde legitimi. Sed si filius, qui subiectus dicitur, acceperit ordinariam, heres scriptus non admittitur ad secundum tabulas, exemplo legitimi, ut hoc loco ait, quia scilicet nec legitimus admittitur ad bonorum possessionem unde legitimi. Nunc finge, filium impuberem, qui dicitur subiectus, accepisse bonorum possessionem contra tabulas, vel unde liberi, heredem scriptum non accepisse secundum tabulas, quia non potuit, & interea mortuum esse heredem scriptum, vel heredem legitimum, non accepta bonorum possessione: Deinde post pubertatem iudicatum esse, filium suppositum videri. Quæritur, cum heres scriptus vel legitimus, antequam de ea re iudicaretur mortuus esset, an intelligatur transmississe in heredem suum? Et videtur nihil transmississe, quia interim neque adivit hereditatem, neque bonorum possessionem agnovit, & verum est, hereditatem non agnitam, nec bonorum possessionem, transmitti, l. 1. C. Th. de leg. her. l. un. §. in nouissimo, C. de cad. toll. Contra Papinianum scribit, quodammodo transmissi locum esse, quia illa regula vetus ita est accipienda, si hereditatem quis adire poterit, nec adivit: hoc casu heredi nihil transmittit: scriptus autem heres erit incertus de viribus testamenti, & certo iudicio adire oportet, non hæsitante: hæc cessatio cur obicit heredi ejus, si postea secundum eum lis datur, ut puta si filius suppositus esse pronuntiatur? Atque ita fiet transmissio, non quidem ipso iure, sed interposito decreto a prætore. Et hoc est, quod ait, hereditas esse succurrendum data bon. possessione ordinaria, licet eam vivus neque petierit, neque agnovit. Quod etiam ratione eadem evenit in specie illud, §. ult. & l. seg. de bon. poss. cont. tab. utimur decreti remedio urgente ratione æquitatis: deficiente edicto, decreto fit, si quid æquum est fieri, l. & muliere, de cur. fur. l. 4. de bon. lib. Et hoc est, quod ait hoc loco Papin. Habuimus etiam alium casum in l. 42. §. ult. de bon. lib. quo videtur vitari illa vetus regula, id est, quo hereditas non adita transmittitur ex decreto Marci ad heredem suum, quasi agnita ab intestato, qui eam agnovit ex testamento, & etiam si persequeretur nominatim iure intestati, tamen & iure testati, si illo deficeret, quodammodo eam complexus videtur. Est & tertius casus, quo vitatur illa regula ex Theodosio, ut docuimus in l. 19. de inoff. test. ut liberi parentum hereditatem non aditam ad quoscunque liberos suos transmittant. Et notissima est constitutio Theodosii: sed illi duo casus, quibus ab eo edicto videtur recedi, sunt cogniti digni. Illis casibus deficit regula juris, fed æquitatis ratio postulat decreto transmissiorem induci.

Ad L. XLIII. de Bonis libert.

Julianus putat patronum, qui Titio pro parte dimidia heredi instituto substitutus, eo delatante, bonorum possessionem contra tabulas accepit, si postea Titius non adierit hereditatem, nihil ei, qui adit hereditatem, abstinuisse, non magis, quam si sub conditione fuisset institutus. Igitur Titio delatante, res in sacro erit utrumque semis

A ex substitutione in possessionem convertatur, an Titio adeunte singulis heredibus partes debite auferantur.

Species hæc est: In testamento liberti patronus primo gradu præteritus est: scripti sunt heredes Titius & Cajo ex æquis partibus. Titio substitutus est patronus, si heres non esset. Cajo adivit hereditatem, Titius deliberat, & interim patronus accepit bonorum possessionem contra tabulas, quasi præteritus, quod potest facere, cum unus ex heredibus scriptis adierit, alioquin bonorum possessio patrono non datur, non contra lignum solum, sed contra eum, qui ex ligno heres extitit, quia adivit, quod exposuimus in l. 42. §. 1. h. t. Ergo patronus interim deliberante Titio petiit contra tabulas bonorum possessionem, postea Titius repudiavit, & substitutioni locus esse cepit, vocatus est patronus in semissem. Quæritur, an bon. poss. cont. tab. quam patronus accepit, sit cum re. Non abs re illud quæritur: nam si est cum re, patronus habebit dodrantem, puta semissem ex substitutione, & iure bonorum possessionis contra tab. Cajo auferat quadrantem. Sed verius est, ut Papin. ex Juliano refert, ut bonorum possessio, quam patronus accepit, sine re constituatur, nihil auferri Cajo, quia existente conditione substitutionis, patrono satisfactum videtur: ex causa etiam substitutionis habet semissem, quæ est portio debita. Et idem erit si extraneus a liberto pure sit heres scriptus ex semisse, patronus sub conditione ex altero semisse, & pendente ea forte patronus accepit bonorum possessionem contra tabulas adita jam hereditate a coherede. Post existente conditione bonorum possessio ea quodammodo erit sine re: Nam ea convertetur in ius bonorum possessionis secundum tabulas, non licebit patrono ita variare, ut petita contra tabulas bonorum possessione petat secundum tab. l. nonnunquam, de leg. præst. sed prætor tueretur eum perinde atque si accepisset secundum tabulas: hinc contrarium evenit, ut prætor eum, qui petiit secundum tab. perinde tueatur, atque si petiisset cont. tab. l. 2. de bon. poss. cont. tab. l. 2. §. pen. de bon. poss. sec. tab. Bonorum possessio facile titulum mutat, & ex uno iure migrat in aliud, & ut dixi, bonorum possessio cont. tab. habetur iure bonorum possessionis secundum tab. & e contra: ac similiter bonorum poss. unde legitimi, habetur pro bonorum possessione contra tabulas, l. filius, de coll. dor. Sed si Titius post deliberationem longam adierit, ius bon. possess. cont. tab. quam accepit patronus, interim non mutatur, sed plane est cum re, & patronus pro portione cuiusque auferit singulis heredibus, hoc est, Cajo quadrantem, Titio quadrantem, atque ita semissem, portionem debitam patrono.

Ad L. XII. de Castr. pecul.

Pater, qui dat in adoptionem filium militem, pecuniam ei auferre non potest, quod semel iure militis filius tenuit: qua ratione nec emancipando filium, peculium ei auferre, quod nec in familia retento potest auferre.

Notanda est una differentia, inter peculium pagani & castrense. Pagani paterfam. demit, adimit nuda voluntate quodcumque vult, ut dominus servo: non constituitur etiam peculium nuda voluntate, traditione enim opus est: solvitur autem nuda voluntate, l. non statim, de pec. Et adimit pater filio peculium, vel retento in possessione, vel exempto e familia, veluti cum eum emancipat vel dat in adoptionem: utroque genere filius exit ex familia: sed utroque genere non fit sui juris, datione in adoptionem transit in possessionem alterius, puta adoptatoris, & definit esse in patris naturalis potestate: plerumque autem emancipando pater retinet sibi peculium, sed si nihil de peculio dixerit emancipando, tacite videtur ei concessisse peculium, l. donatione, §. pater, de don. Quod obtinet etiam in servo manumisso inter vivos: nam & ei videtur concessum, si non sit nominatim adem-

ademptum, §. *pecul. Inst. de leg.* & hæc de pagano. Castrense vel quasi castrense, etiam si sit profectum a patre: nam castrense peculium dicitur, quod pater filio in militia agenti dedit, l. 1. *h. t.* Paulus lib. 3. l. 4. pater nunquam adimere potest filio. Hoc privilegium militia extorsit, quod Papin. offendit: primum enim ait, patrem dando filium in adoptionem, non posse ei auferre peculium castrense. Rursus emancipando non posse, ac postremo neutrum horum faciendo non posse etiam eum filio adimere castrense peculium, licet id ipse de suo constituerit: Est enim non tam peculium, quam patrimonium filii: cum de eo testari possit etiam nolente patre, & non cogatur id conferre fratribus. Id quoque similiter extorsit favor dotis: Nam pater dotem, quam semel constituit filiaz, ei auferre vel minuire non potest, nisi uno casu, si pater redactus sit ad inopiam, Nov. 97. non potest filiaz habere castrense peculium, possit quasi castrense, sunt militiarum quarundam feminæ quasi capaces: sed & filiaz dotem habet propriam, etiam si sit in potestate patris, eamque ei dederit pater. Et hac in re separatur dos a peculio: Nam dos proprie est patrimonium filiaz, l. *denique*, §. *ergo*, de min. l. 4. de col. bon. l. *pater*, ad leg. Fal. Peculium paganum etiam dicitur esse quasi patrimonium; l. *hinc quer.* l. 40. de pec. l. *si dec.* her. 17. de statul.

Ad §. Si libertus L. I. Si quid in fraud. patr.

Si libertus in fraudem patroni aliquid dederit, dein defuncto patrono, vivo liberto filius patroni accepit bon. possessionem cont. tab. liberti, an Fabiana uti possit ad revocanda ea, quæ sunt alienata? Et est verum, quod Pomponius probat lib. 83. item Pap. lib. 13. quasi competere ei Fabianam: sufficere enim, quod in fraudem patronatus factum sit: magis enim fraudem rei, non personam accipimus.

UT intelligatur questio huius §. sciendum est, alienata a liberto in fraudem patroni, ut eo minor esset legitima patroni, revocari pro parte debita patrono actione Fabiana & Calvisiana. Fabiana datur testato liberti: altera intestato: non una actio, sed duæ l. 3. §. *si intestatus*, h. l. 1. 2. G. eod. Et agnoscunt etiam hanc differentiam Graeci in l. 2. §. *si a parente quis manum.* ad revocanda ea, quæ debitor alienavit in fraudem creditorum competit Pauliana, §. *item si quis in fraudem*, Inst. de acq. ad revocanda alienata in fraudem filiorum vel parentum, nulla competit actio iure. Ratio differentiae est: mihi licet fraudatis filiis alienare omnia mea bona vivo me. In testamento non possum: igitur liber sum, & rerum mearum plenus dominus quoad vivo, non cum excedo e vita, & morior: libertus non est plane liber, ut recte Chrysippus ait apud Athen. lib. 6. quod debeat patrono multa, nec sit ingenuus, *utitur* non esse, *sed datur* esse: *utitur* est, qui est in dominio alterius: *sed datur*, etiam qui non est in dominio & manumissus. Debitor quoque & obervatus non est plane liber, aut suorum bonorum compos: non possidet bona libera, nec ipse igitur liber est, cum principaliter sit obligatus: liberum hominem esse dicimus, qui non est obervatus: licet quidem liberti alienare, sed alienatio revocatur. Ergo ita constituamus: patronus præteritus petita bon. poss. con. tab. detrahit ex rebus, quas heres scriptus possidet iure hereditario, debitam portionem pro rata: qua actione? possessoria hereditatis petitione, sed detrahet etiam portionem ex his rebus, quas libertus alienavit in fraudem patroni, vel quas donavit mortis causa. Possessoria petitio hereditatis non datur in eos, qui iuste possident, sed Fabiana. Finge: libertus multa alienavit in fraudem patroni, & supervixit patrono, deinde post mortem liberti filius patroni petiit bon. poss. con. tab. an revocabit alienationes factas in fraudem patris? Et non videtur, quia libertus nihil egit in fraudem filii. At nihilominus Pap. ait, filium patroni uti posse actione Fab. quia satis est, quod fecerit in fraudem patronatus, ne si disceret, non tam fecit in fraudem patro-

A ni, quam in fraudem patronatus, & fraus magis sit in rem, quam in personam, & utique fecit fraudem in rem.

Ad Princip. L. III. eod. tit.

Si patronus heres institutus ex debita parte, adierit hereditatem, dum ignorat aliquam libertum in fraudem suam alienasse, videamus, an succurri ignorantia eius debeat, ne decipiatur liberti fraudibus? Et Papinianus lib. 14. *questi.* respondit, in eadem causa manere ea, quæ alienata sunt, idcircoque patronum sibi imputare debere, qui cum posset bonorum possessionem accipere contra tabulas, propter ea, quæ alienata sunt, vel mortis causa donata, non fecit.

Q UOD proponitur in h. §. negotium facit multis non abs re. Finge: libertus multa alienaverat in fraudem patroni, qui ea ignoraverat. Deinde moriens libertus patronum heredem scripsit ex semisse. Videtur ei satisfacisse, & utique satisfacit, si verborum conceptionem spectes, & hereditatem ex semisse bonorum, quæ habuit mortis tempore: sed si rem inspicias, non satisfacit, quia data opera minuit patrimonium. Hoc casu licet patronus sit institutus, poterit petere bonor. poss. contra tab. quasi ex modica parte institutus. Et certum est eam bonor. poss. dari non tantum patrono præterito, sed etiam ex modica portione instituto. Unde ingeniosus quis merito posset querere, an filio instituto ex modica parte, detur bon. possessio cont. tabulas? minime: quia non est præteritus, sed quasi exheredatus in partem, C si falcidiam sibi servare non possit, aut si minus Falcidia iure institutionis auferat, ei dabitur querela inofficiosa, l. *Pap.* §. *quarta*, de inoff. test. Pater habet servos in patrimonio, nihil præterea: filium instituit, omnes servos manumittit; inanis est institutio, quia Falcidia non deducitur ex pretiis manumissorum: filius, si habeat substitutum, repudiabit hereditatem, & adversus substitutum agat querela, quasi sub falso titulo institutus, vel hereditatem habeat ab intestato, & non competent libertates. Hodie patronus vel filius institutus ex quantalucumque parte, non habet bonor. poss. contra tab. vel querelam, sed habet supplementum. In specie proposita patronus potuit petere bonorum poss. contra tab. sed quia ignorabat libertum multa alienasse inter vivos, adivit hereditatem ex testamento liberti, sed errans in facto, D ignorans fraudem fecisse sibi libertum, non errans in iure, dum ignorat aliquam libertum alienasse. Et ideo recte queritur, an succurri ignorantia eius debeat? sic legitur Flor. male vulgo queritur, an postquam adivi possit agere Fabiana, & revocare portionem sibi debitam? forsitan dices posse, & æquum videri, ut ignorantia ejus succurratur. At contra Pap. non ei subveniri respondet. Quare sibi imputare debet, qui cum posset petere bon. poss. cont. tab. non fecit. Obstat vehementer quod dicitur, errorem facti non obesse, nec in damnis, nec in compendiis: & hoc loco obest patrono. Respondeo, non tam esse ignorantiam facti, quam etiam culpam, ad quam rationem reperiit Papin. dum ait, *patronum imputare sibi debere*. Quid aliud est, quam patronum esse in culpa? Hic potest obijci, quod Tiberius dicebat, disce cautius negotiari. Quod videtur E repetitum in l. 2. C. de sur. Ex eadem est ratio l. *filium*, de usq. her. qui testatum fuisse infanum putabat heres scriptus, qui tamen sanus erat, errabat in facto: sua igitur simplicitate deceptus (quæ utique nocet, l. 3. ad Mac.) hereditatem omisit ex testamento, & eam amplexus est ab intestato: subit ei præferitur, quia seipsum decepti diligenter non consultando. Eadem est ratio l. *Clod. eod. t.* heres scriptus posteriore testamento imperfecto, qui etiam erat scriptus in priore perfectio, temere hereditatem adivit ex posteriori, putans, id aequè esse perfectum ac prius: seipsum decepti, & hereditatem omisit. Sed quotiens extrinsecus aliqua ex causa incidit quis in errorem facti, in ignorantiam, quæ falleret etiam prudentissimum, hic error facti non nocet, ut si adierit ex testamento falso, vel vero,

vero, dum est incertum, an exheredatus vel præteritus sit l. 4. de petit. hered. l. Paul. de bon. libert. l. mater, de inoffic. test. Sed ponamus patronum errasse in iure, ut ponit Accursius. secutus antiquam scripturam, ut puta, existimasse sibi non competere Fabianam, & se institutione contentum esse debere: an hic error juris eum excusat? quod videtur, ex l. que fidei. de leg. 2. cuius est tamen alia ratio: sed verius est errorem juris eum non excusare: error juris rei speciei d. l. que fidei, excusat, quia in damnis amittendæ rei fuit, de perire se sibi, error juris excusat: Verum in compendiis nocet, si quis affectat lucrum de alieno, l. 8. de iur. & fac. ign. In specie propoſita patronus affectat compendium, quia etſi hereditas liberti dicatur quasi patroni esse, l. 10. pro ſor. tamen vere non est, quia non est verus creditor, l. 6. ad l. Cornel. de fals. alioquin revocaret aliena actione Pauliana, nec necessaria esset Calvisiana, aut Fabiana: hæc confirmantur l. 2. si a parente quis manum, dum ait, patrono non est exequandus pater, quia iniquum est ingenuis hominibus non esse liberam rerum suarum administrationem, l. 2. de iure patron. Licet patri vendere omnia sua bona, & filio etiam, nec ulla est querela inmodice venditionis, aut fraudulente. Est tamen querela inofficioſe, immensa donationis, ut inofficioſe dotis. Dos enim donatio est; donatio facta in fraudem liberorum, id est, quæ minuit eorum legitimam, pro modo legitimæ rescinditur, sed non etiam venditio, vel quælibet alia alienatio: valde enim notanda ratio, ut patrono instituto ex minori parte detur bonorum possessio contra tabulas; filio vero querela. Patronus institutus ex minori parte comparatur præterito, non exheredato: exhereditatio enim in patronum non cadit. At filius institutus ex minori parte magis exheredatus, quam præteritus videtur, si ex institutione, aut nihil, aut minus, quam legitimam portionem acceperit, tulerit.

JACOBI CUJACII J.C. COMMENTARIUS

In Lib. XV. Quæſtionum ÆMILII PAPINIANI.

Ad L. X. de iure codicill.

Quod per manus traditum est, codicillis hereditatem dari non posse, rationem illam habet, ne per codicillos, qui ex testamento valent, ipsum testamentum, quod vires per institutionem heredum accipit, confirmari videretur.

IN lege 10. de iure cod. proponitur regula vetus, hereditatem codicillis dari non posse verbis directis: nam præcariis dari potest. Ergo in codicillis directo institui heres, vel substitui non potest, quoniam utroque genere hereditas dari non potest, nec igitur adimi: adimere exheredatione, & per conditionem adjectam in codicillis. Nam deficiente conditione exheres futurus est, est enim tacita exhereditatio, conditionis adjectio. Huius regulæ ratio redditur hæc, §. pen. Instit. de Codicill. ne vis & potestas codicillorum & testamentorum confundantur, id est, ne idem possint codicilli, quod testamentum. Nam si ius eorum confundas, possis & nomina confundere: nomina autem ea nunquam confunduntur, l. si item, C. de codicill. Sed subtiliorem rationem adfert Papin. ne per codicillos, &c. quæ ratio sic explananda est; Codicilli vires accipiunt ex testamento (sunt enim sequela testamenti) ex quo sequitur, testamentum non accipere vires ex codicillis, quod videretur, si in codicillis scriberetur heredis institutio, si præcipuum caput testamenti transferretur in codicillos. Vel etiam sic. Causa, ex qua valent codicilli, est testamentum: non possunt igitur codicilli esse causa, ex qua valet testamentum. Ergo, ut Accursius notat peritissime, qui omnino Philosophiæ non erat ignarus, duæ res sibi invicem causæ esse non

A possunt eodem modo, & non male citat l. heres per servum, de acq. hered. Per servum hereditarium an potest quis acquirere aliquid, quod sit hereditatis? minime. Igitur hereditas & servus hereditarius invicem causæ esse non possunt. Per hereditatem acquiri servum hereditarium, non contra, sed duæ res, ut dixi, non possunt invicem sibi esse causæ eadem ratione, sed diversa, ut labor est causa firmæ valetudinis, habitudinis; & firma valetudo, habitudo est causa laboris, sed labor ut finis, valetudo, ut causa efficiens: & sic eadem ratione plures causæ esse non possunt, sed diversâ ratione. Res ut materia, est causa statuar: opifex ut principium motus.

Ad L. LXXVI. de Hered. instit.

I Servus uxori a marito mortis causa donatus, maritus manet, ut & Juliano quoque videtur. Idem si accipiat libertatem simul, & hereditatem, viro necessarius heres erit, nec sine libertate aliquid ei legari potest.

Notum illud est, iure civili interdictas esse donationes inter vivos inter virum & uxorem: nam causa mortis donationes sunt permixtæ, quia earum eventus in id tempus excurrit, quo desunt esse vir & uxor, l. 10. §. ult. & sep. de don. int. vir. & uxor. Ergo quod proponitur h. tit. si maritus uxori servum donaverit mortis causa, non statim fit mulieris: tunc demum fit mulieris, cum mors mariti fuerit insecuta, Exponitur de mort. caus. donat. non mutat dominium donatio causa mortis ante mortem: medio igitur tempore dominium remanet penes virum. Et hoc est, quod ait, maritus manet. Deinde duos effectus proponit huius sententiæ: ut si eum servum maritus instituerit cum libertate, ei sit necessarius heres, qui si esset mulieris, esset extraneus, & ei voluntarius heres. Alius effectus hic est, quia huic servo maritus non potest legare interim sine libertate, cum maritus maneat, & proprio servo inutiliter legatur sine libertate, l. servus, C. de leg. Sed si esset mulieris, quasi alieno servo ei recte legaretur sine libertate. Legendum autem est in his, quæ sequuntur, id est, non, idem, nam ullo sensu, idem, hic ponitur. Quidam legunt unde, sed periculum est legendum, id est, sicut in l. 10. §. quoties, de compens. l. 46. pro ſoc. Accursius huic definitioni objicit l. si is servus, de don. int. vir. & uxor. Maritus servum donavit uxori mortis causa:

D utroque vivo constante matrimonio servus acquisivit aliquid, cui marito an uxori? lex ait, in pendenti esse acquisitionem, donec maritus moriatur, vel aliquid incidat quo vel confirmetur, vel perimatur donatio: & ex eventu apparebit, cui is servus acquisierit: ergo etiam dicendum est hic, non omnino servum mariti manere, sed in pendenti manere; in pendenti esse dominium servi, & ab eo se expedire, nescit Accursius. Respondeo; donatio causa mortis fit tribus modis, l. 2. de mort. caus. don. Uno, ut servus vel alia res tunc fiat uxoris, cum mors mariti fuerit insecuta. Et hoc casu nemo dubitat, quin servus maneat mariti, quia id est actum nominatum: donatio causa mortis revocatur penitentia, & intelligitur revocata interim manuſſo servo donato, herede eo relicto, vel ei legato relicto cum libertate, l. vir uxori, de donat. int. vir. & uxor. sed quid si ei legaverit sine libertate? vel heredem instituerit sine libertate? non intelligitur revocata donatio: valebit igitur donatio morte insecuta, nec mutata voluntate: an valebit etiam institutio & legatum, atque ita acquireretur uxori per servum? nam morte mariti eodem momento deferretur servus uxori, & servo hereditas: & verius est institutionem, vel legatum non valere, quia ab initio non valuit: nam servum proprium inutiliter instituo sine libertate, & ex regula Catonis, quod ab initio non valet, id est, tempore facti testamenti, nec postea convalescit, servo testatoris proprio, morte ejus translato in dominium mulieris. Fit etiam donatio causa mortis hoc modo, ut res statim fiat mulieris: finge maritum hoc animo donasse mulieri, ut servus statim heret mulieris. An idem statuemus de hoc gene-

genere, quod de illo? in illo nulla est dubitatio: in hoc posset esse, an hic servus possit esse viri? ac dicemus idem fere statuendum, quia etiam si id actum sit, ut servus statim fieret mulieris, non tamen potest: nam constante matrimonio mulier non potest fieri locupletior donatione viri, alioquin hæc donatio nihil distaret a donatione inter vivos: valet tamen ita facta donatio, l. 12. §. 1. de donat. int. vir. Non solum valet, inquit, donatio mortis causa inter virum & uxorem, ut res fiat uxoris, vel mariti cum mors insequatur, sed etiam omnis donatio causa mortis. Ergo etiam valet illa, ut statim fiat res mulieris, sed non habet effectum statim donatum causa mortis: morte enim perficitur omnis: & omnis revocata intelligitur poenitentia, veluti manuissione servi, servo herede instituto cum libertate, vel legato ei relicto cum libertate: sed si heres instituitur, vel si ei legetur sine libertate, ea institutio vel legatum ab initio non valet, quia interim fuit mariti servus proprius: ergo non convalescit, servo morte mariti mulieris effecto. Sed tamen etiam in specie propoſita hoc interest inter duas donationes (quod pertinet ad l. si servus, quæ allegatur ab Accurs.) quod hæc donatio, quæ ante ultimum vitæ tempus mariti non facit dominam mulierem, mortuo marito non mutata voluntate, non retrahitur ad tempus, quo facta est, ideo acquiritur interim per servum ad maritum pertinent: ergo non retrahitur: at illa donatio, quæ fit hac lege, ut statim domina fiat mulier, retrahitur ad tempus, quo facta est: & ideo, quæ interim acquiritur per servum, sunt in pendenti, quia donatio potest revocari poenitentia, sed potest etiam consistere donatio & confirmari, ac proinde retrahi. Quod si retrahitur, ad mulierem pertinebunt, d. l. si servum: nec est novum, ut ea donatio retrahatur: nam inter vivos facta inter virum & uxorem (quæ nihil valet interim, sed morte mariti confirmatur ex oratione Antonini, si perseveraverit in ea voluntate usque ad ultimum vitæ tempus) hæc donatio etiam retro agitur, l. donationes, C. de donat. int. vir. non mirum igitur, si retrahatur donatio causa mortis.

Ad L. XLVI. de Leg. II.

Cum proponeretur in scriptura fideicommissi, quod pluribus sub conditione fuerat relicto, per errorem omisſam mutam substitutionem, quam testator in secundis tabulis, cum eisdem substitueret expressit: Divi Marcus & Commodus Imperatores rescripterunt, voluntatem manifestam videri mutæ factæ substitutionis. Etenim in causa fideicommissi, utcumque precaria voluntas quaeretur, conjectura potuit admitti.

Species licum proponeretur, talis est: Filio impuberi, primum, secundum, & tertium heredes substituit in secundum casum, id est, si ante pubertatem alter decederet: eisdem substitutos invicem substituit in primum casum, puta ut si unus filio impuberi heres non esset, in ejus locum & opem veniret alter, quæ est vulgaris: mutua & reciproca, id est, communis: ut heredes meos invicem substituere possum, ita & impuberi: præterea substituit aliquod legavi, nec eis invicem in eo legato substitui, quamquam id agere animus esset, sed id prætermisſi oblivione, aut etiam scriptor testamenti: an videbuntur substitui in fideicommissio, sicut & in hereditate? Illud primum constat, non tantum in hereditate, sed etiam in fideicommissio posse substitui, ut & in legato, l. ut hered. C. licum pater, h. tit. l. Publius, §. 1. C. l. aviam, de cond. & demonstr. l. ei cui, de mort. caus. don. l. 8. usq. quemadm. cau. Sed notandum, nos non posse substituere vulgariter omnibus pueribus & impuberibus liberis & extraneis in secundum casum, nos non posse substituere in hereditate nisi liberis impuberibus. At in fideicommissio omnibus substituere possumus in utrumque casum. In primum casum, si ad te non pervenerit: in secundum, si ad te pervenerit, rogo, ut restituas Titio. Et substituere pos-

sumus non directo tantum, sed & per fideicommissum: Per fideicommissum substituiamus non tantum verbis expressis, sed etiam tacitis: nam in fideicommissis certa conjectura sufficit, l. 34. §. 1. b. r. Secundum hoc igitur in specie propoſita, si quos substitui filio impuberi, & invicem substitui in hereditate pupillari, volui etiam eos invicem substituere in fideicommissio hereditario, licet in eo non repetierim substitutionem, atque ita non tantum in hereditate pupillari, sed etiam in fideicommissio mutuo substituti videbuntur. Et ita Papinianus refert M. & Commodum rescriptisse, quod precaria voluntatis conjectura sufficit. Et subicit rationem Papinianus: etenim in causa fideicommissi utcumque precaria voluntas quaeretur, conjectura potuit admitti: utcumque, id est ubicumque, ut l. 26. de injur. & illo loco, utcumque defecere mores, dedecorant bene nata culpa. Ergo ita definiamus in fideicommissis & fideicommissariis substitutionibus conjecturas admitti, nuda enim voluntate consistere & nutu solo, l. nutu, de leg. 3. non pendere ex verbis, sicut legata, quæ directo scribuntur. Fideicommissa non adeo pendunt ex verbis, ut etiam si verba sint perspicua, non admittatur questio voluntatis, cum virum, C. de fideicom. quod non admittitur in legatis, l. ille aut ille, de legat. 3. Sed in fideicommissis, etiam si verba sint perspicua: adiungunt tamen, qui verba in dubium revocant, l. quisquis, de leg. 3. Cum esset legatum & fideicommissum J. C. non satis habet probare, verba esse perspicua, sed probat etiam suffragari voluntatem, quasi utraque probatio exigatur in fideicommissio. In legato verba sola sufficiunt, si non sint ambigua. Conjecturas Accursius interpretatur testes & tabulas, quod perinde est, ac si diceret, probationes artificiales esse inartificiales, sed verius est, conjecturam esse, quæ ducitur ex manifesto signo secundum Hermogenem. In hac specie ex substitutione prima ducitur argumentum, substitutionis mutæ in fideicommissio, ut in hereditate, & ita ex manifesta institutione conjectura capitur ad non manifestam, si plures, de vulg. l. quoniam, ad T. reb. Si iidem sint instituti ex partibus & invicem substituti nullis partibus: ex partibus in institutione manifesto adjectis, conjicimus voluisse testatorem eandem adicere in substitutione, quas omisit per oblivionem. Et est frequens harum conjecturarum usus in foro. Verum huic definitioni obstant tria. Primum l. jubemus, C. de testam. quæ ait, nomina heredum exprimenda, vel literis testatoris, vel voce, alioquin non valere: non sufficiunt igitur conjecturæ. Sed loquitur lex de institutionibus directis. Item obicitur l. ult. C. de codic. quæ exigit quinque testes in codicillis, l. cum antiquitas, C. de test. & totidem etiam sufficiunt in testamentis rusticorum, l. ult. C. de test. In alia voluntate nuda & directa tamen, quibus casibus ea admittitur, ut in voluntate milicis, exiguntur tres testes, l. 27. C. de test. Et ita Plutarch. scribit in M. Catone, ait, in testamento in provincis adhibitis esse tres testes. Igitur in codicillis exiguntur quinque testes. Conjecturæ igitur non sufficiunt. Sed hoc dicitur de codicillis tantum vicem testamenti obtinentibus, non de nudis codicillis. Postremo obicitur l. ult. C. de codic. §. ult. Inst. de fideicom. hered. quibus ostenditur, fideicommissariis probare debere tribus testibus, aut deferre debere jurjurandum heredibus, qui si nolit jurare, habebitur pro confesso. Ergo lex non est contenta conjecturis, sed lex illa loquitur de illo fideicommissario, qui nititur testibus non conjecturis. Numerus enim testium tunc requiritur, & ut sint idonei. Verum hoc genere probationis omisso, certamus etiam conjecturis: quod si testibus nitaris, legitimum numerum producere debes. Et ita recte Joannes, præter ejus interpretationem mendacissima sunt omnia, quæ in hanc legem adnotantur.

Ad L. III. de Reg. Caton.

Catoniana regula non pertinet ad hereditates, neque ad legata, quorum dies non mortis tempore, sed post aditam hereditatem cedit.

Pro-

Proponenda est ea regula Catonis, quæ fuit comprobata ab omnibus JCtis, sed non sine aliqua controversia, *Theoph. §. an servus. Inst. de leg.* sed fuit parva ea controversia, & diu non stetit: namque obtinuit tandem omnino, quæ est ejusmodi. Legatum, quod si testamenti facti tempore confectum moreretur testator, inutile foret, id est, inutiliter cederet, nec longe post moriente testatore, utiliter cedere potest, *l. i. hoc tit. Legatum quod ab initio inutile est, ex post facto non convalescit, ut l. cetera, §. 1. de leg. 1. Et aliter concipitur in l. 29. de reg. jur. aliter in l. 216. cod. tit.* habet autem ea regula rationem summam: Quid enim interest decesserit testator statim, an postea? quod non deberetur legatum, si statim decessisset testator, cur magis debebitur, si diutius vixerit? Finge: Legavit testator servo proprio sine libertate: si statim decesserit, inutile est legatum; si diutius vixerit, & eo vivo post factum testamentum, is servus alienatus sit, vel manumissus, non ideo magis valet legatum; quia initium habuit vitiosum, *l. servus, C. de legat.* Aut finge: Legavi servo heredis sine libertate fideicommissaria, vel filiofam. heredis: si statim decesserit, non valet legatum, ne idem inveniatur heres & legatarius, debitor & creditor: an vero quicquam proficiat, si ille testator diutius vixerit, & eo vivo is servus aut filius. Exierit de potestate heredis, an convalescit legatum, cum mortis tempore is servus non sit heredis, sed alterius aut suus? Et placet eadem ratione non convalescere legatum, quod initio non fuit sine vitio, *§. an servo, Inst. de leg. l. 8. §. 1. de leg. 3.* Aut ita finge: Legavi columnas, marmora, tigna iuncta ædibus; quæ senatus legari vetuit, an convalescit legatum si tempore mortis ea fuerint ab ædibus separata? minime, *l. ceterum, §. 1. de leg. 1.* quia vires ab initio legatum non habuit, & cuius rei initium vitiosum est, non possit etiam finis non esse vitiosus, quandoquidem prudentes omnia æstimant ex initio, potissimum, non ex eventu: & utitur etiam *l. cetera, alio exemplo.* Legavit testator mihi rem meam, legatum non valet, si statim moreretur: diu vixit, & interim ego rem meam alienavi, atque ita mortis tempore non est mea, an legati petitio erit? minime, quia legatum, quod non conficit tempore mortis facti testamenti, non convalescit tempore mortis, ad confirmandum, quod est in regula Caton. sicut contraria regula antiqua fuit in magna controversia: legatum quod conficit mortis tempore, quodve in eam causam recidit, a qua initium capere non potuit, non valet, etiam si constituitur mortis tempore, *l. 2. tit. seg. l. 3. de serv. leg. l. cum filius, §. servus, de leg. 2.* Congruere ergo debet initium finis, & finis initio, testamenti tempore mortis tempore, etiam si mors postea infusa fuerit: & vice versa habendum est mortis tempus pro testamenti tempore, etiam si id conditum fuerit multo ante tempus mortis. Demonstravimus exemplis usum regulæ Catonianæ simul ac rationem. Adnotari volo ex verbis ejusdem regulæ, maxime ex iis, quæ proponuntur *l. i. hoc tit.* regulam Catonianam pertinere ad legata, quorum dies cedit e morte testatoris. Hæc verba demonstrant mortis tempus, ex quo legata cedunt jure antiquo, atque etiam novissimo. *Et cedere diem quid est?* Est incipere deberi quodammodo, & ad heredem, transmitti posse. Cessit legatum, quod mihi relictum est, cessit dies legati mihi relictus. Ergo etiam mox moriar transferam id legatum in heredem. Ob id diligenter inquiritur, a quo die cedat legatum: nam si legatarius moriatur antequam cesserit legatum, nihil transfert in heredem suum, & ut dixi, legata cedunt a morte testatoris, licet nondum sint apertæ tabulæ, nondum adita hereditas: jure antiquo, quod restituit hodie Justinianus in *tit. de cad. toll.* Ex hoc ita si legata fuerint pura, & pura dicuntur esse etiam, quibus est adscripta dies certa; non incerta, quod ad cessionem attinet: nam & hæc cedunt a morte testatoris statim, *l. §. 1. si dies, quando dies leg. supra,* quod attinet ad cessionis causam: nam quod ad *l. Falcid.* attinet, legatum in diem certum non habetur pro puro, quia scilicet in Falc. heredi computatur commodum medi

Tom. IV.

A temporis, *l. 45. ad l. Falc.* Et hoc ita obtinet jure antiquo, & novissimo jure: nam medio jure, quod & novum dicitur, id est, ex legibus Julia & Papia, ea legata, id est, pura, cedunt ex apertis tabulis, non a morte testatoris, ut est proditum multis in locis in fragm. Ulpiani, sed illas *ll. Juliam & Papiam* abrogavit Justin. restituito jure antiquo. Et hæc de puris legatis, vel quæ pro puris habentur. Legata conditionalia, (*) vel in diem incertum relicta non cedunt a morte testatoris, sed cum conditio extiterit post mortem testatoris, *l. legati sub cond. de condit. & dem.* legata sub conditione non cedunt statim a morte, sed cum conditio extiterit: & ideo inquit, *interim delegari non poterunt.* Sic recte Florentiæ scriptum est, quod quid est aliud, quam transmitti ad heredem non poterunt? videlicet moriente legatario pendente conditione ante cessionem. Dico ea cedere cum conditio extiterit post mortem testatoris: nam si conditio extiterit vivo testatore, non cedunt ante mortem, post mortem statim cedunt. Ac rursus, si conditio sit ejus generis ut impleatur morte testatoris, cedunt a morte, ut in casibus propositis, *l. 1. & 2. h. t.* Quædam autem sunt legata pura, quæ cedunt ab adita hereditate, non a morte, jure antiquo & novissimo, non ab apertis tabulis *l. Julia & Papia*, ut si legetur usufructus, habitatio: hæc legata non cedunt ante aditam hereditatem. Cur ita? quia cessionis effectus est transmissio. Hæc autem jura, usus, usufructus, habitatio, non transmittuntur ad heredem, sed cum persona extinguuntur: ergo frustra esset, si quis ante aditam hereditatem ea cedere diceret: non est opus accelerare cessionem, cum hæc legata non possint transmitti ad heredem, *l. 2. & 3. quando dies legat. ced.* Cur institutum est legata morte cedere, non additione? ne scilicet heredes additioni morant faciendo, & transmissi moram faciant. Ubi igitur non est locus transmissi, dices frustra ante additionem cedere legatum. Et eadem ratione libertas servo relicta non cedit ante aditam hereditatem. Item legatum relictum servo manumisso, vel legatum relictum servo alieno, non cedit ante additionem, *l. 7. §. ult. l. 8. l. cum legati, quando dies leg. ced. l. uni. §. libertates, C. de cad. poli.* Et hæc omnia legata, quæ relictæ, cedunt ab adita hereditate, si heres extraneus & voluntarius fuerit scriptus, quoniam hic solus adit hereditatem: necessarii vel sui non adeunt hereditatem, sed sunt heredes statim a morte testatoris, ipso jure etiam inviti & ignorantes: quia de causâ necessario herede scripto consequens est, ea legata, quæ relictæ, cedere a morte testatoris, a qua scripti heredes acquirere bona, quæ extraneo scripto non cederent ante additionem, *l. Julianus 86. de condit. & demon. l. quæ situm, §. 1. de leg. 1. l. si opt. de opt. leg.* Nunc concludendum est, regulam Catonianam pertinere tantum ad ea legata, quæ cedunt a morte testatoris, quod verba illa demonstrant, *si statim decessisset*, id est, si legatum statim cessisset decedente testatore; si decessit testator, & simul cedit legatum purum. Ergo regula Catoniana pertinet ad jus antiquum, quo legata cedunt a morte: non igitur pertinet ad leges novas, ut inquit *l. ult. hoc tit.* Ergo respicit ad legata, quæ cedunt a morte jure antiquo, & legibus novis non cedunt a morte: sed ab apertura tabularum. Igitur ad *ll. Juliam & Papiam* novas, & caducarias non pertinet regula Catoniana, *l. qui solvendo, de heredib. Inst.* Præterea regula Catoniana non pertinet ad legata conditionalia, quia etiam hæc non cedunt a morte, sed ab eventu conditionis, *l. cetera, §. 1. de leg. 1.* Igitur non pertinet etiam ad legata relicta in diem incertum, veluti, *illi lego cum puer erit*, dies est plane incertus, quia forsitan non pubescet, vel hoc modo, *cum Titius magistratum inierit*, hic dies incertus pro conditione est, *l. dies incertus, de cond. & dem.* videlicet, quia & incertum est, an dies sit venturus, ut si dixeris, *cum Titius magistratum inierit*. Est hic incertum duplex: nam incertum est primo, an Titius sit magistratum initurus, deinde incertum est, quo die sit initurus. Et dies ita incertus semper condi-

Bb

tio-

(*) Vide Morill. variant. ex Cujac. lib. 1. cap. 41.

tionem facit: Nam est alius dies incertus, quem tamen certum est esse venturum, ut si dixeris, cum heres meus morietur, uno tatum modo hic dies incertus est, quia quo die sit moriturus, ignoratur, sed moriturum eum esse utique certissimum est. Et hic dies ita semper incertus conditionem non facit, quod exposuimus lib. 8. ad l. sufficit, de cond. ind. Et ex eo intelligimus, mendum esse in l. 30. §. pen. ad l. Falcid. ubi ita est scriptum: *Alia est causa eorum legatorum, quae in diem certum dantur, & sequitur, nam si libertatis dies capiti cedere, ei debentur, quae verba si diligenter observentur videbuntur falsissima. Vero verius est, ita esse emendandum: Alia est causa legatorum, quae die incerta dantur: nam si libertas dies capiti cedere, ei debentur.* Sententia haec est: seruo heredis pure legatur inutiliter. Aliud est, inquit, si ei legeretur die incerta: nam si ejus legati dies coepit cedere seruo jam liberato, id est, seruo manumisso, l. cum sub hac, de cond. & demonst. legatorum ei debetur, quoniam scilicet regula Catoniana non pertinet ad legata relicta in diem incertum. Et ultimum hoc dicit, regulam Catonianam etiam non pertinere ad ea legata, quae cedunt ab adita hereditate: quod proponitur hac l. 3. Sed adiciunt regulam Catonianam non pertinere etiam ad hereditatem: Quod est falsissimum, & est hoc loco crux quaedam ingeniorum. Nam regula Catoniana utitur quidem verbo legati, quod inuito legatum fore: &c. sed comprehendit etiam hereditatem, ut jus antiquum, ad quod pertinet lex rz. tabul. illo loco; ut quisque legassit, id est, uti quisque heredem faxit, ut etiam in edicto de praestandis legatis continetur etiam hereditas: Et hereditatem inuito datam initio, ex post facto non convalescere. Denique regulam Catonianam pertinere ad hereditates est apertissime scriptum in l. pen. de reg. jur. l. 7. & 8. de lib. & post. §. in extraneis, l. ult. de hered. qual. & diff. & in §. pen. hoc tit. dum ait, Catonianam regulam non pertinere ad conditionales institutiones: consequens est pertinere ad puras, alioqui esset stulta ea admonitio. Institutio est hereditas testamento data. Valet & in stipulationibus regula Catoniana, & in contractibus, & in libertatibus datis inter vivos. Quidni valeat etiam in institutionibus? Idcirco jampridem offendi, & probavi, non esse legendum, hereditates, sed libertates, l. si privatus, §. ult. qui & a quib. l. generaliter, §. si homini, de fideicom. lib. quia libertatis dies credit ab adita hereditate. Et regula Catoniana respicit ad mortem. Et in l. si ita scriptum, §. reg. de lib. & post. regula est, hereditatem non posse adimi, si servus scriptus sit cum libertate. Verum adimi potest exheredatione & testamenti mutatione. Igitur regula Catoniana pertinet ad legata & fideicommissa, & hereditates, & omnia, quae ex testamento proficiuntur, vel codicillis, quae modo cedant a morte testatoris secundum jus antiquum, etiam clausis tabulis testamenti, necdum adita hereditate: legibus novis, legibus caducariis, id est, Julia & Papia, legata non cedunt a morte statim, sed ex caducariis tabulis, & moriente legatario ante apertas tabulas caduca sient. Ad has leges novas & caducarias, quae hodie sunt subtiliter restituito jure antiquo, regula juris antiqui Catoniana non pertinet. Est regula juris antiqui, ponitur etiam sub titulo, de divers. reg. jur. antiqui l. 29. l. 201. Est igitur regula juris antiqui. Ergo secundum jus antiquum est accipienda. Ergo non pertinet ad ea legata, quae secundum leges novas cedunt ex apertis tabulis, quod introduxerunt leges novae in rem fisci, ut si moreretur legatarius ante apertas tabulas, legata redigerentur in fiscum, id est, fierent caduca. Non pertinet etiam regula Catoniana ad legata conditionalia, quae non cedunt a morte, sed post mortem existent conditione: nam regula Catoniana in l. i. hoc tit. palam loquitur de legatis, quae cedunt a morte, non de aliis, quae ab alio tempore cedunt. Ergo non pertinet ad legata, quae cedunt ab adita hereditate, & exposui satis, qualia sint ea legata. Et dico etiam ea ratione, regulam Catonianam non pertinere ad tutelam, quia tu-

A telae incipiunt ab additione, non a morte: nec quicquam igitur interest eas cedere vel incipere citius, l. si in qui, de excus. tut. Quod ita verum est, nisi sit scriptus heres necessarius, vel nisi ipse heres scriptus tutor datus sit: Nam his casibus tutelae incipient eo tempore, quo & hereditas cedit; id est, mortis tempore. Et ita recte Joannes & Rogerius notarunt ad l. 2. de excus. tut. Eadem ratione regula Catoniana non pertinet ad libertates testamentis relictas, quia cedunt ab additione, l. un. §. libertatibus, C. de cad. toll. non cedunt a morte statim, & regula est de his tantum, quae cedunt a morte. Et ita dicebam esse legendum in l. 3. Catoniana regula non pertinet ad libertates, neg. ad ea legata, quorum dies non a mortis tempore, sed post aditam hereditatem cedit, id est, non pertinet ad ea, quae cedunt ab additione, ut libertates, & legata, usus, vel usufructus, & hujusmodi servitutes: Nam regulam Catonianam non pertinere ad hereditates, perquam falsum est, ut etiam supra demonstravi. Sed qui volunt excusare hanc scripturam, dicunt regulam Catonianam non pertinere ad hereditates, fideicommissarias scilicet, & adiciunt rationem, quia hereditates fideicommissariae cedunt ab additione, quae ratio est falsissima. Directe hereditates cedunt a morte testatoris, cur non etiam fideicommissariae & precariae? Cetera fideicommissa omnia cedunt a morte, cur non etiam fideicommissaria hereditas? nihil est verius, quam omnia fideicommissa, omnia legata, omnes hereditates cedere a morte testatoris jure antiquo. Et abiit Accurs. l. quidam ita, ad Treb. non bene posuit speciem. Species haec est: Quidam heredem rogavit, ut filiae, ex Florent. live ut filio restitueret hereditatem, prima quaque die, id est, statim atque dies cederet, statim a morte, live, ut vult, Accurs. statim atque adisset; sed verius est prima quaque die, id est, statim atq. haberet facultatem restituendi, statim atq. adisset: neque enim potest restituere, nisi adierit, & si prius moreretur filius, id est, ante restitutionem, ut eam hereditatem restitueret matri. Mortuus est filius post mortem patris, & ante aditam hereditatem: Quiritur, utrum matri debeatur fideicommissum, an heredi filii jure transmissiois? mortuus est filius ante additionem: Haec verba non significant ante cessionem, ut volunt, sed hoc demonstrant, ante restitutionem fideicommissum filio: Nam dies quidem cesserat fideicommissi tempore mortis patris, sed dubitabatur, an & post cessionem fideicommissum translaturum esset ad matrem, an ad heredem filii transmissum. Et concludit, magis ex mente defuncti esse, ut fideicommissum transferatur ad matrem: Nam secundum quod propositum est, haec mens est defuncti, ut live ante cessionem live post, ante restitutionem hereditatem decesserit filius, ut veniat mater, & ita demum non veniet mater, si post restitutionem decesserit filius, l. 3. §. idem dicendum, de adm. leg. Ergo stulte ex ea colligitur, fideicommissariam hereditatem non cedere ante additionem. Alii sic excusant hanc scripturam, ut Catoniana regula non pertineat ad hereditates legitimas, id est, ab intestato, qui sensus non convenit huic loco, qui de his est, qui ex testamento proficiuntur, non de causa intestati. Ac praeterea falsum est, regulam Catonianam trahi non posse ad hereditates legitimas, & verum est, trahi posse, licet ad testamentum respiciat, ut concepta est: Nam hinc, legitimam hereditatem morte ejus, de cujus bonis agitur, ad me non redire: propterea quod capite minutus sum, quero an ad me pertineat hereditas, si postea post mortem ejus, de cujus bonis agitur, inter tempora adeunda hereditatis, vel petenda bonorum possessionis capite minutus esse delirio? Et sane non pertinet, quia utrumque tempus, mortis scilicet & aditionis agnatum proximum esse oportet, vel cognatum, ut ad me hereditas vel bonorum possessio redeat ab intestato, l. 3. unde cogn. Ergo regula Catoniana trahitur etiam ad legitimam hereditatem, ut etiam ad fideicommissariam pure relictam. Et invenio extra causam testamenti, etiam in aliis plerisque causis locum esse regulae Catoniana, ut in contractibus, & in stipulationibus. Quod non valet initio contractus, nec ex post facto

convalescit, *l. inter, §. factam, de verb. obli. §. 1. Inst. de iur. stipul.* Stipulatus sum rem sacram, non valet stipulatio: an convalescet postea, si profana facta fuerit? minime. Ergo regula Catoniana trahitur etiam ad stipulationes. Ergo ad contractus omnes. Nam stipulatio est Pandecta omnium contractuum: sed excipiuntur etiam, ut in legatis, stipulationes conditionales: ad legata conditionalia regula Catoniana non pertinet: non pertinebit etiam ad stipulationes conditionales, ut stipulor recte rem meam sub conditione, & effectum habebit stipulatio, si existente conditione res mea non fuerit, *l. 31. l. existimo, de verb. obli. l. existimo, de contrab. empt. l. 68. de iure dot. conditionalia ex post facto confirmantur, l. 8. de reb. cred. pura ex post facto non confirmantur. Invenio etiam regulam trahi ad libertates datas inter vivos, non in testamento. Finge: alienum servum manumissi vindicta, nihil valet libertas, an convalescit, si postea ei acquiesco? minime. Scriptis Paulus librum singularem ad reg. Catonianam, & in eo hunc casum novavit in *l. ult. de cast. pec.* Adnotandum tamen, regulam Catonianam non pertinere ad donationes causa mortis. Finge: donavi incapaci, qui mortis tempore est capax, an perveniet ad donationes? sic videtur, quia in donationibus causa mortis non spectatur tempus donationis, sed tempus mortis, *l. 22. de mort. caus. don.* Ratio, quia donationes hæc conferuntur in tempus mortis. Ergo illud observandum est, quia eo tempore proprie donatum videtur, non quo tempore donatum est, *l. non videtur, eod. r. eadem prope ratione legata relicta incapaci, quæ si tempus, quo relinquuntur, spectes non valent, & si legata relicta sint dum capi poterunt, non subiciuntur huic regulæ, quia spectatur tantum illud tempus, in quo sunt collata; sed regula Caton. est de datis, sed inutiliter datis initio: hæc initio dantur, & non dantur tamen, & eo demum tempore dari intelliguntur, quo hi, quibus data sunt, capere possunt, *l. si ita, quis test. de leg. 2. l. in tempus, de her. inst. l. si servus, qui capere, de acquir. her.* Eadem quoque ratione regula Catoniana non pertinet ad ea legata conditionalia, quæ conferuntur in tempus mortis, quæque cedunt a morte. Et videmus tamen pertinere, quia cedunt a morte, licet sint conditionalia. Et hoc notandum, quædam esse legata conditionalia, quæ cedunt a morte, non post mortem, id est, quibus ejus generis conditio adscripta est, quæ expletur tempore testatoris: hæc legata conferuntur in tempus mortis testatoris. Ergo illud solum tempus spectandum est, non tempus testamenti, quia nec tempore testamenti scribendi dari videntur, sed mortis tempore. Et hæc tria exempla proponuntur in *l. 1. & 2. h. t.* duo in prima, tertium in secunda. Primum est: quidam ita levavit, si post Cal. mortuus fuero illi do, lego, & mortuus est post Cal. legatum cedit a morte, & debetur, quod tamen non deberetur, si decessisset statim, id est, ante Cal. Ergo ad legatum, quod a morte cedit, regula Catoniana non pertinet, quia scilicet non est initio inutiliter datum, sed magis non datum: quod pendet ex conditione non datur, in *l. 69. de reg. jur.* quod pendet, inquit, non est pro eo quasi sit. Denique quod sub conditione datur, nondum datur: conditio confertur in tempus mortis, & morte testatoris expletur: ergo tunc demum dari intelligitur: nec hic casus pertinet ad regulam Caton. Alterum exemplum est: quidam rem meam mihi legavit sub conditione, si quandocumque moreretur, res mea non esset: eo mortiente res non est mea, legatum cedit a morte, & debetur, quod tamen non deberetur, si testamenti tempore statim decessisset, quo res adhuc erat mea: si pure mihi legaverit rem meam, legatum non deberetur, etiam si postea mea esse desierit, *l. cetera §. 1. de leg. 1. sed si sub illa conditione rem meam mihi legaverit, si eo mortiente mea non esset, legatum debetur, l. 18. de leg. 2. l. nuda, de cond. & demonstrat.* Debetur igitur legatum, quod tamen non deberetur, si testamenti tempore statim decessisset. Ergo non spectatur testamenti tempus, quoniam legati conditio confertur in tempus mortis, & sufficit, si tempore mortis res mea non fuerit, licet**

Tom. IV.

A testamenti tempore mea fuerit. Ergo tempore testamenti non dari videtur potius, quam inutiliter dari. Et sic accipiendum est illud exemplum, ut scilicet rem meam mihi legaret sub conditione, si eo mortiente ea non esset mea, *l. 18. vel nominatim expressa conditione, vel tacite: nam & tacita voluntas conditionem facit.* Et ita Joannes recte accipit exemplum: alias pugnaret cum §. sed si rem, *Inst. de legat. & l. cetera §. 1. de leg. 1.* Et moveor his argumentis: primum argumento præcedentis exempli, & sequentis in *l. 2.* nam ordo horum exemplorum offendit, tria proponi exempla per familia. Legata, quæ cedunt a morte, id est, quæ conferuntur in tempus mortis, quæque dari videntur magis mortiente testatore, quam testante, *l. 18. h. t.* quæ est Celsi, & in ea Celsus non approbat legatum, si mihi legetur res mea, nisi adscribatur conditio, si mea non erit mortis tempore. Ac postremo moveor etiam conjectura, quod locum obtinet in stipulationibus, *l. 31. de verb. obli. l. existimo, eod.* Tertium exemplum in *l. 2. h. t.* simile est cum superioribus: Eilam habuit testator nondum nubilis ætatis, cui ita legavit, si Titio nuptia erit, do, lego, quæ verba referuntur ad tempus mortis, si me mortuo Titio nuptia erit, *l. in conditione, de cond. & demonstrat. l. 2. l. scribit, §. ult. de aur. & arg. leg.* Ergo legatum illud cedit a morte, quia refertur ad tempus mortis, & valet, licet tempore testamenti scribendi non potuerit valere, propterea quod illa nondum erat nubilis ætatis, quia scilicet non videtur dari legatum illud testamenti tempore, sed magis mortis tempore. Et regula pertinet ad ea, quæ dantur testamenti tempore. His ergo tribus casibus legata conditionalia conferuntur in tempus mortis, & cedunt a morte: ergo videntur subiaci regulæ Catonianæ. Contra, quia conferuntur in mortem, magis est, ut in eis nihil profit regula Catoniana.

Ad L. XI. de His quæ ut indign.

Heres, qui tacitam fidem contra leges accommodavit, in ea parte, qua fraudem adhibuit, Falcidia non utitur. Et ita senatus censuit. Sed si major modus institutionis, quam fraudis fuerit: quod ad Falcidiam attingit, de superfluo quarta retinebitur.

Quæstio legis hujus est de tacito fideicommissio, de quo Cajus & Paulus libros singulares scripserunt, quoniam late patet tractatus hujusce rei. Tacitum fideicommissum est, quod incapaci occultissime relinquuntur: incapax est, non peregrinus, quamquam & hic sane capere non potest, sed in hoc proposito incapax est, qui legibus aut constitutionibus capere prohibetur ex alieno testamento vel codicillo. Legibus capere prohibentur cives Romani, veluti Julia & Pap. quæ de incapacibus continebant multa. Primo, coelibes prohibentur capere non quidem solidum, id est, omne quod eis relinquuntur, quia relicti semisse tantum mulstantur. Prohibentur capere orbi mariti & solitarii, quod tamen hodie est sublatum, *C. de infir. pavis casib.* Item iisdem legibus vir & uxor capacitatem solidi inter se non habent: vir non potest capere ex testamento uxoris, sc. affem, sed decimas tantum quasdam, quæ ex re lex Papia dicta est lex decimaria. Et alii quoque nihil possunt capere, ut si quis famosam mulierem uxorem duxerit, vel senator libertinam, quod fragmenta Ulpiani demonstrant, & sunt etiam hujus legis fragmenta, *l. 1. C. de his quæ ut indign.* Prohibentur mariti his legibus, ne omnia sua uxoris relinquuntur omnis cognatis, quod plerique essent facturi, nisi leges venissent. Et secundum hæc ex hoc jure explicanda est lex ult. in princ. *h. t.* Uxorem non potui instituire heredem, focerum heredem scripsi: utilis est institutio, neque ex eo inducitur suspicio taciti fideicommissi, id est, non presumetur focer tacite rogatus hereditatem restituere filix suæ mæx uxori, hæc præsumptio non est idonea, quod patrem scripserim uxoris: nam non ideo videor, tacite patri fideicommississe hereditatem, ut mox illam restitueret uxori, sed tacitum fideicommissum pro-

B b 2

bari

bari debet apertioribus probationibus, maxime chirographis. Nam remedio chirographi obligavit se heres incapaci ad præstandum fideicommissum, curante hoc testatore, qui plerumque ita comminabatur heredi, non rescribam heredem, nisi prius illi incapaci chirographo caveris illud aut illud daturum post mortem, l. 3. §. tacita, de jure fisci. Et de hoc fideicommissio relicta uxori, qui locus est multis notus; ita videtur Quint. scripsisse, licet non ita legatur: uxor dicebatur testamentum marito subjecisse, quod est suggestisse. Et dicebantur chirographum marito expirante heredes dedisse uxori. Et ideo recte subjicit, ergo quia uxor per leges heres institui non potest, factum est, ut per tacitum fideicommissum ad bona perveniret. Sed in hac re etiam l. Ju. Pap. sublatæ sunt, C. de inf. p. m. calib. & orbit. decim. subl. Superfunt ex constitutione nonnulli, qui ex testamento alieno capere non possunt. Olim clerici & monachi non poterant capere, cui tamen reus fuisse fiebat per fideicommissa tacita. Id constat ex epist. Hieron. ad Nep. non queror de lege, sed de seculo, quod meritis hanc legem: prominet legis sanctio, ut scilicet certam unumquoque donante sua clericis & monachis, etiam cohiberetur ista cupiditas. Et subjicit: & tamen non refrantur avaritia, per fideicommissa legibus illudimus. Et ita l. 27. C. Th. de Episc. & cler. ne tacito fideicommissio in fraudem constitutionum clericis aliquid relinquantur, & ut sint extorres. Ex const. etiam hodie mulier, quæ nupsit intra annum luctus, non potest capere ex testamento, l. 2. C. de sec. nupt. Et ex Nov. 15. filius naturalis existentibus iustis liberis non potest capere ex testamento patris, nisi unciam. Tacitum fideicommissum est, quod datur in fraudem harum legum vel constituit. Et dicamus apertius: tacitum fideicommissum est, quod heres incapaci dare rogatur, testamento vel codicillis, & ad quod se heres dandum obligat domestica cautione, stipulatione, chirographo, in fraudem legum & constituit. l. in tacitis, de leg. 1. l. 3. de jure fisci. Et l. prox. in prin. hoc tit. vim ejus declarat. Tacitum fideicommissum est, cui dando incapaci se heres tacita conventionne obligat: potest tacitum fideicommissum esse sine fraude, ut si relinquitur capaci, l. 1. C. de donat. si relinquitur capaci, utile fideicommissum est. Item tacitum fideicommissum est sine fraude, si idem tacite & palam relinquitur, l. 3. §. si quis palam, de jure fisci. Plerumque tacitum fideicommissum accipitur in malam partem: nam si subtilius inspereris, aliud est aliquid esse contra leges, & aliud esse in fraudem legum, l. contra, & l. seq. de legib. Sed hic contra leges, est in fraudem legum. Et eodem modo, cum dicimus tacitam pecuniam, tacitum mutuum, tacitum fœnus, rem illegitimam demonstramus, ut si reus mutuum pecuniam deti judici, est illicitum mutuum, apud Gell. cap. 12. lib. 12. dum notat Cic. a reo accepisse sestertia aliquid tacita, quæ dicuntur incerta nomina, l. 1. ad Maced. sub tuncica & sinu, ut ait l. emptor §. Lucius, de pact. Et ita in malam etiam partem tacitum pactum, l. p. de bon. liber. Nunc ita constituamus: si palam rogetur heres præstare fideicommissum incapaci, inutile est, & habetur pro non scripto, & remanet apud heredem, non transit ad fiscum, quod incapaci relinquitur, sed remanet apud heredem, ac si non esset scriptum, l. filius, §. 1. ad l. Corn. de falsi. l. prox. §. pen. hoc tit. l. ult. hoc tit. in fine. Sciendum est, fideicommissum esse aut legatum in causa caduci, si defecerit vivo testatore morte fideicommissarii, si fideicommissarius prius mortuus fuerit, & vindicatur fisco fideicommissum quod relinquitur incapaci, non vindicatur fisco, sed manet apud heredem. Finge, utrumque accidisse, fideicommissum relictum esse incapaci, & heredem retinere fideicommissum, quod sit pro non scripto: Fiscum contra vindicare, quod sit in causa caduci: heres præstatur, quoniam res est dubia: in dubio melius est respondere contra fiscum, l. non puto, de jure fisci: l. vim, de leg. 3. Ergo legatum relictum incapaci palam, testamento scilicet vel codicillis, est pro non scripto: nam & novo jure, & antiquo est pro non scripto, quod relictum est incapaci, cedit lucro heredis, sed si heres ve-

lit præstare fideicommissum relictum incapaci, præstabit: nec prohibetur, sed hoc pendet ex liberalitate illius, §. 1. Inst. de fideic. hered. quibus incapacibus per fideicommissum relinquebatur, quando scilicet ex fideicommissio non nascebatur obligatio: nam ea fideicommissa ab herede solus pudor extorquebat: ceterum non obligabatur, ut hodie non obligatur præstare fideicommissum incapaci. Sed quid? si clam relictum sit fideicommissum incapaci, non testamento, non codicillis, puta, herede interponente tacitam fidem, & se obligante eo nomine? Est pro non scripto, quia relictum capaci: verum non ceder lucro heredis, sed eripiet fiscus quasi indigno, l. ex facto, §. ult. de vulg. substit. quod videtur esse ex Senatufconf. Planciano facto ad leg. Juliam & Pap. Nam sunt multa facta Senatuf. ad eam legem, & hoc indicat l. si quilibet, hoc tit. Ergo ex eo Senatufconf. fideicommissum relictum incapaci secreto, clandestinum, remedio cautionis, non manifesto judicio, defertur heredi, sed fiscus eripit quasi indigno: & generaliter, quæ ut indignis auctorunt, appellantur ereptitia, non caduca: vel si forte heres jam fideicommissum præstiterit, id etiam ei fiscus evincet, quod nec debuerit, nec potuerit per eas leges præstare in necem fisci. At quæro, an fideicommissum tacite relictum incapaci, in solidum eripiat heredi? Finge, locum esse legi Falcidia, quia hoc fideicommissum, ut aliis imminuta est hereditas, an poterit heres ex illo tacito fideicommissio retinere Falcidiam, ut dodrans tantum recidat in fiscum? Et constat ex eodem Senatufconfulto Planciano, non posse, ne Falcidiam quidem, l. beneficio 59. ad l. Falc. l. 3. C. eod. l. pen. de jure fisci. Cui ergo defertur Falcidia, an defertur fisco? Senatufconf. Planc. hoc tantum fuit cautum, ut non retineret Falcidiam heres, nec fuit adjectum, ut hæc Falcidia redigeretur in fiscum. Sed hoc postea induxit constitutio D. Pii. Et sane ex Senatuf. Planc. videtur Falcid. professæ aliis legatariis, ad augenda legata eorum, ut minus ex iis detraheretur Falc. sed ex constit. D. Pii, etiam Falcid. fisco defertur, d. l. beneficio, l. pen. de jure fisci. Ex eodem Senatufconf. heres, qui fidem dedit in fraudem legum, non vindicat caducum, si sit ex liberis vel parentibus, non detrahit Falcidiam. Quod Ulpian. scribit rit. de fideic. Quæ vocas caduca? sunt legata vel fideicommissa, quæ defertur post mortem testatoris ante apertas tab. Et ea perveniunt ad fiscum, nisi heres scriptus sit ex liberis vel parentibus. tunc enim remanent apud heredem excluso fisco: an remanent apud heredem, si fuerint tacita fideicommissa? minime, quia neque Falcidiam retinet is heres, qui secretum suscepit, neque caducum, quod sit ex liberis vel parentibus. Ac rursum ex constit. D. Pii, heres non retinet fructus perceptos ex tacito fideicommissio ante vel post litem motam cum fisco, non retinet etiam usuras, si quas perceperit, quia malæ fidei possessor fuit, nec ignoravit leges, l. eum, qui h. r. l. prædonis, de pet. her. l. eum quidem §. in tacito, de usur. Amittit igitur usuras perceptas de bonis hereditariis, si rogatus sit tacite restituere hereditatem vel partem ejus, nam fructuum usuras, id est, pretiorum redactorum ex fructibus, etiam si sint redacta post litem motam non præstat, quod benigne constituit Severus, d. l. omnibus. Nec debet opponi l. eum, qui §. in tacito, aut si opponatur, ita respondendum est, & in tacito, est de usuris pecunie perceptis a debitore, quas præstat fisco. Ergo concludamus, omne emolumentum auferri heredi, & fisco præstari, quia secundum, quod generaliter observatur in jure, nihil apud eum residere debet ex eo, in quo is violavit, & circumscriptus, l. ait prator, §. hæc actio, quæ in fraud. cred. l. lege, de lege commissor. Et ex his apparet, etiam heredi rogato restituere partem suam totam, si interposuerit tacitam fidem, nec fuerit palam rogatus, ei nihil accrescere, si forte coheres restituaverit, vel defecerit, & heredem sine re, nomine esse tamen, d. l. ex facto, §. ult. l. si totam, de acquir. her. Et postremo notandum est, quod diximus de Falcidia, ut eam non retineat heres ex tacito fideicommissio, ita pro-

procedere, si sit heres extraneus: nam si sit filius vel servus testatoris, & eo mandante vel imperante, in iungente, susceperit tacitam fidem, aut dederit, dum non potest non obtemperare patri vel domino, ignoscitur ei, ne amittat Falcid. Dodrantem amittit, quia est fraudulentum fideicommissum, Falcidia remanet. Necessitas igitur patri potestatis excusat eum, *l. si tacitum, ad l. Fal. C. l. prox. §. ult.* Hoc enim ex levioribus delictis, si quis fidem accommodet testatori, & incapaci in fraudem legum, & in levioribus delictis excusatur filius vel servus, qui non impune tulisset, si non parisset: sed in atrocioribus delictis non accusatur, quia quidvis perpeti debet, & fatius est mori, quam hac in re patri vel domino mori gerere: & unumquodque in atrocioribus delictis habetur pro libero. Additur in hac l. si heres institutus ex assu rogatus sit clam semissem restituere incapaci, in eo semisse non utetur Falcidia. In altero semisse, in quo nihil fraudavit leges, utetur Falcidia, *l. 2. C. ad l. Falc.* Et ita Senatus censuit: intelligit SC. Plancianum.

Ad L. XXIV. ad Senatusc. Treb.

Nonnunquam autem ex voluntate varie rescriptum & iudicatum est, videlicet, si non sub appellatione heredum, sed propriis nominibus expressis fideicommissum relinqueretur.

Vidimus quæstionem unam de conjecturis in l. cum proponatur, de leg. 2. cui commodissime iungi potest lex nostra: nam ut in l. cum proponatur, qui mutuum substitutionem fecit in hereditate, & mutuum fecisse videtur in fideicommissio, licet id non expressit: ita hic, quas partes quis fecit in institutione, easdem videtur fecisse in substitutione precaria. Cum in una re manifestum est iudicium defuncti, idem sequimur & in alia re non ab simili, licet in ea re manifestum non sit iudicium defuncti: & quod testator expressit in una re, conjectamus eum voluisse idem obtinere in alia re non ab simili, in qua nihil expressit. Ergo uterque locus est de conjecturis. Sed quod attinet ad hunc locum, certissimum est in substitutione directa, ut quas quis partes fecit in institutione, easdem etiam intelligatur fecisse in substitutione. Duplex est substitutio, vulgaris & pupillaris: hoc est certissimum in vulgari, ut si plures instituerit ex partibus inæqualibus, eosque invicem substituerit nullis adscriptis partibus, ex quibus partibus instituti sunt, easdem fecisse videatur testator in substitutione, conjectantes in substitutione, & idem ipsum censuisse, id est, eadem distrib. observari voluisse, *l. si plures, l. si coher. eod. t. l. 1. C. de impub. & al.* Et huius rei est apertissimum exemplum in d. l. si plures. Finge: res sunt heredes instituti ex inæqualibus partibus, primus ex uncia, secundus ex besse, tertius ex quadrante: iidem invicem substituti sunt reciproca substitutione: repudiante tertio, quadrans illius dividetur in novem partes, & octo feret secundus, qui est institutus ex octo uncis, unam tantum partem feret primus unciarius heres, atque ita quas partes habuere in institutione, easdem etiam habent in substitutione, licet in ea nulla sit facta mentio partium. Tres ponit fuisse heredes institutos, ut *l. Lucius, §. Meria, h. t.* Et vero necesse est poni saltem tres. Si duo sint tantum instituti, primus ex septuncie, secundus ex quincunce, & invicem substituti sint, repudiante primo, qui est scriptus ex septuncie, secundus non quincuncem tantum feret, sed integrum septuncem, neque in hac specie potest esse locus superiori definitioni, alioqui pro parte testator esset intellectus. Qua ratione, si ego unum solum heredem scripsero ex quincunce, is assensum obtinebit. Causa testati trahit ad se causam intestati, id est, quincunx, de quo testatus est, trahet ad se septuncem, de quo testatus non est: alioquin, quod esse absurdum, decederet pro parte testatus, pro parte non, quod in pagano fit nunquam. Ad si tres heredes sint instituti ex diversis partibus, & invicem substituti, repudiante uno, ceteri veniunt in portionem vacantem iure substitutionis: pro portionibus hereditariis, id est, disparibus, & is, cui obvenit maior

A pars in institutione, feret etiam maiorem partem in substitutione. Et quod notandum, maior fuisse pars dicitur, siue maior pars fuerit relicta titulo institutionis, siue creverit postea iure accrescendi: unde dices: superflua igitur est substitutio reciproca. Et sane hodie est supervacua, & fuit etiam iure antiquo. Sed quamdiu locus fuit legibus Julie & Papie, non fuit inter coheredes ius accrescendi, nisi fuissent ex liberis, vel parentibus defuncti, sed portio heredis defuncti recidebat in fiscum, vel in causam caduci, si defecisset vivo testatore. Verum remedio substitutionis reciproce inducebatur ius accrescendi contra leges caducarias, quæ semper odiosa fuerunt, substitutus præferebatur fisco. Et hoc est, quod ait Iust. initio tit. de cad. toll. introductas fuisse substitutiones, ne fierent caduca, ex quo quis posset dicere, caduca esse antiquiora substitutionibus, quod falsum est, nam substitutiones sunt antiquiores: sed vult dicere, introductas esse reciprocas substitutiones inter coheredes amovendi caduci causa, vel substitutionem unius heredis factam aliis omnibus, vel substitutiones omnium heredum factas uni. Nam hoc remedio conservatur ius accrescendi coheredibus, *l. pen. de inj. rupt.* conservatur ius accrescendi, & submovetur fisco. Quod autem diximus observari in substitutione vulgaris, idem etiam obtinet in substitutione pupillari, *l. qui liberis, in fi. C. l. seg. de vulg. subst.* Pater heredes sibi scripsit ex disparib. partibus, eosdem etiam heredes scripsit filio pupillo suo in secundis tab. & non adscriptis partibus: sane quas partes habuerunt in paterno testamento, addendum etiam, illud observari in substitutione precaria, *l. nostra, l. præced. d. l. Lucius, §. Meria.* Finge: Quatuor instituit heredes, & duos rogavit, ut restituerent hereditatem: sequemur partes, quas adiecit in institutione. Excipitur tantum unus casus in d. l. si plures, nisi alia mens fuerit testatoris: Et adiecit, quod vix credendum est, nisi evidenter fuerit expressum, ut ille ait, *vix*. Nam etiam si non sit evidenter expressum, veluti verbis conceptis, modo sit evidens voluntas: satis est, quæ colligitur ex multis argumentis & certissimis, *l. licet, de leg. 1.* Et ait Pap. nonnunquam de hac re varie iudicatum & rescriptum fuisse ex voluntate, id est, ut Accursius recte ait, ex præsumptione voluntatis. Argumentatur autem non tantum a rescriptis, sed a re iudicata. Rerum enim perpetuo similiter iudicarum auctoritas, vicem legis obtinet, *l. nam imper. de leg. Et* hoc est, quod sunt Rhethores, iudicatum esse partem juris. Exemplum est, in l. præced. Species est: quatuor heredes scripti, primum ex uncia, secundum ex duabus, tertium ex tribus, quartum ex semisse, & rogavi primum solum, vel primum & secundum, ut coheredibus suis hereditatem restituerent acceptis ab uno quoque 10. aureis. Equales partes fecit dandæ pecuniæ. Ergo evidens est voluntas, evidens est, voluisse eum, ut æquales haberent partes in fideicommissio, cui nullas adscripserit partes. Nam in dubiis ex comparatione alterius rei ducitur certa conjectura, ut in casu l. 1. de reb. dub. Hoc iudicio fuit testator, ut tertius & quartus darent æquales partes pecuniæ, etiam hoc iudicio fuisse videtur, ut æquales haberent partes in fideicommissio.

Sed si tertium iusserit dare 30. quartum 60. quæ summa, si animadvertis congruit portionibus hereditariis: nam ex institutione altero tanto amplius habet quartus, quam tertius: ergo etiam quartus altero tanto debet amplius dare, quam tertius. Idem etiam esse existimo, ut habeant hereditarias partes in fideicommissio, si summa illa non omnino congruat portionibus hereditariis, dummodo sit dispar, si non congruat, sed videatur congruere propter disparitatem. Et ita videtur accipienda l. ult., §. ult. de reb. dub. Idemque erit, si heres cogatur restituere nulla adjecta summa, namque servabitur portio rerum hereditarium. Alterum exemplum hic proponitur: Species est: Rogavit testator heredem, ut aliis coheredibus suis, qui omnes erant scripti

ex partibus inæqualibus, restitueret partem suam, & non dixit simpliciter, heredibus restituito, vel coheredibus tuis, sed dixit, tertio & quarto restituito, qui erant coheredes; an in fideicommissio habebunt æquales partes, quales habuerunt in institutione? Minime: habebunt viriles partes, quia propriis nominibus expressis relictum est fideicommissum. Qui exprimit propria nomina, enumerat personas. Enumeratio autem personarum hunc effectum habet, ut exequantur in fideicommissio, *l. si heredi, nomin. de l. 1.* Et ita in *l. cui fundus, de cond. & dem.* Si quis ita legaverit duobus, *lego Cajo & Titio fundum, si heredi centum dederint*: enumeratione personarum conditio dandæ pecuniæ divisa videtur, adeo ut singulis offerendo 50. perveniant ad legatum, nec cogantur offerre 100. *l. si quis leg. §. ult. de cond. & dem.* Et eadem forma in *l. 8. quibus mod. usufr. amit.* Commemoratio temporum, repetitionis potestatem habet: legavit usufructum in annos singulos, repetiisse videtur usufructum singulis annis. Itaque si usufructuarius sit hoc anno capite minutus, finitur usufructus huius anni, sed redit sequenti anno. Ergo si heredem coheredibus restituere rogaverit, coheredes ex fideicommissio fereant portiones hereditarias: si tertio & quarto restituere rogaverit, fereant viriles partes. Enumerat personas, qui nomina propria exprimit: ergo viriles partes servari vult: ut viritum eos recenset, ita viritum eos honorat. Sed qui coheredes dicit, non personas exprimit, neque numerum earum, sed qualitatem: nam quum dicit *coheredes*, vel *heredes*, heredes dicit, pro qua parte heredes sunt: nam ultra eam partem non sunt heredes. Ergo partes hereditarias servari vult. Sed quid fiet, si utrumque dixerit, *Titio & Cajo coheredibus tuis, vel coheredibus tuis*? si præposuerit sive præmiserit nomina propria, servantur viriles partes, quia appellatio heredum vel coheredum, quæ subicitur pro demonstratione est, & omnis demonstratio abundat. Sed si dixerit, *coheredibus tuis Titio & Cajo*. Servantur partes hereditarias, & propria nomina sunt pro demonstratione, ergo abundat, *l. si communis servus, de stip. serv.* Et notandum, hanc distinctionem servari in stipulatione servi communis: nam si sit stipulatus dominis suis, simpliciter dominis adquiruntur portiones dominicæ: si stipulatus Titio & Cajo, qui erant domini, debentur viriles: idem sequemur, si ab heredibus legatum sit relictum: nam si ab heredibus sit simpliciter, debent hereditarias partes: si a Titio & Cajo, debent viriles, *d. l. si heredes nominatim*; Idemque sequemur in his, quæ dantur conditionis implendæ causa: Illi *lego si heredibus meis dederis* 100. dare debet pro rata partium, ex quibus sunt heredes mei. Verum si dixerit, *si dederit Titio & Cajo*, dare debet viriles, *l. statulibor, in fi. de stat.* Et in omnibus his casibus, si utrumque dixerit, & nisi heredes appellaverit, sequemur quod diximus supra. Nec his obstat *l. proinde, de stip. serv.* Si quis stipulatus sit nominatim omnibus dominis suis, debere dari partes dominicas: atqui stipulatus est nominatim: ergo debentur viriles: *nominatim illo loco*, non est nominibus dominorum expressis, sed *nominatim*, est sub commemoratione omnium. Nihil etiam obstat *l. si vea a certis, de duobus reis*: quæ exhibet negotium omnibus. Legavit testator ab heredibus certis (nominatim ergo) a certis personis heredum debent, inquit, partes hereditarias (imo viriles) Sed distinguamus: aut legat ab omnibus propriis nominibus expressis, & debent viriles, aut legat certis personis heredum propriis nominibus expressis, & debent hereditarias: ergo non videtur eorum nomina expressisse, ut eos exæquaret, sed ut eos fecerneret a ceteris, ut ceteros exoneraret: at corrupta est hac in re *lex, turpia, §. ult. de leg. 1. si pars hereditum nominata sit in legando, viriles partes heredes debent*: si vero omnes, hereditarias. Quod ait, *si vero omnes, hereditarias*, est certissimum, sed prius illud est falsissimum, quia noloit eos exæquare, sed coactus est nomina exprimere: legandum igitur est, *si personæ heredum nominatae sunt in legando*.

A Ad L. I. de Bon. poss. furios. infant. &c.
Furioso Titius substitutus est: bon. possessionis rempuit, quamdiu furiosus in eadem conditione est, neque instituto, neque substituto cedit: nec si curator furiosi nomine possessionem accipere potest, idcirco spatium temporis, quod scientibus præfixum est, videbitur cedere: nam & pater infanti filio possessionem accipit, quo tamen cessante infans non excluditur. Quid ergo si curator accipere nolit, nonne iustus, atque utilis erit ad eundem modum proximo cuique possessionem dari, ne bona jaceant? quo admissio substitutus cautionem præstare cogitur omnibus his, quibus bona restitui debent, si forte institutus in eadem furore decesserit, aut compos mentis effectus, ante mortem obierit, quam hereditatem agnosceret: nam & fieri potest, ut vivo furioso substitutus decessat, nec tamen furiosus obisset ceteris, si prius & ipse decesserit, quam hereditatem adquiret.

Titulus est de bonor. poss. furioso competente, multo, cæco, &c. competit, quæ delata est, & deferretur ex edicto statim, vel postea ex decreto prætoris, furioso, furiosive nomine ex decreto & ceteris, ceterorumve nomine ex edicto. Et his personis furioso, infanti, adjungo etiam municipes, id est, cives civitatis cuiuslibet ex *d. l. 14.* nam de omnibus his personis dubitatur, an competentem sibi bon. poss. sec. tab. vel ab intestato unde legitimi, aut unde cognati petere possint, & an eis cedant dies petendæ bon. poss. præfixi edicto successorio. Ac primum de furdo & muto dubitatur. Igitur adire hereditatem non possunt. Mutus non potest, quia verba additionis loqui non potest, *l. eum qui, de adq. her. & est actus legitimus*, id est, sollemnis, quique sit sollemnis, verbis *l. act. de reg. ju.* Surdus adire non potest, quia non potest audire sibi testimonium perhibentes: nam non potest audire hereditas, nisi testibus præsentibus, qui appellantur ab eo, qui vult adire, hoc fere modo, *vos, Quirites, in hac rem testimonium perhibetote*. Invocat testimonium illorum. Ergo ut etiam id exaudiat, necesse est: hinc est, quod apud Paulum 3. *Sent. tit. de testam.* cæcus dicitur test. fac. posse, quia accipere potest adhibitos testes, & quia loqui potest. Et per herede gerere possunt: atque ita hereditatem acquirere *l. 5. de adq. her. possunt bon. possessionem petere, per se, vel per procuratorem*: Nam & procuratorem sibi instituire possunt, *l. mutus, de proc. puta mutus potest interrogari, an eum velit sibi procuratorem esse: nutu significabit, se id maxime velle: surdus autem id edicendo palam, & ab eo, quem nominavit, suscepto mandato, suscepta procuratore, quæ suscipitur etiam tacite: nam mandatum etiam tacito consensu contrahitur*: Et pro herede gerere possunt, ut dixi, quia hic modus adquirendæ hereditatis, neque auditionem, neque locutionem requirit. Et pertinet ad hoc, quod dixi de nutu *l. servo, §. si pupil. ad Treb.* Hæc autem ita procedunt, si sc. rem intelligent, si non sint rerum imperiti, *l. 2. h. t.* nam si nihil intelligent, ut non raro sunt, qui his vitiis laborant, curator eis datur, *l. 3. §. ult. de possul. & per curatorem hunc petant bonor. possessionem, d. l. servo invito, §. pen. ad Treb.* nec poterunt sibi instituire procuratorem. Et hoc est, quod ait *l. mutus, de proc. mutus & surdus per eum modum, qui procedere potest, procuratorem dare possunt*, id est, si intelligent, quid agatur, si rerum ignari non sint. De cæco etiam dubitatur, an bon. possessionem petere possit, & an ei cedant dies petendæ possessionis, quia non cernit, quod agatur, quod tamen res non exigit, sed quia etiam cæcitas deputatur vitio in quibusdam causis: nam cæci homines non possunt testamentum facere, nisi adhibita majori quadam solemnitate, *l. hac consul. C. qui testam. fac. poss.* & pro alio postulare non possunt, *l. 1. §. casum, de possul.* at adoptare possunt, *l. etiam cæcus, de adopt. possunt sibi procuratorem instituire, ut Paulus scribit 4. Sent. tit. de*

de manum. nec eis datur curator ob cæcitatem: & si tutores dati sunt, possunt auctoritatem interponere contrahenti pupillo, *l. etiam tutor, de auctor. tut.* & iudicandi officio fungi possunt, *l. locus, de iudic.* & postremo hereditatem adire possunt, quæ eis competit, vel bonorum possessionem petere per se vel per procuratorem, si modo quid agatur intelligant. Quidam sunt cæci & mente & oculis, quibus est æquum dari curatorem. Nam curator datur omnibus, qui suis rebus superesse non possunt. De municipibus etiam dubitabatur, quia est incertum corpus, an eis instituitur hereditibus, vel ab intestato delata hereditate liberti civitatis, an eis competet bonorum possessio, & competentem an petere possent: quia vix universi municipes consentire possent, & consequenter, an eis cedent dies petendæ bonorum possessionis? nam non cedunt, nisi si, qui petere poterunt, & scierunt sibi competere. Et hac de re eodem libro tractasse Papin. constat *ex l. 14. ad municip.* in qua sic scribit: *municipes intelliguntur scire, quod sciant hisque summa Respub. commissa est, effectus hujus sententiæ nullum profertur exemplum.* Sed respicit, dum hoc scribit ad bonorum possessionem, cujus dies scientibus tantum procedunt, ut ait idem Papin. *l. 1. hoc tit.* Scientibus sibi competere possessionem morte alterius, *l. 2. quis ordo in bonor. poss.* *l. 2. qui admitt. ad bonor. poss.* Et ita dies adeundæ hereditatis procedunt scientibus tantum, juxta formulam additionis sive cretionis, *in diebus 100. quibus solveris, poterisque.* Ergo secundum dict. *l. 14. municipibus* cedunt dies, quibus actor civitatis vel syndicus scivit municipibus delatam esse hereditatem. Nam quod scit actor civitatis, cives scire intelliguntur. Et eodem meo iudicio referendum est, quod est in *l. ult. de jur. & fact. ignor.* Impuberes sine tutore agentes, nihil scire intelliguntur: ergo eis non cedunt tempora petendæ bonorum possessionis: & e contrario impuberes sub tutore agentes, scire intelliguntur, quod tutor scit. Valey argumentum ab actore civitatis ad tutorem pupilli, *l. qui solvitur, de legat. 2.* Civibus vel municipibus cedunt dies, quibus actor scivit republicæ competere bonorum possessionem. Ergo pupillo cedunt dies, quibus tutor scivit pupillo bonorum possesse competere. Et ita est proditum in *l. 7. §. ult. de bonor. poss.* De patre magis dubitatur, an scilicet infanti, cui debita est bonorum possessio cedant dies, quibus pater hoc scivit, & loquitur de filiofam. nam emancipatus tutorem habet, & sine tutore nihil scire intelligitur, *l. pupill. de acquir. hered.* nisi intelligatur scire, quod scit pater, de quo est magna quæstio: nam in hac *l. 1. apertissime* Papin. ait, dies quibus scit pater filio suo infanti competere bonorum possessionem, infanti non cedere, contra *l. 7. §. ult.* ait, dies quibus tutor scit, & c. fateor cedere dies, quibus tutor scit: dies quibus pater scit, nego cedere: nitor hac *l. 1. optima ratione.* Ex videtur in *d. l. 7. §. ult.* duplex fuisse scriptura: alii habent, tutor, alii pater; & utraque relicta est perperam: nam falsum est, dies, quibus scivit pater, cedere infanti. Et alia est causa tutoris, alia patris, & ne cavillemur, ut sit vulgo, duobus modis dies, quibus pater scit, cedunt infanti: in ejus utilitatem, inquit, non in damnum ejus, hoc est cavillari: nam quid est cedere dies? præscriptione dierum excludi, nisi intra eos petierit, cui competit bonor. possessio: proficit ei præscriptio dierum, si venerit intra eos dies, vel rursus noceat, si post eos venerit. Et rursus male dies quibus pater scit, placet currere, patri scilicet non infanti: quod etiam cavillari est, & ridiculum: nam dies non cedunt nisi ei, cui competit bonorum possessio, id est cui delata est: & huic cedunt, etiam si pensæ non potuit petere, ut si fuerit infans vel quis alius, sed hoc modis dies cedunt ei, cui competit bonorum possessio, etiam si non per se, sed per alium potuerit petere, veluti per procuratorem: non cedunt autem ei, cui non competit, etiam si alii potuerit petere: ergo non cedunt patri, licet potuerit infanti petere, quia non delata est patri, sed infanti. Igitur hoc dico, dies non cedere infanti, quibus pater scivit. Cujus

A sententiæ ratio est: pater infanti petere potest bonorum possessionem, quia non potest infans bonorum possessionem petere sibi, cum fieri non possit, *l. 7. §. pen. de bonor. poss.* *l. si infanti, C. de jure delib. l. 1. C. Theod. de cretione vel bonorum poss.* Pupillo, qui excessit infantiam, pater non potest petere bonorum possessionem, sed ipse pupillus sibi petit, jubente vel ratum habente patre. Infantis nomine significatur minor septennio, non pupillus: Et ideo in *Instit. de hered. qual. air. mium, surdum, & infantum non posse testamentum facere, posse tamen capere ex alieno testamento.* Infanti adjungere oportet pupillum ex Theophilo. Omnino ex eo possis constituere, majorem esse tutoris auctoritatem, quam patris hac in re: nam tutor pupillo petit bonorum possessionem, *l. 7. §. 8. de bonor. poss.* pater non petit nisi infanti: neque B est nova hæc differentia inter patrem & tutorem: nam & femina tutore auctore testamentum facit, ut est in *fragm. Ulpiani* patre auctore testamentum non facit, *l. 6. qui test. fac. poss.* & pupillus tutore auctore obligatur stipulatione patre auctore non obligatur, *l. ult. §. pen. de verb. oblig.* Similiter in hoc proposito: quod scit tutor, pupillus scire intelligitur: quod scit pater, filius scire non intelligitur: & ideo dies petendæ bonorum possessionis, ut aperte demonstrat Papinianus, quibus pater scivit, filio non cedunt: vel ut alias ait *l. 3. quis ordo in bonor. poss.* scientia patris, non nocet filio: scientia tutoris, nocet pupillo: & pupillo cedunt dies, quibus scivit tutor. Nam & in plerisque aliis causis scientia tutoris, vel dolus nocet pupillo, *l. non solum, §. pen. de lib. causa.* Ergo neque curatoris, qui furioso, neque patris, qui infanti petit bonorum possessionem, scientia & cessatio furioso vel infanti nocet. Curatoris, qui petit furioso bonorum possessionem, scientia non nocet: tutoris tamen scientia nocet pupillo. Sed de furioso, qui habetur similis infanti plenius discipiamus. Curator ergo potest furioso petere bonorum possessionem, non quidem edictalem, quia desertur tantum sanis hominibus, *l. 1. §. furiosus, de success. edic.* sed potest petere decretalem, *l. 2. §. si quis, ad Tert. l. ult. §. non itaque, C. de curat. fur.* Cur datur decretalis? Quia scilicet potest fieri, ut furiosus recipiat sanitatem, & recepta sanitate moriatur, nondum ex edicto petita bonorum possessione, quo casu nihil transmitteret in heredem suum. Succurritur ei decreto, id est, mature petita a curatore bonorum possesse decretali. Decretum proficit ad transmissionem, quod remedium decreti adhibetur in multis aliis causis, *l. 1. ad Tertull. l. scriptus, de Carbon. edit. l. 4. de bon. lib. l. ventris, de acquir. hered. & l. illud, §. ult. de bonor. poss.* contra tab. Sed si furiosus in eodem furore decesserit, quamvis ejus nomine petita sit bonorum possessio decretalis, nihil transmittit in heredem suum: & ideo furiosi nomine postulat cautio de restituenda hereditate his, ad quos perventura esset, si furiosus heres institutus ac proximus agnatus non esset, videlicet in casum, si moreretur in eo statu inopi mentis, *d. l. ult. §. tali.* Et curator furioso solvendo legata accepta bonorum possessione decretali furioso nomine exigit cautionem a legatariis, *l. Licinius 48. §. ult. de legat. 2.* Ergo bonorum possessio decretalis est sine re, nisi respiciat ante mortem, & evincit hereditatem fisco vel heres legitimus, si in eodem statu moriatur infirmato decreto; *l. heres, de peris. hered.* Sed quid fiet, si curator furiosi non petierit bonorum possessionem decretalem? Finge: furioso herede instituto, Titius ei substitutus est vulgari modo, non ad exemplum pupillaris substitutionis secundum constitutionem legis humanitatis, de impub. & aliis substituitur. Curator noluit petere bonorum possessionem, dies non cedunt substituto, quia speratur institutus, quia potest venire institutus sanitate recepta, & quando institutus speratur, substituto locus non est, *l. quando, D. de acq. her.* non cedunt etiam dies furioso petendæ bonorum possessionis. Ergo furioso nulla cedit bonorum possessio. Potest ei peti decretalis per procuratorem, sed non edictalis: & quamvis non sit petenda, ei non cessat.

cesserunt dies, quibus curator scivit: nam quod scit curator furiosus, & furiosus non intelligitur scire, sicut quod scit pater, filius non intelligitur scire. Quid igitur fiet? an fiet mora creditoribus, quorum interest, ut sit aliquis bonorum possessor, ne diutius bona vacent, jaceant? *ad eundem modum*, id est, sub hoc modo, ne tempora cedant furioso, proximo cuique ex decreto datur bonorum possessio. Et dum ait, proximo cuique, respicit ad illa verba edicti, cum ut proximum quemque heredem esse oportet. Ergo datur interim bonorum possessio substituto, quamvis nondum substitutioni locus sit, decretalis scilicet: nam proximior est causa substituti, proximior causa testari, sed substitutus præstabit cautionem, ut sæpe alias evenit, ne creditoribus fiat longior mora, ut primum heredi scripto sub conditione detur bonorum possessio ante conditionem, l. 8. de prat. stipulat. Et eadem ratione hereditas restituitur ante conditionem fideicommissi, ne bona jaceant, l. apud sub. l. g. ult. & pen. de tempor. præscripti. Sed ubique præstatur cautio: & ita hic substitutus, cui datur bonorum possessio, cavebit de restituendis bonis heredibus legitimis, si furiosus in eodem statu decesserit, vel si compos mentis effectus decesserit, nondum agniti bonorum possessione. Sed dices, in eum casum substitutioni locus erit, non legitimis heredibus: cur igitur cavebit? Est quiddam adiciendum, ut huic cautioni locus sit, nempe substitutum mortem obisse vivo furioso. Denique hoc caveat substitutus accepta decretali, legitimis heredibus bona restitutum iri, si ipse decesserit vivo furioso, ac decesserit furiosus in eodem statu, vel factus compos mentis nondum adiverit hereditatem, quæ est sententia Pap. in hac lege 1. Et dum ait *quo admisso*, hoc est, eo concesso, ut interim detur bonorum possessio proximo cuique, quod dixit ante. Ne interpretetur *quo admisso*, id est, substituto admisso, est accipiendi de bonorum possess. decretali; cum autem loquitur de iacente, est accipiendi de bono. possessione edictali: nam infanti edictalis deferitur: & ideo infans transmittit res deliberandi in patrem vel avum, in cuius potestate est, vel si sit sui juris, in heredem suum, si moriatur intra annum, l. si infanti, l. seq. C. de jur. delib. Novell. 158. Accipere possessionem, id est, ex decreto. Ad ea quæ diximus superest, quod addamus. Queritur, quæ de re nondum tractaveram, an dies bonorum possessionis, quibus curator adolescentis scivit competere bonorum possessionem, adolescentis cedant, & an scientia curatoris adolescentis noceat? Et statim dicerem non nocere, l. 5. de jur. & fac. ignor. nemini scientiam alterius nocere, & dicerem ab ea generali definitione excipiendum tutorem pupilli, & actorem civitatis, sive syndicum: Nam scientia tutoris pupillo nocet, dies quibus tutor scivit, nocent pupillo cessante tutore in petenda bonorum possessione. Scientia quoque syndici municipibus nocet, & dies, quibus actor scivit, Reipubl. procedunt: nam potuit tutor petere bonorum possessionem, l. 7. §. pen. & l. 8. de bonor. possess. actor quoque potuit Reipublicæ, sive municipibus petere bonorum possessionem, l. 7. §. ad municip. de bonor. possess. Comparatur, ut dixi, tutor actori sive syndico, l. qui solitum, §. 1. l. 3. C. de iure Reipubl. lib. 1. 1. Curator autem non potuit petere bonorum possessionem: nam sibi ipse adolescens potuit etiam sine curatoris auctoritate, tantum abest, ut ei curator possit petere infcienti, ut ipse si petat, necesse non habeat curatorem adhibere, quam habet. Nam hoc tantum de pupillo proditum est in d. l. 7. §. pen. pupillum non posse petere bonorum possessionem sine tutoris auctoritate. Ergo aliud est in curatione adolescentis. Accurf. d. l. 7. idem esse existimat in curatore adolescentis, ut adhiberi eum non oporteat, & ut in aliis causis, ita, & in hac quoque causa abutitur *lege si curatorum*, C. de in integ. restit. Idem, inquam, esse existimat in curatore adolescentis: tamen si idem esset in adolescente, & curatore ejus, non fuisset grave Jurisconsulto pupillo adiungere adolescentem. Igitur quum quid scribitur de impubere, hoc argumentum

A præbet idoneum ad existimandum aliud esse in pubere: nam casus *leg. si curatorem*, C. de in integ. restit. non debet trahi ad alios casus: est de adolescente alienante res suas, quæ alienatio non valet, si habeat curatorem, & non fiat auctor curator. Ergo in alienatione rerum adolescentis est necessaria curatoris auctoritas. Et similis adolescens est prodigo: nam utrique curator rerum administratur constituitur: hoc est, munus curatoris, nec sine eo quicumque adolescens vel prodigus rerum suarum administrare potest; & ideo alienare non potest sine auctoritate curatoris: ceterum poterit se obligare veluti ex stipulatione etiam sine auctoritate curatoris quem habet, ut l. puberes, de verb. obligat. Puberes obligantur sine curatoribus suis: ergo habent curatores. Ac præterea adolescentis hereditatem adire possunt sine curatore suo, jure. Si hujus auctoritas ei esset necessaria in adeunda hereditate, non sufficeret auctoritas prætoris, l. cum nulla, §. ult. de appellat. Ergo potest etiam adolescens petere bonorum possessionem sine curatore: ipse autem curator non potest sine adolescente. Ergo merito dies, quibus curator scivit, non cedunt adolescenti: scientia curatoris non nocet adolescenti, tutoris & actoris necesse: quia tutor potuit petere nomine pupilli, actor nomine Reipubl. qui potest alii petere, ejus scientia alii nocet. Neque tamen ex eo inferendum est, quicumque potest alii petere, ejus scientiam alii nocere. Sed constituere possis hoc recte: si quis non possit alii petere, ejus etiam scientiam non nocere. Illud non est perpetuo verum, si quis possit alii petere, & scientiam ejus alii nocere: Nam ut offendit hæc l. 1. curator potest furioso petere, & scientia tamen ejus non nocet furioso, id est, non cedunt dies furioso. Item pater potest infanti petere, & scientia tamen patris non nocet infanti. Major est auctoritas tutoris, quam patris in hac re, ut & in aliis quibusdam: tutor igitur accedit propius ad personam pupilli, eumque representat magis, quam pater filium, adeo ut passim loco domini habeatur, qui scilicet, habet imperium & potestatem in pupillum, l. tutor qui curam, de adm. tut. l. qui Stichum, §. si tutori, pro empti. Plus esse dominum, quam patrem: Ergo tutoris (*) quidem scientia nocebit pupillo, sed non potest jure scientia patris infanti nocere. Et suppositicia sunt hæc verba, *aut pater*, in d. l. 7. §. ult. & certe, omnino pugnant cum hac l. 1. & cum l. 3. quis ordo in bon. possess. serv.

D

JACOBI CUJACII J.C.

COMMENTARIUS

In Lib. XVI. Questionum ÆMILII PAPINIANI.

Ad L. XV. de cond. institut.

Filius, qui fuit in potestate sub conditione scriptus heres, quam Senatus aut Princeps improbant, testamentum infirmat patris, ac si conditio non esset in ejus potestate: nam quæ facta laudant pietatem, existimationem, & verecundiam nostram: & ut generaliter dixerim contra bonos mores sunt, nec facere nos posse credendum est.

FILIUSFAM. non potest a patre institui sub qualibet conditione: potest institui sub conditione, quæ sit in ejus arbitrio vel potestate. Si filiusfam. a patre heres instituitur sit sub conditione, quæ non est in ejus potestate, nec sit exheredatus sub contraria conditione, non valet institutio, & filius pro præterito habetur: ergo omnino testamentum inutile est, l. Lucius, de condit. & demonstr. l. 10. l. ult. h. l. a. l. jam dubitari, de her. instit. ceteri liberi, puta filia vel nepos,

(*) Vide Merill. variant. ex Cujac. lib. 1. cap. 43.

nepos, neptis, & alii, possunt institui sub qualibet conditione. Primum ea conditio non est in potestate filii, quæ est impossibilis, veluti, si digito cælum tetigerit, si mare ebiberit. Item ea, quæ est difficilis, veluti in *l. cum her. §. ult. de statul. si milies dederit*, id est, milies centena milia, & ut ait, fere impossibilis. Ita etiam *l. 55. §. 1. §. 1. de fam. eris. i.* Synesius in epist. & M. Tullius in partitionibus; perdifficilia sunt habenda perinde ac si effici non possunt. Item conditio, quæ expectatur ex casu, ut si navis ex Asia venerit, si Titius Consul factus fuerit. Item ea quæ pendet non tam a voluntate filii, quam etiam ex voluntate alterius, veluti si Titius filium adoptaverit: neque enim invitum adoptabit, *l. 1. §. 1. h. r.* Ac postremo non est in potestate filii conditio, quæ improbatæ est legibus, vel S.C. vel bonis moribus, veluti si uxorem non duxerit, si liberos non susceperit, ut est apud Paul. 3. *Sentent. si. de testam.* has conditiones improbat lex Julia & Papia. Item hæc conditio, si uxor pupillam uxorem duxerit, hæc improbat S.C. quod factum est D. Marci temporibus. Item hæc, si fororis filiam duxerit, hæc improbat constitutiones Principum, & hæc etiam novissimæ constitutiones, si consobrinam duxerit: nuptiæ inter consobrinam permixtæ sunt, siue Digestorum jus species, siue Cod. siue Novell. sed prohibet per constitutiones posteriores: nec male possis adducere ex consuet. Justin. exemplum, quo utitur Accursus. *l. 1. §. 1. h. r.* si etiam quam suscepit de sacro fonte in uxorem duxerit §. *l. si quis alumnæ, C. de nupt.* Et incestas esse has nuptias probant, quod sit loco filiarum, quæ cognatio spiritualis dicitur. Contra bonos mores sunt hæc conditiones, si barbaro habitu processerit, vel si muliebri: nam quum dicimus contra bonos mores, non tantum intelligimus contra naturales, sed etiam contra civiles, & si patrem ab hostibus non redemerit, *l. 9. §. 1. h. r.* quod filius non potest facere pietate illæsa: vel si patrono aut patri alimenta non suppediaverit, quæ res pietatem lædit, nec possit sine rubore negare alimenta patri: verecundiam igitur pulsant ea res, ut ait Pap. *l. pecunie, de aliment. leg.* Item si homicidium fecerit, si lenocinium, si adulterium, quæ res exstimationem lædit. Filius si sub iis conditionibus instituitur, non valet institutio, quia hæc conditiones non intelliguntur esse in ejus potestate: non est in mea potestate, quod mihi facere non liceat. Et eleganter ait Pap. in hac lege, *Quæ facta ludent pietatem, exstimationem, verecundiam, &c.* vox est Christiano digna. Duas soleo referre opiniones nostrorum: altera est in *l. 4. de alien. judic.* Prætor non improbat, &c. nam verecundia cogitatio ejus, qui lites exsecratur, laudanda potius quam vituperanda. Obstat huic legi ea quæ præcedit *l. 14.* quæ est de iisdem conditionibus, quæ sunt contrariæ legibus & constitutionibus. Et ait, sub his conditionibus scriptum pure, scriptum videri. Ergo conditio habetur pro non scripta, ergo filiusfam. in hac *l.* sub conditione scriptus, pure scriptus videtur, & proinde capiet hereditatem ex testamento, atque si ea conditio adscripta non fuisset: non infirmabit ergo testamentum, quia pure fuit scriptus, vel intelligitur esse. Eam rem attigit Accursus in *l. 1. h. r.* sed nihil attulit. Distinguendum est inter filiumfam. heredem institutum, & extraneum, ceterosque liberos. Lex hæc 15. est de filiofam. qui non potest institui sub omni conditione: nam non potest institui nisi sub potestativa: lex 14. est de extraneo heredem instituto, ceterisve liberis, qui possunt institui sub omni conditione, *l. 4. de her. inst. §. 1. §. 1.* Unde ita constituimus: Institutione filia, facta a patre sub conditione inhonestæ & turpi vitari testamentum: institutionem alterius personæ non vitari: sed explicanda est ratio diversitatis: lex 15. subijciunt *l. 14.* tacite a *l.* excepit filiumfam. heredem institutum: ergo *l. 15.* facit demonstrat *l. 14.* esse accipiendam de ceteris personis omnibus: sed cedo rationem differentie. Si filiusfam. sit institutus sub conditione illicita a patre suo, in eo prima hæc occurrat ratio, quæ facit, ut non valeat institutio, quia con-

Tom. IV.

ditio non est in ejus potestate, & ideo ab intestato hereditatem vindicat, non ex testamento, quia pro derelicto habetur: hæc est proxima ratio: sequenti ratione utitur extraneus solus, ut efficiat, ne labatur ratio illa adscriptæ conditionis illicitæ, vel turpis, quia impossibilis est conditio: ideo hereditatem vindicat ex testamento: nam conditiones impossibiles scriptæ in testamentis, pro non scriptis habentur, vel pro mendis habentur, *l. 1. §. 1. h. r.* dum ait, sub impossibili conditione, vel alio mendo factam institutionem non vitari: & menda haberi pro non scriptis. Ergo excepto filiofam. ceteri hac ratione, quia impossibilis est conditio, relicta sub illa conditione illicita & turpi, ex testamento hereditatem capiunt, petendo ac si pure instituti essent: nam non tantum impossibilis est conditio, cui rerum natura obstat, sed etiam cui impedimento sunt leges, Senatuse. constitutiones, edicta prætoris, & mores boni tam civiles quam naturales.

Ad L. LXXXIV. de Acquir. heredit.

Ventre præterito, si filius, qui fuit emancipatus, aut ex-
ter, heres institutus sit, quandiu rumpi testamentum potest,
non deservit ex testamento hereditas: sed si vacua ventre
mulier fuerit, & inexto eo, filius in familia retonus vita
decessit, heres fuisse intelligitur emancipatus, aut ex-ter, non
aliter possunt hereditatem quærere, quam si non esse præ-
gnantem sciant. Ergo si ventre pleno sit mulier, nonne in-
quum erit, interea desuntum filium heredi suo relinquere
nihil? Et ideo decreto filio succurrendum est: quia siue fra-
ter ei nascatur, siue non nascatur, patri heres futurus est:
eademque ratio facit, ut emancipato quoque subveniri de-
beat, qui alterutro casu rem omnimodo habiturus est.

TRACTAVIMUS ante hanc questionem in *l. scriptus, de*
Carbon. edit. l. 15. §. ult. de inoffic. testam. l. 4. de
bon. lib. r. Hic proponitur differentia una inter filium
emancipatum heredem institutum a patre postumo præ-
terito, & filium retentum in familia, qui & suus dicitur,
l. nepos, de legat. præst. l. adigere, de jure patron. Et quod
dicitur hic de filio emancipato, idem etiam obtinet in
extero heredem instituto: quia de causa emancipato jungit
extraneum. Sciendum autem est, agnatione postumum
præterito testamentum rumpi: nam si nascatur, nec agna-
scatur (non omnis enim qui nascitur, agnascitur, sed qui
nascitur agnatus) si inquam, nascatur & non agnasci-
tur, testamentum valet, *l. 3. §. ex his, de inoff. r.* ut si abor-
tum factum sit, *l. 2. de post. her. inst.* Idem sciendum est,
quandiu speratur postumus frater præteritus testamento
patris, filium emancipatum heredem institutum non
posse adire hereditatem ex testamento, quia nondum
delata est, non posse petere bonorum possessionem edi-
ctalem, secundum vel contra tabulas: filium autem suum
heredem institutum præterito postumo, non posse in-
terim heredem existere patri ex testamento, etsi vel
suis vel emancipatus interim moriatur, dum incertum
est, an postumus nasci possit, & in heredem suum nihil
posse transmittere, *l. cum quidam, §. quod dicitur, & §.*
siue igitur, de acquir. her. l. 16. de lib. & post. l. 4. in fin. de bon.
post. cont. tab. Neuter igitur moriens interim quicquam
transmittit ad heredem suum, non ex causa intestati, quia
nondum fuerat ei delata hereditas ab intestato pendente
causa testamenti, quod potest valere non nato postumo:
non etiam delata ex testamento, quia in eo erat testamen-
tum, ut rumpetur, si nasceretur postumus. Et hoc ita
procedit, si revera mulier fuerit prægnans. Hoc casu nihil
distat suus ab emancipato, quia siue hic, siue ille moria-
tur, interim nihil transmittit. Sed si putetur mulier esse
prægnans, quæ non est, filius emancipatus institutus, qui
mulierem esse prægnantem putat, interim non potest
adire, dum incertum est, an postumus nasci possit. Ex
quia non adivit, nec potuit, nihil transmittit, & heredi-
tas non adita non transmittitur: & si forte adivit, nihil
egit, quia præstinavit adire. Emancipatus, nisi sciens
certumque uteri vacui, non acquirit hereditatem, etiam si
adeat: suus acquirit hereditatem, etiam si adeat: suus ad-
que

C e

quirit etiam ignarus, & existimans mulierem esse prægnantem, quæ non erat. Suus acquirit hereditatem ipso jure, etiam invitæ & ignorans statim atque delata est, morte patris: emancipatus acquirit iusta & tempestativa additione. Suus heres existit, emancipatus fit. Et ideo si mulier non fuerit prægnans, quamvis suus hoc ignoraverit, intelligitur patri heres extitisse ipso jure; & si decesserit, antequam constaret mulierem non esse prægnantem, ad heredem transmittit, *l. cum quidam, §. suum, hoc l. illud, si pars hered. pet.* Et hæc est differentia inter suum & emancipatum circa causam transmissionis: cui, ut dixi, locus est, si mulier fuerit ventre vacuo: nam si ventre fuerit pleno, & eo incerto moriatur filius suus, vel emancipatus, neuter quicquam transmittit ad heredem suum, quia nec ex testamento heres fuit, quod pendebat ex spe præteriti postumi, nec potuit esse heres vel hic, vel ille ab intestato, propter testamentum, quod nondum ruptum erat: nam quandiu testamentum subsistit, cessat ius legitimæ successionis ab intestato, *l. quamdiu, hoc tit.* Ergo si mulier sit utero plena, neuter intelligitur quidquam transmississe in heredem suum. Sed illud videtur esse iniquum, ut nihil suum vel emancipatus transmittat in heredem, quia per eos factum non est, quo minus hereditatem acquirerent: sed non quaeritur: quia nec potuerunt propter spem postumi. Iniquum ergo videtur, ut rem patris amittant morientes interim, nec eam transferant ad heredes suos, ac propterea iniquum videtur, nihil eos transmittere: quia si postumus nascatur, siue non, in omnem eventum ad bona patris perventuri sunt: si postumus nascatur, concurrent ei in successione intestati: si vero non nascatur, ex testamento rem patris obtinebunt. Iniquum est repelli eos, si interim moriatur, qui si viverent, omnimodo erant perventuri ad bona patris. Tollenda est igitur hæc iniquitas remedio decreti. Ius civile iniquum est sæpe, asperum, & rigor juris dicitur. Verum subveniendus filio vel suo, vel emancipato ventre præterito, nec vacua muliere, data interim bonorum possess. decretalis secundum vel contra tabulas: nam cessat edictalis secundum tabulas, quasi non nascituro postumo: contra tabulas, quasi nascituro postumo, & commissuro edictum, ut scilicet, tam institutus frater, quam ipse postumus veniant ad bonorum possessionem contra tabulas, ac siambo præteriti essent & alius institutus: Hoc est, *committere edictum*. Diximus emancipato comparari exterum: an ergo subveniendus etiam extero heredi instituto ventre præterito, non vacua muliere? Sic videtur: subvenimus enim decreto extraneo heredi instituto, & proderit decretum, si forte postumus non nascatur, ut si ante mortuus sit, exter intelligatur transmississe, *l. scriptus, de Carbo. edict. l. 41. l. 42. §. ult. de bon. libert.* Sed si postumus nascatur, in hunc casum nihil subveniendus extero, id est, decretum non complectetur hunc casum, quia natus postumus penitus exterum excludit, non fratrem. Et hæc omnia confirmantur, *l. 4. §. tutor, l. seq. de bonor. poss. cont. tab. l. 1. §. 1. ad Senat. sc.* Tertull. Confirmatur a simili ab his, quæ diximus in *l. 1. de bon. poss. fur.* dari curatori decretalem bonorum possessionem furiosi nomine, quod deficiat edictum, vel hereditas transmittatur ad heredem furiosi. Quæ jure cessat transmissio, inducitur remedio decreti: & non tantum remedio decreti filio subvenitur, sed & heredibus filii tam emancipati, quam sui. Finge: cessasse filium, & non petiisse bonorum possessionem decretalem, an ea res fraudi erit heredibus? Minime: nam prætor fingens quodammodo filium patri heredem extitisse, dabit bonorum possessionem. Emancipatus sciens acquirit bonorum possessionem, suus ignorans. Bene alterutro, ut in *l. conditionum, de condit. & demonst.* Obstat *l. si filius, de lib. & post.* quæ ponit, si filium suum heredem institutum, nullo dato coherede, vel substituto, quod etiam hic ponendum, & postulum præteritum, & interim, dum incertum est, an postumus nasci possit, filium decessisse, deinde natum postulum rupsit testamentum. Quo casu lex ait, filium suum videri moriendo patri heredem

A extitisse ab intestato, quia, quæ mortem eius secuta est agnatio postumi, declaravit, fuisse locum causæ intestati: Quod si ita est, ergo transmittit, nec opus est decreto, quoniam illa lex ait, jure ita procedere. Diceret quis contra sententiam illius legis; imo filius neque ex testamento, neque ab intestato eo tempore, quo moritur, patri intelligitur heres extitisse, quia nondum erat certum nasci postulum, vel non nasci, id est, quia nondum erat certa causa successionis, & qui non est certus, non potest succedere. Sed potes dicere, fuisse causam certam successionis intestati, quia moriente filio, desertum est testamentum patris: deseruit autem mortuo herede scripto, non adquisita hereditate: hoc casu autem filius non habuit coheredem vel substitutum, & ideo moriente filio in ipso articulo mortis, pater fit intestatus, non autem postea nato filio: postumi agnatio non rumpit testamentum, quod jam nullum fecerat destitutio heredis scripti, *l. 5. de inj. rup.* sed opus est filio decreto, quod tamen non exigit *lex si filius*, sed loquitur de filio suo, & de jure civili: suo non est necessarium deestum, quia jure civili heres existit: jure prætorio est necessarium decretum, ad quod pertinet *l. ventre*. Igitur prætor non novit existentiam sui heredis, sed missionem: filium suum non habet pro herede nisi miscuerit de bonis paternis. Emancipato autem filio, de quo non loquitur *lex si filius*, necessarium est omnino decretum ventre præterito. Restat quæstio, quid sit dicendum, si ventre pleno pater intestatus decesserit? Si pater intestatus decesserit filio uno relicto, vel uxore prægnante, invenimus in plerisque idem jus esse sui & emancipati: rationem tantum esse diversam in acquirenda hereditate, suum existere, emancipatum adire; suum ignorantem, emancipatum scientem: in quibusdam autem esse discrimen inter suum & emancipatum. Et primum ventre exheredato, filio instituto vel suo, vel emancipato, post mortem patris ei statim deseruit hereditas ex testamento, & sius heres existeret, & transmittit ad heredem suum, etiam si moriatur, antequam partus edatur. Emancipatus filius poterit adire hereditatem, & transmittit non expectato postumo, *l. cum quidam, §. siue igitur, de acq. her.* Exheredato autem postumo datur querela inofficiosa adversus heredem scriptum, qui ex testamento extitit, vel factus est heres. Exheredari potest postumus, licet nihil male mereri possit de patre, quoniam nunquam vidit, quia scilicet, in perpensa causa exheredationis non tantum incipit merita exheredati, sed etiam merita matris, & sæpe, qui est bene meritis, jure exheredatus censetur, si mater fuerit male merita, ut si dicatur ex adulterio susceptus, quod tamen nondum probatum sit, *l. 3. §. si emancipatus, de bonor. poss. contra tab.* Quid autem fiet, si instituti sint postumi, vel si institutus sit postumus: nam in institutione, & in legato, & in tutela, appellatione postumi, etiam plures continentur, & qui postumum instituit, vel postumo legat, vel tutelam dat, pluribus natis, omnes instituisse, omnibus tutores dedisse, legasse omnibus videtur, *l. qui filius, §. 1. de legat. 1. l. 7. de reb. dub. l. si quis ita, §. 1. ff. de test. tut.* Quod non ita obtinet in exheredatione, quæ est damno: nam postumo exheredato, pluribus natis nemo exheredatus intelligitur, *l. 2. de lib. & post.* Si igitur postumus & simul filius jam natus instituti sint ex æquis partibus, filius suus patri extitisse heres intelligitur ex æque, nullo nato: & si medio tempore decesserit, intelligitur integram hereditatem transmississe ad heredem, quasi quæsitam jure agnitionis, existentem. Et hoc constat inter omnes, *d. l. cum quidam, §. suum, l. illud, si pars hered. pet. in pr.* Et consequenter, si filius suus interim petierit a possessore totam hereditatem, vel si ab hereditario debitor petierit totum id, quod patri debitum erat, nullo nato, recte egisse videtur, & si victus fuerit, videtur rem totam amisisse, *l. si pater, de solut. inf.* Et hoc, si postumus non nascatur. Quid fiet, si unus, duo, vel plures nati sint? pro qua parte interim filius heres extitisse intelligitur? Hac in re videtur fuisse controversia inter JC. & ita etiam Accurs. affirmat: Nam aliud refertur ex Pomp. in *l. cum quidam, §. suum,*

suum, aliud ex Sabino & Cassio in l. 28. §. ult. de judic. cui est conjungenda l. 3. si pars her. pet. Et Pompon. hac de re argumentatur a toto ad partem, quod solet eadem esse ratio totius, & partis, hoc modo: si nemine nato filius intelligitur heres extitisse ex asse, ergo, pari ratione servata uno nato, intelligitur heres fuisse ex semisse, duobus natis, ex triente, quia scripti sunt ex æquis partibus, tribus natis, ex quadrante, quatuor natis, ex 5. parte, itemque ex sexta parte: & si medio tempore decesserit partu nondum edito, pro numero eorum, qui nati sunt, intelligitur, vel semisse, vel aliam portionem transmisisse in heredem suum, d. §. suum: & si interim petierit totam hereditatem vel totum, quod patri debebatur, antequam certum esset, quot essent nascituri, nec obtinuerit, quidam auctores, ut est proditum in l. si pater, de solut. dicebant, nihil eum perdidisse: puto, quia et si petierit totum, non videtur petiisse partem, cujus erat incertus, d. l. si pater. Sed horum opinionem improbat Jul. merito d. l. si pater, & ait: eum perdidisse petendo totum medio tempore eam partem, ex qua heres fuit, antequam certum esset, neminem nasci, aut tot nasci. Pro qua autem parte interim fuit heres? Jul. non definit palam, sed ait interim: vel igitur fuit heres ex semisse, ergo unus tantum nasci potuit: vel ex triente, ergo duo nasci poterunt: vel ex quadrante, ergo tres: vel ex quinta parte, ergo quatuor. Et ita ponit Jul. sed nihil definit, id est, non definit, pro qua parte interim videatur fuisse heres: hoc tantum statuit: interim pro parte, tantum eum fuisse heredem videtur, & eum partem amisisse petendo totum, non obtinendo. Verum ex d. §. suum, intelligitur Jul. probasse opinionem, quæ tribuitur Sabino & Cassio in l. 28. §. ult. a quibus etiam Jul. profectus est, ut scilicet interim filius intelligatur heres fuisse uno nato, non ex semisse, ut Pompon. dicebat, sed ex quadrante, etiam si unum tantum mulier paritura sit. Ergo tres nasci poterunt. Et hoc accidit non raro, ut nascantur tres: ultra tres nasci rarum est, & portentosum, l. utrum, de rebus dub. Et JC. non spectant ea, quæ raro eveniunt, idcirco non spectant, quinque nasci posse, vel quatuor, vel 7. vel 9. vel 11. Picius Mirandula in hymnis scribit, sua ætate Dorotheam quandam gemino partu genuisse 20. uno 9. altero undecim. Septenos tantum genuisse mulieres JC. prodiderunt inter se JC. Dicebat d. §. suum pugnare cum d. l. 3. si pars her. pet. & l. 28. §. ult. de jud. Quod facile quis crederet statim, sed valde probabo, si dixeris, §. suum, locum habere in suis, de quibus etiam loquitur nominatim, ergo ignorantes heredes existunt: & ideo, si nullum est paritura mulier, tacito jure heredes existunt ex asse: si unum est paritura, ex semisse: si tres, ex triente, quandoquidem cum postumo pro parte heres fuisset scriptus ex æquis partibus: lex 28. locum habet tantum in emancipatis, vel extraneis heredibus, ut scilicet interim non possint adire hereditatem nisi ex quadrante. Et hac distinctione adhibita non infirmabitur argumentum a toto ad partem, quod notandum. Et hac, quæ diximus de filio, & postumo heredibus institutis ex æquis partibus, & de differentia, quæ eo casu intercedit inter suum, & emancipatum, locum etiam habent, si pater intestatus decesserit relicto uno filio, & uxore pregnantæ: namque ab intestato æquales partes sunt, & ideo nullo nato filius suus intelligitur heres extitisse ex asse, uno nato ex dimidia

Tom. IV.

A parte, pluribus natis pro numero natorum, d. §. suum, & l. intestato, §. est autem, de suis, & legit. Emancipatus autem, sive nascatur postumus, sive non, interim adire poterit pro quadrante tantum, qui tamen crescere poterit, & decrescere, d. l. 3. & l. seq. ff. si pars her. pet. Erit in emancipato idem stylus indistincte, sive heres institutus fuerit cum postumo ex æquis partibus, & hereditatem adierit: namque adibit pro quadrante tantum, sive pater intestatus decesserit relicta uxore pregnantæ, & filius emancipatus item petierit bonorum possessionem unde legitimi: namque adire potest ex testamentato, vel bonorum possessionem petere pro quadrante, etiam si incertum sit, quot sint nascituri, id est, etiam si plane nesciat suam partem, modo certus sit de eo, quod agit: modo cetera sciat, quæ eum scire oportet, veluti delatam sibi hereditatem morte patris, l. illud, §. 1. si pars her. pet. Et ita hæc differentia, quam ostendi, valet inter suum & emancipatum etiam ab intestato. Verum nulla est differentia inter suum & emancipatum, si filius sit institutus ex certa portione, veluti ex triente: nam uno vel pluribus natis nihil refert, ex ea tantum portione filius suus extitisse intelligitur. Emancipatus, si adierit hereditatem, quæ extitisse intelligitur, residuum servatur postumis, nullo autem nato, ex asse hereditatem acquisivisse intelligitur, l. illud, §. 1. quasi ab initio asse relicto, l. utrum, de rebus dub. l. her. de acq. her. causa testati trahente ad se causam intestati, vel heredi scripto ex certa portione accrescente residua portione, quæ deficit nullo postumo nato. Et idem, quod diximus in filio emancipato, obtinet in extero herede scripto: nam ab intestato exter non venit.

C Ad L. XXVI. Si quis omis. caus. testamenti.

Julianus scribit, patrem qui filiam sibi substitutam iussit adire hereditatem, legata, quæ ab ipso data sunt ex sententia edicti, præstiturum: quoniam filia patri substituitur in casu, ut non arbitrium eligendi relinquatur, sed si varia legata supra dotantem data sint, eorum prius rationem habendam, quæ a filia relicta sunt: non enim caret dolo patris, qui honore proprio omisso, propter compendium alienam institutionem maluit. Denique si filia pater substitutus adire hereditatem, nihil eum dolo facere Julianus existimat: quia nemo filia patrem contra votum parentum substituere videtur, sed ut arbitrium eligendi relinquatur.

D Heredes sæpe instituimus eos, qui & ab intestato heredes nobis erunt ex æquis partibus. Quid ergo frustra igitur eos heredes instituimus? imo vero non frustra, quia ideo instituimus, primum ut iudicio nostro honoremus; est enim institutio honoris; deinde, ut oneremus legatis, vel libert. relictis, quib. onerari non possent codicillis factis ab intestato, §. præst. l. si de fideicom. her. nihil in codicillis directe factum valet, si fiant ab intestato, vel si facto testamento non confirmantur. Et hinc ex iis plerique heredes instituti, qui & lege nobis essent heredes sine testamento, ut ea onera vitent, omittunt causam testamenti, spernunt testamentum, & amplectuntur hereditatem ab intestato, ne scilicet præstent legata testamento relicta, quæ scilicet ab intestato non debentur. In quo Pap. indicat esse compendium, quoniam integram hereditatem capiunt ab intestato sine deliberatione ulla, & ita fraudem faciunt legatariis, & voluntati defuncti. Quamobrem huic fraudi, doloque malo occurrit prætor hoc edicto, si quis omis. causa. Quomodo occurrit? data in eos utili actione legatorum, causa cognita, perinde atque si ex testamento essent heredes: legata non debentur nisi ex testamento: testamentum nullum est, quia omissum est, desertum, destitutum: ergo non debentur. Sed hoc edicto dolo vindicatur ejus, qui omisit testamentum in necem legatariorum, ita scilicet ut perinde obligetur legatariis, atque si ex testamento hereditatem quævisset. Et etiam edicto locus in substitutis, qui prætermissa substitutione ab intestato hereditatem capiunt, ut loquitur l. si ab intest. h. t. nam & substituti instituti sunt. Quid est substitutio?

C c 2

tio?

tio: Institutio, quæ fit in locum alterius institutionis: vel
 latius, institutio heredis quam quis facit sibi, vel liberis
 suis, non habentibus jus testamentum faciendi, & heredi-
 dis instituendi sibi, in hunc casum, si autem moriantur,
 defecerit: liberis suis, in hunc casum, si autem moriantur,
 quam jus habuerint heredis instituendi. Est etiam huic
 editio locus in patre, qui potuit querere hereditatem de-
 functi per filium institutum: & in domino similiter, qui
 defuncti hereditatem querere potuit per servum herede-
 m institutum, & non iussit adire hereditatem: iustum
 exigitur patris vel domini: non iussit autem adire ex in-
 stitutione filium vel servum dolo malo, ut vel ipso jure ab-
 intestato succederet defuncto, vel filius omisso testamento,
 l. i. §. i. si filius meus, h. t. Et huius rei inspectio proprie
 pertinet ad h. l. Jul. quæ merito subijcitur legi præce-
 denti: lex, quæ præcedit, est de domino, lex sequens est de
 patre: proximitas sive consuium utriusque demonstrat
 hac in re nullum esse discrimen inter dominum & pa-
 trem. Exponamus primum speciem in domino. Dominus
 heres est institutus, & servus ejus substituitur est ei, & ab
 utroque sunt legata relicta: dominus noluit adire ex institu-
 tione dolo malo ne præstaret legata a se relicta gradu in-
 stitutionis, quasi destituta institutione destituatur & id
 omne, quod ei adhaeret: nihil egit: nam ea legata præstabit
 ex sententia ejus editi, salva tamen Fal. nec enim amittit
 Fal. quamvis id egerit, ut intercederet legata, & quantum
 in eo est, intercederunt, l. dua, §. ult. h. t. Nunc ponamus spe-
 ciem in patre eodem modo: Pater institutus est heres, fi-
 lius ei substituitur est, ab utroque relicta sunt legata: pater
 noluit adire ex institutione, iussit filium adire ex substitui-
 tione: præstabit legata non tantum relicta a substituto, sed
 & legata relicta ab instituto, quia filius vel filia substitui-
 tur patri: non ut arbitrium eligendi eis relinquatur, utrum
 ex institutione suo nomine hereditatem acquirat, an per filium ex substitutione: non, inquam, ut ei relinquatur
 arbitrium querendæ hereditatis ex institutione, vel ex substitutione, utrum maluerit, sed filius vel filia substitui-
 tur patri in casum, puta, si acciderit, ut pater non possit
 adire, vel si pater ante aditam hereditatem mortem obie-
 rit. Et ita dixit in casu l. i. §. i. ut leg. nom. cau. l. filium, §. i.
 de fidei. lib. aliter in eventu, l. sed est dim. in fine acq. her.
 Ergo pater, qui omisit institutionem, & filium substitutum
 sibi iussit adire ex substitutione, legata a se relicta etiam
 præstabit ex sententia huius editi. Ergo non caret
 dolo pater, qui honore suo omisso, id est, neglecta institu-
 tione, mavult alienam institutionem, id est, substitutionem
 filii, cuius emolumentum ad eum redit, qui affectat com-
 pendium illud, hoc est, integram hereditatem sine deli-
 batione legatorum. Et potest hæc sententia aptari multis
 casibus, & aptari audiri in Senatu contra aliquem, qui
 quod compendiosior esset cathedra juris civilis, optabat
 deponere cathedram juris canonici. Si non caret dolo
 malo pater, ergo incidit in hoc periculum, & perinde ob-
 stringitur legatis a se relictis, atque si institutionem suam
 non omisisset, hoc est, si honorem suum non sprevisset.
 Dices. Pap. scriptum esse ex sententia editi: imo est ex me-
 ro jure, hoc est, constitutione Severi, qui vult, ut legata
 relicta ab instituto, debeantur a substituto, l. licet, de leg.
 i. l. si Titio, §. Jul. de leg. 2. l. non iustum, C. ad Treb. Legata
 sunt relicta a patre instituto, ergo debentur a filio substituto,
 vel ab eodem patre instituto, ad quem redit com-
 modum omne substitutionis. Hoc igitur ex constitutione
 Severi: nam ultra sententiam editi, ultra editum ita
 jus se habet, cui objectioni ut respondeam, sunt distin-
 guenda tempora. Quod est scriptum in l. præc. est ex Cel-
 so: quod in hac l. ex Jul. quorum ætate, legata relicta ab
 instituto non debebat substitutus d. §. Jul. sed post
 constitutionem Severi, aliter, l. Celsus, §. ult. eod. nondum
 exierat constitutio Severi. Celsus & Julianus non habue-
 runt notitiam constitutionis Severi, cui fraudi obviam
 ire prætor. Verum adjicere etiam in hac priori parte hu-
 jus l. si legata sine relicta tam a patre instituto quam a
 filio substituto, & pater omissa institutione iusserit filium
 adire ex substitutione, & utraq; legata simul juncta exce-

dant dodrantem, ita ut interveniat Falcidia, Pap. ait,
 prius haberi rationem legatorum relictorum a filio vel
 filia substituta patri, hoc est, solvi prius ea legata, si so-
 la non excedant dodrantem, separata a legatis relictis a
 patre, & deinde ex legatis relictis a patre instituto detra-
 hetur Fal. quia per se sola, quæ vel sunt relicta ab institu-
 to, vel a substituto, non excedebant modum legis Fal-
 cidie: juncta excedebant, sed non commiscebantur. Prius
 enim habebitur ratio legatorum relictorum a filio, &
 persolverentur non detracta Fal. si non excedant dodran-
 tem, deinde ex legatis patris detrahetur Falc. Sed huic
 sententia obstat l. Nesen. §. pen. ad l. Fal. quæ lex loquitur
 quidem non de patre, sed de domino, quod idem est. Ve-
 rum ait d. lex, prius solvi debere legata relicta a patre, vel
 domino herede instituto, & tunc eorum legatorum rati-
 onem haberi, quæ relicta sunt a filio vel servo: nihil
 est, quod magis adversari possit Pap. Ratio concordia sum-
 menda est ex ea distinctione temporis, quam exposui an-
 te. Ea l. Nesen. est Pauli, cui non erat incognita consti-
 tutio Severi, erat ignota Juliano & Celsi. Nunc dicam,
 in h. l. prius habetur ratio legatorum relictorum a filio
 substituto, quæ ipso jure debentur, cum ex substitutione
 adita sit hereditas: legata autem relicta a patre instituto,
 ipso jure non debentur ante constitutionem Severi, sed
 debentur ex mente huius editi: & rursum ex mente, non
 ex verbis. In l. Nesenius, legata relicta a patre institu-
 to vel domino, ipso jure debentur ex constitutione Severi,
 & priora sunt, quæ relinquunt ab instituto: posteriora,
 quæ relinquunt a substituto. Ergo merito priorum prior
 habetur ratio, cum utraque ipso jure debentur: nihil est
 evidentius. Possimus casum in patre herede instituto, &
 filio ei substituto, patrem omisisse institutionem, filium
 adisse ex substitutione iussu patris, nec de eo casu quic-
 quam amplius refert. Sed quaeritur, quid sit dicendum
 contrario, si filio heredi instituto, substituitur pater, & pater
 non jubet filium adire ex instituto, sed adeat ipse suo nomi-
 ne ex substitutione, an præstabit legata a filio relicta? Et ait
 prudentissime Pap. non præstatur legata patrem a fi-
 lio relicta ex sententia huius editi: quia hoc editio do-
 lus tantum vindicatur, & hoc casu dolo caret pater, qui
 mavult adire ex substitutione, quam filium ex institutio-
 ne. Sed ostendo dolo carere patrem, & priore casu dolo
 factum videri. Ratio est elegans: est quidem pater sub-
 stitutus filio, sed non est proprie substitutus. Nam sub-
 stitutus est, quæ conferunt in casum, si telle chose advient.
 veluti, si filius prior defecerit superstiti patre: quomodo
 accipies hanc patris substitutionem? Erit præpostera sub-
 stitutio patris, erit contra naturam, contra commune
 votum parentum: nam illi volunt, ut superstitis sint filii
 illis. Nec videtur hoc cogitasse, rem non naturalem, nec
 optabilem parenti, cum non substituit filio. Ergo non vi-
 detur substituisse patrem filio, ut plane ita haberetur,
 sed ut ei relinquere arbitrium eligendi: nihil gestum
 contra voluntatem eligendo substitutionem. Ergo hoc
 maxime voluisse videtur testator, l. i. §. si proponi, hoc. t.
 Idem institutus est, & sibi ipsi substitutus, quod quandoque
 fit recte, l. sed est plures, §. ult. de vulg. sub. Ab institutione
 relicta sunt legata, a substitutione forte nulla: substitutio
 est compendiosior, omittit institutionem, & amplecti-
 tur substitutionem, an incidit in hoc editum? minime,
 quia ei potestatem eligendi testator reliquisse vi-
 detur: dolo caret, qui sequitur voluntatem defuncti.

Ad L. Peculium LXV. de Leg. II.

Peculium legatum augeri, & minui potest, si res peculii
 posita esse incipiant, aut desinunt. Idem in familia erit, si res
 universam familiam suam, sive certam veluti urbanam, aut
 rusticam legaverit, ac posita servorum officia, vel ministeria
 mutaverit. Eadem sunt testicularis aut pedissequis legatis.

§. i. Quadrage legatum, ego posita moruo, perire
 quidam ita credunt, si equus ille deceat, qui demonstra-
 tas quadrigas: sed si medio tempore deminata supplea-
 tur, ad legatum pertinebit.

§. 2. Titio Stichus legatus, post mortem Titii libertatem accepit, & legatum adita hereditate, & libertas post mortem Titii competit. Idemque est, etsi moriente Titio liber esse iussus est.

§. 3. Si tamen Titio ex parte herede instituto, servus legatus sit, & post mortem ejus liber esse iussus sit, sive adierit hereditatem Titius, sive non adierit, post ejus mortem libertas ei data est, defuncto ejus libertas competit.

Multum interest, quæ res cuique legetur, quove nomine, communis an proprio. Aut res una legatur, aut plures; si plures, aut singulatim propriis nominibus, aut generatim & universæ: si singulatim res legentur, quot sunt res, tot legata sunt, ut in stipulationibus, *l. sci-re, de verb. obligat.* Si uno nomine res plures legentur, ut si grex legetur, aut peculium, unum est legatum, *l. 9. hoc tit.* Enumeratio singularum rerum scindit legatum. Verbum generis contrahit legatum. Unum autem legatum pro parte agnosci, pro parte repudiari non potest. Plura si sint legata, unum agnoscere, alterum repudiare nihil vetat. Accurrit res singula, aut ejusmodi sunt ut minui vel augeri non possint, ut si legetur homo: aut sunt ejusmodi, ut minui vel augeri possint, ut si legetur fundus, autgetur alluvione, minuitur eluvione, *l. 2. h. t.* Idem erit, si grex legetur, legatum augetur aucto grege, minuitur minuto grege, *l. 22. de leg. 1.* Idem est etiam, ut hic ostenditur, si legetur peculium: Nam peculium etiam accessione & decessione recipit, §. si peculium. *Inst. de leg. Atq;* ita sicut res singula, aliz augeri & minui non possunt, ut homo, aliz possunt, veluti fundus: ita res uno & generali nomine comprehensæ, aliz minui vel augeri possunt, ut grex, ut peculium, addantur etiam familiæ ex hac lege. Nam legatum familiæ minuitur, si legata familia urbana, quidam ex servis urbanis ad opus rusticum transferantur, & augetur, si ex rure quidam in urbem transferantur. Familia est universitas servorum, quo nomine utitur etiam hodie, demonstrando eos, qui apparent iudicibus, apparitores, quod essent olim servi publici. Hoc autem loco Pap. ait, familiam dividi in officia & ministeria, prætermittit artificia. Igitur textor, fullo, liber, non videtur esse ex familia, & non sunt in ministerio & in officio: nam familia dividitur tantum in ministeria & officia. Offitarius est in officio, ut dispensator, vel artiensis: in ministerio est, qui est ab argento, a scyphis, a vocalis: ministrat, qui honoratior existimatur ceteris, sicut actor etiam, qui administrandum rerum domini officio incumbit, ceteris honoratior est, *l. 5. de man. test.* Subjicitur autem in hac lege, legatis quoque servis lectionariis, aut pedisequis, etiam legatum minui posse, si quidam ex his ad aliud ministerium transferantur vivo testatore. Plerumq; autem legabantur octo lectionariis, *l. 4. & 8. §. 1. de leg. 1.* Mart. Octo Syris suffulta datur lectiona puella. Vel sex, qui dicuntur *teu-ropoi*. Pedisequi autem, qui comites dicuntur, & pedagogi, plerumq; legabantur 10. & inde optio legata 10. servorum, *l. pen. de opt. leg.* Sed quod attinet ad optionem servorum ad lectionem: si decem ad comitatum, nullus est labor: sed quid si legetur optio servorum simpliciter, quot eligi poterunt? Er definitur *l. 1. cod. de res. tres* tantum eligi posse, quod congruit maxime frugalitati veterum. Athenæus lib. 6. ait Cæsarem in Britannica expeditione habuisse tantum tres servos. Valer. 4. Catonem superiorem ait, Hispaniam rexisse comitatum tribus servis: nec ergo, cui servorum optio legata est, plures quam tres optare potest. Aliz igitur res sunt uno & generali nomine comprehensæ, quæ quandoque augmentum & decrementum non recipiunt, & sumito exemplum ex §. quadrige. Quadriga legata est, unus equus perit: videndum est, qualis ille equus sperit: nam si fuerit eminentior equus, ut est in Basilicis: omnium præstantissimus, qui demonstraret quadrigam, hoc est, ex quo potissimum quadriga clarescat, si equus perierit, extinctum potius, quam minutum legatum videbitur: ergo ceteri equi non debentur: si suppleatur autem ille equus vivo testatore, redintegrabitur legatum. Ceterum superfluo illo equo, qui demonstrabat quadri-

gam, & altero precepto, legatum deminutum intelligitur, non extinctum: maxima igitur ejus pars superest. Scio de quadriga quæri inter alios professores, an quadriga intelligatur sine rheda? Id vero nemo melius expedit possit, quam Juræconsultus. Quadriga intelligitur sine curru. Fateor quadrigam haberi, ut jungatur ad currum, sed nego ita quadrigam accipi, quasi junctam curru, alioqui quadriga legata deberetur currus, quod est falsum: nam neq; legatus est, cum quadrige nomine contineantur equi quatuor, *l. si id quod, pro soc. l. 10. §. ult. quib. mod. ususfruct. amitt.* Et non cedit legato quadrige currus, ut pars vel accessio: ergo perse intelligitur, quoniam perse currus alia res est, sine qua quadriga intelligitur, licet ad currum jungi soleat, sicut argento legato non cedit arca, *l. argen. de legat. 2. l. 3. §. ult. de pen. leg.* Deniq; quadriga est nomen numeri, idque intelligitur perspicue translato eo nomine quadriga ad alias res, non ad equos, ut cum Varro ait, esse quadrigam initiorum, corpus, locum, tempus, actiones, & Vopiscus, quadrigam tyrannorum vocat, & Hieron. ad Jovin. quadrigam virginum, quatuor filias Philippi, de quibus in act. Apostol. ad Paulinam, quatuor easdem quadrigam domini, & quadrigam sanctitatis.

Quod in ultima parte hujus legis Papinianus tractat, pertinet ad hanc speciem: Servum legavi Titio, & ei servo post mortem legatarii dedi libertatem directam, hoc modo, cum morietur Titius, liber esto: quaeritur, an valeat legatum servi, cui est legata directæ libertas? Namque videtur non valere secundum id, quod dicitur, efficaciam esse libertatem legato, puta si idem servus legatus, & liber esse jubeatur: sive prius sit legatum, sive posterius, dicimus, prius adscriptam libertatem esse priorem, nisi fuerit evidens voluntas testatoris, qui legato posteriore voluerit adimere priorem libertatem, quoniam hodie potest adimi libertas, olim non potuit, *l. 14. & l. legatarius hoc tit.* videlicet, si idem servus sit legatus, & liber esse iussus simpliciter: sed si iussus sit liber esse post mortem legatarii, vel cum morietur legatarius, utrumque valet: legatum valet adita hereditate, libertas valet mortuo legatario, atque ita tacite legatum videtur relictum ad tempus. Et idem esse ait Papin. si quis sit heres institutus ex parte, & ei sit legatus servus a coherede, & post mortem ejus eidem servo sit relicta directæ libertas: nam etiam si hic heres, idemque legatarius non adierit hereditatem, capiet legatum servi, sed evanesceat legatum eo mortuo: interim valebit, etiam si ipse non adierit hereditatem, ut confirmat *l. si servus, & seq. de vulg. substit.* & *l. qui filio, in princ. de her. instit.* ubi ponitur servo legato non tantum data libertas directæ, sed etiam hereditas filii impuberis, hoc est, ponitur servus legatus substitutus pupillo a parte post mortem legatarii, vel etiam post mortem impuberis; evanesceat legatum existente conditione substitutionis; consistit interim, non est igitur prorsus inutile tale legatum. Er hoc voluit Pap. non consumpsit omnino legatum libertatis datio. Obstat *l. si post mortem, §. pen. de leg. 1.* Lex idem omnino ponit, servum legatum Titio, & post mortem Titii servo adscriptam directam libertatem, & ait, inutile esse legatum, quia certum est inquit, Titium moriturum; ergo competituram libertatem, si modo servus supervixerit Titio. Igitur certum est, Titium moriturum, sed non est omnino certum competituram libertatem. Quid enim si præmoriatur servus? Ergo, ut ait, legatum est inutile, & tamen hic Pap. ait competere, hoc est, deferri adita hereditate, valere statim atque adita est hereditas. Res non est difficilis, si quod ait *l. post mortem, §. pen.* & in hoc §. conferatur modo hic casus cum casu, qui præcedit: non habita ratione ad casum, qui præcedit, hoc casu legatum est inutile. Duo sunt casus in illo §. ult. Prior est, quem ita demonstrat: legavi Titio servum pure, & ei dedi libertatem sub conditione: hoc casu ait, legatum non valere adita hereditate, si pendeat conditio, sed esse in suspensio, legatum pendere: non possumus dicere id esse utile ab-

scise, vel esse inutile, quia pender: videtur enim legatum relictum sub contraria conditione. Ideoque si existat conditio libertatis, perimitur legatum: si deficiat, pertinet ad legatarium. Ergo legatum est conditionale, ac proinde, si medio tempore moriatur legatarius, non transmittit legatum ad heredem suum. Posterior casus hic est: legavi servum Titio pure, & post mortem Titii servo dedi libertatem, quarebatur in *d. l. si post mortem*, §. pen. an etiam hoc legatum esset conditionale propter transmissionis causam? Et lex ait, esse inutile, non esse conditionale, sed statim pronuntiari inutile, non quod eo interim non fruatur legatarius, sed quod futurum sit, ut evanescat præmortuo legatario.

Ad L. V. de Servit. leg.

Esse maximo testamenti factio cum servis alienis ex persona dominorum est, ea tamen, que servis relinquuntur, ita valent, si liberis relicta possent valere: sic ad fundum domini via servo frustra legatur.

Proponuntur in hac lege duæ regulæ. Una est vetus regula juris antiqui, cum servis alienis esse testamenti factionem ex persona dominorum, *l. 12. §. res de leg. 1.* Altera regula est nova, introducta a Juliano Jurconsulto, quæ præceptum dicitur in *l. debetur*, §. pen. de leg. 2. Regulæ juris sunt præcepta juris. Hæc tria illa præcepta, honeste vivere, alterum non ledere, jus suum cuique tribuere, sunt summæ regulæ juris. Primo prohibemur ab injuria, quam inferimus nobis ipsis, ne mortem nobis consciscamus, ne dissolute vitam agamus, ne ullo nos contaminemus stupro, ne ullam nobis infamiam contrahamus. Secundo & tertio præcepto, prohibemur ab injuria, quam inferre possumus alteri. Secundo, ne quid adimamus alteri, ne vitam ac honorem injecta contumelia. Tertio prohibemur, ne quid retineamus ex alienis, ne depositum non reddamus, ne debitum non solvamus, ne legatum a nobis relictum non præstemus. Verum ad rem. Servus non habet jus stipulandi, nisi sit servus ejus, qui stipulari possit, *inst. t. de stip. ser.* Et similiter servus heres institui non potest, nisi & cum domino ejus nobis sit testamenti factio, *d. reg.* Et quod dicitur in *l. filius. qui test. fac. pos.* servum alienum habere testamenti factionem, sic accipiendum est, si & dominus ejus habuerit: nam ex persona domini servus vel capax esse intelligitur, vel incapax: imo nec videtur esse servus, nec ulla esse persona servi, nisi per personam domini: servus enim dominus personam imponit suam, alioqui pro nullo habetur: potest servus esse sine domino, & is plane pro nullo habetur: nam non est, ex cujus persona ipse personam suscipiat, nec vero suscipere ex alio potest quam ex domino, cujus in potestate est. Et hæc est vetus regula juris civilis, quæ proponitur initio *h. leg.* Ait cum servis alienis. Cum servis propriis autem non est testamenti factio, quia nec cum nobis ipsis: cum servo meo non est mihi testamenti factio. At cum libertate, id est, si servo meo adscripsero libertatem, est testamenti factio: & similiter adscripta libertate fideicom. mihi cum servo ejus cum quo mihi testamenti factio non est, testamenti factio est. Huic veteri regulæ subjicitur in hac lege nova regula, Juliani esse colligo ex *l. deb. 82. §. servo alieno*, de leg. 2. Regula hæc est: in legatis, servi persona inspicitur: abutimur nomine personæ. Vel sic: ex persona servi legatum, quod ei relinquitur, ita vires accipit, id est, id demum servo recte legatur, quod & ei libero possit legari; & contra, servo non legatur recte, quod ei libero non possit legari. Ex causa igitur civili æstimatur, servo recte legetur necne, sicut dicitur in *l. non sol. §. ult. de pec. ex causa civili* æstimari, an servus domino obligetur. Causa civilis est ex qua cives Romani, vel liberi homines alii secundum jus suæ civitatis obligantur. Mutuum facit debitores liberos homines: ergo & servum: nuda ratio non facit debitorem liberum hominem, puta si

quis rationibus suis præscribat, se aliquid debere Titio, cum omnino, nec mutuum acceperit a Titio, nec ulla causa debendi præceperit: nuda illa ratio non facit debitorem, *l. nuda*, de don. quod & comprehendit *d. l. non solum*, nuda ratio non facit donationem, ut scilicet videatur donasse, cum scripsit se debere, quia donatio traditione perficitur, & nuda illa scriptura non habetur pro traditione: sunt scilicet traditiones quadam, ut retentio ususfructus, *l. quisquis*, C. de donat. Precarii conventio, quæ fit hodie frequenter, pro traditione habetur, ut si constituam me precario possidere, me impetratam possidere abs te rem, quam tibi donatam volo; sed nuda scriptura pro traditione non habetur: denique nuda ratio donationem non facit liberum hominem; nuda ratio liberum hominem non facit debitorem; ergo nec servum, quæ est sententia *d. l. non solum*, §. ult. Ac rursus libero homini non potest legari via ad fundum alienum: ergo nec servo ad fundum domini: certe non ad fundum extraneum, imo nec ad fundum domini, quia fundo donisfit ex personam domini non potest acquiri servus, imo nec communis fundo per unum socium, *l. proprium*, com. præd. Unde notandum est valde, testamenti factionem esse separandam a rebus singulis, quæ servo alieno legantur: sunt duæ regulæ separatæ: una est de testamenti factione, altera de rebus singulis servo alieno legatis. Separatio hæc est: testamenti factio est cum servo alieno ex persona domini, si & cum domino sit testamenti factio: legatum autem rerum singularium in servo alieno donisfit ex persona servi, non ex persona domini, non consistit ex persona domini: Nam est domino, ea quæ legantur non possint legari, servo tamen ejus legatur utiliter, si modo liber factus ea capere possit: ut res propria domini certe domino legatur inutiliter, servo ejus legatur utiliter, & effectum habet legatum, si manumissus fuerit ante diem legati cedentem. Item quod domino pure debetur, frustra legatur: quod debetur sub conditione, recta legatur: quia legato inest commodum representationis, quia ex eo legato capiet statim, quod non caperet antequam existeret conditio, *d. l. debetur*, in princ. sed quod pure debetur, domino frustra legatur, servo tamen ejus frustra non legatur, & valet legatum, si die legati cedente liber inveniatur. Ergo legatum servo alieno relictum consistit, si hic liber factus capere possit, licet dominus ejus capere non poterit, ut contra legatum relictum servo alieno non valet, si liber factus id capere non poterit: ut si legetur ei via ad fundum domini, quamvis dominus id capere poterit. Denique ut legem servo alieno, desidero quidem, ut ejus dominus sit capax, id est, ut sit cum eo testamenti factio: non desidero, ut rem, quæ legatur, dominus ejus jure legari capere possit: satis est, si in universum censetur esse capax: Diximus servo alieno frustra legari viam ad fundum domini, & legatum relictum servo alieno valere ex persona servi, non domini. Obstat *l. si unus ex dominis*, de serv. rust. præd. *l. 7. §. ult.* & *l. 17. de stip. ser.* quibus locis ostenditur, servum alienum recte stipulari viam ad fundum domini. Cur non legatur recte servo aliena via ad fundum domini? Et est profecto verum, quod ait Acc. hanc esse differentiam inter stipulationem & legatum: sed enarranda est differentia ratio. In stipulationibus five pure, five conditionales sint, & generaliter in contractibus, quos omnes stipulatio circumambit, spectari tempus contractus. Valere igitur eas ex persona domini, qui servum stipulantem eo tempore habuit in potestate: nam stipulatio, etiam si sit condicionalis, ex eo tempore censetur: & conditio post existens retrotrahitur ad tempus contractus, & hoc commodum omne stipulationis pertinet ad dominum, etiam si servus postea manumissus sit: in legatis autem non spectatur tempus, quo legatur, sed spectatur tempus, quo dies legati cedit. Fieri autem potest, ut qui tempore testamenti erat servus, cuique adscriptum est legatum, die legati cedente, inveniatur liber, & ob id persona servi inspicitur, nec valet legatum ei relictum, nisi & is li-

ber

ber id capere potuit die legati cedente. Ex quo principio juris, videlicet, ut in stipulationibus spectetur tempus contractus: in legatis tempus cessionis, sequuntur multe conclusiones: primum, ut stipulatio conditionalis conferatur, id est, ut frater fratribus suis conferat, quod ei deberur sub conditione, quoties agitur de paterna successione: ergo statim dies cedit, licet petitio suspendatur ex conditione, l. 2. §. id quoque, de collat. bon. Item si filiusfamil. sit stipulatus sub conditione, & pendente conditione emancipatus sit, deinde extiterit conditio, competit actio ex stipulatu patri, l. si filiusfamil. de verb. obligat. legari petitio competet filiofam. non patri existente conditione post emancipationem: & eadem ratione filiusfamil. de eo, quod stipulatus est sub conditione, pacisci non potest, l. §. heredi, §. filiusfam. de pact. de legato pacisci potest. Præterea stipulatio conditionalis transmittitur in heredem: quia statim valet, & ex præsentis tempore censetur, §. ex conditio. Instit. de verb. obligat. legatum conditionale non transmittitur mortuolegatario medio tempore. Et hoc est, quod dicitur, stipulatorem conditionalem esse creditorem: legatarium conditionalem non esse creditorem, l. is cui sub conditione, de obligat. & act. conditionales stipulationes retrahit ad tempus contractus, quod observari semper volumus, l. prior, §. videamus, qui pot. in pign. Conditio legati non retrahitur ad tempus testamenti vel mortis. Item servus hereditatis (is autem est servus hereditatis, quæ jacet, id est, quæ novum adita est) usufructum inutiliter stipulatur & pure, & sub conditione: cur? quia usufructus non constituit sine persona, & hic servus personam non habet, nec etiam est, cujus personam sibi adroget, quia jacet hereditas. Legatur tamen servo hereditario recte, l. usufruct. de stip. serv. Quæ omnia manant ex illo principio, quod in stipulatione spectetur tempus contractus, in legatis tempus quo dies cedit. Ac postremo, si unus ex sociis legat communis servo sine libertate, solidum legatum pertinet ad alterum socium, nec cogitur id communicare cum herede socii: cur? quia die legati cedente (quod hodie, & ante leges caducarias cedit statim a morte) illum solum dominum habuit, ei soli solidum acquireretur legatum: sed si unus socius servo communi stipulanti promiserit aliquid, pars ex qua promissor dominus fuit, non acquireretur alteri, id est, pro ea parte nulla est stipulatio, reliqua pars acquiritur alteri: ergo non solidum acquiritur alteri, quia scilicet tempore stipulationis non hunc promissorem dominum tantum habuit, sed & alterum, aut contra, l. §. si servus, ff. de stip. serv. Diximus id demum servo posse legari, quod ei libero legari posset, quæ est regula Juliani. Obstat huic regulæ, quod obicit Marcellus Juliano in notis: Servo alieno ita legatur recte, quoad servus Titio domino suo, l. servo alieno 11. de leg. 1. Et tamen is servus liber factus ad hujusmodi legatum non admitteretur propter illa verba, quando serviet. Ergo servus alienus capite legatum, quod liber factus non caperet: sunt quidam servi, qui manumitti non possunt, ut qui testamentum vel pacto sunt prohibiti manumitti, nunquam ad libertatem pervenire possunt, tit. qui ad libert. per non. his tamen recte legatur & capiunt legatum: non valet igitur legatum ex persona servi. Verum hæc argumenta sunt captiosa. Nam & priore casu servus liber factus caperet legatum, nisi esset apposita illa conditio (quando serviet) hæc enim oratio, quando serviet, conditionem facit, l. 4. de servit. Et posteriore casu si liber fieret, utique caperet legatum. Est igitur, ut est in d. l. debitor, §. servo alieno, calumniosa argumentatio, seu nota Marcelli: est enim ille locus de Marcellis intelligendus, ut constat ex d. §. servo alieno. Et verum est quod Joannes ait, esse captionem, secundum quid & qualiter, id est, captionem in accidenti & attributo: Nam ita Marcellus captionem formavit: id demum servo legari potest, quod ei libero posset legari. Libero non posset legari quando serviet, cum liber sit, non servus: ergo nec servo ita poterit legari: hoc autem est falsum, ergo & illud.

A Vis brevius: si id demum servo potest legari, quod posset libero, non poterit igitur ei legari hoc modo: Quando serviet domino suo. Hoc autem est falsum, ergo & illud. Est captio ex accidente. Nam quod in propositione sumitur simpliciter, ei in assumptione adiungitur conditio: non igitur similis assumptio propositioni, quæ res creat fallaciam, & hic est sensus d. §. servo alieno, in l. debitor, ubi refutatur sophisma Marcelli.

Ad L. XII. de His quæ ut indign.

Cum quidam scripsisset heredes, quos instituire non poterat: quamvis institutio non valeret, neque superius testamentum ruptum esset, hereditas tamen, ut indignis, qui non habuerunt supremam voluntatem abstulit jam pridem senatus hereditatem. Quod D. Marcus in vex persona judicavit, cujus nomen peractio testamento testator indixerat: causam enim ad preceses ararii misit. Verum ab eo legata relicta salva manserunt, de preceptionibus eidem datis, voluntatis erit questio, & legatum ei non denegabitur, nisi hoc evidenter testatorem voluisse appareat.

Duo proponuntur casus, quibus heredi infituito ut indigno, fisco hereditatem auferit: indignus heres est, quem testator vel lex judicavit male merum esse de defuncto, ingratum esse, immerentem, vel quem heredem instituit, non illicitum quidem eum, sed quem instituire nefas atque pudendum, ut nefas est instituire eam, quam nos in matrimonium jure non capimus, l. 2. hoc tit. His duobus casibus testator ipse, quem heredem fecerat, indignum esse honore isto demonstrat: nam indignis hereditibus vel legatariis plerumque fisco admittitur bona, quæ & ereptitia dicuntur utroque fisco admittitur, id est, ut fisco ex ereptis dicitur, l. pen. de jure fisci, l. 26. ad leg. Cornel. de fals. Et ereptitia etiam communi nomine dicuntur caduca, d. l. 2. in fine, si quis alig. test. prob. l. pen. de his, quæ in testam. desunt: nam generali nomine quæcumque obveniunt fisco ex alieno caduca sunt. Strictioni nomine caduca tantum sunt ea, quæ defuncti mortuo testatore, ut si post testatorem heres moriatur ante aditam hereditatem, atque ita caduci nomen modo generaliter accipitur, modo specialiter: & generaliter acceptum comprehendit etiam ereptitia, id est, ea quæ ut indignis eripiuntur. Male autem Accursius in hac l. confundit incapacem cum indigno, & non in hac l. tantum sed & alibi, & ait, idem jus statuendum esse incapacis & indigni: & petenti exemplum incapacis, dant facile exemplum indigni doctores perperam, & inde fit, ut etiam male Accursius hoc loco scribat, incapacem mero jure heredem esse, quia obstat lex, quæ incapacem facit: ac præterea additione hereditatis confundi actiones, quæ inter eum & defunctum fuerunt, & incapaci fisco auferre hereditatem, legata, fideicommissa, quod scriptum tantum est de indigno: confundit titulum precedentem de his, quæ pro non scriptis habentur, cum hoc tit. nam quæ relinquuntur indignis, indigni possunt capere, sed non retinere, l. 2. hoc tit. relictum incapaci remanet apud heredem, vel transmittitur ad heredem legitimum sine onere, quia si est pro non scripto, & onus ei adscriptum, pro non scripto est necessario. Indignus autem relictum fisco auferit cum onere: ne igitur unquam confundamus indignos cum incapacibus. Verum videamus, qui sint hi duo casus, qui proponuntur in hac l. Primus casus est. Quidam priore testamento instituit heredes capaces, quos instituire per leges poterat, posteriore scripsit incapaces, an posteriore testamento ruptum est prius? Rumpetur si posterius varet, id est, si ex eo heres existeret posset: non rumpitur, quia ex posteriori nemo heres existeret posset: namque proponuntur ex eo esse incapaces heredes, qui neque fieri, neque existeret possunt. Quaritur, an heredes scripti priori testamento hereditatem obtinebunt? Quod videtur, quia prius valet, nec ruptum est, & quando testamento

mento locus est, repelluntur legitimi venientes ab intestato. Et sane verum est, heredem fore eum, qui priore testamento scriptus est heres, sed fiscus eripit hereditatem quasi indigno. Indignum est bonis, quem defunctus iudicavit esse indignum, & alio testamento confecto, in quo instituit incapacem, praelit eum incapacem capaci, neque enim ignorabat leges de incapacibus, nec enim poterat ignorare, nec ergo alio sine testatus esse videtur, quam ut notaret, eum esse indignum hereditate sua, quem priore testamento heredem scripserat, non ignorans non valiturum posterius, nec mero iure ruptum iri superius iudicium defuncti: posterius enim si sit inutile, indignum esse coarguit eum, qui ulli testamento scriptus est, id est, priori. Et ita est proponenda species ad priorem partem h. l. nam ponendum est necessario mox illi Senatui ut ita pronuntiaret, voluntatem testatoris: fuisse certa argumenta, quae probarent testatorem priore testamento heredem scriptum indignum esse censuisse, alioqui iniustum esset Senatusconsultum. Nam potest fieri, ut qui posterius testamentum scripsit, ita demum a priore testamento recedere voluerit, si posterius valiturum esset, l. 18. de legat. 3. Fingē: posteriori testamento eodem heredem scripsit, & alia quaedam mutavit, quaedam non mutavit: non valet posterius testamentum, quia omisit solemnia quaedam: heredes primo testamento scripti non sunt indigni, qui & priore & posteriore iudicio defuncti probati sunt, & honorati: Vel fingē: posteriore testamento scripsit capaces, nec valet testamentum propter omisam solemnitatem quandam, an statim existimaveris priore testamento scriptos esse indignos? Sane non temere, nec enim mutamus testamentum semper odio priorum heredum, sed maiore affectu posteriorum. Vel etiam fingē, quod verius est: posterius testamentum scripsit incapaces, ignorans eorum conditionem, errans in facto, veluti colibem heredem scripsit, qui lege Julia & Papia est ex incapacium numero, vel orbem, quem putabat esse patrem: non valet posterius testamentum, quia vitiosa est institutio & illicita. An ideo primo testamento heredes scripti iudicabatur esse indigni? minime: videntur quidem non habere supremam voluntatem defuncti, cum alios heredes scripserit postea, quamvis inutiliter: sed non est usquequaque verum, quod ait Papin. hoc loco, indignum esse eum, qui non habet supremam voluntatem defuncti, in cuius institutione non perseveravit defunctus. Nam fingē, eum heredem scripsisse, & prius quam moreretur dixisse, nolle eum sibi heredem esse, non fecisse quidem aliud testamentum, sed hoc tantum pronuntiasse, intestatum se mori malle, an heres iudicatur indignus, qui non habet supremam voluntatem? minime, l. militis, §. veter. de milit. testam. neque enim iusto testamento data hereditas nuda voluntate adimi potest, l. pen. quib. mod. testam. infirm. Vel fingē: qui prius testamentum fecerat, cepit aliud facere, & alios quosdam heredes scribere, nec perfecit testamentum, sed obmutuit forte in medio, morte praeventus. Priore scripti non videntur habere supremam voluntatem, nec tamen sunt indigni, id est, fisco locus non est, l. ex parte, de adim. leg. Hoc modo igitur interpretor, indignus est is, cuius odio testator recessit a priore voluntate, quod liquido constat oportet: & constat liquido, si sciens prudensque instituerit incapacem odio alterius, quasi subindicans, si fieri possit, malle esse incapacem, quam capacem: quod etiam fortiter defendi potest idem procedere, si instituerit capacem, si modo id fecerit odio alterius, & omiserit solemnia quaedam in posteriori testamento: nam ponendum est semper posterius non valere. Hoc enim casu, si modo probetur testatorem fecisse odio prioris, licet fuerit capax, pro indigno habetur, & aufertur ei hereditas. Non lex tantum, sed etiam voluntas testatoris indignum heredem facit: odium testatoris indignum facit: sed ponendum est,

A ut dixi, omissa fuisse solemnia quaedam juris in posteriore testamento. Solemnia enim juris ignorare quilibet potest praeter Jurisconsultos: leges vero, Senatusconsulta, plebiscita ignorare non licet. Qua de causa in testamentis conficiendis adhibebantur semper Jurisconsulti propter formulas, l. pen. §. ult. de leg. 2. & dictabant testamenta l. c. l. dict. G. de test. l. moris, de pignis: dictabant etiam stipulationes Ovid. in Epist. Acontii.

Dictatis ab eo feci sponsalia verbis:
Consultoque sui juris amore vaser.

Et in amoribus:

--- Atque eadem consulti ante avia mittis,
Unius ut verbi grandia damna ferat.

B Ad haec Accurf. non male, ad Senatusconsultum, quod refertur a Papiniano in priori parte huius l. opponit aliud Senatusconsultum quod refertur in §. pen. Instit. quibus modis test. infirm. quod indiget explicatione. Diversi sunt casus huius Senatusconsulti, & illius, sed in utroque casu videtur eadem ratio valere, & affirmatur in uno valere, negatur tamen in altero valere. In casu §. pen. testator aliud testamentum facere coepit, nec peregit, veluti quosdam heredes instituit, non omnes, quos instituere decreverat, l. si quis, cum seq. qui test. fac. poss. In casu huius legis testamentum peregit, scriptis heredibus incapacibus, quos scribere non poterat: hoc tamen casu aufertur hereditas priori heredi, ut indigno, quia non habet supremam voluntatem: ergo eadem ratione in casu §. pen. videtur ei esse auferenda hereditas ut indigno, quia testator id testamentum mutare voluit, & mutasset, nisi mors eum praeventisset. Et similiter, si testator non coepit aliud facere, sed cum vellet incipere, prohibitus sit ab herede scripto, ei ut indigno aufereatur hereditas, l. si scripto, hoc tit. & l. 1. si quis alium test. Et similiter ait, quod plus est, si neque fecerit aliud testamentum, neque coepit facere, neque facere prohibitus fuerit, sed induxerit, & cancellaverit nomen heredis, ei ut indigno aufereatur hereditas, ut non habenti supremam voluntatem. Qui est posterior casus huius l. Cur ergo in d. §. pen. si aliud testamentum facere coepit, nec perfecit, non admittitur hereditas prior heredi, ut non habenti supremam voluntatem, ut indigno ex tacita voluntate defuncti? Posset dici, quod Accurf. tentat, non negari in eo paragrapho, quia ei sit auferenda hereditas, ut indigno, si testator posterius facere coepit, nec morte praeventus id perfecit: sed hoc tantum proponi, prius testamentum non rumpi, quod & procedit in casu huius l. Ceterum fisco locus esse, hoc ego nego, non admitto: nam considerandum in d. §. ult. esse scriptum, prius testamentum in eo casu non rumpi, & hoc cautum esse oratione D. Pertinacis: ergo & Senatusconsulto: nam omnem orationem Principis sequebatur Senatusconsultum: habebatur enim oratio in Senatu a Principe, vel a quaestore nomine Principis. Quamobrem in iure saepe idem modo dicitur factum oratione Principis, vel libello, vel epistola, modo Senatusconsulto. Supervacuum autem fuit Senatusconsultum, & oratio illa, si hoc tantum cavet, posteriore testamento imperfecto non rumpi prius perfectum, quoniam hoc erat certissimum & vetustissimum exceptis casibus quibusdam. Itaque non hoc tantum voluit Senatus, prius testamentum non rumpi, sed fisco locus non esse, quasi herede scripto in priori testamento indigno, aut non habente supremam voluntatem. Idque omnino demonstrat Jul. Capitol. in Pertinace. Legem tulit, ut priora testamenta non prius irrita essent, quam alia perfecta essent, neve ob hoc fiscus aliquando succederet. Et sane cum in eo §. pen. similia faciat haec duo, si mortalitate praeventus non perfecit testamentum, & si ob id non perfecit, quod cum huius rei poenituerit, & constet hoc casu posteriore, si poenituerit, fisco excludi, quia heres priore scriptus habet supremam voluntatem, consequens est, & priore casu

casu fisco excludi, si posterius testamentum non per-
fecerit morte præventus, licet prior heres non habeat
supremam voluntatem: sed melius est, ut eum habere
dicamus supremam voluntatem, cum alia non sit perfecta,
l. ex parte, de adm. leg. At in casu hujus l. posterius tes-
tamentum fuit perfectum, id est, peractum, nec desue-
re ulla solemnitas juris. Incapacitate tantum heredis in-
stituti rumpitur testamentum, & perit perfecta volun-
tas suprema, quamvis effectu carcat: tacite priorem
heredem indignum esse pronuntiat: modo conjecturæ
voluntatis suffragantur, & in alio casu quem attigimus,
l. si scripto, hoc tit. heres, qui volentem mutare testamen-
tum prohibuit, quamvis videatur habere supremam vo-
luntatem, cum alia non sit subsequuta voluntas, id est,
aliud testamentum: tamen ut indignus repellitur propter
dolum malum. Et similiter in casu l. hereditas, de
his que ut indigni, heres testamento scriptus pro indigno
habetur, si testator dixerit palam, eum esse indignum &
de se male meritum, nec tamen fecerit aliud testamen-
tum: nam quid est evidens? Ergo invitatur fisco. Et
idem etiam statuemus, si non factum testamento alio, he-
redis scripti nomen induxerit, deleverit; & ideo ex de-
creto D. Marci, quod enarratur plenius in l. pen. de his,
que in testam. del. hic heres habetur pro indigno, nec vi-
detur habere supremam voluntatem defuncti: & ideo
fiscus ad hereditatem vocatur. Alter casus, si consulto
testator nomen heredis induxerit, indignus erit heres:
plus est inducere nomen heredis, quam dicere, nolle si-
bi heredem esse: nam si aliquanto post factum testamen-
tum dixerit, nolle sibi heredem esse, heres pro indigno
non habetur, nisi addiderit elogium, *§. pen. qui. mod. test.*
ins. l. i. C. quib. ut indigni. sed si induxerit nomen heredis,
pro indigno habetur; plus est facere, quam dicere, &
voluntate factum est evidens. Et ita refertur in hac
l. 12. & l. 6. eod. tit. & l. pen. de his, que in testam. del. Ita
judicabit D. Marcum, ad heredem, cujus nomen testa-
tor consulto induxit hereditatem pertinere non videri,
d. l. pen. ut veteres pronuntiare solebant ita, esse videri,
aut ita, non esse videri, & Imperator etiam modeste pro-
nuntiavit in d. l. pen. existimans testamentum ea sola ir-
rita esse voluisse, quæ induxit. Et testes olim in testi-
monio dicebant, arbitrari se scire. Est autem valde no-
tanda d. l. pen. quia in ea referuntur acta hac de re ha-
bita apud D. Anton. Marcum. Ex quo intelligitur acta
confici solita breviter, simpliciter, monendi causa, non
ut sit hodie longa & supervacua oratione. Referuntur
in actis paucissimis verbis, quæ advocati litigatorum
dixerunt apud Imperatorem: & his omnibus auditis re-
movisse eos Imperatores omnes, & ea de re deliberaf-
se cum assessoribus, id est, Jurisconsultis, ac rursus eos
admittere jussisse, ac apud eos hanc sententiam tulisse.
Et cum Imperator ita pronuntiasset, hereditatem ad he-
redem scriptum pervenire non videri, cujus nomen tes-
tator induxerat, advocatus fisci remisit ad præfectos
æarii, ut hic proponitur, ut scilicet advocati fisci apud
esse hereditatem persequerentur, & peterent, quasi ad-
dictam fisco sententia Imperatoris, qui heredem bonis
indignum pronuntiavit secutus iudicium defuncti. Præ-
fecti æarii erant iudices rerum fiscalium, l. ait D. A-
drianus, ff. de jure fisci. In provinciis procuratores Cæsa-
ris, l. cum hi, §. trans. de transact. Duos ergo ex hac l. 12.
habemus casus, quibus fisco heredi scripto hereditatem
aufert quasi indigno. Primus hic est, quem exposuimus
supra; si post factum prius testamentum posterius fece-
rit, in quo capacem instituerit: quo casu superius tes-
tamentum non rumpitur. Alter est, si nomina here-
dum induxerit & cancellaverit, & hi jam casus satis
sunt exposti. Sed superest hæc questio: an fisco eripian-
te hereditatem heredi scripto, debeantur legata, an debean-
tur fideicommissa, an libertates? an his casibus caduca sit
hereditas cum onere? an præstabit fisco legata relicta ab
herede indigno, cui hereditatem obtulit? Et posteriore
casu idem Imper. decrevit fisco debere legata, ergo
& fideicommissa, & libertates multo magis. Quod con-

A firmat lex 16. §. ult. hoc tit. & l. a. & 3. de his, que in te-
stam. del. & l. cetera, C. de his quib. ut ind. Hoc igitur po-
steriore casu ex decreto Marci, legata, quæ non indu-
xit testator, & alia manent, & fisco a legatariis conve-
niri potest. Idem statuimus in priore casu, si aliud tes-
tamentum fecerit, in quo scripserit heredem incapacem:
nam illo priore casu mutavit testamentum odio here-
dis. Plectuntur igitur soli heredes, non legatarii. Nam
si ei tantum legatarii odio fuissent, id facile potuisset
explere, non mutato testamento, ut puta adempto le-
gato in codicil. vel etiam quacunque nuda voluntate,
l. 3. §. ult. de adm. leg. & l. militis, §. pen. de mili. testam.
Ergo utroque casu hujus legis caduca sit hereditas, id
est, eripitur indigno cum onere legatorum, aut fidei-
commissariorum, aut libertatum. Et generaliter adven-
tendum est, hodie quacunque ex causa caduca fieri cum
onere, l. 3. §. cum ex causa, & l. dicitur, de jure fisci. l. Imper.
§. pen. de fideicommiss. l. libert. l. in factum, §. pen. de condit. & de-
monst. Restat adhuc ea questio, an etiam fisco debeat
præstare prælegata, sive præceptiones relicta heredi in-
digno? Præceptiones sunt, quæ heredi præter portionem
hereditatis præcipuo titulo dantur, l. 2. de instr. vel instr.
leg. Ideoque non relinquunt prælegatum, sive præceptum
heredi ex asse, sed heredi ex parte scripto, ut scilicet lega-
tum illud præcipiat in primis, deinde reliquum dividat
cum coherede. Finge igitur heredi indigno, cui heredi-
tatem fisco abstulit, idem testator prælegatum reli-
querat; ceteris fisco præstat legata sua, an & heredi
indigno prælegatum? dices igitur, etiam prælegatum
cadere in fisco sicut hereditas. Quin quero an præ-
legatum præstet fisco? Cui questioni ut respondeatur,
sciendum prius est, quæ sit natura prælegati. Finge: duo
sunt heredes, uni prælegavit fundum, an valet legatum?
non valet nisi pro parte coheredis: nam pro altera par-
te, quam ille habet & legatarius habet in fundo, mu-
tile est legatum. Igitur pro sua parte capit fundum jure
hereditario, quia est heres, non jure legati nam he-
redi a semetipso non potest legari. Ergo pro sua parte
fundum capiet jure hereditario, pro parte coheredis, jure
legati. Jure ergo duplici, & partem quam capit jure
hereditario imputabit in quartam, si intervenerit Fal-
cidia, partem quam habuit jure legati a coherede, non
imputabit, l. in quart. ad Falcid. & l. filium quem, C. fam.
erisc. In summa prælegati pars capit jure heredita-
rio, pars jure legati; videtur ergo pars ea quam capit
jure hereditario, esse caduca: illa autem altera, quæ ca-
pit jure legati, non videtur esse caduca, quia heredi-
tatis tantum indignus est, non legati, sed tamen etiam
integrum fundum fisco capiet, sicut heres caperet, si
non esset indignus, quia fisco omnino obtinet locum
heredis scripti, ut inferius dilucidius demonstrabitur.
Ergo fisco ut heredi scriptum est præstandus integer fun-
dus. Sed quero, an fisco hunc fundum debeat heredi
indigno restituere, an ut ceteris præstat legata, præstet
etiam prælegatum heredi indigno? Et Papinianus ait,
esse voluntatis questionem, totam facere voluntatem
defuncti, cela gist en preuve: videndum est, quid volue-
rit, quid senserit, sed in dubio etiam prælegatum præ-
stabit heredi indigno, quamquam pars hereditaria vi-
deatur esse caduca tantum, & hanc partem, & alteram
præstabit, id est, integrum legatum, nisi aliud probetur
testatorem voluisse. Conferetur ergo integrum prælega-
tum heredi indigno, & præstabitur a fisco omnia here-
ditate ab herede, cui quid prælegatum est, tunc capit
prælegatum integrum, & jus legati omne, quia jam non
est heres, sed est ex integro fundo legatarius, quod
ostenditur in l. qui filium, §. ult. & leg. l. quæstium, §. domi-
ni, de leg. i. l. cum resp. C. de leg. Idem etiam dicemus erepta
hereditate heredi quasi indigno, cui quid prælegatum
erat: nam capit integrum legatum, l. cum quis, §. ult. hoc
tit. Non sane omne jure legati, quia heres manet ipso jure,
cui hereditas aufertur ipso jure, ut indigno, l. ex facto, §.
ult. de vulg. substit. Sed interpretatione coercetur, &
constringitur jus fiscale, ut scilicet fisco præstet inte-
grum

grum praelegatum, ac si is qui praecepit hereditatem, heredes esse desiisset. Adnotandum alias indigno etiam eripi praelegatum, in hac causa non eripi: quia praesumitur testator praelegatum praestari voluisse, quod non induxit: At in casu *l. si sequens, §. ult. de Senatus, Syllan.* si heredi auferatur hereditas ut indigno, quod ultus non sit necem defuncti, an praestabitur praelegatum? minime. Et ita extra eam causam heredum indignorum evenit saepe; ut qui summoveretur ab hereditate, submoveatur etiam a praelegato, ut videtur commodissime ob hoc posse huic legi 12. conjungi *l. 70. de cond. & demonst.* quae est ex eodem libro Papia. in qua ponitur casus, quo qui submoveatur ab hereditate, etiam a praelegato submoveatur.

Ad L. LXX. de Condit. & demonst.

Duos mater filios sub conditione emancipationis ex partibus heredes instituit, eisque plurimum rerum praeceptiones pure dedit: hereditatem adierunt: patrem a legatorum commodo illa quoque ratio debet summovere, quod emancipando filios obsecutus voluntati, supremum iudicium uxoris sua custodiri voluit.

C Alus hic est: mater duos filios heredes scripsit ex partibus sub conditione, si emanciparentur a patre: heredes igitur scripti sub conditione, & eis praelegavit res plures pure: pater filios emancipavit, & ita existente conditione hereditatem adierunt, & eam sibi acquisierunt non patri. Queritur, an sibi acquirant praelegatum non patri? Dubitatur, quia die praelegati cedente erant in potestate patris: ergo legatum pertinet ad patrem, quia in legatis tempus cessionis observatur, & dies legati cessit statim a morte matris: filiis nondum emancipatis hereditas non cedit, antequam adeatur, *l. miles, §. ult. de leg. 2.* Verum placet patrem submovendi etiam a praelegato relicto filiis, quia ut ait Papinianus emancipando filios, ut voluerat mater, obsecutus voluntati matris supremum ejus iudicium custodire voluit, & qua ratione submoveatur ab hereditate, eadem submovendus est etiam a praelegato, ne emancipando filios partim videretur probasse iudicium matris, partim improbasse. Et observandum est, male Accursium scribere, patrem submovendi a praelegato, quod in praelegato videatur repetita conditio emancipationis. Hoc enim est falsum: nam pure praelegavit, & non pure videretur praelegasse, si repetisset conditionem emancipationis, & abutitur *l. a via hoc tit. in cuius specie conditio adscripta in institutione, videtur repetita in praelegato: sed hoc ideo, quia ita praelegavit mater: hoc amplius, quod cum heredem scripsit, ei do, lego: quae verba, hoc amplius, continent manifestam repetitionem, & ob id repetita conditio intelligitur: sed in specie hujus *l.* ejus nulla est nota repetitionis in praelegato. Cur igitur a praelegato submoveatur pater? quia supremum iudicium matris omnino constituisse intelligitur. Et male obiicit etiam *l. heres statuliberum, hoc tit.* nam est diversa species: servum liberum esse iussi, & ei legavi sub eadem conditione, si navis ex Asia venerit tibi do, lego: heres servum ultro manumisit antequam existeret conditio, an ei praestabit statim legatum non expectata conditione? minime. In illa specie non existit conditio libertatis, neque legati: in specie legis 70. existit conditio institutionis.*

Unum restat: ad *l. 12.* diximus inducto nomine heredis fisco locum esse. Obstat valde *l. 2. §. pen. si tab. test. & l. ult. de his, quae in testam.* quibus locis proponitur aperte, inducto nomine heredis, ad hereditatem venire legitimis ab intestato: non venire igitur fisco. Videtur quidem prima specie res esse difficilis, sed expeditur adhibita distinctione. Aut testator induxit omnem scripturam testamenti, & confregit tabulas, qui est casus superiorum legum, quo casu sane videtur intestatus decedere voluisse: ergo venient legitimi sine onere ullo. Aut induxit tantum nomen heredum, vel unius tantum. Et hoc casu in locum illius, cuius nomen testator induxit, fisco vocatur cum onere, quia testator videtur odio heredis nomen ejus induxisse. Atque ita in

A locum heredis illius fisco venit, & perinde habebitur, atque si ipse fisco heres esset scriptus, adeo ut scripto praelegata relicta, & fisco sint praestanda. Denique fisco est loco heredis scripti, ut videatur defunctus, etiam si omnium nomina induxerit, testatus esse, fisco habere praelegatum, alioquin interciderent legata, quae omnia fisco praestat. Ad summam, si totum testamentum deleverit, intestatus est, si nomina sola heredum induxerit, testatus est. Etiam illud est notatu dignum, legata, rios admitti, & a fisco legatum petere actione ex testamento, substitutos vel coheredes non admitti. Finge: induxit nomen unius heredis, cui dederat substitutum: vel cui adcecerat coheredes: non induxit nomen substituti, neque coheredum. Queritur, an summoto eo, cuius nomen induxit substitutus venit? Et placet non venire, nec coheredem iure accrescendi: ius fisci est potius hoc casu iure substitutionis, & iure accrescendi: eripitur enim herediibus pena causae, & pena autem unius non debet esse praemium alterius; pena igitur indigni, id est, exceptio hereditatis, non proderit substituto. *l. si sequens, de S.C. Syllan.* Et verba substitutionis, si heres non erit, sic intelliguntur, si omiserit hereditatem, neque ei eripatur, *l. 2. de his, quae in test. del. ait: si instituti nomen induxerit, substituti non induxit, instituti emolumentum hereditatis non consequitur: oportet pro instituto, reponere, substitutus.* Ea etiam lex vult separari legatarium a substituto, & ex ea causa erepta hereditate heredi, ostendere, legatarium admitti, substitutum vero non admitti. Addendum est aliquid, *l. duos, de condit. & demonst.* non enim mihi video satis eam enodasse, & rationem ejus quod est maximi momenti explicasse. Mater duos filios heredes instituit sub conditione, si emanciparentur a patre, & eis praelegata dedit: non sub conditione, sed pure: praelegatorum ius hoc est, ut heres praelegatum pro sua parte capiat iure hereditario, pro parte coheredis iure legati, *(ce n'est qu'un demy-legat)* pars praelegati est hereditaria, alia pars legati iure obvenit. Et inde haec differentia, quod pars hereditaria imputatur in Falcidiam, pars altera, quae capitur iure legati non imputatur. Et inde est alia differentia, quod pars hereditaria venit in restitutionem fideicommissi, si heres rogatus sit portionem suam restituere, pars altera non venit, ut si coactus adierit hereditatem, vel si militis testamentum fuerit, *l. in fid. §. ult. ad Treb. l. cum virum, C. de fideicommissis.* Duplex igitur est in praelegato ius, hoc meminisse oportet. Redeamus ad speciem. Mater duos filios heredes instituit sub conditione emancipationis, & eis quaedam pure praelegavit post mortem matris, pater filios emancipavit, atque ita filii adierunt hereditatem in iussu patris, eam igitur sibi acquisierunt: quia jam exierant potestate patris. Et hoc est certissimum, sed legata, an acquirerent patri? Videtur praelegatum pertinere ad patrem, quia dies praelegati cessit ante emancipationem, cum erant in potestate patris, hoc est, statim a morte matris, *l. miles, §. ult. de leg. 2.* & in legatis spectamus tempus cessionis. Verum Papinianus ait patrem repelli non tantum hereditate, sed etiam a praelegatis, una eademque ratione, quia emancipando supremum iudicium uxoris sequi voluit. Quomodo? nam dies praelegati dicitur statim cedere, ex *d. l. miles: sed non cedit ante aditionem hereditatis, nisi pro parte coheredis, id est, fratris, & ex parte coheredis, qui & ipse est filius, pater nihil capere potest: ergo ut ab hereditate, ita & a praelegato summoveretur pater: nam non potest capere ex legato unius filii, quin capiat ex hereditate alterius. Nihil autem ex hereditate capere potest, qui emancipavit, & obsecutus est voluntati uxoris: ergo nec ullum praelegatum capere potest, & ipsos emancipando exclusit se ab utroque. Qua ergo ratione repellitur ab hereditate, eadem repellitur a legato. Neo est querenda alia ratio: nihil autem opus est adminiculo Accursii, quod addit in *l. avia, qua utitur Accursius, adscriptis notam repetitionis: nam herede scripto sub conditione adiecit, hoc amplius, quod heredem scri-**

si eum, de, lego, quæ nota repetitionis non est in hæc lego: Sed querere quis posset, cur conditio emancipati non intelligatur repetita in prælego, cum ex *legem prælegenti, de legat. 2. murum*, ubi substitutionem factam in fideicommissum inter partes heredes videtur repetitam in fideicommissum. Et rursum *quædam*, ad *Tras*, partes adscriptas in institutione videtur repetas in fideicommissum. Quod obstat etiam in directa institutione. Argumentum quod ex his locis ducitur, laborat vitio reciproci: nam ita respondere licet, in prælegato non videtur repetita conditio: igitur reliquum est pure, ut ponit, hoc est, præfenti die, & similiter substituti murus facta in institutione, non intelligitur repetita, si ostendat se nolle in eo fideicommissum, ut invicem substituti essent. Denique partes adscriptæ in institutione, non videtur repetita in fideicommissum, nisi in fideicommissum sint adscriptæ aliæ partes. Par ergo ius est in omnibus his casibus, si partes eo feceris: nam impares nunquam cœquaveris. Et hoc est, quod addere volui.

Ad L. IV. ad L. Falcid.

Fundo legato mihi sub conditione, pendente legati conditione, heres me heredem instituit, ac postea legati conditio exstitit: in Falcidia ratione fundus non jure hereditario, sed legati, meus esse intelligitur.

Si Clandium est, in quartam Falcidiam, quæ detrahatur ex legati vel fideicommissi singulorum rerum, imputatur tantum ea, quæ capitur jure hereditario, non ea, quæ capitur jure legati, vel fideicommissi, vel mortis causa capionis, vel quo alio jure, *l. in quartam, hoc tit.* Quod obinet etiam in ea Falcidia, quæ detrahatur ex fideicommissaria hereditate ex Senatusconsulto Pegasus vel Trebelli, *l. filium, C. fam. ereisc. l. in ratio, non so. §. tamen si, hoc tit.* Species leges hæc est: testator fundum mihi legavit sub conditione: pendente conditione fundus est heredis, sicut fructuliber, hoc est, cum sub conditione est data libertas, interim est servus heredis, *l. 12. famul. ereisc.* Ideoque si pendente conditione is heres me induituerit heredem, fundus ad me pertinet jure hereditario, quia tum heredis fuit. At finge: postea exstiterit conditio legati, nunc videtur esse meus jure legati; quia etsi ad me pervenerit primum jure hereditario, tamen ea causa non perseveravit, & antiquior causa fuit legati. Denique nunc est meus ex causa legati, ergo non imputabo eam in Falcidiam, quia ei imputatur tantum, quæ jure hereditario capitur: non potest fundus esse meus ex utraque causa, sed ex una tantum esse potest, & potius ex jure legati; atque ita quodammodo mutatur causa possessionis & dominii: non possum mihi causam dominii mutare: res ipsa mihi potest mutare, *l. non solum, §. quod vulgo, de usurac.* Et similis ratio refertur ex eodem libro Papin. ad Ulpianum in *l. 1. §. sed si mater, ad Tertull.* Species est: filii succedat matri ad intestato, & præferatur agnatis matris ex Senatusconsulto. Orsit. Ex testamento autem, id est si mater fecerit testamentum præteriti filii agnere querela. Finge: mater duos habet filios, unum prætermittit, alterum instituit: prætermissi queritur de inofficio. Nunc rursus finge: mater, quæ habebat plures filios unum tantum heredem instituit sub conditione, filios ceteros prætermittit, institutus petit bonorum possessionem secundum tabulas: nam datur pendente conditione, *l. 2. de bon. posses. secund. tab.* Postea defecit conditio: mutabitur causa possessionis, & qui erat institutus cum ceteris fratribus præteritis, succedet matri, & bonorum possessio secundum tabulas converteretur in bonorum possessionem contra tabulas. Refat quod obijcit Accursius, *l. cui res, de ad. empri.* Res mihi legata est sub conditione, ego interim illi emi ab heredem imprudens & accepi, & pretium solvi: colligit Accursius eam rem esse meam ex causa emptionis, non legati. Verum non hoc vult *l. cui res, rem meam esse ex causa emptionis*, si postea exstiterit conditio legati, sed

Tom. IV.

A hoc tantum air, me actione ex empto, ut pretium, quod solvi, recipiam, agere adversus heredem posse, quia quando mihi pretium abest, non habeo ex causa legati, quæ est lucrativa, & ex qua legati causa ea res ad me pertinet. Nam & rem meam non tradidim possum petere ex testamento. I. hujusmodi, §. qui servum, de legat. i. Et quæ tradita mihi, est res ex causa emptio- nis, videtur mihi evinci existente conditione legati, ac provide sicut re evicta ago ex empto, ita existente conditione legati ago ex empto, ad pretium recipiendum, ut res apud me reideat pure legati.

Ad L. Divus Adrianus. XIII. de Castr. peculio

D. Adrianus, *rescriptum* in eo, *quem militantes uxor heredem instituerat, filium extitisse heredem*, & ab eo *servos hereditarios manumissos, proprios ejus liberos fieri*.
*Q*uestio legis est de quibudam rebus, an sint iuxta adnumeranda castrensi peculo. In eo numeratur, quod filio agenti in militia datur, l. xi. *hoc tit.*
 Quod a commilitonibus quoque datur est, vel ab his quos filius cognovit propter militiam, l. 5. *hoc tit.* quo inquam, est attulit militia; Quaro, *an in castrensi peculo computetur, quod uxor donavit filiofamilias in castrens, vel legati, vel institutionis jure*. Et in hac l. 6. in l. dote, edo. proponitur *rescriptum*, quo Adrianus ait, *filiumfamilias militem heredem institutum ab uxore, hereditatem imputaturam in castrense peculium, & servos hereditarios manumissos, castrenses liberos fore, pleno jure: quod pugnat cum l. 6. & 8. hoc tit.* quibus offenditur, *servum, quem uxor filiofamilias marito suo militanti donavit, ut eum manumitteret, si manumitteretur, non fieri libertum filiofamilias: ergo non computari in castrensi peculo, & l. 8. id quod donatur vel legatur ab uxore, vel cognatis filiofamilias militanti, non est in peculo castrensi, etiamsi id adjectum sit nominatum, ut esset in peculo: non potest quis facere, ut sit quid in peculo castrensi, quod esse aliqui non potest. Agenti in militia, ut eunti in miliriam, quocunque donatur a quocunque, est omne est in peculo castrensi, ut arma, equi, mancipia, l. 6. *ult. hoc tit. l. 1. C. de castren. pecul. milit. Paulus 3. sent. tit. de testam.* Castrense peculium est, quod in militia acquiritur, vel proficiscenti ad militiam datur, sed si jam agenti in militia donet parens, vel uxor, vel cognatus, hinc dubio non est in peculo castrensi, quia id extoritur ratio sanguinis potius, quam militis, l. dote, & *ult. hoc tit.* Donasset etiam pagano: sed si donavit aliquid, ut eo se teneatur in militia, ut aptior esset ad militiam, vel ornatior, aliqui non donaturus, sane imputatur in peculium, & ita accipienda est lex. Dos data filiof. militanti nunquam imputatur in peculium, quia dos nunquam datur ratione militis, sed propter onera matrimonii, & communes liberos. Itaque dos ab uxore data filiof. militanti, nunquam est in castrensi peculo: hereditas ei data esse potest in peculo, quam non erat datur pagano.*

JACOBI CUJACII J.C.
COMMENTARIUS

In Lib. XVII. Quæstionum ÆMILII PAPINIANI.

Ad L. XXXIII. De Usufr.

Si Titio fructus, Maevio proprietas legata sit, & vi-
vo testatore Titius decedat, nihil apud scriptum here-
dem relinquetur. Et id Neratius quoque respondit.

EX lib. 17. quaestionum Papiniani prima quaestio,
quae datur, aut potius duae, quae dantur, sunt
in *l. si Titio 33. de usufr.* Et ad primam quaestio-
nem fac speciem hoc modo: testator ab
Dd 2 herede

herede scripto, Titio ususfructus fundi legavit, Mævius proprietatem ejusdem fundi, ita ut plane declararet, nihil vel se ex eo fundo quicquam apud heredem residere, quandoquidem uni ususfructum, alteri proprietatem legavit. Titius, cui legaverat ususfructum, mortuus est vivo testatore, antequam inciperet fructuarius esse; post mortuum est testator, videtur legatum ususfructus esse in causa caduci: nam in causa caduci sunt legata, quæ deficiunt vivo testatore, puta præmortuo legatario, l. un. §. cum triplici, C. de cad. toll. Denique legatum ususfructus Titio relictus, videtur esse in causa caduci, quia præmortuus est Titius, & proinde videtur pervenire ad fiscum ex l. Julia & Papia, sed eo nos absolvemus confectum. Hæc leges caducariæ non habent locum in usufructu legato, quod demonstrat hæc lex nostra, & lex 9. de usufr. leg. Cur non habent locum leges caducariæ, leges fisci in legato usufructu? quia scilicet ex causa caduci ususfructus caderet in fiscum, nunquam rediret ad proprietatem, nunquam consolideretur, inanis esset proprietas, quia fisco nunquam moritur, nunquam capite mutatur, quibus præscriptum modis ususfructus finitur, & ut habent Institutiones juris, ne in universum proprietas inutilis esse semper abscedente usufructu, placuit certis modis ususfructum extinguere, & ad proprietatem reverti. Principii modi hi sunt, mors & capitis deminutio. Et hæc ratione leges caducariæ fisco vindicabant bona, hoc est, proprietatem, non usufructum, alioqui cum usufructus sensim sibi fisco bona vindicaret quasi vacantia, quæ nemo vellet. Quid enim esset proprietatis sine fructu, vel spe fructus? Ergo in specie proposita sicut constat fisco locum non esse, quamvis is casus existeret, quo legata sunt in causa caduci, puta, quia legatarius decessit vivo testatore, & sic etiam non queritur hoc loco, an usufructus pertineat ad fiscum, sed lis est inter Mævium, cui ejusdem fundi legata est proprietas, & heredem scriptum, uterque sibi vindicat usufructum. Sed hac ratione, quia legata, quæ deficiunt, vel vivo testatore, vel post mortem testatoris, si non cadant in fiscum, vel si non accrescant legatario, vel si non obveniant substituto, ea sola debent remanere apud heredem, l. ult. autem, infr. ad l. Falcid. Legatum hic usufructus vacat, aut vacare videtur: nam deest fisco vel collegatarius, vel substitutus, qui in id succedat. Mævius, cui legata est proprietas, non est collegatarius, non est substitutus in usufructu. Ergo usufructus apud heredem remanere debet. Contra Mævium ait, ad se pertinere, quia usufructus deficiens solet ad proprietatem reverti, suam autem esse proprietatem sibi legatam. Et sane, si ususfructus existeret in persona Titii, post mortuum Titio recurreret ad proprietarium, id est, pertineret ad Mævium, & hoc est certissimum: sed in hac lege est jus singulare, quod in hac specie, etiam si usufructus non coeperit in persona Titii, qui mortuus est vivo testatore, tamen pertineat ad proprietarium, hoc est, Mævium. Et hæc est ratio, quia evidens est, testatorem noluisse usufructum venire ad heredem scriptum, quæ ratio proponitur in l. 4. infr. si usufructus per. Nam hoc iudicio, ut initio dixi, quid egit aliud, quam ut ex eo fundo nihil quicquam perveniret ad heredem scriptum? & voluntati defuncti consequens est, ut usufructus is qui deficit vivo testatore, ut legatum usufructus pertineat ad Mævium, cui proprietas legata est, non ad heredem scriptum.

Ad §. Usufructum.

Usufructum in quibusdam casibus non partis effectum obvenire conuenit. Unde si fundi vel fructus portio petatur, & absolutio secuta, postea pars alteraquis accrevit, vindicatur, in lite quidem proprietatis iudicatur, nec exceptionem obviare, in fructu vero non obviare scribit Julianus: quoniam portio secunda, velut alterius portioni, persona fructus adcreveret. Secunda questio, si Titio, de usufructu non est principalis questio, sed ut mihi quidem videtur, appendicula ejus questionis, quæ ex eodem Papin. libro expo-

nitur in l. Mævius, §. fundo, de legat. 2. Quod apparebit, si constituamus primum id, quod est in l. 4. h. t. usufructum multis casibus partem domini esse; deinde id, quod est hoc loco, usufructum in quibusdam casibus partem domini non esse. In his duobus explicandis consumemus omnem operam. Mirum est quod ait l. 4. usufructum in multis casibus partem domini esse. Nihil refert dixeris, partem domini esse, an partem fundi, partem hominis, partem rei cujuscunque. Nam & fundi vel hominis, vel rei cujuscunque nomine dominium significatur, ut qui exempli gratia, fundum legat, aut promittit. Quis vero non videt, usufructum non esse partem hominis, non partem rei, non partem fundi? Est enim potius pars vel species servitutis, ut ait l. recte, de verb. signif. est servitus potius, quam fundus, vel qualibet alia res, per quam fundus servit homini, ut ex ea omne emolumentum capere possit. Servitus est qualitas; qualitas autem non est pars rei, ergo usufructus non est pars rei. Pars fundi est locus, l. locus, de verb. signif. usufructus non est locus fundi, ergo non est pars fundi. Dominium perficit sola proprietas, l. si procurator, de acq. rer. dom. Usufructus igitur non est pars domini vel fundi. Et hoc est, quod ait Papin. d. l. Mævius, §. fundo, usufructus in jure consistere, non in parte, id est, usufructus esse jus, quod homo habet in fundo, non partem fundi. Et hoc nihil est certius. Ergo quod ait l. 4. usufructus in multis casibus partem domini est: usufructus partem domini esse, id est, similem esse parti domini, & l. qui usufructus, de verb. obl. in l. ita habere partis, ut ait l. eodem, §. dominus, de leg. 2. effectum habere partis domini, ut e contra hoc loco Papin. ait, in quibusdam casibus, cum non habere effectum partis, id est, effectum & effectus. Instat enim ex loco effectus dignoscitur, denique usufructus partem domini fere fundi, non pro servitute in multis casibus, quamquam revera sit servitus, non pars rei: in multis casibus, inquit, ex his casibus aliquos enumeremus. Præmissis casibus: res in fundum obligato recte accipitur fideiussor in usufructu, l. si res, de fideiuss. infr. quia fideiussor recte accipitur in partem, l. 10. eod. tit. & usufructus obtinet instar partis, & usufructus pro parte habetur, ergo recte in usufructum fideiussor accipitur, nec videtur accipi in aliam rem, sed in partem, quam debet reus. Cur vero usufructus habetur pro parte? quia ut est in d. §. usus est fundi: ea verba non ita sunt accipienda: ergo est servitus fundi, quia revera usufructus non est servitus fundi, sed hominis vel personæ, l. 2. l. quoniam, de servit. est jus in fundo, non servitus fundi. Ac præterea reo obligato in fundum, non recte acciperetur fideiussor in servitute fundi, puta in iter, vel actum, quia in aliam rem acciperetur, quam in eam, quæ in principalem obligationem deducta est. Non potest autem in aliam rem accipi utiliter, & est servitus fundi, nec est fundus, id est, neque est totum, neque pars fundi: alia res igitur. Quid est ergo, quod ait, quia usufructus est jus fundi? Id nimirum, quod ait Papin. in d. §. quia omne emolumentum fundi continet, omne jus, id est, omne emolumentum: non immerito igitur pro parte habetur fundi, id cui inest emolumentum fundi totum. Idemque de eo non immerito censetur, quod de parte fundi. Jus fundi est bonitas, salubritas, amplitudo, l. quid aliud, de verb. signif. Et multo magis emolumentum fundi, quod est fructus, quem fert: & ita sæpe in jure emolumentum accipitur pro fructibus, frugibus, annonis, l. dominus, h. t. §. d. ejus, l. cum filius, §. dominus, de legat. 2. cum Imperator, in fin. de Trebell. l. ult. in fin. si cui plus quam per l. Fal. Sequitur alius casus, quo etiam usufructus pro rei est, hoc est, partis instar obtinet: si stipuler totum, deinde partem non novandi causa, posteriori stipulatione nihil ago, quia sufficit prior, ut si stipuler decem, deinde quinque, vel si stipuler actum, qui non potest esse sine itinere, l. in fine, de adim. leg. deinde stipuler iter, frustra stipulor; vel si stipuler usufructum, deinde usum, nihil ago, nihil proficuo; sed contra si stipuler partem, deinde totum, posterior stipulatio utilis est, quia & pinguior est, & plenior, ut si stipuler quinque, deinde decem: si iter, deinde actum; si usum, deinde usufructum. l. qui usufructus, de verb. obl. l. si pupillus, §. ult. de nevus. Secun-

dum hæc, si prius stipuler fundum, deinde usufructum. posterior stipulatio inutilis est, quia usufructus pars est fundi, quæ est in toto, quod primum stipulatus sum. Et e contrario propter eandem rationem, si stipuler usufructum deinde fundum, utilis stipulatio est, quæ est sententia d. l. qui usufructus. Nec servitutis prædii eadem ratio est, quia etsi stipuler fundum, deinde iter ad eum fundum, utilis stipulatio est, quia aliud quiddam proprium stipulor, non partem fundi: nunquam iter, via, actus, vel quæ alia servitus fundi, habetur pro parte fundi. Item, quæ utilis esset stipulatio, si stipularet iter ad fundum, qui nondum erat meus, deinde fundum: nam & fundo meo futuro servitus constitui potest, l. labeo, de servit. rursus præd. Sed transiamus ad alium casum, quo etiam usufructus habeatur pro portione domini: si petiero fundum, & non obtinero, deinde non possum petere partem, quia in toto pars est: qui toto cecidit, & parte cecidit, aut mihi petenti partem, obstat exceptio rei iudicata, l. 7. in pr. de except. rei iud. Ergo non possum petere deinde usufructum, quia usufructus pro parte est, l. si cum argenteo, §. si fundum, eod. Et similiter, si pactus sum de non petendo fundo, qui mihi debebatur, me non petiturum fundum, si cavero, nec usufructum petere possum, aut petenti obstat mihi exceptio pacti conventi, l. si unus, §. item si, de pactis. Sed etsi petiero fundum, nec obtinero, deinde fundo pars accrevit quadam, nec partem adcreverim petere possum, quæ accrevit post rem iudicatam, quia ejus cum non esse fundum iudicatum est, & partem adcreverim ejus non esse, iudicatum est. Ergo nec usufructus ei acquiratur, qui proprietari accrevit mortuo usufructuario, aut capite minuto. Sed addamus alium casum: fundo legato, si is fundus debuerit servitutem heredi scripto, heres cum ea servitute liberum præstare non debet, præstabit fundum, & sibi retinebit servitutem: sed si ejus fundi usufructus sit heredis scripto, usufructus sibi retinere non potest, quia parvis instar obtinet, cum continet omne momentum rei, l. 26. l. cum filius, §. dominus, de leg. 2. Idemque erit, si fundus legatus alii debuerit servitutem, non heredi scripto: Nam heres fundum præstabit, qualis est, nec cogetur liberare servitutem: sed si fundi usufructus sit, debet eum liberare usufructu: ita usufructus, pro proprietate nudam. Et hoc ita Papin. hoc ipso libro docuit, d. l. nullus §. 2. l. 2. Atque ita ostendit, hoc casu esse partem fundi usufructus & non præstare fundum totum eum, qui detrahit usufructum. Et hoc cum docuisset in d. §. fundo, puto eum subjecisse, quod est hoc loco, non tamen in omnibus casibus usufructum partis effectum obtinere, in quibusdam non obtinere, ut hoc loco ait, partis sc. fundi, vel partis domini, quod idem est, hoc loco & d. §. dum ait simpliciter partis, Basil. habent, partis domini, p. 2. c. 1. §. 1. non est in præd. domini, non est similis usufructus partis domini. Unum vero hoc loco Papin. casum assert, quo usufructus non imitatur partem domini, seu fundi, seu rei, de qua agitur. Sententia hæc est: si petiero partem fundi, nec obtinero, deinde repudiatione conjuncti vel collegatarii pars altera accrevit fundo, an eam partem repetere possum, quæ accrevit? minime: amittenti partem suam pars altera, quæ post vacat, non adcrevit. Aliud est dicendum, si petiero partem usufructus, nec obtinero: Nam si post repudiationem collegatarii defecerit pars altera usufructus, ego eam petere possum: atque ita non habenti partem suam pars usufructus accrevit, quia hoc casu usufructus non habetur pro parte rei. Nam si haberetur pro parte rei, rem sequeretur, non personam, quæ eam amisit, quæ ejus rei partem nullam habet. Et ut eleganter docet, ratio diversitatis hæc est, quia fundi portio accrevit fundo, non personæ, sicut alluvio: & utitur comparatione alluvionis, quia & jus alluvionis, est jus accrescendi. Et hoc tamen interest, quod jus accrescendi competens ratione conjunctionis, est a jure civili, alluvio a jure gentium. Ceterum ut alluvio adcrevit fundo, non personæ, ita & portio, quam fundus habuit adcrevit fundo, non personæ, usufructus accrevit per-

A sonæ, non fundo, quia ei personæ, quæ amisit partem suam, nihilominus pars altera usufructus accrevit, quod confirmat l. 1. §. an eadem, §. qui cum partem, de except. rei iud. & l. interdum, de usufr. adcrevit. Denique quamvis iudicatum sit, partem usufructus meam non esse, quia tamen iudicatum non est me fructuarium non esse, pars altera usufructus mihi non habenti partem meam, sed amittenti, accrevit. Et ita apparet hoc casu usufructum non esse pro parte rei: nam si esset pro parte rei, sequeretur rem seu fundum, non personam: quia ita licet argumentari recte: partem rei meam amisit, ergo & eam, quæ postea accrevit, quia pars parti accrevit, quia habenti partem accrevit, non amittenti: at non ita licet argumentari: partem usufructus meam amisit, ergo & eam quæ postea accrevit, quia non parti pars usufructus accrevit, sed personæ: usufructus est jus personale, quod coheret personæ, l. pen. C. de usufr. usufructus expirare cum anima, id est, cum vita. Et hic est casus, quem voluit proponere in hoc loco Papinianus, quo aliud statum de parte rei, aliud de usufructu parte usufructus. Sed propositio est talis hoc loco: usufructus in quibusdam casibus non esse partem rei, & unum raurum adfert casum: cedo alterum. Addam ex l. 1. §. per jusjurandum, §. illud, de accept. si is, cui debetur fundus, creditor sc. acceptum ferat usufructum an valeat acceptatio? minime: quia vel totum est accepto ferendum, vel pars ejus quod debetur. Pars obligationis accepto ferri potest l. pars, §. seg. eod. tit. Usus autem non est pars fundi, ergo acceptatio in usufructu non valet, & perinde est, ac si is, cui debetur domus, accepto ferat fenestras vel lapides ejus quæ non sunt partes domus: duæ sunt partes domus, solum, & superficies tantum. Si mihi debes domum, & tibi accepto feram fenestras, nihil consequeris: & ita etiam usufructus non est pars fundi vel rei. Sed cur non habetur pro parte in hac specie, ut & in multis aliis casibus? nam invenio, fundo legato recte adimi usufructum quasi partem, l. 2. de adm. leg. Cur & fundo debito non recte accepto feram usufructum, ut proprietates sola maneat in obligatione? Puto etiam fundo in obligationem deducto, nec recte pacifici de usufructu petendo. Cur ergo fundo debito usufructus non recte accepto fertur? Ratio est, quia ut stipulatio, ita & acceptatio sunt ex jure solemnæ, quod nihil aliud est quam stipulationis corruptio: uterque est actus legitimus, hoc est solemnus, l. actus, de reg. jur. utraque fit verbis solemnibus, non quibuscunque verbis, & consensiente altera cum altero debet, & congruere in verbis: si stipulatio fit de fundo, etiam acceptatio debet esse de fundo, vel parte fundi: nisi consentiat, & congruat acceptatio cum stipulatione, imperfecta est stipulatio, l. nisi ff. de accept. lat. At ademptio legati fit nuda voluntate, fit conjectura, l. 3. §. ult. de adm. leg. Pactum quoque fit nudo tacitoque consensu, l. 2. de pactis. Hæc actus non sunt solemnæ, nec exigunt verborum ullam scrupulositatem.

Ad L. II. Quib. mod. usufructus amitt.

Si duobus separatim alternis annis usufructus relinquitur, continuis annis proprietates nuda est, cum si legatarius unum substituit, cui alternis annis legatus sit usufructus, plena sit apud heredem proprietates, eo tempore quo ius fruendi legatario non est, quod si ex duobus illis alter decedat, per vires temporum plena proprietates erit. Neque enim accrescere alteri quicquam potest, quoniam propria quisque tempora non concurrente altero, fructus integri habet.

Q. Uæstio l. 2. quib. mod. usufructus amitt. de qua tractatur in princ. l. 2. in §. ult. est de usufructu uni vel pluribus legato alternis annis, & de jure adcrecendi, quæ de re est lex quoribus duobus de usufructu, quæ sequitur legem si Titio, & in eam necessario videndum est prius, inter quos sit ius accrescendi. Vulgo dicitur ius accrescendi esse inter conjunctos, vel inter eos, qui pro conjunctis habentur: quæ definitio in plerisque falsa est, & certior est definitio Celsi, quam paulo post tradit: sed interim, quæ sint genera conjunctorum perstringamus. Alii sunt conjuncti re & verbis, qui scilicet conjuncta scriptura in eandem rem vocantur, puta hoc modo: Primo & Secundo illam fundum lego, l. triplici,

fia Canin. & l. Ælia Sentia, l. Fufia testatori non licebat manumittere, nisi certum numerum hominum. Finge: manumissi sunt plures, qui ex his pervenient ad libertatem? quibus prioribus erit adscripta intra numerum legitimum: ceteri non consequentur libertatem. l. Ælia Sentia in fraudem creditorum non licet, nisi unum servum manumittere, & heredem scribere. Finge, eum scripsisse duos vel tres, quis erit liber & heres? & sequemur ordinem scripturæ. Is igitur erit liber, qui priore loco fuerit scriptus, l. qui solvendo 2. & l. si non lex, §. 1. de hered. inst. Verum quid fiet, si is ordo scripturæ non appareat? Finge, in proposita specie, eum legasse usufructum duobus, qui erant ejusdem nominis separatim, ea scilicet mente, ut alternis annis fruerentur, non simul uterque, & dicitur scripsisse hoc modo: Titius usufructu, de lego alternis annis. Vel finge, eum legatariorum nomina scripsisse in orbe terti. Et hoc sane casu, quia non apparet, quis sit prior, quid juris? Necessè est, ut inter se conveniant ea de re, vel si nolint convenire, se invicem impediunt, sibi invicem obstant; quia sane occurrere non possunt in idem tempus contra voluntatem defuncti. Et ita etiam ad l. Æliam Sent. in superiore casu respondet l. qui solvendo, §. 1. & seq. de hered. inst. Item etiam Cajus 1. Instituit. respondit ad l. Fufiam Caninianam. Ergo neuter perveniet ad legatum, quia sunt refractarii nimis. Verum placet, quod annotat Accurs. in l. quosvis duobus, eos posse cogi, ut conveniant inter se intervenit pratoris, vel etiam rem hanc posse forte dividicari, ut in duplicibus judiciis quotiens queritur, quis prior causam dicere debeat, forte dirimitur, l. sed cum ambo, de judic. Quintil. 7. Scio sæpe questum, quis prior dicere causam, quod atrocitate formularum, vel novissime forte diducatur: nam quis præferri atrocem actionem, & eum cujus numerus est amplior, in qua de majori quantitate vel auxo agitur, vel si pares sint actiones, necesse rem dirimi forte. At quid rursus fiet, si uni tantum legatus sit usufructus alternis annis, quis prior fruetur, ipse, an heres? Hoc vero facile expediri potest, & sine forte: nam jus est certissimum, fructuorum priorum eum, cui fructus legatus est, quando quidem legatum est purum. Cedit ergo statim ab adita hereditate. Et hoc etiam significat Papin. §. ult. his verbis, quod sane ultra primum fac. Sed & de legato usufructu alternis annis, notandum est in l. 28. h. tit. si usufructus legatur alternis annis, non posse eum non utendo amitti, regulariter autem amittitur non utendo usufructus, anno rei mobilis secundum jus antiquum, hodie triennio: vel rei immobilis non utendo biennio olim, hodie decennio: sed si relictus sit usufructus alternis annis, non potest perire uno anno, quia plura legata sunt: quot sunt alterni anni, tot sunt legata usufructus. l. cum usufructus, de usufruct. leg. Quo loco addit, aliud tamen esse in via, itinere, aqueductu, vel aquæ haustu, vel actu, aliud esse in servitute rustici prædii: nam etiam via sit relictæ alternis annis, vel aqua alternis annis, una est via, unum legatum, quod etiam ostendit l. si sic, quemad. servit. amitt. Cur plura sunt legata usufructus, si sit relictus alternis annis, & una est via, si sit relictæ alternis annis? Difficile est reddere rationem: redditur ratio, sed obscure in d. l. cum usufructus. his verbis: quia via vel aqua sui natura habet intermissionem, quia non semper possum ire, non semper aquam haurire, id est, semper hæc servitus habet intermissionem. Ergo si intermissio spectaretur, ratione intermissionis nunquam haberetur pro una, sed habenda pro pluribus: non una esset via, sed plures, quod est absurdum. At usufructus sui natura non habet intermissionem, sed factio nostra, puta judicio defuncti: atque ideo hanc intermissionem, quam finivit defunctus annis alternis non accipimus in annum, sed existimamus tot legata testatorem facere voluisse, quot fecit annos. Igitur si usufructus mihi relictus alternis annis, non utar hoc anno vel sequenti, annis alternis, an ideo amitto usufructum reliquorum annorum? minime. Sed via mihi relictæ alternis annis, si non utar hoc anno, non utar sequenti, alternatim, & reliquorum annorum servitutem

A amitto, quia una est servitus: substituas, id est, supponas posse, singulorum annorum fructus vacabit, id est, eorum annorum qui non concurrent.

Ad §. Si non mors.

Si non mors, sed capitis deminutio intercesserit, quia plura legata sunt illius anni tantum, si modo jus fruendi habuit, fructus amissus erit, quod & in uno legatario, qui fructum in singulos annos accepit, defendendum est, ut commemoratio temporum, repetitionis potestatem habeat.

B §. 2. Cum singulis fructus alternis annis legatur, si consentiant in eundem annum, impediuntur: quod non id actum videtur, ut concurrerent: multum enim refert, duobus simul alternis annis legetur, quod sane ultra primum annum procedere non potest, non magis quam si uni legatus ita fuisset: an singulis alternis annis: nam si concurrere volent, aut se impediunt invicem propter voluntatem, aut si ea non refragabitur, singulorum annorum fructus vacabit.

Q Uæ proponuntur in §. si non mors, valde sunt conjuncta, & proxima iis, quæ diximus: usufructus legatum alternis annis diximus non posse non utendo amitti, anno vel biennio, vel triennio, aut longiore tempore, quia plura sunt legata, quandoquidem testator plura legata facere voluit, quia usufructus sui naturæ intermissionem non habentem, intermittere voluit: at si legetur via, vel iter, vel actus, vel aqua alternis annis, unum est legatum, una servitus, quamvis intermissionem habeat ex judicio testatoris. Nam si intermissio faceret plures ex eo genere servitutes, quia nunquam esset una, nunquam una aqua, vel quæ alia servitus, sed esset omnis servitus rustica multiplex, quia omnis servitus rustica sui naturæ intermissionem habet: non possum uti via semper, vel itinere, vel aqua: nam non semper fundus meus indiget aqua, & fundi tamen gratia servitus aquæ constituitur. Et hoc distat potissimum rusticæ servitutes ab urbanis: nam urbanæ habent continuum usum, l. servitutes quæ, infra de serv. rust. præd. Exempli gratia, ædes altius elatas, aut superflatas continuo habeo. Igitur habeo continuo in ædes vicini servitutem, nec habet ullam intermissionem. Usus quoque sui naturæ non habet intermissionem, quia etsi non fructus capio semper, tamen utor semper, dum habito semper in fundo, vel in ædibus, vel in villa. Nam fructuario habitare licet, & morari perpetuo in re fructuaria: sed quod est

D notandum, proprietario licet in prædio, cuius usus est alienus, habere custodem prædii invito fructuario, habere saluarium vel insularium. Quia interest proprietariis finibus prædii tueri, l. si ita legatus, §. 1. de usufruct. & hab. Ergo usufructus non habet intermissionem sui naturæ: consequenter, si aliud voluerit testator, id est, si intermittere voluerit, ut si eum legaverit alternis annis, plura legata constitutæ voluisse videtur, plures usufructus. Et ita, per vices temporis renovabitur usufructus, nec erit idem singulis annis, sed alius. Notandum eadem ratione usum legatum alternis annis uni vel duobus separatim, non amitti capitis deminutione, quia plura tempora sunt. Regulariter usufructus amittitur morte naturali, quod est certissimum, sed & capitis deminutione fructuarii amittitur, quicunque secundum jus vetus, id est, maxima, media, minima. Maxima facit te servum: media facit te peregrinum: minima facit te extorrem domo, penatibus, familia tua, salva civitate. Hodie amittitur usufructus maxima & media, non minima: non amittitur emancipatione fructuarii, non adrogatione, quibus familia commutatur. Sed notandum est etiam, usum amitti morte ejus, in quo est usus, ut si sit legatus usufructus servi. Aditio etiam capitis deminutione servi usufructus amitti: quasi vero servus possit capite minui. Certe non potest, quia caput non habet, id est, neque civitatem ullam habet, neque libertatem, nec familiam, §. servus, de capite. minuit. Sed si manumittitur servus, etiam capite non minuitur, quandoquidem manumissio aliud facit, quam capitis minutio. Capitis minutio servum facit, & peregrinum, manumissio, facit liberum, & civem & patrem.

transf. Ergo manumissio non est capitis deminutio, sed in usufr. amittendo manumissio habetur pro capitis deminutione: nam usufr. amittitur manumissione servi, in quo erat, quia nec potest in libero homine usufr. esse alteri, l. ult. C. de usufr. Sed relinquamus eum hominem, in quo est usufr. Redeamus ad eum hominem, qui habet usufr. Regulariter, morte ejus & capitis minutione amittitur usufr. excepta minima capitis minutione ex Constit. Justin. l. pen. C. de usufr. Verum est hoc, si usufr. sit legatus singulis: sed si alternis annis, non amittitur capitis deminutione, hoc est, illius tantum anni usufr. amittitur, quo legatarius capite minuitur, non sequentium annorum: illius, inquam, tantum anni usufr. amittitur, & perit, si non sit ei collegatarius conjunctus, cui aderecat. Ideo posuit, si animadvertitis supra, speciem in usufr. alternis annis duobus legato separatim, non conjunctum. Cur vero illius tantum anni usufr. permittit, quo fructuarius capite minuitur? Quia plura sunt legata, & ut Pap. ait in hoc §. commemoratio temporis vim repetitionis habet. Repetitio est relegatum: ait repetitio legati, si amitto capitis deminutione, sequens non amittitur, nisi accedat nova capitis deminutio. Qui ergo legat usufr. alternis annis, plura usufr. legata constituit, & interveniente capitis deminutione, ille tantum usufr. permittit, qui eam præcessit, l. i. §. usque, hoc tit. non qui subsequitur. Idem omnino erit dicendum, si usufr. legetur in annos singulos, vel in menses, vel in dies: namque quot sunt menses, quot dies, anni, tot etiam legata, & commemoratio temporum facit plura legata: qui ita legat, non legat tantum, sed & relegat, iterum ac iterum d. l. i. §. ult. hoc tit. & l. i. de servit. præd. Idem etiam erit, si quis legaverit usufr. ad certum tempus, puta ad decennium: nam perinde est, ac si legasset in annos singulos usque ad decennium: hæc definitio temporis pro repetitione habetur, & plura sunt legata, quæ non amittuntur simul omnia contingente una capitis minutione. Idem erit omnino, etiam si quis legaverit usufr. quamdiu vixerit legatarius, quod tacite intelligatur id quod voluit exprimere, & dixit, lego tibi usufr. quamdiu vires. Hoc non videtur quod tacite inear, expressisse frustra: hæc finitio vitæ pro repetitione habebitur, l. 3. hoc tit. & l. si quem rem, §. ult. de evict. Ac ita hoc casu non eadem est vis taciti, quæ expressi: nam si exprimitur quamdiu vires, plura sunt legata, si id retineat, unum est legatum usufr. quod evenit sæpe in iure: expressa pupillaris excludit vulgarem, tacita quæ inest vulgari, non excludit vulgarem, l. precibus, C. de impub. & aliis subsi. Idem est, si non legetur usufr. adscripto tempore certo, sed legetur aliud certum quid in annos singulos, vel in menses singulos, & usque ad certum tempus, veluti certa pensio, certa quantitas alimentorum nomine: nam plura intelliguntur esse legata, quæ omnia mors una extinguet, sed non capitis minutio una, l. 4. l. cum in annos singulos de ann. leg. §. si duas, si cum præfinitione, quand. dies leg. ced. l. rem, de usufr. leg. Idem est, quod est notandum, si legetur perpetuus rei eventus ad certum tempus, vel in annos singulos, quod ipso jure non valet. Eventus non potest finire tempore solo, eventus non potest acquiri ad tempus, l. nemo potest, de leg. i. l. obligationum fere, §. placet, de oblig. & act. Sed si ita constituitur dominium ad tempus, ratum erit legatum. Rata conventio remedio cautionis: nam legatarius cavebit de restituenda re post tempus, vel etiam remedio exceptionis: Nam si eam nanciscatur heres, heres retinebit rem ope exceptionis dolus mali, quæ est sententia l. ult. C. de leg.

Usufr. repetitus & relegatus esse videtur, qui legatus est alternis annis, mensibus, diebus, quo genere perspicuum est, restatorem intermitteri usufr. voluisse. Et hæc voluntas satis idoneum argumentum præbet repetitionis. Sed etsi restator noluerit usufr. intermitteri, verum legaverit in annos singulos, vel si ad certum tempus, puta usque ad decennium, vel ad tempus vitæ, quamdiu vivat legatarius: his quoque modis non videtur repetitus usufr. Et his quidem omnibus modis repetitur palam, sed

A repetitus intelligitur. Igitur commemoratio illa sine definitione temporis vicem repetitionis habet, ut hic ait Papin. Videamus an nunc repeti nominatim usufr. possit, ut proponetur in l. 3. in princ. hoc tit. Titio lego usufr. illius fundi, quotiensque Titius capite minutus fuerit, alii eundem usufr. do, lego, vel quotiens amissus erit usufr. ei eundem do lego, & recte Florentie scriptum, quotiensque, pro quotiescunque. Et ita est scribendum in l. in singulis, de ann. leg. & l. 2. §. merito, ne quid in loco publico, quotiensque, in publico aliquid fieri permittitur, oportet promitti, ut sine injuria cuiusque fiat. Ergo ex principio l. 3. intelligimus, non tantum tacite, sed etiam expressim usufr. in eum casum, quo amittitur, repeti & iterari, id est, relegari posse argue restitui. Repetitio usufr. est relegatum vel relegato, quæ sit in casum capitis minutione, ut sc. & post capitis deminutionem, alius ejusdem persona, quæ capite minuta est, ejusdem rei usufr. competat & debeatur, & non tantum post capitis deminutionem, sed postquam amissus erit quacunque ratione, dummodo non morte, l. 5. hoc tit. nam post mortem frustra repetitur, nisi hereditas legatarii legetur quasi novæ personæ, quo tantum casu heredum appellatio pertinebit tantum ad proximos, non ad quoscunque in infinitum, arguendo l. antiquitas, C. de usufr. Alioquin si usufr. pertineret ad omnes heredes in infinitum, inutilis fieret proprietas, semper abscedente usufructu. Qui legat igitur usufr. hereditibus, primis tantum hereditibus legat. Sed notandum valde quod ait d. l. 5. repeti posse usufr. amissum quacunque ratione, dummodo non morte: qui excipit amissum morte, quacunque alia ratione amissum concedit repeti posse. Et ob id in l. 7. h. t. non hæc tantum datur formula repetendi usufr. quæ est specialis, quotiescunque capite minutus fuerit. Septem sunt rationes amittendi usufr. morte, capitis minutione, tempore, si ad certum tempus sit legatum, non utendo legitimo tempore, & rei mutatione sive peremptione, itemque cessione in jure, id est, si fructuarius ad prætoris fellam usufr. cedat proprietario. Ac postremo domini sui proprietatis acquisitione, quod est confusio, sive consolidatio. Excepta morte, his omnibus modis, postquam amissus est usufr. repeti potest. Post capitis minutionem certum est usufr. repeti intermitteri uti, l. si usufr. alternis, h. t. Post tempus, cur non etiam repetitur? Item restituta re, quæ debuit usufr. puta restituta domo, cuius usufr. fuerat legatus, & quæ post fuit exorta: cur etiam non repetitur usufr. hoc modo, quotiens res periretur, eidem usufr. do, lego, si restitueretur. Item postquam fructuarius cessit proprietario, cur in hunc casum etiam non repetitur? Ac postremo proprietate acquisita fructuarius, & ea reverfa ad heredem, cur etiam in hunc casum non repetitur? ergo verum est, quod ait d. l. 5. quacunque ratione amissum repeti posse usufr. Videamus, an etiam quacunque capitis minutione amissus usufr. repeti possit. Accurrit existimat, non posse repeti nisi amissum minima capitis deminutione, quandoquidem existimat, non posse his legari, qui passi sunt maximam & mediam capitis deminutionem, quod falsum est: nam l. 5. ait quacunque ratione: ergo & quacunque minutione: aut si hoc restringatur ad minimam, inutile est quicquid scriptum est in l. 3. h. t. & in l. in singulos, de ann. leg. Nam hodie ex Constit. Justin. usufr. non amittitur minima capitis minutione, l. pen. C. de usufr. Quod non amittitur, inutiliter repetitur. Tribonian. ex Constit. Justin. §. i. de usufr. leg. dum ibi dicitur, usufr. amitti, si legatarius minutus fuerit, adiecit ex magna causa, hoc est, si subjerit maximam & mediam capitis minutionem, quia sc. hodie non amittitur minima deminutione: & fortiter defendi potest; hodie nullam esse minimam capitis deminutionem. Emancipatio & adoptio est minima capitis deminutio, redigitur enim his modis cum in imaginariam servitutis formam, antequam adoptetur, vel emancipetur, l. ult. de capiti. minur. l. ult. C. de adopt. Hodie et imaginariæ venditiones non sunt in usu: qui emancipatur, apud acta emancipatur, Ergo qui adoptatur, sit alieni juris sine capitis minutione. Et qui emancipatur, sit

sui juris sine capitis diminutione. Sicut qui morte patris, vel adoptione fit sui juris sine capitis diminutione; Nec quod ex filio pater fit, ideo capite minor, l. 3. §. ult. ad Maced. l. 1. §. sed est mortis, quando de pecul. act. annalis est. Et similiter dignitatibus quibusdam certis mei juris sine capitis diminutione, Nov. 81. & jure veteri Sacerdotio & Flaminio Diali mei juris efficitur. Ac similiter hodie mei juris sine capitis diminutione per emancipationem. Merito igitur hodie emancipatione non amittitur usufructus. Tribonianus igitur, qui ex Constit. Justin. in d. l. 3. adjecit hæc verba, ex magna causa, non reliquisset tot locos de usufructu post capitis diminutionem, si non posset accommodari ad maximam & mediam capitis diminutionem. Ergo profliganda hæc opinio Accursii, qui potius affirmandum nobis est, aptari posse ad quamlibet capitis diminutionem. Non est præterea omnino verum, non posse legari his, qui passi sunt maximam & mediam diminutionem: maxima facit servus pœnæ, media facit peregrinos. Constat autem primum servis alienis posse legari ex persona dominorum, non minus, de hered. instit. Ergo & relegari. Et consequenter, legatum libero relicto, post servitutem repeti constat etiam damnatis in metallum, quamvis nullius sint servi: ex cuius persona possint designari, & habere testamenti factionem: non servus Cæsaris, non fisci: sed servus pœnæ metallicæ, quamvis nullius sint servi quam pœnæ, cui obnoxii sunt, tamen eis recte legatur ex causa alimentorum, ut l. 3. §. de alim. leg. l. 1. de his, qui prænon scripti hab. Et similiter deportatis, id est, peregrinis recte legatur ex causa alimentorum, l. 16. de interdict. & releg. Et usufructus, nonnunquam legatur alimentorum causa, l. cum hi §. si annos, de transact. Ergo usufructus relegatur recte maximam & mediam passis capitis diminutionem. Obstat l. licet, de usufructu leg. quæ ut scripta est, videtur velle, uno tantum casu repeti usufructum legatum: videlicet, si relegatur in annos singulos, quod pugnat cum his, quæ diximus: nam & repeti diximus, si legatur ad certum tempus, vel alteris annis ad certum tempus, vel si legatur, quamdiu vivat legatarius, & etiam nominatim recte repeti. Videamus quæ sint verba legis: licet, inquit, testator repetere legatum usufructus, ut l. 3. post capitis diminutionem debeat. Quod autem licet, lege licet aut constitutione aliqua: & ideo quia dixit, licet, subiicit, & hoc nuper Imperator Antoninus ad libellum rescriptit. Ergo ex ea Constitutione licet testatori repetere legatum usufructus, & subiicit, tunc tantum huic Constit. locum esse, cum in annos singulos relegendur: male Accursius legit, res legatur, melius relegendur, ut in l. 3. h. t. Etiam male Accursius legem intellexit de tacita repetitione: nam maior erat quæstio, an posset repeti expressim: facilius quid fit tacite, quam expresse, nonnunquam, de condit. & demonstr. l. si quis Sempronium, de hered. instit. Est varia lectio illius loci: alii habent: tunc tantum, alii, tamen tamen: utraque falsa est: legendum est, nec tantum. Lex enim ait, licet testator repetere legatum usufructus. Et hoc jus ait esse ex rescripto Antonini, nec tantum huic Constit. locum esse, cum in annos singulos relegendur: sed cum relegendur nominatim: nam ita omnino scriptum est in primo. l. 3. hoc tit. id est, non tantum legari posse in annos singulos, atque ita tacite repeti, sed etiam palam posse repeti. Et de eo dubitatur magis, quod repetitio usufructus post capitis diminutionem, videtur fieri fraus juri publico, quo cautum est, ut usufructus finiat capitis diminutione. Verum fraus non fit in totum, aut naturali ratione: nam is usufructus amittitur capitis diminutione, qui jam præcessit, non qui insequitur: & qui insequitur secundum jus publicum extinguitur contingente alia capitis diminutione. Ergo ex Constit. Antonini, non tantum tacite, sed & palam repetitur usufructus.

Ad §. Hæc autem repetitio l. III. quibus mod. usufructus amittit.

Hæc autem repetitio, quæ fit post amissionem capitis diminutione usufructus, queritur, an & jus accrescendi saluum secum habeat; ut puta Titio & Mævio usufructus leg. Tom. IV.

A gatus est: & si Titius capite minutus esset, eidem usufructum legavit: quæsitum est, si Titius ex repetitione usufructum haberet, an inter eos jus accrescendi saluum esset? Et Papin. lib. 17. quæst. scribit, saluum esse, perinde ac si alius esset Titio in usufructu substitutus. Hos enim tametsi non verbis, re tamen conjunctos videri.

His quæ retulimus ex l. 2. hoc tit. necessario addendæ sunt quæstiones duæ, quæ referuntur ab Ulpiano in l. 3. h. t. Prior hæc est, an repetitio usufructus quæ fit post amissionem usufructus capitis diminutione, etiam jus accrescendi saluum secum habeat, quæ proponitur in §. hæc autem repetitio. Eadem est quæstio posterior proposita in §. idem Pap. ejusdem legis. Et hoc tantum interest, quod una est de usufructu toto, altera de parte, & hæc subtilior illa. Ad priorem quæstionem faciemus hoc modo: legatus est fundi usufructus.

Titio & Mævio iisdem verbis: lego usufructus Titio & Mævio: sunt conjuncti re & verbis, & inter eos locum habet jus accrescendi, id est, repudiante, vel moriente, vel capite minuto alter retinet totum usufructum. Quid est jus accrescendi? est retentio totius legati. Quid est jus accrescendi? nullius in legato concursus. Sed rursus finge: idem usufructus separatim repetitus est in persona Titii, hoc modo: quæntique Titius capite minutus erit, ei usufructus lego. Queritur, Titio capite minuto, & nunc habente usufructus ex repetitione, an Titius & Mævius conjuncti sint: atque ita, an sit inter eos jus accrescendi? An Titio mortuo, vel capite minuto advescet Mævio, vel contra, Mævio mortuo, aut capite minuto, an advescet Titio? Et certissimum est, quod Papin. ait, inter eos saluum esse jus accrescendi: nam initio quidem fuerunt Titius & Mævius re & verbis conjuncti, post capitis diminutionem Titii, Titio habente usufructus, ex relegato, non sunt conjuncti quidem verbis, quia separatim, id est, separata oratione in persona Titii repetitus est usufructus. sed sunt re conjuncti, quia ulcunque in solidum legatus aut relegatus est usufructus. Ergo inter eos est jus accrescendi: nam jus accrescendi locum habet non tantum inter re & verbis conjunctos, sed etiam inter re tantum conjunctos, secundum regulam Celsi, quæ est in l. 3. de usufructu accresce. quia singulis ab initio solidum reliquitur, nec nisi concursu partes faciunt. Inter verbis tantum conjunctos, quibus ab initio adscribunt partes, atque ita qui quasi in diversas res vocantur, puta hoc modo: Titio & Mævio usufructus ex æquis partibus. Inter hos non est jus accrescendi, quia concursus non faciunt partes, sed eas habent ab initio factas testamentis. Et inter verbis tantum conjunctos non esse jus accrescendi, quod & ex veteribus animadverti, ostendit aperte lex pen. de usufructu accresce. & l. 66. de her. inst. Conjunctio orationis nihil facit, quia plerumque affectatur celeritatis & brevitatis studio. Conjunctio rei hæc est, quæ momentum habet, & pondus, quæque gignit jus accrescendi. Et idem etiam ostendit §. si eadem, in l. 1. de leg. qui statuit jus accrescendi inter re & verbis conjunctos, & inter re tantum conjunctos, & nihil adjicit de verbis tantum conjunctis, quia inter verbis tantum conjunctos non est jus accrescendi: nisi testator adscripsit partes ab initio ea mente, non ut eos separaret, & in diversas res vocaret, sed ut fieri adsoleat, ut ostenderet, quas partes facturi essent concursus: quo casu verbis sunt conjuncti palam, non re, sed etiam re intelliguntur esse conjuncti ex mente defuncti. Et ita est casus ad l. re conjuncti, de leg. 3. dum ea lex non tantum re & verbis conjunctum præter re conjuncto, sed etiam verbis tantum conjunctum, qui ex mente defuncti & re conjunctus est. Alioqui frustra queris, an verbis conjunctus tantum præferatur ceteris, qui detracta voluntate defuncti, nullum jus accrescendi habet. In hac specie, quia & Titio habente usufructus ex repetitione, Titius & Mævius judicantur esse re conjuncti, licet non sint conjuncti verbis inter eos versatur jus accrescendi: & idem eveniet usufructu legato Titio & Mævio, si non repetitur usufructus post capitis diminutionem Titii, sed in eum casum Titio Sempronium substituerit: nam substitutio fit etiam recte in legatis, l. si in heredibus, de leg. 1. Ergo non ita dixit, si capite minu-

minutus erit, ubi usufr. lego, sed ita: si capite minutus eris, Sempronius tibi substitutus esto. Hoc casu inter Mævium & Sempronium erit jus accrescendi, quia sunt re conjuncti, quamvis non eodem gradu. Gradus non mutat conjunctionem rei inter me & te: si sit jus accrescendi, erit inter me & substitutum tuum. Et similiter in causa proprietatis, quæ potest transmitti ad heredem, erit jus accrescendi inter me & heredem tuum, l. hæc scriptura, §. ult. de cond. & demonst. l. cum ex filio, §. ult. de vulg. subst. Et hæc sufficiant de priori quaestione.

Ad §. Idem, eodem.

Idem Papin. querit, si Titio & Mævio usufructu legato, in repetitione usufructus non totum, sed partem Titio relegasset, an videretur conjuncti? Et ait, si quidem Titius amiserit, totum socio adcreverit. Quod si Mævius amiserit, non totum accrescere, sed partem ad eum, partem ad proprietatem redire. Quæ sententia habet rationem: neque enim potest dici, eo momento, quo quis amittit usufr. & refumit, etiam ipsi quæquam ex usufr. accrescere: Placet enim nobis, et qui amittit usufr. ex eo, quod amittit, nihil accrescere.

SEquitur posterior quaestio. Fines: legavi usufr. Titio & Mævio: sunt conjuncti re & verbis: & si Titius capite minueretur, eidem relegavi non totum usufr. sicut in priori specie, sed partem usufr. tantum. Sed hoc casu, an etiam Titius post capitis minutionem, quam subiecit, & Mævius conjuncti sint? Et dicam esse etiam conjunctos re, non verbis: nam cum uni legatur totum, alteri pars, sunt invicem conjuncti re, quia pars est in toto: & cui legatur totum, ei etiam legatur pars, quæ legatur alteri, l. Mævio, de leg. 2. §. 3. §. non solum, de usufr. accresc. Mævio legatus est totus usufr. Titio pars. Ergo inter Mævium & Titium habebunt partem usufr. ex repetitione erit jus accrescendi mutuum. Omne enim jus accrescendi est mutuum, & reciprocum. Sed tantum hæc est differentia hujus casus posterioris a prioris, quia Titio amittente usufr. quem habet ex legato, totus accrescit socio, §. idem Papin. id est, Mævio, collegatarius vocat socium, ut l. 8. usufr. quemadm. cau. Nam & collegatarios omnes conjuncti ad societatem, l. heredes, §. non tantum, fam. ercisc. Et omnes re conjuncti, socii sunt. Hoc ergo dicas, Titio amittente partem usufr. quam habet ex legato, quum ex legato habebat totum, totum illud parti accrescere Mævio: contra, Mævio amittente usufr. qui totus ei fuerat legatus, totus is, quem habuit Mævius, non accrescit Titio ex repetitione habenti partem usufr. sed pars tantum: pars altera redit ad heredem scriptum, id est, ad proprietatem, atque ita usufructus sunt tres partes: unam habebit Titius jure repetitionis, alteram jure accrescendi, tertiam autem habebit proprietarius, sicut heres scriptus jure consolidationis. Et ratio hæc est valde elegans & subtilis Papiniani nostri, quia Titius initio totum amittit capitis minutione, & mox partem tantum refumpsit, sive recepit ex repetitione. Ac consequenter partem alteram omnino amittit, nec refumpsit: quia accrescere ea pars ei nullo modo potest: quæ non refumitur, nec accrescit: ne fiat contra voluntatem testatoris, si legatarius plus habeat parte legati prioris, quæ si non accrescit, ergo recurrit ad proprietatem, id est, heredem scriptum. Pars usufr. quem amittit collegatarius, mihi accrescit sane, etiam si amiserim meam partem, licet cum alio contestata, l. idem, de usufr. accresc. l. si Titio fructus, §. usufr. de usufr. Pars autem mea, quam amisi, mihi nunquam accrescit: igitur ex repetitione partem tantum usufr. refumo: pars altera, quam non refumo, mihi non accrescit contra voluntatem defuncti, arg. legis cum tale, in fin. de cond. & dem. sed accrescit collegatario, veluti Mævio, in hac specie, ac deinde deficiente collegatario, etiam pars illa, quam amisi semel, nec refumpsi, mihi non accrescit, sed recurrit ad proprietatem, pars altera mihi accrescit. Itaque peritissime dixit in specie propo-

A sita Papin. usufr. quem habuit Mævius, qui defecit capitis minutione, partem ad Titium redire, partem ad proprietarium: nec totum posse redire ad Titium collegatarium: quæ in usufr. Mævii fuit pars, quam amiserat ante Titius, nec receperat jure repetitionis, nec recipiet etiam jure accrescendi. Hic est certissimus sensus, in quo multum laborat Accurs. Notandum ex eo prætere, hæc esse vim repetitionis, si intermissionem non habeat, ut si non legatur usufr. alternis annis, vel non singulis, quo genere repetitur quidem, sed cum intervallo temporis. Si igitur repetitio intermissionem non habeat, ut si legatur in annos singulos, vel dies, vel si legatur ad certum tempus, vel ad tempus vite, vel manifesta repetitio, quotiens capite minutus erit, vel amissus erit, vis ejus repetitionis hæc est, ut eodem propter momento legatarius amittat usufr. & refumat, ut eodem momento amittat & refumat legatum, vel partem, si pars tantum relegata fuerit. Partem autem amittam, nec refumptam, nec possis dicere accrescere parti refumptæ eodem ipso momento, & nec postea ex intervallo, puta collegatario amittente usufr. Et omnino ita se res habet: ei, qui amittit usufr. ex eo, quod amittit, neque mox, neque postea quæquam accrescere potest, etiam si ex eo, quod amittit portionem aliquam refumit potestatem repetitionis.

Ad L. VIII. de Usufr. ear. rer. quæ usu consum.

Tribus heredibus institutis, usufr. quinquaginta millium Titio legavit, & duos ex heredibus jussit pro legatario satisfacere. Placebat, utile esse cautionis quoque legatum: nec refragari Senatufconsultum, quia cautio non impediretur, & esse alterum legatum, velut certis, alterum incerti. Ususfructus itaque nomine partem pecunie petendum ab eo, qui satis accepit a coherede, incertum cum eodem agendum, si satis non dedisset. Eum vero, qui satis præstitit, ac propter moram coheredis satis non accepit, neque fructus nomine interim teneri, propter §. litem: neque actione certi, quia coheredi satisfecit. Illud etiam nobis placet, legatarium cogendum promittere. Finito autem usufr. si coheredes ex causa fidejussoria convenirentur, eos mandati non acturos: non enim fidejussoriam convenirentur, sed voluntati parvisse: denique cautionis legato liberatos. De illo nec diu tractandum fuit, secundum legatum, id est, cautionis, non heredum videri, sed ejus, cui pecunia usufr. relicta est, cuique testator prospicere voluit, & cuius interesse credidit, fidejussores non suo periculo quævere.

OTus hic tit. Senatusc. est, quo cautum fuit, ut eorum rerum, quæ in bonis essent, legari usus & fructus possent, l. 1. h. t. l. de usufr. leg. l. usufr. ad l. Falcid. Igitur ante SC. omnium rerum usus, ut fructus legari non potuit, quoniam nec omnium rerum est usus, id est, non omnes res in usu consistunt: sunt quæ perdis, si incipias uti: perdis oleum, frumentum, esculentum, si utaris, sed senatus decrevit, ut & harum rerum, & generaliter omnium, quæ in bonis nostris essent, usus & fructus legari possent, ad quod SC. totus hic titulus pertinet. Pecunia numerata id est, nummi, vinum, oleum, frumentum, lana, odores, aromata, vestimenta sunt in bonis nostris: ergo earum rerum usus, vel usufr. legare possimus. Quod tamen cum dixeris, cum natura ipsa punire videbatur, quia vi & natura harum rerum non est usus, sed abusus est, ut est in l. §. 1. h. t. hæc res non sunt in usu sed in abusu uno loco, & alio loco ait, in assumptione. Abusus est assumptio rei, privato vel peremptorio usu: abuti, quod & deuti dixit Aem. Probus, est absumere, & ut legendum videtur in l. 7. h. t. sup. hæc res abusu continentur, vulgo legitur, usu continentur. Sed & Pandectæ Flor. habent, continentur, & Baf. in avo- xpo-ru, id est, in abusu, & usufr. est jus utendi, fruendi salva rerum substantia, l. 1. de usufr. ea verba, salva rerum substantia, cum maxime in definitione adjicit: An ut vulgo existimant omnes, quia exempli gratia domo exusta, aut fundo perempto terre fragore sive chafmate, vel ut ait l. penul. C. de usufr. precepta rei substantia finitur usufr. ejus rei? An ob id igitur adjecit, salva rerum substantia? quod vix crediderim: nam cui hanc rationem amittendi

tendi usus. comprehenderet in definitione potius quam alias? Aut quid attineret in definitione exprimi rationem ex septem unam amittendi usus. Dixit ergo, *salva rerum substantia*, quia si utendo pereat statim rei substantia, non est usus, sed abusus: si utendo rem perdas & consumas, si interimas rei substantiam, si vino aut pane abutaris, non utaris. Quid est igitur usus? quo scilicet utimur re salva, alioqui est abusus, usus non perimit rem. Abusus perimit. Eadem est ratio pecunie vel numerorum: nam pecunia qua utimur, quodammodo disperit. Et ut ait §. *constituitur*, *Instit. de usus*. pecunia ipso usu affidua permutatione, complurium manuum attritione, quodammodo extinguitur. Eadem est etiam ratio vestimentorum: nam & hæc usu deteruntur: nec igitur eis utimur, quin aliquatenus abutamur. Supra dixi, nec feci gradus harum rerum: nam usus sum exempla vini, pecunie, & vestis; tollis & absumis vinum quo uteris, nummos, quibus uteris, non tollis, manent, sed quodammodo tollis cum permutas, & in alias manus pervenire spis: vestimenta, quibus uteris, minus, dum usu atteris, ut in *l. 1. hoc sit. tolluntur aut minuantur*: contra agrum, qui proprie in usu consistit, quo uteris, neque minus, neque tollis: possis defrugare, veluti ligno, segete aut satione continua, non tollere aut minuire: quemque etiam necita defrugare possis, ut non possit ad fruges, ad vires redire nova cultura. Igitur nullo SC. fieri potest, ut earum rerum, quæ sunt in abusu, sit usus vel usufructus. natura rerum mutari. non potest jure civili. Verum Senatusconsultum, de quo agit in hoc tit. efficit, ut etiam earum rerum, quæ sunt in abusu, quasi usus fr. esset, introducto remedio cautionis: nam ita res procedit. Si legatus sit usus. pecunie, five numerorum, legatarius numeratione ejus pecunie dominus sit pleno jure, sed cave heredi de reddenda tanta pecunia, si morietur aut capite minuetur. Hi duo tantum casus excipiuntur: nec enim non utendo, nec aliis modis pecunie usus amitti potest, *l. 9. §. 10. hoc tit. l. 7. §. ult. usufr. quemad. caveb.* Eodemque modo, si legatus sit usufructus. vini aut cellæ vinariæ, legatarius traditione dominus fiet, sed cavebit heredi de reddenda tanta pecunia, cum morietur aut capite minuetur, quanti vinum æstimatum fuerit: traditur enim illi æstimatum, vel etiam cavebit de reddenda eadem mensura, bonitate vini, *l. si vini 7. h. t.* Et ex his etiam apparet horum trium generum differentia: is, cui legatus est usufructus. vestis, cave de reddenda eadem veste, in omnem casum amissi usufr. nec tenetur, si usu attritam reddat, *l. 9. §. pen. usufr. quemad. cav. inf. vel etiam, quod est melius, ut superioribus casibus vestis ei tradatur æstimata, & cavebit de reddenda æstimata tempore mortis suæ, aut capitis minutione, d. §. constituitur, Instit. de usus*. Videtur ita per cautionem hanc rei, cujus non est proprius usus, quodammodo usus constitui, & in accipientem legatarium transferri fane dominium, sed propter cautionem, hoc dominium effectum tantum habere usus, namque finitur morte, aut capitis minutione. Remedio cautionis multa sunt, quæ alias fieri non possent. Remedio cautionis dominium constituitur ad tempus nominatum, ut, *lego tibi rem ad decennium*. Et remedio cautionis ita dominium finitur tempore quodammodo, quod alias non finiretur tempore, *l. ul. C. de leg.* Remedio cautionis quasi usufr. constituitur earum rerum, quarum sua natura non est usus, sed abusus, ut fane hodie locus non sit argumento *Cic. in Top.* eam, cui maritus legavit fructus omnium bonorum, cellis vinariis & oleariis plenis relictis non posse uti, quia usus sit legatus, non abusus: nam id quidem ita est detractio remedio cautionis: verum adhibito remedio cautionis, longe aliud est: ac proinde oblata cautione, mulier etiam utetur cellis vinariis & oleariis, cum legatus est usufructus omnium bonorum: nam ex Scto nihil est, quod non cedat in usufr. legatum, *l. usufr. ad l. Falcid.* Quin & cautio forte omissa tacite intelligitur, *l. 5. §. pen. hoc tit.* Plus efficit remedium cautionis, ut scilicet constituarur quasi usufr. vel usus itineris, viæ, ætus, aquæductus, vel aquæ haurius, quod neque etiam natura sit, neque ex SC. videtur

Tit. IV.

A fieri: nam natura non fert ut sit usus, vel usufr. itineris, id est, servitus servitutis: servitus est qualitas: qualitas qualitas non est: ergo est valde absurdum, si dixeris, usus usum esse: itineris est usus, sed hujus usus non potest esse abusus: neque enim utile est legatum propter Senatusconsultum, quod loquitur tantum de his, quæ sunt in bonis nostris: servitutes non sunt in bonis nostris, ob id quia nec sunt, sed intelliguntur: sunt enim res intellectuales, quæ sensibus non percipiuntur, sed intellectu solo separantur & abstrahuntur: non potest esse in bonis nostris, quod non est, sed neque etiam ex sunt extra bona: nam latissima est bonorum significatio: etiam jura, actiones, obligationes, servitutes, & quælibet res omnes incorporales patrimonio nostro accensentur. Ergo videbatur esse inutile legatum, si quis legaret usufructum itineris, id est, servitutis illius: sustinetur tamen legatum remedio cautionis: nam heres persolvit legatum, si legatarius ei caveat de restituenda ea servitute, quoties mortuus, aut capite minutus erit, *l. 1. ff. de usu & usufr. leg.* Et eadem ratione dubitabatur etiam post SC. an posset legari usus nominum: nomina sunt jura, obligationes, &c. Dubitabatur propterea, quod non sunt proprie, quæ corpore prædita non sunt, quæ juris tantum intellectum habent, juris fundamentum: sed placuit etiam usufr. nominis recte legari, & usuras videri legatas, *l. 3. h. t.* Usura est quasi usufr. nominis: & ita quod notandum maxime, in hoc proposito remedio cautionis: nam usura nominis non debetur nisi ex cautione, id est, stipulatione, *l. 3. C. de usur. l. Titius, supra de præscript. verb.* Remedium, inquam, cautionis seu stipulationis efficit, ut pecunia quodammodo pariat pecuniam: nec mirum, si pariat, quod sæpe abortum facit. Hæc autem cautio SC. ut indicat hæc *l. 8.* est satisfactio fidejussoris, id est, cavere hanc cautionem legatarius debet datis fidejussoribus, nec satis est, si ipse promittat solus, promissore ipso opus est, & adpromissore: denique hæc cautio est satisfactio, nec potest remitti a testatore, *l. 1. C. de usufr.* alioquin nullus esset effectus legati, & secum ipse testator pugnaret, si legaret usufructum numerorum, & detraheret istam cautionem, non potest impediri hæc cautio a testatore: nam & SC. nominatum injungitur *l. pen. hoc tit.* & cautio legib. usitata non potest etiam remitti a testatore, nisi id D. Marcus permittit, *l. 2. ut in poss. leg.* Nam testator non potest facere, ne leges locum habeant in suo testamento, nisi alia lex hanc ei potestatem dederit, *l. nemo potest, de legat. 1.* Et verum est, non posse testatorem aufere satisfactionem, & si velit ea exonerare legatarios, potest, id est, si nolit eos fidejussores querere, suo periculo posse onus fidejussoris transferre in heredes suos, ut scil. ipsi fidejubeant pro legatario sibi invicem, & aliis coheredibus, ut in specie hujus *l. quæ est talis*. Quidam tres heredes scripsit, & legavit ab omnibus Titio usufructum. quindecim nullum, & duos heredes jussit pro Titio fidejubere de reddenda ea pecunia mortuo, aut capite minuto legatario. Duplex est legatum relictum Titio, unum est legatum usufr. quod quidem petet actione certi ex testamento, quæ est certa summa, cujus traditione fiet dominus, & petet ab omnibus heredibus pro portione hereditaria. Alterum legatum, est legatum cautionis five fidejussionis, quod petet a duobus illis heredibus actione incerti ex testamento: nam cautio, obligatio, liberatio jura omnia incorporalia sunt, res incertæ petuntur actione incerti; cautio petitur actione incerti, *l. 5. §. 1. hoc tit.* eas cautiones petet actione incerti, id est, ut fidejubeant pro eo de reddendo usufr. pecunie tempore mortis suæ, aut capitis minutionis, & ut de ea re caveant invicem sibi & tertio coheredi. Igitur Titius ea de re promittet prius, post pro eo fidejubeunt illi duo heredes invicem sibi, & tertio coheredi. Et quod notandum, quod est subtilius, in hac l. poterit conveniri ex illis duobus heredibus actione certi, ut præter partem pecunie hereditariæ is, cui coheres satisfecerit: poterit etiam conveniri actione incerti, ut satisficeret, si nondum satisfecerit. Is autem, cui coheres non satisfecerit, non poterit conveniri actione certi, ut petat

E e 2

partem

partem summam, nec actione incerti, si jam satisfecerit. Et notanda ad hæc sunt duo singularia, usufructus quindecim millium peti actione certi, cum tamen dicatur in l. ubi autem, ff. de verb. obl. usufructus peti actione incerti. Nam & usufructus ius est, ergo incertum est; quam legem Accursius opposuit huic nostre. Sed breviter respondendum: hic non tam videri legatum usufructus quam dominium & pecuniam certam, cuius sane fit dominus adnumeratione. Petit igitur certum, quia petit sibi dari oportere, id est, se dominum fieri oportere oblata cautione, quæ dominum perducet ad effectum quasi usufructus. Ultimo notandum, hoc est, legatarium vel heredem ejus, quia scilicet non mandavit is, non mandatu ejus fideiussurum, sed iussu testatoris, & non propter alienam obligationem, sed propter suam, ut se liberarent legato cautionis sibi a testatore iniuncto, propter quam fideiussures non habent regressum, ut si donandi animo, vel in rem suam. Et hoc casu agnoscimus summam rationem hōs fideiussures non habere regressum adversus legatarium.

Ad L. LXXXVII. de Hered. instit.

Asse vero non distribuo, ita scriptum est: quem heredem codicillis fecero, heres esto, Titium codicillis heredem institui: ejus quidem institutio valet ideo, quod licet codicillis dari hereditas non possit, tamen hac ex testamento data videtur. Sed hoc tantum ex hereditate habebit, quantum ex asse residuum maneat.

ESe perbrevis & facilis questio hujus l. Sciendum est hereditatem verbis civilibus testamento dari: codicillis dari non posse, quod per manus esse traditum, id est, veterem regulam juris esse didicimus supra lib. 15. Pap. & l. quod per manus, de jure codicill. lex 10. de cond. inst. ait, interdictum esse hereditatem verbis directis codicillis dari vel adimi. Inde quaeritur hoc loco, an valeat institutio heredis testamento facta, hoc modo, quem codicillis heredem fecero, ille heres esto, si postea codicillis heredem fecerit Titium? Et ait, quod erat non admodum difficile, institutionem valere: quia non videtur data hereditas codicillis, sed testamento potius: codicilli declarant testamentum, non heredem faciunt, & vero codicilli possunt declarare testamentum, non idem etiam efficere, quod testamentum: & eo quoque modo codicilli declarant testamentum, non testamentum conduunt, hoc est, non institutionem heredis faciunt. Et idem etiam erit multo magis, si in testamento scripserit hoc modo: cuius nomen codicillis scripsero, ille heres esto, & postea codicillis scripserit nomen Titii, quia palam hoc modo, nomen tantum heredis refertur in codicillis, institutio scribitur testamento, d. l. 10. de cond. inst. Et ita superiore casu, cum dixit, quem codicillis heredem fecero, heres esto, videtur tantum contulisse nomen heredis instituti in codicillis, & quem heredem codicillis fecero, hoc est, quem nominaverit codicillis, ille heres esto. Codicillis ergo recte scribitur nomen heredis, sed non recte instituitur heres. Et similiter codicillis quoque recte adscribitur pars heredis instituti, hoc est, partis hereditaria definitio recte confertur in codicillis, hoc modo: ex qua parte codicillis Titium heredem scripsero, heres esto. Qua oratione videtur tantum conferre partem in codicillum, non institutionem ipsam. Et cum ita dixit, ut proponit, si postea forte codicillis nullam adscribat Titio partem, an nihilominus Titius erit heres? sic sane, ut aperte demonstratur in l. 36. hoc rit. quæ est coniungenda cum d. l. 10. nam ut valeat heredis institutio, non est necesse adscribi partem, etiam si adiciatur coheres: recte quis heres instituitur sine parte, quandoquidem satis potest intelligi, quam partem eum habere voluerit. Erit igitur Titius heres, etiam si postea codicillis nullam ei partem adscripserit, quasi sine parte institutus, & erit heres ex eo, quod auctor decessit, hoc

A est, ex residuo assis, si testator totum assem non distribuerit, ut in specie h. l. & l. item quod, h. in pr. & §. sed etsi asse. Vel erit heres in alterum assem, id est, in dimidiam hereditatis partem, si testator totum assem expleverit, distribuerit, d. l. item quod, §. sed etsi ex asse, h. t. His consequens est, ut etiam valeat hæc institutio: si Titium codicillis heredem fecero, heres esto. Nam & hoc casu Titius codicillis scripto, non codicillis, sed testamento dari videtur hereditas. Denique idem erit, si ita dixerit: ille Titius, quem codicillis heredem scripsi, heres esto, d. l. 10. Et usus sum nuper his omnibus legibus in hac specie. Quidam instrumento donationis donaverat inter vivos primo & secundo, & ejus liberis masculis bona quedam, & si hi omnes decederent sine liberis masculis, dixerat, se in ea bona substituere, quos postea substitueret in testamento, quod facere meditabatur: postea facto testamento substituit in ea bona, in hunc casum: si primus & secundus morerentur sine liberis masculis, neque adiecit quicquam, de liberis masculis primi & secundi, id est, non dixit plene, ut dixerat in donatione, si primus & secundus & eorum liberi masculi moriantur sine liberis masculis, illi substitui sunt, sed mentionem tantum fecit primi & secundi, quaeritur, quæ scriptura, quæ casus substitutionis spectandus potius sit, an qui scriptus est in donatione, aut qui scriptus est testamento? Dixeram, donationem potius spectandam esse, quoniam substitutio eam non videtur facta testamento, sed instrumento donationis.

Ad L. Mavrius LXVI. de Leg. 2.

CMavrius fundum mihi a Titio sub conditione legavit, heres autem ejus eundem sub eadem conditione mihi legavit: verendum esse, Julianus ait, ne extante conditione pars eadem ex utroque testamento mihi debeatur. Voluntatis tantum questio erit: nam incredibile videtur id exigisse heredem, ut eadem portio bis eidem debeatur. Sed verisimile est de altera parte eum cogitasse. Sane constitutio principis, quæ placuit eidem sepe legatum corpus non onerare heredem, ad unum testamentum pertinet. Debitor autem nam semper, quod debet, jure legat, sed ita si plus sit in specie legati. Si enim eidem sub eadem conditione relinquitur, quod a molumentum legati futurum est?

Hic verfatim mentio Constituitur. D. Pii, aut sane pendet omnis ea questio ex constit. principis, quem sic vocat, hoc est, D. Pii, ut apparet ex l. plane, §. 1. & 2. de leg. 1. id est, ex ea constitutione sic statuo, si eadem res eidem ab eodem herede, eodem testamento bis, aut saepius legetur, semel tantum debetur, & resoluta vel æstimatione rei, heres omnino liberatur. Hæc est constitutio D. Pii, quæ locum obtinuit generaliter sine ulla distinctione legatorum. Nam in ea re nulla est differentia inter genera legatorum, id est, nullum est genus legati, five sit per damnationem, seu per vindicationem, quod mutet regulam, aut vitiet. Et idem etiam juris est in stipulatione, l. 18. de verb. oblig. qui bis promittit eandem rem, semel tantum eam debet, quod observant etiam hodie negotiatores. Nam millies promittunt eandem rem, scientes semel tantum debitam iri. Dixi in superiore conclusione, eidem. Quæro, quid si diversis separatim ea res legatur Primo & Secundo. Primo lego fundum & Secundo? Et hac in re erat olim differentia inter genera legatorum: Nec enim eodem jure erat legatum damnationis, quo legatum vindicationis. Sed hodie sublata differentia legatorum ex Constitut. Justin. semel tantum eis præstabitur ea res, concurrenti partes facient, nisi appareat, testatorem evidentem voluisse utrique eam dari solidam, uni rem scilicet alteri æstimationem. l. un. C. de cad. toll. l. si pluribus, de leg. 2. Item dixi, ab eodem: quid si a diversis hereditibus? ut a primo herede mihi legavit fundum, & idem quoque fundum a secundo herede scripto mihi legavit: & erat etiam differentia hac in re olim, quæ hodie sublata est Constit. Justiniani, & res simpliciter procedit, ut scilicet heredes semel tantum præsent eam rem collatis partibus, per moitio, quod dem.

monstratur plenius §. *enim h. l. Præterea dixi, eadem res*, id est, idem corpus, ut ait hoc loco constitutio principis, ad differentiam quantitatis, si idem corpus legetur, semel tantum debetur. Quid si eadem quantitas sæpe legetur? Legavi Titio 100. prima parte testamenti, eidem ima parte legavi etiam 100. an debentur 200. quantitas facile duplicari potest, aut multiplicari. Et sane volente testatore quantitas sæpius debebitur eadem, & quidem legatarius id probare debet, alioqui videtur testator repetitis legatum, inculcasse idem legatum heredibus, vel id fecisse videbitur oblivione prioris legati, ut est in *l. quingenta, de probat.* Quod in multis negotiis observari nonnunquam oportet, oblivione quid factum sit, nec ne, *l. Aristo, quæ res pig. l. ult. §. 1. de liber. leg.* Uno tantum casu præsumptio facit pro legatario: & ideo non tenetur probare testatorem voluisse duplicare legatum quantitatis, quia a quo præsumptio stat, ei non incumbit facile probare. Igitur hoc casu onus probationis incumbit heredi, ut probet testatorem noluisse duplicare summam, ut casus est *d. l. quingenta, de testamento 100. legavi eadem, & codicillis æque centum eidem: nam cum diversæ sint scripturæ, testamentum & codicillus, facilius præsumitur multiplicatio, & heres probare debet posteriorem scripturam esse inanem & supervacuum ex mente defuncti, alioqui præstabit legatario ducenta. Et ut ostenditur in *d. l. plane, §. 1. & 2. & 3. de leg. 1.* ratio differentie inter rem & quantitatem est evidens, quæ notanda est plurimum, quia res sæpius dari non potest, ne volente quidem testatore, hoc est res eadem sæpius mea fieri non potest, *l. si servus 108. §. Stichum, de leg. 1.* at eadem quantitas sæpius præstari potest volente testatore, quia est fit eadem quantitas, non est tamen eadem res: est idem genus, sed non eadem species. Ergo res sæpius dari non potest. Dices, legavi rem eandem sæpius, puta fundum legavi bis eidem, cur non erit præstatio duplex: puta una rei, altera æstimationis? Fateor rem ipsam bis non posse dari, sed æstimationem potest. Hoc enim jus non patitur, quia non legavit æstimationem, nec legare voluit, sed rem eandem bis legavit: & ideo nec æstimationi peti potest ex secundo legato, quia obstat hæc regula juris, puta fundum lucrativas in eandem rem; & eandem personam concurrere non posse, *l. omnes, §. 1. de obi. & act. §. si res aliena, Inst. de leg. Ergo si rem sum consecutus ex causa legati semel, quæ est lucrativa, non possum ejus rei nomine nec æstimationem petere, nisi hoc voluerit testator. Et summa hæc fit: nec volente testatore eadem res bis dari potest: quia hoc nec naturalis, nec civilis ratio patitur, ut ejusdem rei fiat dominus sæpe. At volente testatore potest mihi dari res, atque etiam æstimationi ejusdem rei, *l. si alii, de usufr. l. natus, §. 1. de leg. 3.* Postremo dixi eandem rem, id est, testamento unius hominis, vel testamento & codicillis ejusdem hominis: nam codicilli sunt pars testamenti. Quid ergo, si duorum testamentis eadem res mihi legetur? Et placet hoc casu eam rem bis deberi, ex uno testamento deberi rem, ex altero æstimationem. Sed multum interest, quid legatarius primò consecutus fuerit, ut explicatur *d. l. plane §. si res al.* Nam si ex uno testamento sit consecutus æstimationem, ex altero petet rem, atque ita consequetur bis. Sed si uno ex testamento prius sit consecutus rem, postea non petet ex alio æstimationem, propter illam regulam, ne concurrant duæ causæ lucrativæ. Sed quid rursus, si eadem res mihi legetur testamento Titii & testamento heredis Titii? testator mihi legavit rem, eandem mihi legavit heres, an bis debebitur? non hoc casu, quamvis sint duo testamenta, quia heres legavit rem, quam debuit jam ex testamento. Inutile autem est legatum, si debitor leget quod debet, nisi plus sit in legato, quam in debito, *l. si debitor, §. legavi, de lib. leg.* Et huc pertinet species hujus *l. proprie*, quæ talis est: Mævius legat mihi & Titio fundum sub conditione, quo casu singulis partes debentur, aut concursu partes facturi sumus: deinde pendente conditione heres Mævii eundem fundum, vel partem fundi, nil refert, ut probat §. *duobus in h. l.* mihi legavit sub eadem conditione ita, ut non sit am-**

plius in legato heredis, quam in legato Mævii: exitit conditio uniuscujusque testamenti, an bis mihi eadem pars debeatur ex utroque testamento quaritur? Et placet mihi eandem partem deberi ex testamento Mævii tantum. Inutiliter esse legatam eandem partem testamento heredis Mævii, quia fuit debitor ejus partis, & incredibile est, heredem duplicare legatum voluisse, ut scilicet haberem partem ex testamento Mævii, & æstimationem ex testamento heredis, & potius est credibile, eum de alia parte cogitasse, id est, de æstimatione alterius partis debite Titio, hoc est, non legasse heredem mihi meam partem, sed partem adscriptam Titio collegatario meo, hoc est, æstimationem hujus. Hac ratione ergo consequar partem ex testamento Mævii, & alterius partis æstimationem ex testamento heredis: non eadem pars B mihi debebitur ex utroque testamento, sed una ex uno testamento, altera ex altero, id est, æstimatio alterius. Pars autem ipsa altera debetur collegatario ex testamento Mævii. Et in summa ita ratiocinatur Papin. in specie propoſita: Videtur eadem pars bis legari mihi, & deberi pars ex testamento Mævii, & ejusdem partis æstimatio ex testamento heredis. Sed incredibile est, inquit, nisi aliud probetur, heredem duplicare legatum voluisse ejusdem partis, quod si voluisset, utique valeret, & ex uno deberetur pars, ex altero æstimatio ejusdem partis: nam nihil obſtaret D. Pii constitutio, quæ vult semel tantum deberi eandem rem sæpius legatam, quia loquitur de eodem testamento. Hic sunt duo testamentata, id est, duorum: ergo si hoc voluit heres, sane valebit utrumque legatum, quamvis utrumque sit ejusdem partis. Sed incredibile est, voluisse heredem duplicare, id est, minus verisimile. Incredible est, quod credi non potest: sed & non verisimile: incredibile non est *de obſervat. sed de obſervat. qui malisſime potest esse §. qui ne potest esse*. Ergo an dices inutile esse legatum relictum testamento heredis, quasi a debitore relictum? quia heres legavit id quod debuit, hoc est, eandem partem. Hoc cavere maxime debemus semper, ne inutilia faciamus legata vel inania: eam debemus semper accipere interpretationem quæ non faciat inutile legatum, *l. Titia, §. 1. de leg. 2. l. quotiens 2. de reb. dub.* quoniam nemo intelligitur legare frustra & inutiliter. Ideoque ne legatum relictum ab herede sit inutile, melius erit, & est verisimilius, heredem sensisse de altera parte, Mævium puta legasse mihi partem fundi, & heredem ejus alterius partis adscriptæ Titio æstimationem. Ac ita concludit eleganter Papinian. verisimilius esse, nisi aliud probetur, heredem legasse alteram partem, hoc est, æstimationem, ne videatur frustra legasse, aut partem alteram ipsam, si collegatarius sit contentus æstimatione.

Ad §. 1. 2. 3. 4. eod.

Duorum testamentis pars fundi, quæ Mævii est, Titio legata est: non ineleganter probatum est, ab uno herede soluta parte fundi, quæ Mævii fuit, ex alio testamento liberationem obtingere: neque postea parte alienata revocari actionem semel extinctam.

§. 2. Sed si pars fundi simpliciter, non quæ Mævii fuit, legetur, solutio prior non perimit alteram actionem, atque etiam hanc eandem partem aliquo modo suam factam poterit alter heres solvere, (neque) plures in uno fundo dominium juris intellectu, non divisione corporis obtinent.

§. 3. Non idem respondetur, cum duobus testamentis generatim homo legatur: nam qui solvendo altero legatarii factus est, quamvis postea sit alienatus ab altero herede, idem solvi non poterit: eademque ratio stipulationis est: hominis enim legatum orationis compendio singulos homines continet, atque ab initio non consistit in his qui legatarii fuerunt: ita frustra solvitur, cujus dominium postea legatarius adeptus est, tamen si dominus esse desinit.

G Ravior fuit transitus legis facilis, ad legem difficilem hanc de leg. 2. Et licet, quod ad eam pertineat, nihil omiserim, tamen quo res levior, & facillior, quod cogni-

cognitu dignissimum est, & quod valde pertinet ad §. seq. hodie interpretari debeo. Ex his, quæ dixi paulo ante, repetam duo vel tria, & si possim ratione faciliore quadam. Et hæc duo vel tria comprehenduntur uno verbo. Sane subtilis adeo est questio prima hujus legis, & secunda, quæ est §. seq. ut opus sit ista repetitione. Ceteræ quaestiones erunt facillimæ. Primum repetam differentiam inter corpus & quantitatem. Constitutio Divi Pii hæc est: *si eadem res eadem ab eodem herede uno iustamento eodemque legetur, semel tantum debetur: si eadem res, dixit, quia si diversæ res sint legatæ, quis nescit omnes deberi?* & res, id est, corpus: nam quantitas eadem sæpius legatæ, sæpius debetur volente testatore, quod cum voluisse legatarius probare debet, alioquin testator præsumitur potius repetisse legatum ejus pecuniæ, quam duplicasse, vel id fecisse forte ima parte testamenti obligatione prioris legati. Et ratio differentia inter corpus & quantitatem, est evidens: res eadem, nec volente quidem testatore, sæpe dari aut præstari potest, quia res, quæ semel facta est mea, amplius non potest fieri mea: res, quæ mihi data est semel, iterum mihi dari non potest. At nec æstimatio quidem debetur ex repetitione, quia res legatæ est, non æstimatio, & secundum regulam juris, duæ causæ lucrativæ in eadem re concurrere non possunt, nisi appareat hoc voluisse testatorem, ut & res, & æstimatio præstaretur, quod legatarius probare convenit, *l. si alius §. rerum, sup. de usufr. l. natus, §. 1. de leg. 3.* At quantitas eadem volente testatore sæpius præstari potest, quia est fit quantitas eadem, non est tamen eadem species, non sunt eadem corpora: denique quantitas eadem facile multiplicatur: quingentis addam quingenta, quidni Corpus quidem non recipit multiplicationem, ac proinde duæ causæ lucrativæ in eadem rem, id est, in idem corpus concurrere non possunt. Duæ causæ lucrativæ in eandem quantitatem concurrere possunt. Hæc est species, & summa brevis totius quaestionis propositæ initio hujus legis. Majorius mihi & Titio legavit fundum sub conditione: heres Mævii eundem mihi legavit sub eadem conditione. Existente conditione videtur ejusdem fundi pars mihi deberi, id est, ex utroque testamento, ex testamento Mævii, & heredis ejus. Nec enim obstat quicquam constituto Divi Pii, quæ vult semel tantum deberi eandem rem sæpius legatam, quia de re loquitur unus testamentum sæpius legatæ. Hoc casu, duorum testamentis proponitur eadem res mihi fuisse legatæ. Et si hæc sit voluit heres eandem partem mihi deberi bis, bis debebitur, & ex uno testamento consequar rem, ex altero æstimationem, *l. plane, §. 1. de leg. 1.* Sed vix credibile est, ut ait, heredem eandem partem bis deberi voluisse, nisi hoc eum voluisse legatarius probet evidentissimis probationibus. In dubio hoc non præsumemus. Quid ergo? an in dubio dicemus, inutile esse legatum relictum testamento heredis, quasi a debitore relictum? Præsertim, si non plus sit in legato, quam in debito, ut hic non fuit plus in legato relicto testamento heredis Mævii, quam Mævii: fuit namque portio eadem in utroque testamento: nam relicta duplicandi animo ab herede Mævii, nec pure relicta: alioquin plus est in posteriore legato, & valeret, sed sub eadem conditione: si, inquit Papinian. heres Mævii non animo duplicandi legatum idem sub eadem conditione legavit, quod emolumentum legati futurum est? Ex qua disputatione sequitur, ejusdem rei, seu partis legatum mihi relictum testamento heredis Mævii esse inutile, quia in eo non plus est, quam in legato relicto testamento Mævii: cum & testamento heredis ejus sit relictum sub eadem conditione. Sed tandem concludamus post illam disputationem, verisimilius esse, heredem noluisse legare inutiliter, ac proinde, ut legatum magis valeat, quam pereat, heredem legasse videri, non eandem partem fundi, quæ mihi erat relicta testamento Mævii sub conditione, alioquin inutile esset legatum, sed alteram partem sub eadem conditione, non mihi relictam testamento Mævii. Et secundum hanc conclusionem, existente conditione pe-

A tam partem fundi ex testamento Mævii ab herede ejus, & alteram partem ex testamento heredis, ab herede ejus, heredis scilicet. Et nihil præterea continet initium hujus legis, sed difficile erat rem ita digerere. Et tamen illud iterum repetam. Si res eadem eadem legetur duorum testamentis, bis eam deberi, *l. plane, §. 1.* Et addamus nihil referre, res propria legatæ sit, an aliena: nam utraque potest venire in specie legatæ. Sed id sane refert, quia si rem consecutus fuero ex uno testamento, perimitur altera actio, quia duæ causæ lucrativæ in eandem rem concurrere non possunt, ut nec ex altero testamento æstimationem petere possim. Contra vero, si prius æstimationem absterxerim, superest mihi rei repetitio, & hoc solum modo bis petere possum. Denique si bis idem consequi velim ex utroque testamento, prius debeat ex uno nancisci æstimationem, ut ex altero nanciscar rem, quia si prius rem nactus sum, jam rei, quæ mea est, non possum æstimationem petere: sed si æstimationem prius nactus sum, non prohibeor postea rem petere, quamvis ea res tanti sit, quanti summa, quam percepi, *§. si res aliena, Inst. de leg. His cognitis finge, quæ est species §. duorum.*

Duo testatores ejusdem fundi, qui alienus erat, partem mihi legaverunt: fundus ille alienus non erat unius proprius, sed erat duorum communis pro indiviso, Mævii partem aut Titii: testatores in eo fundo nihil habuerunt juris, & legaverunt mihi, ut dixi, non totum eum fundum: nam si totum legassent, nullus esset labor, sed legaverunt mihi hujus fundi partem. Videndum est, quia forma eam partem legaverint mihi. Ita enim distinguit Papinianus: aut eam partem mihi legaverunt cum finitione certa, *une portion certaine, hoc modo, partem, quæ Mævii est, aut mihi legaverunt partem simpliciter, ut ait, lego tibi partem illius fundi.* Ita ergo distinguit: aut sic legaverunt partem hujus fundi, *partem quæ Mævii est, cum illa finitione, aut partem simpliciter.* Priori casu, si mihi legaverunt partem, quæ Mævii est, & ex unius testamento eam partem percepero per heredem redemptionem Mævii, nihil petam ex altero testamento, quia duæ causæ lucrativæ in eandem rem, & in eandem personam concurrere non possunt, atque ita ex unius legati causa, perimitur actio alterius legati, *l. non quæcumque, de leg. 1.* Sed obiter queram, an precepta actio alterius legati restitatur, si forte rem acceptam ex causa unius legati postea alteri alienaverim, an alii re alienata, nunc mihi liceat agere ex altero testamento: minime: actio semel extincta non restituitur, *l. 10. §. pen. de in rem verso, l. qui res, §. arca, de solut.* A privatione ad habitum non est regressus, alioquin subinde renascerentur lites, nec ullus esset litium finis. Et ut si res mea mihi legetur, quæ testamenti tempore fuit mea, inutile est legatum, licet postea alienaverim, *legatæ, §. 1. de leg. 1.* Ita si mihi legetur res non mea, quæ post fiat mea, inutile redditur legatum, nec restituitur eadem re abalienata. Ergo in hoc casu prior, si partem quæ Mævii fuit, nactus fuero ex uno testamento, omnimodò amitto actionem ex altero testamento. Quid autem altero casu, si duo illi testatores partem illius fundi mihi legaverint simpliciter? Priori casu singuli videntur mihi legasse eandem rem, quia uterque mihi legavit partem, quæ Mævii fuit. Ergo non possum eam rem consequi ex utroque testamento. Sed hoc casu posteriore singuli mihi non legaverunt eandem rem, quia partem simpliciter, & quam quisque partem legaverit, incerta est: Fundus enim erat communis pro indiviso: legaverunt igitur partem pro indiviso, quæ incerta est: qui partem pro indiviso dicit, partem incertam dicit: quia pars pro indiviso non est, sed intelligitur, id est, intellectu solo concipitur: pars pro indiviso sensu corporis percipitur, & digito demonstratur: pars pro indiviso, nec oculis concipitur, nec cerni potest, intelligi tantum potest. Et facere quidem possis partem pro indiviso certam, si dixeris, partem quæ Mævii est, partem quæ Titii est, quæ finitio certam eam quodammodo efficit, *l. unus, infra, de acq. poss.* Ceterum eam demonstrare, eam cernere aut tangere, aut per omnia certam efficere non possis sine divisione. Et hoc est, quod ait Papin.

hoc §. plures in uno fundo communi pro indiviso habere dominium juris intellectu, non divisione corporis. Et legendum omnino in hoc §. namque plures in uno fundo dominium juris intellectu, non divisione corporis obtinent, id est, in fundo communi pro indiviso domiali partes intelliguntur secundum quis quod cuique competit, nondum autem sunt ante divisionem, nondum sub sensum cadunt propter incertum, l. 5. de stip. serv. Ex quo efficitur, ut si duo testatores fundi alieni, qui erat communis pro indiviso inter Mævium & Titium, partem mihi legaverint simpliciter, & ex unius testamenti partem consecutus fuero, liceat mihi etiam partem persequi ex alterius testamento, quasi non eadem re legata utroque testamento. Et hoc etiam, ut si partem acceptam ab unius herede forte aliquo casu alter heres acquirerit, mihi ab eo petenti partem possit eandemolvere, quam ego acceperam, & ipse postea acquisivit aliquo casu, ut possit illius partis solutione defungi, quia certa non est pars eadem, eadem est intellectus, non eadem sensu, eadem non est corpore. Denique aut legaverunt testatores in proposita specie mihi partem cum finitione personæ domini, puta partem, quæ Mævii est, & utroque testamento mihi videtur legare eandem res, nec possum eam ex utroque petere: aut mihi legaverunt simpliciter partem, & non videtur legare eandem rem singuli. Itaque ex utroque testamento mihi portio partis competit efficax: & proposita ista distinctione Papinian. ostendit deinde, quod dixit de parte fundi legata indistincte, simpliciter, idem non obtinere in homine indistincte & generaliter legato duobus testamentis: quia in parte Papinian. ostendit magis ingenii sui acumen: habuimus in prioribus partibus §. duorum, de parte fundi pro indiviso legata simpliciter, ut etiam partem ex uno testamento ceperim, superest actio ex altero testamento, qua conventus heres. altero testamento scriptus, etiam illam eandem partem, quam prius ex alio testamento cepi, ac post alienavi, aliquo modo suam factam mihiolvere possit, & liberari, quod non sit omnino idem, neque eadem pars, etiam si dicatur eadem. Nunc ex posteriori parte intelligimus, aliquo servari, si duorum testamentis homo mihi legatus sit generaliter, id est simpliciter. Idem enim omnino est, l. si domus, de leg. 1. Ostendamus, aliud esse, si homo legatur simpliciter duorum testamentis, ac primum, si Stichum consecutus fuero ex uno testamento, superest mihi quidem actio ex altero. Verum heres ex altero testamento, eundem Stichum mihi solvendo non liberatur: eadem pars, quæ ex uno testamento soluta est, solvitur recte ex altero. Idem Stichus, qui solutus est ex uno, non recte solvitur ex altero. Qui homo meus factus est solvendo uno herede, quamvis postea sit alienatus a me, non potest idem solvi altero herede. Et ut legato hominis non continetur homo, qui ab initio meus fuit: ita etiam non continetur Stichus, puta, qui postea factus est meus, licet dominus esse desierim. In quo non consistit legatum, vel obligatio legati, nec in eo solutio, nec liberatio consistit, l. qui decem, §. Stichus, de solut. Et notat Papin. idem juris esse in stipulationibus: Nam si ad duobus stipuler homines separatim generaliter, & ab uno accepero Stichum, ab altero promissore is Stichus aliquo casu ejus factus, mihi solvitur frustra, quemadmodum et si ab initio is Stichus fuisset meus, frustra solveretur, licet postea desisset esse meus. Et ut dixi, in quo non consistit obligatio, nec solutio, nec refert ab initio Stichus fuerit meus, an postea factus sit: non refert inutile quid sit, an postea deveniat in causam, a qua incipere non potuisset, §. item contra, l. si de inutili stipul. nihil refert: an quid sit initio vitiosum, an postea in vitium probatur. Ergo legato hominis relicto generaliter, neque continetur Stichus, qui tunc meus fuit, nec is, qui postea factus est meus, licet desierit esse meus. Et ratio differentie inter partem simpliciter legatam, & hominem simpliciter legatum redditur a Papiniano hoc in loco perquam ob-

A. scire: hominis enim legatum orationis compendio singulos homines continet: hominis legatum orationis compendio, id est, sub illo nomine generis, continet singulos homines, unus quidem præstatione heres liberatur, sed tamen quodammodo, ut ait l. 3. qui & a quibus. nam singuli videntur legari sub conditione, si legatarius elegerit: singuli, qui in familia fuerunt testatoris, etiam si quinque millia fuerint, vel in aliena, si ex ea præstari servum voluit, adeo ut interim heres testatoris servum nullum manumittere possit, d. l. 3. Denique legatum hominis singulos homines continet, quia hominis proprietates eadem sunt in singulis, & hominis est finitio & notio certa. Ergo legatum hominis continet Stichum, qui defuncti erat vel alterius: non continet Stichum, qui tunc meus erat, ergo nec eum, qui postea factus est meus solvendo uno herede, quia obligatio perimitur re deducta in eam causam, qua incipere non potuisset. Et in quo non consistit obligatio, nec solutio, non poterit igitur idem Stichus ab altero herede solvi. Ac partis legatum non continet singulas partes, quia nec partium proprietates sunt eadem, nec partis pro indiviso est notio certa: ergo legatum partis non continet partem, quæ defuncti fuit, vel alterius fuit, nec eam, quæ socii, nec eam, quæ mea fuit, aut quæ post mea facta est, definit nunc esse mea, quia eadem ipsi pars non videtur legata, sed incerta, & opponitur pars pro indiviso parti certæ, l. placuit, quibus. mod. usufr. amitt. l. r. §. hoc interdicto, ut possit. Quod voluit significare Papinian. sed breviter adstringit, ut solent Jurisconsulti peripse dicere rationes suas, propositiones & conclusiones omittentes. Habuimus etiam ita concisam rationem differentie inter iter & viam in l. eam usufr. de usufr. leg. Conclusio igitur hæc sit: parte simpliciter legata duorum testamentis, si ex uno cepero partem, ac post alienavero, & pervenerit in dominium alterius heredis, hic heres eandem partem solvendo se liberare potest: quia nec plane eandemolvere videtur, & ut legato non intelligitur contineri: ita quæ nunc posterius solvitur, non intelligitur contineri posse priori solutione, vel quæ posterius solvitur, non eadem esse intelligitur, quæ est soluta prius. At homine generaliter legato duorum testamentis, si Stichum ex uno testamento accepero, & alienavero, ex altero testamento eum non accipiam, quia idem est, & res eadem sapius dari non potest. Duo (*) concludamus in hoc §. Primum est, stipulatione hominis concepta generaliter, non contineri hominem, qui tunc fuit stipulatoris. Obstat huic sententia l. qui decem §. Stichum, de solut. In illo §. tres ponuntur species, & in omnibus idem jus est. Prima est. Stipulatus sum Stichum & Pamphilum, & tamen meus erat Pamphilus: si is defuerit esse meus, promissor solvendo Pamphilum, non liberabitur, quia in Pamphilo nec obligatio, nec solutio consistit. Idemque erit, si Pamphilus postea fiat meus, l. 16. de verb. oblig. quia res recidit in eam causam, a qua incipere non potuit. Secunda species hæc est: Stipulatus sum hominem generaliter, eadem est ratio stipulationis & legati. Ergo stipulatione non continetur is homo, qui tunc meus fuit. Et ita tamen est scriptum in d. §. Stichum: unum ex his, qui tunc stipulatoris servi erant dando promissor liberabitur, quod rationem nullam habet: nam hæc stipulatione non continetur is homo, qui tunc fuit stipulatoris, sed de alio, non de suo sensit. Et ut legato homine relicto generaliter non continetur, qui fuit legatarii: ita nec is, qui fuit stipulatoris. Et eadem est ratio stipulatoris & legatarii. Et legendum in illo §. num ex his, qui stipulatori tunc serviebant, promissor dando liberabitur: ut & in specie tertia ejusdem §. num mortuis duobus, qui alterius erant, &c. Si igitur quis hominem stipulatus sit generaliter, num ex his, qui tunc stipulatoris erant, postea servi esse desiderant, postea dando liberabitur? Et respondet, vi quidem ipsa, & hic & his dari stipulatus est, qui ejus non erant: ac si diceret, non

(*) Vide Merill. Variant. ex Cujac. lib. 3. cap. 8.

non tantum prior ille, qui stipulatus est Stichum & Pamphilum, intelligitur stipulatus eos, qui ejus non erant, sed etiam hic, qui homines est stipulatus generaliter, intelligitur vi ipsa stipulatus ex his, qui tunc non erant ejus, & *vi ipsa*, id est tacite, etiam si non expresserit. Atque ita nihil obstat. Tertia species hæc est: stipulatus sum homines ex his, quos Sempronius reliquerit: moriens tres servos reliquerat Sempronius: unus erat stipulatoris, post esse desit, mortui sunt duo, qui alterius erant, non stipulatoris: Queritur, *an debeatur, an solvantur recte reliquis servus, qui erat stipulatoris, & post esse desierat?* Et ait, eum nec deberi, nec solvi posse. Sed addit exceptionem, nisi ante mortem duorum reliquis servus desierit esse stipulatoris. Et ita distingue: aut ille superstes servus post mortem duorum desit esse stipulatoris: Et hoc casu morte duorum omnino extinguatur stipulatio, in mortuis extinguatur: in superstitibus etiam nulla est, quia eo tempore, quo alii sunt mortui, is erat in dominio stipulatoris. Aut ille superstes servus alienatus est ante mortem duorum: Et hoc casu morte duorum non omnino tollitur obligatio, quia in obligatione superest servus superstes, quia non omnino intelligitur stipulatoris esse is, qui ejus non erat tunc: quandoquidem aliam adiecit conditionem, alium modum scilicet ex his quos Sempronius reliquit. Si stipulatus esset hominem simpliciter, subintelligeretur is modus, ex eis, qui mei non sunt, sed alio adjuncto, puta, ex his, quos Sempronius reliquit, non subintelligendo, hic modus, & ante mortem duorum, si superstes desierit esse stipulatoris, debebitur, nec solvetur frustra, quia eum solvendo liberabitur promissor. Notandum postremo stipulatione hominis generaliter concepta, sicut legato hominis, non contineri eum, qui post factus est stipulatoris. Obstat huic sententia *l. si quis duos, de solut.* cuiusdam promissit duos homines generaliter, & Stichum solvit, & ita factus est stipulatoris post stipulationem: antequam solveretur alter homo, iterum is Stichus, qui solutus fuit, casu aliquo rediit in dominium promissoris, an liberabitur obligatione omni, solvendo rursus eundem Stichum, dicendo se homines duos dedisse? Ait esse omnino liberatum. Ergo homine generaliter promissio: servus, qui post factus est stipulatoris, & alienatus, recte solvitur. Sed respondendum nos loqui de servo, quem stipulator post stipulationem ab extraneo acquisivit. Promissor hujus solutione fungi non potest, obligatione per acquisitionem domini in ipso servo extincta. Et res recidit in eam causam, a qua non potest incipere. *At d. l. qui duos*, loquitur de servo, quem post stipulationem stipulator ab ipso promissore acquisivit, id est, facto & solutione promissoris: hic facilius ab eodem ad eundem recurrit. Et ut in *§. item conera, de inutil. stipul.* inutilis est stipulatio, si in eam causam devenierit, in eum casum, a quo incipere non possit, modo devenierit, sine facto promissoris: Nam si ejus facto, non prohibebitur promissor ejusdem hominis solutione fungi, eodem homine ad se revertere: & id magis apparere in nummis; Nam si quis velit (*) paucos nummos accipere, & liberare debitorem in solidum, poterit accipere certos nummos, & retrodare, ac rursus accipere: puta, est debitor centum, nolo eum liberare acceptatione, sed solutione, nec totum volo mihi solvi, sed decem tantum, quæ mox mihi referet, & ultimam tantum retinebo, cum plures, hoc est, decies mihi solverit, videbitur debitor solvisse centum: qua de re dubitari tamen poterat, quia, qui accipit, & retrodat, & deinde accipit, non potest videri solvisse potius quam dedisse, ut scriptum est Floren. sed legendum, ut est rectius in aliis libris, videri accepisse potius, quam dedisse, *l. qui solvit, eod. tit.*

Ad §. In fundo, eod.

In fundo legato, si heres sepeliverit, estimatio referenda erit ad totum pretium fundi, quo posuit ante sepulturam estimari: quare si fuerit solutus, actionem ad hunc ex testamento propter locum alienatum durare rationis est.

Explico questionem §. in fundo, quæ non est difficilis. Sed prius debeat rationem differentie, quam supra tractavi inter partem & hominem, inter partem fundi simpliciter legati, & hominem æque simpliciter legatum, facilius & melius explicare. Hæsterna explicatio non satisfacit vobis, nec certe mihi, & intempestiva hora mihi fuit impedimento, in cogitando & dicendo. Cur parte fundi pro indiviso mihi legata duorum testamentis simpliciter, & generatum pars, quæ solven- te uno herede mea facta est, quamvis postea fit alienata ab altero herede, idem mihi solvi non possit: Cedo rationem differentie inter partem simpliciter legatam, & hominem simpliciter legatum: nulla est fere ratio, quæ me torserit unquam magis. Eam Papinian. breviter præcidit his verbis: *hominis enim legato compendio orationis singulos homines contineri.* Aperit rationem, tamen non patefacit, non absolvit, cetera nobis cogitanda relinquunt: vixulla ratio alia in jure invenietur explicatu difficilior, id est, quæ ita possit explicari, ut illa ratio plane intelligatur ab omnibus: legato, ait, *hominis contineri singulos homines*, hoc est verissimum: nam homo, ut Seneca loquitur, est genus speciale, quod in se continet singulos, puta Stichum, Pamphilum, Damam, & alios. Singulos dicimus, quos vulgo vocant individua: species vel genus speciale continet singula individua, & genus generale continet singulas species. Ergo nihil est verius, quam quod proponit, hominis legato contineri singulos homines, & aliud est contineri, aliud consistere: nam Papinian. in *§. duorum*, his verbis contineri, & consistere etiam distincte utitur. Continetur legato, quod legatum est, quod in legato esse intelligitur, hoc est clarum. Consistit autem legatum in ea re, quæ solvi potest recte, & qua soluta se heres liberare potest. Quia autem in re consistit legatum, non continuo, & ea res continetur legato. Ex quo apparet differentiam inter consistere & contineri: & retro etiam, quæ res continetur legato, non continuo etiam in ea consistit legatum. Hoc si planum facio exemplis, teneo rationem Papinian. Exempla sunt rationis obides seu sponsores, ut ait Plato. Exempla hæc sunt: Si res mea mihi legetur, res mea continetur legato, in ea tamen non consistit legatum: item legato decem nummorum mihi relicto, sane non continetur legati decem, qui sunt in arca mea, in eis tamen consistit legatum: Nam si ii decem, qui in arca mea erant, fortasse ad heredem pervenerint, eos mihi solvendo non liberatur heres: Nam in eis consistit legatum recte, id est, eorum solutione legato liberatur heres, licet legato non contineretur primitus. Et ita legato partis fundi mihi relicto, & eundem hominem mihi dando heres non liberatur, quia fuit meus tempore testamenti, vel post cepit esse meus. Restat, ut breviter ostendam, cur legatum hominis continet singulos homines, legatum partis non continet singulas partes. Ratio est naturalis, & in promptu. Quis nescit differentiam esse inter totum & genus, & similiter inter partem & speciem. Homo est species, vel quod ante dixi

genus

(*) Vide Merill. Variant. ex Cujac. lib. 3. cap. 7.

genus speciale, quod habet in se singulos. Pars non est genus vel generale, vel speciale, nec continet singulas partes ejus rei, cujus est pars, ut pars fundi non continet ceteras partes fundi, pars hominis non continet omnes partes hominis, in nomine partis nullum est compendium orationis. In nomine hominis est compendium orationis: compendium est veluti genus, quod multa continet, homo multos continet, pars multas non continet. Compendio fit substitutio, sic est legendum in *l. quamvis, C. de imp. & aliis*, id est, compendio orationis, quod plura tempora pluresve continet ætates, hoc modo: si heres erit, & post vita decesserit, non expressa ætate, ille heres est, quæ substitutio facta impuberi, nisi jure quidem fideicommissi consistat post pubertatem, nisi ex privilegio militiæ: moriente herede instituto intra pubertatem, consistit jure directo, *l. centurio, de vulg. substituit.*

Brevi erit quæstio §. in fundo. Heres in fundo legato forte sub conditione, interim sepelivit: is locus, quo sepelivit, factus est religiosus mortui illatione. Eum ergo locum alienavit, quem tamen testator legaverat ante cum fundo toto: qui locum sacrum fecit, alienat, *l. ab agnato, ff. de surar. fur.* Ergo & qui locum religiosum facit, alienat: nam uterque locus fit divini juris, ex humano jure transit in divinum jus: non potuit heres minuire jus legati. Ergo etiam cum fundum solverit legatario, post solutionem poterit a legatario conveniri actione ex testamento, ut præstet æstimationem loci facti religiosi per heredem, pro rata videlicet habita ratione totius fundi quanti fuit, antequam illum locum religio occuparet, quia legatum fuit fundi puri, non mixti religione: ergo aut fundum purum ex integro præstare debet, aut supplere ejus loci, quem fecit religiosum, æstimationem. Ex quo colligitur generalis definitio: etiam post solutionem legatæ rei, post solum rem legatam durare actionem ex testamento, quandiu aliquid interest, aliquid deest rei legatæ: quæ definitio etiam comprobatur *l. hujusmodi, §. ad ea, de leg. 1. l. etiam, de solut. l. dolum, ad Trebel. C. in l. si imaginem, de auro & arg. leg.* Quæ lex est eodem lib. Papin. & omnino est conjungenda cum hoc §. Verba autem legis hæc sunt.

Ad L. Si imaginem, de aur. & arg. legato.

Si imaginem legatam heres derasit, & tabulam solvit, potest dici actionem ex testamento durare: quia legatum imaginis non tabula fuit.

Species est talis. Legavit testator imaginem, quæ erat depicta in tabula quadam: heres derasit imaginem, & tabulam solvit derasa imagine. Durat, inquit, actio ex testamento etiam post præstitam tabulam, videlicet, ut ait hoc loco, æstimatione relata ad totum pretium tabule, quo potuit æstimari, antequam deraderetur. Ergo durat actio ex testamento, etiam si soluta sit res legatæ, si non sit soluta integra: denique solutione tali non tollitur obligatio legati, id est, actio ex testamento. Et ita notandum d. l. omnino esse conjungendam cum hoc §. Sed adversus hunc §. opponitur, quod legitur aliis locis, heredem in fundo legato non posse locum religiosum facere, inferendo mortuum, *l. si locus, de relig. l. si fundum, de cond. & demonstr. ut servum legatum aut servos, qui legato continentur, heres non potest ad libertatem perducere, l. 3. qui & a quib. l. si erit, de opt. leg.* Et tamen res ita tractatur in hoc §. quasi heres fecerit locum religiosum, in quo sepelivit mortuum, ejus scilicet fundi, qui legatus erat alteri. Et vero ita est, fecit locum religiosum: videamus quomodo leges hæc sint adducendæ in concordiam. Heres in fundo legato non potest locum religiosum facere, hoc est verum generaliter: specialiter est falsum. Valde est elegans quod ait *l. mortis est, §. sent. autem, infra, de pen.* plerque esse generaliter vera, quæ sumpta specialiter falsa sunt: & contra: plerque specialiter, &c. In hoc §. ait, in fundo legato si heres sepelierit, non dicit, si quemcum-

A que sepelierit generaliter: nam cujusque sepultura non faceret locum religiosum. Et hoc tantum est intelligendum de herede, qui in fundo legato testatorem sepelivit, quem alio loco opportune sepelire non potuit, quo casu fit sane locus religiosus, *l. 4. de religio.* & tamen tenetur legatario, ut eum indemnem præstet, quia testator, qui eum fundum legavit, vel alio voluit inferri, vel loci æstimationem legatario offerri: maxime si ipse eum locum sepulture suæ destinavit. Nam si jussu suo in eo fundo sepeliatur, heres nullo modo tenetur, *l. quid ergo, §. sed si, de leg. 1.* Sed si suo arbitrio, non testatoris jussu testatorem sepelierit in fundo legato, quem alio opportune sepelire non poterat, locus fit religiosus, & nihilominus tenetur legatario de indemnitate. Et quod ait hoc loco, in fundo legato si heres sepelierit testatorem, scilicet suo arbitrio, non ex testatoris jussu. Obijciatur etiam adversus hanc *l. ab Accurs. l. si heres rem leg. hoc tit.* In hoc §. Papin. ait, heredem teneri actione ex testamento, si in fundo legato testatorem sepelierit, atque ita eum locum religiosum effecerit. *l. si heres*, loquitur de herede, qui rem legatam, puta vestem dedicavit in funus testatoris, & ait, teneri non actione ex testamento, sed actione in factum, ut indemnitate præstet legatario. Hic §. dat actionem ex testamento: illa in casu simili, actionem in factum. Hæc vero non sunt pugnantia: nam in *d. l. actio utilis* appellatur in factum. Actio in factum est actio ex testamento utilis. Omnis actio utilis appellatur in factum, & in hoc actio ex testamento, est actio ex testamento utilis, siue in factum, non directa. Directa datur ad rem ipsam, utilis ad æstimationem. Igitur nulla est repugnantia.

Ad §. Eum qui ab uno.

Eum qui ab uno ex heredibus, qui solus oneratus fuerat, litis æstimationem legatæ rei abjicit: postea codicillis apertis, ab omnibus heredibus ejusdem rei relicta, dixi dominium non querere. Eum enim, qui pluribus speciebus juris uteretur, non sapius eandem rem eidem legare, sed loqui sapius.

R Estant in *l. Marcius* quæstiones tres. Prima quæstio, quæ est in §. eum qui, vertitur circa speciem hujusmodi. Testator eidem bis, puta testamento & codicillis legavit eandem rem, non eandem quantitatem, aliqui cum hoc §. pugnaret lex *quingenta, de probat.* Ei dum respondit Accurs. hoc loco, rectissime separavit quantitatem a re: ergo non quantitatem eandem, sed rem eandem, corpus idem testator eidem legavit tam testamento, quam codicillis, & non ab eodem herede, sed testamento eam legavit ab uno ex heredibus, codicillis ab omnibus heredibus. Queritur, an bis debeat, ita ut si ex testamento acciperet æstimationem, possit ex codicillis consequi rem? Et ita ponit Papinian. legatarium accepisse prius æstimationem ex testamento ab uno ex heredibus, qui in testamento solus oneratus fuerat: neque abs re ita ponit speciem, quoniam etsi bis deberetur legatum, & legatarius prius accepisset rem ex testamento, postea non posset æstimationem consequi ex codicillis, quia quæ causæ lucrativæ, &c. nisi apparuerit perquam evidenter, & rem, & æstimationem rei testatorem legatario præstari voluisse, *l. si alii, in fin. de usufr.* Sed si ut ponit, prius æstimationem legatarius accepit ex testamento priusquam codicilli aperirentur, an postea codicillis apertis poterit ex codicillis rem petere & consequi? Et breviter ita se res habet: legavit idem corpus testamento & codicillis: testamento, ab uno ex heredibus, codicillis, ab omnibus: testamento oneravit unum heredem, codicillis omnes, & legatarius ex testamento consecutus est æstimationem, an postea ex codicillis petere rem? Et ait ex codicillis nullam petitionem competere, quia rem semel legatam ad eum pervenire voluit: nec enim sapius legando testator ampliat legatum ejusdem corporis, *d. l. si alii, §. ut. repetit* potius, quam ampliat, ut

ff

ele-

eleganter ait Papinian. hoc loco, qui pluribus speciebus juris utitur, id est, qui & testamento & codicillis eandem rem legat, ut legatarius eam habeat duplici jure, ex testamento, & ex codicillis, id non tamen sæpius legat, quam sæpius loquitur. Et hoc tantum ponit in arbitrio legatarii, ut vel ab uno herede petat legatum, vel ab omnibus, vel jure testamenti, vel jure codicillorum, sicut qui idem eadem legat jure legati, & jure fideicommissi. Hoc ponit in arbitrio legatarii, ut vel legatum persequatur jure directo, vel fideicommissi, quo genere plerumque ita legatur, *do, lego, darique volo*. Nam *do, lego*, sunt verba legati proprie: *dari volo*, sunt verba precaria, & fideicommissi: & ita eadem idem & per legatum, & per fideicommissum relinquatur, *l. Publii*, *l. non ad ea, de cond. & demonstr. l. quisquis, de leg. 3. l. si quis servo, de manum. testam. l. Avelius, & testamento, de lib. leg.* Et simili modo, ut dixi, cum quis idem corpus eadem legat testamento & codicillis, duplex tantum usus confert in legatarium persequendi legati, vel ex testamento ab uno ex heredibus, vel ex codicillis ab omnibus, non etiam ampliat legatum, id est, non vult ex testamento æstimationem præstari, ex codicillis rem. Et hoc est, quod ait eleganter in hoc §. Et omnino, quod hic scribit Papin. est etiam relatum ex Jul. in *l. si tibi homo, de legat. 1.* nec possit dari locus quicquam alteri similior, neque aqua aquæ usquam magis similis est, quam ille huic locus: miror dumtaxat Accurs. qui hos locos inter se pugnautes facit, qui huic §. opponit *§. 1. d. l. & laborat etiam in his conciliandis*. Et ex *d. l. si tibi homo, §. 1.* etiam in hoc §. est notanda *analogia* quadam: Nam ait in *d. l. si tibi homo, §. 1.* legatum ex testamento litis æstimationem abfuisse: hic ait, eum ex testamento abfuisse litis æstimationem legatæ rei. Sane illa verba abundant, *legatæ rei*: nam *litis* nomen satis significat rem legatam. Quid est abfuisse litis æstimationem? legatæ rei æstimationem: non possit alia lex alii esse magis similis per omnia, tantum abest, ut sit vel minima inter eos pugnantia. Sed quia usus sum jam sæpius testimonio legis, *si alii, §. ult. de usufr.* ad quam Accurs. male ponit speciem, præstat, ut eam apponamus: ait *§. ult. d. l. multum interesse, rerum tibi an æstimationis usuf. legetur*: nam si rerum usuf. legetur tibi, deducto eo, quod tibi præterea legaturus est ex reliquis bonis, usuf. feres. Finge: legavit tibi fundum Titianum, deinde legavit tibi usuf. ejusdem fundi Titiani, & aliorum fundorum: posteriore legato non continetur usuf. fundi Titiani, qui satis continetur priori. Qui prius legat totum, deinde partem, partem inutiliter legat, *l. qui usuf. de verb. oblig.* nec ampliat legatum: qui idem corpus sæpius legat, non ampliat legatum, quia nihil agit: deducto igitur fundo Titiano ex reliquis bonis, feret usuf. nam quod ad fundum Titianum attinet, qui jam ante legatus erat, nihil consequitur amplius: sed si legavit usuf. æstimationis fundi Titiani, & aliorum fundorum, non deducetur fundus Titianus, qui ante ei legatus est, & præstanda ei erit non tantum reliquorum fundorum, sed etiam fundi Titiani æstimatio: Nam legatæ re etiam legando æstimationem ejus rei, legatum ampliare possis manifeste: sed legando eandem sæpius, ampliare legatum non possis, quia eadem res non potest mea fieri sæpius. Intellexistis responsum Papin. quod in pauca comprehendit hanc sententiam: semel tantum deberi rem eadem legatam testamento ab uno herede, codicillis ab omnibus. Obstat huic sententiæ lex *si pluribus heredibus, §. ult. h. t.* Hoc lex breviter ait, si testator legavit quinque ab uno herede, & totidem ab altero herede, bis deberi legatum, id est, quinta ab utroque herede deberi, ut habeat decem. Quod ne quis dixerit in quantitatibus legato facile procedere: Idem enim in re legata separatim a duobus heredibus est proditum in *l. quid ergo, §. 1. de leg. 1.* quæ eadem ratione obijci potest responso Papiniani: Nam ait, bis deberi rem, quæ mihi legata est ab uno herede, ac deinde, eadem ab altero separatim: utrumque legatum mihi solidum deberi: unum rem, alte-

rum æstimationem debere, perinde atque si eadem res esset legata duorum testamentis. Nescivit hæc explicare Accurs. Sed observandum est nominatim *d. l. si pluribus, §. ult. & d. l. quid ergo, §. 1.* loqui de legato damnationis, quando testator ita dixit: *damnas esto Titio dare quinque, vel fundum illum*: & idem etiam dixit alteri heredi, *damnas & tu esto illi dare quinque, vel fundum illum*: uterque locus est de legato damnationis, quo casu uterque debet solidum. Sed quod scribit Papin. in hoc §. pertinet ad legatum vindicationis, quod ita relinquatur, *illam rem tibi do, lego*: & hunc §. pertinere ad legatum vindicationis, illa verba demonstrant, *dominium non querere*: nam de dominio querendo rei legatæ, ipso jure scilicet, & recta via non tractatur, nisi in legato vindicationis, quod acquiritur ipso jure: legatum damnationis acquiritur traditione heredis, non ipso jure, *l. Titio, de solut. l. siervo legato, de leg. 1. l. legatum, de leg. 2. l. 3. §. si rem, de leg. 3.* Et ita Papin. quia legatum dixit relatum per vindicationem, scribit hoc loco: *legatarius, qui consecutus est restitutionem rei ex testamento, non posse ex codicillis dominium querere ipso jure secundum conditionem legati, quorum verborum loco, lex l. si tibi, §. 1. de leg. 1.* quam dixi huic esse per similem: ait, eum non posse ipso jure vindicare rem ex codicillis, qui jam ex testamento tulit æstimationem. Erat igitur hac in re differentia inter legatum damnationis & vindicationis, ut & re legata duobus separatim erat differentia inter legatum damnationis & vindicationis, ut Ulp. scribit in fragm. Paulus in Sentent. Cujas in Inst. nam si erat legata per damnationem, singulis debebatur solidum: si per vindicationem, singulis partes: quæ tamen differentia sublata est a Justiniano: & quod jus erat in legato vindicationis, ex Const. Just. idem est in legato damnationis, *l. un. C. de ead. toll.* Verum ad hæc notandum est, in specie hujus §. legatarius ex testamento accepisse æstimationem rei solidam ab uno herede, qui non solus tenebatur. Proponitur in specie hujus §. legatarius ex testamento accepisse æstimationem rei solidam ab uno ex heredibus, qui solus ex testamento oneratus erat legato. Recte: nam solus tenebatur legati nomine in solidum. Et saltem est, quod Accurs. tentavit: si quis unum ex heredibus oneravit legato, eum tantum teneri pro parte sua, coheredes in reliquum: alioquin nihil interesset, ab uno res legetur, an ab omnibus. Et verissimum est, eum, qui solus oneratus est legato, teneri in solidum, ut præstat legatum pro parte sua, & pro parte coheredum, id est, vel rem integram solvat redemptis partib. coheredum, vel æstimationem integram, *l. legatorum, §. 1. h. t.* Neque obstat, quod imposuit Accurs. lex *si fundum, §. si libertat. de leg. 1.* cujus species hæc est: libertus patronum heredem scripsit, ex septunce, alium vero ex quincunce. Deinde ita legavit: *quisquis mihi alius* (quam patronus scilicet) *ex supra scriptis cum patrono meo erit heres, ab eo Titio liti servus do lego*. Videretur legatum reliquisse a coheredibus patroni, non a patrono. Et Titius non poterit vindicare nisi quincuncem in servis, ex quo sunt scripti heredes, a quib. Titio legatum est. Sed ut hoc paucis exponam. Accurs. reddidit hanc asserti rationem, non esse mirum, si coheredes patroni, qui soli sunt onerati legato, teneantur tantum pro parte heredis, id est, pro quincunce, quia testator consulere voluit patrono, ut & in eis retineat portionem suam, id est, septuncem: alii igitur etiam suas partes præstabunt: hoc fit ex voluntate defuncti: quam suggerunt illa verba, *quisquis mihi alius*, & alioqui præsumitur voluisse testator semper solidum præstari ab eo, quem solum oneravit: cetera erunt faciliora.

Ad §. Fundo pen. h. t.

Fundo legato, si usufr. alienus sit, nihilominus petendus est ab herede: usufr. enim, est in jure, non in parte constituit, emolumentum tamen rei continet. Enimvero fundo relicto, ab reliquis præstationibus que legatum sequuntur, agatur. Verbi gratia, si fundus pignori datus, vel aliena possessio sit. Non enim placuit de ceteris servitutibus: si autem res mea legetur mihi, legatum propter istas causas non valebit.

Ait,

A It, fundo legato, si ejus fundi usus sit heredis vel alterius etiam, usufructus. heredem debere præstare legatario, quia fundus legatus est, plenus scilicet. Ergo usufructus heres debet redimere ab altero, vel suum cedere legatario, l. 26. l. cum filius, §. dominus, de leg. 2. Et subiicit rationem Papinianam elegantissimam, quia quamvis usufructus in jure, non in parte consistat, quod expostui in l. si Titio, de usufructu, quæ fuit prima ex hoc libro Papini. Usus igitur, quamvis in jure consistat, quamvis sit jus & servitus, quam homo in fundo alieno habet, non pars fundi, tamen partis instar obtinet, quia omne emolumentum rei continet. Quid enim mihi profuerit res sine usufructu vel specie ejus? Ergo heres, a quo fundus legatus est, non præstat fundum integrum legatario, si etiam usufructus non præstat, quia habetur pro parte rei, licet revera non sit pars rei, sed servitus. Et ita etiam fundo legato, si aliena sit possessio jure emphyteutico, vel alieno jure, & hæc possessio legatario præstanda est, quasi portio fundi & emolumentum. Eadem ratione fundo legato, si sit pignori obligatus, heres eum luere debet, & liberum præstare hypotheca, quia jure pignoris possessio advocari potest, l. si cum venditor, de evictione, & possessio, ut dixi, instar partis obtinet. In summa fundo legato heres debet præstare usufructum, & possessionem vacuum & fundum liberum. Hæc præstationes legatarium sequuntur necessario. Heres liberatur, si plenum dominium præstet: non liberatur, si præstet dominium sine possessione vel sine luitione, si forte hypotheca obligatus sit. Et ita usufructus multum distat a possessione, a servitute prædii, veluti a via & itinere, & similibus. Nam fundo legato heres & usufructum debet præstare, si sit alienatus: sed non debet eum liberare a servitute viz, vel itineris, vel similibus, d. l. cum fundus, §. dominus, l. servo legato, §. si fundus, de leg. 1. sed tantum præstabit qualis est: nam servitutes prædiales non sunt partes fundi, sed qualitates, sicut usufructus & possessio, quæ habentur pro portione: nam etiam per hæc servitutes fundo impositas nihil ex emolumento fundi deperit, aut adeo parum, ut non sit id parti adnumerandum. Et postremo subiicit, *sin autem res mea*, in quo versu explicando quis non laboravit? Sed omnem rem expedit laborando, qui præter legit, non propter. Primum: si res mea mihi legetur, est inutile legatum, sed aliquando est utile. Expiendi enim sunt testamentaria causa: nam si rei mea usufructus sit alienus, vel si rei mea possessio sit aliena, vel si res mea pignori sit obligata, utile est legatum rei mea, quia videtur mihi legari hoc, ut heres rem meam liberet usufructu ut liberet pignore, & me possessorem faciat. Igitur propter istas causas valebit legatum rei mea: mihi data, & præter istas causas non valebit.

Ad §. ult. Eod.

A municipibus heredibus scriptis, detracto usufructu legari proprietates potest: quia non utendo possunt usufructum amittere.

Municipes possunt heredes institui, quamvis sit corpus incertum. Finge illis heredibus institutis testator legat fundum detracto usufructu. volens usufructum remanere apud municipes heredes scriptos. Non valet legatum usufructus, non valet detracto usufructu res retento, nisi aliquando usufructus sit redditus ad proprietatem: & retro non valet legatum fundi detracto usufructu, nisi aliquando usufructus redditus sit ad proprietatem: esset enim inutile. Hunc autem usufructum cum apud municipes residere voluit, nunquam videtur finem accepturum, non capitis diminutione, neque enim municipum capite minuitur, & ut Tull. pro Cecinna, non morte: nam non etiam moritur. Quia igitur municipes semper sunt, usufructus, quem testator eos retinere voluit, nunquam videtur reversionis ad proprietatem. Sed respondet Papin. posse reverti, & posse amitti non utendo. Et addit recte Accursius, etiam posse amitti quasi morte, veluti si deleatur urbs, l. si usufructus, quibus modis usufructus amittitur, l. mo.

Tom. IV.

A & amittitur usufructus relicto civitati tempore centum annorum, ut & usufructus relicto Ecclesie, ut finitur quasi morte hominis, quoniam hæc est vita longissima hominis. Quia ratione & hodie utimur in usufructu relicto Ecclesie, ut finitur quasi morte hominis spatio centum annorum, ac si ecclesia fingatur esse velut homo, & in feudis quæ morte clientis redeunt ad dominum, nisi solvantur *indextera*: si feudum obtineat ecclesia, quæ nunquam moritur, in feudo renovando observandum spatium centum annorum: vel ecclesia debet dare domino suo aliquem hominem, cujus mors expectetur, cuiusque morte ecclesia compellatur renovare feudum, aut renovationem feudi a domino postulare. Valde notandum, quod ostendit §. ult. Municipium est capax usufructus. l. mortuo de fidejuss. Municipii dicitur esse velut persona quædam, ut hereditatis jacentis, sed magis est municipii persona quædam, quia ex personis constat: & ob id recte ei legatur usufructus hereditari inu-tiliter: nam usufructus non consistit nisi in persona vera, non fictitia, l. usufructus de stip. serv. l. 2. de usu & usufructu leg.

B Quod dixi ad §. fin autem, l. Marcius, de leg. 1. non nunquam valere legatum si res mea mihi legetur, puta, si ejus rei usufructus sit alienus: namque oneratus heres intelligitur esse, ut eum usufructus rei mea, qui meus non est, mihi præstet. Et eadem ratione valet legatum illud, si aliena sit possessio: nam non proprietates mihi videtur legari, quæ mea est, sed possessio, quæ mea non est, & onerari heres videtur, ut eam redimat, & mihi præstet. Et eadem erit, si mea res sit alteri pignori obligata: nam ea mihi legata, oneratus in hoc tantum videtur heres, ut eam rem luar: atque ita legatum rei mea mihi datum, propter istas causas valet, ut Papin. dixit in §. pen. secundum Noricam scripturam, propter istas causas non valet, id est, inutile est, quod per oblivionem factum est, ut non probarim in l. si ibi homo, in prin. l. si domus §. ult. de leg. 1. l. 1. §. 1. de lib. leg. Hi loci multum valent ad confirmandum id, quod ante dixi: sed addamus etiam istud, non esse mirum, si propter istas causas res mea mihi legetur utiliter, cum & propter similem, sive eandem causam ego mihi met, quamvis sim liber, leger recte, l. senatus, §. ult. de leg. 1. ut in hac specie: captum me ab hostibus servum, me servum hostium, tamen tua pecunia redemisti: redemptura ista facit me liberum quasi postliminio, non servum redemptoris, sed redemptoris tantum sum vinculo veluti pignoris obligatus, quoad pretium redemptionis ei perfolyerim. Et hoc casu, si testator me mihi ipsi legarit, utile est legatum, quia mihi videtur remisisse pretium redemptionis, seu pignus naturale, quo me vinctum tenebat: videtur mihi donasse pecuniam, quam expendi pro redemptura, sive ut vocant *ἀντὶ ποσ*, quasi lustrum. Latini veteres dicebant a luendo, ut tranquillitatem aquæ maris, auctore Festo, Latini appellarunt lustrum. Ergo illo casu recte ego mihi met legabor, nec erit veluti pignoris retentio heredi, a quo redemptor me mihi met legavit. Nunc transeamus ad l. 2. de usufructu leg.

Ad L. II. de Usufructu leg.

E Hominis opera legata capitis diminutione vel non utendo non amittuntur: & quoniam ex operis mercedem percipere legatarius potest, etiam operas ejus ipse locare poterit, quas si prohibeat heres capere, tenebitur. Idem est, & si servus se locaverit. Et quia legatarius fructuarius non est, ad heredem suum operarum legatum transtulit, sed servo usucapio legatum perit.

Quæ tractavit Papin. in hoc libro, fere omnia sunt de usu & usufructu. Quare & in hoc libro tractavit de operis servi legatis, quia ut est in l. 5. de op. serv. operis servi legatis usus datus intelligitur: sic habent omnes libri, non usufructus, nec quicquam mutari volo. Et l. 3. & 4. eod. ait, in fructu servi esse operas, & retrorsum fructum

Ff 2

etum

etiam esse in operis. Igitur operæ servi quodammodo imitantur usum, vel usufructum. Sed multum tamen interest usufructi, servi legetur, an operæ. Et quicquid scriptum est *h. l. de operis servi legatis*, id est scriptum comparatione usus vel usufructus, in quo aliud juris est. Ac primum quidem scribitur, operas servi legatas, non amitti capitis minutione, vel non utendo, quod & in usu & usufructu longe secus est: deinde scribitur ei, cui legatæ sunt servi operæ, debere servum acquirere ex iis operis quicquid parat: quod non ita procedit in usufructu: nam in usufructuario idem est sane, sed non in usufructu. Item subiicitur, operas servi legatas non amitti morte legatarii, quod quis nescit secus esse in usufructu. Ac postremo legatum operarum perire cum servo usufructu, quod etiam inferius demonstratur. Longe secus est in usu & usufructu. Ergo quicquid in hac lege scribitur, eo sine duntaxat scribitur, ut intelligatur, quam longe lateque distent operæ ab usu & usufructu. Usus & usufructus amittitur capitis minutione, & non utendo legitima tempore: & operæ his modis non amittuntur, *l. 2. de op. serv.* Nec obstat *§. 1. Inst. de acquit. per arrat.* quoniam ut Accursius animadvertit, quod ait illo loco, operarum obligationem amitti capitis minutione, id non est de operis servi legatis, sed de operis a liberto officii causa patrono debitis ex stipulatione, vel ex iurejurando, quæ perimuntur arrogatione patroni, hoc est, capitis diminutione, quia si debentur patrono arrogato & arroganti debentur statim, qui non est patronus. Nam ius patronatus in arrogatorem non transit, & operæ officiales non debentur nisi patrono, id est, ei cui officium debetur: item usus & usufructus amittitur morte legatarii, quod est notissimum: is, cui operæ servi sunt legatæ moriens legatum istud transmittit ad heredem suum. Idcirco recte in *l. hinc stipulat. usufr. quem. cau.* legatum operarum ait, non per omnia imitari usufructum. Et aperte Papin. *h. l. 2. eum, cui legatæ sunt operæ servi, non esse usufructarium, & l. 1. §. sed operis, ad l. Falc.* in co legato, nec usum, nec usufructum esse videtur. Quod videtur pugnant cum *l. 3. §. 4. & 5. de op. serv.* nisi ita exponatur: in legato operarum servi, nec usus, nec usufructus esse videtur, sed quasi proprium aliquod ius, ut de habitatione dicitur in *§. pen. Inst. de usu & hab.* habitationem nec usum plane esse, nec usufructum, sed jure quasi proprium aliquod. Servo usufructu, usufructus non perit, *l. locum, §. pen. de usufr.* legatum operarum perit, ut hoc loco: item usufructus divisionem recipit, operæ sunt individuas, *d. l. 1. §. si usufr.* & *seq. ad l. Falc.* quæ de causa in *l. 5. de op. serv.* ait, operis legatis usum datum intelligi, qui & ipse sc. est individuas, usufructus est dividuas, usus individuas. Operæ igitur magis usum imitantur hac in re. Item usufructus vel usus legatum cedit ex die aditæ hereditatis, *l. 1. quan. dies leg. ced.* Operæ cedunt ex die petitionis, id est, ex die, quo legatarius petit eas operas sibi præstari, quia ex commodo legatarii cedendæ sunt, *l. 7. h. t. l. 1. de op. serv.* Non est omittendum id, quod ait Papin. *h. tit. in quo operæ distant ab usu, non ab usufructu.* videlicet eum cui legatæ sunt operæ servi, ex operis servi mercedem percipere posse, quod fit, si servus se locarit mercede certa, vel etiam legatarius ille poterit locare operas servi: qui ex operis servi, cum se ipse servus locavit, potest capere mercedem, & locare potest: & contra, qui illud non potest, neque hoc potest, *l. 13. in princ. de usu & hab.* Et ex operis mercedem capere, non est imponere servo mercedem, sed est capere mercedem, de qua convenit inter conductorem & servum, qui se locavit ipse. Et Papin. ita ratiocinatur hoc loco: si legatarius potest capere mercedem ex operis servi, ergo & locare potest operas servi: si ex contractu servi mercedem capere potest, ergo & ex suo contractu non frui. Operæ aut operæ sunt legatæ, qui est dominus servi, prohibeat eum capere mercedem, hoc vel illo modo, si servus se locaverit, seu illum ego locavero: alii scilicet non ipsimet servus, quod esset inutile, *l. 25. §. idem Jul. de usufruct.* si, inquam, heres legatarium prohibeat capere mercedem operarum, si ipse servus contraxerit, si alius, tenebi-

A tur ex testamento. Et hoc cum dixisset Papin. subiicit, *idem est, nisi servus se locaverit*, quod est supervacuum, cum id jam intulerit ante, & est error, qui a me notatus est superius. Nam legendum est, *id est*, quo casu videbatur heredi esse jus prohibendi quasi domino servi qui contraxit locationem: sed & cum servus contraxit locationem, si heres prohibeat legatarium capere mercedem, tenebitur ex testamento: Sed non idem habet usufructarius: nam usufructarius quidem potest operis servi in re sua uti, vel potest pro operis mercedem ei imponere, ita ut vel operas exhibeat vel sinat imponi, *l. 13. de usu & hab.* Et ita est accipiendum, quod est in *Instit. per quas pers. nob. acq.* per servum, in quo habemus usum, nobis acquiri ex suis operis, non quomocumque, sed quia in re nostra possumus ab eo operas exigere ab ancilla, ut nobis lanam faciat, a servo, ut tabernæ vel officinæ præstet, vel etiam possumus pro operis mercedem imponere, id est, operas taxare: sed non possumus locare operas alii, vel si ipse locarit, non possumus mercedem capere, *l. 12. §. ult. l. 1. 13. l. 14. in pr. l. servus ejus, de usu & hab.* Notanda est subtilis differentia inter hac duo, pro operis, & ex operis, usufructarius ex operis mercedem capere non potest, pro operis potest: is autem, cui legatæ sunt operæ, & ex operis, & pro operis potest. Et ratio differentie est, quia plenus est operarum legatum, quam usus: nec mirum, cum & plenus sit quodammodo operarum legatum, quam usufructus si plus est in legato operarum, quam in legato usufructus, & plus in legato usufructus, quam usus, *§. 1. de usu & hab.* ergo & plus est in legato operarum, quam usus: denique plus juris tribuit operarum legatum, quam vel usus, vel usufructus. Et hic sigillatim explicabuntur rationes, ceterarum differentiarum facillime: Operæ non utendo amittuntur, usus & usufructus amittuntur, quia scilicet & usufructus consistit in persona legatarii, quo nec utente vel fruente, consequens est amitti usum vel usufructum constituto tempore: Operæ non consistunt in persona legatarii, sed in facto vel actu servi, quo non faciente, non recte dixeris, operas amitti, sicut fundo fructum non ferente, non recte dixeris usufructum amitti, quia per usufructarium non stat, quo minus utatur fruatur: usufructus consistit in fructu vel facto legatarii, *l. 1. quan. dies leg.* Item amittitur morte usufructuarii, quia interit persona, in qua consistebat usus. Operæ non amittuntur, quandiu manet is, qui eas operas exhibere potest, tametsi mortuus sit is, cui operæ legatæ sunt. Ac præterea usufructus est potius juris, quam facti, quia alio jure civili facile tollitur, tollitur capitis minutione. Operæ sunt potius facti, *d. l. 1. §. sed operæ*: quod est facti, naturale est: ergo jure civili perimmi non potest, veluti capitis minutione, qua ratione etiam habitatio, si sit legata, capitis minutione non perimitur, *l. legatum, de cap. minut.* morte finitur habitatio, quia videtur tantum relinquere donec vivat legatarius, *l. 10. §. ult. de usu & hab.* Operæ videtur legari, quandiu vivat servus, quæ transmittuntur ad heredem. Præterea servo usufructu capto usufructus non perit, legatum operarum perit. Ratio est, quia usufructus debet fundus, non heres. Est enim jus in re. Operas non debet servus in quem non cadit obligatio, sed heres tantum legato obligatur, ut scilicet patitur legatarium uti operis servi, & ex operis mercedem capere, quia non est obligatus is, qui eum servum usufructu non est etiam obligatus heres, nisi quia is servus in dominio ejus est. Et notandum est, usufructus esse dividuum, quia subiectum ejus est dividuum: nam fructus qui percipiuntur, possunt dividi: operæ sunt individuas, quia in usu consistunt: partim non potes uti re aliqua, partim non uti, pro parte frui potes, & pro parte non frui. Operæ pars intelligi non potest: nam aut non præstatur opera, aut solida præstatur: fructus pars intelligi potest, *d. §. sed operis*. Ac postremo usufructus cedit a die aditæ hereditatis, ex quo die cedunt omnia legata, quæ non transmittuntur ad heredem, cetera, quæ transmittuntur, cedunt a morte. Operæ cedunt ex die petitionis tantum, quia non sunt in rerum natura operæ, antequam petantur, *l. 1. de op.*

op. serv. quæ lex utitur similitudine eleganti. Finge: legavit mihi testator quod nasceretur ex ancilla: dies legati non cedit, antequam parvum ediderit ancilla: ut edi dicitur partus, ita edi dicitur operæ: igitur hæc operæ etiam non cedunt antequam edantur, vel antequam edi petierit legatarius: atque ita exposuimus omnes rationes superiorum differentiarum, & nihil est præterea in hac l.

Ad L. LXXI. de Condit. & demonstr.

Titio centum, ita ut fundum emat, legata sunt: non esse cogendum Titium cavere Sextus Cæcilius existimat, quantum, ad ipsum duntaxat emolumentum legati rediret. Sed si filio fratri aliumve minus industrio prospectum esse voluit, interesse heredis credendum est, atque idea cautionem interponendam, ut & fundus compareret, & postea non alienaretur.

§. 1. Titio centum relicta sunt, ita ut Mariam, uxorem quæ vidua est ducat, conditio non remittitur: & ideo nec cautio remittenda est. Hæc sententia non revagatur, quod si quis pecuniam promittat, si Mariam uxorem non ducat, prator actionem denegat: aliud est, cum eligendi matrimonii pœna metu libertatem auferat, aliud ad testamentum certa lege invitari.

§. 2. Titio centum relicta sunt, ita ut a monumento meo non recedat, vel ut in illa civitate domicilium habeat: potest dici non esse locum cautionis, per quam ius libertatis infringitur, sed in defuncti libertis, alio jure utimur.

Hæc l. i. tota est de modo adjecto legatis, & don-tinet questiones quatuor ex quibus tres hodie explicabuntur. Prima propositio hæc est: Titio centum lego, ita ut fundum emat. Secundæ hæc est: Titio centum lego, ita ut Mariam, quæ vidua erat uxorem ducat. Tertiæ, Titio centum do, lego, ita ut a monumento meo non recedat, vel, ut in illa civitate domicilium suum constituat. Et in omnibus his propositionibus hæc verba: ita ut, modum faciunt, non conditionem, ut etiam est definitum in l. libertas, §. hæc scriptura, de manum. testam. Figuram verborum si spectas, modus est, non est conditio injecta legato, si quis ita legaverit, lego Titio ita ut faciat illud, vel, ut deat illi illud: ita fere semper concipitur modus, sed ex voluntate defuncti hæc verba quæ conditionem non faciunt verba, sed voluntas defuncti, in eod. §. 3. de cond. & demonstr. l. 2. de his, quæ pœn. nom. infr. Et ita modum quoque non tam verba faciunt, quam voluntas defuncti. Sed conditio plerumque ita concipitur, lego illi, si illam uxorem duxerit. Modus autem hoc modo, lego illi, ita ut illam uxorem ducat. Qui hoc modo loquitur vel scribit, plerumque modum facit: qui autem illo modo, conditionem, nisi probetur aliam fuisse ejus voluntatem. Nam voluntas certe est, quæ facit conditionem vel modum, potius quam formam. Multum autem interest seipse conditio sit, an modus: nam magna est differentia inter conditionem & modum. Conditio impleri debet antequam capiat legatum, vel donatio, si solo consensu contracta sit, ut jure veteri contrahitur solo consensu, etiam si non intervernerit traditio, vel mancipatio inter conjunctas personas, ut inter parentes & liberos ex Constitut. D. Pii, l. hui. C. de don. quæ sub modo, l. 2. C. Theod. de donat. Et jure novo ex Constit. Justin. inter omnes donatio perficitur solo consensu, sicut emptio venditio: ex qua tamen, si sit incerta conditio, non ante agi potest, vel imperari quicquam, quam impleta conditio fuerit. Modus autem etiam impletur post perceptionem legati: Nam satis est, si in percipiendo legato, legatarius caveat heredi de impendo modo. Cavere debet heredi, etiam si heredis nihil intersit, an futurum sit, quod defunctus voluit, l. 19. de leg. 3. alioquin petenti legatum relictum sub modo, nec offerenti cautionem heredi, obstat exceptio doli mali, l. eas, h. t. cum in testamento, de fideicommiss. lib. vel prefitto legato omnia cautione, officio judicis, non alio remedio, omnino compellitur implere modum, d. libertas, §. hæc scriptura, & l. Maria, in fi. ff. de man. test. Ne dicas prefitto legato, & omnia cautione posse legatum reperti ab here-

A de: Nam hoc est falsum, cum purum fuerit legatum, sed vel officio judicis, ut dixi, compellitur obtemperare voluntati defuncti, vel heres etiam condicet cautionem, quam omisit per errorem, argum. l. §. 1. de usufruct. ear. rer. quæ usu conf. item, quod nemo ignorat, conditionale legatum non transmittitur ad heredem, si legatarius moriatur pendente conditione: legatum relictum sub modo transmittitur ad heredem: est enim purum, d. §. hæc scriptura. Modus in arbitrio ponitur legatarii, ut scilicet quid det vel faciat: conditio etiam in casum confert, puta, si fulserit cras, si tonnerit, si navis ex Asia venerit. Quæstio quid est conditio? quid modus? An conditio est eventus futurus, qui in dubio est, sit, an non sit? Quæ definitio prima specie videtur elegans, sed non placet. Nam eventus est qui casu contingit, l. cum pupillis, §. ult. l. in factio, h. t. Omnis autem conditio non ponitur in eventum, in casum: Quædam confertur in voluntatem, arbitrium, potestatem personæ, non fortunæ, d. in factio. Denique alia ponitur & collocatur in personam, alia in fortunam. Ergo conditio plus est, quam eventus. Ac præterea quodcumque futurum est, etiam si non sit positum in conditione, sane est eventus futurus, qui in dubio est, sit, an non sit. Et eadem ratio non placet definitio Bartoli: conditio est, quæ habet se ad esse vel non esse. Nam eventus tantum significatur his verbis: vel etiam si vis, me concedente facile, his verbis contineri etiam quod confertur in voluntatem personæ, eadem est definitio modi. Cur non recte sic definias modum, qui habet se ad esse & non esse: & eodem quoque modo definies, quodcumque futurum est licet non sit in modo, vel in conditione positum: An igitur rectius conditionem sic definias: conditio est adjectio, quæ suspendit legatum, vel aliud quodcumque, de quo agitur? Hæc etiam non placet: nam & mora suspendit legatum, nec tamen est conditio, ut si quid leges ex die certo, puta ex Calend. Mart. mora injicitur legato, non conditio: vel etiam si legatur tacite in tempus, ut si legatur quod ex ancilla natum erit, mora injicitur legato, non conditio: vel etiam si legatur extraneo res dotalis mulieris aliarum pro dote relicta, ut declarat latius lex, quod puri, quam dies leg. ced. & pertinet etiam ad hæc comprobanda lex heres meus; hoc tit. mora ita injecta legato, transiitioni impedimento non est, quia non est conditio, quia effectum conditionis non habet, & ita semper mora separatur a conditione, l. 1. de legat. 2. l. §. quæ. dies leg. ced. Conditioni quidem inest mora & dilatio, maxime collata in futurum tempus: potest enim conferri in præteritum & præsens: cum tamen, quæ alia est differentia, modus conferretur tantum in futurum: sed conditio, ut dixi, collata in futurum sane inest mora & dilatio, l. 20. de legat. 1. quæ eleganter ait, obligationem differri quatuor modis, modo, tempore, conditione, loco. Conditio igitur inest dilatio, ergo mora: mora omni non inest conditio. Mora autem omnis suspendit legatum, seu obligationem quamlibet. Ergo non conditio sola. Et notandus est *quævis*, qui scilicet in d. l. 20. debitum differri modo, tempore, conditione, loco: nam modus respondet conditioni. Est enim modus quasi conditio, tempus respondet loco, quia loci additio est quasi temporis adjectio, l. 6. §. ult. ad Trebell. Et ita positus quatuor terminis, primus terminus respondet tertio, & secundus quarto, quod ita in decursu, si collocaveris facies *quævis*, ut 3. Catilinaria secundum teorem scripturæ urbem & cives urbem cives integram, incolumisque integram, incolumes servavi. Sed quod non integram, incolumes dum puto fuisse animadversum, formatum etiam *quævis* alio modo, puta positus quatuor terminis, si primus respondeat quarto, & secundus tertio. Et in princ. Inft. est *quævis*, maiestatem Imperatoriam, non solum armis decoratam, sed legib. armatam esse oportet. Primo respondet quartus, armis decoratam legib. armatam Et

Et illo loco Virgillii :

— Eborisue talenta,
Et sellam.

Et illo Horat.

Miles nautaque caput limboſque.

Verum ad rem. Quid est conditio? Est causa, qua ex-
istente nascitur obligatio: deficiente nulla constituitur:
suspenda suspenditur: causa est commune genus modi
& conditionis, *leas, h. r.* atque etiam rationis legandi, quae
testatorem impulit ad legandum, ut cum ita scribit, *lego*
illi, quia mea negotia curavit; vel etiam conditio est lex
vel pactio, quae inseritur in constituenda obligatione:
vel possit addere, atque ita effici, ne ante nascatur o-
bligatio, vel constituatur, quam ea lex impleta fuerit.
Modus autem est lex certa, quae imponitur dationi rei:
alias: modus est ratio legandi, ut *l. ult. de hered. inst. sup.*
Alias est alternatio, ut cum stipulatus fueris decem,
mox addes, aut Stichum, *l. obligationum, §. modus, de obi.*
et est. Et Dialecticus modus aliud est, veluti impossi-
bile, impossibile necessarium, contingens. Categorica pro-
positio hac est: non potest pupillo facere testamentum,
nisi & qui fecerit sibi. Modalis vero hac est, necesse
est, ut fiat testamentum sibi, qui & pupillo volet fa-
cere. In hoc proposito, ut diximus, quod lex relinquatur: Con-
ditio ut idem demonstramus & finiamus varie, est cau-
sa, quae praecedere praestationem debet: Modus est cau-
sa vel conditio, quae & sequi praestationem potest: Nam
& modus saepe appellatur conditio, non contra, ut in
hac *l. §. 1. et l. liberi, eod. tit. §. 1.2. §. ult. et l. 3. de donat. l.*
liberi, §. Lucius, de annis legat. l. Marcia, de man. test. l. 8.
§. pen. de cond. inst. Et inde etiam in *l. 1. c. de his, quae sub*
modo: modum pro conditione haberi, primum sc. quia
implendus est omnino: sed conditio priusquam praeste-
re legatum: modus etiam post praestationem legati: &
conditio, si non fit impleta, vel si defecerit, protinus repe-
lit agentem, modus admittit oblata cautione, d. l. eas, h. r.
quia non quominus quis habeat legatum, sed quominus
retineat, efficit, quandoquidem cavere debet de implendo
modo, aut reddendo legato. Ac praeterea modus fideicom-
missum facit hodie, l. 2. c. de his quae sub modo, ut si ita le-
gaverit: Titio lego fundum, ita ut Cajo det decem. Cajo
est fideicommissi petitio adversus Titium, quia qui modum
addidit, indicat de valde velle, ut in his impleatur modus,
quandoquidem sic scribit, lego, ita ut det illi decem. At con-
ditio non facit fideicommissum, ut lego illi fundum, si Titio
decem dederit. Titius non est fideicommissarius: conditio
igitur non facit fideicommissum, nisi ut declarat d. l. 2. cujus
vera hac interpretatio est, conditio sit concepta verbis
modalibus, videlicet, ita ut, &c. nisi oratio fuerit modalis:
voluntas testatoris conditionalis conditionem faciet, vol-
untas, non oratio: fac illis verbis voluisse conditionem
facere, non modum: conditio sic concepta enixa volun-
tatis argumentum praebet: aliter ac si dixisset, si illi dederit
decem. Ad hac notandum, etiam si legatum sit relictum
cum modo, aliquando legatarium admitti non oblata
cautione de implendo modo, & ita modum remitti, id
est, perinde rem altimari, ac si non esset illius legato im-
positus modus. Hoc ostenditur in hac l. duobus exem-
plis. Unum est in §. 2. quae est tertia propositio initio a me
exposita. Finge: ita legavi: Titio lego centum, ita ut a monu-
mento meo non recedat: vel ut in hac tantum civitate moretur.
Legatarius perveniet ad legatum, & exonerabitur cau-
tionem, quia modus ille remittitur: & conditio & modus
quiconque impugnatur publicam utilitatem, veluti libera-
tem, quae publica res est, cuius vindicta omnes respicit,
remittitur semper, l. imperat. §. ult. de pollicit. et l. 2. §. tra-
clari, ad SC. Tertull. Hic autem modus, ita ut a monumento,
&c. ius libertatis infringit, quia ut ait l. 2. de libero homine
exhib. non multum differt a specie servorum is, cui non est
libera recedendi facultas: si modus remittitur, & cautio
igitur supervacua est. At remittitur modus, quia impu-
gnatur libertatem, vel imminuit, & tamen hic modus usu
receptus est, ut Papin. ait hoc loco, ut legato relicto

A libertis adjiciatur inutiliter: si adiectus sit legato relicto in-
genus, remittitur, sed si libertis nostris, non remittitur,
ut si liberto ita legato, *tibi lego centum, ita ut a monumento*
&c. Monumenta illa, quibus apponebantur custodes, non
erant qualia sunt hodie nostra sepulchra, sed veluti adicu-
la quaedam, in quibus & habitaculunculae erant confru-
ctae custodum gratia, quam in rem sane utebantur opera
servorum, ut *l. servus, de adm. leg.* Et Lucianus in Nigri-
no deridet testatores sui temporis, quod juberent servos
assidere perpetuo ad sepulchra: hoc iure utebantur, ut &
eundem modum injicerent libertis legandis, qui ingenus
indicitur inutiliter. Ergo illo casu modus remittitur &
cautio. Alius casus hic est: *Titio lego centum, ut fundum*
emam: non igitur implebit hunc modum, si volet, nec cave-
bit heredi de implendo modo, quia ad eum duntaxat emo-
lumentum legati pertinet, & est potius consilium vel causa
legandi, ut habeat unde fundum emat, si velit emere,
quam modus, ut *l. 2. §. ult. de don. l. pen. §. ult. ff. de adm. leg.*
Sed finge, quod est valde subtile ut Papiniani: legavit
Testator Titio centum, qui erat suus filius, vel frater,
vel alumnus, minus indutrio atque provido illi legavit
100. ita ut fundum sibi emeret, summa providentia, ut se
ei consulere: denique hic affectibus suis legavit, sub
modo, ut sibi fundum emeret, dum ei prospectum vult: an
interest heredis modum impleri? Minime: quia etiam mo-
do non impleto ad eum legatum non redit, sed non ideo
minus exigit cautionem heres, *l. 19. de leg. 3.* quia sc. ut ait
prudenter Papin. heredis interesse creditum est: non interest
quidem, sed interesse videtur, ut satisfiat providentia de-
functi. Et pertinet hic modus etiam ad manes defuncti,
non ad filium solum, ac proinde quodammodo heredis
interest, ne fiat contra providentiam defuncti, & conse-
quenter, nec emptum semel fundum legatarius alienet.
Ergo heres curabit sibi cavere de emendo fundo, atque
de empto fundo retinendo nec abalienando. Videbatur
etiam esse tertius casus, quod non esset praestanda cautio
implendi modi, qui proponitur in *§. 1. hujus l.* Testator ita
dixit: *Titio centum lego, ita ut Marciam quae vidua est, ducat.*
Multum faciunt ad rem illa verba, quae vidua est: an re-
mittitur hic modus, vel, ut loquitur, hac conditio: utrum
cautio? neutrum. Ergo non admittitur legatarius ad lega-
tum, nisi caverit heredi de deducenda Marcia, quia etsi ni-
hil hoc videatur expediri heredi, expediri tamen quodam-
modo, ut satisfiat voluntati defuncti, qui viduam consulum
voluit, quae miseratione digna est. Sed objiciebatur, in
contrarium: non valere stipulationem, si quis promiserit
penam, si Marciam uxorem non duxerit. Videtur ergo &
illius legati vel modus esse nullus, aut debere remitti:
argumentatur a stipulatione ad legatum, quod argumen-
tum est frequens: argumentatur a conditione mera ad
modum: hoc modo hac conditio, si Marciam uxorem non
duxerit, non me obligat pena, quam promitto; ergo
hic etiam modus adiectus legato, ut Marciam uxorem
ducam, si eam non duxero, vel si ea de re non cave-
ro, mihi non auferit commodum legati. Sed prudentissi-
me respondet Papin. Aliud esse penae metu auferri
libertatem eligendi matrimonii, quod est contra bonos
mores, *l. 2. c. de inutil. stip.* nam libera matrimonia esse o-
portet, & eam ob rem stipulatio illa non valet. Aliud est
ad lucrum invitari, puta ad legatum sub certo modo, ut si
E admittatur ad legatum, si Marciam uxorem duxerit, non ad-
mittitur, si non duxerit, vel nisi de ea re caverit. De-
nique aliud est penam de suo inferre, aliud penam de
alieno inferre: nec vero quod est in objectionem con-
gruit cum eo, quod est in propositione d. §. 1.

Ad §. Titio genero.

Titio genero meo heres meus dotis Seja filiae meae nomine
100. dato. Legati quidem emolumentum ad Sejam, quae do-
tem habere incipit, pertinet: Sed quia non tantum mulie-
ri, sed Titio quoque, cui pecuniam legavit, consultum vi-
detur, prope est, ut ipse legatarius intelligatur, & legatum
petere debeat. Si post divortium genero pecuniam heres sol-
verit, aequo liberabitur: quoniam in dotem solutio conver-
titur.

ritur. Constante autem matrimonio, etiam prohibente muliere, Titio recte solvitur. Hoc enim & mulieris interest ut incipiat esse dotata: Nam & si quis ipsam quoque petitionem habere responderit, eaque pecuniam petat, neque dotis fieri velit, non dubie doli submovetur exceptio. Ante nuptias vero Titio, vel muliere defunctis, legatum apud heredem manet, quod si notis eam uxorem ducere, causa legati quod ad mulieris personam attinet, satisfactum intelligitur, sed Titio legatum petenti, nocet exceptio doli. Sabinus autem existimabat nupta muliere Titio sine cautione legatum deberi, quoniam pecunia dotis efficeretur. Sed cum ante nuptias, quia purum legatum est, peti potest cautio, mulieri pecuniam reddi, necessaria erit. Quod si maritus vitio suo causa ceciderit, neque solvendo sit, nunquid adversus heredem mulieris, quæ nihil deliquit, succurri debeat ob eam pecuniam, quæ doti fuerat destinata? sed quoniam ambo legati petitionem habuerunt, saltem habebit, non soluta pecunia viro, mulier actionem.

Lex hæc nostra est de legato relicto sub modo, & de cautione implendi modi, quam legatarius heredi cavere debet, & continet quæstiones quatuor, de quibus jam exposui tres, & in his duos casus, quibus cautionis locus non est, id est, quibus legatum relictum sub modo præstat sine cautione. Quarta quæstio, quæ tractatur in §. ult. hujus l. dabit alium casum, quod legatum etiam relictum sub modo præstat sine cautione: namque observandum est in hujus specie, non ut in superioribus, his verbis, ita ut, sed his, dotis nomine, concipi & significari modum, non eadem semper est formula conditionis, neque modi eadem: nam mens est, quæ modum facit, non oratio, non lingua. Ergo in hoc §. ult. hæc verba dotis nomine, modum faciunt. Et propositio seu species hæc est: Titio genero meo dotis filia mea nomine, heres meus centum dato, & gener hoc loco dicitur non tantum maritus filia, sed etiam sponsus: nam & generi nomen acquiritur ex sponsalibus, l. Labeo, l. servus, de grad. & aff. & gener dicitur non tantum quæspit, sed uxor, & pater, sed improprie. Quare in l. servo legato, de leg. i. maluit C. dicere gener, vel sponsus, hoc loco satis habuit dicere, gener. Nunc ad §. nostri explicationem revertamur. Et primum necesse est, ut videamus, legato relicto, Titio genero filia mea nomine centum, quis sit legatarius? quis legati petitionem habet? gener an filia? an uterque? Et initio Papin. significare videtur solum generum esse legatarium, & legatum petere posse actione ex testamento: legati quidem emolumentum ad filiam pertinere, sed generum esse legatarium, ut similiter Ulp. in fideicom. §. interdum, de leg. 3. Si testator jussit heredemolvere publicano publicum, id est, vestigal pro Titio, quod Titius sc. publicano debet, aut debiturus est, ait, Titium esse legatarium, non publicanum, tamen si legati emolumentum ei quærat & obveniat. Et sic igitur, dum ait Papin. initio hujus quæstionis quartæ, generum esse legatarium, emolumentum autem legati redire ad filiam, sane significat generum esse legatarium, non filiam: nec enim omnis ad quem emolumentum legati redit, legatarius est. Ideo autem hujus legati emolumentum pertinet ad filiam, quia incipit dotem habere, quia incipit esse dotata, & solum matrimonio repetit eam pecuniam actione de dote quasi dotalem, quia legato hic modus est iniectus, dotis nomine, id est, dotis contemplatione, dotis loco, id est, ita ut gener eam pecuniam habeat dotis loco: Et hoc quidem initio scripturæ suæ Pap. indicat. Sed postea duobus locis in hoc §. demonstrat aperte, utrumque pro legatario haberi, & generum & filiam, licet soli genero adscriptum sit legatum, quia testator utrique consulere voluit, & utriusque contemplatione legavit: igitur utrique legati petitionem esse, quod etiam probat, l. tale, §. ult. de jure dot. Sed qui agere & exigere occupaverit, sane heredi debet cavere de defendendo eo adversus alterum: namque æquum non est utrique heredem præstare eandem quantitatem, quia nec voluit testator eam summam duplicare, & ejus rei argumentum dicitur l. fideicom. §. plerumque, de leg. 3. l. 4. de lib. leg. Et ita, ut asseram similes casus, si quis legaverit Titio, quod ei Cajus debet, non

A tantum Cajo, sed etiam Titio legati petitio est, & uterque pro legatario habetur, quia testator utrique consulum voluit: debitori, ut liberaretur: creditori, ut haberet plures reos, id est, plures debitores ejusdem pecuniae: & quidem si prius agere cœperit debitor, id est, Cajus, satis erit, si heres ei caveat defensum iri eum adversus creditorem, id est, si promittat se curaturum, ne quid ab eo creditor exigat, vel si creditor ipse cœperit agere ex testamento, legati nomine feret pecuniam, quam ei Cajus debet, si modo caveat heredi, defensum iri heredem adversus debitorem, l. 3. §. ult. & l. 4. de lib. leg. Quia in re maxime notandum est, fuisse controversiam inter Julianum & Marcellum, & d. §. ult. inter hos fuisse discordiam ostendit planissime. Nam Julianus in specie proposita creditori denegabat actionem legati nomine, quod nihil ejus interesse videretur, sicut si debitor quod debet, creditori leget, nihil creditoris interest, & inutile est legatum. Sed merito reprehenditur a Marcello, quoniam in casu proposito creditoris interest etiam habere se plures reos ejusdem pecuniae, quamvis prius debitor sit solvendo: potest enim fieri non solvendo. Atque ita secundum Marcellum concludendum, utriusque interesse, utrumque esse legatarium, debitorem & creditorem, utrique esse actionem. Et hæc nota Marcelli addenda est ad speciem l. si cui legatur §. si Titio, de leg. i. Species hæc est: legavi tibi aliquid, & rogavi te, ut quod debeo, creditori meo solveres: legatum consistit in persona heredis, cuius maxime interest creditori solvi ne conveniatur quasi heres debitoris, & ut ait, consistit legatum in persona heredis, non in persona creditoris: quia nihil ejus interest, & nihil præterea additur in d. §. ea de re. Sed nos supplere oportet, quod deest ex jure, & adnotare primum, quod Ulp. refert in d. §. si Titio, esse ex Juliani libris, cuius rei conjecturam facit §. Julianus, qui sequitur. Ergo secundum Julianum verum est, quod ait §. si Titio, sed addenda est nota Marcelli: imo etiam creditoris interesse, ut habeat plures debitores, quod non observavit Julianus, atque ob id in hac specie merito reprehendit Julianum a Marcello, d. l. fideicom. §. plerumque, de l. 3. Cuius species hæc est, aut esse debet, atque ideo in ea lege, ut scriptum est, quamvis unus legatum sit: legendum est, quamvis uni legatum sit: & similiter paulo post, dum ait, legatum heredem vel fideicommissarium, ut eis solveret, scribendum, ut eis solveret. Et species hæc est: Titius debet eundem summam, ut rem pluribus reis stipulandi, id est, singulis debet solidam, non sæpius eandem rem vel quantitatem, sed uni solvendo liberatur. Ego meo testamento, quod ei debet Titius, legavi uni eorum: legati petitio datur, non tantum ei, cui legatum adscripti, sed etiam ceteris correis stipulandi, quorum etiam contemplatione legavi, sed qui agere occupaverit, sane cavere debet, heredem defensum iri adversus ceteros, d. §. plerumque. Ac ita legatum non tantum debetur ei, cui adscribitur, sed etiam ei, vel eis, quibus non adscribitur, modo si eorum contemplatione relinquatur, & eorum etiam interest legatum exsolvi, quod omnino congruit cum eo, quod Papinianus in hoc §. Titio genero concludit. Et genero & filia legati petitionem esse, genero, cui est adscriptum legatum propalam: & filia etiam, cui non est adscriptum legatum propalam, sed quasi adscriptum esse intelligitur, quia filia interest dotem habere, & contemplatione etiam ejus reliquit legatum genero vel sponso. Huic definitioni duo obstant vehementer, a quibus non se expedivit Accursius. Et delendum est, quicquid in ea hoc loco adnotavit. Obstat primum l. servo legato §. si testator, de leg. i. Duo proponuntur casus in eo §. in quibus idem juris est. Prior hic est: testator unum ex pluribus heredibus iussit creditoribus omne æs alienum solvere, an creditoribus competit actio adversus illum solum in solidum? Minime: quia nihil eorum interest: legatum illud nihil adjicit obligationi, & nullum est: & nil eorum interest, quia jam satis reum obligatum habent & heredem ejus: coheredibus autem competit fideicommissi petitio, quorum causa testator id fecit, & quorum

rūm maxime interest, ut exonerentur ære alieno pro suis portionibus. Alter casus est persimilis. Testator filiam nomine iussit heredem genero dotem dare: non competit genero, quia nihil interest ejus, sed competit filia, cujus maxime interest. Hoc est in jure perpetuum, ejus, cujus magis aut maxime interest, & principaliter interest, *l. 19. de lib. caus.* Ergo & ei principaliter est danda actio. Denique illo casu, quia filia maxime interest, ut scilicet dotata, ei soli dabitur actio ex testamento, genero non dabitur, quia nec generi maxime, sed minimum interest, quod omnino everit, quæ ante posuimus pro certis atque confessis: sed necesse est, ut illi duo casus, in quibus idem jus constituit, conveniant in omnibus. Priori casu iussit unum heredem solvere creditoribus, & hoc posteriore necesse est ponamus, testatorem iussisse genero solvere dotem, quæ ei debebatur, quam ei jam promiserat testator, ex quo contractu obligatio acquiritur soli genero, non filia, *l. 5. C. de dot. prom.* quia genero debebatur dotem ex stipulatu, filia non debebat. Quomobrem in persona generi non constitit legatum, quia nihil ejus interest, cui ego vel heres meus satis obligatus est ex stipulatu, sed in persona filia constitit, & quidem solius, *l. cum pater, de jure dot.* Sed in specie *§. ult. ad quem* refertur superior conclusio, focer genero non debuit dotem, & ut ait in *§. 5. ea pecunia* quam legavit dotis nomine, doti fuit destinata, non promissa. Igitur neque filia tantum eo casu, sed etiam generi interest dotem præstari, quæ neutri debebatur ex alia causa. Obstat etiam superiori definitioni *l. fideicommissum, interim, de leg. 3.* Ego legavi publicano publicum quod ei Titius debet, an uterque est legatarius, publicanus & privatus? Lex ait, solum Titium esse legatarium, non publicanum, licet legati emolumentum publicanum respiciat. Et videretur tamen secundum ea, quæ antea dicta sunt, utrumque esse legatarium, quia utriusque interfit, & quod non Titio tantum voluerit testator providere, sed etiam publicano, ut utrumque liberaret. Sumenda est responsio valde probabilis ex conjectura voluntatis defuncti. Cur Titius solus est legatarius in hac specie, non publicanus, ut in superioribus, non uterque? quia scilicet testator videtur tantum legasse contemplatione privati, id est, Titii, quia non solemus esse liberales erga publicanos: quis unquam est liberalis erga publicanum, aut quis præsumitur esse? est enim hoc genus hominum omnibus invisum. Ideoque præsumitur testator contemplatione Titii tantum, non contemplatione publicani legatum reliquisse. Fuit tamen ei animus liberandi Titii, & in dubio ita præsumitur, nisi aliud probaverit publicanus. Non eromultus in tradendis iis quæ restant ex questione quam heri proposui de legato ita relicto: Titio genero meo heres meus Seja filia mea nomine centum dato. Quæstio vertitur circa hoc genus legati, & quæ ad eam spectant, si cæbit paucis explicare. Ergo pergamus quod attinet ad questionem motam *h. §. ejus legati*, quod proposuimus quis est effectus? Ejus legati effectus hic est, quia tam mulieri, quam Titio consulere voluit testator, erga utrumque ductus affectione pari, ut ambo sint legatarii, ambo legati habeant petitionem, sed occupantis melior est conditio: nam heredem utrique condemnari iniquum est, & consequenter constante matrimonio ea pecunia genero solvitur recte, etiam invita muliere, ut ait, quia ea solutio, & viro & mulieri proficitur quandoquidem id quod solvitur convertitur in causam dotis statim, & dos cedet commodum utriusque, mariti & uxoris, & jure civili constitutum est generaliter, ut etiam invitæ liceat meliorem conditionem facere, ut *l. solvere, de solut.* mulier invita datur, quia & viri interest eam esse dotatam. Ergo viro dotis nomine recte solvitur legatum etiam invita muliere, etiam vellet esse indotata. Notandum quod dixi, hoc esse generale, ut possit etiam invitæ melior conditio fieri, quod ad nos attinet, scilicet, quia eam facere meliorem satagimus, ut ait *l. §. debitor tuus, de solut.* nam quod ad illum attinet, cujus melior conditio sit, licet ei eam aspernari postea: & ut eleganter quodam loco ait Amilius Perretus, duo sunt extrema in acqui-

rendo, unum ex persona ejus, a quo acquiritur: alterum ex persona ejus, cui acquiritur. Et invito quidem acquiritur, quod ad prius extremum attinet, non etiam quod attinet ad posterius, licet enim acquisitioni abrenunciare, lucro oblati non uti. Ergo non mirum, si dicat Papin. hoc loco, etiam invita muliere, marito constante matrimonio recte solvi legatum, quod ei focer reliquit dotis filia sua nomine. Et eadem ratione, ut idem Papin. ostendit, etiam post divortium, quod plus est, ea pecunia genero solvitur recte, & heres solvendo ei perinde liberatur, atque si solvisset constante matrimonio, quia & solutio, quæ fit post divortium, in dotem convertitur: nec etiam tantum dotem habet, quæ nupta est, sed & quæ nupta fuit, dotem habere potest, quamvis dos ea non constante matrimonio soluta sit, sed post divortium: quæ nupta nunquam fuit, dotem non habet antequam nupserit; denique dos non est sine matrimonio præstari vel præterito, *l. 3. de jur. dot.* futuri matrimonii vel sponsalium dos nunquam est. Pergamus: ut invita muliere viro ea pecunia, quæ legata est dotis nomine solvitur recte, & quod solvitur, convertitur in causam dotis: ita mulieri recte solvitur, cum heres sit utrique obligatus, & præterea recte quoque mulier petit: sed si nolit dotis fieri pecuniam quæ solvitur in dotem, in causam dotis, cum dotis nomine sit relicta, & dotis tantum nomine peti possit, petenti mulieri obstat exceptio doli mali, *l. apud Celsum, §. præterea, de doli except.* Nolit enim defunctus filiam generumve alio nomine legatum percipere, quam dotis, cum utrique consilium voluerit, & genero & filia: quæ non dotis nomine accipit, sibi soli consilium vult, quod est contra iudicium defuncti, & semper in jure, qui agit contra iudicium defuncti, repellitur exceptione doli mali. Hac igitur verba, *dotis nomine*, efficiunt, ut a testatore submoveatur vir aut mulier, qui eam pecuniam dotis fieri non vult, id est, qui suo nomine proprio accipere vult, non matrimonii nomine. Item ea verba id efficiunt, ut ante matrimonium muliere vel viro defuncto, quia matrimonium atque adeo dos fieri jam inter eos non potest, pecunia legata remaneat apud heredem scriptum: non potest peti a superstite, quem certum est jam modum legati implere non posse: non potest etiam transire ad heredem defuncti vel defunctæ, quavis sit purum legatum: Nam legatum, quod relinquuntur sub modo, sane est purum, *l. libertas, §. hac scriptura, de manum. testam.* Ex Papinianus hoc loco aperitissima (quia purum legatum est) quæ ratione statim peti potest legatum, antequam impletus sit modus, modo post impleri possit, & subit spes implendi ejus. Hoc ergo casu, quod summe notandum, quamvis sit purum legatum quod est relictum sub modo, modus transmissiōi impedimento est, quia expleri ab herede legatarii jam non potest, sublati altero coniugum vel sponsorum. Nam si modus possit expleri ab herede legatarii, sane legatum transmittitur ad heredem: ut si quis ita legaverit, Titio lego centum, ita ut mihi monumentum faciat, & mox post mortem testatoris moriatur etiam Titius, legatum transmittitur in heredem Titii, quod purum est, quia monumentum facere potest heres ejus, & modum legati adimplere. Et simili modo, si uterque sponsus dirimant sponsalia, & omnem spem nuptiarum, dicimus etiam hoc casu pecuniam remanere apud heredem, & neutri esse legati petitionem, quia neuter vult implere modum. Et hoc constat, antequam petatur legatum, quia sibi repudium miserunt, quia sibi ipsi legati petitionem ademerunt, prostantes se nolle modum implere. Quid si Titius nolit, mulier velit? Et hoc casu certum est, mulieri esse petitionem legati, quia per eam non stat, *l. 5. §. pen. quam, dies leg. ced.* Titius autem si petat, qui illam non vult uxorem ducere, repellitur exceptione doli mali: & idem est et converso, quia sponso dabitur legati petitio, non mulieri. Quæro, quid fit dicendum, si uterque velit, non tamen contraxerint nuptias, & petat ille vel illa legatum illud ante nuptias, quas sperat futuras? Sane legatum petere poterit sponsus obla-

ta cautione tamen, mulieri dotem reddi, si per eum steterit, quo minus contrahantur nuptiæ, si ipse postea mutaverit voluntatem. Et ita etiam mulier, si in petendo legato possit prævenire virum & occupare, ipsa petet legatum oblata eadem cautione, viro pecuniam reddi, si ipsa mutaverit voluntatem, & repudiaverit sponsum. Hoc ergo casu præstatur cautio de implendo modo, ut solet plerumque præstari ab eo, qui petit, sed in sequenti casu non præstatur cautio. Finge, jam esse contractas nuptias, & peti legatum ab illo vel illa, nulla cautio præstanda est de implendo modo, quia ipsa numeratione pecuniæ, pecunia statim efficitur dotalis, quæ numeratur post nuptias, & ita re ipsa modus invenitur adimpletus, nec necessaria est cautio de eo adimplendo, cum suapte sponte impleatur, vel impletus jam sit, aut certe potius impleatur numerata pecunia post nuptias. Quod & ita docet Papinianus in hoc §. ult. Ad hæc unum tantum notandum est, id quod diximus jam sæpe, utrique competere petitionem legati, sed eum præferri, qui agere occupaverit, & excludere alterum, qui festinaverit agere: Hoc ita procedere, si ei, qui agere occupaverit, soluta sit pecunia: nam non est satis agere, sed oportet exigere, agere, & peragere: nam si ei non sit soluta pecunia, qui eam petere occupavit, sed vitio suo causa ceciderit, quo genere etiam idem Papin. loquendi usus est in quasi specie simili, l. *Sichum*, §. pen. de solut. nec possit adferre concinnius exemplum, quam quod ex jure veteri de periculo plus petitionis? qui plus petit summa, causa cadit. Finge igitur in hac specie: is, cui legata erant centum dotis nomine, petiit centum quinquaginta, & amisit litem vitio suo. Ac rursus etiam finge, mulierem ab eo suum servare non posse vi cautionis quam heredi obtulit, litis initio forte, atque præstitit, non posse, inquam, mulierem ab eo suum servare, quoniam solvendo non est, potest uti potestate cautionis, an excluditur mulier, qui vir occupavit? minime. Equum est mulieri succurri, quæ nihil deliquit data æquæ adversus heredem scriptum, maxime ætate viri ei caverit, si non possit mulier ab illo solidum consequi propter inopiam ejus. Et notandum, hanc cautionem de implendo modo esse nudam repromissionem, non satisfactionem, l. 96. §. ult. h. in quo fit mentio hujus questionis. Satisfacere non dedit fideiussor, sed cavere nuda cautione, sed repromittere: satisfacere, ut in jure sæpe satisfacere, satisfacere significat quocumque modo, vel nuda cautione, l. pen. §. ult. de consil. pre. l. 2. de hered. vend. l. *satisfacere*, de verb. signif. Satisfactio igitur est gens: & alia satisfactio fideicommissariorum, alia satisfactio solius rei principalis, id est, nuda repromissio. Si genero legavero certam summam dotis filie meæ nomine, uterque est legatarius, gener & filia, & occupantis potior est causa, sed, ut dixi, si vir puta, agere occupaverit, heredi cavere debet, defensum iri eum adversus mulierem collegatariam. Solut enim heredi caveri de implendo modo, l. 19. de leg. 3. videlicet futurum, quod defunctus voluit, & veram in dotem pecuniam iri, quam legavit, quia modum legandi demonstravit. Sed hoc casu, quia mulier est collegataria, si vir ante nuptias petat legatum dotis nomine, heredi potius cavere debet mulieri pecuniam reddi, nisi per eam factum erit, quo minus nuptiæ sequantur: cum si stipularetur heres, inutilis esset stipulatio, quasi alteri facta, §. *alteri*, Inst. de inutil. stip. Ac proinde isto casu heredi tantum cavetur de indemnitate mulieris: mulieri autem cavetur de implendo modo legato injecto, quia ipsa est legataria. Sed addamus tamen aliquid. Hæc duæ cautiones, quarum una heredi præstatur, altera mulieri, agente viro præstanda sunt, antequam ad sententiam veniat. At post sententiam, si secundo eum judicatum sit, si contra eum, puta, quod vitio suo causa ceciderit plus petendo, nuptias non secutus, mulieri in eum ex cautione est actio, quæ tamen si parvis sit propter inopiam viri, qui non est solvendo,

Tom. IV.

A cum scilicet causa ceciderit vir, & heres ei pecuniam legatam non solvit, tunc æquum est, eam pecuniam mulieri ab herede solvi, quia delictum seu vitium mariti mulieri, quæ nihil deliquit, nocere non debet. Delictum socii socio, collegatarii collegatario, coheredis coheredi non nocet, l. si heredis, §. 1. de legat. 1. Et ita omnino explicandum est, quod est in extremo d. l. *Tizio dentum*. Et illud reperendum atque inculcandum rursus, hanc vel illam cautionem esse nudam repromissionem, non satisfactionem, aut satisfactionem simplicem, non satisfactionem fideiussorum, ut loquitur lex, nec non, ex quibus causis major. supra.

Lex LI. ad Senatufc. Treb.

Cum heres deductis legatis hereditatem per fideicommissum restituere rogatur, non placet ea legata deduci, quæ peti non poterant. Sed cum uxori pro parte heredi scripta dos legatur, eaque deductis legatis hereditatem restituere rogatur, etiam si quævis, quam per legem Falcidiam retinet, tantum efficiat, quantum in dote est, tamen pro sua portione dotis prælegata partem deducit. Cum enim utrumque consequitur, nihil interest inter hanc mulierem, & quemvis alium creditorem heredem institutum, & hereditatem restituere rogatum. Idem probatur, etsi non deductis legatis fideicommissum ab ea relictum sit.

Quæstio hujus legis est elegantissima: dicit eum, cui restituitur fideicommissaria hereditas, sustinere onera omnium legatorum, non heredem. Restituitur ei hereditas solida, sine deductione Falcidiæ, si heres coactus adierit, vel si sponte adierit, restituitur ei dodrans tantum. Nam heres deducit Falcidiam, hoc est, quadrantem quem debet habere illibatum & immunem: ergo pro quadrante non obligatur legatarius, & consequenter solus fideicommissarius legatariis respondere cogitur, qui loco est heredis, a quo legata relicta sunt: Nam cum heres adversus legatarios debet habere salvam Falcidiam, non ideo minus debet eam habere, quoad dodrantem hereditatis restituat alteri, & retineat ipse sibi tantum quadrantem Falc. Ergo æquissimum est, ut onera legatorum agnoscat solus fideicommissarius, quoniam quadrans debet remanere apud heredem sine ullo onere, quod est locus Falcidiæ. Et hoc quidem ita procedit, si heres rogatus sit restituere hereditatem totam l. 12. C. ad Treb. Nam si heres ex assc scriptus rogatur tantum restituere partem hereditatis, ita ut apud eum remaneat plus quam quadrans, ut si rogatur restituere semissem vel trientem, sane hoc casu onera legatorum inter eos dividuntur pro rata, l. 1. §. si sit, qui quad. C. pen. C. nli. hoc tit. l. 2. C. eod. tit. l. *etiam*, §. 1. ut leg. nom. cau. Rata est portio competens cuicunque in ea hereditate, portio contingens, portio virilis, item id, quod proposui initio fideicommissi. Trebell. fibere onera legatorum, non heredem scriptum, ita procedit, nisi heres deductis legatis rogatus sit restituere hereditatem. Nam hoc casu sane heres deducit legata, quæ utilia sunt, id est, quæ debentur & peti possunt, eorumque legatorum solvendorum onus ad eum pertinet, & fideicommissario cavere debet, defensum iri eum adversus legatarios, ut testator voluit, qui idem jussit deducere legata, & residuum restituere fideicommissum. sine onere legatorum, l. *leg. §. inde quantur*, h. tit. Inutilia autem legata, quæ peti non possunt, heres non detrahit, sed ea restituit fideicommissario, quasi hereditatis bona salva Falcidia, si sua sponte adierit hereditatem: & hoc quidem quasi utile principium quoddam juris proposuit Pap. initio legis: deducuntur utilia legata, inquit non inutilia. Hoc cum proposuisset, excipit unum casum tantum, quo heres cogetur restituere hereditatem deductis legatis. Deducit igitur legatum quamvis sit inutile, & sibi habebit: nam quod peti non potest a legatario fideicommissum. id non restituet: illo, inquam, casu legatum inutile deducitur ab herede, & non venit in restitutionem fideicommissi: neque mirum hoc videri de-

G g

bet:

bet: Nam eodem ipso casu, etiam si heres non deductis legatis rogatus sit restituere hereditatem simpliciter, deducet illud legatum, quamvis sit inutile, & sibi habebit. Quam in rem ita ratiocinatur quodammodo Papin. Si quod legatum possum deducere, etiam si non deductis legatis a me fideicommissum relictum sit ergo multo magis id deducam, si deductis legatis a me fideicommissum relictum sit. Finge: maritus uxorem heredem scripsit ex parte adiectis aliis coheredibus, & eam rogavit, ut deductis legatis portionem hereditatis restitueret Titio. Ac præterea eidem uxori dotem prælegavit, quod legatum est utile, etiam si sit relictum quasi creditori a debitore, quia in eo plus est, quam in debito. Legatum enim dotis est præsens, debitum autem dotis est in diem: Nam soluto matrimonio dos solvitur tribus pensionibus, annua, bima, trima die, à trois payes, sed non est per omnia utile prælegatum dotis. Nam relictum est prælegatum dotis ab omnibus heredibus. Ita ergo & ab uxore ipsa, quæ est heres ex parte, eidem ipsi uxori: & pro parte quidem coheredum est utile, pro parte uxoris non potest esse utile, quia heredi a semetipso inutiliter legatur. nulla est sententia in jure frequentior, l. legatum, §. 1. de leg. 2. nam nemo potest sibi ipsi debere, denique pro parte coheredum utile est legatum dotis, pro parte uxoris inutile: & tamen in ponenda ratione legis Falcid. in computatione legatorum, & bonorum prius deduci oportet æ alienum, etiam quod defunctus heredi debuit, licet additione sit consensum. Deinde ex reliquo deducitur Falcidia, & præstatur legata aut fideicommissa quæcunque. Et sane etiam si uxor iusta esset restituere partem hereditatis sibi relictam non deductis legatis, deduceret legatum dotis pro parte sua jure proprio, non jure legati: Nam pro ea parte inutile est legatum, residuum autem dotem consequitur a coheredibus præsentis die jure legati pro portione coheredum, pro qua tantum legatum illud consistit. Ergo mulier hoc casu sive deductis, sive non deductis legatis iusta sit restituere partem certam sibi relictam, deducit legatum, quod est inutile, quasi æs alienum sc. id est, quasi debitum sibi. Deinde deducit etiam Falcidiam, & reliqua bona restituit fideicommissum. Ergo, quod notandum, duplici deductione utitur: deductione dotis pro parte sua jure suo sibi debita, & deductione quartæ, hoc est, Falcidiæ, etiam si tantum sit in Falcidia, quantum in dote, atque ita utrumque consequitur & dotem & Falcidiam, id est, quadrantem portionis suæ hereditatis, etiam si is quadrans sufficiat doti, sicut & quilibet creditor extraneus heres institutus a debitore, & rogatus restituere hereditatem, deducit primum quod sibi debuit defunctus, deinde Falc. integram, etiam si Falcidia tantum efficiat quantum est in debito, l. in ponenda, C. ad l. Falc. l. pater filiam, ad l. Falcid. Nihil igitur in hoc proposito distat uxor a creditore, uxor cui debetur dos, a creditore, cui quid aliud debetur, uterque deducit sibi debitum, ac præterea Falcid. integram, uterque utrumque consequitur, & hereditatem seu Falcid. & quod sibi defunctus debuit. Hæc est sententia Papin. quæ ponitur in hac l. & nihil addit præterea. Sed obijciunt: imo contenta esse debet mulier alterutro, vel dote, vel hereditate, aut Falcid. quæ jure hereditario capitur, si modo in Falcid. tantum sit, quantum in dote, & fuit ea de re olim editum, quod dicebatur de alterutro, cuius sit mentio in l. uxor. §. sciendum, C. de rei uxore. act. l. uxor. C. T. h. de testam. quo jubetur mulier contenta esse alterutro. Ex edito igitur non potest utrumque consequi, quod quidem locum habet dote debita iudicio rei uxorie, non si debeatur ex stipulatu: nam si debita sit ex stipulatu, mulier utrumque consequitur, dotem & Falc. si debita sit iudicio rei uxorie, alterutrum ex illo edito. Et hic quia non ponitur dos debita ex stipulatu a Papin. pono eam debitam, nec male, iudicio rei uxorie. Ergo in casu huius nec est locus edito de alterutro, nec uxor utrumque conse-

questur. Sciendum est, editum hoc esse sublatum hodie a Justin. simul & actionem rei uxorie. Igitur hodie soluto matrimonio mulier repetit dotem actione ex stipulatu, etiam si non sit stipulata dotem sibi reddi. Sunt tacita pignora quædam, & tacite stipulationes quædam: sunt igitur quasi ex tacita stipulatione: mulier hic repetit dotem, vel morte vel divortio soluto matrimonio. Et si is casus evenierit, qui proponitur h. l. ut ea mulier heres instituat a marito, ipsa utrumque percipiat, & hereditatem & dotem, sicut & quilibet alius creditor heres institutus, nec ut ait Papin. erit ulla differentia inter mulierem & quemvis alium creditorem, l. an. §. igitur, C. de rei uxore. act. Sed & cum obtinuit editum illud de alterutro, & nec dum esset sublatum a Justin. nec dum sublata actio rei uxorie, vitriabitur editum illud, si maritus utrumque mulierem habere voluisset, hereditatem & dotem, ut in hac specie, cum heredem scripsit uxorem ex parte, & dotem etiam ei prælegavit. Ponamus debitum iudicio rei uxorie, quod non sit stipulata dotem sibi reddi secundum jus vetus: Etiam hoc posito, non erit locus edito de alterutro: quia testator utrumque uxorem habere voluit, & similiter etiam hodie, quo jure receptum est ut mulier utrumque percipiat, si testator voluerit eam esse contentam Falcidia pro dote, si voluit eam compensare Falcidiam cum dote, in qua modo tantum sit, quantum in dote, hereditate electa, non deducet dotem contra voluntatem defuncti, non consequetur utrumque, l. si filia, §. pen. fam. l. c. §. 6. quan. d. leg. ced. l. cum ab uno, de leg. 2. l. Titius, §. maritus, hoc tit. 2. §. 1. de dote præleg. Et in §. maritus offenditur, ex voluntate defuncti hoc ita procedere, ut non utrumque ferat uxor, quamvis etiam eam heredem scripserit, & ei dotem prælegarit, videlicet si probetur hoc eum sensitse, ut alterutro contenta esset, utque Falc. electa dotem restituere fideicommissario. Quod procedit etiam in quolibet creditore herede instituto: Nam si sit locus Falcidiæ, non deducet, quod sibi defunctus debuit, si crediti compensandi animo eum heredem fecerit. Denique non poterit, quod sibi defunctus debuit reputare legatarius, sed id debet contribuere bonis, si modo Falcidia adimpleat debitum, l. 12. ad l. Falcid. l. non potest Titio, de leg. 2. Ex hoc libro citatur Papin. ab Ulp. l. 3. quib. mod. usufr. amitt. restat l. 3. §. pen. de adm. leg.

D

Ad §. pen. l. III. de Adimi. legat.

Conditio legati an adimi possit, vel hereditatis vel statuliberi, videndum. Et Iulianus scribit in statulibero detrahendam conditionem non representare libertatem. Papin. quæque lib. 17. quæstion. scribit generaliter, conditionem adimi non posse: nec enim datur, inquit, conditio, sed adscribitur. Quod autem adscribitur, non potest adimi, sed quod datur. Sed melius est sensum magis, quam verba amplecti, & conditiones, sicut adscribi, ita & adimi posse.

E

Legatum quod testator dedit, adimere potest codicillis, vel eodem testamento. Finge: legatum dedit sub conditione, an conditionem adimere potest, quando non legatur? Et refert Ulp. generaliter Papin. scripsisse, conditionem non adimi recte. Ideoque adempta conditione non ideo legatum fieri purum, sed manere conditionale, hæc ratio, quia id tantum adimitur, quod datum est, conditio non datur, sed adjicitur, apponitur legato, quod datur. Ergo non potest adimi: nil nisi quod datur, adimitur. Sed concludit, melius esse, ut etiam quod adscribitur adimi possit: ut igitur conditio adimi possit, & ut hæc adempta legatum purum efficiat, quia verba sunt considerata pro voluntate, ut ait eleganter l. 1. in princip. & conditionem, de condit. & demonstrat. Ac præterea suppositum conditio dari dicitur, quæ adscribitur & apponitur legato, l. uxor. de leg. hoc tit. l. in plurimum, de acq. hered. l. 5. de cond. inst. l. Stichus, de usufr. leg. & l. qui vulgo, de manum. test. & l. inter illam, de verb. sign. Expliciter est 3. Decemb. 1572.

JACO.

JACOBI CUJACII J.C.

COMMENTARIUS

In Lib. XVIII. Quæstionum ÆMILII PAPINIANI.

Ad L. LXXXVII. de leg. 1. & L. XC. cod. & L. pen. de His quæ ut indign.

Lex LXXXVII. Filio pater, quem in potestate retinuit, heredi pro parte instituto, legatum quoque reliquit. Durissima sententia est existimantium denegandam ei legati petitionem, si patris abstinuerit hereditate. Non enim impugnatur iudicium ab eo, qui iustis rationibus noluit negotiis hereditatis implicari.

Lex XC. Quid ergo, si ita legaverit? hoc amplius filio meo: non dubie voluntatis quidem quæstio erit: Sed non absimilis est prioris casus circa filii providentiam, nisi evidens voluntas contraria patris probetur. Plane si pluribus filiis institutis, ratione legatorum actio denegabitur ei, qui non agnoverit hereditatem.

L. penult. Si testamentum patris jure factum filius negavit, quoniam de jure disputavit non iudicium impugnavit aut accusavit, retinet defuncti voluntatem.

Q UÆSTIO hæc & explicatio tres leges complectitur, l. 87. l. 90. de l. 1. & l. pen. de his, quæ ut indign. Quæstio hæc est, an filius, qui previt & omisit hereditatem patris indignus sit legato, quod ei præter hereditatem pater legaverat eodem testamento? An qui omittit hereditatem paternam, omittere etiam debeas legatum? Filius aut est emancipatus, aut in potestate patris, & qui in potestate est, dicitur filius. & dicitur nonnumquam in jure filius suus, qui emancipato opponitur, l. 6. de jure patron. l. nepos, de leg. prof. Verum est differentia inter emancipatum & suum multa. Sed quod ad propositionem nostram attinet, hanc differentiam annotare satis erit. Filius emancipatus a patre institutus, est extraneus & voluntarius heres. Nam liberum arbitrium habet ad eundem vel repudiandæ hereditatis paternæ: filius autem suus a patre heres instituitur, & necesse est, nec in eo est necessaria aditio, quia statim ipso jure heres existit, l. in suis, de suis & leg. Emancipatus aditione heres fit, suus heres non fit, sed existit, hoc est, apparet protinus heres, vel ut Græci dicunt, *ἀπαρσινεται*, & est proprium suorum: suus, inquam, ipso jure heres existit etiam invitus & ignorans, nec in eo repudiatio locum habere potest. Denique neque aditio in eo locum habet, neque repudiatio. Adire & repudiare sunt verba juris civilis, suus jure civili invitus heres existit: at jure prætorio in ejus arbitrio est, ut vel immisceat se bonis paternis, vel abstinere. Immiscere & abstinere sunt verba juris prætorii. Est igitur filius suus quodammodo voluntarius heres jure prætorio, quia liberum arbitrium habet immiscendi vel abstinendi se bonis, & eum, qui miscuit se bonis prætor heredis loco, eum qui abstinuit, prætor non habet heredis loco, l. si filius, de inter. *in jure*, fac. tantum vero valet in suo institutio, quantum in emancipato aditio heredis, & similiter in suo tantum valet abstinio, quantum in emancipato repudiatio, l. pro herede, §. pen. de acq. hered. Ergo sicut filius emancipatus heres institutus a patre, & legato honoratus repudiata hereditate non prohibetur legatum capere, d. l. 89. h. t. ita filius suus institutus, & legato honoratus, si abstinuerit se hereditate, non repellitur a legati petitione. Et ita definit Papin. in l. 89. & reprehendit sententiam eorum, qui repellant filium a legato, qui repudiaret hereditatem paternam, per abstentionem scilicet prætoriam quasi durissimam sententiam, id est iniquissimam. Et idem etiam alias Papin. respondisse refert Imp. in l. cum responso, C. de leg. quod responsum non existat alio loco. Et in summa, vult filium, qui omittit hereditatem patris, non prohiberi legatum accipere & petere, quod ei idem pater

Tom. IV.

A reliquit. Ratio dubitandi erat; quia impugnare videtur iudicium patris, qui abstinuit se hereditate patris, quandoquidem quantum in se est, intestatum patrem facit destituto testamento & neglecto: nam intestatus nemo fiet vel existat heres: ergo videtur indignus esse filius illum lucrum ferre ex iudicio patris, quod per eum non stetit, quin destitueretur testamentum patris secundum regulam juris in l. Papin. §. meminisse, de inoffic. test. Ac rectissime Papin. ut respondeat huic objectioni, negat impugnari ab eo iudicium patris, qui se abstinuit bonis paternis, quia non ut impugnet testamentum hoc facit? non est ei hic animus, sed hoc facit, ut non obligetur rei alieno testatoris, nec implicetur negotiis hereditatis, iustis rationibus adductis, quod existimet hereditatem non esse solvendo, esse litium hereditatem, non bonorum, esse honorem, non fructum. Providentia hæc est filii, ut ait eleganter l. 90. ex eod. lib. non etiam studium impugnandi testamenti paterni. Non est igitur æquum, eum repelli a legato, quod non potest esse detrimentosum, hereditas sæpe est damnosa, l. si hereditas, mand. Et ita concludit Papin. l. 89. his verbis, *filio pater, quem in potestate, &c.* Puto Papinian. adjecisse statim quod est in l. pen. de his, quæ ut indign. *aut.* eum quoque filium non repelli a voluntate, beneficio, honore, quem ei habuit pater: nam & hereditas & legatum honor est, eum, inquam, non repelli a voluntate patris, sed eam retinere, & secundum eam, hereditatem vel legatum persequi, qui testamentum patris dixit non esse jure factum, non esse iustum, id est, non solemne, deesse in illo solemnia juris, veluti signa, testium subscriptiones, legitimum numerum testium, non factum uno contextu, non in conspectu omnium testium. Quæ omnia plane jus requirit. Qui, inquam, dixit, testamentum patris non esse solemne nec obtinuit, non repellitur ab hereditate, si forte in eodem testamento heres institutus sit, non repellitur a prelegato, quia ut ait lex nostra, *de jure disputatur*, id est, an solemnia jura deessent nec ne: non impugnavit iudicium patris, nec iustam voluntatem: ut si dixisset, falsum esse testamentum vel inofficiosum: quod non obtinuisse, sed quam existimabat non esse solemnem voluntatem, eam locum obtinere noluit: hic ducitur studio juris tuendi: ille qui falsum dicit, vel inofficiosum temere, ducitur studio juris impugnandi. Et hoc ita esse probat l. post legatum, §. 1. de his, quæ ut indign. Et videtur quidem huic rei obitare l. pen. in princ. de except. rei jud. Sed ubi posuero speciem, statim indicabo, nihil omnino eam obitare. Species hæc est: erant duo agnati testatoris proximi, Titius & Cajus, qui etiam ab intestato ei heredes futuri erant, erant namque ambo ejusdem gradus: at ille testator Cajum heredem scripsit ex sextante, Titium ex reliquo, ab intestato singuli habuissent semissem, id est, dimidium, ex testamento habet Cajus sextantem, Titius dextantem. Cajus dixit, testamentum non recte, non jure factum esse, atque ita vindicavit semissem hereditatis, quasi ab intestato, & non obtinuit, an repellitur a sextante sibi adscripto in testamento? Considerandum in primis, eum vindicasse semissem totius assis. Ergo vindicasse etiam semissem sextantis, id est, dimidiam partem sextantis, nec obrinuisse. Ergo si dimidiam partem sextantis petat, repellatur exceptione rei judicate, quia eam amisit re contra eum judicata, quandoquidem eam temere in iudicium adduxerat, sed non amittit alteram unciam, imo eam vindicat recte ex testamento, quia non est indignus testamento, qui dixit, illud non esse solemne, etiam si non obtinuerit, quia tueri voluit solum jus, non impugnare iustum testamentum: ergo retinebit partem sextantis, id est, unciam ex testamento: alteram partem amisit sua culpa, quia eam temere in iudicium deduxit, & lapsus est. Et ita congruit ea lex etiam cum iis, quæ dicta sunt. Concludamus ergo. In d. l. 24. de his, quæ ut indign. datur casus, quo filius heres institutus testamento patris retinet voluntatem patris, etiam si id impugnasse videtur, dicendo testamentum non esse solemne, quia hæc dictio non est impugnatio proprie testa-

G 2

men-

menti, & videtur huic casui iste fuisse applicatus, qui est in *l. filio pater*, vel etiam ille huic: nam in proposito etiam filius heres institutus a patre, qui abstulit se hereditate, non proprie accusavit, vel etiam impugnavit testamentum patris, quia hereditatem quidem amittit sua culpa; quia ea se abstulit, ceterum legatum retinebit, non repellitur quasi indignus, & quidem percipiet totum legatum: quamquam videtur ab initio non valuisse pro ejus parte, sed pro parte coheredum tantum, *l. quastum, §. duobus, & l. qui filius, §. ult. cum l. seg. de leg. 1.* Ab hac definitione excipiendus est unus casus, qui proponitur in *l. 88. & qo. de leg. 1.* si appareat, testatorem noluisse filium admitti ad legatum, nisi etiam hereditatem retineret. Nam satis est, si apparet: non enim exigitur expressa voluntas: sufficit tacita, modo sit evidens, ut nihil interest in jure fere semper expresserit quid testator, an intellexerit, *l. 6. de assie. lib. l. Lucius, §. Martius, ad Trebell.* Demum aliquod exemplum hujus tacite voluntatis. Finge: pater plures heredes habet, eosque heredes instituit, & genere legandi, id est, dicendo *lego tibi illum fundum, & tibi illam domum, &c.* ita inter eos omne patrimonium, omnemque hereditatem distribuit, ita ut nihil pratermiserit, relinquit in hereditate indivisum: dixit quidem se legare ita singulis, sed hoc legatum aliud nihil est, quam hereditatis distributio, legatum mixtum est hereditati, & contra hereditas mixta est legato, *l. Marcell, §. pen. ad Treb.* Ergo evidens est, eum velle, ut qui amittit hereditatem, perdat etiam legatum, quia est sit usus verbo legati, tamen hereditatem distribuere voluit: verba sunt legatorum: mens est hereditatis danda, & distribuenda inter filios, quod etiam ita deservit Papin. in *l. 90.* Sed quæretur, an eadem esset voluntas patris, ut non haberet legatum, qui amitteret hereditatem, si filio instituto ex parte, adiecit, *hoc amplius, tibi fundum, do, lego.* Nam dicendo, *hoc amplius*, videtur convertere hereditatem in legatum, ita ut debeat utrumque amplecti: an statim dicam probe, hanc fuisse mentem defuncti? minime: nam possit quidem esse eadem, sed in dubio, quia dicendo, *hoc amplius*, repetit institutionem tantum, non etiam imminuit hereditatem legato. Et ita etiam respondet Papin. in *l. 90.* Exposui sententiam trium illarum legum, sed non, quæ obici possunt: male a Florentinis hæc verba absunt, *inter eos verbis legatorum bona diversis.* Hæc enim ad legis explanationem omnino necessaria sunt. Diximus, filium in potestate patris heredem institutum ex parte, & honoratum prælegato, si omiserit hereditatem paternam, totum legatum capere, quod & in extraneo herede procedit. Videamus huic sententiæ, quæ obiciantur: sunt sane multa, ex quibus quidam efficiunt, non totum legatum cum capere ex legato, & omissione hereditatis, sed pro parte coheredum tantum. Quidam autem, nihil prorsus eum capere ex legato & omissione hereditatis, esse amissionem integri legati. At primum quidem sic argumentantur: legatum relictum heredi ex parte instituto, non valet in totum. Nam pro parte ejus heredis, cui relictum est legatum, sane non valet quasi ei a semetipso relictum, pro parte coheredum valet, *l. legatum, §. 1. h. i.* Ergo in totum non valet. Consequenter totum non debetur heredi, cui relictum est, etiam si postea omiserit hereditatem propter regulam Catonianam, quia legatum, quod ab initio non consistit, vel quatenus ab initio non consistit, ex post facto non convalescit. At respondebo statim, legatum heredi ex parte instituto relictum non valet nisi pro parte coheredum, si ipse heres cui relictum est, hereditatem adierit & miscuerit se bonis, quia non potest idem & in eadem parte heres esse & legatarius, debitor sc. & creditor: sed si omiserit hereditatem, puta si eam repudiaverit, vel si ea se abstulerit, totum capere jure legati a coheredibus, quibus portio ejus accrescit. Et hoc ita est proditum in *l. quastum, §. duobus, & l. qui filius, §. ult. & l. seg. h. de leg. 1.* Nec locus est regula Caton. hoc casu quia legatum ab initio consistit intelligitur in totum, cum non idem inveniat esse heres & legatarius, sed legatarius tantum omisit hereditate: nec enim omnis, qui scribitur, vel nuncupatur heres, & heres est statim: non extraneus, antequam adierit: non suus, jure prætorio sc. an-

A tequam miscuerit se. Hic igitur, qui omisit hereditatem, nunquam heres fuit, sed quæ pars ejus esset, si non omisisset hereditatem, ea accrevit coheredibus: merito igitur coheredes legari nomine tenentur in solidum. Et idem etiam obtinet, si heredi ex parte instituto, cui prælegatum etiam datum erat, aliqua ex causa sit ablata pars hereditatis quasi indigno per fiscum: nam & hoc casu integrum legatum petet a coheredibus: erepta ei est hereditas, non legatum: igitur a coheredibus petet in solidum, etiam si pars hereditaria, ex qua sit scriptus, fisco obvenit, non coheredibus, *Leum qui, §. ult. de his, quæ ut indig.* Dices forte, mirum hoc esse, quod is, cui eripitur hereditas quasi indigno, non ideo definat esse heres, quod ipse non amiserit hereditatem, imo agnovit, sed erepta fuerit, juxta illud, quod dicitur, qui semel heres factus est, heres esse non desinit. Et sane is, qui eripitur hereditas, heres manet, *l. ex facie, §. ult. de vulg. substit.* Sed respondeas, manere quidem heredem ipse ipso, sed non haberi heredis loco, id est, quidum nomen heredis habere, non rem: nam & is, qui abstinet se hereditate, jure civili heres manet, *l. cum quasi §. sed est, de fideicom. lib. l. 6. §. si suus, de bon. liberi.* sed non habetur apud prætorem heredis loco, heres est nomine, non re: uterque igitur esse heres sine re, & is, cui eripitur hereditas, & is qui se abstinet hereditate, sed prætor non nomen spectat, sed rem. Igitur non prohibetur legatum integrum capere sicut extraneus quilibet, qui non sit heres scriptus. Obicitur etiam *l. miles, §. 1. de legat. 2.* Species hæc est: unum heredem scriptum ex parte datis coheredibus, & ei aliquid prælegavit: is post diem legati cedentem, id est, post mortem testatoris, vel ex lege Julia, post apertas tabulas, nam ex eo tempore cedit dies legatorum, lege Julia ex apertis tabulis, jure antiquo, quo utimur, ex morte testatoris, quæ cessio profuit ad transiitionem legati? quid est *cedere diem legati*: transmitti posse legatum ad heredem legatarii. Is igitur heres post diem legati cedentem ante aditam hereditatem mortuus est, interim scilicet dum deliberaret de adeunda, vel repudianda hereditate, non transmittit hereditatem ad heredem suum, quia hereditas non adita non transmittitur, sed & pars hereditatis pertinet ad coheredes substitutos, ut ait, vel jure antiquo, si coheredes non sint substituti, ad fideicommissarium. Denique pars ea hereditatis non transmittitur ad heredem, sed legatum, cuius dies iam esset: verum non totum, sed pro parte coheredum tantum, pro qua constituit. Ergo totum legatum ei non debebatur, aliqui debetur etiam heredi ejus. Sed verissimum est, quod in *l. filio* statim adnotavit Accurs. observandum esse, nos loqui de eo, qui omisit hereditatem repudiatus vel abstentione: huic totum legatum debetur, & proinde totum transmittitur in heredem ejus: illa *l. miles, §. 1.* non loquitur de eo, qui amittit hereditatem, sed qui inter deliberandum de admittenda vel omittenda hereditate, vita decessit: huic non debebatur totum legatum, qui nondum omiserat hereditatem, nondum in eo res erat, ut ad eum totum legatum pertineret. Ergo totum etiam non transmittitur ad heredem suum, sed pro parte coheredum tantum. reliqua pars hereditati accrescit & commiscetur: quandoquidem, ut dixi, pertinet ad coheredes substitutos: nihil est certius. Pergamus ad reliqua, quibus efficere tentamus eum, qui omisit hereditatem, nil omnino ex legato sperare posse. Et ducitur primum argumentum ex *l. apud Celsum §. si quis ex uncia, de dol. & metus exc.* Dux sunt partes ejus §. prior consentit cum sententia Papin. posterior pugnare videtur. Et ita quidem prioris ponitur species: Heres scriptus est quidam ex uncia, ex qua potuit consequi ducenta, ac præterea ei legatum relictum est, in quo erant centum: ipse prætulit legatum 100, hereditati prætulit centum ducentas: hereditatem omisit, legatum agnovit, & hereditatem omisit prudenti consilio: ne implicaretur molestis hereditariis, cum videtur hereditas ei non esse solvendo: in electione ejus fuit, vel hereditatem capere, vel legatum, vel etiam utrumque: Nam suo Marte tantum fingit Accurs. legatum ei ita fuisse relictum, ut caperet alterum tantum, hereditatem vel legatum, non

utrumque, quod lex non ponit: sed generaliter ita ponit speciem, ut intelligatur in arbitrio fuisse heredis, vel hereditatem capere, vel legatum, vel utrumque: hereditatem noluit, legatum agnovit, & petit legatum a coheredibus, an repellatur exceptione doli mali? non: nec enim petit contra voluntatem defuncti, quod congruit omnino cum *l. filio pater*. Verum quod sequitur, pugnare videtur: nam ait, si ille heres omiserit hereditatem accepto pretio a substituto, quia fingendum ei datum fuisse substitutum, & ut eam omitteret, & ita pars ejus ad substitutum reverteretur, substitutum ei dedisse pretium, vel pretii loco aliquid, *d. l. apud §. auctores, l. 1. §. ult. & l. 2. de calumniis*. quia omisit quidem hereditatem in gratiam substituti, sed ab eo tulit pretium: nunc si petat legatum a coheredibus, dolo fecisse intelligitur, & per hoc repellatur exceptione doli mali. Ecce casus, quo quis omisit hereditatem, repellitur a legato: hujus rei ratio erit pro responsione. Cur repellitur a legato? aut quatenus repellitur ab hereditate, an in totum repellitur? minime. Ratio hæc est: simulavit se omittere hereditatem quæ simulatio doli mali est: re ipsa non omisit, quia pretium accepit: qui pretium habet, rem habere videtur. Sicigitur statuo: re ipsa non omisit hereditatem, qui pretium tulit. Ergo si petat legatum nunc, repellitur exceptione doli mali, quandoquidem pro parte sua hereditaria inutile est, & ita accipiendus est ille locus: Nam si petat legatum pro parte coheredum tantum, cur repellitur? cum etsi palam adisset hereditatem non repelleretur. Obijciunt præterea *l. ult. §. ult. de dol. exceptis*. Finge: mulier maritum & filium heredes scripsit ex semisse, & alteram filiam ex priore matrimonio ex semisse sub conditione, si remitteret actionem tutelæ suis coheredibus, quandoquidem mater ei tenebatur, quia pater ejus, avus hujus puellæ tutelam gesserat: denique illam filiam scripsit sub conditione, si remitteret actionem tutelæ coheredibus, si parem rationem faceret, *si elle les ex tenoit quites*, si apocham faceret. Nam ita Græci interpretantur *l. qui Titium, de manum. test. illa* noluit remittere debitum tutelæ, prætulit actionem tutelæ hereditati. Namque hereditatem omisit, ut actionem tutelæ salvam haberet. Quaritur, an possit petere prælegatum? Et ait, petentem legatum posse repellere exceptione doli mali. Ergo illo casu, qui omisit hereditatem, repellitur a prælegato? Respondeo, hoc ideo fieri, quia legatum filie videtur relictum sub eadem conditione, si actionem remitteret coheredibus, id est, conditio adscripta in institutione videtur repetita in prælegato, quæ conditio si deficiat, si non impleatur, si agat tutelæ, nec liberet coheredes eo nomine, consequens est, eam repelli & ab hereditate, & a legato: utrumque enim fuit datum sub eadem conditione. Et notandum in prælegatis semper videri repetitam conditionem adscriptam in institutione. Et ratio hæc est: si quis post institutionem ita loquatur: *Titius heres esto, si navis ex Asia venerit, & eo amplius ei do, lego centum*. Ea verba, eo amplius, repetunt conditionem, *l. avia, l. liberis, de cond. & demon.* Eandem vim habet dictio præterea, si dixerit hoc modo, *heres esto si navis ex Asia venerit, & præterea summo centum ex hereditate*: videtur in prælegato repetita eadem conditio, *l. Sejo, §. pen. de an. leg.* Ergo & in omni prælegato: nam prælegare est præter hereditatem dare. Sic ergo verissime possis constituere, in prælegato omni, nisi aliud voluerit defunctus, repetitam videri conditionem adscriptam in institutione, & non esse mirum, si eum, qui defecit conditione & institutione, repellamus tam a legato, quam hereditate. Obijciunt *l. si non solus, §. 1. si quis omissa causa testis*. Species est: si is ite institutus heres, si testatori potuit succedere ab intestato, velut proximus agnatus, & ab eo relicta sint legata, fideicommissa, libertates, quæ sane non debentur, in eo ad irritum constituuntur omnia, si non adeatur hereditas ex testamento. Is, inquam, dolo malo, ne præstet fideicommissa & legata, si repudiet hereditatem ex testamento, & adeat ab intestato, ut potest, est enim heres voluntarius, nihilominus obligatur legataris ex illo edicto, si quis omissa causa testamenti, perinde atque si ex testamento adisset hereditatem. Hoc cognito, finge: duo erant defuncto proximi agnati ejus-

dem gradus, qui simul ei succederent ab intestato. Erat Cajus & Titius. Cajum heredem instituit, & ab eo legavit multis, atque etiam Titio. *si Cajus heres esset, & si Cajus heres non esset, ei substituit Titium*. Quid accidit: uterque & institutus, & substitutus, & Cajus, & Titius, omisit hereditatem ex testamento, & eam possidere cepit ab intestato: institutus ex illo edicto tenetur legataris, perinde ac si adisset ex testamento. An tenetur etiam substituto? minime: Solvet quidem aliis legataris legata, sed non substituto. Probe, inquit, recusabit solvere legatum substituto, qui & ipse omisit hereditatem ex substitutione: noluit universa bona obtinere, & nunc petit legatum, repellitur: atque ita, qui omisit hereditatem, repellitur a legato. Nos loquimur de eo, qui omnino omisit hereditatem, nihil sperans ab intestato, coheredibus testamentum sustinentibus, quæ est, species *l. filio pater*. Illa *l. si non solus, §. 2.* loquitur de eo qui non omnino omisit hereditatem, sed ex testamento tantum, ut eam haberet ab intestato, qui non omisit simpliciter, sed dolo malo in fraudem defuncti & legatariorum, & libertatum; qui non providentia quadam, sed malicia & calliditate, atque ita impugnavit plane testamentum defuncti. Fraudem fecit, quam alii intentavit: fraudabitur legato, qui alios voluit fraudare, & improbe ab instituto petet legatum, & in eo coarguit vitium, in quo & ipse deprehenditur, ac ita non fert legatum is, qui causam in reſtati affectavit, ut etiam indicat *l. bonorum, de leg. præst. & l. quidam, si quis omisit, caus. testam.* Falcidiam etiam fert is, qui omisso testamento ab intestato possidet hereditatem, *l. duo heredes, in fine, eod. l. 1. §. ad eos, ad l. Falcid.* Quia Falcidia non tantum capitur jure testati, ut *l. qui duos, de vulg. subst.* sed etiam jure intestati ex Conſt. *D. Pii, l. filiusfam, ad l. Falcid.* Postremo obijciunt *l. si patroni, §. quid ergo, ad Trebell.* Heres institutus dicitur & rogatus hereditatem restituere Titio: recusat eam adire, sed coactus adiit postulante fideicommissario: amittit Falcidiam, & solidam hereditatem restituit: amittit etiam fideicommissum & legatum: Nam indignus est, qui aliquid ferat ex voluntate defuncti, qui ejus supremam voluntatem destituit. Cur enim is, qui destituit testamentum omnia hereditate, quantum ad se attinet, non amittit omne lucrum, quod ei ex testamento obveniebat? Sic respondeo: Illi recusavit adire, & coactus id fecit, qui potuit adire, quique adivit periculo fideicommissarii oblata cautione indemnitaris, *l. namque, §. ult. ad Treb.* vel etiam tutus est ipso juro & extra periculum omne est, extra onera hereditaria, si postulante fideicommissario ejus periculo adeat, quo casu & adire cogitur. Nos autem loquimur de eo, qui recusavit adire, cum non posset adire sine suo periculo, nemine offerente cautionem indemnitaris: hunc non est æquum repellere a petitione legati aut fideicommissi.

Ad L. VII. de Dot. præl.

Pater dotem a nuru acceptam filio exheredato legavit: heres patris opposita doli exceptione, non ante solvere legatum cogendus est, quam ei cautum fuerit de indemnitate soluto matrimonio.

§. 1. Sed si prius, quam legatum filio solveretur, mulier dotem suam recuperavit, frustra filius de legato agat.

§. 2. Sed si lex Falcidia locum in legato dotis adversus filium exheredatum habuerit, & mulier solutionem ratam fecerit, propter eam quantitatem, quam heres restituerit, utilis actio dotis dabitur: quod si ratum non habeat, defendi quidem debet heres a viro, qui se defensorum promissit: Sed si totam litem vir solus subierit, actio iudiciali, si cautum non erit pro ea quantitate, qua jure Falcidia petenda est, adversus heredem dabitur.

§. 3. Sed si prius quam legatum filio solveretur, mulier diverſit, quamquam ipsa nondum præcepit dotem possit, non ideo tamen actio filii differtur: quia tunc iisdem diebus filio solvi dotem responsum est, cum patri pro parte heres extitit, & ad præceptionem dotis soluto matrimonio postquam heres extitit, admissus est.

§. 4. Si forte per errorem cautio defensionis omiſſa sit, & ex causa fideicommissi filius dotem acceperit, ut indebitum si-

de commissum non repetatur: cautionis enim prestande necessitas solutionem motatur, non indebitum facit, quod fuit debitum: sed non ex iniquum heredi subveniri.

§. 7. Quid ergo, si patris heres solvendo non sit, monne iuste mulieri dabitur adversus virum utilis actio dotis? cui dos perire non debet, quia non interposuit per errorem heres cautionem.

L Ex est difficillima & molestissima. Thesis seu propositio legis hæc est: pater dotem a nuru acceptam filio exheredato leggit. Parit hæc propositio quaestiones, & dubitationes innumeras. Solet nurus dotem dare, non marito, sed focero, in cuius potestate maritus est, quia focer & filii & nurus onera sustinet, & est solus in ea familia princeps, l. 20. h. hoc amplius, fam. erisc. Dos datur pro oneribus matrimonii: ei igitur danda est, qui sustinet onera matrimonii, l. si is qui Stichum, §. 1. de sur. dot. onera matrimonii sunt uxor, nurus, liberi, & homines eorum, quos omnes alere, tueri, curare, vestiri oportet, d. l. si is qui Stich. §. 2. l. 4. in fin. de pact. dot. l. si maritus, fam. erisc. Mortuo focero qui quandiu vixit sustinuit onera matrimonii, onera nurus & filii, hæc omnia tacito iure filium sequuntur, etiam si heres patri non existeret: sicut tutela quoque legitima, puta agnatorum vel eorum, quos manumissimus, aut emancipavimus, filium sequitur, quam scil. gessit pater, nec peregit, si mortuo filius sit iustæ ætatis: ut onus matrimonii, quod sustinebat pater quasi focer, filium sequitur, ita onus tutelæ legitimæ, licet patri heres non existeret, d. l. si maritus, l. 3. §. ult. §. l. 4. de l. i. tutor. tutela, de tut. Hæc sunt certissima. Ex quib. efficiuntur multa: atque istud in primis: post mortem foceri, qui a nuru dotem acceperat, quia onera matrimonii transferuntur in maritum, consequenter, marito competit perquisitio dotis adversus coheredes, iudicio fam. erisc. si patri heres existeret, vel si nondum patri heres existeret, aut exheredatus sit, utili iudicio fam. erisc. nam directum quidem iudicium datur tantum inter coheredes, sed utile iudicium fam. erisc. datur etiam inter heredem scriptum, & filium adoptivum, impuberem exheredatum, obtinendam quartæ gratia, quæ ei debetur ex constitutione D. Pii, l. 2. fam. erisc. Et ita dabitur etiam utilis actio fam. erisc. inter heredem scriptum, & filium exheredatum dotis præcipiendæ causa, quia quem onus matrimonii sequitur, eum & dos sequi debet licet exheredatus sit; sed repellit eum exceptione doli mali heres scriptus, nisi caveat heredi de indemnitate & defensione, id est, indemnem heredem futurum, & defensum iri eum adversus mulierem agentem postea facto divortio, de dote repetenda, alioqui duplici præstatione dotis oneraretur heres; non igitur eam præstabit filio, nisi ei caveat, filius de indemnitate. Et hæc omnia ita probantur d. l. 20. §. hoc amplius, d. l. si maritus, §. l. fundus qui, fam. erisc. l. 2. C. de ord. rit. l. 1. §. Celsus, §. sed & marito, hoc tit. l. un. §. cautionis, C. de rei uxor. act. Ex quibus legibus obscurior est l. si maritus, fam. erisc. quam res præsens omnino postulat, ut latius exponamus: Nam in toto hoc tractatu duæ tantum sunt leges difficiles, hæc quam sumptuosam, & illa. Præsternus operam, ut prius intelligamus l. si maritus. Pater a nuru dotem accepit, & mortuus est constante matrimonio inter filium & nurum, filio sub conditione herede instituto, adjectis aliis coheredibus: pendet conditio institutionis, fuit institutus sub conditione, ergo exheredatus, per contraria conditione: pendet conditio institutionis, an potest filius dotem præcipere, quia iam sustinet onera matrimonii? Et placet, quamvis pendeat conditio institutionis filii, interim filium dotem præcipere posse, quia sustinet onera matrimonii, d. l. si maritus: nec dicit, quia actione dotem præcipiat, qui nondum factus est heres propter suspensionem conditionis, sed necesse est, ut dicamus, illum dotem præcipere utili iudicio fam. erisc. alioqui illa l. si maritus, nihil perinet ad tit. fam. erisc. Imo & si deficiat conditio institutionis filii, eadem utilis actio indulgetur filio, l. i. §. Celsus, de dote præl. Nam quod notandum, pendens conditio non impedit præceptionem dotis, nec deficiens igitur, licet tale, §. si arbitratu, de condit. & demonst.

A Sed præcipiendo dotem, sane semper compellatur cavere coheredibus, indemnes eos fore adversus mulierem, postea divortio facto agentem de dote repetenda, ut ipse solus subeat onus reddendæ dotis, & exoneret coheredes, a quibus dotem abstulit. Et hæc de præceptione dotis, quæ competit marito constante matrimonio, five patri heres existerit, five non, five penderit institutionis conditio, five non. Dicamus nunc de repetitione dotis, quæ competit mulieri soluto matrimonio. Præceptio dotis pendente conditione institutionis filii non pendet, ut diximus, sed præcipitur statim dos integra: an vero pendet repetitio dotis pendente conditione institutionis filii? Et d. l. si maritus, in princ. ait, pendere repetitionem dotis ex conditione illa, quia nondum certum est, integram dotem mulier petere debeat a coheredibus filii, an pro portionibus hereditariis. Si deficeret conditio, integram repeteret a coheredibus filii: si existeret, ab omnibus coheredibus eam repeteret pro partibus hereditariis: interim, id est, pendente conditione, non potest repeterere a marito ulla ex parte, sed neque a coheredibus, nisi pro portionibus hereditariis, l. si maritus, §. cum patri, sol. matrim. & postea si existerit conditio, residuum repetit a marito pro parte mariti hereditaria, quæ est residua: si defuerit residuum, repetet a coheredibus. Igitur videtur hæc esse l. si maritus, brevis sententia: pendente conditione institutionis filii pendere repetitionem dotis, quæ mulieri competit, non pendere præceptionem dotis, quæ marito competit manente matrimonio. Nec distinguo, ut Accursius. utrum divortium factum sit ante mortem foceri, an post mortem foceri. Nam etiam post mortem divortium factum sit inter filium & nurum, quando pendet conditio institutionis filii & uxoris, actio de dote pendet, quia incerta est cum quo aut quatenus experiri debeat, dum spes est, & maritum patri heredem existere posse, videlicet, si venerit conditio. Male enim colligitur ex d. l. si maritus: post divortium filio dotis præceptionem esse, quod est falsissimum, quia nulla iam sustinet onera matrimonii: & unus tantum casus excipiendus est, nisi dos filio sit prælegata, qui patri heres non existerit, quæ dos scil. mulieri post divortium sit reddenda annua, bima, trima die, quæ forte consistit pondere, numero, & mensura, secundum jus vetus. Nam hoc casu filius dotem præcipiet etiam post divortium, ut per ea intervalla temporis interim ipse fruatur commodò legati potius, quam heres scriptus. Et ita ostenditur in hac l. 7. §. pen. nam est lucrum quoddam legatarii in tribus illis pensionibus: Nam exempli gratia, si recentia sint in dotem, tantum centum redduntur, non initio primi anni, sed fine, alia centum fine secundæ anni, alia centum fine tertiæ. Interitum, id est, commodum mediæ temporis erit filii quasi legatarii, potius quam heredis scripti, alioqui filio post divortium non est præceptio dotis. Et hic casus non ponitur in l. maritus: nec enim in specie ejus legis dos filio fuit prælegata, & interpunctiones sunt etiam eversæ d. l. si maritus: vulgo ita disjuncta sunt: plane, inquit, si post mortem foceri divortium factum sit. Et hic additur comma, ac sequitur deinde, quamvis pendente conditione institutionis. Hic additur punctum geminatum, & mox sequitur, dicendum est præceptioni dotis locum esse. Quo modo si pungas, efficies, filio, cui dos non est prælegata, post divortium dotis præceptionem esse. Sed pungamus aliter, ut fecerunt etiam Greci, plane si post mortem foceri divortium factum sit, & hic affligas punctum geminatum, & cetera legas una consequentia, quamvis & quod & translatio Græca comprobatur, quam proferemus Latine: si repudiat mulier post mortem foceri, etiam pendente conditione sub qua vir ejus heres factus est, datur filio præcipua dos uxoris ejus, non ut heredi, sed ut marito. Nunc quoniam illam legem intelligimus, attingamus etiam aliquid ex l. nostra, quam invenimus etiam valde esse vitiatam in fine, & §. pen. ab interpunctionibus, quod tamen vitium non est secutus Vivianus, non est secutus interpunctiones: ipse videtur intellexisse, quomodo essent pungenda verba hujus l. & invenimus etiam esse vitiatam. Propositio hæc est: pater dotem a nuru acceptam filio

exhe-

exheredato legavit, alium heredem scripsit: filius egit ex testamento legati nomine: non audierit, id est, nihil exigit, nisi caverit heredi, indemnem eum fore adversus mulierem quandoque facto divortio dotem repetentem: neque enim facto divortio mulier potest experiri cum marito, qui dotem non accepit, & qui non extitit heres patri, qui dotem non accepit, quamvis scilicet dos ad eum pervenerit ex legati causa, *l. si cum dotem, §. pen. sol. matr. l. i. §. per contrarium, de dote præleg.* non potest etiam mulier cum eo experiri: ex cautione illa indemnitas, quia filius eam non cavet uxori, sed heredi: igitur facto divortio dotem repetet ab herede foci, licet dos penes eum non sit jam soluta filio foci, sed filius heredem ex cautione defendere debet, quod faciet dotem præstando mulieri, licet ei non sit obligatus, vel quam ei solvit heres, heredi refundendo. Denique cogetur refundere dotem mulieri effectu ipso, quam consecutus est ex legati causa: quid si mulier ager prius de dote, antequam filius dotem reciperet, puta facto divortio per arbitrum recuperanda dotis, an postea filius poterit agere adversus eundem heredem ex legati causa? minime; frustra agere, inquit, id est, legati nomine nulla ei eompertit actio ipso iure adversus heredem scriptum, quia nihil est jam, quod marito præstare possit, cum solum sit matrimonium, & soluta dos mulieris, *l. i. §. idem Jul. querit, hoc tit. l. si marito, §. cum patri, sol. matr.* Quæ tamen dos, si nondum sit soluta mulieri, ut si annua, bima, trima die solvi debuerit, tamen interim jure legati filius exheredatus dotem prosequetur sine dilatione ulla, statim post divortium, ut inferius demonstrabitur. Sed interim notandum est quod retuli ante, quodque his verbis significavit Papin. prima parte in verbo, *dotem recuperavit*, heres recte agat soluto matrimonio, quia mulier non potest agere de dote recipienda antequam solum sit matrimonium, vel uno casu constante matrimonio, videlicet propter inopiam ejus, qui dotem accepit. Est verissima annotatio: male autem Accurs. mulierem dotem recipisse constante matrimonio, non quidem jure, sed facto ipso: male item Joannes, & quidem aduacius statuit, dotis recipiendæ actionem mulieri nasci etiam constante matrimonio, quocunque casu, siue inops sit, siue locuples is, qui dotem accepit heresve ejus: nam præterquam uno illo casu, id est, propter inopiam ejus, qui dotem accepit, vel heredis ejus, actio de dote non nascitur constante matrimonio, & siue sententia confirmanda gratia Joannes abutitur, *l. si constat, §. i. sol. matr. §. l. 5. inf. de bon. dam.* Primum hodie constat, legem si constat, §. i. pertinere ad unum duntaxat illum casum, quò solo dos repetitur constante matrimonio, quod apparebit statim evidenter: Nam cum lex dixisset initio, ex eo die dotis exactionem mulieri competere constante matrimonio, quo evidens fuerit inopia mariti, subiicit exemplum in §. i. de filio, qui dotem accepit ab uxore & exheredatus est a patre, cum nihil haberet in bonis, nisi forte peculium profectitium, quod tamen exinguitur morte patris: ab eo filio exheredato etiam constante matrimonio mulier dotem repetet, quam ei dedit, ex die aditæ hereditatis patris, quia ex eo die vires habet exhereditatio, & evidens est inopia mariti. Igitur ille §. non quocunque casu probat constante matrimonio nasci repetitionem dotis, sed uno illo tantum casu siue unico. Abutitur etiam *l. 5. in fi. de bon. dam.* hoc modo, cogitans in casu illius legis in fi. humanitatis gratia non nasci repetitionem dotis, nisi soluto matrimonio: ergo inquit, alias constante matrimonio nascitur repetitio dotis quocunque casu, ubi cessat eadem humanitatis ratio: circumscibit nos, nisi animadvertimus. Lex illa loquitur de uxore deportata, quam pona sequitur, bonorum publicatio semper, *l. ult. §. ult. C. de sentent. pass.* Ergo ut cetera bona mulieris, ita dos publicata videtur: sed lex ait tantum manente matrimonio, neque etiam soluta deportationis sola, si affectionem conjugalem deportata retineat, eandemque præstet vicissim maritus, qui mansit in civitate, manente, inquam, matrimonio lex ait, dotem manere apud maritum, non confiscari, & soluto matrimonio dotem reddi mulieri quasi humanitatis intuitu, hodie nata dotis actio, hodie, hoc est, post

deportationem. Ergo jura vel bona, quæ post deportationem adquiruntur, deportatus vel deportata retinet, nec eunt in fiscum, *l. 15. de interd. & relog.* Hodie nascitur actio dotis, cum solvitur matrimonium, sed habuit vetustiorum causam, quæ fuit ante deportationem, qua ratione sequi dos videtur debere cetera bona, hoc est, fiscum: & humanitas non est in eo, quod non nascitur actio dotis ante solutum matrimonium, quod est generaliter verum omnibus casibus, sed in eo est, quod nascatur & competat deportato soluto matrimonio actio da dote, quam deportationis pona publicasse videbatur. Sed in actione de dote pleraque benigne recipiuntur: magnus est favor dotis, *l. eas obligationes, de cap. min.* atque ita illis duab. legibus Joannes abusus est: ne dicescas ergo ab annotatione Rogeriali. In secunda parte legis intelligimus dotem, quam a nuru pater accepit, & filio exheredato legavit, si lex Falc. intervenerit, Falcidiam pati, quasi rei alienæ legatum. Est enim dos mulieris, non filii: dos legata uxori Falcid. non patitur, quia res sua: reddi ei potius, quam dari videtur, non res propria mariti, non res aliena, *l. sed usus, §. i. ad l. Falcid.* Et idem dicit, si legata sit dos mulieri, nurui, *l. i. §. sed & marito, h. i.* cujus species inferius declarabitur. Idem erit, si quid aliud pro dote sit legatum uxori vel nurui: nam & hoc quoque legatum non subieciatur Falcidie, *l. i. hoc tit.* Idem erit, si dos alii extraneo sit legata, ut uxori vel nurui restituatur, *l. cum dotem, ad l. Falc.* Quod omne ita procedit, si nullum sit in legato commodum representationis siue antecessoris, si *le legat n' avance la paye*, si legetur dos, quæ in fundo consistebat, quæ sicut legatur præsentis die, ita citra legatum præsentis die redderetur: nullum quidem in illo legato est commodum representationis, *l' on n' avance point la paye*, sed non est inutile legatum, maxime reliquum per vindicationem, vel præceptionem, cum pro actione personalis, quæ dos repetetur, legatum adferat rei vindicationem, quæ utilis est actio, *l. 3. §. si rem, de legat. 3.* neque tamen ob id lex Falcid. minuit legatum illud dotis, quod non representat dotem, *l. si rem, inf. de legat. 1.* Quia commodum illud melioris actionis & facilioris, nihil minuit bona testatoris, vel heredis: commodum representationis minuit. Igitur si legato insit commodum representationis, ut si dos, quæ redderetur annua, bima, trima die, legetur præsentis die, constat in eo commodum legem Falcid. locum habere, *l. i. §. idem querit, hoc tit.* Observandum est ad hæc in superiore casu, quo dos extraneo legatur, ut mulieri restituatur, & nullum est commodum representationis; diffidium quoddam fuisse inter Julianum & Marcellum, ut semper Juliano Marcellus obloqui solet. Julianus volebat illo casu legatarium, cui non sua res, sed aliena legatur, Falcidiam pati, & quod Falcid. reciderit seu detraxerit, mulierem ab herede consequi actione de dote, *d. §. idem querit.* Marcellus autem sublato illo circuito volebat legatarium Falc. non pati, *d. l. cum dotem*, quæ est Marcelli. Julianus spectabat personam interpositi, hoc est, legatarii, qui interpositus est, ut dotem restitueret mulieri. Marcellus spectabat personam capientis, hoc est, ipsius mulieris, ad quam omne emolumentum redit, & rectissime: nam, ut & ipse Marcellus ait, in aliis plerisque casibus persona accipientis spectatur, non interposita persona, per quam capit, ut *l. cogis, §. hi qui solidum, ad Trebell.* Et similiter etiam alia in specie idem Marcellus circuitum tollit, *l. videamus, si qui plusquam per l. Falcid.* Observandum item est, quod diximus initio, dotem nurui prælegatam Falcid. non pati, nisi legato insit commodum representationis. Ad id pertinet *l. i. §. sed & marito, hoc tit.* Species hæc est: fover a nuru dotem accepit, filium heredem instituit ex parte, & dotem nurui prælegavit, ut Vivianus posuit recte. Accus. male, eum legasse dotem filio: mortis foci tempore constabat matrimonium inter filium & nurum: legatum non valet, si jus actionis de dote, id est, si quod debetur actione de dote, fover nurui legare voluit, quia nondum quicquam debetur constante matrimonio, *l. i. §. Celsus hoc tit. l. 10. §. x. de leg. præst.* nisi uno casu, de quo diximus

supra,

supra, propter inopiam socii, vel heredis eius: sed si pecuniam dotalem nurui legare voluit, valet legatum & praestabitur nurui oblata cautione indemnitas adversus filium. Commodum legati est magnum, quia mulier recipit dotem constante matrimonio, cui jure suo reddi non debet ante solutum matrimonium. Quapropter in eo commodum Falcidia locum habebit, sed quod Falcidia resciderit, mox filius heres institutus ex parte praecipit iudicio famil. ercise. vel quod addi velim ad illum §. *sed & marito*, si non sit heres institutus, id praecipit utili iudicio ex d. §. *Celsus*, quia & totam dotem filius praecipiet, si a socio nurui non fuisset praelegata: imo si a socio nurui fuerit praelegata, filius petet ab herede dodrantem, quem heres mulieri praestitit, sed indemnitas a muliere servabitur heres, atque ita mulier tandem manente matrimonio compellitur marito dodrantem refundere, ut integram dotem habeat maritus, quando manerit matrimonium. Et hoc quidem dote legata uxori vel nurui: nunc dicamus, quo de agitur in secunda parte hujus legis, de dote legata filio exheredato, vel instituto a patre, qui a nuru eam acceperat, quod legatum initio jam dixi Falcidiam pati. Et fingit pater dotem acceptam a nuru filio exheredato legavit: filius prior egit legatimpe constante matrimonio, heres ex legato detraxit Falcid. & dodrantem filio solvit, & mulier ratam solutionem dodrantis fecit. Igitur dirempto matrimonio, mulier id tantum repetet ab herede utili actione de dote, id est, efficaciter, quod Falcidia resciderit, quia residuo heredem liberavit rati habitio, l. *solutam, de solut.* Filius quoque exheredatus de residuo mulieri non tenetur actione de dote, sed vix solutionem ei factam mulier sana unquam ratam habitura est, quin ei prius ab eo satis cautum eo nomine fuerit. Quod si mulier solutionem illam dodrantis marito factam per heredem scriptum a socio ratam non fecerit, integram dotem repetet ab herede socii dirempto matrimonio, sed defendi heres debet a filio secundum fidem cautionis ei praestitae de indemnitate, & defensione, hoc est defendere eum debet adversus mulierem agentem de dote repetenda & defendere, est pro herede litem subire, & si quidem filius totam litem subierit solus, puta de dote repetenda; & condemnatus sit dotem mulieri reddere, & condemnatus sit dotem mulieri reddere, actio iudicati in quem dabitur? In heredem quem defendit, an in maritum defensorem? Sane ut prudenter Papinian. animadvertit in hac secunda parte, in maritum actio iudicati dabitur pro dodrante, quem accepit ab herede, qui pro dodrante in rem suam intervenisse videtur juxta l. *Plautius, de procur. l. ult. de rejud.* In heredem autem actio iudicati dabitur pro modo Falcidiae, hoc est, pro quadrante, quia pro ea parte maritus rem alienam defendisse videtur: quia non ipse, sed dominus rei iudicate tenetur, arg. l. 1. §. *in proprium, quando, app. sit.* Et hoc quidem ita est, si cautum non sit mulieri iudicatum solvi: nam si maritus caverit iudicatum solvi, in solidum ex stipulatione convenitur, sed pro modo Falcidiae regressum habebit adversus heredem, cujus voluntate totam litem subijt, vel si heres praesens caverit iudicatum solvi, non maritus juxta l. *si ad defendendum, inf. judic. sol.* ipse heres in solidum tenebitur, sed indemnitas servabitur a marito secundum fidem cautionis interpositae inter eum & maritum. Et hoc est quod Papinian. voluit in secunda parte his verbis, *sed si lex Falcid. &c.* & mendum in illo loco, *qua jure Falcidia petenda est*, nam mulier eam quantitatem non petit jure Falcidiae, sed jure dotis, iudicio dotis: & rursus eam quantitatem heres jure Falcidiae non petit, sed retinet. Est enim Falcidia in retentione, non in petitione, l. 14. & 15. §. 1. & 33. ad l. *Falcid.* Igitur scribendum, *qua jure Falcidia retenta est*, ut supra dixit, propter eam quantitatem, quam heres retinuerit. Et sequitur in ea lege quam facio tertiam partem, *sed si priusquam legatum filio solveretur*. Quae ante dicta sunt, eo casu procedunt, quo filius exheredatus prior egit ex testamento, & legatum consecutus est, deinde factum est divortium: nunc ponit mulierem divertisse, antequam

A filius exheredatus legatum consequeretur, quo casu mulier ipsa quidem non potest statim dotem precipere, quae scilicet continetur pondere, numero, vel mensura, sed statim temporibus, puta, annua, bima, trima die: verum filius exheredatus, cui dos legata est, statim dotem precipiet, etiam post divortium, & per ea intervalla temporis fruatur legato, sed indemnem servabit heredem ex cautione indemnitas, quam interposuit, ubi scilicet mulier petet primam vel secundam, vel tertiam pensionem: Ergo non iisdem diebus filio dos solvitur, quibus mulieri: filio solvitur statim, mulieri annua, bima, trima die: videlicet, si sit praelegata filio exheredato: nam aliud erit, si sit praelegata filio heredi instituto ex parte, nec abstinente se: filio ex parte instituto, omnino legaretur frustra: ex parte instituto, utiliter legatur pro parte coheredum. Et hoc casu coheredes filio solvunt dotem iisdem diebus, quibus mulieri solvi debet, hoc est, annua, bima, trima die. Et hanc differentiam inter filium exheredatum, & heredem institutum, Papinian. evidenter exponit in hac tertia parte, si modo ejus verba punctis distinguantur recte, nempe hoc modo, *respondens est*, hic pone virgulam, *cum patri, &c. admittitur est*, punctum, ut §. *ult.* incipias ab his verbis, *& forte per errorem*. Omnes libri habent hoc vitium, non habuit Vivianus, nec Bartolus. Sed videamus, quae sit ratio differentiae inter filium exheredatum, & heredem institutum. Filio exheredato post divortium dos, quae ei legata est, solvitur statim: filio instituto, annua, bima, trima die. Redde rationem: locus hic est singularis in Papiniano. Ratio est aliquantum obscura: filium exheredatum, cui nihil praeter dotem reliquit pater, videtur voluisse pater fructum aliquem ferre ex legato, quem nullum ferret, si post divortium iisdem diebus ei dos solveretur, quibus & mulieri solvi dos debet. Ergo ne sine fructu sit legatum, per intervalla eorum dierum, filius exheredatus, qui nihil habet aliud, fruatur commodum legati potius, quam heres scriptus: ei filio vero, quem heredem scriptum ex parte, non videtur dotem praeter legasse, ut ex ea fructum caperet solus sine concursu coheredum post divortium, sed magis ut ipse solus, siquidem non abstineret se hereditate paterna, munere frungeretur reddenda dotis quasi heres & maritus. Quae de causa post divortium, non statim praecipit dotem, sed annua, bima, trima die, & indemnitas coheredes suos servat, mox pensiones, quasque mulieri reddendo, vel alias defendendo coheredes suos adversus mulierem pensiones repetentem. Quod est in §. *ult.* est apertissimum. Si filius exheredatus, ut intelleximus ex initio legis, dotem petat ex legati causa, heres non ante cogiturolvere, quam filius ei caveret de indemnitate soluto matrimonio, quo tempore repetitio mulieri competit adversus heredem: quaritur, quid fiat, si in solvendo legato per errorem heres omiserit illam cautionem, & postea soluto matrimonio coactus sit mulieriolvere dotem, an poterit condicere legatum, quod solvit filio sine cautione, quasi indebitum? minime, quia sane non fuit indebitum, quia, inquit, cautionis praestanda necessitas solutionem memoratur, non indebitum facit, quod fuit debitum. Quid igitur faciet heres? Equum erit, subveniri heredi, ne duplici praestatione dotis oneretur contra voluntatem defuncti, & subveniatur illi non conditione sine causa, vel conditione cautionis incerti, quae est fera, jam dote mulieri soluta, sed subveniatur ei utili conditione quasi ex tacita cautione, perinde ac si intervenisset cautio, ut l. 5. §. *pen. de usufr. ear. rer. qua usu, & l. his verb. de adopt.* Quid ergo in eodem casu, si heres per errorem omiserit cautionem, cum solvit legatum filio, & soluto matrimonio doti solvenda non sit idoneus? an dos perierit mulieri, cui heres nec dotem potestolvere: nec cedere actionem ex cautione, quam omisit: nec rursus cedere actionem quasi ex tacita cautione, quam non comperit, nisi dote mulieri soluta? an ergo mulier erit indotata? Minime: erit equum hoc casu similiter mulieri subveniri data utili actione dotis adversus maritum: regulariter, si pater accepit dotem,

non filius, filius exheredatus non tenetur mulieri de dote, l. r. §. pen. hoc tit. cum quis dotem sit consecutus ex causa legati, l. si cum dotem, §. pen. solut. matrim. Sed in proposito casu æquum erit, dari utilem actionem de dote adversus maritum, qui dotem habet ex causa legati, tamen non ipse, sed pater eam ab initio acceperit, cui ipse non successit, ne dos pereat mulieri. Occurrunt utiles actiones iniquitati.

Ad L. Cum tale LXXII. de Cond. & demonstr.

Cum tale legatum esset relictum Titia, si a liberis non discesserit: negaverunt eam recte cavere, quia vel mortuus liberis legati conditio possit existere: sed displicuit sententia, non enim voto matris opponi iam omnino non interponenda cautionis interpretatio debuit.

Quod est initio l. cum tale & §. r. est de cautione Muciana. Sciendum est, conditiones, quæ legatis adscribuntur alias in faciendo consistere, alias in non faciendo. Conditiones, quæ in faciendo consistunt, legati obligationem, actionem, solutionem differunt: neque enim antequam impleta sint, peti legatum potest. Conditiones, quæ in non faciendo consistunt, legati obligationem, actionem, solutionem non differunt: nam si cui talis legetur, si Capitolium non ascenderit, vel, si Alexandriam non viderit, ei heres statim legatum solvere debet, si modo caverit se non facturum (quod ne faceret in conditione testator posuit) aut si secus fecerit: nam certe id adducit oportet, rem legatam, vel, quanti res ea erit, cum fructibus & usuris medi temporis redditurum, l. heres, §. qui post, l. cum sub hac, hoc tit. l. cum filius, §. qui Muciana, de leg. 2. & Novell. 22. de secund. nupt. Cavere autem debet is, cui legatum est sub conditione non facendi aliquid: quibus? his quorum interest, inquit, l. servus, §. si secler, ad Trebell. iis, ad quos deficiente conditione legatum pertinere potest, inquit, l. 13. h. r. quod obsecrum a quibus igitur cavere debet? dic apertius, heredi scilicet & substituto: nam & in legatis fit substitutio, vel conjunctio vel legatario, a quo fideicommissum relictum est sub conditione non facendi aliquid: nam ad hos redit legatum quod deficit, d. Novell. 22. Cavere autem in hoc proposito, est falsitatem fideiussoribus, vel jurato re-promittere, cum hypotheca bonorum suorum, ut constat ex eadem Novella. Et hæc cautio appellatur cautio Muciana, ab inventore Q. Mucio Scævola Jurisconsulto. Proprium munus Jurisconsultorum est cavere aliis, multo magis sibi ipsis, ut ait M. Tull. ad Trebat. cautiones, invenire, cavere formulas. Jurisconsultus est cautor formularum, & remediorum, quibus quisque ad jus suum perveniat. Et hæc cautio Muciana, etiam remedium dicitur duobus locis, l. 7. hoc tit. & alio quodam loco ejusdem tit. qui post assertur. Cautiones omnes sunt remedia juris fidei obtinendi, & locum habet hæc cautio Muciana non tantum in legatis & fideicommissis relictis sub conditione non facendi, sed etiam in hereditibus relictis sub eadem conditione, d. l. 7. & 18. hoc tit. Et locum habet etiam in mortis causa donationibus, ut constat ex d. Nov. 22. Comparantur legatis semper fere donationes causa mortis. Et hoc vero cum ait Justinianus in sup. d. Nov. 22. cautioni Mucianæ locum esse in donationibus mortis causa, satis constat in donationibus inter vivos semper strictius accipi. Sunt juris auctores in illis approbandis & recipiendis restricti: nam quæ est optima patrisfamilias donare, & frequentius peccavero, si pro donatario, quam si contra donatarium judicavero. Donationes non valent sine infirmatione: non valent, ut constat ex C. Theod. donationes omnium bonorum factæ inter vivos, nisi in donando donator recessisset singula bonorum suorum, quod habuit summam rationem. Tu donas omnia tua bona stulte & insipienter, insipide, nefcis, fortasse, quæ bona habebas, recessisset singula, quo jure tamen non utitur: posset singulis aliis exemplis demonstrari, donationes quodammodo

Tom. IV.

A improbari factas inter vivos: nam quod restrictius accipio, ægre proba, & ingratius proba. Unde si tibi donavi sub conditione, si Capitolium non ascenderit, perinde est, ac si tibi donassem cum morieris, quoniam antequam moriaris, non est certum te Capitolium non ascendisse: non ergo donato frueris statim, nec unquam frueris ipse, sed heres tuus: expectabitur mors tua, antequam perficiatur donatio, nec ullo remedio capere potes donationem tu, nec heres tuus, antequam moriaris. Ergo hoc sit primum, cautioni Mucianæ locum non esse in donationibus inter vivos. Secundum sit: Cautioni Mucianæ non esse locum etiam in stipulationibus, quæ & restrictius accipiuntur, l. stipulatus es, de fideiussoribus, l. quicquid, de verb. obl. Declaremus exemplis: si stipuler sub conditione, si Capitolium non ascendero, centum mihi dari spondes? & tu spondeas mihi centum sub eadem conditione, & etiam si de non ascendendo offeram cautionem ad exemplum Mucianæ, non agam ex stipulatu, ac perinde erit, ac si stipulatus essem nominatim, cum moriar mihi dari: denique expectabitur mors mea, antequam sit actio ex stipulatu, §. si ita quis, Instit. de verb. oblig. Et similiter, si stipuler hoc modo, si Capitolium non ascenderit, centum spondeas & spondeas, perinde erit, atque si stipulatus essem cum morieris, quia nec antequam morieris, statim potest extitisse conditio, l. ita stipulatus, inf. de verb. obl. Item, quod congruit etiam cum superioribus, licet positurus sim in legatis vel hereditatibus, si legavero vel heredem te instituro sub hac conditione, si Capitolium non ascendero, perinde est, atque si legassem, cum moriar, tibi dari, l. Stichus, de manum. testam. & expectabitur mors mea, quæ etsi pure legassem, expectaretur. Sed quod non congruit cum his, quæ diximus de stipulationibus, si ita legavero, si Capitolium non ascenderit, interposita cautione Muciana, remedio cautionis Mucianæ, capies legatum statim, nec expectabitur mors tua, nec perinde erit, atque si legassem, cum morieris tibi dari, quoniam hic sensus superiori conditioni tacite insit. Sed aliud est, quid exprimere palam, aliud intelligere tacite, l. heres, §. quamvis, hoc tit. Lego tibi usumfructum, cum morieris: legatum est inutile, quia confertur in tempus, quo solet finire usumfructus, l. Titio, de usufr. lego tibi usumfructum, si Capitolium non ascenderit: valet legatum, & remedio cautionis Muc. statim id consequi potes, d. §. quamvis. Ergo in stipulationibus nihil refert, de te stipuler cum morieris, an si Capitolium non ascenderit, vel cum moriar, an si Capitolium non ascendero: sed in legatis multum interest, legem tibi cum morieris, an si Capitolium non ascenderit, si Romanis iuris. Et ratio differentie plenior inter legata & stipulationes hæc est: nam hæc non explet animum non legata plenius accipi stipulationes strictius: hæc, inquam, sola ratio non satisfacit ad plenum, nisi dilatetur hoc modo: legatum ex sola defuncti voluntate valet, qui cum legatum nominatim non contulerit in ultimum momentum vitæ legatarii his verbis, cum morieris, cum morietur Titium Titio lego sed si ita scripsit: si Titius Capitolium non ascenderit ei lego, modum potius, quam conditionem fecisse videtur, nisi aliam fuisse ejus mentem heres probaverit. Ergo oblata cautione de non faciendo, aut de reddendo legato præstabitur legatum, quasi sub modo relictum: stipulatio ex duorum consensu valet, stipulatoris & promissoris, l. inter, §. si Stichum, de verb. obl. Neque igitur tantum spectamus quid senserit unus, sed etiam quid senserit alter: & in obscuro vel ambiguo secundum promissorem interpretationem facimus, & imputamus stipulatori, eum apertius stipulationem non conceperit, l. quicquid, de verb. obl. Et hanc conditionem, si Capitolium non ascendero, quæ est ambigua: nam vel pro modo, vel conditione accipi potest, pro conditione potius accipiemus, ne statim promissor conveniatur ex stipulatione: quia commodius est promissori, tardius quam ocyus conveniri. Idemque erit omnino, si stipuler de te, si Capitolium non ascenderit, mihi dari. Et ita explicanda est ratio differentie. Sed adiciendi etiam his sunt

H h

alii

deicommissarius; se non petiturum cautionem fideicommissi servandi causa, cujus morte, si contingat vivo herede, legatum extinguatur, id est, fideicommissum. Et prudenter Papinian. ostendit in hoc §. *Titius*, huic disputationi locum fuisse ante constitutionem D. Marci, ex qua hodie a testatore potest remitti cautio servandilegati vel fideicommissi, ut ante diximus. Nam post Constitut. D. Marci superflua est hæc disputatio. Ergo post eam Constituit. testator declaravit, sibi non placere cautionem legatorum interponi. Adscripta legato conditione non interponendæ cautionis, ea conditio non intelligitur esse conditio, nec etiam potest deficere, cum invito heredi extorqueri non possit, *l. licet, ut leg. noni. cavrat. l. avia, §. ult. hoc tit.* Jurisconsulti nostri in his libris disputant sæpe multa de jure etiam abolito Constitutionibus, & separant jus a Constitutionibus, atque ideo missis Constitutionibus, sæpe de solo jure tractant. Ut cum tractant de obligatione naturali pupilli, qui contraxit sine tutoris auctoritate, & obligatur tantum naturaliter, etiam si factus sit leprosus, & tractant, ac si ita jus sit certissimum de ea re, ut in *l. si pupillus, de verb. oblig.* Cum tamen confiter, hodie pupillum civiliter obligari ex Constit. Divi Pii, si factus sit leprosus, *l. 3. de neg. gest. l. pupillus, de auct. tut.* & ita in *tir. de precario*, tractant de interdicto de precario ac si non esset civilis actio de precario, cum tamen confiter, hodie ex precario etiam esse civilem actionem. Puto igitur ex Constit. ut ex eo *tir. de precario* intelligi potest, & ita quoque in hoc §. de re jam ante a nobis exposita, ut ipse ait, nominatim Pap. tractat, ac si Constit. D. Mar. non permisset eam cautionem legatorum servandorum causa remitti voluntati testatoris. Et verba Pap. hæc sunt, *Titius heredem, &c.* Quod sequitur, quid ergo? Est alia quaestio, quæ nihil pertinet ad superiora. Nunc tentare possumus contra ea, quæ ante posuimus quasi certa & confessa, etiam in his conditionibus, quæ vivo legatario expleri possunt, cautioni Mucianæ locum esse ex *l. 7. §. l. cum sub hac, h. l. a. §. ult. C. de sond. insti.* ut in his conditionibus, si servum non manumiserit, si servum non alienaverit, quæ expleri possunt morte servi vivo legatario. In his conditionibus locus est Mucianæ cautioni, ut supra dictæ leges ostendunt. Item in hæc conditione, si uxorem non duxerit, lego illi centum, constat ex *N. 2a. locum esse Mucianæ cautioni*, tamen si ante mortem legatarii explere possit, puta sacerdotio ei obveniente, quod fibulam imponit viro. Sed respondeo, quod diligenter advertendum est: hoc modo testator, qui præscripsit conditiones hujusmodi, si servum non manumiserit, si servum non alienaverit, non mortem servi, sed mortem legatarii spectavit, id est, non hunc casum cogitavit, si servus moriatur in servitute & potestate legatarii vel heredis, & adscripta sit ea conditio: sed hunc tantum casum cogitavit, si legatarius usque in diem ultimum vitæ suæ obtinuerit manumissionem, vel alienationem servi, quia quasi hoc solo inspecto casu legato relicto, sane statim legatarium admitterem oblata cautione Muc. de non manumittendo vel alienando servo, aut si secus fecerit de reddendo legato cum fructibus. Eadem est ratio istius conditionis, si iterum nuptias non contraxerit, quia non sacerdotium, quod incertum erat an obveniret legatario, sed mortem tantum legatarii spectavit testator, si usque in eam permaneret coelebs. Ergo merito hoc casu cautioni Muc. locus est quasi legato relicto in casum tantum mortis legatarii, quamvis & sacerdotio obveniente legatario, atque adeo vivo legatario, sane adimpleatur conditio. Eadem etiam est ratio earum conditionum, quæ proponuntur vel suggeruntur initio istius legis, quod fane indiget explicatione tametsi videatur esse facillimum prima fronte. Pinge: vir legavit uxori sub conditione, si a liberis non discesserit, non dixit, si a liberis non nupserit, quæ conditio remittitur, *l. Julia*, quæ indicit viduitatem, *h. sed si hoc, §. ult. hoc tit.* sed dixit, si a liberis non discesserit, quæ conditio non remittitur, & morte liberorum impleri potest viva matre: & tamen in ea locus erit cautioni Muc. quia scilicet in ea

conditione præscribenda patri, non vejit in mentem mors liberorum, contra votum parentum sperabat certo liberos morti superstitēs: non igitur de hoc casu cogitavit tristi & miserabili, sed de morte tantum uxoris, qui superviverent liberi communes. Quid ergo si extraneus non vir mulieri habenti liberos sub eadem conditione legaverit, si a liberis non discesserit? puro hoc etiam casu mulieri petenti legatum oblata cautione Muciana non posset obijci rem ominosam, detestabilem & tristem, minime modestam, quæ sane liberos sibi etiam superstitēs cupit, non posse, inquam, huic voto naturali matris obijci, morte liberorum expleri conditionem posse: & ideo non esse legati petitionem, antequam mortui sint liberi, & cessare remedium cautionis Mucianæ. Quia quod notandum, sicut nemo intelligitur filio patrem substituere contra votum parentum, *l. Julianus, si quis omis. causa sess.* ita nemo creditur patri vel matri male ominari, & in tempus mortis liberorum legatum relinquere. Et hæc, ut opinor, est sententia hujus *l. in princ.* Hic, inquam, est casus, qui ponitur in principio legis, cum extraneus mulieri habenti liberos ita legavit, in quo casu plus erat dubitationis, quam in priore casu, cum vir uxori eodem modo legavit. Nam quod observandum est, Papinian. non ponit virum uxori legasse, sed mulieri habenti liberos relicto fuisse legatum sub conditione, si a liberis non discesserit. Et sequitur in eodem initio legis, idem servari, si liberto patronus ita legaverit, si a liberis non discesserit, si ut ait, conjunctus erit, fuerit conjunctus scilicet hospitio, familiaritate, convictu, si adhæserit liberis patroni, eisque prorsus fuerit affixus; conjunctio significatur hospitii atque consuetudinis seu convictus, non alia conjunctio; quæ enim alia est libertus patroni liberis conjunctus? Si igitur liberto legaverit sub conditione, si a liberis suis non discesserit, hæc conditio morte liberorum expleri potest vivo liberto, & tantum in ea erit locus cautioni Muc. quia testator nihil videtur quicquam cogitasse de morte liberorum suorum, sed spectasse tantum mortem liberti, & hoc sensisse, si quando vivisset, cum liberis meis remanseris. Et sane si oportet libertum expectare mortem liberorum, nec posset statim pervenire ad legatum, oblata satisfactione Muc. periculum esset, ne insidiaretur vitæ liberorum, cum quibus habitat, cum quibus conjunctus est hospitii jure. Quod eadem omnino ratione statuendum est, non tantum de liberto, sed & de quocunque extraneo, cui ego ita legavero, si a liberis meis non discesserit. Nam & ei præstat legatum statim oblata cautione Muc. nec expectatur mors liberorum. Quid est evidenti? Ergo maxime notandum, quod hic dicitur de liberto, trahendum etiam esse ad quemlibet extraneum, ut in vexata illa *l. si unquam C. de rev. don.* quæ est scripta de donatione facta liberto, ut revocetur supervenientibus liberis donatori. Quod tamen aliqui restringere volunt ad donationem factam tantum liberto, sed licet porrigere ad donationem factam extraneo cuilibet, ut revocetur donatio supervenientibus liberis. Quo jure etiam utimur, quia si cogitasset habiturum liberos, sane non donasset immensæ, ut fecit. Verba Papin. hæc sunt in princ. *leg. cum tale, ait hoc loco, veluti Mucianam cautionem*, quia interponitur ad exemplum cautionis Muc. ut loquitur *§. i. h. l. & l. avia, §. Titio hoc tit.* quæ vivo legatario impleri non possunt. Veluti Muciana seu quasi Muciana locum quandoque etiam habet ex mente testatoris in iis conditionibus quæ vivo legatario expleri possunt, ut in casibus quos expedit. Addendum aliam esse rationem conditionum, quæ ponuntur in *l. pater, §. sacer, l. hoc genus, l. avia, §. Tit. h. l. & in §. Titius l. nuptia. In l. pater §. sacer*: hæc est conditio, si cum marito in matrimonio perseveraverit, quod perinde est, atque si dixisset, si a marito non discesserit, id est, hæc conditio vi ipsa in non faciendo concipitur. Hæc vero conditio sane confertur in mortem mariti hoc sensu, si usque ad mortem mariti in matrimonio perseveraverit, ut etiam confertur in divortium factum culpa mariti. Ergo expectandus est hic casus, nec antequam extiterit, legatarius,

tarius, remedio cautionis ad legatum pervenire potest. In hoc genus est hac conditio, si Titius non nupserit, quod nominatim lex ait perinde esse, ac si post mortem Titii testatorem igitur intuitum mortem Titii: ergo expectanda est mors Titii, nec remedio cautionis ante capi legatum potest. Et hoc idem evidentissime in ea conditione est, quæ proponitur in *L. avia* §. Titio. Legavi tibi sub conditione, si Terentia non nupserit: non potest in hac specie ullo modo esse locus cautioni Mucianæ, quia conditio non expletur post mortem legatarii, & quia post mortem ejus Terentia nubere possit, sed ex morte mulieris tantum. Ergo necessarium est expectare mortem mulieris, hoc est, eventum conditionis. Idem est evidentissime in ea conditione, quam proposui in §. Titius, quoniam in eo §. palam testator fideicommissum contulit in mortem heredis scripti, id est, fideicommissum reliquit post mortem heredis sui. Ergo mors heredis expectanda est, nec potest cautioni Muc. locus esse. Et hac sufficiat de Muciana cautione, quæ sunt notatu dignissima.

Ad §. Quid ergo.

Quid ergo si ita scriptum sit: peto post mortem tuam restituas hereditatem, ita ne satis fideicommissi petatur, nec ratio exigatur: sine dubio per hujusmodi verba non interponenda quidem cautionis conditio videtur adscripta, rationi vero non exigenda modus adhibetur, scilicet ut culpa non etiam dolus remissus intelligatur: Idque in ejus persona, qui negotia gessit, cuiusque rationis reddenda necessitas fuerat testamento remissa, rescriptum est.

O Mne quod diximus, fuit de stipulatione Muc. cuius remedio legata relicta sub conditione statim recipiantur, sub conditione, inquam, non facienda aliquid: nam in eis conditionibus, quas vis remittit, hoc est, quas impleri necesse non est, frustra disputatur de interponenda stipulatione Muciana. Eiusmodi est conditio non petendæ cautionis legati, aut fideicommissi servandæ causæ, ut si heredem meum rogavero, ut hereditatem restitueret post mortem suam sub hac conditione, si cautionem fideicommissi servandæ causæ ab eo non petisset, vel ita, ne fideicommissi cautionem ab eo peteret, quæ cautio est prætoris, proficiscitur n. ex edicto prætoris, ut legatæ nomine caveat. Finge igitur, fideicommissum adscribi tibi sub conditione, eam cautionem ut non peteres ab herede meo, vel sub modo, ita, ut eam cautionem non exigeres ab herede meo. Hæc conditio, hic modus satis declarat, mihi illam cautionem displicere, id est, non placere mihi, ut ea cautione oneretur heres meus. Igitur remissa ea cautio videtur: Namque hodie constat ex Constitutione D. Marci quocunque indicio voluntatis hanc cautionem remitti posse, non opus esse expressâ conditione, vel prohibitione, vel modo, sufficit quælibet conjectura voluntatis, *L. avia*, §. ult. hoc tit. l. 2. C. ut in poss. l. Potest igitur hac conditio remitti testamento, sine conjectura voluntatis testatoris: potest & remitti pacto, *L. pactum*, de pactis. Quod fit testamento, & fit pacto recte. Hodie Falcidia recte prohibetur testamento, ergo & pacto convento. Et vicissim, quod fieri potest pacto, & testamento potest, *d. l. pactum*. Cum igitur testator voluit remitti illam cautionem fideicommissi servandæ causæ, & remissa intelligitur illa conditio, adeo ut possit fideicommissarius pervenire ad fideicommissum, etiam non præstita cautione Muciana, nisi dies moretur petitionem fideicommissi. Nam & post præstationem fideicommissi exigeretur ea cautio frustra. Qua de causâ & in hac specie fideicommissi effectus loci cautioni Mucianæ: tamen disputari potest ante Constitutionem D. Mar. Eaque est sententia, §. Titius, huius legis, quem ego jam ante exposui. Sed ut hæc, quæ sequuntur, cum his coarctemus, quemadmodum, quæ ante diximus, cohercant cum his, quæ dicti sumus, necesse fuit ea repeti. Quaritur in §. quod ergo huius legis, an conditio vel modus non reddenda rationis eidem fideicommissio adscriptus, omnino videatur re-

A mittere rationum redditionem. Finge: heredem meum rogavi, ut tibi restitueret hereditatem post mortem suam ita, ne exigeres ab eo cautionem fideicommissi, & ne ab eo exigeres rationem administratorum bonorum hereditarium, remissa videtur cautio omnino, an etiam omnino videtur remissa redditio rationum? Et docebit, non etiam omnino videri remissam redditionem rationum: dolum enim malum remissum non videri, sive intermissionem rationis fraudulentam. Quod ut intelligatur, sciendum est, heredem rogatum restituere hereditatem alteri post mortem suam, vel in aliam diem, vel conditionem, fideicommissario rationem reddere debere eorum, quæ ex bonis deperierunt dolo malo ejus, vel lata culpa, ut si culpa ejus magna ades hereditariæ exitus sint, huius rei damnum heres præstabit fideicommissario; *L. malis*, §. sed enim, ad Treb. l. dom. C. seg. de leg. 1. Non reddit heres rationem levis culpæ, aut levissimæ doli rationem tantum reddit, vel magnæ culpæ, magnæ negligentie. Contra vero videtur heredem teneri levis culpæ nomine atque levissimæ, leg. cum res, §. culpa, de leg. 1. Si culpa heredes res legatæ perierit, heres tenebitur legatario ad affirmationem. Ceterum culpa quemadmodum accipienda est, utrum quæ dolo proxima est, id est, lata, an & quæ levis est? Et addit quod plus est, an & diligentiam heres præstare debet: id est, exactissimam custodiam rei legatæ, ita ut & culpæ levissimæ nomine teneatur? Hoc ait, esse verius: debuit esse diligentissimus in servanda re legatæ. Casum tamen fortuitum non præstat heres, cetera præstat, id est, omnem culpam præstat. Qui quem dicit præstare diligentiam vel custodiam, hic dicit ex opposito, præstare omnem culpam, omnem negligentiam. Et tamen §. sed enim ait heredem non præstare levem culpam. Et sane nulla est concordia: ratio idonea ex his, quæ vulgo afferuntur, nec potest inveniri ulla, nisi repetatur ex jure veteri. Et interim adnotandum est cum d. §. culpa: qui ab herede exigit etiam levissimam culpam, diligentiam, custodiam congruere *L. si vendidero*, §. si ad exhibendum, ff. de furtis. Sed hi libri Digestorum sunt plenissimi earum differentiarum, quæ fuerunt olim inter legatæ & fideicommissæ, & quæ fuerunt inter genera legatorum, nempe damnationis & vindicationis: possum innumera exempla adferre & monstrare harum differentiarum innumera vestigia, sed non est necesse: in proposito videamus, quæ sit differentia §. culpa, & §. si ad exhibendum, qui est de legato, & de legato vindicationis: igitur, ut apparebit ex §. sed enim, & *L. donationis cum seg.* est de fideicommissis. Eodem autem jure fuit legatum damnationis, quo fideicommissum, quod etiam varie posset ostendi. Ergo quod est in fideicommissis, idem est in legato damnationis, & consequenter, si quid scribitur hic de legato, id est accipiendum de legato vindicationis, non damnationis. Fideicommissum est in petitione, non in vindicatione, ille fuit prendere la main de l'heritier, fideicommissi dominum me facit heres traditione. Idem procedit in legato damnationis, dum ita dicit, damnas esse heres dare tot Titio. Legatum autem vindicationis est in vindicatione, id est, statim acquiritur legatario ipso jure, id est, ex 12. tab. De hoc enim genere legati intellexit Ulpianus in fragm. cum dixit, per legatum acquiri dominum ex 12. tab. Et ita huius legati dominum aut rei hoc modo legatæ statim acquiri est proditum in l. 3. §. si sym, de leg. 3. l. servo legato, in pr. de leg. 1. dominum acquiri recta via, l. actio, de sur. l. legatum, de legat. 2. recta, id est, sine facto heredis, id est, sine traditione, quia ne momento quidem dominum rei ita legatæ residet apud heredem, l. 9. §. sed & tam, de pecul. Denique legatum vindicationis in vindicatione est, & potest vindicare quasi dominus sit legatarius, fideicommissum est in petitione. Nunc ita constituo: ego, qui pleræque alia sum consequens ex iudicio defuncti, debeat esse diligentissimus in ea re custodienda, cuius alterum fieri statim dominum testator voluit, ejus dominum, ne momento obtineo ullo:

at in custodienda ea re, quæ sine facto meo acquiri alteri non potest, licet ei relicta proponatur testamentum vel codicillis, licet mihi versari negligenter quasi in re mea. Est enim sane mea, & potest quisque in re sua esse negligens absque reprehensione, & ob id non tanta ab herede diligentia exigitur in servando fideicommissum, vel ei ad simili legato damnationis, quanta in servando legato vindicationis: satis est, si dolum præstet & culpam dolo proximam, hoc est, latam culpam, & quæ dicitur doli faciem habere. Sed ut nos accedamus ad rem propositam, si fideicommissum sit relictum post mortem heredis ita, ne fideicommissarius exiger cautionem ab herede administrationis hereditatis, hoc casu, an reddet rationem heres culpæ saltem magnæ, negligentie magnæ, culpæ latioris? minime: nam videtur iudicio defuncti remissa culpa magna: culpam omnem levem aut levissimam remitti non fuit necesse, quia nec ejus rationem reddere heres fideicommissario tenetur: Igitur remissæ videtur culpam magnam, cuius nomine teneretur heres, si non esset remissa. Remissæ videtur negligentiam magnam & scrupulosam inquisitionem, *l. si servus vestitus, de leg. 1.* Dolum non videtur remissæ, si in fraudem fideicommissarii heres bona dissipaverit: non videtur tantum indulgi heredi defuncti: noluit anxie requiri rationem ab herede, patefacere viam fraudandis fideicommissariis noluit. Et hoc obtinet generaliter in quolibet administratore, in tutore, curatore, procuratore, negotiorum gestore, adcore civitatis, ut si sit ei remissa relictum rationum, videatur remissa culpa omnis, non etiam fraus & dolum. Et Papinianus in hoc §. quid ergo, ita ait fuisse rescriptum ab Imperatore. Et similiter Ulpianus ita sapissime fuisse rescriptum ait, *l. si quis rationes, de lib. leg. ut plane abierit in regulam juris: nam ex iis, quæ sapissime constituntur, tandem sunt regulæ juris.* Quod dicturus sum de leg. Julia, erit perbreve, *§. si arbit. & §. Movia*, uterque pertinet ad *l. Juliam*, quæ dicitur Miscella, hoc est, ad caput illud legis Julię Miscellæ, quod erat commune marium & feminarum. Alia capita legis Julię erant tantum de maribus, alia de feminis tantum, istud caput de utroque sexu. Et sententia hæc fuit: si testator legaverit nullius sub conditione, *§. si non nuptis*, statim capiet legatum, etiam si nubit, quia hæc conditio capit legatum lege Julia: repugnat enim publicæ utilitati: legatum ergo capiet relictum sub conditione viduitatis, neque huic conditioni parendum, quæ publicæ utilitati adversatur, *l. 2. §. tractari, ad Tertull.* De hac lege Julia est in hoc tit. *l. sed si hoc, §. ult. l. cum ita legatum, & l. sequens, l. mulieri, l. heres, §. ult. & l. servo, §. si testator, ad Trebell. & tit. C. de iudicia viduitate tollenda, & Novel. 22. & l. ult. de statub.* quæ nunc essent explicandæ. Est aliud quod addam ad *§. Titius*. Erat adhuc obscurum in eodem §. quod non apparuit, sed mox reddam clarissimum. Legatum est tale: testator ita cavit, *heres meus fidei tue committo, ut post mortem tuam hereditatem Cajo resituas si fideicommissi cautionem a te non petieris*, his verbis, si fideicommissi a te cautionem non petieris: testator videtur omisisse cautionem fideicommissi, & rata est voluntas testatoris hodie ex constitutione Divi Marci, quæ ante eam constitutionem rata non fuit contra edictum prætoris, quo jubetur ea cautio interponi, in *l. pactum, de pactis*, dicitur ea constituto fuisse relata in Seme-
F
stribus ejusdem Marci Imperator. cognomento Philosophi. Marcus Philosophus Imperator vacabat quotannis iuri reddendo mensibus sex, exemplo Augusti & Tiberii, & aliorum Imperatorum, & inde Semestria dicti sunt libri, in quibus collecta sunt hæc, quæ de jure constituit. Semestria sunt veluti codex Marcianus: & hoc de Semestribus memini me attingere in tit. de excusat. ut. Ergo Constitutio Marci, cui etiam adiungitur Commodus, *l. penult. C. ut in pass. leg.* concessit testatori, ut inhibeat cautionem prætoriam legati aut fideicommissi servandi, quam ante non potuit inhiere contra jus prætorium, contra jus publicum: nam nisi lex permisisset, nihil testatori licet statuere in suo te-

A
stamento contra jus civile vel pretorium, contra jus publicum. In proposito igitur themate testator, qui fideicommissum reliquit sub conditione non petendæ cautionis fideicommissi, videtur eam cautionem remisisse. Et rata est voluntas testatoris hodie ex ea constitutione, quæ ante non fuit rata. Hoc est certissimum. Nunc sic constituo: in ea conditione, si fideicommissi cautionem ab herede non petieris, neque olim, neque hodie stipulationi Mucianæ locus esse posse: hoc cum probaro, rem omnem, quæ possit movere scrupulum in *§. Titius*, expediero. Hodie non potest in ea cogitatione stipulationi Mucianæ locus esse, quia remissa videtur hæc conditio: remittitur recte iudicio testatoris, ac rursus ea conditio argumentum remissæ cautionis facit, conditionem non facit. Proinde ea conditio non est conditio: nec spectamus igitur extiterit, an defecerit, *l. licet, ut legat. nom. cau. & l. avia, §. ult. hoc tit.* Olim autem ante constitutionem Divi Marci ea conditio conditionem fecit, conditionis potestatem habuit. Excludebat enim fideicommissum eum, qui cautionem exegisset. Est verum, nec tamen tunc in ea conditione consistere potest utilitas Mucianæ cautionis in *§. Titius*, hac ratione, quia in iis tantum conditionibus consistit utilitas Mucianæ cautionis, quæ vivo legatario & fideicommissario expleri non possunt, quæ non nisi sine vitæ fideicommissarii expleri possunt, *l. Titio fund. hoc tit. l. servo, §. si testator ad Trebell.* Illa autem conditio in casu proposito, si fideicommissi cautionem ab herede non petierit fideicommissarius, expleri potest vivo fideicommissario: puta pramoriante herede, nulla ab eo petita cautione fideicommissi. Et hoc ita evidenter proponitur in *§. Titius*, cum scilicet heres rogatus est restituere hereditatem post mortem suam sub ea conditione non petendæ cautionis. Sed tamen idem erit dicendum, si non post mortem suam fideicommissum relictum sit ab eo; sed in alium diem certum vel incertum. Proponitur species in *§. Titius*, ut contigerat, non quod & in aliâ specie idem non possit, non debeat responderi. Quare dicimus, non tantum ut proposui *§. hoc Titius*, si post mortem heredis fideicommissum sit relictum, sed etiam si in alium diem certum vel incertum relictum sit fideicommissum, idem esse: quia eadem ratio est, quia vivo fideicommissario intra eum diem mori heres potest, a quo non fuit petita cautio fideicommissi. Plus dico, idem esse in puro fideicommissio: puro, idest, relicto præsentis die sine dilatione ultra temporis aut mora. Nam & de puro fideicommissio possit peti cautio fideicommissi servandi & reddendi. Hoc est certissimum, puta herede litigante & renuente fideicommissum præstare, quia nonnullas moras exercitio litis habet, inter quas posset heres bona fideicommissio subdita dilapidare. Et hoc ostenditur in *l. hac stipul. & seq. ut leg. nom. cau. l. uxorem, §. ult. de leg. 3.* Et inter eas moras iudicii sive litis, nondum petita cautione mori heres potest vivo fideicommissario, atque ita morte heredis impletur ea conditio non petendæ cautionis ab herede superstiti fideicommissario. Nihil igitur refert fideicommissum illud relictum sit post mortem heredis, an in alium diem certum vel incertum, an pure sub ea conditione non petendæ cautionis: quoniam quocumque casu, vel quocumque modo relictum sit fideicommissum sub ea conditione, non potest in ea conditione usus esse stipulationis Mucianæ. Denique quod notandum maxime, nullus casus inveniri potest, in quo in conditio non petendæ cautionis fideicommissi servandi, possit esse locus stipulationi Mucianæ, quia & post præstitum fideicommissum frustra caveret fideicommissarius, se non petiturum cautionem, quia utique jam constaret frustra peti: frustra enim peto mihi caveri de servando & præstando eo, quod mihi jam præstitum est, quodque ipse jam mihi servare debeat, non alius: ergo nihil nos moveat, qui proponitur *§. Titius*: nam est pure fideicommissum relictum sit sub ea conditione, sane non potest in ea conditione intervenire stipulatio Mucianæ. Et hæc pauca solvent omnem dubitationem, quæ
fuit,

suit, omnibus perspicuis modo, etiam plane absoluta sententia §. Titius. Quod sequitur in §. quid ergo, de conditione non ruidenda rationis, eam jam satis expostui: quæ autem sequentur in §. si arbitratu, & §. Mævia, sunt explicanda.

Ad §. Si arbitratu, & §. 6. seq.

Si arbitratu Titii Seja nupserit, heres meus ei fundum dato, vivo Titio etiam sine arbitrio Titii communibentem legatum accipere respondendum est, eamque legis sententiam videtur, ne quod omnino impedimentum nuptiis inferatur. Sed si Titius vivo testatore decedat, licet conditio deficiat, quia tamen suspensa quoque pro nihilo foret, mulieri succipietur.

§. 3. Mævia si non nupserit, fundum cum morietur lego: potest dici, etsi nupserit, eam consensim ad legatum admitti. Non idem probatur si certus dies incursusve alius legato fuerit adscriptus.

Am cepi dicere, ea pertinere ad caput legis Juliae Miscellæ, quæ ad mares pertinet, atque etiam feminas indeiuncta viduitate. Caput illud legis Juliae eam improbat: improbat ut ego indeiuncta viduitas viro aut mulieri testamento vel codicillis: ut puta, si quis legatum reliquisset mulieri sub conditione, si non nupserit, lex Julia mulierem admittet ad legatum, etiam si nupserit, perinde atque si conditioni parvisset, si vidua permanisset: conditio repugnabat publice utilitati: merito igitur habita est pro non scripta. Et supra adduxi multos locos, qui pertinent ad illud caput leg. Juliae. Omisi addere ex hoc eodem tit. l. avia §. Titio, & l. Titia. Species l. Titia est cognita dignissima: legavi Titia ducenta, si non nupserit, & eidem Titia, si nupserit, legavi centum duntaxat: nupserit: quia nupserit petit centum: quia conditio, si non nupserit, remittitur, & non servatur ex l. Julia, petit ducenta: denique petit trecenta, an audienda est? minime: Nam ducenta, quæ ei relicta sunt sub conditione, si non nupserit, accipit perinde atque si non nupserit, hoc est, accipit ea; ut vidua, l. mulieri, eod. tit. Ridiculum autem est, eam admitti ut viduam & ut nuptam: non potest ut vidua ducenta capere, & ut nupta centum, sed vel ut nupta hoc capiet, vel ut vidua. Lege Julia habetur pro vidua, quæ nupta est, quod atinet ad commodum legati relicti sub conditione viduitatis. Etiam valde notanda est species l. ult. de statu, quæ ad eam l. pertinet. Species hæc est: legavi mulieri servum, & adieci, ut liber esset is servus cum nupserit mulieri: nubente muliere servus merito liber fiat, atque ita quodammodo prohibeo nuptias: pleræque fortasse non nubent metu amittendi servi. Illa nupserit ex l. Julia, (& ut Graci addunt recte in Bañl. ex l. Julia Miscellæ, quanquam est in translatione Herveti male translatum ex Miscellæ) puta intra constituta tempora, ut est in Apologetico Tertulliani. Denique illa paruit legi Juliae, & nupserit intra constituta tempora, an servus fiet liber? sic videtur: is homo fiet liber, carebit eo homine mulier per nuptias, nec adiet rationem d. l. ult. Sed est ratio in l. Titia usque §. pen. h. t. quam omisit Accurs. in qua etiam omisit d. l. ult. non potest lex legi magis esse similis: quia potior est legato libertas. Præstat fraudari legato mulierem, quam libertate servum: sed iterum d. l. ult. dum ait, ex lege, de hac lege Julia Miscellæ intelligit. Ergo certissimum hoc est, mulierem, cui relictum est legatum sub conditione viduitatis, hoc est, si non nupserit: capere legatum, etiam si nupserit: huic conditioni non esse parendum. Fiage aliter: Ego non relinquam legatum mulieri sub conditione, si non nupserit, sed sub alia conditione, quæ tamen idem efficit, ne nubat, nisi volet cadere legato: non dicam palam, si non nupserit, sed recte hoc modo, lego centum, si arbitratu Titii nupserit, non palam prohibeo nuptias, sed volo, ut si nubat, arbitratu Titii nubat. Sane hoc perinde est, atque si dixissem, si non nupserit, cum nuptias ejus voluerit pendere ex arbitrio alterius: nam quid si Titius arbitrari nolit? quid si nullam conditionem nuptiarum comprobat? Igitur non tam oportet spectare verba, quam sententiam le-

gis Juliae, quæ talis est, ut ne minimum quidem impedimentum inferatur nuptiis. Igitur ex sententia legis Juliae, mulier etiam si nubat sine arbitratu Titii, puta vivo Titio post mortem testatoris capiet legatum, etiam si nubat inconsulto Titio post mortem testatoris: alioqui nunquam nubere, forte nunquam nuptiis arbitrium accommodare Titio. Idemque erit, si Titius moriatur vivo testatore, ut ostenditur in hoc §. si arbitratu, & l. filia, in pr. h. t. & l. turpis §. 1. de leg. 1. quo quidem casu deficit conditio illa, si arbitratu Titii nupserit: sane deficit Titio moriente vivo testatore, aut Titio moriente, antequam illa velit nubere, vel si nubilis. Igitur etiam si defecerit conditio admittitur ad legatum, quia æque admittitur ad legatum, si sit suspensa conditio, ut puta, si Titius vivat post mortem testatoris. Ex ut ait eleganter Papin. quæ conditio suspensa pro nihilo est, & deficiens igitur habetur etiam pro non adjecta: non observo conditionem suspensam: deficiens igitur nihil officit, non me excludet legato ad fideicommissum, quam suspensam contemno, insuper habeo: perceptor legato ea deficiens, aut juri meo nocere non potest: quæ est sententia §. si arbitratu. Pertinet etiam ad caput illud l. Juliae §. Mævia. Testator ita dixit: Mævia, si non nupserit, deinde adiecit diem incertum, cum morietur. Mævia si non nupserit, lego fundum cum morietur: duo dixit, si non nupserit. Deinde adiecit diem incertum, cum morietur, nupserit, capiet legatum. Si dixisset tantum, si non nupserit, sed quia adiecit, cum morietur, an expectanda est mors illius: minime: imo statim capiet legatum, etiam si nubat, nec expectanda mors ejus, licet testator conditioni adiecerit nominatim, cum morietur, quia scilicet his verbis omnibus, si non nupserit, fundum lego: si cum morietur, videtur dicere testator: si usque ad ultimum vitæ diem vidua permanferit, quæ conditio remittitur: verba illa, cum morietur, serviunt latiori interpretationi conditionis, id est, si usque ad mortem vidua permanferit: Nam merito adiecia aliud esse dicendum, si huic conditioni, si non nupserit, testator adiecerit alium diem certum vel incertum, qui nihil pertineat ad latioris interpretationem conditionis imposita, inunctæ mulieri: ut si dixerit, si non nupserit post quinquaginta annos, centum dato: Hoc casu conditio quidem remittitur; nam etiam si nupserit: non ideo minus perveniet ad legatum, sed oportet expectare quinquaginta annos. Quod congruit cum l. 8. §. si qui sub cond. de cond. inst.

D Ad 3. §§. sequentes.

Falsam causam legato non abesse verius est, quia ratio legandi legato non coheret, sed plerumque soli exceptio locum habebit, si probetur alias legaturus non fuisse.

§. 7. Falsam conditionem Cassius & Celsus Sabinus impossibilem esse dixerunt, veluti Panphilus si quod Titio debet, solverit, liberi esto. Si modo nihil Titio fuit debitum, quod post testamentum factum testator pecuniam exsolvit, defecisse conditionem intelligi.

§. ult. Falsam legati demonstrationem non facere legatum, Sabinus respondit, veluti si quis cum Titio nihil legasset, ita scriptum reliquit: ex centum, quæ Titio legavi, quinquaginta heres Sejo dato, idque sumpsi ex defuncti voluntate, quia non animo legandi, sed diminuendi legatum, quod falso datum existimaret: ita scriberet, propter falsam tamen demonstrationem legati non plus Sejus adsequetur, quam si vere demonstratum fuisset.

E St de falsa causa, vel demonstratione adjecta legato, vel fideicommissio, aut libertati, aut institutioni heredis. Ac primum igitur de falsa causa legati. Causa est ratio legandi in præteritum tempus collata, ut si ita legavero: lego Titio centum, quia negotia mea curavi; lego Titio centum, quia mihi patrocinatus est in causa capitali, vel estimationis. Causa igitur est, propter quam lego, quæ jam est præterita. Et hæc causa, etiam si falsa sit, non vitiat legatum. Legavi tibi, quia negotia mea curasti, neque tamen ea curasti unquam, an nullum est legatum? minime: falsa causa non vitiat legatum, quia ratio legandi, inquit Papinian. non coheret legato, id est, legatum constat etiam sine

sine ratione, sicut donatio quolibet: supervacua est igitur rationis adjectio: & supervacanea nunquam nocent, *l. resam. C. de testam.* Et hoc ita procedit, nisi probetur testatorem alias legatum non fuisse, §. *falsam causam, infra*, cuius rei exemplum est in *l. ult. de hered. inst.* Addeunda est etiam alia exceptio, nisi causa conditionaliter enuntietur, puta hoc modo, *lego Titio centum, si negotia mea curaverit, si frater ejus ex arca mea tot aureos sumpsit.* Sic est Flor. recte *l. demonstratio, §. quod autem, de cond. & dem.* non si curaverit, si sumpsit: sic etiam scribendum in §. *longe, Inst. de leg.* Ergo cum ita legavit, lego Titio centum, si negotia mea curaverit, sane non debetur legatum, nisi olim curaverit negotia testatoris. Multum interest, dixeris, si, an quia & si, est dubitantis, quia, confirmantis: si, non confirmat, etiamsi præterito jungatur: cum tamen si, quandoque pro quia ponatur, & confirmare quandoque eum articulum interpretes volunt, ut illo loco, si qua pios respiciant numina, & vestro si munere tellus, & c. ubi interpretes dicunt si accipi pro si quidem seu pro quia, ut vulgo dicimus. Sed manifestum ex d. *l. demonstratio*, multum interesse dixeris, quia negotia mea curavit, an vero si negotia. Hoc postremum, quod ita est conceptum, extitisse necesse est, ut legato sit locus: illud extitisse non est necesse, quia illo sermone ratio demonstratur, hoc vero conditio. Et hæc quidem de causa, de ratione legandi præterita. Alia est causa legandi futura, quæ proprie dicitur modus vel res, ut ob rem dare dicitur, quod datur ob causam futuram proprie, & ob causam dari, quod datur ob causam præteritam. Alia igitur est ratio legandi præterita, quæ non habet aliud nomen, quam causæ. Alia est ratio legandi futura, quæ dicitur modus aut res, ut lego tibi, ut monumentum facias mihi meisque. Et hæc ratio five causa futura, si sit falsa, puta, si impossibilis sit: Nam quodcumque est impossibile & falsum est, *Ariflot. 5. Metaphys.* ad fin. ut si ita dixeris, lego tibi fundum, ut in colum ascendas. Hæc enim causa non vitiat legatum, quæ est falsa & impossibilis, non vitiat fideicommissum, vel libertatem, vel institutionem, *l. 1. de cond. inst. si sub impossibili conditione, vel alio modo, §. habent Flor.* non modo, ut vulgo, factam institutionem placet non vitari, placet valere. Quæ sententia pertinet ad legata, & alia quæ in testamentis relinquuntur. Impossibilis conditio adscripta, in testamento habetur pro mendo, & ideo habetur pro non scripta. Est vitium & mendum, *l. hereditas, de hered. inst.* Vitium non vitiat scripturam testamenti sub impossibili conditione, id est, sub falsa causa, sub falsa demonstratione, sub falso modo, five impossibili. Falsa conditio vel impossibilis, item demonstratio falsa, causa falsa, hæc vitia non viciant institutionem vel legatum. Non est omittendum, causæ nomen in jure accipi latissime. Causæ nomine significatur modus, hoc est, ratio legandi futura. Causæ nomine & ratio legandi præterita significatur & demonstratur, atque etiam ipsi legati, causa legati, hoc est, legatum, ut causa peculii, hoc est peculium, causa dotis, id est, dos. Sed hoc loco specialiter causa est ratio legandi præterita, quæ tamen etiam dicitur modus in *l. ult. de hered. inst.* cum frequentius modus dicitur pro causa legandi futura. Sequitur in §. *pen. hujus l. falsam conditionem etiam non vitare legatum*, cuius rei exemplum extat: *Pamphilus liber esto, si quod Titio debeo solverit: vel Cajo lego centum, si quod Titio debeo solverit:* vera est conditio, si quod Titio debeo: nec legatarius capiet legatum, nisi Titio solverit quod debui. Item non capiet legatum ita relictum, si ego post testamentum factum Titio solvero, quia conditio legati defecisse intelligitur: neque enim jam potest impleri a legatario, & conditio semel defecta non resumitur. At falsa est hæc conditio, si nihil Titio debui, lego tibi fundum, si quod Titio debeo, solveris: nihil Titio debeo, an perveniat ad legatum? Sic sane, quia ea conditio falsa est & impossibilis. Ea, inquam, conditio est impossibilis, ergo falsa: quod eleganter demonstrat

A Papin. his verbis, *falsam conditionem*. Notandum est falsam conditionem non vitare legatum præteritum, *l. demonstratio, l. falsa, l. nominatim, hoc tit. l. Quintus, de auro & arg. leg.* Proponamus exempla, lego Titio fundum Cornelinum, quem de Cajo emi, non de Cajo emi, sed alia ratione illum fundum acquisivi: non ideo minus debetur fundus, qui demonstratus est proprio nomine satis: & adjectio illa, quem de Titio emi, est supervacua. Supervacuuus sermo non vitat id, quod agitur, atque ita non spectatur unquam, verus sit an falsus. Quod ex abundantia adicitur, pro nihilo est. Vel fingere ita cavi testamento, lego Titio decem, quæ ei debeo, Titio nihil debeo, an debentur decem? Debentur, quia falsa demonstratio nihil nocet, *l. 2. C. de falsa causa ad. leg. l. si sic, §. 1. de legat. 1. vel etiam legavi hoc modo uxori: uxori lego fundum Cornel. vel, uxori lego decem, quæ mihi in dotem dedit, cum fundum vero mulier, cave decem in dotem non dedit: an perveniat ad legatum? Sic sane, *l. quib. §. quæ dot. b. l. 1. §. si quis uxori, de dote preleg. l. si divorcio, de verb. obl. & l. 3. & ult. C. de falsa causa ad. leg. §. sed si uxori, Inst. de leg.* Neque adversus hæc facit *l. is qui, §. ei qui dotem, de leg. præst. inf. ad quam Accurf. ex Azone illo loco, & plenius in l. 3. C. de fals. cau. respondit.* Et breviter responsio est talis: ex testamento iusto, non iniusto, debetur legatum dotis nomine relictum, etiamsi nunquam res legata dotis fuerit, quia falsa demonstratio non vitat legatum rei certæ vel summæ certæ: aliogui si legaverit dotem simpliciter, nec ulla esset dos, inutile esset legatum. Sed si legavero certam rem vel summam dotis nomine, nihil nocet adjectio dotis, etiamsi falsa sit. Hoc in testamento iusto nec rescisso. Aliud est iuris in testamento rescisso pro bonorum possess. contra tabulas, quo remedio rescinditur totum testamentum, rescinditur institutio, rescinduntur legata. Excipiuntur tamen editio prætoris de leg. præst. legata relicta parentibus & liberis. Excipiuntur etiam relicta uxori vel nurui dotis nomine, ut si legaverit uxori certam summam, quam ab ea acceperat in dotem, necesse est, ut revera acceperit in dotem, ut constet legatum: Nam si non acceperit dotem, ei non conferabitur legatum certæ rei vel summæ, quamvis sit relictum prætextu dotis; nam ea legata, quæ non rescinduntur, non temere non servamus, aut non temere statuimus, non esse rescissa. Ergo concludamus ex superioribus, falsam causam, five ea sit præterita, five futura, id est, rationem legandi præteritam vel futuram, falsam conditionem vel demonstrationem, non perimere legatum. Huic conclusioni obstat *l. si sic, §. 1. de leg. 1.* quæ lex differentiam facit inter falsam demonstrationem, & falsam conditionem five causam. Falsam demonstrationem ait, non vitare legatum: falsam conditionem five causam aperte ait vitare legatum. Sed ne sim longus, illo loco conditio & causa, alio sensu accipitur. Conditio illo loco non est adjectio, quæ suspendit legatum, causa non est ratio legandi, sed utroque nomine significatur res ipsam legati, substantia legati, status legati, & id ipsum quod legatur, & ut ante dixi, sicut dotis causa, id est, dos, & ita legati causa, id est, legatum, quomodo & alii auctores frequentissime utuntur, causa possessionis, hoc est, possessio, causa venditionis, hoc est, venditio, & similiter conditio legati, id est, status legati, & res ipsa, quæ est in legato. Quod etiam d. lex si sic, §. 1. demonstrat hoc exemplo: legavi primo decem, quæ mihi secundus debet: secundus nihil debet, nullum est legatum, quia scilicet legavi nomen, hoc est, debitum, non quantitatem. Idque evidenter apparet ex eo, quod si debuerit ea decem heres legatario non cogitur præstare decem, sed liberatur præstatio actionem adversus secundum: quia non quantitas est in legato, sed obligatio. Igitur si obligatio nulla sit, id est, si secundus nihil debeat, consequens est, nullum esse legatum: sicut si lego tibi rem, quæ non sit in rerum natura, nullum est legatum, deficit substantia legati, causa & status, quod confirmat *l. cum illud, §. 2. quæ.**

dies leg. ced. Eadem erunt omnino, si dixerit, *decem, quae mihi Titius debet, heres meus damnas esto illi dare*, id est, ei condonare & remittere, nihil mihi Titius debet: inutile est legatum, quia liberationem legavi, non quantitatem, & non obligato homini liberatio inutiliter legatur, *legatum, & l. 62. §. penul. de lib. leg. l. si servus, §. qui quinquaginta de leg. 1.* At priore casu, si legavi Titio decem, quae ei debeo, si nihil debeo, et nihilominus debentur decem jure legati, quia quantitatem legavi, non obligationem quantitatis. Ergo nemo legat obligationem passivam, quia ipse est obstrictus, sed activam, quia alium obstrictum habet, & esset ridiculus, si ego legarem tibi obligationem, qua tibi sum obstrictus. Legatur activa nomina, non passiva. Denique his verbis quantitatem legari, non obligationem. Quantitas est certa, quae debebatur. Haec verba, *Quae Titio debeo*, pro demonstratione sunt, illa autem verba, *quae mihi Titius debet*, sunt pro jure legati ipso, & substantia, sicut si dixerit, *decem, quae sunt in arca mea*, si nihil sit in arca, nihil debetur, quia deficit substantia legati. Neque enim simpliciter decem legavit, sed illa decem, quae sunt in arca, si nulla sint in arca, & nullum erit legatum, *d. l. si servus legatus, §. quinquaginta, l. 1. §. sed est, de dote praet. l. illis verbis, decem, quae sunt in arca, demonstratur, me legare certa corpora nummorum; illis decem, quae Titius debet, demonstratio me legare nomen Titii & actionem, qua Titius mihi tenetur. Duplex est demonstratio: alia necessaria, quae rem ipsam, quae legatum ostendit: haec si falsa sit, si nulla, nullum est legatum, quia est status & causa legati principalis potius, quam demonstratio. Est enim proprie demonstratio accessio; Alia est, quae est abundans accessio, & superflua, quae rei certae adiecit, & si non demonstrat: haec si falsa sit, non vitiat legatum. Falsa demonstratio igitur, quae scilicet abundat, nec necessario adiecitur rei, de qua satis constat, non vitiat legatum. Addamus, non facit etiam legatum, quod ostenditur in §. ult. hoc tit. ut in hoc casu, testator ita dixit, *ex centum quae Titio legavi, Cajo lego quinquaginta*; falsa est demonstratio, quia Titio nihil legavi, non vitiat legatum relictum Cajo, *ex centum quae Titio legavi, quinquaginta heres Sejo dato*. Sejo debentur quinquaginta, non vitiat legatum, etiam si Titio nihil sit legatum, sed Titio nihil debetur, quia non fuit ei mens legandi Titio, sed diminuendi legati, quod falso sibi praesumpserat, & persuaserat se Titio reliquisse. Summa igitur haec sit: falsam demonstrationem non extinguere legatum, sed non etiam facere. Ad haec pertinet, *l. cum illud, quando, dies leg. ced.**

Ad L. XXV. Quando, dies leg. ced.

Cum illud aut illud legatur, enumeratio plurium rerum disjunctivo modo comprehensa, plura legata non facit. Nec aliud probari poterit, si pure fundum alterum, vel alterum sub conditione legaverit. Nam pendente conditione non erit electio, nec si moriatur ad heredem transisse legatum videbitur.

In iure legis, cum illud, hoc proponitur, si legatur illud vel illud, si legatur servus & fundus, haec enumeratio singularium rerum posita conjunctim, plura legata facit. Nam quot sunt res, tot sunt legata, *l. 2. de leg. 2.* nomine generis, si legatur plures res, atque ita nec enumerantur, ut si legatur grex, si legatur peculium, si instrumentum fundi, si argentum, id est, vasa argentea, si vestes omnes, scilicet, si suppellex, si petus, unum est legatum, & singulare nomen contrahit legatum. Enumeratio autem singularium rerum dispersit legatum, id est, pura legata efficit, hoc est, quod Dialectici dicunt, *το αὐτὸν εἶναι διὰ τὴν ἀντιστοιχίαν καὶ τὴν ἀντιστοιχίαν*. Ergo enumeratio, singularium rerum enumeratio *καὶ καὶ διασπασίαν*, plura legata facit, scilicet factum sit conjunctivo modo. Nam si factum sit disjunctivo modo, ut si legatur, illud, aut illud, fundus, aut pecunia, unum tantum est legatum, & res ea tantum erit in legato, quam elegerit legatarius, vel quam elegerit heres, si electio heredis fuerit. Est autem regulariter electio legatarii, cum legatur illud aut illud, si le-

getur per vindicationem, *l. 9. §. 23. de leg. 2. l. plane, §. pen. de leg. 1.* si per damnationem, electio est heredis, *damnas esto dare illud, aut illud*, dabit quod volet, nisi testator nominatim legatario electionem reservaverit hoc modo, *damnas esto dare illud, aut illud*, utrum volet, *l. si ita relictum, §. ult. de leg. 2.* Ergo si eidem legetur illud aut illud, unum est legatum, nec quicquam interest ab uno herede ei legetur, an duobus vel pluribus, veluti ab uno illud, ab altero illud: nihil denique interest illud aut illud, eidem ab uno, an a diversis legetur: nihil etiam interest utrum pure legetur, an sub contrariis conditionibus hoc modo, *Titio lego fundum Cornelianum si navis ex Asia venerit, aut si non venerit, fundum Tusculanum*: nam etiam si diversis legetur illud aut illud, illud Titio, aut illud Sejo, nihil refert pure leget, an sub conditionibus contrariis, quoniam utrobique unum legatum est, *l. si dos, de leg. 2.* Et ita quoque, quod pertinet proprie ad hanc legem, nihil interest eidem an diversis pure legetur, aut illud, sub conditione hoc modo, *lego Titio fundum Cornelianum, aut si navis ex Asia venerit fundum Tusculanum*: nam & hoc casu unum legatum est, & non plura, neque enim inanis est inquisitio. Sequuntur effectus inde innumerari, ex quibus patefaciam modo nonnullos: si fundus alter legetur pure, aut alter fundus sub conditione, *si navis ex Asia venerit*, vel sub alia simili, unum est legatum. Hoc Papinianus comprobabat hoc loco subtilissimo argumento: si duo essent legata non unum, sua cuique legata esset dies, *qua cederet*, duobus diebus cederet, legatum purum cederet statim a morte testatoris, legatum conditionale a die existentis conditionis: atqui nulla fuit dierum divisio, sed totius huius legati dies unus, licet unum purum sit, alterum conditionale, quod utrumque unum tantum efficit, duo quodammodo efficiunt unum: totius, inquam, ejus legati dies cedit a tempore existentis conditionis, quia nec antequam extiterit conditio, electionis locus esse potest, hoc est, legatarius non potest eligere, hoc an illud legatum amplecti? malit, quoniam nondum est delatum utrumque. Et hoc genere legati electio tantum datur illius, aut illius fundi, non legatur fundus conjunctim uterque. Quae quidem electio, ut manifestum est, si non competat antequam extiterit conditio, consequens est, nec ulli ex parte cedere diem, antequam extiterit conditio. Ergo unum est legatum. Et quo efficitur, moriente legatario ante diem legati cedentem, id est, antequam extiterit conditio, ut nec fundi pure relictum petito transmittatur in heredem ejus, quia non transmittitur in heredem nisi id legatum, cuius causa a me cepit, id est, cuius dies me vivo aut moriente cessit. Denique hoc casu neque transmittitur fundum sub conditione relictum, quia mortuus sum pendente conditione, cum nondum cessisset dies, neque transmittitur etiam fundum pure relictum, quia nec ejus dum cesserat dies, nec enim cedit dies antequam possum eligere fundum illud, si nominatim pure mihi relictum est, atque eligere non possum, nisi & alterum eligere possum, & alterum eligere non possum ante conditionem, neutrum igitur. Denique neutrius dies cedit ante conditionem, & consequenter, si interim moriar, nihil transfero in heredem meum ex eo legato: quae est sententia Papiniani in hoc loco. Quid vocat legatum? non illud neque illud, sed illud, aut illud. Et idem procedit in specie legis, cum ita in pr. hoc tit. Ita legavi: *Titio lego Sticheum, aut quod ex Pamphila nasceretur*: non ante cedit dies legati, quam Pamphila peperit, purum est legatum, & unus istius legati dies nulla ex parte cedit, antequam Pamphila peperit, & si legatarius moriatur viva Pamphila, antequam peperit, nihil omnino transferit in heredem suum. Eadem est ratio huius casus. Sed obstat valde huic definitioni nostra *l. si usus, hoc tit.* non lex si penum, ut Accursius notavit. Ad quam quemadmodum respondendum sit Accursius intellexit, sed tradidit satis obscure, & indiget illius responsio tibicinis. Principia juris haec sunt, regulariter diem legati

legati cedere a morte testatoris, quæ cessio ad transmissio-
nem proficit: Nam si post mortem testatoris moriatur
legatarius, transmittit legatum ad heredem, etiam si non-
dum acceperit aut vindicaverit; sed si decesserit vivo
testatore nihil transmittit, quia mortuus est legatarius
antequam dies legati cessisset. Regulariter, quando dies
cedit a morte testatoris, si legatur mihi pecunia certa,
dies legati cedit a morte testatoris: excipitur usufructus. &
alia quedam. Sed res exigit, ut agamus de usufructu,
qui cedit, non a morte, sed ab additione hereditatis, l. 5.
hoc tit. Ergo legatum pecuniæ cedit a morte, legatum
usufructus tardius cedit, nempe ab additione. Nunc finge:
legavi Titio usufructum, aut decem: unum est lega-
tum, in quo etiam si contineatur pecunia, tamen non cedit
a morte testatoris, sed cedit ab additione hereditatis:
sed si pendente conditione moriatur Titius, sane non
transmittit legatum usufructus, quod finitur morte:
an transmittit legatum pecuniæ? Et lex ait, legatarium
morientem pendente additione hereditatis transmittere
legatum pecuniæ, in heredem suum. Quod pugnat omni-
no cum his, quæ dixi, sed ratio, quæ redditur perobscu-
re etiam in d. l. si usufructus, pro responsione sufficit: quia, in-
quit, mortuo legatario dies legati cedit, vivo legatario
dies legati non cedit, antequam adierit heres, ut diximus
ante, mortuo legatario, id est in ipso momento, quo
mortuus est legatarius, quod scilicet momento certum esse
cepit usufructus, in eius persona non posse consistere, etiam si
eo ipso momento adiretur hereditas, quia & in tempus
mortis legatarii usufructus confectetur inutiliter, l. Titio, de
usufructu. Hoc, inquam, casu propter eam rationem dies pecu-
niæ legatæ retro cessisse videtur a morte testatoris. C
Ergo transmittitur legatum in heredem legatarii. Quod
demonstratur etiam alio exemplo in d. l. si usufructus, legavi
mulieri decem pure, aut si pepererit, fundum: dies legati
non cedit, antequam pepererit: sed si morietur antequam
pepererit, legatum pecuniæ transmittitur in heredem suum,
quia moriente ea dies legati cessit: viva ea non cederet
dies legati, antequam pepererit, ante conditionem, id
est, ante editionem partus: moriente ea, quia in ipso ar-
ticulo legatum fundi extinguitur, quoniam certum esse
cepit iam parere eam non posse, dies legatæ pecuniæ
retro cessisse videtur a morte testatoris: ergo transmittit-
ur. Quæ est sententia d. l. si usufructus. Sed alia est ratio lega-
ti relictæ ita, ut proponitur in hac l. cum illud, & l.
cum ita. Finge: lego Titio fundum Cornelianum, aut
si navis ex Asia venerit fundum Tusculanum, vel aliter:
lego Titio centum, aut si Cajo dederit decem, fundum
Cornelianum, si moriatur Titius ante impletam condi-
tionem, nihil transmittit in heredem suum, quia hæc con-
ditiones, aut similes impleri poterunt moriente eo pro-
prio ultimo vitæ momento ejus, quia magis vitæ deputatur,
quam morti. Hæc conditiones impleri poterunt morien-
te eo, puta ultimo vitæ momento ejus, quod vitæ depu-
tatur potius, quam morti: potuit navis ex Asia venire,
potuere Cajo dari decem per alium ejus nomine, l. ult.
de cond. inst. Hæc igitur conditiones moriente eo impleri
potuerunt. Quæ res efficit, ut vivo eo, si non fuerint im-
pleta, vel moriente, quod tempus magis vitæ, quam
morti deputetur, non videatur cessisse dies legati fundi
Cornelianum, vel decem: quod si non cessit, nec transmis-
sio est ulla legati. Hæc valde aperiunt ingenium. Unum
tantum proponam, si illud aut illud legetur, unum est
legatum. Obstant tria huic definitioni: primum si illud
aut illud legetur, utrumque est in obligatione, l. si duo rei,
de verb. oblig. Hoc est certissimum, si utrumque est in
obligatione, & in legato igitur: nam legatum est causa
obligationis, & si utrumque est in legato, duo sunt lega-
ta. Neganda est consequentia: non enim ideo, quod
utrumque sit in obligatione, vel in legato, duo sunt lega-
ta: nam utrumque est in legato, non ut petatur utrum-
que, sed ut eligatur alterutrum: ante electionem utrum-
que est in obligatione disjunctivo modo, non conjuncti-
vo, post electionem ea res sola est in obligatione, quæ
electa est, ut ait eleganter lex 12. de verb. obligat. Ergo

nec ante electionem proprie utrumque debetur. Quid
debetur proprie? quod peti potest, utrumque peti non
potest, aut qui petat utrumque, plus petat causâ. Ergo
utrumque non debetur proprie: hæc duo verba com-
meant semper, debetur & petitur, l. ita stipul. de verb. obl.
Sed si quid ita sit in legato, ut utrumque peti possit: tunc
sane duo sunt legata: utrumque vel conjunctim accipi-
tur, vel disjunctim: utrumque, id est, illud & illud, &
Latini sæpe utrumque, id est, alterutrum. Fallacia est,
non uno modo accipis utrumque, si ego accipiam altero,
ut si conjunctim tu, ego disjunctim accipiam. Obstat huic
regulæ lex 8. §. 1. de leg. 2. quæ ait, duo esse legata, si ita
legaverim: Titio decem, aut si noluerit ea decem, Stichum do,
lego, sed unico Titium contentum esse debere. Sed res-
pondeo ex eo §. confirmari potius regulam superiorem:
namque ait, hoc casu duo esse legata. Cum dicat, hoc
casu duo esse legata, significat aliis casibus duo non esse
legata, & regulariter igitur unum legatum esse. Cur
vero hoc casu duo sunt legata videamus. Et ratio sumit-
ur ex illis verbis, si noluerit, quia ita dixit, Titio decem,
aut si noluerit decem, Stichum lego, quæ verba efficiunt,
ut Stichus peti non possit, vel exigi antequam pecunia
repudiata sit. Cedit ergo dies pecuniæ primum, & ea
repudiata, tum cedit dies Stichi legati. Duo sunt dies,
ergo duo sunt legata, & aliud alii quasi vicarium & suc-
cedaneum: unus legati dies, quibus cedat, duo esse non
possunt, quæ ratio est manifesta, cujus tamen odorem
Baldus nullum sensit. Accurs. suboluit: ut si ita lega-
vit, decem aut Stichum do, lego, non inferendo illa verba,
si noluerit decem, proculdubio unus dies est legati: ut in-
telleximus ex initio l. cum illud. Unum est igitur lega-
tum alterutrius rei, unum legatum in alterutra causâ, ut
ait l. 8. §. ult. de leg. 1. Hoc apertissimum. Sed obstat
etiam superiori regulæ l. plane, §. pen. de leg. 1. quæ, si
legetur fundus, aut usufructus disjunctivo modo, ait, duo esse
legata, & in arbitrio esse legatarii, an velit fundum
vindicare, an vellet esse contentus usufructu. Plerumque con-
tenti sumus leviori legato, & pinguia spernimus, quid-
ni? Cum & legatum omne sint sæpe qui spernant, &
repudiant: potest quis certa ratione duci, ut malit usufruc-
tum quam fundum plenum, vel ut gratificetur heredi,
vel fastidio quodam honoris sibi delati, aut dum quis
non vult videri avarus in exigendo legato, hoc non de-
bet mirum videri. Hoc igitur mittamus, & interea reti-
neamus, quod lex ait, si legetur fundus, aut usufructus, duo esse
legata, quod mirum in modum adversatur superiori regu-
læ. Quid respondeamus? Sciendum est, primum fun-
di appellatione significari plenum dominium, ut appel-
latione cujuslibet rei, id est, proprietatem, & usufructus. Ergo
qui fundum legat, usufructus etiam legat: usufructus est pars
fundi, vel potius, non est certe pars fundi: neque enim est
corpus, ut fundus, sed jus incorporale: sed in jure habe-
tur pro parte fundi, ita ut liceat Jureconsulto dicere,
usufructus est pars fundi, quod non liceret philosopho, d. l. si
Titio, de usufructu. ubi id latius exposui. Item sciendum est,
unum legatum non posse scindi a legatario: scinditur, si
legatarius partem legati amplectatur, partem respuat: le-
gatum est honor: honorem neque decet, neque licet
fastidiare insipide & inconstanter: aut suscipi omnis de-
bet ex integro, aut nullus: hereditatem non possum adire
pro parte, & repudiare pro parte: hanc superbiam,
hanc inconstantiam: hoc fastidium non recipimus. Exem-
plum hereditatis sequimur in legato, si duo sunt legata, ut
si legetur fundus, vel pecunia conjunctivo modo, sane
possum fundum amplecti, pecuniam spernere, ut contra
pecuniam amplecti, fundum spernere, quia non discindo
legatum, non illud discindo, & non etiam illud, neutrum
discindo, sed illud amplector, illud non amplector. Duo
sunt legata, illud volo, illud nolo, l. 4. §. 6. de leg. 1. Et
ut posui, legato mihi fundo, & pecunia certa, non possum
partem fundi petere, & partem pecuniæ, ceteras partes
negligere, quia scindo legatum, scindo & dispo. iudicium
defuncti. Idemque erit omnino, si disjunctivo modo le-
getur fundus, aut pecunia certa, quamvis eo casu unum

fit legatum, non duo, non possum eligere fundum integrum, vel summam integram: quicquam non dissipio, quia non scindo quicquam hoc modo: verum non possum petere partem fundi, & partem pecunie quia scindo legatum, l. 8. §. ult. de leg. 2. Quid igitur, si legatur fundus, aut usufructus ejusdem fundi, quæ est species d. l. plane §. pen. an possum eligere usufructum? quod non videtur, quia eligendo usufructum scindo legatum fundi, cujus pars usufructus est. Atqui hoc est contra voluntatem defuncti, ut non possum eligere. Ergo quod ad hanc regulam attingit, ne quid fiat contra voluntatem, melius est, ut dicamus, duo esse legata, & omisso fundo usufructus solum eligi posse, sicut si legasset fundum aut partem fundi. Si totum quiddam aut partem, si familiam aut unum ex familia, si regem aut aliquot capita ex grege, possum totum seu unumquemque mittere: & amplecti partem, quasi duobus legatis relicti secundum voluntatem defuncti, qui voluit hoc modo, ut possum fundum scindere ad modum usufructus, vel parte fundi tantum: usufructus electio scissio est fundi: quod admittitur ex voluntate defuncti, quasi relicti duobus legatis. Cum autem legatur fundus aut pecunia certa, pecunie electio non est scissio fundi, quia ea pecunia non est pars fundi. Igitur ut pecuniam eligere liceat, non est necesse ut legatum quod est unum, constitutum esse duplex: quod est necesse legato fundo aut usufructu, ut exitum habeat voluntas defuncti, qui vel usufructus solum, quamvis sit pars fundi, voluit eligi posse, id est, qui fundum scindi posse: si hoc malit legatarius. Et ita explicanda est ratio d. §. pen. ad quod facit l. Titio, de leg. 2. si Titio, de usufructu leg. Nunc transsumus ad alteram partem hujus legis.

Ad §. heres.

Heres meus Titio dato, quod mihi Sejus debet: si Sejus pupillus sine tutoris auctoritate nummos accepisset, (nec locupletior factus esset, quia nihil ejus debet, nullius momenti legatum erit: quod si verbo debiti naturalem obligationem, & futuram solutionem cogitavit, interim nihil Titius petet, quasi tacite conditio inserta sit: non sciam, ac si ita dixisset, Titio dato, quod pupillus solverit: vel si legasset, quod ex Aretibus natum erit, vel fructus, qui in illo fundo nascentur. Contrarium non est, quod si medio tempore legatarius moriatur, & postea parvus edatur, fructus perveniant, pecuniam pupillus exsolvat: heres legatarii petitionem habet: namque dies legati, cui conditio non adscribitur, quamvis extrinsecus expectanda sit, cedit.

Propositio hæc est: testator ita legavit, heres dato Titio, quod mihi Sejus debet, quibus verbis videtur legasse Titio obligationem Seji, ita ut in hoc tantum teneatur heres legatario, ut ei cedat actionem adversus Sejum. His igitur verbis legavit nomen Seji, quod legari non potuit alio genere, nisi eo, heres dato, hoc est, per damnationem: nomen nunquam legatur per vindicationem. Igitur si nihil debeat Sejus, nullum est legatum, quia id, quod legato continetur, non est, quia deficit substantia legati, ut diximus in l. cum tale, sup. Nunc sige: Sejus defuncto debuit aliquid naturaliter, non civiliter, & ut dixi, testator damnavit heredem dare quod Sejus debet, sed naturaliter. Et tamen, non civiliter, puta, Sejus est pupillus, qui accepit mutuum pecuniam sine tutoris auctoritate, ex qua factus est locupletior, quæ species ponitur in l. h. Certissimum est, pupillum accipientem pecuniam sine tutoris auctoritate, non obligari civiliter. Idemque erit, si promiserit pecuniam stipulanti sine tutoris auctoritate: nam & in minore idem juris est, ut si stipulanti promittat, non obligetur: quia lex Latoria vetat minorem 25 annis stipulari, id est, promittere. Ergo, hoc est certissimum, pupillum mutuum pecuniam accipientem, & promittentem sine tutoris auctoritate, non obligari civiliter: queritur, an obligetur naturaliter? Sicut hac in re multæ leges, quæ pugnant invicem, & est summus

A omnium labor in eis adducendis in concordiam: fuit mihi olim maximus, & diu in desperatione fidi, sed hodie liquido constat, quod posuimus in l. pupillus, de verb. obligat. pupillum mutuum pecuniam accipientem sine tutoris, obligari naturaliter, si ex ea fuerit factus locupletior. Et ita est accipienda l. si pupilli, ad leg. Falcid. l. si sejus pupilli, ad Trebell. l. i. de novat. ut constat ex l. naturaliter in fine, & seq. de condit. indeb. Et notandum est, hac lege nostra, quæ ponit, pupillum obligari naturaliter ex pecunia mutua, pupillum factum locupletiores: nam pessime vulgo legebatur, nec locupletior factus esset: qui articulus nec habet a Florentinis, non deest. Est igitur illo loco deverbis, hoc est, oratio soluta sine conjunctione, si pupillus nummos accepisset, si locupletior factus esset, hoc est, & locupletior, & naturaliter obligatur, l. pupillus, de obligat. & action. l. quod pupillus, de condit. indeb. Et hoc quidem casu, si non esset factus locupletior, non valet legatum, quod initio proposuimus, herede damnato præstare, quod pupillus deberet: quia nihil deberet, nec civiliter, nec naturaliter: at pupillo obligato naturaliter, puta, factio locupletiore ex pecunia credita, nonnullas vires habebit legatum, si, ut verisimile est, restator verbo debendi, id est, si, ut verisimile est, voluit naturalem obligationem, l. quibus, §. dominus, de condit. & demonstrat, ut sæpe testatores improprie loqui solent, ut ait lex nova aliter, §. pen. de legat. 3. Proprie enim id tantum debetur, quod peti potest, hoc est, quod civiliter debetur: naturale debitum peti non potest, l. si is, qui nummos §. fundus, de solut. & l. Stichum, §. a Titio, eodem tit. liquidum adhibeat interpretatio ea, quam tradidimus in d. l. si pupillus, de verborum obligat. satis perspicue. Idem ostenditur in l. si de iussor, l. qui eum, l. heres §. servo, de fideiussor. l. i. §. id. quod natura, ad legem Falcid. Denique, quod natura tantum debetur, peti non potest: & hunc tamen habet effectum, quod si sit solum, non possit etiam repeti quasi indebitum, ut superiores tituli ostendant, & ut soleo dicere, in eo, quod natura debetur, neque verbo, peto, neque verbo reperio, est locus: igitur neque est debitum prius, neque indebitum: quia nec quasi debitum petitur, nec quasi indebitum repetitur: & consequenter, si in specie proposita pupillus heredi solverit, quod naturaliter defuncto debuit, id heres legatario præstare cogitur: non potest ei cedere actionem, siue petitionem debiti, quæ nulla est: sed si pecuniam solverit, prius debet eam legatario præstare, atque ita hoc legatum nonnullas vires habet, quasi scilicet tacita conditione injecta legato: si pupillus heredi solverit heres dato: quod pupillus mihi debet, si id pupillus tibi solverit: sicut si ita legasset palam, heres dato, quod pupillus tibi solverit: nam his verbis etiam inest tacita conditio, si solverit: sicut si legavero hominem, qui ex illa ancilla nasceretur, inest tempus, ita & in hoc legato inest conditio, si quis nasceretur. Et similiter, si legentur fructus, qui ex fundo nascentur, inest tacita conditio. Quibus omnibus exemplis Papinianus utitur hoc loco. Ergo in proposito casu, si heres damnatur Titio dare, quod pupillus debuit naturaliter, inest tacita conditio, si pupillus solverit heredi, quod naturaliter debuit defuncto, quæ tamen conditio tacita non impedit transmissionem: Nam si interim decesserit legatarius, antequam pupillus solverit heredi, non ideo minus transmittitur legatum ad heredem suum, quia tacita conditio non efficit legatum conditionis, quæ venit extrinsecus, ut ait Papinianus, in fine hujus legis, hoc est, extra scripturam testamenti, quæ non est scripta in testamento, l. 6. hoc tit. l. in his, l. cond. de cond. & demonstrat. Quæ lex conditionis est ex eodem libro, & statim est applicanda ad finem hujus legis. Ait enim conditiones, quæ extrinsecus veniunt, ut cum hac lege in fine ait, quæ extrinsecus veniunt, non ex ipso testamento, hoc est, quæ tacite insunt, non faciunt legata conditionalia, hoc est, non impediunt transmissionem ad heredes legatarioum. Hæc est sententia hujus §.

Unum

Unum est notandum, quod omni dixi ex naturali obligatione, qua tenetur pupillus, non nasci actionem; est ita secundum jus antiquum, sed hodie ex Constitutione Divi Pii, nascitur utilis actio, si ex pecunia credita factus est locupletior, *l. pupillus, de auctor. tutor. l. 3. commod. l. 3. §. pupillus, de negot. gestis*. Ergo post Constitutionem Divi Pii, nempe hodie, major esset effectus istius legati. Namque heres tenetur hodie legatario cedere utilem actionem. Sed quod tractat Papinianus in hoc §. ita tractat, ac si non esset Constitutio Divi Pii. Denique tractat de eo, quod obtinuit ante Constitutionem Divi Pii, sicut etiam Scævola in *l. si pupillus, de verb. obl. Et sane idem Papinianus in l. cum tale, §. 1. de cond. & demonstr. de jure tractat, quod fuit ante Constitutionem Divi Marci. Et ita etiam in tit. de precario, sane tractatur de interdicto de precario, respicit tamen jus antiquum: nam hodie non est necesse ire ad interdictum de precario, cum suppetat actio civilis ex precario, id est, præscriptis verbis, *l. 2. interdictum, l. duo, §. ult. De precario multa scribunt juris auctores, de jure antiquo, tanquam de jure recenti, non quod ignorent, antiquum esse, sed quia libeat illis se exercere, quod non est absque fructu: alioquin non recte disputaretur eo modo de questione proposita hac l. cum istud: nam hodie non esset expectanda solutio, quandoquidem statim heredes tenerentur legatario cedere actionem.**

Ad princip. L. X. de Usû & habitat.

Si habitatio legatur, an perinde sit, atque si usus, quaeritur? Est effectus quidem idem, pene esse legatum usus & habitationis, & Papin. consensit lib. 18. quæst. Denique donare non poterit, sed eas personas recipiet, quas & usufructus: ad heredem tamen nec ipsa transiit, nec non utendo amittitur, nec capitis deminutione.

Papinianus citatur ad Ulpianum in l. 10. in princip. de usu & habit. in hanc sententiam: effectus idem pene est legati habitationis, & legati usus ædium; effectum pene utriusque legati eundem esse. Et ita Pomponius in l. si quis unam aedem, de usufr. legata habitatione, vel excepta habitatione, usum ædium exceptum videri. Idem igitur pene est habitatio, & usus ædium. Quid est habitatio? usus ædium. Quid usus? habitatio ædium. Effectus utriusque legati idem est: nam utriusque jus perimitur morte legatarii, nec transit ad heredem. Et inde secundum habitationis dicitur finire morte accipientis, lib. 4. feud. secundum distributionem naturalem tit. de feud. habitat. Et utriusque legati dies cedit ab adita hereditate, non a morte testatoris, *l. 2. l. si habitatio, quando dies leg. ced. Ac præterea is, cui legata est habitatio, non solus ipse habitare potest, sed eas personas, si velit, recipiet, quas & usufructus recipere potest, puta familiam suam, uxorem, liberos, servos, libertes, mercenarios, hospitem, inquilinum, cui forte locaverit cenaculum ædium, dum ipse quoque inhabitat, & alias quasdam personas, quæ enumerantur in illo tit. de usu & habit. Item sicut usufructus usum alii donare, aut gratis concedere seorsim sine se non potest, *l. 18. cod. ita etiam is, cui legata est habitatio, non potest seorsim sine se aliis concedere, sive donare habitationem totam: ut est scriptum in d. l. 10. Quod Constitutio Justiniani etiam non permittit, l. cum antiquitas, C. de usufr. quæ loquitur de locatione tantum, ut is, cui habitatio competit, possit etiam alii locare: non permittit etiam donare: plus est donare, quam locare: nam qui locat, fruitur habitatione percipiendo mercedem. Quæ ratione, & quod Constitutio ait de locatione, possit trahere ad venditionem, quæ duo negotia simillima sunt, locatio & venditio. Nam & qui vendit, quodammodo fruitur habitatione, dum pretio fruitur: qui donat, omne jus illud a se alienat. Ergo dicam, hodie etiam non liceat donare alii habitationem: nam hoc est jus omne a se abdicare. Constitutio Justiniani loquitur de locatione, non de donatione. Ex ea Constitutione inducitur una**

Tom. IV.

A differentia inter usum & habitationem, habitationem posse alii locari, usum non posse alii locari. Plus inesse videri habitationi, quam usui nudo. Et in aliis causis etiam differentia est inter usum & habitationem. At recte Papinianus, ut refertur in l. 10. dixit, pene idem esse. Primum enim usus capitis deminutione amittitur: habitatio non item. Et ratio redditur in l. legatum, de capit. minut. quia legatum habitationis in facto magis, inquit, quam in jure consistit. Difficilis est ratio (ut solent sæpe juris auctores suas alstringere rationes) sed dilatanda est. Usus juris est potius, quam facti, hoc est, jus utendi potius significat jus aliquod, quam actionem seu factum ipsum utendi, atque ideo facile jure civili tollitur, maxime jus tale, quod personæ coheret, quandoquidem persona capitis deminutione immutatur. Habitatio autem facti est potius quam juris: quod facti est, naturale est, quod autem naturale est, jure civili non perimitur. Ergo habitatio jure civili, hoc est, capitis minutione non perimitur; usus nomen est juris, habitatio facti nomen est. Item usus amittitur non utendo, habitatio non amittitur non utendo, quando domus manet, quia scilicet usus nomen refertur ad personam ejus, qui utitur; eo igitur non utente, usus disperit; habitatio autem refertur ad rem ipsam, quæ inhabitatur, adeo ut sepe accipiatur pro domo. Et ut constat ex d. l. cum antiquitas, scilicet dubitationem, an habitatione legata, videatur domus legata, hoc est proprietas. Verbum enim habitationis est ambiguum, nam & rem ipsam, quæ inhabitatur, significat, seu proprietatem. Sed in dubio videbitur legasse tantum inhabitationem, habitatione legata, non ædes ipsas, nisi eam fuisse mentem defuncti legatarius probaverit. Potuit enim (nec mirum) habitationem accipere pro domo ipsa: usus nudus numquam accipietur pro domo ipsa. Igitur non est eadem vis utriusque vocabuli: nec naturum igitur, si non sit per omnia idem effectus utriusque legati.

JACOBI CUJACII J.C.

COMMENTARIUS

In Lib. XIX. Quæstionum ÆMILII PAPINIANI.

Ad l. VII. de Jur. & fact. ign.

Juris ignorantia non prodest acquirere volentibus, facta vero petentibus non nocet.

REGULA est de errore juris vel potius ignorantia: nam juris ignorantia stultitia est potius, quam error. Nostri auctores stultitiam vocant juris ignorantiam, stultum juris ignorantem. Error proprie est ignorantia facti, de qua non est regula in d. l. sed de ignorantia juris tantum. Et est regula, juris ignorantiam non prodesse in acquirendo, id est, si quis aliquid velit acquirere, nihil ei proficiet ad acquirendum ignorantia juris; juris item ignorantem non obesse in conservanda aut persequenda re sua, & ut est in l. 8. hoc tit. juris ignorantiam non prodesse in compendiis, in lucris, si quod captes lucrum: non obesse etiam in damnis amittendæ rei suæ; juris ignorantem premio non affici, sed neque damno multari. Denique ob juris ignorantem, neque nos expensum capere, nec acceptum metueri. Hæc est regula, quæ ita varie concipitur potest, sed nihil ago, nisi declaro, quid sit juris ignorantia, & quæ sit ratio hujus regulæ, & quid juris ignorantia efficiat, vel non efficiat, & nisi omnia exemplis facio dilucidare. Juris ignorantia, non est ignorantia artis nostræ, sed juris ignorantia, est ignorantia ejus juris, quod sciunt omnes, etiam plebei & idiotæ, plerumque rustici. Omnes sciunt jus naturale, id omnes ex natura ipsa habemus, & ad id non eruditi, sed facti,

l i a non

non institui, sed imbuti sumus. Et hoc de jure naturali est certissimum, adeo ut nec ad id pertineat regula, sed ad jus civile. Porro omnes sciunt jus civile, id est, leges publice propositas, & in eas incisas, aut ut hodie sit, scripturae expressione frequenti, multiplices divulgatas passim, & frequentatas. Hæc leges finitæ sunt, sane possunt esse, aut esse debent, ut eleganter ait l. 2. *eodem tit.* infinitas leges perdere reimp. Solebant olim publice perscribi leges in foro, vel incidi planis literis, unde de plano recte legi possent. Et iniquissima mens fuit Caligulae Imperatoris, qui, ut Suet. refert, leges quidem, ut irriteret populum, proponebat minutissimis literis, & angustissimo loco, ut ne cui leges legere & describere liceret, nec tamen ideo minus his legibus teneretur, quod erat iniquissimum, & iusta est earum legum ignorantia. Quod palam publicatum est clavis literis, ut legendi sit potestas unicuique, jus ignorare non possum, aut si ignoro, ipse mihi ignorantia causa sum. Quamobrem eo jure teneor, perinde atque si hoc scirem. Lex omnis est publica, nemo ignorare videtur, quod est publicum, hoc est, quod patet omnibus, aut si quis ignorat, pro sciente habetur, alioqui nemo non depelleret publicam utilitatem. Quod si ex ipsis legibus oriatur aliqua dubitatio, est in urbe bene constituta copia juris interpretum, quos licet consulere, quam rationem spectavit l. regula. §. *sed juris ignor. hoc tit.* Et ait recte, ita facile esse jus scire unicuique quo civitas utitur. Id ergo nescire esse latam culpam, magnam negligentiam, stultitiam nescire, quod sciunt omnes. Et ait Arist. 3. Eth. puniri eos, qui quid eorum, quæ legibus continentur, ignoraverint, vel oportuit scire, & erat facile ea scire. Et sane puniunt, qui committit in legem, qui deliquit contra jus, etiam si obtendat juris ignorantiam: neque enim causatio hæc recipitur, si sit jus naturale, si sit jus civile: sane jus naturale neminem excusat crimine aut pæna, si sit atrocius crimen, quod natura prohibet, ut furtum, homicidium, adulterium: non excusat feminam ignorantia juris naturalis, non minorem 25. annis, non rusticum, sed quandoque miseratio sexus vel rusticitatis, vel ætatis, iudicem perducit ad mediocrem pœnam, l. *auxilium*, de minor. in milite pœna exasperatur, l. *quædam*, de pan. At juris civilis ignorantia sane his pœnis excusabit feminam, & rusticum, & minorem 25. annis, l. *divus*, §. *pen. l. 5. ad leg. Cornel. de falsi*. l. *si quis in gravi*, §. *si quis ignorans*, l. *si id quod doli*, de jurisf. omni. iud. l. 1. §. *ult.* de edendo, l. 3. §. *nostrum*, ad l. *Jul. de adult.* Punitur etiam dolus, non lata culpa. Citra delicta autem in aliis negotiis gerendis juris ignorantia nemini nocet, ut si indebitum solvero per juris ignorantiam, non ideo mihi est deneganda conditio, puta, si id nec naturaliter, nec civiliter debui: Contra juris civilis ignorantia etiam non prodest, hoc est, lucrum non adfert, non prodest in lucro, non obest in damno: ut si per juris ignorantiam solvero indebitum, non ideo condicam, quod nec alias condicerem, non hoc lucro afficiat, quia jus ignoravi, quia res, quam solvi facta est aliena, nec vel remotior ignorantia juris condici potest; ac consequenter ignorantia juris, etiam condici non potest, l. *cum quis*, Cod. de jur. & falsi. ign. & l. *regulariter*, §. *si quis hoc tit.* In usucapione quoque juris ignorantia non prodest, ut si emero a pupillo sine tutoris auctoritate, ut putans me posse id usucapere, non est idonea hæc causa ad usucapionem, l. *numquam*, & l. *si fur*, de usurp. & usuc. l. 4. hoc tit. Et similiter heredi volenti acquirere hereditatem non prodest ignorasse jus, quia in acquirenda hereditate præstituta sunt quedam tempora, puta centum dies, non prodest, inquam, ut post ea tempora admittatur. Quod adeo verum est, ut nec feminis jus ignorantibus subveniatur in lucris, l. 3. l. *quamvis*, hoc tit. nisi sint minores 25. annis, nam hoc ætati sine distinctione fit. Mulieribus quoque solet subveniri jus ignorantibus, sed non in lucris, d. l. *reg.* §. *si quis*. Aliquando etiam rusticis non habentibus copiam Jurisconsulti, quem consulant, sed raro paritur rusticitati ob ignorantiam juris:

A aliquando excusabit rusticum iudex, Sylvicolam puta, qui plerumque juris est ignarissimus, imo juris percipiendi incapacissimus. Et recte d. l. *regul.* §. *sed juris*, si non fuerit rustico copia Jurisconsulti: aliquando subveniri etiam iis in compendiis: sed raro, non temere. Regula hæc difficillimis explicatis habet: & cuius periti ita sunt vulgo interpretes nostri, ut ad primam quidem partem sciunt multa exempla, ad secundam nullum: juris ignorantia non prodest acquirere volentibus, in negotiis sc. civilibus gerendis: neque enim hanc regulam aptari velim ad penales causas, de quibus tamen postea, sed ad contractus, & alias causas non penales. Ergo in gerendis civilibus negotiis juris ignorantia non prodest acquirere volentibus. Acquisitio est lucrum, quod sc. obvenit sine deminutione rei sue: & retro, lucrum est acquisitio rei alienæ ex causa lucrativa, non onerosa; quod acquirimus ex venditione emptione, non est lucrum, si emero vero pretio, quod acquiri ex legato, ex donatione, est lucrum. Lucrum est, quod ex alieno mihi obvenit sine ullo onere meo. Quæ sententia hujus partis est, juris ignorantiam in lucris non prodesse, in acquisitionibus lucrativis, ut quemadmodum in l. 45. juris ignorantia non prodest in usucapione: usucapio est acquisitio lucrativa, est lucrum conjunctum cum alieno detrimento, l. 18. & 19. ex quib. cau. major. Ergo in usucapione nunquam prodest juris ignorantia, hoc est, ignorantia jus non procedit usucapio. Exempli gratia, non possum usucapere rem, quam a pupillo cum sine tutoris auctoritate, etiam si putem, me eam rem jure emisse: neque enim existimatio mea est ignorantia juris, l. *numquam*, in prin. de usuc. 2. §. *si a pup. pro empt.* non possum etiam usucapere, quod licet mihi usucapere, si ignarus juris putem, id me usucapere non posse, l. *si fur*, §. 1. de usuc. Quod notandum. Neque huic exemplo obstat l. *justo*, §. *filius*, de usuc. in cuius specie possidet quis, quod potest possidere, licet putet se id non posse possidere. Cur ergo etiam non usucapit quis, quod potest usucapere, licet putet se id non posse usucapere? Et est species §. *filius* nunc. hujusmodi. Sciendum est filiumfam. peculium non possidere, aut rem pecularem sibi, sed patri; filium igitur tenere quidem rem pecularem corporalem, sed non possidere, quia jus peculii ad patrem pertinet: non possidet rem ex causa peculiari quæsitam, quia & hæc res est peculiaris. Hoc est certissimum. Finge nunc: filiumfam. emit rem alienam, ignorans esse alienam, a non domino, atque etiam ignorans se patremfam. factum morte patris: putabat se esse filiumfam. & erat patremfam. ac in ea cum esset opinione, rem quam emerat sibi traditam, cepit possidere, existimans se esse filiumfam. atque ita ignorans, se eam posse possidere, non ignorans filiumfam. qualem se esse putabat non posse possidere rem peculiarem, an possidet & usucapit? sic videtur, quia plus est in re, quam in opinione, & est patremfam. revera, & possidere eam rem potest, ac vere nihilominus possidet & usucapit. Respondendum, omnem eum errorem, de quo agitur in §. *filiusfam.* consistere in facto, quia talem se existimat esse, ut non possit possidere ignarus conditionis sue, qui error est facti, non juris, ignorans sc. mortem patris, quafactus est pater. ipse. Unde magis spectatur quod in veritate est, quam quod est in existimatione mentis, ut si quis putet se emisse rem a non domino, qui tamen erat dominus & accepisset errans in qualitate venditoris, non in jure civili, non ideo minus videtur traditione dominum acquisisse, l. *pen.* §. *qui ignorans*, hoc tit. At secus est, si putet se usucapere non posse rem, quam potest usucapere, errans in jure, non in rei qualitate, siue natura, non in facto. Hic est merus error juris, idcirco non procedit usucapio, & ita accipienda d. l. *si fur*, §. 1. Unde relinquitur verum esse, in usucapione non prodesse ignorantiam juris, esse enim usucapionem speciem lueri. Error juris non prodest in acquirenda hereditate aliena, puta non prodest jus ignorasse, quo agnoscentia bon. possessionis præscripta sunt certa tempora ut postea admittatur, quod imperitia juris peccaverit, ac

nec femina quidem prodest, l. 3. l. *quavis*, C. de jur. C. fac. *ign. l. juris, qui admittit ad bon. poss.* Minoribus 25. annis prodest etiam in lucris, & militibus, & rusticis aliquando, l. pen. *hoc tit.* Ergo nec femina, nec masculis majoribus 25. annis, juris ignorantia prodest: in lucris, & rusticis etiam raro. Et ita quoque in damno amittenda rei suæ, non tantum feminis succurrit, l. ult. C. de jur. C. fac. Idque Justinianus ait in l. ult. C. qui pot. in pign. hab. non sc. pro lucro fovere mulieres, sed ne damnum patiantur, suisque rebus defraudentur, in damno, inquam, amittenda rei suæ, non tantum feminis subvenitur, sed etiam maribus, l. 8. *hoc tit.* Cujus rei exemplum est in l. 8. *fideicommissa, de leg. 2.* Est species elegans: vir ab uxore herede instituta, aëtorum prædiorum fideicommissum reliquit suis liberis post mortem uxoris: ipsa moriens ea prædia per fideicommissum reliquit, non liberis mariti, quibus erant relicta priore fideicommissio, sed etiam liberis propriis, & liberis mariti, qui petere poterant ea prædia ex testamento mariti, cujus non erant ignari, in solidum sc. repulsis liberis mulieris: lapsi ignorantia juris, longo tempore usque fideicommissio fuit promiscue cum liberis mulieris, amiserunt petitionem prioris fideicommissi? Minime. Ignorantia juris fecit longo tempore, ut non peterent liberi mariti fideicommissum sibi debitum: longo tempore non tollitur actio fideicommissi, quia perpetua est actio, quæ si tempore sublata esset, puta triginta annis præteritis juris ignorantia non restitueretur, l. si quis inf. C. de prescrip. 30. ann. Et ea actione nondum perempta tempore, juris ignorantia suum petentibus nihil obest. Suum enim est, non tam quod suum proprietate, sed etiam, quod suum est obligatio, id est, sibi debitum. Et ita sepius accipitur in jure, & ita sane accipere oportet in b. l. 7. suum sc. vel proprietate, vel obligatione, & rem suam in l. 8. Et ita quoque, ut utar alio exemplo, quia rem suam petit, quæ sc. dominio suo nunquam abesse, neque enim dotis datio plane alienatio est: sed ea ignorantia obest mulieri, hoc est, non prodest persequenti lucra nuptialia ex donatione propter nuptias. Cujus rei exemplum, sed satis difficile explicari est apud Harmenop. l. 1. *Epitom. l. 3. ad fin.* Ex eo iure, quod ea etate obtinebat, quodque obtinuit olim, ut refert Leo philosophus in Nov. 110. & quod jus esset hodie perquam utile. Quæso quid non hodie mulieres post mortem viri artibus omnibus deripiunt? & convasent mobilia omnia, quæ maritus reliquit etiam in fraudem priorum filiorum: huic rapacitati quemadmodum occurrere? exemplo Leonis philosophi in d. Nov. restituo jure veteri, ut sc. mulier, quæ post mortem viri insidens bonis defuncti, non fecisset inventarium omnium rerum, quæ in bonis, aut ex bonis fuissent, submoveretur a petitione rerum dotalium non extantium, quod sc. ipsa eas suppressisse præsumeretur potius, quam maritus ipse consumpsisse veluti *υποβόλη* aut donationis propter nuptias. Qua constitutio placebat etiam eam mulierem filio, vel filiis teneri ceterarum rerum nomine, quas filii juraissent in bonis patris fuisse mortis tempore. Est præclarissima Constitutio & poterit quandoque in usum revocari. Placebat etiam, ut quæ nolisset facere inventarium, non esset potior in hyp. ob causas doti aliis creditoribus defuncti, Nam non potest non dotali malo consilio, quæ inventarium facere detrectat. Id vero inventarium Leo vult fieri intra menses tres. Hoc interpretes ita accipiunt ut fiat intra tres menses in urbe, in provinciis vero intra annum, ut ait Harmenop. *exemplo inventarii*, quod fit ab herede, l. ult. C. de jure delib. & inventarii, quod fit a tutore vel curatore, ut idem Harmen. refert s. *Epit. tit. 11.* Dices, tu vis remedium inventarii occurrere fraudibus, & dilapidationibus mulieris: nec occurris tamen. Nam dum jubet inventarium fieri intra tres menses, satis das eis spatium ad dilapidanda bona defuncti, vel unus dies quandoque suffecerit ad evertenda vasa pretiosa, & periculis omnes: satis itaque esse ita constitue-

re, ut statim a morte mariti eorum publico scriba faceret inventarium rerum, quæ in pecunia sunt, quæ faciliores investigatu sunt, & quæ facilius averti possunt, & subduci; ceterarum autem rerum, quæ sunt in longinquo intra dies, quibus ad ea loca, in quibus sunt, perveniri potest, alioqui, ut dixi, spatium ei dabitur satis, ad evertendam rem defuncti. Sed respondeo, tempus illud non præstituit inchoando, sed absolviendo inventario; inchoari scilicet voluit inventarium, & perfici saltem intra tempora, & pretiosa quæque conscribi primum primo die sine mora ulla, deinde cetera prædia prout exigit familia, vel prædiorum, vel opulentia ratio. Quod obtinet etiam in inventario conscribendo a tutore: Et valde pertinet etiam, quod idem interpretes multis locis volunt, & est quod proprie pertinet ad questionem, ut ignoscatur mulieri dotem suam persequenti, si ignorantia juris inventarium non fecerit, non etiam persequente lucra nuptialia, juxta id, quod diximus, mulieri subveniri ne damnum patiatui rei suæ, non etiam, ut lucrum faciat. Hoc tamen necesse est, ut mulieri, si dotem suam persequatur, quæ lapsa ignorantia juris non fecit inventarium, præstet iurandum: jus *δικασθῆναι* est error in una litera, oportet scribere *δικασθῆναι* per u, ut se purget iurejurando, nihil se subtraxisse, aut subduxisse ex bonis defuncti, & ita quoque Græcis actio ad exhibendum quæ est de exhibendis rebus, quæ supprimuntur, celantur appellatur *πρὸς ἀποκαθίστασιν ἀρπαγῶν ἀγρῶν τὴν ἀκτίον δαρελέμεντες τὰς χεῖρας*. Nec vero mirum videri debet eo casu, si fiat distinctio rei dotalis, & lucra nuptialis, damni & lucri secundum regulam nostram; cum etiam, si, quod notandum est, mulier ignorans jus, ignara juris, puta nesciens se in causa dotis præferri omnibus creditoribus, etiam anterioribus, quod est privilegium dotis comprehendit jure communi; si ignorans, inquam, hoc jus, alios creditores defuncti prætulit sibi, nihilominus habebit integram petitionem dotis, si elle ne s' est payee la premiere, nec propter imperitiam juris damnum dotis suæ faciet: sed non habebit persequentionem lucrorum nuptialium, puta, si iureis persequendis existimavit, potterem esse causam posteriorum creditorum defuncti, quæ non est potior, si sint posteriores, l. ult. sup. qui pot. in pign. hab. Ergo in lucro captando nuptiali, vel quo alio, nec masculo, nec femina, juris error quicquam prodest. Ex hac regula juris oritur questio in debito soluto, an sc. indebitum solutum per ignorantiam juris possit repeti conditione indebiti? Si sit solutum per ignorantiam facti, constat posse repeti: Sed queritur, an etiam indebitum solutum per ignorantiam juris possit repeti? Res non caret dubitatione. Nam in damno versari videtur, qui indebitum solvit per imperitiam juris; ergo ne imperitia juris ei noceat, subveniri ei debet, data conditione indebiti. Contra, lucrum cogitare videtur, qui indebitum quod solvit repetit. Nam quid est lucrum? Acquisitio rei alienæ ex causa lucrativa, vel ex causa non onerosa. Is autem, qui rem indebitam solvit, ac post condicit rem alienam sibi dari oportere, intendit in rem, quæ sua fuit quidem, & nunc est aliena, acquirere vult rem alienam sine impendio ullo, & ut dictum supra, juris error non prodest. Ergo non parit ei conditionem indebiti: oblitus sum dicere deesse negationem circa finem rit. 13. lib. 1. Harmenopoli, Illo loco, *ὑποβόλην ὑποβόλην* & legendum esse, *ὑποβόλην ὑποβόλην*. Nunc tractemus de quæst. supra proposita tantum, non decisa, an ei, qui indebitum solvit per ignorantiam juris, competat conditio indebiti? Ostendi rem non carere dubitatione. Sane opus fuit eam definiri Constitutionibus principum, ut sc. indebiti soluti per ignorantiam juris, non esset repetitio: ut soluti per ignorantiam facti tantum, esset repetitio, quod constat ex lege pen. §. ult. hoc tit. l. cum quis, C. eod. l. error, C. ad l. Fal. Ergo Constitutionibus definitum est, indebiti soluti per ignorantiam juris, non esse conditionem; imo & consequenter, non esse actionem mandati, puta si fuisset inutiliter obligatus *ignatus* juris, in aliam stipulationem habens pro utili solve-

solverit, quod fide sua esse jussit: neque id quod solvit, repetit ab eo, cui solvit, conditione indebiti, neque ab eo, pro quo solvit, per actionem mandati, *l. si fidejussor, §. non male, mand.* Quo loco male Accursius eum habitum alterutram actionem saltem, vel mandati, vel conditionem scribit: nam utriusque denegandæ eadem ratio est consequentiæ. Denique (quod statuo generaliter) in eo, quod amissi recuperando, ac rursus acquirendo, ignorantia juris mihi non prodest, puta si quid amissi solutione, ut dixi, vel temporis præscriptione legitimi, *l. si re, inf. C. de præscr. 30. ann.* Juris ignorantia facit, ne quid meum amittam: non faciet, ut id, quod amissi, non amiserim, facta infecta non facit. Ea ratione *l. 2. inf. de confess.* is qui per errorem juris constituitur se debere, quod non debet, non ideo minus habetur pro confesso. Confessio similis est solutioni. Qui solvit errore juris, non ideo minus videtur solvisse, & alienasse rem suam, quam qui confessus est errore juris, qui habetur pro confesso, qui errore facti, non habetur pro confesso. Nam nihil est magis contrarium confessioni, quam error facti. Confiteor enim de facto, etiam si mihi factum non liquet: nihil igitur confiteor; sed cum de facto mihi liquet, si errans in jure confiteor, sane habebor pro confesso. Nec enim ignorantia juris potest excusare, ut qui est confessus, non sit confessus, ut qui sibi sua confessione damnum acceperit, non acceperit, qui damnum jam fecit, ut non fecerit, qui rem suam amissi præscriptione temporis vel solutione, ut non amiserit. Denique ignorantia juris non restituit quicquam rei amisse. Sed hoc tantum præstat, ne rem amittat nondum amissam, ut in exemplis relatis de fideicommissis ex *l. qui fideicommissa, de leg. 2. & de dote ex Harmonop.* Et eadem ratione, si filiosam pecuniam credidi contra S. Ctum Macedonianum, cum existimarem eum factum patremfam. errore juris, puta existimans eum factum militem excessisse potestate patris, quod est falsum, *§. filius inf. de quibus mod. jus par. pot. l. 3. §. 1. ad Maced.* Nec quod jus ignoravi, hoc colore consequar, ut quod perdidit non videar perdidisse, *d. l. 3.* Et similiter si uxorem duxi eam, quæ nondum virum eluxerit, infamis sum ex edicto prætoris: mulier quæ nubit antequam eluxerat virum, infamis est; is quoque qui eam duxit uxorem, antequam petegerit luctum prioris mariti, infamis est. Igitur si eam uxorem duxi, quæ nondum eluxerat priorem maritum, ipso jure infamis sum, nec possum me excusare ignorantia hujus juris, dicens me edictum prætoris ignorasse: Nam prætextus ignorantie juris non potest delere infamiam, in quam incidi, *l. si filiorum, §. notatur, de his qui not. infu.* Statuamus igitur, in eo quod amissum, recuperando seu recipiendo, juris ignorantiam nobis non prodesse. In hoc tantum prodest, ut ne incidamus in damnum, quod veremur, quodve impendet nobis. Accursius contra Confist. principum, quas retuli initio de non repetendo indebito soluto per errorem juris, sæpissime scribit indebitum solutum per errorem juris repeti posse, hac ratione, quæ illum decipit, ne damnum faciat, qui solvit: inepta ratio: Qui enim solvit indebitum, versatur in damno, non damnum timet: Damnum enim jam ipse sibi attulit, solvendo indebitum, ipse sibi defuit, ut & modo si vult rescire damnum, quod sibi ipse fecit: & creavit: si vult sibi restitui solutum, luerum capiat non per cautionem futuri damni, quia non jam rem suam petit, sed alienam: solutio species alienationis est. Idem etiam Accursius male accepit indebitum, quod scilicet uno jure debetur, non altero, puta jure naturali, non civili, vel contra. Nam in hac questione de conditione indebiti indebitum dicitur, quod nullo jure debetur, id est, in hoc tantum genere indebiti valet differentia inter errorem facti, & errorem juris: puta quod nullo jure debui, nec civili, nec naturali, si per errorem facti solvi, repetam: si per errorem juris, non repetam. In alio genere indebiti, puta quod uno tantum jure fuit indebitum, non utroque, sane nihil interest solverit, quis errans in jure, an errans in fa-

A cho, & neutri etiam repetitio competit: quia & debiti naturaliter tantum & debiti civiliter tantum retentio est. Sane debiti naturaliter, & multo magis debiti civiliter, fit retentio, cum & hujus fit petitio. Abutitur etiam Accursius sæpissime in hoc tractatu legib. ipsis: de errore juris accipit, *l. si sicut, dorem, §. si mulier, fol. matr. l. 5. C. de condi. indeb.* quæ sunt de errore facti. Item in lege mulier ad S. Ctum Turpill. quæ de neutro errore est, sed non opus, ut hæc faciam perspicua. Pergamus ad majora. Diximus, parem esse causam masculorum & feminarum, in lucris nō masculis, nec feminis jus ignorantibus succurri, in damnis succurri. Addamus etiam in penalibus causis circa negotia civilia, ubi dolus coercetur tantum, non culpa, utrique sexui subveniri jus ignorantis, evidētissima ratione, quia dolo caret, qui in jure errat, *l. sed est, §. si re, de pet. hered. l. si quis §. doli, de jurisd. omn. jud. l. 1. §. ult. de edendo, l. si quis in gravi, §. si quis ignorans, de Senatus, Syl. C. Claud. l. 12. si quis in jus.* Juris ignorantia non est dolus, sed lata culpa. Quod rectissime Accursius scripsit in *d. leg. liberorum, §. ult.* ubi autem etiam culpa coercetur, mari jus ignorantis majori 25. annis non succurritur, ut si mas jure civili incestum contraxerit per illicitum matrimonium errore juris, per matrimonium scilicet, aliquin sciet se facere stuprum saltem, & contra legem Juliam, quæ est de omni stupro; sed si per illicitum matrimonium errore juris jure civili incestum contraxerit, ut si duxerit fororis filiam, putans matrimonium non esse illicitum, conjunctionem istam non esse illicitam, ei non subveniri quamvis careat dolo: quia & hoc casu culpa coercetur, quæ lata est & magna: non omnis juris ignorantia, lata ignorantia est, & summa negligentia atque inexcusabilis. Mulieri tantum, jus civile ignorantis succurritur etiam si incestum contraxerit per illicitas nuptias, incestum jure civili, ut *l. si adulterium, C. seq. §. si stuprum, ad leg. Jul. de adulter.* & in casu etiam *d. l. liberorum, §. ult.* Nam ei pariter, quæ ignorantia juris nupit, antequam eluxisset virum. Si mulier jure gentium incestum contraxerit, puta cum parente, avo, aut proavo, nepote, pronepote, vel cum his, qui parentum aut liberorum loco sunt, cum quibus jure naturali incestum contrahitur, tum mulieri non pariter, mulieri in jure naturali erranti non subvenitur; imo nec illi unquam: quia nemo se ignorans juris naturalis, aut possit esse, aut presumatur esse. At contra ea, quæ ante proposuimus, videtur etiam in contractibus de causis non penalibus, quamvis lucrose sunt, hoc est, etiam in lucris mulieri jus ignorantis subveniri, ut in specie *l. de die, §. si servus, qui satisd. cog.* Proponam primum ruditer sententiam hujus §. Ait Papin. in *d. §.* reum auctori cavere judicatum solvi ante litem contestatam, maxime in iudiciis in rem, & cavere dolo fidejussore. Finge: dedit servum fidejussorem, ait Paul. auctori subveniri, ut ex integro caveatur, id est, ut de re alius fidejussor idoneus auctori subveniat etiam majori 25. annis, sc. quantum subicit, majori quoque subveniri: & mox, forsitan, & mulieri subveniri propter imperitiam, juris igitur, nam regulariter ignorantia non dicitur imperitia. Valde queritur, qui sit sensus eorum verborum; *hincime subveniri, forsitan & mulieri, C. de.* An hic est sensus, minori & mulieri subveniri, qui quæve judicatum solvi fidejussorem accepit, ut ei de ex integro caveatur? An vero hic est sensus, minori, & mulieri subveniri, nec obligetur, qui quæve pro altero cavet judicatum solvi? Vel hic necesse est fit sensus, vel ille, utroque offenditur. Priore sensu offenditur, quia & majori 25. annis, inuit subveniri, si servum fidejussorem accepit judicatum solvi, ut frustra fit adjectum etiam minori subveniri & mulieri. Posteriore etiam sensu offenditur, quia constat & in aliis omnib. causis minori subveniri causa cognita; & mulieri ipso jure ex S. Cto Vell. non propter imperitiam juris, ut ait §. si servus, sed propter infirmitatem sexus, aut facilitatem, quod facillime intercedant pro aliis, *l. 2. ad S. Ctum Vell.* Priori tamen sensui acquiescendum est non huic ultimo; magis enim hoc vult Paul. in *d. §. si ser-*

vus pro reo fidei iusserit, iudicatum solvi, quem constat, nec obligari naturaliter ex ista causa fidei iussionis, nec etiam de peculio, l. 2. de fidei iussor. Hoc casu auctori ignorantem conditionem fidei iussoris, hoc est, existimanti eum esse liberum hominem, erranti igitur in facto, non in iure subveniri, ut ex integro ei caveatur; auctori, inquam, majori 25. annis, auctori autem minori 25. annis etiam ignorantem ius subveniri, ut existimet servum recte intercedere. Adhuc, forsitan & mulieri subveniri, propter imperitiam juris: forsitan, verecunde & timide ait, mulieri ius ignorantem subveniri in lucro. Regulariter enim minori quidem subvenitur etiam in lucro, sive masculo, sive femina, sed non feminae majori. Qui ergo regulariter feminae majori 25. annis in lucro non subvenitur, si ius ignoraverit, verecunde ait, hoc casu quo lucri causa agitur, forsitan mulieri subveniri: nam lucrum esse satis acceptio, hoc est, fidei iussoris acceptio, quia promissori jungitur adpromissori, & interest duos reos habere, l. 3. §. ult. de lib. leg. Sed non adeo magnum lucrum, ut respondeat statim, ut hoc invadere oporteat mulierculæ ius ignorantem. Nam & ejus emolumentum rationem non habent JCti in hoc genere legati, heres meus solvito Titio, quod ei Cajus debet: nam ex eo legato JCti non dabant actionem Titio petitori, quasi non admodum illius interesset, duos reos habere, ut ex Jul. Ulp. retulit l. si cui legatur, §. si Titio, de leg. 1. In quo tamen est reprehensus Ulp. a Marcello §. d. l. 3. §. ult. de lib. leg. Et alio quoque argumento ostendamus, satis acceptioem non esse tanti: nam si per errorem juris solvoro rem indebitam, ut ante dixi & modo eam rursus acquirere velim, condicere non possum. Sed si satisfationem legatorum remissam testamentum, putans non posse eam remitti ignorans juris, ignorans Constitutionis D. Marci, si eam præstitero, indebitam igitur, quod fuisset remissa a testatore, benignæ, ut ait l. 1. ut in poss. leg. mihi conceditur, ut liberationem condicere possim, quia non adeo magnum lucrum capto. Est igitur in d. §. si servus, unus casus quo mulieri ius ignorantem subvenitur: nec mirum, cum sit etiam alius casus, quo mulieri ius ignorantem in lucro subvenitur, l. Divus, ad l. Corn. de falsis. Tertius etiam casus est in l. 2. de jure fisci: Ius ex Scto Liboniano. est ut qui sibi adscribit legatum distante testatore, repellatur a legato quasi falsarius. Finge: filia iusti matris testatrix sibi adscripsit legatum ignara Scto, non repellitur a legato, a lucro non repellitur, sed ideo, quia illud fuit nominatum exceptum Scto, l. Divus §. pen. ad l. Corn. de falsis. Idem evenit in hoc casu: Finge mulieri legatum relictum est: illa putat ducta errore juris, se non posse capere solidum legatum, ne rem ipsam celet fisco, se ipsam desert fisco dicens: mihi illa reliquit legatum, quod ego mihi videor solidum capere non posse: spe præmii sc. quod promissum est se deferentibus, ut scilicet ipsum deferens corradat aliquid ex legato, ne totum amittat. Seipsam igitur deferens fisco quasi incapacem solidi, quæ tamen erat capax, an sibi præjudicat? minime. Ergo ei ius ignorantem in lucro subvenitur facillime, quia ita Confir. cautum est in fraudem fisci, cui boni principes raro favent, l. 2. §. ult. de jure fisci. Hi sunt tres casus. Et ita verum esse reperio quod ait l. pen. §. 1. loc. tit. mulieri acquirere volenti in quibusdam subveniri propter imperitiam juris. Regulariter non subvenitur, nec abs re, l. quomodo, C. eod. tit. Non solet mulieri in lucro subveniri, quæ verba, non solet, significant plerumque juris ignorantiam mulieri non prodesse in lucro captando, nonnunquam prodesse ut in l. non solet, loc. Non solet locatio dominium mutare, ita est: sed ait, non solet, quia nonnunquam dominium mutatur, ut in specie legis item si prærio §. pen. & l. in navem, eod. tit.

Ad L. XXXV. de Milit. test.

Miles, si testamentum imperfectum relinquit, scriptura, quæ profertur, perfecti testamenti potestatem obtrinet: nam missum testamentum sola profertur voluntate & Quique plura per

A dies varios scribit, saepe facere testamentum videtur.

Quod traditur in l. 35. est de imperfecto testamento militis, quæ cum regula præcedenti converti potest: militibus ius ignorare permisum est ex Constitutionib. principum, adeo, ut etiam in lucris eis subveniantur propter imperitiam juris, l. pen. §. si filiusfam. de jur. & facti. ignor. l. 1. C. de juris & facti. ignor. l. ult. C. de jure delib. Quia ut significatur in d. l. etiam si ex militibus quidam possint esse periti juris, tamen omnes arma magis, quam jura scire præsumuntur, aut certe oblii esse legum, si quas sciverint olim, postquam ceperunt arma. Denique milites præsumptione sunt ignari juris. Et recte Jul. Frontin. de limitibus agrorum, Dum inquit magis armorum exerceret curis, totum hoc negotium (literarum sc.) veluti obliis intermiseram, nec quicquam aliud, quam belli gloriam cogitabam, & Tacit. in Agric. credunt plerique militibus ingenuis subtilitatem desse, quia castrensis jurisdictio securæ & obscuræ ac plura manu agens calliditatem fori non excoquit. Et privato hæc subtilitatis & calliditatis forensis est, quæ dicitur simplicitas militaris, l. 1. hoc tit. l. 3. C. eod. tit. Denique omnes milites simplices esse existimantur, id est, in callidi rerum forensium, expertesque subtilitatum & apicum juris. His consequens est, quod iisdem Constitutionibus principum caveatur, ut si milites in faciendotestamento non observaverint diligentem observantiam & subtilitatem legum, nihilominus rata sit eorum voluntas, nec eis imputetur, si JCtum non adhibuerint: nam sine Jurisconsulto quomodo cunque fecerint testamentum, valet, ut in antiquo monumento, quidam ita præscripsit quasi testamentum suo: dolus malus abesto & Jurisconsultus. In illo monumento sequitur: ius aditus, libertis libertatibusque meis danto: huic voluntati, ne frans fieret, præscripsit, ut abestet dolus malus, nec adestet Jurisconsultus qui cavillationum est callidissimus. Et similiter in l. pen. §. Lucius, de legat. 2. quidam testatellus se testamentum fecisse sine ullo JCti. his verbis: Lucius Titius hoc testamentum scripsi sine ullo Jurisperito rationem animi mei secutus & patius, quam miseram & nimiam diligentiam, & si minus quid legitime minusve perire scem, pro jure legitimis haberi debet hominis sani voluntas: paganus fuit qui ita scripsit, & plectitur: nam hæc voluntas non habetur pro testamento, & sustinetur tantum jure codicillorum, quia his verbis satis declaravit, qualemcumque voluntatem se valere velle: non potest valere ut testamentum, valebit tantum ut codicillus. Voluntas pagani imperfecta, non est testamentum, ut quilibet voluntas militis, ut ait l. proxima sup. quæ est etiam Papin. ex lib. 14. testamentum perfecti potestatem obtrinet, quia sola voluntate perficitur. Sola voluntate, id est, nuda voluntate, nec exigit solemnia, nec testes probationis exigit: testes, id est, hanc speciem probationis non exigit, signa, subscriptiones non exigit, legum observationem nimiam non exigit. Denique testamentum militis nuda voluntate perficitur: imperfectum testamentum dicitur duobus modis, specialiter & generaliter. Specialiter & proprie dicitur, quod non est signatum septem testium signis: nec testes sufficientes septem, sed signa requiruntur, non tantum jure civili, sed etiam prætorio. Hoc ergo testamentum, quod signatum non est, destituitur & jure civili & prætorio. Ergo plane imperfectum est, quia si labore alio vizio, ut puta, si sit injustum, id est, si in eo filiusfam. sit præteritus, vel si sit ruptum agnatione sui heredis, jure prætorio valet, id est, modo sint signa testium, prætor daturus est bonorum possessionem secundum tabulas, l. postumus, de inj. sup. l. cum tab. de bon. poss. secun. tab. Quæ tamen post constituitur item re, ubi constabit aut injustum, aut ruptum esse testamentum. At si tabulæ non sint obligatæ septem testium signis, prætor non est daturus bon. possess. sec. tabulæ, itaque omni jure imperfectum est testamentum, quod signatum non est. Ergo plane imperfectum est. Et hæc est summa imperfectio testamenti, summum vitium. Et ita perfectum testamentum pro eo quod obligatum

est 7. testium signis accipitur in l. 6. ad l. Corn. de fals. & imperfectum in l. hac consultiissima §. non subscriptum, C. de testam. ubi pro imperfecto legend. non, pro infecto, quod 7. test. signis obligatum non est. Generaliter imperfectum dicitur, quod vitio quocunque laborat, sive non signatum sit, sive injustum, ob præteritionem sui heredis, sive irritum ob cap. minutionem, sive ruptum ob agnationem postumi. Falsum quoque quis non dicit esse imperfectum, quinimo potius nullum est prorsus: hæc omnia vitia imperfecti generali appellatione continentur, l. i. §. si, de tabul. ex lib. l. 2. §. 1. quemad. test. apert. l. si duobus §. si prius, de bon. poss. cont. tab. Imperfectum est, non literis, si sit factum a pagano. Imperfectum est etiam, quod quis copit facere, nec perficere potuit morte præventus, aut verbis amissis, ut in specie legis si is qui testam. qui testam. fac. pos. Imperfectum etiam est, quod quis fecit super portione bonorum tantum. Et quoque modo imperfectum sit testamentum militis, si modo falsum non fuerit, perfecti testamenti potestatem obtinet. Nam etsi notis conscriptum sit, valet, l. Lucius, h. tit. si signatum non sit valet, si sanguine proprio, ut l. milites, C. de testam. mil. scriptum sit in clypeo, aut vagina, aut thorace, aut gladio: si in pulvere in ipso articulo morienti. Hegel. lib. 5. Vere, inquit, bellicum testamentum est, quod non atramento scriptum, sed sanguine, non in charta, sed in mucrone. Item testamentum militis irritum non fit cap. minutione, l. 6. §. irritum, de in i. sup. l. miles filiusfamil. & seq. h. tit. Et præterea nec injustum est testamentum militis, sive non jure factum, in quo sciens se habere filium, eum præterit; nec rumpitur etiam agnatione postumi, ubi scilicet scierit, uxorem esse gravidam, quia præteritio & silentium militis pro exheredatione habetur, silentio exhereditat filium mater, non pater, nisi sit miles. Item non rumpitur testamentum adoptione filii, puta si post factum testamentum miles aliquem adoptaverit ad vicem filii naturalis & legitimi: non rumpitur successione in locum sui, l. 7. l. 8. h. tit. si sui, C. eod. tit. Ac postremo non rumpitur etiam testamentum militis post facto alio testamento, si quidem miles plura testamenta facere voluerit, l. quarebatur, hoc tit. Ut in hac specie. Finge: Miles de tertia portione bonorum primum testamentum fecit: potest enim de parte bonorum testari, de parte non; quod tamen paganus non potest. Deinde idem miles secundum testamentum fecit de alia tertia parte bonorum, post aliud de alia tertia. Tria testamenta sunt & omnia valent. Et hoc est quod ait Papin. in hac l. quique plura per dies varios scribit, &c. Miles igitur pluribus testamentis decedere potest; paganus uno tantum: Nam si eandem speciem posteris in pagano, quam ego posui in milite, non dicam tria esse testamenta, & omnia valere, sed dicam ultimum testamentum tantum valere, etiam si in eo sit heres institutus ex tertia tantum parte bonorum: namque ne sit pro parte testatus, pro parte intestatus, quod jus civile abhorret, dicimus tertiam partem adscriptam heredi, assem ad se trahere, in l. 1. §. si ex fundo, de hered. insti. nihil refert unicuique heredem scribas. Causa testati, ut dicitur, trahit ad se causam intestati, l. pen. de in i. rupt. Illud non est omitendum, vehementer hodie errare nonnullos, qui idem esse existimant, milites & nobiles, sive ut diximus gentiles, gentilibus, qui quæ iura prodita sunt de militibus, putant pertinere ad nobiles: nec enim istas personarum conditiones confundere unquam oportet. Nam & plerunque plebei & ignobiles milites sunt, nec militia desinit esse plebei, non desinit esse plebei, sicut nec filiusfamil. militia desinit esse in potestate patris, quod ex definitione militum & nobilium constabit. Milites sunt qui in numeros relati, & in expeditione degunt, & nobiles sunt, quorum non dico parentes, sed majores, (Nam opus est ad comparandam nobilitatem longa avorum serie) qui feudum a Principe acceperunt, vel ut constet ex lib. Feudorum a valvatore Principis, puta Duce, vel Comite, Marchione, &c. Sunt igitur nobiles, quorum majores feudum acceperunt a

A Principe, vel a valvatore Principis sive capiteo adjuncto onere militie. Nobilitati adjunctum est onus militie, fa-
teor, sed non sunt milites, nisi quando in expeditione occupantur & testamentum eorum citra expeditionem non pertinet ad privilegia militum. Etiam vehementer errant, qui id solum testamentum militis putant esse solum legibus, quod miles facit in procinctu, in acie, in hostico, in ipso discrimine vite. Nam & testamentum, quod miles facit in expeditione, in castris, in stativis, jure militari valet, alioquin nihil distaret hac in re miles a pagano. Potest fieri ut in ipso procinctu interveniat paganus aliquis: hic in acie, in ipso procinctu, si fecerit testamentum minus solemne, si fecerit testamentum imperfectum, scilicet potius videbitur, & perficere, quia & pagano deprehensio in acie remittitur juris solemnitas, & id temporis testamentum a pagano factum licet perfectum, vires habet, l. ult. hoc tit. l. un. de bonor. poss. ex test. mil. Et hac ratione patet, quia tunc temporis, hoc est, in procinctu apud quemlibet prope intermorta est memoria. Obliviscuntur discipline, qui ad pugnam eunt, inquit Xenophon, par est eo tempore subtilitatem legum remitti tam pagano, quam militi. Alio tempore soli militi remittitur, ut si miles testamentum fecerit in expeditione, in castris, vel ut loquitur, lex §. si qui, de re milit. in fossata, vel in stativis, in prædiis, in garnison, jure militari valet. Et puto in §. 1. de milit. test. insti. dum ait, in testamento faciendo non uti privilegio militum eos, qui citra expeditionis necessitatem in suis sedibus degunt, vel aliis locis: puto inquam, male quosdam sedes interpretari stativa: jure possumus, & debemus interpretari ades suas, ut nominatim l. ult. C. de insti. milit. Basil. pro in suis sedibus, habent in suis adibus, nihil moror sive legere volueris sedibus, sive adibus idem est: & male Theoph. sedes interpretatur sedeta: quia sedeta, ut Suidas interpretatur, sunt fossata, id est, castra, aut sane sedeta sunt stativa. Et falsum est, militem testari non posse in stativis jure militari. Igitur non possis sedes, sedeta interpretari, sed ades potius. Explicarem etiam l. 11. & l. 13. sed ne sim tardio, reservabo in diem crastinum.

Ad L. XI. XII. & XIII. de jure codic.

Qui gravi utero uxorem esse ignorabat, codicillis ad filium scriptis, libertates dedit: nata post mortem patris filia, cum de ea nihil patrem sensisse, constitisset, placuit libertates a solo filio præstari posse.

L. XII. Redemptis a sorore paribus.

L. XIII. Illud enim sine dubio dici non potest, etiam filiam manumittere cogendam, cum ab ea nihil pater petierit, & jure suo heres existerit.

E Xplicabo duas quaestiones, quæ sunt in l. 11. & l. 13. de jure codic. Et his, quæ diximus de militari testamento, non male coaptari poterunt ea, quæ dicuntur hodie de posteriori quaestione: nam ex ea intelligitur, imperfectum testamentum esse etiam id, in quo institutio heredis scribitur verbis precariis. Sed de prima quaestione prius dicamus, quæ pendet ex specie hujusmodi. Vir, qui putabat uxorem non esse gravidam, testamentum non fecit, codicillos fecit: nam & codicilli ab intestato fieri possunt, & eos codicillos scripsit ad filium, quem habebat, nihil cogitans de postumo vel postuma, existimans scilicet uxorem vacuum esse utero, & in eis codicillis filium rogavit, ut servum aliquem manumitteret: non potest codicillis factis ab intestato, relinquere directam libertatem, relinquere fideicommissariam. Post mortem ejus nata est postuma; de qua nihil sperabat: codicilli non sunt rupti agnatione postumi, quia ab intestato facti esse proponuntur, qui si facti essent ad testamentum, sane rupto testamento agnatione postumi vel postumæ, & ipsi rumperebuntur, l. 3. l. ab intestato, l. pen. hoc tit. l. 1. Cod. de codic. Sed, ut dixi, codicilli, qui facti sunt ab intestato, non rumpuntur agnatione postumi vel postumæ. Ergo in specie propo-
ita uterque, filius scilicet, ad quem scripti sunt codicilli & postu-

ma patri heredes extiterunt. Quæritur, an uterque obligetur præstare fideicommissariam libertatem? Hæc est prima quæstio huius l. an & a filio & a filia peti possit fideicommissum libertatis scriptæ in codicillis scriptis duntaxat & missis ad filium? & videtur neuter obligari. Ac primum quidem sane non obligatur filia postuma, quia nihil ab ea petiti pater, hoc est, eam non oneravit fideicommissum præstandæ libertatis. Ac præterea filia suo jure heres existit patri ut ait Papinian. initio. l. 13. non ex iudicio defuncti filius heres existit patri, ex iudicio defuncti, quia scribendo ad eum codicillos, videtur sua sponte ei relinquere legitimam hereditatem, l. 8. §. 1. hoc tit. Denique filius venit ad successionem ex tacito iudicio patris, filia suo jure, non ex iudicio patris, cum de ea pater nihil cogitaverit, qui gravi utero uxorem esse ignoravit. Hæc duo sunt opposita, jure suo, & iudicio defuncti, l. cum ab uno, de leg. 2. Ab uno unave, qui quæve venit ex iudicio defuncti, fideicommissum relinquere potest, ab eo autem eave, qui quæve non venit a iudicio defuncti non potest, l. 3. de leg. 1. Et vero etiam a filia fideicommissum non relinquere potest, de qua nihil etiam sensit. Ergo constat filiam postumam non obligari fideicommissum præstandæ libertatis. Dico etiam filium non obligari, licet rogatus sit servum manumittere in codicillis ab intestato, quia servus ille est communis inter illum & forem. Unus autem ex dominis servum communem non potest manumittere, & libertas est individua, quia pro parte libertas non potest præstari. Ac præterea ea libertate fideicommissaria pater non onerasset filium solum, ut verisimile est, nisi solum putasset eum sibi heredem futurum, quod est traditum in l. pen. inf. hoc tit. Ergo neuter obligatur onerare præstandæ fideicommissaria libertatis: filia non obligatur, filius non obligatur, quamvis rogatus sit & oneratus. Et ita quidem se res habet summo jure, sed ex æquitate, favore scilicet libertatis, ne pereat libertas, ut Papin. docet hoc loco oblata æstimatione pretii filio, quia scilicet redimat partem servi a sorore ipse filius post redemptionem servi libertatem præstabit, ut scilicet scribitur in specie l. cum filius, de leg. 2. l. iudicata, de excep. rei judic. l. duobus, de lib. cau. Et ita redempta parte sororis, servus fideicommissariam libertatem a solo filio petet, non a filia postuma. Redimet autem partem sororis frater de pecunia oblata a servo, aut pro servo, non de pecunia sua, arg. d. l. cum filius, & foror compelleretur vendere partem suam, l. i. C. de com. serv. man. ne scilicet servus defraudetur libertate sibi relicta, & hoc est quod ait hæc l. 11. Obstat huic sententiæ quod est in fin. l. pen. hoc tit. in eadem specie: quæ pro parte præstari non possunt, eorum nihil esse præstandum: libertas pro parte præstari non potest: ergo nullo modo est præstanda. Ergo nulla est præstanda, nec a filio, nec a filia, ergo nulla debetur. Sed, ut dixi, ita est accipienda lex pen. & adiciendum, summo jure ita est, non deberi libertatem, sed ex æquitate & favore libertatis, redempta parte sororis a filio; hoc est, postquam redemerit filius partem sororis de pecunia oblata a servo, aut nomine servi, præstabit servo libertatem, arg. d. l. cum filius. Et ita oblata pecunia, & redempta parte servus petet libertatem fideicommissariam a solo filio, non a postuma. Denique solus filius præstabit libertatem fideicommissariam. Obstat huic sententiæ rursus lex alieno, §. 1. de fideicom. lib. ubi ponitur eadem species: moriens aliquis intestatus filium rogavit nominatim, ut servum manumitteret. Natus est postumum vel postuma. Ait ab utroque præstandam esse libertatem, quod mirum in modum videtur pugnare cum illis legibus: sed nihil est, quod tam facile expediti possit. Ita distinguendum est: aut filius redemit partem a sorore, & tunc ab eo solo præstatur libertas: aut filius a sorore partem non redemit, sed ipsemet servus se ab ea redemit, oblato vel soluto partis pretio. Et hoc sane casu libertas præstabitur ab utroque, arg. d. l. cum filius in l. 11. dixit Papinia. a solo filio præstari libertatem, sed adicitur modus ex alio loco Papiniani, redempta parte

tem. IV.

A fororis ab ipso filio scilicet. Quæ species addenda est siue modus etiam ad l. aliud. §. 1. et ad l. pen. hoc tit. nisi scilicet filius redemerit partem postumi vel postumæ de pecunia servili. Obstat etiam l. cum pater, §. cum existimaret, de legat. 2. species est pene eadem. Quidam fecit codicillos ab intestato, eosque scripsit ad consobrinam, nesciens se etiam habere consobrinum: qui simul ab intestato cum consobrina veniet ad successionem, quod eodem gradu sit: & ab eadem consobrina fideicommissum reliquit: utroque herede existente ab intestato lex ait, consobrinam pro parte dimidia fideicommissum relevare, quia pars bonorum ei auferitur concurrente consobrina, & pro alia parte dimidia consobrinum non teneri, qui rogatus non est: fideicommissum igitur inferri pro parte, quandoquidem proponitur sola consobrina rogata nominatim, non consobrinus: ergo pro parte consobriini inferriatur fideicommissum. Et jure quidem ita est, sed post emendabitur. Interea illud observabis, illum §. loqui de rebus dividiis per fideicommissum relictis, & eas separari a libertatibus fideicommissariis, quæ dividi non possunt, & debentur omnino ac præstantur redempta parte consobriini. Et idem obtinet in servitutibus prædiorum, quæ & ipsæ sunt indivisibiles, d. l. cum filius: alie res dividi, & pro parte præstari possunt: & integræ præstabuntur indivisæ, siue ad filium scripto codicillo, & ab eo relicto fideicommissum rei divisiæ postuma nata sit postea, de qua nihil cogitavit defunctus, & fideicommissum a filio relictum sit eis verbis, quisquis mihi heres erit, vel nominatim a filio: primo casu, quisquis mihi, &c. certum est, filium teneri pro parte, & postumam pro altera, quia omnem heredem oneravit illis verbis, quisquis mihi heres erit, l. 3. et l. ab intestato, hoc tit. Quid si nominatim fideicommissum reliquerit tantum a filio? Et hoc casu videtur solus filius teneri, vel in solidum, vel quod magis est, pro parte dimidia tantum, ut relevetur, sed interim videtur solus ipse teneri, l. pen. hoc tit. l. post emancip. §. 1. de leg. 3. Et in simili casu, l. quidam §. ult. h. t. Sed æquior est sententia Ulpiani: qui hac in re Marcellum notavit in d. l. pen. his verbis: imo duntaxat partem debet, lex pen. est Marcelli. Sed hæc verba sunt ex nota Ulpiani: imo duntaxat partem debet. Marcellus scripsit filium totum debere, qui rogatus est nominatim. Ulpian. notat, imo duntaxat partem debet, perinde ac si dixisset, quisquis mihi heres erit, aut pro parte inferriatur fideicommissum; hoc est, pro altera parte non tenebitur postuma, quod est verius. Cur tenetur filius pro parte tantum, ut voluit Ulpianus, quamvis ipse solus sit rogatus nominatim? quia hoc fit ex æquitate, quia filia ei facit partem & auferit partem. Equum est igitur ut pro ea parte filius relevetur, quod res divisionem patitur: & eadem nota est addenda ad Scævolum, sicut in simili casu eadem nota additur ad Scævolum, d. l. quidam, §. ult. h. t. ex Africa. no in l. quæ eam sequitur, l. sed eum, de jure codicill. Summa hæc est: libertatem fideicommissariam præstari omnino, quia dividi non potest, & præstari remedio redemptionis: eodemque remedio præstari servitutem prædii, quæ etiam est individua, rem dividiuam, si relicta sit his verbis, quisquis mihi heres erit, præstari a filio pro parte, a sorore pro altera parte: si relicta sit nominatim a filio, præstari tantum pro parte filii, pro parte interdicere fideicommissum.

E

Ad §. Tractari ejusd. L. XIII.

Tractari solet de eo, qui cum tabulas testamenti non fecisset, codicillos ita scripsit: Titium heredem esse volo: sed multum interest, utrum fideicommissariam hereditatem a legitimo per hanc scripturam, quam codicillorum instar habere voluit, reliquerit, an vero testamentum facere se existimaverit: nam hoc casu nihil a legitimo peti poterit. Voluntas autem quæstio ex eo scripto plerumque declarabitur: nam si forte a Titio legata reliquit, substitutum adscripsit, heres si non extitisset, sine dubio non codicillos, sed testamentum facere voluisse intelligitur.

Altera quæstio est perbrevis, quæ proponitur in §. 3. l. 13. Species est: Titium heredem esse volo. Hec verba

K k

verba sunt precaria, non directa: verbum volo, est precarium, sicut verbum, *rogo, mando, cupio, peto*: non est directum verbum, sicut si dixisset, *heres esto*. Hæc igitur verba sunt precaria, *l. quidam testamento, de leg. 1. l. 11. §. si filio, & l. nomen, de leg. 3. §. ult. Instit. de sign. reb. per fid.* Hæc igitur scriptura, *Titium heredem esse volo*, non est testamentum, etiam si quis ita dixit, *volo facere testamentum*, quia testamentum non fit verbis precariis. Quid est testamentum? institutio heredis directa. Institutio non fit verbo precario, non fit verbo, *volo*, sicut nec verbo, *facio*, nec verbo, *instituo*: Nam ut Ulp. scripsit in fragmentis, hanc institutionem plerique improbant, *Titium heredem instituo, & illam quoque, Titium heredem esse volo*, sed ita erat instituendus heres: *Titius heres esto*, vel, *Titius heres sit*, quæ verba sunt directa & imperativa. Quæ tamen differentia verbum hodie est sublata a Justin. in l. quoniam, C. de testam. Nam hodie si ita testator heredem scripserit, *Titium heredem esse volo*, si voluerit facere testamentum, verbum precarium accipitur pro directo, & valet testamentum. Sed mittamus constitut. & tractemus, quod hic a Papiniano dicitur, ut debemus. Secundum jus vetus, quod obtinuit ante Const. hæc scriptura, *Titium heredem esse volo*, non est testamentum, etiam si voluit facere testamentum, quia id non fecit solemniter verbo, & civili, quo facere debuit. At quemadmodum intelligemus, voluerit facere testamentum an codicillos? Est questio voluntatis: voluntas sola non facit testamentum, nisi militis. *Volo facere testamentum*, utor & verbis precariis ego, qui sum paganus, imperfectum est testamentum meum, quia non sola voluntate perficitur, sed & verbis solemnibus, & aliis quibusdam observationibus adhibitis. Ergo si volo facere testamentum, nullum est testamentum: si volo facere codicillos, valebunt codicilli, & proximus agnatus mihi heres erit ab intestato, & deducta Falcidia restituet bona. Titio, quia videor fideicommissariam heredit. Titio reliquisse a legitimo herede, quandoquidem codicillos facere volui, non testamentum. Et hæc voluntatis questio declaratur ex scripto: voluntatis questio, inquit, pleniusque declaratur ex scripto: *voluntatis questio, proprius accedere ad voluntatem scriptoris illum, &c.* Et sane in hac specie, cum ita scriptus est heres, *Titium heredem esse volo*, illum voluisse facere testamentum ex scripto declarabitur, ut puta, si a Titio legatum reliquerit: nam legata ab intestato relinqui non possunt, §. præterea, Instit. de fideic. heredit. Item, si in eadem scriptura Titio substituerit vulgari modo, si heres non esset directo modo, quia nec codicillis scriptis factis ad testamentum substitutum scribi potest. Idem quoque erit, si in eadem scriptura filium exheredaverit, eadem ratione, quia exheredatio inutiliter scribitur codicillis, siue ad testamentum facti sint, siue ab intestato, §. ult. Instit. de cod. l. non codicillum, C. de testam. quæ ait, satis probari ex institutione & exheredatione, defunctum noluisse facere codicillos, sed testamentum. Ex scripto igitur colligitur, voluisse eum facere testamentum: Hoc est, si ita heredem scripserit, *Titium heredem esse volo*, ex scripto satis apparet, eum voluisse testamentum facere: testamentum est imperfectum propter verbum *volo*. Non valet etiam jure codicillorum, quia noluit facere codicillos, sed testamentum, & non apposuit clausulam codicillorum, vel hanc clausulam, *ut & ab intestato valeretur sua voluntas*. Denique ea voluntas nullo jure valet, propter id solum verbum, *volo*, etiam si nihil sit præterea in ea scriptura, quod reprehendas. Et confirmatur l. testamento, C. de fideic. quæ lex est conjungenda cum d. l. non codicillum, C. de testam. nam est eorundem Imperatorum ad eundem, & substitutio eadem, quæ ita integratè est restituenda: sub die 8. Id. Decemb. Cæsari. Coss. Et res est eadem. Utriusque legis nexus evidentissimus lex non codicillum, ait, ex institutione, & exheredatione defunctum testamentum facere voluisse, non codicillos. Additur in l. ex testamento, si id testamentum, quod voluit facere, jure factum non sit,

A si solemniter factum non sit, nec fideicommissum ex eo deberi, id est, nec jure codicillorum id testamentum valere, quia omisa est clausula codicillaris. Et ita in specie nostra, si voluit facere testamentum illis verbis, *Titium heredem esse volo*, nullo jure testamentum sustinetur, etiam si omni alio vitio careat, & Titius nihil poterit petere a legitimo herede jure fideicommissi, quia non fideicommissum facere voluit, sed directam institutionem.

Ad L. unum Ex familia LXVII. de leg. 2.

Unum ex familia, propter fideicommissum a se cum moveretur, relictum, heres eligere debet: ei quem elegit frustra testamento suo legat, quod posteaquam electus est, ex alio testamento petere potest. Virum ergo non constituit, quod datur, quasi creditori relictum? an quamdiu potest mutari voluntas, non restit creditori comparabitur, siue tamen durat electio, fuisse videtur creditor, siue mutetur, ex neutro testamento petitio competit.

L Ex valde celebrata ab omnibus, nec immerito. Est enim plena rerum quotidianarum copia. Ejus legis prima propositio hæc est: *unum ex familia, &c.* Finge: heres rogatus ut ex familia defuncti dare fundum illum, cum moreretur, hoc modo: *rogo te heres, ut uni ex familia mea fundum illum des siue restituas, cum morieris*: valet legatum seu fideicommissum, quia in arbitrio heredis non ponitur, an det, quod esset inutile, sed cui det, l. utrum §. cum quidam de reb. dub. Et heres eligere debet unum, cui det. An possit eligere duos vel plures ex familia defuncti, post videbimus, modo constitamus in terminis superioris propositionis: unum ex familia heres eligere debet, quia & uni proponitur relictum esse fideicommissum, non uni nominatim: quo casu non esset electioni locus, sed uni incerto, hoc est, uni ex duobus vel pluribus, quem elegerit heres, cui constituerit se velle dare, vel si heres nullum elegerit, omnibus debetur fideicommissum ab herede heredis, quicquid sunt in familia, & nomine testatoris, quod latius demonstrabitur inferius. Nunc adnotemus, multum interesse, utrum quis fideicommissum reliquerit simpliciter uni ex familia, cui voluerit heres dare, cum morietur: Hoc adjecto pono duos casus, & inter eos esse discrimen: Nam priori casu, si fideicommissum reliquerit simpliciter uni, cui vellet heres dare, heres semel tantum eligere potest, cui velit dare, nec tamen statim post mortem testatoris cogitur eligere & dare, sed datur ei modicum & iustum spacium arbitrio boni viri ad deliberandum & consulendum, cui det, in l. 24. infr. hoc tit. l. cum quidam ita, de legat. 2. Et obtinet semper: tota enim causa testamentorum constat voluntate defuncti, modo nuda, modo solemniter & iusta. Igitur, etiam si simpliciter testator fideicommissum reliquerit uni, cui vellet heres dare ex voluntate defuncti, heredi erit plena & perpetua eligendi libertas, ut in specie quam tractat Quintilianus declam. 318. amicum meum heredem instituit, & petit ab eo, ut ex duobus libertis, quos reliquerat, utri vellet decem millia daret, hoc consilio, ut spe electionis adducti liberti vivo heredi obsequerentur, tanquam patrono, cum prædixisset, nullam apud eos fore reverentiam amicitia, quæ inter eum & heredem erat. Si probetur hoc fuisse consilium patroni, hoc propositum, hæc ratio testamenti, heres non compellitur alterum eligere, quamdiu vivet, non ei præstituitur certum tempus arbitratu boni viri, intra quod hunc vel illum eligat, sed electionem trahet, si velit, usque ad extremum vitæ diem, pericula ac si patronus nominatim fideicommissum contulisset in tempus mortis heredis ut in posteriore casu ante propositum, *rogo te heres, ut uni ex familia mea, quem elegeris, fundum illum restituas, cum morieris*. Quo casu constat, heredem posse subinde mutare voluntatem & electionem in §. 1. & §. rogo hoc tit. heredem posse variare, ponere, modo hoc velle, modo illud: modo

modo velle, modo nolle, quia quicquid confertur in mortem, ejus arbitrium currit furtim deorsum tota vita, atque ideo omne spatium vite heredi est liberum ad eligendum, & suprema electio servatur non prima: non sufficit hunc eligere, si non durat electio, & contra non officit hunc rejicere praelato altero, si qui rejectus fuit primum, nunc eligitur. Ergo certissimum est, hoc casu ambulatoriam esse voluntatem heredis usque ad supremum vite exitum, sicut dicitur de voluntate testatoris, eam non esse firmam & stabilem, sed fluctuare & ambulare usque ad mortem: morte sola confirmari testamentum, morte item sola heredis confirmari electionem. Et hoc diximus, si fideicommissum sit ita relictum, cum morietur heres. Hæc adiectio manifeste rem confert in mortem heredis. Sed idem erit omnino, eadem erit vis verborum, si non dixerit, cum morietur heres, sed cum volet heres, hoc modo: *rogo te heres, ut uni ex familia mea, cui volueris, & cum volueris fundum illum præstes & restituas*. Idem igitur est, si non dixerit, cum morietur heres, sed cum volet, aut cum voluerit, sed quodcumque volet, aut voluerit, ut in l. uxorem, §. Sequi vult, leg. l. cum pater, §. ult. hoc tit. Et ita observandum, vehementer, multum interesse dixerit testator, tantummodo cui volueris, rogo te ut sis, nullo alio adiecto: nam hoc casu heres semel duntaxat eligere potest. Hæc enim verba, cui volueris, non habent tractum, nisi iusti & modici temporis ad deliberandum, ut dixi ante. Verum si dixerit, cum volueris, vel quodcumque volueris, hæc verba tractum & extensionem habent usque ad mortem heredis: interim si quem elegerit, variare potest, & ab electione recedere aliumque eligere. Notanda est hac in re alia verborum differentia, rogo te, cui volueris dare: nam semel tantum eligere potest, l. 17. §. ult. hoc tit. At si dixerit, cui volueris relinquere hoc modo, rogo te, ut uni ex familia cui volueris fundum illum relinquas: hoc casu heres subinde sententiam, electionem mutare potest: heredi est perpetua voluntas eligendi, quamdiu vivit, §. sed si fundum, in h. l. quia verbum, relinquendi, rem trahit usque ad mortem, in l. 11. §. si filio, l. sequi, l. 1. §. ult. de tab. exhib. Relinquere est mortuorum, non viventium: dare est viventium magis. Atque ita differentia est inter dare & relinquere hoc modo: heres rogo te, ut des, vel rogo te, ut relinquas, quam differentiam etiam observant Grammatici quodam loco Rom. II. 2. Qui locus etiam servit exemplo fideicommissi: Scribit, Vulcanum sceptrum, quod fabricaverat dedisse Jovi, Jovem Mercurio, Mercurium Pelopi, Pelopa Atreo, cum hi dederint ultro & sua sponte: at subicit, Atreum reliquisse Thyesti, & Thyestem reliquisse Agamemnoni, quia scilicet uterque non rem libenter dedit, quam necessario reliquit. Atreo Thyestes fuit frater, cum quo gerebat iustas inimicitias. Agamemnon autem Atreo fuit filius major natu, sed adhuc impubes: noluit patri lubrico ætatis sceptrum relinquere, & maluit vel fratri inimico relinquere, fide interposita restituendi Agamemnoni, quam fidem fratri Thyestes etiam exhibuit, & proprio Ægystho filium fratris prætulit Agamemnonem. Atque ita uterque Atreus Thyesti, & Thyestes Agamemnoni magis necessario reliquit, quam libenter dedit, ut testamentis certe non tam libenter damus, quam necessario relinquimus, non daturi si viveremus. Denique relinquimus, quod asportare nobiscum non possumus. Et hæc differentia satis colligitur ex supradictis locis, ex §. sed si fundum hujus l. conjuncta leg. 17. §. ult. hoc tit. & ex supradictis aliis legibus. Ex his intelligimus, quod initio dixi, multum interesse, utrum quis legaverit simpliciter cui voluerit heres dare; an cui voluerit heres dare, cum morietur, vel cum voluerit, vel quodcumque voluerit, vel cum voluerit relinquere. Sed addendum in utroque casu hoc jus esse commune, ut priore casu, si legaverit simpliciter cui voluerit heres dare, ut herede non eligente, omnibus competat petitio fideicommissi, d. l. 17. §. ult. l. Labeo, §. ult. de statulib. Sin vero fideicommissum reliquerit hoc modo, cui voluerit dare cum

Tom. IV.

A. morietur: nemine electo, omnes, qui sunt ex familia defuncti vocantur ad fideicommissum, §. sed si uno hoc tit. Ergo quodam modo videtur esse duplex fideicommissum, purum & conditionale, perinde ac si ita dixisset, uni ex familia, quem moriens heres elegerit, vel si non elegerit, omnibus. Qua de causa in hac l. §. si fil. uno electo ex familia ab herede, lex ait, ceteros conditione defici, quasi scilicet, videatur in omnium persona legatum fuisse conditionale, in electi persona purum. Eligit autem libere heres, quem vult ex familia defuncti, vel proximiorum, vel ulteriorem, non servatis gradibus cognationis, & unius electio excludit ceteros. Et ita accipiendum est, quod ait initio hujus legis, & unum eligere sufficit, cujus scilicet, cumque gradus sit, ad excludendos ceteros, qui sunt ex eadem familia & nomine.

B. Non eligente autem herede & moriente nemine electo, ipso jure omnes, qui sunt ex eadem familia, invituntur ad fideicommissum. Sed si quamplurimi, aut penè innumeri, sane si diversis fideicommissum inter partes, in minutissimas diversis, atque ita inutile fideicommissum efficeret. Ideoque hoc casu cum nimis magnus est numerus eorum, qui sunt ex ea familia, æquius est ita rem temperare, ut proximiores admittantur, l. 32. §. ult. de leg. 2. l. pro §. frater, de leg. 2. hoc tit. Sicut si testator generaliter petierit ab herede, non fundum alienaret extra familiam: nam hoc casu heres elegerit, quem vult, §. sed & si fundum hoc tit. & l. pater filium, ad l. Fale. & l. filius. §. cum pater, de leg. 1.

C. Nemine autem electo, omnes vocantur gradatim: quando & magnus numerus familiarum, proximiores admittuntur, ut ante dixi, d. l. pro, §. si fidei. Inde subsequitur quæstio, quam post proponemus. Initio legis propoñite, subicit Papinianus. Heres rogatus est uni ex familia quem elegerit, fundum restituere cum morietur, vel post mortem suam, unum elegerit & si testamento suo eundem fundum legavit: an valet legatum? Et respondet, statim inutile esse legatum, quia ei quem elegerit, heres fundum debere cepit ex priori testamento: Debitor autem creditori non jure legat id quod debet, l. Mævius, §. 1. hoc tit. Et ita respondet Papinianus, hoc loco. Sed obijcies: non ita heredem obligari ei quem elegerit statim, ut non possit se absolvere, cum voluerit mutata voluntate, & alio electo. Sed respondeo: heredem obligari ei, quem elegerit, ex priore testamento, quamdiu non mutaverit voluntatem: & si forte mutaverit, desinet obligari, & ex heredis testamento, quo ei quem elegerat, fundum legavit, non esse legati petitionem, quia mutata voluntate legatum illud extinguitur, quod etiam non fuit proprie legatum, sed electio, vel electionis repetitio supervacua, si prius elegerit, deinde legaverit electo eundem fundum; deinde, si heres alium elegerit incipit obligari ei quem novissime elegerit: ambulat obligatio ambulante voluntate heredis: vel si neminem elegerit heres heredis obligatur omnibus, qui sunt ex ea familia. Denique vel non facta electione ab herede, omnes, qui sunt ex ea familia, intelliguntur creditores: vel facta electione, is tantum intelligitur esse creditor, qui novissime electus est. Priore casu heres heredis omnibus frustra legaverit; posteriore heres electo frustra legaverit, quia debitor creditori inutiliter legat id, quod debuit: nisi amplius aliud sit in legato, quam in debito. Didicimus, herede rogato per fideicommissum restituere, vel dare cum morietur uni ex familia testatoris, quem ipse heres elegerit, hoc est thema, quod versatur in hac leg. ei esse plenam & perpetuam libertatem eligendi cui velit fundum dare, & variandi quamdiu vivit, & ultimam demum hujus electionem valere, non primam, ac nullo electo, omnes qui sunt ex familia testatoris, ad fideicommissum vocari, non servata gradus prerogativa, nisi ingens sit familiarum numerus, & eligi ab herede posse vel unum ex familia testatoris, cuiuscumque gradus sit, & unius electione ceteros excludi, ceteros conditione deficere, ut in §. 1. hoc tit. ait si forte tres sint ex familia ejus, qui fideicommissum reliquit eodem

Kk 2

eodem vel dispari gradu, nil refert, & satis unum esse eligere, & postquam paritum est voluntati, ceteros conditione desicere. Didicimus etiam, ei quem elegerit, heredem frustra in suo testamento legare fundum, quem statim electio fecit, ut ei deberet heres ex alio testamento: nam si in ea electione perseveraverit heres, videri creditori legasse, & debitor creditori jure non legat: si electionem mutaverit, neque a primo testamento, neque ex testamento heredis ei quicquam deberi quia neutro testamento quicquam ei legatum videtur; non priore testamento, quia legatum proponitur ei, quem elegerit heres: nam istius personae electio non duravit: non testamento heredis, nam legatum illud heredis mutatur. Porro mutatur electio non tantum alio electo sed etiam nullo alio post electo, nuda scilicet voluntate, si declaraverit heres, se ei dare, nolle, quem autem elegerit: nec est eadem ratio testamenti, & electionis testamentum non infirmatur nuda voluntate: electio infirmatur nuda voluntate, quod Accursius servat recte in princ. hujus *ad verbum, mutatur*. Hæc est brevis comprehensio ante dictorum, cui illud adjecimus postremum, quod diximus de electione.

Ad §. Si Falcidia.

Si Falcidia queratur, perinde omnia servabuntur, ac si nominatim ei, qui postea electus est, primo testamento fideicommissum relictum fuisset: non enim facultas necessaria electionis, propria libertatis, beneficium est. Quid est enim, quod de suo videatur reliquisse, qui quod relinquit, omni modo reddere debuit.

Id est, itaque si cum forte tres ex familia essent ejus, qui fideicommissum reliquit, eodem vel dispari gradu, satis erit uni reliquisse: nam postquam paritum est voluntati, ceteri conditione desiciunt.

Sequitur alia quaestio, cui conjungitur explicatio §. 1. An heres, qui rogatus est uni, cui voluerit fundum restituere, possit duos, vel plures eligere, vel omnibus relinquere fundum? Et dicam statim posse: nam in §. 1. hujus, si satis esse uni relinquere. Sensus hic est: posse omnibus relinqui, sufficere uni relinqui. Et ideo, sicut in hoc genere legati conditionem subintelligimus, ut si heres neminem elegerit, omnes vocentur ad fideicommissum, qui sunt ex familia defuncti: ita non male subintelligimus, ut fundum restituat uni, cui voluit, vel pluribus, quibus voluit: nam & istud genus legati ita extenditur in §. *sed etsi fundum*, & §. *rogo fundum, hoc tit.* Ac præterea, si non eligendo heres efficere potest, ut omnes ad fideicommissum veniant, qui familiares defuncti fuerunt, cur non possit etiam idem eligendo, siue relinquendo omnibus? Ac rursus, si partem hujus fundi heres potest assignare, & adscribere duobus, vel pluribus ex ea familia, §. *si duos hoc tit.* cur etiam non totum fundum poterit omnibus relinquere nulla habita electione, nullo habito discrimine personarum, quæ sunt ex familia? Nec quicquam mutat, quod fideicommissum uni relictum sit. Nam hæc verba sic accipiuntur, ut vel uni restituatur ex familia. Idemque est sensus horum verborum, *peto ne fundus de familia mea exeat*: nam vel uni vel quibusdam, vel omnibus fundum heres relinquere potest. Et similiter e contrario, si dixerit, quibus voluit ex familia restituas, satis erit, si uni restituit, uni relinquit, unum eligat, *l. 24. b. t. in testam.* & in legibus & in sermonibus omnibus, plerumque multa subaudiuntur: nam non possumus omnia fari, quæ meditatur, & non ita fari, ut meditatur: vis mentis vim orationis nostræ superat longissime: in testamentis pleraque sunt *προσθηται*, id est, quæ subintelliguntur & subaudiuntur, ut *Grammatici dicunt*, quæ quidem ut in narrationibus, quas breves esse oportet, rhetores omitti jubent, quod satis per se intelliguntur: ita omnia in testamentis suppletur facile: nam & testamenta breviter habent, testamentum fit tribus verbis, *Petrus heres esto, l. 1. l. cum in testamen-*

to, l. si itaque heredes, de heredib. instit. Juvenal. omnia soli forsitan Pacuvio breviter dabit. & alibi: qui se causam atque legatum exiguis tabulis & gemma fecerat una, *l. 1. l. si ita quis heres, de heredib. instit.* Si igitur heres omnes, qui erant ex familia defuncti elegerit, omnes creditores fuisse intelliguntur, & fundus eis in testamento heredis frustra legabitur, res scilicet debita a debitore creditoribus frustra legabitur, vel si omnes heredes scripserit in suo testamento interveniente Falcidia, in ære alieno fundum deducant, quasi sibi debitum, deinde Falcidiam ex legatis, seu deductionem Falcidiæ præcedit semper deductio æris alieni, in quo computabunt illum fundum, quasi sibi debitum: nam deducunt non tantum æs alienum, sed & sibi debitum & id, quod cui ex eis defunctus debuit, *l. pater famil. ad l. Falcid.* Nec quicquam mutat, quod heres unum vel quosdam eligere poterit, & unum præferre alteri: nec enim ideo videtur beneficium dedisse ei, eisque quos elegerit, quia necessariis, vel hunc, vel illum, vel quosdam eligere debuit, vel omnibus relinquere illum fundum. Et quod necessitate fit, non est beneficium, non est liberalitas. Et hoc est, quod ait in §. 1. facultatem necessariam electionis, non esse beneficium propriæ liberalitatis, cum idem patet, *l. rem legatam, de adm. leg.* Qua tamen in eandem rem quidam abutuntur, dum ajunt, neminem in necessitatibus liberaliter existere. Nam ea lex hoc vult, multum interesse, utrum rem legatam testator venderit, an donaverit: nam si venderit, distinguimus: aut vendidit propter necessitatem rei familiaris, & debetur legatum, quia non habuit animum adimendi legati, sed coactus necessitate rem legatam vendidit: si vero mera voluntate vendidit, videtur adimere legatum. Eadem distinctione non utimur, si donaverit: nam quicunque donat mera voluntate, donat semper: nemo donat propter necessitatem rei familiaris, ut ea, se absolvar dum premitur. Ergo nemo in necessitatibus liberalis existit, id est, nemo dum premit eum egestas donat: non enim hic est sensus, ut non sit donatio, quæ necessitate fit. Sed redeamus unde abimus: consequens est, quod ante diximus, ut si heres ei quem elegerit, fundum in suo testamento legaverit, aut prælegaverit, & interveniat Falcidia in testamento heredis, ex eo legato non detrahatur, quia non est legatum, quod necessitate relinquitur. Legatum est in genere liberalitatis, *l. cum non facile, si cui plus quam per leg. Falcid. l. pen. de testam.* Necessaria electio non est liberalitas, & legatum illud nihil aliud est, quam electio necessaria: electio est, quia heres est debitor fideicommissi. Necessitatis verbo significatur obligatio in *l. post certis temporis, C. de liber. cau.* Pactum nullam habere necessitatem, id est, ex pacto non nasci obligationem, quod & varie possit comprobari. Ergo quod ait Papinianus initio hujus *l. unum ex familia heres eligere debet*, plane necessitatem significat: debet, id est, cogitur, eligere vel reddere. Et ut ait in §. 1. omnino debet eligere vel reddere ipse, aut heres ejus: nam si priusquam eligat, moriatur heres, heres ejus omnibus cogitur reddere fideicommissum, fundus quidem est in legato ex testamento priore, non ex testamento heredis. Et ideo, si in testamento heredis interveniat Falcidia, in primo non interveniat, fundus ab herede legatus Falcidia non minuitur: contra, si in primo interveniat Falcidia, etiam non interveniat in testamento heredis, fundus minuitur per legem Falcidiam: quia perinde est atque si is fundus in primo testamento fuisset legatus nominatim ei, quem elegit heres, vel eis, quos elegit: non fuit legatum nominatim, quia incertum est legatum: hæc sunt opposita, incertum esse legatum, & nominatim esse relictum, ut in illa declamatione Quintiliani 218. Ad rursus non est plane incertum legatum, aliquo esset inutile, quia certe sunt personæ, quibus incerto legavit, puta quem elegerit heres, §. *sub cond. inst. de leg.* Ex his facillime intelligimus §. 1. *Ex §. si Falcidia*, inter cetera intelleximus, legata esse in genere liberalitatis, legatum siue fideicommissum in liberalitate, & beneficium consistere. Sane legatum definitur esse donatio quæ-

quædam, l. 36. hoc etc. quo modo, & fideicommissi definitio inchoari potest. Et definitur recte esse donatio quædam nam est proprii cuiusdam generis donatio: non est donatio inter vivos, relinquatur enim potius, quam datur: legatum vel fideicommissum mortis causa dicitur capio, l. mortis causa capitur, de mort. causa donat. & non insinuat: non est etiam donatio causa mortis, quia convalescentia non revocatur, sicut donatio causa mortis. Est igitur proprii cuiusdam generis donatio, hoc est, donatio quædam, ut in l. rogasti, de præst. verb. si me rogaveris mutuum pecuniam, & ego cum pecuniam non haberem, tibi rem vendendam dederam, ut pretio utaris, lex aut esse genus quoddam proprii contractus, negotium gestum esse quoddam; id est, non esse mutuum, non esse commodum, sed proprii cuiusdam generis contractum. Et ita Arist. 4. Ethic. verendum esse metum quendam infamiam: neque enim idem est prorsus, quod metus, verecundia ruborem, metus pallorem inducit. Ex eo autem quod diximus, legatum esse donationem quandam, & munificentiam, sive liberalitatem, scilicet cuiusdam generis, in iure multa sequuntur ex eo verbo: ut non possis obligare rogando eum, cui nihil dederis, non possis ab eo legatum, aut fideicommissum relinquere, quia de suo, non de alieno quemque largiri oportet, l. 6. ult. t. seg. Largitio, quæ sit de alieno: non est liberalitas: ergo nec legatum: quin in multis casibus largiri de alieno, esse species furti, l. si pignore, §. i. de furt. Ex eo etiam sequitur, ut turpia legata non valeant, l. turpia, de leg. 1. quibus convitio aliquo oneratur legatarius, ut si quis ita mulieri legaverit: illi ut habeat, unde ingluviem suam exsaturet, suæ omnes meas do, lego, scrophos, trojas meas omnes do, lego, ut Messalla in lib. de orig. Augusti, scribit suæ vulgari sermone Latino appellari trojas: ut solemus nos Galli appellare de troijs, & inde vexillo Trojanorum insculptam fuisse suam. Ergo non sunt beneficii aut liberalitates, quæ contumeliose relinquuntur: contraria sunt honori, ergo & legato, legatum enim est honos. Denique contra naturam legati est, alicui cum convitio contumeliose legare. Qua ratione etiam iure veteri non valebat legatum relictum pœnæ causa, §. pœnæ, Inst. de legat. quia contra naturam legati est, ut sit pœna, non liberalitas, non honos. Et similiter ex his sequitur, quæ proprie pertinent ad thema legis nostræ, ut id non intelligatur esse legatum, quod necessario relinquatur: nam quod necessario fit, non fit liberaliter, necessaria electio non est legatum. Parere voluntati defuncti, non est legare, quia cogitur parere voluntati, exequi voluntatem defuncti, vel nos, vel heredes, si non ei obsecuti fuerimus.

Ad §. Sed si 3.

Sed si uno ex familia herede instituto, ille fundus extraneo relictus est, perinde fideicommissum ex illo testamento petatur, ac si nemo de familia heredi heres exstiteret. Verum is, qui heres scriptus est, ratione doli exceptionis, ceteris fideicommissum parvibus facere partem intelligitur: nam quæ ratio ceteros admittit, eadem tacitam inducit pensionem.

§. 4. Si duos de familia non æquis portionibus heredes scripseris, & partem forte quarum extero ejusdem fundi legaveris, pro his quidem portionibus quos iure hereditario retinent, fideicommissum non petetur, non magis, quam si alteri fundum praelegasset, pro altera vero parte, quæ in extero collata est, virilem, qui sunt de familia petent, admittit propter heredes virilem portionum pensionem.

Nunc exponamus §. sed si. In hoc §. persequitur idem thema, quod proposui initio: est quæstio hæc laciniosa, & multis implicita interrogatunculis, & quasi punctis. Heres rogatus uni ex familia defuncti testatoris, cui veller fundum restituere cum morietur. Hoc est thema hujus legis. Is heres precibus defuncti non præbuit fidem obsequium: Nam moriens heredem scripsit unum quidem ex familia testatoris sui, sed fundum extraneo legavit per vindicationem: ita ut ne momento quidem resideret apud heredem scriptum. Quid

A fiet? non paruit voluntati defuncti, qui fundum extraneo legavit, licet unum ex familia sibi heredem fecerit. Quæritur, an fideicommissi petitio competat his, qui sunt ex familia prioris testatoris? Et sane ait Papinian. omnes, qui sunt ex familia, perinde fideicommissum petere posse, atque si neminem ex ea familia sibi heredem fecisset heres prioris testatoris fideicommissio oneratus. Finge: tres erant ex familia testatoris, & heres ejus unum ex eis sibi heredem fecit, fundum extero legavit, ceteri duo fideicommissum petent ab eo, id est, ab herede heredis, tamen ipse etiam sit ex eadem familia, una cum ceteris duobus: non potest a seipso fideicommissum petere; ceteri ab eo poterunt rectissime ipse a se non potest petere. Et præterea, quod ad ejus personam attinet, obligatio descendens ex primo testamento, additione confusa est, quia creditor intelligitur debitori heres exstitisse. Quid ergo heres heredis, licet sit ex eadem familia, nihil ex eo fundo facit? Ita jus est summum: sed æquitas est, ut retineat portionem virilem in eo fundo, quod fiet ratione, hoc est, beneficio exceptionis doli mali. Nam ceteri petentes solidum fundum ab eo repellentur ratione, hoc est, exceptione doli mali, a petitione solidi fundi, & bessen tantum fundi consequentur, triens remanebit apud heredem heredis, & ita partem faciet ceteris, hoc est, persona ejus numerabitur in partibus faciendis. Et sic fundus dividetur in tres partes, in tres trientes, & non tantum partem faciet ceteris, sed etiam partem virilem sibi deducet, & retinebit. Non omnis, qui partem facit, & partem feret, l. 7. hoc etc. Hic & partem faciet, & partem feret, sive retinebit.

C Idque æquissimum: Nam, ut ait Papinianus, quæ ratio ceteros admittit, eadem, inquit, tacite inducit pensionem. Est obscura ea ratio, quæ ratio admittit ceteros: Cur ceteri admittuntur? quia sunt ex familia prioris testatoris, & extitit conditio fideicommissi fundo ab herede legato, non uni ex familia, sed extraneo eadem ratio vocat heredem heredis in partem virilem, cum ipse sit ex eadem familia. Ergo admittitur, partem facit ceteris, partemque retinet sibi, hoc est, trientem: admittitur autem, ut ait, per tacitam pensionem: nihil refert dicas pensionem, an compensationem, utrumque idem potest. Vocat autem pensionem non improprie, ut vult Accursius, sed proprie. Quid est compensatio? reputatio parvis debita pro rata. Ceteris petentibus solidum, ipse compensat & reputat partem sibi contingentem, partem, quam ex primo testamento testator secundus sibi debuisset intelligitur. Denique ceteris petentibus solidum, compensat partem sibi debitam, atque ea minus præstat ceteris. Hoc sane est compensare, & quasi solvere solidum: nam compensatio vicem solutionis obtinet. Et ita in §. seg. ubi eadem æquitas compensationis servatur, ait, admittit propter heredes, virilem portionum pensionem. Verum cur hanc pensionem vocat tacitam, nec enim fit tacite, ut videtur, quia ante dixit, eam induci ratione exceptionis doli mali. Opus est igitur facto, hoc est, oppositione exceptionis, ergo compensatio non fit tacite, non fit tacito jure, sed opposita exceptione doli mali. Ea autem omnia non fit pensatio. Sic posset quis argumentari summa ratione. Sed nihilominus dicendum est hæc causa, ut in omnibus aliis semper induci tacitam compensationem ab herede heredis adversus ceteros, quia sit ex eadem familia pro portione virili, hoc est, eam pensionem induci tacito jure, mero jure: etiam si sit omnia exceptio doli mali, quæ inest omnibus judiciis tam bonæ fidei, quam strictis. Nam quod attinet ad causam compensationis, hodie exceptio doli mali inest omnibus judiciis, tam strictis, quam bonæ fidei, l. 4. l. posteaquam, de compensat. l. 4. & 5. C. eod. l. inter, de adm. tut. ubi idem Papin. Equitas merum jus compensationis inducit, id est, æquitas facit, ut fiat compensatio tacito jure: mero jure fiebat in strictis judiciis opposita exceptione doli mali. Hodie hæc exceptio inest omnibus judiciis, hoc est suppletur a iudice: etiam si omnia & inducitur compensatio, minuatque petitio actio-

actoris vel consummittit ratione compensationis tacita, ratione exceptionis doli mali tacita. Nam hæc non sunt contraria. In hoc §. induci tacitam exceptionem, & fieri pensionem ratione exceptionis doli mali: fit enim ratione ejus exceptionis quæ inest, & quam exprimi necesse non est, aut peti a prætore, & adjici actioni. Hæc est sententia hujus §. Ex eo intelligitur, confusione, quam inducit aditio hereditatis, tolli quidem obligationem, sed compensationem non tolli, quod est frequens in jure, l. 14. C. ad l. Falcid. l. ult. ad Trebell. Observandum etiam hoc est, recte ita poni speciem in hoc §. heredem scripsisse unum ex familia, sed fundum extero legasse: nam si heredem scripserit unum ex familia, & fundum nemini legaverit, ceteri excluduntur, quasi defectu conditione, l. filiusfam. §. cum pater, de leg. 1. quia penes unum ex familia fundum remanere satis est, & remanebit penes heredem scriptum, qui est ex familia, si non sit alii legatum. Rursus ad hæc posset quæri, quid sit statendum de legato relicto extraneo: an extraneo erit legati petitio? Fideicommissi petitio ratione ejus fundi competit omnibus, qui sunt ex familia, an & legati petitio competit extraneo? Distingendum est: Aut heres, qui eo fideicommissio oneratus fuit, fundum legavit extero, sciens esse debitum ex testamento testatoris sui, l. 49. mand. Aut ignorans. Si sciens fundum esse debitum, eum legavit extero, heres ejus extero tenebitur ad æstimationem fundi solidam, familiæ autem ad fundum: extero tenebitur quasi legatario, familiæ quasi creditoribus. Priores potioresque sunt creditores legatarii, l. 1. Cod. de bon. auct. jud. poss. nam legata non debentur nisi deducto ære alieno, l. 1. §. denique, ad Treb. Ideoque rem ipsam primum heres heredis præstabit his, qui sunt ex familia: deinde æstimationem legatario. Sed si ignorans, heres heredis legatario tantum tenetur pro parte ceterorum, §. si rem in hac l. Intelleximus ex §. sed si uno, herede rogato fundum uni ex familia testatoris, cui vellet relinquere, si is unum ex familia heredem scripserit, fundum autem extraneo legaverit, ceteris qui sunt ex familia heredem heredis teneri fundum restituere, compensata & deducta portione virili sibi obtingente, & de lata ex prior testamento: portionis virilis ei compensationem esse, petitionem esse confusam additione hereditatis, quia ut debitor heres exiit, testator suus debitor ei fuisse intelligitur ex causa fideicommissi priori testamento relicti: compensationem autem salvam manere, nec perimi confusione, imo fieri eam tacito jure ratione doli exceptionis, quæ hodie inest omnibus judicis, ex causa compensationis, & ex omni alia causa interpretatio: eadem est ratio compensationis in specie §. si duos. Heres rogatus est uni ex familia testatoris cui vellet certum fundum relinquere: & duos ex ea familia sibi heredes scripsit, fundi partem quartam extraneo legavit: cum scripsisset autem duos heredes ex disparibus partibus paruit voluntati defuncti pro dodrante, quia dodrantem reliquit duobus ex familia, quos sibi heredes fecit, pro quadrante autem non paruit voluntati defuncti, quia quadrantem fundi extraneo legavit: quo fit, ut omnibus qui sunt ex familia, competat fideicommissi petitio pro quadrante, non etiam pro dodrante, quia dodrans duobus ex familia relictus est, dividendus pro hereditariis portionibus, qui est alteri eorum prælegatus fuisse, ceteris quadrantis petitio non competet. Unde si heres fideicommissi oneratus, duos ex familia heredes scripserit, & fundi quadrantem extero legaverit: ceteri omnes, qui sunt ex familia, quadrantem duntaxat fundi petere poterunt a duobus illis heredibus, sed in partibus faciendis numerabunt duos heredes scriptos retinebunt ergo singuli heredes scripti ex fundi parte quarta viriles portiones, jure pensionis tacite, & reliquum restituent ceteris, qui sunt ejusdem generis, nominis, familiæ, qui similiter id inter se dividunt pro virilibus portionibus, quia prior testator omnes videtur vocasse ad viriles portiones, l. cum pater, §. heredem, l. pen. §. Lucius, h. t. Et hoc est, quod ait in hoc §. quæ verba indigent

A interpretatione, pro altera vero parte, quæ in extero colata est, id est, pro quarta parte, quæ extero legata, virilem qui sunt de familia petent: qui sunt de familia, hoc est ceteri, qui non sunt heredes scripti ab herede onerato fideicommissi, & sunt ex eadem familia prioris testatoris, & quomodo petent? admittit, inquit, ut recte Florentie, propter heredes, id est, propter illos duos heredes, virilium portionum pensionem. Quæ verba ita sunt perspicua, si sic exponantur: ceteri qui non sunt heredes scripti, & sunt ex eadem familia, tantum petent fundi quadrantem legatum extero, verum tacito jure, mero jure, ipso jure: illi duo heredes scripti eis partem facient in eo fundi quadrante, quem petent. Ac præterea, quoniam Azo & Hugolinus aliquantulum laborant in interpretatione horum verborum, pro his quidem portionibus, &c. optimum esse puto, ea facere clariora. Ea verba nescio quia mente sic accipi posse arbitrantur, ac si palam diceret Papinianus, illos duos heredes dodrantem in eo fundo retinere jure hereditario, quod est manifeste falsum: nam siquidem ille non fuit in hereditate heredis primo testamento instituti. Ideoque jure fideicommissi illi duo heredes retinent dodrantem fundi jure fideicommissi sibi relicti testamento primo, non jure hereditario, quia heredes extiterunt ei, a quo fuerat fideicommissum relictum: & consequenter, si lex Falcidia interveniat in posteriori testamento, eum dodrantem non imputabunt in Falcidia, l. 4. ad l. Falc. Quia in Falcidia ea tantum imputantur, quæ jure hereditario capiuntur, l. in quartam, ad l. Falcid. l. filium quem, C. fam. erisc. Et ut debitor inutiliter creditor legat id, quod debet, titulo legati scilicet ita & titulo hereditatis. Denique eum dodrantem capient titulo fideicommissi ex primo testamento, non titulo hereditatis ex posteriori testamento. Et alius est sensus horum verborum, nempe hic: eos duos heredes, quæ electos ab herede primo per institutionem, secundum modum institutionis dodrantem ejus fundi inter se dividere pro hereditariis portionibus, non pro virilibus, quia ut proposuimus in princ. non fuerunt heredes scripti ex æquis partibus, sed ex disparibus: non ergo dividunt fundi extraneo legati dodrantem inter se ex æquis partibus, sed ex disparibus, prout heredes instituti sunt. Quadrantem autem fundi extraneo legati contra voluntatem defuncti, omnes, hoc est, heredes & non heredes, ejusdem familiæ & gentis inter se dividunt pro virilibus portionibus; quia, ut dixi, primo testamento prior testator intelligitur omnes vocasse in viriles portiones, vel in capita. Ambiguitas orationis solvitur discrimine veri & falsi, quæ videbatur inesse illis verbis, pro his quidem portionibus, quas jure hereditario retinent. Sensum, ex quo efficitur falsum, rejiciamus: sensum ex quo efficitur verum, amplectamur, quæ est certa regula ambiguitatum dirimendarum: ut si dicam hoc modo: constat filium in potestate habere patrem, utrum dicam explicare facillimum est. Nam vel hoc dico, patrem esse in potestate filii, quod est falsum, vel filium esse in potestate patris, quod est verum. Et hoc est, quod diximus, ambiguitatem solvi discrimine veri & falsi. Illud non est omittendum, ut & in specie h. §. si duos, & in specie §. sed si uni, ponendum esse necessarium fundum vel partem fundi, de quo quæritur, extraneo fuisse legatum ab heredibus, vel herede heredis primo testamento scripti, nec fuisse traditum extero unde quæritur, quid sit dicendum, si heres heredis fundum vel partem fundi extero legatum tradiderit antequam ceteri agerent ex causa fideicommissi? Sane hoc casu ceteris, qui sunt ejusdem gentis & familiæ, non tantum in heredem, sed etiam in extraneum possessorem, est fideicommissi perfectio, & in rem missio, aut in rem actio, l. 1. ult. C. comm. de leg. Nov. 39. Et est fideicommissi perfectio ceteris solummodo, non etiam heredi, quia tradidit, licet sit ex eadem familia: quia fideicommissi tantum compensationem habet pro portione virili, non petitionem: non dabitur etiam heredi conditio certi vel incerti adversus extero, cui tradidit ratione omnia retentionis, ratione non retenta partis virilis, quasi plus debito tradiderit: quia scilicet retentionem

nem tantum habuit adversus ceteros, qui sunt ex eadem familia per portionem virili, non adversus extraneum legatarium. Hæc habent rationem suam: sed sequitur ex eo magnum incommodum: nam ita fit, ut deterior sit conditio legatarii extranei traditione ei facta, quam traditione nondum facta: nam si nondum tradiderit heres heredis fundum extero, vel partem fundi, ab eo consequetur æstimationem rei legatæ, si testator sciens legaverit: vel si ignorans, partem virilem, quam heres sibi detrahit. Igitur ne hoc eveniat, æquissimum est, legatario subveniri adversus heredem, a quo ei legatum relictum est, perinde acque si nihil accepisset, quandoquidem id, quod accepit, abstulere ceteri, qui erant ex eadem familia. Et æquissima videtur esse sententia Accursi, ut si ab extraneo possessore, cui jam traditus est fundus, ceteri vindicent fundum, ille se defendat adversus eos ex persona heredis, a quo accepit: potest uti defensione ex persona heredis, qui adversus heredem regressum habet. Reputabit ergo ceteris, quod & reputasset ipse, a quo legatum accepit. Et hæc sufficient ad hunc §. Valde notandum, quod diximus in extremo ultimæ recitationis. Duobus ex familia prioris testatoris ab herede hereditibus constitutis, vel uno ex familia instituto, fundo, de quo agitur, extraneo legato & tradito, si ab extraneo fundum vindicent, ceteri qui sunt ex eadem familia, eum possessorem extraneum posse compenfare vires portiones, aut virilem portionem, quam heres heredis, qui fundum tradidit, compenfare, si cum ipso ageretur, & eundem extraneum in residui æstimationem cum herede heredis experiri posse, si sciens prior heres fundum familiæ debere, eum extraneo legaverit: alioqui, quod est iniquum deterior erit conditio legatarii post traditionem fundi, quam fuerit ante traditionem: nam ante traditionem vel agens consequeretur totius fundi æstimationem, si sciens prior heres ei legasset, vel portionem obtingentem heredi, si ignorans legasset prior heres, ut in §. si ram, in h. l. Hæc sunt subtilia magis, quam difficilia.

Ad §. Sed etsi fundum §.

Sed etsi fundum heres uni ex familia reliquerit, ejusque fidei commissi, ut cum extero restituitur, questum est, an hoc fideicommissum peti possit? dixit, ita demum peti posse, si fundi pretium efficiat. Sed si quidem ille prior testator ita fideicommissum reliquisset, rogo fundum, cui voles, aut quibus voles ex familia relinquant, rem in expedito fore. Quod si talia verba fuisset, peto, ne fundus de familia exeat, heredis heredem propter sequens fideicommissum, quod in exterum collatum est, oneratum intelligi, petitoris deinceps ceteris ex primo testamento fideicommissum, post mortem videlicet ejus, qui primo electus est.

§. 6. Et ideo, si electo uno fideicommissum in exterum non conferatur, non alias ei, qui electus est fideicommissum prestandum erit, quam interpositis cautionibus, fundum cum morietur, si non ex familia cum effectum relinqueretur, restitui.

Quæ hæc dicta sunt de fideicommissio fundi uni ex familia relicto, omnia locum etiam habent in fideicommissio ita relicto; peto ut fundus ille ex familia mea exeat. Itaque quo ad ea, quæ hæc dicta sunt, nihil interest, dixerit testator, peto ut fundum uni ex familia relinquant, aut peto, ne fundus ille exeat de familia mea. Sed ex hoc §. sed etsi fundum, intelligemus in aliis causis esse differentiam inter hoc & illud genus fideicommissi, & quæ sunt præcipue differentia. Fundo relicto uni ex familia & tradito ab eo, qui fundum accepit, fundus potest transferri in extraneum, nec perpetuo remanere debet in familia: fideicommissio autem relicta familiæ, vel herede rogato, ne fundus exeat de familia, ab eo, qui prius accepit fundum ab herede, non debet fundus in extraneum transferri, sed reservari debet, & relinqui aliis, qui sunt ex eadem familia. Qua de causa is, qui priore loco heres fundum tradidit, cavere debet heredi, se eum fundum;

A cum morietur, familia relictum, vel heredi redditum, quandoquidem ceteris competit fideicommissi petitio adversus heredem, fundo quandoque in extraneum collato, l. peto, §. ult. supra, & ob id heredi caveat de indemnitate: denique heres rogatus, ne fundus exeat de familia, eligit unum ex familia, cui fundum relinquit exacta cautione, fundum extra familiam alienatum non iri, aut sibi restitui, propterea quod fundo alienato extra familiam, ipse heres obligatur ceteris, qui sunt ex eadem familia, quamdiu ea permanebit. Est igitur sane, cur heredi caveatur de indemnitate. Cautionis formulam totam Papinianus exposuit, hoc loco, fundum cum morietur, &c. fundum quem tibi trado, cum morieris, si non in familia cum effectu relinqueretur, mihi restitui, cum effectu, id est, non verbo tenus, re non verbo. Hæc sunt opposita l. 1. §. ult. quod quisque juris in al. Posset ipse relinquare in familia, & relinquare in familia verbo, non effectu ipso. Quid enim si reliquerit uni ex familia, & jussit eum extraneoolvere æstimationem fundi? Sane hoc casu verbo tantum tenus fundum reliquit in familia, non cum effectu. Igitur cautioni recte inserit ea verba Papinian. cum effectu. Est etiam alia differentia inter hoc & illud genus fideicommissi. Si heres rogatus sit uni ex familia fundum restituere, & in suo testamento uni ex familia sua eundem fundum legaverit, inutile est legatum, ut didicimus in princ. hujus l. quia debitor ita, quod debet ex primo testamento creditori legasse videtur. Et consequenter ab eo fideicommissum relinqui non potest; ab eo, cui legavi inutiliter, & fideicommissum relinquo inutiliter, l. 7. §. ultim. tit. seg. Frustra igitur eum rogabo, ut fundum extraneo restituat, quamquam ipse sua sponte eum possit alienare extraneo. Unus tantum casus est, quo ab eo fideicommissum relinquitur utiliter, puta, si præter fundum eidem testamento legaverit, quantum fundi pretium efficiat. Hoc casu jure rogabitur fundum extero restituere, non quod fundus ei sit legatus, sed quia præter fundum aliquid amplius, quam efficit verum pretium fundi. Ergo agnito legato compellitur subire onus fideicommissi, id est, fundum extero restituere. Neque ob eam causam heres heredis quicquam oneratur. Et hæc quidem ita, si heres rogatus sit, uni ex familia fundum restituere. Quid fiet altero casu, si testator ab herede petierit, ne fundus de familia exiret? Hoc casu respondit longe aliter: Nam si heres elegerit unum ex familia, eumque ita rogaverit, fundum extraneo restituere, puta amplioribus legatis relictis, hoc casu heres heredis ab eo, qui electus est non exigit cautionem illam, de qua diximus supra, fundum in familia relictum iri, vel sibi restitutum iri, ne scilicet faciat contra voluntatem sui testatoris, qui fundum in extraneum transire voluit: heredis est tueri voluntatem defuncti, non infringere: atque ideo non exigit sibi caveri de ea non infringenda: & tantum eo, qui primus electus est, mortuo, adversus heredem heredis, qui cautum non est, sequentibus qui sunt ex eadem familia, dabitur persecutio fideicommissi: denique adversus heredem heredis, ceteris erit persecutio fideicommissi, neque tamen ei erit exactio cautionis adversus eum, qui primus electus est: illa cautio exigitur ab eo, qui fundum extraneo restituere rogatus non est, non ab eo qui rogatus est. Esset enim absurdum heredem a legatario exigere cautionem de fide non exhibenda testatori suo, a quo heres scriptus est. Itaque hoc casu valde oneratur heres, propter sequens fideicommissum, quia remedio cautionis non potest sibi prospicere. Priore casu propter sequens fideicommissum nil oneratur heres heredis. Et ita posterio rem partem hujus legis interpretatur recte Azo in verbis hujus §. Accursi. male legit, propterea pro præterea. Item in Pandectis Florent: perperam deest versus in hoc §. Et sane est frequens hoc in Pand. Flor. Igitur sic legamus, sed etsi fundum, &c. Dixi ita demum peti posse, si præterea tantum eidem relictum esset, quod fundi

fundi pretium efficiat. Circa priorem partem dubitat Accursius non abs re, cur heres rogatus uni ex familia fundum restituere, si unum ex familia heredem instituerit, ejusque fidei commiserit, fundum extraneo restituere, heres heredis familia teneatur? ut in §. *sed etsi uni*. Et tamen ut ostenditur in hoc §. *sed etsi fundum*, si heres rogatus uni ex familia fundum restituere, eum fundum uni ex familia legaverit, & alia quædam, quæ fundi pretium efficiant, & ejus fidei commiserit extraneo fundum restituere, heres heredis familie non tenetur. Et ratio differentie breviter apertissima hæc est: herede instituto uno ex familia, & fundo extraneo relicto a primo herede, scilicet ceteri, qui sunt ex familia, conditione non deficiunt, quinimo extitisse videtur conditio fideicommissi, quia unus ex familia electus non est, quia nemini ex familia fundus relictus est: nec enim videtur relictus heredi instituto, cum sit relictus in legatis, non in hereditate: & relictus, quod magis est, per vindicationem, aut etiam ita, ut paululum constiterit in persona heredis instituti, & quasi nihilum temporis. Legata autem sunt separata ab hereditate. At fundo ab herede relicto uni ex familia, etiam si eum jure rogaverit fundum extraneo restituere amplioribus legatis relictis: ceteri, qui sunt ex familia conditione deficiunt: fideicommissio excluditur penitus, quia verum est uni ex familia fundum fuisse relictum titulo legati, qui propter ampliora ea legata, non inutiliter fuit rogatus eundem fundum extraneo restituere: sequitur §. *rogo hic*. Sed antequam ulterius progrediamur, res ipsa postulat, ut diligentius exponamus id ipsum, quod ex §. *sed etsi fundum*, discrimen constituimus inter hoc genus fideicommissi, *peto uni ex familia, cui voles fundum relinquas cum morieris*, & illud, *peto ne fundus de familia mea exeat*. Communia quidem hæc sunt inter hæc duo genera fideicommissi. Primum quod heredis est electio, qui velit fundum relinquere ex ea familia, & ea quidem ambulatoria usque ad supremum vite exitum. Deinde quod ei quidem, quem elegerit heres, frustra testamento suo legat eundem fundum, tum etiam, quod ab eo, quem elegerit, frustra alteri fideicommissum relinquat, præterquam uno casu, si ampliora legata elegerit. Ac postremo, quod non unum tantum heres eligere possit, sed & duos, vel plures, vel omnis relinquere eum fundum, & quod fundo nemini ex familia relicto, omnibus, qui sunt ejus familie fideicommissi peticio competit. Quæ omnia demonstrata sunt in superioribus §§. & sunt communia utriusque fideicommissi, siue dixerit, *peto ut uni ex familia relinquas cui volueris cum morieris*, siue dixerit, *peto ne fundus de familia exeat*, hæc, inquam, sunt communia. Differentiæ autem hæc sunt, quæ ponuntur in §. *sed etsi fundum*, satis obscuræ, ut rursus eas explanari sit operæ pretium: si fideicommissum relictum uni ex familia incerto, si heres unum ex familia elegerit, & in voluntate perseveraverit usque ad mortem, vel si uni ex familia fundum legaverit, quod legatum nihil aliud est, quam electio suprema, nec jure proprio legati censetur, vel si unum ex familia sibi heredem instituerit fundo extraneo, non relicto: is quicumque ex familia fuerit, ad quem fundus pervenit, eum fundum alienare extra familiam, & extraneo dare vel relinquere potest, quia testator noluit, ut is fundus curreret per omnem familiam, seu per omnem agnationem: imo vero & uno illo casu, de quo ante dixi, heres rogatus uni ex familia fundi restituere, ab eo quem elegerit eundem fundum extraneo per fideicommissum relinquere potest, puta, si ei, quem elegit, aliquid amplius legaverit, quam fundi pretium efficiat, neque ob istud fideicommissum quicumque onerabitur heres heredis. At fideicommissio relicto familie, vel herede rogato, ne fundus de familia exeat, is, quem elegerit, non debet fundum in extraneum transferre, sed conservare eidem familie: imo ea de re cavere heredi heredis debet, se eum fundum non collaturum in extraneum. Alioquin heres heredis onerabitur, cui scilicet cau-

A tum non est de indemnitate, si electio fundum præstitit, & is eum in extraneum contulerit, propterea quod post mortem electi, cui fundum præstitit, ceteris, qui sunt ex ea familia, heres heredis tenebitur ex causa fideicommissi primo testamento relictæ. Atque ita duplici præstatione fundi, hoc est, fundi & æstimationis præstatione onerabitur, quod non est verisimile testatorem onerare priorem heredem voluisse, l. *Titia*, §. *qui invita l. Marcus, hoc tit. de leg. 2. l. qui dotem, de dote præleg.* Ergo ne oneretur duplici præstatione heres heredis, jure desiderabit sibi caveri ab eo, qui electus est, cuique ipse fundum restituit, se eum fundum in familia relidendum. Et hoc ita sicut posui, si prior heres ab eo, quem elegit fundum extraneo per fideicommissum non reliquerit, sed ipse, qui electus est, accepto fundo eum in extraneum contulerit, vel conferre velit: nam ne conferat in extraneum in onus, siue perniciem heredis, obstringendus est cautione illa. At si prior heres ab eo, quem elegit, fundum extraneo per fideicommissum reliquerit, quo scilicet casu relinquere potest, puta amplioribus legatis eidem relictis, tunc sane heres heredis omnino onerabitur, nec ulla erit ratio expediendi se onere isto, videlicet, si is, qui electus est, cuique heres heredis fundum præstitit, eum ex causa fideicommissi, ut debuit, extraneo restituerit. Nam de fundo non restituendo extraneo, ut iussit prior heres, aut si restituatur, de reddenda æstimatione, heredis heres ab eo cautionem exigere non poterit contra voluntatem testatoris sui, hoc est, prioris heredis, cui ipse heres extitit, & qui fundum in extraneum transire voluit. Eset enim absurdum, si heres impugnaret voluntatem defuncti, vel ut dicam explicatius, si heres a legatario exigeret cautionem, de non exhibenda fidei testatori suo, quam ipse debet, si præstaret quidem ipse fides testatori suo, sed nollet præstari ab aliis, vel satis ageret, id est, fatageret ne præstaretur, & hac ratione, non potuit exigere cautionem superiorem, atque ita sibi prospicere de indemnitate, & nihilominus ceteris, qui sunt ex familia, tenebitur ex causa fideicommissi primo testamento relictæ, quia fundus non permansit in familia. Atque ita hoc posteriore casu omnino oneratur heres heredis, propterea quod remedium cautionis indemnitati suæ consulere non potest: atque ita videtur prior heres omnino eum onerare voluisse, quando ab eo, quem elegit nominatim fideicommissum illud extero reliquit. Et hæc est sententia §. *sed etsi fundum*: verum opus est, ut huic rei clarissimum lumen adhibeatur: ait, *propter sequens fideicommissum*, quod scilicet prior heres reliquit extero ab eo, quem elegerat ex familia: ait *heredis herede oneratum intelligi*. Ergo, ut subjicit, ceteris tenetur ex causa posterioris fideicommissi is, qui electus est, a quo heres heredis cautione exacta sibi prospicere non potuit. Denique heres heredis propter sequens fideicommissum, ita oneratus est, ut nec exonerari possit, quia deficit remedium cautionis, nec suppetit aliud. Deinde ait, *si electio uno fideicommissum in exterrum non confertur*. Sensus hic est: si prior heres ab eo, quem elegit ex familia fundum extero per fideicommissum non reliquerit, non oneratur heres heredis, si modo sibi prospexerit cautionem, quoniam hoc casu si exigit ab eo, qui electus est, nihil contra voluntatem testatoris sui facit, qui extero ab electo fideicommissum non reliquit. Ergo heres heredis prospiciat sibi cautione, & non onerabitur, hoc est, indemnitas servabitur ab eo, qui electus est, cuique fundum præstitit, nec etiam alias ei, qui electus est, fundum præstabit, quam si caverit fundum in familia relictum iri, vel si non relinquatur, restitutum iri, aut æstimationem: siue quanti ea res est: hac cautione interposita, si is, qui electus est, fundum transiit in extraneum, heres tenebitur ceteris petentibus fideicommissum ex primo testamento, sed indemnitas servabitur beneficio cautionis interpositæ, quæ ei parat actionem ex stipulatu adversus electum, cui fundum præstitit.

Ad §. Rogo. 7.

Rogo fundum, cum morieris, restitutus ex libertis cui volēs, quod ad verba attinet, ipsius erit electio, nec petere quisquam poterit quamdiu præferri alius potest defuncto eo, prius quam eligat, petent omnes. Itaque eveniet, ut quod uni datum est, viris pluribus unus petere non possit sed omnes petant, quod non omnibus datum est, & ita demum petere possit unus; si solus moriente eo superfuisset.

Facilius est species §. rogo. In summa hoc vult, ut quæ dicta sunt de fideicommissio relicto uni ex familia, cum morietur heres, eadem obtineant in fideicommissio relicto uni ex libertis, hoc modo: rogo fundum, cum morieris, restitutus uni ex libertis, cui volēs. Quid enim refert relinquere uni ex familia an uni ex libertis, vel ex cognatis, vel ex fratribus? Igitur hi omnibus casibus heredi est electio perpetua; electio ambulatoria, atque adeo incerta usque ad supremum vite exitum. Hæc enim verba, cum morieris, hanc ei licentiam variandi dant. Ex sententia autem defuncti, quamvis uni figura verborum fideicommissum datum sit, heres potest, non tantum unum eligere, quod habuimus in superiore §. sed etiam duos, vel plures, vel omnibus relinquere potest fundum. Item nemique electo omnibus liberti veniunt ad fideicommissum fundi, §. sed si uni, & l. 17. d. ult. de legat. 2. Atque ita, quod datum est uni, non omnibus, figura verborum, sc. omnes liberti petent, si heres omnibus reliquerit, vel si nemini reliquerit, & petent ab herede heredis. Nam hæc verba, cum morieris, etiam tempus, quod erit post mortem heredis, complectuntur in fideicommissis, atque ita nihil refert dixero, cum morieris, an cum mortem obieris, l. fideicommissi, §. si filio, de leg. 2. Et consequenter, quod uni datum est, unus non petet, si heres mortem obierit, vivis pluribus libertis, & nemine electo. Nam omnes admittuntur pro virilibus portionibus, & ita demum unus tantum admittetur, si solus superfuisset moriente herede, priusquam eligeret. Denique si moriente herede nemine electo plures liberti fuerint, facient inter se partes viriles, hoc est, fundum partientur in partes viriles, §. si duo, sup. l. cum pater, §. hereditatem, de leg. 2. Si superfuisset unus tantum ex libertis; is solidum fundum capiet. Hæc est sententia §. rogo. Sed repetamus, quod diximus ultimo loco: si unus tantum ex libertis superfuisset, moriente herede solidum fundum capiet, non concurrentibus aliis collibertis. Obstat vehementer huic dicto l. pater §. filium de leg. 2. Species hæc est: filium heredem scripsi, & ita dixi: veto domum illam de nomine meo exire, sed ad vernas eos, quos testamento nominavi, pertinere volo: legavi vernas domum per fideicommissum, hoc est, per verbum volo, ut in l. species, de auro & arg. leg. non legavit servis vernis, quia inutile esset legatum; sed libertis vernis: nam ut servorum alii sunt vernæ, hoc est, domi nati, ut Marii Apri vernæ in vivariis nostris nati: lupi vernæ, in piscinis nostris nati: alii sunt servi pecunia comparati, alii hereditate relicti: ita liberti vernæ, qui servi vernæ fuerunt, & in antiqua inscriptione, Libertus Atrius Tyrannus vernæ, scriba libervius Tyranni, & in alia: Caius Julius Fortunatus Augusti Libertus vernæ. Vetat ergo testator fundum exire de nomine suo, sed ad libertos suos pertinere, quia scilicet liberti sunt de nomine patroni. Lact. de vera sap. Servus, inquit, liberatus patroni nomen accipit: & Tertull. alibi, manumissus, inquit, patroni nomine ac tribu mensa honoratur. Vult igitur testator post mortem familiæ fundum pertinere ad libertos suos vernas, quos eodem testamento fecerat libertos, vel ut loquuntur nostri auctores, quos libertos perduxerat. Finge: familiæ superfixisse unum libertum tantum vernam. Queritur, an ad eum tota domus pertineat? Scavola respondit in eo §. virilem tantum portionem ad eum pertinere, quod non parum pugnat cum hoc §. Accur. adfert duas aut tres solutiones, novam excogitavit Alciatus in l. virilis, Tom. II.

A de verb. sig. Has omnes refellamus, & perspicuum vere afferemus. Intelleximus ex §. rogo, herede rogato uni ex libertis, cui volēs fundum restituere, cum moreretur, & moriente nemine electo, superstitibus pluribus libertis, omnes ad fideicommissum admitti, atque ita evenit, ut fundum uni datum, non omnibus, omnes percipiant, non unus, eumque inter se dividant pro virilibus portionibus. Et ut ita demum unus fundum petat & percipiat, si is solus heredi supervixerit. Et hæc sunt verba ejus §. rogo. Itaque si unus tantum ex libertis heredi superfuisset, aut supervixerit, ad eum totum fideicommissum pertinet. Et quin hoc Papin. sentiat in hoc §. nemo negat. Sed objicitur l. pater §. filium, tit. seq. ubi ut constat ex specie, ad unum ex libertis, qui solus supervixit heredi. Scavola respondet, virilem duntaxat partem fideicommissi pertinere, non ergo totum fideicommissum: Exspectas solutionem? dicam quam sentio veram, non eadem est species, §. filium, & hujus §. rogo. In hoc §. proponitur testator prædium per fideicommissum legasse uni ex libertis, in §. filium ponitur testator prædium sive ædificium, aut domum per fideicommissum legasse libertis, non uni ex libertis, sed libertis vernis: & adiecisse, quia hoc testamento nominavi, scilicet dando libertatem, quia ex l. Fufia Caninia erat danda nominatim, hoc est, servorum propriis nominibus expressis, §. libertas, Inst. de leg. Quos ergo in hoc testamento nominavi, hoc est, quos in hoc testamento manumisi, l. pen. §. Lucius, hoc t. Nam & qui manumisi, necessario nominavi: denique, qui fideicommissum reliquit libertis, quos testamento nominavisset, plane retulit se ad nomina vernarum testamento expressa, atque ita videtur omnibus nominatim legasse, id est, omnibus propriis nominibus expressis, quandoque retulit se ad nominationem testamento factam. Proinde ædificium vernis legavit, nominibus propriis expressis: nomina nuncupatio partes viriles facit ab initio, maxime in fideicommissis, ut inferius demonstrabitur: & ideo singulis ab initio quasi divisi partes adscriptæ fuisse videntur, & consequenter inter eos non est jus accrescendi. Nam hoc est ratum & certum, inter eos, qui partes habent ab initio, vel qui habere intelliguntur, nihil refert l. si duobus, §. x. de legat. 1. inter eos, inquam, non est jus accrescendi, sed inter eos tantum, qui initio solidum habent singuli, & concursu partes faciunt, l. 3. de usufruc. accresc. Proponitur in d. §. filium, prædium fuisse relictum libertis vernis his verbis, dari volo: ergo peto fideicommissum. Et appellatur etiam fideicommissum in eo §. Porro, quo jure est legatum per damnationem, eodem jure est fideicommissum: quæ per damnationem possunt legari, & per fideicommissum, ut definit Ulp. in Inst. de fideicom. Res aliena per damnationem potest legari, non per vindicationem: ergo potest etiam legari per fideicommissum, quod demonstrabitur in §. seq. Si homo generaliter legetur per damnationem, vel illud aut illud, electio est heredis. Ergo idem obtinet etiam in fideicommissio, l. si ita relictum fuerit, hoc tit. l. qui concubina §. 1. tit. seq. Si per damnationem eadem res legetur disjunctim ac separatim duobus aut pluribus, singulis solidum debetur, unus qui occupaverit agere, aliis pretium rei: & inter eos non est jus accrescendi, quia concursu partes non faciunt, sed unusquisque solidum percipit. Ergo idem obtinet etiam in fideicommissio, l. un. §. si autem disjunctim, C. de cad. toll. illo loco, in uno tantummodo genere legati, id est, in legatis per damnationem, ut constat ex Inst. Ulp. Cai. & Sentent. Pauli, non ut Accurs. tentavit, in legatis per vindicationem. Et similiter, si conjunctim eadem res legetur duobus aut pluribus per damnationem, hoc jure, quod tractamus, quodque obtinuit ex Constitut. Justin. de cad. toll. singulis ab initio partes habere intelliguntur, l. 7. hoc t. Ergo idem obtinet in fideicommissio, l. uxorem, §. agri, de leg. 2. His consequens est, ut non sit inter eos jus accrescendi, quia ab initio partes habent, ut non concurrente uno nihil accrescat ceteris; sed deficientium portiones remaneant in hereditate: atque idem in specie §. filium, inter libertos, l. 1.

quibus una oratione prædium reliquit per fideicommissum, quod intelligitur præterea reliquisse propriis eorum nominibus expressis, quando ad ea se retulit oratio patroni: inter eos, inquam, libertos non esse jus accrescendi, nisi (quod non adjecit) adjecisset, donec ad unum perveniat, hoc modo, prædium ad libertos meos vernas pervenire volo, donec ad unum perveniat, ut in *l. pen. §. Lucius, h. t.* Quo casu sane ex verbis testatoris, quæ sunt judicia certissimæ voluntatis, etiam in fideicommissio induceretur jus accrescendi, *l. copicill. de usu & usufr. leg.* Ceteroquin non adjecit eam clausulam testator in eo §. *filiam*. Unde sequitur, inter eos libertos fideicommissarios, non esse jus accrescendi, & eos, qui partes non ferunt, qui non concurrunt, qui ante heredem moriuntur, facere partem ei, qui heredi supervivatur, id est, nihil refert dicas, inter aliquos non esse jus accrescendi, aut partem non auferentem, partem facere alii, vel aliis: utriusque sermonis idem est sensus, idem effectus. Unde in ea specie, si moriente herede unus tantum ex libertis superstit, prædii pars tantum virilis ei debetur, quia inter fideicommissarios maxime nominibus propriis expressis, non est jus accrescendi: quia testator videtur singulis adscripsisse partes ab initio, & ideo noluisse, ut ultra portionem suam quicunque quicquam amplius ferret: denique poterit heres moriens, ceterorum, qui præmortui sunt, portiones transmittere in exteros, quia libertorum tantum gratia, in ea specie, quam heri exposui, voluerat testator prædium exire de suo nomine, non universæ familiæ suæ gratia: deficientibus ergo portionibus quorundam libertorum, quia non possunt accrescere superstiti, heres eas jure transmittit in extraneum, sive conferet. At ita ratio ejus §. explicanda est secundum jus antiquum, ut innumeri in hoc tractatu, aut nunquam intelligentur, aut sumere debent interpretationem ex jure antiquo. Hodie ex Constit. iust. in specie §. *filiam*, libertus superstites petere totum fideicommissum, ut in specie §. *rogo*, quia hodie inter collegatarios & fideicommissarios, quocumque genere legatum relictum sit, & non habita differentia inter legatum & fideicommissum, inter eos est jus accrescendi, & non concurrente uno, accrescit aliis: non concurrentibus aliis adcrevit uni: denique non ab initio partes habere videntur, sed facere concursum, ubi non est concursus, deficientium portiones adcrecere ceteris. Nunc videamus, quid respondeat, aut quemadmodum interpretatus fuerit Accursius, & Alciat. d. §. *filiam*. Accursius, primum, quo loco lex ait, *defuncta herede & legatariis vernis*, mavult legere, *defuncta herede ad legatarios vernas, an ad unum legatarios*, &c. id est, fideicommissarios, ut legatum sæpe significat fideicommissum, sed non contra: mavult autem ita legere, ut ponat heredi supervivisse omnes libertos, & quod lex ait, *ad unum, qui superest, virilem portionem pertinere*: Ipse sic interpretatur, ad omnes, qui supersunt viriles portiones pertinere, non totum ad unum libertum, id est, ad alium libertum, non vernam. Hæc est prima solutio Accursii. Sed neque illa scriptura, *ad legatarios vernas*, auctorem plium habet, nec interpretatio illa *ad eum*, id est, *ad eos*, ullam usquam approbationem habita est. Præterea quod urget omnino hac ratione fit, videlicet si sic interpretetur, ut quæzatur in illo §. an fideicommissum, quod est relictum vernis, non pertineat ad vernas, sed ad unum non vernam: hac de re nemo nisi stultus, quædverit, esset stulta quæstio, & ipse etiam Accursius transiit ad aliam solutionem. Et aliter, *virilem portionem* interpretatur totum fideicommissum. Quid non audeat confundit ea, quæ Jurisconsultus facit adversa. Querit enim, an totum fideicommissum ad libertum superstitem pertineat? Quod si totum pertineret putasset Scævola, statim suo more respondisset, pertinere. Cum vero non ita simpliciter scripserit, sed virilem pertinere, qui quæsierat, an totum pertineret, proculdubio significat, totum non pertinere. Et abutitur etiam Accursius in eare *virilis, de verb. signif.*

A quod dicat virilis partis appellatione, interdum totam hereditatem contineri. Ergo stetus illa lege, licetb culibet deinceps exemplo Accursii partem interpretari totum; licetb passim illa lege uti pro arbitrio suo ac libito, quod exemplum est vitiosum. Et sane illa *virilis* pertinet tantum ad l. Papiam, ut inscriptio indicat. Et interdum ait, id accidere, interdum contineri affem ex sententia sc. legum, quoniam æquitas postulat incidente aliquo casu, augeri significationem verborum. Jurisconsulti est augere significationem verborum pro loco & tempore, ac circumstantiis ceteris, ut in illa lege Papia si libertus filiis reliquerit, patrono debetur virilis portio, *l. postea de succ. lib.* An etiam si filii repudiarint hereditatem liberi, non habebit, nisi virilem portionem? imo totam hereditatem, *l. in testato, de suo & legit.* Nam mens legis non fuit alia, quam ut virilem tantum parte haberet patronus, si libertus filii heredes existerent cum effectu. Ergo eo casu virilis partis appellationem, in *l. Papia* producemus etiam ad affem, sed ne abutatur passim: imo vero nunquam sine auctoritate veterum. Alciat. in d. *virilis*, aliter explicavit d. §. *filiam*: qui multa innovare visus est, sed perierat incallide & infelicit. Ponit filiz supervivisse omnes libertos, quod primum etiam Accursius posuerat, atque ita diem fideicommissi cessisse in persona omnium, quod ad transmissionem proficit: mox vero defunctos fuisse omnes libertos relictis hereditibus extraneis, excepto uno, qui supervixit ceteris: & queri in §. *filiam*, portiones defunctorum, utrum pertineant ad heredes eorum extraneos, an ad superstitem collibertum? Scævola respondere, pertinere ad heredes extraneos quasi transmissione, scilicet post diem fideicommissi cedentem mortuis fideicommissariis, & libertum superstitem partem duntaxat suam retinere. Sane erat culibet facile ita posita specie respondere, quia certissimum est, ubi est transmissio locus, jus adcrecere cessare, heredem meum præferri socio meo, post diem legati cedentem, perinde atque si legati dominium adquisivissim: nam et si nondum dominium adquisivi, tamen actionem adquisivi. Hoc ergo transmittit in heredem meum. Sed etiam quo minus eam ponam speciem, moveor eo, quod lex ait, *unum tantum libertum remansisse, unum tantum superesse*. Igitur sane verum est superesse, non tantum collibertis, sed etiam heredi, nec recte ex ordine illorum verborum, *defuncta herede & legatariis vernis*, colligit, priorem decessisse heredem: nam in conjunctionibus nullus est ordo, *l. liquidum, de pecul. leg.* Ergo ut speciem posuimus initio, decesserunt fideicommissarii, id est ceteri liberti prius decesserunt, deinde heres, atque ita decesserunt ante diem legati cedentem, excepto uno, qui superest omnibus & heredi & collibertis, quique tamen totum fideicommissum non percipit, quia non fuit inter eos fideicommissarios jus accrescendi, & mortuorum libertorum portiones manserunt in hereditate, non accreverunt superstiti.

Ad §. Si rem tuam, & seq.

Si rem tuam, quam existimabam meam, te herede instituto, Titio legem, non est Neratii Prisci sententia, nec constitutioni locus, qua cavetur, non cogendum præstare legatum heredem: nam succursum est hereditas, ne cogatur redimere, quod testator suum existimans reliquit. Sunt enim magis in legandis suis rebus, quam alienis comparandis, & operandis hereditibus faciliores voluntates, quod in hac specie non evenit, cum dominium rei sit apud heredem.

§. 7. Si omnia fideicommissi verba sint: & cetera, qua leguntur, cum his, qua scribi debuerant, congruant: recte datum, & minus scriptum, exemplo institutionis, legatorumque intelligitur: quam sententiam optimus quoque Imperator noster Severus secutus est.

Sequitur nova quæstio in §. *rem tuam*, de legato rei alienæ, vel rei heredis propriæ, an valeat? Et fuit in ea re jure civili constituta differentia inter genera legatorum; nam res aliena vel res heredis per vindicationem legari

legari non potuit hoc modo: *illam rem L. Titio do, lego*: non potuit etiam legari per præceptionem, hoc modo: *heres meus L. Titius eam rem præcipio*: nam præceptio est id, quod uni ex heredibus relinquatur præcipui titulo. His vero modis ea tantum res potuit legari, quæ fuisset testatoris ex jure Quiritium, utroque tempore, hoc est, tempore mortis & tempore faciendi testamenti, exceptis rebus quæ pondere, numero, & mensura continebantur. In his enim satis erat, vel mortis duntaxat tempore rem fuisse in bonis testatoris, quod Ulp. in *Instit.* docet, idque demonstrat *L. Stichus servus, de manumissi. testam.* dum in ea re libertatem comparat legato: libertas servo alieno inutiliter legatur: res quoque aliena inutiliter legatur, videlicet per vindicationem, sicut nec libertas vindicationis modo relinquatur directo. Comparat ergo libertatem legato per vindicationem non aliis legatis. Idem demonstrat *l. 88. de verb. signif.* quem locum nondum observavit quis in eam rem. Illa lex significat aperte, non valere legatum fundi alieni: non loquitur de fundo incerto, quod ad viliissimum quid redigi possit: nam glebula quælibet potest appellari fundus, quodcumque mitti potest fundus est fundus, nisi exciderit, inquit Varro, qua cava funda paret; sed loquitur de fundo alieno, & eo quidem certo, cujus legatum aperte demonstrat non valere, quavis is fundus possit emi pecunia hereditaria, & satis sit pecuniæ in hereditate: non valere igitur legatum fundi alieni relictum per vindicationem. Nam per damnationem valet res aliena, res heredis, res quæ nullo tempore testatoris fuit, legari potest per damnationem: *damnas esto heres illam rem L. Titio dare.* Item legari potest finendi modo: *damnas esto heres finire L. Titium rem illam sumere, & sibi habere*: quo tamen modo res tantum heredis legatur, non res aliena. Nam rem alienam heres facile siverit *L. Titium sumere* si possit, & finendi modus heredi imponitur frustra, nisi prohibere possit Negatium rem sumere, & sibi habere. Ex quo efficitur liquido, finendi modo non legari rem alienam, sed rem heredis: *damno te heres mihi, finire rem tuam illam sumere*: res aliena atque etiam res heredis per damnationem legari potest, & per fideicommissum: nam quodcumque per damnationem reliqui potest, & per fideicommissum potest. Et hæc omnia Ulp. & Causus plene demonstrant in *Instit. & Paul. 4. Sententiarum tit. i.* Et hæc quidem in hac redi-finitio legatorum introducta est jure civili. Post S. C. Neronianum, ut eadem *Instit. Ulpiani* docent, cautum est, ut quocumque genere legati possent legari res, quæ non utroque tempore testatoris fuissent ex jure Quiritium, sed quæ testatoris fuissent mortis tantum tempore: nam novissime primus Justinianus constituit; ut res quæ nullo tempore testatoris fuissent, quocumque genere legati legari possent. Et notandum etiam hodie, quocummodo legata, sive relicta re alienam, aut heredis, differentiam esse aliquam inter rem alienam, & rem heredis. In re aliena ita distinguimus: aut testator rem alienam legavit sciens: quod legatarius probare debet, *L. pœris, de probat.* Et hoc casu heres debet eam rem a domino justo pretio redimere, & legatario præstare, *l. non duellum 14. §. ult. tit. seg.* Iustum pretium est, quod iudex fecerit *L. si qui concubina, §. ult. tit. seg.* vel si dominus ejus rei noluit eam vendere, aut si injusto & immodico pretio vult eam vendere, heres legatario debet præstare justum pretium, quod iudicavit iudex, *§. non solum, Inst. de leg.* & hoc si sciens legaverit. Si ignorans legaverit tantum suam, cum putaret esse suam, non alienam, hoc est, si per errorem legaverit rem alienam, heres neque redimere eam cogitur, neque æstimationem præstare, igitur inutile est legatum, inutile fideicommissum: quia forsitan, si testator scivisset rem esse alienam, eam non legasset. Facile legant res suas morturi: non ita facile legant res alienas, non ita facile emunt res alienas, vel emi volunt ab herede suo. Ergo in dubio magis præsumitur testator non legaturus fuisse rem alienam, si scivisset esse alienam, nisi aliud fua-deat conjectura voluntatis evidentiissima: ut si rem alienam tantquam suam errans lega-

Tom. IV.

A. verit filio, *l. cum pater §. evictis, h. t.* vel si propinquo, cognato, affini, *l. cum alienam, C. de leg. vel si uxori, l. 11. in fi. de auro, & arg. leg.* vel si alumno: Nam in alumnos omnes educatores sunt perinde affecti ac patres: & fere non minor affectio erga alumnum, quam erga filium, *l. in testamento, de fideic. libert.* His personis præsumitur legaturus fuisse rem alienam, etiam si scisset esse alienam. Ea propter his personis relictum legatum rei alienæ per errorem testatoris debetur, & nihil officiet error legatario. Hoc casu excepto, error facit inutile legatum aut fideicommissum, quod Papin. in hoc §. ait esse ex Constitut. nempe Constitutionem hoc casu subvenire heredi, ne præster quod testator errans legavit, errans sc. in proprietate rei. Et intellige esse Constitut. Divi Pii ex *§. non solum, Inst. de leg.* Multa constituit D. Pius de legatis & fideicommissis: ut pœnæ causa relictum legatum non valeat, ut Capitolinus scribit, ut lex Falcid. habeat locum in fideicommissis ab intestato, *l. filius, ad leg. Falc.* ut res eidem sæpius legata eodem testamento, semel tantum debeat, *l. plane, §. sed si municip. de leg. 1. & l. Mævius, h. t.* & hoc quod tractamus modo, ut legatum relictum per errorem, puta, si rem alienam tantquam suam legaverit testator, non debeat. Et Papin. hoc loco non tantum uritur auctoritate Constitutionis, quam dixi esse D. Pii, sed etiam ei præfert auctoritatem Neratii præf. J. Cti, quod feli. secundum sententiam Neratii ita constituisse D. Pius. Sicut in *l. 7. de cond. & dem. narratur* sententiam Neratii de cautione Muciana fuisse comprobatam Constitutione D. Pii, & aliam sententiam Neratii de vendendis bonis ejus, qui latitat, advesus actionem in rem, fuisse comprobatam Constit. Adriani, *l. Falcianus, §. idem videtur, ex quibus causis in poss.* Florere cepit Neratius temporibus Adriani, ut *l. ult. si a parente quis manumissi.* eumque Trajanus sibi successorem destinavit, sed Plotia suam adoptavit Adrianum. Optimi principes nullam Constit. dabant in medium sine auctoritate & sententia Jurisconsultorum, *l. Divi, de jure patron.* Constit. principum sunt sententiæ Jurisconsultorum, vel opiniones. Et ita in *§. pen. hujus l. Pap.* sententiam suam ait, secutum fuisse Severum Imper. edita Constitutione. Quæ legitimus igitur in Codice, ex iisdem auctor. prompta sunt, ex quibus ea, quæ habentur in D. Et sententia Pap. quam securus est Severus, pertinebat ad hanc speciem: Quidam fideicommissum reliquit oratione imperfecta, omisit quedam verba, nec ceptum sermonem absolvit, puta dixit, *Titio centum dari*, nec adiecit, *volo*. Imperfecta est oratio, an inutile fideicommissum? minime: si modo, inquit, cetera, quæ leguntur, cum his, quæ scribi deberant, congruant, in *l. cum pater, §. imperf. h. t.* si dicto scriptum congruat, hoc est, si nulla sit scribilio: nam observanda est ratio recti sermonis, *l. Plotius, de auro & arg. leg. 1.* Finge dixisse Titium, centum dari, inutile est legatum propter scribilibinem, vel dixisse, *Cajo dari centum volo, Titio decem*: Titio nihil debetur, quia dicto scriptum non congruit, vel quia dictum scripto accommodari non potest congrue. Ergo, si salva sit ratio recti sermonis, sane propter omissionem quorundam verborum non erit inutile fideicommissum, sed intelligitur plus dictum, minus scriptum, quod rem quæ agitur, non corrumpit. Superior enim est voluntas defuncti, quam & scriptura imperfecta indicat satis, & hoc se probasse Papin. ait, exemplo institutionis & legatorum: institutionis, ut in *l. 1. §. fin autem, l. quoties, §. 1. l. de hered. inst.* Titius heres, valet testamentum valet institutio, quasi plus dixerit, minus scripserit, & subintelligimus verbum esto: vel quod est majus: Finge, dixisse eum, scribere se eum ex semisse heredem, & scriptus sit ex quadrante tantum: nihilominus erit heres ex semisso, quia scripto potior est dictio testatoris, ubi scilicet ostenditur plus eum dixisse, quam scripsisse, *d. l. quoties, §. 1.* Exemplo legatorum, ut in *l. si in testam. de leg. 1.* Si ita dixerit, *heres meus damnas esto Titio centum*, debetur legatum. Res ita servatur in institutionib. & in legatis, quæ reguntur summo jure, & multo magis in fideicommissis. Et sic idem Papin. in *l. cum avus, de cond. & demonst.* quod est celebratissimum, vult in fideicommissis

L 1 2 satis

faris hereditatibus semper intelligi hanc conditionem, si sine liberis decesserit, quod magni ingenii vir primus excogitavit, & probarunt posteri usque in hunc diem, & in hanc rem pro coronide observanda est definitio *l. cum pater §. cum imperf. h. t.* si sit imperfecta scriptura, puta, si quæ verba omisa sint legati aut fideicommissi, verbum quod præcedit, vel sequitur, ad communionem assumi. Ad communionem est, quod Grammatici vocant *ἀνὰ τοῦ*, ut si ita dixit: *Cajo dari centum volo, Sejo decem*, & nihil addiderit præterea, repetitur, *dari volo*. Ad communionem assumuntur verba, quæ præcedunt, & dum ait, *verbum, quod præcedit, aut sequitur*, significat duplam repetitionem *ἀνὰ τοῦ*: nam vel sumitur ex verbo præcedenti, vel ex sequenti, duplex *ἵκνυται* est. Et hanc sententiam tandem ait Papinian. optimus Imperator Severus secutus est, imo vix ullus, ut supra dixi, princeps ullam Constit. dedit in vulgus sine jurisperito. Jurisconsultorum sunt, vel sententiæ, vel opiniones, in *§. responsa, Inst. de jure nat.* sicut etiam iudicum sunt sententiæ, sunt & opiniones, *l. 6. §. 1. de interd. C. vel.* Non potest præses Provincie sententia sua aliquem deportare in insulam, sed potest ea de re opinionem suam scribere, & mittere ad principem, sibi eum hominem deportandum videri, hoc est, non potest ea de re sententiam ferre, non prohibetur tamen edere opinionem suam. Et ita ut philosophi docent, alii sunt *ἐπισυναρκτοὶ λόγου*, hoc est, certæ sententiæ & irreprehensibiles, alii sunt *δοκαστοὶ λόγου*, hoc est, opiniones verisimiles, quæ etiam dicuntur *ἡδαινοὶ λόγοι*. Et cum alii Jurisconsulti scripserunt libros opinionum, Labeo scripsit libros *ἡδαινοῦ*, hoc est opinionum. Sicut etiam a Diogene refertur Chrylippi. scripsisse libros opinionum, non sententiarum. Verum ut redeam unde abii: intelligimus in re aliena distinguendum esse inter testatorem scientem & ignorantem: distinguendum esse, utrum testator sciens rem alienam, an ignorans legaverit: an eadem distinctione utemur in re heredis propria, quam testator legaverit? minime. Et hæc est differentia inter rem alienam, & rem heredis, quam perscrinxi ante: nam si sciens, si ignorans legaverit res heredis, hoc est, si etiam rem heredis legaverit errans, tantum suam legatum ab herede omnino præstandum erit, & quidem præstanda erit non æstimatio, sed res ipsa, si eam malit legatarius præcise, ut *l. 70. si duobus §. qui confitetur, C. seg. de leg. 1. l. Titium §. 1. de auro C. arg. leg.* quia legata res est, non æstimatio, & rei præstatio est in facili, cum ejus heres dominus sit. Quæ vero est differentia? cur si ignorans legaverit rem alienam tanquam suam, non valet legatum? Cur error testatoris officit legato? quia falsa opinio fecit utique, ut legaret, quod non esset legaturus. Nam facilius legat quis rem suam, quam alienam emit ipse, vel emi vult ab herede suo: *facilioris*, inquit, sunt voluntates in rebus suis legandis quam alienis comparandis, & onerandis heredibus ademptionem rei. Onus est heredi emere rem, quia curare debet, ut rem redimat, quia res legata est, non pretium. Cur autem, si rem heredis legaverit tanquam suam, error non officit legato? quia facilius quisque legat rem heredis, quam rem alienam, cum & facilius præstatio heredi sit rei suæ, quam rei alienæ: denique facilius quis legat, quod jam habet ipse, vel heres suus, quam quod e longinquo petendum est. Erga sententia Neratii, & Constit. D. Pii, ut Papin. ait, quæ induxit illam distinctionem inter scientem & ignorantem, pertinet tantum ad rem alienam, non ad rem heredis.

Ad §. ult.

Item Marcus Imperator rescriptis verba, quibus testator ita eaverat: non dubitare se quodcumque uxor ejus cepisset, liberis suis reddituram, pro fideicommissio accipiendam. Quod rescriptum summam habet utilitatem, ne scilicet honor bene transacti matrimonii, fides etiam communium liberos decipiat patrem, qui melius de matre præsumptor. Et ideo princeps providentissimus, & juris religiosissimus, cum fideicommissi verba cessare animadverteret, eum sermonem pro fideicommissio rescriptis accipiendum.

A Iximus, non esse inutile fideicommissum rei alienæ, vel rei heredis propriæ: fideicommissum rei alienæ, si sciens legaverit, non si ignorans: fideicommissum autem rei heredis, etiam si ignorans legaverit. Cui volumus addi etiam fideicommissarium libertatem: Nam & hanc si quis reliquerit servo alieno, tanquam suo per errorem, heres eum redimere debet, & manumittere: vel si dominus nolit eum vendere, si quando is servus ad heredem pervenerit, eum debet manumittere, *l. Paulus, de fideicommissi lib. l.* Ergo ut fideicommissum heredis valet indistincte, si sciens, si ignorans eam rem reliquerit testator: ita & fideicommissaria libertas relicta servo alieno: nam & multa alia favorabiliter contra rigorem juris recepta sunt pro libertate. Intelligimus ex *§. pen.* non esse inutile fideicommissum, si omisa sunt verba fideicommissi: verba fideicommissi sunt multa, sed easque fideicommissi unum est verbum principale, quod fideicommissum facit, veluti verbum, *rogo, aut volo*. Et hoc si omisum sit, non vitari fideicommissum, ut si testator dixerit, *Titio centum dari*, nec adjecerit, *volo*, atque ita omiserit verbum fideicommissi, non ideo fideicommissum minus valet, *l. verbum, C. de fideicommissi*. Nunc intelligimus ex *§. ult.* non esse inutile fideicommissum, etiam si testator, qui fideicommissum vult, non sit usus verbo proprio fideicommissi: non est quidem scriptura imperfecta, sed est adstricta, & ligata verbo suo, ceterum non proprio fideicommissi, an valet fideicommissum? Primum videamus, quæ sunt propria verba fideicommissorum, quæ precaria dicuntur, & inflexa, verba fideicommissaria, verba codicillaria, quibus adversa verba directa, civilia, imperativa, sunt verba testamentaria, id est, verba testamentorum propria, sine quibus non sunt testamenta. Verba fideicommissi propria hæc sunt, *rogo, peto, volo, mando*, *fideicommissio §. ult. Inst. de sing. reb. per fid. l. 2. C. comm. de leg.* Mandatum in tit. mandati idem est quod *rogo*, mandatum perficitur his verbis: *rogo te, ut id facias*, vel, *mando tibi, ut id facias*. Denique nihil aliud est *mando*, quam *volo*, *l. illud §. 1. de jure cod.* Hæc quoque verba fideicommissum faciunt, *deprecor, cupio, desidero, opto*. Optativa verba sunt precaria. Idemque exigo *credo te daturum*, *cursus sum te daturum*. Et quod plus est, *injungo uti des*: injungo non est directum verbum, sed precarium, *l. etiam hoc modo, l. C. eo modo, de legat. 1. ut adiciit Paul. 4. sent. tit. 1. impero*, quod fideicommissum facit, non legatum: *impero tibi des Titio centum*. Minus est imperare, quam jubere. Princeps imperat, & inde Imperatoris nomen. Dominus jubet: mitior est potestas principis, quam domini. Aliis forte auctoribus plus est impero, quam jubeo, sed nostri auctores sunt peritiores proprietatem verborum. An etiam verbum, *commendo*, est precarium? Commendo non facit fideicommissum, ut si ita eaverit testator, heres *l. Titium tibi commendo*, neque videtur rogatus heres, ut ei restituit bona, neque si servus fit, videtur rogatus, ut eum manumittat. Verbum igitur, *commendo*, utile fideicommissum non facit, *lex verba C. de fidei. lib. l. quoties, C. fam. l. erit §. 1. si ita quis, de leg. 3. l. Titius §. Titius, de fid. lib. l. 65. de hered. inst. C. l. Titia §. ult. hoc tit. M. Tull. 3. de fin. ex hac animorum affectione testamentaria & commendationes mortuorum nata sunt. An illo loco commendationes sunt fideicommissa? minime, fideicommissa obligant, commendationes non obligant, quod obtrinet etiam in contractibus. Neque enim mandatum contrahitur hoc modo: *illud tibi commendo*. Aliud est *mando*, aliud *commendo*, *l. si vero §. cum quidam mand. Commendatitæ epistolæ non obligant, l. ult. C. quod cum eo, qui in aliena est pot. Denique verbum, *commendo*, neque facit fideicommissum, neque legatum: neque ergo est directum, neque precarium. Verba aut sunt directa, aut precaria, aut neutra: communia nulla scio. Semper autem excipio ab eo, quod constituo de verbo commendo, nisi aliud senserit testator: nam non tam verba faciunt fideicommissum, quam voluntates defunctorum, etiam nuda voluntas & tacita fideicommissum facit, *l. cum proponatur, hoc tit.* etiam nutus fideicommissum facit, ut si quis moriens interrogatus, an velit**

velit Titio dari eum fundum, si annuat, utile est fidei. *l. 1. annuat. tit. seg.* Ergo ex voluntate defuncti, etiam quod libet verbum fideicom. facit; quia nec tam id verbum facit quam voluntas defuncti. Etiam illud vehementer observandum est, quod idem Paul. eodem lib. scribit, verbum *relinquo* non facere fideicommissum, & multo minus legatum: *illi illum fundum relinquo*, neque est legatum, neque fideicommissum: hæc nomina omnia incognita fuere. Placet valde, ut *relinquo* neque sit directum, neque precarium, quod demonstratur etiam *l. 2. de his, qua sub mod. Sed sem.* per excipio voluntatem defuncti, quæ poterit colligi ex sequentibus verbis, vel antecedentibus. Finge ut in *d. l. 2.* testatorem ita dixisse: *illi illum fundum relinquo*, & mox eum rogasse, ut eum fundum restitueret alteri: onus fideicommissi, quod ei in iunxis, argumentum præbet fideicommissi ante relicti, etiam parum apto verbo *relinquo*. Et sic in *l. Lucius §. filiam*, ad Trebell. *ibi: illum fundum relinquo*, legatum est, siue fideicommissum, quia mox subiecit, *quia legato contentus esse debet* &c. & ita plane declaravit, se legare velle, vel per fideicommissum, alioqui verbum *relinquo* solum fideicommissum non facit. Nam etiam si dicatur, *relinquo legatum*, *relinquo fideicommissum*, *relinquo hereditatem*, tamen hæc non recte relinquuntur: verbo *relinquo* non recte heres scribitur, hoc modo: *illum heredem relinquo*. Nam licet heres dicatur institui, vel substitui; tamen neque recte instituitur verbo *institui*, neque recte substituitur verbo *substitui*, ut Ulpian. docet *Institui. iii. quemad. heres scribi debet*. Hæc verba, *relinquo*, *institui*, *substitui*, neque sunt directi, neque precaria, & longe errant interpretes, qui *institui* & *substitui*, accipiunt pro directis verbis. Sunt enim neutra verba, & abutuntur *l. jam hoc iure*, de vulg. subst. illo loco, *hoc communi verbo: eosque in viam substitui*. Ex quo efficiunt verbum substitui esse commune, hoc est, modo directum, modo precarium, quod longe abest a sententia Jurisconsulti: Nam commune verbum dicit in eo loco non verbum substitui, sed hæc orationem, *eosque in viam substitui*, quæ perficitur substitutio reciproca, quæ est communis, si fiat impuberibus filiis, hoc est tam vulgaris est, quam pupillaris. Alias certe verbum substitui, vel institui, neutrum est: sed interim ex eo intelligimus, etiam si heres instituitur dicatur, non recte cum institui verbo *institui*: vel etiam si substitui dicatur, non recte substitui verbo *substitui*: nec mirum igitur si licet fideicommissum relinquatur, non tamen relinquatur verbo *relinquo*. Nam & similiter legatum dicitur relinquere verbis imperativis, id est, directis, nec tamen recte relinquatur verbo *impero*, quod magis est precarium: recte relinquatur verbo *jubeo* hoc modo pro damnationem *heredem meum dare jubeo*, sicut heres scribitur recte hoc modo, *illum heredem esse jubeo*, ut Ulpian. scribit *Reg. tit. 21.* Et quod in *l. Corn. §. ult. de lib. leg.* verbum *jubeo*, videtur constituere fideicommissum, hoc fit ex voluntate defuncti, qui adiecit verbum restitui, siue reddi, hoc modo, *reddi illi jubeo precium quam ei debeo*: fideicommissum est magis propter verbum *reddi* quam *jubeo*, quod magis directum est. Nam hoc verbo rectissime hereditas relinquatur, atque legatum simul hoc modo heres esse, vel heres sit, vel heres erit, ut idem Ulpian. docet. Quæ verba etiam observantur in exheredatione, quæ non valet, nisi concipiatur verbis directis, veluti heres esto, vel sit, aut erit, vel heredem esse jubeo. *l. filii etiam de lib. & post.* Justinianus qui veterem differentiam horum verborum noluit tam accurate observari, dicit in *l. 2. Comm. de leg.* dubitatum fuisse de verbo *heredes*. Non est ferendus illo loco Alciat. nec alij, qui cum in ea *l. Justin.* referat verba precaria, & verba directa, velut *jubeo*, quod numerat inter directa, verbum *rogo*, *peto*, *volo*, inter precaria, illi faciunt duo nomina, hoc modo *heredes*, pro *heredes*, *heredes*, ut *verbo. 2010.* id est, *ad puro*, contestor & convenio te iurejurando, ut id facias siue des. Hoc verbum non dicebatur esse commune: non habere juris auctoritatem verba communia, quæ directe accipi possint, & indirecte, sed alij dicebant, id esse directum, alij esse precarium, nec narrat Justin. quid definiat, quia nec necesse fuit, cum

velit quocunque verbo perfici legatum & fideicommissum, sicut Imp. Constantinus in *l. quoniam C. de testam.* Hæsitatum enim fuit de his verbis, non dubito te redditorum, sed non multum fuit dubitatum: Nam certum est, his verbis parum aperte scribi fideicommissum. Hæc verba non faciunt fideicommissum, hæc verba neque sunt legati, nec fideicommissi verba, nec ullam voluntatem certam exprimunt, nisi scilicet suffragetur voluntas defuncti, quæ exceptio est perpetua, ut in specie hujus §. item: quæ est talis. Vir uxorem heredem instituit ex asse, sic proponenda est species, ut constat ex *l. seg.* & adiecit, non dubito te bona mea liberis communibus redditorum, qui scilicet liberi erant impuberes: eos igitur exheredavit: alioquin inutilis esset institutio, inutile testamentum, & fuit summa providentia testatoris: Nam eos non exheredavit notæ causa, siue mala mente, sed bona mente, non ut eis obesset, sed ut eis consuleret. Exhereditatio non semper est notæ, siue injuria, aut damnum, sed providentia, aut cura suorum, ut scilicet interim dum essent impuberes, donec pervenissent ad justam ætatem, mater fideicommissaria, hoc est, quæ præsumebatur fore fideicommissaria, & liberorum amatissima, ea bona tueretur, & administraret: quæ exhereditatio facta eo consilio consistit, & non parit querelam inofficiosi testamenti, nec excludit exheredatos bonis paternis omnino, non excludit etiam lucris nuptialibus obvenientibus liberis communibus. Nam *Novell. 22.* quæ est de his lucris, loquitur de exheredatis mala mente. Et sunt hujus providentie testatorum multa exempla in iure *l. pen. de cur. sur. l. multi de lib. & post. l. si prius §. si qui non mala*, & *l. pen. 2. de bon. lib.* Recte igitur fuit instituta uxor ex asse. Sed queritur, an ex illis verbis, non dubito te liberis communibus bona redditorum, possit induci fideicommissum? Sane quod ad verba attinet, non videtur uxori fideicommissi, ut bona restitueret. Sed D. Marcus inspecta mente testatoris constituit, ea verba pro fideicommissum accipienda esse ex voluntate defuncti. D. Marcus providentissimus princeps, inquit, quia philosophus, & juris religiosissimus, quia Jurisconsultus fuit, *l. §. C. de repud.* Et eodem modo in Constit. Justin. quæ auspiciis facit, Justinianus Princeps juris religiosissimus. Habet autem hæc Constitutio D. Marci utilitatem summam, ne honor transacti matrimonij cum uxore dulciter sine offensa, sine querela, & ne fides communium, liberorum quibus subnixum fuit matrimonium, ut *l. r. ult. de lib. exhib.* ne bona spes, & fiducia, quam exinde accipit pater, decipiat patrem, qui melius de uxore præsumperat. Ergo melius est dicere, matrem invitam cogi reddere bona liberis communibus cum morietur, quia enixa fuit voluntas patris, quam contulit in liberos. Enixa voluntas, id est, quoties testator valde vult, fideicommissum est. Hoc est, quod ait in *§. ult.* Et eadem est utilitas, *l. Pamphilo, tit. seg.* Legavi liberto centum, & adieci: *scio, quia tibi relinquo ad filios meos perventura*, id est, post mortem tuam, cum sciam, eos tibi esse carissimos: sane verba fideicommissi cessant, quia non videtur ei fideicommississe, ut restitueret centum filiis suis. Sed tamen, quia inhumanum est, decipi patrem a liberto, de quo melius sperabat, exigente etiam & impellente caritate filiorum, ut *l. liberorum, de verb. sign.* melius est, ut libertus invitus compellatur centum restituere, vel heres ejus filiis patroni, veluti ex causa fideicommissi, quod confirmatur eo loco, arg. hujus Constit. D. Marci. Sunt igitur duo casus per similes. Nec obstat quicquam his, quæ proponuntur in *§. ult. & d. l. Pamphilo, lex generalis, in prin. de usus. leg.* Testator liberto legavit usufructum, fundi, & adiecit: *puto si non contenderis cum herede meo, sed potius concordaveris, etiam proprietatem fundi te consecuturum.* Et hoc etiam fecerit heres & curaverit, ut cum liberto non contenderet. Queritur, an vivente herede libertus possit petere proprietatem fundi ex causa fideicommissi? Et respondet, non esse fideicommissum: verba illa non inducere fideicommissum. Respondeo, in hoc *§. ult.* dixit, non dubito, quod est scio, in *l. Pamphilo*, dixit, scio at in *d. l. generali*, dixit *puto*, quod verbum est opinantis. Scientia testatoris fideicommissum facit, vel quasi fideicommissum.

Sum ex interpretatione voluntatis. Opinio fideicommissum non facit: cum dicimus: *puto*, non quasi certi dicimus ita ut sentientes, sed quasi existimantes, ut Plut. in Demouit. ait, Demosthenem dicere solum, *quicquid* & Augustinus i. retractationum, excusat se quod aliquid non confirmaverit, sed putare se dixerit, scio & non dubito &c. scientiam exprimit, ut l. & eo modo de leg. 2. quomodo Philostratus scripsit Apollonium semper locutum, & nimirum verecunde usum his verbis, *το οὐδὲν, & τοὐδὲν μοι, & τοὐδὲν αὐτῷ*: & in vitis sophistarum eosdem sophistas his verbis arroganter semper usos, *ἀλλὰ καὶ ὑμεῖς τοὐδὲν*, id est, *jampridem scio*, non verecunde, *puto*, quod nostri auctores nunquam faciunt. Nec obstat l. testatores, §. 1. tit. seg. sic dixit testator villicis suis: *curate agros attendere*, ut scilicet rustici agros colant, & ita fecit ut filius meus filios vestros vobis condonet: an filius ejus videtur relicta libertas per fideicommissum? Minime: Quia hæc verba consilium dant potius, quam fideicommissum indicunt: ut agros attendant diligenter, ita fore, ut filii eorum eis condonentur. Consilium est, non fideicommissum. Consilium non obligat, l. cum pater, §. mando, hoc tit. nisi aliud fundat conjectura voluntatis, ut in l. 11. §. hæc verba, tit. seg. ut in obligationibus quoque, quæ sunt ex contractu, consilii nulla est obligatio, l. 2. §. ult. mand. l. consilii, de reg. jur. non in obligationibus, quæ ex maleficiis nascuntur: nam consilium potest esse maleficium non potest esse contractus, vel legatum, vel fideicommissum. Ac postremo obstat l. pater, §. ult. tit. seg. mater prædia legavit filiis, & adjecit, ut ea conservarent successioni suæ, non alienarent, ut ea de re invicem sibi caverent per stipulationem, & restitutionem. Quæritur: an sit fideicommissum? Resp. non esse, quod mirum, sed nihil est facilius: voluit testator eos obligari ex cautione, non ex fideicommissum, ut in l. Balista, ad Trebell. & ob id non est fideicommissum.

Ad L. Peto LXIX. de Leg. 2.

Peto Luci Titi, contentus sis centum aureis: fideicommissum valere placuit, idque rescriptum est. Quid ergo, si cum heredem ex parte instituisset, ita locutus est? Peto pro parte tua Luci Titi contentus sis centum aureis: petere poterunt coheredes partem hereditatis, retinente, si præcipiente, quo contentum esse voluit defunctus. Sine dubio facilius est, hoc probare, quam probari potuit illud: cum tibi fideicommissum petatur ab his quibus testator non est locutus. Idem dicemus, si cum ex asse scripserit heredem, ejus gratia, qui legitimus heres futurus esset, ita loquatur: peto pro hereditate, quam tibi reliqui: quæ ad fratrem meum jure legitimo rediret, contentus sis centum aureis.

Fideicommissorum verba sunt preces in eum collatz, a quo fideicommissum relinquitur. Fideicommissoris verba diriguntur ad eum, qui fideicommissis oneratur, sermo habetur cum eo, non cum alio, & ita jure civili fideicommissum relinqui oportet: sed ex constituto. principum, utile est fideicommissum, etiam si quis non loquatur cum eo, a quo fideicommissum præstari vult, sed cum eo, cui reliquit fideicommissum, veluti, *peto Caii Scii, ut contentus sis illa re*. Hic sermo non dirigatur ad heredem, sed ad fideicommissarium solum, ut hoc loco, & l. cum quis, §. nuptura, inf. 1. seg. vel etiam ita, *sufficiat tibi ea res*, l. 11. §. si quis ita, 1. seg. vel ita: *velo tibi illam rem dari*, apud Paul. 4. Sent. tit. 1. vel ita: *rogo te, ut accipis centum servorum tuorum manus*. His verbis heres etiam videtur esse rogatus, licet non sit rogatus, ut ei det centum, l. si servus legatus, §. pen. de leg. 1. & d. l. 11. §. cum esset, tit. seg. vel etiam hoc modo: *seire te volo, donare me tibi aureos octingentos* ut in specie l. miles, hoc tit. in qua miles ita proponitur epistolam scripsisse ad fororem suam, *seire te volo, donare me tibi aureos octingentos*. Sed idem sequendum in epistola pagani: siue is eam epistolam scripserit miles, siue paganus, fideicommissum licet, & si defunctus, sic est legendum in d. l. miles, cum eo loquatur, qui precario remuneratur, non

A cum herede, qui oneratur eo fideicommissum: verbum done, in ea specie habetur pro precario: Est sane directum, sicut verbum do, l. Arelusius, l. Titius Sejo, de lib. leg. l. quæ situm, §. 1. de leg. 3. Sed ex voluntate defuncti verbum directum habetur pro precario, sicut sepius directum institutio & substitutio, & libertas ex sententia defuncti, vel ex privilegio quodam veluti militari, habetur pro fideicommissaria, l. precibus, C. de impub. & al. substit. l. Scævola, ad Trebell. inf. l. generaliter, l. si servo, de fideic. lib. inf. Ideo autem in d. l. miles, verbum dono, habetur pro precario, quia scriptum est in epistola fideicommissaria, in qua nihil directo scriptum valet: sic vocatur in l. cum quis, §. pater tit. seg. quæ est imitatio codicillorum, l. un. §. sancimus, C. de lat. lib. toll. vel est supplementum codicilli, l. uxorem, §. codicillis, tit. seg. Quid est epistola fideicommissaria? quam quis post mortem suam demum aperiri vult, non se vivo. Non est igitur, ut quælibet alia epistola. Ergo verbum dono, quod est directum, scriptum in epistola fideicommissaria habetur precum loco, ne scilicet pereat voluntas defuncti, quam utique voluisse ei dari satis apparet ex verbo dono. Et differentia est inter relinquo & dono, quia relinquo, siue derelinquo, etiam si relinquo certæ personæ, non continuo ejus dominium in eum transire volo, quod est evidentiissimum. Quid si relinquo in causa depositi? Quid si derelinquo potius, quam relinquo, quod sperno. Quod autem dono testamento vel codicillis, ut epistola fideicommissaria, vel alio iusto instrumento mortis causa, vel inter vivos sane in alium transferre volo. Relinquo plerumque invitus, puta moriens, interesset maxime: do siue dono mea sponte & rectissime Eustat. p. l. d. Hom. relinquere esse necessitatem, dare benevolentiam, & munificentiam: relinquo non est verbum liberalitatis: legatum est liberalitatis, fideicommissum est liberalitatis: ergo ex solo verbo relinquo, non ducitur idoneum argumentum legati vel fideicommissi. Ex verbo dono, ducitur argumentum alterius, ex ipso verbo argumentum legati, quia directum est verbum: ex mente defuncti potius, quam verbo argumentum fideicommissi. Verum quod ad rem principalem attinet, constat jam factis ex supradictis locis, utile esse fideicommissum, etiam si quis non cum eo loquatur, quem onerat, sed cum eo tantum, quem honorat fideicommissum. Plus dico, utile fideicommissum esse, etiam si quis neque cum hoc, neque cum illo loquatur, sed cum extraneo quodam, ut in specie, l. cum pater §. donationis, de leg. 2. quæ talis est: Mater epistolam ad filium scripsit, nec misit tamen: fuit enim epistola fideicommissaria, quæ non mittitur ad eum ad quem scripta est sicut quælibet alia epistola, nec ei traditur legenda, nisi post mortem scriptoris. Igitur scripsit quandam epistolam ad filium, sed eam non misit ad filium, sed neciente filio eam sacro commendavit, & deposuit eam apud ædritum, vel pontificem. Ea vero epistola mater filio donabat prædia quædam, donandi verbum est directum, non precarium, sed ex voluntate defuncti trahi potest ad fideicommissum, etiam si in epistola nullum sit aliud verbum precarium, ut in specie d. §. donationis postea mater ad ædritum scripserit literas tales, *Si instrumentum, quod apud te deposui post mortem meam filio tradi volo*: Donatio prædiorum habebitur pro fideicommissum, nec quicquam refert, quod mater precariam suam voluntatem declaraverit literis ad ædritum scriptis, cum de eo constet, in quem voluntatem suam contulit. Et eleganter in d. §. donationis, non oportet queri cum quo quis loquatur de supremis suis, id est, de suprema sua voluntate, sed in quem voluntatis intentio dirigatur. Igitur eo casu filius fideicommissum petet ab heredibus institutis testamento matris, licet neque cum eis, neque cum filio locuta sit, sed cum extraneo, hoc est, cum ædritum. Et ait in illo §. cum pluribus heredibus intestato diem suum obijisset. Certum est esse scribendum, cum pluribus heredibus institutis diem suum obijisset. Nam ab intestato filius ipse matri heres extitisset ex Senatusconsulto Orfit. Eadem vero ratio est in specie l. cum quis, §. Sejum, tit. seg. Species hæc est: Sejum & Mævium liberos suos heredes scripsit, & Mævio substituit Sempnium. Deinde codicillis scripsit ad Sejum, non ad Mævium

coheredem, & in eis ita cavit: *Maximū quem testamento pro parte dimidia heredem institui, eam partem accipere volo*, cuius in loco, *Sempronium heredem esse volo*: & ei *Maxio legavit (ut ponit)* vini vetusti lagenas aliquot: hac verba, quibus vetuit *Maxius accipere partem hereditatis ei testamento adscripta*, & in ejus locum *Sempronium vocavit*, accipiuntur pro fideicommissio, & *Sempronius fideicommissum petet a Maxio*, non a *Seio*: licet codicilli non sint scripti ad *Maxium*, neque ad *Sempronium*. Denique, neque sunt scripti ad eum, qui fideicommissum debet, neque ad eum, cui debetur. Et placet tamen consistere fideicommissum: denique nihil refert, ad quem scribantur, satis esse intelligere quid voluerit, qui codicillos fecit, nihil referre ad quem, sed cuius gratia, sicut nihil refert, ut *Senec. 5. de benef.* ait, cui des beneficium, sed cuius gratia: si filio dedisti alieno patris gratia & honore, sive affectione, non filius accepit beneficium, sed pater in ejus honorem id dedisti filio: mens enim semper spectanda est dantis. Summa igitur hæc sit conclusio, fideicommissum consistere & valere etiam si quis non alioquatur eum, a quo præstari vult fideicommissum, sed eum eo, cui præstari vult: imo etiam cum neutro loquatur, sed cum extraneo quodam inde colligit *Papin.* eleganter hoc loco, multo magis valere fideicommissum, si quis eum eo loquatur, quo fideicommissum relinquatur, etiam si palam non edicat, cui, vel quibus relinquat, ut si *Titium* ex parte heredem instituit, & deinde cum eo ita locutus sit, *peto, ut pro parte tua centenus sis centum aureis*, non adscripta ea parte alii nominatim. Ex his verbis fideicommissi petitio est coheredibus *Titi*, quia videtur rogatus partem suam restituere coheredibus, retentis aureis centum, quos imputabit in *Falcidiam*, & si quid deest *Falcidie* id in supplementum deducet, retinebit sive præcipiet, quia contentum esse eum defunctus voluit. Differentia est inter retinere & præcipere, l. in quartam, ad leg. *Falcid.* Retentio est facti, præceptio fit beneficio actionis: sed sive retinere, sive præcipere iustus fit pecuniam solidam, imputat in *Falcidiam*, quia eam videtur lumere ex sua parte, l. cum pater, in prima, hoc tit. Idem dicitur in specie l. *Paul. 27. §. 1. tit. leg. ad quam facit etiam l. 2. C. de cod. Filium & filiam heredes scripsit: deinde ita cavit: filia pro omni hereditate contenta esto ita prædiorum: videtur filia rogata restituere suam portionem fratri suo. Et idem omnino erit, si quis heredem scripserit ex affe, ut *Papinian.* hoc loco, & deinde cum eo ita loquatur, *peto pro hereditate, quam tibi reliqui*, &c. Nam his verbis heres instituitur ex affe, videtur rogatus, ut fratri legitimo heredi testatoris hereditatem restituat retentis centum aureis. Et recte ait, quæ ad fratrem jure legitimo rediret: nam proprie legitima hereditas redire dicitur, quia ad eandem familiam recurrit. Et assentior *Placentino*, qui in l. quoties 73. de reg. juris: ita legendum putat, quod hereditas redit, ab intestato scilicet eo *Utrula* pervenit. Hæc sunt quæ continentur in 1. quæst. hujus l. quibus duo obicit *Accurs.* Primum, l. filius, §. *Divi*, de legat. 1. Ex quibus hoc erimus, nudum præceptum nullius esse momenti, exempli gratia, vult, ne fundus alienaretur, & nihil præterea adiecit: nudum est præceptum, quod obligationem nullam parit, quando quidem non dixit, cuius gratia id præcipere: sicut si dixerit, *peto fundum alienari extra familiam*, non est nudum præceptum, quia fit familie suæ gratia: cui etiam eo nomine competit fideicommissi persecutio fundum alienato, & collato in exterum. Alias nudum præceptum nullius est momenti. In hac specie videtur esse nudum præceptum, *peto contentus sis*: nudum præceptum nullius est momenti, si non appareat, cuius gratia præcepit: sed in specie propo- sita apparet, eam præcepisse gratia alterius, cuius gratia præcepit, ut contentus esset tot aureis. Deinde obicitur l. cum pater, hoc tit. §. pater, qui filio. Filium pater heredem scripsit ex semife, filius duas ex quadrante: deinde ita cavit: filii pro suo semife contentus esto ducentis aureis, & vos filio pro quadrante vestris contenti esto centenis: usus est hinc verbis, quæ proponuntur in hac l. Et tamen ait, non videtur reliqui mutuum fideicommissis, inter fratres. Sed ratio est evidens: non posse induci fideicommissum,*

A quia etsi induceretur, inutile esset: nam si esset mutuum fideicommissum, quantum daret filius fororibus, tantum acciperet a fororibus, mutuum, & e converso. Igitur non voluit testator mutuum fideicommissum facere, sed magis, ut solent frugi patresfamil. voluit æstimationem sui patrimonii facere, & æstimare semissem filii ducentis, quadranten filiarum centenis, quæ tamen æstimationem nunquam propeller veritatem: hoc est, si quis ita æstimaverit portiones adscriptas, ea æstimatio nihil officit veritati, l. 1. §. ult. ad leg. *Falcid.* l. si fundus, §. si libertus, de leg. 1. & l. 1. C. arbit. tut. Atque ita nihil omnino obstat illæ duæ leges.

Ad §. Prædium I.

Prædium, quod nomine familiae relinquatur, si non voluntaria facta sit alienatio, sed bona heredis veniant: tamdiu emptor retinere debet, quamdiu debitor habere bonis non venditis post mortem ejus non habiturus, quod exter heres præstare cogetur.

H Ujus §. species hæc est: quidam unum ex familia sua heredem scripsit, & prædium nomine familie reliquit. Sic rectissime legit *Haloander* in §. 1. hujus l. prædium quod nomine familiae relinquatur, hoc est, quod relinquatur his, qui sunt ex nomine, gente & familia eadem. Sed quod ad juris effectum attinet, exponamus, quid sit prædium nomini familie relinquere. An relinquatur pure, ut adita hereditate, mox præsentī die peti possit? mihi me: qui enim sibi heredem instituit unum ex familia sua, & ab eo nomine familie prædium reliquit, sane hoc vult, ut unus heres, qui est ex familia, eo prædio fruatur, moriens id familie relinquat, ut interim prædium extraneo non alienet, sed familie conservet: hæc est vis & potestas hujus sive legati, sive fideicommissi. Hoc casu si vivus heres prædium extero vendiderit sua sponte, statim ceteris, qui sunt ex familia, competit fideicommissi petitio, perinde ac si moriens id reliquisset extero, l. cum pater §. libertis, hoc tit. Nam etsi familie fideicommissum, quod relictum est videatur collatum in tempus mortis heredis, ut scilicet ab eo prædium transeat ad ceteros, qui sunt ejusdem nominis & familie, tamen si is vivus discesserit a præcepto defuncti, si maturaverit prædium alienare, fideicommissarii, qui sunt ex eadem familia quodammodo, petent præmatüre fideicommissum. Denique, si is heres vivus sua sponte alienaverit, statim competit ceteris petitio fideicommissi. Quæritur in hoc §. quid sit dicendum, si alienatio sit necessaria, non voluntaria, id est, si is heres alienavit coactus. Finge, heredis bona venierunt sub hasta ex edicto prætoris urgentibus creditoribus heredis, & inter ea bona etiam prædium legatarii: an familie competit fideicommissi persecutio, quod extero sit alienatus fundus? Differentia est constituenda hac in re inter creditores testatoris, & creditores heredis: prohibitio illa, ne prædium heres extero alienet, non potest esse fraudi creditoribus testatoris, l. filiusfamil. §. *Divi*, de legat. 1. Nam & legata sive fideicommissa non debentur, nisi deducto ære alieno, l. 1. §. denique ad *Trabell.* Et ideo si propter creditores testatoris, heredis bona venierunt, & inter illa bona illud prædium, de quo agitur secundum id, quod receptum est, heredem, qui inventarium non fecit teneri creditoribus ultra vires, l. quæ dotis, sol. matrim. Et hoc est, quod dicitur, quamlibet hereditatem esse solvendo, hoc est, modo habeat heredem, qui sit solvendo: locupletem esse omnem hereditatem, quæ habet locupletem heredem, l. libert. de bon. libert. Si igitur propter creditores testatoris bona omnia heredis venierunt, jure pignoris alienatio tenet, nec potest infringi ex causa fideicommissi, l. qui solidum, §. ult. de leg. 2. & d. §. *Divi*. Hoc enim casu familie nunquam competit fideicommissi persecutio, & rata erit perpetuo jure alienatio prædii, etiam si sit collata in exterum, quia facta est propter testatorem ipsum quem absolvi æquius est, quam fideicommissum præstari. Quid vero si heres prædium illud ultro vendiderit, creditorum testatoris dimittendorum gratia videlicet, cum non esset aliud in hereditate, unde debita commodius ex-

solvi

solvi possent? Rata alienatio est *l. pater in princ. tit. seq.* Ex hac de creditoribus testatoris. Quid si creditores heredis bona heredis venderunt, & in his etiam pradium illud, de quo agitur, quod est obnoxium fideicommissi relicto nomine familie? Sane interim vivo herede alienatio tenet, quia & bonis non venditis, ipse quando vivisset, pradium tenuisset solus: sed sicut bonis non venditis, mortuo eo herede, extraneo herede relicto, familie persecutio competit, ita bonis venditis mors ejus expectabitur, & post mortem ejus demum familie fideicommissi persecutio comperet. Denique competet aliquando, quia alienatio pradii facta est, non propter testatorem, sed propter heredem: si facta esset propter testatorem, nunquam familie fideicommissi persecutio esset. Et est *h. §.* similis casus *l. Statius, §. Cornelio Felici, de jure fidei.* qui locus solet frequenter adduci in medium, tum in schola, tum in foro: Heres rogatus est post mortem suam hereditatem restituere, post heres exiit, ac deinde ob delictum aliquid deportatus est, & bona ejus confiscata sunt: hereditas, quam acceperat a testatore confiscata est, an fideicommissario competit statim fideicommissi persecutio? minime: quamdiu scilicet vivit heres deportatus, interim fidei tenet hereditatem, post mortem deportati, erit fideicommissi persecutio: vel si fideicommissarius premoriatur, hoc est, si ante deportatum moriatur, sane ea bona perpetuo jure manebunt apud fideum. Et sic etiam in specie hujus §. apud emptorem perpetuo jure manebit pradium, si ceteri, qui sunt ex familia, moriantur ante heredem scriptum, quod notandum. Nam solet hic & coartari, cum *d. §. Cornelio*, sed vix unus cum alio congruit magis. Notanda est differentia inter heredem extraneum scriptum a priori herede, operato fideicommissi conservandi pradium familie prioris testatoris, & unum ex familia bonis quidem venditis propter creditores heredis. Extraneo mortuo herede familie fideicommissi persecutio competit, si extraneum, si sibi heredem scripserit unum ex ea familia. Ergo si propter creditores heredis bona venierunt, mortuo eo familie fideicommissi persecutio competit, si extraneum heredem scripserit, si unum ex familia admissa compensatione virilis portionis, que uni competit, ut diximus in *l. unum ex familia, §. substit. sup.* Bonis non venditis est differentia: Nam si heres prior extraneum sibi heredem scripserit, familie competit fideicommissi persecutio: si unum ex familia, cetera familia excluditur.

Ad §. Mater III.

Mater filio impubere herede instituto, tutorem eadem adscriptis, ejusque fideicommissi, ut si filius suus intra 14. annos decesserit restitueret hereditatem Sempronio: non ideo minus fideicommissum recte datum intelligi debet, quia tutorem dare mater non potuit: nam etsi pater non jure facto testamento tutoris fideicommissi, aque praeberetur, quemadmodum si jure testamentum factum fuisset. Sufficit enim, ut ab impubere datum fideicommissum videatur, ab eo dari, quem is, qui daret, tutorem dederat, vel etiam tutorem fore arbitrabatur. Idem in curatore impuberis, vel minoris annis debet probari. Nec interest tutor recte datus vivo patre moriatur, vel aliquo privilegio excusetur, vel tutor esse non possit propter etatem, cui tutor fuerat datus, quibus certe casibus fideicommissum non interdicat, quod a pupillo datum videtur. Hac denique ratione placuit, a tutore, qui nihil accepit, fideicommissum pupillo relinqui non posse: quoniam quod ab eo relinquitur extero, non ipsius proprio, sed pupilli jure debeat.

Quod attinet ad hunc §. sciendum est, matrem non posse filio impubere testamento tutorem dare, quia non habet filium in potestate, qua ratione etiam pater filio emancipato tutorem non dat. Tutoris datio pars est patrie potestatis, sicut pupillaris substitutio. Sed hac in re est differentia inter patrem & matrem. Tutor datus a matre, non est quidem jure datus, sed confirmatur decreto praetoris vel praedis, & confirmatur ex inquisitione, causa cognita, habita inquisitione morum, vitae & facultatum

ejus. Ac rursus ita demum confirmatur, si datus sit a matre pupillo heredi instituto, *l. pater, sup. de test. tut.* Nam si datur a matre praeiterito seu exheredato, plane inutiliter datus est, quia is nunquam confirmabitur. Et ut jam pridem ostendi in *l. C. de test. tut.* lex ait initio, matrem filii tutorem dare non posse, & subiicitur exceptio, nisi eos heredes instituerit: unde sequi debet affirmare, non negare, quod si eos heredes instituerit, solet ex voluntate defuncti tutor eis datus confirmari: Nec enim confirmator tutor a matre datus, nisi sit datus heredi instituto: datus autem a matre, etiam si datus sit exheredato, confirmatur, & quidem sine inquisitione, & non exacta satisfatione rem pupilli salvam fore, *l. 1. de confir. tut. inf.* a patre datur tutor personae, a matre rei potius, quam personae, id est, rei maternae, quasi judicium personae minus conveniat matri, quam patri: & judicium viri facilius confirmatur, quam judicium mulieris, judicium patris confirmatur sine inquisitione, judicium matris non nisi ex inquisitione, *l. ult. qui per. tu.* Et hac ratio differentiae inter patrem & matrem. Item sciendum est, quod praecipue continetur in §. matre, hac l. a tutore dato pupillo heredi instituto fideicommissum relinqui posse etiam si tutor nihil ex testamento capiat, *l. eum, C. de fideicommiss.* quae repetita est ex *l. §. C. de reb. cred.* Hoc ideo, quia a pupillo videtur relinqui: Cur fideicommissum relinquitur alter qui nihil fert? quia videtur relinqui a pupillo, valet fideicommissum, non tutoris proprio nomine, sed pupilli. Pono pupillum fuisse heredem institutum: nam ab exheredato non posset fideicommissum relinqui: cui nihil damus, eum rogando obligare non possumus. Ergo ab exheredato, nisi legatum aut fideicommissum ei reliquimus fideicommissum frustra relinquimus: & consequenter a tutore, vel substituto ejus: Nam quod a tutore relinquitur, a pupillo relinqui videtur. Cur vis hoc statuimus relictum a tutore relinqui videri a pupillo: quia tutor pupilli loco habetur. Plerumque tutor est loco domini, *l. tutor qui tutelam, de admin. tutor. l. qui fundum, §. si tutor, pro empt.* Quid vero est hoc tutorem esse loco domini? an tutorem quasi dominum esse pupilli, sicut tutela dicitur esse vis & potestas in pupillum? minime. Tutor est loco domini, hoc est loco pupilli: tutor & pupillus unum est, & ambo quasi unus: & ideo tutor potest manumittere servum pupilli consentiente pupillo, nisi sit actor rerum omnium pupilli, ut constat ex sententia quadam *D. Adriani Imp. relata inter ejus adoptivus.* Item cautum est *l. Attinia*, ut res furitiva non possit usucapi, nisi redierit in potestatem domini: id ita accipimus, ut suffecerit eam rediisse in potestatem tutoris, quia est loco domini, *l. sequitur, §. si pupillo, de usucap.* Servus non torquetur in dominum, ita est: ergo nec in tutorem debet, *l. 2. C. de quasi.* Eademque ratione tutor non satisfat de rato, vel judicium solvi, *§. tutoris, Institui. de satisfat. tutor.* quia nec dominus satisfaret, & loco possessoris dicitur esse tutor possidente pupillo, *l. penult. qui satisfat. cogant.* Denique tutor est loco domini, id est, pupilli sui: & consequenter, quod a tutore relinquitur, a pupillo relinqui videtur. Utile ergo fideicommissum est, etiam si tutor nihil capiat ex testamento, modo pupillus capiat: & quod plus est, nihil refert, jure datus sit tutor, an non: nam etiam si sit datus minus solemniter testamento, fideicommissum ab eo relictum debetur, si modo, ut Rogerius supplet recte, testamento sit ascripta clausula codicillaris: alioquin non valeret fideicommissum a tutore relictum injusto testamento, hoc est minus solemniter non etiam refert ex testamento relicto tutor confirmatus sit, nec ne: nam etiam si sit confirmatus, fideicommissum ab eo relictum pupillus debet, ut tutor non fuerit, id debet pupillus, ut si mortuus sit vivo patre, quod ostenditur in hoc §. vel etiam si datus sit, vel per errorem pupuli. Idem quoque dicitur, si tutor se excusaverit, si tutor fuerit nomine, non re: nam fideicommissum ab eo relicto pupillus debetur, quasi a se relictum.

atum. Eadem est ratio curatoris: nam & curator est loco domini. Pinge curatorum datum testamento impuberi, vel minori 25. annis: inutilis est datio, quia curator testamentum non datur, tutor datur testamento, sed non curator: neque alia est ratio differentie, quam quod tutoris datio est legis: & ejus, cui lex dedit nominatim, & quemadmodum dedit. Lex, quæ dedit jus patri dandi, tutoris, non dedit etiam jus dandi curatoris in testamento: lex loquitur tantum de tutela. Ergo cura non potest deferri testamento impuberis aut adolescentis. Eadem est ratio, cur ventri detur curator, non tutor, *l. ventri, de tut. & curat. dat.* Et quia de curatore dando editio comprehensum est, non de tutore: ergo quamvis curator non jure detur testamento, non tamen ideo erit inutile fideicommissum a curatore relictum, quia ab eo relictum videtur cujus curatio ei deferrebatur. Et pari ratione, si a tutore, qui nihil capit ex testamento, fideicommissum relinquitur, pupillo non exstante, inutile est fideicommissum, quia heredi a semetipso relictum videtur. Et hoc est quod continetur in §. *matre*. Sequitur §. *frater, leg. peto*.

Ad §. Fratre.

Fratre herede instituto, petis ne domus alienaretur, sed ut in familia relinqueretur: si non pariter heres voluntati, sed demum alienaverit, vel exero herede instituto decesserit, omnes fideicommissum petent, qui in familia fuerant. Quid ergo: si non sint ejusdem gradus? ita res temperari debet, ut proximis quisque primo loco videatur invitatus. Nec tamen ideo sequentium causa propter superiores in posterum laedi debet: Sed ita proximis quique admittendus est, si paratus sit scire, se familia domum relicturum. Quod si cautio non fuerit ab eo, qui primo loco admittitur est, desiderata: nulla quidem eo nomine nascitur conditio: sed si domus, ad exterum quandoque pervenerit, fideicommissi petitio familia competit. Cautioem autem ratione deli mali exceptionis puto jussu desiderari, quamvis nemo alius alienor ex familia superstit.

Explicabo §. *fratre*, si prius adnuero in pr. huius: l. *subici* statim debuisti §. *matrem*, quia ipso etiam ostenditur, utile fideicommissum esse, etiam cum eo tum loquatur, cui fideicommissum relinquitur, non cum herede, qui fideicommissum operatur. Et multo magis, si quis cum herede loquatur, tamen non dicat palam, cui fideicommissum præstari velit, modo intelligatur, cujus gratia eum haberit cum herede sermonem. Et quod his erat consequens, additur in §. *matre*, utile etiam esse fideicommissum, si quis non cum herede loquatur, a quo fideicommissum præstari voluit, sed cum alio, puta cum tutore ejus, aut curatore. Denique continuata serie, conjuncta scriptura poni debuisti, §. *fratre* cum §. *pradium*, quoniam uterque est de fundo relicto familie per fideicommissum, & instituto herede uno ex familia, huius fideicommissi petitio est post mortem heredis, si moriatur fundo extraneo relicto: imo & si unus fundum extraneo alienaverit sua sponte, & si vivus voluntariam fundi alienationem fecerit extraneo, fideicommissi petitio est statim, id quod est in §. *fratre*, apertissime: nec quicquam prodest ad impediendam petitionem fideicommissi, si fundum redemerit, aut quod fundum redimere possit, antequam moriatur, statim existit fideicommissi conditio fundo vendito extero, & conditio, quæ semel extitit, non resumitur. Et hoc dixi, si voluntaria fuerit alienatio. Quod si necessaria fuerit, puta creditoribus ex edicto possidentibus bona, & distrahentibus, aut facta est propter creditores testatoris, aut propter creditores heredis. Si propter creditores testatoris, extinguitur fideicommissum, quia testator, qui prohibuit fundi alienationem extra familiam, non videtur sensit de hujusmodi causâ alienationis, cujus ipse causa est ob magnitudinem eris alieni. Si propter creditores heredis facta sit alienatio, intelleximus ex §. *pradium*, non statim fideicommissi petitionem esse, licet fundus sit venditus extero, sed post mortem

A heredis demum, & tandiu scilicet apud emptorem manere, quandiu maneret apud heredem, si creditores ejus non distraxissent bona, & inter ea bona etiam fundum illum. Quod idem fere de fideicommissi libertate scripsit Papin. eodem lib. l. *rogo inf. de fid. lib.* quæ conjungenda est cum d. §. *pradium* & cum §. *ult.* qui ei debuit esse proximus. Est lex *rogo* ex eod. lib. & idem fere ponit in fideicommissaria libertate quod §. *pradium* in fideicommissio pecuniario. Species est: testator ita dixit: *rogo te heres mi, ne servus ille alterius servitutem asperniatur*, id est ne alterius dominio subiciatur, quam tuo, ne alienam servitutem patiat: his verbis videtur servo data fideicommissaria libertas sub conditione, si heres eum alienaverit: voluit eum servum heredi quidem servire, quandiu is viveret, sed non alii: nihil est magis contrarium servituti, quam libertas. Qui ergo dicit, ne servitutem patiat, alterius, sane hoc dicit, ut liber fiat, vel post mortem heredis: imo & si vivus heres eum servum vendiderit, servus confestim petere potest libertatem, quasi existente conditione, nec prodest ad impediendam libertatis petitionem, si heres eum redemerit, quia ut ante dixi semel extitit conditio libertatis, l. *quidam de fideicom. liber*. Et hoc si eum vendiderit sua sponte. Quod si necessaria fuerit venditio, similiter distinguamus: aut facta est propter creditores testatoris, aut propter creditores heredis. Si propter creditores testatoris, libertas peti non potest: imo nunquam petitur, & l. *cum fidei heredum* eod. tit. de *fid. lib.* dum ait, *nondum libertatem peti posse*, dum vocat, ut illo loco Virgil. at Phœbi nondum patiens immanis in antro, id est, Phœbi non patiens.

C Quid si propter creditores heredis servus ille venditus sit, atque ita subierit alienam servitutem? Et placet, hoc casu statim libertatem peti posse, non expectata morte heredis, d. l. *rogo*, quæ ad differentiam l. *cum fidei*, est accipienda de venditione necessaria, facta propter creditores heredis, non propter creditores testatoris. Et ut indicat Papin. in d. l. *rogo*, statim libertas peti potest, quia nihil refert, quæ ratione impleatur conditio libertatis fideicommissaria. Nam libertas fideicommissaria, est quasi statulibertas: non est proprie statulibertas, quia relinquitur directo, non precario. Et hoc distat, *statulus. de fid. lib. a tit. de statulib.* Sed tamen fideicommissaria libertas dicitur esse quasi statulibertas, & is, qui per fideicommissum libertatem accepit, accipit quasi statuliber, l. *non tantum*, §. *cui fideicommissum, de fideicom. liber*. Nihil autem refert, quæ ratione existat conditio statulibertatis: nam libertas competit quoquomodo existat, sive facto servi, sive facto alterius, sive alio modo: libertas competit: ergo idem sequimur, & probamus in statulibertate. Est igitur hac in re differentia inter fideicommissariam libertatem, & fideicommissum pecuniarium? Nam ut rem explanemus apertius, si propter creditores heredis bona heredis venierunt, & in his fundus familie relictus, non potest fideicommissum peti, nisi post mortem heredis, ut in §. *pradium*, mortuo herede extraneus emptor cogitur reddere fundum, quem & extraneus heres reddere cogetur bonis non venditis a creditoribus heredis: & uno tantum casu fundus apud emptorem extraneum perpetuo jure manebit, puta, si debitor, hoc est heres, cujus creditores bona venderunt supervixerit ceteris omnibus, qui ex familia erant, arg. l. *Statius*, §. *ult. de juve. fisci*. Quod si propter creditores heredis bona venierunt, & in his servus ille, cui relicta est fideicommissaria libertas sub prædicta conditione, statim servus experiri, & petere libertatem potest, ut in d. l. *rogo*. Libertas quodammodo representatur ante mortem heredis: sane facilius & propere præstatur, quam fideicommissum pecuniarium, quacunque ratione sufficit impleri conditionem libertatis, non etiam conditionem fideicommissi pecuniarii: nec enim intelligitur perfecte impleta, nisi alienatio fundi facta extero fuerit voluntaria. Hæc est sententia d. l. *rogo* in §. *fratre*, agitur de eodem fideicommissio. Sunt nonnulli errores in eo §. qui breviter a me perstringuntur.

tur. Quidam fratrem heredem instituit, unum igitur ex familia sua, & eum rogavit, ne domum quandam alienaret extra familiam, quæ prohibitiones hodie sæpiissime scribuntur, testamentis præcipue nobilium, sed ut eam conservaret in familia, heres non parvit voluntati, forte, quia mortens reliquit heredem extraneum, ad quem domus transiit cum bonorum universitate: filia competit fideicommissi petitio, hoc est petitio domus ex causa fideicommissi: nam prohibita alienatione, videtur prohibita heredis institutio. nisi dixerit, ne alienetur extero, quoad vires, ut l. cum pater, §. fundum, de leg. 3. Sed si dixerit generaliter, ne alienes, neque vivus, neque moriens alienare extero domum potest: competit igitur etiam fideicommissi petitio, si vivus extero domum vendiderit: nam statim fideicommissi petitio familiar competit. Quid est familia? hoc est, omnibus, qui sunt ex ea familia, gradatim tamen si plures sint, non ejusdem gradus, ne per minuculas partes fideicommissum inutile fiat, l. 32. §. ult. de leg. 2. Prima igitur erit causa proximorum, deinde sequentium: nec enim propter proximiores, qui priores admittuntur ad fideicommissum, causa sequentium in posterum læditur: imo qui priores admittuntur, cavere debent, se domum in familia relicturos, & cavere debent non servo publico, non filiis, ut Glossa ait, sed heredi, vel heredi heredis, ut in l. unum ex familia, §. sed etsi fundus, sup. quia & heredis interest fundum servari in familia, propterea quod domo in extraneum collata, ceteri ab eo fideicommissum petere possunt & etiam si non interesset, interesse credendum esset heredis, ut satisfaceret voluntati defuncti, l. 19. tit. seg. de leg. 3. Exigitur autem cautio opposita exceptione doli mali adversus petentem fideicommissi, ut & in aliis casibus, l. eas causas, de condit. & demonst. l. cum in testamento, de fideicom. libert. Nam petenti fideicommissum, proximiori puta, heres opponet exceptionem doli mali, hæc dicens: dolo facis, qui petis fideicommissum, non oblata cautione semper servanda domus in familia, atque etiam remedium exceptionis hoc, non aliter præstabit fideicommissum quam scilicet ei ea de re cautum fuerit. Et, quod est notandum maxime, ea cautio exigitur, etiam si, qui fideicommissum petit solus ex familia super sit, quod prima fronte videtur deridiculum: nam cum solus ipse sit ex familia, frustra videtur cavere, se domum in familia relicturum, quando quidem ipse finis est familia: imo vero non est supervacua cautio, quoniam alii agnasci possunt, vel ex ipso, qui fideicommissum petit. Et ita etiam proponitur in hoc §. ult. Nam valde notandum hoc est, hoc fideicommissum familiar relictum pertinere etiam ad eos, qui moriente testatore in rerum natura non fuerunt, nec enim idem est familia & cognatio: in hoc proposito, qui post mortem testatoris concepti sunt, ejus cognati non sunt, aut fuerunt l. Titius, de suis & legit. Familia tamen appellatione continentur, quia ex eadem stirpe prodeunt, & ita etiam, quod tamen erat dubium magis, propter capitis deminutionem, fideicommissum pertinet ad eos, qui mortis testatoris tempore in familia fuerunt. Nam tempus mortis spectatur, non tempus testamenti, d. l. 32. §. ult. hoc sit. Et postea desierunt esse familia per emancipationem, quæ est capitis minutio. Nam & hi ad fideicommissum vocabantur tanquam ex familia, l. filiusfam. §. cum pater, de leg. 1. In hoc igitur genere fideicommissi latius familia accipitur, quam agnationis, sive cognationis nomen. Postremo ad hæc quaritur in hoc §. ult. quid sit dicendum, si petenti proximiori fideicommissum, quod familie relictum est, puta existente conditione, heres fideicommissum præstiterit, non exacta illa cautione, domum in familia relictum iri? quid si per errorem omiserit heres illam cautionem? an competit conditio indebiti? Et Papinianus ait, nullam competere. Sed si domus quandoque ad extera pervenerit, familiar competere fideicommissi persequutionem in rem, hoc est, in quemlibet possessorem: nullam esse conditionem, incerti

A sc. ut quidam interpretantur, id est, post solutionem fideicommissi, heredem non posse condicere cautionem, quam omiserit per errorem. Cautio est res incerta, & obligatio. Conditio igitur, quæ repetitur, est conditio incerti; vel etiam, non posse eum condicere possessionem, quæ est res incerta, quæ potuit retineri ratione exceptionis doli mali, quoad præstaretur illa cautio. Denique, ut illi volunt, non est conditio incerti, non est conditio possessionis. Hoc est iniquissimum, cum per errorem omiserit retentionem possessionis, exceptionem doli mali: cautionem, & videtur enim per errorem plus debito solvisse, qui cautionem non exegit, quia nulla cautione accipientem obligavit sibi in familie gratiam. Ergo sane competit conditio incerti, ut accidit sæpius in aliis casibus, l. qui exceptionem, §. si pars, de condit. indeb. l. heres, ad Trebel. l. 3. §. ult. si cui plus, quam per leg. Falc. l. §. 1. de usufr. earum ver. Sed Papin. loquitur de conditione certi, dum ait, nullam esse conditionem, certi scilicet, id est non possum ipsam solutam condicere, quasi indebitum, quia cautionis præstandæ necessitas solutionem tantum moratur, non etiam indebitum facit, quod fuit debitum, ut idem Papinianus ait in l. testamento, de dot. præl. Ergo non condicet ipsam fideicommissum, seu ipsam domum quæ indebitum, & ita in jure sæpius, quoties negatur conditio, denegatur certi conditio, non incerti. Quid est peritum magis, quam quod dicitur, neminem rem suam condicere, id est conditionem, non per actionem incerti possessionem rei meæ possum condicere, l. 2. de condit. trisie. C. l. 25. de furt. Et similiter dicitur in l. si in area, de condit. indeb. eum qui in area aliena adificavit, posse sibi servare impensas, non per actionem, sed per retentionem adificii, & exceptionem doli mali: quia non usus, si ædificium restituerit per errorem, non potest condicere, id est, rem ipsam: ædificium ipsum, quæ est conditio certi: potest autem condicere possessionem. Et ita in l. ex quib. eod. sit. quæ denegatur conditio, generaliter est conditio certi, non conditio incerti. Et ita hic locus accipiendus est.

Ad L. XXII. de Lib. leg.

Quod mihi Sempronius debet, peti nolo: non tantum exceptionem habere debitorum, sed & fideicommissum, ut liberetur petere posse responsum est.

A It Papinian. peti nolo. Ut verbum, volo, est precarium, adeo ut testamentum non recte fiat his verbis, illum heredem esse volo, l. illum, §. 1. de jure eod. ita etiam verbum nolo, est precarium, non directum. Utrumque verbum volo & nolo, fideicommissum facit non legatum. Nolo peti a Sempronio, quod is mihi debet, non tantum petenti heredi obstat exceptio doli mali, sed etiam ex causa fideicommissi, ut Papinianus ait, agere & petere liberationem potest, quasi liberatione relicta, ut scilicet solemnī acceptilatione, vel pacto liberetur, secundum distinctionem legis 3. §. nunc de effectu, hoc sit. Opponit huic responso Accurs. l. 1. §. si reus, de eo per quem fact. nec respondet quicquam, & res tamen responsum aliquam desiderat. Nam ex d. §. si reus efficitur, non dari actionem ei, qui exceptione contentus esse potest. In specie hujus l. debitor excep. doli mali contentus esse potest, ergo non est danda ei actio. Ut respondeam; certissimum est, ei cui datur actio, multo magis dari exceptionem: cui datur petitio multo magis dari retentionem, l. i. §. plane de superfic. Sed qui datur exceptio, non continuo etiam ei datur actio. Exemplo actionis datur exceptio, ut loquitur lex nec non §. pen. quib. causis major. Non exemplo exceptionis actio. Estet enim absurdum exemplo exceptionis actionem dari. Et ita debitori, qui pactus est de non petenda pecunia, datur exceptio pacti vel doli, non actio ut liberetur. Idque procedit in specie d. l. 1. §. si reus. Si quis promiserit iudicio fisci cum pena, & per aliquem extraneum factum sit, quo minus ad iudicium veniret, hoc est, si reus, qui pro-

promiserat iudicio fisci, fuerit impeditus ab aliquo ad iudicium venire, atque ita commissâ fuerit poena, ei datur actio in factum in id, quod interest ex illo edicto, de eo per quem factum erit, adversus eum, qui impedimento fuit, qui cogit reum vadimonium deferere, siue promissionem iudicio sistendi causâ factam: sed si actor ipse, qui stipularus est, in iudicio fisci cum poena, dolo malo impedierit reum, ne veniret in iudicium, non datur adversus eum actio in factum ex illo edicto, quia edictum loquitur de extraneo, non de actore ipso, & stipulatore, & quia inquit, contentus esse potest exceptione, si ab actore conveniatur ex stipulatu de poena, quod ad iudicium non venerit. Atque ita in ea specie, cui datur exceptio, non datur etiam actio: Et ita quoque, si quis in alieno loco sua impensa edificaverit, impense servandâ causâ ei datur exceptio doli mali, & nomine eius exceptionis retentio possessionis. Actio vero nulla ei datur impensarum nomine, l. Paulus respondit, de doli excepti. l. 14. comm. divid. Quod idem procedit & in aliis plebrique causis, juxta id, quod Demof. ait in oratione quadam, legibus dantur exceptiones seu naves, per quas etiam eorum rerum, quatum nulla prædicta sunt actiones, atque ita, quod non possum consequi actione, saepe assequor exceptiones: quod autem possum consequi actione, & exceptione possum consequi: & breviter, cui datur actio, ei multo magis exceptio: cui autem datur exceptio, non continuo & actio datur. At ex voluntate defuncti, ut in specie proposita, cui datur exceptio, datur etiam actio, veluti ex causâ legati aut fideicommissi, l. dolo fecit, de do. exci. aut certe, quod notandum, quia ei datur actio ex testamento, veluti ex causâ legati aut fideicommissi, & exceptio multo magis, ut in l. 3. in pr. h. dicitur, exceptionem dari debitori, cui moriens creditor chirographum reddiderit. Cui, inquit, chirographum dedit de manu in manum: quia inquit, ea datio instrumenti pro fideicommissio est, id est, quia ei etiam actio competit, ut liberetur, atque ita exceptio ei datur exemplo actionis, non alio exemplo exceptionis. Et sane formula exceptionis doli mali hæc est, dolo facis qui petis, quod redditurus es, d. dolo, redditurus solliciti iure actionis, id est, dolo facis, qui petis id, de quo mihi competit actio. Ex formula apparet, exceptionem, referri ad actionem, non contra. At in specie d. §. si reus, fuit tantum exceptio, non actio in actorem, qui dolo fecit, ne reus obiret vadimonium, quia solliciti edictum loquitur de extraneo, non de ipso actore. Ubicumque igitur actio est, dicamus semper ad eius exemplum exceptionem dari, & ita evenire in specie huius legis: nunquam vero ad exemplum exceptionis actionem dari.

Ad L. LXXIII. de Cond. & demonstr.

Titio fundus, si in Asiam non venerit: idem, si pervenerit, Sempronio legatus est: cum in omnibus conditionibus, quæ morte legatariorum finiuntur, receptum est, ut Muciana cautio interponatur: heres cautionem a Titio accepit, & fundum ei dedit: si postea in Asiam pervenerit, Sempronio heres quod ex stipulatu cautionis interposita consequi potest, utili actione prestare cogitur. Sed si cautio medio tempore defecerit, quæ solliciti fuerat exacta, non de suo prestabit heres, sed quia nihil ei potest obijci, satis erit, actiones prestari: si tamen Titius, cum in Asiam venisset, Sempronius prius quam legatum acciperet, decesserit, heredi ejus deberetur, quod defunctus petere potuit. Ex Titio fundus 73. de cond. & demonstrat. est de cautione Muciana, de qua non ita dudum sat multa diximus lib. 18. sup. ad l. cum tale legatum, & nihil prætermisimus, quod pertinet ad eum tractatum, præterquam interpretationem huius leg. cujus species hæc est: Testator legavit Titio fundum sub conditione, si in Asiam non venerit, & si veniret, hunc fundum transfuit in Sempronium, Sempronio legavit. Condicio, quæ in non faciendū concipitur, veluti illa, si in Asiam non venerit, non differt legati petitionem, solutionem, præstationem, interveniente scilicet Muciana cautione: nam heres cogitur Titio statim sua-

A dum prestare offerenti cautionem Mucianam, quæ, ut generaliter definit Papinianus hoc loco, locum habet in his conditionibus, quæ morte legatarii finiuntur, ut l. servo, §. si testator, ad Treb. qualis est illa conditio, si in Asiam non venerit. Nam quandiu vivit legatarius, pendet conditio, nec ante finitur, quam legatarius vita decesserit. Igitur si legatarius heredi caveat, quæ est cautio Muciana, se in Asiam non perventurum, vel si pervenerit, se fundum, vel quanti ea res erit, redditurum, heres confestim cogitur eum fundum prestare. At quid fiet, si contra fidem cautionis, Titius postea in Asiam pervenerit? Sane committitur stipulatio Muciana. Sed an heres teneatur Sempronio, cui idem fundus legatus est sub contraria conditione, nempe, si Titius in Asiam pervenerit? Et sane, ut hoc loco ait Papinianus, ille heres Sempronio tenetur ex causâ legati, ut scilicet, quodcumque a Titio consecutus fuerit ex stipulatione Muciana, id Sempronio præstet, siue fundum, siue quanti ea res erit: & tenetur, inquit, utili actione, hoc est, efficaci actione ex testamento, ut Accursius interpretatur, & laudo: Nam & utilis actio ab eodem Papiniano eodem modo accipitur in l. pater, de dote præleg. Quid autem fiet, si heres a Titio nihil consequi possit propter inopiam Titii & fideiussorum? Nam cautio Muciana est fideiussorum satisfactio, l. hoc genus, hoc tit. §. Nov. 22. Fuerat quidem ab initio idonea cautio, fideiussores idonei, fuerat cautio solliciti exacta, ut ait, non quilibet fideiussor fuerat admissus, sed is cujus jam ante heres vires exploraverat: denique fuerat idonea cautio initio, sed postea defecit, lapso facultatibus Titio, & fideiussoribus. C An hoc casu heres de suo cogitur Sempronio solvere legatum? Minime: quia nihil ei imputari potest, nihil obijci, cum cautionem solliciti exegerit a Titio priore legatario. Igitur liberabitur heres qualemcumque actionem ex ea cautione Muciana cedendo Sempronio: cessio siue delegatio pro iusta præstatione erit, ut l. quod debetur, de pecul. nec omnino erit inutilis Sempronio, cum postea possint fideiussores pervenire ad pinguem fortunam. Accursius non intellexit hoc loco linguam Latinam, non intellexit, quid sit exigere cautionem, quam Papinianus ait, ab herede fuisse exactam solliciti. Plus est exigere quam agere: nam exigere est rem, siue cautionem extorquere & exprimere, satis accipere. Et Accursius contra manifesta verba legis ponit quasi certissimum, Titium heredi non cavisse cautionem Mucianam, qui error tolerari non potest, & delenda est Glossa ad verbum actiones. Et ad hæc in extremo huius legis additur, mortuo quidem Sempronio posteriori legatario sub conditione, si Titius in Asiam veniret, mortuo, inquam, eo pendente ea conditione, hoc est antequam Titius venerit in Asiam legatum interdicat, & Sempronius nihil transmittat ad heredem suum, quia in hereditatibus, & in legatis spes non transmittitur in heredem, quæ transmittitur in stipulationibus, & omnibus contractibus, §. ex conditionalis, Inst. de verb. oblig. Quare dicitur stipulatorem conditionalem esse creditorem, etiam si adhuc pendeat conditio: legatarius conditionalis non est creditor, quandiu pendet conditio, l. is qui sub cond. de oblig. & act. Et in iure frequentissime occurrit ista differentia inter legata & stipulationes conditionales. Sed mortuo Sempronio post existentem conditionem, hoc est, postquam Titius in Asiam venit, certissimum est, ad heredem transmitti actionem legati, cujus dies jam cessit, & heredi deberi, quod defunctus petere potuit: nam secundum regulam in l. 1. c. ut actio, ab hered. &c. heredi deberi, quod defunctus petere potuit, heredi non deberi quod defunctus petere non potuit, hoc est, eam tantum actionem jure hereditario heredi competere, quæ cepit a defuncto: & retro eam tantum actionem in heredem competere, quæ cepit in defunctum competere. Et hæc est sententia huius legis.

Ad L. IX. Ad leg. Falcid.

In Falcidia placuit, ut fructus postea percepti, qui maturi mortis tempore fuerunt, augerent hereditatis estimationem

fundi nomine, qui videtur illo in tempore fuisse pretiosior.

§. 1. Circa venrem ancilla nulla temporis admittit distinctio est, nec immerito, quia partus nondum editus, homo non recte fuisse dicitur.

Sequitur ut exponamus l. 9. ad leg. Falcid. est lex elegantissima, & cogniti dignissima. Lege Falcidia cautum est, ne quid plus testamento legetur, quam ut quarta pars hereditatis illibata apud heredem remaneat, ne legata excedant dodrantem. Quamobrem ubi locus esse dicitur l. Falcidiae, solet iniri ratio quantitatis bonorum hereditarium & legatorum, ut ex ea appareat, legata exsuperent modum lege constitutum nec ne: & in exquirenda quidem quantitate hereditatis mortis tempus spectatur, id est, id solum hereditati computatur, quod fuit in patrimonio testatoris mortis tempore, l. in quantitate 73. hoc tit. Inde quaeritur hoc loco, an etiam fructus hereditati computentur, vel quod idem est, an augent hereditatem, qui maturi erant mortis tempore, nondum percepti, puta vindemia pendentes, olivae, frumenta pendentes? Et Papinianus docet hoc loco, fructus ex fundo hereditario perceptos ab herede post mortem testatoris hereditati imputari, augere quantitatem hereditatis, augere estimationem hereditatis, si maturi fuerint mortis tempore, non si fuerint immaturi. Denique maturos fructus imputari hereditati, si fundi, inquit, nomine, hoc est, quasi pars fundi qui videtur illo tempore fuisse pretiosior propter fructus, qui solo coherebant. Et hoc est, quod dicitur fructus pendentes esse partem fundi, l. fructus, de rei vindicta. l. si servus 2. §. locavit, de furt. Fructus pendentes immobilibus rebus annumerantur, cum sint pars rei immobilis, l. 12. de reg. jur. Et quod notandum, hi tantum fructus fundi pretium augent, qui maturi sunt. Et in l. ult. §. pen. quae in fraud. cred. significatur, fundum plaris esse sub messium, aut vindemiarum tempus, quam hiemo tempore post sationem, post sementem, quia nondum certum est, sati fructus an sint bene proventuri: omnes quidem fructus, siue maturi, siue immaturi sunt pars fundi, sed hi tantum augent pretium fundi, qui maturi sunt. Et eam ob rem dixit Papinianus, qui maturi mortis tempore fuerunt. Nec his, quae diximus, obstat quicquam lex in ratione 11. hoc tit. quae dicit, fructus hereditati non imputari in pendenza ratione l. Falc. sed heredis lucro cedere, quoniam non est intelligenda ea lex de fructibus, qui maturi erant mortis tempore; hi enim proculdubio hereditatem augent, sed de fructibus, qui sati sunt post mortem testatoris, vel qui maturuerant post mortem testatoris, & post ab herede lecti sunt, demessi sunt, cum scilicet pura essent legata: nam si fuerint conditionalia, vel in diem, fructus, qui interim maturuerant, & percepti sunt ab herede, heredi imputantur in Falcidiam, quasi iure hereditario percepti: non tamen veniunt in restitutionem fideicommissariae hereditatis. Et ita est accipienda lex cum fideicommissaria ad Trebell. quandoque in fideicommissariae hereditatis restitutionem veniunt tantum fructus, qui maturi erant mortis tempore; mortis testatoris tempore, vel qui iam ab ipso heredis conditi erant, l. possidente, §. ult. ad Trebell. l. 1. de usufr. leg. l. x. C. de his quibus ut indigni. l. centurio, de vulg. substitut. Ostendit autem hoc loco Papinianus hac in re esse differentiam inter fructus praediorum & partus ancillarum: Nam fructus praediorum, ut diximus, siue factus pecorum, qui etiam fructibus annumerantur, sed fructus praediorum proprie, qui maturi erant mortis testatoris tempore, hereditati imputantur: qui erant immaturi, non imputantur hereditati. Partus autem ancillarum, siue gravida fuerint mortis tempore, siue postea factae fuerint, indistincte dicimus, non imputari in hereditatem, etiam si mortis tempore partui proximae fuerint. Fructus recte dicitur esse pars fundi, vel post sementem statim. Partus nondum editus, non recte dicitur pars ancillae, nunquam recte dicitur esse maturus, cum nec homo recte dicatur antequam editus sit, ut idem Papinianus ait hoc loco. Et consequenter ancilla, quod sit praegrans, non

A ideo videtur esse pretiosior. Fundus, cuius fructus sunt maturi, videtur esse pretiosior. Igitur in hoc proposito, qui est in utero, non habetur pro nato: nec mirum: nam si haberetur pro nato, prodesset legatariis, & qui est in utero, aliis non prodesset, antequam nascatur, §. 7. de statu hom. l. quod dicimus, de verb. sign. l. 2. de excusat. tut. addo, ut non prodest patri, qui est in utero ad excusationem tutelae vel curae: & postquam natus est, iam non prodesse legatariis, sed heredi, cum ad lucrum ejus pertineat, nec hereditati computetur, quia fructus immaturus non auget hereditatem, sed postea perceptus lucro heredis cedit, ita ut non propter eum fructum videatur ad eum locupletior hereditas pervenisse: ita partus nondum editus, sicut fructus immaturus, cum necdum homo recte dicatur, non auget, sed ad lucrum heredis pertinet: fructus nondum perceptus recte dicitur, vel oleum, vel vinum, vel frumentum, maxime si sit maturus. Nec his, quae diximus modo, obstat intelligendum, de verb. signif. quae ait, eum, qui relictus est in utero, videri fuisse mortis tempore: nam ea vox non est generaliter accipienda, sed aptanda propriis casibus accommodatis & congruis. Pertinet ea lex ad leges caducarias Juliam & Papiam, quibus orbi hoc est, qui non habent liberos, quasi incapaces aliquatenus repelluntur a commodis testamentorum, & quae eis relicta sunt, in fideiucum rediguntur. Fingit: propter istas leges non habenti liberos quidam legavit in tempus liberorum (quandocumque habuerit liberos) si decessit uxore praegnanter relicta: extitisse videtur conditio legati, & habuisse liberos, odio scilicet legum caducariarum, ut legatum transeat in postumum, & ejus commodo cedat, ut solet plerumque postumus haberi pro nato, quoties agitur de ejus commodo, ut scilicet legatum transeat ad postumum potius, quam ad fideiucum, l. 20. ad Trebell. l. si cui, quandoque leg. ced. Non obstat etiam, quod est in l. 1. §. ex hoc rescripto, de ventre inspic. partum antequam edatur, ait esse portionem mulieris. Nam ex eo potius efficitur, quod Papin. ait, nondum esse hominem: nam portio hominis non est homo: qui dicit, partum esse portionem mulieris, negat esse hominem. Et licet quandoque natus dicatur esse pars viscere matris, ut illo loco Quintil. declam. 338. filium matris eripere conaris, & partem viscere matris, tamen ex eo non efficitur, hominem cum esse, quamvis revera sit homo, qui iam natus est, & ita ut Galenus docet in lib. de hist. Philosophi, Stoici, qui negabant embryonem esse animal, non tamen negabant esse portionem matris. Et quod dicitur, partum non esse partem ancillae furtivae in l. partum, de verb. signif. quae hodie non habet locum, sed novissima sententia jurisperitorum, ea lex est accipienda de partu jam edito, id est, secundum eos, qui existimabant, partum esse in fructu: fructus autem iam perceptus non est pars rei. Ergo secundum illorum sententiam, partus jam editus non est pars matris furtivae. Sed illorum opinio non obtinuit, & verius est, partum esse partem matris furtivae, & ob id nec ancillam furtivam posse usucapi, nec vindicari actione Publiciana: neque partum ancillae furtivae, l. si ego, §. partus, de Publ. in rem. act. C. l. qui vas, de furt. l. pen. de statu hom. Denique verius est, hodie partum non esse in fructu, l. vetus, de usufr. Et ita etiam in hac lege sollicito distinguitur partus a fructu, l. in pecudum, de usufr. Non obstat etiam his, quae dicta sunt, l. 2. de mortuo ins. quae ait mulierem praegnantem, si mortua sit, non debere humari aut sepeliri: antequam partus excindatur: ne, inquit, cum gravida species animantis perimatur. Ille locus confirmat potius, quod ait Papinianus, eum, qui est in utero, nondum esse hominem. Est enim species animalis, non animal. Igitur & in l. 1. §. si quis prox. unde cogn. quae ait, nondum conceptum, nondum animatum esse, sic est scriptum recte Florentiae, hoc est, tantum abest, ut sit animal, ut ne sit animal, quidem, siue animationis capax, & significatur conceptum jam animatum quidem esse, sed non animal. Et rectissime in l. vel vivo, de suis & leg. conceptum quodammodo videri esse in rerum natura. Nam adhibito

hbito hoc articulo facile forem quemlibet dicere, conceptum partum quodammodo animal esse. Hac autem fuit Stoicorum sententia, quam nostri auctores sequuntur, qui sunt omnes imbuti a Stoicis, embryon non esse animal, ac proinde nec hominem esse, antequam nascatur & exeat utero, nam non omnis, qui ex utero, nascitur. Qua de causa dubitabatur olim, an ea, quæ sibi partum abegisset, damnanda foret. In altera parte erat ratio illa, quod embryon non sit animal: quam secutus Lysias in oratione de abacto partu, ut Theon Sophista refert in præexercitationis. In altera parte est, quod quæ partum abegit, spem animantis peremit. Ergo damnanda est. Et hæc pars obtinuit, l. Cicero, de penis, l. q. de extraord. crim. Idque etiam esse ex legibus Licurgi & Solonis Galenus scribit in eo libro, quem de hac sola re scripsit, atque inscripsit, an embryon sit animal. Et tentat duabus rationibus sumptis ex iure, esse animal. Una, qui est in utero potest institui heres suus iure civili, alienus iure prætorio: ergo est animal. Sed dicimus hoc fieri fictione quadam, quæ habetur pro nato, cum de commodis ejus quaritur. Altera ratio est, quia, quæ partum abegit, punitur quasi infanticida: sed hoc ideo, non quod animal, sive infantem peremerit, sed spem animalis, ut in d. l. 2. de mort. inf. Lege divina constituitur differentia inter abortum & abortum, Exodi cap. 24. Abortus mortem dat, morte punitur, abortus multa pecuniaria. Et ex Nonio Marcello intelligimus, abortum fieri in exordio conceptionis, abortum prope tempus pariendi, abortum esse, ut illo loco Exodi septuaginta interpretes vertunt, si partus non sit & unconsolidus, formatus, s' il n'est point encore bien forme, vel ut volunt in Psalmis, si sit & utriusque. Abortum autem esse, si sit & utriusque, hoc est, bene formatus. Et sane Aristoteles non videtur improbare abortum, dum ait, si quis velit abortiōis poculum dare, aut efferre, ut mulier abortiat, ut estundat partum eum, id debere efferre antequam quid sentiat partus, Polit. 8. Tertullianus damnat etiam abortum, qui & lege divina mulctatur, & ait, velum conceptum utero, dum adhuc sanguis in hominem deliberatur, dissolvere non licet: homicidii festinatio est prohibere nasci, nec refert natum quis animam eripiat, an nascentem dissolvat. Igitur sive sit abortus, sive abortus, quem quis paraverit, vel procuraverit, poena dignus est, non tam quod partus nondum editus, sit animal, sed quod sit spes animalis. Et ne hanc quidem perimi oportet.

Ad L. LII. ad Senatufconf. Treb.

Si res aliena Titio legata fuerit, isque domino rei herede instituto petierit, ut hereditatem Mævio restituat, Mævius legatum inutiliter petet: non enim poterit consequi, quod ad institutum, id est, rei dominum pervenire non poterat.

In l. si heres aliena, duæ tractantur quæstiones, in utriusque interpretatione est, quod desideres. Ad priorem quæstionem parum aperte ponitur species, quæ perspicue ita poni debuit. Causa herede instituto rem alienam puta Sempronii rem, Titio legavi sciens, quod legatum utile esse hoc eod. lib. didicimus ad l. unum ex famul. de leg. 2. Et Titius eam rem alienam ab herede meo, cum nondum consecutus esset ex legati causa, mortuus est, herede instituto Sempronio domino ejus rei, eumque Sempronium rogavit, ut Mævio hereditatem restitueret: in ea hereditate, id est, in hereditate Titii fuit actio, quæ ei competeat legati nomine adversus heredem meum, a quo ei rem Sempronii legaveram: ea, inquam actio est in hereditate, ergo & in restitutionem sive fideicommissum ejus hereditatis venit ea actio. An igitur restituta hereditate Mævio, Mævius legati nomine poterit experiri cum herede meo, quod ea actio fuit in hereditate, quæ ei restituta est? Et restituisse Papinianus respondet, Mævium inutiliter acturum cum herede meo legati nomine, quia restituta hereditate, hæc tantum actiones fideicommissario dantur,

quæ heredi instituto comperebant. At heredi instituto comperebat utilis petitio hujus rei, quæ sua erat: quæ res cujusque propria est, ejus fieri amplius non potest, §. sed si rem, Inst. de leg. §. sic itaque, de act. Ergo non competet etiam fideicommissario, puta Mævio. Denique sicut Sempronius ipse testamento Titii heres institutus inutiliter peteret rem suam ab herede meo: ita eam rem quoque petit inutiliter is, cui Sempronius rogatus est restituere hereditatem: non potest fideicommissarius, quod nec heres potuit, l. cogi §. Mævius, hoc tit. Ex tantum actiones fideicommissario competunt ex Senatufconsulto Treb. quas habuit heres eo tempore, quo fideicommissario restituit, l. ita tamen §. qui ex Trebell. hoc tit. nullas autem habuit heres ejus legati nomine, id est, rei suæ non habuit vindicationem, quam possidebat. Ergo non habebit etiam fideicommissarius, & inutiliter petet legatum, hoc est, rem alienam. Inutiliter petet ab herede ejus, qui eam legavit, quod & heres fideicommissio oneratus, quasi dominus & possessor hujus rei, ab eodem herede peteret inutiliter. Et ita explicandum, quod est initio hujus legis.

Ad §. servus.

Servus ab altero ex hereditibus libertatem, & ab altero fideicommissum hereditatis accepit: si noster adire velit, nulla prætoris partes erunt, quia neque propter solam libertatem compellitur adire, neque is, a quo libertas data non est, propter eum, qui nondum liber est, ut adeat compellitur. Et Senatufconsulto locus est, cum ab omnibus directis vel fideicommissaria libertas ab eo datur, a quo hereditas quoque relinquatur. Sed si forte is, a quo libertas data est, portionem suam repudiavit, vel conditione exclusus est, cum portio ejus ad alterum pervenerit, defendi poterit, adire cogendum: quid enim interest, quo jure debitor libertatis, & hereditatis idem esse capietur?

Sequens quæstio est de servo testatoris: nam quæ de eo dicuntur, non habent locum in servo heredis instituti, qui si ab eo sit relicta fideicommissaria libertas & hereditas, non potest compelli a suo servo, ut adeat & restituat hereditatem sibi manumisso prius, quia videtur facere contra servitutem debitam domino suo, si invito velit extorquere libertatem, l. ergo, §. sed si servo, h. t. Ergo quæstio non est de servo heredi proprio, sed de servo testatoris proprio, cui ab uno ex hereditibus testator reliquit libertatem fideicommissariam, & ab altero hereditatem fideicommissariam in portionem alterius hereditatis. Finge, cum ita esset servo ab uno herede fideicommissaria libertas ab altero fideicommissaria hereditas relicta, utrumque reculare adire hereditatem. Regulariter heres rogatus restituere hereditatem, si noit adire, si suspectam hereditatem dicat, & implicitam multis negotiis, molestiis, idcirco se nolle eam adire: ne fideicommissaria hereditas interdicat, ex SCto Pegas. hodie Trebelliano, per prætorem cogitur adire periculo fideicommissarii, & restituere fideicommissariam hereditatem: an is hoc casu servus, vel hunc vel illum heredem compellere potest, ut adeat? Minime: non potest compellere eum, a quo libertatem fideicommissariam accepit, quia propter libertatem solam, vel propter aliud quodlibet legatum aut fideicommissum singulare, nemo cogitur adire hereditatem, atque ita se implicare negotiis hereditariis, quod ostenditur in l. seg. h. t. Non potest etiam cogere adire eum, a quo fideicommissaria hereditas ei relicta est, quia non potest heres cogi, nisi ab eo, cui restitui potest hereditas. Huic autem servo non potest restitui, quia nondum est liber. Ergo non potest postulare decretum prætoris, quo cogatur heres adire, l. si cui pure §. 1. h. t. Ergo neutrum cogere potest. Et ita initio definit Papinianus in hoc §. videlicet, si uterque reculat adire hereditatem: nam si unus sua sponte adeat hereditatem, puta is, a quo fideicommissaria libertas relicta est, sane alter, a quo relicta est fideicommissaria hereditas, cogitur etiam adire & restituere, tamen non sit ab eo data fideicommissaria libertas, sed hereditas tantum, l. cogi §. ult. h. t. Idemque

que probandum est omnino, atque ita erunt duæ exceptiones, si is a quo relicta est fideicommissaria libertas, repudiaverit portionem suam, vel conditione exclusus sit, cum esset heres institutus sub conditione, atque ita amiserit suam portionem, quo casu portio ejus, quæ defuit, deferretur alteri coheredi, a quo servo relicta est fideicommissaria libertatis, l. si Titio, §. ult. de leg. 2. Et ita idem incipit esse debitor libertatis & hereditatis. Ac propterea, ut idem Papinianus ostendit hoc loco, cogitur adire hereditatem: cum portio alterius ad eum pervenerit, defendi potest adire cogendum. Portio deficiens, quo jure pervenit ad heredem, num alio jure, quam jure accrescendi? Atqui non accrescit, nisi ei, qui adivit pro sua parte: non habenti partem suam, nihil accrescit, l. 33. de usufr. Ergo ponit portionem ad eum pervenisse jure accrescendi, & deinde eum adivisse coactum, aut cogi posse adire. Sane verbum *pervenire*, aliter accipitur, quam usurpatur vulgo, nempe pro deferri, non pro cedere diem, vel pro acquiri. Idem hæc duo verba possunt, *pervenire* & *pervenire*, *pervenire* est deferri, l. si ita scriptum, §. si sub conditione, de leg. 2. l. 14. de lib. & post. Et ita quoque *pervenire* hoc loco, id est, deferri juri accrescendi, quod postquam adierit accrescet deum, atque ita adeundo assem obtinebit, & restituendo etiam restituet assem: quamvis rogatus sit de sua portione tantum, etiam restituet, quod jure accrescendi ei obvenit, id est, portionem coheredis, qui repudiavit: nam qui compulsus est adire, nihil potest retinere ex testamento defuncti, id est, ex voluntate defuncti expressa vel tacita non retinere potest legatum, non fideicommissum, non Falcidiam, sed restituet assem integrum, non substitutionem pupillarem, quando quis eum, quem sibi heredem fecit, iussit etiam filio suo impuberi heredem esse: denique perdit omnia, & jure accrescendi, l. nam qui §. qui compulsus, l. ita tamen §. qui suspectum, l. si patroni §. qui fideicommissum, in fine hoc tit. Et hoc erat præcipue notandum ad hunc §. Et hoc quidem de duobus heredibus institutis, sicut initio pure posuimus speciem, quorum ab uno servo relicta sit libertas fideicommissaria, ab altero hereditas per fideicommissum pure, vel sub eadem conditione, vel in eandem diem. Certum est heredem posse compelli adire hereditatem, etiam postulantem servo: nam licet alias servus non possit jure consistere, vel causas defendere; tamen propter spem libertatis & hereditatis, etiam per se aditum habet ad prætorem in l. mulier, cui non est, §. l. cogit, §. pen. hoc tit. Et hoc quidem, nisi servus sit impubes: nam impuberes non habent aditum in jus sine tutoribus, & qui servus adhuc est, tutorem habere non potest: est enim tutela jus in capite libero: sed poterit idem postulari per alium, nomine servi impuberis. Et ita nos, exposuimus latius lib. 11. quæst. ad l. si impuberi, de tut. & curat. dat. Ergo concludamus: si ab eodem herede eidem libertas & hereditas sit relicta per fideicommissum pure, vel sub conditione, aut in diem, is heres cogetur adire & manumittere, restituere manumisso. Idem admittemus, si libertas sit relicta pure ab eodem herede, & hereditas sub conditione, quia etiam ante conditionem fideicommissi, suspectam hereditatem dicit, & ob id adire, recusat compelli potest adire; & non adire tantum, sed & manumittere & restituere ante conditionem fideicommissum, & ante diem, l. apud §. ult. l. si cui pure, in prin. hoc tit. Si sua sponte velit adire, etiam non interveniente prætore, non jubente prætore, sane non restituet fideicommissum ante diem, ante conditionem, l. sed et si, hoc tit. Sed si compulsus adeat, qui dicebat sibi suspectam esse, cogetur statim restituere, ut in superioribus. Sed non erit idem e contrario, si libertas sit relicta sub conditione, hereditas pure: nam hoc casu non poterit cogi adire, antequam conditio libertatis existerit, quia nondum factus libero, non potest restitui: frustra postulat adire hereditatem, cui ea nondum potest restitui, d. l. si cui pure, §. 1. Idemque dice-

mus, si libertas & hereditas relinquantur sub diversis conditionibus: nam eadem ratione expectanda erit conditio libertatis, antequam heres, qui suspectam dicit, possit per prætorem compelli. Ex hæc quidem de fideicommissaria libertate. Fideicommissaria libertas potest relinqui ab uno ex heredibus. Directa autem libertas inutiliter relinquitur ab uno ex heredibus; relinquenda est ab omnibus, puta post institutionem omnium heredum: Nam quæ post institutionem omnium heredum scribitur directa libertas, ab omnibus relinqui videtur: si relinquitur directa libertas ante institutionem heredum, inutilis est, quia a nemine heredum relicta videtur: Et similiter libertas, directa relicta inter medias heredum institutiones, non valebat, quia videbatur relicta a primo herede, non a sequenti: non poterat autem relinqui libertas directa ab uno, & ante heredem, Institut. de leg. nisi scilicet scriptus heres prior adisset, ut ostendit Ulp. Inst. tit. 1. Relicta autem directa libertas ab omnibus, ut oportet unum heredem adire sufficit, ut competat libertas, sed est tantum potest compelli adire per prætorem, a quo etiam eidem servo relicta est fideicommissaria hereditas, quia propter libertatem solam nemo compellitur adire, videlicet si libertas fuit relicta pure. Alioquin expectanda est conditio, aut dies libertatis, quia nondum est persona, cui hereditas restitui possit, l. si patronus, §. Imperator, hoc tit.

Ad L. Titius LIV. ad SC. Trebell.

Titius rogatus est, quod ex hereditate superfluisset Manio restituere: quod medio tempore alienatum, vel diminutum est, ita quandoque peti non poterit, si non interveniendi fideicommissi gratia tale aliquid factum probetur: verbis enim fideicommissi bonam fidem inesse constat. Divus autem Marcus casu de fideicommissaria hereditate cognoscet, his verbis, (quicquid ex hereditate mea superfluit, rogo restitui) & viri boni arbitrium inesse credidit. Judicavit enim erogationes, quæ hereditate factæ dicebantur, non ad solam fideicommissi destinationem pertinere, sed pro rata patrimonii, quod heres proprium habuit, distribui oportere, quod mihi videtur non tantum æquitatis ratione, verum exemplo quoque motus scisse. Cum enim de consensendis bonis fratribus ab emancipato filio quaereretur, precipuum autem, quod in casibus fuerat acquisitum, militi relinqui placeret, consultus Imperator sumptus, quos miles fecerat, non ex eo tantummodo patrimonio, quod munus collationis, pati debuit, sed pro rata etiam castrensis pecunie decedere oportere constituit. Propter ejusmodi tractatus, Merius fideicommissi nomine cautionem exigere debet: quod eo pertinet, non ut ex stipulatione petatur, quod ex fideicommissio peti non poterit, sed ut habeat fideiussores ejus quantitas, quam ex fideicommissio petere potuit.

Hæc est questio: an heres, qui in diem, vel sub conditione rogatus est reddere alteri, quod ex hereditate superfluit, cedente die fideicommissi, interim medio tempore aliquid ex hereditate alienare vel diminueret possit, & quatenus? & an si quid alienaverit interim, vel diminuerit, id ab eo fideicommissarius petere possit, cedente die fideicommissi? Alienare est rei hereditariæ dominium in alium transferre: diminueret est, veluti rem hereditariam pignori obligare, vel prædium hereditario servituti imponere, aut debitam remittere, aut non utendo amittere. His enim modis deterior sit jus, deterior conditio prædii hereditarii. Item diminueret est sumptus & erogationes facere, victus sui ac suorum causa, puta penum hereditarium ebibere vel absumere. Unde dicitur etiam diminutum, quod usufructu de hereditate exiit, ut si res ab herede alicui data fuerit non alienandi animo, & ab eo, cui dedit vendita sit, & usucapta a bonæ fidei emptore, l. deperditum, de pet. heredit. Ut autem questioni propostæ respondeamus: heredi rogato post mortem suam restituere, quod ex hereditate superfluit, videtur permittenda alienatio: quia hoc voluisse testatorem palam est, cum dixerit: ut id tantum restituere, quod ex hereditate superfluit. Et ita etiam l. deducta, §. pen. & ult. hoc tit. Sed questio quis

quis erit huius deminutionis modus? An permittimus deminutionem in infinitum? minime. Sed si quid bona fide alienaverit heres, si ex iusta causa, veluti ex causa dotis, cum mulier heres instituta non posset aliunde sibi dotem conficere, *l. mulier, §. cum prop. hoc. i. vel ex causa donationis propter nuptias, vel ut redimat parentes suos, aut fratres ab hostibus. Finge, heredem ex hereditate aliquid deminuere, ut redimat suos ab hostibus, quæ est causa iustissima & piissima, ut alar se & suos: nam sæpe prædæ, quæ alere solent, ipsa ali oportet, tantum abest, ut sufficiant nostris alimonis. Ita igitur heres, si quid ex hereditate alienaverit bona fide, & ex iusta causa, id fideicommissarius ab eo petere non potest cedente die fideicommissi, ut si quid bona fide pignori obligaverit, non potest heres cogi a fideicommissario, ut id luat & repigneret. Denique id tantum peti ab herede potest, quod tantum relui & repignerari ab herede debet, quod dolo malo fecit, hoc est, quod alienavit vel deminuit dolo malo interveniendi sive deminuendi fideicommissi causa; hoc est, in necem fideicommissarii, ut *d. l. deducit, §. ult. l. sed est lege, §. quod autem, de perit. hered. in petitione fideicommissi, ut ait d. mulier, §. cum proponebatur, h. i. id enim peti ab eo potest, quorum petia convertit in rem suam, ut *d. §. quid autem, quia nec proprie deminuisse videtur, nec absumpsisse, quod vertit in suum patrimonium heres, l. Imperator, §. ult. adhibitis duabus legibus segg. de leg. 2.* Ergo ex huius fideicommissi causa heres restituet tantum atque præstabit, quod dolo malo deminuerit in fraudem fideicommissi: vel quod convertit in suum patrimonium. Non igitur deminutio vel alienatio ei in infinitum permittitur, non passim, non dissolute, sed adhibita bona fide, fraudem non permittit, sive alienationem aut deminutionem fraudulentam & copiosam. Et subiicit Papinianus in hac ipsa specie, Imperatorem Marcum cognomento philosophum decrevisse, his etiam verbis fideicommissi inesse arbitrium boni viri: nam idem est bona fide, & arbitrium boni viri. Et ob id, cum constaret verbis fideicommissi inesse bonam fidem, addit Marcus, etiam inesse arbitrium boni viri, scilicet id tantum heres alienare, vel deminueret possit ex hereditate, quod bonus vir, aut arbiter æqui & boni conferret, probaret, & arbitraretur: videlicet, non tantum pro modo hereditatis fideicommissariæ, sed etiam pro modo ceterorum bonorum heredis, ut est in *l. 3. §. nonnunquam, de usufr.* Et hoc decretum D. Marci, quod affert Papinianus hoc loco, adducitur etiam in *d. l. sed est lege §. quantum.* Ergo non est satis bona fide deminuere, sed etiam oportet deminutionem fieri boni viri arbitratu, ut si quid heres erogaverit & impenderit, quod dicatur sumpsisse ex hereditate, ex quo locupletior factus non sit, id reputet pro rata, non tantum heredi, sed etiam proprio patrimonio. Exempli gratia, si in patrimonio heredis sunt ducenta, in hereditate fideicommissaria centum, & erogaverit duodecim, patrimonio suo expensa feret octo, hereditati quatuor, servata scilicet eadem proportionem, nempe dupla in distribuenda erogatione, quæ est in bonorum quantitate. Et hoc ita prudenter Papinianus ait, D. Marcus decrevisse, non tantum æquitatis ratione motum, sed etiam exemplo, quia scilicet DD. Imperatores olim eandem secuti erant rationem in alia specie, quam exponit Papin. Sciendum est, filium emancipatum, qui admittitur ad bonorum possessionem ex edicto unde liberi, ut ex edicto de bonorum possessione contra tabulas, una cum fratribus, qui non fuerunt emancipati, hunc, inquam, filium emancipatum debere conferre, *rapporter*, & in commune contribuere bona pagana, quæ habuit a patre, vel aliis, hoc est, profecticia & adventicia bona, castrensia autem, vel quasi castrensia non communicat fratribus, sed retinet præcipua, *l. i. §. nec cast. de coll. bon. quod est ex Constitutionibus principum.* Nunc finge: filius emancipatus, qui habebat bona pagana & castrensia, multos sumptus in militia fecit, an eos omnes sumptus imputabit bonis paganis, ut eo minus conferat fratribus, & integram pecuniam castrensem retineat? Recte**

A pecuniam castrensem dicit, non pecuniam, quia filius fuit emancipatus, & emancipati pecuniam vel patrimonium habent, non pecuniam, *l. i. quando de pec. & et. annal. l. pen. de verb. sign. l. ult. C. de inoff. testam.* Ex quo etiam palam est, in hac lege olim male legisse quosdam pecuniam, pro præcipuum, quia emancipatus non habet pecuniam, dum scilicet Papinianus ait, filium emancipatum, quod in castrensibus acquisivit, retinere præcipuum, hoc est, non conferre fratribus. Respondemus quæstioni propositæ: quibus bonis eos sumptus expensos faciet, paganis an castrensibus? Et ait ab Imperatore, forte D. Pio, constitutum fuisse, ut ex utroque patrimonio pagano & castrensi: sunt enim veluti duo patrimonia duorum hominum, eos pro rata decedere oportere. Exempli gratia, si in bonis paganis sint quadraginta, in castrensibus viginti, & in militia impenderit 24. paganis bonis imputabit sexdecim, castrensibus octo, ubique servata proportionem dupla. Eadem etiam ratio servatur in specie *d. l. sed & si lege §. quod omnium*, quam nos attulimus hoc loco ut summe notandam. Quidam bona fide possidebat hereditatem quasi heres, cum non esset heres, sed esset forte scriptus testamento injusto, quod tamen ipse iustum esse arbitrabatur. Denique bona fide possidebat hereditatem, ergo petitione hereditatis non tenetur, nisi ut restituat quod restat ex ea hereditate, & id ex quo ipse factus est locupletior, *d. l. sed & si lege §. constat.* Is vero, dum possidebat hereditatem, bona fide deminuit quædam ex hereditate, & consumpsit in suos usus aliquanto latius, quam fecisset, si non existimasset se heredem esse, cum sumptum expensum ferret non tantum hereditati, sed etiam bonis suis pro rata: & bonis quidem suis pro rata ejus, quod etiam si heres non fuisset, impendisset, sed vitæ tuendæ causa frugaliter, ut ante delatam hereditatem solebat ætatem vivere suam, hereditati autem expensum ferret eum sumptum pro rata ejus, quod latius impendit contemplatione hereditatis. Et legendum in illa lege, non ut Habaand. latius, quod Duar. probat, sed ut Florent. laudat. His exemplis moti concludamus, & in specie proposita erogationem factam ex hereditate, sive impensas, secundum quod exigit arbitrium boni viri, decedere debere, non ex hereditate tantum, sed ex bonis heredis propriis pro rata. Illud non est omitendum, quod in extremo huius legis ait Papinianus, *propter huiusmodi tractatus*, hoc est, propter ea omnia, quæ diximus ante de ea quæstione, eum, qui heres rogatus est restituere quod ex hereditate superfluit, posse ab eo exigere satisfactionem fideicommissi nomine, ne plus æquo deminuat heres. Et eleganter ait, non exigit satisfactionem, ut exigitur plerumque, & potest exigi, ut scilicet petat ex stipulatu, quod ex fideicommissio petere non potest, ut sit in *l. fideicommissum, de condit. indeb.* si sit locus legi Falcid. heres, qui ex testamento non tenetur ultra dodrantem legatario vel fideicommissario, poterit se in solidum obligare, si velit ex stipulatione, fidei plenæ defuncto exhibendæ gratia: Sed in hoc proposito exigit cautionem ab herede, sed ut quod ex fideicommissio peti potest, petat etiam ex stipulatu, vel ab herede, vel a fideiussoribus ejus quantitas, quam ex fideicommissio petere potest. Idque exemplo edicti, ut legatorum nomine caveatur. Quod trahitur etiam ad hereditatem, *l. Imperator, hoc tit. l. inter, qui satisd. cog. l. hac stipulatio, ut leg. non. cau. l. a. C. ut in possell. leg. C. Nov. 108.* Cavebit igitur heres fideicommissario datis fideiussoribus de restituendo eo, quod bonum & æquum erit, & de dolo malo, ut *l. i. ut legat. nom. cau.* Puta de non deminuendo fideicommissio, ultra quam æquitas ferat, & arbitrium boni viri.

Intelleximus, heredi rogato post mortem suam restituere quod ex hereditate superfluit, medio tempore eas tantum alienationes sive deminutiones permitti, quæ non sunt fideicommissi intervertendi causa, & his fideicommissi verbis inesse bonam fidem, & arbitrium boni viri. Nunc videamus, cur hanc definitionem Papinianus Justinianus improbavit in Nov. 108. & quid tandem faxe de quæst. proposita novissime definierit Justin. Papinia-

pinianum, quæ sensu de hac quaestione, quasi dedita opera scriptisse in ænigma, ut ait, quia scilicet his verbis, *bona fide, boni viri arbitratu, non intervertendi fideicommissi causa*, quibus in definienda hac quaestione Papin. utitur, non exprimit certam quantitatem; & sunt obscura admodum verba. Fateor veluti certam exprimere, l. 1. de leg. 2. maxime illa, *boni viri arbitratu*, sed nego exprimere certam: Nam & bonæ fidei verbum non exprimit certam quantitatem, ut ob eam rem actiones bonæ fidei, dicantur actiones incertæ pecuniæ. Citer. in orat. pro Rosc. Ac præterea incertum illud, quem præscripsit Papinian. non esse modum finitum, illud non esse finitionem. Ac veluti ænigma potius quoddam esse, sive obscurissimam finitionem, quæ constat veluti quibusdam involucri verborum. Nam solemus omnia verborum involucria, imo omnia quæcunque sunt ex obscuro appellare ænigmata, ut Theb. insidias hostium, quæ sunt ex occulto semper. vocaverunt ænigmata, ut refert Eustathius Odys. 14. dum reddit rationem hujus appellationis. Voluit enim, inquit, qui sunt in insidiis latere & subdere occultissimo loco, etiam media nocte. Capitant enim tenebris ipsis tenebrosiorem locum, quare & ænigmata dicimus quæcumque superant obscuritatem omnem, & quæ non apparent. Et ita in Novel. 97. veluti in ænigmate idem iussit, ut quotiens inæqualis est quantitas dotis & donationis propter nuptias, quam consulit vir uxori, cum in dote sint sex millia, in donatione propter nuptias duo millia, & in casum mortis, vel in alium casum vir ex dote stipulatur quartam partem, & mulier ex donatione similiter quartam partem, ut æquales quidem videantur esse partes lucri, cum sint quartæ ultro citroque, nec tamen sunt æquales reapse sive quantitate propter inæqualitatem dotis & donationis propter nuptias. Inde fit veluti ænigma, ut quæ sunt æquales sacri partes, non sint æquales: sicut illud, ut vir, non fit vir, nempe spado: percussit non percussit, cum coniecit quidem lapidem, sed non attingit: avem & non avem puta vespertilionem; quod Athenæus explicat lib. 10. Et ita quoque non videre idem in ænigmate, id est, videre & non videre. Et similiter Lun. C. de nudo iure Quirit. toll. rem suam dicere ex iure Quiritium, ut l. 1. de rei vind. non multum, inquit, discrepare ab ænigmate, quia quod dicitur esse ius Quiritium, id non est in usu rerum, nec apparet uspiam hodie. Etenim jus habet sua ænigmata: Juvenal. qui juris nodos, & legum ænigmata solvat. Justinian. d. Nov. 108. sublato omni ænigmate in proposita quaestione novissime certum modum constituit, quem sequatur heres, & servet in alienando, vel deminuendo aliquid ex hereditate fideicommissaria, puta nec ex hereditate heres, qui rogatus est post mortem suam restituere quod ex hereditate superfluo, interim plus alienare, vel deminueret possit, quam ut quadrans fideicommissario conservetur illibatus. Dodrantem igitur ille heres consumere potest, quacumque ex causa prodigere, si velit, & dissipare, sive sit ex liberis, sive extraneis: quin etiam quadrantem residuum attingere potest ex iustissima causa, veluti ex dote causa, vel donationis propter nuptias, ut eam sibi faciat, sive compleat, vel ex causa alimentorum, vel ex causa redemptionis captivorum. Si his causis non sufficiat dodrans, licebit etiam quod deest replere ex quadrante, qui alioqui integer servandus est fideicommissario. Ac præterea, ut idem Justin. constituit, quadrantis nomine fideicommissarius ab herede cautionem exigere potest, qui rogatus est restituere superfluum hereditatis: neque enim exigendo cautionem videtur agere de hereditate viventis, quod quidam obijciunt, quia non vivo testatore, sed mortuo cautionem exigit, ut habeat fideiussorem ejus quantitatis, quam ex fideicommissio quandoque petere poterit, quod congruit cum fine hujus leg. Titius. Ita intelligimus modo, quemadmodum huic legi derogaverit. Justin. certiore modo alienationi, sive diminutioni fideicommissariæ hereditatis constituto atque præscripto. Nunc circa hanc quaestione incurrunt quatuor aut quinque quaestiones. Prima

A est, si heres nil consumpserit ex hereditate fideicommissa, an heres heredis possit dodrantem deducere aut retinere, quem prior heres consumere potuit? Et quod miror, Accurs. respondet, posse, in authent. contra, si rogatus, C. ad Trebell. Quæ opinio est falsissima. Quia palam est, testatorem qui rogat restituere quod ex hereditate superfluo herede moriente ea mente fuisse, ut si aliquid consumpserit, residuum restitueret, si nihil consumpserit, assem restitueret: nam & superflui nomine continetur as, nec ineglanter etiam as dicitur superesse, ex quo nihil abest, nihil absumptum heres. Et sane restituet assem, si fructus medio tempore percepti sufficiant quartæ Falcid. quæ in fructus imputatur, l. in fideicommissarium, l. ita tamen §. 1. hoc tit. nisi heres institutus sit ex liberis, qui liberi dæerati fideicommissio, quo jure utimur hodie, fructus medio tempore perceptos, non imputant in quartam, l. iubeamus, C. eod. tit. Sed si fructus medio tempore percepti nulli sint, vel si non sufficiant quartæ, extraneo herede instituto: nam ex liberorum corpore sive numero, ea repleta sive deducta, residuum heres fideicommissario præstabit: heredi igitur, qui nihil consumpsit ex hereditate fideicommissa, vel etiam heredi heredis datur quartæ retentio sive deductio, l. 10. C. ad leg. Falcid. Quia tamen hac in re abutitur Accurs. Quare etiam heredi heredis datur interdium quod legatorem, quod propositum est Falcidie retinendæ gratia, l. 1. §. 1. quod legat. Dodrantis deductio non datur heredi heredis, quia nec ipsi heredi datur, sed consumptio tantum. Si daretur heredi deductio dodrantis, daretur & heredi heredis, sed nec heredi priori datur, quadrans deducitur jure testamenti, hoc est, iure hereditario, l. qui duos de leg. 2. Dodrans non deducitur, sed consumitur pendente conditione fideicommissi ex præmissa Novella Constit. Justin. Rufinus quaritur, an qui rogatus est restituere quod ex hereditate superfluo, etiam fructus superfluos restituere debeat? Sed hanc quaestionem non debeat explicare hoc loco, sed lib. seq. ubi pluribus explicabitur d. l. 3. §. nonnunquam, de usufr. Et ibi etiam explicabitur alia quaestio, an qui rogatus est restituere, non quod ex hereditate superfluo, sed quod ex hereditate ad eum pervenerit, debeat etiam restituere fructus existentes existente conditione fideicommissi. Has igitur duas quaestiones reservabimus. Sequitur quarta quaestio, an, si superfluum hereditatis restituitur ex causa fideicommissi, sit Trebellianus fideicommissarius, id est, an pro rata ejus, quod ei restituitur, in eum transeant actiones & obligationes activæ & passivæ. Et videtur non transire ex l. legi §. inde queritur, h. l. quia non hereditas relicta est per fideicommissum, sed res sive quantitas ex eo, quod supererit. At sane verius est, in eum transire Trebellianas actiones, cui superfluum hereditatis restituitur, atque ita fideicommissarium esse Trebel. fideicommissarium hereditatis, non rei, aut quantitatis certæ, alioquin nihil hac lex pertineret ad hunc tit. Et d. l. cogi §. inde queritur, ut restituitur Bartolus animadvertit hoc loco, loquitur de eo, qui rogatus est restituere superfluum hereditatis, deductis oneribus hereditariis omnibus, deducto ære alieno, deductis legatis: hic debet fideicommissarium indennem servare, aut debet hereditatem restituere sine deductione æris alieni, vel legatorum. Ultima quaestio hæc est, quid sit dicendum de eo, qui simpliciter rogatus est hereditatem restituere, non superfluum hereditatis, sed hereditatem, an potest aliquid ex hereditate alienare vel deminueret? Et regulariter non potest. Et id quod alienavit, fideicommissarius persequi potest iudicio in rem adversus quemlibet possessorem. Est enim ei actio personalis ex testamento adversus heredem, l. ult. §. sed queritur, C. comm. de legat. Illud tantum observandum est, libertatem, quam heres dedit servo hereditario ante restitutam hereditatem, cum ipse erat servus, nondum factus fideicommissarii, servo non posse eripi, sed fideicommissario esse persequutionem assumptionis servi adversus heredem, l. quidam §. pen. l. si heres institutus §. 1. h. l. Vix unquam eripitur servo libertas, cui semel competit, nihil est, quod agrius revocetur. Et ut ait

ait d. l. quidam, libertas servo conservatur. Nam & similiter idem obtinuit in specie l. qui pure, in princ. b. t. servo relicta est libertas pure, hereditas fideicommissaria sub conditione: heres institutus suspectam dicit hereditatem antequam existat conditio fideicommissi. Ergo cogitur adire statim ante conditionem fideicommissi, & non tantum adire, sed etiam restituere. Aditio eripit servum in libertatem, & aditionem sequitur restitutio fideicommissi. Sed quid fiet, si postea deficiat conditio fideicommissi? Bona non debent remanere apud fideicommissarium: & ea hereditas constituetur sine effectu: non est enim æquum heredem, qui coactus adit, alligari oneribus hereditariis. Itaque quod ad onera attinet, hereditas adita habebitur pro non adita, sed quod ad libertatem attinet, in quam raptus est servus ex ipsa aditione, non habebitur pro non adita, neque enim servo eripi poterit. Item illud notandum, heredi scripto rogato hereditatem restituere permitti alienationem quartæ Falcidianæ, quibus casibus quartæ locus est, & poterit alienare ad modum quartæ, ad finem quartæ, & res alienatæ imputabuntur in quartam, l. 3. §. 2. b. t. quod supra quartam alienabitur, vindicabitur. Item sciendum est, si liberis non extraneis hereditas instituta, quarta non sufficiat doti, vel donationi propter nuptias constituendæ pro dignitate personarum & natalium, sicut constitui eam semper ad eum modum oportet, hoc casu licebit etiam liberis ex residuo fumere præter quartam, quantum satis est doti, vel donationi propter nuptias. Sed hoc liberis tantum permittitur, non extraneis, quando simpliciter sunt rogati restituere hereditatem: Nam si rogati sint tantum superstitum restituere, quod ad constituendam dotem attinet, idem est ius extraneorum & liberorum. Et hæc comprobantur ex l. mulier §. cum propon. b. t. & Nov. 39. Et observandum, quod in hoc proposito vult d. §. cum propon. ut heres simpliciter rogatus restituere hereditatem, si sit ex liberis, præter quartam detrahat & alienet interim quantum satis est, doti vel donationi propter nuptias, nisi sc. fructus medio tempore percepti sufficiant doti. Neque mirum: nam ante l. jubemus, C. ad Treb. liberi imputabatur fructus in quartam, & similiter in dotem vel donationem propter nuptias. Cum autem hodie fructus non imputentur in quartam, ergo nec imputabuntur in dotem, non sufficiente quartam, vel dote, & utentur liberi quasi duplici deductione, quartæ scilicet & repletionem dotis, vel donationis propter nuptias.

Ad L. etiam si IX. ut in posses. legat.

Etiam si condemnatus heres fuerit, nec pecuniam solverit, legatarius potest desiderare mitti in possessionem. Cum sub conditionibus contrarius eadem res duobus legatur, si non caveatur, uterque mittitur in possessionem.

IN hac l. proponuntur duæ breves sententiæ Papiniani. Priorem vulgus interpretum non intelligit, & Accurs. male ad eam notat l. 1. §. plane, & l. etiam, tit. sup. quasi scilicet in ea idem, quod in illis continetur, quod longe fecus est. Eius sententiæ verba hæc sunt: etiam si, &c. Quæ ut perspicue intelligantur, est sane intellectu dignissima, quia singularis, sciendum est, ex edicto proposito tit. sup. proximo, ei, cui legatum relatum est in diem, vel sub conditione, si hoc desiderabit, heredem satisficere debere, se ipsam diebus daturum futurumve, quibus testator dari fieri voluit, & dolum malum abfuturum, quod plerique legatarii & fideicommissarii exigere solent, ut habeant fideiussores legatum fideicommissi, quod quandoque eis licebit petere, tum medio tempore possit heres profligare & dissipare omnem hereditatem. Verum non interponitur hæc satisfactio, si testator heredi eam remiserit, si veterit ab herede satis exigere, vel si quocunque alio iudicio appareat, noluisse testatorem ea satisfactioe heredem suum onerari. Nam hodie ex Constitutione Marci & Commodi, quocunque iudicio voluntatis hæc cautio remitti

A potest, l. 2. C. ut in posses. leg. l. cum tale §. 1. l. avia, §. ult. de cond. & demonst. l. pactum, de pact. & Nov. 108. Alioquin si testator non remiserit istam cautionem, locum ea habet, & cavenda est postulantis legatarii aut fideicommissarii. Et locum habet etiam in fideicommissaria hereditate, ut diximus ad l. Titius, ad Trebell. Imo & in directa hereditate, ut in substitutione vulgari, herede primo scilicet instituto sub conditione, & pendente conditione, postulante bonorum possessionem secundum tabulas, quam prætor facile dat antequam exstiterit conditio, licet iure civili bona non possint adimi antequam exstiterit conditio, l. inter, qui satisd. cogant. l. 8. de prætor. stip. Quid fiet, si heres nolit satisficere? In civile est quodammodo liberum hominem cogi quid facere invite. Quæ de causa, si nolit satisficere, sane non cogetur satisficere. Verum vice satisfactiois legatarius mittitur in possessionem omnium rerum, quæ ex causa hereditaria sunt, ex edicto proposito in hoc tit. Quia quidem missione in possessionem legatario & fideicommissario, neque proprietas datur, neque possessio, sed ius pignoris, ut cui cautum non est satisfactio, & per hoc cautum pignore; missio in possessionem constituit pignus, quod dicitur prætorium pignus: nam mittitur in possessionem per prætorum, vel præsidem ex edicto, l. misso, pro empt. & in tit. C. de prætor. pign. l. iure legati, C. ut in posses. leg. l. filiusfam. §. Divi, in princ. de legat. 1. id est misso in possessionem datur ius pignoris, & per hoc datur etiam ei custodia & observatio rerum hereditariarum, ut vel tædio custodiæ heredi extorqueat cautionem, quam initio desideravit, l. 3. §. ult. & l. 10. de acqu. posses. l. cum legati, quibus ex causis in posses. l. 1. in princ. hoc tit. Nec enim missus in possessionem potest heredem expellere possessione, sed simul cum eo possidet res hereditarias, vel in earum possessione est. Est enim proprius in possessione, quam possidet, d. l. 10. quandoque possessio dicitur vicaria, l. postquam, §. 1. tit. sup. prox. quia scilicet est vice cautionis, l. si factum §. si quis damni, de dam. infec. At quæso rursus, quid fiet, si heres legatario prohibeat, quem prætor iussit ire in possessionem, ingredi possessionem? Sic tandem legatarius perveniet ad ius suum oculis, etiam ante diem, puta, vel ante conditionem: nam heres, qui ingredientem prohibuit, ei te nebitur actione in factum, in id, quod interest, hoc est quanti ea res erit, quæ legata est, perinde atque si conditio legati extitisset, coercendæ heredis contumaciæ gratia.

D Nec enim in hac specie, id quod interest egredietur pretium rei, sed propter contumaciam heredis, æstimatio rei repræsentabitur, videlicet non expectata die vel conditione, l. pen. quib. ex causis in posses. et l. 1. a. §. condemnatio, de tab. exhib. Hic est ordo juris, quem in hac re servari convenit, ut satisfactio, si deficit, succedat missio in possessionem, & missio, si impedimentum astat heres, succedat representatio legati, ac si purum esset legatum & præsens. Verum ad hæc notandum est, interdum etiam de puro & præsentis legato hanc cautionem interponi, puta, si heres velit litigare, & legatum quod est purum & præsens, non debere: Nam hoc casu post litis contestationem, nec enim ante litis contestationem liquido apparet velle heredem litigare, & postulare legatario, hæc cautio exigitur ab herede, quia nonnullas moras exercitio iudicii habet, & inter eas moras possit heres rem legatam disperdere. Et hoc ostenditur in l. 1. §. plane, l. hac stipulatione, in princ. l. etiam, tit. sup. prox. l. uxor. §. ultim. de legat. 3. Sed addamus etiam post condemnationem, hoc est, herede damnato legatumolvere, si appellaverit, eadem ratione cautionem, si omnia fuerit, interponi, quia appellatio trahet negotium, & interit possit res legata perire dolo, aut culpa magnæ heredis. Igitur, si sit purum legatum, hæc cautio interponitur, non tantum post litis contestationem, sed etiam post condemnationem, si adhuc heres velit litigare, & provocet ad maiorem iudicem. Sed hoc postremo casu notandum est, hoc interesse, quod herede condemnato appellante, legatarius non mittitur in possessionem om-

N n a n i u m

nium rerum hereditarium, sicut fit ex edicto, dum recusat cavere heres, sed mittitur tantum in possessionem rei legata, de qua judicatum est ex Constit. Marci. Ait, si modo is legatarius paratus sit cavere de eare conservanda, & heredi restituenda, si forte secundum eum pronuntiatum fuerit, *l. postquam g. tit. sup. prox.* Hoc igitur casu cum heres damnatus est solvere, nec solvit, sed appellat, cessat hoc edictum, & locum habet illa Constitutio Marci, inter quæ jura longa est differentia: Nam ut dixi, ex edicto, non cavente herede, legatarius mittitur in omnia bona, quæ ex hereditate sunt: ex Constitutione Marci mittitur in eam rem tantum de qua judicatum est: item ex edicto legatarius, qui mittitur in possessionem, nihil omnino cavet heredi: ex Constit. cavet, ut dixi ante *al. postquam.* Et ob id, quia cavet, quia legatarius oneratur cautione propter extinctam condemnationem per appellationem: (Nam verissimum est appellationem extinguere judicium, nec confirmatam sententiam ab eo, ad quem appellatus est, retrahere, *l. surri, §. 1. de his qui not. infam.*) Ob id igitur, quia oneratur cautione legatarius, ex ea constitutione etiam solus possidet, & expellit heredem possessione. Ex edicto non possidet solus, sed ambo sunt in possessionem, heres & legatarius. Et verius heres possidet, legatarius custos & observator, quasi salutaris, vel insularius. Quod & aliis multis exemplis confirmatur in *tit. de fidei. lib. 1. Sententiarum Pauli.* Nondum satis est. Quæro quid sit dicendum, si legatarius aut fideicommissarius omnia satisfactione & possessione, litem de legato contestatus sit, quasi puro & præsentis, & vicere, id est, condemnaverit heredem, & post condemnationem non appellet quidem heres, sed non solvat legatum? Finge, esse difficile conventu, ut sunt plerumque, quid fiet, quemadmodum legatariis prospicietur? Nam hoc casu, neque ex edicto, neque ex Constitutione Marci cautio exigi potest, cum præsens legatum aut fideicommissum debeatur, nec de eo jam heres litiget amplius, sed cunctetur tantum, moretur, & trahat solutionem? Verum æquissimum est, etiam hoc casu legatario subveniri, non quidem exacta cautione: Nam certe ei non est locus, sed non solvete herede, legatario missio in possessionem bonorum, ut ita nascatur jus prætorii pignoris, quasi creditor quilibet iudicati servandi causa. Et fuit sententia Papiniani hoc loco, dum ait, *etiamsi condemnatus heres fuerit, nec solvat, nihil de appellatione loquitur, legatarium posse desiderare mitti in possessionem, videlicet iudicati servandi causa, quasi creditor quilibet, ac proinde hoc casu mittetur etiam in bona heredis, ne dum in bona hereditaria, l. 3. C. qui pot. in pign.* Ex hoc edicto non mittuntur in bona heredis, excepto casu *l. 3. §. Imperator, h. s.* sed in bona hereditaria tantum, & ex Constitutione Marci mittitur tantum in rem legatam, de qua pronuntiatur est. Hoc vero casu mittitur in omnia bona, quæcumque possidet heres, undecumque ei obvenierint. Et præterea ex hoc edicto, & ex Constitutione Marci, missio fit vice cautionis non præstite: missio est vicaria: post condemnationem heredis, qui non appellat, sed calumniatur, ut est in *l. 12. tab.* & legatum solvere detrectat, etiamsi nullus locus sit exactiioni cautionis, legatarius non inducitur in possessionem vice cautionis, sed rei suæ servandæ causa, hoc est, debiti servandi causa: non datur hæc possessio, nec dicitur possessio vicaria. Et ita fit dilucida sententia Papiniani.

Posterior questio est facilis, cum sub conditionibus, &c. Duobus est legata eadem res sub contrariis conditionibus hoc modo: *Primo illum fundum de lego, si navis ex Asia venerit, aut si non venerit, Secundo. Idem est, si sub diversis conditionibus, hoc modo: Primo illam rem, si navis ex Asia venerit, Secundo eandem rem, si consul factus fuerit, l. 3. §. 1. sup. prox.* Utrique heres debet satisfacere legati nomine, quia uterque est legatarius conditionalis eiusdem rei, uterque separat legatum, nec debet huius rei declarationem facere longiorem, quam idem omnino jam expressi in *l. 3. §. 1. de prator. stipulat.*

Ex hoc libro citatur Papinianus, duobus tantum locis *l. 4.*

A de usu & habitate. Finge: mulieri est legatus usus domus: potest in ea habitare cum marito, cum liberis, libertis, & aliis plerisque personis, licet parum digne videatur maritus sequi domum mulieris, & in ea habitare, quandoquidem domus mariti debet esse domicilium matrimonii, *l. ceterum, de rit. nupt.* Finge rursus, viduæ legatum fuisse, & constitutum usum ædium, ac postea eam nupsisse, an novum quoque maritum expicere poterit? Et refertur in eo loco, ita sentisse Papinianum, ut mulier, cui vacanti constitutus est usus, ædium, possit in eis cum novo nupto habitare. Citatur Papin. ex eodem lib. in *l. 14. de leg. 1.*

Ad §. I. L. XIV. de Legat. 1.

Sed & Papinianus lib. 19. Quæst. ait: & si post legata sapientius adscripta, idem hoc subjecit, semel præstari velle, & hoc ante impletum testamentum fecerit, ipso iure videri cetera legata adempta. Sed quo magis erit ademptum: non enim apparet, & ait, posse dici exiguius esse præstandum.

Quidam Titio adscripsit plura legata eodem testamento, & ante consummatum testamentum subiecit, se velle, ut Titio semel tantum præstaretur, hoc est, ut unum tantum legatum ei præstaretur, nec quicquam præterea adjecti, ei autem Titio initio adscriperat plura legata per damnationem; quæ de causa dicitur ei deberi exiguius legatum, quoniam potestas eligendi est penes legatarium quoties legata sunt relicta per damnationem, & utique heres finem est stultus, electurus est exiguius, vel exiguiorem summam, ut *l. si ita relicta, §. ult. de legat. 2.* Cetera legata ipso iure adempta sunt, unum tantum præstatur, quod elegerit heres, quia nec data videntur quandoque adempta sunt eodem testamento. Idemque dicitur, si adempta sint codicillis testamento confirmatis, hoc est, si in eis scripserit, semel se tantum Titio dare velle, *l. si quis eum, de vulg. substit.* Ademptio legati, vel fideicommissi, vel fit ipso iure, vel remedio exceptionis doli mali, puta, si ademptio facta sit per epistolam, vel codicillis testamento non confirmatis, vel nuda voluntate, *l. 3. §. pen. de adm. leg. l. quærebatur, §. pen. de test. mil.* Posui legata fuisse relicta per damnationem: Nam si plura legata ei relicta fuissent per vindicationem, unum quidem legatum deberetur, sed quod ipse legatarius eligeret, non quod heres.

D

JACOBI CUJACII J.C.

COMMENTARIUS

In Lib. XX. Questionum ÆMILII PAPINIANI.

Ad L. Cum in rem LXIV. de Rei vindic. & §. ult. L. III. de Usur.

Cum in rem agitur, eorum quoque nomine, quæ usui, non fructui sunt, restitui fructus certum est.

§. ult. L. III. de Usur. Si auro, vel argento factio per fideicommissum relicto mora intervenierit, an usurarum æstimatio facienda sit, tractari solet. Plane si materiam istam ideo relinquit, ut ea distracta pecuniæque res relicta, fideicommissa solverentur, aut alimenta præstarentur, non oportere frustrationem impunitam esse, responderi oportet. Quod si forte ideo relinquit, ut his vasibus uteretur, non sine rubore considerabuntur usura: ideoque non exiguntur.

D ABIT initium huic libro lex cum in rem, de rei vindic. ad quam conjungemus ex eodem libr. §. ultim. l. 3. de usuris. Et ait in hac leg. cum in rem, &c. Quæ verba, ut existimo, non sunt facilia cuilibet. Hoc vero sentit his verbis Papinianus: etiam eorum, quæ usui non fructui sunt, fructus venire in rei vindicationem, & in eos possessorem condemnari debere, cui res evincitur, quia scilicet omne legatum

tum possessori auferendum est, *l. post SCtum, de poss. her.* Hoc ergo dicit, fructum esse ejus rei, quæ fructui non est, quod videtur absurdum, sed est figura *πλοκή*. Aliud enim supra, aliud infra significat fructus. Supra significat, qui naturaliter ex re ipsa gignuntur, ut ex arbore poma, qui ex re ipsa nascuntur, quæ optimi auctores vocant gignentia, & nascentia ut Græci *γεννηματα*. Infra autem fructus significat, non quod natura provenit, sed quod ex obligatione, vel officio iudicis percipitur, ut ex stipulatione, usura, ex locatione, merces. Nam & hæc pro fructu cedunt, *l. si navis h. t. l. usura, l. pradiorum, de usur. l. postulante, §. sed & in huiusmodi, ad Treb.* Infra fructus est quasi fructus. Aliæ autem sunt res usui & fructui, ut fundus: aliæ nec usui nec fructui, sed abusu, ut pecunia, vinum, frumentum; aliæ sunt usui, non fructui, ut vasa, neque enim ulum fructum ferunt, aut gignunt. Et non dicuntur etiam esse fructui: nisi improprie, *l. ult. inf. usuf. quemadmodum. cau. & de vasis ad hanc legem, primum exemplum funere licet ex eodem libro Papiani, nempe ex d. l. §. ult. de usur.* cuius sententiam exponere volo.

Certi iuris est, in fideicommissis usuras deberi ex mora. Finge: per fideicommissum relictum est aurum, vel argentum factum, hoc est, vasa aurea & argentea, an ex mora debentur usuræ quasi fructus? Et illo loco Papinianus distinguit hoc modo: Aut vasa ea mente relicta sunt, ut pretium ex eorum venditione redactum heres fideicommissario præsaret, & debentur usuræ ejus pecunie. Aut vasa ipsa relicta sunt, ut eis fideicommissarius uteretur, & non debentur quidem usuræ vasorum, sed quod vice fructus est, debetur, quanti ea vasa aurea, vel argentea fideicommissarius locare potuit, si in eis præstandis moram non fecisset heres; non sunt quidem fructui vasa, quæ nullum edunt fructum, sed tamen in re vindicatione eorum fructus æstimatur, id est, quasi fructus, quanti scilicet locari ab herede potuerunt, *l. videamus, §. penult. de usur.* usuræ non debentur, nisi ex quantitatis, id est, ex iis, quæ numero, mensura, aut pondere constant, non ex iis, quæ certa specie certoque corpore continentur: vasa specie, forma, corpore valent, non quantitate, & ob id vasorum etiam usuræ, ut ait in *d. l. §. ult.* non sine rubore desiderantur, hoc est invectunde desiderantur, quoniam ex corporibus non percipitur usuræ, sed quasi fructus vasorum recte desiderantur. Et ex his verbis, non sine rubore, Græci notant eleganter, iudicem non debere admittere postulationes invectundas. Potest etiam ad hanc legem ex *d. l. videamus* poni exemplum in vestimentis: Nam & hæc usui sunt, non fructui. Et licet adnumerentur rebus, quæ sunt in abusu, §. *constituitur, Instit. de usuf.* non tamen plus sunt in abusu, quam usu, deteruntur tantum, non consumuntur, & abusus consumptio est. Quare etsi legetur usuf. vestis de eadem veste reddenda, quando cumque finitus erit usuf. legatarius heredi cavere solet & liberatur, si reddat etiam usu attritam, *l. q. §. pen. usuf. quem. cau.* Nec vestimentorum usuf. legatur sicut pecunie, *l. sed si quid §. vestis vestiment. de usuf.* Pecunia abuti licet statim, si modo caverit de tantadem pecunia reddenda, legatarius scilicet: vestimentis abuti non licet. Quamvis autem vestimenta non sint fructui, hoc est, nullum fructum gignant, tamen vice fructuum æstimantur in actione in rem, quanti his locatis mercedis nomine capi potuerit, *d. l. videamus.* E

Ex qua etiam aliud exemplum poni potest in servitutibus prædiorum. Iter, actus, via usui est, non fructui, res incorporalis non potest esse fructui, & tamen, si vindicetur servitus, vice fructuum restituitur omne commodum, quod habiturus erat actor, si statim eo tempore, quo exigit, ire prohibitus non fuisset, *d. l. videamus, in §. Restituitur id, quod interse, §. prohibito non fuisse, l. q. §. in confessoria, si servit. vind.* Non dicitur quod valde notandum est, haberi rationem ejus mercedis, quæ servitus locari potuit, sicut dictum est de vasis & vestimentis, quia scilicet servitus locari non potest, *l. locare servitutum nemo potest, inf. locati.* Cujus rei ratio inferius explicabitur. Sed poterit æstimare perita servi-

A tute, quanti eam pignori obligare actor potuit, & beneficium pignoris istius pecuniam, qua indigebat, efficere. Nam servitus pignori dari potest, puta iter, vel actus, vel via, vel aqueductus, *l. 12. de pignoratibus.* & fructus est, id est, quasi fructus, vel pignori dare licere, *l. ult. de usur.* Etiam aliud est exemplum in *d. l. videamus*, de proprietate nuda. Nam ejus usus quidem est aliquis, ut proprietarius etiam invito fructuario potest fundum, vel ædes custodire per se, vel per salutarium, qui tunc un concierge en la maison, vel per insularium, qui tunc tur prædium, aut fines agri, *l. si ita legatus, §. ult. de usu & habit.* Et potest testatorem mortuum in fundum inferre, si non sit, ubi tam opportune sepeliri possit, *l. locum, §. 1. de usuf.* Et servum invito fructuario coercere, & noxæ dedere potest sine dolo malo, *d. l. locum, §. ex eq. & seq.* Ergo nuda proprietatis est usus non nullus, fructus autem nuda proprietatis nullus est. Sed si petita sit nuda proprietatis actio in rem, & inter moras iudicii amissus fuerit usus, ex eo tempore, quo usuf. consolidatus est proprietati, quo nuda, quæ erat proprietatis, facta est plena, fructuum ratio habetur. Idemque erit, si quid interim fundo per alluvionem accreverit, *d. l. videamus, l. fructus non modo, & l. seq. hoc tit. l. si ego, §. idem ait, de Public. in rem act.* Ultimo ex eadem *l. videamus*, ponamus ad hanc exemplum in usufructu. Nam certe usuf. rursus fructui eleganter non computatur: jus utendi fruendi fructum non gignit, non progenerat. Eo tamen jure utimur, & petito usuf. actione confessoria damnabitur reus in fructus, quos actor percipiturus erat, si ei possidere licuisset, *d. l. videamus*, non in fructuum fructus, qui vix ulli æstimari possunt: fructus non est fructus, sed quasi fructus, *l. neque, de usur. l. heres §. ult. de peti. heredit.*

L. XI. §. ult. & L. XII. ff. de Pignor. explicata.

Hæc sufficerent ad hanc legem, sed attigi in ea enarranda ante rem difficillimam, & male explicatam, cujus rationem reddam fortasse perspicuam. Dixi servitutes non posse locari, & posse pignori dari. Cur tam varie? Cur si pignori possunt, non etiam locari? Et rursus, cur servitutes rusticorum prædiorum pignori possunt, non servitutes urbanorum prædiorum? Nam hæc differentia perquam evidenter proponitur in *l. 11. §. ult. & l. 12. de pignoratibus.* Et perquam evidenti calumnia eam elidunt: qui quod in *l. 11. §. ult.* est scriptum de servitutibus urbanorum prædiorum, porrigunt etiam ad servitutes rusticorum. Et quod in *l. 12.* est scriptum de rusticis servitutibus, id porrigunt etiam ad urbanas. Est mira licentia. Cum *d. l. 11. §. penult.* nullam constituisset differentiam: usuf. daret pignori dominus an fructuarius, ac proinde nec vellet hanc distinctionem fieri in ceteris servitutibus, illi *d. l. 12.* acceperunt de servitutibus quibuscunque pignori obligatis, sive pignoris nomine impositis a domino in fundo proprio, quæ omnia vaticinantium imagines sunt. Et merito debemus illis omitti, sive neglectis adferre perspicuam differentiam, quæ ponitur in supradictis locis inter servitutes urbanas, ut hæc non possint pignori, & servitutes rusticas, ut hæc possint pignori. Et simul inquirere debemus rationem juris, rationemque differentie. Præterea adhuc in hac re dubitatur, cur sine distinctione ulla servitutes sint urbanæ, an rusticæ, tamen placet, quascunque servitutes precario concedi posse, *l. 3. l. & habet §. precario, de præ. l. si quis ser. de relig.* Cur etiam indistincte pignori non possint? & cur etiam locari non possint? Sciendum igitur hac in re usuf. separari a ceteris servitutibus: usufructus vendi, locari, pignori potest, *d. l. 11. §. pen.* quia sc. fructus est, vel locare & pignori licere, *d. l. videamus, & l. ult. de usur.* Et usufructus nomen sive jus comprehendit omne commodum, omne emolumentum, omnem obventionem, omnem fructum, vel quæ si fru-

si fructum, & est jus plenissimum: qua ratione usus ab usufructuario vendi, locari, pignori non potest, §. 1. *Instit. de usu & habit.* Qui nudum usum habet sine fructu, non habet fructum: ergo nec locari aut pignori potest, quia hac pro fructu cedunt. Servitutes autem prædiorum urbanorum vel rusticorum a domino, vel ab eo, cui debentur, etiam vendi possunt, l. pen. §. 1. de contr. empt. l. 3. §. si iter, l. illud, §. si ille, de act. emp. locari tamen non possunt, quia omnis locatio fit ad tempus, & servitus non potest constitui ad tempus, l. 4. de furt. ubi hæsit fundo semel, vix avelli potest: & ideo petita servitute actione in rem in d. l. videamus, non dicitur in fructu computari, quod servitute locata mercedis nomine capi potuit, quod tamen dicitur de veste & vase. Ergo servitus locari non potest, l. locare, locato: est generaliter accipienda, ut nemo, neque dominus, neque is, cui servitus debetur, eam locare possit. At contra, ut nunc tractemus de pignore, servitus tam a domino, quam ab eo, cui debetur servitus rustici prædii, veluti iter, via, actus aqueductus, pignori opponi potest, d. l. 12. de pignorib. Et quod dicitur in d. l. videamus, petita servitute rustici prædii, in fructibus numerari omnia commodum, quod habiturus erat petitor, si non fuisset prohibitus ire, agere, aquamve ducere, puto exempli gratia aptari posse ad pignorationem, quia fructus cuilibet res est: sive corporalis, sive incorporalis, vel pignori dare licere, l. ult. de usuf. Nec potest obijci omnino, quod locationi obijcimus etiam pignoratione servitutem constitui ad tempus, cum lex semper in pignori, ut vendi & distrahi possit in perpetuum, adeo ut conventio, ne possit, non sit efficax saltem debitore tria denuntiatione convento, l. 4. de pign. act. Et hæc de servitutibus rusticis. Servitutem autem urbanam veluti tigni aut stillicidii immittendi, vel protegendi, vel proijciendi dicimus ex d. l. 11. §. ult. neque a domino, neque ab eo, cui debetur ea servitus, pignori posse. Et ratio differentie hæc est: ut valeat pignus servitutis, non tantum necesse est, creditorem habere vicinum prædium: hoc enim omnino necesse est, quod etiam exigit d. l. 12. sed etiam, ut hujusmodi pignus alii vicino distrahi possit, quia inutile est pignus, quod alii non potest vendi, l. 4. de pign. act. l. mulier, de dist. pign. Atqui creditori habenti ædes vicinas, cui concessum est pignori, ius tigni immittendi, non est vicinus, cui ea servitus usui esse possit, cui vendi possit: Nam quod ex ædibus suis tignum immittit creditor in ædes debitoris, non æque alii vicino ex suis, in eam partem immittendi ullus est usus, ullave utilitas, & consequenter id certe alter vicinus empturus non est, & alius non vicinus emerit etiam frustra. Ergo ejus servitutis inutile pignus est, quia non potest nisi vicino vendi, & vicino emere non expedit, quia si emerit, emerit frustra, & inutiliter. At vero ius prædii rustici, veluti iter, alii vicino vendi potest. Idque forsitan magno alius vicinus redempturus est, cum possit uno eodemque itinere pluribus parere aditus in suos fundos. Et hæc est ratio differentie, quam satis notavit d. l. videamus: quæ de venditione servitutis rustice loquitur nominatim, sed veteres non animadverterunt. Quod autem dicitur summam rationem, quia possessio sola, vel quasi possessio precario conceditur. Et hujus possessionis utilitas non consistit in distractione, ut ius pignoris, neque enim licet unquam mihi vendere, quod precario accepi. Precarius denique usus non consistit in distractione, sed in usu nudo, & ad libitum domini, qui precario concessit usum itineris, vel immitti, vel projecti. Igitur non fuit, cur in precario constitueremus differentiam inter genera servitutum.

Ad l. Si superatus III. de pignor.

Si superatus sit debitor, qui rem suam vindicabat, quod suam non probaret, æque servanda erit creditori actio Serviana probanti rem, in bonis illius eo tempore, quo pignus

A contrahebatur, fuisse. Sed est victus sit debitor vindicans hereditatem, iudex actionis Serviana, neglecta de hereditate dicta sententia, pignoris causam inspicere debet. Atqui aliud in legatis & libertatibus dictum est, cum secundum eum: qui legitimam hereditatem vindicabat, sententia dicta est. Sed creditor non bene legatarius per omnia comparatur, cum legata quidem aliter valere non possunt, quam si testamentum ratum esse constaret. Enimvero fieri potest, ut pignus recte sit acceptum, nec tamen ab eo lis bene instituta.

§. Per injuriam victus apud iudicium rem, quam petierat postea pignori obligavit: non plus habere creditor potest quam habet qui pignus dedit. Ergo summovebitur rei iudicata exceptione, tametsi maxime nullam propriam, qui victi, actionem exercere possit: non enim quid ille non habuit, sed quid in ea re, que pignori data est, debitor habuerit, considerandum est.

Equitur, ut exponamus quest. l. 3. de pignor. Actio hypothecaria est perfectio pignoris, quæ creditori competit, actio in rem, non ut hodie plerique in foro certant in personam l. pignoris, hoc tit. & l. pignoris C. cod. l. ult. C. si unus ex plur. hered. Quæ actio hypothecaria etiam dicitur Serviana, simpliciter, ut in hac l. 3. quamquam non sit directæ Serviana, sed utilis, vel quasi directæ. Directa enim Serviana est de rebus coloni, pro mercede pignori obligatis, §. item Ser. *Instit. de act.* Sæpiissime etiam in iure actio hypothecaria dicitur pignoratitia, & sane pignoratitia actio nomen est ambiguum: Nam alias actio pignoratitia, est actio in personam, quæ datur debitori de recuperando pignore soluta pecunia, in tit. de pign. act. Alias est actio hypothecaria, quæ datur creditori, actio in rem, non in personam. Si quem ex circumforaneis confusas, an actio hypothecaria sit in rem, an in personam, dicit statim, esse in personam: error est irreconciliabilis. Vindicatio enim est rei vindicatio rem non tantum jure domini, sed etiam jure pignoris. Et tantum abest, ut dici possit in personam, ut d. l. ult. nominatim dicat, esse in rem, & adiciat statim non obligare personam. De hac autem actione hypothecaria jam ante dictum est in l. 1. §. cum prædium h. tit. Si per usufractionem creditor dominium rei pignori datæ amiserit, creditorem tamen non amittere ius pignoris, creditori servari hypothecariam actionem: usufractione rei non perimi perfectionem pignoris, quæ nulla societate dominio conjungitur, ut ait l. iusto, §. non mutata de usuf. & usucap. Usucapio dominium mutat: non pignus: usucapitur res cum sua causa libera, si sit libera: obligata, si sit obligata. Et hoc demonstratum est, ut dixi sup. d. §. cum prædium. Nunc dicitur in hac l. 3. æque habita relatione ad id, quod dictum est in d. l. 1. quod hoc ipso libro 20. forsitan scripserat Papinianus, æque, inquam, si debito alio possidente rem, quam ipse pignori dederat, egerit de dominio hujus rei actione in rem, & victus fuerit, vel per injuriam iudicis, sordes, aut gratiam, vel defectu probationis, dum non probat, se ejus rei esse dominum, si, inquam, adversus debitorem judicatum sit, eam rem ejus non esse videri, creditori servari tamen actionem hypothecariam, modo probet creditor, tempore contracti pignoris eam rem in bonis debitoris fuisse. Satis enim est, si ab initio pignus recte contractum fuerit, nec spectatur quod post subsecutum est, non spectatur usucapio pignoris, non spectatur sententia de dominio pignoris data contra debitorem. Certissimum est, rei aliena pignus non valere, quod multis locis confirmari potest. Duo sunt satis obscuri, quibus soleo uti, l. servus quem, §. ult. de act. emp. & l. sedetis lege, §. si quis re sua, de peti. hered. In quo loco velim vos animadvertere, quod non observant, ejus loci rationem. in eo consistere, quod rei aliena pignus non valet. Finge: qui possidebat hereditatem alienam bona fide, existimans se esse heredem, res hereditarias pignori obligavit suo creditori: an videtur aliquid attigisse ex hereditate: minime: non attingit ex hereditate,

tate, qui rem hereditariam pignori dat: cur ita? *quis*, inquit, *ipsi suis obligatus*, id est, quia ipse fuit debitor, non hereditas, & rei alienæ pignus non constituit. Ac proinde nihil egit, nihil attigit ex hereditate, rem hereditariam pignerando: Nec enim eam jure pignervit, nec Græci omifere istam rationem; *si nudi quid de doctoribus: hæc deo hoc est, quia cum non esset dominus, rem pignervit*. Ex quo sequitur nihil eum egisse: rei alienæ pignus non valet nisi scilicet contrahatur sub conditione, *l. si fundus §. alienæ, hoc tit. l. idemque §. ult. qui pot. in pign.* vel nisi ea res debitori sit debita vel obligata, hoc est, pignerata: nam nomen & pignus pignerari potest, *l. 1. in princip. l. grege §. cum pignori, hoc tit.* Et quæ est tertia exceptio, nisi fuerit generalis conventio pignoris, quæ comprehendat etiam bona postea acquisita, *l. 15 §. 1. hoc tit.* Potest addi quarta exceptio ex *l. aliena res ff. de pign. act.* Aliena res voluntate domini potest pignori obligari, pignori dari: sed etiam ignorante eo data sit, & ratum habuerit, pignus valebit. Hanc quartam exceptionem adieci ex meo more, ex *l. si fundus §. si nesciente, hoc tit.* Rei debitoris proprie pignus valet etiam postea fiat, vel pronuntiatur esse aliena: igitur, quod ab initio constitit, pignus, quod satis est. Quod autem diximus, victo creditore, qui egerat de proprietate pignoris iudicio in rem, creditoris servari hypothecariam, id ita procedit, ut recte annotavit Accursius: si debitor egerit de proprietate ignorante creditore: nam si eo sciente egerit, præsentem, interveniente, & contrariam sententiam accepit, ea res nec creditori, & auferit hypothecariam actionem; nec locus est regulæ juris, rem inter alios iudicatam aliis non nocere, quia sane non nocet aliis, quorum ex voluntate iudicatum non est, sed C nocet aliis, ex quorum voluntate iudicatum est. Et hoc casu ex voluntate creditoris, qui sciebat debitorem agere de proprietate pignoris, & sciebat eum agere, qui poterat prohibere, & litem suscipere ratione pignoris, videtur iudicatum de jure pignoris, quia ex persona agentis debitorem habuit, *l. sepe, de re judic. l. 4. §. pen. de appellat.* Sciatis igitur creditoris esse sententiam, quæ dicta est contra debitorem in iudicio in rem. Hæc sit conclusio: cui subdantur exceptiones duæ, *l. præf. C. de pignori*. Si debitor causam proprietatis lusorie egerit, hoc est, collusorie, perfusorie, dicis causa, hoc est, si debitor colluserit cum adversario in necem creditoris, ut sit sepe inter conjunctas personas: simulat enim litem, unus eorum paritur se vinci in fraudem tertie personæ, ut apud Terentium in *Phor. act. 1. scena 2.* Si ita debitor causam proprietatis collusorie egerit, perfusorie egerit sciente creditore causam agi, nesciente collusionem, nihil ea res nocet creditori. Idemque dic, qui est alter casus, si debitor non sit victus causa cognita, id est, utraque parte præsentem, id est, *persequens*: nihil enim ea res scienti creditori nocet, quoniam non videtur victus debitor, quod haberet malam causam, sed quod abesset victio suo, *l. Herennius, de evict.* *l. si expressit, de appellat. l. 1. §. si quis, quam, appell. fit.* Et hoc quidem, si debitor egerit de dominio speciali actione in rem. Quæro quid firmandum, si debitor egerit petitione hereditatis, in qua scilicet erat eas res, quam creditor pignori dederat, & victus fuerit? Et hoc etiam casu dicemus, creditoris absenti vel ignorantis, servari actionem hypothecariam, secundum superiorum definitionem. Et ut eleganter ait Papinianus, iudicem actionis hypothecariæ, neglecta sententia dicta de hereditate, pignoris causam solum inspicimus, & pronuntiatum secundum creditorem; si modo probaverit tempore contracti pignoris, eam rem debitoris fuisse: sententiam creditori non nocere: nihil igitur referre; victus fuerit debitor, de proprietate rei pignerata: agens specialiter actione in rem, an petitione hereditatis. Oblat huius conclusioni, quod sententia de hereditate data contra heredem scriptum, secundum here-

A dem legitimum cum lis esset inter heredem scriptum, & heredem legitimum, etiam si per injuriam iudicis data sit, ea nocet legatariis, & testamento manumissis tam ignorantibus, quam scientibus. Exceptis tamen etiam in hac specie duobus illis casibus, si heres scriptus collusorie causam egerit, aut si ex præscriptione, aut ex edicto peremptorio victus sit absens: quoniam his casibus, nec scientibus legatariis nocet sententia, quæ data est contra heredem scriptum. Uno casu non fuit vera lis, collusoria lis non est lis, *et est un jen*. Posteriori casu, id est, videtur heres victus, non quod habuerit malam causam, sed quod abfuerit, & non egerit causam, *l. si ideo, de evict.* Et hæc omnia plenius comprobantur lege, si per lusoria iud. de appellat. *l. qui repudians §. ult. Et seq. Et l. si suspensa, de inoff. test. Et l. si servus plurimus §. 1. Et §. pen. de leg. 1.* Sed in d. §. 1. non est legendum affirmare, injuria facta heredi scripto nocet legatariis, quod plenius docebit Obler. 2. cap. 7: quæ causam explicat. Nec a me repetetur hoc loco, quemadmodum sit respondendum leg. 1. de except. rei jud. Et *l. statuliberi §. Quintus, de statulib.* quæ huic obitare videbatur. Pergamus ergo & concludamus ita: his tantum duobus casibus exceptis, sententia dicta contra heredem scriptum, etiam ignorantibus legatariis & manumissis nocet, quæ tamen non noceret creditori ignorantis id causam pignoris, ut diximus sup. Cedo rationem differentie? Eam reddit Papinianus. hoc loco: legata & libertates testamento relicta, non aliter possunt valere, quam si constet, ratum esse testamentum, quia ex testamento pendet: si corrumpit testamentum, corrumpit & legata & libertates; si contra testamentum pronuntiatum sit, contra heredem scriptum testamentum, & contra ceteros omnes pronuntiatum est, quibus quid testamento adscriptum est. Denique contra omnem scripturam pronuntiatum. Pignus autem valet, constitit & perseverat, quod valuit initio, etiam si res debitoris postea esse desierit ufucapione, vel pronuntiatum sit, non esse eum dominum huius rei, vel propter malam instantiam forte, vel propter litem male institutam, vel propter defectum probationum, vel propter injuriam iudicis, nihil interest. Sæpe bonæ causæ est mala instantia, ex quo fit sepe, ut pereat lis actori, *l. et post, de iudic. Tertull. lib. de patientia: Quoties, inquit, instantia ejus deterior est causa sua.* Sæpe enim, licet rei persequendæ jus suum habet actor, sit ut rem amittat, vel quod non veniat instructus probationibus ad agendum, vel quod non utatur propria actione & congrua, ut si persequatur rem jure hereditario, quæ non est hereditaria, sed ejus propria, jure proprio, quo eam persequi debuit. Ergo quoquo modo pronuntiatum sit contra debitorem, non videri eum esse dominum rei, nihil ea res præjudicat creditori ignorantis. Et hoc est, quod ait Papinianus in hac lege. Hæc autem, quæ hac lege diximus, ita procedunt, si pignoris conventio sententiam præcesserit, quæ dicta est contra agentem in rem, vel petitionem hereditatis; sed si post sententiam dictam contra debitorem, res ab eo sit data pignori, creditor videtur in locum victi successisse: & ideo frustra agat hypothecaria, qui causam habet a victo, sive ex persona victi debitoris, quandoque, si agat hypothecaria, repellatur exceptione rei judicæ, *l. si mater §. ult. l. rei judicæ §. ult. de except. rei judic.* Quod utrumque procedit, etiam si debitor victus sit per injuriam iudicis: Nam et si eo casu iniqua sententia victori præbeat retentionem tantum rei, non actionem, sive persecutionem, tamen non speciamus, quid victor non habuerit, sed quid debitor habuerit, non quid victor, sed quid debitor habuerit in ea re, quam pignori dedit. Et non potest creditor plus habere, quam habuit debitor, in cuius locum successit. Utrique igitur erit inefficax vindictio rei, victo & creditori ejus, qui postea quam victus est, rem pigneravit uterque si agat, repellatur exceptione rei judicæ, exceptio-

(*) Vide *Movill. Variam: ex. Cujac. lib. 3. cap. 17.*

ne inquam : nam sententia dominium non mutat, quod A
habet debitor ipso jure, l. 28. de except. rei judic. Et hæc
sunt ex §. ult. hujus l. Et sunt duo singularia, quæ ex hoc
§. notantur. Primum est, rem judicatam nocere ei, qui
a victo causam habet, si sit emptor seu creditor, qui
succesit in rem singularem, etiam si non in jus univer-
sum. Alterum est, inquam sententiam, si manifesta sit
judicis iniquitas, victori præbere quidem retentionem
rei, si eam possideat, non perfectionem, non actionem.

Ad L. III. de Usuris.

In fideicommissi persecutione, cum post judicis sententiam
moram fecisset heres, iussit Imper. Marc. Antoninus intermisso
legitimo tempore, quod condemnatis præstatur, ut usque ad
sententiam commoda fideicommissarius accipiat (*): quod
decretum ita accipi oportet si ante judicis sententiam mo-
ra non intervenerit, tamen si non facile evenire possit, ut mo-
ra non procedente, perveniat ad judicem. Sed puta legis
Falcidie rationem intervenisse. Ceterum si antequam ad ju-
dicem perveniretur, in mora heres fuit, exinde fructuum
præstandorum necessitate adstrictus, qua tandem ratione,
quoniam & sententia victus est, legitimis temporis spatio
fructibus liberabitur, cum ea temporis intersepeo iudica-
to dilationem dare, non lucrum adferre debeat?

§. 1. In his quoque judiciis, quæ non sunt arbitraria,
nec bona fidei, post litem contestatam alicui causa præstan-
da est in eam diem, quo sententia dicitur: certe post rem
judicatam tempus a fructibus dependendis immune est.

In l. 3. de usur. quod tractatur initio, pertinet ad qua-
estione de usuris & fructibus fideicommissorum, &
est obcurum, & incognitum satis, & tamen perquam
interessit nobis id esse cognitum. Proponitur in eo decre-
tum M. Antonini Imper. cujus sensus hic est: In persequ-
tione fideicommissi, si heres fideicommissario conde-
mnatus iudicio post sententiam judicis, & tempora ius-
ticiæ solvendi moram fecerit in solvendo fideicommissio-
nem, sicut est in l. solidum, §. etiam, de leg. 2. si post dictam
sententiam solvere iudicatum supersevit, decrevit Im-
perator ut usuras & fructus, obventiones & commoda
omnia fideicommissario præter a tempore litis contestata-
e usque ad sententiam, quæ sc. fideicommissarius percep-
torum erat, si statim eo tempore, quo egisset de fideicommis-
so, fideicommissum ei restitutum fuisset, nec enim quid
perceperit heres, considerandum est, sed quid fideicom-
missarius percipere potuit, l. si navis, §. ult. de rei vindic.
Denique, si post sententiam moram fecerit heres, præ-
stat omnia commoda, quæ percepturus erat fideicom-
missarius ex fideicommissio, etiam si ea non perceperit
heres, a tempore, scilicet. litis contestatae usque ad sen-
tentiam. Quid fiet de fructibus, quos fideicommissarius
percipere potuit post sententiam? Sciendum est, post
sententiam dies aliquot dari condemnato ad iudicatum
solvendum, ad restituendum fideicommissum, qui dies
iusti appellantur in 12. tab. Hi dies immunes sunt a de-
pendendis usuris & fructibus his, quos fideicommissa-
rius percipere potuit, ex eodem decreto, cui congruit
lex, in bona fid. C. de usur. & l. ult. §. pen. C. de usur. rei jud.
Et ratio est optima, ut illud tempus sit immune ab u-
suris & fructibus percipiendis, quia tempus illud con-
demnatis datur humanitatis gratia, dies illi humanitatis
gratia indulgentur, l. cum militi 14. §. ult. de compensat.
Ergo expertes esse debent omnis inhumanitatis, nempe
soluti & immunes a dependendis usuris vel fructibus
percipiendis, hoc est, quos fideicommissarius percipere
potuit. Quare post rem judicatam cessat ratio usurarum
ac fructuum percipiendorum, intra tempus scilicet illud
legitimum, quod condemnatis præstatur. De præteriti
temporis usuris & fructibus erat questio, an essent fi-
deicommissario præstandi, & decrevit Imperator, esse
præstandos a tempore litis contestatae, usque ad senten-

tiam, cum heres post sententiam & tempora judicati mo-
ram fecit in præstando fideicommissio. Cur vero erat
questio de usuris & fructibus præteriti temporis ante
condemnationem, ante sententiam? quia scilicet fru-
ctus & usurae non erant in condemnationem deductæ, ne-
que vero deduci poterant, quia ut poni necesse est in hac
specie, quod notandum, heredis fuit ratio litigandi ju-
sta, heres iuste ad iudicium provocavit, quo modo mo-
ram facere non videtur, l. sciendum, si qui, hoc tit. l. 1.
qui sine dolo, de reg. jur. Et post condemnationem nullum
est officium judicis l. 1. hoc tit. l. judex, de re judic. Quare
opus fuit decreto Imperatoris, quod declararetur, etiam
in executione judicati venire præteritam causam, id est,
præteriti temporis usuras & fructus tempore litis conte-
statae usque ad rem judicatam, cum post rem judicatam
moram fecit heres. Sententia (*) hoc loco non est ad-
monitio, non interlocutio, ut Accursius vult, sed res
judicata, finitio litis ultima ex eo intelligitur, quod
si heres moram non fecerit post sententiam, qui nec
moram fecit ante sententiam, ab eo fructus & cetera
commoda fideicommissario præstari non debere, quæ
habitus erat fideicommissarius, si initio litis statim ei
fideicommissum restitui contigerit. Mora heredis fa-
cit, quæ rem judicatam sequuta est, ut rerum habeatur
ratio usurarum & fructuum a lite contestata, usque ad
sententiam, ut habeatur ratio præteritæ causæ, præteri-
torum commodorum. Atque ita erat questio de præteri-
tis usuris & fructibus, post tempora judicati moram fa-
ciente herede, de usuris & fructibus futuri temporis
non erat questio, quia certissimum erat ipso jure usuras
& fructus ex natura judicati deberi, a lapsu temporis ju-
dicati faciendi, & graviores quidem usuras, puta centesi-
mas, l. ult. C. de usur. rei judic. olim duplices centesi-
mæ, l. 1. C. Theod. eod. tit. Intelligimus sententiam te-
noremque decreti simul, ac causam & rationem. Nunc
tractandum est de interpretatione, quam ad illud de-
cretum adhibuit Papinianus hoc loco perquam subtilis-
simam. Hoc decretum Imperatoris, ut intermittat
spatium legitimum, quod condemnatis datur, & sit im-
mune a dependendis usuris & fructibus Papinian. ita inter-
pretatur: Verum quidem hoc esse & æquum, si ante
sententiam heres moram non fecerit, sed post senten-
tiam, ut etiam possumus, puta ut si quis exilitimans legi
Falcidie locum esse, non dederit integrum fideicom-
missum quod petebatur, & contendens summa ratione,
prius esse ineundam rationem Falcidie, quam integrum
fideicommissum præstandum, l. qui solidum, in pr. de leg. 2.
l. 2. C. de usur. & fruct. legat. moram non facit, quia ob-
tinente Falcid. litigat cum fideicommissario, & ei re-
culat statim restituere fideicommissum. Sed si ante sen-
tentiam moram fecerit heres, ut sane plerumque lis
contestatur cum eo, qui jam moram fecit, quem jam
interpellavimus, ut Græci dicunt hoc loco, non facile
dicitur esse lis ante moram. Et plerumque moram facit,
qui mavult litigare, quam restituere, l. nemo, inf. de der.
obligat. Hoc casu ex tempore mora heres præstat fru-
ctus & omnia commoda, etiam si mora fuerit antiquior
contestazione litis, l. 39. §. fructus, & l. questum, §. ult.
de leg. 1. l. si quid servo, de leg. 2. præstat, inquam, omnia
commoda a tempore moræ, quoad solverit, nec legiti-
mi temporis, quod datur condemnatis, fructibus libera-
tur, quia, ut ait Papinian. Illa intersepeo temporis con-
demnato dilationem dare debet, non adferre lucrum, cum
ante sententiam in mora fuerit, & deinde etiam sen-
tentia victus. Et inquit eleganter, si ante litem contesta-
tam in mora fuerit, exinde fructuum præstandorum ne-
cessitate adstrictus, id est, ex eo tempore factus est obno-
xius præstandis fructibus: quanta enim ratione, inquit? quoniam
& sententia victus est legitimis temporis spatio fructibus
liberabitur: à quel seu gagna, il cela? Ergo interval-
lum illud non liberabit eum fructuum præstatione,
quinimo ex mora refundet omnia commoda fidei-
com-

(*) Vide Merrill. Variant. ex Cujac. lib. 1. cap. 32.

(*) Vide Merrill. Variant. ex Cujac. lib. 1. cap. 32.

commissario, usque in diem solutionis, *il faut bien noter cela*. Et ad rem subicit Papinianus, quod est in §. in his quoque, qui doctores conviunt avec le premier, non tantum in fideicommissi perfectione, sed in his quoque iudiciis, quæ nec arbitrarie sunt, & c. Et hoc vult: idem servari, quod dictum est, in perfectione fideicommissi, quæ est extraordinaria, l. pecunia, §. perfectionem, de verb. signif. & arbitrarie, quæ obinet instar actionis in rem, cum adversus quemcumque possessorem detur, l. sic quoque §. ult. de leg. 1. Omnes autem actiones in rem, aut quasi in rem, arbitrarie sunt, l. qui restituere, de rei vindicat. de quarum natura alibi tractabimus. Actiones autem sunt bonæ fidei, aut strictæ. Non est perfecta divisio, *il faut adjoindre*, aut arbitrarie, ou bien, & strictæ, aut arbitrarie, aut non. Quod dictum est in perfectione fideicommissi servari, servari idem Papinianus subicit in omnibus iudiciis strictis, quæ nec sunt arbitrarie, nec bonæ fidei. Quid vero servari? Refumere oportet breviter, quæ ante dicta sunt. Et secundum ea accipite d. §. in his quoque, hoc modo: ut qui ante sententiam moram non fecit, sed post sententiam, aut tempore iudicati, præstare debet auctori usuras & fructus, & ceteras accessiones, hoc est, omnem causam a tempore litis contestatæ usque ad rem iudicatam, non etiam post rem iudicatam intra legitimum tempus, quod condemnationis datur humanitatis gratia: namque id tempus immunes esse oportet ab usuris dependendis, ac fructibus. Quod si moram fecit ante litem iudicatam, ut puta, quia non fuit ei ratio litigandi, etiam si moram non fecerit ante litem contestatam, præstat commoda omnia a tempore litis contestatæ in strictis iudiciis usque in diem solutionis, non intermissio legitimo spatio, quod iudicatur datur. Et ita est accipiendum semper quod dicitur etiam in strictis iudiciis venire omnem causam post litem contestatam, l. 2. b. s. l. 8. de re jud. videamus 2. §. si actionem hoc tit. Hoc in strictis iudiciis. In arbitrarie usuræ & fructus veniunt a tempore moræ etiam ante litem contestatam, si ante litem contestatam in mora fuerit reus. Nam & in arbitrarie ante moram, non veniunt fructus, quod latius exposui lib. 6. ad l. 2. hoc tit. In bonæ fidei iudiciis fructus veniunt etiam ante moram plerumque, ut plurimum, d. l. videamus 2. §. pen. Et usuræ tamen non veniunt, nisi ex mora officio iudicis, l. mora, §. in bonæ fidei, hoc tit. In usuræ, hoc tit. dicitur, usuras vicem fructuum obtinere, nec debere a fructibus separari. Hoc est verum plerumque, siue *ἐν τῷ πλείοντι*: Nam separantur tribus casibus usuræ a fructibus. In bonæ fidei iudiciis fructus veniunt etiam ante moram, usuræ post moram tantum: hæc una differentia. Altera est, usuras non præstari posse pecuniarum inventæ in hereditate, quam non exercuit, non feneratori occupavit: fructus tamen præstat, puta nauta, & veteras navis: quam non exercuit, l. si navis, de rei vindicat. Est & tertia separatio, si fundus venerit fructibus maturis, fructus sequuntur emptorem. Et pessime nobilis quidam Gallicus, qui venderat prædium feno nondum cælo, calumniabatur se prædium vendidisse, non fenum. Sed si fundus, qui fuerat locatus venerit pensiones sequuntur venditorem, l. Julianus, §. si fructibus, de act. empt. Atque ita his casibus usuræ separantur a fructibus. Sed interea in hac questione fructuum hanc inter iudicia constitimus differentiam, ut in strictis iudiciis, si moram non fecerit reus ante sententiam, sed post, ut veniant fructus a tempore litis contestatæ, usque ad sententiam, intermissio legitimo tempore, quod iudicatur indulgetur. Si moram fecerit ante sententiam, ut veniant a tempore litis contestatæ, in diem solutionis sine intermissione. In arbitrarie autem, ut veniant etiam, qui percipi poterunt ante litem contestatam. Si reus in mora fuerit ante litem contestatam, non aliter, ex tempore moræ, scilicet in diem solutionis in bonæ fidei autem iudiciis, ut fructus veniant etiam ante moram.

Ad §. Nonnunquam

Nonnunquam evenit, ut quamquam fructus hereditatis aut pecunia usura nominatim relicta non sit, nihilominus debeatur: ut puta si quis rogatur, post mortem suam quicquid ex bonis supererit, Titio restituere: ut enim ea, quæ fide bona deminuta sunt, in causa fideicommissi non deprehenduntur, si pro modo ceterorum quoque bonorum deminuantur, ita quod ex fructibus supererit, iure voluntatis restitui oportebit.

§. 3. Cum Pollidius a propinqua sua heres instituitur, rogatus fuisset, filia mulieris, quicquid ex bonis ejus ad se pervenisset, cum certam ætatem puella compleisset, restituere, itaque sibi mater ideo placuisse testamento comprehendisset, ne filia tutoribus, sed potius necessitudini res committerentur, eundemque Pollidius fundum retinere iussisset præfatis prætorii suasi, fructus, qui bona fide a Pollidio ex bonis defunctæ percepti essent, restitui debere, si ve quod fundum ei tantum prælegaverat: si ve quod rubrico tutela fideicommissi remedium mater præstulerat.

§. 4. Si auro & argento saclo per fideicommissum relicto, mora intervenierit, an usurarum æstimatio facienda sit, tractari solet. Plane si materiam istam ideo relinquit, ut ea distracta pecuniæque, resecta fideicommissa solverentur, aut alimenta præstarentur, non oportere frustrationem impunitam esse respondit. Quod si forte ideo relinquit ut his vasis uterentur, non sine rubore desiderabuntur usuræ: ideoque non exiguntur.

(*) Pertinet hæc lex ad perfectionem fideicommissi. Et sciendum est, regulariter in fideicommissariam hereditatis restitutionem fructus vel usuras non venire hac ratione, quia qui rogatur hereditatem restituere, id tantum videtur rogatus reddere, quod hereditas fuit: fructus autem vel usuræ non hereditati, sed rebus ipsis, vel nominibus accepto feruntur, l. in fideicommissum, ad Treb. fideicommissum est de hereditate: in hereditate non sunt fructus vel usuræ. Ergo fideicommissio non continentur, ac proinde restituendi non sunt fideicommissario. Verum quamvis non sint restituendi, tamen heredi imputantur in id, quod defunctus debuit, adeo ut eos non possit deducere in ponenda ratione legis Falcidie, veluti si fructus debitum æquaverit, l. cum poter, §. Titio, de leg. 2. l. 9. quod de bonis, §. fructus, ad l. Falcid. Heredi enim imputantur in Falcidiam, hoc est, ad submovent Falcidiam, si tantum sit in fructibus, quantum quarta facit, & quarta fructus, ut si ex hereditate percepti sint fructus jure hereditario, hoc est, ex iudicio defuncti vel tacito, puta, ante diem fideicommissi cedentem: nam qui diem apposuit fideicommissio, sane voluit, ut ante eum diem fructus perceptos sibi haberet heres: ut sibi igitur haberet jure hereditario, & consequenter sibi eos imputaret in Falcidiam. Nam quodcumque jure hereditario capitur, in Falcidiam imputatur, l. quod autem 74. C. l. in quartam, ad l. Falcid. Ergo heres fructus imputat in Falcidiam, quos cepit jure hereditario ex iudicio defuncti, puta ante diem fideicommissi cedentem, non etiam, quos percepit negligentia fideicommissarii non petentis fideicommissum, puta ex puro fideicommissio: vel post diem fideicommissi cedentem ante moram, l. mulier, §. si heres, ad Treb. Non imputat etiam fructus heres, quos jure domini proprio percepit, veluti ex re sua propria, quam defunctus legavit, quoque tempore eos percepit, quia nunquam percipiuntur jure hereditario, sed jure proprio quasi ex re sua, non veniunt a defuncto, l. 24. §. ult. ad l. Falcid. Notandum etiam, filios heredes institutos, nullos fructus imputare in Falcidiam, nec eos quidem, quos percipiunt ex iudicio defuncti ante diem fideicommissi. Filiis hoc datum ex l. jubemus, C. ad Treb. Et quidem filiis solis, non sequentibus liberis, liberis primi gradus non sequentibus, ut indicat d. l. jubemus, §. ult. ante quam etiam filii fructus imputabant.

(*) Vide Merill. Variant. ex Cujac. lib. 3. cap. 32.

rabant in Falcid. l. Pap. §. unde; de inoff. imputabant etiam in dotem, ut in specie l. mulier §. cum proponeretur, ad Trebell. Unde argumento d. l. jubemus, posset tentari hodie, filios nec in dotem fructus imputaturos, vel in donationem propter nuptias. Ceterum fructus fideicommissario non sunt restituendi. Et hæc est regula, quam proposui initio. Habet hæc regula multas præscriptiones. Prima hæc est, ut sint restituendi fructus fideicommissario suppleddi fideicommissi gratia, ut in specie l. scribit, & l. ita tamen §. heres ex asse, ad Trebell. quam speciem vobis excutiendam relinquo. Secunda præscriptio hæc est, ut locus sit regulæ in fructibus immaturis, vel qui sati & percepti sunt post aditam hereditatem, & in usibus nominum ab herede contractorum post aditam hereditatem: hi vel hæ non restituuntur. Sed qui erant maturi fructus mortis tempore vel ab ipso testatore percepti jam, & in horrea reconditi quasi hereditarii, ut similes usuræ nominum in hereditate relictorum, in fideicommissaria hereditatis restitutione veniunt, l. 9. ad l. Falcid. l. 24. de usufr. leg. & l. centurio, de vulg. subst. Tertia præscriptio hæc est, ut restituendi sint fructus ex tempore moræ, si heredis mora intercesserit, in d. l. in fideicommissaria, & l. ita tamen §. 1. l. postulantem §. pen. & ult. ad Trebell. & d. l. 24. Nam constat fructus usuras, & commoda omnia ex mora venire in perfectionem fideicommissi, quod obtinere etiam diximus in omnibus actionibus arbitriis, quarum instar obtinet perfectio fideicommissi, ut scilicet ex mora veniant fructus, & ceteræ cessiones, vel ex lite contestata, si nulla ratio litigandi fuerit, nec heres ante litem fecerit moram, vel etiam si fuerit ratio litigandi, si fecerit moram post condemnationem, quia hæc mora retro agit ut tempus litis contestatæ usque ad condemnationem. Et hæc in re dicebam distare arbitriarum actiones ab actionibus strictis & bonæ fidei. Et breviter constituēbam, hanc esse differentiam, ut in arbitriis fructus veniant ex mora, vel ex lite contestata secundum superiore distinctionem: in strictis, ut fructus veniant ex lite contestata, etiam si mora litem præcesserit; in bonæ fidei, ut fructus veniant etiam ante moram, & ante litem contestatam. Atque ita non est perpetuo verum, quod plerique scribunt, actiones arbitriarum imitari actiones bonæ fidei. Quomodo? non imitantur actiones bonæ fidei, sed strictas potius, quod maxime notandum. Primum hæc sit differentia inter arbitriarum & bonæ fidei quam modo exposui circa fructus. Deinde quod actioni bonæ fidei insint exceptiones omnes, & quasi insint, intelliguntur semper & suppleantur officio judicis, l. hujusmodi, §. qui servum, de leg. 1. l. 3. de resc. vend. l. 1. §. si oneranda, quar. rer. actio non det. Actionibus arbitriis nulla inest exceptio, nec omnia suppletur officio judicis, l. Pap. de Pub. in rem act. Item in actionibus arbitriis non exigitur cautio ante diem, cum quid deberetur in diem, & singularis est casus l. grege §. pen. de pignori. quia præsens debitum erat: quod si esset in diem vel conditionem, nec cautio interponeretur. In bonæ fidei judiciis cautio exigitur ante diem, l. in omnibus, de judic. item in arbitriis nunquam datur cautio, de qua in l. etsi, de re judic. sed in bonæ fidei tantum actionibus. Et imitatur sane actio arbitrarium strictam magis actionem, quia & ipsa origine est stricta, nec media est inter strictam & bonæ fidei, sed strictæ proximior, vel strictæ species una. Quarta præscriptio hæc est, & notissima omnibus, ut fructus restituendi sint fideicommissario & usuræ, si nominatim a testatore relictæ sint, & specialiter, vel si cum incremento jussit fideicommissum præstari, cum omni causa incrementi, hoc est, cum commodis omnibus medii temporis, cum intersusorio, d. l. in fidei. & l. facta, §. si heres, ad Trebell. l. si ita relictum, §. Pegasus, de legat. 2. Quinta præscriptio hæc est, ut etiam si fructus nominatim relictæ non sint, vel usuræ restituantur, tamen saltem superflui, ex tacita voluntate defuncti, ut si vagaveris heredem post mortem suam restituere, quod ex hereditate superfluerit, quia hæc verba, quod ex hereditate superfluerit, demonstrant, mestem hanc

fuisse defuncti, ut restitueret etiam fructus superfluos, & usuras nondum exactas, hoc est, ut contentus esset diminutione medii temporis, quam illa verba permittunt, sed moderatur ita legibus, ut fiat ea diminutio bona fide, & arbitrio boni viri, id est, pro rata bonorum omnium testatoris & heredis, ut hoc loco Papiniani, & nos exponemus in l. Titius, ad Trebell. Et hodie ex Nov. fieri potest quacunque ex causa, usque ad quadrantem. Dodrans demum consumi potest impune, & satis est, fideicommissario servari quadrantem. Voluit igitur testator, qui ita reliquit fideicommissum, ut esset contentus diminutione medii temporis, quod hæc verba ei permittunt: & quicquid superesset, id omne ut plenissima restitueret. Quare restituet etiam fructus superfluos. Et hoc est, quod ait §. nonnunquam.

Obstat vehementer l. deducta §. pen. ad Trebell. quæ est etiam ejusdem Papin. si heres rogatus sit restituere, quod ex hereditate superfluerit, cum moretur, non videtur rogatus, inquit, restituere fructus superfluos: non restituit igitur fructus superfluos, lex deducta est ex lib. resp. ut Scævola, ita & Papin. quod scribit lib. Quest. idem solet reponere lib. Resp. at in hac specie non idem, sed omnino contrarium reponit. Et sane Papinianus sublatâ negotiatione scripsisse videtur, videtur rogatus fructus superfluos, &c. Neque hoc vero est verius quicquam, & ratio, quam subjicit, hoc demonstrat, quia, inquit, ea verba fideicommissi diminutionem admittunt, &c. id est, permittunt interim heredi diminueri fideicommissum, fructuum autem augmentum non recipere, quid hoc est, nisi ea verba non pati, ut fructus sibi habeat heres, qui superfluit, nec restituat fideicommissario? Ergo diminueri quidem potest, sed fructus superfluos retinere non potest; aut restituere debet fideicommissario simul cum hereditate. Nam & eodem modo, inquit, in hac l. Pap. in causa fideicommissi non esse bona diminuta, sed fructus superfluos esse, id est, ea verba, fructus non adicere heredi superfluos: superflui igitur fructus restituendi sunt, quando heres rogatus est restituere quod ex hereditate superfluerit. Aliud dicitur, quod etiam valde notandum est, si rogatus sit restituere quod ex hereditate ad eum pervenerit: nam hujusmodi fideicommissio, nec superflui fructus continentur optima ratione, quia ea verba non permittunt diminutionem fideicommissi: cui non licet diminueri, licet fructus retinere aut contra, cui licet diminueri, non licet fructus retinere superfluos. Et hoc ostenditur in l. heredes, in princ. ad Trebell. l. quod bis verbis, de leg. 2.

Neque huic dicto quicquam refragatur l. Ballista, ad Trebell. Nam ut antea ostendi, missis innumeris solutionibus interpretum, testator quod ex hereditate ad heredem pervenerit, id voluit restitui, sed non ex fideicommissio, sed ex cautione conventionali, ex stipulatione, quandoquidem non rogavit heredem ut quidquid ad se ex hereditate pervenisset, restitueret, sed ut caveret illi, se restituendum, quæ stipulatio caput incrementum fructuum, quod id egisse contrahentes intelligantur, l. pecunia, §. 1. de verbis signis. Plenior est stipulatio, quæ geritur inter duos quam fideicommissum. Et eadem ratio l. pater §. ult. de leg. 2. ut expos. sup. lib. ad l. unum ex fam. §. ult. de leg. 2. Sexta & ultima præscriptio hæc est, ut restituatur fructus ex tacita voluntate, licet eos non reliquerit nominatim, & non tantum superflui fructus, sed præteriti omnes, quos percepit heres, etiam si rogatus sit, quod ex hereditate ad eum pervenerit, ut puta, si testator disulserit præstationem fideicommissi fideicommissarii contemplatione & gratia, ut si filio suo impuberi fideicommissum hereditatis reliquerit in tempus pubertatis, aut in tempus legitimæ ætatis, dum scilicet non vult tutorem committere bona sua, & mavult ea committere propitio aut amico, ut non tantum ea bona, sed fructus etiam omnes temporis intermedii fervet filio suo, quoad pervenerit ad justam ætatem, & poterit ipsemet sua bona administrare. Hæc providentia testatoris facit, ut heres nihil possit retinere præter Falcidiam, aut ne Falcidiam quidem hodie, si prohibeat eam testator,

tor, & hæc est sententia *d. l. si ita relictum §. l. Pegafus, de leg. 2.* Ex multo magis *§. cum Pollidius, h. l.* mulier, quæ filium habebat, propinquum suum heredem scripsit, & eum rogavit, ut quod ex hereditate sua ad eum pervenisset, cum certam aetatem compleisset (quia tempore testamenti erat impubes) & quod plius est, adjecit nominatim mater, hoc sibi placere, ne res filiz committerentur tutoribus, quod est lubricum & periculosum, & ut committerentur potius necessitudini suæ, propinquitati, fidem habere magis propinquo, quam tutori. Ac præterea iussit, propinquum heredem institutum sibi retinere fundum, quem imputabit in Falcidiam, si Falcidia interveniat. Ergo duplici ratione propinquus restituit filiz fructus omnes, etiam anterioris temporis, quoniam scilicet voluit ut esset contentus fundo, & quia palam declaravit, se differre fideicommissum gratia filiz ob lubricum tutelæ, quod tutelæ administratio sit facillima ad lapsum seu labem. Duplex est ratio, sed altera sufficeret: meliori loco voluit mater rem filiz esse, quam si tutoribus tradita esset: hi porro fructus servassent filiz. Ergo & heres eos debet servare filiz. Et ita judicavit præfatus prætor, ad quos fuerat appellatum; illo tempore habebant Imperatores plures præfectos pro arbitrio eorum: his, inquam, præfatis prætorii cognoscitibus hac de re, Papinianus ait, se suavissime, heredem debere restituere fructus omnes præteritos, quod belle etiam confirmat lex *liberto §. si de adm. leg.* Et eadem est ratio *l. 2. §. ult. de dote preleg.* ubi voluit, mulierem esse contentam dote, quam ei legavit tantum pro dote. Qua de causa ex eo, quod est supradictum, ea mulier onerata fideicommissum, ne fructus quidem retinere potest, quia voluit, ut esset contenta dote sua, ut hoc loco voluit, heredem esse contentum fundo. Et hoc est, quod ait in *§. cum Pollidius*. Et notandum hoc loco retentionem esse prælegationem, *§. ult.* jam exposui ad *l. cum in rem, de rei vind. hoc lib.*

Ad L. Procula XXVI. de Probat.

Procula magna quantitatis fideicommissum a fratre sibi debitum post mortem ejus in ratione cum heredibus compensare vellet, ex diverso autem allegaretur, nunquam id a fratre, quamdiu vivis desideratum, cum, variis ex causis sæpe (in) rationem fratris pecunias ratio Procula solvisset. Divus Commodus cum super eo negotio cognoscere, non admisit compensationem; quasi tacite fratri fideicommissum fuisset emissum.

DE persecutione fideicommissi est etiam lex Procula. Ex cuius verbis apparet, in ea proponi decretum unum Commodi Imperatoris, sane quam æquissimum, & quod sæpe usurvenire potest. Plerumque quodcumque peti potest, etiam compensari potest, id est, servari jure compensationis, *l. in reb. §. ult. commod.* nisi peti- tum periri possit per exceptionem peremptoriam, *l. quacumque, de compensat.* Quia nec videtur peti posse, quod facile potest exceptio elidere vel eludere: nec mirum, si quæ peti possunt, etiam compensari possunt: nam aliquando, & quæ peti non possunt, saltem compensari possunt, veluti debita naturalia, *l. 6. de compensat.* Et ex diverso etiam quandoque quæ peti possunt, compensari non possunt, verbi gratia, necum agente aliquo depositi non possunt compensare, quod is mihi vicissim debet ex alia causa. Hic est favor depositi, ut ejus restitutionem nec compensatio retardare possit, vel impedire, & tamen id quod mihi vicissim debet, ab eo possum petere. Ergo quod possum petere, non possum compensare, *l. qui invicem, de cond. indeb. l. 13. C. de compensat.* Quia vero plerumque quod peti potest, & compensari potest, & fideicommissum peti potest, ergo & compensari potest. Hoc cognitio facit ita esse: frater forori debuit fideicommissum magnæ quantitatis, quod ad rem maxime facit: non fuit exiguum aut modicum, sed

A amplum & grande. Illa autem cum fratre sæpe rationem habuit ex variis contradibus, & nunquam reputavit, vel compensavit fideicommissum, quod ei debebat frater, nunquam habuit rationem fideicommissi, quantumvis licet ampli: sed quod apparebat ex ratione accepti & expensi eam debere, solvit sæpius fratri interrim & parem rationem fecit. Nunc mortuo fratre, cum ex rationibus & negotiis cum eo habitis aliquid re-federit, agentibus cum ea heredibus fratri, obicit compensationem fideicommissi sibi a fratre debiti, quam nunquam in retractandis rationibus obiecerat fratri. Quæritur an sit audienda? Et refert Papinianus, Imperatorem Commodum decrevisse, non esse compensationi locum, quod fideicommissum forori fratri tacite videretur remississe, fideicommissi petitioni obitare exceptionem tacite remissionis, taciti pacti de non petendo fideicommissum, & quæcunque exceptione elidi possunt, nec veniunt in compensationem. Placet valde decretum: ex quo possunt multæ questiones dirimi, ut quod fratri defuncto, vel alii conjunctæ personæ debitum magnæ quantitatis reputare neglexi sæpius, cum eo habens rationem ex variis causis, non possum etiam reputare heredi ejus. Observare vos oportet necessario, has omnes circumstantias, crebras solutiones, crebras variationes, crebro omisam compensationem fideicommissi, fideicommissum magnæ quantitatis, & rationes gestas inter fratres: extra has circumstantias non est huius decreto locus. Itaque nihil obstat *l. si cum dos, in prin. rer. amos.* Si divortio facto mulieri agente de dote vir solverit dotem, nec opposuerit compensationem ob res amotas divortii causa a muliere, nec protectus sit se acturum rerum amotarum, non ideo habet maritus actionem rerum amotarum post solutam dotem integram, quia scilicet eam actionem remississe non videtur; nec ideo minus compensationem opponere potest ob res amotas ex alia causa agente muliere. Et ratio hæc est: quia semel tantum muliere agente de dote compensationem omisit, quia etsi eam per errorem omiserit, eo nomine agere potest conditione quasi indebita dote soluta, *l. i. §. pen. de imp. in res dot. l. 10. §. i. de compensat.* In specie hujus legis, foror sæpius omisit compensationem fideicommissi, & ultro citroque habita inter eam, & fratrem sæpius ratione universæ omnium negotiorum, quæ habuerant invicem, in eam fideicommissum nunquam deduxit, quod utique cum esset magnæ quantitatis, deduxisset, si id fratri remittere noluisset. Ex eo sumitur perquam idonea conjectura, & certissima tacite remissionis: non minus valent tacite pactiones, quam expressæ, *l. 2. de pact. remissio, pactio est.* Solut etiam opponi huic decreto lex *libertis §. i. de alim. leg.* Libertis relicto est fideicommissum: hi cessaverunt in petitione fideicommissi, quia neque id petiverunt ab herede, neque ab herede heredis, quaritur, an possint petere a novissimo herede? Et ait posse, quod est verissimum, etiam si decem annos inter præsentem cessaverint, quia persecutio fideicommissi est perpetua, nec perimitur nisi triginta annis, *l. quis fideicommissa, de leg. 2.* habetur enim instar actionis in personam, actio autem in personam non finitur longo tempore. Unde, ut respondeam, ita distinguo: ex solo tempore, quo cessavit fideicommissarius, ex cessatione sola, ut tarda petitione non induci remissionem fideicommissi, ex ratione sæpe tractata cum herede debitore fideicommissi, & in ea re nunquam deducto amplo fideicommissum, quod tamen erat dignum deducere, si id noluit remittere heredi, nec facile sumere argumentum remissi fideicommissi. Opponitur lex *Titio, de obl. & act. debes mihi pecuniam ex causa judicati, necdum solvisi, & ego certam pecuniam credo tui nomine, de qua tu cautionem seu chirographum emittis, in quo non facis commemorationem pecuniarum, quam mihi debes ex causa judicati non dicis præter pecuniam debitam ex causa judicati, te debere tot nummos, an ex causa crediti, an omnia commemoratio prioris debiti mihi nocere potest? an vero integra*

mibi sunt utraque petitiones? Et ait, esse integras: commemorationem omittam nihil nocere, quod est acquisitum: nam & commemoratio facta prioris debiti nihil prodest, id est, non habet vim obligationis, nisi probeatur vere debitum fuisse, *l. ult. hoc i. §. Nov. 119.* Lex Titio igitur est de omitta commemoratione antiquioris debiti, nos loquimur de omitta compensatione semel atque iterum, & compensatione magnæ pecuniæ, & de ratione habita cum propinquo: nam omnes has circumstantias concurrere oportet, ut sit decreto locus. Nec abs re dixit, fideicommissum fuisse magnæ quantitatis, quia non videtur in rationem omisisse magnam quantitatem, nisi qui eam remittere voluit. Observandum est, quod ait, ex eo decreto quasi tacite fideicommissum fratri remissum fuisse: quibus verbis hoc significatur, quia dicit, *quasi videri forem, quæ sciens solvit fratri, quod debebat donasse fideicommissum, quod ei debebat frater.* Quod & Græci expressius demonstrant, dum inquirunt, videri forem remisisse fratri *καὶ ὡς ἀντὶ τοῦ ἀγαπᾶν αὐτόν.* Presumptum igitur fideicommissum esse remissum: nam verbum *quasi* aut videri, præsumptionem significat *hoc i. qui tit. est de probationibus §. præsumptionibus*: hæc lex pertinet ad præsumptiones, non ad probationes, quia de causa probatio potest admitti in contrarium, puta forem solvisse, quod debebat, solvisse fratri, quod debebat, non remittendi fideicommissi gratia, quod ei debebat frater, sed, ut Græci ajunt, plena fidei exhibenda gratia, *elle τὰ πᾶντα πᾶσι πᾶσι ἐντιμῶς.* Nam in partem, a qua est præsumptio, licet alteri parti asserere probationem contrariam, *l. generaliter, §. si petimus, de fideicom. lib. l. ult. in pr. quod mer. cau.* Et eadem ratio intervenit in specie *l. qui fundum, §. servus, pro empt.* Species hæc est: servus meus, qui peculium habebat, mandavit Titio, ut fundum emeretur peculiari nomine. Titius fundum emit, & mox manumissus est servus adempto peculio, ita ut eum jam non possit sequi peculiari obligatio. Titius tamen servum tradidit fundum, existimans ei fuisse concessum peculium, quaritur, an possit manumissus servus usufructu fundum? respondet non posse, quia scit aut scire debuit, se esse creditorem, & adempto peculio deferret esse creditor, & in jure nihil refert scierit quis, an scire debuerit, *l. 1. §. pen. de ad. l. edic. l. Jul. §. quod autem, de act. emp. l. si duo, de acq. her. l. pen. ad Maced. §. l. 48. de fideic. lib. l. ult.* Quia autem erit, si Titius, qui manumissus fundum tradidit, scierit manumisso ademptum esse peculium? Hoc casu intelligendus est, inquit, hoc est, videtur servum eum fundum donasse potius, quam indebitum solvisse: præsumitur esse donatio. Ergo contra hanc præsumptionem probatio recipi potest, si sit paratus probare, se id eo tradidisse fundum manumisso, quod est nullum jus ei competere, nulla obligatio, tamen ipse esset auctor emptionis, quia mandaverat emi eum fundum, & ut de manu servi potius quam de sua dominum fundum acciperet: hoc nisi probetur, valebit præsumptio donationis. At contra in *l. cuius, de reg. jur.* quæ non omnino bene committitur cum specie *d. l. qui fundum, §. servus*, dicit donationem esse si quis sciens indebitum solverit, non dicit donationem esse videri, sed donationem esse absolute. Si quis sciens indebitum solverit, vel minuit sit enim ipso jure in omnibus judiciis, *l. p. ut quæ, C. de comp. l. iniquam, de adm. tu. l. unusquisque, §. sed si uno, d. l. de leg. 2.* ubi dicimus, donationem esse, nec dicimus videri. Non admittitur probatio in contrarium, sed regula illa *l. cuius*, accipienda est de eo, qui solvit indebitum, nulla præcedente obligatione: hic sane donat: sed cui debetur ex obligationis causa, cui tamen poterat obijcere compensationem, non plane donat, sed videtur donare, & admittitur contra præsumptionem istam probatio.

Ad L. Dolus III. quand. ex fact. tut.
Dolus tutorem puero neque nocere, neque prodesse debet.

Quod autem vulgo dicitur tutoris dolum pupillo non nocere, tunc verum est, cum ex illius fraude pupillus locupletior factus non est. Quare merito Sabinius tributoria actione pupillum conveniendum ex dolo tutoris existimavit: scilicet, si per iniquam distributionem pupilli rationibus favoris. Quod in depositi actione quoque dicendum est: item hereditatis petitione, si modo quod tutoris dolo defuit, pupilli rationibus illatum probetur.

HUjus summa est hæc: nullo iudicio teneri pupillum ex dolo tutoris. Et verba satis perspicua sunt. Proponitur initio regula juris, dolum tutoris pupillo, neque nocere, neque prodesse, quæ produci etiam potest ad curatorem, neque est omitta in tit. *de reg. jur. l. neque in interdicto.* In qua regula est concepta verbis generalibus hoc modo, *neque in interdicto, neque in ceteris causis*, hoc est, in nullis causis dolum tutoris pupillo nocere, quamvis tutor dicatur esse loco domini, hoc est, pupilli, in interdicto, puta, quod vi aut clam. Si quid a servo pupilli, tutoris iussu factum sit vi aut clam, non ipse pupillus teneretur, sed tutor utrius interdicto, quod vi aut clam, vel utrius actione in factum ex causa interdicti, *l. 1. §. si tutoris, quod vi aut clam, & in interdicto de tabul. exhib.* Si tabulæ, quæ apud pupillum erant, tutoris dolo deferret esse, in ipsam tutorem, non in pupillum competet interdictionis de tab. exhib. *l. pen. inf. de tab. exhib.* In ceteris quoque causis locus est regulæ, veluti in actione ex empto, & in actione de dolo, si tutor rem pupillarem vendiderit, & emptorem deceiverit, ipse tutor solus teneretur ex empto, vel si pupillus vendiderit tutore auctore, & tutor emptorem deceiverit, ipse tutor solus teneretur actione de dolo, non ex empto: quia ipse non vendidit, sed pupillus *l. Julianus, §. sed etiam in factum, de act. emp. l. heredit. §. ult. de dolo.* Idem licet potest ac servari in persequutione fideicommissi. Et quoniam hic liber XX. totus fere est de fideicommissis, ideo videtur Papinianus, quæ sunt in hac l. scripsisse ad persequutionem fideicommissi, & potest poni exemplum commodissime. Heres rogatus restituere hereditatem post mortem suam, vel in aliam diem teneretur fideicommissario, si quid dolo ejus, aut lata negligentia interim ex hereditate deperierit, *l. mulier, §. sed etiam, ad Treb. l. domus, §. seq. de leg. 1.* sed pupillo rogato restituere hereditatem si quid dolo tutoris ex hereditate deperierit, ea res nihil pupillo nocere debet. Idemque procedit in actione tributoria, si servus pupilli negotiatus sit in merce peculiari sciente tutore, & si servus debeat aliquid pupillo domino suo, & agentibus creditoribus mercium, tutor inter pupillum suum & creditores mercium, iniquam distributionem faciat mercium dolo malo, ea res nihil nocet pupillo, hoc est actione tributoria teneretur tutor, non pupillus, *l. 30. §. si servus, de trib. act.* Actio tributoria emendat iniquam distributionem, ut hæc lex indicat in illo loco, *per iniquam distrib.* propter quam datur actio distributoria, quæ est actio iniquæ distributionis. Quod etiam ostendit *l. 4. §. 5. in pr. l. 7. l. 8. l. ult. cod. i. §. introductis* Iniquum cum eo, qui, & c. Et idem etiam hæc lex indicat procedere in actione depositi, si res deposita apud pupillum dolo tutoris interierit: id enim pupillo nihil nocere oportet, & in petitione hereditatis, si quid ex hereditate dolo tutoris pupillus deperit possidere, si quid ex hereditate tutor dolo malo deminuerit, corruperit, perdidit, quod etiam trahi debet ad actionem in rem specialem: Igitur plane cernis, in omnibus iudiciis hanc regulam observari, ne dolum tutoris pupillo noceat. Et quod plus est, adducitur in *d. l. neque interd. de reg. jur.* huic regulæ locum esse, ut dolum tutoris non lædat pupillum, sive solvendo est tutor, sive non. Nam etiam si tutor sit solvendo, si sit idoneus & locuples, ita ut quod ex dolo ejus conventus pupillus præstiterit, possit ab eo consequi, & servare sibi, non ideo magis tenebitur ex dolo tutoris, quia scilicet, quod solverit ex dolo tutoris, potest recipere a tutore, qui est solvendo, *l. minor, de minor.* Interest pecuniam retinere potius, quam

(*) *Vide Merill. Variant. ex Cujac. lib. 1. cap. 34.*

quam solumat repetere, *l. quod debetur, de pecul. vel maxime* propter incertum eventum litis, *d. l. nunquam*. Sed huic definitioni obijciuntur multa, in quibus laborant interpretes, & vix quicquam possit haurire purum ex illis. Primum obitat huic sententiæ, *l. i. §. hoc edito, ff. ne vis fiat ei, qui in possess.* ubi si dolo tutoris factum sit, ut missus in possessionem bonorum pupilli ex decreto prætoris, arceretur possessione, dicitur pupillum teneri interdicto illo, ne vis fiat, &c. vel actione in factum ex causâ interdicti, si modo tutor solvendo sit: ergo regulam cessare, si tutor solvendo sit, id est, si quod solverit propter dolum sui tutoris, pupillus id ab eo servare possit. Et ita *l. i. hoc t. ex Pomponio*, quod notandum dixi, ob dolum vel culpam tutoris pupillum teneri actione in rem, vel petitione hereditatis, si tutor solvendo sit, hoc est, si rem a tutore servare possit, non quidem, quanti actor in litem juraverit, sed quanti res est, hoc est, in æstimationem litis. Et ita ex eodem Pomponio. Ulpianus refert in *l. summa, §. si de dolo, de pecul.* si dolo tutoris factum sit, quo minus quid in peculio esset, pupillum teneri de peculio, si tutor solvendo sit. Quod & similiter ex eodem Pomponio. proditum est in actione tributaria in *l. 3. §. si servus, de tribut. act.* Utroque loco in utramque rem Ulpian. utitur etiam auctoritate Pompon. ex *lib. 8. epist.* Et frustra adjicit Ulpian. in *d. l. summa §. si dolo*: maxime, si quid ad eum pupillum pervenerit. Nam etiam si ex dolo tutoris nihil ad pupillum pervenerit, locus est sententiæ Pomponii, ut teneatur pupillus, si tutor sit solvendo. Sed Ulpianus in *d. l. 3. §. si servus*, sententiam Pomponii ita moderatur sive interpretatur, ut ex dolo tutoris, qui solvendo est, pupillus in hoc tantum teneatur, ut cedat actionem, quam adversus tutorem habet, non etiam, ut damnum actori præstet, sive litis æstimationem, quæ tamen mens non fuit Pomponii. Nam Pomponius existimavit tutore existente solvendo, ex dolo ejus pupillum conveniri posse in litis æstimationem, ut in petitione hereditatis idem Pomponius palam definit in *l. ult. de adm. tu.* In quam actionem constat venire non tantum, quod possessor dolo deliit possidere, sed quod culpa, *l. sed est, §. quod ait, de peti. heredit. in d. l. ult. de adm. tu.* si dolo, sive culpa tutoris pupillus ex hereditate aliquid desiderit possidere. Pomponius verum esse ait quod Aristo dicebat, pupillum teneri in æstimatione litis, quando tutor est solvendo; quod si tutor non sit solvendo, tunc ait pupillum liberari cedendo qualemcumque actionem, quam habet adversus tutorem, licet inanis sit actio eo tempore propter inopiam tutoris, sed dicescet forsitan quandoque. Qualiscunque cessio etiam si sit inanis, in præsentia pro satisfactione est, quod maxime notandum ex *l. Titio fundus, de condit. & demonstrat.* Ergo mitramus complexiones, & ambages omnes, & ita concludamus, (*) verissimum esse Aristonem & pomponium distinxisse, solvendo esset tutor, an non, & ex dolo tutoris, qui est solvendo, actionem dedisse in pupillum. Sed hæc sententia Pomponii non obtinuit, & eam quasi velamento quodam excusavit aperte Ulpian. in *d. l. 3. §. si servus*. Nam verius est, ex dolo tutoris pupillum non teneri, sive tutor solvendo est sive non. Unus tantum casus excipitur, qui explicatur in hac *l. 3. si ex dolo tutoris pupillus locupletior factus sit*: Nam tunc pupillus tenetur in id quod ad eum pervenit, in id, quod locupletior factus est, & tenetur indistincte ex ea causâ, sive tutor sit solvendo, sive non sit, *l. julianus, §. sed cum in factum, de actio. emp. l. sed & ex dolo, de dolo, l. apud Celsum, §. illa quaestio, de doli except.* Tenetur, ut ait hoc loco Papin. in id, in quo tutor pupilli rationibus favit. Sane per tutorem faveat pupillo, *d. §. in illo, inf.* In hoc instituitur tutor, ut faveat pupillo. Verum exigitur, ut ei faveat sine detrimento, sine fraude, bona fide: tutoris est favere pupillo, dum tamen, ne cui alii noceat dolo malo: Nam non licet tutori, quod nec pupillo liceret doli capaci. Et aliter ait Papin. in hac *l. ex dolo tutoris pupillum teneri in id, quod rationibus pupilli illatum probatur, l. 4. de evict.*

Tom. IV.

A in id, quod pupilli rationibus acceptolatum est, *iusque a la concurrence de re que il aura recue par la reddition de compte*. Extra hanc causam doli tutoris nunquam nocet pupillo, sive tutor solvendo est, sive non est. Et hoc est, quod subiicit *l. 4. hoc t.* extrinsecus, hoc est, extra istam causam videlicet, si factus sit pupillus locupletior ex fraude tutoris, si quid tutor admiserit dolo malo, id nihil nocere pupillo. Istius igitur regulæ una tantum est exceptio: nam altera, quam adiciebat Pomponius non obtinuit. Non est illud omitendum, ubi non intervenit doli tutoris, sed bona fide res gesta est nomine pupilli, teneri pupillum non tantum in id, quod locupletior factus sit, sed etiam in solidum, etiam si nihil ad eum pervenerit ex negotio bona fide contracto, *l. 4. ff. §. 1. de evictio. l. cum plures, §. 1. de adm. tu.* Et hoc, ut ita servetur, ipsius pupilli magnopere interest: nemo enim vellet cum tutore negotiari, si contractus habiti a tutoribus bona fide non obligarent pupillum in solidum: sed de his quæ gessit bona fide, non est lex: quæstio tantum est de gessit dolo malo.

Ad L. LXX. de Leg. II.

Imperator Antoninus rescriptit, legatarium, si nihil ex legato accepit, ei, cui debet fideicommissum, actionibus suis posse cedere: nec id cogendum solvere. Quid ergo, si non totum, sed partem legati relicti restitueretur rogatus, abstinuit eo: utrum actionibus suis in totum cogatur cedere, an vero nisi ad eam quantitatem, quæ fideicommissio continetur? quod ratio suadet. Sed etsi legatum perceperit, non amplius ex causâ fideicommissi cogendus erit solvere, quam recepit.

C Prima quæstio hæc est, quatenus legatarius, a quo fideicommissum relictum est, fideicommissario teneatur? Heres qui adiit, legatarius aut fideicommissarius, omnimodo tenetur salva Falcidia. Legatarius autem fideicommissario omnimodo non tenetur, etiam si legatum agnovit & acceperit. Porro a legatario legatum relinquere non potest: fideicommissum potest, ut in *Inst. de singul. reb. per fideicom. rel.* Ideoque ita quæstionem infinitum: quatenus legatarius fideicommissario teneatur, qui scilicet a legatario alteri fideicommissum relictum est? Et distinguitur hoc modo: aut legatarius accepit legatum, aut non accepit. Et rursum, si non accepit, aut eo se abstinuit, neque id repudiavit, sed cum id petisset per iudicem, superatus est sententia iudicis, absoluto herede: si abstinuit se legato, casus proponitur in hac lege ex rescripto Imp. Antonini, nec dum ex eo quicquam accepit, aut accipere voluit, sane fideicommissarius fideicommissum, quod ab eo relictum est, solvere non cogitur, nec debet, quia, ut ait *l. fideicommissum, ff. de leg. 1. fideicommissum*, quod a legatario relinquatur, ita demum ab eo debetur, si ad eum pervenerit legatum. Si igitur non pervenerit, non debet. Verum enim verò tenebitur in hoc, ut cedat actionem legati sibi competentem, actionem ex testamento adversus heredem scriptum, ut eam, inquam, cedat fideicommissario, vel ei, cui fideicommissarius voluerit, ut est in *l. filius, §. ult. de fideicommiss. libert.* Jure actionis cessat fideicommissarius persequitur legatum, & sibi retinebit jure fideicommissi, quando scilicet id legatum heres spernit & respuit. Ergo qui abstinet se legato, qui legatum accipere non vult, non amittit actionem legati. Argumentum certissimum non amissa actionis, est cessio: ita est omnino, nisi a petitione sua heredem liberavit, *l. Titius, de action. emp.* per acceptationem, vel ut olim fiebat, per as & libram. Et consequenter hoc casu heres, cum teneatur legatario, a quo non est liberatus, licet legatarius se abstineat legato, non est æquum, ut etiam teneatur fideicommissario directâ actione, quod f. legatum apud eum remaneat, nisi f. legatarius cesserit suam actionem: tunc etiam heres, apud quem legatum remanet, conveniri potest a fideicommissario, ac si ei legatum esset ab herede relictum: forsitan & non interveniente cessione legatarii, potest heres a fideicommissario conveniri utili actione, ut

O o 2

Bar-

(*) V. The Moxill. Variant. ex Cujac. lib. 1. cap. 34.

Bartolus sentit in l. 8. §. *captem hoc* t. rectissime, ut opinor: nam hoc bellissime comprobari potest ex d. l. *Titius*, de *act. emp.* Ex qua efficitur, legatum, quo se abstulit legatarius, remanere apud heredem cum onere fideicommissi, cum onere fideicommissarie libertatis, quia se vel utili actione tenetur fideicommissario. Idemque erit omnino, si legatarius legatum petierit per judicem, & non exegerit superatus sententia judicis: Nam & hoc casu non cogitur solvere fideicommissario, qui de legato litem amisit, quia litem periculum non pertinet ad legatarium, nisi dolo ejus aut culpa lis perierit. Dolo, ut si cum herede egerit lusorie, culpa, ut si impudens plus petierit, & causa ceciderit: si abstulit & culpa, periculum litem non pertinet ad legatarium, sed ad fideicommissarium: & ideo non cogitur ei solvere fideicommissum, sed liberatur cedendo actionem legati, l. 8. tit. *leg.* Nam sententia judicis non perimitur actio, sed actioni obijciatur exceptio rei judicatae, quae tamen non obijciatur fideicommissario facto procuratori in rem suam: quia & sine cessione habiturus erat adversus heredem scriptum actionem utilem, quia alia res est, vel alia res facta videtur, aliaque lis interveniente procuratore in rem suam, qui priori liti non interfuit. Alia est conditio personae, quae nunc agit, l. *an eadem*, l. *is qui*, de *except. rei judic.* Nunc de legato dicamus, qui repudiavit legatum. Si legatarius repudiaverit legatum, videtur repudiatione amisisse actiones suas ipso jure, ut jam nec possit eas cedere fideicommissario. Et sane ita est: differentia est inter repudiationem, & abstentionem: repudiatio fit in jure apud prætorem solemniter l. 3. §. 4. C. de *repud.* hereditatis abstentio fit quoquo modo, non verbis tantum, sed re, & quocumque indicio voluntatis, sicut recusatio, l. *recusari*, de *acq. hered.* l. *recusare*, ad *Treb.* Ei, qui se abstulit hereditate, integrum est intra tempora constituta hereditatem adire: ei, qui repudiavit, non est integrum hereditatem adire: citra beneficium restitutionis in integrum, l. *quod si minor* §. *Servola*, de *minorib.* l. *si quis suus de jure delib.* l. *nam quod* §. 1. ad *Treb.* l. *ut C. de rep. vel abst. hered.* Et similiter ei, qui se abstulit legato, integrum est petere legatum, nisi petitione sua heredem liberaverit, ut d. l. *Titius*. Et legatario abstinente se heres ei, qui legatarius erat, rogatus restituere, tenetur utili actione, vel directa, si suam ei cesserit legatarius, qui non liberavit heredem, ei autem, qui repudiavit legatum, non est integrum petere legatum. Et eo casu fideicommissario, cui relictum est fideicommissum integrum, heres tenetur directa actione: heres, inquam, apud quem legatum manet, quod repudiavit legatarius, l. 9. de *usufr. leg.* Ex quo generaliter constituendum est, quod ad effectum attinet rei, siue abstentione, siue repudiatione deficiat legatum, id apud heredem remanere cum onere: sicut & caduca hodie, hoc est, quae erant olim caduca, vel in causa caduci, atque etiam jure veteri certis casibus, apud heredem remanere cum onere: & ea tantum legata dicuntur apud heredem remanere sine onere, quae pro non scriptis habentur, ut quod relictum est ei, qui non est in rerum natura, l. *un.* §. 2. *vers. ea etiam*, C. de *caduc. toll.* Exceptis duobus casibus, quibus id, quod pro non scripto est, id est, quod deficit ipso initio, remanet apud heredem cum onere, l. *cum vero*, §. *si non pro scripto*, de *fideicom. liber.* §. *l. ut de his, quae pro non scriptis*. Verum ad id, quod diximus initio, quodque proponitur principio hujus leg. ex rescripto Antonini legatarium, qui se abstulit legato, cogi cedere actionibus suis fideicommissario, non cogi fideicommissum praestare: Quæritur hoc loco a Papiniano, si legatarius rogatus sit restituere partem legati, non totum, & abstineat se legato, utrum cogatur fideicommissario cedere actionibus suis in totum? an in partem tantum, quae fideicommissio continetur? Videbatur in totum: quod non solum scindi actio legati: non scindi legatum, ergo nec actionem legati. Sed tamen rectissime Papin. ait, æquius esse, ut non cogatur cedere actionibus suis, nisi ad eam quantitatem, quae fideicommissio continetur, ne scilicet plus capiat fideicommissarius, quam testator eum habere voluit. Resti-

A dua igitur pars remanebit apud heredem, restitua pars heredis potius lucro cedit, quam fideicommissarii. Atque ita propter fideicommissum scindit legatarius actionem legati, sicut & alias propter fideicommissum capicem, legatarius incapax admittitur ad legatum, vel heres ad hereditatem, l. *cogi*, §. *hi qui solidum*, ad *Trebell.* Et in multis aliis casibus juris, quod quis per suam personam non habet, habet propter personam alterius l. *cum hereditate*, de *acquir. hered.* Et hæc quidem omnia pertinent ad legatarium, qui legatum non accepit. Quid si legatarius accepit legatum, quatenus tenetur fideicommissario? Et constat, eum teneri fideicommissario solvere pro modo legati, quod accepit, nisi quid amplius accepit ex testamento: neque enim fideicommissi nomine tenetur ultra quam accepit ex testamento. Et ideo centum legatus, si rogatus sit restituere ducenta, nec quicquam amplius ex testamento cepit legatarius, quam centum, ad summam legati videbitur fideicommissum constituisse, id est, constituisse, id est, in centum tantum. Et ita sepius Florentiae veterem scriptum est in libris nostris, *constituere pro consilio*, l. 8. §. *ult. rem. rat. hab.* §. 1. *Titium*, §. 1. ad l. *sol. de adult.* l. *non dubium*, §. 3. de *custod. reor.* Sallust. in *Jugur.* *agmen constituit, le camp s'arreste*, & ne bouge: in *Baetica* copias exercitus constituisse. Et e contrario etiam constitere est constituere, ut illo Lucretii versu, & *que possem vitam constituere tutam*. Ergo legatarius oneratus fideicommissio, si velit accipere legatum, & accipiat, computare debet quantum sit in legato, quantum in fideicommissio: heres tenetur fideicommissarii ultra vires hereditatis, modo salvam Falcidiam habeat, id est, quartam partem bonorum, quia videtur aduendo se obligasse in solidum: sane creditoribus tenetur, in solidum. Legatarius magis est ut non teneatur in solidum, id est, supra vires hereditatis, sicut etiam diximus; legatarium non obligari fideicommissio supra modum legati: imo dicimus, legatarii amplius obligari, quam heredem. Nam legatarius non habet deductionem Falcidiae: absque potest legatum omne fideicommissio, non hereditas omnis. Ergo legatarius eatenus duntaxat tenetur, quatenus ad eum pervenit. Non dico, quatenus ei legatum est, sed quatenus ex legato ad eum pervenit. Quid enim, si non omne legatum perveniret propter legem Falcidiam? Igitur legatarius oneratus fideicommissio conferre debet quantitatē legati: supra quantitatem fideicommissi, conferre etiam & computare alia quædam debet, quæ explicabo seq. recitatione.

Ad §. Si centum.

Si centum legatus duplum restituere rogatus sit, ad summam legati videbitur constituisse: si autem post tempus fideicommissum relictum sit, usuratum duntaxat additamentum admittet. Nec mutanda sententia erit, quod forte legato percepto magnam emolumentum ex aliquo negotio consecutus est, aut penam stipulationis imminenter evasit. Hæc ita, si quantitas eum quantitate conferatur. Enimvero, si pecunia accepta, rogatus sit rem propriam, quamquam majoris pretii est, restituere, non est audiendus legatarius, legato percepto, si velis computare. Non enim æquitas hoc probare patitur, si quod legatorum nomine percepit legatarius, offerat.

Hæc diximus quid esset differentia inter abstentionem nem, & repudiationem legati, & quatenus teneretur legatarius fideicommissio oneratus, qui legatum non accepit, & quatenus heres, apud quem legatum remansit, quod legatarius non accepit: Et item quatenus teneretur fideicommissario legatarius, qui legatum accepit: Ubi quod initio præfationis non explicavi bene, hanc constituo differentiam inter heredem & legatarium. Legatarius non tenetur ultra vires legati, quod accepit, pro viribus tenetur: in solidum heres, nec pro viribus, hereditarius tenetur in solidum, quia deductionem Falcidiae habet, quam legatarius non habet, præterquam uno casu, quo Falcidiam heres non habet, ac præterea heres legatarius

& fideicommissarius tenetur ultra vires ex Constit. Iustin. si bonorum inventarium non fecit: alioquin, si inventarium fecit, legatarius & fideicommissarius heres non tenetur ultra vires hereditatis, *l. 1. §. denique, ad Trebell.* ne ex testamento quidem militis, in quo tamen Falcidia cessat. Creditoribus autem hereditariis certe heres, qui adiit tenetur, ultra vires hereditatis. Nullum hac in re, quod sciam, aliud est discrimen inter heredem & legatarium: Nam quod attinet ad fructus & usuras medii temporis, idem in utroque ius valet: nam si heres, vel si legatarius post tempus aliquod rogetur restituere fideicommissum aliquod maioris quantitas, quam esset legatum, vel hereditas, ex incremento medii temporis suppletur fideicommissum, *l. 1. ita tamen, §. heres ex asse, l. scribitur, ad Treb.* Et ita heres, qui rogatus est restituere aliquid, quod est maioris pretii, quam hereditas: post tempus scilicet certum, ex fructibus medii temporis Falcidiam sibi reficit, & si fructuum quantitas ferat, fideicommissum supplet *d. §. heres*. In quo ostenditur idem esse, aut procedere in legatario: nam legatarius oneratus fideicommissum, non tantum ex quantitate legati, sed etiam ex intersturio, id est ex commodum usurarum intermedii temporis implet fideicommissum: adeo, ut si legatis centum, rogatus sit post annos 20. restituere ducenta, & medio tempore ex usuris eius pecuniam perceperit centum, fideicommissario tenetur restituere ducenta, quia fideicommissum suppletur intersturio medii temporis, seu adimpletur, cui non erat initio per quantitas legati. Major enim erat quantitas fideicommissi duplo, id est, altero tanto, quam quantitas legati. Et hoc est, quod ait Papin. hoc loco, usurarum duntaxat additamentum admitti, nempe ex intersturio suppleri fideicommissum, cuius etiam supplendi gratia in tempus diffusisse prestationem eam testator videtur, atque ita tempus appofuisse fideicommissarii, non heredis causa. Recte autem dixit Papin. usurarum duntaxat additamentum admitti, & scilicet pro modo quantitas & usurarum duntaxat, quæ medio tempore accreverunt, fideicommissario præstari: Nam aliud commodum medii temporis, si quod ex legato legatarius perceperit, in computationem non venit. Finge: legato percepti legatarius evasis existentem, & imminuentem pecuniam stipulationis, aut pecuniam commissi, pecuniam trajectitiam pecuniarum, vel finge: percepto legato fideicommissarius magnam commodum consecutus est negotiatione aliqua, ut pecuniam legatam in salis coemptionem impendit, & ex ea merce fecit uberrimum quæstum: an huius commodi, quod extrinsecus evenit, ratio habebitur, ut & pro modo ejus obligetur fideicommissario? minime. Denique usurarum duntaxat incrementum admittetur. Et hoc est, quod ait, si centum legatis, & si autem *§. c.* Atque ita in æstimando eo, quod interest, ea tantum utilitas spectatur, quæ nimirum circa rem ipsam consistit, non quæ extra rem accedit, *§. qui revivunt de la chose, §. non du labour, & industrie, ut in l. si sterilis, §. sumper vend. de act. emp.* Qui meo iudicio est perquam difficilis, sed facillimum reddam.

Finge: emptor in pretio solvendo moram fecit, tenetur in id, quod interest actione ex vendito, in quo æstimando usurarum duntaxat ratio habebitur, id est, usuras duntaxat pretii non solum emptor præstabit, *l. ult. de peric. & comm. rei vend.* sicut hoc loco usurarum duntaxat additamentum, nec præstabit quod venditor pretio soluto ex negotio aliquo, ex mercibus plusquam ex usuris acquirere potuit. Denique usuras duntaxat præstabit, non compendium negotiationis, quod mora emptoris intercipit venditori, vel etiam si venditor moram fecerit in re tradenda, præstabit fructus duntaxat, quos percepit, aut percipere potuit, *l. venditor, de hered. vend.* Et venditor mancipio præstabit partus & acquisitiones servi, *l. venditor, de evict.* & præstabit quoque eadem ratione, quanti ea res, quæ venit, hodie plus est, cum scilicet auctum est ejus rei pretium post moram venditoris: sed non præstabit, quod emptor re tradita in tempore ex negotiatione aliqua lucrari potuit, *d. l. si sterilis,*

§. cum per vend. & l. Titius, eod. tit. Et similiter damnum præstabit rei, si deterior facta sit, aut vilior, hoc est, vilioris pretii: non præstabit damnum, quod extrinsecus advenerit, forte non tradito trisico, aut pabulo vendito, si mancipia emptoris, aut jumenta fame perierint. Et restissime Accurs. in *l. 26. tit. leg.* cum lex diceret heredem aut legatarium fideicommissario præstare debere post moram fructus, & omne damnum, quo affectus est fideicommissarius, pœta inquit peritissime, si res, quæ relicta est, perierit, quod confirmat, *l. 22. §. ult. eod. tit.* Et adde, vel sc. deterior facta sit, aut vilior: non inquit, si in rebus propriis fideicommissarius damnum passus sit propter moram heredis aut legatarii, ut puta, si ob non traditam in tempore pecuniam mancipia aut pecora fideicommissarii ceciderint fame: nam huius extrarii damni ratio non habetur. Ex commodis sive incommodis quedam sunt conjuncta rebus, quædam eventa rerum: conjuncta non se junguntur, sive res perierit, vel damno affecta sit, nec accrescit sine rei emolumento. Eventa abeunt, adveniunt re salva, incolumi & illæsa: dixerunt quidam conjuncta & eventa, quæ alii propria & accidentia. Conjuncta sunt rei, in hoc proposito, quæ, ut Rogerius dixit, cohereant rei, veluti pretium, fructus, quos res fert, usura quæ ex pecunia redigitur: eventa sunt rei, veluti compendium negotiationis, vel dispendium, quod ea re salva & incolumi, rebus contingit nostris: conjuncta in computationem veniunt, eventa in computationem non veniunt. Ad hæc Papin. nosse notavit unum casum in seq. quæstione legis, quo legatarius tenetur fideicommissario ultra quantitatem legati. Finge: rogavi te, ut accepta certa quantitate, puta centum, Titio restitueres rem propriam tuam, quæ sc. pluris erat centum, quæ forte digna erat ducentis: hæc verba, accepta certa quantitate, acceptis centum, hi ablativi absoluti, ut dicunt interpretes nostri, alias pro legato seu fideicommissio accipiuntur, *l. 11. §. cum esset, de leg. 3.* alias accipiuntur pro conditione, si heres dederit centum, atque adeo pro mortis causa capione *l. facta, §. rescripto, ad Treb. & l. acceptis, ad l. Falc.* Quæ ambiguitas declaratur etiam in *l. a testatore, de cond. & dem.* ut scilicet ablativi absoluti, ut dicunt, alias accipiantur pro fideicommissio, alias pro conditione, sed in proposito pro fideicommissio accipiuntur, & videtur testator tibi legasse centum, & onerasse fideicommissio præstandæ rei tuæ, quæ majoris erat pretii longe: tu verò pecuniæ legatum agnovisti & accepisti, ante cogere potest legatarius, ut ei rem propriam præstes, quæ longe exuperat quantitatem legato sive fideicommissio priore comprehensam? Et sane verum est, te teneri in solidum, ut rem tuam præstes, etiam si majoris sit pretii, quam quantitas, quæ legata est, quia accipiendo quantitatem legatam, non pluris videris æstimasse rem tuam, & unusquisque est legitimus æstimator rei suæ. Quod adeo verum est, ut post agnitionem legatum non audiaris, si velis conferre quantitatem legatam cum æstimatione rei tuæ ne supra modum scilicet tenearis: Nec enim admittitur collatio seu computatio ejusmodi, sed præcisè coget te fideicommissarius rem tuam præstare, cujuscunque sit pretii, nisi scilicet fuerit minor 25. annis, qui temere legatum agnovit: Nam beneficio restitutionis minori succurritur agnito legato, si offerat quantitatem legatam, ut scilicet retineat rem propriam, quæ majoris est pretii, & liberatur præstando quantitatem legatam, quam acceperat temere, *l. si minor, ff. de minor. l. res. de liber. leg.* Alias vero illo casu quem exposui satis intelleximus venire, ut legatarius tenetur ultra quantitatem legati, puta ad præstandam rem suam: quamvis sit majoris pretii, quam quantitas legata: nam eam quantitatem accipiendo, non pluris videtur æstimasse rem suam: quæ eadem est ratio, *l. plane, §. si cui de leg. 1. & l. sed si non servus, ad l. Falc.* Recte autem posuit Papin. te fuisse rogatum accepta certa pecunia restituere rem propriam, quæ erat majoris pretii: nam idem non potest statim in re aliena fieri legatarius rogatus sit rem alienam præstare: non propriam: audietur agnito & accepto legato si offerat legatum quod accepit, nec cogetur restituere rem alienam, aut ejus æstimationem præstare, quæ

scilicet

scilicet valde excedit modum legati l. 6. de fideicom. libert. Et similiter, ut initio demonstratum est, si legata certa quantitate, legatarius rogatus sit prestare majorem quantitatem, audietur accepto legato, si offerat quantitatem quam accepit, nisi post tempus rogatus sit prestare majorem quantitatem. Nam hoc casu non tantum quantitatem legatam, sed etiam interusurium ad finem fideicommissi offerre & prestare debet. Quapropter hæc verba Papin. *hæc ita si quantitas &c.* hunc habent sensum: interusurii rationem admitti duntaxat, si legata certa quantitate rogatus quis sit aliam quantitatem prestare: nam si legata quantitate rogatus sit non quantitatem prestare, sed rem propriam, accepto legato omnino prestare debet rem propriam, etiam si majus sit ejus rei pretium, quam legatæ quantitatis. Ad confirmanda ea, quæ diximus, valde pertinet §. penult. hujus legis.

Ad §. penult.

Cum quidam filio suo ex parte herede instituto, patrum ejus coheredem ei dedisset, & ab eo petisset, ut filium suum pro virili portione filijs suis coheredem faceret, si quidem minus esset in virili portione, quam fratris hereditas habuit, nihil amplius peti posse. Quod si plus etiam fructuum, quos pater percipit, vel cum percipere patuit, dolo non cepit, habendam esse rationem, responsum est: non secus, quam si centum millibus legatis rogatus post tempus majorem quantitatem restituere.

Species §. pen. hæc est: Quidam filium suum ex parte heredem scripsit, & fratrem suum patrum filii sui ex alia parte, & rogavit fratrem, ut cum filium suum pro virili portione una cum filijs suis consobrinis ejus, sibi heredem faceret. His verbis, ut heredem illum faceret, tamen purum aperte fideicommissum relinquitur, quia nemo obligari potest, ut alium heredem faciat, l. ex facto, in prin. ad Treb. l. stipulatio hoc modo concepta, de verb. oblig. tamen ea verba, ne inanis sit voluntas testatoris, hoc modo interpretantur, testatorem fratrem suum rogasse, ut post mortem fratris portio virilis hereditatis fratrem filio suo restitueretur. Et sane ex his verbis, vel ex hac interpretatione verborum, eatenus restituenda erit, quatenus voluntate testatoris ad eum pervenerit, l. filius §. ult. tit. preced. de leg. 1. Et ideo, si hereditas testatoris tanti sit, vel si pluris sit quam portio virilis hereditatis patris, filius testatoris portionem virilem a consobrinis petere poterit mortuo patruo, & nihil amplius: quia scilicet, non poterit petere integram hereditatem, quæ a patre suo ad patruum pervenit, nec fructus, quos ex ea hereditate patruus medio tempore percipit. Quod si minor sit hereditas testatoris, hoc casu replebitur fideicommissum ex fructibus vel usuris medi tempore pari pecunia. Et ideo si legatarius accepta certa quantitate ex causa legati, rogetur post mortem suam restituere majorem quantitatem, quam accepit jure legati, ex usuris medi tempore fideicommissum suppletur: nec dici poterit, quod notandum, quam nullis fructibus perceptis, puta confestim mortuo herede aut legatario, deberi virilem portionem, aut quantitatem integram, sicut si rem propriam, quæ majoris erat pretii, rogatus esset restituere, quo casu rem præstaret in solidum, etiam si sit majoris pretii agnito legato: Nam non est eadem ratio rei propriæ per fideicommissum relicte a legatario, & herede, & virilis portionis, & quantitatis: nam relicta re propria legatarii, si legatarius legatum accepit, non pluris videtur æstimasse rem propriam, quam sit in legato: quod dici non potest similiter in virili portione, vel quantitate: dici, inquam, non potest heredem, qui agnovit hereditatem testatoris, non pluris æstimasse hereditatis suæ portionem virilem, aut legatarium, qui accepit quantitatem legatam, non pluris fecisse quantitatem per fideicommissum ab eo relictam, hoc, inquam, dici non potest. Omnis enim res tanti est, quanti a domino æstimatur, quantitas autem, hoc est, certa summa tanti est, quanti est per se, nec alterius æstimationem requirit.

A Et ita virilis etiam portio hereditatis, puta sextans, quæ quantitatis est nomen, tanti est, quanti est per se, nec æstimationem desiderat. Et verissimum est quod ait Accursius. hoc loco, virilem portionem hereditatis cum virili, sicut quantitatem cum quantitate recte conferri, ut scilicet, non teneatur quis ultra virilem, vel ultra quantitatem, quam accepit, & usurarum duntaxat medii temporis additamentum admittatur. Quantitatem autem legatam cum re propria legatarii, ab eo per fideicommissum relicta, non conferri, quia accipiendo quantitatem legatam, quæ legata est cum onere præstandæ rei suæ, videtur fecisse quantitatem legati, aut parem fecisse rem suam videtur quantitatem legatæ, quia non pluris res ulla est, quam a domino æstimatur.

Ad §. ult.

Cum autem rogatus quicquid ex hereditate superavit post mortem suam restituere, de pretio rerum venditarum alias comparat, deminuisse, quæ vendit, non videtur.

Quæ sunt in §. ult. erunt faciliora his. Loquitur de herede, qui rogatus est restituere quicquid ex hereditate superavit post mortem suam. His verbis deminutio hereditatis ei permittitur, quæ modo non erat intervertendi fideicommissi causa, l. Titius, ad Treb. quam exposuimus superiore libro. Ergo si heres hoc fideicommissum oneratus aliquo deminuerit ex hereditate fideicommissa, puta si aliquid vendiderit bona fide, non in fraudem fideicommissarii, id non venit in restitutionem fideicommissi, nisi scilicet ex pretio rerum venditarum alias res sibi comparaverit. Quia hoc casu venditio non minuit fideicommissum: & tamen quæ ex pretio rerum venditarum alias res comparatæ in fideicommissi restitutionem veniunt, sicut res permutatæ: non videtur etiam deminuisse fideicommissum hereditatis, quod res hereditarias permutavit cum aliis. Et hoc est quod ait in §. ult. & recte additur in l. seq. sed quod inde, &c.

Ad L. LXXII. eod.

Idem servandum erit essi proprios creditores ex ea pecunia dimiserit: non enim absumitur, quod in corpus patrimonii retinetur.

D ET subjicitur ex eodem lib. Papin. l. 72. idem esse dicendum, si heres eo fideicommissum oneratus, ex pretio rerum venditarum, quæ erant in hereditate creditores suos dimiserit, id est, si ex eo pretio rerum hereditarium, quas vendidit, se liberaverit a creditoribus suis, quia id in rem suam convertit, in patrimonium suum ut in l. quantum, quod met. caus. videtur in corpus patrimonii versum id, quo quis se debito liberavit: Nam ut obligatio minuit bona nostra, ita æris alieni liberatio auget. Et ut ait Papin. absumptum non videtur, quod in corpus patrimonii retinetur. Et hoc idem servatur l. sed essi §. quod autem quis ex hereditate, de petit. hered. in illo loco, nec pretium in corpus patrimonii rediisset. Et idem dici potest, si pecunia redacta ex venditione rerum hereditarium existeret: nam absumptum non videtur, quod extat in bonis. Quod produci potest ad mores Gallicos, quibus quæ conjuges acquirunt constante matrimonio, sunt communia inter eos, non propria. Propria sunt, quæ ante matrimonium acquisierunt, vel quæ hereditate obvenuerunt. Finge: maritus res proprias vendidit constante matrimonio, & ex his alias comparavit: hæc quoque censentur propriæ. Idemque judicium esse pecuniæ redactæ ex venditione rerum propriarum: alioquin sæpe ita venderentur animo donandi viro aut uxori, si haberentur pro communibus, non propriis, quæ donationes legibus semper coercentur, quoad fieri potest. Quod autem ait Papinian. in hac l. 72. non absumitur, quod in corpore patrimonii retinetur, potest etiam aptari ad multas alias spe-

species, & est quasi generalis quædam ratio juris. Ipsemet Papinian., hanc rationem accommodat ad aliam speciem in *l. pater*, de *adm. leg.* Est et operæ pretium nosse eam speciem.

Pater inter filias bonâ suâ divisit supremo iudicio suo, & filia prælegavit trecentos aureos ex salariis seu commodis, quæ ei debebat republ. ex administratione principali, & ex erogatione militaris annonæ. Deinde pater ipse ex eis trecentis aureis possessionem comparavit, an ea possessio debebitur filia jure prælegati? Videtur non deberi, quia trecentos aureos ipse pater consumpsit emptâ possessione. Lex ait, deberi, quia non videtur consumptum, quod versum est in corpus patrimonii. Alia est ratio legis alteri, eod. tit. de *adm. leg.* Et notandum, quia post imponere multis, pater filium & filiam heredem scripsit ex æquis partibus, & filia prælegavit prædâ; Coheredes autem iussit filia præstare actiones ad finem pretii, quo prædium fuerat emptum, ut scilicet jure actionis tantum haberet filius, quantum emptum est prædium: Denique voluit pater, ut in omnib. essent æquales, in hereditate primum, deinde etiam in prælegatis, puta, ut filia haberet prædium, & filius pretium prædii, quod scilicet emptum fuerat, pro modo ejus pretii censis ei actionibus adversus debitores hereditarios. Quid accidit postea? Pater prædium, quod filia prælegaverat, vendidit sua voluntate, non necessitate coactus, & vendidit, extra offensam filia, sans qu'elle luy aye donné occasion de ce faire. Atque ita pretium prædii rediit in corpus patrimonii, an pretium filia poterit petere jure prælegati? Minime: licet versum sit in corpus patrimonii, sed dividitur ex æquo inter fratres, quia scilicet testator videtur filia ademisisse omnimodo prælegatum, & si ademit filia prælegatum, ergo ademit etiam onus prælegato injunctum & innexum, puta onus cedendum actionum fratri. Quare nec fratri erunt cedende actiones, & tamen pretium redactum ex venditione inter eos communicabitur sublati prælegatis. Et cur possit, distinxisse patrem id prædium, distinxisse circa offensam filia? quia si iratus filia distinxerit, si successerit filia, sola filia offensæ suæ penam feret, & amittet prælegatum omnimodo sed non frater, quia nihil offensus patrem: nec enim est tunc par utriusque conditio. Igitur servandum erit hoc casu prælegatum filio, seu ut universitate patrimonii, sicut corpus juris dicimus pro pandectis, *l. i. in princ. C. de rei uxori. act.* Et Livius 3. adjectis duabus tabulis posse absolvi corpus Romani juris. Et eodem modo recte dicimus, corpus Homeri, *l. librorum*, §. si Homeri corpus, *tit. seg.* Corpus disciplinæ Columellæ, corpus historiæ; Polybius, & Tuili. ad Att. ab initio ad redditum suum modicum quoddam corpus confici posse: corpus historiæ scilicet. Verum non satis est. Obstat his, quæ diximus valde *l. sed est si lego*, §. 1. de *pet. hered.* Diximus, rem comparatam ex pretio venditi rei hereditariæ in fideicommissum venire, contra ea lex ait, si bonæ fidei possessor hereditatis aliena rem hereditariam distinxerit, & ex eo pretio aliam comparaverit, eam rem non venire in pensionem hereditatis, sed pretium. Cur tamen ea res venit in fideicommissi persequutionem? quia, ut breve faciam, hic bonæ fidei possessor sui causâ emit rem, ideoque quæ sibi retinet & pretium præstat, *l. item veniunt*, §. denique, eod. tit. de *pet. hered.* Hic quoque ex pretio aliam rem sui causâ emit, ita est & stultus est Accursius. quem eo nomine etiam deridet Bartolus, qui fingit comparatæ hereditario nomine: imo suo nomine: sicut cum pretio se liberat a creditoribus, id sui causâ facit: ita etiam in proposito sanæ ex pretio heres aliam rem comparavit sui causâ. Sed hoc genere intervertit fideicommissum, quia suum facit, quod testator destinaverat alteri. Quid est fideicommissum intervertitur? s. appropriat, non potuit autem intervertere, d. *l. Titius*. Deminutio, quæ fit intervertendi causâ, & defraudandi quodammodo fideicommissi causâ, non minuit fideicommissum, Re-

A. distissime dicitur, eam rem in fideicommissum venire. Deminutio, quæ fit intervertendi causâ, non est deminutio. Postremo obstat, *l. cum pater*, §. distissime, hoc tit. ex qua intelligimus, in fideicommissio bonorum mater-norum non venire, quæ testatrix convertit in corpus sui patrimonii. Et species hæc est breviter: mulier habebat bona materna communia cum fratribus, scripsit filium suum heredem, & eum rogavit, ut suis avunculis, fratribus testatricis relinqueret ea bona materna in solidum, & adjecit causam fideicommissi, ne sit inter te & avunculos ulla communio, nec materies discordiarum. Postea ea mulier ex bonis maternis sumpsit pecuniam, eamque convertit in suum patrimonium, alia re comparata, vel quædam nomina hereditatis maternæ divisit cum fratribus: cum esset adhuc superstes: an ea venit in fideicommissum? minime: quia in elogio, id est, causâ fideicommissi adscripta, satis declaravit mater, se tantum fratribus reliquisse, quæ manifestent communia inter eam & fratres, non si quæ inter se divisisset, non si pecuniam ipsam in proprium patrimonium convertisset.

Ad L. quod supra X. ad L. Falcid.

Quod supra quadrantem apud heredem potest pervenire supra dodrantem in pecuniam legatum, non onerat heredem, veluti hereditas pupilli, si forte substitutus sit exheredato, qui patris hereditas pupilli heres exstiterit.

C. Ertum est, ex lege Falcidia legatis heredem onerari non posse supra dodrantem bonorum, quia quadrans apud heredem integer & illibatus remanere debet. Hoc verum esse ostendit Papinianus in hac *l. ro.* etiam si hereditas pupilli exheredis filii testatoris ad heredem pervenerit, aut pervenire possit ex substitutione pupillari, quia etsi videatur ex uro eodemque testamento pervenire, propterea quod juris auctores existimant, unum esse testamentum patris & filii, id est; primas & secundas tabulas, unum efficere tantum, *l. pater*, de *priv. cred. l. patris*, de *vulg. substit.* tamen alia atque alia est hereditas, alia patris, alia filii, maxime exhereditati, ad quem hereditatis paternæ nulla portio pervenit, §. *igitur*, *inst. de pupill. substit.* *l. si ita scriptum*, & *ult. de bon. posses. sec. tab.* Num est testamentum duarum hereditatum, unum testamentum propter effectum juris, sed de eo non est agendum hoc loco. Ergo hereditas pupillaris non imputatur heredi in Falcidiam, non augeat legata ab eo relicta, non proficit legatariis, sed supra quadrantem bonorum paternorum heres habiturus est etiam bona pupillaria. Et hæc est sententia Papiniani in hac *l. ro.* In contextu est varia lectio. Vulgares Codic. habent (*in pecunia legatum*) Floren. habent, (*in pecuniam legatum*). Sed nihil est evidentius, & movet conjecturam certissimam scriptura Floren. esse legendum, *pecuniam legatum*. Nec obstat huic sententia *l. i. de quod ex substitutione*, hoc tit. quæ dicit, id, quod ex substitutione coheredis ad coheredem pervenit proficere legatariis, coherede omittente hereditatem, qui coheres substitutus est. Hoc ergo dicit, propter commodum substitutionis, quod heredi accessit, onerari heredem in pecuniam legatum, obligari ad id, ad quod obligaretur, si substitutio defecisset. Sed loquitur ille §. de substitutione vulgari, non de pupillari. Ex vulgari substitutione, quæ fit in hanc causam; si omiserit hereditatem, ex ea, inquam, quod obvenit portio coheredis coheredi, non alia hereditas, sed ejusdem hereditatis portio est, & merito onerat heredem legatorum nomine aut fideicommissorum. Ex substitutione autem pupillari, quæ obvenit hereditas pupilli exhereditati, alia est hereditas: quare non augeat ad heredem instituto, eodemque substituto pupilli relictum, siue relictum sit primis aut secundis tabulis, siue utrausque nihil referat. Nam a substituto exhereditati recte fideicommissa sine legata relinquuntur, si idem etiam primis tabulis heres institutus sit: jure, inquam, relinquuntur ab eo, quasi ab herede patris, non quasi ab herede pupilli, *l. i. ult. hoc l. plane si filium*, de *leg. i.* Et quod notandum in ponenda ratione

idne legis, Falc. cum quaritur quantum sit in legatis, eum bonorum & legatorum ratio ponitur & subducitur, confunduntur, commiscuntur, contribuntur, hoc est, communi calculo subijciuntur legata utriusque tabulis relicta ab herede instituto, eodemque substituto pupilli, & ex omnibus his legatis commixtis heres deducit Falcidiam. Illud longe fuge credere, quod scripsit Accursius, etiam confundi hereditates paternam, & pupillarem: Nam si confunderentur, hereditas pupilli exheredat augeret legata, quod falsum est. Et merito etiam in eo est reprehensus Accursius a Fulgoso, & Alexandro, & Goveano. Quid autem fiet, si pupillus non sit exheredatus, sed vel illis vel utriusque tabulis heres sit institutus? Et constare nobis debet, hoc casu augeri legata pro modo facultatum patrum tantum, quæ ad pupillum pervenerunt, & a pupillo ad coheredem, *l. qui fundum, §. si quis filium, hoc t.* Atque ita confundi & commisceri partes hereditatis paternæ, partem quæ obvenit pupillo, & partem quæ obvenit heredi extraneo, & ex eo conciliatur parium, siue pro modo ejus confusionis, præstare legata. Ac proinde circa legem Falcidiam totius assis paterni rationem haberi: bona patris cum bonis pupilli adventitiis nunquam confundi.

Ad L. Acceptis XCIII. ad L. Falcid.

Acceptis a Mævio centum, hereditatem Mævio restitueret, pecuniamque post mortem suam Titio dare rogatus est, quamquam hæc centum quantum bonorum efficiant, tamen propter fideicommissum sequens quartæ retentionis locus erit. Tunc enim ex constitutione D. Hadriani Falcidia satisfacit ea quantitas, cum apud heredem remanet, sed Falcidiam patitur solus, cui hereditas relicta est. Nam in centum, quæ mortis causa capiuntur admitti Falcidia non potest: plane si quis ita scripsit, acceptis centum peto restituas hereditatem, neque personam dantis demonstraverit, quasi retentam perceptam pecuniam, si quartæ sufficiat, inducere Trebellianum.

Mortis causa capio, aut dicitur specialiter aut generaliter. Generaliter mortis causa capere, est ex morte alterius nancisci capiendi, id est, adquirendi occasionem: mortis causa capit, qui jure legati, jure fideicommissi, qui donationis causa mortis capit: Nam hi omnes nanciscuntur capiendi occasionem. Ex morte demum alterius hereditas est, ergo mortis causa capio, legatum fideicommissum, donatio causa mortis. Sed mortis causa capionem proprie appellamus, quæ aliud nomen non habet proprium, hoc est, quæ neque vocatur hereditas, neque legatum. Exempli gratia: legavi Titio fundum sub conditione, si daret heredi decem: si legatarius heredi dederit decem conditionis implenda causa: heres ea non capit jure legati, nec jure hereditatis, &c. Denique non capit jure testamenti, *l. 3. si quis omni. cau. l. Mævius, de con. & demonst.* Denique nullo jure ea capit, quod proprium nomen habeat. Quare dicitur ea proprie capere mortis causa: Atque ita mortis causa capio est, quæ alio nomine non appellatur, *l. mortis causa, de dona. cau. moyr.* Ut lignorum appellatione continentur quæcumque sunt parata comburendi causa: si modo proprio nomine non appellentur: quamquam & quæ proprio nomine non continentur lignorum appellatione. Nuclei, etiam comburendi causa habeantur, non continentur lignorum appellatione, nec carbonēs, &c. Denique lignorum appellatio, coangustatur tantum ad ea, quæ aliud nomen non habent proprium, *l. ligni, §. 1. de leg. 3.* Sic mortis causa capionis nomen aptatur tantum ad ea proprie, quæ alio nomine carent. Nunquid: heres rogatus est restituere hereditatem Titio acceptis centum, hoc modo: *acceptis centum peto restituas hereditatem Titio*, an ea centum imputat Falcidiam? non demonstravit personam a qua acciperet centum, sed dixit simpliciter personam a qua acciperet centum, sed dixit simpliciter, *acceptis centum, &c.* Et certissimum est, ea centum imputari in Falcidiam, quia vi-

A detur capere a se ipso. Igitur tota ea pecunia capitur jure hereditario, sicut si iustus esset eam retinere, vel præcipere: nihil refert, quo verbo usus fuerit, *l. in quartam, hoc t. l. deducit, §. acceptis, ad Trebell. l. si heres, hoc t.* Et ea quæ capiuntur jure hereditario, certum est computari in Falcidiam, non ea, quæ capiuntur alio jure. Et in hoc loco Papinianus ait, in hoc casu induci Trebellianum, hoc est, locum esse Trebelliano, non Pegasiano Senatusconsulto. Quid hoc est? Interveniens Falcidia locus erat Pegasiano; non interveniens Trebelliano locus erat ut constet ex Inst. Qui ergo dicit, locum esse Trebell. hoc dicit, cessare deductionem Falcid. videlicet, cum illa centum Falcid. sufficiant, cessat Pegasianum, hoc est, cessat Falcid. & locus est Trebelliano. Et hoc significat Pap. in fine hujus legis. Quid vero si testator demonstraverit certam personam, a qua heres acciperet centum, ut si dixerit hoc modo, *acceptis a Mævio centum peto ut restituas hereditatem, an ea centum, quæ acciperit a Mævio imputantur in Falcidiam?* minime. Quia cum ea capiat ab alio, non a se ipso ex alienis bonis, non ex testatoris bonis, sane ea non capit jure hereditario. Et in Falcidiam tantum imputatur quod capitur jure hereditario indistincte, ut docui prius, quæ dedicatur ex legatis, aut fideicommissis pecuniariis, siue ex fideicommissis hereditatibus: non imputantur quæ capiuntur jure legati vel fideicommissi, vel conditionis implende causa, hoc est, mortis causa capionis. Denique imputat in Falcidiam heres ea tantum, quæ capit quasi heres, non quæ capit quasi legatarius vel fideicommissarius, vel quæ capit mortis causa, quia heredi soli tribuitur Falcidia beneficium, *d. l. in quartam, l. in ratione 2. §. tamen si, & l. si a me tibi h. t.* Ergo ea centum, quæ a Mævio accipere iustus est, habebit supra quadrantem, quia non imputabit ea in quadrantem, cum non ei obvenierit, quasi heredi, sed quasi capienti mortis causa. Excipitur tamen unus casus, si voluerit testator eam pecuniam hereditatis, aut Falcidie loco cedere, ut si tantum iusserit hereditatem vendi & restitui Mævio, quæ capitur, *l. si tamen si, hereditas est, & hereditario iure capitur, §. tamen si.* Idem etiam voluisse testatorem præsumitur, si quod heres accipere jubetur a fideicommissario, ipsam Falcidiam efficiat, ut in *l. si heres, hoc t. l. si a se, §. rescripto ad Trebell.* Ut puta, si quis guarus sui patrimonii, quod erat quadringentorum, exempli gratia, rogavit heredem, ut acceptis a Mævio centum, quæ est quarta Falcidie, ei restitueret hereditatem: hic quid aliud egit, quæso, quam ut heres ea centum haberet Falcidie loco? Ergo ex voluntate defuncti ea centum imputabit in Falcidiam, qui, accurate æstimato suo patrimonio, solum quadrantem a fideicommissario herede iussit accipere: id iussit observare & cogitare, ut haberet Falcidiam, non temere, & restitueret quadrantem. Et generaliter quod alias non imputatur in Falcidiam, imputatur ex voluntate defuncti, etiam legatum aut fideicommissum, voluntate vel expressa, vel tacita, *l. cum quæ §. ult. l. quod autem, inf. hoc t.* Et secundum hoc est ponenda species hujus legis, hoc modo: Heres rogatus est restituere hereditatem Mævio, acceptis ab eo centum. Et idem heres rogatus est, post mortem suam ea centum Titio restituere. Ea summa, si sufficiat Falcidie, ut ponendum est in specie sufficere. Ea, inquam summa, si efficiat Falcidiam, sine excluderet deductionem Falcidie, si apud heredem remanet: Nam id tantum imputatur in Falcidiam, quod remanet apud heredem perpetuo jure. At eam summam testator noluit remanere apud heredem perpetuo jure, sed cum rogavit, ut post mortem restitueret: eam ob rem non imputabit eam summam in Falcidiam. Alioquin esset aperta via sepe fraudandi heredem Falcid. Ergo integra erit heredi deductio Falc. ex Senatusconsulto Pegasiano, nec locus erit Trebelliano, nisi post Justinianum, quia Pegasianum est transfusum in Trebell. Deductet, inquam, Falcidiam heres ex hereditate, quam restituit Mævio, non deductet etiam Falcidiam ex mortis causa capione, hoc est, ex summa centum aureorum, quam conditionis implende causa ei dedit Mævius, & quæ post mortem suam debet restitui Titio. Restituet namque Titio soli.

solidum sine deminutione Falcidiae, quia scilicet eam summam non capit quasi heres, & soli heredi ex hereditate, vel portione hereditatis datur Falcidia, non legatario, non fideicommissario, non capienti mortis causa. Ratio eadem efficit ne mortis causa capio imputetur in Falcidiam, & ne ex ea detrahatur Falcidia. Et generaliter placet ex mortis causa capione, non deduci Falcidiam, non tantum, si heres ipse ceperit mortis causa, sed etsi dederit heres ipse, cum esset institutus sub conditione, si Titio centum dederit. Nam ea centum dabit sine detractioe, l. 1. §. item si ita legatum, hoc tit. Generaliter igitur ex mortis causa capionibus non detrahatur Falcidia excepto uno casu l. ult. C. ad l. Falcid. Falcidia detrahatur ex legatis, & Falcidia detrahatur ex fideicommissis ex Senatusconsulto Pegasiano, quod porrexit legem Falcid. ad fideicommissa. Detrahatur ex donationibus causa mortis ex Constitut. Severi, non detrahatur ex mortis causa capionibus, quoniam nondum l. ulla Falcidiam porrexit ad mortis causa capiones. Hoc generaliter nobis constituendum est, hæc verba acceptis centum, non demonstrata persona, a qua acciperentur, pro iure hereditario haberi: centum, quæ heres accipere iustus est simpliciter, accipi jure hereditario, quasi a se ipso: demonstrato autem coherede, vel alio, quicquid ex testamento ceperit, ita ut poterit onerari fideicommissum, ea verba accipiuntur pro fideicommissum, ut in l. 11. §. cum esset, de leg. 3. l. a testatore, de cond. & demonst. Demonstrato autem eo, qui nihil accepit ex testamento, ut in hac specie l. nostra, acceptis a Marcio centum ei restituitur, Marcio non poterit onerari fideicommissum, qui nihil ante ex testamento accepit, nec scire ea verba habentur pro fideicommissum, sed pro mortis causa capione, ut declarat hæc lex, & l. facta, §. rescripto, ad Trebell.

Ad L. fed cum XII. ad Treb.

Sed cum ab herede pro parte instituto fideicommissum hereditas, sub conditione relicta esset, Imperator Titus Antoninus rescriptis, non esse locum constitutioni suæ, neque pupillum extra ordinem iuvandum, præsertim, si novum beneficium cum alterius iniuria postularetur.

Hodie explicanda est lex 12. ad Senatusconsultum Trebellianum. Afferre igitur sunt, & explicande difficultates multæ. Et vix ullum esse existimo, qui non horreat lectionem huius l. 12. Est ea lex applicata questionibus, utrum l. præced. vel potius interjecta inter ea, quæ ex eodem Ulpiani lib. referuntur in l. præced. & in princ. seq. Igitur ab eorum narratione, quæ utroque loco exponit Ulpianus, nobis incipiendum est. Si heres rogatus sit restituere hereditatem: Queritur, an in restitutione hereditatis sit necessaria presentia fideicommissarii? an etiam absenti restitui possit hereditas: hoc est, procuratori absentis, vel an absens per procuratorem possit adire hereditatem? & postulare decretum, quo heres cogatur adire & restituere hereditatem. Et breviter, utrum ut presentis, sic etiam absenti restitui possit hereditas? Et an nomine absentis cogi possit heres adire & restituere? Dubitatur hac de re, quia per procuratorem non potest adiri hereditas, l. per procuratorem, de acquir. hered. & restituitio hereditatis est successio quedam, l. non enim eris, h. t. Adeo ut iudicium familie, sit etiam cum eo cui restituta est hereditas ex Trebelliano, quasi cum herede, l. 24. C. 40. sam. eris. l. ita tamen, §. si ex Trebell. C. seq. hoc tit. Sed magis est, ut sicut bonorum possessio potest agnosci per procuratorem etiam voluntarium, qui non habeat mandatum nomine eius cui delata est bonorum possessio, l. 3. §. adquirere, de bon. poss. l. si quis alieni, de acqu. hered. l. seruo invito, §. si pupillo, hoc tit. ita etiam possit per procuratorem quemlibet recipi fideicommissaria hereditas, & ut possit procurator quilibet nomine fideicommissarii cogere heredem per prætorum, ut adeat & restituat. Atque ita definitur in d. §. utrum. Neque huic definitioni quicquam obstat l. sed nec ipse, h. t. quæ dicit tutori fideicommissarii non possere-

Tem. IV.

Astitui hereditatem: qui tamen plus esse videtur quam procurator. Ergo nec procuratori videtur posse restitui. Sed observandum, quod lex ait indistincte, non posse restitui tutori, quia scilicet tutori pupilli presentis, nec infantis, non potest restitui, ut l. per. C. eod. tit. tutori vel procuratori absentis potest restitui. Et non obstat etiam lex si mulier, §. ex asse, de iure dot. quoniam ut omittam, quod Accursius ait, perspicuum est, eam legem loqui non de restituenda hereditate, sed de transferendis actionibus. Hereditas potest restitui alii nomine fideicommissarii, sed transeunt actiones in fideicommissarium, non in eum, cui restituitur. In eum igitur, cuius nomine restituitur, non in eum, cui re ipsa restituitur, l. ita, §. 1. C. l. restituta hoc tit. Actiones autem in alium transire, quam fideicommissarium ex Senatusconsulto Trebell. non possunt. Et non obligatur heres, ut ostendit §. ex asse, alii promittere ex voluntate fideicommissarii, se in eum translaturum actiones: quia impossibile nulla est obligatio, & impossibile est, quod Senatusconsultum non patitur, ut l. 1. hoc tit. Verendum igitur est absenti procuratorem etiam voluntarium, amicum voluntarium absenti fideicommissarii posse desiderare adiri & restitui hereditatem, & restituta hereditate procuratori actiones transire in fideicommissarium, non in procuratorem: transit autem statim, si verus procurator fuerit, hoc est, si mandatus fuerit, argum. l. 13. de acquir. rer. dom. vel si voluntarius procurator fuerit, tunc transire, cum fideicommissarius ratum habuerit, d. l. quæ sita §. 1. Hæc igitur sententia sit rata & firma. Dicit nunc aliquis percepta hæc sententia, posse evenire nonnunquam ut heres, qui postulante procuratore compulsus adiit, in damno moretur, ut hæreat actionibus, ut sustineat onera hereditaria, quod est iniquum, ut qui invitus adiit, subeat onera quasi adierit suo periculo, non periculo compellentis. Quid enim, si voluntarius procurator sine mandato coegerit heredem adire & restituere, & fideicommissarius ante decesserit, quam ei restitueretur hereditas, id est, antequam ratum habuerit? Restitutio hereditatis fit non tantum actu, sed etiam verbo, d. l. restituta. Et rati habitio fit quoque non tantum actu, puta accepta hereditate, sed etiam verbo, l. 5. rem ratu hab. Ergo non tantum, si fideicommissarius acceperit hereditatem a procuratore voluntario qui eam prior accepit ab herede, sed etiam acceptam habuerit. Et ita proponitur in d. §. utrum, ex quo necessario colligitur, moriente fideicommissario antequam ratum habuerit fideicommissum hereditatis extingui, quia scilicet heres ejus ratum habere non potest, cum ad eum non transeat fideicommissaria hereditas, cuius jus defuncto nondum adquisitum fuerat. Et res procedit his gradibus, directa hereditas non adita, non transit in heredem, l. 6. §. ult. l. 7. de inoff. test. l. un. C. de caduc. tol. §. novissime. Bonorum enim possessio non agnita non transit ad heredem, & forte si petita sit alieno nomine, & is, cui petita est, moriatur, antequam ratum habuerit, non transit ad heredem ejus, nec heres ejus ratum habere potest, d. l. 3. §. adquirere, de bon. poss. l. 7. rem ratu hab. Consequens igitur est, exemplo bonorum possessionis, quo etiam usi ante sumus, nec fideicommissariam hereditatem transmitti in heredem, cuius jus non fuit quasitum defuncto. Neque obstat huic conclusioni lex postulante, hoc tit. quia impulsus Accursius putat fingendum esse fideicommissarium ante restitutionem decessisse sine herede. Sed nihil moveri debuit hac lege, quia ibi hereditas intelligitur fuisse restituta defuncto, licet non sit restituta, quia postulaverit eam adiri, quæ postulatio pro restitutione est. Non obstat etiam lex cogi, §. item Mecianus, hoc tit. quoniam in ea lege illa verba, sive alius in locum eorum successerit, id est in locum fideicommissariorum, quia nondum desideraverunt sibi restitui: inquam verba sunt accipienda de substituto vel de fideicommissario, cui ceterorum portiones accreverunt, non de herede: Nam nulla hereditas, sive directa, sive precaria, aut fiduciaria, aut fideicommissaria, non adquisita, in heredem transit. Ergo rursus ita concludamus, petitionem hereditatis civilem, si non sit adquisita defuncto heredi-

Pp

redi-

reditatis, non transmitti ad heredem, ut Paulus scribit i. *Sentent. tit. 13.* Possessoriam quoque petitionem, si a defuncto non fuerit agnita bonorum possessio, non transmitti ad heredem, & similiter, fideicommissariam hereditatis petitionem eo casu non transmitti ad heredem. Nec rursus obstat huic rei lex 3. *de fideic. hered. pet.* quæ dat fideicommissariam hereditatis petitionem heredi fideicommissarii, vel bonorum possessori, vel alii successori: sed hoc sane ita procedit, si fideicommissario restituta sit hereditas, vel verbo tenus, non si ante restitutionem mortem obierit. Ergo procurator, qui mandatum non habuit, si nomine fideicommissarii coegerit heredem adire, & restituerit hereditatem, & fideicommissarius decesserit, antequam ratum haberet heres, qui coactus adiit, sustinet onera hereditaria, quod est iniquum. Iniquum est eum, qui compulsus adiit obligari æri alieno; iniquum adire suo periculo: iniquum astringi oneribus hereditariis, quod in eo casu superfluit solus, qui possit teneri perempto fideicommissio hereditatis. Istud incommodum objicit Ulp. in d. l. *utrum*. Et movit juris auctores valde rescriptum D. Pii, quo huic incommodo subventum est: Nam hodie his casibus ex rescripto D. Pii non tantum, si heredi caverit procurator de rato, sed etiam, si non caverit: plerumque cautio interposita redditur inutilis, puta deinde lapsis facultatibus fideiussoribus. Cautiones sunt fragiles, inquit lex qui ita §. i. *hoc est*. quoniam potest fideiussor, qui pro alio cavit, redigi ad inopiam, nihil igitur refert, si procurator heredi caverit de rato sine non: Nam utroque casu heredi, qui compulsus adiit, perempto fideicommissio, puta quod mortuus sit fideicommissarius ante restitutionem, heredi succurritur per prætorum datam restitutionem in integrum. Dicitur beneficium istud extraordinarium in l. 12. *quod si* modum istud restitutum in *l. in causa*, D. *de minor.* Et hoc quidem ita fuit introductum a D. Pio, qui dicitur Titus Antoninus in l. 12. in alia specie, in qua tamen suberat idem incommodum, aut iniquitas eadem occurrebat. Et licet Constit. pertineat ad unam speciem, exemplum tamen ejus possumus sequi etiam in aliis omnibus in quibus occurrit idem incommodum, vel eadem iniquitas. Et ut ostenditur in §. *utrum*, species, ad quam proprie pertinet rescriptum, hæc est: Quidam Titium ex æsse heredem scripsit, & Albina ancillam suam directo manumissit. Hæc quidem Albina habebat filiam, in servitute ejusdem domini, nempe testatoris, & eidem Albina filiam impuberem per fideicommissum reliquit, & rogavit, ut eam manumitteret, ut mater filiam manumitteret. Titium quoque heredem rogavit, ut manumisse filia Albina restitueret hereditatem sub conditione, cum nubilem compleret ætatem, *quand elle avoit posse douze ans*: heres recusavit adire hereditatem, dicens suspectam esse, an potest cogi? Ex D. Pius rescripsit, posse. A quo vero potest cogi? pupilla? a serva impubere? minime, sed nomine ejus pupilla heredem compelli adire, quolibet postulante pro ea, l. si impuberi, de tut. & curat. quod exposui lib. 11. Et postquam adierit heres, statim Albina competet libertas, & heres ei tradet filiam ex causa fideicommissi manumittendam, & manumissa mox heres restituit hereditatem: statim etiam antequam impleverit nubilem ætatem, antequam pubuerit, quia qui compulsus adivit, etiam ante diem, vel conditionem, vel qui suspectam dicit hereditatem, etiam ante diem, vel conditionem fideicommissi, potest cogi adire, restituere, representare fideicommissum, l. *seg. in princ.* l. si cui pure, hoc tit. Sed actiones non transeunt ante conditionem: restituitur quidem hereditas ante conditionem, l. sed & si ante, hoc tit. nec æquum esset cum posset deficere conditio. Igitur restituta hereditate filia impuberi, herede coacto adire filiam non obligabitur æri alieno, antequam pubuerit. Quid igitur, si impubes moriatur? morte ejus extinguetur fideicommissum, quia mortua est pendente conditione, & non est, in quem transeant onera: an igitur sustinebit onera heres, qui compulsus adiit? an hærebit actionibus hereditariis? Sic videtur ipso jure. Sed per prætorum ex eo rescripto ei succurritur, ita ut perinde a creditoribus hereditariis bona veniant

A nomine testatoris, atque si nemo ei heres extitisset. Et similiter in proposito casu, si procurator voluntarius absentis fideicommissarii coegerit heredem adire, & restituere, nec fideicommissarius ratum habuerit, heredi succurritur, qui compulsus adiit eodem exemplo, ita ut bona veniant nomine testatoris, ac si ipse non adisset. Hoc beneficium D. Pii est novum, ut ait l. 12. puta, ut hereditas adita habeatur pro non adita, & ex causa prætor restituit in integrum quemlibet etiam majorem 25. annis. Itaque ut subjicitur in princ. l. 13. quæ est conjuncta cum l. 11. hodie heres, qui suspectam hereditatem dicit, non potest causari, se non posse cogi adire ante conditionem, puta, ne in damno versetur, conditione forte postea defecta, quia, ut diximus, etiam si deficiat conditio fideicommissi, ei succurritur per prætorum, ut pro eo habeatur, ac si non adisset: hæc cautio non efficit, ne compellatur adire cum nullum damnum ei futurum sit, etiam si deficiat conditio. Unde ita, concludit l. *seg. in princ. jam igitur*, id est, post rescriptum D. Pii, non desideratur heredis presentia: ubi manifestissimum est, non esse intelligendum nomen heredis, sed fideicommissarii, quæ est conclusio prioris questionis: Nam potest procuratori ejus restitui eulibet, quæ res heredi damno futura non est, qui compulsus est adire, etiam si fideicommissarius ratum non habeat. Et similiter in §. *ut. l. præcedentis*, illo loco, nec oportet damno affici eum, qui rogatus adiit hereditatem, ubi evidentiissimum est legendum esse, qui coactus adiit hereditatem, ut infra, ait, succurri heredi, succurri ei qui compulsus adiit.

Diximus ante, heredem rogatum restituere hereditatem sub conditione, qui sibi eam suspectam dicit, & recusat adire, etiam ante conditionem compelli posse adire, & restituere, nec hodie quicquam vageri, ne in damno moretur, quia est deficit conditio fideicommissi, atque ita solus heres ipse, ut diximus hæret in luto, hæret actionibus ex Constitut. D. Pii ei succurritur rescissa additione per prætorum, & bonis venditis nomine testatoris, non nomine heredis, qui pro eo est, qui non adiit beneficio restitutionis. Et possumus speciem in herede infuturo esse: diversum enim esse ostendit lex 12. hoc tit. in herede infuturo ex parte: nam si hæres infuturus ex parte rogatus sit partem suam restituere sub conditione, & suspectam dicit hereditatem, ante conditionem non cogitur adire, & restituere, l. non est cogendus, hoc tit. quæ est ex eod. lib. Et quæ, ut inferius demonstrabitur, est accipienda de herede infuturo ex parte, licet id non edicatur palam. Cur vero heres ex parte ante conditionem non cogitur adire? quia etiam si non adeat, nihil damni facit fideicommissarius, etiam si recuset, vel repudiet: nihil refert adire hereditatem, cum portio ejus accrescat heredi cum onere fideicommissi, l. si Titio, inf. de leg. 2. Et ideo ad eum non pertinet beneficium restitutionis Divi Pii, quod quidem pertinet tantum ad eum, qui cogitur adire: & heres institutus ex parte, si forte sua sponte adierit, cum non posset compelli deficiente conditione fideicommissi, non restituitur adversus additionem, sed omnino creditoribus hereditariis satisfacere cogitur, & bona veniunt ejus nomine, non testatoris: proscriptio infamiam heres sustinet, non testator. Et hoc ita proponit Papin. in hac l. 12. & adjicit, hoc adeo verum esse, ut etiam si pupillus sit institutus ex parte, qui sponte adierit tutorem auctorem, ut oportet: nam & hic pupillus non restituitur adversus additionem sponte factam tutore auctore: non restitueretur, scilicet deficiente conditione fideicommissi, hoc est, ex hac causa, quod defecerit fideicommissi conditio, ne scilicet in iuria fiat creditoribus hereditariis, qui forte jam bona vendiderunt nomine pupilli, qui adierat sua sponte. Ex causa quidem pupillus restituitur adversus additionem si res sit integra, si bona nondum sint vendita: sed bonis venditis nomine pupilli, ne pupillus quidem auditur postulans novum & extraordinarium beneficium restitutionis non in iuria creditorum, qui jam distraherunt bona pupilli nomine, & distraxerunt jure optimo, cum pupillus adisset tutorem auctorem. Et sic etiam ex contrario dicitur in l. non quam

quam §. 1. hoc tit. postulate fideicommissario, ne pupillum quidem, qui repudiavit tutore auctore ut oportet restitui in integrum adeundi causa, bonis jam venditis, & finitis negotiis hereditariis, quia hoc retractari non potest sine gravi injuria creditorum. Et ita vobis est explicata lex 12. & sic etiam mea sententia cum procurator nomine fideicommissarii petit restitui hereditatem ab herede, si mandatum fuerit incertum, & heres fua sponte adierit, postulante eo procuratore, cum posset non compelli adire propter incertum mandati, etiam oblata cautione potuit non cogi adire, cautione de rato, propter lubricum cautionis & fragilitatem, l. qui ita §. 1. hoc tit. fideicommissarium ratum non habente, heres non restituitur in integrum, ut pro eo habeatur, ac si non adisset, quia de se queri debet, & esse contentus cautione de rato. Et sic explicanda sunt verba legis 12. sed cum ab herede, hoc titulo.

Ad L. non est LIII. ad Senatusconsultum Trebell.

Non est cogendus heres suspectam adire hereditatem ab eo, cui libertas a legatario, hereditas ab herede relicta est, cum status hominis ex legato pendeat, & nemo se cogatur adstringere hereditariis actionibus propter legatum. Quid enim si inter moras non manu mittente legatario servus decesserit? si autem vivo testatore legatarius decesserit: bonigne responderet, cogendum adire: cum in ipsius sit potestate, manu missi restituere hereditatem.

His cognitis facile cognoscemus ex eodem lib. & eodem re l. non est cogendus 33. hoc tit. Species legis hæc est: testator legavit Titio servum, & ab eodem Titio eidem servo reliquit fideicommissariam libertatem. Eidem quoque servo ab herede, ut ponit per fideicommissum reliquit hereditatem. Lex ait, non posse cogi heredem suspectam hereditatem adire, servi nomine scilicet hac ratione, quia servo non potest restitui hereditas antequam factus sit liber, l. si cum pure §. 1. hoc tit. Et libertas ei relicta est non ab herede, a quo relicta est hereditas, sed a legatario: nemo autem propter legatum solum, ut valeat legatum, vel propter libertatem solum cogitur adire, ut ait l. prox. §. ult. quam exposuimus lib. 10. nemo, inquam, cogitur, vel propter legatum, vel propter libertatem adire, ne in damno moratur, forte mortuo servo antequam legatarius eum manu mitteret. Et ita scribit Papin. in h. l. non est cogendus: cui scripto mirum in modum adversatur l. 11. §. utrum, & l. 13. in princ. hujus tit. Ex his quæ diximus heri, intelleximus, heredem cogi adire, a quo relicta est servo hereditas fideicommissaria, & a legatario libertas, & remedium dedisse D. Pium, ut heres non versetur in damno, mortuo forte servo, ante additionem fideicommissarii, vel ante manu missionem. Sed ut breviter respondeam, jam antea diximus d. §. utrum legem. 13. loqui de herede instituto ex asse & aliud esse in hered. instituto ex parte Papin. offendit in l. 12. cum qua hæc debet conjungi omnino. Atque ita hæc etiam debet accipi de herede instituto ex parte, a quo sit relicta fideicommissaria hereditas servo, & servus alii legatus, & legatarius porro rogatus eum servum manu mittere. Hic enim heres non cogitur adire antequam servus pervenerit ad libertatem. Uno tamen casu in hac l. Papin. offendit, heredem ex parte institutum posse cogi adire, & restituere hereditatem, videlicet, si legatum servi defecerit vivo testatore mortuo legatario, quandoquidem legatum remanet apud heredem, si habuerit jus antiquum, si habuerit jus excludendi fisci, qui alias ex l. Papia vocatur ad legata, quando deficiunt vivo testatore, & dicuntur esse in causa caduci. Imo remanet illud legatum apud heredem, etiam si heres non habeat jus antiquum propter fideicommissariam libertatem, quia leges Caducariz non pertinent ad libertates, l. generaliter §. si heres, de fideic. libert. l. si privatus §. ult. qui & a quibus man. Ergo legatum illud servi remanet apud heredem, & remanet igitur cum onere fideicommissi, id est, cum onere prestande servi libertatis. Atque ita hoc casu, heres idem incipit esse debitor, qui

Tom. IV.

A libertatis & heredis. Ac merito nomine servi cogitur adire, & manu missi restituere hereditatem, ut demonstratum jam est in l. preced. §. ult. quæ, & hoc notandum, quod hæc lex consentiat, merito ei subjuncta est. Et hoc argumento confirmari etiam potest, hanc legem non esse accipiendam de herede instituto ex parte, cum & de eo fuerit lex præcedens. Confirmari denique id potest conjunctione d. l. 12. & vicinitate l. præcedentis, neque de eo quicquam ambigendum est.

Ad L. LV. ad Senatusconsultum Trebell.

Si patroni filius extraneo restituerit ex Trebelliano hereditatem, operarum actio, quæ transferri non potuit, apud heredem manebit, nec ei nocebit exceptio, cum eadem prodesse non possit ei, qui fideicommissum accepit. Et generatim ita respondendum est, non summoheri heredem, neque liberari ex his causis, quæ non pertinent ad restitutionem.

§. 1. Imperator Titius Antoninus rescriptis in tempus directo data libertate, non esse representandam hereditatis restitutionem, quando persona non est, cui restitui potest.

§. 2. Qui fideicommissam hereditatem ex Trebelliano, cum suspecta diceretur, totam recepit, si ipse quoque rogatus sit alii restituere, totum restituere cogitur. Et erit in hac quoque restitutione Trebelliano locus. Quam enim Falc. jure fideicommissarius retinere non potuit. Nec ad rem pertinet, quod nisi prior, ut adiretur hereditas, desiderasset, fideicommissum secundo loco datum intercidisset. Cum enim semel acta est hereditas, omnis voluntas defuncti rata constituitur. Non est contrarium quod legata cetera non ultra dodrntem præstat: aliud est enim ex persona heredis conveniri, aliud proprio nomine defuncti precibus adstringi: secundum quæ potest dici, non esse priore tantum desiderante cogendum institutum adire, ubi nulla portio remansura sit apud eum: utique si confestim, vel post tempus cum fructibus rogatus est reddere: sed & si sine fructibus rogatus est reddere, non erit idonea quantitas ad inferendam adeundi necessitatem; nec ad rem pertinebit, si prior etiam libertatem accepit: ut enim pecuniam, ita nec libertatem ad cogendum institutum accepisse satis est. Quod si prior recusat, placuit ut restitua via secundum possit postulare, ut heres adeat, & sibi restituat.

§. 3. Quid ergo, si non alii, sed ipsi heredi rogatus sit restituere? Quia non debet eidem, quandoque quarta reddat, quam perdidit, propter hujus portionis retentionem erit audiendus. Sed nec illud translatitè omittendum est, instituto, qui coactus est adire, fideicommissi petitionem denegandam esse. Cur enim non videatur indignus, ut qui destituit supremas defuncti preces, consequatur atiquid ex voluntate? quod fortius probabitur, si post impletam conditionem coactus est adire: nam si pendente conditione duxim erit idem probare cum & Falcidiani pavitendo potuit inducere. Nec ignoro posse dici nullo modo fideicommissi petitionem denegandam eis, qui jura sepulchrorum adquirent insequuntur. Adeo Senatus nihil apud eum ex ea parte, quam derelinquit, valuit relinquere, ut nec Falcidiani exercere possit, nec præcepto, apud eum relinquatur, nec substituto quoque secundarum tabularum ita facta: Quisquis mihi heres erit, filio meo heres esto, eidem daretur.

§. 4. Cui Titiana hereditas ex Trebelliano Senatusconsulto restituta est, Marcianam hereditatem, quam Titius defunctus ex Trebelliano Sempronius restituere debuit, & ipse restituere poterit, sicut alius quilibet successor.

§. 5. Actiones temporaria Trebelliani solent esse evictæ hereditate ab eo qui posteaquam fideicommissam restituit hereditatem, victus est: scilicet ante restitutionem lite cum eo contestata: potestas enim evictionis tollit intellectum restitutionis, indebito fideicommissio constituitur. Plane si fideicommissum ab eo quoque, qui postea victi, restitutum est, quia possessor in ratione reddenda hereditatis partem, quam fideicommissarius restituit, heredi reputat: defendi potest, actiones Trebelliani durare.

Prima quæstio l. si patroni, est de operis libertorum, quæ necessario conjungenda est cum l. si bona 40. de op. p. 2.

op. libert. quæ est ex eodem libro. Certum est, restituen-
do hereditatem ex Senatusconsulto Trebelliano heredem
transferre obligationes & actiones omnes in fideicom-
missarium, cui restituitur, quas scilicet habuit tempore re-
stitutæ hereditatis, & quibus fuit affectus, hoc est, & acti-
vas, & passivas, siue jure civili competentes, siue jure præ-
torio: imo & causa naturalium obligationum transit ad
fideicommissarium, *l. quamvis hoc sit.* Et ideo, si heres con-
venitur in solidum a creditoribus hereditariis post resti-
tutam hereditatem, potest se tueri & defendere exceptio-
ne restitutæ hereditatis, quia restitutio liberat heredem,
si non ipso jure, saltem per exceptionem: Et contra si post
restitutionem heres, qui restituit, agat cum debitore he-
reditario, repellitur eadem exceptione restitutæ heredita-
tis, & transfusarum per restitutionem, siue translatarum
actionum in fideicommissarium, *l. i. §. quanquam, & l. ita
tamen §. qui ex Trebell. hoc sit.* Quæ exceptio etiam di-
citur exceptio Trebelliani *l. 28. de judic.* sicut actiones
Trebell. quæ ad fideicommissarium transferuntur per resti-
tutionem hereditatis in §. *ult. hujus leg.* Quod autem di-
cimus, restituta hereditate omnes actiones fideicommissa-
rio, & in fideicommissarium competere, non habet
locum in actione operarum, quæ heredi instituto filio pa-
troni competit adversus libertum paternum: Nam hæc
actio non transit in fideicommissarium extraneum, cum
non sit patronus, & hæc operæ debeantur tantum reveren-
tiae patroni. Finge: libertus patrono debuit operas, prius
filium heredem instituit, & rogavit fideicommissa-
rio restituere hereditatem: post certum tempus restituta
hereditate, an actio operarum transit in fideicommissa-
rium? minime, quia non est patronus: filius patroni est
patronus, *l. cum patronum 10. de jure patron.* ei debentur
operæ quasi patrono, *l. sciendum, de verb. sign.* & res-
tituta hereditate apud eum remanebit actio operarum,
nec petenti operas obstat exceptio Trebell. nec ut anno-
tavit Accurs. recte, has operas imputat in Falc. videlicet,
si post mortem patroni deberi coeperit, si post mortem
patroni ab ipso filio inductæ fuerint, & imperatæ liberto
patroni: quia etiam omnia hereditate paterna ei deben-
tur, modo non sit exheredatus: & in Falcidiam impu-
tantur tantum, quæ jure hereditario capiuntur, id est, quæ
quis non caperet, si heres non esset, vel si repudiaret he-
reditatem, aut ea se abstineret. Ergo non imputabit, quæ ca-
pit jure patronatus. Recte autem dicimus, etiam restituta
hereditate, filium patroni retinere actiones operarum,
cum non possint transire in extraneum, qui non est patro-
nus: hæc operæ sunt officiales. Porro officium tantum
constat inter libertum & patronum: filius ipse est patro-
nus, fideicommissarius Trebellianus non est patronus. Et
eadem ratione extraneus heres institutus a patrono, non
est patronus: Et consequenter ei non debentur operæ,
quæ debita fuerunt defuncto, quia non jus hereditarium
sequuntur, sed jus patronatus, atque commutantur *l. libert.*
C. de op. libert. l. pro herede §. si quis tamen, de acqu. hered.
Et eadem ratione filio exheredato non debentur operæ,
quia non est patronus. Exheredatio non tantum jus sui fi-
lio aufert, sed etiam jus patroni in libertos paternos, *l. si
operum, de op. libert.* Et hæc quidem, ut jam antea signi-
ficavi, accipienda sunt de operis officialibus, hoc est, quas
libertus, ut libertus patrono debet officii causa, non tan-
tum jure civili, puta ex stipulatione, vel etiam jurejurando,
quo solum casu ex jurejurando actio est, sed etiam eas de-
bet patrono jure naturali, cujuscumque sint ministerii, ar-
tificii generis, quas modo libertus ipse edere patrono pos-
sit, & exhibere: & debentur non quidem statim, ut promisit
vel juravit, etiam si pure promiserit, sed cum eas patronus
indixerit, cum commodum erit patrono eas sibi edi, jubente
puta patrono. *Præsta mihi hodie illam operam fruendo
parietis, data mihi hodie operam,* vel quid aliud: quas autem
debet libertus, ut quilibet extraneus, hæc non in officio
consistunt, *ce n' est pas pour lui faire honneur,* sed quasi in
pecunie præstatione. Et hæc transeunt ad quemcumque
heredem, *l. 6. de op. libert.* Officiales transeunt ad filium he-
redem institutum, non ad extraneum heredem institutum,

A non ad fideicommissarium Trebellianum, ut ostendit hæc
l. Papiniani, sed remanet apud filium heredem institutum,
& earum actio. Nec filio eas operas petenti obstat exceptio
Trebelliani, quod Papin. ostendit elegantissima ratione,
quæ sic erat enarranda: cur filio heredi instituto, qui re-
stituit hereditatem, agenti de operis adversus libertum pa-
ternum, non obstat exceptio Trebell. sicut si ageret alia de
re? quia si noceret filio, prodesset fideicommissario ex-
traneo, id est, extraneo competere operarum persecutio,
quas non posset filius persequi, *l. 1. §. 4. hoc sit.* Atqui ex-
traneo operarum persecutio competere non potest, cum
non sit patronus. Ergo persequenti operas filio, non debet
nocere exceptio. Est elegantissima ratio. Et inde genera-
liter definit Papin. ex omnibus his causis, quæ ad restitue-
tionem non pertinent, id est, quæ in restitutionem fi-
deicommissi non veniunt, quæ non sequuntur fideicom-
missarium Trebell. heredi agenti non nocere exceptionem
Trebell. unde sequitur, ut pro rata Falcidiz, pro rata qua-
drantis, quam retinet heres oneratus fideicommissio, agen-
ti heredi non possit nocere exceptio Trebell. nec prodesse
convento pro rata Falcidiz, quia jura omnia siue onera
creditorum, aut actiones debitorum dividuntur inter he-
redem & fideicommissarium pro quadrante & dodrante.
Idemque erit in fructibus medio tempore perceptis,
qui in restitutionem non veniunt. Nam si eos persequatur
pro rata quadrantis heres post aditam hereditatem, non
obest exceptio Trebell. & etiam non proderit, si conven-
iantur eorum causa: puta reddendorum sumptuum no-
mine quos colonus fecit in ferendis fructibus aut legen-
dis. Et consequenter idem etiam erit in his, quæ heres
alienavit, vel quæ deminuit ex hereditate; cum esset
rogatus restituere, quod superesset: & generatim, ut ait
in omnibus, quæ ad restitutionem non pertinent.

Diximus, filio heredi instituto etiam post restitutam
hereditatem deberi operas a liberto patrono. Dixi ex-
traneo heredi patroni non deberi operas. Videamus,
quemadmodum hæc duæ sententiæ accipiendæ sint. Prior
vera est, filio heredi instituto deberi operas, quas liber-
tus patrono debuit, etiam si restituerit hereditatem: imo
etiam si abstinerit se hereditate, modo non sit exhere-
datus, *l. si operarum, de op. libert.* Quod ea lex significat
his verbis, *etiam si heres non existat:* aliud est, heredem
existere, aliud existare: nam existare, constare est, & per-
severare, herodem esse, non nomine tantum, sed re:
filius heres existit statim, etiam inivius & ignorans,
sed non existat heres, si se abstinerit: nec tamen ideo
minus petit operas. Et idem etiam est, si de operis lis
a patre non fuerit contestata cum liberto, hoc est, filio
debentur etiam futura operæ, quas ipse indicet, nedum
præteritæ quas pater indixit, (*nedom, id est, multo magis*)
& de quibus litem contestatus est in *d. l. si operarum.*
Sane præteritæ filio debentur, cum & debeantur heredi ex-
traneo patroni, quoniam jam cesserunt, & sunt in heredi-
tate, in *l. 4. de op. libert.* Sed in filio hoc est præcipuum, ut
ei debeantur etiam futura, quæ tamen non deberentur
heredi extraneo: heredi extraneo novarum operarum in-
dictio non est: præteritarum, quas indixit defunctus, & de
quibus litem contestatus est, etiam heredi extraneo petitio
est. Et secundum hæc, quæ sunt certissima, jamdiu ostendi,
in *l. pro herede §. si quid tamen, de acqu. her. si* esse legendum,
cum petitio earum etiam non hereditibus competat, & maxime
futurarum. Nam hoc vult dicere §. filium patroni heredem
institutum petendo operas, non videri pro herede gessisse,
atque adeo petendo operas, eum se non immiscuisse nego-
tiis hereditariis, quia sc. filius patroni etiam non hereditibus
puta abstinentibus se bonis paternis, datur petitio opera-
rum, modo non sint exheredati, & futurarum maxime, id est,
quæ post mortem patroni deberi coeperunt. Posset dubitari,
an abstinentibus se hereditati filius, etiam esset petitio opera-
rum præteritarum? Sed idem est etiam in præteritis, ut dixi
ante, minus dubitatur de futuris. Ergo ita concludamus,
filiis hereditibus institutis etiam abstinentibus se, petitio est
operarum, cum futurarum, tum præteritarum. Extraneis au-
tem hereditibus, qui adierunt hereditatem, est petitio præte-
rita-

ritarum tantum, quæ jam coeperant deberi defuncto, quæque ab ipso defuncto indistincte fuerant, l. 4. de op. libert. Et secundum hoc recte in l. 9. cod. tit. operas futuras non alii deberi quam patrono, quia scilicet præteritæ debentur etiam non patrono, puta heredi patroni extraneo, qui adiit. Et secundum hæc etiam est certissimum, in prima parte legis operarum, tollendam esse negationem. Nam ut summam illa lex exponatur, facit differentiam inter filium patroni heredem institutum, & extraneum heredem institutum. Nam filius patroni petit operas omnino etiam si abstinerit se hereditate, etiam si de eis non egerit pater, id est, non fuerit litem contestatus pater, antequam moreretur. Extraneus autem ita demum petit operas, si a defuncto fuerit lis contestata, contestatum iudicium operarum, & pendente iudicio mortuus fuerit. Nam translatio iudicii datur extraneo heredi, id est, si transferatur in extraneum heredem: lex tam ex contrahitio de iudic. ait translationem dari, quem locum iuvenes quidam depravaverunt. Filio fam. post litem contestatam procuratori nomine mortuo pendente lite aut etiam post condemnationem erit, in eum, quem defendit, hoc est, in eum cuius nomine agit, translatio, non translatio, ut Flor. datur in eum, cuius nomine agit, datur translatio litis, ut ab eo pergratur lis vel si procurator fuerit condemnatus, datur in eum iudicati actio. Et ita Græci peraguntur dicit, id est, transferitur iudicium vel condemnatio in eum, quem defendit. Hæc sunt certissima, sed ut magis confirmetur, applicanda est l. 40. de op. libert. quæ est ex eodem libro.

Ad L. si bona XI. de Oper. libert.

Si bona patroni venerint, operarum, quæ post venditionem præteritis, actio patrono dabitur, & si alere se possit, ante venditionem præteritarum non dabitur, quantum ex antegesso agit.

Species hæc est: bona patroni decoctoris vendiderunt creditores ejus: præteritæ operæ ante venditionem bonorum, quas patronus jam indixerat sequuntur creditores patroni, vel emptorem bonorum, qui est pro successore, non sequuntur patronum. Cur? quia cuius bona venerint, non potest agere ex antegesso, ex eo, quod gessit ante venditionem bonorum, l. pen. de curat. bon. dand. ad quam omnino est quasi similis adjungenda hæc, & ad hanc illa, nec sine illa vix ullus hanc intelligit. Operæ autem præteritæ post venditionem bonorum, puta quas patronus indixit post venditionem bonorum debentur patrono etiam si citra eas operas habet unde se alat. Hoc ait Papin. in hac. l. 40. sed est vitata ab interpunctionibus, post verbum possit, reponendum est punctum. Sed exponamus illud: operæ præteritæ post venditionem patrono debentur, etiam si aliunde se alere possit. Cur hoc ait? etiam si aliunde? quia est ei relinquendum, quo se alat, si post venditionem cum eo agatur, sicut agi potest, quia scilicet post venditionem tantum tenetur in id quod facere potest, l. ult. C. de rev. his, quæ in fraudem cred. in quantum facere potest, quod ratio ejus habenda est, ne egeat secundum regulam legis, in condemnatione, de iug. jur. Quid hoc est, ne egeat, id est, ne desint ei alimenta, l. 6. de cessio. bon. Ergo hoc vult lex, quod etiam si sufficiant alimenta quotidiana, tamen habeat etiam operas, quæ post venditionem cefferunt, quas creditores habere non possunt.

Ad §. Imperator Titus Ant.

Ponitur rescriptum D. Pii, quo cavetur, ut si testator servo suo pure reliquerit hereditatem per fideicommissum ab herede scripto, & libertatem directam in tempus, puta, ut post biennium liber esset, non possit cogi heredem adire, antequam servo libertas competierit, non possit cogi adire ante biennium, quia non est cui hereditas restitui possit. Pendet hereditas ex libertate fideicommissarii, quod coniungendum est cum his, quæ ex eodem libro attulimus in l. 1. 2. C. l. non est cogendus,

A h. 1. Quamquam in illis locis agitur de libertate fideicommissaria, hoc loco de directâ: illis locis de libertate a legatario, hereditate ab herede relicta, hoc loco de utraque relicta ab herede. Et pertinet etiam valde ad hæc, quæ posui latius lib. 19. ad l. si res aliena, hoc tit. Et verissima sunt quæcumque scripsit Accurs. in hunc §.

Ad §. qui fideicommissam.

Transseamus igitur ad §. qui fideicommissam, & eum totum exponamus, si placet. Et satis longus, & multa complectitur. Sciendum est, heredem, qui suspectam & damnosam hereditatem dicit, postulante fideicommissario ex Senatûconsulto Pegas. cogi a prætore adire & restituere hereditatem totam non deducta Falcid. quia Falcidia utitur tantum is, qui sponte adiit: sed **B** fideicommissario & in fideicommissarium, qui recipit hereditatem, dabuntur omnes actiones, perinde atque si restituta esset hereditas ex Senatûconsulto Trebell. Quod etiam proponitur in initio hujus §. Verum sciendum est præterea, & hunc quoque fideicommissarium, si rogatus sit eandem hereditatem alii restituere, æquæ alii restituere hereditatem totam, quam recepit, non deducta Falcid. ita ut transcant omnes actiones ad secundum fideicommissarium, l. 1. §. de illo, h. 1. Heres non detrahit Falcid. sua culpa, quia quantum in se fuit, hereditatem dereliquit, nec nisi coactus adiit, l. quia poterat, hoc tit. Fideicommissarius autem, quod obtinet etiam in legatario, non detrahit Falc. nullus, inquam, fideicommissarius, si ve particularis, si ve universalis detrahit Falcidiam, quia lex Falcidia lata est solius heredis causa, l. pater ad l. Falc. ut ne hereditatem dereliqueret, aut destitueret: qui non est heres non exercet Falcidiam. Ergo legatarius aut fideicommissarius quæcumque sit non exercet Falcidiam, quod probatur ex l. 1. §. denique, C. §. seq. l. mulier, §. ult. hoc tit. l. 1. tex Falc. §. ult. ad l. Falc. l. coheredi, §. quod si heredem, in fin. de vulg. substit. Et verissimum hoc est, si ve usus jam sit heres Falcidia adversus fideicommissarium, ut non possit rursus & fideicommissarius uti Falcid. si ve heres non sit usus Falcid. quia nec tunc ea uteretur fideicommissarius, ut in specie hujus §. si coactus adiit. Et ita apertissime definitur in hoc §. qui continet multa præclarissima principia juris. Hoc primum est, quod dixi solum heredem exercere Falc. non fideicommissarium ullum, aut legatarium. Et respondet Papin. quibusdam, quæ possent obijci huic principio, seu sententia juris sed possent etiam obijci alia, quæ non memoravit Papin. quæ nos tamen proferemus & refellemus. Diceret primum forsitan aliquis in hac specie, æquum esse, fideicommissarium exercere Falcidiam adversus secundum fideicommissarium, quia, nisi ipse prior coegisset heredem adire, intercidisset fideicommissum secundo loco datum, quia aditione non secuta omnis vis testamenti solvitur, & nihil testamento scriptum valet: aditio confirmat omnem scripturam testamenti. Et eleganter ait, quod est aliud principium, cum semel adita est hereditas, omnis voluntas defuncti rata constituitur. Sic ergo argumentatur prior fideicommissarius: Ego curavi, ut adiret heres, ego compuli, & ita ratam constitui voluntatem omnem defuncti, aut rata ut constitueretur, effeci per aditionem: servavi ergo tibi fideicommissum posterius: cur non ex eo deducam quartam, ut tu habeas tantum dodrantem, qui nihil habuisset, nisi ego compulsem heredem ad adeundum? Papin. contemnit inspectionem istam, & ait, hoc nihil ad rem pertinere, absurdum esse argumentationem, id est, hujus rei rationem nullam haberi debere, nec ideo magis fideicommissario priori Falcidiam exercere licere adversus posteriorem: alioquin in casibus, quibus cesset Falcid. ut in testamento militis, per hanc causam heres induceret Falcidiam, dicendo se adisse & ita servasse legata aut fideicommissa, ne intercederent, qui poterat repudiare testamentum & hereditatem. Igitur hæc causa non est idonea ad inducendam Falcid. quibus casibus non habet ea locum. Hoc nihil ad rem pertinere, nec

nec declarat, cur nihil ad rem pertineat, quod satis quilibet id videatur per se capere posse. Ergo verum manet illud, fideicommissarium non exercere Falcid. Videtur contrarium esse huic sententiae rursus, quod fideicommissarius legata ab herede data praestat deducta Falcid. si eam non deduxit heres. Praestat igitur tantum dodrantem legatarius. Quod etiam opponit Pap. hoc loco, & probatur l. 3. §. 1. l. facta, §. si cum suspecta, hoc tit. Ceterum hoc sane non est contrarium sententiae nostrae, quia eo casu hanc Falcid. deducit fideicommissarius ex persona heredis, a quo relicta erant legata aut fideicommissa, & qui ea deducere potuit, alioquin secus, l. aevi, §. Meianus, & lex alio, hoc tit. non enim eo casu fideicommissarius deducit Falcidiam ex persona sua, & nomine proprio. Nam ex fideicommissis a se relictis, fideicommissarius non deducit Falcidiam. Et superior sententia est sic accipienda, ut fideicommissarius non exerceat Falcidiam ex sua persona: nam ex persona heredis potest. Non est etiam contrarium huic sententiae, quod fideicommissarius, qui passus est Falcidiam, hoc imputat suis fideicommissariis pro rata, & eo minus praestat, l. pen. §. ult. ad l. Falcid. l. factam. §. si Titius, hoc tit. Quia ut respondeam, hac imputatio non est deductio Falcidiae, permessa ob id tantum, ne fideicommissarius obligetur in plus, quam acceperit, ne de suo fideicommissa praestare cogatur. Non est etiam contrarium huic sententiae, quod si heres rogatus sit hereditatem restituere Titio, & rursus Titius rogatus sit eam alii restituere, si Titio restituerit heres, non deducta Falcidia, eo scilicet animo, ut ipse Titius potius eam deduceret, & sibi haberet, Titius potest uti Falcidia adversus sequentem fideicommissarium, l. 1. §. 1. h. i. Hoc non est contrarium superiori regulae, quia, ut respondeam, hoc facit liberalitas heredis, qui Falc. quam omisit donare voluit priori fideic. non posteriori. Itaque sit nobis semper illa sententia, ut murus aeneus. Et hac, quae dixi pertinet ad hanc partem §. qui fideicommissariam hereditatem, usque huc ad trinitatem, persequar reliqua. Intelleximus heredem rogatum restituere hereditatem Titio, qui eam alii restituere rogatus est, postulare Titio, si heres suspectam hereditatem dicat, profiteatur sibi non expedire eam hereditatem adire, compelli posse per praetorem, ut adeat, & restituat. Compelli igitur potest a priore fideicom. Hoc non est usquequaque verum, ut eleganter docet: Nam hoc verum est quidem, si aliqua portio hereditatis ex fideicommissum apud Titium remansura sit, ut si non sit rogatus alii restituere totum, sed partem: quia portio hereditatis apud eum est remansura, ei jus est cogendi heredem, ut adeat & restituat, ne eam portionem hereditatis amittat: nemo cogit adire heredem propter legatum, ut valeat testamentum: nemo cogit adire heredem propter fideicommissum pecuniarium, nec propter ullum aliud emolumentum: imo nec propter libertatem, ne pereat libertas, sed propter hereditatem tantum fideicommissariam, aut partem hereditatis. Igitur si Titius prior fideicommissarius rogetur alius restituere totam statim, vel post tempus, cum fructibus. Sane quia nihil ejus interest, non potest cogere heredem adire: imo & si Titius rogetur alii restituere post tempus hereditatem totam sine fructibus, quia apud illum nulla est remansura portio hereditatis, cum totum restituere rogatus sit, non potest compellere heredem ad adeundam hereditatem propter commodum fructuum medii temporis, quia nec propter legatum, nec propter libertatem, sed propter partem hereditatis solam, quod est aliud certissimum principium juris, atque adeo propter partem hereditatis solam, ut nec is, cui relicta est per fideicommissum, possit heredem cogere adire nisi pars aliqua hereditatis apud eum sit remansura. Quod confirmatur etiam l. si res, §. ult. & l. leg. hoc tit. Ceterum, quo casu prior fideicommissarius non potest cogere heredem adire, si recuset fideicommissum, certissimum est, sequentem fideicommissarium, apud quem fideicommissum est remansurum recta via, ac si non esset medius alius fideicommissarius, posse compellere heredem adire, & sibi restituere, l. cogi,

A §. ult. hoc tit. Et hac pertinent ad illa verba, secundum quae usque ad hac verba, sibi restituat. Et his proxime subiungitur quaestio hac: an heres cogi possit adire, si fideicommissarius non alii sed ipsimet heredi, rogatus sit restituere sub conditione aliqua? Et respondetur, cogi posse, quia heres qui coactus adivit, perdit quartam, & hac quarta, quam perdidit, remanet apud fideicommissarium, nec venit in restitutionem fideicommissi relictis eidem heredi. Igitur propter eam portionem audiendus est fideicommissarius, si postulet decretum, quo heres cogitur adire. Plus tentat Papin. nec heredem fideicommissarium teneri ex causa fideicommissi, hoc est, fideicommissarium retinere posse totum, quod recepit, quia scilicet qui coactus adit, non tantum perdit quartam, sed etiam fideicommissum ejusdem hereditatis: merito, quia ab initio sprexit & dereliquit. Denique eo est indignus. Et ait Pap. hoc non esse omittendum translativum, id est, *transpositum* sive saluatim, hoc est, hoc non esse diffimulandum, quoniam est verissimum, fideicommissum hereditatis ejusdem non deberi heredi compulso eam adire. Sane verissimum est, si post conditionem fideicommissi coactus adierit, non si pendente conditione: etiam si cogi possit adire, si suspectam dicit etiam pendente conditione fideicommissi prioris, l. 1. §. ult. l. 13. l. si qui priore, hoc tit. tamen interim locus est penitentie, ut & Falcidiam, & fideicommissum fidei servare possit, puta res est integra, cum nondum restituerit, adire quidem cogitur ante conditionem, qui suspectam dicit, sed ei non restituendum, lex quod, §. qui nunc compulsi, hoc tit. quae negat penitentiam admitti Falcidiae servandae causa, non est accipienda de eo, qui ante conditionem adivit, sed de eo, qui adivit post conditionem. Conclusio igitur hac sit: heredem, qui coactus adivit, non tantum quartam amittere, sed etiam fideicommissum ejusdem hereditatis, quod ei testator reliquit a fideicommissario. Dicit Papinianus ad hanc conclusionem: se non ignorare, non amittere petitionem fideicommissi, sed se eo non moveri, non ignorare, inquit, posse dici. Sed suppleamus, & non moveor eo. Qua ratio? quia etiam si non esset heres institutus, id fideicommissum haberet. Denique id fideicommissum non capit, ut heres, cum possit etiam relinquere non instituto vel exheredato, & qui coactus adierit, ea tantum amittit, quae habiturus esset si adierit, ea tantum amittit, quae habiturus erat ut heres, quia ratione non amittit iura sepulchrorum familiae defuncti, etiam si coactus adierit, & restituerit, l. quia perinde, §. 1. h. i. quia & exheredati ea iura habent, l. 6. de vel. & sumptibus. non auferunt etiam heredi coacto mortis causa capio, l. qui heredi, §. cum heres, de cond. & demonstr. qui eam capit, ut quilibet, non ut heres, & ex alienis bonis, non ex bonis defuncti, cujus iudicium dereliquit, aut dereliquisset, nisi coactus fuisset: non auferuntur etiam heredi coacto fructus ex bonis percepti ante mortem, l. ita tamen, §. 1. h. i. quia nec hereditati accepti feruntur, sed rebus ipsis, l. in fideicommissi, hoc tit. His exemplis posset dicere, etiam non auferri fideicommissum hereditatis, quibus tamen nihil movetur Papin. Et concludit, aequum esse, ut heres, qui compulsus adit, amittat fideicommissum, quod est ex hereditate, quam dereliquit, ad quam non potuit, nisi per praetorem impelli: eidem etiam auferitur praelegatum. His non est contraria l. filio, de leg. 1. quia is coactus non adit, sed abstinit se, cum nolit suo periculo adire, qui coactus adit, adit alieno periculo, & ob id caret commodis omnibus, & auferuntur eidem commodum substitutionis pupillaris, si modo ad bona pupilli per substitutionem sit vocatus, quasi heres patris hoc modo: quisquis mihi heres erit, idem filio meo heres esto, quia hac formula vocatur ut heres, & his omnibus caret, ad quae vocatur ut heres, qui compulsus adit. Et similiter auferuntur ei jus acrendendi, quod obvenit etiam ut coheredi, l. tamen, & l. si res, §. ult. h. i. Et generaliter qui compulsus adit, amittit omnia quae sunt ex hereditate quam dereliquit, & ea etiam quae sunt ex aliena hereditate pura pupilli, quae non erat habiturus, si heres institutus non fuisset. Et hoc est, quod in reliqua parte continetur.

tur. Illud tamen notandum, manifeste esse depravatam hunc locum, eis qui iura, dicendum, eos, quos iura sepulchrorum sequuntur, ut in *lis qui, famul. ercise*. Hæsterno die ultimam quæst. §. qui fideicommissæ debui concipere in hunc modum, an heres cogi possit adire, si sit, cui sub conditione rogatus est restituere hereditatem, non alii, sed ipsimet heredi eandem restituere rogatus sit? Et ita velim vos emendare, ut scil. quod subijcitur de herede, qui coactus adiit post impletam conditionem, vel pendente, referatur ad conditionem adscriptam priori fideicommissio, & ita omnia erunt facillima. Et quod dixi illo loco, nec ignoro posse dici, videri legendum, quos iura sepulchrorum sequuntur: Videamus, an nulla facta mutatione interpretari possimus, insequuntur, hoc est, dicunt seu pergunt dicere, ut apud M. Catonem insequenda, id est, dicenda & oratione persequenda, notavit Gellius. Idemque Gellius & Festus in quodam loco Ennii, ex initio Odyssei Junii Andronici, virum mihi Camæna insequæ vestitum, id est, dicit, quod ita Homerus *æd pro po. brenæ*, &c. Sed nimis elegans forte illa versio Andronici. An igitur hoc loco, qui iura sepulchrorum adipisci insequuntur, hoc est, qui etiam compulsi adierint & restituerint, iura sepulchrorum sibi adipisci persequuntur, pergunt, pertendunt dicere, ut scil. qui hoc dicunt atque pertendunt, possint etiam dicere, hæc sane mihi interpretatio placet valde. Nunc ad §. pen. huius l. accedamus.

Ad §. Cui Titiana.

Cui Titiana hereditas ex Trebelliano Senatufconsulto restituta est, Mævianam hereditatem, quam Titius defunctus ex Trebelliano Sempronio restituere debuit, & ipse restituere poterit sicut alius quilibet successor.

Nondum est, non tantum heredem rogatum restituere hereditatem, obligari fideicommissio, sed etiam heredem legitimum: nam & a legitimo heredem fideicommissum hereditatis relinqui potest: & non tantum heredem, sed etiam bonorum possesorem; & alium quemlibet successorem, l. i. §. bonorum, l. recusare, §. i. hoc tit. Et non tantum heredem, qui rogatus est, obligari, sed etiam heredis heredem, aut bonorum possesorem, aut alium successorem hereditatis, ut scil. hereditatem, quam primus heres adivit, restituat fideicommissario, & transferat actiones ex Scto Trebell. l. quamvis, §. i. Et si ejus pupilli, §. si quis, hoc tit. Ergo heres heredis rogati restituere hereditatem, potest restituere eam hereditatem, & vero debet, si modo primus heres eam adierit. Hoc necessario addendum est, ne sit contraria lex 13. §. i. in fin. hoc tit. Nam si primus heres eam non adierit, non transmittitur ad heredem ejus. Ergo ut heres heredis obligetur fideicommissio hereditatis, necesse est, ut primus heres eam adierit, nec dum restituerit: Nam restituit heres heredis. Plus dico ex hoc §. pen. etiam fideicommissarium, cui heres restituit hereditatem, debere & posse restituere fideicommissum hereditatis, quod defunctus debuit, & heres ejus. Finge: (hæc est species hujus §.) Titius a Mævio heres institutus est, & rogatus eam hereditatem Mævianam Sempronio restituere. Idem Titius Cajum sibi heredem instituit, rogavitque, ut hereditatem suam, in qua erat Mæviana, restitueret Claudio. Cajus Claudio ex causa fideicommissi Sempronii obligatur, ut ei restituat hereditatem Mævianam, quam Titius restituere debuit, & heres ejus: atque ita fideicommissio hereditatis, quod defunctus debuit, obligatur non tantum heredes, sed etiam heres heredis, & alius quilibet successor: imo & is, cui heres bona defuncti restituit ex Scto Trebell. Et hoc tantum est, quod ait in §. cui Titiana.

Ad §. Ult.

§. ult. Actiones temporariae Trebellianæ solent esse evictæ hereditate ab eo, qui posteaquam fideicommissum restituit hereditatem victus est, scilicet ante restitutionem hæc cum eo contestata. Potestas enim evictionis tollit in-

A tellectum restitutionis, indobito fideicommissio confisquo e plane si fideicommissum ab eo quoque, qui postea evictus, restitutum est, quia possessor in ratione reddenda hereditatis partem quam fideicommissario restituit, heredi reputat, defendi potest actiones Trebellianæ daturæ.

Hic §. ultimus vulgo pessime accipitur, qui melius tamen accipierat dignissimus, & delenda est Glossa magna ad eum §. omnino: in eo ostenditur aliquando ab herede ad fideicommissarium, qui restituta est hereditas ex Scto Trebell. actiones quidem transire, sed non durare apud eum, & esse temporarias, hoc est, ad tempus apud eum remanere. Post tempus haberi pro non translatis in fideicommissarium. In hac specie, quæ proponitur in hoc §. ult. Cum herede scripto & rogato restituere hereditatem, antequam restitueret Titius,

B quasi legitimus heres ab intestato, egit petitione hereditatis, & litem contestatus est dicens, nullum esse testamentum, in quo possessor hereditatis heres scriptus fuerat, scil. pendente eo judicio, necdum finitus, heres fideicommissario restituit hereditatem. Post Titius vicit heredem scriptum, & hereditatem evicit, quia probavit, injustum aut irritum esse testamentum, in quo is, a quo petit hereditatem, heres scriptus erat: ex quo apparuit, etiam indebitum fideicommissum fuisse: nam res judicata contra heredem scriptum, & contra testamentum etiam legatariis & fideicommissariis nocet, l. 3. de pignor. & hypoth. Et inde sequitur, non esse cum effecta restitutam hereditatem fideicommissario, id est, restitutionem pro non facta haberi, non esse in fideicommissarium cum effectu translatis actiones, non durare actiones apud eum, cum indebitum fideicommissum restituatur evicta hereditate ab herede legitimo jure intestati. Postui ante restitutionem fideicommissi, cum herede scripto litem de hereditate fuisse contestatam, cum adhuc eam possidebat. Et hac ratione constat res ipsas, quas ex hereditate possidebat, tempore litis contestatæ venire in iudicium & in condemnationem: post restitutionem hereditatis non potuit cum eo agi petitione hereditatis in solidum, quia non possidebat solidum: si deduxit Falcidiam, potuit agi pro quadrante tantum: si non deduxit non potuit cum eo agi petitione hereditatis. Hac actio datur in possesorem, & pro modo ejus quod possideret pro herede aut pro possessore, non potuit agi cum fideicommissario utili petitione hereditatis, quia loco heredis est, id est, quia quasi pro herede possidet, l. etiam §. idem erit dicendum, & §. seq. litem veniens, §. licet, de petis. hered. l. 1. de inoffic. testam. Non potuit, inquam, post restitutionem agi cum herede qui restituit, nisi dolo fecerit, sciens, in qua causa esset testamentum, restituendo hereditatem, hoc est, sciens injustum esse testamentum: irritum, aut ruptum, quia dolo pro possessione est, d. l. 13. §. ult. Si nihil dolo fecerit restituendo, omnino tenetur petitione hereditatis in solidum, nisi in hoc tantum quasi juris possessor, siue actionis, ut cedat petitori conditionem indebiti adversus fideicommissarium, quia indebitum fideicommissum est, l. quod si in diem, §. pen. & ult. de per. hered. Hæc fuit certissima. Et contra posset quis obijcere, l. facta, §. si heres, hoc tit. & ex eo §. efficere etiam post restitutionem hereditatis heredem scriptum teneri petitione hereditatis

D in solidum. Nam ille §. ponit, heredem restituisse hereditatem primum; deinde post restitutionem contrariam hereditatis passum esse, puta heredem legitimum petente hereditatem; ex causa iniusti testamenti victum esse, aut ultro lite cessisse. Quo casu etiam ait ille §. durare actiones in fideicommissarium semel in eum translatas. Nemo est, quem non perturbet prima fronte plurimum ille §. & perturbet etiam semper, nisi accipitur in suo & conveniente casu. Unde ita constituamus; quod est in eo §. suis quibusdam casibus propriis & convenientibus, verum est, puta si heres dolo fecerit. Dolo facit duobus modis. Primum, si post restitutionem hereditatis, se offerat petitioni hereditatis, quasi possessor, cum non sit possessor. Dolo facit, qui se offert petitioni,

non

non possessor, & tenetur in solidum, *l. etiam, §. non solum, C. l. qui se huius obtulit, de pot. hered.* Dolo etiam facit heres, ut diximus, qui sciens causam testamenti, in utilitatem testamenti, restituit hereditatem: nam & dolo præteritus venit in petitionem hereditatis, *d. l. 13. §. ult. C. l. sed et si leg. §. quod ait, eod. tit. l. in autem, §. sed C. l. de rei vind.* Ex his causis ob dolum suum si victus sit heres, aut lite cesserit, præstabit satisfactionem litis, hoc est pretium hereditatis: neque enim res ipse veniunt in petitionem hereditatis ex his causis. Ergo actiones remanent apud fideicommissarium. *¶* Contrario ex hoc §. ultimo notandus est unus casus valde elegans, quo si heres, cum quo actum est petitione hereditatis, ab herede legitimo ante restitutionem, ut est species ejus §. victus sit, post restitutionem durare tamen actiones in personam fideicommissarii, ut puta, si fideicommissum hereditatis non tantum sit relictum ab herede scripto, sed etiam ab herede legitimo, ab eo, qui evicit hereditatem, non tantum extestamento, sed etiam ab intestato, puta his verbis: *quisquis mihi testator, vel ab intestato heres erit, rogo ut illi restituas illam hereditatem, ut l. Titia, de inoffic. testam.* Nam hoc casu victus possessor hereditatis, qui testamento scriptus erat, quoque tempore litis contestatæ possidebat hereditatem, heredi legitimo, qui egit petitione hereditatis, & vicit, reputabit partem hereditatis, quam restituit fideicommissario pendente iudicio, puta dodrantem, quem & ipse heres legitimus cogetur ei restituere, & ei restituet tantum quadrantem, si retinuerit Falcidiam, atque ita actiones Trebell. perdurant apud fideicommissarium. Quæ est sententia hujus §. ultimi. Hic est finis libri 20. nam quæ super sunt leges, sunt rejiciendæ in lib. 27.

JACOBI CUJACII J.C.

COMMENTARIUS

In Lib. XXI. Quaestionum ÆMILII PAPINIANI.

Ad L. XXXIV. de Statuliberis.

Servus, si heredi decem dederit, liber esse jussus est: statuliberum heres cum manumiserit, ac postea defunctus est: heredis heredi pecunia danda non est: quod enim placuit heredis heredi dari oportere, tunc meminere locum habere, cum prior heres domipus accepturus pecuniam fuit, quæ causa facit ambulatoriam, ut ita dixerim, conditionem. Dux sunt enim causæ, per quas in primi heredis persona conditio impletur, domini ratio, item persona demonstratio. Prior causa transiit in omnem successorem, ad quem pervenerit statuliber per domini translati continuationem: sequens persona dimittatur ejus, qui demonstratus est, adheret.

EX Lib. XXI. quæst. tantum habemus l. 14. de statuliber. & in ea quæstiones duas, de prima primum dicamus. Statuliber est, cui directo data est libertas sub conditione. *(si heredi decem dederit)* hæc conditio impleri potest non tantum in persona heredis, sed etiam ejus, qui heredis heres extiterit: imo vero, si impleta non sit in persona heredis, debet impleri in persona ejus, qui heredi heres extitit, ut competat libertas, alioquin non competet, quia pecunia, quæ est in conditione, in solutione est, in præstatione est, non in obligatione, non in petitione, *l. 8. si quis omis. caus. test.* Nam auferet eam statuliber, si velit, si nolit, non compelleretur. Hoc est, quod dico, eam pecuniam esse in præstatione, non in petitione: sed necesse est, ut competat libertas, eam pecuniam præstare, hoc est, conditionem libertatis impleri, quæ impletur, & hoc modo amplificatur, non tantum in persona heredis, sed etiam in persona ejus, qui heredi heres extiterit: & generaliter in persona ejus, qui heredi quomodocumque in dominio statuliberi successerit, ut in persona emptoris, cui heres vendiderit: statuliberum, & in persona hereditatis emptoris, & in persona legata-

Arii, cui heres statuliberum legaverit. Et similiter, in persona donatarii, & in persona patris, vel domini heredis instituti, ad quem redit emolumentum hereditatis, & in persona ejus, cui statuliber noxæ deditus fuerit, ab herede, in persona ejus, cui statuliber adjudicatus fuerit iudicio familie circundæ, & in persona ejus, qui statuliberum usufruxerit. Et generaliter, in persona non heredis tantum, sed etiam in persona cujuscumque novi domini, qui sit l. 12. tabul. l. 6. non solum, & l. peculium, §. heredi, l. statuliber a ceteris, §. ult. h. t. l. si servus, §. ult. de furt. Et notandum, hæc in re esse differentiam inter legatum & libertatem, inter legatarium & statuliberum: Nam si legatarius jussus sit dare heredi hoc modo, *lego tibi fundum si heredi decem dederis*, non implet conditionem dando heredi heredis. Servus autem, si jussus sit esse liber sub conditione, *si heredi dederit decem*, sit liber & implet conditionem dando heredi heredis. Et hæc est differentia, quæ proponitur inter legatum & libertatem in l. sub diversis, §. ult. de condit. & demonstr. in cuius sensu exquirendo nihil habent vulgo certi, quod tradant interpretes: ille §. eos in multis adduxit angustias, nec sciunt, cui potius sensui hæere debeant. Hodie satis esset dicere, quis sit certissimus sensus hujus §. Alii volunt hunc esse sensum, ut si legatarius jussus sit dare decem heredi, & statim legatum capere dare decem heredi, non possit heres deinde implere conditionem, quia deficit semel conditio mortuo legatario ante numeratam pecuniam, quandoquidem ea conditio fuit iuncta personæ legatarii, ut ipse dans alii ita perveniat ad legatum. Et sane hoc est verissimum, sed longe alienum a sententia §. Alii volunt, hunc esse sensum §. hujus: si servo data sit libertas sub conditione, *si legatario dederit decem*, eum non posse dando heredi legatarii implere conditionem, & pervenire ad libertatem sub ea conditione relictam. Quod etiam sit aliqua ex parte verum, tamen non congruit menti auctoris in d. §. ult. & non est usquequaque verum: Nam si ita dixerit, *liber esto, si illi legatario centum dederit*, & ei legatario sit legata alia res, non ipse servus, non potest impleri conditio, nisi in persona ipsius legatarii, quia omnimodo coheret personæ legatarii, cum non fiat dominus servi per legatum: videtur aliter, si cui servus sit legatus, & eidem servo relicta libertas, si legatario dederit decem, qui implet conditionem dando heredi legatarii, sicut dando heredi heredis similiter implet conditionem, & dando heredi emptoris ex l. 6. non solum, h. t. Et ita si statuliber jussus sit extraneo dare, qui non fiat dominus servi, non potest dari heredi extranei, nisi servi dominium extraneus adquisierit, ut si ab herede servum redeemerit, vel si heredi heres extiterit, quod exigitur prudentissime in l. 6. §. nam & si quis, & l. si is cui dare, h. t. Conditio statulibertatis a domino transfertur in non dominum, a non domino non transfertur in alium, sed personæ omnino coheret conditio, quæ adscripta est non domino; heredi quoque, si sit adscripta, id est, si servus sit jussus heredi dare decem, & liber esse, heredis personæ coheret conditio, quæ demonstrata est, sed non tam, ut heredi, quam ut domino; & quatenus heredi, non transit in heredem heredis, quatenus domino transit in heredem heredis, si modo, & in eum dominum servi non transierit: conditio transit in eum, in quem dominum statuliberi transit, non in heredem heredis: atque ita semper a domino hæc conditio ambulat ad dominum, non a domino ad dominum, nec retro a non domino ad alium quemquam. Et ita quod illi statuit, statuliberum jussum dare legatario, non posse dare heredi legatarii, non est omnino verum: & ut sit verum, longe diffidet a mente jurisconsulti, quæ potius hæc fuit, ut notant quidam, non quasi hic esset certus sensus, sed hæsitantes, cum tamen res sit præclarissima, ut mox ostendam. Observandum est eam leg. sub diversis esse ex lib. different. Modest. Et in ea lege poni duas differentias inter legatum & libertatem. Prior hæc est, ut si data sit libertas sub diversis conditionibus disjunctim, *liber esto, si heredi decem dederis, vel si navis ex Asia venerit*, aut simili libertas, inquam, sic data, modo

do sint conditiones in potestate statuliberi, competet, si vel leviore conditionem impleverit: nam eligere potest eam, quæ ei levior videtur: favor libertatis hoc extorsit: sed si legatum pecuniæ, vel rei sit relictum sub diversis conditionibus disjunctim, legatarius non eligit leviorem conditionem, sed necesse habebit parere novissimæ. Posterior differentia hæc est, ut data libertas sub conditione, si heredi decem dederit, competat, si dederit heredi heredis. Sed datum legatum sub conditione, si heredi decem dederit, non pertinet ad legatarium, si dederit heredi heredis: Nec enim ea conditio potest impleri in persona heredis heredis, sicut nec in persona patris, vel domini heredis: legatarius vifus est heredi dare, cum non dedit, *l. qui heredi, §. 1. de cond. & demonstr.* & tamen statuliber pervenit ad libertatem, si patri dederit heredis vel domini, *d. §. non solum*. Hæc est summa *d. §. ult.* Nec ei quicquam obstat lex si peculium, §. heredi, hoc tit. nihil est, quod tam facile sit: nam ait, si hoc senseris testator, etiam legatarius danda heredi heredis capiet legatum. Fateor, si hoc senserit testator, & si hoc probavit legatarius sensisse testatorem: alioquin non capiet legatum, nisi primo heredi dederit, cuius personæ adscripta est conditio legati. Et in eo, heredi, etiam certant interpretes de vero sensu, qui tamen apertus est, & idem §. ult. ita est propositus a Græcis 48. Basil. quem librum transtulit Hervetus. Sed recte quidem secundum hunc sensum in ipso contextu Basilidum ait, capere legatum eum, qui dat heredi heredis, si hoc senserit testator, sicut libertatem caput indistincte. Sed in eo præterea, hoc est, latiori interpretatione ille perperam eum transtulit, & emendandus est ita: si hoc autem sensu testator ad heredem heredis transevit conditionem, idem etiam observari in legatario, ut heredi heredi danda impleat conditionem: quia scilicet hoc sensu testator: alioquin non transeat conditio legati in heredem heredis, & transeat tamen conditio libertatis. Nunc redeamus ad speciem legis nostræ. Data est libertas sub conditione, si heredi decem dederit, heres statuliberum manumissit, & postea defunctus est. Queritur, an heredi heredis danda sit pecunia conditionis implenda gratia? Ex ait Papinianus, non esse dandam, quod est verissimum, quia is servus intelligitur statim liber ex testamento, utrum atque eum heres manumissit ultro. Et hac ratione intelligitur esse libertus Orcius, non libertus heredis manumissoris, quia heres manumittendo non potuit causam statuliberi facere deteriore, *l. prox. hoc tit. supra*. Atque tibi sibi facere liberum eum, qui nullius futurus erat libertus, nisi Orci. Denique manumissione extinguitur conditio statulibertatis, quia heredi, qui manumissit, danda non est pecunia, nec heredi heredis, sed ei, qui manumissit. Obieciæ, quod dicitur, heredi heredis dari oportere pecuniam in conditione positam, ut competat libertas, quod & ante nos affirmavimus. Huic objectioni Papinianus respondet, hoc esse verum scilicet, ut heredi heredis dari oporteat, cum primo heredi danda pecunia fuit, quæ causa facit, ut ambulet conditio ab herede ad heredem heredis, vel alium quemlibet successorem. At hæc causa hic cessat, quia heredi, qui manumissit, pecunia non fuit danda. Ergo nec heredi heredis danda est. Et omnino, ut concludit Papinianus, duæ sunt causæ, propter quas conditio impletur in persona primi heredis, quia dominus est, & hæc transit in quemlibet successorem: & quia eius persona demonstrata est, cui, daretur pecunia: & hæc causa personam ejus non egreditur, nec transfunditur ad successorem. Quæ causa cum sola superfit, hoc casu, quandoquidem manumissione heres defuit esse dominus, consequens est, non posse dari pecuniam heredi heredis, vel alii successori. In contextu autem illo loco, tunc meminervis, in authentico Flor. est, nec meminervis, legendum, hoc meminervis.


Ad §. Imperator.

Imperator Antoninus rescriptis, iussum rationes reddere, & liberum esse, si heres causabatur accipere rationes, nihilominus liberum fore. Quod rescriptum ita accipi debet, Tom. IV.

A ut si reliqua non trahat, liber sit: quod si trahat, ita domum, si obulit eam quantitatem, qua resandi debuit ex fide veritatis: Non enim libertati sufficit, heredem in mora fuisse, si non id fiat per statuliberum, quod remota mora, libertati aditum daret. Quid enim, si ita manumissum, Dama, si in Hispaniam profectus anno proximo fructus coegerit, liber esto, Roma retineat heres, neque profecti patiatur? nunquid distulsi sumus, statim ante fructus coactos liberum fore? nam & cum Romæ stipulatio concipitur ita, centum in Hispania dare spondes: inesse tempus stipulationi, qua possit in Hispaniam pervenire, nec ante iure agi placuit. Sed si heres acceptus rationibus, & reliquis computatis donare se eas statulibero non habenti, quod inserat, proferbat, aut etiam litteris ad eum missis palam faciat, conditio libertatis impleta videbitur. Quid ergo, si neget se reliqua traxisse, atque ideo, quia per heredem steterit, ut accipiat rationes, liberum factum heres autem neque se fecisse moram, & reliqua debere statuliberum contendat? apud eum, qui de libertate cognoscit, an conditio sit impleta, constabit: cuius officio continetur de mora considerare, nec minus computare rationes, & si reliqua trahi comperit, non esse liberum pronuntiare. Sed si nunquam negavit, se reliqua debere: cum autem conveniret heredem, & rationes offerre profectus sit, resussum, quidquid in reliquis esse consulerit, & ejus pecunia verum numerate paratum idoneum obulit, & heres in mora fuit, sententia pro libertate dicitur.

Secunda questio est facillima: libertas relicta est servo dispensatori, aut villico sub hac conditione, si rationes actus sui heredi reddiderit. Reddere rationes, non est tantum dispungere rationes, legere aut percontari, sed etiam reddere reliqua, *l. cum servus, de condit. & demonstr.* Quod in hoc titulo multi admodum loci demonstrant: inter ceteros est unus in *l. 12. hoc tit.* vexatus ab Accursio, qui nec quicquam profectus ob non intellectam speciem, vel non bene positam. Species hæc est: scripti quinque, aut sex heredes, & servo de illi libertatem sub conditione, si reddiderit rationes primo, secundo, tertio, Titio, Caio, Sempronio, scilicet nominibus expressis, aliorum quidem nominibus prætermisiss. Queritur, si quid sit in reliquis, si yades arretages, an ea reliqua sint dividenda inter omnes heredes pro hereditariis portionibus? Videntur tantum pertinere ad eos, qui nominati sunt pro virilibus portionibus, quia enumeratio personarum viriles semper partes facit, *l. nonnumquam, ad Treb. l. si heredes, in §. de leg. 1.* Sed Jurisconsultus ait, reliqua esse solvenda omnibus pro hereditariis portionibus. Cur ita? nempe, quia hæc proculdubio fuit mens defuncti, ut illi tres heredes, quos nominavit, percontarentur, & dispungerent rationes, & computarent reliqua, quibus vixissent les comptes, non etiam ut illi soli ferrent reliqua: nam mixta est hæc conditio, *d. l. cum servus*, & una pars conditionis pertinet tantum ad eos, quorum nomina sunt expressa, altera pars ad omnes. Finge igitur: statuliber iussus est reddere rationes: heres causatur accipere rationes, hoc est, moras trahit & differt, quia per heredem stat, quo minus impleatur, conditio habetur pro impleta, & servus statim fit liber. Et ita cautum esse ait rescripto Antonini, quod tamen ita rectissime interpretatur Papinianus, ut servus statim liber fiat, ob moram heredis in accipiendis rationibus, si modo servus reliqua non trahat, id est, si nihil in reliquis sit, vel si quæ sunt offerat, aut eorum nomine expromissorem idoneum & locupletem: alioquin, si fiat reliqua, nec ea offerat, non fiet liber, antequam ea solvæit, aut eo nomine satisfecerit heredi: nec enim sufficit mora heredis, sed oportet etiam reliqua offerri, sicut si iussus sit statuliber heredi præstare decem dierum operas, & nolit heres accipere, nolit eas sibi edere operas, non fiet liber antequam dies illi præterierint, qui insunt conditioni: vel etiam, si iussus sit Capuam ire, & heres prohibuerit ire, retinuerit eum domi, non ante fiet liber, quam tempus præterierit, quod conditioni tacite inest, quo scilicet. Capuam pervenire potuit, *l. si peculium, §. quadam, hoc tit. l. interdam,*

verum, de verb. obligat. l. quoties, de oper. libert. vel ut ponit Papinian. si talis conditio fuerit adscripta statulibero, si in Elipani am profectus. anno proximo ex agris meis fructus coegerit: Non ante fiet liber, quamquam exiterit tempus fructuum cogendorum. Et ita in specie proposita, etiam si causetur heres rationem accipere, id est, si moreretur, non ante fiet liber, quam reliqua solverit, vel obtulerit: quia conditioni reddendarum rationum hæc causa semper inest, ut par fiat ratio, par calculus, ut reliqua solvantur: nihil autem refert reliqua obtulerit statuliber, an heres ei donaverit. Quid est donaverit? donasse videtur heres reliqua, hoc est, remisisse, si acceptis rationibus & computatis reliquis, scripserit sua manu, se ei reliqua condonare & remittere, ut solebant semper a dominis rationes subribi, reliquationes, variationes: l. Aufidius, de legat. 3. l. ult. §. idem quasit, de cond. indeb. Donasse etiam videtur, si per epistolam statulibero significaverit, se ei reliqua condonare: Hæc enim scriptura, siue subscriptio, vel hæc epistola habetur pro pactione, si ei modo assentiatur statuliber, si ei sit grata liberalitas heredis, l. qui negoria, mand. l. 1. §. de fund. don. Ex his causis statim eripitur in libertatem. Quod si incidat controversia aliqua inter heredem & statulibrum, si heres dicat esse reliqua, neget statuliber: si heres neget se moram fecisse, dicat statuliber, causam dirimet Prætor, qui de liberalibus causis cognoscit & statuet, vel eum liberum fuisse, vel non fuisse.



JACOBI CUJACII J. C.

COMMENTARIUS

In lib. XXII. Quaestionum ÆMILII PAPINIANI.

Ad L. Si legatario XXII. de Fideicomm. libert.

Si legatario fundi decem pretii nomine relicta sint in hoc, ut servum suum manumittat: quavis fundi legatum agnovit, si tamen legatum pecunie propter interventum Falcidia non agnoverit, cogendus est, & pecuniam accipere habita lege Falcidia ratione, & servo fideicommissariam libertatem prestare, cum semel fundi legatum agnovit.

EX Lib. XXII. quæst. quatuor sunt tantum II. quarum primam jam exposui ad l. 10. & 13. de iure codicill. lib. 19. Igitur incipiam ab ea quæ est lex si legatario 22. de fideicommiss. libert. In qua nihil est difficultus, quam aptam & convenientem ponere speciem, quod nescio, an nostri præstiterint, & ubique meo quidem iudicio, summa res est speciei positio: nam qui speciem tenet, reliqua facile comprehendit. Finge verò quidam legavit mihi fundum, legavit quoque mihi decem pro pretio servi mei, ut cum manumitterem: pretium servi mei erat decem: ego legatum fundi agnovi, legatum pecunie non agnovi: videor potuisse unum legatum repudiare, alterum amplecti, quia non unum legatum, sed duo legata sunt, legatum fundi, & legatum pecunie: unum legatum scindi non potest, id est, nec res, quæ legata est, discindi & deintegrari potest: nec actio legati, l. cum filius, §. variis, de legat. 2. nisi scilicet propter fideicommissarios, ut didicimus lib. 20. & ex l. Imperator, eod. tit. Si duo sunt legata, possum unum velle, alterum nolle. Quid ni? l. 5. eod. r. sed excipitur unus casus, qui comprobatur in d. l. 5. tum in hac l. si legatario, videlicet si unum legatum onus habeat, & hoc nolum: alterum onus non habeat, & hoc velim, ut in specie proposita, legatum pecunie; cui iunctum erat onus manumittendi servi non agnovi, legatum fundi, cui nullum erat onus, agnovi: quia enim legatum fundi agnovi, cogor etiam legatum pecunie agnoscere cum suo onere, ne interdicat fideicommissaria libertas relicta servo meo, repudiata pecunia: nisi forte (qua de re Prætor decerneret) servus ille

A meus sit de me male meritis, l. 4. de bon. libert. Nam si temperem me legato relicto sub onere manumittendi servi mei, si abstineam me legato, iniquum est, me cogi non accepto legato, servum de me male meritis manumittere, & hoc impetrato beneficio prætoris, d. l. 4. Notandum est in specie proposita, quod non explicatur ab interpretibus, ideo me non agnovisse legatum pecunie, quod sufficiebat pretio servi manumittendi, quia, ut declarat Papin. locus erat legi Falcidia, & deminuta pecunia per legem Falcidiam, dodrans non sufficiebat pretio servi. Itaque mallem servum retinere, & dodrantem repudiare ob interventum Falcidia, ut ait, sed non sum audiendus, quia agnovi legatum fundi, quod tamen æque minuitur lege Falc. quia, inquam, agnovi legatum fundi, cogor etiam agnoscere dedrantem pecunie, & servum manumittere, quamvis servus pluris sit, quam dodrans pecunie: agnoscendo legatum, quod est, sine onere, huic me oneri subiecti. Et sane mens testatoris hæc fuisse videtur, ut non subterfugeret opus, qui lucrum amplecteretur, ut non sperneret onerosum legatum, qui lucrum amplecteretur, ut non sentiret incommodum nisi alicuius delegationis gratia. Et hæc est mera ratio legis, nec quicquam difficultatis superest. Eadem ratio intervenit in specie d. l. 3. de leg. 2. Quidam legavit mihi pecuniam, legavit quoque Stichum, ut manumitterem: si agnovero legatum, quod est sine onere, cogor etiam agnoscere Stichum, & fideicommissariam ei præstare libertatem, quæ etiam libertas, ne interdicat ad interventum Falcidia, communicato Stichum inter me & heredem, Falcidia non deducetur ex Stichum, sed integra præstabitur pecunia, integer Stichum manumittendi causa, ex pecunia autem utriusque legati quarta deducetur, d. l. 5.

Ad §. penult. & ult.

§. 1. A duobus heredibus, qui tres servos habebat, petiit, ut duos ex his, quos voluissent, manumittant: altero herede latitante, alter declaravit, quos velim manumittere. Potest dici, fieri liberos, ut perinde libertatis competat, ac si præsens solus manumittere potuisset. Quod si ex servis unus decesserit, fidei iusta ex causa absit heres, siue fari non possit, a quo pretium est, decernent prætor, duos, qui supersunt, fieri liberos conveniat.

§. 2. Cum his, qui fideicommissam libertatem præstare debet, iusta ex causa absit, aut latitat, aut quidam præsentis sunt, alii ex iusta causa absunt, nonnulli frustrandi gratia fideicommissi copiam sui non faciunt, aut ei, qui libertatem debuit, heres non extitit, aut suus heres hereditate se abstinuit, prætor pronuntiare debet, ex testamento L. Titii fideicommissam libertatem competere: Idque Senatusconsulto demonstratum est, quo Senatusconsulto comprehensum est, ne dubium & obscurum esset, cuius libertas heres prætorum pronuntiare debere, qui ex iusta causa, & qui detractanda libertatis gratia absit.

Sequentem §. & ult. simul explicabimus. Quidam heres tantum habebat servos, ut in frugalitate veterum, qui erant contenti tribus servis, ut de Catone scribit Valer. 4. & de Cæsare in Britannica expeditione Athenæus 6. cuius frugalitatis respectu constitutum opinor in l. 1. de op. leg. ut si cui sit relicta optio servorum, cum plures essent servi testatoris, is tantum possit tres eligere, non plures, hæc est frugalitas. Ita in specie §. huius a duobus, frugi paterfamil. qui habebat tantum servos tres, duos heredes scripsit, & eos rogavit, ut ex iis tribus servis duos, quos eligerent, manumitterent: unus ex heredibus latitavit. Quid est latitare? copiam sui non facere frustrandi fideicommissi gratia, in fraudem fideicommissaria libertatis: alter præsens est, & elegit duos servos, ac manumittit latitante coherede, an valet electio? Electio valet & libertas, & plectitur coheres, qui latitavit, quoniam manumissis præsentibus tantum sunt liberi, qui manumissis, non latitantibus. Hic perdit liberos Senatusconsulto Rubriano: pars latitantis proficit coheredi: namque is solus patronus est, perinde atque si solus rogatus

tus esset duos eligere & manumittere, *l. s. l. si cum servum §. eorum, hoc tit.* Sed notandum est, Senatusconsultum Rubrianum multare tantum jure patronatus eos, qui latitant, vel qui evocati a prætoribus venire nolunt, servi manumittendi gratia: non continetur Senatusconsulto Rubriano is, qui ex iusta causa abest, non latitandi causa; non intervendenda aut frustranda libertatis causa: non continetur etiam infans, qui rogatus est manumittere, qui nondum potest manumittere per ætatem, quia fieri non potest, neque hic defectus suppleri potest tutoris auctoritate, *l. pupillus, de manum. vind.* Ad hos, qui fieri non possunt, vel qui abfunt ex iusta causa, non pertinet Senatusconsultum Rubrianum, sed Dasumanium, de quo hoc tit. agitur, quo quidem cavetur, ut si eo, qui rogatus est servum manumittere, absente ex causa iusta, vel infante prætor pronuntiaverit servodari libertatem, liber fiat, & libertus eorum: perinde atque si ab eis fuisset manumissus ex fideicommissio: his non eripitur jus libertatis, sicut latitantibus, *l. neque, l. non tantum, §. Senatusconsulto, hoc tit.* Et ideo bene in proposita specie, si unus tantum heres rogatus sit duos ex tribus manumittere, & abest iusta ex causa, vel si infans sit, mortuo uno servo alii duo liberi fient, iure patronatus heredi conservato: mors unius declarat alios duos superfluos debere manumitti: alioquin si vivant omnes, nullus interim fiet liber, quia non est qui eligat duos, ut in priori specie, & ita declaret, quos velit manumitti, cum unus tantum heres rogatus proponitur. Idemque erit, si duo heredes sint rogati, duos ex tribus manumittere, & ambo abfint iusta ex causa, vel fieri non possint. Pendebit namque libertas, quoad unus ex servis mortem obierit: mortuo uno, alii duo fient liberi & liberi heredis, qui non latitat. Latitantis igitur dumatque pena est amissio liberti, amissio juris patronatus. Ex hoc satis declarat Papinian. in *§. pen.* Notandum etiam illud est, ex Senatusconsulto subveniri libertatibus fideicommissariis, si heres, qui debuit libertatem, sine successore decesserit ante præstitam libertatem, vel etiam si sit heres, qui debuit fideicommissariam libertatem abstinuerit: si quoniam heredem existisse satis est, ut fideicommissaria libertas debeatur: existentia heredis sui sive *advocatus*, nudum nomen heredis finire, quoniam se abstinuit, confirmat libertatem, *l. sciendum, de manum. test.* confirmat substitutionem pupillarem, *l. si filius qui parvi, de vulg. subst. l. filius, l. Julianus, in princ. de acq. hered.* & hæc est opinio vera. Imo confirmat omnia, quæ in testamento scripta sunt, *l. si post mortem, de leg. i.* nec minus potest existentia sive *advocatus*, quam aditio. Qua de causa & idem dicemus, si heres oneratus fideicommissio libertatis, qui adit postea beneficio ætatis, quod sit minor 25. annis, restitutus sit in integrum abstinendi causa: Nam his omnibus casibus servi manumissi per fideicommissum ex decreto prætoris liberi fient, *l. cum quasi §. sed & si quis, cum duobus, seq. hoc tit.* liberi fient, ut dixi his casibus. Quorum autem erunt liberti? Erit distinguendum: Si ab eo fuerit debita libertas, qui latitavit, erunt liberti Orcini, perinde ac si decreto essent manumissi ex testamento, non liberti ejus, qui rogatus est. Si autem ab eo fuerit debita libertas, qui sine successore decessit ante præstitam libertatem, credentur esse liberti ejus, perinde atque si ab eo fuisset manumissus ex fideicommissio, *d. cum quasi, §. si alter, nisi post mortem decesserit.* Hoc enim casu pro Orcinis habebuntur, *l. Ancillam, C. cod. tit.* Quod si debita fuerit libertas ab eo, qui iusta causa abest, vel ab infante, furioso & similibus personis, jam ante dixi, eos libertos fore ejus, a quo relicta est libertas, perinde atque si eos manumississet ex fideicommissio causa. Et hoc ne sit obscurum, prætor qui decernit libertatem debet: debet explicare causam, cur debeatur, non manumittente eo qui rogatus est, vel quia abest ex iusta causa, vel quia fieri non potest, vel quia latitat. Et ex eo apparebit aperte, cujus sit libertus ex decreto prætoris: decretum prætoris debet tollere dubitationem & ambiguitatem omnem.

Tom. IV.

Ad L. IV. §. Ingenuus esse dicatur.

Oratio, quæ prohibet apud consules, aut præfides provinciarum, post quinquennium a die manumissionis in ingenuitate proclamare, nullam causam aut personam excipit.

O Ratio principis solebat in senatu recitari, quæ & constitutio dicitur generali nomine, de ea re scilicet, quæ placebat principi, cujus princeps instituentem vel introducenda auctor erat, & sequebatur fere semper Senatusconsultum congruens cum oratione principis. Quæ de causa, quod hic ex oratione, ex Senatusconsulto dicitur esse in *l. i. C. de ingen. manumiss.* Quod & confirmat inscriptio *l. 3. hoc tit.* quæ est ex lib. Senatusconsultatorum, & in qua Senatusconsulti verba aliqua explicantur: sed quod Senatusconsulto huic fuerit nomen, cujusve principis oratio hæc fuerit, ignoratur. Nam illud cave credere, quod Accur. annotavit hoc loco esse orationem D. Marci, de qua in *l. i. §. sed inter eum, tit. seq.* Nam illa oratio D. Marci longe alia de re est: ea cavetur, ut pro ingenuitate dicta sententia retractari possit. Hoc erat singulare in causis liberalibus, ut possent retractari, & in causis centumviralibus. Regulariter enim sententiam semel dictam, retractare non licet. Hoc ergo erat cautum oratione D. Marci, ut sententia dicta pro ingenuitate retractari posset vivo eo, qui ingenuus pronuntiatus esset, non etiam post mortem, etiam si eo ipso anno mortem obiisset, quo scivisset, se ingenuum esse, vel ea ipsa die, aut altera, ut cepta causa retractionis morte ejus extingueretur.

C Quæ de re nihil fuit in ea oratione, de qua Papinian. agit hoc loco. Oratione, quæ de agitur hoc loco, quæ cavetur, ut manumisso, atque ita per manumissionem facto libertino, liceat agnitis natalibus originem suam repetere, hoc est, ex libertinitate in ingenuitatem proclamare, intra quinquennium tamen a die manumissionis, relictis bonis restitutisque, quæ ex domo vel familia manumissoris, vel ex rebus ejus acquisivit ut libertus: post quinquennium non potest proclamare, etiam si agnoverit, & probare liquido possit, natales suos ingenuos esse, ac proinde ingenuitati suæ manumissionem officere non debuisset, quod ostendit *l. de bonis, ff. de liber. cau. l. 3. hoc tit. l. i. de ingen. manum.* Proclamare, est asserere se ingenuitati liberali causa, non nostris auctoribus, tantum, sed aliis etiam. Senec. *l. controver. proclama ingenuum te esse*, quæ proclamatio actio quedam est, quæ proprio nomine dicitur præjudicium, seu præjudicialis actio, *l. ul. hoc tit.* Et inde locus Ciceronis de M. Gellio apud Plutar. cum M. Gellius vulgo non existimaretur esse ingenuus, sed libertinus, & tamen gereret se pro ingenuo, & in senatu recitasset literas clara & alta voce, nolite mirari, inquit Cicero: nam & unus ex his est, qui proclamant, quod ignorantia verbi juris Alexander non assequitur. Idque fatetur ingenuus, non satis hoc assequor, inquit, nisi proclamator est præco, aut filius præconis, quæ officia sordida & parum digna ingenuis habebantur. Sed imo proclamasse dicitur, qui habitus prolibertino se adseruit ingenuitati. Ex ea autem oratione, cujus hunc potes facere titulum de agnoscendis, adferendis, restituendis natalibus, ingenuus intra quinquennium a die manumissionis: hæc est recta paraphrasis hujus præjudicii, cujus initium formula est, si ingenuus esse dicitur, ex ea, inquam, oratione de ea re cognitio erat consulum in urbe & proconsulium in provinciis, ut indicat Plin. in epist. ad Trajanum de adfersione ingenuorum. Quæ de causa hoc loco Papin. ait, hanc orationem vetare manumissos post quinquennium proclamare apud consules, aut provinciarum præfides, id est, proconsules, non præfides quoscunque. Cognito hæc de re erat consulum, aut proconsulium intra quinquennium: post quinquennium cognitio erat solius principis ex magna causa, puta post quinquennium repertis instrumentis certissimis, & probationibus natalium, *l. 2. §. ult. hoc tit.* Hodie ex Constit. Justin. ex causa etiam post quinquennium

Q9 2

cogni-

cognitio erit magistratuum supradictorum, nec erit ne-
cesse adire principem, *l. ult. C. ubi causa status*. Et ad-
dit Papia in hac *l.* quod non assequuntur interpretes,
ea oratione nullam causam excipi, nullam conditionem
personarum. Quid hoc est, nullam causam? nullam per-
sonam? nullam conditionem excipi? nempe ad interpel-
landam jurisdictionem consulum vel proconsulum, qui
hac de re cognoscunt, nihil efficere privilegium, vel
casus vel personae, nihil efficere privilegium civitatis
cujusque, vel corporis, hoc est universitatis cuiusdam,
nihil efficere privilegium officii, in quo quisque est,
nihil conditionem personae, nihil sexum muliebrem, ni-
hil rusticitatem personae. Nam & libertinus universita-
tis cuiuscunque, & universitas quaecumque, hos habebit ju-
dices, nec poterit revocare forum, id est, non poterit
uti privilegio fori, *il ne demandera point d'être venu de de-
vant son juge*, ut dicitur similiter in *l. neque, §. ult. de fidei-
commissariis* ob privilegium civitatis, vel corporis, vel mu-
neris, aut officii. Nam in hac re, de qua agimus, etiam si
sit senator, vel miles, vel officialis quilibet adversus
quem sit proclamatio, vel qui proclamat, hos habebit
iudices, nec revocabit forum, siue domum. Et hanc esse
sententiam liquido demonstrat *d. l. ult. C. ubi causa status*
agitur. Ex ea *l.* quo casu olim erat cognitio solius princi-
pis hac de re post quinquennium, hodie est cognitio
magistratuum & iudicum ordinariorum, quorum etiam
est cognitio ex hac oratione intra quinquennium. Et
adicitur nominatim, cognitionem esse magistratuum,
sublata praescriptione, aut revocatione fori: etiam cla-
rissimam personam, puta senatorem subire cognitionem
consulum aut proconsulum hac de re, qui alias revo-
caverat forum, & uteretur privilegio fori sui. Notandum
ad hoc, quod ait Papinianus in hac oratione, nullam cau-
sam aut personam excipi, quasi quoties lex nihil excipit,
nec nos excipere debeamus. Hoc enim significat, quon-
iam oratio nihil excipit, ex eo conjecturam capi, quasi
sententia principis hac sit, ut nulla causa aut persona
exciperetur, sicut dicitur in vulgarissimali *de pretio, de
Public. in rem act.* ut si sit locus Publicianae actioni, non
est necesse, ut emptor, qui bona fide emit rem alienam a
non domino, & solverit pretium, quia nihil in edicto
exprimitur de pretio soluto, unde conjectura capitur quasi
hac sententia fuerit Papiniani, ut non exigeretur solu-
tio pretii: datur Publiciana ei, qui rem alienam emit
a non domino bona fide, atque adeo etiam cui ea res
tradita est bona fide accipienti, si necdum eam ufuceperit:
nam si ufuceperit, habet civilem vindicationem & di-
rectam, cum sit dominus per ufucapionem: si nondum
ufuceperit, amissa possessione habet tamen praetoriam
vindicationem, id est, Publicianam, in qua fingitur ufus-
cepisse propter bonam fidem, qui nondum ufuceperit, &
quasi ufuceperit, indulgetur ei vindictio a praetore. Ex-
igimus traditionem rei omnino, ut diximus, ut posses-
sio in eum transferat, quae transit etiam pretio non so-
luto: dominium non transit, nisi pretio soluto, *l. quod
vendidi, de cont. emp.* ut vero competat Publiciana, satis
est possessionem transisse, nec exigitur ut emptor, cui
res tradita est, solverit pretium: non exigimus, quod
praetor in suo edicto non exprimit. Nec male illo loco
interpretes, ubi lex non distinguit, nec nos distinguere
debere: Nam & ita Hermogenes lib. de statu, *lex, inquit,
non distinguit, sed simpliciter loquitur & indistincte*. Unde
significat, nec nos distinguere debere, nihil horum distin-
xit lex, sed simpliciter locuta est, inquit. Qua tamen
sententia non debemus abuti, nisi in his causis, in quibus
a scripto recedere non licet, in quibus jus scriptum fa-
ctumque sequimur, ut in testamentis, cum nulla est ver-
borum ambiguitas, res iudicatur ex scripto, nec quaeritur,
quae fuerit voluntas, non admittitur quaestio voluntatis,
l. ille aut ille, l. non aliter, de leg. 3. Puta cum non est evi-
dens contraria voluntas defuncti. Idem de legibus iudi-
cium est, ut si lex non distinguat, nec nos debeamus
distinguere, sed scripto stare, nisi aliud suadeat mens

A legis, & sententia, quae potior est omni scripto.

Ad L. Heres XLIII. de Usurp. & usucap.

Heres ejus, qui bona fide rem emit, usu non capiet,
sciens alienam, si modo ipsi possessio tradita sit. Continua-
tione vero non impeditur heredis scientia.

§. 1. Patrem usu non capturum; quod filius emit,
propter suam, vel filii scientiam, certum est.

Summa legis haec est, ut constituat in ea re, quam
tractat tantum, differentiam esse inter heredem &
patrem: De herede dicamus primum. Si defuncto res
aliena sit vendita, & tradita a non domino, bona fide
ementi & accipienti, ufucapio, quae a defuncto cepit,
nec dum impleta est, non interpellatur heredis scientia,
id est, ob malam fidem heredis, si heres sciat esse alie-
nam, *l. pro emptore, §. si defunctus, sit. seg.* Nec mirum,
cum nec interpellatur ufucapio scientia postea superve-
niente, id est, post traditionem, *l. bona fidei, §. in contra-
rium, de acq. rer. dom.* Satis est initium possessionis esse
sine vitio, satis est emissio & acceptio bona fide: super-
veniens scientia non interpellat ufucapionem. Sed si a
defuncto res sit empti bona fide, tradita autem heredi
scienti rem esse alienam, ufucapio non procedit, quia
in emptione, & tempore actus, & traditionis tempore,
bonam fidem intervenire oportet, *d. l. bona fidei, l. sed
est res, §. ult. C. l. seg. de Pub. in rem act.* E contrario, si de-
functus rem emerit, & accepit mala fide, vel si eme-
rit tantum mala fide, ufucapio non procedit, etiam si
heres putaverit rem venditoris fuisse. Nam heres est
successor malae fidei defuncti, & bonae fidei: & est suc-
cessor vitiorum & virtutum defuncti. Et hac in re he-
res differt a patre, ut subjicitur in 2. parte hujus *l.* Nam
quod filiusfam. emit & accepit bona fide, continuo ac-
quisivit patri: igitur possessionem saltem ejus rei, pater
non ufucapiet, si scierit rem esse alienam, quamvis fi-
lius eam emerit, & accepit bona fide: si modo hac
scierit pater eo tempore, quo filius emit aut accepit,
quia ipse pater videtur emisit aut accepisse. Heres au-
tem non videtur emisit, quod antequam heres esset,
defunctus emit. Sed si post emptionem & traditionem
factam filio ementi & accipienti bona fide, pater co-
gnoverit rem esse alienam, ufucapio non interpellatur,
quia uterque pater & filius fuit bonae fidei, utroque tem-
pore emptionis & traditionis, nam & ipsius filii scientia
postea superveniens non interpellaret ufucapionem,
ut ante diximus: & contra nunc si filius emit aut ac-
cepit mala fide, ufucapio non procedit, etiam si pater
ignoraverit rem esse alienam, cui initium fuit vitiosum:
nam hoc casu nihil distat heres a patre. Denique ita
concludamus: bona fides defuncti heredi prodest,
mala fides nocet: bona fides filii patri nocet, scienti
rem esse alienam: mala fides filii patri nocet, etiam
ignoranti rem esse alienam, quia interpellatur ufucapio,
vel impeditur non tantum propter scientiam patris, sed
propter malam fidem filii, propter scientiam filii. Et
quod hic dicitur in patre & filio, idem juris est in fer-
vo & domino, *l. pro emptore, §. Celsus, C. seg. ff. pro empt.*

E JACOBI CUJACII J.C.

COMMENTARIUS

In Lib. XXIII. Quaestionum AEMILII PAPINIANI.

Ad L. LXXIII. de Legat. 2.

Si quod ex Pamphila nascetur, legatum mihi fuerit, &
ego Pamphilam emam, eaque apud me sit enixa, ratione sum-
ma responsum est, non ex lucrativa causa partum intel-
ligi mentis factum: ideoque petendum ex testamento; tan-
quam

quam istum emissem: ut scilicet pretii contributione facta consequatur tantum, quanti puerum, deducta matris estimatione constituto mihi iudex in causa legati datus estimaverit.

SEQUITUR l. 73. de leg. 2. quæ datur prima ex lib. 23. quæst. quæ quidem pertinet ad regulam illam vulgarem: duas causas lucrativas in eandem personam, & in eandem rem concurrere non posse; causam lucrativam & causam onerosam concurrere posse, §. si res aliena, Inst. de leg. l. omnes, & duobus sequunt. de oblig. & actionib. Causa lucrativa est, si nihil ob eam causam possessori abest: onerosa est, si quid abest: ut causa legati vel donationis est lucrativa, causa emptionis est onerosa, quia pretium abest possessori rei. Igitur si rem habere coepi ex causa legati, eandem ex causa donationis, vel ex alia legati causa petere non possum; quia, ut dixi, duæ causæ lucrativæ in eandem speciem & eundem hominem concurrere non possunt. Sed si rem habere coepi ex causa legati, eandem petere possum ex causa emptionis, & contra, si eam habere coepi ex causa emptionis, eandem petere possum ex causa legati. Nunc finge: quidam mihi legavit quod ex Pamphila nasceretur, quod legatum valet, §. ea quoque, Inst. de legat. Ego vero, ante quam pareret Pamphilam, Pamphilam prægnantem emi, eaque apud me enixa est puerum: video puerum habere ex causa onerosa, id est, ex causa emptionis, quia emendo mulierem prægnantem, & partum emissem video, & ob id evictio partu mihi competit actio ex empto in id quod interest. Et ita Julianus respondit in l. non quæcunque 82. §. Julianus, de legat. l. l. venditor, de evictionib. de quo Iuliani responso Papinianus sensit, meo quidem iudicio hoc loco, dum ait, summatione responsum esse, non ex causa lucrativa partum intelligi meum factum: verum, id est, qui domi est conceptus & natus meus est ex causa lucrativa, sed qui natus est ex ancilla, quam emi prægnantem, non intelligitur esse meus factus ex causa lucrativa, sicut verum, sed ex causa onerosa, id est, emptionis: denique comparativus servus est, non verum. Posui me emissem ancillam prægnantem, & ita poni debet: Nam si emi vacuo utero, ac postea conceperit & peperit apud me, ut jam dixi, vernæ causæ lucrativa est, & evictio eo partu mihi non competit actio ex empto in id, quod interest. Id quod interest per se esse pretium rei emptæ, & quod rei emptione continetur atque accedit, & in omnibus causis onerosis, id quod interest non excedit, non egreditur pretium rei, l. 3. §. condemnatio, de tabul. exhib. l. pen. quibus ex causis in poss. eatur, l. si vendidero, §. ult. de furt. l. si servus §. cum per vend. in illo loco, pretium tritici, de action. emp. Idem etiam offendit l. 1. C. de his qui a non dom. manum. maxime si in ea deleatur disjunctio, vel, quæ etiam exulat a Basil. & ab aliis exemplaribus, ut recte Thalelaus in legem, nota, inquit, pretium rei vocari, quod max vocatur, quanti interest. Et etiam in eadem specie, res dicitur computari in pretium rei, l. 5. §. ult. de rei vind. & in id quod interest, l. de eo, §. si poss. ad exhib. Igitur sæpe id quod interest, pretium rei non egreditur, ut in proposito, si agatur de evictione, pretio rei emptæ accedit: quæ res emptione rei continetur, ut emptione ancillæ prægnantis continetur partus, ac proinde de eo evictio recte agitur ex empto in id quod interest, de quo non ageretur, si ancilla non prægnans emptæ esset. Et quod notandum, exemplo partus, distinctionem, quam in partu facimus, trahere etiam debes ad hereditatem servo vendito debitam, si evincatur: Nam si emi servum ab alio heredem institutum, & iussu meo adierit hereditatem, evicta hereditate mihi competit actio ex empto in id quod interest, id est, in pretium hereditatis, quod etiam emptioni inesse videtur: emptus est servus; emptæ etiam intelligitur hereditas, quæ ei servo jam delata erat, & ob id evicta hereditas agam in id quod interest, d. l. venditor. Sed si ponas post emptionem servi servum fuisse heredem institutum, evicta hereditate mihi non competit actio ex empto in id quod interest, quia ea hereditas est extra causam

A emptionis & venditionis, quod maxime notandum est, ne quem alioquin in fraudem impellat d. lex venditor, non intellecta hoc modo, & non adhibita ad eam superiori distinctione. Dixi, emptæ ancillæ prægnante, videri etiam emptum partum, qui post editus est, & id eo agi de evictione evictio partu, de qua non egeretur, si partus non contineretur emptione. Obstat huic sententia l. si prægnans de evict. prægnans ancilla vendita est & tradita, quæ peperit apud emptorem, deinde evictus est partus. Quæritur, an venditor teneatur de evictione. Et ait, non teneri evictione sed, quod non ignoravit Accurs. d. lex non intelligitur de actione ex empto, quæ in ea specie evictio partu competit in id quod interest, ut diximus ante, sed intelligitur de actione ex stipulatione duplæ, quæ quandoque interponitur evictionis nomine in emptione & venditione: evictio partu, ex stipulatu agi non potest evictionis nomine. Et illam l. si prægnans, debere intelligi de stipulatione duplæ, ut lex, quæ eam sequitur, indicat, quæ proponit similem speciem simileque responsum, & in stipulatione duplæ nominatim. Vacca emptæ est, quæ jam erat facta & gravis: natus est vitulus apud emptorem, ait, evictio vitulo, non posse agi ex stipulatione duplæ, quia neque vacca evicta est, inquit, quæ principaliter in stipulationem venit, neque usufructus vaccæ: Nam vitulus est quidem in fructu, sicut agnus & hæc in pecudum fructu: vitulus est fructus vaccæ, non usufructus: Nam fructus est nomen ambiguum: vel enim significat corpus ipsum fructuum, vel jus utendi fruendi: specialiter namque usufructus fructus dicitur fructus: frumentum, vinum, oleum, est fructus fundi, non est fructus, id est, non est jus, non est usufructus. Si evinceretur usufructus vaccæ, committeretur stipulatio duplæ: cum evinceretur vitulus, non evinceretur usufructus; & ideo cessat actio ex stipulatu in duplum, sed non cessat actio ex empto in simplicium in id quod interest. Et ita sane multæ sunt leges in illo tit. de evictionibus & multæ quæstiones, quæ facta distinctione harum actionum nihil inter se discrepant, quod demonstrabo breviter quibusdam exemplis: si res vendita & tradita minor, aut deterior, aut melior effecta sit, deinde sit evicta: in l. ex mille 64. ff. de eviction. scriptum est neque minui obligationem evictionis, neque augeri, & ita esse ait iure, id est stricto iure, ipso iure: quæ de causa lex illa accipienda est de actione stricta ex stipulatione duplæ, ut non immutatur obligatio re deminuta, non augeatur re aucta: alioquin oblatet valde lex si cum vend. §. ult. C. l. evicta re, eodem, cum quibus congruit lex Titius §. ult. C. l. 16. de action. emp. ut si quantitas evictionis minuitur deminuta re vendita, augeatur aucta re vendita, quod est verissimum in actione ex empto, non in actione ex stipulatu. Et ita etiam ut constat ex lege bonitatis, eod. tit. de eviction. adhibita interpretatione Accursii, fundo vendito & evicta parte, certa sit æstimatio bonitatis ejus partis, quæ fuit venditionis tempore, quod congruit cum superiore differentia, in actione ex stipulatu. Nam in actione ex empto fit accessio bonitatis, quæ fuit evictionis tempore. Eadem differentia servatur in specie legis nave, eod. tit. Nave vendita & evictis tabulis quibusdam, evictis transtris, & similibus, an potest agi de evictione quasi parte evicta? minime: quia tabulæ non sunt pars navis: remi non sunt pars navis: transtra, antennæ non sunt pars navis, nec nave emptæ, emptæ videntur tabulæ. Idemque procedit domo emptæ, si evincantur examenta, vel columnæ, vel tigna quadam: quia hæc non intelliguntur esse emptæ, nec sunt pars domus emptæ: partes domus sunt duæ tantum, solum & superficies. Et ita est proditum in d. l. nque. Sed id est intelligendum de actione ex stipulatu, ut cesset evictis tabulis, tignis, evicta columna: Nam actio ex empto non cessat, l. cum qui, de usurp. C. usucap. Nondum exposuimus quod ait lex si prægnans: Si prægnans ancilla venerit, evictio partu venditor non tenetur de evictione, ex stipulatu scilicet. Cur ita? quia partus venditus non est. Hoc non pugnat cum eo quod diximus, eum, qui mercatur mulierem prægnantem, &

apprehendere possumus, ut ecce pecus meum, quod aberravit, desino possidere, d. l. 3. §. Nerva, hoc tit. licet non desinam esse dominus, bovis aberrantis desino esse possessor, non desino esse dominus l. 1. §. abigere, de abigeis, & bovis ejus furtum fit, si quis eum intercipiat aberrantem. Et similiter feras bestias, quæ sunt in sylva mea desino possidere, quoniam sunt in naturali libertate, nec aliter eas possidere intelligitur, quam si includerim vivariis, en un parc, eas autem, quæ vagantur in sylvis nostris, non possidemus, quamquam earum domini simus sic etiam pisces, quos in piscina colligimus, hos possidemus, qui sunt in stagno nostro, hos non possidemus, licet domini simus, d. l. 3. §. item feras. Et ita lapidem aut vas nostrum, quod ita excidit aut demersum est in mare aut in flumen ut non inveniantur, desinimus possidere, non desinimus esse domini, l. Pomponius refert, in princ. hoc tit. Et generaliter rem mobilem quam ita perdidimus, ut ignoremus ubi sit, desinimus possidere, l. si id quod, in princ. h. tit. quia non est sub custodia nostra: diffimiliter atque si sit sub custodia nostra, si custodia nostra custodiatur, si sit in præsentia nostra, si non abit a nobis, si custodia nomine subiecta sit, licet non sit inventu facilis: hanc enim rem non desinimus possidere, nisi ab alio possideri coperit. Illa autem est extra custodiam nostram, desinimus possidere, licet ab alio possideri non coperit, d. §. Nerva. His consequens est: thesaurum non desinimus possidere, licet locum fundi ignoremus, quo desossus est, cum si diligenter inquiretur, inveniri possit, etiam si locum fundi ignoremus, id est, non recognoscimus: Scimus enim esse a nobis, vel ab eo, cui heredes extitimus, desidum in illo fundo, sed locum nescimus, vel recognoscimus. Nec tamen propterea est inventu difficilis vel impossibilis: diligens inquisitio inveniet thesaurum. Alioquin non possideretur, si esset inventu difficilis aut impossibilis: Et ita quidem proponitur in hoc loco. Desinitio illa quam tradidi, est de rebus mobilibus, res mobiles extemus possidere, quatenus sub custodia nostra sunt. Et in custodia nostra videtur esse thesaurus, quem desidimus in fundo nostro, licet primum non memineris, quia si diligentiam adhibueris, invenies locum. Rerum mobilium appellatione continentur etiam moventes, quæ per se moventur, ut bruta & homines, sicut et contra moventium appellatione continentur etiam mobiles, quæ motus principium sumunt extrinsecus, l. moventium, de verbor. significat. Igitur & desinitio pertinet etiam ad semoventia. Non quidem ad omnia: Nam excipiuntur ab ea definitio homines, quia etiam si servi non sint sub custodia nostra, etiam si eorum custodiam neglexerimus & omiserimus, a nobis possidentur: imo & fugitivi servi a nobis possidentur, dummodo alius eos non apprehenderit, vel ipsi non gerant se pro liberis parati subire liberale iudicium. Cur excipiuntur servi? quia scilicet, hi quorum custodiam negleximus animum habent ad nos revertendi, l. si rem mobilem 47. hoc tit. Ex proposito hominis possessi possessio domino conservatur. Fugitivos quoque possideri utilitatis ratio postulat, qui non habent animum revertendi, ne sit in potestate servorum fugiendo dominis intervertere possessionem sui, qui nec alterius rei possessionem sui domino subvertere possunt, l. rem que, l. Pomponius, in princ. hoc tit. l. non solum, §. si rem pignori, tit. seq. Denique ut est in d. l. si rem, illa definitio juris tantum locum habet in his, quæ ratione vel anima carent. Ratione, ut pecus, anima, ut vas: Quæ anima carent, & ratione carent: sed contra, quæ ratione carent, non continuo sunt corpora exanimata. Et ob id d. l. si rem, ait, ratione vel anima: sed velim etiam ab illa regula excipi animalia quædam, quæ ratione vacant, ea scilicet, quæ ex consuetudine abire a nobis & redire solent, ut gallinas vel anseres, vel, si & hæc sunt tanti, passeris, vel cardueles manifestos factos, & columbas, & apes, & cervos quoque manifestos: Nam etiam si per momenta quædam exeant custodia nostra & avolent, nihilominus a nobis possidentur, retinetur-

que non tantum eorum dominium, sed & possessio quando habent animum revertendi, d. l. 3. §. item feras, hoc tit. Et ut hominis, ita & eorum animalium proposito revertendi possessio conservatur domino. Denique proposito rei possessa, quæ proposito est capax, possessio domino conservatur, nedum proposito domini. Sed hoc proprium est in hominibus; ut & hi non desinant a nobis possideri, licet non habeant animum revertendi, ut fugitivi quos veteres divere, cervos a celeritate, ut Festus scribit, cum tamen cetera quæcunque animalia desinant a nobis possideri, si amiserint animum revertendi, id est, si defierint reverti. Et hæc tantum ad hanc questionem erant adnotanda.

Ad §. quæsitum.

Quæsitum est, cur ex peculii causa per servum ignorantibus possessio quaeratur: Dixi, utilitatis causa iure singulari receptum, ne cogentur domini per momenta species & causas peculiorum inquirere: nec tamen eo pertinere speciem istam, ut animo videatur adquiri possessio: Nam si non ex causa peculiari quaeratur aliquid, scientiam quidem domini esse necessariam, sed corpore servi quaeri possessionem.

Superiori recitatione explicavi questionem primam legis peregre, de acquir. poss. Ex qua intelleximus, possessionem rei non amitti propter infirmitatem memorie, puta si memoria non teneam locum, quo rem aliquam posuerim, modo si quo in prædio, qua in domo, vel quo in fundo eam posuerim, non ignorem, & eam non invaserit alius: ignorantiam loci solius rei, non aufert possessionem rei. Quod si ignorem penitus ubi sit, id est, si neque locum scio, neque prædium, amitto possessionem, in quo ea res locum occupat quandam, l. si id quod, in princ. hoc tit. Item si possessionem ejus rei alius invaserit, tamen hoc ignorem, etiam amitto possessionem rei mobilis, l. si rem, in fi. hoc tit. Quod & in re immobili procedit, si quam possidebam per servum vel colonum, desertam ab eo & proditam alius invaserit me ignorante, ut in §. ult. hoc tit. Denique his casibus ignoranti possessio tollitur, nec solo animo retinetur. Regulariter ignorans non amittit possessionem, & regulariter quoque ignorans non acquirit possessionem, præterquam uno casu, qui explicatur in §. quæsitum, h. l. Quem nunc explicare aggredior, videlicet, si quid servus meus, cui peculium concessi, ex causa peculiari, & nomine peculiari, paravit & tenet me ignorante. Ejus enim rei possessio mihi etiam ignoranti acquiritur. Hoc jus Papinianus ait in hoc esse jus singulare, quia scilicet, est contrarium regulis juris: Regulariter enim scienti acquiritur possessio. In ea enim adquirenda non tantum corpus exigitur, quo rei incumbamus & insistamus, sed etiam exigitur animus, id est affectio, seu voluntas, l. ea qua, tit. prox. & ut Græci loquuntur in h. tit. νομας, δὲ δόξης, ὁ νομῶν. Ignorans autem non potest habere animum possidendi: ergo ignoranti regulariter non acquiritur possessio, & multo minus procedit aut competit usucapio: facilius enim possessio comperit quam usucapio. Exempli gratia: per procuratorem meum etiam ignorans possessionem adiro, non tamen ejus rei, quam possideo ignorans per procuratorem usucapio mihi competit, l. possessio quoque, §. ult. hoc tit. Cui igitur aut per quem possessio non acquiritur, ei multo minus datur occasio usucapionis. Ideo autem per procuratorem meum mihi ignoranti acquiritur possessio: cui scilicet mandavi, ut rem emeret mihi & acciperet, quia sciens, animo meo videor possidere, quod procurator meus mandatu meo tenet meo nomine, licet ignorem, quo tempore id tenere ceperit. Hæc ignorantia acquisitioni possessionis nihil obest, & videor nihilominus sciens, sciente animo nancisci possessionem per procuratorem. Mandatum pro scientia est. Id autem jus quod diximus, ut ex causa peculiari per servum ignorantem adquiratur possessio, jus singulare est, ut ait Papinianus, non tam, quod ignorans possideat eam rem, quam servus peculiariter tenet: nam & ignorantes possidemus per

per procuratorem: sed hoc jus singulare est in rebus peculiaribus non tamen, quod ignorans dominus possideat, quam quod usufruat etiam ignorans. Quod non ita est in procuratore & domino, l. *Labeo, tit. seg. l. pro emptore, §. Celsus, pro empt. l. pen. de captiv. & possim. revers.* Et inde rectissime lex si emptam rem, de usurpat. ut ignorantes usufruamus in peculiaribus tantum rebus esse receptum; quod fit non tantum per servum, sed etiam per filiumfamil. qui peculiari nomine rem nanciscitur alienam, l. 1. §. item adquirimus, hoc tit. l. si servo, tit. seg. Ex eo jure singulari, ut ignorantes per servum aut filium ex causa peculii possideamus & usufruamus, multa sequuntur. Sequitur ex eo primum, ut infantes & furiosi per servum aut filiumfamilias possideant & usufruant ex causa peculiari: hi enim sunt ignorantium loco. Et generaliter, quibus ex causis ignorantes adquirunt, & furiosi adquirunt, infantesque & pupilli, §. sui autem, Instit. de hered. quae ab intest. Infantibus de quo scribit d. §. item adquirimus, adjungo etiam pupillum majorem infante: Nam & is ignorantis loco est, & fere perunque, non tamen semper, licet infanti adjungere pupillum, id est, omnem aetatem pupillarem, ut in §. testam. Instit. de hered. qual. infantis Theop. recte adjungit pupillum. Item ex eo jure singulari sequitur, ut si servus hereditarius (dicitur autem hereditarius quando jacet hereditas, & nec dum ullus exstitit heres) si is, inquam, peculiari nomine rem aliquam possidere coeperit, ut usufructu pertineat ad heredem qui postea adierit, quia etiam ignoranti procedit. Quae de re tractabitur hoc eodem lib. ad l. iusto, §. nondum, tit. seg. Item ex eo sequitur, ut ad eum, qui captus est ab hostibus, usufructu pertineat eorum, quae servus post captivitatem peculii nomine comprehenderit. Quae de re tractabitur in d. l. iusto, §. ult. Intelligimus quale sit jus illud singulare, & quae ex illo sequantur. Videamus quae sit hujus juris ratio. Cur per servum ignorantes adquirimus possessionem ejus rei, quam peculii nomine paravit & tenet? Et ratio hac redditur in d. l. 1. §. item adquirimus, quod nostra voluntate intelligitur servus possidere, cum ei peculium permiserimus: quod etiam infans permittere videtur, si a patre ejus vel tutore servo permittimus fuerit. Igitur & in infante domino ea ratio locum habet, & in furioso, sane si peculium permiserit, antequam furere coepit. Sed in procuratore eadem ratio locum non habet, qui rem tenet nostro nomine, quia ei non permittimus patrimonium, sicut servo permittimus peculium, sed procuratori permittimus administrationem tantum & gestionem. Atque ideo nostra voluntate intelligitur usufructu, & non intelligitur possidere, quod ad usufructu causam attinet, nisi sciamus eam rem accepisse, & tenere nostro nomine. Idem dici potest de ratione, quam attulit Papin. in h. l. §. quassum, quem sic inchoat, ut quærat rationem juris singularis. Et ait (quæ ratio eandem vim habet, quam superior utilitatis causa esse receptum, ut in rebus peculiaribus servorum, aut filiorum nostrorum ignorantes possideamus, atque etiam usufruamus: loquitur de possessione effectrice usufructu, non de possessione inani, quæ non præbet occasionem usufructu: utilitatis, inquam, causa hoc esse receptum, ne alioquin per singula momenta cogamus sciscitari & inquirere species & causas peculiorum: species, id est, res, corpora, jura, quæ sunt in peculio: causas, id est, titulos quibus tenentur, puta emptionis titulo, an legati, an donationis, an permutationis, quæ perquisitio esset perquam molesta dominis & negotiosa: ideoque utilitas civium postulat, ne ista perquisitio oneretur dominis, qui peculium servis concesserunt, atque adeo ut omnia hujusmodi inquisitione eis etiam ignavis rerum peculiarium procedat tum possessio, tum usufructu. Hæc ratio locum non habet in procuratore. Videamus cur non possit hæc ratio aptari ad procuratorem: quia cum minus permittatur procuratori, cui alieni tantum negotii administratio mandatur, quam servo, cui peculium conceditur quasi proprium ipsius

A servi patrimonium, adeo ut servus servi, qui est in peculio id est, servi vicarii dicatur dominus, ac similiter dominus totius peculii sibi concessi: & per hanc rationem finita sit potestas procuratoris, servi peculiaris determinata & finita non sit, quod fit dominus, circa procuratoris gesta admodum per singula momenta curiosus & diligens, quod tamen non est necesse, si servo permiserit peculium quasi patrimonium, quæ permissio plenior est mandato, sive procuratore. Id, inquam, est necesse, ut diligenter inquirat quid servus in peculio gerat, quia ratione rem peculiarem augeat vel minuat, ac denique tractet, nisi sc. admiserimus, etiam ignoranti possessionem per eum servum acquisitam præbere occasionem usufructu, quod utilitatis ratio postulat, id est utilitas servorum singulorum, ut per eos res suas expediant quos habent in potestate, nec destringantur inquisitione assidui peculii, sicut ratio quodque utilitatis postulat, & hoc indulget, ut per procuratorem nobis etiam ignorantibus, quo tempore rem accepissent, saltem possessio competat, licet non usufructu, l. 2. C. de Reg. pos. Nunc quod maxime notandum est ex hoc jure singulari, quod jam satis exposui, posset quis forte argumentari in hunc modum: si jus singulare hoc est, ut ex causa peculiari per servum ignoranti possessio adquiratur, id est, ut ex ea causa sine animo nostro possessio nobis adquiratur: Ergo jus commune hoc est, ut animo adquiratur possessio, quod est falsum. Nec enim animus sufficit, sed & corpus exigitur, id est, apprehensio rei, nec animus sufficit per se, nec corpus per se, l. 1. in princ. l. quemadmodum h. l. licet, C. ead. Huic objectioni elegantissime respondet Papin. in hoc §. C. & ait, id non esse verum, extra causam peculiarem, extra hunc causum singularem, sane si quid servus tenet extra causam peculiarem, puta nomine domini, non nomine peculii, quia nec forte peculium habet, aut si habet, id nomine domini tenet, dominum possessio non adquiritur solo animo domini, postquam servus rem servo fuisse traditam, sed & corpore servi. Sciendum enim est nos non acquirere possessionem animo alieno, nisi ex causa peculiari, corpore autem nos acquirere possessionem quancunque ex causa, tam nostro, quam alieno, ut corpore servi, & filii familias, coloni, inquilini, procuratoris, l. quod meo, l. 3. §. saltem, hoc tit. Et Paulus §. Senten. tit. 2. ceterum animo tantum nostro adquirimus possessionem. Et recte Papinianus ait, necessariam esse scientiam domini, ut possessio adquiratur domino per servum, qui rem nomine domini tenet non peculiari: quia est corpore servi potest dominus acquirere possessionem, non potest etiam animo servi acquirere possessionem nisi ex causa peculiari. Hæc est certissima definitio. Neque ei obstat l. nunquam, §. si servus, de usurp. & usufructu. dum ait dominum ignorantem possidere per servum quicquid nomine domini possidet, ac si possessionem acquirat ut corpore, ita animo servi, absque animo domini sive scientia. Sed ille §. omnino intelligendus est de illo servo, qui rem tenet nomine domini, ex jussu domini, quando dominus jussit servum eam accipere ab extraneo, hanc enim rem utique dominus intelligitur possidere animo suo, sicut & rem quam procurator tenet, quia mandato ejus eam tenet. Et hæc est differentia ultima inter dominium & possessionem. Dominum ignoranti domino acquiritur per servum, l. etiam invitis, tit. preced. Possessio & scienti & volenti per servum acquiritur, d. l. ea, quæ tit. preced. nisi jussit aut mandaverit: & huic quem jussit aut mandavit, possessio tantum competit, non usufructu, nisi ex causa peculiari, ex qua & possessio ignoranti procedit & usufructu, quia plenior est permissio peculii, quod attingi jam supra, quam jussum aut mandatum. Ad summam igitur, possessio nuda procedit, non usufructu: ita fit, ut quod possideo, non intelligar possidere, quod ad usufructum attinet, sicut e contrario fit nonnuncquam, ut debitor, qui pignus non possidet, quod tradidit creditori, intelligatur possidere, quod ad illam tantum causam, id est quod ad usufructum attinet, l. servi nomine, tit. seg. & l. 1. §. per servum corporaliter, h. t. Hæc est vera sententia h. §. quassum.

Ad §. Quibus explicitis, & L. XLV. eod.

Quibus explicitis, cum de amittenda possessione quæ-
ratur, multum interesse dicam, per nosmetipsos, an per
alios possideremus: nam ejus quidem quod corpore nostro
teneremus possessionem amitti vel animo, vel etiam cor-
pore, si modo eo animo inde digressi fuissimus ne posside-
remus. Eius vero, quod servi vel etiam coloni corpore
possidentur, non aliter amitti possessionem, quam eam alius
ingressus fuisset, eamque amitti nobis quoque ignorantibus,
§. ult. Illa quoque possessionis amittenda separatio est:
nam saltem hybernes & astivos, quorum possessio retine-
tur animo.

L. XLV. Licet neque servum neque colonum ibi ha-
beamus.

NE sensus sit inanis, uno tenore & spiritu legenda est
lex sequens, quæ est ejusdem Papin. ex 2. definit.
conjungenda huic §. verba sunt, licet neque servum neque
colonum ibi habeamus. Quod initio h. legis memini me di-
cere, eam totam pertinere ad illam partem tituli, quæ est
de amittenda possessione, id non muto, etiam si in §. præ-
ced. Papin. tractaverit tantum de acquirenda possessione:
Nam hoc ideo fecit, ut collata ratione acquirendæ,
cum ratione amittendæ possessionis, apparet separatas
& diversas esse rationes, idque his verbis a quibus incipit,
qui sequitur §. ult. satis ostendit, quibus explicitis, &c. de-
monstrata sc. ratione acquirendæ possessionis, videndum
esse ait, an eadem sit ratio amittendæ ejus qui fuit præci-
pius finis Papin. & ait: quibus explicitis, ut in l. 5. de præser-
verb. explicitus est, aviculus ille de ut des: & l. x. ad Treb.
explicito tractatu, &c. Et male a quibusdam rejicitur ver-
bum explicit, quod solet annotari in fine librorum. D. Hie-
ron. an epist. ad Marcell. Solemus nos, inquit, completis opus-
culis ad disson. alterius sequentis operis medium interponere,
explicit, aut feliciter, aut aliud ejusmodi. Porro explicitum
illud jam est, possessionem nobis adquiri animo & corpore,
non animo solo, non corpore solo. Neque verum est, quod La-
beo dicebat, quarundam rerum nos possessionem acquirere
animo solo, l. quarundam, h. t. Nulla enim res est, cujus pos-
sessionem possis adipisci, nisi concurrat corpus & animus
i. apprehensio rei & affectio possidende rei, sed acquiritur
quidem possessio animo tantum nostro, & corpore nostro,
vel alieno. Ex causa peculiari solo etiam animo alieno: nam
animo meo non possideo, quod servus acquisivit ex causa
peculiari, etiam si peculi ei potestatem peremerim, si ne-
scio rem, quam adquisivit, aut causam ex qua adquisivit:
si ei specialiter iussim, aut mandassem rem emi & ac-
cipi, videor post traditionem ei factam eam possidere ani-
mo meo, etiam si tempus ignoraverim, quo emisset &
accepisset, quia specialiter de certa re iussi sive mandavi.
At quousque generaliter periculum permisi servo, si nescio
ex causa peculii, quam rem acquisierit servus, eam non
possideo animo meo, sed receptum est ex hac causa, ut
eam intelligat possidere animo alieno, puta servi, vel
filiisfam, ut ait l. 3. §. servus, h. t. Et nunc videndum est an
etiam in amittenda possessione hoc requiratur, ut sc.
animo & corpore discedam possessione rei. Et sane Paulus
videtur nullam differentiam constituere hac in re inter
acquisitionem & amissionem possessionis, l. quemadmodum
h. t. Nam inquit Paulus, quemadmodum nulla possessio ac-
quiri potest nisi animo & corpore, ita nulla amittitur, nisi in
qua utrumque in contrarium actum est. Ergo & in amitte-
nda possessione utrumque exigitur. Sed non deservire
stulti, qui existimantes id esse incredibile, aut proorsum fal-
sum, ei legi præscripserunt negationem hoc modo, non
quemadmodum, qui sunt solo silentio & contemptu digni.
Sed hæc res liquido ita explicari potest. Ea definitio legis
quemadmodum, plerumque reperitur falsa, nisi temperetur
verbo fere, quod etiam huic definitioni addidisse constat
Paulum ex l. fere, de reg. jur. est: a dire le plus souvent,
et præseque le plus souvent: sententia igitur hæc sit, ut fere
quemadmodum, &c. Possessio non acquiritur nisi animo &
corpore, ita non amittitur nisi animo & corpore. Hoc est

Tom. IV.

A verum fere, non perpetuo, non semper, non usquequaque.
Primum enim ut possessio non acquiritur corpore, nisi ac-
cedat etiam animus acquirendæ ejus, ita sane non amit-
titur corpore, puta, si fundo discedam nullo relicto in pos-
sessione, nisi & animus meus possessione recedat, nisi deferen-
dæ possessionis animus mihi fuerit, nisi ea mente, ut ait
§. ult. hujus leg. inde digrediar, ut id non possideam, alio-
quin solo animo retineo possessionem. Et ita rectissime
eam definitionem accipiunt Bulgarus, Placentinus, & Joan-
nes, & Græci interpretes uno consensu. Et idem omnino
dicendum est, si possideam corpore alieno, puta coloni: Nam si
colonus decesserit fundo, id est, si deferuerit fundum, vel si
vita decesserit, ego non desino possidere, quamdiu ejus pos-
sessionis retinendæ animum habeo, & eum alius non inva-
serit: nam invasio alterius facit ut abeat mihi animus pos-
sidenti. Quid est possidere animo? an quodcumque animo
complexus fuerit, imaginatus fueris, possidere? Minime,
alioquin quid quis non possideret? Sed animo possidere,
est id possidere animo nostro, sive affectione, cui possiden-
do nihil impedimento est: Nam si alius invasit possessio-
nem, quæ fuit mea, non possum animo non depovere ani-
mum possidenti, qui cerno alium possidentem. Ergo si
colonus, cujus corpore possidebam, fundo digressus fuerit
ea mente, ut non possideret amplius, ego non amitto eam
possessionem, si ejus retinendæ animum habeam, & si in-
vasio alterius cum mihi animum non eripuit, quod est se-
cundum Proculianos, quorum sententia constat. Justinia-
ni comprobata est, l. cum quis, de dolo, l. ult. C. de acq. poss.
Sabinianorum aliud erat iudicium, ut ostendi ad Africanum
ex l. si de eo, d. l. & l. colonus, hoc t. illud valde notandum est,
quod si possessionem deseram a colono, quam corpore
coloni possidebam, alius invaserit, etiam si ignorans amitto
possessionem, quam corpore alieno possidebam: solo
igitur corpore amitto quod possidebam, quia nondum
deposui animum possidenti, qui sum ignorans invasione,
quod ostendit §. ult. hac l. & l. i. §. quod servus, de vi & vi-
arm. Hoc casu igitur solo corpore nunquam acquirō,
item solo corpore amitto possessionem, ignorans scilicet,
rei mobilis si rem deposui apud alium, vel commodavi alii,
& si constituerit possidere sibi, nec mihi reddere, constituit
amitto possessionem, etiam ignorans, quia definit esse sub
custodia mea, interversa possessione ab alio, l. si rem hac t.
Item ut appareat magis quantum distet amissionis pos-
sessionis ab acquisitione, non certis casibus tantum, sed ge-
neraliter possessio amittitur solo animo: ut si quid possi-
deo meo animo & corpore, & nunc nolo possidere mihi,
sed forsitan alii, desino possidere, etiam si corpus meum fun-
do non abscidat, l. 3. §. in amittenda, hoc t. Et hæc est altera
differentia inter dominium & possessionem. Ante actuli
aliam, quia dominium non amittitur solo animo, ut si di-
cam, me nolle rem meam esse, non ideo desino esse domi-
nus, nisi tradam alteri, l. si quis vi, §. i. h. t. l. ius agnationis,
de pact. Possessio amittitur solo animo semper, quæ tamen
non amittitur solo corpore, nisi certis & paucissimis ca-
sibus. Et ut explicitis dicam, sed & proprie aliquid ad-
jungam, eam quoque possessionem amitti nudo animo,
quæ solo animo retinebatur, non corpore meo, vel
alieno, & hæc non amittitur nisi animus accesserit
Aliquando, ut dixi supra, sine animo corpore solo amit-
titur: sed hæc quæ solo animo retinetur, solo quoque
animo amittitur, adeo ut si alius ingressus sit eam pos-
sionem, & hoc ignorem, nondum amittam possessionem.
Invasio ignorantem non spoliatur possessione, quæ solo
animo retinebatur: quod ostendit §. ult. h. l. & l. 3. §. in
amittenda, h. t. addatur etiam l. si id quod, §. ult. hoc t. quod
solo animo possideo, inquit, etiam si alius occupaverit
possessionem, eo usque possideo, quod reverent me is,
qui occupavit, repellat: quia repulso deficit animus pos-
sidenti: vel etiam quoad suspicer, me posse repelli ab eo,
qui ingressus est possessionem me absentem, quia & hoc
casu suspicione labascit animus, neque vero antequam
deposuerim animum possidenti, possessionem amitto
licet eam occupaverit alter me ignorante. Et rectissime
in l. quamvis, hoc t. ex eodem lib. Papiniani.

R r

Ad

Ad L. Quamvis, D. eod.

Quamvis salus proposita possidendi fuerit alius ingres-
sus, tamen priorem possidere dictum est, quamvis posses-
sionem ab alio occupatam ignoraret: ut enim eodem mo-
do vinculum obligationum solvitur, quo quæri adsolet,
ita non debet ignorantia tolli possessio, quæ solo animo tenetur.

Utitur in hac specie comparatione obligationis, qua
etiam utitur d. l. fere. Obligatio eodem modo sol-
vitur, quo acquiritur: acquiritur consensu ementis &
venditoris, solvitur etiam consensu. Acquiritur verbis ex
stipulatione, solvitur etiam verbis, nec alio genere
quam verbis. Quod contractum est verbis, non solvit-
tur consensu nudo: & ita quæ solo animo retinetur
possessio, non amittitur nisi solo animo: quia nihil i-
gnorantia invasione alterius aufertur. Et mens Papin. hæc
est in hac l. c. in l. peregre, §. quasitum, usque ad fin. &
in sequentib. & fuit, ut ostenderet, differentiam esse
summam inter acquirendam & amittendam posses-
sionem, quam vocat in §. ult. separationem, & differen-
tiam in l. quamvis, ad Trebell. ut Græcis dicitur, &
d. in quæst. Exemplum autem ejus possessionis, quæ solo
animo retinetur sine corpore nostro vel alieno, Papin.
ponit in saltib. æstivis & hibernis, quoniam hos parte
anni relinquimus, nullis quandoque servis aut col-
onis ibi relictis, nec possidemus tamen minus animo,
sine corpore ullius. Saltus sunt sylvæ, & pastiones, in
quibus pecora hieme in hibernis, æstate in æstivis sunt,
l. qui saltum, de leg. 3. Nam & pecorum hiberna & æstiva
dicuntur, d. l. qui saltum, & Varroni, Virgilio, Papiniano.
Hos igitur saltus parte anni relinquimus, ut ait l. 3. sal-
tus, b. t. quoniam in hibernis pecora hiematum mittimus, in
æstivis æstivatum umbre causa, iuxta illud Horatii, Pe-
cuseque ante fidus servidum Lucana mæstet pascua, saltib. ac-
cedunt etiam causæ, custodiæ finium, aut fructuum
causæ, paratæ saltuariis: hi sunt, qui custodiunt fines
saltuum, & fructus, qui in saltib. sunt, quos constat
cedere instrumentum prædii, si servi sunt vel adscripti
prædio, l. 8. c. l. quæsitum, §. saltuarium, de inst. vel inst. leg.
& separantur a colonis in l. cum quæretur, §. prædiis, de
leg. 3. quoniam non colunt fundum, sed tuerentur tantum
aut custodiunt glandium fundi, aut sylvæ passionisve
gramen. Virg. cui late custodia credita campi, id est saltua-
rii. Ideoque rectissime in l. §. licet, inquit, neque ser-
vum, neque colonum ibi (in saltibus) habeamus, saltus
scilicet possidemus nudo animo, servum vocat saltuarium,
& recte separat a colono: nam saltuarium non est col-
onus, nec legato colonorum continetur, d. §. prædiis.
Sunt tamen in saltibus esse fundi: qui colantur, qui arent-
tur: potest esse particula in sylvis, quæ aretur pasto-
rum aut custodum gratia, & ut elegantissime dixit
Ælius Gallus J. C. apud Festum, ea res non perimit nomen
saltus, sicut si in fundo, qui est in agro culto, particula
quædam sylvæ sit, ea res non perimit nomen agri culti.
Ager cultus opponitur saltui. Et ita in l. hereditas, de act.
emp. ponitur in saltu fuisse fundus, qui coheretur, nam ge-
neraliter saltus ipse potest fundus dici. Et in l. si servus, de
pigner. act. grandem saltura fuisse, quem creditor exco-
luerit magno sumptu. Sed ut equidem arbitror, illo loco,
verius est, nos non debere accipere saltum pro sylva, &
passione, pro agro compascuo, pro pascuis, sed pro ampla
possessione, quæ aretur & excolatur omnis. Nam ex Sici-
lo Flacco, de limitibus agrorum, & Varro de re rustica,
constat etiam dici saltum, latifundum, sive latam posses-
sionem, quæ includat multas centurias, puta 25. ut ait
Siculus. Non omitam etiam illud, ut restitutum locum
Festus unum, nondum restitutum, etiam saltum dici ne-
mus, ut Festus explicat in definitione memoris, a verbo
Græco *νῦν*, quod comprobaverat Festus auctoritate
Homeri. Sed locus est perquam mitis. Ex vestigiis,
quæ remanserunt, intelligimus restituendum esse locum,
hoc modo, vocabuli auctor est Homer. Iliad. xi. ἐν
ταῖς ἀνίσταται, id est, in nemore umbroso. Verum non tan-

A tum Papinianus hoc loco, sed alii auctores passim, quo-
ties volunt adferre exemplum possessionis, quæ solo ani-
mo retinetur, utuntur exemplo saltus hiberni vel æstivi:
recte exemplo: nam idem dici potest de omnibus prædiis,
de omnibus rebus vel mobilibus vel immobilibus, ut ea-
rum possessionem, quam nacti sumus animo & corpore,
post retineamus solo animo sine corpore ullo. Sed fre-
quentius utuntur exemplo saltus, quod hæc prædia mani-
festum sit relinquere altera parte anni. Sed hoc idem dicen-
dum de omnibus rebus, l. 1. §. quod vulgo dicitur, de vi
& vi arm. l. clam, l. ad h. t. licet, C. eod.

Ad L. XLIV. de Usurp. & usufrucap.

Iusto errore ductus Titium filium meum, & in mea
potestate esse existimavi, cum adrogatio non jure inter-
venisset: eum ex re mea querere mihi non existimo: non
enim constitutum est, in hæc, quod in homine libero, qui
bona fide servus: placuit ibi enim propter assiduum &
quotidianam comparationem servorum ita constitui, pu-
blice interfuit: nam frequenter ignorantia liberis eminus:
non autem tam facilis, frequens, & adoptio tam adrogatio
filiorum est.

E. lib. 13. Quæst. restant tantum leges tres, quæ om-
nes sunt de usufructu, & earum præcipua est l. i. iusto
errore, de usurp. cujus initium explicabimus. Certissimum
est, per liberum hominem, quem bona fide possidemus,
nobis acquiri ex re nostra, & ex ejus operis, non ex re
aliena, nec ex aliis causis: nam postquam apparuerit, li-
berum eum esse, retinebimus tantum ea, quæ ex re nostra
paravit, quandiu eum bona fide possidemus, vel ex
suis operis, parsumonia, ex sua industria: nam opera vi-
dentur quodammodo esse ex re nostra, quia jure nobis
eas exhibere debet, quoniam a nobis bona fide posside-
tur, l. qui bona, de adq. rer. dom. Ergo hæc tantum retine-
bimus, cetera ei restitueamus. Et quod proponitur hoc
uno tantum loco, & aliqua ex parte in l. per eum, sup. s. prox.
videlicet quod diximus, per liberum hominem nobis
acquiri ex re nostra, si eum possidemus bona fide, locum
tantum habet in libero homine, quem quasi servum bona
fide possidemus ex causa emptionis, vel donationis, vel
qua alia iusta causa existimantes, eum nos a domino ac-
cepisse: hic acquirit nobis ex re nostra, quoad appareat
liberum esse: Nam si liberum hominem possidet, quasi fi-
lium suum, vel quasi filium meum, qui esset in mea potestate
bona fide, puta ex causa adrogationis vel adoptionis,
quæ jure facta forte non est, quod exemplis demonstrabo,
per eum nulla ex causa, ne ex re quidem nostra nobis ac-
quiritur, sed adoptione injusta. pronuntiata, omnia iterum
restituuntur, quæ acquisivit: rem meam mihi retineo, quod
ex re mea paravit, ei restituiam. Hoc notandum: Nam quibus
est amica disputatio privata vel publica, possunt certe pri-
mo congressu valde turbare affirmantem, per liberum ho-
minem bona fide possidemus ex re nostra nobis acquiri: Nam
hoc est falsum in libero homine, qui possidetur quasi filius
familias, nec unquam nobis istud excidere debet, sed hoc
uno tamen loco proponitur ex d. l. per eum. Igitur, quod
proponitur initio legis est tantum differentia, ut ait Bart.
& Accurs. inter servum putativum & filium putativum.
Per servum putativum acquirimus ex re nostra, quæ quo-
dammodo nostra esse videtur, per filium putativum nula
ex re acquirimus: mallet dicere Græcæ, quam Latine
putativum, *ποσειδωνος*. Quæ est ratio differentia? Est
acutissimus Papin. in reddendis rationibus: cur per fi-
lium acquirimus ex re nostra, non per eum, quem quasi fi-
lium fam. possidemus. Servorum comparatio erat assidua
& quotidiana: nullius fere rei olim erat commercium fre-
quentius, quia nec etiam ullius rei quæstus uberior, quam
habere plures servos, qui acquirunt nobis quidquid acquir-
unt. Magnæ hæc divitiæ sunt, quorum opera possitis ibi
extrudere brevi tempore ædificium, aut te liberare peri-
culo. Ergo, inquit Papinian. propter frequentissimam
comparationem servorum, in qua possit etiam accidere,
ut tibi obtrudatur liber pro servo, publice interfuit ita
con-

confitui, ut per liberum hominem, quem ignorantem quasi servum comparavissimus, nobis acquiratur, saltem ex re nostra: & ita propter frequentem mutationem, & assiduum pecuniæ usum, nec alia ratione, multa sunt singularia recepta circa pecuniæ mutuatam, *l. singularia, de reb. cred.* propter utilitatem inquam, promiscui usus, *l. si quis mancipis, §. si impubes, de inst. et. & in hac l. constitutum, id est, consensu receptum, ut per liberum hominem nobis bona fide emptum, nobis acquiratur, quia nec ita re nostra. Non ita frequens filiorum adoptio vel adrogatio. Possimus vel hodie etiam in Gallia filium adoptare vel adrogare, sed vix quicque adoptat, nec alia ratione rex sibi regnum Neapolitanum vendicat, quam adoptionis iure. Non est frequens filiorum adoptio, quia nec ita facilis factu, non licet temere plures adoptare, omnis adoptio fit causa cognita, vel auctoritate Principis, vel Imperio magistratus. Olim auctoritate populi lege curiata non licebat plures adoptare, *l. 12 §. ult. de adopt.* Si velit aliquis unum aut alterum adoptare, potest solatii ergo, tres vel plures vix potest *d. l. 15.* nam licet feminis adoptare, *§. femina. Inst. eod.* quia & feminas adoptare non licet, nisi ex rescripto, *l. nam & de adopt.* non licet minori maiorem adoptare, *d. l. 15.* Adoptio locum habet in his, in quibus natura potest: non potest natura esse major filius minori, non licet etiam temere adoptare ei, qui magis procreantem liberorum fudere debet, vel potest, sexagenario licet adoptare, minori sexagenario vix licet, *d. l. 15.* Non est igitur facilis adoptio liberorum, atque adeo infrequens est. Seneca in controver. adoptionem esse remedium fortunæ. M. Tullius pro domo sua: causa adoptandi quæri solet, cum is, qui natura liberus esse non potest, adoptat. Ac præterea adoptio fit solemniter, & est legis actio, ut ait Th. *d. t. de adopt. l. post mortem, §. ult. eod. l. r. & d. C. eod.* Nihil horum observatur in comparatione servorum: Nam & femina comparat servum, & ancilla comparatur, nec inspicimus rem quam comparamus, nec cetera multa: servorum enim usus est necessarius. Ad adoptivæ prolis, id est, adoptionis, non est necessarius usus, sed magis voluntarius, ut sint quasi fœnetuli solatio, vel orbitati. Ex his intelligitur ratio differentie, & est elegantissima: Nam frequens usus exigit, ut recipiamus singularia contra jus: & contra jus est, ut liber homo nobis acquirat, & tamen acquirat, si quasi servus fuerit bona fide comparatus. Dices: hoc intelligit, sed quæso quid hoc ad titulum hunc pertinet? Nec enim hic ulla fit mentio usucap. vel usurpationis, quæ interruptio est usucapionis: ideo nec sunt referenda ad titulum *de usurp. & usucap.* Hoc sc. dicimus, ut intelligamus nos non posse usucapere, quæ acquisivit liber homo, quem quasi filium possidemus lapsi iusto errore, id est, iusta ignorantia, scilicet facti, non juris: Nam sola ignorantia juris impedit usucapionem, *l. q. ff. de iur. & fac. ignor.* sed ignorantia facti non item. Puta existimabamus eum, quem adoptabamus esse minorem ætate, dum scilicet hoc ipse fingebat, ut in *l. apud, §. quid enim, de doli except.* Decipimur sæpe in cognoscenda ætate hominum, & facile credimus affirmanti, se huius vel illius ætatis esse: hæc est ignorantia facti, quam artulit dolus adoptari, vel existimantis patrem esse, a quo puer dabatur in adoptionem, cum non esset pater: hæc est ignorantia facti etiam, quæ iustissima est, quem enim is error non caperet? Igitur hic error non impedit solus usucapionem, sed obstat usucapioni alia res, quod per eum, quem adoptavimus non iure, cum existimarem nos adoptasse iure, ducti ignorantia probabili facti, quod inquam, per eum nec possessio quidem nobis acquiratur: rerum scilicet quas interim acquisivit, *l. per eum, si. prox. sup.* Et usucapio sine possessione non procedit. Ergo quod acquirit, non acquirit nobis statim, neque id fieri nostrum potest, ex causa usucapionis, cum possessio ad nos non pertineat: nec mirum, cum nec ipse filius proprie possideatur, sed magis quasi possideatur, quia de causa non potest vindicari, nisi causa adiecta ex iure Quiritium, quod iure pater videtur esse dominus filii, cum habeat in eo jus vitæ necisque eo jure, *l. i. §. per hanc de rei vindic.* Sed si filius*

Tom. IV.

meus sit apud alium, vel apud eum ipsum filium, ut si gerat pro homine sui juris, petitus præjudicio adversus filium ipsum, vel adversus extraneum interdicto de liberis exhibendis, vel extraordinarie prætoris interventu, *d. §. per hanc*, non poterit quasi res sua vindicari, nisi ex iure illo antiquo Quiritium ex *x. l. Tabul.* quod desit esse in usu, ut pleræque alia temporibus auctorum nostrorum erant abrogata ex *12. tab.* Et tamen certum est, subrepto filio meo filiusfamil. nomine, mihi esse actionem furti, quasi interverfa possessione rei meæ, aut certe melius quasi possessione, quasi res mea sit, *l. 2. de interdict.* Dicimus interdictum de filio exhibendo esse quasi proprietatis: cuius rei quasi dominium dicimus esse, necesse est ut sit quasi possessio: cuius absolute dominium, & absolute possessio. Et furti actionem competere patri ostenditur in *l. eum, qui §. si filiusfamil. de furt.* non in pretium filii certum, quia liberi hominis pretium non est, sed in id, quod interest, veluti in lucrum acquisitionis, ut Græci rectissime interpretantur. Qua de causa mater non agit furti subrepti filii nomine, *l. mater, eod. t.* quia matri nihil acquiritur filius & neuter quidem agit conditionis furti, quæ soli domino datur, & pater non est dominus. Sant casus innumeri, quibus hæc duæ actiones furti & conditionis furtivæ non concurrunt. Si per eum, quem existimamus factum filium nostrum adoptione, cum non sit factus, iure possessio nobis non acquiratur, cum non ipse a nobis proprie possideatur: Quæ res de his, quæ liber homo bona fide possessus quasi servus acquisivit ex re nostra, an ea possimus usucapere? Ex hoc quoque dicemus, nos non posse usucapere, quia statim nostra sunt ipso iure. In *l. 4. §. lana, hoc t.* oves sunt furtivæ, lana detonsa est apud bonæ fidei possessorem, non potest usucapi lana, quia statim sit possessoris bonæ fidei, cum lana sit in fructu, *l. in pecudum, de usuris: pleno jure, inquit, sit bonæ fidei possessoris*, ut intelligatur non posse intervenire usucapionem, quæ tribuit plenum jus *l. 17. de rei vindic.* Fructuum plenum jus tribuitur bonæ fidei possessori, statim atque fructus percipit. Sed videtur *d. §. lana* exigere consumptionem fructuum, dum quod dixit in lana, idem esse, ait in agnis, si consumpti sint, quia consumptio dominum efficit eum, qui bona fide quod accepisset, consumpsit. Extantes autem fructus non sunt possessoris, sed possunt vindicari a domino. Consumptio igitur plenissimum jus tribuit, *l. quasitum, in fi. de acquir. rer. dom. §. si quis a non domino, Inst. de rei. divif.* Ergo, quæ liber homo quasi servus bona fide possessus paravit, ex re nostra, non usucapimus, quia statim nostra facta sunt pleno iure, & quod nostrum est, amplius nostrum fieri non potest. Cetera etiam, quæ nec extra rem nostram acquisivit, non usucapimus, quia nec ceterorum possessio nobis acquiratur, sine qua usucapio non consistit, cum nec ei acquiratur: neque enim potest possidere sibi scilicet, qui ab alio possideatur, *l. 54. in fin. de acquir. rer. dom.*

Ad §. primum.

Constat, si rem alienam scienti mihi vendas, tradas autem eo tempore, quo dominus ratum habet, traditionis tempus inspiciendum, remque meam fieri.

Ita vero in §. 1. huius licet non fiat mentio usucapionis, tamen quod est scriptum in eo continetur, est referendum ad usucapionem. In hac specie, qui rem alienam sciens a non domino mala fide emit, deinde cum accipit tradente venditore, cum jam dominus ratum habuisset, aut domino ratum habente satis est, si dominus ratum habuerit tempore traditionis, licet non tempore venditionis, quia ex tempore venditionis videtur ratum habuisse, quia ratihabito retro agit, *l. si fundus, §. 1. de pignor.* quod est ex constitutione Iustin. E contra tibi Sabinianorum est receptum, ut in omnibus ratihabito retrorahatur, & mandato comparatur: neque enim constabat olim in omnibus ratihabitionem retrorahi, sicut etiam conditionem hodie non in omnibus retrorahi con-

stat. Igitur res videtur itea statim atque vendita est, quia tradita est eo tempore, quo dominus ratum habuit. Et nihil est præterea in §. 2. Sed debemus subijcere, quod est in §. 2.

Ad §. Esti possess. & L. II. & pen. D. pro legato.

§. 2. Esti possessio, non contractus initium, quo ad usucapionem pertinet, inspicit placet: nonnunquam tamen evenit, ut non initium presentis possessionis, sed causam antiquiorem traditionis, qua bonam fidem habuit, inspicimus: Veluti circa partum ejus mulieris, quam bona fide capiti possidere. Non enim ideo minus capietur usupuer, quod alienam matrem priusquam enteretur, esse cognovit. Idem in servo postliminio reverso dictum est.

Explicabimus nunc §. esti possessio, sed ei adju-
gemus etiam explicationem l. 3. & l. pen. D. pro leg. quæ
sunt ejusdem libri Papiniani. Certum est in usucapione
bonam fidem possessoris exigi, malæ fidei possessorem non
usucapere. Et regulariter quidem, in omnibus causis si-
ve contractibus bona fides exigitur, non initio contractus,
sed initio adeptæ possessionis, quia & a possessione usu-
capio incipit. Excipitur tantum emptio & venditio, in
qua bona fides exigitur & contractus & traditionis tem-
pore, l. prox. sup. h. l. 7. §. ult. de Publ. in rem acti. Neque
huic exceptioni quicquam obstat l. si alienare, in prin. h. t.
quæ tamen prima specie videtur significare, in emptio-
ne venditione traditionis, id est, possessionis, duntaxat
tempus spectari oportere. Sed verissimum est, quod etiam
voluit Accurs. ejus legis hanc mentem esse, ut non tan-
tum emptio, sed etiam traditionis initium inspicatur,
ex sententia Sabinianorum, ut ait: nam Proculiani ini-
tium tantum emptiois spectabant, id est, sufficere exi-
stimabant, si bona fide emisit, etiam si rem traditam
postea bona fide non accepisset, quod ex eorum Procu-
lianorum sententia videtur referri in l. qui fundum, §. qui
bona fide, tit. seg. videlicet si in eo §. legas, ut est in Floren-
tinis, similis, non dissimilis. Sed forsitan, ut vulgo rectius
legitur, dissimilis, quoniam ea lex est Juliani, qui ex Sabi-
niani fuit, & utroque tempore exigit bonam fidem, de l. 7.
§. ult. de Publ. in rem acti. & ita in l. cum quis, §. de peculio,
de solut. alias notavi, non, simile, sed melius dissimile legi,
quod Accurs. notaverat eo loci. Ut sit, obtinuit Sabin-
sententia, ut bonam fidem in emptione & venditione
exigamus ab emptore, non tantum emptiois tempore,
sed etiam traditionis, cum tamen in aliis contractibus suf-
ficiat intervenire bonam fidem traditionis tempore. Quia
igitur etiam emptiois initium spectari placet, ex eo ap-
paret, non aliter procedere usucapionem pro emptore,
vel pro soluto, quasi resoluta in causa emptiois, nisi
severa emptio intervenierit, nec sufficere ex causa emptio-
is traditionem fieri bona fide accipienti, si nulla emptio
præcesserit, si nullum tempus emptiois fuerit, si non
fuerit duplex tempus, & utroque bona fides: & tamen in
aliis contractibus usucapio pro soluto procedit, si quis
rem sibi solutam quasi debitam bona fide acceperit, licet
nulla præcesserit obligatio, nullum debitum, quia in aliis
causis præterquam in emptione & venditione, possessio-
nis, solutionis, traditionis, solus initium intuemur, l. si is,
qui pro emptore, §. ult. l. pen. h. t. l. 2. si. seg. Idemque est si
præcesserit obligatio, ut, sed exempli gratia, si sciens sti-
pulator sum rem alienam a non domino, quam sciebam
non esse meam. Nam si tempore solutionis, quo mihi res
promissa solvitur, in ea opinione sum jam, ut existimem,
eam rem esse promissoris, non alterius, usucapio pro so-
luto procedit, quia bonam fidem intervenire solutionis
tempore satis est, nec exigitur, ut & stipulationis tem-
pore intervenierit. At in emptione venditione non tantum
accipi, sed etiam emi rem bona fide oportet, & consequen-
ter in aliis causis præterquam in emptione venditione,
falsa causa non officit usucapioni, si modo res sit tradita
& bona fide accepta, ut si ex falsa causa iudicati, ex falsa
causa stipulationis, vel legati, vel noxæ deditionis, res
soluta & tradita sit bona fide accipienti. Nam etsi falsa sit
causa traditionis, usucapio procedit, l. §. de Publ. in rem acti.

At, ut jam dixi, falsa causa emptiois obstat usucapioni,
etiam si quis rem ex ea causa accipiat bona fide. Videtur
tamen Papin. hac in re in hoc eodem lib. comparare, aut
parem facere causam legati, causæ emptiois in l. §. pro
leg. Non magis, inquit, quam si quis emptum existimet, quod
non emerit, pro legato potest usucapi, adhibita l. 2. cod. ubi
negatur procedere usucapionem, si rem possideam quasi
legatam, quæ non erat legata, vel quasi emptam, quæ non
erat emptum. Eandem igitur esse conditionem legati &
emptiois, cum distinctione aliqua nobis explicandum
est hoc modo: ut si res tradita non sit ab herede ex
causa legati, vel a venditore ex causa venditionis, fa-
teamur nullum esse discrimen inter legatum & emptio-
nem, vel alias possessionis causas: nulla ex causa usu-
capionem procedere, quando traditio non intervenit, l.
Celsus, h. t. errorem falsæ causæ non parere usucapio-
nem, nisi errorem traditio secuta sit, §. error, inf. cod. t.
Sed si ex aliis causis quibuscunque res sit tradita bona
fide accipienti, quasi rem debitam sibi ex causa, ex qua
tradebatur, quamvis falsæ sint causæ, usucapio proce-
dit, l. 3. & a. §. ult. inf. pro suo, l. 1. pro donato, l. Proculus,
de jur. dot. Sed si res tradita sit ex causa emptiois, quæ
falsa est, sane usucapio non procedit, d. l. 2. t. seg. nisi
scilicet sit magna præsumptio emptiois, & erroris iusta,
magna, probabilis causa, ut in specie legis, quod vul-
go tit. seg. & l. ult. pro suo. Si mandavi servo meo, aut
procuratori rem emendam, nec emerit, sed quancunque
alia ratione eam rem nactus sit, mala forte fide, atque
ita mihi persuaserit se emisit, & mihi tradiderit rem,
usucapio procedit. Nam hic error est tolerabilis. Idem-
que est, si idem mihi persuaserit servus, aut procura-
tor ejus, cui ego heres existiti, cuique defunctus dederat
in mandatis, ut rem emerit: idque ita ponitur in
ad. l. Adioquin, quod traditum est ex falsa causa em-
ptiois, non potest usucapi. Etiam illud adjuvamus,
quod est in l. pen. pro leg. quamvis res legata non sit
tradita ab herede legatarii, sed legatarius ejus rei pos-
sessionem ingressus sit sine vitio, ut ait, id est, non
vi, non clam, sed pratore auctore, vel herede scien-
te & tacente procedere usucapionem pro legato, si le-
gata sit res aliena, idque est notissimum.

Sed revertamur unde abijimus. Quæro, cur in emptio-
ne venditione exigimus, ut & emptiois & traditionis
initium habeat bonam fidem, & tamen in aliis contracti-
bus veluti in stipulationibus, quæ sunt pandectæ contra-
ctuum: nullus enim contractus non cadit in stipulationem,
sicut Grammatici dicunt adverbis esse pandectas
omnium partium orationis: cur, inquam, in stipulationi-
bus initium duntaxat traditionis spectamus? cur exi-
gimus tantum bonam fidem initio possessionis adeptæ, &
traditionis? Laborant aliquantulum interpretes in red-
denda ratione differentie, sed mihi videtur satis reddi in
ad. l. si is, qui pro emptore, §. ult. quia scilicet salva fide & il-
læsa sciens non possum emere rem alienam a non domino
& pudorem mihi hæc emptio iniicere debet, si scio rem
alienam. Stipulari autem rem alienam unicuique con-
cessum est absque rubore, ut scilicet promissor mihi præstet
æstimationem ejus rei, vel redimat eam rem a domino, si
possit, & præstet: nec enim rem ab eo stipulor quasi a do-
mino, sicut emo rem quasi a domino. Igitur ex alienæ rei
scientia non oratur verecundia stipulatoris, aut fides.
Et summa est igitur ratio separandæ emptiois a ceteris
negotiis, quæ omnia suo ambitu stipulatio comprehendit.
Porro in omnibus contractibus nullo excepto, bona
fides exigitur possessionis tempore, quod ad usucapionem
attinet. Sed addamus non tantum tempore adeptæ pos-
sessionis, sed etiam tempore recuperatæ possessionis, non
tantum initio primæ possessionis, sed etiam initio secun-
dæ bonam fidem exigi, ad. l. si is, qui pro emptore, §. pen. hoc &
l. qui fundum, §. qui bona, tit. seg. Finge: ego bona fide rem
emi & accepi: deinde amissa possessione eam recuperavi
eo tempore, quo sciebam eam alienam esse. Non possum
eam usucapere, quia initium redintegratæ possessionis est
vitiosum, vel rursus: Finge: ego vendidi rem alienam,
quam

quam bona fide possidebam: & cum ea res esset in causa redhibitionis propter morbum aut vitium aliquod, quod ei latenter inerat, ea res mihi redhibita ab emptore, jam scienti rem esse alienam: non possum eam usucapere, quia initium secundæ possessionis vitiosum est, nec satis est bonam fidem intervenisse in prima possessione. Et si tunc iterum: ego fundum possideo bona fide, & ex eo deicior per vim, post recuperationem possessionis remedium interdicti unde vi, sciens jam fundum esse alienum, non usucapiam, quia possessio quam recuperavi, vitiosa est. Concludamus igitur, bonam fidem exigere, non tantum initio adeptæ, sed etiam initio recuperatæ, redintegratæ possessionis quod ad usucapionem attinet. Sed excipiamus ab hac definitione duos casus, qui proponuntur in hac lege, quibus initio recuperatæ possessionis bona fides non exigitur, & satis est si intervenit initio primæ. Primus casus est: ancillam prægnantem emi, aut alia ex causa bona fide possidere coepi, post cognovi eam esse alienam, antequam pareret, deinde pariens enixa est puerum: an puerum possum usucapere, licet eo tempore, quo editus est, sciverim matrem ancillam alienam esse? Maxime, quia non videtur quasi initio secundæ possessionis bona fides desiderari: nam videtur esse due possessiones pueri: una temporis, quo fuit in utero, altera temporis, quo exiit utero, sed fingitur (& hæc est ratio) una tantum fuisse possessio pueri, & continua nec interrupta. Fingitur ab initio comparatæ ancillæ natus, ut in plerisque causis etiam quæ non pertinent ad commodum ejus qui est in utero: qui est in utero habetur pro nato, & enumerantur multæ causæ, maxime in *l. pen. de statu hom.* Et ad unam causam quæ ibi refertur de usucapione partus, velim ex hoc & etiam hanc addi, his verbis: *si liber, & si ancilla prægnans bona fide emptæ sit, quamvis mox scierit emptor ancillam alienam esse, id, quod natum erit, usucapietur, l. justo, §. est si possessionis, de usuc.* Et ideo posui ancillam non fuisse furtivam, quia si ea fuerit furtiva, bona fides exigitur, ut partus usucapio procedat etiam editionis tempore, *l. 4. §. si antequam, l. non solum, in princ. hoc tit.* Secundus casus est: servum bona fide emi, is captus est ab hostibus, evapitate interruptitur possessio: deinde, priusquam reverteretur postliminio cognovi servum alienum esse, non ideo minus potero eum usucapere, quamvis ejus recuperati tempore scierim alienum eum esse, quia scilicet postliminium fingit unam possessionem ejus servi fuisse, & continuam nec interruptam: postliminium retro fingit eum casum non accidisse, fingit servum nunquam abiisse potestate domini, aut possessoris. Itaque utroque casu fuit una possessio, quamvis videatur duæ fuisse, & inter eas media interruptio, ut satis fit initium primæ possessionis caruisse vitio, nec quicquam nocebit usucapioni superveniens mala fides.

Ad §. Nondum aditæ.

§. 3. Nondum aditæ hereditatis tempus usucapioni datum est, si servus hereditarius aliquid comparaverit, si servus defunctus usucapere coeperat. Sed hæc jure singulari recepta sunt. Explicemus §. nondum, in quo ponuntur duo casus singulares, quibus jacentis necdum aditæ hereditatis tempus ad usucapionem heredi procedit. Priore casu ad inchoandam eam, si servus hereditarius aliquid comparaverit, posteriore ad continuandam & complendam eam, si defunctus aliquid possidere coeperit & usucapere. Et hæc duo esse in usucapione singularia recepta, quibus scilicet sine possessione, aut sine possessionis continuatione, videtur contingere usucapio contra regulas juris, & definitionem usucapionis. Quid est usucapio? Adeptio domini per continuationem possessionis certi temporis, lege definiti: quia scilicet hereditas jacentis, possessionem non habet, *l. 1. §. Scævola, si quis test. lib. esse.* Est enim possessio facti & animi, hereditas autem res incorporalis & non est factum, vel animus sine corpore; denique non est possessio sine corpore. Nondum, inquit, aditæ hereditatis tempus usucapioni datum est, &c. Et quod ad priorem ca-

sum attinet, ex eo, quod diximus hoc eod. lib. & *l. peregre, §. quæsitum, tit. prox. sup.* jure singulari, utilitatis ratione esse receptum, ut ex peculiari causa sola per servum dominus ignorans, vel per filium suum, pater ignorans possideat & usucapiat, per servum scilicet, quem ipse dominus possidet, non per fugitivum, quem non possidet, non per eum quem alius possidet, *l. homo liber, in fi. de acqui. rer. dom.* Jure communi scientem tantum possidere, & usucapere. Ex eo, inquam, jure singulari sequitur, ut si servus hereditarius, jacente, necdum aditæ hereditate, peculiari nomine aliquid comparaverit, ejus possessio & usucapio hereditati quærat, quia quod ignorant homini quæritur, & jacenti hereditati quæri potest, quæ ignorantis, absentis, dormientis, mortui loco est. Et hoc probatur apertissime in *l. 1. §. item acquirimus, sup. tit. prox. l. pen. inf. de cap. & postlim. l. qui a servo hereditario, de oblig. & act. ubi Accursius male etiam extra causam pecularem, id est, ex causa dominica non peculiari, nomine domini non suo nomine, (idem est suo nomine & peculiari nomine) scribit servum ignorantem domino possessionem acquirere. Hoc est falsum, ut ostendi & probavi *d. l. peregre, §. quæsitum*, nisi servus habeat justum domini. Et quod ait *l. si me in vacuum, §. ult. sup. tit. prox.* servum meum mihi ignorantem acquirere possessionem, sic est accipiendum, nempe ex causa peculiari vel ex iussu meo, causa mea, sicut procurator meus vel servus alienus ex mandato quoque meo, causa mea, mihi acquirit possessionem etiam ignorantem, quam meo nomine adipiscitur. Et altera lex, quæ nititur Accursius, id est, *l. quod servus, eod. tit.* aperte loquitur de causa peculiari tantum, ut ex ea scilicet ignorantem domino acquirat possessionem, secundum hoc, quod Papinianus ait in hoc §. nondum hereditatis aditæ tempus usucapioni datum esse, si servus hereditarius aliquid comparaverit. Sic accipiendum, si peculiari nomine comparaverit, non si alieno nomine. Verum huic sententiæ officit vehementer lex *seq. §. ult. ubi* negat, ante aditam hereditatem procedere usucapionem ejus rei, quam servus hereditarius comparavit peculiari nomine, quemadmodum etiam usucapiatur, inquit, quod ante defunctus non possedit. Denique concludit, usucapionis primordium esse tempus aditæ hereditatis. Manifestum igitur ille §. pugnat cum superiori definitione. Et si quid aliud quæseris diligenter, quod respondeas liquido, frustra fueris diligens. Nec enim invenies aliud, quam hoc unum, verum id quidem esse, quod proditum est in hoc §. ult. jure civili, jure communi, sed jure singulare, consensu jus receptum, mortem suadere, admittere aliud. Nam quæ Accursius scribit ægroti somnia videntur, ut hoc loco fingit, eum servum possidere coepisse ante mortem domini, contra manifesta verba Papin. qui servum hereditarium comparasse rem ait, servus autem hereditarius non est ante mortem testatoris, sed post mortem, ante aditam hereditatem, interim scilicet dum jacet & vacat hereditas. Et ita semper in jure accipitur servus hereditarius, ut cum dicitur, per servum hereditarium heredi non posse acquiri rem hereditariam, vel hereditatem ipsam, *l. per hereditariam, de acqui. rer. dom.* Et cum dicitur heredi ex asse scripto adscriptam conditionem hanc, si servum hereditarium non alienaverit, impossibilis est conditio, *l. quarta, §. pen. de conditionib. institut.* Et in multis aliis locis, si quis dixerit, servum hereditarium esse ante mortem testatoris, vel post aditam hereditatem, id ridiculum & delirium esse videtur, quod tamen scripsit Æmilius Ferretus, *l. 1. §. veteres, sup. tit. prox.* Et longe lapsus est a vero. Is homo in contemnendis & reprehendis doctoribus, ponit fastus multum, in tradenda veritate studii nihil, & ob eam rem ejus scripta plane sunt juris studiosis inutilia. Igitur, ut in *l. seq. ita* in hoc §. nondum, ponendum est, servum hereditarium post mortem testatoris ante aditam hereditatem comparasse aliquid peculiari nomine. Nam si posueris, comparasse ante mortem testatoris, ipse testator id possidisse intelligitur, atque ita non erit hic prior casus de servo heredita-*

rio diversus a posteriori, quo etiam placet hereditatis A
 jacentis tempus ad usucapionem heredi procedere, *siue*
defunctus, inquit, *usucapere coeperat*: non erunt duo ca-
 sus his verbis, *siue servus, siue defunctus usucaperit*,
 Et. Et quidem jam satis diximus de priori sententia.
 Posterioris hæc est, ut coepta usucapio a defuncto nec-
 dum impleta jacente hereditate & possessione vacua (nam
 hereditas jacens, ut dixi supra, possessionem non habet)
 nihilominus procedat, procurrat, perficiatur, peragatur,
 impleatur jure singulari, quamvis non sit continuata pos-
 sessio, sed vacet jacente hereditate, in l. *nunquam*,
 §. *vacuum*, l. *captum*, *hoc tit.* ubi constitutum est, cæ-
 ptam usucapionem a defuncto posse & ante-aditam he-
 reditatem impleri, constitutum est, id est, receptum
 est jure singulari, ut initio hujus legis constitutum me
 interpretari memini. Idem l. *qui cum*, §. *ult. tit. seq.* Et
 l. *cum miles*, *sup. quib. ex causis major.* Denique morte
 mea non interruptitur usucapio, quæ a me coepit ini-
 tium, sicut morte coloni mei per quem possidebam,
 etiam mortuum eum esse ignorem non interruptitur
 usucapio, l. *si de eo fundo*, §. *x. tit. sup. tit. prox.* Igitur his duo-
 bus casibus, qui notantur breviter in hoc d. & ut brevi-
 ter, sicut morte coloni mei per quem possidebam, id est,
 fingitur possidere, ut ait d. l. *qui servo, de obligat. & action.*
 Fingitur, inquam, quia coepta possessionis res incor-
 poreæ & inanimæ non est capax. Atque ita priori ca-
 su inchoatur usucapio, posteriore continuatur & imple-
 tur usucapio jacente hereditate, videlicet, *si medium*
illud tempus jacens hereditatis vacuum fuerit, id est,
 si eo tempore alius non sit possessionem ingressus, l. C
Pomponius, §. *questum*, *sup. tit. prox.* nam si post mor-
 tem testatoris, qui possidere coeperat, non prior heres
 possederit, sed alius quidam, possessio testatoris inter-
 rupta est, nec capitatur in herede, l. *possessio*, *hoc tit.*
 Possessio, inquit, testatoris ita demum heredi procedit, *vel*
accedit, *si medio tempore a nullo fuerit possessa*, sed si medio
 tempore vacavit, continuatur in herede, nec intelligi-
 tur morte testatoris interrupta fuisse, & non ea tan-
 tum continuatur, quæ morti testatoris injuncta fuit,
 id est, quæ duxit usque ad supremum exitum vitæ
 testatoris, sed etiam, quæ unquam testatoris fuit, quæ
 aliquando testatoris fuit, licet proxima morti ejus non
 fuit, si modo medius possessor non intervenerit. Et
 hæc est sententia legis Pomponius, §. *non autem vit. prox.*
sup. ubi Florentia recte legitur, unquam, vulgo perpe-
 ram, *nunquam*, expressa falsa sententia: Nam hoc vult
 in hoc §. non tantum possessionem testatoris heredi pro-
 cedere, quæ morti fuit injuncta, sed etiam eam, quæ
 unquam testatoris fuit, etiam si non fuerit morti con-
 juncta: si dixeris, quæ unquam testatoris fuit, falsum
 dixeris. Et ita l. *inter omnes*, in pr. de furt. si res furto
 subrepta extincta sit, si servus furto subreptus mortuus
 sit, nihilominus competere actionem furti, non quia nunc
 res abest, sed quia unquam, inquit, beneficio juris ab-
 fuit, *per son moym*, ubi etiam vulgo perperam, *non-*
nunquam. Hi vero duo casus fuit vobis valde notan-
 di quibus jure singulari recipitur, ut usucapio procedat
 sine possessione, aut sine continuatione possessionis si
 verum fateamur. Et his exemplis uti oportet ad defi-
 nitionem juris singularis, quod ponitur in l. *jus singu-*
lare, de legibus, ut jus singulare sit, quod contra te-
 neorem rationis contra regulam juris, *ut apud quos dicitur*,
capit naviat, id est, contra exactam diligentiam contra ca-
 nones propter utilitatem aliquam, introductum est. Nul-
 lum, quod est mirum, ibi Accursius affert exemplum
 idoneum, cum sit luculentissimum in d. *pervegre*, §.
questum, & in hoc §. & in l. *singularia recepta*, id
 est, *jure singulari*, ff. de rebus credit. Et potest etiam ex
 Theophilo sumi exemplum ex conditione furtiva, quæ
 datur domino *ut apud naviat*, quia regulariter dominus non
 condiciet rem suam, sed utilitas publica, odiumque fur-
 rum, admittit conditionem, & eam concedit dominis
 adversus fures.

Ad §. Filiusfamilias.

§. 4. Filiusfamilias emptor aliena rei, cum patremfam-
 ilias se factum ignoret, caput rem sibi traditam possidere: cur
 non capiat usu, cum bona fides initio possessionis adsit,
 quamvis eum se per errorem esse arbitretur, qui rem ex
 causa peculiari quesitam nec possidere possit? idem di-
 cendum erit, etsi ex patris hereditate ad se pervenisse
 rem emptam non levi presumptione credat.

Explicemus nunc ceteros §§. Et primo loco §. *filius-*
familias, in quo ponitur casus, quod qui putat se non
 possidere quod possidet, nihilominus possidet & usu-
 capiat. Aut certe sunt duæ hujus §. partes. Priori parte, is
 qui putat se non possidere, nihilominus intelligitur posside-
 re, & usucapit. Posteriori, qui putat se ex una causa
 possidere, nihilominus ex alia causa intelligitur possidere
 & usucapere. Posterioris partis verba sunt, *idem*, &c. Finge:
 filius. ex causa peculiari emit rem alienam, & quo
 tempore jam erat paterfamilias factus mortis patris, quem
 ipse vivere existimabat, eam rem sibi traditam accepit.
 Emit autem & accepit bona fide, ignorans rem esse ali-
 enam. Queritur, an ei usucapio procedat pro emptore, vel
 pro soluto, vel pro suo, non ex causa emptionis? Qui tres
 tituli concurrunt. Ratio dubitandi hæc est, quia filius,
 erravit in conditione sua, nempe existimavit se esse filium
 fam. atque ideo eam rem, quam emit & accepit, existima-
 vit se non possidere, sed patrem, quia peculium aut rem
 peculiarem, aut rem ex peculii causa quesitam & par-
 tam, non possidet filius sed pater, non servus sed do-
 minus, l. *quod servus*, & l. *possessio*, §. *i. t. prox. sup.* Qui igitur
 existimavit, se esse filium, existimavit se non esse posses-
 sorem ejus rei, quam tenet. Porro in eo errore erat il-
 le, ignorans mortem patris: hæc ignorantia, hic error,
 facit dubitationem, rationem dubitandi, *ut dicitur in*
augustinianis, ut ait *Aristot.* l. *i. Polit.* c. 3. Sed hic
 error, error est facti, non juris: ignorantia scilicet
 mortis paternæ, & error facti non obstat usucapioni,
 si initio emptionis & possessionis bonam fidem habue-
 rit. Error juris impedit usucapionem, ut si quis juris
 ignarus putaret sibi non licere possidere, quod licet,
 ut in l. *si fur*, §. *i. hoc t.* quod explicavimus latius, lib. 19. ad
 l. 7. de juris & facti ignor. Et ideo rectissime Accursius no-
 tavit, in hac specie fuisse errorem facti, non juris. Allo-
 quin esset summum dissidium inter hunc §. & d. l. *si fur*,
 §. *i.* Idem vero procedit, ut ostenditur in posteriori parte
 hujus §. si idem filius non levi argumento ductus,
 putet quidem se possidere, sed ex alia causa, quæ pos-
 sessionem adeptus est, & obtinet, ut qui putat se pos-
 sidere, ex causa hereditaria, qui rem habet ex causa
 emptionis, non ex causa hereditaria. Finge: filius. ex
 causa peculiari emit rem alienam bona fide, & eam
 ignoraret se patremfamilias factum mortis patris, eam rem
 sibi traditam accepit bona fide: existimavit igitur, ejus
 rei possessionem patris esse, non suam, quæ tamen erat sua
 mortuo jam patre ante traditionem rei. Deinde cognita
 morte patris, tempore autem mortis non satis bene co-
 gnito, cum patri heres existisset, credidit se ex hereditate
 patris eam rem habere, non ex emptione, a se emptam scil.
 & acceptam pervenisse ad patrem, mox a patre ad se re-
 didisse jure hereditario: erravit in titulo possessionis, non
 levi, inquit, *presumptione ductus*, cui scil. non erat bene co-
 gnitum tempus mortis patris: presumptio plus est quam
 putatio, seu existimatio: & hoc loco, *credat*, inquit, non
 putet, existimet, aut arbitretur. D. Hieronym. adversus
 Rufinum: de auctoribus, *sic nescit se dicit, ut putet potius*
quam presumat. At nihilominus concluditur, etiam hoc
 casu procedere usucapionem pro emptore: atque ita, qui
 putat se non possidere pro emptore, nihilominus possidet
 & usucapit pro emptore: Et consequenter priori parte
 hujus §. ponenda ita videtur species in posteriori. Sed
 Accursius longe aliam ponit speciem: patrem rem alienam
 emisse bona fide, nondum accepisse, eo tamen mortuo
 sorte fortuna. eam rem in hereditate inventam fuisse, &
 filium

filium statim existimasse, eam patri traditam fuisse ex causa emptionis, quæ tamen ei tradita nunquam fuerat: usucapio pro emptore filio procedit, quod admittit, quia licet possessio a venditore non sit tradita, eam filius ingressus est sine vizio, argumento l. pen. inf. pro leg. Nam & e contrario, si res non sit emptæ, sed tradita ex causa emptionis, quæ non præcessit, & non leve sit argumentum emptionis, usucapio pro emptore procedit, l. quod vulgus sit. seg. l. ult. pro suo, quod etiam dixi sup. in §. est possessio: ego admitterem quidem speciem Accursii, & rationem definiendæ ejus, sed speciem quam posuimus, dico esse consequentiorẽ priori parti hujus §.

Ad §. non mutat.

§. 5. Non mutat usucapio superveniens pro emptore, vel pro herede, quo minus pignoris perfectio salva sit: Ut enim usufructus usucapi potest, ita perfectio pignoris, quæ nulla societate domini conjungitur, sed sola conventionem constituitur, usucapione rei non perimitur.

Sententia hujus §. hæc est: Usucapione rei dominium mutari: pignus vel usufructum non mutari, non perimi. Usucapio est adeptio domini, non solutio pignoris, non liberatio usufructus. Finge: usucapta est res Titii, quæ erat creditoris ejus pignori obligata, cum sua causa usucapta est, non libera, sed uti erat, pignorat: dominium Titius amittit, creditor pignus non amittit, imo etiam adversus eum, qui usufructu rem, habet actionem pignoris, id est, hypothecariam, l. 1. §. cum pradium, sup. de pignor. l. usucapio, C. eod. Et hæc redditur ratio in d. §. cum pradium, & in hoc §. ab eo auctore: quia questio pignoris ab intentione domini separata est, ut ait hoc loco, nulla societate intentione domini conjungitur: ergo dominio amisso, non consequitur & pignus esse amissum: quod adeo verum est, utriusque victo debitor in questione domini, non perimatur actio pignoris, sive actio hypothecaria, l. 3. sup. de pign. Dominium, ut magis discriminè intelligatur, ex possessione incipit, l. 2. in princ. tit. prox. sup. Pignus ex sola conventionem sine possessione consistit, ut ait hoc loco, & l. 1. de pignor. act. Et hoc quod dicitur, usucapione rei pignus non perimi, item dominium esse non obligationem pignoris, locum habet non tantum in pignore conventionali, sed etiam in pratorio pignore, quod missio in possessionem constituit. Neutrum usucapione rei perimitur, l. missio, tit. seg. l. 2. pro herede. Idem etiam procedit in usufructu. Finge: usucapta est res Titii, id est, cujus dominium sive proprietas nuda erat Titii, usufructus erat Sempronii: nihil commune habet proprietas cum usufructu, id est, cum servitute usufructus, ac proinde usucapta proprietate, amittit quidem eam Titius, usufructum non amittit Sempronius. Hoc etiam ostenditur in l. locum §. 2. sup. de usufr. Summa igitur hujus §. hæc est: Usucapione rem alienam nostram fieri, sed non optimo jure, id est, non optima conditione, non optimo maximo jure, id est, liberam, solutam, immunem non fieri, sed usucapi cum sua causa, eum qualitate sua & conditione: usucapio res, non usucapio etiam pignus vel usufructum: pignus, id est, liberationem pignoris, usufructum, id est, liberationem usufructus, id est, libertatem, quia & usufructus non utendo amittitur certo tempore. Et ut Paulus definit. 1. Sentent. Quæ non utendo amittuntur, eorum liberata usucapi non potest. Pignus autem amittitur ipso jure, sola conventionem, sicut sola conventionem constituitur: eodem scilicet modo solvitur, quo queritur, vel etiam solvitur per præscriptionem silentio longi aut longissimi temporis secundum distinctionem traditam in tit. de præscript. 30. vel 40. annorum: non solvitur usucapione rei. Jus etiam pignoris non potest quasi usucapione, nec jus usufructus, sicut nec jus servitutis cuiuscunque, nec jus hereditatis, quia hæ res incorporales sunt, & incorporales res nec possessionem recipiunt, nec usucapionem, l. servus, qui bona fide, §. 1. de acq. rer. dom. §.

Ad §. cum qui.

Eum qui posteaquam usucapere cepit, in furorẽ incidit, utilitate suadente restitutum est, ne languor animi damnum etiam in bonis adferat, ex omni causa implere usucapionem.

Sequitur alius §. cum qui, diximus jam sup. in §. non dum, jure singulari utilitatis causa esse receptum, ut coepa usucapio morte possessoris non interrumpatur: eodem jure singulari utilitatis ratione, hoc loco ostenditur etiam esse receptum, vel, ut est Florentia scriptum, restitutum, non male, puta a prudentibus, ut alibi dicitur proditum, vel traditum per manus, l. 9. de jure cod. 15. quasi. ut scilicet furor possessoris, qui supervenit post coeptam usucapionem, non interrumpatur usucapio. Quod etiam probat l. 4. §. furiosus, hoc tit. & l. nunquam §. si servus, & seg. hoc tit. Et ratio utilitatis hæc redditur, ne languor animi etiam bonis damnum adferat: furor est languor animi, id est, morbus: ut languor corporis, id est, morbus, l. inter, §. non omnia, mand. Horat. aquosus languor, id est, hydrops. Seneca 10. epistol. in corporibus languoribus signa præcunt, quadam enim segnitia nervis inest, & sine labore oscitatio, quod congruit cum illo Hippocratis aphorismo νόσος αὐτοκίνητος, &c. Et idem medici morbos grandes ajunt, non esse curandos, sed dimittendos naturæ, ne medela languorem exasperet, ut refert Hieronymus in epist. de erroribus Origenis. Videtur autem desisse possidere furiosus, cui animus languet quodammodo. Sed utilitas suadet ne sopore, quemadmodum fit furorẽ, etiam interrumpatur usucapio, quæ nec (quod longo plus est) morte interrumpitur: mortui neque est corpus, neque animus: furiosi, vel dormientis est corpus & animus, sed languidus. Et si dixeris, eos desisse animo possidere, dicam, imo potius, non posse eos animo desinere possidere, quorum animus sopitus est, vel sede suamotus, l. si is qui animo, sup. tit. prox. Et animus dico, non animam: anima est causa vitæ, ut Cornelius Fronton ait, animus est, quo sapiamus, cogitamus, intelligimus, volumus, nolumus, quæ & mens dicitur. Anima est, qua vivimus. Et eleganter Accius Poeta; Sapimus animo, fruimur anima sive animo: anima est debilis, anima est communis cum brutis, non animus. Juvenalis: illis tantum animas, nobis animum quoque. Et idem quoque omnino, ne quis arbitretur non esse Christiani D. Augustinus in princip. 15. de Trinitate: dormientis animus sopitur, non anima: furiosi animus sive mens quodammodo extinguitur, anima manet, animus augetur vel minuitur pro arate. Lactantius 7. Instit. Anima in statu suo semper est, etiam postquam corpore exiit. Et si Epicurus non faceret idem animum & animam, ut facit, recte diceret, extinguere pariter eum corpore, & una crescere sentimus pariterque senescere mentem, ait Lucretius.

Ad §. ult.

Si, cum apud hostes dominus, aut pater agat, servus aut filius emat, an & tenere incipiat? si quidem ex causa peculii possedit, usucapionem inchoat, nec impedimento domini captivitatem esse, cujus scientia non esset in civitate necessaria: si vero non ex causa peculii comprehetur, usui non capi, nec jure possimini quæsitum intelligi: cum prius esset, ut quod usufructum diceretur, possessum foret: si autem pater alii decesserit: quia temporis captivitas ex die, quo capitur morti iungentur, potest dici filium & possedisse sibi, & usufructu intelligi.

In §. ult. hujus l. & hæc questio proponitur: si patre vel domino capto ab hostibus, filius aut servus aliquid emat, an traditione sequente, id etiam tenere incipiat, quod filius aut servus tenet naturaliter, pater aut dominus creditur possidere, l. quod servus, sup. tit. prox. Hoc ergo queritur, an pater vel dominus, per eum servum vel filium

rem

rem emptam & acceptam bona fide, possidere & usucapere incipiat? Hæc est questio Papiniani. Et distinguit Papinianus: Aut filius vel servus eam rem ex causa peculiari comparavit, aut non, atque ita scribit: *si cum apud hostes dominus aut pater agat, servus vel filius emat, an & tenere incipiat?* Sequitur distinctio: *si quidem ex causa peculiari.* Priusquam hanc distinctionem exponam, scire vos velim aut memoria repetere, duas esse fisiones, quarum in iure, quotiens de bonis captivorum agitur, frequens est usus: una est fictio postliminii, quæ jure gentium comparata est: altera est fictio legis Cornelie, quæ jure civili comparata est: fictio postliminii efficit, ut si captivus redeat ab hostibus, retro credatur in civitate fuisse, & recipiat pristina jura, recipiat, inquam, ea quæ sunt juris, non ea quæ sunt facti: possessio est facti: quod igitur verum est, in sua vita eum debuisse possidere per captivitatem, postliminium non efficit, ut non desierit possidere, ut possidere factum est, ita desinere possidere factum est, non facere, facere est: nam & qui non facit, hoc facit, ut nolit facere: privatio actionis, actio est: & ob id non male Stoici, omne peccatum esse actionem, quamvis quædam peccata in non faciendo consistant: non potest igitur ullum jus, ulla constitutio juris, ulla fictio facta facere infecta: ut quod quis possedit, non potest facere ne possederit, vel quod non possedit, non potest facere ut possederit: & possidere, & desinere possidere facti est, & quod facti est, nulla fictio infectum reddere potest, *l. in bello, §. facti, de capt. & postlim. l. denique, ex quibus caus. major. jura restantur* & redintegrari possunt: ita postliminium jura redintegrat, sed non facit ut qui desit possidere, non desierit possidere, id est, interruptam possessionem non restituit, ita scilicet, ut non videatur medio tempore fuisse interrupta: fictio autem legis Cornelie efficit, ut si captivus mortuus sit apud hostes, retro credatur mortuus eo ipso die, quo captus est, nec unquam pervenisse in potestatem hostium. Quæ fictio etiam legis Cornelie, non efficit, ut qui desierit possidere, non desierit, sed ut ab eo intelligatur continuata possessio in hereditate, ac per hoc in heredem postea factum additione, & ob eam rem ab omnibus judicatur plenior esse fictio legis Cornelie, quam fictio postliminii. Hæc sunt ut proposui duæ fisiones, quarum est frequens usus in iure, quoties disceptatur de bonis captivorum, & plenior legis Cornelie, quod ex sequentibus magis apparebit. Ergo in proposta questione Papin. ita distinguit: aut patre vel domino capto ab hostibus filius vel servus rem comparavit ex causa peculiari, aut non. Si patre agente apud hostes filius vel servus rem comparavit non ex causa peculiari, reverso patre vel domino, jure postliminii non intelligitur ei processisse usucapio, quæ non cepit ante captivitatem, cum & quæ cepit ante captivitatem interrupta sit, nec postliminio recipiatur, ut inferius demonstrabitur. Patre autem ibi mortuo, quia ex lege Cornelia mortuus ex eo tempore fuisse intelligitur, ex quo captus est, filio, licet patri heres non existit, usucapio procedit, quia ex eo tempore sui juris fuisse, & sibi acquisivisse intelligitur, *l. in bello, §. si quis, de capt. & postlim. reverso.* Domino autem ibi mortuo usucapio heredi ejus procedit, in cujus dominium etiam servus transit. Et hoc quidem est certissimum, cum filius vel servus rem non ex causa peculiari comparavit. Sed quid si ex causa peculii? quod est alterum membrum distinctionis? Est major questio: Si quid filius vel servus patre vel domino agente apud hostes comparavit ex causa peculiari, non nomine patris vel domini, ex qua causa constat ignorantiam vel mortem patris aut domini non impedire usucapionem, dicam etiam captivitatem non impedire aut retardare usucapionem, sed statim usucapionem capere primordium, & patri vel domino reverso ab hostibus prodesse jure postliminii, aut heredi ejus eo ibi mortuo, quod ostenditur in *l. an pater, §. plane, ex quibus caus. major. & l. in bello, §. facti, l. bona, §. quæ peculiari, l. pen. de capt. & postlim. & l. si is qui pro emptore, hoc t.* Et multo magis dicam usucapionem procedere, si quid captivus ante captivitatem per servum ex causa peculiari

A possidere cepisset, remanente eo servo in possessione, *d. §. facti.* Et hæc omnia esse ex Juliani sententia, quæ obtinuit, constat ex *d. §. facti, & ex d. §. quæ peculiari, & ex d. l. si is qui pro emptore.* Marcellus dissentiebat: consentiebat etiam in quibusdam hac in re Julianus & Marcellus. Primum enim Julianus distinguebat hoc modo: aut per semetipsum possidebat, qui ad hostes captivitate pervenit, aut per subiectam juri suo personam, veluti filium aut servum. Si per semetipsum, possessio & usucapio captivitate interruptitur, quia qui ab alio possidetur, nihil possidere potest, *l. homo liber, in fine, de acquir. rer. domin. l. qui in servit. de regul. juris.* Captivus possidetur ab hostibus, quia servus est hostium. Si interruptitur captivitate, ergo etiam postliminio reversus sit, tempore captivitatis non intelligitur implese usucapionem, *d. l. an pater, §. si autem, ex quibus caus. major. & d. l. si qui pro emptore,* quia possessio est facti: possidere aut desinere possidere est facti, & quæ sunt facti, ut ante præmunivi, nulla fictio infecta facere potest. Postliminium jura redintegrat, facta aut non facta non distinguit: non facta & facta sunt, aut quæ desierunt fieri facta sunt, quæ distingere non potest postliminium. Denique captivitate possessio, & usucapio interruptitur, nec postliminio recipitur, ut scilicet medio tempore, dum apud hostes fuit, intelligatur usucapio: quæ tamen, quod notandum, non interruptitur morte possessoris, ut in *sup. d. §. demonstratum est:* captivitate interruptitur, non morte, quia hereditas, quæ vice defuncti est, continuare possit. intelligitur, & furore etiam non interruptitur, quia non potest furiosus animo desinere possidere, cujus languet animus, aut propemodum extinctus est, *l. si is qui animo, sup. tit. prox.* At si captivus non revertatur, sed ibi moriatur, filio, vel heredi ejus usucapio processisse intelligitur, velut si mortuus fuisset eo die, quo captus est, nec unquam pervenisset in potestatem hostium, quod & lex Corn. fingit. Igitur hac in re plus potest fictio legis Corn. quam postliminii, & plenior est. Idemque Julianus, ut opinor existimabat, in his quæ captivus ante captivitatem ex causa non peculiari, per servum possidisset, eorum sc. possessionem interruptum, nec postliminio recipit: ceterum eo mortuo apud hostes, possessionem continuari in heredem ejus, ac si mansisset semper in civitate: tempus captivitatis ex lege Corn. jungi morti. Neque in his quæ retuli ullum fuit diffidium inter Julianum & Marcellum, sed est ut fuit in his, quem sequuntur: si quid captivus per servum possidisset ex causa peculiari ante captivitatem, Julianus existimabat, remanente servo in possessione, eam non interrupti captivitate, cum, & si post captivitatem domini, servus ex causa peculiari aliquid possidisset, Julianus existimaret, in eo quoque tempore captivitatis dominum potuisse usucapere, & postliminio reverso prodesse ad usucapionem: ibi mortuo prodesse heredi ejus, quia ex causa jure singulari etiam ignorans usucaperet, & captivus similiter, quasi sit ignorantis loco, ut sibi se pro sit usucapio reverso, vel heredi suo, si non revertatur, in *l. pen. inf. de capt. & postlim. reverso, & in sup. d. l. l.* Nam & Marcellus quidem admittebat, eo ibi mortuo, heredi prodesse usucapionem: non admittebat etiam, reverso prodesse usucapionem, atque ita hoc etiam casu plenius accipiebat fictionem legis Cornelie, quam postliminii: & ut contra E Julianum ostenderet, reverso non prodesse usucapionem, utebatur ratione fidei argumento hujusmodi: Quid interest ipse captivus possideret an servus ejus? Postliminio reverso non procedit usucapio ejus, qui per se possedit, vel per eum servum ex causa non peculiari. Ergo non potest etiam ei reverso prodesse, qui per servum possedit nomine peculiari ante captivitatem. Et rursus, si reversus in his, quæ ante captivitatem per servum possedit ex quacunque causa, nihil habet juris ex postliminio, cur plus juris debet habere ex postliminio, si quid post captivitatem per servum possideret, peculi nomine, *d. l. si quis pro emptore.* Hæc ratio proponitur. Inde Marcellus statuebat, usucapionem eorum non interrupti quæ captivus possidisset ante captivitatem ex omni causa, nec ex causa pecu-

peculiari: imo vero post captivitatem, aut reverb domino prodesse, quod videtur juvari posse, eo quod ita demum dominus ignorans per servum ufucapit ex causa peculiari, si servum possidet, *l. homo liber, inf. de adq. rer. dom.* Servum autem captivum non possidet: sed dici potest conservari posses. servi, spe & proposito servi ipsius, qui sperat quandoque dominum reversurum, ut in *l. si rem, supra t. prox.* Aliter quam si fugitivus esset servus, qui se pro libertate gereret, atque ita domino subduceret, ut in *d. l. homo liber, inf.* Nam per hunc ignorans dominus non ufucapit peculii nomine: per illum ufucapit, dum est apud hostes, quia conservat ipse servus possessionem sui domino, velut servo ipso capto ab hostibus. servi possessio conservatur spe & proposito domini manentis in civitate, *§. si possessionis, supra.* Et omnino secundum Julianum, cujus sententia obtinuit, ita est concludendum: ex causa peculiari possessionem rei, quam servus tenere cepit ante captivitatem domini, proposito servi domino conservari quandoque reversuro, & post captivitatem ex eadem causa adquiri, at reverb domino proficere. Quæ est definitio h. questionis.

Sed ut sit peripicia magis, nec quicquam in ea obscuri reseat, paucis enarranda nobis est *d. l. si is, qui pro emptore 15. ff. h. tit.* quæ in hac questione obscurior esse existimatur: est enim lex Pauli, qui est concisus admodum, & comprehensione rerum brevis & *avartus*, idemque unius collectionis frequenter partem unam tantum ponit, more Aristotelico, qui sæpe omittit assumptionem vel conclusionem: eo fit, ut multa Paulo nos supplere oporteat, & subintelligere, quod accidit plane in hac lege *si is, qui*, sed ita tamen, ut quæ omnia sunt a Paulo facile suppleri possint ex *sup. d. locis* ex ea definitione, quam vobis distincte exposui, querit primum Paulus, an possessore capto ab hostibus, antequam impleffer ufucapionem, & ibi mortuo, heredi ejus ufucapio procedat? Et tenet primum, imo hoc unum tenet, non procedere heredi ufucapionem ejus rei, quam ante captivitatem possidebat per semetipsum. Argumentum est tale: quæ ipsi reverb ufucapio non prodest, nec heredi ejus prodesse potest. Ipsi autem reverb non prodest jure postliminii, quia interrupta est ufucapio captivitate, & postliminium factam semel interruptionem insectam facere non potest. Ergo (quam tamen conclusionem omittit) nec heredi ejus prodest, si ibi moriatur. Omittit etiam definitionem hujus questionis propositæ. Nec n. ita est concludendum, heredi ejus non prodesse, imo potius, ipsi quidem reverb non prodesse, sed heredi ejus, si ibi moriatur possessor quasi pleniori fitione legis Corn. quam postliminii. Et hæc est prior quæstio, quæ proponitur in *l. si is, qui*. Altera hæc est, si servus captivi post captivitatem aliquid ex causa peculiari comparavit, non hoc adjicit, ex causa peculiari: quod etiam sæpe omittunt nostri auctores, ut in *§. nondum, legis justo errore, h. t.* Quod constat factis esse intelligendum, & ab Accurs. suppletur rectissime. Verum ad rem. Quæstio est, si servus captivi post captivitatem, &c. an hujus rei ufucapio procedat, & cui procedat? Et refert Julianum existimasse, videlicet in *d. l. bona, §. quæ peculiari, de capti. & poss. reverb.* in suspensio, in pendenti esse ufucapionem. Si queramus, cui contingat, cui procedat, aut profit: si dominus reverb fuerit, ufucapio ei procedit: si ibi mortuus fuerit, dubitari ait, an *perineat ad heredem ejus, an heredi ejus procedat*, neque hoc definit, sed in *d. l. bona, §. quæ peculiari*, palam Julianus concludit, ufucapionem heredi procedere. Nec sane fuit causa dubitandi, cum & Marcellus hoc admisit, propterea quod hereditati jacenti, quæ obtinet locum defuncti, procedit ufucapio coepta a defuncto, *d. §. nondum*. Et quando captivus decessit apud hostes, lege Corn. fingitur hereditas jacuisse eo ipso die quo captus est: per hereditatem autem ad heredem aut successorem potest factum ufucapio procedit. Et ideo concludit ex Marcello, non dissentiente hac in re Juliano, in successoribus & heredibus locum

Tom. IV.

A habere ufucapionem, ut annotat Accurs. legi rectius: vulgo legitur cum negatione: quam negationem miror etiam retinere Basilica, sed evidens est ex his, quæ ante retulimus, in omnibus causis ante agitis in heredibus ufucapionem locum habere, si captivus mortuus sit apud hostes, quod plenior sit fitione legis Corn. quam postliminium, & controversia tantum fuit de postliminii fitione. Et Marcellus certe non admisit ufucapionem procedere reverb jure postliminii, cum servus post captivitatem ex causa peculii aliquid comparasset, hac ratione, ut ait, quemadmodum postliminio reverb plus juris habere potest in his, quæ servus adquisivit peculii nomine, pendente captivitate, quam in his quæ per se, vel per servum possidebat, cum ad hostes pervenit, id est, ante captivitatem. Paulus proponit tantum hanc sententiam Marcelli, nec sententiam Juliani integram exponit: quid statuendum sit, non possis ex *l. si is qui*, liquido definire: suppletionibus indiget multis, non tantum hæc lex Pauli, sed & fere omnes quæ Pauli sunt. Igitur omnino ad extremum supplendum est, Juliani potius sententiam esse sequendam, non Marcelli, ut est in *d. §. facti*, ut scilicet ufucapio coepta post captivitatem per servum peculii nomine non tantum procedat heredi captivi mortui apud hostes ex lege Corn. quod admittebat etiam Marcellus, sed & eidem ipsi reverb ab hostibus jure postliminii, quod Marcellus non admittebat.

JACOBI CUJACII J. C. COMMENTARIUS

In lib. XXIV. Quæstionum EMILII PAPINIANI.

Ad L. Si uxor, D. de judic.

Ex Lib. XXIV. Duæ tantum l. breves & verbis & sententia superflunt. Prima est lex, *si uxor, de judic.* cujus verba sunt.

Si uxor a legato Rome diventerit, dotis nomine defendendum Rome utrum responsum est.

LEGATI in hoc tit. de jud. frequentissime, & in tit. de legationibus, non sunt, quos mittimus ad hostes aut fœderatos: sed fere in omni jure legati sunt, qui a suis civitatibus, municipiis, provinciis mittuntur publicæ rei suæ causâ, ad S. P. Q. R. vel ad Imperatorem: hi dicuntur sæpe legati provinciales & legati municipales, *l. tutor, §. ult. de jur. jur. l. ad iura 21. §. 3. de tut. & cur.* Hi habent privilegium ali-quod, ne a publico munere avocentur, id est, a legatione suscepta, ne impediatur legatio: est privilegium, quod eis tribuitur, maxime si conveniantur. Nam si Romæ conveniantur quasi in patria communi: est enim Roma, ut scitis, patria communis, id est, omnes quicunque sunt subiecti Romano Imperio, sunt cives Romani, *l. in orbe, de statu hom. c. l. Roma, ad municip.* Quod est ex Antonini Imperatoris summo beneficio: Nam olim singulis erat petenda civitas, quæ sæpe non nisi magno ære redimebatur. Qui sunt subiecti Romano Imperio hodie non habent necesse petere sui civitatis Romanæ, quia ipso jure sunt cives Romani. Et hoc est, quod dicitur, Romam esse patriam communem: ergo non mirum, si legati provinciales Romam missi, ibi conveniantur. Conveniuntur enim in patria communi, in civitate sua, communi scilicet, non propria. Sed si conveniantur Romæ ex eo, quod contraxerunt vel deliquerunt in civitate sua propria, vel intra aut extra provinciam suam, vel etiam Romæ ante legationem, non compelluntur respondere, quando ibi legationis causâ demorantur, sed jus habent revocandi domum, ut scilicet conveniantur in patria sua propria, *l. 2. §. omnes, hoc tit.* Alia est patria communis ut Roma, sicut dixi: alia propria. Et propria duplex est, originis, quam germanam Tullius

Ss vocat

vocat 2. de legib. alia domicilii. Legati igitur a patria communi, si in ea ex eis conveniantur, habent jus revocandi ad patriam propriam maxime domicilii. Nam in jure magis domicilii patria spectatur quam originis. Potest quis in pluribus civitatibus habere domicilium & plurium civitatum esse civis, l. ejus qui, d. Celsus, ad municip. Non existimandum, idem jus esse revocandi forum, & jus revocandi domum. Revocat forum qui ab incompetente foro postulat rem referri ad forum competens, & id, in quo convenitur, contendit esse incompetens & incongruum: revocat quis domum etiam a foro competenti, vel a patria communi, & revocat privilegio legationis, ut publici muneris, ne ab eo avocetur si conveniatur in personam siue in rem, l. non alias, in fi. & l. de eo, & l. seg. h. a. Cui tamen rationi locus non datur, si quid Romae contraxerit in ipso legationis tempore, vel si quid deliquerit, vel si quid possidere cepserit: nam de eo, quod contraxit Romae tempore legationis, Romae se defendere debet, si conveniatur, nec potest revocare domum, d. l. non alias, §. 1. & l. seg. l. cum furiosus, §. ult. eod. tit. l. non distinguemus, §. item si quis Romae, de recept. & qui arbitr. recep. Et hac ratione in hac l. si uxor, quam tamen rationem male rejicit Accursius uxor mariti, qui legatione Romae fungebatur pro civitate sua, diverterit Romae, cum secum forte Romam duxisset, Romae potest conveniri actione de dote, quia divortium est contractus, & factum id esse proponitur legationis tempore. Divortium esse contractum optime probat lex juris gentium, §. ut puta, si de pact. qui locus non expenditur in eam rem, & est tamen apertus. Observandum est autem ex §. in bona fidei iudiciis pacta facta incontinenti, pacta conventa inesse ex parte actoris, id est, parere & formare actionem, non inesse autem ea pacta, quae postea fiunt. Exemplum hujus regulae proponitur in d. ut puta, si post divortium convenit aliquid de dote solvenda alio die, quam legitimo: ex pacto non est actio, quia factum est post divortium ex intervallo; quia divortium est contractus, & contractus, ex quo nascitur iudicium bonae fidei, id est, actio de dote, factio divortio factum existit actio de dote. Igitur si in ipso divortio pactum sit adjectum ex continentibus diebus solvenda dotis, formabit actionem. Et hoc valde notandum est ad eum §. ut puta. Porro dos exigitur, vel ubi est domicilium matrimonii soluto matrimonio, l. exigere, hoc tit. vel exigitur ubi divortium factum est, licet ibi non fuerit domicilium matrimonii. Nam per matrimonium mulier mutat domicilium & forum: non exigitur dos, ubi facta est conventio dotis, ubi conscriptum est instrumentum dotale, nisi & ibi fuerit domicilium matrimonii: si non fuerit ibi non exigitur dos, non repetitur soluto matrimonio, quia scilicet non eo loco, quo dotis conventio fit, subsistitur, sed mox res emigrat, atque adeo confertur & transferitur omnis in domicilium matrimonii, d. l. exigere, & pro eo est, ac si dotis conventio facta fuisset ubi est domicilium mariti.

Ad l. LXXVI. de Regul. jur.

In totum omnia, quae animi destinatione agenda sunt, non nisi vero & certa scientia perfici possunt.

His verbis, in totum, significatur esse generalis regula, quae in toto jure locum habeat, ut sane possent referri innumeri casus, sed referam tantum illos, quos notavi, ut vera & certa scientia, id est, certo animi proposito, certa animi destinatione, propositioneque non possis dicere alio nomine *propositum*, quam propositum animi. Exempli gratia divortium, quod pendet ex animi destinatione non est divortium, nisi fiat certo animi proposito, certa animi veraque scientia, non si fiat impetu & calore quodam iracundiae, l. quidquid, hoc tit. Non est divortium, nisi perseverantia apparuerit non jurgio abactam mulierem fuisse, sed vero iudicio. Item in l. pen. de concub. scriptum est, concubi-

nam ex sola animi destinatione estimari: non fuit turpe concubinae nomen, imo legitimum: concubinus imitatur iustas nuptias: est species matrimonii, l. 1. de concub. Concubinus nomen ex legibus assumptum, id est, legitimum est, non infame. Porro concubina, inquit, ex sola animi destinatione estimatur; non est igitur concubina, si quis non vera & certa animi scientia ducat ad eam, quasi in concubinatum assumenda, sed impetu quodam libidinis, nec diu cum ea deinde perseveret, & non videtur fuisse concubinus cum ea, sed stuprum, & qui nascitur ex ea conjunctione, non erunt naturales, sed erunt spurii, id est, sine patre filii.

JACOBI CUJACII J.C. COMMENTARIUS

In Lib. XXV. Questionum EMILII PAPINIANI.

Ad L. Cum tutor, de tutel. & rat. distrab.

Cum tutor negotiis impuberis administratis pupillum paternam hereditate abstinere, bonis patris venditis tractari solet, utilis actio pupilli relinqui, an creditoribus concedi debeatur? Et probatur, actionem inter pupillum & creditores patris esse dividendam: scilicet ut quod rationi bonorum per tutorem deerit, creditoribus reddatur: Quod autem dolo vel culpa tutoris in officio pupilli perperam abstinere contractum est, pueri relinquitur; quae actio sine dubio non prius competet, quam pupillus ad pubertatem pervenerit, sed illa contestum creditoribus datur.

EX Lib. XXV. est lex 12. de tut. & rat. distrab. Altera est l. 2. de separ. Singula continent singulare quiddam. Species l. cum tutor hac est: tutor gessit negotia pupilli, in quibus erant bona paternae, deinde pupillum bonis abstulit beneficio praetoris, quasi esset damnosa hereditas patris ob ea alienum. Et in ea re dolo versatus est tutor aut culpa, quia utilis erat pupillum retinere bona paternae: quia tutor perperam abstulit, & in officio suo deliquit: creditores patris bona venderunt: lex ait, tutorem teneri non tantum pupillo, sed etiam creditoribus paternis, qui abstinente pupillo bona patris distraxerunt. Sed est triplex differentia inter pupillum & creditores patris, qui bona venderunt. Nam pupillo tenetur tutor, quod perperam abstulit, quod in officio suo lapsus sit vehementer, quod fecerit quod facere non debuerit. Creditoribus autem tenetur tutor, quod per eum factum sit, ut aliquid abesset ex bonis paternis, quae ipsi vendiderunt. Ergo non eadem ratione tenetur pupillo & creditoribus, l. 4. C. arbit. tut. Et rursus est alia differentia: tutor pupillo tenetur finita tutela, ratione tutelae: nam actio tutelae non datur ante finitam tutelam: creditoribus autem tutor tenetur actione negotiorum gestorum etiam nondum finita tutela, quae actio negotiorum gest. (& hac est tertia differentia) est utilis actio, non directa: quia tutor ultro non accessit ad negotia pupilli, sed coactus necessitate officii, quod etiam invito iniungitur, quasi civile munus, sicut etiam curator pupillo vel adolescenti tenetur utili negot. gest. & tenetur curator longe aliter, quam tutor tutelae, etiam ante finitam administrationem, etiam nondum finita administratione, l. nisi §. ult. l. si cum adhuc, §. ult. h. a. Actio tutelae non datur utilis nisi finita administratione tutelae. Actio negotiorum gestorum datur etiam non finita omni administratione rerum ad pupillum pertinentium, & actio tutelae, quae pupillo tenetur tutor, quod eum perperam abstulit, quodve quid aliud fecerit perperam, aut non fecerit: Nam est actio generalis, quae ambitu suo multa complectitur, omnem dolum, omnem culpam tutoris. Et actio est directa, non utilis, nec possis in hac parte actionem tutelae dicere utilem, sicut Papinianus videtur dicere. Itaque rem ita distinguere-

fringere debemus: utilis quidem est ea, qua creditores A
experiuntur negotiorum gestorum: qua pupillis experi-
tur, est directa, non utilis, nisi utilem interpreteris effica-
cem, ut hoc sensu sæpe huius auctor uti solet, l. Titio fundus,
de cond. & demonst. l. pater, de dote preleg. Nec male Ac-
curs. hoc idem notavit in hanc legem. Ex his intelligitur
quod ait Papinian. hac lege, actionem dividi inter pupil-
lum & creditores patris, ita esse verum in genere, non
in specie. Nam idem genus actionis non dividitur inter
eos. Alia est actio, quæ pupillo datur, alia quæ credito-
ribus patris, nec ex eodem facto ambæ proficiuntur.

Ad L. II. De separat. bonor.

Ab herede vendita hereditate, separatio, frustra do-
sideratur: utique si nulla fraudis incurrit suspicio: Nam
qua bona fide medio tempore per heredem gesta sunt, va-
la conservari solent.

M Inoris est negotii l. 2. de separat. Separatio bono-
rum datur ex decreto pratoris, postulantibus cre-
ditoribus defuncti. In hac specie fingit heres Titii obli-
gatus est creditoribus defuncti nomine hereditario, &
suis creditoribus nomine proprio: bona defuncti sufficiunt
creditoribus bona venerunt: bona defuncti sufficiunt
creditoribus defuncti, si eis non commisceantur credito-
res heredis, si creditores separantur a creditoribus, si
bona defuncti bonis heredis. Ideoque si creditores de-
functi desiderant bona defuncti separari a bonis heredis,
ut sibi satisfiat ex bonis defuncti, audiuntur. Et hac
de re est hic tit. de separationibus. Et recte postulant
hanc separationem creditores defuncti, etiam si heres bona
defuncti forte hypothecæ obligaverit, quia hypotheca
non est alienatio, & manet nihilominus hereditas
apud heredem semper, l. 1. §. sciendum, hoc tit. Sed hæc
l. 2. demonstrat, non idem esse dicendum, si heres bona
sive hereditatem defuncti vendiderit bona fide: ap-
tequam postularetur separatio bonorum, aut urgerent
creditoribus, aut ipse heres factus esset non solvendo: fru-
stra deinde postulabitur separatio bonorum defuncti, quæ
exierunt bona fide dominio heredis. Denique omnes
creditoribus confunderentur, & contenti esse cogentur bonis
heredis. Si venditio hereditatis facta esset in frau-
dem creditorum, revocaretur actioe Pauliana ex edi-
cto, quæ in fraudem creditorum, & deinde recte postu-
laretur separatio bonorum: sed hæc venditio illius he-
reditatis bona fide facta non potest rescindi. Ergo stul-
tum esset petere separationem bonorum, quæ revocari
non possunt, cum sint alienata bona fide.

JACOBI CUJACII J.C.

COMMENTARIUS

In Lib. XXVI. Quæstionum EMILII PAPINIANI.

Ad L. Creditor l. de Distractioe pignori.

Creditor, qui prædia pignori accepit, & post alium E
creditorum, qui pignorum conventionem ad bona debitoris
contulit, ipse quoque simile pactum bonorum, ob alium
& eundem contractum interposuit: ante secundum credi-
torem dimissum, nullo jure cetera bona titulo pignoris
vendit, sed ob eam rem in personam actio contra eum
creditori, qui pignora sua requirit, non competit: nec
utilis danda est, nec furti, verum mobilium gratia recte
convenitur, quia propriam causam ordinis errore ductus
perspicuus videtur, præsertim cum alter creditor furto pos-
sessionem, quæ non fuit apud eum, non amiserit. Ad
exhibendum quoque frustra litem excipiet: quia neque
possidet, neque dolo fecit ut desineret possidere. Sequitur
ut secundus creditor possessorem interpellare debeat.

Tom. IV.

L IBER XXVI. incipit a l. 1. de distract. pign. cuius
species hæc est: Quidam primo creditori suo
pignori obligavit prædia quædam specialiter,
deinde alii secundo creditori generaliter obli-
gavit omnia sua bona, quæ haberet, quæque habiturus
esset, sola conventionione, sola pactioe, ex qua constat ju-
re pratorio nasci obligationem, nasci actionem, l. si tibi
§. de pignore, de pacti. contra regulam communem, cum
ex pactioe non nascatur actio vel obligatio. Post idem
ille illi primo creditori similiter, forte denuo ab eo ac-
cepta pecunia mutua, obligavit generaliter omnia bona
sua, ob alium contractum, inquit, vel etiam ob eundem,
ob priorem contractum, novatione facta scilicet l. 3. l. cred.
§. Papinian. sup. tit. prox. Primus creditor certe potior est
secundo in prædiis specialiter obligatis. Secundus autem
potior est primo in ceteris bonis: & ideo prædia qui-
dem illa sibi specialiter obligata, vendere primus potest
jure pignoris, non etiam cetera bona, antequam secun-
do creditori satisfactum fuerit. Sed quid si primus cre-
ditor vendiderit etiam cetera bona titulo pignoris ex
posteriori hypotheca generali, an tenebitur secundo cre-
ditori, qui in generali hypotheca, in ceteris bonis est
certe prior tempore, atque adeo potior jure? Hæc est
quæstio, de qua agitur in hac lege: ad quam Papinian. ita
respondet: primum secundo nulla actione teneri ob id,
quod cetera bona vendiderit titulo pignoris, quamvis
ea non jure vendiderit: nulla, inquam, teneri primum
secundo actione in personam, directa, vel utilis ex con-
tractu, quia non cum secundo contraxit, neque pro debi-
tore apud secundum fidejussit: sed neque eum teneri actio-
ne furti, videlicet nomine rerum mobilium, quæ in ce-
teris bonis erant, aut se moventium, quia primus non
per fallaciam aut dolo malo, non furandi animo eas res
vendidit, sed ordinis errore ductus, dum in omnibus
existimat se esse primum, & ignorat forte posteriorem
obligationem contractam a debitore cum posteriori cre-
ditori. Atque ita, ut ait, ordinis errore ductus suam rem
egit, vendendo omnia bona debitoris sui, suam causam
persequutus est bona fide, suo jure usus est. Ergo furtum
non fecit, qui suo jure utitur, vel ut ipse existimat longe
abest a furto. Et rursus non potest videri primus earum
rerum furtum fecisse secundo, qui neque dominum, ne-
que possessionem earum rerum habuit, juxta l. si gravi-
tatem, §. ult. de præscr. verb. & l. si vendidero, §. ult. de furti.
Secundus creditor sane non habuit dominium earum re-
rum, non habuit etiam possessionem, quia ut proposui-
mus, pignus constitutum fuit sola conventionione, non tradi-
tione: Et eleganter Papin. rerum mobilium meminit, non
appellatione etiam se moventes continentur. Et vice ver-
sa sæpe immobilium furtum non fieri, fundi, ædium non
fieri, l. quam rem, de usurp. & usus. abolita sententia vete-
rum, puta Maffurii Sabini, & aliorum hujus sæcæ, qui non
hominum tantum, neque mobilium aut se moventium,
quæ anteferi occulte possunt, admitti & subripiri, sed etiam
fundi & ædium dicebant furtum fieri. Verius est furtum
non fieri, nisi res loco moveatur, & non sine contrafac-
tione. Contrafacere est suo loco movere, alioquin non est
furtum: res autem immobilis non potest loco moveri, ergo
nec contrafaci: proinde rei immobilis furtum non
fit, & ob id meminit rerum mobilium, cum quaeritur de
actione furti, an ea primus secundo teneatur. Cur au-
tem ait, furti non agere secundum creditorem adversus
primum, venditis reb. mobilibus, quarum pignus ge-
nerali & nuda conventionione non traditione contractum
erat? quia possessio earum rerum non fuit apud secun-
dum creditorem, & solius possessionis furtum fit, ut in-
ferius demonstrabitur. Hoc vero quod ita scribit Papin.
pugnare videtur cum eo, quod Julianus dicebat in l. in
actione, §. ult. l. si is qui rem 66. de furti. debitorem furtum
facere pignoris, neque esse hoc novum, ut quis faciat
furtum suæ rei, & teneri cum debitorem furti creditori,
si pignus vendiderit, etiam si is creditori nunquam tra-
didit: possessio pignoris non fuit apud creditorem, quia

§. 2

con-

constitutum fuit nuda conventione, & tamen ei furtum fit. Et Idem Julianus similiter existimabat, & utebatur in eam rem auctoritate Sabini, furtum fieri servi, cujus usufructum defunctus legasset, & furti agere fructuarium eo servo subrepto, etiamsi ejus servi possessionem nondum apprehendisset fructuarius, vel heres, etiamsi nemo eum possideret, videlicet si subreptus esset post aditam hereditatem, quo tempore fructuarius uti frui potuisset si servus non fuisset interceptus: post aditam hereditatem, recte, quia servi hereditarii furtum non fit, & hoc omne ostenditur in *l. si homo, de usurp. & usufructu*. Ex his ita concludatur: ergo furtum fit non possidenti, furtum fit ejus rei, quae nemine possidetur. Praea igitur est ratio, quae utitur Papin. hoc loco, ut primus secundo non teneatur furti nomine rerum mobilium, quas vendidit titulo pignoris, quia secundus creditor possessor non fuerit, quia possessionem nullam amiserit. Sed animadvertendum est, in omnibus locis praedictis, hanc sententiam, quae Papiniano obijcitur, Julianum tantum adscribi, ut scilicet jure pignoris, vel jure usufructus detur actio furti, licet possessio non fuerit apud creditorem, vel usufructuarium. Ergo & jure domini dat actionem furti, etiam si possessio non fuisset apud dominum tempore ablata rei: Julianus, inquam, tantum adscribi, Juliani sententiam referri, non probari in loco nominatim: itaque non videri probatam ab illis sententiam Juliani, quia regulariter furtum non fit ejus rei, quae a nemine possidetur. Furtum fit solius possessionis, ut Scavola dicebat, *l. i. §. Scavola, si quis testam. lib. 8 ff. de veteribus* quidem placebat, etiam rei hereditariae furtum fieri, quae tamen a nemine possidetur. Hoc placebat Sexto, filio, Marco Manilio, Marco Bruto jurisconsultis: quae tamen sententia novis Juris non probatur, ea ratione, quia solius possessionis furtum fit, *d. §. Scavola, & l. hereditaria, de furti. l. in eo, de acq. rer. dom.* & hereditas jacens non habet possessorem. Et certissimum est, hac in re abolitam fuisse sententiam veterum, quod solius possessionis furtum fiat. Cur non tentabimus in illa re etiam eadem ratione, abolitam videri sententiam Sabini, qui fuit ex veteribus, sive Juliani? quae tamen an aliquo colore defendi possit videmus. In specie *d. l. si homo*, si quis post aditam hereditatem subripuerit servum, cujus usufructus alii legatus erat, nunquam possessum ab herede: vel fructuario, fructuario tenetur furti: res est furtiva, nec potest usucapi, antequam purgatum vitium fuerit: hoc defendam isto colore, quia fructuario possessionem, si non subripuerit, praeripuerit, qui eo tempore potuit uti frui, post aditam hereditatem nempe. Et in specie *d. l. in actione, §. ult. & l. si is qui rem*, debitorem furtum facere pignoris, si id vendiderit, & creditori teneri furti, etiamsi nunquam creditor pignus illud possederit, sed id nudo pacto constitit, quia sc. vendendo pignus, debitor possessionem, quam habuit intervertit: ut sit furtum, satis est interverlam possessionem, etiamsi non sit interverla ei, qui furti agit. Ergo quoquo modo interverla possessione, etiamsi ea non fuerit apud creditorem pigneratitium, sed apud debitorem, vel alium, jure pignoris creditori competit actio furti: Nam & placet, jure domini solius dari actionem furti, si alii possessori, non domino, res ablata fuerit, divisam actionem furti inter dominum & possessorem, *l. utriusque, d. l. si is qui & l. inter omnes, §. si servus, de furti. & d. l. si homo* i. in ultim. versu *l. i. de furti*. furtum definitur esse interversio rei, vel usus, vel possessionis. Sed & definiamus plenius, & erit certissima & plenissima definitio, furtum esse interversio rei (rei autem nomine significatur proprietas) vel usus, vel fructus, vel hypotheca aliena, sive pignoris alieni: hac est definitio, sed quidquid horum intervertatur, nunquam intervertitur, quin & possessio intervertatur, vel naturalis, corporalis, vel civilis, quae apud aliquem fuerit: non fit interversio rei, nisi & possessionis fiat, nec pignoris fit interversio, nisi interversio possessionis fiat, quae si non fuit apud creditorem, fuerit apud alium. Et secundum ea in proposita specie, si primus creditor possessio-

A nem intervertisset, quae fuit apud debitorem, non apud secundum creditorem, proculdubio jure pignoris etiam secundus creditor furti agere posset rerum mobilium nomine, sed ut diximus, eam non intervertit, qui in causa pignoris priorem se esse arbitrat, iusto errore ductus. Ergo ut ante diximus, hic primus creditor, qui nullo jure vendidit cetera bona titulo pignoris ante dimissum secundum creditorem, secundo creditori non tenetur actione in personam ex principali obligatione: non tenetur etiam furti, ob res mobiles. Et ait non teneri etiam eum secundo creditori actione hypothecaria, vel actione ad exhibendum, quae solet dari etiam auctoribus hypothecaria actione, quae vindicatio est, *l. 3. §. est autem, ad exhib.* Cur non teneatur hypothecaria, & propter eam ad exhibendum? Ratio est facilis, quia neque possidet cetera bona, neque dolo malo desit possidere. Et hae actiones erunt tantum adversus possessores, vel adversus eos, qui habentur pro possessoribus, ut qui dolo deserunt possidere. Nam dolo pro possessione est. Et inde concluditur, secundo creditori in hac specie superesset tantum actionem hypothecariam adversus emptores, & possessores ceterorum bonorum, qui scilicet redire poterant ad primum creditorem ob evictionem, *ils auront recours contre le premier pour la garantie*, quia nullo jure vendidit. Et hae est definitio elegantissima Papin. cui tamen oppositum lex creditori *12. §. Papin. sup. tit. prox.* Species hac est: primo creditori obligavit rem aliquam specialiter, deinde eandem rem specialiter obligavit secundo creditori; post primo creditori novatione facta prioris contractus, & credita maiore pecunia ut fit frequenter, pignori obligavit eandem rem, adiectis aliis pignoribus. quibusdam: novationem fecerunt maiore credita pecunia, ut utramque pecuniam in unam summam redigerent, & unam obligationem, & pignori dedit eandem rem, atque alias quasdam. Sane primus potior est in omnibus rebus, quia prior est in ea re, quae primum obligata est, & in adiectis rebus, est solus. Igitur primus in omnibus sane est potior, & jure vendet pignora, si ei non solvatur, sed non vendet eam rem, quae fuit specialiter pignorat, nisi ad modum, *a la concurrence*, pecunia primo loco credita, id est, quod ex venditione pignoris redegerit, id expensum feret prima tantum pecuniae, non ei, quae credita est post secundum creditorem. Si quid superfluum fuerit, id est, si ex venditione pignoris plus redegerit, quam fit in prima pecunia, hoc debet restituere secundo creditori.

D Ergo secundo creditori tenetur, non conditione ex lege, ut ait Accursus non officio iudicis, non actione in factum, sed ut opinor, utili actione hypothecaria, quod sc. secundo creditori ejus rei hypotheca, la plus vallee, la prevalence en Savoye, videatur fuisse obligata, ut in *l. querebatur, god. id est*, quod plus esset in pretio rei, quam in prima pecunia. Vides in hac specie primum creditorem secundo teneri actione hypothecaria, ut ei restituat, quod plps tulit ex venditione pignoris, quam ei prius creditum fuisset ante contractam obligationem cum secundo creditore. Cur & in hac specie secundo non teneatur hypothecaria, facile erit demonstrare nullam aut parvam esse differentiam. Species de qua agitur hoc loco hac fuit: primo creditori fuisse obligata praedia specialiter, secundo autem creditori omnia bona, ac post secundum, ob eundem contractum, novatione facta, ut fit credita maiore pecunia, fuisse obligata omnia bona. Primus jure vendit praedia, hoc est certissimum, non cetera bona: quod autem ex venditione redegit, imputat primae pecuniae, quam creditit sub pignore praediorum specialiter. Superfluum autem sane restituit secundo creditori actione hypothecaria eodem jure, *d. §. Papinian.* Cetera autem bona nullo jure vendidit, nec tamen eo nomine tenetur secundo creditori utili hypothecaria, vel alia actione ulla, cum scilicet ei sufficit directa hypothecaria adversus possessorem ceterorum bonorum, quae cessat adversus possessorem praediorum, qui jure emit, ab eo, qui jure vendebat, atque ideo aequum est, ei consuli ut super-

superfluo, data actione utili adversus primum creditorem. Quod & ita hoc loco etiam Accurs. sentit rectissime.

Ad Leg. si rem XLVII. de Acquiren. possess.

Si rem mobilem apud te depositam, aut ex commodato tibi possidere neque reddere constitueris, confestim amittis rem possessionem vel ignorantem responsum est. Cujus rei forsitan illa ratio est, quod verum mobilem neglecta atque omissa custodia, quamvis eas nemo alius invaserit, veteris possessionis damnum asserere consuevit. Idem Nervæ filius libris de usucapionibus retulit. Idem scribit, aliam causam esse hominis commodati omissa custodia: Nam possessionem tamdiu veterem fieri, quamdiu nemo alius eam possidere coepit, videlicet ideo, quia potest homo proposito redeundi domino possessionem sui conservare, cuius corpore ceteras quoque res possimus possidere. Igitur earum quidem verum, quæ ratione vel anima carent, confestim amittitur possessio: homines autem retinentur, si revertendi animum habent.

E X l. de distract. pignori. intelleximus, hanc esse differentiam inter res mobiles & immobiles, (quantum is non fuerit precipuus finis ejus legis:) quod rerum mobilium furtum fiat, non rerum immobilium, abolita sententia veterum, qui dicebant, etiam rei immobilis furtum fieri, l. quam rem de usucap. & usucap. l. verum, de furt. Nunc ex l. si rem mobilem, de acquir. possess. eadem differentia confirmatur, atque etiam ex ea alia eliciuntur veluti necessaria consequentia. Sed huic legi facile erit addere interpretationem legis r. quæ in fraud. credit. Hæc est differentia, quæ proponitur hac l. si rem, rei mobilis possessionem amittit etiam ignorans, ut puta, si rem mobilem apud te depositam, vel ex commodato, ut est Florentie scriptum, vel ex alia causa: (nam deponendi multe sunt causæ, commodatum, sequestro datum, pignus, & quod proprie dicitur depositum:) si inquam rem mobilem apud te depositam ex commodato, vel ex alia causa, tibi possidere, si furti live alicui cecit, non vaddere constitueris, id est, si eam rem furandi animo contradideris, ita est necesse interpretari ex l. 3. si rem, hoc tit. etiam hoc, dominus ignorat, te rem deposuisse tibi lucrando animo, ejus rei possessionem amittit. Furtum fit etiam ignorant, quis hoc nescit? Est autem furtum, possessionis interversio. Ergo possessio intervertitur etiam ignorant: inficiatio depositi non est furtum, sed contradictio, loco motio, possessionis interversio, cum jam non depositori, sed tibi rem habere constitueris, l. inficiando, de furt. Inficiando depositum, nemo furtum facit, sed contradicendo lucri faciendi animo. Et subjicit recte in d. l. nam ista inficiatio non est furtum, licet prope furtum sit. Et ex ea l. ut puta, non inelegerit aut est scriptum in consuetudinibus Neustrie, cap. 7. lacoit que l'on ne die pas que ce soit larcin, que denier, si est-ce qu'il y a un peu de savor de larcin. Ipsa quidem inficiatio non est furtum, sed est prope furtum. Et hoc de re mobili. Verum si colonus, vel inquilinus fundum aut ædes, id est, rem immobilem sibi possidere constituerit, neque reddere domino, puta aut potius præsumo, non statim dominum possessionem amittere, quia rei immobilis furtum non fit, id est, quia rei immobilis non tenere, non confestim possessio intervertitur: scientem possessorem amittere, puta si refecerit, colonum fundum sibi habere, & possidere, & palam profiteri, ac præ se ferre, nolle se eum finita condicione domino reddere; scientem, inquam, quia animus desit scienti alium usurpasse possessionem, & constat solo animo amitti posse. Et ita quoque rei immobilis possessionem, quam quis solo animo retinebat, non corpore suo, vel alieno, non amittit inficiente animo suo, non amittit ignorans, etiam si alius eam occupaverit, & hoc ipse ignoret, l. prox. sup. hoc tit. Nec etiam ignorans possessionem amittit, si colonus, vel inquilinus, per quem possidebat rem immobilem, id est, ejus corpore, eam deseruerit, id est, non amittit eam ignorans statim, atque deserta est a colonis, vel inquilinis, nisi scilicet hoc casu alius

A eam ingressus sit: Nam hoc uno casu, puta alio ingressu possessionem, quam deseruit colonus, vel inquilinus, placet etiam ignorantem possessionem auferri, l. peregre, §. ult. hoc tit. Vix igitur rei immobilis possessio tollitur ignorant, facile rei mobilis. Et constituenda hac in re est differentia inter invitam & ignorantem: invitus multo pluribus modis amittit possessionem rei immobilis, quam ignorans: ignorans illo casu, invitus etiam aliis, ut si in locum fundi mortuum intulit, etiam si sum contemptor religionis, id est, etiam invitus possessionem ejus loci amittit, nec tantum ignorans, l. qui universas, §. 1. hoc tit. Item si prætor me possessione expellat, & alium faciat possessorem, ut facit sæpe, propter contumaciam & inobedientiam, invitus possessionem amittit, nec tamen ignorans. Quibus casibus invitus amittit, non semper & amittit ignorans. Contra quibus casibus invitus adquirit, & adquirit ignorans. Et separata est ratio amittendi & adquirendi, sicut in d. l. peregre, hoc tit. dicimus, non eandem esse rationem adquirendi & amittendi possessionis. Si quis solvat creditori meo me invito, liberat me. Idem erit si me ignorante solvat, l. salvere, de solution. Suus heres invitus fit heres. Ergo & ignorans, §. sunt autem, instituit de hered. quæ ab intest. Servus vel filius familias mihi adquirit dominium invito: ergo & ignoranti, §. item nobis, Instituit per quas person. nob. adq. denique non est eadem ratio adquirendi & amittendi semper. Et huic differentie alia subjicitur in hac lege, ex qua hæc proficisci videtur, sicut & hæc ex illa quam habemus in l. de distract. pignori. Rei mobilis, excepto homine, possessionem amittit statim atque desit esse sub custodia mea, sub potestate mea, quamvis eam nemo alius invaserit. Desinit enim esse custodia mea non tantum, si ab alio interverfa sit sive occupata, sed etiam, si ejus neglexerim & omiserim custodiam, & sic eam ita perdidit, ut ignorem ubi sit, licet eam nemo apprehenderit, l. 3. §. Nervæ, & l. si is, qui, hoc tit. Quod proprie hoc loco demonstrandum esset latius. Sed cum etiam ego id demonstraverim latius in l. peregre, ideo in ea re nunc ero brevis. Videamus quid sit in re immobili. Res immobilis non potest non esse sub custodia nostra, quia non potest moveri, auferri, celari, occultari, quamvis scilicet eam alius non invaserit, Ergo res immobilis semper est sub custodia nostra, quamdiu alius eam non occupat. Ideoque si negligam & omittam ejus custodiam, non ideo statim possessionem amittit, sed si negligam & omittam possessionem ipsam, ut est scriptum in l. si de eo fundo §. 1. hoc tit. & l. cum fundum, de vi & vi arm. Aliud est custodia, aliud possessio, quod maxime notandum. Ex primo decreto, quo quis mittitur in possessionem, fit custos non possessor, l. 3. §. ult. hoc tit. Ex secundo fit possessor. Igitur aliud est negligere & amittere custodiam, aliud negligere & amittere possessionem, in rebus immobilibus scilicet, atque etiam in homine: excipio enim hominem servum a rebus mobilibus. Nam etiam si hominis mei, servi mei neglexerim & omiserim custodiam, non ideo statim ejus possessionem amittit, antequam alius eum possidere coepit, quia proposito redeundi, servus possessionem sui & ceterarum rerum omnium, quas tenet, domino conservat, maxime, ut dixi, quod volo suppleri ad hanc legem, quia idem etiam obtinet in servo fugitivo, ut ejus possessionem non amittamus, qui exierit custodia nostra, nec sciamus ubi sit, licet non habuerit animum revertendi, id est, propositum revertendi, l. 1. §. per servum, quia in fuga, l. Pomponius, in prin. l. rem, quæ nobis, hoc tit. Quæ de causa in lege Caïnina, etiam fugitivi numerabantur inter servos, quia eorum possessio retinebatur animo, & amittitur duobus tantum modis, si alius eos possidere coepit, vel si se ipsi pro liberis gerant, & sint parati suscipere liberale iudicium. In aliis rebus mobilibus, quæ ratione vel anima carent, idem est, negligere & amittere custodiam, & negligere ac amittere possessionem. Idem est custodia & possessio. Hæc differentia maxime notanda est.

Ad

Ad Legem XVIII. quæ in Fraud. credit.

Esse pignus vir uxori, vel uxor viro remiserit, venior sententia est, nullam fieri donationem existimantium. Quod sine dubio si in fraudem creditorum fiat, actione utili revocatur. Idemque est etsi quisvis debitorum in fraudem creditorum pignus omiserit.

IN l. 18. quæ in fraudem credit. sciendum est, ex illo edicto, quæ in fraudem, actione utili ut vocatur in hac l. 18. id est, actione in factum: omnis actio utilis est in factum, & contra, quæ dicitur actio Pauliana, l. videmus, 38. de usur. ea, inquam, actione revocari & rescindi, quæ a debitore gesta sunt, omnia in fraudem creditorum, quod verbum, *gesta*, latissime patet, ut ait l. 1. h. si. Quia eo verbo comprehenditur etiam liberatio & remissio pignoris, l. 2. hoc tit. Si debitor fraudandorum creditorum causa pignus remittat suo debitori, ea remissio rescinditur, & reintegratur pignus postulandis creditoribus, quia creditores fraudare voluit, non beneficio voluit afficere debitorem suum. Remissio pignoris non est donatio, quia nihil largiris de tuo, nihil minus de tuo. Idque ex eo apparet, quod remissio pignoris consistit inter virum & uxorem, ut puta, si uxor viro remittat pignus dotis, aut crediti causa constitutum, remissio valet, donatio non valet. Lex Cincia, quæ prohibuit donationes certis casibus, aut eis modum imposuit, de qua sunt intelligendi omnes loci in titulis de donationibus vel alijs titulis, quibus agitur de modo donationum: nec enim licebat in immensum donare. Lex Cincia, quæ & lex Muneralis dicta est, imposuit modum donationibus, ut l. 1. de dotib. Sicut hodie constitutionibus regijs, donationibus modus est impositus: lege Falcidia legatis & fideicommissis. Ea lex Cincia, quo casu impedit donationem; non impedit remissionem pignoris, quia remissio pignoris non est donatio, l. 1. §. 1. quib. mod. pign. vel hypot. solv. ubi lex Cincia, de quo est locus corruptus in Nov. 162. ut alias ostendit, ubi est scriptum; *Sentia*, simpliciter, & Haloander adjecit *perperam*, *Elia*, in Græco legendum, *xivus*, non *virne*. Im etiam ex l. 3. in fine de leg. 3. ab eo, cui donavi mortis causa, possum relinquere fideicommissum, ab eo cui remisit pignus, non possum relinquere fideicommissum, quia nihil ei donavi: donatio de suo proprio largitis est, de sua re. Ergo non mirum, si jure remittat conjux conjugi pignus vel hypothecam, si utilis dicatur esse remissio: Nam & hoc addendum, etiam remissio pignoris non est intercessio, alioquin non valeret propter Senatusconsultum Vellejan. de intercessionibus mulierum. Denique remissio pignoris non est donatio, neque intercessio, quod præter supra dictas leges etiam ostendit l. quamvis, in pr. ad Vell. & *letiam*, & *l. jubemus*, C. de dot. tit. Et tamen si quis pignus remiserit in fraudem creditorum, quia incurrit fraus creditorum in ea re, ea remissio rescinditur, quia omne quodcumque geritur in fraudem creditorum, hoc judicio rescinditur. Et hæc est sententia hujus legis.

Ad L. cum Fundum XVIII. de vi & vi armata.

Cum fundum, qui locaverat, vendidisset, iussit emptorem in vacuum possessionem ire, quem colonus intrare prohibuit. Postea emptor vi colonum expulsi: interdictum unde vi, quasi non est. Placebat colonum interdicto venditori teneri: quia nihil interesset, ipsum an alium ex voluntate ejus missum intrare prohibuerit. Neque enim ante missam possessionem videtur, quam si tradidisset emptori, quia nemo eo animo esset, ut possessionem amitteret propter emptorem, quam emptor adeptus non fuisset. Emptorem quoque, qui postea vim adhibuit, & ipsum interdictum colonus teneri: non enim ab ipso, sed a venditore per vim fundum esse possessum, cui possessio esset ablata. Quæsitum est, an emptori succurrere debeat, si voluntate venditoris colonum postea vi expulsi: dixi non esse iuvandum, qui mandatum illicitum suscepit.

EX lib. 26. Questionum superest duntaxat l. cum fundum, de vi & vi armata, quæ etiam tot in eam non

A impenderim dies, quot habui aut præsumpsi mihi potius vacuos a labore ipso duro difficillimoque, imo nec centesimam quidem partem temporis in eam impenderim, tamen dignissima erat tot dierum meditatio, ac si non fuisset ante jam tentata diu, non potuisset ejus intelligentia promissa, & tractatio non difficilis evenire mihi. Duas autem continet questiones de interdicto unde vi. Ad priorem quod attinet: sciendum est, hoc interdictum pertinere ad recuperandam possessionem fundi vel ædium possessionem; igitur rerum immobilium: Nam mobilium vel etiam quasi, ut possessionem usufructus, qui inter eas res numeratur, quæ neque mobiles sunt neque immobiles: his intermediæ sunt res incorporales. Et sæpe plerique falluntur hoc dilemmate: aut res mobiles sunt, aut immobiles; sunt enim quædam neutre, ut servitutēs & res omnes incorporales. Hoc igitur interdictum pertinet ad recuperandam possessionem rerum immobilium, vel etiam usufructus, cujus possessione quis expulsus est, vel ad restituendum eum in pristinam causam, qui prædium vi dejectus est, cum non possederit, sed in possessione esset. Et sic est duplex interdictum, de vi & vi armata: ut conceptus est hic titulus de vi, simpliciter scilicet. Vis simplex est vis quotidiana, ut veteres J. C. loquebantur, vel quod de ea proponitur interdictum quotidianum. Hæc vis dicitur potius quam fit: dicitur verbo, non firmatur, aut multitudine coacta. Et in plerisque causis ea hodie utitur non inciviliter. Vis armata est, quæ fit ferro & viribus & manu coacta. Multæ sunt differentie inter hanc & illam vim, inter hoc & illud interdictum. Inter ceteras hæc una est, quod interdictum de vi armata detur, non tantum possessori, qui dejectus est, sed etiam non possessori, qui in fundo erat tunc cum dejectus est, licet eum sibi non possideret, veluti colono, l. 1. C. de usu. de usu. le conducteur pour former complainte en certain cas. Interdictum de vi simpliciter datur possessori tantum dejecto de possessione sua non domino, l. Fulcinius, hoc tit. certe datur ei qui modo possessor fuerit, non possessori non datur, l. 1. §. interdictum autem, hoc tit. Et hanc differentiam M. Tullius notavit in oratione pro Cæcina his verbis: In interdicto quotidiano, unde ille me vi deiecit, addi, cum ego possiderem, in interdicto de hominibus armatis, non addi: Et rursum: in interdicto quotidiano eum, qui fugavit se deiecit, vincere, si ostendat actorem non possedisse: in interdicto de hominibus armatis eum, qui ostendere possit, eum non possedisse, qui dejectus sit, condemnari tamen si fateatur a se dejectum. Et perleveremus in eodem exemplo coloni, quem constat nullam possessionem habere, ut est in l. non solum, §. 1. & seg. de usur. & usi. Si nondum finita locatione dominus fundum vendiderit, nec exceperit, ut emptor colonum perfrui sineret, sed vel tacite emptori permiserit ire in possessionem fundi, emptor colonum expellere potest vi quotidiana, s'en emparant sans force, non coactis hominibus armatis, atque prohibere potest eum frui: quo casu colono erit regressus adversus dominum locatorem actione ex conductu, perinde ac si dominus ipse colonum perfrui vetuisset, l. emptor, C. de hoc. l. arbores, §. 1. sup. de usu. Emptor, qui expulsi colonum vi quotidiana, neque colono tenetur interdicto unde vi, quia colonus non possidebat, l. 1. §. de jic, hoc tit. neque domino, quia voluntate ejus ivit in possessionem. Vis igitur hæc est impunita quasi villis vis. Unde merito dubitatur, cui in casu proposito in hac lege, emptor, qui expulsi colonum, colono teneatur interdicto quotidiano unde vi? Et intelligimus quidem paulo inferius hoc ideo fieri, quia in specie hujus legis colonus prius prohibuerat emptorem ingredi vi adhibita, quotidiana tamen, quo facto videtur dominum deiecit de possessione: cum scilicet deiecit eum, quem miserat dominus: ita hoc facti colonus caput possidere, qui ante prohibitionem non possidebat. Colono igitur, qui cepit possidere, si postea emptor eum deiecit, quali possessori dabitur interdictum unde vi adversus emptorem, sed spe-

eum legis latius exequamur. Locasti colono fundum, deinde vendidisti eum. Titus nondum peracta locatione: debuisti ex natura emptionis venditionis tradere emptori vacuum possessionem fundi; & vacua est, quæ libera est, nec detenta ab alio, l. 2. §. 1. de act. emp. non tradidisti, sed iussisti eum ire in vacuum possessionem, iussisti colonum, per quem fundum possidebas, emptori tradere possessionem: quam si tradiderit, sane jam tradidisti: si non tradiderit, nondum tradidisti. Finge, colonum non tradidisse emptori possessionem, sed vi adhibita sive hominibus coactis armatim prohibuisse emptorem ingredi fundum: postea finge, ex intervallo colonum emptorem deiecit de possessione, quam colonus per prohibitionem illam vinque priorem quam jam suam fecerat, an utraque vis coerceret hoc interdictum? Sic videtur Papiniano. Ergo definit ita: colonus teneri domino interdicto unde vi, colono autem emptorem de vi armata. Videndum est, quæ sunt causæ utriusque interdicti. Est D. Hilarii dignissima vox episcopi, ex causis dicendi esse sumendam dictorum intelligentiam. Cur hoc interdicto colonus tenetur domino? quia dominum deiecit videtur qui non admittit emptorem, imo reputat & rejicit sive deiecit: quid est deiecit? missum voluntate domini non admittere. Nihil interest dominum prohibuerit, an emptorem missum voluntate ejus, l. colonus, supra hoc titulo. Imo vero emptorem non videtur deiecit, qui nactus non erat possessionem, sed venditorem tantum, quia venditor non ante videtur amississe possessionem, quam emptor eam ingressus sit, nec enim amittitur possessio sine animo, & animus est venditori retinenda, non amittenda possessio, donec eam emptor ingressus sit. Igitur venditor quasi possessione, quæ sua erat, nondum emptoris, deturbatus a colono, recte agat cum colono interdicto unde vi. Ex his colligitur, nec desinere possidere fundum, quem possideo corpore coloni & animo meo, si colonus vel me, vel alium ex voluntate mea introire volentem prohibuerit: prohibitio hæc vis est; vis mutatur causam possessionis, non destinatio animi sola, si fundum colonus sibi possidere animo cogitaverit: nam non mutat etiam sola animi destinatio, unde non facit furem rei mobilis, puta si quis rem depositam abnegaverit, nisi & interceptiendi causa occultaverit, l. 1. §. 1. de furt. l. 3. §. si rem, l. si rem, de acquir. poss. Quod in re immobili contingere non potest, ut occurrat. Imo & venditio fundi sola non mutat causam possessionis si colonus fundum conductum alii vendiderit, l. cum nemo, & l. ult. G. de acquir. poss. quia ex regula juris, nemo potest sibi ipsi mutare causam possessionis. Colonus igitur, qui sibi non possidet, non potest efficere, vel cogitatione vel venditione fundi, ut quod tenet ex causa conductionis, sibi possederit, aut sibi possidisse intelligatur, ut quod tenet pro alieno, possideat pro suo, nisi alia major causa extrinsecus accedat, veluti traditio ipsius fundi facta alteri, l. 3. §. quod si servus, sup. de acquir. poss. Si modo legatur, tradiderint, non tradiderint, argum. l. non solum, §. qui pignori, de usurp. & usucap. vel etiam nisi accedat vis vel suspicio, vis que efficiat, ut dominus deponat animum possidendi. Quæso, cur vero emptor tenetur colono eodem interdicto? quia post prohibitionem colonus sibi possidere cepit de jure domino. Ergo ei quasi jam facto possessori, merito competit interdictum unde vi adversus emptorem, qui colonum deiecit, quod non competeret non possessori. Ac præterea, quod maxime notandum in hac lege colonus non videtur possidisse, antequam deiceretur ab emptore, sed a venditore: ab eo dicitur quis vi possidere, quem vi deiecit: colonus autem prohibendo emptorem introire, venditorem videtur deiecit, non emptorem, videtur deiecit venditorem, quia venditor possidebat, ergo a venditore vi possidet, ut sient la possession de luy par force. Cur hoc diximus? quia si ab emptore vi possideret, aut clam aut precario, non posset cum eo experiri interdicto unde vi, l. prec. sup. h. tit. Si ego te vi deieci, & confessum tu me,

A deinde ego te, habes utile interdictum unde vi adversus me. Cur? quia non videris a me possidere, id est, qui in ipso congressu, in continenti possessionem sibi vi adeptam, vi recuperat, videtur potius reverti in pristinam causam, quam vi possidere, alioqui videreris a me possidere vi, & si hoc esset verum, non posset mecum agere hoc interdicto. Et recte in l. 1. §. qui a me, h. t. qui a me vi possidet, si ab alio deiciatur, habet hoc interdictum: recte si ab alio: Nam si a me ipso deiciatur, non habet hoc interdictum, qui a me vi possidet, & loquitur tota illa lex i. de interdicto quotidiano: Nam, quæ est altera differentia inter hæc duo interdicta de vi & vi armata, interdicto de vi armata agere licet ei, qui ab eo vi possidet, in quem agit, puta si ab eo postea quam eum ipse prior deiecit, ex intervallo deiecit fuerit vi armata, l. 14. h. t. Secus si ex continenti deiectus sit, quia propulsio, quæ fit ex continenti, non est vis: vim vi, arma armis repellere licet, l. 3. §. cum, hoc tit. Igitur non impune deicio vi armata eum, qui me vi deiecerat, nisi hoc faciam in continenti. At impune deicio etiam ex intervallo vi quotidiana sine armis eum, cui me vi deiecerat, nec teneor interdicto unde vi: & ita Paulus recte §. Sent. tit. ult. & Marcus Tullius in eadem oratione. Igitur ad propositam speciem, si colonus deiecit emptorem, non posset cum eo experiri hoc interdicto, quia non emptorem videtur deiecit, sed venditorem: sed colonus cum emptore potest experiri hoc interdicto si ab eo postea vi deiciatur, etiam si mandato venditoris emptor postea hoc faciat, quia mandato illicito non debuit obtemperare. Et observandum est, qui C tenetur interdicto unde vi agere interdicto unde vi, cum qui furti tenetur, non agat furti: furti causa est inhonestas, turpis, famosa, & quod ex ea igitur præterdunt, id quod interest vis quotidianæ causa non est famosa, sed civilis, l. neque hoc tit.

Ad §. Eum qui.

Eum, qui fundum vindicavit ab eo, qui interdicto unde vi potuit experiri, pendente iudicio nihilominus interdicto recte experiri placuit.

I In hoc §. Papinian. scribit, placuisse, quod verbo significatur constitutiones Principum, ut is, qui fundum vindicavit ab eo cum quo potuit experiri interdicto unde vi, pendente eo iudicio, vindicationis scilicet, nihilominus posset experiri interdicto, quod ex hoc loco relatum est etiam in cap. pastoralis, de causa poss. & prop. Sciendum est, rei corporalis, ut penitus hoc intelligatur, vindicationem dari domino, qui non possidet rem adversus rei possessorem, l. 1. G. ubi rem actio exerceri debet, §. æque, Instit. de action. Possessio, ut est in l. un. C. de alienat. jud. mut. causa facta, in rem actionem parit adversario, possessio scilicet ex parte ejus unde petitur, ut in l. 17. de pignor. Pignoris possessio, sic legendum, in rem actionem parit creditori, juxta quod in l. si fundus, §. in vindicatione, eod. tit. In vindicatione pignoris quaeritur, an rem de qua agitur, possideat is, cum quo agitur: si non possideat, vel dolo non desit possidere, absolvendum eum esse. Possessio creat actionem in rem. Et E ita in l. non alias, §. ult. de judic. in rem actionem ex præsentī possessione esse, vel præterita scilicet, quam dolo malo omiserit, quæ habetur pro præsentī, licet non sit præsens. Et in l. ult. de rei vindic. Facile esse evadere actionem in rem, quia is non compellitur pati eam actionem, qui dejerat & affleverat se non possidere: la demande au pétitoire se concoit ainsi, pour déclarer a quel titre il sient, occupe, & possède. Licet autem exitus rei vindicationis hic sit, ut possessio rei transferatur in actorem, l. qui restituere, & l. ult. de rei vindic. l. si cum venditor, de evict. non tamen per eam actionem, per vindicationem possessio vindicatur, sed proprietas. Est legitima vindicatio proprietatis: usufructus legitima vindicatio pignoris, nulla est legitima vindicatio possessionis. Aelius

Ailius Gallus Jurisconsultus apud Festum: *In legitimis actionibus*, inquit, *nemo ex jure Quiritium possessionem suam vocare audeo, id est, vindicare, sed ad interdictum venit uti possidetis, vel utrobi*. Igitur interdicto pratorio, non legitima actione ulla possessio, vindicatur: denique actione in rem, rem meam voco, rem meam esse, non possessionem meam voco. Et si quidem probavero rem meam esse, possessio in me transfertur a reo, qui eam se possidere non negaverit: Nam ab eo qui negat eam se possidere, si convinctur possidere, statim possessio in me transfertur per judicem jure domini, licet rem meam esse non probavero: hac est mendacii pena, d. l. ult. de rei vindic. Ergo actio in rem est intentio domini. Et excepto illo casu d. legis ult. illi, qui agit hac actione, ob id incumbit probatio domini quæ probatio, quia plerumque est difficilis, consilium dant omnes Jurisconsulti, ut si possit quis, interdicto potius agat, quo vel adipiscatur, vel recuperet, vel adferat, vel defendat sibi possessionem, id est, vindicet, quam legitima actione, qua rem suam esse petat, qua re se dominum esse contendat: quia longe commodius est agere possessori judicio possessorio, quam petitorio; longe commodius possidere, quam alio possidente petere, l. is qui destinavit, de rei vindic. quia scilicet, possessori nullum incumbit onus probationis, nec necesse habet causam, titulum, auctoritatem possessionis suæ edicere, vel edocere, l. in speciali, eod. tit. l. pen. C. eod. tit. l. pen. C. de pet. hered. Et in pari causa melior est conditio possessoris, fortuna pro possessore judicat. Igitur in specie hujus l. ult. non satis prudenter sentit is, non satis consulto facit is, qui fundum vindicavit ab eo, cum quo poterat experiri interdicto unde vi ad recuperandam possessionem sibi ab eo vi ereptam: Sed factum suum quaeritur, an tamen adhuc sit ei integrum emendare, pendente judicio rei vindicationis, & experiri interdicto unde vi: Et Papinianus ait, etiam pendente eo judicio, nihilominus utiliter agi interdicto unde vi. Quod sic accipiendum esse reor, non tantum, ut suspensio tantisper, vel penitus omisso judicio, rei vindicationis mutata formula, changeans de conclusionem, experiat interdicto unde vi; sed etiam ut utroque judicio agat, petitorio & possessorio, ut pendente scilicet, nec intermissa vindicatione, etiam agat interdicto unde vi. Quo jure etiam hodie utimur, & vel proposita tantum vindicatione, etiam de possessione certamus, vel proposito tantum interdicto, etiam proprietatis probationes in judicium adferimus, vel utramque simul, id est, proprietatem, & possessionem in judicium deducimus, vindicationem & interdictum. Fabius lib. 7. In interdictis, inquit, etiamsi non proprietatis questio est, sed tantum possessionis, tamen non solum possidisse nos, sed etiam nosse possidisse docemus: utrumque scilicet docemus, utrumque cumulam, utrumque conjungimus, in uno eodemque judicio. Neque vero mirum, simul agi posse rei vindicationem & interdicto unde vi, ut hoc loco ostenditur, quæ remedia five judicia non sunt contraria, cum & usu receptum sit, non absque ratione & auctoritate juris contraria remedia five judicia posse cumulari subalternatim, ut definit Bartol. l. i. C. de furt. Contraria judicia non sunt vindicatio & interdictum unde vi, sed vindicatio rei & interdictum uti possidetis. Nam in rei vindicatione adversarium possessorem esse fateor, in interdicto uti possidetis, adversarium possessorem esse nego, & me solum possessorem esse assero, atque ita mihi vindico soli possessionem: & tamen, qui coepit rem vindicare, recte agit nihilominus interdicto uti possidetis, l. naturaliter, §. nihil commune, de acquir. possess. Quod etiam sic accipio, non tantum ut possit mutare genus judicii, changer de demande, de conclusionem, & remissa vel intermissa rei vindicatione, agere interdicto uti possidetis, sed etiam, ut possit utroque simul experiri sub alternatione, vel sub protectione, ut in l. i. §. quia autem, quod legat. l. contra, C. de inoffic. testam. Cum & de utroque consistet, judicem simul pro-

nuntiare posse, & cognoscere ex constitutionibus Principum: Symmach. l. i. epistol. eleganter. Rectata est constitutio, quæ judicibus tribuit copiam, non imponit necessitatem, ut quoties de possessione judicant, continuo si casus iulerit, etiam de jure cognoscant, id est, de proprietate. Nec obstat quod dicitur vulgo, prius esse cognoscendum de possessione, quam de proprietate, quod etiam fit plerumque hodie, l. 3. C. de interdict. l. ordinarii, C. de rei vindicat. causam proprietatis esse secundam actionem in l. ult. C. quor. bonor. Nam fateor, hunc esse solemnem ordinem juris, sed ex constitutionibus licet etiam utrumque simul introducere & disceptare. Si vis ordinem servare, cum serva, ita ut quaestionem possessionis anteponas quaestioni proprietatis. Sed si non vis servare, non serves: hoc enim constitutiones permiserunt. Hunc ordinem, ut de eo vos admonemus, quoniam multi in eo falluntur, male existimant comprobari l. si de vi, de judic. §. l. 3. de leg. Jul. de vi publ. Ex eo loco efficiunt, prius agi debere de possessione, quam de proprietate, perperam. Nam, ut quodam loco me ostendere memini, nec ideo ero in hac re longior, non id vult l. si de vi, sed hoc tantum, ut si queratur de vi criminaliter, judicio publico, & civiliter de possessione vel de proprietate, præferatur criminale judicium civile. Hoc ita Adrianus rescipit & decrevit. Male etiam ad eum ordinem comprobandum utuntur l. multi, C. de judic. quæ ut id etiam breviter stringam, non hoc vult, prius esse cognoscendum de possessione, quam de proprietate, sed hoc tantum præscribit, ut de utraque quaestione, unus idemque iudex cognoscat, quod etiam ex eo loco refertur in capit. i. de causa posses. & propriet. Ergo ad rem: etiamsi sit ordo solemnis, quem servare cuique liceat, tamen & non servare licet. Omnia judicia hodie sunt extraordinaria, id est, licet agere ordine vel extra ordinem. Nec enim sunt sublatæ ordinaria, si quis eis malit experiri, sed est liberum quacumque de re agere extra ordinem. Est igitur mihi liberum cumulare petitorium judicium & possessorium quodcumque. Nec huic definitioni obstat quicquam, lex penult. in princ. de acquir. posses. dum ait, permisceri non debere possessionem & proprietatem. Nam hoc non est, cumulari non debere utramque in uno eodemque judicio: Namque ea cumulatio permixtio non est, sed five uno judicio, five diversis agatur, semper accurate discerni debere possessionem a proprietate, nihil commune habere possessionem cum proprietate. Proprietatem separatam esse, l. prima, §. hujus, l. penultima, in fine, titul. sequen. l. & an eandem, §. ultim. de except. rei judic. Sæpe qui est dominus, non est possessor, & qui est possessor, non est dominus, & nonnunquam idem est possessor & dominus: ut ut sit, semper hæc discernenda sunt, non confundenda, licet per abusum quandoque possessionem accipiamus pro proprietate: ut cum quis legat possessiones suas, proprietatem legat, l. interdum, de verb. signif. Seneca to. epistol. Sustulit avaritiam mortalium discernere proprietatem possessionemque: imo vero prudentiam mortalium summam, & necessarium rerum usum. Additur in d. §. nihil commune, non videri renuntiassse possessioni eum, qui agit rei vindicatione, alioquin vindicatio faceret conditionem nostram deteriorem, & actionem exercentes, deteriorem non facimus conditionem nostram, imo meliorem, l. aliam, de novat. vindicationem rei servandæ non perdenda inventam esse, ut Plautus, sed perquam nequitur jururandum rei servandæ, non perdenda esse inventum. Non eo animo ad vindicandum venio, ut possessionem omittam, si quam habeo. Est enim possessio suo jure metienda potius quam confessio mea, nec mihi confessio mea utique adeo nocere debet, ut eam non possim retractare, vel in eodem judicio utrumque mihi adferre & possessionem & proprietatem sub alternatione, ut dixi, vel sub protectione. Sicut is qui agit cum alio familie erecunda, videtur, quidem fateri: eum esse coheredem, l. i. l. jam.

l. fundus, l. qui doli s. s. si ergo, simul, excois, & l. x. s. est pos-
sessi si pars heredi, pet. non tamen ita id fatetur, quin sit ei
integrum mutato iudicio, agere petitione hereditatis,
& ita negare, eum sibi heredem esse, qui est sensus
d. legis qui doli. Sicut etiam is, qui excipit, qui oppo-
nit exceptionem actioni, non ideo videtur omnino fateri
de intentione actoris, admittere videtur intentionem,
non fateri omnino: ut si ego propono aliquam regulam
iuris forte falsam, in ea re, de qua disputamus, & tu qua-
si sit vera excipias casum aliquem, non ideo possit ad-
versarius coarguere, te confisum esse, secundum regulam
l. non utique videtur, ff. de except. Et si nihil vetat
iniciari simul & excipere hoc modo, nihil debeo, & ut
debeam pepigi tecum, de non petenda pecunia; Cur enim
non mihi liceat agere in hunc modum: non tu possides,
sed ego possideo, sed etiam si possideas, rem meam esse
aiō, mihi que restitui debere. Et ut eleganter Libanius
Sophista, ei, qui possit esse tutus ipso iure, legem non-
nunquam dare exceptionem ex abundantia, & asseruit:
ita mihi agenti rei vindicatione veluti ex abundantia,
licet ibi etiam agere interdicto, & contra: saltem, ut
dixi sub alternatione, vel sub protestatione.

A obligatio est: quod si detraho utilitatem loci, plus peto & male ago: possum tamen agere alio loco utili actione, facta scilicet commemoratione ejus loci, quo pecunia dari debuit, ut utilitas ejus loci æstimetur, id est, quod propter eum locum interest, arbitrio iudicis, *s. ult. Instit. de act.* Sed si stipuler insulam Capuæ fieri, finito tempore, quo fieri ea insula debuit & potuit, nec facta est, possum agere quocumque loco, competenti & congruo scilicet, ut Accurs. recte annotavit, directa & pura actione ex stipulatu, in id quod interest, nec mihi necesse est descendere ad arbitriam, quia incerti obligatio contracta intelligitur, id est, id actum videtur inter contrahentes, ut promissor teneatur in id quod interest, si non fecerit insulam intra iustum tempus, sicut, si promississet certo loco iudicio fieri, esset actio incerti in id quod interest. Et hæc est vis & potestas hujus legis.

Ad L. Cum servus LIV. mandati.

Cum servus extero se mandat emendum, nullum mandatum est. Sed si in hoc mandatum intercessit, ut servus manumitteretur, nec munus fecerit, & pretium consequatur dominus ut venditor, & affectus ratione mandati agatur. Finge, filium naturalem vel fratrem esse: placuit enim prudentioribus affectus rationem in bona fidei iudiciis habendam. Quod si de suis nummis emptor pretium dederit (neque enim aliter iudicio venditii liberari potest) quæri solet, an utiliter de peculo agere possit. Et verius, & utilius videtur, præterea de huiusmodi contractibus servum non cogitasse, quo se ipsi mala ratione dominis auferunt.

Est lex elegantissima & utilissima, quæ frequenter in medium adduci solet. Servus mandavit extraneo, ut se emeret, ut se redimeret a domino, simpliciter nullo alio adjecto. Initio legis hoc tantum proponit Papinianus, nullum esse mandatum, nec rationem reddit nullitatis, sed redditur aperte in *l. in C. si serv. ext. se emi mand.* quæ est veluti interpretatio hujus legis. Cur nullum est mandatum, si servus se emi mandat? Quia neque mandatum illud ex persona servi consistere potest, propterea quod liber factus se emi mandaret inutiliter, quia non potest, cum liber homo enim non possit, idem esse emptor & res, quæ emitur: ea demum valeat ex persona servi, quæ si liber esset, valeret, *l. debitor, §. servo, de leg. 2. l. est maxime, de serv. leg.* Nec mandatum quoque illud consistere potest ex persona domini, quia inutiliter mando, ut quis a me servum meum emat, vel aliam rem, quia non possum a me ipso rem meam emere, & quod per me non possum, nec per vicarium possum: quod is emit, ipse emere videor. Igitur mandatum illud plane nullum est, & ex eo non nascitur actio mandati ulpse citroque. Sed finge, ut servus mandaverat, extraneum eum servum emit a domino, contracta emptione venditione: sane inter extraneum & dominum erit ultro citroque actio ex empto vendito: non ex ipso mandato nascitur actio, quod nullum est, quia & hoc non agebatur inter extraneum & servum, ut ex ipso mandato nasceretur actio, sed propter mandatum ex alio contractu, id est, emptione venditione, ultro citroque est actio inter extraneum & dominum. Secuta igitur emptione venditione, non profluit esse inutile mandatum, cum etiam non ex mandato actio sit, tamen propter mandatum sit actio alia. Diversa hæc sunt ex, & propter, *l. eo tempore, in fi. de pecul.* Si servum alienum bona fide possideo, & is servus mutuatus pecuniam ab alio, eam mihi det pro capite, id est, pro libertate, ut eum manumittam, mihi non acquiritur ea pecunia, sed vero domino, quia is servus non acquirit mihi, nisi ex duabus causis, ex suis operibus, & ex re mea. Ea autem pecunia non est ex re possessoris, sed propter rem, id est, propter servum. Et ita *l. venditor, de hered. vend.* pretium hominis vendit non esse ex re, sed propter rem. Et similis differentia inter ex, & per in *l. pen. de sepul. viol.* heres immittit se bonis, & obligat ari alieno, si quid caput ex hereditate, non si quid caput per hereditatem: ut pila, si egerit de viola.

JACOBI CUJACII J.C.

COMMENTARIUS

In Lib. XXVII. Quæstionum EMILII PAPINIANI.

Ad L. Eum qui XLIII. de Judic.

Eum, qui insulam Capuæ fieri certo tempore stipulatus est, eo finito, quocumque loco agere possit in id quod interest, constat.

INCIPIT Liber XXVII. a L. XLIII. de iudic. ait *l. eum* qui certo tempore, id est, intra tempus, ut est in *Basilic. insulam Capuæ fieri, &c.* Non recte stipulor insulam fieri, id est, domum ædificari non adjecto loco, quo eam fieri velim, *l. 2. §. si quis, ff. de eo, quod certo loco, l. qui insulam, l. ita stipulatus, de verb. obligat. adjecti locum debere, veluti, insulam Rome, &c.* Nec necesse est etiam tempus adjecti, quia stipulationi satis inest tacitum tempus, intra quod fieri Capuæ insula potest, *l. interdum, de verb. obligat.* Sicut huic stipulationi, *Capuæ dari, si fiat alio loco, tacite inest tempus, quo Capuam perveniri potest, d. l. 2. §. qui ita stipulatur.* Et hoc ipso lib. Papinianus, *l. si in testamento, §. ult. de fideiussor. l. servus heredi, §. pen. de statulib.* Et nihil interest verbis an re ipsa inest obligationi tractus temporis, *l. quovis, de oper. libert.* In specie hujus *l.* etiam stipulationi, *Insulam Capuæ fieri*, verbis expressis adjectum est tempus, veluti *intra annum fieri*, quæ stipulatio potest esse inutilis, si impossibile sit intra illud tempus Capuæ insulam fieri, quo modo in stipulationem venit, sed si possit intra illud tempus fieri, & consummari, est perutilis, etiam si tempus non sit adjectum: omisso loci vixit hanc stipulationem, non omisso temporis, quoniam tempus suppletur vel tacito intellectu. De stipulatione, quæ in dando consistit, illud est observandum maxime, valere eam etiam non adjecto loco, veluti, *centum dari.* Et ratio differentie evidens hæc est, quia qui domum fieri stipulatur five insulam, superficiem fieri stipulatur; superficies autem non est sine loco, quo fundetur, insideat, inedificetur, inhereat: ac proinde si is locus sit incertus, si nullus sit adscriptus stipulationi, imperfecta est stipulatio, quia non potest esse superficies sine loco, licet contra solum possit esse sine superficie. Numeratio autem pecunie nullo hæret loco certo vel perpetuo. Est & alia differentia, si stipuler *centum Capuæ dari*, alio loco non possum agere actione directa & pura ex stipulatu, quia certi

violato sepulchro hereditario; articulo ex, significatur causa, articulo propter, occasio; & aliud est causa, aliud occasio. Sed pergamus. Quid dicemus si non simpliciter servus se emendum mandaverit, sed adiecta causa, ut scilicet post emptionem ab emptore manumittatur, & nobis emptor manumittere, quomodo Papinian. ponit speciem in prima parte lujus. l. & ponunt etiam Gracii ad l. un. C. si servus exi. Mandati hæc duæ sunt partes, ut etiam, & ut manumittat. Propter priorem partem, non ex priori, si contracta sit venditio, extraneo est actio ex emptio, ut servus tradatur, domino autem est actio ex vendito, pretii consequendi gratia, quod nihil agit emptor, si inferat ex nummis peculiaribus servi, sed id inferre debet ex suis nummis, ut liberetur iudicio venditi, ut Papin. ait hoc loco, quod est secundum differentiam juris, ut sit differentia inter venditorem & emptorem: venditor liberatur etiam re aliena, quam vendidit, tradita: emptor non liberatur alienis nummis solutis, d. l. un. C. l. i. inf. de ver. permitt. l. ex emptio, §. i. de actione emp. ubi Accurs. atrulit veram rationem differentie, quia venditor debet certum corpus, certam rem, quæ venit: emptor debet quantitatem, quam facile potest conficere ex suis bonis. Concludamus igitur: propter priorem mandati partem, non ex priore, esse actionem ultro citroque, id est, esse actionem ex emptio & vendito, non mandati. Nunc dicamus de posteriori mandati parte. Ex posteriori parte dicimus plane, domino esse actionem mandati, quasi quesitam sibi per servum, antequam eum alienaret, & emptori traderet: domino, inquam, qui servum tradidit, esse actionem mandati ex posteriori parte mandati præcedentis traditionem, cum adhuc servus esset in sua potestate, & esse scilicet, ut servus manumittatur ab emptore, quoniam scilicet venditoris interest servum manumitti: nam si nihil interest, cessat actio mandati, l. b. mandati, D. mand. Sed hoc casu nihil videtur interesse, ut is servus manumittatur, quia jam est consecutus pretium, aut est forte consecutus: non interest quidem, fateor, sed interesse creditur, quoniam in bonæ fidei iudiciis idem pollet, ac si interesset revera: interest revera, si quid peculiariter interesset, si quid scilicet re mea abscerisset, vel non accesserit, & ita interesse dicimus in omnibus iudiciis. Sed placet, etiam in iudiciis bonæ fidei haberi rationem ejus, quod interesse creditur pii & benevolenti affectus ratione: sicut heredis interest, aut creditor interesse, impleri modum injectum legato, etiam si nihil inter sit peculiariter. Heredis enim interest impleri voluntatem defuncti, l. ius 19. de leg. 3. l. Titio centum, in princ. C. §. i. de cond. C. demonstr. Et similiter interest patris, filium suum manumitti aut fratrem aut sororem. Et similiter in hac specie, ut domino, qui servum tradidit, sit actio mandati in hoc, ut servus manumittatur, fingere debemus, ejus interesse, puta eum servum fuisse ejus filium naturalem, vel fratrem naturalem, ex contubernio forte, quæ causa est iusta minori 25. annis servum manumittere volenti, l. si minor annis, de manum. vind. filius naturalis est is, quem in servitute quesivit ex contubernio. Finge, me post susceptum filium pervenisse ad libertatem, & comparasse filium meum naturalem, qui mansit in servitute, ac deinde vendidisse: interest plane mei eum manumitti, & eo nomine possum agere, si fuerit ea lex mandati etiam contracti non a me, sed ab ipso servo filio meo naturali: filius vel est ex contubernio, vel ex concubinato, vel ex matrimonio, vel ex adoptione: ex contubernio & ex concubinato, est filius naturalis: ex matrimonio est legitimus & naturalis: ex adoptione est legitimus, non naturalis: ex foratatione neque est legitimus, neque naturalis. Affectum igitur hoc loco accipimus, pro benigna & humana animi propensione erga aliquem, cujus quidem affectus ratione, & sane nulla res pluris æstimatur, l. ult. de oper. servo. l. proia, ad leg. Falcid. Sed, ut inter nos puer agitabatur, affectus ratione quasi creditur nostra interesse, licet peculiariter nihil interesset, & eo colore

A nobis datur actio affectus explendi gratia, l. b. de servis export. Et plerumque nullum lucrum est tanti, quam si desiderium expleatur, sive affectio animi nostri. Addendum his omnibus, domino etiam esse actionem mandati ex posteriori illa parte, ut vel emptor servum manumittat si ejus inter sit, ut diximus, ut si sit ejus filius vel frater, vel etiam ut servus sibi restitatur, quem emptor non manumittit: ergo duo veniunt in actionem mandati, ut manumittatur, vel ut reddatur venditori: & prius quidem concurret facile cum actione venditi, id est, possum agere venditi, ut pretium consequar, atque etiam mandati, ut affectio mea satisfiat secundum legem mandati a servo interpositam, id est, ut servus liber fiat. Posterius autem, ut vel servus reddatur, non potest concurrere cum actione venditi: nam repugnat rei emptæ pretium petere, & rem quoque emptam repetere. Non possunt igitur hæc duo iudicia concurrere pure, cum sint omnino contraria, l. i. C. de iur. subalternative, altera actione concurret, ut ostendimus postrema prælectione. Ex priori autem parte mandati, ut se emat, domino non est actio mandati, ut jam ante diximus, sed quod nondum diximus, non est etiam extraneo emptori in dominio actio mandati de peculio, ut recipiat pretium, quia servum ex mandato servi suis nummis ab eo redimit, quia, ut eleganter ait Papinianus, quod confirmat lex eo tempore, §. ult. de pecul. dominus non tenetur de peculio ex eo contractu quod servus domino se abstulit, nec de eo contractu cogitavit prætor, cum generaliter dedit actionem de peculio ex contractibus servorum: nam ita dedit de peculio actionem, si ex eis contradibus non se domino subduceret servus. Et hoc mandato quid aliud egit servus, quam ut se domino auferret? Et quidem mala ratione, inquit. Cur sit mala ratio mandare se redimi? An quod dominus invitatus cogatur vendere oblata pecunia? minime: nec enim cogitur l. servus, h. t. Et apud Plautum servus quidam ita quidem loquitur: vobis invitis atque ingratiss una littera liber fieri possum. Nam id servus dicit uxori domini, & filio, non domino, nempe hoc scilicet vel una littera, & exiguo pretio posse libertatem promereri a domino invita uxore ejus & filio, sed non etiam domino invito. Igitur mala ratio hæc fuit, quia servus suppositus emptorem clam domino ignorante, ut ait d. l. un. ut se ei auferret, quam artem servi dominus si cognovisset forsitan, non indulgisset id animo servi & malevolentie, ut eum a se alienaret: mala ratio est suppositio illa, quæ fit clam domino. Et hoc est omnino quod Papinian. vult his verbis, cum servus extero se mandat, C. c. Sequitur ut exponamus alteram questionem l. eum servus, quæ scilicet continetur in §. ult. his verbis.

Ad §. si liber.

Si liber homo bona fide serviens redimi se mandaverit, idque nummis emptoris factum sit, contraria mandati actione agi posse constat, ut tamen actiones præstentur, quas habet emptor adversus venditorem, finge nos manumivisse liberam personam emptorem.

ET rei ejusdem communio sive affinitas efficit, ut ex eodem lib. Papiniani etiam huic §. conjugamus explicationem l. verbum facere, de verb. signif. C. l. servus, de serv. export. Ac primum verbal. verbum facere, sunt hæc: Verbum facere omnem omnino faciendi causam completitur, dandi, solvendi, numerandi, iudicandi, ambulandi. Papinianus scribit de verbo facere, eo significari, non tantum factum, sed etiam jus, non tantum factum, veluti iudicare, orare, scribere, ambulare, edificare, sed etiam eo significari dationem proprietatis, sive translationem domini, sive alienationem aut pignorationem, veluti solvere aut credere: credere etiam facere est, neque tamen solvit aut in creditum it, nisi qui suos nummos eredit aut solvit, id est, qui dominium transfert. Ita hoc eodem lib. e contrario Papinianus idem scripsit de verbo dari, l. 4. de usuf. verbo dari, scilicet non tantum si quis-

gnificari effectum transferendi domini, id est, alienationem, ut scilicet in illa formula, *si paret dari oportere*, §. *si itaque*, *Instit. de action.* & in stipulatione rem dari, *l. ubi autem non apparet*, §. *ult. de verbor. obligat.* Verum etiam eo verbo dari, significari factum nudum, id est, traditionem nudam rei sine effectu, id est, sine translatione juris ullius, sine translatione domini, vel constitutione hypothecæ, ut *l. qui heredi*, & *l. qui in facto*, de condi. & demonstr. Atque ita dare non tantum est dominium transferre, sed etiam facere tantum. Et hoc mox apparet evidenter ex hoc §. *ult.* & ex *l. 6. de ser. export.* in verbo *manumittere*. Quod non tantum significat ex seruo liberum facere, vel libertatem dare, quod tamen solum videtur significare, atque adeo videtur esse nomen juris, nomen quo significatur collatio juris summi & inestimabilis, nempe libertatis, sed etiam *manumittere*

significat, quasi liberare & *manumittere sine effectu ullo*, non data libertate, ita *manumittere*, est spe tantum *manumittere*, aut verbo tenus, non re ipsa, ut in *l. mulier*, §. *pen. de condi. inst.* Si quis fit heres institutus sub conditione, si servum hereditarium *manumiserit*, quod est si ante aditam hereditatem *manumiserit*: Nam aditione definit esse hereditarius, aditione fit heredis, & si is heres ita scriptus, nondum adita hereditate, servum hereditarium *manumiserit*, quamvis ea manumissio nullius sit effectus, nullius momenti, quasi facta a non domino, tamen veluti impleta conditione institutionis, perveniet ad hereditatem, quia aliqua significatione *manumiserit*, licet non *manumiserit*: nec enim præstitit effectum beneficii, sed egit tantum actum *manumittentis*, fecit, non perfecit.

Idemque est, si quis liberum hominem, quem bona fide possidet, existimans esse suum servum, *manumiserit*, quia ea manumissio nullam rem, nullum effectum habet, nec ingenuitati quicquam officit, §. *ult. Instit. de ingen. l. si quis*, §. *ult. de cap. & post.* Et tamen si liber homo, quæ est species huius §. *ult.* alii bona fide serviens, Titio se emendum mandaverit *manumittendum*, qui non potest *manumitti* cum effectu, cum jam fit liber, hoc tamen cum ignoraret, mandavit se emi; si Titius eum suis nummis redemerit, postea patefacta conditione hominis, eoque ingenio pronuntiato, non potest emptor agere in liberum hominem actione mandati contraria, videlicet pretii, quod de suis nummis dedit, recipiendi causa, nisi emptor ei cedat actiones, quas habet adversus venditorem evictionis nomine, quia is homo, qui venit, se evicit in libertatem, & liber pronuntiatu

est: habet autem actionem ex stipulatione duplæ evictionis nomine, de qua actione est necessarium, ut intelligamus §. *ult.* Iterum dico, ut rem explicatius proponam, habet actionem adversus venditorem ex stipulatione duplæ, cum eum hominem non *manumiserit*, hoc poni necesse est. Finge, inquit, liberam personam non *manumississe* emptorem: nam hoc si non fingis, non est locus huic sententiae. Cui ita? quia si eum *manumiserit*, etiam si *manumittendo* nihil egerit, ipse tamen videtur eum hominem sua voluntate perdidisse, priusquam non proclamaret is homo, fide ingenium esse, atque ideo non alter is homo est videtur evictus, quam si emptor eum non *manumiserit*, sed ipse se homo, qui venit liberali iudicio, asseruit in libertatem, *l. si servum, de evict.* & *l. si hominem, de adil. edic.* Necesse est, ut committatur stipulatio de evictione, rem evincit iudicio: non sufficit, si evincatur alio modo, *l. non tantum, de evict. l. utique, de rei vindic.* Et ob id ponimus, eum hominem in iudicio fide vindicare in libertatem, & seipsum evicisse emptori. Est autem necessario hic §. accipiendus de actione ex stipulatione duplæ, quæ solet interponi ob evictionem, maxime vendito homine, aliquo valde pugnare hic §. *ult.* cum *l. 8. si liber homo, hoc tit.* quæ loquitur manifeste, non de hac actione ex stipulatu, sed de actione empti nominatim, quam quidem actionem empti, etiam si emptor *manumiserit*, ab eo vult cedi libero homini, adversus venditorem, quia scilicet, etiam si is, qui *manumissit* liberam personam, quique hoc quali

quali facto eam personam perdidit, non teneatur actione ex stipulatu de dupla evictionis nomine, postea libera persona in iudicio vindicata in libertatem, tamen habet actionem ex empto adversus venditorem, quod liberum non habeat, quem ex *manumissione* putabat se habiturum, *l. sed hoc nomine, de evict.* quæ sequitur *d. l. si servum*. Atque ita conjunctio utriusque legis, ut fieri alias ostendi in casibus innumeris, demonstrat in proposito quoque casu esse inter has actiones constituendam differentiam, non esse ex stipulatu actionem evictionis nomine, & esse tamen ex empto: non esse in duplum, esse in simplum ejus quod interest. Simile autem discrimen inter effectum beneficii, id est, libertatis, & actum solum *manumittentis*, idem Papinianus *ead. lib.* notavit in *l. 6. de servis export.* quam totam breviter explicabo.

Ad L. VI. de Serv. export.

Si venditor ab emptore caverit, ne serva *manumitteretur*, neve prostituatur: & aliquo facto contra quam fuerat exceptum, evincatur, aut libera iudicatur, & ex stipulatu pena petatur: doli exceptionem quidam oblitivam putant: Sabinus non oblitivam. Sed ratio facit, ut iure non teneat stipulatio, si ne *manumitteretur*, exceptum est: nam incredibile est, de actu *manumittentis*, ac non potius de effecti beneficii cogitatum. Ceterum si ne prostituatur, exceptum est, nulla ratio occurrit, cur pena peti, & exigi non debeat, eum & ancillam contumelia adfecerit, & venditoris affectionem forte, simul & verecundiam laeserit: etenim alias, remota quoque stipulatione placuit ex vendito esse actionem.

§. 1. Si quid emptor, contra quam lege venditionis cautum est, fecisset, aut non fecisset, nobis aliquando placebat, non alias ex vendito propter penam homini irrogatam agi posse, quam si pecunia ratione venditoris intercesset, veluti quia penam promississet: Ceterum viro bono non convenire credere, venditoris intercesse, quod animos servientis satisfactum non fuisset. Sed in contrariam me vocat Sabini sententia, qui utiliter agi arbitratu est, quoniam hoc minoris homo venisse videatur.

IN hac specie, vendidi ancillam ea lege, ne *manumitteretur*, vel ne prostituatur, & si fieret contra legem venditionis, ut jus mihi esset manus inficiendi, id est, jus evincendæ & deducendæ ancillæ quasi meæ: vel cavi, ut libera esset. Ac præterea, si quid fieret contra legem venditionis, certam penam pecuniariam stipulatus sum. Nunc si quid emptor faciat contra legem venditionis, proculdubio manus injectio erit, vel libera fiet ipso iure: si *manumittat*, erit manus injectio, non autem fiet libera: quia hoc venditor noluit, si prostituatur, prout convenit, vel manus injectio erit, vel libera fiet ipso iure, *l. 2. C. si mancip. ita*. Et hoc est extra omnem controversiam. Sed quaeritur, an etiam venditori, ubi emptor facit contra legem venditionis, sit pæna perfectio in stipulationem deductæ, an sit ei actio ex stipulatione penali efficax? Et quidam dicebant non esse ex stipulatione penali actionem, agenti obitare exceptionem doli mali: tamen alius dicebat esse utilem & efficacem. Papin. peritissime distinguit, & componit rem, & quod ad primam conventionem attinet, ne *manumittatur*, & *manumissa* ancilla non committi penam, quia ea *manumissio* nullius est momenti, id est, non confert libertatem ancillæ, quia lex venditionis, ne *manumittatur* inhibet libertatem: *manumittat* emptor quando voluit, vel *manumittant* sequentes emptores; hæret semper hæc conditio ancillæ, ne *manumittatur*, & dicitur hæc lex non tam emptori, quam ancillæ, *l. servus hac lege, de manumiss. l. 3. §. is quoque*; ad Syllan. & in ea conventionem, ne *manumittatur*, de beneficio libertatis & effectu videtur cogitari, non de actu solo *manumittentis* sive effectu, & cum inanis sit *manumissio* emptoris, non igitur committi stipulationem penalem, quia *manumissus*, non est *manumissus*, nec videtur effectus

Et implevisse emptor legem venditionis, quem effectum convenit spectari magis, quam actum nudum & inanem. Et ita omnino definitur in *l. pen. G. si mancipium ita ven.* Quod autem ad alteram conventionem attinet, ne profiteretur, si profutua sit ab emptore, Papinianus scribit, committi stipulationem poenalem, ancillam abduci, vel liberam fieri prout convenit, ac praterea poenam peti & exigi ab emptore, qui contra legem fecit, quia scilicet, ut eleganter ait Papinian. ancillam contumelia afficit, & venditoris affectionem laedit honestissimam, simul ac verecundiam & pudorem, & ut etiam subicit, quamvis non esset interposita ea stipulatio poenalis, ratione affectionis pie & sanctae, agi posset ex vendito in id, quod interest quod emptor contra affectionem venditionis fecerit: Nam in bonae fidei iudiciis, ut in *l. cum servus* diximus, ratione affectionis interesse credendum est, etiam si nihil interfit pecuniarie, & bono viro, qui est arbiter bonae fidei, convenire, ut credat, venditoris interesse, vel quod pia & sanctae affectioni eius satisfactum non sit. Ergo quod ad alteram conventionem attinet, si ei non obtemperavit emptor, committitur stipulatio poenalis, quia & omnia stipulatione eo nomine, solus affectus ratione liceret agere ex vendito. Sed inde quaerit, & nihil intactum relinquit, an etiam solus vindictae nomine, id est, pravae & iniuriae affectionis ratione, venditoris interesse credendum sit? Quae ante dicta sunt, sunt de affectione pia & benigna. Finge: vendidi servum, quem oculi mei ferre non possunt, atque ideo in vendendo cavi, ut longe exportaretur, ne esset in Gallia, ubi vendebatur, cavi ut exportaretur, & non exportatur, an agam ex vendito, quia animo servientis satisfactum non sit? Si interposita esset stipulatio poenalis eo nomine, puta hoc modo, *si non exportaveris, tot dari*, etiam si nihil omnino interesset pecuniarie, posset agi ex stipulatu: Nam ut lib. 10. ostendi, nullus contractus, nulla lex contractus est poenalis, quoniam omnes pertinent ad rem familiarem; sola stipulatio potest esse poenalis & mera poenalis, etiam si nihil interfit pecuniarie, ergo ex stipulatu quidem posset agi vindictae solius nomine, & peti poena in stipulationem deducta: querebatur, an possit agi ex vendito eo etiam nomine, sicut agi ex vendito bonae affectionis ratione, ut si fuerit lex haec contractus, si exportaretur, agam ex vendito, sed si haec fuerit, ut exportetur, quae est vera lex & dura, & indignatio potius, & non exportaretur, an erit actio ex vendito? Papinianus refert in hac *l. 6.* se alias existimasse, non esse actionem ex vendito solius vindictae ratione, quod animo servientis satisfactum non sit, honestae tantum affectionis nomine credendum esse, non ultionis, non vindictae. Et vero ita Papinianus scripsit libro 10. *quaest.* & ob id est subiecta *l. 7.* ex illo libro 10. quae hanc, quae fuit prima, sententiam Papiniani exponit, ut non sit actio ex vendito vindictae nomine, si nihil praterea interfit. In collocandis legibus Papin. & ceterorum, quoties una serie collocantur plures ejusdem auctoris, semper solet observari ordo librorum. Hic ordo cur hic non servatur, *l. 6.* est ex libro 27. *l. 7.* ex 10. Sed inde apparet de industria Tribonianum subiecisse huic *l. 6.* eam legem Papiniani, quod anteriori lib. Papin. scripsit, non esse actionem ex vendito, quod recantavit, mutavit hoc lib. Nec est quaerenda ratio conciliandarum harum legum, cum ipse fateatur se revocasse sententiam vocatam Sabini sententia: dicit enim, in contrarium me vocat Sabini sententia, qui utilior agi ideo arbitratu est, &c. Quia cum venditor addit hanc legem, ut exportetur, semper videtur venditoris interesse, ut impleatur lex, & interesse pecuniarie, quia in partem pretii ex ea lex venditionis cedere intelligitur, id est, eo viliori pretio videtur vendidisse, ut is servus ablegaretur, aporteretur, nec unquam veniret in suum conspectum. Igitur cum ejus interest, recte putavit Papinianus, potius Sabini sententiam esse sequendam, quam suam primam: secundae sententiae fuit meliores: hac ingenuitas Papiniani mihi valde placet, &

A debet omnibus esse documentum. Ego memini me haec fufius ad *l. 7. hoc tit.* explicasse, ideo longior non fui.

Ad L. VIII. de Serv. export.

Quaestum est si quis proprium servum vendidisset, & ut manumitteretur intra certum tempus precepisset, ac postea mutasset voluntatem, & emptor nihilominus manumississet: an aliquam eo nomine actionem habere? dicitur ex vendito actionem, manumisso servo, vel mutata venditoris voluntate, evanuisse.

Intelleximus heri ex ult. quaestione *l. 6.* quae eadem est legis 7. non tantum pecuniae ratione, sed etiam affectionis ratione honesta & humana, vel amica venditori, dari actionem ex vendito, vel actionem mandati, vel aliam quamcumque bonae fidei: ut dictum est *l. cum servus mand.* vel etiam dari ex stipulatu, non pecuniae tantum, sed etiam affectionis ratione. Vindicta autem solius ratione, vel affectionis acerbae & pravae, aut inhumanae, dari quidem actionem ex stipulatu, non etiam ex vendito, vel aliam quamcumque bonae fidei actionem, nisi alius actoris interfit pecuniarie: igitur in actione ex stipulatu haberi rationem cuiuscumque affectionis etiam male & odiosae: in actione bonae fidei tantum probae & honestae rationem haberi, actionem bonae fidei duriorem non admittit, quam admittit ceterae, ut dicunt stipulationum, *l. 7.* ut si servum vendidi ea lege, ut exportetur peregre in longinquam provinciam, nec exportetur, eo nomine agere possum ex vendito, si mea interfit pecuniae ratione, ut quia scilicet eum servum emi eadem lege, & stipulanti venditori promisi certam poenam, si non exportaretur: sed si ita non interfit mea, Papinian. primum dicebat, solius vindictae ratione non posse agi ex vendito. Sed postea mutata sententia deprehendit, verissimum quidem esse solius vindictae ratione non posse agi actione bonae fidei, sed in casu proposito non solius vindictae rationem, verari, sed etiam pecuniae, quia hoc minoris videtur vendidisse servum, ut exportaretur, nec moraretur eo loci, quo venebat. Atque ita non tam venditi, quam pecuniae ratione, ex lege venditionis, etiam si solam duriorem videtur continere, dari actionem ex vendito, quae summa superioris quaestiones, vel potius elucidatio plenior est valde notanda, & ex ea facile pervenimus ad alteram quaestionem, quae ex eodem libro pronominetur in *l. 8. hoc tit.* Finge: vendidi tibi servum ea lege, ut eum intra certum tempus manumitteres: si non manumiseris, finito tempore, certum est servum liberum fieri ipso iure ex constitutione Marci & Commodi ad Aufidium, cuius sepe fit mentio in iure: haec constitutio repraesentat libertatem, quam emptor non detulit intra tempus, adeo ut non committatur stipulatio poenalis huic legi venditionis subiecta, quia constitutio implet legem sine facto emptoris, *l. ult. G. si mancip. ita.* Sed huic constitutioni ita demum locus est, si intra illud tempus intra quod dictum est, ut emptor servum manumitteret, venditor non mutaverit voluntatem: nam si ante diem praescriptum legis dictae poenituerit, cessat beneficium constitutionis *l. 1. ult. C. eod. l. 3. h. tit.* Hoc cognito rursus finge eodem modo: vendidi tibi servum ea lege, ut intra certum tempus manumitteres, deinde intra illud tempus mutavi voluntatem, & verui ne manumitteretur ex intervallo longe post perfectam venditionem, & tu nihilominus manumissisti. Quaeritur, an mihi tenearis actione ex vendito, quod contra posteriorem voluntatem meam manumiseris servum: quia quaeritur de actione ex vendito, ex eo apparet manumissionem illam effectum habere: alioquin constaret non esse actionem venditi, si nihil egisset: sed quia manumissio effectum habet, quia servus perductus est ad libertatem ab emptore, ideo quaeritur, an ob id emptor venditori teneatur actione venditi, quod contra suam novissimam voluntatem servum perduxerit ad libertatem: manumissio illa effectum habet, ita est. Et non obstat primum *l. 6. h. tit.* quam modo exposui: Nam

ita distinguendum: Aut initio venditionis servus pro-
hibitus est manumitti, id est, venditus est ea lege, ne
manumitteretur, & manumissio nihil agit d. l. 6. Aut
initio venditor non prohibuit servum manumitti, quin-
imo, præcepit manumitti intra certum tempus, & ma-
numissio effectum habet, licet ante manumissionem ven-
ditor mutaverit voluntatem. Rursus nihil obstat l. 3. h. t.
Nam distinguenda est etiam libertas, quæ competit ipso
jure ex constitutione Marci & Commodi, a libertate, &
quæ non competit beneficio emptoris: Nam post peni-
tentiam venditoris non competit libertas ex constitu-
tione ipso jure, d. l. 3. beneficio emptoris competit etiam
invito venditore, qui post venditionem perfectam non
potest emptori novam legem dicere. In specie igitur
proposita manumissio effectum habet, & ob id quaeritur,
an emptor teneatur actione empti, qui manumissus est? Et respon-
detur Papinian. ex vendito actionem manumisso servo,
vel mutata venditoris voluntate, id est, etiam post peni-
tentiam venditoris evanuisse. Ergo ex posteriori volun-
tate venditoris, quæ fuit ne manumitteretur servus,
libertatis, quam ante dederat emptor, vel libertatis da-
tæ, vel dandæ ab emptore indignatio, quia solam duri-
tiam continet, non parit venditori actionem ex vendito.
Et generaliter nunquam solius vindictæ, aut severitatis
ratione est actio ex vendito, vel quæ alia bonæ fidei. Sed
neque ratione pecuniæ in hac specie dici potest esse actionem
venditi, quasi venditoris interitus, quia hoc ipso ser-
vum minoris vendiderit, in l. 6. cum initio venditionis
non hæc dura lex sit apposta venditioni, sed contraria,
ut manumitteretur. Est igitur plane verum manumissio-
ne evanuisse actionem venditi, etiam si facta fuerit post
penitentiam venditoris. Et hoc est quod ait in l. 6.

Ad L. VIII. de Præscr. verb.

Si dominus servum, cum furto argueretur, quæstio-
nis habenda causa æstimationem dedisset, neque de eo com-
petitur fuisse, & is non redderet, eo nomine civiliter
agi posse, licet aliquo casu servum revertiturus esset, qui
traditum accepisset, tunc enim & datam æstimationem
reddi a domino oportere. Sed quaesitum est, quæ actione pecu-
niaria, si eam dominus elegerit, peti possit? dixi, tametsi
quod inter eos ageretur, verbis quoque stipulationis conclu-
sionem non fuisset: si tamen lex contractibus non latere, præ-
scriptis verbis incerti, & hic agi posse, nec videri nudum
pactum intervenisse, quotiens certa lege dari probaretur.

Actio præscriptis verbis datur ex contractibus, qui
nomine vacant, qui nomen non habent proprium,
& sic appellata est, quod concipiatur secundum id, quod
contrahentes habuere præscriptum & conventum: & di-
citur etiam in factum, quia proprium nomen non ha-
bet, atque adeo dicitur tantum formari & concipi ex
narratione facti: actio præscriptis verbis, est narratio fa-
cti, nec habet aliam appellationem propriam, & dicitur
etiam civilis actio, quia datur ex negotiis, sive con-
tractibus, qui civiles contractus imitantur, ut do ut des,
imitatur emptorem venditionem: do ut facias, locatio-
nem & conductionem: facio ut facias, imitatur manda-
tum: facio ut des, quia non imitatur civile negotium: ex
eo articulo etiam non datur actio præscriptis verbis,
& cur non imitetur non est hic locus demonstrare. Igitur
actio præscriptis verbis dicitur etiam incerti, quia
intenditur in id quod interest, cuius æstimatio est ar-
bitraria, in id scilicet, quod interest dari aut fieri id de quo
convenit. Nunc finge: servus meus in suspicionem furti
venit, & arguitur tibi furtum fecisse, ego eum tibi do,
ut torques, ut quæstionem de eo habeas: uno loco in
hoc l. 8. ait, do, altero, trado. Igitur & hoc verbum dare,
potest facere ambiguitatem, dederim ego cum effectu,
qui tradiderim tantum: hoc verbo significatur vel effec-
tus, l. 4. de usur. dare, vel efficere est vel facere. Et vero
servus alienus, quem arguit furti, solebat facile in
quæstionem dari, sed dabatur æstimatus, stipulatione in-
terposita de eo reddendo, vel æstimatione ejus, l. certio,
in d. de quasi. At finge, me tibi dedisse servum meum in

A quæstionem, nec eam stipulationem interposuisse, sed
servum æstimassem ac dedissem in quæstionem ea lege, ut
eum mihi redderes, vel æstimationem ejus, utrum ego mal-
lem, utrum eligerem: hæc est species, ex qua quaeritur,
quæ actione ego possum petere æstimationem servi, seu
pecuniam, ut elegerit, quod est repetere servum, sed de pecu-
nia tantum quaerit, quæ actione peti possit. Et distin-
gitur hoc modo: aut is servus habita de eo quæstione,
furti compertus est, aut non: si furti compertus est, nec
ipse peti potest, nec æstimatio ejus. Imo vero, ut ait
Papin. si æstimatio ejus fuerit prorogata, si fuerit data
in antecessum, si esse est donnee devant la main, & inveni-
atur nocens, æstimatio conditione sine causa repe-
tetur, quia non fuit causa prorogandæ ejus, l. 1. de con-
dit. sine causa. Nam id tacite videtur actum, ne servi
nocentis nomine, dominus quicquam consequeretur.
Ipse autem servus extra ordinem coercetur a præfide,
vel a præfecto vigili in urbe, ut l. penult. de condit.
causa dat. sup. l. interdum, §. qui furem de furt. Et hoc si
furti fuerit compertus, sed si furti compertus non fue-
rit, domino reddetur servus conditione sine causa, si
servum fecit accipientis. Nam conditio domino rei suæ
non datur. Ergo ut repetatur conditio sine causa,
necesse est, ut servum datum in quæstionem dederit
cum effectu, id est, fecerit accipientis. Atque ita posset
in eo furto non comperto, eum quasi non suum condi-
cere conditione sine causa, videlicet si servum elegerit,
si non fecit servum accipientis, sed tradidit tantum tor-
quendum, vindicabit servum, vel aget actione ad exhiben-
dum: sed si malit pecuniam, quæ actione pecuniam
petet? Et ait, competere actionem præscriptis verbis ad
consequendam pecuniam, veluti pro eo, quod interest:
nec enim æstimari hic potest, quod interest eum reddi,
vel æstimationem ejus. Et esse actionem præscriptis
verbis indistincte dico: sive dederit initio servum cum
effectu, sive tradiderit tantum, electa pecunia dedisse
videtur. Erit igitur actio præscriptis verbis, quasi ex
negotio, do ut des: do servum ut des pecuniam. Dices,
cur non erit actio ex vendito? quoniam pro servo
pretium peto, quia non intelligitur contracta vendi-
tio: Imo, inquit, quia æstimatio venditio est. Re-
spondeo, æstimatio venditio est, & quidem veta, si
de æstimatione tantum reddenda convenierit, non de
alterutro, ut hic convenit, vel servum reddi, vel pre-
tium, quod abhorret a conditione & natura emptio-
nis venditionis, l. plexumque, de jur. dot. Non erit etiam
actio ex stipulatu, quia, ut initio posuimus, non in-
tercessit stipulatio, non intercessit conclusio contractus:
solet stipulatio concludere omnes contractus, quo ver-
bo utitur hic Papinian. & soleo semper adducere hanc
l. ut ostendat, stipulationem esse vinculum, formulam
conventionum, & omnium contractuum conclusionem,
l. juris, §. quod fere, de pact. in novissima parte conven-
tionum scribi stipulationem, stipulationem inventam esse
obligationum firmandarum causa: Sed in hac specie
omissa fuit stipulatio, ergo non erit actio ex stipula-
tu: denique quia defunctæ aliæ actiones, decurrendum est
ad actionem præscriptis verbis, quæ est subsidiaria, quæ
utrique datur hoc casu, quasi ex civili negotio, seu con-
tractu. Est etiam contractus seu σύμβασις, & do tibi
servum, ut vel eum mihi reddas vel æstimationem ejus,
tot nummos utrum malim: est, inquam, contractus, non
pactum: nam si esset pactum, ex eo daretur actio præ-
scriptis verbis. Hæc actio datur ex contractibus, non
ex pactis. Cur non est pactum? quia intervenit datio
servi: pactum est conventio, quæ nomine vacat, &
quæ ex datione vel factio non sumptit effectum. Et
viderimus nunc, quid sit dicendum, si servus ea lege in
quæstionem extero dato sit, ut ipse servus reddatur,
si innoxius compertus fuerit, & nihil actum sit de æsti-
matione, quod non tractat quidem Papinianus, sed a me
non debuit prætermitti. Ideo dicemus hic quoque esse
conditionem sine causa, adhibita eadem distinctione,
si ser-

si servus factus sit accipientis, vel si non sit factus accipientis, esse vindicationem aut exhibitoriam actionem, vel esse praescriptis verbis in id quod interest servum reddi, quasi negotio ita gesto, *do ut reddas*: dico esse conditionem sine causa, si ipsum servum velim ut reddas omnino, id quod interest nolum. An non potest etiam esse eondictio ob causam dati causa non secuta? Minime: quia causa secuta est, datus est in quaestionem, & quaestio secuta est. Altera est actio legis *pen. sup. de condict. causa data*. Quia alia est species, quae examinanda est breviter. Ego servum, meum, qui arguebatur furti, dedi extero in quaestionem, in tormenta, nec tortus est servus, sed quasi in facinore deprehensus: non dicit in furto. Quae observatio est Graecorum, & placet, sed in facinore aliquo ingenti deprehensus: igitur in facinore deprehensus ab extero, cui torquendum dederam, perductus est ad praefatum vigilum, & affectus ultimo supplicio; qua actione servum repetam: nam aequum est mihi restitui: distinguere aut eum feci accipientis, & eum repeto conditionem ob causam, causa non secuta; dederam enim ob quaestionem, & quaestio non est secuta. Si non feci accipientis, vindicabo servum, vel agam ad exhibendum; imo etiam agam furti adversus extermum, quia sciens aut scire debens, me nolle abuti servo in aliam rem, quam in quaestionem, non debuit eo uti invito me: *sciens*, inquit, *aut scire debens*, adiciunt Graeci recte: dixi alias, semper in jure haec esse paria scire, aut scire debere, *l. 1. §. causa, de adilit. edic. l. Julianus, §. quod autem, de action. emp. l. si duo, de acquit. hered. 4. pen. ad Macedon. l. si Titius 48. de fidejuss. l. qui fundum, §. servus, pro empt. Alia igitur est species *d. l. pen. per hoc etiam ex ea aliae sunt actiones.**

Ad L. IV. de Usur.

Si stipulatus sis rem dari, vacuumque possessionem tradidi, fructus possea capios, actione incerti est stipulatu propter inferiora verba, consequendum te, ratio suadet. An idem de partu ancillae responderi possit, considerandum est: nam quod ad verba superiora pertinet: sive factum rei promissum, sive effectum per traditionem dominii transferendi continet, partus non continetur. Verum si emptor a venditore novandi animo ita stipulatus est, factum tradendi stipulatus intelligitur: quia non est verisimile, plus venditorem promississe, quam iudicio empti praestare compelleretur: sed tamen propter illa verba; vacuumque possessionem tradi, potest dici partus quoque rationem committi incerti stipulatione. Etenim ancilla tradita, partum possea editum in bonis suis reus stipulandi habere potuisse.

§. 1. Si post contractam emptionem, ante interpositam stipulationem partus edius; aut aliquid per servum venditori adquisitum est, quod ex stipulatu consequi non poterit, iudicio empti consequitur. Id enim quod non transferatur in causam novationis, jure pristino peti potest.

Hac lege initio hujus libr. 27. usus sum saepius, ut ostenderem, dandi verbo, modo factum significari tradendae possessionis, modo effectum proprietatis. Sciendum est, eum qui vendit, necesse non habere rem facere emptoris, & liberari iudicio empti, si vacuum possessionem tradat & liberam, & se obliget ob evictionem, & se purget dolo malo, neque enim liberatur, si sciens dolo malo rem alienam vendidit, *l. 1. de rer. perm. vel si quicquam in eo contractu dolo malo admiserit, d. l. 1. l. 25. de contrah. emp. §. l. si duo 13. §. si quis, de iurejur. l. ex empto, l. Julianus 13. §. Titius, l. servus quem 30. §. ult. de act. emp. Atque ita non similiter obligatur venditor ut emptor: emptor enim cogitur nummos facere accipientis venditoris. Item sciendum, eum qui stipulatur rem dari, plerumque dominium stipulari, id est, rem suam fieri: id dari dicitur, quod habendum traditur alteri: habere est possidere jure domini: vel dicamus apertius, id dari dicitur, cuius dominium transfertur in accipientem, & frequens est significatio haec. Qui autem*

A stipulatur rem tradi, possessionem, non proprietatem significat, *l. 28. de verbor. oblig.* Inde fit, ut inutiliter stipuler, *rem meam mihi dari*, quia dominus sum, utiliter stipuler, *rem meam mihi tradi*; cuius possessor non sum: pro eo igitur cui adaptatur, vel rei dominium significat, vel possessionem. Et stipulatio quidem illa *rem dari*, est certa stipulatio, quia res certa venit, id est, proprietas certa: & ex ea competit certi condictionis stipulatio autem *rem tradi* est incerta, quia possessio incerta res est, cum fit incorporalis, & ex ea stipulatione competit actio ex stipulatu, quae proprie de re incerta est, quae in stipulationem venit, *l. ubi autem, §. qui id §. ult. de verbor. oblig.* Haec sunt vera, ut plurimum. Sed ut in *l. cum servus, mand. diximus*, his verbis, *dari & tradi*, promiscue utimur plerumque secundum mentem praestantis: nec tam ea spectanda sunt, quam mens eorum qui iis utuntur; & sane si emptor a venditore stipuletur rem tradi, quod fit novandi animo plerumque, obligationis scilicet empti in stipulationem transferenda causa, ut quod homines prudentes malunt, debeatur nobis stricto iudicio, non bonae fidei: prudens homo mavult sibi deberi ex stipulatione quam ex vendito, iudicio stricto, quam leni. Et ita igitur, si novandi animo emptor a venditore, ut fit, rem dari stipuletur, factum tantum tradendi stipulari intelligitur, quia non est verisimile plus venditorem promittere stipulanti emptori, quam iudicio empti praestare compelleretur. Iudicio autem empti compelleretur tantum tradere vacuum possessionem: ergo ex natura contractus, qui novatur & transfunditur in stipulationem, rem dari sic interpretabimur, non dari proprietatem, sed possessionem tradi. Neque obstat *d. l. ubi autem, §. ult.* quae ait, hanc stipulationem, *fundum dari*, esse certi stipulationem, & ex ea dari certi conditionem, non ex stipulatu, nimirum, quod omnino contineat, ut dominium transferatur quoque modo, & quidem plenum dominium, *l. Nervat. de condict. ind. l. ult. §. ult. mand.* Quod intelligendum est de stipulatione, quae ex alia causa interponitur, non ex causa emptionis, quae novat conditionem emptionis: haec enim sequitur naturam emptionis, & fere stipulatio sequitur naturam contractus, cui applicata est. Novatione tollitur obligatio: sed & post novationem, non est in totum falsum, si quis dicat ex prior causa deberi, licet sit sublata novatione: quod confirmat *l. cum filius, §. heres, de leg. 2.* Unde constat, novationem non prorsus extinguere priorem causam, manere enim effectum prioris causae, naturam constantem, conditionemque, licet & hoc tantum interesset, quod in iudicio de stipulatione non sit latissima potestas iudicis, qualis est in iudicio empti aut venditi. Imo ut ait *l. 3. §. 1. de act. emp.* non plus debet esse in stipulatione, quae novat causam emptionis, quam in iudicio empti aut venditi: minus potest esse: quia hoc non videtur egisse emptor, ut stipulatio augeret contractum: stipulatio, quae subicitur actioni venditi, vel quae eam novat, si subiciatur, est stipulatio duplex: stipulatio autem duplex est praetoria: solemnem autem formam praetoriarum stipulationum contrahentes immutare non possunt, *l. in conventionalib. de verbor. oblig.* Ergo non possunt efficere, ut plus veniat in stipulationem duplex, quam in formula comprehendatur, nihil autem comprehenditur de proprietate transferenda. Eadem interpretatio fiet, si emptor rem dari stipuletur, vacuumque possessionem tradi: nec enim priorem partem stipulationis, rem dari scilicet, accipimus de proprietate, posteriorem de possessione, sed utramque accipimus de possessione, quae emptioni naturaliter inest, ut possessio tantum rei vendite tradatur. Dices, super vacuum est igitur illa inferior adjectio, *vacuumque possessionem tradi*, si idem ea ceceatur, quod superiori; si sit *vacuumque possessionem*, si idem bis dictum sit, ut fit loquendo saepe, cum non satis habemus dixisse semel, nisi aliis verbis rei exprimenda causa magis dicamus: imo aliquando plenior est ea additio, & inferior pars stipulationis: atque ita differentia est inter superiorem partem *rem dari*, & inferiorem, *vacuumque possessionem tradi*, utraque quidem est de possessione, nec licet aliter interpretari in causa evictionis.

nis venditionis, sed inferior illa clausula continet etiam fructus postea perceptos, ut non tantum possessio rei tradatur, sed & fructus, qui postea percepti sunt a venditore: continet etiam partus postea editos. At superior illa clausula, *rem dari*, non continet fructus postea perceptos, aut partus postea editos: hæc igitur est uberior, & ideo non est supervacua, cum adiciat priori quod non inerat. Et hæc est sententia Papin. hac l. propter inferiora verba, *vacuam possessionem tradi*, fructus postea captos ex re vendita venire in actione incerti, actione incerti ex stipulatu, quam vocat incerti actionem, non quidem, ut Accursius voluit, quod fructus in stipulationem veniant, quorum perceptio & quantitas erat incerta tempore stipulationis, sed magis quia & remota ratione fructuum postea captorum sive capiendorum, stipulatio concipitur in faciendo, id est, in tradenda possessione, & possessio est res incerta, cum sit incorporalis, & incorporalia sunt incerta, nec certum dici potest nisi corpore prædium sit: facta omnia futura sunt incerta, cum non sint, nisi cum fuerint, vel postea facta sint. Addit Papinianus, in hac stipulationem incerti venire partus postea editos. Cur his verbis *vacuam possessionem tradi* etiam fructus & partus intelligentur tacite? quia scilicet *vacui* appellatio facit, ut ex causa rei venditæ præstetur, l. in conventionalibus, §. ult. de verb. oblig. Si quis stipuletur, *vacuam possessionem tradi*, effectum quidem domini transferendi non stipulatur quod est certum, sed nudum factum, & aliud est factum, aliud nudum factum. Qui stipulatur rem tradi, nudum factum stipulatur; qui stipulatur *vacuam possessionem tradi*, non stipulatur nudum factum, sed ut ait d. §. ult. stipulatur rei causam? quid est causa rei? causa rei non est dominium, non proprietates, sed omne id quod habiturus esset stipulator, si ei res tradita fuisset: porro habiturus esset fructus & partus, ergo veniunt in stipulationem. Denique pleniora sunt inferiora verba, *vacuam possessionem tradi*, quia, ut non male Græci notant, *vacui* appellatio facit, ut ab eo tempore, quo ita quis stipulatus est rem, *vacuam* possessionem etiam ipsius venditoris quodammodo videatur. Et ideo fructus interim percepti emptorem potius sequuntur, quam venditorem, qui debuit omnem causam præstare. Superiora verba, *rem dari*, sola, quoquo modo accipiuntur; sive pro facto tradendi, sive pro effectu domini transferendi accipiuntur, quamvis hoc loco accipiuntur, magis pro facto, tradendi stipulatione relata ad causam emptionis, venditionis, naturam potestatemque, ait non continere fructus postea captos, & addo, non venire etiam in eam stipulationem fructus postea captos, nisi post litem contestatam, l. si filiusfam. §. ult. de verb. oblig. l. videamus, §. si actionem, hoc tit. Hæc est sententia Papiniani, ex qua apparet breviter plus contineri stipulatione, *vacuam possessionem tradi*; quam, *rem dari*, si scilicet interponatur ex causa emptionis venditionis. Obstat valde huic differentie quam adducit, aut potius quam ex animo timide, posse introduci, l. 3. §. v. de action. empt. Ex qua efficitur, in stipulatione *vacuam possessionem tradi*, non venire fructus, quæ scilicet interponitur ex causa emptionis venditionis. Et utitur hac ratione Pomponius: qui stipulatur rem dari, nihil aliud stipulatur, inquit, quam *vacuam possessionem tradi* ex causa emptionis & venditionis. Et si adicias, *vacuamque possessionem tradi*, posteriora verba adicies ex abundantia, ut plerumque in stipulationibus abundat multa. Et inde illud frequens dictum, quæ abundant in conventionibus vel testamentis, nihil nocere, imo prodesse magis. At stipulatione *rem dari*, non continetur fructuum præstatio: ergo nec stipulatione *vacuam possessionem tradi*. Et addit aliam rationem: non debet etiam plus inesse stipulationi duplici, scilicet interpositæ ex causa emptionis, quia prætoris est, & in ejus formula non fuisset omnia mentio fructuum. Solemnis formula prætoris stipulationis, non potest immutari a contrahen-

tibus. Quid igitur, an non consequetur emptor fructus postea captos? Imo vero, sed non ex hac stipulatione, vel *rem dari*, vel *vacuam possessionem tradi*, vel ex utraque juncta: Nam quod ex singulis non fit, nec fit ex conjunctis. Sed consequetur fructus actione ex empto, quæ supererit. Multum laborant in concilianda illa lege cum hac l. 4. Doctores, nec quicquam afferunt probabile, & quod possit quibusdam videri probabile, est falsissimum & captiosissimum. Alia rationes componendi dissidii sua sponte riuunt. Sed hæc quod possit quibusdam imponere, ejusmodi est. In l. 3. §. 1. per stipulationem non fit novatio actionis ex empto, & ideo manet actio ex empto, ad fructuum præstationem, quod tamen non venit in stipulationem, in actionem ex stipulatu: in hac l. 4. stipulatio fuit interposita novandi animo. Novatione igitur transfunditur in stipulationem quodcumque actione ex empto peti potuit. Atqui peti potuerit fructus postea capti, ergo non mirum, si in hanc speciem, per quam novata est causa empti venditi, veniant fructus postea capti. Hoc est valde captiosum: quia, scilicet hæc ipsa l. 4. ostendit, quod si novandi causa stipuler rem dari, non veniant fructus, qui tamen veniant in actione ex empto, minus contineri hac stipulatione, quam actione empti, & venire tantum fructus in alteram stipulationem, *vacuam possessionem tradi*. Ac præterea, qui hoc renuntiant nobis, in l. 3. §. 1. stipulationem non novasse causam empti venditi? Imo verum est, potius novasse, novandi causa intercessisse, quia hoc plerumque fit. Hoc agit maxime emptor, in cuius rem est debere sibi ex stipulatione potius novationem intervenisse etiam lex indicat, dum ait, ex empto superesse actionem ad fructuum postea captorum præstationem, quasi velit non superesse actionem ex empto ad cetera, quod sit novata, secundum id quod est in fine hujus legis 4. Id quod non transferitur in causam novationis, id est, si id sit reliquum, quod non venerat in novationem, jure pristino peti, id est, jus pristinum superesse: nescio rationem probabilioris componendi dissidii, nisi eam, quam Græci quidam tradunt, admisseris, ut loquatur hæc l. 4. de act. incerti: fructus peti posse conditione incerti ex stipulatu, si fuerit concepta stipulatio hoc modo: *vacuam possessionem tradi*: illam l. 3. esse intelligendam de conditione certi, ut conditio certi definiatur stipulatio ex conditione fortiter defender, qui velit. Nam in jure possum multis exemplis ostendere, ita conciliari multos locos. Vulgo dicitur, nemo potest rem suam condicere: hoc verum est, conditione certi, nam conditione incerti quilibet potest rem suam condicere, si emptor a venditore stipulatus sit novandi animo: in stipulationem ita conceptam, *vacuam possessionem tradi*, ex Papin. sententia fructus postea capti & partus veniunt; in stipulationem ita conceptam, *rem dari*, non veniunt: sed quod ex ea stipulatione emptor consequi non potest, iudicio empti consequitur, l. 3. §. 1. de act. emp. quia quod non transferitur in causam novationis, pristino jure peti potest: quod non continetur stipulatione novandi causa interposita, quod non continetur stipulatione nova, jure veteri peti potest, jure pristino. Et ita in §. ult. hujus l. 4. cum constaret inter omnes, in hanc vel illam stipulationem *rem dari*, aut, *vacuam possessionem tradi*, non venire fructus, vel partus editos post emptionem perfectam, ante interpositam stipulationem, de quibus fructibus nondum egimus, sed tantum de his, qui obveniunt post stipulationem. Ergo superiora verba hujus l. sunt de fructibus captis post stipulationem novandi causa interpositam: hos venire in unam stipulationem, in alteram non venire: §. ult. est de fructibus perceptis ante stipulationem: hos constabat non venire in stipulationem postea interpositam novandi causa, nec partus aut fructus, nec quod per servum, qui venit interim, acquisitum esset. Et ob id docet Papin. in §. ult. ea tantum emptorem posse consequi, vel partus vel acquisitiones servi venditi factas post perfectam emptionem ante stipulationem, emptorem consecuturum semper actione ex empto; eadem ratione, quia quod non transferitur in causam novationis, jure pristino peti potest.

test, quod non transferetur in stipulationem, iudicio em- A
peti peti potest. Ex quo intelligitur manifeste, si quo ex
alio loco juris, post perfectam emptionem (perficitur au-
tem solo consensu) id est, si traditio rei non sit secuta, vel
numeratio pretii, statim omnes fructus, obventiones om-
nes, partus, foetus, acquisitiones servi venditi factas
post perfectam emptionem, debent emptori iudicio ex
empto, l. Julianus, §. si fructibus, & §. si quis servo, de
act. emp. l. fructibus, & l. pen. C. eod. tit. Omnis ratio est
generalis, ergo regula veluti quidam. Regula igitur hæc
sit ex hac lege: id quod non transferitur in causam novatio-
nis, iure pristino peti posse. Sed cavendum est semper a
regulis juris, quoniam omnes sunt periculose, omnes
vitium faciunt aliquando. Sane hæc regula, id
quod non transferitur in causam novationis pristino iure
peti posse, non est adeo generalis, ut ea liceat uti in
omnibus causis. Græci hoc ipso loco scribunt, eam non
esse firmam. Primum enim non est vera, si quis quod,
sibi Titius debet, a pupillo sine tutoris auctoritate sti-
puletur novandi animo, quia scilicet debitum illud non
transferetur in novationis causam, non transferetur in pu-
pillum: posterior obligatio nulla aut inutilis est, & ta-
men pristino iure agi non potest. Nam & debitor prior
liberatur, & posterior pupilli, cuius interfit plurimum,
obligatio nulla est, §. præterea, Instit. quib. mod. toll. obi.
Quod tamen, ut credo, locum tantum habet eo ca-
su, quo pupillus obligatur naturaliter sine tutoris au-
thoritate: Nam ut novatio valeat, id est, ut liberetur
prior debitor, satis est, si sequens obligatio teneat na-
turaliter, etiam si iure civili nulla sit, nullamque actio-
nem pariat, l. 1. de novat. & ob id in d. §. præterea,
max offendit aliud esse in servo, pristino scilicet iure
agi posse, si quis quod sibi alius debeat a servo sti-
puletur novandi animo. Nam servus extra causam pecu-
liarem, qui pro alio intercedit, non obligatur natura-
liter vel civiliter. Quod ex eo apparet, quia fideiussor
ab eo datus, vel dominus ex ea causa de peculo non
tenetur, l. in persona, §. 1. de pasc. l. 20. de fideiuss. Ergo si
in servum transferatur obligatio, novatio non fit, &
pristino iure agi potest, quia ex intercessione servus
nullo iure obligatur, nec civili nec naturali. Sed si
transferatur in pupillum sine tutoris auctoritate, nova-
tio fit, & pristino iure agi non potest, licet posterior
obligatio sit inefficax, quia est aliqua obligatio, nempe
naturalis, quæ suos effectus habet. Item hæc regula,
ut quod non transferatur, &c. est falsa in usuris, in
pœnis, in pignotibus, & hypothecis, quæ etiam in
obligationem non venerint, novatione perimuntur, nec
peti possunt, nova aut veteri actione, l. 15. & 18. & l.
aliam, de novat. nisi sit aliud cautum posteriori obliga-
tione, l. 1. C. etiam oblihg. aphar. pecun. Sed regula hæc
locum tantum habet in fructibus & partibus vel feti-
bus, qui ex re percipiuntur, aut per rem, ut in acqui-
sitionibus servorum, qui post perfectam emptionem,
emptorem necessario sequi debent: atque ideo si non
veniunt in novationem, in stipulationem novam,
æquum est, ut emptori conserventur iure pristino. Ex
hoc notare etiam debemus, ut uiam differentiam inter
usuras & fructus. Novatio non extinguit fructuum per-
secutionem, qui ante sunt vel postea percepti, novatio
extinguit usurarum persecutionem, quia sc. a tempore
novationis desinunt usuræ currere, d. l. 15. Est & alia
differentia in l. finavis, de rei vind. male fidei posses-
sor tenetur de fructibus percipiendis, de usuris per-
cipiendis non tenetur. Est & alia in l. videamus §. pen.
hoc tit. In bonæ fidei iudiciis usuræ veniunt ex mora,
fructus veniunt etiam ante moram. Ergo non est per
omnia aut in omnibus verum quod ait l. usura, hoc tit.
usuræ obtinere vicem fructuum, nec separari debere a
fructibus. Omnes sententiæ juris sunt periculose: ha-
bet hæc tria pericula, quæ illam propositionem falsam
reddunt.

Ad L. LXXIV. de Leg. 2.

Titio centum aureos heres præsens dato: deinde protulit
diem legatorum: non est verum quod Alfenus retulit, cen-
tum præsentem deberi: quis diem proprium habuerunt.

Sciendum est, vulgo in testamentis hanc clausulam
scribi solere, quæ dies legatorum solvendorum pro-
rogari solebat, quæ vulgaris clausula dicitur, l. talis, de
leg. 1. & vulgaris modus prorogandorum legatorum, l.
cum vulgari, de dot. prel. Et ita concipiebatur, quæ pec-
cunias legavi, eas heres meus annua, bima, trima die dato,
his verbis, annua, bima, trima die, ut scribunt omnes,
significantur tres pensiones, trois payez, ut sc. legata sol-
vantur triennio, ut Livius loquitur lib. 6. æquis pen-
sionibus. Pertinet autem ea clausula ad ea tantum le-
gata quæ pondere, numero, mensura continentur, non
ad corpora legata. Nam corporum solutio non solet
prorogari. Item pertinet ea clausula ad ea legata, qui-
bus dies appositus non est, non ad ea, quæ initio pure re-
licta sunt, hæc clausula adijcit diem. Igitur si quid le-
gatur in annos singulos, vel in menses singulos, hoc le-
gatum hæc clausula non continetur, quia diem suum ha-
bet. Item si quid legatur sub conditione, non continetur
vulgari clausula, quia diem suum habet. Condicio
est dies incertus d. l. talis. Item si quid legatur Titio, cum
erit annorum 20. statim ut ad eam pervenerit ætatem,
legatum petere poterit, nec licebit heredi differre in
annuam, bimam, trimam diem ex vulgari clausula, quia
non pertinet hæc clausula ad ea, quæ suum diem ha-
bent proprium. Item si vir uxori legaverit dotem, quod
legatum valet propter commodum representationis, quia
si dos legatur præsentem die, quæ aliquin ex xxi tab. ef-
fet reddenda tantum annua, bima, trima die, & ex con-
stitutione Justiniani annua die, quæ consistit in pondere,
numero vel mensura. Corpora autem dotalia statim sunt
reddenda, veluti fundi, aut mancipia, aut pecora: præ-
legatum igitur dotis non continetur vulgari clausula,
quia suum diem habet, nimirum ut dos representetur,
id est, præsentem die reddatur uxori defuncti, d. l. cum vul-
gari. Ergo si quid aliud testator dari iusserit præsentem
die, vel si quid præsens dari iusserit, non continetur
vulgari clausula, quia suum diem habet, id est, præsen-
tem diem: & aliud est quidem legatum purum, aliud
præsens. Purum proprium diem non habet, & contine-
tur vulgari clausula, per quam confertur in diem, per
quam fit in diem quod initio fuit purum. Præsens, pro-
prium diem habet, id est, præsentem diem, & ideo non
continetur vulgari clausula, imo præsentem die præstan-
dum est, nec præstatio dividenda est tribus pensionibus.
Hæc fuit sententia Servii & Labeonis, ut constat ex d. l. ta-
lis. Alfenus aliud iudicium fuit, qui ob id reprehenditur
in hac l. nam iudicavit centum legatis præsentem die hoc
modo: centum dato præsentem die, &c. ea debent annua,
bima, trima die ex vulgari clausula, si esset scriptum in
testamento, non præsentem die, quamvis heres iustus esset
dare præsentem die: nec movebatur inani ratione: existi-
mavit n. adjectionem illam, præsentem die, esse superva-
cuam. Et sane est supervacua, quod attinet ad effectum
testamenti, & vim legati, & effectum nihil differt purum
a præsentem: quod est purum, præsens est. Et sæpissime in
iure, atque etiam in hoc proposito, præsentia, non est præ-
sentem die relicta, l. 12. §. ult. de leg. 1. sed pure, nullo die
adscripto, ne minimo quidem tempore. Et eundem etiam
effectum Pap. idem lib. eod. ostendit in l. lib. §. pen. de verb.
obl. qui §. ob id est coniungendus cum hac l. 7a. Nam
coniunctio præclare convenit, & ex eo §. intelligitur,
quid differ legatum præsentem die relictum, a legato relicto
in diem. Res promissa præsentem die, ut, hodie dabis: & res
promissa in diem. Nam si sit promissa in diem, puta calen-
dis dabis, non potest peti antequam calendæ prætere-
rint: sed si ita dixerim, hodie dabis: potest peti statim, nec
expectare debet stipulator, quoad finiat ille dies, quia
dies ille, hodie, non inferitur differendæ solutionis causa,
sed

sed, ut ostendatur esse præsens, quod deducitur in stipulationem, atque ita sane supervacuum est adicere, *hodie*, vel *præsentis die*, quod ad effectum rei, quoniam statim agi potest, sed non ideo supervacua est illa adjectio in omnibus. Nam in hoc proficit, ut legatum præsentis die debeat, ut ait *d. l. talis*, & præsentis die deberi, (hocque annotari & adscribi nominatim maxime utile est) legatario, ne legati præstatio differatur ex vulgari clausula, & scindatur in pensiones tres, quia sc. vulgaris clausula non pertinet ad ea legata, quæ suum diem habent. Et hoc legatum suum diem habet, id est, præsentem diem: de industria videtur testator adscripsisse præsentem diem, ut a generali clausula hoc legatum eximeret, & ob id merito reprehenditur Alfen. a Pap. qui nescio quam male feriat fuisse, semper. n. reprehenditur, qui ex futuro factus est iuriconsult. ut ait Horat. verum ait Pap. *Tisio centum antea heres præsens dato*, Flor. recte, *præsens*: id est, representatio, præsentis die dato. Deinde, inquit, promittit diem legatorum vulgari illa clausula, & sequitur, non est verum quod Alfenus vult, centum præsentis deberi: sic sæpe loquitur Græcorum more præsentis, id est, præsentis die, ut *l. i. §. si legata*, si cui plusquam per leg. *l. i. de cond. & dem.* Sed ut alias ostendi, manifeste hic locus est corruptus, & deest negatio, ut constat ex *d. l. talis*, & ex ratione subjecta: *Non est verum, quod Alfenus vult, centum præsentis die non deberi*, sed deberi ex vulgari clausula, annua, bima, trima die. Cur non est verum præsentis die non deberi? quia diem proprium habuerunt: ratio satis emendat assertionem, nec ob id quicquam defendere possit.

Ad L. III. de Separat.

Debitum fideiussori heres exitit, ejusque bonorum veniunt: quamvis obligatio fideiussionis extincta sit, nihilominus separatio impetrabitur petente eo, cui fideiussor fuerat obligatus: siue solus sit hereditarius creditor, siue plures: neque enim ratio juris (qua) causam fideiussionis propter principalem obligationem, quæ major fuit, exclusit, damno debet adicere creditorem, qui sibi diligenter prospexerat.

1. §. Quid ergo si bonis fideiussoris separatis solidum ex hereditate stipulata consequi non possit? utrum portio cum ceteris heredis creditoribus ejus quaerenda erit? an contentus esse debeat bonis, quæ separari maluit? sed cum stipulator iste, non adita fideiussoris a re hereditate, bonis fideiussoris venditis, in residuum promissæ debitoris creditoribus potuerit, ratio non patitur eum in proposito summoveri.

2. §. Sed in quolibet alio creditore, qui separationem impetravit, probari commodius est, ut si solidum ex hereditate servari non possit, ita demum aliquid ex bonis heredis ferat, si proprii creditores heredis fuerint dimissi: quod sine dubio admitendum est circa creditores heredis, dimissi hereditatis.

Ad hanc l. ut facilius pateat aditus, sciendum est, obligationem fideiuss. extingui confusione, puta si debitor principalis fideiussori heres extiterit, atque ita in eandem personam concurrere coeperit obligatio princip. & obligatio fideiuss. quem concursus ius permanere aut consistere non sinit diu. In ipso n. concursu ac veluti confusio, principalis absorbet fideiuss. oblig. quia qui est principalis debitor, & fideiussor pro seipso esse non potest, *l. §. 1. de debitor. de fideiuss. l. si reus de duob. reis*. Major oblig. tollit minorem, major autem & plenior semper intelligitur esse obligatio princip. si modo jure civili consistat, non naturali tantum, *l. heres, §. servus, de fideiuss. l. Stichum aut Pamphilum, §. quod vulgo, de solutionib.* In illo loco ut emendavit ex Basil. nam si reus natura duntaxat fuit obligatus, fideiussor non liberatur: igitur si debitor fideiussori heres extiterit, principalis obligatio, quæ consistit ipso jure manet: fideiuss. tollitur, quia ut significavi ante, in eam causam res deducta est, a qua incipere non poterit: nec n. posset quis ab initio pro se fideiubendo obligari. Ergo nec ex post facto potest fieri fideiussor pro se ipso. Denique non potest idem ex eadem causa esse & debitor &

fideiussor. Constituit quis etiam pro se ipso, fideiubet nemo pro se ipso. Item sciendum est, ex hoc edito de separationibus, si sint creditores defuncti, & creditores heredis proprii, decernente prætoris separationem bonorum defuncti & bonorum heredis: dari posterioribus creditoribus defuncti, non posterioribus creditoribus heredis, ita sc. ut hi & illi creditores coeant, & herede non existente solvendo, velint possidere & distrahere bona, quæ heres habet propria, vel quæ ad eum non jure hereditario pervenerunt, ut, inquam, separantur bona defuncti creditoribus defuncti, qui existunt esse idonea sibi, si non confundantur bonis heredis, bona autem heredis propria, ut separantur creditoribus heredis, quo jure utimur hodie sapissime. Sed quaero, cur creditores heredis non audiantur si primi desideraverint separationem fieri bonorum, & quasi duorum bonorum venditionem? Cur hoc tantum desiderantes creditores defuncti audiuntur, non creditores heredis, *l. i. §. ex contrario, b. r.* Ubi hæc ratio redditur, quæ est certissima, quia heres adeundo hereditatem, atque ita adiciendo sibi alios creditores, nam aditio obligat æri hereditario, potest onerare suos creditores, creditorumve suorum conditionem facere deteriorem; possum creditorum meo creditorem adicere: possum priorum creditorum adjectis aliis conditionem deteriorem facere, creditorum hereditarium conditionem adeundo hereditatem non possum deteriorem facere: & ideo facile impetrant, ut sibi separantur bona defuncti, non etiam illi priores, ut sibi separantur bona heredis. Et inde vero oritur magna questio in *h. l.* an creditores defuncti impetrata separationem bonorum si ex bonis defuncti solidum consequi non potuerint, possint redire ad bona heredis, si qua supersint dimissis creditoribus heredis, *les creditores payez*: constat sane creditores heredis facta separationem bonorum ex postulatu creditorum defuncti, si solidum consequi non potuerint ex bonis heredis, posse reverti ad id, quod supersit ex bonis defuncti, dimissis creditoribus hereditariis, hoc esse ait Papin. sine dubio in fine hujus legis. Dubitatur tantum de creditoribus defuncti, qui maluerunt separationem fieri, si ex bonis defuncti solidum consecuti non sint, an possint reverti ad id, quod supersit ex bonis heredis, dimissis creditoribus heredis? sed priusquam finiat hæc questio, nobis lex tota ab initio enaranda est. Finge: debitor principalis fideiussori heres extitit, & non est solvendo bonorum ex edito prætoris: creditor defuncti, cui sc. defunctus fuit obligatus fideiuss. nomine, vel solus vel cum aliis creditoribus defuncti, dicit bona defuncti sibi sufficere, & desiderat ea separari a bonis heredis ejusdemque debitoris sui, bona defuncti vendi a se, bona heredis propria vendi a ceteris creditoribus fieri. Queritur initio *h. l.* an impetrare debeat separationem quam desiderat? Movet dubitationem, quod obligatio fideiuss. extincta est, quia debitor ipse fideiussori heres extitit: aditione confusæ sunt personæ debitoris & fideiuss. quæ confusio perimit personam minus principalem, id est, efficit, ut heres sustineat vicem defuncti hac in re, ut sit fideiuss. loco, ut quasi fideiuss. teneatur, cum sit principalis debitor: ideoque ejus obligationis ratione, quæ extincta est, non jure videtur postulari separatio bonorum. Sed Pap. hoc loco negat hanc consequentiam, & concludit, ita extingui obligationem fideiuss. debitore fideiussori succedente, ut tamen ea res damno & fraudi non possit esse creditori in impetranda separationem bonorum, qui quantum in egressu fuit, bene sibi cavuit fideiussore accepto, ut non possit, inquam, damno afficere creditorem, qui diligenter sibi prospexerat accepto fideiuss. Igitur heres quidem ipse fideiussoris, qui debitor est principalis, non tenetur fideiussori nomine, quia idem ex eadem causa non potest teneri & principali & fideiuss. nomine: sed tantum fideiuss. defuncti bona separari recte postulat creditor, qui eum fideiussorem accepit. Et hoc respectu vere possis dicere, residere ex fideiussoria obligatione, quamvis sit perempta, vestigia adhuc & jura quædam, sicut & pignoris obligationem remane-

nerè constat quod fidejussor dederat, *l. cum quis, §. ult. de sol.*

Ad §. Quid ergo.

ET hæc, quod ad primam questionem h. l. sunt n. in ea tres questiones, quæ tamen nexæ sunt invicem, & sequitur alia ex alia. Rursus igitur queritur, si impetrata hujusmodi separatione bonorum defuncti, id est, fidejussoris, creditor ex bonis fidejussoris solidum consequi non poterit, an possit venire in partem bonorum heredis una cum ceteris creditoribus, quia & ipse est creditor heredis? Movet dubitationem, quod contentus videatur fuisse bonis fidejuss. qui separationem eorum bonorum maluit fieri, eo quod maluit, stare debet, eo quod semel postulavit, stare debet, ut est in *l. creditores, h. t.* At contra eleganter Pap. scribit hoc loco, etiam petitionem separationis ei non esse fraudi, ei non præjudicare, quo minus in partem bonorum heredis, ejusdemque debitoris sui principalis admittatur cum ceteris creditoribus heredis. Nam etsi debitor fidejussori heres non exstiteret, bonis fidejussoris separatim venditis, nec solido ex venditione redacto; integrum ei esse partem facere ex venditione bonorum heredis ejusdemque debitoris, integrum ei esse, ut ait, in residuum permisceri ceteris creditoribus debitoris, sicut creditor electo fidejussore, potuit eligere ante Novellam Justin. de fidejussoribus, omisso principali: electo, inquam, fidejussore, nec recepto solido, potest in residuum experiri cum reo principali, *l. 23. §. ult. de fidejuss. C. & l. qui mutuum, sup. man.* Et hic quidem casus est singularis, cum heres fidejussoris est debitor principalis: nam regulariter aliud statuitur. Regulariter postulata separatio bonorum nocet creditori, qui eam postulavit, ut postea non possit venire ab bona heredis, si solidum ex bonis defuncti consecutus non sit.

Ad §. Sed in quolibet.

Sed hic queritur etiam, & hæc tertia questio: an huic regulæ sit locus, si creditoribus heredis in totum satisfactum sit, si in totum dimissi sint, an tum non licebit creditoribus defuncti ex reliquis bonorum heredis implere sum debitu? Videtur hoc non esse eis invidendum. Cum impleti sint creditores heredis, cur ex residuo bonorum heredis etiam non implebuntur creditores defuncti, tamen si postulaverint sibi separari bona defuncti? Sane, ut initio retuli, hoc est sine dubio, dimissi creditoribus hereditariis, id est, defuncti licere creditoribus heredis venire ad reliqua defuncti bona. Sed hac in re magna est differentia inter creditores defuncti & creditores heredis, ut ostenditur in *l. i. §. pen. hoc t.* Nam defuncti creditores postulant separationem bonorum, non creditores heredis ex *l. i. §. ex contrario, hoc t.* Nihil igitur imputari potest creditoribus heredis, quia non postulant separationem, sed in eam venerunt, aut inciderunt postulantis creditoribus defuncti: creditores defuncti sibi debent imputare suam facilitatem, quia separatim quam petierunt, eos a bonis heredis separavit. Eo quod semel petierunt, stare debent: contenti igitur debent esse bonis defuncti, nec tamen & contenti bonis heredis creditores heredis, hæc sunt notanda. Verum ex causa iusta ignorantie, ut puta, si erraverint in æstimatione bonorum, Ulp. ait, creditoribus defuncti subveniri, ut scilicet, si solidum non sint consecuti ex bonis defuncti, ex residuis bonis heredis impleant suum debitum, impetrata restitutione in integrum, non aliter: Nam jure summoventur penitus a bonis heredis, etiam si bona defuncti eos non impleverint: quia penitus recesserunt a persona heredis petita separationem bonorum, secuti bona defuncti: ergo opus est restitutione in integrum, & ad eam impetrandam iustissima causa erroris. Et ita Ulpianus sentit in *d. l. i. §. pen.* ita sentit Paulus in *l. si creditores, hoc t.* Contra vero Papinianus in hac *l. 3.* rem ita præcidit absolute, ut sit commodus, & dum ait, commodius, æquitate pugnat, dimissis

A creditoribus heredis, ut creditoribus defuncti tribuatur id quod superfluit ex bonis heredis, si solidum ex bonis defuncti consequi non poterint. Non fuisse ignari hujus sententiae Papiniani Ulpianus & Paulus, qui in libris questionum eius etiam notas scribere affectarunt. Et quod tentavit Accurs. rectissime in *d. l. si creditores*, proculdubio dissentit Papinianus ab Ulpiano & Paulo. Nec ullaratio componendi diffidii. Pugnant hæc leges: Nam in *d. l. creditores*, dum Paulus ait, quidam putant, sane Papinianum intelligit, & notat satis aperte, ut etiam in *l. lecta de reb. cred.* Paulus dum ait, quidam dicebat, Papinianum intelligit: nam & in ealege agitur de cautione recitata in auditorio Papiniani. Et ita etiam in *l. qui heredi, §. si duorum, de cond. & demonstr. l. 3. usufr. quemad. cau.* Idem Paulus, quidam & Marcianus, & contra quoque Papinianus in *l. 6. de ser. export. dum ait, quidam putant*, forte Paulum intellexit. Videtur igitur eos fuisse æmulatione quædam. Sed in proposito valet mihi plus, quod ait Papin. æquius esse suam sententiam probari, commodius esse, verius, utiqueque: ceteros certare jure, se certare æquitate, & ita possit responderi, si qui opponat alteram alteri. Quæ ratione in jure componuntur multæ & magnæ diffinitiones.

Ad L. XXVIII. de Except. rei jud.

Exceptio rei judicatae nocet ei, qui in dominium successit ei, qui iudicio expersus est.

L Ex est pusilla & verbis & rerum momentis satis. Ait Pap. exceptionem rei judicatæ non tantum nocere ei, qui in dominium successit ejus, qui iudicio expersus est, ergo exceptionem rei judicatæ non tantum ei nocere qui iudicio expersus est, & contrariam sententiam accipit, sed etiam ei, qui in dominium successit. Exemplum poni potest in legatario. Finge: petii rem meam a possessore, & vindicavi, ac deinde victus sum per injuriam iudicis: mox eam rem moriens tibi legavi, legati dominium tibi ipso jure acquiritur, *l. i. in fi. de pub. in rem. act. ex 12. tab. ut Ulp. scribit in fragm. tit. de dominiis.* Sed si tu eam rem petas, quæ tua facta est jure legati, a possessore, qui me eam vindicantem excludit, certe nocet tibi exceptio rei judicatæ, quæ rursus mihi petenti noceret, nocebit exceptio hæc, quod res judicata sit inter me, & eum possessorem, in cujus dominium successisti: idemque potest poni in donatario causa mortis, & in herede, quoniam his etiam personis dominium ipso jure acquiritur, *l. 2. de Publ. in rem act. l. i. §. ager, de rei vind.* Idem poni etiam potest in emptore hoc modo, non quolibet, quia vulgo dici solet, emptori dominium non acquiri ipso jure sine traditione naturali. Fac igitur ita esse: petii rem meam a possessore, & victus sum per injuriam iudicis: sententia tenet, sed mihi dominium non auferit injuria iudicis, imo victori non dat actionem, sed retentionem tantum, *l. 3. §. ult. de pign.* Mox vero tibi eam rem vendidi & mancipavi, vel tradidi nexu, quo genere tibi dominium acquiritur ipso jure sine traditione corporali: sed si eam rem vindices quasi tuam, ut sine tua facta est, a possessore, qui me vicit de proprietate siue dominio, nocebit tibi exceptio rei judicatæ, quod res judicata sit inter me & eum possessorem. Nam & e contrario, si ego rem emerò, ac deinde vendidero tibi, & tradidero, mox eam a te petam, eadem exceptio rei judicatæ tibi proderit, etiam si sanctus tuus vicerit per injuriam iudicis, *l. si are, §. ult. l. si mater, §. item Julianus, hoc t.* Cui prodest eadem exceptio, & vice versa nocet: plus dico, quam dixerit Ulp. in hoc loco. Exceptionem rei judicatæ non tantum ei nocere, qui in dominium victi successit, sed etiam ei, qui in locum, non dominium victi successit, ut creditori pignoratitio. Finge: petii rem meam a possessore, & victus sum injuria iudicis: mox eam rem creditori meo pignori obligavi, quod sit sola conventio sine traditione: creditor agit hypothecaria adversus possessorem, repellitur exceptio rei judicatæ, quod res judicata sit inter possessionem & debitorem,

torum, in cuius locum creditor successit, *hæc mater, §. A ult. & l. seg. §. ult. l. 1. §. ult. de pign.* Hoc solum ita vellem Accurf. annotasse.

Ad L. XXVII. de Oblig. & Aët.

Obligaciones, quæ non propriis viribus consistunt, neque officio iudicis, neque prætoris imperio, neque legis potestate confirmantur.

IN hac XXVII. de oblig. & aët. obligaciones, inquit, quæ non propriis viribus consistunt, id est, quæ ab initio nullas vires habent, vel apertius, quæ ne naturaliter quidem consistunt, quæ nullo iure consistunt, nec civili, nec naturali, in Basil. ad *ult. nam quævis iudicis iudicatur, id est, quæ non secundum naturam suam consistunt*, neque confirmantur officio iudicis nec prædis. Cedo exempla, si sub impossibili conditione concepta sit stipulatio, ex ea neque naturalis, neque civilis obligatio nascitur: si nascetur naturalis, posset ei adhiberi fideiussor: nam naturali tantum recte adhibetur fideiussor. Ergo ne naturaliter quidem consistit ex ea stipulatione obligatio, quia non potest ei adhiberi fideiussor, *l. si sub impossibili, inf. de fideiuss. l. non solum, hoc. i. impossibilis conditio est, quam rerum natura prohibet.* Et convenit igitur huic loco valde lex ubi pugnetia, *§. ult. de reg. jur. quæ, inquit, rerum natura prohibentur, nulla lege confirmantur.* Sed demus etiam alia exempla: obligatio, quæ deportatione debitoris perimitur, ut constat, tota perimitur, ut ait *l. si debitori, de fideiuss. adeo ut nec naturalis quidem iure constet.* Ergo neque officio iudicis, neque prætoris imperio, neque legis potestate convalescere, ut confirmari potest. Item obligatio feminæ intercedens pro alio, tota improbat. Senatusconsulto, ut ait *l. si mulieri contra Senatusconsultum, §. 1. ad Vellejanum*, ita scilicet nec naturaliter consistat. Senatusconsultum Vellejanum expungit etiam naturalem obligationem, ex causa intercessionis mulieris, nec admittit, vel probat, nullis, inquit, viribus, ea obligatio consistit: ac proinde, nec officio iudicis, nec prætoris imperio, nec legis potestate probari potest: quod vel natura non consistit, nullo modo confirmari potest. Et mox subiicietur etiam ex *l. liber homo, de verb. oblig.* aliud exemplum: sed priusquam ad eam legem venio, addam ad hanc, e contrario obligationem ex pacto nudo, quæ iure naturali consistit, & prætoris imperio aliquando confirmari, quia est aliqua obligatio: quod nihil est, confirmari non potest, quod est aliquid, confirmari potest: obligatio igitur ex pacto nudo, quæ iure naturali consistit, aliquando prætoris imperio confirmatur, ut de pignore, quod constituitur nudo pacto ex edicto prætoris, *l. si tibi, §. de pign. de pact.* vel confirmatur legis potestate, ut *xxi. tabul. de iniuriis & de furtis, l. legitima, & d. l. si tibi, §. 1. eod. t.* Ac præterea confirmatur officio iudicis, veluti ex pactis, quæ contractibus bonæ fidei adiunguntur ex continentis, vel quæ ex intervallo adjecta contractui detrahunt aliquid, quæ actiones contractui inesse dicuntur, & contineri officio iudicis bonæ fidei, qui supplet eorum actiones, vel exceptiones etiam omittas a litigatoribus: quod idem dici non potest de obligationibus, quæ propriis viribus non consistunt, id est, quæ neque iure naturali, neque civili consistunt, neque ullo alio iure. Nunc igitur transeamus ad *l. liber homo*, quæ ut dixi, suppeditabit aliud exemplum.

● Ad L. XVIII. de Verb. oblig.

Liber homo, qui bona fide servit mihi, quod stipulanti mihi promittit, prope est, ut omnimodo sit utile, quovis ex re mea promittat: nam quid aliud dici potest, quod minus liber homo teneatur? nec tamen ideo, si stipulanti eidem ex eadem causa respondeam, tenebo: quemadmodum etenim habebit ejus actio adversus me, quod ab alio stipulatus quæreret mihi? hoc itaque latere fructuario servo vel alieno, qui bona fide servit, comparabitur: servus autem fructuario si promittat ex re ipsius, vel alienus, qui bona fide

servit: emptori, nulla de peculio dabitur in dominum actio: nam in his causis domini esse intelliguntur.

Certum est, liberum hominem, vel servum tuum, qui mihi bona fide servit, mihi acquirere, quod acquirit ex re mea. Itemque fructuarium servum, in quo usufructus habeo, mihi acquirere ex re mea: omnes igitur mihi acquirunt ex re mea, & in hoc pares sunt. Sed inde queritur, an etiam, si omnes mihi obligentur, si quid mihi promittant stipulanti ex re mea, finge ex pecunia mea, quam eis credo, quam eis mutuam dō, eos mihi stipulanti promittere eam ipsam pecuniam, vel usuras, eam ipsam, id est, tantandem, ut sit in mutuo, an ex stipulatione mihi obligantur? an ex re mea in se mihi acquirunt obligationem, vel in suum dominium de peculio? Et sane hac in re inter has personas multum differt: nam si liber homo, quem possideo bona fide quasi servum, mihi stipulanti promittat ex re mea, vel extra rem meam, revera mihi obligatur, & convenire eum possumus cogita conditione ejus, *l. liber homo, de acqu. rer. dom.* Sed si servus alienus, quem bona fide possideo, vel servus fructuarius, mihi promittat stipulanti aliquid extra rem meam, fide dubio dominus eorum mihi obligatur de peculio: si ex re mea mihi promittat aliquid, dominus mihi non obligatur de peculio, optima ratione, quæ Papinianus perstringit paucis verbis, quia in his casibus, cum servus alienus mihi bonæ fidei possessor, vel fructuario stipulanti promittit aliquid ex re mea, non alius, quam ego, videtur esse dominus: ut dum quæris, an domus mihi teneatur de peculio, absurde hoc videaris querere, *an ego mihi teneatur de peculio*; quoniam ex illis casibus, qui pendunt ex re mea, non alius, quam meus ille homo servus esse intelligitur: hominis autem liberi non potest quicquam, vel esse dominus, vel videri, nec in eo quidem, quod per liberum hominem bona fide possidemus acquirere ex re mea, videor esse dominus. At quid dicemus e contrario, si hec persona non mihi promittat, sed illis promittat aliquid ex re mea an teneor? nullo modo. Et in causa hoc est, ne quod ab alio stipulanti mihi acquirerem ex re mea, ejus nomine adversus me habeant actionem vel ipsi vel domini eorum, *l. sed & si qui 25. §. Julianus, de usufr. aut si ejus nomine in me, qui quid eis promissum, ex re mea habeant actionem, acquirant igitur mihi actionem in me ex re mea, quod rerum natura non patitur.* Non potest fieri, ut mihi in me sit obligatio, nec officio iudicis, nec prætoris imperio, vel legis potestate: quia natura non patitur, ut idem sit actor & reus ex eadem causa, id est, ut quis in se ipsum agat, & ita commodissime poteris uti isto exemplo ad *d. l. 27. l. 1. l. 2. l. 3. l. 4. l. 5. l. 6. l. 7. l. 8. l. 9. l. 10. l. 11. l. 12. l. 13. l. 14. l. 15. l. 16. l. 17. l. 18. l. 19. l. 20. l. 21. l. 22. l. 23. l. 24. l. 25. l. 26. l. 27. l. 28. l. 29. l. 30. l. 31. l. 32. l. 33. l. 34. l. 35. l. 36. l. 37. l. 38. l. 39. l. 40. l. 41. l. 42. l. 43. l. 44. l. 45. l. 46. l. 47. l. 48. l. 49. l. 50. l. 51. l. 52. l. 53. l. 54. l. 55. l. 56. l. 57. l. 58. l. 59. l. 60. l. 61. l. 62. l. 63. l. 64. l. 65. l. 66. l. 67. l. 68. l. 69. l. 70. l. 71. l. 72. l. 73. l. 74. l. 75. l. 76. l. 77. l. 78. l. 79. l. 80. l. 81. l. 82. l. 83. l. 84. l. 85. l. 86. l. 87. l. 88. l. 89. l. 90. l. 91. l. 92. l. 93. l. 94. l. 95. l. 96. l. 97. l. 98. l. 99. l. 100.* Igitur hoc latere, ut loquitur, & in *l. 49. §. ult. de fideiuss. eod. lib. hoc latere, en cet esgard, inter has personas nihil interest*, id est, si quid eis promittam ex re mea, quoniam nulli eorum teneor: contrario latere, videlicet, si quid mihi promittant ex re mea, differentia intercedit, differunt inter se: nam liber homo mihi obligatur, ceterorum domini mihi non obligantur de peculio, & cum servis etiam nulla consistit obligatio. Unum est tantum, quod huic postremæ sententiæ obstat, & sane vehementer prima specie, atque adeo, ut videantur non bene hanc difficultatem alii data opera dissimulasse. Obstat vehementer *l. si creditor, §. ult. de pecul.* ex qua efficitur, si quid mihi debeat servus fructuarius ex re mea, si quid mihi promittat ex re mea, dominum ejus teneri de peculio, quod valde pugnat cum hac lege. Sed latius exponam quod est in *d. §. ult.* si mutuam pecuniam dedi servo fructuario, & forte, ut sit, stipulatus sim, eam reddi mihi, nihil refert. Nam debet utique mihi ex mutuo eam pecuniam. Verum ut appareat magis, quam pugnet ille §. ita dicimus: si mutuam pecuniam, ut dixi, & c. & stipulatus sum mihi reddi, dominus mihi teneatur de peculio computato eo quod de peculio apud me est. Idem etiam erit, si servo fructuario operas ipsius locavi certâ mercede, & forte stipulatus sum mercedem mihi præstari, & promiserit ipse mihi, ex re mea agitur. Nam operæ sunt quasi ex re mea, *l. qui bona fide, de acqu. rer. dom.* Et primo casu,

cum mutuum pecuniam ei dedi, pecunia fuit mea. In omnibus his casibus dominum mihi teneri de peculio. Idemque est, si meam rem tibi locavi, & promiserit se mercedem mihi daturum, dominus ejus mihi tenetur de peculio. Brevis distinctio rem explicabit. Ita distinguendum est: Aut servus fructuarius accepit mutuum pecuniam nomine domini, & eam ei acquisivit, vel etiam conduxit suas operas, vel rem meam nomine domini, ut scemolumentum perveniret ad dominum: & hoc casu dominus mihi tenetur de peculio. Aut (quod est alterum membrum distinctionis) non nomine domini necum contraxit, mihi que promisit, & hoc casu dominus mihi non tenetur de peculio, cujus ratio in contrahendo habita non est. Et ut confirmetur hæc distinctio, quæ rem omnem componit, adnotanda tantum est d. l. sed & si quis §. item Julianus, quæ eam distinctionem explicat. Cum proposuisset, nihil agere servum fructuarium promittentem fructuario, illud excipit, nisi rem egerit nomine domini, nomine proprietarii.

Ad §. Decem pen.

Decem hodie dari spondes: dixi posse vel eo die pecuniam peti, nec videri prematurius agi non finito stipulationis die, quod in aliis temporibus parum est: nam peti non debet, quod intra tempus comprehensum solvi potest. In proposito enim diem non differendæ actionis insertum videri, sed quo præsens ostendatur esse responsum.

Sequitur, ut interpretemur, quæ sunt reliqua in *liber homo*, ac præterea principium l. g. de duobus reis. *confi.* In §. pen. l. liber homo, agitur de stipulatione hujusmodi, decem hodie dari, vel decem præsentis die dari: & prematurius agi, id est, plus peti, in §. plus, *Inst. de act.* qui prematur peti, plus petere videtur. Quod autem ait in hoc §. eo pertinet, ut intelligatur, quantum ad vim & effectum stipulationis attinet, supervacuum esse adjunctionem diei, supervacuum esse adjunctionem illam, hodie, quæ effectum ea stipulatio habebit pure stipulationis, cui nulla dies inserta est, non stipulationis in diem. Quod & de pecunia legata die præsentis, ut sc. eo ipso die præstaretur, quo heres adisset, est proditum in l. talis scriptura, de leg. 1. Pure autem stipulationis effectus hic est, ut statim agi possit, sine ullo laxamento temporis, præterquam ejus, quod sufficit ad solutionem, vel traditionem faciendam, §. ult. *Inst. de inut. stipul.* Quod admodum breve est tempus, si pecunia sit promissa, vel si res promissa sit in præsentia, non si ex longinquo petenda sit. Idemque de puro legato dici potest, ut sc. heres statim atque adierit solvat, dato tamen aliquo spatio, quantum sufficiat ad solutionem faciendam. Nec enim, ut eleganter ait lex quod dicimus, de solut. l. 1. §. item si ita legatum; D. ad leg. Falcid. cum sacco adire hereditatem cogitur heres, non cogitur adire hereditatem cum solle, avec la bourse en la main: Igitur datur spatium ad solutionem faciendam, quod permodicum est tamen, nec explet diem integrum. Et alia est ratio constituti pure, id est, non adjecta die. Nam omni constituto tempus tacite inest, & tempus non minus, quam decem dierum, l. promissor, §. 1. de constit. pec. Constituiere enim latine, est constituere ad diem aliquem: constituo me soluturum: etiam si diem non adjicio, sane constituo semper ad diem: non venio ad constitutum, id est, constitutum diem: cum ita constituisti, id est, constituisti certo die: stipulationi etiam aliquando tacite tempus inest, l. interdictum, hoc t. sed non omni stipulationi. Ex pura igitur stipulatione, cui dies non inest, debetur præsentis die, *l. cum qui §. ult. hoc t.* Quod ita intelligendum, ut statim peti possit, nec plus peti videatur, si petatur non finito die. Stipulationis autem in diem effectus hic est, ut plus petat qui peti, antequam in dies, in quem stipulatio collata est præterierit, quia totus dies tribuitur arbitrio solveris §. omnis, *Inst. de verb. obl.* quandoquidem inferitur differendæ tantum actionis causa, obligatio est præsens, *l. edere, de verb. sig.* At cum hæc stipulatio hodie dari, vel præ-

A senti die dari, pure comparetur, non in diem, quasi die incerto, non differendæ actionis causa, sed ut ostendatur præsens esse responsum, ideo recte concludit Papinianus hoc loco; ex ea stipulatione statim agi posse, etiam si dies non præterierit: totum diem non relinquere arbitrio promissoris: denique supervacuum esse adjunctionem illam, hoc die, vel præsentis die, quantum pertinet ad vim & effectum stipulationis. Adnotandum est, quantum ad alia pertinet, non semper esse supervacuum eam adjunctionem, maxime legato præsentis die: namque ea adjectio legatario proficit in hoc, ut vulgari clausula, prorogandorum legatorum tale legatum non contineatur, ut præstetur præsentis die sicut relictum est, non annua, bima, trima die, ex vulgari clausula. Quod cum eodem libro Papinianus scripserit in l. 74. de leg. 2. ita videtur ea lex commodissime conjungi debere cum hoc §. pen. quicquid memini me dicere in explic. d. l. 74. Et hæc quidem de re hæcenus.

Ad §. Ultimam.

Decem mihi aut Titio, utrum ego velim, dare spondes? ex eo quod mihi dandum est, certi stipulatio est, ex eo quod illi solvendum, incerti. Finge mea interesse, Titio potius quam mihi, solvi: quoniam penam promiseram, si Titio solutum non fuisset.

Sequitur in §. ult. de stipulatione hujusmodi, decem mihi aut Titio, utrum ego velim, dare spondes? si stipuler mihi & Titio dari, pro parte Titii inutilis stipulatio est, cum alii facta stipulatio non valeat, pro parte mea utilis est, *l. ult. in §. hoc t. §. quod si quis, Inst. de inutil. stip.* Sed si stipuler mihi, aut Titio dari, ut in proposito casu, in totum utilis est stipulatio, propterea quod non hoc agitur, ut obligatio Titio acquiratur, quæ non posset etiam Titio acquiri per me, sed ut mihi soli acquiratur obligatio, solvatur autem vel mihi, vel Titio, quasi procuratori meo: ego sum reus solvendi, Titius est procurator adjectus solutionis accipiendæ pecunie promissæ gratia. Conjunction facit nos pares, me & Titium, si dixerio, mihi aut Titio dari: disjunction facit nos dispares, si dixerio, mihi aut Titio dari: nam in persona quidem mea consistit obligatio, in persona Titii solutio, non obligatio: hoc sermone mihi aut Titio dari, Titius solutioni applicatur, quod fit utiliter. Illo sermone, mihi & Titio dari, Titius obligationi applicatur, quod fit inutiliter. Stipulatio igitur, quam proposuimus ita conceptam, decem mihi aut Titio, utri ego velim dari, ex mixtura quadam constat, datione, scilicet, & factio: & verbum dari, bifariam accipitur: mihi dari, id est, me dominum fieri. Titio dari, id est, tradi, quasi procuratori meo: solvere creditori, est dare, solvere procuratori vel tutori, vel curatori creditoris, est facere, *l. consilio, §. ult. de cur. furios.* Igitur & ea stipulatione si intendam mihi dari oportere, eam pecuniam, quæ in stipulationem venit, certi condictione est: si intendam Titio dari oportere, puta quod mea interit potius, quam mihi: finge, me ei penam promississe, neci solveretur ea pecunia, quia omnis stipulatio, quæ in faciendo consistit, vel quatenus in faciendo consistit est incerti, hoc casu est actio incerti ex stipulato: omnis enim stipulatio in facto consistens, est incerti, l. ubi autem; §. quique, hoc t. l. 4. de usufr. In hoc autem proficit, me ad-jecisse in hac stipulatione, utri ego velim, ut ne Titio solvatur me invito, si mihi solvi malim: alioquin omnia hac clausula, electio esset promissoris, & invito me solveret Titio, l. vero; §. pen. l. aliud, de solut. & ut invito sermone ad l. g. de duobus reis veniamus.

Ad Leg. eandem rem l. x. de duobus reis.

Eandem rem apud duos partes depositi, utriusque fidem in solidum secutus: vel eandem rem duobus similiter commodat: sunt duo rei promittendi, quia non tantum verbis stipulationis, sed & ceteris contractibus veluti emptione, venditione, locatione, conductione, deposito, testamento, ac

puta, si pluribus heredibus institutis testator dixit: Titius A
 & Mævius Sempronio decem dato.

Quemadmodum multum interest, stipuler mihi &
 Titio dari, an, mihi aut Titio dari, ita pluribus he-
 redibus institutis multum interest testamento scri-
 psero, Titius & Mævius Sempronio decem dato, an, Titius
 aut Mævius Sempronio decem dato: nam ex prior oratio-
 ne, Titius & Mævius Sempronio decem dato, singuli de-
 bent partes viriles, nec sunt duo rei debendi, in l. si heredes
 nominatim, de leg. 3. ex posteriori oratione, Titius aut
 Mævius Sempronio decem dato, sunt duo rei debendi in
 solidum: nam singuli tantum debent partes viriles: hæc
 est definitio hujus §. Duo rei debendi sunt, quorum uno
 electo alter liberatur: nam hoc addi necesse est ex l. de-
 cem 116. de verb. obl. & l. 2. de duobus reis. Et hoc, quod
 dico duos reos debendi constitui, si ita dixerim, ille
 aut ille meus heres dato, probavit aperte in l. §. 1. de le-
 gat. 1. l. ille aut ille, de leg. 3. id est certissimum. Nec est
 prætereundum, quod alias affirmavimus, esse mendosam
 hanc l. 9. in illo loco, dum duos reos debendi testamen-
 to constitui ait hoc modo: Titius & Mævius Sempronio
 decem dato: nec enim esse possunt duo rei, cum singuli
 non debeant solidum: legendum est igitur, dato, non
 danto, ut etiam est Florentia. Ex quo etiam sequitur,
 & ante esse legendum disjunctim, Titius aut Mævius,
 Sempronio decem dato, quo genere verissimum est, duos
 reos testamento debendi constitui. Et non hoc solum
 proponit Papinianus. initio hujus l. 9. sed etiam duos reos
 debendi constitui non tantum stipulatione, si interro-
 gari Titius & Mævius spondetis? respondeant spondeo,
 vel spondemus, l. 4. hoc tit. sed & alio quolibet contractu,
 aut quasi contractu duos reos debendi constitui posse;
 constitui depositum, ut si apud duos rem depositi pariter
 utriusque fidem in solidum secutus, ut utriusque fidem
 mihi in solidum obligarem: constitui etiam commodato-
 re, si eandem rem duobus similiter commodaverim, ut
 singuli mihi eo nomine tenerentur in solidum: consti-
 tui (qui tertius modus est) emptione & venditione,
 si duobus pariter eandem rem vendidi, vel locatione
 & conductione, si locavi. Et addamus etiam, consti-
 tui duos reos nominibus factis, obligatione nominis,
 quæ dicebatur contrahi apud argentarios, l. idem, l. si
 meus, in pr. de pact. Et ultimo loco hoc Papin. subicit, con-
 stitui testamento duos reos, sed non hoc eodem modo, Ti-
 tius & Mævius Sempronio decem dato: verum isto, ut le-
 gendum est, Titius aut Mævius Sempronio decem dato. Si-
 cut etiam in l. 16. de leg. 2. ostenditur eodem modo in
 testamento constitui duos reos credendi, id est, duos le-
 gatarios creditores ex legati causa, Titio aut Mævio de-
 cem utriusque heres volet, sunt duo rei credendi, & uno di-
 missio ab herede, dimittitur alter. Quod si dixerit aut
 dicere voluerit, nam aliquando disjuncta pro conjun-
 ctis accipiuntur in testamentis atque etiam in legibus,
 si inquam, dixerit, Titio aut Mævio decem dato, per
 damnationem, non sunt duo rei credendi, sed singulis
 debentur dena, & uno dimisso non dimittitur alter.

Ad §. I. Sed si quis.

Sed si quis in deponendo penes duos pacificatur, ut
 ab altero culpa quoque prestaretur: verius est non esse
 duos reos, a quibus impar suscepta est obligatio. Non
 idem probandum est, cum duo quoque culpam promississent,
 si alteri postea paulo culpa remissa sit: quia posterior con-
 ventio, qua in alterius persona remissa est, statum & na-
 turam obligationis, qua duos initio reos fecit, mutare non
 potest: quare si socii sint & communis culpa intercessit,
 etiam alteri pactum cum altero factum proderit.

§. 2. Cum duos reos promittendi facerem: ex diver-
 sis locis Capua pecuniam dari stipulatus sum, ex perfo-
 ra: cuiusque ratio proprii temporis habebitur: nam essi
 maxime parum causam suscipiant, nihilominus in cuiusque
 persona propria singulorum constituit obligatio.

Papinianus in l. 9. de duobus reis, cum initio dixisset,
 duos reos debendi fieri non tantum stipulatione, sed
 deposito, & ceteris contractibus, atque etiam testamen-
 to, subiecit in §. sed si quis, hoc ita demum deposito duos
 reos fieri, duos debitores, ut loquitur l. Senatus, §. pen. de
 mort. caus. donat. si duo depositarii aut plures parum obliga-
 tionem susceperint, quod etiam verbo, pariter, signifi-
 cat, jam initio hujus legis, non etiam si impari obliga-
 tionem susceperint. Pinge in deponendo apud duos
 convenisse, ut ab altero quoque culpa præstaretur: dolus
 duntaxat venit in depositum, non culpa, nisi aliud con-
 venerit: conventio enim legem contractibus dat, l. con-
 tractus de reg. jur. & l. 1. §. si convenit depos. Si igitur ab
 initio convenit, ut unus depositarius culpam etiam
 præstaret, nihil autem convenit: cum altero deposita-
 rio ea de re, non sunt duo rei debendi, quia non pa-
 rem obligationem susceperunt singuli in solidum: duo
 rei debendi, sunt qui parum obligationem susceperunt
 singuli in solidum, & quorum uno electo liberatur alter.
 Par autem est obligatio, si nec plus, nec minus re vel
 causa debeat unus, quam alter: & plus vel minus dicitur
 quatuor modis, re five summa, & tempore, & loco,
 & causa five qualitate, & æstimatione. Si re aut summa
 dispar sit obligatio, ut si unus promittat quinque, alter
 decem, unus partem rei, alter totum, unus dolum &
 culpam, alter dolum tantum; non sunt duo rei: quod
 ex effectu verum esse demonstrabo: quia sc. unius solutio
 non liberat alterum, si conveniatur unus ex culpa, qui re
 culpa quoque obstrinxit, non ideo minus tenetur alter ex
 dolo, & e contrario. Et hoc est quod ait in pr. §. sed si quis.
 Si dispar sit obligatio in causa, ut si unus promittat decem,
 alter Stichum aut decem, quem maluerit, vel si unus
 promittat ejusdem speciei rem meliorem, alter deterio-
 rem, non sunt duo rei eadem ratione, quia & hic unius
 solutio non liberat alterum: si unus præstiterit Stichum,
 non ideo minus tenetur alter in decem: si unus præ-
 stiterit ejusdem speciei rem deterioiorem, non ideo te-
 netur alter in meliorem. Et ejus rei arg. est lex si id quod,
 hoc tit. Et hoc quidem si dispar sit obligatio in re vel sum-
 ma, vel si dispar sit in causa, vel qualitate: hæc dispa-
 ritas impedit constitutionem duorum reorum; sed si in
 tempore tantum sit dispar, ut si unus promittat præsentem
 die, alter annua die, vel menstrua vel incerta die, nihilomi-
 nus sunt duo rei, & unius solutio liberat alterum, l. 7.
 hoc tit. Idemque etiam queritur in §. ult. hujus l. Si sti-
 pulationi tacite insint diversa tempora, ut si unus ex
 Massilia, alter ex Lutetia promittat se daturum Romæ
 decem, in singulis enim habetur ratio taciti proprii
 temporis, ut hoc eodem lib. idem Papin. loquitur in
 l. 49. §. ult. de fidejuss. temporis sc. quo vel hic Lutetia, vel
 ille Massilia Romam pervenire potest. Atque ita dispar
 est obligatio in tempore. Citius enim Massilia quam
 Lutetia pervenitur Romam, & tamen duo sunt rei de-
 bendi, & unius solutio liberat alterum. Hoc non satis
 attendit Accurs. in §. ult. dum non videt, qua ratione
 fieri potuit, ut uno eodemque tempore eidem alius Lu-
 tetiæ, alius Massiliæ promittat, & existimar duos reos
 non fieri, nisi uno eodemque tempore promittant, quod
 est falsissimum: sunt enim etiam separatum, l. 2. h. tit. id
 est, diversis temporibus & locis. Nec quicquam mo-
 veor lege 6. §. ultim. hoc tit. quæ non hoc vult, quod
 existimant vulgo, modicum tantum intervallum interve-
 nire posse inter unius & alterius rei constitutionem, sed
 modicum tantum intervallum intervenire posse inter in-
 terrogationem & responsum hujus vel illius, vel inter
 interrogationem hanc spondetis? cum adhuc eodem
 loco convenerint, & responsum utriusque: quando-
 quidem nihil agitur nisi interroganti mox respondeatur
 priusquam ad alia negotia fiat digestio, l. 1. §. qui præsent,
 de verb. obl. l. si ex duobus, hoc tit. Et ita est accipienda omni-
 no d. l. 6. §. ult. nam nihil refert me hodie de re sti-
 pulari eandem rem, & post menssem de re, alio et-
 iam loco, eo animo, ut uterque mihi sit obligatus in so-
 lidum, ut sint duo rei. Et hoc est quod ait in §. ult. h. l.
 Et

Et addendum in fine, ex d. l. 49. de fidejussor. quod ad rationem temporis attinet, in cuiusque propria persona singulorum consistit obligatio: Sed tamen par causa suscipitur. Ergo nihilominus sunt duo rei. Dixi plus aut minus dici quatuor modis re vel summa, tempore, loco, & causa, sive qualitate, & quid juris sit exposui si dispar sit obligatio in re vel summa, vel si dispar sit in causa vel qualitate, vel si dispar sit in tempore. Nunc videamus quid sit dicendum, si dispar sit in loco: ut si unus promittat se Romæ daturum, alter se Lutetiae daturum. Et facile est respondere, videlicet, non ideo minus esse duos reos debendi: ut disparitas temporis non impedit constitutionem duorum reorum: ita nec disparitas loci: loci adiectio est quasi temporis adiectio, l. 6. §. ult. ad Trebelli. Ergo initio parem obligationem ita definiui, si nec plus, nec minus re vel causa debeat unus quam alter, etiam si non sit par tempore, vel loco. Quibus explicitis videamus quid præterea sit in §. sed si quis. Si cum uno ex depositariis ab initio paciscar, ut non tantum dolum, sed & culpam præstet, non cum altero: non sunt duo rei, quia non parem causam suscipiunt, sed si uterque ab initio mihi culpam promiserit. Promittendi verbum est commune pactiois, & stipulationis, & pollicitationis, & commune omnium conventionum, ut initio huius l. dum ait, duos reos promittendi fieri omnibus contractibus. Si inquam, uterque mihi ab initio culpam promiserit, & alteri postea pacto culpa remissa sit, id est, convenerit postea, ne alter culpam præstaret, nihilominus sunt duo rei, quia posterior pactio, quæ ex intervallo cum uno facta est, naturam & statum prioris obligationis, quæ contracta est cum utroque mutare non potest. Hoc est, ut dicitur, pactio nuda obligationem tollere seu mutare non potest, l. si unus §. pactus, de pactis. Et ut ipsa verba Papiniani elegantissime exprimam, quid, inquit, posterior conventio, &c. Brevis hoc est: pactum nudum non potest mutare obligationem, quæ est certissima regula juris nostri: igitur si convenerit postea cum uno ex depositariis, ut culpam non præstaret, non cum altero, nihilominus manent duo rei debendi, ut facti sunt ab initio, & singuli conveniri possunt in solidum, prout elegerit stipulator: sed ex posteriore pacto exceptio pacti vel doli competit ei, cui culpa remissa est, & quidem soli, si socii non sint, l. qui in hominem, §. ult. de solut. l. 3. §. nunc de effectu, de liber. leg. Nam si socii sint, pactio facta cum uno, id est, remissio culpæ facta uni, proderit etiam alteri si communis culpa intercesserit, alioqui nec pacifcenti proderit, quandoquidem quod si præstiterit culpæ nomine, qui pactus non est, id socii, qui pactus est, reputabit actione pro socio, l. idem est, de pact. l. r. C. de duob. reis. Denique pacifcentis interest, cui culpa remissa est, nec a se, nec a socio culpæ rationem ullam exigi: nam si exigatur a socio, & a se rē dardus, id est vi ipsa exigetur contra posteriorem pactiōnem. Igitur si socii non sint, pactio pacifcenti tantum prodest, si socii sint utrique prodest, ut eadem distinctio intervenit in specie l. seg. Si duo rei debendi non sint socii, non in rem communem pecuniam mutam acceperint, & unus conveniatur, non potest compensare, quod actor debet alteri, nisi vice mutua fidejusserint: fidejussor enim recte compensat, non tantum quod sibi debet actor, sed etiam quod debet reo, l. a. §. de compensat. Si socii sint, is qui convenitur potest etiam compensare quod actor socio debet suo. Ad hæc forsitan queret aliquis, an pactum unus ex reis debendi noceat alteri? An profit diximus, an noceat queret aliquis, & in hac questione, an etiam sit adhibenda eadem distinctio socii sint vel non. Finge: res deposita est penes duos, nec quicquam est conventum de culpa præstanda ab hoc vel illo: postea stipulator cum uno pacifcitur ex intervallo, ut is sibi culpam præstet, non cum altero: an hæc pactio noceat alteri? At alter culpam utique præstabit, maxime si socii fuerint? Respondeo nihil attinuisse queri, quia ea pactio neutri nocet, quandoquidem ex pacto nudo non nascitur actio: ex eo igitur pacto nudo obligatur culpæ nomine: in duobus reis stipulandi hoc quidem ap-

te queritur, ac unus pactio, veluti si unus pactus sit de non perenda pecunia, noceat alteri. Et est proditum non nocere, l. si unus ex arg. in princ. de pact. In duobus reis promittendi hoc queritur inepte. Igitur quod ait l. pen. hoc est. ex duobus reis ejusdem Stichi promittendi factis, alterius factum alteri quoque nocere, non potest intelligi de pacto: aliud est factum, aliud pactum: sed nec potest intelligi de quocunque facto. Alia sunt facta, quæ reiverse cohærent, quæ personæ tantum cohærent; mora personæ cohæret, mora sit in persona tantum. Et ideo mora unus ex reis promittendi non nocet alteri, l. mora, §. pen. de usur. l. in condemnat. §. pen. de regul. jur. Et is, qui moram non facit, liberatur re promissa naturaliter extincta, etiam si conreus fecerit, & solus conreus obligatus manet. At si hominem promissum unus ex reis occiderit, quod factum interpretes etiam moram appellat male, separatur enim mora a facto huiusmodi, a delicto huiusmodi, l. si servum, §. sequitur, de verbor. obl. d. l. mora, §. ult. de usur. Si, inquam, unus ex reis hominem promissum occiderit, non liberatur alter, qui non occidit, factum unus nocet alteri, ut ait l. pen. nec enim alter liberatur, quia hæc culpa in rem est, & perpetuat obligationem totam, rem universam apprehendit sive obligationem universam. Idemque erit, si unus ex reis debendi debitum agnoverit, quia re interruptur præscriptio actionis, hoc etiam factum nocet alteri, quia interruptio est generalis, interruptitur præscriptio actionis in universum. Unus est contractus, ut ait in hac rem, l. ult. C. de duob. reis, una obligatio, l. 3. circa fin. hoc est, Et una interruptio, quæ nocet utique, & interruptit præscriptionem, atque ita his exemplis uti debet ad explic. l. pen. dum indistincte ait, factum unus ex reis nocere alteri: nec enim id quoque est intelligendum de pacto: non potest etiam intelligi de mora, nec de quocunque facto.

Ad L. Si servus XVIII. de Stipul. serv.

Si servus communis Mevii & castrensis peculii, defuncto filiosamil. milite, antequam adeat institutus hereditatem, stipuletur socio, qui solus interim dominus invenitur, tota stipulatio quæretur: quoniam partem non facit hereditas ejus, quæ nondum est. Non enim si quis heredem existere filiosamil. dixerit, statim & hereditatem ejus jam esse, consequens erit, cum beneficium principalem constitutionum, in eo locum habet, ut filiosamil. de peculio restari possit: quod privilegium cessat, prius quam testamentum additione fuerit confirmatum.

Ad L. XIV. de Cast. pec.

Filiusamil. miles si captus apud hostes vita fungatur, lex Cornelia subveniet scriptis heredibus: quibus cessantibus, jure pristino peculium pater habebit. Proxima species videtur, ut scriptis heredibus, deliberantibus, quod servus interim stipulatus est, vel ab alio sibi traditum accepit, quod quidem ad patris personam attinet, si forte peculium apud eum resederit, nullius momenti videntur, cum in illo tempore non fuerit servus patris: quod autem ad scriptos heredes, in suspensio fuisse traditio, itemque stipulatio intelligatur: ut enim hereditarius fuisse credatur, post aditam hereditatem sit. Sed paterna veracundia nos movet, quatenus & in illa specie, ubi jure pristino apud patrem peculium remanet, etiam adquisitio stipulationis, vel rei tradita per servum fiat. Legatum quod ei servo relictum est, quamvis tunc propter incertum nulli sit adquisitum, omisso testamento, patri tunc primum per servum adquiritur: cum si fuisset exemplo hereditatis peculio adquisitum, jus patris hodie non consideraretur.

Explicanda nunc nobis occurrit questio l. 18. de stip. serv. conjuncta l. 14. de cast. pecul. quæ est eadem de re, questio sane subtilissima & difficilissima, & con-

troverſa etiam inter ipſos juris auctores. Servus quidam erat communis Mævii & filiſiam militis, qui in eo ſervo partem quæſierat per occaſionem militiæ, atque ita eum habebat in caſtrenſi peculio. Denique ſervus erat communis Mævii & caſtrenſis peculii: filiſiam. eo iure, quod in caſtrenſi peculio filiſia militi, atque etiam veterano concedunt conſtitutiones principum, teſtamentum fecit de caſtrenſi peculio vivo patre, & Sempronium ſibi heredem inſtituit, quo deliberante de adeunda vel repudianda hereditate, interim in ſervus aliquid ſtipulatus eſt ab extraneo. Quæritur utrum ſtipulatio ſoli Mævio acquiritur in ſolidum, an Mævio pro parte, & hereditati filiſi. pro altera parte, quaſi domine: vulgo dicitur hereditatem jacentem fungi vice domine, *l. non minus, §. nls. de hered. inſt. l. cum hereditas, C. de poſt. nulla vox frequentius occurrit in hiſ libris, & ob id ſervus hereditarius recte ſtipulatur hereditati quaſi domine, l. 35. hoc tit. vel ſi ſtipuletur ſibi aut imperſonaliter, ſtipulatio interim acquiritur hereditati, & per hoc etiam heredi poſtea factio, ut eſt in *Inſt. ſcriptum, eod. tit.* Verum ad hæc ſciendum eſt, filiſiam in caſtrenſi peculio, quaſi patrem familiæ eſſe, *l. 2. ad Maced.* ſed non omnino quaſi patremfam. eſſe, ut ait *l. ult. ad Tertull.* Et confirmatur *l. 1. 2. 9. C. l. pen. §. pater, de caſtren. pec. l. 1. §. ſi ſiſ qui bona, de collat. bon. l. filiſiam. ad leg. Falcid.* Nam ſi filiſiam: moriatur teſtata, in caſtrenſi peculio heredem non habet, niſi hodie ex Novel. 118. liberos ſuos, ſed veluti quodam poſſimilio bona caſtrenſia iure peculii remanent apud patrem, perinde ac ſi retro peculium fuiſſet acquiſitum patri, nec ullum jus in eo habuiſſet filiſius. id enim jus, quod ei in eo dederunt conſtitutiones principum, privilegium eſt personale, privilegium militiæ, quo ſi non utatur filiſiam, ut ſi teſtamentum non faciat de caſtrenſi peculio, pater peculium quaſi rem ſuam ſuo jure occupat: non habet igitur filiſiam. hereditatem caſtrenſis peculii, niſi teſtamento heredem ſibi inſtituerit. Hoc non eſt fatiſ. Addendum, ut ſi heres inſtitutus hereditatem adierit: Nam ſi non adierit hereditatem, nec retro filiſiam. hereditas fuiſſe intelligitur. Teſtamentum filiſiam. militis, ut ait eleganter Papinian. hoc loco, aditione confirmatur, quod ut mox dicam, non potes etiam dicere de teſtamento patriſiam. Teſtamentum igitur filiſiam. militis aditione confirmatur, id eſt, hereditas ejus ſit aditione, *d. l. filiſiam. ad leg. Falcid.* nec enim ante aditionem videtur ejus hereditas fuiſſe, & patriſiam. teſtamentum morte confirmatur, ut & D. Paulus ait in epiſt. ad Hebræos, & ſtatim a morte deſuncti hereditas eſt intelligitur, antequam adita ſit: ergo filiſiam. qui teſtamentum fecit de caſtrenſi peculio heres eſt, qui ſcriptus eſt, & adire poteſt, *heres exiſtit*, ut loquitur Papinian. hoc loco. Quod notandum. Nam heredem exiſtere alias eſt ipſo jure hereditatem acquirere, etiam ignorantem & invitum: alias eſt miſcere ſe bonis: hoc loco eſt heredem inſtitutum eſſe, ut adire poſſit. Unde ſic dico, filiſiam. qui teſtamentum fecit de caſtrenſi peculio, heres eſt, qui ſcriptus eſt, & adire poteſt, ſed non eſt hereditas antequam adierit heres, non eſt hereditas, antequam adita ſit. Neque hoc valet argum. 2. conjugatis, *ſi heres eſt, C. hereditas igitur*, quod etiam genus argumentationis Quintilianus non magnopere probat: valet tamen argumentum concludendo negative hoc modo: *ſi hereditas non eſt, nec ſervus igitur hereditarius eſt*: Nam ſervus hereditarius ab hereditate, non ab herede, dicitur hereditarius; & ob id ſemper ſervus hereditarius dicitur: tamen jacente hereditate & vacante, nec dum adita, quoties hereditas dici poteſt, ante aditionem veluti de bonis patriſiam. Ex quo efficitur, quod ante aditam hereditatem filiſia. ſtipulatur ſervus communis, Mævii & caſtrenſis peculii, id hereditati acquiri non poſſe, quæ nondum eſt, qua non eſt hereditas filiſiam. ante aditionem: ei igitur acquiri in ſolidum, qua ſolius eſt, cui acquiri poteſt, & nemo ei partem facit, nemo concurret, ut ſervus ſolus Mævii eſt interim, nec poteſt dici hereditarius, qua nondum eſt hereditas: ſed quæſo*

legamus integra verba Papin. *ſi ſervus. Verum addendum eſt ex eodem Papin. libro, ex l. 4. de caſtrenſ. pecul.* ante aditionem nihil videri acquiſitum hereditati, ex ſtipulatione ſervi caſtrenſis, qui nondum eſt, ſed poſt aditionem retro intelligitur ſervus hereditarius, & hereditas fuiſſe a morte filiſiam. quia aditio retrorahitur ſemper in jure, *l. heres quondocunque, de acquir. hered. l. ſi ex re, §. ult. hoc tit.* Et conſequenter, pars ſtipulationis ad heredem, qui adiit, pertinet, pars ad Mævium: quod ſi non ſit adita hereditas, ſi omiſſa ſit ab herede ſcripto; patri, apud quem peculium reſidet, ſane ſtipulatio non acquiritur, ſed omne ejus emolumentum in ſolidum pertinet ad Mævium: legatum autem, puta, ſi interim ſervo ſit relictum, omiſſo teſtamento patri acquiritur, ſaltem eo tempore, quo omiſſo teſtamento ſervus ſit patris, atque ita eſt hac in re differentia inter ſtipulationem & legatum. Et ratio differentia hæc eſt, quia ex ſtipulationibus tempus contractus ſpectatur. Eo autem tempore non fuit ſervus patris, ergo per eum nihil acquiritur patri, nec ſi poſtea fiat patris, quia non quod poſtea ſuccieſſit, tempus ſpectatur in ſtipulationibus, ſed tempus contractus tantum, in legatis non ſpectatur tempus, quo legatum relinquatur, *l. ſi filiſiam. de verb. oblig. l. uſufruct. h. tit.* Quæ differentia inter ſtipulationes & legata manet latiffime, & ſerit alias innumeras.

Sed quæſo tranſeamus modo ad eam *l. 14.* ex qua hoc ſumimus, ut eam totam interpretemur per partes, alioquin non poſſit probe intelligi. Initio *d. l. 14.* ponit, quod eſt certiffimum, filiſiam. militem ante captivitatem feciſſe teſtamentum de caſtrenſi peculio jure conceſſum, & deinde eundem mortuum apud hoſtes: teſtamentum ejus confirmatur lege Cornelia, quæ fingit non mortuum eum eſſe in captivitate, ſed paulo ante captivitatem civem Romanum: ſiſtio legis Corn. & hereditatem, & heredem facit, *d. l. filiſiam. ad l. Falcid.* Eo igitur ibi mortuo heres ejus, qui teſtamento ſcriptus eſt, ſi ceſſaverit, id eſt, ſi non adierit, non erit hereditas filiſia. ſed erit peculium, quod jure priſtino pertinebit ad patrem, jure ſcil. eo, quod pater habuit in omnibus filiſia. indiſtincte ante privilegia conſtitutum, jure primo, jure patriæ poteſtatis, jure patris, ut ait hoc loco, & in *l. pen. §. pater, hoc tit.* Quod & jus priſtinum dicitur, & jus antiquum, quod fuit ante conſtitutiones in iſſdem locis, in *d. l. filiſi.* & hoc eſt quod ait in *1. parte l. 14. filiſiam.*

Sequitur ſecunda pars. Finge: poſt mortem filiſi. qui teſtamentum fecerat, ante aditam hereditatem ſervus caſtrenſis aliquid ſtipulatus eſt ab extraneo, vel etiam aliquid per traditionem naſtus eſt. Pap. ait in hac *l. 14.* hanc ſpeciem eſſe proximam, id eſt, eſſe conſequentem ſuperiori, ut ſc. inſpiciatur ex cujus perſona vires habeat id, quod ſervus caſtrenſis interim acquiſivit ex ſtipulatione, vel ex traditione. Et Papin. diſtinguit inter patrem & heredem: quantum ad patrem attinet, nulla eſt ſtipulatio, nulla traditio, quia etiamſi peculium apud patrem reſederit repudiata hereditate teſtamentaria filiſi ſui, nihil ei acquiritur ex ſtipulatione, vel traditione, quia eo tempore, quo intervenit ſtipulatio, vel traditio, ſervus neque fuit, neque intelligitur fuiſſe patris: quod ad heredem attinet, ſtipulatio & traditio in pendenti eſt, in ſuſpenſo, quia ſi heres adierit, ſervus ei retro intelligitur acquiſiſſe ex ſtipulatione, propterea quod aditio retro recurrit, ſi non adierit, nulla eſt acquiſitio. Et ita quidem Papin. conſtituit hanc differentiam inter patrem & heredem, tractans de ſtipulatione, & traditione, nondum de legato hiſ verbis, in ſecunda parte, *proxima ſpecies.* Ergo hac parte Pap. ponit differentiam inter patrem & heredem, quam expoſui. Quod ſubjicitur in tertia parte eſt nota Ulpiani ad Pap. ut apparet ex *l. in eo, de acq. rer. dom. l. 3. l. filiſius, qui patri, §. cum filiſius, de bon. libert. l. pen. de jure eod.* Et ita ſuppreſſo nomine Ulpiani, qui ſcriptis notas ad Pap. ſubjicitur in tertia parte: paternam verecundiam poſtulare, ut &, quod ad patris perſonam attinet, intelligatur ſtipulatio & traditio eſſe in ſuſpenſo, ante aditionem,

nem, ita ut si peculium remanserit apud patrem, servus retro intelligatur acquisisse peculio, & per hoc patri jure patris postea nato peculium: si adierit heres, acquirat heredi, exclusio patre. Et hæc sunt verba notæ, *sed paterna*, &c. quæ tertia pars plane abrogat secundam. Ac præterea ut apparebit ex 4. *Q. ult. parte*, idem Pap. constituebatur differentiam inter stipulationem & legatum, si repudiaretur hereditas filii. militis, si omitteretur testamentum: Nam ex stipulatione dicebat nullo modo acquiri patri, sed notatus fuit ea in re, legatum tantum acquiri patri, quod ei servo interim esset relictum, & eo sc. tempore demum, quo repudiata esset hereditas, nec eis retro legatum patri acquisitum fuisse videri. Imo vero interim propter incertum nulli acquisitum fuisse legatum. Et dicebat hanc esse differentiam inter hereditatem & peculium, quod si adeatur hereditas, servus interim videatur legatum acquisisse hereditati, & jure patris peculium residere apud patrem, servus deliberante herede scripto legatum non videatur acquisisse peculio: jus patris non retrahitur, quia medium tempus obstat, quod deliberante herede scripto imaginem hereditatis præbuit, ut eleganter ait *l. pen. §. 1. hoc t.* Et ob id aditio quidem hereditatis retrahitur, sed jus patris non retrahitur, vel si retrahatur, ut ait, *hodie*, id est, nunc primum omisum est testamentum, non consideraretur: atqui nunc primum consideratur: ergo non retrahitur, ergo nunc primum per servum patri acquiritur legatum, nec retro ei censetur acquisitum esse. Et ita explicanda est ult. pars hujus legis. Atqui hodie consideratur, ergo retro peculio non videtur acquisitum legatum, id est, licet retro videatur acquisitum hereditati, exemplum hereditatis non admittimus in peculio. Sed ad hanc ult. partem volo adijci etiam superiorem notam Ulp. ut etiam legatum videatur retro fuisse acquisitum peculio, & jus patrum retrahatur, *d. l. in eo, de acq. rer. dom.* Cui in hanc rem conjungenda est *l. 9. h. t.* quæ est ex eod. lib. Ulp. Et utraque ostendit, non adita hereditate filia. retro peculium castrensē videri accessisse bonis paternis, & hanc etiam forte cuilibet licebit expedire questionem propositam in *l. pen. §. pen. h. t.* si dum deliberat heres scriptus testamenti filii. cesserit dies legati relicti servo castrensi in testamento ejus, ex quo pater nihil capere potest, heres filii capere potest. Quæritur, an postea repudiante herede scripto, legatum pertineat ad patrem jure peculii, cum pater ejus testamenti sit incapax, quo legatum servo relictum est? Sane legatum pertinebit ad heredem si adierit, quia heres fuit capax, atque secundum Pap. sententiam si non adierit heres scriptus, legatum pertinebit ad patrem, quia ex Pap. sententia, tunc cum cesserit dies legati, pater dominus servi fuisse non intelligitur: ita ut ex ejus persona possit dici inutiliter cessisse diem legati: nam dominus est incapax & servus quoque: vel si capax, & servus quoque. Et id est quod dicitur, cum servo esse testamenti factionem ex persona domini: nam si non est cum domino, nec cum servo, *l. debitor, §. servus, de leg. 2. l. non minus, de her. inst.* Non possis igitur dicere, legatum inutiliter cessisse, quasi incapaci relictum, cum quo tempore cessit pater qui erat incapax, non fuerit dominus servi, ex sententia Pap. secundum aliorum sententiam, quæ obtinuit, addamus legati diem cessisse etiam servo non habenti dominum, ac post acquiri novo domino, puta patri omisso testamento filii. etiam ex eo testamento non potuerit capere, in quo legatum relictum est servo castrensi; at si contra aliorum sententiam legatum non acquiratur patri, qui tempore cessionis legati pater intelligitur fuisse dominus servi, ergo incapacitas ejus legatum inutile constituit. Est quod addam in illum locum: *sed paterna verecundia, verecundia paterna, ut verecundia materna, l. 32. §. 1. de do. verecundia patronalis, l. 20. eod. r.* non est verecundia, quæ in eis personis est; sed observantia quedam, quæ eis debetur & exhiberi debet ab omnibus, quoties de eorum jure disceptatur, quæ ratio efficit sæpe, ut quod jure non debetur patri vel matri, ei tamen concedatur, indulgeatur, accommodetur: jure nihil quic-

quam debetur patri, apud quem peculium castrensē filii remansit, omisso testamento filii, ex stipulatione, quam servus castrensē medio tempore contraxit, deliberante herede scripto in testamento filii, neque ex eo, quod is servus interim ab alio per traditionem acceperat: legatum autem quod ei servo interim relictum est, patri debetur ex eo tantum tempore, patre acquiritur, quo omisso testamento filii, peculium apud eum jure pristino residere cepit, & acquisitio peculii, sive jus patris non retrahitur. Jus ita est, sed paterna observantia, ut notatur ad Pap. in *d. l. 14.* facit, ut ex omnib. causis indistincte retro censeatur peculio is servus acquisivisse, quod acquisit medio tempore, deliberantib. scriptis heredib. testamento filii. ac per hoc etiam patri postea nato peculium. Atque ita non existimandum est, temere omnino & perperam judicare eos, qui plus deferunt patri vel matri, quam juri, plus reverendiæ paternæ vel maternæ, quam rationi juris. Erubescimus contra hæc personas pronuntiare, quoties de eorum jure agitur, etiam contra eas pronuntiare jus velit. Quo colore, hodie nobis licet excusare & defendere Senatus decreta, & hujus animadversionis vos meminisse semper velim; sæpe occurrit Senatus decretum, quod nemo est, qui non arguat iniquitatis, quod licet defendere, obtentu paternæ aut maternæ observantia, cui postponitur ratio juris. Non male nunc persequar reliquas questiones, quæ sunt in *l. 18. de stipul. serv.*

Ad §. Si servus L. XVIII. de Stip. serv.

Si servus Titii & Mævii partem, quæ Mævii est, sibi dari stipuletur, nulla stipulatio est: cum si Titio dari stipulatus fuisset, Titio acquireretur. Quod simpliciter concepta est stipulatio: veluti, partem eam, quæ Mævii est, dare spondes? non adjecto mihi, prope est, ut quia sine vitio concepta est stipulatio, sequatur ejus personam, cujus potest.

Quæritur in §. si servus, an valeat stipulatio, si servus communis Titii & Mævii, de Mævii partem, quæ Mævii est, sibi dari stipuletur? Et distinguit eleganter Pap. hoc modo: Aut stipulatur eam partem Titio dari alteri domino, & Titio acquiritur obligatio absque dubio: aut eam partem sibi dari stipulatur hoc modo: partem tuam Mævii mihi dare spondes? & vitium inest stipulationi propter verbum, mihi, quia non possum me mihi stipulari, ergo nullius momenti est stipulatio, *l. 2. hoc t.* Servus ipse sibi stipulari non potest, ipsa ultima syllaba hujus vocis, ipse, absorbuit alterum, se, quæ sequebatur, namque ita corrigenda est lex, servus communis ipse se mihi stipulari non potest, alteri domino se stipulari potest. Et ita etiam verbum mihi, vitiat stipulationem in specie leg. si servus meus, hoc t. & *l. 10. de oper. liberti.* Si servus meus stipulatur a liberto meo operas sibi dari, quæ non possunt deberi nisi soli patrono, inutilis est stipulatio: quæ tamen esset utilis si non dixisset mihi, si sibi stipulatus non fuisset. Itaque quod dicitur in *l. 1. & l. 15. hoc t. nihil interesse servus stipuletur sibi, an domino, an simpliciter, an impersonaliter, ita intelligi debet, si id quod stipulatur sibi, sibi dari possit; nam per eum domino acquiritur, perinde atque si domino stipulatus esset, non si seipsum sibi stipuletur ab uno ex dominis: Nam si operas sibi stipuletur a dominis, quia aliis casibus prorsus inutilis stipulatio est: vitium etiam inest in substitutione pupillari, propter verbum mihi, ita concepta, si filius meus intra pubertatem decesserit, tunc ille mihi heres esto, quia substitutione pupillari, non mihi, sed filio impuberi heres institui potest: substitutio pupillaris est testamentum filii, non tamen meum, & ubi testamentum ibi hereditas, ut eleganter Ambrosius epistola 73. *Si sub lege Dei sumus, & lex est testamentum vestrum, ergo heredes sumus: nam ubi testamentum ibi hereditas.* Et tamen utilis est substitutio ea, licet adjecerit mihi, *l. 1. l. coheredi, §. ult. de vulg. substit. l. si ita scriptum, §. qui filio, de bonor. poss. secund. tabul.* Cur ita? quia testamentorum vitia aut menda non vitiant testatoris voluntatem, *l. 1. de condit. inst. l. hereditas, de hered. inst.**

instituta, quia testantium voluntates latius accipiuntur: si stipulationem vitia vitiant obligationem, quia stipulationes strictius accipiuntur, *l. quicquid, de verb. oblig. l. stipulatus, de fidejussor.* Restat adhuc tertium membrum distinctionis: Aut servus ille communis Titii & Mævii partem Mævio dari stipulatus est simpliciter, *l. i. §. h. rit.* non adjecto verbo *mibi*, vel alio. Et tunc constat valere stipulationem, quia sine vitio concepta est: consequenter obligationem acquirit Titio alteri domino in solidum, quia is solus est, cui acquiri potest. Et ita in *h. si servus meus, h. rit.* detracto verbo *mibi*: Detracto illo vitio, si servus meus stipuletur operas dari a liberato meo simpliciter, valet stipulatio, perinde ac si nominatim mihi stipulatus fuisset, non sibi. Et ita proculdubio *h. servus, 10. de oper. libert.* dum significatur, eos qui sunt in potestate patroni, potest stipulari operas a liberato ejus, in cuius sunt potestate, hoc debet intelligi, si modo rite concepit stipulationem, puta si eas stipuletur patrono, vel imperforatè: nam si sibi, nihil agunt. Et hoc est quod ait *§. si servus.*

Ad §. Servus II. eod.

Servus capto domino ab hostibus, domino dari stipulatus est: quamvis, quæ simpliciter, vel ab alio accepit, etiam ad heredem captivi pertinent, aliudque sit juris in persona filii, quia nec tuus fuit, ut potestatem cum stipularetur, nec postea deprehenditur, ut servus, in hereditatem: tamen in proposito potest quari, nam ex hac stipulatione nihil acquiritur heredi videtur, quomodo si servus hereditarius defuncto, aut etiam heredi futuro stipulatus fuisset. Sed in hac specie servus filio exequabitur: nam etsi filius capto patri suo stipulatus fuerit dari, res in pendenti erit etsi pater apud hostes decesserit, nullius momenti videbitur fuisse stipulatio, quoniam alii, non sibi stipulatus est.

Sequitur alia questio in §. si servus, non jam de servo communi, sed de servo unius proprio, an valeat stipulatio vel traditio, si servus captivo alieni dari stipulatus fuerit, vel per traditionem acceperit, & dominus apud hostes decesserit: si reverfus fuerit possimilino, nullus est labor: quia retro creditur in civitate fuisse propter fictionem possimilino, & perinde omnia servantur, atque si nunquam venisset in potestatem hostium. Sed si moriatur apud hostes, questionis est, quid fiat de his, quæ servus ejus, vel filius interim acquisivit. Et in hac questione utemur varia, & multiplici distinctione, cujus prima pars hæc erit: Aut servus captivi simpliciter stipulatus est dari, vel simpliciter ab alio rem sibi traditam accepit, non dicens, cui stipularetur, nec cui acciperet. Et hoc casu heredem captivi quem fictio legis Cornelie heredem facit, ita ut retro credatur ei fuisse delata hereditas eo tempore, quo ille captus est, quia ille tunc decessisse videtur, cum captus est, *l. 18. de cap. & possim.* quia ut ait *l. iusto, in fine, de usurp. & usuc.* tempus captivitatis est die, quo captus est, mortis postea secuta jungitur, concinnatur unum tempus, confuso captivitatis & mortis tempore: heredem, inquam, captivi sequitur stipulatio simpliciter concepta a servo; vel traditio facta servo simpliciter, & imperforatè, quia lege Cornelia servus hereditarius fuisse intelligitur: quod autem servus hereditarius simpliciter stipulatur, id hereditati, & per hanc heredi postea facto acquiritur. Et hæc in re notatur hoc, differentiam esse magnam inter servum, & filium: nam si quid filius captivi stipuletur vel accipiat simpliciter, mortuo patre apud hostes, id videtur sibi acquisivisse in solidum, non hereditati, non heredi pariter, si ipse exheredatus sit, non coheredi pro parte, *l. in bello, §. si quis capitur, de cap. & possim.* Et ratio differentie redditur inter filium & servum cum in hoc loco, tum in *d. §. si quis capitur*, evidenter, quia servus stipulationis tempore fuit in bonis defuncti, & in bonis esse perseverat, heredemque defuncti sequitur, id est, in hereditate deprehenditur: filius ante non fuit in potestate stipulationis tempore, nec postea deprehenditur ut servus in hereditate, quia sui juris

Pen. IV.

esse videtur, ex quo captus est pater, ac proinde sibi interim acquisivisse ex stipulatione traditione, itemque legato, non hereditate, ut ait *d. §. si quis capitur*: qui hereditatem interim capere non potest, acquirere non potest, propterea quod modus status ejus in pendenti est, & si redeat pater, videbitur semper fuisse filiusfam. si ibi moriatur, videbitur fuisse paterfam. statim ex quo captus est pater, *l. bona, §. quod si filius, cod. tit. §. si ab hostibus, Inst. quib. mod. jus pat.* Qui dubitat de suo statu filiusfam. sit an paterfam. potest acquirere sibi delatam hereditatem adeundo vel pro herede gerendo, *l. sed etsi de sua, de acquir. hered.* non etiam is cuius status est, cuius status in suspensio esse certum est, atque compertum. Sed persequar alias partes distinctionis. Aut servus captivi stipulatur nominatim Titio domino suo, qui est apud hostes: Et hoc casu nihil valet stipulatio, nec pertinet ad heredem captivi eo ibi mortuo, quia servus hereditarius fuisse intelligitur, ut dominus ille fingitur mortuus stipulationis tempore: servus autem hereditarius inutiliter stipulatur Titio domino suo mortuo jam, *l. pen. de reb. cred.* quia decessit esse dominus, & non domino facta stipulatio non valet: alteri facta stipulatio, qui neque est dominus, neque pater, id est, cuius iuri subiectus non est, non valet. Idemque etiam dicendum est, ut ostendit hoc loco Papin. in filio captivi, si quid patri stipuletur, mortuo postea apud hostes, quia intelligitur stipulatus ei, cuius iuri subiectus non fuit, & extraneo facta stipulatio nullius momenti est. Ergo quod attinet ad priorem partem distinctionis, est differentia inter servum & filium. Quod ad secundam, nulla est differentia, sed exæquatur servus filio: filius servus. Sequitur tertia pars distinctionis. Aut servus captivi stipulatus est dari heredi futuro nominatim, ut extraneo cui libet, hoc modo: Titio dari, qui postea heres exiterit captivo: Et hoc casu videtur non valere stipulatio, quia heres non fuit dominus stipulationis tempore, *l. 16. hoc tit. l. si servus, §. ult. de pact.* Aut stipulatus est dari heredi futuro non nominatim hoc modo: heredi domini mei futuro dare spondes? Et hoc casu valet stipulatio & acquiritur heredi, qui postea adierit, quia retro intelligitur fuisse dominus servi, eique servus stipulatus est, ut domino, non ut extraneo, *l. si ex re, §. ult. l. 35. hoc tit.* Quia, ut diximus, semper aditro retrahitur, sive tempus aditionis temporis mortis testatoris jungitur, neciturque; & ex duobus temporibus constituitur unum tempus. Idemque erit si servus stipuletur hereditati, quia est vice domini. Idem erit si sibi stipuletur rem quæ sibi dari possit, *d. l. pen. de reb. cred.* Sed his ultimis casibus, quos addotavi, & in quibus idem esse constitui, præterquam si stipuletur nominatim heredi futuro, differentia est rursus inter servum & filium: nam si filius captivi stipuletur heredi patris postea aditro, sive non nominatim, sive stipuletur hereditati, nihil agit: at si stipuletur sibi, sibi acquirit, non hereditati. Et hæc est finitio hujus questionis.

Ad §. Ultim.

Cum servus fructuarius operas suas locasset, & eo nomine pecuniam in annos singulos dari stipulatus esset: finito fructu domino residui temporis acquiri stipulationem Julianus scripsum reliquit. Quæ sententia mihi videtur firmissima ratione subnixæ: Nam si in annos forte quinque locatio facta sit, quoniam incertum est, fructus in quem diem duraturus sit, singulorum annorum initio cuiusque anni pecunia fructuario quæreretur: secundum quæ non transiit ad alterum stipulatio, sed unicuique tantum acquiritur, quantum ratio ejus permittit. Nam & cum servus ita stipuletur: quantum pecuniam tibi intra illum diem dederis, tantum dari spondes? in pendenti est, quis ex stipulatu sit habiturus actionem: si enim ex re fructuarii, vel operis suis pecuniam dederis, fructuario: si vero alienum, domino stipulatio quæreretur.

In princ. *l. 18. de stip. serv. & in §. 1. actum est de servo communi duorum vel plurium.* In §. servus, de servo a-

K x

nus

nus proprio. Nunc in §. *ultim.* in quo sine magno labore opus est, agitur de servo fructuario, in quo sc. unus usus habet, alter proprietatem nudam, qui neque est proprius huius vel illius pleno iure, neque communis inter eos: nam communio est societas iuris ejusdem, non pro solido, sed pro partibus indivisibilibus, & inter proprietarium & fructuarium non est communio iuris ejusdem, sed neque inter duos fructuarios est communio, qui pro solido singuli usus habent, non pro parte, *l. 3. de h. er. & usufr.* potest esse duorum in solidum, non dominium, *l. si is incerto, §. ult. com. prad.* non possessio ex Proculianorum sententia, quae obtinuit. Communio igitur est communio iuris ejusdem non pro solido, sed pro partibus indivisibilibus. Servus autem fructuarius fructuario acquirit ex duabus causis tantum: ex re fructuarii, ex peculio, quod habet a fructuario, & ex suis operis, ut si se locaverit, vel si fructuarius ipse eum locaverit, *l. 2. de usufr. leg.* Quod obtinet etiam in servo alieno aut libero homine bona fide possessio, imo & in servo communi effectu ipso, *l. si ex re, §. 1. b. t. non in servo usufruario*: nam hic usufruario acquirit ex re usufruarii tantum, non ex suis operis, *l. 14. in pr. de usu & hab. nisi* quatenus operis ejus utitur usufrarius, tabernae forte praepositi, vel officinae, vel cui alii rei ad eum pertinenti, *l. 12. in p. l. 16. §. ult. h. t.* Atque ita non semper operis, licet exhiberi nobis iure debeant, habentur & ex re nostra. Et recte huic sententiae addicitur articulus, quodammodo, *l. qui bona fide, de acq. rer. dom. sed de servo fructuario tractemus.* Finge: Servus fructuarius operas suas locavit in quinquennium, & eo nomine pecuniam, id est, mercedem certam, in annos singulos dari stipulatus est, & interim nondum peracto tempore locationis, usus interit morte fructuarii. Papin. refert hoc loco Julianum scribere residui temporis stipulationem domino, id est proprietario acquiri. Et vehementer laudat sententiam Juliani, cum eam dicat esse firmissimam ratione subnixam: nam in pendenti esse ait, cui & quatenus acquiratur ea stipulatio, fructuario an domino, propterea quod incertum est, in quem diem duraturus sit usus, quia ratione incertum dicitur in obligationem deducere, qui usufructum stipulatur, *l. ubi autem, §. fin. de verb. oblig.* Denique non est certum, an quinquennio integro duraturus sit usufructus. Et ideo incertus est rei eventus & res in pendenti est, *l. h. v. v. §. ultim. de adil. edic.* Si usufructus biennio tantum duraverit, pro rata tantum biennii stipulatio fructuario acquireretur, sequentium autem annorum stipulatio fructuario domino. Non possis igitur ab initio constituere eam totam stipulationem acquiri fructuario: sed hoc recte dices, esse in pendenti, in eventu, in casu, in accidente. Et notandum est valde, quod ait Papinian, hoc loco, singulorum annorum initio cuiusque anni pecuniam, id est, actionem petende mercedis in stipulationem deductam, in annos singulos fructuario acquiri, quia se. pura est stipulatio, si quis certam pecuniam annuatim, vel in annos singulos dari stipuletur, *§. at si ita, Inst. de verb. oblig.* Et consequenter initio cuiusque anni pecunia peti potest, quia pure debetur. Qua de causa si in ingressu cuiuslibet anni moriatur fructuarius, dicam mercedem huius anni integram ad heredem fructuarii pertinere. Nec quicquam moveat *l. 8. de ann. leg. nec §. 1. s. vero, Inst. de rer. divisi.* quibus locis negatur, fructuarium heredi suo relinquere fructus, qui mortis suae tempore maturi erant, nec dum percepti, & a solo separati: nam est differentia aliqua inter fructus & hanc stipulationem. Fructus ejus anni, quo mortuus est fructuarius, qui moriente eo pendebant, domino acquiruntur, non heredi fructuarii: stipulatio pertinet ad heredem fructuarii, quae jam non pendebat, sed acquisita erat fructuario initio anni. Sed & hoc vos maxime notare velim: ut dominus, ex fructibus debet conferre & contribuere heredi fructuarii pro rata temporis, quo eo anno usufructus stetit, quia est usufructus, ei acquiratur, non ideo minus fructus sunt contribuendi, *l. si aut qu' si sit rembourse*, quia dominum non impedit contributionem. Nam & ita fructus pendentes facto divortio, quamvis mulieri acqui-

rantur, tamen in contributionem veniunt, ut ex eis vir partem ferat pro rata temporis, quo eo anno matrimonium stetit, *l. 7. §. interdu, l. si filiofam. §. ult. solut. matrim.* Ita vero, licet illa stipulatio in annos singulos, initio cuiuslibet anni, mortuo fructuario, quasi semel acquisita fructuario transmittatur ad heredem, tamen pati debet heres, ut in partem pecuniae veniat dominus pro rata residui temporis, quo usufructus non stetit. Et est hac in re paulula quaedam differentia inter hanc stipulationem, & legatum relictum in annos singulos: nam cepti anni legatum debetur heredi legatarii in integrum, ita ut heres testatoris ex eo nihil deducere, vel deminueri possit, *l. 5. de ann. leg.* Cepti anni stipulatio interposita ex causa locationis operam a servo fructuario, ad heredem fructuarii etiam pertinet, sed ex ea debet domino partem contribuere, ne videatur ultra mortem fructuarii usus permanisse, quod utique Accursi non male ait, dominum consecuturum conditione sine causa. Sequentium autem annorum stipulatio domino acquiratur ipso iure. Et ita concludit Papinian. Ex quo apparet, & in hoc versari potissimum difficultatem rei propositae, stipulationem semel acquisitam fructuario, non transire ad dominum, sed ad heredem fructuarii, secundum communem formam juris, puta stipulationem quaestam fructuario jam ab initio ejus anni, quo vita functus est, licet ex ea debeat heres domino partem contribuere, & sequentium quoque annorum stipulationem non transire ad dominum a fructuario, quae nunquam videtur fuisse acquisita fructuario, non transire, inquam, sed acquiri domino. Et ideo recte Julianus scripsit: Residui temporis stipulationem domino acquiri, non dixit, transire, sed, acquiri, & Paulus pertinere, in *l. si operas, de usufr.* & Papinian. tacite hoc loco reprehendit Ulpianum, & hoc est certissimum, qui scriperat stipulationem quaestam semel fructuario transire ad dominum in *l. sed & si §. si operas, de usufr.* contra regulas juris, quae velint, ut stipulationes vel obligationes quaecumque nobis acquisitae semel, non transiant nisi ad successorem universi iuris sufficiens, id est, eum, qui in jus nostrum universum successerit, veluti ad heredem, bonorum possesorem, fideicommissi Trebellianum, vel parentem adrogantem, sed reprehendit Ulpianum Papin. ut dixi, non nominatim, sed tacite, non studio notandi, sed inquirendi veri, his verbis, *secundum qua non transfit ad alterum stipulatio*, quasi velit dicere, non debuit Ulpianus uti verbo transiendum, sed acquirendum, quia unicuique tantum acquiratur, ut ait, quantum ratio juris permittit, nec ab uno ad alterum transit stipulatio, quasi ad successorem, cum non sit successor juris fructuario dominus. Puit, ut alias dixi, inter Ulpianum & Papin. emulatio quaedam, quae dicitur alere firmiores professus in literis, uberores fructus in literis; & quodammodo laudabilis: evidens est dissidium inter juris auctores, quoties alter alterius verbum aut rationem perstringit & rejicit, ut in *l. singularia, de rebus cred. & l. qui negotia, mand. idemque in l. 3. §. pen. de off. emp. & l. 4. de usufr.* Et stultae est aut obicere diligentiae, quod evidens est, dissidium inter auctores, id modo quocumque finire conari. Jam suus praeterevisti huic scopulum. In extremo huius §. ne novum videretur quod dixi ante, in pendenti esse illam stipulationem, de qua fuit posita species, cui scilicet acquiratur, tradit similem casum, quo etiam in pendenti est stipulatio cui acquiratur, fructuario an domino, quem & ex Juliano Ulpianus retulit in *d. l. sed & si quis §. 1.* Finge: Servus est numeraturus pecuniam Titio mutui nomine, & antequam numeret, stipulatur de Titio, tantam pecuniam sibi reddi, quantum intra biduum illi numeraverit: nihil refert stipulatio praecedat mutuum, an sequatur, *l. 6. §. ult. de novat. l. 3. §. ult. & l. contra, ad Maced.* in pendenti est, cui acquiratur stipulatio: in pendenti est acquisitio stipulationis huiusmodi, & numeratio declarabit, quae post sequetur, cui sit acquisita: nam si servus pecuniam numeravit ex re fructuarii, vel ex suis operis, retro videbitur acquisita fructuario: si aliud

aliud numeraverit domino, & interea traditio quoque A
sive acquisitio domini in plerisque casibus in pendenti est,
ut in d.l. sed & si quis, §. i. arboribus §. ult. l. quid ergo, §. i.
de usufr. l. servus, §. ult. de acc. rer. dom. l. pen. §. ult. de casti. pec.
l. bovem, §. ult. de edil. edict. Stipulatio est pura, fateor, tradi-
tio est pura, sed propter conditionem juris, ut eleganter
ait Jex bozem, §. ult. in pendenti est, id est, propter
tacitam conditionem, cujus ratione stipulatio vel tradi-
tio non fit conditionalis: tacita conditio non est condi-
tio, l. conditio, de cond. & demon. l. 3. de leg. i. Non omne
quod suspendit rem, est conditio: hæc stipulatio est pu-
ra, & tamen in pendenti est. Et male igitur Joannes
hoc loco generaliter definit, puram stipulationem in
pendenti esse non posse: ut stipulatio usus. quam facit
servus hereditarius, non potest esse in pendenti, quia
initium vitiosum habuit, non existente persona, aut ja-
cente hereditate, cui acquiri posset usufructus, l. usufructus
hoc ita. Item stipulatio interposita a servo communi
duorum hoc modo, ut Cal. Januarius illi aut illi do-
minis suis, uter eorum viveret, daretur aliquid, in pen-
denti esse non potest: quia initium est vitiosum, non
existente certo domino, cui acquiratur stipulatio propter
illam adjectionem, uter eorum viveret, l. 2. hoc ita.
Fateor, hæc stipulationes in pendenti esse non posse, sed
non idem statuendum est in ceteris omnibus stipulatio-
nibus puris, ut in pendenti esse non possint, si modo
existat homo ceruus, cui acquiri poterit stipulatio, aut
retro acquisita fuisse ex post facto apparere poterit ab
initio contractus. In specie d.l. usufructus usufructus sti-
pulatio inutilis est, non existente persona, aut jacente
hereditate, cui ab initio contractus acquireretur usuf-
ructus, quod jus sine persona esse non potest, vel consti-
tuitur. In specie l. 2. non est domini, cui retro possis
dicere, fuisse acquisitam stipulationem: nam tempore
contractus alter alteri obstitit, nec poterat vivo utro-
que alteri acquiri: nec potest igitur alteri acquisita vi-
deri retro; & in stipulationibus semper spectamus tem-
pus contractus: si enim in conditionalibus spectamus,
& multo magis in puris stipulationibus.

Ad L. Si testamento XLIX. de Fidejuss.

Si testamento liberatum debitorem heres omittat, fi-
dejussorem autem ejus conveniat, proderit exceptio doli ma-
li fidejussori, propter improbitatem heredis, quæ prodesse
reo debuerat si conveniretur.

R Estat tantum ex hoc libro l. 9. de fidejuss. cujus ini-
tio ita scriptum est, si testamento, &c. Liberatur de-
bitor testamento, si testator dixerit vel scripserit, se
eum liberare, vel se ei remittere debitum, vel si here-
dem voluerit ab eo petere, quem ita liberavit testamen-
to. Itaque si eum conveniat heres, repellitur exceptio-
ne doli mali propter improbitatem suam: improbae pe-
titioni opponitur exceptio doli mali, & improbitas est
non sequi voluntatem testatoris, & quæ indevotio di-
citur, & contumacia, improba petitio est, quam inten-
dit heres contra judicium defuncti. Idemque erit, si he-
res conveniat fidejussorem debitorem testamento libera-
ti, quia quia fidejussore petit, vi ipsa a debitore petit,
l. adversus, de recep. qui arbit. Debitor fidejuss. qui coactus
est solvere, tenetur actione mandati, ut refundat quod
solvit, l. si quis reum, in princ. de liber. leg. Igitur si nulla
sit actio mandati fidejussori, ut si donandi animo fide-
jussit, aut si in rem suam fidejussit, ut l. si qui reum,
vel si pro invito fidejussit, l. si pro te, mandat. vel si
jussu testatoris, ut in specie legis tribus, de usufr. ear.
rer. quæ us. consum. his casibus, quibus fidejussori, qui sol-
vit, non competit actio mandati, non est regressus sive
evaporat, adversus reum principalem: dicimus exceptio-
nem doli non prodesse fidejussori, quæ prodesset tamen
reo, si conveniretur, l. quod dictum, de pact. Nec enim
his casibus, qui a fidejussore petit, a reo vi ipsa petit,
quia ad reum non est fidejussori regressus. Idem etiam
erit, si sit actio mandati, sed testator nominatim ca-
verit, ut duntaxat a debitore non peteretur a fidejuss-
ore.

Tom. IV.

fore peteretur: neque enim omnino inutile est legatum
aut fideicommissum, licet fidejussor adversus debitorem
regressum habiturus sit, cum, & simile pactum, ut dun-
taxat a reo non petatur, non sit inutile, l. nisi hoc
actum, de pact. Utilitas in eo est, quia forte debitoris
interest fidejussori potius solvere, quam creditori, vel
heredi creditoris. Et hoc est quod attinet ad initium h.l.

Ad §. i.

Ex duobus fidejussoribus heredibus, si per errorem al-
ter solidum exsolvat, quidam putant habere eum condi-
tionem, & ideo manere obligatum coheredem. Cessante
quoque conditione durare obligationem coheredis probant,
propterea quod creditor, qui dum se putat obligatum,
partem ei, qui ratum dedit, exsolverit, nullam habebit con-
ditionem. Quod si duo fidejussores accepti fuerint, verbi
gratia in viginti, & alter ex duobus heredibus alterius
fidejussoris totum creditori exsolverit: habebit quidem de-
cem, quæ ipso jure non debuit, conditionem: an autem &
alia quinque millia repetere possit, si fidejussor alter sol-
vendo est, videndum est: ab initio enim heres fidejussoris
sive heredes ut ipse fidejussor audiendi sunt, ut scilicet pro
parte singuli fidejussores, qui sunt, conveniantur. Seniorior
& utrior in utroque casu est illa sententia, solutionem
non indebitæ quantitatis non debere revocari, quod etiam
epistola D. Pii significatur in persona fidejussoris, qui to-
tum exsolverat.

SEquitur alia questio in §. i. quæ pertrahitur usque
ad §. ult. Unius fidejussoris & solius duo sunt here-
des, singuli ex causa fidejussionis tenentur non in soli-
dum, sed pro hereditariis portionibus, ipso jure, id est,
ex l. xxi. tabul. quibus res alienum hereditarium dividi-
tur inter heredes pro hereditariis portionibus, l. pacto,
C. de pact. l. 6. C. fam. cret. At finge: unus ex eis heredi-
bus per errorem solidum solvit, qui non debuit nisi
partem hereditariam: si per errorem juris solvit solidum,
qui solvendo pro parte hereditaria se liberare potuisset,
non habet conditionem indebiti, nisi sit ex eis perso-
nis, quibus jus ignorare permittitur, l. cum quis, de jur.
& fact. ignor. Si per errorem facti solidum solverit, for-
te dum putavit, testatorem sibi injunxisse onus exsolven-
di, pro parte sua liberatur, pro parte coheredis habet
conditionem indebiti, quia pro altera parte non tene-
batur, & pro ea parte in coheredem creditori integra est
actio; coheres manet obligatus pro sua parte. Is, qui sol-
vit solidum, & partem, pro sua parte liberatus est: er-
go omnino liberatur ex l. 12. tabul. Imo vero & condi-
tione cessante, id est, si is qui solvit, non condixerit,
quod plus debito solvit, id est, quod solvit ultra portio-
nem hereditariam, coheres ejus pro parte, quæ heres est,
obligatus manet, nec censetur liberatus solutione cohe-
redis ejus, qui totum solvit: quia non communi nomi-
ne solvit, quo casu ipse & coheres proculdubio libera-
retur etiam invitatus, & ignorans, l. solutione, in fi. de so-
lut. nec competeret conditio indebiti, ut Accurs. recte
in l. ex parte, inf. de solut. sed solvit suo proprio nomine,
cum putaret se totum debere. Igitur non liberabit co-
heredem, & sive condixerit, sive non condixerit quod
plus solvit, coheres obligatus manet: & coheredem li-
beratum non esse probat, aut probant hi, quorum sen-
tentiam refert Papin. hoc argumento subtilissimo: Si co-
heres esset liberatus, creditor qui dum putat se plus de-
bito accepisse, & teneri conditione indebiti pro parte
heredis, qui non solvit, si partem reddidisset ei, qui
totum solvit, haberet conditionem ejus partis, quam
reddidit si uterque esset liberatus, non haberet condi-
tionem ejus partis quam reddidit, cum quod plus de-
bito accepit, id ipse jam debuerit, atque ita debitum
reddidit: ergo ille liberatus non est, & pro sua parte
conveniri potest a creditore, licet nihil ab eo creditore
condixerit is, qui totum solvit. Et hoc quidem de
duobus heredibus unius, & solius fidejussoris hic refert
Pap. ex aliorum sententia, quam non improbat.

X x 2

Nunc

tamen videtur lex *fidejussor obligari*, §. i. *hac it.* quæ ait, si-
 dejuſſorem non obligari, ſi reo accepto pure fidejuſſor
 accipiatur cum adjectione loci, ut contigit in hac ſpecie:
 quia ſcil. durior eſt conditio ejus, qui promittit cum adje-
 ctione loci, id eſt, qui certo loco ſe daturum promittit,
 quam ejus, qui pure promittit, quoniam iſ, qui certo loco
 dare promittit, nullo alio loco, quam in quo promittit, ſol-
 vere compelli poteſt invito ſtipulatore, l. 2. §. *idem Julia-
 nus*, C. *l. pen. de eo quod cer. loc.* Fidejuſſoris autem non
 poteſt eſſe durior conditio, poteſt eſſe levior, non du-
 rior, aut deterior. l. bi qui h. t. §. *fidejuſſores*, eod. Inſt. At
 ita reſpondendum eſt ad d. *fidejuſſor*, §. i. Quod ea lex
 ait, verum eſt, ſi alio loco pure reus accipiatur, quam
 quo fidejuſſor ſe daturum promittit, non ſi eodem uter-
 que loco, ut in hac ſpecie uterque promittit ſe daturum
 Capuz, ſed reus præſens, fidejuſſor abſens. Verum modo
 convertamus caſum, quem propoſuimus initio, &
 inveniemus idem juris eſſe & converſo. Finge: Reus
 cum eſſet Romæ, promiſit ſe Capuz pecuniam daturum:
 fidejuſſor autem jam erat Capuz, & Capuz promiſit:
 certe reus non poteſt conveniri ſtatim, ſed neque fi-
 dejuſſor. Neque priore igitur caſu, neque poſteriore fi-
 dejuſſor poteſt conveniri ſtatim, ſed obligatio dilationem
 capit: priore caſu ex perſona fidejuſſoris: & poſteriore
 ex perſona rei, obligatio, inquam, utriuſque. Nec rurius
 obſtat huic parti, quod reo accepto ex die, fidejuſſor
 pure acceptus non obligatur ei, d. §. *fidejuſſores*: ne con-
 tra juris formam in duriorē cauſam obligetur: Nam
 hoc verum eſt, ſi reus ex certo die acceptus ſit nomi-
 natim, fidejuſſor præſentis die: non ſi in eodem quique
 loco ſe daturum promiſerit, ut in hac ſpecie, ſed reus
 abſens ab eo loco, fidejuſſor præſens. Eſt enim utilis fi-
 dejuſſio, licet fidejuſſor non teneatur, antequam reus
 teneri cœperit, id eſt, antequam præterierit tempus,
 quo reus pervenire Capuam potuit, cum & futuræ obli-
 gationi fidejuſſor poſſit adhiberi, l. 6. hoc tit. Et in prio-
 re caſu ſi fidejuſſor fuerit Romæ, reus Capuz, cur ſta-
 tim non teneatur fidejuſſor, exemplo ſcilicet rei? quon-
 iam & reus, ſi Romæ fuiſſet, non teneretur ſtatim, ut
 ait Papin. Et in ſumma concludit, utroque caſu fidejuſſo-
 rie obligationi inefſe tacitum tempus. Priore caſu, ſi
 fidejuſſor fuerit Romæ, reus Capuz, inefſe tacitum tempus
 ex perſona fidejuſſoris: Poſteriore caſu, ſi fidejuſſor
 Capuz fuerit, reus Romæ, inefſe tacitum tempus ex per-
 ſona rei. Quod quidem utriuſque obligationem mora-
 tur atque ſuſpendit: alioqui priore caſu eſſet inutilis
 fidejuſſio, quaſi fidejuſſore accepto in duriorē cauſam:
 eſt enim durior cauſa ejus, qui promittit cum adjectione
 loci, d. §. *fidejuſſor obligari*, §. i. Et fidejuſſor inutiliter
 accipitur in duriorē cauſam: Ergo rapienda eſt occa-
 ſio, quæ utilem facit potius quam inutilem obligatio-
 nem: & portio utilis erit obligatio fidejuſſoria, ſi dixeris,
 eam obligationem diſferri in tempus, quo fidejuſſor Ca-
 puam pervenire poſſit. Quidam negabant priori caſu
 comparandam eſſe poſteriore obligationem priori. Com-
 parat Papin. priorem poſteriori, utroque caſu fidejuſſorem
 non poſſe ſtatim conveniri: alii non admittebant hanc
 comparationem: Nam poſteriore caſu facile admittebant
 fidejuſſorem nondum teneri, quoniam nec ipſe reus an-
 te tenebatur, qui Romæ promiſerat ſe Capuz daturum.
 Priore autem fidejuſſorem dicebant conſeſſum teneri,
 quoniam & reus conſeſſum teneretur, qui præſens Ca-
 puæ promiſiſſet. Quod ita eludit Papin. ut dicat non
 magis priore, quam poſteriore caſu ſtatim conveniri fi-
 dejuſſorem poſſe: neutro igitur poſſe, quoniam ei in
 priori caſu eadem intervenit ratio, quæ in poſteriori,
 quæ eſſicit ne teneatur fidejuſſor, quoniam, inquit, *ne-
 reus ſi Romæ fuiſſet, teneretur ſtatim*. In qua eluſione
 Papin. eſt capto evidens, & ſi animadvertimus ſubtili-
 tatem ingenii, Papiniano exiſtunt nonnunquam *zæmoro-
 phia*, id eſt, captiones quedam. Captio hic eſt evidens,
 quoniam quod poſteriore caſu dictum ſimpliciter, non
 ſtatim teneri reum, qui Romæ promiſit ſe daturum
 Capuz, id Papinian. in priore caſu adiſumt conditionali-

ter, non teneri reum, ſi Romæ fuerit. Sed tamen uti-
 lior eſt Papin. ſententia, & tenenda omnino, quoniam
 commodius eſt ita accipi, quo ſtipulatio magis valeat,
 quam pereat, & æquum eſt etiam priore caſu ex perſo-
 na fidejuſſoris, eum qui Romæ promiſit, ſe Capuz da-
 turum, habere rationem taciti proprii temporis, quo
 Capuam ire fidejuſſor poſſit. Et in illam locum, *nec ad
 rem pertinere*, ut res ſit dilucidior, velim vos notare,
 quod notavit Rogerius, nihil atinere, quo magis, in-
 quit, fidejuſſor conveniri poſſit, in priori caſu ſtatim
 quam in poſteriori, id eſt, ut ſentit Accuſ. non eſſe
 differentiam inter primum & ſecundum caſum. Et in
 illum locum: *nam e contrario*, idem Rogerius ita notat,
 & eleganter eorum objectis reſpondet: qui primum ex-
 ſum ſecundo comparandum inſciabatur, facilis hic
 ſ. ita videbitur, ſi reus principalis cum eſſet Capuz, Ca-
 puæ promiſerit certam pecuniam, fidejuſſor autem, qui
 pro eo interceſſit, cum eſſet Romæ, promiſerit ſe eam
 pecuniam Capuz daturum: reus quidem, qui jam eſt
 Capuz, ſtatim conveniri poteſt, fidejuſſor autem ex ſen-
 tentia Papin. ſtatim conveniri non poteſt, quoniam ha-
 benda eſt ratio taciti proprii temporis, quo fidejuſſor
 Capuam pervenire poteſt. Ergo licet reus ſtatim teneatur
 & conveniri poſſit, tamen fidejuſſor conveniri non
 poteſt. E contrario, ſi principalis reus cum eſſet Romæ
 promiſerit ſe Capuz daturum, fidejuſſor autem cum jam
 eſſet Capuz, Capuz promiſerit, hoc caſu, non poterit
 etiam fidejuſſor Capuz conveniri ſtatim, quoniam & fi-
 dejuſſoria obligationi inefſe tacitum tempus ex perſona
 rei. Denique fidejuſſor, licet jam ſit Capuz, & Capuz
 promittat pure, non tenetur ſtatim, quoniam nec reus
 tenetur ſtatim, & priore illo caſu fidejuſſor etiam non
 tenetur ſtatim, licet reus teneatur ſtatim: quod tamen
 quidam non admittebant. Sed eorum ſententiam impro-
 bat Papin. hac ratione, quoniam ſi dixeris, priore illo
 caſu fidejuſſorem conveniri poſſe conſeſſum, ut reus
 principalis poteſt, qui jam eſt Capuz, inutilem effices
 fidejuſſoriam obligationem, quaſi fidejuſſore accepto in
 duriorē cauſam. Quærebam, cur videretur acceptus in
 duriorē cauſam? & dicebam, quoniam durior eſt cau-
 ſa ejus, qui promittit cum adjectione loci, qualiter fi-
 dejuſſor promiſerat ex l. *fidejuſſor obligari*, §. i. *de fide-
 juſſ. male*, & jam ante bene explicaveram d. *fidejuſſor*,
 hoc modo: Si priore illo caſu fidejuſſor tenetur ſtatim
 ſicut reus, qui jam eſt Capuz, durior eſt ejus cauſa quam
 rei: nam ſi reus Romæ eſſet, non conveniretur ſtatim:
 fidejuſſor Romæ eſt, & vis eum conveniri ſtatim: durio-
 rem igitur conditionem ejus facis contra regulas juris,
 atque ita ſecundum regulas juris, inutilem facis fidejuſ-
 ſoris obligationem: in perſona rei habetur ratio taciti
 proprii temporis, & ſi vis fidejuſſorem ſtatim conveniri
 qui Romæ eſt, necdum Capuam pervenit, aut perveni-
 re ſubito poteſt, non habes in perſona fidejuſſoris ratio-
 nem taciti proprii temporis, ergo duriorē ejus cauſam
 facis. Denique inutilem fidejuſſoris obligationem facis.
 Id accipiamus, quod utilem potius quam inutilem obli-
 gationem fidejuſſoris faciat: melius eſt conſtituere ge-
 neraliter fidejuſſoria obligationi inefſe tacitum tempus,
 non tantum ex perſona rei, ſed & fidejuſſoris. Ego
 nolui hoc diſſimulare, & miror, quod nemo hoc ani-
 madverterit, & reprehenderit.

JACOBI CUJACII J.C.
 COMMENTARIUS

In Lib. XXVIII. Quæſtionum ÆMILII PAPINIANI.

Ad L. III. de Condiſt. indeb.

Idem eſt eſt ſi ſolutis legatis nova & inopinata cauſa hereditatem abſtulit: veluti nato poſtumo, quem heres in uero fuiſſe ignorabat: vel etiam ab hoſtibus reſerſo filio, quem pater obſiſſe falſo præſumpſerat: nam utiles actiones poſtumo, vel ſi-

in, qui hereditatem evicerat, dari oportere in eos, qui legatum perceperunt, Imperator Titus Antoninus rescripsit: scilicet quod bona fidei possessor in quantum locupletior factus est teneatur: nec periculum huiusmodi nominum ad eum, qui sine culpa solvit, pertinebit.

ERIT breve initium, sicut omnia debent esse initia, nam & cepisse multum est. Condicio indebiti, vel est directa, vel utilis: Directa datur ei, qui solvit indebitum. Quid est conditio indebiti? solutionis non debite quantitatis, vel rei revocatio. Conditio indebiti revocat solutionem non debite quantitatis. Utilis autem datur etiam nonnumquam ei, qui non solvit, adversus eum, qui ab alio solum accepit, ut si heres scriptus testamento, vel nuncupatus, legata aut fideicommissa solverit testamento relicta, & postea apparuerit falsum testamentum fuisse, vel ruptum mutatione, vel irritum capitis deminutione, vel si rescissum fuerit querela inofficiosa, atque ita si apparuerit indebita fuisse legata vel fideicommissa: Nam res iudicata contra testamentum, etiam legatarii nocet, l. 3. de pignor. Legatorum solutorum conditio competit heredi legitimo, qui ab herede scripto hereditatem abstulit & evicit. Competit igitur ei, qui non solvit, utilis, l. 2. §. ult. hoc tit. l. Papinian, §. ult. de inoffi. testam. Atque ita evenit, ut est scriptum in l. 5. hoc tit. ut quod alius solvit, alius condicat, ut quod solvit heres scriptus, condicat heres legitimus evicta hereditate. Idem subjicitur in l. 3. ex Papin. & si solutus legatis, nova & inopinata causa hereditatem abstulerit: nova & inopinata causa, id est, improvisus casus, ut ipse ait in l. militis, §. miles insuper, de milit. test. ut puta, si post solutionem legatorum ruptum fuerit testamentum agnatione postumi, quem heres qui solvit legata ignorabat esse in utero uxoris testatoris. Testamentum ruptum duobus modis, mutatione testamenti, & agnitione sui heredis, qui neque institutus sit, neque ut oportet exheredatus, id est, qui sit prateritus silentio. Et de testamento rupto mutatione est lex 4. itemque l. 2. hoc tit. Et est emendanda glossa l. 2. ad verbum, ruptum, ut per secundum tabulas, inquit, legendum, ut per secundum testamentum. De testamento autem rupto agnatione sui heredis est l. hoc 3. veluti agnatione postumi testamento prateriti: huic postumo, qui evicerit hereditatem, dabitur conditio legatorum solutorum, licet ea ipse non solverit, sed scriptus. Et idem erit, si post solutionem apparuerit injustum fuisse testamentum. Injustum proprie dicitur, in quo filius est prateritus, non dico postumus: Nam ejus prateritio non facit injustum testamentum, sed rumpit. Prateritio filii ab initio facit injustum testamentum. Finge: filius captus est ab hostibus: pater falso præsunt eum obisse apud hostes, & eum omittit testamento, & alium heredem scribit: heres solvit legata, post revertitur filius: videtur injustum fuisse testamentum ab initio, quia filius retro creditur in civitate fuisse, & ita injustum dicitur in l. 6. §. sed si pater, de inoffi. rup. Porro his casibus conditio solutorum legatorum datur ei qui postliminio reversus est, atque etiam postumo, qui hereditatem evincit, conditio utilis, & directa etiam ei datur ex cessione heredis scripti, qui solvit, l. quod si in diem, §. ult. de peti. hered. Et ita frequenter in iure, ubi est ex cessione directa actio, sine cessione competit utilis, l. 1. §. nunc tractemus de tut. & rat. l. ex legato, C. de leg. Hoc vero casu & ceteris, quos posuimus, heres solvit legata bona fide, & sine culpa, culpa ei nulla potest imputari: Ponamus igitur, eum legata solvisse bona fide de hereditate ipsa. At post quaeremus de suo solverit-ne, an ex hereditate: heres tenetur petitione hereditatis postumo vel filio, in hoc tantum, ut cedat conditionem indebiti, nec tenetur in amplius quicquam, nec si hi, qui legata perceperunt, solvendo sunt: si egeri sunt, & inopes, qualicumque cessio actionis, etiam si inanis, propter inopiam reorum, pro satisfactione est, l. ult. de admin. tut. l. Titio fundus de cond. & demonst. Ergo liberatur heres scriptus ce-

Ad dendo conditionem indebiti, si ea sit inanis, si ea sit efficax, quia scilicet qui bona fide possidet hereditatem pertinentem ad alium, tenetur tantum in quantum locupletior factus est: non ergo tenetur in legata, quae erogavit & distribuit bona fide, secutus scripturam testamenti. Et hoc est ex Senatusconsulto de pet. hereditatis, ut qui bona fide possidet hereditatem, in id tantum teneatur, quo factus est locupletior. Senatusconsultum illud appellatur Hadrianum in l. quod si possessor, de peti. hered. Senatusconsulto Hadriano bonae fidei possessor neque lucro, neque damno afficitur. Igitur periculum rerum puta legatorum indebiti solutorum, ad eum non pertinet, si qui ea perceperunt, conventi, non sunt ea reddituri propter inopiam: & sufficit qualicumque cessio conditionis indebiti, quia etiam omnia dabitur utilis postumo vel filio revere ab hostibus. Recte posui heredem scriptum bona fide solvisse. Nam si solverit mala fide etiam si solverit ante controversiam motam, ut ponendum est, nam post controversiam bona fide non potest solvere, puta sciens, in qua causa esset testamentum, sciens vitium testamenti, non liberatur cedendo conditionem indebiti: non semper cessio aut delegatio pro solutione est, sed omnimodo tenetur, atque si nec solvisset, quia dolo deficit possidere, & dolo prateritus venit in petitionem hereditatis. Et hoc ostenditur in l. 17. §. ult. de peti. hered. & nos exposuimus latius in lib. 20. in l. si patroni, §. ult. ad Trebel. Igitur, si post controversiam motam de hereditate, heres solverit legata, quia mala fide solvit, id ei imputatur, & venit in petitionem hereditatis in solidum: cum etsi ante controversiam motam dolo fecerit, id veniat in eandem actionem. Igitur cogetur praestare affirmationem litis, & heredi legitimo non est necessaria conditio indebiti, cum petitione hereditatis sit consecutus pretium legatorum solutorum post litem contestatam. Vix etiam dabitur conditio heredi scripto, quia sciens solvit, & qui sciens solvit, donare videtur. Donati autem non est repetitio, & valet ea Donatio, si (quod pauci animadvertunt) non excedat legitimum modum, puta 300. aureos, & non intervenierit infinuatio. Nam si excedat, & non intervenierit infinuatio, hac solutio, quae pro donatione est revocari poterit. Et haec omnia comprobantur in d. l. Papin. §. ult. & l. militis, §. miles, de milit. testam. & l. 4. §. pen. si cui plus quam per leg. Falcid. A Papiniano adducitur rescriptum D. Antonini: is est D. Pius, qui & D. Hadrianus dicitur, adeo ut possit tentari in l. 2. & 4. h. r. rescriptum, quod assuit Ulpian. & Paulus esse D. Pii. Et haec, ut initio posui, si heres scriptus legata solverit de hereditate. Quid si ea solverit de suo? sane hoc casu ei heredi scripto competit conditio indebiti: non competit legitimo per petitionem hereditatis, nam hereditatem totam, cum nec deminuerit solutionem legatorum, nisi scilicet legatario cedatur conditio indebiti ab herede scripto, qui de suo legata solvit bona fide: & cedi debet heredi legitimo, si heres in iudicio petitionis hereditatis auctori velit reputare legata, quae de suo solvit bona fide, & ea retinere ex hereditate, quod utique potest, si malit uti retentione quam conditione indebiti, adversus eos, qui legata perceperunt, forte quia non sunt solvendo, uteretur retentione ejus quod solvit de suo, & cederet qualem qualem conditionem indebiti: Potest, inquam, heres reputare legata, quae solvit de suo, quia scilicet ea bona fide solvit, licet revera fuerint indebita ex scriptura testamenti: Excusatur qui solvit ex scriptura testamenti, iusta ratione motus, sicut qui solvit ex condemnatione, l. 2. §. solut. de hered. vend. Hoc potest reputare evincen- ti hereditatem. Alia prorsus indebita, quae solvit neque motus scriptura, neque condemnatione, neque ulla ratione iusta, non potest reputare auctori, quia temere ea solvit. Et ita accipienda est lex item veniunt, §. sed si Senatus de pet. hered. & d. §. solut. alioqui pugnaret cum l. quod si possessor, quae rem hanc etiam evidenter explicat de herede scripto, qui bona fide ex suo solvit legata aut fideicommissa.

Ad L. LXVI. de Evictionib.

Si cum venditor admississet emptorem, ut Publiciana potius, vel ea actione, quæ de fundo vectigali propo-
sita est, experiretur, emptor id facere superstitit, omni-
modo nocere ei dolus suus, nec committetur stipulatio. Non
idem in Serviana quoque actione probari potest: hæc enim
est in rem actio est, nudam tamen possessionem advocat,
& soluta pecunia venditori, dissolvitur: unde fit, ut em-
ptori suo nomine non competat.

Sciendum est, stipulationem duplæ, qua emptor sibi a
venditore cavet evictionis nomine committi, id est,
ex ea agi posse, non tantum, si possidenti emptori res
judicio evicta sit, sed si etiam emptor ex possessore pe-
titor factus sit, casu aliquo amissa possessione sine culpa
sua, & victus fuerit, l. 1. §. 1. hoc tit. Secus est, si culpa
aut sponte emptoris possessio amissa sit, l. si rem quam
§. 1. h. tit. quæ hæc culpa, culpa ei obesse debet, neque
etiam intervenire oportet culpam venditoris, qui rem
adhuc habet in potestate sua: habere enim est posside-
re, & stipulationis hujus formula hæc, habere recte lice-
re, aut duplam præstare. Item fecus est, quod ostenditur
initio l. h. si initio, cum vellet emptor rem petere, cuius
possessionem amiserat sine culpa sua, a venditore admo-
nitus fuerit, ne eam peteret directâ vindicatione, sed
Publiciana, aut vectigali, id est, emphyteuticaria, quæ
proponitur in tit. si ager vectigalis, id est, emphyt. petatur,
si admonuit, his iudiciis superiorem eum fore, directâ
vindicatione inferiorem, & tamen emptor voluerit agere
directâ vindicatione, nec admonitioni venditoris audiens
fuerit, atque ita superatus sit absolutio possessore, a quo
rem peterat. Nant hoc quoque casu, non committitur
stipulatio duplæ ob evictionem, quia victio suo litem ami-
sit dolo malo utens actione incognita, contra quam
admoneretur a venditore, quo magis vinceret, & vendi-
torem sibi obstringeret evictione duplæ, quod rationem
summam habet. Idem etiam erit, si ab initio emptor non
fuerit admonitus a venditore, sed ipse emptor ultro age-
rit directâ, & victus fuerit, ac postea admonitus nolue-
rit agere Publiciana aut vectigali. Nam quod notandum,
victio in proprietatis iudicio, non obstat exceptio rei judica-
tæ, si postea agat Publiciana, quæ est utilis prætoris, aut
vectigali, quæ de agro emphyteuticario proponitur. Et
hoc esse verum aperte ostendit lex minor, §. si servus, h.
r. Quamvis Accursius, id eo loci frustra revocet in dubium:
nihil enim adfert quod quenquam in dubium plane vo-
cet. Et hujus sententiæ ratio est evidentissima, quia alia
est causa Publicianæ, alia civilis & directæ vindicationis.
Si alia est causa, ergo, qui una non obtinuit, non prohibe-
tur venire postea ad alteram: civilis & directæ vindica-
tionis causa est proprietas: Publicianæ iusta possessio: vec-
tigalis, jus emphyteuticum. Diverse igitur sunt harum
actionum causæ, ergo alia aliam non elidit, in l. & eadem,
de except. rei jud. Cum queritur, an obstat exceptio rei
judicata, videndum est, an eadem sit causa petendi denuo.
Nam si sit eadem, obstat exceptio: si sit alia, nihil ob-
stat, & querenda causa actionis proxima, ut ait lex, cum
de hoc, id est, except. rei jud. ut Aristot. monet in 8. cap. 4.
Metaphysicor. semper esse querenda ad hypotyposin actus, id
est, proximas causas, & eam esse proximam causam, quæ
rei est propria, ut propria causa vindicationis est domi-
nium: Publicianæ bonæ fidei possessio, quam prætor ruge-
tur perinde ac proprietatem si amissa sit casu quodam.
Ergo ita concludamus: sive initio sive postea admonea-
tur emptor a venditore, ut agat potius Publiciana, aut vec-
tigali, quam directâ, & admonitioni locum non reli-
querit, sed egerit directâ, & succubuerit, non committitur
stipulatio duplæ. Additur hoc loco a Papiniano, non
idem esse dicendum, si venditor, cui ea res erat pignera-
ta, nec ullum aliud jus habebat, admonuerit emptorem
ut ageret Serviana, id est hypothecaria: nec enim ideo
minus committitur stipulatio duplæ, etiam si admonitio-
ni emptor non paruerit, quia recte agere non potuit
suo nomine actione Serviana: si non poruit suo, nec alte-

A rius igitur nomine. Competit enim ei tantum, in cuius
persona pignus constitutum est, nec transit in emptore-
rem: dominium transit in emptorem: vel quod dominio
simile vel proximum, veluti jus vectigale, superficiarium
jus, jus bonæ fidei possessoris quod parit Publiciana: non
transit jus pignoris in emptorem, transeant actiones in
rem, quæ non avocant nudam possessionem, sed domi-
nium vel quasi dominium. Actio serviana est quidem
in rem, l. pignoris, de pign. quæ personam non obligat,
sed sequitur rem pignoratam, l. 2. C. si unus ex plurib. he-
red. sed nudam possessionem advocat, non jus aliquod sta-
bile & perpetuum, quod sit dominio simile: nam & so-
luta pecunia dissolvitur obligatio, & actio Serviana, l.
evictis autem, hoc tit. Quam quidem pecuniam debitam,
ut dissolvatur obligatio, solvi oportet venditori, non
emptori, ex eo satis apparet, venditorem solum posse
experiri actione Serviana, nondum sibi soluta pecunia,
non etiam emptorem. Ergo non est quod imputet ven-
ditor emptori, si monitus non egerit Serviana, qui nec
potuit: & ideo si non obtinuerit, habet regressum adver-
sus venditorem ex stipulatione duplæ. Alia igitur est pos-
sessio nuda, alia conjuncta dominio aut veluti dominio,
aut brevis, conjuncta juri perpetuo: jus hypothecæ
non est perpetuum, quod solutione dissolvitur, & alio
genere, quod sit solutionis vice.

Ad §. I.

Si is, qui republicæ causa abisset, fundum petat,
utilis possessori pro evictione competit actio. Item si priva-
tus a milite petat, eadem æquitas est emptori restituenda
pro evictione actionis.

IN §. I. ostendit stipulationem duplæ committi non
tantum si iudicio ordinario, & iustata actione res
emptori evicta sit, sed etiam si evicta sit iudicio extraor-
dinario, puta per restitutionem in integrum, quod est
auxilium extraordinarium, l. in causa, ff. de minor. Finge-
rendi rem militis vel alterius, qui aberat Reip. cau-
sa, vel captivi: nam & hujus eadem est conditio: &
emptori cavi duplam, & milite vel alio abente non-
dum revere, res ea ab emptore qui eam bonâ fide pos-
sederit usucapta est: usucapione precepta est militi actio
in rem, emptori precepta est stipulatio duplæ, quia
jam factus est dominus rei, l. qui alienam, in prin. hoc
tit. At revere milite restituitur actio in rem, rescissa usucapione
ex edicto ex quibus caus. major. Ergo æquum est,
etiam emptori restitui stipulationem duplæ, sive alio-
nem pro evictione per eundem prætorem, quæ dicitur
utilis actio, quia est restitutoria, ut in l. minor, in prin.
hoc tit. omnis actio rescissoria vel restitutoria est utilis.
Idem vero evenit a contrario, si quis militi vendiderit
rem alienam, quem constat abesse Reipub. causa, rem
alienam privati hominis, inquit, id est, pagani: priva-
tus opponitur militi hoc loco: & miles cum abesse nec
defenderetur, usum eam ceperit: Nam privato, cuius res fuit
in militem, cum reversus erit, datur actio rescissoria, quæ
rescindit usucapionem, & restituit privato, id est, pagano
actionem in rem. Ac proinde etiam militi in venditorem
restituatur actio ex stipulatione duplæ: ob evictionem,
quam usucapio peremerat: & hæc est sententiâ hujus §.
ex quo intelligitur tam militi in privatum, quam priva-
to in militem dari actionem restitutoriam ex illo edicto
ex quib. caus. majores, quod probatur l. 1. l. item ait præ-
tor, ex quib. caus. major l. non quocunque, §. ait, de leg. 1.
l. 18. C. de captiv. & possim. Et ratio dandæ actionis ex
utroque latere est in l. 29. ex quib. caus. major. ne cui mili-
tia vel damno vel compendio sit: compendio, in perniciem
alterius scilicet. Et non est ferendus in terpres quin-
dam, qui negat dari rescissoriam militi in privatum: in
§. rursus Instit. de act. qui est de hac actione, datur tan-
tum privato in militem hæc actio. Sed non ex eo sequi-
tur, denegandam esse militi in privatum, quod supra dd.
ll. demonstrant, ut & hæc. Et quod est stultius, idem ne-
gat, actionem rescissoriam esse restitutoriam, id est, ne-
gat remedio actionis rescissoriæ in integrum restitui eam,
cujus

cujus res usquepacta est. Nam si ita est, titulus ergo, ex quib. caus. major. nihil pertinet ad causam restitutionis, quod falsum est, l. i. C. de restit. in integ.

Ad §. Pen. & ult.

Si secundus emptor venditorem eundemque emptorem ad litem hominis dederit procuratorem, & non restituito eo damnatio fuerit secuta; quodcumque ex causa iudicati praestiterit procurator, ut in rem suam datus, ex stipulatu consequi non poterit, sed quia damnus evictionis, ad personam pertinuit emptoris, qui mandati iudicio nihil percipiturus est: non inutiliter ad percipiendam litem estimationem agitur ex vendito.

Si i. Divisio. inter coheredes facta si procurator absens interfuit, & dominus ratam habuit, evictis praediis in dominum actio dabitur, quae daretur in eum, qui negotium absens gessit: ut quanti sua interest, actor consequatur scilicet ut melior aut deterioris agri facti causa, finem praestit, quo fuerat tempore divisionis estimatus, deminuat, vel excedat.

Sequitur altera pars huius legis, quae continet etiam duas quaestiones. Et ad primam, quae proponitur in §. pen. sciendum est, in stipulationem duplam, quae interponitur evictionis nomine, inter cetera ita emptorem exagere sibi & stipulatori, si ea res a me petita eris, tum de ea re agenda adesse, & litem recte defendere, ubi denuntiaturum eris spondes? spondeo: secundum quae verba emptor, a quo res petitur, debet denuntiare venditori, ut de ea re agenda addit: debet, ut brevius dicam sermone nostrorum auctorum, laudare auctorem: denuntiare venditori est laudare auctorem, sinner son garant, a ce qu'il prenne le fait en main: & in l. qui absens, de procur. pulsare a venditore, ut ab eo defendatur, l'appeller a ce qu'il prenne la garde pour lui. Hoc est laudare auctorem, & laudare, est nominare, eique denuntiare. Alioquin omnia denuntiatione emptor re evicta agere non potest de evictione, l. si fundo §. ult. hoc tit. l. §. C. sed. tit. nisi pacto remissa sit denuntiandi necessitas, l. Herennius h. tit. Et notandum eam denuntiationem quocumque tempore fieri posse, l. si rem quam §. ult. b. tit. Quocumque tempore, est vel ante litem contestatam, vel post, pendente iudicio, necdum finito. Et hoc est, quod vulgo dicitur, sommation de garantir est perpetuelle, dummodo non fiat prope sententiam, re perducta prope ad condemnationem, quia sane fit tum interemptive: post denuntiationem non debet venditor, qui auctor laudatus est, defugere auctorem suum: il ne doit point de faillir en garant, sed liti adfistere, adesse, rem defendere, & instruere debet, quia de re memini, me planius tractare ad Afric. in l. 24. h. tit. vel ipsemet venditor debet litem agere mandatu emptoris, quo genere fit procurator in rem suam. Nam ea lis non minus est venditoris quam emptoris, sed emptoris principaliter vocati, ad iudicium iurum: & venditoris, quia est procurator in rem suam. Ideo si venditor, qui litem agit mandatu emptoris, condemnatur in estimationem ejus, quo de agitur, forte dum non restituitur res, quam actor ab emptore vindicat secundum denunciationem, l. qui restituere, de rei vind. si inquam, condemnatur in litem estimationem, & solvat, non habet actionem mandati adversus emptorem, ut consequatur litem estimationem quam solvit procuratori in rem suam, non datur actio mandati, ut fideiussori in rem suam, l. si quis rem, §. x. de lib. leg. Atque ita hoc casu, cum emptori neque res abest, neque estimatio, non committitur stipulatio dupla, l. si servus venditus, §. i. h. t.

Quibus praemissis, finge: Primus vendidit servum Secundum, & cavet de evictione interposita stipulatione dupla: post Secundus eundem servum vendidit Tertio, & similiter cavet duplam. Quidam a Tertio secundo emptore eum servum vindicat, Tertius laudat auctorem suum, puta Secundum, cumque ad eam litem procuratorem facit: procuratorem igitur in rem ejus, quia res est venditoris non minus, quam emptoris, cum defensor rei venditori incumbat auctoritatis nomine: egit igitur eam litem Secundus, qui vendiderat Tertio, a quo homo

vindicabatur, & non restituitur is, homo arbitrio iudicis. In vindicatione sunt duae clausulae, ut fere in omni actione arbitraria, una est de restitutione, altera de condemnatione in litem estimationem, id est, quanti adversarii interfuit, vel quanti adversarius in litem juraverit, in quantum litem juratus ipse aestimaverit, d. l. qui restituere. Sunt duae quodammodo sententiae: si pareatur primae, res finita est: si non pareatur primae, transitur ad secundam, & clausulas illas vocat Afconius in pre-tura Siciliensi, stricti juris observationes: quia igitur Secundus non restituebat servum, non parebat praepcepto iudicis jubentis restituere, Secundus ex condemnatione litem estimationem subit & solvit Primo, quia in eum competit actio iudicati, cum non in rem alienam, sed in suam factus sit procurator, l. 4. de re jud. Si effect in rem alienam, actio iudicati daretur in dominum, non in procuratorem. Et eadem ratione, ut diximus supra, quod solvit Secundus, actione mandati a Tertio, qui ipse rem vendiderat, & ejus nomine litem suscepit, ac peregerat, recipere non potest. Et in hoc §. additur, quod plus est, etiam Secundum non habere regressum adversus Primum auctorem suum, scilicet stipulatione dupla, ut consequatur quod solvit ex causa iudicati, quia scilicet id non praestitit suo nomine, sed procuratorio, alioquin suo nomine emptore condemnato in litem estimationem, committeretur stipulatio dupla, perinde atque si res ablata fuisset, quia & ablata ea res fuisset, nisi litem estimationem suffulisset: & jam emptor, qui litem estimationem suffulit: rem habet, non ex prima emptione, sed ex secunda, id est, ex litem estimatione, l. 16. §. i. & d. l. si servus, §. i. h. t. quia litem estimatio est similis emptioni. Cessat igitur actio ex stipulatu, quod iudicatum fecerit Secundus, non suo nomine sed procuratorio: verum non cessat tamen actio ex empto: nam aequitas & bona fides, quae in hoc iudicio maxime observatur, postulat, ut & litem estimationem, quam non suo nomine praestitit, ab auctore suo id est Primo, consequatur, quia omne damnum evictionis ad eum pertinet, non ad emptorem secundum, a quo nihil potest percipere actione mandati, qui procurator fuit in rem suam. At actio ex vendito venditori, ex empto emptori proprie datur: sed haec appellationes nonnunquam permiscuntur, ut hoc §. pen. quae datur emptori ob evictionem: dicitur ex vendito. Et in causa huius promissum usus hoc est, quia integra oratione, quae datur actio emptori vel venditori, dicitur ex empto vendito, vel ex vendito empto, l. nullum, de hered. vend. l. est uno, de act. emp. & apud Varronem secundo de re rustica. Adeo ut non male emptor dicatur agere ex vendito, cum agat ex empto vendito, vel retro. Sic igitur videmus in specie ejus §. deficiente actione ex stipulatu ob evictionem, non deficiere actionem ex empto, quod accidit in specie legis 24. h. tit. Et in alia specie, quam tractavimus in l. 6. de serv. export. Et in plerisque aliis casibus a me notatis ad eundem Papin. lib. 23. in l. 73. de leg. 2. Et mox in §. ult. huius legis: deficiente actione ex stipulatu ob evictionem, non deficit tamen actio ex empto, vel potius non competit actio ex stipulatu evictionis nomine in id, in quod competit actio ex empto. Et sciendum evictionis nomine actionem dari, non tantum ex emptione venditione, sed etiam ex permutatione, l. i. & 2. de rer. permu. Quia permutatio est similis emptioni. Ergo & ex divisione hereditatis: nam divisio hereditatis inter coheredes fit mutua partium permutatione, l. cum pater, §. hereditatem, de legat. 2. Quid est divisio? permutatio partium, vel distributio, quae fit vicissim partibus commutatis, quas sociorum quisque habuit pro indiviso, in minimo quoque momento rem, quae communis erit, per divisionem incipies habere pro diviso, nec potes facere partes pro diviso, nisi permutaveris partes pro indiviso, quae fuerunt ante. Nunc fac ita esse: tres sunt coheredes, duo praesentes, & unus absens: praesentes adhibito procuratore, voluntario absens, id est, negotiorum gestore, intervenientes nomine absentis co-

heredis divisionem fecerunt bonorum, eamque divisionem ratam postea habuit absens. Evicta sunt prædia quædam, quæ divisione facta bonorum hereditas obtigerant: evictionis nomine competit actio præter verbum. Nam ex divisione sicut permutatio datur actio præscriptis verbis, similis actioni ex empto, *l. bis consequenter, §. idem quærit, l. si filia, §. si pater, fam. ercise. l. licet, l. si familia, C. cod. l. si fratre, C. comm. ur. judic.* Competit autem in casu proposito actio præscriptis verbis ob evictionem, in procuratorem, qui divisioni interfuit, imo & in dominum competit, prout liberit coheredibus, quia divisionem ratam fecit. Competit autem in hunc vel illum id quod interest, ita scilicet, ut si post divisionem deteriora facta sint prædia, minuat quantitas evictionis, & spectetur quanti sint prædia evictionis tempore, non quanti fuerit divisionis tempore. Et retro si meliora facta sint prædia, ut augeatur obligatio evictionis, & omne lucrum & commodum sit emptoris, non venditoris, ut in *l. 70. h. t. l. Titius, §. ult. l. id quod, de action. emp.* Et hoc est quod ait in fine huius legis, scilicet vel meliori vel deteriori. Nec obstat quicquam lex ex mille, *h. t.* quæ docet, non minui obligationem emptionis, si fundus venditus deterior factus sit, & non augeri, si factus sit melior, in causa evictionis spectari quanti fuerit venditionis tempore. Sed ut Accursius animadvertit, lex ex mille, loquitur de actione ex stipulatu, quæ stricta est, *d. l. 70. & d. l. Tit. & l. id quod, de act. emp.* de actione ex empto, quæ est bonæ fidei, & hic §. ult. de actione ex stipulatu simili actioni ex empto, id est præscriptis verbis, quæ etiam est bonæ fidei, quando datur ex permutatio, vel divisione: Nam ex aliis articulis actio præscriptis verbis est stricta. Et ita apparet differentiam esse constituendam inter actionem ex stipulatu, & actionem ex empto, quod non idem veniat in utraque, cum res, quæ evicta est, deterior aut melior effecta est post divisionem, vel post venditionem, vel permutatorem.

Ad L. V. de Usuris.

Generaliter observari convenit, bonæ fidei iudicium non recipere præstationem, quæ contra bonos mores desideretur.

Generaliter definitur in hac l. bonæ fidei iudicium non recipere præstationem, quæ contra bonos mores desideretur: quæ definitio est certissima & pulcherrima, sed exemplis illustranda. Si ancilla vendita sit ea lege, ut prostituatur, ex ea lege nihil præstatur iudicio empti venditi, si non fuerit prostituta: nec enim posset venditor sine rubore ex ea lege quidquam desiderare. Nam & vindicta rationem actio ex vendito non recipit, *l. 7. de serv. exponi.* Vindicta est contra bonos mores: ius est bonis moribus tuendi se, non ulciscendi, *l. scientiam, §. pen. ad l. Aquil.* Item petitio hereditatis, quæ est bonæ fidei (quod tamen obtinet etiam in rei vindicatione speciali, quæ est arbitraria) non recipit fructus, qui inhoneste percipi poterunt, veluti ex lupanari, domo locata lenoni, perceptos inhoneste recipit, *l. ancillarum, in fi. l. si possessor, de petit. hered.* id est, si ex domo hereditaria possessor alienæ hereditatis inhonestum quæstum fecerit, utique eum restituet, si scilicet quæstus veniet in petitione hereditatis, ne scilicet, ut ait *d. l. si possessor, inhonestam interpretationem adhibita inhonesto quæstu, lucro possessoris cedat, id est, nisi dixeris honestam specie, non esse honestum inhonestum quæstum auferre possessori, ita effeceris, ut inhonestum quæstum apud eum remaneat: huic sane vel utriusque est auferendus, vel si alterutri est dandus, innocentem sane potius quam nocentem, petitori potius quam possessori dandus erit. Ergo in petitionem hereditatis fructus veniunt inhoneste percepti, non etiam, qui inhoneste percipi poterunt. Communiter veniunt percepti & percipiendi, sed percepti qualicumque ratione: percipiendi honesta tantum ratione, *l. fructus non modo, de rei vind.* Atque ita verum est, petitionem hereditatis, non recipere præstationem, quæ extra bonos mores possetur, id est, non imputari possessionem.*

ri quod turpem quæstum non fecerit: sed si quem fecerit, ei auferetur: omne enim lucrum ei auferetur. Item non recipit iudicium bonæ fidei, aut si quod bonæ fidei iudicio est vicinum, veluti actio ex testamento, usuras ex rebus, quæ corpore non quantitate valent: Nam usuras percipiuntur tantum ex quantitatibus, non ex corporibus. Et idem Papin. in *l. 3. §. ult. h. t.*, etiam ait, ex eis rebus usuras non sine rubore desiderari. Hac sententia Papin. loquitur de bonæ fidei iudicio. Quæres, an non idem sit in stricto iudicio? Strictum iudicium non recipere præstationem, quæ contra bonos mores desideretur. Quis non dixerit idem esse in stricto iudicio? Nam & stipulatio concepta contra bonos mores non valet, *l. stipulatio hoc modo concepta, de verb. oblig.* Sed maxime valet in bonæ fidei iudiciis, *il. faut pefer ce mot maxime, id est, principalement.* Sicut dicitur in *l. 1. C. de rescind. vend.* bonam fidem maxime desiderari in contractibus bonæ fidei. Nam desideratur in omnibus contractibus. Nullus est contractus, qui recipiat dolum, qui non infirmetur ratione doli, vel ipso iure, vel per exceptionem, sed maxime observatur bona fides in contractibus bonæ fidei. Et ita dico hanc regulam valere maxime in iudiciis bonæ fidei, & rationibus nostris, & esse regulam sanctissimam juris.

Ad L. XL. Sol. matr.

Post dotem & nuptias contractas stipulatus est pater, filia voluntate divortii facta dotem dari: si conditio stipulationis impleatur, & postea filia sine liberis decesserit, non erit impediendus pater, quo minus ex stipulatu agat: viva autem filia, si agere vult, exceptione submovendus erit.

Sciendum est, patrem qui dat dotem pro filia, initio dandæ dotis ex contingenti pacto posse sibi dotem recipere, citra voluntatem filie interposita stipulatione, *l. avia, C. de iure dot.* id est, recte stipulari initio etiam dotem sibi reddi divortio facto, etiam sine voluntate filie. Ad post dotem datam, & nuptias contractas, cum jam dos filia acquisita est, dos est proprium patrimonium filie, etiam si sit protecta a patre, in cuius est potestate, *l. pater, ad l. Falcid. l. 4. de collat. bon. l. denique, §. ergo, de minorib.* Communis dicitur esse patris & filie in *l. 3. h. t.* Sed certe magis est filie. Et ita in omnibus partibus juris habetur pro proprio patrimonio filiam, sicut castrensium peculium, & quasi castrensium pro proprio filiam. Post, inquam, dotem datam, & nuptias contractas, non rite stipulatur pater divortio facto dotem sibi reddi sine voluntate filie. Adjuncta ejus voluntate, recte etiam eo tempore stipulatur dotem sibi reddi divortio facto, & ei soli competit actio ex stipulatu efficax, sine metu exceptionis etiam viva filia, quæ consentit semel, *l. quotiens, l. si cum dotem, §. eo tempore, l. Titia, h. t.* Hoc est & æquissimum & iustissimum, sed incertum redditur per hanc *l. 48.* quæ vult, patrem, qui filia voluntate stipulatus est, divortio facto dotem sibi reddi, post dotem datam & contractas nuptias, divortio secuto, si agat ex stipulatu summoveri exceptione viva filia. Inutilem igitur esse stipulationem. Et ob eam rem nulla est lex in *h. t.* quæ magis vexarit ingenia interpretum, & inde immensi commentarii in hanc legem, nemine non adumbrante aliquid plerumque ex animi sui sententia, ut eludant sententiam Papiniani, quæ est manifesta tamen, vel ut potius eam transformant. Sed ut ego pridem ostendi ex duobus locis *Basilicorum* deprehenditur mendosus contextus huius legis, & inferendus est articulus, sine, qui vulgo deest. Atque ideo ita legendum, stipulatus est pater sine voluntate filia. Græci præp. *χωρὶς τῆς θυγατρὸς*. Et quod magis est, interpret contextus Basilic. exprimit eleganter formulam exceptionis, quæ repellitur pater, qui viva filia agit, hoc modo: *ἀλλ' εἰ πῶς καὶ τὸν πατέρα καὶ τὸν υἱὸν ἀποκρίνεται ὁ υἱὸς ὡς χωρὶς τῆς θυγατρὸς*: at si non post contractas nuptias male stipulatus es sine voluntate filie. Hac formula eliditur actio ex stipulatu, quam intendit pater viva filia, quia male stipulatus est, non adhibito consensu filie. Sed mortua

tua filia cessabit hæc exceptio, id est, si mortua filia agat pater, & mortua filia sine liberis: nam jure veteri propter liberos erat deductio & retentio certæ partis dotis. Si sunt liberi, non poterit pater ex stipulatu solidam dotem repetere, si superfluit liberos reliquit. Si mortua sit sine liberis, repetet solidam dotem, & morte filiz retro valuisse intelligitur stipulatio.

Ad L. VIII. de Tutel. & rat. dist.

Quamvis jure postliminii tutelam pristinam possit integrare.

A Ppendix est legis 7. superioris, in qua additur, tutelam finiri captivitate tutoris. Igitur fidejussores, qui pro tutore sponderunt rem pupilli salvam fore, recte conveniri ex stipulatu statim atque tutor captus est, ut l. 4. §. si tutor, rem pup. salv. fore. Defensorem quoque captivi, qui ultra paratus est suscipere judicium tutelæ, recte conveniri judicio tutelæ pro captivo. Item curatorem datum bonis captivi, recte conveniri actione tutelæ, quia finita est tutela. Notandum, captivos in litibus procuratorem habere non posse, l. ab hostibus, ex quibus causis major, quia hoc est liberorum hominum proprium, quia lis non potest esse cum servis: defensorem habere possunt qui ultra subeat litem eorum nomine, procuratorem voluntarium habere possunt, qui litem faciat suam. Item, ut ait d. l. ab hostibus, plerumque bonis captivi curator datur, qui sci. intendat, & excipiat omnes actiones: hic curator poterit conveniri actione tutelæ vel defensor, quia finita est tutela, finitur captivitate tutoris, l. si adrogati, de tutel. Alioqui in locum captivi non posset alius dari, quia tutorem habenti tutor non datur, & tamen datur. Et consequenter competit actio tutelæ & actio ex stipulatione, rem pup. salv. fore, quæ ante finitam tutelam non competeret, l. 1. §. si hæc, rem pup. salv. l. 16. hoc t. Finitur, inquam, tutela captivitate tutoris, sed postliminio recuperatur, si tutor ab hostibus advenit. Nec tamen hæc spes postliminii differt actionem ex stipulatu, §. ab hostibus, l. si adrogati, de tutel. Si pater sit captus ab hostibus patria potestas est in suspensio, dominium rerum est in suspensio, §. si ab hostibus, quibus mod. jus patr. pot. l. si. Postliminium dicitur suspensio juris constitutio, l. pen. de suis, & leg. Tutore capto ab hostibus tutela non est in suspensio, sed finitur. Hoc exigit utilitas pupillaris, & finis tutelæ proprium est. Qua ratione & usufructum, qui ante captivitatem fuit captivi, dicere finiri captivitate, quia & usufructus finis est proprium, licet reintegrari speretur postliminio: denique spes postliminii alia suspendit, alia finit. Et ita in hac l. 8. ait Papinian. tutelam captivitate tutoris finiri, quamvis jure postliminii tutelam pristinam possit integrare: hæc scilicet spes non suspendit tutelam, imo finit, & novus tutor datur, qui desinit esse tutor, si alter redeat ab hostibus.

Ad L. II. ut Leg. seu fideic. serv. caus. cau.

Nec si forte velit pastor cavere, neminem amplius peti-
tuum, compellendus erit heres legatum, quod jam filius
petere potest, alii, quam cui debetur, exsolvere.

Sciendum est, in hoc titulo proponi edictum prætoris de stipulatione legatorum servandorum causa, qua se legatariis heredes obstringunt datis fidejussoribus. Et licet nobis formulam stipulationis componere: Quod mihi ex testamento aut codicillis L. Titii dari herive oportet, id quibus diebus L. Titius dari herive voluerit, isdem dari herive, aut quanti res erit tantam pecuniam recte præstari, dolumque malum huic rei promissionique obesse abstinentque esse spondere? spondeo. Stipulatur legatarius, promittit heres: adpromittit fidejussor, quem addiderit heres. Et ait, Quod mihi ex testamento vel cod. codicillis scil. ad testamentum factis: Nam legata non debentur, nisi ex testamento, & edictum loquitur tantum de legatis, sed quia placet hodie etiam in fideicommissis huic stipulationi locum esse,

A l. 1. §. plane, & l. hæc stipulatio, hoc t. quæ quidem fideicommissa ab intestato relinquuntur: ideo etiam ab intestato codicillis, aut epistola aut quocunque alio judicio fideicommissio relicta hæc stipulatio locum habet, l. etiam §. ult. hoc t. Et rursus ait, dari fieri oportet, ut l. 10. hoc t. quæ verbo certum est, id quod oportebit etiam contineri, id est, quæ post debentur ex legati causa, veluti fructus aut usuras ex mora, l. 1. §. bellissime, hoc t. Igitur in formula non est necesse adici, oportet, oportebit. Nam verbum, oportet, etiam futurum tempus complectitur: nam eadem ejus verbi interpretatio fit in actionum formulis, l. 76. §. 1. de verb. oblig. Et hæc stipulatio legatorum instar actionis obtinet. Est enim stipulatio prætoris cautionalis, & omnis stipulatio prætoris cautionalis instar actionis obtinet, & actionem dicit, & hæc genera stipulationum dicit, l. 1. §. cautionales, de prætor. stip. l. actionis, de oblig. & act. l. non solum, rem rat. bab. l. si ambo, §. in stipul. de compensat. Et ita e contrario in actionibus, & consequenter in stipulationibus, ut arbitror, verbum oportebit, etiam id quod oportet, comprehendit. Et licet eodem argumento uti, quo Pomponius in l. verbum erit, de verb. sign. Si, inquit, verbum, est, ex mente scribentis, vel loquentis, non tantum præsens tempus sed etiam præteritum significat, ergo & verbum, erit, non tantum futurum, sed etiam præteritum tempus demonstrat. Eodem igitur modo licebit argumentari, si in actionum & stipulationum cautionarium, quæ ex edicto proficiuntur, formulis, verbum, oportet, non tantum præsens, sed etiam præteritum significat: Ergo in iisdem, oportebit, non tantum futurum, sed etiam præsens demonstrat. Nec igitur interest si ita concepero, quod mihi dari fieri oportet, an oportebit. Et ita ad actionum editionem, quod inscriptio l. demonstrat, si ad actionum formulæ refero, quod est in l. 8. de verb. sign. verbo oportebit, tam præsens, quam futurum tempus significat: nec probro, quod quidam mutavit verbum, oportebit, in verbum, oportet. Nam si in verbo oportet verum id est, & in verbo oportebit pariter, non in omnibus causis, sed in actionibus, ad quæ referenda ea lex, vel in stipulationibus, quæ pro actionibus sunt. Nam quod subjicitur in ea l. 8. est de actionibus: actionum verbo non contineri exceptiones, & in exceptionibus forte eadem interpretatio non fiet, sicut nec fit eadem interpretatio in stipulationibus conventionalibus, quæ instar actionum non habent, l. 76. §. 1. l. 89. l. 125. de verb. oblig. l. §. uno, de acceptil. Nec etiam in legatis fit eadem productio temporis, l. si ita scripserit, de leg. 2. l. 17. de liber. leg. sed omisum tempus habebitur pro omisso, & qui nolet utrumque tempus complecti, necesse est ita scribat, oportet, oportebit. Rursus in formula diximus, quibus diebus dari fieri, &c. ex l. 1. & l. 18. h. t. Nam edictum prætoris pertinet ad legata relicta ex die certa vel incerta, metuente forte legatario, ne interim, antequam conditio sive dies incertus extiterit, heres dissipet bona sua, ne inane legatum, inanem actionem faciat, & ob id solum prospicere legatario sibi cautio licet. Sed quod notandum, porrigitur edictum etiam ad pura legata, si heres judicem quaerat & litigare velit, l. hæc stipulatio, l. etiam, hoc t. luxorem, §. ult. de legat. 3. Item adjecimus, aut quanti ea res erit, ex l. 1. §. item quanti, hoc t. quæ ait, in hanc stipulationem res aut pretia deduci. Hæc postrema clausula est de dolo malo, quæ subijci solet fere omnibus stipulationibus, l. 1. hoc t. l. doli. l. ex ea parte, de verb. oblig. l. novissima, jud. solvi. Et præterea cognita formula omnino sciendum & hoc, interponi eam stipulationem, ut nova actio fit, ut est proditum in l. 1. §. cautionales, de prætor. stipul. id est, ut stipulatur legatario actio fidei legati nomine, sed non, ut novatio fiat, non ut moveatur actio de legato: nova actionis adquisitio, novatio non est, quia & interposita stipulatione ejusmodi, id agitur solum, ut legatario fidejussoribus fit cautum, non ut ab obligatione testamenti recedatur. Ideoque simul dies legati cessit, & ex testamento, & ex stipulatione debetur, l. 8. hoc t. & perperam ait Florent. in d. l. 1. §. cautionales, legabatur, ut novatio fit, nec enim fit novatio. Sed diligenter expli-

explicandum, qui præstent ejusmodi cautionem, & qui-
bus sit ea præstanda.

Cautionem legatorum præstant heredes, a quibus lega-
ta relicta sunt, heredes inquam, ex asse, vel ex parte, &
instituti vel substituti, l. i. §. certe, hoc t. Imo & hono-
rarii successores sive pratorii eam præstant, d. l. i. §. non so-
lum. Qua appellatione, non significantur tantum honorum
possessores hereditarii, ut interpretes male existimant,
sed quam plures alii, ut heredes scripti sub conditione
jurisjurandi, qui jure pratorio non impleta conditione,
quam prator remittit, pro eo habentur, quasi impleta
conditione heredes existissent, l. i. §. ad eos, ad leg. Falcid.
& heredes scripti, qui omissa scriptura ab intestato possi-
dent hereditatem, l. duo heredes, si quis ex causâ testam. De
quibus etiam nominatim scriptum est in l. 13. hoc t. satisfac-
tionem ut præstent: si sunt honorarii successores, qui
ultra pratoris edictum jure civili ex testamento heredes
non existimarentur esse, quippe cum illi non impleverint
conditionem, & omiserint testamentum. Præstant ean-
dem cautionem heredes heredum, quod notum est & suc-
cessores successorum, quia & eos obligatio legatorum tenet,
quæ tenet defunctum, veluti as alienum, quod erat
defuncti. Item præstant cautionem fideicommissarii Tre-
bellianici: nam & eos onera legatorum sequuntur, l. i. §.
si etiam, l. etiam, §. i. hoc t. Et postremo hi etiam hanc
cautionem præstant, qui per alios heredes effecti sunt,
ut qui servum aut filium ab alio institutum hereditate-
m adire jussuerunt, d. l. i. §. non solum, h. t.

Sequitur, quibus sit præstanda ea cautio, & id quod cer-
tissimum est proponam: legatariis & fideicommissariis,
imo & successoribus eorum præstanda est, in quos jus le-
gati tanquam as alienum transmissum est: Imo & procu-
ratoribus eorum. d. §. non solum. Imo & dispensatoribus
legatorum, l. quidam, §. pen. de leg. i. Et postremo cavetur
domino etiam legatarii servi & patri, d. l. i. §. plane si ei qui
hoc t. Sed ut ostenditur in eadem l. i. §. ult. ex quo pen-
det nostra lex, patri vel domino non cavetur præcise,
sed sub conditione, praevidendo ita, ut dixi, in for-
mula, dari servus, sed sub conditione, si filius vel servus
die legati cedente, in ejus potestate sit, atque hoc novum
non est: Nam & procuratori legatarii non cavetur præcise,
sed sub conditione, si is cuius nomine caret heres, vivat, si
legatarius vivat, videlicet ne teneatur hæres illo ante de-
functo, præstare legatum a defuncto relictum, l. i. §. pro-
curatori, h. t. Ex his apparet, his casibus, si stipuletur pro-
curator vel pater, vel dominus, formulam stipulationis,
quam ex eo, quod plurimum sit, confecturus, eas con-
ditiones recipere.

Dicebam modo procuratori legatarii non caveri præcise,
sed sub conditione, si legatarius vivat: & similiter patri
vel domino non caveri præcise, sed sub conditione, si le-
gatarius in ejus potestate sit, cum dies legati cedit, ex l. i. §.
ult. hoc t. Ergo nunc ita constituamus: patri vel domino
caveri, si die legati cedente legatarius in ejus potestate sit:
quo casu debetur legatum patri vel domino quasi sibi ad-
quisitum jure potestatis. In alium ergo casum, videlicet, si
legati die cedente sui juris sit, iniquum esset patri vel
domino caveri: cum in eum casum patri vel domino le-
gatum non debeat, & ei tantum cautionem præstari
oporteat, cui debetur legatum, vel ei, qui nondum debetur
in eum casum, si forte debebitur: debetur autem legatum
non tantum quod peti potest, sed etiam quod nondum
peti potest, si modo jam sit nata obligatio, id est, si dies
cesserit, l. q. hoc t. l. si dies, sup. tit. proximo: ut si ex die
certa legatum relictum sit, statim dies legati cedit a morte
testatoris, id est, nascitur obligatio, & incipit deberi lega-
tum, statim dies legati cedit, si vis die sit brevis sive longa:
ut Gal. centesimis, quod non ab re notatur in d. l. si dies.
Actio autem, petitio, persecutio non nascitur, antequam
dies venerit: quod si ex die incerta legatum relictum sit,
veluti, cum navis ex Asia venerit, cum Titius consulatus in-
cæperit, neque debetur, neque peti potest legatum, vel na-
que cedit, neque venit dies, quod idem est. Et breviter,
neque obligatio, neque actio nascitur, antequam dies cese-

tem. IV.

rit, vel conditio obtigerit, d. l. si dies & l. cedere, de verb.
sign. Spes tamen est debitum iri. Et hujus spei nonnulla
habetur ratio in jure: nam & ex alia causa interposita
stipulatione conditionali, mortuo stipulatore pendente
conditione, spes transmittitur in heredem, §. ex conditionali,
Instit. de verb. oblig. Et hujus spei ratione, antequam existat
conditio legati, id est, antequam dies legati cesserit, &
cæperit obligatio, hæc stipulatio de legato interponitur,
sed non transmittitur in heredem, mortuo legatario pen-
dente conditione, quia nec spes legati conditionalis trans-
mittitur: Et eadem est causa hujus stipulationis, & hujus
legati, eadem causa actionis ex stipulatu, & actionis ex tes-
tamento, quia utraque interponitur legati nomine, l. i. §.
si quis sub conditione hoc t. Et observandum in d. §. ult.
ejusdem l. cum quaeritur de cautione legati præstanda in

B genere, quod filiosamil vel servo relictum est, poni lega-
tum fuisse relictum incerta die. Nam si ex die certa reli-
ctum sit, constat statim a morte testatoris patri vel domi-
no legatum deberi, neque ab eo discedere obligationem,
etiam si postea ante diem legati filius vel servus sui juris
fiat, l. §. §. ult. sup. tit. prox. Et consequenter constat,
patri vel domino ex causa ejus legati, omnimodo cautio-
nem præstandam, nec locum esse quaestioni propositæ,
in hoc §. ult. quod recte notat Accurs. Igitur in com. recte
instituitur quaestio, non de legato relicto ex certa die, sed
incerta die, quæ & paulo post vocatur conditio: nam con-
ditio est dies incerta, ut si navis ex Asia venerit: & retro,
dies incerta est conditio, aut conditionis instar, l. dies, de
cond. indeb. Dies, inquam, incerta, est conditio, si & dies in-
certa sit, & res ipsa, quæ in eam diem conferatur, veluti, si
Titius erit consul. Nam & quo die Titius futurus sit con-
sul, & an futurus sit, incertum est: alias vero sola dies in-
certa certe non est conditio: veluti si ita legatur, heres
meus Titio, cum morietur, fundum dato, purum est legatum,
non conditionale: hæc verba, cum morietur, non faciunt con-
ditionem, l. sub conditione, cum l. seq. de cond. indeb. l. he-
res meus, de cond. & demonst. Nam Titium moriturum,
certum est, mors certa, mortis dies incerta est, denique dies
cum morietur, re ipsa certa, tempore incerta est. Et ad sum-
mam, dies incerta, conditio est, quæ & re & tempore in-
certa est, certa re. Ideo non minus, imo magis hæc dici dies
certa, quam incerta potest, cum ex re ipsa certius ei sit
certum æstimare, quam ex curriculo temporis. Et quaestio
§. ult. non minus cessat in hac die ambigua, quæ partim

D certa, partim incerta est, quam in illa, quæ omni ex parte
certa est, & re, & tempore: Nam & cedit utraque statim, li-
cet nondum venerit, & statim igitur a morte testatoris pa-
tri vel domino debetur legatum sub hac vel illa die servo
vel filio relictum, & ei soli est præstanda cautio sine cun-
ctatione ulla, & sine exceptione ulla præcise. At si sub con-
ditione, vel sub die penitus incerta filiosamil aut servo le-
gatum sit, non est præstanda satisfactio patri vel domino
præcise, sed cum hac exceptione, si die legati cedente, in
ejus potestate legatarius fuerit, quo solo casu patri domi-
no tale debetur legatum. Et ita cum hac adjectione con-
ditionali & exceptione consultius fecerit, si his personis
caverit heres non pure. Sed & si forte caverit absque sine
exceptione, ut ostenditur in §. ult. & post manumissionem
servi, aut emancipationem filiosamil, dies legati cesserit,
E agenti patri vel domino ex stipulatione illa obtinebit ex-
ceptio doli mali, quod in eum casum non sit actio ex sti-
pulatu, quo nec ei licet agere ex testamento, d. §. si quis sub
conditione. Causa stipulationis sequitur causam legati,
quasi principalem. Stipulatio est veluti accessio obliga-
tionis principalis, & additur recte ex Papin. in l. 2. hoc t.
non audiri etiam patrem vel dominum, qui præcise cau-
tum est, detracta omni conditione, si agat ex stipulatu, vel
ex testamento, quamvis offerat cautionem pater, filium
non petiturum, neminem amplius petiturum: nec enim
heres compellitur alii, quam cui debetur, legatum exfol-
vere. Debetur autem filio vel servo, qui sui juris inve-
niuntur, existentis conditionis tempore, non patri vel do-
mino, & licet non utique semper peti possit quod debe-

Y 7 2

tur,

tur, ut quod debetur ex die certa, tamen quod non debetur, nunquam petitur efficaciter, *in p̄p̄is*, quia vel exceptione repellitur actor, cui nihil debetur. Sed ad hac notandum in hoc proposito, non tantum patri cavere oportere, sed etiam filio, non tantum domino, sed etiam servo: patri, in casum si filius in eius potestate sit die legati eedente, & similiter domino: filio autem & servo, in casum, si sui juris sit: nam utrique cavere in suum casum æquum est. Dices, onerari heredem si caveat utrique, quod cogitur unum quæreret unum fideiussorem, & alii alium, fideiussorem non esse faciles inventi, nec unum facile suscipere plures obligationes. Dicam, non onerari heredem ex *l. leg.* quia utrique cavere poterit adhibito uno eodemque fideiussore, qui deo non onerabitur, nec detrahetur cavere utrique, cum futurum sit, ut uni tantum teneatur, non utrique, prout casus hic obigerit, vel ille: nec enim uterque casus concurrere potest. Cavebit igitur heres utrique eodem fideiussore: nam æquum sane est cuique cavere in suum casum. Nam ex stipulatione filii non potest actio adquiri patri in casum, quo sui juris sit. Et retro ex stipulatione patris vix unquam filio adquiritur actio *l. cum dos, de pati. dot.* Et ita etiam *lib. 3. c. 19. quæst. Pap.* jam ante didicimus, eodem legato relicto duobus sub diversis aut contrariis conditionibus, heredem utrique cavere, quamvis tamen uni tantum debeat, *l. Paulus, §. ult. de præst. stip. l. etiam, §. ult. de sep.* adhibito eodem fideiussore, *l. 3. h. t.* Quod obtinuit in specie *l. si duo h. t.* Si Titio legatum sit reliquum, & duo sint eiusdem nominis amici testatoris, nec certum sit, de quo senserit testator, & desperemus an certum esse possit, interum utrique satisfactis, adhibito eodem fideiussore, dum illi duo de legato contendunt.

Ad L. V. cod.

Posteaquam heres ab hostibus captus est, conditio legati, cuius nomine propoſita stipulatione cautum fuerat, exiſtit: fideiussor interim teneri negavi: quia neque ius, neque persona eſſet, ad quam verba stipulationis dirigi poſſunt.

TRes aut quatuor quæſtiones de eadem materia in hac *l. 5.* de qua tractatum eſt ſupra, proponuntur, de prætoris ſtipulationibus ſcilicet legati, vel fideicommiſſi ſervandi cauſa. Et primæ quæſtionis ſpecies hæc eſt: Heres de legato relicto ſub conditione ſatiſdedit: poſt captus eſt ab hoſtibus, & poſt captivitatem ejus exiſtit conditio legati: Queritur, an fideiussor conveniri poterit herede nondum reverſo ab hoſtibus? Et Papin. ait, non poſſe. Videretur poſſe, quia fidem ſuam in hoc interpoſuit, ut cum legati conditio exiſtiſſet, legatum ſolveretur. Porro exiſtit conditio, & legatario liberum eſt agere cum herede, vel cum fideiussore. Et hoc ſane caſu plane cogitur convenire fideiussorem ſolum, niſi captivus defenſorem habeat in civitate. At Papin. ait, fideiussorem interim non teneri, dum heres eſt apud hoſtes. Rationem non intellēxit Accurſ. quæ talis eſt: quia fideiussor ante quam reus principalis debeat, conveniri non poſſet, *l. fideiussor, antequam de fideiuss.* Heres autem, qui reus eſt principalis, neque ante captivitatem pendente conditione legatum debuit, *l. legata ſub conditione, de cond. c. demonſtr.* neque etiam poſtquam exiſtit conditio, cum ſit apud hoſtes, legatum debet aut debere poſſet, quia in perſonam ſervientem non cadit civilis obligatio, nec heredem habet qui debeat, quia ſucceſſio ejus eſt in pendenti propter ſpem poſſibilitatis: denique non eſt perſona principalis, quæ debeat legatum, & conſequenter non eſt ius, id eſt, non eſt obligatio: ius nonnullis in locis juris noſtri ſumitur pro obligatione, in *l. fideiuss. obligari, §. pen. de fideiussorib. l. hæc ſtipul. h. t.* Si non eſt perſona, quæ debeat principaliter, nec igitur obligatio eſt, quia obligatio civilis ſine perſona, in qua conſiſtit, nullo modo eſſe poſſet, nec initium ſine ea capere poſſet, & verba hujus ſtipulationis prætoris referuntur ad obligationem civilem, quod mihi ex teſtamento dari ſervitio oportet, oportet. Obligatio enim ex teſtamento eſt civilis, id eſt, ex *l. 2. tab.* Cum ergo non ſit obligatio civilis in caſu propoſito, nec ſit perſona, quæ

A civiliter debeat, ſequitur fideiussorem interim non teneri: ſunt attendere quæ ille pape un principal. captivi perſona nulla eſt, cum ſervus ſit hoſtium, ſervi nulla eſt perſona. Perſona eſt civile nomen, & ſervus non eſt civilis. Homo eſt naturalis nomen, ſervus eſt homo, non perſona: denique ſervus non obligatur civiliter, *l. ſervi, de ob. c. q. ubi. l. in perſonam de reg. jur.* Herede reverſo ab hoſtibus, tum demum fideiussor conveniri poſſet, quia jam exiſtit perſona principalis, quæ legatum debeat ſi legati conditio exiſterit: & hæc eſt ſincera ac vera interpretatio huius legis, ſive explanatio quæſtionis primæ propoſitæ in hac lege. In contextu illo loco, propoſita ſtipulatione, ſcio Pap. ſcripſiſſe, prætoris, non propoſita, & ſimili errore in *l. 3. §. quævis, ſi qui plus quam per l. Falc.* In illo loco, quod prætoris cautionis, legendum, quod prætoris cautionis, etiam herede poſtea captio ab hoſtibus, ſi ante captivitatem legati exiſtiſſet conditio, fideiussor proculdubio teneatur: hæc igitur talia ſunt Papin. verba, poſtquam, &c. quia heres legatum debere cœpit, & captivitate obligatio non perimitur, *l. hætenus, de conſ. pec.* Rurſus ſi poſt mortem heredis, qui ſatiſdederat, exiſterit conditio legati, fideiussor tenebitur, non quidem ante aditam hereditatem heredis, quia eſti obligatio, quæ jam cœpit in perſona aliqua, conſiſtere poſſit poſtea ſine perſona, etiamſi nullus appareat poſtea, qui debeat, ut ſi mortuus ſit debitor, & hereditas ejus nondum adita ſit, non apparet debitor, appareat tamen obligatio, *l. hætenus*, quæ jam cœperat in perſonam: tamen obligatio exordium capere non poſſet ſine perſona: perſeverare poſſet, etiamſi non perduret perſona, ſed hoc caſu fideiussor tenebitur poſt aditam hereditatem heredis vita defuncti, antequam exiſteret conditio, quia heres, a quo legatum relictum eſt ſub conditione, ſi moriatur pendente conditione, heredem ſuum qui adierit obligatum reliquit, *l. legato, ſub cond. de cond. c. dem.* Aliter legatarius, cui legatum relictum eſt ſub conditione, ſi moriatur pendente conditione, heredi ſuo nihil reliquit, quia legatum conditionale non tranſmittitur in heredem, *l. 1. §. ſi qui ſub cond. hoc. t.* Ubi quod notant eſſe mendum in Pand. Flor. non eſt mendum, illo loco, quia nec legatum non tranſmittitur. Sunt enim due negationes pro una, quod eſt frequens in his libris, & aliis auctoribus, *l. 6. de extrinſ. criminib.* Ne ab his, qui ſupprimunt cœmpriſas merces ne annona oneretur, *l. cum autem, §. 3. de adil. ed.* nihil amplius conſequatur, quam non haberet, &c. illo loco Terent. faciunt ne intelligendo, ut nihil intelligant. Et ad ſecundam quæſtionem ad quam male Accurſ. addit, hanc rationem, cur fideiussori interim non teneatur, quia, inquit, exiſtiſta obligatione principali tollitur fideiussoria, male: quia nec hæc fuit exiſtiſta, quæ nec dum cœpit, & quæ ſi cœpiſſet nec captivitate exingueretur, *l. hætenus*. Et ſubjicit etiam male, quia exceptio, quæ reo competit & fideiuss. prodeſt: nam hic nulla competit exceptio perſone non obligatæ, nondum eſt reus principalis quiſquam. Et hoc cum ita ſit, male adfert legem ſi deſceſſerit, qui ſatiſd. cog. ut ex ea efficiat, quod tamen eſt per ſe verum, exceptionem reo competentem fideiussori prodeſſe, veluti exceptionem tranſactionis, *l. fideiussor 68. §. ult. de fideiuss. l. exceptiones, de except. §. exceptiones. Inſt. de repli.* Verum hoc non vult lex ſi deſceſſerit, ſed hoc tantum, mortuo reo ante moram, id eſt, ante diem quo ſiſtere debuit, qui ſatiſdederat iudicio ſiſti, fideiussorem liberari: cur liberatur? an quia exceptio reo competit? minime: ſed quia impoſſibile nulla eſt obligatio: impoſſibile enim eſt hominem mortuum ſiſti: fruſtra etiam in hoc propoſito ponit, exceptionem rei prodeſſe fideiussori liberato reo exceptionis iure, & iure eodem liberari fideiussorem. Hinc tamen ſententiæ obijcit legem *l. C. de fideiuss.* ex qua colligitur, liberato reo non liberari fideiussorem, quod contingit ſæpe, puta reo morte liberato, ſive mors ſit naturalis ſive civilis: civilis mors eſt deportatio, publicatio bonorum: cui adempta ſunt & publicata ſua omnia, pro mortuo habetur: cui publicata eſt pars, pro ſemimortuo. Igitur ipſe quidem liberatur, ſed fideiussor non liberatur, qui utique adhibetur hac providentia ſive contemplatione, ut ſive reus moriatur morte ſua, ſive conſiſcatur, ſit creditori, a quo ſuum ſervare poſſit lapſo

reo facultatibus: sed, ut dixi, nihil actinet hoc loco de hac re disputare, puta in hac specie, non liberatur reus, cum nondum sit illius reus: & fideiussor non tenetur, non quia sit liberatus reus, sed quia nullus adhuc est reus.

Ad §. 1. Imperator.

Imperator Marc. Antoninus Julio Balbo rescripsit, eum a quo res fideicommissa petebantur, cum appellasset, cavere; vel si cavet adversarius, transferri possessionem debere. Recte placuit Principi post provocationem quoque fideicommissi cautionem interponi. Quod enim ante sententiam, si petitionis dies moratur, fieri debuit: amitti post victoriam dilata petitione non oportuit. Sed quare non cavere de fideicommissa, qui provocaverit, si cavet adversarius, ad eum possessionem esse transferendam rescriptum: cum alia sit edicti conditio: non enim exigitur a legatario vice mutua cautum: sed vicaria custodia gratia possessio datur: & qui obtinuit, in possessionem per prætorem aut præfidentem inducitur: sed prætor quidem in omnium rerum possessionem que in causa hereditaria permanent, omnimodo fideicommissi servandi gratia esse permittit. Præceptum autem eorum rerum nomine, de quibus fuerat iudicatum, mutuas admittit cautiones. Sicut cum de bonis suis conferendis filius accepta possessione cavere non potest: quia denegamus ei actiones: desistor condito cavendi fratribus ex forma jurisdictionis, quod ex portione fratris fuerint consecuti, cum bona propria conferre cæperis, se restitutos: sed si nec ipsi cavere possint, utiliter probatum est, citum bonum ab utraque parte eligendum, apud quem ut sequeretur fructus deponatur, quique utiles actiones a prætoribus daretur: possessio autem ex rescripto supra relato, non aliter ad eum, qui fideicommissum petit, transferatur, quam si caverit: tamen si male adversarius non per inopiam, sed per contumaciam cavere voluerit, sed si is, qui vivit, non possit cavere, vel res deponenda, vel iudicatio restituenda erit.

Sequitur in §. rescriptum M. Antonini. Ut ejus questio intelligatur, queramus statim an hæc cautio, de qua agimus, præstetur & exigitur post litem de legato contestatam actione ex testamento, id est, si jam coeperit legatarius petere legatam actione ex testamento. Qua de re autem ita constiterit, exemplo aliarum stipulationum prætoriarum, que interponuntur ante litem contestatam, non post, veluti, iudicatum solvi, iudicio sisti, nec ratam haberi: & hæc stipulationem legatario interponi ante litem contestatam. Et ita secundum scripturam Pandect. Flor. l. 1. §. plane si quis, hoc tit. perspicue traditur. Si omnia stipulatione prætoris de legato legatarius litem contestatus est actione ex testamento, cessare hanc stipulationem? Cur ita? quia videtur legatarius elegisse diem consequendi legati, & contempsisse remedium stipulationis: & quia, ut est in l. 3. tit. seq. de legato ante potest constare, quam de satisfactione, id est, de legato, de quo litem contestatus est constare potest ante, serieque iudicium, quam satisfactio excuti, probari, præstarique possit: non desiderabit igitur cautionem, qui elegit actionem ex testamento & litem contestatus est. In aliis libris legitur in d. §. plane nec cessare. Sed major est fides Florentinorum. Neque moveor eo, quod dicitur etiam de legato puro, & præsentis caveri: nam & caveri dicam, antequam de eo legato lis contestetur, l. etiam, hoc tit. Non moveor etiam eo, quod dicitur in l. §. ante sententiam hanc cautionem exigi. Nam subiicitur, si petitionis dies moraretur, id est, si nondum peti legatum potest, si lis de legato nondum contestata potest. Ergo ante sententiam, & ante litem, non post litem contestatam. Non moveor etiam eo, quod dicitur in d. §. 1. etiam post condemnationem heredis, cum quo egerat legatarius ex testamento, hanc cautionem exigi. Si post condemnationem, cur non etiam post litem contestatam? Nam, ut respondeam, ita demum post litem contestatam, imo post condemnationem hæc cautio exigitur, si heres, qui condemnatus est, appellaverit, quæ appellatio extinguit superius iudicatum: ne dicas suspendi, imo extinguere, l. 1. §. ult. ad Tullianum. Quod evidenter apparet ex eo, quod si quis iudicio famulo sit con-

A demnatus, veluti furti, & appellaverit, & non sit visa appellatio iusta, si la primiere sentence a esté confirmée hodie sit infamis, non retro, quia prior condemnatio fuit extincta appellatione, l. furti, §. 1. de his, qui not. infam. Sic igitur post condemnationem heredis, si appellaverit heres, extinguitur iudicatum, & ideo, antequam lis nova ex causa appellationis contestetur, recte hæc stipulatio exigitur, quandoquidem exigitur ante litem contestatam. Sed & hoc casu, cum post condemnationem exigitur, non exigitur ex edicto prætoris, sed rescripto Antonini, quod proponitur in hoc §. inter quæ est magna differentia. Primum enim, ubi ex edicto non cavetur legatarius, legatarii mittuntur in possessionem omnium rerum, quæ sunt in causa hereditaria, sui legati conservandi causa, l. 1. quib. ex causis in possess. eat. Ubi autem post condemnationem & appellationem heredis non cavetur, ex rescripto Antonini legatarii mittuntur tantum in possessionem rerum legatarum, de quibus iudicatum est. Et ita demum legatarius mittitur in possessionem, non cavente herede condemnato, si sit paratus ipse cavere heredi, de conservanda re legata, in quam mittitur, & restituenda heredi, si forte vicerit heres in iudicio appellationis, quæ est secunda differentia. Ex edicto autem legatarius cum mittitur in possessionem, nihil cavet heredi: denique ex rescripto Antonini, ut loquitur Papin. in hoc §. 1. mutuas cautiones exigitur, nam ex edicto, & mutuas cautiones, id est, recurrentes, committentes ab uno ad alium, non quod alter alteri simul caveat: sed quod herede non cavente caveat legatarius, si velit mitti in possessionem rei legatæ, & ita oportet vel heredem cavere legatario & non mitti legatarium in possessionem bonorum, vel legatarium cavere heredi & mitti. Est & differentia tertia, quod ex rescripto Antonini legatarius, cui non cavet heres post condemnationem, missus in possessionem rei legatæ, solus possidet rem legatam. Ex edicto autem legatarius missus in possessionem non possidet solus, sed simul cum herede. Et ut eleganter ait Papinianus, vicaria possessio datur legatario custodia gratia: vicaria dicta ex eo, quod sit vice cautionis, quam heres præstare detrectat, ut l. si finita, §. si quis damni, de dam. insec. & custodia gratia quod custodia legatario datur rerum hereditiarum potius, quam possessio, vel falcem tadio custodia exorqueat heredi cautionem prætoriam legati servandi causa, l. 3. §. ult. l. 10. de adquir. poss. & licum legati, quibus ex causis in possess. eat. l. 5. tit. seq. In summa, multum interest, caveatur ex edicto, an ex rescripto Antonini: nullum interest exigitur cautio ante litem de legato contestatam priori iudicio, an posteriore iudicio appellationis: sed utrobique exigitur ante litem contestatam. Et sic ordo, qui demonstratus est ex eo rescripto Antonini, confirmatur uno exemplo, de collatione bonorum: in hoc §. illo loco, sed quare non caverat, vulgo legitur, caveat, at ut ostendi jamdudum, legendum est, sed quare non cavente, herede scilicet. Nam hoc dicit, non cavente herede, si caveat legatarius, in eum transferri possessionem. Etiam in illo loco qui obtinuit, id est, qui a prætoris impetravit hanc satisfactionem: est enim iuxta actionis, & petitur a prætoris, sicut actio, non ipso iure ex edicto competit, & qui petit hanc stipulationem agit, l. quib. §. ult. de verb. sign. ut intelligatur, an apte coherent his, quæ diximus heri, ex his quadam refruere & sensum constituere sive copulare necesse est. Si omnia stipulatione legatarius de legato litem contestatus sit, & condemnaverit heredem, appellaverit heres: Imperatori M. Antonino æquum visum est, antequam lis denuo contestetur, cautionem interponi fideicommissi servandi causa, si hoc desideravit legatarius, qui vicit: nam si ex edicto ante condemnationem heredis mora petitioni sit interdicta, vel ex die, vel ex conditione, hæc cautio interponi debet, & multo magis post condemnationem heredis, dilata petitione per appellationem antequam causa appellationis agatur & contestetur. Sed multum interest inter edictum prætoris & constitutionem Marci Antonini: Nam ante condemnationem, & litem contestationem cautio ex edicto præstatur, & non cavente herede legatarius mittitur in possessionem omnium rerum hereditiarum, quasi custos rerum,

rerum, herede nihilominus manente in possessione earum rerum, & nulla ab eo heredi vice mutua præstatur cautio. Quid enim opus est heredi cavere manenti in possessione hereditatis? Post condemnationem vero, & appellationem heredis cautio ex conf. M. Antonini interponitur, & herede non cavente, legatarius mittitur in possessionem rei legatæ, ut solus eam rem habeat, & possideat, ut sit possessor, non custos, heredi ablata possessione, si modo caverit heredi, de ea re conservanda, & restituenda, si secundum heredem propuntiatum sit. Et ut ostenditur in extremo hujus §. hanc utique cautionem debet heredi cavere legatarius, non tantum si heres per inopiam, quæ neminem non eximit hominum gratia, cavere non possit, sed etiam si per contumaciam cavere nolit, quod fit inops tum pecuniæ, tum gratiæ, etiam contumaci cavetur ex fine ejus §. Porro hunc ordinem juris, ut exigatur cautio a reo, & si nolit cavere, ut transferatur possessio rei controverſæ in petitorum, qui modo idem cavere paratus sit; qui quam reus detrectat, ipse ultro subeat cautionem, hunc inquam, ordinem, & in aliis causis servari, propter exemplum de collatione bonorum Pap. in hoc §. ostendit: Filius defuncti emancipatus, patre defuncto, non admittitur una cum fratre, qui mansit in patria potestate, ad bonorum possessionem contra tab. nisi conferat in commune bona propria, quæ post emancipationem adquisivit, quia ius filii vult habere, qui vult patreps fieri bonorum paternorum: filii autem quæ sunt, patris sunt: bona igitur propria, quasi paterna debet conferre, quod fit non tantum re ipsa, id est, divisione propriorum bonorum habita cum fratre, sed etiam cautione ex edicto prætoris, si caveat, se bona propria cum fratre divisurum. Collatio fit cautione aut divisione, vel si tanto minus pro rata ferat ex bonis paternis: Quod si nullo modo conferat emancipatus, si neque dividat, neque caveat, denegatur ei actiones, etiam si bonorum possessionem acceperit, quasi acceperit sine re, sine effectu, actiones possessorie vel hereditariæ, quæ in possessorem bonorum dantur, vel hereditario jure efficiunt, ut heres nisi caverit legatario, nihil ex bonis paternis judicio fam. eriscit, consequi possit, sed portio ejus, quam habiturus erat, si consultisset, transferretur ad fratrem, qui fuit in potestate; si modo caveat emancipato, ut formulam concepit Papin. hoc loco. Sunt enim verba formulæ, quam suus in quem transfertur portio emancipati præstat emancipato: quod ex portione fratris fuerit consecutus, cum bona propria conferre frater cæperit, se restitutum: & cavere utique debet suus, in quem transfertur portio emancipati indistincte, sive per inopiam non caveat emancipato, sive per contumaciam: ut in proposita specie, de stipulatione legatorum, nihil interest, heres inops sit, an contumax. Et male Accurs. sentit hac in re, esse differentiam inter hunc casum de satisfactione legatorum, & illum de collatione bonorum, & movetur leviter verbo, non potest: nam in consuetudine, & non posse dicitur, qui non vult, & contra non velle, qui non potest: & ita nullo confutro inter hos casus discrimine, sicut mitius agitur cum filio emancipato, qui per inopiam vel contumaciam cavere non potest, veluti non continuo translata portione ejus in fratrem, non temere & quandoque non in totum denegatis actionib. possessoris, ut l. 1. §. si frater, & §. si duobus, l. 1. §. ult. de coll. bon. ita meo judicio æquum est, etiam mitius agi cum herede, qui per inopiam cavere non potest de legato, non facta translatione possessionis protinus in legatarium, sed suspensa ea, donec diligentius quærat fideiussorem. Quid autem fiet illo casu de collatione bonorum, si neque suus, neque emancipatus cavere velit, aut possit? Et sane existimo possessionem remanere penes eum, penes quem est, & vindicias dari possessori: unumquemque sui sui possessione, quam accepit, contra tab. vel unde liberi, quia in pari causa melior est possessor. Sed ut Papin. ostendit hoc loco, ab utroque fratre est eligendus sequeſter vir bonus, apud quem fructus prædiorum deponantur, qui, quæ medio tempore exerceat actiones hereditarias utiles pro portione emancipati, donec caverit. Et ita in stipulatione de legatis etiam comprehensa rescripto D.

A. M. Ant. si neque heres cavere velit, qui videtur est, neque legatarius qui vicit, ut Papin. ait, res legata est deponenda apud sequeſtrum: res sc. mobilis, quæ legato continetur: nam rerum immobilium sequeſtratio nunquam fit, res enim mobiles facile interverti & corrumpi possunt: Et consequenter sequeſtratio fit fructuum ex prædiis perceptorum, quia facile interverti possunt: & generaliter post condemnationem & appellationem possessoris, si non caveat, fructus rei controverſæ deponuntur apud sequeſtrum, l. ab executione, C. quor. appell. non recip. Et interdum post condemnationem petitoris, si possessor depopulerit fructus, l. Imper. §. ult. de appell. Sequeſtratio etiam fit rerum se moventium, etiam liberarum personarum, quia & hæ platio interverti possunt, l. 1. §. in hoc interdico, de liber. exhib. C. cap. cum locum, de sponsal. Sequeſtratio non fit rerum immobilium, sicut nec furtum. Sequeſtratio etiam non fit pecuniæ, id est, quantitatis nummaria, ut C. de prohib. sequeſtr. per. quia quantitas interverti non potest. Est enim genus, & generis nullum subest corpus: incorporalia interverti non possunt. Igitur nec cavente herede, nec legatario, possidio quidem immota manet rei immobilis, sed fructus sequeſtro deponuntur, vel res ipsa sequeſtro deponenda est, videlicet si sit mobilis: vel, inquit Papin. jurisdictio restituenda est, ubi etiam adde, maxime, si res sit immobilis, id est, ex forma jurisdictionis & hujus edicti, quod hoc titulo proponitur. Omisso remedio constitutionis Marci, legatarius est mittendus in possessionem omnium rerum hereditariarum custodia gratia, ut simul possideat eas res cum herede. Jurisdictio igitur restituenda est; id est, regredimur ad edictum nullo cavente, & quali cessante constitutione. Et ita duob. locis in hoc §. jurisdictio est prætoris edictum, ut l. quamvis, de posul. l. certa, C. ut in poss. legat. Et inde jurisdictio nonnunquam, id est, prætura, & separatur a consulari. Capitol. in Gordianis, prætura nobiliem init, post jurisditionem consularium init, id est, post præturam. Hujus exemplo addi oportet aliud simile. Is a quo petitur hereditas, vel quæ alia res, cavere debet, si hoc desideraverit petitor, de ea re conservanda, vel si cavere nolit, possessio transferretur in petitorum, qui modo idem cavere paratus sit, l. de bonis, §. ult. de Carb. edic. l. 5. de per. hered. l. ex libero, §. ult. de quaest. l. 1. C. ubi poss. C. Paulus l. sent. in 1. Atque ita reus, qui cavere non vult, ex reo fit actor: hæc est poena non caventis: ex possessore, fit non possessor, ut l. si priusquam, de oper. novi nunt. l. 45. de dam. infec. quia possessio transferretur in actorem, si actor caveat: neutro cavente, possessio manet penes possessorem, quia in pari causa est potior, qui possidet. Sed his casibus, æquum est, fructus perceptos deponi in sequeſtro, in quovis.

Ad §. Si dies.

Si dies aut conditio legati, fideicommissi petitionem, actionemve differre dicatur, & ideo satisfactio desideretur, heres autem per calumniam postulari contendat, & reliquum neget: non aliter audiendus erit quæ cavere postulat, quam si scripturam, qua relictum adfirmet, exhibuerit.

Satisfactio legatorum præstatur ante litem de legato contestatam assione ex testamento, non post litem contestatam. Summa superiorum, & verissima sententia hæc est, & nova tamen, si species scripta doctorum. Post condemnationem autem si omnia sit satisfactio priore judicio, antequam lis denuo contestetur posteriore judicio: prius enim appellatio extinxit, eandem cautionem interponi, vel ex constitutione Marci, ita ut non cavente herede legatarius mittatur in possessionem rei legatæ, & eam solus possidens expulso herede, eique præstita cautione de ea restituenda, si forte obtinuerit in judicio appellacionis: vel post condemnationem & appellationem heredis eandem cautionem interponi ex edicto prætoris: neutro cavente, ut legatarius simul possideat bona heredis omnia quæsi cunctos magis quam possessor: atque ita post condemnationem, vel appellationem heredis, nos sequi ordinem constitutionis Marci, vel si nemo cavere velit, servari

servari ordinem jurisdictionis, id est, edicti, restitui edictum sive jurisdictionem, cessante remedio constitutionis novæ. Restant ex eodem libro tres quaestiones pertinentes ad eandem cautionem, quarum prima est in §. pen. secunda in §. ult. tertia in l. 4. tit. seg. ex eod. lib. Pap. Prima quaest. hæc est: *An hæc cautio sit præstanda, si dicatur peti per calumniam, id est, vexandi tantum heredis gratia, cum petenti cautionem nihil sit relictum, vel non ea res.* Ergo hodie a quo satis petitur contentende per calumniam satis peti, non aliter audiendus est legatarius, quam si proferat tabulas testamenti, vel codicillos, quibus probet sibi relictum, atque ita probatio exigitur, antequam peti possit legatum, quia constare utcumque de legato debet, priusquam satisfatione oneretur heres: constare, inquam, non actione de legato, quia nondum competit, sed prætoris aut prædis cognitione summaria, quia summam cognoscet, an sit relictum legatum, an debeatur, an conditio legati defecerit: nam conditio quæ semel defecit, non restituitur, l. quidam, C. l. rogo, de fid. lib. l. pater, §. ult. de cond. & demonst. Et hoc l. 3. §. 1. tit. seg. ait, esse commune omnium satisfationum pratoriarum, & confirmat l. 1. §. ult. de præst. stip. ut si per calumniam peti dicantur ab eo, a quo petuntur, summam explorat prætor vel præses, an causa, quæ prætoridur petendæ satisfationis ulla sublit: quid si non sublit, iniquum est, heredem onerari supervacua cautione, d. l. 3. §. 1. l. 1. §. pen. end. tit. l. hæc stipulatio, §. ult. h. t. Quibus tribus locis rescriptum D. vii in hanc rem adducitur, & licet exemplum sumere ex d. l. 1. §. 1. t. seg. Si solum sit legatum ante representationem, constat non deberi. Igitur hoc casu non admittit prætor petitionem cautionis. Licet aliud exemplum sumere ex d. l. 1. §. ult. t. seg. Si certum sit heredem institutum repudiare vel omnis hereditatem, vel se abstinuisse, frustra exigitur hæc cautio, nisi ab intestato legatum relictum sit, l. eam quæ, C. de fideicom. quia repudiatione vel ommissione irrita sunt legata, irrita fit omnis scriptura testamenti. Et notandum etiam ex eo §. abstentione etiam omnem vim testamenti dissolvit, licet heres institutus retineat nomen heredis, sed nudum, inane, sine re, quandoquidem se abstinuit ultro: abstentio jure prætorio tantum potest, quantum repudiatio jure civili, l. pro herede, §. pen. de adq. hered. l. nam nec, de leg. 1. Utroque genere irritum fit totum testamentum. Illud etiam notandum, si certum sit heredem nondum aditisse, qui potest adire, sed consulat forte, cautionem nondum exigi, sed sustineri, donec adeat. Et ita accipienda l. 2. t. seg. Sed si dubium & incertum sit, an adeat qui forte est institutus sub conditione, & ante conditionem decernere nihil potest, si defecerit conditio, non poterit adire, si exiterit forte, adibit. Si igitur ob conditionem adscriptam institutioni incertum sit, an adeat hereditas, quam deficienti conditione corruat omne testamentum, si sit heres ex asse, interim a prætoris cautio peti potest, sed nemo eam præstabit: impetrabitur, sed nullus existet, qui interpellari possit, & consequenter ea impetrata a prætoris legatarius mittitur in possessionem hereditatis quasi nemine cavente, l. 1. §. ult. t. seg. quia, ut est in ead. l. §. non exigit, ut legatarius mittatur in possessionem: non exigimus, ut stet per heredem, quo minus caveat, sane & si per legatarium non stet, quo minus ei caveatur: Petitur igitur hæc satisfactio, quasi tamen nullus sit, cum quo agatur, & quasi non existente reo ullo, sequitur missio in possessionem. Etiam illud notandum, si prætori videatur, cum calumniose dicitur satis peti, res esse obscurior, quam ut summam decerni possit, satis esse si legatarius juraverit, se non calumniose causa dolo malo cautionem supervacua postulare, ut sit in specie l. prætor ait, in pr. C. l. qui bona, §. qui damni, C. §. si qui stipulatur, de dam. infes. Ubi poterit summam de ea re cognoscere prætor, aut præses cognoscet, & vel dabit vel negabit cautionem re summam cognita per judicem, per annotationem: translatione deducta a computatione rationum, quod vel sit summam vel minutatim.

A Et hæc cognitio summaria non habet vim rei judicate, nec facit præjudicium actioni de legato, quæ post competierit, ut in l. a D. Pio, §. si rerum, de re judic. C. Nov. 57. Si modo in ea præsumptio, summam interpretetur, par provision. Neque est existimandum, idem esse de plano & summam: quod sit de plano, id fit passim, ubique, cœnando, ambulando, ludendo: cognitio, quæ fit summam, fit pro tribunali, non abuze de ces mots, sommairement, & de plain.

Ad §. Cum quærebatur.

Cum quærebatur, ubi fideicommissi servandi causa caveri oporteat: Imperator Titus Antoninus rescripsit, si domicilium Roma non haberet heres, & omnis hereditas in provincia esset, ad satisfationem fideicommissi nomine in provincia fideicommissarium remittendum esse. Quare si heres in eum locum cavendi gratia remitti desideret, ubi domicilium habet, legatarius autem ibi caveri possit, ubi est hereditas non erit heres remittendus, idque Imperator Titus Antoninus rescripsit.

§. 4. Quibus literis adjectum, & si bona jam distracta sunt, vel testatoris permisso, vel concedente legatario pretium eorum fideicommissi servandi causa in deposito habendum.

P. L. curæ exigit sequentis legis quaestio, sed contenta erit paucioribus verbis. Queritur quo loco sit præstanda hæc cautio, & præstandam dico, ubi & legatum peti potest, aut poterit. Peti autem potest tribus locis, vel ubi est omnis hereditas, aut major pars, vel ubi heres domicilium habet, vel ubi est res legata, non aliis locis, nisi aliud voluerit testator, vel aliud convenerit inter heredem & legatarium, l. un. C. ubi sit, peti. ap. l. si fideic. in pr. C. §. pen. l. sed etsi suscepit, §. ult. de jud. Est in arbitrio legatarii, quo loco malit petere, nec si petat, ubi res est legata, vel ubi heres domicilium habet, remittere heredem oportet, ubi est hereditas. Et e contrario, si petat ubi est hereditas, non est remittendus ubi res est, vel ubi heres domicilium habet. Et similiter satisfactio legatorum his tribus locis petitur, & si uno agatur, non remittitur heres in alium locum: Et hoc frustra postulerit heres, ut si petatur cautio ubi est hereditas, remittatur in locum domicilii sui, vel si cautio petatur, ubi est domicilium: etiam ibi nulla sit res hereditaria, remittatur heres cavendi causa in locum, ubi est hereditas, d. l. sed etsi suscepit, §. ult. Neque dicās hoc heredi esse fraudi: Nam quid veretur heres si petatur cautio alibi, quam ubi est hereditas? cum poena non caventis hæc tantum sit, ut legatarius mittatur in possessionem rerum hereditariarum, si eo loci nulla sint res hereditariae. Itaque legatarius sibi imputare debet, qui petit cautionem eo loco, quæ si non præstetur, non potest mitti in possessionem rerum hereditariarum, cum nihil sit ibi hereditarium, nam præses, qui uno loco cavere jubet, si ei non pareat, non potest mittere in possessionem eorum rerum, quæ sunt in alia provincia, l. cum unius, §. ult. de reb. auct. jud. l. a D. Pio, de re judic. Ceterum extra hæc tria loca si petitur, obstat præscriptio fori, & fit remissio, renvoy, ut si ab herede hæc cautio petatur Romæ, ubi domicilium non habet, vel ubi non est res legata, remittetur heres in provinciam, ubi est hereditas: sed etsi petatur in provincia ubi est hereditas, aut major pars, remittetur heres in ejusdem provincie civitatem suam, si hoc desideraverit, in municipium suum, quia est necessaria satisfactio. Hæc est ratio legis de die, §. tutor, C. §. seg. qui satisf. cog. Sane satisfactio legatorum est necessaria, quia iungitur edicto prætoris, quamvis non sit semper necessaria, si constet legatum non deberi, si constet de calumniosa petitione. Hæc igitur cautio necessaria est, l. 6. h. t. & inde in l. 6. h. t. Si necessitas dandi intercedat, ubi dandi est, satisf. dandi, ut in l. 43. §. 1. de procur. Cum igitur sit necessaria, heres, qui facile non potest cavere ubi petitur, quamvis is locus non sit incongruus, iuste desiderat se remitti in ejusdem provincie civitatem suam, domicilium, municipium suum, ubi facilius inveniat fideiussores: sunt enim inventu difficiles. Et hæc constituitur differentia inter satisfationem voluntariam & necessariam in l. si fideiussor, §. pen. qui satisf. cogant. Nam si sit voluntaria & conventionalis, promissor non remittitur in alium locum: nec

nec enim id meretur, qui ipse sibi necessitatem satisfactionis imposuit. Intelligimus satis, quo loco sit prestanda hac cautio: quam in re ipsa vocat in testimonium Papin. rescriptum D. Pii, & addit, ex eodem rescripto, quod ad eandem materiam pertinet, non ad eandem questionem, rebus hereditariis distractis, puta permisso testatoris vel legatarii, hoc quoque casu non esse necessarium satisfactionem: quia frustra exigitur satisfactio, quam (si non praestatur) non potest sequi missio in res hereditarias, quae non potest sequi, si distractae sunt permisso testatoris vel legatarii: igitur cessabit edictum pratoris. Sed ex eo rescripto pretium redactum, id est, corpus numerorum ex venditione bonorum hereditarium redactum, deponendum erit apud sequestrem, ut res sit salva legatario cum dies legati venerit aut conditio extiterit: deficiente remedio edicti pratoris, vel remedio constitutionis five rescripti D. Pii tutor ad sequestrem, hoc est extremum remedium servandi legati, vel fideicommissi.

Ad L. IV. Ut in poss. leg.

Plane si nova causa allegetur, veluti quod fideiussor decesserit, aut etiam rem familiarem inopinato fortune impetu amiserit: æquum erit praestari cautionem.

Quæritur tertio loco, an hac cautio sapienter sit prestanda: forte si prior cautio non daret, ut sit sæpe mortuo fideiussore sine herede ullo, vel eo lapsio facultatibus, redactio ad incitas: commune esse diximus omnium satisfactionum pratoriarum, ut si per calumniam petantur, ea de re cognoscat prator, vel præses summam. Commune etiam est, ut & procuratoribus præstentur & assumatur eorum nomen quorum interest, l. 3. de præst. stip. l. 1. §. non solum, sup. tit. prox. Commune etiam hoc tertium est, ut præstentur sæpius, si quæ datæ sunt, non durent, veluti fideiussoribus redactis ad inopiam, videlicet si stipulatoris culpa non desierit esse cautum, ut si vel initio acceperat minus idoneos fideiussores, vel sciens disolutos homines, vel prodigos, ut in l. 3. §. ult. hoc. Sed si casu quodam desierit esse cautum, ut idem Papin. ait, si decesserit fideiussor sine successore, vel si impetu quodam fortune rem familiarem amiserit, æquum erit iterum legatario caveri, l. 4. de præst. stipul. cum quo conjungenda est lex l. 2. qui fideiuss. cogant. quæ ex eodem est lib. 28. Papin. in qua Paulus idem probat.

Ad L. XCV. de Solut.

Stichum aut Pamphilum, utrum ego velim dare spondes? altero mortuo, qui vivit solus petetur, nisi si mora facta sit in eo mortuo, quem petitor elegit: tunc n. perinde solus ille, qui decessit, præbetur, ac si solus in obligationem deductus fuisset.

S. i. Quod si promissoris fuerit electio, defuncto altero, qui superest, aequè peti poterit. Enimvero si factio debitoris alter sit mortuus, cum debitoris esset electio, quamvis interit non alius peti possit, quam qui solvi etiam potest, neque defuncti offerri æstimatio potest si forte longe sit vilius, quoniam id pro petitore in penam promissoris constitutum est: tamen si & alter servus postea sine culpa debitoris moriatur, nullo modo ex stipulatu agi poterit, cum illo in tempore quo moriebatur, non commiserit stipulationem. Sane quoniam impunita non debent esse admissa, doli actio non immerito desiderabitur, aliter quam in persona fideiussoris, qui promissum hominem interfecit, quia tenetur ex stipulatu actione fideiussor, quemadmodum tenebatur, si debitor sine herede decessisset.

IN hac multa de stipulationibus voluntariis, quæ ex conventionione rerum sunt aguntur indiscriminatur, quæ plurimum laboris exigunt: & prima questio est de stipulatione ita concepta, Stichum aut Pamphilum dare spondes? Ex qua est quidem uterque homo in obligatione vel in petitione, ut est in ipso contractu, in ipsa formula stipulationis. Nec enim aliter debentur, aut petuntur recte, quam sunt deducti in stipulationem.

A Igitur ut sunt positi in stipulatione ambo, ita sunt ambo in obligatione, vel petitione: sed alter tantum est in solutione, l. si duores, de verborum obligat. puta is, quem elegerit promissor, quem dixerit se dare velle, videlicet si in stipulatione de electione nihil sit adjectum. Nam in eo genere stipulationis, electio est promissoris, utrum præstet, utrum det: vel si adjectum sit in stipulatione, ut is daretur quem vellet stipulator, ut proponitur initio huius l. Stichum aut Pamphilum, utrum ego velim dare spondes? electio est stipulatoris, & is quem elegerit, est in obligatione, & in petitione, & solutione, l. si quis stipulatus sit Stichum aut Pamphilum, de verborum obligat. Ergo aut electio est promissoris, aut stipulatoris: si stipulator sibi electionem receperit, mortuo altero extinguitur electio, & is solus, qui vivit, est in obligatione & petitione, si ille mortuus sit ante moram & culpam promissoris: Nam si post moram promissoris mortuus sit is, quem elegerat stipulator: nec enim potest mora fieri, antequam elegerit aliquem stipulator, eo casu electio stipulatoris non ideo perit, quod superest tantum alter: Nam vel si præstatur qui superest, si eum maluerit stipulator, vel si qui mortuus est, quem elegerat stipulator: præbetur, inquit, Papin. id est, æstimatio ejus præbetur, si forte longe majoris pretii fuerit, quam superest. In penam promissoris hoc est constitutum, ut possit eligere stipulator pretium mortui, qui longe fuit altero pretiosior, atque ita ad coercendam moram promissoris, electio durat etiam post mortem electi. Quod si electio fuerit promissoris, & de hoc casu incipit tractare in §. 1. & quæstio attendit: mortuo altero, is qui superest, peti & solvi potest, scilicet, ut dictum est, in priori casu, nisi in eo, qui mortuus est, accipiendo jam stipulator moram fecerit: hoc enim casu promissor omnimodo liberatur, ac ne superstitem quidem debet, l. stipulatus sum 115, de verb. oblig. Sed si stipulator moram non fecerit, debetur superest, peti & solvi superest potest, l. si in emptione, §. pen. de cont. empt. An solus debetur? an durat electio promissori, ut liberetur præstando æstimationem mortui, qui forte longe fuit vilior? Et verissimum est, integrum esse electionem promissori, ut vel pretium mortui præstet, si sine culpa ejus mortuus sit. Et ita accipienda est l. cum res, §. sed si Stichus, de leg. 1. quam opponit Accurs. Nam si culpa promissoris mortuus sit, extinguitur electio, & is solus peti & solvi potest, qui vivit, &

B ita proponitur in §. 1. Neque obstat quod dictum est in principio l. stipulatorem, eum qui sibi recipit electionem, post moram promissoris mortuo altero, mortui pretium eligere posse, si forte fuerit pretiosior superstiti: Nam hoc ut respondet Papin. ita constitutum est pro stipulatore in penam promissoris, qui moram fecerat, ut in eo coerceretur mora. Electio igitur conservatur stipulatori etiam post mortem hominis electi, & in penam promissoris morosi & frustratoris: & vice versa, si electio fuit promissoris, jure stipulationis mortuo altero ei electio auferatur. Nam mortui æstimationem solvendo non liberatur, si forte longe vilior, sed necesse habet eum præstare, qui superest, perinde ac si solus deductus fuisset in stipulationem. Sed quod notandum, non habet etiam necesse, si hoc velit stipulator, mortui æstimationem præstare, qui

C forte longe fuit pretiosior, etiam si ante moram culpa ejus interierit, quia stipulatoris non fuit electio, & promissor poterit eum non dare. Quamobrem ita concludamus. In penam promissoris qui moram fecit, non transferitur electio a promissore, cujus erat electio in stipulationem. In penam promissoris electio, quæ fuit stipulatori, stipulatori conservatur etiam post mortem electi. Et tertia conclusio in penam promissoris, qui moram fecit, electio, quæ ejus fuit, ei auferatur mortuo altero, ita ut eum solum præstare possit, qui superest, nec potest cogi a stipulatore, ut præstet pretium mortui, quod longe fuit majus, ne præcipiatur promissori electio, quæ ei competit conventionis five stipulationis jure. Atque ita ex his intelligitur, cum est electio promissoris, multum interesse, alter

D ita proponitur in §. 1. Neque obstat quod dictum est in principio l. stipulatorem, eum qui sibi recipit electionem, post moram promissoris mortuo altero, mortui pretium eligere posse, si forte fuerit pretiosior superstiti: Nam hoc ut respondet Papin. ita constitutum est pro stipulatore in penam promissoris, qui moram fecerat, ut in eo coerceretur mora. Electio igitur conservatur stipulatori etiam post mortem hominis electi, & in penam promissoris morosi & frustratoris: & vice versa, si electio fuit promissoris, jure stipulationis mortuo altero ei electio auferatur. Nam mortui æstimationem solvendo non liberatur, si forte longe vilior, sed necesse habet eum præstare, qui superest, perinde ac si solus deductus fuisset in stipulationem. Sed quod notandum, non habet etiam necesse, si hoc velit stipulator, mortui æstimationem præstare, qui

E forte longe fuit pretiosior, etiam si ante moram culpa ejus interierit, quia stipulatoris non fuit electio, & promissor poterit eum non dare. Quamobrem ita concludamus. In penam promissoris qui moram fecit, non transferitur electio a promissore, cujus erat electio in stipulationem. In penam promissoris electio, quæ fuit stipulatori, stipulatori conservatur etiam post mortem electi. Et tertia conclusio in penam promissoris, qui moram fecit, electio, quæ ejus fuit, ei auferatur mortuo altero, ita ut eum solum præstare possit, qui superest, nec potest cogi a stipulatore, ut præstet pretium mortui, quod longe fuit majus, ne præcipiatur promissori electio, quæ ei competit conventionis five stipulationis jure. Atque ita ex his intelligitur, cum est electio promissoris, multum interesse, alter

alter servus moriatur culpa promissoris, an non; nam si sine culpa, etiam post mortem unius electio ei conservatur, si culpa, extinguatur, & solus qui superest, peti, ac solvi potest, neque defuncti offerri æstimatio potest, si longe fuit utilis, nec peti a stipulatore, si longe fuit prætorior. Multum etiam alia in re interest, utrum alter, servus mortuus sit culpa promissoris, an sine culpa: Nam ut omnes casus, qui incidere possunt comprehendamus, quod fiet quadripartito, si sine culpa promissoris unus decesserit, deinde alter ante moram æque sine culpa promissoris, proculdubio omnimodo liberatur promissor. Hoc erit primum membrum. Sequitur aliud: si unus decesserit culpa promissoris, puta quod eum occiderit, deinde alter moriatur, sed sine culpa promissoris, non tenetur promissor actione ex stipulatu, ne in æstimationem quidem: quia posterior, qui mortuus est, in quo consistebat obligatio, mortuus est antequam stipulationi locus esset, id est, ante moram & culpam promissoris: neque enim posterior culpa ejus interit, sed tenetur actione de dolo in id quod interest, ne impunita sit culpa, ne impuniti sit dolus. Cessat igitur actio ex stipulatu, ut nec possit peti pretium occisi, quia electio non est stipulationis, neque electio mortui suo fato, quia sine culpa promissoris mortuus est, sed competit de dolo, quia ejus dolo sit factum ne prior servus quem occidit præstari possit. Sequitur tertium membrum: si uterque mortuus sit culpa promissoris, proculdubio competit actio ex stipulatu, quasi commissa stipulatione: quia secundum regulam juris, quotiescunque culpa intervenit promissoris vel mora; culpa ut si occiderit, mora ut si interpellatus congruo loco & tempore eum non solverit, sed ad iudices provocaverit, obligatio solet perpetuari, produci, *l. si servum, §. sequitur, de verb. oblig.* Et similiter, qui est 4. casus: si prior servus decesserit sine culpa promissoris, & posterior, in quo solo consistebat obligatio, culpa promissoris interierit, æque tenetur actione ex stipulatu. Sed ut redeamus ad secundum casum, qui fols proponitur hoc §. 1. Si posterior servus sine culpa promissoris decesserit, cessat actio ex stipulatu, etiam si prior culpa ejus decesserit. Sed tenetur actione de dolo in id quod interest, deficiente actione ex stipulatu. Ad eam quæstionem subjicit Papinian. aliud esse dicendum in persona fidejussoris. Docuit illo casu, quem jam exposui, promissorem non teneri ex stipulatu, sed de dolo. Docet vice versa, fidejussorem teneri ex stipulatu, non de dolo, ut sit differentia inter promissorem & fidejussorem: nam illo casu promissor tenetur de dolo, fidejussor ex stipulatu, ut si fidejussoris culpa homo interierit ante moram, quo genere liberatur promissor, qui vacat culpa & mora, fidejussor tamen tenetur ex stipulatu, non de dolo: Nam quod consensum meretur omnium, ubi est alia actio, cessat famosa illa de dolo, & tenetur fidejussor, qui hominem interfecit, utili actione ex stipulatu, in *l. mora, l. si pupill. 127. de verb. oblig. l. mora, §. ult. de usur. l. cum quis, §. pen. de fidejuss.* Et tenetur utili ex stipulatu, id est restructoria, vel ut Græcus interpret ait, actione in factum: omnis actio utilis est in factum, omnis actio restructoria, quæ extincta fuerat, est utilis: Nam competit directa ex stipulatu, quia ipso jure liberato reo, & ipse liberatus est, sed æquum non est, ut suo facto dolo malo liberetur ipse, ut dolo malo se ipsum liberet, interficiendo hominem promissum, quamquam contingat, ut promissorem liberet, ne ex dolo suo lucrum faciat. Ergo sublata principali obligatione, manet fidejussoria: denique tenetur hoc casu utili ex stipulatu: & tamen superiore casu promissor tenebatur de dolo: voluit ostendere esse discrimen inter hos casus. Sed quod ait, fidejussorem non teneri de dolo, obstat *l. si fidejussor, de dolo*, quæ ponit eandem speciem, fidejussorem ante moram occidisse hominem promissum, & teneri de dolo, propterea quod non tenetur ex stipulatu, quod liberato reo, & ipse liberatus est. Respondeo hoc modo: fidejussorem, qui ante moram hominem promissum interfecit, non teneri de dolo in id quod interest,

sicut reus, qui promiserat Stichum aut Pamphilum, & occiderat Stichum, altero postea mortuo sua morte tenetur de dolo in id quod interest, non ita & fidejussor tenetur de dolo in id quod interest, sed ut res vel actio, quæ perit stipulatori, restituatur mortuo homine ante moram, ut reponat se fidejussor in pristinam obligationem stipulati, quia liberatus est promissore liberato. Et ita per actionem de dolo hoc consequetur, ut sibi restituatur actio ex stipulatu in fidejussorem, quæ fuerat extincta. Restituitur inquam: utilis est ergo ut *d. l. mora, in fine, de usur.* vel si non patiatur restituere pristinam obligationem & actionem ex stipulatu, actione de dolo plane condemnabitur in id quod interest, sicut promissor. Atque ita si velis brevius respondere, dicito, fidejussorem teneri de dolo, & hoc verum esse, si recuset accipere iudicium restructorium ex stipulatu. Neque autem novum videri debet, ut liberato reo non omnino liberetur fidejussor: Nam subjicit alium casum, quo idem contingit, si promissor sine herede decesserit, & ob id creditores ex edicto bona ejus possederint, & distraxerint, ut in *l. heres, §. quod si stipulator, h. tit.* debitor liberatur, fidejussor obligatus manet, & tenetur actione utili ex stipulatu, quod significat Papinian. his verbis, *quemadmodum, &c.* Et est similis casus in *l. capitis, & alius in d. l. cum quis, §. pen. de fidejuss.* & alius in *l. i. c. de fidejuss.* Quæ in §. 1. traditur differentia inter reum & fidejussorem, ut hic teneatur ex stipulatu, non de dolo; ille de dolo, non ex stipulatu, maxime velim vos animadvertere, eam non verari in ea specie: Nam res omnis ita distinguenda est: vel Stichus est solus in obligatione deductus, vel Stichus aut Pamphilus sub distinctione. Si solus Stichus, & eum reus occiderit, tam fidejussor, quam reus tenetur directa ex stipulatu. Et culpa rei fidejussori nocet, quia in omnem casum intercessit, *l. mora, l. cum fidejussor in diem, de verbor. oblig. l. si a colonis, §. ult. de fidejuss.* Sin autem fidejussor eum occiderit, reus liberatur, nec culpa fidejussoris ei nocet: fidejussor tenetur utili ex stipulatu, nec necessaria est actio de dolo, nisi recuset accipere iudicium ex stipulatu. Quod si Stichus aut Pamphilus disjunctim in obligationem deductus sit, & Stichus reus occiderit, deinde Pamphilus moriatur suo fato, reus neque directa, neque utili actione ex stipulatu tenetur: si de dolo in ea non sit cautum, ut plerumque doli clausula adjicitur tantum in prætoris stipulationibus & necessariis, non in voluntariis, & conventionalibus, sed reus tenetur de dolo, fidejussor vero omnimodo liberatur, quia præempta stipulatio est, & ipse dolo nihil admisit. Contra, si fidejussor Stichum occiderit, deinde moriatur Pamphilus suo fato, reus omnimodo liberatur, fidejussor tenetur tantum de dolo. Itaque, ut apparet modo, ex quadripartita divisione, illa differentia non vertitur in una specie, sed in diversis.

Ad §. aditio hereditatis.

Aditio hereditatis nonnunquam jure confundit obligationem, veluti si creditor debitoris, vel contra debitor creditoris adierit hereditatem: aliquando pro solutione crediti, si forte creditor, qui pupillo sine tutoris auctoritate nummos crediderit, heres ei extiterit: non enim quanto locupletior pupillus factus est, consequetur, sed in solidum creditum suum ex hereditate retinet: aliquando evenit, ut inanis obligatio aditione hereditatis confirmetur: Nam si heres, qui restituerit ex Trebelliano hereditatem, fideicommissario heres exstiterit, vel mulier, quæ pro Titio intercesserat, eidem heres exstiterit, incipit obligatio civilis propter hereditatem ejus, qui jure tenebatur, auxilium executionis amittere. Etenim inconditum est subvenire sexui mulieris, quæ suo nomine periclitetur.

In hoc §. qui sane multa perquam utilia & necessaria complectitur, ponuntur tres effectus aditionis hereditatis, quantum attinet ad causas quibus in cujus adita est hereditas adstrictus fuerit. Et unus effectus pertinet ad obligationem civilem, quæ ex parte actoris per-

aditione hereditatis: quia nova eis accedit causa, novæ rationes & inexpugnabiles, novum robur, successio in locum ejus, qui efficaciter tenebatur, & quasi novæ obligationis jure. Itaque in hac quæstione nihil refert expromiserit mulier, quod sit per novationem, an fidejusserit, vel alio modo intercesserit pro alio: expromissio, quæ inanis fuit, aditione confirmatur, quia licet cum muliere experiri directa actione ex stipulatu ipsius mulieris, vel utili, id est restitutoria, quæ defunctus efficaciter teneatur. Quid enim mulieris interest, quæ actione conveniatur? Et ita elegantissime est scriptum in *l. quamvis, §. mulier, ad Vellejan.* Et notandum hodie, plane nihil interfuisset (quia sunt omnia judicia extraordinaria) in quibus, ut ait lex actio, de negot. gesti. conceptio formulæ non observatur, id est, non venit in disquisitionem, & ad *l. actio nulla est lex*, quæ pertineat proprie, quam *B* *§. si mulieri*: quod notandum. Denique utilis actio non tollit directam: quandoque licet hæc, vel illa cum muliere experiri, quamvis utilis actio utique fuerit major, id est, efficacior. Et similiter fidejussio mulieris, quæ inanis fuit, aditione confirmatur, & licet cum muliere experiri, vel ex causa fidejussionis, vel ex causa principalis, ex qua defunctus tenebatur, quia in extraordinariis judiciis nihil interest, quod judicio agatur cum eo, a quo omnino habiturus est quod petit, vel alio judicio. Denique hodie principalis obligatio non tollit fidejussoriam, quamvis principalis utique sit major: major non tollit minorem, sed licet agere ex hac vel illa jure ordinario: major tollit minorem, si spectes formulas *l. debitor, de fidejuss.* *l. si duo, hoc tit.* Ex vitiosa est igitur distinctio Accursii, inter promissionem mulieris, *C* & aliam quamlibet intercessionem.

Ad §. Quod vulgo.

Quod vulgo jactatur, fidejussorem, qui debitor heres exstitit, ex causa fidejussionis liberari, totiens verum est, quotiens rei plenior promittendi obligatio invenitur: nam si reus duntaxat fuit obligatus, fidejussor liberabitur: e contrario non potest dici, non tolli fidejussoris obligationem si debitor propriam & personalem habuit defensionem: Nam si minori 25. annis bona fidei pecuniam credidit, sique numeros acceptos perdidit, & intra tempora in integrum restitutionis decessit, heres fidejussore: difficile est dicere, causam juris honorari, quæ potuit auxilio minori esse, retinere fidejussoris obligationem, quæ principalis fuit, & cui fidejussoris accessit sine contemplatione juris prætorii: auxilium igitur restitutionis fidejussori, quia adolescens heres exstitit, intra constitutum tempus servum erit.

Paragraphus quod vulgo, (*) pertinet etiam ad effectus obligationis naturalis, & potest ex eo constitui quartus effectus: Namque docet aditione hereditatis fidejussoriam obligationem confundi & tolli hereditaria manente, si fidejussor debitori heres exstitit, quia scilicet major & plenior obligatio tollit minorem, minor majori cedit loco, ut in *l. §. l. debitor, de fidejuss.* *sup. l. fidejussor, C. de ord. tit. l. si duo, hoc tit. l. debitor, de separata.* Hereditaria autem obligatio est major & plenior, quia est principalis. Si igitur recidat in eandem personam obligatio principalis & fidejussoria, prævalet major, & fidejussoria pro nulla habetur: Nam & qui principalis reus, ipse pro se fidejussor esse non potest. Denique superveniens principalis adsumit fidejussoriam jure ordinario. Ait enim *§. hoc vulgo jactari*, id est, esse regulam juris ordinarii: quod vulgo dicitur vel jactatur, ius ordinarium est. Titulus omnis de regulis juris, est de jure ordinario & summo, non de extraordinario aut minori: quod vulgo jactatur, ut Greci, το κοινον & λεγόμενον, quod ordinarium est. Hodie si de jure extraordinario disputas, nihil refert, etiam si in hac specie, cum fidejussore, qui debitori heres exstitit, agatur ex causa fidejussoria: quid enim interest quia ex causa agatur, ut in *l. quamvis, §. si mulier, ad Vellejan.* quem locum veterum. *IV.*

Alim vos memoria figere. Conclusio hac sit juris ordinarii: aditione hereditatis fidejussoria obligatio tollitur, principalis manet. Et notandum quod in §. hoc docet, hanc regulam ita veram esse, si utraque obligatio principalis & fidejussoria sit civilis & efficax: nam si principalis sit naturalis tantum, fidejussoria civilis, & fidejussor reo principali heres exstitit, neutra tollitur vel consumitur, neutra cedit alteri, neutra se plus efficere altera potest, quasi potiore vel plenior: principalis non est major, cum non sit *απαρτος υγιος*, cum non pariat actionem: neque fidejussoria etiam est major, cum non sit principalis. Et licet exemplum ponere in pupillo, qui mutuum pecuniam accepit sine tutoris auctoritate, & ex ea locupletior factus est, videlicet secundum jus, quod obtinuit ante constitutionem *D. Pii*: Nam si fidejussor pupillo heres exstitit, potest conveniri, vel ex principali causa, vel ex fidejussoria, quia neutra tollitur: sed post constitutionem Divi Pii ex fidejussoria tantum, quia ea pupilli obligatio facta est per eam constitutionem veluti civilis, prodita actione in pupillum: & licet etiam aliud exemplum ponere ex *l. heres, §. servo, de fidejuss.* in servo. Servus mutuum pecuniam accepit, & fidejussorem dedit liberum hominem: servus obligatur naturaliter tantum, cum in eum non cadat actio: fidejussor autem civiliter obligatur, & post servi manumissionem, si fidejussor manumissio heres exstitit, neutra obligatio consumitur, *d. §. servo*. Et hoc voluit docere Papinianus, in priori parte hujus §. nec est, quod pluribus explicemus, quam depravate sit scriptus. Nam si reus duntaxat fuit obligatus, fidejussor, &c. si reus fuit obligatus tantum, ergo non fidejussor. Et menda est evidentissima, quam sustulisse de his libris satis est, & ut jamdiu ostendi ex Basil. constat ita legendum: Nam si reus natura obligatus fuit obligatus, fidejussor non liberabitur, & verba Basil. hæc sunt, *εἰ γὰρ ὁ ἐννοούμενος φύσει υἱὸς ἀρχέτο, ἐν ἀποδοτικῇ ὡς ἱσχύον. Nam si reus, inquit, duntaxat natura obligatus sit, non liberatur fidejussor: quo sunt obscuriora scripta Papiniani eo mendosiora ad nos pervenerunt. E contrario ut subjicit, si reus fuit etiam civiliter obligatus, aditione hereditatis fidejussor liberabitur, quia plenior obligatio extinguitur minorem, quod Papinianus subiicit verum esse, scilicet si fuerit obligatio principalis civilis & efficax: In ipso concursu, cum perimat fidejussoriam, id esse verum, etiam si reus principalis proprium & personale habuerit beneficium restitutionis in integrum: verbis gratia, beneficium ætatis, quo eximeretur ab ea obligatione civili: proprium hoc est beneficium personæ, nec commune cum fidejussore ejus majore annis xxv. quod tamen beneficium transmittitur in heredem adolescentis, *l. non solum, de restit. in integr. l. minor, de minorib. l. 2. & q. C. de tempor. in integr. restit.* Eo igitur casu obligatio principalis est plena, efficax, sed rescindi potest per restitutionem beneficium ætatis rei: nec ideo minus est plena, quod potuit reo vel heredi ejus tribui auxilium restitutionis beneficio prætoris, quia beneficium illud non coheret rei & obligationi, sed personæ: & extrinsecus adsumitur, & incertum est, ut ait lex *§. Titius, de fidejuss.* Datur enim a prætoris causa cognita: forte id dabit prætor, forte denegabit, obligatio per se consideranda est, insuperhabita spe restitutionis, quæ nihil adhaeret obligationi. Finge igitur minorem xxv. annis, mutuum pecuniam accepisse: obligatur civiliter, & pleno jure, etiam si mox eam pecuniam perdidit, nec sit ex ea locupletior factus, dummodo ei adolescenti credita sit bona fide, ut dicit Papinianus: hoc cur dixit, Accursius non intellexit. Sed hoc ideo dicit rectissime, quia qui bona fide credit pecuniam adolescenti, ignorans scilicet, adolescentem mox eam perditurum, retinet jus crediti: sed qui sciens forte luxurioso adolescenti, quasi perdituro, & mox scorto daturum pecuniam credidit, jus crediti non habet, nec adolescens, nec fidejussor adolescentis ullo modo obligatur, *l. si vero non remunerandi, §. si**

(*) Vide Merill. Variant. ex Cujac. lib. 3. cap. 23.

adolecenti, mand. l. quod si minor, §. restitutio, de minorib. l. si quis cum, pro empt. quia non debuit creditor sciens prudens in eam rem adolecenti credere, non debuit in societatem venire turpis consilii. Et eleganter Seneca libro de beneficiis: pecuniam non dabo, quam numeratorem adultera sciam, ne in societate turpis facili aut consilii inveniar. Et Nicolaus quoque in libro quem edidit de legibus & moribus variarum gentium apud Stobaeum hanc legem retulit his verbis, id est de re docta, &c. Si quis deprehendatur pecuniam luxurioso credidisse, creditum amittit. Ergo minor xxv. annis, qui pecuniam mutuam accepit, & mox abliguerit, nihilominus creditori tenetur, si modo creditor ei bona fide credidit, non si sciens, quam in rem foret adolecens. Finge igitur, minorem xxv. annis mutuam accepisse pecuniam, numeratam bona fide, & fideiussorem dedisse, & mox eam pecuniam perdidisse obligatur civiliter, sed potest restitui in integrum, quod lapsus sit lubrico iuventutis. Verum antequam restitueretur in integrum, mortuus est fideiussore herede relicto. Atque ita idem est & principalis & fideiussor. Re tamen vera fideiussor liberatur ex causa fideiussionis, & tenetur tantum ex causa principali, nec causa restitutionis in integrum, quae tribui potuit reo, vel heredi eius ea, inquam, causa non retinet obligationem fideiussoris ne pereat quasi ob eam rem principalis non sit major, aut censetur minor, quod possit rescindi, quia ea causa restitutionis in integrum fuit personalis, non realis, & sine eius contemplatione ei fideiussor accessit. Nec igitur contemplanda est, siue respicienda causa illa restitutionis in integrum, quae contingere potest. Itaque nihil plane eam causam extraordinariam & incertam, & rei non coherentem contractus iure spectabimus, sed perinde ac si non esset, aut esse posset, rem aestimabimus, & dicemus, fideiussorem, quia adolecenti heres existit, jam non teneri ut fideiussorem, sed ut principalem, quia major obligatio absumpsit minorem, & consequenter eam, quasi principalem posse implorare auxilium restitutionis intra annum utilem, vel hodie ex constitutione Iustiniani in quadriennium continuum, quod auxilium non haberet, si ex causa fideiussoria conveniretur: sed utitur eo, quia ex principali tantum causa convenitur. Sed nonne iniquum est, rationem juris, quae causam fideiussionis propter principalem obligationem, qui sibi diligenter prospexerat, l. debitor, de separat. Sed hoc ita si liberato minore, liberetur & fideiussor, ut in l. in causa, D. de minor. Ex in hac parte inheret labes illo loco, quae principalis fuit: quae causa, restitutionis in integrum scilicet, principalis fuit, personalis fuit, hoc sensu: causa illa extraordinaria coheret personae adolecentis obligati, nec ob eam obligationem principalis fuit minor: haec sunt certissima. Obligationem igitur, cuius restitutionis causa scilicet personalis fuit, & cui fideiussor accessit etiam sine contemplatione ejus, fideiussor absolvitur, ait l. accessit: accessio enim est fideiussio, l. si servum, §. nunc videamus, de verbor. obligat.

Ad §. Naturalis.

Naturalis obligatio, ut pecunia numeratione, ita iusto pacto, vel iurejurando, ipso iure tollitur, quod vinculum aequitatis, quo solo subsistebatur, conventionis aequitate dissolvitur: ideoque fideiussor, quem pupillus dedit, ex istis causis liberari dicitur.

Ex hoc §. intelligemus quae sit naturalis obligatio, & quibus modis tollatur ipso iure. Ergo naturalis obligatio est, quae solo aequitatis vinculo sustinetur, & sola ratione naturali, solo iure naturali, non iure civili: quid est obligatio civilis? vinculum iuris civilis, quod nos necessitate solvendi adstringit. Obligatio naturalis est vinculum iuris naturalis quod nos necessitate solvendi non adstringit: non est proprie obligatio, cui non est adjuncta necessitas. Ergo naturalis obligatio, proprie non est obligatio: aut brevius: obligatio naturalis est so-

lius aequitatis vinculum: si velis dilatare, sine ullo auxilio iuris civilis. Et utitur exemplo pupilli contrahentis sine tutoris auctoritate, & qui ex eo factus est locupletior; quae ex causa pupillum teneri natura aequum est, ne cum alieno detrimento locupletetur; sed non obligatur iure civili ante constitutionem Divi Pii. Ergo naturaliter tantum obligatur. Et servi quoque fere ex omnibus causis naturaliter obligantur, & filiusfamilias patri, in cuius est potestate, pater filiofamilias, frater fratri, si ambo sint in ejusdem potestate: & ex pactis naturaliter obligamur, non civiliter, ex pacto enim nulla nascitur civilis obligatio, ac proinde nec actio, l. Imperator, §. in his, de solut. Ex contractibus etiam civiliter obligamur. Ex pactis non datur actio, ex contractibus datur. Contractus est conventio, ex qua datur actio. Pactum est conventio ex qua difficile est dare actionem, datur namque nonnunquam: contractus & pacta sunt sub eodem genere conventionis, & contraria invicem. Si quæras quid sit pacto contrarium, nullum aliud contrarium invenies quam contractum, vel si quæras quid sit contractui contrarium, utique pactum invenies. Ex nonnulla alia exempla sunt in iure naturalis obligationis, quæ prætermittimus consulo. Videamus, qui finis est huius §. quibus modis ipso iure tollatur naturalis obligatio. Hic titulus est de tollendis obligationibus, non civilibus tantum, sed etiam naturalibus. Porro naturalis obligatio tollitur multis pluribus modis, quam civilis. Et primum quibus modis ipso iure tollitur civilis, eodem tollitur & naturalis obligatio. Certi sunt modi, quibus ipso iure tollitur obligatio civilis, qui enumerantur in titulo quibus modis toll. oblig. Instituitur, nec alium his possis addere modum: certis tantum modis tollitur obligatio civilis, non quibuscunque, l. obligationem fere, §. 2. de oblig. & act. naturalis & aliis quibuscunque propodemum. Porro civiles modi, quibus tollitur civilis, sunt solutio, acceptilatio, novatio: & contrarius consensus, si consensu solo contracta sit civilis obligatio, ut in emptione, venditione, locatione, conductione. Ergo his etiam modis ipso iure tollitur naturalis obligatio. Solutione ejus quod debetur tollitur omnis obligatio, tota, l. si sumus, §. sed si stipulator, de pact. id est, etiam naturalis: qui totum dicit, etiam vinculum naturale comprehendit, & ita in l. si debitori, de fideiuss. de portatione extinguit totam obligationem, & l. si mulier, in fin. ad Vellej. Senatusconsultum Vellejanum improbare totam obligationem, id est expugnare etiam naturalem. Igitur solutione tollitur etiam naturalis obligatio pecunia numeratione, id est, solutione. Numeratio non tantum creditum, sed solum significat, ut in l. 3. §. debitor, de transactio. l. 1. qui postor. in pignor. & l. 1. de non numer. pecu. Et recte Accursius numeratione, inquit, id est solutione. Imo non tantum solutione illa naturali tollitur naturalis, sed etiam acceptilatione, quæ est imaginaria solutio, ut est in Instituitur, eod. tit. & quocunque alio modo, qui pro solutione cedat, ut additione hereditatis, si debitor creditori heres extiterit, etiam naturalis obligatio perimitur, l. heres, §. quod si stipulator, de fideiuss. quia scilicet ipse creditor sibi solvendi intelligitur adeundo hereditatem non impari creditore, adeo ut fideiussor liberetur, l. Granius, de fideiuss. qui utique non liberatur, si remanet naturalis obligatio: nam vel sola naturalis retinet fideiussoriam, ut & pignoratitiam & constitutoriam, id est, constitutæ pecuniæ. Satis namque est, vel natura deberi, ut & hæ accessiones locum habeant, l. ubicunque, de fideiuss. Ergo naturalis obligatio tollitur etiam novatione & contrario consensu, §. ult. huius legis. Obligatio civilis, quæ & eadem naturalis est, non naturalis tantum, aut contrahitur re, aut verbis, aut consensu: contracta verbis, verbis solvitur, veluti acceptilatione, re contracta re solvitur, contracta numeratione solvitur numeratione, consensu contracta contrario dissolvitur, re integra scilicet, nam si res non sit integra, rem retroagi, vel retractari oportet, si velint contrahen-

trahentes ab eo negotio discedere. Ideoque si perfecta venditio, & emptio re integra, nondum re tradita, vel numerato pretio, inter emptorem & venditorem convenit, ut discederet ab emptio, tota obligatio solvitur; consequenter fidejussor liberatur, & ita in hoc §. ult. ait, fidejussorem liberari contrario consensu: & est argumentum certissimum extinctæ totius obligationis. In summa quibus modis tollitur obligatio civilis ipso jure, iisdem & naturalis. Sed addamus aliis etiam modis, ipso jure tolli naturalem obligationem, quibus civilis non tollitur ipso jure, sed per exceptionem tantum. Ecce pactio obligatio naturalis ipso jure tollitur, non civilis; denique tota obligatio pacto non tollitur, quia manet civilis: certis modis tollitur civilis, extra quos est pactum conventum. At naturalis etiam pacto convento ipso jure perimitur, si convenit nihil dari. Et inquit Papinianus, *pactio iusto*, quo verbo non significatur pactum non nudum. Nullum enim est pactum non nudum. Nihil refert dixeris: *pactum conventum, an pactum, & conventum, an pactio*: omnis pactio, omne pactum etiam legitimum nudum est, & quod hic iustum dicitur, & ipsum nudum est, nudum, dicitur, non *ipso iure nudum*, non quod aliud fit vestitum, sed *per se iustum*, quod sola æquitate conventionis consistit, sine adminiculo juris Romani: civis Romanus ex pacto non obligatur efficaciter, sed ex contractu jure gentium & civili recepto. Sed *iustum pactum* dicitur id, quod nititur æquitate conventionis, quod non est contra leges, vel bonos mores, ut in *l. epistola*, §. 1. de *pactis*: quod solum prætor se servaturum pollicetur in edicto, *pacta quæ neque contra leges, &c. id est*, pacta iusta non abhorrentia ab æquitate naturali nec contra leges. Et servabatur datis exceptionibus tantum, non datis actionibus, quoniam ex pactis non est obligatio civilis sed naturalis tantum, ac proinde nec actio. Igitur iniustum pactum non servat prætor. Iniustum pactum non tollit naturalem obligationem, *l. i. iustum, §. prætor, de pact. l. pacta, l. pen. C. eod.* Et ne circumscribamur, ne dixerimus unquam, idem esse pactum legitimum & iustum: magna est differentia. Iustum est, quod consentit cum æquitate naturali. Legitimum est, quod nominationis legis potestate confirmatur, ut pactum defurtis & iniuriis lege duodecim tabul. *l. legitima, de pact.* Legitimum pactum parit, & perimit actionem ipso jure. Iustum, quod etiam non est legitimum, non lege certa confirmatur, neque parit, neque perimit actionem ipso jure: prætor tueretur non legitimum pactum data exceptione: non iustum, non tueretur, non servat. Et ita non male Apulejus in Apol. 2. differentiam facit inter iustum & legitimum heredem, quia potest esse defunctio quis legitimus heres, veluti proximus agnatus, sed non iustus, inquam ingratas, indignus: *sicbat, inquit, in testati pueri se legitimum potius, quam iustum heredem suorum.* Igitur iusto pacto ipso jure tollitur obligatio naturalis, id est, æquitate conventionis tollitur vinculum æquitatis, ut ait Papinianus: quibus verbis demonstrat: quid iusti nomine significet: denique jure naturali, jus naturale tollitur, æquitas æquitate, & prout quæque consistit obligatio, ita dissolvitur, *l. prout, hoc tit.* Si consensu fit contracta, consensu tollitur: ut stipulatio, acceptatione: si æquitate, æquitate: & hujus rei argumentum est, quod si quis solverit, quod natura debuit per ignorantiam, cui vel ipse, vel is, qui heres existit, pepigisset cum creditore de non petenda pecunia, habet conditionem soluti indebiti, quam non haberet, si post pactum non superesset naturalis obligatio: nec enim condicetur, quod vel natura debetur, sed id tantum, quod nec jure naturali debetur: ex quo apparet, pacto solvi vinculum naturæ, *l. si non forem, §. liberus, l. si quis in debet, de condic. indeb. l. ult. de jurejur.* Obijcit Accurs. *l. si unus, §. pactus, de pact.* Ex qua efficit, naturalem obligationem ipso jure pacto non tolli: nam ait aperte is §. pactum prius, quod fuit de non petenda pecunia, non tolli posteriore ipso jure, quod est de petenda pecunia, sed per replicationem. Atqui prius pactum pepererat naturalem

obligationem: nam ex pacto illo de non petenda pecunia, obligatus erat creditor ad liberandum rem. Et hoc fatemur facile, ex priori pacto ortam naturalem obligationem, & tamen text. ait, eam naturalem obligationem ipso jure, non tolli posteriore. Sed nihil est facilius. In §. pactus, agitur de jure civili, & prætorio: in hoc §. naturalis, de jure naturali. Jure civili est necessaria exceptio vel replicatio: jure naturali, non est necessaria, sed ipso jure, *id ipso dicitur*, ut Græci hoc loco ajunt, per se naturalis obligatio pacto perimitur. Exceptio autem ex priori pacto quæsitæ jure prætorio non perimitur ipso jure, sed per replicationem pacti posterioris. Etiam illud adjicitur hoc §. jurejurando tolli naturalem obligationem, quod est certum, *l. si quis juravit, de condic. indeb.* ut si pupillus juraverit se dare non oportere, vel se non accepisse pecuniam: nec enim interest ejus ætatis sit qui juraverit, sed omnimodo custodiri debet jurandum, & contentus eo esse debet creditor, qui id desulit pupillo, *l. qui jurasse, de jurejur.* Denique jurandum cujuscunque tollit naturalem obligationem. Nam maxime si delatum sit ab adversario, pro pactio, vel transactione credit, *l. 2. l. liber, l. tutor, §. 1. l. si servus, de jurejur.* Imo & pro solutione, & in locum solutionis succedit *l. i. iustum, §. 1. l. seg. §. 1.* Ex quo intelligitur, quodcumque est pro solutione, veluti jurandum, & pactum quod & pro solutione est, qualitercumque tollere naturalem obligationem, non etiam civilem: nam omne quod pro solutione credit, tollit civilem obligationem ipso jure, non jurandum. Denique non omnis imago solutionis tollit civilem, non jurandum: transactione tota obligatio perimitur, & de transactione locus est in *l. fidejussor, de fidejuss.* Ex quibus sequitur, quia pacto & jurejurando tollitur naturalis obligatio etiam ex istis causis, puta jurejurando fidejussorem pupilli liberari, cum tota obligatio extincta sit.

Ad §. Quæritur est.

Quæritur est, an ita stipulari quis possit? Mihi aut filio meo decem dari? vel ita: mihi aut patri? sed non incommode potest adhiberi distinctio, ut filio quidem stipulante, patris tunc adjiciatur persona, cum stipulatio sit adquirendi non possit: & contrario autem nihil prohibeat patre stipulante, filii personam adjici, cum tamen quod pater filio stipulatur, sibi stipulatus intelligitur, cum ipse sibi stipulatus non est: & in proposito manifestum est, non obligationis sed solutionis gratia, filii personam adjectam.

Sequitur alia quæstio de adjecto solutionis gratia: sic appellatur sæpius in jure, quæ paulo inferius designatur. Sed repetendum ex regula juris, inutilem stipulationem esse, si quis extraneo stipuletur vel paciscatur, veluti Titio dare, quia nec per eum extraneæ personæ acquiri potest: nobis adquirimus, non aliis, quorum juri subijcti non sumus. Et nobis igitur stipulamur: nam stipulatio interponitur adquirendi causa, *l. inter §. alteri, de verb. oblig. l. quæritur, §. ult. de reg. jur.* Ergo & si quis stipuletur conjunctum, sibi & Titio dari, pro parte Titii inutilis est stipulatio. Adjectio prorsus inutilis, *l. si mihi & Titio, §. 1. ult. in fine, de verb. oblig.* vel Titii adjectio pro supervacua habetur, & stipulatori tota stipulatio acquiritur, & nulla ex parte inutilis est, *l. proprium, comm. præd. l. fundus, de contr. empt.* Aut igitur cum stipulatus sum mihi & Titio, stipulatio est utilis pro parte tantum, aut in totum pro qualitate rerum, qui in stipulationem deducti sunt. Adjectio autem vel est inutilis vel supervacua: adjectio inutilis vitiat stipulationem pro parte, supervacua nihil vitiat stipulationem, quandoquidem habetur pro non scripta aut non expressa. Et hoc si quis stipuletur sibi & Titio. Quod si stipuletur sibi aut Titio, supervacua est adjectio Titii, quod ad obligationem attinet, quia non acquiritur Titio, nec id agitur, ut ei acquiratur, quando Titius in disjunctione ponitur. Utilis autem est adjectio Titii, quod attinet ad solutionem: Nam promissori

fori liberum est vel stipulatori solvere vel Titio, etiam invito stipulatore secundum conceptionem stipulationis, non eo genere, mihi aut Titio. Titius adicitur non obligationis gratia, ut & obligatio quærat, quod fieri nequit, sed solutionis gratia, ut promissor vel Titio solvat, & utique Titio solvendo liberatur, etiam si postea stipulator Titio solvi prohibuerit. Titius est velut procurator, ut accipiat pecuniam, sed eam procuratorem non potest mutare stipulator, ne fraudem faciat promissori, cui initio stipulationis dedit arbitrium solvendi utri mallet, l. 12. §. pen. l. aliud tōb. hoc tit. Atque ita eo casu evenit, ut stipulatio obliget ultro citroque non promissorem tantum, sed etiam stipulatorem, ut fit *dictum*, quæ solet esse *mutua*; nam eo genere stipulator aligatur conditione stipulationis, ut vel Titio solvi possit quasi procuratori ejus initio contrahende stipulationis constituto, nec eam legem stipulationis immutare potest. Ergo si quis stipulatur sibi aut Titio, stipulatio tota ei acquiritur, Titio solvitur recte, etiam nolente stipulationis gratia, non crediti sive obligationis gratia. Denique extraneus est capax solutionis, non obligationis, id est, adici potest solutionis, non obligationis gratia. Et hæc de extraneo, id est, de eo qui neque habet stipulatorem in potestate, neque ipse est in potestate stipulatoris. Sic extraneum accipere hic oportet. Nunc dicamus de eo, qui habet aut habetur in potestate stipulatoris: filiusnam, patri in cujus potestate est, si stipuletur, utilis stipulatio est, & acquiritur patri confestim, vel si quo casu non possit adquiri patri veluti ex causa castrensis peculii aut quasi castrensis, inutilis est stipulatio perinde ac si filius non esset in ejus potestate. Et e contrario si pater stipuletur filio nam, sic ei acquiritur potest perinde atque si sibi stipulatus esset: quia vox patris tanquam filii est, §. *ei vero, Insistit, de inst. stip. l. 42. de dam. inf.* Igitur cum stipulatus est patri filio, si ei adquiri possit, acquiritur ei soli, non filio, licet filio stipulatus sit: filii est adquirere patri, non patris filio, l. cum dos, de pact. dos. Alioqui si stipulatio patri adquiri non potest, inutilis est, l. dominus, l. quod dicitur, de ver. oblig. Ex hoc si filius patri vel patri filio stipulatus sit: quid si stipulet, mihi & patri dari? Hic etiam videndum patri possit adquiri, an non: non ex omni causa acquiritur patri, non omnis res per filium acquiritur patri multis excepit Justinianus. Et primum, si patri possit adquiri, supervacua est adjectio patris, quia eo quod ait, *mihi*, satis patri adquisivit, ac si dixisset tantum mihi. Ergo tota stipulatio utilis est, l. sed si sibi, de stip. serv. Aliter quam si extraneus sibi & Titio stipulatus esset certam summam, quia Titio adjectio inanis est: ergo stipulatio pro parte tantum utilis est. Et ita si patri non possit adquiri, cum mihi & patri stipulatus sum, inutilis est adjectio patris, stipulatio utilis pro parte. Et sic multum interest, an inutilis, an supervacua sit adjectio: inutilis partem vitiat stipulationis, supervacua nihil vitiat: & e contrario, si stipuletur mihi & filio, tota stipulatio utilis est, & supervacua adjectio filii: nec distinguo, potuerit mihi adquiri necne, cum mihi stipulatus sum, nec id mihi eveniat per filium. Et hæc si stipuletur mihi & patri, & contra, mihi & filio. Hinc queritur, quid sit dicendum, si stipuletur mihi aut patri, vel mihi aut filio, adiciendo patrem vel filium solutionis gratia? Adjectio obligationis gratia fit per conjunctionem, mihi & illi, & est in extraneis inutilis, in his personis, patri sc. & filio, supervacua. Adjectio solutionis gratia fit per disjunctionem, mihi aut illi: & in aliis personis est utilis, quod ad solutionem attinet. In his personis queritur, sit utilis an supervacua, necne. Et Papin. hoc loco subtiliter advertebat distinguendum, utrum stipuletur mihi aut patri, an mihi aut filio. Si mihi aut patri, supervacua est adjectio patris, si patri potuit adquiri stipulatio, quia ei solvi potest, imo debet etiam non adjectio, nec inutilis est stipulatio, sed patri acquiritur in totum. Et alia est ratio legis qui rem, §. si servus hoc sit, que in contrarium adduci potest: nam loquitur de servo, cujus proprietas est unius, usufructus alterius: hic servus ex re fru-

A Quamvis usufructuario adquiri, proprietario non potest ex re fructuarii adquirere. Nunc finge: hic servus ex re fructuarii stipulatus est disjunctim, proprietario aut fructuario dari, prorsus est inutilis stipulatio, quia ea non consistit in persona proprietarii, cum res ejus non fuerit, nec in persona fructuarii, cum in solutione ponatur per disjunctionem, non in obligatione, & per proprietarium fructuario non potest adquiri: & ubi deficit persona, in qua consistat obligatio, & deficit in qua consistat solutio, nec enim esse potest solutio sine obligatione, solutio, obligationis solutio est, l. sed si sibi in fi. de stip. serv. At in casu proposito, si stipuletur mihi aut patri, obligatio consistit in persona mea, & patri confestim acquiritur: non est igitur inutilis obligatio, si patri adquiri possit. Sed si pater non sit capax obligationis, veluti interposita stipulatione ex causa castrensis, utilis est adjectio patris, ut ei recte solvatur: nec enim patri non adjecto solveretur recte, quia ei non debetur. Contra quoque si stipuletur mihi aut filio, utilis est adjectio filii. Nec aliter filio solveretur recte: nec hic distinguo, potuerit mihi adquiri stipulatio, an non: nam certum est, quod mihi stipulor, mihi adquiri, mihi evenire per me, non per filium. Verum dices, quod monuit etiam Papinianus, videri supervacuum adjectionem filii, quia sibi stipulanti intelligitur pater, qui filio stipulatur, l. quod dicitur, de ver. obligat. & sibi jam erat stipulatus pater: arque ita perinde videtur esse, ac si sibi stipulatus esset, non sibi aut filio, quod pro supervacuo haberetur. Sed respondet, eum qui sibi aut filio stipulatur, non stipulari filio, sed sibi tantum, & filium adici tantum solutionis gratia, solutioni applicari, non obligationi. Et rursus, si stipularetur sibi & filio, supervacua esset adjectio filii. Sed hic non est stipulatus sibi & filio, sed sibi aut filio, quo modo persona filii solutioni applicatur, non obligationi: ergo non supervacua adjectio filii. Quamobrem que definitio maxime notanda est, non aliter quod filio stipulor, mihi videor stipulari, quam si & mihi non stipuler, l. eum qui ita, §. qui sibi, de ver. oblig. Quod si etiam mihi stipulor, aut supervacua est adjectio filii: puta, si mihi & filio, aut in persona filii consistit solutio, in mea persona obligatio, puta si stipuletur mihi aut filio.

Ad §. Usufructum mihi.

Usufructum mihi aut Titio dari stipulatus sum. Titio capite deminuto, facultas solvendi Titio non intercedit, quia & sic stipulari possumus: mihi aut Titio cum capite minutus erit, dari: Nam si furiosus vel pupillus persona adjecta sit, ita tutori vel curatori pecunia recte dabitur, si conditionis quoque implenda causa, recte pecunia tutori vel curatori datur. Quod quidem Labeo & Pegasus putaverunt utilitatis causa recipiendum. Idque ita recipi potest, si pecunia in rem, vel pupilli, vel furiosi versa sit: quomodo si domino jussus dare servo dasset, ut domino daret: ceterum qui servo dare jussus est, domino dando non aliter implevisse conditionem intelligendus est, quam si ex voluntate servi dedit. Idem respondendum est in solutione si stipulato Sempronio sibi aut Sciebo, Marcio servo decem dari, debitor Marcio domino pecuniam solverit.

D Adjectio solutionis gratia, alia questio est in hoc §. an alii, quam adjectio solvatur recte: adjectionem, quæ adhibetur solutionis gratia, personalem esse, adeo ut si stipuletur mihi aut Titio, nec heredi solvi possit, l. cum quis, de ver. oblig. l. 81. hoc tit. Sicut legato relicto sub conditione, si legatarius Titio dederit ro. non implet conditionem, si dederit heredi Tituli, l. cum ita datur, de condit. & demonstr. quia utroque casu certa persona demonstratur. Ac propterea in ejus tantum persona solutio vel conditio impleri potest: jus transmittimus in heredem nostrum, factam non transmittimus, & eo genere stipulationis mihi aut Titio, factum confertur in Titii personam, non jus, solutio est facti, l. consilio, §. i. de curat. fur. Et acceptio igitur: maxime si non creditor recipiat: in his quæ sunt juris, eadem est persona heredis & defuncti, non in his, quæ sunt facti: ac proinde procuratio alieni negotii, quæ

que facti est, finitur morte procuratoris, & adjectio illa A
 tanquam procuratio est: non solvitur etiam recte domi-
 no servi adjecti, vel patri filii adjecti solutionis gratia,
 non obligationis, l. g. h. tit. Sicut ut eadem stipulatione
 utamur legato relicto sub conditione, si dederit ro.
 Pamphilo, non implet conditionem dando domino vel
 patri Pamphilo, quia ea, quæ sunt facti, non transeunt
 ad patrem vel dominum, l. qui heredi, de condit. & de-
 monstr. l. quod dicitur, de verb. oblig. Ergo domino vel
 patri ejus, in quem collata est conditio vel solutio, non
 solvitur recte, nisi ex voluntate ejus, in quem collata
 est conditio vel solutio, quia ut qui mandat solvi, ipse
 solvere videtur, l. qui mandat. h. tit. ita qui mandat ac-
 ci, accipere videtur, & e contrario si in personam do-
 mini collata sit conditio vel solutio, non recte datur
 servo ejus, nisi consenserit dominus, d. l. qui heredi. Sed
 addenda alia exceptio ex hoc §. vel nisi datur aut sol-
 vatur servo ejus, ita ut verterit in rem ejus, quia pro
 eo est, ac si domino datum esset in manum, cum da-
 tum servo ejus mox sit verum in rem ejus: ut autem
 solvere est facti, ita dare, cum eligitur certa persona
 cui datur, & nonnunquam ei etiam dari sufficit, qui est
 possit in conditione quocunque modo sine effectu ju-
 ris, sine effectu domini transferendi, l. Mevius, de con-
 dit. & demonstrat. cum tamen alias verbum dare, juris
 fit, non facti: sed & hoc tantum interest, quod in so-
 lutione pupillo, qui adjectus est, solvi potest sine tuto-
 ris auctoritate, l. i. h. tit. quia talis est lex stipulatio-
 nis, cui se uterque subiecit. In conditione autem posito
 pupillo, veluti relicto legato Titio sub conditione, si
 decem dederit pupillo, ei non potest dari sine tutoris
 auctoritate, ne fiat contra providentiam testatoris, qui
 pupillo consilium voluit, & qui consensit forsitan eam
 pecuniam perditum iret, nisi accederet tutor, l. 68. h. t.
 Illud nunc generaliter tenendum est, cui recte datur
 conditionis implenda causa, ei etiam recte solvi, quod
 possumus est in adjectione stipulationis, non alii personæ:
 nam & adjectio, quæ adhibetur solutionis gratia, est per-
 sonalis, & conditio dandi certe personæ legatario vel
 fideicommissario, est etiam personalis, ut in cuius per-
 sona hæc impleri potest, vel non impleri potest pari
 ratione impleri quoque illa possunt, vel non possunt. Et
 hæc comparatione plerumque utitur Pap. in hoc §. scitur
 sicuti heredi, domino, patri, servo, filio ejus, in cuius
 persona implenda est conditio legati, non recte datur,
 ita etiam non solvitur recte heredi, domino, patri, ser-
 vo, filio adjecti in stipulatione solutionis non obligationis gra-
 tia, si hæc consequenter ponitur, legato relicto sub con-
 ditione dandi Titio, non posse dari Titio postea capite
 deminuto, quia est Titius adjectus sit solutionis gratia,
 in stipulatione disjunctiva, ei non potest solvi post sti-
 pulationem capite minuto, l. cum quis, h. t. nimirum, quia
 capitis deminutione fit alia persona quam fuerit antea,
 vel ex libero servus, vel ex cive peregrinus, vel alieni ju-
 ris, qui fuit sui, vel sui, qui fuit alieni: capitis minutio est
 mutatio sive creatio novæ personæ: adjectionis igitur uti-
 litas, quæ personæ coheret, finitur capitis deminutione
 adjecti, sicut procuratio capitis deminutione procuratoris,
 adjectus tanquam procurator est, tanquam procurator
 constitutus ad accipiendam pecuniam. Cui sententiæ ob-
 jectur quod est in principio hujus §. & in eo laborant in-
 terpretes: Nam si stipulatus sim mihi aut Titio usumfru-
 ctum, Papin. ait: Titio solvi posse capite minuto. Sed
 ut ostendam, in utraque l. cum quis, h. t. & l. cum quis, de
 oblig. & act. & utrumque velim studiosa lectione recolli,
 non loquitur Papinianus de adjecto capite minuto post
 stipulationem, sed de capite minuto tempore stipulatio-
 nis, veluti deportato aut emancipato nuper, cujus perso-
 na adici potuit, quia nihil refert, cujus status sit adjectus,
 cujus conditionis, sexus, ætatis, quando res ita agitur ex
 conventionem utriusque partis. Et hæc fuisse mentem
 Papin. sequens ratio ostendit, quia est stipulari possum,
 & c. Sic ratiocinatur, si quis adici potest solutioni in eum
 casum, quo capite minutus erit, Quando ille changeret d' estat.

Et adici igitur potest capite minutus jam. Et ponit spe-
 ciem Papin. in usufr. non quod aliud sit in proprietate ob-
 servandum, sed quod major sit dubitatio in usufr. cujus ma-
 xime proprium est interire capitis minutione, non tantum
 jus ipsum utendi fruendi, sed etiam obligatio & actio, l.
 i. quibus mod. ususfr. amit. Et si obligatio, & solutio igitur
 nam quod corrumpit obligationem, & solutionem igitur
 l. cum enim, de stip. servo. Sed placet ususfr. ab initio recte
 constitui in personam capite deminuti, veluti deportati,
 vel in casum, quo capite deminutus erit, ut diximus l. 2.
 quib. mod. ususfr. amit. At semel constitutus ususfr. post fi-
 nitur capitis deminutione fructuarii: non præsens capitis
 deminutio obstat obligationi, sed superveniens, consti-
 tuto jam usufr. Et ita superveniente capitis deminutione
 adjecti præsentem capitis deminutionem nihil officere
 adjectioni, non etiam negavit superveniente capitis de-
 minutione extinguere ususfr. quod confirmatur l. cum qui
 ita, §. qui sibi, de verb. obl. Recte solutioni adici filium
 emancipatum, mihi aut filio meo emancipato. Et tamen
 si stipuler mihi aut filio existenti in potestate mea, eman-
 cipato postea filio meo, adjectio dissolvitur, quia eman-
 cipatio mutavit personam. Verum ut solvatur omnis hæc
 quaestio, an alii, quam adjecto solvi possit, videamus,
 an, si solutionis gratia adjectus sit pupillus, tutori ejus
 solvi possit, aut curatori furiosi. Quæ de re tractat Pa-
 pinianus: ubi particula nam subjungitur priori dicto, sed
 inchoat aliam rem, (nam non semper est subjunctiva,
 sed & inchoativa) quæ tamen pertinet ad illam genera-
 lem quaestionem superiorem. Et ait, tutori vel curatori
 pupilli aut furiosi non solvi recte, nisi uno tantum casu,
 si pecunia tutori vel curatori soluta vertatur in rem pu-
 pilli aut furiosi: hoc enim casu id esse receptum contra
 jus commune, id est, contra ea, quæ perfrinximus antea,
 ut non recedere debeamus a persona adjecti, & alii solvere,
 nec heredi, nec domino, nec patri, nec servo, vel filio
 adjecti: hoc inquam casu id esse receptum, ut videatur recte
 solutum tutori propter utilitatem earum personarum, quæ
 solutionis non admodum capaces sunt: in hoc casu tutori
 plus concedit, quam heredi, plus quam patri, vel domino,
 ut in quaest. l. ult. §. pupillus, de verb. oblig. Plus concedi-
 mus tutori quam patri, plusque videtur tutor habere au-
 thoritatis in pupillum quam pater: nam pupillus obligatur
 absente patre, non obligatur absente tutore. Denique
 tutorem plane esse vice domini, id est pupilli, etiam in
 his, quæ facti sunt, quibus dominus aut pater jus nullum
 habet quod exerceat. Curatorem quoque furiosi plane
 esse vice ipsius, non etiam curatorem adolescentis, quo-
 niam hic est capacissimus solutionis, & utitur in hanc
 rem eodem argumento, quo usi sumus ante a pari: si con-
 ditionis implenda causa recte datur tutori pupilli, &
 solvitur ei recte ex causa adjectionis applicatæ stipula-
 tionis, atque conditionis implenda causa: illo tantum
 casu tutori vel curatori datur recte, si pecunia versa
 sit in rem pupilli. Et ita accipienda l. 12. de condit. &
 demonstr. Ergo illo tantum casu solvitur illi recte: tutori
 vel curatori adjecti, tutori pupilli, curatori furiosi, cete-
 roquin ei non solveretur recte: si pupilli esset obligatio,
 tutori solveretur recte: imo ei debet solvi, non pupillo,
 si pupilli sit solutio, tantum, ut in proposita specie,
 si pupilli sit solutio, tutori certe personæ, quæ contentus
 quia adjectio est electio certæ personæ, quæ contentus
 fuit stipulator, pupillo solvi debet, præterquam illo casu,
 eoque recepto non communi jure, sed ex æquitate pro-
 pter utilitatem pupillorum & furiosorum: ut pleraque
 alia in jure favorabiliter recepta sunt propter utilita-
 tem earum personarum, §. pupillus, Instit. de inutil. stip.
 & l. pupillus, de adquir. hered.

Ad §. si creditor.

Si creditor debitoris hereditatem ad se non pertinentem
 possedit, & tantum ad eum pervenit, quantum si quilibet
 alius bonorum possessor ei solveret, liberaret heredem: non
 potest dici fideiussorem liberari: neque enim ipsum sibi sol-
 visse pecuniam credendum est, a quo hereditas evincitur.

Intelligemus primum ex hoc §. multum interesse, creditori debitori heres existerit, an debitoris hereditatem pro herede possederit, ad alium, non ad se pertinentem. Quod si debitori heres existerit, aditione confunditur obligatio, saltem solutionis potestate, quia ipsum sibi solvisse credendum est, l. debitori, & l. Granius, de fideiuss. vel secum pensasse, ut ait lex qua dotis, sol. matr. pensasse creditum suum cum hereditate, quam a debitore vice mutua percepit, & consequenter liberantur fideiussores debitoris. Et hoc est notissimum. Sed si creditor debitoris hereditatem possederit, cum alius esset heres, non ipse, & tantum ex hereditate possederit, quantum est in credito, quantumque si verus heres ei solverit, liberaretur, vel si alius possessor ei solveret, liberaret heredem, & in petitione hereditatis, id heredi reputaret, ut l. si quid possessor, de adq. hered. Denique creditor possidens hereditatem debitoris ad se non pertinentem, si tantum ex ea redegerit, quantum est in suo credito: certe hoc casu, nec principalis nec fideiussoria tollitur obligatio, quia ipse, inquit, sibi solvisse non videtur, cum scilicet hereditas ab eo evinceretur aut evinci potest, & omne quod ex hereditate percepit, & nec secum pensasse videtur: nam si secum pensasse videretur, & sibi solvisse quoque: Atquin hoc non videtur, ergo nec illud. Penfario credit loco solutionis, l. 4. qui pot. in pign. Et rursus si videatur vel solvisse vel pensasse rationem solutionis aut pensionis, quae loco solutionis est, id quod sibi deberetur, retineret ex hereditate, nec ei evinceretur. Atquin evincitur omne id est petitione hereditatis, quae vindicatio est: evictionis verbo significatur tantum vindicatio, nec de evictione actio competit, nisi res ablata sit emptori vindicationis genere aliquo, l. si pignatio ista, & si quis forte, de verb. obligat. Et idem est, vindicare & evincere, quod & evincitur, in Solonis legibus. Ergo non compensat possessor, cum evincitur hereditas debitoris quod sibi debuit, aut non compensat creditum suum possessor hereditatis debitoris ad se non pertinentis, cum eo quod ex hereditate percepit, sed id restituit actori quod percepit, salva crediti sui actione. Compensatio non opponitur in actionibus in rem, id est, vindicationibus, sed actionibus in personam tantum, quod vel definitio compensationis demonstrat, quae est debiti & crediti inter se contributio: omne debitum & creditum personale est. Et haec est mens huius §. nam si possessor sibi non videtur solvisse, nec secum pensasse igitur. Ex quo restat, in vindicationibus compensationi locum non esse. Obstant valde tres leges ei quod dicitur actio in rem non obijci compensationem. Obstat primum l. eum qui, §. ult. de inoffic. test. quae ponit creditorem a debitore heredem institutum fuisse, & adiisse, ac deinde per petitionem hereditatis ex causa inofficiosi testamenti evictam ei hereditatem fuisse. Aditio confundit suum creditum, suam obligationem, sed quia post inutilis redditur evicta hereditate, aequum est obligationem ei redintegrari, eique dari petitionem debiti & compensationem. Possessori igitur, cui evincitur hereditas datur compensatio debiti. Denique compensatio locum habet in iudicio in rem, veluti in petitione hereditatis. Respondet, lex ait, ei compensationem debere dari. Quod non ita est accipiendum, ut compensare id quod sibi defunctus debuit, possit cum hereditate usque ad summam concurrentem, ut si quid vicissim ipse debeuerit defuncto, quod constat venire in petitionem hereditatis, compensare id possit cum eo, quod sibi defunctus debuit: compensare igitur debitum suum cum credito defuncti: non cum hereditate, quae evincitur. Proinde fit ea compensatio magis in personalibus praestationibus quam in actione ipsa in rem. Secundo loco obstat l. Titia, hoc tit. ubi mulierem, quae bona defuncti mariti possidet, ait in dotem sibi debitam reputare, quod ex marito percepit, interit dum possedit bona, & reputare, id est, ipso iure reputare, quod pensare est vel compensare. Sed ut & huic loco respondeam, non loquitur l. Titia de muliere, quae pro herede possedit bona mariti, & potuit conveniri petitione hereditatis, sed, de ea, quae possedit bona

A mariti propter dotem, id est, dotis servandae causa, ex edito praetoris, ut l. ea, quod, §. 1. ad municip. l. offic. de rei vind. l. pen. §. item danda, de divers. & temp. praeser. Puta, quod heres mariti non existeret, iusta est possidere bona mariti: vel quod heres suspectus satisfare iustus, non satisfecerit, ut l. 15. de reb. auct. jud. poss. Comparatur enim creditor vel creditrix missa in possessionem bonorum gestori bonorum & negotiorum, l. creditore, §. ult. eod. Et sicut gestor domino agenti negotiorum gestorum; potest reputare & pensare, quod sibi dominus debet, ita creditor debitori agenti actione in factum, de eo quod ex ipsius bonis ad creditorem pervenit, qui missus est in possessionem bonorum suorum, d. l. creditore, §. 1. & potest reputare, quod sibi debuit is, cuius bona possessa sunt. Obijciatur reputatio sive compensatio hac actionibus in personam, non actionibus in rem, nempe actori agenti negotiorum gestorum, vel in factum, quia utraque est in personam. Ergo nihil movetur etiam d. l. Titia. Sed obstat vehementius l. si quid possessor, §. sed si ipsi aliquid praedoni, de pet. hered. Quae lex ait aperte, possessorem hereditatis ad alium pertinentis, a quo petitur hereditas posse deducere, quod sibi defunctus debuit. Quid aliud est deductio, quam compensatio. Ergo ea opponitur petitioni hereditatis. Sed aliud est deducere, aliud compensare, l. filium, C. famil. eris. Et multis aliis locis, inquam, aperte constituitur differentia inter haec tria verba, reputare, compensare, deducere: cum quazitur de hereditate, imputo in Falcidiam, quod a me accipio iure hereditario, quod si heres institutus, compensatio Falcidiam, quod vice mutua accipio a coherede meo: deduco Falcidiam, quod vice mutua accipio a coherede meo: deduco Falcidiam, residuum ex hereditate. Igitur aliud est deducere, aliud compensare, & aliud imputare. Compensatio fit iure meo, l. compensatio, de compensatione. l. inter, de admin. tut. Deductio est retentio possessionis, quae fit per exceptionem, nisi fit retentio, quae fiat ipso iure: nam fateor, esse retentiones deductiones, quae fiunt ipso iure, ut l. servus quem, de act. emp. l. quod dicitur, §. ult. de impen. in res dotal. Et haec nihil aliud sunt, quam compensationes. Sed illo loco agitur de deductione, quae facti est, non iuris, & fit per retentionem, quae beneficio acceptationis fit, non aliter. Ergo ut eum §. qui sane desiderat interpretem, totum exponamus, sic statuo: possessor hereditatis non potest compensare, quod sibi defunctus debuit, in petitione hereditatis scilicet, quasi ipso iure minor sit hereditas propter creditum suum, nec enim propterea ipso iure minuitur hereditas. Et hoc de compensatione. Nunc de deductione. Non potest etiam quilibet possessor, a quo evincitur, hereditati deducere, quod sibi defunctus debuit, sed hoc tantum potest bonae fidei possessor. Mala fidei possessor, id est, qui scit hereditatem ad se non pertinere, quam possidet, nec civile debitum deducere potest, sed integrum hereditatem, & quod ex ea percepit, petitori in assem restituere debet; nec etiam naturale debitum retinet, ut si sit filius familias exheredatus testamentum patris, cui pater aliquid debuit naturaliter, & cum quo agat heres scriptus petitione hereditatis, compelleret eum filius, id debitum naturale sibi servare per deductionem; quia nemo actione ulla debitum naturale consequi potest, deductione potest & retentione; sed bonae fidei possessor tantum, non praedo, quod valde est singulare: ut mala fidei possessor, nec per actionem, nec per deductionem debitum sibi servare possit, quod tamen iustus possessor sibi servat: civile debitum non deducit praedo, sed restituta hereditate integrum habet petitionem fortis, non usurarium, non penarium. Si penale debitum fuerit, puta sub pignora sit promissa. Nam cohibendarum usurarium gratia, & penarum, quae odiosae sunt, dici potest, eum sibi debuisse solvere statim ab initio apprehensis possessionis, atque ita inhibere usuras aut penas. Et sic plane imputat sibi, quod sibi solvere potuerit, nec solverit, quod ad usurarium rationem aut penarium, qui sciebat hereditatem ad se non pertinere, ac passus est procurare usuras, quas coercere & sistere potuit: quae est sententia d. §. sed si ipsi. Sed animadvertendum & perpetuo memoria

retinendum, hodie ex constitut. Justiniani nihil esse criminis inter deductionem & compensationem, adeo ut his nominibus uti promiscue liceat plerumque: Nam & Falcidia, quæ deducebatur olim per exceptionem, hodie ipso jure minuit legata, *l. pen. C. ad leg. Falcid.* Et debitum, quod deducebat olim possessor bonæ fidei, conventus in rem actione, id veluti compensationis jure minuit rem, quæ petitur ex constitut. Justin. *l. ult. C. de compens.* Atque ita compensatio hodie obstat etiam actioni in rem: & in definitione compensationis, secundum constitut. Justin. debet diciur non tantum, quod debetur actione in personam, quod solum proprie debetur, sed etiam quod actione in rem exequi licet, ut verbum, *deberi*, accipitur in definitione actionis & stipulatione emptæ venditæ hereditatis. Sed illud manet hodie in actione in rem, malæ fidei possessorem non habere compensationem, seu deductionem crediti sui, nec civilis, nec naturalis, *d. l. ult. in fi. dum ait, possessionem autem alienam perperam occupantis, id est, mala fide, compensatio non datur, quod congruit cum d. §. sed si ipsi.* At bonæ fidei possessori datur ipso jure etiam in judicio in rem. Et omnis deductio, retentio, reputatio hodie fit ipso jure, & compensatio est: & in eo tantum est nova constitutio legis ult. ut etiam in actione in rem compensatio locum habeat. Nam cetera, quæ sunt in ea lege, constant etiam jure veteri: malæ fidei possessori unde petitur aliquid, non dari deductionem vel compensationem, ut jam ostendi ex *d. §. sed si ipsi*, & compensationem fieri ipso jure. Hoc idem obtinuit ante Justinianum, & compensationem depositi cessare compensationem, redditioni depositi compensationem impedimento esse non posse, quod idem etiam obtinuit olim. Hæc igitur quatuor quæ recensui consueverunt cum jure veteri. Illud tantum dissentit, & novum est, quod vult Justinianus, etiam in actione in rem compensationem locum esse, in qua fuit tantum deductioni locus. Justinianum deductionem vult hodie fieri ipso jure, perinde ac compensationem.

Ad §. Dolo fecisti.

Dolo fecisti, quo minus possideres, quod ex hereditate ad alienum pertinente adprehenderas: si possessor corpus aut litis æstimationem præstitit, ea res tibi proderit: quia nihil petitoris interest. Ceterum si tu ante conventus ex præterito dolo præstititeris, nihil ea res possessori proderit. Sequitur §. dolo. Cum ostendisset Papinianus in §. si creditor qui præcedit, in petitionem hereditatis venire id, quod possessor ex hereditate percepit, nec si tantum ei debuerit defunctus, quantum percepit, id ipsum sibi soluisse aut secum pensasse videri, subjicit in petitionem hereditatis pervenire etiam, quod possessor dolo malo desit possidere, præteritum dolum venire, *l. nec ulla §. ult. de petit. hered. l. fin. autem, §. sed si quis, de rei vind. eumque dolum pro possessione esse, l. qui dolo, de regul. jur.* Et si quidem is, qui dolo desit possidere, eo nomine condemnatus præstitit litis æstimationem, non liberatur possessor, ad quem ea res pervenit. Sed & possessor tenetur petitione hereditatis, si eam rem possideat pro herede, vel pro possessore. Et ratio hæc est, quia qui desit dolo possidere, poenam sui delicti præstitit, habitus pro possessore, quia non erat possessor, & pendens five præstans quod solus possessor videbatur debere præstare. Denique poenam sui doli præstitit, & poenæ exactio non perimit persecutionem rei, sed cedit lucro actoris, *l. 3. §. condemnato, & §. pen. de reb. ex hib.* Ergo si heres prius convenerit eum, qui dolo desit possidere, non liberatur possessor. Non idem est & contrarium: nam si heres prius agat cum possessore ejus rei, quam alter dolo desit possidere, & rem consequatur aut æstimationem, alter liberatur, qui dolo malo desit possidere, nisi quid amplius ejus interfuit. Et liberatur non tantum a petitione hereditatis, sed etiam ab actione in factum ex edicto, de alien. jud. mut. causa facta. Nec mihi probatur differentia Accursii, inter

Tom. IV.

A hanc & illam actionem, ut hac non liberetur, illa liberetur, quia neutra actione ratione doli poenæ petitio competit, nisi ei cujus interest: sicut nec actio de dolo, *l. cum quis, de dolo.* Et jam nihil ejus interest, cum rem aut æstimationem a possessore consecutus sit, fructus, accessiones, &c. Nec quicquam amplius ejus interfuit. Et rursus animadvertendum, in eum, qui dolo desit possidere, dari actionem, tanquam possessorem, licet non sit possessor; & ideo quasi poenalem, dari, inquam, in eum, non tam odio ejus, quam petitoris gratia, ne rem suam amittat, qui si rem suam jam consecutus sit, plane cessat dandæ ejus actionis causa. Et in summa, licet exactio poenæ non perimat rei persecutionem, persecutio tamen & exactio rei perimitur exactioe poenæ, quæ non competit nisi ei cujus interest. Alias poenæ exactio est etiam ei, cujus nihil interest, ut *l. inter, §. alteri, de verb. oblig.* Sed in hac specie, non est prodita hæc actio quasi poenalis, nisi in id quod interest actoris. Et bellissime congruit cum hoc §. lex nec ullam 13. §. pen. de petit. hered. Cujus sententia hæc est cum supra dicta eadem, *Si is, qui dolo desit possidere ante conveniatur, & præstet, is, qui possidet, non liberatur: contra si is, qui possidet ante conveniatur, & rem præstet, is, qui dolo desit possidere, liberatur a judicio.* Et inde queritur in eo §. pen. an etiam liberetur is, qui dolo desit possidere, si se priorem possessor litis offerat, dicens se paratum judicium accipere, & accipiat, necdum rem præstet. Et ait eum, qui dolo desit possidere, nondum re præstita, hæc ratione liberari, nisi petitoris interfuit, ut puta, quia possessor sit difficilis conventu, *disparatur*, vel *disparis: grand Seigneur*, vel impar præstando, quibus exemplis Græci utuntur in eo §. rectissime. Sed eadem falva eodemve gradu aggrediamur §. si mandatu, qui sequitur.

Ad §. Si mandatu, &c.

Si mandatu meo Titio pecuniam credidisses, ejusmodi contractus similis est tutori, & debitori pupilli: Et ideo mandatore convento & damnato, quamquam pecunia soluta sit, non liberari debitorem ratio suadet. Sed & præstare debet creditor actiones mandatori adversus debitorem, ut ei satisfiat. Et hoc pertinet, tutori & pupilli debitoris nos scisse compensationem: nam cum tutor pupillo tenetur ob id, quod debitorem ejus non convenit, neque judicio cum altero accepto liberatur alter, nec si damnatus tutor solverit, ea res proderit debitori: quin etiam dici solet, tutelæ contraria actione agendum, ut pupillus adversus debitores actionibus cedat.

§. 11. Si creditor a debitore culpa sua causa ceciderit, prope est, ut actione mandati nihil a mandatore consequi debeat: cum ipsius vitio acciderit, ne mandatori possit actionibus cedere.

§. 12. Si inter emptorem & venditorem convenieris prius, quam aliquid ex alterutra parte solveretur, ut ab emptore discedatur: fidejussor eo nomine acceptus, soluto contractu liberabitur.

Intelleximus convento eo, qui dolo amisit possessionem, non liberari possessorem, convento possessore liberari eum, qui amisit possessionem. Et hoc in judiciis in rem, in petitione hereditatis. Nunc in judiciis in personam idem ostendit Papinianus in §. si mandatu, quoties duo ejusdem rei nomine conveniri possunt, id est, quoties E a duobus non correis creditum servari possit, convento uno non liberari alterum, in duobus casibus, qui proponuntur in hoc §. nec enim in omnibus idem licet colligere, Accursii, in *l. nec ullam 13. §. pen. D. de petit. hered.* Sed in aliis plerisque electio unius liberat alterum. Hic igitur duo casus explicandi. Prior hic est, pupillus egisse tutelæ judicio culpans tutorem, & arguens negligentiam, quod debitorem suum non exegisset eo tempore, quo erat idoneus, qui postea factus est pauperior, quia ex causa tutorem teneri constat *l. 2. C. arbit. tut.* Conventus tutor condemnatus est, & solvit pupillo id, quod ille debuit pupillo, quem non appellavit tutor in tempore, *an liberatur debitor?* minime, quia tutor non solvit nomine debitoris: solvendo nomine debitoris quique liberat debitor.

Aaa

bito-

bitorem, *l. solvendo*, *h. t.* sed solvit tutor suo nomine, damnatus culpæ suæ nomine, atque ita tutor per exceptionem non solum antequam solvat, sed etiam postquam solvit, per contrariam actionem tutelæ consequi potest, ut pupillus cedat actione sua adversus debitorem: cessio actionis est argumentum non liberati debitoris. Convento igitur tutore & damnato, non liberatur debitor. Et e contrario, si pupillus convenit debitorem, & litem cum eo contestatus fuerit, non continuo liberatur tutor electione debitoris: certe non liberatur, si a debitore pupillus parum, aut nihil exegit propter inopiam. Conventio unius non liberat alterum. Et alter casus hic est. Pinge: tu mandato meo Titio pecuniam credidisti, me convenisti, & condemnasti, & solvi. Debitor non liberatur, quia solvi meo nomine, id est, propter meum mandatum, obligatur ex contractu mandati, non nomine debitoris. Imo tu contraria actione mandati mihi teneris, postquam solvi, in hoc ut mihi cedas actionem tuam adversus debitorem, *l. Papinian. mand. quæ non possit cedi, si debitor esset liberatus, l. Modestinus, de solutionib. l. cum possessor, de censib.* Liberatur quidem debitor per exceptionem, si tu agas, qui pecuniam habes: sed non siego agam ex cessione tua, quia in rem meam fit cessio mihi, & procuratio ad agendum, non in rem tuam: & e contrario debitore convento, ego non continuo liberor. Certe non si parum aut nihil ab eo consequi potueris, propter inopiam ejus, *l. si quis alicui, §. ult. D. mand. l. 14. de fidejuss. si ob inopiam, ut dixi, vel difficultatem exigendi hominis: Nam & condemnati plerique sunt exactu difficillimi, puta potentiores. Nam ut subjicit §. pen. si convento debitore vitio tuo acciderit ut nihil ab eo consequaris, puta si vitio tuo & culpa causa cecideris, plus petendo, re, vel tempore, vel loco, ut in *l. Titio 100. §. ult. de cond. & demonstr. §. si quis ag. Insti. de act. & apud Cassiodorum in Psalmos, Promissa in suo tempore expectemus, ne dum volumus festinantius exigere, causa amissione multemur.* Si igitur convenieris debitorem, & vitio tuo causam amiseris, ego quoque liberabor, & te repellam exceptione, quod non possis a me exigere quicquam ex contractu mandati, nisi mihi cedas actionem adversus debitorem, & vitio tuo factum est, ut non possis cedere: & quod in mandatore, idem in fidejussore & tutore, ut si debitor convento, in quo exigendo negligens fuerat, si vitio suo pupillus causa ceciderit; postea non possit experiri cum tutore, quia non habet actionem, quam ei cedat adversus debitorem: causam namque amisit vitio suo. Idem, inquam, est in tutore, quod in mandatore, ut scribitur in §. pen. Nam ut ostendit §. si mandatu, in hac re mandatoris & debitoris principalis comparatio fit semper cum tutore, & debitore pupilli principalis. Ex quo satis intelligitur, quod per se erat obscurissimum. Quod quis nunquam intellexisset sine subiecta interpretatione. Et hodie disputando, si quis ita proponeret, cui non faceret negotium? Et ut respondeamus legi, si stipulatus esset, §. ult. de fidejuss. quæ opponitur §. pen. & nihil præterea, hæc nobis constituenda distinctio & custodienda. Si vitio suo litem amiserit creditor coactum cum debitore, mandator, aut fidejussor, aut tutor, defendet se exceptione, quod vitio ejus factum sit, ne cedere potuerit ei, cum quo agit actione adversus debitorem: sed si duo sunt mandatores, vel duo fidejussores, vel duo tutores, quorum unum pactione liberaverit creditor, & conveniat alterum, is non se defendet exceptione, quod adversus collegam ei cedere non potuit actionem, quem ipse ultro liberavit. Sed hac exceptione, quod non ei cedat actio adversus debitorem, quæ cedenda est omnino, atque ita ex omni hac disputatione eliciamus hanc conclusionem, solutionem mandatoris, fidejussoris, aut tutoris non liberare reum principalem: solutionem extranei liberare, quia hic non solvit nisi nomine debitoris. Illi solvunt suo nomine proprio, §. ultim. expofuimus in §. naturalis, supra.*

Ad L. I. Rem rat. hab.

Cum quis de rato stipularetur, quamvis non idem, sed alius a domino conveniretur, qui conveniri non posset, si ratum habuisset, committi stipulationem placuit, veluti si cum fidejussor, aut alter ex reis promittendi, qui socius est, conveniatur.

Ex hæc, ut fere omnis titulus est, de stipulatione de rato, cujus formula in hoc ipso titulo, in omnibus judiciis, est in rem, vel in personam, & in præjudiciis, ut *l. 3. §. ult. hoc tit. id est, cognitionibus de statu, de liberali causa, & in extraordinariis judiciis, & breviter in omnibus ut in formula demonstrant hæc verba, actio, petitio, persecutio. Actio est in personam: petitio in rem; persecutio extraordinaria. Igitur in omnibus judiciis stipulationem de rato adversario præstat ante litem contestatam procurator, & interdum defensor, ut *l. 6. hoc tit. qui agit vel defendit alieno nomine, sive mandatum præcedat, sive non præcedat, ut apparet ex l. 3. hoc tit.* Ergo etiam præcedente mandato hæc cautio interponitur & exigitur a vero procuratore, aut defensore litis alienæ. Quod ita verum est, nisi dominus litis professus sit, eum se procuratorem fecisse, libello prædicti dato, libello principi dato, inquit *l. 21. h. t. sed malim, prædicti, ut l. si quis obrepserit, ad l. Corn. de falsi.* Cur enim principi potius, quam prædicti, aut nonne idem si prædicti? An parva hæc res additionem principis requirit? minime. Idem erit, si literis ad adversarium scriptis, dominus litis significet, se eum procuratorem fecisse, & ratum se habiturum quod cum eo actum erit, *l. si procuratorem, de procur.* Hoc enim casu, literis ejus approbatis, veluti præsentis procurator videtur esse. Præsentis autem procurator, qui olim cognitor dicebatur, non satisfabat de rato. Et recte ait *d. l. si procuratorem, literis ejus approbatis.* Necesse enim est epistolam approbari, sicut hodie videmus nihil agi ex chirographo, nisi agnoscatur, nisi adprobetur, si la cedule n' est recognoscere, ut est in *l. qui agnitis, de excepti. §. d. l. si procuratorem, eo loco, literis ejus approbatis, & ut indicat *d. l. si quis, approbatio literarum fit, si forte eis non subscripserit, subscribente eo ex interlocutione, & præcepto judicis, postquam recognovit dominus, qui ante non subscripserit si apud avoat recognoscere se lere, il est contrains d'y joindre signer.* Idem erit, si dominus litis procuratorem fecerit apud acta, du gresse, vel in judicio. Nam & hoc casu supervacua est cautio de rato, *l. 1. C. de satisd. §. si autem, Insti. eodem.* Alioqui mandatum solum non excludit stipulationem de rato, *d. l. 3. hoc tit.* Et hæc stipulatio vel interponitur hoc modo: rem ratam haberi, rem ratam eum, cujus lis est, habiturum, vel hoc modo, amplius eam rem non peti, *l. 14. hoc tit. vel, amplius non agi, l. 4. §. Cato, de verb. obl. vel de utroque cavetur conjunctim, rem ratam haberi, & amplius non peti, ut *l. 23. hoc tit.* Et præstatur his quoque modis etiam a domino ipso, maxime transigente cum adversario, ut in *d. §. Cato.* Nec enim est de cautione de rato, quam cavet procurator, sed quam dominus ipse cavet, ut *l. inter, §. si quis stipulatus, fam. ercisc. M. Tull. pro Roscio Comodo: satis non dedit, amplius ab eo neminem petiturum: qui de parte sua decedit, reliquis sociis integram actionem reliquit: qui pro sociis transiit, satisfat, neminem eorum postea petiturum.* Et inter hæc formulas sane nihil interest, ut constat ex *d. §. Cato, & ex l. 1.* In quo auctores promiscue his formulis utuntur. Interponitur autem ex edito prætoris. Est ergo prætoris & judicialis, quia propter judicium interponitur, ne inane sit lite contestata a domino, *l. 1. §. 1. de præst. stip. ubi illa verba, ut ratum fiat, sunt accipiendi de stipulatione de rato, ut efficiant unum exemplum stipulationis judicialis: & aliquo casu hæc cautio est cautio prætoris, sive stipulatio prætoris cautionalis, quæ adhibetur majoris cautionis gratia, ut novum sit vinculum, nova actio. Et ita potest defendi *d. l. 1. §. cautionales.* Recte igitur inter cautionales numeratur, rem ratam haberi, quo scilicet casu inter-****

interponitur in locum alterius actionis, veluti conditionis indebiti, ut in *l. si sine, C. l. ult. §. ult. hoc tit. Et* interim est cautionalis, non prætoria, *l. interdum, hoc tit. C. seq.* Nunc videamus quando hæc stipulatio committatur. Sane committitur si postea dominus petat abs stipulatore, qui est procurator: qui prior egit, sibi cavet hæc stipulatione: at etiam si dominus non petat abs stipulatore, sed a fideiussore ejus, stipulatio committitur. Quia qui a fideiussore petit, *q. d. d. u. q. u. vi ipsa a reo petit, l. adversus, de recept. cum id, quod præstiterit fideiussor, mox sit recuperaturus a reo actione mandati, nisi in rem suam fideiusserit, vel donationis causa.* Et eadem ratione hæc stipulatio committitur, si dominus postea petat a correo stipulatoris, qui ejusdem obligationis socius est, *l. 14. hoc tit.* Nam & hic vi ipsa videtur a stipulatore petere, quoniam correus actione pro socio ei reputaturus est, quod litis domino exsolverit, *l. eandem, §. 2. de dupbus reis: ubi id exposuimus latius, libro 27. superiore.* Et in summa, hoc tantum continetur in *h. l. i.* stipulationem de rato committi, etiam si dominus non petat a stipulatore, sed a fideiussore ejus, vel a correo socio ejusdem obligationis, a quo non possit petere, si ratum haberet. Nam rati habitatione stipulator domino liberaretur, & propter consequentias fideiussor quoque & correus ille, qui socius est: non comparatur correus fideiussori, nisi socius sit, *l. si duo, de recept.* Ergo aliud dicendum, si duo rei socii non sint, si socii non sint, si societatem inter se non coierint. Nam unum si convenierit procurator, ei-que caverit de rato, stipulatio non committitur, si dominus petat ab altero: quoniam id, quod domino exsolverit alter, nulla actione ab altero repetere potest, cum nulla inter eos sit coita societas. Et ideo quod dominus petit ab altero, qui stipulatus non est, & cum quo procurator non egit, neque *q. d. u. q. u. q. u. vi ipsa a reo petit, l. adversus, de recept. cum id, quod præstiterit fideiussor, mox sit recuperaturus a reo actione mandati, nisi in rem suam fideiusserit, vel donationis causa.* neque vi, neque re ipsa videtur id petere ab eo, qui stipulatus est, nec fit quicquam contra stipulationem, convento altero correo, non socio: non omnis correus est socius. Et rectissime Accurs. hoc loco, nos non uti hac distinctione, utrum correi socii sint an non, si vice mutua fideiusserint, sed eo casu indistincte verum esse committi stipulationem de rato, siue dominus petat ab eo, qui stipulatus est, siue ab altero, qui stipulatus non est, quia, cum alter alterius sit fideiussor, dum ab uno petit, *q. d. u. q. u. q. u. vi ipsa a reo petit, l. adversus, de recept. cum id, quod præstiterit fideiussor, mox sit recuperaturus a reo actione mandati, nisi in rem suam fideiusserit, vel donationis causa.* in quem is, quem petit, si solverit, est regressum habiturus per actionem mandati. Ex quo intelligitur non semper correos videri vice mutua fideiussisse. Certe non nisi id actum sit nominatum, *l. reos, de duob. reis, l. vir uxori, §. ult. ad Vellejan.* Alioquin nunquam esset locus superiori distinctioni, socii sint, nec ne, si semper viderentur vice mutua fideiussisse, quod plenius tractatur ad Afric. in *d. l. vir uxori, §. ult.* Ad hæc notandum est, ut quoniam diximus de eo, a quo dominus petit, nunc agamus de eo, qui petit postea post litem actam aut susceptam cum procuratore, finitamque. Notandum, inquam, hæc stipulationem committi, non tantum, si dominus petat, aut verus procurator, sed etiam si alius, ad quem res pertineat, puta heres ejus vel successor, nisi id aperte actum sit; ut quis ommitteretur, nimirum stipulatione de rato concepta, non in personam domini, sed in rem, quod tamen fit perraro, ut in *l. si sine, §. si in stipulatione, hoc tit.* Imo, non tantum si alius petat juris successor: sed etiam si rei successor, veluti emptor, cui dominus litis venderit rem & tradiderit. Nam & tunc ejus rei petitio est, si possessionem amiserit, vel si vacuum non obtinuerit. Ergo, etsi emptor petat, qui a domino rem nactus est, stipulatio committitur, *l. 16. §. ult. hoc tit.* Et solemne est in hac stipulatione adjici, non petiturum eum, cuius de ea re actio, petitio, persecutio fit generaliter: quæ verba comprehendunt multas personas, ut *l. 23. h. t. M. Tull. in Bruto: non solum nisi prius a te cavero, neminem, cuius petitio sit, amplius petiturum.* Quamobrem hæc stipulatio non committitur, si postea petat, qui petitionem non habet, ut falsus procurator, *d. l. 23. Et postremo no-*

tandum est, hæc stipulationem quoquo modo concepta sit, etiam si dominus ratum non habeat, repetere velit, si in jus vocet, si exigat cautionem judicio fisci, non committi stipulationem, antequam petierit, id est, antequam contestatus litem fuerit, *l. 8. in fin. C. l. 25. hoc tit.* & aliud esse committi stipulationem, aliud agi ex ea stipulatione posse. Committitur stipulatio vel peccat, id est, (ut ad exitum rei spectemus) cum incipit ex ea stipulatione deberi, licet nondum agi possit: debetur scpe id, quod nondum peti potest, *l. 7. ut leg. nom. cav. l. si dies, quando dies leg. C. §. omnis, l. 1. de verb. obl.* Stipulatio de rato committitur, si dominus petierit eandem pecuniam. Agi autem ex eo potest, quantum interest. Actio ex stipulatione in id datur, si dominus non petierit tantum, sed etiam exegerit aut litem peregerit, licet non obtinuerit. Nam & hoc casu agi potest in procuratorem, ad impendia in litem facta, quæ a domino, qui victus est, victor servare non potuit, *l. si sine §. Marcellus, hoc tit.* Uno casu, qui valde notandus est, ex hac stipulatione agi potest statim, id est, antequam dominus quicquam solverit: ut puta si quis per ignorantiam, vel errorem procuratori solverit indebitam pecuniam finem iudice (nam soluti ex sententia iudicis conditio non est) & acceperit satisfactionem de rato, etiam, antequam dominus quicquam petat, ager ex ea stipulatione is, qui solvit & stipulatus est, ut scilicet sciat, cui debeat condicere pecuniam, quam solvit indebitam per errorem, vel ignorantiam, utrum domino si ratum habeat, an procuratori, si ratum non habeat, ut possit dignosci utri debeat condicere, quod eleganter ostenditur in *d. l. 16. h. t.* Et quod notandum, in hoc casu non agitur ex hac stipulatione in id, quod interest, sed hæcenus tantum utiliter promissori dominum exponere sententiam suam, & vel ratum habere, vel retractare actum procuratoris, ut proinde sciat utri debeat condicere pecuniam indebitam. Aget duntaxat hoc casu, ut est in *Basil. l. 2. de uxoribus, ut curet dominum ratum habere, & domino improbante actum, procurator tenebitur conditione indebiti, qui non teneretur, si stipulator non ita prope- rasset agere ex stipulatione, sed expectasset quoad dominum ab eo eandem pecuniam peteret; quo casu procurator non teneretur stipulatori conditione indebiti, sed in id omne, quod interest, quia interposita stipulatione id videtur actum, ut stipulatio succederet conditioni; ut magis esset actio ex stipulatione, quæ est strictior quam conditio, quæ est ex bono & æquo; *d. l. si sine, C. l. ult. §. ult.* sicut pecunia credita interposita stipulatione, id agitur, ut sit actio ex stipulatu, non si certum petetur, *l. 6. §. ult. de novat.* Alioquin valde pugnaret *l. 16. hoc tit.* quæ domino ratum non habente ait, teneri procuratorem conditione indebiti, cum *d. l. si sine, quæ hoc negat.**

Ad L. LXXVII. de Reg. Jur.

Actus legitimi, qui recipiunt diem vel conditionem, veluti mancipatio, acceptilatio, hereditatis aditio, servi optio, datio tutoris, in totum vitantur per temporis vel conditionis adjectionem: nonnunquam tamen actus supra scripti tacite recipiunt. Nam si acceptum feratur ei, qui sub conditione promissit, ita demum egisse aliquid acceptilatio intelligitur, si obligationis conditio exstiterit: quæ si verbis nominatim acceptilationis comprehendatur, nullius momenti facit actum.

Residua est L. LXXVII. ex libro 28. quæ est varia & multiplex, & multo resperfa pulvere ab interpretibus. Actus legitimi sunt, qui in jure peraguntur solemnitibus verbis, & solemni ritu acque ordine juris: melius detraheris illa solemnitibus verbis: Nam pleraque sunt solemnitibus verbis, quæ non sunt actus legitimi. Stipulatio fit solemnitibus verbis: & tamen non est actus legitimus quamvis fiat jure. Magis igitur actus legitimus fit, qui in jure peragitur solemni ritu, & ordine juris, & actus solemnes qui peraguntur cum observatione, & religione multa in

jure, id est, apud magistratum vel principem. Omne scilicet genus actus legitimi sunt legis actiones, quae in jure peraguntur, & certe idem sunt legis actiones, & actus legitimi. Sed hac appellatione quandoque posteriores interpretes abusi sunt, ut liceat mihi per abusionem, *καταχρηστικῶς*, quicquid jure agitur, appellare actum legis, actum legitimum. Et ita *l. pen. C. de heretic. testimonii* dictionem vocat actum legitimum, non quo sensu dicitur in *h. l.* sed ut eadem lex interpretatur, conversationem legitimam, conversationem forensam: quod si proprie accipiamus actum legitimum & precise, testimonii dictio non est actus legitimus. Si quis hoc proponeret, rem inopinabilem videretur proponere, veram tamen. Sicut autem denuntiatio testimonii, nec ulla alia denuntiatio, est actus legitimus, non denuntiatio novi operis, quae fit ex edicto, non denuntiatio applicanti se ad ancillam meam, quae fit ex Senatusconsulto Claudiano. Igitur in hac *l. perperam* adducitur *d. l. pen. C. de heret.* quae actum legitimum cum dicit, non dicit legis actionem, quae peragatur in jure, legitima observatione, religione modoque. Et falsum est etiam in *l. 2. §. deinde ex his legibus, de orig. jur.* definiti legis actiones hoc modo: *Quibus inter se cives disceptant ex xii. tabul. veluti finium regund. vindicatio, furti, iniuriarum, quas certas & solemnes esse voluerunt.* Certas ad numerum pertinet, *l. quia actionum, de prescript. verb.* Solemnes pertinet ad verba. Si definit ita legis actiones: hae igitur solae sunt legis actiones. Atquin non definit recte, quia has actiones *xii. tabul. proditas*, quibus homines inter se disceptant, ait appellari legis actiones. Sed non has solas: sunt aliae multae legis actiones, nec minus complectitur legis actionis, quam actus legitimi nomen. Enumerantur in hac lege quinque, *mancipatio*, & *mancipatio* verbo significatur imaginaria alienatio, & comprehendit multa, veluti mancipationem familiæ, quae fiebat in testamentis per *as & libram*, ut ex Ulpiano constat & Theoph. & mancipationem, quae fit eodem modo per *as & libram*, sive nexus dationem ex causa donationis, vel venditionis, vel noxae dationis, vel ex causa solutionis, vel ex alia quacumque causa transferendi domini. Comprehendit etiam mancipationem filii, quae fit a patre, cum dat eum in adoptionem alteri, *l. ult. C. de adopt.* Tertul. in *Apol. adoptandos melioribus parentibus* *mancipatio*: vel quae fit, ut omnino filius fiat sui juris, *l. 8. §. ult. de ini. sup. ubi* Florentini recte *emancipatione*. Et hæc nominatim dicitur legis actio in *Nov. 81. l. 4. de adopt.* notum est omnibus, quae sint alia quatuor. Quid sit accipilatio? *c' est quitter sans avoir rien reçu*: quid sit etiam aditio hereditatis, quid servi optio, puta cum quis legavit mihi servum, quem optarem ex sua familia. Ea servi optio legis actio est, id est, qui eam peragit, lege agit. Quid sit etiam tutoris datio, notum est: sed hereditatis aditionem trahi volo etiam ad cretionem, quae tamen hodie est sublatam. Et servi nomen trahi volo ad aliam quaecumque rem, cuius optio legata fit. Et tutoris dationem accipi volo de ea, quae fit decreto magistratus ex inquisitione, solemniter accessitis amicis pupilli, & optimis viris qui sunt in civitate, ex quibus magistratus optat quem vult. Et tutoris datio, tutoris optatio est, quae si fiat testamento, jure quidem fit, sed non est actus legitimus, & testamento etiam non datur tutoris optio cuilibet, nec a quolibet, sed a viro tantum mulieri (quoniam mulieres erant in perpetua tutela) ut post mortem viri, in cuius manum convenerat mulier, & interim sine tutore fuerat, quia in manum conventio mulierem solvit tutela (Terent. *amicum, tutorem patrem*) ut, inquam, post mortem viri optet libi tutorem quem volet, ut intelligere licet ex Livio 39. cum de Hispala scribit, quae daretur Bacchanalia. Pupillo optio tutoris daretur inutiliter, cuius nullum iudicium est, & daretur tantum utiliter a patre, in cuius potestate est pupillus. Igitur actiones illae, quibus inter se cives disceptant, sunt actus legitimi, sunt legis actiones *12. tabul.* quibus inter se disceptant, disceptante ipso quoque iudice: nam disceptare, est commune verbum reorum & iudicum, *l.*

3. C. de recept. atque etiam lege agere, est commune reorum & iudicum: imo & lictorum aut viatorum, sive apparitorum: nam & lictor lege agere dicitur, dum exquirunt rem iudicandam ex precepto magistratus. Qua de causa, executiones lictorum possunt etiam numerari inter actus legitimos, sed ut dixi, non hæc solae sunt legis actiones, sed & hi quinque actus, qui recensentur in hac lege: Et adoptio omnis, cum a Theoph. definitur, *αποδοσις τοῦ παιός*, actus legitimus & etiam legis actio dicitur, & *l. 1. C. eod. l. 3. de off. procons. & l. 4. de adopt. actus legitimus*, & etiam legis actio dicitur. Et manumissio quoque, quae fit per magistratum, legis actio est, *l. 2. de off. procons.* non quae fit testamento, non quae censu vel alio modo, sed quae fit apud magistratum, vel per magistratum: hi soli actus sunt legitimi, qui fiunt apud magistratum, vel per magistratum, id est, a magistratibus. Ut adoptio similiter, quae fit imperio magistratus aut principis, non quae fit testamento, quae etiam jure non fit & indiget confirmatione. Et mancipatio quoque omnis five nexi datio, fiebat in jure, id est, ad sellam pretoris vel praedis. Et similiter hereditatis aditio sicut repudiatio, *l. finis, & l. si quis, C. de rep. hered.* Et servi optio similiter in jure, & hæc erat præcipua solemnitas ut non passim fieret, sed in iure: nam sicut ad audeundam hereditatem, ita & ad adoptandum diem decernebat prætor vel praeses, *l. 6. l. si optio, de opt. leg.* Et accipilatio in jure quia fit per nexi dationem & per *as & libram* definitur nexu soluto, *l. 1. de accipilatis*. Et cessio in jure similiter, ut accipilatio ipsa ostendit, quae & legis actio dicitur a Cajo in *Instit. ut retulit Boetius in Topicis*. Hos solos actus ausim appellare legitimos, & legis actiones, quos invenio ita appellari: & non ausim alios adicere, quos nusquam invenio sic appellari, alioquin unum si super adicere, sane paulatim adicerem omnes, ut omnes inducant, ita & scribant, actum legitimum esse usurpationem, & procuratoris dationem, quam constat fieri nudis verbis, non solemnibus, & mancipationem testamenti, & stipulationem, ergo & omnem contractum, quia stipulatio est conclusio omnium contractuum, *l. si dominus, de prescript. verb.* Si omnem contractum, quem non actum igitur? quid enim non venit contractus nomine? Et eadem licentia adiciunt iururandum, & vadimonium, id est, promissionem iudicio sistendi causam factam, & satisfactionem omnem, & comprehensionem ex jure veteri, & additionem in diem, quae est pactio quædam venditionis. Si non sunt actus legitimi, non etiam tutoris auctoritas, qua interposita pupillus contrahit aut pacificatur. Alioquin omnes actus sensum facerem legitimos, & ex his quod quædam fiant verbis solemnibus, non ideo sunt actus legitimi, non quodcumque fit verbis solemnibus, non quodcumque fit testibus, praesentibus est actus legitimus. Hoc habent commune actus legitimi cum aliis multis, qui non sunt legitimi, licet jure agantur, & in ipsis actibus legitimis, & legis actionibus solemnia verba hodie pro dictis habentur, *l. manumissio, de manumiss.* manumissionem valere, etiam si lictor omiserit solemnia verba, quod non in libertate est recipiendum tantum favore libertatis: sed generaliter in omnibus actibus legitimis, & solemnium verborum omissionem, nihil nocere hodie, cum omnia extra ordinem agantur, non observata conceptione formularum. Ex his quoque quae negavi esse actus legitimos, quibusdam recte adicitur & dies & conditio. In diem recte sunt & conditionem, ut stipulatio & additio in diem, & alia quædam. Atquin omnis actus legitimus momento temporis perficitur, nec capit dilationem ex die, vel conditione. Et in hac *l. non est legendum negative*, quasi sine alii actus, qui recipiant, sed affirmative ut Florentiae, id est, quibus aperte & nominatim dies vel conditio adicitur: tacite recipiunt diem vel conditionem, sed non aperte, non nominatim. Imo qui recipiunt diem vel conditionem tacite, in totum vitiantur. Accipilatio, cui adicitur dies vel conditio, vitiat, *l. 4. & 5. de accept. in totum quia scilicet nec valet ut pactum, l. 1. eod. tit. nec potest sustineri exceptione pacti, quali accipila-*

puilationi inutili inest pactum de non petendo, sicut constituto servitutis, quæ fit ex die vel conditione, ipso jure est inutilis, sed non vitiosa in totum, quia sustinetur exceptione doli vel pacti, *l. 4. de servit. quæ vitaretur in totum*, si esset actus legitimus: Nam adscriptio temporis certi vel incerti in totum vitat. Igitur acceptilatio non valet ut pactum, mancipatio similiter non valet ut traditio, quæ non est actus legitimus, & fit quocumque modo: hereditatis aditio etiam vitatur in totum, quæ recipit conditionem, *l. eum cui, §. ult. de acquir. hered.* Ergo nec sustinetur ut agnitio, quæ fit quocumque indicio voluntatis: servi optio non valet, ut electio quælibet. Tutoris datio, quæ per magistratum fit, etiam non valet in totum, *l. muto, §. 1. de tutel.* Igitur nec sustinetur ut datio curatoris, quæ fit qualitercumque, nec adeo subtilis est vel solemnns. Idem omnino dicemus in adoptione, *l. 34. de adopt. & in manumissione, l. pen. C. de manum. & in cessione in jure.* Et tandem ita concludamus: Qui actus legitimi aperte recipiunt diem vel conditionem, in totum vitantur, non vitantur, si eam recipiant tacite. Et hac ratione in *l. pen. C. pro socio* definitur, societatem recte contrahi sub conditione, quia scilicet videtur intervenisse mancipatio & induxisse communionem bonorum, sed tacita, *l. 2. pro socio*. licet loquatur de traditione tantum. Et similiter acceptilatio recipit diem, vel conditionem tacite, ut si accepto seram, quod mihi debes sub conditione: acceptilatio tacite inest conditio, si conditio existit, id est, si mihi debere coeperis, ut *l. 2. de acceptil.* Et manumissio quoque, si datur tacite, ut qui manumittitur apud magistratum, utique liber non sit ante mortem domini, *l. mortis, §. ult. de manumiss.* Summa est, *non datur*: Actus legitimi in totum vitantur, qui recipiunt diem vel conditionem expresse, non etiam qui recipiunt tacite, ut multis aliis partibus juris dicitur, expresse nocent, tacita non nocent, *l. expressa, §. ult. l. nonnullam, de cond. & dem. l. si ita legatum, §. 1. de leg. 1. l. si quis Senpronium, de hered. instit. & l. si servus, §. ult. de pact. illud notandum, quod diximus legi recte Florentia, qui recipiunt sine negatione: nam oportet ita accipere, ut recipiant non quidem jure, sed facto ipso. Ergo actus legitimi sunt leges actiones, quæ in jure peragi solent, id est, ordine juris, veluti actiones ex *12. tab.* quibus adversarii inter se litigant, & executiones lictorum, quæ sunt imperante magistratu, & mancipationes, adoptiones, acceptilationes, & hereditatis creatio, seu aditio, & servi vel cuiusvis alterius rei optio, & tutoris datio, optioque facta a magistratu, & manumissio facta fidei, & magistratus interventu, & cessio in jure. Neque igitur solæ hæ sunt leges actiones, quibus inter se homines disceptant, nec ita definitur in *l. 2. §. deinde ex his legibus, de orig. jur.* sicut Cajus enarrata formula cessionis in jure, subjicit, *idque legis actio vocabatur*, id est, iusta, ut Boet. refert. Sane non definit legis actionem. Quos autem commemoravi, scio legitimos actus: hæ leges actiones nescio: nec addo alias, quam quas invenio eo nomine appellari, ne paulatim crescente acervo, omnes actus, qui jure fiunt, actus legitimos faciam, seu leges actiones, quas alia mente atque sensu & abusu possum dicere actus legitimos: legitimi actus peraguntur solemnibus verbis, & testibus presentibus, sed hoc habent commune cum aliis plerisque non legitimis. Proprius ordo actuum legitimorum hic est, ut fiant in jure, deinde ut in totum vitentur, si aperte recipiunt diem vel conditionem, non si tacite. Qui aperte recipiunt diem vel conditionem, nec vitantur, non sunt legitimi actus. Acceptilatio igitur in totum vitatur, si recipiat expresse conditionem, non si tacitam. Et manumissio similiter, *l. mortis, de manumiss. & tutoris datio facta a magistratu, §. 1. de At. tut.* Et mancipatio igitur, expresse scilicet, recipit tantum tacitam conditionem vel diem: mancipatio tacita recipit etiam expresse conditionem sine vitio, veluti contracta societate sub conditione, *l. pen. C. pro socio*: quia tacita mancipatio intervenisse videtur, *l. 2. pro socio* Quod & generaliter de omnibus actibus legitimis dici potest, ut expressi vitentur expresse conditione, non tacita:*

A taciti, ut nec vitentur expresse, nec tacita conditione, nec die. Est etiam hoc proprium actuum legitimorum, ut non iterentur, ut fiant semel tantum: ut aditio hereditatis fit semel, *l. si solus, §. ult. de acquir. hered.* optio servi semel, *l. 5. de leg. 1.* ut non possit retrahari. Seneca controversia 24. *Non oportet amplius tibi quam semel optare.* Et subjicit rationem, *omnis nimia potentia saluberrime brevitate confringitur.* Et ita tutoris datio fit semel, nec iteratione opus. Adoptio non iteratur, nec iusta libertas, *l. 2. C. de manumiss. vind.* Latina libertas fit quidem iteratione iusta & legitima, iusta nunquam iteratur. Dices, filium trina mancipatione, & manumissione fieri sui juris, iuxta *l. xii. tab. si pater filium servum dedit*, sic legendum apud Ulpian. *filius a patre liber esto.* Et rursus filius trina mancipatione, & bina manumissione a patre alii in adoptionem datur, *l. ult. C. de adopt.* Ergo mancipatio iteratur, manumissio iteratur, actus legitimus iteratur. Dicam hoc ideo fieri, quia filius revertitur in potestatem patris post primam & secundam manumissionem ipso jure antiquo: si servus, cui dedi libertatem iustam, milles revertitur in potestatem meam, milles eum manumittam. Si non reverteretur, una manumissio conficeret rem. Dices rursus, actionem pro libertate, quam constat numerari inter leges actiones, & potuisse etiam intendi per alium quemlibet, ut est in titulo, *de his per quos ag. poss. a. instit. & ita Lælius 3.* In his, quæ in libertatem afferuntur quibus lege agere potest. Dices hanc actionem ter quaterque iterari, *l. 1. C. de adfert. toll.* ergo legis actio iteratur. Dicam ceteras assertiones, siue actiones in libertatem, esse perisodias, quæ fiant dieis causâ. Sic Suetonius vocat in Domitiano: postremam tandem rem peragere, nec denuo idem post eam agi posse. Est etiam hoc proprium actuum legitimorum, ut eorum solemnitas non possit peragi per procuratorem. Acceptilatio non fit per procuratorem. Inventum tamen est remedium, quo adhibito etiam per procuratorem acceptilatio fiat, non procuratorio nomine jam, sed proprio, nempe remedio novationis. Primum procuratori mandabo delegato debitore meo, ut stipuletur sibi dari, quod is mihi debet, ac ita novet obligationem. Deinde ipse poterit debitori acceptum facere suo nomine: vel si ego debeam, primum mandabo, ut expromittat pro me, id est, ut novet obligationem, eamque in se suscipiat, atque ita me liberet. Deinde ipse poterit accepto liberari: ego liberabor novatione: ille acceptilatione: sed & sine mandato hoc modo liberabor novatione: gestor, qui ultro expromisit, acceptilatione ex sententia *l. 13. §. tutor, de acceptilat.* secundum quam non accipienda est lex *3. cod. tit.* ut acceptilatione liberare, aut liberari nemo possit per procuratorem sine mandato, id est, quia procedente mandato ei sit ante permiffum novare obligationem: nam sane hoc remedio non potest per procuratorem, etiam si speciale mandatum habeat, fieri acceptilatio, nec ulla est causâ mutandorum illorum verborum, *sine mandato*, quæ retinent Basil. *ἀρδ. ἐν τοῖς.* Et male in hac quæstione, an per procuratorem acceptilatio potest fieri adfertur *l. penult. ejusd. tit.* quæ de servo loquitur, non de procuratore: sed per servum accepto liberamur, *l. species, eod. tit.* non per procuratorem, non procedente novatione. Contra per servum debitor noster, nec iussu nostro accepto liberatur, *d. l. pen.* quia edictum quod iussu pertineat ad contractus, non ad liberationes, *l. si dubitet, §. ult. de fideiuss.* Sed de acceptilatione hætenus. Aditio hereditatis non fit etiam per procuratorem, *l. per procuratorem, de acq. hered.* nisi sit procurator Cæsaris siue rationalis, vel catholicus, ut dixeret posteriores, *l. 1. de off. proc. Cæs.* Et similiter manumissio non fit per procuratorem, *l. 3. C. de manumiss. vind.* nisi sit procurator Cæsaris, *l. bonorum de jur. fide.* Sed hæc remediis quibusdam per procuratorem fient, & manumissio servo procuratori ante mancipato per æs & libram, & aditio hereditatis procuratori ante cessâ hereditate in jure, quæ deditur recte, & antequam adca-

adeatur ut Ulp. in fragmen. *adiciatque interposita eius* A
 restituenda. Et regula quoque eius legis remediis quibusdam occurrunt, puta adibus legitimis absolute perfectis & pure, & eo acto tacite, ut non fortiantur effectum ante diem vel ante impletam conditionem, d. l. moris. Quo genere qualibet dies, five conditio non inuoluit inferetur, aut sustinebit actum legitimorum effectus. Actiones autem illa, quibus inter se homines disceptant, etiam jure antiquo, (quod in desuetudinem abiit, nam litigamus per procuratores) non potuerunt intendi vel excipi per procuratorem: nemo potuit per procuratorem legem, aut legitimo iudicio agere, nisi pro patria, & pro libertate, ut ante notavi ex Flavio, & pro tutela: & in casu legis Hostilii, d. tit. de his per quos ag. poss. Qui locus est singularis, maxime de lege Hostilii. Et hoc est, quod ait lex nemo, hoc tit. Nemo B
 alieno nomine lege agere potest: est enim regula juris antiqua, non nova, secundum tit. qui est de regulis juris antiqui, & est ea regula sic accipienda, non tantum, ut non possit aduersarius lege agere per procuratorem, sed etiam ut magistratus aequo non possit lege agere per eum, cui mandaverit suam jurisdictionem, l. 2. de off. procons. l. nec mandante, de iur. & curat. dat. Lege agere est commune reorum vel magistratuum, & neutri lege agunt per mandatarium, sed per se. Et jure antiquo procuratores dantur ad administrandum, non ad agendum. Male autem quidam hac ratione quod nemo possit lege agere alieno nomine, patrem non posse filii nomine agere querela inofficiosi testamenti materni, l. Pap. in prin. de inoff. test. cum ea lex non dicat id fieri hac ratione juris antiqui, sed alia ratione, quia filii, inquit, injuria, est. Ac praeterea dicit invito filio non posse, volente igitur potest. Atquin procurator ne volente quidem aut mandante domino, agere jure antiquo potest. Porro idem etiam censendum de emancipatione, ut non fiat per procuratorem per as & libram, cum nec fiat acceptilatio, quae aequo fit per as & libram. Idem & de optione servi, ut non fiat per procuratorem, sed per ipsam legatarium. Nam optionem servi non est dubitandum esse actum legitimum, cum & fiat pure & praecise, & semel, & praetore decernente diem ad optandum, sicut ad adendum: & sicut filius non adit iniussu patris, ita nec optat, l. 10. de leg. 1. l. 24. de liber. causa. Et fit ea optio solemniter praesente herede. Ac proinde non fit ante aditam hereditatem, d. l. 10. & publice exhibitā universā familiā, l. 3. & item si optare, ad exhib. l. si vendidero, §. ad exhibendum, de furt. & in jure certis, ut opinor, verbis, & testibus praesentibus. Ergo & per se, & non per procuratorem. Et pessime quidam per procuratorem fieri posse, ex l. pen. de opt. leg. quod ibi fiat per matrem legatarii. Nolumus vos data opera jurisconsulti verbo circumscribere, cum matri optio permiffa sit in ea lege nominatim iudicio testatoris. Legavit filio servum, quem vel filius vel mater ejus optaret. Quæri posset, an symbola, quæ interveniebant in actionibus legitimis, sint eorum propria? Sane non sunt propria, nisi abusu quodam, quia non his solis sunt propria. Quo abusu solemnia verba, & testes licet dicere esse propria actuum legitimorum, quod omnibus, quæ sub ea appellatione continentur, sunt propria, quæ tamen non his solis adhibentur, sed & stipulationi cuiuslibet, & multis aliis negotiis: in emancipationibus, & acceptilationibus fuit symbolum as & libra: in manumissionibus fuit symbolum fidei religiose observatum, l. ult. C. de emancip. lib. Græci *pantiquæra* dixere: symbolum autem illud fuit alapa, & alio modo Salapitta, in Glossis vet. & apud Arnobium. In aditionibus hereditatum pro symbolo fuisse percussiones digitorum, ut Cic. est auctor in lib. de offic. hoc enim signo significantur se agnoscere hereditatem, se poscere bona sibi delata, quomodo etiam solebant ut ex Martiale colligere licet, poscere metallum. Petronius Arbiter: *digitos conprepuit: ad quid signum metallum spado supposuit*. Omnium verissimum est reliquorum intervenisse propria symbola.

JACOBI CUJACII J.C.

COMMENTARIUS

In Lib. XXIX. Questionum EMILII PAPINIANI.

Ad L. VI. de Usuris.

Cum de in rem verso cum herede patris vel domini ageretur, & usurarum questio moveretur, Imperator Antoninus adeo solvendas usuras judicavit, quod eas ipse dominus vel pater longo tempore praestitisset.

§. 1. Imperator quoque noster Severus filia Flavii Athenagora, cujus bona fuerant publicata, de fisco ideo numerari decies centena dotis nomine jussit, quod ea patrem praestitisset dotis usuras allegasset.

LIBRO XXIX. initium dabit l. 6. de usur. Cujus questio est in usu saepe. Sciendum ex contractu filiifamil. vel servi, patrem vel dominum teneri actione de in rem verso, id est, de eo quod filius famil. vel servus patrem vel dominum locupletiores fecit, & vere facere voluit: nam ut sit actio de in rem verso, necesse est ut voluerit negotium gerere domini, vel patris. Tenetur ergo pater de in rem verso ex contractu filii, & dominus ex contractu servi, id est, de eo quod dominum locupletiores facere voluit & fecit. In qua actione veniunt etiam usurae pecuniae versa in patrimonium patris vel domini, si in stipulatum deducta fiat, non etiam si promissae non sint, l. si pro patre, §. sed usum, de in rem verso. Et constat etiam hac actione teneri heredem patris vel domini, ad quem ob eam rem locupletior hereditas pervenit. Et ita Papinianus notat de in rem verso agi in heredem patris vel domini. Nunc finge: Agit creditor de in rem verso cum herede patris vel domini, & petit non tantum fortem principalem, sed & usuras: sed usuras fortis versa in rem patris vel domini, non constat eas promissas fuisse, sed hoc tantum, patrem creditore praestitisse longo tempore. Queritur, an etiam heres patris vel domini eas praestare debeat, quoad integram fortem exsolvat? Et sane, si non probet solvisse indebitas usuras patrem vel dominum, exemplo patris vel domini, cui heres extitit, deficientibus aliis probationibus, cogetur ex more descripto ejus pecuniae usuras praestare. Et ita refert Papin. Imp. Antoninum judicasse. Longam igitur praestationem patris argumentum esse usurarum debitum, etiam si de stipulatione non constet. Solutio usurarum argumentum est fortis. Et sicut omnia videntur solemniter acta, si quis scripserit se accepisse, id est, praestititum solemniter ritu facta stipulatio, l. sciendum, de verb. oblig. ita videntur omnia solemniter acta, si solverit veluti ex promissione sua, nec probet se solvisse indebitum per errorem. Et hoc est, quod proponit priori parte. Huic obijciunt l. creditor, C. de usur. quæ laet, usurarum obligationem non constitui sine stipulatione, quod est certissimum in credita pecunia, neque ex pacto facto in continenti stipulationem acquiri: Porro usurarum obligationem non constitui sine stipulatione, etiam si aliquo tempore ex consensu, vel ex voluntate ejus, qui eas praestitit, vel ex pacto praestitae sunt. Praestatio illa sola, vel diuturna non potuit obligare, cum tamen ex pacto soluta, quia natura debetur, l. in his, §. Imperator de solutione non condicuntur, nec in fortem imputantur, l. 3. C. de usur. Sed nec in posterum petuntur a creditore, quod ei sint praestita in praeteritum tempus, praestatio praeterita non est idonea causa gignenda obligationis quæ nulla fuit, etiam si pactum praecesserit: nam neque ex pacto, neque ex longa praestatione & continua annorum aliquot nascitur obligatio. Et idem est scriptum de operis libertorum in l. operis non impositis, de oper. libert. Si libertus patropo aliquo tempore ex sua voluntate praestitit certas operas, quas ei non imposuerat patropus,

nus, & quas ipse nunquam ei promiserat, certe non ideo A perferre cogitur in his præstandis. Idem est scriptum de qualibet pensione, *l. si certis annis, C. de pacti*. Tu certis annis ex pacto convento mihi præstitisti pensionem aliquam, quam non poteram te cogere, ut præstares, cum ex pacto non sit actio, an igitur quod eas præsteris ex pacto, quod pacto obtemperaveris, & sequentibus annis te compellam, ut fidem impleas pacti? Minime: quia nulla subest obligatio: ergo nulla coactio est mihi, nec ex præstatione annorum aliquot potest duci ulla obligatio atque constitui. Hi tres loci obijciuntur huic decreto sive rescripto Antonini Imperatoris. Sed his omnibus est facile hoc modo respondere: non sunt adferendæ tres aut quatuor rationes, quas Accursius attulit: sed dicendum est, longam præstationem fortis vel usurarum, sive fiat in solidum, sive pro parte, quotannis, vel quot mensibus, non constituere obligationem, quæ vel initio: consuetudinem pensionationis indebitæ, non constituere debitorum, ut qui præstitit ante & deinceps post præstare cogatur, quasi obligatus. Sed quamvis hunc effectum non habeat solutio, sive præstatio, sive pensatio longa, habet tamen alios effectus. & primum, ut inducat tacitum pactum, quod non est inducere obligationem, ut in specie *l. qui semisses, hoc tit. C. l. 5. C. 8. C. epd.* Tu promisti mihi majores usuras, & aliquot annis mihi præstitisti minores, nec expostulanti tacite videtur convenisse, ne peteretur majores. At si post petam majores, me repellens exceptione taciti patet: longa igitur præstatio tacitam pactum inducit. Est & alius effectus, ut præbeat presumptionem & argumeatam præsumptum obligationis, si de ea dubitetur pactum præcesserit, an stipulatio: usurarum ex longa præstatione debitarum, ex longa præstatione præsumam præcessisse stipulationem, nec debitorem fuisse adeo supinum, ut mihi diu præstitisset indebitas, videlicet non probantem fuisse indebitas & solutas per errorem. In dubio igitur non induces obligationem, sed presumptionem obligationis, quæ habetur pro probatione, & sufficit iudici, ut & Imperatori in hac specie sufficit. Et tertius effectus hic est, ut si fuerit obligatio ab initio, & hoc constet, longa pensatio aut perpetuet, producat, ut in specie alimentorum relietorum testamentum vel codicillis, *l. 1. C. de fideic.* Mihi iussu relicta alimenta testamentum vel codicillis, & hoc constat, hoc probo, cui fuerint relicta: non ambigitur, an debeantur, sed quæritur, utrum in perpetuum, an ad tempus debeantur. D Porro mihi fuere præstita per multum temporis, id est, non minus quam triennio: lex ait, ex hac præstatione triennii duci conjecturam perpetui debiti, nisi probet heres alimenta fuisse relicta tantummodo in triennium. Et observandum in *d. l. multum tempus* accipi pro triennio, & triennium accipi pro multo tempore: si petantur usuræ quasi promissæ, quæ præstite sunt triennio & in posterum præstentur, nisi probes non deberi; ubi præsumptio pro me facit, tibi incumbit probatio, in qua si deficiis vincit præsumptio, & ita multos annos accipi convenit in *d. l. qui semisses, C. l. 5. C. de usur.* maxime cum *l. 8. C. de rit.* in eadem specie non exigat numerum annorum, ut non male Greci velint illo loco, vel unicam præstationem usurarum minorum sufficere, ut quis per exceptionem pacti taciti liberetur a maioribus, quod *d. l. 8.* non exigit numerum annorum, vel annis anni satisfactio pro pactione est. Et quod ponitur in *l. 5.* per certos annos fuisse præstitas minores usuras, ex pacto proponitur: in præscriptione tamen factore exigi 10. annos, ut colonus scilicet viadictet in libertatem: repellitur exceptio huiusmodi, quod longo tempore, id est, 10. annis præstiteris redditus, atque quasi colonarie conditionis homo, quo jure utimur hodie, *l. litibus, C. de agrip. C. consit. lib. 21.* Eaque ratione conciliantur antapochæ, *une contrapositione*, in *l. plures, C. de fidei iurum*, quibus probat creditor, sibi solutam pensionem fuisse. Antapocha creditor proficitur pecuniam sibi solutam fuisse. Antapocha autem colonus proficitur

A soluisse. Apocha debitori datur: Antapocha domino. Sed addamus quartum effectum, præstatio vel semel facta, vel partis præstatio, obligationem quæ fuit, corroborat, quia exstinguit exceptionem S. C. Macedoniani: qui enim ultro solvit, cum esset tutus exceptione S. C. Maced. videtur renuntiasse exceptioni, *l. 9. §. ult. sup. ad Maced. l. 4. C. eod.* Exstinguit etiam exceptionem non numeratæ pecuniæ: nam si cepti solvere, postea non allegabo mihi non solutam pecuniam fuisse, *l. 4. C. de non num. pec.* Facile ea exceptio perimitur: nam & coercetur biennio: præstatio etiam exstinguit præscriptionem fori, ut si hoc loco cepti solvere, si hoc in foro, cui non sum subiectus, eodem cogar peragere solutionem, nec potero revocare forum posita exceptione fori, *l. si fideicommissum, §. ult. de jud.* Ac præterea exstinguit facultatem appellandi, si condemnatus feci, iudicatum in totum, vel pro parte, non est mihi integrum appellare, quia videor acquiescisse sententiæ & renuntiasse appellationi, *l. ad solutionem, C. de re jud.* In quam rem recte etiam adducit Accursius, cum ex causa de appell. Et hæc de priori parte. In posteriori similem casum Papin. adjungit, quo ex præstatione certi temporis ducitur argumentum obligationis. Prior casus est ex decreto Antonini, posterior ex decreto Severi. Verbum enim iussit in posteriore parte, significat decretum, ut *l. 3. hoc tit. l. Imperator, ad Treb.* ut indicavimus in priori parte. Prior pars fuit de actione, de in rem verso, posterior, ut Græci ponunt speciem qui in eo mihi mirum in modum placent, quod conjungant duas vicinas actiones, quibus tenetur pater vel dominus, vel quilibet eorum heres ex contractu filiam, vel servi. Posterior ergo est de actione quod iussu. Finge: filia iussu patris marito promittit decies centena millia nummorum dotis nomine, & ea fuit olim legitima dos. Martialis: *Centena decies, quæ tibi dedit dotis.* Et Juvenalis: *Ritus decies centena dabantur, Antiquo.* Lex Papia est, quæ modum imposuit dotibus, *l. 2. C. Theod. de inoff. dotibus*, ut certe par est ei opponi modum, sicut donationibus & legatis, & est imposuit constitutione quadam Regia. Respublica Massiliensium (sunt olim excellentissima, ut omnes auctores testantur) modum dotis constituit centum aureorum, nec produci poterat ultra 100. aureos. Strabo: quarumcumque facultatum esset, & quinque aureorum in vestem, & quinque in mundum muliebrem, *et xpius xpius, la dot en argent, C. de vestiment. C. ornament.* Sed redeo unde abii: filia iussu patris marito promittit in dotem decies centena, obligatur pater actione, quod iussu, atque etiam directa, quia ipse videtur contraxisse, *l. ult. quod iussu.* At proinde pater ejus dotis usuras præstitit aliquo tempore, in exhibitionem scilicet filię, pour l'entretien, ne sumptibus mariti aleretur, sed ex usuris suæ dotis, ne interim, dum non solvitur dos, maritus de suo uxorem exhiberet, & ejus mancipia. Hæc igitur ratione solet pater inferre usuras dotis, ut exhibetur filia a marito, *l. creditor, §. si inter mand. l. pen. de acq. hered. l. cum post, §. in domum, de jure dot. l. in insulam, §. usuras, sol.* Ex constitutione Justiniani hodie etiam marito pater debet usuras trientes dotis ipso jure sine stipulatione, sine pactione *adriani*: post biennium a die contracti matrimonii, *l. ult. §. præterea, C. de jure dot.* Sed persequamur speciem. Filia promittit dotem iussu patris: pater præstitit usuras: post confiscata sunt bona patris, fiscus quasi successor tenetur creditoribus, inter quos est gener. Is igitur cum fisco agit, & petit decies centena sibi promissa, petit etiam usuras in quas sibi promissas, fiscus veluti successor juris universi tenetur, *l. 5. C. de bon. proscript.* ut bona intelligantur deducto ere alieno. Sane fiscus præstabit usuras, quas præstitit is qui confiscatus est. Et præstatio usurarum idoneum est argumentum debitum usurarum, atque ex eo fiscus obligabitur solvende doti & usuris. Debetur quidem marito fateor, sed numerabuntur recte filię, & petentur adhibito marito, vel a marito petentur adhibita filia, quia ejus est proprium matrimonium, & quasi communis res est, uxoris & mariti.

ti, unius est jure naturali, alterius jure civili, *l. in rebus, C. de jure dot.*

Quod diximus ante ex longa & multa praestatione, si ve penatione, non constitui obligationem, quae non fuit constituta ab initio, manifesto confirmatur eo, quod si pater, qui pro pupillo non obligatur, nisi de peculio & aliis actionibus praeioris: si, inquam, pater coeperit ultro solvere debita pupilli quaedam, non ideo obligatur, & reliqua debita solvere, *l. ult. C. ne uxor pro mar. solvet pro filio*, quibus liberit: nec si quibusdam solverit liberaliter, ideo compellatur aliis creditoribus solvere. Item quod heres interveniente Falcidia, qui praestitit quaedam legata solida sine detractioe Falcidia, non obligatur cetera praestare solida, sed utetur in ceteris, si volet Falcidia, *l. 15. §. non idcirco, ad leg. Falcid. l. 6. in fi. C. de ad.* Atque ita etiam ex his apparet, praestationem longam aut multam non obligare eam, qui obligatus non est: praestita tamen non posse repeti, qui donasse ea videtur ultro, & donati non est repetitio.

Ad L. XL. de Vulg. & pupil. substitut.

Causa cognita impubes adrogatus decesserat: quemadmodum legitimis heredibus auctoritate principali prospicitur vinculo cautionis: ita, si forte substituit naturalis pater impuberi, succurrendum erit substituto: Nam & legitimis heredibus futuris non alia, quam utiles actiones praestari possunt.

L Ex 40. est de adrogatione pupilli morte patris facti sui juris. Olim pupillus adrogari non potuit, ut ex Gellio intelligere licet. Ratio fuit, quia is qui adrogatur, ejus rei esse debet auctor: pupillus autem nullus rei auctor est idoneus, & tutori quoque in pupillum non est tanta potestas, vel auctoritas, ut eum possit subjicere alienae potestati, proinde adrogari non potest, nisi jam *vestitus*, id est, *pubes*. Pubes olim adrogari potuit sine curatoris auctoritate, hodie non potest ex constitutione Claudii, *l. 7. §. de adopt.* Pupillus ne tutore quidem auctore adrogari potest, hodie adrogari potest eo auctore ex constitutione Anton. Ulp. in *fragm. tit. de adopt.* Is est D. Pius, *l. 2. §. jam. et scilicet*. Ea constitutio, vires recriptum significat in hac l. his verbis, *auctoritate principali*, id est, constitutione D. Pii, & in l. si adrogator, de adopt. his verbis, *principali providentia*. Ex ea constitutione pupillus adrogari potest, hodie tutore auctore observatis his, quae eadem constitutione praescribuntur, non adrogatur sine observatione magna. Ac primum sit adrogatio causa cognita: ut initio ejus *l. causa cognita impubes adrogatus est uti oportet*. Sed hoc videtur non esse proprium in pupillo: Nam & puberis adrogatio fit causa cognita, *l. 15. §. ult. §. seg. de adopt.* Gell. lib. 5. ait, adrogationem non fieri temere, nec inexplorata: Nam & aetatem ejus, qui adrogare velit, consideramus, an liberis potius pignendis idonea sit, & num bona ejus, qui adrogatur, infidiose appetita sint: Nam adrogatus cum capite bona sua transferat in adrogatorem, & considerantur innumera alia. M. Tullius pro domo sua: *causam adoptandi quasi solere*. Sed fateor, in adrogatore pupilli diligentissimam inquisitionem fieri, ne sit in potestate tutoris, qui ejus rei auctor est, & sine quo non valet adrogatio, ne sit in ejus potestate finire tutelam a patre naturali pupillo factam, quod est testamentum pupilli, qui per aetatem non potest sibi facere testamentum. Nam tutela finitur adrogatione, quia filiusfamilias tutorem habere non potest (qui est in puissance d'autrui, ne peut avoir de tuteur) Substitutio quoque cum sit testamentum pupilli, adrogatione irrita fit, quia adrogatio capitis diminutio est, & omni capitis diminutione testamentum irritum fit. Et hoc ita ostenditur, nec ei permittitur, §. de adopt. Finitur etiam agnatio adrogatione, & perimitur jus legitimarum hereditatum, jus agnationis, id est, adrogatus desinit esse agnatus his, quibus fuit ante, & vicissim, quia adrogatione ante fuerint agnati, desinunt esse. Adrogatio igitur perimit agnationem, & jus legitimae hereditatis, mutat gentem, familiam, nomen, sacra, quae omnia tutoris auctoritas non temere abolere debet, qui

A fuerit auctor pupillo dandi se adrogandum. Ac praeterea illud exigitur in adrogatione pupilli ex constituto. D. Pii, ut adrogator satisfactio caveat mortuo pupillo ante pubertatem, restitutum se bona quaecunque fuerint illius, ad quos ea pertinerent, perinde ac si adrogatus non esset. Et ita caveat sermo publico, tabulario, actuario apud praetorem, quomodo etiam rem pupilli salvam fore tutor cavet sermo publico, *l. 2. rem pub. salu. for.* Et sicut ex stipulatione hac, rem pupilli salvam fore, pupillo hereditibusve ejus, acquiritur utilis actio, non directio, quia per servum publicum, ut nec per alienum, ipso jure pupillo, vel alii non potuit acquiri actio, *l. 4. cod. tit. ob id non acquiritur directio*, sed utilis ex civili stipulatione, alii non acquiritur: ex pretoria utilis actio acquiritur etiam per liberam personam, veluti per procuratorem, quod est proprium stipulationum praeiorum, *l. 5. de praeor. stip.* quae non reguntur jure stricto, sed aequitate praetoria. Ita ex hac stipulatione, quae interponitur ex constituto D. Pii, pupillo adrogato, per servum publicum acquiritur utilis actio his, quorum interest, id est, qui laeduntur agnatione pueri. Et his verbis, *ad quos ea res pertinebit*, non tantum continentur legitimi heredes pupilli, ut *l. 2. §. impuberem*, & §. pen. ad *Senatusc. Tertull.* sed continentur etiam heredes testamentarii, id est, si quos pater naturalis pupillo substituit secundis tabulis in hunc casum, si ante pubertatem moreretur: Nam his omnibus ex stipulatu utilis actio datur, si stipulatus sit servus publicus, siue nemo sit stipulatus: Nam in hac specie inducitur tacita stipulatio, & omnia stipulatio pro expressa habetur, & competit utilis ex stipulatu. Denique actio ex stipulatu datur substitutis, licet ipso jure substitutio irrita sit propter adrogationem: Nam si datur actio legitimis heredibus, & substitutis eam dari aequum est, quia legitimi ipso jure non veniunt, cum agnatio perempta sit adrogatione. Utrique igitur veniunt vinculo & potestate cautionis: & hoc est quod ait Papinianus in hac *l. causa cognita futuris heredibus utiles actiones praestari*, id est, qui futuri erant ipso jure, si adrogatio non intervenisset: Et omnino ratio Papin. ita explicanda est, ad quam non animadvertenter interpretes, ut adrogatione jus substitutionis perimitur, quia ut omne testamentum perimitur capitis diminutione, ita & jus legitimarum hereditatum. Et si hoc conservas legitimis heredibus, & illud debes conservare substitutis: nec enim plus juris habent legitimi, quam substituti: utrique veniunt remedio cautionis, vel tacitae, vel expressae: nam tacita, si omnia fuerint expressa, subintelligitur, *l. his verbis, de adoptione*, ut multis aliis casibus in jure sunt plerumque tacitae cautiones. Et maxime hoc admittitur in praetoris, ut quod solet fieri, videatur factum, etiam si re vera non sit factum. Et hodie cur multi non uruntur cautionibus, non cautione judicio sisti, de rato, judicatum solvi, non cautione legatorum, non pupilli rem salvam fore, an contemnimus jus civile? minime, sed solemnia, quae erant, praefumus semper acta, ut intelligantur intervenire: & fidejussorum satisfactiones nulla sunt hodie, sed repositiones. Denique cautiones, de quibus fit mentio in jure, omnes locum habent, quia tacite intelliguntur, vel sunt nuda repositiones. Car. s. i. y. avoir un respondant, il faudroit qu'il parlast. Ergo ut ait Papinianus, utilis actio mortuo pupillo adrogato ante pubertatem, datur substitutis pupillo a patre naturali, cuius effectus & potestate consequentur hereditatem pupilli, & perinde ac si substitutio non fuisset irrita, conservatur. Conservantur igitur secundae tabulae, & omnia quae sunt scripta in secundis tabulis, *d. l. his verbis*. Sed multum interest decesserit pupillus vivo adrogatore, an mortuo: Nam si eo vivo, ipse adrogator vel fidejussor ejus teneret utilibus actionibus substitutis, vel legitimis heredibus pupilli, ut restituit, quod pupillus transfudit in familiam ejus ab initio, & quod postea ei acquisivit. Sin autem post adrogatorem pupillus decesserit, heredes adrogatoris heredibus pupilli

pilli non tenentur jam ex cautione, quæ in eum casum A
non concipitur, nec hoc jure conciperetur recte ante
Justinianum post mortem promissoris, sed tenentur he-
redibus pupilli ipso jure ex constitutione Divi Pii, con-
ditione ex ejusdem rescripto, non tantum ut restituant
quæ a pupillo ad adrogatorem pervenerunt, sed etiam
bonorum adrogatoris, quæ fuerunt mortis tempore, ut
præsent quartam, quæ est quarta Antoniana, debita
pupillo, quæ omnia & pupillo deberi coeperunt, qui su-
pervixit adrogatori vel exheredato vel emancipato, vel
instituto ex minima parte, deberi, inquam, & coepe-
runt statim a morte adrogatoris, & ab eo peti potue-
runt ex ea constit. D. Pii. l. ult. si quid infra. patr. §.
cum autem, Instit. de adoptione, l. Papin. §. si quis impubes,
de inoffic. test. l. 1. §. si impuberi, de collat. bon. C. de l. si ad-
rogator peti, inquam, potuerunt, ex rescripto scilicet
D. Pii, atque etiam utili judicio famul. et cunct. Instit. de
testam. cum herede scripto, l. 2. famul. et cunct. Et inde quæ-
ritur in d. l. si adrogator, de adoptione, an adrogator pupillo
substituere possit? an possit ei facere substitutionem
pupillarem? quod videtur, cum sit in ejus potestate.
Verum magna ratione placuit, ut adrogator non posset
ei subistere, nisi in suis bonis, quæ dedit, vel alius
ipsius contemplatione, & nemo dubitabat quin is po-
tuerit substituere: dubitabatur, an posset ei substituere
in quarta, quæ debetur ex rescripto D. Pii, quasi æs
alienum. Pater in eo, quod debet filio non substituit
recte, quia id non ei obvenit judicio patris, sed debet
necessitate juris. Verum placuit permitti adrogato-
ri, ut in ea quarta substituatur pupillo vel directo, vel
per fideicommissum usque in pubertatem, puta in hunc
casum si moriatur ante pubertatem, ut illa quarta Ti-
tio obveniat vel restituitur, non ultra pubertatem, nec
per fideicommissum quidem, d. l. si adrogator, C. l. sed
si plures, §. in adrogato, de vulg. substit. In ceteris bonis
quæ dedit adrogator poterit substituere etiam ultra
pubertatem per fideicommissum. Nam puberi directo non
substituimus in secundum casum, id est, quo substituitur
pupillis, sed vulgari modo tantum, si pubes nolit
esse heres, qui est primus casus substitutionis. Secundum
est, si sit heres, & moriatur intra pubertatem, non post,
quia pubes ipse potest sibi facere heredem, non possum
ei dare heredem, qui sibi facere potest: pupillo possum,
quem in potestate habeo. Ex his oriuntur tria vel qua-
tuor valde nova. Primum hoc est, ut puberi non possum
substituere per fideicommissum in bonis a me profe-
ctis, veluti in quarta illa, quod est contra regulam
juris, ut non possum per fideicommissum substituere in
bonis a me profectis, §. ult. de pupill. substit. Et ra-
tio hæc est, quia non judicio meo debetur ea portio
adrogato, quæ non datur mea sponte, sed ex necessitate
juris, ex providentia Divi Pii: in eo, quod tibi de-
beo, de fideicommissio onerare non possum. Fideicom-
misso onerari possunt qui judicio nostro ex bonis no-
stris aliquid perceperunt. Secundum quod valde novum
est in specie pupilli adrogati, hoc est, ut ad substitu-
tionem pupillarem, quam fecit adrogator, non pertine-
ant omnia bona pupilli, sed quarta illa, & bona
ab adrogatore profecta, non quæ pupillus ei acquisivit,
vel ab initio adrogationis vel postea, quod est contra
regulam l. sed si plures, §. ad substitutos, hoc tit. Nam he-
res unicus, qui scribitur, non potest non esse heres ex
asse. Et ratio novitatis hæc est, quia cetera bona sunt
obnoxia cautioni, nec possunt comprehendere substitutio-
ne. Et tertium etiam, quod novum est, ut si forte pa-
ter naturalis ei pupillo substituerit ante adrogationem,
deinde decesserit, atque etiam adoptivus post adroga-
tionem, sit in hac specie, ut non habeat omnia bona
substitutus a patre naturali, nec omnia substitutus a pa-
tre adoptivo, atque ita, ut duo quodammodo pupillus
videatur habere patrimonium, duas hereditates, duo testa-
menta, quod æque est contra regulam juris. Unius ho-
minis non sunt duo patrimonium, duæ hereditates, vel
duo testamentum, l. juris peritos, §. 1. de excusation. tut. l. si

Tom. IV.

certarum, de milit. testam. nisi militis, cujus duo possunt
esse patrimonium, paganum & castrense. Ex hac in re
comparatur militi pupillus adrogatus, d. §. ad substitutos,
C. seq. Addamus etiam quartum, ut si ei pupillo sub-
stituerit adrogator, non substituerit pater naturalis, pro
parte moriatur testatus, pro parte intestatus, quia sub-
stitutio pupillaris ei facta amplectitur tantum partem
bonorum pupilli: & pro parte igitur testatus videtur.
Nec dubitemus, quin exemplum militis, ad hanc par-
tem trahere liceat. Addamus ultimum, licet addubitet
Accursius in d. l. si adrogator, ut plus tribuatur adoptivo
filio, quam naturali & legitimo: nam naturalis jure ex-
heredatus excluditur omnibus bonis paternis, ut ne te-
runcium quidem habere possit ex bonis patris: Adopti-
vus exheredatus semper salvam habet quartam. Sed hoc
obinet in pupillo tantum adoptivo in suprad. Constit.
non impubere, non etiam in pupillo, qui puberit
apud adrogatorem. Cautio finitur pubertate, l. bis ver-
bis, C. seq. de adop. Constitutio D. Pii finitur puberta-
te, quæ ratione etiam nihil attinet caveri substitutis
pupillo a patre naturali post pubertatem, quia substi-
tutio pupilli finitur pubertate, l. in pupillari, hoc tit.
Nihil attinet etiam caveri legitimis post pubertatem.
Nota, pour les legitimations de France, que les parens
du père légitime & naturel, ne peuvent prétendre in-
teresse, & n'ont besoin d'être appelés: cum certo non
sint futuri heredes post pubertatem: possint etiam fa-
cere testamentum, & excludere legitimis. Possint quæ-
rere de quarta hac Antoniana, quæ debetur pupillo ad-
rogato, qui supervixit adrogatori, pupillo, inquam, ex-
heredato ab adrogatore, quæ exhereditatio excludit il-
lum bonis omnibus, vel etiam emancipato sine causa,
quæ emancipatio omnimodò perimit jus filii adoptivi:
emancipato filio naturali remanet cognatio, emancipa-
to adoptivo nihil remanet, nec post emancipationem
est agnatus, nec cognatus: debetur etiam hæc quarta
non quidem instituto ex asse, vel iusta parte, sed ex
minima, velut ex uncia debetur unciano heredi: nam
hunc comparo exheredato, l. 2. quod cum eo. Quæres,
quid si sint plures pupilli adrogati, utrum singulis de-
beatur quarta: in bonis adrogati, an omnibus una qua-
ta? Dicam, vix permitti adrogationem plurium pupil-
lorum, quæ fit ægre, & non nisi causa explorete cog-
nita; sed si permittatur, dico omnibus pupillis adrogatis
his casibus deberi quartam bonorum omnium adroga-
toris: singulis autem quartam legitimæ partis, id est,
quartam ejus partis, quam haberent ab intestato, quæ
coadunata efficiunt omnibus simul quadrantem omnium
bonorum, exemplo naturalium & legitimorum, quibus
& eo modo satisficit, non exhereditatis. Ac postremo si
adrogatori supersint filii naturales & legitimi, dicam:
vix habenti iustos & naturales permittitur adrogatio
pupilli, l. nec ei, §. pen. de adoptione. vel si permittatur,
aut post adrogationem susceperit naturales, quos non
habuerat ante, pupillo, aut pupillis adrogatis & ex-
hereditatis, & emancipatis sine causa, vel institutis ex
modica parte; similiter sua quarta servanda omnibus bo-
norum omnium adrogatoris, cetera relinquenda ab in-
testato liberis naturalibus.

Ad Leg. XI. ad leg. Falcid.

In ratione legis Falcidæ retentiones omnis temporis
heredi in quadrantem imputantur.

A Deo laborem multum in explicandâ l. 11. ad l.
Falcid. cujus singulis verbis singula sententia
controverfa significatur. Primo versu quid significa-
tur? In ratione l. Falcid. quædam sunt causæ, ex qui-
bus retentionem habemus, petitionem non habemus,
l. ex quibus, de condict. indebit. ut quartæ hereditatis, quæ

Bbb

pro-

propter l. Falcidiam apud heredes remanere debet, re-
tentio est, non petitio, nisi ex constitutione Justiniani,
l. 14. §. 1. & sequ. C. l. 93. hoc tit. Et dotis ob liberos est
retentio, non petitio, ut de dotibus, apud Ulpian. de-
biti naturalis est retentio, non petitio, l. Stichum, §. additio,
de solut. Quod evenit & in aliis multis causis; Ex his cau-
sis retentiones factæ a testatore, vel ab herede, post ad-
itam hereditatem, cum conveniretur, id est, retentiones
omnis temporis heredi imputantur in Falcidiam, quia
factæ retentiones a testatore, perveniunt ad heredem jure
hereditario, & sunt ab herede similiter jure here-
ditario. Et certum est, in Falcidiam venire, aut impu-
tari ea omnia, quæ heres habet jure hereditario pro
modo quadrantis, & ea quidem sola, non quæ alio jure,
vel ex alia causa habet, l. 5. l. si a me, l. quod autem,
& l. in quartam, hoc tit. Falcidiam capit jure hereditario,
leg. pater filium, hoc tit. vel quod idem est, jure testamen-
ti, id est, jure institutionis, l. qui duos, de vulg. subst. Ha-
bet autem heres jure hereditario non tantum corpora,
quæ testatoris fuerunt mortis tempore, sed etiam actiones,
petitiones, perfectiones, & non tantum actiones,
sed etiam retentiones, deductiones, reputationes, com-
putationes, compensationes, & quocunque tempore hæ-
re etiam ei imputantur in Falcidiam. Et hanc puto esse
sententiam hujus verbi: neque enim eum accipi volo
de retentionibus, sive prælegationibus, cum retentis qui-
busdam heres rogatur restituere hereditatem: quamquam
& hæc videatur heres sumere ex hereditate ipsa, &
consequenter debeat etiam hæc imputare in Falcidiam,
d. l. in quartam. Nam si de his retentionibus sensisset, non
adiecisset omnis temporis: nec enim hæc recipiunt varia
tempora. Nolo etiam hunc versum accipi de legatis
inutilibus, quæ remanent apud heredem, quamquam &
hæc constet imputari in Falcidiam & augere cetera le-
gata, l. 50. §. 1. & l. hoc tit. Instit. Nam si de his sensis-
set, non fuisset ei grave scribere: (retentionibus legato-
rum:) Ac rursus non adiecisset, omnis temporis, quibus
verbis complectitur & tempus mortis testatoris, quod
in hoc tractatu legis Falcidiæ potissimum spectatur, &
tempus quodcumque fuit post mortem ejus: ut omni
tempore, quod quandoque bonis accessit per retentio-
nem, opposita exceptione doli mali, id plenior heredi-
tatem faciat, & heredi imputetur in Falcidiam, velu-
ti, si heres post mortem testatoris per retentionem ser-
vari id, quod aliquis defuncto debuit naturaliter, ut
in l. cum quis, §. quid ergo si idem, hoc tit. quia et si reten-
tio illa contingat post mortem testatoris, tamen ipsa
naturalis obligatio fuit mortis tempore. Qui sensus etiam
congruit, aut est proximus valde §. 1. hujus leg. in quo
etiam ponitur alius casus, quo aliquid imputatur in he-
reditatem & in Falcidiam, ex eo, quod contigit post
mortem testatoris, quorum utrumque videtur esse con-
tra regulam juris, ut in ponenda ratione legis Falcidiæ,
inspiciatur tempus mortis testatoris, id est, ut inspi-
ciatur, quanti eo tempore fuerit hereditas, quid eo
tempore fuerit in bonis, & quod postea perit, ut pe-
reat heredi, quod postea accedit, ut lucro cedat here-
dis, l. in quantitate, l. cum quo, l. in ratione 2. hoc tit.

Ad §. Si servus.

Si servus sub conditione libertatis data, vita decessit, si
quidem impleta conditio quandoque fuerit, heredi non vi-
debitur perisse, quod si defecerit, in contrarium ratio, tra-
hit, sed quanti statuliber, mortuus fuisse videbitur.

Agit hic §. de statulibero, & pro his verbis, si servus
sub conditione, brevis licet reponere, si statuliber.
Statuliber est servus manumissus sub conditione in tes-
tamento. De servo manumisso proprie agitur in §. si
servus. Quo paulo inferius conjuncto cum hoc §. 1. in-
telligimus in eadem questione, quantum interit inter
servum sub conditione manumissum, id est, statulibe-
rum, & servum pure manumissum. Sed ut de statulibe-

Aro prius agamus; quaritur, si post mortem testatoris mo-
riatur statuliber pendente conditione libertatis, utrum pereat
heredi, an non? Si perit heredi, heres ejus pretium sibi
imputat in Falcidiam, Si non perit, non imputat. Et
elegantè Papinian. docet, hoc ex eventu dignosci oportere.
Distinguit hoc modo: aut post mortem statuliberi
extitit conditio libertatis, aut defecit libertatis conditio.
Si extitit conditio libertatis, pretium ejus bonis dedu-
citur, hereditati deductur, perinde ac si vivus perve-
nisset ad libertatem existente conditione, quia constat in
ponenda ratione legis Falcidiæ, pretia manumissorum
dedrabi bonis, ut ne sunt point en compte, ut as alienum,
lequel n'est point du compte des biens, l. sed si non servus, §. 1.
l. as alieni, hoc tit. §. ultim. Instit. eodem tit. Quod fit etiam
in ponenda ratione legitimæ debite liberis, aut paren-
tibus, l. Papian. §. quarta, de institut. test. Igitur eo casu pre-
tium ejus hereditati peribit, id est, non intelligitur in
hereditate fuisse: non peribit heredi, id est, heres non
id imputabit sibi in Falcidiam. Sic igitur, si post mor-
tem statuliberi extiterit conditio libertatis, pretium
ejus peribit hereditati, quia non intelligitur in here-
ditate fuisse, non peribit heredi, quia heres pretium ejus
sibi non imputabit in Falcidiam: male dixeram ante si-
ne negatione: quia nec si viveret, ullum pretium, ulla
æstimatio ejus iniiri posset: esset enim liber, & liberi
hominis nulla est æstimatio. Absurdum autem est mor-
tuum æstimare, qui vivus non æstimaretur. Observan-
dum est multum interesse utrum qui dicat, pretium
hereditati perire, an heredi: nam quod heredi perit, im-
putatur heredi in Falcidiam, & non perit hereditati,
quia intelligitur in hereditate fuisse. Contra, quod he-
reditati perit, non intelligitur in hereditate fuisse, &
non perit heredi, quia non imputatur ei in Falcidiam.
Ex hac observatione facile quis apprehendet cetera om-
nia. Et hoc quidem, si post mortem statuliberi extite-
rit conditio libertatis. Nunc sumamus alterum mem-
brum. Quid si defecerit conditio? Et hoc casu heredi-
tati non perit is homo, cum intelligatur in hereditate
fuisse: heredi perit, quia pretium ejus sibi imputat in
Falcidiam: nam etsi viveret, quia defecit libertas sive
conditio libertatis, ipse vel pretium ejus bonis computa-
retur. Et hoc est quod ait in §. 1. Sed notandum est,
multum interesse tamen una in re, utrum is homo vi-
vat, an mortuus sit, cum defecit conditio libertatis:
Nam si viveret, tanti æstimaretur, quanti fuit tempo-
re mortis testatoris: si moriatur pendente conditione,
ut dixi, quæ postea deficiat, tanti æstimabitur, quanti
fuerit mortis suæ tempore, non testatoris, id est, æsti-
mabitur ut statuliber: nam & mortuus est statuliber,
non æstimabitur ut servus, eaque sola æstimatio heredi
imputatur in Falcidiam. Minor igitur æstimatio, quam
si servus mortuus esset, quia minoris semper æstimatur
statuliber, quam servus propter implicitam statulibero
causam, & statum libertatis. Et id est quod ait in ult.
vers. §. 1. sed quanti statuliber mortuus videtur fuisse. Hæc
verba sunt de æstimatione mortui statuliberi. Superio-
ra sunt de peculio, an heredi perierit statuliber nec ne.
Et hæc de statulibero. Nunc videamus quid sit dicen-
dum in servo pure manumisso testamento domini, de
quo est §. si servus 4.

Ad §. Si servus 4.

Si servus testamento manumissus ante aditum here-
ditatem decessit, heredi quidem perisse intelligitur, sed
cujus pretii erit, qui si viveret, non æstimaretur? Nam
& eos, qui mortuo domino ea voluntate affecti fue-
rant, ut eos non posse vivere certum esset, tamen, si
postea moriantur, hereditati perisse responsum est. Nec
aliud in his, qui sub eodem testamento fuerunt, cum dominus
a familia necaretur.

Finge, servo pure datam libertatem in testamento, &
post mortem testatoris eum servum moriantem ad-
itum hereditatem, id est, antequam cederet dies liber-
tatis.

tatis. Nec enim libertas cedit antequam sit hereditas, A
l. Julianus, de cond. & demonstr. l. qui putat, §. ult. de acqu. hered. l. un. §. in novissimo, C. de cad. sol. Et ideo regula Catoiana non pertinet ad libertates, quoniam est de his tantum, quæ cedunt a morte, non ex alio tempore. Hic igitur servus, ut posuimus speciem, cui erat relicta libertas pure, decessit ante aditam hereditatem, cui periiit. Et periiit quidem heredi revera, non hereditari, quia certe in hereditate fuit tempore mortis testatoris, & fuisse eventus docuit confirmavitque, cum dies libertatis inutiliter cesserit illo jam ante defuncto. Sed tamen ut concludit Papin. magis est, ut dicamus illum hominem perire hereditati, non heredi, propterea quod pretium ejus heres in Falcidiam imputare non potest, quia nec si viveret ipse illum reciperet pretium, quoniam esset liber: non possum æstimare mortuum, quem non æstimarem vivum: si non possit æstimari, non possit igitur imputari in Falcidiam. Atque ita evenit, ut qui fuit in bonis mortis testatoris tempore, non videatur fuisse, imo pro eo habeatur in ratione legis Falcidiæ, ac si non fuisset. Quod non videtur novum Papin. cum in §. si servus ponit alios duos casus, quibus servus, qui revera fuit in bonis mortis testatoris tempore, non videtur fuisse, & mortuus hereditati perit, non heredi. Primus hic est, si servus, qui ægrobat mortis testatoris tempore, eo tempore deploratus fuerit, & certissime mortis proximus: Nam & hic, licet superfluit testator, licet decesserit post mortem testatoris, mortis tempore conclamatus, heredi potius videtur perisse, quam hereditati, id est, non videtur in hereditate fuisse, licet fuerit utique. Et alter casus hic est, si servus sub eodem testamento fuerit, vel, ut veteres loquebantur, si fuisset, cum dominus a familia necaretur, & postea ultimo supplicio affectus sit ex Senatusconsulto Syllaniano, quo caveatur, ut servi, qui sub eodem testamento fuerint cum dominus necaretur, questione de his habitis, post supplicio afficiantur: hic servus fuit revera in bonis mortis tempore, cum decesserit post mortem testatoris, sed tamen pro eo est, ac si non fuisset, quia heredi non imputatur in Falcidiam, *l. exis alieni, hoc tit.* Atque ita his tribus casibus evenit, ut in ratione leg. Falcidiæ, in qua spectatur quid fuerit in bonis tempore mortis testatoris, subducantur bonis quædam, quæ fuerint in bonis tempore mortis testatoris, & videatur non fuisse in bonis, quod ad rationem legis Falcidiæ attinet. Et his casibus, ut mortuus servus effectus videatur perisse hereditati, non heredi. Græci in summam illum §. redigunt, conjunctis illis tribus casibus, quorum primum male quidam distinguuntur a duobus consequentibus. Summa Græcorum est. Servus libertate honoratus & ante aditionem mortuus, & is, de ejus incolunitate vivente testatore, desperabatur, qui deploratus & conclamatus erat, & is, qui sub eodem testamento erat, cum testator occisus est, hereditati perit. Hæc est summa Græcorum, id est, unus, & alter, & tertius homo non videtur in hereditate fuisse mortis testatoris tempore, licet post mortem obierit. Ergo his verbis, sed quanti, concludit hereditati magis perisse, quam heredi, ut appareat in consequent. casib. quod diligenter retineatis velim.

Ad §. Imperator 2. & §. cum quidam 3.

Imperator Marcus Antoninus decrevit heredes, quibus pars bonorum ablata est, non in ampliorem partem, quam pro ea, quæ relicta est, legatorum nomine teneri.

§. 3. Cum quidam, parte dimidia bonorum adempta fuisset reliquis, idemque provocacione interposita, testamento postea facto objisset, atque post mortem ejus non iuste appellatum, esset pronuntiatum: quaestum est, utrum aris alieni loco pars dimidia abscederet, & residua sola videretur fuisse in bonis, an vero succurri heredi necessarium esse videbitur: sed videtur, succurri debere, cum animus litigantis, & obtinendi votum, hanc opinionem admittit.

Sequitur ut exponamus, quæ proponuntur in §. Imperator, simul & speciem §. cum quidam, quæ ad decretum.

tum D. Marci accomodari possit, hoc autem efficit decretum, ut heres non teneatur legatariis legatorum aut fideicommissorum nomine usque ad dodrantem, ut solet plerumque, sed usque ad trientem tantum, & semiunciam, & Falcidiæ nomine heres retineat, non quadrantem, sed sequiunciam totius assis, videlicet si heredi ablata sit dimidia pars bonorum, in hoc vid. casu, & ait Imperator, &c. Quomodo autem ablata est pars dimidia bonorum hereditati, vel quo jure? veluti per bonorum possessionem contra tabulas datam filio præterito, cuius frater est heres scriptus: Nam heres scriptus exoneratur in partem, quæ ei auferatur legati nomine, & pro ea parte legatum penitus intercedit, quod non fuit relitum a præterito, *l. & si contra, §. ult. de vulg. & pup. subst.* Vel etiam per bonorum possessionem contra tabul. datam patrono præterito adversus extraneum heredem scriptum testamento liberi: nam bonorum possess. contra tabulas ei competit in semissem tantum, & pro eo semisse, qui quidem auferatur scripto, scriptus relevatur onere legatorum, quod est ex edito prætoris de bonis libertorum, *l. Plautius, de condit. & demonstr. l. 20, §. libertus, de bon. libert.* Idem erit, si per bonorum possessionem unde cognati, vel, unde legitimi, pars auferatur heredi legitimo, ad quem solum defunctus bona sua perventura existimabat nesciens, se habere cognatum vel agnatum ejusdem gradus, & a quo solo fideicommissa reliquerat: Nam & hunc, cum partem tantum dimidiam ferat ex bonis etiam legatorum onere levare æquum est, ne in ampliorem partem teneatur quam pro ea, quæ apud eum remansit, *l. cum pater, §. cum existimaret, de leg. 1.* Quod ibi Papinianus ait, congruere rationibus æquitatis, & exemplo edicti perpetui: nec possit intelligere aliud, quam illud de bonis libertorum. Sed licet addere, id etiam congruere decreto Marci quod proponitur ab eodem Papiniano. Neque §. cum existimaret obloquitur *l. post emancipationem, in pr. de legat. 3. & l. pen. de jur. cod.* quæ heredem, cui pars auferatur, fideicommissis obstringunt in solidum, cum ut ostendit 19. Papinianus ad *l. 11. & 13. de jure codic. & 2. ad Africam. ad leg. 1. & 2. tit. Scævola in d. l. post emancipationem, & Marcellus in d. l. pen. spectant jus summum, quo heres in solidum obstringitur legatis, cum in solidum heres existeret, etiam si postea contigerit ei auferri partem. Papinianus autem spectat, ut ait, rationem æquitatis, & exemplum edicti perpetui, & ut licet addere, decretum M. Antonini: cui decreto etiam locus erit, si per querelam inofficiosi testamenti filius exheredatus heredi scripto abstulerit partem dimidiam, *l. cum duobus, C. de inoffic. testam. l. cum filius, in princ. de leg. 2.* His omnibus casibus pro parte, quæ heredi auferatur, legata intercedunt, nec præstantur, vel ab eo, a quo sunt relicta, vel ab eo, qui partem auferit. Ergo penitus intercedunt pro ea parte. Et rursus, his casibus ipso jure pars hereditatis heredi non auferatur, sed per bonorum possessionem, vel per querelam inofficiosi testamenti: & ipso jure non liberatur heres, cui pars auferatur, a præstatione solidi legati, sed per exceptionem doli mali, quod ei pars bonorum ablata sit, quod non sit æquum solidum præstare eum, cui pars ablata sit bonorum: conveniri potest ipso jure in solidum, cum heres existerit in solidum ab initio, sed succurritur ei per exceptionem beneficio & æquitate decreti. Et rursus evenit his omnibus casibus, ut damnum, quod contigit post mortem testatoris, damnum scilicet ablatae partis, non pertineat ad heredem, ita ut nihilominus cogatur præstare solidum legatum: quia sc. ejus damni causa est verus mortis testatoris: præteritio vel exhereditatio filii, aut patroni conjuncta est morti testatoris. Regulariter damnum, quod accidit post mortem testatoris pertinet ad heredem, nec nocet legatariis, si culpa careat, vel si corpora ipsa legata deperdita vel deminuta non sint, *l. in ratione 30. in princ. & §. rursus diligenter, hoc tit.* His casibus, ut jam dixi, pars hereditatis auferatur heredi, non ipso jure, sed per bonorum possessionem, aut petitionem hereditatis. Possit quidem hereditas, quæ relicta est,*

est, ipso jure minui pro parte, veluti legibus Julia & Papia: quod heres semissem tantum capere possit ex testamento, puta ratione orbitatis. Et hoc casu ipso jure ruitus est heres, nec tenetur ultra partem, ex qua exiit heres: non exiit autem heres, nisi ex semisse. Alter semis ipso jure cedit legitimo heredi, quæ est sententia legis i. §. qui minorem, ut leg. nom. Sunt quidam capaces semis tantum, i. cum ei qui partem, de leg. 2. veluti iure veteri orbi, id est, mariti steriles. Ac eo etiam casu legata interdunt pro parte, quæ non capitur, nec etiam legatis oneratur heres legitimus, cui obvenit pars, quam heres scriptus capere non potest. Possit etiam heredi auferri pars hereditatis post fideicommissi perfectionem, puta, quod rogatus sit partem hereditatis Titio restituere. Et hoc casu solo legatarii non laeduntur: nam eis heres & fideicommissarius obligatur pro rata, d. §. qui minorem, l. i. §. pen. ad Trebell. l. 2. C. eod. tit. Nec ad hunc casum quicquam pertinet decretum D. Marci, quia legatarii nihil perit. Nec pertinet etiam ad illum casum, quo ipso jure minuitur hereditas pro parte, quia eo casu heredi necessaria non est exceptio, cum ipso jure non sit heres nisi ex parte, vel non fiat, nisi per additionem, nec indiger auxilio hujus decreti: sed ad decretum istud omnino pertinet casus, qui data opera subijcitur §. seq. qui est hujusmodi. Quidam relegatus est adempta parte bonorum: nec enim, relegatus possunt adiri omnia bona, quia relegatus manet liber, manet civis. Relegatio non est capitis deminutio: si relegatus licet auferre & adimere omnia bona, licet libero, & civi auferre id omne, quo vitam toleret suam, quo nihil est indignius: irruens relegato ademptam partem bonorum, assem nunquam. Et ita igitur pono speciem: Quendam fuisse relegatum adempta parte bonorum, & eum appellasse a sententia. Appellatio extinguit condemnationem: deinde pendente appellatione mortuus est facto testamento. Post mortem ejus pronuntiatum est, non recte appellatum esse. Et ita Papin. proponit pronuntiatum esse in causa appellationis. Et notanda est formula pronuntiandi, non recte appellatum videri: vel contra, recte appellatum videri, aut iustam provocationem videri, aut injusam. Ita semper concipiuntur hæ sententia, i. qui Roma §. Seja, de verb. oblig. l. Offidius, de leg. 3. l. 2. quando appell. sit, l. Imperatores, §. i. negotiorum, de appell. l. i. extra, de minorib. C. l. i. C. de appell. l. maritus, de quest. i. l. chirographis, §. ab eo, de admin. tut. Et sicubi legas, ita pronuntiatum apud interpretem aliquem, vel me ipsum, ita pronuntiatum, iustam sententiam videri. Id sic emenda, injusam appellationem videri. Nec enim confirmari sententia, sed & conservari dicitur in l. ult. quod cum eo, ut Florentina, non confirmari: non confirmatur, non rata esse pronuntiatum, alioquin vis sententia retrotrahetur, quod est falsum, l. furti, §. 1. de his qui not. infam. Ergo, ut redeam ad speciem, relegatus adempta parte bonorum appellavit, & post mortem ejus pronuntiatum est, non recte appellasse. Ac ita pars bonorum adempta est heredi ejus. Nam constat penam ademptionis bonorum, post litem contestatam, post condemnationem transire in heredem. l. ex judiciorum, de accusat. veluti si pendente appellatione nondum peracta causa appellationis mortuus fuerit, l. 3. C. eod. Heres eo casu ipso jure tenetur legatariis usque ad dodrantem, quia heres exiit in assem, & ea pars, quæ adempta est, fuit in bonis mortis testatoris tempore, & partis damnum, quod accidit post mortem, pertinet ad heredem, nec potest videri non fuisse in bonis mortis testatoris tempore, & deduci debere bonis, veluti aris alieni loco: quia, ut subtiliter Papinianus animadvertit, si spectas animum mortis, & votum obtinendi, utique suis bonis noluit detrahi eam partem. Adnumerabitur ergo ejus bonis & quod ademptum est postea, id damno cedit heredi, non legatariis, & ipso jure: sed æquum est heredi subveniri ex decreto Marci, cum in ampliore partem, quam pro ea, quæ apud eum remansit legatorum nomine conveniatur, quia & causa adimenda

partis bonorum originem sumpsit ante mortem testatoris. Et observandum est quod ait §. cum quidam, succurri debere heredi, quia ea pars ipso jure non potest deduci bonis: hoc vetat animus morientis, & votum obtinendi in causa appellationis: denique ipso jure ea pars fuit in bonis mortis testatoris tempore, & quod postea amittitur, hoc damnum pertinere debet ad heredem: ideoque succurri ei non debet: non debet niti heres ut roboretur ipso jure, sed ex æquitate: si agat jure ipso, vincetur. Sed observemus longe aliam esse rationem servorum, qui in §. si servus hujus l. etiam si fuerint in vivis tempore mortis, tamen bonis detrahuntur veluti aris alieni loco, nec pertinent ad damnum heredis, quia nec eos animus fuit defuncto adnumerandi suis bonis: non eum, cui pure libertatem adscripserat, non eum de cuius salute nulla spes erat, quem moriente testatore certum erat non victurum diu. Et hunc sane moriens non habuit in suis bonis: non etiam eum, qui necis suæ auctor, vel confectus fuit, & de quo ultimum supplicium sumendum esset, d. §. si servus: sed neque statuliberum, si existeret conditio libertatis, ut in §. i. hujus l. Quæcumque hæcenus proposui Papinianus sunt nova, & contra regulas juris singularia recepta: ut post mortem testatoris retentiones, quibus utitur heres in hereditate, in Falcidiam heredi imputentur, in princip. hujus leg. cum alias cedant lucro heredis, nec imputentur heredi in Falcidiam, aut bonis hereditariis. Item, ut damna, quæ acciderunt post mortem testatoris, alia ipso jure non pertineant ad heredem, & quæ fuerint in bonis tempore mortis testatoris, non fuisse intelligantur, vel propter difficultatem estimationis, ut in §. si servus, vel propter tacitam voluntatem testatoris. Alia vero damna, ut ipso jure pertineant ad heredem, sed ei succurratur ex decreto D. Marci Ant. Adjiciuntur etiam valde nova in §. quod vulgo, ut scilicet tempus mortis pupilli non spectetur in pupillari testamento, id est, in substitutione pupillari, nec exquiratur, quanti eo tempore sit hereditas pupilli, contra l. in quantitate, hujus tit. & multas alias, & ut heres nihil retineat ex legatis, ut Falcidiam: & tertium, ut aliquando heres plus habeat quarta, quæ per legem Falcidiam apud eum remanere debet, & hoc intelligitur fusius ex interpretatione §. quod vulgo.

Ad §. Quod vulgo V.

Quod vulgo dicitur, in tabulis patris & filii unam Falcidiam servari, quam potestatem habeat, videndum est. Quamvis enim substitutus, quæ a pupillo relicta sunt, cum filius heres exiit, ut æ alienum quodlibet debeat, tamen propter ea, quæ data sunt tabulis secundis, contributioni locus est. Secundum quæ poterit evenire, ne substitutus quicquam retineat, vel ut longe plus habeat quarta paterna hereditatis. Quid ergo si non sufficiat pupilli hereditas legatis, cum patris sufficisset? de suo quadrante nimirum dabit substitutus: quoniam pater legavit de suo: nec ad rem pertinet, quod ex illo testamento præstatur ultra vires patrimonii, cum hæc in parte juris legata, quæ tabulis secundis relinquantur, quasi primis sub conditione relicta intelligantur.

Ita Papin. quod vulgo dicitur, seu quod regulariter dicitur, in tabulis patris & filii, id est in testamento patris & filii impuberis, unam Falcidiam servari, id est, unam Falcidiam retineri, non duas, quam potestatem habeat videndum est, id est, quem sensum, quæ sit vis & potestas hujus regulæ, five, quæ sit mens regulæ: nam vis & potestas hujus regulæ consistit in mente regulæ: quævis enim substitutus pupilli scilicet, id est, licet substitutus, quæ a pupillo relicta sunt, in tabulis pupilli scilicet, legata scilicet quæ in tabulis secundis pater scripsit, cum filius heres exiit, id est, postquam pupillus heres exiit, id est, post mortem patris, quia exiit statim a morte, cum sit suus heres: postquam ergo heres exiit, & decessit vita, ut æ alienum quodlibet debeat, quasi sit id substitui-

stitutus deberet, veluti res alienum debitum a pupillo, quia pupillus ea scilicet debebat, cui successit, tamen propterea, ratio diversitatis, nihilominus tamen contributioni locus est, id est, confundenda sunt legata paterna cum pupillaribus, confunduntur & contribuntur legata relicta primis tabulis & relicta secundis, id est, legata utriusque tabulis relicta confundenda sunt, secundum que poterit evenire, ne substitutus quicquam retineat, ex bonis paternis scilicet, nullam Falcidiam retineat: non dat exemplum, id est, ut nihil ex bonis paternis remaneat apud heredem, nullam Falcidiam, ne quadrantem quidem retineat: vel ut longe plus habeat, id est, ex bonis & hereditate patris, neque dat exemplum, quid ergo si non sufficiat, id est, si hereditas pupillaris sit minor legatis ab eo relictis, cum paterna sit idonea? De suo quadrante, quem retinuit ex bonis paternis, dabit substitutus, dabit legatarius scilicet, quoniam pater legavit de suo, non de re pupilli: nec ad rem pertinet, & ultra vires patri-monii, ultra dodrantem: cum in hac parte juris, in hac specie: legata quæ tabulis secundis, a pupillo scilicet relinquuntur: secundæ tabulæ sunt filii, id est, substitutio pupillaris: quasi, id est, quodammodo primis: tabulæ patris sunt primæ & principales tabulæ: sub conditione relicta intelliguntur, id est, singuntur relicta primis sub conditione, si casus substitutionis extiterit. Quæstio ergo §. quod vulgo, est de contributione legatorum relictorum in testamento patris, & in testamento pupilli, nullus non tria commentationibus. Et proponit quidem initio Papinianus vulgarem regulam, in tabulis patris & filii unam Falcidiam ferri. In tabulis scilicet filii impuberis factis a patre: Nam pater pater non facit tabulas, §. ult. Instit. de pupill. substitut. & unam Falcidiam ferri, id est, unam retineri, non duas, & semel legem Falcidiam admitti, non iterum. Et quartus Papinianus, quæ sit vis & potestas huius regulæ. Vis & potestas consistit in mente regulæ. Hoc igitur querit, quæ sit mens regulæ. Et hanc esse ait, ut in unum contribuantur & confundantur legata relicta primis tabulis, & legata relicta secundis, & ex universis ita compositis una servetur heredi Falcidia, quæ l. en fuisse una massa, & de la masse fere delaissee una Falcidienne sur les biens du pere; si utraque quantitas oneret, vel exhauriat hereditatem paternam, quod nobis latius explicandum. Hoc enim est fundamentum totius materiæ, quæ nos occupavit fere per tres aut quatuor dies. Tabulæ patris sunt primæ & principales tabulæ, filii sunt secundæ: & secundæ tabulæ nihil aliud, quam substitutio pupillaris, quæ filio impuberi fit heredi instituto a patre, qui eum habet in potestate, in hunc casum, si heres extiterit, & ante pubertatem decesserit. Potest etiam fieri impuberi exheredato in hunc casum, si ante pubertatem decesserit. Sed in hoc paragrapho agitur tantum de ea substitutione pupillari, quæ fit heredi instituto. Duæ igitur sunt tabulæ, duo quodammodo testamenta: alterum patris, alterum filii, tanquam si ipse filius sibi testamentum fecisset, & utrumque tamen fecit pater: duplex est testamentum, l. in duplicibus, hoc tit. l. i. §. i. tit. leg. Sed in ratione legis Falcidiæ & legatorum, & fere etiam, quod ad alia omnia attinet, duplex testamentum pro uno habetur: Nam & legata relicta tabulis, intelliguntur quodammodo sub conditione esse relicta, si substitutio locum habeat, si la substitution a lieu, primis tabulis. Et perinde atque si legata relicta secundis tabulis essent relicta primis tabulis, confunduntur & commiscentur his, quæ sunt legata primis, & ex universa summa, de toute la masse, una Falcidia detrahatur, quæ est mens & potestas superioris regulæ. Denique legata secundarum tabularum comparantur legatis primarum, & singuntur relicta primis non secundis tabulis, ut ait in hoc §. & in d. l. in duplicibus. Atque ita substitutus in secundis tabulis comparatur institutus in primis, & mortuo pupillo intelligitur esse institutus, ut ait in §. leg. & l. qui fundum §. ult. hoc tit. Heres scilicet scriptus in secundis, videtur scriptus in primis sub conditione, si casus substitutionis extiterit, l. coheredi, §. coheredes, de vulg. substitut. At proinde, qui primis tabu-

lis scriptus, effect necessarius heres volens nolens, veluti filiusfamilias testatoris vel servus, si sit scriptus secundis, erit etiam necessarius heres pupillo, quasi scriptus primis, qui tamen voluntarius effect heres, non necessarius, si ipse filius sibi testamentum fecisset, vel si secundæ tabulæ haberentur pro altero testamento, non pro parte paterni testamenti. Et eadem ratione fit, ut qui potest institui in testamento patris, veluti postumus suus, possit etiam substitui in testamento pupillari, quamvis pupillo is sit postumus alienus, non suus, & iure civili valeat institutio postumi sui, non postumi alieni, quæ omnia ostenduntur in l. 2. §. prius, & l. sed si plures, §. i. de vulg. substitut. Ex quo planum fit, scripta secundis tabulis videri scripta primis, & valere quasi scripta primis: & ut aliis quoque argumentis comprobemus, duplex testamentum pro uno haberi in duplici testamento iure civili septem testes sufficiunt, & iure prætorio septem signa. Constat signa esse ex iure prætorio: numerum testamentum ex iure civili. Ergo duplex testamentum in utroque iure pro uno habetur: Nam & septem signa sufficiunt, quibus scilicet signatæ sint tabulæ patris, nec exigitur, ut signatæ etiam sint tabulæ filii totidem testamentum signis, l. patris, de vulg. substitut. l. ut bono. de bonor. poss. secund. tab. Si essent duo testamenta, unum non sufficeret esse signatum. Ac præterea in tabulis patris & filii ordo scripturæ servatur, qui solet in uno testamento observari diligentissime, ita scilicet, ut semper testamentum inciperet a capite & fundamento, id est, ab institutione heredis, nec eam præiret quicquam, ut in §. ante heredis, Instit. de leg. Hic ordo servatur in tabulis patris & filii, ut scilicet præcedant paternæ, sequantur pupillares, d. §. prius: qui non observaretur, si essent duo testamenta duorum, & constaret unum abfque altero. Atqui pupillare non constitit iure paterno. Non sunt igitur duo testamenta, aut non censentur esse in iure, sed unum, quod est paternum testamentum: & pupillare, pars & sequela est paterni testamenti, l. penultima, quemadmodum test. aper. §. liberos, de pupill. substitut. Si est pars, unum igitur testamentum est, quod constat parte principalis, & parte secundaria. Si est sequela, sequitur ergo pupillare, præcedit paternum, quasi caput, servato ordine legitimo atque solemnium. Proculiani duo faciebant testamenta: Sabiniani unum, l. perfamilias, de bon. antor. jud. possid. Et horum opinio prævaluit, receptaque est omnium jurisperitorum consensu. Unum est igitur testamentum, licet duæ sint hereditates, & retro duæ sunt hereditates, licet unum sit testamentum, nec quot sunt hereditates, tot testamenta sunt, quod mirum videtur, d. §. prius, & §. igitur, Instit. de pupill. substitut. Quod evenit etiam in milite, qui uno facto testamento alium facit heredem castrensi-um, alium paganorum. Nam & hic duæ sunt hereditates separatæ, l. si certarum, de milit. test. Et in proposito, duas esse hereditates, licet unum sit testamentum, ex eo apparet, quod in venditione separantur, nec vendita hereditate patris, videtur vendita hereditas pupilli, l. 2. §. illud, de hered. vend. Et separantur etiam in bonorum possess. secundum tabulas, quæ separatim datur bonorum patris, separatim bonorum pupilli, l. si ita scriptum, §. ultima, de bonorum possess. secund. tabulas. Idem etiam ex eo apparet, quod utraque hereditas non commiscetur in ratione legis Falcidiæ, sed paterna hereditas secernitur a pupillari, & sola paterna hereditas spectatur & æstimatur, id est bona, quæ habuit pater mortis tempore: non quæ post mortem patris filius acquisivit vel deminuit, non bona, quæ pupillus habuit mortis suæ tempore, d. l. in duplicibus. Igitur quantitas hereditatis paternæ spectatur, quæ fuit moriente patre, non quantitas hereditatis pupillaris, quæ fuit moriente pupillo. Atque ita omnis æstimatio revocatur ad ipsam hereditatem paternam, quod aperte ostenditur in d. l. in duplicibus. Non potest haberi ratio utriusque hereditatis, non potest spectari utraque, ne eadem bis in rationem deducatur, aut alia, quam quæ onera-

onerata est legatis. Cum igitur ratio habeatur alterutrum tantum, paternæ potius habenda est ratio, quæ est principalis, & quæ sola est onerata legatis, tam his, quæ a filio, quam his, quæ a substituto relicta sunt. Et hac quidem de ratione hereditatis, utra potius spectetur: ex quibus apparet aliam distinguere ab alia. Denique unum esse testamentum, aliam atque aliam hereditatem.

Nunc tractemus de ratione legatorum & legata non distinguimus alia ab aliis: namque constat simul omnium legatorum rationem haberi, tam eorum, quæ relicta sunt a filio, quam eorum, quæ relicta sunt a substituto in secundis tabulis, perinde ac si relicta a substituto essent relicta a filio sub alia conditione, quam substitutionis, d. l. in dupl. & l. non solum autem, §. ult. de liber. leg. Sic igitur quæso observemus in illis principiis, quæ si bene teneamus facile assequemur cetera nullo negotio, distinguere hereditates inter se, quod sola paternæ spectetur, id est quantitas hereditatis paternæ, non pupillaris: & rursum legata tamen non distinguere ab aliis, & quod omnis, spectari solam hereditatem paternam, etiam probat, l. si filius, qui patri, de vulg. substit. in illo loco, ut alias solet, scilicet inspicere hereditatem paternam, quamquam in specie ejus legis, si filius, ratio tantum habetur bonorum pupilli, non patris, qui unus filius fuit institutus a patre, idemque substitutus fratri impuberi exhereditato, non coheredi, & filius abstulit se bonis patris, miscuit se bonis fratris mortui ante pubertatem. Igitur habet tantum bona paternæ, quæ spectare possit quia spectat paternæ. Hoc igitur casu, in legatis secundarum tabularum Falcidiam exercebit, pro modo facultatum pupilli, non pro modo facultatum patris, quibus se abstulit; alioquin mortuo pupillo ante pubertatem, quem testamento heredem instituerat, si substitutus veniat, ratio habetur facultatum paternarum, non pupillarum, duæ hereditates constituantur, & legata omnia commiscuntur, quibuscunque tabulis sint relicta. Nam & relicta secundis, videntur relicta primis a pupillo sub alia conditione quam substitutionis. Itaque filius ipse, si solvat legata a se relicta in primis tabulis, interponit cautionem prætorem, & stipulatur hoc modo: Quod amplius solverit, quam debuerit per legem Falcidiam, aut quam debuisse postea compertum fuerit existente casu substitutionis, in qua relicta erant alia legata a substituto: filius hanc interponit cautionem, si solvat legata a se relicta, ut ait in §. seg. & l. i. §. interdum, l. is cui, & l. si is, qui quadringenta, hoc tit. Et stipulatio proficit committiturque substituto ejus, si is moriatur ante pubertatem, quia existente casu substitutionis, simul habita ratione legatorum omnium, id est, in unam facta contributione omnium legatorum, fieri potest, ut omnia excedant dodrantem, & legi Falcidie locus sit. Falcidiam inducit contributio, quæ non induceretur, si separarentur legata. Falcidiam inducit confusio illa legatorum utriusque tabulis relictorum, & collata cum quantitate hereditatis paternæ, quæ fuit tempore mortis patris. Hæc est definitio contributionis, de qua tractamus, quæ in Basil. dicitur *in odore*, cum hac adnotatione, ut rectius dicatur *in odore*, quia legatis primarum tabularum accumulat legata secundarum. Sed & *in odore* sustineri potest, sine *in odore*, quo etiam verbo significant contributionem, quia contributio inducit Falcidiam, id est, deminutionem legatorum, quæ non induceretur, si separarentur. Et hanc separationem neque heres, neque legatarius inducere possit, contra sententiam defuncti, quæ cum ea omnia his vel illis tabulis ex suis bonis erogaverit, sine in unum contribui voluit mortuo pupillo ante pubertatem, quo tempore demum legata in secundis tabulis relicta perire possunt; licet dies eorum jam ante cesserit vivo pupillo, l. i. quæ dies leg. Et quod dicitur, in duplicibus tabul. unam Fal-

cidiam servari, hunc sensum habet, ut contributio & confusio, siue consummatio fiat legatorum omnium, & ex summa ipsa summarum, ut loquitur Plautus & Seneca, si excedant dodrantem, una Falcidia detrahatur vel suppleatur. Posset quis tentare contributionem non esse admittendam hoc argumento, quod etiam attingit Papinianus hoc loco, quia mortuo filio impubere, qui patri heres exstitit, nec dum solvit legata a se relicta, ea substitutus ejus debet ut æs alienum ex persona pupilli, non ut legata, quia pupillus ea debere cepit antequam moreretur, l. i. C. de bon. auct. jud. Et non debet æs alienum confundi cum legatis, quis hoc negat? Ergo substitutus ea solvere debet ut legata, quæ a se relicta sunt in secundis tabulis. Et consequenter ex eis solis deducenda est Falcidia, ex ære alieno non deducitur Falcidia. Intelligimus ex omni interpretatione hujus §. tres esse differentias inter legata, & æs alienum: prima quod lex Falcidia minuat legata, non æs alienum, (en matière de debies il faut tout payer) Item quod obligatio æris alieni incipiat a defuncto, obligatio legatorum ab herede. Et postremo, quod æs alienum heres præstat ultra vires hereditatis, quando agnovit hereditatem, l. si de bonis ro. C. de jure delib. Quia solvendo videtur esse hereditas omnis, quæ invenit heredem, (il faut qu'il paye du sien) l. libertus 36. de bon. lib. Legata tamen non debentur ultra vires hereditatis, quod offenditur etiam in hoc §. Verum ad rem: secundum id quod ostendi, legata primarum tabularum substitutus debet ut æs alienum pupilli, legata secundarum, & hæc vero sola, ut legata. Ergo hæc sola patiuntur Falcidiam, si sint immensa, & contributioni locus non est. Respondet Papinianus, hoc modo: si nulla legata sint relicta a substituto, verisimilem esse, substitutum legata a pupillo relicta in primis tabulis debere ut quodlibet æs alienum, sed si propositum, tam a substituto, quam a pupillo relicta sint legata, propter legata a substituto relicta, quæ confundi necesse est cum legatis relicta a pupillo, perinde ac si relicta essent ab ipso pupillo sub conditione, ut diximus ante, ea ratione legata primarum tabularum adnumerantur legatis, non æri alieno, quia nec ea pupillus liquido debuit ante contributionem, ante communem calculum omnium legatorum. Idque cautio quam exposuimus ante, satis demonstrat, quæ præstat heredi, cum solvit legata a se relicta, quo casu & soluta legata postea consistat subijci Falcidie, locum habente substitutione, commisione facta aut confusione omnium legatorum, ex universa summa unam Falcidiam servari. Itaque regulæ initio propositæ mens hæc non est, ut una Falcidia servetur tantum ex legatis secundarum tabularum, & legata primarum integra præstentur, quasi æs alienum. Sed ejus mens hæc est, ut utriusque legatis compositis, & communi calculo subiectis, si sint ultra dodrantem, pro rata ex omnibus decedat & portio, quæ per legem Falcidiam efficiatur ex estimatione bonorum, quæ pater habuit mortis suæ tempore. Et hoc est, quod his verbis significat Papinianus, In tabulis patris & filii, &c.

Intelleximus ex principio §. quod vulgo, illius regulæ vulgo confirmatæ, in tabulis patris & filii unam Falcidiam servari, hanc esse sententiam, hanc mentem seu potestatem, contributionem & permutationem fieri legatorum utriusque tabul. relictorum, mortuo pupillo ante pubertatem, & pro modo eorum ex omnibus unius Falcidie rationem habere substitutum, ad estimationem bonorum, quæ tempore mortis reliquit pater. Et ita in §. seg. de eadem regulæ, aliud responderi, quam quod vulgo probatum est, id est, responderi contributionem non fieri legatorum. Vulgo etiam probatur contributionem fieri. Et hæc est mens regulæ vulgo comprobata, ut contributis omnibus legatis, Falcidia bonorum, quæ pater reliquerit, remaneat apud substitutum, residet apud substitutum: secundum quod evenit plerumque, ut substitutus, qui ex sua persona suo nomine, quasi institutus sine contributione non posset retinere Falcidiam,

cidiam, verbi gratia, si is qui quadringenta habuit in bonis, ab eo substituto legavit tantum ducenta, ut eam tamen Falcidiam retineat tanquam substitutus nomine pupilli, facta contributione legatorum a se, & a pupillo relictorum: ut puta, si pupillus ducenta, ipse totidem, id est, ducenta dare iussus est. Contributa enim & commissa legata exhauriunt hereditatem paternam. Potest autem evenire quemadmodum subiecit Papinianus in hoc §. ut is substitutus nihil retineat Falcidiæ nomine, veluti, si minor sit hereditas pupilli, quam fuerit paternæ, & contra potest evenire, ut ex hereditate pupilli substitutus longe plus habeat, quam efficiat Falcidiæ hereditatis paternæ, si forte amplior & uberior fuerit hereditas pupilli. Et tractemus primum de eo casu, quo evenit, ut substitutus nihil retineat. Finge: pater, qui habuit quadringenta in bonis, a pupillo herede instituto legavit ducenta, a substituto ejus centum: hereditas patris sufficit legatis, quia salvi & illibati remanent centum aurei pro Falcidiâ, id est, pro quadrante hereditatis paternæ. At post mortem patris pupillus deminuit hereditatem paternam in centum, vel quo alio casu deminuta, ea est in centum, atque ita in hereditate pupilli inventa sunt trecenta tantum, cum ex hereditate patris perierint centum. Substitutus præstabit legata utrique tabulis relicta pro modo hereditatis paternæ, non pro modo hereditatis pupillaris. Præstabit igitur integra trecenta, sine deductione Falcidiæ, quia patris hereditas sufficiebat legatis tempore mortis, quam solam intuemur semper, *l. qui fundum, §. qui filium, hoc tit.* Si intueretur hereditatem pupilli, quæ minus est, ex trecentis retineret Falcidiam, puta septuaginta quinque, sed intuemur hereditatem patris non pupilli, & pro modo hereditatis paternæ rationem ponimus legatorum & Falcidiæ, perinde ac si nullæ extarent secundæ tab. nulla bona pupillaria, nulla alia quam paternæ, & relicta secundis tabulis, essent relicta in primis. Est qui scripserit legata relicta secundis tab. solvi de hereditate pupilli; quod nunquam admittendum est. Id manifestum pugnat cum hoc §. cum ait, *de suo nimirum quadrante dabit substitutus legata*, scilicet relicta secundis tabulis, non sufficiente hereditate pupilli. Et subiecit, *quoniam pater legavit de suo*, sic est scriptum Florentiæ, ac etiam Basil. *à zup marcus tu rûr idus idus de rûr rûr*: *quoniam de suis bonis videtur pater legare*: si legavit de suo, & solvi ea voluit de suo. Præstabuntur igitur & solvantur de bonis paternis, non de bonis pupilli. Et quod ait, *de suo quadrante dabit substitutus*, hoc est legata relicta secundis tabulis, substitutus implebit de quadrante bonorum, quem salvum habebat tempore mortis patris, quo scilicet tempore, in bonis erant quadringenta, in legatis trecenta. Ac ita legæ non excedebant modum legis Falcidiæ, sed post mortem patris perierint centum. Ea substituto perierunt, non legatariis: Reliqua trecenta præstabit legatariis nihilo retento. Et ita evenit, ut substitutus perdat quadrantem, quem salvum habuit tempore mortis testatoris: nec ea res damnoſa est substituto, cum liberum ei fuerit non adire hereditatem pupilli, ut ait *l. in quantitate, hoc titulo*, quod congruit cum illa regula, *quod quis ex sua culpa damnum sentit, &c.* Ad quam commodè possis applicare verba illa *dict. l. in quantitate*, cum temere adiit hereditatem pupilli infructuosam propter legata, ac forte detrimentosam propter onus æris alieni? Et hæc est sententia Papin. hoc §. evidentiſſima. Cui tamen obijciatur, legata non præstari ultra vires hereditatis, ex nullo testamento præstari ultra vires patrimonii, id est, ne ex testamento quidem militis, ex quo tamen præstatur legata ultra dodrantem, quia l. Falcid. cessat in militari testamento, sed non præstatur ultra æsem, *l. i. §. denique, ad Trebell.* Sane ita est, ex nullo testamento plus legatorum nomine præstari, quam quantitas est hereditatis, neque ex testamento militis, in quo tamen cessat Falcidiâ, neque ex testamento pagani, in quo Falcidiâ locum habet, & vires hereditatis, pro quibus legata præstari oportet, æstimantur deducta Falcidiâ: in testamento mili-

tis vires hereditatis finiuntur æſe: in pagani testamento dodrante æſis. Et ita perspicue §. seq. *ultra vires portionis*, id est, ultra dodrantem. Atqui in proposito casu, ut diximus, heres præstat legata de suo quadrante, cum eum non retineat. Ergo ea præstatio ultra vires hereditatis, ultra dodrantem est. Hæc igitur videntur inter se pugnare. Verum huic argumento respondeo hoc modo: ex sententia Papiniani aliud esse heredem præstare legata de suis bonis, aliud de suo quadrante. De suo quadrante præstat sæpe, ut in multis casibus, quibus Falcidiâ locum non habet, si militare testamentum sit, ut dixi, si coactus adierit, *l. quia poterat, ad Trebell.* quo casu restituitur integrum fideicommissum, nec utitur beneficio Falcidiæ: vel si id egerit, ut legata aut fideicommissa intercederent, vel si incapaci rogatus est restituere, & precibus fidem tacitam accommodaverit, *l. beneficio, hoc tit.* & hodie ex Nov. i. Justiniani si testator prohibuerit Falcidiam. Heres igitur de suo quadrante præstat sæpe legatum vel fideicommissum: de suis bonis, nunquam, quod sciam, nisi ex confict. Justiniani uno casu, si omiserit inventarium, quo casu & de suo quadrante, & eo amplius, de suis bonis explet legata, *l. ut, C. de jure delib. & Nov. i.* In proposito igitur, si in bonis paternis fuerint quadringenta, in legatis trecenta, & perierint centum post mortem testatoris sine culpa heredis aut substituti, substitutus nihil retinebit quadrantis nomine, & præstabit legatariis trecenta integra: qui non retinet Falcidiam, qui non retinet quadrantem, dat de suo quadrante. Sed si perierint centum quinquaginta, non præstabit legatariis nisi ducenta quinquaginta: si perierint ducenta, non nisi ducenta reliqua: si omnis hereditas patris perierit, nihil præstabit. Nam eo quod acceperit amplius, æquum non est heredem præstare legata, *l. i. §. Marcellus, tit. seq.* Et ita in *l. in quantitate, hoc tit.* cum dicitur damnum quod contingit post mortem testatoris pertinere ad heredem: ut puta si reliquerit testatoris tempore mortis tempore, & legaverit septuaginta quinque, ita ut superſit heredi salva Falcidiâ, & post mortem ejus in tantum decreverit hereditas, ut superſint tantum septuaginta quinque: solida septuaginta quinque præstabit legatariis, imo est in tantum decrevit hereditas, ut relinquatur minus quam septuaginta quinque, solida legata præstabit, id est, sine deductione ulla Falcidiæ, sicut in hoc tit. sæpiſſime dicuntur, *plena, integra, solida præstari legata*, quibus nihil decedit nomine Falcidiæ. Ergo dum ait, eum solida legata præstare illo casu, quo relinquatur minus, quam septuaginta quinque, id sic est accipiendum, ut rectissime notat Accurs. ut præstet de suo quadrante, non etiam de suo proprio patrimonio: ut præstet solida, quantum quadrans facere poterit, qui apud eum remanisset, si non decrevisset hereditas post mortem testatoris. Atque ideo Pap. restet, *de suo quadrante dixit, non de suo*, simpliciter, sed adiecit *quadrante*. Et faciunt imprudenter, qui movent verbum *quadrante*, quod retinuerunt etiam Basil. Latine dicitur, *de suo oriente*. Nam in Oriente, ubi valebant Basil. in quibus ita est *ex τῶν ἰσίων τέρτα*, Falcidiâ quæ erat olim quadrans, verſa fuerat in trientem producta Nov. Just. de triente & semisse, etiam ad extraneos heredes. Locus igitur hic elegans est, ut heres vel primus vel secundus obligetur legatariis, & præstet legata sæpe de suo quadrante, non etiam de suo, ne amplius præstet, quam reliquerit testator mortis tempore. Verum enim verò & cum heres, ut in proposito casu, præstat legata de suo quadrante, si quis argumentetur, ut supra, & dicat, debet igitur præstare ultra vires hereditatis paternæ: hoc negabo, quia hereditas patris mortis tempore sufficiebat legatis: pupilli quidem hereditatem moriente pupillo non sufficiebat, sed solam hereditatem patris spectamus, ex qua etiam legata utrique tabulis relicta erogari oportet. Nam & legata relicta in secundis tabulis, quodammodo videntur relicta in primis sub conditione, quia moram eis injicit substitutionis casus, *l. in dupli. hoc tit.* Et perinde res est, ac si a pupillo ipso sub conditione, legasset centum, quæ ab ejus substituto legavit. Quo ſane casu, damno incidente post mortem patris in centum pupili.

pupillus existente conditione præstaret trecenta, non deducta Falcidia. Nec recte diceretur præstare ultra vires hereditatis paternæ, cum tempore mortis legatis præfatis idonea fuerit hereditas, ac proinde deminutio illa aut damnum illud, deminutio est, vel potius consumptio Falcidie, non deminutio legatorum, nemo est, qui non intelligat hunc priorem casum, quo evenit, ut substitutus non retineat quadrantem, ut damnum faciat quadrantis. Alter casus, quo evenit, ut longe plus habeat quarta paternæ hereditatis, hic est. Finge, pater qui quadringenta habuit in bonis, legavit a pupillo ducenta, & a substituto totidem ducenta; hereditas patris non sufficit legatis salva Falcidia; post mortem patris pupillus centum adquisivit, adeo ut moriente pupillo fuerint in bonis pupilli quingenta: substitutus mortuo pupillo, non tantum retinebit quartam bonorum paternorum, puta centum, sed etiam alia centum, quæ pupillus post mortem patris adquisivit, vel etiam mille, si adquisiverit pupillus: atque ita longe plus habebit quarta paternæ hereditatis. Nam & augmentum, quod accessit, præter eam quartam habebit. Unde notandum est, non eandem esse omnino rationem damni & lucri. Damnum heres facit quadrantis tantum, deminuta hereditate patris post mortem ejus. Lucrum autem facit supra quadrantem etiam imminsum ex bonis post mortem patris, a pupillo aliunde acquisitis, ut l. 10. h. t. & l. 14. §. ult. m. l. qui duos impuberes, de vulg. substit. Prior ille casus, quo heres nihil retinet, exponitur a Papiniano in illo loco; Quid ergo si non sufficiat hereditas, &c. hic posterior casus non exponitur a Papin. quia potest facile intelligi ex contrario.

Ad §. Si filio.

Si filio suo duos substituerit, & alterius portionem oneraverit, tractari solet, an ex persona sua Falcidiam possit inducere substitutus, quam pupillus non haberet, vel unus pupilli substitutus. Et facile quis dixerit consequenter prioribus, quæ de patrimonii ratione dicta sunt, non esse Falcidia locum, & ultra vires portionis conveniendum alterum substitutum. Sed verior est diversa sententia, perinde huic quartam relinquendam existimantium, atque ita si patri heres extitisset. Ut enim opes patris & contributio legatorum inde capiunt & formam & originem: ita plures substituti subducta persona pupilli, revocandi sunt ad intellectum institutionis. Quid tamen dicemus de altero substituto, qui non est oneratus si forte nondum legata pupillus a se relicta solvit, & aliquid ultra dodrantem sit: in omnibus & ipsum Falcidiam habebit? Atquin quartam habet, neque idem patitur instituti comparatio. Rursus si negemus, aliud aperte quam quod vulgo probatum est, responderetur: itaque varietas existeret, ut is quidem qui proprio nomine oneratus est, velut institutus desideret quartam: alter autem qui non est oneratus, ut substitutus, licet portio largiatur ejus non in solidum conveniatur propter calculi confusionem. Huic consequens est, ut si pupillo de Falcidia cautum fuit, duobus committatur stipulatio: videlicet in eam quantitatem quam unusquisque sibi retinere potuisset.

TRACTAVIMUS de uno substituto pupilli, qui etsi tantumquam institutus suo nomine Falcidiam inducere non posset, quod ab eo legata non sint relicta ultra dodrantem, tamen propter contributionem legatorum a pupillo relictorum, nomine pupilli tanquam substitutus Falcidiam inducit: puta si conjuncta simul legata utrique tabulis relicta dodrantem excedant & quandoque nullo modo inducit Falcidiam, quandoque plus Falcidia consequitur. Hoc intelleximus ex §. quod vulgo, nunc in hoc §. si filio, tractabimus de duobus substitutis pupilli, quorum alter Falcidiam inducit suo nomine sine contributione tanquam institutus, alter ex contributione nomine pupilli tanquam substitutus. Et species hæc est: Pater qui quadringenta reliquit in bonis, filium impuberem ex affe heredem instituit, & ei duos substitutos dedit, Primum & Secundum, a filio legavit cen-

num, a Primo ducenta, a Secundo centum quinquaginta: pupillo mortuo ante pubertatem, atque ita locum habente substitutione, ex hereditate pupilli ad singulos substitutos pervenient ducenta. Primi portio onerata est, quia quot aures capit ex hereditate pupilli, capit autem ducentos, tot dare iussus est legatariis. Exhausta igitur est Primi portio potius quam onerata, sed & quæ exhausta est, onerata est, non contra. Possit esse onerata, & non exhausta. Exhaustur hereditas, si legata assensum absumant: oneratur, si legata excedant dodrantem, nec assensum consumant: delibatur, si non excedant dodrantem, & lege Falcidia hereditatis delibari potest, non exhausti, non onerari legatis. Et definitio illa legatis; legatum est de hereditate, est secundum legem Falcidiam, delibatio non exhaustio. Primi igitur portio exhausta est. Secundi autem portio onerata non est, cum salvam habeat quartam portionis suæ, nempe quinquaginta, quia centum quinquaginta dare iussus est, & ad eum pertinent ducenta ex hereditate pupilli. Queritur primum in hoc §. an Primus, qui oneratus est ex sua persona, proprio nomine Falcidia uti possit, quod portio ejus sit exhausta: non posset pupillus ipse, si essent ab eo legata ducenta, quia legato sufficeret hereditas: non posset etiam Primus ipse, si solus substitutus esset, eadem ratione, quia legatis sufficeret hereditas paternæ, cum etsi Primo adjectus sit alius substitutus, habita ratione totius affis, inspecto universo patrimonio testatoris, cujus diximus semper habendam esse rationem, legata, quæ Primus debet, non excedunt dodrantem. Ergo Falcidia uti non potest, & convenitur ultra vires portionis suæ, id est, præstabit integræ ducenta, quæ ex hereditate pupilli ad eum pervenerunt. Et ita videtur prima specie. Sed non probat hanc sententiam Pap. nam verius esse ait, ut Primus Falcidia utatur, qui oneratus est hereditate habita ratione portionis suæ, non totius affis, quia duo substituti, subducta persona pupilli, id est, pupillo remoto, e medio sublato, non extante, licet pupillo heredes existant, revocantur, inquit, ad intellectum institutionis, id est, intelligantur esse instituti primis tabulis (id est, perinde est ac si instituti, non substituti essent.) Quod & de uno substituto dicitur, qui oneratus est legatis ex sua persona, l. coheredi, §. coheredi, de vulg. substit. l. qui fundum, §. ult. h. t. Illi igitur duo substituti intelliguntur esse instituti primis tabul. mortuo pupillo, & cum sint duo instituti, constat in singulis institutis poni rationem leg. Falcidie separatim, l. in singulis, ibi dicitur, h. t. §. cum quæstum, Inst. eod. Et hoc est quod dicitur, legatorum rationem esse e parandam, §. quæstum seg. Quod videtur pugnare cum §. quod vulgo, in quo dicitur, legatorum rationem esse confundendam. Sed facile est rem dirimere. Confunditur ratio legatorum, si unus sit institutus vel substitutus, & totius affis habetur ratio. Separatur, si duo vel plures sint instituti vel substituti, quia & portiones hereditatis separantur quasi duo affes. Duo igitur instituti secundis tab. comparantur duobus institutis in primis, & sicut instituti separatim detrahunt Falcidiam singuli suæ portionis, ita & substituti singuli. Et sic etiam, inquit Pap. in hoc §. elegantissime, intelligatur, opes patris, & contributio legatorum, inde capiuntur, &c. Inde, id est, ex primis tabulis, ut duo substituti videantur instituti primis tabulis. Sic etiam opes patris, & contributio legatorum ex primis tabulis capiunt, & formam & originem; omnibus revocatis ad primas tabulas. Opes patris, id est, facultates paternæ, bona patris formam capiunt ex primis tabulis, formam, quæ advenit bonis statim atque existunt. Omnis enim forma materię advenit in ipsa generatione statim, ut Philosophi ajunt. Forma, inquam, quæ advenit bonis, statim ac existunt, nihil aliud est, quam pretium & æstimatum bonorum. Hæc enim sola id agit, ut bona sint aliquid, quæ vis est formæ, & bona paternæ ex ea tantum forma censentur, quæ hæret bonis eo tempore, quo primæ tabulæ valere incipiunt, id est, tempore mortis patris, ut intelleximus ex tractatu §. quod vulgo: & est statim per hunc titulum omne jus paternæ hereditatis, & contributio legatorum. Nunc de bonis patris utrique tabulis relictis, originem & causam capit

capit ex primis tabulis: Nam quæ relicta in secundis tabulis, intelliguntur esse relicta in primis, & omnibus contributis atque permissis pro modo eorum, ex omnibus l. Falcid. habetur ratio. Et hac denique comparatione Papinian. utitur: sicut legata relicta secundis tabulis ideo contribuntur, quod videantur relicta etiam ipsa in primis tabulis: & sicut patrimonium id duntaxat spectatur, quod versatur in primis tabulis: videntur etiam ita substituti secundis tabul. instituti in primis sublati pupillo. Igitur in proposita specie, Primus qui oneratus est suo nomine, ut institutus Falcidiam inducet, & cum ex hereditate pupilli ad eum pertineant ducenta, & legatorum nomine totidem debeat, quæ dare iussus est, & debeat etiam quinquaginta ex centum, quæ a pupillo sunt relicta; primum detrahentur quinquaginta, quæ sunt extra quantitatem bonorum paternorum, extra quantitatem portionis Primi, ut dicitur in §. ult. *inst. de adit. l. i. §. Marcellus, sit. seg.* deinde ut institutus suo nomine, quartam retinebit ex ducentis. Perique videbantur hæc verba Papiniani, ut etiam opes, &c. non verba esse, sed *sequens* siue portenta, sed sunt facilia, si adhiberis hanc interpretationem, quam utique ferunt verba, nec ulla esse causa mutandi aut trahendi ea: Et hæc quidem de Primo, qui oneratus fuit, & ait, *si filio &c.* Nunc videamus quid sit dicendum de Secundo, qui oneratus non est, an uteretur Falcidia? Et cum ad eum, a quo erant tantum legata centum quinquaginta, ex hereditate pupilli pertineant ducenta, & centum quinquaginta dare iussus sit, quia salvam Falcidiam habet suæ portionis, nempe quinquaginta: sane ex sua persona Secundus, ut institutus Falcidiam inducere non potest, sicut heres ex femide institutus primis tabulis, a quo essent legata centum quinquaginta, Falcidiam non induceret. Igitur instituti comparatio non patitur, ut Secundus Falcidiam inducat, quia nec institutus eam induceret, in simili casu. Et hoc est quod ait, *atque quartam habet, &c.* ut scilicet inducat Falcidiam etque impetret, qui habet Falcidiam. Sed si nondum solutus legatis pupillus decesserit, quæ ex persona pupilli Secundus debet quinquaginta, cum a pupillo legata essent centum, ex sua autem persona, centum quinquaginta, facta contributione legatorum, cui locum esse negare non possumus, quia vetat regula *§. quod vulgo*, & ut ait, *si negemus*, Secundum scilicet Falcidiam habiturum, negemus aperte, quod vulgo probatur esse, negemus contributionem fieri. Placet igitur Secundum facta contributione omnium legatorum, in omnibus posse habere rationem legis Falcidiæ, non ut institutum jam, cum ejus portio sufficiat legatis, sed ut substitutum. Ergo non semper substitutus comparatur instituto, non utrique hoc casu ubi ex sua persona suo nomine substitutus oneratus non est, sed ex persona pupilli tantum propter contributionem legatorum: ubi suo nomine oneratus est, etiam si fiat contributio, instituto comparatur, d. *§. coheres, & d. l. qui fundum, §. ult.* Atque ita specie proposita, ut eleganter concludit, varietas existit & differentia magna inter Primum & Secundum. Nam Primus, qui suo nomine oneratus est, non pupilli, ut institutus detrahit Falcidiam suæ portionis. Secundus autem, qui nomine pupilli oneratus est, ex persona pupilli, non ex sua, detrahit Falcidiam ut substitutus, propter confusionem calculi, propter contributionem legatorum utrique tabulis relictorum. Denique in Secundo Falcidiam inducit contributio. In Primo Falcidiam separata propriæ ratio. Et hinc fieri subjicit, ut si legata a se relicta pupillus solverit uti oportet exacta cautione, quod amplius solverit reddi: existente casu substitutionis stipulatio committitur utrique substituto, quia utrique substituto competit beneficium legis Falcidiæ, alteri sine contributione, alteri ex contributione, l. i. §. i. *seg.* Hanc stipulationem interpositam a pupillo posse committi heredi pupilli: si heredi, & heredibus quoque, quicunque possunt inducere Falcidiam. Et hoc est quod deinde ait, *quid tamen dicemus de altero substituto, &c.* In omnibus legatis, addito (contributis) licet portio largiatur ejus, id est, non si onerata, sed sufficiat. Sed quia dicit in ultima parte, stipulationem interpositam.

A tam a pupillo in proposita specie, posse committi utrique substituto, quod uterque uti possit Falcidia, alter tanquam institutus, alter tanquam substitutus, non tamen uterque eodem modo, quod confirmavi etiam ex l. i. §. i. *seg.* ut & ejus l. i. §. Marcellus, exponamus quod in hac materia afferri solet. Observandum est ex eo §. hanc stipulationem, quod amplius solverit reddi, nonnunquam interponi ab heredibus pupilli, veluti substitutis, non ab ipso pupillo. Et quod mirum est, ab his etiam substitutis, a quibus nihil legatum est, ut in hac specie: Pater qui quadringenta habet in bonis, pupillum heredem instituit, & ei substituit Primum & Secundum: a pupillo, & a Secundo nihil legavit, a Primo legavit trecenta, ad quem tamen non sunt perventura nisi ducenta ex hereditate pupilli, deminuta scilicet hereditate paterna. Ergo a Primo tantum legavit & quidem trecenta, & forte dubium est, an interveniat Falcidia, id est, an solida debeantur legata, quia ratio æris alieni, quod pater contraxisset dicitur, nondum est certa. Et in ponenda ratione legis Falcidiæ utique semper ante omnia deducitur æs alienum, & id tantum quod superest intelligitur esse in bonis, aut fuisse mortis tempore. Et ita etiam nominatim fuit expressum l. Falc. & Senatusconsult. Pegasiano, *l. successores, C. ad l. Falc.* Et interim causa bonorum & æris alieni nondum explorata atque cognita, Primus cogiturolvere ducenta, non trecenta, quia centum sunt extra quantitatem bonorum, extra quantitatem portionis suæ, & nemo plus portione sua legatariis cogitur præstare, ut est in d. §. Marcellus. Interim igitur Primus cogeturolvere non trecenta, quæ ab eo legata sunt, quia centum sunt extra quantitatem bonorum, extra quantitatem portionis suæ, sed ducenta integra, interposita scilicet cautione, quod amplius solverit reddi, quam interponi etiam Secundo, licet ab eo nihil legatum sit, oportet: quia cum & Secundus æri alieno defuncti obligetur, fieri potest, ut ducenta, quæ solvit Primus ante causæ cognitionem, causa cognita posset, & emergent non fuisse debita legatariis, aut appareat non fuisse debita legatariis: & ideo ab utroque substituto repeti debeant, æris alieni solvendi gratia, cui uterque est obstrictus pro portione hereditaria: atque ita evenit, ut cautio interponatur etiam ei, qui nihil præstat legati nomine, & a quo nihil legatum est. Et hoc tantum proponitur in d. §. Marcellus.

D Ad §. Quæsitum VII.
Quæsitum est, si quis pupillo coheredem substituisse: quem admodum legis Falcidiæ ratio inquiri debeat, & quæle est, quod vulgo diceretur, legatorum rationem separandam: dixi, quantum ad legata, quæ pater a filio, item a substituto reliquit, nullam fieri posse separationem: cum communi calculo subiciantur, & invicem inducant contributionem. Sed legata quæ ab instituto extero data sunt permisceri ceteris non oporteret, ideoque quartam pupillo dato portionis habere substitutum, quamvis suam portionem habeat, ut institutus. Et aliam causam esse ejus, qui ex variis portionibus heres scriberetur: ibi enim legatorum confundi rationem, non minus quam si semel fuisset nuncupatus ex ea portione, quæ conficeretur ex pluribus, neque referre pure sepe, an sub diversis conditionibus sit heres institutus.

E IN §. quod vulgo, & in §. si filio, tractatum est, de legatis relictis a pupillo, & a substituto, vel ejus substitutis. In §. quæsitum tractatur de legatis relictis a pupillo, & a coheredibus ejus, extraneo eodemque substituto. Incipiam a regula, quam habuimus anteriori §. in singulis hereditatibus institutis vel substitutis separatim poni rationem legis Falcidiæ, separari rationes, separari legata, secundum quæ evenit, ut si duo sint coheredes, Primus & Secundus, & Primi portio onerata sit; Primus ex sua persona Falcidiam inducat, & detrahat quadrantem portionis suæ, rati meti habeat Secundus coheres ejus integrum quadrantem totius assis, vel etiam amplius. Nec quicquam interest, uterque sit institutus pure, an sub conditione, vel pure,

pure, alter sub conditione: quoniam semper inter coheredes fiet separatio partium in ponenda ratione legis Falc. & separatio legatorum a singulis nominatim relictorum, §. *cum quaesitum esset, in fin. de lege Falcidia*. Nec legata, quæ relinquuntur generaliter, veluti, *quisquis mihi heres erit, Titio centum dato*, utrumque heredem tenent, nec in causam separationis veniunt, *lab omnibus, de leg. 1. l. 1. §. id quod ex substit. h. t.* Coheredes autem sunt non tantum hi, qui sunt scripti iisdem tabulis, sed hi, quorum alter scriptus est primis tabulis ut institutus, alter secundis ut substitutus. Institutus & substitutus coheredes sunt sane, licet sint scripti diversis tabulis, alter in primis, alter in secundis, sicut collegatarii sunt, quorum uni res legatur in primis tabul. & alteri eadem in secundis, *l. plane, §. si conjunctim, de leg. 1.* Et ita coheres pupilli & alius substitutus pupilli coheredes sunt, quasi unus sit scriptus pure, alter sub conditione. Coheres pupilli tam substituto pupilli coheres est, quam ipsi pupillo, si existat substitutioni locus. Ideoque in legatis a se, & a pupillo relictis, quæ confundi constat, substitutus recte inducit Falcidiam, etiam si coheres pupillo datus obtineat quadrantem integrum hereditatis paternæ. Et hæc est sententia legis *coheredi, §. coheres, de vulg. substit.* In posteriori parte, quæ incipit ab his verbis, *non idem servabitur*: prior infra explicabitur. Aliquando igitur ratio legatorum separatur, aliquando confunditur. Et utraque regula vera est suis casibus, legatorum rationem separari, legatorum rationem confundi. Prior vera est in duobus coheredibus: posterior in uno coherede: ut si quis instituitur ex duabus vel pluribus partibus, hic confundit partes, & legata earum partium, etiam si altera pars ei sit adscripta pure, altera sub conditione: quia perinde est, ac si semel heres institutus fuisset: ex ea portione, quæ conficeretur ex pluribus, *l. quidam, C. de jure delib.* Et in ultima parte hujus §. cum ait, *et aliam causam, &c.* Finge, Titium heredem institutum ex sextante pure, ex triente sub conditione, & ab unaquaque portione justum dare aliquid: hic pro eo habetur, ac si semel institutus fuisset ex semisse, nec sciendum eum semissem potest, & separare sextantem a triente, nec separare legata a se relicta ex sextante, & ea etiam legata a se relicta ex triente, sed simul in omnibus rationem legis Falcidia componere debet. Eo quoque fit, ut si idem sit coheres & substitutus, coheredi componat & contribuat legata a se relicta in institutione, & legata a se relicta in substitutione, si pars coheredis integra non onerata ad eum reciderit ex substitutione vulgari vel pupillari: nec refert, quia; & hic coheres idemque substitutus coheredis, videtur institutus esse ex parte pure, ex parte sub conditione. Ergo ex ass. Confundere igitur debet partes partiumque legata. Et hoc ita esse in substitutione vulgari, & in pupillari probat lex *qui fundum, §. qui filium, h. t.* & in substitutione pupillari, *l. coheredi, §. coheres*, in priori parte. Atque ita tenemus totum eum §. Idemque in substitutione vulgari esse probat lex *1. §. id quod ex substit. h. t.* Igitur si ex parte integra, quæ ad eum recidit ex substitutione, quadrantem hereditatis sibi servare possit, non utitur beneficio l. Falcidia in parte ei adscripta pure, tamen si onerata sit vel exhausta. Pars integra, quæ accedit onerata, replet partem oneratam, & cessat Falcidia, si pars, quæ accedit Falcidia, sufficiat, quamvis ea pars, cui accedit, non sufficerit Falcidia. Verum notandum est, non idem esse & contrario, si pars coheredis onerata, ex substitutione vulgari vel pupillari perveniat ad coheredem, qui oneratus non est, cuius pars est integra: hoc enim casu partium & legatorum separatim habetur ratio. Atque ita fit ut etiam in uno heredem, quasi sustineat vicem duorum, prior regula servetur, & ex parte onerata, quæ accedit, detrahatur Falcidia, perinde atque si pertineret ad eum coheredem, a quo ex substitutione ea pars obvenit alteri, licet coheres, cui obvenit ex sua institutione, saluum quadrantem hereditatis obtineat. Quod ita de substitutione pupillari est scriptum in *d. l. qui fundum, §. qui filium*: atque etiam in hoc §. *quaesitum*. Nam ut ejus sententiam exponamus bre-

A viter: si pupillo extraneus quidam datus sit coheres & substitutus, is coheres & substitutus confundit quidem legata a se in substitutione relicta, & legata a pupillo relicta. At retro e contrario, hæc legata ita confusa non confundit cum legatis a se in institutione relictis, & ex his, quæ sunt a pupillo & a se relicta in substitutione, Falcidiam detrahit, etiam si ex sua institutione habeat quadrantem integrum hereditatis paternæ. Atque ita fit, ut portione onerata accedente portioni integræ, non fiat confusio vel contributio, sed ponatur Falcidia separatim. Et hoc est quod ait in hoc §. *legatorum rationem, &c.* id est, in singulis heredibus ponendam ab instituto, qui est extraneus. Hoc in substitutione pupillari. Et idem etiam de vulgari substitutione est scriptum in *l. 1. §. id quod ex substit. h. t.* in posteriori parte. Prioriorem partem ejus §. jam exposui ante. Posterioris hæc est sententia: Si ab eo coherede, inquit, cui est facta substitutio vulgari, legata sint relicta, quæ exhaustant ejus partem, ac proinde omiserit partem suam, eaque pervenerit ad coheredem jure substitutionis vulgari, cuius quidem portio est integra legata ab eo relicta, qui omisit partem suam, non augetur, id est, in eis inducitur Falcidia, seu minuitur Falcidia intervenit. Atque ita pars onerata vel exhausta, quæ jure substitutionis accedit parti integræ, non repletur per partem integram, cui accedit. Et ex his, quæ disputavi & demonstravi, orta est hæc definitio Doctorum: *si pars non gravata, quam appello integram, accedat gravatæ, contributioni locus est: si pars gravata accedat non gravatæ, contributioni locus non est: quæ definitio verissima est, non tantum si jure substitutionis accedat vel vulgari vel pupillari, sed et si accedat jure accrescendi, l. quod si alterutro, h. t.* In qua lege maxime velim observare vos, Jurisconsultum a rebus singulis ad res universas, a legatis ad portiones hereditarias progredi & argumentari hoc modo: si legata integra singularum rerum quæ deficiunt, & remanent apud heredem, replent portiones heredis oneratam, quod est certum, *l. id autem, l. 51. §. 2. hoc tit.* & portio hereditatis integra, quæ deficit & accrescit coheredi, augeat portionem coheredis, quæ non est integra: contra vero portio onerata, quæ deficit & accrescit integræ, non repletur per integram, non augetur per integram. Idemque licet confirmare ex *l. si Titio & Mevio, de leg. 2.* ac etiam ex *l. 1. §. si coheredis, h. t.* In quo observandum est, fuisse hac in re dissidium inter veteres juris auctores: Nam Cassiani, parte coheredis onerata accrescenti integræ existimabant confundendas esse partes: Proculianis aliud judicium erat: Namque agebant, separandas esse partes, quæ est verior opinio. Et Julianus ipse in hac specie, quamvis fuerit Cassianus, assensit Proculianis: quo magis probatur Proculianorum opinio esse verior, quæ confirmatur ab ipso adversario. Et Paulus quoque in *d. §. si coheredis*, sequitur hanc Proculianorum opinionem: atque Julianus, qui ea in re discedit a sua familia, ait, sibi videri probabiliorē licet, ut idem Paulus refert, Imperator Antoninus, dicatur aliquando iudicasse pro Cassianis. Sed Paulus sæpe improbat decreta Principum, Imperator Antoninus, nec decreta Principum jus faciunt, nisi quæ invaluerunt: nam quod cognoscens decrevit Princeps, scio esse legem, sed cum hoc modo, si invaluerit. Et ita possit expedire illo §. *si coheredis*. Si tibi nimia religio est addenda negationis (qua de observatio *1. v. e. xxxv.*) potes & concludere hoc modo: veram esse definitionem Doctorum indistincte, ut accedens integra portio onerata, replet oneratam: accedens autem onerata integræ, non repletur, si jure substitutionis accedat, si jure accrescendi. Et ratio differentie hæc est: quia non potest eadem portio locum principalis, & locum accessionis obtinere: quæ accedit portio, accessio est: ea cui accedit, portio est principalis: pars deficiens accedit parti agnitæ, id est, non omittit, non agnita, deficiente, & accessionis est replere principalem, non principalis replere accessionem: accessionis est augere, non augeri. Igitur non probō eorum opinionem, qui hac in re differentiam faciunt inter jus substitutionis, & jus accrescendi: & in jure accrescendi, veram esse existimant defici-

definitionem illam juris, quam Doctores tradiderunt, non usquequaque veram esse, in jure substitutionis. Substituitur enim hæc differentia posteriori parte, §. *id quod ex substitutione*, quam exposui ante. Utraque enim pars hujus §. est de substitutione. Sed ut effugiant illam posteriorem partem, quæ hanc differentiam impugnatur, non ex animi sententia, ut puto, eam interpretantur de jure accrescendi, ac ita efficiunt, ut de jure accrescendi quidem mox repetatur exposita sententia Cass. & Procul. §. *si coheredis*, qui sequitur, §. *id quod*, de eodem jure accrescendi accipiunt, & superfluum reddunt §. *si coheredis*. Hanc vero mentem eorum falsam esse prodit rerum ordo, quæ tractantur in d. §. *id quod*, & §. *si coheredis*, qui sequitur, & §. *coheredem*, qui & mox subsequitur. Primum enim in §. *id quod*, agitur de jure substitutionis, & ostenditur, si eo jure portio integra accesserit onerata, confundi partes, contra si onerata accesserit integræ, separari partes. Mox in §. *si coheredis*, agitur de jure accrescendi, idemque juris esse constituitur in jure accrescendi, ut distinguamus, accrescat portio integra onerata, an onerata integræ. Et licet etiam idem constituitur in jure hereditatis, vel dominice, vel paternæ, ut l. *si pupillus*, §. *si ego*, & l. *maritum*, in prin. hoc tit. Ac post eadem serie, & quasi filo eodem in §. *si coheredem*, statim agitur de jure adrogationis, quoties pars coheredis meæ parti accedit per adrogationem, quod cum adrogem in locum filii: nam adrogatio coheredis omnia bona coheredis meæ subijcit potestati. Agitur & in eodem §. de jure legitimæ aut prætorie hereditatis coheredis. Et ostendit, duobus heredibus scriptis, si uterque adierit hereditatem, quod est extra omnem dubitationem, separari partes, cum quisque suam adquisierit, nec jam esse disputandum de confusione, & separari partes, etiam si pars unus accesserit alteri jure adrogationis, vel jure intestatæ successione, vel jure testamenti facti a coherede. Unus tantum est locus, quo propagatur opinio illorum, qui hac in re differentiam putant esse constituendam inter jure substitutionis, & jure accrescendi in l. *qui fundum* §. *qui filium*, hoc tit. Locus est, in quo aperte Julianus scribit, substitutum eundemque coheredem, qui integram partem suam habet, id est, non gravatam, & cui jure substitutionis vulgaris accedit pars coheredis onerata: atque ita parte onerata accedente integræ ex substitutione vulgaris, ait Julianus, ejus pars solida legata deberi. Ergo non posse in ea parte separatim inveniri Falcidiam, quod sufficiat pars integra, cui ea accedit. Et aliud esse statuit in substitutione pupillari. Et hoc vult in summa totus ille §. *qui filium*, si pars onerata accedat integræ ex substitutione pupillari, separari legata: si ex substitutione vulgaris, confundi legata: contra si pars integra accedat onerata ex substitutione vulgaris, vel pupillari, vel reciproca, nihil refert; confundi partes, confundi legata, non tamen semper. Ante diximus, nullam esse constituendam differentiam inter substitutionem vulgarem & pupillarem. Memini me huic §. *si filium*, respondisse observ. d. cap. 35. & id, quod respondi, etiam sine opera mea erit cuilibet facile statim atque legerit, apprehendere, cum sit verum. Sumitur enim responsio ex jure quodam, quod obtinuit Juliani tempore. Reliqua sunt *quædam prætoris mores & prætoris*. Et illud si cui sit cura repetere intelligit. Velim vos animadvertere, esse in cap. 2. transpositionem manifestam: nam ibi in illis locis, *adeuntis*, vel *superstitis portio*, reponendum est loco *adeuntis*, deficientis, & loco *deficientis*, *adeuntis*. In cap. 3. velim hæc verba deleri, vel ex primis. Locum duo restant, qui pertinent ad hanc materiam: in §. *ult.* hujus legis, unus: alter in l. *qui fundum*, §. *ult.* hoc tit. qui faciles erunt. Intelleximus ex supradicta recitatione, in ponenda ratione legis Falcidiæ, portionem integram accedentem onerata, replere oneratum per calculi confusionem, id est, contributionem portionis legatorumque, portionem autem oneratam accedentem integræ, non repleti: accessionis esse replere, non repleti, augere, non augeri. Et hoc naturam ipsam satis dare. Et nihil refert, portio portioni accedat jure accrescendi, an jure substitutio-

nis, ubique locum esse superiori definitioni. Nihil etiam referre, portio accedat ex substitutione vulgaris, an ex pupillari: & ad l. *qui fundum*, §. *qui filium*, hoc tit. in quo portio quidem onerata accedens integræ ex substitutione pupillari non repletur, sed accedens ex substitutione vulgaris, repletur. Ad eum, inquam §. ita respondere volebam, id Julianum scribere in eo §. cujus ætate nondum legata relicta ab instituto nominatim, debebantur a substituto vulgaris. Hoc enim primum increbuit ex constitutione Severi, licet, de leg. 1. l. *si Titio* & *Mavio*, §. 1. de leg. 2. l. 4. C. ad Trebell. Igitur legata relicta ab instituto, ante constitutionem Severi non debebantur a substituto vulgaris, nisi ab eo substituto repetita fuissent hoc modo sc. *quæ ab herede meo legavit, quasque eum dare jussi si heres esset, & si heres non erit, a substituto ejus præstari volo*. Necessaria erat repetitio, alioquin substitutus vulgaris non præstabat legata nominatim relicta primo gradu institutionis ab herede instituto primo gradu. Cum igitur Julianus ponat in d. §. *qui filium*, ea deberi a substituto vulgaris, & illud tacito intellectu ponit, quod etiam olim vulgo adscribi solebat in testamentis, ab eo substituto vulgaris fuisse repetita legata. Unde consequens est, confundi debere tam ea, quæ a se relicta sunt, quam ea, quæ relicta sunt a coherede, cujus portio ad eum pervenit ex substitutione vulgaris, quia scilicet ab eo sunt relicta omnia. Sicut & si testator legata non reliquisset nominatim ab herede instituto sed generaliter hoc modo: *quisquis mihi heres erit dato*: hic coheres idemque substitutus confunderet omnia legata, & in eis ita confusus inquireret rationem legis Falcidiæ, l. 1. §. *id quod ex substitutione hoc tit.* Et ita est respondendum ad eum §. *qui filium*. Cetera omnia congruunt bellissime, ut a me exposita fuerint. Nunc videamus quid juris sit, si a me exposita accedat onerata, si exhausta exhausta. Quæ de re videretur esse §. *ult.* d. l. *qui fundum*: quo quidem explicato, absoluti sumus ista materia. Si integra portio accedit integræ, hic casus non pertinet ad hanc materiam contributionis, quia locus Falcidiæ non est. Ubi in totum Falcidia cessat, inanis est disputatio de contributione legatorum. Tota enim hæc disputatio vertitur circa legem Falcidiam. Itaque pertinet tantum ad testamenta paganorum, non ad testamenta militum, ad quæ non pertinet lex Falcidia. Quid si onerata portio accedat onerata in toto: quo casu intervenit Falcidia? Et distinguo ita: aut plus onerata est una quam altera, aut æque onerata est una quam altera. Si plus onerata sit una quam altera, consequenter superiori definitioni dicemus, contributionem fieri, si portio plus onerata accedat minus onerata. Quod omnino est superiori definitioni consentaneum, ut idem juris sit in toto, quod in parte, aut idem in parte, quod in toto juxta l. *in ratione*, §. *superius*, hoc tit. Quid si utraque pariter sit onerata, utraque exhausta? Sane nihil refert. Et hoc statim cuilibet probatur, si separatim in singulis portionibus ponatur ratio legis Falcid. aut confusæ. Et si forte coheres, in sua portione separatim posuerit Falcidiam antequam ei obveniret portio coheredis, deinde obveniret ei portio coheredis ex substitutione vulgaris vel pupillari, nihil refert, vel ex jure accrescendi, ut quartam habeat omnium bonorum, quid aliud restat, quam ut & in portione coheredis, quæ ei accedit, similiter ponat Falcidiam? Et tamen in d. l. *qui fundum*, §. *ult.* vult Juris de integro inquiri rationem legis Falcidiæ in universo esse contributis & confusis legatis utriusque portiomis. Cur hoc vult? ut, inquit, coheres idemque substitutus habeat quadrantem omnium bonorum. Denique coheres, qui ante posuerat Falcidiam in sua portione, obveniente ei portione coheredis, retractat rationem Falcidiæ, confuso & permixto patrimonio, ut Falcidiam habeat integram. Et ejus §. summa brevis hæc est: si portio exhausta accedat exhausta ex substitutione vulgaris vel pupillari, nec enim interesse ait, contributionem legatorum fieri: imo videtur esse supervacua contributio, & non necessaria. Fateor contributionem fieri oportere, si computationem legatorum, & communem calculum, ut quod pro parte sua plus, aut minus coheres præstitit, antequam ei

obveniret portio pupilli vel alterius coheredis, id repetat, vel solvat pro rata legatorum. Quod exemplo demonstrari necesse est. Si testator reliquerit quadringenta in bonis, & duos coheredes, Primum & Secundum, a Primo egaverit trecenta, a Secundo ducenta, & Primus pro sua parte praestiterit legata habita ratione legis Falcidiae, puta initio detractis centum, quae sunt extra quantitatem portionis suae, uti oportet, §. ult. Inst. de lege Falcid. deinde detracta quarta ex ducentis, id est, detractis quinquaginta, atque ita praestiterit centum quinquaginta tantum; deinde ei obveniret portio coheredis, a quo erant legata ducenta, & qui similiter induxisset Falcidiam, praestitisset centum quinquaginta, retinisset quinquaginta, ex integro ponenda est ratio legis Falcidiae, ut facta contributione omnium legatorum, quae contributa efficiunt quingenta, & detractis centum, quae sunt extra quantitatem bonorum, coheres idemque substitutus repleat sibi Falcidiam, detractis aliis quinquaginta, qui jam detraxit quinquaginta, & praestet legatariis trecenta pro rata, id est, servata proportionem eadem, quae ab ipso testatore constituta, ratio fescupla, cum his reliquerit trecenta, illis ducenta. Ergo servata eadem ratione ex trecentis, quae supersunt deducta Falcidia, his quibus erant relicta trecenta, praestari debent centum octoginta, his autem quibus relicta erant ducenta, praestari debent centum viginti. Nam eadem est ratio trecentorum ad ducentos, & ducentorum ad centum, nempe fescupla: Ideoque illis, quibus a se relicta erant trecenta, minus praestitit coheres, qui praestitit centum quinquaginta tantum, initio separatim posita Falcidia in sua portione, & quod minus praestiterit actione ex testamento, ab eo legatarii petere possunt, retractata ratione simul omnium legatorum, *Latium, de solut. ut e converso*, si ab eo proponantur relicta ducenta a coherede, cuius portio ei accedit, trecenta, & suis legatariis praestet centum quinquaginta, plus praestitit, & quod plus praestiterit, denuo habita ratione legis Falcidiae nempe quingentorum, ab eis repetet conditione indebiti, vel actione ex stipulatu, si stipulatione Falcidiae sibi profuerit, *l. 18. hoc t. Fateor igitur computationem fieri omnium legatorum*, & quoties totus as accedit ad coheredem eundemque substitutum, & fieri computationem, ut pro rata servetur legatariis, quod quibusque contingit. Nego autem, eam computationem fieri oportere, ut quartam habeat heres, id est, centum, quod tamen ait ille §. id est, centum cum & centum habiturus sit, discrete & separatim habita ratione legis Falcidiae. Quod aequae possit consequi discreta ratione, quid opus est persequi & inducere confusa? Et tamen in *d. §. ult.* ait persequi & inducere confusa? Et tamen in *d. §. ult.* falsum hoc esse, si pupillus non extiterit heres, atque ita portio pupilli obveniret coheredi ex tacita vulgari, qui inest semper pupillari, *l. jam hoc jure, de vulg. substit.* Verum tamen esse, si pupillus heres extiterit, & eo mortuo ante pubertatem, portio ejus coheredi obveniret ex substitutione pupillari. Haec, inquam, distinctio Actur. refellitur eod. §. ult. quo dicitur, nihil referre, ex qua substitutione portio coheredis ad coheredem pervenerit, ex vulgari an pupillari, sicut & supra ostendimus, ubi portio onerata accedit integre, vel integra onerata, nihil referre, ex qua substitutione accedat. Igitur quicquid scribit Accurf. in eo §. ult. non eum nobis perspicuum reddit. Videamus an alii aliquid adinvenerint subtilius. Sunt quidam, qui ut ostendant in specie *d. §. ult.* necessario contributionem induci, ut heres quartam obtineat omnium bonorum, quae testator reliquit, hoc utuntur sive commento, sive praetextu, ut si non facta contributione coheres, qui jam posuit Falcidiam in sua parte, separatim eam ponat in parte pupilli coheredis, nec inducat confusionem, non sit habiturus quadrantem omnium bonorum, videlicet, si pupillus ex sua portione aliquid deminuerit; quod fateor evenire, si pupillus deminuerit, & non injuria evenire contendit, ut minus habeat quadrante. Exempli gratia: Si quis cum haberet 400. in

A bonis filium impubere, & extraneum instituerit ex aequis partibus, & extraneum pupillo substituerit, a singulis legaverit ducenta, deminuerit pupillus centum, & coheres extraneus jure Falcidiae retinuerit 50. pro sua portione, postea si pupillo mortuo ei heres extiterit ex substitutione pupillari, reliquerit scilicet tantum centum, quod deminuerit semissem suae portionis pupillus detraxit tantum ex hereditate pupilli 25. & summam ex omnibus bonis 75. non detrachit igitur integrum quadrantem, id est, centum. Nec hoc iniquum est, quia patris hereditas spectatur, non pupilli, & patris hereditas fuit idonea exsolvendis legatis usque ad dodrantem, *d. l. qui fundam, §. qui filium*. Et deminutio facta a pupillo est deminutio Falcidiae, non legatorum, ut in *§. quod vulgo*: nec quicquam interest, substitutus quis sit tantum pupillo, non coheres datus pupillo. Nam ut coheres & substitutus pro eo haberetur, ac si in primis tabulis ex parte pure, ex parte sub conditione heredes scriptus fuisset, *l. coheredi, §. coheres de vulg. substit.* ita & is, qui tantum substitutus est, videtur primis tabulis scriptus sub conditione, videtur heres esse patris, non pupilli, *d. §. coheres, & §. si filius, h. l.* Et quemadmodum quarta hujus, qui tantum substitutus est, minuitur vel consumitur ob deminutionem, quae contingit post mortem patris: ita & quartam illius, qui & coheres & substitutus est pupilli, minui aequum est, & consumi eadem ratione, ut & quandoque nil retineat pro Falcidia, sed de suo quadrante solvat legata, ut dictum est supra ex *§. quod vulgo*. Ex his omnibus efficitur, nullo modo posse defendi sententiam *d. §. ult.* ut scilicet si portio exhausta accedat exhaustae, coheres, qui jam pro sua parte separatim Falcidiam induxit, postea existente casu substitutionis, ex integro Falcidiam inducere debeat, non separatim in portione pupilli, sed confusim contributis omnibus legatis, ut salvum quadrantem habeat: quae finis ejusmodi est, ut a nobis concipi non possit, cum & salvum sit quadrantem habiturus etiam sine contributione, si ut in sua portione, ita etiam in portione coheredis, quae noviter accessit, separatim Falcidiam inducat. Quare existimavi jam olim, & placet etiam hodie in *d. §. ult.* esse legendum, *nec semis pupilli exhaustus esset*, non, *& semis*. Et consequenter ita debere poni speciem, ut integra portio pupilli accesserit portioni coheredis, ejusdem pupillo substituti, exhaustae. Quo casu certum est, confusionem fieri legatorum, ut coheres, idemque substitutus quadrantem habeat perinde ac si effect ex ea parte, quae accessit primis tabulis, sub conditione heres scriptus: nam etsi pupillo heres existit, non patri, tamen comparatur instituto, id est, ei quem pater sibi heredem fecit, comparatur substituto vulgari, *d. §. si filius, & §. coheres*: quo colore sustinetur substitutio pupillaris facta a patre hoc modo: si filius heres extiterit, & ante pubertatem decesserit, ille mihi heres esto: atque existet heres pupillo, non mihi: sed qui pupillo existit, circa legem Falc. pro eo haberetur, ac si mihi extitisset heres, ut non male dicam substituendo pupillo, ille mihi heres esto, *l. l. coheredi, §. ult. de vulg. substit.* *l. si ita scriptum, §. qui filio, de bon. pos. secund. tab.* Et apud Tullium 2. de Invent. Verum hac comparatione utimur, si onerata pupilli portio accesserit integre portioni coheredis, ejusdemque substituti: Neque enim hoc casu substitutus comparatur instituto, sed Falcidiam inducit in portione pupilli, etiam si in sua portione quadrantem bonorum habeat integrum, ut ex *§. si filio, & §. quod vulgo, & d. l. coheredi, §. coheres, & l. 1. §. id quod ex substitutione, h. t.* intelligi potest, ac etiam ex *d. l. qui fundam, §. qui filium*.

Disquisivi heri multa, & disputavi non sine molestia circa *§. ult. legis, qui fundam*, quo loco nullus est obscurior in hac materia contributionum, nec dum mihi satisfeci: sed, ut spero, faciam, ut & mihi & vobis hodie, & simul huic materiei extremam manum imponam. Lumen quod affero ad hunc *§. ult. l. qui fundam*, videbitur clarissimum. Velim primum vos semper in mente habere eam speciem, quam heri posui, instituta explicatione *d. §. ult.* Eum qui habebat 400. in bonis, duos heredes fecisse ex aequis partibus,

tibus, singulos ex semisse, & ab uno legasse trecenta, ab altero ducenta. Velim etiam, vos meminisse duarum interpretationum, quas retuli, maxime prioris, quæ propius vero accedit, & quam patefacimus cunctis hodie. Posterior ineptissima est. Eis vero rejectis interpretationibus tentavi ad extremum idem, quod olim in *d. s. ult. vexatissimo* loco horum verborum *et semis*, reponere, nec *semis*, ex quo efficitur, contributionem fieri legatorem, si integra portio exhausta accedat ex substitutione pupillari aut vulgari, & fieri eam contributionem, ut quarta bonorum apud coherentem eundemque substitutum remaneat. Quæ verba ita debui evidenter interpretari, ut contributionis legatis omnibus, ab utroque herede relicta, quarta apud eum remaneat, beneficio portionis, quæ accedit & commiscetur suæ portioni. Atque ita si ea portio, quæ accrescit, Falcidia sufficit, ut Falcidiam, quam præsumpsit aut occupavit detrachere ex sua portione, reddat legatariis quasi indebite præsumptam, hoc ex inferioribus intelligitur melius. Et si ita legendo & intelligendo dixeris, idem fuisse traditum in *§. qui filium, eadem l.* nec esse verisimile, ut paulo post fuerit repetitum in *s. ult. dicam*, aliter poni speciem in *s. ult.* nempe coherentem in sua portione jam possuisse rationem legis Falcidiae, antequam ei coheredis portio obveniret jure substitutionis: & post eveniente & existente casu substitutionis, retractari rationem omnem legis Falcidiae confusus semilibus, perinde ac si ab initio ex asse heres scriptus aut nuncupatus esset, & confusus legatis tam a se, quam a coherede relicta, qui casus non ponitur in *§. qui filium*. Retractatione rationis id est, retractata ratione legis Falcidiae, quod notandum, retractatione calculi, hæc propria res est de qua agitur in *s. ult.* Et sane ita posita specie retractationem rationis legis Falcidiae fieri oportere: sed nihil matremus. Namque animadverti receptum scripturam, *et semis*, explicari posse satis dilucide hoc modo: ut si portio exhausta jure substitutionis accedat exhausta in ponenda ratione legis Falcidiae, fiat contributio legatorum omnium, etiam si jam, antequam locus esset substitutioni, separatim in sua portione coheres idemque substitutus posuisset rationem legis Falcidiae. ut scilicet quantum bonorum sumat ex confusione legatorum, non separatim ex his, quæ a se separatim, & his, quæ a coherede relicta sunt, nec occurrat iniquitas, quæ occurreret, si plus aut minus præstet his vel illis legatariis, quam oporteat: nam separatim habita ratione legis Falcidiae, his, quibus a se relicta sunt trecenta, initio detrachere centum, quæ sunt extra quantitatem portionis suæ, deinde jure Falcidiae detrachere 50. ex ducentis, & præstare 150. Quibus confusa ac simul habita ratione legatorum, essent præstanda ducenta pro rata portione, & his, quibus a coherede relicta sunt ducenta, si separatim habuerit rationem Falcidiae similiter retentis 50. præstaret 150. quibus tamen confusa ratione legatorum, essent præstanda centum duntaxat. Igitur ne fiat iniuria legatariis, nec ulla inæqualitas existat, melius erit eam quantam deducere ex confusus non ex separatim legatariis, hoc modo, ut confusa efficiant 300. deinde detrahantur 100. quod sunt extra quantitatem bonorum, ut in *tit. de lege Falc. inst.* sub finem, post detrahantur alia centum, quæ per legem Falcidiam habere debet, & ex reliquis trecentis, his quibus a se relicta sunt trecenta, præstat pro rata portione, id est, *quædam* nempe ducenta. His autem quibus a coherede relicta sunt ducenta, præstet centum duntaxat, legata enim a se relicta augentur, si ex substitutione alteram quoque partem hereditatis acceperit. Igitur si coeperit in sua portione habere rationem Legis Falcidiae, antequam existeret casus substitutionis, hæc ratio erit pro non habita, quia nec jure habita est, cum minus debito cum præstitisse legatariis suis appareat ex postfacto, existente casu substitutionis. Et ideo existente eo casu, atque ita obviente altera portione hereditatis, denuo inducitur Falcidia in omnibus legatis. Et brevis ac elegans summa *d. s. hæc* est. Si exhausta portio exhausta accedat ex substitutione vulgari aut pupillari, contributionem portionum & legatorum fieri, & si

qua fuerit habita ratio legis Falcidiae separatim, eam corrigi, & retractari, & eam fieri confusam, & ita cuique legatario servari ratam portionem. Quod mihi nunc videtur esse evidentissimum, nec in eo §. quicumque debet accedere ad Accus. In *s. ult. hujus l.* nullus erit labor.

Ad §. ultimum.

Si quis exheredato filio substituit heredem institutum, et ab eo tabulis quoque secundis legaverit: necessario ratio confundetur: cum ideo legata valere dixerit Julianus a substituto relicta, quod idem patri heres extiterit.

Certum est a substituto filii impuberis exheredati, non posse relinqui legata, quia nec ab exheredato possunt relinqui, etiam si ei data sint ampla legata, *l. miles ita, §. si miles, de milit. test.* quia a legatario legari non potest, & testatori non debet plus licere in substitutum, quam in eum, cui substituit: si ab eo, cui substituit, non potest legare, nec a substituto ejus igitur, *l. qui fundum, §. qui filio, h. l. ult. de leg. 3.* Unus inter alios est casus, qui exponitur in *h. s. ult.* quo a substituto exheredati recte legatur, puta si testator substitutum exheredatum in secund. tab. heredem instituerit in primis. Hoc enim casu valere legata ab eo relicta tam primis quam secundis tabulis, *l. plane si filium in princ. de leg. 1. l. si filius, qui patri, de vulg. subst.* & ut ait in hoc *s. ult.* in ponenda ratione Falcidiae legis heres institutus primis tabulis atque substitutus secundis, dicitur confundere & contribuere legata a se relicta utrique tabul. Quod confirmat sæpe jactata ratio, duplex testamentum pro uno haberi: heredem filii heredem patris esse videri, substitutum secundis tab. videri primis scriptum, bona filii esse patris, ut Græci ajunt, *τὸ πατρὸς οὐκία, ὃς ἦν ἀρβύς ἀνὰ* in *h. s.* Verum ne dixeris confundi bona paternæ & pupillariæ: confunduntur legata ab eo relicta utrique tab. sed bonorum paternorum & pupillarum ac non confunditur, imo substitutus exheredato bona pupillaria habet supra quadrantem bonorum paternorum, *l. 10. sup.* & in *§. quod vulgo*. Nunquam hereditas paternæ confunditur cum hereditate pupilli: licet enim unum sit testamentum, tamen duæ sunt causæ, duæ hereditates. Confunduntur quidem partes hereditatis paternæ, confunduntur semiles assis paterni ut *l. 1. §. id quod ex subst. l. qui fundum, §. qui filium, h. l.* hereditas paternæ & pupillaris non confunditur, sed separatim earum habetur ratio. Et in ponenda ratione *l. Falc. semis paternæ*, quod memini me latius exponere in *d. l. 10. lib. 20.* Et erravi supra in ponenda ratione fescupla: Nam 300. & 200. quæ legaverat is, qui 400. habuit in bonis comparare debui non cum 200. & 100. sed cum 180. & 120. quæ ex 300. quæ supersunt deducta Falcidia legatariis præstare debet iis quibus a se relicta sunt 300. & 180. iis autem, quibus a coherede relicta sunt 200. 120. & ita moneo vos corrigere adversaria vestra. Superest unum, quod in tractanda materia contributionis omisi, non parvi ponderis, quod omisum possit scrupulis iniciere multis. Cum dixi ex *l. 1. §. si coheredi, et l. quod si ab alterutro*, separationem fieri portionum & legatorum, si portio onerata accesserit integræ jure accrescendi, ex Proculi & Juliani sententia contra Cassium, hoc sc. omisi dicere, portionem oneratam accrescere, vel quod repudiata sit a coherede. Et hanc hodie quidem accrescere cum onere legatorum ex constitutione Severi: olim accrevisse sine onere legatorum, *l. 29. in fine, l. si Titio et Mevio, in fin. de leg. 2.* Nec de ea quicquam sensit Proculum aut Cassium aut Julianum, cum nondum prodisset constitutio Severi, vel portionem oneratam accrescere, quod defecerit mortuo coherede, post testamentum vivo testatore, vel post mortem testatoris, ante apertas tabul. & hanc portionem deficientem omni jure accrevisse, cum onere præstandorum legatorum etiam grate Cassii & Juliani & Proculi, sicut legata, quæ deficient habuerit similiter, cum onere remanebant apud heredem, *d. l. 29. in prin.* Et hac in recte fit comparatio legatorum cum portione hereditatis, *d. l. quod si alterutro*. Et jure etiam

novò,

novo, id est, per legem Juliam & Papiam, etiam portionem accrevisse coheredi excluso fisco, cum onere legatorum. Coniunctio excludit eadum, sicut substitutio. Coniunctio est tacita substitutio. Et hæc genera accessionum significantur in *disj. si coheredis verbo vindicaverit*, si portionem oneratam vindicaverit, quod sc. defecerit vivo testator, vel ante apertas tabulas. Hanc enim vindicaverit cum onere, & ideo separatim in ea posuero rationem legis Falcidie, quamvis pars mea sit integra & quadranti par. Et hoc idem etiam demonstrat verbum vindicare, l. 5. in fine, de vulg. substit. cum ait, si per legem, scilicet Juliam Papiam. Igitur non est verum, quod quidam scribit, in d. 5. si coheredis, nihil referre, quia ratione portio onerata accedat integræ. Imo vero refert maxime, secundum jus, quod obtinuit ante constitutionem Severi. Et de eo Cassius & Proculus disputare tantum potuerunt in portione deficiente, non in repudiata, vel omnia. Quod valde notandum est.

Ad L. VII. Si tabulæ testamenti nullæ exstabant unde liberi.

Scripto herede deliberante filius exheredatus mortem obit, atque ita scriptus heres omisit hereditatem: nepos ex alio filio susceptus, avo suo heres exstitit: neque pater videbitur obstitisse, cuius post mortem legitima defertur hereditas: nec dici potest: heredem, sed non suum nepotem fore, quod proximum gradum nunquam tenuerit: cum & ipse fuerit in potestate, neque pater eum in hac successione prævenit. Et alioquin si non suus heres est, quo iure heres erit, qui sine dubio non est agnatus: Ceterum & si non sit exheredatus nepos, adiri poterit ex testamento hereditas a scripto herede, filio mortuo. Quare, qui non obstat iure intestati, iure testati videbitur obstitisse.

Pertinet hæc lex ad ius legitimarum hereditatum. In legitimis hereditatibus prima ex causa fuorum heredum, l. 1. de hered. quæ ab intest. Suorum appellatio est ex 12. tab. l. liberorum, de verb. sig. ex iure civili, l. cum ratio, de bon. damnat. ut in illo loco 12. tab. Si intestatus moritur, cui suus heres non exstat. Et ratio appellationis hæc est, quia liberi vivo parente quodammodo domini existimantur, atque adeo parente mortuo continuationem dominium potius, quam hereditatem adipiscit, suam quodammodo hereditatem adipisci, suamque bona & suos sibi heredes esse. Et ita de eadem continuatione domini Paulus in l. 11. de lib. & postum. & 4. Senten. In suis hereditibus a morte testatoris rerum hereditariarum dominium continuari. Si igitur vivo parente quodammodo videntur esse domini, & sui ipsius videntur heredes esse mortuo parente: & quidem alii legitimi heredes veluti agnati, qui ex transverso sunt sive ex latere, licet dicantur quasi venire ab bona propria, l. 1. §. largius, de success. edic. tamen sui heredes non dicuntur, quia ut est in d. l. 11. continuatio domini evidenter apparet in liberis, qui heredes sunt, quam in agnatis, & ardentiori voto optamus liberos nobis heredes esse, quam agnatos, faciliusque vivi liberis nomen domini cedimus, ut ait Laetia. Inst. quam agnatis, atque ideo liberos suos heredes appellamus. Ceteros appellamus alienos, extraneos, licet sint agnati. Sui autem aut sunt naturales, aut non naturales. Non naturales, ut adoptivi, & iure veteri uxor, quæ convenit in manu viri matrimonii causa, uxor, quæ in manu est viri, sua heres est viro iure veteri, quia filius loco est, vir loco patris, & viri filius suæ matri sive novercæ, est loco fratris, & illa loco sororis. Item nurus, quæ est in manu filii iure veteri sua heres est, quia nepos loco est ex iure veteri. Et similiter pronurus, quæ est in manu nepotis, sua heres est, quia proneptis loco est. Sed hoc ius in defunctum abiit. Naturales autem sui heredes sunt liberi ex iustis nuptiis progenerati, vel etiam ex iniustis, si per errorem contractæ sint, & erroris causa probata fuerit ex l. Elia Sentia, ut intelligitur ex fragm. Ulp. Caij & Pauli. Namque hæc erat vetus ratio nondum nobis patefacta quondam faciendi filii legitimi, & faciendi quoque patris legitimi. Nec enim ulla ratione fit filius legitimus, quin & pater fiat legitimus pater. Inter civem Romanum, aut

peregrinum aut Latinum, vel e contrario, non erant iustæ nuptiæ, sed si contractæ essent per errorem, & erroris causa probata esset concilio, ex l. Elia Sentia confirmabatur status liberorum & parentum, id est, filii fiebant legitimi, & patres legitimi, ac donabantur civitate. Qua ratione etiam videmus hodie, & ob erroris causam etiam, incestos filios fieri legitimos, confirmari eorum statum, confirmari statum parentum, confirmari nuptias, & plerumque non dissolvi, nec puniri incestum si accrisimus error fuit, ut in l. qui in provincia, §. ult. de ritu nupt. l. si adulterium, §. incestum, de adult. l. 4. C. de incest. nupt. veniam dari errori accrisimus, non affectato insimulatoque. Nam omnes libri veteres habent in d. l. 4. accrisimus, ut apud Priscianum, *canis malus celeris finis advocat Hecior*, & apud Charisium, *equum celerissimus*. Sui heredes igitur sunt liberi ex iustis nuptiis progenerati, vel sui sunt liberi legitime concepti, vel qui facti sunt legitimi, & civitate donati causa probata ex lege Elia Sentia, vel hodie, qui alia quacunque ratione facti sunt legitimi: nam jus novum protulit varias rationes faciendi legitimi filii patrifque, vel etiam filii adoptivi, qui sunt sui, non naturales, quos sc. in potestate habemus. Sed nondum est satis ad constituendam definitionem suorum heredum. Nam si filium, nepotem, &c. habeam in potestate, & sint omnes legitimi, omnes mihi non sunt sui heredes. Quare in definitione addendum est, *quos vero gradu præcedit*, id est, qui proximum gradum in linea liberorum obtinent, l. 4. §. 1. de bon. pos. contra tabul. Et addi etiam oportet, *hereditatis nostræ deferenda tempore*. Et perfecta hæc erit definitio. Sui heredes sunt liberi legitimi, qui sunt in potestate morientis, & primum gradum obtinent tempore delatæ hereditatis: quæ definitio eruitur omnino ex hac l. 1. Nam si moriente patre intestato, in ejus potestate fuerit filius, & nepos ex eodem filio, filius suus heres erit, quia nepotem gradu præcedit, & nepoti obstat, iuxta id quod Paulus ait 4. Sent. parentes liberis, cum quibus in potestate fuerunt, ipso ordine successionis obstitere. Sed quæ est species hujus leg. 7. si filius exheredatus sit, nepos silentio præteritus, extraneus scriptus in testamento, & post mortem patris etiam moriatur filius deliberante herede scripto, deinde heres scriptus repudiaverit hereditatem, nepos hoc casu avo intelligitur suus heres esse ab intestato, cum defertum sit testamentum, & repudiatum ab herede scripto, quia est mortis avi tempore, eum præcesserit filius, tamen tempore delatæ hereditatis, id est, eo tempore, quo scriptus repudiavit, eum filius non præcessit, qui iam mortem obierat. Et id etiam ostendit l. 9. §. si filium, de lib. & post. l. 1. §. sciendum, de suis & legitimis, l. si quis filio, de injus. rupt. test. l. ult. in fin. de condit. inst. ut ibi exposui: est enim Papin. lib. 13. quæst. & §. cum autem, Inst. de hered. quæ ab intest. Nec enim spectamus hoc casu, quis fuerit proximo gradu tempore mortis testatoris, sed qui tempore fuerit proximo gradu, cum certum esse coepit neminem ex testamento heredem fore, veluti repudiato & defuncto testamento, vel rupto, vel defecta conditione institutionis. Et verba x. i. tabul. si intestatus moritur referimus non tam ad tempus mortis, quam repudiatæ hereditatis testamentariæ, quia primum defertur hereditas legitima ab intestato, & in ea invenitur proximior nepos. Ergo suus heres est, nec ei obstitit filius, quamvis eum præcesserit. At e contrario, in eadem specie, si post mortem testatoris, ac etiam filii scriptus heres adierit hereditatem, an dicemus testamentum rumpi, aut ruptum esse propter præteritionem nepotis? an, inquam, quasi præteritio nepotis ruperit testamentum, dicemus inanem esse additionem, & nepotem admitti ab intestato? Quod negat Papin. quia nepos sui heredis locum tempore mortis avi non tenuit præcedente filio, nec nepoti satisfieri oportuit in testamento eo instituto, vel exheredato, sed filio tantum: & filio satisfactum est per exheredationem quæ effectum habuit adia hereditate patris. Scripti igitur, qui adit potior est causa, quam nepotis, & præteritio nepotis non rumpit testamentum. Hodie tamen ex constitutione l. si quis filium, C. de inoffic. test. ex persona filii, patris

l. bona, §. quod si filius, de capt. & postl. Sed si ibi moriatur pater, fictio legis Corneliae facit, ut filius defunctus primum in civitate intelligatur paterfam. decessisse, & heredem habeat proximum agnatum, quasi praemortuo patre, tamen si, quandiu vixerit pater, in plenum liberatus non fuerit patria potestate, quia pependit jus filii patrisque propter spem postliminii. Paterfam. est, qui liberatus est potestate patria, vivente patre apud hostes, non dum appareat an liberatus sit patria potestate: non dum est igitur in plenum ea liberatus, & tamen si ibi moriatur pater, fingitur filius supervivisse patri, & quasi morte patris sui juris effectus fuisse, ac ita habiturus est heredem legitimum. Et ait Papinianus, *credendum est eum patrem decessisse propter fictionem scilicet legis Corneliae: ait, credendum est, in re ficta, ut l. retro, & in l. in bello, §. si quis, de capt. & postl. l. Titio centum, in princip. de condit. & demonst.* Quia plerumque falsum aut fictum est, quod credimus. Et ideo in comodiis dicenti, *gaudeo*, responderi solet, *credo*, quia multi gaudere se significant cum debeant gratulari: cum maxime doleant non responderetur, *scio*, sed *credo*. Sic igitur in fictionibus juris saepissime usurpatur verbum *credo*, quod scilicet pater postliminio redeat, mortuo jam filio, filius intelligitur filiusfamil. decessisse, & bona quae medio tempore acquisivit stipulatione, vel traditione, vel legato, (nam hereditate non potuit, quandiu pater vixit apud hostes, *d. §. si quis capt.*) non potest adire hereditatem, qui est incerti status. Igitur bona, quae alia ratione acquisivit interim, ea omnia pater occupat jure peculii, & nepos quoque ex eo filio natus medio tempore, sit in potestate patris reversi ab hostibus propter fictionem postliminii, quia retro fingitur in civitate mansisse, nec venisse unquam in manus hostium. Haec duae fictiones sunt frequentissimae in jure nostro, fictio l. Corneliae, & fictio postliminii, quae efficiunt, ut credamus multa, quae sunt falsa. Et observandum est in hac *l. pen. Papinian.* *postliminium* appellare, & quasi definire suspensi juris constitutionem, quia species postliminii suspendit jus filii, patrique, si vel hic, vel ille sit captivus: suspendit jus omne captivi, eorumque jus, qui in ejus familia sunt, non arumpit, *l. illa institutio, §. i. de hered. instit.* Et eventus, id est, reditio omnia jura reitituit in integrum. Et hoc est quod ait in hac *l. pen.*

Ad L. pater instituto 10. & 11. ff. de capt. & postl. reversi.

Pater instituto impuberi filio substituerat, & ab hostibus captus decessit: postea defuncto impubere legitimum admitti quibusdam videbatur: neque tabulas secundas in ejus persona locum habere, qui vivo patre sui juris effectus fuisset. Verum huius sententiae refragatur juris ratio: quoniam si pater, qui non rediit, jam tunc decessisse intelligitur, ex quo captus est: substitutio suas vires necessario tenet.

§. i. Si mortuo patre capitur impubes institutus, vel exheredatus, in promptu est dicere, l. Corneliae de tabulis secundis nihil locutam, ejus duntaxat personam demonstrasse, qui testamenti factionem habuisset. Plane captivi etiam impuberis legitimam hereditatem per legem Corneliae decessit: quoniam verum est, ne impubere quidem factionem testamenti habuisse. Et ideo non esse alienum, pretorem subsequi non minus patris, quam legis voluntatem, & utiles actiones in hereditatem substituto dare.

Lex 11. Quod si filius ante moriatur in civitate, nihil est, quod de secundis tabulis tractari possit: sive quoniam vivo patre filiusfam. mori intelligitur: sive quoniam non reverso eo, exinde sui juris videtur fuisse, ex quo pater hostium positus est. Sed si ambo apud hostes, & prior pater decessit: sufficit lex Cornelia substituto non alias, quam si apud hostes patre defuncto, postea filius in civitate decessisset.

Quaestione tractemus l. 10. de capt. & postl. rev. quam postrema recitatione dixi esse conjungendam cum his, quae tractavimus in l. 7. §. ult. si tab. testam. nul. & l. pen. de suis & legit. Et conjungi debet hoc modo: in bonis, quae patri non adquiruntur, patri praeferi libe-

ros filiosfam. quamvis in ejusdem parentis potestate sint, eique filios. liberos ab intestato legitimos heredes esse in ejus bonis: his autem bonis, quae patri adquiruntur, patrem praeferi omnibus, ut vivo, ita mortuo filiofamil. & eum, qui filiusfam. moritur vivo patre, neque ab intestato, neque ex testamento heredem habere posse, sed quod is acquisierit patrem tenere quasi peculium, non quasi hereditatem; denique in eis eum, qui filiusfam. moritur, neque ab intestato, neque ex testamento habere posse, quia in causa testati, & in causa intestati lex 11. tabul. qua obveniunt hereditates cum legitimis, tum testamentariis, loquitur de patre, non de filio. In causa testati his verbis: *pater, uti legasset, &c.* In causa intestati: *pater, si intestato moritur, cui suus heres non exstabit, &c.* Si filiusfamil. ex testamento heredem habere non potest, ergo nec ex substitutione pupillari, quia testamentum est filii impubere, quod valet, si morte patris factus sit paterfam. & postea decesserit impubes: irritum fit: si filiusfam. decesserit vivo patre. Ex his principis constat ratio legis 10. & 11. Sed repetendum est etiam breviter, quod dicemus ex *l. pen. de suis & legit.* Si vivo patre captivo filius moriatur, postea reverto patre, filius intelligitur decessisse filius. & heredem nullum habet, nec ab intestato, nec ex testamento, vel principali, quod ipse fecit interim, vel pupillari quod ei fecerit pater ante captivitatem. Mortuo autem patre apud hostes, filius, qui ante decesserat, intelligitur paterfamil. decessisse, factus scilicet sui juris mortuo patre, quem lex Cornelia fingit praedecessisse, atque ideo hic filius habiturus est heredem, vel ex vivo testamento, si pubes fuerit, & testamentum fecerit: vel ex pupillari substitutione, si impubes fuerit, & impubes decesserit, eique pater ante captivitatem substituerit: vel nullo facto testamento, habiturus est legitimum heredem, & quod medio tempore adquisierit, post captivitatem patris pertinebit ad heredem legitimum filii, non ad heredem patris. Quae est sententia, *d. l. pen. & l. proponatur, §. ult. de pecul. capti.* Cui obstat vehementer, quod omiseram, *lex bona, §. quod si filius, h. i.* quae ait, filium captivi, quod interim acquisivit, patre mortuo apud hostes, sibi acquisisse videri. Et sequitur perperam in ea lege, quod pugnat cum superioribus, *Et si filius vivo patre decesserit, post pater decesserit apud hostes, quod filius quaesierit medio tempore, pertinere ad heredem filii, quod est absurdum, ut quod filio quaesitum est, non pertineat ad heredem filii. Et ut etiam Accursius ipse praesentit in d. §. est legendum, nec si vivo patre decesserit, ad heredem patris pertinebit: quandoque pater decesserit apud hostes, non pertinebit scilicet ad heredem patris defuncti apud hostes, quod interim filius adquisierit. Nunc proponamus speciem l. 10. & explicemus quaestionem totam facillime, quae plerique videtur difficillima. Ego aliquando desperavi, me posse venire ad intelligentiam ejus l. 10. & 11. praecipue. Finge: pater filio impuberi instituto vel exheredato substituit in secundum casum, substituit pupillariter: deinde captus est ab hostibus, & decessit apud hostes: post mortem patris filius decessit in civitate impubes: nam pubertate finitur substitutio pupillaris; an valet substitutio pupillaris? Sane valet, quia fictione l. Corneliae jam tunc filius intelligitur morte patris sui juris effectus, ex quo captus est pater: substitutio pupillaris valet in eo, qui morte patris sui juris efficitur, sit sui juris, & post moritur impubes. Et ita definit Papinian. initio hujus legis, & Julianus in l. lex Cornelia, §. i. de vulg. substit. Quidam dicebant, non valere substit. pupillarem isto casu, & habiturum filium heredem legitimum, non substitutum. Et utebantur hac ratione, quia vivo patre sui juris effectus est, & substitutio pupillaris in ejus tantum persona consistit, qui fuit in potestate morientis patris, *l. coheredi, §. cum filia, de vulg. substit.* Sed refellitur haec ratio alia ratione, quia vivo patre non in plenum sui juris effectus est, ut dixit Papin. *d. l. pen.* Imo morte patris sui juris videtur factus ex l. Corn. quae fingit, mortuum patrem eo ipso momento, quo captus est, quae fingit, mortuum esse, qui vixit eo momento, ac etiam facti diu post, vi-*

vas habetur pro mortuo. Igitur valet substitutio pupillaris, quia non vivo patre, sed morte patris videtur filius pater factus, qui post decessit impubes. Et hoc est quod ait in 1. parte l. 10. *jam tunc*, &c. si reuersus fuisset pater, non in captivitate decessisset, postea mortuo filio vivo patre certissimum esset, non valere substitutionem pupillarem, quia vivo patre filius decessit sine ullis bonis: cuius nulla sunt bona, ejus nulla hereditas est, & cuius nulla hereditas, nullus est heres. Et hoc si, ut posuimus, premoriatur apud hostes, deinde filius in civitate ante pubertatem. Quæro quid sit dicendum, si filius vivente patre adhuc apud hostes decesserit in civitate impubes, si premortuus fuerit filius? Et ex l. 11. quæ sequitur, in priori parte, quæ est coarctanda priori parti l. 10. & est ejusdem Pap. ex lib. 31. ostendit, idem juris esse etiam hoc casu, & hoc maxime casu, id consistat inter omnes, ut scilicet reuerso patre non valeat substitutio pupillaris, quia filius intelligitur decessisse filius vivo patre propter fictionem postliminii: mortuo autem patre apud hostes, ut valet substitutio pupillaris, quia pater fuisse intelligitur, etiam si prior decesserit, morte patris, quæ fingitur anterior sui juris effectus, quia mors patris, licet sit posterior, fingitur fuisse prior lege Cornelia. Et fictio legum veritate potentior est. Nihil igitur refert, filius decesserit post, an ante mortem patris: sed ut prior casu premortuo patre Papin. rejicit in l. 10. eorum sententiam, qui admettebant legitimum, non substitutum: ita posteriore casu, id est, premortuo filio rejicienda est sententia Accursii in l. 11. & in d. l. pen. admittentis legitimum, non substitutum: substitutus enim præfertur legitimo, quia substitutio suas vires tenet. Et quod ait l. 11. premortuo filio nihil esse, quod de secundis tabulis tractari possit, non hoc est, irritas esse secundas tabulas, sed rem esse certam, ut reuerso patre non valeant secundæ tabulæ, mortuo autem patre valeant, tractationem esse rei difficultis & controversæ, non rei certe atque confectæ. Et est quod ait l. 11. quod si filius, &c. id est, constat inter omnes non valere reuerso patre, valere non reuerso: *hæsitum potius est per senatus*, ut Lucræ. *moris l. ubi hæsitum potius*. Et ita ut nunc tractare incipiamus de filio capto ab hostibus, quandoquidem hæcenus satis est dictum de patre capto, si mortuo patre filius captus sit ab hostibus, ibique decesserit impubes, cui pater substituerat, similiter possit dici, legitimum admitti non substitutum, hoc colore siue prætextu, quod lex Cornelia videatur eorum testamenta confirmare, qui testamentaria fictionem habuerunt, quam impubes non habuit. Id rejicit Papin. in §. leg. l. 10. hac ratione contraria atque fortiori, quia si lex Cornelia impuberis legitimam hereditatem confirmat, nulla facta substitutione, & habet pro intestato impubere, qui tamen testamenti fictionem non habuit, l. 1. §. 1. de suis & leg. l. bona, in pr. hoc t. & pro intestato quoque impubere cum habet, si ei testamentum fecerit pater. Igitur ex mente leg. Corn. & voluntate patris, qui substitutum venire voluit, æquum est, hoc etiam casu prætorem dare substituto utilem petitionem hereditatis, quod idem ostenditur in l. lex Cornel. §. sed si potest, de vulg. substit. Ubi est manifestissimum illo loco: *Quare est puer*, legendum esse (impubes) non puer, quod & sic initio §. leg. l. 10. ait, mortuo patre capto impubes, &c. Hoc proponitur in contrarium quasi verum, quod posset tentari quasi verum, sed refellitur statim his verbis, *quantquam*, non *quoniam*, ut alias demonstravi his verbis igitur plane, ubi etiam plusquam manifestum facit superior interpretatio esse legendum, *quantquam*, non *quoniam*, hoc loco ait, non esse alienum, & d. l. lex Corn. non incoincunde dicit, quod omnino congruit cum hoc loco, lege Cornel. dari utiles actiones, non directas: quia jure civili, id est, ex xii. tab. ejus, qui apud hostes decessit, nulla est hereditas, & captivitate filii impuberis irritæ factæ sunt secundæ tab. sed l. Cornel. confirmantur, contra l. 12. tab. Notandum etiam ex hoc §. ult. prætorem sublequi voluntatem testatoris, eundem esse, non everterem testamentorum, §. scilicet, §. si sub condit. ad Trebell. esse absurdum, prætorem plus tribuere fideicommissario, quam voluerit testator: idem prætorem suble-

qui voluntatem legis Cornelia, sublequi jus civile, ut ait l. scio de testib. & custodiam igitur esse prætorem testamentorum, custodem legum. Et §. quidem hic ult. loquitur de filio impubere capto mortuo patre. Et sane hoc casu substitutio pupillaris non valet, quia filius intelligitur decessisse vivo patre, nullis bonis in civitate relictis, nec ad hunc casum porrigi potest lex Cornelia: nec enim potest lex Cornelia efficere, ut tuus nulla est hereditas, id est, cuius nulla bona fuerunt in civitate, ejus sit heres aliquis. Lex Cornelia & hereditatem & heredem facit, ut ait l. filiusfamilias, ad l. Falcid. Utrunque scilicet simul: Nam heredem certe non facit absque hereditate. Nulla autem sunt bona filii familias vivo patre mortui, aut quem æquequus esse mortuum vivo patre: captus est vivo patre, ergo mortuus si non redeat: captivitas mors est. Itaque patris hereditas pertinet ad heredem patris, ad proximum agnatum ex xii. tab. non ad filii substitutum ex l. Cornel. quæ deficit hoc casu. Et ita definitur in d. l. lex Cornelia, illo loco, quo dixi apertissime liquere, esse legendum, *quare est impubes*. Expolui duos casus, quorum altero solus pater captus est, altero solus filius. Restat tantum tertius, si uterque captus sit, pater & filius, & liquidum etiam uterque ibi decesserit, nec redierit aut redire possit, licet pater prior decesserit substitutio pupillaris non valet, quia is filius nulla unquam bona habuit in civitate: sed si pater mortuo apud hostes filius reuersus postliminio in civitate decesserit impubes, substitutio pupillaris valet perinde ac siambo decessissent in civitate ex l. Cornelia, æque ita prima tab. subsuntur l. Cornel. ergo & secundæ. Nam si non valerent primæ, nec consisterent secundæ. Et hoc est quod ait in posteriori parte legis undecimæ: *Si ambo apud hostes sint*, id est, si pater & filius capti sint ab hostibus, & prior pater ibidem decessat, non alias sufficere legem Cornelianam substituto, &c. *bræ* *trō* *hōus* *apocōpōus*, id est, non aliter legem Cornelianam pertinere ad pupillarem substitutionem (Sufficere dicitur, quæ non deficit) quam si post mortem patris reuersus filius in civitate decesserit, hoc etiam casu substitutio pupillaris filio decedente impubere valet. Alioquin si uterque decesserit captivus, substitutio pupillaris non valet. Nihil habentis substitutio non valet: quod proponitur in l. si pater captus, de vulg. substit.

Ad L. XXVII. de Donat.

Aquilius Regulus juvenis ad Nicofratum rhetorem ita scripsit: Quoniam & cum patre meo semper fuissem, & me eloquentia & diligentia tua meliorem reddidisti, dono & permitto tibi habitare in illo cœnaculo, eoque uti. Desunctio Regulo, controversiam habitationis patiebatur Nicofratem, & cum de ea re mecum contulisset, dixi, posse defendi, non meram donationem esse, verum officium magistri quoddam mercede remuneratum Regulum. Ideoque non videtur donationem sequentis temporis iniuriam esse. Quod si expulso Nicofratem veniat ad iudicem: ad exemplum interdicti, quod fructuario proponitur, defendendus eris: quia si loco possessoris constitutus, qui usum cœnaculi accipit.

Proponitur in hac lege brevis epistola Aquilii Reguli ad Nicofratem Rhetorem, præceptorem & magistrum suum in arte dicendi, qui ut hodie sciunt omnes ex Suida floruit ætate Papiniani sub M. Antonino Imperatore, & Rhetor cum esset, non jurisconsultus, ut ex hoc loco apparet, de jure consuluit Papin. retulitque elegans responsum, quo causam suam tenuit, ut probabile est. Verba epistolæ hæc sunt: *quoniam* & cum patre, &c. videtur esse donatio, non tam quod dicat, dono: nec enim hoc verbum semper donationem facit, ut constat ex quodam loco l. sed addet, loc. sed quod ei gratis habitare permittit in cœnaculo ædium suarum. Namque hoc modo videtur ei donare id quod pro habitatione non solvit, & in adiuv. in princ. h. r. Et brevitas epistolæ non vitiat donationem, si aliquid C. cod. Donatio autem hodie quidem perficitur nudo consensu, ut emptio venditio, ex constitutione Iustin. non

facis æqua, quoniam juris auctoritas mos est vetustissimus, ut donationes non facile admittant, non temere approbent. Sane ex jure veteri ex l. Cincia, quæ fuit de donationibus, & ob id dicta est lex muneralis a Plauto, ex illa lege, ut dicitur in Nov. 162. donatio perficitur re, non consensu solo, non consensu, non nuda voluntate, nisi inter parentes & liberos ex cons. D. Pii, l. 4. §. 5. & 7. C. Theod. de donat. non perficitur nuda ratione, ut si quis donandi animo referat in rationes suas, se debere aliquid Titio, nulla donatio est: nuda ratio non facit donationem, quod proponitur in l. quæ præcedit: quia nuda ratio non habetur pro traditione. Retentio usufructus, quæ hodie in omnibus causis tantum potest, quantum traditio, quæ vim & effectum traditionis habet, in donationibus non habebatur pro traditione, l. pen. C. Theod. de donat. Hodie etiam retentio usufructus in donationibus habetur pro donatione, & eo quoque genera perficitur donatio, quasi is qui retinet usufructum in re sua, quem nemo habet in re sua, sed in re aliena, quia nemini res sua servit, is videtur eam recte facere alienam traditione ficticia, in qua retinet usufructum l. quisquis, l. si quis argentum, §. sed si quidem, C. hoc tit. Est etiam in servitutibus patientia pro traditione, quia servitutibus tradi non possunt corporaliter, non possunt tangi aut cerni: sed patientia est pro traditione. Si dominus pariat alium in re sua uti servitute aliqua, patientia est pro traditione, & cessio & permissio, l. 3. de usufr. l. si ego, §. 1. de Public. in rem act. l. 1. §. ult. de serv. rust. præd. ubi inquit Jurisconsultus, traditio, hoc est cessio, si quis dicat, se cedere servitutem illam vel illam, & patientia & cessio servitutem inducit: officium prætoris nempe hoc efficit, ut eum, quem dominus patitur uti servitute veluti usufructu, usu, habitatione, prætor tueatur quasi possessorem, data exceptione, & data etiam actione Publiciana, si forte ceciderit possessione, d. l. si ego, §. 1. C. l. si actione, si serv. rust. Arque etiam dato interdicto quali possessorio, veluti uti possidetis, vel unde vi, quod constat dari fructuario & usufructuario, l. si ego, §. 1. de usufr. l. 3. unde vi, l. item si non, l. si plures, §. de usufr. de vi & vi arm. Ergo exemplo fructuarii & usufructuarii, dabuntur etiam hac interdicta veluti possessoria Nicoftrato in hac specie, cui est permissa habitatio conaculi, cui habitatio & usus conaculi pene idem est. Is igitur cui cessa est, aut permissa habitatio, pene usufructus est, in plerisque usufructuario comparatur, nisi quod habitatio non amittitur capitis diminutione, vel non utendo, usus amittitur utrumque tamen jus finitur morte ejus, cui concessum est jus habitandi. Et hoc est quod dicitur habitationem & usum ædium pene idem esse, l. 32. de usufr. l. 10. de usu & habit. Et rursus hoc est, quod Papin. ait in fine hujus l. Nicofstratum expulsum ab heredibus donatoris, esse tuendum quasi possessorem, ad exemplum interdicti, quod datur fructuario vel usufructuario, puta dato interdicto unde vi, vel si alias inquietetur, dato interdicto uti possidetis. Donatio autem Nicoftrato facta per epistolam, quod fit recte, l. 5. & 13. C. cod. tit. l. Lucius, inf. h. l. Nam & traditio, vel quasi traditio recte fit per epistolam in l. prædica, de acq. poss. Traditio non tantum fit re, id est, naturali apprehensione, sed etiam verbo, l. quod meo, §. si vendit, de acq. poss. & literis five epistolis, d. l. prædica, sed exigitur, ut donatarius, ad quem scripta est epistola, eam acceperit, & liberalitatem agnoverit, ac amplexus fuerit, hoc est gratiam habuerit, nec enim intelligitur donatio sine acceptione. Et recte l. 8. de bon. lib. si patrono, inquit, liberis donavit, ille accepit. Et hoc est, quod dicitur, donationem non fieri, ut supra, l. 15. C. de sacrosancti. Eccles. & Gallice, donner & recevoir ne vaut au consumier de Champagne, titre des donat. art. 1. At quærebatur in specie hujus legis, an ita Nicoftrato donata habitatione, & usu conaculi in ædibus Aquilii Reguli civis Romani, an, inquam, defuncto eo donatore, heredes ejus donatoris Nicofstratum expellere possint conaculo? Dubitationem faciebat, quod Scævola ait in l. Lucius, inf. h. l. in qua proponitur, quandam per epistolam donasse euldem gratuitam habitationem superioris conaculi, vel superioris diætæ, ut ait donatario se concedere superioris diætæ habitationem; se concedere

A habitationem superioris partis domus suæ, quandiu vellet donatarius: quandiu volueris, utaris gratuito superioribus diætis adum mearum. Post mortuus est donator, quæritur, an heredes ejus possint donatarium prohibere habitatione? Et respondet, posse: posse expellere habitatione donatarium. Fuit Scævola peritissimus juris. Et hoc ita respondit ex ipso jure, nempe ut opinor ex lege Cincia, quæ modum imposuit donationibus certum, de quo agitur in l. cum de modo, & l. ut mihi, l. fideiussori, h. l. Nec enim permisit donare in infinitum vel immodicum, exceptis certis quibusdam personis, l. contra de legi. In qua etiam fit nominatim mentio legis Cinciae. Atque etiam de ea lege Cincia ex pluribus causis infregit donationes, ac redditit inutiles, l. 1. §. 1. quibus mod. pig. Denique donationes restrictius accepit, & ipse Scævola & accipere libenter inhibuisset, deinceps etiam Jurisconsulti omnes & Imperatores. Nam & in donationibus exigunt actorum confessionem, sive insinuationem, & ex facili eas infirmant. Inter cetera hoc jus fuit ut constat ex d. l. Lucius, ut donato vel gratis concessio usui conaculi, vel diætæ habitandi causa, non cogatur heres donatoris eum ferre inquilinum vel habitorem, nisi aliud dictum sit, nisi nominatim evertit donator in instrumento donationis, ut inquam, non cogatur ferre eum inquilinum, etiam si dictum sit, ut quandiu vellet habitaret, ut d. l. Lucius, quoniam id ita restringitur, quandiu vellet vivo donatore. Cum igitur de herede suo donator fecerit mentionem, non cogetur heres ejus eum ferre inquilinum, sed poterit eum expellere. Et hac ratione moti heredes Aquilii Reguli Nicoftrato faciebant controverfiam, quin imo abire & migrare jubebant. Et Papin. refert hoc loco, Nicofstratum fecum ea de re contulisse, ut loquatur etiam Plinius 4. epist. Consulit, inquit, cum prudentibus. Et refert Papin. Nicoftrato respondisse, non valere quidem eam rem mortuo donatore, vel donationem, nec ab initio fuisse meram donationem, sed remunerationem. Sæpe fit, ut quod non valet ut donatio, valeat ut pactum, l. 1. §. 1. quibus mod. pig. vel hyp. solv. Emptor venditori pignus dedit pretii nomine; deinde venditor donavit pretium emptori: mortuo donatore constitit inutile esse donationem, an pignus valet? minime: quia donationi inutile inest pactum, & constat pacto solvi pignus: non valet res ut donatio, id est, nulla est remissio pretii: integra est petitio pretii, sed petitio pignoris non est integra. Et ita etiam l. Modestinus, h. tit. si creditor remisit usuras futuri temporis, aut minuerit, hæc res valet ut pactum, & petenti usuras obstat exceptio pacti, neque exigetur hæc res ad modum donationis: alioquin esset plerumque inutilis, si esset immensa quantitas, aut immodica usurarum. Igitur ut ea lex ait, in ea donatione usurarum nihil vitii potest incurrere ex modo legis Cinciae, ex summa quantitas, quia res æstimabitur ut pactum. Et ita etiam in specie hujus legis nostræ, res æstimatur non ut donatio mera, sed ut remuneratio, quia & verius remuneratio est, quasi merces doctrine, sive minervæ, aut permutationis genus quoddam, sive dyadema, l. sed est lege, §. consulat, de hered. pot. Male objicitur huic legi lex Lucius. Nam tantum abest, ut Papinian. dissentiat a Scævola, ut maxime probet, quod est scriptum in l. Lucius, sed respondet ita, hoc non fuisse donationem meram, sed remunerationem præceptorum, quam utique non oportet accipi restrictè, quia & ad eam non pertinet legis Cinciae modus aut rigor. Licet enim præceptori donare in infinitum, non servato modo legis Cinciae: quia doctrina certo modo non æstimatur. Ita etiam in specie l. si pater, §. ult. h. t. si me liberaveris a latrunculis vel ab hostibus, sive eriperis, & pro eo tibi donavero aliquid immodicum & immensum, donatio valet, est irrevocabilis, quia non tam est donatio quam remuneratio, & merces eximii laboris, quod vim eriperis, non certo pretio, & contemplatio illa salutis non potest æstimari certo modo. Itaque ad eam non pertinet lex Cincia. Igitur ad meras donationes tantum pertinet, non ad remunerationes eximii & inæstimabilis beneficii. Quare

nec in his remunerationibus hodie infinuatio require- A
retur, quia permutationes potius sunt beneficiorum,
quam donationes. Igitur Papinian. fateretur esse verissi-
mum quod est in l. Lucius, heredem non cogi stare do-
nationi defuncti, qui gratis concessit usum cœnaculi,
vel habitationem, nec de heredibus suis illam mentio-
nem habuit, sed interpretatur hanc legem, ut pertineat
tantum ad meras donationes, non ad remunerationes.

Ad L. XL. de Mortis causa don.

Si mortis causa inter virum & uxorem donatio fa-
cta sit, morte secuta reduciatur ad id tempus donatio, quæ
interposita fuisset.

Nihil est in L. XL. de mortis causa donat. quod non
exposuerim in l. 76. de hered. inst. lib. 15. Donatio B
inter vivos non valet inter virum & uxorem, donatio di-
recta & absoluta: donatio causa mortis valet, quia id tem-
pus excurrit, quo solum erit matrimonium. Sed vi-
dendum est, an mortuo donatore donatio retrahatur: ut
si servus donatus sit mortis causa, an quod retro acqui-
sierit is servus medio tempore, pertineat ad donatarium,
an fundi donati fructus? an ancillæ donatæ partus per-
tineant ad donatarium mortuo donatore? Et distinguen-
dum: aut ita facta est donatio, ut tunc dominium trans-
ferretur in donatarium, cum mortuus erit donator, &
hæc non retrahatur, l. sed interim, l. si is servus, de
don. inst. vir. & uxor. l. 76. de hered. inst. aut ita facta est
donatio causa mortis, ut ex eo ipso tempore valeat,
quo interposita est. Et hæc retrahatur.

JACOBI CUJACII J. C. COMMENTARIUS

In Lib. XXX. Quæstionum ÆMILII PAPINIANI.

Ad L. Si metus LXXXV. D. de Acq. her.

Si metus causa adeat aliquis hereditatem: fiet, ut
quia invitus heres existat, deus abstinendi facultas.

EX Lib. XXX. sunt tantum leges tres. Prima est
lex 85. de acqu. hered. cuius verba sunt, si metus, D
&c. Quemadmodum suis heredibus, qui ipso iure
inviti heredes existunt, prætor dat facultatem
abstinendi, & si abstinerint de bonis, solvuntur om-
nibus oneribus hereditariis beneficio prætoris: nam iure
civili necessarij sunt, l. necessarij, hoc tit. ita voluntarij he-
redibus, puta extraneis, qui non sunt ex familia testatoris,
si forte aliquo casu inviti heredes existunt, ut si metu illato
a creditoribus hereditariis adierint, hoc casu etiam his
prætor dat abstinendi facultatem post aditionem. Et est
sententia hujus legis, & l. si mulier, §. pen. quod mat. cau-
sa. Necessarij autem heredibus veluti servis a domino
heredibus institutis cum libertate, licet inviti hereditatem
adeant, non datur abstinendi facultas. Hi vero sunt
necessarij heredes, qui omni iure necessarij sunt, d. l. neces-
sarij. Non est igitur novum, ut inviti heredes fiant, sunt
ipso iure necessarij, & civili, & prætorio iure: sui civili
iure sunt per prætorem, postulante fideicommissario, ut
sæpe legitur in tit. ad Senatuf. conf. Trebellian. sunt & qui
adeunt metus causa, ut in hac lege, quo genere & inviti
contrahunt nuptias, l. si patre cogente, de ritu nupt. quia co-
acti tandem voluerunt. Denique voluerunt, sed inviti
per se, voluerunt, sed æge, non libenter, non iucunde,
non sponte. Principia necessitatis fuerunt, post prin-
cipia quasi voluntatis, d. l. si patre, ex Celsi lib. 15. Digesti.
Et videtur esse conjungenda cum eo, quod ex eod. libro
Celsi refertur in l. 6. §. ult. hoc tit. quæ obijciunt huic le-
gi, & d. l. si mulier, §. pen. Conjungenda, inquam, hoc modo,
ut sint quidem nuptiæ, si quis eas contraxerit, volens li-
Tom. IV.

cet coactus, non etiam si fallens, id est, simulans se velle,
cum nollit: sicut is, qui volens adiit hereditatem, licet
coactus metu, verbere, vel alio timore, heres fit aditio-
ne, non etiam si fallens adiit. Et ita loquitur Celsus in
dicto §. ult. & notat non male Accur. an fallens adierit,
protestatione præcedente, declaratione habita seriorum.
Et eo iure utimur sæpissime in multis negotiis.

Ad L. XIX. de Manumiss.

Si quis ab alio nummos acceperit & ut servum suum
manumittat, etiam ab invito libertas extorqueri potest,
licet plerumque pecunia ejus numerata sit, maxime si fra-
ter, vel pater naturalis pecuniam dedit: videbitur enim
similis ei, qui suis nummis redemptus est.

His proxime adjiciemus recte, quod eod. lib. scri-
psit Pap. de eo, qui invitus servum suum manumissit, l. 19. de manumiss. Aliquando invito domino ex-
torquetur libertas, sed volenti tandem potius, quam
nolenti, ut si a Titio libero homine nummos acceperis,
non quasi pretium servi; sed veluti eliciendi, aut
promerendi istius beneficii gratia, ut servum tuum ma-
numitteres, invitus manumittis, & poteris compelli per
actionem præscriptis verbis, l. naturalis, §. at cum eo, de
præscript. verb. Quod utique verum est, ut eleganter
Pap. docet hac lege, si Titius non nummos suos sibi
numeraverit; sed nummos tuos, id est, nummos servi
peculiares, modo si Titii intersit servum manumitti,
puta effectus ratione, quod is servus sit ei frater na-
turalis, id est, ex eodem contubernio procreatus vel
filius aut pater naturalis, ex contubernio scilicet pater ci-
vili, est tantum ex iustis nuptiis. Affectus autem ipsius,
quo ducimur omnes erga cognatos, habetur ratio in om-
nibus judiciis: sive sint bonæ fidei, l. cum servus, mand.
sive strictæ, l. 6. & 7. de serv. expor. Et nostra interelle
creditor servum manumitti propter affectionem iustam
& naturalem, licet nihil intersit pecuniariter: denique
interest nostra scilicet, non vere. Et in iudiciis igitur
aliquando admittitur scilicet quædam ratio ejus quod in-
terest. Alioquin si Titii nihil intersit servum manumitti,
cujus manumittendi gratia tibi dedit pecuniam non
suam, sed peculialem servi, non potest te cogere, ut
servum manumittas. Non est autem mirum, si nummis
acceptis pecularibus servi, quos non ignorabas esse pec-
uliares, cogaris eum manumittere, cum si ab ipso ser-
vo acceperis sciens nummos peculiares, atque etiam
tuos, cogaris etiam eum manumittere, ex constit. Di-
vorum fratrum ad Urbium Max. l. 4. hoc tit. l. vix certis,
l. qui se, de judic. Dedit tibi servus tuus pecuniam pecu-
liarem, ut eum manumitteres, non manumittis, mora-
ris, cunctaris: non fiet liber ipso iure, sed extra ordi-
nem interventus prætoris: servus tuus poterit te com-
pelli, & tibi invito extorquere libertatem. Posui ini-
tio, Titium non dedisse nummos quasi pretium servi:
nam si dedit quasi pretium, servus, cui mora fit in præ-
standa libertate, fiet ipso iure liber ex constitutione
Marci & Commodi ad Aufidium Victorinum, l. Paulus
resp. de lib. causa, l. 4. C. si mancip. ita fuer. alien. ut ma-
num. Male Accur. contra ponit, Titium dedisse num-
mos quasi pretium: nam hoc casu non esset compellen-
dus dominus manumittere; sed lex faceret liberum sine
facto domini, non eligeretur factum domini. Constitutio
repræsentat libertatem post moram domini: Illa
constitutio scilicet quæ scripta est ad Aufidium. Ac præ-
terea, si deesset pretium, Titius non solveret recte de
pecularibus nummis: nam pretia oportet emptores da-
re de suo: alioquin non liberantur, d. l. cum servus, mand.
& l. un. si serv. ext. se emi mandav.

Ad L. XII. ad L. Falcid.

Si debitor creditore herede instituto, petisset, ne in
ratione legis Falcidiæ ponenda creditum suum legatariis
reputaret, siue dubio ratione doli mali exceptionis apud
arbitrum Falcidiæ defuncti voluntas servatur.

Ddd 2

Sciën.

Sciendum est, heredem in ponenda ratione legis Falcidiae, in ponenda ratione legatorum & bonorum a defuncto relictorum, prius deducere bonis res alienum. Bonum intelliguntur deductio aere alieno. Deducere autem bonis res alienum, etiam id, quod sibi defunctus debuit, cum creditor debitori heres exstitit: idque reputare legatariis: quamvis creditum sane sit confusum additione: sed confusione tollitur tantum actio, non deductio, retentio, reputatio. Et hoc est propositum in l. 15. §. quod avus, h. tit. l. qui fundum, §. si quis heredem, h. t. l. 6. §. 8. C. cod. l. un. §. igitur, C. de rei ux. act. Et sic vice versa, id quod heres defuncto debuit, cum debitor creditoris heres exstitit, certum est, eum bonis computare, contribuere, communerare, quamvis additione, confusum sit, confusione non tollitur reputatio, l. 1. §. si debitor, §. l. 56. h. tit. Hac sunt certissima principia juris, quae vitiantur in casu proposito in hac l. 12. in qua exponitur unus casus, quo heres non deducit bonis quasi res alienum id, quod sibi defunctus debuit in ponenda ratione legis Falcidiae, puta, si compensandi animo debitor creditorem suum heredem scripsit ea lege ne creditum suum bonis deduceret, & legatariis reputaret, sed id compensaret cum Falcidia: necesse est, ut id caverit aperte. Et hoc ita, si caverit, ut servetur hac voluntas defuncti, legatarii consequuntur, eoque augebuntur eorum legata, hoc, inquam, consequuntur, ut ait, apud arbitrum legis Falcidiae, apud quem inquiritur ratio legis Falcidiae, qui & iudex dicitur, l. cum Titio, h. t. hoc, inquam, consequuntur opposita exceptione doli mali: nam si heres prae-ter Falcidiam velit deducere etiam creditum suum, repellitur exceptione doli mali, per quam certum est forelere compensationem opponi. Aut sane, quod maxime notandum, ratione doli exceptionis, quae hodie facite inest in omnibus iudiciis, ipso iure fiet compensatio crediti cum Falcidia, l. unum ex famul. §. sed si uno, de leg. 2. l. inter, de administr. tut. l. posteaquam, de compensat. Ex observandum maxime Papinian. hoc loco dicere, legatarios hoc consequi, ne scilicet, quod sibi defunctus debuit, heres detrahat bonis, non opposita exceptione doli mali: nec enim necesse est opponi: sed ratione doli exceptio, quae scilicet inest tacite, etiam non opposita: nam in omnibus iudiciis, hodie compensatio fit ex tacita exceptione doli, quae fiebat olim ex expressa. Et est sententia huius legis 12. Finge: Debitor, qui quadringenta habuit in bonis, me creditorem suum heredem scripsit, & oneravit legatis, & cavuit, ut hereditatem suam compensarem cum meo credito: ex hereditate ejus cum effectu percipio Falcidiam tantum, dodrantem ergo legatariis: si tantum mihi debuit, quantum jure Falcidiae percipio, nihil retineo jure crediti, quia creditum testator cum Falcidia pensari voluit, solam Falcidiam retineo, id est, centum: alioquin si id non cavisset testator, retinere centum septuaginta quinque: nam alia viginti quinque inessent quartae bonorum, si plus mihi debuit, quam jure Falcidiae percipio: ut si debuit mihi 150, cum Falcidia sit tantummodo 100, detraham 100, pro Falcidia, & 50, tantum pro superfluo debiti in l. 15. §. cum fideicommissum, h. t. Nam ut ibi ait, compensatio fit tantum ad finem Falcidiae, ad parem quantitatem, ad concurrantem quantitatem, & superfluum debiti detrahitur dodranti. Et male Accurs. & alii, qui quantalacumque Falcidiam sufficere compensationi, Falcidiam centum sufficere credito 100. Nam mens huius l. 12. eadem est, quae §. cum fideicommissum, ut compensentur tantum concurrentes quantitates pari pecunia, pari aere, pari numero, ut etiam in specie d. l. 15. §. quod avus, §. l. cum pater, §. Titio, in prioribus partibus, de leg. 2. nunquam quantalacumque fructus sufficiunt compensationi. Et male, quod proponitur testator cavisse in hac l. 12. ne heres creditum suum reputaret legatariis, his verbis, testatorem non inducisse compensationem crediti cum quadrante bonorum suorum: nam quid aliud agere potest? quid aliud egit, quam ut fieret compensatio? Porro hac voluntas testatoris credit etiam hoc jure non potuit, prohibet palam, l. nemo, de leg. 1. Sed fraudem ei facit quodammodo: nam si tan-

tum sit in credito, quantum est in Falcidia, nihil videtur retinere jure Falcidiae, quandoquidem id, quod retineo jure Falcidiae, jam mihi debebatur. Atque ita hac arte quodammodo inhibetur Falcidia, & fit non male, tamen servanda est hac testatoris voluntas. Igitur si creditor, quem testator heredem scripsit, possit ei succedere etiam ab intestato, puta, quod sit ei proximus agnatus, prudentius fecerit si repudiaverit testamentum, ne fraudetur Falcidia, & possideat hereditatem ab intestato. Et ita suadent juris auctores, ut se ita in hac re gerat, id eum facturum impune, id est, citra metum edicti, si quis omis-
sa causa testam. quia id facit fraudis testatoris excludenda gratia, qui voluit fraudare legem Falcidiam. Et hac est sententia d. l. cum pater, §. Titio, quae confirmatur etiam l. 42. de acquir. hered. l. 6. §. si patronus, de bon. libert. l. Papin. §. quarta, de inoffic. testam.

JACOBI CUJACII J. C. COMMENTARIUS

In lib. XXXI. Questionum AEMILII PAPINIANI.

Ad L. IX. de Stat. hom.

In multis juris nostri articulis deterior est conditio
feminarum, quam masculorum.

EX LIBRO XXXI. quae sunt II. quatuor, e quibus exposui unam nuper, eamque difficiliorum, libro 20. ad leg. 10. de caprio. §. post. rev. leg. 11. scilicet, ejusdem lib. Restant igitur tres tantum, & notae quaedam Pauli in hunc Papinianum librum. Prima erit lex 9. de statu hom. Omitam quaecunque scripsit Accursius in hanc legem, non quod sint ea contemnenda, sed quod sit vobis in promptu ea legere, deterior, inquit, est conditio. Conditio, quantum ex titulo intelligere licet, est status, l. qui cum alio, de divers. regul. jur. status conditionis, l. unus de jure patron. Status etiam ex sexu discrimen aliquod accipit. Et ob id in l. seg. de hermaphrodito, quatuor, cuius sexus aestimari debet, sed sane hoc fit improprie. Nam status proprie non decernitur ex sexu, sed ex conditione libertinitatis, aut servitutis, aut brevius ex statu capitis, & servitutis. Status proprie discrimen non accipit ex sexu. Et tamen ex hac lege 9. §. seg. cernis, sub tit. de statu hominum, agi de discrimine sexus; quamvis uterque ponatur esse ejusdem status, puta mas, & femina liber uterque, aut servus uterque, quem ego abusus vix fero. Quod autem ait, deteriorem esse conditionem feminarum, quam masculorum, hoc natura ipsa constat satis, ut Aristoteles in Politic. 1. rō āp' αὐτῶν ἀνὰ φύσιν τῶν φύσιν, sexum masculum esse meliorem, muliebrem deteriorem, vel, quod naturae artis sit imperare, femine obsequi. Sed prae-ter naturam etiam in multis articulis juris civilis, id est, in multis partibus deterior est conditio feminarum quam masculorum. Jus civile subsequitur naturam, dixerim pene, non in multis, sed in omnibus partibus & juris naturalis & civilis. Nam & in quibus causis melior videtur esse conditio feminarum, puta; quod ex intercessionis causa non obligentur ex Senatusconsulto Velleiano, & quod in poenis paritur, lapsis juris ignorantia succurritur, & generaliter, quod eis non nocet juris ignorantia, quae maribus nocet: in his ipsis apparet deterior conditio mulierum. Cur subvenitur deceptis? Cur ignoscitur lapsis? quia deterior & inbecillior est conditio earum, sed deterior natura, non etiam jure, in his causis. Unde dicemus rectius, in multis causis juris civilis, non in omnibus deteriorem esse causam feminarum: in omnibus sane, si naturam spectas: non in omnibus, si leges, sed tamen in multis leges deteriorem fecere conditionem feminarum aliquanto plus, quam natura. Lege Voconia masculorum

here-

hereditas jure agnationis non pertinet ad feminas ultra confanguinitatem, id est, fratrum legitimorum gradum, femina fratri aut sorori est legitima heres, non filio fratris, non patruo, & tamen filius fratris amittit legitimum heres. Patruus filius fratris est legitimus heres. Non est igitur successio reciproca, quia ad feminas non redit masculorum hereditas ultra gradum confanguineorum, id est, fratrum. In jure semper confanguinei nomine significantur fratres. Unde apparet illorum abusus intolerabilis, qui dicunt arborem confanguinitatis, confanguinitatem accipientium pro cognatione, cum semper accipiatur pro fraternitate tantum, nec etiam descriptio graduum unquam appellata est arbor, nam nec arboris speciem habet ullam. Et de hoc capite legis Voconiz Paulus scribit 4. *Sentent. tit. de intest. success. & intellige de eo §. ceterum, Instit. de legit. agnat. success.* Lege item Voconia non licet feminam heredem scribere, ne filiam quidem unicam, ut aperte scribit Divus Augustinus 3. *de civitate Dei, cap. 21. Nolebant, inquit, divites fieri feminas, sciebant nihil esse intolerabilius divite femina.* Patroni quoque liberi masculi idem jus habent in hereditatem liberti, quam & ipse patronus, non etiam femina, quod constat ex fragmentis Ulpiani, & ex constitutione Græca Justiniani, de jure patronat. Ac præterea filii præteriti, quæ injuria quædam est, nullum facit testamentum patris, non præterito filii: filius nominatim exheredandus est, non etiam filia, quod obtinuit ante Justinianum. Ex, ut ex M. Catone Gellius refert, deprehensam in adulterio uxorem licebat impune necare sine judicio, quod & Nov. quadam permittit contra legem Juliam de adulteriis, quæ hanc potestatem marito omnino non dedit. Uxori autem virum, ut Cato dixit, si adulteraret, jus non erat ne digito quidem contingere. Et constat enim hodie virum non posse accusari adulteri: mulierem posse, l. 1. C. ad leg. Jul. de adult. & præterea uxores viros elugere, non contra l. uxores, de his qui not. infam. & coerceri secundas nuptias mulierum, Novell. 22. Et libertum unum, qui procurat negotia Senatoris masculi non qui feminae, constat habere vacationem tutelarum, l. 15. §. in iudicio, de excusatione tutor. Senatorem, feminam dico, quæ Senatori matrimonio juncta est; nec enim potest femina ingredi in Senatam, & multo minus in secretis consilium Principis, caputque ejus devotum est inferis Senatisculto quæ id esset factura: Lampridius in Hellogabalo. Ex quibus omnibus quæ Accursio addimus, intelligere est, verum esse quod Papinianus ait, in multis, &c.

Ad L. LII. de Adoptionibus.

Nonnunquam autem impubes, qui adoptatus est, audiendus erit, si pubes factus emancipari desideret, idque causa cognita per iudicem statuendum erit.

1. §. Imperator Titus Antoninus rescripit privignum suum tutori adoptare permittendum.

Certum est, patrem naturalem vel adoptivum non posse cogi filium emancipare, quod proponitur in l. 31. nec indiget probatione. Sunt tamen quidam casus, quibus cogitur. Unus est in l. ut si a parente quis man. quo cogitur filium emancipare extra ordinem, ut si sit impius & atrox erga filium, causa cognita & probata extra ordinem cogetur emancipare: alius est in l. si cui legatum, de condit. & demonstr. & alius in hac l. 52. si impubes sit adoptatus, & pubes factus probaverit sibi non expedire adoptionem: nam causa probata cogetur pater eum emancipare, atque ita recipiet pristinum jus. Hoc dicitur de impubere in leg. seq. sed idem procedit in pubere minore xxv. annis, qui se præbuit adrogandum: nam & hic potest restituere in integrum adversus adrogationem, l. 3. §. si quis minor, de minor. adoptionem impubes permittit constitutio Titi Antonini, ut dixi, l. causa, de vulg. & pup. subst. 29. quæst. Nam ante illam constitutionem impubes non potuit adoptari, & ut sub-

A jicitur in hac lege, eam permittit etiam tutori, ut etiam si vellet tutor pupillum suum adoptaret, maxime causa cognita, si affectu paterno ducatur, ut si vitricus datus sit tutor privigno. Est enim sæpe vitricus in privignum animi paterni, l. 15. de neg. gest. Et ideo jure datur tutor privigno, l. ult. C. de cons. jud. tut. Et five sit tutor ex constitutione Antonini, five non sit tutor, privignum adoptat jure. Plinius in ro. Epist. &, inquit, adoptionem a vitrico meruit. Ponendum est, vitricum adoptasse privignum puberem: nam ætate Plinii impubes non potuit adoptari: non solet permitti adoptio ei, qui tutor fuit, ne ratio reddendæ tutelæ cohibeatur, l. nec ei, hoc t. Quæ ratione etiam interdictæ sunt nuptiæ cum ea, cujus tutelam gessimus vel curam, l. pen. de ritu nupt. ne cohibeatur ratio reddendæ tutelæ, vel occasio retrahendæ rationis tutelari intra tempora restitutionis in integrum. Ergo permitti etiam non debet tutori adoptivo pupilli, sed causa cognita permittitur, maxime si vitricus tutor privignum adoptaverit, quia pene patris loco est.

Ad Leg. Quod si filius XL. de capt. & post rev. vide lib. xxix. ad L. X. eod.

Ad Leg. LXXVIII. de Reg. jur.

Generaliter cum de fraude disputatur, non quid habeat actor, sed quid per adversarium habere non poterit, considerandum est.

Non recte videtur concepta hæc regula. Qui actus iam & accuratius acceperit, desiderabit in ea semper aliquid; cum de fraude disputatur, inquit, non consideratur quid habeat actor, qui de fraude sibi acta agit, sed quod sequitur recte, consideratur, quid non habeat, per fraudem adversarii. Sed cur etiam admonuit non considerari, quid habeat actor? Et vulgo quidem proprie hanc regulam referunt ad actiones fraudulentas, quamquam cum sit generalis, possit referri ad omnia judicia, in quibus de fraude queritur vel principaliter, vel per consequentiam. Actiones fraudulentæ sunt veluti Pauliana ob fraudatos creditores: vel Fabiana, aut Calvisiana ob fraudatum patronum. Et si hanc regulam ad has actiones refers, quia sane his proprie convenit, & quia ad eas etiam constat referre legem seq. & ego fateor. Hoc igitur proposito, hic erit sensus hujus regulæ; Si creditor agat Paulianam, ut rescindat, quæ debitor gessit & donavit in fraudem suam, in necem suam, ne queratur in hoc judicio, quid creditor habeat de bonis debitoris possessis: nam Pauliana non datur, nisi creditor ante missio in possessionem, & bona debitoris possidere iusto, §. item, si quis in fraud. de action. Ut igitur actione Pauliana non queritur, quid habeat actor ex bonis debitoris, quæ possidere iustus est, & quæ distraxit, sed queritur & consideratur, quid amplius habere poterit, si ei fraudator, id est, debitor ipse fraudem non fecisset, vel is, qui contraxit cum fraudatore, si ei non obstitisset: nam actio Pauliana datur in utrumque, l. 1. inf. quæ in fraud. cred. ut scilicet recipiat quod habere potuit, si ei possidere licuisset, quod fraudator in ejus fraudem alienavit. Et si hic est sensus, inelegans videtur esse & inconsequens: Nam quis nescit hoc non considerari, quod jam habet actor, cum queritur quanto fraudatus sit?

E Igitur melius est, sic fructu verba hujus regulæ, & disponere apud se tacito intellectu, ut non consideretur quid habeat adversarius, cum quo agitur fraudatoria actione, sed quid actor habere poterit, si ei possidere licuisset per adversarium, ut similiter Papin. definit in l. si navis, §. ult. de rei vindicat. Cum agitur de mala fide possessoris, & de fructibus ex re aliena perceptis, quos restituere debet actor, non spectari, quos habeat fructus adversarius: quid enim, si fuerit negligens in eis percipiendis? sed spectari, quos fructus actor percipere potuisset, si possidisset, aut possidere licuisset per adversarium, l. ult. prætor, §. per hanc, quæ in fraud. credit. Qui duo loci adducuntur ab Accursio hoc loco rectissime. Ad certe probabilius

biliior est scriptura Græcorum, quæ mihi satis visa est semper elegantissima, ut ita legatur, cum de fraude disputatur, non quid non habeat actor, sed quid habere per adversarium non potuerit, consideratur: quam utique astute teneri optimum judicem oportet, hoc scilicet sensu, ut non quicquid non habet actor, eo omni fraudatus videatur, sed eo tantum, quod ei abest per adversarium, id est, dolo aut culpa sive negligentia adversarii. Sane ita habent Basil. Et tamen ex regula hujus legis, videtur commodissime adhiberi interpretatio facilis, non mutata scriptura vulgari: ut cum de fraude disputatur, non consideretur quid habeat actor, ut si residuo, quod non habet fraudatus intelligatur, nec eo fraudatus intelligatur, si abest dolo aut culpa adversarii, sed consideretur, quid dolo aut culpa adversarii factum sit, ut actor habere non potuerit: fraudem nos metiri, non ex eo, quod actor habet, sed ex eo quod per adversarium factum est, ne haberet. Non quantum ei abest, tanto fraudatura videtur actorem, sed quantum ei abest dolo aut culpa rei, cuius sententia meo iudicio facilius exprimende gratia, videntur Græci scripsisse, non quid non habeat actor: sed etsi non adicias hanc alteram negationem, regula idem significabit, & patietur eandem interpretationem. Et est elegans regula, ut ad extremum dicat, non videri quem non fraudatum eo, quod habet, nec etiam fraudatum eo, quod non habet, nisi dolo aut culpa rei fecerit, ut id non habeat.

Ad L. XVIII. de Servitut.

Papinianus notat, in omnibus servitutibus, quæ aditione confusa sunt, responsum est, doli exceptionem nocivam legatario, si non patiatur eas iterum imponi.

Jam persuncti sumus hoc libro, si modo addamus, quod refertur l. 18. de servitut. hoc lib. Papin. Paulum notare, in omnibus servitutibus, &c. nescimus, in quam sententiam Papin. vergat & dolemus, nec vaticinandi ullo modo datur nobis facultas. Resat tantum igitur illa nota explicanda. Finge: Edes tuæ meis ædibus serviunt, vel fundus tuus meo servit fundo, debet iter aut viam, tu me heredem facis, confunditur servitus aditione, quia post aditionem ego sum dominus utriusque prædii, & meo prædio meum prædium servitum servire non potest. At finge rursus, tu, qui me heredem fecisti prædium illud tuum, quod meo serviebat a me legasti Titio; & legasti per damnationem. Ita ponendum est, aliquo aditione, ego non acquirerem dominium hujus prædii, quia fundi (*) legati per vindicationem dominium recta transit ad legatarium ex morte testatoris, nec fit heredis, nisi sit legatum per vindicationem conditionalem: nam pendente conditione est hereditas. Igitur ita ponenda est species, ut prædium illud serviens, quod a me legavit, meum factum fuerit aditione, atque ita confusione servitus interierit: deinde vero tu ages ex testamento, ut præstet prædium, ego per exceptionem doli, per retentionem prædii consequar, ut tu patiaris redintegrari servitutem, quæ est extincta, priusquam præstetur tibi fundus, vel ut eam imponas rursus prædio, cum tibi tradetur a me, quia testator legavit tibi prædium, quale fuit testamenti tempore: fuit autem serviens, ergo pati debes, ut ad te veniat servitus iure legati, quod est in l. si serv. Titii, l. legatum, §. ult. l. cum filius, §. dominus, de leg. 2. Confusio tollit aditionem, non exceptionem. Quæ est sententia notæ Pauli. Sed observandum est, Paulum loqui tantum de servitutibus prædiorum, non de usufructu, qui est servitus debita personæ: loquitur de servitute, quam prædium prædio debet, non de usufructu, quam servitutem prædium personæ debet, nam usufructus non redintegraretur, sed præstaretur fundus plenus, quia usufructus est pars rei, ergo continet omne emolumentum rei. Testator legavit fundum, ergo plenam rem, plenum dominium: nec enim, si tu ante aditionem habueris in eo usufructum, qui testatoris heres exististi, poteris efficere per retentionem, ut is usufructus rursus tibi cedatur, quia palam est testatorem legasse fundum plenum, proprie-

A tatem plenam. Hic recte conjungitur §. ult. l. 73. ad Treb.

JACOBI CUJACII J.C.

COMMENTARIUS

In Lib. XXXII. Quæstionum ÆMILII PAPINIANI.

Ad L. dote LXI. de Rit. nupt.

Date propter illicitum matrimonium caduca facta, exceptis impensis necessariis, quæ dote ipso jure minui solent, quod iudicio de dote redditurus esset, maritus solvere debet.

EX hac l. intelligimus illiciti matrimonii dotem fieri caducam, non inhonesti tantum, ut incessti, sed etiam illiciti dotem redigi in fiscum: ut putata, nam res eget explicatione, & exemplis, si quis uxorem duxerit in provincia, in qua officium gerit. Est enim illicitum matrimonium, id est contra mandata principum. Solemnia erant mandata quædam, quæ dabant Principes civibus in provinciis cum potestate vel imperio, vel curatione aliqua, vel ministerio publico, & inter cetera, ne in ea provincia, durante officio uxorem ducerent, ne quid emerent, ne fœnus exercerent, ne mutuum pecuniam darent. Ratio potentatus, ut ait lex præfatus, hoc tit. hæc prohibuit, ne quid scilicet sub specie nuptiarum, vel emptionis vel mutui, sub honesto titulo facerent per concussionem, ne opprimerent provinciales, ne elicerent ratione potestatis suæ nuptias invitis, venditiones, usuras: fuit hoc unum caput mandatorum. Igitur illicitæ sunt nuptiæ, id est, contra mandata principum, si quis duxerit uxorem in provincia. Et ideo dos fit caduca, si qua data sit, quod ostendi alias exscripto quodam Gordiani esse ex constitutione Severi. Severus constituit, ut ex hac causa dos caduca fieret, nisi scilicet veterem sponfam duxerit, quam scilicet desponderat ante delatum sibi officium, & post in illo officio duxerit: hanc enim licet ducere, nec dos fit caduca, l. si quis, veterem, p. tit. Ubi autem dos fit caduca, quam maritus accepit ob illicitum matrimonium, maritus fisco id reddit, quod redderet conventus iudicio de dote uxore, vel heredibus uxoris. Et minore igitur dotem quandoque reddit, si eam impensæ necessariæ fecerint minorem, quæ est sententia hujus l. Constat enim necessariis impensis dotem ipso jure minui, retentionem ex dote fieri ipso jure nomine impensarum necessariorum, quas fecit maritus in res dotales, l. 5. de impens. in res dot. fact. Utiles autem impensæ non minuunt dotem ipso jure, nec retinentur ipso jure, sed eo nomine est retentio dotis veluti pignoris, l. 5. de dote præleg. Alia retentio fit ipso jure, quæ nihil aliud est, quam deminutio dotis: alia fit per exceptionem, quæ non est deminutio dotis. Etiam illud notandum est, ex hac causa, si quis uxorem duxerit in provincia contra mandata principum, dotem semel caducam factam non posse recuperari a fisco, etiam si postea conjuges in eadem voluntate perseverantes deposito officio nova voluntate iuste nuptiæ fuerint, l. eos qui, hoc tit. l. et si contra, C. de nupt. Iustæ quidem sunt nuptiæ, quasi ex nova voluntate, sed dos, quæ semel cecidit in fiscum, non revocatur, quicquid cecidit in fiscum vix ab eo revocatur, l. 2. C. de sent. pass. nisi iussu & speciali beneficio principis. Item maxime notandum est, quod diximus, ex ea causa dotem fieri caducam, sic accipiendum esse, ut omnimodo fiat caduca, & eripitur aut viro, aut mulieri, excepto uno casu, quo eripitur quidem viro, non etiam mulieri, qui exponitur in l. præfatus, h. tit. quæ vulgo male explicatur. Nec luisse videbimur operam, si modo ejus sensum domum referatis.

Causa hic est: si virgo nupserit, hac appellatione intelligi.

(*) Vide Merill. Variant. ex Cujac. lib. 1. cap. 14.

igitur tenera ætas & mollis, puellaris ætas infirma est: A
huic non eripietur dos, etiam si contraxerit matrimo-
nium cum præfide provincie, aut præfecto cohortis, aut
tribuno, vel quo alio gerente officium in provincia, quæ
tamen eriperetur robustæ ætatis femine, id est, non
imperitæ rerum. Virgini deceptæ, quandoquidem sem-
per decepta præsumitur, parcimus: & marito quidem eri-
pitur fisco dotem, quo casu eam maritus lucraretur, non
puella, aut heres ejus, & etiam, quod puella huic viro
testamento reliquerit, viro eripitur fisco quasi indigno, non
etiam quod in vir puellæ reliquerit, fisco eripitur puellæ,
quæ decepta est l. 2. §. 1. de his, quæ ut ind. & d. l. præf.
quæ hic tota nobis enarranda est: duo trahit genera il-
liciti matrimonii, eaque comparat invicem. Illicitum est,
si verbis gratia, præfides provincie, aut præfectus cohortis,
uxorem ducat in provincia in qua officio fungitur: est B
etiam illicitum, si tutor pupillam uxorem ducat, id est,
eam, cuius fuit tutor: est enim contra Senatufc. si ve
orationem D. Marci, & utrumque matrimonium est
prohibitum eadem ratione. Ratione potentatus tutor fa-
cile sibi conciliare nuptias locupletissimæ femine, terro-
re potestatis. Eadem igitur ratio, & has & illas pro-
hibet nuptias. Sed querit deinde, an huic, id est, viro
gerenti officium in provincia fisco possit auferri, quod ei re-
lictum est testamento puellæ, si virgo ei nupsit, non veterana
quædam? Et ait deliberari posse, an vir sit auferendum
& eripiendum, quod ei virgo testamento reliquit. De-
liberari potest, inquit: quib. verbis significatur posse aufer-
ri. Et confirmat hæc formula loquendi ea, quæ in
deliberationem, & questionem prolata erant: *affirmat ergo.*
Et constat ita esse ex d. l. 2. dotem tamen ei non
auferri a fisco, sed, ut ait in fine, eam restitui heredi
testatricis, heredi mulieris: contra vero id, quod vir tes-
tamento puellæ reliquerit, ei non auferri a fisco, ne-
que etiam dotem: Et idem servari, si tutor pupillam
uxorem duxerit, quod confirmat lex ult. de leg. 1. & l. si
tutor, C. de intermat. Nam dos pupillæ non eripietur,
non redigitur in fiscum: nec etiam quod ei reliquerit
vir, viro eripitur, imo & fit infamis tutor ex hac
causa, & coercetur extra ordinem, l. non est, h. t. Porro
illud etiam norandum est, si quis eam duxerit uxorem,
in cuius adulterio damnatus est, etiam illicitum esse
matrimonium, licet duxerit indemnata: si damnatus
adulteri indemnata uxorem duxerit, quam pridem
adulterasse damnatus sit, illicitum est matrimonium.
Et hoc casu dos omnino sit caduca, & eripitur uter-
que: hereditas quoque eripitur viro, si talis mulier eum
heredem scripserit, & contra eripitur etiam mulieri,
si vir eam testamento heredem scripserit, & bona vin-
dicantur fisco: quæ est sententia l. 13. de his, quæ ut ind.
quæ est ex eod. lib. Papin.

Ad L. XIV. De his, quæ ut indign.

Mulierem, quæ stupro cognita in contubernio militis fuit,
est sacramento miles solutus intra annum mortem obierit, non
admitti ad testamentum jure militis factum, & id quod re-
lictum est, ad fiscum pertinere proxime tibi respondi.

E Idem etiam erit omnino, si ex alia causa sit il-
licitum matrimonium, ut alter non possit quicquam
capere ex alterius testamento, vel si ceperit, ut ei eri-
piatur, & redigatur in fiscum: nam & ab intestato eis
eripitur hereditas: eripitur quod deficientibus cognatis
ceperint per bonorum possessionem unde vir & uxor,
l. unde vir & ux. nam constat jure prætorio conjugem
conjugi succedere deficientibus cognatis, & fisco præ-
ferri, si licitum sit matrimonium: atque adeo, ne virgo
quidem, id est, tenera puella, si fuerit illicitum matri-
monium quicquam capiat ab intestato, ut opimor, licet
capiat ex testamento, l. Claudius Selenus, eod. Est sin-
gularis lex. Neque obstat huic legi primum l. uxori ma-
ritus, de usufr. leg. Illicitum ibi est matrimonium. Fin-
ge: Maritus uxori testamento reliquit usufructum &
alia quedam & dotem. Illa post mortem mariti bien-
nio integro percipit usufructum quasi uxor iusta: post

biennium illicitum matrimonium apparuerit. Queritur,
an heredes mariti possint ab ea repetere fructus, quos percipit.
Et ait posse: non ergo redigitur in fiscum, quod uxori
illicite relictum est testamento viri puellæ, quæ cum
nupsit puella erat. Sed observandum est breviter, eam
legem tantum loqui de usufructu: in usufructu nulquam
est fisco locus, alioquin nunquam interiret, proprietates
redigitur in fiscum, vel nuda vel plena: cum quod con-
fiscat lex, confiscat proprietatem, id est, rem ipsam:
usufructus confiscatio non est. Quare leges caducariæ,
non pertinent ad usufructum, l. q. eodem tit. de usufr. l.
si Titio in pr. de usufr. loquitur l. q. uxori de usufructu: nam
aliæ res, quæ uxori legatæ sunt, rediguntur in fiscum
ablata quasi indignæ. Nihil etiam obstat l. quæstura, ad
l. jul. de adul. ex qua efficitur, non esse injustum ma-
trimonium, si adulter duxerit adulteram, si is, quem
maritus destinaverat reum adulterii, a se dimissam uxorem
duxerit postea: lex non loquitur de damnato adul-
terii: is non posset eam ducere, in cuius adulterio dam-
natus est: sed de eo, quem maritus adulterii suspectum
habuit: hic sane impune ducet dimissam, cum
damnatus non sit, sed suspectus tantum viro. Et con-
firmatur hoc idem l. miles, §. licet, eod. tit. & l. commis-
sum, C. eodem. Observandum maxime est ad hæc, Papi-
niam proponere in hac lege mulierem fuisse indemnata-
ram, & cum ea damnata adulterum contrahere injus-
tas nuptias: nam si damnata fuerit adulterii mulier,
nec adulter, nec alius poterit cum ea iustas contrahere
nuptias, l. mariti, §. 1. ad l. jul. de adul. l. auxilium,
de minorib. imo nec ream factam adulterii licet eniquam
pendente accusatione uxorem ducere vivente marito,
licet nondum peracta sit rea: mortuo marito potest, si
non sit peracta rea, l. reas, de ritu nupt.

Ad L. Mulieri LXXIV. de Cond. & demonst.

Mulier & Titio usufructus, si non nupsit mulier,
relictus est: si mulier nupsit, quando Titius & viri,
& in eodem statu erit, partem usufructus habebit: tan-
tum enim beneficio legis ex legato concessum esse mulie-
ri, intelligendum est, quantum habebit, si condemnationi
parvisset. Nec si Titius, qui conditione defectus est, lega-
tum repudiet, ea res mulieri proderit.

H Abuimus duas leges, quæ pertinebant ad leges ca-
ducarías. Restant aliæ duæ, quæ pertinent ad
easdem, l. mulieri, de cond. & demonst. & l. fraudis, de rez
jur. Sane lex mulieri, pertinet ad caput illud legis Ju-
liæ & Papie, de quo sæpe ante agitur in hoc tit. quo
scilicet conditio viduitatis remittitur heredibus, legatariis,
fideicommissariis, si cui vir legaverit sub conditio-
ne, si vidua permanferit, vel si non nupsit. Hac conditio
lege Julia & Papia circumfribitur, & mulier admitti-
tur ad legatum, licet nupsit, quia hæc conditio pugnat
cum publica utilitate, & lex fraudis etiam, ut arbitror,
proprie pertinebat ad ea, quæ sunt in fraudem fidei vel
legum caducariarum. Sed quia illæ leges hodie sublate
sunt magna ex parte, ideo ex hoc libro, & ex præceden-
ti, & ex sequentibus, ut arbitror, pauca admodum leges
in hos libros a Triboniano sunt relata. Noluit enim
in Digesta hæc transferre, quæ jam obsoleverant. Ubi
cernis ex libro quodam Jurisconsulti pauca restare leges,
& quandoque unum versum tantum, ut ex lib. 14. ex-
stimato cetera fuisse de caducis, de orbis, de colubibus,
&c. de rebus, quæ jam in usu esse cessarant. Sed tracta-
mus de specie l. mulieri. Nemini non placebit species
hæc ejusque definitio, de qua controversitur sæpe in
materia de jure accrescendi, quia continet hæc lex unum
casum singularem, quo inter conjunctos res & verbis
non est jure accrescendi, quoque genere legati sint con-
juncti. Species est: Mulieri, & Titio legavit usufructum
sub conditione viduitatis: conditio utrumque tenet,
sed lege Julia mulieri remittitur, propter utilitatem
publicam: atque ideo, si mulier non paruit conditioni,
si nupsit, nihilominus admittitur ad legatum. Titio au-
tem hæc conditio non remittitur, l. l. C. de int. vid. sol. Et
sane,

siue, si soli Titio legatum proponeretur sub conditione, si Sempronius non nuberet, cui nihil legabatur Sempronius nubente, Titius non haberet legati petitionem: sed si etiam soli Titio legabatur sub hac conditione, si uxorem non duceret, tum conditio hæc remitteretur Titio, quia lex Julia dicta ob eam rem Miscella, pertinet tam ad marces, quam feminas, l. ultim. C. de indict. viduit. toll. l. heredes §. ult. hoc tit. Idemque erit, si quis legaverit filio Titio, quem Titius habet in potestate, sub conditione, si pater uxorem non duceret: nam hæc etiam conditio remittitur filio, licet filio non sit indicta viduitas, quia scilicet in hoc genere legati est fraus, & circumventio legis Juliae, quandoquidem testator, quod voluit legare patri, sub conditione, si uxorem non duceret, nec potuit per l. Juliam, hanc excogitare fraudem, ut id legaret filio ejus familias sub conditione, si ipse pater uxorem non duceret. Itaque magis est, ut videatur patri legasse ita, non filio, atque adeo, ut remittatur illa conditio: Nam legando filio, videtur quæsisse rationem illudendi legi Juliae. Et idem erit omnino, si quis legarit patri sub conditione, si filia non nuberet, quam habet in potestate, vel si filius, quem habet in potestate, non duceret uxorem. Nam & hoc casu videtur fraudem quæsisse legi Juliae, voluisse scilicet legare filiz sub ea conditione, & eam conditionem expleri a filia. Sed cum id non posset cavere per l. Jul. quæ remittit eam conditionem, legavit patri sub ea conditione, si filia non nuberet, Proinde videtur potius legasse filiz sub ea conditione, & perinde ac si legasset filiz remittenda est conditio, qui hoc omne excogitavit in fraudem l. Juliae, quæ est sententia d. l. heredes §. ult. Et valde est notanda illa ratio fraudandæ legis, & eadem etiam est ratio in specie Lavia, §. Titius, ubi sit. Sed ut redeamus ad speciem legis nostræ: Pono testatorem non legasse soli Titio, sed legasse mulieri & Titio usufructum sub conditione, si mulier non nuberet: quia mulier admittitur ad legatum, etiam si nupserit, quæritur, an & Titius admittatur, quia proculdubio non admittetur, si ei soli esset adscripta ea conditio. Et ratio dubitandi hæc est, quia Titius defectus est conditione legati, quoniam mulierem jure accrescendi, quia fuerunt conjuncti re & verbis. At contra Papinianus definit subtiliter, hoc beneficio legis Julia non amplius esse concessum mulieri, quam haberet, si conditioni parisset. Remissa conditio habetur pro impleta: alioquin si implevisset conditionem, si vidua permanisset, non haberet nisi partem usufructus, Titius alteram haberet. Ergo idem servabitur, si conditionem non impleverit, id est, si nupserit, & ut sæpe alias evenit, ut quod quis non habet per se, habet per alium vel propter alium, ut in l. cum hereditate, de acqu. hered. l. si communem, quem ad. serv. amitt. Et sæpe in tit. de bon. posses. contra tab. fit, ut filius institutus propter fratrem præteritum potentem bonorum posses. contra tabul. veniat ad bonorum posses. contra tabul. quod non posset solus, sed propter fratrem præteritum, & institutus amplectitur una cum fratre bonorum possessionem contra tabulas. Et ita in hac specie propter mulierem, quæ venit ad legatum beneficio legis Juliae pro sua parte, Titius etiam veniet ad idem legatum pro sua parte, licet conditione defectus sit: & utetur fructu simul cum muliere quantumdiu viveret, & in integro steterit Titius: nam mortuo Titio, vel capite minuto secundum naturam usus. usus. finietur in persona Titii. Pone igitur utrumque cepisse legatum, mulierem & Titium, post mortuum Titium, aut capite minutum, an pars Titii accrescet mulieri? quod etiam quæri potest, si Titius repudiaverit, si noluerit amplecti legatum. Et Papinianus ostendit, non accrescere. Ergo significat partem Titii recurrere ad proprietatem ex natura usufructus consolidati cum proprietate. Et hic est casus singularis, quo inter collegatarios conjunctos re & verbis non est jus accrescendi. Conjunctum enim legatus fuerat usufructus mulieri & Titio. Et ratio hæc est, ne mulier plus habeat sua parte, quæ

venit ad legatum contra voluntatem defuncti, non impleta conditione, quæ venit ut Bartolus ait recte jure singulari, & beneficio legis Juliae, non ex judicio defuncti. Ergo si Titius conditione deficiat nubente muliere, siue repudiet, siue moriatur, aut capite minuat, mulieri non accrescet pars Titii: sed primo quidem casu, id est, si nubat mulier, Titio debetur pars legati, ceteris autem casibus pars Titii redit ad proprietatem. Atque ita ex hæc l. habemus tria singularia. Primum est, ut is, cui non remittitur conditio, si conditione deficiat, nihilominus veniat ad legatum, propter collegatarium cui illa conditio remittitur. Alterum est, ut is, cui non defertur legatum, propter defectum conditionis scilicet, id tamen recte repudiet: cum tamen regulariter delatum quod est, id solum repudiari possit, l. i. §. decretales, de success. edic. Sed hoc fit singulariter in hoc casu etiam: propter collegatarium, propter conjunctam legato commixtamque personam, legatum consistit in persona utriusque & deferri etiam videtur utrique, ergo repudiatio ejus valet. Tertium quod est singulare, est id quod jam retuli, ut inter conjunctos re & verbis, etiam per vindicationem: nam dicit lex habebit quod est verbum vindicationis, inter eos, inquam, non esse jus accrescendi hac ratione, quia non ex judicio testatoris venit, cum non sit impleta conditio, nec sunt producenda latius (quod servatur in toto jure,) quæ conceduntur contra judicium defuncti: jus accrescendi productum est legati. Objicit Accurs. l. ult. §. Sejo, de leg. 2. ut efficiat conditionem adscriptam legato duobus conjunctim relicto eum solum tenere, cui propius convenit, non collegatarium, ut, quæ est species hujus §. Sejo, quem heredi suo substituerat, ita legavit, Sejo, si heres non erit, & uxori ejus tot dari volo. Conditio solum Sejum tenet, ut in specie l. Julius, hoc tit. secundum quam est accipienda l. 3. de statulib. Et ideo Sejo existente herede ex substitutione vulgari, ac ita defecta conditione legati, nihilominus uxor ejus admittitur ad partem legati dimidiam, non ad totum legatum, quia inter fideicommissarios semper cessat jus accrescendi, & verba illa, dari volo, sunt verba fideicommissi. Igitur neque in specie legis nostræ, neque in specie §. Sejo, inter collegatarios est jus accrescendi, & qui partem non capit legati, facit partem collegatario, sed diversis rationibus. Ceterum, quæ conditio in specie l. nostræ dicitur utrumque tenere, in specie §. Sejo, tenet alterum tantum. Quid ita? id breviter stringit Accurs. dicens in specie hujus legis, palam conditionem adscribi utrique hoc modo, mulieri & Titio illud lego, si illa non nupserit. Hoc legato quis non diceret statim conditionem adscribi utrique, conjungi non re tantum, sed etiam conditione?

Ad L. Fraudis, de Reg. jur.

Fraudis interpretatio semper in jure civili, non ex eventu duntaxat, sed ex consilio quoque consideratur.

Ex fraudis est apertissima. At fraudis interpretatio, l. Ex doli mali interpretatio, l. si servus, §. circa, de furt. Et bonæ fidei interpretatio, l. ab emptione, de pact. Interpretatio hæc pertinet ad judicem, & in interpretatione fraudis jam admonuit Papinianus in l. precedenti judicem, instruxitque ne consideraret, quid actor adficeret, vel abesset, sed quid ei abesset facta adversarii, ut id solum interpretaretur esse fraudem quod ei abesset factum. Nunc in hac lege iterum monet eundem judicem ne interpretetur fraudem esse, quod actor abesset re ipsa, sed quod consilio adversarii actor abesset, ne ex eventu solum fraudem æstimeret, sed etiam ex consilio, animo, & conscientia adversarii, ut l. ait praetor, §. ita demum, & §. illud, & l. si quis cum haberet, quæ in fraud. cred. §. in fraudem, Instit. qui & quibus ex causis manum. non poss. Et ait semper in jure civili fraudem esse interpretandam, semper, id est, siue disputetur de his, quæ facta sunt in fraudem creditorum, siue patronorum, seu legum, siue fisci. Et sane videtur hoc libro proprie hoc retulisse ad causas fideles, ad jus fidele. Denique semper jure civile vocari fraudem

dem eam tantum, quæ ex consilio adversarii profici-
scitur: nos non metiri fraudem ex eventu, sed ex
eventu & consilio adversarii simul.

JACOBI CUJACII J. C.

COMMENTARIUS.

In Lib. XXXIII. Quæstionum EMILII PAPINIANI.

Ad L. XIV. de his, quæ ut indignæ.

Mulierem, quæ stupro cognita in contubernio militis
fuit, etsi sacramento miles solutus intra annum mortem obierit,
non admitti ad testamentum jure militis factum, & id, quod
relictum est, ad fiscum pertinere, proxime respondi.

EX hoc libro primo sese dat l. 14. de his, quæ ut
indig. quæ pertinet ad incapaces, qui scilicet jus
capendi non habent ex aliorum testamentis. Fue-
re multa genera incapacium, & uoum exponi-
tur in hac l. 14. quæ loquitur de milite & de muliere li-
bera, quam stupro cognitam miles in contubernio ha-
buit: stupro cognitam dicit, ut Cornelius Tacitus 20. Post-
humiam stupro cognitam, & Lampridius in Heliogabalo,
Antonino Caracalle stupro cognitam. Et observandum est,
militem eam mulierem non habuisse in concubinato, non
habuisse in matrimonio, quæ conjunctiones sunt legitimæ:
sed ut ait, eam habuisse in contubernio: quæ conjun-
ctio non est legitima. Ponit ergo lex, militem cog-
itam stupro mulierem habuisse in contubernio. Matrimo-
nium iusta est conjunctio, concubinitas etiam iusta est
conjunctio, & quasi matrimonii species: Et qui ex con-
cubinato nascuntur non sunt spurii, sed quasi iusti liberi,
qui dicuntur naturales: spurii nec naturales dicuntur, sed
hodie nullus est usus concubinarum, nisi in quibusdam
provinciis. Concubinitas igitur & matrimonium con-
junctiones sunt legitimæ, non etiam contubernium: cum
contubernali stuprum committitur, non cum concubina,
vel uxore. Hanc quæ est in contubernio focariam dicimus,
une garçe, une gouine, quæ plerumque habetur per causam
coquinariam. Nam & *παρρηγορία* D. Hieronymus inter-
pretatur focarias 1. Samuelis cap. 8. & l. 1. §. *caupones*,
nau. *caup. stab. focarii*, qui in caupona, vel stabulo ministe-
rium præbent, sunt coqui, quibus etiam lex merito conjun-
git *atriarios*, ad quos pertinet cura, mundities, nitor atrii.
Nam in atrio erat coquina, unde & atrium dictum est teste
Servio, atrum enim erat ex furno: focarie si donaverit
miles, nulla donatio est, ut in d. l. 2. ait Imperator, ne milites
harum illecebris capti exuerentur stipendiis, bonisque suis.
Id enim non est constitutum de paganis. Maiori curæ
principibus sunt milites, quam pagani, quasi Reipubl. ne-
cessarii magis. Concubinis milites prohibito donare, non
reperio, quod tamen temere affirmat passim Accursi. con-
fundens focarias cum concubinis. Concubina uxorem
imitatur, ut ait Iulianus. Idem non dices de focaria.
Concubine quilibet potest, l. 3. §. *Divus*, & si
prædæ, de don. inter vir. l. *donationes*, sup. de donat. Et ta-
men uxori donare non potest maritus, quod mirum.
Utriusque conjunctio est legitima, & tamen uxori dona-
re non licet, aut si quis donaverit, donationem potest
revocare statim, aut cum libuerit: concubinae facta do-
natio revocari non potest, d. *donationes*. Cur ita? cur tam
varie? quia plenus est affectio maritalis, & ideo legibus
reprimatur potius quam incitatur, l. *his. C. Theod. de li-
red.* Et eadem ratione concubina ex testamento solidum
capere potuit, l. *cum. tab. §. 1. h. tit.* uxor non potuit ca-
pere solidum ex l. *Papia*. Focarie autem, ut dixi, conjun-
ctio illegitima est, & donatio ei facta a milite revocari
potest quasi nulla. Imo & focaria capere nihil potest ex
testamento militis, & si quid ei relictum sit testamento,
ei auferitur quasi indignæ, & in fiscum redigitur, quæ

l. *tem. IV.*

est sententia hujus l. 14. & l. *miles ita, §. mulier, de milit. testam.* Et addit in hac l. 14. etiam miles testamentum
fecerit jure militari, ex eo mulierem eam, in quam turpis
suspicio cadit, focariam nihil capere posse: etiam, inquit,
si decesserit miles intra annum missionis, honestæ scilicet,
vel causariæ. Sciendum enim est, testamentum, quod mi-
les fecerit in militia jure militari, post missionem honestam,
vel causariam, non valere eodem jure, nisi si in-
tra annum mortem obierit, l. *quod constitutum, l. quod*
dictur, de milit. testam. l. si post, & l. similes, ad leg. Falcid.
intra annum militiæ, l. *fraudem, §. pen. de milit. testam.*
intra annum scilicet militiæ emeritæ. Sed si missio fuerit
ignominiosa, post missionem nullo momento temporis
consistit testamentum, quod miles fecit in militia jure
militari, l. *testamenta eorum, de milit. testam.* Ergo sen-
tentia hujus legis hæc est, focariam militis, cui miles ali-
quid testamento legavit facto jure militari, eam non ad-
mitti ad legatum, & non incapacem quidem esse, sed quodammodo
incapacem: & ob id legatum ei relictum aufer-
tur quasi indignæ. Nam non oportet, ut passim interpre-
tes, confundere incapaces cum indignis. Incapaces sunt qui-
bus ab initio inutiliter relinquitur. Indigni quibus relin-
quitur utiliter quidem ab initio, sed relictum a fisco eri-
pitur. Et ita non ponitur quidem in hac lege proprie
incapacis genus, sed indigni secundum titulum. Porro
alia est conditio meretricis, atque ita erant conditiones
quatuor: uxoris, concubinae, focariæ, & meretricis. Cum
meretrice impune committitur stuprum, meretrici licet
donare, l. *affectiois, de donat.* & testamento legata relin-
quere, licet apud Suetonium dicatur Domitius aliquando
his mulieribus ademisse legata & hereditates. Sed hæc,
quæ sint, nesciunt definire omnes: hæc sunt, quæ li-
centiam stupri vulgaverunt apud ædiles plenam, ut Cor-
nel. Tacit. 2. lib. indicat, quæ in communi loco ha-
bent sellam, & titulum inscriptum, juxta illud poetæ.

Titulum mentis Lyciscæ,

& alius poeta

Inurbis quoties inscripta limina sella.

Ceterum hæc lex de focaria intelligitur.

Ad L. LXXX. de Reg. jur.

In toto jure generi per speciem derogatur, & illud po-
tissimum habetur, quod ad speciem directum est.

Altera lex est 80. de divers. reg. jur. In toto jure, inquit,
generi per speciem derogatur, &c. Derogare generi est
minuere genus, modum facere generi, detrahere, excipere,
eximere de genere, l. 10. de *manumiss. testam.* vel ut sub-
jicit Papinian. in hac ipsa lege, id potissimum habere
quod ad speciem directum est, non quod ad genus. Et
notandum est, nihil referre, utrum genus præcedat, se-
quatur species: an præcedat species, sequatur genus: ut si
alii legentur vestimenta generaliter, vestis omnis: alii
vestis muliebris, nihil refert, utri prius sit legatum, & de-
tracta veste muliebris, atque assignata ei, cui relicta est
muliebris, reliqua vestis præstabitur ei, cui generaliter ves-
tis relicta est. Item si mundus muliebris alii legatur,
alii argentum omne, id est, vasa argentea, prius species,
deinde genus, excepto argento, quod est in mundo mulie-
bri, argentum præstabitur. Item, si alii sint legati servi
urbani, alii dispensatores, quem constat esse ex numero ur-
banorum, detracto dispensatore, priori legatario servi
urbani debebuntur, quia species derogat generi, l. 1. de
auro & argen. leg. Ad quem ex eodem Pomponio sunt
conjungendæ l. 2. de *trig. vino, & oleo, & l. Titia testatoris*,
de leg. 1. Sed addamus etiam alia exempla. Si alii sit le-
gatus fundus Tusculanus, alii hereditas Sejana, in qua
sit fundus ille, si prius species, deinde genus legatur, de-
tracto fundo Tusculano præstabitur hereditas Sejana,
quia generi per speciem derogatur, l. *uxorem, §. Felicissi-
mo, de leg. 3.* Item si alii sint legati vernæ generaliter, quo
verbo continentur omnes servi domi nati, non ære com-
parati,

Ecc

parati,

parati, & alii cursores servi, vel alii textores, & quidam sint A
vernæ & cursores, cedunt legato cursorum, & detrahuntur
legato vernarum, vel cum alii sint legati vernæ, alii textores: vel contra, alii textores, deinde alii vernæ, & quidam
sint textores & vernæ, textoribus cedunt vernæ, quia semper species derogat generi. Legatum vernarum est generale
legatum: cursorum aut textorum speciale. Et hoc igitur
est potius, hoc prævalet. Potior est in jure, qui ex speciali
legato, quam qui ex generali rem petit. Et hoc ostenditur
in *l. servis urban. §. ult. de leg. 3.* Cui tamen videtur ob-
stare *d. l. Titia textores, de leg. 1.* Nam aperte ait, si alii sint
legati textores, nullo excepto, alii vernæ, nullo excepto,
id est, simpliciter, & quidam sint textores & vernæ, lex
ait eos communicari inter hunc & illum, nec in eis po-
tiorum esse eum, cui legati sint textores: denique speciem
non derogare generi. Et quem non perturbaret statim
illa species? Sed observandum est, quod indicat etiam illa
lex in *prin. & d. l. servus, in fi. propositi* & textores gene-
raliter & vernas generaliter: quomodo? nempe ita: *huic
omnes textores, illi omnes vernas*. Utrumque legatum ge-
nerale est, quia dixit, omnes, & nullum excepit, genus non
derogat generi: Quid fiet igitur? concurrent legatarii
in his servis, qui & textores sunt, & vernæ, & communi-
cabuntur hi omnes inter eos. Et ita quoque species non
derogat speciei, ut si testator legaverit uni vernas tan-
quam speciem, & alii textores tanquam speciem: qui erunt
& vernæ & textores, neutrius legatum cedent in solidum,
sed communicabuntur, quia species speciei non derogat,
neque hoc fert natura. Et similiter genus generi non de-
rogat: species derogat generi, non genus speciei, & hoc
quoque aliis exemplis patefaciamus: sicut: Si alii sint legati
horti instructi, alii argentum muliebri, & mulier, quæ
ita legavit, in hortis habuerit argentum, puta, vasa argen-
tea, ut ibi esset instructior, eo argento detracto, horti
præstabitur, argentum muliebri detrahetur instructo, ge-
neraliter legato hortorum instructorum, *l. quæstium, §. ult.
de inst. vel inst. leg.* Item si testator alii legaverit prænium
generaliter: alii deinde vinum, vel contra detractio uno
debetur primum, quia semper species derogat generi, *l. 2.
de rit. vine, & alio leg.* Et similiter, si servo ordinario
manumisso in testamento, dominus ei legaverit peculium:
deinde manusierit in eodem testamento servum, qui erat
in peculio, qui dicitur vicarius servi, legato peculii is
servus detrahetur, cui libertas specialiter relicta est, *l. 1.
de manumiss. testam.* Et nihil igitur refert, præcedat genus
an species, præcedat generale legatum, an speciale,
quod & ita observatur in poenis legum. Lex est quæ
continet multa capita, multas causas. Certis causis fin-
ge, addita est poenæ specialis, si quis contra legem face-
ret. Deinde ultimo loco legis, ut fieri solet, addita est
poenæ generalis, quæ dicitur sanctio, si quis adversus le-
gem fecerit. Hæc sanctio non pertinet ad eas species seu
causas, quibus addita est specialis poenæ, generalis poenæ
tantum pertinet ad eas causas, quibus nulla est addita poe-
næ, atque ita specialis poenæ, quæ præcessit, derogat ge-
nerali, id est, sanctio, quæ solet inscribi novissimæ parti
legis, *l. sanctio, de pen.* ubi etiam Papinianus ait, in omni
jure observari, ut species deroget generi, sicut hoc loco
in toto jure, *id quod*, nullam differentiam constituens inter
omne & totum, quomodo etiam dicimus, solutione
tollit omnem obligationem, alias totam: totum de singu-
lis dicitur, omne de multis: totum de specie, omne de ge-
nere: totum significat unius corporis integritatem, omne
significat numerum plurium: totum forum habet li-
tes, id est, forum plenum est libris. omne forum habet li-
tes, id est, omnia fora, sed hæc non observamus plerum-
que. Verum, ut ad legata revertamur, & hanc rem
finiamus, diximus, nihil referre præcedat genus, an spe-
cies, cum alii legatur genus, alii species. Addamus al-
terum: nil etiam referre, alii legatur genus, alii species,
an idem genus & species. Nam verbi gratia, si Titio
sint legatæ duæ statuae marmoreæ, deinde legetur Titio
omne marmor præter duas statuas, nulla statua ei præsta-
bitur, etiam si ei legatum sit omne marmor, quia spe-

cies derogavit generi, *l. 1. de auro leg. l. heres, §. 1. de legat.*
3. Idem erit & contrarium, si omne marmor legetur Titio,
deinde eidem legetur statuae duæ vel nominatim, puta
statua Augusti, & statua Trajani. Nam præter eas statuas
nulla alia debetur, *l. legata de supell. leg.* Diversum ta-
men erit, si omne marmor legetur Titio, deinde eidem
legetur statuae non adjecto nomine, vel numero, quia
hoc modo statuae videntur legatæ ex abundantia, quæ satis
continebantur priori legato, si erant marmoreæ potius,
quam deminuendi, aut derogandi prioris legati gratia, *d.
l. legata, & l. supellex, de supell. leg.* Igitur & legata su-
pellectile generaliter, si exprimat species certi nomi-
nis aut numeri, generali legato derogatur, si neque ad-
jiciatur nomen, neque numerus: abundans est legatum
& supervacaneum, quod nihil derogat priori. Et simili-
ter legato fundo instructo, quod legatum latissime ma-
nat, si species certi nominis designetur, vel certi nume-
ri: si legatur mancipia certa nominatim, generali le-
gato derogari, non si designentur species, non adjecto
numero, vel nomine: abundantia legata non derogant
generi. Ac postremo notandum est etiam, nihil referre,
testator, qui legat genus, deinde speciem, legando ge-
nus declaraverit, se ei derogare nolle, & si ei derogaret
testamento, vel codicillis, ad nolle esse ratum: nam si id
caveat etiam legando genus & postea legarit speciem alii
vel eidem, & legaverit sciens, meminenisse prioris cau-
tionis suæ, generi derogabitur per speciem, quia ut di-
citur vulgo, nemo potest eam sibi legem dicere, testa-
mento scilicet, a qua non possit recedere, ut dicitur in
l. si quis in prin. de legat. 3. l. Divi, §. licet, de jure codic.
Et ita etiam in legibus observatur, nulla fere lex erat,
quæ se non sepe diffcultate derogationis, vel abrogationis
hoc modo, ne *quid abrogato, ne quid derogato unquam*,
ne quod liceat contra leges aut constitutiones. Et
tamen hæc sanctiones observari neque possunt, neque
solerent. Eadem est conditio testamenti & legis, ut non
possit populus sibi dicere, a qua non recedat,
ac ne quidem etiam testator.

JACOBI CUJACII J. C.

COMMENTARIUS.

D In Lib. XXXIV. Questionum EMILII PAPINIANI.

Ad L. LXXV. de Cond. & demonstr.

Dies incertus conditionem in testamento facit.

EX Lib. XXXIV. quæst. unus tantum versus superest.
Miseria fors libri, quod hic tantum ex eo ver-
siculus superest, quod scilicet, ut verisimile
est cetera essent antiquata & obsoleta. Id e-
nim tantum voluit Justinianus ex veterum scriptis referri
in his Digestis, quod, ut ipse loquitur, in *ipsis rerum
argumentis obtineret. Dies incertus*, inquit, *conditionem
in testamento facit.* Dies incertus est, cum ita scribitur:
heres meus Titio dato centum cum pubes erit, vel, heres meus
*Titio dato centum, cum interis consulatum, vel, cum uxorem
duxerit*: hic dies incertus conditionem facit, quia
fieri potest, ut non pubescat Titius legatarius: fieri po-
test, ut moriatur impubes, ut non ineat consulatum,
vel, ut moriatur cæcilebs: vel etiam, cum ita scribitur,
heres meus cum morieris Titio dato centum, quia licet cer-
tum sit heredem moriturum, tamen fieri potest, ut non
moriatur vivo legatario: fieri potest, ut præmoriatur
legatarius, atque ita legatum ad eum non perveniat, ut
dies legati non cedat vivo legatario. Et constat inutile
esse omne legatum, cujus dies non cedit vivo legatario.
Et hoc ita ostenditur in *l. 1. & l. heres, §. 2. hoc tit.* Idem-
que erit, si ita scripserit testator, *heres meus cum morieris,
Titio illud facito*, ædificatio domum scilicet: Nam & hoc
genus

genus legati, quod in faciendo consistit, cum morietur is, qui facere jubetur, valet, *l. ultim. in fin. C. de contr. stipul.* Sed fieri potest similiter, ut hoc legatum sit inutile, puta pramoriens legatario, ac ita is dies incertus, cum morietur heres, conditionem facit, id est, legatum suspendit quasi conditionem, ex quo multa sequuntur, ut ad ea legata, quibus dies incertus adijcitur, non pertineat regula Catoniana: Nec enim pertinet ad conditionalia, *l. cetera §. 1. de legat. 1.* Et ut eorum legatorum dies non cedat morte testatoris, sed cum exiterit conditio, *l. un. §. si autem, C. de educ. toll.* Et ut, si legatarius, antequam existeret ea conditio, vita decesserit, legatum non transmittat ad heredem suum, cujus scilicet dies non cessit eo vivo, *l. 1. hoc tit. l. 4. quando dies leg. ced. l. si pecunia, §. ult. de leg. 2.* Licet ergo diem incertum appellare conditionem, ut in *l. 1. §. ult. ut leg. nom. car. l. si dies, quando dies leg. ced. in illo loco, tempus conditio, significans nihil interesse dicas, tempus incertum, an conditionem. Nam & conditio appellatur dies incertus & dies incertus conditio, *l. talis scriptura, de leg. 1.* Et ita licet definire conditionem: Conditio, est dies incertus, ex quo ita suspenditur obligatio, ut possit esse, vel non esse. Dies: nihil igitur interest inter diem incertum & conditionem. Imo vero hoc interest, quod omnis conditio est dies incertus, non contra. Nam alias dies incertus, conditionale legatum facit, alias purum, si possit non existere: si possit non existere, inquam, dies incertus conditio est, ut in superiori exemplo: si cum morietur heres, Titio legavero, potest non existere ea conditio, puta, si vivo herede legatarius decesserit. Igitur si possit non existere, dies incertus, conditio est: si non possit non existere, dies incertus, conditio non est: ut si cum morietur Titius, non dico jam heres, ei legavero, quia fieri non potest ullo casu, ut non debeat Titio legatum: Nam est post mortem heredis moriatur Titius, heres heredis ejus heredi tenetur, *l. 4. quando dies leg. ced. §. l. heres, hoc tit.* Atque ita cum morietur legatarius, purum est legatum: cum morietur heres, conditionale, quod maxime notandum. Cum morietur legatarius ita relicto legato, legatum quidem suspenditur, sed non ideo est conditionale. Mora enim suspenditur, non conditio. Et differentia est inter moram & conditionem, *l. 1. de legat. 2. l. quod pure, quando dies leg. ced. l. §. C. eod.* Et ita, si promissero tibi aliquid dare, vel facere, cum moriar, dies est incertus, non conditio, & quod interim solvitur, repeti non potest: quod representatur, repeti non potest, quod tamen possit repeti, si effect conditio, *l. sub condicione, §. l. §. de condit. in deb.* Non igitur omnis dies incertus, est conditio. Et recte ait Papinianus hoc loco, in testamento, quod notandum summe. Nam aliud est in stipulatione, vel contractu: heres est debitor legati, promissor est debitor rei deductæ in stipulationem, uterque est debitor. Et tamen hæc verba: cum morietur heres, conditionem faciunt. Hæc verba, cum morietur promissor, conditionem non faciunt, *d. l. sub condicione, §. l. §.* Ergo recte dicitur, in testamento: neque enim idem est in stipulatione. Nec quicquam obstat *l. sufficit, de condit. in deb.* dum ait, *defensionem juris*, id est, exceptionem, qua incertam causam continet, instar conditionis obtinere, id non est de die incerto: non dicit diem incertum obtinere instar conditionis in stipulatione, vel in conventionem, sed ait, causam incertam exceptionis habere instar conditionis, puta, si incertum sit, utrum exceptio sit temporaria, an perpetua, quod ea lex latius explicat. Quid est exceptio? defensio juris opposita intentioni adversarii. Hæc si sit incerta, id est, si nondum sit certum, perpetua sit an temporaria, pro conditione habetur. Igitur non loquitur de die incerto: & breviter, ut in testamentis intelligamus, quando dies incertus faciat conditionem, vel non, res ita est concludenda. Dies incertus conditio est, si dies legati possit non cedere: conditio non est, si non possit non cedere.*

Tom. IV.

JACOBI CUJACII J.C.

COMMENTARIUS

In Lib. XXXV. Quæstionum EMILII PAPINIANI.

Ad L. Pater XV. de Castr. pecul.

Pater militis filio reverso, quod donat, castrensis peculii non facit, sed aliter peculii, perinde ac si filius nunquam militasset.

1. §. Si stipulanti filio spondeat, si quidem ex causa peculii castrensis, tenebis stipulatio: ceterum ex qualibet alia causa non tenebis.

2. §. Si pater a filio stipulatur, eadem distinctio servabitur.

3. §. Servus peculii, quod ad filium spectat, ab extero se stipuletur, aut per traditionem accipiat, sine distinctione causarum, res ad filium pertinebit: non enim ut filius duplex jus sustineat, patris & filiofamil. ita servus, qui peculii castrensis est, quique nullo jure quamdiu filius vivit, patri subiectus est, aliquid adquirere simpliciter stipulando, vel accipiendo patri potest. Quæ ratio suadet, ut si ab ipso patre servus, qui ad filium pertinet, stipuletur ex quacunque causa, vel traditionem accipiat, sic adquiratur filio res & stipulatio, quemadmodum si ex promississet, quoniam persona stipulantis & accipientis ea est, ut sine differentia causarum, quod verum agitur, emolumentum filii spectet.

4. §. Si servi pater usufructum amiserit, cujus proprietatem in castrensi peculio filius habeat, plenam proprietatem habebit filius.

EX Libro autem XXXV. superest una lex tantum, *l. 15. de castr. pecul.* In qua, quod proponitur initio pertinet ad definitionem castrensis peculii. In castrensi peculio est, quod pater donat eunti ad militiam, vel etiam agenti in militia filiofamil. ut ibi sit instructor. Quod autem donat filiofamil. reverso a militia, & sacramento soluto, est in peculio pagano, non castrensi, perinde ac si filius nunquam militasset. Inter peculium paganum & castrense est differentia varia, & multiplex, sed vel una posita, ex ea necuntur alie omnes, & una quidem tantum proponitur in *l. 1. hujus l.* Ex causa castrensis peculii pater filiofamil. stipulanti, vel contra, filius patri stipulanti obligatur civiliter, & efficaciter, non ex causa peculii pagani: distinguimus causas: si ex causa castrensi, tenet stipulatio patrem vel filium: si ex causa pagana, inutilis stipulatio est. Nam peculium paganum spectat ad patrem, peculium castrense spectat ad filium solum. In peculio pagano, est filiosam. In castrensi paterfamilias: in pagano pater & filius pro uno habentur, in castrensi pro duobus, nec habetur ratio vinculi patris potestatis, quod quidem vinculum unum constituit personam duorum, patris & filii: & consequenter ex peculio castrensi lis potest esse inter patrem & filium, ut in *l. a. de judic. l. si quis uxori, §. sed si, de farr. l. si dubites, in f. de fidejussor.* Ex causa pagana non potest ulla lis constitui. Ex praterea, quod acquirit filius ex causa castrensi, sibi acquirit soli: quod ex pagana, patri acquirit. Atque ita causam paganam a castrensi distinguimus semper, cum de filio ipso agitur. Nam ut subiicitur in *§. servus*, cum agitur de servo castrensi filiofamil. non distinguimus causam paganam a castrensi. Nam servus castrensis totum acquirit filiosam. domino suo, ex omni causa & pagana & castrensi, si quid acquirit in castris, vel extra castra, etiam si quid a patre ipso stipuletur, vel accipiat ex hac, vel ex illa causa. Denique hæc distinctio causarum, quæ servatur in filio, non servatur in servo castrensi filiofamil. Et rationem differentie elegantissimam Papin. tradit in *§. servus*: quia scilicet filiosam duplex jus sustinet, duæ personæ: jus patris, in castrensi peculio, & jus filii, in pagano peculio, & jus patris, ex constitutione in castrensi peculio, *l. 2. ad Maced.* quamdiu vivit fi-

Ecc 2

lius:

Ius: Nam si moriatur intestatus vivo patre, in omni A peculio exitum facit filiofamil. Igitur omnino jus sustinet patrisfamil. in castrensi peculio: non, si moriatur intestatus. Nam eo mortuo, id peculium pater occupat quasi paganum, l. ult. ad Tertullian. Et hoc de filiofamil. Servus autem castrensis filiofamil. jus tantum sustinet servi filii: non servi patris, non sustinet duorum servorum vicem: & ideo soli filio acquiritur ex omni causa, non patri: si quid simpliciter, inquit, stipuletur, vel per traditionem accipiat, quandiu vivit filius, quem solum dominum agnoscat. Cur dicat quandiu vivit filius, jam exposui: quia mortuo filio intestato, vivo patre servus castrensis recidit in potestatem patris, quasi jure peculii pagani. Cur ait simpliciter? quod est impersonaliter, si stipulatus sit hoc modo, promittis centum dari? non adjecto meo, vel patri domini mei, quod miror non explicasse Accurs. quia scilicet si servus castrensis stipuletur patri, quamvis eo tempore stipulationis sit in potestate filii non patris, tamen si postea filius moriatur intestatus vivo patre, utilis stipulatio est, quia pater retro creditur in eo servo dominum habuisse. Ergo & tempore stipulationis, tempore contractus, quod utique semper in stipulationibus observatur, l. si filiusfam. de verb. oblig. Et ita retro agi dominum ostenditur in l. ult. hoc rit. l. servum filii, in princ. de leg. l. in eo quod, de acquir. dom. Et secundum hæc, quæ proposuit Papin. in §. servus, si servus castrensis filiofamil. heres instituitur, quia non fit distinctio causarum, nihil refert, a quo heres instituitur, a commilitone filii, commanipulo, contubernali; an ab extraneo: quia adire debet hereditatem jussu filii, non patris, eaque hereditas, posteaquam adita erit, deputabitur castrensi peculio, l. de hereditate, §. i. hoc rit. Et ut jam dixi, nihil etiam refert, stipuletur dominus sui ex quacunque causa: nam ut extraneus, qui promittit servo castrensi, ex quacunque causa filio tenetur: ita & pater: pater scilicet pro extraneo est, quod ad servum castrensem attinet: aliter atque si filio promississet pater: Nam tunc esset distinguenda causa: si promississet ex causa castrensi tenetur non, si ex pagana: & ut magis appareret filiofamil. servi castrensis ceterarumque rerum castrensum solum esse dominum quandiu vivit, id demonstratur in §. ult. hujus l. hoc argumento, quod verbi gratia, si servi cuiusdam ususfructus pertineat ad patrem, proprietates autem hujus servi sit in castrensi peculio filiofamil. & amiserit pater ususfructus non utendo, vel cessante in jure, si ultro cesserit ususfructus ususfructus recurrit ad solum filium. Et ita incipit in eo servo habere plenam potestatem: dos profectitia dicitur esse proprium patrimonium filiae multis in locis, sed verius est communis patris & filiae, & communis actio de dote, l. 3. l. si cum dotem, §. i. sol. mar. Idem non possis dicere de castrensi peculio, commune esse patris & filii. Quemadmodum si ex ter legendum, non ex tero, quod rerum agitur, id est, quodcumque agitur sive sit traditio, sive stipulatio.

JACOBI CUJACII J.C.

COMMENTARIUS

In Lib. XXXVI. Questionum EMILII PAPINIANI. E

Ad L. In omni XIII. de Adopt.

In omni fere jure, finita patris adoptivi potestate, nullum ex pristino retinetur vestigium. Denique & patris dignitas, quaesita per adoptionem, finita ea deponitur.

In hac lege proponitur hæc regula, finita patris adoptivi potestate, nullum ex pristino vestigium retineri: nam illa verba, in omni jure, significant esse regulam. Finitur potestas patris adoptivi, filio desinente esse in familia, quod fit per capitis deminutionem, id est, per emancipationem: Nam mortuo patre

adoptivo, filius in adoptiva familia permanere dicitur, l. utrum, de bon. poss. contra tab. sicut filius naturalis mortuo patre dicitur esse in familia patris, l. non tantum, §. si pater ead. tit. Uterque fit sui juris morte patris sine capitis deminutione, l. 3. §. ult. ad Macedon. Ergo permanet in eadem familia, nec migrat in aliam. Ceterum emancipatione uterque familiam pristinam mutat, & amittit. Sed differentia est magna inter adoptivum, & naturalem filium: Nam adoptivus emancipatus, nullum vestigium retinet ex pristino jure adoptionis, id est, omnia jura perdit, ut ait in l. feg. non retinet nomen filii post emancipationem, non retinet nomen liberorum. Tullius pro domo sua: Adoptatum emancipari statim, ne filius sit ejus, qui adoptavit. Ergo emancipatione filius adoptivus desinit esse filius, & ideo nec ab intestato, nec contra tabul. admittitur ad bona patris adoptivi, qui eum emancipavit, §. eadem, Instituitur de hered. qua ab intest. & §. adoptivi liberi, de exhered. lib. & l. i. §. liberos, & l. liberi, si tab. test. nulle exst. Ex quibus locis, id est, ex §. adoptivi liberi, & ex aliis etiam, inter cetera apparet liquido, quod temere Andream quidam scripsit, nullquam jure liberos adoptivos appellari, sed filios adoptivos tantum, & hoc præter se neminem comperisse. Et sane ita est, neque enim quod non est, comperisse potis est quicquam, & id scriptum in l. si unquam, C. de revoc. donat. Dicamus igitur liberos adoptivos, ut est proditum illis locis, per emancipationem amittere nomen liberorum, simul ac jus liberorum omne. Filius autem naturalis emancipatus, non amittit nomen filii, & præteritus admittitur ad bonorum possessionem contra tabulas, & ab intestato ad bonorum possessionem unde liberi jure prætorio: jus naturale emancipationis perimere non potest. Et evidentissima hæc est differentia inter naturalem & adoptivum, sed sunt etiam aliae. Nam filius adoptivus emancipatus amittit patriam dignitatem, quam per adoptionem adquisierat, ut ait in kac l. 13. de adopti. Unde si a Senatore vel a decurione, qui minor Senator a veteribus dicebatur, plebejus adoptatus fuerit, filius est Senatoris vel decurionis, quandiu manet in ejus familia, & iidem privilegiis fruitur quibus Senatoris vel decurionis filius naturalis, eodem jure censetur, quo Senatoris filius naturalis, l. 6. & 7. de Senator. l. 4. C. de decurion. Ceterum emancipatus eam dignitatem amittit, nec postea habetur pro Senatoris filio: filius autem naturalis emancipatus a patre Senatore vel decurione, non amittit dignitatem patris, habeturque non ideo minus quasi filius Senatoris vel Decurionis. Item quæ est tertia differentia, filius adoptivus emancipatus, desinit esse civis civitatis patris adoptivi, cujus & ipse per adoptionem factus fuerat civis, quod ostenditur in l. ordine, §. ult. & seq. ad municip. Filius autem naturalis emancipatus, non desinit esse civis civitatis patris, cujus & ipse origine est civis. Atque ita videmus finita patris naturalis potestate, remanere ex pristino multa vestigia. Contra, finita potestate patris adoptivi, nulla remanere vestigia, & rem haberi perinde ac si nunquam adoptatus fuisset. Verum adjicit Papinianus hoc loco fere, id est, in omnibus fere partibus juris, quoniam, ut recte Accurs. animadvertit, in jure nuptiarum etiam post emancipationem filii adoptivi, aut filiae adoptivæ remanet memoria, aut vestigium quoddam ex pristino jure. Neque enim eam uxorem ducere possum, quæ mihi fuit filia adoptiva, nec eam, quæ fuit uxor filii adoptivi, quem postea emancipavi. Et filius quoque adoptivus emancipatus, non potest uxorem ducere eam, quæ fuit uxor patris quondam adoptivi, l. quin etiam, de ritu nupt. quia fuit ei loco noveræ. Soluta adoptione jure possum ducere eam, quæ mihi fuit filia adoptiva, perinde ac si nunquam fuisset mihi filia adoptiva, sed non permittitur, quia pudor vetat, non omne quod jure fit, permittitur. Libertini ordinis homines ab ingenuis maxime dante patrono, jure adoptari possunt, ut ex Sabino refert Gellius in fin. lib. 5. cap. 19. sed ex eodem adjicit, id non permitti iisdem verbis, ne libertini ordinis homines per adoptionem in jura ingenuorum irreparent, vel invadant. Et hæc quidem est.

bejus per adoptionem non fit nobilis. Galli solent dicere la verge ennoblit, voyez la coutume, hoc est, ducitur ex genere nobilitas. Non fit igitur nobilis plebejus per adoptionem, nisi adoptione plebeji facta auctoritate Principis, id agatur, ut exeat ex plebe, argum. l. sed si hac lege, §. patronum, de in jus voc. At nunc videamus, an aliud dicendum sit, si nobilis det se in adoptionem plebejo, an desinit esse nobilis? an mutat genus? Quod negavi obiter in prælect. sup. sed verius est per adoptionem ex nobili plebejum fieri, quia ipsemet prodit suam nobilitatem, qui se subicit ditioni & familia plebeji. Et ita Clodium, qui se dedit adoptandum plebejo, Marc. Tullius scripsit exiisse a patriciis, & transiisse in plebem, ut fieret tribunus plebis, quem magistratum capebant soli plebeji. Mea igitur sponte ex libero servum fieri, si patiar me vendundum ad pretium participandum. Et ita quoque mulier patricii generis, si elegit nuptias plebeji transit in plebem, & de se queri debet, quæ nuptis plebejo, æque ita prodidit nobilitatem sui generis & sanguinis. Contra autem mulier plebeja per matrimonium, non mutat genus, videlicet si abesse constitutio Imperatoris, quæ specialiter constituit, ut plebeja per matrimonium, puta, si nupserit patricio, non tantum erigatur honore mariti, sed etiam nobilitetur genere mariti, atque ita proprium genus commutet in genus mariti, l. mulieres, C. de dignit. huli. C. de incolis. Si deesset illa constitutio, mulier plebeja per matrimonium non mutaret genus, sed augere tantum dignitate mariti. Et in hac questione, ut in eadem prælectione ostendi, separanda est dignitas a conditione personæ.

Ad L. CXIX. de Verb. oblig.

Doli clausula, quæ stipulationibus subjicitur, non pertinet ad eas partes stipulationis, de quibus nominatim cavetur.
Hæc lex pertinet ad illam regulam juris, quam habuimus libro 33. In toto jure generi per speciem derogatur, l. in toto, de reg. jur. veluti in legibus, l. sanctio, de panis, & in testamentis, veluti in legatis, quod variis exemplis demonstravi, ac etiam in substitutionibus. Specialis nempe substitutio derogat generali, l. coheredi, §. qui patrem, de vulg. substit. Et ut intelligitur ex hac lege, in stipulationibus siue contractibus: & forte mendum est in inscriptione hujus legis, vel legis in toto, vel in numero librorum. Subjici solet stipulationibus clausula generalis, dolum malum abesse futurumque esse. Hæc est novissima clausula stipulationum, l. novissima, judic. solvi. Quod non pertinet ad ea, de quibus specialiter cautum est in stipulatione, sed pertinet tantum ad ea, quæ non sunt stipulatione comprehensa nominatim: Nam de clausula illa generali sunt eximenda ea, de quibus cautum est specialiter. Denique hæc clausula generalis pertinet tantum ad casus incertos, & qui in præsentia contrahentibus occurrere non poterunt, l. 53. hoc ita, ut in emptione pecorum, cum ita stipulamur, quod exemplum Accurcius significavit in hac lege, paucis verbis, esse, bibere, posse habereque recte licere, & dolum malum abesse abfuturumque esse. Et in emptione mancipiorum, cum ita stipulamur, sanum esse, furem non esse, fugitivum non esse, habere recte licere, dolumque malum abesse abfuturumque esse. Et similiter in stipulationibus prætorii, veluti legatorum servandorum causa, vel de rato, vel de judicato solvendo. Et hoc est apertissimum. Sequitur nobilissima lex 38. ad leg. Jul. de adulter.

Ad L. XXXVIII. Ad L. Juliam de adult.

Si adulterium cum incestu committatur, ut puta, cum privigna, nuru, noverca; mulier similiter quoque puniatur: Id enim remitto etiam adulterio eveniunt.
Differencia est inter adulterium & incestum in re. Quæ sit differentia, non est explicandum in notum est omnibus, sed in jure differentia est. Nam

A adulterium jure naturali prohibetur, vel ut ait l. probrum, de verborum significat. adulterium est natura probrum, id est, jure naturali: Lactantius in Epilo. Instituit. Corrumperet alienum matrimonium communi omnium gentium jure prohibetur. Incestum autem non omne committitur jure gentium, siue naturali. Nam aut committitur jure gentium, aut jure civili. Et ut indicat in hac lege, ita evenit, ut incesti crimen, quamvis natura sit gravius, humanius vindicetur, vel ut de eo tractetur humanius, quam de adulterio, quia omne adulterium est natura probrum: omne incestum non est natura probrum, sed aliud natura, aliud civili jure. Ac primum quidem, ut ostenditur in l. ult. de conditi. sine caus. & l. ult. de ritu nupt. & in hac lege multis in locis, incestum jure civili committitur inter parentes & liberos conjunctumque gradus in infinitum, atque etiam inter affines, qui maxime parentum & liberorum locum obtinent, ut inter vitricum & privignam: vitricus quasi pater est, privigna quasi filia, vel ut Ovidius loquitur de Ponto, pene filia, qui & marito privignæ, dicit se esse pene socerum, id est, quasi, pene patrem uxoris. Numina pro socero pene precare tuo, scribens ad maritum privignæ. Incestum jure gentium committitur similiter inter novercam & privignum, quæ est, vel quæ fuit noverca, quia noverca matris, privignus filii locum obtinet, §. affinitatis, & §. socerum, Inst. de nuptiis, l. Aristo, de ritu nupt. Et recte sanctissimus Phocylides.

*Μετρίως μὲν Λαῶες τὰ δέσποτα λέγοντα γένους.
 Μάλιστα δ' αὖτις αὖτις μὲν μὲν τὴν ἑξῆς βίαν.*

C Id est, ne attinge novercam, secunda cubilia patris, sed eam cole ac matrem, quæ insequitur vestigia etiam matris, id est, quæ locum tenet matris. Et pari ratione jure gentium incestum committitur inter socerum & nurum, inter socerum & generum, quia socer & socra parentum locum obtinent, gener & nurus liberorum, d. §. affinitatis, & §. socerum, l. quia parentis, solvi. matr. Et nurus nomen siue socrus, aut generi, accipitur largissime. Exempli gratia: Nurus dicitur non tantum filii uxor, sed etiam nepotis, & ulque in infinitum in l. adoptivus, §. nuptio videamus, & l. leg. de ritu nupt. Ex transverso etiam jure gentium incestum committitur cum sorore, quod evidenter demonstrat l. 8. de ritu nupt. dum matri jungit sororem. Et matrem, aut sororem uxorem ducere moribus prohiberi, id est, jure gentium: mores illo loco ac etiam in l. sororis eod. id est, jus naturale, jus gentium. Et quod scripsit Æmilius Probus, Athenienses in matrimonio sorores suas habuisse jure licito, non est verisimile, ut populus Atheniensis adeo bene institutus, eam conjunctionem admisisset contra jus gentium. Si quam barbaram gentem diceret, hoc admitterem, sed Atheniensem populum, nunquam admittam, licet Æmilius Probus id scribat, qui etiam quasi falsi reus a doctissimis viris reprehenditur: quoniam Athenæus & Plutarchus multis in locis referunt Cimonem Atheniensem duxisse sororem in matrimonio, quæ adeo exultatum iisse, cum fecisset contra instituta Atheniensium, & omnium gentium instituta, jureque naturalis. Et recte etiam Phocylides, qui nobis tradidit præcepta juris naturalis:

*Μὴδὲ κατὰ τὸν νόμον τὸν ἀνθρώπων ἐνδύσας ἰδίαν.
 Νέε κοσμεύσας καὶ βίαν ἐνδύσας ἰδίαν.*

E Igitur ex transverso siue a latere, etiam incestum committitur jure gentium, veluti cum sorore. Et similiter, ut heri demonstravimus, cum sororis filia, & nepte, & pronepte in infinitum; quia avunculus est loco parentis. Ergo & cum fratris filia, quia patruus est loco parentis, quod hodie etiam obtinet, §. fratris, Inst. de nupt. l. nemini, C. eod. tit. l. ult. C. de incest. nupt. Posset quis ita facile induci, ut existimaret jure gentium incestum committi cum sororis filia, vel fratris, quod tamen non est verum, Nam cum his personis committitur tantum jure civili: cum sorore jure gentium; cum sororis filia jure civili.

civili, quod cur ita sit, etas explicabo. Et multum interest sane, utrum jure gentium incestum committatur, an jure civili. Nam error juris gentium, vel ignorantia ejus, non remittitur mulieri. Igitur etiam mulier, cui remittitur error juris civilis si incestum commiserit jure gentium, nullo modo excusatur obtentu erroris, quia nemo ignorat jus gentium, l. secunda, Cod. de in jus voc. Et Menander eleganter, *si tui vris tuis quouscunq; videris vides. Le' ley de nature n'est cachée a personne*. Ergo mulieri non remittitur error juris gentium, cui tamen remittitur incestum juris civilis. Et ita Papinianus in hac lege ait, mulierem eam poenam, quam mares sustinere, cum incestum jure gentium prohibuit admiserit. Et similiter in principio hujus legis, si adulterium committatur cum incesto, veluti cum nuru, vel cum privigna, vel cum noverca, non minus puniri feminam quam marem: neutrum posse obtendere ignorantiam hujus juris. Idem esse, si solum incestum sit admissum, quoniam cum his personis committitur jure gentium. Oportet addere, idem etiam esse, si solum adulterium, non tantum cum his personis, sed cum aliis quibuscunque. Et que ex causa adulterii puniuntur femina, ac masculus, quia est natura probrum similiter, id est, jure gentium, quod nemini licet ignorare. Et hoc est quod ait in princ. b. l.

Ex his, quæ diximus intellexistis, æque puniri feminam ac marem, si per adulterium incestum committatur jure gentium, vel si incestum tantum committatur jure gentium, veluti cum parentibus vel liberis cujusque gradus, vel inter affines, qui maxime parentum liberorumque locum obtinent, veluti cum privigna, nuru socru, noverca. Et idem esse, si adulterium tantum committatur: Nam & adulterium jure gentium probrum est, & neque mari, neque femine remitti errorem, vel ignorantem juris gentium, omnes homines præstare debere scientiam juris gentium; neminem non scire adulterari nefas esse, neminem neficere, committere his, qui sunt parentum vel liberorum loco, nefas esse. Igitur æque puniri feminas ac mares in his omnibus, quæ prohibentur jure naturali. Et adjecti eum fore etiam incestum committi jure gentium, cum foretore scilicet germana. Nam cum foretore patrueli, jure civili aut gentium incestum matrimonium non est, §. duorum, de nupt. l. celebrandis, C. eod. Quo tamen jure non utimur, & merito quidem: nam verecundia & pudor potissimum spectatur in nuptiis. Et ob id prohibito nuptiarum est extendenda potius ac coangustanda, nec debemus ea in parte discedere ab institutis majorum nostrorum, quæ pudoris inter nos conservandi gratia, & licitas quarundam personarum nuptias inhibuerunt, & in Phil. 2. Cic. illo loco, *foretore & uxore tua*: non oportet intelligere germanam, sed patrualem. Et hæc de incesto, quod committitur jure gentium. Restat ut tractemus de incesto, quod committitur jure civili. Incestum committitur jure civili cum sororis filia, vel nepte, vel pronepte, vel etiam hodie cum fratris filia, nepte, pronepte, vel cum amita, vel cum matertera. Cur vero cum his personis incestum contrahitur jure civili, non jure gentium, cum & hæc personæ inter se sint parentum liberorumque loco, §. item amitam, Insist. de nupti. l. sororis de ritu nupt. Patruus scilicet filie fratris pene pater est. Amita filio patris pene mater. Idem licet statuere de avunculo & matertera. Et tamen inter eas personas incestum committitur non jure gentium, sed civili. An verum est, non inter eos omnes incestum jure gentium committi, quia invicem sunt parentum, vel liberorum loco? Sic sane. Sed inter eos tantum verum est, incestum committi jure gentium, qui maxime *ce maxime emporte la faulce* quive propius sunt parentum aut liberorum loco, ut inter novercam & privignum: noverca mater est propius quam amita, cum sit uxor veri patris, cujus amita est soror. Ac similiter inter vitricum & privignum, inter socerum & nurum, inter socrum & generum: Nam cum aliis personis licet quodammodo accedant ad vicem parentum aut li-

berorum) legibus modo permixta fuerunt nuptia, modo prohibita. Et conjunctio earum personarum puta patris, & filie fratris, avunculi & filie sororis, amite, & filii fratris, materteræ & filii sororis, tota sita est in arbitrio legum, tota est juris positivi, ut Ulp. loquitur, vel ut æque dicunt recte, juris positivi. Et rectissime Accurs. in l. 1. §. initium, de postul. eorum, quæ sunt juris positivi, non admodum querendam esse rationem. Invenies in Dig. incestum committi cum sororis filia ab avunculo, non a patruo cum fratris filia, l. ult. de cond. sine causa, l. qui in provincia, l. aliam, l. sororis, de ritu nupt. & hujus l. §. 1. Nullum locum invenies in Dig. de patruo & fratris filia: nam cum ea permixtum consubium ex S. C. & auctoritate Claudii, ut Suetonius & Tacitus scribunt. Et ob id Ulpianus in fragm. nonnullam ex tertio gradu licet uxorem ducere, veluti fratris filiam, non etiam sororis. Hæc distinctio hodie merito sublata est: Nam neutram licet ducere ex constitutionibus novissimis. Jure Digestorum, ut ita loquamur, licet ducere fratris filiam, quamvis eodem jure non liceat sororis filiam, nec sit differentia ratio ulla, nisi quod jus ita positum sit. Filii tamen fratris eodem jure non potest ducere amitam, live paterteram, sic vocatur in antiquis inscriptionibus, sicut nec filius sororis materteram, quin admittatur incestum jure civili.

Ad §§. 1. 2. 3. 4. 5. 6. & 7.

Stuprum in sororis filiam si committatur, an adulterii poena sufficiat mari, considerandum est: quia multum interest, errore matrimonium illicite contrahatur, an contumacia juris, & sanguinis contumelia concurrant.

2. Quare mulier tunc demum eam poenam quam mares sustinebit, cum incestum jure gentium prohibitum admiserit. Nam si sola juris nostri observatio interveniat, mulier ab incesti crimine erit excusata.

3. Nonnunquam tamen & in maribus incesti crimine, quamquam natura graviora sunt, humanius quam adulterii tractari solent: si modo incestum per matrimonium illicitum contractum sit.

4. Fratres denique Imperatores Claudia crimen incesti propter ætatem remiserunt, cum alias adulterii crimen, quod pubertate delinquitur, non excusatur ætate. Nam & mulieres in jure errantes, incesti crimine non teneri, supra dictum est, cum in adulterio commissio nullam habere possint excusationem.

5. Idem Imperatores rescripserunt post divortium, quod cum noverca bona fide privignus fecerit, non esse crimen admittendum incesti.

6. Idem Pollioni in hæc verba rescripserunt: *incesta nuptia confirmari non solent, & ideo abstinenti tali matrimonio poenam præteritis delicti, si nondum reus postulatus est, remittimus.*

7. Incestum quod per illicitam matrimonii conjunctionem admittitur, excusari solet sexu, vel ætate, vel etiam puniendi correctione, quæ bona fide intervenierit: utique si error allegetur, & facilius, si nemo reum postulaverit.

His cognitis videamus, quæ tractet Pap. in hoc §. 1. & seq. usque ad §. Imperator Marcus. Cum sororis filia incestum jure civili committitur, & ut ait Pap. in hoc §. 1. stuprum. Ergo duplex crimen, incestum & stuprum, vel ut M. Tul. loquitur in Miloniana, *incestum stuprum*. Et querit Papin. hoc §. 1. an masculo sufficiat poena adulterii l. Julie: nomine adulterii, quod etiam est generale, significans stuprum incestum, ut sapissime J. C. maxime cum tractant de poena, dicunt promiscue, adulterium vel stuprum. Si igitur in sororis filiam commissum sit stuprum incestum, querit Papin. an avunculo sufficiat poena l. Julie, hoc §. querit, an mulier quoque similiter puniatur, i. e. an sufficiat mater puniri, si incestum committatur jure gentium: non sufficit marem puniri, utrumque puniri oportet. Videamus tamen, inquit, an sufficiat marem puniri, si incestum jure civili committatur, veluti cum sororis filia. Dubitationem facit, quod duplex est admixtum, junctum sc. stupro incestum. Simplex forte non

vindicaretur in femina. Duplex videtur esse vindican-
dum, non minus in femina, quam in mare. Et hoc signifi-
cat Papin. in illis verbis, *occidit, quod duplex admissum est*.
Verbo *occidit*, significatur ratio dubitandi. Item dubita-
tionem facit, quod multum interest, errans committat
stuprum incestum, an sciens: Nam sciens peccat duplici-
ter, & quod contumelia afficit sanguinem suum, generisque
dignitatem. Quid est incestum? Contumelia, quae inferitur
sanguini, vel necessitudini per nefarium illicitum coitum.

Peccat etiam sciens in eo, quod contemnat leges, &
iura civilia, quae contemptio eleganter dicitur a Papin.
contumacia juris: contumax dicitur a contemnendo: nam
videtur J. C. *in p. per. ubi dicitur*, in l. *contumacia*, §. *1. de re ju-*

dic. dum ait, contumax est, qui tribus edictis propositis,
&c. Vox contumax dicitur ab intentione & pertinacia,
quod eo nomine videatur significari is, qui intentos habet
& defixos, oculos in rem aliquam, ut per transla-

tionem & contumax videatur dici pertinax quique, ut
in iure augurali apud Varronem 6. de ling. lat. erat scrip-
tum, *conspiciendum Contumionem*, id est, conspectum in-
tentissimum. Et haec de sciente. Non potuit de quaestio-
ne proposita respondere sine distinctione inter scientem
& errantem. Errans non offendit legem, sed sanguinem
tantum inquinat. Igitur, ut revertamur ad quaestionem
propositam, si mulier per errorem juris civilis incestum
commiserit cum avunculo, excusatur, si existimavit non

esse vetitas nuptias: aut certe datur ei venia maioris
poenae, nec subit eandem poenam quam mas, qui debet
prestare scientiam juris civilis. Quod idem dici potest
etiam de minori 25. annis, aliter quam si incestum iure
gentium committatur, vel adulterium, quod omne
etiam contra ius gentium committitur: nam ab adulte-

rio, vel ab incesto iure gentium, neque aetas, neque
sexus excusat, l. *auxilium*, de minor. Certe, quod maxime
notandum est, & si alias militem excuset ignorantia ju-
ris civilis, non excusat tamen eum a stupro commisso
in sororis filiam, si eam habuerit in matrimonio,

quoniam illicitum est, si eam in contubernio, l. *miles* §. *1. h. tit. ubi*, quam habuit miles in contubernio, Graeci ap-
pellant Latino vocabulo, *focariam*, l. *mulierem de his qua*
ut indig. quam lib. 33. interpretati sumus. Igitur miles,
etiam si erraverit in iure civili, qui error alias solet ei
remitti, hoc casu non remittitur, si sororis filiam, vel

focariam, vel uxoris habuerit loco. Et hoc est rectius,
inquit, id est, honestius. Et maxime notandum, quia
vulgo dicitur, errorem juris civilis excusare militem,
sane hac in re non excusare. His adiecit Papin. in hoc

§. quod etiam est singulare, ut hic auctor noster vix so-
let unquam quicquam proferre, quod non sit singulare,
& praclarum. Adiecit enim, nonnunquam in mare, vel
minore, vel maiore, humanius tractari incesti, quam
adulterii crimen, quod scilicet excusationem mereatur ma-

giorem mas, qui incestum admisit, quam qui adulterium,
l. *ult. de ritu nupt.* Primum, vel propter aetatem minoris,
si per matrimonium iure civili incestum commiserit pa-
lam, ut dixi, errans in iure civili, qui tamen non ex-
cusetur a poena adulterii, vel etiam major 25. annis,
si errans in facto: (nam maiorem error juris civilis non

excusat:) puta, nesciens eam, quam ducebat uxorem,
esse sororis filiam, palam cum ea contraxerit nuptias,
quasi iure licito, modo errore comperito protinus eam
dimiserit, antequam reus postularetur, quia, qui ducitur

penitentia, id est, qui errore cognito protinus eam di-
mittit & adversatur, nec voluisse videtur cum ea ma-
trimonium incestum contrahere: erranti in facto venia
datur, & mox penitenti re cognita, vel maioris poenae
venia, l. *4. C. de incest. nupt.* quae etiam exigit, ut hic er-
ror sit acerrimus, non fictus, non simulatus hic error facti.

Et eleganter Arist. in 3. *Ethic. 7. dicitur in iuramento*
vera, cum quem ponit facti, nec voluisse videri. Et eleganter
Papin. libro singulari, de adul. scriptis, ut ex eis fragmen-
tis didicimus, quae nuper prodierunt in lucem, ei qui con-

junctione sorori filia bona fide abstulit, poenam remitti pa-
lam est. Et subiicit rationem: quia qui errore cognito divemit

A coitum, creditur ejus voluntatis fuisse, ut si scisset, se in eo gra-
du necessitudinis esse positum, non fuisset tali matrimonio co-
pulatorum. Notanda sunt illa verba, si scisset se in illo
gradu, id est, si scisset se avunculum, quae sane sunt de
errore facti. Igitur, & quod hic similiter scribit Papinian.

contra quam velit Accursius accipiendum de errore fa-
cti in maiore 25. annis. Nec vero mirum est, si hunc
errorem facti excuset poenitentia secuta, antequam reus
fieret incesti, si, inquam excuset ab incesto iure civili

cum excuset etiam ab incesto iure gentium, ut ostendit
in §. *idem Imperator*. Si privignus novercam uxore
duxerit, inquit, & post bona fide cum ea divor-
tium fecerit, quod se non fecisset ante errorem facti,
& ignorantiam necessitudinis, quae sibi fuit cum illa,

sed divortium cum ea fecerit, quod nunc primum co-
gnoverit, ejus se mulieris avunculum excuset, error facti
cum relevabit a crimine incesti. Excusatio huiusmodi nul-
la est in adulterio: Nam vix possis in adulterio primum
constituere errorem facti, nec cetera, quae posuimus. In-
cestum quidem est natura gravius adulterio, & ob id in-
cestum non finitur quinquennio, sed vicennio, sicut cete-
ra crimina graviora, cum tamen adulteri crimen finiat

quinquennio, l. *seg. §. praescriptio*: incestum igitur est
certe natura gravius, quam adulterium, & tamen ali-
quando tractatur humanius, ut apparet ex precedentibus.
Itemque quod in crimine incesti servi non tor-
queantur adversus dominos, l. *de (alias in) incesto*, & l. *ex-*

traneo, de quaestio. & torqueantur tamen in adulterio, vel
in incesto adulterio, l. *si quis viduam*, eod. tit. l. *1. C. eod.* & l. *seg. §. ult.* Ita vobis sunt enarranda ea omnia, quae Papin.
scripsit in hac La §. *stuprum* usque ad §. *Imper. Marcus*.

Ad §. Imperator Marcus.

Imperator Marcus Antoninus, & Commodus filius re-
scripserunt, si maritus uxorem in adulterio deprehensam
impetu tractus doloris, interfecerit, non utique l. *Cornel. de*
securis poenam excipiet. Nam & Divus Plus in hac verba
rescripsit Apollonio: Ei, qui uxorem suam in adulterio de-
prehensam occidisse se non negat, ultimum supplicium re-
mitti potest, cum sit difficillimum iustum dolorem temperare.
Et quia plus fecerit, quam qui se vindicare non debuerit,
puniendus sit. Sufficit igitur, si humilis loci sit, in opus
perpetuum eum tradi, si qui honestior, in insulam relegari.

I ntelleximus ex §. *1. l. si adulterium*, ad l. *Jul. de adul. ab*
incesto prohibito iure naturali: & ab adulterio, quod
etiam natura nefarium est crimen, neque marem excu-
sari, neque feminam ullo modo: ab incesto stupro, quod
prohibetur iure tantum civili, femina remitti errorem

juris, vel remitti poenam ob errorem juris civilis, non ma-
ri ob errorem juris civilis, nisi sit minor 25. annis: sed
ob errorem facti etiam majori remittitur poena, si per
matrimonium ignarus cognationis & necessitudinis in-
cestum commiserit, & errore comperito mox dissolverit
conjunctionem, & correxerit factum. Nunc sequitur in

§. *Imperator Marcus*, de viro, qui uxorem necavit de-
prehensam in adulterio, quod prohibetur l. *Julia nomi-*
natim. Ideoque facit contra l. *Juliam*, qui deprehensam
necat. Sed ex constitutionibus Marci & Commodi, at-
que etiam Pii Imperatoris, non punitur tanquam ho-

micida, aut parricida l. *Cornelia de securis*, quamvis
alias, qui uxorem occidit, teneatur l. *Cornelia de se-*
curis, l. *1. infra ad l. Cornel. de sic. sed ex constitutionibus*
ut dixi, ei, qui deprehensam necavit, remittitur poena le-
gis *Corneliae*, id est, ultimum supplicium, quod mor-
tem interpretatur, quia, ut est in his constitutionibus diffi-

cillimum ei fuit iustum dolorem temperare. Juvenal. 10. Satyr.

Exigit iste dolor plus, quam lex ulla dolori

Concessit, &c.

Vix enim quicquam leges dolorem concedunt, vix dant lo-
cum vindictae. Ex hac causa concedunt aliquid constitu-
tiones, dum de poena remittunt aliquid, si vir deprehen-
sam occiderit. Remittunt enim ultimum supplicium,
alias tamen poenam vir suffinebit. Nam humilior, hu-
milior loco positus, puta plebeus, ut ait hoc loco, dam-
nabi-

nabitur in opus publicum perpetuum. Contra *l. i. §. ult. sup. ad l. Cornel. de fidei. ait*, eum damari in exilium perpetuum, non in opus, & exilium accipit proprie pro deportatione. Sed nullum est diffidium. Nam est par poena deportationis, & damnationis in opus perpetuum, *l. i. C. de poen.* Hi, qui in opus perpetuum, id est, publicum damnantur, similes sunt deportatis: Num uterque patitur mediam capitis diminutionem, uterque civitatem amittit, & peregrinus fit. Igitur nihil refert, damnetur in opus publicum aut exilium perpetuum. Honefior autem, veluti positus in dignitate aliqua relegatur in insulam ad tempus, quæ poena contingit sine capitis diminutione, relegatio non est capitis diminutio, *l. relegatorum, §. si vis, de interd. & relegat.* Et ita Paulus secundum hæc secundo Sentent. Maritum, inquit, qui uxorem in adulterio deprehensam occidit, quia hoc impatientia iusti doloris admisit, levius puniri placuit. Puniri igitur, sed levius, excusari a maiori poena tantum, puta, *l. Cornel. de fidei. sive l. Pomp. de parricid.* Et m. le in eam rem adfertur *l. Gracchus, C. eod. tit.* Nam non loquitur de adultera occisa, sed de adultero, in quem plus aliquanto licuit marito, quam in uxorem, quamquam non omnem adulterum poterit occidere impune, sed infamem personam tantum, veluti ludionem, vel lenonem. Aliam personam si occiderit impuro doloris tractus, exemplo mulieris etiam punietur, *l. de levius.* Et hoc tantum ait *l. Gracchus.* Notandum, quod est in scripto D. Pii relato a Pap. hoc loco, maritum, qui uxorem deprehensam occiderit, puniri vel deportatione, vel relegatione, non ultimo supplicio, & puniri, non quod se vindicare non debuerit: Nam hæc vindictio per se perm. fa, sed quod plus fecerit, quam scilicet vindictæ modus ratioque postulet. Ex quo loco licet nobis interpretari, quod vulgo dicitur ex *l. i. C. unde vi*, unumquemque posse vim, iniuriam, contumeliam propulare, adhibita moderatione inculcata tutela, id est, cum tutela inculcata, nempe, ut ne quid plus faciat, quam vindictæ ratio desideret, ut si ulciscatur ex continentem in deprehensos, ut vindictæ injuriam lecti & domus. Et ita licet omnino ad *l. ut vim, de just. & jure*: fumere exemplum ex hoc loco, veluti, ut Pap. ait aliquo in loco in fragmentis, injuriam lecti genitalis & domus licet vindicare & ulcisci, cum modo tamen aliquo & pari. Vindictio hæc moderata permittitur jure gentium. Nec debemus restringere verbum vindicandi, quod usurpatur etiam illo tit. quando liceat unicuique sine iudice se vindicare. Licet autem se vindicare adversus vim, quæ nobis inferatur, vel his, qui nobis cari sunt, *l. i. §. pen. ad l. Corn. de fidei.* Et ad ulciscendam injuriam & contumeliam, veluti, ut ait eleganter Pap. in fragm. lecti & domus, quod est appositifsimum exemplum ad verbum *l. ut vim, de just. & jure.* Potuit igitur se vindicare & ulcisci in adulterio deprehensam uxorem, idque impune potuit jure gentium: sed quia plus fecit, quam debuit, ideo punitur, leviori tamen poena, quam homicida. Quæres, cur liceat patri filiam deprehensam in adulterio occidere, non marito? Sunt multi loci in hoc tit. quibus ostenditur hoc licere patri ex *l. Julia*, si modo & adulterum simul occidat uno ictu, si fieri possit, unoque impetu. Et ratio differentie optima redditur in *l. 22. §. ult. h. tit. quia plerumque pietas paterni nominis confilium pro liberis capit*, id est, efficit, ne occidat filiam, simul ac ne occidat adulterum: non potest enim parere filie, quin parcat adultero. Non est igitur nimia hæc licentia, quæ datur patri, quoniam vix necabit filiam, ac proinde servabitur uterque, & permittitur legibus publicis. Ceterum mariti calor, & ut ait *l. impetus, facile decernitis fuit refranandus*, id est, nullius consilium in eare capientis, nihil in eo articulo apud se deliberantis. Primum non data ei potest occidere cuiuslibet adulteri, sed infamem personam tantum, & nullo modo data potest occidere uxoris. Et similis est ratio Imperatoris Marci Philopoli apud Capitolinum, nolentis feverius agi in rebelles, id est, in reos perduellentes, sive majestatis. Non placet, inquit, Imperatori vindicta sui doloris, quæ est iustior ferat, acrior videtur semper. Paulatin

Tom. IV.

crevit potestas marito: primum, ut dixi, prohibitus fuit *l. Julia* occidere deprehensam: deinde constitutionibus occidenti deprehensam inflicta est minor poena: post tertio loco in Pauli fragmentis refertur, Marcum Antonium (is est Bassianus Caracalla) pepercisse omnino ei, qui adulteros impatientia doloris interfecisset, id est, utrumque marem & feminam. Nam hoc exigitur, ut neutri parcat, vel ut parcat utrique: non inflixit in aorem poenam ei marito, qui occidisset adulterum & adulteram, sed ei pepercit. Et secundum eam auctoritatem Antonini accipiendum, quod est in *l. 3. §. si maritus, ad Syllan.* Ignoscei marito, qui exequutus est adversus uxorem dolorem suum. Dicit, ignoscei absolute, quod scilicet ignoscerent sæpe Imperatores maritis, & remitterent omnem poenam. Sed nondum data est potestas marito occidende uxoris, concessa est venia & indulgentia ei aliquando, qui occidisset, non etiam data potestas occidendi, non porrectus est gladius, nisi tandem Novella Majoriani, ut refert Pap. in responsis suis, permiffum est marito deprehensum occidere simul cum adultero uno ictu, & æquali ira adversus utrumque sumpta, sicut patri, *l. quod ait, §. ult. h. tit.* Neque hodie ulla est differentia, si spectas illam Novellam inter patrem & maritum. Nam utrique jus est occidere adulteros, uno ictu modo id fiat, unoque impetu. Et ita Pap. scribit Majorianum revocasse jus vetustius: Nam certe ante *l. Juliam* in severitate prioris seculi licuit marito impune deprehensam occidere sine iudicio, ut ex *M. Catone* refertur apud Gell. Et hoc jure usi sunt posteriores, utimurque hodie. Unde Calliod. *1. Variarum: Pro more*, inquit, pudicitia ferrum porrigere maritis, non est calcare legem, sed condere. Pergamus ad reliqua.

Ad §. penult.

Liberto patroni famam læsere non facile conceditur, sed si jure mariti velit adulterii accusare, permittendum est, quomodo si atrocem injuriam passus esset. Certe si patronum, qui sit eo numero, qui deprehensus ab alio interfecti potest, in adulterio uxoris deprehenderit, delibendum est, an impune possit occidere, quod durum nobis esse videtur: nam cuius famæ, multo magis vite parcendum est.

Quod sequitur in §. pen. est de liberto, an possit patronum jure mariti adulterii accusare. Quid est jure mariti accusare? privilegio jure scilicet, ut præferatur omnibus accusare volentibus in iudicio damnationis, ut dicitur, ut præferatur omnibus intra sexaginta dies præscriptos *l. Julia*, & ut uxorem accuset sine metu calumnie, etiam ex suspitione sola. Quæritur ergo, an liberus possit patronum jure mariti accusare? Dubitatur, quoniam hæc actio irrogat infamiam condemnato. Et ut proponit elegantissime Papinianus, liberto patroni famam læsere non tamere conceditur: non potest libertus adversus patronum agere actione famosa, veluti de dolo. Imo nec actio non famosa, si oneret famam aliquantulum, si fuggillet aliquantulum, ut si actio ea, quæ non est famosa, habeat mentionem doli vel fraudis, vel vis, non licet ita experiri cum patrono, sed uti oportet aliis verbis: oportet verbis actionem temperare: non denegabitur quidem actio, sed dabitur detracta mentione causæ veluti famosæ. Nullum interdictum est famosum. Et tamen in patronum non datur interdictum unde vi, quia vis mentio fit, sed actio in factum ex eo interdicto, *l. neque, unde vi, de vi & vi ar.* Nulla conditio est famosa, *l. cas. do obl. & act.* & tamen conditio furtiva non datur in patronum, quia fit mentio furti. Nulla exceptio est famosa, & tamen non dabitur in patronum exceptio doli, aut vis, metuive causa, *l. licet, de obseq. pat. præst.* An igitur nunquam licet læsere famam patroni? non utique facile, non temere. Idemque statui de parente potest. Ceterum ex magna causa etiam famam patroni impetere licet. Actio injuriarum est famosa, & licet tamen liberto agere injuriarum, si atrox fuerit injuria, quæ eum excepit patronus, si gravissima poena servilis, ut si flagris eum vulneraverit, non mediocriter, *l. sed si hac, §. pen. de in jur. voc. & l. præst. §. præterea, de inj.* Licet etiam cum patrono experiri de vi

Fif

arma

armata, non de quotidiana in l. r. §. inter. hoc, de vi & vi arm. Et similiter licet accusare patronum adulterii, quamvis sit famosum, turpissimumque iudicium, non etiam occidere deprehensum, licet sit infamis persona, quæ potuerit ab alio impune occidi in ipso actu. Ex hac igitur causa parcat quidem vitæ patroni libertus, non etiam fama. Et recta est collectio hæc, qua utitur etiam Pap. cuius famæ parcere debemus, multo magis & vitæ. Argumentum valet ad affirmandum, non valet ad negandum, cuius famæ parcere non debemus, nec vitæ parcere debemus. Collectio est vitiosa. Et hæc est sententia §. pen.

Ad §. Ultim.

Si quis in honore ministeriove publico sit, reus quidem postulat, sed differitur ejus accusatio, & cautio iudicio sistendi causa promittitur in finem honoris. Et hoc ita Tiberius Cæsar rescriptit.

Quæritur, an crimine adulterii accusari possit is, qui in honore ministeriove publico est, adulterii scilicet commissi tempore honoris ministerii publici, quibus nominib. significatur magistratus, imperium, potestas, ut l. r. ad l. Jul. repet. si scilicet ministerio publico præfatus fuerit, ut apud Vellejum Paternulum, dum scribit M. Catonem midum fuisse in Cyprum pecuniæ regie publicandæ, & provinciæ constituendæ gratiā sub honorificentissimo ministerii titulo. Et ministerium igitur publicum, honor est, siue magistratus, aut pro magistratu. Et de hac questione ita defuit Pap. ex rescripto Tiberii Cæsaris, cuius nomine hic locus singularis adductum est, ut is, qui in magistratu vel in potestate aliqua est publica, possit quidem adulterii reus postulari, sed non accusari, non peragi reus: Nam differenda est accusatio in finem honoris ministerii publici, interim interposita cautio iudicio sistendi causa ad annum, vel ad diem; qua finietur honor, promisso vadimonio in finem honoris in diem finiti honoris. Si quis, inquit, in honore. Ergo aliud est reum postulari, aliud accusari. Reus postulari inscriptione libelli. Et ideo in Basil. loco horum verborum: reus postulat, legitur *παρὰ τὴν ὑπόθεσιν*. Et ut Asconius peritio scribit in secunda contra Verrem, reo apud prætorem interrogato reus sit, id est, deferatur, si apud prætorem interrogetur legibus, quod sit lite contestata, & accusatore dicente, ego te L. Titium occidisse dolo malo, vel, ego te, cum illa stupri consuetudinem habuisse, quo negante, inquit, petebatur dies inquirendi criminis a magistratu, & instituebatur accusatio: prius postulabatur reus, quam institueretur accusatio: hic fuit ordo iudiciorum publicorum vetus: qui accusat reum, etiam post damnationem postulationem habet, si & ipse alio crimine damnatus sit, reum peragere potest, l. 5. de public. iud. l. de ferre, §. r. de iure ficti: non etiam, qui reum postulavit tantum, puta, qui suboripit tantum in crimen, l. r. C. qui accus. non poss. Item abolitio generali, & indulgentia criminum concessa a Principe, non convenitur is, qui reus postulatus, nec dam accusatus est. Et qui eum postulavit, nec profert accusationem, incidit in Senatusconsultum Turpillianum, l. 2. C. de gener. abol. l. Lucius, inf. ad Turpill. qui autem accusavit reum, non incidit in Turpillianum, si non persequatur reum, siue accusationem, l. si interveniat, cod. in. quia generalis abolitio pertinet ad accusatos, nec post abolitionem jus est persequendæ accusationis, vel institutendæ ab alio, in l. hos accusare, §. hoc beneficio, de accusat. Et ita apparet aliud esse reum postulare, aliud accusare: sicut in causis civilibus, aliud est interrogationem in iure facere, id est, interrogare reum in iure, cum quo actum sumus, aliud agere. Et postulat rei, ut diximus, interrogatio rei est, quæ fit in iure, id est, apud prætorem, qui legibus publicorum iudiciorum nititur. Proinde is, qui in magistratu vel potestate aliqua est publica, neque in iure vocare, neque invitare in ius vocari potest ante annum, id est, antequam magistratu abierit: nam plerumque erant anni magistratus saluberrimo reipub. instituto, non potest agere vel conveniri civiliter, non accusare vel accusari: quod ita constitutum est, non tantum propter

honorem, sed etiam propter periculum impressiois, & potentatus, propter periculum iudicii corruptendi, l. 2. de in ius voc. l. pars, de iudic. l. sed etsi per prætorem, §. hoc clausula, ex quibus causis maior. l. si res, iud. solo. l. qui accusare, & l. hos accusare, de accusat. l. nec magistratus, de injur. Jure nec magistratu novum opus nuntiarum potest, l. 5. §. si quis ipsi pratori, de novi oper. nunt. ut Varro apud Nonium Marcellum eleganter: *Prætor noster mihi eripuit pecuniam, de ea quæsum veniam ad annum. De ea quæsum veniam, id est, ad annum, ad novum magistratum, neque enim intra annum licebat cum magistratu experiri. Et licet ita jus sit merito constitutum, tamen hoc remedio uti solemus, ut publice testemur, nos non posse cum eo agere, qui magistratu fungatur, nos non posse ei nuntiare novum opus, ut in d. si quis proponitur remedium hujusmodi, quæ protestatio pro petitione cedit, & perpetuat actionem, perinde ac si lis contestata esset, ut l. 2. de naut. fæn. vel etiam ex causa criminali cum interim reum postulam, tantisper dilata accusatione, donec magistratu abeat, ut proponitur in hoc §. ult. accusari eum non potest adulterii, reum postulari tantum posse interim. Et e contrario quoque ipse alium non potest accusare adulterii, ne jure mariti quidem, l. si maritus 2. h. t. Reum postulare potest, & queri de violato matrimonio, & item contestari. Denique potest procedere tantum usque ad litem contestationem interim, ut l. bi tamen, de accusat. l. Senatus, de offic. pref. Illud hodie singulare est in crimine repetundarum, eoque adegit imperatores iudicium rapacitas, & avaritia; turpitudine in crimine repetundarum, puta, si dicatur magistratus pecuniam accepisse ob judicandum, ob condemnandum, vel abolvendum; si dicatur pecunia corruptus dixisse sententiam, ut etiam magistratu nondum finito possit eo crimine accusari, l. 4. ad l. Jul. rep. C. & Nov. 8. & 86. Hoc tantum est receptum in crimine illo repetundarum, in crimine illo turpitudinis: nam turpitudinis proprie significat *aversionem*, sordes, avaritiam, ut in l. Cassius, de Senat. dum dicitur quidam Senatus motus ob turpitudinem, *post avit prius de l' argent.* Tull. r. ad Attic. *Si quis causam abolitionis, egestas iudicium fuit, & turpitudine.* Quomobrem prudentissime Scipio dicebat, non esse creandos magistratus vel eos, qui nihil haberent, vel eos, quibus nunquam satis esset quicquam, id est, neque egenos, neque iliberales. Odio igitur maximo fuit crimen repetundarum, cum cetera non liceat intendere durante magistratu, & hoc liceat. Nec adulterii crimen quidem, quod est contra jus gentium, licet intendere durante magistratu, instituta scilicet accusatione, sed tantum inscripto nomine rei, & interrogato, dum abeat honore ministeriove publico.*

Ad L. ult. ad L. Jul. pecul.

Publica iudicia peculatus, & de residuis, & repetundarum similiter adversus heredes exercentur, nec immerito, cum in his questio principalis ablata pecunia moveatur. Constituemus etiam aliam differentiationem inter crimen adulterii, & crimen repetundarum. Crimen adulterii solvitur morte rei, sicut omnia crimina, quibus persequimur nostrum dolorem tantum & vindictam, siue publicam, siue privatam tantum, non pecuniaria, non rem familiarem. Hæc crimina non transeunt in heredes nostros, l. in S. C. §. si propter, ad Turpill. l. ult. ad l. Jul. majest. excepto semper scilicet illo crimine perduellionis, quod impietatis crimen dicitur. Alia igitur est conditio eorum criminum, quæ pecuniæ persecutionem habent: veluti repetundarum, si magistratus sordes arguantur, & turpitudinis; vel peculatus, si dicatur pecuniam publicam cepisse, nec tenuisse in publicum, si pecuniam publicam intercepisse, averuisse, abfuisse; vel crimen reliquorum, puta si quæstorem ex administratione pecuniæ publicæ dicatur aliquid retinuisse, nec parem rationem fecisse. Publica horum criminum actio dicitur etiam adversus heredes mortuo reo, & excipitur similiter adversus heredes, ut ait Papin. in hac l. ult. id est, similiter atque in ipsum reum excipitur, si viveret. Quid hoc est? Hæc publica iudicia repetun-

petundarum, residuorum, peculatus, similiter in heredem exerceri, atque in defunctum? nempe etiam poenæ perfectionem in heredem competere in *lex judic. de ac. cum* principalis quæstio, ut ait, quod notandum, sit de ablata pecunia. Principalem quæstionem sequitur poena, alioquin inane esset iudicium. Quid enim salvis infamia nummis, inquit Juvenal. nihil est reum repetundarum damari exilio, nisi cogatur etiam pecuniam ablatam restituere, ac porro poenam inferre, id est, pati bonorum publicationem in partem saltem, *d. l. judic.* Principalis quæstio transit in heredem proculdubio, quod sit æquum heredem restituere pecuniam, quam defunctus eripuit injuria, vel intervertit. Si principalis quæstio transit in heredem, ergo & poena: nec liberabitur heres, si simpliciter inferat sive restituat, simplo subducto, super exigetur poena ab herede defuncti. Morte autem adulteri, vel adulteræ extinguatur poena, quia principalis quæstio extinguatur, quæ fuit de injuria lecti. Superest tantum quæstio civilis de dote etiam mortua adultera ante accusationem, ut in *hult. C. ad l. jul. de adul.* Quæ tamen quæstio, quod maxime notandum, jam non disceptabitur apud judicem publicum quæstionem, sed apud eum qui de pecuniariis causis cognoscit civiliter. Ita accipienda est *l. des. de pub. jud.* Nam ob adulterium olim pars dote cedebat lucro mariti: hodie cedit dos tota ex. *Nov. Leonis 32.* Morte autem rei repetundarum, vel residuorum, vel peculatus, poena non extinguatur, ut dixi, quia principalis quæstio manet, & durat in heredem: ergo & sequela, quod fuit olim jus vetus, sed aliquando fuit intermissum, ut Plin. scribit in epist. *de crim. rep.* illato post mortem rei. Et licet fumere exemplum ex *Val. Max. lib. 9. c. 12.* de Cajo Licinio reo repetundarum, qui fudario, quod forte manu tenebat, incluso spiritu, poenam morte præcurrit, dicens, se non damnatum perire, nec bona sua publicari posse, quod scilicet tum esset intermissum jus vetus, ut crimen repetundarum transiret in heredem, quia poena extingueretur morte; sed, ut idem Plinius ait, post longam intercaedinem est reductum, ut poena repetundarum sequatur heredem rei, ut principalis quæstio.


Ad L. VII. de Vacat. & excusi. mun.

A muneribus, quæ non patrimoniis inducuntur, veterani post optimi nostri Severi Augusti litteras, perpetuo excusantur.

EX recripto Severi, quem solet optimum Imperatorem appellare, ostendit, inter cetera privilegia, quæ dantur veteranis, id est, dimissis militiæ & sacramento solutis honesta missione, non etiam ignominiosa, propter honorem & merita militiæ, hoc etiam dari, ut veterani excusentur a muner. personalibus patriæ suæ, a muner. corporaliibus, non etiam a patrimonialibus, id est, ab his, quæ patrimoniis & possess. indicuntur, *l. veterani, C. quando prov. non est nec.* Et hoc ait *d. l. 7.* Ergo Papin. in hoc lib. 36. tractavit de poenis, de causis criminalibus. Puto eum incidisse in hunc sermonem, ut exponeret etiam veteranos perpetuo excusari a muner. personalibus, cum ostenderet etiam in poenis veteranos separari a plebeis, id est, mitius puniri, quam plebejos, non damari in opus publicum, vel in metallum, non exuri vivos, non fustib. cædi, sed plerumque relegari in insulam. Quod & datum est filiis veteranorum, *l. 3. de priv. vet. & in l. bon. C. de pen.* Et similiter puto in hoc lib. Pap. tractantem de poenis, scripsisse, quod habuimus in *l. 13. de adapt.* ut intelligeremus, filios senatorum adoptivos, post emancipationem non habere privilegium in poenis, quod constat habere Senatores & Decuriones, & veteranos, & filios eorum. Et eodem respicientem, puto etiam hoc lib. Pap. scripsisse, quod est in *l. doli clau. de verbor. obl.* cum scil. scripsisset, sanctionem legum, quæ solet præscribi in ultima parte legum, id est, generalem poenæ irrogationem, si quis præceptis legum non obtemperaverit, non pertinere ad eas species, quibus in ipsa lege poenæ specialiter indicta est, ut in *l. sanctio, de pen.* quæ species derogat generi. Id scilicet Pap. confirmasse exemplo clausulæ doli, quæ in stipulationibus etiam sub-

Tom. IV.

jiçitur novissimo loco in *d. l. doli.* Nec pertinet ad speciales cautiones stipulatione comprehensas, quod & hic species deroget generi. Atque ita explicatus est liber 36.

JACOBI CUJACII J.C.
COMMENTARIUS

In Lib. XXXVII. Quæstionum ÆMILII PAPINIANI.

Ad L. XIX. de Dolo.

Si fidejussor promissum animal ante moram occiderit, de dolo actionem reddi adversus eum oportere Neratius Priscus, & Julianus responderunt, quoniam debitore liberato, per consequentias ipse quoque amittitur.

EX lib. 17. & ult. quæst. Pap. initium dabit quæstio difficillima, quæ tractabitur conjuncta *l. 10. de dolo, cum l. 54. ad leg. Aquil.* Quæstio pertinet ad hanc speciem. Certus homo, vel certum animal deberet ex stipulatu, & occiditur: quæritur, an promissor liberetur, & an promissori in occisorem sit actio legis Aquiliæ, & an stipulatori in occisorem sit actio legis Aquilæ? Nec enim stipulatori potest esse illo casu actio l. Aquil. cum non sit dominus hominis occisi, & actio l. Aquil. competat soli domino. Sunt quinque actiones, quæ competunt solis dominis, actio l. Aquiliæ, conditio furtiva, arborum furtim cæsarum, finium regundorum, & actio aquæ pluvie arcendæ. In his autem quæstionibus ita distinguendum est: aut promissor hominem promissum occidit, aut fidejussor ejus, aut extraneus, aut stipulator: & vel occidit ante moram promissoris, vel post moram. Si promissor occidit post moram, postquam moratus est in præstanda stipulatione, vel fidejussor ejus, vel extraneus, vel stipulator, certum est hominem periisse promissori, & eum stipulatori teneri ex stipulatu, quia homo interit post moram rei: fidejussorem autem qui occidit, vel extraneum promissori tanquam domino teneri legis Aquil. Tenebitur, inquam, fidejussor vel extraneus, qui occidit etiam post moram rei, promissori actione l. Aquiliæ, de homine occiso; in quo judicio tanti homo æstimatur, quanti plurimi fuerit in anno proximo, qui retro computabitur ex eo die, quo occisus homo est. Annus l. Aquiliæ, ad quem refertur æstimatio, retrosum computatur non proflum: nam ut ait Accurs. *l. 55. ad l. Aquil. in fin.* in verbo fuisse, habet lex Aquil. oculos retro: sic & *inf. de servo corr. l. doli, §. ult.* Aquilius oculos habuit in occipio, id est, præteritam æstimacionem hominis occisi spectavit, non præsentem. Item si promissor ipse hominem promissum occiderit ante moram, tenetur ex stipulatu, quia per eum factum est, quo minus eum dare possit. Itaque periculum, quod suum non fuit ante moram, suum fecit occidendo ipsum, *l. si ex legati causa, l. si servum, de verbor. obligat.* Aliud in fidejussore juris est, qui eum hominem occidit, ante moram rei, quia fidejussor stipulatori tenetur de dolo hac actione, *l. 19. de dolo.* Non ergo tenetur ex stipulatu, quia homine occiso ante moram rei, sine facto aut culpa rei, reo liberatio contigit. Ideoque nec in fidejussorem ei competit actio l. Aquiliæ, cum eum liberavit, sicut nec in extraneum, qui occiderit, qui & ipse tantum tenetur stipulatori actione de dolo, *l. prox. sup. §. ult. h. t.* qui ita est conjungendus cum hac *l. 19.* Cum igitur fidejussor occidit hominem promissum, reo contigit liberatio, sicut si extraneus occidisset. Reo autem liberato, per consequentias, ut ait *l. 19.* per sequelas necessarias, & fidejussor ipse liberatur. Per consequentias, solent dicere auctores nostri, & alii omnes, *l. sin. autem, §. sed & ita, de rei vind. l. 7. §. dubitatum, de inter. & rel. l. 1. de auct. tut. l. 1. §. idem ait, de injur. l. 14. de legib.* Et in hac *l. 19.* per consequentias, non per consequentiam. Quam Græci, ut ex

Ff. 2

Chry.

Chrysippo refert Gellius, dixerunt *καὶ τὸν ἀποκτείνοντα*. Igitur cum liberato reo (liberatur autem si fidejussor hominem promissum occiderit) etiam fidejussor liberetur, id est, cum sublata principali obligatione, & per consequentias tollatur fidejussoria: Ergo non tenetur fidejussor ex stipulatu, quamvis ipse hominem occiderit, & est quod ait hac l. 19. Sed pugnat l. Stichum, §. 1. de solut. que ait, in hac specie fidejussorem teneri ex stipulatu, non de dolo. Sane non tenetur directa actione ex stipulatu, cum liberatus sit per consequentias, sed tenetur utili, ut ait l. mora, in fin. de usur. Utili, id est, restitutoria, que utique restituitur arbitrio iudicis in actione de dolo, ut exposui in d. l. Stichum, §. 1. lib. 28. quest. 29. l. cum quis, §. pen. de solut. Vel etiam sublato illo circui- tu, boni pratoris erit, statim restituere actionem ex stipulatu in fidejussorem, l. pen. de restit. in integr.

Ad L. LIV. ad L. Aquiliam.

Legis Aquiliæ debitori competit actio, cum reus stipulandi ante moram, promissum animal vulneravit. Idem est, si occiderit animal. Quod si post moram promissoris, qui stipulatus fuerat, occidit, debitor quidem liberatur. Vide autem Aquilia hoc casu non recte exipitur: nam creditor ipse sibi potius, quam alii injuriam fecisse videtur.

Nunc de stipulatore tractemus, qui hominem sibi promissum occidit. Et Papinianus hoc ipso libro in l. 54. ad l. Aquil. ad quam transeamus modo, ita distinguit: aut stipulator eum occidit ante moram, aut post moram promissoris. Si post moram promissoris, promissor quidem liberatur, sed non habet actionem l. Aquil. in stipulatorem, qui servum necavit, quia ut eleganter ait Papius, stipulator ipse sibi potius, quam promissori injuriam fecisse, id est, damnum dedisse, videtur, quandoquidem periculum, quod erat debitoris post moram, in se transitulit occidendo servum promissum. Et hoc quidem est manifestum, si stipulator eum occiderit post moram rei: impune igitur occiderit, & debitor tantum competit liberatio, non actio leg. Aquiliæ. Quid si ante moram stipulator occiderit? Et ut idem Papin. ostendit in d. l. 54. in priori parte, cuius ratio obscurior est, quamvis homine occiso ante moram ab ipso stipulatore, ab ipso creditore debitor liberatus sit, quod ante moram periculum ejus non fuerit, tamen, quia ei debitor stipulator injuriam fecit potius, quam sibi in hoc casu, ideo tenebitur debitori actione legis Aquiliæ. Et hæc est sententia l. 54. cuius ratio plerisque nulla esse videtur in hac priori parte, in hoc casu, cum occidit stipulator ante moram rei, quia lex Aquilia exigit injuriam cum damno, & damnum cum injuria, non damnum tantum, non injuriam tantum, l. si quis sumo, §. 1. hoc tit. Nihil autem damni videtur fecisse debitor, cum sit liberatus. In posteriori parte hujus l. puta, cum stipulator servum occidit post moram, liberato debitori non datur actio legis Aquiliæ, non datur etiam liberato stipulatore debitori actio legis Aquiliæ in specie l. 18. §. ult. de dolo.

Cur in priori parte tamen hujus leg. 54. liberato debitori datur actio l. Aquiliæ in stipulatorem, qui hominem promissum necavit? Respondeo, posse debitoris interesse ex causa damni, puta quod careat commodo medii temporis vel acquisitionibus, quas interim fecisset servus: cuius commodi ratio habebitur in actione legis Aquil. ut Græci nominatim norant in hac l. 54. καὶ τὸν ἀποκτείνοντα τὸν ἄλλου χρηρῆναι. In acquisitione & commodo medii temporis debitori dabitur in stipulatorem actio legis Aquil. Quæ ratio manifestissima est, causave ea damni: sed licet etiam aliam causam damni fingere ex specie l. 54. que efficiat, ut etiam liberato debitori detur actio legis Aquiliæ in stipulatorem. Et licet in specie l. 54. ut ait ipsa lex, nihil differat stipulator ab extraneo, tamen in specie hujus legis 54. sane differt stipulator ab extraneo, quod l. sequens demonstrat, dum ait in suo casu nihil differre creditorem ab extraneo, tacite significans in casu, qui precedit, differre stipulatorem ab extraneo, quod comprobat d. l. 18. §. ult. Et differet.

tia hæc est, quia si stipulator ante moram hominem promissum occidit, debitori tenetur actione legis Aquiliæ, debitori competit actio legis Aquiliæ, quia solius debitoris interest, vel ratione commodi medii temporis, vel ratione commodi ejus, de quo tractatur in specie l. 54. Sed si extraneus ante moram rei hominem promissum occiderit, licet utriusque videatur interesse, debitoris & creditoris, tamen utrique non datur in occisorem extraneum, sed in eum tantum, cuius principaliter interest: & hujus principaliter interest, cuius maxime interest, l. 3. §. sed utrum, de minor. l. servo legato, §. si testator, de leg. 1. l. 19. C. de liber. caus. Et stipulatoris magis interest, quam promissoris, cum promissor sit liberatus omnino. Et ideo debitori, cuius principaliter non interest, non occisum fuisse servum, non datur actio legis

Aquilæ, quæ daretur, si qua esset danda de occiso servo: sed stipulatori deficiente actione legis Aquiliæ, cum non sit dominus servi occisi, datur in occisorem extraneum actio de dolo, d. l. 18. §. ult. sicut in fidejussorem, si fidejussor occidisset ante moram d. l. 19. Denique stipulatore occidente solius debitoris interest, extraneo vel fidejussore occidente, stipulatoris potius interest, quam promissoris, quæ consideratio valde notanda est, & jam erit absoluta, si exponatur species l. 54. quæ talis est. Quidam promissum disjunctim Stichum, aut Pamphilum, Pamphilus est 20. Stichus 10. electio est debitoris, quem velit dare: stipulator ante moram occidit Stichum, tenetur debitori actione l. Aquil. in id quod interest, nec aliud est in extraneo, qui occidit Stichum: nam etsi extraneus occiderit, similiter tenetur debitori actione legis Aquiliæ in id quod interest, qui occiso Stichus, necesse habet dare stipulatori eum, qui superest, puta Pamphilum, qui longe pretiosior est. Ergo vel stipulator vel extraneus, si occiderit Stichum, tenetur lege Aquilia debitori in integram æstimationem Pamphilum, quem occiso Stichus necesse habet dare debitor, non deducto pretio Stichi. Dices: imo occiso Stichus adhuc est in potestate debitoris offerre pretium oculis & liberari, quia sine culpa ejus interit, l. cum res, §. sed si Stichus, de leg. 1. Dicam hoc fortasse iudicem admissum. Et ita loquitur d. §. sed si Stichus, vel fortassis, inquit, mortui pretium. Ceterum, dicam Pamphilum solum absolute peti posse, & omnimodo præstari debere, si forte debitor non obtulit pretium oculis, vel iudex non audierit offerentem. Quo casu tantum videtur debitoris interesse, quanti is est Pamphilus, quem præstare cogitur, & tanti fiet æstimatio & condemnatio, tanti lis æstimabitur, tamen debitor interim omnino liberetur etiam a præstatione Pamphilum, puta Pamphilus postea mortuo suo fato ante moram; quia scilicet verum est in eo anno, qui retro computatur ex lege Aquilia, Stichum tanti fuisse, propterea, quod Stichus dato, debitor servasset sibi Pamphilum, qui longe pretiosior est. Idemque dicendum est, ut similiter docet Paulus in l. 54. non tantum, si Stichus occidatur a stipulatore, deinde moriatur Pamphilus sine mora sua morte, sed etiam e contrario, si prior moriatur Pamphilus sine mora intra annum legis Aquiliæ, deinde occidatur Stichus a stipulatore, quia scilicet verum est, eo anno Stichum pluri fuisse, propterea quod datio

Stichi liberasset a pretiosiore servo, id est, Pamphilo. Et in hoc iudicio præterita æstimatio hominis oculis veritatur, nec minuitur ex post facto. Et hæc etiam species potuit commodissime poni ex d. l. 55. ad priorem partem l. 54. quia post mortem Pamphilum suo fato defuncti, Stichus solus, cum occideretur, erat in obligatione. Et licet tunc debitoris nihil interfuerit, quia tamen interfuit retro, intra annum, cum adhuc erat in rebus humanis Pamphilus, hoc satis est, ut ei debitor etiam liberatio, qui occidit Stichum, detur actio legis Aquiliæ in stipulatorem, nec abere hæc lex subiecta est legi 54. Ex qua ita sumes causam damni præteriti retroactio anno, quæ efficiat, ut & liberato debitori competat in stipulatorem l. Aquiliæ actio. Quid autem sit dicendum, si Stichus

chus sit occisus factio promissoris vel extranei, cum A erat promissus Stichus, aut Pamphilus, id ego tractavi lib. 18. ad l. Stichum, §. 1. de solut.

Ad L. XII. Sol. Matr.

Si pater ignorans filium divorisse, dotem ex causa promissionis numeravit, non per indebiti conditionem, sed de dote actione pecunia petetur.

Hujus l. ratio, aut vis & potestas vera an adhuc sit explicata liquido, dubito. Loquitur primū lex de filiisfamilias non de emancipata: nam dicit, patri soluto matrimonio dari actionem de dote, quæ si filia esset emancipata, daretur soli filia non patri, l. si cum dote, §. eo autem tempore, h. tit. Pater igitur pro filia, quam habuit in potestate, dotem genero promisit, eamque numeravit genero: post divortium, cum ignoraret intervenisse divortium inter filiam & generum, Papinianus ait, eum non repetiturum dotem perfectitiam conditione indebiti, sed actione de dote. Cur non conditione indebiti? quia scilicet solvit debitam ex stipulatione, cuique inerat tacita conditio nuptiarum, si nuptiæ sequantur, l. 4. §. 1. de pact. l. stipulatio, de iure dot. Et semel soluta impleta conditio nuptiæ. Et semel exstiterit conditionem satis est, etiam non duraverit, veluti, si nuptiæ solutæ sint divortio: videbatur tamen locus esse conditioni indebiti, sed Papinianus non negavit esse conditionem indebiti, quin videretur esse. Cur igitur videbatur esse conditio indebiti? quia finita jam causa promittenda dotis, id est, solutis nuptiis, pater dotem solvit, & solvit tutus exceptione doli, quæ solet parere conditionem indebiti, l. qui se debere, de cond. causa data, l. pen. de cond. ob tūp. caus. quandoquidem, si post divortium ageret gener ex stipulatu, non soluta dote, repelleretur exceptioe doli mali, quia in causa res est, ut jam non dos ei dari, sed ab eo restitui debeat, si quam accepit. Videtur ergo soluta eo tempore, quo indebita erat dos. Cur ergo non repetitur conditio indebiti? Papinianus scribit, patrem habiturum actionem de dote, scilicet solam, patrem repetiturum dotem, quam solvit post divortium, divortii ianuaris, actione de dote: rectissime & sapientissime. Alioquin & dote soluta ante divortium, dici posset, iisdem rationibus dotem posse repeti conditione indebiti, quod causa dotis finita sit. Verum sic se res omnis habet. Quod ita solvi, ut nulla obligatio me liberaverim, quæ scilicet nec obligatus eram: conditione indebiti repetam, quo soluto me obligatio liberavi, vel mihi prospexi in causam obligationis finita causa obligationis. Id repetit quidem ut indebitum, quod post finitam causam non debeatur, sed id non repetit conditione indebiti, verum id repetit actione ex ipso principali contractu, ut in l. sed addet, §. si quis, loc. Finge: ego domum conduxi in annum, & totius anni pensionem prorogavi, id est, dedi in antecessum, ut loquitur Sequæ, le Fay avance, & domne devant la main, post sex menses domus corrui, nec possum frui conductæ habitatione, repetam pensionem residuorum sex mensium, quam dederam in antecessum: qua actione? nam repetam sanc, an ut indebitum conditione indebiti, quod residui temporis, quo mihi non licet frui ædibus, pensio non debeatur? minime: verum actione ex conducto, ex principali contractu. Et ita etiam de actione ex conducto, non de conductioe indebiti, est accipienda l. si quis domum, §. Imperator, eod. tit. Quam Accursius male videtur hoc loco accipere de conditione indebiti, cum ut in specie huius l. ita & in specie illius, negandum sit, prorogatam mercedem repeti conditione indebiti, sed actione ex conducto. Igitur & in specie huius legis, ignorantia divortii non parit conditionem indebiti: error prioris causæ negotii constitutæ dotis posse parere conditionem indebiti forte, ut si putavit pater se promississe, qui non promissit, qui error non fuit in hac specie: Patrem enim promississe verum erat, sed est non promississet, quod notandum & falsa opinione ductus, cum putaret se pro-

mississe, dotem solvisset pro filia, quia solvit pietatis gratia, non haberet conditionem indebiti, l. cum is, §. pen. de condic. indeb. Pietas paterni nominis, exigit dotem filie constituit. Igitur merito scripsit Papinianus hic patri non esse conditionem indebiti, licet ignorans divortii dotem solvit, sed esse de dote actionem, quia dotem initio filie nomine constituit, quam nec constitutam semel ei auferre aut minuire potest, Novell. 77. Et dos est, quamvis numerata sit post divortium, quæ fuit promissa ante divortium. Ideoque licet jam non debeat genero, debetur tamen filia, & ut dos petitur adjuncta persona filie, non ut indebitum, quæ est mens huius legis. Recte autem hoc loco Græci ponunt generum auctorem fuisse divortii: nam ignorante patre filiæfamil. non potuisset divertere, Novell. 22. de nuptiis.

Ad L. Si tacitum XIII. ad l. Falcidianam.

Si tacitum fideicommissum servus iniungente domino suscepit, habiturum eum legis Falcidie beneficium, quia parere domino debuit, constitutum est. Idem placuit in filio, qui fuit in patris potestate.

Ut quædam personæ incapaces legibus, id est, quibus non est testamenti factio, quæ legata aut fideicommissa aut hereditates capere non possunt: his legibus quæ appellantur caducariæ illudant, & fraudem faciunt sæpe testatores per tacita & secreta fideicommissa, cui fraudi, qui participant heredes, puniuntur iisdem legibus: nam fideicommissa tacita, quæ heredes suscepunt, quibusque se secreto onerant, sicut violantur in solidum, ut etiam interveniat lex Falcidia, non possit heres ex eis tacitis fideicommissis retinere Falcidiam, quæ est ex Sentent. Planciano, l. pen. de iure fideicommissi, hoc tit. l. 2. C. cod. Ergo integra fideicommissa tacita filius eripit, nec ex eis retinetur Falcid. ius est, licet as exhaustus sit legitis vel fideicommissis. Verum exsoluitur heredes quidam, nec amittunt Falcid. tacitorum fideicommissorum: exsoluitur, puta necessitate potestatis patris, vel dominice, puta iniungente & imperante patre, vel domino, qui heredis scripti tacitum fideicommissum in se receperunt, eique dan. si personæ incapaci, domesticæ cautione se obligant: ergo hi necessitatem habuerunt parendi ei, in cuius erant potestate, quæ est sententia huius l. 13. & in l. fraudem §. ult. de his, quæ ut ind. Et congruit hoc regulæ juris: nam delinquit quidem filius aut servus, qui tacitam fidem interponit præstandi fideicommissi personæ incapaci, quia est particeps fraudis, quæ fit legibus, sed delictum non est atrox, non est grave, & ad ea delicta, quæ non sunt atrociora, ignoscitur servo vel filiosam. Hæc est regula juris, si patri vel domino obtemperaverint. Quod obtrinet non tantum in hac specie, sed & in aliis plerisque, l. 11. §. si tutor, quod vi aut clam, l. si mulier, §. 1. rerum anno. l. 1. de his, qui not. infam. l. Divus, & l. filius, in prin. ad l. Corn. de fals. l. 2. §. 1. de nox. act. l. liber 2. in prin. ad l. Aquil. Alia sunt delicta leviora, alia atrociora. In levioribus necessitas imperii & potestatis excusat delinquentem, l. 2. §. 1. de nox. act. ibi, quasi ignoravit, quia forte perisset, si non parvisset patri vel domino, qui ius imperandi habet. In atrocioribus delictis, veluti in homicidio, in furto, in prodicione patriæ perpeti, mori denique satius fuit, quam huiusmodi imperio obtemperari, quia in atrocioribus delictis habetur quilibet pro libero, nec parere cogitur, si compellatur ad facinus, flagitium, obconitatem aliquam, l. servus non in omnibus, de obl. & acti. Et non est igitur legitima illa exculatio apud Corn. Tacit. l. 3. adolescentem, inquit, crimine civilis belli purgavit, patris quippe iussa eum non potuisse detestare. Hic prætexitur, ut dixi nihil valet in crimine civilis belli, quod ex atrocioribus est, in quibus quilibet debet se gerere pro homine sui juris, suæque potestatis. Et hæc pertinebant ad hanc l. 13. Jam poenæ teram videmus, ex hoc lib. 37. & ult. restant tantum tres leges, ex quibus est l. 19. de digbus reis, quam li meminitis, lib. 27. jam expoliamus ad l. 9. ejusd. tit.

Ad L. CXX. de Verb. oblig.

Si ita stipulatus fuero, hanc summam centum aureorum dari spondes? Et si maxime ita exaudiatur ille sermo, si modo centum aureorum est, non faciet conditionem hac adjectio, quoniam si centum non sint, stipulatio nulla est, nec placuit instar habere conditionis sermonem, qui non ad futurum sed præsens tempus refertur, Et si contrahentes rei veritatem ignorant.

R Estant igitur ex libris quæst. Papiniani duæ leges tantum, l. 120. de verb. oblig. Et l. 50. de fidejussor. & ad l. 120. notandum est, aliud esse stipulari summam centum aureorum, aliud stipulari hanc summam centum aureorum, qui stipulatur summam centum aureorum, genus stipulatur, seu quantitatem in genere. Qui hanc summam centum aureorum, speciem stipulatur: His enim verbis demonstrat certam summam, quæ est in conspectu, ut qui in rem agit ex formula, hanc ego rem meam esse ajo, in rem præsentem agit. Ideoque solet de re exhibenda agi priusquam agatur in rem. Igitur his verbis stipulationis, hanc summam centum aureorum, aut hæc verba stipulationis, hanc summam si est centum aureorum, sic accipi possunt, hanc summam, quæ est centum aureorum, vel hanc summam, si modo est centum aureorum. Et licet sic accipiantur hæc verba, tamen conditionem non faciunt. Nam conditio suspendit obligationem; hic sermo non suspendit obligationem; sed vel statim valet stipulatio, si tacita sit summa in conspectu, vel non valet, si tacita non sit. Conditio confertur in futurum tempus; hic sermo confertur in præsens tempus, conditio non confertur in præsens aut in præteritum tempus, quod non ineligerat Marcianus Capella vocat extans Et raptum: præsens scilicet. extans: præteritum, raptum: futurum autem vocat instans, cum tamen alii præsens vocent instans, si præsens, quod imminet præterito, ille futurum, quod imminet præsenti. Conditio igitur, ut dixi, non confertur in præsens, vel in præteritum, sed in futurum, & hic sermo, hanc summam centum, confertur in præsens tempus: igitur non facit conditionem, vel ut Pap. ait, non habet instar conditionis, id est, potestatem: instar non significat figuram, sed vim & potestatem, et sic dicitur. Et ita etiam idem loquitur l. sufficit, de cond. indeb. Hic igitur sermo, hanc summam, si est centum, vel ille, hanc summam centum ita acceptus, figuram quidem habet conditionis, sed non instar, id est, potestatem, quia non differt obligationem. Conditio est dies incertus, qui potest existere, vel non: hujus stipulationis dies est præsens, licet contrahentes veritatem rei ignorent, id est, nesciant quanta sit summa. Nam licet hoc ignorent, tamen statim ex ea stipulatione, vel nascitur obligatio, & actio, vel non nascitur: Nam quid sit in re spectatur potius, quam quid sit in animo contrahentium. Igitur si ea summa est centum, licet hoc nesciant contrahentes, statim nascitur obligatio, vel si non sit centum, nulla est obligatio, etiamsi contrahentes eam voluerint postea esse centum, & satis est potuisse scire, licet nescierint, aut scisse alios, licet ipsi nescierint: id est, satis est cognitionem huius rei non superare captum hominum. Conditio sane differt obligationem atque suspendit, & conditio est, cujus eventus superat captum hominum, & ex hac differentia, ut Græci loquuntur ἀσέβητος ἢ ἀσέβητος, id est, conditionalium stipulationum, aut quæ figuram habent conditionalium, ex hac, inquam, differentia, in iure nostro sequuntur innumera, ut patet ex l. cond. h. t. §. condit. Inst. eod. tit. l. inst. §. ult. de condit. inst. l. cum in præsentis, Et seq. duali. de reb. cred. l. 3. §. si patronus, de bon. lib. l. cum in secundo, de inj. sup. ubi memini, me id etiam ex philosophis confirmare. Porro quod diximus ex hac l. nullam esse hanc stipulationem, hanc summam centum, si tanta non sit summa ea, quæ præsens est, quæque demonstre-

A tur veluti digito, illis verbis, hanc summam, ei obstat l. si servus legatus, §. qui quinquaginta, de leg. 1. in quo ait, valere stipulationem, si quis stipulatus sit centum, quæ sunt in arca, licet non sint centum, sed quinquaginta tantum, & 50. quæ sunt in arca dumtaxat deberi. Et in hac lege tamen dicitur, nullam esse stipulationem si centum non sint præsentia, cum stipulatio hoc modo concepta est hanc summam centum aureorum, vel hanc ultimam, quæ est centum aureorum, nihil refert, ut Accurs. notat recte: nam est vox, quæ exprimit similem conditionem. Respondeo, hoc modo ex formula stipulationis satis declarari differentiam, quæ est inter hanc & illam legem: cum dico, hanc summam centum aureorum, vel quæ est centum, numerum demonstro, qui si non sit, nihil ago, ut est in hac lege: cum autem dico, centum quæ sunt in arca, locum demonstro, quem satis est esse & non esse inanem, ut valeat stipulatio, nec etiam exigitur, ut congruat numerus. Et ita est respondendum.

Ad L. L. de Fidejuss.

Debitori creditor pro parte heres extiterit, accepto coherede fidejussore: quod ad ipsius quidem portionem attinet, obligationis confusio interdicta, aut (quod est verius) solutionis potestate, sed pro parte coheredis obligatio salva est, non fidejussor sed hereditaria, quoniam major tollit minorem.

Certum est, quod si creditor debitori heres extiterit, confunditur obligatio additione hereditatis, quia in eandem personam concurrunt juxta crediti & debiti. Quid est confusio? crediti & debiti in eandem personam concurrunt: ex quo concursu sequitur interitus utriusque: quia idem homo non potest esse creditor & debitor, actor & reus. Confunditur igitur obligatio, si creditor adeat hereditatem debitoris, vel quod Papinian. hoc loco ait esse verius, obligatio tollitur solutionis potestate, quia ipse sibi creditor adeundo hereditatem debitoris pecuniam solvere creditur, l. Granius, h. t. l. si id quod, de lib. leg. l. si ei, §. ult. de test. Aut sane videtur secum pensasse creditor, l. quæ doctis, sol. matr. id est, creditum pensasse cum hereditate, & bonis debitoris, & pensatio cedit loco solutionis, l. qui pot. in pign. l. 1. §. rem ratam hab. His cognitis, finge, quæ est species hujus legis, debitor creditorem heredem instituit & fidejussorem, quem dederat creditori, ex æquis partibus: uterque adivit: an in totum sublata est obligatio? minime: pro parte creditoris sublata est obligatio confusione, id est, concursu debiti & crediti, vel potius solutione, ut dixi, pro parte fidejussoris non est sublata obligatio principalis, quæ nunc est hereditaria: fidejussoria sublata est, quia major obligatio tollit minorem, & major utique est principalis & plenior, h. t. si duo, de solut. l. debitor, de separat. l. cum reus, h. t. l. fidejussoris, C. eod. t. Ubi igitur in eandem personam concurrunt principalis & fidejussoria obligatio, principalis extinguit fidejussoriam, major minorem, quia non potest idem homo esse & debitor principalis & fidejussor, quod tamen hodie jure extraordinario non procedit, ut ostendi in l. Steichum, §. additio, de sol. Namque hodie, quia agitur extra ordinem, si fidejussor debitori heres extiterit, nihil refert qua actione conveniatur, ut principalis, an ut fidejussor. Nam in iudiciis extraordinariis hæc subtilitates negliguntur. Quod autem diximus, confusione pro solutione esse, recte notat Accursus, non esse perpetuum, & ego ostendi latius in d. l. quæ doctis. Confusio non tollit obligationem pignoris, solutio tollit: confusione non liberatur correat, si duo sint rei debendi, & creditor uni heres extiterit: solutione naturali uterque liberatur, confusione non liberatur reus principalis, si creditor fidejussori heres extiterit, vel contra: solutione, id est, si fidejussor solverit, & debitor principalis liberatur. Igitur non per omnia confusio pro solutione est. Laus Deo, qui nos ad finem perduxit hujus laboris.



JACOBI CUJACII J.C.
COMMENTARIA
IN LIBRUM PRIMUM
RESPONSORUM
ÆMILII PAPINIANI.



ON erit alienum proponere A pudori fuisset eligere faciles & leves. Ceterum Respon-
& Responsa Papiniani, ut in
utrisque quam rationem ob-
servaverit facilius intelligatur.
Ac primum quidem facienda
contentio Questionum, & Res-
ponsorum. Papinianus in qua-
estione tractat, ut ait l. 6.
§. si ades, ff. si servit. vind. Tra-
ctat hoc est, disputat; ut &

in l. 3. C. de summa Trinit. Ne quis audeat de fide tra-
ctare: hoc est, disputare; unde tractatores posterior
ætas dixit, auctore Vincentio Lyrinensi i. Communi-
torio adversus hæreses, Doctores, qui disputationes in-
stituunt agitantque publice. In Responsis autem Papi-
nianus non disputat, sed præcidit de jure quid sentiat, B
hoc est, respondet vel rescribit abscisse, & respon-
det quidem. Respondet præsentī, rescribit absentī, ut
in l. ex contractu, inf. de re judic. Scævola lib. 5. respon-
sorum, rescripsisse dicitur. Et hanc quoque verborum
differentiam servat Seneca 9. epist. dum ait: Si quan-
do interveniunt epistolæ tuæ, tecum mihi esse videor, &
sic afficior animo, non tanquam rescribas, sed respondeas.
Qua distinctione servata etiam dixeris recte, ex re-
sponso promissorem obligari stipulatori, non ex rescri-
pto, quia stipulatio contrahitur verbis, non literis, &
inter præsentēs, non inter absentes, l. 1. de verb. ob-
lig. Verum ad rem. Questiones, ut aliter rem expli-
cem, sunt uberes quidam diffusile tractatus juris;
Responsa sunt tanquam oracula admodum brevia, in
questionibus Papinianus doctoris; in Responsis Juris-
consulti munere fungitur. Responsa redduntur consul-
toribus. Questiones petentibus non redduntur, sed propo-
nunt auctoris arbitratu. Denique in Questionibus ele-
ctio est juris auctoris: in Responsis, aut responsum
cuius electio est ejus, qui rogat & consulit juris au-
ctores. Quo fit ut in libris questionum Papinianus
nonnulli difficiles & arduas questiones tractet, quia ei

pudori fuisset eligere faciles & leves. Ceterum Res-
pon-
sa sunt pleraque facillima, prout res fert & cau-
sa, & factum, quod in consultationem deducitur. No-
bis autem a facillimis erit ducendum principium, &
a l. 20. de offic. pref. quæ se prima offert ex libro Resp. i.

Ad L. Legatus XX. de Offic. Præsid.

Legatus Caesaris, id est, præses, vel corrector provin-
cie, abdicando se non amittit imperium.

Hoc loco abdicare se, est dicere, nolle se amplius
magistratum esse: sicut abdicare se tutela libro
regularum Ulp. est dicere, nolle se amplius tutorem
esse, quæ abdicatio tutelæ, ut ipso jure nulla est, si
tutela fuerit legitima, eodem Ulpiano auctore, ita
abdicatio legitimi magistratus sine non valet: ac pro-
inde si præses provincie, cui Princeps provinciam de-
crevit, abdicaverit se, non desinet esse præses, non
amittet imperium, inquit Papinianus, hoc est, abdi-
cando se nihil agit, videlicet si hoc faciat sine iussu
Principis, qui provinciam decrevit: iussu aut con-
sensu populi vel Principis recte se abdicat, l. 2. §.
cum placuisset, de orig. jur. & ita in auctoribus sæpe
legimus, multos se abdicasse magistratu. Contra pro-
hibente vel nolente principe, vel populo, is qui se
magistratu abdicat, id est, qui egerat magistratum, ni-
hil agit, quia publicum munus est, quod ut inviti sus-
cipimus, ita & eo perfungimur. Et sic apud Livium
lib. 6. & 37. conantem se abdicare magistratu prohi-
bet senatus & populus. Ait autem lex, Legatus Cæ-
saris, &c. Idem tamen est in Proconsule, & quolibet
rectore provincie, & in magistratu urbano & muni-
cipali, sed non quod voluit Bart. etiam idem est in Im-
peratore. Exemplo sunt Diocletianus & Maximianus,
qui se abdicarunt imperio, & in privatam vitam conceffe-
re: quod & in summo Pontifice admittit Celestini Pa-
stitutio quædam. Et nihil obstat hoc responsum Pa-
pinia-

piniani, quia de magistratu est, non de Principe; qui ut Princeps non est magistratus, quia nec jurisdictionem habet, sed cognitionem extraordinariam: unde res cognitionis, quæ scilicet pertinent ad cognitionem Principis separantur ab iis, quæ sunt jurisdictionis & juris ordinarii, quæ sunt magistratus. Plin. in epist. & Sueton. in Claud. *Princeps est major & celsior magistratus*, quod etiam de Senatore dixit Tacitus lib. 3. annal. Et male igitur idem interpres ex hoc responso colligit, Constantinum Imperatorem non potuisse Sylvestro Pontifici cedere imperio Occidentali, quod est donare, & transferre imperium ad curam Pontificis, quia responsum est de magistratu, non de Principe, non de Imperatore. Deinde, quia de abdicatione est, non de cessione: & longe aliud est abdicare se, longe aliud cedere, ut Ulp. lib. regul. ostendit, ubi proditum est: *Legitimum tutorem legitima tutela cedere posse in iure, abdicare se non posse*. Contra, testamentarium tutorem tutela se abdicare posse, cedere in iure non posse. Cessionem autem illam Constantini Bart. ponit pro certa, quam tamen Nicol. de Cusa Cardinalis pro nulla habet lib. de concordia Cathol. Et etiam nostro tempore vir doctissimus (quem honoris causa nominio) Augustinus Steuchus ex professo librum ediderit, quo conatur probare & adferre, illam donationem esse veram, tamen quod deficiat idoneis legitimisque testibus, id nunquam omnibus probabit. Sed pergamus: quod lex ait, *Legatus Caesaris*, id omnino exigit, ut exponamus, quis sit hic legatus Caesaris, quoque iure utatur, & quia interpretatur eadem lex, eum esse correctorem & præsidem provincie, videamus quid distet Proconsul a Præside: non potest enim fieri, ut iure non distet, qui titulo distat: diversi tituli præbent significantiam diversi juris. Alius est titulus, de officio Proconsulis, alius de officio Præsidis. Ac primum quidem sciendum est, præsidis nomen modo generaliter accipi, modo specialiter: generaliter pro quolibet rectore cuiusvis provincie, sive sit Proconsul, sive legatus Caesaris, sive procurator Caesaris, qui vicem legati præstet & tueatur, sive Corrector, ut Corrector Lucanie, Bruttiorum, sive Consularis, ut consularis Palestinæ & Campaniæ, sive Præfectus Augustalis, qui regebat Egypti provinciam: denique omnes rectores provinciarum præsidis appellationem sortiuntur, licet Senatores sint, inquit, l. 1. hoc tit. quod est, præsidis nomen non esse indignum Senatore, sicut Dio lib. 53. scribit: *Propratoris nomen non esse indignum consulari viro: quamquam nomen ipsum Præsidis, sit infimi hominis gradus*. Qua de causa & Prædides dicuntur iudices ordinarii, milites gregarii & manipulares. Speciali autem nomine in hoc tit. Præsidis vocantur legati Caesaris, legati Imperatoris, legati Augusti, ut hoc loco, & l. hoc accusare, de accusat. l. 4. inf. de off. adfess. l. non est, de manum. vindic. Hi sunt, quos Princeps mittit in provincias suas: alii enim sunt provincie Caesaris, alii senatus, ut non tantum Strabo docuit lib. 3. & 17. sed etiam Theoph. noster in §. per traditionem, de rer. divis. In suas Senatus mittit Proconsules; & Proconsules vocantur, etiam si sint ex prætoris, non ex Consularibus, vel ex iis, qui Præturam, non Consularum gesserunt. In suas autem Cæsar mittit Legatos: & ita Legatum Cilicie accipere oportet in l. 3. §. 1. de test. l. 2. de iure immun. Legatum Aquitanie, l. militie, ff. de cust. reor. Legatum Lugdunensis provincie, l. 15. §. ult. de exc. tut. ut & Græcia etiam antiqua numismata vocant Legatos Propratores: sic enim esse accipiendum Dio suprad. lib. ostendit, qui eos vocat *πρωτοβουτεις* ἀρχιστρατηγους, Legatos propratores, qui & simpliciter propratores dicuntur, etiam si ex consularibus essent, nempe quia validiores, & ferociores provincias vel agrestiores, quas annuis magistratuum imperiis sine manu militari regi, nec facile, nec tutum erat, Cæsar in sua potestate retinuit: Pacatores autem provincias, quæ regi poterant sine armis, & legibus solis, reliquit Senatui populoque Romano, hæc quidem specie, ut levia imperii onera Senatus subiret, ipse solus discrimina bellorum

A adiret, sed revera, ut arma solus haberet in sua potestate. Qua de causa administratores, sive rectores missos in suas provincias vocavit Propratores prisco more, quia Propratores olim bella administrabant, quorum tabernaculum quoque Prætorium appellabatur, ut non tantum Dio eod. loco, & alii plerique scribunt, sed & Justinianus noster Nov. 24. §. l. 2. §. capta, de orig. jur. Sardinia capta, & redacta in provinciam formam, item Sicilia, & Hispania; & Narbonensi Gallia tot fuisse creatos Propratores, quot provincie venerant in ditionem populi Romani, ut iis præessent cum armis, tum legibus. Et de Sardinia obiter non erit ingratum forte, si admonuero in l. 2. C. de offic. præfect. prætor. Afric. quo loco ita scriptum est. *In Sardinia ducenti jubemus ordinari sedere*; quod ante hunc diem nunquam mihi obigerat animadvertere, omnes libros manu exaratos habere non barbarica gentes, sed barbaricæ simpliciter, quod esse rectissimum Procopius ostendit, lib. 2. de bello Vandalo, dum ait; *Ex Mauritania barbaros quosdam montes obsedisse in Sardinia, & multa in ea passim insula exercuisse latrocinia, quos Vandali debellarent, expugnarent, qui, inquit, Barbaricæ dicebantur*. Verum ad rem. Certum est ex Dione, Præfides, id est, legatos Caesaris, non amplius, quam sex licitoribus & fascibus uti, sed dubitatur de proconsulibus, an plures haberent, an pluribus uterentur, qui pro Consulibus sunt, & consules in urbe utebantur XII fascibus, & fortasse etiam primum habuerunt fascis XII. ii, qui post consulatum provinciam obtinebant proconsularem, ut Dio significat eodem loco, & M. Tullius de proconsule Macedoniæ, dum scribit in hunc modum: *Ipse cum duodecim hominibus, inquit, nabis vestitus ad portam Capenam pervenit*. At generaliter proditum est in l. 14. sup. de off. procons. hodie proconsules non amplius, quam sex fascibus, sex licitoribus uti: Unde vere dices & statues, nullas esse provincias hodie, quæ plures quam sex fasces habeant, secundum jus novum; quo sub Imperatoribus populus Romanus utebatur, Egesip. cap. 9. *Plurimi populi, inquit, sex fascium virgulis metu coercentur*: quod ita Iosephus & Pompeianus veterum præfides, quæ de causa eos etiam vocabant *ἐπικρατες*, ut docet Appianus in Syriaco bello. Commune autem hoc est & consulium & proconsulium, ut adiungantur eis legati, quibus mandent jurisdictionem suam: unus, aut plures; prætorio viro unus, consulari tres, & plures adungi ostendit l. 4. inf. de offic. adfess. l. 2. inf. quis & a quo appell. & l. per. inf. de off. ejus cui mand. est juris. Non tantum Præfides, hoc est, legatis Caesaris, sed & Proconsulibus, ut idem Dio aperte definit. Itaque licet in titulo de officio Proconsulis, addatur, & legati (quod accipiendum est, non de legato Caesaris, sed de legato Proconsulis) & licet non addatur in hoc titulo: *De officio præsidis & legati*: tamen (quo in errore est Alciatus) non ideo existimandum est præfides datos non fuisse legatos: sed omnia est mentio legati in hoc titulo, quia de eo nulla sub hoc titulo lex extat, cum de legato proconsulis existant plerique in tit. de offic. procons. Et hoc vero legatos, ne cum Dione confundamus cum adfessoribus sive consiliariis præfidentum: nam adfessores Præfides ipse sibi optat, l. 10. §. duos, inf. de excus. tut. legati autem ei dantur a Senatu, ut apud Vopiscum in Probo, & Capitolinum in Gordiano, vel a Principe, ut apud Dion. eod. loco. Sed ut finem faciamus, postremo hoc tantum nobis notandum est, in aliis plerisque multum distare Proconsules a Præfidentibus, hoc est legatis Caesaris, quod perstringam breviter. Proconsules erant antiqui magistratus; Præfides, perpetui, quoad Princeps successorem misisset. Proconsules erant *καταρτοι*, ut Dio ait, quia, sortito creabantur, nisi cum coelebs vel orbis in decernenda, vel petenda provincia obiciebatur patri vel marito: nam pater vel maritus præferebatur coelebi vel orbo, etiam non ducta forte: Præfides autem erant *ειρηνοί*, electi, quia creatio eorum erat in arbitrio Principis. Item Proconsules, non habebant jus gladii, vel chlamidis,

midis, id est, stolæ militaris. Prædites habebant jus stolæ militaris atque jus gladii, l. 6. §. qui universis, h. tit. Quod est non tantum jus animadvertendi in facinorosos homines, sed etiam accingendi se gladio, quod non habebant proconsules & consequenter prædites erant jus animadvertendi in milites, l. 21. C. de exhib. reis, l. 1. C. ad l. Corn. de sicar. l. 3. inf. de re milit. nam cui jus est gladii, ei est animadversio in milites, ut generaliter definit Dio: quæ definitio summe notanda est. Ac præterea proconsules sumebantur ex Senatoribus, Prædites ex Equilibus Romanis, ut Præfectum Agrippalem Cæsar mittebat in Ægyptum, non ex Senatoribus, metu, ne res novas moliretur cum populo levi ac seditioso Senator, qui valeret potentia, auctoritate, gratia ac opibus. Quæ de causa in notitia etiam imperii Romani legibus, Ægyptum consularem non habere: & in alias quæque provincias sæpe Princeps mittebat Equites Romanos præteritis Senatoribus, ut idem Dio scribit, & de Ægypto Arrianus, & Corn. Tacit. 12. Annal. Sequitur ultima differentia: Proconsules statim atque egressi sunt pomerium urbis (pomerium urbis locus est post rhœnia, l. 5. de servit. expor.) fascibus & insignibus Imperii Romani utuntur, & jurisdictione voluntaria, id est, quæ inter volentes exercetur, puta, apud eos emancipationes & manumissiones fieri possunt: itemque statim imperium habent atque egressi sunt portam urbis, & jurisdictionem contentiosam, id est, quæ inter invitos exercetur, sed ea jurisdictione non utuntur, nisi in Provincia sibi decreta. Ea tantum jurisdictione utuntur, postquam in provinciam sibi decretam pervenerunt. Interim otiosam jurisdictionem contentiosam habent, otiosam imperium. Et ita explicanda est l. 1. C. 2. sup. de off. procons. Et similiter Proconsules redeunt et provincia, quoad pomerium urbis ingressi sunt, fascibus utuntur, ac ceteris insignibus & ornamentis, & jurisdictionem voluntariam & imperium habent, licet eo non utantur in itinere, usque ad portam urbis, & jurisdictionem contentiosam, & hoc est quod ait l. ult. de off. procons. Proconsul, inquit, portam Romæ ingressus deponit Imperium, M. Tullius 7. ad Attic. epist. 7. scribens de Imperio Cilicis, quod habuit etiam post reditum, atquequam ingressas esset urbem: Si imperium, inquit, mihi molestum erit, utar ea porta, quam primum video. Et inde in auctoribus Prætor vel Consul ad portam, id est, quæ Proconsul fit in provinciam, vel redit e provincia, a porta, hoc est, ex qua Consul exit, quæ vel per quam exit e provincia, aut redit e provincia. Prædites autem statim atque cognoverunt venisse successores vel exceperunt provinciam, privati fiunt ac deponunt imperium, l. 3. h. tit. ac ne jurisdictionem quidem voluntariam habent, imo nec ea, quæ neque imperii sunt, neque jurisdictionis, si ad officium jus dicentis pertineant, l. si forte, h. tit. Si præses provincie antequam cognoverit, inquit, advenisse successorem, manumiserit, vel tutorem dederit, rata hæc esse: retro igitur rata hæc non esse, si postquam cognoverit adventum successoris, manumiserit, quod est jurisdictionis voluntarie, vel si tutorem dederit, quod neque est imperii, neque jurisdictionis, l. muto, §. tutoris, de tutel. si, quia ad officium jus dicentis pertinet, ut ait l. 1. de jurisd. omni. jud. Et ita omnino Dio supradicto loco, Prædites non ante sumere insignia, quam venerint in provinciam, & mox deponere atque exceperunt provinciam: non sunt separanda insignia ab imperio: alioquin falsi essent insignia. Qui negat insignia ante adventum, & imperium negat. Contra, qui jubet ab excessu deponere insignia, certe jubet abire imperio: hæc utriusque reperio alterum ab altero disjungi & distingui. Ex vltimo male idem statuitur esse in Proconsule ex l. meminisse, de off. procons. ut scilicet officium Proconsulis requireret usque in adventum successoris tantum. Quod dixi durare usque ad pomerium urbis, quia illa l. meminisse, hoc nullo modo dicit, sed Proconsulem circumacto anno suo jus dicere posse, quoad successor venerit, quia licet ipso jure desierit esse Proconsul (quia annuus est magistratus) tamen utilitas provincie exigit, aliquem

Tom. IV.

esse, per quem provinciales sua negotia expedire possint. Et hic est finis, si tamen dixerio, ex hac distinctione summe notanda, vos posse intelligere, quid sit quod est in l. 123. de reg. jur. temporariam permutationem non innovare jus provincie. Nam ut de Augusto scribit Sueton. c. 47. (quod nescio an unquam ante hæc bene explicatum fuit) facta sub illo divisione provinciarum, postea, inquit, nonnullas Augustus commutavit, ut Achajam ac Macedoniam, quam sibi retinuerat, Senatui reddidit, Cretam, quam Senatui dederat, sibi recepit. Quod & de Tiberio traditur in Claudio, c. 21. & de Marco tradit Capitolium, eum Proconsulares provincias fecisse plerisque Prædialibus, pro belli necessitate prave tempora præsentis. Cum in provinciam, inquam, missendus est Proconsul, est missatur legatus Cæsar, mutatione pro belli necessitate facta, non ideo provincia illa desinit esse proconsularis, non innovatur jus provincie, ea temporaria permutatio non innovat jus provincie, id est, non ideo hæc provincia desinit esse proconsularis.

Ad L. Ult. de Off. Adfessor.

In consilium curatoris reipublice vir ejusdem civitatis adfideri non prohibetur: quia publico salario non fruatur.

Curator Reipublice non est, ut Accursius dixit, procurator fisci vel Cæsar. Aliud enim est Reipublica, longe aliud fiscus vel Cæsar. Reipublica hoc loco accipitur pro qualibet civitate fundata legibus. Curator ergo Reipublice est Curator civitatis cujuscunque, qui & pater civitatis dicitur innumeris locis juris nostri, & Græco nomine *λογιστής*, ut nominatim ait l. 3. C. de mod. mult. quod maxime ponatur supra rationes operum publicorum, l. 1. C. de ration. oper. pub. C. de patr. civitat. hoc est, de curatoribus rerum publicarum. Alius est igitur Curator sive procurator fisci vel Cæsar, alius Curator Reipublice. Uterque tamen jurisdictionem habet, Curator fisci jus dicit inter fiscum & privatum: Curator Reipublice inter civitatem & privatum. Procurator fisci, qui & rationalis dicitur (sic ut ille *λογιστής* decedit causas ad fiscum pertinentes; Procurator Reipublice decedit causas pertinentes ad rempublicam. Denique uterque habet jurisdictionem; ergo uterque magistratus est. Quis est magistratus? Is est magistratus quicumque jurisdictioni præest, qui jurisdictionem habet, quam exerceat publice. Ac proinde curator Reipublice, sive civitatis, adfideri possit in consilium vir ejusdem civitatis? Videbatur non posse, quia nec præditi provincie in consilium adfideri potest vir ejusdem provincie extra speciale beneficium Principis, l. 3. h. tit. si cui 38. inf. ex quib. caus. major. videlicet ultra tempus constitutionibus concessum. Præditi, inquam, vir ejusdem provincie adfideri non potest sine speciali Principis beneficio ultra tempus constitutionibus concessum, quod est breve tempus, d. si cas, hoc est menses quatuor, l. 10. C. de adfessorib. l. 1. C. Theod. eod. tit. Et in eum, qui adfiderit præditi in patria sua ultra constitutum tempus sine permisso Principis, est publicum crimen, & pena, proscriptio & publicatio omnium bonorum, d. l. 10. Cur autem nemo possit in patria sua Præditi adfideri ratio hæc est: ne apud suos sit graciosus, ambitiosus, vel calumniosus nimis. Quæ ratio etiam efficit, ut nemo in patria sua præstet esse possit sine speciali beneficio Principis. Nec, quod legitur apud Cysiodorum 1. Varior. eum patris suæ Lucanie Corredorem fuisse, id ille obtinuit sine speciali privilegio Principis, quo nominatim derogaretur juri communi, ut ostendit l. ult. C. de cript. sacrilleg. C. ut. C. ut nulli patr. suæ admitti, siue spec. privi. Quam constitutionem Dio vel Xiphilinus, qui Dionem in compendium redegit, tribuit Antonino, Philosopho Imperatori, quod Cassius adver-

Ggg

fus

quod creditor scriptis eum solvisse. Et hoc distat apocha ab acceptilatione. Nam acceptilatio liberat, etiam si nihil solutum sit, quia pro solutione est: apocha non liberat, sed solutio tantum, cuius sit mentio in apocha. Igitur si solutio nulla intervenerit, apocha nullius momenti est, si modo intra trigessimam diem opposita fuerit querela, vel exceptio non soluta pecunie adversus apocham, secundum l. 14. in contrahiis, C. de non num. pecun. nam post 30. diem apocha plenam fidem facit.

Ad §. I.

Qui provocavit, pactus est intra diem certum pecunia, quam transegerat, non soluta, iudicatis se satisfacturum: iudex appellationis, nullo alio de principali causa discussio iustam conventionem velut confessi sequitur.

Debitor certe pecunie creditori condemnatus appellat: mox cum creditore transegit de remittenda parte pecunie, ea lege, ut si reliquam partem creditori non solveret Kal. proximis, solidam summam praeferet, quae in condemnationem deducta est (etiam post rem iudicatam facta transactio valet, si appellatum sit, l. 7. in pr. tit. seq.) pecunia de qua convenit, ad diem non soluta, quae sit partes iudicis ejus, ad quem appellatum est, videndum est. An ut disquirat discutaturque, pecunia in condemnationem deducta debeat, nec ne? an ut disquirat, an ita convenit inter creditorem & debitorem, ut pecunia parte soluta intra diem certam debitor iudicato liber abiret: non soluta autem ea parte ad diem, ut in solidum teneretur. Quiritur ergo utrum hoc an illud iudex appellationis disquirere debeat? Et respondet Papin. iudici appellationis non esse querendum, an pecunia debeat, sed de fide transactionis tantum, an inter eos, ut proposuimus, ita transactum sit negotium post condemnationem & appellationem interpositam, & proinde iudici appellationis non esse querendum de principali negotio, sed de transactione tantum, & confessione, quae transactioni inest, iustam esse huius transactionis conventionem, & iustam conventionem esse servandam, hoc est, quae iure non improbat, ut in l. epistola, §. pactum h. t. Itaque a iudice appellationis damnandum esse debitorem, non tantum iure damnatum a priori iudice, sed tanquam confessum pacto transactio, etiam si iure damnatus non sit a priori iudice: nam confessionem omnem rei, etiam factam in iure sequi condemnatio debet, l. 5. de confess. l. 5. de custod. rer. Ex qua condemnatione etiam nascitur actio iudicati, cuius in hac specie proculdubio executio pertinebit ad iudicem appellationis, qui debitorem tanquam confessum condemnavit, non tantum iure damnatum priore sententia, quia nec potuit iudex appellationis tanquam iure damnatum priore sententia damnare, quia ea de re non cognovit, an iure damnatus esset, sed an pactus & confessus esset. Et vero etiam iudex appellationis frustra inquireret in principale negotium, qui habet reum confidentem, l. proinde, §. i. ad l. Aquil. nam etsi debitorem iudex appellationis tanquam iure damnatum a priori iudice damnaret, proculdubio hoc casu iure civili ex opinione interpretum, quam usus admittit, executio iudicati non pertineret ad iudicem appellationis, sed ad priorem iudicem, qui iustam sententiam dedit, si modo priori iudici suae sententiae exequenda jus & potestas fuerit. Equum enim est, ut si sententiam maior iudex ex appellatione pronuntiet esse iustam, ejus executio redeat ad eum, qui sententiam dedit, si modo jus habuerit exequendam sententiarum suarum: nam si sit iudex datus, iudex delegatus, a quo appellatum sit, redire oportet ad eum, qui dedit, l. i. inf. qui & a quo appell. Rei iudicatae a iudice dato legitimus executor est is, qui dedit iudicem, ad quem ab eo appellatum est, non ipse iudex datus. Non omnis, qui sententiae dictionem habet, & sententiae executionem habet: alterum est nudae cognitionis, alterum jurisdictionis, quam iudex datus non habet, l. a Divo Pio Tom. IV.

A in pr. inf. de re jud. Et similiter ex Novel. de sanctiss. episc. five ex auth. si quis litigantium, C. de episc. audien. si ab episcopi sententia appellatum sit ad praesidem provinciae, & is conservavit sententiam episcopi, eam ipse praeses exequatur, l. episcopale, C. de episc. audien. quia episcopus suae sententiae executionem non habet, hoc est, jurisdictionem non habet, vel forum, ut ait Novella Valentin. de episc. jud. sed cognitionem tantum habet & audientiam, sicut iudex delegatus. Et inde titulus, de episcopali audientia, non de episcopali jurisdictione. Et nominatim Sozomenus historia ecclesiastica lib. 1. c. 9. de episc. tra. navisura παρὰ τῶν ἐπισκόπων ἀγὼν τὰς ἀποκρίσεις, hoc est, res iudicatas ab episcopis ad effectum perducere praesides & appellationes eorum. At si priori iudici jus sit exequenda sententiae, ut si sit magistratus, cui jus sit exequenda suae sententiae, & ex appellatione maior iudex ejus sententiam pronuntiaverit esse iustam, appellationem iniustam, eam ipse non exequatur, sed prior iudex. Nec quicquam obstat, quia moti sunt interpretes, una l. praecipimus, §. in his autem, C. de appellat. quae ait, officio iudicis appellationis iudicatum exequi, quia ille locus non intelligitur, neque loquitur de iudicato, quo confirmatur sententia prioris iudicis habentis executionem, sed de iudicato, quo infirmatur sententia prior, & iniusta esse pronuntiatur. Quo casu fateor executionem pertinere ad iudicem appellationis, qui novam sententiam tulit, non etiam superiori casu. Sed tamen alio iure utimur, ut scilicet utroque casu sibi iudex appellationis vindicet iudicati executionem, majori scilicet iudice, ad quem appellatur commoda executionis praecipiente minori: **C** Ut pisces saepe minutos magnus comest. Male etiam interpretes loquuntur, dum tractant in hoc §. de specie propoita, & dicunt conventionem esse exequendam, cum dicere debeant condemnationem iudicis esse exequendam, qui conventionem veluti confessi sequitur, quia nullius conventionis per se executio est: nulla conventio vel obligatio habet executionem forensam paratam citra sententiam iudicis, l. minor 40. de minoribus.

Ad §. Post Divisionem.

Post divisionem bonorum, & aris alieni, singuli creditores a singulis heredibus, non interpositis delegationibus, in solidum, ut convenerat, usuras acceptaverunt: actiones, quas adversus omnes pro partibus habent, impediunt: non erunt, si non singuli pro fide rei gestae, totum debitum singulis offerant.

Scindum est inter coheredes fieri divisionem aris alieni hereditarii duobus modis: Vel ipso iure, hoc est, ex 12. tab. pro hereditariis portionibus, ut l. i. C. si cer. per. l. ult. C. de hered. act. Exempli gratia, si sint tres heredes iustituti, primus ex semisse, secundus ex triente, tertius ex sextante, & in aere alieno sint trecenta, pro qua parte singuli heredes sunt, pro eadem parte ex 12. tab. ari alieno obligantur: atque ita primus debet 150. secundus 100. tertius 50. Vel etiam inter coheredes sit divisio aris alieni ex conventionem ipsorum coheredum. Et hac divisio rursus vel sit interpositis delegationibus, l. ut cum pater, §. hereditatem, de leg. 2. Vel sit non interpositis delegationibus nuda conventionem sive nudo pacto. Interpositis delegationibus fit, veluti quo omnes heredes ex 12. tab. pro hereditariis portionibus debeat L. Titio uno in solidum promittente Titio stipulanti ex delegatione coheredum. Et quod debent Sempronio similiter uno promittente Sempronio in solidum ex delegatione ceterorum: quae divisio rata est, & omnes tenet etiam creditores, quae novatio obligationis intercessit, quae obligationem plurium heredum divisam pro partibus ex 12. tab. omnem transulit ad unum ex heredibus in solidum. At divisio aris alieni, quae fit inter coheredes non interpositis delegationibus, non facta novatione consentientibus hereditariis creditoribus, creditores non tenet. Finge, coheredes inter se ares alienum, hoc est, nomina hereditaria ita divisisse, ut unus

solveret nomen Titii in solidum, alter nomen Sempromii, alter nomen Cuii in solidum, nec ullam fecisse delegationem. Hoc casu, quia nulla delegatio interposita est, non laeditur jus creditorum, & omnibus in singulos heredes est actio pro hereditariis portionibus, quia pactio inter coheredes facta iis nocere non potest, *l. pactio, C. de pact. l. licet, C. fam. evict.* Quintilian. declam. 336. *Etiamsi conventione, inquit, qd alienum transferatur ad coheredem, jure tamen & veritate communis est.* Hinc queritur in h. §. si non interpositis delegationibus ex conventione nuda inter coheredes facta divisione reris alieni, singuli creditores, perinde ac si interpositae delegationes fuissent, a singulis heredibus secundum conventionem heredum, debiti usuras quique sui in solidum acceptaverint (quo verbo significatur frequens acceptio, ut in *l. 10. in fin. ff. de ann. legat. & l. 9. in fine, ff. de alim. leg.*) Queritur, inquam, an illa frequens acceptio usurarum totius sortis, creditoribus postea agentibus adversus omnes coheredes ex *l. 12. tab. pro hereditariis portionibus obesse possit*, quasi tacite pacti intelligantur, ne agant cum singulis ex *l. 12. tab. divisa actione pro portionibus hereditariis*, sed ut singuli agant tantum in solidum in eum, a quo duo solidi usuras acceptaverunt? Et respondet Papinian. obesse creditoribus taciti pacti exceptionem, si velint agere ex legib. *12. tab. si modo totum debitumolvere cuique creditorique heres paratus sit, & offerat secundum legem conventionis habitae inter eos.* At si solidum quique heresolvere paratus non sit, sed pro parte tantum hereditaria, secundum divisionem legis *12. tab.* quae potior est divisione facta & conventionem nuda (lex obligat, conventio nuda non obligat) hoc casu integrum etiam erit creditori uti lege *12. tab.* & dividere actiones in omnes pro hereditariis portionibus.

Et hoc est sententia hujus §. *post divisionem*, quam ita concies breviter. Pactio facta inter heredes & creditores hereditarios expresse vel tacite, qua convenit ut a coherede quique creditor suam pecuniam persequeretur in solidum, non interpositis delegationibus, non tollit jus publicum, hoc est, legem *12. tabul.* quae creditores singuli singulos heredes possunt convenire pro portionibus hereditariis, non unum ex heredibus in solidum, nisi singuli heredes ex fide pacti singulis creditoribus solidum offerant.

Addatur & alia sententia. Pactio tacite argumentum esse diuturnam acceptionem usurarum totius pecuniae. Hoc etiam colligunt interpretes ex hoc §. extraneumolvere posse pro debitore creditori invito: sicut ut est certissimum, extraneus potestolvere pro debitore invito, *l.olvere de solut.* ita etiam possit pro debitoreolvere creditori invito: quod non absolute verum est, sed cum hac exceptione, si tacite convenierit inter extraneum & creditorem, ut extraneus sortemolveret pro debitore, puta, usuris ab extraneo pro debitore saepius acceptis, non aliter.

Ad §. Pater, qui dotem.

Pater qui dotem promissit pactus est, ut post mortem suam in matrimonio sine liberis defuncta filia, portio dotis apud heredem suum fratrem remaneret: ea conventio liberis a focero postea susceptis, & heredibus testamento relictiis per exceptionem doli prodarit: cum inter contrahentes id actum sit ut heredibus consulatur: & illo tempore, quo pater alios filios non habuit in fratrem suum iudicium supremum contulisse videatur.

Ultimum responsum pertinet ad hanc speciem. Pater in promittenda dote pro filia ita pactus est, ut post mortem suam in matrimonio defuncta filia, partem dimidiam dotis, quam promiserat, necdum dederat, vellet remanere apud heredem suum fratrem (quem scilicet, destinavit heredem suum facere, cum non essent ei alii liberi) alteram vero partem dimidiam dotis genero praestari iusserat si filia, ut dixi, moreretur in matrimo-

nio sine liberis: mortua autem filia relictiis liberis totam dotem, quae promissa est, iussit genero praestari. Recte pactus est fratri suo, ut partem dimidiam dotis retineret: quia ut heredi pactus est, alioquin pactus fuisset inutiliter, quia nemo alteri pacificetur utiliter, nisi patri, in cuius est potestate, vel domine, vel heredi suo, *l. si pactum, ff. de probat. l. avus, ff. de pact. & l. avus, ff. de pact. dotal.* hic pactus est fratri, & futuro heredi suo: Postea vero pater suscepit liberos, eosque omisso fratre, quem destinaverat facere heredem, heredes fecit, & post mortem ejus mortua est filia in matrimonio sine liberis. Queritur an liberi heredes scripti possint retinere partem dimidiam dotis? Dubitationis causa haec est: quod non liberis pactus sit, sed fratri. At Papin. eleganter respondet, Liberos petente genero dotem ex stipulatione per B exceptionem pacti, sive doli mali, quae semper est subsidio exceptioni pacti, partem dimidiam dotis retinere posse, quia pater fratri pactus est, non tanquam fratri, alioquin inutile pactum esset, sed tanquam heredi, quia dixit, *ut remaneret apud heredem suum fratrem*, & heredes hodie sunt liberi, quos pater prae seipsum sustulit, non frater. Ergo liberis danda est retentio partis dimidiae: quia in paciscendo fratris appellatio demonstrat tantum, quem sibi heredem destinare eo tempore, quo desuperabat se habiturum liberos: fratris appellatio demonstrat, in quem esset collatus supremum iudicium suum. At heredis appellatio demonstrat, cui consultum vellet. Summa igitur sententia haec est: Pactum fratri ut heredi, quem scilicet animo destinavit facere heredem, nec dum faciebat heredem, prodesse cuiunque alii C heredi, si frater heres non fuerit: non tantum filio, quem postea suscepit, sed etiam extraneo, quem postea poenitentia ductus fecit heredem, nullo suscepto filio. Haec est mens Papin. unde male ex h. §. colligunt interpretes: donationem quam orbis contulit in extraneum, revocari postea adnascituris liberis, quae est sententia *l. si unquam, C. de revoc. don.* non hujus §. ult. quia in specie ejus nulla fit revocatio: sed pactum fratri ut heredi, consistit in persona cuiuscunque heredis, non in persona fratris, qui non extitit heres: ergo & in persona heredis extranei, nedum in persona filii heredis instituti.

Ad L. IX. de Postulando.

Ex ea causa prohibitus pro alio postulare, quia infamiam non irrogat, ideoque ius pro omnibus postulandi non auferit, & in ea tantum provincia pro aliis non recte postulat, in qua praeses fuit, qui sententiam dixit: in alia vero non prohibetur, licet ejusdem nominis sit.

Inter genera poenarum hoc quoque receptum est, ut I ex causa advocati advocacionibus & postulationibus interdicatur, hoc est, prohibetur postulare pro aliis, & adesse litigatoribus, *l. mors, de poenis*, quod est silentium irrogare advocato, *l. 8. hoc tit.* & poena silentii. At silentium vel irrogatur sine infamia, vel cum infamia. Quod irrogatur cum infamia, auferit ius postulandi pro omnibus, hoc est, ius postulandi ubique gentium, non pro omnibus omnino personis: nam certae sunt personae pro quibus etiam infames postulare possunt, *l. 1. §. ait praetor, h. tit.* veluti pro parentibus & patronis etiam infames postulare possunt. Silentium vero, quod irrogatur sine infamia, id est, salva existimatione, non auferit ius postulandi pro omnibus, hoc est, ubique gentium: nam etsi quis sit prohibitus postulare in una provincia salva existimatione, licet non possit in ea provincia postulare, in qua prohibitus est a Praefide, poterit tamen in alia provincia, quia non est infamis, licet alia provincia sit ejusdem nominis, ut si sit prohibitus postulare in Mysia inferiori, quae hodie dicitur Bulgaria, non prohibetur postulare in Mysia superiori, quae dicitur Servia. Exemplo adfectoris, qui si ortus sit ex Mysia inferiori, licet in ea provincia Praefidi in consilium adire non possit, tamen addere pra-

prædibus Myſiæ ſuperioris poterit, l. 3. ſup. de offic. ad-
ſeſſ. l. 9. inf. de capt. & poſſim. Si ſit ortus ex Germania
inferiori, poterit adſidere Præſidibus Germaniæ ſuper-
rioris, quo exemplo etiam utitur d. l. 3. Et quæ ſit Ger-
mania inferior, quæ ſuperior, Dio 52. explicat: ſuperior
qua effluit Rhenus, inferior qua inſluit in mare Britan-
nicum, & utraque cis Rhenum in Galliis dicitur.

Ad L. ob hæc XX. de His, qui not. infam.

Ob hæc verba ſententiæ præſidis provinciæ; callido
commento videtur accuſationis inſtigatorem fuiſſe, pudor potius
oneratur, quam ignominia videtur irrogari: non enim qui
exhortatur, mandatoris opera fungitur.

Certum eſt calumniæ damnatum notari infamia ex
ediſto Prætoris. At quaeritur in hæc l. 20. an ca-
lumniæ damnatus, an notatus tanquam calumniator vi-
deatur is, de quo Præſes provinciæ ita pronuntiavit
cauſa cognita: Callido commento videtur accuſationis inſti-
gator fuiſſe. Verbum, videtur, eſt ſolemnis in ſententiis,
quod primus notavit Budæus: Reſpondet autem Papin.
huiusmodi ſententiam onerare quidem ejus pudorem
& verecundiam apud bonos & graves viros, ſed ipſo iure
ei infamiam non irrogare, quod pronuntiatum ſit fuiſſe
inſtigatorem calumnioſæ accuſationis: nam aliud eſt inſti-
gare, aliud mandare. Inſtigare eſt exhortari, non calu-
mniari, non mandare alteri, ut calumnietur: Mandato-
ris quidem eadem pena eſt, quæ calumniatoris, ſicut
mandatoris & homicidæ, l. non ideo, C. de accuſat. ſed non
eodem conditio eſt calumniatoris & hortatoris ſeu inſti-
gatoris ad calumniam faciendam alteri. Opponitur vero
huic legi l. 1. §. incidiſti, inf. ad SC. Turpill. quæ lex aperte
dicit eum, qui inſtigat accuſatorem, ſi ſubornatus ac-
cuſator non poterit probare quod intendit, teneri Sen-
tentiæ conſulto Turpill. tanquam calumniatorem, denique
inſtigatorem puniri tanquam calumniatorem. Qua in
re laborat hic Accuſus fruſtra, cum nihil ſit expediri
facilius: illa l. 1. §. incidiſti, non loquitur ſimiliter de
eo, qui inſtigat, ſed paulo poſt ſubiicit, & inſtruit ac-
cuſatorem dando probationes, &c. hic pluſquam inſtiga-
tor eſt, denique hic calumniator eſt. Papinianus hoc
loco agit de nudo inſtigatore.

Ad L. XVII. de Compenſat.

Ideo condemnatus, quod arctiorem annonam tempore
adilitatis præbuit, frumentariæ pecuniæ debitor non videbi-
tur. Et ideo compenſationem habebit.

Sciendum eſt differentiam eſſe inter Ædilem plebis,
& curatorem rei frumentariæ, vel curatorem frum-
menti coemendi, quem & noſtri auctores *ovvov* vocant.
Huic de publico datur pecunia, frumenti & annonæ
comparandæ gratia, quæ condatur in horrea publica, &
erogetur militibus vel aliis, quibus de publico ſalaria
debentur. Hic curator rei frumentariæ, ſi condemnatur
quæſi ejus pecuniæ debitor, aut quæſi ejus pecuniæ re-
liquat, quam accepit de publico annonæ coemendæ gra-
tia, an poterit opponere compenſationem ejus pecuniæ,
quam ei invicem debet reſpublica vel ſiſcus? Minime:
hoc enim conſtitutum eſt in debitor pecuniæ frumen-
tariæ, ut non poſſit uti ulla compenſatione, ſed protinus
reliquam pecuniam inferre cogatur, Lauferius, §. ut de-
bitoribus, de jure ſiſci, l. ob negotium. b. t. l. 3. C. eod. tit.
Publica utilitas, ſive ratio annonæ publice præſtenda
eſt utilitati privatæ. At alia eſt ratio Ædilis: Hic
enim annonam quam curator rei frumentariæ coemit
quæbere ſolet & erogare populo vel militibus, vel iis,
quibus debentur præes civiles, & ſi forte condemnatus
fuerit, quod præberet arctiorem annonam, hoc eſt, quod
eam præberet parcius, aut inſulſo pondere, quod frau-
daret annonam publice debitam, ut in l. vi. de judic. non
prohibetur uti compenſatione ejus pecuniæ, quam ſibi

viciffim reſpubl. vel ſiſcus debet: nam compenſatio ta-
lis inhibita eſt debitoribus pecuniæ frumentariæ: hic
non eſt debitor pecuniæ frumentariæ, ſed arctioris præbi-
tæ annonæ. Et omnino legendum eſt, ut in Floren-
tinis legitur, hoc loco Ædilitatis tempore eum præbuiſſe
arctiorem annonam, ut in Baſilicis & *τὸ ἀρκευτέρῳ* nam
quod tentavit Duarenus reponere *edulſtatis*, nemo un-
quam approbavit, quoniam vox eſt barbara, & dece-
pit eum corruptus Lampridii locus in Alexandro: cum
edulſtatem populus Romanus ab eo peteret: cum ſit legen-
dum ex veteribus: cum vilittatem populus Romanus ab eo
peteret (hoc eſt, ut annonæ pretia vilia conſtitueren-
tur) interrogavit per curionem, quam ſpeciem carum puta-
rent: illi continuo exclamaverunt, carnem bubulam, atque
porcinam: tunc ille non quidem vilittatem propoſuit, id
eſt, edictum quo aniquebantur ejus annonæ pretia,
ſed fuiſſe ne quis ſummatim occideret, ne quis laſcentem,
ne quis vaccam, ne quis damalionem, & idem auctor in
Commodo: Propoſuit, inquit, vilittatem, ex qua major-
em penuriam fecit. Igitur facieſcit illa vox *edulſtatis*,
& retineamus, quam poſuimus ſpeciem: Quendam Æ-
dilitatis tempore præbuiſſe vilioſiorem annonam, hunc
frumentariæ pecuniæ debitorem non eſſe: & ideo con-
venit eo nomine habere compenſationem pecuniæ,
quam ſibi Reſpublica debet ex alia cauſa.

Ad L. IV. Mandati.

Procurator, qui non res inſcluſas ſubtraxit, ſed tradi-
tas non reddidit, iudicio mandati, non ſurti tenetur.

Sententia eſt aperitiſſima: Meo procuratori dedi res
aliquas inſcluſas in ciſtam, ut perſerret ad Semp-
pronium: non, pertulit, ſed retinuit ciſtam, nec tamen
aperuit eam, aut fregit, atque adeo res non contraſta-
vit: ait Papinianus, hunc domino non teneri actione
furti, quia furtum ſine contraſtatione non fit, id eſt,
quin res loco moveatur; ſed eum teneri actione man-
dati, quod mandati fidem non expleverit: neque vero ea-
rum rerum nomine tenetur furti, quia eas res non contra-
ſtavit, ut dixi, neque ciſtæ nomine, quia lucrandæ ciſtæ
animum non habet, & tamen ſi res contraſtaret, etiam ci-
ſtæ nomine furti teneretur, etiamſi non fuiſſet ei ani-
mus ſubripientiæ ciſtæ, l. qui ſacrum, de furtis.

D

Ad L. I. de Jur. aur. annulor.

Inter ceteros alimenta libertis relicta, non ideo non
debentur, quia jus aureorum annulorum ab Imperatore li-
bertis accepit.

§. 1. Diverſum in eo probatur, qui judicatus ingenuus,
colluſione per alium patronum detecta conditioni ſua reddi-
tus, alimenta ſibi, quæ tertius patronus reliquerat, præ-
beri deſiderat: hunc enim etiam beneficii annulorum amit-
tere placuit.

Species hæc eſt duo vel tres erant patroni plurimum
libertorum, Primus, Secundus, Tertius. Tertius
moriens teſtamento reliquit legatum libertis ſuis omni-
bus generaliter. Poſt unus ex libertis impetravit juſ a
Principe aureorum annulorum: queritur, an hic qui do-
natus eſt jure annulorum aureorum a Principe, admitta-
tur ad legatum, quod reliſtum eſt libertis, quoniam
videtur deſiſſe eſſe libertus accepto jure annuli aurei
ſed apertiſſimum eſt, quod initio reſpondet Papinianus,
nihilominus eum admitti ad legatum, quia non deſinit
eſſe libertinus. Honore tantum & jura ingenuitatis
habet, ingenuus non eſt; non mutat conditionem nec
ſtatum, qui augeat dignitate ingenui, non mutat ſta-
tum, libertini, l. 33. §. 2. ſup. de cond. & demonſtrat. l. 2. C. de
jure aur. an. l. 1. C. ad leg. Viſell. Ergo cum non deſinit eſ-
ſe libertinus, admittitur ad legatum reliſtum libertis,
quia non mutat ſtatum: augeatur tamen honore ingenui-
tatis, & adſcribitur in numerum equitum Romanorum.
Ideoque hoc juſ non dabatur, niſi ditioribus libertis, pu-
ta,

ta, habentibus in bonis 400. millia sestertium, qui erat A
census equestris. Arnob. lib. 4. Pecuniam donare, annulos
aureos, & loca priora in spectaculis. Sueton. in Jul. Jus
annulorum dedit cum millibus quadringentis. Sed, quod
erat difficilius, quaeritur in hac lege: si is libertus,
qui impetravit jus aureorum annulorum, postea procla-
maverit ad ingenuitatem, adferens se ingenuum esse,
& neminem patronum se agnoscere, negant patronum,
& collusione habita cum secundo uno ex patronis in-
genus pronuntiatus sit: deinde Primus alter patronus
detexerit collusionem, ad quam rem detegendam et-
iam quilibet extraneus admittitur, cui jus postulandi
est, l. 2. §. 1. de collus. deteg. post detectam collusionem
hic, quem res judicata fecerat ingenuum, quia pro ve-
ritate habetur, l. ingenuum sup. de statu homin. redditur
conditioni pristinae, hoc est, redigitur ad libertinita-
tem, & fit libertus Primi, qui detexit collusionem, ut
l. pen. C. de collus. deteg. An ergo admittitur ad legatum re-
lictum libertus, qui impetravit jus annulorum aureo-
rum, deinde e patrono ingenuus pronuntiatus est col-
ludente adversario, post detecta collusionem redditus est
libertinitati, an capiat inter alios? & dicitur non ca-
pere, quia videtur renuntiassse testamento, qui curavit
se ingenuum pronuntari. Qua ratione etiam Papinia-
nus ait placuisse Principibus, ut hic etiam amitteret
jus aureorum annulorum, quod impetraverat ante sen-
tentiam pro ingenuitate dictam per collusionem adver-
sarii: quia etiam affectando ingenuitatem videtur se eo
jure abdicasse, videtur deposuisse jus aureorum annu-
lorum, quod etiam confirmat l. 2. hujus tit. & l. homo,
de statu hom.

Ad L. LXXXI. de Furtis.

Ob pecuniam civitati subtraham, actione furti, non
crimine peculatus tenetur.

Finge: Curator rei frumentariae pecuniam civitatis
subtrahit & in usus suos convertit: constat eum
teneri furti, sicut si quamvis aliam rem civitatis subtra-
xisset, l. sed etsi imaginem, §. ult. hoc tit. Dubitatur
an etiam criminaliter teneretur judicio peculatus? Du-
bitationis causa haec est, quia crimen peculatus inten-
ditur tantum in furem pecuniae publicae populi Roma-
ni, & civitates aliae privatarum loco habentur, l. 15. de
verb. signif. Et sane ita respondet Papinianus, ob pecu-
niam civitati subreptam eum teneri. quidem furti, priva-
tae actione & civili, non crimine peculatus, non actio-
ne criminali; cui opponere l. 4. §. ult. ad l. f. peculat. quae
ait evidenter: Recte institui accusationem peculatus in
eum, qui pecuniam subripuit civitatis cuiuscunque,
vel municipii: sed addit d. l. 4. hoc esse ex constit. Tra-
iani & Adriani, qui scilicet legem Juliam peculatus, quae
erat tantum de pecunia pop. Romani, porrexerunt etiam
ad pecuniam civitatis cuiuscunque, sicut edictum, ex
quibus causis majores, certum & exploratum est, con-
stitutiones porrexisse ad quasque civitates, quod
erat tantum de civitate Romana, l. legati, ex quibus
causis majores. Igitur necessario hac distinctione uti-
mur, ut dicamus in aliis plerisque causis separandum
esse jus a constitutionibus. Papinian. respicit ad jus,
hoc est, ad ipsam legem peculatus, quae tantum est de
pecunia pop. Rom. & quod ait l. 4. §. ultimo, ex constitutio-
nibus, plane ostendit ipso jure non ita esse, de quo
Papinianus respondet. Male Antonius Augustinus has
duas leges non pugnare, quia videantur diversa pro-
ponere, non contraria, quia plane sunt contraria, cum
una negat, altera affirmet. Alciati etiam sententia
jam pridem explosa est, qui metu illius l. 4. adductus,
non metuit in hac l. 31. addere negationem, & legere
actione furti, necnon crimine peculatus tenetur: quod om-
nino falsum est.

Ad L. I. de Crimine stellionatus.

Actio stellionatus neque publicis judiciis, neque pri-
vatis actionibus continetur.

HIS verbis Papinianus significat actionem stelliona-
tus non venire ex legibus, non esse legitimam
& ordinariam judicium, non verti in ea actione cri-
men legitimam aut poenam legitimam, ut ait l. 3. §.
penult. hoc tit. poenam stellionatus nullam esse legitimam,
cum nec legitimum crimen sit, hoc est, ordinarium;
ut legitimi gladiatores, id est, ordinarii, non cater-
varii: Legitimae feriae, id est, ordinariae, non quae in-
dicuntur extra ordinem & praeter consuetudinem. Pu-
blica judicia ex legibus veniunt, ut ait l. 1. de pub. jud.
puta ex l. Julia Cornelia, Pompeia, Fabia, Rhemmia,
Visellia. Haec sunt leges publicorum judiciorum: sed
lex Julia est multiplex: ceterae sunt singulares, hoc est,
de certis & specialibus quibusdam criminibus singulae
privatae actiones, veluti furti, vi bonorum raptorum,
injuriarum, damni iniuria dati, quatuor actiones sunt,
quae etiam veniunt ex legibus certis, vel ex Edictis
Praetorum. Et privatis actionibus actionem stellionatus
non contineri certissimum est; quia haec actiones sunt
civiles, non criminales. Actio autem stellionatus est
criminalis. Qua ratione dubitabatur an actio stelliona-
tus, an judicium stellionatus publicis judiciis posset
adscribi: sed eleganter l. 1. infra de publicis judiciis ait,
non omnia judicia, in quibus vertitur accusatio cri-
minalis, esse publica. Hujusmodi est judicium stellio-
natus, in quo quidem vertitur crimen, nec tamen est
publicum judicium, l. 3. de extra. crim. l. quid ergo, §. ult. de
his qui not. infam. l. tertio, C. de crimin. stellion. Privato-
rum, aut publicorum judiciorum, quae ex maleficiis
nascuntur, poena est legitima, hoc est, certa lege defi-
nita; stellionatus nulla est poena legitima, ergo stelliona-
tus neque publicum neque privatum crimen est, sed
extraordinarium. Extraordinarium crimen est, cui nul-
la specialis poena imposita est legibus aut constitutio-
nibus, sed liberum arbitrium est magistratui, qui de
eo crimine cognoscit, causa cognita statuendae poenae,
l. 1. de effra. Staturunde, inquam, poenae, quam nulla
lex statuit: quia de causa haec crimina extraordinaria a
Rhetoribus in declamationibus dicuntur crimina inscripta,
quod de eis nulla lex scripta sit, sicut de publicis vel
privatis: sed vel sunt inducta moribus, ut de crimi-
ne praevagationis extraordinario dicitur in l. 3. de praev.
var. vel etiam constitutionibus adnotata sunt, non im-
posita certa poena, quia & inscriptum esse videtur cri-
men, cuius poena non adscripta est, etiam ipsam esse cri-
men sit scriptum, notumve legibus. Stellionatus autem
est omne crimen, quod aliud nomen non habet pro-
prium, vel malitiosa quaelibet & vasa calliditas, quae
proprio nomine vacet. Exempla multa dat l. 2. hoc titulo.
Est autem hoc crimen, licet publicum non sit, ali-
quando famosum, ut ait l. quid ergo, §. ult. de his qui not.
inf. sicut crimen exilatae hereditatis, licet publicum
non sit, est famosum tamen & turpe, l. si te, C. ex qui-
bus causis infam. inrogetur, non ergo sola judicia publica
sunt famosa, sed etiam privata quaedam & extraordi-
naria, d. l. quid ergo, §. ult. Plane praedit crimen stellio-
natus esse famosum, & tamen l. 2. hoc tit. ait crimen
stellionatus non esse famosum, sed poenam, coerci-
tionem extraordinariam habere. Videtur esse inverte-
ritas, hoc nemo melius expedit, quam Joannes ve-
tus interpres, ex l. infamem, de publ. judic. quod di-
cat ista lex quaedam judicia, quae non sunt publica,
irrogare infamiam, videlicet, ut ait, si ex causa in-
fami descendat ea judicia: si ex ea causa descendat
ea judicia criminalia, ea crimina, quae non sunt pu-
blica, quae in civili judicio condemnato importent in-
famiam, ut si descendat ex causa furti, quae in civili
judicio, id est, in actione furti, proculdubio condemna-
to importat infamiam: nam actio furti est famosa: Ab-
fur-

furdum autem est, actionem civilem esse famofam, & criminalem, venientem ex eadem causa non esse famofam, quæ actio asporior est. Itaque rectissime Joannes hac utitur distinctione. Aut crimen stellionatus ex ea causa venit, quæ judicio civili irrogat infamiam, veluti, ex causa depositi, & hoc casu crimen stellionatus est famofum: Aut venit ex ea causa, quæ in judicio civili non importat infamiam, ut ex causa pigneratitia, vel ex causa empti, vel ex causa indebiti soluti, ut in specie l. 1. & l. tutor, §. 1. de pigner. act. & l. cum es pro auro, de furt. l. si fidejussor, §. in omnib. mand. l. statulibetum, §. 1. de statulib. Et in his tantum causis procedit, quod ait l. 2. b. in. crimen stellionatus non esse famofum. Causa criminis est incipienda, hæc crimen famofum facit, vel non facit.

Ad L. XII. ad Municipal.

Et ei contra nominati collegam actionem utilem dari non oportet.

Lex est de magistratibus municipalibus, ut ea quæ præcedit, & ea quæ sequitur, quibus hæc lex 12. interiecta est, ut in urbe duo erant Consules, qui rempublicam administrabant, ita etiam in consulum in singulis municipiis creabantur quotannis duo magistratus municipales, qui & passim ob eam rem Duumviri appellantur. Duumviri & magistratus municipales idem est. Hi suo periculo rempublicam administrant: qua de causa, & initio magistratus cavent datis fidejussoribus rempublicam salvam fore, quam ipsi administrandam suscipiunt, & sub finem anni (quoniam, ut dixi, annuus est magistratus) ambo suo periculo sibi nominant successores: quam nominationem nunquam non sequitur respublica, vel ordo civitatis, quare fit, ut ea nominatio etiam creatio appelletur, & nominatores creatores vocentur, vel *creatores*. Quoniam eam nominationem respublica semper sequitur, quia suo periculo semper sibi nominat successores in sequentem annum, igitur ex nominatione & laudatione successorem respublice tenentur, perinde atque fidejussores, si quid illi male gesserint in republica, quos sibi successores nominaverunt. Obligatur etiam quilibet eorum pro collega suo, quia licet duo sint, unus tamen est magistratus, una respublica, cuius vicem sustinent, l. magistratus, hoc tit. denique pro magistratu municipali sive duumviro obligatur fidejussor & nominator & collega. Sed videamus quo quique ordine conveniatur. Ac primum quidem, qui ob rem male a se gestam in magistratu, veluti ob pecuniam publicam non idoneis nominibus collocatam debitor est reip. principalis primum convenitur is si solvendo non sit tempore depositi magistratus, fidejussor ejus convenitur, post fidejussorem convenitur nominator, ut in l. seq. & ultimo loco, si ab illis res civitatis servari non possint convenitur collega. Igitur fidejussor prius convenitur quam collega, itemque nominator, qui instat est fidejussor prius quam collega: & ita definit Papinianus in l. 11. præcedenti, optima ratio: quia major est ratio conveniendi nominatoris quam collegæ: nominator enim tenetur fidei suæ ratione, quia nominator cum quem nominavit idoneum esse fide sua jussit, atque ita tenetur ex contractu suo & fide data: denique fidem suam pro eo abtrinxit, quem suo periculo nominavit. At collega non tenetur fidei ratione, quia nullam fidem dedit, qui nihil cavet, nihil promittit. At tenetur negligentie tantum, & poenæ nomine, quod negligens fuerit in admonendo collega, ut rem bene gereret in observando actu omni collega sui, vel etiam, quod rem, quam collega gessit male, non gesserit ipse: quoniam utriusque officium est individuum & commune, ut ait l. 1. in princ. hoc tit. negligentia poena hæc est, ut teneatur pro collega, qui male rempublicam administravit. In collega igitur est poena; in collegam, est culpa: in nominatorem est fidei data sive rei perfectio. Et æquius est poenæ exactio-

nem posteriorem esse: id est, non ante perveniri ad poenam, quam defecerit omnis ratio servandæ rei, ut in l. 3. C. quo quisque ord. conven. lib. 11. Apparet igitur hac in re nominatorem comparari fidejussori: nam ut fidejussor, ita nominator prius est conveniendus, quam collega. Additur in hac l. 12. alia etiam in re comparari nominatorem fidejussori: nam ut fidejussor, qui solidum solvit creditori, adversus alium fidejussorem non habet utilem actionem, qua ab eo recipiat partem pecuniæ solutæ, ut constat ex l. 5. de fidejuss. l. cum alter, C. eodem tit. ita nominatori, qui solidum solvit, non datur actio utilis adversus collegam, qui simul cum eo nominaverat successores: & hoc est, quod ait in hac lege: Et ei, qui nominaverit contra collegam utilem actionem dari non oportet: & additur, sicut nec fidejussori dari oportet utilem actionem adversus confidejussorem: & sic vulgo legitur in hac l. & ei, qui nominaverit contra collegam utilem actionem dari non oportet, frustra repetitis ex l. proxima superiori illis verbis, qui nominaverit, quæ sunt in extremo legis superioris. Qui vero nominaverit, fidei ratione convenitur. Et subiicitur: & ei frustra additur, & ei, qui nominaverit, quod satis intelligitur conjuncta lege superiori. Et etiam ea verba, qui nominaverit, in hac l. 12. supplevisse interpretem aliquem verum est, cum nec sint in Pandectis Florentinis: in quibus tamen Pandectis Florentinis etiam vocem nominati, quæ in eis ita legitur, & ei contra nominati collegam, hanc, inquam, vocem nominati ex interprete aliquo subrepsisse ostendit Accursii glossa, quæ vocem illam nominati supplet, & perperam, quia non contra collegam nominati successoris, sed contra collegam suum nominatori, qui solidum solvit reipub. contra collegam scilicet nominatoris Papinianus denegat utilem actionem. Denique detractis glossis ita legendum hoc loco: & ei contra collegam actionem utilem dari non oportet. Ei, hoc est, nominatori, de quo ante egi sicut fidejussori, qui solidum solvit contra collegam actionem dari non oportet, qua ab eo recipiat partem soluti. Quæ res ratio mox explicabimus, sed prius opponamus hujus responsio Papiniani, quod tutori, qui solidum solvit ex culpa communi admissa in administratione tutelæ adversus contutorem est utilis actio pro parte pecuniæ solutæ, l. 2. §. nec tractemus, de tut. & rat. distrah. l. 2. C. de cont. jud. Item quod duumviro, qui ex causa administrationis in solidum sitisset reipub. adversus collegam datur actio utilis, ut est diserte proditum in l. 2. §. jus reip. de admin. verum ad civitat. pertinet. Cur ergo fidejussori etiam qui solidum solvit non datur actio utilis adversus confidejussorem? Cur nominatori, qui solidum solvit, quod debetur reipub. non datur actio utilis adversus conomnatorum; id est, collegam suum? Ratio differentie hæc est: Quia duo fidejussores & duo nominatores sunt duo rei debendi: singuli debent solidum suo nomine, ipso jure: qui igitur ex illis solvit solidum, solvit suo nomine, ut se liberet obligatione qua tenetur in solidum. Non est igitur quod partem reposeat a collega, cuius nomine non solvit, sed suo tantum qui tenebatur in solidum. At duo tutores, vel duo magistratus non sunt duo rei debendi; quoniam si ambo solvendo sint tempore depositæ administrationis, singuli non tenentur in solidum, sed pro utilibus portionibus, l. 2. §. nec tractemus, de tut. & rat. distrah. & l. si pupillus, de admpt. tut. Ergo ex iis, qui solidum solvit, non totum solvit suo nomine, quia suo nomine totum non debuit, sed partem suo nomine, partem collegæ nomine solvit. Proinde æquum est ut partem a collega recipiat, quem liberavit, utili actione negotiorum gestorum, quia collegæ negotiorum gessit non pro se tantum solvendo, sed etiam pro collega.

Ad L. XV. Eod. tit.

Ordine decurionum alii tempus motus, & in ordinem regressus, ad honorem exemplo relegati tanto tempore non admittuntur.

mittitur, quanto dignitate caruit. Sed in utroque placuit examini, quod crimine damnati sententiam ejusmodi meruerunt, durioribus penam penis affectos, ignominia veluti transactio negotii postea liberari. Minoribus vero quam leges permittant, subiectos, viliolimus inter infames haberi. Cum facti quidem questio sit in potestate judicantium, juris autem auctoritas non sit.

In primo responso vel in specie primi responsi quaeritur: an decurio, qui ex crimine aliquo ad tempus ordine motus est, vel qui ad tempus relegatus est in insulam, aut partem aliquam provinciae (nec enim omnis relegatio fit in insulam, sed & in civitatem & regionem aliquam) an, inquam, expleto illo tempore decurionatum recipiat, an reducat in ordinem, & ad novos honores municipales aspirare possit? Papinianus relegatus ad tempus comparat eum, qui ordine movetur ad tempus: quoniam in hac re idem fere jus observatur in utroque, puta, quod propositio initio legis, ut quanto quisque tempore dignitate & decurionatu caruit, tanto regressus in ordinem abstineat novis honoribus civitatis vel municipii, ut si ordine motus sit vel relegatus in biennium, & expleto biennio redierit in ordinem decurionatu adeptus vel receptus, non potest capere novos honores antequam aliud biennium fecerit in decurionatu, quem recepit vel adeptus est, quod etiam proponitur, in l. 2. C. de iis qui in exil. dati vel ord. moti sunt lib. 10. Et ratio hac est: quia ut novo decurioni non statim patent honores reipub. ita patere non debent ei, qui recens ex poena rediit in ordinem, quo exciderat, decurionatus pristino honore recepto: nam & hic quasi quodammodo novus decurio est. Aut sane sicut in honoribus petendis & adipiscendis antiquiores praferuntur novis decurionibus, ita aequum est, ut ii, quorum in vita nulla fuit intercapedo dignitatis, praferantur iis, qui dignitati suae intercapedinem aliquam fecerunt, deinde re versi sunt in ordinem. Est quidem hac differentia inter relegatum & remotum ad tempus, quod Senatu vel curia remotus domicilium non mutat, sed domum non mutat, l. 3. de Senat. relegatus domicilium mutat & necessarium domicilium habet in eo loco, in quem relegatus est, ut ait l. filii, §. relegatus, inf. hoc tit. At in eo, quod dixi ante, quodque Papin. proponit initio hujus legis, jus est commune utriusque, relegati ad tempus, remoti ad tempus, ut post reditum in ordinem tanto tempore abstineat novis honoribus, quanto curia abfuit, nec statim affectet vel appetat novos honores. Commune etiam hoc est utriusque, ut neuter mutet statum, capite minuat, hoc est, ut neque libertatem neque civitatem neque familiam mutet, d. l. 3. de Senat. l. 7. §. si vero ad tempus, de inter. & releg. statum autem dignitatis ut uterque mutet: alius est status capitis, alius status dignitatis: statum capitis non mutant, statum dignitatis mutant, hoc est, habentur inter infames, l. 2. de Senat. l. penult. §. vultur, de extr. cogn. Et ratio hanc est: quia nulla ex causa legibus solent derogari ejusmodi poenae, ut reus eat in exilium, vel exeat ordine ad tempus, quae non sit causa turpis & famosa. Crimen turpe aequum est ut sequatur poena turpis, quae importet infamiam: proinde decurio vel relegatus vel ordine motus ad tempus expleto tempore non potest redire in ordinem, quia ordo ille non admittit infamem, ac pro eo est ac si damnatus fuisset in perpetuum. Infamia tempore non aboletur sed tantum beneficio Principis aboletur, non beneficio temporis: Princeps famae restituit, quia placitum Principis lex est, & legis est tollere infamiam & restituere famam. At tempus per se solum non restituit famam. Infamia autem effectus hi sunt: ut in perpetuum privet omni honore & dignitate, ut arceat Senatu, curia, equite, militia, rostris, l. 8. de in. & rel. l. 4. §. ad tempus, de re milit. l. 3. C. eod. titul. l. quisquis, §. filii, C. ad l. Juliam majest. l. 2. C. de dignit. l. 8. C. de decur. & ita lege Julia de vi nominatum cavetur, ne damnatus de vi, quam ea lex

A infamem fecit, fiat Senator, neve decurio (qui & Senator est municipalis, minor Senator: neve, ait, ullum honorem capiat, & addit, in l. 1. sup. ad leg. Jul. de vi priu. neve in eum ordinem sedeat: corrupte: quia lex Julia scripsit, neve in quatuordecim ordinibus sedeat. Et hoc est, quod ait Tertullianus lib. de spectaculis. Damnatos ignominia & cum capitis minutione arceat equite, & addit etiam lex Jul. ne judex sit, nec judex dari possit, ut l. cum prator, de jud. l. 2. de Senat. quae etiam adjicit, nec testimonium dicat, videlicet, qui iudicio criminali notatus est, non quocumque iudicio, nam depositus damnatus civili iudicio fit quidem infamis, sed a testimonio non repellitur. Adde etiam nec infamem publico iudicio quemquam accusare, nec populari actione agere posse, l. qui accus. de accus. l. 4. de pop. act. nec in consilio magistratibus addicere posse, l. 2. de off. adfess. nec postulare posse pro omnibus, l. 1. §. ait prator, ff. de postul. Et postremo severius puniri infamem, si quid deliquerit, quam integrum sibi, non inscriptae frontis hominem, l. capitali, §. ult. de pen. Illi sunt effectus infamiae. Summus ille, ut in perpetuum privet omni honore & dignitate, ut excludat omni honore & dignitate. Nunc hoc adsumamus. At ille decurio ordine motus, vel relegatus, exactus ad tempus, notatur infamia, ergo decurio fieri vel esse non potest: denique in ordinem venire aut redire non potest, & tamen initio postui ordinem motum, vel relegatum ad tempus expleto tempore in ordinem reverti. h. e. decurionem fieri vel esse, ac si nunquam delisset. Quid nunquid a me ipse dissideo? Aut qui hoc pono, sine juris auctoribus pono? minime. Sciendum enim est, non semper notari infamia decurionem, qui relegatur vel temovetur ad tempus: notatur quidem infamia, si hanc poenam relegationis vel remotionis ab ordine, in quam reum judex damnavit, ipsa lex indixerit nominatim: quod est etiam proprium legis. Damnatio est iudicis: poena est legis solus iure ordinarius, cum vite & ordine agitur. Etiam notatur infamia is, cui lex graviorem poenam inflixit, si ei iudex extra ordinem hanc tangam initio rem poenam indixerit: ut si cui lex indixerit deportationem, quae capite minuit, iudex indixerit relegationem ad tempus, vel in perpetuum, quae poena non minuit statum: nec enim ideo minus, inio, ideo magis damnatum sequitur infamia, quia boni consilii debet humanitatem sententiae, quae eum relevat poena legitima, quae est acerbior, nec desiderare etiam potest contra legem praeterque sententiam, ut etiam liberatur infamia, quod proponitur in l. 3. tit. seg. At non notatur infamia is, cui iudex duriores poenam inflixit, quam lex permittit, ut si quem lex multat parte honorum, eum iudex ordine moveat vel releget ad tempus, quae poena utique gravior est. Nam graviore poena videtur cum reo transactum de fama, ut scilicet, urbe vel curia abiret illata existimatione, l. quid ergo, §. poena de his qui notant. infam. l. in severiorum, §. ult. de pen. l. 5. tit. seg. Et hoc est, quod ait Papinian. in hac lege: Veluti transactio negotii, h. e. quia severitas sententiae cum ceteris damnis transigere videtur, ut ait l. 4. C. de quibus caus. infamia irogo. In qua ut hoc obiter admoneam, manifestum est, ubi est, relegatus, legendum esse relegandum: ubi damnatum, legendum esse damnatum: quae commutatio est frequens in auctoribus: nam species hac est: Proconsolem Possidonium in annum relegandum tantum, damnasse in quinquennium, & damnatum paruisse sententiae, id est, quinquennium fuisse in exilio, non fuisse refugam poenae: nam refuga poenae augeretur poena: fuisse igitur Possidonium duriores sententiam passum, quod fit damnatus in quinquennium, eum damnari tantum deberit in annum: & ideo reversum, ait, inter infames non haberet licet actio, ex qua damnatus fuerit, famosa sit: quia severitas sententiae cum ceteris damnis transigere videtur. Ergo ille, qui graviorem sententiam patitur, ob hoc quod relegatur summoveatur ad tempus, non fit infamis, aut certo expleto.

pleto tempore videtur liberari infamia, & consequenter decurionatum adipisci vel recuperare, potest relegatus reverfus adipisci, si quis locus vacet, non etiam recuperare pristinum decurionatum: ordine autem motus recuperare potest, nisi quis in ejus locum interim subleclus sit: & hæc est alia differentia inter relegatum ad tempus, & ordine motum ad tempus, quæ notatur in l. 2. tit. seq. notatur etiam in l. 3. illo loco: *non ad tempus sit relegatus, sed ad tempus sit ordine motus*. Quod ita ponit, quia hæc in re inter hunc & illum differentia est. Et hoc etiam satis evidenter ostendit l. falsi, §. 1. ad leg. Corn. de falsi, dum ait: *Exulem post reditum decurionem recte creari: decurionem, inquam, creari, non decurionem esse, ordinis motum ad tempus post reditum in curiam confectum decurionem esse, quod est confectum decurionatum recuperare pristinum*. At uterque novos honores decurionatus adepti, vel recepto capere potest; tanto tempore post reditum, ut dixi, in curia transacto, quanto poena functus est & curia abfuit. Secundum hæc quæ certissima sunt multum interest, ex causa famosa iudex extra ordinem minorem an majorem poenam inferat quam lex ferat. Si minorem, non potest efficere, ut damnatum non sequatur infamia, si majorem, damnatum non sequitur infamia, licet causa criminalis sit turpis & famosa, videlicet si iudex reum oneraverit poena non pecuniaria, ut si relegaverit vel ordine moverit, quem lex pecunia tantum multabat: nam si eum oneraverit poena pecuniaria tantum, ut si furem nec manifestum, quem lex 2. tabul. duplo subicit, damnaverit in quadruplum, damnatum proculdubio sequitur infamia, d. l. quid ergo, §. poena. Et hoc est quod ait l. non poterit, de furi. non posse præfidem provincie efficere, ut furti damnatum non sequatur infamia, non posse ejus, quem furti damnat, servare existimationem. Quod est generaliter verum: si ve furi infligit poenam legitimam, si ve majorem, si ve minorem. Rationem autem differentie Papinian. proponit elegantissime hoc loco inter minorem & majorem poenam, non pecuniariam, quam iudex infligit, ut non majorem, sed minorem sequatur infamia, quam rationem ex hoc ipso loco alias retulit Marcianus. *Quia facti quidem, inquit, Papinian. questio est in potestate judicantium: juris autem auctoritas non est*. Retulit, inquam, hæc rationem. Marcianus in l. 1. §. sed non utique, ad S. C. Turp. & sensus hic est: juris auctoritatem non esse in potestate iudicis, hoc est, poenam criminibus non imponi arbitrio iudicis, sed constitui lege: iudicem poenam legitimam minuire vel augere non posse: corruptam videri sententiam si fit legitimæ mitior aut durior. M. Tullius in prætura urbana: *lex est, poena est*, inquit, *Quid hoc ad eum, qui vult dicit? in panis ferendis nulla sunt partes iudicis*. Et ideo quem pronuntiavit iudex calumniam, aut furtum fecisse videri, quæ causæ turpes sunt, etiam si ei legis poenam non indicat nominatim, aut si indicat minorem, nihilominus poena legis statim reum apprehendit, id est, infamia quæ ipso jure infligitur. Relegatio autem vel ordine motio, quia facti est, ipso jure non infligitur sine executione iudicis. Et punitur iudex, quod minorem poenam inflixerit, quodve majorem, ut l. servos 8. in fi. C. ad leg. Jul. de vi, l. 8. C. de theod. de appellatione. Quod si iudex majorem poenam infligit reo, quam lex permittit, cessat poena legis, hoc est, infamia, quia non tali poena adfecto lex irrogat infamiam, sed multo minori. Et plane recessit iudex a legis poena, qui minorem inflixit. At contra non omnino recessit a poena legis, qui majorem inflixit: nam in majori minor inest, in minori non inest major. Denique poenam infamiam sola lex exsequitur. Poenam relegationis vel remotioris ab ordine solus iudex exequitur, quia facti res est, & ut ait facti questio, hoc est, ut Græci interpretes notant, *in arbitrio iudicis*, eaque res propterea sæpe iudici præbet materiam gratia vel ambitionis, *leum, qui, in fine, de iudic.*, non tantum infamia, sed & qualibet alia poena legis est, sed infamia solius legis infamia juris est.

Tom. IV.

A Alia poena facti, hæc desiderat executionem iudicis, infamiae poena nullam desiderat executionem iudicis. Et hæc est hujus questionis si ve responsi interpretatio & definitio, cui hoc unum tantum opponitur, quod est in l. 1. C. de iis, qui in exil. dati & ordine moti sunt, & l. 3. C. ex quibus caus. infam. irrog. etiam ordine motum ad tempus mitiore poena, expleto tempore recipere pristinum decurionatum, addita ratione: *ne poena, sententia determinata contra fidem sententia ulterius porrigatur: quod etiam idem traditum de relegato ad tempus mitiore sententia, l. Imperator, §. 10. de postli. At ut respondeamus utendum est eadem separatione, quæ ante usi sumus ad l. ob pecuniam, de furt. In qua Papinianus ait, eum qui subripuit pecuniam civitatis cuiusdam, non teneri crimine peculatus: & tamen lex 4. §. ult. sup. ad leg. Julian. peculat. ait, eum teneri crimine peculatus, sed addit, ex constitutionibus Trajani & Adriani. Pap. non respicit ad constitutiones, sed ad jus ipsum, quod semper separatur a constitutionibus, ut l. falsa, de cond. & demon. l. a. §. deinde, ff. de doli. exc. Plane apud Capitolinum Macrianus Imperator jus separabat a Constitutionibus, cum id fecit acturum testabatur, ut jure non rescriptis ageretur. Et ita quod ante maxime ex Pap. proposuimus, jure ipso verum est: at ex constitutione Antonini aliud est receptum & constitutum; imo ex edicto Antoniani, quod est gravius rescripto, ut ait l. 7. h. r. Cuius edicti pars est in d. l. 1. C. de iis qui in exil. dati sunt: ne posthac, id est, ne in posterum (quibus verbis abrogat jus vetus quod sequitur Pap.) poena temporaria post impletum poenæ tempus ulterius porrigatur, & impediatur quo minus quis, vel recipiat pristinus honores, vel novus adipiscatur.*

Ad §. In eum, qui successorem.

In eum, qui successorem suo periculo nominavit, si finito magistratu successor idoneus fuit, actionem dari non oportet.

IN hoc §. ostenditur, non aliter dari actionem in nominatorem magistratus, quam si magistratus, quem nominavit, non fuerit idoneus eo tempore, quo conveniri potest, id est, tempore depositi magistratus. Responsum est de magistratibus municipalibus si ve duumviris, qui annui erant magistratus, & sibi sub finem anni successores nominabant, qui sequenti anno duumviratu fungerentur, & nominabant suo periculo: neque tamen si quid successores male gessissent, ipsi qui nominaverant, statim conveniri poterant, quia prius sunt excutiendi rei principales, hoc est, duumviri, qui Rempub. administraverunt, & ita deum agi potest cum nominatoribus si principales rei solvendo non fuerint, si ab eis respub. suam servare non possit, aut consequi. Denique prius respub. convenire & excutere debet reum principalem, qui remp. gessit, quam nominatorem vel fideiussorem, ut l. 17. §. filium, hoc tit. l. 3. §. ult. de adm. ver. ad civit. pertinent. l. 1. C. de decur. Et alia est ratio privati creditoris, alia respub. Plus sæpe datur privatis, quam fisco vel reipub. quoniam sunt acerbiores exactores, quam privati creditores. In privati creditoris arbitrio est, aut fuit sane in electione, quem prius conveniat, debitorem ipsum principalem, an fideiussorem vel nominatorem, puta, nominatorem tutoris, l. 1. C. de fid. tut. l. 3. C. de fidej. Quod tandem ad extremum Justiniani Novella mutavit, adempta privato creditori potestate electionis, & restricto jure vetustissimum, quo non licebat fideiussorem appellare, cum reus principalis erat locuples & idoneus: aut sane, ut Marc. Tul. ait, hoc habuit quandam *duovirum*, fideiussorem appellare, cum reus est idoneus. Est igitur hodie hac in re idem jus privati creditoris & respub. vel fisci, ut excutiantur prius vires rei principalis, quam inquietetur vel fideiussor, vel nominator, aut affirmator, si ve laudator, qui veluti fideiussor tenebatur, vel collega.

Hhh

Ad

Ad §. In fraudem.

In fraudem civilium munerum per tacitam fidem prædialia translata, fisco vindicantur: tantumque alterum interdicta rei minister de suis bonis cogitur solvere.

UT intelligatur hic §. Sciendum est, munus civilium quædam esse patrimonialia, quæ prædiis & possessionibus indicuntur; alia esse corporalia, sive personalia, quæ personis indicuntur, nec sumptum aut impensam ullam requirunt, sed laborem corporis tantum. Patrimonialia fortunati tantum; quia ipsa non habendi necessitas, ut ait l. 4. §. pen. de mun. & hono. inopes satis excusat, etiam si aliquando locupletes fuerint, ut in l. 4. de iis, qui non habent, vel pauper. excus. mer. lit. 10. C. Inopes sunt, qui non habent prædia: nam opum nomine proprie continentur prædia tantum, quæ solo continentur, ut in l. 11. §. si filio, ad l. Falcid. l. 2. C. quando & quib. grem. pars debeatur, lib. 10. Quibus ita præmissis, finge aliquem in fraudem reipub. ut se subtraheret, liberaretque muneribus patrimonialibus, prædia, quæ possidebat, alienasse fenatori populi Rom. qui ea munera non agnoscat, & alienasse per imaginariam venditionem, vel, ut Pap. ait, per tacitam fidem, id est, interposita fide servandi sibi ea bona, eorumque honorum redditus omnes, interposita tacita conventionione. Hoc vero genere fraus manifesta facta est reip. cui debentur munera civilia. Et hæc fraus etiam ex Constitutione aliqua plectitur, ut opinor, plectitur videlicet prædiis fisco vendicatis ab emptore, qui tacitam fidem interposuit servandam possessionem venditori, & quasi rei illicitæ minister fuerit, eo emptore inferente fisco eorumdem prædiorum æstimationem: uterque punitur venditor & emptor, quia communis est fraus, ut l. 1. ad leg. Fab. de plagiar. l. circumcidere §. 1. ad l. Cornel. de sicar. l. 19. C. de cursu pub. Plin. 2. Epist. ep. 11. Equissimum est commune crimen emptoris & venditoris, ab utroque defendi, & si dilui non possit, in utroque puniri. Et placet elegans sententia Cypriani Epist. 68. Qui junguntur in culpa, in poena non separantur: ut similiter in l. si quæquam, in fi. C. de episcop. & clericis. Quos par facinus conquinat & æquat, utroque similis poena comitetur.

Ad §. Ultimam.

Jus originis in honoribus obeundis, ac muneribus suscipiendis, adoptione non mutatur. Sed novis quoque muneribus filius per adoptivum patrem adstringitur.

EX responso ultimo hujus legis notandum est, per adoptionem non mutari civitatem, in qua is, qui adoptatur vitam accepit, sed augeri cum alia civitate, ut si te, verbi gratia, Lugdunensem Massiliensis adoptaverit, duæ tibi sunt civitates, quasi bis genito: civem non tantum origo facit, sed etiam adoptio, l. 1. h. t. l. civis, C. de incolis, lib. 10. l. in adoptionem C. de adopt. Idcirco non tantum in ea civitate, unde originem ducis, munera civilia facere debes, sed etiam in civitate & patria adoptatoris, quandiu durat adoptio, ut additur in l. seq. Si adoptio emancipatione solvatur, & filius esse definit adoptatoris: definit etiam civis esse ejus civitatis, in quam per adoptionem transferas. Denique adoptivus & jus civitatis suæ retinet, & patriam adoptivi patris adsequitur. Patria a patre dicitur, l. 1. C. ubi perant. tut. ut alius est pater naturalis, alius civilis ei, qui adoptatus est, ita duplex est patria, naturalis, & civilis, nec enim adoptio naturalem patriam perimit. Civilis ratio non potest corrumpere jus naturale, originis & sanguinis.

Ad L. XVII. eod.

Libertus propter patronum a civilibus muneribus non excusatur: nec ad rem pertinet, an operis patrono, vel mi-

A nisterium capto luminibus exhibeat. Liberti vero senatorum, qui negotia patronorum gerunt, a tutela decreto patrum excusantur.

LIBERTUM non excusari a muneribus personalibus reipublicæ, patriæ suæ, propter operas, propter obsequia, vel ministeria, quæ patrono suo debet & præstat, etiam si, ut ait Pap. quod notandum, patrono, cui Deus cælum abstulerat, ducatum exhibeat; si ductarius sit patroni luminibus orbi. Utrique servire debet patriæ & patrono, ut l. 1. C. de libert. l. 1. C. ad l. Vifell. Patria vero liberti non alia est, quam quæ patrono, ut constat ex l. filii, §. municipis, & l. ejus, l. assumptio §. ult. h. t. Manumissio quasi natalis dies municipem sive civem facit, l. 1. h. t. Elius Gallus apud Festum, Municipis est, inquit, qui in municipio a servitute se liberavit a municipi. Et hoc quidem, ubi Pap. proposuit initio hujus legis, addit mox veluti exceptionem quandam in §. 1. ut libertus tamen senatoris, qui senatoris negotia omnia procurat, excaletur a tutelis, licet tutelæ etiam sint munera civilia, quod ait esse ex Senatufconsulto. Sed hoc Senatufconsultum juris interpretres strictius acceperunt, puta, ut hanc immunitatem a tutelis habeat unus libertus tantum senatoris, qui ejus negotiis instat, non plures liberti, & ut libertus senatoris maris non femina, h. e. libertus clarissimi viri, non clarissimæ feminae, l. 15. §. libertus, de excus. tut. l. 13. C. eod. tit. & ut immunitatem habeat a tutelis tantum, non a ceteris muneribus civilibus: & rursus libertus, qui, ut dictum est, patroni senatoris negotia procurat, non etiam, qui tutelam filiorum ejus administrat, l. libertus, eod. tit. non etiam libertus, qui jus annuli aurei impetravit, qui habetur pro ingenio, non pro libertino, & ita est proditum in l. 1. & l. cum ex oratione, §. ult. eod. t. de excus. tut. Itaque apparet SC. quod proponitur in hoc §. 1. accipi restricte.

Ad §. Filium.

Filius pater decurionem esse voluit. Ante filium enim persona sua reipublica debet convenire, quæ pater ex persona filii. Nec ad rem pertinebit, an filius castrensium tantum possideat, cum ante militasset, vel postea.

NOTANDUM est, patrem, cujus voluntate filius decurio factus est, quæ in re sufficit tacita voluntas, id est, taciturnitas patris, quæ consensum imitatur, eum, inquam, patrem, cujus voluntate filius familiaris decurio factus est pro filio reipub. obligari ex nuda voluntate atque tacita quasi fidejussione, videlicet eorum nomine, quæ filius gesserit in rep. ut l. 2. h. t. & l. 1. C. de filiis fam. & quædammod. pater pro iis teneat. lib. 10. Sed uti proponitur in hoc §. filium prius conveniri debere ex sua persona ob rem male gestam, quam patrem ex persona filii l. 1. C. de decurion. sicut ante diximus in l. 15. prius esse conveniendum nominatum ad magistratum vel munus publicum, quam nominatorem; prius esse excutiendum reum principalem. Ergo in hoc proposito pater non tenetur reip. aliter, quam si filius solvendo non sit; ut si nihil habeat filius in bonis proprium, nihil habeat: sed si eo tempore, quo factus est decurio, habuerit castrense, vel quasi castrense peculium, vel adquisierit post decurionatum, nihil refert, ut ait Pap. quo quidem peculio periculum & damnum pecuniæ reip. faciat; & si sufficit, omnimodo liberatur pater, quia reus principalis est idoneus.

Ad §. Præscriptio.

Præscriptio temporum, quæ in honoribus reputandis, vel aliis suscipiendis data est, apud eosdem servatur, non apud alios. Sed eodem tempore non sunt honores in duabus civitatibus ab eodem gerendi. Cum simul igitur utrobique deferantur, potior est originis causa.

Notandum est legibus esse præscripta tempora certa post depositum honorem municipale, interval- la certa temporum, ut ait, quibus is, qui perfunctus est honore aliquo municipali, neque repetere cogitur eundem honorem, neque capere novum: hæc sunt tempora quin- quennii in repetendo eodem honore. Nam qui eo fun- ctus est semel, non cogitur eundem repetere ante quin- quennium. In honore autem novo adipiscendo est præ- scriptum triennium, ut ostenditur in l. 2. C. de munerib. & honor. non continuandis, hæc obtinent in municipiis vel provinciis. In urbe autem post depositum honorem con- sulatus, vel præturæ ex Senatusconsulto servabatur quin- quennium, puta, ne quis ante quinquennium fortiretur provincias, ut scribit Dio 40. & 53. & 58. Ac ne vo- lens quidem ante quinquennium potest post Consulatu- m, vel præturam obtinere provinciam. At in muni- cipiis etiam intra illa tempora, quæ dixi, quinquen- nii vel triennii volentes ad eosdem, vel alios honores accedere possunt, modo non eosdem junctim percurrant atque continent, nec omni quidem spatio intermisso sal- tem, & hoc est, quod ait l. 18. quæ sequitur. *Intervalla tem- porum, de quibus agimus in continuandis honoribus, in iis non etiam volentibus concessa, dum ne quis continet honorem sine intermissione ulla.* Ergo qui perfuncti sunt honore aut munere publico, intra ea tempora inviti si vocen- tur ad eadem vel alia munera publica, ii possunt se tueri præscriptione legibus constituti temporis, cujus immunitate uti licet. Item (ut Papinianus ait in hoc §.) *præscriptio hæc temporum servatur apud eosdem.* Quod male Iulio Accursius interpretatur de familia ejus, qui semel munere publico, semel honore functus est, cum hoc potius velit, hæc tempora servari apud eosdem, id est, in eadem civitate, ut & in Basil. *in vi auti ædem*, non in alia civitate. Nam si duarum civitatum civis fuit, & in una functus sim hoc anno duumviratu vel curatione quadam publica, mox sequenti anno in alia idem ho- nos, idemve munus mihi invito deferri potest. Præscriptio igitur illa temporum pertinet tantum ad eandem civi- tatem, non ad aliam civitatem. At non omittit Papi- nianus, quod etiam non potuit omittere, non posse nos eodem tempore, eodem honore in duabus civitati- bus fungi. Ut ecce non possum duumvir esse in duabus civitatibus. At cum forte in utraque civitate, quæ me ci- vem habet, simul mihi idem honos deferatur, quid fiet? Potior erit causa civitatis, ex qua ortus sum, potior erit causa originalis: plus debemus patriæ originali & natu- rali, quam adscriptæ aut civili. In vindicando civæ duarum civitatum potiores causas habet civitas quæ genuit. Et hæc est sententia hujus §.

Ad §. Sola ratio.

Sola ratio possessionis, civilibus possessori muneribus injungendis, circa privilegium specialiter civitati datum, idonea non est.

In hoc §. Papinian. ait, Solum rationem possessionis muneribus civilibus injungendis idoneam non esse, citra speciale privilegium, quod civitati dedit Princeps. Hanc sententiam Papiniani male Accursius accipit de personalibus muneribus, cum nominatim loquatur de muneribus possessori injungendis, hoc est, de muneribus quæ possessoribus injunguntur, quæ constat esse patri- monialia, non personalia l. 6. §. ult. & l. ult. §. patrimonio- rum, de mun. & honor. nominatim ergo loquitur de mune- ribus, quæ possessori ratione possessionis, tanquam pos- sessori injunguntur, quæ munera patrimonii sunt. Mun- us patrimonii & munus possessionis idem est. Nec est quod Accursius moveatur l. form. §. is vero, de censib. quæ, si hæc Papiniani sententia accipiat de patrimoniali- bus muneribus cum ea pugnare videtur, dum ait: Eum, qui in territorio alienæ provincie vel civitatis agrum possidet, in ea civitate, in qua, ager est, tributum so- li pendere debere: quod æquum sit agri tributum eam

A civitatem levare, in cuius territorio possidetur: & ta- men Papin. ait: Solum rationem possessionis agri non sufficere, ut possessori indignantur munera, quæ pos- sessionibus, possessoribusve indicuntur. Sciendum enim est, munera patrimonialia esse duplicia. Quædam possessori- bus prædiorum indicuntur, tam exteris quam civibus & incolis, ut tributiones functionesque solemnes, ut tributa solemnia, quæ debentur fisco, d. l. form. §. is vi- ro, & d. l. 6. §. ult. l. ult. §. patrimoniorum, de mun. & hon. Ea- dem etiam munera, quæ dixi, omnibus possessoribus injungi, injunguntur & feneratoribus, licet nullum præ- dium possideant, quod maxime notandum est ex l. fi- lio, §. ult. hoc t. est possessionem non habeant. Plerum- que feneratores omne patrimonium in pecunia habent. Ideoque ab iis videntur esse muneribus immunes, quæ possessoribus indicuntur: quia ipsi possesores non sunt. Nam possesores cum dicimus, prædiorum possesores dicimus. Et eam ob rem etiam veteri Senatusconsulto feneratores jubentur duas partes patrimonii in solo col- locare, apud Sueton. in Tib. ne fraus fiat solemni bus in- tributionibus, vel tributis soli. At postea placuit ut fo- neratores, tamen rem soli nullam habeant, perinde atque possesores solemni bus in tributionibus fungeren- tur, d. l. filio, §. ult. Quædam alia sunt munera; quæ & possessoribus indicuntur, sed debentur civitati, non fi- sco: ut munus exigendi tributis, quod non penditur fi- sco. Munus exigendi tributis patrimoniale est, quia ex- actio fit periculo ejus, quem civitas exactorem creavit atque constituit; itemque munus hospitii (quod metatum dicitur) in domum recipiendi, quo etiam non fingi- mur sine sumptu aliquo & erogatione: hæc munera, quæ civitas indicit: hæc civitatis onera non indicuntur omnibus possessoribus, sed iis tantum, qui cives sunt, vel incolæ, d. l. 6. §. ult. Et hoc est quod ait Papin. in h. §. solum rationem possessionis prædi, cui scilicet non est adjuncta causa originis, vel domicilii, seu in- colatus, nudam rationem possessionis non obstringere nos iis muneribus, quæ civitas possessoribus indicare potest, quia sola possessio per se neque civem facit, neque incolam; & hoc est quod repetit idem Papin. in §. sola domus, inf. Sola domus possessio, quæ in aliena civi- tate comparatur, domicilium non facit, id est, ejus civitatis incolam eum, qui domicilium in ea possidet, non fa- cit, & consequenter non obligat eum sola domus pos- sessio civilibus muneribus, ne iis quidem, quæ patrimo- nio injunguntur, quod est proditum in l. 4. C. de incol. & l. 52. C. Theod. de Decur. Sedium positio & certa larum collocatio domicilium facit, non sola fundi aut domus possessio: & hoc est etiam, quod ait lex 35. hoc tit. Sen- tentia legis hæc est, eum, qui in agro demorat, vel di- versatur tantum ad tempus ruris colendi gratia, non esse ejus loci vel civitatis, sub qua ager est, incolam. Qui moratur ad tempus in agro suo in aliena civitate, aut ter- ritorio alieno civitatis, non ideo est ejus civitatis in- cola, quia non utitur, ut ait *Καίτοις*, id est, ejus civi- tatis muneribus non utitur præcipuis, veluti foro, curia, balneo, spectaculo, honoribusque publicis, qui iis utun- tur, vel cives sunt, vel incolæ, ut *l. ejus qui, §. i. hoc tit.* At iis hic non utitur. Ergo neque civis est ejus civi- tatis, neque incolæ; & ita etiam explicanda est l. pupillus 239. §. incolæ, de verb. sign. eum non esse incolam, qui ut- cunque in oppido moratur, sed qui se in oppidum quasi in sedem suam recepit, qui in eo oppido sedes suas habet, & constitutionem rerum suarum fecit. Et ita etiam explicanda est l. 3. C. de incol. si legatur negative ut vulgo. Verum huic sententiæ Papin. additur hæc ex- ceptio: *Citra privilegium specialiter civitati datum*, quibus verbis significatur, ex speciali privilegio civitati dato etiam eos obligari omnibus patrimonialibus mu- neribus, qui neque cives sunt, neque incolæ, si vel unum prædium in ea civitate vel territorio possideant: jure communi non obligari, jure singulari, id est, pri- vilegio obligari, ut in l. 6. C. de incol. l. ult. §. præterea, de mun. & honor.

H h h 2

Ad

Ad §. Postliminio.

Postliminio regressi, patria numeribus obtemperare coguntur, quamvis in aliena civitatis finibus consistant.

Sententia hæc est: Captivitate amissam patriam postliminio recuperari: omnia jura recuperari postliminio; ergo & jus patriæ. Sed ait, postliminio recuperari jus patriæ, etiam si nondum ingressi finem civitatem ipsam, ex qua pater ortus est, sed in finibus consistamus, & in territorio alienæ civitatis in eadem provincia tamen, ut in l. postliminio, §. postlim. de cap. & postlim. revers. Ideoque statim atque postliminio regressi patriam attingimus, patriæ numeribus obtemperare cogimur, id est, inviti vocamur ad munera civilia: propriæ patriæ, sive, ut Cic. loquitur, germana patriæ est ea, ex qua pater naturalis naturalem originem suam duxit, ut l. assumptio, §. si filius, h. t. non ea, ex qua originem nostram duximus, quod aperte est proditum in l. 3. C. de munic. & orig. lib. 10. Denique non ea, in qua nati sumus, sed in qua pater naturalis natus est. Itaque natus Lutetie, si pater sit oriundus a Roma, non Lutetiam, sed Romam habet patriam, Romanus nuncupatur, nisi & ipse pater Lutetie natus sit. Patria igitur non est omne natale solum, sed natale solum patri: hoc est jure civili certissimum.

Ad §. E. i. gend.

Exigendi tributi munus inter fordida munera non habetur, & ideo decurionibus quoque mandatur.

Munus exigendi tributi, quod est patrimoniale munus (quoniam exactio fit exactoris periculo, l. 1. §. 1. l. 3. §. exactio, de mun. & honor.) hoc inquam munus recte decurionibus mandatur, quia non habetur inter fordida & viliora munera. Decurionibus fordida munera non mandantur, veluti obsequium pistrini, vel coquenda calcis, vel etiam panis civilis, l. pen. C. de subscriptorib. & arcar. lib. 10. at munus exigendi tributi, redigendi tributi quod debetur fisco, injungi potest etiam decurionibus. Ergo non est fordidum munus.

Ad §. Ex causa.

Ex causa fideicommissi manumissus in numeribus civilibus manumissoris originem sequitur, non ejus, qui libertatem relinquit.

Dubitatur cujus originem sequatur is, qui ex causa fideicommissi manumissus est, an testatoris, qui reliquit fideicommissariam libertatem, qui rogavit manumitti: an heredis vel legatarii, qui manumissit: nam in plerisque causis is, qui manumissit ex causa fideicommissi, pro patrono non habetur, tamen si revera sit patronus. Ideo autem in plerisque causis pro patrono non habetur, & jus patroni non habet, quia libertatem non dedit, sed solvit debitam. Is tantum jure civili videtur esse patronus, qui gratuitam libertatem dedit, non debitam. Hic quia libertatem debitam coactus dedit, in plerisque causis jus patroni non habet, l. nequaquam, de excus. tut. l. qui ex causa, de bon. liber. l. 1. C. de lib. & eorum lib. At tamen in questione proposita placet manumissum ex causa fideicommissi, sequi potius patriam heredis vel legatarii, qui manumissit, & in ea fungi muneribus civilibus, quam patriam testatoris: quia ea fuit mens testatoris, ut manumissoris patriam sequeretur, utque eum solum patronum haberet, nec esset libertus orciunus.

Ad §. In adoptiva.

In adoptiva familia susceptum, exemplo dati muneribus civilibus apud originem avi quoque naturalis, respon-

A dare Divo Pio placuit: quamvis in isto fraudis nec suspicio quidem interveniret.

Jam diximus in l. 15. §. ult. h. t. filium adoptivum etiam patris naturalis naturalem originem sequi, necdum patriam patris adoptivi, denique utriusque patris originem sequi. Cur etiam patris naturalis ratio, quam ibi non exposuimus, hæc est: nam si dicamus patriam patris naturalis amitti per adoptionem, per hanc causam, in fraudem reip. se quisq. dabit in adoptionem, ut se subtrahat muneribus patriæ suæ originariæ. Fraude carere adoptio debet, l. cum ratio, de bon. damn. l. fideicommissum, de cond. & demon. & Cic. pro domo sua: Ne qua in adoptione calumnia, ne qua fraus, ne quis dolus adhibetur. Et huic adoptioni, aut omni adoptioni videtur ineffe fraus, aut suspicio fraudis iusta: ut mutet quis familiam suam, ne patriæ suæ naturalis muneribus fungatur, sperans aut exsternans per adoptionem mutari etiam civitatem: quod jus non patitur, non commento adoptionis etiam fraus admittatur. Unde dubitatur cum fraudis suspicio faciat, ut qui se dat in adoptionem, non id minus sequatur originem patriæ patris sui naturalis, an nepos ex filio adoptivo natus, susceptus in adoptiva familia, aut naturalis originem sequatur, quia in nepote nato in adoptiva familia ex adoptivo filio cessat suspicio fraudis, cum non sit datus, non adiectus in adoptivam familiam, sed natus. Et eadem ratione mulier per matrimonium longe aliter, quam per adoptionem definit sequi originem patris sui naturalis, l. ult. §. item rescriptum, h. t. l. uni, C. de mulierib. in quo loco mun. sexui congr. & corr. exequi debent. Quia scilicet nulla potest intervenire suspicio fraudis in votorum festinatione, in nuptiis contrahendis: nec videtur de fraudanda sua civitate potissimum cogitare, quæ per nuptias in aliam civitatem transit. Ideoque per matrimonium mulier amittit naturalem originem sui patris: quia necessario eligit nuptias, & in rem etiam publicam. At in nepote suscepto in adoptiva familia, licet datus non sit, sed natus in ea, quoniam hoc res ipsa attulit, natura perfectæ, non opera nostræ, non commentum nostrum, aut fraus excogitata a nobis, videtur æquum, ut desinat sequi patriam avi naturalis. Sed ut proponitur in hoc §. Divus Pius idem constituit in nepote edito in adoptiva familia, ut se sequatur utramque patriam patris sui, id est, filii adoptivi. Nam ita jus est, ut conditionem patris sequatur filius ex iustis nuptiis procreatus. Pater est duarum civitatum civis in hac specie. Ergo & duarum civitatum civis erit nepos ex eo susceptus.

Ad §. Error ejus.

Error ejus, qui se municipem aut colonum existimans, munera civilia suscepturum promissit, defensorem juris non excludit.

Quidam cum falsq. existimaret, se esse municipem vel incolam certæ civitatis, vel colonum, per errorem ei civitati promissit, se facturum munera civilia, res publica in eo laboraret, & quæreret idoneum, qui ea obiret munera civilia. Deniq. per errorem promissit, se ea suscepturum munera, ac si deberet his muneribus fungi, tanquam civis vel incolæ. Ex hac promissione in eum reipublicæ competit actio, sed tueri se potest exceptione doli mali, qui rem indebitam promissit per errorem, quam Papinianus vocat juris defensionem, ut l. sufficit, de cond. indeb. Exceptio quid est? defensio juris: poterit ergo se tueri exceptione doli mali: & addatur, ei quoque competere conditionem liberationis, conditionem incerti, ut scilicet eum liberet res publica, & absolvat promissione sua, argumento l. 2. §. aliud juris, ff. de donationib.

Ad §. Patris domicilium.

Patris domicilium filium aliorum incolam civilibus muneribus

neribus alienæ civitatis non adstringit: cum in patris quoque persona domicilii ratio temporaria sit.

Hoc loco necessario repetendum est, quod supra attigi, filium sequi originem patris naturalis, non originem propriam, *l. adsumptio, §. filius, h. l. 3. C. de municip. & orig. lib. 10.* pro qua heri male adduxi *l. 3. C. de incolis*, quoniam est *l. 3. C. de municip. & orig.* quæ aperte demonstrat, filium sequi originem patris naturalis, non propriam, nisi in ea retineatur iure domicilii, non etiam originem matris. Patria dicitur a patre, ut ostendit *l. 1. C. ubi petant. tut.* Patriam a patre dicimus, non a matre, quod etiam ostendit *l. nullus, C. de decurionib.* Præter quam si speciale privilegium datum sit civitati, ut eam civitatem sequantur, quibus matres sint ejus civitatis cives, *h. eos qui C. eod. tit.* Alias patrem patriæ non ducimus a matre, sed patriam a patre totam. Et inde notum, quod Virgilius lib. 8. ait:

Gnatum exhortaret, ni misisset matre Sabella

Hinc partem patriæ traheret.

Non est secundum jus, sed poetice dictum, ut & Sidorius Apollinaris docet 4. Epistol. cum ex eo loco Virgilius tentat, & originem matris computari in partem patriæ. Sequitur etiam filius originem patris adoptivi, ut dixi in *§. in adoptiva, & l. 1. §. ult. D. Domicilium autem patris filium non sequitur, & ita est expressum in *d. l. adsumptio, §. filius*: filius civitatem, ex qua pater ejus originem ducit, non domicilium sequitur: hoc Papinianus, in *h. §. ita* verum esse declarat, ut filius non sequatur domicilium patris, si ipse filius non in ea civitate, in qua pater domicilium habet, sed in alia civitate sibi domicilium fecit. De filio loquitur: filius. potest domicilium proprium habere ubicunque voluerit, *l. 3. & q. hoc tit. ergo* non cogitur sequi domicilium patris, sed quodcumque vult sequitur, & addit rationem Papinianus, quia in patris quoque persona domicilii ratio temporaria est, non perpetua; hoc est, incolatus patris non est certus, non est certum domicilium. Filius non sequitur incertum & temporarium sedem patris, sed eam, quam ipse sibi sedem delegerit. Cæli & domicilii libera cuique electio est, patrifamilias vel filiofamilias, *l. miles, hoc tit. & ita* sive etiam ingenuus sive libertus: nam & libertus si alterius civitatis sit incola, *h. e.* si in alia civitate domicilium fixerit, non sequitur domicilium patroni, originem sequitur. Originis ratio est perpetua, originem patroni sequitur, non domicilium, qui sibi aliud domicilium fecit, *l. ejus qui manumissit, h. t.* At filius vel libertus, si alterius civitatis sit incola, tum sane sequitur domicilium patris vel patroni, ut *l. adsumptio, §. ult. l. filii in pr. hic.* Et hæc sententia hujus §. Quod dixi initio, originem patris naturalis patriam facere, non originem propriam: ex eo iure nostro, quod est certissimum, non iure quo utimur, velim vos annotare, quoties in iure nostro sit mentio loci, ex quo quis oriundus est (sit autem mentio in numeris locis, *l. adsumptio, in pr. l. pen. hujus tit. l. pen. de senat. l. 7. §. interdicere, & §. seg. de interd. & releg. l. Divus, de tut. & cur. datis*) in his omnibus locis oriundi, originis appellationem esse accipiendam proprie pro origine paternæ, ut scilicet notetur ea appellatione locus originis paternæ, non natale solum, in quo quis natus est. In his omnibus locis reventa propria est significatio verborum aliter, quam sentiat Ant. Augustinus. & ut sentit Alciatus significatur locus originis paternæ, non natale solum in quo quis natus est. Nec obstat *l. provinciales, de verb. signif.* quæ prima facie videtur esse difficilis, imo falsa, quia & generaliter facta est, & vera tamen specialiter, *h. e.* non pertinet ea lex ad omnes partes juris, sicut nec ulla lex tituli illius, vel tituli de reg. jur. Et ait, provinciales esse eos, qui in provincia domicilium habent: hoc est verissimum, sed subicit, eos non esse provinciales, qui ex provincia oriundi sunt, id est, qui patrem habent provincialem; quod generaliter est falsum, ut patet ex superioribus. Specialiter est verum: nam pertinere videtur tantum ea sententia ad eas constitutiones principum, quibus Præ-*

ses provinciae, vel Procurator Caesaris, vel Praefectus cohortis, vel tribunus militum, vel etiam quicumque in provincia meret, & officium aliquod administrat, prohibetur mulierem provincialem uxorem ducere, quia per impressionem saepe, & potestatem invitas plerumque ducerent uxores nobiliores in ea provincia, ideoque qui officium aliquod administrat in provincia, provincialem ducere non potest, *l. 3. §. 1. de don. inter vir. & uxor.* In his Constit. provincialis non aestimatur ex sola origine patris naturalis sine domicilio. Nam ea, quæ oriunda est ex provincia Narbonensi, nec tamen eam provinciam excolit, id est, in ea domicilium non habet; iure ducitur uxor a Praefide provinciae Narbonensis, vel ab eo, qui ibi meret, quia cessat ratio potentatus, qui huiusmodi nuptias prohibuit *l. praefectus, de rit. nupt.* neque enim Praefes provinciae, vel qui aliud officium in provincia administrat, quidquam potest in eam, quæ ibi domicilium non habet. Igitur quod ait *l. si quis officium, de ritu nupt. eum, qui officium administrat in provincia non posse ducere ibi oriundam, vel ibi domicilium habentem*, pugnare videtur cum *d. l. provinciales*, quæ pro provinciali non habet eam, quæ provincia oriunda est. Sed brevis distinctio rem expedit. Non potest ducere ex ea provincia oriundam, si in ea habet domicilium, sed alibi domicilium habentem, licet inde oriunda sit, quæ non habeatur pro provinciali, iure ducere potest. Denique provincialis non est in hac quaestione, quæ ex provincia oriunda est, si in ea domicilium non habet, si in ea larem non habeat, sed quæ in ea domicilium habet, licet aliunde oriunda sit: & ita explicanda *d. l. provinciales*.

Ad §. In quaestionibus.

In quaestionibus nominatos capitalium criminum ad novos honores ante causam finitam admitti non oportet. Ceterum dignitatem pristinam interim retinent.

His verbis non significat simpliciter nominatos ab indice, sed etiam accusatos capitalium criminum. Nam qui tantum nominatus fuit ab indice, necdum reus postulari est iudicio publico, non prohibetur aut accretur novis honoribus, *l. 6. §. si quis accus. de munerib. & honor.* At quia accusatus est, qui factus ab accusatore reus capitalis criminis, novos honores, quamdiu est in reatu, petere non potest ante causam finitam, antequam purgaverit innocentiam suam, ante sententiam, *l. 3. §. quod pater in reatu, & l. reus, de munerib. & bon. & l. 1. C. de reis post. lib. 11.* cum qua puto esse conjungendam *l. reum, C. de proc.* quæ etiam reo postulato in causis agendis interdicat procuratoris officio. Tantum igitur abest, ut reus delatus, honore novo fungi possit, ut non possit in litibus ut procurator pro alio intervenire. Recte ait, *Novos honores*, nam pristinum retinet, ut si sit decurio, qui in crimen vocatur, decurionatus honorem retinet, ideoque tormentis & poenis plebeiorum subijci non potest. Et hæc est sententia Papin. Ut prius honores in crimen vocatus retineat, non novos adipiscatur ante absolutionem, ante finitam litem. Quod jus ex urbe videtur manasse ad municipia: nam apud Sallustium legimus, Catilinam fuisse prohibitum consulatum petere, quod reus esse reputandam. Et M. Tullius contra Rullum; cum recenseret iustas causas repulsarum, quæ tamen non erant exceptæ lege Agraria: *Hæc lege*, inquit, non excipiunt adolescentia, non legitimus aliquod impedimentum, non magistratus, non potestas ulla alius negotiis & legitimis impedita, non reus denique, quominus decemviri fieri possit.

Ad §. penult.

Sola domus possessio, quæ in aliena civitate, comparatur, domicilium non facit. Nominati successoris periculum fideiussorem nominantis non tenet.

Sententia hæc est: fideiussorem magistratus siue duumviri municipalis, qui cavet rempublicam salvam fore, tenet.

teneri pro iis, quæ gessit magistratus in magistratu ipso: non teneri autem eum fideiussorem pro eo, quem honore deposito magistratus sibi successorem nominavit: quia scilicet in causam administrationis fideiussit, non in causam nominationis, ut l. 2. C. de per. tut. Tenetur ergo de administratione magistratus tantum, non ex nominatione, sed ipse solus, qui nominavit tenetur, si res servare non possit ab eo, quem nominavit, ut l. 15. §. in eum, sup. At notandum, aliud esse in patre, cuius voluntate filius decurio factus est, nam & hic reip. obligatur pro eo, quem filius sibi successorem nominavit in magistratu, l. 2. h. t. Plenior est obligatio patris quam fideiussoris, quoniam pro eo tenetur pater generaliter, quod gessit filius in rep. & in eo iure Gesti appellatio latissime manat. Pars gessi est nominatio. Ergo cum filius patris voluntate decurio factus sibi successorem nominaverit, eo nomine tenetur etiam pater, quia plus est quam fideiussor, & quasi reus ipse, cum pater & filius pro uno homine habeantur. Et hac distinctione inter fideiussorem & patrem etiam utimur in specie §. ult. ad quem venio.

Ad §. ult.

Fideiussores, qui salvam rempublicam fore responderunt, & qui magistratus suo periculo nominant, pœnalibus actionibus adiunguntur, in quas inciderunt hi, pro quibus interveniunt. Eos enim damnum Reipublice præstare satis est.

Fideiussores magistratus cavent, sive ut loquitur Papin. in hoc §. ult. spondent rempublicam salvam fore, h. e. damnum præstare, quod re per magistratum male gesta reip. contigerit. Itemque respondisse. i. respondisse intelliguntur nominatores magistratum, qui suo periculo successores nominant: utitur Papin. ut dixi, respondendi verbo; cum etiam in idiotismo nostro utimur aptissime, *Je réponds, je say bon pour toy*, quia omnis fideiussor aut quicumque pro fideiussore habetur, tenetur ex responso, aut velut ex responso, quod interroganti responderit, se datum vel facturum id, de quo interrogatus est. Eodem sensu etiam Græci dicunt ἀντιστοίχῃ, & ἀντιστοίχῃ, respondentes, quæ nostri auctores eo verbo tantum utuntur in constituta pecunia, non fideiussione, quamquam, & fideiussioni conveniret non minus, quam constitutæ pecuniæ respondendi verbum. Ergo fideiussores & nominatores magistratum cavent de re pecuniaria, cum caveant rempublicam salvam fore, non etiam cavent de poena aut multa, in quam inciderit magistratus, qui male administraverit, quia poena ea est extra remp. & consequenter tenetur tantum republicæ iis actionibus, quæ rei perfectionem habent, non actionibus pœnalibus: ut si magistratus poenæ sit obnoxius, ob interverfam pecuniam publicam: eo nomine reip. non tenetur, l. fideiussores, de fideiuss. l. un. C. de per. eorum, qui pro magistr. interven. lib. 11. Ut autem diximus in §. penult. aliud esse in patre, ita iure videmus nos posse dicere, & in hoc §. ult. aliud esse in patre, quoniam latior est obligatio patris, cuius voluntate filius decurio factus est: ergo tenebitur pater in poenam quam incurrit filius culpa sua, qui præstat omne factum filii. Verum trahi velim, quod ait Papin. in hoc §. ult. de fideiussoribus magistratum, etiam ad fideiussores tutorum: nam & tutela munus civile est, & stipulationis eadem est formula: rem pupilli salvam fore, in qua etiam nominatim dicitur in l. cum pupillus, rem pupill. sal. fore, id venire tantum, quod venit in actionem tutelæ, quæ rem familiarem pupilli persequitur, ut salva sit pupillo, non poenam. Ideoque fideiussor tutoris tenetur in ea, quæ veniunt in actionem tutelæ, quæ rem persequitur, non etiam in ea, quæ veniunt in actionem rationibus distrahendis, quæ est pœnalis in duplum, quoniam non in causam poenalem se obligavit, sed in causam tantum servandæ rei pupillaris.

Ad L. VI. de Decurion. & eor. fil.

Spurii decuriones sunt: & ideo fieri poterit ex incesto

quoque natus: non enim impedienda est dignitas ejus, qui nihil admisit.

IN hac l. 6. respondere Papin. spurios, hoc est, natos ex stupro, ordine decurionum non prohiberi, quia, inquit, impedienda non est dignitas ejus, qui nihil admisit, qui innocens est, qui patris, non suo vitio laborat, ut l. legem; C. de natur. lib. l. 2. §. pen. hoc tit. quia nec in potestate cuiusquam est, quemadmodum nascatur: eademque ratione, nec qui nati sunt ex incesto prohibentur, decuriones fieri. Nascendi conditio infamem non facit, sed vitæ institutæ tantum ratio turpis & nocens. Itaque spurii incesti si re & vitæ honesti sunt, non prohibentur decuriones fieri & Senatores municipales, maxime si deficient competitoribus legitime quæsit: quia id nec foris erit ordini, cum ex ejus utilitate sit, semper ordinem plenum habere, leg. §. spurios, h. t. & contra ex inutilitate ejus, & incommodo ordinem paucitate hominum languescere, ut in l. 32. C. Theod. eod. tit. denique propter penuriam maxime competitorum; qui legitime quæsit sunt, vulgo quæsit recipiuntur in civitatem & curiam: ut & ipse Aristot. ait 3. Politic.

Ad §. Minores.

Minores 25. annorum decuriones facti, spontulas decurionum accipiunt, sed interim suffragium inter ceteros ferre non possunt.

IN secundo autem responso ponit minores 25. annis decuriones creari & Senatores municipales, quod tamen non fit temere, ut ostendit l. non tantum, hoc tit. C. l. 3. C. quando prov. non est nec. sed ex causa, ut si sit infamia civium majorum natu, l. 1. C. qui, & ad quos refert. in int. l. 1. C. qui atare se excus. lib. 10. vel si minor 25. annis liberos jam quæsierit ex iustis nuptiis: nam ex l. Julia & Papia singuli anni per singulos liberos remittuntur, l. 2. de minor. ut si tres habeat liberos anno vigesimo secundo decurionatum in patria sua petere potest: nam quot habet liberos, tot etiam legi annuarie deminuantur anni. Idem etiam dat hujus ætatis hominibus municipii longa consuetudo, l. ult. in fin. hoc tit. aut princeps, ut l. pen. §. 1. hoc tit. nonnunquam etiam hoc datur infanti, ut a patre allegatur in ordinem decurionum, ut a patre detur curiæ, quæ datio etiam naturalem filium iustum & legitimum facit, & quandoque etiam infantes a patre cooptari in curiam ostendit l. Lucius, §. Imp. ad municipal. l. 1. C. de mun. & hon. non cont. l. 19. C. Theod. de decur. Verum ut exponamus dictam l. pen. §. 1. h. t. initio ea lex ait, Plebejos relegatos ad tempus, & reverbos finito exilii tempore, non posse allegari in ordinem decurionum sine permisso & indulgentia principis, quæ proficiatur ex aliqua iusta causa, cuius mox exemplum subiicit in §. 1. Si reverbos ab exilio minor sit 25. annis, quamvis eum repelleret a decurionatu, cum exilii causa, quod sustinuit, tum ætatis ratio: tamen permotus princeps vultu & dignitate, quæ in ea ætate potissimum efflorescit, hoc ei permittit, ut decurionatum in patria sua obtineret, peteret, nec expectaret Princeps progressum ætatis ab excellenti eximique virtute, cuius spem faciebat dignitas, id est, reverentia oris, vultus, indoles. Dignitas, id est, reverentia oris, quæ etiam eo loco definitur certa spes ejus honoris, certa spes bene gerendi magistratus, certa spes bonæ frugis, ut a Græcis indoles definitur κατὰ τὸν ὄρον τοῦ νοτίου. Verum in ea l. pen. §. 1. sic lego, nisi ejus ætatis fuerint, ut nondum decuriones creari possint, & dignitas: addita subdivisione, certa spes ejus honoris, & alia addita subdivisione, id faceret, ut princeps id indulgere possit: sic denique lego, ut non recedam a Florent. nisi quatenus pro spem lego spes certa. Certa spes ejus honoris, est definitio dignitatis, quo verbo etiam in eadem significatione usus est Marcus Tullius pro Cælio: Quid non tribui possit huic ætati? inquit, quid dignitas? Dignitas oris id efficit, ut Princeps possit

possit indulgere decurionem minori 25. annis: & hic sensus est §. 1. l. pen. elegantissimus: nec in electione quicquam potest demi. At si minores 25. annis ex causis supradictis, aut ex aliqua causa, quæ supradicta est, fiant decuriones, Papinianus docet hoc loco accipere quidem eos sportulas & honoraria decurionum, sportulas, inquam accipere inter ceteros, quos ordini erogant novi decuriones, ut significat l. 6. de dotat. int. vir. & ux. Si mulier, inquit, pecuniam a marito acceptam in sportulas pro cognato suo ordini erogaverit. Erogantur pro introitu, sicut Plinius ait in epist. ad Trajanum lib. 10. ep. 48. & 115. de electione decurionum, sicuti pro introitu militie in l. pen. §. pen. & ult. de leg. 3. pro introitu sacerdotum apud Suet. in Claud. Erogantur, inquit, sportula ordini a novo decurione: nisi gratuito ei decurionatus concessus sit: ut in anti-qua inscriptione, quæ sic habet: Titio ob merita patriæ honorem decurionatus gratulatum decrevit ordo decurionum & Augustus & plebs universa. Minor igitur 25. annis si forte factus sit decurio, accipit quidem sportulas & commoda decurionatus inter ceteros, sed in curia interim suffragium inter ceteros non fert, antequam pervenerit ad iustam ætatem, id est, ad 25. annum. Et hæc est sententia huius responsi, quæ proponitur etiam in l. 8. de mun. & honor. & quod ante notavi ex l. pen. inf. hoc tit. constat dignitatem in adolescente nonnumquam efficere, ut ei Princeps decurionatus honorem indulgeat: quod faciat speciem bene gerendi huius honoris, congruit cum eo, quod ait Marc. Tull. §. Philippica, ab eximia ætate non esse expectandum progressum ætatis. Et Plin. in epist. ad optima indole non exigi annorum numerum, & Valerianus apud Vopiscum in Probo: Non expectari ætatem in eo, qui fulgeat virtutibus & moribus polleat. Et hoc solum est, quod nos adnotare oportet de minoribus 25. annis.

Ad §. Decurio.

Decurio etiam sue civitatis vestigalia exercere prohibetur.

SEquitur in §. decurio, Decurionem non posse suæ civitatis vestigalia conducere & exercere, quod etiam est proditum in l. 97. C. Theod. eo. tit. & videtur ab urbe pervenisse ad municipia: nam in Senatoribus non licebat, neque per se, neque per interpositam personam ab ærario vestigalia conducere, Aconius scribit ad orationem in Antonium, & Dio in Adriano, ἡ δὲ τῆς βουλευτικῆς, μὴτὲρ λογιστὴν εὐλαβεῖν ἴσται, nequis senator ullum vestigal, ne minimum quidem conducat, vel per se, vel per alium, quia res est indigna Senatore & decurione, qui est Senator municipalis. Quia ratione non possunt Senatores vel decuriones conducere publica vel fiscalia prædia, l. 2. §. 1. de admin. rerum ad civit. per. l. 1. C. quib. ad cond. præd. fisco. acced. non lic. non licet conducere prædia privatorum, l. curialis, C. de loc. l. q. hoc tit. nec suscipere procuracionem alienorum negotiorum: & quia indignum est, & re avocetur aut summoveatur muneribus civilibus, l. si quis procur. C. de decur. ἡ δὲ δαξέστατος ἀνὰ τὸν δήμῳ. Et conductio est procuracionis species, ut eleganter ait Novella Theodosii: ne curia alterius prædium conducatur. Conductor est veluti procurator domini.

Ad §. Qui Judicii.

Qui iudicii publici questionem citra veniam absolutiois deseruerunt, decurionum honore decorari non possunt, cum ex Turpilliano SC. notetur ignominia, veluti calumnie causa iudicio publico damnati.

EX hoc §. intelligimus, infames fieri decuriones non posse, quia decurionatus honor est, quod habuimus in l. 15. ad municip. Sed ponit exemplum Papin. in hoc §. in damnatis calumnie publico iudicio legis Rhemnice, qui utique famosi sunt: itemque in accusatoribus

A damnatis desertionis lege Petronia. & SC. Turpilliano, ob desertam iudicii publici accusationem non petita venia abolitionis. Et ait Papinianus, Publici iudicii, quia qui deserit accusationem extraordinariam, non incidit in penam SC. Turpilliani, nec si damnetur, notatur infamia, l. si quis, §. 1. ad SC. Turpill.

Ad §. Pater qui.

Pater qui filio decurione creato provocavit, etsi præscriptione temporis exclusus fuerit, si quod gestum est non habuit ratum, muneribus civilibus pro filio non tenebitur.

EX hoc §. notandum est, Patrem, qui decurionatus filii non consensit, civilibus muneribus non obligari pro filio, in id, quod Reip. abest, ob ea, quæ filius fecit in republica, quia huic honori non consensit, ut l. 3. C. ne fil. pro pat. Et non consentire patrem Pap. ait, si filio decurione creato contrariam voluntatem contestatus sit, ut l. seq. §. ult. vel ut Pap. si, quod gestum est, ratum non habuit, etiam si appellaverit a nominatione seu creatione filii ad decurionatum, & forte causam vitio suo perdidit, per præscriptionem lapsis temporibus appellacionis, ut in l. iuri, §. 1. de his qui not. infam. l. Herennius, §. ult. de evict. quia etiam necesse non habuit appellare, l. ult. C. de filiis. & quem adm. pater pro iis ten. Itaque facile potuit omittere appellacionem, nec exequi, cui satis erat contradicere civitati nominanti filium, & vocanti ad decurionatum, apud acta Prædis, vel alio modo. Et hæc est sententia huius §. cui tamen prima facile videtur ob stare l. 2. C. de filiis. & quem adm. pater. dum ait, patrem, qui filio creato decurione appellat, offendere causam ad se pertinere, hoc est, causam suam facere, cum satis habuerit contestari contrariam voluntatem: quod cum non fecit, appellando causam suam fecit, & reip. tenebitur, si pronuntiatum sit, non iuste appellatum fuisse. Sed apparet eam l. 2. esse intelligendam de patre, qui appellavit, cum contrariam voluntatem contestatus non esset: hic sive perferat causam appellacionis & vincatur, sive non exequatur, acquiescere & consentire creationi videtur, quia appellando rem suam fecit. At in hoc §. Papinian. ponit, patrem, quod gestum est, id est, nominationem filii ratam non habuisse, hoc, contradixisse, ac deinde appellasse, quæ appellatio cum sit supervacua, etiam omittitur impune, ac si non intervenisset.

Ad §. Ultimium.

Privilegiis cessantibus ceteris, eorum causa potior habetur in sententia ferendis, qui pluribus eodem tempore suffragiis iura decurionis decorati sunt. Sed & qui plures liberos habet, in suo collegio primus sententiam rogatur, ceterosque honoris ordine procedit.

Papinianus in hoc §. ostendit, quo ordine in curia rogentur sententiæ a decurionibus, & ordo quidem vetus & translativus, cuius exemplum etiam ab urbe pervenit ad municipalia, hic est, ut antiquiores primi rogentur sententiam, primi proponant arbitrium suum, ut l. 1. tit. seq. Sed Papinian. ostendit in hoc §. aliquando preferri etiam iuniores, aut novos decuriones, puta eos, qui pluribus suffragiis eodem tempore concordibus honore decurionatus decorati sunt tanquam excellentiores & potiores. Et preferri etiam eos, qui numero liberorum subnixi sunt: nam patres & in sententiis ferendis, & in processu, & concessu, & in albo scribendo præferuntur orbis, l. in albo, C. eod. tit. Constat etiam omnino eos preferri, qui specialem suffragii prærogativam habent, quam in Senatu plerumque habuit princeps, ut de Tiberio Tertullianus scribit in Apologetico, retulisse Tiberium ad Senatum de Christo cum prærogativa suffragii sui. Constat etiam eos preferri, qui privilegium aliquod summæ dignitatis habent, ut l. 1. tit. seq. Sed his privilegiis cessantibus, ut Papinian. ait hoc loco, quæ sunt po-

10. §. qui vestigal. de excusat. tut. quæ ait: Conductorem vestigalium civitatis a tutelis non excusari, quia, ut breve faciam, non loquitur ea lex de conductoribus vestigalium fisci, de quibus loquitur Papin. sed de conductoribus vestigalium civitatis, in quibus cessat ratio Papiniani: quia in bonis conductoris fisci habet tacitam hypothecam suo jure, civitatis autem non habet; hæc est differentia inter Rempublicam sive civitatem, & fiscum, l. 2. C. de jure Reipubl. l. simile ad municip. quæ differentia inducit aliam; ut conductor vestigalium civitatis non excusetur a tutela, vel muneribus civilibus; conductor vestigalium fisci excusetur: & mox subjicit Papinianus, vacationum privilegia non spectant ad liberos veteranorum: Veterani habent vacationem a decurionatu, & omnibus honoribus & muneribus personalibus, non patrimonialibus, habent vacationem a tutelis & curationibus, a navium fabrica, ab exactione tributorum, quamvis non sit sordidum munus, l. 3. hoc tit. l. 2. C. de veteran. lult. §. penult. sup. tit. prox. Est autem hoc privilegium, quod veteranus conceditur, personale privilegium, quia nec ad liberos veteranorum transit, & bene ait, Vacationum privilegia: nam alia privilegia, quæ veteranis Constitutionibus conceduntur, transeunt ad liberos eorum, ut privilegium, quod habent in penis, ne subiciantur tormentis aut penis plebejorum, hoc transit etiam ad liberos eorum, l. 3. de veteran. non privilegium vacationis: & in Pandectis Florentinis scriptum est hoc modo, vacationum privilegia non veniunt liberos veteranorum, id est, non transeunt ad eos, non excusant filios. Ex auctoribus nostris solum Papiniano amicum est abuti verbo prius; solum dixit insuper habere, pro negligere, & solum, vetare, pro transire.

Ad §. Qui muneris.

Qui muneris publici vacationem habet per magistratus ex improviso collatione iudiciali recte recusat, eas vero, quæ ex lege sunt, recusare non debet.

Ostenditur in hoc §. quid ei, cui Princeps concessit vacationem publicorum vel civilium munerum, remissum videatur. Et ait Papinian. non videri remissas solemnes & ordinarias institutiones, quæ legibus, vel Senatûsconsultis, vel Constitut. injunguntur, ut l. 1. C. de vacat. pub. mun. ubi his verbis, merito responsum est, proculdubio significatur responsum hoc Papin. ut cui concessa est specialiter vacatio munerum civilium, non excusetur a solemmnibus muneribus, indictionibus, functionibus, quæ nec possunt remitti rescripto principis, l. 3. C. de ann. & trib. l. 1. C. de immunit. nemini conced. Itaque rescripto (*) Principis specialiter certæ personæ data vacatione publici & civilis muneris, videntur tantum remissa onera extraordinaria, quæ ex improviso ad tempus indicuntur, ut munus muniende vel sternendæ viæ militaris, l. qui munerib. sup. tit. prox. l. 6. hoc tit. l. 15. §. οὐκ ἔστιν, de excusat. tut. Beneficium principis non interpretatur latissime in fraudem publicam.

Ad §. Philosophis.

Philosophis, qui se frequentes atque utiles per eandem sectam studiorum contententibus præbent tutelam, item munera sordida corporalia remitti placuit: non ea, quæ sumptibus expediuntur. Etenim vere philosophantes pecuniam contemnunt, cujus retinendo cupidine sectam adfectionem detegunt.

Docet, quod est apertissimum, Philosophis dari vacationem a tutelis, & sordidis muneribus personalibus, non a muneribus patrimonialibus, in quibus sumptus maxime postulantur, addita ratione elegantissima: quia, qui hæc munera refugunt, quæ patrimonio imponuntur, jam produnt se fictos esse, non veros philosophos.

(*) Vide Merill. variant. ex Cujac. lib. 1. cap. 52.

A phos, quia veri Philosophi pecunie studiosi non sunt: idemque proditum est in l. 6. §. Philosophi, de excusat. tut. l. 6. C. de muner. patrimon. l. 8. C. de professor. & medic. eademque ratione utitur in Christianis l. 104. C. Theod. de decurionib. quæ tamen abrogatur in l. 12. C. de epis. & cleric. namque ait d. l. 104. decuriones, qui clerici fieri malunt, ut Ecclesiæ potius ferviant, quam curiæ, non aliter liberari curia, quam si patrimonio suo cedant, & nudi eant in clerum: quia, inquit, animos divina observatione devinctos non decet patrimoniorum desideriis occupari: aut sane, qui iis desideriis occupantur, hoc ipso fati produnt, simulatam esse religionem suam. Notandum maxime quod ait, & usum servatur in omnibus professoribus, philosophisque, hæc scilicet immunitatem dari tantum eis, qui se frequentes, atque utiles per eandem studiorum sectam contententibus præbent, ut in d. l. 6. §. Philosophi, qui juvenibus publice proficiunt, non aliis: & ita eleganter in l. 9. C. de sacros. eccles. neminem sub specie muneris, quod minus exequitur, alterius muneris oneribus relevari debere, quod congruit cum l. pen. §. licet, tit. seq.

Ad §. Qui maximos.

Qui maximos Principes appellavit, & causam propriam acturus Romam profectus est: quoad cognitio finem accipiat, ab honoribus & civilibus muneribus apud suos excusatur.

Papinianus in §. ult. docet, eum qui Romam profectus est, apud Principem exequende appellationis causa, interim excusari a muneribus civilibus patriæ suæ, qui locus est singularis: nec enim puto alibi notari eam ipsam speciem vacationis.

Ad L. VII. de Legationibus.

Filius decurio pro patre legationis officium suscepit: ea res filium quo minus ordine suo legatus proficiatur, non excusat: pater tamen biennii vacationem vindicare poterit: quia per filium legatione functus videtur.

Sciendum est, legationem publicam esse personale munus non patrimoniale, quia plerumque solo ministerio ejus, quem civitas mittit legatum de certis rebus ad principem, & sumptu publico peragitur, dato viatico de publico, quod legatarius dicitur in lult. §. legati quoque, de muner. & honor. l. secunda, §. ult. l. 6. l. 2. l. Titio, ad municip. Et hoc quidem munere decuriones funguntur in orbem vice pari, ex vespas. & de decurionum munere legationis fungi debere, hoc proponitur simpliciter initio hujus §. & ita mox explicatur, ut non alias decurio compellatur munere legationis fungi, quam si ii, qui priores in curiam lecti sunt, functi sint eo munere, servandum esse ordinem albi in deferenda legatione, quæ pro civitate suscipitur ad principem. Deinde subjicit veluti exceptionem in eodem §. si legatio desideret, id est, si res propter quam legatio suscipitur, desideret mitti aliquem de primoribus viris civitatis, & ii, quos ordo albi vocat, inferiores sint, non esse servandum ordinem albi, & ita rescriptisse Adrianum, hoc est, non esse mittendum eum, qui ordine prior est, sed eum, qui potior est. Ex quo loco omnino explicanda est lex honores, in prin. de decur. dum ait, honores & munera non ordinationibus, sed prioribus potius injungenda esse. Ordinationem vocat vespas. & hoc vult, non semper spectandum esse, qui priores in ordinem venerint in deferendis honoribus, sed qui potiores sint, quoties ratio postulat mitti aliquem de primoribus viris: alioquin ordo albi & allectionis observandus est. Dixi, plerumque munus legationis decerni sumptu publico dato legativo de publico, non sumptu legati, atque ideo corporis munus esse non patrimonii. Dixi, inquam, plerumque, quia aliquando sunt, qui gratiam legationem obeunt, hoc est, suis sumptibus, non accepto legativo & Republica, l. 2. tit. fine, & l. 11.

hoc titulo. Et hi quidem, qui gratuitam operam præbent Reipublicæ in parte quemlibet alium suscepta legatione vicarium dare possunt, quem in legationem mittant vice sua, d. l. undecima. At qui sumptibus Reipublicæ legationis obeunt munus, non suis sumptibus, alium vicarium dare non possunt, qui legatione fungatur, quoniam eorum opera potissimum electa est, & industria cum sumptu publico: alium, inquam, vicarium dare non possunt, nisi filium suum, l. 4. §. legati, hoc titulo. Hoc cognito frage: Patrem legatum creatum decreto publico, decreto curiæ, filium suum vicarium dedisse, qui eam legationem obiret, sumptu publico, filium legationem suscepisse jure patris, vice patris, an ideo minus filius suo ordine legatione fungatur, cum scilicet pater & filius decuriones sunt? Et respondet Papin. in hac lege, non ideo filium excusari, quo minus vice sua legatione fungatur, & patri, qui filium vicarium dedit, perinde atque si ipsemet legatione functus fuisset, expleta legatione per filium vice patris dari vacationem biennii, sicut constitutum est a legatione ad aliam legationem, vel ad aliud munus, aliumve honorem publicum esse vacationem biennii, ut constat ex l. 8. §. 1. l. 3. C. de leg. lib. 10. l. 2. C. de mun. & honor. non cont. Patri igitur, quia pro eo habetur, ac si ipsemet legatione functus fuisset, qui filium vicarium dedit, qui legationem explevit, a finita legatione dabitur vacatio biennii, ceterum filio non dabitur: nec excusabitur, quo minus suo ordine legatione fungatur, si res exigat. De hac præscriptione biennii agitur hoc titulo, & aliud est responsum Papin. de ea in l. 13. quam nunc ordine explicabo.

Ad L. XIII. eod.

Vicarius alieni muneris voluntate sua datus, ordine suo legationem suscipere non admissa biennii præscriptione cogitur.

Quod definitur Papinian. in filio vicario patris l. 7. idem statuit in quolibet vicario jure dato, ut si decurio, qui gratuitam legationem suscepit, alium decurionem vicarium dederit: hic enim vicarius, qui vice alterius, verbi gratia, hoc anno legatione perfundus est, non ideo excusabitur anno sequenti, quo minus legatione fungatur, si hoc exigit albi & ordinis ratio, nec poterit se tueri illa præscriptione biennii, quia non suo nomine legatione functus est, sed alieno: non ipse, sed alius, cui indicta erat legatio, legatione functus videtur quemadmodum diximus in l. 8. §. 1. de vacat. mun. vacationem tantum dari publicanis, qui suo nomine vestigalia exerceant. In proposito ita recte dico: vacationem tantum dari legatis, qui suo nomine proprio, propria sua legatione perfundi sunt. Et hoc ita procedit, ut vicarius functo legatione indicta, alteri non detur vacatio biennii. Hoc ita procedit, inquam, si vicarius datus sit sua sponte sine decreto Curie: nam si invitatus datus sit vicarius ex decreto Curie, dico ei dandam esse vacationem biennii, perinde ac si ab initio principaliter ei delata legatio fuisset, quia hoc casu non tam alieno, quam suo nomine videtur legatione functus, nimirum, ut obtemperaret Reipublicæ vicariam istam operam injunxit. Et hoc potest significari in hac l. 13. his verbis, *voluntate sua datus*: ac si idem non sit in eo, qui invitatus datus est, quoniam is, qui invitatus sit vicarius, suo potius nomine videtur rem exequi. Et hæc sunt, quæ continentur in l. 13.

Ad L. III. de Administrat. rerum ad civit. pertinent.

Curatores communis officii, divisa pecunia, quam omnibus in solidum publice dari placuit periculo vice mutua non liberantur. (Ulpianus) Prior tamen exemplo tutorum conveniendus est is, qui gessit.

In primo responso huius legis agitur de duobus Curatoribus communis officii, communis muneris. Fin-

ge, ordinatos fuisse duos curatores frumenti parandi, & omnibus publice in solidum datam fuisse pecuniam, qua frumentum reipublice comereant: post, eos inter se pecuniam eam & curam divisisse, quæ data & injuncta erat singulis in solidum. Quaritur, si eo munere unus negligenter aut fraudulenter versatus sit, an alter pro eo conveniri possit? Quod videtur, quia commune fuit & individuum officium, & communiter in solidum omnibus data est pecunia ad annonam civitatis comparandam. Ergo commune periculum esse debet, & communis ratio præstandi damni, quod fecit respublica, ut in l. Imperator, in prin. ad munic. Denique singuli reipublice tenentur etiam nomine collegæ in solidum. Nec quicquam mutat divisio illa, quam fecerunt inter se, quia nec potuit illa divisio facta privatim inter eos convelli jus reipublicæ, l. 2. §. jus reipub. h. & ita Papinianus respondet: quod & notat Ulpianus, quæ nota subiecit huic primo responso, addito tamen hoc modo, ut prius conveniatur, qui rem male gessit ex sua persona, quam quæ non gessit ex persona collegæ, & si res ab eo servari non possit, qui rem male gessit si invenitur non esse idoneus, tum vult, ut eatur ad collegam, ut in l. 1. C. quo quisque ord. conven. lib. 11. Præter excusationes facultates ejus, qui rempublicam gessit & perdidit, ut fit in duobus tutoribus, quum individua tutela est; & ipsi tutores inter se privata conventionem administrationem diviserunt, quia alter non convenitur pro altero statim. Tutor non convenitur pro contutore, inexcusato contutore, qui rem pupilli perdidit, qui gessit, & perdidit, sed ita demum, si contutor, qui rem gessit, solvendo non sit, l. 3. C. de divid. tut. l. 2. C. de hered. tut. cui definitioni, licet sit certissima, Accursius opponit l. 2. §. ult. de curat. bon. dando. Cujus sententia hæc est: cum a defuncto relictis multis creditoribus nondum ullus extat bonorum possessor, nec ullus heres, tum postulat creditoribus bonis defuncti custodiendis curatores dantur, & si res exigat, distrahendis. Finge, plures curatores constitutos bonis: quosdam rem defuncti attigisse, quosdam nihil attigisse; an coguntur creditores prius agere cum iis, qui rem attigerunt, quam cum aliis? minime: sed eorum arbitrio est, quem convenient: arbitratu suo, illo non servato, quis gesserit, vel non? Sane necessario dicendum est, aliud esse in curatore bonis dato. Et ita est omnino. Ratio enim discriminationis hæc est: quia munus civile quale est tutela, injungitur invitatis. At ut est expressum in d. l. 2. §. penul. curator bonis non constituitur, nisi voluntarius, præterquam, si aliud jubeat Princeps ex magna causa. Regulariter non nisi voluntarius. Cum ergo voluntate sua hoc munus suscipiat non invitatus, non est, quod ei quidquam indulgeatur, tribuatur beneficium excusationis, quod datur tantum eis, qui invitati munera civilia suscipiunt. Qua de causa d. l. 2. ult. ait: quoties Princeps ex magna causa invitatum curatorem bonis fecit, tum non esse prius conveniendum eum, qui nihil attigit: quod ostendit magnam esse differentiationem inter curatorem voluntarium, & coactum. Non omitam quod Papianus proponit in hoc responso, curatoribus rei frumentariæ datam fuisse pecuniam publicam omnibus in solidum. Unde queret aliquis: an igitur si data sit eis pecunia pro virilibus portionibus & separatim, non sit curæ & administrationis commune periculum? E omnino dicendum est, non esse prorsus hoc casu commune periculum, & multum interesse, an individuum sit officium an dividuum, pro dividuis & virilibus portionibus: nam si sit dividuum ipso jure, singuli tenentur pro portionibus virilibus, pro quibus rempublicam attigerunt, ut l. 1. C. quo quisque ordine conveniatur, & si forte unus non sit solvendo, non ante conveniri collegam, quam sit excusatus fidejussor & nominator ejus, qui solvendo non est, ut l. 2. C. eod. tit. At si individuum fuerit officium, ipso jure singuli in solidum tenentur vice mutua, & uno non existente solvendo, statim pro eo alter conveniri potest tanquam correns principalis, etiam inexcusato fidejussore

ac nominatore ejus, qui solvendo non est, d. l. 2. & l. 3. C. de conven. fidei. deb. quod etiam receptum est exemplo tutorum, ut patet ex l. 4. C. de magistratib. conven. Et hoc omnino ita se habet in muneribus civilibus: Nam in magistratibus municipalibus, ut in duumviris hac distinctione non utimur, sed sive divisum sit eis inunctum officium, sive pro indiviso; prius sunt excutendi facultates rei principalis, & fidejussoris, & nominatoris, quam veniatur ad collegam, ut omnium novissimus collega conveniatur l. 3. & 4. C. quo quisque ordine conveniat. l. Imperator, ad municip. Et ratio differentie hac est: quia in muneribus civilibus, duo collegæ correi sunt debendi, in magistratibus non usque adeo. Quod patet, quia si ambo magistratus sint solvendo tempore depositi officii, non nisi pro parte conveniri possunt, qui tamen si omnino essent correi, possent conveniri in solidum, l. si pupillus, de admin. tut.

Ad §. Prædium publicum.

Prædium publicum, in 5. annos idonea cautione non exacta, curator reipublicæ locavit: ceteris annis colonus, si reliqua traxerit, & de fructibus prædii mercedes, que servari non poterint, successor, qui locavit, tenebitur. Idem in vestigialibus non ita pridem constitutum est, scilicet us sui temporis periculum singuli præstarent.

EX secundo responso videtur posse colligi: Curatorem reipublicæ, de cujus magistratu meminimus ante dicere, hoc ipso libro in l. ult. de offic. adfess. fuisse quinquennale magistratum, quemadmodum in hoc secundo responso Papinianus ponit; eum locasse fundum reipub. in quinquennium: nam & ita in urbe censor, a quo etiam prædia publica locari solebant in quinquennium, olim fuit magistratus quinquennalis auctore T. Liv. lib. 4. Proponit autem Papinianus Curatorem reipub. locasse fundum reipub. in quinquennium, ut solebat fieri, non exacta, ut debuit, a conductore idonea cautione, mercedes recte solvi, exacta quidem cautione, sed non idonea non locuplete. Ceterum eo quinquennio nihil ex ea causa reip. attulit damni, nihil reipub. abiecit, conductor mercedes persolvit quinquenni: at cum successor Curatoris reipub. in sequens quinquennium eidem eundem fundum locasset iisdem mercedibus, conductor reliqua traxit plurima, debita plurima, nec solvit reip. & de fructibus fundi, qui tacite pro mercedibus pignori obligati sunt, l. in prædiis, sup. ex quib. caus. pign. tac. conv. ex iis fructibus, inquam, & hypothecis tactis mercedes, quas conductor reliquas est, servari non possunt, denique versatur in damno resp. Quæritur, in id, quod reipub. abest, quis reip. teneatur? Prior ne curator reip. qui auctor est conductionis, & qui a conductore non exegit idoneam cautionem, an posterior curator reip. qui probavit eam conductionem, probavit cautionem alteri præstitam, nec aliam exegit? Et recte respondet Papinianus posteriore tantum curatorem teneri, quia æquum est sui quemque temporis periculum præstare reipub. Idemque est in duobus conductofibus vestigialium, si unus vestigialia conduxerit in quinquennium, deinde alius successor ejus vestigialia in aliud quinquennium conduxerit, posita eadem specie, quod summe notandum.

Ad §. In eum qui.

In eum qui administrationis tempore creditoribus reipublicæ, novatione facta, pecuniam cavet, post depositum officium actionem denegari non oportet. Diversa causa est ejus, qui solvi constituit. Similis etenim videtur ei, qui publice vendidit aut locavit.

PROponitur hæc species: Curator reip. creditoribus reip. cavet novatione facta; quo genere liberavit Tom. IV.

A rempublicam creditoribus, & in se transfudit omnem obligationem. Quæritur, an teneatur creditoribus etiam post depositum officium? Et responderi teneri, quia obligationem suam fecit, alioquin creditores versarentur in damno, quia jam non possent experiri cum republica, quæ novatione liberata est. Verum addit, diversum esse si Curator reip. creditoribus reip. constituerit, se pecuniam debitam solviturum, qua ratione obligatio non novatur. Non novat constitutum sive constituta pecunia, sicut fidejussio non novat priorem obligationem, l. item illa, §. ult. & l. ubi quis, de constit. pecun. l. si filius, de in rem vers. Et hic quidem deposito officio liberatur, & potest dici auctorem eum quidem deposito officio liberari citra captionem creditorum, cum eis sit salva actio in rem, quia constitutio non fuit novata obligatio, & quicquid hic constituit se solviturum, constituit tantum reip. id est publico nomine. Idem etiam erit si quid curator reip. vendat publico nomine, vel locet publico nomine, & emptori vel conductori caveat, conductori habere licere, emptori de evictione publico nomine, quia deposito officio emptori vel conductori est salva actio in rem, & æquum est eum liberari, qui invitum munus publicum obit, nec propriam suam obligationem fecit novationis genere. Huic responso Papin. opponitur l. procurator, de proc. ubi ponit lex procuratorem privati hominis vendidisse rem domini, & cavisse de evictione, tum negotia ejus domini gerere de fuisse. Quem tamen lex ait deposito officio procuratoris, non relevari onere obligationis contractæ, ex causa venditionis & evictionis postea secuta.

C Dico aliud esse dicendum in procuratore privati hominis, aliud in procuratore reipub. quod probat eadem lex procurator. Quæ in Florentinis est ex lib. 2. Resp. Pap. In aliis libris omnibus est ex lib. 1. quod magis placeat vindico ergo legem illam lib. 1. & consequenter eam conjungo cum hoc §. qui est ex lib. 1. respon. hæc conjunctio quum fit, apparet hanc certe esse differentiam constituendam hac in re inter procuratorem privati hominis & procuratorem reip. nam & ratio differentie est evidens: Quia curator reip. invitatus creatur, & ideo æquum est ne ultra tempus suæ administrationis teneatur his, quibus publice cavet: at ille procurator negotiorum privati hominis est amicus voluntarius: qua ratione etiam tenetur post depositum officium, quod ultro suscepit: nam cur se huic obligationi immiscuit ultro, & qua ratione curator reip. qui publice constituit se solviturum, vendidit vel locavit non facta novatione post depositum officium liberatur, ita etiam tutor quoniam gerit munus publicum quod defertur invito, deposito officio tutelæ solvitur obligationibus, quas contraxit nomine pupilli, l. 1. C. quan. ex sac. tut. l. cum quidam C. de admin. tut. nisi tutor, ut diximus, in curatore Reipub. fecerit novationem transfusa in se obligatione, ut est in l. post mortem, quan. ex sac. tut. & curat.

Ad §. Filium.

Filium pro patre curatore Reipublicæ creato cavere cogi non oportet. Nec mutat, quod in eum pater emancipatum, prius quam curator constitueretur, partem bonorum suorum donationis causa contulit.

IN §. pen. ostenditur filium emancipatum non cogi cavere pro patre curatore Reip. Remp. salvam fore, licet in eum pater tempore emancipationis donationis causa partem suorum bonorum contulerit, ut in emancipando moris erat, semper patrem donare aliquid filio, l. ut liberis, in f. C. de collat. donare aliquid quo vitam tolleraret, l. 2. & ult. C. de eman. lib. l. 8. de bonis proscript. & in l. ult. Cod. Theod. de revoc. donat. & Novella Leonis 25. Et hujus rei legimus vestigia apud Spartianum in Adriano: Filium, inquit, dato patriniano emancipaverat. Alioquin addictio potius esset, quam emancipatio. At ut sepe fit, licet in emancipatum filium multa pater contulerit

rit donationis causa, tamen filius pro eo facto curatore Reipub. fidejubeere non cogitur, quia scilicet inter volentes tantum stipulatio contrahitur, & fidejussor obligatur tantum per stipulationem: & sic est in *l. astimationem §. introitus, de munerib. & bon.*

Ad §. Ultimum.

Pro Magistratu fidejussor interrogatus pignora quoque specialiter dedit: in eum casum pignora videntur data, quo recte convenitur: videlicet postquam res ab eo servari non poterit.

In hoc §. ult. ostenditur eum, qui pro magistratu fidejussit, & pignora certa dedit, non aliter posse conveniri actione in personam. Itemque non aliter posse excuti pignora quae supposuit, & non aliter posse distrahi, quam si res ab ipso magistratu servari non possit, ut ait *l. 15. §. 1. & l. 17. §. filium, ad municip.* Prius esse excutiendum reum principalem, prius magistratum, quam fidejussorem aut nominatorem, aut pignora, quae Reip. fidejussor opposuit nomine magistratus.

JACOBI CUJACII J.C.

COMMENTARIA

In lib. II. Responsorum ÆMILII PAPINIANI.

Ad L. XXXI. de Negot. gest.

Liberto vel amico mandavit pecuniam accipere mutuum ejus literas creditor secutus contraxit: & fidejussor intervenit. Etiam si pecunia non sit in rem ejus versa, tamen dabitur in eum negotiorum gestorum actio creditori, vel fidejussori scilicet ad exemplum infistoria actionis.

HUIC libro hanc legem vindico, qui *l. 67. de procurat. libro 1. vindicavi.* Sunt autem in hac *l. 31.* septem octavo responsa, breviter admodum, si verba numeres, sed comprehensione rerum longa atque obscura. Primi responsi species hac est: liberto vel amico meo mandavi per literas, ut negotia quaedam mea gereret, puta, creditoris mei, vel pignoris mei liberandi causa, pecuniam mutuum acciperet a L. Titio, non ab homine incerto, ut Glossa ponit, sed ab homine certo, puta, a L. Titio, ut ponit *l. pen. C. de infist. act.* quae congruit omnino cum hoc responsio Pap. Procurator meus libertus ille vel amicus, quem in hanc rem procuratorem feci, literas meas ostendit L. Titio, & mox L. Titius meas literas secutus, amicitia & contemplatione mei, negotiorumque meorum, procuratori meo pecuniam credidit. Interveniit etiam quidam amicus meus, qui inspectis literis meis, eas literas secutus pro L. Titio eo nomine fidejussit, me absente & ignorante. At postea ea pecunia non est versa in rem meam, in negotia mea. Finge, periisse pecuniam illam: queritur, an in me Luc. Titius creditor, vel fidejussor, si ei solverit, negotiorum gestorum agere possit, quod uterque habuerit animum gerendi negotii mei, & me obligandi si non procuratorem meum, uterque intruebatur meas literas, non procuratorem meum? Ex creditor quidem videtur in me agere non posse negotiorum gestorum, quia pecunia non est conversa in mea negotia: quod si verum est, creditorem in me agere non posse: sequitur ergo nec fidejussorem, si forte creditori solverit, ea actione uti adversum me posse, quia negotium meum gessisse non videtur; negotium meum non gessit, qui ei solvit, cui obligatus non sum. Et tamen respondet hoc loco Papinianus, utrique competere utilem actionem negotiorum gestorum ad exemplum infistoria actionis, *b. e.* quasi infistoriam actionem, licet pecunia non sit consumpta in rem meam. Omnis actio utilis dicitur da-

Ari ad exemplum & ad similitudinem directæ actionis, quia in casu tantum admittitur, non prorsus eodem; & dicitur quasi illa esse actio, cujus exemplo datur, ut quasi Serviana, & quasi infistoria in hoc proposito, *l. infistori, C. de reb. cred. l. is cui, §. pari, ut in poss. legat.* At infistoria actio vel quasi infistoria quae dicitur, adjectio sive appellatio est, quæ accommodatur cuilibet actioni legitimæ vel honorariæ: ut infistoria actio mandati, infistoria actio ex empto; & in hoc proposito infistoria negotiorum gestorum, vel quasi infistoria negotiorum gestorum. Creditori igitur in me competit actio negotiorum gestorum; quia negotiorum meorum contemplatione pecuniam credidit procuratori meo. Nec quicquam obstat, quod pecunia illa perierit, nec versa sit in rem meam, quia quantum in eo fuit, rem meam gessit, & animo meo obtemperavit; & teneor negotiorum gestorum actione, ad exemplum infistoria actionis, ut quemadmodum, qui infistori meo, quem præpositi tabernæ, vel negotiationis, ejus rei contemplatione pecuniam credidit, habet in me actionem infistoriam negotiorum gestorum: ita qui procuratori meo constituto mutuae pecuniæ accipiente, credidit pecuniam mei contemplatione, habet in me utilem actionem, quasi infistoriam negot. gestorum, quod cum procuratorem veluti infistorum videam præpositum mutuae pecuniæ accipiente. Denique, ut ex contractu infistoris teneor, quem habuit cum aliquo ejus negotiationis causa, cui erat præpositus: sic etiam ex contractu procuratoris, veluti infistoris teneor, quasi actione infistoria, quod etiam in *l. pen. in prin. de infist. act.* & confirmat *l. pen. C. cod. l. 6. §. 1. h. t. utilem, inquam, actionem, h. e.* quasi infistoriam, non directam, quia eum non præposui ut infistorum propter quæstum, sed ut procuratorem propter necessitatem negotii mei, *l. §. §. sed & eum, de infist. act. l. Julianus, §. si procurator, de act. emp.* Qua ratione & ex contractu villici, quem etiam præposui mercibus distrahendis, quasi infistoria teneor, non infistoria directæ, quia eum habui principalem ut villicum propter fructus percipiendos, non ut infistorum, *l. si cum villico, de infist. act.* Non datur etiam in hac specie creditori in me actio mandati, quia nihil ei mandavi, sed procuratori tantum meo per epistolam mandavi, ut ab eo pecuniam mutuam acciperet: ceterum ei nihil mandavi. Non potuit igitur inter me & eum contrahi obligatio mandati; eademque ratione nec fidejussori, qui me absente & ignorante fidejussit, in me potest competere actio mandati, sed neg. gest. tantum, ut in fidejussore infra explicabitur *l. ex mandato §. 1. inf. mand.* Alia est species *l. si literas, C. mand.* quam hic adduxit Accursius, quoniam proponitur in ea, mandasse me L. Titio, ut tibi pecuniam numeraret in rem tuam, quo casu Titio in te est conditio creditæ pecuniæ, in me est actio mandati, quia auctor fui L. Titio, ut tibi pecuniam numeraret, & ita est explicanda *d. l. si literas.* At in specie proposta hoc loco nihil ponitur me mandasse Luc. Titio: non datur ergo creditori in me actio mandati, neque actio infistoria directæ, sed quasi infistoria sive utilis neg. gest. Quod verum est, etiam si procurator meus, qui pecuniam mutuam accepit, sit solvendo, qui stipulanti creditori Luc. Titio promiserit, se soluturum eam pecuniam.

E Nam hoc casu non tantum procuratorem L. Titius ex stipulatione obligatum habet: sed etiam quasi negotiis meis gessit me obligatum habet, ut *l. pen. de infist. act. l. 6. §. 1. h. t.* Addita hac ratione, quia creditor ex abundanti, inquit, hanc stipulationem interposuit, id est, quo magis sibi cautum esset, non ut me liberaret, non novandi animo. Quæ ex abundanti cautio interponitur, non novat priorem obligationem, *l. pen. §. ult. de in rem verso.* Prior autem & principalis fuit obligatio gesti negotii mei, quæ permanet etiam si procuratorem quoque meum creditori sibi obligaverit per stipulationem. Igitur interposita hujusmodi stipulatione, obligatione hujusmodi, utrumque creditor obligatum habet, me judicio neg. gest. exemplo infistoria actionis; procuratorem autem meum actio-

actiones ex stipulatu: et non interposita huiusmodi stipulatione, me solum habet obligatum iudicio negotiorum gestorum-utili, exemplo infistorie actionis: procuratorem autem meum non habet obligatum mutua pecunie nomine, vel alio nomine, quia non procuratorem meum, sed me solum creditor obligare voluit, quas literas meas secutus, quas scripseram procuratori meo, cognata mea voluntate, mox, cognito meo desiderio, pecuniam procuratori meo credidit in negotia mea, contemplatione mei, neque a meo procuratore quidquam stipulatus est. Me igitur solum obligatum habet, quasi negotiis meis gestis: nulla autem mutui obligatio contrahitur; mutua pecunia datur procuratori meo, & nemo ex causa mutui obligationis petatur, sed propter mutuum quod mei contemplatione intervenit, in me solum datur actio quasi infistoria, cum procuratori meo mei contemplatione pecunia data est; nam si non mei contemplatione procuratori meo mutua pecunia data sit, five ei mandaverim, ut eam sumeret mutuum, five non: hoc casu solum procurator tenetur ex causa mutui, & vere contrahitur obligatio creditae pecunie, *Item qui, C. si cert. pet.* Quod autem dixi de creditore, idem obtinet in fideiussore, quem posui fuisse adhibuit huic obligationi, si fideiussor creditori solverit, & me ab eo liberaverim, cum scilicet fideiussisset mei contemplatione, ut quemadmodum creditori est quasi infistoria actio neg. gest. perinde atque si pro infistore meo taberna prepositio fideiussisset, quod & idem Pap. respondet. *lib. 3. Idemque, §. idem Pap. mand.* Sed hoc plus est in hoc responso, quam in illo responso libri tertii, quod in hoc responso libri secundi, non tantum fideiussori, sed etiam creditori datur quasi infistoria actio: item quod in hoc responso datur indistincte, five pecunia sit versa in rem meam, five non: quoniam satis est, quod mihi uterque rem conit gerere bono animo & utiliter, etiam si eventus non sit secutus, ut in *l. sed an ultro §. ult. l. successori §. ult. & l. five hereditaria, h. t.*

Ad §. Inter negotia.

Inter negotia Sempronii quae gerat ignorans Titii negotia gestis: ob eam quoque speciem Sempronio tenebitur: sed ei cautionem indemnitate officio iudicis praebere necesse est adversus Titium, cui datur actio. Idem in tutore iuris est.

Species haec est: In gerendis negotiis Sempronii etiam Titii negotium gesti ignorans, quod forte permittum erat negotiis Sempronii, sed putavi me tantum gerere negotium Sempronii, cum partim effi Titii. Quaeritur: An Sempronio teneat negotiorum gestorum actione, non tantum Sempronii, sed etiam Titii negotii nomine? Titio sane teneor, quavis non ejus contemplatione negotium gessi, quia reipsa & in rei veritate negotium ejus gessi, & teneor Titio utili actione, ne in damno versetur Titius. At vice versa mihi etiam Titius tenetur utili actione neg. gest. quia aequum est ne verser in damno, quia reipsa Titii negotium gessi: & ex hoc contractu est actio ultro citroque, actio mutua, directa & contraria. Et si Titio teneor, consequens est & vicissim, ubi causa subest, Titium mihi teneri eadem actione; atque ita proditum est in *l. §. si Titii servum, h. t.* Curavi, ne Titii servus occideretur, cum putarem esse servum Sempronii. Reipsa servavi rem Titii, quamvis animus mihi fuerit servandae rei Sempronii, non Titii, & mihi Titius eo nomine tenetur, ut in *d. §. si Titii servum*. Idemque confirmat §. quid ergo *d. l. §. & l. §. in fi. & l. qua utiliter §. ult. h. t. & l. in hoc iudicio 14. §. d. servum, comm. divid. & l. si mandavero 2. §. si curator, mand. quae, dum ait, ei, cuius negotia gessi ignorans, dari actionem in factum, non aliam significat actionem, quam utilem negotiorum gestorum: Nam in factum appellatio non est nomen actionis, sed appellatio, quae aptatur cuilibet actioni utili, com-*

A parata ad exemplum actionis in factum. Omnis actio utilis est in factum, & retro omnis actio in factum est actio utilis. Ergo cum inter negotia Sempronii, gessi etiam negotium Titii, & ego Titio teneor, & vicissim Titius mihi utili gestorum negotiorum, etiam si ignoraverim negotium esse Titii. Quamobrem quod additur in *l. §. si quis, h. t.* in eadem specie, scientem me gessisse negotium Titii, hoc abundat, ut Accur. senserit recte: nam subintelligitur maxime; nam idem etiam est in ignorante; sed in ignorante Pap. ponit speciem augenda dubitationis gratia. At idem Pap. in hoc responso ostendit, me non tantum teneri Titio, cuius reipsa negotium gessi, sed etiam Sempronio, cuius contemplatione negotium gessi. Aequum est, me non idem bis praestare, me non utrique respondere in iudicio. Ideoque subicit Pap. quod si mecum agat Sempronius Titiani negotii nomine, non aliter ei me condemnabit iudex, quam si mihi caverit, indemnam damno servari me adversus Titium, cui etiam in me est actio negotiorum gestorum. Sic fit, ut idem bis non solvam, remedio cautionis de indemnitate, quam officio iudicis mihi praestabit Sempronius, si prior mecum agat neg. gest. At quod dicitur, etiam Sempronio in me esse actionem Titiani negotii nomine, pugnare videtur cum *l. §. in fi. & l. §. quid ergo, h. t.* quae negat, eum negotiorum gestorum agere vel conveniri posse, cuius negotium putavi me gerere, cum esset negotium alterius: in hac specie putavi, me gerere negotium Sempronii, cum esset Titii, ergo Sempronio in me nulla competit actio, sed Titio soli in me compe-

C tit actio, quod utique verum est, si Sempronii nihil interlit: nam omnes actiones nunquam dantur nisi eis, quorum interest, hoc est, quod Marcus Tullius ait: *Dari actionem ex damno & iniuria cuiusque*. Et cuius nihil interest non datur actio. At si Sempronii interlit, bene gestum esse negotium Titii, finge, Sempronium fuisse procuratorem negotiorum Titii, atque ita me in rebus Sempronii invenisse etiam res Titii, easque attigisse evantem, tantum Sempronii, non Titii, aequum est hoc casu Sempronio, cuius contemplatione negotium Titii gessi, ignorans esse Titii, in me dari actionem negotiorum gestorum oblata cautione indemnitate. Et ita hic locus accipiendus est, ut suadet, quod subicit Pap. idem in tutore iuris esse, puta, ut si Titius inter negotia Sempronii gesserit etiam negotia pupilli, cuius Sempronius erat tutor, Sempronio teneatur, cuius interest propter officium tutelae, ita tamen, ut officio iudicis Sempronius Titio praebet cautionem indemnitate adversus pupillum, cui etiam in Titium competit actio: sicuti vice versa non tantum competit actio Titio in Sempronium, sed etiam in pupillum, si pupillus ex gesto locupletior factus sit, *l. §. in princ. hoc tit.*

Ad §. Litem.

Litem in iudicium deductam, & a reo desertam frustratoris amicus ultro egit, causas absentis ejus allegans iudici: culpam contraxisse non videbitur, quod sententia contra absentem dicta ipse non provocavit. Ulpianus notat. Hoc verum est: quia frustrator condemnatus est. Ceterum si amicus cum absentem defenderet, condemnatus negotiorum gestorum ager: poterit ei imputari, si, cum posset, non appellasset.

Quaestio quae proponitur in §. *litem*, est de defensore absentis voluntario, cuius duas partes facio. Prima est de defensore ejus, qui litem contestatus est. Secunda de defensore ejus, qui litem contestatus non est. De prima parte primum dicamus. Si reus litem contestatus deferat nec edictis, aut literis iudicis evocatus ad iudicium adlit, peracto isto ordine edictorum vel literarum, vel denuntiationum, quibus denuntiatus & evocatus sit, si non pareat, si non adlit iudicio, contumax est, quia contemnit iudicis auctoritatem, quem adierat semel, & apud quem litem inchoaverat: ut Jurisconsultus in *l. contumacia 53. §. 1. de re jud. ait*; contumacem esse eum, qui

contemnit: & Nonius, hoc nomen venire a contemnendo. Frustrator dicitur hoc loco a Papiniano contumax, quia frustrandi tantum actoris causa iudicio abest, ne possit actor litem ad exitum perducere. *l. ult. de procurat. l. alia causa, sol. matrim.* Hoc autem casu si defensor, qui condemnatus est sententia non appellaverit, culpam contrahere videtur, quod cum possit, non appellavit: hac, inquam, culpa vel ei imputabitur vel rependatur, si agat iudicio directo negotiorum gestorum: vel obijciatur ei si cum eo agatur directo iudicio negotiorum gestorum. Et hoc est, quod subiicit Ulpian. in hac eadem nota, quam facio secundam partem huius §. *Ceterum, &c.* directo iudicio negotiorum gestorum ager voluntarius amicus, & bonæ fidei defensor, licet condemnatus sit, ut recipiat, quod ob rem iudicatam solvit, veluti litis estimationem, quam solvit, sed non etiam, ut recipiat sumptus in eam litem factos, quia apparuit non fuisse ei rationem litigandi. Et ita est proditum in l. 5. §. in hac stipulatione, *jud. sol.* Et hoc quum condemnatus sit. Nam si vicerit, si causam tenuerit, etiam sumptus litis recipiet, perinde ac si rem defendisset ex mandato rei; si litem, ex mandato suscepisset. Quo casu, si vicerit, si rem non, recuperat sumptus ad eam litem factos, sumptus litis: quia quidquid fecit, ex mandato fecit. Et ita hic §. explicandus est. Male autem Joannes & Accursius statuant contra ea, quæ diximus, defensorem ultro interveniente post litem cum reo contestatum, esse condemnandum. Quod est contra manifestissimam verba prioris partis, quæ condemnat reum principalem, qui litem contestatus est. Neque quidquam mutat, quod defensor in hac priore parte tantum allegavit causas absentis, quia hoc tantum supererat defensionem, quoniam se reus in litis contestatione fatis defenderat, vel rem, de qua agebatur: nec si quid superfuisset amplius, ut defensor omiserit: denique hoc tantum supererat, ut allegaret causas absentis; idque efficeret, ne iudex gravem sententiam dare festinaret adversus absentem. Quod cum non obtinuerit, æquum est, ut condemnatio recurrat ad eum, qui litem fecit, & contestatus est. Contra, male Doctores omnes Accursium reprehendunt, scribentem hoc loco, etiam actorem invitum agere compelli cum eo, qui ultro se liti offert & defensionem rei absentis, absente reo paratus satisfacere iudicatum solvi, ut fit, alioquin non admittetur, non erit defensor idoneus, itemque paratus novare obligationem, & in se transferre liberato absente, pro quo intercedit. Hæc est sententia Accursii, ut actor compellatur cum eo agere, qui se offert defensionem litis, reo absente, & satisfactionem offert & novationem: quæ verissima sententia est. Quia iustus est ejusmodi defensionem admitti, etiam invito actore, quam absentem quasi contumacem & indefensum gravi condemnatione percelli, a qua non possit appellare, quæ sunt verba *l. exigendi, in fi. C. de procurat.* Equissima est sententia, a qua non debuit dimovere Doctores, *l. si mandatu i. §. i. mand. qua utuntur*, quæ nihil huic sententiæ adversatur. Nam hoc tantum vult, non cogi creditorem novatione facta mutare obligationem restituendo eam in pristinum statum, si reponendo in priorem personam, a qua obligatio erravit ad defensorem, qui intercessit novandi causa; non dicit creditorem non cogi novare obligationem, puta, iudicio accepto cum defensore voluntario satisfacere iudicatum solvi, & in se transferre principalem obligationem, hoc est expromittente: sed dicit ita forte semel mutatam obligationem rursus mutare creditorem non compelli. Remaneamus igitur in sententia Accursii.

Ad §. Qui aliena.

Qui aliena negotia gerit, usus prestare cogitur: ejus scilicet pecunie, quæ purgatis necessariis sumptibus superest.

EX hoc §. hoc tantum intelligimus, negotiorum gestorem debere usus pecunie debite ob causam administrationis, quam percepit vel percipere potuit. Eam

Eam autem duntaxat pecuniam debere, ac proinde eius tantum pecuniam usuras praestari, quae superest deductis necessariis sumptibus, quos negotiorum gestor fecit in rem alienam. Quod est Papiniani hoc loco, purgatis sumptibus necessariis, ut purgatis rationibus in l. 12. C. de bon. proscript. Apud Suetonium in Caligula: Decimo quaque die apud iudicem rationes suas praegabas. Sed adde etiam purgari debere sumptuum usuras, quia & veniunt in contrarium iudicium negotiorum gestorum l. ob negotium; C. ed. tit.

Ad §. Libertos.

Libertos certam pecuniam accipere testator ad sumptum monumenti voluit, si quid amplius fuerit erogatum, iudicio negotiorum gestorum ab herede non recte petetur de iure fideicommissi, cum voluntas finem erogationis fecerit.

Ponit testatorem per fideicommissum rogasse heredem, ut daret ducenta libertis suis, ad sumptum extruendi monumenti, libertos autem expendisse trecenta, quod forte minore summa non posset extrui monumentum pro dignitate patroai. Queritur, an quod amplius expenditur, ab herede recuperare possit actione negotiorum gestorum, veluti hereditario negotio gesto? ut *libertas, de petit. hered.* Et ait, libertos, neque iudicio negotiorum gestorum petere posse, quod amplius erogatum in extruendone monumenti, nec iure fideicommissi. Ita enim habent omnes alii libri: male Florentini, de iure fideicommissi. Et addit rationem, quae est communis, hoc est, quae utramque actionem excludit, negotiorum gestorum, & fideicommissi; quia voluntas testatoris finem erogationis fecit: non ut amplius expendi, dixitque, ut expendere ducenta. Quod confirmatur arg. l. ult. C. ad. tit. Et inde Ioannes recte putat; quod si mandavi tibi, mihi fundum emeris octo, & emeris decem, eius quod superest, tibi repetitionem non esse. Quid tamen fiet, si libertus minus expendit in extruendone monumenti, sed quod restat hoc casu, constat heredis commodo proficere, l. Lucius, §. 1. de leg. 2. Atqui dicitur, non minus erogari posse, quam iussit testator, cum in testamento, de verb. signif. Sed ut respondeam illi loco, heredem iussit in monumentum, vel funus certam duntaxat summam expendere, usus hoc articulo duntaxat, & heredem, ait, non videri facere contra voluntatem testatoris, si plus expendat, sed si minus expendat, quia articulus duntaxat, qui abest ab hoc §. modum facit in d. l. cum in testamento. Non tantum quoad erogare liceat, sed etiam quoad necessarium sit. Et ita hoc mihi explicandum videbatur.

Ad §. Tutoris.

Tutoris heres impubes filius, ob ea, quae tutor ejus in rebus pupillae paternae gessit, non tenetur: sed tutor proprio nomine iudicio negotiorum gestorum convenitur.

Huius §. quaestio est: Tutor pupilli & heredis patris, id est, qui heres exiterat patri, qui quidem pater tutelam cuiusdam pupilli, cum moreretur administrabat, hic, inquam, tutor non tantum negotia pupilli sui gessit, sed etiam negotia ejus, cujus tutelam pater pupilli sui, cum moreretur, administrabat. Queritur, an ex hoc facto tutoris, pupillus paternae pupillo teneatur? Et respondet Papinianus, non teneri, sed solum tutorem, qui gessit, sub nomine ei teneri iudicio negotiorum gestorum, non pupilli sui nomine, quia pupillus ipse nihil gessit in rebus pupilli paternae, nec gerere quicquam potuit aut debuit, atque adeo nec explicare potuit, aut debuit ea, quae pater inchoaverat in rebus pupilli sui, l. 1. de fideiuss. tut. Quod pupillus ipse explicare non debuit, ergo nec tutor ejus nomine, ut eum, non se obligaret. Quamobrem pupillo paterno solus tutor obligatur iudicio negotiorum gestorum, quod negotium ejus gessit suo nomine, vel si pupilli nomine, quod non debuerit pupillus

A li nomine, quod non debuit nec potuit pupillus ipse: Pupillus non est legitimus administrator rerum alienarum, quia nihil scire intelligitur, l. ult. de iur. et fac. ign. Et valde sane corrupta est l. 2. h. t. in §. pupillus, quo scriptum est, pupillum si negotia aliena gesserit, teneri iudicio negotiorum gestorum in id, quo locupletior factus est ex ea administratione. Quia cum pupillus non sit legitimus administrator rerum alienarum, consequens est, & ex administratione siue negotio, quod gesserit, eum non teneri, quasi nihil egisse videatur, qui quod gerit, nescit. Et sane illo loco pro pupillus, esse legendum pupilli, manifeste quod praecedit, quodque sequitur, indicat. Quod praecedit, quia cum in edicto praetoris de neg. gestis scriptum esset hoc modo, Si quis negotia gesserit alterius, ante eum paragraphum, Pupillus, interpretatur hanc vocem, Alterius, etiam pertinere ad feminam, ut fit, Si quis negotia gesserit alterius, id est, maris, vel feminae. Idem ostendit etiam, quod sequitur, quia Alterius interpretatur pertinere ad furiosum, ut fit alterius, sani vel furiosi. Ex quo sequitur in intermedio, id est, in §. pupillus, eum interpretari, alterius, etiam ad pupillum referri, ut fit Alterius pupilli vel puberis, ut scilicet si pupilli negotia gesserim ultro, in eum agere, possum, id est, contrario iudicio negotiorum gestorum, in id, quo locupletior eum feci bene gerendo ejus negotium. Aut vicissim si is agat directo iudicio negotiorum gestorum, me posse ei imputare quod gessi, quoque locupletior eum feci. Mutetur species hujus §. Si patri tutori pupilli cuiusdam filius non impubes, id est, iustae aetatis, heres institutus, heres extiterit, & aliquid gesserit in rebus pupilli paterni post mortem patris, quamvis ipse filius non sit tutor, quia tutela non sequitur heredem tutoris: morte finitur: tamen ob ea, quae gessit in rebus pupilli paterni non dicemus eum teneri negotiorum gestorum, sed tutelae actione, qua defunctus tenebatur, cujus heres negotia pupillaria gessit, aut gerere perseveravit, l. 4. de fideiuss. tut. etiam finita tutela in heredem tutoris. Nam non tantum ob ea, quae gessit defunctus, sed ob ea, quae ipsemet gerere perseveravit, datur actio tutelae.

Ad §. Quamquam.

Quamquam mater filii negotia secundum patris voluntatem pietatis fiducia gerat; tamen ius actoris periculo suo litium causa constituendi non habebit, quia nec ipsa filii nomine recte agit, aut res bonorum ejus alienat, vel debitorem impuberis accipiendo pecuniam liberat.

D Emina nec filii sui impuberis tutrix aut curatrix esse potest, nisi hoc specialiter a principe impetraverit, l. ult. inf. de tut. vel nisi certis conditionibus hodie ex constitutione Valentiniiani, l. 2. C. quoniam mater tut. off. fungi possit regulariter nec filii sui mater tutrix esse potest: at negotia ejus administrare non prohibetur: non tamen temere aut passim, sed si forte pater testamento ea commendaverit & commiserit matri, ut plerumque, pietatis maternae fiducia pater libentius committit matri negotia filii communis, quam extero, & hanc fiduciam habuerit pater de ipsa, cum in iunxit matri administrationem negotiorum filii communis quem relinquere impuberem. Tutorem vel euratorem matrem dare testamento pater non potest: at negotia filii communis ei committere & inungere potuit. Alioquin mater non habet ius administrationis in rebus filii sui impuberis, l. filia, in fin. de solut. sed ex suprema voluntate patris habet ius administrationis. Nec enim abs re posuit Papin. matrem gessisse negotia filii sui patris voluntate: nam citra voluntatem patris non habet ius administrationis rerum filii vel filiae. Denique, inter matrem & filium non potest esse iudicium tutelae, vel curationis iudicium, negotiorum gestorum ex hac causa potest esse ultro citroque: Et consequenter, licet commissa sint matri negotia filii impuberis testamento patris, tamen non potest ea agere omnia, quae tutoribus permittuntur vel incumbunt. Quod Papin. breviter hoc loco demonstrat exemplis quatuor, aliam scilicet esse

esse causam tutoris, aliam matris, cui pater testamento commendavit negotia filii communis. Primum non potest mater filio impuberi suo periculo litium causa actorem constituere, quod permittitur soli tutori vel curatori, ut litium pupillarum causa actorem constituat, qui eas lites agat, quoties diffusa sunt negotia pupilli, aut dignitas, vel ætas, aut valerudo tutoris id postulat: quod multis locis ostenditur, l. tutor, *quoniam ex fac. ius. l. decreto, de adm. tut. §. iul. l. i. de tut. l. 10. C. de appell. l. 10. C. qui dare tut. vel cur. poss. & in iis. C. de act. a tut. five cur. dan. Et aliquando hic actor a tutore necessario constituitur, ut puta, si pupillus procuratorem ad lites facere non possit tutore auctore, quod absens sit pupillus, vel quod infans sit *d. l. decreto*: nam ipse tutor sine pupillo, non potest facere procuratorem ad lites, nisi ad eas lites, quas ipse tutor iam contestatus est. Ceterum ante litem contestatam, tutor non potest facere procuratorem liti, quia ipse non est dominus liti, sed pupillus, *l. neque, C. de proc.* Sed decreto Prætoris vel Præsidis, si litibus sufficere non possit contestandis pupilli nomine, ei permittitur, ut causam actorem constituat ad lites, adiutorem ad cetera negotia si id postulat negotiorum multitudo, *l. solet, de tut.* Hoc soli tutori vel curatori permittitur specialiter ex decreto iudicis, non permittitur procuratori vel gestori negotiorum alienorum. Ac ne matri quidem ex voluntate patris gerenti negotia filii. Hoc igitur primum ostendit Pap. maxime distare matrem, cui permissa est administratio rerum filii testamento patris, a tutoribus & curatoribus. Sequitur alia differentia. Tutor pupilli nomine recte agit in iudicio: recte rem pupilli deducit in iudicium. At mater, quæ negotia pupilli gerit, rem pupilli in iudicium deducere non potest. Aliæ igitur sunt partes tutoris, aliæ matris, cui hoc commissum est a patre. Aliud officium tutoris aut curatoris, aliud matris, cui hoc commissum est a patre. Neque vero mirum, si mater non possit negotium pupilli in iudicium deducere, quia nec ullam rem alienam potest ultro, nisi parentis nomine ex causa, si non sit alius, qui agat parentis sui nomine, *l. fœminas de proc. filii* autem sui impuberis nomine idem non potest, quia tutorem ei petere potest, qui agat, *l. alienam C. de proc.* Non potest etiam mulier ex mandato, ut procurator agere litem alienam, nisi in rem suam, *l. 4. C. de proc. l. 2. de reg. iur.* Et hac ratione Pap. prohibet matrem sane actorem constituere non posse: quia, inquit, nec ipsa filii pupilli nomine recte agit. Actorem non facit, qui ipse agere non potest: iudicem non facit, qui ipse iudicare non potest. Adducuntur & aliæ differentie inter tutorem & curatorem, & inter neg. gest. Tutor rem pupilli legitime alienare potest, si hoc exigit utilitas pupilli, *l. si cum plures §. 1. de adm. tut. at gestor voluntarius ius alienandi nullum habet.* Item tutor debitorem pupilli liberare potest, pecuniam debitam accipiendo, vel rem novando, quod gestor non potest, qui mandatum non habet, aut voluntatem creditoris, *l. vero, §. quod si forte de sol. l. 2. de adm. tut.* Ergo in specie proposita mater, cui in testamento pater mandavit administrationem negot. filii communis impuberis, non potest debitorem filii, hereditarium puta, liberare accipiendo pecuniam debitam, & debitor filii solvendo matri, non recte solvit, hoc est, solutione matri facta non liberatur. Huic sententia obstat vehementer *l. filia de sol.* Species est elegantissima. Mater negotia filiz suæ pupillæ gessit ultro, non ex voluntate, aut præcepto patris, sed ipsa se immiscuit negotiis filiz pupillæ suæ, & res ejus vendendas argentarius dedit, quod tamen jure non poterat, quia nec ius ullum administrandi habebat, ut eadem *l. filia* nominatim ait, quæ voluntatem patris, aut mandatum non habebat: Argentarii vero ex mandato matris eas res vendiderunt, & pretium persolverunt, ac pertulerunt ad matrem: queritur an recte solverint matri an jure sint liberati? Et Scævola illo loco respondet, jure liberatos esse. Ergo mater, quæ negotium gerit pupillæ, pecuniam accipiendo debitam pupillo, jure liberat debitores pupilli. Jure, hoc est, jure ipso, quod est contra hunc §. Jure, inquam, quia ut ad Scævolam notat*

A Claudius illo loco, superest illa quæstio, quæ pendet ex jurisdictione, hoc est, quæ officio iudicis dirimenda est, ac si diceret: Bene ait Scævola, jure liberatos, hoc est, ipso jure, summo jure, quoniam subest adhuc quæstio, quæ pendet ex officio iudicis: an scilicet nihilominus argentarii pupillæ condemnandi sint, si scilicet ignoraverint negotia pupillæ fuisse, si existimaverint matris fuisse, quæ mandabat res vendi, & mater non sit solvendo; denique si ignoraverint matrem administrare rem pupillæ, nec habuisse jus administrationis, & falso existimaverint fuisse matris, res illas: Nam hoc casu melius est, ut dicamus non esse liberatos, nec liberandos officio iudicis, cum mater solvendo non sit, hoc est, cum a matre filia rerum suarum pretia recuperare non possit atque servare. Et Scævola responsio ita demum locus non est, si sciebat argentarii negotia pupillæ fuisse, & matrem non habuisse jus administrationis, & mater solvendo non sit: quia non liberatur, nec enim scientes debuerunt solvere matri inopi & egenæ. At huius casus inspectio pertinet ad officium iudicis, ut cum excipiat a responsio. Ergo responsio ita demum locus est, si argentarii nescierint pupillæ fuisse aegrotium, vel si sciebat, & mater sit solvendo. Unde res omnia, adhibita huiusmodi distinctione, facile expeditur. Aut debitores pupillæ solverunt, quod debent ex causa negotii, quod gesserunt cum matre pupillæ idonea aut locuplete, & recte ei solverunt, & liberati sunt. Aut solverunt ex causa hereditaria, quia debitores erant patris, cui pupillæ ab intestato heres existerat, & tunc non recte solverunt matri, cum quia nihil contraxerunt, nec liberati sunt solvendo matri. Hac distinctio totam rem expedit. In summa autem hoc ait Pap. in hoc §. ut ostendat quantum inter sit in tutela pupillæ permittitur matri, an negotiorum administratio, quantumque intervallum sit, inter tutelam & negotiorum gestionem.

Ad §. Ult.

Vno defendente causam communis aque, sententia prædicta datur, sed qui sumptus necessarios probabiles in communis liti fecit, negotiorum gestorum actionem habet.

Species ultimi hæc est. Litem de servitute ducende aquæ, vel hauriendæ, quæ est communis mihi & tibi, hoc est, quæ debetur fundo communi meo & tuo: Tu eam litem defendisti solus adversus vicinum, qui negabat eam servitutem deberi, & eam obtinisti: tu igitur commune negotium gessisti. Quaritur, an sumptus in litem factos necessarios ac probabiles a me repetere possis pro parte iudicio negotiorum gestorum? In hanc actionem veniunt tantum sumptus necessarii, & probabiles §. qui aliena, §. libertos, *sup. hac lege, l. 25. hoc tit.* At videntur in hac specie non venire sumptus, quos tu in eam litem fecisti, quia sententia dicta est tibi, qui eam litem defendisti, non mihi qui cessavi. Ergo non videris gessisse rem communem. Sed hoc Papinianus negat, quia non tibi sententia dicta est, sed dicta est fundo communi, cui debebatur servitus aquæ, non tibi, vel mihi. Et ratione fundi vicisti non minus mihi quam tibi, vicisti etiam mihi, *l. loci, §. si si fundi, si servit. vind.* Ergo æquum est, litis sumptus esse communes, quia victoria est communis. At quod ait Pap. eos repeti actione negotiorum gestorum, id valde pugnat cum *l. 6. §. hoc autem, comm. divid.* quæ generaliter dat actionem communi dividundo, denegat negotiorum gestorum: ideoque eam opponit Accurius ibid. Illa lex dat actionem communi dividundo, cum quid necessario actum est in solidum, quod pro parte commode explicari non possit, & ita impensa facta ab uno in eorum aquæ communem, vel in via communis eundem locum, Cassius & Pomponius, qui fuit ex Cassii amicis, dabit actionem communi dividundo impensæ pro parte recuperandæ gratia, vel pro socio, non negotiorum gestorum, *l. cum duobus, §. item si in com.*

nu. lib. non fiant, item nullum est testamentum, quod obli-
gnavit is, qui postea servus apparuit, ut ex contrario
sensu demonstrat l. 1. C. de testam.

At contra non est nulla sententia, quam dixit ut
iudex legitimus is, qui postea servus apparuit, l. Barba-
rius, de offic. Prat. l. 2. C. de sentent. & interloc. Nihil est,
quod tam facile explicari possit. Respondeo separanda esse,
quæ quis sua auctoritate privata constituit, ab iis, quæ pu-
blica auctoritate. Si sua auctoritate, ut si manumiserit, si
testamentum obli gnavit, litigavit, nihil egisse videtur,
qui postea servus apparuit. Si publica auctoritate, ut si
iudex creatus a Principe iudicavit, rata sunt ea, quæ
iudicavit, licet postea servus appareat: quia ut iudicium
infantis suppletur auctoritate tutoris, l. quamvis pupillus,
§. infans, de acquir. poss. ita, quod ejus iudicio deest,
suppletur auctoritate Principis, qui etiam si sciens ser-
vum iudicem fecit, utique & liberum fecisse videtur:
sed si ignorans, non etiam videbitur fecisse liberum. Ce-
terum, quia quidquid fecit iudex, jure publico fecit: hu-
manus est, ut ait d. l. Barbarius, conservari ea, quæ ju-
dicavit, vel propter utilitatem eorum, qui apud eum
egerunt, & quietis causa finisque litium: ut Cicero sua-
det, conservari acta Cæsaris, vel otii & quietis causa,
quantumvis ipso jure nulla fuerint. Sensus huius re-
sponsi hic est: quod cum eum, qui per procuratorem ejus
de debita pecunia, ex suo contractu, postea servum
esse apparuit, debitor absolvitur: domino autem servi
obligatus manet, quia ab observatione tantum iudicii, quod
nullum est, debitor absolvitur, & ab obligatione παρ-
οριστικῆς, id est, iudicio sistendi, quod nullum est, sed
non etiam absolvitur ab obligatione principali, qua tenetur
domino ejus servi. Et hanc interpretationem omni-
no exigit verbum domino, quod est in eo responso: nam in-
telligit dominum ejus servi, qui procuratorem dederat
ad petendam pecuniam debitam ex suo contractu.

Ad L. XVI. de inoffic. testam.

Filio, qui de inofficioso matris testamento contra fra-
trem institutum de parte ante egit, & obtinuit, filia quæ
non egit, aut non obtinuit in hereditate legitima, fratri
non concurret.

Huius legis duo sunt responsa. In primo proponi-
tur casus, quo per querelam inofficiosi testamenti
(qua liberis aut parentibus exhereditatis datur) testamen-
tum rescinditur pro parte tantum, hoc est, testator sit in-
testatus pro parte tantum, & pro alia parte manet testatus:
quod videtur esse παρὰ μέρος; nec enim ab initio fieri po-
test, ut si quis partim testatus, partim intestatus, nisi sit
miles testator; sed ex post facto fieri potest, veluti per
querelam inofficiosi testamenti, ut in casu huius responsi.
Tres sunt fratres, duo præteriti testamento matris, cu-
jus præteritis pro exheredatione habetur, unus heres
institutus: Contra heredem institutum egerunt querela
inofficiosi testamenti fratres præteriti a matre separatim
de parte hereditatis singuli, & unus obtinuit, alter non.
Testamentum pro parte rescinditur, ita ut habeat heres
testamentarius semissem, alterum semissem præteritus,
qui obtinuit in querela tanquam legitimus heres ab in-
testato, prorsus exclusio fratre, qui non obtinuit. Idem
est; si unus ex eis egit querela, alter non egit, repu-
dians animo scilicet, ut in l. seq. & l. si pomas, §. ult.
h. t. Denique qui repudiantis animo non agit, vel qui
agit & non obtinet, partem non facit fratribus, hoc est,
non numeratur in partibus faciendis & pro nullo habe-
tur. Et hoc Papinianus respondet initio huius legis, qui ta-
men alio loco, hoc est in l. Papinianus, §. quoniam, hoc
ita, dicitur respondisse, diversum esse, si quis non re-
pudiandi animo taceat, & non queratur de inofficioso te-
stamento, in quo est exhereditatus, quoniam hic partem fa-
cit fratri: idque forte hanc primo responsio etiam sub-
jecerat Papinianus.

Ad §. Contra tabulas.

Contra tabulas filii possessionem jure manumissionis pa-
ter accepit, & bonorum possessionem adeptus est: postea fi-
lia defuncti, quam ipse exheredaverat, querelam inofficio-
si testamenti recte perulit. Possessio quam pater accepit,
ad irritum recidit: nam priore iudicio de jure patris, non
de jure testamenti questum est. Et ideo universam here-
ditatem filia cum fructibus restitui necesse est.

Ad secundum responsum huius legis sciendum est:
patri præterito testamento filii emancipati, id est,
instituto, nec exhereditato, quia ea præteritis pro exhe-
redatione habetur, competere querelam inofficiosi testa-
menti, ut patri: ut manumissori autem, si filium in eman-
cipatione manumiserit; quod non faciebat semper pater,
qui emancipabat nisi contraxisset fiduciam, ut ipse ma-
numitteret mancipatum alii filium, ut manumissori,
inquam, si in emancipatione filii manumissori extiterit,
exemplo patris competit bonorum possessio contra ta-
bulas, l. 1. §. ult. si a patre, quis man. l. 1. §. ult. l. si a mili-
te, §. ult. de testament. milit. Multum autem interest, quo
jure pater præteritus veniat ad hereditatem filii eman-
cipati: Nam per querelam inofficiosi testamenti aufert
totam hereditatem: per bonorum possessionem contra ta-
bulas, semissem tantum, vel hodie trientem debitum
verecundie manumissoris. Item si filius emancipatus, qui
patrem prætermisit, quod pro exheredatione habetur,
etiam filium suum exheredaverit, & prior pater egit
querela inofficiosi testamenti & obtinuerit, victoria ejus
prodest filio exhereditato, patri non prodest, l. 6. §. si
quis, h. t. quod non fit quidem directo, quia res inter alios
judicata aliis non prodest, sed per consequentiam: pro-
pterea quod re iudicata, secundum eum, qui egit que-
rela inofficiosi testamenti, testator factus est intestatus hoc
est, rescissum est testamentum. Patet igitur via filio vin-
dicandæ hereditatis ab intestato, qui in causa intestati
præfertur patri: sic fit, ut victoria patris prodest filio, hoc
est, nepoti ejus patris, non ipsi patri. At alio casu, si
pater prius acceperit bonorum possessionem contra ta-
bulas certæ partis, nihil hoc prodest filio exhereditato, ne-
poti suo, imo nec patri, si postea filius exhereditatus agat
querela inofficiosi testamenti, & obtineat contra here-
dem scriptum, aut contra patrem, sive avum suum,
qui jure bonorum possessionis contra tabulas partem bo-
norum filii emancipati occupavit. Victoria filii exhe-
redati in querela inofficiosi testamenti excludit heredem
scriptum, atque etiam patrem, qui anteverat accipere pos-
sessionem bonorum contra tabulas, & uterque filio te-
netur in hoc, ut filius habeat assem, hoc est, univer-
sam hereditatem cum fructibus, nisi sint consumpti jam
bona fide: & ratio differentie redditur a Papiniano,
quia in questione accipiendæ bonorum possessionis con-
tra tabulas, de jure tantum patris queritur, pater jus ma-
numissoris habeat, nec ne: non de jure testamenti. Et
si rem obtineat pater, jus suum obtinet, id est, legiti-
mam portionem datam patrono pro beneficio libertatis,
non etiam rescindit testamentum, non repellit heredem
scriptum. At in querela inofficiosi testamenti queritur de
jure testamenti, an in ea causa sit testamentum ut re-
scindi debeat: quod etiam in l. si impubes §. 1. de Carb.
edict. declaratur: qui in querela obtinet, testamentum
rescindit, testatorem intestatum facit, & consequenter
filius, qui postea in querela obtinet, patrem excludit
commodo bonorum possessionis ante acceptæ: quia lo-
cum habere non potest hæc possessio bonorum contra
tabulas, quæ patrono datur, aut quasi patrono debetur:
locum, inquam, habere non potest ab intestato, in he-
reditatem legitimam vocato defuncti filio beneficio que-
relæ inofficiosi testamenti.

Ad L. II. de Petit. hered.

Heres furiosus substituitur, vel sequentis gradus cognatus fructus medii temporis, quibus per curatorem locupletior furiosus factus videtur, praestabit: exceptis videlicet impensis, quae circa eandem substantiam tam necessario, quam utiliter factae sunt. Sed & si quid circa subsistum necessario fuerit expensum, & hoc excipiat, nisi alia sufficiens substantia est furioso, ex qua sustentari possit.

Sciendum est homini tantum sane mentis, non etiam furioso, aut mente capto hereditatem, aut bonorum possessionem ex testamento, vel ab intestato, legibus aut edictis deferri, l. i. §. furiosus, de success. edic. l. i. de bon. poss. fur. comp. l. i. C. de suc. ed. quia deferri dicitur ea hereditas, vel bonorum possessio, quae potest acquiri, vel repudiari: atqui acquiri potest, & tantum repudiari utiliter ab homine sano; igitur infano non deferri. Ideoque certum est, hereditatem neque furiosum acquirere, neque bonorum possessionem accipere jure & ex edicto, neque per se, neque per procuratorem suum. Excipitur unus casus, si suus heres patris, vel si necessarius heres domino furiosus existat: Existit enim heres ipso jure etiam ignorans, & sine curatoris auctoritate, §. juri autem, Inst. de her. quae ab intest. l. ult. §. fin. vero perpetuo, C. de cur. fur. l. 63. de acqui. her. ubi additur alius casus, si per eum, quem habet in potestate furiosus obveniat hereditas, adeuntem iussu curatoris. His duobus casibus exceptis, furiosus, neque per se, neque per curatorem suum hereditatem acquirere potest, neque accipere bonorum possessionem edictalem, & ordinariam. Ad decretalem bonorum possessionem, quae scilicet extra ordinem datur decreto Praetoris vel Praefidis ex causa, non ipso jure, non edicto promittitur, curator furiosum nomine accipere potest, ut interim furiosus fruatur bonis, & inde se aliat atque exhibeat, l. 2. §. si quis ex liberis, Senatus. Tertul. l. pen. §. nos itaque, C. de cur. fur. Quod tamen decretalis bonorum possessio datur temporis causa, quando furiosus in ea conditione fuerit, per provisionem, quae enim ideo bona habiturus est, de quibus agitur, perpetuo & directo jure, antequam respiciatur, & praeterea mox acceperit edictalem possessionem, vel hereditatem adierit. Ideoque petita a curatore furioso bonorum possessione decretali, curator cavere vel satisficere debet hoc modo: Si furiosus in eodem statu decesserit, hoc est non respiciatur, & ex eo aut in eo morbo diem suum obierit, neque adita hereditate, neque acquisita possessione bonorum edictali; si bona restituerim eis, ad quos ea res pertinet, veluti substituto furioso, ad quem, furioso herede instituto non acquirent hereditatem ex testamento, hereditas deferretur jure substitutionis vulgaris, quia in hunc casum substitutus est: Si institutus heres non erit, quae est causa substitutionis vulgaris. Et verum est eum heredem non esse, qui in eo statu decessit, licet interim nomine ejus curator bonorum possessionem adeptus sit, qui non jure & ex edicto eam adeptus, sed ex decreto temporis causa, quando institutus fueret. Non pono igitur, furioso heredi instituto datum fuisse substitutum in secundum casum, ut Accursius ponit, ad exemplum & similitudinem pupillaris substitutionis, hoc modo: Si institutus heres erit, & in eo furore decesserit, ille heres est; non sic pono, datum substitutum in hunc casum, qui dicitur secundus casus substitutionis, l. precibus, C. de impub. & al. substit. ideo autem non sic pono ut ponit Glossa, quia ante Justinianum hoc jure in eum casum furioso substitui non potuit sine speciali venia principis, l. ex facto, de vulg. subst. sed pono ei datum fuisse substitutum vulgari modo, hoc est, in primum casum: si heres non esset, ut in l. i. de bon. poss. fur. comp. Et Albericus, & Angelus Perusinus ponunt rectissime reprehensio Ac. Et hujus positionis fortissimum argumentum est in hac lege, quia in lege ponit; Ab extero quolibet furioso heredi instituto substitutum datum, non a patre; ergo in primum casum, Si he-

Tom. IV.

A res non erit, quae est vulgaris, non in secundum casum, id est, si heres erit, & in eo statu decesserit, nec ex constitutione Justiniani hodie, id est, ex l. humanitatis C. de imp. & al. subst. l. ult. §. sui autem parentis, C. de cur. fur. potest a quolibet furioso substitui in secundum casum, sed a patre tantum vel avo, qui furiosum habet in potestate. Aliud etiam hujus rei argumentum rectissime ducitur ex hoc responso Pap. quoniam Pap. in eo alium facit heredem furiosi, quam substitutum, legitimum heredem scilicet ab intestato, qui substituto furioso restituit hereditatem tantum eam, ex qua furiosus testamento extraneus heres fuit institutus: ergo substituto in primum casum: nam ad substitutum in secundum casum, si is datus fuisset furioso, non tantum ea hereditas pertineret, sed etiam cetera omnia bona furiosi undecumque quaelibet, sed si plures, §. ad substitutum, de vulg. subst. nec alium haberet heredem furiosus quam substitutum, quia substitutio facta in secundum casum nihil aliud est, quam testamentum, sive datio heredis, l. Papin. §. sed neque impuberi, de inst. testam. Ergo his argumentis freti dicamus, curatorem, qui accepit bonorum possessionem furiosi nomine, vel agnoscat, ut fit hodie nuda voluntate sine solemnitate decreti, exemplo tamen decreti Constitutione Justiniani, hoc est, ex l. ult. C. de cur. fur. debere cavere in hunc modum: bona restitutum furioso substituto in primum casum: vel ut hodie obtinet ex eadem Constitutione, ipso jure ea bona pertinent ad substitutum in primum casum, id est, ad substitutionem vulgarem, mortuo scilicet furioso in eadem conditione. Et addamus, vel si non sit furiosus heres institutus, eligatur substitutus vulgaris, sed cum defuncto esset proximior cognatus, nomine ejus curator decretalem bonorum possessionem accepit, curatorem cavere debere bona restitutum iri cognato sequenti gradu, ad quem ea bona pervenissent, si furiosus defuncto proximior non fuisset; videlicet furioso moriente ante sanitatem receptam, & petita bonorum possessionem edictalem: nam decretalis finitur sanitas & respicientia, eaque finita suo nomine petere debet bonorum possessionem edictalem, aut jure civili hereditatem adire: aut sane locum faciet substituto vulgari, vel sequenti gradus cognato, d. l. 2. §. si quis ex liberis, ad Senatus. Tertullia. His cognitis res erit facilius, quae is incognitis vix poterat intelligi. Finge: furiosus testamento Lucii Titii heres institutus est, eique datus est substitutus vulgari modo, ut si is heres non esset, ille heres esset: vel L. Titio mortuo ab intestato, furiosus ei proximior cognatus est: deinde ex testamento, vel ab intestato bonorum possessionem curator furiosi agnovit ejus nomine; interim temporis causa, & ex illis bonis fructus percepit: postea mortuus est furiosus in eodem statu, & furioso Cajus ab intestato heres extitit, nunc a Cajio legitimo herede furioso, substitutus furioso vel sequenti gradus cognatus (qui scilicet eum, quem furiosus contigebat primo gradu, contingit secundo) petiit hereditatem L. Titii, quam possidet pro herede. Iusta petitio est, eamque hereditatem Papinianus ait, Cajum heredem legitimum furiosi debere restituere substituto vulgari, vel sequenti gradus cognato, cum fructibus medio tempore a curatore perceptis, quibus per curatorem furiosus locupletior est factus. Et recte: quibus locupletior est factus, quia bonae fidei possessor (qualis fuit furiosus, cum ex decreto vel ex Constitutione Justiniani per curatorem bona possideret) eos tantum fructus petitori hereditatis restituere tenetur, quibus locupletior factus est, l. illud, §. in bona fidei, hoc ius. Et hoc est, quod ait Pap. initio hujus l. Heres furioso, &c. quae verba agnosco esse Pap. At quae sequuntur stylus prodit esse Tribonianum, nempe haec: Exceptis videlicet impensis, quae circa eandem substantiam tam necessario, quam utiliter factae sunt. Quibus verbis adiecit Papinianus Tribonianus, fructus, qui in restitutionem veniunt, ut dixit Papin. esse intelligendos deductis sumptibus, non tantum factis fructuum querendorum, cogendorum, conservandorumque gratia, quod est certissimum, & obtinet in omni par-

Kkk 2

te ju-

te juris, etiam deductis sumptibus factis in res & corpora hereditaria, si necessarii vel utiles illi sumptus fuerint, ut in *l. plane, h. t.* Quid si voluptuarii fuerint, ut si in pradiis hereditariis curator furiosi medio tempore fecerit picturas, vel incrustationes? nihil scribitur de voluptuariis. Unde apparet, eum non dare deductionem sumptuum voluptuaria, quæ tamen datur bonæ fidei possessori, *l. utiles, h. t.* Et ratio hæc est, quia non debuit curator supervacaneos sumptus facere, supervacuas facere impensas in bona, quæ possedit furiosus temporis tantum causa, in bona restitutioni forte subiecta: dat tamen heredi legitimo furiosi deductionem sumptuum factorum, furiosi ex eis bonis alendi & exhibendi causa, si eum curator aliunde tueri non potuit & alere. Quoniam & ii sumptus minuunt hereditatem, nec repeti possunt aut reputari heredi legitimo furiosi a substituto, vel a B sequentis gradus cognato, ut fit in bonorum possessione Carboniana; quæ etiam est decretalis & temporaria: nam finitur pubertate, & datur impuberi, cui fit contraversia status & bonorum paternorum, ut interim fruatur bonis, & ex iis toleret vitam suam, qui sumptus, si factus pubes excedat bonis (quod probatum forte fuerit filium eum non esse defuncti) non repetuntur. Interim igitur de alieno alitur, *l. ult. C. de Carbon. edita.*

Ad §. Fructuum.

Fructuum post hereditatem petitam perceptorum usus non præstantur. Diverſa ratio est eorum, qui ante actionem hereditatis illatam percepti hereditatem auxerunt.

IN hoc responſo facit differentiam inter fructus perceptos ante petitam hereditatem, ante illatam actionem hereditatis, id est, ante litem contestatam, quorum fructuum usuras præstari ait: & fructus percepto post petitam hereditatem, quorum usuras præstari negat. Et hoc intellige de fructibus venditis, & in sortem redactis, ut in *l. q. de pact. dot. l. eum qui, de iis quib. ut indig.* nam corpora ipsa fructuum in iudiciis usuras non recipiunt, sed pretia tantum & sortes. Rationem autem huius differentie Papinianus non explicat aperte, sed subindicat & innuit eam, dum ait, *fructus perceptos ante petitam hereditatem, ipsam auxilio hereditatem: non igitur etiam eos auxisse hereditatem, qui percepti sunt post petitam hereditatem.* Nam si fructus percepti post petitam hereditatem non auxerunt hereditatem, sequitur eos non fuisse deductos in petitionem hereditatis, non fuisse petitos, sed venisse in iudicium officio iudicis, ut etiam ait, *l. neque, de usur.* Ejus autem, quod officio iudicis accedit, alia accessio nulla esse potest: accessionis accessio non est, ne sint infinite præstationes, *d. l. neque.* Denique usura usura, compendium compendii, commodum commodi non est, ut ait *l. 5. §. si indemnitas, de admin. vo. ad civit. pert.* & constat ex multis aliis. Ita fructuum, qui vice accessionis officio iudicis veniunt, non deductorum in iudicium, non petitorum, alia accessio veluti usura, & quasi fructuum fructus esse non potest. At fructus percepti ante petitam hereditatem, quia hereditatem auxerunt, actione hereditatis petiti intelliguntur, & in iudicium veniunt actionis jure & potestate, non officio iudicis. Nam hæc verba petitionis hereditatis, *si parat hereditatem meam esse*, etiam fructus continent, quibus auxilia est hereditas, tanquam partes hereditatis, *l. item veniunt, §. fructus, h. t.* Denique fructus percepti ante petitam hereditatem, petita hereditate petiti intelliguntur tanquam pars hereditatis, & rei principalis, & ideo facile accipiunt accessionem usurarum. At fructus percepti post petitam hereditatem non intelliguntur petiti actione hereditatis: itaque accedunt hereditati officio iudicis: ex quo sequitur, huius accessionis aliam accessionem esse non posse. Et hanc quidem rationem differentie etiam Irenæus probavit, & Græcæ interpres: & quis non probaret Papiniano ipso eam innuente, dum ait, *fructus perceptos ante actionem hereditatem auxisse hereditatem*, quod non ait de fructibus perceptis post petitam

A hereditatem? Ex hoc discrimine & illius potissimum, quod ponit, fumenda est ratio: nec hanc differentiam quicquam infirmat, quod Accursius objicit ex regula juris: non fieri deteriorem conditionem ejus qui litem contestatus est, quod litem contestatus sit, sed plerumque meliorem, *l. non solet, de reg. jur.* Atqui deteriorem fieri conditionem petitoris, si non præstentur ei usura fructuum perceptorum post litem contestatam. Quæ assumptio perneganda est: nam fieret quidem deterior conditio actoris, si usura, quæ cepissent ante litem contestatam, eadem post litem contestatam non current, quod etiam non fit; nam lite contestata usura non consistunt, sed porro currunt semper, *l. lite, de usuris:* At si post litem contestatam usura non incipiunt, deterior non est conditio actoris: quia ejus res vel jus non minuitur. B Quod autem ait Papinianus, fructuum perceptorum post litem contestatam usuras non præstari, in utroque possessor æverum est, non tantum bonæ fidei, sed etiam malæ fidei, quia & post litem contestatam omnes incipiunt malæ fidei possessores esse, etiam qui ab initio bona fide possederunt, *l. sed est lege, §. si ante, h. t.* Omnes igitur præstant fructus perceptos post petitam hereditatem, etiam ii, qui ab initio bona fide possederunt, ignorantem rem alienam esse: sed eorum fructuum usuras, qui percepti sunt post litem contestatam, nec malæ fidei possessor præstat, *d. l. neque.* Quod item ait de fructibus perceptis ante litem contestatam, ut usura eorum præstentur, etiam aliquatenus in utroque possessore verum est, non per omnia: quoniam id tantum in eo plurimum locum habet, & indistincte sive omnimodo, qui malæ fidei possessor fuerit, nam bonæ fidei possessor non præstat fructus perceptos ante litem contestatam, nisi quatenus ex iis locupletior factus est, ut dixi in primo responſo. Et horum quoque fructuum, quibus locupletior factus est ante litem contestatam, usuras non præstat, nisi a die litis contestate, quo primum scivit rem esse alienam, *l. i. C. de pet. hered.* Etatenus quidem, quod ait de fructibus perceptis ante litem contestatam, etiam dici potest in utroque possessore verum esse. Nec abs re Papinianus nullam fecit mentionem possessionis aut fidei possessoris, quoniam quod ait de omni possessore, aliquatenus verum est, vel etiam per omnia: ut quod ait de fructibus perceptis post litem contestatam, per omnia verum est in utroque. Quod de perceptis ante litem contestatam, aliquatenus tantum, sive ad aliquid, quoniam magis id convenit soli malæ fidei possessori, qui fructus perceptos ante litem contestatam omni modo restituit cum usuris legitimis: & ita scriptum hoc est nominatim in malæ fidei possessoris in *l. heredem, §. l. eum qui, de his quibus ut indign. l. illud, §. prado, h. t.* ubi ait, Prædonem, id est, malæ fidei possessorem, fructuum, qui hereditatem auxerunt (ii sunt fructus præteriti, qui sunt percepti ante litem motam) fructus præstare, hoc est, usuras fructuum eorum, pretii usuras prædonem præstare. Usura est fructus pretii pecuniæ. Usura est fructus pecuniæ. Idem ait *d. l. neque.* Verum eadem lex neque pugnat valde cum eo, quod ait Papin. hoc loco, fructuum perceptorum ante litem contestatam usuras præstari, quoniam ait *l. neque*, nec eorum fructuum usuras præstari, qui ante litem contestatam percepti sunt, qui quasi a malæ fidei possessore ante litem contestatam percepti condicuntur. Non loquitur ea lex de petitione hereditatis, in qua, si cum malæ fidei possessore agatur, omnimodo veniunt fructus percepti ante litem contestatam actionis perjure tanquam rei hereditarie: & quia de hereditatis petitione non loquitur, ideo utitur verbo condicuntur: sed loquitur de conditione fructuum, de conditione sine causa, vel ex iniusta, quam scilicet intendis, qui vicie actione proprietatis, id est, actione in rem speciali, ut *l. 3. C. de cond. ex lege.* Quoniam in actionem in rem specialem veniunt quoniam fructus percepti post litem contestatam officio iudicis, sed non etiam ante percepti, nisi nominatim petiti sint, *l. 2. C. de pet. her. sed finito iudicio proprietatis*, in quo fructuum ratio habita non sit, vel

deducta a petitore, qui vicit rem suam esse, deinde extantes fructus vindicantur, consumpti condicuntur a male fidei possessore, fructus enim rem certam, hoc est, corpus certum augere non intelligitur, ut eo corpore petito & ipsi petiti intelligantur. At hereditatem fructus augere intelliguntur, quia hereditas est nomen juris, quod scilicet intellectu tantum abstrahitur & percipitur, non sensu. Hereditas est jus successionis, & hoc jus, augmentum & diminutionem recipit, & sic fit, ut petita hereditate, quæ ei augmenta accesserunt, etiam petita intelliguntur. Differentia autem est maxima inter petitionem hereditatis & conditionem, de qua loquitur *l. neque*, quia conditio sine causa est actio stricta: petitio hereditatis est actio bonæ fidei; & in strictam actionem non veniunt usuræ, nisi sint deductæ in stipulationem, *l. Titius de præscr. verb.* Et ideo in conditionem fructuum præteritorum, quæ intenditur adversus male fidei possessorem, quia de proprietate victus est, usuræ non veniunt, quia non sunt deductæ in stipulationem, nec possunt deberi, nisi ex contractu. At in bonæ fidei iudiciis usuræ veniunt officio iudicis citra obligationem ex tempore moræ, ex sola mora, *l. mora, §. in bonæ fidei, de usur.* Est tamen notandus unus casus, quo etiam in petitionem hereditatis non veniunt usuræ fructuum ante litem contestatam perceptorum a male fidei possessore, puta si fiscus petat hereditatem ex causa taciti fideicommissi ab herede, qui tacitam fidem interposuit incapaci restituendi fideicommissi, qui quidem heres est loco prædonis, *l. prædonis h. nobis prædo est*, quicumque male fidei possessor non inceptor tantum: hoc vero casu benigne decrevit, ut ait Papinianus, Severus Imperator, non admittit superiore distinctione temporis, nec post litem motam, id est, post petitam hereditatem, nec ante, ex hac causa taciti fideicommissi perceptorum fructuum usuras præstari, *l. eum qui, de his, que ut indign.* Benigne hoc decrevit in hoc casu: Ergo regulariter aliud esse sequitur, sed in hoc casu noluit nihilum favere filio suo: & cum ea lege *eum qui*, nihil pugnat *l. eum quidam, §. in tacito, de usur.* quam obviunt: quæ non dicit heredem, qui tacitam fidem interposuit, præstare usuras fructuum, sed præstare usurarum emolumentum, quod scilicet ipse percipit a debitoribus: nam usuræ ab eo collectæ omnimodo restituendæ sunt: fructuum autem collectorum usuræ nequaquam. At rursus, quod ait *d. l. eum qui*, excepto illo casu taciti fideicommissi, male fidei possessorem post litem contestatam, hoc est, a die tantum litis contestatæ, præstare usuras fructuum ante litem contestatam perceptorum, hoc congruit cum *l. i. C. de his, que ut indign.* sed non tamen bene congruit cum Senatusconsulto de petitione hereditatis, quo bonæ fidei possessori hoc tantum datur ut fructuum ante litem contestatam perceptorum, quibus fidei locupletior factus est, usuras præstet a die litis contestatæ tantum, *l. i. C. de petis. hered.* Quamobrem Ulpian. in *litem veniunt, §. ceterum*, hoc sit. mirum in modum coardat eam *l. i. C. de his, que ut indign.* quæ idem videtur statuere hac in re in male fidei possessoribus, quod præcipue Senatusconsultum dedit bonæ fidei possessori. Et eum modam igitur, quem imponit Ulpian. *d. l. i.* quæ est etiam Severi constitutio ad Celerem; nos oportet addere *d. l. eum qui*, quæ congruit cum eo scripto Severi. Modus hic est, quem E

A si hoc actor malit, aut res ipsas, vel fructus debere præstare, quoniam eas, eoque possidere intelligitur, qui dolo malo desit possidere. Dolus pro possessione est, ergo distraxisset, præstet, quas possessor, ut redimat ab emptore, & præstet, aut si non possit præstare, ut damnetur, quanti in litem iuravit actor, hoc est, quanti eas res iuratus actor, eoque fructus æstimavit: quod plerumque est immensum pretium, vel infinitum; & hinc apparet, quam distent hac in re bonæ fidei possessores a male fidei possessoribus, quamque non sit in utriusque in omnibus, & per omnia, idem jus in hac questione.

Ad L. XLVIII. de Rei vindic.

B Sumptus in prædium, quod alienum esse apparuit, a bonæ fidei possessore facti, neque ab eo, qui prædium donavit, neque a domino peti possunt: verum exceptioe doli opposita per officium iudicis, æquitatis ratione servantur: si fructuum ante litem contestatam perceptorum summam excedant: etenim admissa compensatione, superfluum sumptuum meliore prædio facto, dominus restituere cogitur.

Q uæstio in hac lege de ratione sumptuum a possessore rei, de qua agitur, factorum ante litem contestatam: in qua questione arbitror non esse admodum separandum iustum possessorem a prædone, hoc est, male fidei possessore, neque petitionem hereditatis a speciali in rem actione: nam in utroque iudicio æque possessores actori sumptus necessarios & utiles, quos fecit in eam rem, quæ de agitur reputat: vel opposita exceptioe doli mali, vel per officium iudicis, etiam omisa exceptioe doli mali, quia utriusque iudicio hac exceptioe tacite inest, & si sit omisa, huic rei consulitur aut subvenitur per officium iudicis, *l. plane, & l. ult. de pet. her. l. bonæ fidei, de her. act. l. si autem, §. in rem, h. t.* & hoc est, quod ait Papin. in hac lege, Bonæ fidei possessorem sumptus necessarios & utiles, quos fecit in prædium alienum, quod possidebat bonæ fidei, repetere quidem non posse a domino, qui prædium vindicavit, neque ab auctore suo, id est, ab eo, a quo rem habuit: non posse, inquam, per actionem fructus repetere a domino, vel ab eo, a quo rem habuit, ut puta, ab eo, qui prædium ei donavit. Et caute Papinian. custoditeque loquitur de donatore tantum, quia donator de evictione non tenetur donatario, ideoque nec ei sumptuum nomine tenetur donator, quibus rem donatam meliorem fecit. Donator communis est omni obligatione, atque liber, post perfectam donationem, ab obligatione evictionis, & obligatione ad litem edicti ob redhibitionis causam. Caute igitur de donatore tantum loquitur, a quo dicit bonæ fidei possessor petere non posse: nam a venditore prædio evicto proculdubio eos sumptus consequeretur iudicio evictionis, in quod venit id omne quod interest, omnes etiam sumptus, quibus res evicta melior facta est, *l. q. C. de evict.* donator non tenetur de evictione in id, quod interest, *l. 2. C. eod. tit.* at venditor tenetur in id omne, quod interest: ergo & in sumptus factos in rem venditam si evicta sit, & si eos bonæ fidei emptor jam sibi non servaverit a domino, qui prædium vindicavit & evicit: nam si eos sumptus a domino repetere non possit, ut Papin. ait per actionem, eos tamen sibi servare potest per exceptionem doli mali, vel per officium iudicis: qui iudicat de proprietate prædii: repetere igitur eos fructus non potest, reputare potest per exceptionem doli, vel per officium iudicis. Et quod ait in hac lege: *Exceptioe doli opposita per officium iudicis, est adversus donatorem.* Servat, inquit, sumptus a domino, qui vindicat rem proposita exceptioe doli vel per officium iudicis, sunt enim duo remedia; non unum. Et hoc deinde Papinianus ita declarat procedere, si minus sit in fructibus ante litem contestatam perceptis quam in sumptibus. Fit enim compensatio concurrentis quantitatis fructuum, & sumptuum, & quod plus est in sumptibus in rem alienam bonæ fidei factis servatur possessori, qui fecit, per exceptionem doli mali; vel per Officium iudicis, ut dictum est. Et hæc est sententia legis. Ceterum lex hæc,

hæc, hoc tantum tradit in bonæ fidei possessore de A quo loquitur. Ergo aliud videtur esse in malæ fidei possessore: neque frustra, aut otiosum quicquam unquam Papin. scribit. Et ut aliud sit in malæ fidei possessore, ratio juris stricta suadet, quia prædo de se queri, & sibi non petitori imputare debet, qui sciens in rem alienam impendit, §. certe, *Instit. de ver. doli.* Ideoque in l. domum, C. de rei vind. etiam prædoni tantum datur deductio sive reputatio sumptuum necessariorum, non etiam utilium: sed si utiles sumptus fuerint, hoc tantum ei permittitur, ut asportet & tollat ex eo, quod fecit, quod sine detrimento rei principalis tolli potest, sine læsione prioris status rei. Ergo aliud jus est prædonis, aliud iusti possessoris. At initio hujus recitationis, idem constitui esse jus utriusque. Et vero ita est: nam et si prædonem a deductione sive reputatione expensarum utilium repellat stricta ratio juris, qui sciens prudensque in rem alienam impendit, d. §. certe, & d. l. domum; tamen benignius est, ut ait d. l. plane, de petit. her. & prædonem, hoc est, malæ fidei possessorem beneficio exceptionis doli mali, vel officio iudicis recipere sumptus, quibus rem meliorem fecit, ne scilicet actor ex aliena jactura lucrum faciat, ne ex alio incommodo suum augeat commodum. Quod ad strictam illam rationem, quæ etiam proponitur in d. l. plane, addit eadem lex, atque etiam l. Julianus, h. t. illo loco, *Nisi forte quis dicat exceptionem malæ fidei possessori prædesse de damno sollicito*, id est, de jactura, qua locupletior actor fiat. Ita vero idem addi potest d. l. domum, & d. §. certe, quibus auctor spectat solam rationem strictam juris. Strictæ scripturæ auctor licet addere benignam interpretationem ex aliis legibus: ita tamen hoc addamus, ut si dominus non habeat unde sumptus utiles possessori refundat, tunc necessario dicamus, quod est in l. domum, hoc tantum permitti possessori, ut tollat quæ salva re tolli possunt, qui aliter, quod impendit, servare non potest: sed possessori non tantum malæ fidei, ut d. l. domum, sed etiam bonæ fidei, quando dominus aliunde solvere non potest, l. si autem, §. in rem petitam, & l. in fundo, h. t. nunc huic legi omnino recte coniungenda est l. 65, hoc tit. quæ est Papijani, ex eodem libro.

Ad L. Emptor Prædium LXV. eod.

Emptor prædium, quod a non domino emit, exceptione doli mali posita, non aliter domino restituere cogetur, quam si pecuniam creditori ejus solutam, quia pignori datum prædium habuit, usufructumque medii temporis superfluum recuperaverit: scilicet si minus in fructibus ante litem perceptis fuit: nam eos usufructus novis duntaxat compensari, sumptuum in prædium factorum exemplo æquum est.

Quod dixit Papijani in l. 48. quam modo exposui, de sumptibus factis in prædium alienum a domino recuperandis, idem in primo responso h. l. 65. statuit de pecunia, quam creditori domini, qui prædium illud habuit pignori obligatum in fortem, & usuras solvit possessor, si modo ea pecunia & usuræ medii temporis (quod uno verbo a nostris solet appellari *Interusurium*) excedant summam fructuum ante litem contestatam perceptorum. Nam fructuum & usurarum admissa & facta compensatione, quod plus erit in usuris, dominus, qui prædium vindicat, possessori restituere cogetur; quia in rem & utilitatem ejus re ipsa possessor eam pecuniam expendit, ut in l. si creditor, de pign. actio. Denique quod dixit d. l. 48. de sumptibus, idem in primo responso hujus tit. statuit de usuris, ad exemplum sumptuum, ut ait, in prædium factorum. Quibus verbis Papin. plane se refert ad d. l. 48. Sed nondum est satis: necesse est etiam explicare speciem hujus primi responi, quæ posita facilis non est, sed intellecta placebit. Pone: Creditori meo prædium pignori obligavi in fortem & usuras quas deduxerat creditor in stipulatum: deinde me absente, & ignorante Lucius Titius prædium meum emit, & traditum accepit non a me, non a creditore distrahente jure pignoris, sed ab alio non domino. Ita recte ponit Accurs. tertio loco

in prima glossa. Deinde cum L. Titio creditor agit hypothecaria actione: quamobrem L. Titius solvit creditori fortem & usuras debitas, atque ita pignus meum, & me ipsum liberavit a creditore, non quidem principaliter hoc animo, ut me liberaret, & rem meam gereret, sed ut sibi confirmaret & optimo jure haberet empti prædii possessionem. Sic vero L. Titius successit in locum creditoris mei, & ideo L. Titio ab eo tempore, quo creditorem meum absolvit, debentur usuræ, quæ creditori debite fuissent, si non fuisset absolutus: Quare me vindicante prædium a L. Titio, is non tantum mihi reputabit fortem & usuras, quas meo creditori solvit, sed etiam a die solutionis mihi reputabit usuras ejusdem quantitatatis, tanquam sibi perinde, atque priori creditori, cujus in locum successit, debita forte & usuris iisdem at B non reputabit etiam earum usurarum usuras, ut l. 12. §. sciendum, qui pot. in pig. hab. l. secundus creditor, C. de pig. quia eas usuras magis sui quam mei negotii gerendi causa solvit, magis rei suæ, quam meæ servandæ causa. Si magis mei gratia hoc fecisset, usuræ solutæ loco fortis essent, & reciperet usuras in iudicio negotiorum gestorum, l. idem quoque, §. si procurator, l. qui negotia, §. 1. & §. ult. mand. Si magis sui gratia, ut in specie proposita, usuræ solutæ loco fortis non sunt, sed tanquam usuræ, alias non admittunt: quia nihil est, quod magis ius abhorreat quam usurarum usuras. Sunt igitur duo genera usurarum, quæ mihi L. Titius reputare potest: usuræ veteres, quas solvit creditori meo, & usuræ novæ, quæ ei L. Titio deberi cœperunt a die solutionis: ad exemplum prioris creditoris cui successit. Sed hoc interest inter veteres, & novas usuras, quod novas compenset cum fructibus, si quantum est in usuris, tantum sit in fructibus perceptis ante vindicationem prædii: at si quid plus est in usuris, id solum reputat atque deducit. Veteres autem usuras non compensat cum fructibus: nam et si tantum sit in fructibus quantum in veteribus usuris, quas creditori meo solvit omnimodo earum usurarum deductionem, reputationem, & retentionem habet. Et hoc est, quod ait Papin. hoc loco: *Fructus usuris novis duntaxat compensari*: duntaxat, ut excludat, veteres, quas non vult compensari cum fructibus, quod vicem habeant quandam fortis, sed restitui possessori. Male igitur scribitur, ut quidam Codices habent *Nobis*, & recte *usuris novis*, ut in Basilicis, *ratio visus ritus*, & apud interpretem *ἡ ἀντικατάστασις*, & in hoc responso, *usurarum medii temporis superfluum*, hoc est, quod plus est in usuris novis, quam in fructibus. Medium igitur tempus vocat, quod intercessit a die solutionis in diem vindicationis prædii, ut Glossa notat recte: quæ ubique etiam est sana & rectissima, præterquam ad illa verba, *a non domino*, ex qua glossa retineri tantum volo, quod ait, *vel die tertio*, id est, tertiam opinionem. Recte etiam Florent. hoc loco habent *ante litem perceptis*, & Basil. *ἄπὸ τῆς ἀντικατάστασις*, male alii, *a lite contestata*. Recte *ante litem*, ut ante litem contestatam in l. 48. Ideo autem in utraque; ait, fructus perceptos ante litem contestatam pro modo quantitatatis concurrentis compensari cum usuris novis, vel cum sumptibus in rem factis, non quod non & similiter compensentur fructus percepti post litem contestatam, sed quod de illis magis dubitari poterat. Nam fructus percepti post litem contestatam veniunt in actionem in rem obcepti ante litem motam nullo modo veniunt in eam actionem, nisi nominatim petantur, & vindicentur, & tamen licet petiti non sint, jure compensantur. Et sic etiam sumptus hoc loco intelligimus factos ante litem contestatam, d. l. si autem, §. in rem petitam. Non quod habeatur etiam ratio sumptuum factorum post litem contestatam, sed quod dubitari magis poterat, de iis qui non in ipsa lite, sed ante litem sunt.

Ad §. Ancillam quæ non.

Ancillam quæ non in dotem data, sed in peculium filie cor.

concessa est, peculio filie non legato, mancipium hereditarium esse convenit. Sed tamen pater dotis ac peculii contemplatione filiam exheredavit: Et ea ratione reddita, nihil ei testamento reliquit, aut eo minus legavit, filiam defensionis tuebatur voluntatis.

Multum interest filiazfamil. detur aliquid in dotem, an in peculium: nam si datum sit in dotem, statim sit proprium patrimonium filie: filiusf. habet proprium patrimonium, castrense peculium aut quasi castrense: filiazf. dotem a patre profectam, quæ statim sit propria filiazf. ut nec auferri possit a patre per exheredationem filiazf. vel alio modo, *l. un. §. videamus, C. de rei ux. act.* Exheredatio non auferit omnia liberis, non auferit jus sepulchrorum *l. de relig.* non auferit jus dotis suæ, vel filiaz a parente datæ, *A. §. vidi. L. dotem de coll. bon.* non auferit assignationem libertorum, *l. 1. §. sed est. Et assign. liber.* non auferit casum militiz, *Le vocant d. non offic.* Nov. 22. non auferit etiam ab intestato jura libertorum, ut declarat Justinianus in illa constitutione Græca de jure patronatus, quæ desideratur in fine tituli *C. de bon. liber.* Quod autem filiaz datum est in peculium, quandoquidem filiaz auferri potest a patre, & ablatum videtur, si exheredata sit, non legato peculio, nisi, ut ait, exheredationi sit additum elogium hoc modo: Exheres esto, quia sufficit tibi peculium quod dedit. Idem: si modico legato simile elogium additum sit: *lego tibi quinque, quia abunde sufficit quod dedit peculium* nam in hoc casu non legatur peculium nominatim per illa verba: *quia abunde sufficit pec. quod dedit inter vivos.* Ergo non potest petere peculium, sed si id heredes vindicant a filia potest retineri, non potest peti, sed retineri per exceptionem doli mali ex voluntate defuncti; quoniam, inquit, filiam tue relictum voluntate defuncti, Denique legati, quod nominatim non est relictum, petitio non est, non enim debetur: retinet tamen ejus est ex conjectura voluntatis defuncti per exceptionem doli mali, ut *l. ult. §. avus, de doli exc.*

Ad L. IV. de Servitut. rust. præd.

Pecoris pascendi servitutes, item ad aquam appellendi, si prædii fructus maxime in pecore consistat, prædii magis quam persona videntur: si tamen testator demonstravit cui servitutum præstari voluit, emptori vel heredi non eadem præstabitur servitus.

Illud in primis præsumendum est: Servitutes aut personarum esse aut prædiorum: eorumque vel urbanorum vel rusticorum, *l. 1. §. quoties, de ser.* aut in rem esse, aut in personam, ut ait *l. Casus, de annuis legat.* Quæ prædiorum servitutes vel in rem sunt, prædii: quæ personarum, personis debentur: & quæ prædiis debentur, sequuntur emptorem prædiorum, heredesque, ad quem ea prædii pervenerunt; hoc est, successorem omnem: nam emptoris nomine hoc loco, ut in *xli. tabulis* significatur quilibet successor rei; heredis autem nomine significatur successior juris. Quæ vero servitutes personis debentur, cum personis extinguuntur, nec ab eis transeunt in emptorem vel heredem, quod hæc lex ostendit, & *l. cum fundo, §. l. pen. h. l. usus aquæ, de usu, §. hab. l. pater, de serv. leg. l. non solum §. r. de, de lib. leg.* Item, ut aliam differentiam ostendam, servitus prædii tantum præstatur possessori vicini prædii, vicinæ possessionis, *l. 5. h. l. illo loco, §. ut esse non posse, nisi fructum vicinum habeat:* denique ita est: in fundo tuo non possum habere servitutem prædiale, nisi vicinum fundum habeam, quia eam servitutem fundus fundo debet, non homo homini non persona personæ, nec consueti utiliter potest, nisi inter affines fundos, consues fundos. Ad servitus personæ etiam ei præstatur, qui nullam vicinam possessionem habet, *l. Me-la 1. §. ult. inf. de ultim. leg.* Potest autem eadem servitus modo esse prædii, modo personæ, nec ulla est quæ semper sit prædii, hoc est, quæ non possit esse personalis, quod Pap. in hac l. demonstrat in jure sive servitute pascendi pecoris, vel ad aquam appellendi, quod nume-

A ratur quidem inter servitutes prædiorum, *l. 1. r. hoc tit.* tamen personalis esse potest, non solum prædialis. Illa servitus prædialis est, si, ut inquit Papinianus, fructus prædii maxime in pecore consistat: prædii scilicet in quo est pecus, cujus pascendi vel ad aquam ducendi jus vicino testator legavit: nam lex est de servitute legata: & maxime hoc loco idem est, ac si dicat, maxima ex parte, ut in *l. fundo legato, de inst. vel instr. leg.* Legato fundo instructo cum omni instrumento deberi venationis instrumenta, si quasvis fundi ex maxima parte in venatione consistat. Et ita hoc loco maxime, id est, maxima ex parte, si maxima pars fructuum prædii cogatur a pecore, si maximus redditus prædii sit a pecore, si nullus fere sit alius fructus prædii, quam fructus quem tollit pecus, atque tollitur ex pecore, fructus pecoris, ut si id prædium sit saltus & pastio pecuaria, ut in *l. de greg. de inst. vel instr. leg. l. si quis vicius, de usufr.* Nam si & in eo saltu quedam particula aratur pastorum aut cultodum gratia: Ælius Gallus apud Festum ait, eam rem non perimere nomen saltus, quia satis est maximam partem prædii non alii rei esse utilem, quam pascendo & sustinendo pecori. Denique saltus est prædium, cujus fructus maxime in pecore consistit, id est, maxima ex parte: nam non mutat nomen saltus particula agri quæ aratur. Quamobrem recte dicemus, pastus servitutem impositam vicino agro, cum pecori in saltu constituto majore pabulo opus esset, aut servitutem appellendi pecoris ad aquam aut fontem vicini, ad aquam vicinam, quæ forte saltus caret, esse servitutem saltui debitam non personæ, & ut Pap. ait, magis esse prædii, quam personæ. *To maxime, respondet r. magis.* Uterque articulus in comparando est, & huic servituti etiam adjungi potest, ut turgurium vel casam pastoralem habere liceat in agro vicino, in quam, si hiems ingruerit, pastores le recipient, *l. 6. in fine h. l.* ubi hiems sumitur, ut Græcis *xyphus*, pro vi ventorum aut imbrium. At notandum est, quod diximus, fructus vel redditus fundi, veluti saltus in pecore consistere, nihil aliud esse, quam fundi redditum consistere ex foetu pecorum, lana, lacte, vellere, villis & ceteris, quæ sunt in pecorum fructu, *l. in pecudum, de usufr.* Sicuti redditum fundi ex melle consistit in *l. si redditus, de inst. vel instr. leg.* est fundi redditum consistere in apibus, & fit in ea lege mellis mentio tantum, qui olim, ut scribunt auctores rei rustice, cera & propolis fuit exigui aris, exigui pretii, nihilque ex apum fructu fuit in pretio præter mella. At non est omittenda hoc loco distinctio, qua Jurisconf. utitur in *l. de greg. e,* quam attuli, de fundo inst. & instr. leg. cum queritur: an instrumento fundi legato debeatur pecus, quod in eo fundo est? Primum enim instrumento fundi non creditur pecus, quod in fundo eo paterfamilias habuit pascendi causa, si id comparavit in hoc, ut ex eo fundo ipse fructus perciperet, quasvis faceret & negotiaretur, ut ex eo scilicet ferret agnos, vitulos, hinnulos, lanam, & similia, quæ sunt in pecorum fructu, vel ex eis instrueret suas epulas, ut ait *Paul. 3. Sentent. tit. de legatis Pecus, quod ea causa, aut eo fine comparatum est, non est instrumentum fundi, sed patrisfamilias instrumentum, & instructo quidem legato, quoniam est plenius, legato cedit, l. 2. C. de verb. signific.* Ceterum instrumento non credit. At si pecus in eo fundo habuerit paterfamilias, ut ex eo fundo aliquem fructum perciperet, quem alioquin nullam in pecore consistit, hoc casu, placet pecus cedere instrumento fundi: quoniam manifestum est, paratum id esse instrumentum fundi causa (nam & hoc casu pecus habetur per instrumentum fundi, ut *l. cum quæreretur §. ult. de leg. 2.*) ut per gregem ex fundo caperetur fructus aliquis, *l. fundi instrumentum, de instr. & instr. leg.* Idemque est si pecus in fundo habeatur stercoreandi fundi causa. Nam & hoc casu pecus habetur per instrumentum fundi, ut *l. cum quæreretur §. ult. d. l. 2. C. de verb. signific.* Et Paulus eodem loco, *Instrumentum fundi legato, deberi pecora stercoreandi fundi causa parata.* Sed addendum, deberi etiam ea pecora, per

per quæ ex fundo fructus tollatur, qui alioquin nullus tolleretur. Et ita est explicanda distinctio d. l. de grege, quæ erat satis difficilis. Ac præterea in hac lege notandum est, quod in ea est præcipuum: etiam si fructus prædii in pecore non consistat, ut sit ager frumentarius, qui & sine pecore fructus fert, jus pascendi vel appellendi pecoris ad aquam, quod in eo fundo est, etiam prædii magis stercoreatur, magis prædii esse, quam personæ: altero casu, videlicet, si paterfam. in eo fundo pecus habuerit stercoreandi fundi causa: nam si jus pascendi boves in vicino agro, quibus ager meus colitur jus est agri mei, ut l. 5. h. t. consequens etiam est agri mei jus esse pascendi oves, quibus ager meus stercoreatur, quia stercoreatio pars culture est. Breviter sic statuamus: Pascui servitutem, & appulsus pecoris duobus casibus esse prædii servitutem, si prædium non aliunde fructus habeat, quam ex pecore, ut si sit saltus & passio; & altero casu, si sit ager cultus, qui tamen pecore illo stercoretur, quous pascendi vel ducendi ad aquam jus constituitur. At cum testator, qui pascui servitutem legavit, vel appulsus pecoris, certam personam demonstravit: ut Pap. ait, cui servitutem præstari voluit, usum five jus personale, non prædiale legasse videtur, ideoque ad emptorem vel heredem transmitti non potest, quod coheret personæ legatarii, & cum ea extinguitur. Idemque est si ita personam demonstraverit, ut declaret, se ei soli servitutem præstari velle, ut si dixerit: *Heres meus L. Titium vicinum meum pecus suum in meo fundo pascere sinito*: si hoc dixerit simpliciter, si modo appareat ita sensisse testatorem, ut hoc jus non egrediretur personam L. Titii: forte, ut proferam argumenta voluntatis defuncti, quia prædio vicini, hoc est, L. Titii nulli tali servitute opus est, quoniam in eo forte nullum est pecoris genus. Hoc enim casu personæ non prædio servitutem legasse videtur, si modo & personæ usui esse possit: ut si L. Titius pecus habeat in alio agro forte remotiore a conspectu. Ex utilitate æstimamus omnia vel ex necessitate, vel ex voluptate, vel amenitate: quæ servitus neque prædio neque homini usui ut voluptati esse potest, quæ nullam utilitatem habet, aut voluptatem, plane inutilis est, l. quoniam, de servit. cui nihil obstat l. si fundo, cod. in qua tamen Labeo ait, servitutem aquæ lege venditionis imponi posse fundo vendito, ut scilicet ex eo fundo venditori liceat aquam ducere in alium fundum proximum, quam retinuit venditor, utilis non sit: *Quadam enim, inquit, habere possumus, quamvis ea nobis utilis non sit.* Est vexata ab omnibus lex mirum in modum, sed nihil erit facilius ea, si modo conjungatur cum eo, quod idem Labeo scribit in l. Labeo, h. t. Ubi cum scripserit nondum inventa aqua servitutem aquæ constitui posse, quia scilicet quæri & inveniri & scaturire potest: & nondum ædificato ædificio servitutem imponi posse, quia scilicet ædificari quandoque potest, d. l. Labeo. Similiter dicemus ita esse accipiendam sine controversia, d. l. ei fundo ut aquæ nondum utilis aut necessariz servitus constitui possit, quia scilicet quandoque utilis esse potest propter spem utilitatis. Spes pro re est: quia ratione & in infante & in agro squallido & sterili profus recte constituitur ususfructus propter spem futuræ utilitatis; sæpe fundus sterilis sit industria nostra fertilis longaque cultura, l. arboribus §. ult. l. de illis, si infans de usu fr. Quæ autem servitus prædii, ut hoc quoque statum causam meliorem, aut amoeniorem tantum facit, aut factura est, ut prospectus, qui non meliores sed amoeniores fundos facit, l. 2. sup. tit. prox. & nonnunquam aqua, l. h. jur. in princ. de aqua quot. Sane utilis est servitus prædii; quæ autem hoc non facit, non valet, ut servitus prædii, sed valere potest, ut servitus personalis, ut est in l. ut pomum, de ser. ut mihi liceat poma decerpere ex arbore vicini, vel ut mihi liceat spatari in agro vicini, aut cenare, servitus imponi non potest prædialis: quia nihil hoc pertinet ad utilitatem prædii: sed quæ tantum pertinet ad nonnullam utilitatem, ad voluptatem hominis, ea servitus valet, ut personalis, non po-

test valere, ut prædialis: quia meliorem non facit, aut voluptuosiores, vel gratiores causam prædii, quod semper exigitur in prædiali servitute, l. 5. §. 6. h. t. Jus etiam personæ potest esse, qualibet servitus, quæ prædii servitus est ex voluntate defuncti, ut hæc lex ostendit in servitute pascui & appulsus, itemque l. Mela §. ult. de aliment. leg. In servitute aquæ haustus, si relinquatur homini non habenti vicinum fundum: & in servitute appulsus pecoris, si eidem quoque homini relinquatur, vel in jure gestandi, ut possit vehi sella gestatoria in fundo Lucii Titii, qui vicinus non est, id est, cuius prædio vicinum fundum nullum habet, quem possideat. Idem est si relinquatur tibi jus in meo torculari uvæ premendi, qui meo fundo vicinum non possides, vel etiam, ut in area mea tibi liceat fruges terere vel exprimere, ut in d. l. Mela §. ult. in illo loco: *Nam & haustus aquæ, ubi legendum est hoc modo, Nam & haustus aquæ, ut pecoris ad aquam appulsus est servitus*: addita subdistinctione, quæ vulgo deest: *Personæ tamen jus, qui vicinus non est non inutiliter relinquatur*, ut hic fit sensus: Aquæ haustus sicut pecoris ad aquam appulsus est servitus prædii. Personæ tamen, hoc est, ei qui vicinus non est non inutiliter relinquatur: hic denique sensus est: inutilem servitutem prædio, si personæ non sit inutilis cui relinquatur, soli personæ relictum videri. Et ita in specie, l. pen. hic: aqua personæ relinquatur. Est lex Græcæ, quæ proponitur frater fratri legasse digitum aquæ, quæ solebat aquæ modulus digito infistui rogando, vel quadrato, ut est apud Frontinum, & in antiqua inscriptione Suesæ, ut digitus aquæ in domum ejus fluere commodique publicis, ac si decurio, fruereetur. Ut si illud aqua ait esse personale l. pen. quod neque emptorem, neque heredem frater sequitur. Personale, inquam esse, non ut Alciatus docuit, quia testator dixit, *δίδωμι τῷ γαίῳ*: quoniam hæc sunt vulgaria verba legatorum, sicut Do, lego, ita *Δίδωμι τῷ γαίῳ* vel *τῷ γαίῳ*, ut in donatione illa, quæ fuit subrepta perveniende securitatis Theodosii causa, eidem Theodosio a Pulcheria sorore, per quam ei Theodosius dono dabat uxorem suam, quod solet temere subscribere porrectis quibuscunque libellis, in ea, inquam, ita fuit scriptum: *δίδωμι τῷ γαίῳ* vel *τῷ γαίῳ*. Sed ratio cur in l. pen. aqua sit servitus personalis hæc est, quia dixit testator, ut aquæ digitum duceret in domum suam ut tot ovis avia, vel quocunque vellet: quæ verba demonstrant omnino testatorem non donasse digitum aquæ domui, vel certo prædio, sed personæ, quia permisit ei, ut quocunque vellet duceret eum modulum aquæ. Et ita in l. 1. §. præterea Labeoni, de aqua quot. & alibi. Interdictum illud pertinere etiam ad aquæ ductus, qui fundi non sunt, quia quocunque duci possunt. Unde manifestum est aquam, quæ quocunque duci possit vel aquæ jus quocunque ducenda, personale esse, non prædiale jus.

Ad L. XI. Finium regund.

In finibus quæstionibus vetera monumenta, census auctoritas ante litem inchoatam ordinati sequenda est: modo si non varietate successionum, & arbitrio possessionum finis, additis vel detractis agris, posses permittatur probetur.

Hoc responso Pap. ostendit in lite de finibus regundis probationes finium sumi ex antiquis monumentis, & monumenta intelligi, quæ sunt in agris sculptæ, faxis vel ære præfixæ, quæ constituto Tiberii Imperatoris de lege agrorum & limitum apud Julium Frontinum ait, publicam fidem tenere; & sic Siculus Flaccus de conditionibus limitum: illam tantum fidem agrorum videri, quæ tabulis æris manifestatur, continentibus formas agrorum, quas tabulas, qui fregit, tenetur l. Julia peculatus l. qui tabulas, ad l. ut pecul. quia publica monumenta sunt publicæ res. Sum etiam Papinianus ostendit hoc loco, probationes finium, & terminari litem finium regundorum ex tabulis census acti ante litem contestatam de finibus, quia & hæc publica monumenta sunt; quibus

continentur agri cuiusque & eorum agrorum fines, l. 4. A de censib. Et hæc quidem omnia monumenta in causa finium potiora sunt testibus, ut Senatus censuit, l. censib. de probat. nisi scilicet probetur, ut Papinianus ait hoc loco, postea antiquos fines, qui in publicis monumentis continentur, fuisse permutatos, vel varietate successionum vel possessionum, vel novo possessionum consensu, additis vel detractis agris, & confusa agrorum pristina facie, quæ verba etiam usurpat l. 2. C. fin. reg. Ubi sane, dum ea lex ait, additis vel detractis agris alteruto, placet quod Accursius notat exponitur apud aliquos scriptum Alteruto, non tantum quod alterari, sed ut ipse ait, in alio modo: id est, alterutro; ut dicitur litubi.

Ad L. XXXII. Famil. ercisc.

Quæ pater inter filios non divisit, post datas actiones vice divisionis ad singulos pro hereditaria portione pertinet: modo si cetera quæ non divisit, in unum generaliter non constituit, vel res datas non sequuntur.

Dixit superiori lege possessionum fines aliquando perturbationi, aut permutari possessionum arbitrio & consensu: hoc plerumque fieri ait Accursius Urbis in Frontium: quoniam veteranus miles unam possessionem, quæ ei fuerat assignata per emens, filijs suis dividit in tres aut quatuor portiones, pro numero liberorum distinctas terminis, quas ceteros compendiosis appellavit, quod vice tabularum intendendis portionibus inter filios designarentur, ex quo loco Urbis emendandum est; quod est scriptum in superaddita constit. Tiberia Est & aliud monumentum, inquit, quod proxinis adibus vim unius, pro quibus emenda veteranus, ut ita legamus: veteranus quas milis, vel consors, hoc est, socius, condidit, in portionibus suis, vel ad progeniem suam hereditarie suis (suis testamenti loco) hereditibus iustis, loco & vice instrumentorum tabellarumque. Et ad eandem modum Papin: in hac lege ponit, patrem habentem plures liberos, non facere quidem testamentum, quod Accursius finxit frustra, sed non facta testamentum inter filios divisionis arbitrio fundum, singulis dedisse res & actiones certas, ut ait l. si cogitatione, C. fam. ercisc. quæ cum ista consentire: officium arbitri est assignare portionem consortibus cohereditibus, l. servum cohereditum, C. eod. Ubi portiones assignatas intelligere oportet assignatas ab arbitrio famil. erciscundæ, non, ut glossa ait, lege xii. tabularum, quia lex est de servo communis, at lege xii. tabul. divisio fit. nominum sive actionum, non servorum vel aliorum corporum aliarumque rerum l. 8. C. eod. Porro officio arbitri functus est pater, qui in vita filijs suis portiones assignavit, quas post mortem suam habere in suis bonis, facta inter eos divisione bonorum & actionum suarum, quæ utique divisione rata est, tanquam supremum iudicium patris, l. si filius, §. si pater, h. t. quia tametsi neque codicillorum iure censetur, sed fit iudicium tamen minus solemne minus legitimum, aut iustum, si spectas solemniam iuris, tamen est patris suprema voluntas, cui non tantum filios obtemperare necesse est, etiam ab intestato patri succedant, sed etiam accepto arbitrio famil. erciscundæ arbitrium in adjudicandis bonis sequi oportet eam voluntatem patris, d. l. si cogitatione, l. quoties, §. l. filii, C. eod. Denique non tantum eam voluntatem, quæ portiones fecit inter filios sequi debent filii, si modo eis satisfactum sit, quod attinet ad portionem legitimam, sed etiam arbitrium sumptum ad adjudicationem faciendam. Ita tamen eam voluntatem; & divisionem patris sequi debet arbitrius iudex famil. erciscundæ, ut Falcidiam cuius liberorum servet intactam, & illibatam, si forte aliquis minus legitima portione habere deprehendatur, quia nec iudicio patris filius non impius legitima portione defraudari possit. Sed necesse est, rem explicari appositâ specie. Finge: duos esse filios Primum & Secundum. Patrem facta divisione inter vivos Primo erogasse, sive assignasse

deuncem, aut quod deuncem efficit. Secundo autem assignasse unciam tantum, quæ portio est minor legitima portione, quoniam in hac specie, legitima portio debita filio est feseuncia, unguentis & denis. Nam legitima portio est quarta pars ejus, quod filius haberet ab intestato. Secundus quid haberet ab intestato concurrente fratre? Semissem tantum. Semissem autem quarta est feseuncia. Feseuncia igitur est legitima portio in proposita specie. Deinde mortuus est pater intestatus, quia illa divisio non est testamentum: mortuus pater filii ab intestato succedunt patri ex æquis partibus, id est, singuli ex semissem, sed Primo Secundus veluti jure fideicommissi, videtur restituere debere quinsuncem, ut uncia tantum ei super sit, & primus habeat deuncem, secundum divisionem supremi iudicii patris, quod quaecumque sit, hæc est, & si solemne non sit, observari oportet, d. l. si cogitatione, in qua ita est legendum, Si cogitationis futura successione, vel cogitatione commortalis nature, officium arbitri dirigenda hereditatis præveniendæ pater communis suo, vel quocumque iudicio suam declaravit voluntatem, eam esse sequendam omnimodo, & vim habere fideicommissi. Quamobrem etiam Secundus ipso jure sit ab intestato heres ex semissem, tamen debet Primo restituere quince uncias, ut illi expleat deuncem, secundum voluntatem supremam patris. Quod ita posita specie si statuiamus, certe erit iniquissimum: nam ita Secundo superfluit uncia tantum, quæ minor est portione legitima. At Secundo constituitur duobus modis, uno, si filius accuset eam voluntatem patris tanquam inofficiosam, quod minus ei legitima assignaverit, cuius rei instituta querela, plane rescindet totam eam voluntatem & divisionem, & æquabuntur filii in successione, l. parentibus, C. de inoffic. test. Altero modo constituitur Secundo, si ut quilibet extraneus ultra unciam retineat semunciam, quæ deest legitima portioni; exemplo Falcidie ait ut l. si cogitatione, quia non proprie ex ipsa lege Falcidia regitur ex fideicommissis, sed ex legatis tantum, verum retinet ultra unciam & semunciam, exemplo Falcidie & Senatusconsulto, ut ait l. si filii, eod. tit. id est, ex Senatusconsulto Pegasiano, quod hodie inest Senatusconsulto Trebelliano, quodque legem Falcidiam, quæ minuebat legata tantum ad modum dodrantis, porrexit etiam ad fideicommissa, l. succedentes, C. ad leg. Falcid. l. i. §. iudicet, si plus quam per leg. Falcid. sed quia hæc des, Inst. de fideicommiss. hered. Et hoc secundo remedium filio, in quem minus contulit pater, vel commodum erit, cum exclusus erit primo remedio, vel tempore (nam querela inofficiosa finitur quinquennio) vel alio modo: nam perit multis modis. Alioquin ei est consultus uti primo remedio, quia primo avertit semissem integrum, secundo feseunciam tantum, non semissem. At ponamus quod est in hac lege, Patrem inter filios aliquid indivisum reliquisse, non omnia divisisse jura vel corpora, sed aliquid indivisum reliquisse, quid fiet illo, quod indivisum reliquit? utrum id inter filios dividet arbitri famil. erciscundæ, pro hereditariis portionibus, hoc est, pro virilibus portionibus, pro quibus patri ab intestato ipso jure heredes extiterunt: An vero pro modo rerum ei assignatarum? Hæc est questio legis, & respondet Papina. iudicio famil. erciscundæ, id quod indivisum remansit ad eos pertinere, & inter eos dividi pro hereditariis portionibus, d. l. si cogitatione ait, pro virili portione, quod idem est, quia ex æquo ab intestato heredes patri extiterunt, sed hoc ita procedere Papin. ait, & ostendit etiam d. l. si cogitatione, quæ istius veluti commentarius est, si nulli filio pater id, quod indivisum reliquit, generaliter assignavit. Nam si post distributiones multarum rerum & actionum, pater subijciat generaliter, Cetera ad illum filium meum pertinere volo, quod indivisum pater reliquit, illi filio adjudicabitur in solidum, nec venit in divisionem cum fratribus. Item, ut ait Papinianus hoc loco, si id, quod indivisum reliquit pater, tacite sequatur, quæ uni assignata est, veluti villa fundum sequitur tacite, l. fondi, usufructus quib. mod. usus. aut. ad eum, villa, quæ relicta est indivisa in solidum pertinebit, cui fundus adjudicatus

guatus est. Male Græci hoc loco ponunt exemplum in peculo. Nam peculium non sequitur legatum aut venditum servum, *l. si legatus, de pecul. leg. l. 3. de evict.* nisi legetur nominatim. At villa sequitur fundum venditum, vel legatum tacito intellectu, quia pars est fundi, *l. si ita, in fin. de instr. vel instr. leg.* peculium non est pars servi. Male etiam idem Græci interpretes pro exemplo ponunt, *ἀρσενίου ὄρεος ὄριον*, id est, ornamenta fumentorum, quoniam ad hæc levicula Papinianus non videtur respexisse; ac præterea legata aut vendita iumenta, nisi id dictum sit nominatim fauce ornatus non sequitur, *l. adiles, §. vendidit, de edil. edic.* & male etiam Accursius exemplum ponit in pullo & equa; nam legatam equam pullus non sequitur, nisi qui post mortem editus est, *l. equis, de usufr.* Sicut nec legatas oves sequuntur agni non legati nominatim, *l. legati, §. ult. de leg. 3.* & illa assignatio patris, quæ fit vice divisionis, habet legati, aut saltem fideicommissi vim. Ad hæc etiam notandum est, primum responsum hujus legis, sine ulla distinctione uno ductu esse legendum hoc modo: *Quæ pater inter filios non divisit, ut sit: Quæ post divisionem actionum & rerum indivisa restant, subintelligo. Rerum, atque suppleo ex fine legis; initio ait, datas actiones, in fine ait, datas res, & has igitur & illas datas sive assignatas: verbo divisionis, addo subdivisionem, quod & Accursius notat recte initio glosse ad verbum, post datas, mox tamen transit male in aliam sententiam.*

Ad L. ult. eod.

Arbitrio quoque accepto, fratres communem hereditatem consensu arduentes pietatis officio funguntur, qui vocari non oportet, licet arbitri sententiam iurgio perveniendi non dixerit, si non intercedat ætatis auxilium.

Superiori lege actum est de divisione facta a patre; in hac l. ult. agitur de divisione hereditatis paternæ facta a fratribus mutuo consensu post acceptum arbitrium famil. credente iudicio, pendente lite, quam si fecerit, ut ait Papinian. fratres pietatis officio functi sunt missa lite omni. Ambros. lib. 5. de fide: *Bona pietas arbitros refugit etiam in divisione patrimonii.* Rata autem est ea divisio, rata transactio litis coepte inter fratres, vel iurgii potius. Mavult Papinianus hoc loco mitiore verbo uti inter fratres, *iurgii, quam litis*, ut inter vicinos quoque & inter maritos iurgium esse dicitur potius, quam lis, lenitate verbi tristitiam rei mitigante. Divisio patrimonii plerumque fit transactionis genere, ut in l. cum putarem, hoc tit. l. qui Roma, §. ult. de verb. obl. l. tres fratres, de pact. Rata, inquam, est ea divisio & transactio, etiam si nulla sit secuta sententia arbitri. Res transactione finita nihil pertinet ad arbitrium, sive iudicem. Confessionem quidem patris sequi debet sententia iudicis: iusjurandum item, quod patri iudex detulit, sequi debet sententia iudicis: At transactionem habitam inter partes pendente lite, nullam sequi necesse est sententiam iudicis; Denique additur, eam transactionem, sive divisionem factam inter fratres pendente iudicio, etiam si sententiam non dixerit iudex, rescindi non posse, nisi beneficio ætatis, si quis eorum fuerit minor 25. annis: nam beneficio ætatis restituuntur adversus transactiones & divisiones, ut in *l. si. C. si adu. division. & transact.*

Ad L. II. de Distract. pign.

Fidejussor conventus officio iudicis adsecutus est, ut emptionis titulo prædium creditori pignori datum suscipere, nihilominus alteri creditori, qui postea sub eodem pignore contraxit, offerenda pecunia, quam fidejussor dependit, cum usuris mediis temporis facultas erit. Nam huiusmodi venditio transfundendi pignoris causa, necessitate juris fieri solet.

Hæc l. est de re eadem a debitore duobus creditoribus diversis temporibus pignori obligata ex diversis contractibus & causis: in quo pignore certissimum est potiorum esse priorem creditorum, quia id pignus poste-

rior creditor, neque priori creditori auferre potest, neque ei, qui emerit a priori creditore distrahente pignus iure conventionis: sed hoc tantum iuris habet posterior creditor adversus priorem, cum ambobus idem pignus datum est vel positum, ut priori creditori etiam invito solvat omnem pecuniam, quæ ei debetur, atque ita in jus & locum ejus succedat, & sibi pignus servet, retrahat atque confirmet, *l. 12. §. simpliciter, & §. pen. sup. lit. prox.* ut solvat, inquam, priori creditori pignoratitio omnem pecuniam, vel eam offerat, obignet, & deponat tuto in loco, veluti in tabulario civitatis, aut sanctuario Principis, aut in æde sacra, quod pro solutione est, *l. 19. C. de solut.* Denique posteriori creditori est jus auferendi priori creditori quod dependit. At si prior creditor pignus vendidit iure conventionis, posteriori creditori non est jus offerendi emptori pretii, quod dependit priori creditori, atque ita non est ei jus avocandi pignoris ab emptore, oblata & deposita pecunia, quam dependit priori creditori, iure suo distrahenti pignus. Et hoc ostendit *l. 3. hoc tit. l. 1. & 2. C. si anteq. cred. pign. vend. & l. 1. C. si pign. pig. datum sit.* Igitur posterior creditor habet jus offerendi priori creditori, sed non etiam jus offerendi ei, qui a priore creditore emerit. Et ratio hæc est, quia sera nimis est oblatio, quæ fit post perfectam venditionem pignoris iure creditoris. Hæc enim est extrema linea & extremus finis: pignoris venditione permittit pignoris causa facta iure ceditoris, quia rei dominium mutatur. His cognitis frange, quæ est species hujus l. 2. priorem creditorem, qui & pignus, & fidejussorem acceperat sui crediti servandi causa, egisse cum fidejussore actione ex stipulatu, & officio iudicis fidejussorem obtinuisse, ut solutam omnem pecuniam, hoc est, sortem & usuras prior creditor acciperet, veluti pro pretio pignoris, & titulo emptionis pignus in se transferret, & transcriberet: denique ut venderet pignus fidejussori, etiam in actione stricta, qualis est ex stipulatu, aliquid potest officium iudicis, ut patet ex hac lege. Nam etiam in actionem strictam exequitate, hoc est, officio iudicis veniunt fructus percepti post litem contestatam, *l. videamus, §. si actionem, de usufr. l. 8. de re judic.* Sed ad rem: ex ea specie, quam proposui nascitur hæc questio, cum ut dixi prior creditor fidejussori vendidit pignus soluta ab eo omni pecunia, propter quam pignus tenebatur: an hoc casu posteriori creditori sit jus offerenda pecunie fidejussori, quam priori creditori solvit, veluti pro pretio, ut quod pignus emit a priori fidejussor, posteriori præstet, atque restituat? Et videtur posteriori creditori non esse jus offerendi fidejussori, quia pignus a priore creditore accepit titulo emptionis, qui actionis titulo pignus tenet, & quia, ut dictum est initio, posteriori creditori non est jus auferendi emptori pignus. Sed tamen aliud respondet Papinian. hoc loco, & Marrianus in l. 5. §. ult. hoc tit. nempe posteriori creditori esse jus offerenda pecunie, quam fidejussor solvit priori creditori cum usuris, scilicet non tantum, quas fidejussor solvit priori creditori, sed etiam cum usuris novis, quæ fidejussori debentur a die solutionis sive emptionis, quia locum subijt prioris creditoris, cui præstanda usura fuissent, *l. secundo, C. de pign. l. emptor, de rei vind.* Debet igitur posterior creditor offerre totam pecuniam, ut sibi confirmet pignus, hoc est, sortem & usuras cum veteres, tum novas: alioquin imperfecta oblatio est, nulliusque momenti, id est, nihil posteriori creditori proficit ad transtercendum pignus in se, ut hic eleganter Papinian. respondet; & addit, nihil huic sententie obstat rationem dubitandi, quam actuali, titulum emptionis, quo fidejussor pignus tenet: nam ea emptio simplex emptio non est, sed emptio pignoris habendi causa. Et ut multum interest, emptio simplex fit, an emptio contracta dotis causa, *l. quæritur, de sur. dot.* quod latius explicat in titulo 17. Ober. Et item interest multum donatio simplex sit collata in filium, an donatio facta divisionis causa, *l. si filia, §. si pater, fam. ercisc.* Ita multum interest simplex, emptio sit contracta dotis causa, an sit emptio contracta

tracta pignoris habendi causa, quia hac sit non tantum domini adquirendi causa, ait l. 6. h. t. quæ tamen est plerumque finis emptionis, ut domini adquiratur, 4. pen. §. ult. de contrah. empr. quam fit servandi sibi, & habendi pignoris causa; & fit etiam hæc venditio pignoris habendi causa, non tam sponte prioris creditoris, quam necessitate juris, ut ait Papin. hoc loco, quia non est aliter quicquam laturus prior creditor a fidejussore, quem elegit atque convenit, quam si jus pignoris ei venderit & transcripserit, l. 2. C. de fidejuss. ut Glossa recte interpretatur illa verba, *necessitate juris*. Longe igitur dissimilis hæc emptio est, quæ fit pignoris causa, ab emptione simplicis & mera. Is igitur inspicitur in emptione mera, quod scriptum est instrumentum emptionis, hoc est, sola & nuda emptionis causa, quia nec alia est causa, quæ inspicitur. At in emptione facta pignoris causa, non tam quod scriptum est, quam quod actum est, inspicitur, ut eleganter ait l. 3. C. plus val. quod agit, quam quod fin. conc. Id autem actum est, non ut fidejussor pignus emeret simpliciter, sed ut pignus obtineret & servaret debitori, cui fidem etiam suam obstrictam habet jure mandati, quia mandato ejus fidejussit, ergo principaliter facta hæc venditio est, ut ipse fidejussor pignus haberet, & bona fide servaret debitori, & interim locum prioris creditoris subiret, quem absolvit. Et cum priori creditori potuerit posterior creditor offerre, consequens est, ut etiam possit offerre fidejussori, qui loco prioris creditoris substituitur est. Denique ita concludamus & statnamus: Posterior creditor non habet jus offerendi simpliciter emptori, cui prior creditor sua sponte pignus vendidit jure conventionis. Et hæc sit una conclusio: sequitur alia. Posterior creditor habet jus offerendi emptori pignoris causa, cui scilicet prior creditor pignus vendidit, cum cogeretur pignus in eum transferre. Et ratio differentie hæc est: quia hac emptione necessaria jus pignoris non perimitur: illa autem emptione voluntaria & simplicis sane jus pignoris permittitur. Et etiam alius casus, quo eadem ratio nec emptori pignoris secundus creditor offerre potest pecuniam, quam solvit, & pignus ab eo auferre, de quo casu est l. 3. h. t. l. 1. C. si antiq. cred. Et casus hic est. Si debitor ipse vendat pignus, non simpliciter, scilicet, sed ut ex pretio priorem creditorem dimittat, & loco ejus emptor succedat. Nam & hoc casus, quia simplex venditio non est, posteriori creditori jus est offerendi emptori; quia, ut ait l. 3. nihil refert debitor rem priori creditori obligatam alii obliget, an vendat prioris creditoris dimittendi gratia. At si alii obliget, ut scilicet facta verifera, & ab eo accepta pecunia dimittat priorem creditorem, non est dubium posteriorem creditorem huic, a quo debitor verifera fecit, qua dimitteret priorem creditorem, & illum admitteret in prioris creditoris locum, a quo verifera fecit, jus habere offerendæ pecuniæ, & transferendi in se pignoris, l. 12. §. a Titio, sup. tit. prox. Ergo & æquum est, etiam si debitor pignus vendat, ut dimittat priorem creditorem, & in locum ejus submittat emptorem pignoris, ut huic emptori, qui successit loco prioris, ut in l. 3. C. de iis, qui in loc. prio. cred. perinde atque ipsi creditori priori, posterior creditor habeat jus offerendæ pecuniæ, totius scilicet pecuniæ cum usuris omnibus mediis temporis, veteribus & novis.

Ad L. VII. de Usuris.

Debitor usufructus creditori pecuniam obtulit: eam cum accipere nolisset, obligavit, ac deposuit. Ex eo die ratio non habebitur usufructu. Quod si postea conventus ut solveret, moram fecit: numerus fructus ex eo tempore non erunt.

Initio hujus Legis ostenditur, debitorum certæ pecuniæ sub usuris, quem vocat debitorum usufructum ex eo die non debere usuras, ex quo pecuniam obtulit creditori, & eam cum creditor accipere nollet, obligavit in sacculo, & deposuit tuto in loco, quia scilicet depositio pro solutione est. Ergo desinunt currere usuræ, ac si soluta esset.

Tom. IV.

A pecunia in manum creditoris, quod & ostenditur multis locis juris, l. 1. in fi. h. t. l. si creditori, C. l. acceptam, C. cod. tit. l. tutor pro pupillo, §. ult. de adm. tut. Mar. Tul. 6. ad Atticum, Confiteri, inquit, debuit usura, quæ erat in edicto meo, deponere volebant. Significat depositum pecuniæ littere usuram, & 13. Epist. ad famil. Apud, inquit, se depositam pecuniam habuisse, id velim cognoscas, & si cognoveris eos, neque ex edicto, neque ex decreto depositam habuisse, des operari ut usura Curio instituto tuo conferentur. Quia scilicet deposita pecuniæ non debentur usuræ: non depositæ debentur: sed necesse est, ut tota pecunia, quæ debetur, sit deposita & obsignata, quoniam depositio partis non retardat totius pecuniæ usurarum præstationem, non sistit usuras totius sortis, l. tutor, §. i. h. t. verum addit Papin. in hac l. quod si post obsignationem totius pecuniæ publice factam, debitor a creditore interpellatus & conventus, ut pecuniam solveret, moram fecerit, ex tempore moræ præstabit usuras, quas præstabit ante obsignationem & depositionem. Posterior mora debitoris purgat priorem moram creditoris, qui noluit accipere oblatam pecuniam, ut in l. illud, de per. & comm. rei vend. Sed hoc loco, ne fallamur, ponamus necesse est, debitorem post depositionem pecuniæ pecuniam recepisse, nec perseverasse in depositione & oblatione, quod tamen omnino exigitur, l. ita quis, §. Seja, de verb. oblig. nam si debitor in depositione perseveraverit, si depositam pecuniam loco non moverit, creditor cum convenire non potest, cui solvise intelligitur, sed habet tantum utilem actionem depositi in depositarium, ut si sit deposita in ade sacra, in ædium, vel etiam habet earum pecuniarum utilem vindicationem in possessorem quemlibet, ut ostendit l. acceptam, in fin. C. cod.

Ad L. XX. de Tut. & rat. distrah.

Alterius curatoris heredem minorem, ut majore pecunia condemnatum, in integrum restitui placuit. Eas materiam litis adversus alterum curatorem instituende non dabit, quasi minore pecunia condemnatum, si non sit ejus ætatis actor, cui subveniri debeat, sed aquiratis ratione suadente, per utilem actionem ei subveniri, in quantum alter relevatus est, oportet.

Primi responsi species hæc est. Minor 25. annis duos curatores habuit, quorum unus deceffit, relicto herede alio quodam minore 25. annis, alter curator superest, vivendo vicit alterum, egit autem adolescens utili actione negotiorum, quæ soler dari in curatore. Ea, inquam, egit cum curatore superstitite, & cum herede alterius curatoris, & ita egit, vel jam factus major, vel cum adhuc esset minor 25. annis, nondum finita curatione: nam & manente curatione, manente administratione, hæc actio intenditur recte in curatores vel heredes eorum, ut quoque salva adolescenti esse definit, l. 4. §. ult. l. 16. §. ult. h. t. Et cum hac actione adolescens, ut dixi, egisset cum curatore superstitite, & cum herede curatoris mortui, iudex quidem curatoris mortui heredem, qui minor erat ætate, ut posui initio, majore pecunia condemnavit, curatorem autem superstititem minore pecunia, cum debuisset utrumque pari pecunia damnare, nec ab ejus sententia appellari potuit: finge, judicasse eum vice Principis. Post vero heres curatoris mortui beneficio ætatis, quoniam erat minor ætate, adversus sententiam judicis, qua majore pecunia damnatus erat adolescenti, in integrum restitutus est, quod de negotiis gestis lis restitueretur, & iterato eadem re discipata, & deminuta condemnatione ipse relevaretur. Relevandi verbo utitur Papinian. & sane in integrum restitutio nihil aliud est, quam relevatio lapsi captive minoris ætate: quo etiam verbo in idiotismo utimur, significantes restitutionem in integrum. At inde queritur: An herede defuncti curatoris relevato onere sententia beneficio restitutionis in integrum, adolescens, qui egit neg. gest. restitueretur etiam lis adversus curatorem superstititem, quem dixi minore pecunia condemnatum,

LII 2

nam,

natum, ut majori condemnatur causa retractata ex integro: Et hoc quidem iustum est, si egi negotiorum gestum cum esset adhuc minor 25. annis. Nam & ipse quoque adversus sententiam iudicis, qua curator minor condemnatus est, in integrum restitui potest, ipse restituitur adversus curatorem, heres autem alterius curatoris restituitur adversus ipsum, id est, minor adversus minorem, quod fit recte, cum uterque eadem in re captus non est, *l. i. C. si maior fac. alien.* At si adolescens jam factus maior egi negotiorum gestorum, & obtinuit sententiam quam dixit, in eo cessat auxilium atatis, quia maior factus egi negotiorum gestum. Veruntamen, ut ostendit Papin. æquum est ex hac causa, quæ iustissima est, ex generali clausula, *Si qua iusta causa videbitur*, quæ est in edicto ex quibus causis maior relevato herede alterius curatoris pro modo ejus, in quo relevatus est, etiam majori, qui egi negotiorum gestum dari utilem actionem adversus curatorem superfluum, id est, adversus eum restitui & instaurari litem, in quantum heres alterius curatoris relevatus est. Et utilem actionem Pap. vocat actionem restitutoriam negotiorum gestum, sicut muliere subducta, quæ intercessit pro alio, facta novatione subducta & liberata beneficio SC. Velleiani, vel etiam minori 25. annis, qui expromisit pro alio, subducto beneficio restitutionis in integrum, dicitur dari in veterem debitorem, qui novatione fuerat liberatus, dari, inquam, utilem & restitutoriam actionem, *l. quamvis §. si convenit, §. si Marcellus, §. si mulieri, l. aliquando §. ult. ad SC. Vellei. l. si Titius, in fine, de fidejuss. l. ult. de min.* Omnis actio restitutoria est utilis, quia ex æquitate datur, ut Pap. ait, æquitate suadente, non vero directo iure, non mero iure competit: & hæc est sententia primi responsi, explosa merito Accursii sententia.

Ad §. Non idcirco.

Non idcirco actio, qua post 25. annos atatis intra restitutionis tempus adversus tutorem minore pecunia tutela iudicio condemnationis redditur, inutilis erit, quod adolescenti curatores ob eam culpam condemnati sunt. Itaque si non iudicium a curatoribus factum est, per doli exceptionem curatoribus consequi poterunt eam actionem præsari sibi.

SEquitur alterum responsum, quod est in eadem lege, & quod etiam Ulpianus nominatim in testimonium vocavit, ipsius Papiniani verbis in *l. si minoris, de administ. tut. prolatis*; ideoque responsum etiam eo loci interpretatum erit facilius dare operam responso, cuius interpretes est Ulpianus & enarrator. Species hæc est. Finita tutela, adolescens curatores accepit, ut fit, qui etiam curatoribus adfidentibus liti, & auctoribus egi tutelæ adversus tutorem, eumque minore pecunia condemnavit culpa curatorum, qui minus deduxerant petitionem, in tutelæ iudicium, quam pupillo deberetur, & ob hoc adolescens, id est, ob culpam curatorum egi cum curatoribus utili actione negotiorum gestum. In id, quod interest, tutorem pecunia minore condemnatum esse, & curatores condemnavit per iudicem: Queritur, an curatoribus condemnatis, per quos res adolescentis servari potest, quoniam sunt solvendo, etiam salva sit & integra adolescenti restitutio in integrum adversus tutorem, restitutio litis, restauratio litis post legitimam ætatem intra annum utilem, ut olim obtinuit, & hodie obtinet intra quadriennium continuum, & ad summum intra 20. annos & respondet Papin. etiam condemnatis curatoribus ob culpam, adolescenti salvum esse beneficium restitutionis in integrum adversus tutorem minore pecunia condemnatum, & actionem negotiorum gestum vel actionem iudicati, qua res adolescenti servari potest a curatore non excludere beneficium restitutionis in integrum, ut *l. etiam ei, §. Imperator, de minorib. l. ult. C. si tutor, vel curator*. Neque obstat *l. in causa 2. de minor.* quæ ait: non competere restitutionem in integrum minori, si ei alia actio sit, si minori alia actio sit, præterea se non debere interponere: huic est actio iudicati, qua suum servare potest. Ergo non

A est restitutio in integrum. Abutuntur plerique omnes ea lege, & Accursii sepiissime non animadvertens, eam legem non loqui de qualibet actione, quæ suppetat minori 25. annis, sed de iure dicendi, ipso iure nullum esse contractum, ipso iure nullum esse negotium, quod cum minore gestum est, ut in edicto de dolo his verbis. *Si alia actio non sit*. Constat etiam contineri ius dicendi, nullum esse negotium gestum cum minore, aut cum pupillo, si gestum sit sine tutoris auctoritate, nec locupletior sit factus, nullum esse ipso iure. Nullum est etiam negotium, si minoris prædia venierunt sine decreto, nullum ipso iure: ubi munitus est ipso iure, nihil indiget auxilio restitutionis in integrum, nec Prætor suam operam interponit in re non necessaria, quod exemplis demonstrat *d. l. in causa, C. l. 2. C. de tut. C. curat. qui non satis. C. l. 2. C. de præd. min.* quo etiam casu, hoc est, si ipso iure munitus sit, non dieimus etiam districte minori non posse dari restitutionem in integrum, sed non esse omnino necessariam, ut *d. l. 2.* nam quid erit vitii, etiam si tutus ipso iure restituitur in integrum? Brevis est ea lex loquitur tantum de ratione, hoc est, de iure dicendi negotium ipso iure nullum, quo casu verum est, minori supervacuum esse restitutionem in integrum. At si alia actio comperat in eundem, vel in alium, qua minor suum conservare possit: non ideo est superflua statim & inutilis restitutio in integrum, ut in proposita specie, etiam condemnatis curatoribus, adolescentique parata in eos actione iudicati, adolescenti salva restitutio in integrum adversus tutorem, neque est inutilis, ut Pap. ait: quod sic ostenditur, quoniam, si curatores condemnati nondum iudicatum impleverint, & actione iudicati conveniri coeperunt, per exceptionem doli mali conventi actione iudicati consequuntur, ne prius solvant, quod in condemnationem deductum est, quam eis adolescentes cesserit auxilio restitutionis in integrum, quod habet salvum, quoniam auxilium restitutionis in integrum, ut transmitti in successorem potest, *l. 6. de integ. restit. ita & cedi procuratori in suam rem, l. quod si minor, in prim. de minorib.* Denique per exceptionem doli mali curatores hoc assequuntur, ut habeant actionem tutelæ utilem, & restitutoriam adversus tutorem, nomine adolescentis impetrata restitutione in integrum. Atque ita restitutio in integrum maxime est utilis minori, ut scilicet eam cedat curatoribus condemnatis, qui alioquin non sint facturi iudicatum, aut ne id faciant opposita doli mali exceptione consequantur, si conveniantur actione iudicati. Verum Ulpianus in *d. l. si minor*, addit ad Pap. verbum provocantes, ita scilicet, ut curatores provocantes, id, quod dixi, consequantur per exceptionem doli mali. Quid hoc est, provocantes? Provocat quicumque agit, & agit non tantum actor, sed etiam reus, *l. 1. de excep.* Agere est commune verbum actoris & rei, sicut & rei nomen est commune utriusque, & provocandi quoque verbum, uterque, dum de iure suo expetit, provocat & proclamat ad iudicium. Et ita verbum provocantes, illo loco accipitur sine ulla dubitatione, reiectis glossarum commentis, de appellatione a sententia, qua tutor vel curatores condemnati sunt, neque enim dicit Pap. hoc curatore confecti per appellationem, sed per exceptionem doli mali: qui excipit, provocat. Et inde apparet etiam post sententiam exceptionem peremptoriam, qualis est doli mali in actione iudicati, opponi & provocari posse. Nam etiam dicatur in *l. 2. C. sent. res. non posse, C. l. 8. C. de except.* exceptionem peremptoriam opponi ante sententiam, tamen evenit innumeris casibus, ut opponatur etiam post sententiam in actione iudicati, ut in hac specie, & in *l. 1. §. non tantum, h. t. l. si fidei iussores, §. ult. de fidei iuss. l. tantum, ad Senatufc. Macedon. l. Nesevinius, §. ult. de ver. jud. l. 1. C. de iur. C. facti ign. vis videre, quam hoc sit verum? Etiam lex 2. de except. ait, exceptionem excludere id, quod in condemnationem deductum est, quod quid aliud est, quam exceptionem opponi post sententiam, post condemnationem in actione iudicati, quod non potest accipi, nisi de exceptione peremptoria: nam dilatoriam certum est omnino opponendam esse ante*

ante litem contestatam. Quærit autem Ulpianus in *d. l. si minori*, quoniam Papia possit speciem, ut diceret condemnatos quidem fuisse curatores, sed nondum iudicatum fecisse, nec vero cogi facere, nisi primum eis cedatur auxilium restitutionis in integrum adversus tutorem, querit, inquam, quid sit dicendum, si jam curatores iudicatum fecerint, & ait Ulpianus, hoc casu non videri adolescenti salvam esse restitutionem in integrum adversus tutorem, quia nihil ei abest cum curatores, quod ejus intererat, perfolverint, & si forte petat restitutionem in integrum adversus tutorem, postquam rem consequutus est a curatoribus iudicatis, non de damno erit sollicitus, quod nullum fecit, sed de præda & lucro, quam ob rem non est comparata restitutio in integrum, comparata est damni præstandi, & faciendi nomine, non prædæ faciendæ causâ. Præda est, bis idem exigere ab eodem, vel ab alio. Sed dicit tamen potest, ut subtiliter concludit Ulpianus, etiam si curatores iudicatum fecerint, nec quicquam abisti adolescenti, salvum ei esse auxilium restitutionis in integrum adversus tutorem, non quidem, ut ejus commodatum ad eum redeat, quod nihil abest, sed ut eo jure & auxilio cesso curatoribus, si hoc velint, curatores a tutore minoris condemnato consequantur, quod eis abest, hoc est, quod adolescenti ex sententia restitutoribus contraria actione neg. gest. ut eis cedat restitutionis auxilium, & utilem actionem tutelæ adversus tutorem, *l. Stichum, §. si mandatis, de solut.* Igitur restitutionis, ut dicit *l. cum is, de fidejuss.* ideo adolescentem, cui curatores satisfecerunt, habere auxilium restitutionis in integrum, quia tenetur ad hoc ipsum, ut id auxilium, & eas actiones, quæ eo auxilio instaurantur, cedat curatoribus suis: habet restitutionem, habet actionem utilem; non propter se, sed propter curatores, ut eis cedat, si velit: nam cogi non potest, nisi contraria actione neg. gest. quia jam iudicatum fecerunt.

Ad L. VI. de Fidejuss. & nominator.

Pupillus contra tutores, eorumque fidejussores alter jure datus est. Officio cognoscens conveniet: si tutores solvendo sunt, & administratio non dispar, sed communis fuit: portionum virilium admittere rationem ex persona tutorum.

Species legis hæc est: plures erant tutores, qui singuli datis fidejussoribus singulis, caverunt rem pupilli salvam fore: finita tutelæ, contra eos tutores simul atque fidejussores, a Prætoris judex datus est. Potuit hoc jure adolescens a tutoribus, & a fidejussoribus partes petere divisas actionibus apud eundem judicem, potuit partem a tutoribus petere, partem a fidejussoribus tutorum. Hodie cogeretur totum petere prius a tutoribus, qui sunt rei principales; sed ante Nov. Just. potuit scindere actionem, & partem petere a reo principali, partem a fidejussoribus, *l. 3. §. ult. de duob. reis, l. grege, §. etiam, de pignori, l. reos, C. de fidejuss. l. 1. C. de fidejuss. tutorum*, sic igitur finita tutelæ pueritate, adolescens accepit judicem contra tutores & fidejussores, partem scilicet petens a tutoribus ejus, quod sibi abesse ostendit ex administratione tutelæ, partem a fidejussoribus, ac priusquam is judex adiretur, & apud eum lis contestaretur, vita functus est: si post litem contestatam vita functus fuisset, non mutaretur iudicium, quia non est integrum mutare actionem post litem contestatam, nisi ex magna causa, *l. edicti, C. de eden.* Non mutaretur ergo iudicium, non mutaretur actio, quæ copit in tutores & fidejussores eorum; sed non mutata actione in locum demorui judicis, alius judex daretur, qui substitutus judex dicitur, *l. si judex, l. mortui, de judic. pen. C. de ped. jud.* At quoniam ille judex, quem pupillus acceperat contra tutores simul atque fidejussores, vita functus est ante litem contestatam, licet pupillo vel adolescenti portionum actionemque mutare, & ut fecisse proponi-

natur, alium judicem accipere contra fidejussores solos in solidum, omisiss tutoribus: quo casu queritur in hac lege pro qua parte quisque eorum fidejussorum condemnandus sit? An unus damnari possit in solidum, si alii rei iudicatæ tempore solvendo non sint; licet fuerint tempore litis contestatæ? Et respondet Pap. eum in condemnatione fidejussorum modum, eamque legem esse servandam, quæ servaretur in tutoribus, si conventi fuissent tutores. Conveniuntur autem fidejussores ex persona tutorum; ut ait in fine legis; ut pater, qui intelligitur fidejussisse pro filio decurione, dicitur conveniri ex persona filii, *l. libertus, §. filio, ad municip.* ita fidejussor quilibet dicitur conveniri ex persona rei principalis. Ergo ad eum modum legemque, qua tenetur reus principalis, perinde & fidejussores tutorum eadem reputationes habent quas tutores, *l. 5. h. t.* Et ad eam rationem usurarum pupillarium revocatur, ut eas præstent, ad quas tutores revocari solent, *l. 3. h. t. l. 10. rem pupil. salv. for.* Et similiter fidejussores tutorum eandem condemnationem sustinent; si contra eos solos sumptus sit judex, quam sustinerent tutores, si conventi fuissent actione tutelæ. At tutores, si conventi fuissent, etsi eorum administratio fuisset indivisa & commune periculum administrationis, si tamen omnes solvendo sint litis contestatæ tempore, inter eos dividetur actio pro virilibus portionibus, *l. 1. §. nunc tractemus, de tut. & rat. distr.* quia divisionem actionis tutelæ inter tutores, qui initio litis locupletes sunt & idonei, æquitas ipsius actionis, quæ est bonæ fidei desiderat maxime, cum ob id pupillus non distringatur diversis iudiciis, quandoquidem ex Constitutionibus omnes tutores ad unum judicem mittuntur, *l. 2. de quibus ad eund. jud. l. 5. C. arb. tut.* Et propterea; si conveniantur plures tutores, quorum indivisa non dispar fuerit administratio, & quidam solvendo sint initio litis, æquum est inter eos dividi actionem tutelæ, ut singuli teneantur tantum in virilem portionem. Ergo etiam conventis fidejussoribus eorum tutorum, qui conveniuntur ex persona tutorum, licet non eadem actione, ut puta tutelæ, sed ex stipulata, inter eos est dividenda actio pro virilibus portionibus exemplo tutorum, ut quæ divisio fit in actione tutelæ, eadem fiat in actione ex stipulatu, qua fidejussores conveniuntur. Denique tutores habent beneficium divisionis, etiam si indivisa eorum administratio, individuum officium fuerit, si modo omnes solvendo sint litis contestatæ tempore. Ergo fidejussores eorum idem beneficium habent. Recte autem ponit Pap. plurium tutorum plures fuisse fidejussores, singulos tutores singulos fidejussores dedisse, tot fuisse fidejussores, quot tutores: nam si unus tutoris plures fidejussores fuerint, non habent beneficium dividendæ actionis: & ratio hæc est, quia non est æquum, pupillum sive adolescentem distringi adversariis, litibusque plurimis suæ tutelæ causâ, cum non ipse contraxerit cum tutore, qui fidejussores dedit, sed in eum incidit ignorans, omnino nesciens quid ageretur: qua de causa & actio tutelæ non dicitur esse ex contractu, sed quali ex contractu, idque ostenditur in *l. ult. in fin. rem pup. salv. fore.* Distringeretur autem pupillus, si dividenda ei esset actio in plures fidejussores, si divisum illi agendum esset cum singulis: quia, non ut tutores omnes ad eundem judicem mittuntur, ut ante dixi, quod ita constitutum est ex constitutionibus, non ita etiam fidejussores plures: si dividenda esset actio, ad eundem judicem non mitterentur, sed ad diversos, atque ita distringeretur pupillus, *d. l. ult. in fin.* ideoque si plures sint fidejussores unius tutoris, pupillus agit in solidum, quo cum vult, non est distringendus, sed in unum fidejussorem, quem elegit, ei data est actio in solidum, ut eum condemnaret in solidum, sicut in tutorem, qui unicus est, ageret in solidum: ita in quemlibet fidejussorem unius tutoris agit in solidum, excepto casu l. sequentis, quæ explicabitur lib. 7. Et non tantum agit in solidum, sed etiam eum condemnat in solidum, quia non habet beneficium divi-

divisionis, vel etiam; si pupillus egerit cum omnibus fidejussoribus unius tutoris. Finge duos fuisse; si egerit cum duobus, & post litem contestatam unus factus sit non solvendo, alterum proculdubio damnabit in solidum, etiam si initio litis ambo solvendo fuerint, quia & unius eligendi & condemnandi in solidum pupillo jus, potestasque fuit. Fateor alio agente, fidejussores habere beneficium divisionis ex epistola D. Adriani, notissima etiam hodie tabellionibus, si omnes solvendo sint litem contestata tempore, etiam si defierint esse ante litem judicatam: at pupillo agente in plures fidejussores unius tutoris, nego tutoris fidejussores habere beneficium divisionis, d. l. ult. si fuerint, ut diximus fidejussores plures plurium tutorum, ut tutores habent beneficium divisionis, & habebunt quoque fidejussores eorum, quoniam ex persona tutorum conveniuntur, pro tutoribus condemnantur: B quæ est sententia hujus legis summe notanda.

Ad L. XX. ad Senatusconsultum Sillan.

Heres qui veneni causam persequitur, res hereditarias urgentes ordinare, falsis probationum indicibus non prohibetur.

UT intelligatur hæc lex, sic statuo, aliam esse questionem veneni, aliam necis per vim illatæ, quod patet ex l. seq. Quid vero interest veneno? quis necatus sit, an vi, clam, vel palam? hoc maxime; quia si per vim dominus a familia necatus esse dicatur, Senatusconsulto Sillania cavetur, ut non possit heres, si nō sibi hereditatem eripi a fisco, ut non possit, inquam; adire hereditatem, vel quoquomodo acquirere ante questionem habitam de servis, qui sub eodem testō locove fuerunt, quo tempore dominus per vim occisus est, & ante sumptum supplicium de moris: post habitam questionem, post sumptum supplicium, & ultam necem defuncti, tunc adire hereditatem potest ejus, qui necatus est, cum effectu adire potest, non ante. Quod si veneno a familia dominus clam necatus esset, heres non prohibetur adire hereditatem, aut petere bonorum possessionem, quia Senatusconsultum Sillanianum loquitur tantum de domino per vim occiso; non de occiso clam vi carminis aut veneno, l. i. §. occisum, l. necessarios, §. ult. hoc tit. l. g. C. de his quibus ut indig. Et consequenter, ut ait Papinianus in hac lege, heres res hereditarias, urgentes, inquit, ordinare potest, ut puta luere pignora pretiosa, quæ sunt ex bonis defuncti, vel reficere ædificia, quæ ruinam minantur, vel servos hereditarios pascere, aut in opus rusticum mittere, aut distrahere res hereditarias, quæ migis onerant hereditatem, quam fructui sunt. Hæc sunt urgentia negotia hereditaria. Urgentia hæc faciendo, sane videtur heres se pro herede gerere, atque ita sibi adquiri hereditatem. Nam gestio pro herede, est species adquirendæ hereditatis, videlicet si hoc fecerit animo heredis, ut declarat l. pro herede, de acquir. hered. verum ait, heredem qui veneni causam persequitur, res hereditarias urgentes ordinare non prohiberi Senatusconsulto, quod non pertinet ad causam veneni: & non prohiberi falsis probationum indicibus. Nec enim potest distrahere, aut manumittere servum hereditarium probationi idoneum, ne subducatur questioni. Et breviter, pendente causa veneni, quam heres persequitur, ut debet, urgentia negotia hereditaria tractare potest, & necessaria, non omnia negotia hereditaria, quando pendet questio l. Cornel. de venef. tametsi adierit hereditatem, ut potest pendente causa veneni, quod notandum. Nam hoc est præcipuum in hac lege. Si adierit, inquam, pendente causa veneni, non potest tradere, nisi ea negotia hereditaria, quæ urgent maxime. Quid enim, si ipsum heredem apparere iussisse venenum? quid si causam veneni non pertulerit? si deseruerit? vel quid, si perculente lutorie, & perfunctorie? quibus casibus hereditas fisco vindicatur. Igitur interim

A melius est res hereditarias integras servare, quia fiscus venire potest; & eas tamen tractare interim, quæ urgent. Et hæc distinctio fit inter causam veneni, & causam per vim illatæ necis, cum dominus a familia necatus fuisse dicatur, ut si per vim, prohibeatur heres adire ante causam peractam; si veneno, non prohibeatur adire & tractare, quæ urgent, etiam nondum peracta causa veneni. Nam si quis dicatur necatus ab extraneo, non utimur hac distinctione. Nam si veneno sit veneno, si per vim, heres non prohibetur statim adire hereditatem sibi delatam, licet postea debeat ulcisci mortem defuncti, ne ei ut indigno hereditas auferatur. Ceterum statim adire potest, quod Azo sentit recte, & probat l. ejus, qui §. ult. de jure fisci, l. eum, qui §. bonis, de his quibus ut indig. Neque quidquam obstat l. 6. §. l. g. C. eod. quoniam non pertinent ad hanc causam, cum quis est occisus ab extraneo, sed sunt aptandæ ad causam Senatusconsulti Sillaniani, cum quis dicitur occisus a familia sua, hoc est, a servis suis, ubi distinguimus fuerit occisus per vim an clam. At non distinguimus si dicatur occisus ab extraneo.

Ad L. XLI. de Mortis causâ donat.

Quod statuliber uni ex heredibus de peculio dedit; ejus qui accepit, in Falcidia rationem venit, & in hereditatis petitione, item ex Trebelliano restituitur. Ex peculio autem videtur dari, quod statuliber donatum accepit, & dedit. Et quod quilibet alio nomine ipsius eo presente datur: prope est, ut ab ipso datum intelligatur.

C Onstat in quartam partem hereditatis quam per legem Falcidiam, aut exemplo legis Falcidie per Senatusconsultum Pegasianum; & hodie Trebellianum, heres habere debet, ea tantum imputare heredem, quæ quasi heres hereditario jure capit, non etiam ea, quæ capit jure legati, quasi legatarius, vel jure fideicommissi, quasi fideicommissarius, l. si a me tibi, ad l. Falcid. non imputat etiam heres in quartam ea, quæ capit mortis causa, veluti conditionis implendæ causa, ut si quis heres institutus sit ex parte, vel si cui legatum relictum sit, aut data libertas testamento sub conditione, si heredi aut coheredi dederit decem, ea decem heres neque jure legati capit, neque jure fideicommissi, sed mortis causa, & ea non imputat in Falcidiam, quia non ea capit jure hereditario, imo nec jure testamenti, l. 8. si quis omisi. caus. test. sed dicitur generaliter ea capere mortis causa, quod & ei capio obveniat per occasionem mortis testatoris. Ergo multo minus imputabit in Falcidiam heres mortis causa capionem, hoc est, quod ei datur conditionis implendæ gratia. Et hoc ostendit aperte l. in ratione, §. tametsi, & l. in quartam, in princ. & in §. l. i. ad leg. Falcid. Et quod aliter scriptum in d. l. in quartam, §. pen. ius fere verbis, sed & quod implenda conditionis causa, fideicommissum heredi datur in ea causa esse admittendum, sciendum est, ut scilicet in quartam imputetur; nam hic est sensus: id, inquam est, falsum & subditiuum. Nam & a Basilicis, & Pandectis Florent. abest: & prodit falsitatem in eo etiam satis verbum fideicommissi. Quoniam id, quod heredi datur implendæ conditionis causa, non est fideicommissum, sed generali nomine, quia non habet proprium, appellatur mortis causa capio, l. 31. hoc tit. & inter hanc mortis causa capionem, & fideicommissum longa differentia est: Fideicommissum invitus præstat, qui eo oneratus est: mortis causa capio siue adimpleto conditionis dandi est in arbitrio ejus, cui est imposita conditio dandi, nec invitus dare cogitur, & accipere, quod ei relictum est sub ea conditione, d. §. tametsi, item de fideicommissis heres detrahit Falcidiam ex Senatusconsulto Pegasiano, non de mortis causa capione, l. i. §. item si ita legatum, & l. acceptis, ad l. Falcid. Et in dicto §. item si ita legatum, ait, mortis causa capionem, non imputari in Falcidiam, quæ verba sunt alio sensu accipiendæ, quam quo nos deinceps frequenter, dictu

dicturi sumus imputari aliquid, vel non imputari in Falc. A
& quod Pap. ait in hac lege, id, quod statuliber de peculio
dedit heredi, imputari in Falcidiam. Duobus modis di-
cimus aliquid imputari in Falcidiam; Uno, cum nu-
meratur inter ea, quæ patiuntur Falcidiam, quæ minu-
untur lege Falcidia: ut in d. §. item si, l. si a servo, & l. si
quis, l. si a me, eod. tit. quod & hoc loco ita accipiendum
esse in d. §. item si ita legatum, Accurfi. notavit hoc loco,
licet id explicet inconditione & inelegerit. Ergo dum
ait in d. §. item si ita legatum, mortis causæ capionem non impu-
tari in Falcidiam, hoc est, ex ea heredem non deducere
Falcidiam. Altero autem modo, quæ sensu locuturi su-
mus deinceps, imputari aliquid in Falcidiam, id est, nu-
merari inter ea, quæ heredi expleant / conficiuntque
Falcidiam. Et hoc sensu etiam dicimus, mortis causæ capio-
nem imputari heredi in Falcidiam, exceptis certis casibus,
de quib. infra tractabimus. Sicut & priori sensu in
§. item si, mortis causæ capionem non imputari heredi in
Falcidiam, hoc est, non detrahi ex ea Falcidiam, excipien-
dus est casus l. pen. C. eod. tit. excipiebund etiam hic casus,
si servo data & adscripta sit libertas sub conditione, si
extraneo dederit ex periculo suo, quod fuit in bonis
testatoris mortis tempore, l. 44. eod. tit. Ceterum illa
juris definitio, ut ea tantum heredi imputet in Falcidi-
am, id est, ut ea tantum heredi expleant Falcidiam,
quæ jure hereditario capit, est generalis & certiffi-
ma, quam tamen omnes Interpretes nostri tantum ad-
mittunt in Falcidia sive quarta, quæ per legem Falcidi-
am ex legatis deducitur, non etiam in quarta, quæ
per Senatufconsultum Pegasianum, & hodie Trebellia-
num ex fideicommissis deducitur, & cruciant se in inve-
nienda ratione differentiæ, quæ nulla est: Nam hunc
ego jampridem depuli, & proligavi omnium Interpre-
tum errorem, docens per omnia esse legata exaquata
fideicommissis: & quod scripsit Ulpianus in l. i. de legat.
i. non scripsisse eum in omnibus casibus existimo, dedu-
cto argumento ex inscriptione, sed in causâ legis Falcidi-
æ tantum, in qua non vult deduci, & aut separari
legata a fideicommissis. Sed cum queritur, quæ heres
computet in quartam sive in legem Falcidiam, quid im-
putet, inquam, in quartam, sive detrahatur, ex legatis, si-
ve ex fideicommissis, indistincte respondendum est, ut eas
tantum res computet in quartam, quæ capit jure he-
reditario. Nam constat & in quartam Pegasianam, quæ ex
fideicommissis detrahatur, heredem non computare,
quæ capit jure legati, l. filium, C. fam. erisc. nec quod
capit causâ mortis, sive conditionis implendæ gratia,
d. §. item si. Ergo nulla est differentia omnino inter hanc,
& illam quartam, hanc, quæ ex fideicommissis Senatu-
fconsulto Pegasiano, & illam, quæ ex legatis lege Fal-
cidia detrahatur: quia verum est, in neutra computari
alias res, quam quæ jure hereditario obveniunt heredi.
Et in hac re per omnia esse exaquata legata fideicom-
missis. Et d. l. in quartam, quæ in illam errorem sola
omnes induxit, ut putarent faciendam esse differentiam
inter quartam, quæ ex legatis detrahatur, & quartam,
quæ ex fideicommissis, ne te decipiat: sic tibi me au-
tore accipienda est, ut ostendamus modo plane atque di-
lucide explicata tota l. in quartam, quæ lex ait: In quar-
tam hereditatis, quam per legem Falcidiam heres habere
debet, imputari eas res, quæ jure hereditario capit, non
quas jure legati vel fideicommissi, vel implendæ conditionis cau-
sa accipit, nam he, inquit, in quartam non imputantur.
Primum accipe legem Falcidiam latissime, prout dila-
tata & extensa est Senatufconsultis vel constitutioni-
bus; nam quæ erat tantum de legatis, Senatufconsulto
Pegasiano porrecta est ad fideicommissa, & constitutio-
ne Severi ad mortis causâ donationem; non ad mor-
tis causâ capionem, ut in hanc quartam unde detrahatur,
heres computet, tantum ea, quæ jure hereditario capit
optima ratione, quia omnis quarta, sive sit ex legatis,
sive ex fideicommissis, sive ex donatione mortis causâ,
est quarta hereditaria, hoc est ex his omnibus debet
habere heres salvam quartam hereditatis. Et si omnis

quarta est quarta hereditatis, ergo in eam tantum im-
putatur, quod velut ex bonis hereditatis, ex bonis
defuncti jure hereditario capitur. Non ergo computantur
in quartam, sive ex legatis, sive ex fideicommissis vel
aliunde detrahatur, ea, quæ heres capit jure legati, vel
fideicommissi, vel conditionis implendæ causâ, quæ ex-
tero jure capit, ut ait l. a patre, C. de collat. Et subjicit
eadem lex: Sed in fideicommissaria hereditate restituenda,
&c. quia articulus Sen. decepti interpretes. S. d. non est
discretiva particula superioris sententiæ atque regulæ,
sed conjunctiva, ut in auctoribus nostris & exteris sæ-
pissime articulus (sed) non facit differentiam inter
quartam, quæ detrahatur ex legatis, & quartam, quæ
detrahatur ex fideicommissaria hereditate alteri resti-
tuenda: verum conjuncta scriptura JC. ut regulam in-
itio propositam aperiat exemplis, ait, In fideicommissa-
ria hereditate restituenda detracta quarta, sive legati, sive
fideicommissi verbis quid datum sit heredi, scilicet habenti
coheredem, alioquin non possit legari heredi, hoc est:
si quid præcipuum prælegatum præceptionis titulo ei
relictum sit, præceptionis nomine, quoniam id capit
duplici jure, partem a seipso jure hereditario, partem
a coherede jure legati aut fideicommissi, l. legatum, §. i.
de leg. i. l. in fideicommissariam, §. ult. ad S. C. Trebell. eum,
quis, §. ult. de his quib. ut indign. Eum imputare in Fal-
cidiam partem, quam jure hereditario capit a se ipso, non
partem, quam a coherede capit jure legati, ut in d. l.
filium, C. fam. erisc. & l. quod autem, ad l. Falcid. secundum
regulam propositam initio l. in quartam. Item si aliquo
deducto, vel retento, vel accepto, non demonstrata per-
sona, a qua acciperet heres, ut si dixerit: Rogo te acceptis
ducentis restituere hereditatem meam L. Titian. denique si
quo deducto, vel retento, vel accepto simpliciter heres
rogatus sit restituere hereditatem, id quod deducere,
vel retinere, vel accipere iustus est, imputat in Falcidi-
am, quia id totum a seipso jure hereditario ex bonis
mortui capit, l. deducta, acceptis, ad S. C. Trebell. His
traditis, quibus exemplis planior sit regula proposita
initio l. in quartam, regulam illam magis ac magis expli-
cans, ut in quartam, quæ detrahatur ex legatis, aut
fideicommissis imputentur ea tantum, quæ heres capit
quasi heres jure hereditario, non adventitia lucra. Ad
extremum d. l. in quartam: regulam illam magis atque
magis explicans, quod dixit initio, ea quæ heres capit
conditionis explendæ causâ non imputari in quartam,
id, posito exemplo familiari magis dilucidum reddit in
fine legis. Et nihil est, præterea in l. in quartam. Versus
penultimas spiritus est, ut dixi. Verum ad hoc noran-
dum est, quosdam esse casus, quibus etiam id, quod he-
res accipit conditionis explendæ causâ, hoc est, quibus
mortis causâ capionem imputat in quartam. Unus casus
est in d. §. item si, si non figura conditionis heres iustus
sit accipere certam pecuniam a fideicommissario Tre-
belliano, ut si testator non dixerit in hunc modum:
Rogo te heres restituere illi hereditatem, si tibi mille dederit,
sed dixerit hoc modo: Heres, rogo te illi restituere he-
reditatem, acceptis ab eo 1000. quæ verba non habent figu-
ram conditionis, & acceptis ab eo 1000. titulo emptio-
nis, veluti pretio restituere hereditatis, si hoc sensu te-
statores appareat, heres eam pecuniam computabit in
quartam: quia pretium est loco hereditatis, & pretium
habet vice hereditatis. Alter casus est in l. acceptis, eod.
tit. si etiam citra figuram conditionis, aut titulum em-
ptionis acceptis a Cajo 100. quæ scilicet continebant
quartam hereditatis, rogatus sit. Cajo restituere he-
reditatem: nam perinde est, ac si dixisset, accepta quarta
restituas ei hereditatem. Igitur, etsi ea 100. acceperit
de manu Caji, tamen de hereditate capere videtur, &
consequenter, ea computat in quartam. Tertius casus
& ultimus est in hac l. 41. si quis servus, liber esse ius-
sus, implendæ conditionis causâ heredi dederit de pe-
culio suo: frange, servum liberum esse iustum sub con-
ditione, si heredi dederit 100. & heredi decem de pe-
culio dederis, quod tamen ei prælegatum non erat, Nam
etiā

erit peculium quod servo testamento manumisso prelegatum non est, ad heredem pertineat, l. 1. C. de pec. ejus, qui lib. tamen receptum est statuliberum, id est, servum, cui relicta est libertas sub conditione dandi decem heredi, conditionem libertatis implere posse de peculio suo, sive heredi, sive alii dare jussus sit, l. 3. §. 1. C. de pec. cum igitur, l. 13. §. 1. de statul. Et ratio hac est, quia visum est prudentibus, id esse concedendum servo, ut libertatis causa de peculio quasi de patrimonio suo libertatis conditionem impleat, l. si decem, eod. Nam peculium quasi patrimonium servi est, l. hinc quaeritur, §. 1. l. peculium, de pecul. Et ut ex peculio, quod pertinet ad venditorem servi, servus se redimere potest, l. 4. §. 1. de manum. cum non etiam concedamus servo testamento manumisso sub conditione danda certa pecunia heredi, ut ex peculio suo, licet pertineat ad heredem, impleat conditionem & perveniat ad libertatem? Id prudentes, ut ait d. l. si decem, existimantur posse concedi servo sine injuria dominorum. Quod autem ita servus dat heredi de peculio implenda conditionis causa, Papin. ait hoc loco, heredem imputare in Falcidiam, totum scilicet quod accepit, si sit heres ex asse, vel pro parte sua, si sit heres ex parte, ut Glossa notat recte ex l. idem, autem, ad l. Falcid. Id vero hanc rationem habet, quia cum peculium quod prelegatum non est servo manumisso testamento, ipso jure pertineat ad heredem, id quod ex eo capit heres de manu statuliberi non mortis causa capere, sed jure hereditario habere intelligitur, d. l. idem, autem. Ergo merito id imputabit in Falcidiam; & id eum habere jure hereditario patet, & probat adiciens, id quod heredi de peculio dat statuliber implenda conditionis causa, venire in petitionem hereditatis, ut in l. nec illam, §. sed etsi in f. de pet. her. Ergo hereditarium esse; & proficisci ex hereditate defuncti, & ab herede pro herede possideri denique jure hereditario capi, jure hereditario haberi. Quia ratione & id etiam supra legitimum modum non capit, qui ex hereditate testatoris solidum capere non potest, l. qui conditionis, §. 1. h. 2. Ergo est ex ea hereditate, & merito computatur heredi in quartam. Et hoc cum ostendisset Papinianus in hac lege, subiicit; ex peculio domini videri, quod statuliber ab alio donatum accepit eo dedit, & non tantum, quod ipse dedit heredi conditionis implenda causa, sed & quod alius dedit, nomine ipsius, presente eo. Quibus verbis Papinianus nihil aliud significat, quam quocunque modo peculium adquiretum statuliber habuerit, ut ait l. 13. §. 1. de statulib. ex eo eum dare posse heredi conditionis implenda causa, & quod dederit heredi imputari in Falcidiam quasi hereditarium peculium, quasi hereditarium pecuniam. Nec obstat huic sententia Papiniani l. quid conditionis §. 1. hoc tit. quae negat ex hereditate esse id, quod dedit statuliber ex eo, quod quaesivit post mortem testatoris, vel quod alius pro eo dedit de suo post mortem testatoris, quia scilicet non fuit in bonis, quae testator habuit mortis tempore, non fuit in hereditate, quam reliquit moriens. Et sane verissimum est, nec aliter sentit Papin. nec enim quocunque tempore peculium habuerit acquiretum vivo an mortuo testatore, vult, quod ex eo dedit heredi imputari in Falcidiam, quocunque tempore id quaesierit, sed quocunque modo acquiretum habuerit, dummodo id iam acquiretum habuerit mortis testatoris tempore, vel donatum sibi ab alio, & retinuit in peculio, vel aliunde quaesitum, quod deinde det ipsi post mortem testatoris conditionis implenda causa, vel alius nomine ipsius presente eo. Si alius pro eo daret de suo, frustra desideraretur ejus presentia; ut si alius det de peculio ejus, & nomine ejus, exigitur presentia ejus, ut ipse dedisse videatur, sicut conditione causum est, si decem heredi dederit, alioquin non videretur impleta conditio, quae uti concepta est, ita impleri debet, l. qui heredi, de condit. & demonstr. heredi dare jubetur; ergo alii dando non implet conditio-

A nem; & ipse dare jubetur: ergo alius dando non implet conditionem, nisi det nomine ejus presente eo, quia prope est; ac si ipse daret. Presente me, quod sit, meo nomine. & taceat, ego facere videor: presente me, si quis stipuletur mihi, ego stipulari videor, & valet stipulatio; l. si procuratori, de verb. oblig. l. si dictum, §. si presente, de evictio. denique quod alius pro eo dedit de suo, vel quod ipse dedit, non ex peculio suo, quod habuerit mortis tempore extra hereditatem esse, & heredi, qui id accepit mortis causa, non imputatur in Falcidiam, ut l. si mortis, §. 1. qui, & a quibus man. Quod autem ipse, vel alius pro eo dedit, eo presente ex peculio, quod habuerit mortis testatoris tempore, quia id heres intelligitur capere jure hereditario, debet etiam id computari in Falcidiam.

B

Ad L. XXII. de Appell.

Ad principem remissa cognitio, ab eo circumdaci potest qui remisit.

Pertinet hac lex, sicut & l. 26. h. 2. ad illam partem tituli hujus, quae est de relationibus, non ad partem de appellacionibus, ut Glossa putat, quia tota delenda est in hac lege. Nam iudex causam, de qua non pronuntiavit, nec pronuntiare audeo certas ob causas, certis quibusdam rationibus, per relationem remittit & reicit ad Principem, la remoye au conseil prince. Et ut quamlibet interlocutionem mutare iudex, tollere & circumducere potest, l. quod iussit, de re jud. l. dicere, de recept. arb. ita & illam interlocutionem, quae censuit causam esse remittendam ad cognitionem Principis, mutare & circumducere potest. Et hoc est, quod ait, ad principem remissam cognitionem ab eo circumdaci, hoc est, obliterari, posse, qui remisit. Denique eum, qui rem ad Principem remisit cognoscendam, mutata voluntate ipsam causam disceptare potest, si modo ab ejus notatione non sit prorsus aliena. Basilica sic interpretatur: à δικαστηρί, ποταμίας βασιλῆα ἀποστέλλειν, & dicitur, dicitur quod iudex, qui remisit ad Principem cognitionem causae, eam ipse divinare potest, nec transmutare ad Principem, ut initio constituerat, & dixerat utrique parti. Verum addit l. 26. h. 2. hac fieri debere contententibus partibus, non invitis, si forte eorum interit, Principem causae disceptatorem habere. Et idem statuere licet, si quis iudex quos censuerat remittendos non ad Principem, sed ad Praefectum urbi, vel alium iudicem, non quod causa ad ejus cognitionem non pertineat, quia tunc plane non potest se interponere, sed debet causam remittere ad competentem iudicem, sed cum etiam notio ad eum pertinet, ut Divum Marcum legimus apud Iulium Capitolinum Curatoribus regionum, & viarum dedisse potestatem, ut vel ipsi punirent, vel ad Praefectum urbi puniendos remitterent; & eos rejicerent, quia ultra vestigalia quicquam ab aliquo exigissent, ut Praeses quoque provinciae, militem, de quo statuere possidet, si voluisset, criminis reum aliquando remittit ad ducem suum, vel magistrum militum, l. 3. de milit. h. de militibus, de custod. ven. l. ubi de accusat. l. 1. C. de exhibend. reit. ut & Praeses provinciae eum, qui deliquit in sua provincia, de quo sane potuit statuere, interdum remittit ad Praefidem provinciae, ex qua ille oriundus est, l. non dubium, §. ult. de custod. reit. Verum in ea sententia persistere non cogitur, sed de eo etiam, quem remittendum censuit ad alium iudicem, cum & ad ipsum notio pertineat, postea mutata sententia decernere potest.

E

Ad L. CCXIX. de Verb. signif.

In conventibus contrahentium voluntatem potius, quam verba spectari placuit. Cum igitur ea lege fundam vestigalium municipis locaverim, ut ad heredem ejus qui suscep-

suscepit, pertineret: jus heredum ad legatarium quoque A transferri potuit.

Uratores reip. vel magistratus municipales, agrum civitatis vectigalem, hoc est, quem solent municipes dare in emphyteusim, qui contractus est satis frequens, aut jure emphyteutico locari solitum, locaverunt in perpetuum, ea lege, ut ad heredes conductoris pertineret, soluto Reip. annuo vectigali & canone. Certissimum est, in hoc contractu heredem intelligi in infinitum per multas successiones, ut in l. 65. §. 70. h. t. Igitur certum est jus *emphyteuticum*, ex lege hujus conventionis, sive contractus transferri in heredem heredis & ultioris heredes, aut bonorum possessores, quia loco heredum sunt. At quaeritur, an transferri etiam hoc jus praedii vectigalis, sive jus emphyteuticum possit in legatarium, puta conductore, vel herede ejus legante fundum vectigalem alteri, quo genere non legat proprietatem, quae Reip. est, sed jus emphyteuticum, quod in eo agro habet. Et respondet Pap. ex hac conventionem, & jus emphyteuticum posse transferri in legatarium, idque aliquatenus confirmat l. si dominus 74. §. ult. de leg. 1. Nec obstat, quod in lege locationis, facta est mentio heredis tantum, non legatarii, & quod ut hereditatis nomine non continetur legatum, l. si Titius, de leg. 3. ita heredis nomine non videtur contineri legatarius, ergo lex conventionis non continet legatarium, ac proinde emphyteusim non posse transferri in legatarium. Etsi enim ita est si species verba; tamen ex mente contrahentium, quae verbis potior est, Pap. ait, jus emphyteuticum etiam in legatarium posse transferri, quia id actum videtur inter contrahentes, quod fit vulgo in locandis & conducendis agris vectigalibus, ut perpetua ea locatio esset, utque transiret in quemlibet successorem ex supremo judicio defuncti emphyteuticarii. Et hac est sententia legis. Alciatus putat, etiam hoc jus in specie proposita posse transferri in donatarium. Ego subdito: quia facile mihi persuadeo, videri quidem contrahentes, qui heredi caveant, etiam cavisse aliis successoribus, qui modo heredi similes essent, ut legatario vel fideicommissario, quia, ut heres est successor ex voluntate ultima & judicio defuncti; sunt in hoc similes, heres & legatarius, in ceteris dissimiles, fateor; quia heres est successor juris, legatarius successor rei. At non credam eos cavisse per omnia dissimili successoribus ab herede, ut puta donatario vel emptori, qui successor est ex contractu, vel ex liberalitate viventis, non ex ultima voluntate, l. de accessionibus, de dures. & temporal. praefiri. Non nego, quin jus emphyteuticum possit alii donari, aut vendi salvo jure vectigalis, l. 1. C. de fund. patrimon. lib. 11. Sed dico in specie proposita, neque ex verbis, neque ex mente contrahentium esse, ut, quod ad heredem pertinere cavemus, pertineat etiam ad successores heredi dissimiles per omnia. Et quod dicitur statuliberum, qui heredi dare iussus est, emptori dando, cui heres vendidit, implere conditionem, hoc lex xii. Tabul. nominatim induxit favore libertatis, l. statuliberum, §. ult. de statulib. & Ulpianus lib. regul. eod. tit. Porrexit lex nomen heredis ad emptorem, & emptoris rursus nomen produxit ad omnem dominum statuliberi: proinde & heredis quoque nomen produxit, & pertulit ad legatarium, & donatarium, & emptorem, & omnem omnino, qui quocumque dominio in statulibero nactus est, ut ei dando, qui heredi dare iussus est, adipsiceretur libertatem. Legis est augere, & producere vim, & significationem verborum. Hæc est lex ultima hujus libri. At hoc nondum est explicatae leges sumptas ex eo libro, sed explicandi etiam sunt loci, in quibus Pap. libro 2. respondit ab aliis auctoribus citatur.

Ad §. Sed & quod Pap. L. VII. de Minoribus.

Sed & quod Pap. libro 2. Respons. ait, minori substitutum servum necessarium, repudiante quidem hereditatem minore necessarium fore; & si fuerit restitutus minor, liberum Toni. IV.

nihilominus manere: si autem prius minor adite hereditatem, mox abstinens est, substitutum pupillo servum cum libertate, non posse heredem existere, neque liberum esse, non per omnia verum est, nam si non est solvendo hereditas, abstinens se herede, & Dromus Pius rescriptis, & Imperator noster, & quidem in extraneo pupillo, locum fore necessario substituto, & quod aut liberum manere, tale est, quasi non & heres maneat, cum pupillus inpetrat restitutionem, posteaquam abstinens est; cum enim pupillus heres non fiat, sed utiles actiones habeat, sine dubio heres manebit, qui semel exiit.

Ulpianus in l. 7. §. sed & quod Pap. de minorib. refert, Pap. hoc libro 2. tractasse hanc speciem. Finge: Quidam extraneus L. Titium minorem xxv. annis puberem vel impuberem, heredem instituit, & vulgariter ei substituit cum libertate Stichum servum suum hoc modo: L. Titius heres esto, si Titius heres non eris, servus Stichus meus liber & heres mihi esto. Hæc est substitutio vulgaris. Minor repudiavit hereditatem, & abstinuit hereditate, & confestim servus vocatus est ex substitutione vulgaris, & defuncto factus heres necessarius, simul ac factus est liber, quia cum libertate ei fuit relicta hereditas, nec sine libertate potuit relinqui. At postea minor restitutus est in integrum rescissa repudiatione, vel abstentione, ut hereditatem obtineret, quam inconsulto repudiavit, Papin. ait, jure restitutionis in integrum eum ablatum servo bona hereditaria, quæ occuparat jure substitutionis; non etiam libertatem, quæ semel ei obligit ex testamento, sed ablatis bonis nihilominus, inquit, liber remanebit. Et ita Pap. respondit, quem reprehendit Ulpianus vel calumniatur, quasi voluerit Pap. quod sane non credo voluisse, propterea quod tantum scriptis liberum eum manere: liberum quidem eum manere, sed non heredem scripsit, inquit, Ulpianus, liberum eum manere, non adiecit etiam eum heredem manere. Ergo existimasti eum heredem non manere; quod falsum est, quia heres manet, qui semel exiit secundum regulam juris, semel heres, est in perpetuum heres, l. ex facto, §. ult. de vulg. substit. l. ei, qui solvendo, de her. insti. Ergo liber & heres manet ipso jure, sed habet tantum nudum nomen heredis, quia heres est sine re, propterea quod minor ei rem abstulit per restitutionem in integrum; at jure & nomine sana heres est: & Prætor minorem in integrum restitutum non potuit facere heredem, quia Prætor non facit heredem, sed bonorum possessorem, §. quos autem, insti. de bon. poss. Ergo minorem restitutum non facit heredem, sed tantum tuebitur eum tanquam heredem, non datis directis actionibus, sed datis utilibus actionibus, non eris heres, sed qui exiit ex substitutione, non est heres, sed quasi heres, ideo utiles, id est, quasi hereditarie actiones ei dantur, l. 2. §. interdum, de vulg. substit. At quid dicemus e contrario, si prius minor 25. annis adierit hereditatem, mox abstinens sit beneficio restitutionis in integrum? Et hoc casu Pap. respondet, servum substitutum non posse ad hereditatem venire ex substitutione vulgaris, quia ea substitutio perempta est additione hereditatis instituti, l. post aditam, C. de imp. & aliis substit. l. 6. C. de legat. l. 13. C. de fideicom. nec restitutum minorem adversus additionem, restituitur substituto, quæ interit semel. Non est regressus, ut Dialectici dicunt, a privatione ad habitum; & consequenter respondit Pap. eum servum non posse pervenire ad libertatem, quia ei relicta est a gradu substitutionis, & a semetipso, ut sublato eo gradu per additionem plane sit necesse etiam extinguere libertatem. Et alia est ratio l. 2. de manum. test. quia in ejus legis specie servo substituto vulgariter, libertas relicta fuit: & a primo & a secundo gradu, ideoque licet repellatur a secundo gradu, h. e. a substitutione vulgaris, tamen non repellitur a libertate, sed ad eam pervenit ex primo gradu, quia utroque relicta fuit. At in proposito casu fuit tantum relicta libertas a secundo gradu, & ideo aditio minoris, qui adivit ex testamento, ex institutione, exglussit servum tam hereditate, quam libertate. Excludit

M m m

etiam

etiam legitimum heredem, quia ubi exstitit heres ex testamento, remouetur legitimus. Consequens est igitur, ut in proposito casu fisco vocetur ad ea bona, tanquam vacantia, ut in *l. ult. de success. edic.* Ad hoc quoque responsum vellicat Ulpianus, dicens non esse per omnia verum, esse partim verum, partim falsum. Nam in proposito casu, si hereditas solvendo non sit, & ideo periculum sit, ne bona veneant a creditoribus defuncti nomine, quod olim defuncto irrogabat infamiam (id est certissimum, ex oratione pro Quintio, & ex *l. ult. duobus aut tribus locis*) ex rescripto Divi Pii, & Anton. servum substitutum minori etiam post aditionem minoris, qui postea se abstinuit, vocari ad hereditatem jure singulari, famae defuncti conservandae causa: ne scilicet, nullo existente herede, nempe excluso servo substituto aditione instituti ipso jure, & pariter excluso legitimo herede, & fisco utique non vindicatore hereditatem, quae non est solvendo, ne bona veneant defuncti nomine, sed servi potius nomine: vocari servum non tam ex substitutione, quae exprimitur ipso jure, quam ex illo rescripto: sicut ex Novell. Justiniani, de hered. & Falcid. alio casu jure singulari post aditionem substitutus vocatur. Et fit igitur servus ille liber, & heres veluti ex testamento, quia rescriptum illud heredem facere potest. Princeps heredem facere potest, & vere facit, tanquam ex testamento, sed re ipsa non magis hereditatem quam infamiam consequitur, ut ait *l. 3. C. Theod. de inoffic. test.* quoniam servi nomine bona veneunt, atque ita servus infamabitur, idemque liber nuper factus. Et sane a responso Papiniani hic casus excipendus est, ergo huius responso non est locus aliter, quam si solvendo sit hereditas. Locus est elegantissimus: cetera sunt facilia.

Ad L. XX. de Minorib.

Papinianus lib. 2. Responso. ait: exuli reverso non debere prorogari tempus in integrum restitutionis statutum: quia abfuit, cum potuerit adire praetorem per procuratorem. Nec dixit, vel praesidem ubi erat. Sed quod idem dicit, & indignum esse propter irrogatam poenam, non recte. Quid enim commune habet delictum cum venia aetatis? si quis tamen major 25, annis intra tempus restitutionis statutum conestitatus postea desisterit: nihil ei proficit ad in integrum restitutionem conestitatio: ut est sapientissime rescriptum.

Idem ex eodem libro citatur in *l. 29. eod.* in hac specie: minor 25, annis circumscriptus in negotio aliquo, deinde ex delicti causa relegatus in exilio consumpsit legitimam aetatem, & tempora petendae restitutionis in integrum: Quæritur, an reversus ab exilio possit restitui in integrum post tempora petendae restitutionis in integrum, ob id, in quo circumscriptus fuit ante relegationem, prorogato ei tempore restitutionis in integrum, quo assuerit? (ut Florentiae scriptum est prisco more, assuit pro abfuit, quod non intellexit Accursus, & ita in *l. curator, de test. & cur. datis*, curator pupillo dari potest, si tutor ejus assuerit pro abfuerit sine dubio.) Respondet autem Papinian. non posse eum restitui in integrum redeuntem, hac ratione, quæ etiam proponitur in relegato in *l. sed etsi per procuratorem*, §. 1. quib. ex caus. major, quia imputatur relegato, cur non intra tempora petendae restitutionis in integrum per procuratorem eam petierit a Prætorē: nam relegatus potuit facere procuratorem ad petendam restitutionem in integrum, cur non fecit? Per procuratorem eam obtinisset a Prætorē; non adiecit a Præside, ubi erat, ubi poenaungebatur. Et recte hoc non adiecit, nec reprehenditur, ut Glossa existimat ab Ulpiano, quia hoc non adiecit, quia nec potuit a Præside provinciae, in quam relegatus erat impetrare restitutionem ex negotio gesto in urbe, & non in ea provincia: ergo non dixit ei imputari, qui non petierit restitutionem a Præside provinciae, in quam relegatus erat, sed quod eam non petie-

rit sibi dari in urbe ipsa, & civitate quam retinuit a Prætorē per procuratorem suum. Verum Papinianus addit aliam rationem; quia indignum est, eum restitui propter poenam exilii ei irrogatam, quod scilicet in exilio consumpsit tempus petendae restitutionis. Hanc secundam rationem reprehendit Ulpianus: quia causa restitutionis separata est a causa poenae: & non obstat ullo modo altera alteri, sed causae restitutionis obstat sola temporis præteriti ratio.

Ad §. Papinianus L. VIII. de Inoff. test.

Papinianus libro 2. Responso. ait, contra veterani patrisfamilias testamentum, esse inofficiosi querelam, etsi ea sola bona habuit, quae in castris quaesierat.

In hoc §. ex libro 2. Responso. Papinianus refertur, quod est facillimum; primo, contra testamentum veterani patrisfamilias in quo exheredavit filium, posse filio exheredato dari querelam inofficiosi testamenti, etiam si is veteranus habuerit tantum bona castraensia, de quibus sit testatus jure communi, non jure militari intra annum missionis, quod est certissimum. Et caute ait: veterani patrisfamilias. Nam contra filiifamilias testamentum, qui testatus est de castraensi peculio non daretur querela inofficiosi testamenti, *l. ult. C. eod. tit.*

Ad §. Unde ead. l.

Non male Papin. lib. 2. responso. refert, si heres fuit institutus, & rogatus restituere hereditatem: deinde in querela inofficiosi non obtinuit: id quod jure Falcidia potuit habere, solum perdere.

Est etiam facile; quod est in *l. unde*, qui egit querela inofficiosi testamenti, & non obtinuit, perdit id omne, quod ex testamento ferre potuit jure legati, aut fideicommissi, vel jure Falcidia, vel alio modo ut in §. meminisse, ead. l. Finge, filium fuisse heredem institutum, & rogatum post mortem patris restituere hereditatem L. Titio: est institutus, sed nihilominus agere potest querela quasi exheredatus, quod mox rogatus sit hereditatem restituere alteri: Et forte non sufficit Falcidia legitima portioni. Finge; fuisse heredem ex parte tantum, & rogatum partem restituere confestim, & ideo egisse querela adversus fideicommissarium, quod eum posse probat *l. i. C. de inoff. testam.* sed non obtinuisse, quid fit? Perdet ne Falcidiam? sic videtur, ut in *l. 5. §. pen. de his, quib. ut indig.* perdet Falcidiam, ut nihil ferat ex testamenti causa, ex testamento, qui testamentum in vanum accusavit & quantum in ipso fuit, everit. Dedit autem servavit fideicommissario, nec cedit fisco, non fiet hac injuria fideicommissario, ut ei fiscus auferat dodrantem, sed fiscus auferat tantum filio, qui non obtinuit quadrantem, id est, Falcidiam, ut indiguo.

JACOBI CUJACII J.C.

COMMENTARIA

In Lib. III. Responso. AMILII PAPINIANI.

Ad L. LXVIII. de Procur.

Quod procurator ex te domini, mandato non refragante, stipulatur: invito procuratore dominus petere potest. (*)

Hujus legis est unus tantum versus, maxime tamen operosus. Primum enim, quia in Basilic. lib. 8. tit. 2. sententia hujus legis negative concipitur hoc modo: Quod procurator ex te do-

(*) Vide Merill. variant. ex Cujac. cap. 9. lib. 1.

domini non refragante mandato stipulatur: invito procuratore, dominus petere non potest; videndum est, utra sit verior, negativa an affirmativa. Etiam videndum est, quid sit ex re domini stipulari; & cur adjecta sint illa verba, non refragante mandato: & procurator, qui proponitur stipulatus aliquid ex re domini, utrum sibi sit stipulatus an domino: an quidquam inter sit sibi, an domino stipulatus sit? ac præterea videndum est, quo referatur, quidve significent illa verba, invito procuratore? Prima & principalis questio, quæ proligabit ceteras omnes, est de veritate scripturæ, quoniam non affirmative, ut vulgo, sed negative legitur in Basilicis: *Invito eo dominus petere non potest*, his verbis, *ἀπορροῦ αὐτῶ ἀναστῆναι ὁ δὲ πατρὶς ἀδελφὸς ἐστίν*. Pro negativa facit omnino *l. possessio quoque, §. ult. de acquir. poss.* quæ de procuratore loquitur, qui rem emit ab aliquo mandato aut voluntate domini, nec distinguit ex pecunia domini emerit, an pecunia sua vel aliena; ergo B loquitur etiam de procuratore, qui rem emit ex pecunia domini, ut fit plerumque, ex re domini, & stipulatus est duplam evictionis nomine; & tamen lex ait, ex evicta actionem evictionis contra venditorem domino non dari invito procuratore: utitur isdem verbis idem auctor, re evicta actionem ex stipulatu de dupla non dari domino invito procuratore, hoc est, sine cessione procuratoris, ut ipsa lex interpretatur: Ceterum cogitur eam cedere per actionem mandati, & tamen eam actionem procurator paravit ex re domini, id est, ex pecunia domini emptæ re, & paravit sibi, atque quæsit eam actionem, quia emit sibi: alioquin si domino emisset, nihil egisset *l. multum, C. si quis ait, vel sibi*: quia si domino emisset, neque sibi emisset, quia noluit sibi emere, & testat voluntas ejus, quia cessante sibi non emisset, nec domino jure prohibente, quia alteri liber homo emit inutiliter: & quod ait *d. l. multum*, ei est simile, quod proponitur in *l. si genero, C. de jur. dot.* Pro negativa etiam facit, quod si ex re domini parata actio procuratori domino competit invito procuratore, semper per procuratorem domino acquirerentur actiones: quia quicquid procurator gerit, id omne consistit in re domini, in administratione rerum domini: & nihil interest, ex re dicitur, an in re, ut *l. homo liber, §. 1. de acq. rer. dom.* & Græci hoc loco, *ἡ τοῦ ἀπαγορευμένου ἀδελφότης*. At regula juris est: Per procuratorem non semper nobis acquiri actiones, *l. 72. h. t. non semper*: hoc est plerumque non acquiri, ut in *l. solutum §. per liberam, de pig. ut. Initio ait, per liberam personam, veluti per procuratorem plerumque non acquiri actionem: & in fine, non semper acquiri actionem, sicut etiam in *l. 5. C. de cons. stip. non semper ex nuda pactione actionem nasci*, quæ regula juris esse dicitur in *l. juris gentium, de pact.* Regula juris constituitur ex his, quæ sunt plerumque, *ἐπὶ τῷ πλείοντι*. Tertio loco confirmatur etiam negativa hoc argumento: jure singulari receptum est utilitatis gratia, propter crebrum & necessarium usum creditæ pecuniæ, propter quam, & pleræque alia singularia recepta sunt in credita pecunia, ut ait *l. singularia, de reb. cred. ut scilicet ex causa creditæ pecuniæ indistincte, si ve ea pecunia fuerit domini si ve procuratoris, ut patet ex *l. 126. §. Chryfogonus, de verb. oblig.* ut inquam, ex ea causa domino ipso jure sine ulla cessione, ut ait *l. 2. C. per quas poss. nob. adq.* ut inquam, ex ea causa domino ipso jure sine cessione procuratoris eo invito acquiratur actio creditæ pecuniæ, si modo ejus nomine credita sit: ipso jure dominus invito procuratore habet actionem creditæ pecuniæ si certum petetur ex numeratione, si ve eondictionem ex mutui causa; ergo jure communi si nomine suo non domini procurator pecuniam domini det mutuam, vel etiam si ex alia causa procurator ex pecunia domini sibi querat actionem non domino; ea domino sine cessione procuratoris & mandato non competet; *d. §. Chryfogonus*. At specialiter etiam ea negativa confirmatur ex eod. *§. Chryfogonus*. Nam ex illo §. patet, etiam si libertus rem agens patroni sui, patroni mutuum pecuniam dederit & stipulatus sit, patrono eam pecuniam reddi, neque patrono acquiri actionem ex stipulatu, quia alteri liber homo stipulatur inutiliter, quæ**

lis est libertus, qui juri nostro subiectus non est, neque bona fide nobis servit; neque acquiri liberti actionem ex stipulatu, qui non sibi est stipulatus: denique stipulando patrono nihil egit, vel etiam si libertus stipulatus sit, ut ille §. ponit, in usuris, quas ait libertum sibi stipularum videri, hoc casu patrono sine cessione liberti non datur actio ex stipulatu. Ceterum libertus compelli potest, ut eam cedat per actionem mandati, ut in *l. possessio quoque, §. ult.* At sine cessione ex stipulatione procuratoris sibi facta, dominus suo jure nullam actionem habet, etiam si ejus pecunia fuerit, quam negotiaris est libertus. Denique ille §. ostendit, ex re domini sibi liberti stipulante invito patrono, non dari actionem, & quod ille §. ait de usuris, id confirmat exemplum, quo utitur Glossa hoc loco, dum stipulari ex re domini interpretatur stipulari fructus vel usuras ex re domini: fructus veluti partem fructuum, vel certam pensionem locato prædio domini patrono partiariorum, vel constituta pecuniaria mercede, certoque pretio (alii enim colunt nummis, alii colunt parte frugum locatori data, qui dicuntur coloni partiariorum) vel etiam si stipuletur usuras pecunia domini tenori occupata, ut vult Accurs. si stipulatur ex re domini. Et usurarum exemplum, ut dixi, confirmat ille *§. Chryfogonus*. Confirmare etiam Theoph. videtur in *§. de iis, inst. per quas personas nobis acquir.* Bartolus hoc loco male rejicit illud exemplum usurarum, quod ex pecunia domini usura non proveniat: non provenit quidem pecuniæ usura natura, *l. si navis, de rei vindic. l. usura, de verb. signif.* Quia pecuniæ pecunia naturaliter non generat; quæ ratione Aristoteles dicit, usuram esse contra naturam; sed provenit usura tamen jure obligationis, & quasi fructus redditusve pecuniæ est, *l. 2. de usuri. ear. rer. l. alium, de alimen. leg.* Ergo recte dices, ex re domini stipulari procuratorem, qui credita pecunia domini stipulatur usuras, quia usuræ pecuniæ fructus esse intelliguntur jure civili. Addamus etiam alia argumenta, ne videamur temere illam negationem admittere. Confirmatur belle negatio in libris Basil. ex eo quod, ut ex re mea mihi libero homo acquirat actionem, quam sibi ut quereretur fatigat nominatim, hoc tantum receptum est jure civili in libero homine, qui mihi bona fide servit, qui se putat esse servum, me etiam existimante cum esse servum, qui quod stipulatur sibi ex re mea, mihi acquirat. Et hoc constitutum est, ut ait *l. iusto, de usurp. & usucap.* in eo tantum homine, qui bona fide nobis servit, adeo ut nec per liberum hominem, quem filium meum, & in mea potestate esse existimo, mihi ex re mea acquiratur actio, *l. per eum, in princip. de acquir. possell.* & ratio explicatur in *d. l. iusto*, cur per liberum hominem, quem possidemus ut servum, acquiramus ex re nostra, & tamen per liberum hominem, quem possidemus, ut filiumfamil. non acquiramus ex re nostra. Unde restat & per procuratorem meum non acquirere me actionem ex re mea. Et postremo cum negationem corroborem tot testimoniis, & argumenta adfirmativa nuda sint, & destituta omni adminiculo, dicamus veriore esse negationem. Et, ne qua dubitatio redeat, legem hanc esse accipiendam de procuratore, qui ex re domini stipulatur partem fructuum locato fundo domini, vel qui stipulatur usuras, credita pecunia domini, vel qui vendita re domini, stipulatur pretium dari sibi soli, ut *l. liber homo, §. ult. de stipulat. serv.* vel qui pecuniam domini mutuo dat suo nomine, & sibi reddi stipulatur. De procuratore igitur hanc legem loqui dicamus, qui ex re domini stipulatur, non refragante mandato, hoc est, etiam si hoc faciat voluntate domini vel mandato: ut scilicet, id, quod stipulatus fuerit, volente domino ex re domini, dominus invito procuratore, id est, sine cessione actionis ex stipulatu petere non possit. Ex quo etiam apparet (*) loqui Papinianum de procuratore, qui sibi stipulatus est ex re domini, alioquin non posset cedere actionem, & cessionis significatio ineffectus illis verbis *invito*

M m m 2 10

(*) Vide Merill. variant. ex Cujac. lib. 1. cap. 9.

to procuratore: atque ideo non loqui Pap. de procuratore, qui domino stipulatur. Multum enim interest domino stipulatur, ut custodite ait l. 3. C. de contrah. stipulat. an sibi stipulatur etiam ex re domini. Nam si domino absentis stipulatur, nihil omnino agit, ut ait l. 3. C. de contrah. stipulat. l. 3. C. de inutilib. stip. Quoniam si praesenti stipulatur, praesens ipse stipulatus videtur, & valet stipulatio, eique actio competit quasi ex suo stipulatu, ut diximus in l. quod statulib. de mort. caus. donat. Alioquin qui domino, licet ex re domini, absentis stipulatur, nihil omnino agit, & prorsus inutilis stipulatio est, l. quocumque, de obl. & act. exceptis casibus certis; quibus ex equitate datur domino utilis actio; quos adnotare hoc loco non est necesse, quoniam tota quaestio est de procuratore, non qui domino stipulatur, sed qui sibi stipulatur. Procurator etiam stipulatur ex re domini, & voluntate, jussu, mandato domini absentis, non nihil agit, quia sibi acquirit actionem, eamque domino cedere debet, & praestare cogitur actione mandati; alioquin domino ipso jure, neque directa, neque utilis competit actio procuratori stipulante sibi ex re domini. Et hoc quidem regulariter verum est, & haec etiam lex habet formam, & speciem regulae; sed quidam sunt casus, quibus, & sine cessione domino competit actio utilis causa cognita, etiam sibi procurator stipulatus sit, si stipulatus sit, ut fit, ex re domini, ut servatur in omnibus stipulationibus. Praetorilis utilitatis causa, quoniam eas plerumque interponimus per procuratorem, veluti stipulationem judicatum solvi, vel de rato, vel damni infecti. In praetoris stipulationibus, inquit l. 5. de prae. stip. (cujus pars est l. damni §. ult. de damn. inf.) non ergo in conventionalibus, sed in Praetoriis hoc observatur, inquit, contra regulam juris, ut causa cognita non passim domino detur utilis actio, licet procurator suo nomine stipulatus sit; idque probat l. in causa, §. ult. & l. seq. h. r. Additur etiam alius casus in d. l. 5. de prae. stip. cum scilicet dominus ex contractu procuratoris ad exemplum infortiorae actionis, tenetur actione ex contractu, licet sibi contraxerit procurator, & sit procurator solvendo, nam cum is procurator veluti infitor est, ex contractu ejus, omisso procuratore, ei, qui cum eo contraxit, est utilis actio infortiora in dominum, quam exposuit ante lib. 1. in l. libero, in prin. de neg. gesti. Hoc vero casu aequum est, ut etiam ex contrario domino detur actio utilis in eos, qui cum procuratore contraxerunt, maxime si procurator non sit solvendo, h. e. si rem a procuratore servare non possit, ut in l. Julianus, §. si procur. de act. emp. l. 1. in fi. & l. 2. de inst. act. Est etiam tertius casus singularis, si procurator militis, pecuniam militis mutuam det, & sibi reddi stipulatur, nam receptum est favore militie, ut & sine cessione militi competat actio utilis creditae pecuniae, l. si pecuniam, de reb. cred. sicut in tutore & curatore est receptum favore minorum, ut si pecuniam pupilli crediderint & sibi stipulati sint, vel si ex pecunia pupilli sibi emerint fundum, ut pupillo detur repetitio creditae pecuniae etiam invito tutore vel curatore, sine ulla cessione, vel utilitatis vindictio rei emptae sua pecunia, l. 2. quando ex fact. tut.

Ad L. XXXII. de Neg. gesti.

Fidejussor imperitia lapsus, alterius quoque contractus, qui personam ejus non contingebat, pignora vel hypothecas suscepit: Et utramque pecuniam creditori solvit existimans indemnitati suae, confusus praedictis, consuli posse. Ob eas res iudicio mandati frustra convenitur, & ipse debitorem frustra conveniet, negotiorum autem gestorum actio utrique necessaria erit. In qua lite culpa aestimari satis est, non etiam casum; quia praedo fidejussor non videtur, creditor ob id factum ad restituendum iudicio, quod de pignore dato redditus, cum videatur ius suum vendidisse, non tenebitur.

Sunt in hac lege duo responsa Papin. quorum primo adjungemus aliud ex eod. lib. quod est in l. 2. inf. de

A pignorib. secundo adjungemus aliud ex eod. lib. in l. 25. depof. In ponenda specie primi responsi interpretes nullo modo inter se conveniunt: aliam speciem ponit Paulus Cast. aliam atque aliam incertus atque inconsistent Odofredus, ceteri quique suam, nec ulli eam tenere videntur, propterea quod nec verba ejus legis tenent, quod apparet potissimum in illis verbis; Confusus praedictis, quae sic Paulus interpretatur, retentis praedictis, repetitis, quod, quis non rideat? alii, confusus praedictis, id est, confuse obligatis; alii confusus praedictis, h. e. confuse liberatis & respignoratis. Species verissima haec est: Creditor, cui debebat quidam pecuniam ex duobus contractibus sub diversis pignoribus vel hypothecis praedictorum, in unum tantum contractum fidejussorem accepit, non in utrumque contractum. Dico eum fidejussorem accepisse in unum contractum, non in utrumque. Pignora autem singula, siue praedia singula pignori accepisse in singulos contractus, non eadem in utrumque contractum: nam si eadem praedia pignori creditori accepisset in utrumque contractum, fidejussor conventus non posset ulla pignora in se transferre, aut compellere creditorem, ut in se transferret, nisi soluta utraque pecunia, quia in utramque pecuniam eadem pignora tenentur creditori, & ita est, productum in l. 2. C. de fidejuss. At si singuli contractus sua habuere pignora, potuit fidejussor soluta pecunia, in quam fidejussit, ejus contractus pignora ad se traducere, non soluta altera pecunia, in quam non fidejussit, & ita debuit versari in illo negotio, quia fidejussisset in unum contractum tantum, debuit solvere pecuniam ex eo contractu debitam, atque ita ad se traducere pignora ejus contractus, de altero contractu, alioquin pignori non curare. At, ut ponitur in hac l. fidejussor imperitia lapsus, ex utriusque contractus causa, quavis in utrumque non fidejussisset, utramque pecuniam solvit creditori, atque ita utriusque contractus pignora, utraque praedia a creditore suscepit titulo emptionis, ut fit, l. 2. l. 5. ult. de distr. pign. In quo fuerit imperitia lapsus, valde diligenter querunt interpretes, non animadvertentes Pap. ipsum, in quo ipse fidejussor fuerit imperitia lapsus, solvendo utramque pecuniam, & liberando utraque pignora, satis demonstrare, dum ait, existimans indemnitati suae confusus praedictis consuli posse; in quo est imperitia lapsus, aut cur est imperitia lapsus? Quia, inquit, existimavit indemnitati suae confusus praedictis consuli posse: non erravit in facto, ut quidam volunt, non ignoravit, se in unam tantum causam fidejussisse, non in utramque, sed minus perire suae indemnitati prospexit, dum existimavit, sed id quod solveret creditori melius servare posse, confusa ratione utriusque pecuniae, & utriusque hypothecae, & utrique praedictis communi calculo subiectis, quam discrete & separatim habita ratione contractus & hypothecae cujusque. Imperite: quia non potuit confundere & commiscere diversorum contractuum causam. Itaque quod solverit creditori suo nomine ex contractu in quem fidejussit, id ex pignoribus tantum ejus contractus sibi servare poterit per vindicationem, & retentionem eorum pignorum, quasi in locum creditoris successerit, non etiam per vindicationem, aut retentionem pignorum alterius contractus, quae in eam causam non tenerentur: quod autem solverit ex altero contractu, in quem non fidejussit, id neque poterit servare ex pignoribus ejus contractus, in quem fidejussit, quia in hanc causam obligata non sunt, neque ex pignoribus ejus contractus in quem non fidejussit, quia tametsi soluta pecunia ex eo contractu debita, in quem non fidejussit, pignora titulo emptionis accepit, ut posuimus, ea tamen ut extraneus quilibet emptor accepit. Et alius quidem extraneus emptor ea teneret jure domini, quasi empti a creditore jure conventionis, vendente pignora jure suo; quoniam hoc casu evenit, ut docent Inst. ut qui non est dominus pignorum, puta creditor, transferat dominium eorum in emptorem. At ipse fidejussor, neque ea pignora jure domini tenebit, quia non tam adquirenti domini causa emit, quam ut suae indemnitati

confusus prædiis consuleret, neque tenebit etiam ea jure pignoris, quia ut extraneus emit, cum ei non debuissent ea pignora esse curæ, propterea quod in eorum causam non fidejusserat, & extraneus emptor pignorum tantum abest, ut succedat in pignus, id est, in jus pignoris, ut solvat potius & extinguat pignus: denique extraneus emptor, aut in dominium succedit, aut nullo jure succedit. Igitur fidejussor neque caute, neque perite consulit sibi, qui utraque pignora redemit soluta utraque pecunia ut confusus & commixtis utrisque pignoribus alia aliis subsidio essent servandæ fidejussori indemnitis causâ, quod fieri nequit, quia non potest fidejussoris arbitrio confundi, quod divifit, & distinguit conventio contrahentium, unde nec actione mandati contraria potest fidejussor sibi servare solutam pecuniam ex contractu, qui personam ejus non contingebat, hoc est, in quem non fidejussor, nec mandatum ei erat, ut fidejuberet, quia res ea extra causam mandati est; extra negotium mandati, quod est gestum inter eum & debitorem, qui ei mandavit, ut fidejuberet in unum contractum tantum, non in utrumque, ut unus contractus tantum esset sponfor non utriusque, ut de uno contractu curam susciperet, non de utroque. Et similiter cum eo fidejussore debitor eadem ratione, oblata ea pecunia, non potest agere mandati directo judicio, ut ea pignora recipiat, quæ fidejussor ultro redemit, cum ejus contractus onus fidejussorem non respiceret; denique quantum attinet ad eum contractum, ejus nomine fidejussor non intercessit, frustra cum fidejussore agit mandati, frustra agitur inepta actione & incongrua, inepta actio inanis est. Et utique in hac causâ, quia cessat mandati actio ultro citroque, utique est necessaria actio negotiorum gestorum, ut ait; debitori, quia negotium ejus est, ut pignora ejus contrahat recipiat oblata pecunia fidejussori, quam ultro solvit, creditori, negot. gestor. actio utrique necessaria est, debitori, ut pignora fervere: fidejussori autem, ut pecuniam, quam ex causâ ejus contractus solvit ultro recuperet a debitore. Potest tamen dici, fidejussorem habere retentionem pignoris, non tamen pignoris jure, ut ante docui, sed per exceptionem doli mali, quod cum datur actio neg. gestorum, multo magis fit danda exceptio, ut *Limvius*, §. 1. de reg. jur. Nam & si quis sola amicitia ductus pignora amici sua pecunia liberaverit, neque eorum dominium, neque in eis jus hypothecæ adipiscitur, sed pecuniam, qua solvit pignora repetere potest actione neg. gestorum, vel si pignora possideat, exceptione doli se defendere, ut non ea restituit debitori, antequam pecunia, quæ ea liberavit, ei restituta sit, *l. res, C. de pignor. l. i. quibus mod. pign. vel hypot.* In actione autem neg. gest. qua fidejussor convenitur, ait Pap. fidejussorem culpam prestare, si culpa ejus ea pignora perierint, negotiorum gestorem, non tantum dolum, sed etiam culpam prestare, *l. si negotia, h. t.* fidejussor ergo conventus actione directa neg. gest. ut ea pignora reddat, si perierint culpa ejus, condemnabitur in estimationem litris, quia in hoc judicium negot. gest. venit culpa, sed non venit etiam casus fortuitus, casus improvisus, casus major. Itaque hic fidejussor culpam quidem prestabit, sed non casum fortuitum, quia est possessor bonæ fidei, qui stulte & imperite existimavit, suæ indemnitati consuli posse, confusus utrisque pignoribus: stultitia est imperitiæ, non mala fides. Malæ fidei possessor præstabit etiam casum fortuitum, ut *l. 6. §. et si quis, h. t.* Et hoc est, quod ait Pap. fidejussorem non prestare casum fortuitum, scilicet, quia prædo fidejussor non est. Imperitus est, non prædo, id est, malæ fidei possessor. Et hæc quantum attinet ad pecuniam & pignora ejus contractus, qui personam ejus non contingebat. Sed quantum attinet ad pecuniam & pignus ejus contractus, qui personam ejus contingebat, hoc est, in quem fidejussor, non est dubium esse ultro citroque mandati actionem, *l. si mandavero, §. 1. mand. l. 1. C. de dolo.* Ubi de dolo, hoc est, mandati, cui, cum sit bonæ fidei, ut omni actioni

A bonæ fidei, inest actio & exceptio de dolo; quod ita esse accipiendum perspicue docet *obf. 3. cap. 37.* Sed addatur etiam hujus rei comprobandæ gratia, *l. 2. de pignor.* quæ est ex eod. ubi ait: fidejussorem teneri mandati qui solvit pecuniam, atque ita pignora suscepit, & in hanc actionem mandati etiam venire culpam, sicut ante dixi eam venire in actionem neg. gest. Adjicit autem Pap. in hac lege: Creditorem, qui jus pignorum vendidit, ut initio posuimus, non teneri debitori pigneratitia actione, ut pignora ei restituat: cum ei omnis pecunia soluta sit a fidejussore, quia suo jure ea vendidit, atque ita summi recepit; non teneri etiam ea actione pigneratitia fidejussorem, qui pignora emit, sed mandati tantum ut ea pignora restituat. Idem Pap. eodem libro scribit in *d. l. 2.* quia, cum dixisset, fidejussorem teneri actione mandati reo principali, & in eam actionem venire culpam, exemplo creditoris, inquit, conventi, scilicet pigneratitia actione, cum pignora non vendidit, & offertur ei omnis pecunia, *l. sicut, C. de pignor.* Subjicit non etiam exemplo creditoris fidejussorem teneri pigneratitia actione, licet in locum ejus successerit, quia hæc non est successio universi juris veluti hereditas, sed successio in rem tantum & speciale jus pignoris, quæ est sententia dictæ *l. 2.*

Ad §. Ignorante.

Ignorante virgine mater a sponso filia res donatas suscepit, quia mandati vel depositi cessat actio: negotiorum gestorum agitur.

C Species hæc est in §. ult. hujus legis. Sponsus matri virginis sponsæ, ignorante virgine, res, quæ ei donabat pro munere sponsalitia, tradidit matri puellæ: puella cum matre non agit actione mandati vel depositi, ut munera sponsalitia sibi reddat, quia nullum tale negotium intercessit inter filiam & matrem: & nihil ageret, inepte ageret, atque adeo frustra ageret in matrem mandati, quia non mandavit, ut ea munera acciperet a sponso; frustra etiam depositi ageret, quia non ea filia deposuit apud matrem, sed recte ageret neg. gestorum, quia mater negotium ignorantis virginis gessit suscipiendo munera sponsalitia. Neque obstat huic responso *l. 25. de pos. quæ dicit: Patrem, qui ea munera suscepit de manu sponsi, puellæ emancipatæ teneri actione depositi, ut ea restituat;* Non obstat, cum sit conjungenda cum hoc §. ult. quia ea est ejusdem ex eodem libro, sed dicta *l. 25.* est accipienda de filia, eademque sponsa, qua sciente & præsentem patre sponsalitia munera ei oblata accepit de manu sponsi die sponsaliorum, vel post eum diem: videtur enim filia, quæ præsens erat, patri ea munera dedisse in depositi causam, cum ea dedit patri sponsus nomine sponsæ, præsentem sponsæ, ut in *l. quod statuliber, de mort. causa donat.* Vis videre, quam fuerit præsens puellæ & sciens? Lex ait, res fuisse oblatas puellæ. Offerimus tantum præsentem, ceterum fuisse traditas patri, tanquam, ut præsumimus, in depositi causam, & ideo heredem patris filia teneri ait, non tantum ad exhibendum, ut ea munera exhibeat filia vindicaturæ, sed etiam actione depositi, quia fuisse deposita apud patrem intelliguntur. Hæc enim verba *l. 25. heres ejus, ut exhibeat, recte conveniunt etiam actione depositi;* sic Græci recte interpretantur, ut heres patris non tantum teneatur ad exhibendum, sed etiam depositi.

Ad L. XLV. de Judic.

Argentarium, ubi contractum est, conveniri oportet: nec in hoc dilationem, nisi ex justa causa dari, ut ex provincia codices adferantur. Idem in actione tutelæ placuit.

Hujus legis duæ sunt partes, utraque probatur, ibi quemque conveniri posse, ubi contraxit, etiam si domicilium ibi non habeat. In prima parte sic ait: Argentarium, ubi contractum est, &c. in qua parte comparat argen-

actione conveniri posse; quia & ibi potuissent conveniri, si inventi fuissent, principali actione pecunie creditae nomine. Nam ubi defunctus contraxit, aut heres ejus, aut nomine heredis tutores vel curatores conveniri possunt, d. l. heres, in prin. Et hæc est sententia hujus §. Unde notandum est, condemnatum in provincia posse conveniri Romæ judicati actione, si & ibi judicari & condemnari potuit ab initio. Et sic executio judicati in provincia fiet Romæ capitis pignoribus, ut fit, si quæ ibi puella habuerit, nec requiritur jussus Præsidis, qui tutores condemnavit; quia quo loco quis conveniri potest principali actione, si alio loco condemnatus sit, conveniri etiam potest actione judicati. Actio judicati nihil aliud est, quam executio judicati; alioquin is, qui condemnatus est in provincia, si Romæ conveniri non potuit, neque judicati agi ibi potuit, vel e contrario aliquo loco agi judicati, & alibi dicta sententia ad effectum reduci non potest, quam quo lata est sententia, sine jussu ejus, qui sententiam tulit, ut in l. a. Divo Pio §. 1. de re judic. dum ait, sententiam Romæ dictam Præsidis in provincia exequi posse, si jussu fuerint, inquit, hoc est, si rogati fuerint. Nam jubere, ut est in Pane, yrico Plinii, est adulationis, non imperii verbum, & verbum precarium non directum: ut cum dicimus: jubere te falcare. Non potest Præses extra Provinciam suam pignora capere in causam judicati, quod ipse judicavit, ut nec mittere creditores in possessionem aliorum bonorum, quam quæ sub ejus jurisdictione sunt, l. cum vovis, §. pen. de reb. auct. jud. possid. sed potest rogare per literas alium judicem, sub quo sunt alia condemnata bona, ut ea pignori capiat sui judicati exequendi gratia. Illud est notandum etiam ex hoc §. quid dixi probari in utraque parte, contractus rationem five causam esse expiendam a prescriptione fori, hoc est, prescriptionem fori five revocationem ad forum suum non habere eum, quia alio loco convenitur, si modo in eo loco contraxerit, aut quasi contraxerit.

Ad L. XVII. de Relig. & sumpt. fun.

Sed si nondum pater dotem recuperaverit: vis solus conveniatur, reputaturus patri, qui eo nomine præstiterit.

Sciendum est ei, qui mulierem funeravit suis sumptibus, non donandi animo, non pietatis causa, sed quasi alienum negotium gerens, dari actionem funerariam, de recuperandis sumptibus factis in funus mulieris. Actio est Prætoria, & privilegiaria, l. pen. §. ult. hoc tit., l. questum, de reb. auct. jud. possid. & datur hæc actio cessante alia actione, ut patet ex l. si qui, §. Laevo ait, hoc tit. datur, inquam, cessante alia actione & deficiente, ad similitudinem actionis negotiorum gestorum, d. l. si quis. §. Idem Laevo, eod. in fin. quia & negotium defuncti gerere videtur, & cum defuncto quasi contrahere, cum eo, cui funus & iusta fecit, non cum herede ejus, ut est eleganter scriptum in l. 1. hoc tit. Nam si cum herede ejus quasi contraheret, si in funerando defuncto haberet animum gerendi negotii heredis, cessaret hæc actio funeraria, & in heredem ei competeret actio negotiorum gestorum, cujus contemplatione iusta defuncto fecit: sed quia negotium potius defuncti fecit, ipsius negotium gerere videtur, & cum eo quasi contrahere, ideo cessat hæc actio negotiorum gestorum: quia hæc actio negotiorum gestorum est tantum de negotiis gestis, quæ cujus, cum is viveret, vel cum inoreretur fuerant, in qua tamen veniunt etiam ea, quæ negotiis ceptis illo vivo post mortem accesserunt, ut fructus, partus, fetus, acquisitiones ferrovum, l. 2. §. hoc verbo, de neg. gest. Non ergo, ut patet ex illo loco, est actio negotiorum gestorum de negotiis, quæ post mortem alicujus geri ceperunt. Hoc autem negotium funeris defuncti geri cepit post mortem: ergo ex eo non ipsa actio negotiorum gestorum: sed ad exemplum ejus necesse fuit ex ea causa inducere, & dare propriam actionem, quæ funeraria dicitur & funeraria passim in hoc tit. Et in proposito specie, cum quis

funus duxit mulieris suis sumptibus, ei datur actio funeraria, de impensa funeris consequenda, in eum, ad quem dos mulieris pervenit. In patrem, si dos fuerit profectitia, & supervixerit filiz pater: in maritum si dos fuerit adventitia: in extraneum si fuerit dos receptitia, quia æquissimum est, ut ait l. prox. sup. æquissimum visum est veteribus, mulieres quasi de patrimoniis suis, de dotibus funerari; quia & olim fere omne patrimonium mulierum consistebat in dotibus, l. assiduis, C. qui pot. in pign., nempe lege Voconia impediende, ne mulieres ditescerent, & dante frenos huius sexui: sicut Cato apud Livium 34. pro l. Oppia: Dare, inquit, Quirites frenos impositi naturæ, & indomito animi: & paulo post: exemplo similes patres esse ceperint, superiores erunt. Quia igitur fere omne patrimonium mulierum consistebat in dotibus olim, ideo

in hanc sententiam itum est consensu omnium jurisprutorum, ut de suis dotibus funerarentur, etiam si alia bona habeant, etiam si hereditatem habeant, ita scilicet, ut si heredem habeant, heres pro portione conferat in funus mulieris: is etiam, qui dotem ejus lucratur, similiter, pro rata conferat in funus mulieris, licet non sit heres, modo dotem lucratur, imo & cum hereditas mulieris non est solvendo, funeris impensa non fuitur ex inopi hereditate & minus idonea: sed ex dote, hoc est, repetitur ab eo, qui dotem lucratus est morte mulieris, non ab herede, l. 20. §. pro l. 22. & 23. h. t. Nunc finge: Dotem mulieris esse profectitiam, esse profectam a patre, & patrem filiz supervivente, extraneum mulieri finis fecisse suis sumptibus: pater si dotem recuperaverit a genero, tenetur extraneo, qui fecit impensam funerali, funeraria actione: quod si pater nondum dotem recuperaverit, ei maritus tenetur eadem actione, qui dotem habet, necdum restituit patri, & quod eo nomine præstiterit extraneo, reputabit patri agenti de dote, hoc est, repetendi dotem profectitiam judicio rei uxorie vel ex stipulatu: reputabit, id est, eo minus patri restituet ex dote, ut l. 20. §. 1. h. t. & hæc est sententia hujus l. 17. reputare, & est rabatze, ut l. si merces, §. si vicino hoc. Si vicino ædificante obstruere lumina cœnaculi, quod tu mihi locasti, vel si ostia aut fenestras cœnaculi corruptas tu non restituis, & mecum agas de pensione debita, reputationis, inquit, ratio habenda est, le pourray rabatze, & eo minus præstare de pensione. Ex diverso autem, si pater, antequam dotem profectitiam recuperaverit, aliquid impendit aut præstiterit in funus filiz l. 30. h. t. ait id patrem recipere a marito actione de dote, puta rei uxorie actione, vel ex stipulatu, hoc est, eo amplius recipere ex dote, eo ampliore dotem recuperare a genero. Impensam enim funeris, ut ait lex sequens, æs alienum dotis est.

Ad L. LVII. de Cond. indeb.

Cum indebitum impuberis nomine tutor numerabit, impuberis conditio est. §. i. Creditor, ut procurator suo debitorum redderet, mandavit: majore pecunia soluta, procurator indebiti causa conveniatur. Quod si nominatim, ut major pecunia solveretur, delegavit: indebiti cum eo (qui) delegavit erit actio, quæ non videtur perempta, si frustra cum procuratore lis fuerit instituta.

Si tutor nomine pupilli per errorem solverit indebitam pecuniam, puta majorem pecuniam, quam pupillus debuit, initio hujus l. Papin. ait conditionem indebiti pupillo competere, cujus nomine tutor indebitum solvit aut plus debito: nec distinguit suam an pupilli pecuniam tutor solverit, unde potest conjectura capi, quasi nihil intersit suam an pupilli pecuniam solverit, modo solverit pupilli nomine: quod etiam confirmat l. 6. §. ult. hoc tit. Sed hoc ita intelligi debet, si pupillus pubes factus ratam solutionem habuerit, aut si quasi re bona fide gesta eam pecuniam tutor pupillo reputaverit in judicio tutelæ, ut tunc pupillo conditio indebiti competat. Nam si pupillus solutionem eam non fecerit ratam, si eam pecuniam tutor pupillo

lo non imputarit in reddendis rationibus, ipsi tutori hoc casu datur non pupillo: datur, inquam, tutori utilis conditio indebiti, utilis, non directa, quia non suo nomine, sed pupilli solvit. Et ad hunc casum est referenda l. ult. §. 1. hoc tit. Eadem vero est ratio tutoris & procuratoris. Nam si procurator nomine domini solverit per errorem bona fide indebitam pecuniam, domino ratum non habente, quod gessit procurator, ipsi procuratori datur utilis conditio indebiti, l. 6. in princ. hoc tit. domino autem ratum habente, quod ita per errorem gessit procurator, ipsi domino competit conditio indebiti, perinde atque si ipse solvisset, l. si per ignorantiam, C. eod. t. sicut si procurator suam vel domini pecuniam, (nihil refert) nomine domini crediderit, domino agnoscanti & approbanti nomen competit conditio creditæ pecuniæ. Ut in l. certi, §. si nuperos, de reb. cred. l. 126. §. Chrysogonus, de verb. obl. Reprobante vero domino nomen, quod fecit quodve contraxit procurator sua vel domini pecunia nomine domini, nulla competit domino conditio, sed procuratori domini competit utilis conditio creditæ pecuniæ, l. 4. C. si cert. pet. Eadem est ratio conditionis indebiti & conditionis creditæ pecuniæ: eadem est ratio mutui & promutui. Indebiti solutio est promutuum, hoc est, quasi mutui datio, l. 4. §. in quoque, de obl. & act. Et hæc cum tutor nomine pupilli, vel procurator nomine domini indebitam pecuniam solvit, suam vel pupilli vel domini, vel cum hanc vel illam credidit, nomine pupilli vel domini. Quid autem dicemus e contrario, si quis tutori nomine pupilli quasi debitam pupillo, aut procuratori nomine domini, quasi debitam domino, solverit per errorem? hæc est questio §. 1. hujus legis. Finge: creditorem mandasse debitori, ut debitam pecuniam solveret suo procuratori, procuratorem vero suum delegasse, ut eam pecuniam acciperet de manu debitoris sui, & debitorem procuratori per errorem solvisse majorem pecuniam, puta 100. cum deberet 50. tantum. Quæritur, in quem, ei qui solvit, competit conditio indebitæ pecuniæ, conditio superflui, quod solvit indebitum? utrum ei competit in procuratorem qui accepit: ut in dominum, qui mandavit ut solveret procuratori? Illud quidem est comperti & explorati juris, quod hic Papinianus docet, in dominum competere conditionem indebiti, si nominatim procuratorem suum delegavit, ut illa 100. acciperet, hoc est, majorem pecuniam, quam sibi debebatur: quam actionem, quæ ei, qui solvit competit in dominum, repetitionemque indebiti soluti eleganter Papin. ait non perimi, si debitor elegerit initio procuratorem (quod notandum est) & cum eo frustra egerit conditione indebiti, hoc est, si victus fuerit, quod inepte ageret in procuratorem ea actione, quia hæc debuit experiri in dominum, qui specialiter procuratorem delegarat, ut ab eo acciperet 100. id est, altero tanto amplius quam deberet: quo casu conditio indebiti est in dominum absq; dubio, non in procuratorem. Si tamen frustra elegerit procuratorem, & succubuerit, non ideo intelligitur amisisse actionem sive conditionem: inepte aut inanis actionis electione, non amisit ideo conditionem in dominum. Inepte actionis electio auctori non consumit actionem aptam, rei & proposito negotio competentem, l. si de juf. de neg. gess. l. tutor, §. adolescens, de adm. tut. cap. examinatam, extr. de judic. Miror quod Glossa in l. 1. si mens. falsi, mod. dix. quaesierit: an, qui ineptam actionem proposuit, & causa excedit, possit agere actione propria & conveniente rei? Et respondet quidem posse: recte id: nec tamen sciverit tot locis auctorem eam sententiam comprobari posse, ut hoc §. 1. & supradictis l. l. & supradictis cap. Verum si nominatim debitor procuratorem in hoc non delegarit, ut majorem pecuniam acciperet, sed simpliciter, ut pecuniam debitam acciperet, quam ei debitor numeraret, eam acciperet a debitore, cum mandaverat etiam creditor, ut eam pecuniam suo procuratori exsolveret: hoc casu Papin. ait, debitori procuratorem teneri conditione indebiti: quod utique verum est, ut Glossa supplet

A rectissime, si dominus ratum non habeat, quod gessum, quodque solum plus debito est. Priore casu quum nominatim mandavit, ut 100. acciperet, quæ major pecunia est: etiam si ratum non habuerit dominus, omnino tenetur conditione indebiti, quia nec necessaria est rati habitio, ubi mandatum speciale intercessit. Hoc vero casu, cum simpliciter mandavit, ut pecuniam a debitore acciperet procurator, ut debitor numeraret procuratori, & numeraverit majorem pecuniam per errorem, dominus non aliter tenetur conditione indebiti, quam si ratam solutionem fecerit: quia non intelligitur mandasse, ut plus debito acciperet. Ergo si ratum habuerit, ut dominum dabitur conditio, debitor dominum condemnabit: si vero ratum non habuerit, ut est verisimile, etiam ratum non habiturum solutionem, solventi competit conditio indebiti in procuratorem solum, l. 6. §. idem Labeo, & §. Celsus, hoc tit. l. si indebitum, rem rat. hab. l. 6. §. item quaeritur, de neg. gess.

Ad L. XL. de Pignorat. act.

Debitor a creditore pignus, quod dedit frustra emit, cum rei sua nulla sit emptio, nec si minoris emerit, & pignus petat, aut dominum vindicat: ei non totum debitum offerenti, creditor possessionem restituere cogitur.

Hujus l. tria sunt responsa, quibus licebit addere quartum ex l. pen. Ad primum responsum sciendum est, actionem pignoratitiam, quæ de restituenda possessione pignoris proponitur, debitori non aliter dari, quam si totum debitum solvat, vel offerat in judicio, ut in l. si rem, §. ult. hoc tit. vel eo nomine creditori satisfaciatur, d. l. si rem, §. huius leg. l. heredes, §. idem observatur, fam. eris. Et hoc est, quod dicitur, individuum esse pignoris causam, l. rem, de evict. quia nec parte majore pecuniæ soluta, ullo modo ullave ex parte pignus liberatur, & vel propter unum assem, qui explendo debito superest, nexum tenetur ipsum pignus in solidum, l. 6. C. de dist. pign. Univerfa pecunia soluta creditori vel oblata, ut dixi, pignus liberatur, & creditor actione pignoratitia cogitur restituere naturalem, sive corporalem possessionem pignoris, quæ apud eum est, quia pignus solum possessionem naturalem, quæ etiam corporalis dicitur; ad creditorem transfert, ut in §. ult. hujus leg. & l. 35. §. ult. hoc tit. l. 2. §. ult. ad exhib. Inde quaeritur hoc loco, quid sit dicendum, si debitor a creditore pignus vendente suo jure, pignus minoris emerit? Finge: in summa debiti esse centum, & debitorem pignus emisse 50: id est, altero tanto minore pecunia, an potest repetere possessionem pignoris actione pignoratitia? an potest dominum ejus vindicare? Pignus enim manet in dominio debitoris, & eo liberato in arbitrio est debitoris, utrum malit agere in personam actione pignoratitia, & pignus petere a creditore, an agere in rem actione, & dominum vindicare, l. nec creditores, C. eod. Verum ad quæsitum propositum videmur posse respondere, alterutra actione debitorem uti posse, quia a creditore pignus minoris emit & pretium numeravit, videlicet, si creditori per omnia satisfecerit dato illo pretio, ex d. l. si rem, §. omnis, in qua dicitur: Nasci pignoratitiam actionem, & competere debitori, si creditori satisfecerit pretio aliquo: Ergo, etiam si pretio minore, & sive hic creditor ab ipso debitore cepit, sive ab extraneo emptore, & hoc ei satis fuerit, contentus fuerit: quo casu, nec quod amplius ei debetur a debitore petere potest, l. a D. P. §. pign. de re jud. Nam ut & alio modo ait d. §. omnis, si creditor, ut voluit sibi cavet, si ille a seurance à son plaisir, competit debitori actio pignoratitia, licet creditor in hoc deceptus sit: in hoc, est, in re ipsa, non circumscriptus dolo adversarii, ut in l. 7. in fine, de exceptio, si fraud fuerit in re, non in persona debitoris. Et ita videmur posse non absque ratione questionem propositam respondere. Attamen Papin. longe aliud respondet hoc loco, nempe creditorem, neque pignoratitia actione, neque rei vindicatione posse compelli restituere possessionem pignoris, nisi debitor

bitor totum debitum offerat, hoc est, etiam id quo minoris emerit. Sed ne obstat, quod ante dixi, hoc ita intelligi debet, si creditori non satisfaciatur pretium, quo debitor pignus emit, & velit, quod amplius debetur, sibi prestari: nec enim compellitur venditioni stare, quæ nulla est, quia debitor emendo pignus, emit rem suam: & rei suæ emptio nulla est, quod constat ex innumeris locis juris. Itaque si debitori agenti pignoratitia, rem vindicandi creditor opponat hanc exceptionem: si non ea res pignori data, nec dum soluta omnis pecunia est: quæ dicitur exceptio pignoratitia, l. 6. §. idem scribit, *comum. dividum*. frustra debitor replicabit de ea re minori pretio emptæ, quia emptio ipsi jure nulla est, ut nec ex emptio agere possit de ea re sibi præstanda. Et quia (quod notandum est) si extraneus a creditore pignus emisit minore pretio, quæ emptio valeret, semper in reliquum fortis debitor debitor creditori teneretur, l. 4. §. si sit, §. ult. de distra. pignori. l. adversus, C. de oblig. & action. Equum vero est, in quo debitor tenetur alio emente minoris, & in eo teneatur ipse, cum emit minoris; nec eo creditori satisfecit. Quod autem dicitur, rei suæ emptionem non valere, hoc est (quia rei nomen proprietatem significat & dominium) hoc, inquam, est proprietatis sive domini rei suæ emptionem non valere. Nam si hoc agatur, ut debitor possessionem naturalem, quæ est apud creditorem pignoratitium sive hypothecarium emat vel conducatur certo pretio, forte ut in iudicio possessorio, quod habet cum alio, potior sit: nec enim semper dominus in iudicio possessorio potior est, l. ad probationem, C. de loc. hoc vero casu emptio vel conductio rei suæ valet, ut l. si emptione, & rei suæ, de contrah. empt. l. 35. §. ult. l. 37. hoc rei. creditori salva manente causa pignoris vel hypothecæ. Et erat vehementer Glossa hoc loco, quæ ait venditionem, emptionem possessionis pignoris factam debitori a creditore non valere. Imò valet ut probavi ante: & male Glossa pro se adducit, l. servum meum, de cond. ind. quæ de emptione proprietatis rei suæ loquitur, non de emptione possessionis. Illud maxime observandum est, Papinianum in hoc primo responso loqui de debitore, qui pignus emit jure suo vendente creditore, qui emit minori pretio: nam si tanti quanti est summa, quæ creditori debetur, licet initio non valeat, pretio tamen soluto pignus liberatur, quod mox idem Papinianus ostendit in secundo responso hujus legis, cujus species talis est.

Ad §. Debitoris.

Debitoris filius, qui inanes in patris potestate, frustra pignus a creditore patris peculiaribus nummis comparat, & ideo filius patronus debitoris contra tabulas ejus possessionem accepit, domini partem obtinebit. Nam pecunia quam filius ex re patris in pretium dedit, pignus liberatur.

Filius, quem pater libertine conditionis habuit in potestate, cum pater L. Titio deberet certam pecuniam sub pignore, pignus jure suo vendente L. Titio, id ab eo emit de peculo profectio, hoc est, ex re patris. Peculium filii profectio est res patris, hoc est, in bonis, ut patrimonio patris reuera: in quasi patrimonio filii, quamdiu patitur pater. Emit autem pignus ex pecunia peculii profectio tanti, quanti erat summa debita L. Titio. Post filius in testamento patris jure exheredatus est, nec potuit rescindere testamentum per querelam inofficiosi testamenti. Hoc enim cum Accurio ponamus, licet retineat Papinianus, satis tamen suggerit, quod ponit, Patrono patris præterito dari partis debite vercedendæ patronali, id est, legitimæ patronalis bonorum possessionem contra tabulas in heredem scriptum: quæ non daretur in filium heredem scriptum, nec exheredatum rescindentem testamentum per querelam, §. sed nostra, l. iustit. de success. lib. l. 1. At ponamus, filium filius exheredatum cum effectu, quæ res etiam ei peculium auferat, l. emptor, §. ult. de rei vindic. Exhereditatio auferat jus & nomen heredis, & jus peculii, hoc ut dixi, licet non dicat Papin. ut omnia bene

Tom. IV.

convenient, ponamus necesse est. Multa nobis Papin. subintelligenda & subaudienda reliquit, & plus habet in recessu quam in fronte, ut est comprehensione rerum brevis. Aut sane ponamus: præmortuum fuisse filium, patrem supervivisse, & testamentum fecisse, inque eo extraneum instituisse, patronum omisisse. Aut ponamus, quod etiam nimis obscure notat Glossa: Patrem filium instituisse ex parte, adjecto coherede extraneo, & filium repudiavisse hereditatem patris, ejusque portionem accrevisse coheredi extraneo: quoniam hoc etiam casu patrono competit in coheredem, qui assem habet portionis debite, bonorum possessio, l. 20. §. ult. de bon. lib. l. 1. Pono filium fuisse institutum ex parte: nam si institutus filius liberti ex asse repudiaverit, tum patronus non vocatur in partem, sed in assem, l. 6. §. pen. l. querit, §. ult. eod. l. siue libertus, §. ult. de jure patron. Atque hic postremus casus non conveniet huic responso, quo tantum agitur de bon. possessionem contra tabulas, quæ patrono datur in partem bonorum liberti, hodie trientem, olim semissem. Ita vero posita congruente specie ad hoc responsum, queritur: An in pignore, quod filius emit ex re patris, sive ex peculo profectio, patronus jure bonorum possessionis contra tabulas habeat in pignore partem domini: nam portio debita patrono deducitur ex singulis rebus, quæ in bonis liberti fuerint tempore mortis, sicut Falcidia in l. Plautius, ad l. Falcid. sicut legitima portio, quæ natura debetur liberis & Falcidia quælibet, deductio quælibet, l. 6. de pecul. leg. Omnis deductio partis fit ex singulis corporibus, nisi aliud convenit, ut fit plerumque inter eos, quorum res est. Et ad hanc questionem Papinianus respondet hoc loco, etiam in eo pignore patronum habiturum partem domini. Bonorum possessio tribuit dominium, hoc est, effectum domini tuitione Prætoris, l. 1. de bon. poss. Extratio hujus responsi hæc est: quia filius emendo pignus ex re patris, in cuius potestate erat, id neque domini sui facere potuit, neque patris, in cuius dominio jam erat, quia pignus semper manet in dominio debitoris, & hoc distat a fiducia, antiquo genere contractus. Denique emendo neque pignus suum fecit, neque patris, cum jam prius patris esset. Proinde nulla & supervacua emptio est. Ceterum liberatum pignus intelligitur, quia tantum in pretium dedit, quantum erat in debito. Et in fine hujus responsi, illo loco nam pecunia, quam filius ex re patris in pretium dedit, pignus liberatur, ne fallamur, nam, non est particula causalis, quia etiam pignore non liberato patronus in eo haberet partem domini, sed quia, est conjunctio repletiva, ut Grammatica loquitur, & accipitur pro ceterum, ut sæpe in libris nostris, ut sit sensus emptionem pignoris non valere, pignus tamen liberari: ceterum pignus liberatur. Et recte loquitur Papin. de filiofamil. Nam si filius emancipatus emisit suis nummis pignus, jure suo vendente creditore, valeret emptio, nec in eo patronus haberet partem domini, quia desisset esse in liberti bonis. Recte etiam loquitur de peculo profectio. Nam si filius pignus emisit ex peculo castrensi, quod in re ejus est, non patris, æque valeret emptio pignoris, nec in eo quicquam juris patronus haberet, quod & Glossa notat rectissime: tota Glossa hujus responsi est rectissima.

E Ad §. ult.

Soluta pecunia, creditorem possessionem pignoris, quæ corporalis apud eum fuit, restituere debet: nec quicquam amplius præstare cogitur. Itaque si medio tempore pignus creditor pignori dederit, domino solvente pecuniam, quam debuit, secundi pignoris neque persecutio dabitur, neque retentione relinquatur.

In tertio responso, sive §. ult. ostenditur, pignus quidem a creditore alii creditori suo pignori obligari posse, quod Græci dicunt *πρωτοπύνακτον*, idque constat ex l. grege, §. cum pignori, de pign. l. 1. C. si pign. dat. Sed si debitor, qui dedit pignus primo suo creditori solverit

Nam

omnem

omnem pecuniam, utraque obligatio pignoris perimitur, & creditor primus debitori tenetur pignoratitia actione, ut pignoris possessionem restituit tantum, non ut quicquam amplius præstet, id est, (quod etiam Glossa intelligit) non etiam, ut liberet pignus a secundo creditore. Et ratio hæc est: quia ipso jure liberatur pignus, quod etiam in id duntaxat temporis dedisse intelligitur secundo creditori, quoad pignus in sua persona consistat, ubi definit in sua persona consistere pignus, soluta omni pecunia, etiam definit consistere in persona secundi. Nihil est apertius hoc responso: ei tamen opponitur *l. petenti §. 1. quæ dicit*, creditorem primum debitori teneri, ut pignus liberet a secundo creditore. Sed necesse est, ut res intelligatur, apponi speciem ad *l. petenti*. Hæc est species, quæ frequenter occurrit. Creditori repetenti pecuniam, quam ei debebam, cum præ manibus pecuniam non haberem, ut eum a me dimitterem & placarem quoquomodo, dedi res certas, ut sub earum pignore pecuniam, qua se indigere dicebat, conquireret & fumeret ab alio creditore: Aut eas creditor meus soluta pecunia postea recipit ab alio creditore, & mihi, maxime offerenti debitum, tenetur ad exhibendum ut restituat eas res, non pignoratitia actione: quia eas res non pignoravi, sed permisi tantum, ut pignoraret alteri: Aut res illæ meæ sunt apud creditorem creditoris, & hoc casu creditor meus mihi tenetur, sed non ad exhibendum, quia eas res non tenet: non pignoratitia, quia, ut dixi, eas res ei non pignoravi, non commodati actione, ut in specie *l. si ut certo, §. nunc videndum, sup. tit. propt.* quia eas res etiam ei non commodavi liberaliter & benigne, sed coactus dedi, ut tantisper eum placarem, ne me acerbius exigeret, & ut eorum beneficio aliunde pecuniam fumeret, verum offerenti mihi pecuniam debitam creditor tenetur, ut eas res liberet a suo creditore, & mihi reddat, tenetur, inquam, mihi propria actione, ut ait *l. petenti*; hoc est, actione præscriptis verbis quasi ex novo & proprio contractu, quasi ex negotio proprii contractus, ut ait *l. rogasti, de præscript. verb.* Et hæc est sententia legis petenti: verum vis nosse, quam nihil obstat huic tertio responso? Hoc responsum est de pignoratitia actione, quod negat soluta omni pecunia, creditorem quicquam amplius præstare quam possessionem naturalem pignoris, etiam si secundo creditori obligavit: Ergo non teneri eum pignus liberare a secundo creditore, quod etiam evanuit ipso jure. Illa autem *l. petenti*, non est de pignoratitia actione, sed de propria quadam actione præscriptis verbis. Item in hoc responso primus, & secundus creditor fuere pignoratitii creditores. In illa *l. petenti*, secundus creditor tantum fuit pignoratitius, non primus: & præterea in illa pignus datum est secundo creditori voluntate debitoris, in hoc responso non item. Proinde in illa *l.* maxime oblato debito, creditori primo, pignus non solvitur, quod nexum est voluntate debitoris: in hac pignus solvitur omnimodo, quod nexum non est secundo creditori voluntate debitoris.

Ad L. XLII. eod.

Creditor iudicio, quod de pignore dato proponitur, ut superfluum pretii cum usuris restituat, jure cogitur. Nec audiendus erit, si velit emptorem delegare: cum in venditione, qua fit ex facto, suum creditor negotium gerat.

Ostenditur in hac lege creditorem, qui pluris pignus vendiderit, quam sibi debebatur, debitori teneri actione pignoratitia, quam Papinianus noster solet appellare actionem, quæ de pignore dato proponitur, ut hoc loco, & *l. 2. de pign. l. fideiussor, de neg. gest.* Creditorem igitur, qui pluris vendidit pignus debitori teneri actione pignoratitia, ut id, quo plus vendidit pignus, hoc est, superfluum pretii restituat debitori cum usuris, inquit Papinianus, puta, iis, quas ex superfluo pretii percepit, si id forte sonoris occupavit, vel quas non percepit, si in reddendo superfluo pretii moram fecerit, vel si id in usus suos convertit, *l. 6. §. ult. & l. 7. hoc tit.* Nec distinguit Pa-

pinianus, creditor pretium ab emptore acceperit, necne. Ergo si acceperit pretium ab emptore pignoris, siue nondum acceperit, de superfluo reddendo debitori tenetur actione pignoratitia, ut *l. ult. C. de distract. pign. l. in fraudem, §. si plus, de jure fisci*. Ubi creditor nondum pretium accepit, non est audiendus, inquit, invito debitore, si velit ei emptorem pignoris delegare, puta, ut promittat debitori, sed id, quo plus emit et præstaturum. Delegare enim proprie est, vice sua alium reum, aliam debitorem, qui ex promissis dicitur, siue intercessor novandi causa, creditori dare, *l. delegare, de novat.* Et in hac specie debitori creditori, qui pluris pignus vendidit, in superfluum pretii debitor est, ille vero creditor: & ita quoque hoc loco verbum delegare Græci accipiunt in Basil. dum ajunt, *ὁ δὲ πωλὴν τοῦ πρῶτου τῷ δευτέρῳ*, hoc est, emptorem substituere debitori: eidemque creditori, scilicet in superfluo pretii, quod ei creditor restituere tenetur, idque fit stipulante debitore, & emptore promittente superfluum se ei soluturum: quo genere creditor liberatur a debitore quasi novata obligatione. Sed ut initio dixi, invitus debitor non cogitur mutare creditorem, si masit sibi superfluum pretii solvi a creditore, eodemque venditore pignoris. Invitus non recedit ab actione pignoris, quam habet in venditore pignoris: Invitus non novat eam obligationem neque commutat eam obligatione ex stipulatu in emptorem pignoris. Et hoc est, quod ait Papin. *nec audiendus erit si velit emptorem delegare*. Et ratio, qua utitur Papin. hæc est, quia, inquit, in venditione qua fit ex facto, creditor suum negotium gerit. Sic habent Pandect. Flor. qua fit ex facto, debet periculum est scribi debere,

qua fit ex pacto, ut in §. contra autem creditor, *Instit. quib. alien. lic. vel non, hoc est, quæ fit jure conventionis, l. 3. de distract. pign. l. contractus, l. 7. C. eod. t.* In venditione igitur pignoris, quæ fit ex pacto, creditor suum negotium gerit, non debitoris negotium, ut in *l. i. creditori, §. sciendum, qui pot. in pign. hab.* Si geret negotium debitoris, non suum, nec illa ejus culpa interveniret, æquum esset liberari eum delegando emptorem, esset iniquum eum teneri ultra quam ut deleget emptorem, si nulla culpa in eo argui possit, qui negotium alienum gessit, non suum. Et hæc est sententia hujus legis. Obijciat ei *l. 24. §. si vendiderit, h. t.* quæ dicit, nondum soluto pretio pignoris creditori non esse cogendum creditorem actione pignoratitia ad solutionem superflui, sed vel expectare debitorem debere, quoad emptor pignoris solvat pretium, vel si nolit expectare, mandandam ei esse & cedendam actionem ex vendito adversus emptorem: actionem pretii: periculo tamen venditoris, creditoris periculo, qui vendidit, ut si forte non vincat debitor adversus emptorem; semper ei sit salva actio superflui adversus creditorem, atque ita periculum litis instituta ex mandato creditoris adversus emptorem ipse creditor subeat. Mandare autem est delegare, non minus, quam vice sua alium reum creditori dare, ut *l. cum indebitum, de cond. ind. l. 11. C. de donat.* Ergo auditur creditor, qui delegat, hoc est, qui mandat actionem adversus emptorem pignoris. Sed ut respondeamus: inter hæc duo genera delegationum multum interest: nam delegatio emptoris liberat creditorem, quia novatur obligatio & substituitur vice creditoris alius debitor superflui: & ideo merito non satisfacit ea delegatio debitori, quæ liberat creditorem principaliter obligatum ad solutionem superflui: non satisfacit, inquam, creditor debitori delegato emptore, hoc solo quod emptorem delegare paratus est, quia hoc facit se exonerandi & absolvendi causa. Altera delegatio, h. e. cessio, siue mandatum actionis ex vendito adversus emptorem non liberat creditorem & satisfacit debitori, si eam suscipiat periculo creditoris, h. e. salvo regressu, si non obtineat adversus creditorem. Plane hoc modo quis dicat ei non satisfieri interim, dum non vult expectare quoad emptor solvat: Et ita mihi videntur clarior, & certius in concordiam adduci posse hæc duæ leges hac differentia posita inter delegare emptorem, & delegare siue mandare actionem in emptorem: quæ est quarta solu-

solutio Accursii, cetera facile refelli possunt. Ita vero demum mandata actione adversus emptorem periculum litis pertinet ad creditorem, si creditoris culpa arguitur, quod tardius pretium exegerit ab emptore pignoris, & interim emptor lapsus sit facultatibus. Nam si culpa a creditore abest, ut puta, si fortuito & repentino casu emptor suas facultates amiserit paulo post emptioem pignoris, de superfluo pretii nulla superest questio, cum debitor maneat obligatus creditori: quia ut ait *l. quæsumus de diffens. pign.* ex necessitate facta venditio pignoris non liberat debitorem nisi pecunia percepta ab emptore pignoris: ubi ex necessitate fieri dicitur venditio pignoris, non quod fiat invito creditore (nec enim creditor iuvius cogitur vendere pignus, *l. 6. in pr. huius tit.*) sed quod tunc maxime creditor decurrat ad venditionem pignoris, cum aliter rem suam servare non potest, sicut in *l. 2. de diffens. pign.* necessitate iuris dicitur venditio fideiussori fieri, quod aliter a fideiussorū sum creditor consequi non possit, *l. 2. C. de fideiuss.*

Ad L. XIX. de Instit. act.

In eum, qui mutuis accipiendis pecuniis procuratorem præposuit, utilis ad exemplum infistoris dabitur actio: quod æque faciendum erit, & si procurator solvendo sit qui stipulanti pecuniam promissit.

Huius legis sunt quatuor responsa. In primo responso ostenditur, quod si procuratorem præposuit, ut mutuum pecuniam acciperet mei causa, & accepit, creditori in me non datur actio infistoria directa, quia procurator ille infistor non est meus, eum non sit quæsum faciendo, seu quæsumariæ negotiationi præpositus, sed dari creditori in me utilem actionem ad exemplum infistoris actionis, ut idem Papinianus respondit *lib. 2. l. liberto in princ. de neg. gesti. & confirmatur l. in omnibus, de præstipul. l. i. in fin. C. de instit. act.* Ex verum illud est, etiam si procurator qui mutuum pecuniam accepit, & eo nomine stipulanti creditori cavuit, solvendo sit, ut ab eo creditor suam pecuniam facile recuperare possit, si procurator solvendo sit, ut ait hoc loco, & probat *l. 6. §. 2. de neg. gesti.* hoc latius exposui in *d. l. liberto*. Indem assensum, quæ ad hunc locum pertinent. Illud tamen addendum, ut quemadmodum utili infistoria actione creditori dominus tenetur, qui procuratorem præposuit mutuis pecuniis accipiendis: & similiter quemadmodum utili actione infistoria emptori dominus tenetur, qui procuratorem præposuit vendendæ certæ rei, ut in *l. Julianus, §. si procur. de action. emp.* Ita ex diverso dicamus, creditorem vel emptorem domino teneri ex *d. §. si procur. utili actione*, sive extraordinaria. Omnis actio utilis est extraordinaria: sed in hoc est differentia summe notanda, quod creditori dominus tenetur ut dixi, quasi infistoria actione, etiam si rem creditor servare possit a procuratore, quia principaliter cum domino contraxisse intelligitur, qui nomine eius procuratori creditur. At ex diverso domino creditor non tenetur utili actione, si dominus a procuratore suo rem servare possit exemplo infistoris, *l. in omnibus, de præstipul. l. i. in fin. C. l. 2. h. l. i. §. sed ex contrario, de exercit. act.* quia scilicet principaliter dominus cum procuratore contraxit, nec alio auxilio indiget, si procurator solvendo est.

Ad §. Si Dominus.

Si dominus, qui servum infistorem apud mensam pecuniis accipiendis habuit, post libertatem quoque datam, idem per libertum negotium exercuit, varietate status non mutabitur periculum causa.

Notandum est, dominum teneri jure Prætorio in solidum infistoria actione ex contractu servi infistoris, quem præposuit mensæ nummulariæ ad pecunias accipiendas in omnem causam, ut argentarii sive nummularii soleant; & teneri non tantum ex contractu

A habito cum illo infistore in servitute, quando servus mansit, sed etiam ex contractu habito cum eo post libertatem in eodem actu, perseverante patroni voluntate: varietatem sive mutationem status non mutare causam periculum, hoc est, ob mutatum statum infistoris non desinere eorum, quæ erit, periculum ad dominum pertinere ex edito, de infistoria actione. Manumissione sola non desinit quis esse infistor: & hæc est sententia huius responsi. Obijciatur, quod dispensator Calendario præpositus, hoc est, pecuniis exigendis & feneratoris est infistor, ut in *§. ult. huius leg. l. 5. §. ult. h. l.* & tamen manumissione desinit esse dispensator, *l. si quis servo, de solut. l. pen. de reb. cred. §. item si ad litem, l. i. de mand. At ut respondeamus, non est novum quendam infistorem separari a ceteris infistoribus: Magister navi præpositus est infistor, & tamen separatur passim in iure, ac præcipue in tit. de exercit. act. a ceteris infistoribus propter singularia quædam, quæ in eo recepta sunt, ut & illo Horatii loco, *seu vocat infistæ, seu navis Hispana magister*, infistor separatur ab infistore, & sic dispensator, licet infistor sit, separandus est a ceteris infistoribus. Nam & morte domini finitur dispensatoris officium, *l. pen. de reb. cred.* Non morte domini officium infistoris faciendis mercaturam, aut mensæ negotium exercentis, *l. 11. in pr. l. 17. §. si impubes, h. l.* At similiter manumissione officium servi dispensatoris finitur, non officium infistoris. Et ratio varietatis consistit in utilitate & necessario usu commerciorum, quo omnis hominum vita eget, vel mensæ argentariæ, quæ negotia exercentur per infistores: nec tanti est dispensatio sive feneratorio pecuniarum cum quoque; ideoque facilius dispensatio finitur, quam commercii aut mensæ cura, quod maxime notandum.*

Ad §. Tabernæ.

Tabernæ præpositus a patre filius, mercium causa mutuum pecuniam accepit, Pro eo pater fideiussit: etiam infistoria ab eo petetur, cum accepit pecunia speciem, fideiussendo negotio tabernæ miscuerit.

Notandum est ex tertio responso, Patrem teneri ex contractu filii, quem præposuit tabernæ, si e. mercibus exercentis: teneri infistoria actione, ut si filius ille mercium causa mutuum pecuniam accepit, ex ea causa pater tenetur creditori in solidum infistoria actione. Res est apertissima. An etiam infistoria actione tenetur, si apud creditorem, qui filio infistori mercium causâ credidit, mercium gratia fideiussit pro filio? Et breviter: an tenebitur infistoria, si fideiussit pro filio? quia obligatio valet, sicut cum dominus fideiussit pro servo, *l. 1. §. quid ergo, quod iussu, l. si domino, c. d. SC. Vallej.* Respondet Papinianus, patrem non ideo minus teneri infistoria actione, quia fideiussendo pro filio infistore non novavit obligationem. Si novasset, utique cessaret infistoria actio, ut in *l. habebat, §. 1. hoc tit.* Sed ei obligationi miscuit aliam ex stipulatione, sive fideiussione, quæ nunquam novat principalem obligationem: fideiussendo miscuit tabernæ, negotio, *τὸ τραπεζαρία*, acceptæ pecuniæ speciem, hoc est, creditum, quod datur (& ut usurpem verba *l. 5. §. pen. de exercit. act.* licet sint scripta alia de re) pater non transiit obligationem, sed adiecit. Erit igitur in arbitrio creditoris utra actione malit experiri in patrem infistoria, an ex stipulatione, ex fideiussionis causa.

Ad §. Servus.

Servus pecuniis tantum feneratoris præpositus, per intercessionem ex alienum suscipiens, ut infistorem dominum in solidum jure prætorio non adstringit. Quod autem pro eo, qui pecuniam feneratori, per delegationem alii promissit: a domino recte petetur, cui pecunia credita contra eum, qui delegavit, actio quaesita est.

Differentiam facit Papinianus in *§. ult.* inter exemptionem, quæ fit novandi animo, per intercessionem

nem, & eam, quæ fit per delegationem: & nisi rem quis acute inspiciat, vix assequetur sensum Papiniani. Videamus quemadmodum fiat expromissio per intercessionem, & quemadmodum per delegationem. *Per intercessionem* fit in hac specie: Servus pecuniis tantum feneratoris, sive Calendario præpositus est, non alii negotio, is servus novandi animo suscepit in se res alienum, quod Titio Cajus debuit: quaritur, an ex hoc facto, ut infistor obliget dominum actione infistoria (legendum *ut infistor*, non *ut infistorem*) & respondet, non obligari dominum ex ea causa. Rectissime: quia ea res nihil pertinet ad causam Calendarii, & infistoria actio non porrigitur ad ea, quæ infistor contraxit extra eam rem sive causam, cui præpositus est infistor, l. 5. §. non tamen, hoc. t. Hac pars est aperitissima. Videamus quemadmodum fiat expromissio per delegationem: fit autem hoc modo. Servus Calendario tantum præpositus, cum rogaretur a L. Titio mutuum pecuniam dare sub fœnore, quæ se Lucius Titius liberaret a suo creditore, a quo urgebatur: si is servus infistor non numeravit pecuniam Lucio Titio, sed creditori ejus delegatus ab eo, cavet de solvenda pecunia, quam ei debet Lucius Titius, facta novatione & suscepta in se obligatione Lucii Titii: denique infistor rogatus fœnerare pecuniam, non numeravit, sed delegatus cavet creditori, a quo urgebatur is, qui mutuum pecuniam rogabat: hoc perinde est, ac si ei, id est, Lucio Titio pecuniam numerasset: quod patet, quia domino ejus in L. Titium est actio creditæ pecunie, perinde atque si infistor pecuniam numerasset, quia L. Titius videtur ab infistore pecuniam accepisse, eum delegando. Denique ex hoc facto infistoris domino acquiritur conditio creditæ pecunie: ergo æquum est, ut ex eo obligetur actione infistoria: si ex actu infistoris, & quaritur actio, æquum est, ut etiam ex eo contractu infistoria teneatur. Hæc est ratio inducenda actionis infistoris, l. 1. §. 1. h. t. Denique ex eo contractu dominus obligatur ei, cui infistor delegatus est: At priore casu facta expromissione per nudam & simplicem intercessionem, ex actu infistoris, qui simpliciter intercessit pro alio non rogatus fœnerare pecuniam, nulla domino acquiritur actio: ergo neque ex eo actu obligatur infistoria actione. Res est aperta, si modo illo loco hujus §. *Qui pecuniam fœneravit*, non accipias fœneravit, ut Interpretes in patendi significatione, in una auctoritate accipitur, sed ut frequentissime in Pandectis Flor. si accipias *Qui pro cui*; innumeris locis ita scribitur. *Qui id fecit pro Cui id fecit*; ergo qui pecuniam fœneravit, id est, cui intelligitur fœnerasse: intelligitur autem fœnerasse ei, qui eum delegavit creditori suo, unde etiam nascitur competitque domino actio creditæ pecunie. Denique qui delegat debitorem, pecuniam dare intelligitur, l. qui debitorum, de fidejuss. Et similiter, qui delegat creditorem sive fœneratorem, credere & fœnerare paratam pecuniam accipere creditur, l. 12. §. 13. de novat. Et hoc est, quod ait, *Quod pro eo cui pecuniam fœneravit*: promittendo sc. ei, cui delegatus est, per delegationem promissit, a domino petatur:

Ad L. XXVII. ad Senatusc. Vellejan.

Bona fide personam mulieris in contrahendo secutus, ob ea, quæ inter virum & uxorem accepta pecunia gesta sunt, exceptione Senatusconsulti non submovetur.

Quod attinet ad hanc legem, sciendum est Senatusc. Vellejanum irritas facere intercessionem mulierum, quas deceptæ facilitate sua, aut fragilitate faciunt pro aliis, conventus mulieribus ex causa intercessionis, quam fecerunt pro alio, data exceptione, qua repellant actorem, apud quem intercesserunt, si uti beneficio velint SC. Vellejani. Nec enim invitis ipso jure hoc beneficium datur: dato denique eo non utuntur mulieres, nisi profiteantur, se velle uti proposita exceptione SC. Vellejani. Et intercedere mulier videtur pro alio, non tantum si fidejubeat vel expromittat, vel constituat pro alio, vel rem suam pignori obliget pro alio

A piam & aperte, sed etiam si tertio gerat intercedendi animo, fingens se rem suam agere, l. 4. §. 19. C. eod. tit. Ut si cum alius accepturus esset mutuum pecuniam, ipsa intervenerit, & acceperit suo nomine, quam mox alii annumeraret & crederet, sine intercedere videtur pro alio. Et hoc casu mulieri ita demum subvenitur data exceptione Senatusconsulti adversus creditorem, si creditor non ignoraverit quid ageret, quidve moliretur mulier, ut in l. 11. §. 12. §. 19. ult. hoc tit. & in l. seg. §. ult. Nam si creditor ignoraverit mulierem rem alii gerere, & bona fide ei pecuniam crediderit; tanquam in rem suam, & in usus suos, licet mox acceptam eam pecuniam marito suo crediderit, qui tacite rem gerebat, cessat Senatusconsultum Vellejanum, & creditori propter bonam fidem ejus mulier obligatur cum effectu: & hoc est, quod ait in principio hujus legis, *Bona fide personam mulieris in contrahendo secutus, ob ea, quæ inter virum & uxorem accepta pecunia gesta sunt, exceptione Senatusconsulti non submovetur.* Et confirmatur l. vir uxoris, §. 1. hoc tit. Verum obijciunt l. 13. C. eod. tit. quæ dicit: eum qui mala fide creditit mulieri non ignarus in usum mariti eam sumere mutuum pecuniam, non submoveri except. Senatusc. Vellejani, licet sciverit quid mulier ageret. Sed, ut statim respondeam, ratio hæc est: quia in specie hujus legis mulier non fuit interposita vel submissa a marito, ut vice locove ejus mutuum pecuniam acciperet, sed ultro in usum mariti sciente creditore, mutuum accepit: pro casu cessat Senatusconsult. Vellejanum. At si fuisset mulier interposita a marito pecunie accipienda gratia, quam ipse erat accepturus (qui est casus, de quo tractamus in hac lege) & hoc scivisset creditor, proculdubio summo veretur exceptione Senatusconsulti Vellejani non si hoc ignorasset: hoc casu est constituenda differentia inter creditorem scientem & ignorantem, non illo casu d. l. 13. Item obijciunt, quod est in prin. d. l. vir uxoris, h. t. Si mulier, quæ non debet marito, creditori mariti ex delegatione ejus promiserit, submoveri creditorem exceptione Senatusc. Vellejani, etiam si bona fide secutus sit personam mulieris, existimans eam esse debitricem mariti. Sed eadem lex respondet, multum interesse, utrum quis cum muliere ipse, primum contraxerit creditæ pecunia, an cum marito, vel eum alio primum, deinde ei mulier delegerit ab eo, cum quo primum contraxit. Nam hoc casu a creditore curiositas & diligentia exigitur, ut perquirat mulier, quæ delegatur; debitoris debetrix sit nec ne: & aliis casibus quibusdam certis curiosos esse creditores oportet, id est, inquirere oportet, in quam rem rogentur pecuniam mutuum, l. 1. §. sed si acceperit, de in rem verso, l. ult. de ex. act. Et ita cum is, qui principaliter contraxit cum creditore, delegat creditum mulierem tanquam debitricem suam, debet creditor, qui mulieris fidem sequitur, aut sequi vult, prius scrutari an vere sit debetrix delegantis, alioquin submovebitur exceptione Vellejani si conveniat mulierem. Priore vero casu, cum quis roganti mulieri pecuniam creditit ab initio (qui est casus hujus legis) non exigitur, ut perscrutetur & quærat quid de ea pecunia mulier factura sit, alioquin nemo femine auderet credere pecunias incertis animi mulieribus, l. 11. h. t. M. Tull. pro Rab. Post. non debuit is, qui dabat, quo ille pecuniam infunderet, quærere. Et ideo hoc casu dicimus creditorem non summo vereri exceptione SC. Vellejani, si ignoraverit mulierem rem alii administrare, & ita demum submoveri, si sciverit, quid mulier ageret.

Ad §. Cum Servi.

Cum servi ad negotiationem præpositi, cum alio contrahentes personam mulieris, ut idonee sequuntur, exceptione SC. dominum submovet: nec videtur deterior causa domini per servum fieri, sed nihil esse domino questum, non magis quam si litigiosum prædium servus, aut liberum hominem emerit.

Sententia hæc est: Mulier intercessit pro eo, qui cum servo infistore contraxit, puta, pro emptore mercium,

cium, cum servus mercaturis faciendis præpositus esset, ex hac causa, domino per servum adquiritur actio ex vendito in emptorem mercium, & actio ex stipulatu in mulierem, quæ fideiussit pro emptore: sed in emptorem adquiritur actio efficax, in mulierem actio inefficax, & inanis per Senatusconsultum Vellejanum. Ita est omnino. Verum potest obijci: per servum domini deterorem conditionem fieri non posse, *l. melior, de regul. jur.* Deteriorem vero fieri accepto non idoneo fideiussore, puta, muliere, & adquisita actione inani. Huic objectioni respondet Papin. hoc loco, & negat deteriorem fieri conditionem domini, eo quod servus non acceperit idoneum fideiussorem, atque ita adquiserit inutilem actionem & inanem: eum enim facere conditionem domini deteriorem, qui facit, ut dominus quod habet non habeat, non qui facit, ut dominus quod non habet, nec habeat, ut qui non acquirit dominium certæ rei vel possessionem, *Lute. C. de ac. poss. vel.* quod idem est, qui acquirit inutiliter, puta, qui emit liberum hominem aut fundum litigiosum, quæ emptiones inutiles & irritæ sunt, quibus exemplis hic Papinianus utitur rectissime: & similiter, qui personam mulieris pro alio fideiuberet sequitur, quæ intercessio inutilis est. Et ita recte diximus in *l. heres, §. ult. de pet. her. lib. 2.* post litem contestatam petitori hereditatis non præstari usuras fructuum, nec tamen eo fieri deteriorem conditionem actoris, qui litem contestatus est, contra regulam juris: quia fieret per litem contestationem deterior conditio actoris, si per causam litis contestatæ delinere debet usuræ, quæ ante deberi coeperunt. Verum hoc non fit *l. lite, inf. de usur.* sed quæ non coeperunt deberi ante litem contestatam, nec per litem contestatam incipiunt deberi, quæ genere non fit deterior conditio actoris, sed neque melior. Denique aliud est non facere conditionem meliorem, aliud facere deteriorem. Qui non facit meliorem, non facit etiam deteriorem.

Ad §. Uxor.

Uxor debitorum suam viro delegavit, ut vir creditor ejus pecuniam solveret, si fidem suam pro ea quam delegavit, apud virum obligaret: locum exceptio Senatusconsulti non habuit: quia mulier suum negotium gessit.

Species hæc est: Uxor quæ Lucio Titio debebat aureos 100. marito suo mandavit, ut L. Titio creditori suo eam pecuniam solveret, & quo tutus esset maritus, uxor delegavit ei debitorum suam, quæ ei totidem debebat puta 100. ut scilicet marito stipulanti promitteret, se eam pecuniam soluturam novata obligatione tam mulieris quam etiam suæ: quæ ex causa mandati uxor marito tenebatur, quæ mandaverat marito ut solveret Titio, & uxor pro ea muliere, quam delegavit marito suo, fideiussit apud maritum. Queritur, an adversus maritum si conveniatur ex stipulatu possit se tueri exceptione Senatusconsulti Vellejani? Et recte respondet non posse, quia pro suo negotio fideiussit, non pro alieno, *l. si dominus, hoc tit.* Illam quoque mulierem, quæ pro uxore expromissit, non uti auxilio SCti Vellejani certissimum est, quia debitoris fuit uxoris, quæ eam expromittere iussit, quæ eam delegavit, intercessit in rem suam, quæ erit debitor uxoris. Et mulieribus intercedentibus in rem suam non succurrit, *l. 2. 13. 22. C. 24. in prim. hoc tit.* Non omnis fideiussit aut expromissio intercessio est: ut prima facie intercessio est, non secunda, ut puta, si fiat in rem suam, non in rem alienam.

Ad L. XVIII. de Compensat.

In rem suam procurator datus, post litem contestationem si vice mutua conveniatur, æquitate compensationis utatur.

Si procurator absentis conveniatur ob proprium debitum, quæzo an possit actori compensare, quod is non sibi, sed domino absentis debet? Et certum est, non

A posse compensare, id, quod domino absentis debet, eum, qui suo nomine convenitur, sed id tantum, quod sibi debet vice mutua non alii, *l. ejus, C. eod. tit.* Compensatio est computatio vice mutua debitæ quantitatis. Et e contrario, si debitor conveniatur a procuratore creditoris, eadem ratio non potest compensare actori, quod sibi procurator debet, qui agit nomine alterius, sed id tantum, quod vice mutua ei debet, is cujus nomine procurator agit, ut in tutore proditum est, *l. pen. hoc tit.* Et hoc in procuratore in rem alienam est verissimum indistincte, si jam litem contestatus sit nomine domini absentis, si non. At in procuratore in rem suam quid dicemus? de hoc agitur in principio hujus legis: procurator in rem suam est veluti emptor nominis, cautionis, obligationis, vel is cui donatum nomen aliquod, B & mandata actio creditæ pecuniæ, actio nominis: hic est procurator in rem suam, cui mandatum est, ut ageret in rem suam, ut sibi haberet, quod ferret ex condemnatione, tanquam emptum vel donatum, & in procuratore in rem suam, hæc lex dum ait, *in rem suam procurator datus post litem contestationem, C.* ostendit in eo esse faciendam distinctionem temporis hoc modo, ut si post litem contestatam procuratorio nomine procurator datus in rem suam conveniatur a reo ob proprium debitum, compensare possit, quod domino actor debet, non si conveniatur ante litem contestatam, a reo ob proprium debitum. Et ratio hæc est, & ut sit necesse est, quia licet sit datus procurator in rem suam, tamen non ante intelligitur res sua esse, & sibi suo nomine deberi quasi principali creditori, quam litem inchoaverit, ut suam, & contestatus fuerit. Obijcies merito, imò ante litem contestatam rem suam esse, & utilem actionem habere suo nomine procuratorem datum in rem suam, *l. 6. C. 7. C. de oblig. C. action. l. procuratoris, de procur.* Nec procurator datus in rem suam potest revocari, etiam si res sit integra, puta, ante litem contestatam non potest revocari, qui factus est procurator ad agendum in rem suam, quia revocaretur emptio aut donatio perfecta, quod fieri nequit: & in eo valde errat Glossa, dum putat ante litem contestatam (tota glossa delenda est) posse revocari procuratorem in rem suam. Et *l. 3. C. de novat.* quam adducit, est de procuratore in rem alienam, non in suam, ut scilicet non possit revocari procurator in rem alienam his tribus casibus: si jam litem contestatus sit, si partem pecuniæ acceperit, si denuntiaverit creditori ut solveret. His tribus casibus non potest revocari, quia res non est integra. Hi tres casus nihil pertinent ad procuratorem in rem suam, quoniam is nullo modo, nullo tempore revocari potest, non magis quam emptio aut donatio, cujus causa eum procuratorem fecit in rem suam. Sic igitur colligo; etiam ante litem contestatam res videtur esse procuratoris dati in rem suam, quia revocat, non potest, & habet utilem actionem suo nomine. Adde, & quia potest etiam ante litem contestatam alium facere procuratorem ad agendum, quasi principalis creditor: & quia si moriatur ante litem contestatam transmittit actionem ad heredem suum, *l. ille, C. de donat.* Cur non idem esse dicimus in procuratore in rem suam, etiam si litem contestatus non sit, quia & ante litem contestatam hæc omnia habet? Difficile est, imò impossibile huic argumento respondere, & laudo plurimum Paulum Castrensem, qui fatetur, quamvis Papinianus dicat, *post litem contestationem*: tamen & ante litem contestationem, procuratorem in rem suam per omnia haberi pro domino rei, & creditore principali, ac proinde etiam compensare posse, quod ab eo a quo convenitur ob proprium debitum potest petere, ut procurator in rem suam. Sed his verbis, *Post litem contestatam*, Papinianus proponit difficiliorem casum, in quo plus inerat dubitationis: quia dubitari poterit, an etiam id, quod jam pettum est in judicio lite contestata, postea compensari possit dimissa petitione, dimisso priore iudicio? sed placet etiam id compensari posse, ne fiat contra regulam juris, quæ non patitur litem contestationem deteriore

riorem fieri conditionem actoris, *l. non silet, de reg. jur.* A
Et ita est proditum in *l. 8. hoc tit.* Hoc igitur initium
huius *l.* consensit cum *l. 8.*

Ad §. Creditor.

*Creditor compensare non cogitur, quid alii, quam de-
bitori suo debet, quamvis creditor ejus pro eo, qui conve-
nitur ob debitum proprium velit compensare.*

Peto a Lucio Titio quod mihi debet: meus creditor
paratus est pro *L. Titio* compensare, quod ei debeo
ut *L. Titium* dimittam; an cogor admittere compensa-
tionem? Minime, quia ejus tantum pecunie iusta com-
pensatio est, quam actor debet reo, non alii, *l. ejus*,
C. ad. tit. Sed si creditor meus velit gratificari *L. Titio*
debitori meo solvat pecuniam pro illo: Compensatio
illa non est pro solutione, sed iusta compensatio tan-
tum, ut *l. 4. qui pot. in pign. hab.*

Ad *L. XXV. Depos.*

*Die sponsaliorum, res postea, res oblatas puellae, quae
sui juris fuit, pater suscepit. Heres ejus ut exhibeat, re-
tine convenitur etiam actione depositi. Qui pecuniam apud
se non obligatam, ut tantundem redderet, depositam, ad
usus proprios convertit: post mortem in usus quoque judi-
cio depositi condemnandus est.*

Dua sunt partes hujus legis. Primiā exposui in
l. fidejussor, §. ult. de neg. gesti. Secunda pars est aper-
tissima. Ego deposui apud te sacculum pecunie non ob-
signatum: Videor tibi facere potestatem utendi pecunia
& convertendi in usus tuos, quia non obsignavi saccu-
lum pecunia plenum, ut scilicet tu mihi tantundem red-
das, vel etiam palam pecuniam non obsignatam apud
te deposui, ut non eadem, sed tantundem in genere mihi
redderes: si eam convertisti ad usus tuos, aut est mutuum,
aut depositum. Queritur, utrum sit? quod magni inter-
est scire. Nam si est mutuum, nec post mortem ejus pec-
unie debentur usurae, quia non sunt deductae in stipu-
latum, *l. 3. C. de usur. l. qui negotia, mand. l. Titius, de pre-
scrip. verb. si est depositum, ut in bonae fidei iudiciis sit,*
debentur usurae ex mora: depositum est contractus bonae
fidei, l. mora, §. in bona fidei, de usur. Et respondet Pa-
pius potius depositum esse, licet nonnihil degene-
ret a depositi conditione; quae talis est, ut eadem pecu-
nia reddatur in specie, quae deposita est, non eadem
quantitas in genere, ut fit in mutua. Denique depo-
situm est nonnihil accedens ad mutuum, sed tamen quod
depositi jure potius censendum sit: secundum hoc dicit,
ex mora ejus pecuniae deberi usuras.

Ad *L. VII. Mandati.*

*Salarium procuratori constitutum, si extra ordinem pe-
si caperis, considerandum erit; an laborem dominus remun-
nerare voluerit, atque adeo fidem adhiberi placitis oporteat,
an eventum litium majoris pecuniae premio contra bonos
mores procuratorum redemerit.*

Nonnunquam procuratori litium salarium consti-
tuitur remunerandi laboris gratia. Constituitur au-
tem non tantum pactione, sed etiam pollicitatione
certae quantitatis, puta, solo domino offerente & pro-
mittente, non interrogato, si daturum salarium cer-
tum, si bene respuerit & utiliter. Regulariter ex pol-
licitatione actio, aut persecutio non est, sed excipiuntur
casus quidam in tit. de pollic. & hic etiam casus: si do-
minus procuratori suo salarium pollicetur, & is, cui
constitutum est salarium, appellatur salararius in *l. 10.*
§. idem Labeo, hoc tit. Non omnis procurator est salaria-
rius, sed is tantum, cui constituit dominus salarium. Un-
de apparet procuratori non esse petitionem salarii, si ei

constitutum non fuerit: quare maxime distat ab advo-
cato: nam advocato honorarii petitio est, etiam si ei cau-
tum non fuerit, *l. 1. §. in honorariis, de exord. cog.* Et
ratio differentiae haec est, ut infra demonstrabitur ple-
nius, quia officium procuratoris constituitur mandato,
quod est gratuitum, advocati officium non est gratui-
tum. Petit autem procurator salarium, quod ei consti-
tutum est non per actionem, sed per persecutionem, id
est, extra ordinem, cognitione Praetoris vel Praefidis, ut
omnia salaria & honoraria constent pertinere ad cog-
nitionem Praetorum vel Praefidum, & extra ordinem peti
persecutione extraordinaria, *d. l. 1. ut fideicommissa*
Ulpianus lib. sing. Reg. scribit non peti per actionem,
sed in urbe cognitionem esse consulum vel Praetoris si de-
deicommissarii: in provinciis autem praesidium provin-
ciarum, hoc est, extraordinariam persecutionem fidel-
commisforum, ut in l. pecunie, §. persecutionis, de verb. o-
signis. Nec dicas cum interpretibus procuratorem sala-
rium petere, quod ei constitutum est per actionem
mandati ex *l. prox. in princ.* quia causa salarii nihil ha-
bet commune cum causa mandati, cum lite, cujus exe-
cutio procuratori mandatur, & nominatum in *l. 56. §. salarium hoc tit.* dicitur, procuratorem actione manda-
ti non petere, ut sibi salarium constituitur: qui locus
etiam probat, quod initio diximus, salarium constitui
pollicitatione nuda, ut *l. ult. §. ult. de oblig. & act.*
ubi mulier quaedam ita scribit ad quendam: Veni hoc,
tibi quamvis virum praestabo aureos decem: veni, & pre-
stabo tibi salarium, ut *l. decem annuos.* Queritur: an
ex ea scriptura, si ille venit, possit petere salarium?
Respondit Scaevola illo loco, judicem affirmare debere
ex causis & personis, an sit danda actio, id est persequi-
tio extraordinaria, actionis nomine accepto latissime.
Nam posset mulier eum vocare turpi ex causa, ex qua
non esset danda persecutio salarii. Denique ut possumus
initio, verum est salarium constitui nuda pollicitatione,
& peti non actione proprie, sed persecutione extraordi-
naria, hoc est, intervenit ipsius Praetoris vel Praefidis,
non ut in iudiciis ordinariis a Praetore vel Praefide
accepto speciali iudice. Et quod ait *l. prox. si re-*
munerandi causa honor intervenit, id est, si salarium, si ve-
honorarium procuratori constitutum fuerit remunerandi
laboris causa, esse mandati actionem, eo non significa-
tur salarium peti actione mandati, sed etiam si salarium
interveniat, nihilominus ex negotio gesto esse ultro ci-
troque mandati actionem: salarium non esse mercedem,
sed honorarium, si ve: honorem: alioquin salararius
non esset procurator, qui procurator constituitur per
mandatum, & mandatum nisi gratuitum nullum est l. 1.
hoc tit. Nam, inquit, originem ex officio & ami-
cicia trahit: hominum autem charitas & amicitia gra-
tuita est, contraria officio, contraria amicitiae merces.
Hinc manifestum est, quam distet officium procuratoris,
ab officio advocatorum: qui ut Seneca ait in Hercule
furente.

*Clamasi tabiosa fori jurgia vendunt
iras & verba locant.*

Nec ducuntur amicitia, ut procuratores, sed quaestus.
Non loquor de procuratoribus hujus temporis rapacis-
simo hominum genere: sed de amicis, qui nobis absen-
tibus rogatu nostro libenter suscipiunt defensionem li-
tium nostrorum, & nobis suam operam accommodant.
Officium advocati, non est amici officium, sed procura-
toris, & sic vocatur a Marco Tullio amicus volutarius:
& negotiorum gestor sine mandato, procuratori est admi-
nistratio. Locatio est si interveniat merces, & pretium ope-
re; non si interveniat modicum salarium honoris gra-
tia, *l. 7. si mens. fals. Med. dix. si interveniat de exord. cog.* &
quod interveniat salarium, honorarium, *avridapor*, non
ideo minus est mandatum, non ideo minus est ultro ci-
troque actio mandati. Est hoc est, quod ait *l. prox. in princ. si*
remunerandi gratia honor interveniat, id est, si avridapor, ni-
hilominus ultro citroque esse actionem mandati. Non ex ea
constitutione salarii, quae alia res est, sed ex ipso contra-
ctu:

Et: non ergo petitur. salarium procuratori constitutum actione mandati, vel qua alia actione ordinaria, sed petitur extra ordinem, ut ait hac lex. Et in d.l. 56. §. ult. proditum est, extra ordinem, id est, cognitione Prætoris vel præfidiarii, ut l. 1. C. de i. non accepto speciali iudice a magistratu, ut fit in iudiciis ordinariis, quia iure ordinario Prætor non cognoscit nec iudicat, sed dat iudicem speciale in quaque lite: at salario petito extra ordinem, Pap. ait hoc loco, considerandum esse, hoc est, Prætorum vel Præfidem, apud quem petitur salarium, debere animadvertere, utrum vere salarium dominus constituerit remunerandi laboris gratia, ut ejus petitionem admittat: an vero malo more atque perverſo procurator eventum litis redemerit, puta, interposita cautione hujusmodi, puta damnatur etiam in advocatis, ut si vinceret, ferret tertiam vel dimidiam partem litis, quæ plerumque majoris pecunie est, quam salarium, quod tenae esse solet atque modicum, cum honoris tantum gratia detur. Exiguam est semper, quod defertur tantum honoris ergo. Hæc pactio longe egreditur modum salarii solemnem, & est contra leges, contra bonos mores, nec ex ea Prætor vel Præfides petitionem admittere potest l. 20. C. mand. l. item, C. de præfidiarii. proxima, §. ult. sup. h. t. quia etiam ait idem esse (quod notandum) si procurator ex eventu litis de proprietate rei, qualis fuit ea de qua ibi agitur, pactus sit sibi dari certam quantitatem, puta, quingentos aureos: quæ forte adequetur dimidiam, aut tertiam partem litis. Nam quid refert partem paciscatur, an quantitatem parti parum: nec cum Interpretibus ulla nobis unquam est in hoc constituenda differentia.

Ad L. XVI. Mandati.

Quæ mutuum pecuniam dari mandavit, omisso reo promittendi, & pignoris non distractis, eligi potest: quod uti licet, si literis exprimitur, distractis quoque pignoris ad eum creditor redire poterit. Et enim quæ dubitationis tollenda causa contrariis inferuntur, jus commune non lædunt.

SI creditor ex mandato alterius L. Titio pecuniam crediderit sub pignoris vel hypothecis, certum est hoc iure creditorem posse omisso debitore principali, & omisis pignoris mandatore convenire; qui mandavit, ut pecuniam crederet, quod obtinuit ante Nov. Jul. de fidejuss. & mandat. Nam ex ea Novella non potest creditor eligere mandatorem, sed creditor jus electionis, quod erat vetustissimum, admittit Justinianus. At servato iure veteri fingamus ita convenisse atque etiam ut ait hoc loco, literis cautum fuisse, forte factum nomine, ut l. non figura, de oblig. & att. vel mandato contracto per epistolam, ut l. 1. h. t. convenisse, inquam, ut liceret creditori, omisso reo principali, & omisis pignoris eligere mandatorem, quod hoc iure utique liceret, etiam si nihil de eo convenisset. Inde queritur: si creditor non eligat mandatorem, ut conventio permittit, sed eligat pignora; & minoris distrahat, an possit reliquum, quod credito deest, a mandatore petere? & potest quidem iure communi, l. reos, C. de fidejuss. sed quia convenit hoc tantum, ut omisso debitore, & omisis pignoris possit eligere mandatorem, non etiam, ut electis pignoris possit redire ad mandatorem: quod omisum est in conventionem, videtur creditori non licere, & minor esse electio permissa conventionem, quam sit electio permissa iure communi: imo ius commune conventionem restringi & coarctari. Sed aliud sequitur Pap. hoc loco: quia conventio illa ex abundanti facta est, cum ipso iure ita se res haberet: igitur supervacua conventio est, & facta in hoc tantum, ne quis dubitaret de mente contrahentium, an in iure electionis jus commune servari voluissent. Denique ut apparetur perspicue, eos velle sequi ius commune, & permittere electionem creditori, & quæ dubitationis tollenda gratia, ut in aliis locis, contra-

A tribus inferuntur, jus commune non lædunt, quæ sententia etiam repetitur in tit. de reg. jur. Ergo in specie proposita jus commune per omnia servatur, non tantum in casu conventionem expresso, sed etiam in non expresso, in omni casu. Valde notandum est hodie (quia sublatum est jus electionis Novella Justiniani) illam conventionem, ut liceat creditori omisso reo principali eligere mandatorem, non esse supervacuum, quia aliud Novella constituit, & esse iustam, vel quod consentiat etiam cum iure veteri, quo contrahentes etiam post Novellam si velint, uti possunt. Quidni? nec Novellæ locus est, aliter quam si aliud non conveniret. Hodie igitur, quia illa conventio non est supervacua, etiam accipimus stricte, nec aliud permittimus creditori, quam quod in ea scriptum est, ut omittat reum principalem si velit, & eligat fideiussorem vel mandatorem, ut conventio ea quam minimum recedat a Novella: denique quod in ea erit omisum, pro omisso habebitur.

Ad §. Fidejussor.

Fidejussor, qui pecuniam in iure obtulit, & propter aetatem ejus, qui petebat, obligavit, ac publici depositi, confestim agere mandati potest.

Fidejussor conventus a creditore minoris xxv. annis, debitam pecuniam ei obtulit in iure, hoc est, dixit se habere pecuniam in manu, & se paratum esse eam recte solvere, & ita in iure, ad tribunal Prætoris obtulit ei pecuniam, sed non tradidit, metu, ne minor eam perderet, & perditam pecunia restitueretur in integrum adversus solutionem sibi factam, & rursus coheret fideiussorem sibi solvere eandem pecuniam: hac ratione motus fidejussor obtulit minori pecuniam debitam, non tradidit, sed obligavit & depositum in eadem facit, ut in l. 7. de minor. l. 64. de fidejuss. Queritur: an confestim possit fidejussor agere mandati adversus reum promittendi, quod mandatu ejus fidejussit? & respondet posse, nimirum, quia obligatio & depositio pro solutione est, eum nunquam sit fidejussor eam pecuniam recuperaturus.

Ad §. Non ideo.

Non ideo minus omnis temporis bonam fidem explorari oportet, quod dominus post annos 5. provincia reversus, mox reipublica causa profecturus; non acceptis rationibus mandatum instauraverit. Cum igitur ad officium procuratoris pervenerit, quicquid ex prima negotiorum gestorum administratione debuit ad secundam rationem transferre, secundum temporis causa priorem litem suscipiet.

Dominus profecturus in provinciam, Romæ procuratore rerum suarum reliquit L. Titium, & reversus ex provincia post quinquennium, mox Reip. causa in alium locum profectus est non acceptis rationibus quinquennii a procuratore, videtur tacito intellectu restituisse mandatum, quia neque exigit rationes, neque accepit. Non ponit id, dominum instaurasse specialiter, sed tacite, quod discesserit non acceptis rationibus. Nec sentit Pap. reditio domini ex provincia revocari mandatum: revocatur enim reditio rationum quasi actu peracto, negotio confecto, non reditio domini ex provincia in urbem. Verum uti dux sunt professiones, ita quasi instaurato mandato dux intelliguntur esse administrationes, & pro ratione professionum distinguenda sunt tempora administrationis negotiorum absentes, siue procuratoris negotiorum absentes, ita ut, quod ex prima administratione procurator domino se non debere non ignorat, id a seipso exigit, & transferat in rationem secundæ administrationis, ut scilicet quod in aliorum persona prestat debet, id præstet in suam, ut l. si neg. h. t. Denique, ut quod debet ex prima administratione, id transferat in secundam, quæ cepit a secundâ professione domini. Quamobrem in lite de secundâ administratione venit etiam ratio.

tio primæ administrationis, quasi translata in secundam, nec videbitur procurator liberatus prima, quod sit ei restitutum mandatum non accepta ratione primæ imo non in omni contractu, ut ait l. si mandati §. 1. h. t. In utraque administratione utroque tempore se bona fide rem gessisse probare & præstare debet: & nihil est præterea in hoc §.

Ad §. Salarium.

Salarium incerta pollicitationis neque extra ordinem esse petitur, neque iudicio mandati, ut salarium ipsi constituitur.

EX hoc loco (ut solent Imperatores uti libentius Pap. quam ceteris) sumpta est l. salarium, C. ord. r. sic legenda: *Salarium incerta pollicitationis peti non potest.* Sententia hæc est: Salarium incertum, quod pollicetur dominus procuratori, puta hoc modo; feres non leve præmium, si bene gesseris rem meam, neque posse peti extra ordinem, ut solet peti, cum jure constitutum est, nec actione mandati, ut scilicet constituitur certum atque præstetur. Denique constitutio salarii incerti, nullus momenti est. Interdum & tutori constituitur salarium a Prætoribus, & testatore, vel a iudice, ut eo contentus non deprædatur pupilli bona, ut Demosthenes in Aphobum. 1. orat. ait, patrem constituisse salarium tutori filii: sed exigimus, ut etiam salarium, quod tutori constituitur, sit certum; alioquin nihil agitur, l. a tutoribus, §. ult. de administrat. tut. Votum quoque incertæ pecuniæ pontifices censent non valere apud Titum Livium 35.

Ad §. Sumptus.

Sumptus bona fide necessario factos, esse negotio finem, adhibere procurator non potuit, iudicio mandati restitui necesse est.

PROCURATOR ad litem vel ad negotium sumptus facit necessarios bona fide, eventus rei non est sequutus, non potuit optatum negotio finem imponere, an ideo non restitueretur ei sumptus bona fide facti? Imo vero restitueretur etiam si eventus non responderit, ut in l. ex mandato, h. t. & l. q. l. 11. C. ord. i. Idem est etiam in tutore, l. 3. §. sufficit, de contr. jud. tut. non idem est in negotiorum gestore, qui non rogatus, ultro se offert defensionem litis alienæ, & causa cadit. Hic quod ex condemnatione præstiterit sane recuperat, quia bona fide accessit ad negotium alienum; sumptus litis non recuperat, quia debuit exploratius litem alienam non rogatus defendendam suscipere, quod Glossa recte notat & exponit: & memini me tradere lib. 2. ad leg. liberto de negot. gest.

Ad L. LXXXII. Pro socio.

Jure societatis per socium arcæ alieno socius non obligatur, nisi in communem arcam pecuniæ versæ sint.

PONIT unum ex sociis mutuam pecuniam accepisse, & cum quæreretur, an ex ea causa, alter socius obligatus esset: Respondet Pap. non esse obligatum eo nomine alterum socium, nisi pecuniæ versæ sit in rem & in arcam communem: quod non ita est accipiendum, ut dicat alterum socium eo nomine creditori, qui mutuam pecuniam dedit alteri, socio non obligari aliter, quam si pecuniæ versæ sint in rem aut arcam communem: neque enim hoc sentit Pap. quia etiam si pecuniæ, quam socius mutuam accepit, versæ sit in arcam communem, alter socius eo nomine creditori non obligatur, cum quo nihil contraxit: sicut quum quis alius mutuam pecuniam sumit, & eam mox vertit in rem meam, ego creditori non teneor conditione, quæ de mutuo dato proponitur, vel qua alia actione, l. eum qui, C. si cert. pet. Non quærimus in credita pecuniæ, ad

quem ea pecuniæ pervenerit, sed quis eam mutuam rogavit, quis contraxerit, ut hic solus obligetur. Etiam Seneca §. de benef. Pecuniæ ab eo petitur, cui credita est, quamvis illa ad me aliquo modo pervenerit. At semper excipio ab hac definitione argentarios socios, in quibus jus hoc esse consuetudine receptum Cornificius scribit secundo ad Herennium, ut quod, quis argentario expensum tulerit, id a socio argentarii in solidum repetere possit. Nec mirum, cum e diverso, quod quis argentario acceptum tulerit, id socius argentarii in solidum repetere possit, ut aperte dicitur jure singulari esse constitutum in l. si unus ex argent. in princ. sup. de pati. Hoc jure singulari in argentariis tantum sociis receptum est, non in ceteris sociis: falsum igitur, quod Cynus & Baldus generaliter statuunt, socium communi nomine mutuam in solidum accipientem, alterum socium obligare creditoris in solidum conditione creditæ pecuniæ, hoc est, creditorem, quod uni ex sociis expensum tulerit, id ab altero socio, cum quo non contraxit, in solidum repetere posse, quod receptum tantum est in argentariis sociis propter necessarium usum argentariorum & mensæ, propter utilitatem publicam, l. quod prius, de pos. sicut & pleræque alia constare esse recepta singularia in argentariis ex Novel. 126. Verum quod attinet ad sententiam hujus responsi, hæc verba Papiniani: *Jure societatis, aperte demonstrant, hanc esse Papiniani sententiam, ut nomine æris alieni, quod socius fecit atque contraxit, ei socio alter socius non obligetur, nisi in communem arcam pecuniæ versæ sint: nam hoc casu, quum pecuniæ in communem arcam versæ sint, socio qui mutuam pecuniam sumpsit: alter socius obligatur, & tenetur actione pro socio, ut ejus pecuniæ reputationem admittat in distrahenda societate, & deductionem ex arca communi, in quam ea pecuniæ versæ est, videlicet, si præsentis die pecuniæ debeatur: vel si debeatur sub conditione, aut in diem, ut alter socius pro sua parte, ei qui mutuam pecuniam sumpsit caveat de indemnitate, & hac denique ratione fiat, ut quod in arcam communem versum est, ex communi arca solvatur, l. 27. & 28. hoc tit. Omnis societas, habet arcam pecuniæque communem, sicut omne collegium & omnis universitas, l. 1. §. quibus, quod cujusque univers. At si ea pecuniæ, quam unus ex sociis mutuam sumpsit, versæ non sit in arcam communem, alter socius ei non obligatur jure judicioque societatis, hoc est, actione pro socio. Atque ita apparet, quod unus ex sociis pecuniam mutuam sumpsit non hoc quæri in hac lege, an alter socius creditori teneatur actione creditæ pecuniæ, sed hoc quæri tantum, an alter socius teneatur socio actione pro socio, ut nomen quod fecit socius, ratum habeat, patiaturque dissolvi ex arca communi, quod nequaquam faciet, nisi pecuniæ versæ sint in arcam communem societatis.*

Ad L. LXXXIII. de Contr. empt.

Ædes sacra terre motu diruta, locus adificii non est profanus: Et ideo venire non potest.

CERTUM est loci sacri vel religiosi emptionem nullam esse, l. 6. in pr. l. 2. l. 3. h. t. §. ult. Inst. de emp. & vend. quia scilicet res sunt divini juris, non humani. Et ideo Pap. ait in hac lege, si ædes sacra corruerit, si terre motu, aut vetustate aræ, quæ superest, emptionem non esse, quia arca sacra permanet, nec diruto adificio mutatur jus & conditio soli. Et hoc quidem est ex Pap. nominatim relatum in Inst. §. locus, de ver. div. & confirmatur etiam Epistola Trajani ad Plinium: *Si inquit, sacra ædes esset, licet collapsa sit, religio ejus occupavit solum.* Victoria quidem locus definit esse sacer, aut religiosus, non ruina adificii, victoria sit profanus locus, de ver. div. & rel. §. sum. quod etiam M. Tullius indicat libro de signis, *Ætas tabularum, inquit, M. Marcellus cum omnia victoriam sua profana fecisset, tamen religio impeditus non attigit.* Et Virgilius in 12. Æneid.

Quæritur lora Respond. bello fecero profana.

Locus etiam, quem mortui reliquias religioſum fecit, profanus fit mortui reliquijs translatis in alium locum, *l. cum diſſerſ. de relig.* quam translationem ait lex imperari debere, a Principe ſcilicet vel collegio Pontificum, ut in *l. oſſa, eod. t.* Et legenda eſt ad hanc rem Epiſt. Plinii ad Trajanum, de transferendis mortui reliquijs. Nec omit- tam, quod addit in *d. l. cum in diſſerſis.* Si in diſſerſis locis ſepulchrum fit, utrumque locum non eſſe religioſum, quod unius hominis ſepultura, plura ſepulchra effi- cere non poſſit, ſed eum locum eſſe religioſum in quo quod principale eſt conditum & inhumatum eſt, vel ut in ead. *l.* dicitur, *ubi quod eſt principale conditum eſt, id eſt, caput, cuius imago fit, inde cognoſcitur.* Sic enim recte in Florentinis eſt ſcriptum *principale caput, cuius imago fit, non reliqui trunci.* In pompa funebri ſcilicet circumferitur imago vultus tantum, quod inde cognoſcamur poſſimum. Et hanc rationem etiam adfert Ari. Problematum parte ſecunda, *διὰ τῆς τοῦ προσώπου τῆς ἰκῆ- νος ποιότητος, ὅτι μάλιστα γινώσκεται.* & ita recte illo loco principale, id eſt, caput, cuius imago tantum fieri ſolet, quod inde cognoſcitur poſſimum.

Ad §. Intra maceriem.

Intra maceriem ſepulchrorum hortis, vel ceteris cul- turis loca pura ſervata, ſi nihil venditor nominatim exce- pit, ad emptorem pertinet.

SEPULCHRA olim, quod nemo ignorat, erant diviti- bus propria & privata in agris ſuis & ſuburbanis, ſervis autem & inopibus erant communia atque publica; quæ ad urbem puticuli, ad municipia culinae, quia ex *12.* tabulis jus non erat, nec fuit unquam iure civili populi Romani ſepeliendi vel urendi in urbe, *l. marium, C. de relig. l. 8. §. Divus, inf. de ſepul. viol.* Sepulchra autem propria qui habebant in agris ſuis, plerumque macerie circumdare ſolebant, intra maceriem reliſtis hortis aut vineis, aut aliis culturis aut ædificiis. Et ipſa quædam ſepulchra erant religioſa, quatenus corpus vel oſſa condita erant, quatenus corpus humanum erant, nec enim totus locus ſepulturæ deſtinatus, & forte, ut poſui, maceria reclusus, religioſus erat, nec qua fines ſepulchri finiti erant in frontem & in agrum, & in ambitum quæque verſus, ut eſt in *l. 2. §. ſepulchrum, ſup. de relig. ut Cælius deſinit.* Non totus locus eſt religioſus, qui ſepultura deſtinatus eſt, ſed eatenus dumtaxat, quatenus humanum eſt. Loca igitur ſepulchris cohxant, vel adiacentia ædificia, hortii, vineæ, ceteraque culturae, etiam poſſe ſunt intra maceriem ſepulchrorum, loca ſunt pura, id eſt, profani juris, *l. locum, C. eod. t.* Et huc maxime pertinent antiquæ ſepulchrorum inſcriptiones, Romæ: *Agrum, ſive hortum cum ædificio macerie incluſum poſteris ſuis, & liberis liber- tabuſque ſuis dominus conſecravit.* Et Neapoli: *Huius monumæti ſui & qua maceriacluſum eſt cum taberna & ca- niculo heredem non ſequitur, nec intra maceriem humani quæquam licet.* Hæc autem loca pura, quæ ſunt intra maceriem ſepulchri emptorem fundi ſive agri totius ſequi Pap. ait, ſi ea venditor nominatim non exceperit. Nec mirum, cum & ſepulchri locus ſequatur emptorem ſi exceptus non fit. Nec obſtat quod dicitur loci ſacri nullam eſſe venditionem, quia etiam non ipſe locus ſepulchri venit, ſed emptioni maioris partis acceſſit, puta agri totius *l. 22. 23. 24. h. t.* ut rei ſuz nulla emptio, ſed ſi fundi portiuncula ſit mea emendo fundum totum, & par- tem meam videor emere, *l. 13. t. ſeg.* Sic igitur locus ſepulchri vendi ſpecialiter non poteſt, accedere tamen po- teſt venditioni maioris partis. Et ita eleganter Ambroſius lib. *1.* de Abrahamo: *Sæpe, inquit, cum alienationibus poſſeſſionum, venales ſunt que in iſdem locis ſunt ſepulchra.* Sed hoc ita in ſepulchro procedit, ſi ad ſepulchrum ven- ditori vendito agro aut fundo aditus nullus ſuperſit: Finge, ſepulchrum eſſe in mediſtulo agri, nam ſi ven-

A ditori ſit aditus ad ſepulchrum, ſac ſepulchrum poſitum ſecundum viam publicam, juſ ſepulchri venditor reti- net etiam ſi id non exceperit in vendendo fundum, *l. ſi mercedem, §. 1. inf. de aſt. emp.* In qua cum ita La- beo ſcripſiſſet: *Si fundum vendidiſti, in quo ſepulchrum habuiſti, nec ſepulchrum tibi nominatim exceperit, parum eo nomine tibi cautum habes:* notat Paulus, *minime: ſi modo ad ſepulchrum iter publicum tranſit,* hoc eſt, ſi habeat aditum ad ſepulchrum venditor fundi, qui non exceperit ſepulchrum, ſi habeat aditum per viam publi- cam, non amittit juſ ſepulchri. Ceterum excepto ſepulchro in venditione fundi vel nominatim vel ta- cite, ut dixi, cum venditori ſuperſit aditus ad ſepul- chrum. Denique excepto tantum ſepulchro, non vi- dentur excepta loca pura, quæ ſunt intra maceriem ſepulchri. Et hæc eſt ſententia Pap. dum ait, intra maceriem ſepulchrorum hortis vel ceteris culturis.

Ad Leg. ult. de in diem addict.

Prior emptor poſt meliorem conditionem oblatam, ob pecuniam in exordio venditori de pretio ſolutam, contra ſecundum emptorem citra delegationem juſ ſtipulationis in- terpoſitam agere non poteſt.

SENTENTIA *l.* huius hæc eſt. Si venditor emptori fun- dum in diem addixerit, hoc eſt, ſi ea lege fundum ei venderit, tradiderit ut ſi alius intra certum diem meliorem conditionem venditori offerret, ut puta, ſi pretio adiceret, fundus eſſet inemptus, & dominium ejus abiret a priore emptore: hac lege interpoſita, alio, intra eum diem pretium adjiciente, eique venditore fundum addicente, prior emptio irrita conſtituitur, & inter emptorem priorem & venditorem ultio citroque eſt actio empti & venditi, nimirum venditori in priorem emptorem eſt actio venditi, ut fundum reſtituat, & fruſtus medio tempore perceptos, *l. item quod, l. Imperator, h. t.* Er retro, priori emptori in venditorem eſt actio empti, ut pretium reſtituat, quod ei prænumeravit, & ſump- tus neceſſarios, quos in rem emptam fecit medio tem- pore, *d. l. Imperator.* Priori, inquam, emptori eo no- mine eſt actio in venditorem, non in poſterio-rem emptorem, qui meliorem conditionem obtulit. Prior in poſterio-rem nullam habet actionem, quia nihil cum eo contraxit: nullam, inquam, habet actionem, niſi ſi poſterio-rem emptorem priori venditor delegaverit, & is poſterior emptor novatione facta priori promiſerit ſe redditurum pretium, quod ſolverat venditori, & ſumptus in rem neceſſario factos. Et hoc eſt, quod ait Pap. in hac lege: *Citra delegationem juſ ſtipulationis in- terpoſitam priori in poſterio-rem nullam eſſe actionem.* De- legatio peragitur per ſtipulationem, delegato ſcilicet promittente ſtipulanti ei cui delegatus eſt, *l. 1. 1. inf. de nov. l. 1. l. pen. C. eod.* Delegare eſt iubere debitorem noſtrum, quod debet nobis, expromittere (quod verbum ſignifi- cat novationem) creditori noſtro ſtipulanti, quo genere fit novatio obligationis, hoc eſt, in propoſita ſpecie libe- ratuſ poſterior emptor a venditore, & obligatur priori emptori: poteſt etiam citra delegationem in poſterio-rem prior agere de pretio venditori ſolutu, ſi poſterior con- ſtituerit ſe id ſolutorum, quod ſolverat venditori, *d. l. pen. C. de novat.* Sed hoc genere non fit novatio, *litem, l. ubi quis, de conſt. pet. l. ſi filius am. de in rem verſo, l. 2. §. 1. de admi. rer. ad circi. pert.* Poteſt etiam priori emptori venditor cedere actionem ex vendito adverſus poſterio-rem emptorem ob pretium, quod fecit poſterior emptor, *l. ult. C. quando ſiſcus, vel priv.* ſed hoc etiam genere non fit novatio obligationis, *l. 3. C. de nov.* Pap. igitur hoc loco cum tantum caſum expreſſit, quo fieret novatio obligationis.

Ad l. pen. de Peric. & comm. rei vend.

Habitationum oneribus morte libertorum finitis, emptor

Ooo

domus

domus ob eam causam venditori non tenetur: si nihil aliud A
convenit, quam ut habitationes secundum desueti volun-
tatem super pretium libertis prestarentur.

Do sunt responsa in hac lege. Prioris species hæc
est. Quidam in testamento liberis suis legavit ha-
bitationem in domo illa, quam post mortem testatoris
heres vendidit sub onere præstandæ habitationis libertis
secundum voluntatem testatoris: habitatio sive habita-
tionis legatum, quod libertis relictum est, finitur morte
libertorum, quia jus est personale quod non transit in he-
redem, *l. si habitatio, sup. de usu, & habit.* Unde queritur,
an finito onere habitationis morte libertorum, quicquam
heres ab emptore domus exigere possit: hac ratione,
quod minoris domum vendiderit propter onus habita-
tionis, & nunc eo onere sublato morte libertorum, debeat
ei præstari, ut intendit, quanto plus ea domus nunc va-
let? Et respondet Pap. ob eam causam venditori emptore
non teneri, quia nihil sibi eo nomine cavit, & de se
queri heres debet, qui in eam causam sibi non caverit.
Opus est cautione sive conventione speciali, puta, ut re-
moto onere habitationis pretio aliquid adjiciat emptor;
alioquin, si hoc non convenit, commodum finitæ habi-
tationis pertinet ad emptorem domus secundum regu-
lam hujus tituli, ut post perfectam venditionem omne
periculum, & omne commodum pertineat ad emptorem,
& sic legato, quod notandum, usufructu domus & he-
rede vendente proprietatem, postea mortuo fructuario
consolidationis commodum dicerem pertinere ad emptore
rem proprietatis, non ad venditorem.

Ad §. Ante pretium.

Ante pretium solum domini questione mota, præ-
tium emptor solvere non cogitur: nisi fidejussores idonei,
& venditor ejus evictionis offerantur.

Sententia hæc est: actione ex vendito non cogi em-
ptorem, cui res tradita est fide habita de pre-
tio, solvere pretium venditori, si ei fiat statim in
ipso limine sive exordio emptiois, controversia do-
mini ab extraneo quodam, nisi paratus sit venditor
emptori dare secundum auctorem, hoc est, fidejussorem
idoneum evictionis nomine. Hæc est sententia postero-
ris responsi; cuius auctoritas tacite refertur & com-
probatur in *l. si poss.*, *C. de evict.* alias venditor non sa-
tisfacit, sed reponit tantum nuda cautione ob evi-
ctionem, nisi aliud convenit nominatim, *l. q. l. empti.*
l. si dictum, inf. de evict. l. 1. §. stipul. de prat. stip. quod
etiam olim in venditionibus caveri nominatim solebat,
ne venditor daret fidejussorem evictionis nomine, sed
contentus esset emptor nuda reponitione: id, hodie
etiam si omisum sit pro cauto habetur, & transit in jus
commune, ut non aliter satisfacit de evictione venditor,
quam si id nominatim convenit inter emptorem &
venditorem. Varro 5. de lingua Latina: Caveri lege cer-
tum est ab his, qui prædia venderent vadesque darent, evi-
ctionis nomine, ne poscerentur. At in casu proposito, cum
in ipso limine venditionis movetur emptori questio do-
mini, statim venditori emptor exprimit & extorquet sa-
tisfactionem per retentionem pretii, si cum eo venditor
agat ob pretium ex vendito, nempe opposita exceptione
doli mali, & ideo ponit Pap. hoc loco: ante solum pretium
domini questionem motam, quia post solum pretium
nulla ratio est venditori extorquendæ satisfactio-
nis. Ait, domini questione mota, sed idem est, si emptori
movetur questio hypothecæ, ut *d. l. si poss. in fin.* Valde
etiam notandum est, quod ait Pap. ejus evictionis, non
omnis evictionis generaliter, sed ejus evictionis, quæ in-
tenatur in ipso limine contractus: quod aperte demon-
strat hoc casu, non generaliter evictionis, satisfactionem
extorqueri venditori, sed specialem ejus evictionis quæ
fit in ipso limine contractus, quo nihil est certius ex illis
verbis ejus evictionis: ut plane sunt resipisci Doctores, qui

hoc loco concertant generalis an specialis evictionis no-
mine sit satisfaciendum emptori in hac specie. Non est au-
tem aliena hæc sententia Pap. ab hoc tit. de peric. & com-
reivend. quia a regula hujus tituli excipitur periculum
evictionis, *l. 1. C. de peric. & comm. rei vend.*

Ad L. XLI. de Actionibus empti.

In venditione, super annua pensionatione pro aqua du-
ctu infra domum Roma constitutam, nihil commemoratum
est. Deceptus ob eam rem ex emptio actionem habebit. Ita-
que si conveniatur ob pretium ex vendito, ratio improvisi
veris habetur.

Species *l. 41.* hæc est: domus Roma constituta venit:
quæ debuit sisco, vel ærario annuum pensionatio-
nem pro aqua ductu, id est, pro forma aquæ ductus,
quæ transibat infra eam domum, *hæc in actis, sub-*
tus eam domum. Ut in *l. cum servus, §. heres, de leg. 1.* Fuit
hujus pensionationis mentio pro forma aquæ ductus, sive
pro aquæ forma, quod idem est, ut in *l. si pendentes,*
§. si quid cloacarii, de usufr. l. 1. C. de aquæ ductu lib. 11.
Quibus locis etiam offenditur: possessores per quorum
prædia aquæ ductus transit pensionare certum tributum,
aquæ ductus rescindi & purgandi causa, & inde
agrimensores, qui de limitibus agrorum scripserunt,
Mago & alii quidam: *agrarum, inquit, ductus per me-*
diæ possessiones diriguntur, qui a possessoribus ipsis vice
temporum repurgantur, propter quod levia tributa persol-
vant. In domo autem illa, quæ venit, si venditor
non dixerit emptori quod sciebat aut scire poterat
& debebat domum huic oneri esse subiectam pro aquæ
forma, decepto emptori, qui id ignorabat, tenetur
actione ex empto, ut vel præstet emptori, quanto mi-
noris empturus esset, si id ita esse scivisset, & in
l. si minor, C. eod. tit. Quæ lex idem esse statuit, si ven-
ditor dixerit sciens vel ignorans, minus esse tribu-
tum aliudve quoddam, vel minorem esse capitationem
prædii, quod notandum illo loco Capitationem dici
etiam de prædiis, tributum folii etiam, Capitationem
appellari, ut in *l. ult. Cod. Theod. sine censu vel reliquis*
fundum comparari non posse. Ergo lex ait, quod si venditor
minus id tributum dixerit, quod majus esse postea invenia-
tur, sive scivisset, sive ignoraverit onus prædii, aut oneris
quantitatem certam, emptori tamen teneatur, quanto mi-
noris actione ex empto. Ergo in hac specie emptori in ven-
ditorem, qui retineat onus ædium, competit actio ex empto
quanto minoris, vel ut adjicit, si venditor agat cum em-
ptore domus ob pretium, opposita exceptione doli mali, ut
fit in secundo responso, *l. pen. de peric. & comm. rei vend.*
habebitur ratio improvisi oneris, quod veluti ex impro-
visio emerfit, cum ante latisset emptorem domus, hoc
est, quanto minus ex pretio consequeretur venditor. Et
hæc est sententia juris legis, cui merito potest opponi
lex *si sterilis, §. 1. l. 1.* Quæ differentiam facit inter ven-
ditorem ignorantem & scientem: ita, ut si venditor
sciens de tributo non dicat, quod debet prædium quod
vendit, istius reticentiæ causa emptori teneatur ex em-
pto: ignorans autem si de tributo nihil prædixerit, ut
non teneatur ex empto: & tamen ante nos indistincte
diximus teneri venditorem, sive scierit, sive ignorave-
rit: Sed ita est, si quod ignoraverit, scire debuerit
aut potuerit, si iusta non fuerit ignorantia ejus, non si
iusta fuerit ignorantia, ut in exemplo proposito in *d. l.*
si sterilis §. 1. Si domus hereditaria erat, quam heres
vendidit post aditam hereditatem, nam qui succedit in
jus alterius, ignorantia habet iustam causam, nec ita-
tim scire potest conditiones, & jus rerum hereditaria-
rum, atque ita plane ignorans, qui vendidit domum
hereditariam, & nihil dixit de tributo, quod debet,
ignorantia eum excusat: At qui scire debuit, aut potuit
pro sciente habetur, ut *l. pen. sup. ad Senatufc. Macedon.*
l. si Titius, de fidejussor. l. 1. §. causa, de edil. edic. ubi ait,
venditorem teneri, quia potuit vitia rei venditæ nota
habe-

habere, ut Marcus Tull. eadem de re scribens 3. de offic. unus, quia scire debuit, alter qui scire posuit: utrumque idem potest. Et ita Græci in l. pen. de condit. causa data: illo loco: Cum sciret, se invito domino mei, hæc suppleat, *quod sciret, si idcirco edictum, sciens vel scire debens*, quia hæc sunt paria. Nec vero alia est ratio, cur nunquam ignorantia excuset venditorem vasorum, si vasa non sint integra, quod generaliter dicitur de omnibus vasis, non de dolis tantum in l. sed addes, §. 1. loc. sed etiam de omnibus vasis in l. 6. §. sed si vas; h. v. ut si vasa vendita sint vitiosa, si non sint integra, ut semper eo nomine venditor emptori teneatur, etiam habens iustam ignorantiam causam, quoniam in venditione aliarum rerum, quæ non sunt integra, ignorantia aliquatenus excusat, l. Julianus h. t. Ignorantia in venditione vasorum, nunquam excusat, quoniam integra ea præstare semper debet, quo iure utimur. Integra vasa semper præstare debet venditor, quia scilicet scire potest facile, aut scire debet quæ vasa habeat integra vel non. Non est adferenda hæc ratio, quam alias audivi aliquem adferentem; quod in dolis curandis solent optimi patresfamilias, adhiere summam curam & diligentiam, quod soleant ea picare & defricare, & insolare, ut non possint non vitia dolorum nota habere, quoniam hoc ita proditum est in quocunque vase, & singulare est in venditione vasorum.

Ad L. II. de Pignor. & hypoth.

Hæc lex exposita est supra ad l. fideiussor, 32. de neg. gest.

Ad L. II. Qui potior. in pign.

Qui generaliter bona debitoris pignori accepit, eo potior est, qui postea prædium ex his bonis dat; quamvis ex ceteris pecuniarum suam redigere possit. Quod si ea conventio prior sit, ut ita demum cetera bona pignori haberentur; si pecunia de his quæ generaliter accepit, servari non potuisset, deficiente secunda conditione; secundum creditorem in pignore postea dato, non tam potior quam solus inveniretur.

Huius legis duæ sunt partes: Prima partis sententia hæc est: duo sunt creditores hypothecarii ex diversis contractibus, alter prior altero, seu antiquior altero, & priori sive antiquiori generaliter omnia bona debitoris pignori seu hypothecæ obligata sunt, posteriori autem creditori specialiter ex his bonis certum prædium: quæritur, uter in eo prædio potior sit? Is, cui id generaliter, an is, cui specialiter obligatum est? Et respondet Pap. privilegio temporis in eo prædio priorem esse eum, cui generaliter omnia bona obligata sunt, etiam si omnino illo prædio possit ex aliis bonis redigere suam pecuniam; mavult redigere ex prædio & repulso posteriore creditore, cui tantum id prædium specialiter & nominatim obligatum erat, quia scilicet in generali hypothecæ prioris inest specialis: proinde quasi singula res debitoris pignoratæ fuit, arg. l. si chorus, in pr. de leg. 3. Est autem in arbitrio creditoris ex rebus sibi obligatis, quib. velit, electis ad suum commodum pervenire, l. creditor, de distr. pign. Et eum hoc responso Pap. congruit etiam l. generaliter, C. de distr. pign. Nec ab eo discrepat l. 2. C. de pign. quam objicit Acc. hoc loco, quoniam in dict. l. 2. non ponitur eadem species generalis hypothecæ in priori creditore, & specialis in posteriore, qualis ponitur in prima parte huius responsi, ut perperam illa lex huius legis primæ parti obijciatur, quæ non eandem sed aliam speciem continet. Non eadem igitur in l. 2. C. de pign. ponitur species, quæ in prima parte huius responsi, sed ea ipsa species, quæ mox a Pap. subijcitur in secunda parte huius legis, videlicet primæ hypothecæ specialis & paræ, ac secundæ hypothecæ generalis & conditionalis in priore creditore, in posteriore autem specialis tantum, in specie idem constituit d. l. 2.

Tom. IV.

A quod Pap. hoc loco. Est autem species talis. Priori creditori specialiter res quædam pignoratæ sunt, subdita conventionione sive hypothecæ generali sub conditione, ut si ex his rebus, quas specialiter creditor pignori accepit, integram pecuniam redigere non possit, tum cetera bona præsentia & futura persequeretur, quæ conventio vulgaris erat, hoc est, vulgo adijci solebat in hypothecis. Speciali hypothecæ solebat subijci generalis sub conditione ante l. 2. C. que nandum, §. 1. de pign. l. 9. de distr. pign. Et quod hæc conventionione vulgo agitur, æquæ solebat, ut ita demum generali hypothecæ ea creditor utatur, si specialis, quæ præcessit, non sufficiat, id etiam ædum semper intelligitur, ubicunque specialis hypothecæ subijcitur generalis, etiam si omnia sit illa conditio, ut d. l. 2. C. de pign. Quia quod vulgo fieri solet, si sit omnium suppletur, & subintelligitur: atque ideo æquæ ius in bonis omnibus, quæ volet eligere, creditor exercere potest, sed prius æquum bonum est, ut excutiat specialem hypothecam, quoniam ita sensisse intelliguntur contrahentes, hoc est, egisse tacite, quod vulgo agi solet expresse in contrahendis hypothecis. Pono igitur priori creditore res certas specialiter fuisse pignori nexas, & si ear res non sufficerent redigendo seu servando debito, cetera bona generaliter: Posteriori autem creditore ex ceteris bonis specialiter fuisse obligatas res certas, & ita posita species, si priori creditori specialis hypothecæ non sufficiat, hoc est, si existat conditio generalis, in ceteris bonis, prior potior est posteriore; at si priori sufficiat specialis, hoc est, si deficiat conditio generalis, posterior in speciali sua hypothecæ ex ceteris bonis non tam potior, ut eleganter Papinian. ait, quam solus habetur, non concurrente alio creditore, quia deficit conditio hypothecæ generalis factæ priori creditore. Et hæc est sententia secunda partis huius l. in qua illo loco, *Ut ita demum cetera bona pignori haberentur, si pecunia de his quæ generaliter accepit servari non potuisset*; manifestum est, pro generaliter, esse scribendum specialiter, ut in marginis spatio quidam adnotavit, alias legi specialiter, non generaliter, & profecto rectissime: aliquin ita poneret convenisse Papin. ut ita demum cetera bona pignori haberentur, quæ verba cetera bona, demonstrant generalem hypothecam, ut l. 1. de distr. pign. Ut igitur ita demum generali hypothecæ locus esset, si de generali hypothecæ pecunia servari non possit, quæ conventio esset inepta & ridicula; Accurs. cum illo loco legit generaliter, in

D secunda parte huius legis ex depravata scriptura hausto errore, perperam ponit in priori creditore præcessisse generalem hypothecam, quod ponit etiam male in d. l. 2. C. de pign. Non est omittendum huic responso Papiniani locum esse non tantum, si inter priorem & posteriorem creditorem sit controversia de iure hypothecæ, puta priore contendente, se etiam in generali hypothecæ esse potior, in posteriore negante, hæc ratio, quia sufficit specialis, quæ præcessit, cuius intentio posterioris, scilicet melior & verior est: sed etiam huic responso locum esse, si lis sit inter debitorem & creditorem, qui casus frequenter contingit, puta creditore, qui habet specialem & generalem hypothecam agente situm ex generali hypothecæ, & debitore negante, ius esse creditore persequi generalem hypothecam, quantum specialis iusta & idonea est, & sufficit servando æri alieno: quod æquum est, licet subtili iure omnia conditione illa, creditor æquale ius habet in omnibus bonis, quia generali hypothecæ, quæ subijcitur speciali, semper igitur tacita conditio, si specialis idonea non sit, quia quod vulgo agi solet pro acto habetur. Observandum est etiam, secundum partem huius legis esse exceptionem primæ partis. Primæ enim partis definitio hæc est, priorem creditorem habentem generalem hypothecam præferri posteriori habenti specialem. Et exceptio secundæ partis hæc est, nisi prior creditor habuerit etiam specialem hypothecam, quæ præcesserit generalem, & convenerit tacite vel expresse, ne uteretur generali, si sufficeret specialis, & sufficiat specialis: hoc enim casu in alia speciali hypo-

rhœta, quam posterior creditor habet, posterior creditor, ut ait, non tam potior, quam solus habetur, quia sufficienter priori creditori sua hypotheca speciali, cetera bona ei non tenentur, ergo posteriori soli tenentur, quæ ex ceteris bonis ei specialiter obligata sunt: denique in eis posterior creditor est solus. Cui dicto Pap. Accurs. obicit *l. idemque, §. si tibi, h. t.* ubi si tibi generaliter obligaverim bona futura, quæ habiturus sum, & Titio specialiter fundum certum, quem acquisiturus sum, nondum adquisivi, adquisito fundo illo lex ait, utrumque creditorem concurrere in pignore fundi, non solum in eo haberi Titium cui specialiter fundus obligatus est; nec te item solum haberi, tametsi ex pecunia debitoris tibi soli obligata, in quam habuisti generalem hypothecam, cum fundum debitor comparaverit, quæ est sententia *d. §. si tibi*. Sed Accurs. recte respondet in *d. §. si tibi*, duobus creditoribus, tibi & Titio simul eodem tempore ita fuisse nexa pignora, ut proposuimus, idcirco concurrere in persecutione fundi. In specie autem hujus legis separatim diversis temporibus, priori creditori res certas fuisse obligatas specialiter, etiam hæ specialiter obligata non sufficerent, res ceteras generaliter: posteriori autem creditori ex ceteris reb. res certas specialiter, & non concurrere utrumque in ceteris reb., quia si deficit conditio generalis hypothecæ in persona primi, id est, si specialis hypotheca fuit idonea, sed & si existit conditio generalis hypothecæ, id est, si specialis hypotheca non fuit idonea, dicemus utrumque creditorem non concurrere, sed meliorem esse causam prioris; quia, quam conditio existit, pignoris obligatio retrahitur atque recurrit ad præteritum tempus, quo de hypotheca sub conditione convenit, & pro eo habetur, ac si ab initio pure contracta fuisset, ut probat aperte *l. potior, §. 1. h. t.*

Ad L. III. de Distr. pign.

Cum prior creditor pignus jure conventionis vendidit, secundo creditori, non superesse jus offerenda pecunia convenit. Si tamen debitor, non interveniente creditore pignus vendiderit, quæque pretium priori creditori solverit: emptori potest offerri, quod ad alium creditorem de nummis ejus pervenit. Et usura mediis temporibus: nihil enim interest, debitor pignus datum vendidit, an denuo pignori obligatur.

Legis 13. de distract. pign. duæ sunt partes. Prioris sententia hæc est. Certum est, posteriori creditori esse jus offerenda pecunia creditori priori cum interfusorio, id est, cum usuris mediis temporibus; ut scilicet posterior in pignore, quod utique diversis temporibus obligatum est, potiora jura habeat adimpleto priori & absoluto, *l. 12. §. simpliciter, & §. pen. qui pot. in pign. l. 1. c. cod. t.* At si prior creditor ex pacto pignus distraxerit, posteriori creditori non est jus offerenda pecunia emptori, & auferenda rei sibi olim pignoratæ, quia venditione pignoris rite facta jure creditoris, pignoris obligatio omnino perimitur in persona omnium creditorum, & res in emptorem transit libera optimo jure. Et hoc quidem proponitur in prima parte hujus legis, & in tit. *C. si anter. cred. pign. vend.* Et aliis plerisque locis. At in secunda parte ostenditur, aliud esse dicendum, si debitor ipse, qui est dominus pignoris, non prior creditor pignus vendiderit, ut ex pretio satisfaceret priori creditori: nam hoc casu posteriori creditori jus est cum interfusorio offerenda pecunia emptori, quæ ex arca emptoris pervenit ad priorem creditorem, quia emptor in prioris creditoris locum successit, & venditio pignoris facta a debitore non perimit jus pignoris secundi, *l. 12. C. de distr. pign.* Sicut neque si debitor versura facta tertio creditori accepta pecunia idem pignus obligaverit priori creditori dimittendi gratia, jus secundi non perimitur, sed tertius creditor in locum primi succedit, & secundo jus est offerendi tertio, *d. l. 12. §. a Titio stip. qui pot. in pign. hab.* Hoc vero agitur semper, ut tertius succedat in locum primi, quando primi dimittendi gratia pignus

ei obligatur, non etiam, si simpliciter a debitore a tertio creditore versuram faciat primi dimittendi gratia, non obligato ei eodem pignore, quia licet ejus pecunia primus dimittatur, tamen non potest succedere in jus primi sine conventionem expressa pignoris, *l. 3. qua res pign. obl. pos.* Atque ita; ut ait lex, melior est conditio emptoris quam tertii creditoris: nam qui emit pignus a debitore primi creditoris dimittendi gratia, omnino succedit in jus & locum primi: qui autem credit pecuniam debitori primi creditoris dimittendi gratia, non aliter succedit in locum primi, quam si de pignore convenierit, ut tertius succederet in jus pignoris. Non est omittendum postremo, quod in hac secunda parte hujus legis ait, dum tractat de venditione pignoris facta a debitore, dum ait, *Si tamen debitor non interveniente creditore*. Unde notandum est, venditione pignoris a debitore facta auctore creditore, interveniente creditore, & quodammodo vendente pignus per interpositam personam debitoris, quo magis ei satisfiat, ut ait *l. si quis §. illud, §. seg.* perinde esse, atque si ipse creditor jure suo pignus vendidisset, & posteriori creditori non esse jus offerenda pecunia emptori, quia utriusque pignus perimitur ita facta venditione. Ubi autem interveniente creditore animo remittendi pignoris debitor pignus vendit, aut obligat tertio creditori, non est necesse secundum offerre pecuniam emptori, vel tertio creditori, quia neque hic, neque ille succedit in locum primi, sed primo consentiente venditioni aut obligationi pignoris, ac pignus suum remittente, ipso jure secundi causa melior efficitur *l. Paulus, in princ. iur. seg.* Et ex his potest intelligi, quam sit verum, quod est in titulo de reg. juris: **C** aliud esse vendere, aliud vendenti consentire, ad quam regulam creditor vendendo pignus etiam secundi pignus perimit, consentiendo autem vendenti debitori, pignus secundi non perimit. Et hæc sufficiant ad hanc legem, de qua etiam diximus lib. 2. ad l. h. t.

Ad L. IV. de Naut. fœm.

Nihil interest transactio pecunie sine periculo creditore accepta sit, an post diem prestitum, & conditionem impletam, periculum esse creditoris desierit. Verbi gratia, igitur major legitima usura sonus non debetur. Sed in priore quidam specie semper, in altera vero distulso periculo nec pignora, vel hypotheca titulo majoris usura, renebuntur.

Illud in primis sciendum est, regulariter creditæ pecunie periculum pertinere ad debitorem, qui mutuum pecuniarum accepit, & hoc esse, quod ait *l. incendium, C. si cert. pet.* Incendium ære alieno non liberare debitorem; de quo solo ille titulus est: debitorem enim intelligit creditæ pecunie, non qualemcumque debitorem, & æs alienum non quodcumque debetur quacumque ex causa, sed quod debetur ex creditæ causa: alioquin falsæ ea definitio esset. Et eodem sensu *l. ult. Cod. de naut. fœm.* Naufragium non liberare debitorem, hoc est, debitorem creditæ pecunie; debitorem corporis certi quis nescit liberari naufragio vel incendio, si corpus debitum perierit sine culpa, ejus ante moram? At debitorem creditæ pecunie nullus casus liberat, etiam si confestim acceptam pecuniam incendio vel naufragio perdidit, nec converterit in usus suos. Hoc vero utique verum est, nisi ita convenierit, ut pecunia creditæ periculum perlineret ad creditorem ipsum, non ad debitorem, id est, ut amissa ea pecunia incendio vel naufragio, vel quo alio casu majore, creditor jus crediti amitteret, nec quod creditisset repeteret. Hæc conventio iusta est, ut fieri solet, quum impendat aut subest amittenda pecunia creditæ, & periculi metus aliquis, ut quum athleta vel gladiator descendit in arenam fenerator mutuum pecuniam dat, quæ se exerceat, ornent, & exhibeat, & comparet ad pugnam ea lege, ut si non vicerit, nihil referat, nihil reddat. Quæ lex live patio periculum quod fuisset debitoris, transfert in creditorem, & iusta pactio est: vel quod etiam (quod fit frequen-

quæntius) quam negotiatori trans mare navigaturo fœnerator mutuam pecuniam dat, qua instruat navem, vel comparet merces ea lege, ut si naufragium fecerit, nihil reddat; neque vero solent navigaturi negotiatores a fœneratorib. mutuam pecuniam sumere, nisi sub hac lege, ut periculum, quod metuitur ex navigatione maris, fœneratores in se recipiant: quia de causa cum dicimus nauticam pecuniam vel trajectitiam vel maritimam, eam dicimus quæ periculo fœneratoris mutuo datur. Verum istud onus suscepti periculi fœnerator compensat cum usuris, quas contra sibi pacisci & cavere potest in infinitum, quantumvis licet maximas: in hunc casum scilicet si navis salva redierit, vel si ad portum appulerit quem petiit: si ve perierit navis, aut pecunia, vel merx ex pecunia comparata, ut sibi petierit, nec sibi sit repetitio pecuniæ. Olim potuit sibi pacisci infinitas usuras pro pretio suscepti periculi, ut Paulus scribit 2. *Senten. tit. 14.* Infinitas quam diemus, hoc dicimus, ut possit sibi pacisci duas, tres, quatuor, quinque, centesimas, ut de fœneratore quoque est apud Juvenalem:

Quinas hirc capiti mercedes exigit.

Id est, ut quinas fortis centesimas exigit, idem possit sibi pacisci usuras ultra duplum, quoniam regulariter ubi usura æquaverunt sortem, ut fors sit centum, & usura jam effecerint centum, quod est duplum, hoc est, alterum tantum, constituit usura nec ultra excurrunt, sed tamen pro premio suscepti periculi creditori debentur etiam ultra duplum. Hoc quidem obtinuit jure veteri, de quo est hæc lex: nam hodie ex constitutione Justiniani, is qui creditit mutuam pecuniam suo periculo, qui creditur nauticam pecuniam, non potest sibi pacisci vel stipulari infinitas usuras, sed usuram centesimam tantum, quæ scil. in centenos aureos quotannis reddit duodecims, & centesimo mense æquat sortem, non ut Accurs. arbitratur duodecimo mense, cuius opinio jamdudum expulsa est. In idiotismo centesima usura est, *au deus huius. Et tiars.* Proinde ex constitutione Justiniani, qui creditit mutuam suo periculo, non potest sibi cavere usuras pecuniarum centesimas, ergo nec ultra duplum: nam usura, quæ accipitur taxationem certam, puta finem centesimæ, vel bessis, vel semissis usura, semper etiam duplo finiuntur, id est, ne altero tanto amplius forte inferatur aut debeatur. Denique ubi æquaverint sortem usura, quod deinde usuris supernumeratur, imputetur in sortem, minuat sortem, deducatur ex sorte. Et hoc quum creditor suscepit pecuniarum periculum: nam non suscepit pecuniarum periculo, creditor nullas usuras, sibi pacifceretur utiliter sine stipulationis vinculo, l. 3. *C. de usur.* quia mutua pecuniarum usura non debentur ex pacto nudo sine vinculo stipulationis. At jure veteri adhibita stipulatione non potuit sibi cavere, nisi centesimam usuram creditor, qui non recipiebat in se pecuniarum periculum. Centesima usura fuit olim legitima usura in omnibus causis l. 2. *C. Theod. de usur.* Idemque pater ex §. *pen.* hujus legis, & ex l. si pro mutua, *C. si cert. per.* in illo loco, *Usurarium tit. legitima tantum recte petitur,* sic legendum. Et legitimam vocat, quam paulo ante dixit centesimam. Ergo centesima usura, est legitima usura. At hodie creditor, qui non recepit in se periculum, non potest stipulari sibi centesimam usuram, sed semissem tantum, aut bessim, aut trientem, secundum distinctionem Justin. in l. 5. *C. de usur.* Nec tamen ultra duplum hodie ut olim, ut in hac l. §. *pen. l. si non sortem, §. sup. duplum, de cond. ind. l. pen. C. de usur.* Pro mercede autem & pretio suscepti periculi olim, ut dixi, creditor sibi infinitas usuras, & supra duplum cavere potuit: hodie centesimas tantum & intra duplum, & cavere sine stipulatione pacto nudo, ut in l. *seg. §. l. 7. h. tit.* quod etiam hodie locum obtinet. His cognitis non erit difficile, quod scribit Papinian. in hac lege: si modo, ut oportet, id omne, quod scribit accipiamus secundum jus verum, quod obtinuit ante Justinianum. Primum ait Papinianus: *Trajectitia sive nautica pecunie, cujus periculum creditor voluit suscipere, nunquam sanus ej. deberi majus le-*

gitima usura: hoc est majus centesima usura, quia usura major centesima legibus non permittitur, nisi repensandi suscepti periculi gratia. Ergo qui periculum non suscepit, ei non potest deberi sanus majus centesima legitima, & vulgari sive communi usura. Item si nautica pecuniarum periculum suscepit creditor ad diem tantum & conditionem certam, non in omne navigationis tempus, puta si navis perierit intra trigefimum navigationis diem, intra certum diem, ut in l. 6. *h. tit.* Papin. ait, hoc casu ante diem ei potest deberi usura major centesima, si de ea convenerit, puta, duæ, aut tres, aut quatuor centesimæ in infinitum: post diem vero periculi, quia periculum esse desit creditoris, non possunt ei deberi usura majores centesimæ, nec ultra duplum. Addit Papinianus: *Nec pignora, nec hypothecæ titulo majoris usura teneri,* quia de re dubitari poterat, nam pignoris retentione sæpe servamus usuras, quas alio remedio consequi non possumus, veluti usuras mutua pecuniarum creditæ ex pacto nudo, si & in eas pignus acceptum sit. Nam etsi non possint peti ex pacto, tamen servabuntur per retentionem pignoris, l. *per retentionem, §. l. pignor. C. de usur.* Et similiter retentione pignoris secundum quasdam leges veteres, ut refert Justinianus in l. *pen. C. de usur.* Usura poterant servari supra duplum, sed non etiam usura majores centesimæ poterant servari per retentionem pignoris, l. *pretii, C. man. nec hodie, nec olim,* nisi ex quibusdam legibus servari poterant usura supra duplum per retentionem pignoris, d. l. *pen.* Et hoc est, quod ait Papinian. *titulo majoris usura,* hoc est, titulo illegitimæ usura, non posse retineri pignus vel hypothecam, non posse servari illegitimas usuras per retentionem pignoris: illegitimas esse, quæ dupli finem excedant, vel finem centesimæ. Sequitur §. penultimus.

Ad §. penult.

Pro operis servi trajectitia pecunie gratia scelti, quod in singulos dies in stipulatum deductum est, qd finem centesima, non ultra duplum debetur.

Incipit §. penultim. ab his verbis: *Pro operis servi, & in Basil. & Flor.* (nam antea perperam hæc verba aptabantur superioribus) cuius §. sententia hæc est: Cum creditor non suscepit periculum totius navigationis, sed verbi gratia Roma in Salonæ portum tantum, ut in specie l. *pen. C. eod. tit.* qui portus est in Dalmatia, & caret, ut salva nave in eum portum delata, sibi fenebris pecunia reddatur Salonæ cum usuris gravissimis, de quibus convenit, tum solet etiam servum, qui naviget, cum debitore mittere prosequendæ pecuniarum nauticæ gratia, ut nave salva delata in portum sua die, servus eam pecuniam exigit cum usuris, ac si tardius solvat debitor eam pecuniam, in hunc casum solet stipulari certam summam poenæ nomine in dies singulos. In hunc casum, hoc est, si non ut convenit sua die servo pecunia reddatur, l. *trajectitia de oblig. §. ad l. qui Romæ §. Callimachus, de verb. obi.* Stipulatur autem hanc pecuniam, hanc poenam pro operis servi, atque adeo in dies singulos, quia opera sunt diurnum officium, l. 2. *de oper. lib. tit. pro operis,* inquam, servi, quibus caret propter moram debitoris, quia de causa, & stipulatio operarum dicitur in extremo hujus legis. Hæc autem stipulatio operarum, si ve pro operis, quia interponitur discussio periculo post diem & conditionem, in quam creditor periculum suscepit, & vice usurarum cedit plerumque, ut l. *penam, sup. tit. prox.* Non potest excedere finem centesimæ, quæ legitima usura est, neque finem dupli, hoc est, altero tanto forte major esse non potest, quia stipulatio in id tempus confertur, quo periculum delitit esse creditoris, quia de causa etiam stipulatio exigitur, nec pactum nudum ad augendam obligationem quicquam proficit. Sic apertissima videbuntur esse hæc verba, *Pro operis servi trajectitia, &c.* quia stipulatio confertur in tempus, quo periculum delitit esse creditoris, hoc est, post diem periculi, ut jam non possit de-

deberi. nisi centesima, quæ est communis usura, & intra duplum.

Ad §. ultimum.

In stipulatione favoris post diem periculi separatim interposita, quod in ea legitime usure decurt, per alteram stipulationem operarum supplebitur.

Post diem periculi creditor, vel penam stipulatur pro operis servi nauticæ pecunie exigendæ gratia securi debitorem, vel stipulatur usuras, vel stipulatur utrumque, ad finem tamen & modum legitimarum usurarum. ut si post diem periculi stipulatus sit bessem usurarium, qui stipulari potuit centesimam, quoniam hæc erat vulgaris & legitima usura, subdita alia stipulatione pro operis servi, poterit supplere, quod centesimæ usuræ deest, puta, trientem. Idemque est e contrario, si quod primum pro operis servi stipulatus est, minus sit centesima, nimirum quod deest centesimæ, suppleri potest per alteram stipulationem usuræ trientis. At si vel stipulatio usurarum, quæ interposita est ab initio sufficiat ad centesimam, si per eam creditor caveatur centesima usura, ei stipulationi non potest subijci altera, quia supplendæ tantum usuræ legitimæ, non etiam augendæ, alteram stipulationem subijci lex concedit.

Ad L. XV. de Fundo dot.

Dotale prædium, cujus vir possessionem retinuit post literas ad uxorem emissas, quibus dotis non fore prædium declaravit in matrimonio defuncta muliere, virum retinere placuit: quia mulier actionem ex pacto non habuit.

L. Egis 15. de fundo dot. eadem est fors, quæ fuit superioris legis, quoniam neque hanc, neque illam glossæ, vel commentarii intellexerunt. Dotale prædium in hoc titulo, sive fundus dotalis est, cuius dominium marito per traditionem adquisitionem est, l. 13. §. dotale, hoc tit. l. 5. inf. sol. matrim. Ergo & in hac lege sic potius accipiamus dotale prædium, quod traditione, non ut Glossa, & commentarii, quod conventionione sola constitutum est. Fateor constitui etiam conventionione sola, ut in l. si ego 9. §. l. si rem, de jure dot. l. creditor, §. prædium, de act. emp. Sed in lege de fundo dotali, de qua est hic ritulus, tantum id prædium dicitur dotale, cujus lex alienationem prohibet, quod traditione constitutum est; & in specie hujus legis, etiam traditione constitutum fuisse, vel ex eo apparet, quod ait, Maritum post literas ad uxorem missas, quibus prædium dotale, dotis nomine non fore declaravit uxori fuit, eum maritum possessionem prædii retinuisse. Si possessionem retinet, ergo etiam antequam tradita ei fuit. Denique species legis hæc est: Maritus inter cetera prædium sibi traditum a muliere accepit in dotem, dos adventitia fuit, id est, non profectitia a patre mulieris, vel desit esse profectitia morte parentis, qui dotem dederat: deinde per literas ad uxorem scriptas, maritus declaravit, id prædium se non habiturum in dotem, quod tamen in dotem acceperat, quæ literæ pro nuda pactione habeantur, l. qui negotia, ff. mand. Si modo uxori gratum fuerit, quod maritus scripsit: hoc vero tantum maritus scripsit & declaravit per literas, ceterum uxori prædium non restituit, sed retinuit possessionem eius; restitutio prædii dotalis inutilis fuisset, quia instat donationis obtemperet, l. 1. C. si const. matrim. dos sol. Et donatio inter virum & uxorem constante matrimonio non valet: donatio autem, ut semper obtinuit ante Justinianum, re, non nudo consensu, aut nuda pactione perficitur, re, id est, traditione, non nudo consensu quidove pacto, quo jure etiam utimur, & vulgo, dicimus: Donner, & retinere ne oant, nec utimur nova constitutione Justin. ex qua donatio perficitur sicut emptio nudo consensu. In hac specie igitur maritus, qui non restituit dotale prædium, sed id dotis non fore tantum scripsit,

nihil donavit uxori, quia nihil tradidit, sed ut dixi hoc tantum pactus est per epistolam, ne prædium datum in dotem, doti esset, ex quo pacto solo non desit esse dotale, nec mulier ex eo pacto, ut ait Papinianus, actionem habet propter regulam juris, ne ex eo pacto nudo obligatio nascatur vel tollatur. Unde sequitur, mortua in matrimonio muliere, maritum, quamvis pactus sit doti non fore, prædium id retinere jure dotis, nec restituere heredi mulieris, quia dos fuit adventitia & mortua in matrimonio muliere, dotem adventitiam constat ipso jure remanere apud maritum, & remanere semper, ut ait Ulpianus lib. sing. res. tit. de dot. Semper, id est, live essent liberi ex eo matrimonio, sive non extent. Et hoc quoque probant multe admodum leges, l. mulier, de cond. inst. l. Celsus, de usurpationib. l. et, qui mortem, de his quibus ut indig. l. 5. de bonis damnat. l. 23. de evict. l. si ab hosti. §. ult. sol. matrim. l. 1. C. si advers. dot. Ex alienis auctoribus etiam Cornutus in Persium: Dos, inquit, a civis Romano data, non patrio dicta nomine, id est, dos adventitia, si repudium non intervenierit, post mortem mulieris remanet apud virum. Et imperitia arguntur, qui hoc nesciunt in l. si filia 20. in. pri. fam. ere. idemque procedit in dote profectitia præmortuo patre, qui dotem dedit, superstiti filia & genero: nam si postea filia moriatur in matrimonio, æque dos illa remanet apud maritum, quia desit esse profectitia morte patris auctoris dotis: quod idem Ulpian. scribit eo loco, & probat l. cum patrem, C. de jure dot. Dixi autem mortua in matrimonio muliere, dotem illam ipso jure remanere apud virum, quoniam etiam vir pactus non sit de dote lucranda in casum mortis mulieris, ipso jure ita se res habuit ante Justinian. Imperatorem. Et quod hoc loco Græci interpretes fingunt, tale pactum intervenisse, & ex pacto maritum retinere prædium dotale, hoc est ex constitutione Justiniani, quæ vetat mortuam in matrimonio muliere citra speciale pactum, dotem cedere lucro mariti, sed jubet eam restitui heredi mulieris, l. ux. §. illo proculdubio, C. de rei uxor. act. Hoc inquam, Græci affingunt ex constitutione Justiniani, quia jure veteri supervacuum est tale pactum, cum ipso jure ita se res habeat. Ceterum recte addunt Græci, si quo casu ejus prædii possessio ad heredem mulieris perveniret, id eum per exceptionem alterius pacti, ne prædium dotale esset, retinere posse, quia ex pacto, etiam non nascatur actio, nascitur tamen exceptio jure prætorio, quod est notissimum, & ob id ipsum Papinianus ponit in hac lege, virum prædii possessionem retinuisse, & actionem tantum denegat heredi mulieris, quia prædium repetat ex pacto, quoniam nec mulier ipsa habuit: & ita hæc lex explicatur, Accursii omni glossa oblitterata.

Ad L. VII. de Fidejuss. & nom.

Si fidejussores, qui rem salvam fore pupillo caveant, tutorem adolescentis ut ante conveniret, petierunt, atque ideo stipulanti promiserunt se reddituros, quod ab ea servari non potuisset; placuit inter eos qui solvendo essent, actionem residui dividi: quod onus fidejussorum susceptum videretur. Nam est mandatum pñitum pecunia credatur, æque dividitur actio. Si enim quod datum pro alio, solvitur: ut species actionis æquitatem divisionis excludit.

Plures sunt fidejussores unius tutoris, qui caverunt rem pupilli salvam fore, si fidejussores finita tutela adolescentem rogaverunt (quo verbo constat, contrahi mandatum, l. 1. §. rogatus, mand. Et apud Virgil.

... Orans mandata dabat.

Verbum oro, vel rogo, mandatum perficit, verbis rogo & recipio, perficitur mandatum, si qui rogatus est recipiat se facturum, quod rogatus est. Denique verbo oro, & rogo, mandatum perficitur. Fidejussores igitur finita tutela adolescentem rogaverunt, & impetrarunt, ut prius tutorem exauteret & conveniret, & ideo stipulanti adolescenti promiserunt; se reddituros, quod a tutore servare, & consequi non potuisset, propter ejus inopiam. Potuisset autem statim ab initio finita

finita tutela adolefcens convenire unum ex fidejufforibus in folidum dimiffio tutore fine meru exceptionis epiftole Adriani, quæ inter plures fidejuffores dividit actiones, ut finguli conveniantur non in folidum, fed in partem virilem, quoniam huic epiftole non eft locus inter fidejuffores unus tutoris, id eft, fidejuffores unus tutoris non habent beneficium divifionis, *l. ult. rem pupilli falv. fore*. Et alia eft ratio *l. 6. hoc t. ut docui lib. 2. fup.* ex quo ducta eft. At in hac fpecie, quia adolefcens maluit convenire tutorem dimiffis fidejufforibus, & quafi novatione facta poffit pubertatem a fidejufforibus ftipulatus eft fibi reddi id, quod a tutore fervare non poffet: fi agat ex hac ftipulatione pofteriori, in id forte, quod a tutore fervare non potuit, quæ actio refidui dicitur hoc loco, fidejufforibus uti licet beneficio divifionis, & defiderare, ut pro parte virili tantum finguli conveniantur, fi omnes, ut epiftole D. Adriani exigat, folvendo fin litis contentate tempore. Et ratio cur hoc cafu fidejuffores habeant beneficium divifionis, quod non haberent, fi convenirent ex priorie ftipulatione, rem pupilli falvam fore, hæc redditur a Papiniano hoc loco, quia videtur adolefcens unus fidejufforem fufcepiffe cum electo tutore, ab eis denovo ftipulatus eft refiduum, id eft, quanto minus a tutore confequerentur. Onus, inquam fidejufforum videtur fufcepiffe, puta, fi quis eorum rei judicata tempore non effet folvendo, inopia ejus oneraret adolefcentem non ceteros confidejuffores, five collegas, qui id promiferunt noviffime, quod adolefcens a tutore confequi non poffet, & quod ii ita promiferunt, non pro tutore id promiferunt quafi fidejuffores, fed in rem fuam, five pro fe, quoniam adolefcenti mandaverunt, ut prius tutorem excuteret, *l. fi mulieri defertur, ff. ad Senatufc. Vell.* Igitur nunc plures mandatores funt in rem fuam, non plures fidejuffores tutoris. Placet etiam non tantum inter fidejuffores debitoris, fed etiam inter mandatores, puta, quorum mandato pecunia credita eft, vel quid aliud factum eft, dividi actionem ex epiftole D. Adriani. Fateor epiftolam tantum fuiffe fcriptam de fidejufforibus, fed ex æquitate, quæ demum, eft in mandatoribus, atque in fidejufforibus, & ex auctoritate Papin. epiftole Divi Adriani porrigitur etiam ad plures mandatores. Nam, hæc eft ratio Papin. fi plures mandatores creditori, quod dedit pro alio folvunt, aut folvere eo iuntur actione mandati, perinde atque fidejuffores actione ex ftipulatu, cur diverfa fpecie actionis æquitatem divifionis excludit? cur æquitas divifionis non valebit in omnibus actionibus, vel mandati, vel ex ftipulatu, vel aliis, quæ dantur in eum, qui pro alio obligatus eft, & folvere tenetur? quæ verba Papin. ipfe Iuftinianus usurpat in *l. ult. C. de confi. pec.* Definit etiam epiftolam D. Adriani pertinere ad plures reos conftituta pecunia, ergo & ad omnes, qui pro aliis pecuniam folvunt, ficut & illud, ut fortis tantummodo damnum agnofcant, non ufurarium. Pertinet ad omnes, qui pro aliis pecuniam folvunt, ad omnes interceffores, *l. quaro, ff. locat.* Quod ergo dicitur, fingulos mandatores teneri in folidum, non pro virilibus portionibus, *l. ult. fup. quod juffu, l. fi mandati, §. Paulus, & l. feg. §. duob. mand.* id fane in mandatoribus excludit beneficium divifionis, five beneficium epiftole D. Adriani, non admittit, licet in dicto §. Paulus, fubjiciat, pluribus mandatoribus fimpliciter condemnatis, quorum rogatu pecunia credita erat, dividi fententiam in perfonas, quoniam id obtinet in omnibus reis condemnatis, *l. 1. & 2. fi plur. una fentent. condemn. finit.* Sed primus Papin. hoc loco auctor eft producendæ epiftole Divi Adriani etiam ad mandatores. Hoc debetur auxilii Papin. cui & hæc fæus tributur ab omnibus, quod auxilii & locupletarit jus civile: & quod mandatores fidejufforum conjunguntur in *d. l. ult. C. de confi. pecun.* quafi omnibus competat beneficium epiftole D. Adriani. Sane quod ad mandatores attinet, non eft ex ipfa epiftole, fed ex interpretatione Papin. cujus etiam ratio proponitur iifdem verbis in *d. l. ult.* Quandoquidem in ea loco horum verborum *Æquitatis*

A enim, ratio diverfus fpecies actionis excludere nullo modo poffit, ex hac lege noftra omnino eft legendum: *Æquitatem enim divifionis diverfa fpecies actionis nullo modo excludere poffit*, id eft, qui pro alio folvere tenentur, quacunque actione conveniantur, five mandati, five ex ftipulatu, five ex conftituta pecunia, five qua alia, impetrare poffunt, ut conveniantur finguli, non in folidum, fed pro virilibus portionibus, latius accepto beneficio Epiftole Divi Adriani.

Ad L. XXVIII. de Donat.

Hereditatem pater fibi relictam filia fui juris effecte donavit: creditoribus hereditariis filia fatisfacere debet, vel fi hoc minime faciat, & creditores contra patrem veniant: cogendam eam per actionem præfcriptis verbis, partem adverfus eos defendere.

B A It in *l. 28. de donat.* Hereditatem pater fibi relictam, &c. Eft elegantiffimum refponfum. Pater donavit filia emancipatæ hereditatem Titii, a quo heres institutus erat: filia emancipatæ, quia filia. donaffet inutiliter. Id donando autem ufus eft nomine hereditatis, quod eft juris nomen, quo fcil. continentur omnia jura & actiones omnes, quas heres habet in alios, vel quibus ipfe aliis obftitit. Continet hereditatis nomen non commoda tantum, fed etiam incommoda & onera hereditaria; denique omnia jura continet, quæ defunctus habuit, vel quæ alii habuerunt in defunctum, bonave defuncti, & funeris impenfam, ceteraque onera, quæ heredi incumbunt, neque enim femper eft lucrativum hoc nomen, fed sæpe etiam detrimentofum *l. 8. §. 1. de legat. 2. l. hereditatis appellatio, de verb. fignif.* Nihil autem intereft, donaverit hereditatem, an vendiderit, an legaverit. Nam & emptorem, & donatarium, & legatarium vicem heredis, id eft, vicem fuam obtinere vult, qui fcilicet vendit, vel donat, vel legat hereditatem fibi relictam ab alio, nihil inquam intereft donaverit hereditatem an vendiderit, nifi quod ad fpeciem actionis attinet, five modum & rationem compellendi emptoris hereditatis, vel donatarii, vel legatarii ad fubeunda onera hereditaria: nam fi vendiderit, actione ex vendito compellit emptorem hereditatis, ut fe damno indemnem fervet, & defendat adverfus creditores hereditarios, *l. 2. de her. vel aft. vend.* A creditoribus hereditariis emptor compelli non poteft ad folutionem, quia nihil cum eis contraxit, vel quafi contraxerit, & venire duntaxat poffunt creditores hereditarii adverfus venditorem, qui quafi contraxit cum eis adeundo hereditatem, quia heres eft, & heres manet, etiamfi hereditatem vendiderit: nec poteft, qui femel heres exitit, definere effe heres. Igitur cum eo funt acturi creditores hereditarii, fed vel pro eo illis fatisfacere debet emptor hereditatis, vel cavere de indemnitate adverfus eos, aut præftare id quod intereft actione ex vendito. Si donaverit hereditatem, donatarium in idem compelli actione præfcriptis verbis, ut defendat, ut ait hoc loco, donatorem adverfus creditores hereditarios, vel præftat donatori id quod intereft. Nam actio præfcriptis verbis femper concluditur in id quod intereft dari fieri, quod convenit. Hoc igitur nomine donatori in donatarium eft actio præfcriptis verbis, quafi fcilicet præfcriptis verbis proprii contractus negotio gelfo, qui nomine vacat, hoc actum fit inter donatorem & donatarium hereditatis, ut donatarius fufciperet onera hereditaria, quod utique fati agit expreffum donator, cum dicit fe hereditatem donare: nam hereditatis nomen etiam onera comprehendit. Donat igitur non tantum lucra, fed etiam onera utraque conjunctim. Id vero non agit, qui donat res fimpliciter, vel bona, vel corpora hereditaria, quia hæc nomina non funt nomina juris. Quamobrem eum, cui donatæ funt res hereditariæ, vel bona, vel corpora hereditaria, non fequuntur onera hereditaria, nifi ex incontinenti donator id nominatim pacifcatur, quo etiam nomine eo cafa donatori in donatarium eft actio præfcriptis verbis, ut impleat pactum, *hæum rei, l. legem, C. de donat. vad.* Quod tamen pactum necesse non eft adici, fi heres-

hereditatem donaverit, inest enim satis verbo hereditatis. Creditores autem hereditarii nullam actionem habent in donatarium, quia, ut ante dixi, nihil cum eis contraxit, vel quasi contraxit donatarius. Quod si quis legaverit hereditatem Titii sibi relicta per retentionem hereditatis, ex ordine legatarius ab herede compelli potest, ut caveat defensionem in heredem adversus creditores hereditarios, ut l. cum filius, §. Lucio, de leg. 2. l. qui concubinum, §. cum ita, de leg. 3. vel omnino isto ordine, omnia ista cautione, si eam hereditatem heres legatario praestiterit, vel si quo casu inconsulto herede possessio ejus hereditatis ad legatarium pervenerit, adhuc æquum est heredi dari conditionem incerti, qua condicatur vel possessionem, quæ sine voluntate ejus, vel imprudentiam ejus ad legatarium pervenerit, vel qua condicatur cautionem omniam, ut in l. qui exceptionem, §. pen. de cond. indeb. l. 21. ad Senatus. Treb. l. hoc Senatusconsultum, §. 1. de usufr. earum rer. quæ usu consumuntur. Et ex his apparet verum esse, quod initio proposui, nihil interesse donaverit quis an vendiderit, vel legaverit hereditatem alteri, quod ad effectum attinet: interesse, quod attinet ad genus actionis, quo res ad eum effectum perducitur.

Ad L. LL. de Fidejuss.

Inter eos fidejussores actio dividenda est, qui solidum, & partes viriles fide sua esse jussunt: diversam erit verbi ita conceptis: solidum aut partem virilem fide tua esse, jubet: tunc enim ab initio non nisi viriles partes singulos debere convenit.

IN hac lege plura sunt responsa Papin. quæ fere omnia pertinent ad beneficium divisionis ex epistola Divi Adriani. Hoc beneficium divisionis, id est, dividende actionis, in personas competit pluribus confidejussoribus, qui ab initio singuli se in solidum obligaverunt, si omnes solvendo sint tempore litis contestate, quo cum eis creditor agit: hoc eis dedit epistola D. Adriani, id est, D. Pii, ut patet ex l. 49. §. quod si duo, in fin. hujus. Quod etiam relatum fuisse ex ea Epistola in edictum Prætoris, atque adeo idem beneficium fuisse confidejussoribus propositum edicto prætoris, docet Paulus. Sent. 1. de fidejuss. & spons. Quod etiam docuimus in l. 7. de fidejuss. fuisse porrectum ad plures mandatores, & ad plures reos constitutæ pecuniæ, & uero verbo ab omnes, qui pro aliis pecuniæ exsolvent, & docebimus inferius. Novel. Just. etiam fuisse idem beneficium porrectum ad duos vel plures confidejussores debendi, ad plures debitores principales, qui singuli obligati sunt in solidum, & pro se in solidum solvere tenentur. Recte autem hoc beneficium dari confidejussoribus, qui singuli in solidum obligati sunt. Nam si ab initio singuli se obligaverint, in partem virilem tamen, nihil indigent isto beneficio, quod ipsi jam sibi patefecerint initio contrahendæ obligationis, & de quo satis sibi caverint & prospexerint. Et hoc est quod ait initio hujus legis: Inter eos fidejussores, qui in solidum & partes viriles, conjunctim fide sua esse jussunt, ut vulgo dicitur: Chacun pour soy, & un seul pour le tout; dividi actionem pro virilibus portionibus ex epistola D. Adriani, quia manifestum est singulos ab initio se obligasse in solidum. At si disjunctim in solidum aut partes viriles fide sua esse jussunt, quia in disjunctivis stipulationibus semper quod minus est adsumitur, quo minuitur obligatio debitoris, manifestum est ab initio singulos intervenisse in partem virilem tamen, quia cum disjunctim promiserint in solidum aut in partem virilem, utique sunt semper adsumpturi partem virilem, nec igitur ad hanc speciem quicquam pertinet epistola D. Adriani, cum satis hac in re fidejussores sibi prospexerint.

Ad §. Fidejussor.

Fidejussor, qui partem pecuniæ suo nomine, vel rei promittendi solvit: quo minus residui divisione facta portionis judicium accipiat, recusare non debet. Eam n. quantitatem

A inter eos, qui solvendo sunt, dividi contemnit, quam litis tempore singuli debent. Sed humanius est, & si alter solvendo sit litis contestationis tempore, per exceptionem ei qui solvit succurri.

SEQUITUR in §. 1. Fidejussor qui partem, &c. Recte itaque dixi initio, tempore litis contestate spectari, an omnes fidejussores solvendo sint, ut si omnes confidejussores solvendo sint, dividant inter se actionem, qua conveniuntur a creditore: nam & quantum debeat tempore litis contestate spectamus, ut quod eo tempore debitum apparuerit, dividatur inter confidejussores, qui eo tempore idonei fuerint ex epistola Divi Adriani. Finge, duos fidejussoribus apud creditorem in viginti pro uno debitore, & unum solvisse partem suam virilem ante litem contestatam, id est, solvisse 10. suo nomine, vel nomine debitoris principalis, nihil refert, deinde residuum peti ab utroque. Quæro an is, qui solvit partem suam, recte conveniatur in partem residuam? quod videtur, quia eam quantitatem ex epist. D. Adriani inter fidejussores, qui solvendo sunt, dividi placet, quam litis contestate tempore singuli debent, litis contestate tempore singuli in hac specie debent decem si solidum. Iam etiam obiecto creditori beneficio epistolæ D. Adriani singuli recte conveniuntur, & condemnantur in quinque. Et sane ipso jure ita se res habet; sed Papinianus ait esse æquius & humanius, epistolæ, ut est in Basil. ut dicamus eum, qui solvit pro sua parte ante litem contestatam, etiam non liberetur ipso jure, sed pro altera parte, etiam maneat obligatus, quia ab initio se obligavit in solidum, liberari tamen eum, si alter solvendo sit per exceptionem doli mali, ut in l. 15. §. ult. hoc tit. Eo scilicet, quod solvit toto imputato in partem suam, ut est in Basilicis, in l. 1. de iudic. non etiam eo, quod solvit imputato in partem utriusque sive quod idem est, non deducto de forte eo quod solvit, ut ait l. 37. inf. de solut. Quoniam si id quod solvit decederet de forte, de summa, non de parte ejus sola qui solvit, solutio partis quam facit unus ex fidejussoribus suo vel debitoris nomine, non ei soli proficeret, sed etiam confidejussori, id est, uterque liberaretur pro parte dimidia, & uterque in alteram partem dimidiam maneret obligatus. Atqui solutio ei soli proficit, qui eam fecit, quia solus ipse liberatur, non quidem ipso jure, sed per exceptionem doli mali. Atque ita quod is solvit, non dicemus decedere de summa, sed de parte summe, quæ eum contingit. Et ita quia ait d. l. 37. eum solum liberari, intelligere debemus ut liberetur per exceptionem. Sicut in l. qui res 98. v. mihi Rome, & l. qui hominem, §. stipulator, de solut. Dicitur eum liberari, quod est scriptum simpliciter, & intelligendum, eum liberari per exceptionem, non jure ipso, alioquin illæ leges pugnarent cum aliis multis, sicut & d. l. 37. cum tractatio est acutissima. Verumtamen, si unus ex fidejussoribus solverit partem dimidiam nomine debitoris principalis, non suo, quod & Papinianus propositum initio hujus §. nomine debitoris, nomine rei promittendi, tanquam debitoris negotium gerens, quia cum fidejussor solvit partem nomine debitoris, id perinde habendum est, ut ait d. l. 37. atque si e converso reus ipse solverit eam partem nomine illius fidejussoris. Quamobrem vive suo, rei debendi nomine unus ex fidejussoribus solverit partem, ipse solvit, liberatur per exceptionem, quæ est sententia hujus §. Et quod ait de duobus confidejussoribus idem hodie, obtinet in duobus correis debendi, quia & iis dedit beneficium divisionis Just. in Nov. 99. Ante Justinianum unus ex reis debendi secundum jus Digestorum solvendo partem, omnino non liberatur, neque ipso jure, neque per exceptionem; sed in reliquum obligatus manet, etiam si alter correis solvendo sit, l. si ex uno. §. 1. de leg. 1. Nisi si ita conveniret ne quid amplius ab eo ultra eam partem creditor peteret, ut in specie l. si creditores, C. de pact. Quo sane casu correis, qui solvit partem suam, liberatur omnino per exceptionem pacti, vel doli mali, quæ

concurrit semper cum exceptione pacti, liberatur, inquam, A per exceptionem pacti, etiam si alter correns solvendo non sit. At unus ex fideiussoribus liberatur solvendo partem, etiam si nihil convenerit, ne quid ab eo amplius peteretur, si modo alter confideiussor solvendo non sit, vel etiam, si id convenerit, licet alter solvendo non sit, ut in d. l. 15. §. ult. Et præterea animadvertendum est in hoc §. agi de fideiussore, qui solvit partem suam, partem virilem, ut in d. l. 37. Nam si minus virili solvit, recte Glossa sentit, non omnino eum liberari, sed in id quod deest parti virili obligatum manere, nisi scilicet pactus sit cum creditore, ne quid amplius ab eo peteretur, ut in specie d. l. 15. §. ult. Quod si plus solvit portione virili, proculdubio & ipse liberatur pro sua parte, quia suam partem utique solvit, & quando plus solvit, tanto minus etiam a confideiussore peti potest. Et stultè Angelus hoc loco seductus Glossa B in verbo solvit, quæ tantum loquitur de eo, qui minus virili, non qui plus solvit, ait, eum qui plus solvit, non liberari, & argumento istius Glossæ, quæ hoc nunquam cogitavit, si advocatum Florentiæ vicissè apud iudicem certe imperitissimum, quo etiam nomine a ceteris Angelus reprehenditur.

Ad §. Duo.

Duo rei promittendi separatim fideiussores dederunt: imbutus creditor inter omnes fideiussores actiones dividere non cogitur. Sed inter eos duntaxat, qui pro singulis intervenierunt. Plane si velis actionem suam inter omnes dividere, non erit prohibendus: non magis quam si duos reos pro partibus convenerit.

R Ecce dixi initio hujus legis, beneficium divisionis dari confideiussoribus: ii sunt, qui pro uno vel pluribus debitoribus in causam unius contractus, unius obligationis fideiusservunt simul, vel separatim, nihil interest. Et ii sunt confideiussores, ut patet ex l. 48. h. t. Nam si fideiusservint in causam diversorum contractuum, diversarum stipulationum, quibus debitores separatim obstricti sunt, licet ex omnibus contractibus una eademque pecunia debeat in solidum: tamen confideiussores non sunt. Diversorum contractuum, quibus debitores principales tenentur, fideiussores, confideiussores non sunt, l. 47. h. t. & ideo indulgendum non est eis auxilium divisionis. Finge, duo sunt rei debendi ejusdem pecuniæ, qui singuli stipulanti creditori separatim eam pecuniam se reddituros promiserunt, & singulos quoque fideiussores in singulis stipulationes singuli separatim dederunt: hi fideiussores, quia non sunt confideiussores, singuli in solidum conveniunt, prout elegerit creditor, & condemnari possunt: nec inter eos invito creditore dividetur actio, quæ inter confideiussores divideretur invito creditore. At volente creditore nemo dubitat, quia, ut inter reos debendi actio dividi potest parte petita a singulis, l. 3. §. ult. sup. de duob. reis, l. reos, C. de fideiuss. ita etiam possit creditor sua sponte dividere actionem inter fideiussores reorum, tamen si confideiussores non sunt, quæ est sententia hujus §. Adnotandum tantum est, hodie, quia etiam rei debendi invito creditore habent beneficium divisionis ex Nov. 99. ex persona reorum etiam beneficium dividende actionis habiunt fideiussores eorum: argumentum l. pupillus, sup. de fideiuss. tut. Ex vero ita est.

Ad §. Creditor.

Creditor pignus distrahere non cogitur, si fideiussorem specialiter acceptum omisso pignore velit convenire.

E Xcepto responso hujus §. cetera omnia sunt de beneficio divisionis, cujus sententia hæc est, brevis & facilis: creditorem, qui pignus & fideiussorem accepit, omisso pignore posse prius convenire fideiussorem, quod notatur utique eum servare debere hodie ex Novella 4. si pignus possideatur ab extraneo, ut scilicet prius conve-

niat fideiussorem, quam persequatur pignus quod extraneus possidet, atque distrahat, non si pignus ab ipso debitor possideatur: nam prius debet excutere pignus, quod debitor ipse possidet, quam experiri cum fideiussore, ex eadem Novella. Quod autem ait in hoc §. creditorem omisso pignore fideiussorem convenire posse, & addo, debere, si pignus possideatur ab extraneo, & supradicta Nov. ita verum esse ait, si fideiussor simpliciter, si *συνολογιστὴν* acceptus sit, id est, si non acceptus in id tantum, quod ex pignore redigi non possit, ut in *Λομίσσις*, C. de fideiussor. & ita etiam simpliciter acceptus fideiussor dicitur in l. reos, C. ad t. et l. 2. C. de fideiuss. tut. Hoc vero casu, cum fideiussor acceptus est in id, quod ex pignoris distractione servari non possit, prius debet excuti pignus, quam fideiussor indistincte, propter conventionem, si pignus possideatur ab extraneo, si pignus ab ipso debitor.

Ad §. Cum inter.

Cum inter fideiussores actione divisa, quidam post litem contestatam solvendo esse desierunt: ea res ad omnes ejus, qui solvendo est, non pertinet, nec auxilio defendetur status actor. Non enim deceptus videtur jure communi usus.

F Inge: divisa est actio inter confideiussores, quod quidem desiderare possunt inplorato beneficio epistolæ Divi Adriani quodocumque ante rem judicatam, quia peremptoria defensio est, l. 10. C. de fideiussor. videlicet, si omnes solvendo erant litem contestatæ tempore, vel eo ipso tempore, vel post litem contestatam ante rem judicatam, desiderabant dividi actionem, & singulos damnari in partem virilem tantum. Finge, inquam, omnes fuisse solvendo tempore litem contestatæ, & inter eos fuisse divisam actionem, sed post litem contestatam unum ex eis ad inopiam pervenisse. Queritur, quem inopia istius oneret, actorem, id est, creditorem, an confideiussorem? Et definit inopiam ejus, qui lapsus est facultatibus suis, post litem contestatam onerare creditorem ipsum, non confideiussorem, licet creditor minor fuerit 25. annis. Quod habuimus etiam in l. 7. de fideiuss. Nec poterit minori ex hac causa dari restitutio in integrum adversus fideiussorem, quia restitutio datur minori decepto tantum: deceptus autem non videtur, qui jure communi usus est: quæ sententia Pap. usurpat Imperator, ut solet sæpe libenter hoc auctore uti, in l. ult. C. de in integr. restit. quæ lex constat tantum hac sententia: Non videtur minor circumscriptus, qui jure communi usus est. Et ibidem Græci notant esse antiquam regulam, *παρά τὸν τῆς ἐκτέλει δὲ τῆς ἀντιπαραβολῆς*. Et sane antiqua est cum sit posita sub tit. de reg. jur. antiq. l. nihil consensus, §. 1. Jus autem commune est, si pignus publicum, ut dividatur actio inter fideiussores, qui sunt solvendo litem contestatæ tempore. Minor divisit actionem inter fideiussores, qui erant solvendo litem contestatæ tempore: non videtur deceptus & circumscriptus, licet postea quidam ex eis exiit sint facultatibus. At si ab initio minor inter eos divisisset actionem, qui tempore litem contestatæ solvendo non erant, hoc casu fateor ei subveniri beneficio status per restitutionem in integrum, quia hoc casu jure communi non est usus, quia imprudens inter inopes divisit actionem, ut l. seg. §. inter h. t. Et potest quidem ad l. ult. C. de in integr. restit. poni species congrua ex hoc §. sed propior est & legi conformior species, quæ conficitur ex l. mulier, C. de jur. dot. et l. ult. C. de magistrat. con. si conjungantur cum d. l. ult. de in integr. restit. Secundum quod paritas inscriptionis & subscriptionis in omnibus requirit. Et species hæc est. Mulier 25. annis minor, consensu iusti curatoris dorem marito dedit vel promisit pro modo facultatum suarum, & dignitate mariti familiarique fuz, non potest restitui adversus dorem vel dotes promissionem, quia in ea constituenda usa est jure communi. Recte data, recte promissa dote pro modo patrimonii sui auctore curatore, proinde auxilio status non defendetur, quo minus ab ea dos exigatur, ut ait d. l. mulier. Licet culpa scribit, qui inventarium bonorum ejus fecit, si curator in-

minorem, quam dos fuerit, quantitate exsuperat, dato si-
c de iudore rem puella (alvan fore), quo nomine propter
culpam scribit, puella quidem est adversus scribam actio
in factum in id, quod interest et Sensusconfutatio, de quo
in *2. ult.* et in toto *2. de magis. conven.* Sed non etiam
restituitur mulier adversus dotem famel iure communi
constitutam pro viribus patrimonii, et consensu curato-
ris legitimi, quae tamen restitueretur, si ultra vires et
contra ius commune dotem constituit, vel promississet.
h. i. causa, 2. s. i. ff. de minor. Jus commune est, ut mulier do-
tem constituit pro viribus patrimonii sui, et curatore
auctore, si minor sit: hoc quae fecit, non restituitur in
integrum, Quod secus fecit, id est, cavet dotem supra
vires patrimonii sui, quia aberravit a iure communi, restituitur
postquam in *4. l. nihil consensu*, §. 1. quem ex verbis et in-
scriptione scilicet pertinet ad restitutionem minorum,
potest, inquam, ad eam quoque non congrua species est
hoc §. sed propinquier est quae sumitur ex *h. i. causa*
1. §. 2. de minor. Quoniam utraque est ex eodem Ulpiani
libro, et species haec est: Adolecens five minor xxv. an-
ni paulo minore pretio fundum sum rite vendidit,
nempe ex decreto Praetoris, et curatore auctore, paulo,
inquam, minore pretio, non tamen infra dimidium iusti
pretii: nam hic casus semper excipiendo est, an potest
adversus eam venditionem restitui in integrum, quasi de-
ceptus? Minime; quia in ea venditione facienda ius
commune observatum fuit, licet reipsa deceptus sit pau-
lo minore pretio accepto: nam jus commune est, ut liceat
venditori quod minus est pluris vendere, si possit, et em-
ptori quod pluris est minoris emere, *l. si voluntate, C. de
rescind. vend.* Et in pretio constituto possunt emptor et
venditor citra dolum malum reipsa se invicem circumven-
dire, hoc est concessum naturaliter five *ιστορικως*, ut ait
Novel. 97. c. 1. Haec scilicet est natura contractus em-
ptionis et venditionis, ut vendat unus quanto pluris,
emat alter quanto minoris potest, et sibi quisque rem suam
bene gerat citra dolum malum, ideoque praeiuxit minoris
pretii, nec a minore iure facta venditio rescindi potest
per restitutionem in integrum, quia non videtur cap-
tus et circumscriptus, qui iure communi usus est.

Ad S. Bonis.

Bonus damnati fidejussoris fisco vindicatis, inter fidejussores actio postea si dividi coeperit, ut heredis, ita fisci D
rationem habere oportet.

Notandum est beneficium dividende actionis non tantum confidejutorio dari, fed etiam hereditibus eorum, fi ex eorum perfona conveniatur. ut *l. 2. f. fici, C. l. 4. q. 3. quod fi duo, h. b.* Et non tantum hereditibus, fed etiam quibilibet fidejuforis eorum, ad quos bona eorum pervenerint: ergo etiam fifcus, fi fifcus occupaverit eorum bona, ut puta, fi unus fidejuforus bona confiscata fit ex caufa delicti, & creditor agat cum fifco quali fuffe- fore illius fidejuforis, vel cum altero confidejufore, fi omnes folvendo funt litis contenti tempore. Fifcus femper eft folvendo, & ideo nunquam dat fidejuforem, *l. 2. de fun. don. l. 1. §. fi ad folum, ut leg. non. cav. fifcus*, inquam, ceteri fidejufores folvendo funt, impletorato be- neficio epifcopi Divi Adriani, potefit defiderari, ut finguli pro parte conveniatur; atque etiam, ut ipfe tantum pro parte conveniatur ex perfona damnati fidejuforis: Nam eft perpetuum, quod dicitur in *l. fifcus, de jure fifci*, fifcum qui in jura privata fuccedit, jure privati uti. Ceterum in hoc §. hæc verba, *damnati fidejuforis*, fi exaudire oportet, *damnati* ex crimine fcil. aliquo, ac poena, quam fequitur publicatio bonorum, veluti mortui, aut metallo, aut deportatione, ut *l. 1. §. de bon. dam. l. bona, de jure fifci* & ex- punge Gloffam hoc loco, quæ dicit, etiam damnatum & confiscatum fidejuforem, fi vivit, id eft, fi ultimo fuppli- cio damnatus non fit, fed vel metallo, vel exilio, a credi- tore conveniri & condemnari poffe: Quod omnino eft

A falsum, quia damnatione illa tota obligatio perinde ac morte contra eum extinguitur, *l. 47 §. i.* & transferitur in fideum, & ita Bartolus recte, & alii: At non omnino recte quod ajunt ad fideum non transire stipulationem conditionalem, quia verbi gratia deportatus tenebatur, si post deportationem conditio stipulationis existerit, cum tamen transiret in heredem: si post mortem promissoris conditio existerit, *l. quosque, in fi. §. i. novatio rito, §. q.* Et ita dicunt, fideum non esse per omnia hereditatis loco, & hanc esse differentiam inter fideum & heredem: partim admittunt hanc differentiam, partim non admittunt. Admitto, si conditio existerit ante aditam hereditatem, ut loquuntur ille leges, vel antequam fideus agnovisset damnati bona, & ratio differentie hæc est: quia eo tempore quod cedit, committiturve stipulatio conditionalis, id est eo

B tempore, quo conditio existit, necesse est ut sit persona, cui debeat, alioquin stipulatio conditionalis, existente conditione committitur inutiliter, si eo tempore, quo conditio existit, non sit persona, cui debeat, aut deberi possit, ut *l. 38. in fin. et*. Ad conditione existente ante aditam hereditatem, est persona, quae obligatur, puta, hereditas jacens, id est, nondum adita, quae in nostro iure personae vice fungitur, *l. 22. hoc tit.* At antequam fiscus bona agnovit, nulla est hereditas, nullave successio, aut nulla hereditas potest esse capite deminui, quo personae vice fungatur : & ideo inutiliter committitur stipulatio existente conditione, antequam fiscus agnovit bona : quia non est persona ulla, ne scilicet quidem, in qua stipulatio committatur, verum post aditam hereditatem, vel antea bona existente conditione, simulationis. Non ad

Ad L. XXVII. de Novationibus.

Emptor cum delegante venditore pecuniam ita promittit, quicquid ex vendito dare facere oportet, novatione secuta, usuras neutri post infecuti temporis debet.

Hujus legis species. hæc est: Luc. Titius emptorem sibi obligatum ex causa venditionis delegavit mihi creditori suo, ut quod sibi debet ex ea causa, id novatione facta promitteret mihi stipulanti, hoc modo: *Quidquid te Lucio Titio, ex vendito dare facere oportet, id mihi dari fieri spondesne?*

Finge autem, emptorem Lucio Titio venditori de-
bitisse pretium, & ufuras pretii post diem traditionis re-
vendere, ut in *l. Julianus, §. ex vendito, ff. de action. empr.* Ex
ea stipulatione, quæ novandæ obligationis causa inter-
posita est, mihi quidem ufure præteriti temporis debe-
buntur, quæ venditori debebantur: sed queritur, an
etiam in futurum mihi ufure pretii debeantur, aut si
mihi non debeantur, quod est verius, quia mihi in fu-
turo non cavit, an debebantur venditori? Et respondet
Papinian. post factam novationem ufuras infecti tem-
poris

Poris neutri deberi, id est, neque venditori deberi, qui in universum recessit ab obligatione empti venditi, sive quia in ejus, in venditoris scilicet persona, omnino novata est obligatio empti venditi; neque etiam deberi creditori, quia futuri temporis usuras stipulatus non est. Unde generaliter constituimus: post novationem obligationis usuras non currere, ut ait *lex 18. h. t.* Et hoc inter cetera distat novatio voluntaria, quæ fit per stipulationem, a novatione necessaria, quæ fit per litem contestationem, alio vice debitoris iudicium accipiente, & contestante litem; quæ novatio dicitur necessaria, quia iudicium redditur in invitos. Hoc autem dicimus distare novationem voluntariam a novatione necessaria, sive litem contestatione, quia lite contestata usuræ currere non desinunt, *l. lite, sup. de usur.* quæ est coniungenda cum dicta *l. 18. h. t.* quæ aliud statuit in novatione voluntaria, quia interposita negat currere usuras. Sunt & multe aliæ differentie inter novationem voluntariam, & novationem necessariam. Perit privilegium exigendi, quod habuit creditor facta novatione voluntaria, si modo abijcendi privilegii animum habuerit, non etiam facta novatione necessaria, *l. 29. h. t. l. questum, in fin. de bon. auctor. jud. pos.* Facta novatione voluntaria pignora liberantur & hypothecæ, si que agatur, ut agitur plerumque, non etiam novatione necessaria, *d. l. 18. & 28. C. eod.* Ac postremo stipulatio penalit, si creditor stipulatus sit penam, si ad diem pecunia soluta non esset, ea stipulatio perimitur facta novatione voluntaria, *l. 15. h. t.* non facta novatione necessaria, *l. 90. sup. de verb. oblig.* Non omittam, quod in formula stipulationis propositæ hoc loco, *Quidquid ex vendito, dare facere oportet, Basilia, facere*, interpretantur *παράχειν*, non male imo rectissime: nam præstare facere est, *l. ex empto in princip. sup. de act. emp. l. si mandatu meo, §. quæties sup. mandati.*

Ad L. XXXVI. de Jure fisci.

Præditi a fisco distractis, præteriti temporis tributum eorumdem prædiorum onus emptorem spectare placuit.

Hujus legis sententia hæc est: Eam, qui emit prædia, a fisco, quæ quondam privati hominis fuerunt, debere præstare tributum, non futuri temporis tantum, sed etiam præteriti, quod ea prædia scilicet fisco debent, & nihil refert fiscus ea prædia vendiderit iure hypothecæ vel iure successione, possessore damnato & confiscato, an possessor ipse vendiderit: nam emptor debet semper reliquum præteriti temporis, reliquum tributorum si prædia possideat, quoniam hæc tributa sive vestigalia ipsa prædia debent, non persona, *l. Imperatores, sup. de publ. l. 2. C. de ann. & trib. lib. 10.* Demosthenes in Timocratem, *ἐστὶν οὐκ ἔστιν τὰ κτήματα, ἀλλὰ τὰ πρόσωπα*, tributa possessiones debere, non possessores. Aut quod idem est, Possessores debere nomine possessionum. Possessores quoscunque. Et Theodosius Imperator in Novella, cuius thema tale est. *Neque domum dominam, neque Ecclesiam, &c. omnem censum agrorum esse, non personarum: omnem censum, inquit, id est, omne tributum. Omne tributum proinde sequitur quemcunque possessorem agrorum. Unde in hac lege, tributum eorumdem prædiorum onus est, ἐνέχουσιν, tributum, quod sc. est eorumdem prædiorum onus. Ac eadem ratione, cum dixisset *d. l. Imperatores*, emptorem, & quemlibet possessorem prædiorum reliqua, sive præteriti temporis tributum, solvere debere, subicit, emptori tamen si innovaverit, prædia esse obnoxia reliquis quamplurimis, *quæ il y eust beaucoup d'arrerages*. Emptori, inquam, dari actionem ex empto adversus venditorem, ut vel præstet venditor, quanto minoris empturus erat, si id non ignorasset, ut in *l. si minore, C. de act. emp.* Nam in *d. l. Imperatores* pro exemplo, jam olim ostendi esse legendum, ex empt. *Tom. IV.**

A *pro:* & hoc ipso libro idem Pap. scripsit de actione ex empto, quod venditor celaverit emptorem onera tributorum. Idem scripsit Pap. in *l. in venditione, de act. emp.* cum qua hanc legem non inepte conjunges.

Restant adhuc loci, ad quos nunc veniamus, quibus alii auctores sumunt testimonia ex hoc lib. 3. Responsorum, in quibus Pap. citatur.

Ad §. Si quis Titio L. X. ff. mand.

Si quis Titio mandaverit, ut ab actoribus suis mutuum pecuniam acciperet: mandati eum non acturum Pap. libro tertio Responsorum scribit: quia de mutua pecunia eum habet obligatum, & ideo usuras eum petere non posse, quasi ex causa mandati, si in stipulationem deducta non sunt.

In *l. 10. §. si quis Titio, & §. idem Pap. & §. si cui mandatu vero, mand.* proponuntur tria responsa Papiniani nominatim ex hoc lib. 3. *Respon. 5.* Primi species hæc est. Cum me Titius rogaret mutuum pecuniam, ei mandavi, ut acciperet ab actore rerum mearum hanc pecuniam, id est, servo meo dispensatore, & accepit. Queritur utrum mihi Titius ex causa mandati teneatur, an ex causa mutui, quod magni intererit scire, ut in *l. qui negotia 43. mand.* quia ex causa mandati usuræ; (nam iudicium est bonæ fidei) peti possunt; etiam in stipulatum deductæ non sint. Ex causa mutui, quia est stricta actio, citra vinculum stipulationis usuræ peti non possunt, *l. 3. C. de usur. l. Titius, de presc. verb. l. 10. §. sed utrum, de in rem vers.* Quæ fuit etiam causa dubitandi apud eundem Pap. hoc ipso libro in specie legis 25. *§. ult. de pos.* esset ne actio depositi in hac specie, an actio creditæ pecunie: quoniam depositæ pecunie usuræ debentur etiam ex pacto nudo, creditæ autem pecunie non debentur ex pacto nudo sine stipulatione. Et in specie quidem proposita in *d. §. si quis Titio*, Pap. respondet, Titium, qui mandato domini pecuniam ab ejus actore accepit, non mandati actione domino teneri, sed conditione, quæ de mutuo dato proponitur, quia nihil refert ipse Titius eam pecuniam numeraverit; an actor, qui rem ejus pecuniariam tractabat omnem, & ideo Titius usuris, etiam si quid de iis convenerit inter dominum & Titium, non obstringitur citra stipulationem, quia non id agebat, ut mandati contraheretur obligatio, sed creditæ pecunie, cujus usuræ non debentur citra stipulationem. Quod autem refertur ex eodem libro Pap. in *d. §. idem Papinianus*.

Ad §. Idem Papinianus, ff. eod.

Idem Papinianus libro eadem refert fideiussori condemnato: qui ideo fideiussit, quia dominus procuratori mandaverat, ut pecuniam mutuum acciperet: utilem actionem dandam, quasi in iustitiam, quia & hic quasi præposuisse eum mutua pecunie accipiendæ videntur.

Idem Papinian. scripserat in lib. 2. *l. libertus, in princip. de negot. gest.* videlicet actione quasi in iustitia negotiorum, quia dominus, qui procuratori mandavit, ut pecuniam mutuum acciperet in negotia sua, teneatur tantum creditori, qui pecuniam mutuum dedit, sed etiam fideiussori si solverit. Et jam hujus responsi partem in hoc libro habuimus & exposuimus satis in *l. pen. in princ. de inst. act.* Eique potest adjungi, quod ex eodem libro 3. refertur in *l. Julianus, §. si procurator, de act. emp.* Dominus procuratori suo mandavit, ut rem aliquam suam venderet: vendidit & cavet emptori evictionis nomine, dominus tenetur emptori quasi in iustitia actione ex empto, etiam si procurator, qui cavet emptori, solvendo fit, *d. l. pen.* Contra quoque emptor domino tenetur actione ex vendito, quod tamen ita demum verum est, si procurator, cui mandavit rem vendendam, non sit solvendo, ut exposuimus in *d. l. pen.* & patet ex *l. 1. & 2. de in.*

fit. act. l. in omnibus, de prat. stip. l. 1. §. sed ex contr. de euer. act. & in d. §. si proc. Observandum est, actionem, quæ venditori competit, appellari ex vendito, quæ emptori ex emptio. Sed quæ venditori competit appellatur interdum etiam ex emptio. Id fit imperfecto quodam genere loquendi ex emptio pro ex vendito emptio. Nam perfecta oratio est, Actio ex vendito emptio, quæ venditori competit, actio ex emptio vendito, quæ emptori competit, & sic in l. 1. C. si servus ext. emi. se mandav.

Ad §. Si cui mandavero, ff. eod.

Si cui mandavero, ut a Ticio stipuletur, potero cum eo cui mandavi, agere mandati, ut eum accepto liberet, si hoc velim, vel si malim in hoc agam, ut eum deleget mihi, vel si cui alii voluero. Et Papin. libro eodem scribit, si mater pro filia dotem dederit, eamque mandante filia, vel illico stipulata sit, vel etiam postea, mandati eam teneri, quamvis ipsa sit quæ dotem dederit.

Species §. si cui mandavero, versio & Pap. hæc est: Si mater pro filia dotem dederit, & filia mandante illico, id est, initio dandæ dotis, vel postea, id est, ex intervallo, stipulata sit mater, a genero divortio factio dotem sibi reddi, quia stipulata est mandatu filie, mandati actione filie tenetur, quamvis ipsa dotem dederit de suo, vel ut liberet virum per acceptilationem, si quidem filia malit eum sibi obligatum esse, quam matri, atque ita liberatum eum a matre, velit mutata sententia sibi stipulanti promittere in casum divortii, ut in l. pen. de negot. gesti. Vel etiam mater tenetur filie mandati actione, ut virum deleget sibi, vel alii cui voluerit, vel divortio factio, ut cedat sibi actionem ex stipulata, vel si jam dotem exegit, ut sibi eam præster, l. 59. in princ. ff. mand. Et notandum, quod ait Pap. in eo responso, filia mandante mittit, quæ dotem dederat pro filia donandi animo, stipulatam dotem sibi reddi, & stipulatam vel illico tempore dandæ dotis, vel intermissio spatio: nihil referre igitur, statim stipulata sit, an postea: unde apparet filiam, aut matrem mandatu filie etiam ex intervallo recte stipulari dotem sibi reddi, nec necessarium esse, ut ea stipulatio interponatur initio contractus dotis: filia quandocumque dotem a se datam, vel pro se datam recte stipulatur sibi reddi divortio factio: at mater, quæ dotem dedit, non recte eam stipularetur ex intervallo sine mandatu filie cui dos adquisita jam est. Idque patet ex l. ob res, §. 1. de pact. dot.

Ad §. Papinianus quoque L. LII. Pro socio.

Papinianus quoque libro tertio Responsum ait. Si fratres parentum indivisas hereditates, ideo retinuerunt, ut emolumentum ac damnum in his commune sentirent, quod aliunde quæsierint in commune non redigetur.

Si duo fratres consortes socii sunt, qui patris hereditatem inter se pro indiviso habeant communem, non omnia bona sua, quod quis aliunde adquisivit, quam ex ea hereditate, id Pap. respondet in commune non redigi. Rectissime: nam e contrario, quod quis eorum amisit ex bonis suis propriis, ex aliis bonis suis, id communi hereditati non reputat, l. ex parte, §. filius, fam. eris. Et ita jam ante Ulpianus docuit ex scripto Severi. Si duo sint argentarii socii, quod quis eorum vel adquisivit extra causam mensæ argentariæ, id in commune non redigi. Ergo etiam, si quis eorum amisit ex aliis bonis suis, id non imputari mensæ communi, ut sit eadem ratio inter eos tam lucri, quam damni. Denique idem jus esse in ceteris sociis omnibus, qui sunt socii non universorum bonorum, sed certorum, certe rei, negotiationis, professionisque, quod est in argentariis sociis, qui tantum sunt socii mensæ argentariæ, & in ceteris qui argentariis sunt similes, quales erant coactores & nummularii, si sunt parvi argentarii,

A qui partem tantum officii argentarii exsequuntur, quod de nummulariis liquet ex l. quidam, §. pen. ff. de edendo, & de coactoribus etiam manifestum est, qui, postquam argentarii pro aliis actionem fecerunt, ostiatum cogunt pecunias sive pretia quæ fecerunt, qui licitati sunt, ut sit hodie, qui & collectarii dicuntur in l. quisquis, C. si certi. per. Si sunt dicunturque etiam quodammodo argentarii, ut in Glossis Philoxeni interpretatur etiam argentarius, coactor, quod etiam verbum Latinum pro coactor, & etiam apud Helychium, Καυακτρος, qua voce quid significetur non interpretatur, sed dicit eam vocem tantum esse apud Rhinthonem in Medea. Sane est coactor, sive argentarius, sive argentarii minister, vel adfector: illius Rinthonis auctoritate etiam Helych. utitur in verbo Καυακτρος, & Arthenus duobus in locis. Fuit poeta Tarentinus, similis Rabelesio nostro, qua de causa nebulo vocatur a Columella lib. 8. cap. 16. Et Varr. lib. 3. de re rust.

Ad §. Item ex facto eadem l.

Item ex facto consilium respondisse se ait, libro tertio Responsum: Inter Flavianum Victorem & Vellicum Asianum placuerat, ut, locis emptis pecunia Victoris, monumenta fierent opera & peritia Asiani: quibus distractis, pecuniam Victor cum certa quantitate reciperet, superfluum Asianus acciperet, qui operam in societatem contulit. Erat per socio actio.

A It in hoc §. Papin. recte contrahi societatem inter duos, uno conferente pecuniam, altero conferente artem tantum, vel operam suam, ut in hac ipsa lege 52. §. si in coenda, & l. 1. C. de illa, Inst. de societ. Marcus Tullius pro Roscio Am. Non est capiosa, inquit, aut iniqua societas, ubi alter corpus, alter disciplinam in societatem adfert. Exempla sumuntur ex dicto §. si in coenda. Si pastori pascentia mea pecora dedi, ea lege, ut factus essent communes, ego confero rem, pastor operam tantum, & rata est societas, ut l. si pascentia, C. de pacti. Item si politorum meum agrum poliendum dedi, eis ius societas, ut est in Basil. ut politer meum agrum, ea lege, ut fructus essent communes: & addit rationem in §. si coenda, cur iusta sit societas, ubi unus confert rem vel pecuniam, alter artem vel operam suam? Quia, inquit, pretium artis operæ est levamentum, sic jam pridem ostendi, esse legendum trajectis literis, pro levamentum. Pretium autem artis operæ est levamentum, esse levamentum, id est, æquamentum, librammentum, & amissum, ut apud Non. Marcell. Varro lib. 2. Plaut. quæst. Amissum esse examen, & levamentum. Denique pretium artis vel operæ facere librammentum, æquilibrium, quod levamentum dicitur, & tantum poliere artem, quam pecuniam vel rem, quam alter confert: Est & aliud exemplum in specie §. item ex facto, de qua Pap. se ex facto consilium respondisse ait. Ex facto, quod Theophilus noster in §. ult. de fid. hered. interpretatur, & ex eo quod ait, & sæpe hoc modo auctores nostri loqui solent, significantes otiosam questionem non esse, sed usum sorte natæ rei ita tulisse, ut de ea re quæreretur. Species vero illa est huiusmodi.

Inter me & te convenit, ut loci quidam extra urbem mea pecunia emerentur: in quibus, cum esses faber, tua arte & opera fabricarentur monumenta & conditoria mortuorum, & monumentis venditis, constaret enim, pura monumenta, quæ nondum ulla religio occupavit vendi posse, l. 6. §. ult. de relig. Convenit igitur inter nos, ut venditis monumentis ego pecuniam cum accessione certa in emptorem locorum reciperem cum accessione certa (nam in hoc §. recte scriptum est, cum certa quantitate in Flor. & in Basilicis: ubi in ipso loco mortuorum) ut igitur ego reciperem pecuniam, quam contuli in emptionem locorum cum accessione certa, tu haberes residuum pretii, quod ex venditione monumentorum redigeretur: Contuli pecuniam, ut fabricarem operam tantum, & videtur inter me & te recte contracta societas distrahendorum monumentorum. Et ex hoc negotio est ultra citroque actio pro socio. Nec omitam in hoc §. illo loco, Bellum Asianum,

num, recte scribi Vellicum, ut & in l. Julianus, §. per contrarium, de act. emp.

Ad §. Idem Papinianus ead. l.

Idem Pap. eodem libro ait, si inter fratres voluntarium consortium initium fuerit, & stipendia ceteraque salaria in commune redigi iudicio societatis; quamvis filius emancipatus hac non cogatur conferre fratri, inquit, in potestate manenti, quia etsi in potestate maneret, precipua ea haberet.

SUBiicitur statim in §. idem Pap. eod. lib. aliud responsum. In quo proponitur differentia una inter societatem voluntariam, & necessariam. Voluntariam contrahit conciliat, & ex ea nascitur actio pro socio: Necessariam fortuna conciliat, & ex ea nascitur actio pro socio, sed communi dividendo, sicut ex voluntaria utraque actio. Ex necessaria communi dividendo tantum, non pro socio, ut si duobus communiter hereditas, vel legata obveniat, l. 31. & seg. h. t. Utramque societatem significat M. Tull. in Quintiana, his verbis: Socius cui cum te voluntas congressisset, aut fortuna conjunxisset. Et infra, Cum eo tu voluntariam societatem coibas, qui te in societate hereditaria fraudaras. Et sic voluntariam societatem in l. virum, §. in heredem, h. t. quod est, in hoc §. voluntarium consortium. In quo differentia quam initio proponi dixi, hæc est. Si societas sit necessaria, sive hereditaria inter fratres, ut puta, si patri simul heredes existerint, frater emancipatus fratri in potestate manenti, id est, qui fuit in potestate patris morientis, non confert castrense, vel quasi castrense peculium, sed id sibi habet, retinetque præcipuum, l. 1. §. nec castrense, ff. de collat. bon. Quia etsi manifestum in potestate patris, id præcipuum retinisset, nec adquisisset patri: Ex quo generaliter definit, ea quæ sui non adquirunt patri, nec emancipatos conferre fratri, bus suis, cum quibus vocantur ad successionem patris, quod est verum. At si inter fratres coita sit voluntaria societas omnium bonorum, etiam castrensis, aut quasi castrensis bona in commune conferuntur, aut conferre coguntur actione pro socio. In castrensis, bonis, exempli gratia, Pap. hoc loco numerat stipendia militaria: in quasi castrensis cetera salaria, quæ merito officii aut dignitatis tribuuntur de publico, ut l. ult. C. de inst. test. Et hæc est sententia §. idem Papin. Sequitur aliud ex eodem libro Pap. relatum in l. 4. eleganter, de lege commissi.

Ad §. Eleganter, l. IV. ff. de Leg. commissi.

Eleganter Papinianus libro tertio Responsum, scribit: statim atque commissio lex est, statuere venditorem debere, utrum commissoriam velit exercere, an potius pretium petere, nec posse si commissoriam elegit, postea variare.

LEX commissoria, est pactum, quod venditoris causa adijcitur emptioni venditioni, l. 2. h. t. puta, ut si ad diem conditum emptor non solvat pretium, res sit inempta, qua lege commissio, id est, pretio ad diem non soluto, in arbitrio est venditoris ea lege eove pacto uti, aut non uti: Nam si hoc malit, potest pretium petere post diem lege commissoria comprehensum, & non ut lege commissoria secundum regulam juris, ex qua licet contemnere & remittere cuiuslibet ea, quæ sua causa introducta sunt, l. pen. C. de pact. sed si femel ei legi renuntiari venditor, si femel confiteri ea lege, sive pactione non uti, & post diem pretium petierit, postea variare, & ex poenitentia eam legem sive pactionem exercere non potest, ut in l. 7. h. t. cuius responsi hanc dico esse rationem. Quia non potest iterum variare, qui femel variavit. Semel variatio admittitur in quibusdam causis iure nostro, Bis non item. Et in hac specie variare non potest venditor, qui iam variavit semel, cum legem commissoriam, quæ placuerat initio venditionis post diem lege commissoria comprehensum, non exercuit. Et spisse, aut vix permittitur unquam cuiquam, ut bis variare liceat: & præterea, quia

A venditor variare & mutare sententiam non posset sine injuria emptoris, cui a venditore semel electo, & petito pretio post diem jus emptionis firmo & perpetuo jure acquisitum ac confirmatum est.

Huic responso simile est, quod proponitur etiam ex eodem libro in l. 1. de serv. export. Si venditor servi hanc legem dicat in venditione, ut is servus exportetur ab emptore, nec Romæ moretur, ubi venibat, venditor hanc legem remittere potest emptori & servo, quia propter ejus securitatem dicta lex fuit, ne periculum subiret, quod metuebat a servo nequissimo, cujus oculos ferre vel conspectum non poterat. Denique unusquisque potest remittere, quod sui causa sibi cavit, & ex hac lege 1. de serv. export. & d. l. 4. §. eleganter, de lege com. fumes duo aptissima exempla ad illam regulam juris, ut unusquisque possit renuntiare iis, quæ pro se introducta sunt, sed in hoc exemplo posteriori dicemus etiam venditorem, si femel emptori permiserit servum Romæ retinere, non posse variare, & ad eam legem redire, ne variatio bis admittatur, quod absurdum est, ne injuria fiat emptori. Præterea in testimonium vocatur etiam Pap. ex eod. li. in l. creditor §. si qui poter. in pign. hab.

Ad §. Sciendum L. creditor XII. ff. qui pot. in pign.

Sciendum est secundo creditori rem teneri etiam invito debitore tam in suum debitum, quam in primi creditoris, & in usuras suas, & quas primo creditori solvit. Sed tamen usurarum quas primo creditori solvit, usuras non consequitur. Non enim negotium alterius gessit, sed magis suum. Et ita Pap. lib. 3. responsum scripsit. Et verum est.

HUJUS §. sententia hæc est: Si duo sint creditores, quibus idem pignus datum & obligatum sit, & posterior creditor priori oblata pecunia cum usuris in locum prioris successerit, & pignus sibi confirmarit, in quo ante obligationem non erat potior, retinet id non tantum in suum debitum, & in usuras sibi debitas, sed etiam in id debitum, easque usuras, quas priori creditori solvit, & ob utramque summam recte pignus distrahit etiam invito debitore, ut in l. 5. in princ. de distr. pign. Ceterum in usuras usurarum, quas solvit priori creditori, pignus non teneatur, quod est caput istius responsi, & confirmatur l. 2. C. de pign. & hypothec. Ratio autem est hæc, cur pignus non teneatur in usuras usurarum quas solvit priori creditori, quia in solvenda forte, & usuris priori creditori debitis, posterior creditor magis suum, quam debitoris negotium gessit. Gessit quidem reipia negotium debitoris, quia solvendo eum liberavit a priori creditore, sed animum tamen habuit gerendi sui negotii, id est, bis mandandi sui pignoris. Et ideo fortis quidem soluta priori creditori usuræ currunt in persona posterioris, quæ current in persona prioris, si ei satisfactum non esset, sed non currunt etiam usurarum solutarum usura. At si quis alius non creditor negotium soli debitori gerens solvisset creditori fortem & usuras ei debitas, non tantum fortis, sed & usurarum solutarum usuras reciperet iudicio negotiorum, quia omnis pecunia quam pro alio solvit ultro vice fortis fungitur, ut fit etiam in specie l. qui negotiationem, §. ex duobus, & §. ult. de administ. tut.

E Ad §. Si impuberis, L. Illud queritur de evict.

Si impuberis nomine tutor vendiderit; evictione secuta, Pap. lib. 3. Responsum ait, dari in eum cuius tutela gesta sit, utilem actionem, sed adjicit: in id denum, quod rationibus ejus acceptolatum est. Sed an in totum, si tutor solvendo non sit, videamus, quod magis puto. Neque enim male contrabitur cum tutoribus.

S tutor pupilli nomine rem vendiderit ex utilitate pupilli & bona fide, sic enim est ponendum, ex l. cum plures, §. 1. de adm. tut. idemque tutor forte emptori caveat de evictione, secuta post finitam tutelam evisione, quæ-

quarebatur, quis emptori ob evictionem teneretur, tutor qui vendidit & cavit, an adolescens, cuius nomine venditio facta est? Et responderet Pap. adolescentem teneri utili actione ex empto evictionis nomine. Et utique sine dubio adolescens eo nomine emptori tenetur in id, quod rationibus ejus acceptolatum est, & ut dicam vernacule: *Jusques a la concurrence de ce qu'il a reçu du prix de la chose vendue, jusques au concurrens de la chose vendue par la reddition du compte, jusques a la reddition du compte.* Imo vero adolescentem teneri in totum evictionis nomine, maxime si tutor solvendo non sit. Qua in re magna est differentia inter procuratorem, qui si vendiderit & caverit, finita procuratore nullo modo liberatur ab emptore, & tutorem, vel alium, qui fungitur in vitis munere publico. Procurator munere voluntario fungitur, quam in rem velim vos relegere, quæ dixi lib. 1. ad l. 3. §. in eum, de adm. rer. ad civ. pert.

Ad §. ult. Servo CXIII. de Leg. I.

Ineptas voluntates defunctorum circa sepulchrum (veluti vestes: aut si qua alia supervacua, ut in funus impendantur) non valere, Pap. libro tertio Respons. scribit.

MARTIANUS in hoc §. ait Pap. respondisse, ineptas voluntates defunctorum circa sepulchrum non valere, ut si jubeant vestes, vel quæ alia impendi supervacua in funus, aut (ut fiebat antiquitus) comburi secum vestes suas. Et inde hoc tacite consequitur heredem non esse indignum, qui his voluntatibus non obtemperat, quæ ineptæ sunt; alioquin indignus est heres jure veteri, qui non exequitur justam voluntatem defuncti. Et tamen videretur posse objici, quod in justas impensas funeris numerantur etiam vestimenta, ut in Basil. est scriptum in l. funeris, sup. de relig. & quod pro vestigali datur denique, quod in justas impensas funeris numerantur vestes, in l. 14. §. funeris, eod. t. Et apud Virg. 6. Æneid.

Purpureasque super vestes velamina nota, Conspiciunt.
Sed hic Papin. tantum respondet de vestibus, quæ consumuntur supervacue & supervacue comburantur, ut in funere Achillis apud Homerum Odys. 6. & apud Lucianum in Nigro idem refertur.

JACOBI CUJACII J.C. D.

COMMENTARIA

In Lib. IV. Responsorum ÆMILII PAPINIANI.

Ad L. IX. de Senatorib.

Filiam Senatoris nuptias liberti secutam, patris casus non facit uxorem, nam quæ sita dignitas liberis, propter casum patris remoti a Senatu, auferenda non est.

HÆC verba, ut intelligantur, sciendum est, ex l. Julia, & Papia, de maritandis ordinib. libertinam non esse justam uxorem Senatoris, vel filii, aut nepotis Senatoris, non esse justas nuptias inter libertinam & Senatorem aut Senatoris liberos l. 23. & 44. de ritu nupt. Et contra; non ex eadem quidem lege Julia, ut plerique inconsiderate, sed ex SC. & oratione Divi Marci, filiam quoque ac nepem Senatoris non esse justam uxorem libertini hominis l. 27. & 42. eod. t. Unde quaeritur hoc loco: an tamen filia Senatoris, quæ libertino nupit fiat justa uxor, si postea pater ejus Senator esse defierit, puta, si ob crimen aliquod Senatu motus sit, & rescribit Pap. eam non fieri justam uxorem, quia et si pater ejus defierit esse Senator, ipsa tamen non definit esse Senatoris filia: nec enim dignitas natalium semel quæ sita liberis ejus auferitur ob casum patris, quod est æquissimum. Cui tamen responso ob stare videtur, quod ex con-

Atrario dicitur in l. 27. eod. t. de ritu nupt. libertinam, quæ nupit Senatori fieri justam uxorem, si maritus Senator esse defierit, si Senatu propter turpitudinem aliquam remotus fuerit. At revera nihil obstat: est enim idem juris in utroque casu, si Senator, aut Senatoris filius duxerit libertinam, siue filia Senatoris nupit libertino; nam ut priore casu convalescent, justæque fiunt nuptiæ, si vir clarissimam, id est, Senatoris dignitatem amittat: ita & posteriore casu justæ fiunt nuptiæ, si filia Senatoris eam dignitatem amittat, ut si profiteatur impudicitiam apud Ædiles, si corpore quæstum faciat, l. 47. eod. t. At quando manet dignitas integra, injuste nuptiæ sunt, siue filia Senatoris nupit libertino, siue filius Senatoris duxerit libertinam. Integra autem eis dignitas manet, etiam si pater, a quo eam dignitatem habent, ea dignitate exciderit. **B** Nota aspersa patri, non pertingit filium vel filiam: denique non facit justas nuptias, quas filius vel filia Senatoris contraxerit cum libertinæ conditionis hominibus.

Ad L. IV. de Offic. adfess.

Diem defuncto Legato Caesaris, salarium comitibus restitui temporis, quod a legatis præstitutum est, debetur: modo si non postea comites cum aliis eodem tempore fuerint. Diversum in eo servatur, qui successorem ante tempus accepit.

HÆC lex celebratur plurimum, & vexatur ab interpretibus, necdum explicatur, & est repetitio brevis l. 19. §. ult. locati. Constat inter omnes, Legatum Caesaris in hac lege esse Præsidem provincie, & Comites in hac lege esse adfessores & Consiliarios quos ex Italia secum Præses ducit in provinciam, Comites sedendi. Est autem, quod notandum in hac lege, ἐπὶ ἀλλοτρίῳ numerorum, quia cum de Præside loquitur, initio ait, Legato Caesaris: deinde plurativo numero, Legatis, non est existimandum alium esse legatum, alios legatos, sed de præsidibus aut de Præsidum comitibus, siue adfessoribus tota lex agit, & sunt frequentissima in jure nostro ἐπὶ ἀλλοτρίῳ. Constat etiam ex l. administrantes, §. 1. de excus. tut. Comitum, siue Adfessorum certum fuisse numerum, quem Præfidi jus erat ducere in provinciam, ne multi gravarent fiscum: Publico enim salario Adfessores fruebantur, ut ex contrario demonstrat l. ult. h. t. Ideoque in commentarium Principis, vel in ararium referebantur, l. abesse; ex quib. cau. major. Ils estoient couchez en l' estat. Et erat ei adversus fiscum vel adversus Rempubicam petitio salarii extraordinaria, ut l. 1. §. sed etsi Comites, & l. 4. de ext. cogn. uno loco dicuntur Comites, altero, juris studiosi, ut in l. 1. h. tit. Quoniam omnes Adfessores magistratuum erant Jurisconsulti, & Juris studiosi & Jurisconsul. idem est, sicut σοφοί, & ἐπιστοχοί, idem est. Defuncto autem Præfide provincie (quæ est sententia hujus legis) ante annum tempus, (erat enim plerumque annuus magistratus, vel ante id, quod decreta provincie ei lege, aut SC. finitum erat.) Defuncto, inquam, Præfide ante legitimum tempus provincie, & administrationis suæ, Pap. docet hoc loco Comitibus, siue Adfessoribus defuncti Præfidis deberi totius legitimi temporis salarium integrum: Salarium, inquit, residui temporis, quod a legatis præstitutum est, sic Florentine sed affirmo esse illo loco parvam quandam transactionem literarum duarum, & legendum: residui temporis, quod Legatio præstitutum est, ut sit residui temporis, quod præstitutum, & finitum ac definitum est Legatis, id est, præsidibus, ut provinciam administrarent: nec enim præstitui salarium unquam dicitur, sed præstitui dicitur tempus tantum, l. 1. de jure deliber. Et ita Marc. Tull. Proconsul. Ciliciz epistola 8. lib. 2. & 7. lib. 15. ad Fam. optat, nequid accedat temporis ad id, quod lege, & SC. ei præstitutum & finitum erat, nequid temporis accedat ad annum munus: ne ut ait alio loco, lib. 2. tempus provincie prorogetur: unde & in fine hujus legis agit de Præfide, qui ante tempus præstitutum scil. successorem accepit: proinde nihil est certius,

tius quam præstitutum dici de tempore præsidatus, non de salario. Ita vero demum residui temporis salarium deberi ait Comitibus sive Adfessoribus, si residuo tempore aliis præsidibus operam suam non accommodaverint, si otiosi fuerint, quia per eos non stetit, quo minus injuncto munere fungerentur, sed per casum præsidis, sive absentiam, ut veteres loquebantur, quo argumento in *d.l. 19. §. pen. loc.* Defuncto præside, vel alio quocunque qui conduxerat operas exceptoris, id est, scribæ sive notarii, vel operas alterius, nihil refert, ut in *l. qui operas, cod. tit.* Defuncto, inquam, eo qui conduxerat operas exceptoris, sive librarii in certum tempus, dicitur exceptori deberi mercedem integram, si modo residuo tempore mercedem ab alio non acceperit, & alii operas suas non locaverit. Et in fine legis Papin. ostendit rectissime in Adfessoribus præsidium sive Comitibus aliud esse dicendum, si præres vita defunctus non sit, sed ante tempus præstitutum, & præstitutum successorem acceperit, quoniam hoc casu Adfessoribus ejus residui temporis salarium non debetur, & ratio hæc est: quia dario successoris & Præsidem, & Comites ejus expunxit avario fide tabularum Principis, in quod relati erant, perinde ac si legitimum tempus explevisset: hæc est sententia hujus legis. Non querit lex, an etiam hereditibus Præsidis defuncti debeat salarium residui temporis, nam & Præsidis erant salariarii, de eo vero non querit, quoniam certissimum erat, deberi salarium residui temporis: potest tentari etiam, Adfessoribus defunctis, hereditibus eorum deberi salaria etiam residui temporis, sicut proximis sacrorum scriutorum, qui & literarum & juris periti erant non minus quam Adfessores, proditum est deberi salarium totius temporis hereditibus eorum, si moriantur in *l. i. C. de proc. sac. scriborum lib. 12.* Itemque defunctis fisci patronis ejus anni, quo defuncti sunt integrum salarium transmitti in heredes eorum, *l. post duos. C. de ædno. divers. jud.* Et idem obtinuius audio heredes Equinarii Baronis adversus consilium istius civitatis, fretos auctoritate Accursi, in *l. 1. §. Divus de extr. cogn.* Ubi censet Doctores juris defunctis, ejus anni, quo defuncti sunt, integrum salarium hereditibus eorum transmitti debere: quod tamen ego nolum temere corrigi ad omnes salariarios, quia hoc privilegii loco concedi solet, & in honorem memorie defuncti. Certe qui locavit operas suas in annum, si interim moriatur, non transmittit in suum heredem totius anni mercedem, sed neque milles totius anni pendium, *l. 41. C. de re milit.* neque scriba quæstoris missi in provinciam, ut fuisse pronuntiarum refert Plinius 4. Epist. in ea quæ incipit, *Amas.* Ergo etiam dicam, procuratori meo si constituo salarium, eo defuncto hoc anno, hereditibus ejus residui temporis salarium non deberi, neque item advocatis totius causæ honorarium, si decesserint ante peractam causam, quoniam hoc tantum in advocato constitutum legitimus, ut si quid perceperit honorarii nomine, id heredes ejus restituere non cogantur, quia per eum non stetit quamdiu vixerit, quo minus causam perageret, *l. 1. §. ejus de extr. cogn. tit. 12.* Nec item si legatus provincialis in legatione decesserit, antequam reverteretur in patriam, sumptus, qui proficiscenti ei prorogati sunt, viaticum quod ei prorogatum est, vel legativum quod dicitur, heredes ejus nec restituere tenentur, ut in *l. legatus, §. 1. de legation.* Denique quod Legatus provincialis, vel advocatus acceperit in antecessum, *d. aduante:* sive quod idem est, pro mutuo, & ut Græci dicunt *in προχρησις:* quod prorogatum ei fuerit; si interim moriatur ante expletum injunctum munus, heredes ejus id restituere non tenentur. Ceterum si nihil prorogatum sit, non possunt etiam petere residui temporis salarium, quoniam hoc tantum proditum est; ne cogantur restituere tantum quod prorogatum est defuncto: non restituant ergo quod defuncto prorogatum est: obstat quod si prorogata sit nauta vectura, nave amissa restituitur actio ex locato quod ei prorogatum est, sive datum pro mutuo, *l. 15. §. item, ff. loc. & in antecessum, ut Seneca loquitur.* Ac similiter, si prorogata sit pensio

A domus, domo combusta, repetitur pensio quæ prorogata est pro rata temporis, quo habitare non licuit, *l. 19. §. si quis cum in annum, cod. tit.* Hæc vero non sunt contraria iis, quæ diximus, non repeti ab hereditibus defuncti advocati vel legati provincialis, quod eis sui laboris remunerandi causa prorogatum est. Quoniam superioribus casibus per advocatum, aut legatum provinciale non stetit quamdiu vixit, quo minus injuncto munere fungerentur, idcirco ab ejus hereditibus nihil repetitur. Inferioribus autem casibus per locatorem operarum vel ædium stat propter casum & amissionem rei, sive navis vel ædium, quo minus fidem contractus impleat. Et multum interest, interierim ego, an res mea. Nam si ego interierim, recte dicis per me non stetisse, qui quamdiu vixi fidem servavi, quæ non potest perducere ultra vitam meam, quoniam opera mea fuerat electa, quæ non est eadem in herede meo. At si res mea interierit, vel quid aliud me vivo acciderit, quod me impedit fidem contractus implere, si modo adversarius meus id non effecerit, non attulerit impedimentum, recte dicis per me stetisse, quod per adversarium stetisse dicere non potes. Et rectissime Accursius in *l. pen. C. de cond. ob caus. dat.* Pecuniam datam ob causam, ut fieret aliquid, non repeti, si casus fortuitus & fatalis, quo minus ea causa sequeretur non culpa accipientis pecuniam, impedimento fuerit, ut ait lex pen. Hoc ita verum esse, ut ipse interpretatur: si casus si contigerit in persona dantis ab eo, qui accepit, nihil posse repeti, non si casus contigerit in persona accipientis pecuniam. Sed male subiicit hanc exceptionem non obtinere, nisi in advocatis, ut in *l. 1. §. dominus, de extr. cognit.* quoniam hæc in re advocati nihil habent præcipuum, & debuit dicere, nisi accipientis mors contigerit. Nam & hoc casu non potest repeti datum ob causam causa non secuta propter casum accipientis.

Ad L. LIV. de Edilitio edicto.

Actio redhibitoria non est locus, si mancipium bonis conditionibus emptum, fuerit, quod ante non fuerat.

A It, Bonis conditionibus emptum mancipium, quæ verba Accursius non intelligit, qui modo interpretatur, mancipium fuisse venditum a bono quodam viro & probo, & modo, fuisse venditum mancipium probum & fugi; modo, venditorem excepisse fugam mancipii, quæ contingeret post venditionem, quæ commenta omnia refellet perpiscua & vera interpretatio, quam paulo post subiiciam. Sicut & quod stultior quidam in Institutionibus, tit. de iis, qui sunt sui vel ali. jur. Quo loco jubetur dominus servum, quo flagitiose utitur, vendere bonis conditionibus: bonis conditionibus venditum, interpretatur, iusto pretio venditum, nec audit Theophilus interpretationem, quo nullus melior, aut antiquior Institutionum interpres, opponentem bonis conditionibus duras condiciones, quibus servus, qui venit, oneratur, ut si veneat ea lege & conditione, ut exportetur in longinquam provinciam, si veneat in *ἑσπέρῃ*, si veneat ea lege & conditione, ut nunquam manumittatur ab emptore, vel in vinculis habeatur; quæ condiciones duræ solent imponi servis nequam, *l. 25. de statuliber.* Iis conditionibus sunt oppositæ bonæ condiciones, quæ non sunt duræ, quæ non onerant emptum venditum mancipium. Bonis conditionibus dicitur emptus, cui non sunt impositi duræ condiciones, ut si servus venierit simpliciter, nec tanquam fugitivo imposita sit lex, ut vinculis, & in nervo & compedibus habeatur. Et ita quidem simpliciter venditus servus si fuerit apud emptorem, qui ante non fuerat apud venditorem, cuique etiam in vendendo nulla tanquam fugitivo conditio imposita fuerat, venditor eo nomine actione non tenetur redhibitoria emptori, puta ut reddat pretium, quæ est sententia hujus legis, & *l. 3. C. de adit. actio.* Quam cum adducit Accursius hoc loco, in hoc solo bonus est Accursius. Et generaliter, vitia sive casus, qui coeperunt post venditionem, ad emptoris periculum non venditoris pertinent *l. Lucius, de evictio. l. 1. C. de per. & comp. rei vend.*

Si venditus servus fugerit ex pristino vitio, quod hauserat apud venditorem live contraxerat, neque id nominatim venditor exceperit, aut contra affirmaverit, eum fugitivum vel erronem non esse, proculdubio eo nomine venditor emptori tenetur actione redhibitoria, si etiam post venditionem fugerit more suo pristino, ac pridem inveterato, & ingenerato vitio. Cum autem dubitatur, vitium fugae antiquius sit venditione, necne, hac in re deficientibus indicii antiquioris fugae; servi responso tormentis elicto credendum est l. 58. §. ult. hoc tit. Quia in se interrogatur, non in dominum, vel pro domino, l. 7. de probat.

Ad L. XV. de Ritu Nuptiarum.

Uxorem quandam privigni conjungi matrimonio vitrici non oportet, nec in matrimonium convenit novercam ejus, qui privignus maritus fuit.

Hæc lex est de nuptiis prohibitis ratione affinitatis, quæ quondam intercessit inter aliquos. Nam quamdiu manet affinitas, quæ contrahitur ex nuptiis, id est, quamdiu manent nuptiæ, certum est nuptam ab affine duci non posse. Ideoque quum tractatur de nuptiis prohibitis ratione affinitatis, tractatur tantum de iis, quæ prohibentur in venerandam memoriam affinitatis, quæ fuit inter aliquos, & docet in hac lege, non tantum inter eam quæ nurus aut socrus, & eum, qui socer vel gener fuit, vetitas esse nuptias, sed etiam inter eam, quæ nurus fuit vel focrus loco, non revera nurus aut socrus, & eum, qui generi fuit aut soceri loco non vere generi aut soceri, ac primùm quidem eam, quæ fuit uxor quondam privigni, non esse vitrico iustam uxorem. Quia quum privignus vitricio fuerit filii loco, sequitur eam, vitrico mariti, suifit se nurus loco, non nurum, & eum, qui socer vel gener fuit illi vitricum, non focrum, sed foceri loco fuisse, & vice versa, novercam non esse iustam uxorem marito quondam privignæ suæ, quia cum privigna fuerit noverca loco filiae, sequitur maritum privignæ, fuisse novercæ generi loco, & vicissim illi novercam focrus loco, & ideo nec debere eam in ejus manum convenire, ut Papin. scripsit hoc loco, & quidam codices retinuerunt, ut Tribonian. mutavit cum hoc loco, tum in l. ex parte, §. 1. de verb. oblig. convenire in matrimonium, quod conventionem solum in manum nuptiæ contrahi desissent. Hæc vero in sententia hujus legis quam interpres Harmenopuli non animadvertit ob eo referri 4. Epitom. tit. περὶ τῶν ἐγγυγιανῶν τὴν ἀποκρίσιν. At hæc Papiniani sententia hodie abrogata est decreto Innocentii in cap. non debet, ext. de consanguin. & aff. quo in primo tantum genere affinitatis nuptiæ prohibentur, non in secundo vel tertio. Et personæ, de quibus in hac lege agitur, sunt in secundo genere affinitatis, non in primo. Quod ut intelligatur, sciendum est: tria esse genera affinitatis possit facere quatuor vel quinque, sed rei propositæ cognoscendæ, satis erit tria facere. Primo genere cognati uxoris, sunt affines mariti, & vicissim cognati mariti sunt affines uxori, & ii sunt proprie affines, maritus & uxor non sunt affines, cognati uxoris, & cognati mariti non sunt affines, sed cognati uxoris sunt marito affines: & retro, cognati mariti, sunt affines uxori: Ii sunt proprie affines. Secundo autem genere affines uxoris ex aliis nuptiis, quæ ante nupserat, sunt marito secundo affinium loco, & vicissim affines mariti ex aliis nuptiis, sunt uxori secundo affinium loco, ut in specie hujus legis, nurus uxoris marito est nurus loco, & gener mariti, uxori est generi loco. Itaque personæ, de quibus hic agitur non sunt affines primo genere, sed affinium loco secundo genere. Tertio autem genere affinitatis uxor secunda quondam generi mei uxoris mihi est affinis loco: nam privigna est mihi affinis primo genere, maritus privignæ est mihi affinis secundo genere, non gener, sed quasi gener. Uxor autem secunda istius quasi generi est mihi affinis loco tertio genere. Denique in tertio genere constituendo quatuor personæ interveniunt, in secundo

A tres, in primo duæ. Quamobrem a Græcis primum genus dicitur & διαίρεσις, secundum ἰσχυρίαν, tertium ἰσχυρίαν, quod interveniant quatuor personæ. Sic etiam in tertio genere mulieri est affinis maritus secundus, quondam nurus sui mariti: nam privignus fuit ei affinis primo genere, uxor ejus secundo, quasi nurus: maritus autem secundus istius, quasi nurus tertio. Et olim quidem erant vetitæ nuptiæ, non tantum primo, sed etiam secundo & tertio genere affinitatis. Secundo vetantur in hac lege, & amplius in canone C. hoc 35. quest. 2. & 3. quum dicitur, Non posse matrimonium contrahi cum relicta patris uxoris suæ, id est, cum noverca uxoris quondam suæ, neque cum relicta fratris uxoris suæ, id est, cum fratria: sic vocatur uxor fratris, id est, cum fratria uxoris suæ, neque cum relicta filii uxoris suæ, id est, cum nuru uxoris suæ, qui casus est expressus in hac lege. Vetantur etiam olim & vetantur & tertio genere affinitatis in c. de propinquis, ead. caus. & questione. At ex supradicto decreto Innocentii, illi canonēs antiquantur in d. c. non dicitur, & vetantur nuptiæ in primo tantum genere affinitatis usque ad tertium gradum inter eos, qui proprie sunt affines: nam ceteri non sunt affines, sed loco affinium, & recta quidem linea, sive directo limite in infinitum vetantur utroque jure inter eos, qui parentum & liberorum locum obtinent, ut puta inter vitricum & privignam, inter privignum & novercam, inter socrum & nurum, inter socrum & generum, quæ appellationes latissime patent, quia excrefcunt veluti in pronum & abnorum. Et sic de ceteris ut in l. prox. sup. h. l. 4. de grad. & aff. In transverso autem limite vetantur tantum duce-re quondam uxorem fratris, vel quondam uxorem sororem, l. fratris, l. pen. & ult. C. de incest. nupt. Jure Pontificio, prohibitio extenditur ad quartum quasi gradum, quia proprie nulli sunt gradus affinitatis, numerandi, scil. non civili more, ut in causa hereditatum & tutelaram, sed Pontificio more, id est, ut tardius procedant gradus jure Pontificio, quam jure civili. Cuius rei explicatio nihil amplius desiderat, & ita, ut cognati defuncti usque ad quartum gradum non ducant eam, quæ defuncti uxor fuit: quo gradu defuncto cum cognatus, eodem suo affinis ejus uxori. Et ex hac dispositione patet, quanta sit differentia, quam tamen auctores juris Pontificii plerumque confundunt inter genera & gradus affinitatis: & liquet etiam ex ea quid sit, quod Innocentius in c. non debet, permittit nuptias in secundo & tertio genere affinitatis contra jus vetus & contra hanc legem: nam & jure civili latius patebat prohibitio nuptiarum, propterea quod in nuptiis contrahendis non tam spectatur quid licet, quam quid deceat, ut l. 14. h. l. In nuptiis contrahendis naturale jus & pudor inspicieudus, & sola honestatis ratio est idonea.

Ad L. XXXIV. de Ritu Nuptiarum.

Generali mandato querendi mariti filiefamilias, non fieri nuptias, rationis est. Itaque personam ejus patri demonstrari, qui matrimonio consenserit, ut nuptiæ contrahantur necesse est.

Sciendum est filiamfam. non esse iustam uxorem, si nupserit sine consensu patris, in casus potestate est: unde queritur hoc loco, an nuptiis videatur consensisse pater, si dederit filiae mandatum querendi mariti, & illa optaverit, atque ita junxerit sibi matrimonio aliquem, an iuste sint nuptiæ? Minime, quia debuit eum, quem optaverat prius demonstrare patri, deinde facere nuptias consensu patris: neque enim illo generali mandato data fuit potestas faciendi nuptias, sed querendæ conditionis tantum, ut Græci notant iis verbis: ἐνταύθα πᾶσι ἐνταύθα. Qui etiam recte ponunt mandatum fuisse filiae non pro-nexæ sive pario, in quo id multo certius erat verum. Et ipsi filiae dato ejusmodi mandato querendi mariti non intelligitur ei permiffum, ut nubere inconsulto patri, & ita respondit Papinianus. Hoc responsum singulare est, in quod tamen inquiri possit, an iuste sint nuptiæ, quas

contraxit filiafamil. non adhibito patre, non consentiente A patre, si eas pater posuerit in arbitrio filiae, si generaliter mandaverit, ut haberet quicumque vellet: & dico, etiam huiusmodi mandato, eas nuptias filiae permissas videri tantum, quia verisimile est, specialiter patrem permitturum fuisse, ut de generali hypotheca dicitur in l. 6. de pignor. Non ergo cura impari, cum ignobili & infami. Nullus est adeo generalis sermo a quo tacite quaedam non excipiantur ex mente loquentis, l. si cui, de servit. multa dicuntur in iudic. l. 1. a generali hypotheca quidem excipiuntur, d. l. 6. & a generali mandato gerendorum negotiorum, l. mandato, de procurat. Et a generali quoque mandato quarendae conditionis, vel contrahendarum nuptiarum.

Ad §. Primum.

Ream adulterii, quam viri iure mariti postularit, non prohibetur post abolitionem uxorem denovo ducere, sed est non iure mariti ream postularit, iure contractum matrimonium videbitur.

Certeum est maritum qui uxorem, quam dimisit, & damnavit adulterii iudicio publico, domum reduxit, teneri poena legis iuliae de pudicitia, qua & quicumque alius tenetur, qui duxit damnatam adulterii l. mariti, §. 1. ad leg. iul. de adul. l. castitatis, C. eod. tit. Et iniuste sunt nuptiae, iniusta axor: denique neque ducere, neque reducere licet damnatam adulterii: recte damnatam: Nam si maritus postularit tantum adulterii uxorem, inchoata accusatione, nec peregerit ream, siue damnaverit, sed ab accusatione destiterit, poenitentia ductus, petita abolitione, quod exigit lex abolitionem, C. ad l. iul. de adul. hoc casu non prohibetur eam reducere, l. sine mari, C. eod. tit. Nec interest, ut ait haec lex iure mariti eam postularit, quod est ius privilegii, quo uti potest maritus a repudio, intra 60. dies utiles, & sine inscriptione, an postularit eam iure publico, siue iure extranei post 60. dies & cum inscriptione, ut in d. l. abolitionem, & l. 6. eod. tit. nam quoque iure eam postularit, satis est ante damnationem, si impetravit abolitionem, id est, veritatem ostendit accusationis temere instituta, & reducenda uxoris. Prioris pars huius responsi est de eo, qui uxorem postularit ream adulterii iure mariti, posterior de eo, qui postularit iure extranei, illo loco; sed est non iure mariti ream postularit. Et ex priori parte huius responsi, in posteriore sunt repetenda illa verba: post abolitionem, veluti ante uxoris. Quoniam utroque casu idem iuris est, ut postulatam adulterii iure mariti, vel iure extranei possit reducere petita abolitione.

Ad §. inter Privignos.

Inter privignos contrahi nuptiae possunt, etsi fratrem communem ex novo parentum matrimonium suscepit habeant.

Privignos quos vocat hoc loco Theophil. ἀλλογενήτους in §. mariti, Insti. de iur. put. filium uxoris ex alio marito, & filium mariti ex alia uxore, si inter se contrahunt iustas nuptias; ut patet ex hoc §. & ex d. §. mariti, & l. Titio, de verb. obligat. Inter se contrahunt iustas nuptias, tamen ex novo parentum matrimonio fratrem communem suscepit habeant, privignum scilicet uterinum, & privignam germanam, quo casu evenit, ut frater ille communis susceptus ex novo parentum matrimonio possit dicere nuptiae sororem suam fratris sui, item ut alteruter ex privignis possit dicere, fratrem, aut sororem fratris sui, id est, fratris illius communis, non esse sibi fratrem aut sororem, quia compingenti inter se non sunt fratres, non sunt cognati vel affines, sane nec affines sunt; quia cognati viri uxoris tantum affines sunt; non cognati uxoris: & flexa vice, cognati uxoris viro tantum sunt affines, non cognati viri; & ut glutinae duo signa junguntur, sic nuptiis duae cognationes jun-

tem. IV.

guntur, ita tamen, ut extrema tantum & ora vel fines conjungi & copulari dicantur. Et hoc est, quod ait l. 4. §. affines, de grad. & aff. alteram cognationem ad alterius finem, id est, extremitatem accedere posse, non in totam cognationem irrepere & infundi. Quamobrem compingenti inter se non sunt affines, sed neque consociari, id est, pater mariti & mater uxoris, ideoque inter se matrimonio jungi possunt: neque item filius mariti & mater uxoris: idcirco & ii matrimonio inter se jungi possunt, l. ult. §. gradu, de grad. & aff. Et generaliter duo cognati duabus cognatis jungi possunt, avunculus & nepos ex sorore duabus fororibus in u. quod super, ext. de cons. & aff. Sed quod notandum, non sunt cognati & affines utique semper, quibusdam matrimonium contrahere non possumus, ut ii de quibus dicebamus in l. 15. h. t. non sunt proprie affines, & tamen inter eos ex sententia Papin. veritate sunt nuptiae, quia sunt loco adfinium, eorum scilicet qui parentum & liberorum locum habuerunt. Ergo prohibitio nuptiarum non semper est idoneum argumentum cognationis & adfinitatis, & impositio quoque propriorum nominum cognationis, vel quasi adfinitatis, licet nulla subest vel intercedat, non est idoneum argumentum adfinitatis, ut Janitricis, quae dicuntur propria appellatione, id est, quae duobus fratribus in eandem familiam nuptiarum, quae ab Homero & Callimacho dicuntur εὐκαίρως inter se non sunt affines, quae dicuntur a Graecis, nam Latini non habent proprium nomen ἀνισσῶν, id est, duarum fororum viri inter se non sunt affines.

§. ult. h. l. expostus est in d. l. 9. de Senat.

C Ad L. LXII. eod. de Ritu Nuptiar.

Quamquam in arbitrio matris pater esse voluerit, cui nuptiam filia communis collocaretur: frustra tamen ab ea tutor datus eligatur. Neque enim intelligitur persona tutoris cogitasse: cum ideo maxime matrem praeferat, ne filia nuptias tutoris committeret.

Quod est initio legis 62. explicatur simul cum §. ult. Si pater in test. filiam tutorem dederit, & nuptias ejus, cum nobilis foret etatis, permittit arbitrio matris, eam mater nuptium collocabit quomodo volet pro dignitate familiae & natalium, sed non poterit tamen, licet generaliter filiae nuptias in ejus potestate fecerit pater, eam collocare tutori ei dato, ne cohibetur ratio reddenda tutelae. Pater potuisset tutorem destinare aut despondere filiam, l. 36. h. t. mater non poterit, quia tantum abest, ut hoc voluerit pater, ut ideo maxime ejus rei arbitrium permittit matri, ne sibi vindicaret tutor, id commisit matri, ne committeret tutori filiam. Iustae non sunt nuptiae inter tutorem & quondam pupillam, quamvis adulta est, antequam tutor rationes reddiderit, & praeterea exierit tempora petendae restitutionis in integrum. Denique iustae non sunt nuptiae inter eum, qui tutor, & eam quae pupilla ei fuit, nisi post 29. annum secundum novam constitutionem Justiniani. Et hoc est, quod ait in §. ult. tutorem, qui rationes curatori reddidit, pupillam suam ante constitutum tempus etatis, id est, ante 29. annum ex Constit. Justiniani, intra quem puella in integrum restitui potest adversus tutorem, & rationes tutelae retractare, etiam si curatori reddidit fuerint, olim intra 25. annum & annum utilem, ut in l. filius, §. pen. de lib. & post. l. si patris, C. de interp. mar. Hodie intra 29. annum, quia pro anno utili Justinianus substituit quadriennium continuum in Const. Cuius de temp. in integ. rest. Ergo ait, tutorem etiam rationes tutelae curatori reddiderit, ante constitutum tempus etatis, id est, ante 29. annum, pupillam suam, uxorem ducere non posse, etiam si ex alio matrimonio jam suscepit liberos, & post susceptos liberos eum maritum amiserit. Denique sententia haec est, neque virgini, neque mulieri ante constitutum tempus petendae restitutionis in integrum, tutorem conjungi posse.

Ad §. Mulier.
Mulier liberto viri ac patroni sui mala ratione conjungitur.

Quod autem ait in §. mulier, mulierem liberto viri ac patroni sui mala ratione conjungi, huic habet sensum, quem Glossa non percepit. Iustas non esse nuptias inter mulierem & libertum mariti defuncti, quod ostendit l. 3. C. de nup. Et hoc est, quod ait, mulier liberto viri mala ratione conjungitur, mala ratione, id est, malo more, l. cum servus, in fine, mand. & quod ait Patroni sui, non est patroni mulieris, sed viri mulieris, ejusdemque patroni liberti: & ita hic, versus accipendus est.

Ad L. XXXI. de Jure Dotium.
Quod si non divortium, sed jurgium fuit dos ejusdem matrimonii manebit.

UT intelligatur lex §. quae uno tantum versu constat, sciendum est, post divortium reintegratis, & renovatis nuptiis, & rediit uxore, non damnata adulterii, tacite dotem renovatam videri, eam quae fuit in priore matrimonio, nisi nominatim aliud actum & conventum fuerit, ne eadem dos esset in secundo matrimonio, quae fuit in primo: si nihil actum sit in contrarium tacite eadem dos renovata intelligitur, quia mulier indotata in matrimonium rediit non creditur, ut l. prox. sup. l. 40. h. t. Quod utique verum est, etiam si medio tempore mulier alii nupsit, deinde ab eo diverterit & renovavit nuptias cum priore marito, l. 64. h. t. l. pen. §. uxoris, sol. matr. Aliud tamen erit dicendum, si post divortium dos, aut dotalia instrumenta mulieri reddita fuerint, quod l. 40. hoc tit. significat his verbis: non revocatis instrumentis. Pro quibus Basilica: rei iure revocatis instrumentis, id est, necdum revocatis instrumentis. Aliud enim dicendum est, si post divortium maritus mulieri caverit de reddenda dote, ut in d. l. 64. quoniam his duobus casibus renovatio matrimonio facta dos non renovatur, quae reddita est, vel quae cauta, sed opus est expressa renovatione dotis, ut res omnis restitueretur in pristinum statum. Et haec quidem quum verum divortium intercessit, & post divortium restauratum est matrimonium: at si non verum divortium fuit, si non divortio, sed jurgio potius abacta uxor fuit, si frivolum, quod Graeci ἀπομνηστεύω, vel ἀπομνηστεύω, brevis in manu, brevis offensam, Papin. ait in hac lege, hoc casu post jurgium reconciliata & reversa uxore, idem matrimonium esse videri, ergo & dotem esse eandem, quasi nec dum sanctam omnibus oneribus matrimonii, quod ex l. 33. supra, in proximo, sic intelligi debet: Si non longo tempore jurgium illud sive diffidium duraverit, & interea res manserit integra, puta, neque reddita dote, neque aliis nuptiis mediis interpositis. Effectus autem ejus sententiae quis est? quem nostri non explicant, hic est. Quod post jurgium etiam aliud actum & conventum sit, puta, ne eadem dos maneret, quod convenire plerumque solet, & pacisci vir cum uxore, quum vult reducere, ut eam facilius reconciliet sibi: si igitur huius negotii pacificatur, ne eadem dos maneat, si velit uxor ad se reverti, nihilominus eadem dos manet, & si data sit, restitui, si promissa, peti potest, infirmata illa conventio, quae donationis instar obtinet. Donatio autem inter eos, qui nec desierunt esse mariti, ob leve jurgium sive diffidium non valet, l. si liberis, inf. ant. pro. l. cum mulieri, de don. int. vir. & uxor. Denique haec est differentia inter divortium & jurgium: quod post divortium si restaurato matrimonio id actum sit inter contrahentes, ne eadem dos maneret, ne restauraretur, rata est conventio, quasi donatione facta medio tempore, quo inter eos nullum fuit matrimonium: post jurgium autem si reversa uxore, vel ut reverteretur idem conventio, conventio nullius momenti est, quia desit esse uxor, & uxori maritus do-

A nā inutiliter. Donat autem uxori, qui manente matrimonio donat ei dotem, restituit ei dotem, vel pacificatur, ne dos data, dos sit amplius, sed ut eam uxor habeat, quasi rem propriam pleno jure: ad hanc quaestionem pertinet, quod scribit Ulpianus lib. sing. res. tit. de dosibus. Dos, quae semel functa est, amplius fungi non potest, id est, quae semel fuit dos & desit esse, amplius dos esse non potest, nisi aliud matrimonium sit, id est, si ante verum divortium fuerit, non si ante jurgium, & ait, dotem sanctam, ut Paulus primo Sent. functionem dotis pacto mutari non posse.

Ad L. LXIX. eod. de Jure Dot.

Cum post divortium, viro sciente, mulier in possessionem praediorum, quae in dotem promissae, longo tempore fuerit: convenisse tacite videtur, ne dos quae promissa fuerat petatur, & si petere eam coeperit, pacti exceptione a muliere repellitur.

Initio huius legis speciem aliter Accursi aliter Graeci ponunt. Accursi mulierem praedia in dotem promissae & tradidisse, Graeci melius: Promissae, non tradidisse, & divortio facto, eorum praediorum, quae promissae mulier in dotem, petitionem marito competere: Graeci, quia ita conveniatur: ut divortio facto mulieris dotem lucraretur, Accursi melius, quia culpa mulieris factum divortium erat, ex utraque causa marito competit petitio praediorum dotium, etiam post divortium. Sed cum Accursio melius erit ponere, culpa mulieris factum fuisse divortium, sicut et contrario, ubi dos mulieri restituta est, ponitur culpa mariti factum divortium, l. si socero a genero, §. Lucius, inf. sol. matr. Neque vero pacto solo dotem lucraretur maritus, non interveniente culpa mulieris: nec enim valet pactum, si conveniet, ut diremptum matrimonium bona gratia, vel culpa mariti, maritus dotem lucraret, ut docet recte Accursius in l. de dote praes. Ponamus igitur culpa mulieris factum fuisse divortium, ideoque marito competere petitionem promissae dotis, sicut retentionem traditae dotis. Et etiam casu traditae dotis haberet retentionem, quae species congruentior est. Alioquin, si non fuerit factum divortium culpa mulieris, dotem promissam petenti marito mulier obiceret exceptionem doli mali, & diceret: Dolo facis, qui petis, quod si dedere, niox a te repetiturum sum, ut in d. §. Lucius, nimirum, quia divortio facto sine culpa mulieris, dos ad mulierem redit. Imo in hac specie recte desiderabit mulier, quae promissam dotem divortio facto sine viro & culpa sua, ut maritus eam liberet per acceptilationem, l. 41. §. ubi hoc tit. Dum soluto matrimonio ponit generum dotem promissam a socero petere, sane congruam speciem apponi oportet, quia soluto matrimonio dos pertinet ad maritum, & ita vero, ut dixi, posita specie in principio huius legis, divortio facto culpa mulieris, dos pertinet ad virum, non ad mulierem, & a viro exigitur, praeterquam in casu ibidem exposito. Si post divortium sciente & tacente marito ea praedia mulier longo tempore possederit, id est, decem annis inter praesentes, aut viginti inter absentes, ut Graeci interpretantur, quia hoc casu marito petenti dotem oblat exceptio pacti, quia diuturna taciturnitas mariti, tacita pactio est, quae convenisse videtur, ne dotem peteret, & taciti pacti eadem vis est, quae expressi, l. 2. §. 4. de pact. Et in proposito expressi vel taciti vis haec est, ut ne in dotis causa fuisse videatur, quod in dotem promissum est, ut in l. ult. §. ult. est. seq.

Ad §. Mulier.

Mulier pecuniam sibi debitam a Sejo cum uxoris suae temporis in dote promissenda demonstravit. Eas quoque dotis portionem esse, quarum dies post nuptias cessit, rationis est.

Mulier ante nuptias promissit in dotem nomen L. Titii, id est, pecuniam sibi debitam a Lucio Titio,

tio, & usuras futuri temporis, id est, quas in futurum A debere Lucius Titius, & ait quod mirum est, Papinianus eam promissionem sive conventionem valere, & ex ea conventionem usuras ejus pecunie fieri portionem dotis, quoniam placuit, ut non tantum nomen doti esset, sed etiam usurae nominis futuri temporis: usuras, inquam, non eas tantum, quarum dies cessit post promissionem ante nuptias, sed etiam eas, quarum dies cessit post nuptias, quoniam in dote dicta est illa pecunia sine distinctione ulla cum usuris futuri temporis. Denique id actum est, ut in dote esset ea fors & usurae futuri temporis cuiuscunque. Et vero si fiat ut convenit, id erit iniquum & falsum, quod ostendo manifestissima ratione: quia si post nuptias usurae fortis datae in dote computantur in dote, dos nulla constituitur, propterea quod usuris post nuptias infecti temporis imputatis in dote, nulli superfructus, aut quasi fructus dotis, qui servant oneribus matrimonii. Dos est repensatio, sive pretium onerum matrimonii, ideoque repensatio a Martino Capella appellatur. Nondum, inquit, est repensatio data, id est, nondum data est dos: dos quae est sterilis, & quae non servit oneribus matrimonii, nulla est, l. 76. in fine, hoc tit. dos, quae nullus fructus adfert viro, nulla est, quia non habet functionem suam. Denique sicut in dote dato fundo, & fructibus futuri temporis nulla dos est, l. 4. tit. sequenti, ita nomine dato in dote cum usuris futuri temporis nulla dos est. Aliud esset, si vel fructus tantum vel usurae certae pecuniae datae essent in dote, tanquam fors quadam, cum hoc ageretur, ut pro oneribus matrimonii maritus nihil ferat, quod est contra naturam & functionem propriam dotis, nisi evidenter probetur id quoque actum inter contrahentes, ut & fructus & usurae fundi vel nominis cederent fortis loco, & contentus esset maritus eo, quod redigeret ex usuris fructuum venditorum, vel ex usuris usurarium, vel etiam, nisi vir se se receperit onera matrimonii, ut d. l. 4. Nam cum ita placuit, ut nulla subiret onera maritus, sed mulier sua onera expediret, se aleret & suos homines suis sumptibus, tunc sane valet conventio, ut non tantum fors, sed etiam usurae & fructus sint in dote, & restituantur mulieri soluto matrimonio. At cum onera matrimonii sustinet maritus, & datur fundus in dote, inutiliter patitur uxori, ut etiam fructus fundi sint in dote, idemque data nomen in dote, si caveat, ut & usurae ejus nominis, in futurum quae cederent, sint in dote, nisi id actum sit, quod ante retuli, quod cum non ponatur actum in hoc §. sed simpliciter Lucii Titii aut Scii nomen cum usuris futuri temporis promissum in dote, puto Papin. respondisse hoc modo, eas quoque usuras dotis portionem esse, quarum dies, post nuptias cessit, rationis non est. Rationis non est: nam hoc sermone uti soleant negative, ut in l. 1. C. quo quisque ord. conven. vos damno onerari, rationis non est; & Marcus Tullius in Epistol. De Volusio quod scribis, non est id rationis. Et ita in l. 2. de bon. eor. qui ante sentent. peripicuis argumentis observ. 1. docet esse legendum, rationis non est. Sensus igitur responsi Papin. dignissimus hic erit, nomine L. Titii cum usuris futuri temporis promissio in dote, eas usuras, quarum dies ante nuptias post dotis promissionem cessit, portionem dotis esse, quo tempore nulla maritus subiit onera matrimonii, sed non eas quoque usuras portionem dotis esse, quarum dies post nuptias cessit, ne dos sit sterilis, ne mulier indotata: rationis igitur non est, eas etiam usuras, quarum dies post nuptias cessit, dotis facere portionem.

Ad §. Usuras.

Usuras dotis in stipulatum cum dote post divortium deductas, ex die secundi matrimonii non esse prestandas, placuit, quia nec fors exactio locum habere capit. Medii autem temporis debebuntur.

Speciem hoc quoque loco Graeci aliter ponunt, aliter Accurs. Graeci initio contrahendi matrimonii mul-

liorem stipulatam soluto matrimonio dotem sibi reddi & usuras certas, quo tardius sibi dos redderetur. Rectius Accursus, id stipulatam mulierem post divortium, quod verba Papin. probant manifesto, & restituito matrimonio ac dote, actione ex stipulatu peti non posse usuras dotis, pro ratione ejus temporis, quod restitutionem matrimonii insequutum est, quia nec fors, id est, dos ipsa, quae in stipulatum deducta fuit, restituito matrimonio peti potest, l. 13. sup. h. t. si mulier divortio, inf. sol. matrim. Denique tota stipulatio perempta est renovato matrimonio, tota stipulatio reddendae dotis cum usuris certis ubi cessat petitio fortis, cessat etiam usurarum, l. 1. h. t. de res. cred. l. 77. h. t. Certum igitur est, post renovatum matrimonium extingui stipulationem dotis & usurarum, atque adeo post restitutionem matrimonii, infecti temporis usuras peti non posse. At, ut subjicit, medii temporis usura debebuntur, medii temporis, quod scilicet fuit inter primum & secundum matrimonium, quod etiam dos ipsa peti potuisset, usuras peti posse a die divortii in diem repetiti & renovati matrimonii, & peti posse quasi debitas, quod dies earum cesserit. Peti inquam, posse, etiam post secundum matrimonium, quae est sententia hujus §.

Ad §. in domum.

In domum absentis uxore deducta, nullis in eam introita ex bonis viris sumptibus factis, ad exhibitionem uxoris promissas usuras, reversus vir improbe petit.

Pater filiae nomine secutis nuptiis promissit, se genero daturum dotem certam, & quoad eam dotem solvisset, usuras certas ad educationem filiae suae, ad exhibitionem filiae suae, ut loquimur, pour l'entretenement, uxoris ejus; quibus scilicet usuris gener uxorem suam pasceret, vestiret, tueretur, & homines ejus, id est, servos ei datos a patre, quos Cato vocat receptitios servos, quos ipsa mulier sibi retinet, nec dat in dote, retinet sibi, & recipit inter bona paradosia. Sicut receptitii sunt servi extra dotem, non dotales, five paradosia: denique genero promissit usuras certas, quibus uxorem suam tueretur & exhiberet, hominesque ejus, ceteraque onera uxoris expediret. Deinde filia absentis viro nupsit, quod fieri potest, si deducatur in domum viri absentis: nam consensus solus facit nuptias, & deductio in domum viri, & ita mulierem nubere absenti ostendit l. 5. sup. de rit. nupt. Et cum esset in domo viri, non ex bonis viri, sed ex suis, vel patris bonis onera sua expedivit, se exhibuit & suos Papinianus ait, reversum maritum dotem quidem petere posse, sed usuras dotis improbe petere, id est, petenti obitare exceptionem doli mali, quia usurae ei ad exhibitionem uxoris promissae erant, ut in l. pen. ff. de acquir. hered. Et ipse uxorem non exhibuit de suo, nullamque in eam fecit impensam. Et cum hoc responso congruit aliud ex eodem libro, quod est in l. in insulam, §. usuras, inf. sol. matrim. Quod suo ordine explicabitur. At hic vero quaeritur, quid sit dicendum, si pater vel quis alius, qui viro dote promissit pro muliere, non promissit etiam usuras, an usurae dotis viro debeantur? & videntur non deberi, quia, et si ex parte mulieris actio ex stipulatu de dote sit bonae fidei, ex parte tamen viri est stricti juris qua in re hallucinatur Accursus, in l. de divisione, ff. sol. matrim. Et in iudiciis strictis usura non veniunt, aut debentur citra stipulationem, L. Lucius Titius, ff. de praes. verb. l. 10. si cui mandavero, mand. Verum favore nuptiarum, ut hoc loco Stephaus Graecus interpres respondet, recte constitutum est, ut & sine pacto vel stipulatione trientes usurae dotis marito debeantur; non quidem statim a contracto matrimonio, sed post biennium a die contracti matrimonii, l. ult. §. praeterea, C. de jur. dot. Ex stipulatione deberentur statim a die contracti matrimonii, ipso jure non debentur, nisi post biennium. Item ad haec quaeritur quid sit dicendum, si exhibuerit quidem & aluerit uxorem maritus suis sumptibus, sed usurarum promissarum quantitas superat sumptus: An residuum promissor dotis retineat, aut

promissori restitui debeat, si solute dotis usure fuerint? Et in hac re. placet distinctio legis creditor, §. si inter, ff. mand. ut si pater exhibitionem filiae, quam suae cura fecerat data certa pecunia genero mandaverit tanquam procuratori vel dispensatori, patri residui petitio sit, si futurum quantitas excedat summam exhibitionis, ut in l. pen. §. 1. de leg. 2. At si nihil fecerit genero mandaverit, sed usuras tantum ei promiserit in exhibitionem filiae, residui ex usuris, quod gener non consumpsit in uxorem, nulla petitio est. Quae est elegans distinctio d. §. si inter.

Ad §. Gener.

Gener a facere dotem arbitratu facere certo die dari, non demonstrata re vel quantitate, stipulatus fuerat: arbitrio quoque detractio, stipulationem valere placuit. Nec videtur simile, quod fundo non demonstrato, nullum esse legatum, vel stipulationem fundi constaret, cum inter modum constituenda dotis: Et corpus ignotum differentia magna sit: dotis etenim quantitas, pro modo facultatum patris, et dignitate mariti constitui potest.

Si genero stipulanti facer promiserit, se certo die datum dotem arbitrio faceri, vel, si gener a facere stipulatus sit sibi dotem dari arbitrio faceri, quaeritur an sit utilis stipulatio, quoniam videtur in facere arbitrio positum, an debeat, & quantum debeat dotis nomine, quod esset inutile & inane. Itemque videtur esse stipulatio incerta & ignota rei: cum simpliciter stipulatur dotem non demonstrata re vel quantitate certa, sed dotem dari simpliciter arbitrio faceri? At verius est, non esse inutile stipulationem, quasi ignota & incerta rei, quia ignota res in stipulationem non deducitur, cum stipulationi inferitur arbitrium boni viri, quod semper certum & exploratum est: sicut aequitatis ratio semper est certa, cuius bonus vir est arbiter, atque sacerdos. Illa enim verba, arbitrio faceri, non pro libero & dissoluto arbitrio, sed pro arbitrio boni viri accipienda sunt, ut in l. 3. C. de dotis promiss. l. 1. ff. de legat. 2. ut scilicet dotem facer constituitur pro modo suarum facultatum, & dignitate mariti. Hic est constituenda dotis modus, quem patres servare debent atque tutores & curatores, ut in §. seq. Et l. quero, sup. h. t. Plus adicit Papin. etiam detractis illis verbis, arbitrio faceri, valere stipulationem, licet nulla res aut quantitas certa demonstrata fuerit, sed simpliciter facer genero dotem promiserit. Cui sententiae, siue responsio obstat l. 1. C. de dot. promiss. quae stipulationem dotis nullam esse ait, si mulier marito stipulanti dotem promiserit, non demonstrata re aut quantitate certa. Obstat etiam quod dicitur, non valere stipulationem fundi, vel legatum fundo non demonstrato, l. ita stipulatus, inf. de verb. obligat. l. si domus, de leg. 1. Quibus objectionibus quemadmodum respondendum sit hoc loco, Papin. submonet satis. Ex eo igitur dicamus, quod etiam omnes Graeci interpretes dixerunt, & Accursio in mentem venit, multum interesse, an pater dotem promittat pro filia, ut in hoc §. an mulier ipsa, quae nuptum it dotem promittat pro sese, ut in d. l. 1. C. de dot. promiss. Nam pater debet dotem filiae tanquam res alienum, l. qui liberos, sup. de ritu nup. l. ult. C. de dot. promiss. Et quantum debeat non est incognitum, non est incertum vel obscurum: debet enim & cogitur extra ordinem dotem filiae constituere pro modo patrimonii sui & dignitate generi. Et hanc utique dotem, huncve modum dotis semper promittere intelligit pater, qui pro filia simpliciter dotem promittit, non ergo dotem incertam. At quia nulla est dos certa, quam sibi ipsi mulier constituere debeat, aut cogatur, sed in arbitrio eius est, quam aut quantum velit marito dare vel promittere, modo omnia bona sua, ut in l. 2. h. t. & l. 4. C. eod. modo exiguum pecuniam, modo nullam, maxime si cui abunde suppetat prima dos formae. Ideo mulier dotem promittendo simpliciter, non adiecta re vel quantitate certa, nihil agit, quia quantum promiserit non appa-

ret, & levicula rei praestatione defungi potest, quam sibi solam dotem esse dicat. Quae ratione etiam, si quis promittat aut leget fundum simpliciter, inanis stipulatio, inane legatum est, quia ignotum corpus promissum, aut relictum est, & ad rem omnium vilissimam atque levissimam & ridiculam redigi ea promissio, idve legatum potest. Dos simpliciter promissa muliere, vel ab extraneo non a facere redigi potest ad obolum, fundus ad cespitem, glebulamque fortuitam: ut in Laure. Tullius scribit,

Fundum Varro vocat, quem possim mittere funda.

Quamobrem si mandem, ut mihi quemvis fundum emas, inane mandatum est, l. Quintus 48. in ff. ff. mand. ubi legendum, Ut mihi quavis fundum emas, non tibi, in Flor. & c. Basil. recto, Mihi. Igitur si mandem, ut mihi quamvis fundum emas, ridiculum est mandatum, quia mandato defungi potest emptio rei ridiculae, modici pulveris, aut ceni, quod solo continetur modo. Fundi finitio non est naturalis, sed positiva & arbitraria, l. quod in verum, §. pen. de leg. 1. fundus est, quantumcumque libitum homini terrae fundum vocare. Ita vero demum inutilis est stipulatio, ut legatum fundi non adiecto nomine vel demonstratione certa, si promissor vel testator nullos fundos habuerit in bonis: nam si quos constitutos vel fuitos habuerit, valebit stipulatio & legatum, & ex eis fundis unum praestabit heres vel promissor, quem elegerit, ut in l. si domus, de leg. 1. Et ita est accipiendum, quod in l. ubi autem non apparet, ff. de verb. obl. inter stipulationes utiles numeratur stipulatio fundi sine propria appellatione vel demonstratione, quae vice appellationis fungatur, cura scilicet plurium fundorum possessor simpliciter stipulanti fundum promittit, nam si cui nulla opes, aut res soli sunt, fundum promittat, inanis stipulatio est, quia redigi potest ad rem ridiculam praestari ejus stipulationis. Nec alia est ratio domus simpliciter promissa ab eo, qui nullam domum habet: nam etiam promissio domus redigi potest ad praestationem vilissimam, quilibet liminis five tugurii. Verum longe alia est ratio hominis five servi promissi, quam fundi vel domus: nam qui hominem promittit, simpliciter obligatur, five homines habuerit in bonis, five non. Idemque in legato, l. legato generaliter, ff. de legat. 1. Quia naturalis est finitio hominis, quae arbitrari nostro mutari non potest, nec sunt in manu corpora deridicula, quae pro homine obtrudi possunt non nullae etiam illae & vanae hominum species, qui sub terra videntur fodinis Germaniae, & laborantium idem quod operarii, sed nihil promouentium, quos etiam manu prehendere impossibile est.

Ad §. Nuptiis.

Nuptiis ex voluntate patris puella cum filio tutoris iure contractis, dos pro modo facultatum, et dignitate natalium recte per tutorem constitui potest.

Ut pater debet filiae dotem constituere pro modo facultatum suarum, & dignitate sua, atque mariti, quod dixit in superiori §. ita pupillae tutor vel curator, quod ostendit in hoc §. & in l. 6. h. t. Pater dotem constituit de suis bonis: tutor vel curator de bonis puellae, l. si curatores, C. de admin. tut. At sciendum est ex oratione M. Commodi & ex Scto tutorem vel curatorem pupillam suam vel adultam sibi vel filio suo despondere, aut matrimonio iungere non posse, nisi pater puellae cum moreretur id se velle demonstravit vel designaverit: nisi, inquam, eum filiae suae maritum destituerit vel desponderit, l. tutor, & l. non est, ff. de ritu nup. l. si patris, C. de interdict. matr. Et secundum hoc Papin. in hoc §. ponit, nuptias ex voluntate, id est, ex ultima volutate patris puellae iure contractas fuisse cum filio tutoris? Dotem autem a tutore puellae fuisse constitutam ante nuptias, id est, aequum ubilis esset, antequam finita esset tutela, quae nubili aetate finitur, id est, aetatis puellae anno x i r. completo. Ideo pono a tutore dotem puellae fuisse constitutam ante nuptias, nondum finita tutela. Nihil quidem refert dos pra-

præcedat an sequatur nuptias, l. 7. §. 1. hoc tit. & Paulus 2. Sentent. tit. de dotib. Dos, inquit, aut antecedit aut sequitur nuptias. Et ideo vel ante nuptias vel post nuptias dabitur: sed data ante nuptias, earum expectas adventum: nihil igitur refert, an dos data sit ante nuptias, an post nuptias. Sed dubitatur in hac specie, an a tutore jure constituta sive data sit: constat jure contractas esse nuptias: de dote quaritur an etiam jure constituta sit, qua constituta est a tutore, qui est pater mariti: quamobrem constituta videtur in rem tutoris, & regula juris vetat, ne tutor auctor fiat in rem suam, l. 4. ff. de auct. tut. Et tamen Papin. respondet; etiam ab eo tutore, qui est pater mariti designati, ultima voluntate patris puellæ, recte dotem constitutam videri, siquidem legitime constituta sit, id est, arbitrata boni viri, pro modo facultatum & dignitate natalium. Et hoc, ut arbitror, favore dotium atque nuptiarum admittitur, præsertim cum in dote constituenda tutor non tam rem suam sibi vix egerit, quam boni viri officio functus sit, servato dotis modo legitimo, quo officio & illo remoto quilibet alius, vel tutor specialiter datus ad dotem constituendam, vel curator fungi debuisset.

Ad §. Patrona.

Patrona dotem: pro liberta jure promissam, quod extiterit integra, non retinebit.

IN hoc §. proponitur alius favor dotium & matrimonii, ut quamvis propter ingratitudinem liberti, vel libertæ, libertas que ei data est, & quæcunque donatio revocari possit & rescindi, ut constat ex tit. Cod. de liber. & cor. lib. & ex tit. de revoc. donat. Non tamen possit revocari dos, quam patrona dedit viro pro liberta sua, quoniam vix posset revocari sine injuria & offensa viri, qui substat onera matrimonii, quique fiducia dotis matrimonium cum ea contraxit, & forte dote revocata divortio eam abigeret. Quod etiam confirmat l. dotem, C. de jure dotium. Eademque ratione, si mulier intercedendi animo, pro alia muliere dotem promiserit, & forte res etiam suas viro eo nomine obligaverit, ex hac causa non juvatur Senatusconsulto Vellejano, l. si dotem, & l. ult. C. ad Senatusf. Vellejan. Multa alia, quæ favore dotium & nuptiarum introducta sunt, colligere licet ex l. 9. §. si res, & l. 74. hoc tit. l. 1. l. C. de sol. matr. l. ult. sup. de ser. cor. & aliis plerisque locis. Et placet valde quod ait l. ult. C. ad Senatusf. Vellejan. favore dotium: & antiquos juris conditores severitatem legum sæpe mollire solitos. Denique quod est in hoc §. & in §. nuptias, favores sunt & studia propensa juris auctorum erga dotes mulierum.

Ad §. Cum res.

Cum res in dotem æstimata, soluto matrimonio reddi placuit: summa declaratur, non venditio contrahitur. Ideoque rebus evictis, si mulier bona fide eas dederit, nulla est actio viro, alioquin de dolo tenetur.

IN hoc §. subnotatur una differentia inter dotem æstimatam & inæstimatam: si res æstimatae dantur in dotem, vera venditio contrahitur, l. 10. §. si ante, hoc l. 7. ff. loc. Non quidem simpliciter venditio contrahitur, sed cum hoc adjuncto, dote causa: nam venditio dotis causa, non eodem jure est, quo venditio simpliciter contracta, l. 16. hoc. Ideoque evictis rebus, quæ æstimatae in dote dantur, id est, quæ venditæ sunt dotis causa, mulier viro tenetur ob evictionem, quasi venditrix, actione ex empto vel ex stipulatione duplex, quæ in venditionibus evictionis nomine interponi solet. Verum divortio facto, quod evictionis nomine ab ea maritus consequutus fuerit, si dos lucro eius non cedat, id mulierci restituere tenetur, etiam si exuperet æstimationem rerum datarum in dotem, quia bono & æquo non convenit virum lucrari

A ri ex damno mulieris quicquam, d. l. 16. Et hoc de rebus æstimatis. Sin vero res inæstimatae dantur in dotem, eis evictis, mulier viro non tenetur ob evictionem, quia dos non venditio contracta est: imo nec ulla actione marito tenetur, nisi scilicet, cum necesse non haberet, ultro marito caverit de evictione, ut in l. 25. hoc l. vel, nisi dotem dari promiserit, antequam daret. Quia dedisse non videtur quod promissit, quæ dedit quod marito habere non licuit, ut in l. 1. C. eod. tit. His duobus casibus exceptis, evictis rebus dotalibus, quæ inæstimatae sunt, nulla actione mulier marito tenetur, si modo bona fide eas res marito dederit in dotem. Nam si mala fide, quas sciebat esse alienas, nec permanuras apud virum, dederit in dotem, tenetur de dolo: non dicit teneri actione de dolo directâ, quia famosa est actio, & in uxorem, vel eam, quæ uxor fuit, viro famosa actio non datur, in memoriam honoremque pristini matrimonii l. 1. & 2. rer. amot. Et perperam Greci hoc loco: In eam, quæ fuit uxor, post desit esse per divortium, dari actionem famosam, quia illæ leges aperte offendunt, nec in eam, quæ fuit uxor, dari famosam actionem, veluti furti ex antequam, id est, ex eo quod gessit in matrimonio: ex post gesso non negarem dari. Tenetur ergo de dolo, quæ mala fide, sciens res alienas esse, viro dedit dotem, non directâ actione doli, sed in factum verbis temperata, ut ait l. non debet, de dolo. Idque definit aperte l. 1. C. eod. tit. Levior est verbis actio in factum, quæ rem gestam tantum narrat, nec nominatim notat dolum, re ipsa tamen est de dolo: Ponit autem hoc loco Papinianus unum casum, quo etiam æstimatae sint res datæ in dotem, tamen pro inæstimatis habentur. Puta, si conveniret, ut eadem ipsæ res, quæ æstimatae sunt, soluto matrimonio redderentur, eadem ipsa corpora, quæ æstimata sunt, quoniam hoc casu apparet res fuisse æstimatas, non ut venditio contraheretur, sed ut quanti essent maritus animadverteret, ut earum valor vite dignitas declararetur, ut in l. si inter, C. eod. tit. ut in l. cum pater, §. pater, de legat. 2. Et ita explicandus §. cum res.

Ad §. In dotem, & §. ult.

In dotem rebus æstimatis, & traditis, quamvis eas mulier in usu habeat, viri dominium factum videretur. §. ult. Partum dotalium ancillarum dotis esse portionem convenit, D ideoque frustra pacisci virum, ut inter uxorem & se partus communis sit.

IN §. penultimo notatur alia differentia inter dotem æstimatam & inæstimatam. Datæ in dotem rebus æstimatis, quia vera venditio contrahitur, & earum dominium soli marito acquiritur ex causa emptionis, & acquiritur soli dominium, etiam si eas res relinquat in usu mulieris. Finge esse animalia, aut vestes, quæ datæ sint æstimatae in dotem, & eas maritum ultro relinquere in usu uxoris, eas uxorem usu deterere; dominium acquiritur viro; atque ideo periculum etiam, si usu mulieris deteriores fiant, pertinet ad virum, l. æstimata, ff. sol. matr. nisi aliud pactum sit, ut in casu l. 3. C. sol. matr. Periculum rerum æstimatarum pertinet ad virum, etiam si atterantur usu uxoris: ergo & commodum omne, quod ex eis rebus percipitur, aut percipi potest, pertinet ad virum, cuius periculo ancillæ sunt, ut cuius sit commodum, eius etiam sit incommodum. Finge datas esse in dotem ancillas æstimatas, partus earum (quæ est sententia §. ult.) pertinet ad virum, cuius periculo ancillæ sunt, cuiusque in dominio sunt solius, & generaliter sive dos sit æstimata, sive inæstimata, si id actum sit, ut periculum ancillarum dotalium pertineret ad virum, partus ancillarum sunt mariti, l. 18. sup. hoc tit. Et hæc de rebus æstimatis. Inæstimatarum autem rerum, quas mulier dedit in dotem, dominium non est solius mariti, sed etiam mulieris, ut ait l. 75. hoc tit. æstimatarum dominium est solius viri pleno jure & firmo atque perpetuo, ut nusquam redeat ad mulierem sine facto viri: inæstimatarum autem rerum non est viri perpetuo jure, sed divortio facto, aut mortuo marito do-

minum ad mulierem redit, & periculum quoque dotis inæstimata, id est, corporum, quæ inæstimata sunt data in dotem, pertinet ad mulierem, l. ro. in *prima. hoc tit.* Ergo & commodum dotis inæstimata, quæ proprie dos est, pertinet ad mulierem, itaque recte in §. ultimo hujus legis subjicitur, *Ancillarum dotalium, ergo inæstimatarum, sicut in tit. de fundo dotali, ergo inæstimato.* Quoniam æstimatus non est dotalis: ancillæ æstimatæ non sunt dotalis. Ancillarum igitur dotalium inæstimatarum partus pertinere ad uxorem, ejus periculo sunt ancillæ, & pertinere quasi partem dotis, nec cedere lucro mariti, quia, ut hodie constat inter jurisconsultos, partus ancillæ non est in fructu; & fructus tantum dotis lucratur maritus, suos facit pro oneribus matrimonii: operæ ancillarum & mercedes operarum sunt in fructu, l. 3. de oper. serv. l. mercedes, de per. hered. Et ideo lucro mariti cedunt constante matrimonio, nec possunt esse pars dotis: sicut nec fundi dotalis fructus possunt esse pars dotis, nec nominum dotalium usura possunt esse pars dotis, ut dixi in §. 1. quia usura vicem fructuum obtinent, l. usura, sup. de usuris. Ut autem non valet conventio hæc, ut rei dotalis fructus sint pars dotis, veluti operæ mancipiorum dotalium, ut sint pars dotis, nec vice mutata valet conventio, ut partus mancipiorum, quos constat non esse in fructu, non sint pars dotis, vel sicut proponitur in §. ultimo, ut partim sint dotis, partim mariti proprii, id est, communes sive partiarum, quia hæc conventio dotem minuit, & mera donatio est, quam facit uxor viro, ut lucrificat sibi & habeat partem partium, hoc est, partem dotis, quod est inutile, quia inter maritos veritate sunt donationes, sicut si pacificatur maritus, ne dotis sit, quod semel dictum est, sed id sibi habeat mulier atque recipiat, inutilis conventio est, quia donationis instar obtinet, a viro collata in uxorem, cum post dotem datam pacificuntur, ut mulier sit indotata, ut quod doti dixit, desinat esse in dotem, l. si liberis, & l. quærit, tit. seq. l. vir mulieri, de donat. int. vir. & uxor.

Ad L. XXVI. de Pactis dotalib.

Inter socrum & generum convenit, ut si filia mortua supersisteret anniculum filium habuisset, dos ad virum pertineret: quod si vivente matre filius obisset; vir dotis portionem uxore in matrimonio defuncta retineret. Mulier naufragio cum anniculo filio perit: quia verisimile videbatur ante matrem, infantem periisse: virum partem dotis retinere, placuit.

Quod ad primum responsum attinet, species hæc est. Pater cum filia nomine dotem daret, pactus est cum genero, ut mortua in matrimonio filia supersisteret anniculo filio ex eo matrimonio procreato, dos tota apud virum remaneret: mortua autem in matrimonio filia sine liberis, præmortuo forte jam ante anniculo filio, ut dotis pars tantum dimidia ad virum pertineret, altera sibi redderetur. Finge: matrem & anniculum filium simul naufragio periisse, vel ruina, vel incendio, vel aggressura latronum (non refert) Queritur utrum tota dos ad virum pertineat quasi præmortua uxore, an pars dimidia duntaxat quasi præmortuo filio. Res videtur esse dubia & difficilis, quia non apparet quis prior excefferit e vita, mater an infans: si constaret priorem matrem decefferit, dos tota pertineret ad virum ex pacto dotali, si infantem, pars tantum, quid fiet? quid statuemus? Et Papin. respondet, verisimile esse, tenellum infantem spiritum posuisse confectum, matrem diutius pertulisse casum naufragii, & filio supervixisse: & ideo partem tantum dotis ad virum pertinere, partem focero esse reddendam. Et sane quod statuit Papin. hoc semper verisimile & credibile est, non in infante solum, sed etiam in impubere quolibet, quoniam omnis ea ætas tenerima & infirmissima est, ut non possit diu colluctari cum morte, l. si mulier, inf. de reb. dubiis. Res sive quæstiones dubie vel ambiguae plerumque præsumptionibus iustis explicantur, ut in l. si fuerit, in fi. de reb. dubiis: & præsumptio hæc iusta semper

A & probabilis, & verisimilis est, prius mori impuberem quam patrem, aut matrem. Ergo in impubere & patre pariter mortuis, vel impubere & matre pariter mortuis uno casu repentino, nullus est labor, quia semper verisimile est, prius mori impuberem. In filio pubere major est quæstio, quoniam in eo, cum extinguitur una cum patre aut matre, quod magis presumamus, non habemus: & ideo patre vel matre & filio pubere commorientibus, non quod vero similis sit frustra spectamus, sed quid sit humanius. Et quæmus secundum regulam juris, ut in rebus dubiis benigniorem interpretationem sequamur. Aliquando autem humanus & benignus est credere si ve fingere matrem aut patrem supervixisse filio puberi, ut in l. qui duos, & si cum filio, ff. de reb. dub. Si pater libertinus cum filio naufragio vel ruina perierit superstiti patrono, cuius reverentia & verecundia debetur legitima hereditas liberti mortui intestati sine liberis: Et hoc casu, quam incertum est, quis prior vita decefferit, libertus an filius ejus, quem si constaret posteriorem deceffisse, excluderetur patropus pro filium quasi supervixisse patris libertino, legitima hereditate liberti: Et ideo benignus est credere patrem libertinum supervixisse filio; ne in re dubia & sub incerto temere hereditate legitima patronus excludatur, quæ ei deservit mortuo liberti sine liberis. Et forte verisimile est in re ipsa eum esse mortuum sine liberis: puta, præmortuo filio. Itemque in l. ex facto, §. si quis, ad Senatus. Trebel. Si heres rogatus restituere hereditatem sub conditione, si sine liberis decederet, suscepto filio simul cum eo naufragio perierit, vel alio casu supervixisse fideicommissario, dicemus patrem supervixisse filio, ne in re adeo obscura, dubia & incerta temere pronunciamus contra fideicommissarium, & eum excludamus fideicommissio, quod forte in rerum natura certum est ei jure deberi, quod filius ante patrem mortem obierit. In re dubia benigniorem interpretationem esse sequendam. Benignus autem esse, non fraudari patronum vel fideicommissarium hereditate, aliter quam si liquido probetur filium supervixisse: aliquando vero contra, humanius est credere, non patrem supervixisse, ut illis duobus casibus, sed filium puberem. Et placet quod ait h. cum pubere, de reb. dub. humanius esse credere filium supervixisse: in his quæstionibus igitur non est querenda alia ratio quam humanitatis, ubi præponderat magis, & prout suggererit, vel credere patrem supervixisse, vel filium, non patrem: atque ita fortunam servasse ordinem nature, seniore prius extincto. Humanus autem, est ita credere, filium supervixisse non passim, ut patet ex superioribus casibus, sed si hic casus sive species propoita, aut res, qua de agitur, suadeat aut non dissuadeat, ut in d. l. qui duos, §. cum bello. Si cum filio pater eodem momento temporis interierit superstiti matre & agnatis, benignus est credere, hoc est, fingere & dicere ordinem nature servasse fortunam, ut in dubio matri faveamus, quæ in luctu est magno propter amissum maritum & filium potius quam agnatis. Item in d. l. qui duos, §. ult. si cum filio testamento patris ex asse herede instituto pater simul perierit, favorabilis est dicere diutius vixisse filium, ut bona paterna filius transmittat ad heredes suos, quasi heres extiterit patri ex testamento, & non simul cum patre, sed post patrem mortuum sit, quod tamen non dicemus dato filio coherede vel substituto, quoniam non abs re ille §. ult. ponit filium heredem institutum ex asse: nec dati substituti mentionem facit: nam dato coherede filio vel dato substituto, in dubio benignius est non eripere coheredi jus adcrefcenti vel substituto jus substitutionis, quod forte revera obigit: æque nature ordinem servatum dicas, id est supervixisse filium, si mater, quæ stipulata est dotem sibi reddi se vivente, mortua filia in matrimonio, cum filia simul moriatur, sive puncto temporis, ut ait Lucretius, ne in dubio temere maritus fraudetur lucro dotis, quoniam ex contrario ita intelligitur inter eum & socrum, ut præmortua matre dos remaneat apud virum, ut in §. cum inter, hac lege: & benignus est favere marito quam heredi mulieris, l. que de pariter mortuis, ff. de reb. dub.

*dub. Adem dicas in proposita specie, quia Pap. de infante tantum loquitur, non de filio pubere & matre simul defunctis. Dicam igitur filio pubere, & matre pariter defunctis humanis esse credere filium supervixisse, ut dos uni-versa apud patrem ejus remaneat, secundum conventionem habitam inter socerum & generum, quam initio proposui. Et ita vides commortuis patre vel matre & filio pubere, prout nos movet benigna ratio, trahi nos in diversam sententiam, & modo statuere, supervixisse parentem, modo supervixisse filium: & ita cum uxor & maritus simul perierint, modo dicimus maritum supervixisse, ne dotis luctum auferatur heredi mariti, ut in *l. qui duos, §. si maritus, & l. si possessor, §. ut de reliquiis*, ut hoc obiter adnotem, errore falsitatis Aec. non intelligens ea verba, *Pro portione dotis*, nihilum ea sic accipiens, ut ex pacto in specie ejus legis, lucretur maritus portionem dotis, portionem tantum, non totam dotem, cum longe alia sit mens ejus legis, quæ ex de re pactionem nullam habitam ponit, sed de ea igitur statuit secundum jus commune. Sciatque inquam, secundum jus commune, quo dotem adventitiam premortua uxore maritus lucretur in solidum, atque etiam profectitiam, si pater non superest: & quum ambo simul perierint, lex æque priorem uxorem perisse videtur, ideoque dotem totam pertingere ad heredem mariti, nihilum perempti post uxorem, sed pro portione id est, *dotis*, siue pro rata, pro portione eum debere conferre in funus mulieris, Quoniam in funus mulieris non tantum confert heres, qui mulieri extitit, sed etiam non heres, qui modo commodum dotis percipiat, ad quem modo dos mulieris pervenit: & ita etiam hæc verba *pro portione* non accipiuntur in *l. 1. §. ult. l. 20. §. si liberis, ff. de bon. libere*. Sed pergamus ad alia: modo benignus est uxorem credere marito supervixisse, quum ambo simul idem casus oppressit, puta, si quid maritus uxori donaverit, hoc casu etiam, uxorem supervixisse, ne in re dupli temere iustretur dosatio, quia forte & revera postrior mortua est, atque adeo confirmatur donatio morte mariti, quæ antecessit, *l. cum hic status, §. si ambo, de donat. inter vir. & ux. l. si is cui, ff. de don. caus. mort.* Ergo varie de iisdem questionibus respondeamus, secundum speciem, quæ proponitur, prout humanitatis suggerit ratio, nec hujus rei alia definitio est certior. Denique in iis questionibus primum spectamus quid sit verisimilius & sequitur, si id appareat, ut quum mater & infans naufragio simul perierint, sane verosimilius est, subito perisse infantem, deinde matrem: & hoc sequimur, quod probabile & verisimile est. Quod si id non appareat, spectamus quod est humanius, & ut est in regula juris: *Rapimus occasionem, quæ præbet benignius respondere*. Nam deficiente probabilitate, aut verisimilitudine, quæ sunt benigniora semper & omnino in dubiis præferenda sunt, & ut est in historia Nicetæ, *in vitiis est idque ubi pater & filius perierint, quæ de pateris*. Et hæc quidem ipsa benignitatis ratione ducti trahimur in diversas sententias, prout res fert quæ adagiunt, modo ut statuamus filium supervixisse, modo patrem aut matrem, cum ambo simul perierint.*

Ad §. Vir dotem quam, &c.

Vir dotem, quam ex pacto filia nomine retinere potuit, si lapsus error non retinuit: filiam, quæ patris sola matri pro parte heres existerit, apud arbitrium divisionis non improbe dotis perperam a patre soluta præceptionem desiderare constitit.

Species secundi responsi hæc est: Inter virum & uxorem convenit, ut divorcio facto, uno pluribusve filiis relictis ex eo matrimonio, dotem maritus retineat, quæ conventio valet, *l. 1. §. de dot. preleg.* Divorcio facto una filia communi relicta, vir qui filia nomine poterat retinere dotem ex pacto dotali, per errorem facti eam dotem mulieri restituit: mulieri restituisse Cyprianus ponit, & alii omnes Interpretes Graeci, Et valgo quoque hoc loco ita legitur: *Dotis perperam a patre, matri soluta*. Deinde pater moriens filiam ex assē heredem scripsit. Mater autem,

A paulo post etiam moriens eandem filiam heredem scripsit ex parte. Agit filia fam. ercif. de bonis maternis dividendis cum coherede sibi a matre dato. Pap. ait, in hoc iudicio per arbitrium divisionis, per arbitrium familie ercif. filiam præcipere dotem integram, quam matri per errorem pater restituerat, cum potuisset & debuisset eam retinere filia nomine, deinde præcepta dote reliqua bona materna eruat ab arbitrio inter eos dividenda, proportionibus hereditatis. Ponit autem filiam a patre heredem institutam ex assē. Cur? Quoniam si ei coheredes pater adiecit, ut fecit mater, ipsa filia in iudicio familie ercif. de dotis præceptionem non haberet, certe non dotis integræ, quia patri non extitit heres ex assē, neque forte partis, quia dotis functio & prælatio ipsæ aut vix funditur; neque id actum est, ut ejus esset retentio pro parte tantum. Ceterum melius erit, heredes patris cum filia cohereda agere conditionem incerti, id est, possessionis conditionem, quam retinere potuit, & per errorem non retinuit, quasi indebito soluto, ut in *l. qui excep. §. si pars, de cond. indeb.* Ex hoc responso intelligimus dotis, quam divorcio facto pater errore lapsus restituit matri, cum posset eam ex pacto retinere, communis filia nomine, filiam si patri ex assē, matri ex parte heres extiterit in iudicio familie ercif. de, ejus præceptionem desiderare posse: hanc vero præceptionem desiderabit filia ex persona patris, quia et si pater a matre, id est, ab uxore sua heres institutus fuisset ex parte, in iudicio familie ercif. de, haberet præceptionem dotis temere restituta uxori post divorcium, siue perperam, id est, per errorem: ergo & ex persona patris filia, quæ patri heres extitit ex assē, & matri ex parte, in arbitrio divisionis, siue dividende familie maternæ, habebit ejus dotis præceptionem. Unde notandum est, cum qui retentionem habet, non petitionem, ut habuit pater in hac specie, heredemve ejus, si eam retentionem omiserit, restituta re, rursus ejusdem rei possessionem nactum retentione uti posse ut præceptione, si quo casu contingerit, ut eam desiderare possit, quia præceptio retentionem imitatur. Petitionem autem nullam habere eum, qui retentionem tantum habuit. Ac ne eum quidem habere quasi indebito soluto, conditionem certi, de qua intelligenda *l. ex. quib. ff. de cond. indeb. dicit* tamen posse, eum heredemve ejus habere conditionem incerti, id est, possessionis, quam retinere potuit, & errore lapsus non retinuit, ut in *l. qui exceptionem, §. si pars, ff. de cond. l. heres, ad Senat. Trib.* Cui autem Papin. ponat filiam heredem a patre institutam ex assē, si quæras, dicam hanc esse rationem, quia si pater sit cum a matre fuisset heres instituta ex parte tantum, dotis præceptionem non haberet in iudicio divisionis, quia eam habet ex persona patris. Nam et si filia nomine pater factus sit, ut dotem retinere, sibi tamen factus est, non filia. Pater autem non nisi totius dotis retentionem siue præceptionem habuit, nec potuit partem retinere, partem restituere. Hæc inconstantia refertur, & in hereditatibus, & in legatis, & in conventionibus hereditas scindi non potest, *l. 1. de acquir. hered. legatum scindi non potest, l. 4. de leg. 20.* conventio scindi non potest, *l. in commodato, §. pen. ff. commod.* quia non tantum solutio, sed etiam exactio partis, multa habet incommoda, *l. 3. ff. fam. ercif.* Denique, ut debitor non solvit partem invito creditore, ita creditor non exigit partem scisso credito invito debitore.

Ad §. Cum inter.

Cum inter patrem & generum convenit, ut in matrimonio sine liberis defuncta filia, dos patri restitatur: id actum inter contrahentes intelligi debet, ut liberis superventibus filia defuncta dos restituatur, nec superabitur portio dotis additamenti causa data, si postea nihil aliud conveniat.

Proponit inter socerum & generum convenisse, ut in matrimonio defuncta filia siue liberis dos socero redderetur, nihil præterea. Plus actum, minus dictum intelli-

gitur. Nanti ex contrario Pap. colligit id actum, ut superstitib. liberis defuncta filia in matrimonio, maritus dotem retineret. Et ita pater, vel extraneus, qui pro muliere dotem dedit, si pactus sit dotem sibi reddi in casum mortis, recte dicitur *in rebus divitiis*, sive ex contrario sensu id actum videri, ut in casum divortii, non ei sed mulieri dos redderetur, ut in *§. ult. h. l. Et cum dotem, in pr. sol. matr.* Eodem argumento Pap. utitur in interpretatione legis Juliae de vi in *l. 1. sup. de offici. ejus cui mand. est jurisd.* ut quod ea lege nominatim caveretur, ut si prator iudexve questionis, cui forte obtigerit questio de vi publica aut privata, possit eam, si proficiscatur, mandare. Ex contrario argumentatur Pap. a praesente eam non posse mandari. Et similiter Paul. atque Ulp. in *l. ex eo, de testib. l. qui testamentum, §. mulier. ff. qui testam. fac. poss. ex eo*, quod lex Julia de adulteris, vetat adulterii damnatam testimonium dicere, colligit ex contrario, etiam mulierem in iudicis testimonii dicendi jus habere. Eodem argumento utitur in testamentis, ut in *l. 12. §. idem respondit, domo instructa, de instruct. vel instrum. leg. quod is, qui legavit domum instructam, excepit tamen argumentum & tabulas rationum, ex contrario, cetera omnia eum legasse videri, quae sunt in suppellectili, quibus in ea domo paterfam. fuit instructum. Et eodem fere modo M. Tull. pro Balbo: *Si exceptio, inquit, facit ne liceat, ibi necesse est licere, ubi non est exceptio.* Utrum eodem argumento in sententis iudicum, ut in *l. 3. C. ex quib. caus. majo.* cum proconful decurionem biennium iudicem remississe decurionum, *ex rebus divitiis*, quae verba ipsa eo loci Basiliica usurpant; apparet post biennium iudicem remississe decurionatus prohibitionem; non est igitur mirum, si in conventionibus eodem argumento utamur, admittamus & approbemus. Et tamen id non admittitur, si quid dictum sit vel scriptum ex abundanti, ut in specie *l. qui mutuum, ff. mand. exposita lib. 7.* Quod ex abundanti convenit, ut omisso pignore mandator eligi posset, non ideo prohibetur creditor electo pignore ad mandatorum redire: ex abundanti scriptura nullum ducitur idoneum argumentum. Item hoc argumentum ex contrario admittitur in casu eodem, non in diverso, ut in specie legis *Belius, h. l.* Si convenit inter socerum & generum, ut defuncta filia in matrimonio sine liberis partem tantum dotis gener retineret, fautor ex contrario, sive *non utitur divitiis*, ut & eod. loca Basiliica loquuntur, id tacite actum videri, ut & eod. loca Basiliica loquuntur, ut id tacite actum videri, ut defuncta filia in matrimonio, qui est idem casus superstitib. tamen liberis, totam dotem gener retineret, non etiam divortio facto, quoniam hic casus diversus est. Illud etiam argumentum admittitur, quod sensum efficit consentaneum & congruum, non absurdum & dissentaneum, & longe alienum a vero aut mente scriptoris, ut Pap. lib. sing. *de adul. in fragmentis collectis* a Lucio Rufino: quod lex Julia de adulteris patri potestatem facit cum adultero occidendi filiam, quam habet in potestate, id ait, ex contrario non praestare argumentum, ut eam potestatem occidendi filiam lex Julia dederit non habenti eam in potestatem, quoniam certum erat jampridem, eam potestatem patri dedisse legem Regiam, id est, Romuli. Sed id potius arguit adjectum esse in lege Julia, ut videretur pater, qui sensus est congruentior, maiore aequitate ductus occidisse adulterum: qui nec filiae suae pepercerit. Postremo additur in hoc §. si dos fuerit ampliata post nuptias, quod fit recte, *l. si inter, h. l.* pacta dotalia facta initio matrimonii, eadem, nisi aliud convenierit, servari in augmento dotis, in additamento dotis, ut in *l. etiam, C. de jure dot.* Et nihil est praeterea in hoc §.*

Ad §. Convenit.

Convenit, ut mulier viro sumptibus, quocumque iret veheretur, atque ideo pactum ad literas viro secuta, provinciam, in qua centurio merebat petiit, non servata fide conventionis, licet directa actio nulla competat, utilis tamen in factum data est.

A Species hac est: Inter virum & uxorem pacto nudo in urbe convenit, ut mulier viro sumptibus quocumque iret, veheretur: post maritus, cum in provincia centurio mereret stipendia, scripsit uxori, ut ad se veniret. Illa pactum ac literas viro secuta (sic Graeci legunt recte non ad literas) provinciam petiit, id est, ut succurrat Accursio, in provinciam profecta est, Basiliica *in pr. sol. matr.* de, profecta, inquam, suis sumptibus non sumptibus viro. Queritur: an de sumptibus recipiendis cum viro agere possit? Et videtur non posse, quia ex pacto nudo non nascitur actio, adeoque nec directa eo nomine mulieri dabitur actio. Sed aequum est dari utilem in factum pratoriam, quod est singulare responsum Pap. Cujus ratio haec est, quia & extra illam conventionem, sive remota illa actione, ut eundem Pap. hujus responso subiecit patet; *ex l. si quis pro uxore, de donat. inter vir. & uxorem*, ubi in hanc rem Ulpianus allegat quartum responsum Pap. remoto, inquam, illo pacto, ut uxor quocumque iret, sumptibus viro veheretur, maritus uxori semper praestaret sumptus itineris, quod modo faciat consensu mariti, atque ideo inter onera matrimonii numerantur etiam viatica, & sumptus itinerarii, nec pro uxore facti tantum, sed etiam pro hominibus ejus, sive mulieris, sumptus omnes, viatica, vehicula, rectigalia, sive portoria pro itinere aut transitu pontis, ut in *l. cum in plures, §. pen. loc. Seneca 2. de Tranquillitate*: Cogitant, inquit, *et in pontibus quibusdam pro transitu dari*: Ludovicus Angulus & Lotharius Caesar in suis legibus, ut nullus ad palatium, vel in hostem pergeret, tributum, quod transiuntas vocant solvere cogatur. Recte autem dixi, dari uxori in specie proposita utilem actionem in factum pratoriam, quae est omnium actionum extremum subsidium, quoniam cessat civilis actio praescriptis verbis, ut Isidorus recte notavit. Nec enim ita conventio habita est, *do ut eas ad me*, ex quo contractus nasceretur actio civilis praescriptis verbis, sed *quocumque ibis, dabo*, quae pactio nuda est, quia neque datione ulla, neque facto sumptus effectum, sed dictum est tantum; *quocumque ibis, dabo sumptus quos feceris in itinere*. Igitur pactio nuda fuit, ex qua civilis in factum praescriptis verbis nunquam datur actio, sed pratoria tantum, casibus certis exceptis a regula, ne ex pacto nudo nascatur actio. Igitur male Cyrillus & Anastasius dari uxori actionem praescriptis verbis, quae ex contractibus tantum datur, qui ex datione vel facto sumperant effectum, non ex pactis nudis, non etiam ex contractu, facio ut des, ut docet *l. naturalis, ff. de praescript. verbis*. At recte idem Cyrillus, cessare etiam in hac specie actionem mandati, quia non fuit animus mandati contrahendi, cum miles per litteras uxorem rogavit, ut ad se veniret, denique ex hoc pacto esse tantum utilem actionem in factum, de sumptibus recuperandis, & subintelligi pratoriam, non civilem.

Ad §. Filia cum pro se.

Filia cum pro se dotem promitteret, pepigit, ut si in matrimonio sine liberis decessisset, matri suae dos solvatur, pacto filia nulla matri quaeritur actio: si tamen heres puellae matri pecuniam dotis solverit, viro contra placita petendi dotem, obstat exceptio.

Quinti responsi species hac est: Mulier viro stipulanti promissit dotem, & pepigit, ut si in matrimonio sine liberis moreretur, si in matrimonio illiberis decesseret, ut Tertullianus loquitur, matri suae dos solvatur; mortua ea in matrimonio sine liberis, ex hac conventionione nulla matri quaeritur vel competit actio vel exceptio, quia prorsus inutile est pactum, vel conventio quaelibet, quae fit alteri absenti, *l. quo tutela 73. §. ult. de diver. reg. jur.* Et nec stipulationi dotis pactum incontinenti subiectum format actionem: hoc enim tantum receptum est in bonae fidei contractibus, non in stipulationibus, *l. juris. §. quimmo, de pact. l. in bona. f. C. eod.* Et quod dicitur in *l. leita, ff. de reb. cred. pacta facta in-* conti-

continenti stipulationi inesse, hunc intellectum habere ea ipsa lex ostendit, ut infans stipulationi ex parte rei, id est, ut pariant exceptionem, non etiam ex parte actoris, ut pariant actionem, siue inesse stipulationi, ut actori noceant, non ut proficiat. Verum post mortem filiae, heres extraneus quem filia testamentum fecerat heredem, ultro & bona fide matri dotem solvit, cum maritus eum herede agit ex stipulatione dotis, & intendit dotem sibi dari oportere, Papin. ait, marito petenti dotem obfistere exceptionem, quod contra placita sam petat, nec exprimit, quae exceptio petenti marito obfistat. Sed recte Cyrillus interpretatur, obfistere exceptionem doli mali, quia infingit fidem pactam inter eum & uxorem, ut dos matri, id est socii, solveretur. Non obfistat exceptio pacti, quia nihil sibi hereditate suo filia pacta est, sed obfistat exceptio doli mali, quae tueretur naturalem aequitatem, l. 1. §. pen. l. qui agunt, ff. de doli except. Et omne iudicium, cui opponitur hac exceptio, bonae fidei iudicium facit, l. 1. §. de mort. cau. dou. l. 3. C. de except. Naturali autem aequitati conveniens est, ne heres, qui bona fide dotem solvit matri ex voluntate viri & uxoris, id est, ex pacto convento inter eos, iterum eam dotem maritoolvere cogatur, sed etiam heres filiae, quia sciens solvit, non ignarus rei indebitae: conditionem non habet adversus matrem, quia sciens solvit, & hac actio errantibus tantum datur: exceptio doli mali, vel ut eleganter idem colligitur est omnino reperta, qui ad id agitur ut doli mali exceptio. Exceptio autem pacti iuris civilis regulis, & subtilitatem magis adstricta est: denigilatus patet, diffunditur exceptio doli mali, & saepe sibi cessat pacti, non cessat doli mali exceptio. Ad hac quaeritur quid sit dicendum, si heres filiae nondum cuiquam solvit dotem, quam questionem movet Accursius? & contra quam responderet, verius esse arbitror, hoc casu marito competere actionem ex stipulatu, eique petenti dotem, nullam exceptionem obfistere, neque doli mali, ne heres bis exigitur, quia nondum cuiquam solvit, neque pacti, quia nihil heredis interest matri solvi. Et falsum est, quod ait Accursius illo casu, marito non dari petitionem dotis, sed matri dari utilem ex stipulatione filiae, quam flagit intervenisse, cum tamen Papinianus filiam tantum matri pepigisse dicat. Id vero Accursius probat, adducto principio constitutionis de rei uxoria actione, in quo ea de re nullum verbum, nulla suspicio: item adducta l. cum dos, h. f. quae de patre, & filia, loquitur, per quam patri acquiri potest; non de matre & filia, per quam matri acquiri non potest. Forte voluit Accursius in medium adducere casus, quos notavi in dist. l. cum dos, quibus ex stipulatione patris post obitum ejus filia, utilis queritur actio, & nepoti, vel nepi ex stipulatione avi, l. quocumque, §. si ita quis, ff. de verb. obligat. l. pater, C. de pacti. conven. l. Cajus, sol. matr. Sed hoc tantum jure singulari datur summis affectionibus parentum erga liberos, ut d. l. Cajus, in fin. non vice versa liberorum erga parentes.

Ad §. Ultimum.

Pater si filia nupta mortem obisset, dotem dari stipulatus est: constante matrimonio capitali crimine damnatus est, divorcio secuto, vel morte viri soluto matrimonio stipulationis conditio deficit: quod si mulier in matrimonio decesserit, ex stipulatu fisco dotis actio quaeritur. Post verum autem divorcium renovatis nuptiis, non committitur fisco stipulatio, licet defuncta sit in matrimonio filia, & quoniam ad primas nuptias pertinet.

Pater dotem datam pro filia stipulatus est sibi reddi in hunc casum, si filia in matrimonio decederet, si filia nupta mortem obiret: in casum omnium, id est, in casum divorcii aut mortis viri, in quem pater stipulatus non est, proculdubio dos est reddenda filiae, ut in l. si cum dotem solu. matr. In casum autem mortis filiae, dos reddenda est patri aut heredi ejus, aut fisco, inquit, si forte constante matrimonio pater capite damnatus sit, & con-

Tom. IV.

fiscatus fuerit, quia fiscus loco heredis est, l. inter eos, §. ult. de fideiuss. l. 2. C. ad l. Jul. de vi. at fuge inter virum & uxorem verum divorcium intercessisse; veroque non fisco divorcio solum matrimonium fuisse, deinde renovatum, & secundo matrimonio defunctam filiam. An & hoc casu, cum pater confiscatus est, dos fisco reddenda est, actione ex stipulatu? Minime, quia ea stipulatio, quae pater stipulatus est sibi dotem reddi, si filia in matrimonio mortem obiret, pertinet ad primum matrimonium tantum, non ad secundum. Itaque vero divorcio facto expirabit ea stipulatio, ut in l. dotis, de jure dot. Nec ex ea patri aut heredi ejus, ergo nec fisco ulla actio competere potest. Recte ait Papin. verum divorcium. Aliud etiam est, si simulatum fuerit & imaginarium divorcium in fraudem stipulatoris, l. 3. C. de repud. Quia renovatum deinde matrimonium, non aliud est matrimonium, sed idem, quod fuit ante, & mortua filia ante virum, proculdubio stipulationi locus est. Aliud item dicendum eadem ratione, si jurgium fuerit, quoniam reversa uxore idem matrimonium esse intelligitur, l. 31. de jure dot. Jurgium, vel frivolum, ut vocat Ulpianus in l. cum hic status, §. si divorcium, de don. inter vir. & ux. a frivolo, quod frivolum ludo. §. Originem, per diminutionem fit frivolum, ut ab osculo, osculum interpretis antiquus Horatius, dum suave interpretatur amoris osculum. Eo igitur nomine significatur frivolaria rixa, & frivolaria noxia, unde nostri noife, ut Aufonius loquitur.

Saepe, inquit, in conjugis sit noxia si nimis est dos. & Petronius, in medianoxiam, id est, rixam, profertur. Ex Donatus in Eunuchum: ad explendam Venere longiore noxia aduversus virginem utendum fuit. Hic vero §. ult. hujus legis non est in Basil. credo, quia ei quodammodo derogatur in Novell. 22. quae vult, ut non jure constet divorcium, etiam si sit verum & ferum, quod fecerit filia sine consensu patris viventis adhuc, matu, ne id fecerit in fraudem patris: sed confiscato patre hoc beneficium, quod Novella dedit patri integri status, sine animam transferri in fiscum, cum nec ad heredem patris transferatur, & personale beneficium sit.

Ad L. III. de Don. inter vir. & uxorem.

Mortis suae causa genero, vel nurui frustra socerum donare convenit: quia mortuo socero nuptiae non solvantur, nec interest an pater filium, vel filiam exheredaverit, divortii species, eadem ratione, diversa est.

In hac lege duo sunt Papiniani responsa. Quod ad primum attinet, sciendum est propter matrimonium non tantum virum uxori, vel contra uxorem viro frustra donare, quia jure civili, quo etiam hodie utimur, ea donatio improbat est: sed etiam eadem ratione, id est, propter matrimonium, ut ait l. cum hic status, §. oratio, h. i. prae-textu matrimonii, ut ait l. vitreus, hoc t. Frustra donare socerum nurui vel genero, si filium vel filiam in potestate habeat & contra generum, vel nurum frustra donare socero, si uxorem suam vel maritum suum in potestate habeat, ut in d. §. oratio, C. l. §. C. de d. Ratio hac est: quia jus potestatis, vinulum potestatis unam personam facit, patris & filii, vel filiae, ut quod donat socer genero vel nurui, quodve donum siue munus accipit a genero siue nurui, id filius, vel filia, qui quaeve in ejus potestate est conjugi donare, vel ab eo accipere intelligatur. Jus igitur potestatis donare; vel ab eo accipere intelligatur. Jus igitur potestatis causam praestat inhibendae donationis etiam inter socerum, & generum vel nurum. Vis videre quam hoc sit verum? Socer genero vel nurui, vel contra gener vel nurum socri donare non prohibetur, quia hic jus potestatis non vertitur, nulla enim femina familia potestatem habet, & inter socrum vel generum vel nurum donationem non prohiberi constat ex l. 3. §. socrum, hoc t. l. 26. C. de fil. l. 12. C. de donat. ante nupt. Et hac quidem dicimus de donatione directa, quae sit inter vivos;

R r r

hanc

hinc dicitur prohiberi inter supradictas personas, inter maritos, scilicet socerum, socram & generum vel nurum, si socer filium vel filiam in potestate habeat.

Nam si non inter vivos, sed mortis causa vir uxori, & contra uxor viro donaverit, donatio valet, quia in id tempus excurrit donationis eventus, quo vir & uxor esse desinunt morte donatoris soluto matrimonio, l. 1. *hoc tit.* neque enim mortis causa donatio perficitur antequam mors donatoris insecuta fuerit, l. non videtur, *inf. de mortis caus. donat.* Eademque ratione nurus vel gener mortis suae causa socero donare non prohibetur, quia donatio confertur in tempus soluti matrimonii morte nurus, vel generi. At quaeritur, an etiam e contrario valeat donatio, si socer mortis suae causa nurum, vel genero donaverit? Et l. 26. in fi. h. t. ait valere donationem, quod non est usquequaque verum, sed ita demum, si filius vel filia ante socerum vita decesserit, postea socer non mutata voluntate, quoniam donationis effectus excurrit in tempus soluti matrimonii morte filii vel filiae. Et ita hoc ipso libro Responsorum Papinianum scripsisse Ulpianus refert in d. §. *ortio*, & appingendum esse videtur responso huius legis, quo ex diverso dicitur, donationem non valere, quam socer mortis suae causa contulit in nurum vel generum, videlicet si socer decesserit superstitibus filio vel filia, nec soluto matrimonio, quia morte soceri non solvitur matrimonium, atque ita opus donationis effectus excurrit in tempus constantis matrimonii, cuius ratione initio diximus, eam donationem prohiberi, & ut recte Accursius ait in l. 1. §. *Celsus*, de dote preleg. eo casu, id est, quum moritur socer ante filium vel filiam, donatio quam fecit nurui vel socero mortis suae causa, accedit donationi inter vivos potius quam legato, aut donationi causa mortis. Et hoc est, quod ait Papinianus hoc loco; *Mortis suae causa genero, vel nurui socrum frustra donare convenit*. Et recte ait, *mortis suae causa*. Nam mortis filii, vel filiae causa non frustra donat socer nurui vel genero, quia donatio confertur in casum soluti matrimonii, l. 1. *de mort. causa donat.* Non tantum mortis nostrae causa recte donamus, sed etiam mortis alienae causa, l. 3. *quod tit.* Et addit Papinianus hoc loco: *Nihil interesse an socer filium, vel filiam exheredaverit, hoc est, non valere donationem mortis suae causa factam nurui vel genero, si constante matrimonio socer mortem obiit, etiam si filium vel filiam exheredaverit*. Et ratio haec est, quia jus potestatis exheredatione non tollitur, sed jus filii tantum, siue sui sui heredis, l. 1. §. *post suum*, de suis, & leg. hered. l. si *postuimus*, §. si *filium*, de liber. & postuimis. Et jus potestatis praestat causam improbandae donationis: non igitur spes successionis, cum & exheredatione libertis, nec succedentibus, etiam improbetur donatio. Denique non spes successionis improbandae donationis a socero factae causam praestat, ut Odofredus sentit male in l. 3. *hoc tit.* dum scribit, ideo socerum frustra donare nurui, quod ipse maritus, quia socero debeat, succedere, donare videatur; sed causa improbandae donationis prima, est matrimonium, deinde jus potestatis: unde si in emancipando filio vel filia, vel post emancipationem filii aut filiae, socer nurui vel genero donaverit mortis suae causa, vel inter vivos, proculdubio donatio valet, quia jus potestatis cessat, aut solum est, non etiam, si id fecerit tempore exheredationis, vel post exheredationem filii vel filiae; tunc enim donatio non valet, quia jus potestatis manet interim, nec solum est exheredatione. Dixi in emancipando filio vel filia, vel post emancipationem, quia si post donationem, quae non valet ab initio, emancipaverit filium vel filiam, donationis vitium emancipatio non corrigit, l. cum *hic status*, §. si *consoletur*, *hoc tit.* sicut nec divortium postea secutum, nec mors donatorii, licet solvat matrimonium, vitium emendat donationis ante factae, d. l. cum *hic status*, §. si *divortium*, & l. *et* *idea*, §. 1. *hoc tit.* Et multo minus id emendabit post sequuta exheredatio. Idem Papinianus subiicit hoc loco: Divortii tamen causa omnino permittam esse donationem inter socerum & nurum vel generum,

A sicut inter virum & uxorem, qui cum discedunt bona gratia plerumque se mutuis muneribus afficiunt, & donatio valet, quae ita sit divortii causa, id est, sub tempore divortii, non cogitatione futuri divortii constanter adhuc matrimonio. Valet igitur donatio divortii causa facta, non tantum inter maritos, sed etiam inter socerum & nurum vel generum; valet indistincte, quia sit sub ipsa tempore solvendi matrimonii, id est, sub divortii tempore, l. 12. *hoc tit.* Et hoc est, quod Papinianus ait: *Divortii species eadem ratione diversa est, diversa scilicet est causa divortii a causa mortis soceri*. Nam ex hac causa socer nurui vel genero frustra donat, id est, in causam mortis suae contingentis manente matrimonio, & filio vel filia superveniente. Ex illa autem causa, pata divortii, indistincte recte donat, & hoc ait: *In utraque specie, seu causa fieri eadem ratione*. Dices, an igitur eadem ratio efficit contrarium, an eadem ratio infirmat & confirmat donationem soceri? Sic fane, eadem in genera, nempe ratio matrimonii, sed non eadem in specie, sed contraria: in donatione mortis causa ratio constantis matrimonii, in donatione divortii causa, ratio soluti matrimonii. Et eodem sensu dicitur in l. inter, §. *saera*, de verbor. oblig. *liberandi & obligandi*. Contrarium unam eandemque causam esse, non quidem prosumus eandem; sed eandem, si in contrarium agatur, ut ait lex 153. de *regul. jur.* in qua, *utrumque in contrarium actum*, ait illa lex 153. ut ecce, consensus obligationem efficit & liberationem, sed obligationem consensus primus, liberationem dissensus, id est, consensus secundus & contrarius, l. prout, de *solut.* Res una obligationem efficit & liberationem, sed obligationem res data, liberationem res reddita. Verbis item obligatio acquiritur & liberatio, sed obligatio stipulatione, liberatio acceptilatione, l. 8. §. *acceptum*, ff. de *accept.* Utraque fit verbis & stipulatio & acceptilatio, & sic in specie dicti §. *saera*, rei promissa qualitas obligationem facit & liberationem, sed obligationem, si talis sit, ut dari possit, veluti res profana, liberationem si talis sit, ut dari non possit, veluti res sacra, & ita explicandus est hic §.

Ad §. Res in dotem.

Res in dotem estimatas consentiente viro mulier in usu habuit. Usu deteriores si fiant, damni compensatio non adhibetur: easdem res non potest mulier sibi, quasi donatas, defendere ex illis verbis, quibus donationes ei a viro legatae sunt, cum ejusmodi species neque donari, neque auferri videtur.

IN secundo responso huius legis Papinianus docet, res estimatas in dotem datas, etiam si consensu mariti eas uxor in usu habeat, non ideo minus perfecte mariti fieri quasi ex causa emptionis, ut in l. cum *post*, §. *pen. de iure dot.* ex eodem libro, cui istud responsum commodissime coaptari potest. Igitur rerum estimatarum, quae datae sunt in dotem, etiam si eas uxor in usu habeat, dominum perfecte marito acquiritur: & ideo, si eas res perierit, aut deteriores factae fuerint attritu uxoris, damnum est mariti, ut in l. estimatas, *inf. solut. matrim.* l. 10. in *princip.* *sup. de iur. dot.* Nec potest maritus compensare damnum cum dote, vel cum fructibus perceptis post diemprum matrimonium, ut fit in specie l. si *constante*, §. *pen. inf. sol. matrim.* ob damnum illarum aliis rebus mariti, & ob res donatas & amotas, & impensas, l. rei. §. 1. l. fructus, §. ob *donationes*, eod. *tit.* Et addit Papinianus, etiam usu earum rerum uxori permissio, non videtur eas res uxori donatas, idque apparere ex legato rerum donatarum, quod vulgari modo ita relinquere solebat: *Quae unius uxori dedi, donavi*, l. si *quando*, de leg. 1. Eo enim legato non continentur, quae in usum maritus uxori concessit, nisi nominatim adiectum sit, quaeque ei in usum concessi, in uxori, §. uxori, de *legat.* 3. l. uxori, ff. de *auo*, & *arg. leg.* Quod in usum conceditur, inquit, Papinianus in fin. legis, neque donari, neque auferri videtur, neque donari a viro, neque auferri ab uxore. Nam ut non intelligitur amitt-

amissum quod ablatum alteri non est, sicut recte est in Florent. scriptum, ablatum, non oblatum, in l. nec utilem, ex quibus caus. maj. ita nec ablatum intelligitur, quod amissum, puta donatum non est, & ita sunt intelligenda hæc duo responsa.

Ad L. XLII. Sol. Matr.

In insulam patre deportato, quæ dotem pro filia dedit, actio dotis ad filiam pertinet. Post divortium quoque patre damnato, qui dotem consentiente filia non petierat, æque dotis actio mulieris est.

Primum responsum hujus legis est, de dote filiarum. profectitia, id est, quam pater dedit, cuius quidem dotis divortio facto bona gratia, aut culpa mariti, vel morte mariti soluto matrimonio, certum est repetitionem patri, qui eam pro filia dedit, competere, non soli quidem, sed adjuncta persona filiarum, id est, volente & consentiente filia: Quia communis res est, & communis actio est, l. 2. §. i. l. 3. h. l. 2. & l. filiarum, C. de dot. tit. l. Titia, §. qui inuita, inf. de leg. i. l. pater inf. ad l. Falcid. l. qui hominem, §. si gener, ff. de solut. Et hæc quidem ita si pater vivat: nam si pater obierit ante, vel post divortium, vel ante mortem mariti, aut post mortem mariti, nondum repetita dote; soli filiarum dotis repetitio competit, etiam si exheredata sit a patre, non competit heredi patris, vel extraneo, vel suo, puta, fratri filiarum, sed competit soli filiarum, l. un. §. videamus, & §. hoc ex rei uxore. C. de rei uxore, est. Idemque est si pater ante vel post divortium, vel mortem viri, nondum repetita dote consentiente filia, in insulam deportatus fuerit, atque adeo expulsus civitate & confiscatus. Nam deportatio in insulam, est civitatis & bonorum amissio, & mors civilis, & perinde atque si pater excessisset e vita naturaliter, hoc quoque casu, cum in insulam deportatus est, Papinianus docet hoc loco dotis repetitionem soli filiarum competere, non fisco, quia dos est proprium patrimonium filiarum, l. 3. §. ergo, de min. lib. l. 16. de relig. l. 4. C. de quibus caus. pignus tac. contr. Proprium, inquam, patrimonium filiarum, quod neque heres, neque quasi heres aut successor patris ei auferre potest: imo ne pater quidem ipso qui dedit, inuita filia. Fiscum non sequuntur, quæ heredem non sequuntur: nam si heredem non sequuntur, consequens est, non computari ea in bonis confiscatis. Bene autem Papinian. ait: qui dotem consentiente filia non petierat: Quoniam, si ante deportationem patri filia consenserit, ut dotem peteret, mox deportatus sit in insulam, & ad peregrinationem redactus atque egestatus, quasi successione actio translata est in fiscum, actio est fisci, non filiarum, & ita est produm nominatim a Martino in l. 10. de bonis damnat. quem titulus. jam pridem restituitur ex Bassiliis, qui valde inutilis erat. Actio autem dotis est fisci, eo casu, sicut Græci interpretes recte notant, ea conditione scilicet, ut notant ad illam l. 10. ut fiscus vice patris, quemadmodum cavetur Novel. 97. dotem conseruet mulieri, quam recuperavit iudicio dotis, eamque mulieri quandoque restituat, vel redintegranti matrimonium, vel nubenti alii. Neque huic sentent. quidquam obstat l. si marito, §. si voluerit, hoc tit. quæ hoc loco imposuit Accurs. quod dicat, ad exactionem dotis dato procuratore voluntate patris & filiarum, & re iudicata secundum procuratorem, iudicati actionem postea mortuo patre dari filie, non heredi patris: ergo nec datur fisco, postea damnato patre, sive mortuo civiliter: qui nos ita respondemus: iudicato novari actionem dotis, iudicato novari priorem actionem, ut est produm generaliter in l. 3. §. pen. C. de usur. rei iud. Denique actionem dotis transferri in actionem iudicati pro secundum dotem iudicata, & licet filia consenserit patri in actionem dotis, ut ea ageret per procuratorem, non tamen consensit in actionem iudicati, non consensit patri in actione iudicati nova. Ideoque filia est salva actio iudicati, in quam non consensit: nec quæ permittit priorem actionem videtur etiam permisisse posteriorem,

Tom. IV.

A & novam, sicut in l. si procurator meus, ff. de procur. Si te feci procuratorem, ut ageres ex stipulatu meo nomine, & viceris, actio iudicati mihi dabitur, non tibi, quia non feci etiam te procuratorem in actionem iudicati. At similiter filia quæ consensit patri in actionem dotis, non intelligitur consensisse, nisi id probeatur etiam in actionem iudicati, ideoque filia potius quam heredi patris dabitur actio iudicati.

Ad §. Fructus.

Fructus ex prædiis, quæ in dotem data videbantur, bona fide perceptos, & mulieris oneribus ante causam liberalem assumptos, quamvis servam fuisse postea consisterit, peti non posse placuit. Sumptus vero necessarios & utiles in prædiis, quæ dotalia videbantur factos, compensatis fructibus perceptis, ad finem superflui servari convenit.

B Species hæc est: Liber homo cum aliena ancilla, quam existimabat esse liberam, errore lapsus contraxit matrimonium, & ab ea quædam pecuniaria forte, vel sui domini, in dotem accepit. Neque dos est, neque matrimonium: unde queritur an fructus ex ea quasi dote a viro bona fide percepti, & quasi in matrimonii onera, consumpti, cognito statu mulieris, & domino prædia vindicante, ut potest, l. Proculus, ff. de iur. dot. an domino restituendi sint fructus? Item an impense in res quasi dotales a viro factæ, in prædia quasi dotalia domino prædia vindicanti reputari possint? Et respondet Papinianus fructus compensandos esse cum impensis necessariis, & utilibus factis in prædiis, quæ dotalia videbantur, & si quid sit superfluum, in impensis, id est, si minus sit in fructibus, plus in impensis, superfluum impensarum viro servari per officium iudicis, vel per exceptionem doli mali, ut in l. 23. hoc tit. sicut fit in quolibet bonæ fidei possessore, l. sumptus, & l. emptor, de rei vindic. exposita a nobis lib. 2. Quid vero si plus in fructibus, minus in impensis? An superfluum fructuum domino reddi oportet? Respondeo fructus extantes esse restituendos, quatenus impensas exsuperant: consumptos non esse restituendos, aut eorum estimationem, ut fit in quolibet alio bonæ fidei possessore, l. certum, C. de rei vindic. l. quantum, ff. de acquir. rerum dom. l. 4. §. post litem, ff. fin. regum. d. l. 4. §. lana, ff. de usup. & l. si cap. Et hæc, si iniustum fuerit matrimonium: nam si iustum matrimonium fuerit, impense factæ in res dotales non compensantur cum fructibus, sed fructus omnes ejus temporis, quo stetit matrimonium, cedunt lucro mariti pro oneribus matrimonii. Impense autem necessarie ipso jure minuunt dotem, vel tota dote soluta imprudenter, condicuntur, ut in l. 5. §. si dos, tit. seq. Et utiles impense repetuntur actione mandati, vel negotiorum gestorum ex Constitutione Justiniani de rei uxoris actione, & illæ solæ impense cum fructibus compensantur, quæ factæ sunt fructuum querendorum gratia in annum, non in perpetuum rerum dotalium utilitatem, l. fructus, §. al. hoc tit. l. 3. tit. seq.

Ad §. Usuras.

Usuras numerata dotis ex stipulatu patris in matrimonio desuncta filia, si petat: gener, qui residua dotis promissa sponso stipulatus est, ita demum ad finem vice mutua debitis quantitatibus, compensationem opponere jussu videatur, si propriis sumptibus uxorem suam exhibuit. Alioquin si patris sumptibus exhibita sit, inanis usurarum stipulatio compensationi non proderit.

Tertii responsi species hæc est: Pater pro filia genero promittit dotem certam, puta, mille, numeravit autem partem tantum, partem, id est, quingenta, stipulatusque est mortua in matrimonio filia, eam partem sibi reddi, & quo tardius redderetur usuras certas. Contra quoque gener, de patre sive socero, quoad residuum dotis partem solvisset, id est, residua quingenta, stipulatus est sibi dari usuras certas. Mortua in matrimonio filia pater

R r r 2

agit

agit cum genero actione ex stipulatu, dotemque numeratam petit & usuras. Gener ei opponit compensationem quantitatis usurarum, quam vice mutua sibi debet pater ex stipulatione residuae dotis. Queritur an justa ea compensatio sit? Et respondet Pap. esse justam, si modo maritus sustinuerit onera matrimonii, & suis sumptibus constante matrimonio uxorem exhibuerit. Et sane, adeo justa est ea compensatio, ut & jure Pontificio, quod usuris, quantum potest, adversatur, approbentur usurae, quae pensant onera matrimonii. Nam etsi eodem jure improbetur *adviximus*, quia vicem usurarum obtinet, c. 1. §. cap. contestatus, ext. de usur. *adviximus*, id est, pignus contractum ea lege, ut fructus pignoris creditor lucrificat vice usurarum, nec imputet in fortem: tamen eo jure ea conventio approbatur, si dotis promissae nomine marito detur pignus eadem lege, id est, a *adviximus*, marito, inquam, sustinenti onera matrimonii cap. salubriter, eod. t. ubi illo loco, *Nec numerata dote*, velim vos emendare *numeranda dote*. Eademque ratione invenio in c. 1. ext. de feudis, recte beneficiarium, sive vassallum dare beneficii, sive feudum domino pignori, ea lege, ut fructus lucrificat, si modo dominus onera vassalli, vel servitii, quae vassallus obire debet, in se recipiat. At in specie proposita, si non maritus, sed patris sumptibus mulier exhibita & educata fuerit constante matrimonio, Pap. ait, inanem esse stipulationem usurarum a genero interpositam, quia inest ei semper haec conditio, si maritus exhibuerit & aluerit uxorem, & ministeria ejus, ut idem Pap. docuit in hoc libro in l. cum post, §. in domum, sup. de jure dot. Denique usurae residuae dotis intelligitur genero promissae ad exhibitionem uxoris, ergo uxore non exhibita non debentur, & inanis ea stipulatio est, ut nec compensatio proficit. Proinde vir patris praestabit usuras tardius redditae dotis. Viro autem pater nullas praestabit, vel feret expensas.

Ad §. Ultimum.

Ad virum uxore post divortium reversa, judicium acceptum ex stipulatione, quam extraneus, qui dotem dederit, stipulatus fuerit, non dissolvitur, nec officio judicis absolutio continetur.

Notandum est ad hoc responsum, multum interesse mulierem dotem dederit, an extraneus pro muliere. Nam si extraneus dederit, & in casum divortii stipulatus sit dotem sibi reddi, quae dos recepticia vocatur divortio facto, committitur stipulatio, & ex ea semel parva actio invito stipulatore non extorquetur: semel acceptum ex ea judicium non dissolvitur, neque ipso jure, neque officio judicis, neque remedio actionis: licet interim pendente judicio renovatum matrimonium fuerit, ut in l. stipulatio, de jure dotum. At si mulier ipsa dederit dotem, & divortio facto bona gratia, vel sine culpa sua egerit de dote, quod potest, etiam si nihil stipulata sit, post reintegraverit cum eodem viro matrimonium pendente judicio dotis, judicium dotis, etiam si contestatum sit, dissolvitur, quod est in l. 19. h. t. Dissolvitur ipso jure judicium rei uxoriae, quod jam contestatum est, ut d. l. 19. vel quod post reconciliationem instituitur, ipso jure nullum est, quia judicium rei uxoriae est bonae fidei, & judicis bonae fidei tunc inest exceptio doli mali, l. 21. h. t. ut necesse non sit eam opponere. Judicium autem ex stipulatu, quia olim erat strictum, non solvitur, aut submovetur ipso jure, sed opposita exceptione doli mali demum, ut in l. 13. sup. de jure dot. hodie ipso jure, quia Justinianus actionem ex stipulatu de dote fecit bonae fidei. Ea vero lex 13. cum sit Modestini ex libr. singul. de differentia dotis, facile credo Modestinum post verbal. l. 13. subjecisse, aliud esse dicendum in dote data ab extraneo: atque ita fecisse differentiam inter dotem datam a muliere, & dotem datam ab extraneo: cuius ratio haec est. Quia jus quaesitum extraneo per divortium invito, ei mulier auferre non potest reintegrato matrimonio, sicut in l. ult. ff. de pacti. Si per reum principalem, qui pactus est de non petenda pecunia, fide-

A iusfiori ejus sit quasita exceptio pacti, ea fideiussori a reo principali postea auferri non potest, si forte pacificatur in contrarium de petenda pecunia, sicut in l. 2. C. de pignor. Si primo obligavi generaliter omnia mea bona: deinde secundo specialiter praedium ex meis bonis, specialis hypotheca non derogat generali, quia primo ex generali jus quaesitum est. Jus autem sibi quaesitum mulier remittere potest, quod etiam remisit intelligitur reintegrato matrimonio, quia ratione etiam placet judicium rerum amotarum solvi, reintegrato matrimonio, l. ult. ff. rer. amot. Ex quo titulo etiam breviter est explicanda lex 27.

Ad L. XXVII. Rerum amotarum.

B Rerum amotarum actio ob adulterii crimen, quo mulier polluta est, non differtur.

Sententia haec est, Propter adulterii crimen, quod dimissa uxori intendit maritus (quia non dimittam non potest accusare adulterii, sed prius debet eam dimittere) deinde accusare si non differtur: iudicium rerum amotarum, quod contra eam semel instituitur, aut parat institui, iudicium civile, quia ea actio civilis rerum amotarum nihil praedat criminali. Puto hoc scripsisse Pap. de actione rerum amotarum *quasi adversus reum*, ad differentiam actionis de dote, quia iudicium de dote sane differtur propter crimen adulterii, quo post divortium maritus postulat uxorem, l. adulterii, C. ad l. Jul. de adul. quia scilicet actio dotis, quae civilis est praedat iudicio criminali. Nam si iudicio dotis iudicabitur secundum mulierem, nempe, ut dos ei restituatur, quasi sine culpa ejus divortio facto, utique praedat iudicio, eam non esse adulteram, quia adultera dote mulietur. Denique praedat iudicio criminali, quod non est ferendum, quia gravius est iudicium: Breviter dicamus, actio de dote differtur propter crimen adulterii, non actio rerum amotarum.

Ad L. XXVI. de Testam. tut.

Jure nostro tutela communium liberorum matri testamento patris, frustra mandatur, nec, si provincia praeses imperitia lapsus patris, voluntatem sequendam decreverit, successor ejus sententiam, quam leges nostrae non admittunt, recte sequetur.

In hac lege tria sunt responsa, quae sola explicare liceat. Ad primum responsum notandum est: Tutelam esse virilem, non muliebrem officium, adeo ut nec matri testamento patris filiorum communium tutela mandari, nec mandata decreto iudicis confirmari possit, nec si forte Praeses imperitia lapsus eam confirmaverit, decretum ejus, sive sententia rara est, quia est contra leges iuraque civilia: nec recte fecerit successor Praesidis, si eam sententiam sequatur quae ipso jure nulla est, male eam probet. Et haec est sententia primi responsi. Ad quod notandum est: decreto tantum Principis matri postulantem tutelam filii impuberis posse mandari, idque constare ex l. ult. de tut. l. 2. §. quid sit pater, ad SC. Tertull. in illo loco: *Nec legitime tutelam mater administrat*, legitime, id est, ex decreto Principis, hoc sensu: ut quae filio impuberi neque tutorem petit, neque ipsa legitime tutelam administrat, id est, ex decreto Principis, amittat jus succedendi filio impuberi. Idemque constat ex l. 2. C. quando mul. tut. offic. fungi possit. Et olim quidem mater tutelam filii postulare, & impetrare potuit a Principe, non nisi deficientibus testamentariis tantum tutoribus & legitimis, d. l. 2. §. l. 3. eod. t. hodie non nisi deficientibus testamentariis tutoribus, quia legitimis tutoribus, id est, agnatis mater praefertur, ut in hereditatibus ex SC. Tertull. sic & in tutelis, ex Nov. 118. Verum ex supradictis l. 2. & aliis plerisque Nov. Justiniani, debet prius mater, quae affectat tutelam filiorum, renuntiare beneficio SC. Velleiani de intercessionibus mulierum: nam auctoritas tutoris in negotiis pupilli intercessio est, l. 15. C. de administ. tut. l. 6. C. de curat. fur. quae auctoritas interposita a matre inanis & inutilis esset, nisi renuntiasset SC. Velleiani.

lejano. Debet quoque ea mater vidua permanere, alioquin tutela removetur, idemque est in avia ex Novella Justin. Nulla tamen lege, aut constitutione adhuc effectum est, ut contra hoc Pap. responsum jure pater in testamento matris filiorum communium tutelam mandaret, utve mandatam Prætor, vel Præses jure confirmaret: sed contra nulla etiam lex vel constitutio vetat quin possit mater negotia filii gerere & attrectare, ut voluntarius procurator, ut negot. gestor ex patris ultima voluntate, ut lib. 2. latius exposuimus ad l. libert. §. pen. de negot. g. est.

Ad §. Honoris causa.

Honoris causa tutor datus non videtur, quem pater a veteris tutoribus, quibus negotia gerenda mandavit, rationes accipere voluit.

Honorarius tutor est is, qui honoris tantum, non oneris causa datus est, ut otiosus observaret gerentes tutelam, non gereret ipse *non triplis*, ut ait l. 15. §. 3. *in p. d. adur, de excus. tut.* Denique qui honestatur nomine tutoris, non munere: nam & tutela delatio honor est, hereditas, hereditivæ institutionis honor est: sicut legatum honor est, eadem ratione dictus honorarius, qua in constitutionibus Codicis sæpe honorarii Prætores vel Consules vel Quætores, qui nudum habent nomen honoris sine re, qui non versantur in *totis præparatis*, in administratione Reipubl. unde vulgo aliam faciunt dignitatem, legitimam & ordinariam, id est, *quæ pactor*, quæ in actione consistit, aliam honorariam, quæ nihil agit, l. 2. C. *Thad. l. jul. repet.* Ex honorarium vinum, quod honoris causa offertur, Cato de innocentia sua: *Cum essem in provincia legatus, quamplures ad Prætores & Consules vinum honorarium dabant, nunquam accepi ne privatus quidem.* Honorarius autem tutor est is, quem pater ceteris tutoribus, quibus negotia pupillaria gerenda mandavit, rationes exigere, & accipere iussit quantum huic plane totum voluit versari in actione tutelæ, quem posuit supra rationes omnium, id est, totius tutelæ. Quid est honorarius tutor, debet quidem ab iis, qui negotia gerunt assidue, quod est sæpius rationes exigere, etiam si hoc ei non injunxerit pater, l. 3. §. 1. *de adm. tut.* Sed cum id nominatim injunxit, ut non modo sæpius, sed in singulos actus singulorum administratorum rationes exquireret, sane honorarius tutor non est, quæ est sententia hujus legis. Imo vero ex tutoribus nullus est minus otiosus, quam qui rationes exigit, tractat, dispungit, conficit, hoc est, tutelæ summum negotium, quod qui attingit, non potest non attingere, & cætera omnia. Effectus autem hujus legis est, quia honoraria tutela in numerum trium tutelarum, qui numerus excusat a quarta tutela, non computatur, hoc est, honoraria tutela & otiosa non computatur in oneribus, licet quandoque ad honorarios administratorum periculum redundet, d. §. 3. *de adm. tut.* C. *l. si quis tutor, l. 1. de ritu nupt.* Item quia prius excutiendi sunt facultates ejus, qui gessit & administravit tutelam, quam honorarii tutoris, d. l. 3. §. 1. Et ob id intererat scire, quis esset honorarius tutor.

Ad §. Ultimam.

Propter item inofficiosi testamenti ordinandam, exheredato filio, cui tutorem pater dedit, evidem ad Prætoris confirmari oportet: eventus judicatis rei declarabit, utrum ex testamento patris, an ex decreto Prætoris auctoritatem acceperit.

Sciendum est, patrem etiam exheredato filio, quem habet in potestate, testamentum tutorem dare posse, l. 4. *h. t.* At si filium a patre immerito exheredatum, non habuisse patrem iustas causas irascendi filio, & removendi eum hereditate sua, & filium per querelam inofficiosi testamenti patrem intestatum facere, testamentum rescindere velle: querela inofficiosi testamenti hoc jure, quod

A obtinuit ante Nov. Justin. 115. rescindit omnia, quæ in testamento sunt scripta, & testatorem prorsus intestatum facit, id est, non tantum heredis institutionem rescindit, quæ solum & quasi fundamentum testamenti est, sed etiam tutelam, & legata, & fideicommissa, & libertates, & tabulas pupillares, quia re judicata secundum filium exheredatum, qui questus est de iudicio patris, totum testamentum præsumitur esse hominis male sane mentis, idcirco corrumpit totum, l. 1. *Pap. §. sed nec impub. C. §. si ex causa, C. l. qui repudiantis, de inoff. test.* At queritur utrum filius exheredatus, qui, cum sit pupillus solus, ex eo litigare non potest sine auctoritate tutoris, utrum agat querela inofficiosi testamenti auctore tutore testamentario, an auctore tutore legitimo. Finge patrum filio extare legitimum tutorem futurum ab intestato: videtur testamentarius auctor esse non posse, quando testamentum in ea causa est, ut rescindi possit per querelam: videtur etiam legitimus auctor esse non posse, quando spes est, ut judicetur secundum testamentum contra filium exheredatum: sed quia potest etiam testamentum non rescindi filio non obtinente in querela, & contra, potest etiam rescindi filio obtinente, sub incerto totius est eundem tutorem, qui testamento datus est, non per se auctorem fieri ad eam rem, sed ex decreto Prætoris pupillo dari. *Dari ait lex proxima quæ sequitur, hæc lex, confirmari: nam & qui confirmat, dat, l. pen. §. sed cum veteres, C. de necess. her.* Dari igitur & confirmari a Prætoris tutorem testamentum datum ad ordinandam litem inofficiosi testamenti, ut, quemadmodum ait lex proxima, sine ullo præjudicio iustus tutor auctor pupillo ad eam litem fiat. Iustus autem tutor, antequam de iure testamenti judicetur, & de meritis filii exheredati, interim sane est testamentarius, cum aditam esse hereditatem defuncti ex eo appareat, quod agatur querela inofficiosi testamenti, quæ non nascitur ante aditam hereditatem, l. 1. *Pap. §. si conditionis, de inoff. test.* Et hoc dicitur a bonorum possessione contra tabulas, quæ datur filio præterito, non exheredato, & datur ut vulgo dicebant Juriscons. contra tab. contra testam. contra lignum, etiam ante aditam hereditatem nullo ex tabulis testamenti existente herede, l. illud, C. l. quod vulgo, de bon. poss. contra tab. Eventus autem istius iudicii de inofficioso testamento, ut subicit Pap. declarabit, is qui auctor ad eam litem pupillo fuit, utrum ex testamento, quo scriptus est & institutus tutor, an ex decreto Prætoris, quo confirmatus est, auctoritatem acceperit. Si non vicerit filius exheredatus, ex testamento videbitur tutor auctoritatem accepisse: si vicerit, ex decreto Prætoris ad eam litem tantum. Nam testamento rescisso per querelam, proculdubio ei succedit legitimus tutor, ut in l. si filius, h. t. l. si impuberi, de tut. C. cur. datis. Non est omittendum, hodie nullum esse locum questioni propositæ in hoc §. quia ex supradicta Novella Justin. testamento rescisso per querelam, cetera firma manent, cetera omnia indistincte, hoc enim est verius, id est, tutela, legata, fideicommissa, libertates, secunde tabula, sola heredis institutio rescinditur. Itaque in questione proposita tutor testamentarius plane auctor esse potest filio exheredato agenti querela inofficiosi testamenti, nec indiget confirmatione Prætoris aut Præsidis, quia etiam rescisso testamento, tutor manet, & hoc est, quod dicitur vulgo: *Ex causa exheredationis sive præteritionis, quæ scilicet pro exheredatione habetur, ut si mater vel avus maternus silentio præterierit filium vel filiam, id est, si neque instituerit, neque exheredaverit nominatim, solam institutionem vitari: cetera quæ sunt scripta in testamento, manere: nam ea Novella pertinet tantum ad exheredationem vel præteritionem, quæ pro exheredatione est, non etiam ad veram præteritionem, ut si pater filium præterierit, quo casu totum testamentum corrumpit, & rescinditur per bonorum possessionem contra tab. exceptis legatis quibusdam, quæ certis personis relicta sunt, puta, liberis, aut parentibus, aut uxori, vel nurui doris causa, ex edicto de legatis præstandis.*

A L. XXVIII. Eod.

Qui tutelam testamenti mandatam excusationis jure suscipere noluist, ab his quoque legatis summovendus erit, quæ filiis ejus relicta sunt: modo si legata filii non adfectione propria, sed in bonorum patris manu erunt.

In l. 23. de testam. tut. sunt tria responsa. Ex primo intelligimus: tutorem in filio impuberi testamento datum, si cum in arbitrio ejus esset, uti vel non uti excusatione, & immunitate sua, quam forte habet, nec prohiberetur legibus omnia excusatione ultra tutelam suscipere, maluerit tamen se excusare a tutela, indignum esse legato, quod ei eodem testamento relictum est, quia nisi aliud evidenter testator expresserit fidei remunerandæ causâ, & quo libentius tutelam susciperet, legatum ei, ut tutorem relictum videtur, l. 33. inf. de excus. tut. Quamobrem si repudiat onus tutelæ, indignus est emolumento legati, quo provocatus est ad tutelam suscipiendam: nec quidquam ad rem facit, quod se excusavit. Id vero legatum, quamvis ei velati indigno auferatur, tamen non cadit in fiscum, ut plerumque solent ab indignis legata hereditatesque transferri in fiscum, sed transferuntur in pupillum, cujus utilitatem tutor deseruit repudiata tutela jure excusationis, l. 5. §. administrare de iis quibus ut indig. l. pen. C. de leg. quod ita accipi debet, si pupillus patri suo heres extiterit, alioquin pupillo exheredato, legatum non transferuntur in pupillum, sed in heredem patris etiam extraneum, l. tutor petitus, §. 1. de excus. tutor. Hoc autem loco Pap. ostendit, tutorem, qui se excusat tutela, non tantum repelli a legato, quod ei relictum est, sed etiam ab eo, quod filiis ejus relictum est, modo si relictum fuerit in honorem ejus, & contemplationem, & gratiam, non propria adfectione filiorum, quia & hoc quoque ei relictum videtur, quod ejus contemplatione filiis ejus relictum est, ut dos profectitia intelligitur, non tantum, quæ data est a patre, sed etiam, quæ data est ab extraneo contemplatione patris, l. 5. §. 1. de jur. dot. Seneca 5, de Benef. Sed ut tanquam iurifconsultus respondeam, mens spectanda est dantis beneficium: Ei dedit, cui datum voluit, si in honorem patris dedit, pater accipisse videtur beneficium. Iisdem verbis Pap. hoc loco: *Modo si legata filii non adfectione propria, sed in honorem patris meruerunt.* Ad hæc prætereos casus, qui vulgo notantur, quibus tutor, quamvis tutela se excusaverit, non repellitur a legato, sibi vel suis, sui contemplatione relictum, puta, si per eum culpamve ejus non fiat, quo minus tutelam administret, vel si non ei, ut tutorem, sed alia adfectione legatum relictum sit, qui casus, & a me supra subnotati sunt. Notandus est alius casus, quem vulgo non animadvertunt, quo etiam tutor, qui se excusavit non repellitur a legato, videlicet, si antequam repelleretur pupillus decesserit: quod l. amicissimos, inf. de excus. tut. significat his verbis, ex contrario sumptis: *Si adhuc vivet pupillus.* Et ratio est aperta, quia non ante legatum amittit, quam ei auferatur, & causa auferendi sublata est morte pupilli. Eadem l. amicissimos ostendit, non repelli eum tutorem a substitutione pupillari, si pupillo suo substitutus fuerit in hunc casum; si impubes decesserit: quia non est verisimile: (ut ait) tunc demum eum testatorem substituere voluisse, si & tutelam suscepisset, cum substitutionem illam contulisset in casum finitæ tutelæ, id est, in casum mortis pupilli. Sed recte animadvertit primus Ludovic. Rom. in consilio 207, hæc hodie post Nov. Theod. de tutorib. cujus pars est in l. scient. C. de leg. h. ita verum esse, ut non excidat substitutione pupillari, si substitutus, qui se excusavit tutela, alium tutorem pupillo petierit, & dari curaverit intra annum vivo pupillo. Verum, inquam, est ut non excidat substitutione pupillari, si tutorem pupillo petierit, alioquin excluditur substitutione pupillari, d. l. scient. Verum quod idem Romanus ait, repelli quoque eum a substitutione precaria, id est, a fideicommissaria hereditate, relicta in eundem casum mortis pupilli, & repelli, non quod non petierit ei tutorem, sed quod recusaverit onus tute-

A la. Quantum ad illam rationem, fateor eum non repelli ea ratione a substitutione precaria, sive fideicommissaria hereditate, l. ult. inf. qui pet. tut. Nec enim ob non petitum tutorem amittit quis bona patris, quæ deferuntur substitutione precaria, sed bona pupilli tantum ex constitutione Severi, quæ certum est deferri substitutione directa, quam pupillarem appellamus. Quantum vero ad hanc rationem non susceptæ tutelæ Romani nos scriptura fallit, quia hæc ratio repellit tutorem tantum a præsentis lucro, a præsentis legato, quo invitatus est ad tutelam suscipiendam, non a lucro futuro post tutelam finitam, id est, post mortem pupilli, quia non est verisimile, id ei relinqui hujus rei causâ, quod etiam dicta l. amicissimos, ponat tantum in substitutione directa, tamen eadem ratio intervenit in precaria, de qua dixi ante, quia utraque conferuntur in tempus mortis pupilli. Præterea quod idem auctor scribit hodie tutorem, qui se excusat, etiam legatum amittere, quod ei, non ut tutorem relictum est, quo magis tutelam obiret, sed alia adfectione, contra quam traditum sit in l. tutor petitus, §. 1. & l. Neferimus, & l. seg. inf. de excus. tut. Quod inquam, ait tutorem, qui se excusat, omne legatum amittere quacunq; adfectione relictum, etiam, relictum sit ut cognato, non ut tutorem, non fidei remunerandæ causâ: id ait se dicere propter primam Novellam Justiniani, quæ non tantum heredis, sed etiam legatarii & fideicommissarii non obtemperantis voluntati testatoris, contumaciam ita punit, & indevolutionem ita mulctat, ut indignum eum faciat hereditate, legato, fideicommissio, quod ita statuit propter eam Novellam, id viriosum est, quia ea Novella punit tantum eos, qui legata, aut fideicommissa, aut libertates aliis relictas, post admonitionem judicis intra annum solvere detractant, non eos, qui onus sibi injunctum veluti tutelam suo privilegio subnixi, refugiunt, quia hoc faciunt jure publico, ut ait l. juris perit. §. ult. de exc. tut. Legatorum vero, aut fideicommissorum, aut libertatum præstationem nullo jure refugere possunt. Itaque horum separata ratio est, in quibus tamen ille vult idem jure servari. Et præterea Novellæ constitutiones semper sunt strictius accipienda, certe nunquam porrigenda ad casus, quorum ratio sit diversa, ut in proposito jam satis ostendi esse diversum: quia tutelam refugio meo jure, meo privilegio, & jure publico fratrum, legatorum, aut similium præstationem nullo jure refugio. In hunc errorem, & illum, & Bartolum, & Doctores omnes, primus induxit Jacobus Belvius summus aretalogus & commentator avellorum.

Ad §. Verbis.

Verbis fideicommissi manumissus, non jure tutor testamenti datur: post libertatem itaque redditam, ex voluntate testatoris ad tutelam vocatur.

A It in hoc responsio, servum proprium vel alienum, cui relicta est libertas verbis fideicommissi pure, testamento tutorem datum filio impuberi, non jure datum. Cur? quia scilicet, cum tutor datur verbis directis veluti: *il le tutor esto, illum tutorem do, l. 1. r. seg.* & Theophilus auctor in l. qui test. tut. dar. post. & ab ipso testatore tutor protinus proficiatur, ut ait lex 7. h. t. eo modo quem proposui, tutela servo deferretur, antequam ei libertas obigeret, quod fieri non potest, quia servus iustus tutor non est: ergo etiam postea ab herede præstetur fideicommissaria libertas, quæ relicta est, non jure datur tutor videbitur, quia vitium tutelæ dationis, quod fuit initio, non emendatur ex post facto obtingente libertate, sed nihilominus ex voluntate testatoris ad tutelam vocabitur. Quibus verbis, ut in §. ult. Pap. significat, eum post acceptam libertatem ex causa fideicommissi confirmandum esse tutorem decreto Prætoris. Confirmatio sequitur voluntatem defuncti, & corroborat, quod ab initio non valebat. Et sane ita est: *Omni non jure datum, tutorem indigere confirmatione.* Et ita est accipiendus hic §. non esse jure datum: ergo indigere confirmatione, hoc necessario consequitur. Et idem

idem opinor esse, si servus sine libertate tutor datus sit, quia etiam huic quoque tacite videatur relicta fideicommissaria libertas, *l. si her. §. ult. h. t. l. si non adser. C. de fid. lib. et.* tamen non jure datus tutor videtur. At observandum est maxime hoc interesse tutor datus sit sine libertate, an adscripta libertate fideicommissaria: quia ex tutela datione non praesumitur data ulla libertas, cum expressim data est fideicommissaria, quia ut vulgo dicitur, expressum facit cessare tacitum, in *l. cum ex filio, §. filio, de vulg. subst.* Et merito reprehenditur Acc. qui hoc loco: Cui etiam nominatim data fideicommissaria libertate, servus tutori datus: in eodem adsumit directam libertatem ex tutela datione. Et in ceteris quoque quibus Acc. glossa in hunc §. ineptissima est, ideoque deleatur tota. At si servus tutor datus sit sine libertate, si sit proprius servus testatoris, potest defendi ex tacita voluntate testatoris, directam libertatem ei competere, ut in *§. i. Inst. qui test. tut. dat. post.* Quam si aderat sibi atque vindictae, jure tutor datus videbitur, sed si aderat sibi fideicommissariam libertatem proprius non alienus servus, non jure tutor datus videbitur, & confirmatio indiget: est in arbitrio servi proprii testatoris, vel hanc vel illam sibi libertatem adferre & defendere, ut sit in specie *l. si quis servo, ff. de man. test.* Quod Thaleus sentit in dicta *l. si non adser. dum ait, Eum qui abstinuit fideicommiss. libertatem non contrahit admittere directam, & si quis maluerit servo proprio adferri libertatem esse.*

Ad §. Ultimam.

Impuberi liberti patronus frustra tutorem dabit: sed voluntatem ejus, si fides inquisitionis congruat, Praetor sequetur.

IN tertio responso ponitur alius casus, quo tutor non jure datus ex inquisitione confirmatur decreto Praetoris, habita inquisitione prius de moribus & facultatibus, ut si liberti impuberi patronus tutorem dederit, quod jure non facit, quia patri tantum habenti filium in potestate lex duodecim Tab. permittit tutoris dationem. Et hoc est, quod ait *l. impub. de adm. tut.* Tutelam testamenti mandati jure patriae potestatis. Sed is tamen, quem patronus tutorem dederit liberti impuberi, si fides inquisitionis congruat, confirmabitur decreto Praetoris. Quod ita est accipiendum, si patronus liberum heredem instituerit, & quasi in rem magis, quam in personam tutorem dederit, ut *l. 4. si seq. non si exheredaverit* quia nec a matre tutor datus filio exheredato, sive praeterito confirmatur *l. 4. h. t.*

Ad L. Ultim. ad legem Juliam de adulteriis.

Defuncta quoque scru, gener incesti postulabitur, ut adulter post mortem mulieris.

Sententia haec est: Ut post mortem mulieris adultera, adulterij accusari potest a quocunque marito vel extraneo, sive mulier mortua sit in matrimonio, sive in divortio, *l. si miles, §. adulter, l. viim, §. in matrimonio, h. t.* Ita post mortem locus gener, post mortem nurus vitricus, post mortem noverce privignus, incesti accusari potest. Et quavis in aliis multis sint & magna differentiae inter adulterium & incestum, puta quod incesti commune crimen adversus duos simul intentari possit, non adulterij, *d. l. viim, §. duos, & §. seq.* Quod in crimine adulterij servi torqueantur in caput domini, non in crimine incesti, *l. 4. & l. 17. de question.* Quod crimen adulterij tollitur praescriptione quinquennii, incesti, non nisi praescriptione communi vicennii, *d. l. viim, §. praescript.* Quod ignorantia juris civilis excuset incestum, juris naturalis adulterium nunquam, quia jure naturali probum est, & jus naturale nemini licet ignorare, *l. adulterium, h. t.* Hac tamen in re qua de agitur in *l. ult. ut ex ea patet*, haec duo crimina nihil inter se distant, quia generaliter proditum est, crimine, quod duorum est, aut plurium commune, extincto in

A persona unius (extinguitur autem morte) non extingui in persona alterius, *l. i. C. si reus, vel accus. mort. fuerit.* Ex locis autem ex quibus alii Jurisconf. ex hoc libro Papin. testimonia sumunt, restat unus tantum in *l. 15. §. Pap. ff. de loc.*

Ad §. Papinianus. L. XV. Locati.

Papinianus lib. 4. responsorum ait si uno anno remissionem quis colonis dederit ob sterilitatem, deinde sequentibus annis contigerit ubertas, nihil obesse domino remissionem, sed integram personam, etiam ejus anni quo remisit exigendam. Hoc idem & in vectigalis damno respondit. Sed & si verbo donationis dominus ob sterilitatem anni remisit, idem erit dicendum: quasi non sit donatio, sed transactio. Quid tamen si novissimus erat annus sterilis, in quo ei remisit? Verius dicitur eas superiores ubiores fuerint, & sit locator, non debere cum ad computationem vocari.

INitio ostendit aliquando propter sterilitatem agri, quam vocant *apocay*, sterilitatem anni, colonum pensionis dandam esse remissionem, quam nos appellamus *Rabats*. Est verbum juris, Columella primo de re rustica, cap. 7. Nam ubi sedulo cogitur ager, plerumque compendium, nunquam (nisi si calis major vis, aut praedonis incestus) detrimentum affert, eoque remissionem colonus petere non audeat. Plin. 9. Epist. 37. Nam priore lustro, quamquam post magnas remissiones, reliqua creverunt. Et 10. Epist. 24. Praeterea continua sterilitates cogunt me de remissionibus cogitare. Datam autem anno remissionem propter sterilitatem Pap. respondit, nihil nocere eam remissionem domino, si sequentibus annis contigerit ubertas, quae superiores anni sterilitatem & damna compenlet: sed hoc casu, domino esse integram petitionem totius pensionis superioris anni, ut in *l. h. t. G. cod. de Et subiecit Pap. idem esse in vectigalis damno, id est, si propter sterilitatem praedii emphyteutici dominus emphyteutae vectigalis, id est, canonis emphyteutici remissionem dederit, Basilica loco illorum verborum, Idemque est in vectigalis damno, ajunt, τὸ τοιοῦτον οὐκ ἐστὶν ἀποκρίσιμον. Ad §. 9. leg. 19. loc. vide sup. ad l. 14. de officio adfess.*

JACOBI CUJACII J.C.

COMMENTARIA

In Lib. V. Responsorum EMILII PAPINIANI.

Ad L. VI. de Confirm. tut. vel curat.

Si filio puberi pater tutorem, aut curatorem dederit: contra inquisitionem praetor eos confirmare debet.

HUJUS legis verba secundum Florentinam editionem, quae nulla est melior, haec sunt: Si filio puberi pater tutorem, aut impuberi curatorem dederit: Recte: verum plenior esset oratio, si dixisset, aut impuberi, vel puberi curatorem: denique hoc modo: Si filio puberi pater tutorem, aut impuberi vel puberi curatorem dederit: nam ita se res habet. Pater vel avus paternus filio puberi vel nepoti puberi, non jure dat tutorem in testamento, quia lex xii. tab. a qua parentes virilis sexus, & per virilem sexum descendentes, qui liberos habent in potestate, acceperunt jus dandi tutoris, ea lex sentit de tutore dando liberis impuberibus aetate parvis, qui per aetatem se defendere nequeunt, non de tutore dando puberibus: ergo puberibus jure non dantur tutores, quia tutoris datio juris est, sive legis, nec quicquam licet ultra fines lege praescriptos de dandis tutoribus. Non dant etiam parentes liberis impuberibus vel puberibus jure curatorem in testamento, *l. peto, §. mater, de leg. 2.* Quia lex xii. tab. de tutore testamento dando loquitur, non de curatore,

tore, de tutela, non de curatione, illo loco: *tutela sua rei*. Proinde tutor quidem vel est testamentarius, vel legitimus, vel dativus: curator autem vel legitimus, vel dativus; nullus testamentarius. Et sicut in *l. ventri, de tut. & cur. dat.* dicitur, ideo ventri magistratum curatorem dare posse, non tutorem, quod de curatore constituendo edicto praeoris comprehensum sit, videlicet in titulo de ventre in possessionem mittendo: Et vero in edicto praeoris non potuit comprehendi, de tutore dando, vel constituendo, quia neque directio heredem praeoris, neque tutorem facere potest, vel confirmare per se solus, sed ut bonorum possessorem pro herede habet, sic curatorem pro tutore. Et ad eundem modum dicimus, ideo curatorem testamentario neque impuberi, neque puberi iure parentem dare, quia lex xlii. tabularum tutorem tantum dare permittit, *l. 1. & 20. sup. i. prox.* Summa haec sit: non iure dari testamentario patris tutorem filio puberi, sed impuberi tantum, quem habet in potestate: non iure item dari curatorem testamentario puberi vel impuberi: verumtamen non iure datum tutorem vel curatorem confirmari posse decreto praeoris vel praesidis, id est, causa cognita: neque enim praeor semper sequitur voluntatem patris, non semper confirmat tutorem, vel curatorem non iure datum a patre, *l. 8. §. 10. b. i.* sed aliquando rejecto tutore, vel curatore a patre non iure dato, alium tutorem deficiente legitimo constituit, ut in *l. 39. §. 1. & 2. de admin. tut.* quae est secunda lex huius libri. Denique non confirmat temere praeor tutorem, vel curatorem non iure datum a patre, non sine decreto. At confirmat sane eum sine inquisitione, *l. 1. b. i.* Eadem ratione & sine satisfactione rem pupilli salvam fore, eum ad tutelae administrationem admittit, *l. 3. b. i.* Ratio haec est, quae traditur in Institutionibus, *de satisf. tut.* quia fides & diligentia eius satis ab ipso parente approbata est, ut de ea nihil amplius inquiri oporteat, vel caveri satisfactio: & recte *l. amicissimos inf. de exaus. tut. ait*, parentes, id est, patrem, avum proavum, patronum amicissimos, & fidelissimos tutores liberis eligere solere. Longe alia est conditio matris & parentum, qui per matrem coniuncti sunt, ut avi, proavi materni, quoniam ab iis liberis nunquam iure datur tutor vel curator, sed neque datus confirmatur sine inquisitione, *l. 2. b. i. §. 4. sup. i. prox.* Cur ita? an propter reverentiam debitam patri? minime. Primum enim reverentia debetur matri, & aequae praestanda est omnibus parentibus cuiusque sexus & gradus, sive cognationis, non propter reverentiam patri debitam (ut quidam insanus ait) Nam omnibus parentibus debetur reverentia. Deinde hanc reverentiam observant liberi, non magistratus: ex quorum inquisitione & arbitrio, non iure dati a parentibus tutores vel curatores confirmantur. An igitur, ut certum volunt Glossae & commentarii omnes, propter infirmitatem consilii, & iudicii mulieris, quasi non valeat mater consilio satis ad tutorem filii eligendum? Et hanc quoque repudio rationem: nam & idem, quod in matre, ius est in avo aut proavo materno, in parentibus lineae maternae: & consilium quoque matris, hac in re non admodum improbari ex eo apparet, quod a tutore, quem illa dederit, a modo per inquisitionem idoneus sit pronuntiatus, satisfactio non exigitur, *l. 2. b. i.* sicut nec ab eo, quem pater dederit. Ratio differentiae verior haec est, quia maiores nostri plus semper tribuerunt iudicio & decreto eorum, qui potestatem habuerunt in liberos, quasi ius suo & imperio decernerent quiddam praeeperint, voluerint, quiddam praeeperint de pecunia & tutela suae rei, ut nec fas esset magistratui temere ab eo recedere, quod ipsi decrevisissent, non magis quam a legibus ipsis: huiusque juris vestigium remanere aliquod etiam soluta potestate & agnitione per emancipationem, quia & filio emancipato datus tutor a patre, qui iure non datur, cum non sit in potestate dantis, confirmatur tamen *ex aus. tut.* id est, sine inquisitione, *§. ult. inst. de tut. l. Nescimus, de exaus. tut.* Et quod maxime notandum, cum finita patris adoptivi potestate per emancipationem, dicatur ex pristino iure nullum vestigium retineri, *l. in omni, de adop.* hic & contrario demon-

A frat, finita potestate patris naturalis, ex iure pristino quadam vestigia retineri. Et sane iure praeorio ius successione retinetur, finita potestate patris naturalis, non adoptivi, §. minus, *Inst. de her. quae ab intest.* Et non tantum per filiumfam. sed etiam per filium emancipatum recte pater servum suum manumittit. Et fingitur idem esse homo, quod ad manumissionem attinet, non tantum pater & filiusfam. sed etiam pater, & filius emancipatus, tamen solum sit vinculum potestatis, *l. 1. §. ult. C. de comm. de fidei. & hoc quoque retinetur, quo de agimus, ut tutor a patre datus filio emancipato sine inquisitione confirmetur, perinde ac si filiosfam. non iure datus esset. Non omittam in hoc tractatu de confirmando tutore, maxime notandum esse, confirmatos tutores testamentario datus etiam dativi potius esse censentur, quam testamentarii (quod, qui confirmat, dat, ut diximus in *l. 26. §. ult. sup. i. prox.*) tamen pro testamentariis haberi, & ideo legitimos tutores excludere, ut in *l. 3. b. i. & d. l. 26. §. ult.**

Ad L. III. de Admin. & per. tut.

Tutores qui post finem tutela per errorem officii ducentes rerum administrationem retinuerunt: non solum patrimonium periculum, quae post pubertatem adolescentis idonea fuerunt, praestare cogendi non erant: cum actionem inferre non potuerant.

I N hac lege sunt plurima responsa. Primi responsi species haec est: Tutor extraneus post finem tutela, id est, post pubertatem adolescentis sive pupilli quondam, per errorem forte, dum putat officium suum protendi ultra pubertatem, in rerum administratione perseveravit. Queritur an agnoscat, & praestet periculum nominum paternorum, id est, quae fecit & contraxit pater pupilli, cui pupillus heres extitit, si ea nomina deteriora facta sint, post finitam tutelam pubertate pupilli, facultatibus scilicet lapsis debitoribus patris post finitam tutelam, qui tempore finita tutela in facultatibus idonei & locupletes: & si quidem tutor non perseverasset in administratione, proculdubio periculo eximeretur, post finem tutela nominibus factis deterioribus, *l. cum post mortem in princ. inf. b. i.* At in propostia specie, quia in administratione perseveravit, quia rerum administrationem retinuit post pubertatem pupilli, hoc magnum dubitationem facit, & nihilominus Papin. eum, etiam post pubertatem perseveravit in administratione, eximit periculo nominum paternorum, si modo tempore finita tutela debitoribus paterni, idonei & locupletes fuerint. Et ratio Papiniani haec est, quia non potest ei imputari, quod debitoribus paternis post finitam tutelam non exegerit, cum eos non potuerit exigere finito officio tutela, nec adsumpto alio officio novo curatoris, vel procuratoris, actionem, inquit, non potuit inferre: nullam exigendi facultatem habet, qui nullam actionem intendere potest, *l. 6. §. ult. de neg. gesti.*

Postui initio tutorem fuisse extraneum, non abs re: nam si fuit cognatus pupillo vel affinis, vel liberus, in eo cessat Papin. ratio, quia etiam si nullum sit ei iniunctum officium, quod tribuat administrationem rerum pupilli vel adolescentis, tamen finita tutela, sine mandato potuit agere adversus debitoribus pupilli praestita cautione de rato, *l. sed & haec persona, ff. de procur.* Et ideo imputatur ei, si non egerit adversus debitoribus pupilli, cuius sua sponte negotia administrabat post finitam tutelam, *l. 8. §. ult. de neg. gesti.* Quod & Acc. recte notavit hoc loco, ratio est evidens. Observandum est etiam Papin. loqui de nominibus paternis, id est, quae pater pupilli fecit, de eoque *l. si quis sit deus*. Nam si ea nomina fecerit tutor ipse, quocunque tempore deteriora fiant, in potestate adolescentis est, ea non agnoscere, ut periculum ad tutorem pertineat, quia ea contraxit, *l. cum quaremus, sup. b. i.* Item observandum est, Pap. loqui de nominibus paternis, quae ut ait, post pubertatem adolescentis

idonea fuerunt, id est, de debitoribus paternis, qui post A
pubertatem adolescentis idonei fuerunt, siue qui aliquan-
diu idonei fuerunt eo tempore, quo pupillus adolevit,
aut pubes factus est, id est, finita tutelae tempore, sed po-
stea defuerunt, cessante tutore, dolo malo vel nimia ne-
gligentia, nec exigente debitores paternos, proculdubio
periculum pertinet ad tutorem, l. 2. C. arbit. tut. l. pericu-
lum, de reb. cred. l. ult. §. pen. de administ. rerum ad civit.
pert.

Ad §. Curator.

Curator a patre testamento datus impuberis negotiis se
per errorem immiscuit: postea a pratore tutoribus aliis datis,
periculum futuri temporis ille, qui postea nihil gessit, non B
prestabit.

R Epetamus memoria prium, quae diximus in l. 6.
de confir. tut. non iure dari curatorem impuberi tes-
tamento patris, imo nec pueri. At finge: datum cura-
torem impuberi testamento patris per errorem, dum se
iure datum putat, secundum voluntatem patris se ne-
gotiis pupilli immiscere, post non confirmari quidem
eum a pratore, sed alium tutorem pupillo dari: an si alio
tutore pupillo dato, curator ille hoc cernens continuo
deferat negotia pupilli, quibus se immiscuerat per erro-
rem, an futuri temporis periculo, quo nihil gessit, ad-
stringitur? Et respondet Papin. non adstringi, quia eum
ab administratione Prator exclusit substituto alio tutore
siue administratore praeteriti temporis, quo gessit nego-
ria impuberis, antequam alius tutor daretur: non est
dubium periculum ad eum pertinere, si quid male ges-
serit: quod si antequam alius tutor daretur, suum erro-
rem ille curator cognoverit, & ideo errore comperto
mox defecerit negotia pupilli, quae ceperat attingere,
in §. seq. offenditur.

Ad §. Qui se negotiis.

Qui se negotiis impuberis non iure tutor datus, secun-
dum patris voluntatem immiscuit, errore comperto tutorem
a pratore constitui consilius petet, ne forte, si rem constantem
deferuerit, fraudis vel culpae causa condemnatur, non idem
servatur, si quis ultro negotium alienum gesserit, cum satis
abundante sufficiat, vel in una specie per amici laborem
domino consuli.

I N hoc §. offenditur: eum doli vel culpae nomine tene-
ri, si tutorem non petierit a pratore constitui in lo-
cum suum, si alio tutore non petito negotia defecerit,
quae ceperat. Et ea re eleganter Papin. in §. hoc docet,
differentiam esse inter eum, qui quasi curator ex neces-
sitate officii ad aliena negotia accedit, & amicum volun-
tarium, qui ultro suscipit gerenda aliena negotia. Quo-
niam hic, id est, negotiorum gestor, ea deferere quando-
que impune potest, etiam non subrogato alio in locum
suum, quia, inquit, satis abundeque sufficit vel in una spe-
cie per amici laborem domino consuli. Quae verba ipsi Im-
peratores usurpant, ut assidue Papin. verba usurpant tan-
quam principis iuriconsultorum in l. tutori, C. de neg.
gesti. Curator autem vel quasi curator, non potest nego-
tia, quae cepit, deferere, non subrogato alio, nec inter-
mittere: huic necessitas officii & muneris, ut ait d. l.
tutori, finem administrationis facit: finis autem est le-
gitima aetas: illi autem, id est, negot. gestori finem ad-
ministrationis facit propria voluntas, videlicet ut Graeci
interpretantur, eius fuerat, puta, si non omnia negotia
amici absentes ad eam suam revocaverit, sed quae se-
derent animo suo. Gestori est liberum scindere admini-
strationem rerum alienarum, non tutori vel curatori,
vel procuratori ex mandato generali.

Ad §. Heres.

Heres institutus, qui non habuit substitutum priusquam
hereditatem adiret quam impuberi restituere debuit, vita
decessit. Cum hereditas in Italia esset, scriptus autem heres
in provincia vita decessisset, tutores provincialis rerum
culpe nomine condemnandos existimavit: si causam testa-
menti non ignorantes utilitatem impuberis defecerunt: nam
hereditatis in provincia fideicommissio restituta, causam quidem
iuris expediri potuisse, rerum autem administrationem ad
eos recidere debuisset, qui tutelam in Italia suscepissent.

S Peciēs huius §. haec est. Quidam L. Titium, qui do-
micilium habebat in provincia Lugdunensi, ex asse
heredem instituit, atque ita ei heredem non dedit, quia
instituit ex asse, nec ei etiam directo substituit quem-
quam, sed ab eo petit verbis precariis, verbis fidei-
commissi, ut restitueret hereditatem Mævio, qui erat
impubes, & agebat sub pluribus tutoribus, quoniam erat
locupletissimus, & ditissimus, aliis administrantibus res
Italicas, aliis administrantibus res ejus provinciales
sitās in eadem provincia Lugdunensi, in qua degebat,
siue domicilium habebat heres scriptus: Finge, alios
fuisse tutores datos rebus impuberis, quae erant in Italia,
alios rebus, quae erant in provincia Lugdunensi, ut in §.
verum, inf. l. pupilli, sup. de tut. & cur. dat. Hereditatem
autem illam fuisse in Italia, heredem ut dixi, domici-
lium habuisse in provincia, ibique eum vita decessisse,
priusquam eam hereditatem adiret, & impuberi restituere-
ret, culpa tutorum, qui per iudicem eum heredem one-
ratum fideicommissio restituendo impuberi, non coege-
runt adire & restituere hereditatem, dum vixit, quoniam
Papin. ponit pro certo in hac specie, morte heredis in-
tercidisse fideicommissum, siue fideicommissarium heredi-
tatem relictam impuberi, quod etiam confirmat l. il-
le quo, in fi. ff. ad SC. Trebell. Et hoc posito & concess-
so, querit tantum Papinianus, qui tutores culpae nomine
impuberi teneantur, quod heredem, dum vixit, non coe-
gerunt adire & restituere hereditatem impuberi, utrum
tutores rerum Italicarum, an tutores rerum provincia-
lium. Nobis tamen prius videndum est, & diligenter
dispendendum, cur morte heredis fideicommissum inter-
ciderit, quoniam in eo ex interpretibus cœcutiunt multi:
nam et si neque heredem neque substitutum habuerit
heres in hac specie, a quo sustineatur testamentum post
mortem heredis scripti, & a quo fideicommissum peti
possit, tanquam ab eo tacite repetitum ex rescripto Seve-
ri & Antonini, de quo l. licet, de leg. 1. & l. si Titio & Ma-
vio, §. ult. de leg. 2. & l. 2. ad SC. Trebell. tamen pleris-
que videtur, licet non sit coheres aut substitutus, a quo
impuberi possit servari fideicommissum hereditatis, id
posse servari ab herede heredis legitimo vel testamenta-
rio. Quod ego fieri posse nego, quia primus heres ex ea
hereditate nihil iuris transmittit in heredem suum, cum
nec eam hereditatem adierit: hereditas non adita, non
transmittitur. In casu autem legis pen. §. ult. C. ad SC.
Trebellian. quo §. Accursius utitur in contrariam sen-
tentiam in l. eam quam, C. de fideicommissi: ad quam nos
hoc loco rejicit, in ea, inquam, l. heres primus adierat
eam hereditatem, sed antequam eam restitueret fidei-
commissario, vita decesserat, quo casu si nullum here-
dem reliquerit, ipso iure utiles actiones in fideicom-
missarium transeunt, perinde atque si heres restituisse
hereditatem, ex beneficio dictae leg. pen. quia utique
non interciderat fideicommissum, quandoquidem heres
adierat. Si vero heredem reliquerit, eadem ratione si
heres heredis fideicommissario tenebitur, l. quoniam §. 1.
l. si ejus, §. si quis ad SC. Trebell. quia in heredem here-
dis transmissa est hereditas subiecta fideicommissio, trans-
missa, inquam, per additionem primi heredis, quam inter-
venisse ponimus. Male etiam idem Accurs. in d. l. ille
quo, §. 1. ait, heredem heredis teneri adire & restituere

Sss

fidei-

fideicommissario hereditatem, si vel primum heredem prætor iusserit vel præses adire hereditatem, quamvis priusquam adiret, & antequam obtemperarit iussu prætoris, decreto prætoris, vita decesserit, quem errorem haurit ex *l. 4. C. ad Treb.* In qua tamen aperte proponitur heredem coactum adiisse, nec dicitur fideicommissario teneri heredem heredi, qui coactus adiit, sed dicit fideicommissario teneri coheredem. Et hæc est species d. *l. 4.* quam apponi necesse est, quoniam male posita fallit multos. Species hæc est: Quidam aviam suam & fratrem ex partibus heredes scripsit, & aviam rogavit ut portionem suam cuidam extraneo restitueret, avia repudiavit hereditatem calliditate & fraude, ut ait *l. 4. id est*, in fraudem fideicommissarii, ut nepoti suo, eidemque coheredi, a quo extraneo nominatim fideicommissum relictum non erat, potius accresceret portio institutionis suæ repudiata hereditate, quam adita hereditate ad extraneum perveniret ex causa fideicommissi, in gratiam nepotis ejusdemque coheredis sui: quid inde factum est post repudiationem avie? Ut D. Pius fieri posse rescriptit contra reg. jur. *Item quod*, §. 1. ad *Treb. l. 2. §. ult. de suis & leg. her.* Postulante extraneo, prætor aviam coegit adire, quod est contra regul. juris, ut qui repudiavit, postea adeat, sed hoc prætor facit, & inducit propter fideicommissarium, ne decipiatur. Postulante igitur extraneo prætor ut licet ex D. Pii rescripto, aviam coegit adire, & adiit igitur re ipsa: sed priusquam se pro herede gereret defuncta est, ex eo colligit non adiisse eam, dum scilicet, putat idem esse adire, & pro herede gerere. Qua in re fallitur. Nam licet pro herede gestio per se consistat, & pro herede gestione adquiratur etiam hereditas: tamen omnem additionem sequitur pro herede gestio. Si igitur avia coacta adierit hereditatem, & priusquam pro herede gereret, id est, priusquam attingeret res hereditarias, & hereditatem restitueret fideicommissario ex SC. Treb. vita defuncta sit: queritur an interdicere res hereditarias, & hereditatem restitueret fideicommissario ex SC. Treb. vita defuncta sit: queritur an interdicere res hereditarias, quod videbatur dicendum prima fronte, quia neque id coheres, a quo nominatim legatum aut fideicommissum relictum non est, neque heres heredis, quia ad illum portio illa hereditatis non pervenit, quoniam statim a repudiatione accrevit coheredi, & nemo fideicommissio oneratur in id, quod ad eum non pervenit, sed quatenus pervenit tantum. Verum recte placet in ea lege coheredi portionem illam hereditatis accrevisse cum onere fideicommissi: quoniam post rescriptum Severi & Antonini, de quo dixi ab initio, quo ab instituto, si heres non existat, ad substitutum hereditas transit cum onere fideicommissi, quasi tacite repetito fideicommissio a substituto, & similiter coheredi exemplo substituti repudiata coheredis portio accrescit cum onere fideicommissi, ut in *d. l. si Titio & Mevio*, §. ult. Et quidem cum onere integri fideicommissi in specie propoſita, sine deductione Falcidie, quia avia, cuius portio ei adcrevit, coacta adiit: & placet coactum adire, atque adeo adeuntem periculum fideicommissarii amittere Falcidiam ex SC. *l. 4. & l. qui totam*, ad SC. Treb. Verum aliter quam ponatur species in ea *l. 4. C. ad Trebell.* Si antequam avia cogeretur adire, vita decesserit, ex eodem rescripto dicemus coheredi adcreſcere portionem hereditatis cum onere fideicommissi, salva Falcidia tamen, & a repudiatione coheredi protinus non adcreſcere portionem repudiata, quoniam ea repudiata convelli potest, & infirmari avia coacta adire post repudiationem, & ita est explicanda *d. l. 4.* Ex his omnibus concludamus in specie huius §. herede mortuo ante aditam hereditatem fideicommissum interdicere, quia neque coheredem, neque substitutum habuit, qui debere possit fideicommissum tanquam a se repetitum, neque heres heredis, ad quem ea hereditas non pervenit, fideicommissario tenetur, puta nec si ius deliberandi de adeunda, vel non adeunda hereditate, primus heres in eum transmiserit, secundum constitutionem *l. cum in antiquioribus*, C. de iure delib. Qui est alius error Accursii, quia ius illud deliberandi est res hereditaria, non est ea ex hereditate, quæ subjecta est

A fideicommissio, sed ea lege datur heredi heredis. Beneficium est legis quod datur heredi heredis morientis intra annum ante aditam vel repudiatam hereditatem, ut scilicet mortuo primo herede intra annum, dum deliberat & consultat de adeunda vel repudianda hereditate sibi delata, aut dum deliberare præsumitur ea de re, mortuo, inquam, eo intra annum, eadem deliberatio permittitur heredi ejus, sed invitum non obligat ad additionem aut præstationem fideicommissi. Beneficium est legis, non commodum quod manet ex ea hereditate. Denique concludamus in specie huius §. fideicommissum non posse servari a coherede vel substituto, qui nullus est, nullo modo etiam posse servari ab herede heredis, qui obiit antequam adieret hereditatem. Nunc dicere quis posset aut tentare alia ratione, quia superioribus exclusæ & submotæ sunt: Fideicommissum non interdicere, quia herede scripto non adeunte, atque ita ab intestato vocato herede legitimo, deserto & destituto testamento, id fideicommissum heres legitimus præstare debet, quod tentari potest incite ex *l. 2. §. ult. de suis & leg. hered.* quem locum Bartolus appellat scabiosum, propterea quod aperte illic locus offendit, herede scripto, qui rogatus est restituere hereditatem, repudiante eam, transire ad legitimum heredem cum onere fideicommissi, quod est mirum, quia heres legitimus non est rogatus, quia fideicommissum relictum in testamento ab herede scripto, non videtur repetitum ab herede legitimo, nisi sit nominatim repetitum, vel nisi sit relictum simpliciter, id est, generaliter, ut in *legam quam*, C. de fidei. Puta hoc modo, bona mea post mortem heredis institui ad illum pertinere volo, quæ verba comprehendunt omnem heredem & testamentarium & legitimum, vel etiam, nisi in testamento sit adjecta clausula codicillaris, quæ est in *l. ult. C. eod.* Quid ergo dicemus, aut quomodo interpretabimur dictam legem 2. §. ult. de suis & legit. hered. Dico aliam esse speciem illius legis, & aliam huius §. In specie huius §. non ponitur heredem scriptum repudiante hereditatem, sed antequam adiret vel repudiaret vita decessisse. In illa specie *d. l. 2. §. ult.* ponitur heredem scriptum repudiante hereditatem, quod fit semper in fraudem fideicommissarii, ut in *l. 4. C. ad Treb.* Et in gratiam legitimi heredis, vel coheredis: ideoque hoc casu ad legitimum heredem hereditas transit cum onere, D cui hoc struxit callide heres scriptus: sicut eadem ratione in *d. l. 4.* transit ad coheredem cum onere: & similiter igitur ad legitimum heredem cum onere, cui fraus structa est in necem fideicommissarii, aut cuius in rem legitimi heredis repudiatio facta est, cui profuit, cui bono fuit, & quidem sine deductione Falcidie, si post repudiationem heres scriptus coactus adierit, ut in *d. l. 4.* vel salva Falcidia, si post repudiationem non fuerit coactus adire, ut in *d. l. 2. §. ult.* In qua dicitur potuisse cogi adire, non fuisse coactum. Et ut intelligatur species quam apponi necesse est *d. l. 2. §. ult.* Præmittendum est, quod in §. penult. proditum est, repudiante herede scripto ex asse ab intestato, proximum agnatum testatoris vocari ad legitimam hereditatem, non qui fuit proximus utique semper tempore mortis testatoris, sed qui fuit proximus, tum certum esse coepit, testatorem intestatum decessisse: quod in §. ult. declarat posita specie huiusmodi: heres scriptus rogatus alii restituere hereditatem, eam repudiavit, an statim ab intestato vocatur, qui proximior est defuncto tempore repudiationis? Minime, quia nondum certum est intestatum decessisse testatorem, propterea quod fideicommissarius ex rescripto D. Pii etiam post repudiationem potest cogere heredem ut adeat, & interim fieri potest, ut moriatur, qui erat proximior tempore repudiationis. Quod si ita perveniat, ad posteriorem, id est, ad ulteriorem agnatum legitimum hereditatem deferimus, cum onere tamen fideicommissi, quia in fraudem alterius & ejus gratiam heres testamentarius repudiavit, qui fideicommissio onerata erat. Denique ex his apparet, non posse sustineri in specie huius legis fideicommissum, quasi debeatur ab herede legitimo, quia heres testamentarius non repudiavit, sed

sed antequam repudiaret, vel adiret, decessit, quo casu A hereditas transit ad legitimum sine onere fideicommissi. Quod autem ad questionem propositam attinet, nullus est labor. Recte Papin. respondit, tutores rerum provincialium culpæ nomine pupillo teneri, quod heredem eum, dum vixit, non coegerunt adire hereditatem. Nam et si ea hereditas fuerit in Italia, non in provincia, tamen heredem poterunt cogere. Et vero si soli debuerunt heredem cogere ad aditionem & restitutionem ex Senat. Trebel. quia ea restitutio juris est, non facti, id est, non est restitutio corporum hereditarium, quæ etiam non erant in provincia, sed in Italia, sed est restitutio iurum five juris universi, quod defunctus habuit: & uno verbo restitutio transfert omnia iura in fideicommissarium, etiam si res hereditaria præsentis non sint, l. restituta, C. l. postulant, §. sed & in huiusm. ad SC. Trebel. Et hoc est, quod ait Papin. hoc loco, causam juris restituito fideicommissio expediri potuisse in provincia, auctoribus tutoribus provincialibus. in provincia, inquam, in qua heres oneratus fideicommissio domiciliū habuit: nam fideicommissaria hereditatis restitutio petitur, ubi heres domiciliū habuit, l. fideic. §. pen. de iud. Et restitutio fit verbo reus ipso pupillo tutore auctore; vel fit tutori, si pupillus absit vel dari non possit, ut in l. pen. C. ad Trebel. quia & in restitutione exigitur vox fideicommissarii, ut desideret tutor periculo adire hereditatem, & hoc si fecissent tutores provinciales, si causam juris expediret, deinde causa facti, id est, administratio rerum hereditarium recideret ad tutores Italicos, quoniam bona erant in Italia. Denique cum causa juris expedire deberet per provinciales, quoniam heres in provincia domiciliū habuit, non per Italicos, soli provinciales in culpa sunt non Italici.

Ad §. adversus.

Adversus tutorem, qui pupillum hereditate patris abstulit, actionem denegari non oportet creditori, qui cum ipso tutore contraxit: quamvis tutor pecuniam in rem impuberis converterit.

Huius species hæc est; Pupillus patri heres exitit, tutor expediendorum negotiorum hereditarium gratia in rem pupilli nomine pupilli mutuum pecuniam creditorem rogavit: creditor cum tutore contraxit, & ei mutuum pecuniam dedit, quam mox venit in eam rem, in quam sumperat. Post pupillus se abstulit hereditate patris, quod potuit auctore tutore, etiam si se jam inamiculisset hereditati, l. necessariis, de acquir. heredit. Certum est post abstentionem, pupillum creditori non teneri, quia in rem eius versum esse desit, postquam se abstulit omni re paterna, & versum non videtur, quod non durat versum, l. 10. §. versum, de in rem verso, tamen pupillus, si se non abstulisset, teneretur creditori utili actione creditæ pecuniæ, l. 3. C. quando ex facto tut. pupill. ten. l. 2. C. de curat. fur. quia pecunia credita est nomine pupilli, & processit in rem utilitatemque pupilli: at per abstentionem liberatur, quia definit res eius esse; in quam versa pecunia est: unde queritur, an saltem creditori tutor teneatur? & Papin. respondet: creditori tutorem teneri hac ratione, quia expeditor cum tutore principaliter contraxit, personam eius fidemque secutus non pupilli. Et licet non ignoraret in rem & utilitatem pupilli rem geri, tamen tutorem solum sibi obligari voluit, quem non est cur dicamus liberari abstentione pupilli: denique abstentionem pupillum liberare utili actione, tutorem non liberare directa & principali actione creditæ pecuniæ, quamvis tutor sumperit eam pecuniam & infumperit in rem pupilli, & res ea pupilli esse desideret per abstentionem, quia in contrahenda mutui obligatione non inspicimus, in cuius rem vel nomine pecunia accipitur & vertatur, sed quis accipiat & cuius contemplatione ea detur & numeretur, l. eum qui, §. ult. si cert. per. Et hic creditor solum tutorem contemplatus est. Quod Papinianus scripsit his verbis; cum tutore contraxit, proinde tutorem sibi principaliter

obligari voluit, non pupillum, & ideo liberato pupillo per abstentionem, quod res eius esse desideret, non liberatur tutor, qui principaliter contraxit. Et hæc est sententia huius §. cui nihil omnino obstat lex 2. h. t. quæ post condemnationem tutoris conventi a creditore hereditario, si pupillus se abstineat hereditate, ait, nec in tutorem, nec in pupillum dandam esse actionem iudicati. Quia scilicet in ea specie tutor conventus est, & condemnatus ex causa hereditaria ex contractu patris, cui pupillus heres extiterat, quo casu abstentio pupilli liberat utrumque; pupillum & tutorem, & tutorem etiam si pupilli nomine pro pupillo satisfecerit creditori hereditario, quia ea obligatio pendet ex causa hereditaria. At in specie huius §. tutor tenetur ex suo proprio contractu, & origo obligationis non venit ex causa hereditaria, sed a tutore ipso primo, qui cum pecunia indigeret ad expedienda negotia pupilli pecuniam mutuum sumpsit; & cum eo solo creditor negotium contrahere voluit. Quæ res quid dicendum si creditor pecuniam numeraverit tutori contemplatione pupilli, quid si creditor animo obligandi pupillum tutore auctore & contemplatione eius declaravit, & pecuniam credere tutori in rem pupilli? Sane hoc casu solus pupillus tenetur actione negotiorum gestorum, l. si pupillus, §. 1. de neg. gest. Indistincte siue versa sit pecunia in rem pupilli, siue non, ut fufius explicui lib. 2. ad l. liberis, in pr. ff. de neg. gest. nec abstentione hereditatis paterna pupillus liberabitur, quia ea obligatio non est hereditaria, quam creditor non cum patre, sed cum ipso pupillo contraxit.

Ad §. Curatores.

Curatores adolescentis, mutui periculi gratia, cautionem invicem sibi præbuerint, & in eam rem pignora dederunt cum officio depositi solvendo fuissent, irritam cautionem esse factam, ut pignoris vinculum solutum apparuit.

Plures sunt curatores adolescentis, quorum cum sit commune & individuum officium, commune etiam mutuamque periculum administrationis est, l. 3. C. de divid. tut. Sicut est receptum in omnibus iis, qui sunt collegæ in eodem officio, l. 2. eod. l. 11. ad music. Fac curatores sibi invicem datis pignoribus cavisse mutui periculi gratia: si quid alter pro altero quandoque adolescenti præstaret, deposito officio certum est mutuum periculum finire, si tempore depositi officii omnes curatores solvendo sint, l. Emilius, inf. hoc tit. l. 2. C. de divid. tut. Ergo & de mutuo periculo, quia interposita mutua cautio est inter curatores, consequens est eam finire & interire, pignoraque dissolvi, & pignoratitiæ actioni locum esse discussio mutuo periculo. Et hæc est sententia huius responsi.

Ad §. Tutor datus.

Tutor datus adversus ipsam creationem provocavit, heres ejus postea victus, præteriti temporis periculum præstabit. Quia non videtur levis culpa contra juris auctoritatem, mandatum tutela officium detestare.

Onit initio huius §. Papinianus, tutorem a creatione appellasse protinus. Creatio, nominatio, datio, ordinatio, idem est. An igitur protinus tutor a creatione appellare potest, antequam se excusaverit, & excusatio repulsa & reprobata fuerit, siquidem Accursio aliud iudicium est hoc loco scribenti, a creatione sola non appellari contra manifestam sententiam l. 20. hoc tit. C. huius §. l. pen. de tut. C. curat. dot. l. cum in una, §. tutor, de appell. Quibus omnibus locis ostenditur recte, datum tutorem statim appellasse: necesse quidem non habet statim appellare, atque datus & creatus est: necesse non habet, sit loquitur L.utores, C. de excus. tut. C. l. 13. princ. inf. de excus. tut. Neque creati, inquit, a magistratibus, neque dati testamento necesse habent appellare. Et necesse non habent, post ordinem videlicet, quem hæc in re constituit confitutum

tutio Divi Marci separatim tutelam a ceteris muneribus civilibus, puta, ut ad cetera munera civilia vocatus statim appellare necesse habeat: ad tutelam vocatus, necesse non habeat statim appellare, sed possit intra constituta tempora allegare excusationem & immunitatem suam, & tum demum appellare, cum non fuit recepta causa excusationis suae, idque patet ex d. l. 13. Post igitur eum ordinem, tutor non habet necesse statim appellare, sed neque prohibetur tamen, si velit eo iure, quod obtinuit ante ordinem D. Marci, statim a creatione appellare prolata causa excusationis suae. Et quod ait l. 1. §. si quis tutor, ff. quando appell. sit: qua nititur Acc. frustra tutorem appellare ante repulsam excusationem; hoc est, supervacuum, & non necessariam esse appellationem, ut de suo herede dicitur scripto in testamento, aut vocato ab intestato, in eo esse supervacuum, & non necessariam additionem, l. 7. sup. de inf. test. l. in suis, ff. de suis, & legit. her. cum tamen possit adire, si velit tanquam extraneus, l. si duo, de acquir. her. l. si filius, de collat. bon. l. 4. C. de inf. & fust. l. ult. C. de rep. her. Et similiter eidem suo heredi praeferito, non esse necesse petere bonorum possessionem contra tabulas, quam tamen petit saepe, nec perperam, l. is, qui in potestate 1. de leg. prae. Finge igitur in specie huius §. tutorem a creatione appellasse, & pendente appellationis causa mortem obijisse, post victum ejus heredem fuisse, qua ex causa ait, praeferiti temporis, quo cessavit administratio tutelae, periculum praestare heredem tutoris, si quid mali per moram appellationis pupillo acciderit. Quod confirmat etiam l. si quis tutor, §. ult. ff. de ritu nupt. l. 20. h. t. l. 2. ff. si tut. vel cur. app. Et morte tutoris ideo finitur lis, si causa appellationis, ut sciatur, medii temporis periculum heres praestare debeat, necne. Durat igitur lis propter periculum medii temporis, sicut alias dicitur, morte hominis petiti non finiri litem, propter periculum evictionis, ut sciatur, an sit commissio stipulationis evictionis nomine, l. utique, ff. de rei vindic. Iniquum autem est, ut periculum medii temporis non redundet ad heredem tutoris, quia, ut pereleganter Pap. ait, Non videtur levis culpa contra juris auctoritatem mandatum tutelae officium detestare. Ad quam rationem male hoc loco Albericus notat, ideo Pap. dicere: quia non videtur levis culpa: quia, inquit, ex levi culpa tutoris heres non tenetur, quod est manifesto falsum, quia cum hoc tantum proditum sit de culpa heredis propria, culpa levi, id est, ut ei non imputetur, l. 4. inf. de fidejuss. tut. l. 4. inf. de magistr. conven. quae agit de culpa heredis, non de culpa tutoris. Hoc ex contrario argumentum praestat, heredi tantum imputari culpam tutoris: idemque est in herede magistratus. Et abundat negotio in l. 2. C. de magistr. conven. sicut, & in l. 1. C. de hered. tut. tam abundare Basilica patefaciunt, & Observatio. 12. Non tenetur quidem heres ex quolibet dolo vel culpa lata tutoris, si nihil ad eum ex eo pervenerit, & ita est accipiendus §. aliquando, Inst. de perp. & tem. act. ut licet actio, quae in heredem datur, ex contractu descendat, tamen in eum non veniat dolo defuncti, si nihil ex eo ad eundem pervenerit, quia ex delicto defuncti heres non tenetur, ad quem nihil pervenit; & in actione ex contractu delictum vertitur cum doli mali nomine agitur. Et ideo non est aequum heredem teneri commodati, depositi, mandati, tutelae, neg. gest. id est, ex contractu, si ve reseretur dolum defuncti: neque enim ex quolibet dolo malo, aut lata culpa defuncti tenetur heres, sed ex eo tantum, quo cum detrimento pupilli tutor captavit lucrum sibi, vel alii, & auxit rem suam vel alienam, ut in d. l. 1. C. de her. tut. De quo solo dolo, quo scilicet minuitur res pupilli vel dilapidatur, est accipiendum quod legimus, saepe ex contractu heredem teneri in solidum, vel pro parte hereditaria ob dolum malum defuncti, etiam si nihil ad eum pervenerit, l. ex depositi, l. ex contractu, ff. de oblig. & action. l. si hominem, §. datus, ff. de pos. l. ad ea §. ult. de reg. jur. Neque enim heres ex contractu venientis actione tenetur ob quemlibet dolum defuncti, quia dolo delictum est, d. l. ex contractu, nisi quid ad eum pervenerit ex eo, vel nisi eo nomine lis fuerit contestata cum defuncto, ut in hoc §. & d. l. 1. At ex levi culpa tu-

A toris proculdubio heres tenetur, quia ibi nullum delictum versatur. Alioquin ex contractu non tenetur, nisi hoc admittatur ex conventionione. Et praeterea hoc loco non levis culpa est, non quolibet, & vixio, nec enim puto Pap. respexisse ad culpam gradus, latam, levem, levissimam, sed tantum hoc voluisse, non quamlibet esse culpam, n' esse pas peu de cas, detestare mandatum officium tutelae, cunctari & trahere moras, atque ideo eo nomine merito teneri tutorem, vel interim decefferit pendente lite, heredem ejus.

Ad §. Rerum.

Rerum provincialium tutores, in urbe causas appellationis impuberem agentes, rerum Italicarum curatores ut impuberibus constituantur, ad officium suum revocare debent: alioquin, si prius in provinciam redierint, dolum aut culpam eorum in ea quoque parte iudex conveniet.

Species haec est: Tutores pupillo dati sunt in provincia rerum provincialium tantum, qui & in Italia patrimonium habuit. In provincia tantum tutores rerum provincialium accepti, quia nec a Praefide provinciae poterint dari tutores rerum Italicarum. Officio tamen horum tutorum incumbit, ut si quando in urbem venerint dari agenda causae appellationis pupilli, ut dum in urbe agunt rem pupilli, & dum ipsis commissum est, procurent, antequam redeant in provinciam, pupillo curatores dari rerum Italicarum: curatores, quia tutorem habenti vix tutor datur, & ita in l. 3. C. in quib. caus. tut. Tutore rerum provincialium desiderante sibi curatores adungi, qui administrarent res Italicas, sed non male ex hac causa etiam propter diffusum patrimonium pupilli desiderabit ei tutores dari rerum Italicarum, l. propter, de exc. tut. Nam quod dicitur, habenti tutorem non dari tutorem, id ita procedit, ut non detur earundem rerum, sed aliarum. Hoc vero, si praetermiserit tutor, cum in urbe agit causam appellationis pupilli nomine, merito a iudice condemnandus est doli vel culpe nomine.

Ad §. Patruus.

Patruus testamento fratris filio tutor datus cum in Italia domicilium haberet, tam Italicarum rerum quam provincialium administrationem suscepit: atque ita pecuniam ex venditionibus Romae receptam, in provinciam trajecit, & in calendarium pupilli convertit: tutor in locum ejus Roma substitutus administrationem pecuniae, quae non pertinet ad tutelam suam, suscipere non cogitur.

Hec proponitur species: Qui in Italia domicilium habet tutor, testamento simpliciter siue generaliter datus est impuberi opulentissimo, qui bona habebat tam in provincia quam in Italia, & ut datus tutor esse intelligitur ad universum patrimonium, l. propter §. ult. de exc. tut. ita universi patrimonii administrationem suscepit, id est, tam provincialium quam Italicarum rerum. Post, auctionem fecit Romae quarundam rerum pupilli, quas habuit in Italia, & pecuniam ex ea venditione redactam vexit in provinciam, & in calendarium pupilli convertit, id est, seniori pupilli nomine occupavit. Transiit scilicet pretia quarundam rerum Italicarum in provinciam, migravit ipse quoque transfuditque domicilium in provinciam, quod necesse est ponamus eum fecisse secundum, quod jus patitur, puta, ex rescripto & indulgentia Principis, non ignorantis, eum ejus pupilli tutelam suscepisse, quae mutatio domicilii non fiebat arbitrio cuiusque, ut hodie, sed ex permisso Principis tantum, causa Principi probata, cur veller mutare domicilium, vel etiam ex iussu illius, veluti deducta colonia, l. 12. §. ult. ff. de exc. tut. l. 4. C. de ju. ff. Tutor ergo testamento datus relicta Italia, in qua domicilium habuit, migravit in provinciam, & in eam quo-

quoque transfuit pecuniam redactam ex venditione quarundam rerum Italicarum facta Romæ. Qua de causa Romæ in locum ejus tutor substitutus est, quod is abisset Italia, nec fuisset utrique patrimonio administrando, ut in *d.l. propter, §. ult.* Notandum, rerum Italicarum tutorem Romæ dari, ut in *§. rerum, sup.* Inde vero queritur, an ejus pecuniæ, quæ trajecta est in provinciam periculum pertineat ad tutorem postea constitutum rebus Italicis? Causa querendi & dubitandi hæc est: quia ea pecunia prodit ex rebus Italicis: & respondet Pap. eum tutorem qui substitutus est rebus Italicis, ejus pecuniæ, quæ trajecta est in provinciam, quamvis confecta sit ex rebus Italicis, periculo & administrationis necessitate non teneri, quia trajectione desit in Italia domicilium habere, trajectione desit ad tutelam rerum Italicarum pertinere, sicut tutor testamentum datus migratione, desit in Italia domicilium habere. Et hæc sunt, quæ pertinent ad hunc §.

Ad §. Curatores.

Curatores testamento, vel tutores inutiliter dati, neque decreto Prætoris confirmati, negotia gesserunt. Vice mutua periculum prestare coguntur: tum officium sponte citra juris administriculum, invenerint: & qui sunt idonei, decretum Prætoris curatores vel tutores constitutis implorare debuerint.

Mutuum periculum, quod dixit sustinere curatores in §. curatores, *sup.* idem etiam sustinere ostendit in hoc §. Curatores non jure datos, ut puta testamento, nec confirmatos decreto Prætoris vel Prædis, si se sua sponte secundum testatoris voluntatem negotiis immiscuerint, ut in §. 1. & 2. *sup.* Et idem esse in tutoribus non jure testamento datis nec confirmatis, ut si sint dati pueri, vel ab eo, eave, qui quæve impuberem in potestate non habet, vel si non sint dati vere directis: ergo & tutores vel curatores non jure dati, nec confirmati, mutuum periculum agnoscunt non servati detrimenti rebus minoris. Et ratio mutui periculi, id est, ratio non servate rei minoris periculo in locum non idonei idoneum substituenti, hæc est, quia sua sponte citra juris administriculum, id est, cum jure non cogentur, officium tutelæ, vel curæ incipiunt, & ultro se negotiis minorum implicaverunt, & quia de se queri debent, & sibi imputare, qui ex eis idonei sunt & locupletes, si fuisseant onera aliorum, qui idonei non sunt, cum decretum prætoris vel prædis implorare debuerint curatores, vel tutores constitutis decreto: Prætor minus idoneos rejecisset, & soli idoneo permisisset administrationem, & res minoris salva foret eum, qui confirmat tutores vel curatores testamento, non jure datos, constituere curatores vel tutores, dum ait constitutis: dare tutores vel curatores diximus in *l. 26. §. ult. de test. tut.* Confirmati igitur dativi sunt tutores, sed pro testamentariis habentur, ut præferant legitimis, *d.l. 26. §. ult. l. 3. sup. de confirm. tut.* Alioquin legitimi eis anteponerentur, quoniam post legitimis dativi veniunt, nisi ut dixi habeantur pro testamentariis.

Ad §. Tutoribus.

Tutoribus idoneis diebus functis, vice mutua periculum ad heredes eorum non redundat: quod non habuit locum officio tutelæ manente.

Jam supra intelleximus ex §. curatores, primo, mutuum periculum finire, si tempore depositi officii, puta, finita tutela vel cura impuberis pubertate, vel puberis legitima ætate, omnes tutores & curatores idonei fuerint, & locupletes, ultra pubertatem, & legitimam ætatem periculo mutuo tutores vel curatores non obstringi, etiam si eis quidam forte post pubertatem, post finem tutelæ vel cu-

ra, in administratione perseverarit, *l. Divi, sup. h. l. 2. C. in quibus caus. tut. hab. tut. vel cur. detur.* Mutuum quoque periculum finire in hoc §. nunc ostendit, si morte tutorum finita tutela fuerit, & omnes tempore mortis fuerint idonei, id est, pares solvendo, pares damno præstando. Nec enim mutuum periculum, quod locum non habuit manente tutela, id est, quod tutores non tenuit, in heredes eorum transit, ita ut si heredum aliquis fiat inops ejus inopia oneret coheredes, quia heredes tutorum, tutores non sunt, *l. 1. de fidejuss. tut.* Mutuum ergo periculum tenet tutores ipsos tantum, heredes eorum non tenet, nisi quod cepit ab ipsis tutoribus durante tutela. Quinimo uno ex tutoribus mortuo relictis contutoribus idoneis, heredem ejus, postea contutoribus redactis ad inopiam, periculum non tenet, quod defunctum non tenuit, recte dicam atque ostendam ex *l. 1. C. quo quisque ord. conven.* Et idem dicendum est, hoc est, mutuum periculum finire, si morte pupilli, vel alio modo finita tutela, tempore finitæ tutelæ omnes idonei fuerint: finis tutelæ est finis mutui periculi, quod modo ante non habuerit locum, nec ceperit originem & initium, & ita liquido explicabitur hic §. Male Acc. comminiscitur tutores mortuos post depositum officium, atque ita tutelam finitam ante mortem tutorum, quoniam hoc lex non ponit, nec vero poni potest ullo modo, cum spectet auctor noster Pap. tempus mortis tutorum, quod utique non spectaret, si in vita officium deposuisset, sed spectaret tempus depositi officii. Itaque facietur Acc. Glossa.

Ad §. In eum.

In eum, qui tutelam gerere noluist, post ceteros, qui gesserunt, actionem utilem tutelæ dari placuit. Quod tamen ex tutela non pervenit ad eos, qui se negotiis miscuerunt, sed communi negligentia perit: citra substitutionis ordinem, æqualiter omnium periculum spectat.

EX hoc §. intelligimus, tutorem unum ex pluribus, qui nihil gessit, arbitrio sine actione tutelæ teneri, utili scilicet, non directa. Directa tenetur is, qui gessit & administravit tutelam, & is quoque heresque ejus prius conveniendus est, quam alter, qui nihil gessit. Prius excutienda sunt facultates ejus, qui gessit, quam excutiat alter, qui nihil gessit, *l. 3. §. 1. h. l. l. 6. C. arbit. tut. l. 3. C. de divi. tut. l. 1. C. si tutor vel curat. reipub. causa adfuerit.* Utili autem actione tutelæ, cum directa est inanis, propter inopiam ejus, qui gessit, is tenetur, qui non gessit tutelam, cessationis & culpæ nomine, ut in *l. 2. C. de her. tut. l. 4. §. 1. rem pup. s. h. fore.* Hoc tamen ita procedit, si is, qui non gessit, non ignoraverit, se tutorem datum. Nam si hoc ignoraverit, nec si is, qui gessit, solvendo non sit, ulla actione tenetur, *l. 8. C. de adm. tut.* Idemque est, si non malitia, aut contumacia, sed errore, quod se jure excusatum crederet, ab administratione cessaverit. Quod Acc. hoc loco notat recte ex *l. qui testam. de excus. tut.* Et hæc, cum ex tutoribus quidam administravit, quidam non administravit: nam si omnes cessaverunt ab administratione in totum, vel in partem aliquam, in ea re vel parte, in qua cessaverunt ab administratione, quæ negligentia eorum perit, æqualis est omnium culpa *l. 2. C. si tut. non gessit.* Et ideo omnes tenentur utili actione tutelæ citra substitutionis ordinem, ut ait Pap. hoc loco, id est, non servato ordine conveniendi prius unum quam alterum, & nullo alteri quasi damni vicario substituto, sed omnibus principaliter obligatis utili arbitrio tutelæ. Nec enim, quam par est omnium culpa, ullus conventionis ordo servatur, sed in potestate est adolescentis eligere, quem ex iis prius conveniat in solidum. Cum culpa est dispar, tum servatur ordo conventionis, id est, prius convenitur is, qui male gessit, & rem pupilli perdidit, cujus culpa est major, quam is, qui nihil gessit, cujus culpa minor est. Plus peccat, qui facit, quam qui non facit. Quod maxime notandum est.

Ad

Ad §. Tutores.

Tutores pubere pupilla constituto, litem appellationis inchoatam, jussu consulum ob notitiam rei persecerunt, cum judicatum persequi non potuerunt, periculo culpa non subijciuntur.

Sententia hæc est & species hujus §. Tutor Romæ inchoavit causam appellationis pupilli. Finge eum a iudice, quem Consules dederant, appellasse ad ipsos consules, ut in l. 1. §. denique, ff. de appell. Et præterea finge, pendente causa appellationis, pupillum adolevisse, atque ita finitam tutelam fuisse pubertate, & tamen jussu consulum tutorem, quod optime nosset rem, sive causam, de qua agebatur, litem perfecisse. Denique fac, post finem tutelæ coactum tutorem jussu consulum ob notitiam litis, litem perficere, & reum condemnare, sic ait, *Perficere litem*, ut perficere crimen, *l. qui cum natu, in fin. de bon. libert.* id est, peragere reum, perficere accusationem. Queritur vero in hoc §. An post rem judicatam a consulis instante tutore, si reus, qui condemnatus est, fiat non solvendo, hoc imputari tutori possit, quod cum eo non egerit iudicati actione? Et respondet rectissime Papin. non imputari, nec ob id tutorem subijci culpæ periculo: aperta ratione, quia finito officio tutelæ, nullam actionem pupilli nomine inferre possit sine mandato. Eadem est ratio hujus responsi, quæ fuit primi responsi. Itaque ea duo responsa conjungi velim, quod eandem rationem habeant.

Ad §. Ab eo qui.

Ab eo, qui restitutionis auxilio non juvatur, questio culpa tutorum conventionem remitti potest, nec donatum, sed transactum videtur negligentia tutorum.

Hæc verba alicui prima fronte obscurissima videntur: Ab eo, inquit, id est, ab adolescente, non a maiore xxv. annis. Ab eo igitur adolescente, qui restitutionis auxilio non juvatur, qui impetravit veniam ætatis a Principe, quod beneficium in idiotissimo vocamus: *Bail de gouvernement*, quand on est déclaré majeur avant xxv. ans. Veniam ætatis minori dat solus Princeps, ut in l. 3. in princ. ff. de minorib. l. 1. c. de iis, qui ven. ætat. impetr. Et cui datur venia ætatis, permittitur rerum suarum administratio, & curatione liberatur: hæc est vis veniæ ætatis, hic effectus, ut minorem liberet curatoribus, ut curatoribus auferat administrationem, & transferat in minorem: denique venia ætatis permittit minori administrationem rerum suarum, non etiam donationem, quia deminutio, sive donatio non pertinet ad administrationem rerum suarum, sed ad amissionem. Ergo venia ætatis non permittit donationem minori. Venditio olim ei, qui meruisset veniam ætatis, erat permissa, etiam rerum immobilium, & pignus. Postea a Constantino Imperatore etiam ei venditio interdicta est sine decreto, l. 2. c. de iis, qui ven. ætat. c. 1. Et deinde etiam pignus ei interdicta est rerum immobilium sine decreto a Justiniano, l. 3. Cod. eod. tit. Donatio autem nunquam fuit permissa minori, sive obtinisset veniam ætatis, sive non, nec cum decreto quidem, quod aperte ostendit *l. ubi. c. si major. fact. rat. al. hab.* quæ lex est communis omnibus minoribus, sive impetraverint veniam ætatis, sive non. Sic igitur statumus: ei, qui impetravit veniam ætatis, quod efficit, ut restitutionis auxilio non juvetur, in iis, quæ gesserit post veniam ætatis, pro maiore habetur, ei, inquam, permitti administrationem rerum suarum, non donationem, donationem nunquam fuisse permittam, nec cum decreto Prætoris. Porro ad administrationem rerum pertinent conventiones, quæ sunt transigendi, & decidendi causa, non deminuendi. Ideoque ab eo, qui impetravit veniam ætatis conven-

tionem remitti potest questio culpæ tutoris. Finge, inter eum, & tutores esse controversiam de iis, quæ culpa tutorum in tutelæ administratione dicuntur admitti: questionem eam, & controversiam esse incertam & dubiam, ut plerumque est omnis questio culpæ. Difficilis est culpæ disquisitio, definitio, & probatio. Ideoque recte is, qui impetravit veniam ætatis conventionem remittit tutoribus questionem culpæ, quia cum incerta sit ea questio, & dubia transigisse cum tutoribus, non donasse videtur: si donasse, nihil ageret. Remissio illa transactio est, non donatio: si esset donatio non valeret, ut eadem ratione, si is, qui impetravit veniam ætatis colono remittat pensionem ob sterilitatem, ea remissio transactio est, non donatio, ut ait l. 15. §. Papinianus, loc. Ergo valet. Denique utraque remissio rata est, si fiat ab eo, qui meruit veniam ætatis, quia restitutionis beneficio rescindi non potest: venia ætatis est amissio beneficii restitutionis in his, quæ post veniam ætatis gesserit, & permisso administrationis rerum suarum.

Ad §. Negligentiæ Tutorum.

Negligentiæ tutorum periculo nominum, quæ pater usuris majoribus fecit, adscripto, pupilla quidem actionem calendarii præstare cogitur: exactas autem usuras tutelæ tempore, citra ullam compensationem retinet.

Nequè Accursium, neque eos, qui ab Accursio profecti sunt, huic §. intellexisse ex eo apparet, quod non explicat quid significetur his verbis: *Citra ullam compensationem retinet*, quæ verba sane obscura sunt, nec cur Papinianus ponat, patrem nomina scisse sub usuris majoribus, quod sane frustra non ponit, imo ut memini in l. 49. §. ult. de sol. dubitationes causam pendere ex his verbis, *Sub usuris majoribus*, ita proculdubio in hoc §. omnis dubitatio ex eo pendet, quod Papinianus ponit, *Patrem pupilla nomine contraxisse usuris majoribus*, & usuras maiores dicit ex adverso pupillarum usurarum, quæ exceptis casibus certis, quibus sunt centesimæ, leviores esse solent, ut puta, quinquages, aut trientes, aut si quæ alie leviores in provincia frequentantur, l. 7. §. ex ceteris, ff. hoc tit. Et ita ex adverso pupillarum usurarum dicuntur majores usuræ apertissime in l. 9. §. si tutor sub usuris, hoc tit. Sub usuris, inquit, gravioribus, quæ usuræ pupillares sunt. Et species, sive sententia hujus §. hæc est. Pater, qui calendarium exercere solebat pecuniis feneratoris, nomina fecit sub usuris majoribus, quam soleant esse usuræ pupillares, deinde moriens, filiam impuberem heredem reliquit datis ei tutoribus. Post mortem patris, nominibus paternis deperditis, puta, debitoribus factis non solvendo, & foro cedere coactis, pupilla agente sub tutoribus, si tutelæ iudicio eorum nominum periculum tutoribus adscriptum sit, quod negligentes fuerint in eis exigendis, cum erant idonei, certum est, pupillam tutoribus cedere debere actiones calendarii, vel nominum cautionem feneratoritiam, ut sit quotiescunque operatur quis propter alium, l. 1. §. non tantum, l. cum pupillus, inf. de tut. c. rat. distrah. l. si minoris, sup. hoc tit. l. 6. C. arb. tut. Neque vero tutoribus inanis ea actio erit, aut inutilis, si quando debitoribus facultates ad solvendum acceperint, in quam utique venient usuræ post finem tutelæ insecuti temporis: Quid vero fiet de præteriti temporis usuris, quas tempore tutelæ tutor exegit, & rationibus pupillæ accepto tulit, utrum eas pupilla sibi retinebit, an hoc desiderante tutore contenta erit usuris pupillaribus, quæ leviores sunt. Hæc est questio hujus §. Et respondet Papinian. pupillam usuras exactas tempore tutelæ retinere citra ullam compensationem, id est, integras retinere, sine ulla deminutione, nequaquam facta compensationis, usque ad eam summam duntaxat, quæ concurret cum usuris pupillaribus ut scilicet id, quod plus est in usuris, quas exegit tempore tutelæ, quam in usuris pupillaribus, id tutoris lucro cedat, i

dar, hoc non ita fiet, sed pupilla retinebit integras
maiores uisuras, quæ exactæ sunt tempore tutelæ. Compen-
sationem igitur hoc loco *Pa.* accipit, non pro con-
tributione, & compensatione duarum fummarum debita-
rum ultro citroque, ut in *tit. de compen.* fed simpli-
citer pro computatione quacunque & collatione dua-
rum fummarum, duarum uisurarum maiorum & le-
uiorū, ut in *l. titia, §. qui in vita, v. de legat. 2.* Ergo
frustra compitibus & confensus uisuras maiores,
quæ exegit, cum pupillaribus, quæ sunt leuiore-
s; ut id, quod pupillares exactæ uisuræ superant, sibi
habeat tutor, quoniam nihil ex his tutor sibi habere
potest, fed integre retineatur a pupilla. Et addendum,
idem omnino ferveri, si non sint paterna nomina, fed
ab ipso tutor contracta: Præstat enim tutor exactas
uisuras, si grauiore sint, nedum pupillaribus satisfac-
ciat; *l. 7. §. si tutor, l. 2.*

Ad 6. Adolescens.

Adolescens tutoribus convenis, a quibus totum servari non potuit, adversus curatores, qui tutelam ad se, negligentia non transtulerunt, integram actionem retinet: neque enim tutela iudicio consumptum videtur, quod alterius officii querelam habuit.

Sententia hujus §. hæc est. Post pubertatem finemque tutelæ adolefcenti dati sunt curatores, quorum negligentia fiduciæ est, dum a tutoribus tutelæ rationem non exigunt, & interim tutores labuntur facultatibus, qui erant illis tempore finitæ tutelæ, quorum, inquam, negligentia fiduciæ est, ut ad iurisdictionem tutelæ adolefcentis forum non fervaret, quod illi debant tutelæ administratione, sicut Papo nomine, nempe negligentie ædolefcentis in curatoribus, hæc & integram utilem actionem nec ferunt, id in quod interest, quia suo periculo cessaverunt, repopescere tutelam, & eam in se transferre a tutoribus rationibus acceptis, *l.Æmilius, inf. h.t. l.2. c. de susp. tut.* Ergo utili actione neg. agit. adolefcentis in curatoribus, ut scilicet, quod a tutoribus fervare non potuit, id a curatoribus consequatur, periculo inopie tutorum adscripto negligentie curatorum. Electio actionis tutelæ, quia prius agit adolefcent, non consumit utilem actionem neg. gest. qui est finis hujus §. Quia non idem hæc actio, quod illa continet. Illa continet querelam officii tutelæ, hæc continet officii curatoris querelam malæ administratæ; alioquin si utraq; actio idem contineret, alia autem conferrent, *l. habebat, sup. de inf. act.* Quod autem Acc. notar, curatores non conveniri ex hac causâ manente administratione, *per l. actus, supra h. t. c. cui adit potest l. 2. c. l. 12. c. de admin. tut.* Verum quidem ita est si generaliter cum curatoribus agatur de ratione administrationis, quia absurdum est, administrationis rationem repopescere ante perfectam administrationem & perfectam: at specialiter, ut quæque res adolefcenti falsa esse definit, cum curatoribus agi possit constat manente administratione, *l. cum curatore, infra l. 16. §. ult. ff. de tut. & v. diff. l. i. §. fed si pro tutore, infra de con. act. tut. Ergo & in hac specie recte conveniunt curatores manente administratione specialiter, quod tardius in se translatis tutelæ rationibus rem suam a tutoribus adolefcentis fervare in solidum non potuerit.*

Ad §. Tutor, qui tutoris.

Tutor qui tutoris idoneum heredem convenire pupilli nomine noluit, damni vicarius substituitur, ut is, qui non idoneum tutela tempore suspectum facere supersevit.

EX duobus tutoribus uno defuncto, relicto herede idoneo, si is heres postea tutoris superstitis negligentia, id est, dum heredem tutoris non exigit in tempore & mature, dum est solvendo, si postea fiat non solvendo,

ad tutorem superfluum, qui negligens fuit in herede contutoris exigendo, dum erat idoneus, dampnum vicarium redundat, sicut cum tempore tutelae non idoneum contutorem, contutor suspectum non facit, aut tarde, aut lulorio facit, vicarium dampnum ad eum redundat, *l. 1. h. i. l. 2. C. de iur. pupill.* quod est sententia huius §. Et est ei locus etiam in tutore honorario, eoq; qui nihil gerit. Nam & ad eum pertinet periculum contutoris, si suspectum eum non fecerit cum sensim laberetur facultatibus, aut perperam rem pupilli administraret, *l. 3. §. 1. h. i. l. 1. C. si tutor non gess.* Idemque servatur in contutore aliarum rerum, non earundem divisa tutela, *l. 2. de divid. tut.* Damni vicarium substitui, hoc loco est quod in *l. 3. C. quo quis, ord. con. damno vicario obstringi, & sic in §. in eum pup. substitutio est damni vicarii substitutio; substitui est in vicem eius poni a quo dampnum servari non potuit.*

Ad 6. Turelæ.

*Tutela judicium ita differri non oportet, quod fratris
& coheredis impuberis idem tutelam sustineat.*

Tutor datus est duobus fratribus, confortibus impuberibus, qui pro indiviso possidebant communem hereditatem, unus ex fratribus citius adolevit, et liberatus est tutela. Quæritur an ex hoc factis tutor tutæz confortis possit, non potest placita pubertate alterius fratris confortis in exceptione recipi respondere posse conveniri. Ratio dubitandi, quam non percipiunt nostri interpretes, erat, quia communis inter eos erat res, quam idem tutor administravit, communis hereditas, quam idem videbatur adolevens, qui citius pubuit, posse repelli hac exceptione, quod agat, non adiuncta persona confortis, quam exceptionem invenio eriam aliquando præbasse. Constantinum l. 1. c. *Th. de dominio rei, quæ poss.* sed ante Constantinum, et exceptioni locus non fuit, et hodie non servatur eal. Constantini, sed utimur jure antiquo, ut recte agat confortis pro sua parte non expectato confortis, l. 1. c. *de confort. ejusd. liti. §. si pistor, de jud.* Et hæc est vis & potestas hujus §. qui proprie & convenienter adnotabit ad illum titulum de confortibus ejusdem liti.

Ad 6. Ultimum.

Quod peculio servi actoris, quem adolescens postquam res suas administrare cepit, manumisit, & retinuit, aut retinere potuit; in ratione reddenda, curatori per judicem accepto feretur.

Sententia hae est: adolefens, postquam res suas administrare coepit, id est, quia maior factus est, vel qui impetravit veniam etatis, sine inquam, servum, adquem bonorum suorum vive dispensationem, quod interpretes nostri non intelligunt, sive Columellam, ut veteres recte videntur, iure manumissum non adempto, sive non retento peculio, aut retenta peculii parte tantum: deinde agit cum curatore utli actione neg. gest. ut rationem reddat administrationis? Pap. ait, si ratione reddenda, servum manumissum cum peculio, quod adolefens ei concepit, vel quod sibi retinuit, iudicem curatori accepto ferre: *Item quoniam*, quia non per eum adolefentis abest, sed per adolefentem ipsum, qui hoc patet, si meruerit veniam etatis, non esse interdictum manumissionem servorum, quia nec alienatio praediorum ei interdicta erat ante l. 22. C. de iis qui ven. acti. impetrav. In qua Constantinus exigit decretum praetoris vel praedis, ut valeat donatio omnis extra causam libertatis, etiam adhibito decreto, interdicta erat, ut diximus in §. ab eo sup. hodie quoque tentari potest post Constantinum, id est, post leg. 2. interdictum esse manumissionem servorum rusticorum sine decreto, quia sunt pars praediorum rusti-

ruficorum, l. 3. *sup. de divers. & temp. pref. & Nov. 7.* Et hac de adolescente, qui liberatus curatoribus, rerum suarum administrationem suscepit. Alioquin adolescens servum manumittere non potest sine curatoris auctoritate, & quam manumissionem, si fecerit curatore auctore, adversus eam in integrum restitui non potest, nisi ex magna causa a Principe solo, si forte actorem manumiserit, ut in l. 10. *sup. de minorib.* quoniam actoris servi amissio plerumque est causa everisionis totius familiae, quoniam res omnes familiares novit, l. ult. *sup. de offic. presid.* Et quot sunt domini viri illustres, quibus plane res suae incognitae? sunt cognatae solis adhibitis, qui actum eorum gerunt, qui actum earum rerum gerunt quorum amissio ideo pertinet ad amissionem & everisionem totius rei familiaris.

Ad L. V. Quando ex facto tut.

Post mortem furiosi non dabitur in curatorem, qui negotia gessit, iudicati actio: non magis quam in tutores, si modo nullam ex consensu, post depositum officium, novationem factam & in tutorem vel curatorem obligationem esse translatam constabit.

Initio legis §. hac proponitur species: Furioso curator datus est, qui furiosi nomine iudicium accipit, & condemnatus est, deinde morte furiosi, antequam iudicati ageretur, finitum est officium curatoris. Queritur, an in curatorem detur actio iudicati? & respondet Pap. post mortem furiosi in curatorem, quamvis condemnatus sit, & iudicatus, non dari actionem iudicati, dari igitur in heredem furiosi; denique non in iudicatum, sed in non iudicatum, hoc casu dari iudicati actionem. Idemque esse addit Pap. hoc loco, in tutore condemnato pupilli nomine. Nam & in eum post depositum officium, veluti post mortem aut pubertatem pupilli, vel quem alium tutelae finem, non datur actio iudicati, sed datur utilis in pupillum, heredemve ejus, aut curatoris, ut aperte definit l. ult. ff. si quis caus. itemq; largentarium, §. 1. *sup. de iudic.* quae tutorem condemnatum pupillae nomine finita tutela, & in curatorem translata, ostendit non teneri actione iudicati, quamvis condemnatus sit, sed in curatorem transferri actionem iudicati, qui tutori successit absente puella, scilicet quae erat in provincia: curator autem forte fortuna inventus fuit Romae, ubi mater puellae contraxerat, cui puella heres exstitit, ex qua causa tutor puellae nomine in provincia condemnatus fuerat, quae est propria & vera species d. §. 1. Verum est etiam, in curatorem adolescentis condemnatum nomine adolescentis post legitimam aetatem, atque ita post depositum officium, non dari actionem iudicati, sed utilem dari in adolescentem ipsum, l. 1. *C. quando ex fact. tut.* Quod obtinet non tantum in actione iudicati, sed etiam in actione ex stipulatu, vel de constituta pecunia, vel de certa pecunia credita, vel qua alia actione & obligatione, quam tutor vel curator pupilli vel adolescentis, vel furiosi, vel prodigi, vel etiam Reip. citra novationem contraxit, nomine ejus, cujus negotia gessit, ut patet ex hac lege in §. tutor, & l. ult. §. ult. ut leg. nom. cav. l. 28. in prin. *sup. de adm. tut. l. cum quidam, C. cod. tit. l. 3. §. in eum, de adm. ver. ad. civit.* ut scilicet ii omnes post depositum officium omnium earum obligationum onera recte recusent. Duo tantum sunt casus, quibus post depositum officium tutor vel curator conveniri potest, ex causa obligationis pro eo, cujus tutelam vel curam contraxit vel tutelam vel curam gessit, contracta tempore administrationis: unus casus hic est, si creditor ejus, cujus tutelam vel curam gerit, pecuniam debitam caverit novatione facta, novationem fecerit: nam ex ea causa etiam post depositum officium actio in eum datur, ne scilicet in damno veretur creditor, qui ejus fide & expromissione contentus per novationem rem principalem liberavit. Et ita de curatore Reip. nominatim proditum est in d. l. 3. §. in

eum, ut & de tutore in h. l. si ejus verba translata, & translata non essent: nam ut verba sunt collocata in hac lege ponit novationem fecisse tutorem post depositum officium, cum ponere debeat, fecisse ante depositum officium: neque enim hic quaeritur, qui post depositum officium novatione facta in se transfudit omnem obligationem, vice ejus, cujus pridem tutelam gessit, an teneatur, quod erat extra omnem dubitationem, sed quod maxime dubitabatur, an, ut post depositum officium tutor ceteris obligationibus relevetur, quas suscepit tempore tutelae pro pupillo, relevetur etiam obligatione pupillari, quam tutelae tempore in se transfudit novatione facta. Et ut palam initio h. l. agitur de curatore furiosi, qui eo vivo, scilicet furioso, manente administratione se obligavit, suscipiendo iudicium pro eo, an post depositum officium, veluti post mortem furiosi, iudicati teneatur. Itaque consequens est & consentaneum, mox in hac ipsa lege agi de tutore, qui tempore tutelae pro pupillo iudicati obligationem suscepit, an post depositum officium iudicati actione teneatur, quod & statim, quod sequitur in hac lege, exigit omnino, dum subicit: tutorem qui non facta novatione se soluturum cavit, pecuniam quam pater, cui pupillus heres exstitit, condemnatus fuit, id est, qui constituit se soluturum pro pupillo, ut similiter de curatore Reip. dicitur in d. l. §. in eum, post finitam tutelam, hoc est, post depositum officium, recte recusare actionem constitutae pecuniae, quia scilicet constituto, quod contraxit tempore tutelae, non fuit novata principalis obligatio, l. filius *sup. de in rem verso, l. item illa, §. ult. l. ubi quis, ff. de const. pecun.* Et ideo creditor adhuc salva & integra est actio in debitorem principalem, unde luce clarius exstitit, sic esse restituenda suo loco verba hujus legis: *post mortem furiosi non dabitur in curatorem, qui negotia gessit, iudicati actio, non magis quam in tutorem post depositum officium, si modo nullam ex consensu novationem factam, & in curatorem vel tutorem obligationem esse translatam constabit.* Et ait, ex consensu novationem factam, ad differentiam novationis necessariae, quae fit iudicio accepto, qua tutor, ut ante dixi, post depositum officium, absolvitur. Voluntaria, id est, facta ex consensu, non absolvitur. Alius autem casus, quo tutor alii ex administratione tutelae teneatur, etiam post depositum officium, ponitur in extrema parte h. l. Si tutor suo nomine pecuniam mutuum acceperit, & verterit in rem pupilli, si inde pecuniam, in quam pater pupilli condemnatus est, cui pupillus heres exstitit, exolvit, atque ita pro pupillo jure hereditario obligato iudicati nomine, iudicatum fecerit: nam & ex hac causa post depositum officium in tutorem est actio creditae pecuniae, quia perinde atque facta novatione voluntaria ex ea causa ipse solus tutor obligatur, ut in l. tutorem, §. adversus, *sup. de adm. tut.* nisi, ut eleganter subicit, si creditor pupilli contemplatione credidit, ut pecunia verteretur in causam iudicati, si pupillum sibi obligari voluit, non tutorem, cui numerabat pecuniam, quo casu solus pupillus creditori teneatur, argum. l. si pupilli, §. 1. *de negot. gesti.* Non tutor teneatur post depositum officium: durante officio tutelae non est dubium, eum pupilli nomine conveniri posse, l. 1. §. sufficit, ff. de administ. tut. Et haec est sincera interpretatio hujus legis.

At circa eam multa quaeri possunt: ac primum quidem initio ait, post mortem furiosi, in curatorem nomine furiosi si non dari iudicati actionem. Queri potest, an vivo furioso, in curatorem, qui condemnatus est nomine furiosi, detur actio iudicati? Et lex ipsa ex contrario significat dari: ac sane ita est hoc velle Pap. ut quo casu in curatorem vivo furioso datur actio, in curatorem, inquam, condemnatum datur actio iudicati manente officio curationis, non detur etiam post mortem furiosi, quo casu veluti curatore condemnato, vel patre furiosi, vel ipso furioso, antequam furore corripere, quia cum furioso nulla actione agi potest, l. 2. *sup. de condit. furti. l. 4. ff. de in jus voc.* Necessae igitur agi iudicati agi in curatorem: actio autem iudicati exercetur in bona, captis pignori, l. 1. *C. cod. si. an ergo pignora curatoris capi possunt?* Sic sane: si scilicet

scilicet agat contumaciter & iudicatum facere detrectet: sed quod præstiterit consequetur a furioso cum respue- rit, vel ab herede ejus contraria actione negotiorum ge- storum. Item queri potest, an tempore tutelæ condemnatus tutor nomine pupilli teneatur actione iudicati? & in tutore ita distinguendum est: aut se liti obtulit, aut non. Si se liti obtulit, id est, si cum posset pupillo auctor fieri ad iudicium accipiendum, ipse maluerit accipere, proculdubio ipse tenetur iudicati actione, l. 2. *sup. de admn. tutor.* Ergo ex causa iudicati, in causam iudicati pignora capi ex ejus bonis possunt. Si se liti non obtulit, sed ex necessitate officii pro infante, vel absente pupillo, qui iudicio accipien- do idoneus non est, iudicium accepit, & condemnatus fuerit, ei succurritur, ut non detur in eum actio iudicati, d. l. 2. *et l. pen. hoc. tit.* sed detur in pupillum, cum infan- tiam excefferit, vel abesse desierit, quo tempore idoneus est iudicio accipiendo, pupillus idoneus est litigator tutore auctore, ergo & ejus bona pignori capi possunt in causam iudicati, ut l. 1. *C. de præd. min.* Hoc, inquam, casu in pupillum datur actio & executio iudicati, excepto uno casu, si causa ex qua tutor condemnatus est, descendat ex contractu patris, cui pupillus heres existit, & post condem- nationem tutor pupillus tutore auctore se bonis paternis abstinerit: tunc enim nec in pupillum, nec in tu- torem iudicati actio competit, d. l. 2. *de admnistr. tut. l. ult. ff. si quis caus.* Sed dabitur actio iudicati in substitutum pu- pilli, vel coheredem, vel alium successorem patris, qui successerit ex successorio edicto l. *ex contractu, inf. de re indic.* Sane in tutorem eo casu non competit actio iudica- ti, quia nec, si pupillus se non abstinerit, quam tutor ju- dicium accepit nomine infantis pupilli vel absentis, in eum ejusve bona non exerceatur actio iudicati, imo nec in fideiussorem ejus, si iudicatum solvi fidesse dedit tutor, d. l. 2. *sup. de admnistr. tut.* Quæ est accipienda de satisfac- tione iudicatum solvi, quæ scilicet, ut satisfactio de rato, ex edicto prætoris ante iustianum, etiam a tutore & cura- tore præstatur, §. *motus, Insti. de satisf. dat.* hodie non præ- statur ab eis ex Const. Just. l. *ult. de defensionem, C. de admi- nistr. tut. l. 1. §. fuffici, sup. de admnistr. tut.* Cujus §. stylus aperte prodit, totum esse compositum a Triboniano secundum Constitutionem Iustiniani. Eadem vero distin- ctio, quam feci in tutore, servatur in curatore adolescen- tis, ut si pro absente coactus iudicium accepit, ipse iu- dicatum non teneatur, si pro præsentem liti se obulerit, ipse iudicati teneatur: Nam etiam eadem distinctio admitti- tur in procuratore, l. 4. *inf. de re jud. l. Plautius, sup. de procu.* nempe, ut in procuratorem voluntarium, id est, negotiorum gestorem detur actio iudicati, non in manda- tarium sive procuratorem ex mandato.

Et postremo queri potest: an quod diximus tutorem vel curatorem ex sua administratione & negotio, quod cum alio contraxit vel quasi contraxit pupilli nomine, vel adolescentis, vel furiosi, vel prodigi, vel etiam Rei- publ. non teneri post depositum officium, exceptis duo- bus casibus supra relatis, an id etiam locum habeat in procuratore? Et sane diximus lib. 1. procuratorem, qua actione teneri ceperit tempore administrationis per cau- sam administrationis, eadem quoque eum teneri post fi- nitum mandatum, vel post depositum officium, nec rele- vari auxilio prætoris, l. 67. *de procu.* Et in hac re esse differentiam inter munera publica, veluti tutelam & cu- rationem, quam inviti suscipiunt, quæ ratio efficit, ut rele- ventur post depositum officium, & munera privata, veluti procuracionem, quæ non nisi volenti deferuntur, quam diffe- rentiam memini me exponere lib. 2. ad supra dictam l. 3. §. *in eum, de admn. ver. ad civit. pærr. conjunctam cum d. l. 67.*

Ad L. XL. de Suspect. tutoris.

Post finitam tutelam cognitio suspecti tutoris, quancvis pridem recepta solvitur.

Certum est in tutorem vel curatorem, qui male aut fraudulentè in tutela vel cura versatur, esse ex xlii. Tom. IV.

A tabulis quasi publicam suspecti accusationem, qua id agitur, ut removeatur vel tutela abeat, ut postquam abierit tutela, cum eo agi possit tutelæ iudicio, ut ratio- nem reddat, vel rationibus distrahendis, actione ratio- num distrahendarum, ut in duplum reddat, quod per fraudem ejus pupillo abest vel adolescenti, vel furioso, vel prodigo. Nunc finge, receptam semel fuisse accusa- tionem cognitionemque suspecti tutoris lite cum eo con- testata, receptumque tutorem inter eos, & pendente ad suspensa cognitione, suspensio criminis, non quidem morte tutoris (constat enim morte rei solvi omne iudi- cium criminale, l. *in Senatus, §. si propter, ad Senatus. Turp.*) sed alio modo, veluti pubertate, aut adrogatio- ne, aut deportatione, aut servitute, aut captivitate pu- pilli, finitam tutelam fuisse, inquam, pendente iu- dicio suspecti tutelam finitam fuisse non morte rei, id est, tutoris, sed alio quocunque modo: Queritur, an solvatur perimaturque iudicium & cognitio suspecti tutoris pridem recepta? Et respondet Papin. solvi atque perimi. Ratio dubitandi hæc erat, quia semel recepta cognitio criminalis vivo reo ex Senatusconsulto Turp. non temere solvitur sine abolitione, sed crimen suspecti tutoris facile solvitur, cum & ab eo accusator impune desistat sine aboli- tione, l. 1. §. *suspecti ff. ad SC. Terull.* Et ratio deciden- di hæc est, quia finita tutela agi potest tutelæ iudicio, vel rationibus distrahendis, & quibus ut agi possit, in hoc solum instituitur suspecti tutoris crimen: neque enim his actionibus, tutelæ scilicet & rationibus distrahendis agi potest, quamdiu tutor manet, sed tum demum, cum tutor esse desit, deposito officio finitæque tutela, & cuius tri- minis, si jam finita esset tutela, cognitio non reciperetur, l. 3. §. *quari, hoc. tit.* ejus quoque criminis, cum post receptam cognitionem tutela finitur, cognitionem durare non oportet, ut quæ alias non instituitur, nec dures finita tutela, argum. l. 6. *ff. ut in posses. legat. l. Grapius, §. et puto, de fideiussor.* Et ita est explicanda hæc lex pen. Ex ea vero, mihi temperare non possum, quin aperiam quam mihi sit suspecta scriptura §. *si quis autem, Insti. de suspect. tut.* ubi primo loco ait, ei, qui suspectus postulat, nondum dam- natus vel remotus est: quoad cognitio finitur interdicti admi- nistratione rerum pupilli, ut, inquit, Papinianum visum est. Quæ quidem sententia Papiniani nullo loco existat, veri- simum tamen est interdicti administratione, interim postu- lato suspecto, vel nominatim a prætoris vel præfide, l. 7. *C. cod. tit.* vel tacite interdictam videri, maxime curatore, qui interim administrat, dato in locum ejus, l. *quod si forte, §. 1. de solut.* Deinde subjicit eodem loco, semel sus- ceptam suspecti cognitionem extinguere, si postea tutor vel curator, qui suspectus postulat est decesserit: quo nihil erat certius: quis enim nescit, morte rei omnem cogniti- nem criminalem extinguere? At non erat æque certum, an etiam extingueretur semel recepta suspecti cognitio, si interim alio modo quam tutoris morte tutela finiretur. Unde apparet in eo §. exprimi, quod erat certum, omitti quod æque non erat certum. Et prudentius Papinianus hoc loco omittit casum mortis tutoris: nec enim dicit, post mortem tutoris, sed generaliter, post finitam tute- lam, ut intelligeremus & alio quocunque modo finita tute- la extingui suspecti cognitionem pridem receptam. Quæ de causa in d. §. *si quis autem*, suspicor insidere men- dum vetustissimum, quod scilicet insederit & inoleverit, & ab ipsa scriptura juris auctoris, ut fit sæpe, unde pro- fluxit ille §. *si quis autem*. Nam Institutiones ductæ sunt ex Iuriconsultorum libris, excepta parte ea, in qua refer- tur jus novissimum, quod Iustinianus introduxit. Deni- que existimo penitus insedisse hoc mendum, & pro deces- sit scriptis aut voluisse juris auctorem scribere, esse desie- rit. At cum perperam legeretur, decesserit, in re tam mani- festa & clara, hæc fuit, ut opinor, causa non necessaria auctoritatem Papiniani transferendi in superiore senten- tiam, de interdicenda administratione suspecto postula- to, quæ subici debuit posteriori sententia, de cogni- tione solvenda, nimirum restituta hoc modo: Sed si su- specti cognitio suscepta fuerit, posteaque tutor vel curator esse de-

seris, distinguuntur suspecti eo gnatio, ut Papiniano visum est; & Papiniano nimirum visum est in hac l. pen. In eod. tit. Institutionum memini, me alias monere etiam alium errorem gravissimum insidere in .seg. dum ait, tutorem, qui data pecunia ministerium tutelae adquisierit vel redemerit, non tantum removeri a pratore ut suspectum, sed etiam remitti puniendum a pratore ad praefectum urbi: ubi manifestum est, ex l. 3. §. tutor, hoc tit. esse legendum, qui data pecunia ministerium tutelam redemerit, ministeris, id est, officialibus praetoris per quos fit inquisitio. Nam & illo loco veteres libri non habent, adquisierit. Et ostendam etiam alium errorem tertium in eod. tit. §. suspectus autem, ubi duobus locis pro Juliano scriptis, scribendum est, Julianus rescriptis, id est, respondit, ut in l. ex contractu, inf. de re jud. Quamobrem & eo loco id Theophilus vocat Juliani rescriptum, id est, responsum five rescriptionem. Et haec est sententia hujus legis.

Ad L. XXVIII. de Excus. tut.

Tutor petrus, ante decreti diem si aliquod privilegium quaerit, recte petitionem instituat excludere non poterit.

Initio hujus legis ostenditur, tutore nominato & petitione veluti a matre vel agnatis, aut libero, ad excusationem id privilegium eamve immunitatem tantum ei prodesse, quam habuit petitionis tempore, non quam post petitionem adquisivit ante decreti diem, id est, antequam a pratore, vel praefide causa cognita tutor decerneretur, ut in l. 2. §. pen. hoc tit. & l. pen. §. hoc circa, de iure immu. & l. 2. §. qui ad munera, inf. de vacat. mun. Jus liberorum vel jus corporis, aut collegii, aliudve privilegium ostenditur excusare a tutelis & aliis muneribus civilibus, quod quis habuit, antequam vocaretur ad munera civilia, non quod postea quaesivit: & ita postquam vocatus quis est in jus, privilegium fori, quod deinde adquisivit, nihil ei prodest, quia id non habuit, quo tempore in jus vocatus est, l. 7. §. de jud. l. pen. sup. de iurisdict. Huic sententiae & responso multa obijcit Accursius hoc loco, l. qui autem, sup. si quis cau. l. 15. §. 1. hoc tit. l. non tantum, §. vacare, hoc tit. l. ab his onerib. §. autem, & l. prator, §. si post, de vacat. mun. nec responderit quicquam. Primum l. qui autem, si quis cau. ad quam etiam ei convenienter non apponit speciem, ait, si quis eum, qui in jus vocatus est, iudicio fisci promiserit quem utique sistere debet, in eadem causa non videtur eum sistere, in eadem causa, si novo privilegio utatur, quod quaesivit post vocationem in jus: ergo licet uti privilegio quaesito post vocationem in jus, & quodammodo exceptam litem; Sed non de quocunque privilegio, non de privilegio fori, non de privilegio excusationis five immunitatis loquitur, quo uti non licet, si quaesitum sit post vocationem in jus, vel post vocationem ad civile munus aut nominationem & creationem. Verum conveniens exemplum apponi oportet, quo non subvertantur aliae auctoritates juris, quae coherent, nec dissentiunt invicem & obiter dissolvamus. Igitur l. qui autem, de alio privilegio est, ut puta, si in capitali causa, qui reum fisci promiserit, eum postea decurionem factum sistat, utentem privilegio curiae in penis evitandis & tormentis. Nam hoc habent privilegium decuriones, ne subiciantur tormentis in causis capitalibus, ne subiciantur poenae plebeiorum, quod est notissimum, l. moris, §. pen. de poen. Hunc igitur, qui fisci promiserit, si postea decurionem factum sistat, non videtur sistere in eadem causa, qui privilegio decurionatus uti potest, etiam si id adquisierit post vocationem in jus demum, vel cautionem iudicio fisci. Denique qui post hanc cautionem factus est decurio, uti potest privilegio decurionatus in penis evitandis, sicut servus fisci promissus in causa capitali, si sistatur liber factus, jure liberi hominis uti potest, ne subiciatur servilibus poenis, l. pen. ff. si ex m. cau. ag. Nam in capitalibus causis, ut aliter de servo, aliter de libero homine vindicta sumitur: ita aliter de plebeo, aliter de decurione. Quamobrem qui servum fisci promiserit, non videtur eum sistere in eadem causa, si libe-

Arum sistat, vel qui plebeum fisci promiserit, non videtur eum sistere in eadem causa, si decurionem fisci, maxime in iudiciis criminalibus. Privilegium fori vel excusationis statim vires suas exerit & exercet ab initio, eo tempore, quo quis vocatur in iudicium, vel ad munus civile. At privilegium in poena evitanda vires suas exercet tempore accepti iudicii, ut probat l. pen. non tempore delicti, nisi congruat cum tempore iudicii accepti, five litis contestatae, non tempore vocationis in jus, non tempore etiam rei iudicatae, ut in l. 1. inf. de poen. quae hoc modo in concordiam facile adducitur cum d. l. pen. ut si quaeratur, cujus conditionis fuerit is, qui deliquit, dicamus, si conferatur tempus delicti cum tempore rei iudicatae, spectari tempus delicti, quod modo congruat cum tempore iudicii accepti: quod si non congruat & conferatur tempus delicti cum tempore iudicii accepti, spectari potius tempus iudicii accepti, five litis contestatae. Nihil enim obstat huic responso l. 15. §. 1. hoc tit. ex qua tutor susceperat tutelam impuberis plebeji ignobilis & inhonorati, deponit, si postea fiat Senator, & excusatur, si fiat Senator populi Rom. quoniam, ut respondet, hoc est speciale in Senatoribus, ut superveniens senatoria dignitas, quam non habuit eo tempore, quo tutor petrus est & datus, liberet tutelam plebeiorum: sicut & idem in aliis quibusdam receptum est, qui & accepta tutela excusantur in perpetuum, vel ad tempus incidente iusta causa, de quibus agitur in l. 1. & l. 30. in pr. & 40. hoc tit. l. verum, §. ex facto, sup. de primorib. ad quod etiam respicit l. prator, §. si post, de vacat. mun. quam hoc loco etiam obijcit Accursius. Itaque eodem modo est respondendum d. l. prator, & d. l. 1. §. hoc tit. Idem quoque Accursius obijcit l. non tantum, §. vacare, hoc tit. quae omnino congruit cum hoc responso. Ait n. accepta tutela non excusari tutorem, si postea immunitatem consequatur. Postremo male etiam obijcit Accursius l. ab his oner. §. autem, de vac. mun. quae dicit, pauperem imparem oneri tutelae ferendo, non excusari a muneribus civilibus, si pendente iudicio, quod hac de re agitur, auctus sit facultatibus, quod est longe diversum ab eo, quod proponitur hoc loco. Hic enim agitur de causa excusationis superveniente post nominationem & petitionem tutoris: ibi agitur de causa excusationis praevenerente. Et tamen in utraque idem juris est, ut neque superveniens prodat excusationem, neque praeveniens, veluti si pauper ante sententiam finitam sit auctus facultatibus, & ita facile liberabimur ab his omnibus, quae nobis obijcit Accursius.

Ad §. quae Tutoribus,

Quae tutoribus remuneranda fidei causa, testamento parentis relinquuntur, post excusationem, ab heredibus extraneis quoque retineri placuit, quod non habebit locum in persona filii, quem pater impuberi fratri coheredem, & tutorem dedit: cum iudicium patris ut filius, non ut tutor promeruit. Tutorem ad tempus exulare iussim excusare non oportet, sed per tempus exilis curator in locum ipsius debet dari.

Etiam ostendi lib. 4. ad l. 24. de test. tut. tutorem, qui se excusat a tutela, cum jure non prohibetur tutelam suscipere, id quod sibi testamento patris relictum est, ut tutori fidei & laboris remunerandi gratia, amittere. Quod verum est, etiam si se in partem excusaverit, puta, pro parte rerum provincialium, pro parte Italicarum susceperit tutelam. Nam & hoc casu totum amittit, quod sibi testamento patris relictum est fidei remunerandae causa, l. etiam, de leg. 1. Et ait hoc loco fidei remunerandae gratia, quae verba Graeci inepte accipiunt de fideicommissio relicto tutori, cum palam sit, ea esse de fidei tutoris, ut loquitur l. tutorem, de his quib. ut indign. quam scilicet in gerenda tutela exhibet pupillo: & recte ait, fidei remunerandae gratia, quia si filio impuberi, alium filium majorem 25. annis tutorem dederit, & coheredem etiam adjecerit, & si sese excusaverit tutela iusta ex causa, quae recepta fuerit, non amittit portionem hereditatis, quia non fidei remunerandae gratia coheres adiectus videtur. Id enim promiss-

promeruit, inquit, ut filius, non ut tutor, & tutor, qui se excusat, id tantum amittit, quod promeruit ut tutor, id est, fidei remunerandæ gratia. Id autem quod amittit tutor ex ea causa, Papinianus ostendit hoc loco remanere apud heredem patris, nec transire in fiscum, quamvis id amittat tanquam indignus, & remanere apud heredem patris, etiam extraneum: quam in rem hic locus est singularis, alioquin videretur remanere apud pupillum, cujus utilitatem tutor deseruit repudiata tutela ex l. 5. §. amittere, de iis quib. ut indig. l. pen. C. de leg. sed non aliter remanere apud pupillum, quam si heres patri existerit, ex hoc loco intelligitur. Male enim Doctores remanere apud heredem, sed mox restitui pupillo exheredato. Et postremo notandum est, ex §. ult. in locum tutoris ad tempus exulare iussi ob crimen aliquod, alium tutorem non dari, sed curatorem, qui datus in exilium temporale tutor esse non definit, l. siue heredes, §. ult. sup. de administr. tut. Et regula juris vetat tutorem habenti alium tutorem dari. Idcirco dabitur curatorem, non tutor: at in locum damnati tutoris exilio perpetuo, alius tutor datur, quia tutor esse definit, ut in l. §. l. 3. C. qui tut. pet. poss. l. 3. C. in quib. caus. tut. hab. & si tutor dari potest, multo magis curator, ut in l. quod si forte, §. quid ergo, de solut. Exilium dicitur de deportatione proprie, quæ est capitis deminutio media l. 2. inf. de pub. iud. Hoc loco potest quis dicere, exilium dici de relegatione, quoniam distinguit inter exulare pub. sum ad tempus, & exulare iustum in perpetuum: ergo de relegato loquitur, non de deportato, quoniam deportatio non fit ad tempus, nulla capitis deminutio fit ad tempus. Relegatio non est capitis deminutio, deportatio est capitis deminutio, & ideo non est ad tempus, l. 7. §. hæc est differentia, C. l. 8. inf. de int. C. de releg. At verius est, exili nomine significari hoc loco, & deportationem & relegationem. Nam & per errorem iudicis quandoque deportatio, sicut damnatio in metallum, quæ est capitis deminutio ejusdem gradus, fit ad tempus, quo casu non habetur, pro capitis deminutione, l. capitalium, §. Drusus, de pan. Itaque deportatus ad tempus non definit esse tutor, ac proinde in locum ejus dandus est curator, non tutor.

Ad L. XXX. de Excus. tut.

Jurisperitos qui tutelam gerere cœperunt, in consilium Principum adsumptos, optimi maxime Principes nostri consueverunt excusandos, quoniam circa latus eorum agerent, & honor delatus finem certi temporis, de loci non haberet.

Regulariter superveniens privilegium, vel dignitas post petitionem ac dationem tutoris ceptamve tutelæ administrationem, nullam præbet excusationem, sed ut diximus initio l. 28. hoc tit. excipiunt tutores, qui post ceptam administrationem tutelæ cooptantur in amplissimum ordinem, ut in l. 15. hoc tit. Excipiuntur etiam initio h. l. 30. Jurisconsulti, qui in consilium Principis adsumuntur, qui non tantum ne accipiant, sed etiam accepta tutelâ excusantur, ut l. verum, §. ex facto, de minor. Et quidem in perpetuum, sicut Senatores, quia & is honor est perpetuus, id est, ut hoc loco Papinianus ait, certi temporis, vel loci finem non habet. Hoc Græci interpretes accipiunt de Quæstoribus sacri palatii, quos hodie Cancellarios appellamus: sed lex generaliter loquitur de quibuscunque consiliariis intimi, sanctioris & arcani confessoris Principis. Et hoc privilegium usum Arrium Menandrum Jurisconsultum, qui libros scripsit de re militari, suscepit tutelam deposuisse refert Ulpianus in d. §. ex facto: ex constitutione scilicet Severi & Antonini hos intelligit Papinianus hoc loco, cum nominat optimos maximos Principes suos, ut in l. 8. in princ. C. §. ult. ff. de vacat. muner. quorum & ipse Papinianus consiliarius fuit.

Ad §. Cum oriundus ex provincia.

Cum oriundus ex provincia, Roma domicilium habere, Tom. IV.

A ejusdem curator decreto Presidis ac Prætoris constitutus, verum administrationem utriusque suscepit. Placuit enim duas curationes administrare non videri, quod videlicet unius duo patrimonia non videntur.

Certum est tria onera tutelarum vel curationum a quarta præbere excusationem, l. 1. C. qui num. tut. Unde si quis unius adolescentis curationem suscepit, qui bona possideat in Italia, ubi domicilium habet, & in provincia quoque unde originem traxit, & omnium bonorum administrationem suscepit, cum esset idem tam a prætore datus bonis Italicis, quam a præside provincialibus, ut in l. pupillo, de tut. C. cur. datis. Quæritur, an hanc curationem pro ratione diversorum bonorum tutor scindere possit, ita ut eam computet pro duobus, quandoquidem, si partis bonorum administratione se excusasset, puta, provincialium, ut potuit l. 10. §. 2. C. l. 19. hoc tit. l. 2. C. eodem, l. etiam, de leg. 1. eo casu adolescenti dati duo curatores fuissent, unus Italicarum, alter provincialium rerum. Hic igitur, qui universi patrimonii administrationem suscepit, omniumque bonorum, sustinet onus duorum. Videtur ergo hæc curatio haberi posse pro duobus. Et tamen aliud Papiniani iudicium est, qui respondet hoc loco, eam curationem pro uno tantum onere haberi, non pro duobus; optima ratione, quia unus hominis non intelliguntur esse duo patrimonia, ergo nec duæ curationes, quia curationes patrimonii dantur, unus, inquam, hominis vivi, sicut nec mortui duæ hereditates esse intelliguntur, nisi militis, in quo specialiter constitutiones quasi duorum hominum duas hereditates faciunt, castrensem & paganam: testamentariam, & legitimam, si pro parte tantum testatus sit, l. si certarum, ff. de milit. testam. Sicut in impubere adrogato, si moriatur, cui præmortuus adrogator substituitur in secundum casum, intelligitur habere duas hereditates, testamentariam, id est, substitutionem pupillarem in quarta Antoniana, quæ ei debetur ex bonis adrogatoris: legitimam, in ceteris bonis, prout Accursius ponit speciem in l. si adrogator, de adopt. nec male, cum in l. sed si plures, §. ad substitutos, ff. de vulg. substit. miles comparatur impuberi adrogato.

Sequitur in hac lege: Qui privilegio subnixus est fratris curationem suscipere non cogitur. Sententia hujus versus hæc est: Immunitate & privilegio, quod quis habet, uti eum posse, etiam adversus fratrem impubere, cui tutor datus est, quod & supra indicavit in l. 28. §. 1. Et Glossa ait, hoc loco, sic etiam in patre: Ego, sic non esse in patre, quia contra naturales stimulos facit, ut ait l. 36. in fin. h. t. præp. vlt. vlt. vlt. vlt. vlt. Impie igitur, qui se tentat excusare curatione vel tutela filii emancipati, veluti jure trium liberorum. In eo numero computato etiam ipso filio emancipato, cui tutor vel curator petitur, ut in specie d. l. 36. Nam, ut eleganter ibidem Græci potant, absurdum est, filium adversus seipsum prodesse patri: 270000 100000 vlt. vlt. vlt. vlt. vlt. Et rectissime sic eam l. Græci accipiunt, ut præmium, quod patri datur propter numerum liberorum, ei non denegetur, cum extero curator petitur: denegetur autem plane atque districte, cum filio curator petitur.

Ad §. ultimum.

Patronus impuberi liberto quosdam ex libertis tutores aut curatores testamento dedit: quamvis eos idoneos esse constet, nihilominus jure publico poterunt excusari, ne decreto confirmantur.

Sensus hic est: Si patronus libertum idoneum moribus & facultatibus colliberto heredi instituto, ut exigit l. 4. sup. de confir. tut. tutorem dederit testamento vel curatorem, qui licet jure datus non sit, cum datus sit ei, quem in potestate non habet, tamen decreto confirmari potest, l. 28. §. ult. sup. de testam. tut. Ne tamen decreto confirmetur, non prohiberi eum, si jure

publico excusare a tutela colliberti, cui tutor a patrono datus est, veluti jure trium liberorum, aut jure trium tutelarum, quia ei soli liberto non licet uti ullo iusto titulo excusationis, qui tutor vel curator datus est liberis patroni ex oratione Divi Marci, l. 14. hoc tit. l. 5. C. eod. non qui datur colliberti. Et addit Papinianus, ne decreto confirmetur, quia possunt allegare excusationem, antequam confirmetur. Exequi autem eam non possunt, nisi post confirmationem; executio esset præpostera, l. Cajus, l. Nescimus, hoc tit. sequitur ex eod. lib. l. 14. de cur. jur.

Ad L. XIV. de Curat. furios.

Virum uxori mente capta curatorem dari non oportet.

Sententia vero Legis XIV. hæc est, Ne maritus uxori mente capte curator detur, nihil præterea. Cujus sententia ratio hæc est, Ne cohibeatur ratio reddenda curationis sanitate uxori reddita. Hæc sententia ex oratione Marci & Commodi ac Senatufconsulto de inhibendis nuptiis desumpta est. Qua ratione etiam maritus non datur curator uxori minori viginti quinque annis, aut datus, nisi se excusaverit, removeatur, l. 1. hoc tit. l. 4. C. eod. l. 2. C. qui dare tutor. poss. Eademque ratione nec focer nurui curator datur, l. licet C. eod. tit. unde videmur hoc loco jungere posse, quod ex eodem Papiniani libro refertur in l. si quis tutor, §. quid ergo, ff. de ritu nupt. Nam eadem oratione & Senatufconsulto, de quo illo loco agitur, & ratione eadem, tutor prohibetur sibi vel filio suo conjungere eam, quæ pupilla sua fuit, ne cohibeatur ratio reddenda tutelæ, l. pen. §. sed videamus, eod. tit. Sed videamus, an ad prohibitionem nuptiarum cum pupilla contrahendarum pertineat tutor, qui cum se excusare vellet iusta ex causa, querendarum probationum causa distulit negotium, traxitque causam excusationis si interim pupilla adolevit. Cujus questionis definienda causa ante omnia videndum est, an post pubertatem finitamque tutelam excusatio ejus recipi possit. Nam si possit recipi & recipiatur, impune ducet pupillam uxorem, cui nullo modo est obligatus: si non possit recipi, non impune, non licite eam ducet uxorem, quia præteriti temporis periculum ad eum spectat & rationibus reddendis pupillæ obnoxius est, ratione exacti temporis, quo cessavit & moram traxit. Et ita hoc ipso lib. Papinianum respondisse Ulpianus refert in d. l. si quis tutor. Sed ejus responsum improbat. Si negotium excusationis, non dolo malo, sed ex necessitate delatum fuerit, cum in promptu probationes non essent, iniquum est, propter hanc dilationem justam non excusari eum post pubertatem pupillæ, vel nuptias impediri excusatione recepta.

Huic loco jungamus etiam alios, quibus Papiniani auctoritas in testimonium vocatur ex eod. libro, qui omnes sunt de tutelæ: deinde a tutelæ transeamus ad hereditates, ac primum jungamus l. 5. §. Papinianus ff. de administr. tut.

Ad §. Papinianus L. V. de Administr. tutor.

Papinianus libro 5. Responsum ita scribit: pater tutelam filiorum consilio matris geri mandavit, & eo nomine tutores liberavit: non idcirco minus officium tutorum integrum retinet, sed viris bonis convenienter, salubre consilium matris admittit: tamen si neque liberatio tutoris, neque voluntas patris aut intercessio matris, tutoris officium infringat.

In hoc §. proponitur: patrem mandasse in testamento filiorum suorum tutelam geri consilio matris, & si quid ex consilio matris tutor fecisset, eo nomine eum liberari, nec obligari voluisse. Tale mandatum patris recte Papian. censuit non infringere aut deintegrare officium tutoris, quo minus græve & diligenter tutorem gerat, etiam sine consilio matris, aut non sequuto consilio ma-

A tris, si videatur non esse ex re pupilli. Nam & in aliis plerisque §§. eadem lex docet, patris voluntatem non esse sequendam, ut si tutores datos jufferit esse *ἀποκαρτεῖται*, id est, non obnoxios reddendis rationibus: vel si prohibuerit vendi res tempore perituras, bono tamen viro convenire salubre consilium matris admittit. Et alia est ratio l. Titium in princip. eod. tit. in qua non consilio fratris tantum, qui coarutor erat, sed etiam opera, pater rem pupilli administrari voluit. Ideoque alteri sine altero alter recte non solvit, quia non uni mandata est administratio ex sententia tantum & consilio alterius, sed utriusque, ita ut in ea patris consilium præpolleret, qui & ipse tutor est. Est & alius elegantissimus locus in l. pen. §. quaquam, infra de reb. cor. qui sub tut.

B Ad §. I. L. XIII. de Rebus cor. qui sub tut.

Quaquam autem neque distrabere, neque obligare tutor pupillare prædium possit: attamen Papinianus libro quinto responsum ait, tutorem pupilli sine decreto Prætoris, non jure distrabere: si tamen, inquit, errore lapsus vendiderit, & pretium acceptionis creditoribus paternis pueri solverit, quandoque domino prædium cum fructu vindicanti, doli non inautiliter opponitur exceptio, pretium ac medii temporis usuras, quæ creditoribus debentur, non offerenti, si ex ceteris ejus facultatibus alii alienum solvi non poterit. Ego autem notavi: Et si solvi potuerit, si tamen illi res salve erunt, ex quarum pretio etiam alieno satisfieri potuit, dicendum est, adhuc doli exceptionem obflare, si lucrum capiet pupillus ex damno alieno.

Certum est tutorem illicite vendere prædium pupillare sine decreto prætoris vel prædis: Et si vendiderit, venditionem ipso jure nullam esse, & quandoque pupillo competere vindicationem prædii non jure distracti & fructuum extantium, & conditionem consumptorum, si quis mala fide emerit, l. 2. C. si quis ign. rem min. l. si prædium, C. de præd. min. At si finge, errore juris lapsus tutorem, prædium pupillare vendidisse sine decreto, & pretio liberasse creditores paternos pupilli, quibus pecunie debebantur cum usuris: hoc casu respondet Papinianus, quandoque prædium cum fructibus pupillo vindicanti obflare exceptionem doli mali, nisi pretium offerat, & usuras medii temporis, quæ creditoribus deberentur, nisi pecunia ejus dimissi & liberati fuissent, maxime, si ex aliis pupilli bonis creditores liberari non potuerint, sed ex eo prædio tantum: atque ita remedium siue æquitate exceptionis conservatur venditio, quæ erat ipso jure nulla, aut sane rescinditur in integrum restitutis omnibus. Æquissimum responsum Papiniani, & ab Imperatoribus etiam nominatim comprobatum in l. utere, C. de præd. min. imo & ampliatum a Paulo in d. §. quaquam, ut ei locus sit, etiamsi ex aliis pupilli bonis creditores liberari potuerint, ne pupillus lucrum capiet ex damno emptoris: quod plerumque faceret, si prædium vindicaret non reddito pretio, quod in rem ejus versum esset, nec reddito interussorio. Adde, etiam sumptus meliorati prædii ab emptore, emptori esse offerendos ex l. si prædium, C. de præd. min. offerendas esse meliorationes, quas Græci *ὑποβελήματα* vocant, non *ὑποβελήματα*, quo verbo labor significatur, non melioratio: nam in l. 3. C. de jure emphyt. Justinianus meliorationes vocat detorta voce Latina quasi imbonationes, ut in l. ult. C. de novat. *ἀνδοτέωτας*, vel ut alii *ἀνδοτέωτας*, quod est non facta novatione, vel dixit *ὑποβελήματα*, quia pronuntiatur π ut β, *ὑποβελήματα*.

Ad L. XVII. de Injust. rupt.

Filio præterito, qui fuit in patris potestate, neque libertates competunt, neque legata præstantur: si præteritus a fratrib. partem hereditatis invocabit. Quod si bonis se patris abstinuit, licet subtilitas juris refragari videtur, attamen voluntas testatoris ex bono & æquo tuebatur.

Est singulare hoc responsum, meo tamen iudicio, in id, cum vim ejus & potestatem non bene percipiunt interpretes, inani sermone imprudentia trantur: sunt verbosi & prolixi more suo, ut solent in re facili esse multi, in difficili muti, in angusta diffusi. Cujus rei ego sum optimus testis. In hoc autem responso non infumam, ut Joannes Imola plusquam xxx. columnas, quas vocant majores. Species legis hæc est: Pater, qui habebat tres filios in potestate, testamento duos heredes instituit, tertium silentio præterivit. Nullum est testamentum ipso jure, quia summum vitium testamenti est præteritio filii-famil. *l. inter cetera, sup. tit. prox.* Et nullum quidem est totum testamentum, ut neque institutio heredum valeat, neque libertates competant, neque legata præstentur, quod hoc loco sic ait Papin. ut in *l. qui fundum, §. si tu ex parte, infra ad l. Falcid.* in alia specie libertates competere & legata præstari, & in *l. cum mater, sup. de inoffic. testam.* illo loco, ut libertates & legata præstentur, subintelligitur nec libertates præstari ab herede, sed dantur a testatore, *l. pen. inf. de fideicom. lib.* Legata autem quamvis & ipsa relinquuntur verbis directis, & sint omnia directæ, ab herede præstentur. Et ratio hæc est, quia ab herede præstanda sunt propter rationem Falcidiæ, quæ intervenire potest in legatis, quæ causa est dandi heredi interdicti quod legatorum adversus legatarium, qui legatum non ex voluntate heredis occupavit. In libertatibus autem non potest intervenire Falcidia, *l. Papin. §. quarta, de inoff. testam.* Sed ad rem. Filio præterito, qui fuit in potestate patris, nihil ex his, quæ testamento scripta sunt, valet: nec exceptis quibusdam personis legata præstentur, *l. is qui in potestate est, inf. de leg. pref. Ait, qui fuit in potestate:* Nam filio emancipato præterito jure civile testamentum valet, sed rescinditur jure prætorio per bonorum possessionem contra tabulas, non tamen, ut & omnia, quæ in eo testamento scripta sunt, infirmantur: nam & exceptis personis in *tit. de leg. pref.* puta, liberis, parentibus uxori, nuri legata præstentur. Item quæ portiones hereditariæ, & substitutio pupillaris in eo testamento scripta valet, & legata a substituto relicta, non exceptis tantum personis, sed omnibus præstentur, *l. ex duobus, §. ult. ff. de vulg. substit.* Et ratio differentie hæc est: Quia jus civile, quo subnixus est filius-famil. præteritus, durum est & asperum, quia nihil omnino conservat eorum, quæ in testamento scripta sunt: jus prætorium, quo solo nititur filius emancipatus præteritus, benignius est, & ideo nec evertit omnia, sed conservat, quæ conservari bonum & æquum est. In jure prætorio æquitas dominatur: in jure civili, summum jus. Quod autem diximus quodque proponit Papinian. initio hujus legis, filios-famil. præterito totum patris testamentum nullum esse; sane proflus ita est, si filius præteritus suo jure utatur, si, ut ait in proposita specie, partem hereditatis tanquam ab intestato a fratribus hereditibus institutis avocet. Quod utique faciet agendo petitione hereditatis pro sua parte, si fratres ei faciant controversiam hereditatis, in quo iudicio iudex ei partem hereditatis pro indiviso restitui jubet, *l. 7. sup. si pars heredit. pet. vel si fratres ei non faciant controversiam hereditatis, agendo familiæ erescundæ*, quo iudicio partem pro indiviso consequetur, *l. 1. §. esset possessor, ead.* Denique petitione hereditatis præteritus filius-famil. avocet partem pro indiviso, actione familiæ erescundæ partem pro indiviso, quod nostri non tradiderunt, nec perceperunt. Ponit Papinian. duos fratres fuisse heredes institutos: nam si extranei instituti fuissent, eis filius præteritus avocaret adem, id est, totam hereditatem, quasi ipso jure testamentum nullo. Si fratribus institutis, & multo magis extraneis institutis. Quod si fratribus institutis hereditibus filius præteritus suo jure non utatur, id est, si abintestato se bonis patris, etiam ipso jure nullum est testamentum secundum regulam Catonianam, *l. 1. ut substituit, ex æquo & bono tuebatur.* In cuius verbi etiam usu mirum est quam laborent. Ex bono & æquo tuebatur voluntas patris, *la volunté du pere sera*

A garde. Recte, voluntas patris, non testamentum. Nam ex æquo & bono sustinetur voluntas patris, non tanquam testamentum iustum & solemne, & quidem ex æquo & bono sustinebitur voluntas patris jure civili. Quidni? nam, quod notandum, jure prætorio non est dubium, si hereditibus scriptis, etiam si testamento filius præteritus sit, modo testamentum sit obignatum septem testium signis, quæ signa veniunt ex jure prætorio, dari bonorum possessionem secundum tabulas, quæ bonorum possessio erit cum re & cum effectu, ut Ulpianus scribit *lib. regul. tit. 23.* Et 28. Erit, inquam, cum re, si non sit alius, qui jure civili hereditibus scriptis hereditatem evincat, puta, si filius præteritus, taceat jure civili, ex æquo & bono non tuebatur voluntas defuncti, si taceat filius præteritus tantum, sed si, ut est in hac lege, palam profiteatur bonis se patris abstinere. Et ratio est differentie, quia ut ante dixi, jus civile asperius est jure prætorio; & ita ex irritis vel nullis codicillis libertas servis non debetur, aut competit, si heredes simpliciter eos morari sinat in libertate, sed ita demum, si nominatim codicillos ratos habeat, vel actu aliquo ut in *l. 5. ff. rem ratam hab.* demonstrat se codicillos ratos habere, puta, aliquid præstando ex eis, *l. cum quis §. ult. ff. de fideicom. lib.* At hic queritur, an etiam extraneis hereditibus institutis, si filius præteritus bonis se abstinere, ex æquo & bono tueria sit voluntas testatoris? Equidem puto non abs re, imo consultata opera posuisse Papinian. speciem in fratribus, non in extraneis hereditibus institutis: inter fratres tuitionem voluntatis paternæ benigne admittit, ut in *l. nonnumquam, ff. de collat. bonor.* Quum de bonis paternis disputatur inter fratres, dicitur benigniorem sententiam esse sequendam: extraneis igitur hereditibus institutis, non admitteremus eandem benignitatem, & summo jure civili cum eis agemus, quo ipso jure nullum est testamentum, etiam filio præterito se abstinente bonis, & veluti ab intestato inferioris gradus cognato dabitur beneficium edicti successoris, regulis hereditibus scriptis: etiam si bonorum possessionem secundum tabulas acceperit, quia eam inferioris gradus cognatus constituit sine re.

Item queritur, quod lex ait, de filio præterito, ut si se abstinere voluntatem patris tueamur, an locum etiam habeat in postumo præterito? Et dico locum habere multo magis, quia postumo præterito ab initio testamentum valet, *l. 3. §. ex iis, hoc tit.* Facilius ergo convalescet, si deinde ruptum sit agnatione postumi, videlicet postumo abstinente se.

Item queritur, an hæc lex sit abrogata, quatenus dicit, filio præterito nec libertates competere, nec legata præstari, quasi ex Novella 115. cujus sententiam Irnerius appinxit in extremo tit. *C. de lib. prest.* quasi scilicet ex ea Novella sola institutio sit nulla filio præterito a patre, cetera omnia valeant. Et non ponit me in ea opinione permanere, in qua fui semper, & fuit Petrus & Azo, & Accursius, & Accursius etiam ipse, non hoc quidem loco, fed in suprad. Nov. 115. ut existimem eam Novellam tantum pertinere ad causam exheredationis, & ad præteritionem, quæ pro exheredatione habetur, non ad eam præteritionem, de qua agitur in hac lege, quæ pro exheredatione non habetur. Et rursum eam Novellam pertinere ad querelam inofficiosi testamenti tantum, quæ exheredatis competit, vel præteritis, qui pro exheredatis habentur, non ad querelam iniusti testamenti, quæ competit filios-famil. præterito, non ad querelam rupti testamenti agnatione postumi, non ad bonorum possessionem contra tabulas, quæ filio emancipato præterito competit. Semper enim Novellæ constitutiones restrictius accipiendæ sunt, nec jurisprudenti convenit ex uno verbo præteritionis, non per se posito, sed adjuncto exheredationi, ut in *d. Novel. 115.* tanquam ex uno fragmine fortuiti ligni statim arietem vel testudinem adificare velle, quæ oppugnetur vel expugnetur maxima pars Digestorum, non uno verbo, ut ait *l. si quando, C. de inoffic. testam.* totum ius testamentorum civile & prætorium, multis vigiliis excogitatum & inventum, temere sublatum esse credere. Parentum alii sunt viri

illis sexus, per virilem sexum descendentes: ii silentio liberos exheredare non possunt, sed debent eos nominatim exheredare. Itaque silentium eorum, id est, præteritio pro exheredatione non habetur, ac proinde, quasi non sit liberis satisfactum, qui vel infans sunt, vel exheredandi, totum testamentum nullum est etiam hodie. Alii sunt parentes feminini sexus, vel per femineum sexum descendentes, & ii liberos silentio exheredare possunt, id est, horum præteritio pro exheredatione habetur, §. ult. *Instit. de exhered. lib.* Nec iniustum aut nullum testamentum ea præteritio facit, cum pro exheredatione sit: sed in eorum arbitrio est, si velint instituere querelam inofficiosi testamenti, l. non putamus, in pr. de bonor. possell. cont. tab. videlicet, si ea exheredatione tacita, omisa fuerit causa silentii, sive exheredationis, quod dicitur elogium, vel si, quæ expressa est, probata ab herede non fuerit, vel si adscripta ea non fuerit causa ex numero earum, quem certum constituit suprad. Novell. Denique ex ea Novella per querelam inofficiosi testamenti solam institutionem rescindi, cetera confirmari & conservari, legata, fidei commissi omnia, libertates, tutelas, assignationes libertorum. An etiam consistit substitutio pupillaris, quæ plerumque non consistit, si non consistat institutio? An igitur etiam substitutio pupillaris conservatur? sic videtur, ad exemplum ejus æquitatis, quam sequitur Prætor, data bonorum possessione contra tabulas emancipato præterito, & ad exemplum ejus, quod defuit in l. 2. §. quisquis, de vulg. substit. videlicet, ut etiam rescissa institutione pupillaris substitutio servetur. Novellæ constitutionis jus est generale in querela inofficiosi testamenti, cui olim tantum fuit locus ex Adriani decreto quodam, non admodum probato a Jurisconsultis uno speciali casu, quum mater per errorem de morte filii ex castris accepto talis nuntio filium præterisset, l. cum mater, ff. de inoff. testam. Aliis omnib. casibus ante Nov. querela inofficiosi testamenti tanquam maxime civilis totum testamentum infirmavit. Extra rem autem est, quod querunt iudem homines, an mortuo filio vel postmo præterito, vivo vel mortuo patre, patris voluntas tuenda sit: quoniam hæc questio non est ejus loci, sed l. 7. & 8. sup. tit. prox. & l. postumus, hoc tit. Nec cum questione hujus loci ullo modo, nisi velis stultus videri, tibi permittenda: quoniam non utriusque questionis eadem definitio est, ut nec liceat, quod in una definitio est, ex eo argumentari ad aliam, quod tamen hic perpetravit Accursius; & non est dubium, quin etiam ceteri. Illud quoque querunt extra rem, an testamentum manifesti feneratoris quod ex cap. 2. de usuris, in 6. ipso jure nullum sit, si exactum fœnus non reddiderit, an convalescat, si post factum testamentum reddiderit? ad quam tamen questionem Jurisconsulti respondere debent ex regula Cætoniana, non convalescere, nulla lege aut æquitatis ratione scripta, ab ea nos regula deterrente; & tamen Joanni Andree aliud judicium est.

Ad L. XXII. de Leg. præst.

Bonorum possessione contra tabulas testamenti præterito emancipato filio data, scriptus heres alter filius, qui possessionem accipit, vel jure civili contentus non accipit, legata præcipua non habebit.

Legis 22. species hæc est. Pater, qui habebat duos filios, unum in potestate, alterum emancipatum, eum quem habuit in potestate, ex parte heredem scripsit, eundemque filio prædium quædam prælegavit, emancipatum vero præterit; Papin. ait in arbitrio esse filii heredis institui ex parte, emancipato petente bonorum possessionem contra tabulas; utrum velit quasi commissio & aperto edicto per fratrem emancipatum, simul cum eo eandem possessionem contra tab. accipere, perinde ac si institutus non esset, hæc via ei patefacta per fratrem emancipatum; an vero omisa bonorum possessione contra tabulas, jure civili, veluti ab intestato se bonis immiscere

A paternis, & quæ erat questio, ait, sive hanc, sive illam viam elegerit filius heres institutus, eum non habiturum prælegata præcipua. Et ratio hæc est: quia tametsi ex edicto in hoc titulo proposito filio emancipato præterito data bonorum possessione contra tabulas, legata filii conferrentur, non tamen conferuntur iis filiis, eive filio, qui commissio edicto, de bonorum possessione contra tab. simul cum fratre emancipato præterito bonorum possessionem contra tabulas accepit, ut l. 14. §. omnibus, hoc tit. quia omisit causam testamenti, in quo prælegata sunt relicta, & impugnavit testamentum simul cum fratre petita bonorum possessione contra tab. Eademque ratione, si filius heres institutus non acceperit bonor. possessionem contra tab. sed contentus fuerit jure civili, quo, rescisso testamento per bonorum possessionem contra tab. datam fratri emancipato præterito, pro suo jure, pro sua parte patri heres exitit, & hoc quoque casu prælegata præcipua non habet, quia & hic omisit causam testamenti, in quo sunt relicta, & elegit causam intestati. Et ita omnino hæc l. accipienda est, nec ei quicquam obstat l. virilis, §. si quis ex liberis, hoc tit. in quo ait, Aliquo ex liberis vel parentib. herede instituto ex parte, & prælegato ei reliquos, filio autem emancipato præterito, illi filio vel parenti, cui portio hereditatis & prælegatum relictum est, conservari tam portionem hereditatis, quam prælegatum. Ad finem scilicet modumque virilis portionis, ne plus ferat quam filius emancipatus præteritus, quoniam, ut respondemus, in eo §. agitur de eo, qui venit ex causa testamenti, qui ex judicio testatoris amplectitur portionem hereditatis & prælegati. In hac autem lege agitur de eo, qui omisa causa testamenti vel ab intestato venit jure civili, id est, jure legitimo, vel jure prætorio, accepta bonorum possessione contra tab. Ideoque nihil omnino jure testamenti, quod repudiavit, præcipuum habere potest: nec enim est supplendum cum Accursio, cum legata præcipua non habere ultra virilem portionem, quia ne minimum quidem ex jure præcipere potest, quod omisit: ne minimum quidem ei præcipere licet, quia omisit causam testamenti, & sequitur causam intestati.

Ad L. IX. de Collat. bonorum.

Filius emancipatus intestati patris bonorum possessionem accepit: nepos ex eodem in familia retentus, semissem hereditatis cum emolumento collationis habebit. Idem nepos si postea possessionem intestati patris accipiat, fratri post emancipationem patris questio, & in familia retento bona sua conferre cogetur.

Quidam habebat filium emancipatum, & nepotem ex eo in potestate sua, in familia sua: mortuus est intestatus: morte ejus nepos factus est sui juris, quia non potest recidere in potestatem emancipati, §. 1. *Instit. quib. mod. jus pat. pot. sol.* Certum autem est mortuo avo intestato, ut posuimus, in successione ejus, neque præferri filium emancipatum nepoti, qui avo suus heres est, neque nepotem, quamvis sit avo suus heres, præferri filio emancipato, id est, patri suo, sed utrique simul dari bonorum possessionem, unde liberi, ex edicto novo de conjung. cum emancip. lib. l. si quis ex iis, ff. si tab. testam. nulle exat. Cujus quidem edicti auctor fuit Julianus Juriscons. l. qui duos, inf. de conjung. cum emanc. lib. Namque Julianus auctoritate Adriani & Senatus, prætoris edictum perpetuum redegit in ordinem atque composuit, l. pen. C. de cond. ind. l. 2. §. si quid igitur, C. de vet. jur. encl. quod præter Eutropium etiam Aurelius Victor scripsit, is scilicet, qui nondum editus est longe diversus ab edito, & sunt ejus verba hæc: Julianus, inquit, juris urbani præstanti scientia, quippe primus edictum, quod varie inconditeque a prætoribus præferrebat, in ordinem composuit. In eo autem componendo adiecit, quæ voluit ex auctoritate Principis ejusdem & Senatus, ut Digestis Tribonianus aspersit, quæ voluit ex auctoritate Justiniani, & inter cetera Julianus adiecit edictum illud novum de conjungendis cum eman-

emancipato liberis. Igitur in specie propofita per bonorum poffeffionem unde liberi, pater & filius bona communis parentis inter fe partiuntur ex æquo, & non tantum communis parentis bona, fed etiam patris emancipati bona propria, quæ habuit pater moricæ parente communi, neque enim aliter filius emancipatus cum nepote ex eo retento in poteftate avi, cui foli jure civili debetur tota hereditas avi, fed jure prætorio filius emancipatus non aliter cum nepote filio fuo, qui avo fuus heres eft, fuccedit, quam fi bona propria in commune redigat atque conferat, *il faut qu'il rapporte*; denique nepos ex eo femiffem hereditatis avitæ habebit cum commo collationis bonorum paternorum; hoc eft, femiffem bonorum avi defuncti, & femiffem bonorum viventis patris. Nunc finge, ex eodem filio emancipato non tantum illum nepotem effe, quem avus retinuit in familia, fed etiam alium nepotem, quem filius quæfivit post emancipationem, & in fua familia habuit, & filium hunc mori teftatam, utrumque vero nepotem ejus tanquam patris fui acciperet bonorum poffeffionem unde liberi, quaritur an is, qui fuit in poteftate avi, & nunquam fuit in poteftate patris fui, debeat alteri, qui fuit in poteftate patris fui bona propria conferre? & refpondet, debere, quia hoc eft confequens & neceffarium, ut frater, qui fui juris eft, etiam non emancipatione, fed morte avi fui juris effectus fit, nec unquam fuerit in poteftate patris fui, bona tamen propria conferat fratri retento in patris poteftate, fi cum eo velit concurrere in fucceffione patris. Confequens effe ait *l.1. in pr. neceffarium, l.2. in pr. h.t.*

Ad L. V. de Collat. dotis.

Filius emancipatus qui poffeffionem contra tabulas accipere potuit, teftati patris poffeffionem accepit, atque ita filia qua manfit in poteftate, cum ejusdem familia fratre heres inftituta, poffeffionem teftati patris errorem fratris emancipati fecuta, accepit: dotem fcripto fratri conferre non cogetur: cum ea poffeffio fuffra petita fit, & filia fratris voluntatem fui virilis patris retinet: id eft: ut omnes trientes habeant, & bonorum poffeffio unde liberi fingatur pro contra tabulas effe petita.

Sciendum eft: filiam foluto matrimonio dotem profectitiam conferre fratribus emancipatis vel fuis, cum quibus accipit patris bonorum poffeffionem contra tab. vel unde liberi, *l.4. C. de collat.* Quod eft verum indiftinctè, five fit fua heres patri, five emancipata & extranea heres: femper debet filia fratribus fuis dotem profectitiam conferre; fi cum eis velit venire ad bona patris per bonorum poffeffionem unde liberi, vel per bonorum poffeffionem contra tab. Excipitur tantum unus cafus, fi heres inftituta fit, & commiffo edicto beneficio præteriti fratris acciperit cum eo, ut potuit, bon. poff. contra tab. & minus aut certe non plus tulerit ex bonorum poff. contra tab. quam habebat ex teftamento patris; hoc cafu non confert dotem fratri, quia cum ex iudicio, vel ex teftamento patris plusquam virilem portionem non habet, nullo incommo, nulla injuria fratrem adficiet, & caufa poftulandæ collationis eft injuria & incommo, quo quis afficit fratrem, *l.1. §. pater, & §. leg. l. si filius, fup. de collat. bonor. l.3. hoc tit.* Hoc cognito finge: qui habebat duos filios, unum emancipatum, alterum in poteftate, & unam filiam æque in poteftate, pro filia dotem dedit, deinde teftamentum filiam & filium retentum in poteftate, heredes inftituit ex æquis partibus, alterum filium emancipatum præterit; Hic error lapfus, cum putaret patrem teftatam decessiffe, veluti ab teftato accepit bonorum poffeffionem unde liberi, cum debuiffet accipere quafi teftamento præteritis bonorum poffeffionem contra tabulas. Alter quoque frater & filia, qui teftamento heredes inftituti erant, acceperunt bonorum poffeffionem unde liberi, errorem fecuti fratres emancipati, ut alii ab alijs fepe impellimur in eundem errorem; inde queritur in hac lege, an filia fratribus dotem conferre debeat?

Quod videtur, quia fimul cum eis accepit bonorum poffeffionem unde liberi ab teftato, nec venit ex teftamento patris. Verum ne error ei noceat & petitio agnitioque bonorum poffeffionis unde liberi, quæ etiam inutilis eft, Papin. ait, eam perinde haberi, atque fi commiffo edicto per fratrem emancipatum præteritum, cum eo accepiffet bonorum poffeffionem contra tabulas. Ergo dotem non conferre debet, quia heres inftituta eft, *l.3. hoc tit.* & non plus, imo minus ex bonorum poffeffione contra tabulas, quam ex inftitutione confequitur. Nam ex inftitutione habet femiffem, ex poffeffione bonorum, trientem tantum, id eft, virilem portionem, quia cum fint tres fratres, bonorum paternorum faciendi funt tres trientes, ut finguli habeant trientem. Et hoc eft quod ait, *filiam voluntatem patris*, ut legendum eft, *non fratris, habentem, retinere finem virilis partis*, id eft, ad finem trientis, non ad finem femiffis, ex quo heres inftituta erat. In confuetudine Papiniano eft fic loqui, fini virilis partis, ut fini peculii, *l. debitor, de compensat. fini legitimæ ufuræ, l.1. §. pater, de pign. fini quadrantis, l.15. §. cum fideicommissum, ad leg. Falcid.* ut M. Cato de re rufica, cum agit de oleis, oleribus, & reliquis feminibus ferendis; Operito terra radicem fini.

Ad §. Filia.

Filia quæ foluto matrimonio dotem conferre debuit, mortua collationi fecit. Viri boni arbitratu cogetur ufurus quoque dotis conferre, cum emancipatus frater etiam fructus conferat, & filia partis fua fructus percipiat.

In fine huius legis oftenditur, filiam, quæ post folutum matrimonium moram facit in dote conferenda fratribus, quibuscum fuccedit patri, petita bonorum poffeffione contra tabulas, vel unde liberi, ex tempore moræ ultas quoque dotis debere conferre viri boni arbitratu, qui locus eft singularis. Et ait Papinianus, eam ex tempore moræ ufuras dotis conferre viri boni arbitratu, refpicens ad edictum, quo prætori jubet collationem fieri viri boni arbitratu, *l.2. §. de illis, l. si quis filium, §. ultim. fup. tit. prox.* Equiffimum autem eft & congruentiffimum viri boni arbitrio, eam conferre ufuras dotis ex mora, cum & partis fuæ, in quam fuccedit patri, fructus percipiat. Eademque ratione filius emancipatus bona propria confert cum fructibus ex tempore moræ, quia & partis fuæ fructum percipit: fructum percipiendorum ratio exigit, ut & viciffim præftentur ufuræ, vel fructus rerum, quæ conferendæ erant; ut in *l. curabit, C. de act. emp. l. Julianus, §. ex vendito, fup. eod. tit.*

Ad L. XXXI. de Oper. liberti.

Liberatus qui operarum obligatione dimiffus eft, atque ita liberam teftamenti factionem adfequutus eft, nihilominus obfequi verecundie tenetur. Alimentorum diverfa caufa eft: cum inopia patroni per irquidiam libertum convenit.

Libertus qui libertatis caufa operas patrono juravit, vel promiffit, operarum obligatione dimittitur, folvitur, liberatur, fi eas redemerit a patrono ftipulante quotannis promiffio pretio, vel mercede certa pro operis, ex qua ftipulatione procudubio patrono pretii five mercedis operarum petitio competit. Verum ob eam rem quod pecuniam officio cariorem habuerit, ex *l. Elia Sentia* patronus amittit jus patronatus, quod habuit in bonis liberti ex *12. tabul. vel ex leg. Julia & Papia*, vel ex edicto prætoris, & libertus nancifcitur liberam teftamenti factionem, *l.4. & 6. C. eodem tit. l. ult. ff. qui & a quib. man. lib. non fiant. l. Julianus, tit. seq. & in Conftitutione Græca Iuftiniani de iure patron. quæ eft l.4. C. de bon. liberti.* Ideoque libertus in teftamento patronum impune præterire poteft, etiam extraneis heredibus fcriptis, quia nactus eft liberam teftamenti factionem. Patrono.

Patronus jus patronatus amittit vicio suo, quod pretium operarum præstulerit officio, id est, officialibus operis, non tamen amittit patronus ex hac causa etiam obsequia pietatis, honoris, reverentia, quæ ei libertus debet jure naturali, sed nihilominus, ut eleganter ait Papin. hoc loco, debet libertus obsequi verecundia, id est, verecundia patronali, ut est in *l. si patronus, inf. de dom. Ab obsequiis autem Papinianus hoc loco separat alimentorum præstationem, ut in l. si quis a liberis, §. utrum, ff. de lib. agnos. Quoniam subicit Papin. aliam esse causam alimentorum: neque enim patronus, si lapsus facultatibus se alere non possit, alendus est a liberto, quem obligatum habet in pretium, vel mercedem annuam operarum, d. l. si quis a liberis, §. si quis a libertis, ubi eleganter hanc libertum, qui redimit operas patrono, & se eo nomine patrono obligavit ait, Marcellum exequare ei, qui suis pecuniis, suis nummis redemptus est: utrumque habere liberam testamenti factionem, & non audiri patronum, sive ab hoc, sive ab illo se ali desideret. Et hoc est quod ait Papinianus hoc loco, *Diversam esse causam alimentorum, diversam scilicet ab obsequiis: nam obsequia, si libertus debet, non alimenta patrono, quoniam, inquit inopia patroni per invidiam libertum convenit*, id est, cum liberto inops patronus, dum quæritur se ab eo non alii, apud omnes invidiam cumulat & facit; neque enim ideo magis invitus ei is libertus alimenta præstabit. Nam sufficere videtur patrono ad alimenta pretium, sive merces operarum, cui præstandæ libertus patrono obligatus est. Et hæc est perspicua & vera interpretatio hujus legis, cui nihil refragari inde apparet, imo omnino cum ea consentire d. §. si quis a liberis; cui item nihil refragari *l. i. C. eodem tit. ad eam adhibita congrua interpretatio & sana monstrabit aperte: ait d. l. i. Solere conveniri inter libertum & patronum, ut pro operis aliquid præstetur. Pro operis præteritis scilicet, ut Azo recte, & jam debitis. Et aliquid, veluti rem aliquam aut æstimationem: nam aliud pro alio volenti creditori solvi recte, l. si quis aliam, ff. de solut. Pretium autem operarum debitum sive præteritarum, quas indixit patronus, necdum præstitit libertus, pretium, inquam, earum operarum de quo non convenit, ait eadem l. quali ex venditione ab invito liberto parato præstare operas, quas debet, peti non posse; quia debitor aliud pro alio non solvit invitus, nisi scilicet uno casu extra ordinem ad alendum patronum, si pecunia indigeat qua tueatur se toleretque vitam suam: non loquitur ea lex de pretio omnium operarum etiam præteritarum & futurarum, de quo convenit inter patronum & libertum venditis operis, quod constet peti posse, l. 4. C. eod. tit. Ceterum ob eam rem patronum amittere jus patronatus, & jus petendorum alimentorum, defectis aut eversis suis facultatibus. Præterea observandum est in hac lege Papinianum loqui de eo liberti, qui operarum obligatione dimissus est; maluit dicere *dimissus quam liberatus*, maluit uti speciali quam generali nomine. Nam & stulta est glossa, quæ *dimissus* interpretatur *manumissus*, & in reliquis etiam omnibus suis similis, præterquam in eo, quod timide uno loco adferit, & ante probavi Papinianum ab obsequiis separare præstationem alimentorum; dimittitur libertus obligatione operarum a patrono, in vicem operarum stipulante pretium vel mercedem annuam pro operis; liberatur eadem obligatione aliis plerisque modis, nec tamen, ut cum dimissus est ab ipso patrono, adsequitur liberam testamenti factionem, ut si libertus nuptis conferat patronus, liberta operarum obligatione liberatur, non jure patronatus, *l. si quis hoc tit. l. i. C. eodem tit. Idemque est si libertus beneficio liberorum liberetur operarum obligatione. Nam ex l. Julia libertus, qui duos filios in potestate habuit, natos, nataque, sic lego in ipsa l. Julia in l. qui libertus, h. tit. de qua in l. 6. C. eodem tit. a se natos, nataque, quia adoptivi liberi non profunt ad absolutionem operarum; vel etiam eadem obligatione ex eadem lege Julia liberetur libertus, qui unicum filium quinquennem habet; nec tamen usquam dicitur liberis sublati habere liberam testamenti factionem, quos postea forte***

A amiserit, cum tamen etiam amissi ex lege Julia ei possint ad solvendam obligationem operarum. Et in liberti, qui quinquennio majorem filium habet, id etiam esse singulare Titus Livius scribit libro 45. ne in quatuor tribus urbanas censetur & describatur, sed in rusticis, quæ honoratiores erant, propter jus suffragiorum & honorum, & stipendiorum, & quod in eas essent descripti nobiles & ingenui homines: verba Livii hæc sunt: *In quatuor urbanas tribus libertini erant descripti, præter eos quibus filius quinquennio major esset.*

Item operarum obligatione liberatur liberta, si ad eam dignitatem perveniat, ut inconueniens sit & indecens eam patrono præstare operas, ut puta, si Augusta eam adsciverit propter ingenii elegantiam aut texendi peritiam, vel aliam industriad, vel egregiam formam, *l. interdu, hoc tit.* quo argumento Frederico Duce Suevorum, qui feudi nomine fidem alii domino debuit, facto Imperatore, cum quæreretur, an ea fide per dignitatem Imperii Fredericus solutus esset, quod videtur indignum, fidem eum exhibere alii domino, cui exhibent omnes, qua de re agitur in fragmentis feudorum ab Azone collectis & servatis: posset dici, ipso jure per dignitatem & culmen Imperii eam feudi fidem intercidisse: at eadem aut simili ratione libertam solutam operarum obligatione nemo diceret, & patronum ejus jus patronatus amississe, eamque naturam liberam testamenti factionem. Non ergo omnis, qui quæve operarum obligatione liberatur, & liberam consequitur testamenti factionem, sed is tantum, qui ea liberatur pretio, vel mercede a patrono redemptis operis, quæ est sententia hujus legis.

Ad L. XXV. Qui & a quib. man.

In fraudem creditorum testamento dare libertates, prioribus creditoribus dimissis propter novos creditores irrita sunt.

Certum est irritas esse libertates directas, quæ a debitore in testamento dantur in fraudem creditorum. At quid si debitor creditores, quos fraudare voluit, dimiserit & absolverit, ac deinde alios creditores novos, quos fraudare noluisset, quum in testamento libertates dedit, habere coeperit, & eodem testamento manente, decesserit; an propter novos creditores libertates irritæ sunt? Videtur non esse irritæ, quia non horum posteriorum creditorum fraudandorum debitorum debitor consilium inivit, sed priorum, qui erant tempore testamenti, qui cum jam sint dimissi & adimpleti, nec jam fraudati sunt, fraud omnis expuncta est, & abolita solutione, & in directis libertatibus testamenti datis, non tantum eventus damni, sed etiam consilium fraudis exigitur, *l. i. C. qui man. non poss.* Novi autem creditores, licet eventu fraudati sint, quum hereditas solvendo non est, tamen ex consilio & destinatione debitoris fraudati non sunt, itaque libertates ratae sunt, & ita omnino est proditum in l. 15. quæ in fraud. cred. Aliud tamen sensisse Papin. videtur in hac l. Quamobrem notam huic sententiæ Papiniani apposuit Paulus, non esse eam veram, si simpliciter accipiat, nec esse veram, nisi priores creditores, qui fraudati erant pecunia posteriorum dimissi sint, quo casu posteriores succedunt in locum priorum, qui initio & consilio & eventu fraudati erant; & si succedunt in locum illorum, eodem ergo jure utuntur quo illi fuissent usi, si dimissi non fuissent. Et extat hæc Pauli nota in l. 16. inf. quæ in fraud. cred. Et secundum eam notam ad hunc casum hæc lex conagustanda est, nec generaliter accipienda, eamque vero simile est fuisse Papiniani mentem, maxime eum & idem placuerit optimis maximis Imperatoribus suis, *l. ait preter, §. ita demum, inf. quæ in fraud. cred.*

Ad L. XV. de Muner. & honor.

Est filium pater decurionem esse voluit, tamen defuncto, honores, qui filio decurioni congruentes post mortem patris obligaverunt ad onus coheredis, filii non pertinent, cum ei decurioni sufficiens facultates pater reliquerit.

Certum est, patrem, cujus voluntate filius decurio factus est quasi fideiussorem pro filio Reip. obligari, si quid filius in Republica male gesserit, delato sibi honore aut munere aliquo publico, l. 2. l. 17. §. filium, sup. ad municip. Et non tantum patrem Reipub. obligari, sed etiam heredes ejus, l. 1. C. de decurionibus lib. 10. Quod utique verum est, si jam obligatio coeperit a defuncto, ut si vivo patre honores, aut munera quaedam publici congruentia decurioni, filio delata sint, in quibus male versatus sit. Nam si quos honores post mortem patris, vel munera suscepit, quia eorum nomine nunquam fuit obligatus pater quoad vixit, nec ejus heres, l. Lucius, §. idem respondit heres, sup. ad munic. Et multo magis in specie h. l. 15, si pater moriatur relicto eodem filio herede, & ei extraneo coherede adjecto, atque ita relicto filio idoneo patrimonio idoneis facultatibus; deinde post mortem patris filio honores obligaverit, in quibus gerendis male versatus sit, eo quidem nomine ex sua persona ipse tenetur, coheres ejus non tenetur, quia non est hereditaria obligatio.

Ad §. Item qui Reip. Inf. de excus. tut.

Tres erant loci & omnes de tutelis in quibus auctores alii ex hoc libro sumperunt auctoritates, sed ii jam a me supra explicati sunt. Addi tamen volo, quod est etiam de tutelis in §. item, qui Reip. Inf. de excus. tut. cum, qui coepit tutela abesse coepit Reipub. causa, excusari ab administratione, quamdiu abest; tutorem tamen esse non definire, ideoque nec tutorem, fed curatorem qui administraret interim in locum ejus dari, ut in locum ad tempus exulare iussi, l. tutor petrus 28. §. ult. sup. de excus. tut. Reversum autem tutelae administrationem statim recipere, neque ab ea anni vacationem habere, quoniam, ut refertur eo loco Instit. Papinianus in hoc lib. 5. Respons. ait, annum vacationis, qui datur absentibus Reip. causa, postquam reversi sunt, pertinere ad novas tutelae, novae munera civilia, non ad eas tutelae, quas pridem coeperant, antequam peregre proficiscerentur Reip. causa, l. 10. §. pen. sup. de excus. tut. pertinere annum, ut ait l. 10. §. pen. ult. de excus. tut.



JACOBI CUJACII J. C.

COMMENTARIA.

In Lib. VI. Responsorum ÆMILII PAPINIANI.

Ad L. Ult. ff. de jur. & fac. ignor.

Verba legis hoc sunt: Impuberes sine tutore agentes nihil posse scire intelliguntur.

Nihil posse scire Papinianus dissolute dempta conjunctione, respiciens ad solemnia verba cretionis, heres glo, cretionis in diebus centum proximis quibus scieris potestque; apud Ulpianum lib. reg. tit. 22. & Marc. Tull. 1. de oratore, vel etiam respiciens ad editum successorum, ex quo dies admittendae bonorum possessionis ii tantum computantur quibus is cui delata est hereditas, scilicet potuitque bonorum possessionem admittere, l. 2. ff. quis cred. in bon. poss. l. 1. de bon. poss. §. for. Quod perinde est ac si diceret: dies cretionis, sive ad eundem hereditatis, & admittendae bonorum possessionis esse utiles. Nam dies con-

Atinui etiam nescienti cedunt. l. genero, sup. de iis qui notant. inf. sam. utiles cedunt ei tantum, qui scivit & potuit. Porro alia est scientia juris, alia scientia facti: utram exigimus in eo, cui hereditas aut bonorum possessio delata est, juris an facti, an utriusque? Constat scientiam tantum facti exigi, ut dies ad eundem hereditatis, vel admittendae bonorum possessionis cedant, puta, ut sciat eum, cujus hereditas vel bonorum possessio defertur, esse mortuum, & se heredem scriptum, vel proximum agnatum, vel cognatum esse, non currunt ei centum dies, l. 2. C. qui adm. ad bon. poss. Scientiam juris non exigimus. Nam, etsi nesciat proximum agnatum vocari ad hereditatem intestati, nihilominus ei dies cretionis sive aditionis cedunt, modo facti ignarus non sit, l. 1. hoc tit. l. in bonorum, inf. de bonor. poss. §. sumibus. Excipiuntur impuberes sine tutore agentes, id est, qui sine tutore sunt: his enim non apposta, vel non interveniente tutoris auctoritate, dies non cedunt, quia nihil scire, nihil posse intelliguntur sine tutoris auctoritate: nihil scire, id est, non scire factum, non scire eum mortuum, & se heredes scriptos, quoniam hac in re scientia juris non spectatur, sed scientia facti tantum: nihil scire igitur, id est, plane nescire factum, nihil etiam posse facere sine tutoris auctoritate, puta, adire hereditatem non posse: capere consilium ad eundem hereditatis, quae res est & animi simul, sive consilii, & facti, l. 20. ff. de adq. her. non posse non apposta tutoris auctoritate admittere bonor. poss. ex edicto praetoris. Tutoris auctoritate suppletur iudicium consiliumque pupilli, l. quamvis, §. infans, ff. de adq. poss. l. pupillus, de R. I. Et ut municipes intelliguntur scire, quod

Bscit actor municipium, sive curator Reip. l. 14. ff. ad municip. quae sententia pertinet etiam ad causam hereditatis & bonorum possessionis, & consequenter cedunt dies Reip. quibus municipium actor scivit delatum esse Reipub. hereditatem aut bonorum poss. ita pupillo cedunt dies, quibus tutor scivit, & hoc est quod ait l. 7. §. ut de bon. poss. Dies, (*) quibus tutor scivit, cedere placet, pupillo nimirum. Et valet argumentum ab actore municipium ad tutorem, ut in l. qui solidum, §. etiam de leg. 2. & a Rep. ad pupillum, & e contrario, l. 3. C. de iur. Reip. lib. 1. Et constat etiam pupillum tutore auctore posse adire hereditatem & bon. poss. ff. admittere, d. l. 7. §. pen. l. pupillus, ff. de adq. her. in qua etiam impuberes per se, id est, sine tutoris auctoritate, dicuntur nihil scire, nihil posse decernere: & decernere dicit, ut in l. is qui heres, §. ult. post. tit. quod veteres cernere: neque enim cernere est, se cernendum dare, sive facere, ut se omnes cernant herede esse, sicut Varro ait, sed cernere hereditatem est decernere & constituere se hereditatem amplecti, & se heredem esse velle, ut quod veteres cernere ferro, quos Virg. est imitatus, nunc dici decernere auctor est Seneca 8. Epistolarum; & respiciens quoque Philoxenus in glossis ad formulam cretionis, quae est apud Ulpianum, cernitque interpretatur *scire & potestatem*: quod non est factio, ut videant te esse heredem, sed amplectitor hereditatem & apprehendito. Valde notanda est haec interpretatio & species, ad quam aptavi hanc Papin. sententiam his verbis, posse scire, acceptis *audire*: quoniam & palam in Basilicis ponuntur *condere*, *dividere* & *quidam*: Possesse vel scire. Aliae namque sunt species sive causae, quibus pupillus etiam scire intelligitur & posse, puta, cum egressus infantiam & pubertati proximus, committit in leges dolo malo: quae ex causa etiam nonnunquam deportatur, vel in servitutem redigitur, §. item finitur, Instit. quib. mod. tut. fin. vel ut ex xii. tab. apud Gell. 11. cap. 18. & Plin. 18. Manifesto furto prehensus, aut frugem aratro quastam fursum malis paville vel secuisse corvulus, Praetoris arbitratu verberatur.

DQuas poenas utique non sustinet, si pro ignorante in iis causis haberetur. Deinceps igitur hanc Papinian. sententiam referamus tantum ad causam adquirendae hereditatis vel bonorum poss. quae verba illa dissoluta, Vuu acci-

(*) Vide Merill. Variant. ex Cujac. lib. 1. cap. 43.

accipienda pro conjunctis posse scire, demonstrant, quandoquidem ad adeundam hereditatem, vel admittendam bonorum possessionem, dentur centum dies, quibus scierit quis poteritque: scierit mortem testatoris, & poterit adire hereditatem.

Ad L. XXXV. de Ritu nupt. & L. XL. de Admin. tur.

Filiusfamilias miles matrimonium sine patris voluntate non contrahit.

Iuste non sunt nuptiae, quas filius. contrahit sine voluntate patris, in cuius potestate est. Hoc est certissimum in pagano filiofam. an etiam in milite idem esset, dubitabatur, ut plerumque alia hoc ipso libro idem auctor eleganter docet, contra reg. juris esse recepta favore, privilegio, jure militiae, l. centurio, ff. de vulg. substit. c. l. 49. ff. de manumiss. testam. At Papinianus definit hoc loco, nec filiumfam. militem justum matrimonium contrahere sine voluntate patris, nec privilegium militiae porrigamus ad contemptum & injuriam patris, quia neque militia liberatur patris potestate, §. filiusfam. Inst. quib. mod. jus patr. pot. l. 7. C. de patr. pot. Nec ideo minus obsequitur verecundiae paternae vel maternae, l. 1. ff. de obseq. parent. pref. Et rursus, non ideo minus alimentis parentibus, si egeant, praestandis obstringitur, l. 5. §. a milite, ff. de lib. agnos. Et in multis quoque aliis jus commune milites sequuntur. Nam neque incerta personae possunt legare, §. incertis vero, Inst. de leg. neque ex eorum testamento legata debentur, nisi deducto aere alieno, l. 1. §. denique, ad Trebell. Nec bonorum possessio militis ultra praestituta temporaria potest, l. in fraudem, §. ult. de milit. testam. Neque captivae institutiones in militem testamento scriptae valent, l. 1. C. de hered. inst. Nec quicquam efficiunt testamento manumittendo servos contra l. Aeliam Sentiam, vel aliam legem, l. 3. de manumiss. testam. l. si a milite, §. 1. in fraudem, in princip. de milit. testam. Nec in eorum testamento scriptae conditiones jurisjurandi, vel conditiones inhonestae recipiuntur, sed remittuntur, d. l. si a milite, §. pen. Nec quod quis sibi adscripsit in testamento militis valet, l. ult. ff. de iis qua pro non script. hab. nec interdicti fideicommissum a legatario relictum militis testamento legatario repudiante, l. 9. ff. de usufr. leg. Nec valet a militibus facta alienatio testamento, vel inter vivos fundi dotalis contra l. Juliam. Miles sequitur jus commune in tutoris datione. Et sequitur in l. 40. de admin. tur. aliud, in quo etiam milites jus commune sequuntur, puta, in tutoris datione: centurio testamento jure curatorem non dat filio impuberi vel pueri, sicut nec paganus, l. 6. sup. de confirm. tut. Sed datus decreto praeoris confirmari potest: quod si non fuerit confirmatus, & ideo nihil gesserit, cessatio officii perperam injuncti & demandati testamento, ad periculum ejus non pertinet, quia neque dolus ea cessatio est, siue contumacia, neque culpa vel ignavia. Nec obstat privilegium quod militibus datum est, ut quocumque facta ab iis testamenta rata sint, quoniam id privilegium non potest porrigi ad alienam injuriam: Fieret autem injuria curatori non jure dato, nec confirmato, si cessationis, quae iustissima est, ratio ei reddenda esset, qua ratione dicitur etiam militem non posse dare tutorem filio manenti in potestate avi, l. 2. sup. de testam. tut. l. cum filiusfamil. l. miles ita, §. nec tutorem, ff. de milit. testam. Na fiat injuria avi in cuius potestate nepos est ex filio milite, ne jus avi minuat, quod fieret, si liceret patri ei nepoti tutorem dare. Privilegium quod datum est militibus, datum est consti. Principum, qui non solent ulla privilegia dare cum injuria cuiusquam, l. nec avo, C. de emancip. lib. l. 1. Cod. Hermos. de testam. Trajanus apud Plinium. Privilegia injuria priorum a me dari non solent: & quo magis hoc confirmet addit Papinianus in hac lege, privilegium illud testandi quocumque, quod militibus datur, propter imperitiam juris ut est nominatim scriptum iustio tituli de milit. testam. in Inst. privile-

Agium, inquam, illud habet tantum locum in bonis militum, ut si quid minus perite, minusve legitime de bonis suis construxerint, rata sit eorum suprema voluntas, data imperitiae venia, quoniam jus militibus ignorare permittum est: non si quid oneris alii testamento imposerint minus legitime, ut si tutorem vel curatorem liberis suis non jure dederint, si filio quem non habent in potestate tutorem dederint: quia & tutela, ut eleganter ait in fin. d. l. 40. jure patriae potestatis datur, non jure aut privilegio militiae. Ideoque nec miles ei, quem non habet in potestate, jure tutorem dat, non jure injungit officium onusve tutelae alteri, si filium non habeat in potestate. Est lex elegantissima.

Ad L. Ult. de Iis, quae in test. delentur.

Pluribus tabulis eodem exemplo scriptis, unius testamenti voluntatem eodem tempore dominus solemniter complevit: si quasdam tabulas in publico depositas abstulit, atque deleverit: quae jure gestae sunt, praesertim ex ceteris tabulis, quas non abstulit, res gesta declaratur, non constituentur irrita. Paulus notat, sed si ut intestatus moreretur, incidit tabulas: sed hoc approbavit hi, qui ab intestato venire desiderant, scriptis avocantur heredes.

Certum est unum testamentum posse pluribus exemplis scribi, l. unum, sup. qui test. fac. poss. l. Sempronius, de leg. 2. l. si in duobus, ff. quemad. test. aper. Sueton. in Tiberio testamentum, inquit, ante biennium fecerit, alterum sua, alterum liberti manu, sed eodem exemplo. Et sic contractus solent scribi duobus authenticis, & cuicque contrahentium dari suum authenticum, l. quae tabulas, de jur. & in pragmatica sanctione Justiniani, quae subiecta est Novellis Juliani c. 21. Quod si testamentum sit pluribus tabulis scriptum, pluribus authenticis obligatum, sane unum est testamentum: nunc finget. Ex eis tabulis testator quasdam deposuit in publico, veluti in aede sacra, aut in tabulario civitatis, vel sanctuario Principis: deinde eas abstulit & delevit vel incidit, an irritum est testamentum? Minime: si non ceteras tabulas, ex quibus res gesta declaratur, etiam delevit. Et hoc cum scripsisset Papinianus, Paulus notat, aliud esse dicendum, si probetur, cum eo animo unas tabulas delevisse & cancellasse, ut intestatus moreretur, cuius rei probatio exigitur a legitimis heredibus, qui vocantur ab intestato, quam si impleverint, proculdubio hereditatem evincant heredibus scriptis: evincant, inquam, legitimi heredes non fictus, ut in l. 1. §. pen. ff. si tab. test. nulle ext. Si delevit, quod heredes scriptos iudicaret indignos, fictus avocavit hereditatem, ut l. pen. hoc tit. si heredes scriptos non iudicavit indignos, sed maluit intestatus mori, & hoc consilio, animoque delevit vel interdidit, confregitque tabulas, legitimi heredes avocant hereditatem exclusio ficto.

Ad L. LXX. de Hered. inst.

Captatorias institutiones non eas Senatus improbarit, quae mutuis adfectionibus iudicia provocaverunt: sed quarum conditio consistit ad secretum alicuius voluntatis.

Captatoria institutiones, & captatoria legata, vel fideicommissa improbantur Senatusconsulto quodam, ut patet ex hac lege, & ex l. seq. c. l. 1. in fin. ff. de iis, quae pro non script. hab. non ex SC. Liboniano, ut Glossa ait, quod non est de captatoriis institutionibus vel legatis, sed de testamentariis, qui sibi quid adscribunt in alieno testamento, sed alio quodam SC. Quae autem sint captatoria institutiones Graeci interpretes intellexerunt: ex Latinis nemo intellexit, id est, istam legem nemo ex iis intellexit praeter Marianum Socrum juniores: ceteri omnes captatorias institutiones interpretan-

pretantur esse eas, quæ conferuntur in arbitrium alterius, veluti illæ mihi heres esto, quem Ticius voluerit; quo genere, cum nihil capetur, pluraquam manifestum est, captatoriam illam institutionem non esse vitiosam, tamen est non ex SC. quo vitari diximus & improbari captatoriam institutionem, sed ex veterum Jurisconsultum sententia constantissima, ut ait *l. 3. h. tit.* quia testamentum est sententia mentis, voluntatis, iudicii nostri, non mentis, aut voluntatis, iudicii alieni. Nam ut & Philosophi dicunt, motus animorum nostrorum non possunt consummari per motum alieni animi. Non sunt etiam captatorie institutiones, ut Papin. hoc loco, quæ mutuis affectionibus iudicia provocaverunt, ut cum duo se invicem heredes scribunt vel iisdem tabulis, vel suis quisque separatim; tu me tuis tabulis, ego te vicissim meis affectione mutua, quia est in Novella Valentiniiani de testamentis, non possunt dici captatorie institutiones, quas similis affectio & simplex religio testamentum fine calliditate ulla provocat: at captatorie institutiones definiuntur hoc loco, quæ cum conditio conferatur ad foretum aliene voluntatis. Conditionales igitur institutiones sunt, & si conditionales, conditio earum in futurum tempus conferuntur. Nam quarum conditio confertur in præsens vel præteritum tempus, proprie conditionales non sunt, *l. cum ad præsens, ff. de reb. cred. l. cum in fundo, ff. de injur. sup. test.* quia ex eventu non pendet, sed earum eventus sive effectus statim existit, vel non existit, quia, ut Philosophi dicunt, omnis sermo collatus ad præsens, vel præteritum tempus, statim est verus aut falsus. Captatoria autem institutio confertur in id tempus, quo is qui testatur, heres scribitur vel instituitur testamento ejus, quem ipse heredem instituit. Nam secretum aliene voluntatis hoc loco nihil aliud est, quam alienum testamentum. Secreta iudiciorum in *l. si quis test. §. ult. ad leg. Aquil.* id est, testamenta, Exemplum vero huius rei est in *l. i. ff. de his, quæ pro non scrip. quæ ex parte me L. Tit. in tabulis heredem scribet, ex ea parte mihi L. Tit. heres esto.* Quod scribit, plane capiat & ambit hereditatem L. Titii & hamum agit, itaque tanquam captatoria institutio pro non scripta habetur SC. Inest his verbis conditio collata in testamentum alienum, ac si dixisset, si me L. Titius heredem instituerit, L. Titius mihi heres esto. Nihil vero refert, si quis capiet alienam hereditatem, quo modo exposuit, an alii, veluti hoc modo, quæ ex parte L. Titius Cajum heredem scribet, ex ea mihi heres esto, *l. sequi, in fi.* Et hæc institutio tanquam captatoria inutilis est ex sententia SC. Quid enim refert si quis capiet vel aucupatur sibi, an alii? Item nihil refert, eum cuius quis sibi hereditatem capiat, utrum sibi heredem instituat, an alium forte ei carissimum, veluti hoc modo: quæ ex parte me Luc. Titius heredem scribet, ex ea parte mihi Mævius heres esto. Omnes hæ institutiones, quæ proponi, quasi captatorie, inutilis sunt ex sententia Senatûsconsulti. Eleganter vero in Basilicis dicuntur institutiones factæ repenationis gratia *ἡ δὲ ἀποδοτικὴ*, id est repensandi futuri nondum accepti beneficii gratia. Nam quæ repensant jam acceptum beneficium, probatissime sunt: imo plerumque hereditates & legata nobis non sine causa obveniunt, ob meritum aliquod nostrum ut ait *l. 9. pro soc.* Captatoria institutio est repensatio beneficii ante beneficium. Ab iisdem Basilicis captatorie institutiones dicuntur *ἡ δὲ ἀποδοτικὴ*, gratiæ repensatrices, ut loquitur etiam Electra apud Sophoclem, *ἀποδοτικὴν ἡμετέρας ἀποδοτικὴν ἡμετέρας* ad filias Messenorum: Gratia, inquam, repensatrices, futura scilicet. Nam institutiones quæ sunt gratiæ præterite referendæ & repensanda causa, non sunt captatorie, nec senatusconsulto, ullave lege improbantur, veluti, quæ ex parte me L. Titius heredem scripsit, ex ea parte mihi idem Lucius Titius heres esto. Vel, si me L. Titius heredem scripsit, idem mihi heres esto *l. mulier, §. ult. de cond. insti.* vel hoc

Tom. IV.

A modo, quæ ex parte L. Titius Cajum heredem scripsit, ex ea parte mihi idem L. Titius heres esto. Vel ut in *l. sequi, §. in l. 2. hoc tit.* hoc modo, quæ ex parte me Titius heredem scripsit, ex ea parte Mævius mihi heres esto. Unde non est auferenda vox Mævius, fateor: in quam me tamen suspicionem deduxit olim Antonii Augustini præstantissimi Jurisconsulti scriptum de captatoris institutionibus, vel etiam hoc modo, ut omnibus exemplis superioribus collatis in futurum, paria reddam collata in præteritum utiliter, hoc inquam modo, quæ ex parte L. Titius Cajum heredem scripsit, ex ea parte mihi Mævius heres esto. Omnes hæ institutiones ratæ sunt, & secundum hæc recte dicitur in *l. Clemens, §. ultima. hoc tit.* non esse captatoriam institutionem, si quis ita scripserit, quanta ex parte me a Titio heredem institutum recitasset, B ex ea parte Sempronius mihi heres esto. Nam institutio Sempronii confert in tempus exactum, in tempus præteritum, id est, in testamentum Titii aut factum. Recitationem autem futuram ejus testamenti, quod nullam prorsus injicit suspicionem captatorie institutionis, neque tamen aliter institutio Sempronii ad effectum perducitur, quam si is, qui Sempronium heredem fecit, testamentum Titii recitaverit, quia institutioni Sempronii inest conditio futura recitationis Titiani testamenti. Et observa quod dicitur in *d. l. Clemens, §. ult.* heres recitare testamentum, in quo heres scriptus est, & alii etiam nuncupare. Ambrosius 9. Epistol. quomodo testamentum nuncupat, qui mortem testatoris negat? Porro his exemplis apparet captatorias institutiones non esse eas, quæ ad præteritum tempus conferuntur, quia nec proprie conditionales sunt, ut captatorie, nisi alia conditio extrinsecus sit eis inserta, ut conditio recitationis testamenti in *d. l. Clemens*: & in iisdem exemplis institutionem non gratiam repolcunt ut captatorie, sed referunt, cum beneficium acceptum consequantur, non corripunt aliena bona, sed sua promunt, non dant hereditatem suam in hamo sub conditione, si sibi & suam dederit is, quem heredem scripsit, quæ captatoria institutio est tincta viro, ut Varro loquitur: & hoc modo captatorium legatum est, quod ita relinquitor: quantum mihi L. Titius legaverit tantum ei do lego. Non si ita relinquatur, quantum mihi L. Titius legavit, tantum ei do, lego.

Ad legem LXXXVIII. de Hered. insti.

Qui non militabat bonorum maternorum, quæ in Pannonia possidebat, libertum heredem instituit: paternorum, quæ habebat in Syria, Titium. Jure semisses ambos habere constitit, sed arbitrium dividende hereditatis supremam voluntatem factis adjudicationibus, & interpositis propter actiones captonibus, sequi salva Falcidia, scilicet ut quod vice mutua præstarent, doli ratione quadranti retinendo compensetur.

PRIMUM responsum huius l. est intellectu quidem facile, sed explicatu sine difficile, maxime in extremo, cum agit de Falcidia compensando eo, quod coheredes vice mutua præstarent, adeo ut Ulpianus, qui cetera omnia ejus responsi diligentius interpretatus est in *l. 35. sup. hoc tit.* omiserit eam partem extremam. Credo quod facilius intelligi quam verbis explanari possit: loquitur autem in eo responsio Papinianus de testatore pagano, quoniam ait, qui non militabat. Cur de pagano? non quia ponit eum in instituendis heredibus separasse species bonorum, & alium fecisse heredem bonorum paternorum, alium maternorum, quoniam, quod de ejus voluntate initio statuit de partibus hereditatis, & de prælegatis, quæ invicem præstant heredes, idem servatur in milite, si miles alium fecerit heredem bonorum paternorum, alium maternorum, vel alium rusticorum, alium urbanorum, vel alium Italicorum bonorum, alium provincialium, ut in *l. certarum, in pr. ff. de milit. testam.* non etiam si alium bonorum castrensiū, alium paganorum, ut in *§. i. ejusdem l.* Sed si, ut ponitur in hac specie fecisse, paganus, vel miles alium, fecerit paternorum, alium maternorum heredem, idem servatur in milite, quod in pagano, quod ad portiones

Vuu 2

tionem hereditatum & prælegata attinet. Sed quod ponit speciem in pagano, hoc ideo facit, quoniam in extremo loquitur de Falcidia, quæ habet locum in testamento pagani, non in testamento militis, l. 12. de milit. testam. l. 7. C. de leg. Falcid. Et hæc est vera ratio, non quam Glossæ notant, quam refutat satis d. l. si certum, in pr. Species autem hæc est: Paganus duos heredes instituit; primum bonorum paternorum, secundum maternorum bonorum. Paterna bona faciunt quadrantem, materna faciunt dodrantem totius hereditatis; fac hereditatem esse quadringentorum, & paterna bona facere centum, materna trecenta. Ipso jure certarum rerum certorumve bonorum heredes institui non possunt, neque a pagano, neque a milite, & qui ita instituti sunt, ut propofui, perinde habentur, ac si non adscriptis rebus partibusque certis heredibus instituti essent. Sunt igitur ipso jure heredes æquis partibus, & singuli habent semissem omnium bonorum, tam paternorum quam maternorum, non spectata nec comparata invicem æstimatione bonorum tam paternorum quam maternorum, ex quibus invicem heredes instituti sunt, ut in d. l. 35. C. de l. c. h. i. C. de l. si certum. Verum, quod ipso jure non fit, id est, subtili jure, officio judicis familia eriscunde, cognoscens inter eos de dividenda hereditate, fieri poterit, ut voluntas suprema testatoris impleatur. Primo adjudicatis bonis paternis in solidum, secundo bonis maternis, quod fieri tamen non potest, nisi quia singuli ipso jure semissem habent in omnibus bonis, nisi primus secundo cedat, & præstet semissem, quem habet in bonis maternis, & vicissim secundus primo semissem, quem habet in paternis, quoniam vice mutua prælegasse singulis testator videtur, secundo partem, quam primus haberet in bonis maternis, primo partem, quam secundus haberet in bonis paternis. Proinde jure prælegati primus secundo præstat centum quinquaginta, id est, semissem trecentorum, secundus primo præstat quinquaginta, vel facta compensatione ad finem concurrentis quantitatis, puta, quinquaginta, primus solus secundo præstat centum: compensatio pro præstatione est. Atque ita quidem fit, ut bona materna secundus capiat partim jure hereditario, si jure institutionis a seipso, partim jure legati a coherede; & similiter primus bona paternæ ut capiat partim jure hereditario, partim jure legati. Verum officio ejusdem judicis familia eriscunde cognoscens; cautionem sibi invicem primus & secundus præbere debent datis fidejussoribus, hac formula: *quod amplius ceperint quam per legem Falcid. licet, reddi*. Quæ stipulatio Falcidiæ dicitur in l. 70. ad l. Falcid. quia & prælegata patiuntur Falcidiam, l. 15. §. pen. eodem tit. l. a coherede, C. eod. tit. Potest autem fieri, ut post factas adjudicationes relictorum sive diversorum bonorum a testatore inter primum & secundum emerget l. Falcidia, postea emergente ære alieno, quod tum latebat, vel emergente onere legatorum prolatis codicillis, qui tum celabantur, vel emergente simul utroque onere æris alieni & onere legati, ideoque sub incerto hanc sibi invicem cautionem præbere debent ut si postea emergente Falcidia, alterum, alteri appareat prælegatum ultra dodrantem præstitisse, id quod præstitit amplius ex ea stipulatione sine cautione recipiat non est dubium de ea cautione: accipienda esse hoc loco hæc Papiniani verba: *interpositis cautionibus*. Idque patet satis ex d. l. 35. id est, commentario hujus responsi, in quo & Ulpianus, dum Papinianum producit testem, proculdubio hoc Papiniani responsum intellexit. Ait autem Papinianus, *has cautiones vice mutua esse interponendas propter actiones*. Quid hoc est, propter actiones? nimirum propter æris alieni personales actiones, ut loquitur l. 1. §. si heres, ad Senatusc. Treb. id est, propter actiones hereditarias, quas emergentes postea creditores hereditati intendunt in heredes singulos pro hereditariis portionibus, id est, pro semisse omnium bonorum, non habita ratione rerum prælegatarum, quæ nec habenda est, quia æs alienum hereditatem sequitur, non legata, vel prælegata d. l. 35. l. 1. C. si cert. petatur. Item propter actiones legatorum emergentium, postea prolatis co-

A dicillis diu celatis, quæ actiones hereditarium loco sunt, l. hereditarium, inf. de oblig. & action. Nunc finge: His peractis apud judicem familia eriscunde ex inopinato emeruisse codicillos, in quibus erant ab heredibus primo & secundo extraneo legata 120. sicut Glossa, quam postea valde approbamus, ponit speciem, & extraneum egisse in heredes pro hereditariis portionibus, id est, pro semisse totius hereditatis, & singuli abstulisse l. x. atque ita recepisse suum, id est, cxx. & remansisse apud secundum ducenta quadraginta, partim jure hereditario, partim jure legati; & similiter apud primum remansisse x. partim jure hereditario, partim jure legati. Hoc casu, quia primo ad Falcidiam sui semissis qui est l. id est, quadrans ducentorum defuit xxx. quia jure hereditario remanent apud eum xx. quæ tantum imputat in Falcidiam: non B imputat autem in Falcidiam alia xx. quæ apud eum jure legati remanent, aut non cogitur imputare, l. 15. §. pen. l. 32. in fine, l. in quartum, inf. ad leg. Falcidiam. Ideo queritur, an si ex stipulatione Falcidiæ repetat a secundo coherede suo xxx. quæ defuit sue Falcidiæ, summoveat exceptione doli mali, quæ in strictis iudiciis aequitatem compensationis inducit? §. in bonæ fidei, Instit. de action. Et verius est, eum ratione exceptionis doli mali debere compensare pro modo concurrentis quantitatis xx. quæ a coherede jure prælegati vice mutua percepit, ea, inquam, xx. debere eum compensare cum Falcidia, quam repetit a coherede, id est, ultro ea etiam xx. imputare debere in Falcidiam, si suum prælegatum retinere velit. Compensationis est imputatio voluntaria, & contra imputatio est compensatio necessaria. Ita vero primus a secundo repetet x. tantum supplendæ Falcidiæ gratia. Et hoc est, quod ait Papin. hoc loco, scilicet, *ut quod vice mutua præstaret doli ratione quadranti retinendo*, id est, Falcidiæ retinendæ, compensetur. Quorum verborum enarrationem omisit Ulpianus in d. l. 35. qui tamen cetera omnia hujus responsi enucleate & diffuse in ea l. executus est, & ad hæc quidem verba ultima hujus responsi quod appofuit exemplum, Glossa appofuit restitisse, si modo cxx. quæ ponit deberi, dicamus deberi, quod totidem sint in legatis, ut exigit etiam Glossa superior ad illum locum, *propter actiones*, non quod totidem sint in ære alieno hereditario. Nam si cxx. defuit in ære alieno, quia bona non intelliguntur nisi deducto ære alieno, non intelligitur fuisse in bonis defuncti, nisi c. lxxx. ex quibus singuli, cum ipso jure habeant semissem, id est, cxi. cujus semissis centum quadraginta videlicet Falcidia est xxxv. & primus secundo jure prælegati præstiterit centum duntaxat, manifestum est apud eum residere xx. id est, quinque amplius Falcidia, quinque supra Falcidiam, & hoc igitur casu locum Falcidiæ non esse. Et hæc ita Dynus recte & subtiliter distinguit primus: in ære alieno exemplum apponi debet alio modo, quam posuerit Glossa, Finge: in hereditate credebantur esse cxi. bona materna centum, paterna quinquaginta: secundus maternorum heres institutus est, primus paternorum, & bonis eis adjudicatis officio judicis familie eriscunde secundum voluntatem defuncti, exitit creditor hereditarius, cui defunctus debuit centum, denique apparuit postea in ære alieno esse centum, quo detracto patet singulos ipso jure heredes esse ex vigintiquinque, cujus portionis Falcidiam certum est esse sex & quadrantem, quam tantum abest, ut habeat primus, ut detracto ære alieno a singulis pro semisse. l. quinquaginta a singulis detractis, nihil apud eum remanserit, apud secundum remanserit quinquaginta partim jure hereditario, partim jure legati: nunc si primus repetat ex stipulatione interposita Falcid. a coherede, repellitur ratione doli & opposita compensatione eius, quod a coherede vice mutua percipit: atque ita instituti primi redditur inutilis. Hoc responso explicato, debeo & volo eam rationem compensationis quam inducit Papinian. aliis legibus confirmare, veluti l. heredi, inf. de his quib. ut indigni, l. deducta, §. accepit, inf. ad Treb. l. Ne-fennius, l. filio, inf. ad leg. Falcid. l. filium quem, C. familiaris-cis. nec non debeo earum omnium legum speciem & sententiam explicare, sed leg. heredi & l. deducta, §. accepit, p. 3.

piis, quoniam sunt ex sequenti libro Responsorum interpretationem differam in suum ordinem & locum: ceterum illi quia sunt ex aliis auctoribus mihi interpretatio hoc loco præstanda est: ac primo legis *Nesennius, inf. ad leg. Falcid.* Valde placebit species ejus legis quæ talis est: Mater quæ habebat filias tres, primam, secundam & tertiam, eas heredes instituit ex æquis partibus, ut singulæ haberent trientem, & a singulis legata invicem dedit, veluti a primæ legavit secundæ & tertiæ præstandas res quasdam, aut pecunias, & vicissim a secundæ legavit primæ & tertiæ, rursus a tertiæ primæ & secundæ, verum a primæ etiam legavit extraneis, a secundæ & tertiæ nihil legavit extraneis. Primæ portio, id est, triens oneratus est legatis, tam fororibus, quam extraneis relictis. Subdividamus trientem illum primæ in duodecim uncias, & singamus ab ea extraneis legatas uncias quinque & semunciam fororibus totidem omnibus, igitur a primæ fuisse legatas duodecim uncias. Falcidia ejus portionis subdividit in duodecim uncias est trium unciarum, in eam imputat unciam, quæ apud eam remanet jure hereditario, quia ab ea tantum sunt legatæ duodecim uncie, nunc desiderat adhuc duas uncias, quæ Falcidiæ desunt: certum est eam posse unam detrachere ab extraneis, sed quæritur, an etiam possit desiderare, ut & unam unciam detrachat a fororibus, a quibus & ipsa vice mutua legata percipit, & si possit eam unciam desiderare ipso jure, an submovenda sit per exceptionem doli mali, inducitur compensationis æquitate mutui prælegati cum illa uncia: & rursus si submovenda sit exceptione doli mali, ut definitimus statim, an eo casu possit duas uncias quæ Falcidiæ ejus desunt deducere ab extraneis? Et respondet posse quidem ipso jure eam uti Falcidia etiam adversus sorores, quia id quod ab his vice mutua percipit jure prælegati, non proficit legatariis, quo minus Falcidiam patiantur, id est, non imputantur in Falcidiam, sed tamen repellitur exceptione doli mali si a fororibus vice mutua jure prælegati accepit unciam quam deducere desiderat. Et hoc cum ita definitur Paulus in *d. Nesennius*, quærit, an cum nihil deducat a fororibus, tunc deducere possit ab extraneis duas uncias, quæ suæ Falcidiæ desunt? & respondet non deducere nisi unam unciam, hoc est, tantum quantum deduceret, si & ex legatis fororum Falcidiam deduxisset: quoniam æquum non est, ut commodum, quod fert ex mutuo prælegato fororum oneret extraneos, & augeat Falcidiam legatorum eis relictorum. Et hoc est, quod ait in *d. Nesennius*, primam non imputare extraneis integram prælegatum, quod præstitit coheredibus, id est, uncias quinque & semunciam, id est, id quod dedisset fororibus, si nihil ab eis vice mutua perciperet, & perinde igitur rem esse, ac si a fororibus deduxisset unciam, & præstitisset eis tantum uncias quatuor & semunciam, licet præstitisset prælegatum universum, id est, quinque uncias & semunciam, ratione compensationis Falcidiæ. Ratio compensandæ Falcidiæ cum prælegato vice mutua percepto, quam inducit Papinian. in *l. 78. de hered. instit.* confirmatur *l. Nesennius, ad leg. Falcid.* quam heri exposui. Confirmatur etiam *l. filio, eod. tit.* cujus species hæc est: Pater vel mater filium & filiam heredes scripsit, sic ea l. initio propositi simpliciter. Proponamus igitur etiam nos simpliciter, parentem filium & filiam heredes scripsisse, postea apparebit non scripsisse æqualiter, ut Glossa ait, sed inæqualiter, ut est in Basilicis, *avians*. Singulis autem legata invicem dedit pater, quæ proprio nomine dicuntur prælegata & præcipua & præceptiones, sed longe minus filiz legavit quam filio, quia filius heredem scripsit, exempli gratia, bonorum Italicorum, filiam bonorum provincialium, quæ longe minoris pretii sunt separatæ hæc species bonorum pro prælegatis accipiuntur, ut in *l. 35. sup. hoc tit.* At non tantum filiz minus legavit, sed etiam in bonis, quæ prælegavit filiz, est domus creditor hereditario pignerata in centum, quam & filiz legavit adjecto hoc onere, ut, si libertus filii sui ea centum perfolveret, utrique domus esset communis filiz & liberti filii. Ce-

terum non libertus, quia nec adversus eum creditor ullam actionem habuit, sed heredes, exigente, & urgente creditore ei solverunt centum pro hereditariis portionibus, & domum vinculo pignoris liberaverunt, quo ære alieno detracto, apparuit, quanta portio hereditatis esset. Finge: in hereditate fuisse ducenta, singulos igitur ipso jure quasi sine partibus scriptos heredes fuisse in centum, cujus portionis Falcidia sive quadrans est 25. Illud etiam apparuit deducto ære alieno, bona Italica, quæ filio relicta & ei adjudicanda sunt, esse 180. bona provincialia quæ filiz adjudicanda sunt, esse 20. quamobrem filia dicit, se in damno versari, nec habere integram Falcidiam semissis totius hereditatis, ex quo ipso jure heres est, id est, non habere 25. integra, sibi adhuc deesse 15. quia habet tantum jure hereditario decem, quæ imputat in Falcidiam, alia decem, quæ jure legati accipit a fratre jure ipso, non cogitur imputare in Falcidiam, quia in Falcidiam ea tantum imputantur, quæ jure hereditario capiuntur, non quæ jure legati, vel alio jure, nisi nominatim aliud caverit testator, ut si ideo dixerit, se legatum dare heredi, ut integra legata præstaret, *legatum autem, inf. ad leg. Falcid.* Et consequenter filia ipso jure recte postulat 15. a fratre, quæ suæ Falcidiæ desunt, sed repellitur per exceptionem doli mali, opposita compensatione ejus, quod a fratre integrum jure prælegati accepit, aut sane id a fratre prælegatum integrum non consequetur, nisi & ipsa vicissim foror fratri suum præstet integrum, quoniam æquum non est, integrum ferre quenquam, quod vicissim integrum referre vel inferre nolit. Et hoc est, quod ait *d. l. filio, FILIAM non aliter prælegatam quod ei datum est accepturam si Falcidiam expleat, quam si voluntati defuncti obtemperavit, fratri solidum prælegatum præstando*. Vulgo etiam in Florentinis in ea lege corrupte legitur, *solvendum pro solidum*, ut recte notavit Alciatus 5. Parerg. Solidum est integrum prælegatum, intactum, illibatum, sine imminutione Falcidiæ, quod universum dicitur in *l. Nesennius*. Igitur in specie proposita, decem, quæ vice mutua jure legati foror accepit a fratre, compensant Falcidiam fini concurrentis quantitatis, & quinque tantum supplendæ Falcidiæ a fratre desiderat. Et ita explananda ea lex est. Sequitur alia, quæ eadem ratio compensationis comprobatur, *l. filium quem, C. famul. erisc.* omnium, quæ sunt in Codice longe difficillima omnium quæ sunt in jure pro sua brevitate opulentissima juris, cujus ego speciem & sensum verissimum & clarissimum jam sæpe professus sum me accepisse prima ætate a primo jurisconsulto, cujus vita omni laude confecta. Primum in ea lege, quod ait initio, *Filium quem habentem fundum*, deinde in fine: *Quod a ceteris in eo fundo solvitur sup. quartam, habens reddere compellitur*. Est *ordinis* frequentissima in juris auctoribus, & in exteris quoque, quam plerumque generat longior verborum tractus, ut in eo plane non sit laborandum: sed neque in eo laborandum, quo jure filius fundum habuerit. Nam cum subjiciat ea *l. filium partem prædii capere a semetipso jure hereditario*, partem a coheredibus jure legati, quæ varietas juris & possessionis propria in prælegato est, *Leum qui, Sals. ff. de iis, quibus ut ind.* Plurquam manifestum est, filium habuisse fundum jure prælegati, ut & Joannes sensit recte, nec sane aliter pertinere ea *l. ad tit. famul. erisc.* sub quo posita est, quam si statuas, filio fundum prælegatum esse, quia constat prælegata præstari arbitrio judicis familiaris eriscundæ cognoscens. Miseri sunt, qui vel jure peculii, vel jure nescio quo retentionis, vel jure legati per vindicationem, vel alio, quam prælegati, filium habuisse fundum ariolantur. Et species *l. hæc est*: pater, qui habebat septingenta in bonis, filios suos tres, numero primum, secundum, tertium, & extraneos quatuor, quartum, quintum, sextum, septimum heredes scripsit ex æquis partibus: & primo, cui forte cum principis patris nomine donaverat, & ab omnibus heredibus fundum prælegavit dignum 28. Deinde eundem primum filium suum rogavit sub conditione: *si navis ex Asia veniret*, portionem suam hereditatis restituere fratribus, secundo & ter.

& tertio, & extraneis coheredibus quarto & quinto tantum, non etiam sexto & septimo. Portio cuiusque facit centum, quoniam sunt septingenta in bonis, & omnes septem ex æquo scripti heredes sunt: Portio, inquam, cuiusque facit centum, cuius Falcidia est 25. Fundum autem prius capit partim jure hereditario a femetipso pro parte septima, partim jure legati a coheredibus omnibus pro reliquis partibus: existente conditione fideicommissi, prius a quo duo fratres, secundus & tertius, & duo extranei coheredes, quartus & quintus, quod eis relictum est fideicommissum portionis primi petunt; is primus scilicet Falcidiam ex fideicommissio deducere desiderat, juxta Senatusconsultum Paganum, vel hodie Trebellianum, ut dodrantem tantum suæ portionis restituat fideicommissariis, id est, secundo, tertio, quarto & quinto. Quæritur, quid in eam Falcidiam imputare debeat? Et certum est, jure eum in Falcidiam imputare partem tantum septimam fundi, quam a femetipso jure hereditario percepit. Et hoc est quod ait L. cum hereditariam partem fundi in quartæ ratione retinere, id est, imputare in Falcidiam. Denique cum fundus, ut posui, dignus sit 28. in Falcidiam imputat 4. hæc est septima pars fundi, quam a seipso capit jure hereditario. An vero etiam imputat in Falcidiam partes fundi, quas a coheredibus secundo, tertio, quarto, quinto, vice mutua percipit jure legati? Percipit autem a singulis quatuor ab omnibus, in summa sexdecim, & non imputat propriæ a sexdecim in Falcidiam, sed compensat Falcidiam retinendam ex portione sua, quam etiam retinere desiderat, & deducere in restituenda ea portione. Junge nunc illa sexdecim, quæ a coheredibus, quibus rogatus est restituere portionem hereditatis, vice mutua percipit, & Falcidiam compensat pro modo concurrentis quantitatis: jure, inquam, ea sexdecim cum illis quatuor, quæ jure hereditario a femetipso capit, & Falcidiam imputat, sunt 20. & desunt adhuc Falcidiam quinque, quæ deducet ex portione hereditatis quam ex fideicommissio tenetur restituere coheredibus duobus fratribus suis, & duobus extraneis, residuo eis restituere compellitur, id est, nonagintaquinque. At quid fiet reliqua parte fundi prælegati, quam capit a coheredibus sexto & septimo, quibus vicissim non est rogatus restituere portionem hereditatis: nam fundum prælegatum fuisse primo ab omnibus coheredibus initio recte proposui. Quid igitur fiet octo, quæ sunt residua in fundo, quæque accipit a sexto & septimo? Et sane, ut ea lex ostendit, ea octo, neque imputat Falcidiam sive quartæ, neque compensat, sed ea habet supra quartam portionis suæ, sive supra Falcidiam, ut in l. 15. §. pen. inf. ad leg. Falcid. dicitur, matrem heredem institutam ex parte fideicommissum sibi relictum percipere supra quartam portionis suæ, & l. 9. §. cod. tit. in fideicommissaria hereditate restituenda, extra quartam id esse, quod heres oneratus fideicommissio a coherede accipit, jure legati videlicet, si non ei rogatus est hereditatem, sive portionem hereditatis restituere, sed extraneo. Ea igitur octo in specie proposita filius lucrificat, & habet ultra Falcidiam, quia fideicommissio non continetur prælegatum, quum heres ex parte rogatur restituere partem sive portionem hereditatis, ut proponit de industria, d. l. filium quem. Nam si simpliciter rogetur restituere portionem, nullo alio adjecto, etiam prælegatum fideicommissio continetur, nec habetur supra quartam, l. Marcellus, §. quidam, ff. ad Senatusconsultum Trebellianum. Idemque ostendit l. 1. in fideicommissaria §. ult. cod. tit. ubi ponit, heredem institutum ex parte, cui dato legato rogatus est restituere portionem hereditatis alteri, non restituere, inquit, quia dixit, portionem hereditatis, id quod a coherede accipit jure prælegati, id est, prælegatum fideicommissio non contineri: id tamen quod capit a seipso in re prælegata jure hereditario cadere in fideicommissum, ubi necesse est addas ex l. filium, quem, vel imputari in Falcidiam: denique portionem fundi prælegati hereditarium filius aut debet restituere fideicommissariis aut imputare in Falcidiam.

A

Ad §. L. Titio I.

Lucio Titio ex duab. partibus, Publ. Mævio ex quadrante scriptis heredibus: æssum in dodrante esse divisum, respondit: modum enim duarum partium ex quadrante declarari. Quod veteres nummis Titio legatis; nummorum specie non demonstrata, ceterorum legatorum contemplatione, receperunt.

In specie secundi responsi h. i. proponitur: testator, tametsi omnis hereditas foleat distribui in duodecim uncias, quod hoc numero plerumque significetur universitas, ut ait Aug. 20. de Civ. Dei. suam tamen hereditatem distribuisse in 9. uncias testatur, quoniam potest sane patetiam, qui de re sua testatur, in tot partes, quot voluerit vel plures vel pauciores hereditatem suam distribuere, l. 13. §. patetiam. hoc tit. At plerumque sollemnibus distributio hereditatis fit in duodecim uncias, quæ assis appellatione continentur, quod eadem omnes scire arbitror: quoniam prima res, quæ nota esse debet accedenti ad juris civilis studium, ea est distributio assis, id est §. ult. l. 50. hoc tit. five §. hered. Instit. cod. tit. aut certe totus liber Volusii Martiani de distributione assis, cuius quidem assis duodecima pars est uncia. Siculum nomen, quo significabatur as unum, ut Julius Pollux scribit 9. Et ab uncia reliquas partes, non eadem ratione nomina imposita habere Varro scribit 4. de lingua Latina, sed alias nomen habere a quota parte assis quam heri didici ab uno ex vobis peritissimo hujusce artis Diophantum appellare, partem cognominem, ut testantem a sexta parte assis: quadrantem a quarta: trientem a tertia: semissem a dimidia, id est, semi asse; alias vero nomen habere a numero unciarum, ut quincuncem & septuncem; quincuncem, quia numerus quinarus in asse partem quotam non facit, septuncem, quia, ut Remmius Polemo ait in poemate de ponderibus, quod dimidium superat, pars esse negatur, pars scilicet quota vel cognominis: alias vero nomen habere a demptione partis, ut bes, quæ olim des, a demptione trientis, ut Aufonius ait:

Tertia desuerit si portio, quid reliquum? Des. Dodrans a demptione quadrantis, dextans a demptione sextantis, deanx a demptione uncie.

Cum vero testator ita heredes scripsit, ut est in hoc secundo responsio: *Primus ex duabus partibus, secundus ex quadrante heres esto*, æssum videtur distribuisse an dodrantem, quia primus videtur institutus ex semisse, qui divisus in duas partes, duos quadrantes facit, & ita in ea hereditate institutione. duas partes ut accipiamus, comparatio quadrantis infra adscripti secundo declarat atque postulat, sicut nummis legatis, quo exemplo Papinianus utitur, id est, legato nummorum relicto, legato nummorum certo numero, ut in l. si servus plurimus, §. ult. ff. de leg. 1. Quoniam legatum nummorum, non adjecto numero, sane nullum & ridiculum est. Nummis igitur centum legatis, uni distincte & simpliciter, nummorum qualitate non demonstrata, deinde alii legatis quinquaginta nummis sestertiis, veteres juris auctores conjectabant & priori fuisse legatos centum nummos sestertiis, ut in d. l. si servus plurimus, §. ult. dicitur: *Summarum quæ sequuntur scripta spectanda esse, quotiens non appareat quales nummi ante alii legati sint*, & l. nummis, ita de legatis 3. contextum testamenti spectandum esse: & l. 44. de manum. testam. Contextum totius scripturæ testamenti. Sic igitur adscriptis primo duabus partibus simpliciter, spectanda est pars, quæ deinde specialiter & nominatim adscripta est secundo, quæ quoniam est quadrans, & primo duos quadrantes recte colligimus adscriptos, id est, semissem, atque adeo æssum a testatore divisum in dodrantem, quæ divisio quadrantis minor est sollemni & legitima divisione assis: verum ad eam legitimam divisionem assis, etiam ita heredes scripti ipso jure five juris potestate revocant servata eadem proportionem, nempe dupla, ut altero tanto plus habeat primus, quam secundus, puta, besse adscripto primo, & triente secundo, quia paganus, de quo, ut primum responsum, & reliqua

D

E

qua huius legis responsa accipienda sunt, partim testatus, partim intestatus decedere non potest. Et sic in d. l. 13. §. pater, in duobus tantum heredibus scriptis ex quadrante, as quidem divisus est a testatore in semissem tantum, sed iure ipso singuli heredes sunt ex semisse. Ac similiter primo scripto ex semisse, secundo ex quadrante, as divisus quidem est in dodrantem tantum, sed ipso iure primus feret beseem, secundus trientem, quia quantum de asse dimittit testator, tantum ipso iure accrescit pro rata, id est, *derachis*, & servata proportionem geometrica, causa testati trahente ad se causam intestati, sicut e contrario nonnunquam causa intestati trahit ad se causam testati, ut in specie l. pen. ff. de in su. rupto.

Ad §. Filiis.

Filiis heredibus æquis partibus institutis, ac postea fratris filio pro duabus uncis: unum assem inter omnes videri factum, placuit, & ex eo 10. uncias filios accepisse: tum enim ex altero asse portionem intelligi relictam, cum asse nominatim dato, vel duodecim uncis distributis, residua portio non invenitur. Nihil autem interest, quo loco sine portione quis heres instituitur, quo magis asse residuum accepisse videtur.

Do sunt filii æquis partibus heredes instituti, ac postea filius fratris pro sextante, quaeritur juris potestate quantum filii habuerint? Et recte respondit Papinian. dempto sextante, qui filio fratris nominatim adscriptus est, ex eo, quod superest, id est, ex dextante filios habituros æquas partes. Ne dicas modum partium filiorum declarari ex sextante adscripto filio fratris, ut in superiori specie: quod si verum esset, as videretur divisus in semissem tantum, & juris potestate omnes trientes haberent: sed ne hoc dicas, quoniam longe diversa hæc species a superiori est. In illa primus scriptus est ex duabus partibus, in hac filii scripti sunt sine partibus, quoniam nihil interest dixerim filii æquis partibus heredes sunt, an filii heredes sunt: quia & hoc sermone æquis partibus heredes scripti intelliguntur; denique si hoc, siue illo modo scribantur, ex æquis partibus scribuntur. In illa autem specie superiori assem testator distribuit in dodrantem tantum; in hac specie assem totum solemniter distribuisse intelligitur in 12. uncias. Ideoque in hac specie singuli filii ferunt quincuncem, filius fratris sextantem, qui adscriptus ei est. Ne etiam dicas, testatorem in hac divisione excessisse 12. uncias, & filius dedisse assem integrum æquis partibus, filio fratris ex altero asse, qui dupondium dicitur, ut aspondium pro asse, dupondium pro duobus assibus siue 24. uncis, tripundium pro tribus assibus. Nam as, pondo, & libra, idem est. Videtur igitur filio fratris ex altero asse dedisse sextantem. Qua ratione utemur quidem, si filii nominatim ex asse heredes essent scripti, hoc modo: filii ex asse æquis partibus heredes sunt, vel etiam, si unus esset scriptus ex semisse, alter item ex semisse nominatim, vel si unus ex triente, alter ex besse, quo genere totus as erogatur & distribuitur: at non ita in hac specie filii scripti proponuntur, sed simpliciter sine partibus certis, quo casu eadem ratione non utitur, ideoque subijcit, nihil interesse quo loco sine partibus filii scripti sint, priore non posteriori, ut in l. quo loco sup. hoc titulo, vel hoc modo scilicet, filii heredes sunt, filius fratris ex sextante heres esto: vel e converso: filius fratris ex sextante heres esto, filii heredes sunt, quia quocunque loco filii scripti sint sine partibus, dempto sextante, omnino residuum assis, id est, dextantem accepturi sunt, quæ est sententia huius responsi: cui nihil obstat l. quam opponit Accursius 47. §. 1. sup. hoc tit. In qua filia non proponitur heres scripta sine parte, sed ex asse adjecto coherede postumo vel postuma, si postuma nasceretur ex quarta parte, id est, ex quadrante, si postumus nasceretur ex dimidia, & quarta, id est, novem uncis, ex dodrante, ut in l. quidam, tit. seq. & si ex dimidia & ex sexta, id est, ex besse in l. 13. §. pen. sup. hoc tit. ex quo in testamento Augusti apud Suet. in fi. Augusti & in Tiberii c. 25. legendum est. Augustum Tiberium scri-

psisse ex dimidia & sexta, & Liviam ex 3. male vulgo

ex dimidia & sextante: quamvis idem sit, sed esset inepta locutio. Nam & ita M. Tullius 13. Epist. ad familiares.

Heres ex parte dimidia & tercia ex capto, id est, ex dextante. Porro in specie dictæ l. 47. nato postumo fiet divisio paternæ hereditatis inter filiam & postumum pro ratione Geometrica, ita scilicet, ut quia filia scripta est ex asse, postumus ex alterius assis dodrante, id est, filia ex 12. uncis, postumus ex novem, quæ ratio est sequitertia, ut maior etiam sit filia portio sequitertia: id est, ut quartæ parte amplius habeat quam postumus: nata autem postuma, quia filia scripta est ex asse, postuma ex quadrante, quæ ratio est quadrupla, ut maior sit filia portio quadruplo; postumo vero & postuma natis simul, similiter quarta parte, ut maior sit filia postumi portio, postumi autem quam postumæ, ut maior sit portio triplo: quia postumus ex novem, postuma ex tribus uncis proponitur scripta, quæ ratio est tripla, filia autem, ut habeat tantundem, quantum uterque postumus & postuma, puta, filia semissem, postumus trientem & semunciam, id est, dimidiam unciam, postuma sequiunciam, id est, unciam & semunciam. Et hæc est sententia l. 47. cui quemadmodum abrogaverit Iustinianus in l. cum questio, C. de leg. & aliis plerisque legibus similibus, similem proportionem exacte servantibus, Geometrica introducta ratione huic adversa, quæ Arithmetica dicitur propter præsumptam voluntatem defuncti, ego fufius ostendi in d. l. 47. quoniam est Africani.

Ad §. Ultimum.

Sejus Mævium ex parte, quam per leges capere possit heredem instituit: ex reliqua Titius Mævius solidum capere poterit: Titius adjectus aut substitutus heres non erit.

Species hæc est: Sejus testator ita heredes scripsit, Mævius ex parte, quam per leges capere poteris, heres esto: Titius ex reliqua parte. Finge: Mævius solidum assem capere potest, quid habebit Titius? nihil prorsus, quia nihil est reliquum. Et ut excludat omnino Titium, ait, eum neque venire, ut adjectum, id est, ut coheredem, ut in l. 85. ff. hoc tit. l. verbis, §. qui cum plures, tit. seq. Nec venire ut substitutum, Mævio accipiente solidum. Sed subijcitur ex eodem Papiniano, in eodem libro ex l. seq. si non dixerit, Titius ex reliqua parte heres esto, sed hoc modo: Mævius ex hac parte quam per leges capere poteris, heres esto, Titius heres esto, & Mævius assem capere possit, tantundem habebit Titius in altero asse, quantum habebit in primo Mævius, atque ita ratione revocata ad assem, id est, dupondio revocato ad aspondium, singuli ferent semisses: sed ut est scripta l. sequens & in Eloquentis, & in aliis plerisque, in ea est manifesta commutatio personarum, quoniam pro Mævius, scribendum est Titius, & pro Titius, Mævius. Nec omittendum quod subijcitur in l. 80. ex eod. lib. 6. Resp. Si ut initio proposui, Mævius sit heres scriptus ex parte, quam per leges capere possit, Titius ex reliqua parte, & Mævius nihil omnino capere possit ex ea hereditate, quasi in totum incapax, tum Titium vocari, ut substitutum Mævii in assem siue hereditatem totam; licet ibi addere, vel vocari ut coheredem, nihil refert, in assem deficiente Mævio: Nam reliquæ partis appellatione etiam as continetur, ut in l. Julia de residuis, residui aut residuorum appellatione totum continetur, l. 4. §. hac lege, & §. seq. ff. ad leg. Jul. repet. item in specie l. 2. C. eod. tit. & l. 95. & l. 160. de verb. signific. & l. cum optio, ff. de opt. leg.

Ad L. XII. de Vulg. & pup. substit.

Verbis civilibus substitutionem post quartum decimum annum ætatis frustra fieri convenit, sed qui non admittitur ut substitutus, ut adjectus heres quandoque non erit, ne fiat contra voluntatem, si filius non habeat totum interim, quod ei testamento pater dedit.

Verba

codicillis ei substituit in secundum casum, hoc modo, si heres erit, & intra pubertatem decesserit, tunc ei primus, secundus, & tertius heredes sunt. Plures substitutos dedit, quos etiam inter se invicem iisdem codicillis directo substituit in primum casum, id est, & vulgari modo: deinde mortuo patre, & filius mortuus est intra pubertatem superstitie matre, quæ se agit pro herede filii ab intestato ex Senatusconsulto Tertull. quia substitutio tam pupillaris quam vulgaris reciproca inutilis est, quoniam facta est codicillis, in quibus directo hereditas dari non potest secundum reg. juris, sed testamentum tantum, ergo subtili iure mater heres est ab intestato, & substitutio omnis, quæ scripta est codicillis verbis directis, nullius momenti est. At benigna interpretatione placet, matrem legitimam heredem filii, veluti ex causa fideicommissi substitutis obligari, ut deducta Falcidia, eis restituitur filii hereditatem, & consequenter placet substitutionem vulgarem, qua substituitur pupillo invicem iisdem codicillis substituti sunt, iure fideicommissi sustineri, & porrigi ad fideicommissum hereditatis filii quod a matre accipitur, ut scilicet uno substitutorum mortuo, qui supersunt totum occupent: quæ est species & sententia legis. Et sic videmus in specie huius legis, substitutionem pupillarem factam verbis directis, quæ iure directo valere non potest, propterea quod est scripta in codicillis, sustineri iure fideicommissi: cur non, inquires, & in specie huius legis sustinetur iure fideicommissi? Reddenda est ratio differentie perspicua, quæ talis est, quoniam in specie huius leg. 7. substitutio egreditur pupillarem ætatem, quoniam proponitur ita facta: *Quandocumque filius decesserit, vel si intra 25. annum decesserit*: substitutio hæc palam egreditur pupillarem ætatem, plane egreditur finem pupillaris substituit. In specie legis *Scævola*, non item, quoniam ita dixit, *si intra pubertatem decesserit*. Ac præterea in specie huius l. 7. filius proponitur decessisse post pubertatem, atque ita substitutio prioris evanuisse & expirasse: In specie l. *Scævola*, proponitur filius decessisse intra pubertatem, & ne concidat omnino testamentum filii quod pater ei fecit, si moriatur intra pubertatem, testamentum ejus sive substitutio, quæ non potest valere ut testamentum pupillare iure directo, valet ut codicillis pupillaris ab intestato, & propter pupillum: inter ipsos quoque pupilli substitutos valet substitutio reciproca, facta vulgari modo iure eodem. Quod si in specie l. *Scævola* pupillus decessisset post pubertatem, sane omnis substitutio intercidisset, nec ullo iure confisteret, quia ut sibi ipsi potest facere: effect enim absurdum quem puperi, & fane mentis facere testamentum, vel codicillos, quod tantum contingeret, si mortuo filio post pubertatem diceret in specie l. *Scævola*, hoc detracto, quod mortuus est post pubertatem, testamentum, quod ei facit pater, valere ut codicillos.

Ad L. XV. de Vulg. & pup. substit.

Centurio filiis, si intra quintum & vigesimum ætatis sine liberis vita decesserit, directo substituta, intra quatuordecim annos etiam propria bona filio substituit iure communi capiet: post eam ætatem ex privilegio militum, patris duntaxat cum fructibus inventis in hereditate.

Quod Papinianus dixit in l. *verbis civilibus*, sup. quam exposui ante, substitutionem pupillarem filio impuberi factam a pagano verbis directis, si puberem ætatem egrediatur, post pubertatem, nec in partem, nec in totum valere, & ut adjicimus, nec iure directo, nec iure fideicommissi; id nunc idem Papinianus in hac lege ostendit in milite per omnia locum non habere. Nam si centurio filiis impuberibus, vel filio impuberi substituerit verbis directis in secundum casum, hoc modo, si intra 25. annum sine liberis vita decesserit, mortuo filio intra pubertatem, ait, iure communi, quo omnes utuntur, & paga-

ni, & milites, substitutum capere etiam bona filii propria, quibus verbis significatur, substitutum admitti iure directo, quo quidem iure non tantum caput bona patris, id est, quæ filius accepit a patre, sed etiam bona filii propria, quæ ei postea obvenirent, *sed si plures*, §. *a substituto*, sup. hoc tit. Et hoc casu nulla est differentia inter paganos & militem, quum filius mortuus est intra pubertatem. At mortuo filio post pubertatem, magna existit differentia inter militem & paganos: nam si miles filio substituerit directo ultra pubertatem, ut in specie proposita, in secundum casum. Post pubertatem mortuo filio, ait, substitutum ex privilegio militum, patris duntaxat bona capere cum fructibus inventis in hereditate, non bona propria filio. Privilegium militum, quod jus singulare est, opponit iuri communi, & his verbis, *patris duntaxat bona substitutum capere cum fructibus inventis in hereditate*: plane significat, substitutum non admitti iure directo, sed fideicommissi iure. Nam si admitteretur iure directo, caperet etiam bona filii propria. At fideicommissio sive substitutione precaria bona tantum patris tenentur, non bona filii propria. Quod manifestius apparet in filio exheredato, cui nihil reliquit pater, a quo fideicommissum relictum nullius momenti est, quia in causam fideicommissi ejus, qui fideicommissio oneratur, bona propria non veniunt, quod & aperte idem Papinianus scribit in l. *coheredi*, §. *quod si heredem*, hoc tit. & quod ait, substitutum etiam capere fructus inventos in hereditate patris, hanc rationem habet, quia fructus inventi in hereditate patris, bonis paternis adnumerantur & fideicommissio continentur, id est, ii qui maturi erant tempore mortis patris, vel ab ipso patre percepti, & in horrea repositi, l. *9. ff. ad leg. Falc.* Nec in contrarium quidquam moveri debemus l. in fideicommissaria & l. *ita tamen*, §. *10. ff. l. postulante* §. *ultim. inf. ad Trebell.* quæ omnes leges fideicommissio fructus contineri negant, quoniam omnes illæ loquuntur de fructibus, qui immaturi erant tempore mortis patris, vel qui ab herede facti & percepti sunt post mortem patris, antequam mora fieret fideicommissio. Si non continentur fideicommissio, quia nunquam fuerunt in patris hereditate, quæ fuit tempore mortis. Quod ergo ait Papinianus in hac lege, substitutum filio mortuo post pubertatem capere tantum bona patris cum fructibus inventis in hereditate patris, hoc certissimum argumentum præstat, eam substitutionem post pubertatem non valere directo, licet facta sit directo, sed valere quasi fideicommissam: non valere ut directam, sed ut precariam substitutionem: non valere iure communi, quo sane post pubertatem nullo iure confisteret, ut docuimus in d. *leg. verbis*, sed ex privilegio militum sustineri licere etiam fideicommissi. Et ita accipiendum est quod dicitur in l. 5. & l. cum filiafamil. l. miles ita heredem, §. *extraneo*, ff. de milit. testam. & in l. *testamento*, in fi. C. *cod. tit. militibus* scilicet proprio privilegio extraneis in secundum casum, verum hoc ius hereditibus extraneis in secundum casum, quæ a milite ad eum, cui substituit, pervenerunt, non etiam in his bonis, quæ heres habuerit propria, vel postea adquisierit, nempe, quia ea voluntas militis iure tantum fideicommissi substituitur, & in fideicommissum tantum cadunt bona testatoris, & hoc evidentiùs est expressum in l. *precibus*, C. de impub. & aliis substitut. quæ tota hoc loco nobis perspicue explicanda est.

Miles testamento filium impuberem heredem instituit, quem habuit in potestate mortis tempore, eique directo substituit; videndum est, quem in casum et directo substituerit, & duos eadem lex, ut & l. *Lucius inf.* hoc tit. docet esse directarum substitutionum casus, qui & eventus dicuntur & causæ. Primum casum non acquisitæ hereditatis, in quem fit vulgaris substitutio, omnibus & ab omnibus testamenti factionem habentibus. Secundum vero casum acquisitæ hereditatis, in quem fit substitutio pupillo tantum a parente, in cuius potestate est, quoad pubescat, & exemplo pupilli etiam puberi mente capto, quoad resipiscat. Vulgaris substitutio est testamentum, quo

X x x

quo

quo paterfamilias primo gradu heredum destituito & vacante, sibi alium heredem facit. Pupillaris est testamentum quod parens filio facit vel nepoti, quem habet in potestate nequeunt de re sua testari, propter pupillarem aetatem, vel propter insaniam. Itemque vulgaris substitutio finitur aditione hereditatis primo loco graduque scripti, vel creatione, vel etiam ex constitutione D. Marci pro herede gestione, ut Ulpianus refert *lib. reg. tit. 22*. Pupillaris autem, vel quæ ad imitationem ejus fit mente capto, finitur pubertate vel respicientia, & temporarium testamentum est, quod pater filio facit, & hæc de vulgari substitutione. Primum agitur id dict. *l. precibus*, similes filio impuberi, quem habet in potestate substituerit in primum casum, ita ut, si heres non existeret, Lucius Titius heres esset, & filius heres existeret, Lucius Titius heres esset, & filius heres existeret, vel post pubertatem superstiti matre, certi juris est, matrem filio ab intestato succedere ex Senatusconsulto Tertull. & substitutum omnino excludere, quia vulgaris substitutio expiravit patris hereditatem amplectente filio, ut *l. 6. Cod. de imp. & aliis substitutis. l. 6. C. de legat. l. 13. C. de fideicommissis*. Et constitutione divorum fratrum, quæ definit controversiam illam veterem, quæ fuit inter Crassum & Mutium in causa Curiana, quæ scilicet definit in vulgari substitutione, quæ fit filio impuberi, inesse tacitam pupillarem, & in hac vicissim illam, *l. 4. hoc tit. l. 4. C. eod. tit. huic*, inquam, constitutus locus non est, si filio impubere defuncto superstiti mater: nam et si expiraverit vulgaris expressa, tamen non expiravit tacita pupillaris, cujus casus & conditio existit filio impubere defuncto: & tamen substituto venienti non expressa, sed ex tacita pupillari mater præferitur, ex sententia Papiniani comprobata in *l. ultim. C. de institutis & substitutis*. Datum hoc est luctui & morori matris, ne quæ filium amisit, ex tacito quodam intellectu, tacitaque interpretatione, & bonorum filii damnum faceret. Et hoc est quod dicitur tacitam pupillarem non excludere matrem a beneficio Senatusconsulti Tertull. & contrario tamen, tacita vulgaris, quæ inest expressa pupillari excludit matrem, optima ratione, quia per vulgarem substitutionem, non filii, sed patris hereditas defertur, cui uxor legitima heres non est, & ita Accursius recte in *d. l. ultim.* Hæc de vulgari substitutione.

Quid autem dicemus si filio impuberi, quem habet in potestate, miles directo substituerit ultra pubertatem in secundum casum? *L. precibus*, censet non esse distinguendum ei in secundum casum substituerit usque ad certam aetatem, veluti, si intra 25. annum vita decesserit, an vero substituerit compendio, id est, compendio orationis, non expressa certa aetate, puta hoc modo: *quandocumque decesserit filius meus, L. Titius heres esto*: nam si hoc, si illo modo substituerit, mortuo filio intra pubertatem superstiti matre, ex eadem lege dicemus, substitutum, si velit adire filii hereditatem ex testamento, ex substitutione pupillari, præferri matri, quæ jure legitimo ab intestato contendit, se filii heredem esse, quia legitima successio cedit testamentaria, *l. quandoque, inf. de acquir. hered.* At filio mortuo post pubertatem superstiti matre, quia substitutio pupillaris post pubertatem jure directo non valet, mater ab intestato ipso jure filio succedit, sed ex privilegio militum veluti ex causa fideicommissi mater substituto hereditatem sive bona patris duntaxat restitueret tenetur, etiam non deducta Falcidia, quia lex Falcidia in testamentis militum locum non habet, veluti ex causa fideicommissi: hæc sunt verba legis *precibus*, quæ non similitudinem faciunt, sed approbationem & confirmationem hujus sententiae, ut substitutio, quæ in secundum casum a milite filiofamil. verbis directis facta est in longius tempus, id est ultra pubertatem, ultra suum finem ex privilegio militum valeat jure fideicommissi: in bonis igitur patris duntaxat, quæ filius testamento patris consequutus est. Bona enim quæ post mortem patris sibi proprie adquisivit, mater retinet ab intestato, nec restituit: si post pubertatem ex privilegio militum substitutio valeretur ju-

re directo, nihil retineret mater, alioquin fieret injuria filio, in cujus arbitrio est, postquam egressus est decimumquartum annum de re sua testari, vel non testari, videlicet si testamentum ei pater veluti privilegio quodam militis faceret, & præterperet ei libertatem testandi. At privilegia militum non oportet porrigi ad alienam injuriam, *l. impuberi, sup. de administrat. tutor.* In hac igitur questione hic terminus hæreat, substitutionem in secundum casum verbis directis filio impuberi agenti in potestate a patre pagano, vel milite factam ultra pubertatem ætatem expressa certa aetate, vel in infinitum, compendio orationis, filio mortuo intra pubertatem valere jure directo, & substitutum occupare omnia bona propria & paterna. Filio autem mortuo post pubertatem, a pagano factam substitutionem nullo jure consistere; substitutum nihil ferre, a milite factam, jure fideicommissi sustineri. Et ideo substitutum ferre bona paterna, sed hæc sola, non etiam bona filii propria: communis interpretum definitio hæc est. Eam substitutionem post pubertatem, si facta sit a pagano, valere jure fideicommissi: si a milite, valere jure directo: quia sententia nihil est ineptius, & tamen ut dicebam nudius tertius, Pontifices eam in jus suum retulerunt, sed eorum non est magis verum atque hoc Papiniani responsum quod proponitur in *l. verbis civilibus, & in hac leg. centurio*. Et liquet etiam aliam pene similem, sed in contraria specie differentiam esse inter paganum & militem ex *l. Antoninus, ff. de fideicommissis, libert. l. neque, §. ult. & leg. inf. de milit. testam.* Primum in hac specie contra rationem fit ex privilegio militum, ut quod fideicommissum non valet, jure fideicommissi, sustineatur jure directo, in pagano nullo jure: species hæc est: Miles heredem instituit, eique substituit in primum casum, vulgari modo, & tam ab herede instituto quam a substituto, servo libertatem & hereditatem dedit per fideicommissum. Post, heres institutus & substitutus uterque subita morte perierunt, antequam adirent hereditatem: ergo ipso jure nihil ex iis, quæ testamento scripta sunt, valet, & libertas igitur corrui fideicommissaria, & hereditas cum libertate data per fideicommissum. Sed tamen ex privilegio militum decrevit Anton. libertatem & fideicommissariam hereditatem tendam esse, ac si fideicommissum data esset: nec tamen idem dici possit in pagano, quod ad hereditatem fideicommissariam attinet, quia intercessisse intelligitur non adita hereditate ab instituto, vel substituto, sed tamen etiam in testamento pagani Antoninus confirmavit libertatem tantum, quæ est species *d. l. Antoninus*.

Ad Legem XXIII. de Vulgari & pupill. substitut.

Qui plures heredes instituit, ita scripsit: *eosque omnes invicem substituo*: post aditam a quibusdam ex his hereditatem, uno eorum defuncto si conditio substitutionis extiterit, alio herede partem suam repudiante, ad superstites tota portio pertinebit: quoniam invicem in omnem causam singuli substituti videbuntur. Ubi enim quis heredes instituit, & ita scribit, *eosque invicem substituo*: hi substituti videbuntur, qui heredes extiterunt.

IN hac lege proponitur species huiusmodi: Quatuor extranei heredes instituti sunt primus, secundus, tertius & quartus. Iidemque invicem substituti sunt his verbis, *eosque omnes invicem substituo*, quæ est substitutio vulgaris mutua & reciproca, ut ait, *l. 4. hoc tit.* Primus, secundus & tertius hereditatem adierunt, & post aditam hereditatem tertius vita decessit, & portionem suam transmisit ad heredem suum: deinde quartas portionem suam repudiavit post mortem tertii. Quæritur, quanti portio an ex substitutione reciproca non tantum pertineat ad primum & secundum heredes superstites, sed etiam ad heredem tertii vita defuncti. Et respondet Papinianus, ad solos heredes superstites pertinere pro rata partium, ex quibus instituti sunt, ad primum scilicet & secundum, qui directo & principaliter testatori heredes exti-

extiterant, non etiam ad heredem tertii, qui non principaliter, sed per successionem testatori heres extitit. Et responsi sui hanc rationem reddit Papinianus, quoniam invicem in omnem causam singuli substituti intelliguntur: non dicit singulos esse substitutos invicem, & in utramque causam, id est, & in primum, & in secundum casum, quia secundus casus, sive substitutio pupillaris non cadit in extraneum, sed hoc dicit: singulos videri substitutos in universam sive totam causam substitutionis vulgaris sine ulla diminutione, vel rescissione, vel concursu alterius, quam ejus, qui directo ex testamento testatori heres extitit, quia, ut subjicit: *si tantum substituti videntur, qui heredes extiterunt*; directo scilicet & principaliter, id est, qui in testamento heredes scripti sunt & portiones suas adquisierunt, l. coheredi §. i. inf. hoc tit. non etiam heredes heredura. Heres heredis non est directus sive principaliter heres testatoris, l. ult. ff. de legat. 3. non est proximus heres, l. sciendum, de verbor. significat. non est heres ex testamento, vel ex judicio testatoris, l. §. ult. hoc tit. Ergo si solum vocantur ex substitutione vulgari reciproca recurrente & commente, qui testatori ex testamento principales & proximi heredes extiterunt. Spes substitutionis non transmittitur ad heredem, l. quater, ff. de acquir. hered. l. si ex pluribus, ff. de suis & legiti. Ratio sumenda est ex veteri regula, quia hereditas vel hereditatis portio non adquisita ex institutione vel ex substitutione ad heredem non transferatur, ne scilicet post juris transferatur in heredem, quam defunctus habuerit, & ita hoc Papiniani responsum cum ceteris fere omnibus interpretibus libenter accipio, qui tamen rationem Papinianam ne attingunt quidem, in qua tota vis consistit legis sive responsi. Et libenter ita accipio hoc responsum, quod videam & omnes idem, in eadem specie respondisse Paulum in l. Lucius, §. ult. inf. hoc tit. Quidam Germani aliter hoc responsum accipiunt, nempe ut dicant, uno ex pluribus heredibus institutis & invicem substitutis defuncto, priusquam adiret hereditatem, eos solos in portione ejus venire, qui adierunt, non etiam eum, qui repudiavit, specie posita hoc modo. Qui primum, secundum, tertium, quartum heredes instituit, ita scripsit: *eoque omnes invicem substituo*: primus & secundus adierunt hereditatem, tertius mortuo obiit priusquam adiret hereditatem, atque ita conditio substitutionis vulgaris extitit: quartus autem repudiavit partem suam, atque ita etiam in partem quartii conditio substitutionis vulgaris extitit: de quarti parte qui repudiavit, quid fiet? dicunt non queri in hac lege, sed de parte tertii mortui ante aditam hereditatem, utrum scilicet tota pertineat ad coheredes, primum & secundum, puta, qui adierunt, an etiam ad quartum qui repudiavit. Et Papinianum dicunt respondere, nihil ex portione tertii ad quartum pertinere, qui repudiavit, sed ad primum tantum & secundum, qui adierunt, totam portione tertii pertinere pro rata, & quo magis verborum dispositio congruat huic sensui quem adstruunt, mutant interpretationem, & verissimum quidem id esset responsum. Sed non ita in hac lege ponendam esse speciem liquet ex eo, quod Papinianus ait, unum ex iis, qui adierunt defunctum, illi perperam defunctum ante aditam hereditatem. Et quod superstitibus heredes Papinianus opponit defuncto heredi, nimirum quia controversia fuit inter heredes defuncti & superstitibus heredes testatoris: illi perperam superstitibus opponunt superstiti, id est, ei qui repudiavit, de cuius etiam parte non fuit cur minus quaereret Papin. quam de parte mortui ante aditionem, neque vero, si ea fuisset species, etiam de ea omisisset quaerere. Itaque permaneamus in superiori interpretatione.

Ad L. XLI. Eod.

Coheredi substitutus, priusquam hereditatem adiret, aut conditio substitutionis existeret, vita decessit: ad substitutum ejus, sive ante substitutionem, sive postea substitutus sit, utraque portio pertinebit; nec intererit, prior substitutus post institutum, an ante decessit.

Tom. IV.

A Species primi responsi hæc est: Qui primum & secundum heredes scripsit, ita eis substituit in primum casum, vulgari modo: *si primus heres non erit, secundus in partem locumque ejus heres esto, si secundus heres non erit, L. Titius heres esto*. Secundus vita decessit, antequam hereditatem adiret, & antequam conditio substitutionis existeret, id est, antequam primus repudiaret hereditatem, vel moreretur ante aditam hereditatem. Deinde primus repudiavit, vel vita excessit, non adita hereditate. Papinianus ait, ad L. Titium, qui secundo substitutus est, pertinere non tantum portionem secundi, sed etiam portionem primi, cui secundus substitutus fuit, quasi substitutus primo & secundo substitutus esse intelligatur, & hoc est quod dicitur, vulgo, *substitutum substituto, esse instituto substitutum*, ut l. si Titius, sup. hoc tit. Quod & in Inst. tit. de vulg. substit. dicunt Severus & Anton. rescrisisse sine distinctione: quid sit sine distinctione Papinianus declarat in hoc responso. Nempe, quia nihil interest L. Titium substitutum sit secundo, antequam secundus substitueretur primo, an post substitutionem secundi factam primo. Item, quia nihil interest, secundus post primum moriatur an ante primum. Videbatur Luc. Titius non esse substitutus in utramque partem, nisi quum erat substitutus ultimo loco post substitutionem secundi, ut proposui exemplum; sed idem est, si fuerit substitutus primo loco ante substitutionem secundi hoc modo: *Primus & secundus heredes sunt, si secundus heres non erit, L. Titius heres esto, si primus heres non erit, secundus heres esto*. Et rursus videbatur L. Titius non admitti in utramque partem, in secundi partem, nisi secundo moriente vel repudiante post primum, id est, post de latam secundo portionem primi. Sed idem est, si secundo moriatur ante aditam hereditatem, vel repudiet ante primum. Et in summa: Non spectato ordine scripturæ vel ordine successionis deficiente primo & secundo L. Titius jure substitutionis utriusque partem capiet. Et hæc in vulgari substitutione, per quam heres testator constituitur: nam in pupillari substitutione, per quam heres constituitur pupillo non testatori, ordinem successionis spectari, & distinctionem adhiberi pro ratione successionis ostendit l. qui habebat, hoc tit. cujus species necessario explicanda est. Pater, qui habebat filium & filiam impuberes, filium heredem instituit, filiam exheredavit: filio in secundum casum substituit filiam, ita ut si intra pubertatem decederet, filia ei heres esset, filia autem exheredata certum esset exheredatæ, vel exheredata fieri posse substitutionem pupillarem, fieri possit testamentum usque ad pubertatem, l. sed si plures, §. ad substit. hoc tit. filia igitur exheredata, si in intra pubertatem, vel ut ait Scævola, d. l. qui habebat, si antequam nuberet, id est, antequam nubilis esset, decederet, substituit uxorem & sororem suam: ea verba, *antequam nuberet*, sic necessario accipienda sunt, ante quam nubilis esset, quia substitutio pupillaris non potest egredi nubilem ætatem. In aliis causis facile patiar his verbis significari diem nuptiarum, non nubilem ætatem, tamen id quoque olim fuerit controversum inter juris auctores, sed controversiam definivit Justinianus in l. sancimus, C. de nuptiis: in causa substitutionis pupillaris natura & conditio ejus exigit, ut accipiantur ea verba de ætate, non de die nuptiarum: ergo & filio instituto in secundum casum substituit filiam, & filia exheredata in eundem casum substituit uxorem & sororem suam. Quid deinde contigit post mortem testatoris? filia prior decessit impubes, sic recte habent Florentini, non pubes, deinde post filiam filius etiam decessit impubes: queritur, an ut filia, sic etiam filii hereditas pertineat ad uxorem & sororem testatoris, quia filia tantum substituta sunt? Et respondet Scævola: non pertinere, non reddita ratione, ut solet. Substitutus igitur substituta filia non intelligitur esse substitutus filio, & hoc ideo, quia filia nunquam fuit de lata filii hereditas: cum ipsa prior decessisset, alioquin si prior filius decessisset & filia ei heres extitisset ex substitutione pupillari, proculdubio postea etiam mortua

Xxx 2

filia

filia impubere utriusque hereditas pertinet ad sororem & uxorem testatoris. Itaque qui ordo successione non servatur in substitutione vulgari, spectatur in pupillari. Et ratio differentie hæc est, quia in specie leg. qui habebat, omnino deficit, vel existenda est substitutio pupillaris, quæ filio facta est moriente substituta ante filium, & ideo filia hereditas, non jam pertinet ad substitutam, quæ nulla est, sed ex Senatusconsulto Tertuliano ab intestato reddit ad matrem solam, id est, uxorem testatoris: filia autem hereditas, quæ prior decessit pertinet ad utramque, uxorem & sororem testatoris jure substitutionis. Res est perspicua.

In specie autem hujus legis, non omnino deficit substitutio vulgaris facta primo, moriente secundo ante primum, quia si postea moriatur, etiam primus non adita hereditate jure substitutionis L. Titius utramque partem occupat, quoniam pars secundi primo coheredi suo etiam invito adcrevit, l. si quis heres, ff. de acquir. hered. nec ante L. Titius ad utriusque partem admittitur, quam vacaverit pars utriusque. Et in hoc Papinianus responso illo loco: priusquam hereditatem adiret, aut conditio substitutionis existeret, illud aut subdisjunctionem, id est, falsam & mendacem disjunctionem facit, ut solent plurimum loqui nostri auctores, alioquin mortuo secundo post aditam hereditatem, antequam primus repudiaret, deinde repudiante primo, videretur ad L. Titium pertinere secundi additione expiravit substitutio vulgaris, & consequenter primi etiam portio eo casu ad L. Titium non pertinet, quia utriusque pars non vacat.

Ad §. ex His verbis.

Ex his verbis: eosque invicem substituo, non adeuntis portio scriptis heredibus pro moda sibi, vel alii qua sita portionis deferatur.

Hoc loco docet Papinianus, quod docuit etiam supra in l. qui plures heredes, ex substitutione vulgari reciproca non adeuntis, five repudiantis portionem, deferri scriptis tantum heredibus pro rata partium, ex quibus heredes scripti sunt, qui & portiones suas adierint, vel adquisierint sibi, vel alii, puta, patri vel domino, in cuius potestate permanserunt: nam si servus vel filius exierint potestate patris vel domini, post unum coheredum hereditatem repudiavit, portio ejus jure substitutionis non pertinebit ad patrem vel dominum, quamvis ei filius vel servus suam portionem adquisierit, sed pertinebit ad filium emancipatum vel servum manumissum, quia aliter quam in contractibus, in quibus tempus duntaxat contractus spectatur, in testamentis non tantum testamenti tempus spectatur, sed etiam tempus delatæ hereditatis vel legati, l. que legata, de re. jur. l. si solus, §. ult. in fin. de acquir. hered. Igitur in specie proposita spectatur tempus, quo deferatur portio hereditatis, portio heredis non adeuntis, ut si eo tempore filius vel servus fuerit in potestate patris, ea portio per filium aut servum patri aut domino adquisitur, si non fuerit in ejus potestate, si emancipatus ante fuerit, aut servus manumissus, ut sibi adquiratur. Et quod in hac substitutione, quæ vice mutua fit inter coheredes vulgari modo obtinere dicimus, idem per omnia servatur in substitutione pupillari hoc modo concepta: quisquis mihi heres erit, idem filio meo impuberi heres esto. Nam ex hac substitutione neque vocatur pater, qui per filium, neque dominus, qui per servum heres exstitit, videlicet si filius vel servus eo tempore, quo conditio substitutionis existit, id est, quo moritur impubes, exierit potestate patris vel domini, ut Azo recte notavit ad l. §. ult. in hoc tit. l. 3. hoc tit. Nam filio vel servo manente in potestate patris vel domini, si conditio substitutionis pupillaris existat, patri vel domino certum est per filium vel servum acquiri hereditatem pupillarem. Illud etiam certum est, neque ex hac substitutione pupillari admitti heredem heredis, d. l. §. ult. in l. 10. in prim. hoc tit.

A neque ex illa substitutione vulgari, qua coheredes invicem substituantur, ut docuimus in d. l. qui plures, supra: quæ ut hic §. est etiam de substitutione vulgari reciproca. Ceterum in illa l. qui plures, heredes superstitis opponuntur heredi coheredis mortui post aditam hereditatem. In hoc autem §. velim heredes scriptos & superstitis opponi fisco, ut scilicet dicat, substitutos invicem coheredes præferri fisco: maxime, cum & ob id potissimum fiat substitutio reciproca, ne portio non adeuntis fiat caduca, l. un. §. 1. C. de cad. toll. l. 1. C. de his, qui ante apert. tab. l. miles, §. ult. in ff. de legat. 2. l. §. hoc tit.

Ad §. Cum filia.

Cum filia, vel nepoti qui locum filii tenuit, aut post testamentum caput tenere, parens substituit: si quis ex his mortis quoque tempore non fuit in sensilia, substitutio pupillaris fit irrita.

Multæ sunt & olim fuerunt ante Justinianum differentie inter filium & filiam, ceteroque liberos. Filii præterito nullum faciebant testamentum: filia vel nepotis præterito, non idem, §. 1. Inst. de exher. liber. l. ult. C. de liber. præter. Filii exheredandus erat nominatim: filia, nepos & ceteri liberi exheredari poterant inter ceteros hoc sermone: ceteri exheredes sunt, d. §. Item filius non potuit institui sub omni conditione, non sub casuali, sed potestative tantum, quæ in ejus potestate esset: filia, nepos & ceteri sub omni conditione institui poterant, quam differentiam etiam hodie valere verum est, l. 4. l. 8.

C §. 1. sup. tit. prov. Sicur & illam differentiam manere constat, aut noviter introductam esse a Justiniano, ut filius vel filia, rogatus rogatæ hereditatem restituere, aut oneratus oneratæ legatis aut fideicommissis non imputet in falcidiam fructus medio tempore perceptos, quos tamen nepos imputat, & ut filio quoque vel filia remittatur cautio fideicommissi, vel onus remittendæ cautionis fideicommissi, quæ tamen non remittitur nepoti, l. jubemus, C. ad Senatusconsult. Trebell. Item filius trina emancipatione, & trina manumissione exhibet potestatem patris: filia, nepos & ceteri una manumissione & una emancipatione, l. §. §. ult. sup. de inju. sup. res. Hæc sunt vel fuerunt discrimina, hæc differentie inter filium & filiam & nepotem ceterosque liberos. At in causa pupillaris substitutionis in hoc §. hoc loco, cum filia, vel nepoti, voluit ostendere Papinianus nullam esse differentiam inter filium & filiam vel nepotem ceterosque liberos, eam substitutionem fieri posse quibuscunque liberis, qui modo sint in potestate testatoris, filio & filia & nepoti non recusato in potestatem patris, l. 21. sup. hoc tit. Et in omnibus his liberis, quibus fit substitutio pupillaris, exigi, ut utroque tempore sint in potestate testatoris, tempore testamenti, & tempore mortis testatoris: nam, ut patrisfamil. testamentum irritum fit capitis deminutione, ita & filisfamil. vel nepotis, qui est in potestate avi, nec morte avi est recusatur in potestatem patris sui. Id, inquam, testamentum, id est, substitutio pupillaris, irrita fit capitis deminutione filii vel filia, vel ejus nepotis, veluti emancipatione vel adoptione, l. nec ei, §. 1. de adop. l. pater, ff. de cap. & poss. Et integram orationem Papiniani hanc fuisse opinor. Non solum cum filio, sed etiam cum filia vel nepoti & ceteris qui sequuntur in hoc §. non solum cum filio, inquit, sed & cum filia vel nepoti, qui locum filii tenuit, puta, filio mortuo jam ante testamentum avi, vel post testamentum, inquit, senore caput, puta, in locum filii vivo avo, mortui post avi testamentum succedente nepote ex l. Velleja. Denique quum nepoti non recusato in potestatem filii patris sui, cum inquam, filia, vel tali nepoti parens substituit in secundum casum, si quis ex his omnibus, & testamenti & mortis quoque tempore non fuerit filius, vel filia, vel nepos, vel si alii datus datave fuerit in adoptionem, substitutio pupillaris irrita fit, nulla facta differentia inter liberos.

Ad 6. quod si heredem.

Quod si heredem filium pater rogaverit, si impubes diem suum obierit, Titio hereditatem suam restituere: legitimum heredem filii, scilicet Falcidia; coeundum patris hereditatem ut ab impubere fideicommissum post mortem ejus dato, restituere placuit. Nec aliud servandum, cum substitutionis conditio puberem aetatem verbis precariis egreditur. Quae ita locum habebunt, si patris testamentum jure valuit: alioquin si non valuit, ea scriptura quam testamentum esse voluit Codicillos non facit, nisi hoc expressum est. Nec fideicommissum propria facultates filii tenentur. Et ideo si pater filium exheredaverit, & ei nihil reliquerit: nulla fideicommissum erit. Alioquin si legata vel fideicommissa filius acceperit: intra modum eorum, fideicommissum hereditatis a filio datum, extra Falcidia rationem debetur.

Non potest hic §. coaptari superiori §. ullo modo, & tamen ut quibundam verbis quae praecesserunt, coaptetur hic articulus, quod necessario exigit, ac sane hic §. est coaptandus. Verbis civilibus hoc fit. Quasi scilicet ita Papinianus scripserit ut tenore, ut integram ejus sententiam exponamus paucis adiectis five interjectis, quae etiam ipsam Papinianum interjecisse credimus, quibus verbis ea lex huc §. coagmentetur: haec sunt verba legis, verbis civilibus substitutionem post 14. annum aetatis frusta fieri convenit: quibus verbis significat, puberi parentem frustra directo substituere in secundum casum: & sequentibus in d. l. verbis, Sed qui non admittitur ut substitutus, ut adiectus heres quando non erit: nec in partem hereditatis substitutum admitti: post quae verba Papinianum credibile est adiecit, quod etiam adiecit in §. ult. Instit. de pupilli. subst. hoc tamen esse parenti permittitur, ut non tantum impubere, sed etiam puberem filium, & non tantum suum, sed etiam emancipatum per fideicommissum roget non directo si impubes, vel si pubes diem suum obierit, Titio hereditatem suam restituere, quo praemisso recte insert in hoc §. quod si heredem filium pater rogaverit, &c. hoc sensu, ut si filius heres institutus a patre rogatus sit, si impubes vita decederet, hereditatem Titio restituere, quo genere a filio impubes post mortem ejus Titio fideicommissum relinquitur, id est, fideicommissaria hereditas, sic enim accipienda sunt haec verba hujus §. ut ab impubere fideicommissum post mortem ejus dato, &c. id est, fideicommissum hereditatis paternae, non de fideicommissum rei cuiusdam certae, ut Glossa voluit, & alii plerique. Si igitur a filio herede instituto post mortem ejus, si impubes moreretur, fideicommissum hereditatis paternae Titio relinquitur, mortuo filio impubere, ad fideicommissum restitutionem obligari legitimum heredem filii, & debere patris hereditatem Titio restituere retenta Falcidia. Idemque servari ostendit, si fideicommissum illud, five substitutio illa precaria egredietur puberem aetatem: ut si filius quandoque decesserit, vel si intra 25. annum decesserit, rogetur hereditatem Titio restituere. Nam & hoc casu fideicommissum hereditatis a filio relinquitur post mortem ejus, & ideo filii puberis heres legitimus vel testamentarius, quoniam pubes potuit sibi facere testamentum, salva Falcidia cogitur Titio restituere patris hereditatem, quasi relicto fideicommissum ab herede heredis, id est, post mortem heredis, quod fit recte. Et haec ita se habent, ut hoc §. docet Papinianus. Si jure factum sit testamentum: nam si jure non sit factum, id est, si in eo defuerit solemnia juris, nihil ex iis, quae testamento scripta sunt, valet. Nec ergo valet illa substitutio precaria, nec ex ea Titio debetur fideicommissum hereditatis, quia nec jure codicillorum testamentum sustineri aut fieri potest, Lex ea scriptura, in princ. ff. de leg. t. Denique testamentum quod non valet ut testamentum jure directo, nec valet ut codicillus jure fideicommissi, nisi hoc sit expressum, id est, nisi in testamento sit adiecta clausula codicillaris, veluti hoc modo: hoc meum

A testamentum omni jure valere volo, ut in d. l. ex ea scriptura §. i. omni jure, id est, directo & precario: omni jure: id est, ut vel testati vel ut intestati voluntatem jure codicillorum. Nam & codicilli ab intestato fieri possunt, vel etiam hoc modo: hoc meum testamentum etiam vice codicillorum valere volo: ut in l. 3. ff. de milit. testam. vel etiam ut in l. Lucius §. ult. de legat. 2. vel ut in l. cum pater, §. filius matrem, eod. tit. Non adiecta clausula codicillari testamentum nullo jure consistit, nec quae in eo sunt scripta verbis fideicommissi ullo jure consistunt. Addit tamen Accursius unam exceptionem scribens, etiam non adiecta clausula codicillari, hujusmodi testamentum, si factum sit inter liberos, si non jure factum sit, & solemniter, servari vice codicillorum, ex l. ult. C. fam. erec. Quod ita debet intelligi: si de commodis ipsorum liberorum agatur: puta, si illo testamento pater inter eos bona sua distribuerit; quia licet jure factum non sit testamentum, quasi jure reciproci fideicommissi conservantur ei portiones vel bona, quae eis testamento pater adscripsit, non etiam, quae exteris legavit, nisi aliud suadeat voluntas testatoris probabilis, l. in testamento, ff. de fideicommiss. liber. Ex postremo additur in hoc §. fideicommissum illud hereditatis, quod a filio relictum est Titio, continere tantum bona patris, non bona filii propria, quod exposui in l. Centurio. In fideicommissum cadunt ea tantum bona, quae a testatore ad heredem pervenerunt, non bona heredis propria; hoc est alienum a natura & jure fideicommissi: alioquin & ab exheredato filio, cui nihil pater reliquit, fideicommissum hereditatis relictum valeret in bonis scilicet filii. Quod tamen est absurdum, quia neque ab exheredato, neque a substituto ejus, si ei substituerit pater in secundum casum, quicquam relinqui potest, nisi heredem institutum ei substituerit, ut l. in ratione, §. ult. ff. ad leg. Falcid. At si quid exheredato filio pater reliquit titulo legati vel fideicommissi, pro modo ejus quod reliquit, fideicommissum hereditatis obligari potest integro praestando, non retenta Falcidia. Circa Falcidia rationem, id est, non retenta Falcidia, quia soli heredes habent retentionem Falcidia, non legatarii vel fideicommissarii, l. lex Falcidia si intervenierit, §. ult. inf. ad l. Falcid. fideicommissum hereditatis ab exheredato filio, cui aliquod legatum est relictum, id vocat, si rogetur filius, cui legatum est relictum, ut Titium sibi heredem faciat, vel ut Titio bona sua relinquit, restituit, praestet, qui fideicommissum obligatur eatenus, quatenus patitur modus legati, l. ex pacto, §. non tantum, ad Senatus Trebell.

Ad §. qui discretas.

Qui discretas portiones conjunctis pluribus separatim dedit, ac post omnem institutionis ordinem ita scripsit: quas heredes meos invicem substituo: conjunctos primo loco vice mutua substitui videtur: quibus institutionum partes non agnoscuntibus, ceteros omnes coheredes admitti.

E Species haec est §. qui discretas. Quidam heredes instituit numero sex, hoc modo, primus, secundus & tertius ex semisse heredes sunt, quartus & quintus & sextus, ex altero semisse heredes sunt, & post institutionem heredum ita scripsit: quas heredes meos invicem substituo, si quis eorum heres non erit. In hac specie omnes heredes simul omnibus invicem substituti non videntur, ut in specie, l. qui plures heredes, & l. Lucius, §. ult. hoc tit. Ideoque primo repudiante, vel moriente ante aditam hereditatem, portio ejus non deferretur omnibus, qui adierunt, puta, secundo, tertio, quarto, quinto & sexto, sed secundo & tertio tantum, qui separatim instituti, & primo conjuncti sunt. At secundo etiam ipso & tertio partes suas repudiantibus, tunc quartus, quintus & sextus ad illorum partes admittuntur; ac similiter repudiante quarto, quintus & sextus, qui ei conjuncti sunt institutione vocantur: & his omnibus repudiantibus quarto, quinto & sexto: primus, secundus & tertius vocantur. Denique duo facti videntur gradus substitutionis recti.

reciproca, in primum sive vulgarem casum: ac primum invicem substituti, qui sunt primo loco conjuncti, primus, secundus, tertius: deinde ceteri coheredes conjuncti, unus personae potestate funguntur, l. plane in princ. ff. de legat. 1. Et confirmat valde hoc responsum Papiniani l. 1. §. si quis ex nepotibus, ff. de conjung. cum emancip. liber. quam Accursius adducit hoc loco, ex edicto novo bonorum possessionis contra tabulas, vel unde liberi, filio emancipato conjunguntur nepotes ex eo retenti in potestate avi: at uno ex nepotibus repudiante, portio ejus adcrevit alteri nepoti, quasi conjuncto, non filio patri eorum; at utroque nepote repudiante, adcrevit filio. Eadem est ratio juris adcrescendi & substitutionis. Quamobrem exemplo juris adcrescendi recte notat Antonius Goveanus primo, secundo & tertio, conjunctis in institutione nulla adscripta parte, ut si dixerit: primus, secundus & tertius: quarto autem quinto, & sexto, conjunctim hereditas instituitur ex parte certa, veluti ex semisse, primo repudiante ceteros omnes coheredes admitti jure substitutionis reciprocae: quia scilicet primus, secundus & tertius non intelliguntur esse conjuncti, cum in certam partem non sint conjuncti; non sunt conjuncti re, qui sine re scribuntur, & inanis per se sola verborum conjunctio est, l. item quod §. 1. sup. tit. prox. Qua de causa caute Papinianus posuit hoc loco discretas portiones separatim conjunctis pluribus datas, & in §. seg. cujus species hujus proxima est patrem & filium pro parte conjunctim heredes institutos. Nam ut ad ejus §. sequentis interpretationem accedam, & in specie hujus §.

Ad §. qui Patrem.

Qui patrem & filium pro parte heredes instituerat, & invicem substituerat: reliquis coheredibus datis post completum assensum ita scriptis, hos omnes invicem substituo. Voluntatis sit questio, commemoratione omnium patrem & filium substitutioni coheredum misisset, an eam scripturam ad ceteros omnes transfusisset. Quod magis verisimile videtur propter specialem inter patrem & filium substitutionem.

Proponuntur pater & filius, qui scilicet emancipatus erat pro parte heredes instituti conjunctim: tota species hac est: Marcus pater, & Marcus filius ex quadrante mihi heredes sunt, quos invicem substituo. Titius ex sextante heres esto. Cajus ex quadrante heres esto. Mævius ex triente heres esto. Atque ita distributo & completo assente toto subiecit: hos omnes invicem substituo. Repudiante patre portionem suam, quaritur, an ad portionem ejus non tantum filius, qui ei conjunctus est in institutione, sed & ceteri coheredes admittantur? Si dixisset, hos heredes meos invicem substituo, ut in superiori §. ad portionem vacantem solus filius, quasi conjunctus admitteretur, sed quia dixit: hos omnes invicem substituo, ea vox peremptoria, omnes, ut Valentinianus ait in Novell. de prescript. 30. annorum, facit ut videantur omnes omnibus invicem substituti, ut & in l. Lucius §. ult. hoc tit. Et appellatione omnium comprehendendi etiam patrem & filium. Quod tamen Papinianus ait, non esse verisimile, propterea quod inter patrem & filium specialem substitutionem reciprocam testator facit, ut sequenti substitutione hisce comprehensa verbis: hos omnes invicem substituo, plane non videatur patrem & filium comprehendisse, sed reliquos coheredes tantum, Titium, Cajum, Mævium. At repudiante patre & filio in partem eorum recte dicam ceteros omnes admitti, non jure substitutionis, quoniam patri & filio vice mutua substituti non sunt, sed jure adcrescendi: Titio autem repudiante Cajum & Mævium admitti jure substitutionis reciprocae in portionem Titii, non etiam patrem & filium quia separatae substitutiones sunt, una specialis patris & filii, altera generalis omnium, sed omnium reliquorum heredum eis patre & filio nequaquam admissis. Specialis substitutio derogat generali. Quod si specialis substitutio inter pa-

atrem & filium facta non fuisset, sane appellatione omnium etiam pater & filius continerentur, nec ut conjuncti separatim inducerent jure substitutionis, sed deficiente uno, ad portionem ejus venirent ceteri omnes, & ita est explicandus hic §. Nec obstat responso hujus §. l. ult. inf. ad Senatusconsult. Trebell. quam Bartolus objicit, quoniam alia est species hujus §. longe alia illius l. In specie hujus §. prima substitutio, qua facta est inter patrem & filium, & sequens substitutio, qua omnes invicem substituti sunt, utraque ejusdem generis substitutio est, nempe vulgaris reciproca. Et ejusdem generis substitutionem factam inter aliquos specialiter generali sermone eodem testamento repeti & iterari non est verisimile in specie d. l. ult. Prima & sequens substitutio diversi generis sunt, diversaeque conditionis: prima, qua duos fratres invicem substituti sunt, est directa substitutio vulgaris: sequens, quae facta est omnibus fratribus, si quis eorum post aditam hereditatem vita decesserit sine liberis, est substitutio precaria sive obliqua, & non est absurdum vel incongruum, semel uno genere invicem substitutos, & alio deinde genere substitui, semel substitutos, directo, & deinde substitui precario, semel substitutos in primum casum directo, deinde substitui in secundum casum precario. Et ita est lex illa ab isto §. distinguenda.

Ad §. Coheres.

Coheres impuberi filio datus, eidemque substitutus, legata secundis tabulis relicta perinde praestabit, ac si pure partem, & sub conditione partem alteram accepisset. Non idem servabitur alio substituto: nam ille Falcidia rationem induceret, quasi plene sub conditione primis tabulis heres institutus: tametsi maxime coheres filio datus, quadrantem integrum obtineret. Nam & cum legatum primis tabulis Titio datur, secundis autem tabulis eadem res Sempronio: Sempronius quandoque Titio concurrat.

Pertinet hic §. ad materiam contributionis, qua nulla est difficilior in jure: hujus §. duas facio partes. In priori agitur de coherede substituto filio impuberi in secundum casum, a quo scilicet & in primis & in secundis tabulis, id est, in institutione & in substitutione legata relicta sunt, & ex substitutione pars pupilli ad eum perveniret, si in eatur ratio legis Falcidia confundere debet & contribuere eam partem cum parte sibi adscripta in primis tabulis, confundere item debet, contribuere, commiscere, subicere communi calculo relicta a se legata in primis tabulis, & legata a se relicta in secundis, quoniam perinde habetur, ac si pure ex parte heres institutus esset, ex parte sub conditione: Finge autem, Lucium Titium heredem institutum pure ex sextante, & sub conditione ex triente, & ab unaquaque parte justum esse dare legata, Lucius Titius pro eo habetur, ac si semel heres scriptus fuisset ex semisse, junge sextantem trienti, exit semis. Ideoque pro eo habetur L. Titius, atque si ex semisse heres scriptus fuisset, nec enim semissem scindere potest separatim sextante a triente, proinde separare etiam non potest legata a se relicta ex sextante, & legata a se relicta ex triente, sed confusus portionibus & confusus legatis earum portionum in omnibus rationem legis Falcidia inire & componere debet, l. 11. §. penult. ff. ad l. Falcid. l. quidam, C. de jure deliber. Et eadem ergo ratione coheres substitutus coheredi confundit partem, ex qua ipse, & partem, ex qua coheres institutus fuit, quae ad eum pervenit ex causa substitutionis: confundit legata a se relicta primis secundisque tabulis, quia & hic coheres, idemque substitutus coheredi institutus esse videtur ex parte pure, ex parte sub conditione, d. §. pen. Et hoc in substitutione pupillari servari docet prior pars hujus §. Et in substitutione vulgari, l. 1. §. id, quod ex substitutione, in princip. ad l. Falcid. & in utraque substitutione, l. qui fundum §. qui filium, ad leg. Falcid. Si igitur ex parte pupilli & ex parte sua,

sua, qui pupillo eidemque coheredi substitutus est, Falcidiam servare non possit confusis partibus & legatis uterque beneficio legis Falcid. sed si ex parte pupilli, quæ ad eum pervenit integra ex substitutione pupillari Falcidiam servare possit, non utetur beneficio legis Falcidiae in parte, ex qua heres scriptus est, tamen ea pars onerata vel exhausta sit legatis: pars integra, quæ accedit onerata vel exhausta replet partem oneratam vel exhaustam, & cessat Falcidia in parte onerata, si pars, quæ accedit impleat Falcidiam. At, quod maxime notandum, non idem erit e contrario, si pars ejus onerata non sit, & ex substitutione pupillari ad eum pars onerata perveniat, id est, si pars onerata ex substitutione accedat integræ: nam hoc casu partes & legata non confunduntur. Partium & legatorum ratio separatur, & ex parte onerata detrahitur Falcidia, perinde ac si remanisset apud pupillum, d. l. qui fundum, §. qui filium: atque ita pars onerata, quæ jure substitutionis accedit parti integræ, non repletur per partem integram cui accedit, & hoc est, quod Dd. verissime definiunt, si portio non gravata accedat gravatæ, contributioni locum esse: si autem portio gravata accedat non gravatæ, contributioni locum non esse, & ratio differentie hæc est, quia non potest eadem portio & principalis & accessio locum obtinere: partem, quæ accedit accessionem esse: partem cui acceditur principalem esse: accessionis autem esse replere, non repleri, augere non augeri.

In posteriore parte hujus §. agitur de extraneo non coherede, filio impuberi substituto, & alio coherede eidem filio alio dato, quo casu, si legata relicta sunt a substituto, & a coherede, & conditio substitutionis extiterit mortuo filio intra pubertatem, non confunduntur eorum partes, non confunduntur legata ab eis relicta, sed separatim in substituto, & separatim in coherede pupilli ponitur ratio legis Falcidiae, quia coheredes pupilli & alius substitutus pupilli qui coheres non est pupilli, coheredes sunt invicem & substitutus pupilli, quasi scriptus sub conditione, coheres pupilli quasi scriptus pure. Denique coheres pupilli tam substituto pupilli est coheres quam ipsi pupillo: In singulis autem coheredibus certum est separatim rationem legis Falcidiae ponendam esse, l. in singulis, ff. ad leg. l. Falcid. separatis portionibus, separatis legatis, ergo secundum hæc, si pars pupilli, quæ ad substitutum pervenit, exhausta vel onerata sit legatis, substituto competit beneficium legis Falcidiae: tamen coheres pupillo datus totius hereditatis totorumque bonorum integram Falcidiam habeat, id est, quartam partem. Coheredes autem esse non tantum eos, qui illidem tabulis scripti sunt, sed etiam eos, quorum alter primis, alter secundis tabul. heres scriptus est, veluti coheredem primis tabulis pupillo datum, & alium substitutum secundis tabulis, eidem pupillo datum Papinianus probat hoc argumento, quod collegatarii etiam sint, quorum alteri res legatur primis tabulis, alteri eadem res secundis tabulis, ut in l. plane §. si conjunctim, inf. de leg. 1.

Ad §. cum Pater.

Cum pater impuberi filia, quæ novissima diem suum obiisset, tabulas secundas fecisset, & impubes filia, superstiti fore pubere, vita decessisset, irritam esse factam substitutionem placuit: in persona quidem prioris, quia novissima decessit: in alterius vero, quia puberem ætatem complexit.

IN §. pen. hæc proponitur species: Pater duas filias impuberes heredes instituit, & ei, quæ intra pubertatis annos novissima diem suum obiisset L. Titium substituit: quæ est substitutio pupillaris facta ei, quæ suprema moreretur. Ex hoc genere inter sorores jus legitimarum hereditatum pater custodiri vult, l. vel singulis, hoc tit. Hoc scilicet voluit, ut in partem ejus, quæ prior moreretur ab intestato veniret soror superstitis, ac deinde etiam altera sorore moriente intra pubertatis annos,

ut L. Titius utriusque sororis portionem caperet, & posterioris & prioris, inventam in hereditate posterioris, l. qui duos, de reb. dub. Quid contigit? una ex sororibus impubes vita decessit superstiti altera jam pubere, hoc casu Papinianus ait, irritam esse substitutionem pupillarem, in utriusque persona defunctæ impuberis, quia licet videatur intra pubertatem novissima decessisse, quæ impubes decessit sorore jam adulta, revera tamen novissima non decessit, quæ alteram superstitem reliquit, & ideo in ejus persona exspiravit substitutio pupillaris, substitutum excludente jure legitimo ex mente testatoris sorore superstiti, l. 25. hoc tit. l. pen. C. de impub. & al. substituit. In persona autem superstitis esse irritam etiam substitutionem, quia puberem ætatem exegit, complexit: substitutio pupillaris finitur pubertate. Quod adeo verum est in testamento pagani, ut nec vis substitutionis post pubertatem verti possit in causam fideicommissi, ut docuimus in l. verbis civilibus, & l. Centurio, hoc tit. & hæc quum una ex sororibus impubes decessit superstiti altera jam pubere. At contra si pubes prior decessisset forte instituto herede extraneo, non sorore superstiti, deinde soror superstitis impubes decessisset, tunc sane dicerem substitutum venire in partem impuberis, quæ novissima diem suum obiit, & ad hunc casum recte accommodatur l. heredes, §. cum ita, inf. ad Senat. cons. Trebellian. Quod si utraque pubes decessisset, certo certius est profus evanuisse substitutionem, & in nullam partem vocari substitutum: quod si utraque impubes decessisset, vel eodem momento vel diversis, verum est substitutum utrique succedere ex substitutione pupillari, d. l. pen. & l. qui duos. Quia & qui substituitur novissimo morienti, utriusque in eundem casum substitutus intelligitur, videlicet, si uterque moriatur impubes, l. ex duobus, hoc tit. Sequitur §. ult.

Ad §. Ultimam.

Non videri cum vitio factam substitutionem his verbis placuit: ille filius meus, si, quod abominor, intra pubertatis annos decesserit: tunc in locum partemque ejus Titius heres esto: non magis quam si post demonstratam conditionem, sibi heredem esse substitutum jussisset. Nam & qui certa vi heres instituitur, coherede non dato, bonorum omnium hereditatem obtinet.

Pater filio impuberi substitutionem pupillarem fecit his verbis: Ille filius meus, si, quod abominor, (quod etiam addebant in substitutione vulgari, l. 4. C. de impub. & aliis subst. l. Lucius, de hered. inst. l. Lucius, §. filiam, de legat. 2.) Ille, inquam, filius meus, si, quod abominor, intra pubertatem vita decesserit, tunc in locum partemque ejus Luc. Titius heres esto. Hæc substitutio vitiosa esse videtur, vel ut ait, videtur esse facta cum vitio, videtur ei inesse vitium. Albericus est valde suavis quam legit uno verbo, comitio, id est, injuria & contumelia. Videtur, inquam, huic substitutioni inesse vitium, quia scilicet dixit, in locum partemque ejus, quæ verba substitutioni vulgari magis congruunt, non pupillari, ut ex l. quam quis, §. Sejam, de leg. 2. l. 3. l. ult. C. de hered. inst. l. 4. C. de impub. & al. subst. Quia vulgari substitutione sibi E heredem testator facit, pupillari substitutione pupillo heredem facit, non sibi. Ex his verbis: in locum partemque ejus, quam scilicet ei dedi, de suis bonis sibi heredem facere videtur, nec tamen ideo improbatur substitutio pupillaris, quia nec improbaretur, si palam ita dixisset: ille filius meus, si intra pubertatem decesserit, tunc L. Titius mihi heres esto. Substitutio rite concepta est, ut in l. si ita scriptum, §. cum filio, inf. de bonorum poss. l. secunda, tab. l. 1. l. 46. hoc tit. Ideo que non male M. Tullius 2. de Invent. substitutionem pupillarem ita concipit. Si filius ante morietur quam in tutelam suam venerit, tum mihi ille secundus heres esto. Ergo quem quis hoc modo sibi heredem jussit, idem etiam erit heres filio impuberi, & non tantum patris bona capiet, sed etiam bona filii propria jure substitui.

stitutionis pupillaris, sicut & qui ex re certa solus heres instituitur, & ceteras res omnes capit, l. 1. §. si ex fundo, sup. tit. prox. Voluntas testatoris interpretatione adjuvanda est, & mendis non vitiant voluntatem testatoris: Vitia non vitiant, l. 1. tit. seq. Si facta sit substitutio sub conditione impossibili, vel alio mendo, sic in Florentin. recte, non vitiantur. Mendum circumscribitur, ut in l. 34. sup. tit. prox. Deleatur Glossa hoc loco, qua parte hæc verba Papiniani, post demonstratam conditionem, quæ sunt proculdubio de conditione substitutionis pupillaris, si intra pubertatem deceperit, male accipit de alia extranea conditione. Deinde deleatur etiam, qua parte ponit in specie h. l. filium nominatim heredem institutum non fuisse, sed tacite institutum videri, ex his verbis, in locum partemque ejus, quia hoc fit ita effect, id est, si ita res processisset, non valeret testamentum; propterea quod tacita filii institutio, tacitum testamentum non valet, l. 19. §. 65. sup. tit. prox. Et filius haberetur pro præterito, l. 16. in fin. hujus tit. Et ut multi Dd. dicunt contra Glossam, & contra Bartolum Glossæ affectam, verba conditionalia non inducunt dispositionem. Liberi positi in conditione non sunt in dispositione, quod probat recte l. Gallus, §. idem resp. & in §. in omnibus, sup. de lib. & post. l. filiusfam. §. cum quis, de legat. 1. l. ex facto, §. ex facto, inf. ad Senat. Trebell.

Ad L. XXIV. de Condit. instit.

Qui ex fratribus meis Titiam consobrinam uxorem duxerit ex bello heres esto: qui non duxerit, ex triente heres esto: Vro testatore consobrina defuncta, ambo ad hereditatem venientes semisses habebunt, quia verum est, eos heredes institutos, sed emolumento portionum eventum nuptiarum discretos.

Qui habebat duos fratres, ita eos heredes instituit: qui ex fratribus meis Titiam consobrinam nostram uxorem duxerit, (jure civili consobrinorum nuptiæ licite sunt) ex bello heres esto: qui non duxerit, ex triente heres esto: qui scilicet duxerit, vel non duxerit post mortem meam. Finge: Mortua ex consobrina vivo testatore, hoc casu ambo fratres in partes æquales vocantur, non in partes inæquales, beffem & trientem: sed singuli venientes ad hereditatem fratris semisses habebunt, quia verum est eos esse heredes institutos, sed portionibus inæqualibus discretos ex eventu nuptiarum tantum, quæ cum evenire non possint præmortua consobrina, nec per heredes factum sit quo minus evenirent, consequens est eos esse redigendos ad æqualitatem, ut in l. 2. §. si quis ita, de bonor. possess. secund. tab. Idemque l. proxima superius docet respondendum esse, si testatori consobrina supervixerit, & neutri nubere voluerit quod est certissimum. Quid tamen dicemus, si post mortem testatoris consobrina cum parata esset alterutri nubere, neuter eam ducere voluerit? Et Azo idem & hoc casu esse respondendum censet, fallaci colore, quasi scilicet pure heredes instituti sunt, & ex eventu nuptiarum tantum discretæ inter eos portiones hereditariæ, id est, quasi institutio sit pura, discretio partium conditionalis, id est, collata in eventum nuptiarum. Ego dicere & institutionem utriusque factam esse sub conditione, si quis eorum consobrinam uxorem duceret post mortem testatoris, & ideo neutro volente eam uxorem ducere, cum ipsa parata esset nubere, quia per eos fiat quo minus conditio impleatur, institutionem in utriusque persona prorius desicere, quod non possumus negare, & l. prox. sup. significat aperte illo loco: non quia ipsi ducere noluerunt. Cujus mens est ut non aliter ambo semisses habeant, quam si vel consobrina mortua sit vivo testatore, vel post mortem ejus neutri nubere velit, non etiam, si per eos fiat, quo minus alterutri nubat, & confirmatur hæc distinctio l. 4. C. de condit. instit. l. in testamento, ff. de cond. & demonstrat. Conditionalem vero institutionem esse etiam demonstrat

dicta lex 2. §. si quis autem, ff. de bonor. possess. secund. tab. & l. quotiens, §. si quis tamen, de hered. inst.

Ad L. XII. de Milit. test.

Milites n. ea duntaxat, quæ haberent scriptis relinquunt.

Ita Papinianus, milites scriptis heredibus ea duntaxat relinquere, quæ haberent: quod Papinian. scripsit, ut patet ex l. 11. §. ult. cui hæc applicatur, cum dicat, milites enim: subjicitur ratio in hac lege §. ult. legis præcedentis: unde dico hoc scripsisse Papinianum de militibus filiis vel de militibus patribusfam. qui se filiosfamil. esse existimant ignorantes mortem patris: si sola bona castrensia habent, aut se habere existimant. Idcirco & ea sola bona scriptis heredibus relinquunt, & ita hic locus explicandus est, non etiam bona pagana, quæ eis ignorantibus morte patris obveniant. At ficiant se esse patresfam. factos morte patris, & non tantum castrensia, sed etiam pagana bona habere, credo eos heredibus scriptis relinquere omnia sua bona, nisi aliud fecisse eos probetur.

Ad L. XXVII. Eod.

Centurio secundo testamento postumus heredes instituit, neque substitutos dedit, quibus non additis ad superius testamentum se redire testatus est. Cetera quæ secundo testamento scriptis, esse irrita placuit: nisi nominatim ea confirmasset, ad priorem voluntatem reverteretur.

Species hujus legis hæc est: Centurio testamento primo, finge commilitonem heredem instituit: Deinde mutata voluntate, secundo testamento postumus heredes instituit, quod haberet uxorem prægnantem, nec eis substitutos dedit, si non nascerentur, sed eis non natis se ad primum testamentum redire testatus est, quod commilito erat heres scriptus: non natis postumis, puta, abortu factis, irrita sunt omnia, quæ secundo testamento scripserat, vel scripta sunt, nisi nominatim ea confirmaverit, puta, non natis postumis, testando se ad primum testamentum redire. Ita ut a commilitone in eo herede scripto, præteritur etiam legata aut fideicommissa secundo testamento relicta, alioquin irrita sunt legata & fideicommissa, quæ est sententia hujus legis elegantissima. Verum in ea deleta tota glossa Accursii illo loco: quibus non additis, legendum est, quibus non editis, id est, non natis postumis ad superius testamentum Centurio se redire testatus est, quod confirmant alii quidam libri, qui propius vero habent, additis, non additis, & alii qui plane habent: quibus non natis, sed retineamus viciniorum scripturam, quibus non editis & omnia erunt plana.

Ad L. XXXVI. Eodem.

Militis codicillis ad testamentum factis, etiam hereditas jure videtur dari, quare si partem dimidiam hereditatis codicillis dederit, testamentum scriptis ex ass. heres partem dimidiam habebit: legata autem testamento data communiter debebuntur.

In primo responso Legis XXXVI. eod. ait Papinianus militis codicillis ad testamentum factis, etiam hereditas jure videtur dari. Ad testamentum facti codicilli dicuntur, etiam si testamento confirmati non sint, l. 1. §. qui principale, ff. de iis, quibus et indig. Itaque glossa male codicillis ad testamentum factis, id est, confirmatis, male etiam alter, codicillis ad testamentum factis, id est, juxta testamentum, quoniam hac oratione certum est significari tantum codicillos factos ab eo, qui & sibi testamentum fecerit, & codicillos pertinentes ad causam testamenti l. 1. §. hoc interdictum, de tab. exhib. l. 2. §. ad causam, ff. quemadmodum testam. aper. l. 3. §. qui codicillos, de Senat.

inf. Siliem. vel. ut idem aliter dicamus, codicillos, A
qui, quasi pro parte testamenti habentur, *l. quidam, de iure codicill. veluti, quod supplendo, vel corrigendo testamentum fiat.* Certum autem est paganum codicillis iure hereditatem non dare verbis directis, vel adimere, etiam si codicillis testamento confirmati sint, quæ regula iuris per manus esse tradita dicitur in *l. quod per manus, ff. de iure codicill. Secunda, ff. ad Senatus. Trebell.* At miles iure dat, vel admittit hereditatem verbis quibuscunque, verbis precariis, vel directis in codicillis & qualibet voluntate nuda, ut patet ex hoc responso, & *l. in fraudem, §. r. hoc tit.* Finge: Miles testamento L. Titium ex aße heredem instituit, eumque oneravit legatis, deinde codicillis ita scripsit: *Cajus, Sejus ex semissis heres esto:* videtur miles tantum Luc. Tizio adimisse, quantum dedit Cajus Sejo in codicillis: ambo igitur ad hereditatem veniunt iure directo, & ex voluntate militis semisses capiunt. Legata autem data testamento, licet a solo L. Titio data sint, æquum est ut communiter ea præsent Luc. Titius & C. Sejus pro virilibus portionibus, ut quatenus ablatum est Luc. Titio, eatenus relevetur & exoneretur præstatione legatorum, ut in *l. cum pater, §. cum ex his de leg. 2. l. Plautius, ff. de condit. & demonstrat.* quæ in glossa corrupte citatur ex tit. ad *l. Falcid.* cum sit ea lex, *Plautius, non quæ est in tit. ad l. Falcid.* sed quæ est in tit. de cond. & demonstrat. quæ hoc probat: & hæc est sententia huius responsi. Bartolus hoc loco patrem paganum liberis facientem testamentum exequatur militi, quod scilicet possit etiam patrem paganum liberis directo hereditatem dare in codicillis, quod merito refellit Angelus Perdinus ex *l. ex parte, §. i. ff. familia ercisc.* quæ manifeste probat, patrem, qui verbis directis in codicillis bona sua filiis distribuit, intestatum decessisse: ergo testamentum non valere iure directo. Neque a parte Bartoli facit *l. confutissima, §. ex imperfecto, C. de testam.* quo §. sæpe abutitur, dum eum accipit latius quam oportet, quodiam quod ad rem propositam attinet, dum in eo §. dicitur ex imperfecto testamento tenere voluntatem patris inter liberos. Imperfectum testamentum non vocat codicillos, quibus directo data sit hereditas, quæ de re agimus, sed, ut quæ præcedunt in ea lege ostendunt apertissime, imperfectum testamentum id vocat, quod non subscriptum neque signatum est a testibus, quod etiam si eo vitio laboret, non etiam si omni vitio laboret, tenet inter liberos.

Ad §. Miles.

Miles castrensiū bonorum, & non castrensiū, diversis hereditibus instituit, postea castrensiū bonorum alios heredes instituit: prioribus tabulis tantum abstinuisse videtur, quantum in posteroribus conulerit: nec videtur mutare, esse prioribus tabulis unus heres scriptus fuisse.

Miles primo testamento L. Titium castrensiū bonorum, Cajum paganorum heredem fecit: postea mutata voluntate, secundo testamento Sempronium bonorum castrensiū heredem fecit pro parte, murasse superius testamentum intelligitur bonis castrensiū a Cajō translatis ad Sempronium, quod paganus facere non potest. Paganus non potest pro parte mutare testamentum, sed si quid velit mutare, debet omnia ex integro mutare, *l. heredes, §. si quid possit, sup. qui test. fac. poss.* Militi hoc permittitur, quasi bona castrensiā & bona pagana, duorum hominum duas hereditates & duo testamenta faciat, *l. si certarum, §. i. hoc tit.* Adeo ut nec coheredes sit illi, quorum unum miles scribit heredem paganorum, alterum castrensiū: non sunt coheredes, quia duæ sunt hereditates veluti duorum hominum, & duo testamenta, quæ de causâ, nec inter eos est ius adcrendi, nec iudicium famil. ercisc. *l. heredes, §. i. famil. ercisc. l. si filius, §. castrensiū, ff. de bon. libert.* Et addit Papinianus, nec videtur mutare, esse prioribus tabul. unus heres scriptus fuisse. Nec videtur mutare, id est, non videtur aliud di-

Tom. IV.

cendum esse, aut non est mutandum responsum, si ponamus militem testamento unum tantum fecisse heredem omnium bonorum, non duos, ut posuimus, divisis castrensiū & paganis, deinde secundo testamento L. Titium fecisse heredem castrensiū bonorum, quia & hoc ex scripto in primo testamento tantum abstinuisse videtur, quantum contulit in L. Titium secundo testamento ex castrensiū heredem scriptum. Itaque apud scriptum primo testamento remanebunt tamen bona pagana, utrumque testamentum ponitur factum verbis directis. Et duo igitur sunt testamenta: nam miles potest plura testamenta facere, *l. quærebatur, h. tit.* quam L. male tamen objicit Accursius hoc loco, quoniam ibi miles in secundo testamento nominatim expressit, se primum testamentum fideicommissi tamen & codicillorum vim habere velle, ideoque non sunt duo testamenta: male etiam objicit *l. Centurio, h. tit.* quam supra exposuimus, quoniam ibi miles, non duo, sed unum tantum testamentum facere voluit.

Ad §. Miles.

Miles in supremis ordinandis, ignorans uxorem esse pregnantem, ventris non habuit mentionem: post mortem patris filia nata ruptum esse testamentum apparuit: neque legata deberi: si quæ vero medio tempore scriptis heres legata solvisset: utilis actionibus filie datis, ob improvisum casum esse revocandas. Nec institutum, cum bona fidei possessor fuerit, quod inde servari non potuisset, præstari.

Miles ignorans uxorem esse pregnantem, in testamento postumum silentio præterivit, L. Titium heredem instituit, & ab eo legata reliquit, agnitione postumæ ruptum testamentum militis propter præteritionem, & irrita sunt omnia, quæ in eo testamento scripta sunt. Ergo nec legata aut fideicommissa ex eo testamento debentur. At quid si medio tempore atque postea agnasceret L. Titius heres institutus bona fide ignorans uxorem testatoris esse pregnantem legata a se relicta solverit? & hoc casu ait, postumæ dari utilem actionem siue conditionem indebiti, ut repeat legata perperam soluta & indebite. Nec etiam est novum, ut quod alius solvit, alius repetat *l. §. de cond. indeb.* Et si forte postuma solida legata ab iis quibus heres institutus ea per solvit, recipere non potuerit, propter inopiam eorum, quia non sunt solvendo, rectissime ait periculum huius rei non pertinere ad heredem institutum quia bonæ fidei possessor fuit, & bona fide solvit, & bonæ fidei possessor in id tantum tenetur, quo locupletior factus est: & idem respondit in questione *l. 3. de cond. indeb.* Ad male fidei possessorem proculdubio huius rei periculum pertineret, & in petitione hereditatis veniret in solidum, *l. 13. §. ult. de pet. hered. l. Papin. §. ult. de inoff. testam. l. 4. §. pen. ff. si cui plus quam per l. Falcid.* illo autem loco huius responsi, ob improvisum casum legata esse revocanda, si ve repetenda, improvisum casum vocat agnationem postumam, quod *l. 1. 3. de cond. indeb. novam & inopinatam causam, & inopinatam fortunam, l. 4. in fin. in post. legat.* Ideo autem ponit militem ignorare uxorem esse pregnantem, atque adeo minime cogitasse de postumo, vel postuma nascituro, quia, si scisset uxorem esse pregnantem, præterito postumi haberetur pro exheredatione, nec agnascendo postuma rumpere testamentum, quia non est præterita, sed censetur esse exheredata, *l. sicut, Cod. de agn.* Paganus pater debet liberos exheredare nominatim, miles potest tacite exheredare, sicut & mater pagana & avus maternus paganus, quia & horum præterito pro exheredatione habetur, quod Institutiones docent.

Ad §. Veteranus.

Veteranus moriens testamentum iure communi, tempore militiæ factum, irritum esse voluit: & institutus esse mandavit.

Yyy

lata hereditas institutionis ut substitutionis in eodem statu mansisse, placuit. Legata vero petentes, exceptione doli mali secundum jus commune summoventi, cujus exceptionis vires ex persona petentis estimantur. Et aliqui potius est in re pari causa possessoris.

Species hujus §. hæc est: Miles testamentum jure communi fecisse proponitur, non more & jure, tempore militiae, deinde post missionem cum veteranus esset, id est, militia dimissus, moriens dixit, se intestatum mori, & id testamentum irritum esse velle, quod fecerat in militia jure communi; nuda hæc voluntas non facit irritum testamentum: ut nuda voluntas non perficit testamentum, ita nec evertit; *l. pen. §. ult. ff. de bonor. poss. sec. tab.* Et secundum hoc institutiones & substitutiones in eo testamentum scriptæ, valent, quamvis dixerit, se intestatum mori velle, nec fiscus institutus aut substitutus potest eripere hereditatem, quia testator veteranus non judicavit eos heredes esse indignos, aut non mereri suam voluntatem, quod casu fiscus succederet, sed tantum dixit se mori velle intestatum: qua de re diximus in *l. ult. ff. de iis que test. del.* Ergo heredes instituti & substituti, heredes permanent. Institutio & substitutio jure consistit, quæ non potuit everti nuda voluntate, minusque solemni. At queritur, an etiam legata eo testamento relicta valeant, & debeantur, qua de re merito dubitatur, quia licet hereditas nuda voluntate non possit adimi, adimuntur tamen legata nuda voluntate, non quidem ipso jure, sed beneficio exceptionis doli mali legatario petenti legatum contra nudam voluntatem defuncti, opposita exceptione doli mali, ut in *l. 3. in fi. ff. de adm. leg. §. l. ex parte, cod. tit.* quæ cum sit ex *cod. lib. cum hoc §. videretur coniungenda, & ita in specie proposita ait: Institutiones quidam & substitutiones in eodem statu manere, at legata petentes submovi posse exceptione doli mali, & eleganter: qui locus est satis obscurus, ejus exceptionis quam legatario heres opponit petenti legatum, vires estimandas esse ex persona actoris, id est, ex persona legatarii, qui legatum petit actione ex testamento: nam si talis sit persona legatarii, ut verisimile sit legatum ei testatorem omnimodo præstari voluisse, omni jure etiam ab intestato: Finge, esse alumnatum aut sanguine proxime conjunctum, quem si vivus unice dilexerit: eo casu nullæ erant vires exceptionis doli mali, & legatarius consequetur legatum: sed si non talis sit persona legatarii, efficax erit exceptio doli mali, & in pari causa secundum regulam juris melior erit conditio possessoris, id est, heredis: fortuna dat litem secundum possessorem in re pari: scilicet qui possidet in re pari, hæc est sententia hujus loci. At quod plane est extra eum locum, quod ramen interpretis in hunc locum conjiciunt, si non agat legatarius, sed agat heres repetendo legatum quod per errorem solvit, omnia exceptione doli mali, tum dicemus vires exceptionis, quam legatarius opponeret heredi, non estimari ex persona actoris, sed ex persona rei, id est, legatarii, ut & in specie *l. pen. §. ult. de bon. poss. sec. tab.* quæ est species hujus §.*

Ad §. Ultimam.

Miles jure communi testatus, postea testamento jure militia super bonis omnibus facto, post annum militia vita decesserat prioris testamenti, quod ruptum esse constabat non reintegrari vires constitit.

Miles jure communi testamentum fecit, postea fecit secundum testamentum jure militiae, & mortuus est intra annum missionis: certum est testamentum factum jure militiae post missionem a militia, valere eodem jure intra annum, si testator moriatur intra annum missionis *l. quod constitutum, l. testamenta, l. quod dicitur, hoc tit.* Quia igitur intra annum missionis mortuus est, testamentum secundum quod fecit jure militiae valet, & primum testamentum quod fecit secundo ruptum est, non

convalescit, non restituitur, quia scilicet, secundum testamentum ut ponit hoc loco, jure militiae testatus est de omnibus suis bonis. Alioquin si secundo testamento tantum testatus esset de bonis castrensibus, utrumque testamentum valeret, id est, maneret in suo statu, ut in §. 1. h. l.

Ad L. Penult. eod.

Filiusfam. equestri militia ornatus, & in comitatu Principum retentus, cingi concessum fuisse, testamentum de castrensi peculio facere. potest.

Cingi, inquit, fuisse, gladio scilicet; nam hoc est proprium militis cingi gladio, & male in *l. antiqui, sup. si pars hered. per. legitur, cinctos Senatores, quia Senatoribus non licebat cingi gladio, nisi quum in provinciam mittebantur cum jure gladii, iis licebat gestare gladium, sed eo loco legendum est, Senatores Cinctos: fuit Cinciorum familia Romæ. Ad rem. Filiusfam. factus est eques & cinctus gladio & retentus in comitatu Principis, ei proficiscenti ad comitatum Principis, & aspiranti ad equestrem militiam, pater aliquid dederat in vicem castrensis peculii: nam castrensium peculium dicitur etiam quod proficiscenti ad militiam datur, licet nondum relatus sit in numeros, nondum cinctus, ut loquitur *lex 25. §. 38. hoc tit.* & Castrensium peculium esse quod datur proficiscenti constat ex *l. 3. de bonis proscript. l. 3. sup. de don. inter vir. §. uxor.* Inde queritur, an contestum atque cinctus est, possit testari de castrensi peculio ex privilegio militiae? Respondet, posse: sed vox *consectum* est trajecta: nam ita est reponenda, *consectum atque cingi fuisse est*: & antequam cingatur, suscipiatque habitum militarem, sive baltheum, non potest testari jure militari, nisi si cinctus est in *l. 25. §. 38. 1. hoc tit. vel nudi cingi fuisse est.**

Ad L. LXXXVI. de Adqu. vel omit. hered.

Pannionius Avitus, cum in Cilicia procuraret: heres institutus ante vita decesserat, quam heredem se institutum cognosceret: quia horum possessionem quam procurator ejus petierat, heredes Aviti ratam habere non potuerant: ex persona defuncti restitutionem in integrum implorabant, quæ stricto jure non competit, quia intra diem additionis Avitus abisset: Dixerunt tamen Primum contra constituisse Macianus libro quod Pannionius refert in eo qui legationis causa Roma erat. Et filium qui matris delatam possessionem abbas amiserat, sine respectu ejus distinctionis restitutionem locum habere, quod hic humanitatis gratia obtinendum est.

Proponitur in primo responso hujus l. Pannionium Avitum cum esset procurator Caesaris in Cilicia (male Alciatus, Publium Antonium pro Pannionium) atque adeo abesse Reip. causa, Romæ ab aliquo heredem institutum fuisse, & vita decessisse, priusquam hoc cognosceret, & infra aliis verbis ejusdem ponderis dicit, cum decessisset intra diem additionis, qui dies est centum dierum utilium, quibus scierit potueritque adire, ut in formula cretionis, & in *l. 3. §. 9. si heres, sup. de minor. l. si Titio, l. 1. ff. quando dies leg. ced. & edicto quoque pratoris de jure deliberandi, non præsumitur adeundæ vel repudiandæ hereditati pauciores quam centum dies, *l. 2. de jure deliber.* & ita etiam diem additionis accipere oportet in *l. pen. §. si filius, de jur. & fact. ign. male autem Glossa diem additionis accipit per tempore intra quod petenda est bonorum possessio sec. tab. quanquam & ipsa ab extraneis hereditibus petenda sit intra centum dies ex successorio edicto, quæ dies petitionis dicitur, *l. inter, ff. qui satisdant. cog.* nam additionem hereditatis nunquam inveniens accipi per agnitionem vel petitionem bonorum possessionis: non abutuntur nostri auctores temere verbis juris, verbis legitimis, nec permittunt temere legiti-**

ma verba Prætoris: sed non nego, quod de aditione dicitur posse transferri etiam ad agnitionem bonorum possessionis. Male etiam glossa statuit ex *h. l. C. de test. milit.* diem aditionis cedere ignorantis, quod est omnino falsum: est enim utilis non continuus, nec sane ullo modo est expressum, vel hac, vel illa. Persequamur quam inchoavimus speciem. Avitus procurator Cæsaris in Cilicia, atque adeo absens Reip. causa institutus, decessit antequam sciret se heredem esse. At procurator quidam voluntarius, id est, negotiorum gestor, amicus ejus eo absente Reip. causa & ignorante in urbe nomine ejus petierat bonorum poss. sec. tabul. Adiri non potest hereditas per procuratorem, *l. 90. ff. hoc tit.* bonorum possessio peti potest per procuratorem etiam ignorante herede instituto, & sine mandato ejus, *l. 3. §. adquirere, inf. de bonor. poss.* sed ut ibidem ostenditur, non aliter competit bonorum possessio, quæ petita est, non aliter acquiritur heredi instituto, quam si intra petitionis diem heredis ratihabito subsequatur, ut *l. servo invito, §. 1. inf. ad Trebell.* & si forte heres, antequam petitionem ratam haberet, vita decesserit, heres heredis ratam habere non potest, quia in eum non transit bonorum possessio, quæ defuncto quaesita non fuit, ut *l. 7. rem rat. hab. l. 4. C. qui admitt. ad bon. poss.* Ergo in specie propoſita, neque heres institutus ratam petitionem habuit, quam fecit amicus voluntarius, neque heres ejus ratam habere potest. At quaeritur hoc loco: an is heres ex persona defuncti possit petere restitutionem in integrum, ut scilicet omnifam hereditatem, vel bonorum possessionem adquirat? & sane stricto jure ex persona defuncti heredis instituti, heres ejus in integrum restitui non potest: quia is defunctus est intra diem aditionis, id est, priusquam cognosceret se heredem esse, & dies ille non cedit, nisi scienti, cum postea tota re cognita integrum ei esset adire intra centum dies nondum amisso jure suo. Igitur quum decessit nondum ulla in re captus aut laesus fuit, nullamque habuit causam petendæ restitutionis in integrum: itaque cum in heredem non transmittit. Si decessit, postquam cognovit se heredem esse, & post diem aditionis, vel petitionis cum reipub. daret operam, nec per absentiam intra præfixa tempora adire posset hereditatem aut petere bonorum possessionem, hoc casu restituito in integrum a defuncto transierit in heredem, veluti actio quælibet, *l. non solum, sup. de restit. in integr. l. 1. C. de rest. mil.* At quia decessit intra diem aditionis, stricto jure restitutionem in integrum, quæ ei non competit, non potuit transmittere ad heredem suum, nec igitur ab herede peti potest ex persona defuncti, & ex sua persona nullo modo, cum ei nunquam delata fuerit hereditas, quæ tamen delata fuit defuncto, nondum quaesita, & ita se res habet summo jure, merito & subtili jure. Sed aliud benigne constituisse Div. Pium Papinian. ait Macrianum Volusium referre in libris questionum scilicet de fideicommissis, ut in *l. propen. inf. de usufr.* In specie non eadem quam propoſita, sed per quam simili, quæ talis est. Quidam legationis causa Romæ erat, ubi negotium publicum agebat patriæ, vel municipii sui, qui & Reip. causa abesse intelligitur, *l. legati, ff. ex quibus caus. majores.* Et Romæ decessit, priusquam sciret sibi delatam matris hereditatem ex SC. Orfitio, vel bonorum possessionem ex persona ejus: heres desiderabat restitui in integrum, quasi defunctus in captionem incidit propter absentiam & ignorantiam, ut scilicet ab eo amissam bonorum possessionem, vel hereditatem ipse adquireret, quod stricto jure non recte desiderabit, quia restituito in integrum non competit defuncto intra diem aditionis, ergo neque heredi ejus competere potest: & tamen Divus Pius sine respectu superioris distinctionis, id est five intra, five post diem aditionis, vel petitionis filius decesserit, constituit, restitutioni in integrum locum esse ex persona defuncti, quasi & defuncto competere, quæ tamen ipso jure non competit, cujus constitutionis humanitatem, benevolentiam, benignitatem, Papinianus etiam censet esse porrigendam ad propoſitam speciem. In utraque specie dandam restitutionem in integrum heredi, quasi ex perso-

Tem. IV.

na defuncti, licet stricto jure, (oppoſit strictum jus humanitari) defuncto non competierit, quum defunctus est intra diem aditionis, juris sui ignarus. Duplex est ratio, una absentia Reipub. causa, altera iusta ignorantia; altera tamen ratio non sufficeret: est enim hoc jus singulare & benigne receptum: quod tamen non est trahendum ad consequentias, ut quam minimum fieri potest, recedamus a jure stricto & scripto, *l. qui negotia, ff. mand. l. peregre, §. questum, de adquir. poss.* Et observandum est illo loco hujus legis, *refert, in eo qui legationis causa Romæ erat: & filium, legendum, & filio, ut in vulgatis libris, non & filium, ut in Florentiis, non & in filio, sed & filio, uno tractu, quasi sit una species, legendum est, refert, in eo qui legationis causa Romæ erat & filio, qui matris delatam possessionem:* hoc igitur loco non notari duas species, unam absentie legationis Reip. causa, alteram absentie cujuslibet, ex causa probabili, ut Dd. variantur, sed unam tantum notari speciem, quam exposui de legato patriæ suæ, qui Romam venerat, & interim ibi matris delatam bonorum possessionem amiserat, moriens non cognita morte matris: non ergo cuilibet absenti idem dabimus, sed absenti Reip. causa tantum, non etiam idem dabimus minori defuncto intra diem aditionis, vel petitionis, quoniam nec infanti hoc datur, *l. si infanti, §. si vero, Cod. de jure delicti.* In quo valde falluntur interpretes nostri. Hæc est summa hujus responsi interpretatio.

Ad §. Rei.

Rei perduellionis hereditatem suspensa cognitione filius emancipatus, cui de patris innocentia liquet, potest quærere.

REUS perduellionis si moriatur in reatu, crimen non extinguitur, hoc est notissimum, *l. ultim. ff. ad leg. Jul. majest.* sed post mortem ejus cognitio peragitur. At suspensa, inquit, cognitione, ut in *l. pen. C. de crim. exp. heredit.* suspensa crimine, *l. pen. inf. de accus.* quaeritur, an filius emancipatus, cui de patris innocentia liquet & constat certo, hereditatem ejus adire possit aut adquirere bonorum possessionem? Et respondet Papinianus, posse, quia juris sui certus est, incertus & dubians non posset adire, *l. cum falsum, sup. hoc tit.* certum juris sui, certo animi iudicio ad aditionem hereditatis accedere oportet, vel ad petitionem bonorum possessionis, quæ de causa dicitur pupillus non posse adire sine tutoris auctoritate, quia nihil scire intelligitur, aut nullius rei esse certus aut compos, sed si postea forte damnetur innocentis patris memoria iniquo iudicio, fideus ei auferret hereditatem.

Ad §. Ultimium.

Pro herede gessisse filium placet, qui moriens, comperto matrem suam intestato vita decessisse, codicillis petis ab herede suo, ut maternorum bonorum servum manumitteret, ac sibi parentibusque suis in possessionem matris monumentum extrueret.

SEQUITUR in §. ultimo, hereditatem adquiri non tantum adeundo, sed etiam pro herede gerendo, quod est notissimum, & docet in hoc §. ultim. pro herede gerere eum videri filium, qui cognita morte matris intestatæ, moriens & ipse postea, codicillis petiit ab herede suo, ut maternorum bonorum, servum manumitteret, vel ut monumentum extrueret in prædio materno sibi parentibusque suis: quæ verba in titulis monumentorum sunt frequentissima, quoniam his indicis plane moriens demonstravit se agnoscere & amplecti maternam hereditatem, proinde transmittit eam ad heredem suum, tanquam adquisitam. Idem etiam erit, si moriens testamento suo bonæ maternæ alii reliquerit, ut in *l. si adeat, C. de*

Yyy 2

C. de

C. de jure deliber. Itaque adquisitio hereditatis sive gestio pro herede, aut geritio, non est tantum actus viventis, sed etiam morientis.

Ad L. XXVII. Si quis omisit. caus. testamenti.

Mater secundis tabulis impuberi filio substituta, locum edicti facit, si omisso testamento legitimam hereditatem filii possideat. Idem juris erit & si filio heres datus sit, & substituta.

AD speciem hujus incitii adnotemus: quod si testamento heres institutus sit is, qui & ab intestato testator heres esse potest, & ab eo legata relicta sint, eo non expresso, ut & ab intestato deberentur, ut in *Leam, G. de fideicom.* vel non adjecta clausula codicillari, & is in fraudem legatariorum pratermissio testamento, pratermissa institutio ab intestato, hereditatem totam, partemve ejus possidere coeperit, ut legatarii carerent legatis, quae sine non debentur jure ipso, non adita hereditate ex testamento, id est, desituto, & deserto testamento, praeor ex hoc edicto, quod hic proponitur, caliditati ejus occurrat, data in eum legatariis utili actione, quasi ex testamento, perinde atque si ex testamento adisset hereditatem, tamen repudiaverit causam testamenti, & ab intestato rem tenere coeperit, quod primo responsio hujus legis ostenditur non servari tantum in testamento principali, tamen edictum praetoris de principali tantum testamento loquatur, sed etiam ex sententia edicti, in testamento pupillari, quod pater filio pupillo fecit, ut si filio impuberi substituta sit mater in secundum casum, & ab ea legata relicta sint, & filio impubere mortuo, omisso substitutione pupillari, omisso testamento pupillari, maluerit mater jure intestati ex Senatusconsulto Tertull. filii hereditatem amplecti, nihilominus utilibus actionibus iis tenetur, quibus in substitutione sive testamento pupillari legata relicta sunt. Et addit Papinianus, Idem esse, si mater filio impuberi coheres adjecta & substituta sit, & mortuo filio impubere, partem hereditatis, quae filio obvenerat noluerit mater capere jure substitutionis, sed eam possederit ab intestato ex Senatusconsulto Tertull. Nam & edictum praetoris, non tantum eum complectitur, qui hereditatem ex testamento repudiavit totam, sed & qui partem, vel rem unam hereditariam eamque possidet ab intestato, *l. i. in princ. §. non quarimus, l. etsi non totam, hoc tit.*

Ad §. In sententiam.

In sententiam edicti, propter legatorum causam frater incidisse non videbatur, qui filium suum substitutum impuberi testamento fratris non emancipavit, sed ab intestato per eum bona possidere cepit.

Secundi responsi species haec est pulcherrima: frater meus filio impuberi suo heredi instituto, in secundum casum substituit filium meum sub conditione, si eum emanciparem, ut mihi per eum non adquierebatur hereditas, quae conditio erat olim frequentissima in institutione filii alieni, ut docui ad Africanum in *l. 46. de hered. instit.*

Ab eodem autem filio meo in secundis tab. in substitutione pupillari frater meus legata reliquit: ego filio fratris mortuo intra pubertatem nolui filium meum emancipare, ut ex substitutione pupillari caperet hereditatem: sed ad intestato per eum bona filii fratris possidere coepi: recte ait: *Bona, non hereditatem*, quia nolui filii fratris mei heres esse jure legitimo, qui eram ei proximior, & malui filium meum venire ab intestato me deficiente, petita scilicet bonorum possessione unde cognati, quia ante Justinianum in legitimis hereditatibus successioni non erat locus, sed deficiente proximo herede legitimo, sequentes vocabantur, non ut legitimi quia legitimus

A legitimus non succedit, sed vocabantur ex parte unde cognati, §. placebat, *Instit. de leg. agn. succ.* Et Paulus 4. *Senten. tit. 8.* Sed per filium meum, postquam is agnovit bonorum possessionem unde cognati, me jubente, vel ratum habente, ut in *l. i. Cod. qui admitti*, ego ea bona possidere coepi: Quaritur, an me legatarii convenire possint, quasi commiserim in edictum? Posset tentari, posse legatarios me convenire, non quidem ex verbis edicti, quae sunt de herede scripto, & filius meus scriptus est, non ego, sed ex sententia edicti, quia nihil interest, ego an filius meus heres scriptus sit, *l. i. §. i. si filius meus, hoc tit.* At verius est me non incidisse in sententiam edicti, ac proinde legatariis non teneri, quia quod dicitur, nihil interesse, ego an filius meus heres institutus sit, quod ad vim edicti attingit ita procedit, si per filium meum ex testamento hereditatem meam acquirere poterim, & omnia causa testamenti filii nomine ab intestato bonorum possessionem acceperim, vel per eum ab intestato bonorum posses. acceperim, ut in supradictis *ll.* At in specie proposita, per filium meum ex testamento hereditatem acquirere non potui, quia institutioni filii mei vel substitutioni fuit infera conditio emancipationis, & ideo non committo in edicti sententiam, si eum nolo emancipare, id est, si eum nolo sibi hereditatem acquirere, sed malo ei cadere proximo loco successione ab intestato, ut veniat ad bona patris sive consobrini sui ex parte unde cognati, eaque mox mihi per eum adquiratur non per memetipsum. Nec obstat quod dicitur, conditionem quae in nostra potestate est, quae uno verbo dicitur Potestativa, pro pura haberi, *l. i. §. qui sub conditione, h. tit.* & conditionem emancipationis esse in potestate mea, quoniam hoc ita verum est, si illa conditio mihi imponatur: at cum filio meo imponitur, si te pater emancipaverit, professio casualis est conditio, non potestativa, neque enim patri invito filius extorqueere emancipationem potest.

Ad §. Ultimum.

In eum, qui testamento scriptus heres non fuit, si fraudis consilio cum heredibus scriptis participato, legitimam hereditatem solus possideat, actio legatorum ex sententia praetoris dabitur.

EX verbis edicti legatariis tenetur heres, sive legatorum actio datur in heredem scriptum, qui omnia causa testamenti ab intestato possidet hereditatem. Ex sententia autem & mente edicti datur etiam quandoque actio legatorum in non scriptum heredem, veluti in legitimum heredem, qui id egit dolo malo cum herede scripto in fraudem legatariorum, ut repudiaret hereditatem ex testamento, atque ita tota hereditas ab intestato ad eum perveniret: hoc casu etiam in heredem legitimum competunt utiles legatorum actiones: hoc tamen ordine servato, ut si heres scriptus pecunia accepta a legitimo herede testamenti causam omiserit, ipse prior conveniatur a legatariis, & excutatur, & post eum legitimus heres, qui cum eo fraudem participavit: si gratuito omisit testamentum, ut prior conveniatur heres legitimus, *l. 2. l. 4. l. 10. §. ultim. hoc tit. l. i. Cod. eodem tit.* Posui hereditatem totam ad heredem legitimum pervenisse, ut Papinian. solum eum, inquit, hereditatem possidere, quia si partem tantum hereditatis possideret heres legitimus, maxime gratis, pro ea duntaxat parte teneretur respondere legatariis, *l. 10. in princ. & l. 24. hoc tit.*

Ad L. IV. de SC. Syllan.

Qui postumus heredes instituit, non natis postumis, utroque secundo loco scriptis heredem: cum a familia necatus diceretur, uxor diem suum obierat, heredes mulieris actiones ex constitutione sibi dari postulabant: eos ita demum audiendos esse respondi: si mulier quae in utero nihil gestare constabat, propter Senatusconsultum hereditatem adire non

re noluit, alioqui pręgnante ea defuncta, nullam injurię querelam intervenisse.

IN hac l. hac species proponitur: quidam postumus heredes instituit, eisque si non nascerentur, uxorem substituit, & cum is a familia necatus diceretur, uxor mortua est aut aditam hereditatem, queritur: an ad heredem suam uxor transmiserit utiles actiones hereditarias, ut l. prox. §. pen. sup. hoc tit. ostenditur, si heres metu SC. Syllan. id est, metu amittendę hereditatis, quoniam SC. Syllan. cavetur, ut heredi scilicet hereditatem auferat quasi indigno, si, cum testator a familia necatus diceretur, ejus hereditatem adierit apertis tabulis testamenti, antequam de servis questio haberetur, si, inquam, heres metu Senatufconf. Syllaniani hereditatem non adierit, & pendente ejus rei inquisitione diem suum obierit, in heredem suum stricto jure non transmittit actiones hereditarias, propter regulam juris, quę dicitur, hereditatem non aditam, in heredem non transmitti, l. un. §. in novissimo, C. de ead. soll. l. 6. in fi. & l. 7. sup. de hof. test. l. 1. C. Theod. de legit. hered. l. 2. C. Hermog. de fuffess. Sed transmittit tamen in heredem constitutione quadam Principum. h. l. demonstrat, nisi malis in ea, ut est in nonnullis libris, & videtur esse rectius, legere ex substitutione, non ex constitutione. Et ratio dandam utillum actionum hac est, ne fiat injuria heredi instituto vel substituto, quem SC. impedivit & deterruit ad adeunda hereditate, si interim defunctus nihil transmittat ad heredem suum, qui voluit quidem adire, sed impeditus fuit SC, quia noluit cum periculo adire: unde queritur in hac lege, an etiam non editis postumis, mortua uxore ante aditam hereditatem, quod metu SC. territa fuisset ad adeunda hereditate, quod maritus a familia necatus diceretur: an audiendi sint heredes uxoris, qui ex substitutione utiles actiones sibi dari postulant? Et ita distinguit Papin. ut, siquidem cum uxori liqueret, se nihil gestare in utero, solius Senatufconf. metu non adiret hereditatem, tum ut intelligatur in heredes suos, si interim mortua sit, transmississe utiles actiones hereditarias, sed si, cum existimaret se esse pręgnantem, vel propter sarcosin uteri, quę vulgo mola dicitur a Medicis, vel quia alia ratione, vel etiam si cum revera esset pręgnans, hereditatem non adierit, non tam metu Senatufconf. quim quod sciret non posse adiri hereditatem a substituto, quamdiu institutus speratur, ut in l. cum quidam, §. 1. & sep. sup. de acqu. hered. l. anti. qui, l. illud, si pars heredit. per. l. 4. in fi. inf. de bonor. poss. contra tab. l. pen. §. ult. ff. unde legitimi, hoc casu nihil in heredem suum transmittit, quoniam aliud fuit impedimentum adeunda hereditatis, quam metus Senatufconf. sibi, spes scilicet nascituri postumi, quod revera esset pręgnans, aut se esse existimaret, hoc, inquam, casu, nihil in heredem suum transmittit, ergo nec directas, nec utiles actiones, quod maxime congruit cum l. prox. §. ult. sup. quia nec etiam recte & iuste queri heres potest sibi vel defunctę injuriam fieri, si ab ea nihil ad se transmittatur, quod his verbis significat Papinianus dum ait: *Eo casu nullam injurię querelam intervenire*. Plus dico, etiam non esse subveniendum uxori, vel heredi ejus, exemplo filii vel heredis ejus, si postumus pręteritus dum speratur, dum testamentum est in causa rumpendi, ei fuerit impedimentum in adeunda hereditate, quia filio subveniri æquum est, propterea quod omnimodo, id est, sive nascatur postumus, sive non, patri heres aut bonorum possessor futurus est, quę est ratio legis ventre, sup. de acqu. hered.

Ad Leg. XXI. Eod.

Propter veneni questionem tempus petendę possessionis non proferatur, cum eo quoque suspensio crimine recte petatur. Aliud senatus placuit, cum a familia dominus necatus diceretur, servorum videlicet causa: quorum libertatem questionis habenda gratia negligi necesse est.

NOtandum est multum interesse, utrum dominus per vim a familia, aut pręsente familia, quod perinde est, necatus esse dicatur, an veneno, aut veneficio siue vi carminis: nam si dominus vi aperta a familia necatus esse dicatur, ex Senatufconsulto Syllan. hereditas ejus adiri non potest, antequam de servis, qui sub eodem testamento fuerunt, qui, ut veteres dicebant, *subfuerunt*, quo tempore dominus occisus est, questio habita sumptumque de noxiis supplicium fuerit, qui vel occiderunt, vel auxilium domino non tulerunt. Cujus juris duplex est ratio, ne heres facinus familie occultet propter suum compendium, dum mavult servos noxios habere ut distrahatur, quam poena eos consumi, l. 3. §. non tantum, hoc tit. Notatur & altera ratio initio hujus l. ne forte servis quibusdam testamento manumissis competat libertas, si hereditas statim adeatur ante questionem de familia habitam sumptumque supplicium, & necesse sit, si res ita procedat, de liberis hominibus questionem haberi, tanquam de servis neglecta eorum libertate, quam melius esset non negligi, quoniam liberi homines vix questionibus subijciuntur: sed tamen necesse esset hoc casu eos subicere questioni, cum a familia necatus dominus esse dicitur, & hoc est, quod ait, *servorum causa*, quorum libertatem questionis habenda gratia negligi necesse est: quorum libertatem, quę scilicet competeret statim, si statim liceret adire hereditatem, & quorum libertatem negligi necesse est, & tamen melius esset eam non negligi. Quod si dominus veneno necatus esse dicatur, clam & per insidias, non per vim, heres non prohibetur statim adire hereditatem aut bonorum possessionem petere suspensā cognitione hujus criminis, l. r. §. occisorum, l. necessarios §. ult. l. prox. sup. hoc tit. l. 9. C. de iis quę ut indign. quia adversus venenariorum, vel veneficorum insidias quid auxilii familia vel quiquam ferre potest? Nihil prorsus: & ideo domino extincto eo modo clanculum etiam non habetur questio de servis, qui sub eodem testamento fuerunt. Et hac est sententia hujus responsi.

Ad §. Neptis.

Neptis quę possessionem avię petierat, mortem ejus, interfectam sciens, non defenderat: fideicommissum, quod avia ex alio testamento nepri debuit, in restituendis fisco bonis non esse deducendum placuit: dolo enim heredis punitus est, si autem negligentia mulier emolumentum bonorum amisserit, fideicommissum esse retinendum, integrato jure debiti, rationis est.

SCIENDUM est, heredem posse adire hereditatem occiso testatore, etiam si nondum ultus sit necem testatoris, id est, si modo non a familia, sed ab alio occisus esse dicatur, l. ejus, §. ult. inf. de jure fisci, l. eum, qui, §. bonis, inf. de iis quę ut indign. neque huic sententię refragatur l. 6. C. eod. tit. quoniam, ut ibi ostenditur, ea l. pertinet ad Senatufconsultum Syllan. id est, ad casum domini a familia necati, aut qui a familia pręsumitur esse necatus, vel familie opera, vel conniventia, de quo casu non est hoc secundum responsum, sed si post aditam hereditatem non ulciscatur heres, & defendat necem defuncti siue sciens, siue ignorans, vindictam & defensionem omiserit, indistincte ei auferit hereditatem fisco, ut indigno: verum queritur, an, si forte defunctus heredi debuerit fideicommissum ex alio testamento, quę actio fideicommissi alio testamento relicta a defuncto additione confusa & extincta fuit, quia debitoris hereditatem creditor adivit, creditor, inquam, adivit hereditatem debitoris fideicommissi: queritur erepta ei per fisco hereditate, quod inultam reliquerit eadem defuncti, an talem ei ea actio restituenda sit, quę additione quidem confusa est? Sed æquum videtur, ut redintegretur ablata ei, si adit hereditatem. Et distinguit Papinian. hoc loco, ut in l. heredem, inf. de iis quę ut indign. Aut sciens heres dolo malo inultam reliquit eadem defuncti,

functi, & tunc confusa actio non restituitur, ut dolus ejus puniatur. Aut ignorans negligentia quadam non inquisit nimirum in genus mortis defuncti, mortem ejus inultam reliquit, hoc casu, quia dolus abest, æquum est ei, actionem confusam restitui & redintegrari, & ex hereditate fisco restituenda deduci & retineri fideicommissum, quod ei defunctus debet: & huic responso lex, quam obicit Accursius, nullo modo adversatur *l. duo, in fi. sup. tit. prox.* quia non loquitur de actione confusa per additionem, quæ tamen, quod notandum, herede omiſſa causa testamenti hereditatem adeunte ab intestato, confunditur, si quid heredi defunctus debuerit, nec sane restituitur, quia hereditas ei non auferitur.

Ad §. Ult.

Prædis iniquitate reis illata cædis absolutis heredibus qui non defunctorie debitum officium impleverant: quamvis non provocassent, hereditatem auferri non oportere visum est.

Notandum est ex ult. responſo h. l. non auferri hereditatem heredi, ut indigno, si reos cædis defuncti postulaverit, & peregerit sedulo, non defunctorie, non dicis causa, licet absoluti rei fuerint iniquitate judicis, nec ipse heres a sententia appellaverit. Ab herede exigimus, ut crimen illata cædis peragat & perducat ad sententiam, non etiam, ut vincat, quoniam hoc etiam in eo non est, non item ut victus appellet. Neque huic responſo quidquam obstat *l. 6. C. de tis, quæ ut indign.* quoniam in ejus l. specie heres vicit & condemnavit auctorem cædis, & ideo, si condemnatus appellet, sane erit in dolo aut magna negligentia, nisi appellationem persequatur. In hac autem specie heres non vicit, heres non habet sententiam, quæ pro se faciat, nec necesse habet appellare aut litigare pervicacius: Et nihil est præterea in hac lege.

Ad L. LXXV. de Leg. II.

Miles ad forem epistolam quam post mortem suam aperiri mandavit, talem scripsit: scire te volo donare me tibi aureos octingentos: fideicommissum deberi fori consistit, nec aliud probandum in suprema cujuslibet voluntate: places enim consistere fideicommissum ac si defunctus cum eo loquatur, quem precario remuneratur.

Do sunt brevia responsa in hac lege. In primo ostenditur recte fideicommissum relinqui, etiam si nemo rogetur præstare fideicommissum, id est, si cum herede non loquatur testator, sed cum fideicommissario, ut in *l. peto, hoc tit.* Peto Cai Sei, contentus sis centum aureis, vel ut in specie h. legis: *Scire te volo donare me tibi aureos octingentos.* Dono, est verbum directum, *l. Aurelius, §. Titius Sejo, de liber. leg.* At in hac specie verbum dono pro precario accipitur, quia scriptum est in epistola, in qua nihil directo scribi potest, & quæ ob eam rem dicitur epistola fideicommissaria, *l. cum quis, §. Sejo, titu, seq. l. 7. qui testam. fac. poss.* Et ideo, ex voluntate militis qualis fuit testator in hac specie, vis ejus verbi, dono convertitur in causam fideicommissi, ut in *l. precibus, in fi. C. de impub. & ali. substit.* & *l. centurio, de vulg. substit.* Nec igitur idem esset in pagano. Nec obstat quod subijcit: non esse aliud probandum in cujuslibet suprema voluntate. Ergo nec in pagani voluntate, quoniam hoc ad speciem eandem fideicommissi non respicit, quæ proponitur initio hujus legis, sed ad generalem definitionem, quam subijcit, fideicommissum consistere & si defunctus, sic esse legendum jampridem ostendi ex Græcis, non, ac si defunctus: consistere igitur fideicommissum, est defunctus cum eo loquatur, quem precario remuneratur, id est, cui fideicommissum relinquit, non cum eo a quo relinquit, puta, herede, ut in exemplo d. *h. Peto Cai Sei, sis contentus illa re, vel pecunia, &c.* ubi nullum

A est verbum directum, vel etiam, ut in *l. fideicommissa, §. si quis ita, tit. seq. Cai Sei* sufficit tibi illa re, ubi etiam nullum est verbum directum, quod inſecti necesse sit, vel etiam, ut apud Paul. initio 4. Sent. *volo tibi illud præfari*, ubi est verbum precarium volo, & ibi quoque idem Paulus generaliter definit, eum, qui fideicommissum relinquit, cum eo cui relinquit, loqui posse.

Ad §. pro Parte.

Pro parte heres institutus cui præceptiones erant relicte, post diem legatorum cedentem ante aditam hereditatem, vita decessit: partem hereditatis ad coheredes subditos pertinere placuit, præceptionum autem portiones, quæ pro parte coheredum constituerunt, ad heredes ejus transmitti.

Non ignotatis, quod sapissime jactavi, heredem institutum ex parte, cui prælegata sive præceptiones relicte sunt, partem prælegatorum accipere a coheredibus jure legati, partem a semetipso jure hereditario, *l. in quartam, ff. ad leg. Falcid. l. legatum, §. 1. sup. tit. prox.* Nunc finge: tres heredes instituti sunt ex æquis partibus, primus, secundus, tertius, adeoque invicem substituti sunt, & primo quidem prælegata data sunt: primus deinde moritur ante aditam hereditatem, & post diem cedentem prælegatorum, id est, post mortem testatoris, vel, ut olim, post apertas tabulas ex *l. Papia*, vel post existentem conditionem legatorum. Certum est portionem ejus hereditariam ad coheredes pertinere jure substitutionis reciproca: de prælegatis quaeritur, an ea pertineant ad heredem primi jure transmissiōis, quod post diem eorum cedentem vita decessit, quæ cessio dici facit, ut legata transmittantur ad heredem: verum ut Papinian. respondet hoc loco, non transmittuntur integra, sed deducta portione hereditaria, quam in eis legatis habet pro rata suæ portionis, quæ pars pertinet ad substitutos coheredes, residuum ad heredem primi, quod pro parte coheredum habuit jure legati. Huic responſo valde obstat *l. qui filius, §. ult. & l. seq. sup. tit. prox.* & *l. cum resp. C. de leg.* ubi proponitur heres institutus ex parte, cui prælegata data sunt, se abſtineret hereditatem tantum non prælegatis; & capere prælegata integra vel transmittere ad heredem suum, non deducta portione hereditaria, quasi tota capiuntur jure legati, cumque sprevit hereditatis portionem, quæ sibi adscripta est: eo casu prælegata non diverso jure capiuntur, sed uno tantum jure: & ut respondeamus, recte ponitur in illis *ll.* heres omiſſe hereditatem, quo casu totum prælegatum retinet, quoniam separavit hereditatem a prælegato, sprevit hereditatem & elegit legatum. At in specie hujus responſi heres non omiſſit, nec repudiavit hereditatem, non separavit eam a prælegato, sed mortuus est ante aditam hereditatem, quum consultabat, & deliberabat, id est, antequam sibi prælegata retineret, neglecta hereditate, antequam separaret hereditatem a prælegato, & ideo totum prælegatum in heredem non transmittitur, sed partes tantum, quæ ex persona heredum constituerunt. Et ita Accursius statim, sine ambagibus respondit in *l. filio, sup. tit. prox.* At hic tres adfert solutiones: secunda est ea, quam attuli & verissima. Prima hæc est: hic agi de substituto coherede, ibi de non substituto coherede, & jure substitutionis etiam prælegati portionem hereditariam ad substitutos pertinere: jure adcreſcendi, non item, quam differentiam relellit *l. Sextilia, tit. seq.* Tertia autem solutio constituit differentiam inter suum & extraneum heredem, quam differentiam etiam evertit *l. questum §. duobus, sup. tit. prox.* Ergo permanemus in secunda.

Ad Leg. XXII. de Adim. & transf.

Ex parte heres institutus, etiam legatum acceperat: cum testator inimicis gravissimis persecutus, cum testamentum aliud facere instituisset, neque perficere potuisset, præterit.

perit: hereditaria quidem actiones ei non demogabuntur, sed legatum si petat, exceptione doli mali submovebitur.

Memoria repetendum est quod habuimus in *l. militis*, §. *reuerentis*, *supra de testam. milit.* cum quo & hanc legem diximus esse conjungendam. Hereditatem testamento datam nuda voluntate non adimi, sed alio testamento solemniter & jure perfecto. Legatum autem adimi, etiam nuda voluntate minusve solemniter, non quidem ipso jure, sed beneficio exceptionis doli mali oppositæ legatario petenti legatum: hæc differentia inter hereditatem & legatum aperte demonstratur in hac lege. Finge: Heredi instituto ex parte prælegata data sunt, & post testamentum inter eum heredem & testatorem capitales & gravissimæ inimicitie intercesserunt, quibus adductus testator cum alio facto testamento eum heredem instituit, mutare, id non potuit perficere morte præventus, atque ita cum heredem præterit, id est, non ut constitueret exheredavit, Papinian. ait, id heredi hereditarias actiones competere sine metu illius exceptionis, quia hereditas ei adimi non potuit nuda voluntate. Eundem autem heredem petentem legatum repelli exceptione doli mali. Petentem legatum officio iudicis fam. excusandæ exceptione doli mali, quasi adempto legato pro parte coheredum, ut in *l. pen. §. pen. hoc tit.* quæ est sententia hujus legis. Ne autem dixeris in hac specie, in hereditate fisco locum esse, quoniam hoc vetat oratio Divi Pertinacis, de qua in *§. pen. Instit. quib. mod. test. infirm.* Et ita Julius Capitolinus in Pertinace: *legem*, inquit, *tibi*, ut priora testamenta non prius essent irrita, quam alia perfecta essent, neve ob hoc fisco aliquando succederet. Ergo ne dicas in hereditate fisco locum esse. Et ad hoc dicendum minime te compellat *l. hereditas*, C. de his, quib. ut indign. in qua testator propterea declaravit heredem a se scriptum indignum & immerentem esse, quod hic non declaratur. Itaque id illa specie vocatur fisco, non in hac specie. Ad id quoque dicendum minime te compellat *l. cum quidam*, de his, quibus ut indign. in qua proponitur testatorem secundum testamentum solemniter perfecisse, licet in eo scripserit heredem incapacem nesciens, & ideo primo testamento scriptum heredem non habere supremam voluntatem defuncti, quamobrem fisco vocari in locum incapaci, nec excludi a primo herede, qui non habet supremam voluntatem defuncti. In hac autem specie hæres scriptus primo testamento videtur habere supremam voluntatem defuncti, cum nulla alia superest voluntas, nullum aliud testamentum, quod sit perfectum, & ideo fisco locus non est in hac specie. Ne dixeris etiam in legato, quod heredi ademptum intelligitur, fisco locum esse, quia etiam si capitales inimicitie intervenirent inter legatarium & testatorem, & ideo legatum ei præsumamus testatorem noluisse præstari, tamen fisco locus non est, ut uno casu, qui proponitur in *l. si inimicitia*, ff. de his, quib. ut indign. videlicet, si legatarius testatori moverit controversiam status, si vindicaverit in servitutum, quod est caput petere testatoris, quoniam eo modo impugnatur testamentum, ut *l. 16. eod. tit.* Et ideo ut indignus repellitur ab eis, quæ ei testamento relicta sunt quoquo titulo id impugnavit: si ut indignus repellitur, ergo in locum ejus venit fisco: fisco est successor indignorum & ingratorum heredum.

Ad Legem XV. de His quibus ut indignis.

Heredi, qui falsos codicillos esse dixit, neque obtinuit, hereditas non infertur, si tamen aliquid a coherede codicillis accepit, ejus actio denegabitur: itaque si bonorum inter heredes divisionem defunctus codicillis fecerit, partes quidem hereditarias, in quibus legatum consistere non potuit, tenet: sed Falcidia beneficio non utetur, si tantum in amissa portionibus erit, quod Falcidiam æquitate compensationis recusare.

A Sciendum est eum, qui testamentum falsum dixit, nec obtinuit, & a testamento repellitur, & a codicillis ad testamentum factis, & in locum ejus quasi indigni fisco vocari, quia utrumque instrumentum & testamenti scilicet & codicillorum improbare & coarguere videtur qui totum improbat atque coarguit, & partem improbat. Codicilli autem pro parte testamenti habentur. Verum aliud dicendum e contrario, si codicillos tantum esse falsos dixerit nec obtinuerit: non enim hic repellitur a testamento, sed a codicillis tantum, quia non videtur etiam testamentum improbare, *l. 5. §. qui principale*, hoc tit. Qui partem improbat non continuo & totum improbat: & ideo, ut hoc loco Papinian. ait, ei a fisco hereditas testamentis data non auferretur: verum si codicillis prælegatum ei relictum sit, id ei fisco ut indignus aufert & eripit, non quidem integrum, sed pro partibus tantum, quas a coheredibus accepit jure hereditario. Partem autem, quam a semetipso accepit jure hereditario, quod pro ipsius parte legatum consistere non possit, ut in *l. cum, qui*, §. ult. hoc tit. eam partem retinet, quasi ex testamento principali: hoc cognito, Finge: Testator, qui mille habuit in bonis, duos in testamento heredes scripsit æquis partibus, primum & secundum, codicillis autem inter eos coheredes bonorum suorum divisionem fecit: primo assignatis rebus Italicis, quæ dignæ erant ducentis, secundo provincialibus quæ erant dignæ octingentis. Ipso jure ille heredes habent semisses omnium bonorum, id est, singuli quingenta, cujus portionis Falcidia five quadrans est 125. At vice mutua videtur testator eis prælegasse, primo partem, quam secundus haberet in rebus Italicis id est, centum: secundo autem partem, quam primus haberet in rebus provincialibus, id est, quadringenta, *lex falso proponetur*, de hered. inst. Atque ita fit officio iudicis familie excusandæ cognoscens, ut res Italicæ primus capiat, partim jure hereditario a semetipso, partim jure legati a coherede secundo, & similiter secundus res provinciales. At si idem primus codicillos, in quibus illa prælegata sunt sibi & coheredi facta inter eos divisione bonorum, falsos dixerit, nec obtinuerit, fisco ei auferet semissem rerum Italicarum, quem ex codicillis a coherede accepit jure legati: alterum semissem, id est, centum primus sibi retinebit jure hereditario veluti ex testamento, quod non accusavit. Ex semisse autem rerum provincialium, quem primus secundo coheredi suo jure legati præstare debet, si velit retinere, quod Falcidia portionis suæ deest: nam & Falcidia retinetur ex prælegatis, *l. 15. §. ult. ad l. Falcidia a coherede*, C. eod. tit. De sunt Falcidia portionis suæ 25. quoniam ipso jure Falcidia portionis cuiusque est 125. & is centum duntaxat habet jure hereditario. Si igitur velit retinere illa 25. ex semisse bonorum provincialium coheredi præstando, repellitur per exceptionem doli mali, opposita compensatione ejus, quod vice mutua percipit a coherede, quia semis rerum Italicarum, qui est centum, quem a coherede vice mutua percipit, & amisit sua culpa: temere accusando codicillos, abunde supplet, quod jure ex Falcidia semisse rerum provincialium deducere desiderat. Et de hoc genere compensationis satis jam ante diximus in *l. qui non militabat*, de hered. inst. explicata *l. Nescimus*, & *l. filio*, ad *l. Falcidia*, & *l. filium quem*, C. fam. creta. quibus etiam eadem ratio compensationis approbatur. Et hæc est hujus responsi sententia.

Ad Legem LXXVI. de Condit. & Demonstr.

Fideicommissum a filiis relictum, si quis ex his sine liberis diem suum obierit, adoptionis commento non excluditur.

Sententia hæc est: Conditionem, si sine liberis decesserit, de liberis naturalibus intelligi, non de adoptivis, alioquin nullum non fideicommissum sub ea conditione relictum eluderetur & excluderetur commento adoptionis. Commentum vocat, quia adoptio est imago naturæ, *l. filio*, de liber. & post. Calphurnius Flaccus in decla-

declamationibus; *Adoptio inquit, summa res est, quae bene-
ficio natura & iuris imitatur: Aulonius.*

Imitatur adoptio prolem.

Quam legisse iure, quam genuisse velis.
Adoptivi igitur commentitii sunt liberi: Improbatur igitur in hac lege adoptio, quae fit in fraudem fideicommissarii. Et sic in *l. cum vario*, §. *ex bonis*, ff. *de bon. damn.* Portiones quae liberis servantur ex bonis damnatorum dicuntur ita demum servari etiam liberis adoptivis: si non fraudis causa facta sit adoptio: & in *l. liberis*, §. *in adoptiva*, ad municip. significatur ideo ius originis in suscipiendis muneribus civilibus adoptione non mutari, quia inest adoptioni suspicio fraudis, quasi fiat in fraudem Reipubl. civilium munerum evitandorum causa: & omnino recte: M. Tull. pro domo sua: *In adoptione neque calumniam, neque delum, neque fraudem adhibendam esse.*

Ad Leg. VI. de Collat. dec.

Pater filium emancipatum heredem instituit, & filium exheredavit, quae inofficiosi lite perita partem dimidiam hereditatis abstulit, non esse fratrem bona propria conferre cogendum, respondit: nam & libertatem competere placuit.

HUJUS l. sententia haec est. Pater filium emancipatum ex asse heredem instituit, filium quam retinuerat in familia exheredavit: filia egit querela inofficiosi testamenti, & fratri evicit semissem hereditatis paternae, cumque semissem habet iure testati: alterum semissem frater habet iure testati. Nam etsi ab initio paganus non possit esse pro parte testatus, pro parte intestatus, tamen ex postfacto, maxime per querelam inofficiosi testamenti, pro parte fieri potest intestatus & pro parte manere testatus, ut in *l. nam etsi parentibus*, §. *ult. l. mater*, l. *etiam*, sup. *de inoffic. testam.* Et in hac specie, in qua hoc quaeritur, an debeat filius emancipatus forori conferre bona propria, & vicissim foror, an debeat fratri conferre dotem profecticiam, responderetur neutrum teneri conferre: optima ratione, quia inter fratres, tunc demum collationis locus est, quum eodem iure veniunt ad bona patris, puta omnes per bonorum possessionem contra tabul. vel bonorum possessionem, unde liberi, vel etiam per querelam inofficiosi testamenti extraneis heredibus scriptis, & in totum relicto testamento per querelam, l. *ut liberis*, C. *de collat.* non etiam collationis locum esse, si diverso iure veniant ad bona patris, ut est in *l. sep. hoc tit. l. filium*, §. *videamus*, sup. *de bon. poss. cont. tab.* In hac autem specie veniunt iure diverso, foror iure testati, frater autem iure testati, quia ratione & libertates testamentum relictae omnimodo valent, quia testamentum consistit pro parte, & libertas dividi non potest. Legata autem valent pro parte, l. *judicare*, inf. *de exco. rei jud. l. cum filio*, in *pr. de leg. 2. l. cum duobus*, *de inoff. testam.* Ergo in hac specie cessat collatio inter fratrem & sororem.

Ad L. Filiusfam. VIII. si Tab. testam. nulla exst.

Filiusfamilias ut proximus cognatus, patre consentiente, possessionem agnovit: quamvis per conditionem testamento data, quod in patris potestate manserit, ab hereditate sit exclusus: tamen utiliter possessionem agnovisse videbitur, nec in edicti sententiam incidet, quoniam possessionem secundum tabulas non agnovit, cuius inde rem habere non poterit, nec in filii potestate conditio fuerit, nec facile pater emancipare filium cogi poterit.

IN huius legis specie proponitur quidam filium cognati sui heredem instituisse sub hac conditione, si a patre emancipatus esset, quoniam erat in potestate patris hanc adiecit conditionem, dum apud filium bona sua permanere cupit, non per eum patri acquiri manentem in familia & potestate eius. Quamobrem testatores saepe filiorum alienorum institutioni eam conditionem adiungunt, vel per

rosi patrem, ut in *l. si quis in suo*, §. *ult. C. de inoff. testam.* urque apud Plinium 8. Epist. Currius quidam peripus generum suum dicitur filium generi sui, neptem suam heredem instituisse sub conditione, si esset manu patris emissus, ne ad illum bona sua pervenirent: vel etiam quod testatores nonnunquam male suspicentur de moribus patris, ut in *l. filius*, C. *de inoffic. testam.* Neque enim temere bona nostra relinquimus eis, quos suspicamus ea per luxum statim consumpturos. Et sic in *l. filius*, proponitur mater filios suos heredes instituisse sub conditione emancipationis, quod secus suspicaretur de moribus mariti: sed erat etiam olim in matre alia major ratio, quia adducta filium instrueret sub conditione emancipationis, quia nec marito donare poterat constante matrimonio, nec maritum heredem instituire ex l. *Papia*. Ergo nec filium, qui esset in potestate mariti, quia marito quaereretur statim, ut *l. 3. §. verbum*, *de donat. int. vir. & ux.* Eandem conditionem apponunt extranei plerumque quum filios alienos heredes instituant, ut in hac l. & *l. quidam*, ff. *de hered. instit. l. 3. §. est heres de minorib.* Sed frequentius in iure proponitur mater aut avia sub hac conditione filium heredem instituire vel nepotem, aut filio nepotem donare inter vivos, ut in *l. ult. sup. de per. hered. l. Droi*, *de iure codic. l. duos*, l. *avia*, *de cond. & demonstr. l. 3. C. de instit. & substit.* Et apud Sueton. in Vitellio: filium, inquit, a matre heredem sub hac conditione institutum, si de patris potestate exisset, manu emisit. Institutioni sub hac conditione conceptae, plerumque adiciebatur dies centesimus: si a patre intra dies centum emancipatus erit, ut in *l. 2. §. est heres*, *de minor.* quia intra centum dies cernenda & adeunda hereditas erat: non ergo dies decimus adici vulgo solebat, ut in Glossa ponit hoc loco. In donatione autem inter vivos collata in filium alienum vel in filium proprium a matre sub eadem conditione adiciebatur quolibet alia dies, veluti si intra biennium emancipatus erit, ut *l. 1. C. de donat. quae sub modo*. Et ex iisdem apparet, quam sit falsa doctorum quorundam opinio, qui existimant etiam ante Constantinum, id est, ante *l. 1. C. de bon. mat. filiumfamil.* non quassisse bona maternam, quia si ei non quassit bona maternam, supervacua & inepta est conditio emancipationis, quam institutioni filii plurimum inferit mater. Et sane ante Constant. filiumfamil. patri quassisse bona hereditatem maternam pleno iure probat *l. 6. in pr. & l. filiusfam. de adquir. hered. l. 1. §. qui operes*, ad *Senatusc. Tertul. 3. §. verbum*, *de donat. int. vir. & ux.* *l. 1. C. de lib. ex h.* Et hoc probat etiam Accursius ipse, & Stephanus alter Graecorum Accurs. in *l. 1. C. de bon. mat. terr.* His cognitis, fac quod filius fororis meae, cui ego sum avunculus, filium meum: consobrini filium heredem institui sub conditione, si a me in dies centum emancipatus esset, & ab eo multa legata reliquit, ac meo nolento filium emancipare, filius coactus est omittere causam testamenti, ad quam pervenire non potest ob defectum conditionis testamento data, quae in eius potestate non est. Omisso testamento mihi tanquam proximiori cognato, nempe avunculo, delata est successio defuncti ab intestato, ut in *l. 6. C. de success. Quam tamen successiorem ego omisi aut repudiavi, ut filius meus, qui sequentem gradum occupat, ad eam bona veniret, ut proximius cognatus, me omittere successiorem, qui eum gradu precedebat, atque ita consentiente & cedente patre filius ab intestato agnovit potestatis per eum ego ceppi ab intestato possidere bona filii fororis meae: quaritur in hac & an filius meus incidit in edictum, si quis omnia causa testamenti, atque ideo, an reneatur legatarius perinde atque si ex testamento bonorum possessionem secundum tabulas accepisset? quod videtur dicendum, quia omisit causam testamenti, quam tamen amplexi potuit etiam pendente conditione emancipationis, non quidem adita hereditate, quia adiri non potest ante conditionem impletam, sed petita bonorum possessionem secundum tabulas, quam utique pro-*

tor dat etiam pendente conditione: l. 2. §. si sub cond. t. 4. & C. 6. de bonor. possess. secund. tabul. l. inter omnes, qui satisf. cog. Ergo videtur ei imputari posse, quod non agnovit bonorum possessionem secund. tabulas, quam potuit etiam suspensa conditione agnoscere: denique videtur conveniri posse a legatariis, perinde atque si accepisset bonorum possessionem secund. tabulas, juxta sententiam edicti, si quis omnia causa testamenti. Aliud tamen Papinianus respondet in hac l. cui conjungenda est l. mater. §. 1. si quis omnia cau. test. quae idem statuit, filio alieno instituto sub conditione emancipationis, quod hæc filiofamil. instituto sub eadem conditione, ut in specie propo- sita, non intelligatur filiusfamil. incidisse in edictum, qui omisso testamento, id est, omissa bonorum possessione secund. tabulas, ab intestato agnovit bonorum possessionem unde cognati. Et ratio huius responsi hæc est, quia is tantum incidit in edictum, qui causam omittit testamenti, quam cum re, id est, cum effectu amplecti potuit: at filius meus cum a me non emanciparetur in diebus centum, causam testamenti cum effectu amplecti non potuit. Nam etsi bonorum possessio secundum tabulas ei data foret pendente conditione emancipationis, tamen sine re constitueretur, & sine effectu postea conditione defecta, puta, non secuta emancipatione, cuius conditionem non fuit in potestate filii mei, nec mihi invito extorqueri potuit emancipatio, quia patris potestas est res inalienabilis: ut l. filiusfam. §. 2. de leg. l. 1. de emanc. lib. Et ait, facile patrem emancipare filium non cogi, quia existunt certae causae, propter quas nonnunquam extra ordinem non jure ipso pater cogitur filium emancipare, ut in l. si quis a par. man. erit. l. non inquam, de adop. l. si cui leg. de cond. & demonst. l. pen. sup. de erat. fur. Recte autem Ulpianus lib. sing. reg. 1. 23. & 28. bonorum possessionem, aut cum re dari, aut sine re. Cum re, si is qui, accipit cum effectu bona retineat: sine re, cum alius jure civili evincere hereditatem potest, ut si filius heres sit, inquit: intestati bonorum possessio sine re est, quoniam pater heres evincere hereditatem jure legitimo potest, & ita in l. filius. C. de inoff. test. dicitur filiis a matre institutis sub conditione emancipationis, patrem, qui conditioni non obtemperat, cum re bonorum possess. secund. tabul. non accipere videri: Accipere quidem bonorum possess. secund. tabulas, quia nihil est quod facilius concedat prator cuiuslibet petenti, sed accipere sine re. Et ita a nobis Divus Ambrosius O. epist. Sunt heredes sine re, sunt C. cum re: ut vivente testatore qui scripsi sunt, heredes sunt sine re: & infra, heredes nudum nomen habent: & infra, tanquam clausis tabulis convenit hereditatem, rem non possident. Et ex iis quidem facile, quæ sit sententia huius legis intelligi potest, dum ait, filiusfamil. scilicet, a cognata, veluti a consobino, ut possit speciem, non a matre, ut Glossa ponit, heredem institutum sub conditione emancipationis, omnia causa testamenti, quod non emanciparetur a patre, agnovisse ab intestato bonorum possessionem unde cognati non unde legitimi aut Glossa tentat, quia non de matris, sed de cognati hereditate queritur: agnovisse igitur bonorum possessionem unde cognati, patre consentiente & filio cedente locum, nimirum malente patri per filium, quam per se ea bona ab intestato possidere, quando quidem per se venire potuit pater tanquam proximior cognatus, sed maluit filium venire ex successorio edicto, quo Papin. ait, tamen hereditate ex testamento exclusus sit, defecta conditione emancipationis testa- mento data, id est, non secuta emancipatione intra dies centum, tamen utiliter, quod etiam Glossa nescit ut explicari debeat utiliter, id est, ex cum re in Basil. interpretatur, ab intestato agnovisse ut proximior cognatus bonorum possessionem unde cognati, nec incidisse in edictum, si quis omnia causa testamenti, propter causam legatorum aut fideicommissorum, quod non agnovit bonorum possessionem secund. tabulas, quia, inde inquit, rem obtinere non potuit, id est, ex parte secundum tabulas, quoniam ex ea parte bonorum possessio futura erat sine re: non impeditur conditione emancipationis: de-

Tom. IV.

nique filium habuisse iustam causam omittenti testa- menti ex quo nomen nudum heredis capessere tantum potest, non rem obtinere. Notandum est hanc legem esse de bonorum possessione unde cognati, nec tamen alienam a titulo, qui talis est, si tabulæ testamenti nullæ existant, unde liberi, tamen non sit de bonorum possessione unde liberi, sed de bonorum posses- sione unde cognati, quia huius tit. duæ sunt partes, una generalis, si tabulæ testamenti nullæ existant: altera specialis, unde liberi: & hæc lex, etsi non per- tinet ad specialem, pertinet tamen ad generalem. Postremo notandum est etiam huic responso locum esse, si filiusfam. a cognato heres institutus sub aere di- cta conditione, nec coheredem, nec substitutum ha- buerit: nam si vel hunc, vel illum habuerit, ut in specie l. filius, Cod. de inoff. test. sine re videbitur agno- visse bonorum posses. unde cognati: in specie l. filius, coheredem, vel substitutum habuerit necesse est, cum de querela inoffici. testam. in ea agatur, an pater eam filii nomine intendere possit non emancipato filio. Nam querela inoffici. testamenti non datur contra testa- mentum, non datur contra lignum, ut dicitur de bonorum possessione contr. tab. quæ datur contra testa- mentum, etiam si nullus heres extiterit ex testamento, sed datur contra heredem, qui adierit hereditatem ex testamento. Cum ergo queratur, an agi possit querela, in specie illius existit igitur aliquis heres primus aut secun- dus, in quem agi possit eo iudicio. Et breviter sum- ma sententia l. filius hæc est: filiusfamil. a matre here- dibus institutis sub conditione emancipationis, non emancipatam patrem filiorum nomine, neque bono- rum possessionem secundum tabulas cum re accipere posse, neque agere posse querela inoffici. testamen- ti adversus coheredes, vel substitutos filiorum, quoniam non iniuriæ causa, sed ut consulere filiis, ma- ter institutioni filiorum eam conditionem præposuit, & ideo pater, qui forte acceperat bonorum posses- sionem secundum tabulas, sed sine re, rem tenetur res- tituere coheredibus, vel substitutis. Quod autem nos dicimus, cum re, vel sine re, heredem aut bonorum possesorem, id etiam alii auctores imitantur sumen- tes a nobis, ut Vellejus Patreculus 2. dum ait: Sil- lani imaginem Trinitatis potestatis sine re reliquisse: & Ovid. 3. Amorum, de illo Deo:

Aut sine re Deus est, nomen frustra que timemus,
Nudum nomen habet.

Ad L. IX. Unde cognati.

Ostavi gradus agnato jure legitimi heredis, etsi non extiterit heres possessio deferatur, ut proximo autem agnato, quamvis extiterit heres, non deferatur.

In hac l. proponuntur duo responsa: & in priora differen- tia est inter cognatos & agnatos, quod agnati in infini- tum, etiam si decimo, vel ulteriore gradu sint ab intestato, ad hereditatem vocantur jure civili, id est, ex xii. tabul. vel ad bonorum possessionem unde legitimi, quæ edi- cto prætoris comparata est, agnatorum gratia. Nam legitimos prætor vocat agnatos, quos lex vocat ad he- reditatem, ut ipse similiter, ad bonorum possessionem. Denique ab intestato agnatus veniunt gradatim usque in infinitum, ut jure civili, vel jure prætorio per bonorum possessionem unde legitimi, l. 2. §. agnatus, de suis & legit. §. pen. Infl. de suc. cog. Et deficientibus agnatis, ad hereditatem etiam in infinitum ex xii. tabul. voca- bantur gentiles, id est, ingenui homines ex ingenuis parentibus orti, qui ejusdem essent nominis, licet non ejusdem familie: agnati sunt ejusdem nominis & familie, & habent easdem imagines: mefmes aemes: gentiles sunt ejusdem nominis tantum, non ejusdem familie, unde rescriptum, quos in Timæo Plato vocat quoniam M. Tullius interpretatur gentiles: & ipse etiam eadem ra- tione dicit se esse gentilem Servii Tul. regis. Verba 12.

Z z z

tab.

tab. quibus vocantur gentiles ex Ulp. hac didicimus: A
si agnatus nec esset, gentilis familiam habeto. Hodie jura
 gentilicia in usu non sunt, sed jura agnataria tantum, quæ
 porriguntur in infinitum. Proinde octavi, vel decimi, vel
 ulterioris gradus agnato defertur hereditas, vel bonorum
 possessio unde legitimi, etiam si jure legitimo heres non
 extiterit, ut Papinian. ait hoc loco, id est, etiam si here-
 ditatem non adierit jure civili, vel se pro herede gesserit.
 At eidem agnato octavi, noni vel decimi gradus, non de-
 fertur bonorum possessio unde cognati, quāvis & cognatus
 sit. Quia qui est agnatus, & cognatus est, non contra:
 tamen decimi gradus agnato non defertur bonorum pos-
 sessio unde cognati, etiam si jure legitimo heres exti-
 terit, ut cepi dicere, id est, etiam si hereditatem
 adierit ut agnatus, non poterit accipere bonorum possessio-
 nem, ut cognatus, qui est octavo aut decimo gradu, quia
 ultra sextum gradum, nec agnatis quidem (licet jure civili
 hereditatem adierint) quasi cognatus defertur bonorum
 possessio, sed intra sextum gradum tantum. Non est no-
 vum, ut qui jure civili heres extitit, velit etiam accipere
 bonorum possessionem. Plerique melius sibi juri que suo
 propici putant auxilio prætoris quam jure civili, ideoque
 non satis habent aditisse hereditatem jure civili, sed petunt
 etiam bonorum possessionem sicut in tit. de Carb. edicto,
 ostenditur, eum, qui accipit bonorum possessionem edi-
 ctalem, nonnunquam petere bonorum possessionem decreta-
 lem, qualis est Carboniana. Et vice versa. At bonorum
 possessio unde cognati, non datur cognato octavi gra-
 dus, licet jure civili heres extiterit, quia hæc bonorum
 possessio sextum tantum gradum cognatorum complecti-
 tur, & ex septimo gradu duas personas videlicet sobrina-
 tum vel natum, non totum septimum gradum, l. 1. §. 1.
 §. hoc autem, h. tit. §. ultim. Inst. de succ. cogn. Et ratio: cur
 tantum prætor cognatorum fecerit sex gradus, vel solum
 septem, propter duas illas personas hæc est. Quia ultra eum
 fere gradum cognatorum, rerum natura cognatorum
 vitam, vel gradum consistere non patitur, l. non facile,
 in pr. inf. de grad. & affin. vel ut Paulus ait, Sentent. quia
 ulterius per rerum naturam, nec nomina cognatorum propria in-
 veniri, nec vita succedentibus, prorogari potest. Et hac ratione
 sex tantum vel septem gradus cognatorum, sex vel se-
 ptem gradus cognationis constituuntur: & h. Julia &
 Papia finitur cognatio usque ad sextum gradum quo
 capite dant maris solidi capacitatem. Si cognati, in-
 quipit, inter se coherunt usque ad sextum gradum, apud
 Ulp. lib. reg. tit. de solidi capac. & l. Julia publicorum
 judiciorum, ex qua adversus cognatos invari testimon-
 nium non dicunt, nominantur tantum sobrinus, id
 est, consobrini filius & sobrinus natus, non quod ex-
 ceptatur etiam a perhibendo testimonio adversus co-
 gnatum cognati priorum gradum, sed quod finitur
 cognatio in persona sobrini, & sobrinus nati, hoc ex
 sexto gradu, & ex septimo assumpto tantum sobrinus, vel
 sobrina nato natæ, l. 4. sup. de test. Et in l. Julia repe-
 undarum, ut ei, qui in magistratu est, a sobrinis impune
 pecuniam accipere liceat, id est, ab omnibus cognatis
 usque ad sextum gradum, cui ex septimo licet ad-
 dere sobrinus natum, l. 1. ad l. Jul. repet. Et in l. Corne-
 lia de injuriis, ut de injuriis non judicet, qui ei, qui agit
 injuriarum, sobrinus erit, cui ex septimo gradu addi potest
 sobrinus natus, significatur ulteriorem judicare posse, quasi
 sit extra numerum cognatorum, l. 5. in prin. de injur. Ideo-
 que quod ad istud responsum attinet breviter consti-
 tuamus, ut adoptio in adoptionem & adrogationem
 dividitur, adoptionis nomine accepto pro genere &
 specie, ita cognatio dividitur in agnationem & cognationem:
 cognati dividuntur in agnatos & cognatos, qua ratione recte
 dicitur eos, qui agnati sunt, & cognatos esse, non utique
 autem cognatos omnes & agnatos esse, ut in l. juris §. 1. de gradib. & affin. ut pater
 meus, mihi agnatus & cognatus est; avunculus cognatus est
 tantummodo, non agnatus, quia agnatus me contingit per
 patrem, cognatus per matrem: ergo patruus, id est, frater
 patris, mihi agnatus & cognatus est: at frater matris

id est, avunculus mihi cognatus non agnatus est. A-
 gnatus ejusdem nominis est, & familie; cognatus ejus-
 dem nominis & familie non est, quia tamen, qui
 agnatus est, & cognatus est, cognati nomine accepto
 generaliter; ideo agnato ab intestato non tantum defer-
 tur hereditas & bonorum possessio unde legitimi, quæ
 proprie agnatis competit, sed etiam bonorum possessio
 unde cognati, cum & ipsi sint cognati: sed hoc interest,
 quod bonorum possessio unde legitimi, defertur agnato
 cujuscunque gradus, etiam si jure civili non adierit here-
 ditatem: bonorum possessio unde cognati, defertur tantum
 agnato sexti gradus, & ex septimo gradu duabus personis
 tantum sobrino sobrinæ, nato natæ: ultra eum gra-
 dum easque personas ne agnato quidem defertur bono-
 rum possessio unde cognati, sed intra eum gradum sa-
 ne defertur agnato bonorum possessio unde cognati,
 etiam si jure civili heres extiterit ut agnatus, quasi
 ex abundanti etiam accepta bonorum possessione unde
 cognati.

Ad §. Fratris.

Fratris filius pro parte heres institutus, cum parvum
 surdum esse contendere, atque ideo testamentum facere non
 potuisse, possessionem, ut proximus cognatus accepit, ex die
 mortis, temporis haberi rationem placuit, quia verisimile
 non videbatur tam conjunctum sanguini, defuncti valetudi-
 nem ignorasse.

Bonorum possessio unde cognati, quæ agnatis & co-
 gnatis defertur, petenda est intra centum dies ex
 edicto successorio, numerando a tempore mortis ejus,
 cujus de bonis agitur, l. 3. hoc tit. l. 1. §. si intra, tit. seq.
 Hoc cognito fac, quod filius patris testamentum patris
 heres institutus est adjecto coherede extraneo, & dicit
 filius fratris neque se, neque coheredem ex testamen-
 to hereditatem adire posse, quod surdus fuerit patruus,
 surdus non fuisset testamenti facientem, ut in l. 6. §. 1.
 C. l. 7. qui test. fac. poss. quod obtinuit ante constitutionem
 Justin. id est, ante legem diservit, C. qui test. fac. po.
 Et ideo filius fratris quasi nullo testamento, cum res vi-
 detur agnoscere bonorum possessionem unde legitimi,
 vel unde cognati, si hoc maluerit, intra centum dies,
 scilicet utiles, quibus scierit sibi ab intestato deferri patris
 hereditatem. Centum dies cedunt scienti, non igno-
 ranti causam intestati, siue causam ab intestato delatæ
 hereditatis: cedunt ergo ei centum dies statim a morte
 patris, quia præsumitur scivisse adversam valetudinem,
 id est, surditatem patris, non est, inquit, verisimile tam
 conjunctum sanguini defuncti valetudinem ignorasse, sicut
 dicitur etiam non ignorasse conditionem, & statum
 capitis sui cognati, l. si filium, C. de lib. causa. Item non
 esse verisimile, proxima necessitudine conjunctum igno-
 rasse ætatem cognati, l. 7. C. de in integr. restitutio. Et
 hæc est sententia hujus responsi.

Ad L. Ult. de Succes. edic.

Inferioris gradus cognatus beneficium edicti successorii
 non habuit, cum prior ex propria parte possessionem acce-
 pisset, nec ad rem pervenit quod abstinendi facultatem ob
 auxilium ætatis prior cognatus acceperat: igitur jfco. va-
 cantia bona recte deferri placuit.

Proximioris gradus cognatus, puta, frater, cum
 esset minor 25. annis ab intestato agnovit bono-
 rum possessionem unde proximi cognati: deinde be-
 neficio ætatis in integrum restitutus est, ut se illis
 bonis fraternis abstinere. Queritur, an inferioris
 gradus cognatus ad ea bona admittatur ex successo-
 rio edicto? Et respondet Papinianus, non admit-
 ti, quia prior cognatus illum profrus excludit ab ini-
 tio semel agnita bonorum possessione unde cognati,
 & non

& non est regressus cuiquam ad ius, quo semel exclusus A est, siue beneficio successorii edicti ita demum datur sequentis gradus cognatus, si priores omiserint, aut repudiaverint bonorum possessionem, si eam non petierint intra constituta tempora, non etiam, si eam semel agnovierint, licet postea abfuerint, unde sequitur fisco ea bona deferri tanquam vacantia & *excluduntur*. Deficiente successorio edicto fisco vocatur, quod l. 1. in princip. hoc tit. demonstrat, dum ait: Praetorem praestituere tempus iis, quibus defert bonorum possessionem, & dare inter eos successione, ut creditores scire possint, utrum habeant cum quo congregiantur, an vero vacantia bona fisco sint delata, & in §. qui semel, ubi quis nolit amplecti sibi delatam bonorum possessionem ut proximiori, jam cepisse eam ex edicto successione ad alios pertinere, aut fisco invitare. In hac specie fisco invitatur, quia nemo est ad quem bonorum possessio cum effectu pertineat: ad priorem cognatum cum effectu non pertinet, quia abstinuit se beneficio restitutionis in integrum. Ad inferiorem cognatum etiam non pertinet, quia semel exclusus est. Ad coheredem quoque prioris cognati, vel ad substitutum prioris verbis fideicommissi (substitutio enim recte fit etiam ab intestato) etiam non pertinet aut non competit ius vindicandum eorum bonorum, quia nullum coheredem ejusdem gradus, aut substitutum habuisse proponitur in hac lege: si habuisset coheredem vel substitutum fideicommissarium, is proculdubio in vacantem portionem fisco potior esset, l. si minor, sup. de adq. hered. l. si pupill. sup. ad SC. Treb. l. ex contractu, de re jud. Quod & Graeci notant recte hoc loco 45. Basil. Cum ergo nullus superfit, ad quem cum re pertineat bonorum possessio intestati, in hac specie consequens est, fisco bona deferri tanquam vacantia. Et hac est species & sententia hujus responsi. Itaque Glossae omnes defende sunt. Quatuor tantum sunt leges, quae huic responsi opponuntur: opponitur l. 1. §. si quis adita, ad SC. Tertull. l. 2. §. si bonorum, eodem tit. l. 6. §. si filius, de bon. libert. & quarto l. 2. §. interdum, de vulg. substit. In l. 1. §. si quis adita, ad SC. Tertull. hoc proponit, quod si filius intestatus matris ex Senatusconsulto Orfitiano adierit hereditatem matrem, vel agnovierit bonorum possessionem unde legitimi, quem constat praeteri omnibus agnatis mulieris ex Senatusconsulto Orfitiano, quamvis non sit agnatus matris, fed cognatus tantum, deinde vero abstinerit se bonis maternis per restitutionem in integrum, tum ait, agnatos defunctae vocari ad hereditatem. Cur ergo eodem exemplo, si prior cognatus agnovierit bonorum possessionem, deinde abstinerit se beneficio restitutionis in integrum, non vocatur ad successionem sequentis gradus cognati, perinde atque si prior nunquam agnovisset bonorum possessionem, cur fisco vocatur illo excluso? Non est alia querenda ratio, quam ea, quae proponitur in d. §. si quis adita, quia verba SC. Orfitiani extensiva sunt, ut loquitur l. filii, §. 1. eodem tit. Extensiva & *quae pertrahuntur*, id est, tractum temporis habent, extenduntur scilicet & protrahuntur in annum, intra quem petenda est liberis bonorum possessio, l. 1. §. largius, hoc tit. mirum, quia ita sunt concepta verba Senatusconsulti Orfitiani, si nemo filiorum, eorumve, quibus simul legitima hereditas defertur, ubi obiter exponamus eorumque quibus simul, puta, nepotum ex filiis jam ante mortuis, qui concurrunt cum avunculis & materis, jure, ut vulgo dicitur, representationis: si nemo igitur filiorum eorumve, quibus simul legitima hereditas defertur, volet eam hereditatem ad se pertinere, ius antiquum esto, id est, tum agnati defunctae mulieris vocantur ad hereditatem legitimam. Verbum illud *volet*, extensivum est, id est, tractum temporis habet, & admittit poenitentiam, variationem usque ad annum, constitutis modo se velle, modo se nolle heredem esse, & satis est, si nunc nolit heres esse, licet aliquando voluerit esse, ut ius antiquum locum habeat, id est, ut veniant agnati defunctae in hereditatem legitimam. Eadem ratio reddenda est circa Senatusconsultum Tertull. ad d. l. 2. §. si bonorum, filius defuncti praefertur matri defuncti. Ita

Tom. IV.

est, sed si filius defuncti emancipatus petierit & agnovierit bonorum possessionem unde liberi, atque ita excluderit matrem defuncti, deinde abstinerit se bonis paternis per restitutionem in integrum, an mater defuncti vocabitur, quae semel exclusa fuit? sic videtur, quia & Senatusconsultum Tertull. verba fuerunt extensiva, si nemo defuncti filiorum hereditatem ad se pertinere volet, tum mater defuncto heres esto. Verba edicti successorii non sunt extensiva. Proinde alia est ratio successione inducitur Senatusconsultum Tertull. longe alia ratio successione inducitur edicto successorio. Verum obstat etiam huic responso l. 6. §. si filius, de bonis libert. Filius liberi praefertur patrono in successione legitima liberi intestati, & si filius liberi adierit hereditatem, atque adeo patronum excluderit, deinde abstinerit se bonis, abstinerit se per restitutionem in integrum, an patronus vocabitur? lex ait, patronum vocari, & pro excluso non haberi per aditionem filii liberi. Sed ut respondemus, utitur his verbis, poterit quis patronum admittere, id est, poterit hoc dare reverentiae & verecundiae patronali, quae est ratio illius responsi. Sicut & hoc datur reverentiae & verecundiae patronali in l. qui duos, §. si cum filio, de reb. dub. ut patre libertino, & filio ejus commorantibus uno eodemque momento, pater intelligatur supervixisse filio, ne patronus excludatur, qui excluderetur, si filius intelligeretur supervixisse patri, secundum ordinem naturae, quem in aliis causis fortuna sequuta intelligitur, & prius extinxisse patrem quam filium, sed non ita intelligitur fortuna servasse ordinem, si interveniat patronus, nisi perspicue probetur filium supervixisse patri. Postremo lex 2. §. interdum, de vulg. substit. pupill. substit. quidam extraneum heredem instituit, filium exheredavit, & exheredato substituit in secundum casum, id est, pupillariter, deinde heres institutus repudiavit testamentum, desitit testamentum principali, quod contingit per repudiationem heredis instituti, sane corruit pupillare testamentum. At si tunc, heredem institutum, qui repudiavit, cum esset minor xxv. annis, postea fuisse in integrum restitutum adeundi causa, an convalescit substitutio pupillaris? sic videtur: & ratio ejus rei propria hac est, quia quo tempore heres institutus repudiavit primum, deinde adivit, nondum erat delata pupilli hereditas ex substitutione pupillari, quia pupillus vixit: sed delata fuit pupillo mortuo post aditionem heredis instituti, quo casu substitutus vocatur, & dantur ei utiles actiones persequendae substitutionis pupillaris. At si mortuus fuisset pupillus ante aditionem heredis instituti, sane substitutus non vocaretur ad bona pupilli, sed proximus agnatus siue legitimus heres pupilli ab intestato: haec si examinaveris, intelliges quam dissimulant quae Azo Accursius & Placentinus comminiscuntur.

Ad L. XLIX. de Manumiss. testam.

Testamento militis ita manumissam: Samiam in libertate esse iussit: directam libertatem jura militis capisse placuit,

PRaeter alia multa, quae in hoc lib. Pap. docuit data esse premia militum ostendit in hac lege a milite in testamento directam libertatem ancillae jure datum videri his verbis: Samiam in libertate esse iussit, licet ante non jussit eam esse liberam. In pagano autem aliud esse, quia datio libertatis directae non recte confertur in praeteritum tempus, sed in praesens tantum, ut liber esto, liberum esse jubeo: in milite voluntatem nudam spectamus, non verba. Voluntas quilibet militis statuentis de rebus suis, pro iusto & legitimo iudicio est. Itaque in hac specie, jure militum directae libertas data videtur.

Ad Legem XVIII. §. Ultimo, de jure fisci.

Papinianus tam libro sexto quam undecimo Responsorum scribit, ita denum publicam auferri pecuniam ei, qui cum erat creditor, in solutum pecuniam accepit, si aut sciebat cum accipiebat, publicum quoque esse debitorem; aut postea cognovit, antequam consumeret pecuniam. Sed placet omnimodo ei pecuniam auferendam esse, etiamsi ignoravit cum consumeret, & postea quidam principes directam actionem competere ablata pecunia rescripserunt, ut & Marcellus libro 7. Digesti. scribit.

Restat unus locus tantum, quo Marcellus utitur Papiniani auctoritate in l. 18. §. ult. de jure fisci. In hac specie debitor fisci & privati cujusdam creditoris, privato creditori pecuniam debitam solvit, neque superest ei, unde etiam fisco quod debet solvat: queritur an fiscus jure sui privilegii, quo inter omnes creditores chirographarios primum locum tenet, privato creditori solutam pecuniam auferre possit, vel extraordinario remedio: ut in l. 5. C. de privileg. fisci. Et Papinianus cum hoc libro, tum etiam 11. perseverans in eadem sententia, non aliter fisco permittebat avocare pecuniam recte solutam privato creditori, quam si privatus creditor scisset debitorem suum, fisci quoque debitorem esse, vel, si cognovisset, antequam consumeret solutam pecuniam, ignoranti creditori bona fide acceptam pecuniam fisco auferre non posse, sed hac distinctio Papiniani inter scientem & ignorantem Marciano & Marcello displicet, qui indistincte dant fisco perfectionem pecunie alii creditori solute, & creditori tamen restituta pristina actione in debitorem principalem & in fidejussores, l. 10. hoc tit. restitutus etiam pigrioribus, si qua intervenerint, l. 21. eodem tit.

JACOBI CUJACII J.C.

COMMENTARIUS.

In Lib. VII. Responsorum EMILII PAPINIANI.

Ad L. LVII. de Usufr. & quemadmod. qu. utat.

Dominus fructuario prædium, quod ei per usufructum serviebat, legavit, atque prædium aliquandiu possessum legatarius restituere filio, qui causam inofficiosi testamenti recte pertulerat, coactus est, mansisse fructus jus integrum ex post facto apparuit.

IN primo responso proponitur dominus proprietatis in testamento suo prædium legasse, quo verbo significatur proprietatem prædii, L. Titio, qui erat dominus usufructus, id est, qui in eo prædio usufructum habebat, vel ut eleganter scribit Papinianus, cui prædium per usufructum serviebat. Alia est servitus, per quam homo homini servit, alia per quam prædium prædio, alia per quam prædium homini servit, veluti, per usufructum, vel per usum, vel per habitationem. Item testator proponitur extraneo herede instituto filium exheredasse, & filium recte pertulisse querelam inofficiosi testamenti, quomodo idem Papinianus locutus est in l. 16. §. ult. de inoffic. testam. pertulisse querelam inoffic. testamenti, hoc est, hereditate petita ex causa inoffic. testam. heredi scripto evicisse hereditatem, & fecisse patrem intestatum rescisso testamento, atque ita Lucium Titium possessionem prædii, in quo usufructum habuit, quod aliquando possederat ut dominus, fuisse coactum restituere filio, ut vero domino prædii, veroque heredi ab investito. Fructuarius per usufructum solum non possidet prædium, in quo usufructum habet, sed quasi possidet jus tantum utendi, fruendi, & acquirere, §. ult. de acquirere. rer. domin.

A l. 1. §. quod ait, quor. legat. l. ait prætor, §. v. ex quibus causis. maj. l. 3. §. ult. unde lib. Aliud est possessio, aliud usufructus, l. ultim. D. ut possid. Plurimis rebus, inquit Apulejus 1. Apol. possessionem caremus, usu fruimur. Proinde in causa possessionis sive interdictio etiam uti possidetis proprietarius esse potior adversus fructuarius, & ita filius exheredatus, qui tenuit & pertulit causam inofficiosi testamenti adversus heredem scriptum, recte fructuario avocare possessionem prædii, quam tenet jure legati, & ita per querelam inofficiosi testamenti, non tantum heredis institutio, sed etiam legata infirmantur & fideicommissa, & libertates, & omnis omnino scriptura, vel punctionatio testamenti, & aliud quodcumque ad causam testamenti pertinet, ut semper obtinuit ante Justinianum, l. Papinianus, §. pen. de inoffic. testam. At jus usufructus Lucius Titius retinet integrum, quoniam id non habet ex hoc testamento, sed alio jure, & ut ex post facto testatorem intestatum decepsisse apparuit, lite data secundum filium exheredatum; ita simul ex post facto apparuit acquisitione dominii, id est, proprietatis, quæ & confusio dicitur & consolidatio, extinctum usufructum non fuisse. Sententia, quod maxime notandum est, dicta in causa inofficiosi testamenti retrahitur, quia creditur defunctus quasi furiosus aut demens non habuisse testamenti actionem, l. qui repudiatis, §. ult. de inoffic. testam. l. nec fideicommissa, de leg. 3. Et in hanc rem est singulare istud responsum, dum vult re judicata secundum eum, qui egit querela inofficiosi testamenti, omnia æstimari ex post facto, perinde atque si ab initio nullum fuisset testamentum. Neque vero huic responso obstat lex si tibi, quibus mod. usufructu. amitt. quam **C** opponit Accursius, quia in ejus legis specie, revera usufructus extinctus fuit consolidatione. In hujus responsi specie ex post facto apparuit, non fuisse extinctum consolidatione, id est, cum re, & utiliter fructuario jure legati quæsitam prædii fructuarii proprietatem non fuisse. Insuper etiam Accursius huic responso opponit leg. evident. D. de except. rei judic. qua definitur, contra æquitatem esse, imo & contra naturam condemnationis esse, ut condemnatio proficit condemnato. Nam & in specie proposita sane non proficit condemnatio, condemnatio scilicet fructuarii, ut filio testatoris prædii possessionem restituat, fructuario non proficit, cum ei eripiat proprietatem & possessionem: non proficit etiam fructuario in hoc, ut nunc saltem habeat usufructum, quoniam non ex condemnatione eum habet, sed ex pristino jure. Ad hac notandum, quod non debuit Glossa omittere, hodie ex Novell. Justiniani huic responso locum non esse, quia hodie querela inofficiosi testamenti legata non infirmat, sed heredis institutionem tantum. Et hoc est quod dicitur, ex causa exheredationis vitari institutionem, cetera firma manere. Usufructus igitur in hac specie revera extinctus est consolidatione, sive proprietatis acquisitione, quæ contingit jure legati, nec filio, qui pertulit querelam inofficiosi testamenti legatarius possessionem prædii restituere tenetur, quam habet ex legati causa, quod querela inofficiosi non infirmat.

Ad §. per Fideicommissum.

Per fideicommissum fructu prædiorum ab alimentis liberatis relicto partium emolumentum ex persona vita decedentium ad dominum proprietatis recurrit.

Testator libertis suis per fideicommissum reliquit certorum prædiorum usufructum, cum hac adjunctione, ob alimenta; heredes facta distributione pro rata aut sol la liure, ex fructu eorum prædiorum libertis alimentis præstiterunt; deinde unus ex eis libertis alimentarius sive fructuarius ob alimenta, vita decrevit: queritur, utrum partis ejus emolumentum adcresecat ceteris collibetis superstitibus, an ad heredes testatoris, vel ad heredem recurat, qui proprietatis est dominus? Et ait, par-

partium emolumentum ex persona vita decedentium ad dominum proprietatis recurrere. Si simpliciter libertis suis prædiorum usufructum legasset nullo alio adjecto, uno deficiente pars ejus adficeret aliis, quia omnibus conjunctim usufructus relictus esse intelligitur: sed quum relictus est usufructus, hoc adjecto, *ob alimenta*, apparet non plus eorum quenquam testatorem habere voluisse, quam quo vitam suam toleraret. Itaque portio deficientis ejus ceteris non adfiscit, quibus suppetit ex fructu prædiorum quo tolerant se. Et ut in agris limitatis dicitur cessare jus alluvionis, *l. in agris, de adquir. rer. domin.* quod quidem jus alluvionis comparatur juri adfiscendi, *l. si Titio fructus, in fine, hoc tit.* ita recte dicam, in usufructu limitato ad finem alimentorum, cessare jus adfiscendi ex hoc responso, quod singulare est. Et recte in causa usufructus dixit, partium emolumentum, ut in *l. Marcus, §. pen. de leg. 2. l. 3. §. generaliter, l. ult. si cui plusquam per leg. Falcid. l. Imperator, ad Trebellian. illo loco Cæsaris, sine magno commatu & emolumento, id est, sine frugibus, sine annona militari, lib. 1. de bello Gall. Proprie dicimus fruges emolare, unde emolumenti nomen. Persius.*

Messe tenuis propria vive & granaria fas est, Emole
In *l. 4. de alim. leg.* quam adducit Accursius, recte idem Accursius notat, non usufructum prædiorum libertis relictum, sed prædia ipsa pleno jure in causam & nomen alimentorum, cibariorum, vestitoriis; & ideo quod plus est in rebus, quam in necessariis alimentis ad libertos pertinere, quibus plena proprietas prædiorum relictæ est, non ad heredem: proponitur in ea *l. 4. libertis fideicommissum* Græce relictum in hac sententiam, *Libertis, libertabusque quos inter vivos testamento vel codicillis manumisi, vel manumisero, dari volo prædia, quæ habeo in insula Chio, ut ipsi nec percipiant alimenta, cibaria, vestimenta suo jure, tanquam domini scilicet, sed hoc loco, neque Norimbergæ, neque Florentiæ scriptum est recte: in uno libro *ἐκ τῶν αὐτῶν*, in altero *ἐκ τῶν αὐτῶν*, perspicue est legendum *ἐκ τῶν αὐτῶν*, v. ad Modestianum x. Resp.*

Ad Leg. XI. Usufruct. quemadmodum caveat.

Usu quoque domus relicto, viri boni arbitratu cautionem interponi oportet: nec mutat si pater heredes filios simul habitare cum uxore legataria voluit.

Sententia hujus responsi hæc est, non eum tantum, cui usufructus relictus est vel legatus, sed etiam eum, cui usus nudus, verbi gratia domus usus nudus, relictus est, debere cavere heredi, se usum boni viri arbitratu, quæ est cautio prætoris, de qua est hic titulus, & ostendit hoc loco Papinianus hanc cautionem præstari heredi vel heredibus, etiam si quis uxori legaverit usum domus, ita ut cum ea heredes filii sui habitarent, ut simul cum ea eadem domus heredes filii sui uterentur. An usufructu uxor heredibus cavere debet boni viri arbitratu uti frui, cum heredes ipsi sint usufructuarii? sic videtur Papin. quia heredes non sunt nec possunt esse legatarii, *l. si mulieri, de usufr. adfisc.* Sed uxor sola legataria est, & ideo cavere debet heredibus filijs, tamen si eos secum habeat eadem utentes domo. Recte autem ponit usum fuisse legatum matri. Nam si fuisset legatus patri eadem lege, ut simul cum eo heredes filii habitarent, pater non caveret filiis suis cautione ista. Patri hæc cautio remittitur, *l. ult. §. hoc proculdubio, C. de bon. qua lib. at matri non remittitur, ut in l. 6. §. illud, C. de sec. nupt.* Quod proprie significat hæc lex pen. Nec in id tamen animus advertitur: Itaque quod *d. l. 6. C. de sec. nupt.* exigit a matre cautionem fructuarium præstandam liberis, hoc esse ex jure veteri, ut patet ex hac *l. pen.* non ex jure quodam novo.

Ad L. XXXIII. Fam. Ercisc.

Si paterfamilias singulis heredibus fundos legando, divi-

A *sonis arbitrio fungi voluit: non aliter partem suam cohere, præstare cogetur, quam si vice mutua partem nexu pignoris liberam consequatur.*

Hujus legis species & definitio hæc est: paterfamilias, non pater, ut dicunt, sed paterfamil. non filios, sed duos quosdam sibi heredes instituit, puta primum & secundum, & singulis fundos prælegavit. Divisionis, inquit, arbitrio functus in *l. si cogitatione, C. eod. tit.* præveniens officium arbitri dividenda hereditatis: facito autem in bonis fuisse duos fundos, Livian. & Cornelian. Livian. esse liberum, Cornelianum esse pignoris nexu obligatum, Livianum primo legasse, Cornelianum 2. Primo secundum jure legati debet præstare partem, quam habet in fundo Liviano, & vicissim secundo primus debet præstare partem, quam habet in fundo Cornelianum, quia ipso jure ex æquis partibus heredes sunt, *l. ex facto proponatur, de hered. instit.* At ut definit Papin. non alter primo secundum debet præstare partem, quam habet in fundo Liviano, quam si vice mutua a primo acceperit partem fundi Cornelianum solum nexu pignoris: partem alteram, quam secundum in eo fundo habet jure hereditario ipse reluet, repignerabit, solvet pignore de sua pecunia: denique ita definit, fundum Cornelianum esse luendum de communui, ut in *l. rem sup. hoc tit.* neque distinguit Papin. in *l. rem*, utrum scierit testator fundum Cornelianum esse pignori obligatum, an hoc ignoraverit, quoniam huic distinctioni locus non est in prelegato a coherede coheredi relicto: nam societas hereditaria exigit, ut coheredes communiter fungantur onere luendi pignoris. Sed huic distinctioni tantum locus est in legato ab herede extraneo relicto, *l. si frater, de leg. 1. §. sed et si rem oblig. Instit. de leg.* Nam si testator scierit rem legatam extranea esse pignori nexam, heres eam luere debet in solidum: si ignoraverit, luitio ejus pignoris incumbit legatario. In prælegatis hac distinctione non utimur: sed indistincte dicimus, rem prælegatam coheredem quemque debere luere pro sua parte, neminem in solidum. Er male Accur. in *d. l. rem*, eam distinctionem produxit etiam ad prælegata, in quibus si locum haberet, proculdubio eam juris auctores non omisitissent.

Ad L. VIII. de Usuris.

Equis per fideicommissum relictis, post moram factus quoque præstabitur ut fructus, sed factus secundus ut causa, sicut partus mulieris.

At Papin. equis per fideicommissum relictis post moram heredis, heredem præstare non equas tantum, sed & factus editos post moram: factus præstare tanquam fructus equorum, ut *l. 39. inf. hoc tit.* Post moram etiam præstare factus secundus, id est, factus factum tanquam causam, non tanquam fructus, quia fructus fructum esse non intelliguntur: sicut nec usura usura, nec accessio accessionis, *l. neque hoc tit. l. heres, de pet. hered.* Et sic notat Papinian. hoc loco, quæ sit differentia inter fructum & causam, quod pertinet ad illam partem tit. de fructibus & causis. Post moram heredis præstat heres non tantum fructum, sed & causam omnem, & quid sit fructus, quid causa exemplis declarat: factus primus, est fructus: factus secundus, est causa: quia fructus fructus non est. Ac simili modo ancillis per fideicommissum relictis, post moram qui editi sunt partus ex ancillis præstantur: & partus partum tanquam causa, ut in *l. partum, l. Paulus, in prin. §. ult. hoc tit.* tanquam causa, inquam, non tanquam fructus, quia partus hominis non intelliguntur esse in fructu, *l. in pecudum, hoc tit.* Noli autem in *d. l. 39.* dum ait, *equis legatis, post moram heredis factus d. heri*, noli id accipere, de equis alienis tantum, ut Glossa: quasi seil. equis propriis legatis fructus debeantur statim ab hereditate adita propter leg. 42. hoc tit. quæ ait, fundo legato per fideicommissum fructus post adquisitionem ex causa fideicommissi dominium perceptos ex fundo ad fidei-

fideicommissarium pertinere, licet major pars anni præterierit, antequam cederet dies fideicommissi. Neque enim ideo fructus dividuntur inter heredem & fideicommissarium, sed omnes præstantur fideicommissario, quicunque ex terra percipiuntur post adquisitionem ex causa fideicommissi dominium verum: ubi post adquisitionem ex causa fideicommissi dominium, non significat post aditam hereditatem, sed post traditionem fundi, ut l. qui usufructus, sup. si usufructus. Et dominium ibi non est proprie dominium, quia ex causa fideicommissi dominium non transit, sed possessio, ex causa fideicommissi non transit dominium proprietatis, sed dominium possessionis tantum. Et ita l. 42. explicanda est ex d. l. qui usufructus. Et consequenter, quod subicit d. l. 39. hoc tit. de equito legato, male etiam Glossa accepit de equito alieno: tantum in ea lege 39. ex lib. 9. differentiarum Modestinus proponitur una differentia inter legatum equorum, & legatum equitii, quod equis legatis foetus tantum debeantur legatario, editi post mortem heredis, legato autem equitio, quod & in propositis dicitur, & a jurisconsultis nostris etiam dicitur polia, haves, troupes de poulains, in l. adiles, §. ult. de adil. edic. equitio, inquam, legato debentur etiam foetus editi ante mortem heredis: & ratio differentie hæc est, quia equorum nomen positione est plurale, sed potestate est singulare, quoniam ex certis corporibus singuli legati intelliguntur. Continet igitur legatum equorum certa corpora, quæ nec augmentum, nec diminutionem recipiunt, proinde eorum legatum foetus incremento non augetur. Equitium autem est nomen positione quidem singulare, sed potestate universale & generaliter, quod continet plura & incerta corpora, quæ sunt huic uni nomini subiecta: Hoc nomen & augmentum & diminutionem recipit, & augetur quidem maxime foetura: foetura accrescit equitio non equis: proinde legato aut petitioni equitii insunt foetus primi & secundi, non jam ut fructus vel causa, sed ut partes rei principalis, quæ legata est, & non officio judicis in petitionis veniunt, sed jure & potestate actionis, quod actum sit de equito præstando. Et non hic tantum fructus veniunt, qui accesserunt post mortem testatoris, sed & qui post testamentum factum; & non ii tantum, qui accesserunt post mortem, sed & qui accesserunt ante mortem. Eandemque differentiam eodem libro Modestinus ostendit esse inter legatum ovium & legatum gregis ovium in l. servis leg. in fine, de leg. 3. quæ conjungenda est cum d. l. 39. hujus tit. Ovis legatis non debentur agni & arietes editi ante mortem: gregis ovium legato, debentur agni & arietes, quæ sunt in hereditate. Eademque differentia est inter hereditatem & res singulas, quæ sunt in hereditate. Nam hereditatis nomen est etiam universale, nomen universi juris, quod recipit accessionem & decessionem, & maxime augmentum accessione fructuum vel causarum, ac proinde, qui petit hereditatem hoc modo, si paret hereditatem meam esse, petit etiam fructus, & causam omnem quocunque tempore hereditati accesserit post factum testamentum, l. item veniunt, §. item non solum, de petit. hered. l. pecunia §. 1. de verb. sign. In actione in rem, qua res singula petuntur, non insunt fructus, nisi specialiter petantur, l. 2. C. de petit. hered. l. 10. hoc tit. Qui igitur rem aliquam suam esse petit, non intelligitur etiam petere fructus vel causam ejus rei, puta, partem aut fructum secundum, sed in ea actione officio judicis veniunt tantum fructus, qui post litem contestatam, id est, post mortem percepti sunt, aut percipi honeste potuerunt. Eademque est ratio actionis ex testamento aut persecutionis fideicommissi singularium rerum. Nam & in ea actione fructus, & causa venit post litem contestatam tantum, id est, post mortem; denique post mortem enati fructus vel enata causa fideicommissario debetur. Qui vero editi & percepti sunt fructus vel causa ante litem contestatam, cedunt lucro heredis, hoc est certissimum, & comprobatur multis legibus, l. si quis bonorum, l. cum servus, §. 1. l. questum §. ult. de leg. 2. l. 26. de leg. 3. l. generaliter, §. proinde, de fi-

A deic. libert. l. 1. §. ult. C. de usufr. & fruct. leg. Et in hac l. 8. apertissime, cum ait, fructus aut causam fideicommissario non præstari, nisi eos, qui sunt editi post mortem, & d. l. 39.

Ad L. XLI. de Adm. & peric. tut.

Qui plures tutores habuit: utrum qui solvendo non fuit, rationem actus sui vetuit reddere, quoniam ejus liberatio, quod ex tutela percepit, aut dolo contraxit, non est relicta: contutores qui suspectum facere neglexerunt, ex culpa recte conveniuntur, tutor enim legatarius ex culpa, qua testamento remissa est, non tenetur.

A Dolescens, qui plures habuit tutores, jam suæ tutelæ factus, testamentum fecit, & ex eis tutoribus vetuit unum actus sui rationes reddere, vel vetuit, ne heres ab uno ex tutoribus exigeret rationem actus sui: videtur ei legasse liberationem obligationis contractæ ex administratione tutelæ, sed non plenam liberationem. Nam his verbis videtur testator ei tantum remississe rationem culpæ aut negligentie, non etiam si quid dolo malo fecisset, aut si quid ex rebus pupilli penes se haberet, aut convertisset in suos usus: potuit quidem & hæc remittere, id est, totam tutelæ obligationem & damnum; denique omne incommodum, quodcumque ex tutela sensit, ut in l. 5. §. Julianus, hoc tit. l. si quis, l. Aurelius, §. Titius, de lib. leg. Potuit in plenum liberare tutorem. Quid nunc? Sed hoc fecisse aut voluisse non intelligitur, quod veteris rationes actus sui ab eo exigi: nam vetuisse tantum intelligitur scrupulosius & examini exigi ab eo rationes: voluisse, non haberi rationem negligentie: dolum malum non intelligitur remississe, aut quod percipit tutor ex rebus pupilli. Ideoque ex eo infert Papinianus, si is tutor, cui hæc non intelligitur remissa, sed quod culpa tantum admisit aut negligentia, solvendo non sit, atque ita non possit præstare hereditas adolescentis, quod adolescenti dolo malo ejus abest, vel quod ex rebus ejus perdidit male, ceteri tutores heredi tenentur culpæ nomine, quod cum tutorem suspectum facere superfederat, quæ est definitio hujus responsi. An vero eis tutoribus heres debeat mandare sive credere actiones adversus illum tutorem, qui solvendo non est. Accursus tractat. Et verius est tamen, non esse mandandas, quia tenentur ex propria culpa, quod suspectum non fecerunt, l. 2. C. de cont. jud. tut. ex culpa contutoris non tenentur, quæ remissa est, & multo minus ex dolo, sed ex propria culpa, quod cum dolose veraretur in actum suo, eum non removerint, & suspectum non postulaverint.

Ad L. V. de jure Codicillorum.

Ante tabul. testamenti codicilli facti non aliter valent, quam si testam. quod postea factum est, vel codicillis confirmantur: sed non voluntas eorum quocunque indicio retineatur, sed non servabuntur ea, de quibus aliter desunctus novissime judicavit.

E In hac l. Papin. ait, codicillos factos ante testam. non aliter valere, quam si postea testamento facto specialiter confirmati sint: quæ Papin. sententia refertur Insit. in §. non solum, de codic. Quidam male dicunt eam non extarre, eum sit hæc ipsa quæ ponitur in l. l. 5. Nam dum ait, factos codicillos ante testam. non aliter valere, quam si testamento postea facto, vel aliis codic. confirmantur: hoc speciem confirmationem exigit, quæ scripta sit in testam. vel aliis codic. Potest quis plures codic. facere, plura testam. non item. Verum fateor in hac l. 5. addidisse Tribonianum hæc verba: Aut voluntas eorum quocunque indicio retineatur, non judicio, sed indicio legendum est; non judicio ut Glossa, sed indicio ut Florentini, quibus verbis non exigitur omnino specialis confirmatio, sed

sed satis esse dicitur, si voluntas codicillorum factorum ante tabul. testam. quocunque indicio, quocunque signo retineatur, id est, si quocunque argumento approbetur, ea ea voluntate defunctum perseverasse, & ea verba Tribonianus addit ex rescripto Severi & Antonini relato in d. §. non solum. Nam ex eo rescripto codicilli valent, licet specialiter confirmati non sint testamento postea facto, si modo defunctum quocunque indicio appareat a voluntate in prioribus codic. expressa non recessisse, sed animadvertendum illud rescriptum loqui tantum de voluntate precaria, id est, de fideicommissis relicta in codic. qui facti sunt ante testam. fideicommissa debentur ex nuda voluntate, ex nutu, ex conjectura sola. At si quid in eis codicillis sit scriptum directo, sint in eis relicta legata, aut libertates, aut tutela, quae omnia tesquuntur verbis directis, verbis civilibus, & non speciali-
B confirmati sunt testamento vel codicil. postea factis, quae sunt in eis directis verbis scripta pro non scriptis habentur, ut est in Epistol. Plinii ad Aemium, lib. 2. Ideo specialis confirmatio exigitur etiam hodie, specialis confirmatio codicil. exigitur post rescriptum ut directa scriptura valeant, l. 6. C. de d. 22. §. qui codicillos, D. ad legem Cornel. de fals. Codicilli autem post testam. facti, non indigent confirmatione, sed jus testamenti sequuntur, l. 3. §. ult. hoc tit.

Ad L. LXXVI. de Leg. II.

Cum filius arosus tribunalibus actionem inoff. testam. matris perdisisset, atque ita varie sententia iudicium extiterit, heredes qui filium vicerat pro partibus, quas aliis coheredibus abstulit filius, non habiturum praeceptiones sibi datus, non magis quam ceteros legatarios actiones, constituit: sed libertates ex testam. competere placuit, cum pro parte filius de testam. matris litigasset: quod non erit trahendum ad servitutes, quae pro parte minus non possunt: plane petere integra servitutes ab eo, qui filium vicit: patris autem affirmatio praestituta, aut si paratus erit filius pretio accepto servitutes praebere, doli summouebitur exceptio legatarius; si non offerat patris affirmationem: exemplo scilicet. legis Falcidis.

Hec lex continet plura responsa, & primum quidem satis est difficile. Quæstio hæc est hodie locum non habeat, cum ex Novella Justiniani, rescisso testamento per querelam inofficiosi testamenti, legata & libertates conservantur in solidum, & sola heredum institutio vitatur, tamen disceptatio & definitio ejus quaestiois usui esse potest in aliis perisque causis: veritur autem ea circa hanc speciem: Mater in testamento filium, exheredavit, ut quod idem est, mater praevenit, & plures heredes extraneos scripsit. Uai autem eorum heredum praelegavit certa quadam prædia, & aliis plerisque non heredibus etiam legata reliquit, & libertates quibusdam servis suis. Post mortem matris filius exheredatus adversus omnes heredes scriptos egit Romæ apud Centumviros, & perituli quaestionem inofficiosi testamenti, non egit simul adversus omnes heredes scriptos uno tribunali, sed divisim tribunalibus: nam Centumvirorum judicia, ut ex Rhetoribus dicimus, erant divisa in varia tribunaia, & singula tribunaia constitisse vis septem, argumentum præbet, quod querela inofficiosi testamenti modo dicitur centumvirale iudicium, ut in l. Titia, de inoffic. testam. modo, septemvirale iudicium, ut in inscriptionibus l. 7. & 23. §. 31. mod. tit. Et si quidem corpus univirum Centumvirorum spectes, iidem sunt iudices in hac causa, quam movet filius exheredatus de testamento matris inofficioso adversus omnes heredes scriptos: si tribunaia spectes, diversi iudices sunt. Porro uno tribunali filius adversus unum ex heredibus, cui prædia erant prælegata, non recte perituli querelam inofficiosi testamenti, quia heres ille filium vicit: aliis autem tribunalibus adversus ceteros heredes recte perituli querelam inofficiosi testamenti evictis partibus eo-

rum: quam varietatem iudiciorum citra iniquitatem ullam sepe efficit comparatio meritorum filii & heredum quum heredes diversi juris, diversæ conditionis sunt, l. nam essi parentibus, §. ult. & Laeca, de inoff. testam. Atque ita in proposita specie filius uno iudicio victus est: uno tribunali sive consilio, ceteris viciis, & rem abstulit, ac proinde pro partibus tantum eorum, quos vicit, matrem intestatam fecit, pro parte autem ejus, quæ non vicit, imo a quo superatus est, mater testata permanit. Non apparebat ab initio matrem fuisse pro parte intestatam, cum de omni re sua iure testata sit, sed ex post facto apparuit, ut in l. dominus, in prin. de usufr. Ex quo sequitur legata ab omnibus heredibus relicta testamento matris deberi pro parte tantum ejus, qui filium vicit pro partibus ceterorum extincta esse legata: denique solida non deberi, minui per querelam inofficiosi testamenti recte perlatam pro parte. Idemque standum est de prælegato prædiorum heredi relicto, qui filium vicit, ut pro parte ejus consistat legatum, quam scilicet capit iure hereditario, non pro partibus coheredum, quas eis filius exheredatus abstulit, veluti ex causa intestati. Et hoc est quod ait, heredem, qui filium vicerat, pro partibus, quas aliis coheredibus abstulit filius, non habiturum præceptiones sibi datus, id est, prælegata prædiorum, non magis quam ceteros legatarios actiones legatorum scilicet habituros pro partibus eorum, quos filius vicit. Rescisso igitur testamento pro parte per querelam inofficiosi testamenti, pro ea parte legata irrita constituuntur, ut in l. cum duobus, C. de inoff. test. Unde queritur, an etiam libertates, quæ servis testamento matris data sunt, irritæ constituantur, & ait, non fieri irritas libertates, quamdiu vel unus heres existit, qui ex testamento partem hereditatis possidet, sed omnimodo integras libertates competere: non possunt competere nisi integræ, quia individue sunt. Nemo potest esse pro parte liber, pro parte servus, l. duobus de lib. caus. l. iudicata, de except. rei judic. Proinde libertates consistunt in solidum, tamen si filius non obtinuerit in solidum contra testamentum matris, sed pro parte tantum ait, quamvis legata consistit non deberi nisi pro parte, libertates ex testamento competere placuit. Placuit scilicet principibus studiosius libertatum, favorabiliter, ut integræ competere potius quam integræ intercederent, quoniam alterutrum erat necesse constituere, vel intercedere in totum, vel competere in totum, quoniam sunt individue, & favorabilis est eas conservare: & ait, libertates ex testamento competere, directas scilicet, quæ proprie competere dicuntur ipso iure ex ipso testamento: fideicommissarias autem præstari ab heredibus. Et quamvis, ut patet ex d. l. cum duobus, in hac specie præstari etiam debeant fideicommissarie libertates, non tamen sine distinctione præstantur, nec sine modo aliquo, qui inferius explicabitur. Inde vero queritur hoc ipso loco, an etiam si testamento matris legata sint servitutes prædiorum, puta via, vel actus vel aqueductus, illud legatum, an in totum consistat? quod videbatur eadem ratione, qua consistunt libertates servorum & conservantur integræ, quia ut libertates servorum, ita servitutes prædiorum individue sunt, nec pro parte minui aut præstari possunt, leg. via sup. de serv. l. i. §. usufr. ad leg. Falcid. Et quod dixit de libertatibus servorum competere eas omnimodo rescisso testamento pro parte, hoc ait, non esse trahendum ad servitutes prædiorum, quamvis & ipsæ individue sint: eadem causa diversa habet effecta. Causa individua libertatum, ut semper integræ competant, quia eis etiam est adjunctus favor, qui non est adjunctus tuendis servitutibus prædiorum. Causa autem individua servitutum, ut non semper integræ competant, sed penitus interdicant: nam si is, cui servitus prædii legata est, rescisso testamento pro parte integram servitutem petat ab eo herede qui filium vicit, atque adeo ex testamento solus heres existit, repellitur exceptione doli mali legatarius, si æstimatione facta legati, non offerat victori pretium quo redi-

redimat partes legati; quæ ceteris filiis abstulit, recte perlatæ querela, videlicet, si idem filius paratus sit, quantum in se est servitutem vendere & præbere, id est, cedere, accepto pretio. Quod si nolit filius servitutem vendere, etiam hoc casu servitutis legatum intercidit, quia non potest servitus præstari nisi integra: & integra non potest præstari redempta parte a filio, quam si nolit distrahere, restat inutile esse legatum servitutis. Duobus igitur casibus intercidit legatum servitutis, si filius nolit servitutem cedere, nec pecunia accepta, & si eo volente cedere, pecunia accepta legatarius non offerat pecuniam, id est, partem æstimationis legatæ servitutis. Et hoc Papinianus ait, fieri exemplo l. Falcidia, nec id explicat, sed explicandum nobis est ex l. 7. §. l. si is, qui §. ult. ad leg. Falcid. & l. p. r. de doli except. Si sit legata servitus prædii quam constat non recipere divisionem, & locus existat legi Falcidii: quam constat non recipere singula legata, quid fiet? nam ea servitus pro parte manui non potest, proinde non potest heres ex ea retinere Falcid. sed si legatarius petat ab herede integram servitutem, repellitur exceptione doli mali, si non offerat heredi quartæ partis, id est, Falcidiæ æstimationem, & eadem est ratio, si servitus prædii sit legata & legata minuantur per querelam inofficiosi testamenti recte perlatam pro parte tantum: eadem etiam ratio servabitur, si testamentum matris, de quo agitur, relicta sint fideicommissaria libertates. Diximus autem de directis: dicamus nunc de fideicommissariis. Pinge duo sunt heredes instituti a matre & rogati servum manumittere, filius exheredatus agit querela inofficiosi testamenti adversus utrumque heredem, & divisus tribunalibus unum vicit, ab altero victus: Servus petit sibi præstari fideicommissariam libertatem ab eo, qui filium vicit, & repellitur exceptione doli mali, vel officio iudicis, ut ait l. iudicate, de excep. rei judic. quoniam vel hoc vel illo remedio idem possumus obtinere, id est, vel per officium iudicis, vel per exceptionem doli mali, ut in l. bona fide, de noxal. act. l. plane, de pet. hered. l. sumptus, de rei vindic. Si igitur servus petat fideicommissariam libertatem ab eo qui filium vicit, repellitur, vel illo remedio, si ei non offerat pretium, quo redimat a filio servi partem: neque enim potest præstare fideicommissariam libertatem nisi redempta parte servi a filio, l. gravi, §. seg. de jur. cod. secundum quam est accipiendum, quod ait l. pen. eod. tit. eorum, quæ pro parte præstari non possunt, id est, quæ indivisa sunt, nihil eorum præstandum: puta, si relicta sit servitus prædii, vel libertas fideicommissaria: nisi scilicet offeratur æstimatio partis. Et secundum hæc etiam apparet quod Papin. dixit ante de libertatibus, eas ex testamento competere, omnimodo de directis tantum libertatibus esse accipiendum, quæ proculdubio ex testamento competunt, nulla victori præstita æstimatione partis: Nam in fideicommissariis libertatibus idem juris est, quod in servitutibus prædiorum, quod etiam est adnotandum ad l. cum duob. in fine, C. de inoff. test. ex dict. l. iudicate.

Ad §. Lucio.

Lucio Sempr. lego omnem hereditatem Publii Mævii. Sempronius ea demum onera suscipiet, quæ Mæviana hereditatis fuerint, & in diem mortis ejus, qui heres Mævii erit, perseveraverint, sicut vice mutua præstabuntur actiones, quæ præstari poterunt.

Quod vulgo iactatur, & est scriptum in l. si hereditatem suam mand. legatum acquisitum nunquam damno esse posse. Et hoc distat legatum ab hereditate, quia hereditas interdum damnosa est perpetuo: verum causa legati non est semper lucrativa: aliquando legatum detrimentosum & onerosum est, ut quid legatur mensa argentea, & plus est in ære alieno, quam in quæstu, l. seg. §. mensa, inf. vel etiam ut in specie propo- sita in hoc §. Lucio: si quis alii leget onerum hereditatem,

A quæ morte Publii Mævii ad se pervenit, legato continentur etiam onera & incommoda omnia hereditatis Mævianæ. Hanc enim vim habet nomen hereditatis, l. hereditatis appellatio, de verb. signif. ut in hereditate vendita proditum est in leg. 2. §. sicut, de hered. vend. & in hereditate donata inter vivos, leg. hereditatem, ff. de donat. Et ideo in specie propo- sita legatarius, cui relicta est hereditas Mæviana, debet cavere heredi testamento scripto de indemnitate, puta se indemnem eum damno servaturum & relevaturum oneribus Mævianæ, l. qui concubinam, §. cum ita, tit. seg. & d. §. mensa. Et hoc modo legatarius suscipit omnia onera & incommoda hereditatis Mævianæ, quemadmodum Glossa non animadvertit, sed excogitavit tantum, ut novatione facta legatarius promittat se soluturum creditoribus, quibus Mæviana hereditas obstricta est, nec tamen inutilem modum vel incongruum. At plerumque auctores nostri in similibus casibus remedium cautionis de indemnitate præstitæ heredi efficiunt, ut legatarius in se suscipiat omnia onera, & vicissim etiam heres debet legatario præstare omnia commoda hereditatis Mævianæ, & cedere actiones, quas habet, inque eum transferre. Non datur legatario actiones ipso jure, sed ceduntur ab herede, cui ipso jure competunt; non dantur etiam in legatarium ipso jure actiones, quibus hereditas Mæviana obstricta est; & nec ulla onera hereditatis Mævianæ in eum transeunt, nisi ab eo suscipiantur interposita vel præstitæ heredi cautione indemnitas, quam utique præstare necesse habet, si velit frui commodis hereditariis, nec enim commodè potest separare commoda ab incommotis, & hac recu- sare, illa compleri. Suscipiet autem legatarius onera hereditatis Mævianæ interposita illa cautione quæra, inquam, quæ in diem mortis testatoris, qui Mævio heres extitit, perseverant, non ea onera, quibus mater testator perfunctus est. Et vice mutua legatario præstabuntur ab herede actiones, quæ in eum diem supersunt, non quas jam ante testator recte petulit. Et hoc valde pertinet species leg. pen. §. quæ marito, hoc tit. quæ talis est. Mater filios & extraneos quodam heredes scripsit, filiis prælegavit hereditatem, quæ sibi a marito obvene- rat, patre eorum, ea lege & conditione: ut omnes omnia hereditatis agnoscerent, tam in præteritum quam in futurum. His ulla est verbi: nec non etiam onus, quo ipsa mater post mortem mariti, eam hereditatem onerasset. Queritur, an si quid mater solvisset, dedisset, in quod tenebatur ea hereditas, si quid, inquam, solvisset vel dedisset post mortem mariti, cum ipsa fructus percepisset, id ad onus filiorum pertineret: quo loco perspicue sunt trajecta verba Scævola, & ita reponenda, ut quætionem proponat hoc modo: an si quid mater solvisset, dedisset post interitum mariti, cum ipsa fructus cepisset, ad onus eorum pertineret? Hoc ergo queritur, quibus mater legavit eam hereditatem, dando, solvendo, satisfaciendo, sibi agnosce- re debeant quibus ea hereditas prælegata est, quod maxime interest scire, propter heredes extraneos. Nam si filii ea agnosce- re debent de suo, coheredibus suis tenetur reddere quæcunque mater solvit: & sane videntur debere ea onera agnoscere, quoniam dixit mater: ut omne onus agnoscerent, tam in præteritum quam in futurum. At Scævola respondet, ea tantum onera filiis imposuisse matrem videri, quibus levata hereditas nondum esset, non ea, quibus mater jam absolvisset hereditatem, maxime cum & ipsa hereditatis fructus interim percepit, nec eos filiis reservaverit, ut cum fructibus compensentur onera. Est elegantissima species.

Ad §. Dominus.

Dominus herede fructuario scripto fundum sub condi- tione legavit, voluntatis ratio non patitur, ut heres ex- causa fructus emolumentum retineat, diversum in ceteris prædiorum servitutibus, quæ heres habuit, responsum est, quo- niam fructus portionis instar obtinet.

Nota-

Notatur in hoc §. una differentia inter usufructum, & servitutem prædialem. Nam si quis excepto milite, dominus fundi heredem instituit eum, qui in eo fundo usufructum habet, & fundum alii legaverit sub conditione, fructuarius autem hereditatem adierit, aditione confunditur, & interit usufructus, & existente conditione legati, legatario debet præstare plenam proprietatem fundi, non deducto, non retento, non redintegrato usufructu, qui semel extinctus est aditione, consolidação, confusione, comparatione domini: nam adiendo acquisivit proprietatem, id est dominium fundi. Adquisitio domini perimit usufructum, ut nec possit restitui, nec redintegrari: fundo legatario præstito. Et hoc ita in usufructu procedit.

Verum non idem dicemus in servitute prædii, si dominus fundi, in quo vicinus habet servitutem itineris exempli gratia, non usufructum, vicinum heredem instituerit, & eum fundum Titio legaverit sub conditione. Nam existente conditione Titium petentem fundum repellit heres exceptione doli mali, si non patitur fundum iterum imponi iter, si non patitur servitutem redintegrari, quæ aditione confusa est, *l. 18. de sensu. legatum, §. ult. sup. tit. prox. l. Mevio's, §. pen. hoc tit.* Hæc una est differentia inter usufructum, & servitutem prædii, cuius rationem paucis verbis, sed subtilibus Papin. explicat in hoc §. & dicit, eam pendere ex voluntate testatoris, quia voluntas testatoris hæc est, ut usufructus legatario præstetur integer cum suo emolumento, quod utique consistit in fructu, non ut præstetur nuda tantum & inutilis proprietas fundi detracta usufructu. Voluntas testatoris declaratur ex scripto, *l. illud, §. ult. de iur. codicill.* Scripsit autem testator, se fundum legare, quo nomine significatur plena & sola proprietas, *l. si Titio, l. si alii, de usufr. leg.* sicut servi nomine significatur plena proprietas, plenum dominium, *l. 26. hoc tit.* & nomine ejusdemque rei, vel corporis: Et hoc est, quod dicitur usufructum partis fundi instar obtinere, *l. qui usufructum, de verb. oblig.* & effectum partis in casibus plerique, *l. si Titio, §. 1. de usufr.* quæ dum ait: usufructum in quibusdam casibus effectum partis non obtinere. Significat in aliis plerique obtinere, non in omnibus. Et merito, quia emolumentum rei continet: parum enim mihi profuerit rei proprietatis, nisi recipia utar fructu. At servitus fundi partis fundi instar non obtinet: fundum non præstat, qui detrahit usufructum; contra fundum præstat, qui detrahit, & sibi retinet iter in eo fundo, ex quo apparet usufructum obtinere vicem partis, non iter: ideoque heres, cujus in fundo legato usufructus fuit ante aditam hereditatem, fundum præstabit non retento, vel reintegrato usufructu, quem habuit ante: at heres qui habuit in fundo legato iter ante aditam hereditatem fundum non aliter præstabit, quam si legatarius sibi jus itineris in eo fundo constituit, quod habuit ante. Fundi appellatum plenum fundum significat, non etiam liberum fundum sive optimum maximum, *l. servo legato, §. si fundus, tit. prox.* Et hæc est ratio, quam proposuit Papinianus. Restat tantum, ut videamus, cur idem ponat, fundum fuisse legatum sub conditione, nunquid idem non est, si legatus sit pure? Sæpe in usufructu est idem, quem constat non redintegrari: sed in servitute prædii non est idem, quia si fundus, in quo heres habuit iter, fuerit pure legatus, per vindicationem, non per damnationem, & legatarius agnovit legatum, aditione servitus non intelligitur esse confusa, quia recta via dominium fundi, quod fuit iacens, nec dum aditæ hereditatis, potest aditæ hereditate, ad legatum, qui agnovit legatum, transit, nunquam factum heredis, ergo nunquam facta confusione, *l. 20. hoc tit. l. si Titio, de iur.* At si fundus per vindicationem fuerit sub conditione legatus, ut in hoc §. & post aditionem conditio legati extiterit, proculdubio aditione confusa servitus est: puta interim fundo facto heredis, sed retinetur per exceptionem doli mali, quæ retineretur ipso jure, quasi non co-

fusa, si pure fundus fuisset legatus: Itaque male DD. omnes in hoc §. hæc verba: *sub conditione existimantur* audire, quasi scilicet idem sit fundo pure legato.

Ad §. Heres.

Heres meus Titio dato, quod ex testamento Sempronii deberetur mihi, cum jure novationis, quam legatarius idemque testator antea fecerat, legatum ex testamento non debeat: placuit falsam demonstrationem legatario obesse, nec totum falsum aderi, quod veritatis primordio adjuvatur.

Legavi legatum, quod mihi ex testamento Sempronii deberetur. Id vero tum mihi jam non debebatur ex testamento Sempronii, sed ex stipulatu, jure novationis, queritur, an heres legatario teneatur edere actionem ex stipulatu, in quam per novationem actio ex testamento translata est, hæc legata tantum videatur actio ex testamento, cum legatur, quod sibi deberetur ex testamento Sempronii? Et respondet Papin. esse præstandam actionem legatario, actionem, inquam, ex stipulatu, ut consequatur quod testatori deberetur ex testamento Sempronii, quia falsa demonstratio non vitiat legatum, & quod etiam ea demonstratio, quod sibi deberetur ex testamento Sempronii, non est omnino falsa, si initium & originem obligationis spectemus: non est, inquam, in totum falsum, quod adjuvatur primordio veritatis: & mutata etiam non est persona debitoris aut creditoris, sed causa tantum obligationis, pereumpta omnino obligatione veluti per accipitationem, tunc nihil legatario deberetur, nullum esset legatum, *l. si sit, §. ult. sup. tit. prox.* At novatione facta non omnino perimitur obligatio, sed nova constituitur, & sic novatione facta non perimitur legatum liberationis, quoniam idem obligatus manet, non quidem ex veteri, sed ex nova causa, quæ originem capit a veteri, *l. ult. §. ult. de lib. leg.* Accipitationem autem perimitur legatum liberationis, quali supervacuum & inutile, *l. si id quod, cod. tit.*

Præquam veniam ad reliqua responsa hujus l. 7. addam ad secundum responsum, quod est in §. *Lucio Sempronio*, quod antea a me prætermisum est.

Loquitur in §. *Lucio de legatario*, cui quis legavit hereditatem, quæ sibi a Mevio obvenerat, quem, ait, debere suscipere onera, quæ fuerunt Mevianæ hereditatis, & vicissim ei deberi præstare actiones, quæ fuerunt in hereditate Meviana, & in diem mortis testatoris perseveraverunt, ipsa jure ei, & in eum non dari actiones ex causa hereditatis Mevianæ, sed vel cedi, vel suscipi. Addamus idem esse in fideicommissario. Nam si heres rogatus sit L. Titio restituere hereditatem Mevianam, ei & in eum ipso jure ex SC. Treb. restituta ex hereditate non transeant actiones, sed cedenda & suscipiendæ sunt, quia intelligitur esse fideicommissum speciale, non universale (in quo tantum locus est SC. Treb.) intelligitur esse fideicommissum pecuniarium, non fideicommissaria hereditas. Et hoc probat *l. cogi, §. sed et si miles, inf. ad SC. Treb.* & docet hoc ita procedere in pagano, non in milite. Et valde notandum est ex eo §. *sed et si miles, in §. sed et si quis*, qui cum præcedit, cum eadem fere verba proponantur, negative esse legendum: non transire actiones, omnino hoc sensu, ut si heres rogatus sit restituere hereditatem, quæ testatori a Sejo obvenerat, hereditatem Sejanam, & heres non hanc tantum hereditatem, sed universam hereditatem testatoris suspectam dicat, & adire recuset, quia placet, quod Papin. dixisse ait: ex SC. Treb. non transire actiones in eum, cui hereditas Sejana relicta est & restituta. Ideo ut transeant actiones, heredem a prætorie esse cogendum adire hereditatem defuncti, & restituere L. Titio non tantum hereditatem Sejanam, sed universam defuncti hereditatem: sic proculdubio ei & in eum transibunt actiones.

Item ad responsum, quod est in §. heres, hoc addi volumus ex eo maxime esse notandum, novatione non omnino extinguere memoriam & causam pristinae obligationis. Nam post novationem non in totum falsum dicit, qui sibi dicit deberi ex pristina causa, quae novata est, quoniam haec oratio adjuvatur primordio veritatis: Ac praeerea novae obligationi insunt eadem causae & conditiones, quae veteri, l. 1. §. plane, ut leg. non. cav. l. 4. sup. de usur. Nunc venio ad quintum responsum, quod est in §. servus: & hoc tantum explicabo, & alterum brevissimum.

Ad §. Servus.

Servus pure manumissus, cui libertas propter impedimentum juris post aditam hereditatem non competit, quod status ejus extrinsecus suspenditur, forte propter adulterii quæstionem: ex eodem testamento neque legata, neque fideicommissa pure data sperare potest, quia, dies inutiliter cedit.

Sciendum est, diem libertatum testamento relictorum non cedere a morte testatoris, aut ceterorum legatorum, sed ab adita hereditate demum, cuius rei causa pendere dicitur ex natura libertatum in l. un. §. libert. Cite cad. toll. quia scilicet libertates personis coherent, & in heredem non transferuntur: ut plane frustra sit, si quis dicat diem earum cedere ante aditam hereditatem. Propterea enim institutum est ut ceterorum legatorum dies cederet mortis tempore, ut, si herede moram additioni faciente interim moriantur legatarii, non idcirco minus legata transferantur in heredes suos. Cum autem libertatum natura hæc sit, ut non possint transferri in heredes, inutile est dicere, diem earum cedere ante diem aditæ hereditatis, ex quo omnia, quæ in testamento pure relicta & adscripta sunt, valent & competunt, aut præstari debent, l. 32. in pr. sup. h. r. His autem consequens est, ut & dies legatorum relictorum servis, quibus libertates adscripserunt, non cedat ante aditam hereditatem: alioquin inutilia essent legata, si dies earum cederet antequam libertates competere, quia servis propriis inutiliter legatur sine libertate: denique dies eorum legatorum cederet inutiliter, l. 8. inf. quando dies leg. oed. l. 1. C. de legat. Quod etiam evenire ostendi, ut scilicet inutiliter cedat dies legatorum relictorum testamento manumissis, si servo relicta sit libertas sub conditione, & legatum pure, & tempore aditæ hereditatis, quod legatum cedit, pendeat conditio libertatis, quia si postea existente conditione libertatis competat servo libertas, tamen legatum ei non debetur, quoniam dies ejus semel cessit inutiliter, cum adhuc esset libertas in pendente, in suspensio, nimirum quia suspensum fuit conditio testamento adscripta, quæ nondum extiterat. Proinde suspensa fuit ex ipso testamento, & ex ipsa scriptura testamenti. Verum idem esse Papin. ostendit in hoc §. si libertas suspendatur extrinsecus, id est, extra causam testamenti, ut si pure, & recte quidem testamento data sit libertas, sed exterior aliqua causa vel ratio iuris moretur libertatem, veluti quæstio adulterii ex l. Julia, quæ lex jubet intra 60. dies divortii propter quæstionem adulterii, suspendi libertates servorum uxoris, & mariti, & parentum eorum, quos scilicet eis in usum & ministerium dederit. Verbo suspendi videtur, dum hoc enarrat l. ult. C. ad l. Jul. de adul. sicut hic §. eodem verbo utitur. Fingit, ut res sit clarius, post divortium uxorem a viro postulari ream adulterii, & intra 60. diem divortii patrem uxoris mori, testamento pure data libertate servis filie in ministerium datis, & eisdem quoque servis relicta legatis quibusdam, & mox adiri patris hereditatem, tamen suspenduntur libertates, testamento datæ, quoad finita sit quæstio adulterii, ut de servis possit haberi quæstio: & ne, si admittantur statim competere libertates ab adita hereditate, subducantur quæstioni. Suspenduntur ergo libertates datæ testamen-

to etiam post aditam hereditatem, non ex testamento ipso, cum pure & jure data sint, sed extrinsecus propter cognitionem adulterii, & ideo dies legatorum eis relictorum inutiliter cedit tempore aditæ hereditatis, quia eo tempore libertates, eorum in suspensio erant ex l. Julia. Et licet postea ad eam perveniant finitis 60. diebus, vel finita quæstione adulterii, ut in l. prospectus, ff. qui, & a quibus man. tamen legata, quæ semel cesserunt inutiliter, non convalescunt, ut in l. ult. in fi. sup. commu. pred. Et erravit Rogerius, qui existimavit post purgatam innocentiam & finitam quæstionem adulterii, etiam legatum deberi, quem vellicat Accursius: dum ad hæc verba Papin: ex testamento, neque legata, neque fideicommissa pure data sperare potest, ita scribit. Audi Rogeri, si ipse dicit, ante purgatam innocentiam. Ipse autem est Papinianus: & merito eum refellit, quia sane legata evanuerunt, quæ cesserunt inutiliter, & quæ non fuerunt in suspensio, ut libertates. Et præerea legatorum dies cedit, quamvis eorum præstatio extrinsecus suspendatur, l. cum illud, in fine, ff. quando dies legat. cedit. Sed in hac specie cessisset inutiliter. At libertatum, quæ extrinsecus suspenduntur, dies non cedit, antequam impleta sit conditio juris, quæ libertati impedimento est, quia & frustra diceremus libertates antecederi, cum in heredes non transmittantur. Et serva, nos opponere conditiones juris extrinsecus suspendentes libertatem, conditionibus ex ipso testamento venientibus, non ab alio, quam ab ipso Papin. instructi, in l. conditiones, de cond. & dem. C. d. l. cum illud, in fine, & a Paulo in l. 6. eod. tit. Et hæc quidem est vera & perspicua interpretatio hujus responsi: alia interpretatio, quam Glossa adfert ex h. verbis, §. interdictum, sup. de hered. inst. de servo accusato adulterii in dominum, quæ ait, ante finitam cognitionem a domina ejusdem criminis consultata, quoniam id crimen semper est duorum, inutiliter servum cum libertate heredem institutum. Ea vero species non congruit cum hoc responso, in quo ponitur suspendi libertates: in casu §. interdictum non suspenditur libertas, sed proflus irrita constituitur. Et interpretatio quam adhibuimus, & probavimus, nihil obstat l. pen. C. de his que ut indigeat finita quæstione cadis a familia domino l. ite, ait, & libertates & legata competere, quæ interim in suspensio fuerunt, quia in ea specie interim suspensa fuit aditio hereditatis ex Senarufconfl. Syllaniano. In hac specie adita fuit hereditas, & legatorum eo tempore dies cessit inutiliter, quia libertas nondum competebat, sine qua servus propriis testatoris legati itrcapax est. Non obstat etiam l. 1. C. qui non poss. ad liber. parvo. quæ ait, servum damnatum in vincula temporalia, dum ea poena fungitur, non posse capere sibi relicta libertatem vel legata, finito tempore poenæ capere posse, quia ut recte notat Accursius, non id dicit, eum capere posse, quod ei relictum est quum erat in vinculis, quoniam dies ejus cessit inutiliter, sed quod relinquatur expleto tempore poenæ, quoniam dies ejus cedit inutiliter.

Ad §. Pater.

Pater cum filia pro semisse herede instituta, sic testamento locus fuerat: peto cum mortis, licet alios quoque filios susceperis; Sempronio nepoti meo plus tribuas in honorem nominis mei: necessitas quidem restituendi nepotibus virilibus portiones, precedere videbatur, sed invidenda portionis, quam majorem in unius nepotis personam conferri voluit, arbitrium, filia datur.

Species hæc est, Sempronius filiam heredem instituit, & adiecit, rogato, filia, ut, quum morieris, hereditatem meam restituas filijs, quos susceperis, & si plures susceperis quam haberes modo, ut Sempronio potissimum plus ex bonis meis tribuas, quam alijs, in honorem nominis mei, id est, quod in Sempronio mihi sit cognominis, tui etiam Sempronio est nomen, ut in antiquo testamento l. Cuspidi. Confirmitis meis, & Lucio prosopue, quod is nomen meum sit

rat, daviolo, &c. ut in testamento Lyconis apud Diog. Laert. quæ sunt in urbe & in Ægina, do lego Lyconi, quod is nomen meum ferat.

In hac specie Papin. ait, necessitatem filie initio impostam videri filiis suis nepotibus testatoris restituendi viriles partes hereditatis, sed posterioribus verbis, cum non sit finita Sempronio certa portio, arbitrium filie datum videri moderandæ portionis Sempronii ex bono & æquo, ita ut aliquanto plus habeat quam virilem; arbitrium opponit necessitati, necessitatem imponit heredi, qui nepotibus certam portionem adseribit. Nam preces testatorum permixtæ sunt necessitati: arbitrium autem reliquit heredi, qui nepotibus non adseribit certam portionem. Ideoque arbitrio boni viri mater portionem eam Sempronii moderabitur, ut ex sententia defuncti plus aliquando Sempronius habeat, quam virilem portionem, ceteri nepotes habeant virilem partem.

Ad §. Non Jure.

Non jure tutori dato mater legavit, si consentiat, ut decreto prætoris confirmatur, & prætor non idoneum exilimet: actio legati non denegabitur.

Certum est, tutorem pupillo datum, per quem stat, quo minus tutelam suscipiat, amittere legatum sibi relictum ut tutori, fidei remunerandæ gratia, quod jam docuimus lib. 4. & §. ad l. qui tutelam, in princ. de test. tut. & l. tutor petitus, §. 1. de excus. tut. Vice versa igitur, si per tutorem non stat, quo minus suscipiat tutelam, sed alia quæpiam causa ei impedimento fit, non amittit legatum, ut in specie proposita hoc loco. Mater filio impuberi in testamento tutorem dedit: non jure eum dedit: quia tutoris datio est legis, vel ejus cui eam lex dedit, l. tuto, §. tutoris, de tutel. porro lex 12. tab. non permisit eam matri, sed parenti tantum dedit, qui impuberes haberet in potestate, l. 1. de test. tut. Et hoc est quod dicitur tutelam mandari jure patriæ potestatis l. impuberi, de adm. ministrat. tut. Mater autem liberos non habet in potestate, & ut eleganter ait Leo Philolophus in Novel. 25. solus virilis persona in potestate est filius. Quasi dicat scilicet soli matri respondere, veluti ex diverso nomen filium. Verum tutor datus a matre in testamento decreto prætoris ex inquisitione confirmari potest, si modo datus sit heredi instituto, l. 2. de cons. tut. l. 4. de test. tut. Confirmatus autem erit datus tutor, non testamentarius, nec enim testamento jure datus est. Nunc facito tutorem a matre datum legato ei adscripto consentire, vel desiderare, ut a prætoris confirmetur, sed prætoris habita inquisitione morum ejus & facultatum, & causa cognita, neque eum judicare idoneum, neque confirmare velle, an amittit legatum, quod ei mater adscripsit? minime, quia onus tutelæ non refugit, quantum in ipso est, non remouetur etiam ut suspectus, alioquin repellitur etiam a legato, l. quid autem, de excus. tut. Sed non admittitur, non confirmatur, & per prætoris, non per eum stat, quo minus tutelam gerat: aliud est non admitti, aliud excludi, excludi vel remoueri, & hæc est sententia hujus §.

Ad §. Qui Mutianam.

Qui Mutianam cautionem, alicujus non faciendi causa interposuit: si postea fecerit, fructus quoque legatorum, quos principio promitti necesse est, restituere debet.

Mutiana cautio composita est a Quinto Mutio Scævola, ut ejus cautionis remedio caperent statim legatarii vel fideicommissarii, qui sibi relicta essent sub conditione non faciendi aliquid, que nisi morte legatorum expleri non posset, ut remedio cautionis adhibito repræsentarentur legata conditionalia ante conditionem impletam, quod utilitas exigebat introduci, propterea

Tom. II.

A quod legata relicta sub conditione non faciendi aliquid, veluti sub conditione non eundi Romana, non intelliguntur impleta, antequam mortuus sit legatarius: itaque legatario nihil prodesset, si expectaretur mors ejus, si differretur præstatio legati in diem mortis ejus. Remedio igitur cautionis Mutianæ repræsentantur statim, quam quidem legatarii præstant iis, quorum interest, ut ait l. seruo, §. si testator, ad SC. Treb. Puta heredi, vel legatario, a quo fideicommissum alii relictum est, vel quia etiam in hereditatibus, hæc cautio necessario recepta est coheredi, aut substituto, ad quos jure civili deficiente conditione non faciendi, puta secus faciente legatario, legatum, aut fideicommissum, aut hereditas pertinere potest, l. 7. & l. 18. de cond. & dem. Et non est ea cautio, nuda repromissio, nuda stipulatio, quoniam huic stipulationi siue cautioni, adhibendi etiam sunt fidejussores, vel repromissioni addendum est jurjurandum, & hypotheca rerum suarum, ut in Novel. 22. Cavent autem legatarii cautionem Mutianam hoc fere modo: Non facturus se, quæ ne facerent conditioni legato præpositæ cautum esset, aut si quid adversus eam fecissent, rem pecuniarum legatam cum fructibus, vel usuris, vel quanti ea res erit, quæ de agitur, tantam pecuniam ei, ad quem ea res pertinet restitutum iri. Dixi rem, vel quanti ea res est ex l. cum sub hac, de cond. & demonstr. & adjecti, cum fructibus ex l. heres, §. qui post, eod. tit. & ex hoc §. vel cum usuris, si pecunia legata sit, ex Novel. 22. Et quamvis non caveat nominatim legatarius de fructibus restituendis, tamen commissæ stipulatione, id est, si postea fecerit, quod non facere iussus est, etiam fructus restituere debet medio tempore perceptos, de quibus restituendis etiam initio accipiendi legati, ut caveat compelli potuit, ut Papinian. ait hoc loco, quod etiam scriptis quasi certissimum in libris definitionum, d. l. heres, §. qui post. Et ratio hæc est: quia quod cautioni vulgo adjici solet, cuique adiciendo, is qui cautionem præbet, cogi potest, si sit omisum, non habetur pro omisso, sed pro adjecto, ut l. ult. C. que res pign. obli. poss. l. ult. C. de fidejuss. Sequitur responsum penultimum.

Ad §. Variis.

Variis actionibus legatorum, simul legatarius uti non potest, quia legatum datum, in partes dividi non potest, non enim ea mente datum est legatariis pluribus actionibus uti: sed ut taxator eis agendi facultas sit, ex una interim, quæ fuerat electa legatum petere.

Hoc penultimum responsum est accipendum de legato per vindicationem secundum jus vetus, quod ita relinquitur, illi do, lego, vel capito, rem illam summi, tibi habeto, quoniam cum dicat, ex variis actionibus legata peti posse, hujus tantum legati nomine, quod per vindicationem relinqueretur, comparatæ erant variarum actiones, ac similiter, quæ leges dicunt legatorum plures actiones, secundum jus vetus, sunt omnes accipiendæ de legatis per vindicationem, l. in ususmodi, §. ult. & quæ illam sequitur, l. si servus leg. §. cum homo, sup. tit. prox. l. 3. C. de leg. l. 4. C. de usur. & fructib. leg. Et iis quidem, quibus ita legatum est, datur actio in rem, & actio in personam, id est, ex testamento dari etiam eis actionem ad exhibendum, vel actionem in factum constat ex l. quod legatum, sup. de jud. l. si heres rem legatam, sup. hoc tit. Dari etiam in suo casu interdictionem quod legatorum, sed hoc interdictionem datur etiam ex alio genere legati, veluti per damnationem, l. 1. §. si quis ex morte, in fine, quod legat. nom. Illæ actiones superiores erant tantum ex legato per vindicationem, nam ex legato per damnationem, veluti heres rem damnas ipso illi dare rem illam, vel heres illi dare rem illam, erat tantum actio in personam, quæ est in personam: at hodie Constit. Justin. id est, l. 1. C. comm. de leg. ex omni genere legatorum, aut ex eorum causâ tres sunt, tres com-

Aaaa z

petunt

petunt actiones. Actio in rem, id est, vindicatio rei, quæ adfectio domini est, lis domini, ut ait lex *evictis, de usur.* Et actio in personam, quæ legatarius adferit sibi rem legatam deberi ex testamento. Et præterea actio hypothecaria, quæ legatarius persequitur res alias hereditarias quasi tacito jure pignori si sibi obligatas legati nomine, si legatum ipsum consequi non possit. Quæ actio hypothecaria primum prodita est a Justin. Jure enim veteri nulla fuit tacita hypotheca legatorum nomine, & nulla hypotheca, nisi quam forte testator ipse constitisset legatariis in ipso testamento, ut in *l. non est mirum, de pig. act. l. fundus, de ann. leg. l. Lucius, de adm. leg.* Proinde in potestate legatarii est rem legatam, vel quasi suam petere rei vindicatione, vel quasi alienam, sed sibi debitam conditione: neque hic earum actionum concursus est novus, aut incongruus, cum & ex aliis plerisque causis hæ duæ actiones concurrant, licet videantur adverzæ, veluti ob res furtivas, vel ob res amotas divortii causa, *l. 3. §. 1. de condic. furt. l. ob res, ff. ver. amot.* Sed in his causis est propria quædam ratio, ut hæ duæ actiones dentur odio furum, quo pluribus actionibus teneantur, & sic itaque, *Inst. de act.* Quæ ratio est valde obscura, aut sane enucleatu difficilis admodum, sed hic non est locus enucleandi eam: verum quia ille concursus harum actio num in illis causis admittitur odio furum, vel quasi furum, puta, conjugum, qui res amoverint divortii causa, recentia mus etiam alias causas, in quibus nullum subest odium reorum, & tamen iis duabus actionibus tenentur. Mulier res dotalis persequitur actione in rem ut suas, vel actione hypothecaria ut alienas, *l. in rebus, C. de jure dot.* Donator res donatas inter vivos, si omnia sit iniquatio, persequitur vindicatione, vel conditione, *l. pen. C. de don. l. 38. C. de Episc. & cler.* Itemque lege donationis non impleta, donator res donatas inter vivos persequitur hac vel illa actione, *l. 1. C. de don. qua sub. mod.* Itemque res donatas mortis causa ex penitencia revocat, vel vindicatione, vel conditione, *l. qui mortis, ff. de mort. caus. don.* Et est in potestate ejus utra actione ut malit, quæ actione agere maluerit. Causam sive rem nostram sæpe malumus alienam, videri, & petere ut alienam, non ut nostram. Quidam? ut in *l. pen. quando ap. sit.* At ut ostenditur, potissimum in hoc §. simul his actionibus, quæ legatariis competunt, legatarii non possunt uti in solidum, vel in partem: in solidum, quia defunctus semel duntaxat legatum ad eos pervenire voluit, non in partem, quoniam legatum, quod unum est, scindi non potest, quæ sententia & rei legatæ, & actionis divisionem inhihet, *l. 4. sup. h. t.* Variæ dantur actiones iis, quibus legatum est per vindicationem: & hodie omnibus legatariis & fideicommissariis, non ut omnibus simul experiantur, ut ait, sed ut latior sit eis agendi facultas. Ceterum una eligenda est, una contenti esse debent, nec una electa, est regressus ad alteram, ut in *l. quod in herede, §. 1. de tribut. act.* Neque huic responso quicquam obstat lex *1. §. quia autem, ff. quod leg.* ubi legatarius proponit simul diversas actiones: petitionem hereditatis, & interdictionem quod legatorum, & admittitur, quia scilicet protestatio ejus rem omnem emendat, neque enim est audiendus, qui varias instituit actiones, quod interdum facere cogitur, dum in dubio est animus, incertus juris adversarii sui, non aliter, inquam, est audiendus, quam si protestetur, se ex una tantum earum velle consequi simpliciter, quod eum contingit, Protestatio igitur rem omnem emendat.

Ad §. ultimum.

Repetendorum legatorum facultas ex eo testamento factorum danda est, quod irritum esse post defuncti memoriam damnatam apparuit: modo si a legatis solutis crimen perductionis illatum est.

Sententia responsi ultimi hac est: heres solvit legata bona fide testamento relicta, & ex post facto appa-

ruit testamentum irritum esse, ac proinde ex eo legata, quæ soluta sunt, non fuisse debita, ut in specie, quam ponit de memoria testatoris damnata post mortem ejus ob crimen perductionis, proditoris adversus Rempub. vel Principem, quæ damnatione irritum fit ejus testamentum, *l. 6. §. sed ne eorum, de inj. sup. & in test.* Et in Carthaginensis synodi canone 82, qui ostendit etiam ex ea causa irritum fieri testamentum. Damnatur memoria mortui, ut quod pauci sciunt, omnibus notum fiat. Bartolus refert in *l. 1. C. de reg. reis.* Dantis poeta celeberrimi fuisse damnatam memoriam post mortem, quod ex professo edito libro de potestate Imperii, qui superioribus annis in lucem editus est, Imperatoriam potestatem & majestatem extulisset supra Pontificiam. Damnatur, inquam, memoria mortui, vel etiam vivi, quum interdictum ejus nomen posteris, ut eleganter Mamertinus ait in Panegy. ad Jul. Cum si forte Consul fuit, nomen ejus fasus eximitur & eripitur, ut de Eutropii memoria damnata scriptum est in *l. 17. C. Th. de panis, erepto, inquit, splendore ejus, & consilatu, & a terra illius, & a commemoratione nominis ejus, ex censuris sortibus, vindicta, ut ejusdem universis actibus antiquitatis omnia materiam tempora, & inf. Omnes statua ejus & omnia simulachra aboleantur: hoc est damnare memoriam. In proposito autem damnata testatoris memoria, quia irritum est testamentum, & apparet indebita fuisse legata, quæ soluta sunt, Pap. recte respondet hoc loco, legatorum solutorum repetitionem dari. Cui vero? heredi vel fisco, ad quem transeunt bona damnata, & heredi quidem scripto, si de suo solvit legata, fisco autem, si heres solvit de hereditate. Et ita dicit Acc. distinguit ex *l. quod si possessor, ff. de pet. her.**

Ad L. XCI. de Leg. III.

Prædictis per præceptionem filie datis, cum reliquis actorum & colonorum ea reliqua videntur legata, quæ de reditu prædictorum in eadem causa manserunt, alioquin pecuniam a colonis exactam, & in calendarium in eadem regione versam reliquis non contineri, neque colonorum neque actorum, facile constabit, tametsi nominatim actores ad filiam pertinere voluit.

Enita lege cum filius 78. de leg. 2. accedamus ad leg. prædictis, quæ est 91. de leg. 3. in qua plura sunt responsa. Initio legis proponitur pater filii pro parte heredi instituta prælegasse certa prædia cum reliquis colonorum & actorum, & actores quoque ipsos. Actores sunt, qui & villici dicuntur, servi prædicti rei rusticæ & rationibus prædiorum, *l. pen. in princ. de adm. legat.* Reliqua vero actorum sunt, quæ resident sive restant debita domino, ex eo actu, eave administratione, & cura prædiorum. Colonii sunt, qui prædia conduxerunt mercede sive pensionem certa. Reliqua autem colonorum sunt pensiones sive mercedes, quas reliquati sunt, & domino debent ex causa locationis, quæ in idiotismo vocamus, *Averagies.* Eæ plerumque reliqua hæc vel actorum vel colonorum probantur ex scriptura domini prædiorum, qui computatis rationibus actorum sive colonorum subscribit manu sua, tot esse in reliquis, id est, tot nummos accepta superare expensâ, & imparem esse rationem accepti, & expensi. Reliquationi adversa est paratio. Et ita probari reliqua, quæ debentur ostendit lex *Ausidius infra, h. t.* At queritur initio hujus legis, an legato reliquorum continentur etiam pecunie, quas actores vel coloni cum reliquis essent, jam dominus prædiorum ab eis exegerat, & in calendarium converterat, id est, feneratori occupaverat in ea regione, cujus cura ad servos actores pertinebat? Et ait, eas pecunias non contineri legato, quas exegit paterfamil. & fenerator collocavit, sicut nec eas, quas exegit, & habet in condito, id est, quas recondidit in arca, vel in horreo, *d. l. Ausidius.* Exacta & condita separantur a reliquis, §. pariter, in hac lege, quia exactione, & solutione desierunt esse reliqua: Lega-

Legatis reliquis colonorum vel actorum contineri tantum ea, quæ de reitu prædiorum in ea causa manserunt, id est, eam tantum pecuniam, quam adhuc coloni vel actores debent ex actus sui, vel ex locationis causa, & actiones eo nomine competentes adversus colonos, quæ præstari possunt, esse præstandas & cedendas legatario, ut in *l. cum filius*, §. primo, *sup. tit. prox.* dixit idem auctor, legata hereditate Mæviana, legato contineri eas tantum actiones, quæ hereditaria manserunt, cedique & præstari possunt, non quas jam testator ipse petiit; Plus ait lex *Seja*, §. *prædia*, de *instr. vel instr. leg.* non contineri etiam legato reliqua colonorum, qui jam finita conductio coloni esse desierunt, & colonia, id est, agro, conducto discedentes, de reliquis pensionum domino caverunt novatione facta; quia post finitam conductiorem novatione facta desierunt esse reliqua colonorum: coloni plerumque erant liberi homines, actores sive villici sunt servi patrisfam. Columella lib. i. cap. 7. *Omne genus agri tolerabilis esse sub liberis colonis, quam sub villicis servis habere*. Quos paulo post vocat actores. Quamvis autem, ut proposuimus initio, actores filie legati sint in hac specie, & reliqua colonorum, quæ dominus exegit, translata sint ad rationes actorum, versa pecunia in calendarium ejus regionis, quod actores exercebant pro domino, tamen ea reliqua legato non continentur. Et breviter summa legis hæc est: Legatis reliquis colonorum vel actorum non contineri reliqua colonorum, quæ dominus transtulit ad actores, quæ vertit in calendarium, quod tractabant actores; ac similiter non contineri reliqua actorum, quæ jam exegit, licet actores ipsos etiam legarit. Et recte posui, testatorem ipsum exegisse reliqua, quoniam si post mortem testatoris ea exegit heres, sane legato continentur, *d. l. Aufidius, in fine*. Quæ scilicet usque in diem mortis testatoris in eadem causa manserunt, non quæ ipse testator exegit & avertit alio: iterum dicam summam legis vim hanc esse, legato actorum non contineri reliqua colonorum, quæ dominus transtulit ad actores: nec reliqua actorum, quæ dominus ipse exegit, sed quæ nondum exacta sunt eo vivo, vel quæ post mortem ejus exacta sunt ab herede in fraudem legatarii.

Ad §. Ex his verbis.

Ex his verbis: Lucio Titio prædia mea illa cum prætorio, sicut a me in diem mortis meæ possessa sunt, do: instrumentum rusticum, & omnia, quæ ibi fuerint, quo domus fuisset instructior, deberi convenit, colonorum reliqua non debentur.

Quidam legavit certa prædia cum prætorio, quæ est habitatio domini speciosa & voluptaria, sicut ea in diem mortis suæ possederat, & ait, legato contineri omne instrumentum patrisfam. omne id, quo domus in ea villa fuit instructior, vel in eo prætorio. Idemque omne instrumentum prædiorum, omne instrumentum rusticum, quoniam plenissimum est legatum, quia dixit, *sicut a me in diem mortis meæ possessa sunt*, quæ verba continent omne instructum, & omne instrumentum: sed non continent etiam reliqua colonorum, non continent nomina ex causa locationis, quod congruit omnino cum *l. qui habebat*, §. ult. *inf. hoc tit.* Legato igitur prædiorum quantumlibet amplo, quantumvis pleno, non continentur reliqua colonorum, sed leganda sunt specialiter, siquidem adhuc testator ea ad legatarium pervenire voluerit. Quamobrem & ea specialiter fuisse legata proponitur initio hujus legis, & *l. Seja*, & *l. prædia*, de *instr. vel instr. leg.* Et sic in §. sequ. offenditur, legata officina purpuraria cum servis infistoribus, & purpuris, quæ in diem mortis ibi essent, non contineri pretia purpuræ jam exacta & condita in arca, nec pretia, quæ emptores debent, nec pretiorum reliquas partes.

Ad §. Titio.

Titio Sejana prædia, sicuti comparata sunt, do, lego: cum essent Gabiniana quoque simul uno pretio comparata, non sufficere solum argumentum emptionis respondit: sed inspicendum, an literis & rationibus appellatione Sejanorum Gabiniana quoque continerentur, & utriusque possessionis confusi reditus titulo Sejanorum acceptolati essent.

In hoc §. offenditur, eum, qui emerat prædia Sejana, & Gabiniana uno pretio, confusus scilicet universis prædiis, confuse constituto pretio, legasse prædia Sejana, sicut comparata essent, hoc modo: Illi lego prædia Sejana, sicut a me comparata sunt, & dubitari, an Gabiniana etiam prædia legato contineantur, quod posset quis tentare argumento emptionis, quod uno pretio simul empta sint. Sed eleganter ait, hoc argumentum non sufficere, nisi accedat aliud, puta, nisi etiam ex rationibus testatoris appareat, eum Sejanorum prædiorum appellatione, etiam Gabiniana comprehendisse, hoc est, reditus, quos & redactus vocat, & relictus: & eo nomine proprie nostri auctores significant pensiones atque mercedes redactas ex locatione prædiorum, nisi, inquam, reditus utrorumque prædiorum testator consueverit confuse rationibus suis acceptos ferre sub nomine & titulo Sejanorum prædiorum. Argumentum optime ducitur ex rationibus defuncti, ut in *l. servus urbanis*, *h. l. i. ff. de reb. dub. l. Seja*, §. *Tyranne*, *inf. de instr. vel instr. leg.* Et ex hoc loco apparet, in quaestione voluntatis defuncti non sufficere unum argumentum, unam conjecturam, exigi plures, ut in *l. librorum*, §. *quod tamen* *h. l.* ut qui chartas legavit, videatur legasse libros, hoc non presumemus ex uno argumento; sed ex pluribus, puta, quod dixerit, *chartas universas meas do, lego*, & quod alias chartas quam libros non haberet, & quod studiosus studio legavit. Hæc tria argumenta efficiunt, ut chartarum legato contineatur librorum, unum non sufficeret: nec debet iudex unquam temere ex una conjectura voluntatis defuncti, quicquam de ea decernere: sic etiam in §. *balneus*, qui sequitur.

Ad §. Balneus.

Balneus legata domus esse portionem constat: quod si eas publice præbuit, ita domus esse portionem balneus, si per domum quoque intrinsecus adirentur, & in usu patris familie, vel uxoris nonnumquam fuerunt, & mercedes ejus inter ceteras meritoriorum domus rationibus accepto ferrebantur, & uno pretio comparate, vel instructæ communi conjunctu fuissent. Ad §. Pen. Qui domum possidebat, hortum vicinum adibus comparavit, ac postea domum legavit: si hortum domus causa comparavit, ut amantior domum ac salubriorem possideret, aditumque in eum per domum habuit, & aditum hortus aditamentum suis: domus legato continetur.

Domus legata dicuntur debere balnea, quæ sunt in ea domo, & publice præbentur quadrante, ut solebant olim, si modo concurrant multa argumenta, quibus de balneis quoque legandis sub appellatione domus testatorem quoque sensisse appareat, ut puta, si per domum in balnea intrinsecus aditus sit, si in usu privato nonnumquam fuerint testatoris, & uxoris ejus, si reditus balnearum, & pensiones rationibus accepto tulerit, sub nomine meritoriorum domus. Meritoria domus sunt loca domus, quæ particulatim locari solent, ut stabula, cenacula, ergastula, diverforia, tabernæ, balnea: item, si uno pretio balnea fuerint comparata cum domo, vel si fuerint instructa communi conjunctu, id est, communi contextu. Utitur quatuor argumentis, quibus vult probare eam fuisse voluntatem defuncti, ut legato domus cederent balnea. Unum argumentum non sufficit, plura exiguntur, alioquin legato domus cedunt tantum privata balnea, non etiam, quæ

quæ publice præbentur omnibus. Et hæc pertinet, quod ait Paulus 3. Sent. *Domo legata, ejus balneum, quod publice præbetur, nisi alias separatur, legato cedit*, id est, nisi separatim balnei redditus rationibus acceptolati sunt. Et simili modo in §. *pen. h. l.* recte docet domus legato contineri hortum vicinum, si eum domus causa comparavit, ut ameniorem ac salubriorem domum possideret: ac præterea, si per domum in hortum aditus fuerit: denique si hortus fuit additamentum & accessio domus, non aliter, quoniam ex uno argumento non recte ducitur præsumptio voluntatis: eodemque modo in §. *ult.*

Ad §. Ultimum.

Appellatione domus insulam quoque injunctam domui videri, si uno pretio cum domus fuisset comparata, & utriusque pensiones similiter acceptolatas rationibus ostenderetur.

Ostenditur domo legata contineri insulam domui injunctam, id est, vicinam, proximam, adjacentem, ut ait *l. si finita §. item, quid dicemus, de dam. inf. & l. qui domum, sup. loc.* quoniam insula, quæ dicitur, non est alii ædificio continua, alioquin ea habitatio non esset insula; vicina alii ædificio potest esse, & proxima ac adjacens, non adharens. Domo igitur legata, videri etiam legatam insulam vicinam, si modo uno pretio cum domo comparata sit: ac præterea, quoniam hoc unum non sufficit, si a testatore & domus & insulae pensiones simul rationibus acceptolatas sunt sub titulo domus. Denique ex §. *balneæ, & §. pen. & §. ult.* atque etiam ex §. *l. i. i.*, intelligimus, ex conjectura voluntatis, quæ modo subnixta sit multis argumentis, non unico tantum, & balneum, quod publice præbetur, & hortum, & insulam vicinam partes domus esse censeri, & legato domus contineri, non aliter. Acc. rationes nescivit esse in his omnibus locis: rationes expensæ, & accepti, quæ conficit sibi quisque diligens paterfamilias, ex quibus eruitur sæpe mens defuncti. Observandum etiam est in §. *ult.* quoniam in Pandectis Florentinis ita legitur: *Appellatione domus insulam quoque injunctam domui videri, nec additur legatam: & pro videri, quoniam hæc verba sæpe commutantur, legendum esse, deberi.* Nam idem mendum inolevit duobus locis. Videri pro deberi, in *l. pen. & ult. inf. de dote præleg.* Et apud Senecam 2. natur. quæstion. *Si cum sanitas, inquit, videatur esse de fato, cum veteres habeant, si sanitas debetur fato, debetur & Medico, per cujus manus beneficium facti ad nos pervenit.* Et sic explicanda est lex 91. de leg. 3.

Ad L. IX. de Ann. leg.

Fundus, quem pater, liberis legatorum nomine, quæ in annos singulos relinquit, pignus esse voluit: ex causa fideicommissi rei servande gratia recte petatur. Paulus notat: hoc admittendum est, & in aliis rebus hereditariis, ut & in eas legatarius mittatur.

IN hæc l. proponitur, patronum liberis in annos singulos per fideicommissum legatum reliquisse certæ quantitatis, & ob hanc causam certum fundum liberis pignoris jure obligatum esse voluisse, pignus testamentum recte constituitur; *l. i. C. comm. de leg. l. non est mirum, sup. de pig. act. l. Lucius, inf. de alim. leg.* Et ideo Pap. ait, eum fundum recte peti, id est, vindicari actione hypothecaria, sive Serviana; rei servandæ gratia ex causa fideicommissi, id est, ut eum fundum legatarii possideant ex causa legati, per fideicommissum relicti, sicut loquitur etiam *l. 5. §. si plures, inf. in poss. leg.* hoc præstare legatarii heres legatorum nomine cavere debet, quoniam, quæ relinquuntur in annos singulos, legata conditionalia sunt, *l. i. §. si in annos, ff. ad leg. Falcid.* Idcirco de iis præstandis, cum conditio extiterit, heredem legatariis cavere oportet, aut licebit lega-

tariis exercere speciale pignus, & exequi quod testamentum constitutum est, & fundum persequi ac possidere legatorum servandorum causa. Et hoc cum scripsisset Pap. notat ad eum Paulus, quæ nota admodum singularis est, etiam legatariis in testamento prospectum sit speciali pignore, non idcirco tamen minus & prætorium pignus constitui posse in aliis reb. hereditariis, herede non cavente & legatariis non satis faciente pignore testamentario, quod fiet missis legatariis jussu magistratus in possessionem aliarum rerum, legatorum servandorum causa. Pignus prætorium concurrere posse cum pignore testamentario, nec cautionem testatoris lædere aut tollere vulgarem cautionem legatorum præstandam ex edicto prætoris, quod maxime notandum est. Nam argumento hujus loci tentari potest, etiam legatariis a testatore constituto speciali pignore, eos in ceteris rebus hereditariis exercere posse jus taciti pignoris, quod eis Justin. dedit in *l. i. C. comm. de leg.* Id enim ante Justin. non habuerunt. Nam *l. creditorib. ff. de separat.* est accipienda de prætorio pignore, quod missio in possessionem constituit, non ut Acc. sensisse videtur, adducta *l. i. C. comm. de tacito pignore*, quod facile constat, legatariis Justin. dedisse primum. Et idem Acc. etiam in hanc rem falso in *l. 5. sup. §. postquam, ff. in poss. leg.* legatarios jure taciti pignoris præferri chirographariis creditoribus, qui certo certius est legata non deberi, nisi deducto ære alieno, & adimpletis omnibus creditoribus, ne ex testamento quidem militis, *l. i. §. denique, ff. ad SC. Treb.* Ergo omnes creditores, etiam non sint hypothecarii proculdubio præferuntur legatariis, quamvis hodie hypothecarii omnes sint legatarii. Verum quod dixi tentari posse, vel dicam modo vere dici posse, legatariis in testamento constituto speciali pignore, speciali hypotheca, eos etiam jus tacite hypothecæ, quod dedit Justin. exercere posse in aliis rebus hereditariis, videlicet, si rei servandæ causa non sufficiat pignus speciale, arg. *l. 2. ff. de pig. Ubi, si cui sit constituta specialis & generalis hypotheca, dicitur, non posse eum exequi generalem, vel excutere, nisi cum specialis non est idonea: sed si specialis sit idonea, abstinere debere a ceteris bonis, licet & ea generaliter pignori nexa habeat ejusdem crediti nomine. Et nihil est præterea, quod ad hanc leg. pertineat.*

Ad L. XXIV. de Usu, & usufructu leg.

Uxori fructu bonorum legato, sanus quoque sortium, quæ defunctus collocavit, post impletam ex Senatusconsulto cautionem præstabitur. Legitur ususfructus nominum in hereditate relictorum ante cautionem interpositam debitas, velut sortes in cautionem deduci necesse est. Non idem servabitur nominibus ad herede scilicet. Tunc enim sortes dantur legatario dabuntur: aut quod propter moram ususfructus reddi placuit, super his non cavebitur. Ad §. *Scorpum* servum meum Sempronius concubine meæ servare volo: non videtur proprietas servi relicta, sed usufructus.

Sciendum est Senatusconsulto cavere omnium rerum, omniumque bonorum, quæ in reb. nostris sunt, usufructum legari posse, & constitui interposita cautione de restituendis rebus ejusdem generis & qualitatibus, *l. i. h. t. l. i. sup. de usufr. ear. rer. quæ usu. com. l. usufr. inf. ad l. Falcid.* Ergo & earum rerum, quæ sunt in abusu, id est, quæ utendo depereunt & consumuntur, quoniam in bonis nostris sunt, ut pecunie, quæ assidua contractione & permutatione quasi consumuntur, legari potest usufructus, & vero constitui quasi usufructus, vel quasi usus, remediæ cautionis SC. introductæ: nimirum cavente usufructuario vel usufructuario, cum morietur aut capere minuetur, tantam pecuniam reddi heredi, quantum in usum accepit. Proinde omnium bonorum legato usufructu, detracto ære alieno, & detracta Falcidia, ejus rationem ante omnia haberi oportet, etiam eorum bonorum usufructus legato continetur, quorum proprietas

prie non est usus, sed abusus, ut vini, olei, frumenti, pecuniae numeratae, five nominum & cautionum feneratoriarum, quarum proprie non est usus, *l. 3. sup. de usufr. ear. ver. quas usufr. conf.* Nec hodie, si illa cautio adhibeatur, est locus argumento ex contrario, quod est in Topicis. Si quis alii usufructum suorum bonorum legaverit, cellis vinariis & oleariis plenis relictis, non debere eum existimare, id ad se pertinere, quod usus, non abusus legatus sit, & earum rerum, quae in cellis continentur, abusus est, non usus, quoniam remedium cautionis, de qua ante dixi, etiam in eis rebus quasi usufructus constitui potest. Finge, uxori testatorem legasse usufructum omnium bonorum: secundum ea, quae diximus, legato continetur etiam usufructus nominum, quae fecit testator vel heres ejus. Ideoque actiones uxori praestanda sunt, ut exigat fortis, quas testator vel heres seniori occupavit praestita cautione ex Senatusconsulto, de tanta pecunia reddenda, quandocumque mortua, aut capite deminuta erit. At queritur hoc loco, an etiam eas pecuniae, earumve sortium census five usurae in cautionem Senatusconsulti deducenda sint? Et Papinianus ita subtiliter distinguit: Aut testator nomina fecit, id est, census contraxit, aut heres ejus. Si testator, aut queritur de usuris, quae jam debita erant, ante quam praestaretur cautio Senatusconsulti, & haec quoque usurae tanquam fortis, id est, quasi fortis effecta, in cautionem postea interpositam deducuntur, & ex cautione finito usufructus restituitur heredi. Aut queritur de usuris, quae post cautionem interpositam currere & deberi coeperunt, & haec cedunt lucro uxoris, non tanquam fortis, sed tanquam fructus, sortium in bonis mariti inventarum, nec in cautionem vel restitutionem veniunt, quia usus nominum legatus est, in usu & fructu nominum aut usurae, quae cedunt post constitutum quasi usufructum, id est, post interpositam cautionem Senatusconsulti. Usura est quasi fructus siue redditus sortis, *d. l. 3. de usufr. ear. ver. quod usufr. conf. l. 1. usurae & de usufr. l. Titius in pr. ff. de praescrip. verb.* Quod si heres nomina fecit, non testator, usurae, quae debentur heredi uxori defuncti non praestantur, quia nunquam fuerunt in bonis testatoris. Quod praeter hunc locum etiam aperte ostenditur in *l. postulant; §. ult. ff. ad Senatusconsult. Trebell.* quam miror Accursius omisisse. Igitur si heres nomina fecit, usurae debentur heredi, non legatario, cui usufructus legatus est omnium bonorum, quia illae usurae nunquam fuerunt in bonis defuncti. Sortes autem debentur legatario, quas occupavit heres & verit in calendarum, quia verum est eas fuisse in bonis testatoris. Verum adjicit, deberi tamen uxori post moram heredis, siue post litem contestatam earum sortium usuras, quas heres occupavit, non jure legati, quia legato non continetur, sed quia placuit multari mortuam & frustrationem heredis praestatione usurarum, ut in actionibus bonae fidei, & in actione ex testamento, quod legati nomina instituitur, vel in persecutione fidei commissi, *d. l. usufr. de usufr. l. qui solvendum, l. si quis servus, de leg. 2. l. Dronus, §. 1. ad l. Falcid. §. tot. vir. C. de usufr. & fruct. leg. l. i. q. super eis usuris, quae insipienter heredi propter moram, uxori etiam nihil cavere necesse est, sed super his tantum quas restitutura est quandoque finito usufructu. Cavemus super his tantum, quae restituentur sumus. Et eadem est propterea ratio usurarum & fructuum. Nam fructus inventi in hereditate, fructus maturi, veniunt in restitutionem fideicommissariae hereditatis, tanquam res principalis fideicommissio comprehensa, fructus maturi, qui erant tempore mortis, *l. 2. ad l. Falcid. l. Conturbi, de vulg. substit. Fructus autem immaturi vel percepti ab herede vel facti, non veniunt in restitutionem fideicommissi, sed cedunt lucro heredis omnes, si moram nondum, intercessisse, quia omnium post moram debentur legatario aut fideicommissorum usurae, vel fructus vel caute, *l. in fideicom. l. ita tamen, §. v. & d. l. postulant; §. ult. ad Senatusconsult. Treb.* Hoc exposito subiicit Papinianus, quendam ita legasse per fideicommissum, quoniam verbum volo, quo utitur, est precarium; Senapium servum**

A manum Sempronii concubina mea servare volo. Et his verbis ait, quod est apertissimum, concubinae legatum servi usufructum videri, non proprietatem; verbum servare usum significare non dominium; aliud esse servare, aliud in servitute esse, quod & Rhetores tradunt. Liber homo mercenarius servit, nec tamen servus est. Redemptus ab hostibus redemptori servit, quoad relucit se & repigneraverit, quoniam vinculo quodam naturali redemptori tenetur obnoxius. Redemptus, inquam, ab hostibus, redemptori servit, nec tamen est servus. Manumissus a proprietario servit fructuario; quando durat usufructus, nec tamen servus est. Idemque dici potest de capto ab hostibus, ut dixi: Idem dicendum est de capto a praedonibus, vel addito ob res alienas, nihil est apertius.

Ad L. VI. de Servit. Leg.

Pater filiae domum legavit, eique per domum hereditarias jus transeundi praestari voluit, si filia suam domum habuerit, viro quoque jus transeundi praestabitur, aliquot filiae praestari non videbitur. Quod si quis non usum transeundi persone datum, sed legatum servitutis esse plenum intelligat: tantumdem juris ad heredem quoque transmittetur. Quod hic iniquamquam admittendum est: ne quod affectu filiae datum est, hoc & ad externos ejus heredes transire videatur.

EX ea l. 6. de servit. leg. intelligimus, iter non tantum esse servitutem praediorum rusticorum, sed aliquando etiam esse servitutem urbanorum, ut in l. iter, sup. comm. praedior. quae & in hoc esse differentiam ostendit, quod iter in praediis urbanis constituitur, ut in l. iter, sup. cui servitus conceditur, interdu tantum est, non novu, ut non cogatur, qui servitutem debet, apertam januam relinquere nocte tota, quod esset importunum & incivile: at in praediis rusticis ita constituit, ut eat quocumque tempore volet. Ad praeterea ex hac l. 6. intelligimus, iter non semper esse servitutem praediorum, sed aliquando personarum servitutem, five hominum, ex voluntate testatoris. Quare domo, filiae legata, & in eam domum itinere per domus hereditarias, Papinianus ita distinguit: Aut pater filiae legavit jus personale, id est, usum transeundi per domus hereditarias, & quamvis hoc jus non transeat ad filiae heredes extraneos, cum sit personale, tamen viro quoque ejus mulieris ait, transire esse praestandum, si mulier habuerit domum legatam, aliquot non videri mulieri praestari. Nam ut domus, ita transitus debet esse in promiscuo usu viri & uxoris, *l. 4. §. mulieri, & l. 9. de usu & hab.* Aut pater legavit filiae iter, id est, servitutem praedialem, quam deberent domus hereditariae domui legatae, quod vocat, plenum servitutis legatum. Et hoc casu constat jus transeundi per domus hereditarias in domum legatam, transmitti ad heredes filiae, juxta id quod dicitur in *l. non solum, 2. §. tale, de libertat. leg.* si personae cohaeret id quod legatur, id non transire in heredem: si non cohaeret, transire. Concludit autem Papin. in extremo hujus legis: Cum affectu filiae pater ei dat jus transeundi per domus hereditarias, personae, non praedio hoc jus datum videri, nec transire ad heredes extraneos filiae, videlicet, si ut recte Accursius rem temperat, aliunde heredes aditum ad domum legatam habeant. Nam si aliunde non habeant aditum ad domum legatam, necessario etiam heredibus extraneis, ad quos domus legatam transmittitur, sine dubio aditus praestandus est, sine quo domus legatam habitari non potest *l. damnas, §. 2. sup. tit. prox.* quia vero heredes tantum extraneos Papinianus excludit, potest tentari vis affectu filiae datum, transire ad nepotes ex ea, quia eo jure excluduntur hoc loco soli extranei: & idem reperi esse receptum in privilegio personarum dato mulieri, *l. maritum, & l. etiam, sup. scilicet matr. l. 1. C. de priv. del. & Novell. 91. l. 2. C. Theod. de sponsal.* Ex quibus locis, si coniungantur, apparebit privilegium etiam si sit personale, non transire quidem ad heredes extraneos, vel externos, sed ad filios tamen transire.

Ad L. VIII. de Dote Præleg.

Vir uxori, quæ dote in mancipiis habebat, pecuniam pro dote legaverat, viro fidei mancipiis mortuis, uxor post virum vita doctæ. Ad heredem ejus actio legati recte transmittitur: quoniam maritus voluntas servanda est.

In l. 8. de dote præleg. proponitur hæc species: Uxor dotem habuit in mancipiis quibusdam: vir ei legavit certam pecuniam pro dote mortuis mancipiis dotalibus constante matrimonio quaeritur, an deinde morte viri soluto matrimonio pecunia legata pro dote mulieri debeatur? Possit dici non deberi: quod sit legata pro dote, quæ nulla est, mortuis servis dotalibus, qui soli erant dotalis. Et tamen respondet, uxori deberi pecuniam a marito legatam pro dote. Et utitur hac ratione, quoniam maritus voluntas servanda est, l. 1. §. si quis uxori, l. 6. hoc tit. maritus autem voluit, certam pecuniam dari vice dotis, nec mutavit voluntatem servis dotalibus mortuis eo supervivente, sed perseveravit in ea voluntate, etiam consumpta dote uxoris, ut ei adnumeraretur certa pecunia in vicem dotis, quæ tunc nulla erat: & aliud est dotem legare, aliud pro dote certam pecuniam. Si dotem legasset, nihil deberetur mortuis servis dotalibus, quoniam legavit certam pecuniam pro dote, quamvis nulla sit dos, ea pecunia deberetur, quia adjectio illa pro dote supervacua est: nam etsi indogam fuerit mulier, non vituit ea adjectio legatum. Valde placet mihi concilia illa ratio & simplex, quoniam voluntas mariti servanda est.

Ad L. II. de Instr. vel Instrum. Leg.

Cum pater pluribus filiis heredibus scriptis, duobus præceptionem bonorum avit, præter partes hereditarias dedisset, pro partibus coheredum viriles habituros legatarios placuit.

Pater filiis pluribus ex disparibus partibus heredibus institutis, duobus ex eis prælegavit bona, quæ ab avia ei obveniant; & prælegare ex hoc loco recte poteris interpretari esse, præter hereditarias partes præceptionem avit. Si igitur pater duobus ex filiis heredibus institutis prælegavit ea bona, æmini incognita est conditio prælegatarum: heredes prælegati capiunt partem jure hereditario, partem jure legati, l. in quartam, ff. ad leg. Falcid. Ea igitur bona filii capiunt partem jure hereditario, partem jure legati. Jure hereditario a semetipsis pro hereditariis portionibus: jure autem legati a coheredibus, a fratribus confortibus, pro virilibus portionibus: Et hoc est quod ait Papinian. initio huius legis, quod congruit omnino cum l. 67. §. ult. de leg. 1. Varietatis ratio est obcuræ, ut videtur, hoc est, cur jure hereditario capiant ea bona pro hereditariis portionibus, jure legati pro virilibus portionibus: sensus hic non est: filiis, quibus ea bona prælegata sunt, fratres confortes teneri pro hereditariis portionibus, quoniam constat eos teneri pro hereditariis portionibus, ex quibus heredes instituti sunt; Sed sensus hic est: quod ab eis filii ceperunt jure legati, id eos inter se partiri pro virilibus portionibus; nimirum quia in legati causam vocati sunt æqualiter, non ut in hereditatem inæqualiter. Et hæc est vis hujus responsi, ad quod additur in §. ult.

Ad §. Dotes.

Dotes prædiorum, quæ Græco vocabulo ἰδύκαι appellantur, cum non instructa legantur, legatario non præstantur.

Predils legatis, legato prædiorum non contineri videtur, sive dotes prædiorum, videlicet, si prædia simpliciter legata sunt. Nam si instructa prædia legata sunt, etiam prædiorum dotes, sive ἰδύκαι legatario debentur: Dotes, inquit, prædiorum, quæ Græce appellantur ἰδύκαι. Ita est ut in l. 3. §. Lucius, de leg. 1. vbi ἰδύκαι. Et in No-

A vella 128. Et l. 7. C. Theod. de pistioribus. Et Græci ad leg. 10. ff. qui, & a quibus manum. liberi non fiant, vbi in ἰδύκαι, dicitur quibus ἰδύκαι. Articulis vocasse ἰδύκαι, nunc vocari ἰδύκαι, Libanias & Hefychius ex Aristophane; Instrumenta scilicet prædiorum, & quæcunque prædii causa reponuntur in horreis, quæ pertinent ad usum & necessitatem prædii: reposita dixit, l. si mihi Maria, in fin. sup. de legat. 3. quod Columel. l. Villicus, inquit, exhortandus est ad instrumentorum & feramentorum curam: ut duplicia, quam numerus servorum exigit, reposita & reposita custodiat. Sed non est omittendum, instructis prædiis legatis, legato contineri ἰδύκαι, sive dotes prædiorum; sed non contineri tamen reliqua colonorum vel actorum, quod ante idem docuit in l. prædii, §. 1. de leg. 3.

Ad L. XIX. de Pegul. Legato.

Cum dominus servum vellet manumittere professionem ei sibi peculii jussit: atque ita servus libertatem accepit: res peculii professioni subtrahens non videtur manumisso tacite concessas apparuit.

Dominus volens servum manumittere inter vivos, prius iussit edi sibi professionem peculii, id est, ἀποπέποι, & quasi inventarium rerum peculiarium, & inspecta ea professione, eo repertorio rerum peculiarium servum manumisit. Tacite videtur ei concessisse peculium, quod id ei specialiter non admisit, §. peculium, in fin. de leg. Ar. quaeritur, quoniam si servus non ex fide bona eam professionem peculii edidit, sed subtraxit res quasdam, an etiam dominus videatur ei tacite concessisse res peculiatas, quas servus dominum elavit dolo malo, & professioni subtraxit? Et respondet Papin. eas res, quæ professioni subtrahæ sunt, manumisso tacite concessas non videri, idque apparuisse ex postfacto, detecta fraude servi, quia nemo intelligitur concessisse quæ ignoravit, quæque dolo malo adversarii subtrahæ sunt, l. tres fratres sup. de pact. Et ita est explicandum initium hujus l. Male Accursius ponit speciem, dum ponit servum non subtraxisse professioni res certas, sed dominum ipsum exenisse peculio res certas, reliquis concessisse servo tacite, quoniam hanc speciem verba non ferunt. Male etiam Germanus quidam Jurisconsultus, qui exactionem professionis peculii accipit pro ademptione peculii, quod nemo unquam nisi temere dixerit: vult dominus scire quid sit in peculio, an ideo videtur adimere peculium? minime vero. Initium autem h. l. sane nihil pertinet ad titulum, quoniam non est de peculio legato, sed de peculio concessio inter vivos, sicut etiam initium l. 2. sup. sit. prox. quam heri exposuimus, nihil pertinet ad titulum, ideoque & hujus legis initium, & istius, conjungi debet cum sequentibus, ne a te proposita errare videatur; Et initia quidem hujus legis conjuncto cum §. 1. differentia constituitur inter manumissum inter vivos & manumissum testamento. Nam manumisso inter vivos tacite concessum videtur peculium, si ademptum non sit: manumisso autem testamento non aliter concessum peculium videtur, quam si ei sit specialiter legatum, de §. peculium. Cujus differentie ratio hæc est, quia inter vivos, cum manumittit dominus servum, nec peculium alii dat, nec sibi recipit, tacite igitur concedit manumisso. Testamento autem peculium cum universo jure suo heredi dedisse videtur, quod servo vel alii non legavit, quoniam ponit in §. 1.

Ad §. Testamentum.

Testamento data libertate, peculium legaverat: eundemque postea manumiserat; libertus ut & nominum peculii actiones ei præstentur, ex testamento consequetur.

Manumisso in testamento fuisse specialiter legatum peculium, alioquin manumissum peculium non

non sequeretur; sed subiecit manumissum testamento, A
 cui legatum est peculium, postea ab eodem domino fuisse
 manumissum inter vivos representata libertate, ut
 saepe testatores etiam legara, quae testamento relique-
 runt, ipsi dum vivunt, legataris praestant & represen-
 tant: & sic ponit postea eundem servum ab eodem domi-
 no fuisse manumissum inter vivos non adempto pecu-
 lio, quo casu non dicam quod dixi ante, etiam ta-
 cite peculium servus concessum videri, quoniam excipien-
 dus est hic casus, propterea quod iam ante ei domini
 peculium legaverat in testamento. Igitur libertatem
 quidem servus accipit inter vivos: peculium autem non
 nisi ex testamento iure legati, quo iure consequetur, ut
 sibi heres etiam cedat actiones nominum peculiarium
 adversus debitores peculiares: & vice versa cavebit le-
 gataris heredi defensum iri, cum adversus creditores
 peculiares, cavebit de indemnitate, l. 18. hoc tit. Peculium
 est nomen iuris sicut hereditas: qua de causa peculium
 sequi debet omnis obligatio pecularis, quae scilicet est in
 peculio, vel cui peculium obstrictum est: omnis obli-
 gatio activa & passiva, l. 1. §. per contrarium, de dona. prel.
 l. frater a fratre, de cons. indub. Ad haec notandum ex hoc
 §. 1. manumissione servi non extrinxi legatum peculii,
 quod ei relatum est. Hoc tamen pugnare videtur cum
 l. 1. §. 2. hoc tit. Sed quod etiam Glossa intellexit,
 ibi agitur de servo alii legato cum peculio, quo casu
 manumissio servo a testatore post factum testamentum,
 & servi & peculii, tanquam accessionis legatum ex-
 tinguitur. Nam cum principales res perimuntur, neces-
 se est etiam extrinxi ea, quae accessionis locum obti-
 neant: hic autem servo legatum est peculium tantum,
 quo casu peculium non obtinet vicem accessionis, sed
 rei principalis, quae sola servo legata est, & ideo manumis-
 sio servo non extinguitur legatum peculii, quia tunc vi-
 cem accessionis vel sequelae peculium non obtinet.

Ad §. Utrum.

*Filiusfamilias cui pater peculium legavit, servum pecu-
 lio vivo patre manumissit, servus communis omnium here-
 dum est exemptus peculio, propter filii destinationem: quia
 id peculium ad legatarium pertinet, quod in ea causa, mo-
 viente patre, invenitur.*

Species & sententia §. ult. haec est: Pater filiofam. pecu-
 larium legavit, filius servum peculiarem manumissit
 vivo patre sine voluntate patris; haec manumissio licet
 inutilis sit, ut in l. seq. & l. filius, infra, de iur. patron. filio
 tamen quandoque nocet praemortuo patre. Nam
 is servus omnium heredum communis erit, tanquam
 peculio exemptus, non quidem re ipsa aut iure ipso, sed
 facto, & destinatione filii, qui eum manumissit, & in
 hoc §. post haec verba, servus communis omnium heredum,
 est, addendus est articulus, qui exemptus peculio. Denique
 id tantum peculium legatum intelligitur, quod in
 eadem causa fuit in diem mortis patris. In qua tamen
 per filium factum est, quantum in eo fuit, ne is servus
 remanserit. Manumissio igitur inutilis nocet manu-
 missio, nocet etiam legatario, si alii servus aut peculium
 sit legatum, ut in l. 3. §. ult. supra, tit. prox. Et additur ex
 Marciano in l. seq. nihil interesse, manumissio praece-
 dat, an sequatur legatum peculii, nihilque interest, an te
 legatus sit servus, cum peculio scilicet & titulo peculii,
 & deinde manumissus, aa contra haec non esse distin-
 guenda. Et tamen Alphenus in l. duo filii, ff. de manu-
 missis, accurate separat atque distinguit, & palam multum
 interesse ait, planeque videntur inter se dissidere Mar-
 cianus & Alphenus in l. duo filii. Certe Marcianus,
 dum ait, nihilque interesse, notat aliquem, qui aliquid
 interesse dixerit. At, videamus quomodo, probabiliter
 in concordiam adduci possint: res est difficilis & abdita
 pluribus. Lex duo filii, ponit patrem filio legasse pecu-
 larium, & vivo patre filium manumississe servum pecu-
 larem, proponit eandem speciem, & tamen ait, viden-
 Tom. IV.

dum & distinguendum esse, utrum prius testamentum
 fecerit pater, quam filius servum manumitteret, an
 postea. Priore casu, servum legato peculii contineri, &
 liberum esse filii manumissoris: posteriori casu non
 contineri legato peculii, & servum esse communem om-
 nium heredum patris: Quod cum dicit plane demon-
 strat falsum esse, quod Glossa addit hoc loco in ejus
 l. specie. Utilem servi manumissionem fuisse, factam
 scilicet ex voluntate patris. Nam si utilis esset & efficax,
 non esset illo posteriore casu is servus communis om-
 nium heredum, sed sua frueretur libertate: ac praeterea,
 si esset utilis manumissio, multo magis priore casu is
 servus legato peculii non contineretur, & tamen con-
 tineri dicitur in ea lege. Itaque nihil agit Accursum
 dissilii componendi causa fingit hoc loco inutilem fuisse
 manumissionem, factam scilicet voluntate patris: ni-
 lam utilem fuisse. Probabilius dici posset, huic distin-
 ctioni locum non esse, cum agitur de peculio legato,
 sed indistincte, legato peculii non contineri servum
 peculiarem, quem filiusfamil. manumissit vivo patre:
 contra, hanc distinctionem locum esse quum queritur,
 an ex ea manumissione libertas servo competat: nam
 si pater filio prius legavit, peculium, quam filius ser-
 vum manumissit, is servus legato quidem peculii conti-
 netur ex sententia & mente patris, quia eo tempore,
 quo legavit peculium, revera is servus erat in peculio,
 sed ex sententia & destinatione filii, quae post insequen-
 ta est, quia cum servum manumissit, is servus exemptus
 est peculio facto legatarii, nec legato contingeret: ni-
 hil est certius. At manumissio servi licet ab initio fuerit
 inutilis, convalescit, & manumissus liberus efficitur
 filii manumissoris, quia ex post facto apparuit, manu-
 missorem fuisse dominum servi, cedente die legati pecu-
 larii: & regula Catoniana, quae vetat, convalescere ea,
 quae ab initio inutilia sunt, non habet locum in liber-
 tatis, l. generaliter, §. si hominem, de fid. lib. l. si priva-
 tus, §. si, qui & a quibus manumiss. lib. non fuerit. Nam
 regula Catoniana pertinet tantum ad ea, quae cedunt a
 morte testatoris: libertates non cedunt a morte, sed ab
 adita hereditate, & haec de priori casu.

Sequitur altera pars distinctionis proposita, si post
 manumissionem servi peculiaris, pater filio legavit pecu-
 lium hoc casu, neque ex sententia filii, nec ex senten-
 tia patris, servus legato peculii continetur, quem filius
 noluerit habere in peculio, & jam ante iusserat esse
 liberum, ideoque nec libertas ei ex manumissione filii
 competit, quia apparuit, filium non fuisse dominum
 quoniam a patre non intelligitur ei legatus servus,
 quam jam peculio filius subdlexerat. Itaque titulus, sub
 quibus haec l. posita sunt, inspectis, uti oportet, quia
 ut Divus Hieronymus dixit: Tituli sunt clavis legum
 pro scriptura, dicimus illam l. duo filii, ff. de manu-
 missis, locum habere, si de manumissione servi quaeratur:
 hanc autem Marciani legem, si de peculio legato
 queratur. Et quod ait Papinianus servum esse commu-
 nem omnium heredum, non esse verum indistincte,
 sed ita verum, si manumissio legatum antecessit. Quod
 autem subiecit ex Marciano, ne utamur superiore dis-
 tinctione, pertinere tantum ad peculium legatum, cui
 legato is servus nullo casu inest, vel inspecta destina-
 tione filii, alioquin nec priore casu effectus liber esset,
 cum tamen l. duo dicat, eum esse liberum filii manu-
 missoris, ergo liberum.

Ad L. IX. de Suppel. Leg.

*Legata suppellectili, cum species ex abundanti per im-
 pectum enumerantur, generaliter legato non derogatur, si tamen
 species certi numeri demonstrata fuerint, modus generi datus
 in his speciebus intelligitur. Idem servaturum instructo pra-
 dio legato, si quadam species numerum certum acceperint.*

I Nitio hujus l. queritur, suppellectili legata, vel instru-
 to pradio generaliter, si species quadam suppellecti-
 lis,

lis, vel instructi enumerentur, an generi per speciem derogetur? Et Papin. ita distinguit: Aut species quædam suppellectilis, vel instructi ex abundantia per imperitiam, id est, dum testator putat non esse eas in suppellectili, vel in instructo enumeratæ sunt, & tunc legato generis legato suppellectilis, vel instructi nihil derogatur, quod ex Papiniano Ulpianus retulit in *l. i. iustitium*, §. *gen. sup. de inst. vel instr. leg.* Aut consilio enumeratæ sunt species certo, & custodito numero, & tunc legato generis derogatur, & ea tantum legatario debentur, quæ specialiter enumeratæ sunt: legatum suppellectilis, vel instructi minuitur. Priore casu exigo, ut propria nomina specierum, quæ legantur non exprimantur, ut *d. §. pen.* Nam si exprimantur, etiam per imperitiam, si relinquuntur nominatim, illa sola species debentur, *l. cum de lanionis*, §. *qui fundum*, *cod. tit. de inst. leg.* Qua de causa, non abs re in *l. heres*, §. *i. sup. de leg. 3.* dicitur, duas statuas marmoreas nominatim fuisse legatas, & non deberi legatario ceteras statuas marmoreas, licet omne marmor ei legatum sit. Et notandum maxime ex *d. l. cum de lanionis*, §. *pen.* etiam longam & diligentem enumerationem specierum derogare generi, modum facere generi, quoniam non frustra fieri intelligitur, quæ sit prolixæ, & accurate, & diligenter, non ex abundantia. Et additur in hac lege: Legato suppellectilis cedere etiam suppellectilem auream vel argenteam, vel argento inclusam, argento cooperatam, cedere aureas vel argenteas mensas, & candelabra, & lectos argenteos, quæ tamen olim non erant in suppellectili. Quia veteres non utebantur, ut erant severiores atque iustiores, suppellectili aurea vel argentea, sed luxu posterioris sæculi etiam ejus materie suppellectilem usurpavit, *l. i. §. ult. l. 7. hoc tit.* Et id refert etiam Papin. ex Odyss. Hom. Cujus tamen verba non proponit, lib. 23. *Ulysses lectum, quem adificaverat ex oleo virentis tranitis*, ornasse auro & argento, variasse auro vel argento, quem Penelope, inquit, recognoscendi viri signum accepit. Et Penelope dicit, ut Plautus & Cicero, non Penelope, & recognoscendi viri signum, ut Homerus.

Divus Marci, &c. Ex quo etiam hoc loco non est legendum lectum virentis, sed lectum virentis. Legata igitur suppellectile non spectamus materiam, sed speciem, quoniam legato continetur omnis suppellex cujuscumque materie, ut *d. l. 7.* Excipitur tantum in §. ult. supellex argentea, quam testator pignori accepit, vel cujuscumque alterius materie, non argentea modo, sed cujuscumque alterius materie suppellex, pignori accepta, quoniam hac legato non continetur: quia aliena est suppellex, non testatoris, sicut servis legatis non continentur pignori accepta, *l. servos autem*, §. *i. de leg. 2.* Prædiis legatis non continentur prædia pignori accepta, *l. qui habebat*, *cod. tit.* Quia aliena sunt prædia. Pignus non transfert dominium, nisi scilicet pignus fuerit in usu & mancipio creditoris voluntate debitoris, id est, nisi sit pignus, quod veteres fiduciam vocabant. Nam fiduciæ dominium transferrebat in creditorem. Quæ de causa & cum debitor legavit servos suos, Paulus lib. 3. sentent. *in de legat.* scribit, non contineri servos, quos debitor fiduciæ dedit, quia sui esse desierunt. Ergo legata suppellectile etiam debetur legatario suppellex, quæ fiduciaria est testatori. Quod est proprium genus pignoris, quo mutatur dominium, sed ut ait, *sed si propositum*, ubi est legendum *oppositum*. Sed si oppositum sit pignus tantum propter contractus fidem & restituendæ rei vinculum, si opposita sit pignori suppellex, non fiduciæ genere, sed propter contractus fidem & restituendæ rei vinculum, tum legato non continetur, quia non est in dominio creditoris. Et interiam serpa finem contrahendi pignoris, propter, inquit, contractus principalis fidem, & restituendæ rei vinculum.

Ad L.VIII. de Alim. & Cibar. Leg.

Pecunia sortem alimentis libertorum destinata, unum ex heredibus secundum voluntatem defuncti precipientem,

A *cavere non esse cogendum, ex persona deficientium partes coheredibus restitui placuit.* Oh. eam igitur speciem post mortem omnium libertorum, indebiti non competit actio: nec ullis dabitur. Diversa causa est ejus, cui legatorum divisio mandatur. Nam ea res præsentem ac momentariam curam injungit. Alimentorum vero præbendorum necessitas oneribus mensuris, atque annuis, veterandiam quoque pulsanibus adstringitur.

T^{estator} pluribus heredibus institutis, unum ex eis præter portionem hereditariam præcipere jussit pecunie quantitatem certam, ita ut ex incremento ejus pecunie five ex ulsuris ejus sortis quotannis, vel quot mensibus, vel quot diebus alimenta præstaret libertis testatoris, quo genere libertis per fideicommissum ali-

B *menta legatis intelligitur: verum si ex libertis quidam vita decessat, queritur, quia in ejus persona finitur fideicommissum, alimentorum partium emolumentum ex persona deficientis, ex persona libertorum deficientium, ad quem pertineat? Et ostendit pertinere ad heredem, cui prælegata pecunia est, alimentis præstandis destinata, ut *l. dominus*, §. *ult. sup. de usufr.* pertinere ad eum solum, non ad coheredes. Proinde nec in præcipienda ea pecunia cavere coheredibus debet ex persona libertorum vita decessentium, partes coheredibus restitui, hoc cavere non debet, quia partes deficientes ad eum solum recurrunt, non ad coheredes, quod & Divum Pium constituisse proditum est in *l. divus*, ff. si cui plus quam per leg. Falcid. Quinimo mortuis omnibus libertis, atque ita finito onere præstandorum alimentorum, coheredibus ob eam causam non competit adversus eam repetitio pecunie quasi indebitæ, quod scilicet causa, propter quam eam pecuniam præcipere jussus est, finita sit: non competere, inquam, coheredibus repetitionem ejus pecunie quasi jam non amplius debite coheredi, sed quasi ejus commodo onem eam pecuniam cedere.*

C *Et adde, non utilem ejus pecuniam coheredibus conditione dari, vel indebiti, vel sine causa, vel quasi ex tacita cantione: denique coheredes nulla actione posse coheredi eam pecuniam auferre, etiam si finitum sit onus fideicommissi injunctum coheredi. Et ait diversam esse causam ejus, cui legatorum divisio mandatur, qui & minister dicitur in *l. 27. de legat. 2.* & dispensator in Novel. Marciani de testamento. cler. aliam esse causam heredibus certam pecuniam præcipere jussi ad alimenta libertorum, & extranei jussi dividere legata testamento relicta.*

D *Et rationem diversitatis adfert subtilissimam: Ei cui legatorum divisio mandatur, præsens. & momentaria cura mandatur, ut scilicet statim impleat exequaturque voluntatem defuncti. Quæ de causa & clericis, quibus non licet suscipere tutelam vel curationem minorum, ne revocentur a ministerio sacro, *l. generaliter*, C. de episc. & cler. & Novel. 123. Divus Cyprianus in epistola ad clericum & plebem Furni constitutam: Jampridem, inquit, in consilio Episcoporum statutum sit, ne quis de clericis, & Dei ministris tutorem vel curatorem testamento suo constituat, quando singuli divini sacerdotio honorati & in clerico ministerio constituti, non nisi altari & sacrificiis deservire, & præb. atque orationibus vacare debeant. Clerici igitur, quamvis tutores vel curatores esse non possint pupillorum vel adulescentium, licet tamen eis esse executoribus & dispensatoribus testatorum ex Novell. Leonis Philosophi 68. nimirum, quia, ut Papinianus ait, ea res præsentem ac momentaneam curam exigit, nec clericum adstringit & desingit: Admodum leve & momentaneum est onus: cuius remunerandi causa, sive non videat testator ei quidquam reliquisse, sed tantum electa probitate ejus divisionem ei legatorum injunctam, indixisse: ideoque si quis ex legatis mortuus sit ante diem legati cedentem, legatum non fit dispensatoris, sed pertinet ad heredem. Idque heres a dispensatore, si penes se habeat, repetere potest, quasi ei indebitum, aut quasi apud eum sit sine causa. At major est onus heredibus, qui pecuniam*

præcipere iussus est, ex cuius usuris libertis alimenta annua, vel menstrua, mensuraria, ut Cornificius loquitur, vel diaria distribuat, quia plerumque longo tempore durat ea functio sive præbitio, & sæpe, si in eo munere exequendo heres se præbuerit tardiorum, aut difficiliorum, id est, in præstandis alimentis, quæ dationem non ferunt, ea res verecundiam ejus pulsant, id est, pudorem ei iniicit, & irrogat infamiam, aut parit invidiam. Itaque gravis & molesta est ea provincia sane plurimum, & ideo pensandi hujus oneris gravissimi causa, placuit non onerari heredem etiam cautione, aut restitutione partium deficientium, & quasi ex mente defuncti pro legatario eum haberi, non pro nudo dispensatore alimentorum. Quæ est sententia hujus responsi, sed in ea solum modo ipsa quam proponit, videlicet si heres sit, qui a testatore pecuniam præcipere iussus est ad alimenta libertorum, vel aliorum, veluti pauperum, aut orborum. Nam si ab omnibus heredibus relicta sunt alimenta, & ut sit, unum ex coheredibus elegerit, cui pecunia daretur, ex cuius usuris aleret alimentarios, & præberet eis annua, vel menstrua, hæc sane, etiam si idem onus sustineat, quia nihil habet ex iudicio defuncti, cum non sit electus a defuncto, sed ab heredibus, cavere debet heredibus, qui eum elegerunt, se redditurum partes ejus pecunie, ut quisque ex libertis decesserit, l. 3. h. t. Et eo nomine tenetur etiam coheredibus conditione indebiti, vel sine causa.

Ad L. XXIII. de Liber. leg.

Procurator, a quo rationem exigere heres prohibitus, eo quæ nomine procuratorem liberare damnatum est, pecuniam ab argentario debitam ex contractu, quem ut procurator fecit, jure mandati cogetur restituere, vel actiones prestare.

Hæc lex est apertissima, & videtur conjungenda esse cum l. qui plures, sup. de adm. tut. Nam sicut in ea l. hoc ipso libro. 7. Papinianus docuit, herede prohibito a tutore defuncti rationem exigere, non videri tutori remissum, quod ex tutela percepit & penes se habet: Ita in hac lege docet, herede prohibito rationem exigere a procuratore negotiorum defuncti, eoque nomine procuratorem liberare damnatum, non videri ei remissam pecuniam, quam exegit ab argentario ex contractu, quem cum eo habuit ut procurator, & actione mandati eum posse compelli eam pecuniam heredi restituere, quam penes se habet ex negotiorum administratione, vel si nondum exegerit, debere eum heredi cedere actiones, quia domino per procuratorem, cum sit libera persona, acquisita non sunt. Et hæc est sententia hujus legis, cui tamen non erit locus, si nominatim testator id etiam ei remiserit, quod ex negotiorum administratione percepit & penes se habet, ut docuimus in l. qui plures, & probat l. cum ita, sup. hoc tit. Alioquin hoc nequaquam remissum esse intelligitur:

Ad L. XXIII. de Adm. leg.

Pater inter filios facultatibus diviso, filiam ex ratione primipili commodorum trecentos aureos accipere voluit: ac postea de pecunia commodorum possessionem paravit: nihilominus fratres & coheredes suorum fideicommissum præstabant, non enim assumptionem videntur, quod in corpus patrimonii versum est, cum autem inter filios diviso patrimonio res indivisas ad omnes coheredes pertinere voluisset, ita possessionem ex commodis comparatam dividi placuit, ut in eam superflui pretii filia portionem hereditariam acciperet: hoc enim eveniret in bonis pecunia relicta.

Pater officio arbitri functus cum filios heredes suos instruisset ex disparibus partibus, vel ex paribus, nihil refert, bona sua inter eos divit, & filiam prælegatam.

vit per fideicommissum ex ratione commodorum primipili aureos trecentos. Ea ratio commodorum primipili erat opulentissima, sed ex ea tantum voluit filiam ferre CCC. aureos, ea commoda non debentur nisi post finitam primipili administrationem, l. 1. C. de primipilo, libro 12. quia dum militat, non commoda, sed stipendia appellantur. Primipilus est primus centurio totius legionis, quem sequebantur sexaginta centuriae, ut Dion. Halycarn. scribit, lib. 10. ut Vegetius, quatuor centuriae, & capiebat is centurio primipili totius legionis merita, ut idem Vegetius ait, commoda, stipendia, & annonas militares, eaque omnia erogabat, quamobrem eo nomine erat obstrictus Reip. ad reddendas rationes, sed ferebat etiam a Rep. non stipendia tantum, dum militabat, sed etiam honoraria & commoda post militiam five emerita. Pater igitur ex ratione commodorum primipili, quæ erant in hereditate filiae per fideicommissum reliquit CCC. aureos. Verum post testamentum factum pater ex pecunia commodorum primipilatus, quæ pluris erat, quam trecentorum aureorum, ut dixi, possessionem quoque quandam pluris emit ex pecunia illa commodorum, quam commodis primipilatus acceptam ferebat in rationibus suis: Queritur, an videatur filiae fideicommissum ademisse, quod trecentos aureos filia relicta ex ea ratione, & ampliorem summam permutavit ex ea comparata possessione aliqua? Et respondet Papinianus, ademptum filiae fideicommissum non videri, si pecuniam primipili commodorum consumpsisset & perdidisset male. Sane ademptum videretur legatum, quod non extat: at consumptum non videtur, quod in corpus patrimonii versum est, id est, quo comparata possessio est, quæ verba a Papiniano etiam in questionibus usurpata sunt, l. idem servandum, de leg. 2. Verum cum hac sententia prima specie pugnat omnino l. alteri, inf. h. t. Quam Accursius tamen non notavit, aut dimulavit, quæ l. fusius explicabitur suo loco. Nam est ex 9. Resp. Ea, inquam, lex evidenter statuit, ademptum esse legatum prædii, prædio vendito, licet pretium redactum sit in corpus patrimonii. Nihil est quod facilius expediri possit. In l. alteri, legavit prædium: in hac l. legavit pecuniam certum numerum: facilius extinguitur legatum prædii five cujuscunque corporis certi, speciei certæ, quam pecunie. Nam certa pecunia legata, non corpora numerorum, sed quantitatem spectamus, l. 12. de legat. 2. Quantitas autem semper inest in bonis l. 88. de verb. signif. l. deducta, §. acceptis, inf. ad Treb. Trecentos aureos habet, qui ne teruncium quidem habet, si modo habeat prædium dignum trecentis, quia ea quantitas refici potest ex bonis, quæ habet. Igitur non est mirum, si hac specie pecunia commodorum primipili versa in prædii comparationem, consistit semper ejus pecunie legatum, quia intelligitur inesse hereditati quantitas, quæ spectanda est: Et nunc finge, patrem diviso patrimonio inter filios, adjecisse, ut si quæ res indivisa remansissent, hæc ad omnes heredes filios suos pertinerent, fundus, qui comparatus est post testamentum factum, indivisus remansit, an ad omnes pertinebit pro virilibus portionibus: si sunt heredes ex æquis partibus, vel pro hereditariis portionibus: si sunt heredes ex imparibus E partibus? Et respondet, non omnino eum fundum pertinere ad omnes, quia comparatus est ex pecunia commodorum primipili, ex qua filia prælegata sunt trecenta, quamobrem filia præcipiet eum fundum ad finem trecentorum, quæ ei prælegata sunt: Pater autem valent. Superfluum pretii, si fundi pretium superet trecentos, inter se partientur pro virilibus portionibus, vel pro hereditariis, ut dixi. Quomodo nihil obstat l. si cogitatione, C. fam. etc. quam adducit Accursius. Nam etiam si ea pecunia commodorum primipili remansisset in hereditate, nec ex ea comparatus fuisset fundus, & amplior fuisset trecentis, ut & initio proposui fuisse ampliorem & opulentiorum, ratione eorum commodorum, præceptis trecentis a filia, superfluum pecunie inter se dividerent fratres ad eundem modum, id est, pro

hereditariis portionibus. Et id est, quod in extremo A
hujus legis proposuit Papinian.

Ad L. I. de Reb. Dub.

Fundum Mævianum, aut Sejanum Titio legaverat, cum universa possessio plurium prædiorum sui appellatione fundi Mæviani rationibus demonstraretur: respondit, non videri cetera prædia legato voluisse defunctum cadere, si fundi Sejani prædium a fundi Mæviani pretio non magna pecunia distingueretur.

IN l. 1. ff. de reb. dub. hæc proponitur species: Qui habebat prædium, quod fundum Mævianum appellabat, & huic adjuncta pleraque alia prædia, quæ omnia etiam possidebat nomine fundi Mæviani, eorumque omnium prædiorum redditus sub nomine fundi Mæviani rationibus suis ferebat acceptos; denique universitatem illam prædiorum vocabat fundum Mævianum, & specialiter prædium unum, non magni pretii, hoc nomine insignibat: hic vero alii legavit disjunctum fundum Mævianum, aut Sejanum, quem ipse legatarius eligeret: nam ponendum est electionem datam legatario, veluti fundo Mæviano, aut Sejano legato per vindicationem. Queritur autem, de quo fundo Mæviano testator senserit, utrum de latifundio & possessione, quæ plura prædia complectebatur, an de prædiolo Mæviano tantum? quævis rem dubiam facit, sed Papinianus subtiliter respondet, homonymiam illam esse dissolvendam ex comparatione fundi Sejani, cujus quidem aut Mæviani eligendi testator legatario potestatem facit: nam si fundi Sejani pretium non magna pecunia distinguatur a pretio fundi Mæviani exiguioris, si tanti sit unus fundus quanti alter fundus, aut non multum inter se pretio & dignitate differant, tunc testator videtur legatario reliquisse, utrum ex iis mallet, Sejanum an prædiolum Mævianum, quia non intelligitur cum Sejano comparasse fundum Mævianum, qui erat amplissimus & latissimus, & cujus pretium longe superabat pretium fundi Sejani. Ex diverso, si fundus Sejanus adæquat latifundii pretium, quod testator etiam nomine fundi Mæviani possedit universum, tum id latifundium testator videtur possidere in electione legatarii, non fundum Mævianum pretio longe inferiorem quod dixi prædiolum Mævianum: quoniam comparatio & electio apte & convenienter non fit, nisi in his rebus, quæ inter se dignitate sive quantitate pares, aut non valde dispares sunt, & ut Philos. dicunt *ο τὸν κοινῶς ἔχειν πρὸς ἀμῶν, in his, quæ inter se societatem & communione quandam habent, aut affinitatem quandam*. Nam si res legata sub disjunctione, utrum ex eis legatarius elegerit, valde dispares sint atque discretæ, frustra electio legatario data videtur, & ea tantum potius dicitur esse legata, quæ longe pretio exuperat alteram; ut si tibi legavero fundum Titianum, qui erat dignus mille, aut fundum Tusculanum, qui erat dignus quinque, quem ipse eligeres; aut si ita legavero tibi, hunc vel illum per vindicationem, quo genere videor tibi tribuisse electionem, sane in legato tantum videtur esse fundus Titianus, qui est dignus mille, quem proculdubio tu electurus es. Et huius rei argumentum præbet l. si ita relictum, §. per. sup. de leg. 2. Ergo in proposita specie, ex comparatione, contentione, collatione fundi Sejani intelligitur, quis fundus Mævianus legatus sit exiguus, an amplius, sicut in l. ult. §. ult. sup. de rit. vin. & oleo leg. Cum legato vino amphorario, *du vin freat, & vino Amineo, & Græco, & dulcibus omnibus, cum dubitaretur, an potiones tantum dulces essent legatæ, an vero etiam cibi dulces, ut uvæ passæ, palmæ, ficus, caricæ, Labeo recte respondet ex collatione vini amphorarii, Amineæ, Græci, ea tantum dulcia legata videri, quæ potiones essent; comparatio adjunctarum rerum dubitationem omnem tollit. Et ita explicandum est hoc responsum Glossis omnibus oblitteratis.*

Ad L. LXXVII. de Cond. & Demonstr.

Avia quæ nepotem sub conditione emancipationis pro parte heredem instituerat, ita postea codicillis scripsit: hoc amplius nepoti meo, quam quod eum heredem institui, lego prædia illa; conditionem emancipationis repetitam videri placet; quamvis avia nullam in legatis, ut in hereditate, substitutionem fecisset. Nam & cum servus pure quidem liber, heres autem sub conditione scriptus, & si heres non extiterit, legatum accipere jussus est: in legato repetitam videri libertatem D. Pius rescriptit.

INITIO huius legis hæc proponitur species. Avia nepotem pro parte heredem instituit sub conditione emancipationis, id est, si emanciparetur a patre, & si heres non esset, avia in defectum conditionis, alium ei substituit, deinde codicillis ei pure prælegavit certa prædia, non repetita conditione emancipationis, non repetita etiam substitutione, ac proinde ei substituit in hereditate, non in legato, quia in legato non repetitur substitutionem. Queritur, an etiam in legato intelligatur repetitisse conditionem emancipationis? Et ait Papinianus in legato eandem conditionem repetitam videri ex voluntate defuncti, quæ etsi aliis modis declarari possit, ut in l. ult. §. ult. ff. de doli except. tamen in specie proposita, ut proponitur a Papin. fuerat voluntas testatoris apertius declarata his verbis, quibus codicillis prædia prælegata sunt: *Hoc amplius nepoti meo, quam quod eum heredem institui, lego prædia illa*: hæc verba, hoc amplius, hanc scripturam jungunt superiori scripturæ, testamenti, & vim repetitionis habent, repetuntque eandem conditionem, ac si juncta scriptura ita testator dixisset, *heres esto ex semisse, si te pater emancipaverit, hoc amplius quam quod te heredem institui, lego tibi prædia illa*, hæc verba: *hoc amplius*, repetunt superiorem conditionem, ut in l. liberis, inf. hoc tit. sed non repetunt etiam substitutionem subjectam: nec igitur deficientie conditione substitutum ad legatum admittimus, sed ad portionem hereditatis tantum. Et subicit eodem modo, servo pure relicta libertate & hereditate sub conditione aliqua, & heres non esset legato ei relicto, in legato repetitam videri ei libertatem, idq; ait D. Pium rescriptisse, quod Marcianus alio loco scribit D. Pium rescriptisse favorabiliter in l. Divus de man. testam. rescriptisse, inquam, in legato repetitam videri libertatem, quæ institutioni præposita est, ut scilicet servus perveniret ad libertatem, nec intercederet legatum, quod constaret servo proprio inutiliter relictum sine libertate esse, l. 6. G. de leg. hoc, inquam, rescriptisse favorabiliter, sed suffragante etiam voluntate testatoris, qui non intelligitur servo voluisse legare inutiliter, quod tamen faceret, si non intelligeretur repetita libertas. Idemque ex hoc libro Papin. a Marciano repetitum iisdem verbis in l. cum servus, ff. de cond. insti. In qua ex hoc loco plura manifestum est, initio illius legis non esse legendum, ut vulgo in omnibus, in legato repetitam videri conditionem, ut D. Pius rescriptit, sed, in legato repetitam videri libertatem D. Pius rescriptit. Nam non potest videri in legato repetita condicio adscripta in institutione, aut si repetita videtur & defecerit, tam legatum quam institutio intercedit, & tamen legatum valere ait, deficientie conditione institutionis, quasi relictum sub contraria conditione, si heres non esset, id est, si deficeret conditio institutionis, & merito valere legatum, quia libertas ei competit, quasi repetita etiam in legato, ut l. Trebatius seq. de hered. insti. d. l. cum servus, de man. testi.

Ad §. Mutiana.

Mutiana cautio locum non habet, si per aliam conditionem actio legati differri possit.

§. 2. Titio si mulier non nupsit, heres centum dato: quam

quam pecuniam mulieri eidem Titius heres restituere rogatus est, si nupserit mulier; die legati cedente, fideicommissum petet, remoto autem fideicommissio legatarii exemplum Mutiane cautionis non habebit.

Hoc demonstrato Papin. tractat aliquid breviter de cautione Mutiana, de qua nemini me dixisse eundem auctorem tractasse in *l. cum filius*, §. qui Mutianam, *sup. hoc tit.* Et his, quæ illo loco diximus de cautione Mutiana, cujus utilitas consistit in conditionibus legatorum, vel fideicommissorum, vel hereditatum, quæ in non faciendo conceptæ sunt, ut *l. 7. ff. hoc tit. his*, inquam, quæ illo loco diximus addendi sunt duo casus, qui proponuntur hoc loco, quibus non est locus Mutianæ cautioni. Ac primum quidem ei locus non est, si per aliam conditionem, quæ vel in faciendo, vel in dando consistat, legati petito differatur. Finge, legatum relinquere sub conditione, si *Capitolium ascenderit*, vel si *heredi decem dederit*, &c., si *Alexandriam non ieris*, etiam si paratus sis præstare cautionem Mutianam, te Alexandriam non iturum, non capies legatum antequam impleveris aliam conditionem, quæ in dando, vel in faciendo consistit: conditio quæ consistit in non faciendo, quasi quodam modo impletur præstita cautione Mutiana, quæ in dando vel faciendo non nisi recipiatur; & hac, quia legato conjunctim adscripta est, differt legati petitionem. Non est etiam locus cautioni Mutianæ in specie §. seq. legavi Titio centum sub conditione, si *Mævia non nuberet*, & sub eadem conditione Titium rogavi, ut *Mævia* 100. restitueret: mulier statim petit fideicommissum non præstita cautione Mutiana, quia ea conditio mulieri remittitur, quæ inhibet nuptias, *l. Titio 71. §. Titio*, & *l. mulieri*, *h. tit.* adeo ut etiam si nupserit Mævia, petere fideicommissum possit. Propter mulierem autem etiam Titius die legati cedente, legatum petet, ut id mulieri restituat, quod tamen non potest petere, si ab eo sub eadem conditione de restituenda pecunia Mævia, si non nuberet, fideicommissum non esset restitutum mulieri, id est, si Titio tantum legata essent 100. si Mævia non nuberet, nec fuisset oneratus fideicommissio sub eadem conditione de restituenda pecunia Mævia, si non nuberet. Petit igitur legatum propter fideicommissariam, quod remota fideicommissaria non peteret, ne præstita quidem quasi Mutiana cautione, veluti, daturum se operam, ne Mævia nubat, &c., si Mævia nupserit pecuniam legatam se heredi redditurum, quia Mutiana cautio in his tantum conditionibus locum habet, quæ non nisi morte legatarii expleri possunt, *l. Titio fundus*, *hoc tit.* hæc autem conditio, de qua agitur, si *Mævia non nupserit*, expleri potest vivo legatario, si Mævia moriatur superstiti legatario. Eademque est ratio legis *hoc genus*, *inf. hoc tit.* Atque ita his duobus casibus non est locus Mutianæ, aut quasi Mutianæ cautioni. Et postremo in hac *l.* proponitur elegantissima species, quæ talis est.

Ad §. Ul.

Pater exheredata filia tutores dedit: eosque si mater ejus impubere filia constituta vita decessisset, ad rem gerendam accedere jus sit: cum uxori mandatum esset, ut moriens decies filia communi restitueret, non sub conditione tutores videbuntur dari: nec si quid aliud interea puella quævisset ejus administratione prohiberi, cautio vero fideicommissi matris remissa, quocunque indicio voluntatis cautio legatorum vel fideicommissorum remitti potest. Itaque si cautionis non petendæ conditio legato vel fideicommissio præscribitur: conditionem ea res non faciet, non enim deficiet, si quis carere desideravit, onere cautionis non secuto, quod adversus invicem hodie jure publico sequi non potest, postquam remitti posse cautionem placuit.

Pater filiam impuberem exheredavit, non notæ causæ, sed bona mente prudentique consilio, ut ei consuli-

leret, ut in *l. multi*, *sup. de lib. & post.* Quod & postea declaravit in ipso testamento. Nam filia exheredatæ tutores dedit, & uxorem heredem institutam rogavit, ut si uxor vita decederet, filia impubere constituta, ei moriens decies restitueret, qui ingens est pecuniæ numerus, id est, decies centena millia, *un million*. Ac præterea si mater decederet filia impubere constituta, tum tutores jussit accedere ad rem gerendam, vetuit interim dum viveret mater eos rem gerere filia? Quæritur, an videantur tutores dati sub conditione, si mater decederet relicta filia impubere? Et ait, dationem tutoris esse puram, tutores datos non videri sub conditione, ideoque si qua bona adventitia obveniant filia, post mortem patris ea tutores administrare posse, non etiam bona paterna, quæ impuberi filia relicta sunt per fideicommissum a matre herede instituta, quia prohibiti sunt ea bona administrare usque adeo, donec mater moreretur. Dices, frustra prohibitos esse administrare bona paterna, quia vivente matre filia nulla habuit bona paterna, quæ fuit exheredata. Dicam tamen non frustra esse prohibitos, quia his verbis: *ne accedant ad rem gerendam ante mortem matris*, prohibiti intelliguntur, ne a matre cautionem fideicommissi exigant, de restituendis decies, nimirum post mortem. Etiam vivente matre se immiscerent tutores administrationi bonorum paternorum relictorum filia per fideicommissum sub conditione, si *exigerent cautionem fideicommissi præstanti existente conditione*, quam tamen non possunt exigere, quia prohibiti sunt ad rem administrandam accedere, ad quam utique accederent, si cautionem exigent. Est igitur ea prohibitio indicium remissæ cautionis Prætorie fideicommissi servandi causâ, quam constat hodie quocunque indicio voluntatis remitti posse. Hæc sunt verba Papiniani, quæ sumptis ex constitutione Divi Marci, id est, ex *leg. 3. C. ut in possess. leg.* ex qua innumeris locis fit proditum est hodie: *Quocunque indicio voluntatis testatoris remitti posse cautionem legatorum, aut fideicommissorum in diem vel sub conditione relictorum, quæ interponi solet ex edito Prætoris*. Denique ea prohibitio, ut non ad rem gerendam accedant circa matrem, non facit conditionem, ut videantur dati tutores sub conditione, quoniam aliam rem pupillæ jure administrabant, aliam rem adventitiam gerent: sed vis ejus prohibitionis hæc est, ut remittant matri tantum cautionem fideicommissi. Et breviter, his consequens est, legato vel fideicommissio præscriptam conditionem, ut ait, præscribi dicitur etiam in *l. pater*, §. conditionem, *hoc tit.* & *l. dominus*, de *pecul. leg.* quod est apponi legato vel adscribi, ne vos fallat Accursius, cujus Glossæ delendæ sunt: legato, inquam, vel fideicommissio apponi vel adscribi conditionem si legatarius cautionem legati non petierit ab herede, non minus deberi legatum, si legatarius cautionem petierit ab herede, quia non videtur defecta conditio, quæ nulla est: sed iis verbis, si legatarius non petierit cautionem ab herede, non videtur legato adscribi conditio, sed remitti heredi onus cautionis. Ideoque, etiam si legatarius desideret sibi caveri, capiet legatum, quoniam & id frustra desiderat, quia jure publico ex constitutione Divi Marci hodie cautio remitti potest, quocunque indicio voluntatis. Hodie, inquam, quoniam ante eam constitutionem non potuit remitti, quia testator non potest facere, ne leges vel edicta in suo testamento locum habeant, *l. nemo*, de *leg. 1.* nisi id ei specialiter lex permittat. Ideoque alia cautiones non possunt remitti in testamento, hæc potest remitti, quia id permittit constitutio Marci & Commodi.

Ad L. C. de Condit. & Demonstr.

Titia, si non nupserit, ducenta, si nupserit, centum legavit, nupserit mulier: ducenta, non etiam centum restitua petet, ridiculum est enim eandem, & ut vidnam & ut nuptam admitti.

Cer.

Certum est mulieri remitti conditionem viduitatis vel coelibatus, quasi utilitati publicæ repugnantem, ut puta, si mulieri legetur sub conditione, si non nupserit, & illa nupserit, ex l. Julia Miscella mulier perinde admittetur ad legatum, atque si vidua permanisset, idque in hoc titulo probat *l. cum ita legatum, & l. hoc modo, & alia complures*. Quo cognito, fac, mulieri, si non nupserit, an si nupserit, utrumque legatum capiat, id est, trecenta? & subtiliter respondet Papin. eam capere tantum 200. id est, amplius legatum, tanquam viduam, licet revera non sit vidua, qua nupserit: tanquam viduam, inquam, quia fingitur conditioni paruisse, *l. mulier, hoc tit.* Alia autem 100. quæ si auferet ei legata sunt, eam non posse capere, altero legato debere esse contentam. Id autem proculdubio electura est, quod est amplius, non capere igitur eam utrumque legatum, quoniam ridiculum esset eandem, & ut viduam admitti ad 200. & ut nuptam admitti ad 100. Ridicula sunt vitanda, *l. jam dubitari, ff. de hered. inst.* Restat etiam *l. 56. ad SC. Trebell.*

Ad L.LVI. ad Senatusconsultum Trebellian.

Filiam fratribus, certis rebus acceptis hereditatem restitueret pater voluit, ante restitutam hereditatem in possessionem hereditatis filiam quoque mitti placuit. Cum autem interea filii res bonorum in solidum distraxissent, item alios pignori dedissent, hereditate postea restituta constitit, ex eo facto ceterarum quoque portionum venditiones, item pignora confirmari.

Cujus species hæc est: Pater filiam heredem instituit ex parte, & rogavit acceptis certis rebus, quas utique pro sua parte imputabit in Falcidiam, hereditatem, id est, portionem suam restituere fratribus coheredibus suis. Certum est, post recitationem testamenti heredes scriptos in testamento, etiam si dicatur injustum aut ruptum aut falsum, interim, dum ea querela disceptatur, mitti posse in possessionem rerum hereditarium, quas defunctus possedit mortis tempore, ex edicto Divi Adriani, *l. ult. inf. de appellat. recip. l. 26. C. Theod. quorum appell. non recip.* hodie ex constitutione Justiniani, id est, ex *l. 3. C. de edic. Divi Adri. toll.* At queritur, an una cum fratribus coheredibus suis etiam mitti possit in possessionem rerum hereditarium filia, qua onerata est fideicommissio restituenda fratribus portionis sue hereditarie? Et ait, ante restitutam hereditatem posse, & ipsam ut heredem scriptam cum fratribus mitti in possessionem hereditatis ex edicto Divi Adriani. Missis autem omnibus heredibus in possessionem, si forte fratres quasdam hereditarias in solidum vendiderint, & alias in solidum pignori obligaverint, etiam si in solidum eas neque jure vendiderint, neque pigneraverint, sane non jure pro portione sororis citra voluntatem ejus, tamen sorore postea restituente fratribus hereditatem, id est, portionem suam retentis certis rebus, quas retinere iusta est; quasque fratres neque distraxerunt, neque pigneraverunt, rectissime Papin. ait ex post facto apparere jure venditas & pigneratas a fratribus alias res fuisse etiam pro portione filiae, quæ postea eis restituta est ex causa fideicommissi, restitutionem hereditatis retrahit, & pro eo haberi, ac si restitutio hereditatis præcessisset venditionem & pignorationem: ac proinde convalescere pignus venditionemque, non quidem directo, quæ non constitit ab initio pro portione filiae, sed ex æquo & bono, ut in *l. si Titius, ff. de pig.* Et ait, id apparuisse ex eo facto, quod alias dicit, & dicitur alii, ex post facto, ex eventu, ex accidente, ex eo quod postea contigit. Nam & in *l. pen. §. pater, ff. de castr. pec. est scriptum, ex facto, pro ex post facto.* Et hæc est sincera interpretatio hujus responsi.

Ad §. 1. L. X. de Usu & Habit.

Sed si *χρησις* sit relicta, an usus sit videndum. Et Papin.

Aniamus lib. 7. Responditorum ait, usum, esse non etiam fructum relictum.

Si sit *χρησις* legata certæ rei, refertur Papin. eo loci respondisse, usum nudum legatum videri, non usum fructum, *χρησις* nomine significari usum nudum, ut si *χρησις* domus, *χρησις* tunc obliis legata sit. Ambiguum est nomen, & multiplex: nam & fructum significat, ut illo loco Ciceronis, *Sum χροσις tuus, mancipio vero, Attici nostri.* Id est, *sum fructus tuus*, mancipio vero, Attici nostri. Significat etiam commodatum in Basil. quod alias dicitur *utendum datum*, & apud Aristot. 5. Ethic. dum enumerat contractus voluntarios, ubi male Heliodorus interpres Aristot. *χρησις* accipit pro locatione & conductione: cum quis, inquit, certa mercede domum suam, vel animal suum utendum dedit, quo in errore versatur etiam Eustathius, quoniam eo loco aperte Aristot. *χρησις*, id est, commodatum separat a *μίσθωσι*, id est, locatione & conductione: at cum legatur *χρησις* domus, *χρησις* prædii, Papinian. responderet, nudum usum, non usum fruct. legari, *χρησις* usum non *χρησις* usum, vel *χρησις* usum.

Ad §. Ult. L. XII. de Fundo Inst.

Idem Papinianus l. 7. Responditor. ait: Instruclis hortis filio legatis, mater argentum muliebri filie legaverat: respondit, etiam id argentum muliebri, quod in hortis habuit, ut ibi esset instruclor, ad filiam pertinere.

Certi juris est instruclio fundo legato, non tantum deberi instrumentum fundi, sed etiam instrumentum patrisfam. vel matrisfam. qui quæve testatur, quod in eo fundo habuit, ut esset instruclor: plenus esse legatum instruclum quam instrumentum, *d. l. 12. §. sed si fundus hic.* Ergo si materfam. filio legaverit hortos instruclor, legato continetur argentum muliebri, quod in hortis habuit factum vel infectum: puta, vasa argentea, aut mensas argenteas, quod ipsa, inquit, in hortis habuit, ut ibi esset instruclor: nisi scilicet specialiter argentum muliebri alii mulieri legaverit: legatum est mulieri conveniens, mulieribus mulieribus: ut proponitur etiam filio legasse hortos instruclor, filiae argentum muliebri, quo casu proculdubio est generi per speciem derogatum, ut in *l. serv. urb. §. ult. de leg. 3.* Et filiae, cui legatum est argentum muliebri, id est, etiam legatum videtur, non tantum quod alibi habuit mater, sed etiam quod habuit in hortis, ut ibi esset instruclor. Generi per speciem derogatur, si alii legetur genus, alii species: imo et si eidem genus & species, secundum distinctionem tamen & divisionem a nobis explicatam in *l. 9. sup. de sup. leg.* Et ita instruclum legatum, vel instruclor horum legatum quod relictum est, minuitur per legatum, quod specialiter filiae relictum est nomine argenti muliebri. Nec obstat *l. si generaliter, C. qui pot. in pign. hab.* quæ specialem hypothecam constitutam ubi creditorum, ait, non derogare generali hypothecæ, quæ alii creditor ante constituta fuerat: generi ergo per speciem non derogari. Sed hoc ideo, quia ex generali hypotheca jam priori creditoribus jus quæsitum erat, quod ei auferri non potest invito. Ei autem cui genus ante legatum est, nullum jus quæsitum erat vivo testatore, cum testator legatum generis minuit, ex eo genere detrahendo speciem, vel species certas, & alii legando. Et hæc est sententia hujus §.

Ad §. Papinian. L. XII. de Instr. Leg.

Papinianus quoque l. 7. Responditor. ait, sigilla, & status adfixæ, instrumento domus non continentur, sed domus portio sunt, quæ vero non sunt adfixæ: instrumento non continentur, inquit: sigilla scilicet enim adnumerantur excepto horologio aere, quod non est adfixum. Nam & hoc instrumento domus putat contineri, sicut prothyrium domus, si velamen est, inquit, instrumento domus continetur.

¶ Nunc restat ex eodem libro Papinian. *figilla, signa* habentia formam hominum, vel deorum, *figilla*, inquam, & status adfixas domui vel non adfixas, non cedere legatario, cui legatum est instrumentum domus. Instrumento domus, affixas non contineri: quia pars sunt domus. Si pars domus, ergo non instrumentum: nam pars inest toto: Instrumentum non inest ei rei, cuius instrumentum est. Optatus Milevitanus 2. adversus Parmenianum: *si ornamentum est, inquit, corporis, pars corporis non est, ut si pars corporis: dos igitur aut instrumentum, aut ornamentum non est.* Ac preterea pars domus & domus quasi eadem res est, *l. 7. de except. rei judic.* Quod & Aristoteles tradidit. Atque instrumentum *quidque* rei necesse se esse rem aliam esse, & alterius generis, quare et res quæque fit, quos instrumentum fit, quæ est definitio *l. ult. hoc tit.* Quod Philophi expriunt his verbis, *ut incerta, res rei tota non est una, ut rei.* Magentius in 1. prior. *Anal.* quia ratione in *d. ult.* statuit, scaphas non esse instrumentum navis, quia & ipsa navis est, nec genere distat a triremi, vel alia oneraria nave, fed mediocritate tantum: & consequenter fundus fundi instrumentum esse non potest, *§. ea vero hujus leg.* Homo liberi hominis liberi instrumentum esse non potest: at si servus servi instrumentum esse non potest: nam instrumentum instrumenti esse potest, *§. sed an instrumenti, sup.* & multo magis servus potest esse instrumentum liberi hominis: nam & instructo continetur, quo plures quam instrumentum continetur. Instrumento prædii continetur tantum instrumentum, quod prædii gratia comparatum est. Prædio autem instructo legato continetur & instrumentum prædii & domini, quo instructio est in eo prædio, quodve in eo prædio habet usus sui causâ. Denique plenus est instructi quam instrumenti legatum, *§. sed si fideius, hoc loco* & instructo prædio legato continetur etiam servi iusticiæ vel urbani, si instructum prædium urbanum legatum fit, *§. sed Celsus, & §. ej. h. l.* Ideo autem servus liberi hominis, vel servi instrumentum esse potest, quia jure rei ipsi, imo & prætorio servi pro aulis habentur, & sunt *res pignoriæ*, & ut Theophilus loquitur, *l. 2. de jure doli.* & pseudibus exæquantur, *l. 2. §. sup. ad leg. Aquil.* Verum & contrariò tamen hæc quid omnino, quoniam evenit jure, ut homo liber fit instrumentum, vel ministerium servi. Quod vero ait Papinianus: *figilla vel status adfixas partem domus esse*, ergo instrumentum domus non esse propter rationes, quas explanavi ante, id videtur pugnare cum *h. pen. de verb. sign.* quæ negat status adfixas esse ædium: ergo nec partem vel quasi partem ædium esse, nec venire in emptionem, venditionem, aut in legatum ædium, quod hæc statum non persiciunt ædes. Partes sunt quæ persiciunt totum, statum non persiciunt ædes: ergo partes non sunt ædium, fed habentur tantum ornatus causâ. Sed animadvertendum est, Papinianum hoc loco agere de statuis domui adfixis, inædificatis, in-junctis, immolitis, quæ & substinendo oneri ædium sunt, atque adeo partes ædium, quia persiciunt ædes, quoniam onera ædium sustinent, ut statua, quæ dicebatur *τοικονομία*. Illo autem loco agitur nominatim de status adfixis basibus structilibus, quæ scilicet sunt ex calcæ & cæmentis, non de adfixis domui: hæc neque sunt pars domus, neque instrumentum domus, quoniam ornamentum tantum causâ habentur, & multum interesse Eius inter partes, & ornamenta, & instrumenta. *§. si domus, h. l.* ubi jurisconsultus refert Celsum discide, inter instrumentum & ornamentum multum interesse, & addere licet, similiter, & inter instrumentum vel ornamentum, & partem multum interesse. Et hæc de figillis vel status adfixis, nunc dicamus de non adfixis.

¶ Et negat etiam Papin. instrumento domus contineri, quia supellectilibus adnumerantur. Supellex autem non domus, fed domini instrumentum est, quia domini gratia comparatur, ut mensæ, lecti, candelabra, delphines, & alia innoverunt. Ac proinde supellex cedit quidem instructo, quod complectitur etiam instrumentum patrisfamilias. si *domus instructa* legetur: at supellex non cedit

A etiam instrumentum domus tantum legato, §. *supellex*, et §. *proinde si fundus*, h. l. §. 1. 5. §. 1. 4. 16. m. pr. l. 1. Breviser hec est sententia Papin. §. *illia* & *matius* adfixas domui, non cedere instrumento domus, sed adfixas partem esse domus, non adfixas esse in fustellatib. Deinde fubijcit Papinianus *horologium tamen areum*, ex eare follicit, rotundum, quod fcapium Marcianus Capella appellat in Geometria: horologium, inquam, areum, si non fit adfixum domui: nam adfixum pars est domus, cedere instrumento domus, quia, meo quidem iudicio, id Papin. existimavit maxime pertinere ad munitionem domus, ut scilicet, nota essent horarum spatia. Nam domus quid faciat in urbe, multo ingratius: domus indegabat in urbe munitione, quia erant amplissima & sumptuosissima aedificia, idcirco paucissima in urbe domus: infule vero sparsa in urbe innumere, ut constat ex Sexto Rufio, & Publio Victore, qui regiones urbis descriperunt, & in Exquilina regione ponunt domum Aquilii Jurisconsulti: & Plinius initio 17. *Aquilius ille domo quam iuris scientie fuisse clariorem*. Et in eadem regione domum M. Craffi, & Quincti Catuli, & domum Craffi idem Plinius magnificam fuisse, Catuli aliquanto praestantiorum, Aquilii pulcherrimam. Item Papinianus ait, *propter domus, si velamen fit continetur instrumentum domus*. Si velamen fit, id est, si non cohaeret domus, fed appendatur praemini: nam si limini adhaeret, magis domus portio quam instrumentum esse intelligitur. Et ita est accipiendum quod est in l. pen. de verb. signif. quod & huic loco adversarii videtur: adum esse, id est, partem adum esse prothyrum, quod in adibus utramque fieri solet, ut recte illud locum doctissimus Augustinus emendat, quoniam corrupte in Florentinis est scriptum, *quod in adibus utrumque fieri solet*, nullo sensu. Igitur partem adum esse ait, prothyrum: quod in adibus utramque fieri solet, id est, quod in adibus intra & extra inaedificari solet: nam & prothyrum fuit extra & intra, sicut *πρὸς αὐτὸν*, ut vel locus Evangelii indicat Marci 4. de Divo Petro, qui prodit *ἐκ τοῦ ποταμοῦ*. Quod demonstrat fuisse interius osium, confat poro, postibus five angulis, limine, superlimine, *limite autē, le deslus de la porte*, quod vocant *ὀπισθοθύρην*, & antelimine, quod *πρὸς θύραν*. Et nihil est praeterea in hoc §.

Ad §. Papinian. ead L.

Papinianus quoque praeiis instructis legatis, mancipia non contineri, quae temporis causa illis fuerant, ac non eo animo eos transfudit paterfamilias, ut aut fundi aut suum instrumentum faceret.

A Dfirmo ex eodem libro Papiniani esse quod refer-
tur in hoc §. Igitur probabo inferius liquido : ut in-
fructu prædio legato; domo scilicet, vel fundo legato,
non continetur fructus, qui temporis causa in eo præ-
dix sunt, ut ibi maneat aliquantulum, non ut ce-
dant instrumentum fructus, non etiam ut cum dominus
ipse, in prædium venerit, eis fiat instructor. Ergo in-
fructu non continetur fructus; quod dominus in prædio ha-
bitus temporis causa: quia nec fundi nec suum instru-
mentum fecit, ut l. 2. C. de verb. sign. Non, inquit, eo animo
eos transfudit in prædium, ut prædii vel suum instrumentum,
et in loco faceret, sed temporis tantum causa, veluti cu-
sodia aut certa opera causa, & continetur tamen
instructu, quod ibi testator tum non habuit, id est, testa-
mentum tempore, si modo habere consuevit, & ad tempus
alio transfudit, quia non deservit esse in instrumentum suo
vel fundi. Finge, esse actorem prædii, quem militi in pro-
vinciam, ut in provincia ordinatis quibudam negotiis
rediret ad idem prædium, eundemque actum, & cum is
actor esset in provincia, testatorem legasse prædium
instructum, ac legato continetur actor, qui abest
vel nondum rediit. Sic videtur: optima ratione, quia
eris causa & conditio five actus commutatus non est:
Et subiicitur etiam respondisse Papinianum: infructus
horreis

horreis legatis contineri etiam vina, quae ibi testator habuit, ut ibi ea consumeret usus sui causa, non etiam ea, quae ibi habuit in horreis, in horreo vinario, in apotheca, ut uteretur alibi; puta, in alio praedio, quoniam ea ibi non habet, ut se eo in loco iis instruat, sed ut eo in loco ea haberet in deposito ad usum loci alterius, non ejusdem. Quod etiam comprobatur §. *proinde si fundus*, & §. *instructo autem fundo*, in hac l. In quo ostenditur similiter instructo praedio legato venire etiam libros, quos ibi paterfamilias habuit, & bibliothecam, ut quoties veniret, uteretur, sed non contineri etiam apothecam librorum quos ibi posuit, ut alibi uteretur. Idemque confirmat l. 3. *C. de verb. signific.* Sed obitare videtur l. 15. §. 1. *hoc iis*, quae dicit: *domo instructa legata, non videri legata vina*, addita hac ratione: quia domus vine instructa intelligi non potest. Verum observandum, eam absolute dicere: *vina non videri legata*, qui sermo est accipiendus secundum alias leges, quia cum sit absolutus suppletione facile recipit, nempe hoc modo, ut dicamus in eo loco agi de vinis, quibus in ea domo dominus non instruebatur, non utebatur, quibus vinis sane nec domus instructa dici potest, quia non iis utebatur.

Ad §. idem respondit eod.

* Idem respondit, domo per fideicommissum relicta cum suppellectile Claudio Hieroniano clarissimo viro ab Umbrio Primo, & mensas & ceteram suppellectilem, quae in hortis paterfamilias in proconsulatum profecturus, considerat, ut tutiore loco essent, contineri.

Præterea additur ex eodem libro: Legata domo cum suppellectile etiam eam suppellectilem debere, quam testator in proconsulatum profecturus in hortos contulerat tutelæ causa, atque ita domo transulerat in hortos tutelæ causa, quia non ideo intelligitur etiam ea separasse a reliqua suppellectile, cum tutelæ tantum causa ad tempus eam separaverit; nam dicimus legata domo cum suppellectile, etiam eam suppellectilem debere quam domo transtulit in hortos ad tempus, ut tutiore loco esset; eam & eadem ratione mancipia aut vina non intelligitur separasse a praedio, cujus gratia comparata sunt, si ad tempus tutelæ causa ea alio transulerit. Et jamdiu in hoc §. offendi, me male legere hoc modo, domo per fideicommissum relicta cum suppellectile a Claudio Hieroniano, Clarissimo viro Umbrio Primo, quoniam legi Claudium Hieronianum, quem propterea etiam virum clarissimum vocat, fuisse proconsulem Cappadociae apud Tertullianum in lib. *adversus Scapul.* quem etiam hoc loco ideo ait profecturum in proconsulatum mensas & ceteram suppellectilem in hortos contulisse; & ex eodem auctore didici cum in ea provincia vita decessisset, suscepta fide in dominum nostrum Jesum Christum. Hunc igitur pono virum clarissimum proconsulem Claudium Hieronianum morientem in provincia, Umbrio primo legasse domum cum suppellectile, & legato cedere mensas, & ceteram suppellectilem, quam domo movit & transtulit in hortos, ut tutiore loco esset, quoniam hanc translationem fecit ad tempus tantum.

Ad §. Idem respondit theriacam eod.

Idem respondit theriacam quoque, & cetera medicamenta, quae secussum causa dominus ibi habuit, & vestem propter secussum ibi depositam, instructo fundo legato inesse.

Sequitur ex eodem libro, fundo instructo cedere theriacam, quod medicamentum adversus ferarum venena valet, & erat frequens in ea aetate, ut de eo proprium librum Galenus scripserit. Theriacam igitur, & cetera medicamenta, quae in eo fundo secussum causa testator habuit, & vestem similiter, quam ibi propter secussum depositam testator habuit, legato cedere, ut in §.

A. *proinde si fundus*, sup. Ex quo magis demonstratur: semper instructi plenus esse legatum quam instrumenti; nam instrumento fundi legato, sane non cederet vestis, non cederent medicamenta. Deinde ponit, domo instructa legata cum omni re suo, contineri servos ostariorum & topiariorum, si in ea domo sint viridaria, ut ait l. 8. sup. quoniam horum opera est in exprimendis variis animalium figuris in viridariis. Contineri etiam dietarios, quorum ministerio paterfamilias utitur in dieta, in cenaculo, triclinio: & aquarios, qui aquam deferunt. Si de mulieribus nomen accipitur in malam partem, cui nos in idiomate praeposimus m. licetram: addita m. maquarii, quos veteres aquarios, & aquariolos, sunt mulierum impudicarum fordidissimi agceles. Veteres cum Veneri operarentur, aquae ministerio vulgo utebantur. Cito pro Cilio: ideo ne aquam adduxi, ut ea tu inesse strere? Lampridius in Commodio: aquam gessit ut lenonum minister. Hos omnes, inquam, si domi tantum deferant, quae instructa legata est, legato contineri, artifices autem eos non contineri, quorum opera ceteris quoque praediis exhibentur. Uno verbo, non continentur artifices, qui sunt in usu promiscuo variorum praediorum, quia in re merito reprehenditur Papinianus, qui satis est, si ii artifices proprie sunt domui legatae destinatum cetera praedia eos a domo veluti mutuantur, & si quis eadem instrumentum, sup. item, §. 1. de legat. 3. Si igitur domus causa parati sint artifices, domus instructa legato continentur, licet aliis quoque praediis commodentur, supra ait: licet alia praedia mutentur eos a domo. Unde ita definit commodatum, & mutuum: commodatum est mutuum ad usum, non ad abutium: mutuum autem proprie est commodatum ad abutium. Debiti Usipianus addere etiam Papianum cum dixit, contineri ostariorum, topiariorum, & ceteros, non debuisse addere taxatorem, videlicet domui deservientes: eam enim illi praevidetur servare, quod domui praecipue sunt destinati, legato continentur. Igitur tantum libet dicere, domui deservientes. Et ita Paulus 3. sent. D. de inoff. test. cum omni re suo sicut instructa legata, urbanam familiam, inopem vestes, & ostariorum, ita emendavi, & Zecariorum, id est dietariorum, & aquarios eisdem domui servientes legato cedere.

Ad §. Idem resp. domo, eod.

D. Idem respondit domo instructa legata, mensas, eliores & libros non contineri. Sed & hoc falsum est: nam omnia quidquid in domo sunt, quo instructior ibi esset paterfamilias continetur. Suppellectilem autem paterfamilias instrumentum esse nemo dubitat.

Reprehenditur etiam Papinianus in eo, quod dixit, legato domus instructa non contineri mensas abreas, quia omnis suppellex continetur: non contineri item libros, quos ille habuit studiorum suorum causa, quoniam & hi continentur legato, §. *instructo item*, sup. Unde etiam apparet quam sit plenam legatum instructi. At in eo tamen approbat valde quod Papianus dicitur scripsisse eodem libro Respons. 7. quem solum nominavit ante in §. *Papin. 1.* Quamobrem superiora omnia responsa ejusdem recte vindicamus eodem libro. Scripsisse autem domo instructa legata, non contineri merces, quae sunt venales, non contineri pignora inventa in ea domo, quoniam non sunt domus, neque domini instrumenta, quae temporis tantum causa ibi habeantur, ut in l. 1. C. de verb. sig. Sed addit solemnem exceptionem: nisi aliud suadeat voluntas defuncti, ut in specie, quam proposuit, si is, qui testatus est, sit menator & foenerator locupletissimus, & totidem filias habeat, quot filios, & 2. filios habeat, totidemque filias, eoque filios & filias heredes scripserit, filii praegaverit domum instructam, quia plenissimum praegaverit fecisse intelligitur, qui plures facultates vel ampliores relinquebat. Et hoc est quod ait, *facile est scire voluntatem defuncti*. Sane & ceteris

teris patris facultatibus examinatis. Et postremo in §. Papin. 3. legatis rebus omnibus, quæ in domo essent, non videri legatas cautiones debitorum, id est, nomina, non videri legatas emptiones servorum, id est, instrumenta emptionis servorum nondum traditorum. Unde etiam apud Paulum 3. Sent. ita alias ostendi esse legendum: *omnibus quæ in domo essent legatis, cautiones debitorum emptionisque servorum legatis non cadere.* Sed addit Papinian. vulgarem exceptionem, nisi aliud suadeat voluntas testatoris, ut si servos ipsos legaverit: hoc casu etiam intelligitur legatæ emptiones servorum, quæ sunt in ea domo, quod autem est in §. ult. jam ostendi in l. 9. de supellest. leg. esse etiam ex hoc lib. septimo.

JACOBI CUJACII J.C.

COMMENTARIUS

In Lib. VIII. Responsorum EMILII PAPINIANI.

Ad L. XXXIV. Famil. eriscundæ.

Servos inter coheredes tempore divisionis æstimatos non emendi, sed dividendi animo pretiis adscriptos videri placuit: quare suspensa condicione mortuos, tam heredi, quam fideicommissario deperisse.

UT vero septimus, ita octavus liber totus est de legatis & fideicommissis: nulla in jure questio diffusior, quod Digesta plane demonstrant, in quibus extenditur illa questio in septem libros. Hujus legis speciem & sententiam proponam, ut vere a Græcis interpretibus perscripta, & expolita est: Quidam duos heredes scripsit Cajum & Mævium, Cajum rogavit sub condicione ut hereditatem, id est, portionem suam Sempronio restitueret: pendente condicione fideicommissi heredes sumperunt arbitrum familiæ eriscundæ, qui inter eos hereditatem divideret: in ea hereditate erant servi, quos arbitri facta eorum æstimatione Cajo in solidum adjudicavit: ea lege, ut is vicissim certam pecuniam Mævio coheredi numeraret pro parte, quam Mævius in eis servis habuit. Post, servi mortui sunt suo fato pendente, vel ut ait suspensa condicione fideicommissi: deinde exitit conditio fideicommissi. Queritur, an Sempronio fideicommissario, Cajus teneatur ex causa fideicommissi cum ceteris rebus, quæ ei pro sua parte obtriguntur in dividenda hereditate, & servos præstare jam mortuos aut pretium eorum, quod Sempronius intendit, quasi scilicet Cajo perierint servi, non sibi, hac ratione, quia eos servos Cajus in solidum per adjudicationem æstimatos accepit, & qui quid ita per adjudicationem judicis accipit, emptor est, l. 7. §. si debitor, tit. seq. Emptori autem cuique perit res emptæ, non alii. Dices ad hæc, partem tantum servorum emisse Cajum a coherede divisionis causa, facta adjudicatione, & servos quidem totos fuisse æstimatos uti oportet, l. Mævius, §. ult. hoc tit. si idem, §. ult. sub. de jurisdicti. Ceterum non ideo totos emptionis jure possideri a Cajo, sed pro parte coheredis tantum, non pro parte sua. Dicant etiam quæri tantum de parte, quæ emptionis jure possideretur, cui perierit, servis sua morte defunctis? nam partem hereditariam fideicommissario perisse constat, l. mulier, §. sed enim, ff. ad Senat. consult. Trebel. De altera parte, quam a coherede Cajus accepit beneficio adjudicationis, de ea tantum queritur, heredi an fideicommissario, Cajo an Sempronio perierit? Cajus dicit, sibi nec pro ea parte servos deperisse, quia eos non emit simpliciter, sed divisionis causa, alio jure esse emptionem simplicem, alio emptionem divisionis causa, sicut de donatione etiam proditum est in l. si filia, §. si pater, h. t. Et de emptione dotis causa, l. quæritur, de re judic. Et de emptione pignoris causa, l. 2. de distract. pign. quæ multum distat.

Tom. IV.

stant a donatione vel emptione simplici: Cajus dicit, se emisse partem illam coactum necessitate adjudicationis factæ a iudice communione dirimende causa: aliud esse emere simpliciter, aliud emere per adjudicationem iudicis, hanc emptionem esse necessariam, illam voluntariam, l. si pign. h. t. Hanc non tam emendi, quam divisionis causa fieri. Et qui simpliciter emerit, rem emptam perire in solidum: at ei, qui per adjudicationem emerit, rem adjudicatam, puta, servos adjudicatos in hac specie, & certis pretiis adscriptos, ut loquitur Papinian. transscriptos, & venditor, ut in l. quæsitum, §. pater, de leg. 3. non perire ei soli, non perire soli heredi oherato fideicommissio restituenda hereditatis, sed perire tam heredi, quam fideicommissario: heredi pro quadrante Falcidiano: fideicommissario pro dodrante, ut Græci recte interpretantur his verbis: *ita rō tetraperi tōs*. Denique hæc verba Papin. *perire servos tam heredi, quam fideicommissario*, sic interpretantur, ut scilicet quadrantem damni agnoscat heres, dodrantem autem fideicommissarius. Et secundum intentionem Caji Papinianus etiam respondit. Et omnino hæc est sententia hujus responsi: hæc sententia Papin. qui etiam hoc ipso libro in l. cum pater, §. hereditatem, de leg. 2. similiter respondit non adstringi unum ex heredibus rogatum restituere hereditatem periculo nominum ei attributorum, si deteriora facta sint, aut periculo pradiorum adjudicatorum, si deperierint, & omnino ille §. comprobatur nostram interpretationem. In ea igitur permanemus, & transeamus ad eam speciem & interpretationem, quam Accurs. & fere omnes Latini interpretes & commentarii & fecerunt. Quidam duos heredes scripsit, & ab eis per fideicommissum servos hereditarios Titio legavit sub condicione: heredes sumperunt arbitrum familiæ eriscundæ & arbitri (pendente condicione fideicommissi) ii servi communes heredum sunt) uti ex heredibus æstimatos in solidum adjudicavit, ut potuit, cum sua causa, l. 12. §. res, h. t. admittit scilicet licitatione ejus heredis. Is vero heres pretium, quo servos licitatus esse emit a coherede: coheredi non solvit, sed cavet soluturum se, si deficeret conditio fideicommissi, si non essent ei restituendi servi fideicommissario. Servi mortui sunt pendente condicione fideicommissi. Papinianum ajuat definire hoc loco, eos servos periisse tam heredi, quam fideicommissario, & fideicommissario quidem periisse, quia fideicommissum conditionale aut legatum perimi constat, si pendente condicione res, quæ verbis legatis aut fideicommissi relicta est, extincta sit, l. necessario, §. t. ff. de peric. & comm. rei vend. Et ideo fideicommissarium non habere fideicommissi persecutionem: heredi autem perierisse dicunt, id est, ut interpretantur, ei, cui pretium licitationis cautum est, cui coheres cavet per stipulationem, quia defuit ei deberi pretium quod cautum est: heredi autem alteri, cui servi adjudicati sunt, non periisse, quia et si videatur eos emisse, non tamen emptionis principaliter, sed divisionis negotium gessit, atque contraxit: si simpliciter emisset, ei periissent servi, & pretii nomine teneatur ex cautione. Itemque, si in divisione emisset tantum dubium eventum conditionis, quod Accursius notavit ex l. propter, h. t. Qua de causa hæc verba legis, non emendi animo servos pretiis adscriptos, sic accipienda esse censet Accurs. non emendi scil. spem: sic enim in Glossa legendum, non speciem: spem, vocat incertum eventum conditionis præscriptæ fideicommissi. Multæ autem sunt & magnæ rationes, quæ nos eam rejicere, nec admittere compellant. Primum, quia pretium licitationis solvi solet statim, auctio scilicet & licitatio fieri solet præsentis pecunie, quod hodie exacte servatur, l. a D. Pio, §. sed si emptor, ff. de re judic. Græca fide, *ναὶ ἰσχυρῶς*, ut Aulonius loquitur, juxta illud Varronis *δὲ ἰσχυρὰς*, quod omnino fervere ait, nemine habente fidem cuiquam. Et autem, qui licitatione vicit, & rem abstulit, solet cavere de indemnitate, d. l. propter. Non autem ipse cavere. Cavisse tamen eum de pretio, non solvisse præsentem pecuniam: quod illi ponunt mera positio est, quia de eo lex nihil dicit, nequidquam etiam de spe emptæ, sed de servis tantum

Cccc

emptis

emptis divisionis causa. Deinde etiam si res gesta esset, ut illi ponant, tamen falsum est, mortuis servis adjudicatis pretium non deberi, quia non debet deberi ex stipulatione certis modis, certis & custoditis numeris. Desinit deberi, quod ex stipulatione debetur, *l. obligat. §. 1. de obligat. & act.* inter quos modis hic non est. Præterea quæ urgent maxime, hæc verba *legis tam heredi quam fideicommissario deperisse*, ex collatione fideicommissarii necessario accipienda sunt de herede, qui debet fideicommissum, & de fideicommissario cui debetur: de herede, inquam, cui adjudicati sunt servi, non de herede, cui pretium deberi consuevit: & consequenter lex accipienda est, non de fideicommissio servorum singulari, sed de fideicommissio universali, id est, de fideicommissio hereditatis: nam si in fideicommissio soli servi essent, soli fideicommissario deperissent, non etiam heredi, Falcidia non interveniente, quia in fideicommissio singulari non simpliciter, & semper intervenit Falcidia, at semper intervenit Falcidia in fideicommissio hereditatis, *l. in singulis, ad l. Falcid.* etiam si quis partem tantum hereditatis restitueretur rogatus sit, ex qua heres scriptus est, quia in singulis heredibus separatim ponitur ratio *l. Falcid. d. l. in singulis*. Quamobrem recte Papin. dixit, *servorum periculum esse commune*, heredis scilicet pro quadrante, & fideicommissarii pro dodrante. Omitto tres interpretationes, quas ultra istam, quæ communis est, adhibere tentant, una tantum approbat Alberici hoc loco. Quoniam sunt silentio & contemptu dignæ, teneamus veram, præterquam etsi nihil hodie didicerimus, frustra a nobis positam operam existimare non debemus.

Ad l. LIV. de Don. int. vir. & ux.

Vir usuras promissæ dotis in stipulationem deduxerat, easque non petierat, cum per omne tempus matrimonii sumptibus suis uxorem, & ejus familiam vir exhiberet: dote prelegata sed & donationibus verbis fideicommissi confirmatis: legato quidem dotis usuras non contineri videbatur, sed titulo donationis remissas.

In l. 54. de donat. int. vir. & ux. hæc proponitur species: Uxor viro stipulanti promittit dotem certam, & quo tardius eam solveret, usuras certas, cui stipulationi usurarum certi & explorati juris est inesse tacitam hanc conditionem; si maritus suis sumptibus uxorem exhibuerit, & familiam ejus, id est, servos uxoris, si sustinuerit onera matrimonii. Nam si in uxorem nullos sumptus fecerit, usuræ ei ex stipulatione non debentur, quæ promissæ intelliguntur ad exhibitionem uxoris, *l. cum post, §. in donum, de jur. dot. l. in insulam, §. usuras, fol. mat.* Porro vir usuras dotis per omne tempus matrimonii, quod diu fletit, nullas exegit, tacite videtur donasse & remississe usuras dotis, arg. *l. cum post, in pr. de jur. dot.* quæ tamen donatio jure civili non valet, *l. si quis pro uxore, §. si uxor. h. tit.* ubi ex Juliani sententia dicitur, remissionem usurarum dotis quas uxor viro stipulanti promittit, esse donationem illicitam, si maritus sustinuerit onera matrimonii, si exhibuerit uxorem & homines ejus suis sumptibus. Et tamen quod posset obijci ex eodem Juliano refertur in *l. ex aquino, §. ult. & l. de fructibus, hoc tit.* fructus & usuras licitam facere donationem. Sed ut tota res paucis explicetur, hoc est scriptum non de fructibus donatis, sed de fructibus, qui ex re donata, & usuris, quæ ex pecunia donata percipiuntur, quoniam & fructus lucratur vir aut uxor, cui donata res est, quos sua opera, & suis sumptibus percipit: lucratur item usuras, quas ex pecunia donata sua cura & suo periculo redegit, *l. fructus, sup. de usuris, d. l. ex animo, §. ult.* At remissio usurarum dotis, quam maritus fecit, qui sustinet onera matrimonii, sane illicita donatio est, & donatio fructuum dotis, si ex iis usuris vel fructibus donatarius locupletior factus sit, quas vel quos potius debuit inferre marito sustinenti onera matrimonii, non sibi habere, & lucrificare, quod etiam non faciet, quoniam remissio usurarum dotis, vel fructuum dotis, quibus vir vel uxor lo-

A cupletior facta est, illicita donatio est, *l. pro oneribus, C. de jur. dot. l. si fructus, C. de donat. inter vir. & ux.* Quod etiam aperte probat hæc lex, dum remissionem usurarum demonstrat non valere, nisi confirmata sit, dum demonstrat, eam indigere confirmatione. Confirmari autem potest remissio usurarum dotis, quæ in stipulationem deducta sunt a marito ex constitutione Severi & Antonini & Senatusconsulto, si maritus durante voluntate proficiatur e vita, *l. cum hic status, §. si uxor autem, hoc tit.* Nam quod Papinianus existimasse dicitur in *l. Papinianus, h. t.* quæ est satis difficilis, orationem Severi & Antonini pertinere tantum ad rerum donationem, id est, traditionem vel mancipationem, quibus modis donatio perficiebatur, non etiam ad rerum promissionem, puta, si quod uxori stipulanti maritus sponderit donandi animo, hanc scilicet stipulationem non confirmari, non convalescere ex oratione Severi, etiam si maritus durante eadem voluntate vita decesserit, id eoque mariti heredem ex ea stipulatione non posse conveniri, quæ est sententia *legis Papinianæ*. Quæ quidem non excludit remissionem obligationis factam donandi animo, sed obligationem tantum contractam donandi animo. Nec eadem sententia Papin. quidquam obstat *lex cum hic status, §. 1. h. t.* dum ait, mortuo donatore durante voluntate ipso jure res donatas fieri donatarii, & obligationem esse civilem. Quod ait, & obligationem esse civilem, pugnare videtur cum *d. l. Papin.* Verum ea verba sic accipienda sunt, ipso jure silentio & morte donatoris insecuta res donatas acquiri donatario, res donatas autem, & cessas actiones, siue nomina, donatario facto procuratore in rem suam, ipso jure in donatarium transire, & civiles obligationes esse, ex quibus jure civili cum effectu donatarius experiri possit, si in eadem voluntate donatur, qui eas cessit, perseveravit in diem supremum. At si quid donandi animo stipulanti promiserit, si se obligaverit viro vel uxori, licet in eadem voluntate perseveraverit in diem supremum, hæc stipulatio non convalescit ex oratione Severi, excepto uno casu: si interposita sit alimentorum causa, *l. si stipulante, h. t.* ubi annuum siue menstruum nihil aliud significat, quam alimenta, ut *l. quædam, de post. dot.* Si stipulanti uxori vir promiserit alimenta, vel contra, favore alimentorum potest dici, hoc casu stipulationem convalescere, ex oratione Severi & Antonini, vel confirmari etiam potest remissio usurarum dotis per fideicommissum, si maritus heredem rogavit nominatim, ne usuras dotis ab uxore exigeret, vel etiam, ut est in specie hoc loco proposita, si dotem uxori prælegaverit, & generali sermone donationes a se in uxorem collatas per fideicommissum confirmaverit, herede rogato, ne eas ab uxore revocaret, vel etiam per legatum hoc modo: *quæ viros uxori dedit, donavi, in usum concessi, ei eripi nolo, ut in l. si quando, de leg. 1. l. uxori, de leg. 2.* In specie proposita dotem prælegando, quam uxor promittit, remittit obligationem dotis, non obligationem usurarum, quia usuræ non sunt pars, sed fructus dotis, *h. 2. de usuris, eorum ver. quæ usu consuevit.* Ad titulum donationis; id est, generali capite confirmatarum donationum omnium, verbis fideicommissi etiam usuras dotis remittit, confirmative earum donationum & remissionem tacitam, quam arguit longum silentium, quoniam posuit, per omne tempus matrimonii fuisse virum, nec exegisse usuras dotis. Confirmatio donationum generalis non tantum expressas, sed etiam tacitas donationes confirmat. Et hæc est sententia hujus responsi. Multum vero interest, donatio facta inter maritos confirmetur ipso jure, id est, oratione Severi, an a testatore donatore per legatum aut fideicommissum. Nam quæ confirmatur, ipso jure retrahitur quæ confirmatur legato aut fideicommissum, non item, *l. donationes, C. de donat. int. vir. & uxori.* quæ ipso jure confirmatur, capitur ut donatio, quæ supremo judicio donatoris, ut legatum vel fideicommissum, *l. ex verbis, C. eod. tit.*

Ad §. ult. L. LXX. & L. LXXI. de Leg. II.

§. ult. L. LXX. Cum autem rogatus quicquid ex hereditate
sup.

supererit post mortem suam restituere, de pretio rerum venditarum alias comparat, diminuisse, quæ vendidit, non videtur.

Ad L. LXXI. Sed quod inde comparatum est, vice permutati domini restituatur.

Heres rogatus est restituere post mortem suam, non hereditatem absolute, sed quicquid ex hereditate superesset, superfluum hereditatis. Quibus verbis tacite testator dat facultatem heredi diminuendi ex bonis, quia non rogat eum, ut bona omnia restituat post mortem suam, sed quicquid ex bonis superfluerit tantum. Et sane potest etiam heres ex bonis bona fide, quid libuerit, quid voluerit, diminueri arbitratu boni viri, non in maligne intervenendi fideicommissi causa, l. deducta, §. ult. l. mulier, §. ult. l. Imperator, l. Titius, inf. ad Senatusc. Treb. Et ex Nov. Justin. 20. quæ hoc certo sine taxavit, heres ita rogatus potest tantum diminueri ex bonis ad finem dantis, ut quadrans fideicommissario salvis sit. At in hac specie in l. prax. §. ult. sup. cuius hic Papin. versus appendicula est, offenditur, diminuisse ex hereditate heredem non videri, quod vendidit quasdam res hereditarias, & ex pretio earum alias comparavit, quia non est diminutum, quod in corpus patrimonii verum est, l. pater, de adm. leg. Et ideo subijcitur in hac l. 71. ex Pap. Res ex ea pecunia comparatas contineri fideicommissio, & post mortem heredis esse fideicommissario restituendas, quia, ut ait Pap. vice permutati domini hoc est, id est, pro eo habetur, atque si heres rem hereditariam cum alia re permutasset, & alteram submisisset in alterius locum. Sententia igitur hæc est: Reparatas aut permutatas res ex pretio rerum hereditarium venire in restitutionem fideicommissi, de quo agitur. Verum huic sententiae duæ leges opponuntur, l. sed est, §. 1. de per. hered. quæ ait, eum qui hereditatem ad alium pertinentem bona fide possidet, si rem hereditariam distraxerit, & ex pretio aliam comparaverit, restituere vero heredi, qui agit adversus eam petitione hereditatis, debere pretium, quod redegit ex re hereditaria, non rem comparatam ex pretio: At hic dicimus non pretium fideicommissario esse restituendum agenti fideicommissaria hereditatis petitione, sed rem comparatam ex pretio. Hæc videntur inter se pugnare. Accurs. respondet, hic heredem ex pretio comparasse aliam rem nomine hereditario, ibi suo nomine. Quæ distinctio Accursii Bartolo displicet: placet Immolæ & Reinerio, placebit quoque omnibus, si ita intelligatur secundum mentem Accursii, quam calumniatur ille: Si bonæ fidei possessor, vel heres ex pretio rei hereditariæ rem sui causâ comparaverit, ut rem verteret in suum patrimonium, ut ait d. l. sed si lege §. 1. non quod hereditati ea res utilis aut necessaria esset, tum in petitionem hereditatis vel fideicommissi venire pretium, non rem ipsam comparatam ex pretio. Et sic in l. seg. h. si ex pretio rei hereditariæ vendita heres proprios creditores dimiserit, proculdubio pretium cadit in fideicommissum: sed si rem ex pretio comparatam verterit in hereditatem, si interfuerit hereditatis eam comparari, atque adeo hereditatis gratia comparata fuerit ex pretio rei hereditariæ, tum verum est, rem comparatam, non pretium venire in petitionem hereditatis, vel fideicommissi, quasi permutatione facta rei hereditariæ cum alia re, & altera re submissa in locum alterius. Opponitur etiam sententia huius legis, l. cum pater, §. d. ult. §. ult. inf. h. t. Ubi quia testator legat fratribus bona materna, non videtur etiam ea bona legare, quæ ex pecunia materna comparavit. Sed hoc ideo, ut breve faciam, quia voluit tantum legare fratribus bona, quæ cum eis communia habuit, quæ erant protecta a matre. Idque apparet ex verbis testamenti, quæ proponuntur in d. §. d. ult. §. ult. Communia non sunt, quæ ex pecunia communis comparantur, quæ ex communi pecunia quis comparat sibi, l. q. C. comm. utriusque iudi. Sed hæc de re suis tractabimus in l. cum pater, Tit. IV.

Ad L. LXXVII. de Leg. II.

Cum pater filios eorumque matrem heredes instituisset, ita scripsit: peto a te filia, ut acceptis ex hereditate mea in portionem tuam centum aureis, & prædio Tusculano, partem hereditatis restituas matri tuæ, respondi, prædium quidem hereditarium iudicio divisionis, de communi filiarum habituram, pecuniam autem de parte sua retenturam.

Explicabo nunc legem, quæ nulla est in jure æque referta acutissimis Papiniani responsis, ex quibus duo tantum interpretabor: ea vero est l. 77. de leg. 2. Et primum ex iis responsum pertinet ad hanc speciem. Pater filium & filiam, & eorum matrem heredes instituit, & filiam rogavit his verbis: Rogo te filia, ut partem hereditatis, ex qua te heredem institui, restituas matri tuæ acceptis ex hereditate mea in portionem tuam centum aureis, & fundo Tusculano. Fundus Tusculanus est communis omnium heredum, hoc est certum. Eum igitur fundum proculdubio filia est acceptura de communi, partim jure hereditario, partim jure legati, non de parte sua, quia is fundus totus non est in parte sua. Quæritur, an etiam similiter pecuniam, id est, 100. aureos sit acceptura de communi, partim jure hereditario, partim jure legati, an de sua parte jure hereditario totam? Tentari posset etiam pecuniam esse accipiendam de communi, quia pater dixit, ut eam pecuniam acciperet ex hereditate sua, quod videtur esse ex communi patrimonio inter heredes suos. Est quæstio elegantissima ad quam ita Papin. respondet. Filiam quidem fundum capere partim jure hereditario a semetipsâ, partim jure legati a coheredibus officio judicis familiæ eriscunda cognoscendis, hoc est, fundum Tusculanum totum eam capere judicio fam. erisc. Quod iudicium divisionis vocat, non de parte sua, quia in parte sua, non est totus, sed de communi. Pecuniam autem totam eam capere, de parte sua jure hereditario, non de communi, partim jure hereditario, partim jure legati, quia ejus pecuniæ quantitas parti ejus inesse intelligitur, licet in hereditate inventa nulla pecunia fuerit, quia in pecunia, quæ legatur, vel quam heres retinere jubetur, vel accipere, vel præcipere, non corpora nummorum spectantur, sed quantitates, quæ semper bonis inesse intelligitur, l. 88. de verb. sig. Quod idem respondit etiam lib. 9. in l. deducta, §. acceptis, ff. ad Senatusc. Treb. Igitur pecuniam totam accipiet jure hereditario, de sua parte. Nec obstat quod pater dixit, ut eam pecuniam acciperet ex sua hereditate, quoniam hereditatem accepit pro portione hereditatis, quam ei reliquerat, quoniam in usu juris est ita loqui, & partem hereditatis vocare hereditatem. Parti nomen dare totius, ex usu consuetudinis est, hæc est sententia huius responsi. Transeo ad ea, quæ ei opponuntur. Opponitur primum huic responso l. heredes, §. ult. adhibita lege seq. sup. fam. erisc. Quo loco dicitur, coheredi prælegata certa pecunia, certo numero nummorum, si pecunia in hereditate inventa sit, si non, eam pecuniam ei esse faciendam de communi, & præstandam officio judicis fam. erisc. Quod etiam confirmat Paulus 3. Sent. initio tit. de leg. his verbis: per præceptionem uni ex heredibus nummi legati, qui domi non erant, officio judicis fam. erisc. a coheredibus præstabitur: fac, tres esse heredes ex æquis partibus, & uni esse prælegatos 500. aureos, coheredes ei præstabunt ducentos, aut de communi venundabunt rem hereditariam, & pretium, quod redegerint ex venditione ad finem 300. aureorum, coheredi præstabunt. Verum ut respondeam, multum interest coheredi sit prælegata pecunia a coheredibus, an coheres retenta vel accepta certa pecunia, nulla demonstrata persona dantis, hereditatem restituere rogatus sit. Priore casu pecunia ei præstanda est de communi, posteriore casu ipse pecuniam retinet de parte sua, & accipit a semetipsâ jure hereditario totam, quia ea summa parti suæ inesse intelligitur, nec intelli-

Cccc 2 gitor

gitur ei esse legata a coheredibus; denique totam eam quantitatem capit jure hereditario, & si lex Falcidia interveniat, totam imputat in Falcidiam, l. acceptis in fin. inf. ad leg. Falcid. & d. l. deducta, §. acceptis. Partes autem fundi, quas a coheredibus accepit, qui pro eis partibus sunt domini fundi, non imputat in Falcidiam, quia eas capit jure legati, sed eam tantum partem fundi imputat in Falcidiam, quam a femetipso capit jure hereditario, quoniam placet in Falcidiam tantum imputari ea, quae jure hereditario capiuntur, non quae alio jure, l. quod autem, & l. seq. & l. in quatuor, inf. ad leg. Falcid. Male Accursius eam etiam filiam pecuniae partem accipere a coheredibus contra manifesta verba legis, quae dicit, pecuniam filiam accipere totam de parte sua, ergo a femetipso, non a coheredibus. Inepte etiam idem Accursius huic responso opponit l. si fundum sub conditione, §. si libertus, supra, tit. proximo, quod hic legatarius capiat totum fundum, cui legatus esse intelligitur, ibi servos legatos capiat pro quincunce tantum non totos. Inepte, inquam, quoniam id genus legati, de quo ibi agitur, nihil cum eo, de quo hic agitur, affine aut propinquum habet, & quae opponuntur & committuntur invicem, inepte committuntur, nisi inter se habeant adfiniitatem, & quasi paritatem aliquam. Primum igitur ibi legatarius non fuit coheres, hic fuit coheres. Item servi legati sunt ibi ab heredibus institutis ex quincunce tantum, non a patrono, qui heres institutus erat ex septunce. Ergo fervorum quincunx duntaxat legatus est, hic vero totus fundus generaliter legatus est ab omnibus heredibus, sed pro parte legatarii inutile est legatum, quia heredi a femetipso inutiliter legatur. Alioquin idem deberet legatum pro ea parte, & deberetur eidem, quod fieri nequit: verum & pro ea parte tantum fundum coheres retinetur jure hereditario, pro reliquis partibus jure legati l. legatum, §. i. sup. tit. prox.

Ad §. Eorum.

Eorum quibus mortis causa donatum est, fideicommissum quoque tempore potest, quod fideicommissum heredes salva Falcidia ratione, quam in his quoque donationibus, exemplo legatorum, locum habere placuit, prestabunt: si pars donationis fideicommissum teneatur, fideicommissum quoque munere & aliquid fungetur: Si tamen alimenta praestari voluit, collationis totum onus in residuo donationis esse. Respondendum erit ex defuncti voluntate, qui de majori pecunia praestari non dubie voluit integrum.

Sciendum est a donatariis mortis causa posse fideicommissum relinqui, quia legatariis comparantur, & donationes causa mortis legatis, l. Seja, de dote praeleg. l. cum hi, §. idem erit dicendum, de transact. l. ab eo, §. de fideicommissis. A donatariis autem inter vivos fideicommissum relinqui non potest, l. cum quis decedens, §. pater inf. tit. prox. Et a donatariis quidem mortis causa Papinianus ait in §. i. hujus legis, fideicommissum posse quoquo tempore, id est, vel donationis tempore, vel alio tempore. Et subjicit hic, fideicommissum heredes salva Falcidia ratione, quam in his quoque donationibus exemplo legatorum locum habere placuit, prestabunt. Quid hoc sibi vult, heredes, inquit, prestabunt fideicommissum, quod relictum est, tamen non ab heredibus, sed a donatariis mortis causa, hoc est falsum, heredes praestare fideicommissum relictum a donatariis mortis causa, quia non heredes rogati sunt, sed donatarii. Hi igitur soli fideicommissum praestando obligati sunt, an falsa scribit Papinianus? quid dicemus? nimirum hanc esse mentem Papiani, ut & omnes volunt, heredes praestare donatariis fideicommissum, id est, quod fidei donatariorum mortis causa commissum est, ut alteri resisterent: Aut brevius, heredes praestare donatariis donata causa mortis post mortem donatoris, quae sunt subiecta fideicommissum, deducta tamen Falcidia, si hereditas sit exhausta vel onerata legatis, quia placuit, inquit, Papin. id est, placuit

A Divo Severo exemplo legatorum, & in donationibus causa mortis legi Falcidia locum esse, l. 2. C. de mort. caus. donat. l. 5. C. ad leg. Falcid. Donatarii autem, si passi sunt Falcidiam, tanto minus fideicommissario praestabunt, ipsi non habent deductionem Falcidiae ex fideicommissum, sed quod ex donatione mortis causa Falcidiae nomine heres deduxit, etiam fideicommissum minuit, l. parricid. §. ult. ad l. Falcid. l. Plautius, §. ult. de condit. & demonstrat. l. facta, §. si Titius, ad Treb. l. si mihi Stichus, sup. tit. proximo, l. 5. inf. si cui plusq. per l. Falcid. Male Haloander hoc loco pro heredibus, legit, heredi, nihil est mutandum, sententia est congrua, si sic accipiat ut docui esse accipiendam. Hae autem, quae haecenus dixit Pap. in hoc §. i. praefationis vice, xxi as in praefatione, ut Theophilus loquitur, dixit: quod autem praecipue agit iis praefatis & cognitis, hoc est, ut doceat, si non res omnes, quae donatae sunt mortis causa per fideicommissum a donatariis relinquantur, sed pars donationis, veluti tertia aut dimidia, donationem mortis causa etiam hoc casu, & per consequens fideicommissum quoque minui per legem Falcid. quam inducunt heredes. Nihil igitur interesse, donatio tota, an pars donationis fideicommissum contineatur. Nam etsi fideicommissum contineatur pars tantum tertia donationis, etiam ex ea parte heredes deducunt Falcidiam, & eo minor pars tertia fideicommissario praestatur, quod adhuc satis est apertum. Verum addit, quod est caput hujus responsi, aliud esse dicendum si neque donatio, neque pars donationis fideicommissum contineatur, sed donatarius rogetur fideicommissario non praestare res donatas, aut partem rerum donatarum, sed alimenta, vel annua dens alimentorum nomine. Hoc enim casu diminuta donatione per leg. Falcidiam non diminuitur fideicommissum alimentorum, sed de residuo donationis, si sufficiat praestationi alimentorum, alimenta integra, integra annua dens fideicommissario praestantur. Et hoc est quod ait, collationis onus, id est, alimentorum praestationem, in residuo donationis esse five consistere? & hoc efficere non favorem alimentorum; sed voluntatem defuncti, qui non de donatione, aut parte donationis alimenta integra praestari voluit, sed de majori pecunia, id est, de patrimonio toto donatariorum, quod ideo Glossa vocat onus extrinsecum, & omnes DD. etiam, qui non aliam linguam didicerunt, quam illam quam didicit Accursius. Onus est extrinsecum, quoniam non est dotatione, vel ex parte donationis relictum est, sed extrinsecum ex omni patrimonio donatarii. Itaque diminuta donatione per legem Falcidiam, concludit, non minui fideicommissum alimentorum, videlicet, si residuum donationis, quod superest deducta Falcidia, sufficiat integræ praestationi alimentorum, vel si non sufficiat integræ, id omne esse praestandum alimentario, quod est in residuo donationis sine diminutione. Quod etiam confirmat l. liberto, §. i. ff. de annuis leg. & l. maritum, §. ult. ad leg. Falcid.

Ad §. Mater.

Mater filiis suis vulgo conceptis dotem suam mortis causa donando stipulari permisit, cum aliis heredibus institutis, perisset a filiis, viro dotem restitui: totum viro fideicommissum dotis deberi, si Falcidia ratio non interveniret; Ideo retentionem dotis viro habere placuit. Alioquin Falcidia partem heredibus, a filiis ex stipulatu cum viro agentibus, ex dote esse, per in factum actionem reddendam.

IN hoc §. agitur etiam de fideicommissum relicto a donatariis causa mortis, & de donatione causa mortis minuenda per legem Falcidiam, ut & in §. i. Mater cum dotem daret marito permisit filiis suis vulgo quaeritis eam dotem de marito stipulari in casum mortis suae, id est, si ipsa prior moreretur in matrimonio. In eum quoque casum mortis suae filius donando dotem: denique dotem donando spuris mortis causa: deinde in testamento aliis heredibus institutis, & filiis merito praeteritis.

ti, ut nec jure queri possit de inofficio testamento matris, qui aliquon fit essent immerito preteriti, tamen si filii spurii, possent queri de inofficio testamento, ut esset proditum *sup. in tit. de inoff. testam. l. si pater, §. de inofficio, eod. fit* immerito preteriti, quia preterito pro exheredatione habetur. Mater igitur testamento aliis heredibus instituit, & filiis merito preteritis, ab iisdem filiis marito fideicommissum reliquit, rogando eos, ut dotem quam eis donaverat marito causa marito restituerent, potuit eorum quibus mortis causa donaverat fideicommittere eoque tempore, ut dixi in §. i. id est, non tantum tempore donationis, fed etiam postea in ultima voluntate, ut in hoc §. Per fideicommissum tunc filiis ademit donationem causa mortis, non per potentiam, nec hoc dixeris eum Glossa, aliquon fit potentia revocari donationem causa mortis, fideicommissum a filiis relictum non valet. Ita posita hac specie, adhibenda hac distinctio est. Aut legis Falcidie ratio intervenit hereditate exhausta vel onerata legatis & fideicommissis, & donatione causa mortis supra dordrante; aut non intervenit ratio legis Falcidie. Si non intervenit ratio legis Falcidie, quia minuat donationem causa mortis subiectam fideicommissum, tunc totam dotem filii marito restituere teneantur, & eo nomine si dotem habeant, maritus cum eis agere potest ex causa fideicommissi, & multo magis si dotem non habeant, sed habeat maritus ipse, & illi cum marito agant ex stipulatu, qui illis stipularibus promissit inter contrahendi matrimonii soluto matrimonio morte mulieris dotem reddi, multo magis dabimus marito retentionem dotis, opposita exceptione doli mali, cum damus actionem & exceptionem damus multo magis, *l. irosius, §. i. de regul. jur. At si legis Falcidie ratio interveniat, quia minuat donationem causa mortis, quia minuat dotem, filii cum marito restituant & utiliter agent ex stipulatu sine metu exceptionis, ut scilicet vel ex dote partem Falcidie, id est, dotis quadrantem maritus reddat quem heredes affragiant jure Falcidie, quemque mox a filiis revocantur actione in factum, id est, utili actione in rem, vindicato quadrante, ut in §. *Mutio, inf. in hac h. l. pen. C. ad leg. Falcid.* Relinquitur dordrante retentionem maritus habet, non totius dotis Falcidie interveniente. Et hac est interpretatio hujus §. satis obviari. Ex quo insuper notanda est una differentia inter legata & donationes causa mortis, ante consil. Justiniani, id est, ante *d. l. penult.* heredes legatarum Falcidiam sibi servabant, non per vindicationem, sed per retentionem legatarum, *l. i. §. i. l. 15. §. i. l. 93. inf. ad l. Falcid.* Idcirco legatario occupante vacuum possessionem rei legatæ sine voluntate heredis, heredi datur interdiction quos legatarum, ut adipisceretur possessionem rei legatæ, & sibi servaret Falcidiam per retentionem possessionis, *l. i. C. quod legat. donatum* autem mortis causa Falcidiam heredes, ut servant hodie sibi & olim quoque teste Justin. in *d. l. penult.* servabant eam sibi per vindicationem, five per actionem in factum, quia utilis vindictio est, quoniam possessio rerum donatarum jure constituta erat apud donatarium, non apud heredes, ut nec possent heredes eam donationum Falcidiam sibi servare per retentionem possessionis, quambrem necesse fuit ex decurrere, ut heredibus subveniretur data utili Falcidie vindicatione adversus donatarios, qui iusti sunt possessores rerum donatarum. Et ita in specie propozita, ubi donatarii recuperaverunt dotis quadrantem a marito, confestim heredes eum quadrantem ab eis donataris revocantur utili & extraordinaria vindicatione, quæ & in hoc §. & in tit. de rei vindict. sepe dicitur actio in factum, *l. i. in rem, §. quæstio, l. qui religiosi, l. cum autem, eod. tit.* Eadem ratio est, ut interdiction quos legatarum non pertineat ad donationes causa mortis, quia ipsa possessionis rerum donatarum mortis causa, non pertinet ad heredes, sed ad donatarios, nec ut legata, ita donationes causa mortis præstantur ab heredibus, sed quoniam ab ipso defuncto proficiuntur, & transeunt in donatarium. Et hoc est satis adnotasse ad hunc*

Ad 6. Surdo.

Surdo & muto, qui legatum accipit, ut cum moritur restituat, recte mandatur: nam & ignorantes recte astringuntur fideicommissis, quibus ignorantibus emolumentum ex testamento auaritur.

IN hoc §. ostenditur a legatario furdo & mutō fideicommissum relinqui posse, vel quod eīdē, potest legatario furdo & mutō recte mandare, ut cum morietur, rem legatam præfret & restituat alteri: mandari, inquit, mando est verbum fideicommissi §. *mando, inf. l. i. de iur. pater, da condit. c. demonst.* Ergo hoc dicit in hoc §. ab ignorantibus fideicommissum relinqui posse. Ignorantes fideicommissō adstringi posse. Nam furdo & mutus pro absentibus & ignorantibus habetur, *l. ult. de verborum signific. l. 29. §. ult. comm. divid.* Nec fine ratione est quod ignorantes fideicommissō adstringantur. Nam & ignorantes, inquit, ex testamento emolumentum legatorum adquirent, id est, actionem legatorum, *l. si a furio, de obligat. c. action. §. filiusfamil. sup. qui testam. fac. poss. l. ult. C. quando dies legi. cedat.* Rerum autem legatarum dominium adquirent agnitione, id est, cum agnoscunt legatum & amplectuntur: vel traditione, cum accipiant legatum ab hereditis, *l. et qui t. de cond. inst. l. cum vero in fin. de fideicom. liberr.* Ergo rerum legatarum dominium adquirent scientes, non ignorantes, actionem legatorum etiam ignorantes. Atqui, quod posset obijci, res legata dicitur esse legatarii ignorantis vel deliberantis, *l. si partem in fine, sup. quemadmod. feruit. amitt. l. magis, §. fundum, sup. de reb. corr. qui sub tut. vel cur. Verum hoc ideo, quia cum actio ignorantī adquiretur, propemodum & res ipsa acquiri videtur; nam in usu est, ut & nostrum, fidei proprium esse dicamus id, de quo actionem habemus, *l. 15. §. quod amicus, ad leg. Falcid. l. 15. de reg. iur.* sequitur aliter responsum.*

Ad §. Hereditatem ,

Hereditatem filius cum moreretur, filiis suis, vel cui ex his voluisset, restituere fuerat rogatus, quo interea in insulam deportato, eligendi facultatem non esse piana peremptam placuit, nec fideicommissi conditionem ante mortem filii heredis existere: viriles autem inter eos fieri, qui eo tempore vixerint, cum de aliis eligendi potestas non fuerit.

HUJUS s. species hæc est: Pater filio heredi instituto in electionem dedit, ut filius suis, qui nepotes sunt patris, id est, filius nepotibus suis, vel cui ex eis vellent, cum moreretur, hereditatem restitueret. Post mortem patris filius in infamam deportatus est ex delicti causa deportatione amisit testamenti faciem, quia desinit esse civis, & factus est peregrinus, non tamen amisit jus eligendi, cui liberorum hereditatem paternam restitueret, quia electio pendet ex animi judicio, quod in eo post pœnam manet intactum, & facti est electio potius quam juris. Idecirco capitis deminutione, minore scilicet, veluti deportatione, non amittitur: deportatus amittit ea, quæ sunt juris, non ea quæ sunt facti, *l. legatum, inf. de cap. minor.* Et hoc Papinianus reponsum, nominatim ex hoc libro etiam in testimonium attulit Ulpianus in *l. ex factis, si quis rogatus, d. ad Senatus, Trebell.* ubi ex hoc loco etiam jamdud. docuit observatio tertia, in locum illorum verborum, *cui liber factus fideicommissum restitui velis* (quoniam deportatus non fit servus, ut expectari debeat exus libertas, sed retinet libertatem, & civitate plebitorum sola) esse legendum aut reponendum, *cui liberorum fideicommissum restitui velis.* Proinde hujus fideicommissi conditio, ut Papinian. ait, non existit ante mortem filii naturalem, licet deportatus sit: quia & post deportationem potest eligere, cui liberorum fideicommissum restitui velis: moriente filio is quem elegerit, vocabitur ad hereditatem fideicommissariam,

riam, ceteri excluduntur: si neminem elegerit, omnes vocabuntur ad hereditatem pro virilibus portionibus, ut in *l. unum ex familia*, §. si duos, *sup. hoc tit.* Aliud tamen dicendum esset, ut docet Ulpianus supradicto loco, filio damnato in metallum, quæ maxima est capitis diminutio, ut deportatio, minor capitis diminutio. Maxima in omni jure morti comparatur semper, quæ plecit civitate, & libertate, quæ servum & peregrinum facit, minor autem non semper morti comparatur, non in hac specie, non etiam in specie legis, sed si mori, de donat. inter vir. & uxor. non etiam in specie legis si intercedat, de condit. & demonstrat. Ideoque deportatus jus eligendi non amittit: damnatus in metallum jus eligendi amittit, & statim fideicommissi persecutio filiis ejus competit, non expectata morte naturali patris, quæ jam contigisse intelligitur: nec post damnationem editi liberi ad fideicommissum admittuntur, d. §. si quis rogatus: post damnationem reliqui liberi ad fideicommissum admittuntur, quia conditio fideicommissi, quæ semel extitit, nunquam refumitur, l. pater, §. ult. de condit. & demonst.

Ad §. Qui Dotale.

Qui dotale prædium contra l. Juliam vendidit, uxori legatum dedit, & emptoris fideicommissit, ut amplius ei pretium restitueret, emptorem fideicommissi non teneri constat, si tamen accepto legato, mulier venditionem irritam faceret, eam oblato pretio, doli placuit exceptione summoveri.

Notissima est l. Julia de fundo dotali, quæ vetat fundum dotalem alienari vel pignerari a marito, quamvis maritus, ejus fundi dominus sit; sed dominus, non quidem simpliciter, sed dotis causa. Quid igitur si maritus fundum dotalem quandoque vendiderit, & tradiderit emptori, & ab eo pretium acceperit, potestne hæc venditio quandoque soluto matrimonio mulieri esse fraudi? Minime vero, quoniam ex l. Julia uxor soluto matrimonio irritam venditionem facere potest, vindicatio fundo ab emptore, nec oblato & reddito pretio, quod emptor marito intulit, quia illicita venditio est, l. 3. C. de rei vindic. l. si sciens, C. ad Sempron. Vell. Sed si maritus vendidit quidem & tradidit fundum dotalem, sed pretium nondum acceperit ab emptore, quæ est species hujus §. Nam falso fingunt, maritum accepisse pretium ab emptore. Ponamus igitur, maritum fundum dotalem vendidisse, & tradidisse, pretium nondum accepisse, & morientem legasse uxori ab herede rem certam, & hoc amplius, ponamus emptoris, qui nondum pretium solverat fideicommississe, ut uxori pretium restitueret & solveret. Hoc casu emptor quidem fideicommissio non tenetur. Idque constat inter omnes, quia scilicet uxore irritam faciente venditionem, ex post facto apparuit, emptorem marito pretium non debuisset: nec enim de pretio tenetur emptor, cui res emptæ evincitur, l. 5. l. si fund. C. de evict. Apparuit igitur, emptorem non fuisse debitorem mariti, debitor fideicommissio tenetur, quia ex constitutione Divi Pii etiam a debitore fideicommissum relinquere potest, l. si pecunia, *sup. tit. prox.* l. cum quis decedens 35. §. pater, in fine, *tit. seq.* At hic emptor debitor non fuit mariti, nihil etiam ei dedit maritus, ut eum fideicommissio obstringere possit, cui nihil dederis, non est recipiendum, ut eum rogando obliges, l. 6. in fine *tit. seq.* De suo quemque largiri oportet, non de alieno. Verum in proposita specie uxore irritam faciente venditionem fundi, & vindicante fundum dotalem ab emptore post mortem mariti emptor oblato pretio, quod ab eo uxori venditoris restitutum est per fideicommissum, ultro oblato pretio, quod initio extorqueri non potuit, quia eum fideicommissio non teneri constabat, ultro tamen oblato pretio mulierem vindicantem fundum dotalem repelleret exceptione doli mali, si doceret eam agnovisse legatum, quod ei maritus reliquit ab herede; quia irritam facit venditionem vindicando

fundum, facit contra voluntatem testatoris, cui tamen, cum legatum agnovisset, parere necesse habuit, quia in fideicommissio dicendo amplius, ut scilicet emptor amplius uxori pretium restitueret, & repræsentaret, quod verbum amplius tantundem valet, quantum, hoc amplius, l. qui ita, de dote preleg. l. si servus legatus, §. si ita *sup. tit. prox.* In fideicommissio dicendo amplius, vel hoc amplius, testator satis demonstravit, se ideo uxori legatum rei certæ relinquere ab herede, & pretium fundi venditi ab emptore, ne venditionem rescinderet, ne venditionem faceret irritam; & vinciendo, connectendo legatum rei certæ cum fideicommissio pretii, hoc articulo amplius demonstravit, causam sibi esse eam relinquenti pretii, & legandæ rei certæ: causa autem relinquenti pretii, quæ alia est, quam ne fundum uxori avocet emptori: Ergo & eadem est causa legati, ut ratam faciat emptionem venditionem fundi dotalis; denique hic articulus amplius, repetit legatum; ac si dixisset amplius quam quod uxori ab herede meo legavit, emptor ei restituit pretium fundi dotalis, quem tibi vendidi, & legato ea ratio adjicit causam, quæ fideicommissio inest. Eadem verba hoc amplius, vel simpliciter amplius, sæpe magnam vim habent magnæque motum. Alias adjiciunt diem vel conditionem, l. si tibi pure, *tit. seq.* alias adjiciunt collegatarium, l. 13. *tit. seq.* alias adjiciunt vires & robur legato inutili, l. legata inut. *sup. tit. prox.* Denique magni momenti sunt in hoc responso, conficiunt totum negotium, quia legato priori relicto ab herede adjiciunt causam, quæ inest fideicommissio. Rejiciantur Glossæ omnes & commenta Doctorum ad Glossas, qui ad Papin. suppleant, quæ Papinianum non venisse in mentem verba ejus produunt satis: neque enim in necessariis est Papiniani brevitate quicquam unquam solemus desiderare, supervacuis caret *enarratio*, sed certe minus non dicit quam quod dici oporteat. Et cogor ob eandem causam hoc loco tractare id, quod in §. 1. hujus legis eorum vestigia subsequuntur verba Papiniani prætergressus sum. Si ex donatione causa mortis heres Falcidiam detrahât, sive a donatario causa mortis tota donatio, sive pars donationis per fideicommissum alii relicta sit, minuitur fideicommissum. Fac, ut res sit aperta, donationem esse ABC, fideicommissum B, Falcidiam heres detrahit non solum de AC, sed etiam de B. quod est fideicommissum. Minuitur ergo fideicommissum nec præstat integrum, licet potuerit ex residuo donationis præstare integrum. Verum aliud dicendum est, si fideicommissio neque donatio, neque pars donationis continetur, sed donatarius rogetur alii, verbi gratia, annua dena præstare alimentorum nomine, & patiarur donatarius Falcidiam, quia dicendum est, præstationem annuam non consistere in donatione tota, sed in residuo donationis, quod superest deducta Falcidia. Quod si abunde sufficiat præstationi annuæ, integram eam præstari sine diminutione: Fac, in donatione esse fundum ferentem annua sexaginta, in fideicommissio annua 10. Falcidiam abstulisse quartam partem fundi, quæ ferebant annua 15. ex residuo fundo fideicommissario, sive alimentario integre annua 10. præstabantur, non favore alimentorum, sed ut ait ex d. §. 1. ex voluntate defuncti, qui de majori pecunia haud dubie præstari voluit integra alimenta, nunquam relinquatur alimenta alii, nisi ex majori reditu quodam ex majori pecunia, quæ residueat, aut relinquatur ei qui oneratur fideicommissio. In exemplo autem propositio major est pecunia residua, quæ residueat apud donatarium tres partes fundi, quæ fuerunt 45. quotannis. Ergo annua dena integra alimentario præstabantur: si eadem aut minor sit pecunia residua, proculdubio tunc minuetur etiam fideicommissum alimentorum, & hoc est verius & convenientius verbis Papiniani, quibus nunquam utitur irreligiose, quam quod DD. tradunt, quos sequebar in d. §. nudius tertius, accipientes majorem pecuniam pro toto patrimonio donatarii, & nihilominus admittentes diminutionem fideicommissi, si residua pecunia non sufficiat inte-

integre præstationi, quod est absurdum & incongruum: A nam si debentur ex toto patrimonio donatarii: ergo non diminuantur, etiam si donatario diminuantur, nec sufficiat integre præstationi alimentorum.

Ad §. Mævio.

Mævio debitori suo reus stipulamini mandavit, ut Titio, cui mortis causa donabat, pecuniam debitam solveret; cum sciens dominum vita decessisse, Mævius pecuniam dedisset: non esse liberationem secutam, constitit: nec si Mævius solvendo non esset, in Titium adjectionem solidi vel iure Falcidia dandam esset: quia mortis causa cepisse non videretur. Diversum probandum foret, si Mævius ignorans dominum vita decessisse, pecuniam errore lapsus dedisset: tunc enim portio iure Falcidia revocaretur.

DEBITORI meo mandavi inter vivos, non per fideicommissum, ut Titio statim vel me vivo pecuniam debitam solveret; ut etiam ei solveret post mortem, sed ut statim vel me vivo pecuniam mihi debitam solveret L. Titio, cui eam donabam mortis causa: ego mox vita defunctus sum, mandatum morte mea finitum est: (Mandatum finitur morte mandantis, l. mandatum, C. mandati. Sicut iustum morte jubentis, l. si per epistolam, ff. de acquir. hered. & cessitia tutela morte cedentis apud Ulpian. tit. de tutelis.) Et in specie propostia si quidem debitor meus sciens mortem meam, atque adeo finem mandati, solverit L. Titio, non liberatur, l. ult. de solut. in qua sic est legendum, ut probavit omnibus obsecratio prima: Et autem cui iussi debitorem meum solvere, & illud solvere, est substituendum: post mortem meam non recte solvitur, quia mandatum morte dissolvitur. At si debitor meus ignorans me vita decessisse: per errorem pecuniam solverit L. Titio, ex æquo & bono liberatur, l. inter, §. 1. mand. l. pen. sup. de reb. cred. §. recte, inst. de mand. Quibus præmissis finge: ego vita decessi: morte mea finitum est mandatum pecuniæ solvendæ Titio finita & extincta donatio causa mortis, quia donatario ea pecunia recte solvi non potest post mortem meam. Finge, inquam, mandatarium debitorem meum non ignorantem mortem meam pecuniam L. Titio solvisse: non liberatur, ut præmissis, & ideo heredi meo tenetur ex stipulatione, vel ex alia causa, ex qua mihi intendit, an heredi meo est actio in L. Titium, qui pecuniam accepit a sciente, ut scilicet eam pecuniam reddat totam, vel saltem partem Falcidia, quod interveniat ratio legis Falcidia, & heres desideret Falcidiam etiam ex donatione causa mortis secundum constitutionem D. Severi, de qua diximus in §. 1. Et respondet Papinianus. heredi nullam esse actionem in Titium, quia cum eo nullum negotium gessit, & pecuniam non habet ex mea donatione causa mortis, quæ extincta fuit morte mea, sed eam pecuniam habet ex donatione inter vivos debitoris, qui intelligitur ei donasse, quod sciens indebitum solvit, l. cuius per errorem, de reg. jur. Aliud dicendum est, si ignorans mortem meam bona fide animo exequendi mandati mei, ei solverit, nam hoc casu heres agat actione in factum, ut dixi in §. mater, sup. id est, utili vindicatione Falcidia: heres Falcidiam a L. Titio revocabit quasi donatario causa mortis, quia eodem loco res esse censetur, ac si L. Titius eam pecuniam accepisset ex donatione causa mortis, propter errorem & ignorantiam solvens: neque dicas ignorantiam debitoris prodesse L. Titio contra l. inquisivimus, de iur. & fa. ign. quia imo nocet cum patitur Falcidiam L. Titius, quam non pateretur, si sciens debitor ei solvisset.

Ad §. Cum Pater.

Cum pater fideicommissum prædiorum ex testamento matris filio deberet, eandem pro parte ita heredem instituit,

ut hereditatem fideicommissum compensaret, eademque prædia filio exheredato dari voluit, quamquam filia patris hereditatem suscipere noluisse, fideicommissum tamen ab heredibus esse filio præstandum, ad quos hereditatis portio, quam accepit filia, redierat, placuit. Quod si alium filium substituisset, eum oportere filio fideicommissum reddere.

HUJUS species hæc est: Pater filię suæ emancipatæ prædia quædam debuit, aut debet prædia quædam a se herede instituto testamento uxoris, eidem filię, verbis fideicommissi relicta. Idem vero pater in testamento suo filium exheredavit, filiam adjectis coheredibus extraneis heredem instituit ex parte, ea lege ut hereditatis partem compensaret cum fideicommissum prædiorum, quod ei pater debuit ex testamento matris, filio autem exheredato, ab eadem filia prædicta prædia fideicommissum reliquit: deinde mortuo patre filia repudiavit hereditatem paternam, & portio ejus adcrevit coheredibus, vel, ut loquitur, portio quam accepit, id est, quæ ei testamento adscripta est, rediit ad coheredes: redire dicitur hereditas non tantum ad agnatos jure legitimo, ut l. 3. si quis omnia causa testam. l. Jurisconsultus, in princ. de grad. & adfin. sed etiam ad coheredes jure adcrefcenti. Portio igitur filię repudiantis adcrevit coheredibus, vel etiam transfertur ad substitutum, si quem filia substitutum dederit pater, & substitutus præstetur coheredibus l. 2. §. si duo, inst. de bon. poss. secum, tab. nisi aliud fuisset voluntas defuncti, ut in l. quidam, ff. de vulg. subst. Duo autem sunt, quibus prædicta prædia heredes patris debent. Nam ea debent filię ex testamento matris, quo a patre herede scripto ea prædia filię per fideicommissum mater reliquit, & eadem quoque debent filio exheredato ex testamento patris, quo a filia herede scripta eadem prædia filio exheredato per fideicommissum pater reliquit: verum hoc loco agitur tantum de fideicommissio illo prædiorum, quod relictum est testamento patris, & debetur filio exheredato. Et quamvis filia, a qua relictum est filio exheredato, hereditatem repudiaverit, tamen non ideo minus prædia deberi filio exheredato ait, nimirum deberi a coheredibus, quibus portio filię adcrevit, vel a substituto filię, qui portionem filię occupavit jure substitutionis, fideicommissum ab herede relicta videri repetita a substituto & coheredibus, qui quasi substituti cum suo onere consequuntur adcrefcentem portionem, videlicet post rescriptum Divi Severi, de quo in l. licet, sup. tit. prox. l. 61. in fi. hoc tit. l. 4. C. ad Senatuse. Trebell. Quod non obtrivisse autem Severum liquet ex Celso, qui fuit longe antequam Severus rerum potiretur, l. 29. hoc tit. Quoniam jure veteri, quod uni ex coheredibus nominatim fideicommissum erat, ita demum videbatur testator præstari voluisse, si ille heres extitisset, quod si non extitisset, portionem illam vacantem adcrefcente coheredibus sine onere fideicommissi, obvenire substitutis sine onere fideicommissi. Quod igitur hoc loco ait, placuit, sic interpretari debemus, ut & in §. 1. b. l. placuit Dron Severo. De fideicommissio eorundem prædiorum filię relicto testamento matris hoc loco non agitur, quia de eo minus dubitabatur, & constabat coheredibus & substitutis, ad quos rediit portio heredis repudiantis, incumbere onus seris alieni, quod defunctus debuit heredi, qui repudiavit, quique noluit as illud suum compensare cum hereditate, l. cum ab uno sup. hoc tit. Sed ab eo vel ea coguntur coheredes vel substituti ea prædia redimere, si ea velit vendere iusto pretio, & præstare filio exheredato, aut eorum æstimationem, ut in l. non dubium, §. ult. tit. leg. Quamobrem recte statuunt DD. hoc loco contra Hugolinum, nihil huic responso derogari per Novell. 39. de restitut. vel authenticam, res quæ, C. comm. de leg. quæ vetat invito fideicommissario alienari, ergo & legari directo vel per fideicommissum, ea quæ sunt fideicommissa subjecta five obnoxia. Nam & ea quoque prædia invita filia non transeunt ad filium exheredatum: neque enim ea substitutis vel coheredibus distrahere compellitur: verum

rum ea nolente distrahere, filio exheredato præstatur A
astimatio. In extremo versu hujus §. Haloander male
legit *filio*, pro *filio*, secutus sum Florentinam scripturam.
Alterum responsum est in §. evictis, cujus species hæc est.

Ad §. Evictis.

Evictis præditis, quæ pater, qui se dominum esse cre-
diderit, verbis fideicommissi filio reliquit, nulla cum fra-
tribus & coheredibus actio erit, si tamen inter filios di-
visionem fecit, arbitri conjectura voluntatis non patietur,
eum partes coheredibus prælegata restitueret, nisi parati fue-
rint: & ipsi patris judicium fratri conservari.

Pater filios heredes instituit, uni eis per fideicom-
missum a coheredibus reliquit prædia quadam ali-
ena, quæ sua esse credebatur: dominus filio evicit prædia.
Quæritur, an habeat filius eo nomine actionem aliquam
adversus fratres confortes, quod sibi ea prædia habere
non liceat, quæ ab eis legavit pater? Et responderet, ei cum
fratribus nullam esse vel competere eo nomine actionem.
Objicies statim, imo esse petitionem fideicommissi, quia
etiam si quis errore lapsus coniunctis personis rem alienam
reliquerit, cuius se dominum esse credebatur, legatari
aut fideicommissi petitio est, *l. cum alienam, C. de leg. vel*
si reliquerit uxori l. quævis inter, de aur. C. arg. leg. vel alii
tali personæ, ut ait d. l. cum alien. puta alumno, ut in
l. in testament. inf. de fid. lib. vel heredi scripto, l. heredi
inf. ad Trebell. quia manifesta est affectio defuncti erga
heredem, quem donavit honore præcipuo institutionis.
Ergo si quis sciens, sive ignorans rem alienam lega-
verit conjunctis personæ, vel alii tali personæ, legatari
petitio est. Idque est verissimum. At vero contra obji-
ciam & respondebo, filio etiam hoc loco non denegari
petitionem fideicommissi, si nondum præstitum est, sed
evictis prædiis, quæ ei præstita sunt ex causa fideicom-
missi, denegari actionem de evictione in id, quod inte-
rest, prædia evicta non esse adversus coheredes: nam he-
redes legatariis vel fideicommissariis, quibus res certa
relicta est, de evictione non tenentur, *l. si a substituto, in*
fin. l. si legatarij, sup. tit. prox. quia legatarij & fideicom-
missarii sunt lucrativæ rei possessores, ut ait Paul. §. *Sen-*
tent. tit. 11. Et hæc est sententia prioris partis hujus §.
Subjicit in posteriori parte, aliud esse dicendum, si pa-
ter filios heredes instituerit, & inter eos bonorum suo-
rum divisionem fecerit, quod facit certas res singulis
prælegando, ut in *l. 2. §. quidam, inf. ad Trebell. l. 33. sup.*
fam. ercisc. ut rectissime Accursius in *l. nomen, §. ult. tit. seg.*
prælegavit, sic interpretatur, per divisionem assignavit,
vel attribuit. Et illa quidem *l. 33. fam. ercisc.* omnino
congruit cum hac posteriori parte hujus §. Ex quo ap-
paret non omni ex parte hoc responsum esse singulare,
quod tamen omnes nostri DD. tradunt. Ex his vero se-
quitur, officio arbitri fam. ercisc. sive dividendæ here-
ditatis contineri in specie proposita, ut unicuique filio-
rum res, quæ relicta sunt & distributæ a patre, solidæ
præstentur. Quod fiet, quia singulæ res hereditariæ sunt
communes inter filios jure ipso, & singuli in singulis
rebus hereditariis habent partes hereditarias. Id, in-
quam, fiet facta invicem permutatione partium; nam ut
elegantè ait §. *hereditatem, infra hac l. permutatio par-*
tium rerum communione discernit, atque ita genere per-
mutationis divisio bonorum quam pater facit, & inter
filios ad effectum & emolumentum perducitur: ex hac
permutatione autem exemplo emptionis & venditio-
nis, cui proxima & adfinis est, nascitur evictionis no-
mine actio præscript. verbis, l. 1. C. 2. C. de rer. perm. l. 1.
si familie, C. fam. ercisc. l. si fratres, C. comm. utriusque jud.
Quamobrem ex voluntate patris operam dabit iudex
familie erciscundæ, ut ita demum partes prælegatæ co-
heredibus præstentur, si & ipsi vice mutua partes suas
præstent, & in se vicissim detrimentum & periculum
evictionis recipiant, ut æquum in omnium filiorum per-
sona conservetur iudicium, & voluntas, sive divisi-

partis. Et hoc vult in posteriori parte hujus responsi.
Totius summa hæc sit. Facta & perfecta divisione bo-
norum inter filios, quasi ex permutatione alios aliis
teneri de evictione: uni legata res certa una vel plu-
ribus, alios de evictione non teneri. Neque primum
obstat huic definitioni *l. non quocunque, §. 1. sup. tit. prox.*
quam objicit Accursius, quia non dicit, heredem le-
gatariorum rei certæ, certive corporis teneri de evictione,
sed legatariorum, qui non ex causa legati, sed ex alia
causa lucrativa rem legatam nactus est, quamdiu eam
rem tenet ex alia causa lucrativa, non esse legatari peti-
tionem, quia regulariter traditum est, duas causas
lucrativas in eundem hominem & eandem rem con-
currere non posse, §. *si res aliena, Inst. de leg. Sed si for-*
te ea res, quam nactus est ex alia causa lucrativa ei
evincatur, tunc incipit legatariorum esse petitio legati finita
causa lucrativa. Et ea est sententia §. 1. unde apparet eum
§. esse de actione legati, non de actione evictionis.
Nihil etiam obstat *l. scimus, §. 1. C. de inst. test.* quam ibi-
dem opponit Accursius ex quo filio evicta legitima por-
tionem, quæ ei relicta erat, datur quædam inofficiosa res-
tam, vel supplementi actio. Hoc nihil obstat, quia
d. l. scimus, de filio exheredato loquitur: hoc autem lo-
co agitur de filio herede instituto, qui evictis prædiis
legatis, non evincitur portio legitima, cum superstiti insti-
tutio, quæ sufficit ad portionem legitimam: nihil etiam
superiori definitioni obstant leges, quæ loquuntur de ho-
mine incerto legato, veluti hoc modo, fereum illi dato,
de homine generaliter legato, vel de qua alia re genera-
liter legata, quo casu ejus rei, quam elegerit & præstite-
rit, heres evictionem præstat, quia non videtur præsti-
tisse, quod ita præstiterit, ut habere legatariorum, & perpetuo
jure possidere non possit, d. l. si a substituto, §. 1. l. si domus,
§. 1. cod. tit. qui est accipiendus etiam de legato generis.
l. qui concubinam, §. si heres, tit. seg. l. heres, de evict. Hoc
enim loco non agitur de re legata generaliter, & indistincte,
sed de certa legata specialiter, certis prædiis, & satis est
talem rem præstari, qualis est, quod & M. Tullius Proculus
officio. In mancipiorum venditionibus, inquit,
venditorum fructus omnis excutitur: qui enim scire de-
bit de sanitates, de fuga, de furtis, præstat edicto ad litem.
Heredum alia causa est, id est, heredes non tenentur præ-
stare, sanum esse servum legatum, quod tamen vendito-
res præstare debent ex ædilitio edicto, ut in *l. si a sub-*
stituto, §. 1. ac similiter heredes non præstant evictionem
servi legati specialiter. Ac postremo notandum est, non
abs re initio hujus §. Papinianum posuisse, patrem igno-
rasse prædia, quæ filio verbis fideicommissi reliquit,
aliena sed sua esse existimasse, quoniam si sciens aliena
prædia legaverit, conjectura voluntatis exigit, ut cohe-
redes præstent evictionem, quia omnino ea filium voluit
habere, qui scivit esse aliena & legavit. Totum facit
hac in re voluntas defuncti, qui onerare coheredes potuit.
Et hoc Accursius notat rectè in *l. Stricho, in fi. de usufr. leg.*

Ad §. Pater.

Pater certam pecuniam exheredatæ filie, verbis fidei-
commissi reliquit, & eamque nuptura dotis nomine dari voluit,
filio dotem stipulante, cum filius minorem dotem dedisset,
superfluum esse filie reddendum constabat. Divortio quoque
secuto, fideicommissum filiam rectè petivisse, ut actio sti-
pulationis sibi præstetur, quoniam verisimile non erat, pa-
trem in ædiponi stipulationem voluisse, quo filia post primas
nuptias indotata constitueretur, ceterum si postea nubere ad
secundas nuptias cautionem extendi non oportet.

Pater filiam exheredatæ, filium heredem instituit,
eumque rogavit, ut exheredatæ filiz sorori suæ cum
nuberet trecentos aureos daret dotis nomine, marito
numerandos, quo marito iussit etiam, ut idem filius sti-
pularetur soluto matrimonio dotem sibi reddi. Filius au-
tem nubenti sorori non dedit trecentos aureos, sed du-
centos tantum dotis nomine: invento tam optimo viro,
qui ea dote contentus esset, & ut iussit pater, stipula-

tus est eam dotem ducentorum soluto matrimonio sibi reddi. Quaritur, an residua centum, quæ sunt in fideicommissio, filiz debeantur? Et responderi debet, nec filium minueri posse fideicommissum dotis, quod taxata certa quantitate filiz reliquit pater, etiam industria sua effecerit, aut gratia, ut nuberet soror in familiam claram & ditem: fratris esse, bene collocare forem, nihilque ei exheredatæ deträhre, maxime verò ex eo, quod dotis nomine reliquerit pater, nam & pater ipse post testamentum factum, si minore pecunia filiam in matrimonium collocasset, residuum fideicommissi filiz deberetur, *l. 22. in fine, hoc tit.* Rursus quaritur, si divortio solvatur matrimonium, an maritus cogatur actione ex stipulatu filio dotem reddere? Quod videtur, quia iussu patris filius generaliter stipulatus est soluto matrimonio dotem sibi reddi. Sed quia non est verisimile, patrem, qui filium iussit stipulari, voluisse post primas nuptias filiam indotatam manere, filia iure fideicommissi consequetur, ut frater sibi cedat actionem ex stipulatu adversus virum, vel si jam frater dotem exegerit a viro, ut eam sibi restituat; denique conjectura voluntatis & pietatis patris non patitur, ut in alium casum sit filio efficax repetitio dotis ex stipulatione, quam in casum mortis filiz, non etiam divortii, & eadem ratione, nec in casum mortis mariti, ne mulier maneat indotata, arg. *l. 15. sup. de pact. dot.* Divortio igitur aut morte mariti soluto matrimonio, dos filiz integra servatur, quæ iterum nubat: iterum nubet si velit, & quæ forte si nubat eadem vel alii, invita ea non licebit filio de novo marito stipulari soluto matrimonio dotem sibi reddi, quia de primis tantum nuptiis cogitasse videtur pater, non de secundis, ut scilicet de primo marito dotem stipularetur, non de secundo: & secundus potest esse idem ipse redintegrato matrimonio. Et ita in illa lege notissima *boves, §. 1. de verb. sign.* dicitur hoc sermone, *quum nupta erit*, significari primas, non secundas nuptias. Et hæc est sententia huius responsi summe notanda, quam eadem nolum temere produci ad quancunque aliam speciem dissimilem. Et valde dupliciter Cyn. & Bartoli opinio, qui eam producant ad hanc speciem quasi similem, quæ usque contingit sapienter. Testator iussit die obitus sui dari civibus vel collegis, vel pauperibus, vel aliis certam pecuniam non erit, inquit Cyn. & Bart. ea pecunia, nisi semel præstanda, quo anno obierit mortem testator, non sequentibus: hoc est falsum. Dissimilis enim est species, & ius etiam dissimile: Nam aliud est iubere heredem stipulari dotem quæ nupturæ filiz relinquatur, quod de prima vice, quæ filia nupserit, intelligitur, quia non quotannis hæc res agitur, sed semel tantum cum voto perpetuæ & individue consuetudinis, ut in *l. 1. de iur. dot.* Aliud vero est iubere heredem dare aliquod certis personis die obitus sui, vel die natalis sui, nihil refert, quæ res quotannis fungi & repeti potest. Et vero verisimile etiam est, testatorem non in primum annum id dedisse, sed & in sequentes annos. Et ita etiam proditum est in *l. cum quidam, l. annua, §. ult. l. pen. ff. de ann. leg.* Sunt leges elegantissimæ. Videamus etiam, an verum sit, quod hic Accurs. notat, non esse sequendam voluntatem testatoris, si in specie propolita expressim in omnem casum soluti matrimonio, divortii scilicet, vel mortis alterutrius, iusserit filium dotem stipulari. Movetur duplici ratione. Unam sumit ex favore dotis; At ut respondeam, favor dotis non adeo est magnus, ut non possit pater initio constituenda dotis legem subiecta stipulatione dicere suæ rei quam velit, antequam dos fiat, *l. quæritur, sol. matrim.* Itaque & hanc legem dicit suæ rei modo vertendæ in dotem, ut eam dotem maritus quoquomodo soluto matrimonio restituat filio stipulanti. Quinidam alteram rationem dicit Accurs. ex eo iure, quod portio legitima debetur filiis & filiabus. At ut respondeam, debetur gratis tantum portio legitima, non ingratis & male meritis, qualem fuisse filiam in hac specie exheredatam demonstrat, quam iniustam esse pronuntiatum non fuit: nec enim proponitur, filiam egisse querelam iniustitiam testamenti & causam tenuisse. Ideoque non

est, cur, si hoc nominatim expresserit pater in testamento, dotem stipuletur filius sibi reddi in omnem casum, & recte etiam agat in omnem causam, sive casum. Sequitur aliud respons. in §. a filia.

Ad §. a Filia.

A filia pater petionat, ut cui vellet ex liberis suis prædia restitueret. Uni ex liberis prædia fideicommissi vivæ donavit, non esse electionem, propter incertum diem fideicommissi, certæ donationis videbatur. Nam in eum destinatio dirigi potest, qui fideicommissum inter ceteros habiturus est, remota matris mortis electione.

Pater filiam heredem instituit, & eam rogavit, ut cui vellet ex suis filiis prædia quedam cum moretur, restitueret: electionem dedit filiz, ut cui vellet cum moretur ex suis filiis ea prædia restitueret: filia autem cum viveret, ut ex filiis prædia fideicommissi donavit. *Prædia fideicommissi dicit, ut contra fideicommissum prædiorum, in l. cum pater, sup.* Quaritur, an hæc donatio, quam viva fecit filia, contulitque ut unum ex filiis pro electione, sit firma & certa, quæ nec revocari possit? Et respondet Papinian. hanc donationem non esse electionem certam & immutabilem, quia electio collata est in diem incertum, puta cum moretur filia heres, *l. 1. §. dies, ff. de cond. & demonst.* Quæ dies incerta conditionem facit, *l. dies, eod. tit.* Quæ quidem conditio non existit ante mortem filiz, §. hereditatem, *sup. in hac l.* Quocirca omne spatium vitæ liberum est filiz ad eligendum, quem volet ex filiis, qui prædia fideicommissi restituant usque dum moriatur, & quamdiu variare & mutare electionem potest. Electio sive donatio prædiorum non est pro electione aut donatione certa, vel, ut loquimur, non est pro electione certæ donationis, sed est pro destinatione tantum & designatione quadam fideicommissarii infirmæ & instabilis, quoniam interim variare potest filia, & a destinato recedere. Incerti fideicommissi, conditione incerta suspensæ certæ electio esse non potest, antequam conditio extiterit, puta, in casu proposito, antequam contingerit mors filiz, quæ si contingat non mutata voluntate, tum proculdubio destinatio illa convertitur in electionem & donationem certam atque stabilem, quoniam duravit ea voluntas filiz usque ad mortem: & is igitur fideicommissum prædiorum capiet, quem filia destinavit, nec removet quandiu vivit: sed si mutata voluntate alium, antequam moreretur, delegerit, destinatio illa prioris filii, irrita constituitur, *l. unum ex familia, in pr. & §. vago, sup. hoc tit.* Itemque si is, quem filia destinavit prior moriatur, deinde filia, irrita destinatio est, & nemine alio electo omnes liberi superviventes ad fideicommissum invitantur: at si is quem destinavit filia supervixerit, nec filia donationem sive destinationem revocaverit, & mutaverit, is, ut dixi, solus fideicommissum obtinebit. Ex quo apparet, destinationem quam vivus heres fecit, & dixerit in eum, qui remota matris electione, id est, matre neminem eligente, fideicommissum inter ceteros habiturus est, prorsus inutilem non esse, quoniam is, qui destinatus est, id est, cui prædia filia donavit, si filia supervixerit, ceteros excludet fideicommissum, tanquam electus a matre, quæ donationem non mutavit. Et hoc est quod ait, *nam in eum destinatio dirigi potest, qui fideicommissum inter ceteros habiturus est, remota matris electione.* His verbis refellit, quod objici poterat, Eam destinationem esse inutilem: *net enim est inutilis, inquit, si conferatur in eum, qui neminem eligente matre, fideicommissum prædiorum habiturus sit.* Inter ceteros, id est, unum ex filiis. Accursus etiam objicit *l. post mortem, C. de fideic.* quæ post mortem heredis certæ personæ relictum fideicommissum, ait: ab herede representari posse, id est, heredem vivum id præstare posse detracta Falcidia, si ratio Legis Falcidiæ interveniat. Sed hoc ita, si, ut dixi, certæ personæ fideicommissum relictum sit præstandum post mortem heredis, cui sit omnino præ-

standum, si coheredi supervixerit. At si uni ex liberis quem elegerit heres, relictum sit fideicommissum post mortem heredis, frustra representatur fideicommissum uni, quod ei forte postea non debetur herede mortuo, tametsi heredi supervixerit, puta, si postea alium heres elegerit. Eligendi arbitrium quod heredi datur, quodque confertur in tempus mortis heredis, ambulatorium est. Eligendi arbitrium currit & recurrit toto tempore vitae heredis, quoniam interim dum vivit, integrum ei est subinde variare, & alium atque alium eligere.

Ad §. Fidei.

Fidei heredum meorum committo, ne fundum Tusculanum alienent, & ne de familia nominis mei exeat: secundum voluntatem eorum quoque invitatos intelligendum est, quibus heredes extranei fideicommissariam libertatem reddiderunt.

Testator fidei heredum commisit, ne fundum Tusculanum alienarent extra familiam nominis sui, his verbis: fideicommissum fundi reliquit familiae nominis sui, & constat quidem post agnatos vocari ad fideicommissum libertos oscinos, id est, qui directo in testamento manumissi sunt, vel qui manumissionem assumuntur in nomine familiarumque domini. Laetant de vera sap. Servus libertus, inquit, patroni nomen accipit tanquam filius. Tertull. de resurrect. carnis: Manumissus, inquit, patroni nomine, atque tribu & mensa honoratur. Certum igitur est, hos libertos ad fideicommissum vocari, quia sunt de nomine testatoris. At quaeritur, an etiam ad fideicommissum vocentur ii, quibus testator reliquit fideicommissariam libertatem ab heredibus extraneis, id est, qui non sunt de familia & nomine testatoris, quoniam hi manumissionem, id est, heredis extranei nomen accipiunt, tanquam patroni, non testatoris. Patronus heres, non testator, §. qui autem, Inst. de sing. reb. per fid. rel. Qua in re hoc loco peruliter loquitur Accurs. obitus d. §. Inst. & male etiam in medium allata l. pater, inst. tit. seg. quae non de hoc quaerit, an fideicommissio contineatur manumissionem per fideicommissum, sed an liberti libertorum, quia de re est disquirendi alius locus in hac l. nempe in l. libertis. Verum secundum ea, quae diximus, ad fideicommissum relictos familiae nominis sui, non videntur admitti manumissionem ab herede extraneo per fideicommissum, quia non vocantur nomine testatoris, sed nomine heredis extranei. Aliud tamen respondet Papin. in hoc §. ex voluntate testatoris ducens conjecturam, cui etiam manumissionem per fideicommissum sunt suorum libertorum loco, ac si directa manumissione eos in suum nomen adsumpisset: revera alterius nominis sunt, opinione testatoris habentur pro libertis ejusdem nominis, quia eis ipse dedit libertatem, heredes reddiderunt, non dederunt, ipse gratuitam, heredes debitam, l. i. C. de libert. & cor. lib. Quamobrem, & qui libertis legat alimenta, etiam ea legare videtur iis, qui sunt manumissi per fideicommissum, id est, quibus dedit fideicommissariam libertatem; l. 2. ff. de alim. leg. quia eos habuit pro suis libertis, licet revera sui non sint liberti, sed manumissionem; l. qui ex causa, ff. de bon. lib. et.

Ad §. Fidei tuae.

Fidei tuae committo uxorem, ut des, ut restituas filiae meae, cum morieris, quicquid ad te quoquo nomine de bonis meis pervenerit. Etiam ea quae post codicillis uxori tradit, fideicommissio continebuntur. Nam ordo scripturae non impedit causam juris ac voluntatis, sed dos prelegata restituitur, quoniam reddi potius videtur quam dari.

Uxorem maritus rogavit, hoc modo: Quicquid ad te quoquo nomine de bonis meis pervenerit, peto restituas filiae meae cum morieris: Quaeritur, an fideicommissio con-

tineatur, quod satis est generale & amplum, cum dixerit, quicquid quoquo nomine, etiam dos quam uxori prelegavit: Responderi non contineri, quia dotem uxori reddit potius quam dat: rem uxori reddit, non suam dat. Qua ratione etiam Ulpianus utitur in l. 2. §. mulier, de dote praeg. Et Paul. 5. Sentent. tit. 1. Eademque ratio efficit, ut prelegatum dotis uxori relictum non patitur Falcidiam, l. sed & usus, §. dos, ad leg. Falcid. Idemque, ut dote uxori prelegata, & petita a filio praeterito bonorum possessione contra tab. uxor non redigatur ad virilem portionem, l. virilis, §. si quid uxori, de leg. praeg. Ergo hoc fideicommissio dos prelegata non continetur: sed an continetur hoc fideicommissio, quod postea codicillis uxori legavit, aut reliquit: & hoc ait contineri quavis postea uxori reliquerit, quia ordo scripturae non spectatur, sed jus & causa legati, & voluntas testatoris, qui verbo quicquid pervenerit, plane demonstravit, se velle etiam futurum tempus comprehendere, quod falsum esse coarguit distinctionem, quae Accursius utitur in l. cum virum, C. de fideicommiss. ut fideicommissio relicta ejus, quod pervenerit ad heredem, contineatur: quod eo tempore ad eum jam pervenerat, non quod postea perveniret. Hoc falsum esse hic §. docet, quia pervenerit, etiam futurum tempus complectitur: aliud dicendum esset, si dixerit, quod uxori dedi: nam fideicommissio non continetur, quae postea dederit, ut in l. uxori, §. uxori, tit. seg.

Ad §. Volo.

Volo praedia dari libertis meis, quod si quis eorum sine liberis vita decesserit, partes eorum ad reliquos pertinere volo: collibertum patris eundemque filium, ex voluntate substitutionem excludere placet.

Quidam libertis suis praedia per fideicommissum reliquit, eoique in eo fideicommissio verbis precariis invicem substituit sub conditione, si quis eorum sine liberis vita decesserit. Inter libertos sunt duo, pater & filius colliberti simul ab eodem patrono manumissi: mortuo patre quaeritur, an locus sit substitutioni precariae, id est, an pars, quam is habuit in praediis fideicommissi jure posterioris fideicommissi, jure substitutionis ad omnes libertos pertineat. Et negat Papinian. pertinere, quia defecit conditio substitutionis: neque enim decessit sine liberis, qui filium naturalem, id est, quæsitum in servitute, collibertum suum superstitem reliquit, hic ceteros collibertos excludit, & efficit, ut posterioris fideicommissi sive substitutionis conditio deficiat, atque adeo solus vocabitur in parte patris sui. Et hoc Papinianus responsum nominatim ad testimonium vocatur ab Ulpiano in l. ex facto, §. si quis rogatus, ad Senatuf. Trebell. Et ratio responsi, ut & superiorum fere omnium, quantum Papinianus ipse significat, proficiscitur ex voluntate defuncti, cujus introspicenda & eruenda Papinianus est artifex acutissimus, quia in conditione substitutionis verisimile est, testatorem cogitasse etiam de liberis collibertis, qui naturales sunt, non iusti, cum eos priore gradu ad fideicommissum praediorum inter ceteros vocaverit. Et ita etiam in specie l. ult. sup. de jur. delib. & l. pen. §. Dama, hoc tit. filiorum appellatione continentur etiam filii naturales & colliberti ex voluntate testatoris: Quae tamen utique semper an eadem sit, hoc Ulpianus in d. §. si quis rogatus, ait, deprehendi posse ex dignitate & conditione testatoris. Et dignitate, ut si sit honestissimus paterfam. qui nullo loco numeret filios naturales, hic creditur liberorum vel filiorum appellatione iustos, non naturales intellexisse. Ex conditione, ut si ipsi testatori iidem sint, humileseque natales, & mores, & abjectior animus, ut eodem loco numeret liberos iustos & naturales, aut certe hos ponat superiore quam illos, ut nonnullorum mores sunt, juxta id quod scribit Apollonius Rhodius lib. 1. Hunc vero facile dicam liberorum appellatione, naturales comprehendi voluisse. Denique ut definit Ulpianus supradicto loco, an li-

an liberorum appellatione contineantur naturales, voluntatis questionem esse. Quæstio igitur facti, non juris, l. ex verbis, C. de don. int. vir. & uxor. Quæ in æstimatione judicis est, non Jurisconsulti, in disquisitione Rhetoris, non Jurisconsulti, l. voluntatis, C. de fideicommiss. l. 2. C. plus val. quod ag. quam, l. 12. s. sed est Papinianus, de instr. leg. l. mora, de usur. Et ideo quod Justinianus, in l. generaliter, §. ult. C. de instr. & substit. hanc conditionem fideicommissi, si sine liberis decesserit, accipit de iusta sobole, hic ex voluntate testatoris modum & finem accipere debet, quæ non patitur, ut id sit perpetuum verum. Sequitur aliud responsum in §. curatoris.

Ad §. Curatoris.

Curatoris sui frustra fideicommissa videbantur, ut heredi fratri negotiorum gestorum rationem redderet. Quamquam igitur testamento cautum esset, ut cum ad statum suum frater pervenisset, ei deinceps solvatur, tamen sub curatore alio frater agentem recte placuit actionem inferre, cum illis verbis fratri potius consilium videtur, quam solutio quæ jure fieri potuit, delata.

Certum est, a debitore fideicommissum relinqui posse ex constit. Divi Pii, l. si pecunia, sup. tit. prox. l. cum quis decedens, §. pater, in fine, tit. seg. puta ut debitor det, solvat, restituat aliquid, non heredi. Nam frustra fidei debitoris committitur, ut quod debet solvat heredi, quia heres jure hereditario cum satis obligatum habet. Ideoque si fidei curatoris mei committam, ut negotiorum gestorum rationem reddat fratri heredi meo, quæ est species hujus §. inutile fideicommissum est, & consequenter frustra huic fideicommissio tempus adjecto, puta, ut fratri heredi meo rationem reddat, cum frater meus ad statum pervenerit, id est, ad 25. annum: hanc ætatem vocat statum, ut Græci dicunt ut l. cum de ætate, sup. de probat. l. pen. C. quando dies leg. ced. quod hic fit olefendi sive crescendi finis: adolescentes autem olefendi diæ sunt. Quamvis igitur tempus huic fideicommissio adjecto, poterit tamen frater heres meus etiam ante tempus, antequam venerit in ætatem, id est, in statum, rationes & reliqua, quæ semper nominæ rationum continentur exigere a curatore meo, auctore curatore suo uti oportet, l. 2. C. qui legit. pers. standi in jud. hab. Et rationem hanc tradit Papinianus, quia nec supradictis verbis, ut rationem reddat heredi, cum venerit in statum ætatis, moram redditioni rationum & solutioni reliquorum injicere volui, sed fratri potius consulere meo, ne ante iustam ætatem repetita pecunia abuteretur; potui quidem nominatim differre solutionem reliquorum ex administratione data debitori liberatione ad tempus sine laxamento aliquo & iustitio temporario, l. Aurelius, §. centum, inf. de liberat. leg. sed in dubio magis video tempus adjectis pro herede meo, l. cum tempus, de R. J. Quapropter si frater, meo consilio meaque prudentia uti nolit, ei licebit ante tempus quod finivi, debitorem meum exigere.

Ad §. ab Instituto.

Ab instituto extraneo prædia libertis cum moreretur, verbis fideicommissi reliquerat, & petierat, ne ex nomine familie alienarentur: substitutum ex prædia debere ex defuncti voluntate, respondit. Sed urum consensum, an sub eadem conditione, voluntatis esse questionem, sed conjectura ex voluntate testatoris capienda, mors institui expectanda est.

Certum etiam illud est, fideicommissum relictum ab instituto, debere etiam a substituto, ex tacita voluntate defuncti, & ita definit constitutio Severi & Antonini, ut docui in §. cum pater, sup. At si nunc, ab herede instituto cum moreretur, vel post mortem ejus relictum fideicommissum fuisse, & institutum repudiata hereditate substituto locum fecisse. Queritur: an statim fideicommissi representationem a substituto desiderare possint in,

Tom. IV.

A quibus relictum est, an vero expectare debent mortem heredis instituti, id est, an conditio fideicommissi relictæ ab instituto intelligatur etiam repetita a substituto, a quo & fideicommissum repetitum intelligitur. Et Pap. ait, in conjectura voluntatis testatoris questionem esse positam, quid is senserit introspicendum esse, in dubio expectandam esse mortem heredis instituti, quasi eadem conditione a substituto repetita, quia fieri potest, ut fideicommissarii moriantur vivo herede, quo casu fideicommissum intercederet, l. hereditate, §. ult. de jure fisci. Et hæc sententia hujus responsi, cui opponitur l. sub conditione, ff. de hered. inst. quæ ait, sub conditione heredi instituto, si testator substituat, nisi eandem conditionem repetat, pure substituisse videri. Conditionem igitur adscriptam instituto non videri repetitam in substituto. Nihil est quod tam facile expediri possit. Loquitur in ea lege de conditione imposita heredi instituto. Hæc non intelligitur tacite repetita in substituto: alia est substituti, alia instituti persona: & proinde alia institutionis, alia substitutionis causa. Hoc autem loco agitur de conditione imposita fideicommissario ab herede instituto, quæ intelligitur etiam repetita a substituto, quia una est fideicommissarii persona, vel si plures sint conjunctim pro una habentur, pro una igitur causa fideicommissi, nisi probetur aliud sensisse testatorem. In dubio hoc responsum esse sequendum. Quod autem ait Accursius repetitam non videri conditionem, si testator simpliciter reperierit legatum ab fideicommissario, hoc falsum esse conarguit, l. in repetendis, tit. seg. falsum, inquam, generaliter, nam potest specialis aliquis casus existeret: quo repetita conditio non intelligatur, ut si repetitio ejus inutile legatum ab fideicommissum faciat, l. si quis a filio, l. servo alieno, §. ult. sup. tit. prox. l. ult. inf. de fideic. lib. Quæ exceptio, & in tacita repetitione locum habet.

Ad §. Mensæ.

Mensæ negotium ex causa fideicommissi, cum indemnitate heredum per conditionem susceptum, emptioni simile videtur, & ideo non erit quærendum, an plus in ære alieno sit, quam in questu.

D Mensæ argentaria per fideicommissum relictæ in hoc §. ostenditur, fideicommissum contineri etiam onera menlaræ, sive nummularæ negotiationis, sicut hereditate Mæviana relictæ onera contineri dictum est, in l. prox. §. Lucio, sup. quia & hereditatis, & mensæ nomen non est corporis, sed juris nomen, quod complectitur & commoda & incommoda: & omnino is, cui mensa argentaria per fideicommissum relictæ est, cavere debet heredi de indemnitate, ut ait hoc loco interpositis stipulationibus, ad exemplum stipulationum emptæ & venditæ hereditatis. Et hoc est quod ait, hoc negotium esse emptioni simile. Emptioni scilicet universi ejusdem juris, ut emptioni hereditatis, fideicommissum non solet esse damnosum, verum hoc fideicommissum potest esse damnosum, si mensa plus debeat, quam ei debeatur, vel ut ait, si plus sit in ære alieno negotii mensarii, quam in questu, & quantum ut Græci dicunt accipit pro favore. Mensæ igitur nomen non pro mensa ipsa accipitur, sed eo nomine significatur jus omne mensæ. Denique mensa nomen est juris sicut hereditas. Neque idem dicendum est in taberna argentaria. Nam tabernæ nomen, est loci nomen, nomen ædificii non juris, quocirca qui legat aut vendit tabernam argentariam, vel ædificium legat vel vendit si sum sit, vel si publicum sit ædificium, ut pene erant omnes tabernæ argentariæ, quæ erant circa forum Romanum, legasse aut vendidisse intelligitur jus, quod in eo ædificio habet. Nam plerumque eorum tabernarum solum erat publicum, ubi concedebatur privatis, l. qui tabernæ, de contr. empt. Et ideo l. tabernæ solum sit publicum, qui vendit aut legat tabernam, non quod

Dddd 2.

quod est publicum legare, aut vendere intelligitur, sed A
 ius suum, id est, usum tabernae quem habet, d. l. qui ta-
 bernas, de contr. empti. Et hoc sensu apud Livium 26. Annibal
 dicitur, tabernas quae circa forum erant, venire iussisse.
 At quæro, an legata, aut argentarias, vendita, quod
 etiam hic Bartolus tractat, taberna purpuraria, vel fer-
 raria, vel qua taberna negotiatoria, merces legato aut
 venditione contineantur? Et dicam non contineri om-
 nino: nec movebor l. cum taberna, sup. de pignor. quæ di-
 cit, taberna pignerata & merces, quæ in ea sunt pigne-
 ratas videri esse; sed hoc ideo, quia plerumque pretium
 tabernæ non respondet debitæ quantitati, ut puta, cum
 sit vilissimum ædificium, ut plane inter creditorem &
 debitorem actum videatur, ut in fidem creditæ pecu-
 niæ non vilissima taberna, vilissimum ædificium pigno-
 ri sit, sed merces, quæ in eo sunt ex voluntate contra-
 hentium. Tabernæ nomine non locus significatur, sed merx,
 quæ in eo loco sita est.

Ad §. Pater filiae:

Pater filia mancipia, quæ nubenti dedit, verbis fidei-
 commissi præstari voluit: partus susceptos, ceteras matres ante
 testamentum mortuas fuissent, ex causa fideicommissi præstan-
 dos respondit, nec aliud in uxore confirmatis donationibus
 pridem observatum est.

A D hunc §. sciendum est, donationem a patre colla-
 tam in filium, quem habet in potestate, vel in fili-
 am, quam æque habet in potestate, iure civili non valere,
 quia idem sibi donasse videtur. Quandoquidem
 idem homo esse intelligitur pater & filiusfam. vinculum
 patriæ potestatis unam personam constituit. Concedit
 quidem pater filiofam. peculium quandoque, sed concessio
 peculii, donatio non est: nam & finitur morte patris.
 Favore tamen nuptiarum receptum est, ut si det pater
 filiaefamilias dotem, teneat datio, ut donatio, fiatque
 dos proprium patrimonium filia, nec finiatur, filiaeve
 proprietate abscedat morte patris. Alias donatio facta
 inter patrem & filium filiamve famil. iure non valet,
 ac ne confirmatur quidem silentio solo & morte patris, l. 2.
 §. ult. ff. pro her. l. 1. §. 1. inf. pro dot. Confirmari tamen
 potest alia ratione, ut puta, ratihabitione expressa vel
 tacita post emancipationem filii vel filia. Nam emanci-
 pato potest donare, ergo & ratam facere donationem,
 quam fecit ante, quum filius erat in familia & sacris pa-
 ternis, l. donationes, §. pater, de donat. l. si ve emancipatis,
 C. eod. tit. Item retento filio filiave in potestate, verum est
 donationem ei factam posse confirmari ultimo iudicio
 patris, si specialiter eam confirmavit verbis legati, id est,
 directis, aut fideicommissi, l. pen. inf. de collat. dot. l. qui
 concubinam in princ. & l. item legat in tit. seq. l. 2. C.
 Gregor. fam. eriscit. Et ita accipiendum est, quod Paulus
 scribit §. Sent. tit. 1. in hunc modum: pater, inquit, si fi-
 liofamil. aliquid donaverit, & in ea voluntate perseverans
 decesserit, id est, declarans se in ea voluntate perflare: morte
 patris donatio convalescit. His cognitis, facito patrem nu-
 bentem filiaf. donasse ancillas aliquas in ministerium, ut
 sit plerumque, l. prospexit, ff. qui & a quibus man. lib. non
 fiant. Eamque donationem in testamento confirmasse,
 per fideicommissum herede rogato, ut filiam sineret
 illas ancillas sibi habere & possidere; destinatio animi
 erga filiam ante fuit ea concessio ancillarum, in usum
 siue ministerium potius quam donatio, nunc vero etiam
 donatio non est, sed fideicommissum: confirmatio dona-
 tionis inutilis facta verbis fideicommissi vel legati non
 est donatio, sed legatum vel fideicommissum, inter quæ
 nullum interest. At re ita gesta, ut proposui; Quæritur,
 si ancilla filia donata ante testamentum patris,
 quod confirmat donationem verbis fideicommissi vita
 decesserint, nunquid ex causa fideicommissi partus ea-
 rum filia debeantur? Et respondet Papin. deberi, & ratio-
 nem, quam non explicat, hæc est, quia ut ancilla precario
 rogata, id etiam agitur, ut partus sit precarius, si quem edi-

derit, l. 10. inf. de precar. ut ancilla emptæ & partus
 emptus intelligitur, l. si quod ex Pamphila, hoc tit. l. non
 quodcumque §. Julianus, sup. tit. prov. Ita etiam donata an-
 cilla, quamvis in computationem donationis partus non
 veniat, cum scilicet queritur de modo donationis, an
 excedat legem Cinciam, quæ modum imposuit donati-
 onibus l. in adib. §. ex rebus, & l. cum de modo, inf. de don.
 Tamen ancilla donata id agitur, ut & partus donatione
 contineatur: ergo quasi confirmata verbis fideicommissi
 ancillarum donatione partus filia præstatur, partus fi-
 lia omnes præstabitur, qui ex ancillis donatis susceptæ
 fuerint: ancilla autem non præstabitur quia in rerum na-
 tura esse desierunt ante testamentum: & idem esset, si in
 rerum natura esse desissent post testamentum vivo testa-
 tore, Imo & idem, si post mortem testatoris ante moram
 heredis l. cum res, §. ult. sup. tit. prov. Id vero quod ita re-
 spondit Papin. ad questionem propositam subijcit, etiam
 pridem observatum fuisse in don. inter vir. & ux. Pridem,
 id est, ante orationem Severi & Antonini, & SC. quod
 eam insequutum est, de quo multoties fit mentio potissi-
 mum in titulo illo, de don. inter vir. & ux. Ex qua ora-
 tione siue Senatusconsulto donationes factæ inter mari-
 tos confirmantur morte sola & silentio donatoris, si
 modo non mutaverit voluntatem, si non ademerit res
 donatas. Nam ante eam orationem, morte sola non confir-
 mabantur, sed necessaria erat morientis donatoris
 confirmatio, expresso genere legati aut fideicommissi,
 quo casu confirmatio porrigebatur quidem ad partus
 donatarum ancillarum, quia sunt portio donationis: sicut
 ancillarum dotalem partus dicuntur esse portio dotis,
 l. cum poss. §. ult. de iure dot. Sed non porrigebatur etiam
 ea confirmatio ad omnes fructus rerum donatarum,
 quia pro parte donationis fructus non sunt, & quia
 iure legati aut fideicommissi ea donatio confirmabatur
 ex iudicio speciali donatoris, & convalescebat, non iure
 donationis, l. ex verbis, l. donationes, C. de don. inter
 vir. & ux. & ideo non retrotrahatur ad tempus, quo
 primum donatio facta fuit, ut fructus interim percepti
 ad donatarum pertinerent, sed valebat tantum ex die
 mortis testatoris, sicut legatum & fideicommissum. Et
 hoc quidem pridem obtinuit. At hodie post orationem
 Severi & Antonini morte donatoris tacite, vel specialiter
 confirmata donatione inter virum & uxorem per lega-
 tum aut fideicommissum, pro donatione habetur, non
 pro legato aut fideicommissio, quamvis dixerit se legare
 aut fideicommittere, & ideo retrotrahitur, nisi forte inu-
 tilis fuerit ob aliam causam, veluti ob causam omis-
 sionis, ut Iulianus declarat in d. l. donationes,
 qui & ea lege primum idem servari voluit in donati-
 one inter patrem & filium filiamve famil. quod statuerat su-
 pradicta oratio in donatione inter virum & uxorem.
 Ex quo evidenter apparet, totum hoc responsum Papi-
 niani pertinere ad jus antiquum, quod obtinuit in do-
 nationibus inter patrem & filiumfam. ante constitutionem
 Iulianianam, & in donationibus inter maritos ante ora-
 tionem supradictam, quæ est sincera interpretatio huius
 responsi. Delenda sunt omnes Glossæ Accursii, quibus
 fingit, patrem non donasse ancillas filia, sed dedisse in
 dotem: deinde legasse per fideicommissum, & ideo etiam
 ancillarum æstimationem filia debere, quasi re aliena lega-
 ta, quia ancilla sunt in bonis mariti dotis causa. Pri-
 mum non animadvertit esse dedisse in bonis mariti, quia
 vita functæ proponuntur ante testamentum: deinde
 etiam Papinian. non dicit, ancillas patrem dedisse in do-
 tem, sed dedisse simpliciter, quod est, donasse. Compa-
 ratio rerum donatarum uxori, quæ Papinianus utitur,
 demonstrat satis: comparat enim res donatas filia rebus
 donatis uxori, quod utraque donatio sit inutilis. Ex ita
 quoque Dynus sentit, cuius & Bartolus ipse sensum ait
 esse satis bonum. Debit dicere eum olim esse bonum
 & verum. Hoc tamen Dynus perperam adjecit; mortuo pa-
 tre per fideicommissum confirmata donatione ancillarum etiam
 fructus præsentis filia debent, veluti mercedem operarum,
 retroacta donatione, quia, ut dixi, non valet ut dona-
 tio,

rio, secundum jus de quo Papin. tractat, quod obtinuit ante Justinianum, sed ut fideicommissum, ergo non retrahitur, d. l. ex verbis: & partium alia est causa, quia & ii ut donati sic per fideicommissum filie relicti intelliguntur. Præterea si ancillæ essent datæ in dotem, nec viventibus ancillis ea res indigeret confirmatione, nec utiliter per fideicommissum filie relinqueretur, quia res filie propria est, quamvis sit in potestate, l. 3. & ergo, de minorib. & rei propriæ inutile fideicommissum est, l. proprias, C. de leg. Dos, etiam si in bonis sit mariti constante matrimonio, si legum subtilitatem spectes, revera tamen & naturaliter permanet in dominio uxoris, l. quamvis, sup. de jur. dot. l. in reb. Cod. eodem tit. Et iisdem fere verbis, quibus l. quamvis, Boetius in Topica Cic. Dos, inquit, licet matrimonio manente, in bonis sit mariti, est tamen in jure uxoris: & post divorcium velut res uxoris peti potest. Papinian. etiam non dicit, ancillarum æstimationem filie debere, quod illi comminiscuntur, imo cum hoc tantum dicit, prout filie esse præstandum, qui matribus supervixerunt, satis negat, matrum nomine, quæ ante testamentum sunt, quicquam peti posse. Brevius, ut dixi, erat alterum responsum, quod est in §. hereditatem.

Ad §. Hereditatem.

Hereditatem post mortem suam rogari restituere, non minus periculo, quæ per divisionem obtingunt inter coheredes interpositis delegationibus, non adstringuntur: non magis quam prædiorum, cum permutatio rerum discernens communionem interveniat.

Sciendum est inter coheredes divisionem prædiorum fieri mutis permutacionibus partium, ut l. si filia, §. si pater, sup. fam. erisc. Nominum autem, id est, æris alieni divisionem inter coheredes fieri mutis delegationibus interpositis, l. tale pactum, §. post divisionem, ff. de pact. quod & hic Papinianus aperte demonstrat, ut ecce, si mihi sit coheres Titius, & ei prædium Tufculanum divisione obtigerit, mihi autem Sejanum, ego partem quam jure hereditario habeo in fundo Tufculano, permutabo cum parte quam coheres habet in fundo Seiano, ut hac via habeam Sejanum totum, & ille etiam Tufculanum totum. Vel si agatur de integro nomine Sempronii mihi attribuendo, & de nomine Mævii attribuendo coheredi in solidum; ego delegabo coheredi Mævium pro mea parte, & is vicissim pro sua parte mihi delegabit Sempronium: sic nominum divisio fit interpositis delegationibus prædiorum, interpositis permutacionibus. Hoc cognito, frange: unus ex heredibus rogatus est hereditatem, id est, portionem suam extraneo non coheredi restituere, post mortem suam divisione facta, quomodo eam fieri prædixi, ex nominibus attributis in solidum, vel prædiis adjudicatis in solidum quædam perierunt; Queritur, cui perierint, an perierint fideicommissario? Sane pro parte hereditaria, quam heres fideicommissio oneratus in prædiis vel nominibus habuit, l. mulier, §. sed enim, ff. ad Treb. At pro parte adjudicata vel attributa videntur heredi, qui oneratus est fideicommissio, deperiisse, quia pro ea parte illam ex permutacione habuit, quæ vicem emptionis obtinet, l. i. C. Comm. utriusq. jud. Verum, quia non tam voluntaria quam necessaria fuit ea nominum rerumque permutatio, ut ait lex si pignori, D. fam. erisc. quippe cum fieret communionis dirimende causa, divisionis causa, quæ socio etiam invito extorqueretur: nemo enim invitus in communionem venit, invitæ communionem difcedit, æquum est, ut nec pro ea parte periculo nominum vel rerum fideicommissario heres obstringatur, scilicet pro dodrante, quem restituit, quod omnino congruit cum l. 34. sup. fam. erisc. quæ est ex hoc ipso libro, & videtur esse conjungenda cum hoc responso. Ipsi etiam coheredes invicem, licet permutacionis, & quasi emptionis genere, divisionem bonorum fecerint, vel ex conventionione, vel ex judicio testatoris, vel arbitrio judicis fam. erisc. pe-

A riculum & damnum fatale sive fortuitum, detrimenta fatalia invicem non præstant, l. 21. in princ. de evict. periculum tamen evictionis invicem præstant, ut dixi in §. evicta sup. at fideicommissario heres nec periculum evictionis præstat, l. evictione inf. ad SC. Treb.

Ad §. Filia mea.

Filia mea præcipiat sibi quæ habeat, volo rem matris sue: fructus, quos medio tempore pater percipiet, nec in separato habuit, sed absumpsit, vel in suum patrimonium convertit, non videntur filie relicti.

Jure veteri ante edictum Constantini, quod est in l. i. C. de bon. maternis, ut cetera omnia bona adventitia, ita etiam bona materna, per filium aut filiam patri adquirebantur pleno jure: Ex edicto Constantini, ususfructus tantum eorum bonorum patri adquiritur, quod & generaliter Justin. admittit in omnibus bonis adventitiis. Juri autem veteri conveniens est, quod proponitur in hoc §. patrem filie rem matris, id est, bona materna, quæ per filiam ad se pervenerant pleno jure, quasi rem suam legasse per fideicommissum, quoniam dixit, volo, quod est fideicommissi verbum, & questio vertitur in eo tantum, num etiam fideicommissio contineatur fructus, quos ex bonis maternis pater medio tempore percipit? Et respondet Papin. non contineri fideicommissio fructus, quos pater absumpsit, vel quos in proprium patrimonium convertit, puta, ex fructibus prædii sibi comparato, quoniam hi fructus in eadem causa non manserunt; At fideicommissio contineri fructus, qui in eadem causa manserunt integri, qui absumpti non sunt, qui in aliam speciem verbi non sunt, quos scilicet pater in separato habuit, in condito, quos in horrea reposuit, & habuit mortis tempore: hi cum hereditate materna filie restituti sunt jure fideicommissi, restituisse, quia & in fideicommissarium quancunque hereditatis restitutionem veniunt fructus exstantes, fructus in horrea reconditi, fructus inventi in hereditate, fructus maturi, l. centurio, sup. de unig. subit. l. q. Dad leg. Falci. Idemque est non tantum in hereditate materna, sed etiam in qualibet alia hereditate, quæ patri per filium aut filiamfam. quæ sita, deinde filio vel filizfam. a patre relicta fuerit. Et nihil est præterea in hoc §.

Ad §. Dulcissimis.

Dulcissimis fratribus meis, avunculis aut tuis quæcumque mihi supersunt in Pamphilia, Lycia vel ubicunque, de maternis bonis concedi volo, de qua cum his controversiam habeas. Omnia corpora materna hereditatis, quæ in eadem causa domini manserunt, ad voluntatem fideicommissi pertinent. Ex iisdem igitur facultatibus percepta pecunia, & in corpus proprii patrimonii versa, item jure divisionis propria facta non prestabimur, cum discordiis propinquorum sedandis profpexerit, quas materia communionis solet excitare.

Species hæc est: quædam mulier filium heredem instituit, & ab eo verbis fideicommissi fratribus suis avunculis scil. filii reliquit, quæcumque sibi supersessent de bonis maternis, adjecta causa, adjecto elugio, ne qua filio cum avunculis suis per causam eorum bonorum controversia esset, quibus verbis plane demonstravit, se tantum fratribus bona materna reliquisse, quæ communiter cum iis possidebat pro indiviso, non etiam, quæ possidebat pro diviso vel jure proprio. Fac divisisse eos inter se quædam ex bonis maternis, quædam indivisa reliquisse; indivisa in fideicommissum veniunt, non etiam ea, quæ jure divisionis mulieris propria sunt effecta. Rursus fac mulierem percepta pecunia numerata ex bonis maternis, percepta pecunia communi, possessionem sibi comparasse, eamque vertisse non in commune, sed in corpus proprii patrimonii: res ex communi pecunia com-

comparata non est communis, sed emptoris propria, *h. q. Cod. comm. utriusque jud. Papin.* hoc loco communia separata a propriis, ac rursus alia facit propria jure divisionis, alia propria jure emptionis, vel alio jure. Omnia, inquam, corpora maternae hereditatis, quae in eadem causa dominii manserunt, id est, quae in promiscuo dominio sororis & fratrum fuerunt, quae communia fuerunt inter matrem & avunculos, ad voluntatem fideicommissi pertinent, id est, fideicommissio continentur, quod reliquit fratribus. *Ex eisdem ante, inquit, facultatibus percepta pecunia, & in corpus proprii patrimonii versa*, puta, ex ea pecunia comparato praedio, itemque corpora divisionis jure, matris propria facta non praestabuntur ex causa fideicommissi. Denique ea tantum bona fideicommissio continentur, quae si manerent communia inter filium & avunculos, controversias inter eos excitare possent, id est, bona, quae mater cum fratribus suis communia habuit, scilicet in iis bonis, quam partem habuit pro indiviso, eam fratribus suis reliquisse intelligitur, non tam ut eis quam ut filio consuleret suo, ne quam, sicut dixi, cum eis controversiam haberet: distinctio dominiorum sedat controversias, communio excitat immensas: idemque in *h. e. communi, D. de servit. urb. praed.* Multo sane plures sunt lites inter consortes, quam inter dissortes: sed quia pauci sunt socii consortes, si conferantur cum immensa multitudo aliorum, qui separatim propria bona possident, ideo paucae lites ex communione nasci videntur: verum, si inter omnes cives communio esset, & consortium omnium rerum, ut Socrates voluit introducere, sane inter eos multo plures essent lites, quam nunc sunt, jure gentium distinctis rerum dominis.

Ad §. Pater pluribus.

Pater pluribus filiis heredibus institutis, moriens & claves & anulum custodiae causa majori natu filiae tradidit, & libertum eidem filiae, qui praesens erat, res quas sub cura sua habuit, assignare iussit: commune filiorum negotium gestum intelligebatur, nec ob eam rem apud arbitrum divisionis praecipuum causam filiae fore.

Pater, qui plures filios habebat & filias, eos heredes instituit, & filiae majori natu tradidit claves & anulum signatorum custodiae causa, & eidem filiae libertum, qui praesens erat, iussit assignare vestem, vel argentum, vel alias res quas sub cura sua libertus habuit. Assignare est annulo obsignatas praebere adservandas. Quaeritur, an videatur pater filiae praefegisse quaecunque clausa, obferata, obsignata essent: quod possit quis tentare, sumpta conjectura ex traditione clavium & annuli: cur. n. tradidit, nisi ut ne quid ex iis rebus amitteret? Et eadem ratione, morituri, ei, quem sibi esse heredem volebant, solebant tradere annulos suos signatorios, nisi forte quem eo genere bona sua captantem, & coram hiantem deludere volebant vana spe hereditatis, tradito annulo signatorio, & interea tamen tabulis alio herede scripto, ut Valer. Maxim. ostendit ad finem 7. lib. Justinus sive Trogius 12. quod jam moriens Alexander praefusa voce exemplum digito annulum Perdiccae tradidisset, ex eo pleorisque existimasse, & si non voce nuncupatum, iudicio tamen Perdiccam heredem electum. Aut ut Cornelius Nepos & Diodorus Siculus scribunt, Perdiccae regnum commendavit, quoad liberi Alexandri, vel quoniam ambiguitur an liberos reliquerit, quoad Ardeus Alexandri frater ex alia matre in suam tutelam pervenisset. Zonaras in fine suae historiae: & Nicetas sub principium suae, regni concessit *οὐδὲν* esse, *καὶ οὐδὲν πρὸς τὴν αἰσχροῦ*. Argumentum esse voluntate patris accipere annulum signatorium: quod etiam confirmat *ἡ Machabaeorum cap. 6.* Unde etiam dici posset filiae patrem tradidisse claves & annulos in rem filiae propriam, sive praecipuum, ut praecipuo quodam munere

Afficeret filiam, sed frustra eam elegisse, cui claves & annulos committeret, cuique iuberet assignari res a liberto administratas se vivo. Verum aliter responderet Papinianus, non videri scilicet. patrem filiae majori natu claves & annulos tradidisse custodiae causa, ut sibi soli haberet clausa omnia & obsignata, sed ut sibi & fratribus suis coheredibus ea feryaret, & commune negotium gereret. Itaque in dividenda hereditate arbitrio iudicis familiae eriscunda, nihil in eis rebus praecipuum habebit filia, sed ex aequo dividendum inter eam & fratres. Pater majori natu custodiam detulit tanquam prudentiori, non ut plus ferret quam fratres ceteri. Est elegantissimum responsum.

Ad §. Cum imperfecta.

B Cum imperfecta scriptura invenitur: ita demum verbum legati vel fideicommissi, quod praecedit vel sequitur, ad communionem adiungitur si dicto scriptum congruat.

EX hoc §. intelligimus, aliquando ex imperfecta scriptura deberi legatum aut fideicommissum, ut si dixerit testator: *Cajo fundum Tusculanum dari volo*: & si subjecerit *Mario decem*, non repetitis superioribus verbis, *dari volo*, manca videtur esse oratio; itemque si scripserit in hunc modum: *Cajo fundum Tusculanum, Mario decem dari volo*. Ex hac scriptura debetur fundus Tusculanus Cajo: verbum *volo*, quod praecedit ut sequitur, adiungitur ad communionem, id est, quod Grammatici dicunt repetitur *ἀπὸ τοῦ αὐτοῦ*, ut in *l. 10. sup. de pact. dot.* Huius praedictionis, ne se vivo petatur, neve constante matrimonio dos petatur, interpretatio sumitur repetitis his verbis, *se vivo nam non*, ut est in Basil. eodem loco: adsumptis prioribus verbis, ad communionem, ut Papin. loquitur: verbum, inquit, quod praecedit vel sequitur ad communionem adiungitur: quo sermone significat *ὅτι οὗτος*, quod sit dupliciter, vel a praecedenti verbo, vel a sequenti verbo legati aut fideicommissi. Hoc tantum exigitur, ut dicto, id est, ei, quod dixisse testator intelligitur, nec scripserit perfecte, scriptum congruat, id est, ut salva sit ratio recti sermonis, *l. unum ex familia, §. pen. sup. h. tit.* Conservanda est ratio recti sermonis, *l. Plautius, inf. de auct. & arg. legat.* unde si ita scripserit exempli gratia: *L. Titio centum dari volo*, & subiceret, *Cajus fundi Sejani*, nihil praeterea, Cajo nihil deberet, quia in eo sermone est scribilibus, nec ulla congruentia est superior, nulla communio, nec imperfectam orationem supplere possit. Res est satis aperta.

Ad §. Filius matrem.

Filius matrem heredem scripserat & fideicommissa tabulis data cum iurijurandi religione praestari rogaverat: cum testamentum nullo iure factum esset, nihilominus matrem legitimam heredem cogendam praestare fideicommissa respondi. Nam enim voluntatis preces ad omnem successioneis speciem porrecta videbantur.

EX injusto vel irrito testamento nihil deberi certum est, nec legati, nec fideicommissi iure, etiam si verbis fideicommissi relictum sit, nec testamenti, nec codicillorum iure: iniustum, id est, minus solemne, aut irritum testamentum pro codicillis non habetur, nisi testamentum sit adiecta clausula codicillaris, vel nisi heredes legitimi ad quos rediret hereditas ab intestato, rogati probentur: alioquin legitimi heredes, nihil eorum quae in testamento inutiliter relicta sunt praestare tenentur, *l. 31. inf. h. e. l. fideicommissa i. l. §. 1. t. l. ex ea scriptura, D. qui testam. fac. poss. l. 1. sup. de iure cod. l. ex testamento, Cod. de codic. Ab hac sententia excipiendus est casus, qui proponitur in hoc §. Casus hic est: Filius matrem injusto testamento heredem scripsit, eamque adhibita iurijurandi obtestatione oneravit fideicommissio, vel hoc verbo, *δοσκέω*, ut *l. 2. C. communia, de leg.* quod verbum Alciatus male*

male dividit: est simplex verbum *isomā* id est, *adiuvare*, ut des Titio fundum illum, & dicitur, *isomā*, ut *isomā*, liquido iura, vel etiam his verbis, ut l. 3. de iure fisci. Per Deum rogo te mater fundum illum L. Titio restituas, vel ut in §. 1. de fideicommiss. heredit. Instit. Per salutem Principis rogo te mater rem illum L. Titio prestare: quod perinde est ac si diceret: Per Deum a quo pendet salus Principis, l. qui per salut. de iur. iur. Finge igitur, matrem, cum iurisdictione obtestatione rogatam fuisse fideicommissum prestare, & matrem filio heredem fuisse non ex testamento, quoniam erat iniustum, sed ab intestato ex SC. Tertull. An præstabit fideicommissum de quo objurata est? Sic videtur optima ratione: quia, inquit, *enise voluntatis preces*, omni *nixu effuso preces filii ad omnem successionis speciem porrecta videbantur*. Porrecta videntur, id est, si ex testamento, si ab intestato mater filio succederet, ut omnimodo fideicommissum præstaret, valde vult, qui quid per iurisdictionem religionem, ut fiat, obsecrat, & obtestatur, ut in Nov. 48. Capituli.

Dam aliquid cupiens animus prægessit apisci, Nil metuit iurare, &c.
Omnino igitur fideicommissum veluti etiam ab intestato relictum, a matre præstabitur. Et notandum est, matrem solam fideicommissum obligari, non etiam matre repudiante sequentes, qui succedunt in bona filii, quia rogati non sunt, l. 1. §. ult. de iur. seg.

Ad §. Mando.

Mando filio meo pro salute sollicitus ipsius, ut quoad liberos tollat, testamentum non faciat ita enim poterit sine periculo vivere, fideicommissaria hereditatem sorori coheredi non videri relictam apparuit, quod non de pecunia sua testari, sed obtentu consilii derogare iuri, testamentum fieri prohibendo, voluit.

Pater duas filias heredes instituit, & de una filia ita cavit: Mando filie meae de salute ipsius sollicitus, ut quoad liberos tollat testamentum non faciat, ita enim poterit sine periculo vivere. Hæc sunt verba testatoris. Queritur autem his verbis portionem hereditatis filie, si ea filia sine liberis vita decederet, pater per fideicommissum reliquisset videtur sorori coheredi eius. Mando est verbum fideicommissi, verbum precarium. Et respondet tamen Papinianus his verbis nihil pro fideicommissio significari, quia hæc verba: sollicitus pro salute ipsius, & illa, ita enim poterit sine periculo vivere, consulens verba sunt, non fideicommissum; consilium pro fideicommissio non habetur, quoniam qui consilium dat, de re sua pecuniave, non testatur, sed rem alienam quemadmodum geri expediat, monet & demonstrat: Fideicommissum autem est species decernendi de re pecuniave sua. Mando autem verbum est commune & consulens & fideicommissum, & procuratorem constituit, l. 2. §. ult. sup. mand. Et consilium quidem verbum non obligat, testatorem, §. 1. tit. seq. l. generaliter, §. si petitam, de fideicom. lib. fideicommissarium verbum obligat & necessitatem imponit, ut in l. prox. §. pater, sup. Itemque id quod procurator constituitur, & contrahitur obligatio mandati ultro citroque. Consuluit autem filie pater in hac specie, ne testamentum faceret, antequam liberos succiperet, metuens ne si extraneas filia palam heredes nuncuparet, hi filia non darent spatium tollendorum liberorum, vitæ ejus comparatis infidiis, & properata fatali necessitate. Et ideo subiicit pater, ita enim poterit sine periculo vivere. Siue periculo insidiarum scilicet, ut in §. fin. autem, Inst. de pup. sub. Ita vero pater obtentu consilii prohibendo filiam testari, ut Papinianus ait, sane voluit derogare iuri publico, quo cavetur unicuique libero homini & civi Romano, esse liberam testamenti factionem, in xii. Tab. & in l. Falcidia. Voluit, inquam, derogare iuri publico, sed nihil egit, quia illud consilium non tenet filiam, nihil etiam ageret, si citra consilium

A juri publico & formæ antiquitatis constitutæ derogare vellet, l. nemo potest, sup. tit. prox. l. Cerdonem, ff. de oper. libert. l. 3. §. Julianus, de adm. tut. l. testandi, Cod. de testam. l. 1. §. proculdubio, Cod. de iur. lib. toll. Sed hoc ita intelligi velim, si directo heredem suum prohibeat facere testamentum, quem forte heredem scripsit ex asse, quo genere nihil agit: quia contra ius publicum libero homini nititur auferre jus faciendi testamenti: sed si hanc prohibitionem acceperit pro fideicommissio, valebit ut fideicommissaria voluntas & prearia, sicut in specie l. qui filium, in princ. ad SC. Trebell. Pater filium & filiam heredes instituit, & de filia ita cavit, ut proponitur illo loco; mando tibi, ut quoad liberos succiperis testamentum non facias, non sunt consilii verba illo loco, sed fideicommissaria. Et ita in ea specie decrevit Antoninus Imperator, per fideicommissum (supradictis verbis rogatam filiam videri, ut hereditatem fratri restitueret, quia per hoc quod prohibuit eam testari, videtur eam rogasse, ut fratrem coheredem suum faceret heredem). Quod est nemo iure rogari possit liber homo, ut illum faciat heredem, tamen ex SC. qui ita rogatus est, intelligitur esse rogatus de hereditate restituenda, exstatque sententia huius SC. in l. ex factis, ad Trebell. & l. filiosfam. §. ut quis, sup. tit. prox. In hac igitur specie filia intelligitur esse rogata rem hereditariam restituere, si sine liberis, si illibris decesserit, ut Tertullianus loquitur, restituere fratri coheredi suo, retenta scilicet Falcidia, de qua poterit testari.

Ad §. Rogo.

Rogo te filia bona tua quandoque distribuas liberis tuis, ut quisque de te meruerit: videtur omnibus liberis, & si non equaliter promeruerint fideicommissum relictum, quibus matris electione cessante, succiscent, si non offenderint. Eos autem quas mater elegerit fore potiores si solis promeruerint, existimari. Quod si neminem elegerit, eos solos non admitti, qui offenderunt.

Pater filiam heredem institutam oneravit fideicommissio his verbis: Rogo te filia mea, bona tua quandoque distribuas liberis tuis, ut quisque de te meruerit. His verbis injecti conditionem fideicommissio, quæ non potest existere ante mortem filie, ut in specie §. hereditatem & §. a filia, sup. in hac lege. Quia liberum est filie, quandoque vivit, eligere quem vel quos volet ex liberis suis de se bene meritis, & quorum electionem fecerit etiam mutare, si ipsi mutaverint mores in deterius, & male meriti erga matrem esse coeperint. His, inquam, verbis omnibus, non parte eorum; Liberis tuis quandoque bona tua distribuas, ut quisque de te meruerit, ultimo scilicet fine vitæ tue: meritum ratio habetur die ultimo, quod qui hodie est bene meritis, potest cras male mereri. Imo pessime, & sic homo videtur *meritorius* (ut). Et hæc est vis eorum verborum: nam verbum hoc quandoque, solum eandem vim non habet: facito matrem rogatam quandoque hereditatem restituere, fideicommissum ab eo petetur, cum primum poterit restituere, cum erit ei commodum: nec mors matris expectabitur, l. rogo, inf. quond. dies leg. ced. Verum secus erit, si dixerit, liberis tuis quandoque distribuas, ut quisque de te meruerit. His etiam verbis, matri non permittit electionem plenam, sed arbitrio boni viri, non permittit arbitrium plenum, sed boni viri, ut in l. 1. §. si fid. tit. seq. Ideoque bene meriti liberi duntaxat ad fideicommissum invitantur, & ii quidem omnes simul, licet æqualia non sint omnium officia: ut e contrario male meriti repellantur omnes, licet omnium non sit par offensæ adversus matrem, quia illud ipsum offendere vel promereri semper idem est, licet offensæ, aut merita sint disparia: male meriti sunt, qui offenderunt. Bene autem meriti dicuntur duobus modis, vel qui non offenderunt, ut in l. 22. C. de inoffic. test. l. 20. inf. de man. test. ubi Bartolus non inolegenter, Meruisse eum, quem non apparet demeruisse. Nam & eo sensu Ovid. dixit demeruisse: sed in Bartolo est corrupte scriptum demeruisse, vel demeruisse, pro demeruisse, & pro, meruisse.

meruisse, cum lex agat de meritis: vel etiam bene meriti dicuntur & multo magis, qui promeruerunt beneficiando. Et hi quidem & illi promeritque vocantur ad fideicommissum, si neminem elegerit mater, non etiam male meriti: & in *l. cum quidam, sup. h. tit.* dum ait. Si neminem elegeritis, a quo fideicommissum relictum est iis, quos dignos putaret, non indignos, ingratos, & male meritos. At si mater eligere velit, primum frustra elegerit male meritos: deinde, ex bene meritis, frustra etiam, ut opinor, praterit illos, qui non offenderunt his, qui promeruerunt: At recte iis etiam illos commiscuerit: frustra etiam ex iis, qui promeruerint, quosdam delegerit, ceteros praterierit. Nam prateriti & omisi a matre ad fideicommissum invitantur: quæ est sententia hujus responsi.

Ad §. Donationis.

Donationis prædiorum epistolam ignorante filio, mater in æde sacra, verbis fideicommissi non subnixam, deposuit, & literas tales ad æditiuum misit: Instrumentum voluntatis meæ post mortem meam filio meo tradi volo. Cum pluribus heredibus intestato diem suum obiisset, intelligi fideicommissum filio relictum, respondi: non enim queri oportet cum quo de supremis quis loquatur, sed in quem voluntatis intentio dirigitur.

Mater ignoranti filio donavit prædia per epistolam, in qua nulla erant verba fideicommissi, quibus rogarentur heredes filio: ea prædia præstare, sed ita erat simpliciter scriptum in epistola: Fili mi scias me tibi donare illa prædia. Eam epistolam ignorante filio deposuit in æde sacra, data epistola æditiuo servanda in æde sacra: deinde ad æditiuum (*au Secretain*) cui ædis sacre custodia credita est, misit tales literas, instrumentum voluntatis meæ, quod in æde sacra deposui, post mortem meam filio tradi volo, quibus verbis ostendit se nolle donationem prædiorum effectum habere, nisi post mortem suam. Ergo quasi fideicommissum valere, non quasi donationem inter vivos, vel causâ mortis: nam & donatio inter vivos, vel causâ mortis ignoranti non fit, *l. absentis, infra de donat. l. inter mortis, infra de mort. caus. donat.* Fideicommissum etiam ignoranti relinquitur, & acquiritur, §. *fundo sup.* cui est similis, quod ibi prætermisit, sententia apud Paulum 4. *Sent. tit. 1.* Quod igitur ignoranti donamus post mortem nostram, fideicommissum est, non donatio, ut in *l. miles, in principio, h. tit.* In qua huic simile responsum proponitur ex *lib. 6.* & utroque ostenditur, fideicommissum valere, etiam si verba non dirigantur ad heredes, qui fideicommissum adstringuntur, sed ad eum solum, cui fideicommissum relinquitur, ut in specie proposita in epistola ad filium, deposita apud æditiuum, æditiuus ex fideicommissio non tenetur, sed ex deposito, ut in *l. Publica, sup. de pos.* verum ex fideicommissio filio tenentur heredes instituti matris testamento, licet rogati non sint, quia, ut ait: non queri oportet cum quo de supremis quis loquatur, sed in quem voluntatis intentio dirigitur, id est, cui relinquatur legatum absolute aut fideicommissum, ut Græci *τελειος*, ut in *l. 3. §. ultim. de mun. & honorib. l. 3. de testam. milit. l. 5. Cod. de iis, quib. ut indig.* In quibus locis sunt qui supplent, supremis iudiciis seu voluntatibus inepte, cum dicatur absolute: sic igitur dicimus ex fideicommissio filio teneri heredes institutos a matre. Nam omni adæveratione confirmo, quod in quibusdam legi, in contextu hujus §. sic esse legendum, cum pluribus heredibus institutus diem suum obiisset, institutus scilicet testamento: nam si intestata mater diem suum obiisset, filius ejus heres esset ex SC. Orphitiano, nec consisteret fideicommissum prædiorum heredi a semetipso relictum: at testamento mater heredes alios instituit, & filium praterivit, prædiis ei relictis per fideicommissum, quæ satis abundeque sufficiunt ad quartam debitæ portionis,

A quæ excludit querelam inofficiosi testamenti, hoc scilicet jure, *l. Papinianus, de quarta, de inoffic. testam.* hoc, inquam, jure: quoquo titulo relicta sit quarta. Neque huic responso obiciatur *l. donationes, §. pen. de donat.* ubi arca quædam in æde sacra deposita apud æditiuum ea lege, ut eam solus is, qui deposuit, tollat, ut eam æditiuus ei soli tellere permittat, qui deposuit, vel post mortem ejus L. Titio heredi separato, ut potuit. Et recte respondet Papinian. qui est auctor illius *l. non videri celebratam donationem, id est, non videri L. Titio donatam arcam*, quæ deposita est apud æditiuum ea lege, ut eam sineret solum se tollere, vel post mortem suam L. Titio donatam fuisse arcam, si cut hoc loco proponitur donata fuisse prædia filio per epistolam, nec proponitur instrumentum ullum donationis depositum in æde sacra, quod L. Titio tradi oporteat. Itaque donationis jure, neque fideicommissi, neque ullo alio jure illa arca Lucio Titio debetur, cui exportare quidem ficeret eam arcam, sed non sibi eam habere, sed restituere heredibus depositoris.

Ad §. Libertis.

Libertis prædium reliquit, ac petit ne id alienarent, utque in familia libertorum retinerent: si excepto uno ceteri partes suas vendiderint, qui non vendidit ceterorum partes, quibus non dedit alienandi voluntatem, integras poterit. Eos enim ad fideicommissum videtur invitasse, qui iudicio paruerunt, aliquin per absurdum erit, vice mutua petitionem induci, scilicet, ut ab altero partem alienatam quis petat, cum partem suam alienando perdidisset, sed hoc ita procedere potest, si pariter alienaverit. Ceterum prout quisque prior alienaverit, partem posterioribus non faciet, qui vero tardius vendidit, in superiorum partibus fessile partem intelligitur: at si nemo vendiderit, & novissimus sine libertis vitâ decesserit, fideicommissi petitio non supererit. Cum inter libertos ad prædii legatum liberta quoque fuisset admixta, quod patronus petit, ut de nomine familia non exiret, heredem libertæ filium partem prædii, quam mater accepit, retinere visum est.

Hujus responsi questio est satis difficilis: Finge: Patronus libertis suis primo, secundo, tertio, quarto, fundum legavit, & eos rogavit, ne fundum alienarent, his verbis: Rogo vos, ne fundum quem vobis legavi abalienatis, sed in familia & nomine vestro retineatis. Idem est nomen, eademque familia patroni & libertorum, ut docuit supra in §. *fidei heredum*. Sed longe amplior est familia patroni, quia non tantum libertos continet, sed etiam cognatos & alios quosdam, de quibus dicemus in extremo hujus recitationis: verum satis habuit patronus cavere, ne fundus ille alienaretur extra familiam libertorum, ut in *l. silvianam, §. Dicit, sup. tit. prox. l. pater, §. duobus, tit. seg.* si modo in eo §. habeas, ut habent Florentini, utique habuit Accurs. ipse, de nomine meorum libertorum, scilicet non de nomine meo. Denique consulere libertis tantum suis patronus voluit, dum vetat ne fundum legatum alienarent ex familia libertorum, quo genere intelligitur fideicommissum. E collibertis tantum reliquisse in hunc casum, si quis eorum alienaret partem suam ex tero. Nam hæc verba: ut fundum in familia libertorum retineant, habent vim fideicommissi, quod confertur in libertos, qui partes suas non alienant extra familiam, iis scilicet debetur pars, quam eorum aliquis alienaret extra familiam: fac, excepto primo, ceteros partes suas ex tero vendidisse citra consensum primi: nam si primus consenserit venditioni, aut quod tantundem potest, si subscripserit, non potest partem eorum persequi, vel consequi jure fideicommissi, nec pretia, quæ acceperunt, *l. nihil, §. r. sup. tit. prox. l. pen. §. insulam, infra h. l. §. quoties, r. C. de fideicommissi.* Neque obstat *l. si fundum per fideicommissum, in prin. sup. tit. prox.* quam obicit Accurs. & quæ dicit: non ideo minus fideicommissum fundi deberi fideicommissario, quod heres eum fundum vendide-

diderit fideicommissario presente, & assignante instrumentum venditionis suo sigillo, quia ea l. non loquitur de eo, qui consentit venditioni, sed qui praesens abest ut testis, vel ut signator. Praesentia & sigillum pro consensu non habetur, ut in *l. tit. §. Lucia, sup. hoc tit. Casus, de pign. act.* Et longe aliud est signare, aliud subscribere: nam subscriptio pro consensu habetur, *l. fideiussor, §. pen. sup. de pign. l. Titius, §. ult. sup. quib. mod. pign. fore.* Plus est subscribere quam signare. Nam subscribere quid est? subscribere non est nomen nudum suum scribere sed & scripto signare, significare, cui rei, cuique negotio subscribat, ut *Novella 126.* Subscriptio constat duobus aut tribus verbis. Quia vero, ut initio proposui, primus neque consensit venditioni facta collibertis, neque ipse vendidit partem suam, collibertorum partes quas vendiderunt exteris iure fideicommissi persequi, & eo nomine agere adversus collibertos potest: fideicommissi persecutio datur ei, vel eis, qui iudicio defuncti perierunt, id est, qui non alienaverunt partes suas exteris. Nam si omnes partes suas exteris vendiderint, nulli competit repetitio fideicommissi, ut *l. quod si §. Nov. 159.* quia, ut eleganter docet Papin. alioquin absurdum erit me tecum agere, quod partem tuam extero vendideris, cum & ipse idem fecerim: absurdum me tecum agere quod obsequium defuncto non praestiteris, quod nec ipse praestitit: me id in te reprehendere, in quo mihi iniqui. Sed hoc ita procedere ait, si omnes pariter uno eodemque tempore eum fundum extero vendiderint, hoc casu consumitur fideicommissum: secus est dicendum, si diversis temporibus separatim partes quas vendiderit. Nam si primus partem suam prior extero vendiderit, ceteri qui nondum partes suas vendiderunt, admittuntur ad petitionem fideicommissi, id est, ad partem alienatam a primo. Tum deinde, si secundus partem suam extero vendiderit, tertius & quartus qui nondum partes suas vendiderunt, admittuntur ad partem secundi, non etiam primus, qui & ipse etiam partem ante extero vendiderat, eoque genere occiderat iure fideicommissi. Et hoc est, quod ait Papinianus, eum, qui prior vendidit, non facere partem posterioribus, id est, eius personam non numerari in partibus faciendis fideicommissi, siue portionis secundi, quam scilicet post primum secundus extero vendidit: non veniunt igitur primum in partem portionis secundi, sed integram partem secundi pervenire ad tertium & quartum. Partem, inquam, secundi, quam in fundo habuit iure legati, & post primum vendidit extero, non etiam partem quam secundus fecit ante tertio & quarto in parte primi, id est, non trientem, quem secundus tulit ex parte primi, & simili modo, similique ratione post primum & secundum tertio quoque vendente partem suam extraneo, solus quartus, qui nondum vendidit suam iure fideicommissi admittitur ad portionem, quam tertius in fundo habuit iure legati, & vendidit extero, non etiam ad partem, quam tertius, cum nondum vendidisset suam, fecit quarto in portione secundi, vel secundo & quarto in portione primi. Denique sic statuimus: collibertorum partes alienatas exteris: quas acceperunt ex causa fideicommissi, qui nondum partes suas vendiderant, eas eos optimo iure retinere, etiam si postea partes suas vendiderint. Optimo, inquam, iure retinere, & ut opinor etiam transmittere ad heredem extraneum: nam etiam si quam partem emerunt a collibertis, eam transmittunt in extraneum heredem, *l. pater §. quind. de iur. leg. tit. seq.* Quia testator suam quemque partem duntaxat vetuit extero vendere, quod obvenit ei iure legati, non partem emptam a collibertis, quibus iure vendita est, cum sit vendita in familia libertorum, & statim atque quis eorum partem suam colliberto vendidit, defecit conditio fideicommissi. Conditio autem semel defecta non refertur, *l. pater, §. ult. sup. de condit. & demonstrat.* Ex his igitur apparet, quid sit quod ait Papinianus hoc loco: Eum, qui tardius vendidit partem suam, ut puta tertium, ut Glossa ponit, recte, ei, qui non vendidit, id est, quarto, facere partem in partibus superioribus.

Tom. IV.

A *ruma*, id est, in partibus primi & secundi: nec quam semel tulit partem ex eis partibus, etiam si postea vendat partem, quam in eo fundo habet iure legati, quartum ei adimere, & avocare posse, sed partem tantum venditam.

Ad haec quaro, quid si & postremus omnium quartus partem suam aequo extraneo vendiderit? quem casum palam non attingit Papinianus, quia, ut arbitror, constabat nulli superesse fideicommissi petitionem, & rem pro eo haberi atque si ab initio omnes pariter fundum extero vendidissent, cum omnes sigillatim extero vendiderunt. Novissimi venditio erit conscriptio fideicommissi. Item quaro; quid sit dicendum, si nemo partem suam vendiderit, & novissimus moriatur sine liberis, relicto herede extraneo? Hunc casum attingit Papinianus, & ait etiam hoc casu non superesse fideicommissi petitionem, quia scilicet ex liberis supremo moriente sine liberis, re transmissa ad extraneos heredes, nullus superest ex familia libertorum.

Ponendum igitur, partes collibertorum quod & ipsi decessissent sine liberis, pervenisse ad eum, qui novissimus diem suum obiit, alioquin liberi libertorum ad fideicommissam vocarentur; novissimo heredem relincente extraneo. Nam prohibita alienatione extra familiam, censetur etiam prohibita institutio extranei heredis, *l. pater, §. ult. sup. hoc tit. l. §. ceterum, C. de sec. imp.* Item quaro, an etiam liberi libertorum ad fideicommissum vocentur? Ead, inter eos liberos, quibus fundus legatus est, esse libertam, quae filium susceperit, hic mari extraneus heres est, quia patris non matris familiam sequitur: Quaro, inquam, an in parte fundi, quam mater accepit ut liberta, filius ejus, quamvis matri sit extraneus heres, praefatur aliis liberis, qui eandem familiam & idem nomen habent, quod ipse tamen filius non habet? Et subjicit Papinianus, filium libertae praeferi collibertis, quamvis non sit ex eadem familia, his verbis: Cum inter liberos ad praedicti legatum libertas quoque fuisset admissa; quod patronus petiit, ut de nomine familiae non exiret, heredem libertae filium partem praedicti, quam mater accepit, retinere visum est. Quae verba nolo divelli a superioribus, nec ex illis constitui alium §. quoniam ad eandem speciem pertinent, ut & Glossa sentit, quae ad haec verba: de nomine familia, subaudit, libertorum; Videtur ergo haec mens fuisse testatoris, ut liberi partes suas conferrent suis liberis quibuscumque, vel suis, vel extraneis liberis, aut his deficientibus collibertis: quam interpretationem voluntatis etiam Papinianus introduxit in specie *l. cum acutissimi, C. de fideic.* Alium heredem extraneum excluderent colliberti, sed non filium heredem extraneum. Denique collibertis praefratur liberi legatiorum, etiam si non sint ex eadem familia. Et ita demum videtur extitisse conditio fideicommissi, si quis eorum libertorum, vel libertarum, quibus fundus legatus est, non liberis suis aut collibertis, sed aliis extraneis partes suas reliquerunt. Familiae nomen in hoc genere fideicommissi aliquando latius accipitur. Nam & emancipati ad fideicommissum vocantur licet mutarint familiam, *l. pater, §. ult. sup. hoc tit. l. filius familias, §. cum pater, sup. tit. prox.* Et is, qui fuit gener, vel nurus, quamvis hi omnes revera ex eadem familia non sint, quia plerumque ex opinione nostra nobis sunt pro familiaribus: & Jurisconsulti est secundum iudicium & opinionem nostram accipere, augere, & producere significationem verborum. Postremo quaro, si cum primus, secundus, tertius partes suas extero vendidissent, & ita quaesita esset quarto fideicommissi petitio, qui non vendidit partem suam, & mox antequam peteret fideicommissum, ita decesserit quartus sine liberis, relicto herede extraneo, an transmiserit in heredem extraneum petitionem fideicommissi? Et definitur in *l. seq. §. pen.* qui suo ordine latius explicabitur, eum transmississe petitionem fideicommissi, cujus dies eo vivo cesserat etiam ad extraneum heredem.

Eccs

Ad

Ad §. Cum existimaret

Cum existimaret ad solam confobrinam suam bona perventura: codicillis ab eo factis pluribus fideicommissa reliquerat, jure successione ad duos ejusdem gradus possessione devoluta: rationibus aequitatis. Et perpetui edicti exemplo pro parte dimidia mulierem relevandam respondit: sed libertates ab ea prestandas, quas intercedere damni causa duxum videbatur.

SEquitur ut exponamus §. cum existimaret, in quo hæc proponitur species & questio: qui existimabat ab intestato jure cognationis bona sua omnia perventura ad confobrinam, ignorans se habere etiam patruum vel avunculum, id est, matris suæ patrum vel avunculum, qui eodem gradu est quo confobrina, nempe quarto, & æque cognatus ac confobrina: codicillis factis ab intestato, pluribus fideicommissa & fideicommissarias libertates a sola confobrina reliquit, quod existimabat solam sibi successuram jure prætorio, sive jure cognationis: post mortem ejus non confobrina tantum, sed etiam avunculus magnus ab intestato pro partibus æquis ei successerunt, accepta bonorum possessione unde cognati: Queritur, an ii, quibus fideicommissa in codicillis relicta sunt a confobrina, sola confobrina teneatur in solidum? Quod videtur, quia ea sola nominatim rogata est fideicommissa præstare, & ad eam solam scripti sunt codicilli. Et sane ipso jure ita est, eam solida fideicommissa præstare debere: & tamen Papinianus respondet æquitate subnixus aliter, nempe confobrinam onere fideicommissorum pro parte dimidia esse relevandam, quam ei abstulit concursus avunculæ magni: hoc exigere rationem æquitatis, ne oneretur supra dimidiam, quæ dimidiam tantum accepit, quam etiam credibile est testatorem queraturum non fuisse tot fideicommissis, si existimasset non ad eam solam omnia sua bona perventura: hoc etiam exigens ait ex prætorio edicti perpetui. Et creda Papinianum intelligere edictum prætoris de bonis libertorum, quo a libertis herede instituto extraneo, patrono prætorio, & patrono petente bon. poss. contr. tabul. liberti, & evincente dimidiam partem bonorum liberti, ut iure Justinianum obtinuit, heredes scripti pro parte dimidia, quam ei aufert patronus, relevatur præstatione legatorum & fideicommissorum, & pro ea tantum parte dimidia, quam sibi retinet, legatariis & fideicommissariis obstringitur salva Falcidia, quod patet ex l. Plautius & de condit. & dem. l. 20. §. libertus & de bon. liberti. Et eodem exemplo, si filius exheredatus per querelam inofficiosi testamenti, vel filius præteritus per bonorum possessionem contra tabul. heredi scripto evicerit partem dimidiam, heres scriptus pro ea parte, quæ evicta est, præstatione legatorum & fideicommissorum exoneratur, l. testis contra, in f. de vulg. l. 1. §. Imperator, infra de leg. Falcid. At rursus queri potest, an is cui partem aufert heredi scripto, pro ea parte legatariis, ac fideicommissariis teneatur? Et dicemus incunctanter, pro ea parte legata & fideicommissa intercedere, quia is, qui ad alteram partem venit, rogatus non est, & quia ad eam venit suo jure, non beneficio judiciove defuncti. Idque comprobatur etiam l. pro. in prin. sup. & l. cum duobus, C. de inoffic. testam. Et male Accursius hoc loco, fideicommissa ab utroque præstari pro partibus hereditariis: quia certo certius est, fideicommissa intercedere pro parte ejus, qui propter cognationem suo jure cum muliere concurrat in successione intestati, quo nomine etiam Accursium reprehendit Paulus Castrensis. Nec obstat huic sententiæ, lex militis, in prin. sup. de milit. test. quæ merito potest obijci, nec tamen obijciatur, quoniam in ea lege is, qui partem hereditatis aufert heredi instituto ex æsse, legata testamenti relicta præstat pro parte sua quam evicit. Quod pugnare videtur cum superiore sententia. Sed ideo præstat legata pro parte sua, quia si inspicitur diligenter species hujus legis, eam partem

A aufert ex judicio defuncti militis, qui post testamentum, factum in quo alium heredem scripserat ex æsse, eum codicillis ad testamentum factis heredem scripsit ex semel prior in testamento scripto adempto semisse, quo casu ambo præstant legata communiter. Quid enim iustus est, quam ut iudicium conservet & impleat, qui ex judicio defuncti ad hereditatem venit? In legibus autem supradictis, qui partem aufert heredi scripto, vel heredi aut successori legitimo, quem solum sibi heredem aut successorem fore defunctus arbitrabatur, suo jure venit, non ex judicio defuncti, & ideoque, nec judicio defuncti adimplendo obstringitur: hæc longe sunt diversa, jure suo, & iudicio defuncti, l. cum ab uno, sup. hoc tit. l. illud in prin. sup. de jure codicill. l. post emancipationem, tit. seq. cujus quidem legis necessaria nobis hoc loco sententia explicanda est, quoniam ea lex responsio huic opponi solet. Cum filia filicæ post emancipationem patris existimaret patrum solum sibi heredem fore ab intestato jure agnationis, exeluso avunculo, qui cognatus est, & ignoraret etiam patrum sibi cognatum esse, non agnatum, ammirum soluta agnatione per emancipationem patris, factis codicillis ab intestato patrum rogavit, ut partem dimidiam hereditatis avunculo restitueret, & amplius agnos duos, & alios quoque pluribus ab eodem patre fideicommissa reliquit: utroque succedente ab intestato per bonorum possessionem unde cognati, patruo & avunculo, quoniam sunt cognati ejusdem gradus. Scævola in eadem l. post emancipationem ait, non consistere quidem fideicommissum hereditatis, quod avunculo relictum est, quia suo jure partem hereditatis obtinet ab intestato; consistere tamen fideicommissum agrorum pro parte patris; fideicommissa quoque aliis a patruo relicta patrum debere in solidum præstare, nec relevari pro parte, quamvis præter opinionem defunctæ evicta sit ei pars, quod pugnat omnino cum his, quæ ante dicta sunt de relevando herede pro parte onere legatorum aut fideicommissorum. At breviter respondendum est, id quod scribit Scævola ita se habere directo & summo jure, & ad jus civile sive jus summum spectare Scævola, ut & Marcellum in simili specie in l. pen. sup. de jure codicill. sed ut ad Marcellum in d. l. pen. ita ad Scævola addendum est: ino duntaxat partem a patruo debere, secundum rationem æquitatis, quam Papinianus spectat & notat in hoc responsio & secundum exemplum prætorii edicti: & huic distinctioni inter jus civile & æquitatem prætoriam etiam Accursius acquiescit, & a nobis latius explicata est ad Africanum in l. 15. de jure codicill.

Non est omittendum, quod hoc loco Papinianus, cum dixisset confobrinam pro parte dimidia, quam ei evicerit avunculus magnus, esse exonerandam præstatione fideicommissorum, subiicit, libertates tamen ab eo esse prestandas, libertates scilicet fideicommissarias: Nam directe codicillis factis ab intestato jure non dantur libertates igitur fideicommissarias a confobrina esse prestandas in solidum: nisi dixerunt, libertatibus quoque prestandis pro parte tantum confobrinam alligari, coheredem autem ejus non alligari pro sua parte, ut d. l. illud, de jure codicill. sic fiet ut libertates, quæ pro parte præstari non possunt, quæ individuum causam habent, l. duobus, de liber. causis, recidant in irritum, quod effect durum & iniquum. Durum, inquit, videbatur libertates intercedere causa damni, id est, ob causam damni, quod mulieri, a qua relicta sunt adfert concursus heredis legitimi. Verum addendum est ad Papin. servum, qui petit a muliere fideicommissariam libertatem, debere ei offerre pretium, quo mulier redimat a coherede servi partem, deinde manumittat. Alioquin servus repellitur exceptione doli mali, vel officio judicis, l. judicatus, ff. de except. rei judic. l. qui gravi, & seq. de jure codicill. Quod exposuimus etiam supra ad primum responsum proxime l. Bivium datur mulieri ad consequendam partis æstimationem, exceptio doli mali, & officium judicis, sive prætoris fideicommissum. Etiam non omittam, utæ Accursium edictum

sum perpetuum, de quo hoc loco agitur, interpretari, ut edictum semper ubique generale, ut simili errore apud Cicer. 2. de legib. Diagoras Thebani legem perpetuam. Adrianus Turnebus vir magnus, legem generalem interpretatus est. Potest idem esse perpetuum & generale, fateor: sed non omne generale perpetuum est, nec contra omne perpetuum generale. Perpetuum dicitur tantum comparatione temporarii: generale comparatione specialis vel singularis. Perpetuum autem pratoris edictum fecit lex Cornelia, de qua Dio 36. & Afconius in oratione pro Cornelio, ex quo scilicet omnes pratores perpetuo idem jus dicerent: edictum enim antea erat annuum, & ipsius quoque pratoris imperium erat annuum, §. 1. *Inst. de perp. & temp. act.* Et pro varietate pratorum varia quoque erant edicta, nisi si quod forte caput translatum per omnium edicta ambulabat. Ad lege Cornelia hodie pratores ex perpetuis & similibus edictis jus dicunt, non ex annuis, quæ posuerint ipsi suo arbitratu.

Ad §. Patre, qui filio.

Pater qui filio semissem dederat, & sororibus ejus impuberibus quadrantes, quibus fratrem tutorem dedit, ita fuerat locutus, fili contentus eris pro tuo semisse aureis ducentis, & vos filie pro vestris quadrantibus centenis; Vice mutua liberis fideicommissum hereditatis reliquisse non videbatur, sed estimationem, ut a parentibus frangi fieri solet, patrimonii sui fecisse, nec idcirco fratrem judicio tutelæ bonæ fidei rationes quandoque prescriptionis demonstrata quantitatis exclusionem.

IN §. sequenti, hæc proponitur species: Pater filium heredem scripsit ex semisse, & duas filias impuberes ex quadrantibus singulas, iidemque fratrem tutorem dedit. Deinde ita cavet: fili contentus eris pro tuo semisse aureis ducentis, & vos filie contentis eritis pro vestris quadrantibus singula centenis aureis. Quaritur, an vice mutua, videatur liberis fideicommissum hereditatis reliquisse, puta ut frater fororibus semissem restitueret, & vicissim forores fratri alterum semissem, id est, duos quadrantes? Et respondet Papinian, in hac specie, nihil de mutuo fideicommissum, significari, cuius nec ulla utilitas esset. Imo quod ridiculum esset, ut ait l. si fundus, infra. ad l. Falcid. si quantum frater daret fororibus, tantum ferret ab eis, & vice versa. Verum ea cautione eove sermo per post adscriptas filiis suis partes hereditarias dicimus, patrem fecisse videri patrimonii sui estimationem, idque totum æstimasse quadringentis aureis, quod & plerumque, ut ait, parentes frangi, id est, boni patres. facere solent quibus vires sui patrimonii in numeratu sunt & in comperto. Quia tamen falli possunt, ideo nihil ex æstimatione officii veritati, si revera pluri sit patrimonium, quam id æstimaverit, aut si minoris sit, ut l. 15. §. ult. sup. ad l. Falcid. l. si fundum, §. si liberius, sup. tit. prox. l. 1. C. arb. tu. Et ideo, si in hac specie forores a fratre tutelæ judicio exigent rationem plusquam ducentorum aureorum, non poterit frater se tueri exceptione quantitatis demonstrata a patre, quia in quantitate ineunda falli potuit pater, sed ex bona fide fororibus ratio reddenda erit: & maxime notandum ex hoc loco, tutelæ judicio contineri tutelæ administratæ rationes bonæ fidei; id est, revocate rationes ad veritatem, ut scilicet reddantur finita tutela, & bonam fidem & veritatem idem esse.

Ad §. Titio fratri.

Titio fratri suo Mævius hereditatem Seji, a quo heres institutus erat, post mortem suam restitueri rogatus, eodem Titio herede scripto, petiit, ut mortuus Titius tam suam quam Seji hereditatem Sempronio restitueret, cum ex fructibus medio tempore perceptis fideicommissi debitam quantitatem Titius percepisset, æris alieni loco non esse deducendum fideicommissum respondit, quantum ratione compensationis per-

A pisse debitum videbatur. Plane si ea lege Mævius Titium heredem instituat, ne fideicommissum ex testamento Seji retineat, Falcidiam compensationi sufficere sed iniquitatem occurrere. Prudentius autem fecerit, si ex testamento fratris hereditatem repudiaverit, & intestati possessionem acceperit, nec videbitur dolo fecisse, cum fraudem exclusisset.

IN §. Titio hæc proponitur species: Sejus Mævium heredem instituit & oneravit fideicommissum his verbis: Rogo te, Mævi; ut post mortem tuam hereditatem meam ad Titium fratrem tuum pervenire facis: Mævius eundem Titium fratrem suum heredem instituit, & rogavit, ut mortuus ipse Titius tam suam, id est, ut ipsius Mævii, quam Seji hereditatem Sempronio restitueret. Quod attinet ad Mævii hereditatem, utilis institutio, utile fideicommissum est: quantum vero attinet ad Seji hereditatem, etiam pro quadrante, quam ex Sejana hereditate Mævius retinere potuit iure Falcidiæ, utilis institutio, utile fideicommissum est. At pro dodrante Sejanæ hereditatis, quem Mævius moriens cepit debere Titio fratri suo, inutilis institutio est, quia creditor debitori frustra legat & relinquit, quod ab eo creditor ex alio testamento petere potest, l. unum ex familia 69. in pr. sup. hoc tit. l. si debitor, infra. de lib. leg. Et consequenter, inutile est fideicommissum, quia a creditore frustra alii relinquitur, quod ei creditori debetur, l. 3. si rem, tit. seg. Debetur autem ei, nempe Titio dodrans Sejanæ hereditatis ex testamento Seji iure fideicommissi a Mævio relicti, quem sibi Sejus heredem fecerat. Et ideo in specie propo-
C sita, in ponenda ratione legis Falcidiæ, primum ducit Titius dodrantem hereditatis Sejanæ tanquam æs alienum, quod sibi Mævius ex testamento Seji debebat. Nam hoc est certissimum, antequam ineat ratio legatorum & fideicommissorum & legis Falcidiæ deduci debere omne æs alienum defuncti. Sic igitur ducit Titius fideicommissum sibi debitum ex testamento Seji usque ad dodrantem, deinde ex reliquis bonis Mævii omnibus detrahet Falcidiam, & residuum restituet Sempronio, l. 6. & 3. C. ad l. Falcid. Ab hac definitione, quæ certissima est, excipiuntur in hoc §. duo casus, quibus etiam, quod attinet ad totam hereditatem Sejanam, utilis institutio, utile fideicommissum est. Unus casus hic est. Si post mortem Mævii fructus a Titio dum vixit medio tempore percepti ex bonis Mævii, efficiant pretium dodrantis Sejanæ hereditatis, qui ei debetur ex testamento Seji. Nam hoc casu fructus cum debito compensatur, & ratione compensationis Titius fideicommissum, quod ei debebatur ex testamento Seji, percepisse intelligitur, ut in l. 15. §. quod avus, ff. ad l. Falcid. Et hoc est, quod ait in hoc §. cum ex fructibus medio tempore perceptis fideicommissi debitam quantitatem Titius percepisset; æris alieni loco non esse deducendum fideicommissum respondit, &c. Hoc igitur casu Sempronio post mortem suam Titius heresve ejus, qui ad vicem Titii propius accedit, restituet utramque hereditatem Mævianam & Sejanam, deducta Falcidia, nisi & fructus medio tempore percepti Falcidiam etiam repleant, & debitum Seji, & debitum scilicet & Falcidiam, quia fructus medio tempore perceptos ante diem restituendæ hereditatis placet imputari in Falcidiam, l. in fideicommissariam, ff. ad S. C. Treb. Et eo modo restituere teneatur integram Mævianam & Sejanam hereditatem. Alter casus, quo etiam, quantum attinet ad hereditatem Sejanam, utilis institutio, utile fideicommissum est, qui proponitur in hoc §. illo loco: Plane si ea lege Mævius Titium heredem instituat, hoc est, si Mævius Titium fratrem suum heredem instituerit ea lege, ne in ponenda ratione legis Falcidiæ deduceret fideicommissum ei debitum ex testamento Seji, æris alieni loco; sed compensaret cum Falcidia quam retineret ex utroque bonis Mævii & Seji, dodrantem vero utroque bonorum Sempronio restitueret. Nam servanda est ea lex & voluntas Mævii, idque obtinebit & consequatur Sempronius apud arbitrum legis Falcidiæ, non re-
E medio cautionis Mutianæ, ut Rogerius voluit: non
Eeee. 2 reme-

remedio propriæ cautionis, de implendo modo, ut Accursius voluit, quia neque modus, neque conditio ulla inficitur institutioni, cum ab instituto testator petit, ne debitum deducat, sed compenset cum Falcidia. Verum id Sempronius consequetur, ut ait l. 12. *inf. ad l. Falcid.* remedio exceptionis doli mali, quam opponet Sempronius Titio, fideicommissum debitum ex testamento Seji contra voluntatem Mævii deducere & reputare volenti, videlicet si tantum Titius habeat in Falcidia, quantum est in quantitate fideicommissi debiti Titio ex testamento Seji. Et idem comparat l. *is cum fideicommissum*, ff. ad l. *Falcid.* & l. *Lucius, §. maritus*, in fin. ff. ad S. C. Trebel. Duo sunt casus, quos exposui. Priore casu fideicommissum Titio debitum ex testamento Seji, compensatur non cum Falcidia, sed cum fructibus medio tempore perceptis ex æquitate. Posteriore casu compensatur cum Falcidia ex iudicio defuncti, ex lege quam defunctus dixit, & utroque casu compensatio fit, Vel hoc, cum l. Falcidia, non quantacunque sit Falcidia minima vel maxima, Vel illo casu cum fructibus. Non quantacunque sint fructus, ut Accursius voluit, sed compensatio fiet pro modo concurrentis quantitatibus, quod est pari pecunia, l. 15. §. *quod avus*. Nam si quid amplius sit in debito, quam in fructibus vel in Falcidia, sane id dondranti detrahatur, tanquam æs alienum, d. l. 15. §. *cum fideicommissum*. Verum hoc posteriore casu Papinianus ait, iniquitatem & fraudem aliquam occurrere, & errorem in hoc negotio: sed, inquit, *iniquitatem occurrere*, sic legendum, quam postea vocat fraudem, erat, inquit, hic doli aliquid, *iniquitas aliqua*, quod sic demonstratur, quia est testator, qui fideicommissum debitum iubet compensari cum Falcidia, palam non prohibet Falcidiam, quod etiam non potuit ante Justinianum. Novel. l. *nemo*, *sup. tit. prox. l. 15. §. 1. inf. ad l. Falcid.* tamen quodammodo fraudem fecit legi Falcidia, eamque re ipsa labefactavit, atque convulsit. Nam si verbi gratia, plus non sit in Falcidia quam in debito, Titius jure Falcidia nihil habere videbitur, quandoquidem quod Falcidia ratione deducit, id jure ei debebatur ex testamento Seji, nec desiderari debet. Quamobrem occurrente fraude & iniquitate ejusmodi, Papinianus Titio prudens consilium dat, ut repudiato testamento Mævii fratris sui, qui superstitibus nullos liberos reliquit, ab intestato ejus hereditatem possideat: atque ita se expediat infidiis paratis a Mævio. Poterit autem omisso testamento fratris hereditatem ab intestato amplecti ex hac causa, impune & citra metum edicti, si quis omissa causa testamenti, quoniam in illud edictum est tantum incidit, qui dolo malo in fraudem legatariorum vel fideicommissariorum omissa causa testamenti ab intestato possidet hereditatem: nam hoc Titius non facit dolo malo in fraudem aliorum, sed fraudis sibi structæ vitandæ potius, & injuriæ a se propellendæ causa, ob quam, plane licet omittere testamentum quasi suspectum & infidiosum, & venire ab intestato, ut l. 42. de adq. heredi. l. 6. §. si patronus, si quis omissa causa testam. heredi. ab intest. adierit. Et ita est explicandus hic §.

Ad §. a te Peto.

A te peto maritæ, si quid liberum habueris, illis prædia relinquant, vel si non habueris, tuis sive meis propinquis, aut etiam liberis nostris; non esse datam electionem, sed ordinem scripture factum substitutioni respondi.

Uxor a marito herede instituto prædia quædam legavit per fideicommissum, his verbis: Rogo te, ut illa prædia liberis tuis relinquant, si quos liberos habueris tempore mortis, vel si liberos non habueris, ut ea relinquant tuis vel meis propinquis, vel liberis nostris. Queritur, an possit maritus ex iis quos uxor demonstravit, quos volet eligere, quibus prædia relinquant? Et eleganter respondet Papinianus, nullam electionem esse datam marito, sed in fideicommissio prædiorum factam esse substitutionem.

A Constat ut heredibus, ita legatariis & fideicommissariis substitui posse, l. ut heredibus, *sup. tit. prox.* & liberis substitutos propinquos mariti, & propinquos mariti substitutos propinquos uxoris, propinquos uxoris substitutos communes liberos ordinem scripture factum substitutioni, id est, substitutioni impositum esse ordinem scripture, qui sequendus sit. Idque apparet ex primo gradu substitutionis, quia dixit, si liberos non habueris, quare & sequentes gradus eodem modo accipiendi sunt. Ergo ordinem scripture sequamur, sic sane, nisi cum refragatur voluntas defuncti, ut in §. fidei tua, *sup.*

Ad §. Ultimam.

B Vicos civitati relictos, qui proprios fines habebant, et causa fideicommissi non ideo minus deberi placuit, quod testator fines eorum significaturum, & certaminis formam, quam celebrari singulis annis voluit alia scriptura se declaraturum promissis, ac postea morte præventus non fecit.

T Estator civitati vicos quosdam legavit per fideicommissum: & mox deinde alia scriptura dixit, se significaturum fines eorum vicorum & certaminis formam, quam celebrari in eis vicis quotannis vellet, nec tamen usquam significavit postea morte præventus. Queritur, an ideo minus debeatur fideicommissum prædiorum? Et ait, non ideo minus deberi, quia fuit omni ex parte perfectum: & pollicitatio illa, se significaturum fines & gressus certaminis, quod ibi quotannis vellet celebrari, pro supervacua est. Quod supervacuum est, non vitiat legatum aut fideicommissum: quæ abstant non vitiant scripturam. Et ita explicato hoc responso incongrue plane videbuntur ei oppositæ leges, quæ opponuntur in Glossa, quas mitto, quia nihil habent commune cum hoc responso. Non est omittendum hoc responsum Papiniani celebrari, & in testimonium vocari ab Imperatore in l. pen. de inst. & substit. trahique ejus rationem ad hanc speciem: Ille mihi heres esto secundum conditiones infra scriptas, nullas conditiones infra scriptis, non ideo minus erit heres. Nam utique pure heres institutus videbitur, quia pollicitatio illa conditionum supervacua est, ergo inanis. Vicos autem legatos civitati, rusticos intelligit, ut in tit. C. lib. 11. ut nemo ad suum patr. suscipiat viciorum rusticanos eorum. Vici constant ex villis diversorum hominum, quod plerumque sint castello domini insignes, etiam castella vocantur. Pagorum appellatio latius patet, ut cum Cæsar Helvetiam ait, fuisse divisam in quatuor pagos, in quatuor pays, contrées, ut etiam Plinius dixit Pagum Gelorianum, le pays de Grisons. Pagus, pays, contrée, ut hodie constat, & in testamento Caroli Magni, Pagus Turonicus, Pagus Nivernensis, Pagus Cambilonensis, Châlons: & in vita Gelasti, Pagus Lemoivicus Limosin, Absolvit legem pulcherrimam, quam qui tenet, multa præclara & singularia tenet.

Ad l. X. de Ann. Legat.

Sejo amico fidelissimo, si volueris, sicut meis negotiis interveniebat, eodem modo filiorum meorum intervenire, E annuos senos aureos, & habitationem, quæ nunc, præstari volo, non ideo minus annua Sejo pro parte hereditaria viventis filia deberi placuit, quod ex tribus filiis Titia, duo aliis heredibus institutis vitæ decesserunt: cum tam laetor, quam pecunia divisionem recipere.

P Rimi responsi species hæc est: Titia duos filios pueros, & filiam quoque puberem unam heredes instituit ex æquis partibus, & Sejo negotiorum suorum procuratori, si vellet etiam eodem modo post mortem suam filiorum suorum negotia procurare, & eorum rebus intervenire, legavit per fideicommissum senos aureos annuos, & habitationem, quæ gratuito utebatur viva Titia, quæ habitatio aliquot finietur morte Titie, &

non legaretur, si eadem non esset heredum voluntas, ut habitatione fruereetur, *l. Lucius, ff. de don.* Post mortem Titius duo filii vita decesserunt, extraneis heredibus institutis, forore superstiti, cuius duntaxat negotia Sejus administrabat. Nam filiorum negotia translata sunt ad heredes extraneos: Queritur, an Sejo debeantur sibi aurei annui? Et respondet Papinianus, ei non deberi annuam illam præstationem sennm auctorum, nisi pro parte hereditaria filia, cuius solus negotia gerit, id est, binos aureos tantum ei deberi. *Quia, ut labor, inquit, ita pecunia divisionem & diminutionem recipit.*

Minuitur labor Seii mortuis filiis, & eorum partibus translatis ad heredes extraneos, ergo minuenda est annua præstatio, quæ Sejo relicta est pensandi laboris causa. Opera numero dividuntur, *l. libertus, qui post. inf. de oper. libert.* Tres autem olim erant Seii opera, quæ tribus filiis præstabantur, hodie una tantum est opera, quæ filia superstiti præstatur: ergo & qui olim erant ter bini aurei, hodie erunt bini tantum, quæ est sententia hujus responsi elegantissima. Recte ponit Papinianus, filios instituisse extraneos heredes. Nam si fororem heredem instituisset, neque minueretur labor Seii, neque annua præstatio: quod & hic Bartolus observavit recte: quod si omnes filii superstites essent, nec tamen vellent uti opera Seii in negotiis suis, proculdubio Sejo per quem non fiat quo minus eorum negotia gerat, deberetur præstatio annua, nisi filii haberent iustam causam improbandæ opera Seii. *l. Marcia, inf. hoc tit.* Quid enim si fraudulenter Sejus negotia gerat? annua præstatio ei relicta est fidei remunerandæ gratia, non si fides ejus deficeret & collaberetur, quod & Titia demonstravit, cum in legando ita dixit, ut proponitur hoc loco, *Sejo amico fidelissimo.* Huic autem responsio Papiniani unum tantum est, quod probabiliter opponi possit, quod sumitur ex *l. annua, in prin. inf. hoc tit. l. Cajo, §. x. l. Stichus, §. ult. de ali. leg. l. i. C. de leg.* In omnibus his legibus eadem fere species proponitur: Annua alimenta legata sunt Titio, si moraretur cum matre aut filio & herede defuncti, vel quoad moraretur cum eo & cum ea. Conditioni paruit L. Titius, habitavit cum filio, vel matre defuncti, deinde mortuus est filius, vel mater superstitis L. Titio, an post mortem filii vel matris annua L. Titio debetur? Et constat inter omnes deberi, quia verisimile est, testatorem sensisse de perpetua præstatione, quamdiu viveret L. Titius. Cur & in specie propoita non interpretemur annuam præstationem Sejo perpetuo relictam, & integram eam Sejo deberi etiam post mortem filiorum? Rationem expendit *l. illis liberis, ff. de cond. & demonst.* quoniam evidens est, Titiam propter filiorum utilitatem annua Sejo legasse, ut negotiis eorum interveniret, inquis in alios translatis & finitis in persona filiorum, morte eorum, nulla amplius superest causa percipiendi legati. Nam est legatarius propter filii aut matris utilitatem apparere, cum filio aut filia morari voluisse in specie supradictarum legum, quæ huic opponuntur ut scilicet legatarius esset in actu vel obsequio, vel ministerio filii aut matris defuncti, hoc casu morte filii, vel matris finiretur annua præstatio; sed in dubio ei, cui annua alimenta legantur, si moretur, vel quo admo- retur cum filio vel matre defuncti, eo genere videtur relicta habitatio certa in usum ejus, ut apud illum scil. vel illam moretur apud aliquem ex heredibus testatoris. Illud non est prætermittendum, quid sit dicendum in specie propoita de habitatione Sejo relicta. Nam de annuis rescribit tantum Papinianus ea deberi pro parte duntaxat hereditaria viventis filia: de habitatione nihil rescribit, quæ etiam relicta fuit Sejo, ut negotiis filiorum interveniret? credo, habitatio est individua, ut rectissime sentit Accurs. in *l. penult. §. si usufr. inf. ad leg. Falcid.* nec pro parte præstari potest: non possum domum, aut cenaculum aut membrum pro parte habitare; pro parte non habitare, facta sunt individua: pecunia est dividua. Quamobrem annua quidem pecuniæ præstatio dividetur mortuis duobus filiis, sed non præstatio habitationis.

Ad §. Medico.

Medico Sempronio, quæ viva præstabat dari volo, ea videntur relicta, quæ certam formam erogationis annua, non incertam liberalitatis voluntatem habuerunt.

Medico mulier legavit per fideicommissum, quæ viva ei præstabat: non præstabat autem ei certam erogationem annuam, puta, tot aureos, vel tot culleos vini, vel tot pondo argenti, sed modo hac, modo illa res: & modo largius, modo parcius quotannis medicum munerabatur. Queritur, ex causâ fideicommissi supradicti, quid ei debeat. Respondet nihil deberi: quia incertum est fideicommissum, & incerta liberalitatis voluntas. Et nota fideicommissum liberalitatem appellari, ut in *l. cum non facile, ff. si quis, plesq. per l. Falcid.* Legatum aut fideicommissum rei incertæ inutile est, *l. cum post, §. gener, sup. de jur. dor.* Paulus 3. *Sent. tit. de legatis.* Legatum nisi certe rei sit, nullius est momenti, *l. qui mutuum, §. salarium, mand.* nec votum incertæ pecuniæ, apud Titum Livium 31.

Ad §. Uxori.

Uxori præter id quod a me vivo annui nomine accipiebat, aureos centum dari volo, annum videtur, & semel centum aureos reliquisse.

Uxori per fideicommissum legavit, præter id quod vivus annui nomine ei præstabat, centum aureos. Queritur, utrum semel tantum, an quotannis centum aurei præstandi sint? Et respondet, semel tantum esse præstandos, quia nihil pro centenis aureis significavit, sed tantum dixit, ut præter annua, quæ vivus uxori præstabat, quæ etiâ vult ei præstari post mortem, eo amplius ei præstetur centum aurei, non annui quidem, quoniam hoc non dixit, sed ut semel tantum inferantur, annua tamen deberi post mortem ejus, quæ præstitit vivus. Nam cum dixit, præter, comprehendit etiam fideicommissum annuum, quod vivus præstabat, & præter significat ultra, ut apud Sueton. in Aug. *Præterquam Decembri mensis, quo scilicet constabat frequentatos fuisse ludos Saturnalium, lustris aliis, festis, plesq. diebus:* & *l. i. in fine sup. de pign. act.* qui es pro auro pignori dedit, tenetur contraria actione pignoratitia præter stellationatum, quam fecit. Et stellationatus crimine tenetur, & contraria pignoratitia, nec ea vox semper exceptionem facit.

Ad §. Ultimam.

Liberis dari volo, quæ viva præstabat, & habitatio præstabitur, sumptus iumentorum non debebitur, quem actori dominæ præstare solita fuit utilitatis sue causa. Ideo nec sumptus medicamentorum medicis liberis recte petet, quem ut patronam ejusque familiam curaret, acceptabat.

Libertis reliquit, quæ viva præstabat: etiam habitatio, quam præstabat, eis debetur, ut in *l. Sempronio, tit. leg.* ut & cetera, quæ eis præstabat annua in usum scilicet, & utilitatem eorum. Nam fideicommissum etiam non continentur ea, quæ libertis præstabat utilitatis sue causa, veluti sumptus iumentorum, quos liberto actori præstabat excurrenti ad negotia sua: vel sumptus medicamentorum, quos liberto Medico præstabat, ut se familiamque suam curaret. Medicus olim impletem conficiebat medicamenta, non ut fit hodie, ab alio confici imperabat. Quamobrem recte Paulus 3. *Sentent. tit. de leg. instrumentis medico legato, legato cedere omnem apparatus conficiendorum medicamentorum.*

Ad Leg. XXV. de Usu & usufructu leg.

Qui fructus praeiorum uxori reliquit, post mortem ejus praedia cum redditibus ad heredes suos redire voluit: imperitia lapsus nullum fideicommissum dominus, neque proprietatis, neque fructus ad eos reverti dedit. Etenim redditus futuri non praeteriti temporis demonstrati videbantur.

Uxor legavit fructus sive usufructu praeiorum, & verbis fideicommissi declaravit se velle, ut post mortem uxoris usufructuariae, praedia cum fructibus redirent ad heredes suos, quod utique fieret ipso jure, etiam si hoc non dixisset, quia morte usufructuariae finitur usufructus, & revertitur ad proprietarium suum, sive consolidatur, id est, solida proprietate hereditum fit. Et ait, tale fideicommissum nullum esse, propter illam rationem quam attigi, quia heredes mortuae usufructuariae suo jure praedia & fructus habituri sunt. Inutiliter mihi relinquitur, quod meo jure habiturus sum, circa speciem legati, l. cum pater, §. curatoris, sup. de leg. 2. l. p. emancipationem, de leg. 3. Sensit utique testator hoc loco de fructibus futuris post mortem usufructuariae, ut redirent ad heredes, non de fructibus praeteritis, quos usufructuaria percepisset: sed, ut ait, juris imperitia lapsus testator ita legavit frustra & inutiliter quod & citra legatum ad heredes perveniret. Et haec est sententia hujus legis.

Ad L. Uxori meae IX. de Dote praeg.

Uxori mea fundum Cornelianum, & quae nuptura ob-
sultu aestimata in speciebus restitui volo. Respondit non esti-
maturum praedium in dotem datum, exceptum non videri, sed
universa dote prolegata verum aestimaturum pretium non reli-
quitur; verum ipsas res, quales invenirentur.

Uxor marito in dotem dedit fundum Cornelianum
inestimatum, & alias plerasque res aestimatas. Fun-
dus inestimatus proprie dicitur dotalis, l. unica, §. in fundo,
C. de rei uxori acti, quia licet sit in bonis mariti dotis causa
constante matrimonio, tamen soluto matrimonio ple-
runque is ipse fundus mulieri reddi debet, nec interim
a marito alienari potest: Alia est conditio fundi, vel
alterius rei aestimatae, quoniam si fundus aestimatus sit,
vel quae alia res in dotem oblata, soluto matrimonio
liberatur maritus, si malit mulieri solvere aestimatio-
nem, non rem ipsam, l. 12. §. de jur. dot. Et fundum
aestimatum maritus alienare potest, quia, pro emptore
habetur: & lex Julia de fundo dotali, de inestimato
loquitur, non de aestimato. Hoc cognito fingit, mari-
tum, qui ab uxore in dotem fundum Cornelianum ac-
ceperat inestimatum, & alias plerasque res aestimatas,
mandasse heredibus suis, ut post mortem suam eas res
aestimatas mulieri restituerent in speciebus ipsis, ac si
initio inestimatae fuissent. Queritur, an etiam is ipse
fundus, qui inestimatus est mulieri reddi debeat: an
vero satis sit, ejus fundi aestimationem mulieri solvi,
quod posset quis tentare, quoniam qui jubet aestimatas
tantum res in speciebus ipsis restitui, non quidem ad-
iecta illa taxatione tantum, sed qui de aestimatis tan-
tum rebus loquitur, ut mulieri restituantur in specie-
bus ipsis, potest videri aliud sensit de fundo inesti-
mato, ut non in specie ipsa restituatur, sed liberum sit
heredibus offerre fundi pretium. At Papinia aliud ju-
dicium est, qui & fundum ipsum inestimatum vult mu-
lieri restitui, non pretium, quasi noluerit testator mu-
tare jus & conditionem fundi inestimati, sed fundi tan-
tum aestimati, vel aliarum rerum aestimatarum. Itaque
universa dos mulieri restituenda est in speciebus ipsis,
tales quales fuerunt tempore soluti matrimonii, quales
invenirentur, inquit: quibus verbis significat, & deter-
iores, alias recte restitui, ut d. l. 11. in pr. §. 1. 12. de jur.
dot. Porro enim maritus constante matrimonio eas res
usque deterere. Et haec est sententia hujus responsi.

A

Ad Legem III. de Instrum. & instrum. leg.

Fundum instructum libertis patronus testamento lega-
vit, postea codicillis petiit, ut mortientes partes suas fundi
superstitibus restituerent, nec instructi mentionem habuit:
talem in causam fideicommissi deductam videri placuit,
qualis fuerat legatus, sed modis temporis augmenta factum,
& partium, item detrimenta fatalium fideicommissi con-
tineri.

Legavit patronus libertis suis fundum instructum, &
verbis fideicommissi petiit ab eis, ut mortientes partes
suas fundi superstitibus restituerent, id est, in eo fundo
eos invicem precario substituit: & dixit, partes suas fun-
di, non partes suas fundi instructi. Sed quod dixi in lega-
do, se libertis legare fundum instructum, id in fidei-
commissio ad communionem adsumitur, & repetitum
intelligitur, ut in l. cum pater, §. cum imperfecta, sup. de leg. 2.
ut scilicet mortientes liberti partes suas fundi instructi, uti
legatus est, superstitibus restituant. Itaque qualis fundus
legatus est, talis etiam in fideicommissum deductus esse
intelligitur. Logicum est quod Bartolus dixit hoc loco, &
iisdem fere verbis usurpat Valerius in epist. ad Rufinum.
ne ducat uxorem, quae exstat inter opera D. Hieronymi:
Logicum est, inquam, talia esse subiecta qualia premisse-
rint praedicata: ut in proposito, tale erit fideicommissum,
quale fuit legatum: fuit legatum fundi instructi: & fidei-
commissum igitur erit fundi instructi. Et subiicit Papinia-
nus quod est satis difficile, fideicommissi hujusmodi contineri
augmenta factum & partium, & detrimenta fatalium, quae
verba non intelligens Martinus, tentabat ut Accursius notat,
addita negatione hoc loco legere fideicommissum non contine-
ri, perperam, quia etsi instrumento non continentur pec-
cora fundi, quae scilicet in fundo paterfam. habuit, ut ex
eis pecoribus, ut ex grege pecorum fructus caperet, vel ne-
gociaretur venditis fovebus pecorum, l. de grege hoc tit. con-
tinentur tamen instructi, l. 2. C. de verb. signif. Et hic
proponitur legatus instructus fundus: patet latius in-
structi nomen, quam instrumenti legatum. Ergo in-
structo continentur etiam foetus pecorum fundi, qui sub-
missi gregem retinent, & retentant, l. deducta, §. heredi-
tatem, ff. ad Trebell. l. 11. §. si servi de jur. dot. Addit Paulus,
3. Sentent. tit. de leg. etiam instructo contineri pecora, quae
patrifamil. instruendum epularum gratia in fundo com-
parata sunt. Ergo & foetus eorum, quibus latius in-
struuntur epulae patrifamil. qua Pauli sententia ductus
valde probat, quod omnes libri veteres habent Varronis
2. de re rustica, eum, qui parat pecus, scire debere in grege,
quot feminas habeat, quot parere possint, quot arietes, quot
utrisque generis foveles, quot epulae sint alienanda: quae pos-
tremo verba nullum non vexant, sed intelligere oportet,
quot epulae instruenda sint hominibus distrahenda.
Nam & epula singulariter antiquos potuisse Festus
scribit. Constat etiam instructo contineri mancipia, quae
in fundo habuit patrifamil. sui cultus & ministerii cau-
sa, & uxores & natos, ut ait l. quastum, §. contaberna-
les, h. tit. uxores & infantes, §. uxores quoque, in eadem, l.
quastum. Vulgari sermone infantes accipiunt pro patris,
ut D. Hieronymus in Genesim ait, sua aetate Romae omnes
filios vocatos infantes, ut scilicet in idiotismo nostro,
enfant. Denique partus ancillarum, quae in fundo in-
structo sunt, partus, nati, infantes & ipsi instructo
continentur. Et huc valde pertinet lex penult. infr. hoc
tit. quae ostendit etiam medio tempore agnata, a tes-
tamento facto scilicet in diem mortis testatoris instru-
cto cedere. Quid vocat agnata? nisi foetus & partus.
Ergo recte etiam Papinianus ait hoc loco, modis temporis,
a die scilicet mortis testatoris in diem fideicommissi
cedentem, augmenta factum & partium fideicommissi
contineri. Et addit, ut augmenta, ita etiam detrimenta
fatalium, quae alii vocant damna fatalia, quae ex improvi-
so contingunt, nec evitari possunt, fideicommissio conti-
neri. Quid hoc est? augmenta scilicet augere instructi
lega-

legatum: detrimenta fatalia minuire? puta, si suo facto deperierint pecora, vel mancipia, vel factus aut parvus, instructum recipere augmentum & deminutionem. Et ita hoc primum responsum explicatum est. Sequitur aliud.

Ad §. Minor,

Minor viginti annis instructa prædæ consuevit sue dari soluit, & quosdam seruos prædiorum vineas manumissus. Non ideo serui manumissi prælabuntur, quod ad libertatem pervenire non possunt. Idem juris est, cum ex quavis alia causa libertas non competit.

Minor viginti annis, cui per L. Æliam Sentiam non licet servum manumittere nec inter vivos, nisi vindicta, causa probata apud consilium prætoris vel præsidis, nec testamento, consobrina suæ legavit instructa prædæ quædam. In instructum istorum prædiorum erant servi, quos vivus post testamentum manumissus inutiliter, libertas servis non competit. Vel frange, manumissus eos utiliter causa probata consilio, sed extrinsecus supervenit alia causa, quæ libertati impedimento est, veluti questio adulterii, ut in l. cum filius, §. servus, sup. de leg. 2. Queritur, an si servi, qui a testatore non iure, aut frustra manumissi sunt, instructo prædiorum cedant? Et respondet Papinianus, non cedere: recte, quia destinatione testatoris instructo exempti sunt, etiam si ea destinatione ad effectum perducta non fuerit, ut in l. 19. §. ultimum. inf. de pec. leg. Et hoc quoque modo instructi legatum vel fideicommissum deminutionem recipit. Nec obstant tres leges, quas Accursius in medium profert, tanquam huic responso contrariæ. l. servum filii, §. si idem, de leg. 1. l. si servus legatus, §. si servus, eodem tit. qui. testamento, de leg. 2. l. cum ita, §. ult. de opt. leg. In iis omnibus ostenditur, eodem servo legato, & manumisso inutiliter non periri legatum servi. Distinctio aliqua adhibenda est, ut hæc leges cum hoc responso in concordiam adducantur. An adhibebimus hanc distinctionem, qua utitur. Glossa in d. l. qui. testamento. Aut antiquius est legatum servi manumissione, ut in hoc responso, & tunc manumissio, quamvis sit inutilis, augmentum est adempti aut deminuti legati; aut manumissio inutilis, cuiusvis conditio defect postea, nihil refert antiquior est legato, & utile legatum est. Sed hanc distinctionem refellit d. l. servum filii, §. si idem: quæ legatum antiquius facit manumissione, & tamen statuit utile esse legatum? An igitur, ita distinguemus ut Accursius hoc loco. Aut specialiter servum legavit, & legatum utile est, etiam servo manumisso, modo sit manumissio inutilis, alioqui legato præponderat manumissio. Aut generaliter servum legavit, ac manumissus inutiliter, & legatum inutile est. Hanc distinctionem etiam refellit d. l. cum ita, §. ultimum. quæ servo legato generaliter & manumisso sub conditione, deficiente conditione libertatis ait: etiam in eo servo legatum consistere, & eligi eum servum posse ab eo, cui homo generaliter legatus est. An igitur potior erit hæc ultima Accursii distinctio? Aut eodem testamento legavit servum, & inutiliter manumissus eadem scriptura, eodem tempore, & quasi momento, non videtur tam cito a legato recenti, quod fecit iuncta scriptura, penitus recessisse, sed ita demum, si libertas servo competere possit. Aut testamentum servum legavit & manumissus inter vivos, ut in hoc responso, & hoc plane videtur fecisse consulta opera, legati adimendi aut minuendi prædæ. Multum interest duobus instrumentis quid fiat, diversisq; temporibus, an instrumentum uno, tempore uno, l. quingenta, sup. de probat. conjuncta d. plane, §. sed si non corpus, sup. de leg. 1. Et hæc probabilior distinctio est. Sequitur l. 9. de alim. & cib. leg.

Ad L. IX. de Alim. leg.

Alio herede instructum, ita scripsi & te per Gai. Sej., quic-

quid ex hereditate mea redegeris, illis alumnis meis dæ, singulis denos aureos eandemque summam penes te esse volo, cuius ex incremento eos alere, te volo, reliquum restitues Numerio conliberto nostro. Respondi quamvis distrahere bona. Gaius Sejus alio scripto herede non possit, tamen cum alumnis restitam pecuniam, ut servet ac restituat intra Falcidiam recte petiturum, quod de superfluo probari non potest.

In l. 9. de alim. legat. proponitur testator L. Titium heredem instituisse; deinde C. Sejum, quem neque heredem instituerat, nec ei quidquam legaverat, fecisse dispensatorem live curatorem & executorem certam in re, de qua mox dicemus, supremæ voluntatis suæ. Idem etiam dicitur minuter, in l. 1. §. 1. in Basilicis, ut memini me dicere lib. 7. ad l. 8. hoc tit. de testat. Cuius pars etiam est de executore supremæ voluntatis, & apud Diogenem Laertium in testamentis Theophrasti & Stratonis inquam. Et hoc causam dedit Bartolo in hac præcipue l. si opte ingenio multa querenti, excogitant, adinveniendi de executoribus supremam voluntatem, cuius traditiones pleraque hæc de re in mores abierunt, licet nulla certa lege subnixæ sint, sed ingenio tantum illius hominis, quoniam de executoribus testamentorum pauca legibus prodita sunt, quæ sola decrevi etiam paucis explicare. Et leges nihil fere dant. executoribus supremam voluntatem, mores dant hodie nimum.

Cum igitur in hac lege proponatur testator Cajum Sejum elegisse executorem suæ voluntatis, videamus, qua in re sum elegerit & fecerit executores. Numerius petit ab eo, ut auctioni five venditioni bonorum suorum interesset, vel præset, & quidquid pecuniarum ex ea venditione redigeret Cajus Sejus, ex eo in primis reservaret, & seponeret alumnis testatoris singulis denos aureos, non annuos, quod perperam additur in quibusdam codicibus, sed singulis semel quantaxat attribuendos, eamque summam, puta, triginta aureorum, si erant tres alumni, testator Cajum Sejum penes se habere voluit, & ex ejus summæ incremento alumnos alere & tueri, superfluum autem incrementum Numerio restituere conliberto. Incrementum vocat usum supra dictam summæ triginta aureorum. Usura est incrementum sortis, πλεονασμός, ut dixerunt 90. l. 25. Reliquum autem quod redactum est ex venditione rerum hereditariarum, sane voluit testator L. Titium heredem institutum suo jure sibi habere: hæc est testatoris suprema voluntas. Et primum quidem constat Cajum Sejum, non posse facere auctionem bonorum, quia heres non est, hoc munus est heredis, non dispensatoris vel executoris. Et hoc Papinianus ponit pro certo atque confesso. Sed queritur, an Cajus Sejus ab herede petere possit alumnis restitam pecuniam, ut eam secundum voluntatem testatoris alumnos servet & restituat, alendo eos ex usibus ejus pecuniæ salva heredi Falcidia, si locum habeat: nam ex relicto alimentorum Falcidiam detrahi constat, l. hereditatem, & l. Divi, ff. ad l. Falcid. Et hic locus aperte probat, id esse verissimum, dum ait, intra Falcidiam, id est, salva heredi Falcidia, restitam pecuniam alumnos eis a Cajo Sejio esse servandam intra Falcidiam, id est, citra Falcidiam, quæ heredi salva esse debet, ut in Glossa infra, id est, intra: sicut retro citra pro intra, supissime apud Cornelium Tacitum legitur. Questioni autem proposito Papinianus ita respondet: Cajum Sejum ab herede posse petere pecuniam destinatam alimentis alumnorum testatoris, quod favorem alimentorum extorsisse apparet ex eo, quod Papinianus subjicit, C. Sejum non habere etiam petitionem superflui usurarum ejus pecuniæ, quod Numerio restitutum est. Quia extra causam alimentorum alumnos præstandorum, vel extra quam aliam piam causam, ut probat l. nulli, C. de epis. & cler. nudo executori in heredem nulla est actio; nam & causa alimentorum, piis causis adnumeratur, maxime si pauperibus relinquuntur alimenta; l. nulla, hoc tit. & Novell. 131. Illo loco, si pauperibus, &c. in alimenta, inquit, pauperum & in alia

pias causas, neque quidquam amplius de nudo executorum supremam voluntatis legibus proditum est præter id, quod jam habuimus *sup. in l. 8.*

Ad §. Eum quoque.

Eum quoque libertum inter eos, quibus cibaria, item vestimentum patrona, quæ viva præstabat, reliquit, recte fideicommissum petitorium existimavi, qui annuos viginti aureos & mensuram frumentum, atque vinum acceptavit.

Hic priori responso Papinian. subijcit aliud, quod ad longe aliam speciem pertinet quam superius, & vulgo confunditur male cum superiore. Patrona per fideicommissum reliquit libertis suis cibaria & vestimenta, quæ viva præstabat. Inter libertos est unus, cui viva præstabat annuos 20. aureos, & mensuram frumentum atque vinum. Queritur, an huic etiam liberto ex superiore fideicommissum debeantur 20. aurei annui & frumentum vinumque mensuram quod viva ei præstabat? Posset dici non deberi, quia non hæc libertis reliquit per fideicommissum, sed cibatum & vestitum, cibaria & vestimenta. Et tamen Papinianus ait, Eum libertum ex causa fideicommissi ferre id omne, quod acceptavit a viva, id est, annuos aureos 20. & mensuram frumenti, vinique certum modum, certam erogationem, quam viva faciebat: & falsam demonstrationem non officere fideicommissum, quod omnino congruit cum *l. Titia*, §. *ultimus*, *sup. de ann. leg.* vulgo non intelligitur quæ sit vis, aut qua in re consistat vis hujus responsi. Accipere, quo verbo utitur, est verbum proprium præstationum annuarum, ut in *l. Sejo*, *ult. de ann. leg. l. qui nominibus*, §. *ult. D. de adm. tut. l. tale*, §. *post divisionem*, *sup. de pact.*

Ad L. XXIV. de Liberat. leg.

Cum heres rogatur debitorem suum liberare, de eo tantum cogitatum videtur, quod in obligatione manserit; itaque si quid ante tabulas apertas fuerit solutum, ad causam fideicommissi non pertinebit, quod autem post tabulas apertas ante aditam hereditatem ab eo, qui voluntatem defuncti non ignoravit, fuerit exactum, dolo proximum erit, ideoque repeti potest.

Testator heredem rogavit, ut debitorem suum, id est, debitorem heredis proprium, non debitorem testatoris liberaret; debitor ante apertas tabulas testamenti, cum ignoraret sibi liberationem legatam, ignoraret id etiam heres, heredi bona fide solvit. Queritur, an postea cognita voluntate testatoris, debitor soluti conditionem habeat tuncquam indebiti? Et respondet non habere, quia de eo tantum cogitasse testator videtur, quod in obligatione mansisset, non quod esse desisset solutioni citra dolum heredis: ut hic ponitur dolo caruisse heres, qui ignorabat tenorem testamenti, clausis tabulis testamenti, necdum apertis. Nam si dolo heredis interveniat, ut si post apertas tabulas cognita voluntate testatoris, quod sibi debitor debuit, qui ignorat voluntatem testatoris, exegerit, propter dolum heredis, qui fraudem fecit voluntati testatoris, & distulit aditionem, ut exigeret debitorem contra voluntatem defuncti, hoc casu debitori conditio indebiti competit: differentiam igitur facit inter scientem & ignorantem voluntatem defuncti, quia in illo dolo est, in hoc nullus dolo est, & tamen in *l. si quis*, §. *v. sup. de leg. i. dicitur* indistincte, heredem servum proprium a se legatum si manifestaverit, legatario teneri, si scierit, inquam, si ignoraverit a se legatum. Ne dicas, ut Glossa ibi, heredem servum manifestasse post aditam hereditatem: idem erit, si manifestaverit ante aditam hereditatem: & verus est, si esse definiendam rem omnem, facto heredis legatum perimam non posse,

A veluti manumisso servo legato, si scierit, si ignoraverit esse legatum: & in specie hujus *l.* etiam factio heredis non perimam legatum liberationis, sed factio debitoris solventis, si ignorans solverit ignorantem, legatum perimitur, non etiam si ignorans solverit scienti.

Ad L. XXIV. de Adim. leg.

Legatum sub conditione datum, cum transferitur, sub eadem conditione transferri videtur, si non conditio prioris persone cohæreat. Nam si quis uxori, sublatio, liberis legaverit, repetita conditio non videbitur, quæ fuit in persona mulieris necessaria.

In principio legis 24. ostenditur, legatum relictum sub conditione, si adimatur & transferatur in alium, translatum videri sub conditione, nisi, inquit, prioris legatarii persona conditio cohæreat, ut quo exemplo videtur, si uxori legatum sit sub conditione, si liberos susceperit, etiam si legatum illud translatum sit in aliam mulierem, non intelligitur repetita esse eadem conditio, si & alia mulier liberos susceperit, quia ea conditio cohæreat personæ uxoris, quasi maxime necessaria in persona uxoris ex *l. Papia*, ut beneficio liberorum caperet legatum, cujus ex *l. Papia* alioquin incapax est ex testamento mariti. Quamobrem & ea conditio frequenter adscribitur legato uxori relicto, *l. 9. §. 25. & 60. inf. de cond. demonstr.* In persona alterius mulieris, quæ erat capax, nec indigebat beneficio liberorum, non fuit ea conditio necessaria: ideoque nec repetita intelligitur. Et cum hac sententia Papinian. congruit omnino *l. Cajum*, in *pr. sup. de adim. leg. §. 1. 94. inf. de cond. & demonstr.* Verum obstat huic sententia *l. sub conditione*, *sup. de heredib. instit.* quæ ait, conditionem adscriptam heredi instituto, non videri repetitam in substituto, in quem videtur transferri hereditas: an aliud est in hereditate, aliud in legato? Minime vero, sed hoc ideo ita est proditum in *d. l. sub conditione*: quia in substitutum non transferitur hereditas. Alioquin transferretur cum omni suo onere, cum omni causa sua, sed ei datur directio: & idem dicerem in substituto legatarii. Noli igitur separare hereditatem a legato, sed separa substitutum legatarii aut heredis instituti ab eo, in quem transferretur hereditas mutata voluntate, eodem testamento, vel alio, aut legato, vel fideicommissum.

Ad §. Pater.

Pater hortos instructos filio legavit, postea quadam ex mancipiis hororum uxori donavit, siue donationes confirmavit, siue non confirmavit, posterior voluntas filio legatario potior erit. Sed & si non valeat donatio, tamen minuisse filia legatam pater intelligitur.

Proponit, testatorem hortos instructos filia legasse, postea servum, qui erat in instructo vel instrumento hortorum, donasse uxori inter vivos, etiam si donatio non sit confirmata ultimo iudicio donatoris, id est, etiam si inutilis sit, deminutum intelligitur esse legatum hortorum instructorum, etiam donatio inutilis, sicut manumisso inter vivos minuit legatum. Et posterior voluntas, id est, donatio collata in uxorem, legato filia est potior, id est, legato filia servus donatus eximitur, licet donatio effectum non habuerit. Et conjungi omnino debet hic locus cum *l. 3. §. ultimus*, *sup. de instr. leg.* & observare testatorem ex instructo hortorum uxori donasse alio instrumento, nempe inter vivos, & in eo servo legatum esse inutile, licet donatio inutilis sit: secus esset dicendum, si eodem testamento donasset eodem instrumento, ut *l. ultimus*, *§. ultimus*, *de aur. & arg. leg.* Proponitur, quædam legasse cuidam universa ornamenta sua. Deinde eodem testamento iussisse ornamenta quædam sua infusi in funus & condi, forte sarcophago, & tunc voluntati suæ paruisse heredes, quod

quod potuerant impune, non consumpsisse ea ornamenta, an debentur ei, cui universa sunt ornamenta legata, an cedunt lucro heredum? Et dicitur: in eis ornamentis, quae consumi iussit legatum consistere. Quod eadem scriptura non penitus minuisse videtur, sed ita demum si ornamenta consumerentur, quod confirmat distinctionem a nobis heri approbatam. De donatione autem inter virum & uxorem confirmata testamento sunt rependa, quae dixi in l. 54. de donat. inter vir. & uxorem. & cum pater, §. pater filius, de leg. 2.

Ad L. XVI. de His, quib. ut ind.

Cum tabulis secundis pater impuberi filio fratris filios coheredibus datis substituisset, ac substitui fratris filii post mortem pueri matrem ejus partus subjecti ream posuissent, ut hereditatem patri legitimum obtinerent: auctis ausferendam esse partem hereditatis ex causa substitutionis, respondi, quia ex testamento sententiam secundum se diem non habent.

In initio hujus legis haec proponitur species. Pater filio impuberi, quem habet in potestate heredi instituto substituit ex parte in secundum casum, quae substitutio pupillaris appellatur, id est, pupillare testamentum, substituit ex parte filios fratris, qui impuberi sunt fratres patruales, & alios quosdam. Post mortem patris, mortuo etiam filio intra pubertatem, filii fratris testatoris, matrem pupilli ream fecerunt suppositi partus, ita scilicet vindicantes sibi totam hereditatem patri ab intestato, qui non accusata matre pupilli suppositi partus ex testamento pupilli, id est, ex substitutione pupillari tulissent tantum partem, tanquam substitui in partem duntaxat. Nati filii substitui fuissent in assem, jure substitutionis laturis assem, omnino nihil potuissent accusatio suppositi partus, sed ideo eam iustituerunt, ut irritum facerent testamentum pupillare, & ab intestato patri totam hereditatem obtinerent. Et sane si in ea accusatione obtinuissent, proculdubio totam patri hereditatem ab intestato vindicassent & excludissent coheredes sibi adjectos in testamento pupillari. At si non obtinerunt in accusatione suppositi partus, qui hac via captabant assem, & partis delatae ex substitutione pupillari damnum facient, quia substitutione sunt indigni, qui eam oppugnaverunt, negando eos, quibus facta est substitutio, quae non potest fieri nisi liberis in potestate constitutis, l. 2. de vulg. & pupill. subst. Negando, inquam, eos esse liberos defuncti, quod utique negant, qui dicunt matrem supposuisse partum, l. 1. §. ultim. de Carbon. editio. denique, qui captabant totum, & partem amittunt, quam aliqui obtinuissent. Sic saepe falluntur aucupes & venatores, dum nimiam praedam affectant, quibus etiam Poetae solent comparare captatores alienorum testamentorum. Et est vera vox illa vulgo jactitata:

Qui duos lepores insequitur, is neutrum capit.

Partem autem hereditatis pupillaris, quae auferitur filiis fratris tanquam indignis, proculdubio cedit in fideum l. 9. in fin. hoc tit. Quae ut indignis auferuntur, proprio nomine vocantur *eripititia*, quod a fisco ea eripiuntur plerumque exceptis duobus, vel tribus casibus.

Ad §. Quoniam stuprum.

Quoniam stuprum in ea contrahi non placuit, quo se non patroni concubinam esse patitur, ejus qui concubinam habuit, quod testamento relictum est, officio non denegabitur, itaque in testamento Cocceii Cassiani clarissimi viri, qui Rufinam ingenuam honore pleno dilexerat, optimi maximeque Principes nostri judicaverunt, ejus filiam, quam alumnam testamento Cassianus nepoti coheredem datam appellaverat, vulgo quaesitam apparuit.

Tom. IV.

Quidam Senator Pop. Rom. Rufinam ingenuam mulierem pleno honore dilexit, id est, uxorem legitimam habuit: honore isto pleno fecerunt uxor a concubina, l. item legato, §. pen. sup. de leg. 3. l. donationes sup. de don. l. 1. §. C. de postum. pro ab test. l. 1. §. C. de op. lib. neque enim concubina, si alterius, quam patroni sit concubina, matris. id est, uxoris legitima honestatem, habet quamvis jure licito habeatur in l. probum, de rit. nupt. Et hoc maxime concubina distat ab uxore dignitate, seu honestate. Honore pleno: Itaque concubina non est uxor, sed uxorem imitatur, ut ait Julianus in Nov. 17. Concubinatus non est matrimonium, sed imitatio matrimonii aut semimatrimonii, nec tamen est illicita. Imo legitima conjunctio, quod nostri ignorant quomodo fiat, quia non sunt in usu concubinae hodie, nisi in montanis quibusdam regionibus. Ergo & matrimonium & concubinatus, utraque legitima conjunctio est, l. in concubinatu, in fin. de concub. Cum concubina stuprum non committitur, etiam si is, qui eam habet, non sit ejus patronus. Patronus dicitur honestus libertam habere concubinam, quam matrem suam, id est, uxorem justam, l. 1. §. 1. sup. de concub. Sed tamen & non patronum dicimus habere posse concubinam impune, nec cum ea stuprum committere. Et hoc est quod ait §. hujus initio, stuprum in ea non contrahi, quae se non patroni concubinam esse patitur. Quae se patroni concubinam esse patitur, hoc est certum, quia honestus a patrono habetur ut concubina, quam ut materiam. Sed & in ea stuprum committi non placet, quae se non patroni concubinam esse patitur: non patroni, id est, exteri nomine infinito, ut fit saepe, vice nominis usurpato. Senator igitur Pop. Rom. ut initio posui, Rufinam in matrimonio habuit, & post mortem Rufinae, filiam ejus, id est, privignam suam in concubinatum adsumpsit, in matrimonium non potuisset, non est vitrico concubium cum privigna: nec soluta adfinitate morte uxoris, quod Institutiones docent: & saepe fit, ut cum qua non est iustum matrimonium, sit tamen iustus concubinatus, quod non eodem honore habeatur concubina, quo iusta uxor, non eodem numero, ut in l. 1. §. qui autem, & §. ultim. & l. ult. sup. de concub. Contra videtur in hac specie Senatori: cum privigna non fuisse iustum concubinatum, quia fuit ingenua, quia nimirum ex Rufina ingenua muliere, l. quod ex libera, C. de op. lib. legend. quod ex libera. Cum ingenua autem muliere nec iustus concubinatus est, d. l. in concubinatu, sup. de concub. ut & Vopiscus refert, Aurelianus imperatorem concubinas ingenuas habere vetuisse. At ita responderet, imo & in concubinatu haberi posse ingenuam, quae vulgo corpore quaesitum fecerit, d. l. in concubinatu. Et in hac quoque specie, ut Papinianus ait, apparuit supradictam privignam, vulgo quaesitam, sive quaesitam, ut habent Florentini propius vero, sed deficiente verbo fecisse, quod supplendum est, apparuit, inquam, supradictam privignam, vulgo quaesitam fecisse, ut in extremo hujus responsi esse legendum, jam pridem ostendi. Jure ergo Senator eam habuit in concubinatu, & consequenter jure eam ut concubinam Senator testamento ex parte heredem instituit sub appellatione alumnae, adiecta coherede nepte ejusdem Senatoris. Iustae enim concubinae plus habeat hac in re, quam haberent iustae uxores. Ante Justinianum, uxores non habebant, nisi beneficio liberorum solidi capacitatem ex testamento mariti, concubinae habebant. Cum concubina igitur est testamenti factio, ut hic locus aperte demonstrat, & solidi capacitatem habet concubina, ut dixi, & habuit ante Nov. Just. de natur. lib. Cum concubina est testamenti factio, quia stuprum cum ea non contrahitur: cum repro cognita virgine vel vidua non est testamenti factio, nec si militare testamentum sit, sed quod ei relinquitur, fisco occupat, l. muliere, sup. hoc tit. l. miles ita, §. mulier, de milit. testam. Et haec est sententia hujus 2. responsi, quam Papin. confirmat ex decreto Severi & Antonini, quos solet optimos maximos Principes appellare.

Ffff

Ad

Ad §. Ultimū.

Cum heredis nomen, mutata voluntate potestatem. incisis tabulis induxisset, atque ideo fisco portionis emolumentum adjudicatum fuisset; eam rem legatariis non obesse, qui restituerant voluntatem D. Marco placuit, & ideo eum suo onere fisco succedere.

Testator qui plures heredes scripserat, inciso lino, quo junctæ erant tabulæ testamenti: hoc est incisis tabulis, ut ait, mutata voluntate, unius heredis nomen deleuit. Quo facto, quia eum indicavit indignum sua hereditate, fiscus in ejus portionem successit, & successit cum onere legatorum ab eo herede relictorum & fideicommissorum & libertatum, ut D. Marcus decrevit, cujus etiam decreti fit mentio in l. cum quidam, h. tit. Et forma decreti exponitur in l. pen. de iis, que in testam. delent. Cum onere, inquam, legatorum, quia legatariorum nomina etiam testator non deleuit. Legatarii retinuerunt voluntatem, is solus heres non retinuit voluntatem, cujus nomen indutum & deletum est. Et generaliter tandem obtinuit ex omnibus causis caduca fieri cum onere, l. quidam, §. quoties, de leg. 1. l. in factis, §. ult. de condit. & demonst. l. 3. §. cum ex causa, l. dicitur, inf. de jure fisci l. 2. §. ultim. si quis alig. test. prohib. l. cum fisco, de Senatu. Syllan. Maxime autem observandum est in specie hoc loco, proposita, testatorem unius tantum heredis nomen induxisse & deleuisse, non omnium heredum testamentum scriptorum, ex quo evidenter appareret noluisse eum mori intestatum, ut in l. 2. sup. de iis, que in testam. del. Nam si voluisset intestati exitum facere: non unius, sed omnium heredum nomina circumscripserit; at sane si omnium heredum nomina circumscripserit, voluntatis questio est: utrum voluerit intestatus decedere, quod si voluisset eum probaverint legitimi heredes, qui veniunt ab intestato, scriptis hereditatem auferent exclusio fisco, nec hoc casu legata, aut fideicommissa debebuntur: quia probarunt eum mori voluisse intestatum, & legata etiam ab intestato fuisse relicta non proponitur, l. ultim. sup. de iis, que in test. delent. l. 1. §. pen. inf. si tab. testam. null. ext. Paulus 4. Sen. tit. de intestator. successione: ut est legendum, in collatione legis Dei cum jure civili populi Romani auctorem facio Licinium Rufinum, ubi referuntur maxime ad hanc rem apposite hæc Pauli verba: Intestati sunt & qui limam, ut intestati decederent, abruerunt. Et rursus questio est voluntatis, cum omnia heredum nomina deleuit, an heredes scriptos judicaverit esse indignos sua hereditate, quod in dubio præsumitur, nisi aliud probent legitimi heredes, ut supra diximus, & fiscus in locum heredum scriptorum succedit cum onere legatorum. In dubio adsumitur benignior sententia, ne interdicant legata aut fideicommissa, que intercederent, si in dubio res intelligeretur deducta ad causam intestati, l. pen. sup. de iis, que in test. delentur.

Ad Leg. XCIII. de Condit. & demonstratione.

Mater filio suo coheredes sine ulla conditione filias ipsius dedit, ac posuit, ut filias suas emanciparet, ita ut curatores a patre acciperent: filii videri fidei commississe placuit, ut eas sui juris constitutas, ad hereditatem avie pervenire pateretur, nec ad rem pertinere, si portionem filiarum jure substitutionis quesivisset.

Cum in superiori lege ex Ulpiano propositum esset, fideicommissum, quo heres vel legatarius rogatur filios suos emancipare, jure quidem directo ratum non esse, quia scilicet patria potestas inextimabilis res est, ut l. filiasamil. §. secundum, de leg. 1. sed agnito legato, vel hereditate extra ordinem, id est, auctoritate Principis compelli eum posse, ut filios emancipet, ne circumveniantur voluntas testantis, quam utique circumvenit, qui agnoscit legatum & hereditatem, & id tamen, cujus contempla-

A. tione legatum vel hereditas relicta est, implere detrectat prolato in eam rem rescripto quodam Divi Severi; nunc in hac lege ex Papin. ejusdem rescripti species & sententia proponitur, quæ talis est. Mater filium suum, & filias ipsius, ut in hac lege, vel filios ipsius, ut in lege superiori, sed nihil refert, id est, nepotes, vel nepotes suos heredes instituit omnes pure, nec nepotum, vel neptium institutioni adiecit conditionem emancipationis: si a patre emanciparentur, sed omnes pure heredes instituit, & eos invicem substituit vulgari modo, scilicet in primum casum verbis directis; deinde filium rogavit, ut eos nepotes neptesse emanciparet, ita ut emancipati curatores a patre acciperent, qui erant minores 25. annis; nec rogavit etiam filium, ut eis restitueret portiones hereditarias eis in testamento ante adscriptas, & filio per eos easve **B.** adquisitas jure patriæ potestatis, vel jure substitutionis vulgaris. Nam quod maxime notandum est, in electione & arbitrio est patris substituti, filius filius, quos habet in potestate, utrum malit ex eorum persona acquirere hereditatem jure patriæ potestatis, jubendo eos adire hereditatem, an non jubendo, ex sua persona eam acquirere jure substitutionis vulgaris, quæ vice mutua facta proponitur: Et in hanc rem est valde singularis l. Julianus infans, sup. si quis omnia causa testamenti: & tamen, ut Papinianus ait, filius rogatus emancipare filios ipsius coheredes ei datos, tacite rogatus videtur post emancipationem ipsam filios restituere portiones eorum, five eas qualiter jure potestatis, five jure substitutionis. Quo enim emancipatio, nisi ut eis restituantur portiones eorum? Quo rogatur eos emancipare, nisi ut mox eis restituantur portiones eorum sibi **C.** adquisitas quoquo jure? cum in ejus arbitrio fuerit, hoc vel illo jure eas acquirere. Itaque & portiones eorum post emancipationem restituere debet sine mora, alioquin ex mora præstabit fructus & usuras, ut in superiori lege. Et hæc est sententia hujus responsi, congruens omnino cum rescripto Severi, quod proponitur in superiori lege, & aliud ex ipso lumen fenerator, congruens etiam omnino cum l. quamvis, Cod. de fideicommissis.

Ad l. CI. de Condit. & demonst.

Pater Severinam Procilam Ælio Philippo cognato nuptiis testamento designavit; eidem filie prædium, si Ælio Philippo nupsisset, verbis fideicommissi reliquit, quod si non nupsisset, idem prædium Philippo dari voluit, nondum viripotens puella diem suum obiit, respondi, cum in conditionibus testamentorum voluntatem, potius quam verba considerari oporteat, Ælio Philippo fideicommissum ita datum videri, si ei Procila defuncti filia nubere noluisse, quare cum ea prius quam viripotens fieret, vita decessisset, conditionem extitisse non videri.

A. Ggredimur l. 1. de condit. & demonst. quæ continet quinque responsa: tribus primis hoc agitur, ut tribus exemplis propositis ostendat, in conditionibus, quæ testamentis adscribuntur, voluntatem potius testatorum spectari, quam verba. Primum exemplum tale est: pater filiae impuberi, quam testamenti nuptiis Philippo destinavit, filiam, inquam, impuberi destinavit Philippo, cum nubilis esset ætatis, prædium legavit per fideicommissum sub conditione, si Philippo nupsisset, & sub contraria conditione, si Philippo non nupsisset, idem prædium Philippo legavit: post mortem patris filia Philippo non nupsit, quia & ipsa mox mortem obiit impubes, nec dum facta viripotens, five viripatiens, ut esse dicendum quosdam existimare Festus refert, credo, quia viripotens dicitur, de mare valido apud Plautum in Persa. Certum autem est filiam legatam in heredem suum non transmisisse, quia pendente conditione vita decessit. At quaeritur, an legatum Philippo debeat? Si verba spectas conditionis, debetur; quia verum est, filiam ei non nupsisse; sed si voluntatem testatoris spectas, ita demum Phi-

Philippo datum videtur legatum, si filia cum nubilis esset & viripotens, ei nubere noluisse. Cum ergo nondum facta viripotens, vita decesserit, non intelligitur extinxisse conditio legati, Philippo relicti, & consequenter legatum Philippo non debetur. In conditionibus defuncti voluntas scripto potior est, & primum locum obtinet, & regit conditiones, *l. in conditionibus, sup. hoc tit.* Quod in fideicommissis plerumque servatur, ut in eis plus valeat voluntas, quam scriptum aut nuncupatum, quod est, *l. cum virum, C. de fideicom. l. pen. sup. de leg. i.* In directis hereditatibus, & legatis sane olim potius sequebantur scripta & formulis inhærebant, ut patet ex *l. commodissime, de lib. & post. l. si alii, sup. de usus. leg. l. ille aut ille, §. i. sup. de leg. 3.* At meo iudicio ex sententia Justiniani, voluntas dominatur in omnibus, ut ait *l. cum questio, in fine, C. de legat. ubi, in omnibus, id est, non tantum in fideicommissis aut conditionibus, sed etiam in hereditatibus & legatis, ut declarat idem Papin. in questione i. huius legis, nec inegantur cum alia de re agitur, quam de directa scriptura sive oratione, puta, quid rerum provincialium appellatione testator intellexerit, *l. ex factio proponebatur, §. verum, sup. de hered. instit. totum, inquam, facit voluntas defuncti.* Nam quid fererit, spectandum. Male autem quidam notant in specie proposita, in fideicommissis prædii filia substitutum fuisse Philippum vulgariter. Nam si Philippus filia substitutus esset, in utrumque casum admitteretur, sive noller ei filia nubere, sive non posset per artem, ut sit substitutione heredum vulgaris, *l. 2. C. de hered. instit.* Qui tamen Philippus negatur admitti ad fideicommissum hoc loco in posterioriorem casum, videlicet filia mortua, antequam nubere posset. Multum distat substitutus ab eo, in quem transferitur legatum aut fideicommissum, quod memini me attingere in *l. 24. in pr. de adm. leg.* Qui substituit, non mutat voluntatem collatam in priorem: qui transferit mutat voluntatem, substitutioni non inest ademptio, translationi inest, *l. 3. sup. de adm. leg.* Et in specie proposita, in defectum conditionis filia ademptum legatum, & in Philippum translatum intelligitur, sed quia non defecit conditio adscripta filia, cum decesserit priusquam implere conditionem posset, nec igitur in Philippi persona legati translatio locum habet: & Baldus immerito putarem & silentium iniecit Tici, quod Paulus Castrensis refert quidam Doctores iactanti, se in materia ultimarum voluntatum, de omni re, quæ in questionem vocaretur ex tempore respondere posse, cum quaesisset ab eo, quo loco juris nostri proponeretur casus, quo substitutio vulgaris in legatis complecteretur unum tantum casum, si prior legatarius noller, non etiam alterum casum, si non posset, & obmutescenti ostenderet hanc legem quasi id proponeret, in qua tamen, ut patefeci, nulla substitutio fuit. Impolitura iactantiam elusit.*

Ad §. Ita.

Ita fideicommissio dato, volo restituas, si sine liberis decedas, conditio deficit ex voluntate, vel uno filio superstite relicto.

Sequitur aliud exemplum in §. i. quo demonstratur in conditionibus interpretandis voluntatem potius testatoris considerari, quam verba: fideicommissio dato ab herede sub conditione, si heres sine liberis decederet, si heres unum tantum filium reliquerit superstitem, si verba spectas, extitit conditio fideicommissi, quia non reliquit liberos, sed liberum tantum, ut saepe Justin. loquitur, & nonnunquam Quintilianus, *Liberi & parentis is est affectus in cæco.* At si voluntatem spectas, conditio fideicommissi deficit, quia vel uno filio superstite, verisimile est testatorem noluisse fideicommissum locum esse, ut *l. ex factio, §. si quis, inf. ad Treb. l. 6. §. pen. C. cod. vir. l. 4. C. quando dies leg. ced. Et sub plurativo numero, si sine liberis, testatorem etiam singularem comprehendisse,*

Tom. IV.

A quod & usus loquendi admittit, *l. non est sine liberis, de verb. signific. Divus August. 16. de civitate Dei. In Latina, inquit, lingua consuetudine liberi dicuntur filii, etiam si non sint uno amplius.* Et ab hac igitur defuncti voluntate, verba proflus abhorrent.

Ad §. Conditionum.

Conditionum verba, quæ testamento prescribuntur, pro voluntate considerantur: & ideo cum tutores testamento dati, quoniam interea puer adoleverat, id egerint, ut citatores ipsi constituerentur, conditio fideicommissi talis prescripta, si tutelam in annum 18. gesserint, defecisse non videbitur.

Tertium exemplum, quo etiam ostenditur, in conditionibus voluntatem testatoris spectari, non verba, proponitur in §. conditionum. Testator filio suo impuberi tutores dedit, & legatum eis reliquit sub hac conditione, si tutelam filii gesserint in annum octavum decimum; qui est finis plenæ pubertatis, tutores datæ tutelam non gesserunt in eum annum, quia nec potuissent. Finitur enim tutela pubertate incipiente, quæ in mare incipit ab annis 14. completis, in femina 12. sed filio pubere factio id egerunt & curarunt tutores, ut ipsi curatores eidem filio constiterentur & confirmarentur. Inviti non coguntur, cujus tutelam gesserunt, finita ea curam suscipere, §. qui tutelam, *Inst. de excus. tut. sed sua sponte eam susceperunt, ut in l. Casus, de excus. tut. l. 13. §. ult. de tut. & rat. distr. l. 2. §. quæri, de susp. tut. l. cum hereditas, de adm. tut.* Idque fecerunt tutores conditionis fideicommissi sive legati sibi relicti fidei remuneranda gratia, implenda gratia: neque tamen eam impleverunt, si verba spectas, quia non tutelam, sed curam gesserunt: At si mentem spectas, testatoris conditionem implevisse intelliguntur. Testatoris, inquam, qui abusus est tutelæ nomine, ut vulgus, & nonnulli alii auctores, id producendo ultra pubertatem inchoatam, usque ad plenam atque perfectam plenam pubertatem incipit in mare ab annis 18. in femina a 14. *l. adrogato, §. i. sup. de adopt. l. Mela, sup. de adm. leg.*

Ad §. Socrus.

Socrus nurui fideicommissum ita reliquerat, si cum filio meo in matrimonio perseveraveris: divorcio sine culpa viri post mortem socrus factio, defecisse conditionem respondit nec ante diem fideicommissi cadere, quam morti caperet nupta vel maritus, & ideo nec Mutianam cautionem locum habere, quia morte viri conditio possit existere.

In §. pen. huius l. proponitur hæc species: socrus nurui fideicommissum reliquit sub hac conditione, si cum filio meo in matrimonio perseveraveris, vel, nurui tot lego, si cum filio meo in matrimonio perseveraveris. Quæ conditio vi ipsa in non faciendo consistit, ac si dixisset, si non diverteris a filio meo. Post mortem socrus, si culpa viri divortium fiat, conditio pro impleta habetur, & fideicommissi petitio mulieris competit, *l. 3. ff. quando dies leg. ced.* At si divortium fiat sine culpa viri, conditio fideicommissi defecisse intelligitur. Exstitit autem conditio nem dicere non possumus ante mortem mulieris vel mariti, quandiu diffidio sive divortio solvi matrimonium potest. Exstitit conditio moriente muliere in matrimonio, quia ut dixi, *non diverteris, vi ipsa, in non faciendo consistit, ut in l. si ita legatum, inf. hoc tit. l. ult. inf. quando dies leg.* Et ideo in heredem mulieris, qua moriente conditio extitit, fideicommissi persecutio transmittitur. Existit etiam conditio moriente marito in matrimonio, & uxori superstiti fideicommissi persecutio competit. Denique impleri ea conditio potest, non tantum morte mulieris, sed etiam morte viri. Quia igitur morte alterius, quam mulieris, cui fideicommissum relictum est, puta, morte mariti conditio fideicommissi impleri potest, ex eo recte colligit Papin. in hoc §. pen. non admitti

fff 2

mulie-

mulierem ad petitionem fideicommissi oblata cautione Mutiana, qua promittitur, se in matrimonio perseveraturam, quia cautio Mutiana in his tantum conditionibus locum habet, quae non nisi morte legatarii solius, vel fideicommissarii expleri possunt, non etiam in his conditionibus, quae expleri possunt, non mortuo tantum legatario, sed etiam vivo, *l. evia, §. Titio, l. cum tale, §. 1. l. Titio fundus, l. hoc genus, h. tit. l. seruo invito, §. si testator. ff. ad Treb.* Dices forte in hac specie ominosum esse & insaufum expectare mortem mariti, & ideo mulieri petenti fideicommissum oblata cautione Mutiana non posse obijci rem luctuosam & ominosam, conditionem impleri posse ea viva mortuo marito, ut in *l. cum tale, in princ.* Nec sane hoc mulieri obijci posse, offendet cautionem Mutianam, quod morte mariti possit impleri conditio, nisi ab ipso testatore satis evidenter in casum mortis mariti fideicommissum esset collatum ut fideicommissum, quo de agitur in hoc §. relictum sub hac conditione; *si cum marito in matrimonio perseveraveris*, quod quid aliud est, quam si sola mors eos disjuxerit? Satis igitur manifeste contulit fideicommissum in mortem alterutrum. Denique videtur mulieri & post mortem mariti fideicommissum relinqui, ut in *l. hoc genus, hoc tit.* Proinde mors mariti expectanda est, quod mulierculae ominosum quidem est, sed testator ita cavet, quod si non cavisset, aut si procederet non cavisset, sane hunc casum, hanc rem abominaretur, ut in *l. cum tale.* Glossae sunt valde suaves, in hac re interpretanda.

Ad §. Ultimum.

Fideicommissa mensura & annua sub ea conditione liberti relicta, quando res patroni filia gesserit: etsi praestari necesse est filia prohibente res suas administrari: tamen voluntatem filia mutante conditionem resumunt: quoniam plura sunt.

IN §. ultimo huius legis sequitur hac species: Patronus liberto reliquit fideicommissa mensura & annua, quando filia patroni negotiis interveniret, vel quod idem est, si filia suae negotiis interveniret: filia in rebus suis non vult uti opera liberti, nec habet iustam causam improbandae operae liberti: hoc casu constat liberto mensura & annua deberi, quia per eam non fiat, quo minus conditionem impleat, *l. Mevia, sup. de ann. leg.* At quaeritur si postea filia mutata voluntate velit libertum accedere ad sua negotia, & is recuset, quod semel ab ea reprobatu libertus fuerit, an ei mensura & annua debeantur? Et respondet, non deberi, quasi conditione defecta: conditio enim eadem saepius refertur & repetitur, quia plura sunt legata mensura & annua, *l. 10. 11. Et 12. D. quando dies leg. ced. l. 4. Et l. 11. sup. de ann. leg.* Quamobrem plurali numero Papin. dixit fideicommissa, non fideicommissum, & ideo quocunque anno libertus conditioni non obtemperaverit, filia volente uti eius opera, ei mensura, & annua non praestabuntur. Eadem conditio plurimum legatorum saepius refertur, unus autem legati conditio semel defecta, vel impleta non amplius refertur, *l. quidam, Et l. rigo, D. de fideic. libert. l. 3. §. Strichus, de statutis. l. ult. C. de condition. infern.* In illo loco quod semel repudiatum est ab eo, in cuius persona conditio impleri debuit, redintegrari minime concedimus, id est, conditio semel impleta non refertur, quia unum fuit legatum, non plura.

Ad L. V. ad L. Falcid.

Verbis legati, vel fideicommissi non necessarie civitatis requiritur, quod ex causa pollicitationis praestari necesse est. Itaque si debiti modum testamento dominus excessit, superfluum dimittat Falcidia minuetur. Quare nec fideicommissi legatarii poterit. Quod si dies aut conditio legatum fecerit, non utilitatis aestimatio, sed totum petetur quod datum est, nec si

A vivo testatore dies venerit, aut conditio fuerit impleta, fiet irritum quod semel competit.

AD l. 5. ad leg. Falcid. notandum est, ex pollicitatione nuda, quam quis ultro facit & irrogatus privato cuidam neminem teneri: imo nec Imperatori, *l. ultim. sup. qui test. fac. poss.* ac civitati teneri, Reipublicae, municipio Rom. etiam nuda pollicitatio fuerit, quae habeat iustam causam; sed etiam causam non habeat si modo ceperit facere, quod pollicitus est, quod coperit facere Reip. causa, id perficere tenetur, *l. 1. Et 3. D. de pollicis.* Ex quo sequitur, eum, qui civitati, quid praestare necesse habet ex causa pollicitationis, id est, qui civitati obligatus est (obligatio est necessitas) non necessitate, ut Papinian. id est, eum frustra civitati legare, aut per fideicommissum relinquere, quod ei debet. Quod verum est, etiam si civitati debeat ex alia causa, vel privato, non civitati. Et ideo legatum Falcidia non subijci. Dico nihil referre civitati debeat, an privato, quia ius commune hoc est, debitorem creditoribus frustra legare id, quod ei debet, *l. si debitor, l. legatus, §. ultim. de liber. leg.* Et ideo legatum Falcidia non subijci, quia inutile est legatum: & creditorem cui debitor legavit quod ei debuit, si quid ejus fideicommissum sit, fideicommissum non teneri, quia nihil capere ex testamento videtur. Et hoc quidem ita procedit, si plus non sit in legato, quam in debito, quia nulla utilitas legati futura est, *l. Marcus, sup. de leg. 2.* Nam si plus sit in legato, quam in debito, constat non esse inutile legatum, & Falcidiam pati, si ea locum habeat. Plus autem in legato potest esse, vel summa, vel tempore, aut conditione. Inter quae est nonnulla differentia. Nam si plus fuerit summa, ut si debitor, qui centum creditoribus debuerit, legaverit centum quinquaginta, in superfluo tantum, id est, in 50. legatum consistit, ita ut superfluum tantum petatur actione ex testamento, reliqua centum actione creditae pecuniae atque ut superfluum tantum minuat lege Falcidia interveniente. Et ut pro modo tantum superflui fidei committi legatarii possit, fideicommissum onerari legatarius possit. Quod si tempore plus fuerit, ut si debitor, quod debet in diem vel sub conditione, pure legaverit, non tantum commodum representationis, vel ejus aestimatio, quod etiam interfusurum vocamus, & Graeci *interfusura* vocant: non tantum inquam commodum representationis, sed etiam tota pecunia iure legati ex testamento peti potest, quia tota repraesentatur. Et in hoc consentiunt Paulus in *l. debitor, sup. de leg. 2.* & Papin. hoc loco, dum ait, non utilitatis aestimationem, id est, non tantum interfusurum aestimationem, sed totum peti quod datum est actione ex testamento. Falcidia autem detrahitur tantum ex commodum representationis, ex interfusorio, *l. 4. §. si quis credituri, hoc tit.* Et pro modo quoque interfusurum tantum fideicommissum legatarius onerari potest, *l. 7. §. ult. de leg. 3. l. 2. inf. de dote preleg.*

Addit autem Pap. hoc loco, in hoc casu, cum in legato plus est tempore, quam in debito, totius pecuniae legatum utile esse, etiam si vivo testatore dies pecuniae, quae legata est pure venerit, aut conditio extiterit, quod est, si debitor factum fuerit purum, non ideo minus legatum esse utile, quia semel ab initio fuit utile, nec fit irritum, quod semel constitit, ut Papinianus ait, cujus sententia ex hoc loco etiam relata est in infit. *§. ex contrario, de legat.* Et hac in re Papinianus dissentit a Paulo omnino: nam Paul. in *d. l. debitor*, existimat irritum & inutile esse legatum, quod in eam causam recidit, a qua incipere non poterat, ut incipere non poterat legatum debita pecuniae, si pure relinqueretur pecunia, quae pure debebatur: ergo & si quae debebatur in diem vel sub conditione legata sit pure, vivo postea testatore debito puro effecto: die veniente, aut conditione impleta, quia in eam causam recidit, a qua incipere non poterat; existimat Paulus, inutile esse legatum. Sed ejus propositio est admodum infirma; nam nunquam constitit inter Jurisconsultos, an irrita fierent ea, aut non fierent, quae ab initio utilia fuerunt, si in eam causam recidant, a qua incipere

& con-

& consistere initio non poterant, ut patet ex l.2.§.ex A
his, l. existimo, l. pen. inf. de verb. obligat.

Dico autem, utile esse legatum in casu proposito ex Pa-
pin. sententia, etiam post factum testamentum vivo
testatore dies venerit, aut conditio fuerit impleta, ut
sc. recte petatur actio ex testamento, non etiam ut Fal-
cidiam admittat. Ne hoc dicamus, quia nullum ei jam
ineff. commodum medi tempore, nullum emolumentum
pecuniarium, l. si creditori, in fine, de legat. 1. Et eadem
ratione, nec ut fideicommissi legatarii possit, l. 3. §. si
rem, de leg. 3. Et ita recte Paulus Castrensis. Novus qui-
dam interpretis huius tituli aliter, & pessime, quia incon-
siderate scripsit, Falcidiam admitti & fideicommissum,
quum vivo testatore dies venerit, aut conditio extiterit.

Ad L. LVIII. ad Senatufc. Treb.

Heredes mei, quicquid ad eos ex hereditate bonifve
meis pervenerit, ut omne post mortem suam restituant pa-
tris meae Colonia Beneventanorum: nihil de fructibus pen-
dente conditione perceptis petitiu videli constitit.

IN Lege LVIII. ad Senatufc. Treb. tria sunt respon-
sa. In primo testator heredes rogavit, ut quicquid
ad eos ex hereditate bonifve suis pervenisset, id omne
post mortem eorum restituerent patriae suae Colo-
niae Beneventanorum, quam legimus in libro veteri de
coloniis popul. Rom. deduxisse Claudium Neronem Casa-
rem. Ita vero fideicommissum reliquit, & per fideicom-
missum civitate substituta heredibus: Queritur, an fructus
medio tempore ab heredibus percepti fideicommissio conti-
neantur, quod posset tentari, quia dixit generaliter,
quicquid ex hereditate bonifve meis, id omne: Aliud ta-
men Papiniano videtur, & recte, ut in l. quod his verbis,
sup. de leg. 3. Quia non de fructibus restituenti sensit tes-
tator, quos heredes sibi habere voluit, sed de eo tan-
tum quod hereditatis esset: fructus autem non heredi-
tati, sed rebus ipsis accepto fuerunt, l. in fideicommissis
ferunt, sup. hoc tit. verum quod non est omittendum
fructus medio tempore percepti, id est, pendente condi-
tione fideicommissi heredi imputantur in Falcidiam
d. l. in fideicommissis, l. deducta, §. ante diem, ff. hoc tit.
Et ideo hi fructus Falcidiam submovent, si tantum
sit in eis, quos heres percepit pendente conditione fi-
deicommissi, quantum in Falcidia, quia iure heredi-
tario percepti sunt, l. mulier §. si heres hoc tit. Et perti-
tium illud est, in Falcidiam imputari quaecunque iure
hereditario capiuntur. Excipiuntur tantum ab hac de-
finitione filii a patre rogati restituere hereditatem sub
conditione aliqua, qui fructus medi tempore perceptos
non imputant in Falcidiam, licet hoc pater iusserit, sed
eos sibi retinere supra Falcidiam: Quod est beneficium Ze-
nonis Imperatoris datum filiis in l. subemus, C. eod. tit.
& eo iure utimur. Proponitur autem hoc loco fidei-
commissum relictum civitati Beneventanorum, quia sic
e venerat, verum nihil refert civitati, an privato relictum
sit. Et huic responso nihil obstat l. Basilista, hoc tit. Quae,
ut jam pridem docuit Observatio 4. non est de heredi-
tate restituenda ex fideicommissio, sed ex cautione con-
ventionali, quam constar recidere, incrementum fru-
ctuum ex mente contrahentium a die interpolatae cautio-
nis, & ita vero in l. pater, §. pen. de leg. 3. Si testator iubeat
filios praedia conservare successioni suae, si & ea de
re iubeat invicem sibi caveri, non est fideicommissum,
sed contractus, obligatio. Contractus recipit incre-
mentum fructuum: fideicommissum non recipit incre-
mentum fructuum perceptorum pendente conditione.
Sequitur aliud responsum in l. cum ita.

Ad §. Cum ita.

Cum ita fuerat scriptum: fidei filiorum meorum commit-
to, ut si quis eorum sine liberis prior diem suum obierit, par-

tem suam superstiti fratri restituat, quod si uterque si-
ne liberis diem suum obierit, omnem hereditatem ad neptem
meam Claudiam pervenire volo: defuncto altero, superstiti
filio, novissimo autem sine liberis: neptis prima quidem fac-
cie propter conditionis verba non admitti videbatur: sed cum
in fideicommissis voluntatem spectari conveniat, absurdum
esse respondi, cessante prima substitutione, partis nepti po-
sitionem denegari, quam totam habere voluit avus, si novissi-
mus frater, quoque portionem suscepisset.

Pater duos filios, primum & secundum rogavit, ut
si quis eorum sine liberis prior diem suum obiret,
partem suam superstiti fratri restitueret; quod si uterque
sine liberis diem suum obiret, ut partes suas sive here-
ditatem totam nepti restituerent. Primus diem suum obiit,
uno filio superstiti relicto, ac proinde in eius parte fidei-
commissi conditio defecit, ut sup. habuimus, in l. pater,
§. 1. de condit. & demonstr. Denique quasi defecta con-
ditione cessat, ut ait, substitutio facta primo, id est, substi-
tutio fideicommissaria, substitutio precaria, fideicommissum
restituenda partis, post secundum obiit sine liberis, qua-
ritur, an substitutio locum habeat, ut ex ea portio secundi
pertineat ad neptem? Si verba substitutionis spectes, substi-
tutio locum non habet, quia uterque filius non decessit
sine liberis, sed novissimus tantum, & neptis ita sub-
stituta est, si uterque sine liberis vita decederet. At si vo-
luntatem spectes, quae etiam in fideicommissis potissi-
mum intuenda est, l. cum virum, C. de fideicom. videtur
testator ad neptem voluisse partem pertinere, cum & ad
eam totam hereditatem pertinere voluerit: si in partem
C. primi secundus ex fideicommissio succederet, primo de-
functo sine liberis: quod cum non eveniret, sed primo
succederet filius suus, deinde secundo moriente sine li-
beris, æquum est, aut verisimile est, voluisse testatorem,
hoc casu eam venire in partem secundi, quam illo casu
voluit venire in totum: Concludit igitur Papinian. ne-
ptem in portionem secundi substitutionis iure admitti,
& excludere filium fratris, qui iure legitimo conten-
debat se patri heredem esse. Et hoc est species, & de-
finitio huius §. sine peritissima, & tamen vexatur mirum
& miserum in modum ab interpretibus propter l. pup.
C. de impub. & aliis substit. Quae videtur cum hoc responso
pugnare ex diametro: dum scilicet illi non possunt im-
plere, quod profitentur in tradenda differentia, quae est
inter speciem hoc loco propositam, & speciem d. l. pen.
neque enim utroque loco eadem species, nec questio ver-
titur eadem, ut non mirum si nec sit utriusque definitio
eadem, sed adversa. In leg. pen. ut eam paucis enarrem,
proponitur, patrem duobus filiis impuberib. heredib. in-
stituitis, primo, & secundo ita substituisse verbis directis,
si uterque impubes decesserit, Luc. Titius heres esto, quae
dicitur substitutio pupillaris, & primo decedente intra
pubertatem, superstiti altero, in eius partem fratrem
superstitem iure legitimo ab intestato succedere, non L.
Titium iure substitutionis, quia nondum decessit uter-
que impubes, & qui ita substituit, si uterque impubes
decesserit, sane voluit inter fratres conservare jus legiti-
marum hereditatum, ut in l. qui duos, de vulg. & pupill.
substit. quae est sententia leg. penult. In ea quidem l. fuit
substitutio directa, in hoc §. precaria. Sed haec differen-
tia nihil pertinet ad rem: haec juris differentia, differen-
tiam non facit ullam, nihil etiam pertinet ad rem, si
dicas, ut Glossa, conditionem precariae substitutionis in
hoc §. extitisse in persona fratris supremi morientis, quia
decessit sine liberis, in l. pen. in persona supremi morien-
tis defecisse substitutionem pupillarem, quia adoleverat.
Substitutio pupillaris finitur adolescentia sive pubertate,
quod idem est, quia, inquit, adoleverat, quod tamen
lex non dicat, facile concedo, quia nihil interest adoleve-
rit, an non adoleverit: nam etsi non adoleverit in partem
fratris defuncti impuberis, frater etiam impubes ab inte-
stato, vocabitur excluso substituto, quia pater, ut dixi,
qui eis ita substituit, si uterque impubes decesserit, voluit
inter fratres conservare jus legitimarum hereditatum.
Vera

Vera & liquida ratio differentie in eo consistit, quod in specie legis penult. substitutus venit contra verba, si uterque, & contra voluntatem etiam testatoris, qui cognovit, ut ait lex, primo decedente fratrem suum in ejus portionem succedere, id est, qui inter fratres voluit conservare jura legitimarum hereditatum, & ideo substitutus excluditur, cui neque scriptum, neque voluntas patrocinatur. In specie autem hujus substitutus venit quidem contra eadem verba, si uterque, sed non venit etiam contra voluntatem testatoris, qui cum totam hereditatem adscripserit substituto vel nepoti substituta, utroque filio decedente sine liberis, non videtur ei denegasse partem, novissimo tantum decedente sine liberis, & ideo patrocinante voluntate substitutum admitti. Nihil est evidenti.

Ad §. Ultimam.

Peto a te uxor carissima, uti cum morieris hereditatem meam restituis filijs meis, vel uni eorum, vel nepotibus meis vel cui volueris, vel cognatis meis, si qui vales excepta cognatione mea. Inter filios respondi, substitutionem fideicommissi factam videri, circa nepotes autem (&) ceteros cognatos, facultatem eligendi datam, ex ceteris autem cognatis, si nepotes superessent, non recte mulierem acturam propter gradus fideicommissi prescriptos: deficiente vero gradu nepotum, ex cognatis, quam velis personam eligi posset.

Responsum ultimum est ad aliquid simile ei, quod habuimus in l. cum pater, §. pen. de leg. 2. Maritus uxorem heredem institutam rogavit, ut cum moreretur, hereditatem restitueret filijs suis, vel uni eorum, vel nepotibus suis, id est, testatoris, vel cui vellet nepotum, vel cognatis suis, si qui vellet ex tota cognatione testatoris. Circa filios primum non videtur matri testator dedisse electionem, quia non adiecit, cui vellet, simpliciter dixit, vel uni eorum, quomodo filios ad fideicommissum vocasse videtur, vel unum eorum qui superessent, vel qui superesset moriente matre, ut in l. si fundum sub conditione, §. his verbis, de leg. 1. Circa nepotes autem & cognatos testatoris manifestum est, mulieri electionem datam, ut cui vellet ex nepotibus, vel cui vellet ex cognatis restitueret hereditatem. Sed animadvertendum est ordinem scripturæ factum substitutioni prececarit, ut in d. l. cum pater, §. pen. nempe ut filijs deficientibus, moriente uxore hereditas restitueretur nepotibus, quos elegerit, & deficientibus nepotibus, cognatis, quos elegerit, qui duo sunt gradus substitutionis prececarit diligenter observandi.

JACOBI CUJACII J.C.

COMMENTARIUS

In Lib. IX. Responsum EMILII PAPINIANI,
Anno 1579.

Ad L. XXXI. de Minorib.

Si mulier posteaquam heres extitit, propter aetatem abstinenti causa in integrum restituta fuerit, servos hereditarios ex fideicommissis ab ea recto manumissos, retinere libertatem respondi, nec erunt cogendi viginti aureos pro libertate retinenda dependere, quam jure optimo consecuti videntur. Nam & si quidam ex creditoribus pecuniam suam ante restitutionem ab ea recuperassent, ceterorum querela contra eos, qui acceperunt ut pecunia communicetur, non admittitur.

Exordium facio a l. 21. de minor. Totus hic liber est de fideicommissis. Et non de fideicommissis tantum rerum singularium, sed etiam de fideicommissariis hereditatibus, & de fideicommissariis libertatibus. Hæc lex præcipue est de fideicommissi libert. cujus hæc est species. Mulier minor 25,

annis testamento heres instituta, in quo ab ea verbis fideicommissariis servis hereditariis libertates relicte erant, ex testamento hereditatem adivit, ut in eo præscriptum erat, ex causa fideicommissi servis præstitit libertatem, post beneficio ætatis a prætoribus in integrum restituta est, ut se abstineret hereditate quam adiverat inconsulte, forte quod ab initio ei videbatur esse magna & luculenta hereditas, postea apparuit esse exigua, nec sufficiens æri alieno. Queritur, an servi ab ea ex fideicommissis recte manumissi, post ejus abstentionem retineant libertatem, vel an pro retinenda libertate pretium sui, id est, singuli 20. aureos inferre debeant iis, quorum interest, puta iis ad quos bona redeunt, herede testamentario abstinente se. Dubitationis causa hæc est, quia non debetur libertas ex testamento, ex quo nullus heres existit, l. 1. C. de fideicommissi libert. Et nullus videtur ex testamento heres extitisse, quandoquidem in eo scriptum est, se abstinit bonis, quia prætor pro herede non habet eum, qui se abstinit bonis, vel hereditate, l. 6. §. ult. l. pen. §. pen. de bon. libertor. l. 2. §. si bonorum, inf. ad Senatusconsult. Tertul. Hæc est dubitationis causa. Verum, quia jure civili heres manet, qui semel ex testamento adit hereditatem, licet postea abstineret se per restitutionem in integrum, heres, inquam, manet, sine re tamen, heres nominis, non re, l. cum quasi §. sed est suus, ff. de fideicommissi libert. Et quia verum est, ex causa fideicommissi post aditam hereditatem, antequam heres abstineret causa restituta esset in integrum, recte ab eo herede servis præstitas esse libertates, ideo & hi quoque liberi manent: ut ille heres manet, ita & ab illo manumissi servi liberi manent, imo nec pro retinenda libertate iis deesse est pretium sui, id est, 20. aureos inferre bonis, ut hoc loco respondit Papinianus: quia, inquit, libertatem optimo jure consecuti sunt: optimum scilicet fideicommissi jus est, sicut Ulpianus lib. sing. regularum ait, de legat. scribit, optimum esse jus legati per damnationem, cui etiam in omnibus fere juris nostri articulis jus fideicommissi addimilatur: Optimum autem jus legati per damnationem Ulpianus dixit, quod summe notandum est, per comparisonem, non simpliciter, quod que res per damnationem legari possunt, ut res alienæ, non possunt etiam legari alio genere legati, veluti per vindicationem aut præceptionem, aut finem modum, aut finem modo. Quia ratione etiam jus fideicommissi optimum dici potest, quia ut Ulpianus ait qua per damnationem legari possunt, & per fideicommissum relinquere possunt. Verum in hac lege Papinianus, jus fideicommissi non dixit esse jus optimum, per comparisonem, sed simpliciter: non quod non sit etiam optimum jus cuiuscunque legati, sed quod jus fideicommissi æque ut optimum jus, atque jus cuiuscunque legati, quodque jus fideicommissariæ libertatis, de qua agit, idem omnino sit, atque jus directæ. Directa autem libertas testamento relicta servo competet statim ab adita hereditate sine facto vel opera heredis, & retinetur: porro etiam postea herede abstinente se, nec pro abstinentie se eius servo, vel heredi quidquam cuiquam dependere necesse est, l. in integrum, sup. hoc tit. quam l. esse accipiendam de directâ libertate, non, ut Glossa voluit, de fideicommissaria, illa verba demonstrant: Qui ad libertatem additione heredis pervenerunt, quia ad directam tantum servi perveniunt additione hereditatis, ad fideicommissariam non additione heredis statim, sed præstatione demum, & manumissione ab herede facta. Verum fideicommissaria libertas quam heres servo præstitit, a servo retinetur, etiam herede postea abstinente se, nec necesse est ejus retinendæ vel conservandæ causâ servo vel heredi quidquam dependere, vel refundere iis, ad quos ea res pertinet optimum jus seipso contentum est, nec quidquam querit, aut desiderat amplius quam melius fiat. Denique optimum jus dixit Ulpianus sup. dicto loco comparative, hoc vero loco Papin. simpliciter sive absolute, ut & Imperator in l. 1. C. de usufr. ex stipulatione nostras optimo jure debere, non quod magis ex stipulatione quam officio iudicis, vel ex nudo pacto suis

quis casibus optimo jure debeantur, sed simpliciter, quod ex stipulatione optimo jure debeantur, atque ita equitatem M. Tull. in *Partitionibus* modo spectari simpliciter, modo ex comparatione, in quibus causis, quid sit equius, melius, aequissimumve quari solet. Et ex iis, quidem planum sit huic loco omnino non convenire, etiam *d. l. i. C. de usuris*: distinctionem quam affinxit Accursius inter jus bonum, melius, & optimum; orine jus si simpliciter sequamur, optimum jus est. Male etiam idem Accurs. in specie proposita servos ex causa fideicommissi manumissos ab herede post aditam, nec dum beneficio abstentionis derelictam hereditatem, libertos non esse heredis qui manumissit, sed libertos esse orcinos ex *l. cum quasi, §. querendum, sup. de fideicommiss. lib. et.* Quia is §. de eo servo non loquitur, quem heres manumissit, antequam se abtineret hereditate, sed de eo quem nunquam heres manumissit, qui ex constitutionibus Principum, si ei fuerit relicta fideicommissaria libertas, ipso jure post abstentionem heredis ad libertatem perducitur, perinde atque si directo ex testamento libertatem consequutus esset, & consequenter libertus sit orcinus, non libertus manumissorius: quia nullus est libertus orcinus, nullus est libertus, ut eleganter ait *l. 4. in p. inf. de bon. lib. et.* nimium, quia quem ademit orcus, nullus est. At in specie proposita, servi certum manumissorem habent, nempe heredem ipsum, qui eos manumissit post aditam hereditatem, antequam se abtineret. Proinde certum & iustum patronum habent, qui utique etiam post abstentionem, ut heres jure civili manet, quemadmodum ante diximus, & patronus etiam manet, nec amittit libertatem quem quævisit semel iusta munitione, quia nec & videtur locupletior factus: locupletior enim non est factus, qui libertum adquisivit, *l. nemo prado, §. i. de regul. jur.* Sed de Accurs. Glossis satis. Illud potius adnotemus, quod de pretio servorum Papinianus scribit hoc loco, singulos servos non esse cogendos pro libertate retinenda, quam optimo jure consequuti sunt, inferre viginti aureos: quoniam hoc erat legitimum & vulgare pretium cuiuscunque servi, *l. cum ex falsis inf. de manum. testam. l. Papin. §. ult. l. §. de inf. testam. l. si fundum, §. si libertus, de leg. i. l. 2. C. de fideicom. lib. et. l. 4. C. de servo. §. 1. Quamobrem vestigal vicissim, quod pro servo manumisso ex l. Manlia, æratio inferebatur, ut Livius scribit 7. & Arrianus 2. in Epictetum: recte dixeris constitit uno aureo tantum. Quod autem *l. ult. C. de cond. inf. et. l. si quis argentum, C. de donat. servus æstimatur quindecim aureis tantum, ea vero mediocritas non iusta æstimatione est: mediocritas conficitur ex dodrante, & iustitia minor est quadrante tantum, quam rationem & in legatorum mediocritate, & constituendo modo, legem Falcidiam sequi constat. Etiam illud notandum est, quod a simili responsum suum hoc loco confirmat. Papin. de conservanda libertate recte & optimo jure manumissi. In specie proposita, Eadem eundem heredem, priusquam se abtineret hereditate, quibusdam creditoribus hereditariis pecunias debitas ex hereditate bona fide solvisse? Recte solvit: ergo etsi postea abstineret se iis, quæ de libertatibus respondi supra, consequens est, ut solutam pecuniam creditores sibi habeant, & retineant in solidum, nec eam communicent ceteris creditoribus hereditariis, qui sibi non vigilarunt. Eleganter Scævola in *l. pupillus, in fin. que in fraud. credit. j. civ. civile vigilantibus scriptum esse*: At additur in Basil. *et. exi non sapis committit, quædam ut non committit*. Non iis qui altum dormiant, quod confirmat *l. summa, §. i. ff. de pecul. l. 1. C. de ann. except. Præcepta vivendi sapientes dant, quibus cives utantur, non que negligant. Et rursus eleganter *l. 6. §. i. inf. de reb. aut. jud. possid. alterius creditoris negligentiam vel capiditatem ei, qui diligens fuit, id est, qui sibi vigilavit, qui suum exigere anteverit, nocere non debere, & l. ult. C. de pos. indultum desiderat pecunias solvere non debere. Postremo quod erit brevissimum, excutiamus ea, quæ huic responso obijci solent.****

A Sunt autem duo potissimum, unum est de legatis, quæ heres post aditam hereditatem ex testamento solvit, quæ, si postea heres se bonis abtineat, tentant quidam revocari & eripi legatariis, ab iis ad quos bona pertinent, ex *l. 5. inf. de cond. indeb. Perperam*: eadem enim est ratio non revocandarum libertatum, quas servi jure optimo consecuti sunt, & non revocandarum legatorum, quæ jure optimo perceptæ sunt. At *d. l. 5. secundum anteriores* ex quibus pendet, ut in ea recte suppleant Accursius, Baldus, & Albericus, de legatis indebitis, quæ per errorem heres solvit, accipienda est, non de iis, quæ optimo jure debebantur. Alterum autem est, quod obijciunt de libertatibus præstitis ex testamento, quod postea falsum, vel injustum vel inofficiosum pronuntiatum est, quæ non revocantur quidem, sed ut eas manumissi retineant, coguntur inferre pretium sui, id est, viginti aureos, *l. cum ex falsis, ff. de man. test. l. Papin. §. ult. de inf. testam.* At hæc lex nihil vult inferri. Sed & id quoque ita procedit, quia pronuntiato testamento falso vel injusto, vel etiam inofficioso, quo genere damnatur testamentum, tanquam furiosi voluntas nulla est, *l. Titia, de inf. testam. nec fideicommissa, de leg. 3. & ex post facto apparuit, indebitas fuisse libertates, quas heres præstitit, quasi relictas in testamento furiosi, vel in testamento falso aut injusto*: In proposita autem specie verum fuit testamentum & iustum, & fani hominis ultima voluntas, ex quo præstitæ sunt libertates debite optimo jure post aditam hereditatem, quamobrem etiam retinentur, nulla re nulloque pretio illato bonis, quæ herede abstinente se ad fideum vel ad bonorum possessorem ab intestato transiunt.

Ad LLVIII. de cond. indeb.

Servo manumisso fideicommissum ita reliquit, si ad libertatem ex testamento pervenerit, post acceptam sine judice pecuniam, ingenuus pronuntiat; si indebiti fideicommissi repetitio erit.

Hoc responsum est de fideicommissi pecuniario cuius species est hujusmodi. Testator servo suo libertatem dedit verbis directis, verbis civilibus, eademque fideicommissum pecuniarium reliquit sub hac conditione, si ad libertatem ex testamento suo pervenerit, id est, si liber fieret, non alia ex causa quam ex causa testamenti. Et testamento autem liber fieri dicitur semper in jure, vel testamento manumitti, non is, cui fideicommissaria libertas relinquatur, quoniam hic non manumittitur testamento, neque libertatem capit ex testamento, sed is tantum, cui directa libertas datur, *§. per. Instit. de sing. reb. per fideicom. directa, inquam, libertas dari videtur, non cum ab alio servum manumitti rogar, sed cum velut ex suo testamento libertatem ei competere vult. Is autem servus quo de agitur qui liber ex testamento ab herede fideicommissum pecuniarium accepit ultro herede solvente fideicommissum sine judice, vel ut est in Basil. *et. non dicitur, citra judicium, citra sententiam judicis, citra condemnationem. Postea apparuit eum hominem non esse ex testamento liberum, quia alio agente adversus eum præjudiciali actione, & dicente se ejus esse patronum, ipse ingenuus pronuntiat*: jure, an injuria, nihil refert. Res judicata semper pro veritate habetur, *l. ingenuum, sup. de stat. hom. qui ingenuus pronuntiat* est, pro ingenuo habetur omnino, id est, pro eo habetur, ac si revera ingenuus natus esset. Ingenuus nascitur: libertinus fit manumissione, *l. ingenuus, C. de ingen. man. deinde apparuit eum, de quo agitur a natalibus fuisse liberum, non ex manumissione testamentaria quoniam ingenuus pronuntiat* est, & consequenter apparuit defecisse conditionem fideicommissi pecuniarii, quod ex testamento relictum est. Denique indebitum fuisse pecuniam ei per fideicommissum relictam sub conditione, si ad libertatem ex testamento perveniret, & perperam solvisse heredem, qui eam pecuniam solvit.*

Qua

Qua de causa concludit in hac l. Papinianus, heredi competere conditionem indebiti, sed hoc ita, si ultro heres sine iudice fideicommissum solvit, nam si ex causa iudicati id solvit, cessat conditio indebiti, licet natura indebitum fuerit, l. 1. C. eod. tit. l. 2. C. de comp. l. cum putarem, sup. sam. eris, l. si fideiussor, §. in omnibus, ff. mand. Quibus omnibus locis ostenditur, solum ex causa iudicati, etiam iure naturali indebitum sit, condici non posse, propter auctoritatem rei iudicatae, & quia res iudicata, etsi naturalem obligationem non pariat, sicut nec naturalem obligationem extinguit vel expungit, l. Iulianus, hoc tit. l. procurator, §. 1. ff. rem rat. hab. tamen civilem obligationem parit, cum actionem & exceptionem pariat, & actionem, quae nulla exceptione infringi potest. Accedit etiam alia ratio ex iure veteri. Prior scilicet & antiquior ratio, quia solum ex ea causa, quae per inficiationem crescit in lite, condici non potest, l. 4. C. eod. tit. Et causa iudicati olim inficiatione crescebat in duplum auctore Paulo, l. 1. Senten. tit. quemad. act. per inf. dup. Quaedam, inquit, actiones si a reo inficiantur, duplicentur, veluti iudicati. Et addit deinde alias, ut legis Aquiliae actionem, & actionem legati pro damnationem, & actionem ex empto, actionem de falso modo agri, quem venditor dixit, & actionem etiam depositi, quoniam illo loco pro depositi, quod nihil est, legendum depositi. Nam alio loco idem Paulus auctor est ex causa depositi l. xii. Tab. in inficiatorem esse dupli actionem, ex adiecto praetoris simpli duntaxat: ergo inter eas actiones, quae inficiatione crescant in duplum, numeratur actio iudicati, quod & M. Tullius confirmat in oratione pro Flacco: *Frater meus, inquit, pro sua prudentia decrevit, ut si iudicatum negaret, in duplum iret.* Atque ideo secundum superiorem regulam merito dicimus: solum ex causa iudicati iure conditionis repeti non posse, tametsi natura indebitum sit. Qua de causa, hoc loco, & in d.l. procurator, §. 1. rem. rat. hab. proponitur solutio facta sine iudice, & ideo heredi competit soluti fideicommissi, cuius conditio elegerat, repetitio iure conditionis. Deficit autem conditio in hac specie, quia ei ut liberto scilicet oricino, ut directo manumisso ex ipso testamento fideicommissum relictum est, postea apparuit redditio praedictio non libertinum eum, sed ingenuum fuisse, quo casu constat ex Senatusconsulto vel Senatusconsulti iusta interpretatione, legata ei ut liberto relicta heredi esse restituenda, l. 1. C. de ingen. manum. & haec est sincera huius responsi interpretatio. Male Accursius ponit servum non eodem testamento, quo fideicommissum accepit pecuniarium, fuisse manumissum, non ab eodem testatore, sed ab alio. Quod si ita res se haberet, Papinianus non omiserat, & cum omiserit, nihil vaticinemur, nihil fingamus, sed simpliciter ponamus eodem testamento, ut Papinianus ponit, servum directo manumissum, fideicommissumque ei relictum sub conditione, si eo testamento ad libertatem perveniret: denique eodem testamento ab eodem, servo proprio & libertatem datam & relictum fideicommissum conditionale. Absurdus est quod idem Accursius cum Papinian. ait, illum fuisse ingenuum pronuntiavit, eum fuisse manumissum alio testamento, non eodem quo fideicommissum accepit: manumissio libertinum facit, non ingenuum facit tantum origo, si quis nascatur ex matre ingenua, vel libertina, connubio non interveniente, aut ex patre ingenuo vel libertino, connubio interveniente, l. ingenuam, C. de ingen. manumiss. l. quod ex liberta, C. de oper. libert. vel etiam ingenuum facit sententia iudicis, ut ante diximus, vel beneficium Principis, puta, restitutio natalium, non in quibus quis natus est, sed in quibus omnes homines fuerunt nondum naturali, neque civili iure descripto, nondum discreta libertate a servitute, quum eadem erat conditio omnium hominum ideoque ius, l. Imperialis, C. de nupt. Manumissio autem ante Justinianum, nunquam quemquam ingenuum fecit, ergo inepte ingenuum pro manumisso accipit in alio testamento, scilicet, quam quo relictum est fidei-

commissum. Postremo quod idem Accurs. Papiniano obicit, hanc conditionem impositam ingenuo homini, id est, qui postea ingenuus pronuntiatus est, videlicet fideicommissum pecuniario relicto sub conditione, si ex eo testamento: in quo etiam liber esse iussus est, ad libertatem perveniret: hanc, inquam, conditionem esse impossibilem, quia liber & ingenuus amplius liber fieri non potest. Conditionem autem impossibilem in legatis & fideicommissis, quod est notissimum, pro non scripta haberi: & fideicommissum igitur in hac specie deberi quasi purum, ac proinde solum, postea repeti non posse. Conditionem impossibilem ipso iure impletam videri, l. 4. §. ult. inf. de condit. inst. conjuncta l. Mutiana, §. ult. inf. de cond. & demonstr. Ea, inquam, obiectio Accursii huic loco accommodari nullo modo potest, quia nullam speciem aut figuram impossibilis conditionis habet haec conditio, quae servo testamento manumisso adscribitur, si libertatem in testamento obtinuerit: impossibilis conditio est, quam statim ex ipsa figura verborum & specie prima sentimus, intelligimus, per rerum naturam existere non posse, veluti, si calum digito tegeris: si plantis summa sidera contingis, apud Propertium: si mare ebiberis, §. si impossibilis de inst. stipul. Cujusmodi non est haec conditio, si ad libertatem ex testamento perveniret, qui scilicet testamento manumissus erat, licet postea per errorem aut fordes iudicis ingenuus pronuntiatus sit: ergo impossibilis haec constitutio non est: nec amplius est insistendum in ea obiectione Accursii, a qua tamen is se expedire non potest.

Ad L. III. de Probat.

Cum tacitum fideicommissum ab eo datur, qui raris in primo quam in secundo testamento pro eadem parte vel postea pro maiore heres scribitur, probatio mutata voluntario ei debet incumbere, qui convenitur, cum secreti suscepti ratio plerumque dominis rerum persuadeat, eos ita heredes scribere, quorum fidem elegerunt.

Ex est de tacito fideicommissio, quo verbo significatur fraud, ut nomine tacite pecuniae creditur, quae ideo creditur tacite, quod non possit iure palam credi puta ei cui adnumeratur, est quod in fraude legum ei, qui capere non potest, ei qui testamenti factionem non habet, qui intestabilis est, tacite testator reliquit, secreto ad se vocato herede & rogato incapaci fideicommissum restituere, heredeque dante fidem, tam testatori, quam fideicommissario, plerumque cautione interposita, se ita facturum contra leges ut testator iussit. Id vero tacitum fideicommissum constat redigi in fideum ex Senatusconsulto Plautiano, nec apud heredem remanere, qui fraudis particeps est, debere ei cui relictum est, quem leges incapacem fecerunt. Hoc cognito: finge: Testator primo testamento duos heredes scripsit ex aequis partibus, Cajum & Titium, & a Titio tacitum fideicommissum reliquit incapaci electa fide ejus heredis, eoque herede fidem accommodante. Deinde idem testator mutato testamento primo, secundum fecit, quo primum rumpitur, ut constat: & in secundo eundem Titium, a quo primo tacitum fideicommissum reliquerat, heredem scripsit ex eadem parte, veluti ex semisse, vel ex maiori parte, veluti ex besse, aut etiam ex asse, neque in secundo testamento eum tacite quidquam rogavit, neque in eo repetiit tacitum fideicommissum, quod reliquerat primo jam rupto per secundum. Hinc quaeritur, an fideicommissum, quod proponitur relictum primo testamento incapaci in fraudem legum, pertineat ad fideum? Videtur non pertinere, quia primum testamentum, in quo relictum est fideicommissum, in irritum recidit: ergo & tacitum fidei-

commisum non est repetitum in secundo testamento. Denique non intelligitur esse relictum, & tamen Papinianus respondet, fideicommissum pertinere ad fiscum, hac ratione elegantissima, quia presumitur testator, qui mutavit testamentum, nec mutavit tamen heredem, *secreti ab eo suscepti*, ut ait, id est, tacite fidei interpositæ causa, ut fraudi suæ majorem nubem objiceret mutasse testamentum, & ut fideicommissum mutatum esse intelligeretur, quod tamen omnino præstari volebat, sequæ heres caverat omnino præstiturum. Denique quum mutatur testamentum nec heres mutatur, erat in eo fraus magna quedam. Et hoc est quod ait, *cum secreti suscepti ratio*, id est, tacita fides, plerumque dominis verum, id est, testatoribus, persuadent eos ita heredes, quorum fidem scilicet tacitam elegerunt, ut Græci interpretantur eleganter, *οἱ ἀνὰ τὰς ἀρρήτους κλύας* id est, quos semel secretam voluntatem nostram commisit. Et ait, plerumque hoc facere testatores: ex eo quod plerumque fit, ducatur presumptio ut in *l. q. b. tit.* Ait similiter, quia plerumque tam heredibus nostris quam nobismetipsis gavemus, ergo presumimus semper cavisse etiam heredibus nostris: quia igitur presumptio a fisco facit, recte ait, eo nomine a fisco heredem conveniri posse & condemnari, ut fideicommissum restitui, nisi scilicet heres probet testatorem mutata voluntate, nec fideicommissum incapaci illud præstari voluisse, presumptio quæ facit a fisco, transfert onus probandi in heredem, ut in *l. generaliter*, §. si petimus, in fine *D. de fideicom. lib.* heredis est probare mutatum esse voluntatem testatoris in fideicommissum, quam mutatum dicit, ut in *l. 2. b. tit. l. fideicommissa*, §. si sciam, de leg. 2. Et congruit omnino cum hoc responso *l. Statius*, *D. de jure fisci*: quam tamen Accursius hoc loco huic responso adversum facit, quod dicat in fine, ex cautione præstita incapaci, ab herede, qui tacitam fidem accommodavit fideicommissum præstari debere. Sed nihil est quod tam facile expediti possit: non enim vult fideicommissum præstari incapaci ex cautione sive stipulatione, sed fisco; quia fiscus succedit in locum incapacis, & quod non potest incapax capere, capit ipse fiscus jure suo & occupat, ne cedat lucro heredis, qui fraudi participavit; & hæc est sententia hujus responsi.

Ad L. LI. LXIII. de Leg. 1.

Domus hereditaria exstans, & heredis nummis exstructas, ex causa fideicommissi post mortem heredis restituendas, viri boni arbitrati sumptuum rationibus deductis & ædificiorum ætatibus examinatis, respondi.

Hodie explicabimus *l. 58. & 61. de leg. 1.* quia invicem nexæ & colligatæ sunt, & pertinent proprie ad fideicommissa rerum singularum. Sunt enim ambæ de ædibus hereditariis per fideicommissum relictis, herede rogato eas restituere post mortem suam, quod fideicommissum constat esse conditionale, *leg. 61. infra de leg. 1. leg. 4. infra. quando dies leg. cad.* Et si forte eas ædes post mortem testatoris sine culpa heredis incendio consumpserit, & heres suis sumptibus eas restituerit, constat ædes post mortem heredis fideicommissario, si heredi supervixit esse præstandas, quia restauratæ ædes, eadem ædes esse intelliguntur, *l. servitutes*, §. si sublatum, *sup. de servit. urb. præd. l. Paulus*, §. domus, & *l. ult. sup. de pignor.* Eadem, inquam, esse intelliguntur, vel ratione soli, quod idem semper mansit, nec absumptum est, quia solum maxima est pars ædium, *l. qui res*, §. ultim. *infra de solut. verum post mortem heredis ædes petenti fideicommissario*, ab herede heredis scilicet, obstat exceptio doli mali, nisi refuat sumptus, quos heres fecit in restaurationem ædium igne consumpturam, quos idem sumptus, eleganter Papinian. ait hoc loco æstimari boni viri arbitrati ex bono & æquo, & examinatis, inquit,

Tom. IV.

ætatibus ædificiorum, id est, *quantitatibus sive modulis pro ætatibus*, quod est rectissimum: habent, *quantitatibus*, codices quidam, in quibus scilicet. Glossa subiecit locum vocabuli huic rei proprie accomodati, quo usus est Papinian. Nam ut Græci *ἡλικίας* sumunt non tantum *ἡλικία*, sed etiam *ἡλικία* *ἡλικίας* *ἡλικίας*; ut Grammatici docent: Ita proculdubio Latini ætatem accipiunt etiam pro quantitate, mensura, magnitudine corporis cujusque. Hoc ergo vult Papinian. sumptuum factorum in restituendis ædibus rationem haberi pro modo, sive mensura ædificiorum, quæ restauratæ sunt, qualiter scilicet ædificia habent, qualive materia constructa sint: nec enim unquam quantitas sola spectatur sine qualitate, & iis sumptibus ab herede retentis sive deductis, nova ædificia fideicommissario præstari debent. Denique hoc loco, ætatem ædificiorum accipio pro ætate istarumque præsentium, non pro ea ætate, eoque statu, qui in futurum hæc ædificia duratura sunt, Nam in jure, præsentia rerum pretia spectamus, non quæ fuerunt olim, ut *l. 3. §. Divi, de jure fisci*, *l. 2. Cod. de pat. qui fil. dixerat.* Et multo minus ea pretia, quæ futura sunt spectamus; si non spectamus præterita: præterita enim sunt certa futura incerta, & ut nos ipsi censetur ex ætate præsentium non futura, *l. 3. infra de censibus*. Ita & domicilia nostra, resve nostræ omnes. Merito igitur ætatem ædificiorum accipio, non pro perpetuitate, sed pro quantitate, & quod Vitruvius ait, lib. 2. cap. 8. cuius scriptura satis est explicatu difficilis, Cum parietum communium, qui facti sunt ex molli cemento, arbitri sumuntur, ut scilicet qui eos fecit a vicino impensas communis dividendo judicio, pro parte consequatur, in *l. si ædibus*, *infra de dam. inf.* arbitros non æstimare eos parietes quanti facti sunt, sed ex pretio locationis singulorum præteritorum annorum deducere octogesima, & ita ex reliqua summa partem reddi jubere pro iis parietibus, sententiamque pronuntiare; eos parietes non posse plusquam 80. annos durare: parietes, inquam, cementitios; lateritios enim parietes tanti semper æstimari, quanti facti sunt olim nulla facta deductione. Quod, inquam, Vitruvius ita scribit, huic legi & interpretationi nostræ nullo modo adversatur: nec enim lex nostra dicit, duntaxat sumptuum rationem haberi ad annum æstimatis quantitatibus ædificiorum, sed etiam boni viri arbitrati, *vir*, inquit, *boni arbitrati, sumptuum rationibus deductis*: quæ verba boni viri arbitrati, sane multa comprehendunt multaque requirunt, puta, ut deducto veterum ædificiorum pretio, deducto rudium pretio, id tantum quo amplius restituito ædificiorum constat, æstimetur. Et ut etiam in æstimatione ineunda, deducatur rudus redivivum, quod ex veteribus ædificiis in nova constructum est, ut in *l. emptor*, §. ultim. *sup. de dam. infect.* Item quod Vitruvius ait, ut pro qualitate structuræ sumptus, vel pluris, vel minoris æstimetur, & latericia quidem structura, quæ modo itat ad perpendicularum, nec excurrit extra coria: (corium in structuris est *κλίσυρ* *συνεχόμενον*, Vitruvio.) Cubilia, coagmenta sua, tanti semper æstimetur, quanti olim facta est nullo deducto, si autem cementitia sit structura, in æstimatione faciendi sumptuum, non quanti opus faciendum locatum est, æstimetur. Hic est Vitruvii sensus. Sed si anno E primo, quo sumpti sunt arbitri communi dividendo, ineatur sumptus æstimatio, deducatur sumptus pars octogesima: si anno secundo, duæ octogimæ: si anno tertio, tres: si quarto, quatuor: & sic deinceps, quoad perventum sit ad annum octuagesimum, quo structura cementitia nullo est in pretio. Et hæc etiam, quæ ille auctor prodidit in specie proposita, esse spectanda non nego, quis enim sanus & siccus id negaret, etiam qualitate ædificiorum spectandam esse, sed id dico significare Papinianum his verbis, *boni viri arbitrati*: quæ latissime manant, non illis, & ædificiorum ætatibus examinatis, quæ verba non respiciunt ad genus structuræ, non ad perpetuitatem aut vetustatem ædificiorum, sed ad quantitatem sive mensuram, quam & Græci & La-

Ggg

tini

tini ætatem vocant, vel Hesychio teste, qui ἡλικίαν, interpretatur μέγας ἢ οὐρανός ἢ μέγας ἢ ὁ τῶν: res est perspicua admodum.

Nunc illud maxime observandum est, quod initio posui, sine culpa heredis incendium contigisse: nam si culpa heredis intervenerit, proculdubio non potest reputare fideicommissario sumptus erogatos in restitutionem ædificiorum, ut ostenditur in *l. sega*. Nam quod sua culpa contigit, æquum est, ut heres restituat de suo, nec id reputet fideicommissario. Observandum etiam illud est, quod initio posui, heredem restituisse ædes exustas post mortem testatoris. Nam si vivo testatore ædes, quas reliquit per fideicommissum, exustæ sint, & vivus testator eas restituerit & instauraverit, sane nulli sumptus fideicommissario reputari possunt, & integrum fideicommissum debetur, quia non ipse testator eas ædes destruxit, alioquin videretur mutasse voluntatem, & ademisse fideicommissum, ut in *l. 65. §. ultim. inf.* sed eas destruxit casus fortuiti incendii invito testatore, ergo integrum jus fideicommissi permanet. Præterea illud etiam notandum est, heredem, aut heredem heredis, qui per errorem fideicommissario tradidit ædificia, nulla facta retentione sumptuum, quos fecit in restitutionem ædificiorum, quæ ignis absumperat, eum, inquam, heredem posse uti adversus fideicommissarium conditione incerti, de indebito soluto, aut plus debito soluto, conditione incerti, id est, conditione possessionis, quam retinere potuit sumptuum ratione, ut in *l. qui excepti. §. si pars, de cond. indeb. l. heres, inf. ad Senatus. Trebell. l. 2. de cond. tritic.* Conditione, inquam, incerti, ut ait *l. 60.* non etiam conditione certi, puta, conditione pecunie, quam impendit in extructionem ædificiorum, de qua conditione certi est accipienda lex *si in arca, de cond. indeb.* quam huic *l. 60.* tamen Accurs. opponit non animadvertens *l. 60.* esse de conditione incerti: illam de conditione certi, & hanc non competere, illam competere heredi: qui per imprudentiam nulla facta retentione sumptuum, nova ædificia fideicommissario tradidit: & ita eas duas leges nihil inter se pugnare, nec vero posse pugnare, cum & ambæ sumptæ sunt ex eodem Juliano libro 39. DD. atque ita sunt conjungendæ.

Postremo illud etiam summe notandum est, quod addit Papinianus in *l. 61.* in qua separat sumptus, quos pendente conditione fideicommissi heres necessario fecit in reficiendis; non dico in restituendis, sed in reficiendis vel fulciendis ædificiis, a sumptibus quos fecit in restaurandis consumptis ædificiis. Denique in *l. 61.* separat sumptus, quos heres fecit in reficiendis stantibus ædificiis, a sumptibus, quos fecit in instaurandis consumptis ædificiis. Nam hos simul reputat fideicommissario arbitratu boni viri, quia necesse non habuit heres restaurare ædificia. Illos autem sumptus non reputat fideicommissario, quia necesse ei fuit sarta recta ædificia fideicommissario servare. Verum in *d. l. 61.* vulgo perperam legitur hoc modo, *sumptus autem in reficienda domo necessarios a legatario factos, perperam, inquam, legitur, sumptus necessarios a legatario factos in reficienda domo.* Nam si in reficienda domo legata, sumptus fecit ipse legatarius, quam ineptum & inconcinnum aut dissensaneum est subicere, ei legatario petenti legatum, eos sumptus non reputari, quos ipse fecit. Sane enim non reputantur mihi sumptus, si quando reputantur, quos ego feci, sed quos fecit alius: reputatio fit a reo actori, non ab eodem actore actori. Ergo perspicuum est, & necessario consequens ex *l. 58.* ex qua dependet lex *61.* ita esse legendum in *l. 61.* *sumptus autem in reficienda domo legati necessarios factos, ab eodem herede scilicet, non in restauranda, sed in reficienda petenti legatario, cujus postea conditio extitit, non esse reputandos.*

Ad Leg. LXXVIII. de Leg. 2.

Qui solidum fideicommissum frustra petebat, herede Falcidiam obiciente, si partem interim sibi sibi desideraverit, neque acceperit, in eam moram passus intelligitur.

A

Sequitur ut exponamus *l. 78. lib. 2. de leg.* quæ quidem tota pertinet ad fideicommissa rerum singularium, quæ continent quinque responsa admodum brevia, quæ hac hora profligabuntur. Primum responsum est de fideicommissario, qui solidum fideicommissum sibi restitui petit sine deminutione, & cui heres ratione Falcidie subnixus opposita exceptione doli mali contradicit, se non debere solidum restituere, sed dodrantem tantum, ut ipse quadrantem habeat salvum & incolumem, quem iure Falcidie retinere desiderat. Is sane fideicommissarius lege Falcidia interveniente, qui solidum fideicommissum petit, plus non petit, alioquin iure isto causa caderet; plus, inquam, non petit, quia ipso iure solidum ei debetur, sed ut eleganter Papinianus ait, frustra petit: denique non plus petit, sed frustra, quia petitionem solidi elidit exceptio doli mali, per quam Falcidia inducitur, *l. heres, inf. ad SC. Trebell. l. 15. in pr. & l. 16. & l. 30. in fin. inf. ad l. Falcid.* Verum videamus an fideicommissario, qui solidum fideicommissum petit, non habita ratione legis Falcidie, saltem mora fieri videatur in dodrante restituendo, & hoc responsum argumentum præbet nec moram ei fieri in dodrante restituendo, quia non dodrantem, sed solidum petit, quod interveniente Falcidia heres iuste recusat. Moram non facit, qui iuste recusat, aut refugit aliquid, qui iuste litigat, *l. si quis solutioni, de usur. l. qui sine dolo, de reg. jur.* sed si fideicommissarius interim, dum excutitur ratio legis Falcidie, desideret dodrantem sibi restitui, qui non potest non debere, nec restituatur ei dodrans: ex eo tempore quo heres postulant fideicommissario dodrantem restituere detraherit, non etiam ab initio litis, heres moram fecisse fideicommissario intelligitur. Multum interest scire, a quo tempore heres moram fideicommissario facere incipiat: nam ex tempore mora fideicommissarius debetur usura fideicommissorum & fructus, & etiam inf. in hac *l. 2. Cod. de usur. & fruct. leg. l. 2. Cod. in quib. causis in integr. rest. non est necesse.* Debentur commodata omnia, *l. 39. §. fructus, l. quæstionum, §. ultim. sup. tit. pro l. 84. inf. h. t.* Ac præterea ex tempore mora periculum rerum per fideicommissum restitutarum pertinet ad heredem frustratorem, qui scilicet moram fecit, *d. l. 39. §. fructus, & l. 3. Cod. de usur. & fruct. leg.* Et hæc quidem de primo responso sufficiat: sequitur alterum quod est in §. 1.

Ad §. Cum post mortem.

Cum post mortem emptoris venditionem Reipublica prædiorum optimis maximisque Princeps noster Severus Augustus rescindi, hereditibus pretio restituta jussisset, de pecunia legatario, cui prædium emptor ex ea possessione legaverat, conjectura voluntatis pro modo estimationis, partem solvendam esse respondit.

Lucius Titius prædia quædam Reip. sive civitatis cuiusdam bona fide emit a curatore Reip. & moriens ex eis prædiis, quæ emit, id est, ex universa illa possessione plurium prædiorum Reip. quam vocat, *ἀντικτὸν & πτωχὸν*, & compoessionem. Caio Sejo unum prædium legavit per fideicommissum. Post mortem L. Titii Imperator Severus ex causa in integrum restituit Remp. adversus venditionem. Respublica minorum iure uti solet, ut minores, ita Reip. adversus ea, quæ administratores gesserunt male, in integrum restitui possunt, *l. pen. C. quib. ex caus. maj. in integr. rest. l. pen. C. de iure Reip. l. 1. C. de off. ejus qui vic. ab. jud. obi.* Argue ita Imperator Severus venditionem eorum prædiorum rescindi iussit, atque decrevit, restitui pretio hereditibus L. Titii. Omnis restitutio in integrum est reciproca, iussit Remp. prædia recipere, ac simul pretia restituere hereditibus emptoris, qui prædiorum pretia acceperunt, pro rata prædiis legati. Queritur, an fideicommissarius partem resti-

estimationis petere possit, partem pretii, quanti est prædium legatum? Et respondet Papin. posse, sumpta consuetudine ex voluntate testatoris, qui utique fideicommissario vel prædium, vel estimationem ejus præstari voluit: non tenentur quidem heredes fideicommissario de evizione, l. prox. §. evictis, sup. nec teneri etiam eos, de evizione Papin. ait, sed ex causa fideicommissi judicioque defuncti, cum prædii legati pretium receperint, ut id fideicommissario restituant, ceterorum prædiorum pretia sibi retineant, quæ redhibuerunt Reip. Et hæc est sententia secundi responsi.

Ad §. Etiam resp.

Etiam Respublica fideicommissi post moram usuras præstare cogitur, sed damnum si quod ex ea re fuerit secutum, ab his faciendum erit, qui post dictam sententiam, judicatum solvere superseverunt. Nec aliud servabitur in litis sumptibus, si ratio litigandi non fuit: ignaviam etenim pretendentes audiri non oportere. Quod in tutoribus quoque probatur.

IN tertio responso offenditur, ex mora præstandorum fideicommissorum usuras debere non tantum privatum, qui heres institutus est, & oneratus fideicommissis, sed etiam Remp. si heres instituta sit, & ab ea sint fideicommissa relicta: nam hodie receptum est, quamlibet Remp. heredem institui posse, quod tamen olim non obtinuit, ut patet ex Plinii Epistolis & lib. reg. Ulp. quia Respublica est incertum corpus, ut nec universi cives cerne hereditatem, nec pro herede gerere possint, ut heredes fiant: verum alio jure utimur: ergo ut hoc loco proponitur, si Remp. sit heres instituta, & ab ea sint fideicommissa relicta, & mora fiat in eis præstandis, etiam Resp. fideicommissarii debet usuras, & fructus, & commoda omnia ex tempore moræ, sed damnum quod ob eam rem Respublica patitur, id omne Reip. præstabit auctores Reip. vel administratores, vel magistratus qui post sententiam dictam, ut ait, de restituendo fideicommissi, judicatum solvere superseverant: judicatum facere superseverant, id est, qui post condemnationem & tempora judicati in solvendo moram fecerunt. Quo casu & usuræ & fructus & commoda omnia fideicommissario debentur a tempore litis contestatæ usque ad sententiam: quum Reip. moram fecit post sententiam & tempora judicati solvendi, d. l. 3. §. de usur. Dico non tantum post sententiam, sed & post tempora judicati, quia post sententiam tempus judicati faciendo est immune a dependendis usuris: iusti dies, qui dantur judicatio faciendo usuris immune a dependendis usuris, d. l. 3. §. bona fidei, C. eod. tit. l. ultim. §. pen. C. de usur. rei jud. quia cum iusti illi dies dentur humanitatis gratia, ut eleganter ait l. si cum militis, §. ultim. sup. de compens. cum, inquam, iusti dies dentur, ut in Basil. apud Greg. 308. l. 10: expertes igitur debent esse omnis inhumanitatis, ac proinde immunes a dependendis usuris. Et hæc quidem ita se habent omnia, quæ ante diximus ad hoc responsum, si auctores Reip. habuerint iustam causam litigandi adversus fideicommissarium, si ante condemnationem in mora non fuerint, ut sc. post condemnationem demum mora facta, & post tempora judicati usuræ & fructus fideicommissario debeantur a die litis contestatæ in diem sententiæ late. Nam si auctores Reip. temere judicium acceperunt, si vitio litigaverunt, ex tempore moræ sive litis contestatæ, fideicommissario debent, aut debet Reip. usuras & commoda omnia in diem solutionis nullo iusticio intermissio, id est, nullis iustis diebus intermissis d. l. 3. Debentur etiam fideicommissario sumptus litis, in quos damnavi more judiciorum solet is, qui temere litigavit & fuccubuit, l. cum qui temere, sup. de jud. l. 1. §. 1. D. de vac. mun. l. 3. Cod. qui accus. non poss. Sed hæc omnia detrimenta, vel usurarum, vel fructuum, vel aliorum commodorum, quæ ob moram fideicommissario præstantur, vel sumptuum litis, hæc damna omnia Respublica imputat actoribus, vel administratoribus & magistratibus Reip. qui rem summam, rem

Tom. IV.

communem male gesserunt, quoniam non tantum do. li, sed etiam ignavia, id est, culpæ etiam levis nomine Reip. tenentur. Quod verbum ignavia, Glossa non intelligit, id est, culpam levem, cui adversa est diligentia: denique administratores Reip. non tantum doli, sed etiam culpæ nomine tenentur, & ignaviam suam prætendentes non sunt audiendi ut eo minus Reip. teneantur: nam & ignavia penam luunt, l. magistratus, D. de aduer. ad croit. per. Quod hoc loco Papin. confirmat a simili, si tutor culpam præstat pupillo, sane etiam levem, l. quidquid, C. arb. iur. & actor resp. igitur, quoniam similis & pene eadem est causa conditioque pupilli & Reip. l. 9. de appel. l. 6. infr. ne statu def. Et nihil est præterea in hoc 3. responso.

Ad §. Prædium.

Prædium poter de familia liberorum alienari verbis fideicommissi prohibuit, Supremus ex liberis qui fideicommissum petere potuit, non idcirco minus actionem in bonis suis reliquisse visus est, quod heredem extrarium sine liberis decedens habuit.

PEenultimi responsi species hæc est: qui habebat quatuor liberos primum, secundum, tertium, quartum, prædium eis legavit, idque verbis fideicommissi, non nudo præcepto vetuit alienari extra familiam liberorum. Nudum præceptum, ne alienetur prædium extra familiam liberorum, nullius momenti est, sed id tantum præceptum quod fit adhibitis verbis fideicommissi: quum dicit verbis fideicommissi excludit nudum præceptum. Denique hoc addit, verbis fideicommissi non nudo præcepto prohibuisse patrem, ne prædium illud alienaretur extra familiam, non quidem suam omnem, sed extra familiam liberorum. Ita ut si quis eorum liberorum partem suam alienaret extero, ceteri fratres eam partem sibi vindicarent jure fideicommissi: donec ad eum, qui novissimus superesset, & ceteros vivendo vicisset, totius prædii proprietas veniret. Nunc facito, ad novissimum ex liberis morte ceterorum totum prædium rediisse, aut actionem eum adquisisse vindicandarum partium, quas fratres habuerunt in eo prædio, qui relictis extraneis heredibus sine liberis vita functi sunt, vel qui vivi partes suas extero alienarunt. Rursus facito, postea etiam novissimum ex liberis vita decessisse sine liberis extraneo herede relicto: Queritur, an is ad heredem extraneum quem reliquit, transierit dominium prædii, vel actionem fideicommissi pro partibus fratrum? Et respondet Pap. transmississe, quasi scilicet jam extincta omni familia liberorum, quasi liberis omnibus extinctis sine liberis, ut in l. prox. §. libertis, sup. quasi nullo superesset ex familia liberorum, cui fideicommissi peticio competere possit, l. 2. Cod. quando dies leg. cad. denique quasi extincto fideicommissio. Res est perspicua. Restat ultimum responsum.

Ad §. Ultimum.

Si creditor ab eo, qui testamentum fecit, domum acceptam jure pignoris vendidit, contra emptorem fideicommissi causa, tamen si voluntatem defuncti non ignoravit, nihil decernitur.

SPECIES hæc est: Testator domum quam creditori pignoreraverat, L. Titio per fideicommissum reliquit: creditor cum ei pecunia non solveretur, vendidit pignus, jure pignoris vendidit domum, emitte eam, qui non erat ignarus fideicommissi: Queritur, an L. Titio fideicommissario adversus emptorem competat persecutio fideicommissi, quasi non debuerit emere domum, quam sciebat esse fideicommissio subjectam? Et respondet fideicommissario adversus emptorem nullam competere actionem, nihilque a Prætoribus vel Principe posse

G g g g 2

decer-

decerni, quo rescindatur emptio venditio jure & bona fide perfecta: neque enim scientia sola rei alienæ, aut scientia sola fideicommissi mala fides est, *l. generaliter, sup. de noxal. action.* Imo etiam prohibita alienatione domus verbis fideicommissi, huic responso Pap. locus, foret, id est, prohibitio non noceret creditori, non impediret venditionem domus jure pignoris, *l. filius, §. Di. vi, sup. tit. prox.* heredem non nego fideicommissario teneri, si modo fideicommissarius doceat, eum fuisse ignavum & negligentem in luendo pignore, quod & Glossa hic adnotavit recte: & hic est finis hujus legis.

Ad L. X. de Alim. leg.

Cum unus ex heredibus certam pecuniam præcipere justus esset, de cujus sorte liberis alimenta præstaret, & heredem quoque heredis ad præceptionem admitti placuit, si tamen plures heredes heres haberet, intentionem quidem defuncti prima facie refragari: sed aliud probari non oportere. Quid enim si ceteros heredes suos exheredavit, & quietam ac verecundam atque etiam idoneam, liberis consulens, domum sequi maluit? Et ideo ab omnibus heredibus heredis alimenta præstabuntur.

IN primo responso legis 10. hæc proponitur species. Testator pluribus heredibus institutis, unum ex eis præter portionem hereditariam præcipere jussit certam summam sub onere præbendorum liberis alimentorum quotannis ex usuris ejus summæ vel fortis, quo genere intelligitur liberis suis alimenta annua per fideicommissum reliquisse, ut in *l. 8. hoc tit.* Mortuo autem eo herede, qui oneratus est præbitione alimentorum, constat idem onus sequi heredem heredis, si unum tantum heredem reliquerit ex asse, ut quem fors sequitur primo heredi legata per præceptionem, eum etiam sequatur onus, quod naturali rationi conveniens est. At quid fiet, si primus heres a quo liberis alimenta relicta sunt, plures reliquerit, inter quos ea pecunia sive fors destinata alimentis libertorum divisa fit pro hereditariis portionibus, an omnes heredes tenent onus liberis præbendorum alimentorum? Quod prima facie Papin. ait, intentionem testatoris non pati, qui per unum alimenta præstari voluit, quod & commodius peragitur per unum, *l. 2. h. t.* Verum, ut idem subjicit, aut ut adsignificat necessitati succumbimus, ut ait *l. pen. in fine, sup. de excus. tut.* quam ne dii quidem superant, & omnino cogimur, ne pereat fideicommissum alimentorum, statuere omnes heredes, qui primo heredi extiterunt fideicommissi teneri, tamen huic definitioni videatur refragari voluntas testatoris: sed refragatur prima facie, ut ait, prima ratione quædam *τὸν ἀπὸ τοῦ λόγου*, ut Philosophi dicunt, non secunda ratione, forte cum ut idem Papin. ostendit, testator evitatis ceteris heredibus suis, non tam eum heredem, quem elegit, elegit a quo præstarentur alimenta liberis, non tam personam ejus heredis elegit, quam quietam & verecundam & idoneam ejus domum, consulens liberis suis. Domus appellatione significat familiam & posteritatem, quæ ei succedet legitimam & quietam est ea domus, quæ non est amans litium: verecunda, quam pudet detrachere pia & fida obsequia defuncto, veluti alimenta, quæ defunctus præstari jussit: quam rem etiam *l. 8. hoc tit.* ait, pulsare verecundiam heredis, percutere verecundiam heredis, siquidem ea præstare detrectet alimentarius. Idonea autem domus, quæ est locuples & luculenta. Et cum hoc elegantissimo Papin. responso congruit, *l. alimenta, in prin. h. t.* Verum observanda in hoc proposito maxime ea differentia est, quam statuit in *l. 8.* quamque exposui *lib. 7.* inter heredem scilicet, qui de prælegati sorte, hoc est, de incremento sive usuris ejus fortis, jubetur alimenta præstare, & nudum ministrum sive dispensatorem, aut præbitem alimentorum, cui nihil legatum est, quoniam onus nudum dispensatoris extinguitur cum persona, quia nulli alii rei quam personæ injunctum est; onus nudi dispensatoris cum persona perit, *l. si ita expressum, inf. de cond. & dem.* Quam in rem Bartolus & Albericus etiam

non male adducunt in medium *l. cujus bonis, D. de cur. fur.* quæ dicit, curatorem bonis datum, id onus non transferre in heredem suum, & *l. tutela, sup. de tut.* quæ dicit tutelam jure hereditario non transmitti in heredem tutoris. Onus autem legatario injunctum sequitur heredem vel heredes ejus, ad quos etiam legatum transit, nec tam personale quam reale onus est, id est, onus rei, vel summæ legatæ.

Ad §. Verbis.

Verbis fideicommissi pure manumisso, præteriti quoque temporis alimenta reddenda sunt, quamvis tardius libertatem recuperaveris, nec heres moram libertati fecerit, tunc enim explorari moram oportet, cum de usuris fideicommissi quaeritur, non de ipsis fideicommissis.

Testator servo suo pure libertatem per fideicommissum reliquit, idem quoque servo pure alimenta certorum nummorum annua dedit: quæ quidem alimenta jure quidem servo non debentur, antequam pervenerit ad libertatem: servo meo nihil utiliter lego sine libertate, quæ fruatur jam, ex parte, §. servum, *D. fam. erci. l. servus, Cod. de leg. præstari ei quidem possunt alimenta favorabiliter etiam nondum manumisso extra ordinem officio judicis, ut in *l. servus, inf. h. tit. l. servus, sup. de ann. leg. l. servo alieno, §. 1. de leg. 1.* neque enim servis testamentorum omnia iusta commoda denegantur, ut Symmachus ait in Epist. ad Theodosium, sed quæ officio solo judicis præstantur, non jure obligationis: sane non sunt in obligatione, neque debentur proprie, *l. ultim. sup. de eo quod certo loco.* Heres autem in hac specie, a quo libertas servo & alimenta relicta sunt, neque moram fecit in præstanda libertate, neque in præstandis alimentis, servo nimirum cessante in petitione fideicommissi, nec interpellante heredem: sed tardius heres interpellatus, ut Symmachus etiam servo præstitit libertatem, tardius eam ab herede servus recipere, ut loquitur, quod genus loquendi notandum est, pro accepto ab herede: mora fit fideicommissariæ libertati in personam, id est, interpellato herede, nec satisfaciens interpellationi: in rem non fit non interpellato herede usquequaque secundum distinctionem legis cum rem, §. apparet, ff. de fideic. libert. quam citat Accurs. Queritur autem in hac specie: An præteriti temporis aut præstitam servo libertatem, quæ tardius præstita est, ut dixi, ex die aditæ hereditatis alimenta servo manumisso debeantur? Quod non videtur prima facie, quia heres non fuit in mora. Verum aliud judicium Papin. est, optima ratione, quia in præstatione fideicommissi nihil refert, heres fuerit in mora, necne: nam et si non fuerit in mora, omnimodo fideicommissio & præteriti & futuri temporis obstringitur ab eo die quo dies fideicommissi cessit, ut *l. libertas, §. 1. ff. hoc tit.* Et quod vulgo jactatur, spectari, observari, explorari moram heredis, id tantum pertinet ad usuras fideicommissorum & cetera commoda, ut diximus heri ad *l. 78. de leg. 2.* quæ scilicet usuræ, vel commoda non currunt, nisi ex mora heredis, quæ cum fit, quum interpellatus heres ea non solvit: non etiam pertinet ad fideicommissa ipsa, quæ debentur omnino a die, quæ cesserunt, etiam si heres nulla fuerit in mora. Et hæc est sententia hujus responsi.*

Ad §. Ultimum.

Alimentis viri boni arbitratu filie relicti ab herede filio pro modo legata dotis quam solum pater exheredatæ filie nubenti dari voluit, atque pro incrementis atatis, eam exhibendam esse respondit, non pro viribus hereditatis.

Pater filium heredem instituit, filiam exheredavit, quoniam voluit, eam esse contentam dote certæ quantitatatis, quam ei a filio herede instituto legavit cum nube-

nuberet: filia plerumque exheredatæ contemplatione dotis datæ vel relicte, quod ea ei sufficiat, l. emptor, §. ult. sup. de rei vindic. l. qui volebat, sup. de hered. instit. hoc amplius idem pater præter dotem scilicet filie alimenta præstari iussit, quoad nuberet, præstari, inquam, iussit viri boni arbitratu, quæ quidem alimenta, etiam si relicta non essent, frater teneretur præstare foris, quæ se aliter tueri non possit, l. a. sup. ubi pupil. educ. deb. Hæc autem verba, viri boni arbitratu: certam quantitatem exprimiunt, non incertam, l. i. sup. de leg. 2. quia equitas semper est certa, cuius bonus vir magister est, & quasi sacerdos: nec tamen statim culibet liquido apparet, quem modum alimentorum filie in hac specie constitui oporteat. Ideoque declarat Papinianus hoc loco, quasi instruens bonum virum, quem testator moderatorem facit, ut alimentorum modum filie constituat non pro viri hereditatis, quia filia exclusæ est per exheredatationem, sed pro modo dotis filie legatæ, hoc est, non pro facultatibus defuncti, sed pro facultatibus bonæ mulierum dicuntur in sola dote consistere, l. assiduis, C. qui pos. in pignori, hab. Itemque, ut modum alimentorum constituat pro incrementis etiam ætatis puelle, prout scilicet ætatem ampliaverit, ut ait lex alimentæ, §. Basilicæ, ff. hoc tit. Denique virgini pro modo dotis legatæ, quasi ex ususdotis, & pro ratione ætatis alimenta præstabit, usque adeo, dum iter nuptum: nuptus contractus & dote soluta filie, maritove filie nomine, finitur alimentorum legatum.

Ad Leg. XXV. de Adimen. leg.

Alteri ex heredibus præceptionem prædii dedit, mox alteri præstari debitorum actiones ad eum finem mandavit, quo prædium fuerat comparatum. Cum postea prædium distraxit citra ullam offensam ejus, qui præceptionem accepit, pretium in corpus patrimonii rediisset, non esse præstandas actiones coheredi, respondit.

Quidam duos heredes instituit, primum & secundum: primo prædium prælegavit, ut hoc haberet præcipui titulo, quod quidem prædium ipse emerat ducentis aureis. Secundo autem etiam titulo præcipui iussit cedi actionem, & præstari adversus magnæ pecuniæ debitorem hereditarium, ad finem tamen pretii ducentorum aureorum: post factum testamentum testator prædium ultro distraxit, non provocatus, non laceffitus ulla gravi offensâ heredis, cui prædium prælegaverat, & pretium ex prædii venditione redactum retulit in corpus patrimonii sui: Queritur, mortuo testatore, an primo sit præstandum prædium prælegatum, aut æstimationis ejus, secundo æque an sit cedenda actio ad finem pretii prædicti prædii? Et respondet Papinianus, utrique heredi legatum ademptum videri, & pretium prædii, quod rediit in corpus patrimonii, inter heredes dividi pro portionibus hereditariis. Obscura videtur esse admodum ratio hujus responsi: faciemus perspicuum sine negotio. Primum dico, ademptum legatum videri primo, quia testator prædium nuda & mera voluntate alienavit, non urgente necessitate ingratius, ut ait l. rem legatam, hoc tit. l. fideicommissa, §. si rem, d. leg. 3. Testator qui rem legatam vendidit urgente necessitate, non videtur adimere legatum: at qui nuda voluntate rem legatam vendidit, videtur adimere legatum: proinde primo ademptum videtur legatum prædii, secundo etiam suum legatum ademptum videtur, quia causâ legati deficit. Ideo enim testator secundo legavit partem nominis ad finem æstimationis prædii, ut æqualitatem consequeretur inter heredes, ut id prædium æquo animo fineret secundus habere primum coheredem suum, quia causâ cessat primo adempto legato. Unde consequens est, quasi cessante causâ, & secundo ademptum esse legatum, quod est singulare responsum Papin. nunquam memoria obliviscendum. At contra hoc responsum tentari potest ex l. pater, hoc tit. neutri esse

A ademptum legatum, quia pretium quo prædium testator distraxit in corpus patrimonii rediit, ut posuimus. Et non videtur absumptum, quod in corpus patrimonii est verum, quod latius exposui lib. 7. ad d. l. pater. At ut diffidium omne componatur inter hanc & illam l. ammadvertendum est, l. pater loqui de pecunia legata, hanc leg. de prædio legato. Facilius autem prædii, quam pecuniæ legatum extinguatur vel adimi, aut ademptum intelligi, quia pecunia semper hereditati inest, non quidem eadem species pecuniæ, sed quantitas pecuniæ, summa, potestas, facultas, la valeur. Quantitas dicitur in l. i. de contrah. empti. summa, in l. si pona, §. si falso, de condi. indeb. potestas in l. ideoque, ff. de eo quod certo loco, facultas, in Epistolis ad Atticum: Natura, inquit, numerorum & facultas: natura, est la loy: facultas, la valeur. Denique pecunia, id est, quantitas semper inest in bonis, id est, mille aureos habere videtur, qui prædia habet digna mille aureorum: prædium autem, quod distraxit testator, plane hereditati abcessit, nec videtur inesse hereditati, licet pretium ejus inest, puta, redactum in corpus patrimonii, & ita ad l. pater, respondendum est. Ad l. 25. de adim. leg. quam nunc exposuimus hoc unum est, quod addi maxime velim in illa lege, hæc verba, testatorem prædium distraxisse, quod uni ex heredibus prælegaverat citra ullam offensam ejus, cui prælegaverat, hæc inquam verba, citra ullam offensam, non esse otiosa: nam si apud testatorem heres, qui prædium per præceptionem acceperat, in gravi offensâ fuerit secundum distinctionem l. 3. §. ult. adhibita l. a. eod. tit. ei soli nocet, quod prædium testator distraxit, id est, ei soli intelligitur ademptum prædium, qui eum offenderat, non etiam secundo coheredi, in quem testator iratus & infensus non fuit: ideoque in ea l. Papin. adjicit, eum distraxisse prædium primo legatum citra ullam offensam primi, volens demonstrare testatorem pariter erga utrumque mutasse voluntatem, quod attinet ad legatæ, quæ eis dedit, quod attinet ad legatum prædii primo relicti, & quod attinet etiam ad legatum nominis secundo relicti ad finem æstimationis prædii. Idcirco ut conditio heredum exæquaretur, ut fit in l. 12. ff. de cond. & dem. idcirco ut eadem æqualitas perseveraret, ut eadem sit amborum heredum conditio, adempto uni legato, & alii quod relictum est ademptum esse censetur, nec peiori conditione unus habetur quam alter, cum pariter in utrumque testator fuerit adfectus, ut hoc breviter etiam Glossa notavit, & rectissime.

D Ad l. II. de Reb. dub.

Civibus civitatis legatum vel fideicommissum datum, civitati relictum videtur.

Ergo civibus civitatis certæ datum legatum vel fideicommissum, non certis civibus, sed incertis, de civitate, civitati vel Reip. quod etiam incertum corpus est, relictum videtur. Idemque est si testator dixerit in hunc modum: Civibus meis illud do, lego: quoniam illud civitati suæ legatæ videtur, ut patet ex l. pen. §. civibus, sup. de leg. 2. Et contra quoque civitati relictum, civibus relictum videtur, sicut cognationi relictum, cognatis, l. si cognatis, ff. hoc tit. Sunt enim hæc conjugata cives & civitas: cognati & cognatio. Res autem dubia fuit, quia dici poterat non civitati vel Reipublicæ, sed singulis civibus legatum relictum, qua interpretatione admittitur, cives non quasi civitas vel respub. sed quasi certi homines ad legatum vocarentur, l. cum Senatus, ff. hoc tit. Et ideo legati divisio inter eos fieret, in viriles, id est, pro virilibus portionibus, ut in l. si quid relictum, & l. civitatibus, sup. de leg. 1. Et in antiqua inscriptione: Statam Mercurii ob honorem quinquennalems posui, ejus dedicatione dedi populo viritum denarios singulos: vel etiam si perexiguum esset legatum, quod intelligeretur esse relictum singulis civibus, quod distributum in singulos ad nihilum redigeretur, ridiculum magis est, quam utile legatum, argumento

mento legis si domus, de leg. 1. l. cum post §. gener, de jure dot. Verum, sane verius est, testatorem, qui civibus certa civitatis legavit, voluisse legare non singulis, sed universis civibus, sive universitati civium, quæ uno nomine civitas appellatur: neque enim civitatem dicimus singulos cives, nec quod civitati legatum esse intelligitur, id dicimus singulis civibus debere, l. sicut, §. 1. sup. quod cuiusque universi. Et rursus, civitatem etiam non dicimus domiciliorum collocationem, & conjunctionem cinctam moribus, non τὸ οἰκισθῆναι, sed universitatem civium & inquilinorum iisdem utentium legibus & moribus. Nam inquilinos sive incolas facio partem civitatis ex Arrio Didymo apud Eusebium 15. de prepar. Evang. definiente civitatem τὴν οἰκιστῶν eius τοῖς πολιταῖς στήματα, confociationem, consortiumve inquilinorum & civium: quomobrem non civium, sed hominam. M. Tullius civitatem definit esse concilium eorumque jure sociatum. Et Plato, κλῆρος ἀνθρώπων τῶν πόλεως τὸν αὐτῶν νόμον. Ineptus autem est Azo, qui hoc loco, civibus, interpretatur administraturibus civitatis, quem & ineptiores alii plerique sequuntur. Quis enim nescit latius patere civium nomen, nec solos administratores Reipub. esse cives? Censebant illi administratores civitatis esse infar civitatis, & ideo facile admittent, legatum datum administraturibus civitatis, civitati datum videri: nec tamen animadvertent, etiam cives universos non tam esse infar civitatis, quam civitatem ipsam, & multo magis universis civibus relictum, civitati relictum videri: At fateor etiam administraturibus civitatis non nominatim relictum legatum, civitati relictum videri, sed nolo ad eos tantum hanc legem coangustari. Ergo si civibus universis legatum datur, sive administraturibus civitatis, civitati dari videtur, sicut quod generaliter datur sacerdotibus, sive clericis certæ Ecclesiæ, ipsi Ecclesiæ dari videtur, ut in l. annua, §. 1. sup. de ann. leg. quod sacerdotibus & clericis, & libertis, qui certo in templo ministerium præbeant, templo legari videtur, quia non personæ legatariorum nominatim designatæ sunt, sed templi ministerium tantum. Habita igitur in primis est ratio templi non personarum, quæ templo ministerium præbeant, quamvis ad eas sermonem direxerit testator: sicut quod episcopo legatur ab extraneo, puta hoc modo: Episcopo illius ecclesiæ prædia illa do, lego, non personæ episcopi, quæ nec proprio nomine est demonstrata, sed ecclesiæ legatum videtur, l. 41. quæ est Græca constitutio de episcopis & clericis, can. pontificis 12. quest. 3. cap. requisisti, de Testamen. quoniam legatarius non est is, ad quem sermo dirigitur, sed corpus sive collegium propter quod cuiusve intuitu & contemplatione legatum relinquatur, ut in l. si filiosam. inf. de cond. & demonstr. l. pen. C. de jur. delib.

Ad Legem LXXVIII. de Condit. & demonstrat.

Cum pupillus aut tutor ejus conditionem in personam pupilli collatam impedit: tam legati quam libertatis jure communis conditio impleta esse videtur.

Uo sunt hujus leg. responsa: quod ad primum responsum attinet, fac, pupillo herede instituto libertatem aut legatum relictum sub conditione collata in personam pupilli, & pupillum non pati, ut conditio impleatur, pupillum impedire conditionem ne impleatur, & per hoc ne libertatem aut legatum præstet. Queritur, an conditio habeatur pro impleta secundum jus commune? quod proponitur in l. in jure, de reg. jur. Et respondet Papinianus, haberi pro impleta, quod subtilius examinandum est. Id quidem sane sine dubio verum est, si conditio collata in personam pupilli consistat in facto, veluti, si pupillo biennium servierit, vel, si cum pupillo moratus fuerit, quoniam, ut ea conditio impleri potest in personam pupilli citra interventum vel auctoritatem tutoris, ita & a pupillo solo impediri potest, quo minus impleatur, & habebitur pro

impleta, l. si servus 10. de solut. At si conditio in ratione consistat, quæ collata est in personam pupilli, veluti, si pupillo decem dederit, non potest impediri ejus conditionis effectus a pupillo solo, quia nec in personam pupilli solius impleri potest, citra interventum tutoris, ne scilicet datio, ut ait d. l. si servus ex imbecillitate pupilli pereat, id est, ne datum pupillo soli, pupillus mox dissipet, atque disperdat, quo pertinet etiam l. 13. hoc tit. Sed si interveniente tutore, auctore tutore, pupillus recuset accipere oblatam pecuniam, tum sane hæc conditio, quæ in datione & acceptione consistit, pro impleta habebitur: & ita qualisquis sit conditio, adhibita hac distinctione pro impleta habebitur. At quod dicitur, jure communis conditionem pro impleta haberi, si per eum fiat, in qua conditio collata est, vel in ejus personam implenda est, id patet etiam ex l. 14. hoc tit. Legatum relictum est sub hac conditione, si statuas illas in municipio posueris, & legatarius paratus quidem est eas ponere, sed locus a municipibus non datus, conditio habetur pro impleta, & statim legati petitio est. In antiquis inscriptionibus solet notari locus ponendarum statuarum, vel extruendi monumenti datus decreto decurionum, ut intelligatur jure statuas esse positas, vel extructum monumentum. Id vero notatur vulgo his singulis & singularis literis, one L. & trois DDD. quæ singula ita explananda sunt, locus decreto decurionum datus, quod integra oratione in Brundisina inscriptione legitur Græca hujusmodi, τὸν τόπον τῆς θάλας ἐν τῷ ποταμῷ Ἀνδριανῶν, loco dato decreto curiæ. Et apud Diogenem Laert. in Empedocle, Ἀρρίωνος τὸν διατεταμένον αὐτῶν τῶν τοῦ θεοῦ τῆς κατὰ τὸν νόμον. Acron, inquit, petente locum a decurionibus ad extruendum monumenti pateris. Aliquando locus dabatur indulgentia Pontificum ob religionem soli, ut in alia inscriptione antiqua, INDULGENTIA PONTIFICUM LOCUS DATUS EST. Et ita in d. l. 14. si quod locus non datur decreto decurionum in municipio, legatarius non ponat statuas, conditio pro impleta habetur. Et hoc est certissimum.

Ad §. Disjunctivo.

Disjunctivo modo conditionibus adscriptis, alteram defecisse non oberit, altera vel postea impleta. Nec interest in potestate fuerint accipientis conditiones, an in eventum collata.

Inge, legatum datum sub conditione disjunctiva, hoc pacto: si heredi decem dederis, aut, si Capitolium ascenderit. Disjunctio non habetur pro conjunctione, quoniam unam ex iis conditionibus impleri satis est, quam volet legatarius impleri, utramque impleri nihil attinet, §. pen. Institut. de hered. instit. Et notat Papinian. hoc loco, nihil interesse utrum conditiones sint potestativæ, ut in exemplo proposito, an casuales, sicut Justinian. loquitur, veluti, illi centum do, lego, si navis ex Asia venerit, aut, si Titius consul factus fuerit. Alterutram conditionem impleri satis est, & tamen quandoque disjunctio pro conjunctione accipitur, ut in l. saps, de verb. signific. non tamen ita accipitur hoc loco, nec duplici conditione legatarius oneratus esse intelligitur. Casuales conditiones sunt, quæ in eventum conferuntur. Potestativæ quæ sunt in arbitrio & potestate accipientis. Et accipere conditiones dicitur hoc loco, is, cui imponuntur & adscribuntur cuive dantur: nam & conditiones in hoc titulo sæpe dari dicuntur. Posset tentari si utraque conditio, quæ adscripta est disjunctivo modo sit potestativa, a legatario utramque esse implendam, quod ei sit in facili utramque implere, quoniam utraque pendet ex arbitrio ejus & libidine: sed nihil interesse ait, inter hæc duo genera conditionum, an ergo erit in electione legatarii, vel fideicommissarii, implere conditionem quam voluerit? Sic videtur, & patet ex d. §. penult. eliger legatarius quam volet, ut impleat, alteram omittat. Verum huic sententiæ obstat l. sub diversis, sup.

sup. hoc tit. quæ, si sub diversis conditionibus legatum disjunctim relictum sit, legatarium, ait, parere debere novissimæ conditioni, non cui voluerit. Sed ut respondeam, ibi disjunctim, est separatim, diversis partibus testamenti; ut si prima parte testamenti legetur sub una conditione; deinde in altera parte eidem etiam legetur eadem res sub alia conditione, hoc casu novissimæ conditioni parere necesse habuit: in legatis novissimæ scripturæ valent, aliter quam in libertatibus, *l. si mihi & tibi §. ult. de leg. 1.* Hoc autem loco disjunctim, sive disjunctivo modo, est quidem separatim, sed eadem parte testamenti, eodemque tenore continuato orationis, quo casu legatarius paret priori, aut posteriori pro arbitrio. Hic est finis hujus l. Sequitur longe celeberrima in hoc ipso titulo.

Paulo antequam venirem, scripto viri cuiusdam doctissimi admonitus sum, quod dixi non ita dudum in *l. 78. de leg. 2. §. etiam*, explicans breviter sententiam *leg. 3. de usur.* iniquum videri, ut scilicet Resp. quæ iustum habuit causam litigandi, si moram faciat post condemnationem & tempus iudicati, usuras dependat a tempore litis contestatæ ad sententiam, usuras dependet, inquam, hoc ne iniquum videatur, imo æquissimum, nempe sicut est in regula iuris, ut unicuique mora sua noceat, ut unusquisque moræ suæ penam suserat: hanc vero esse penam moræ factæ post tempora iudicati, post indulgentiam iusti temporis, ut is, qui moram fecit, retro a die interpellationis in diem sententiæ præster usuras, quasi scilicet & retro intelligatur fuisse in mora, quamvis re vera non fuerit in mora, nisi post tempora iudicati, quasi, inquam, & retro intelligatur fuisse in mora, qui nec iudicatus paret, nec agnoscit gratiam humanitatis causa lege sibi dati temporis conquirendæ pecuniæ, & iudicatio faciendi? Hæc est penæ ex decreto Marci Antonini, quæ proponitur in *d. l. 3.* ut quasi retro agatur mora, damneturque iudicatus quasi mora facta etiam ante sententiam post interpellationem.

Ad Legem CII. de Condition. & demonstrat.

Cum avus filium ac nepotem ex altero filio heredes instituit, ac nepotem petiit, ut si intra annum trigessimum moreretur, hereditatem patruo suo restitueret, nepos liberis relictis intra datam superscriptam decessit vita, fideicommissi conditionem conjectura pietatis respondi desecisse, quod minus scriptum, quam dictum fuerat, inveniretur.

Species hujus legis hæc est: Quidam filium & nepotem ex alio filio jam defuncto heredes scripsit vel nuncupavit, qui & ab intestato ei pariter heredes extitissent, & nepotem rogavit, ut si intra trigessimum annum ætatis vita decesserit, portionem suam filio, id est, patruo suo restitueret. Deinde nepos intra eam ætatem vita decessit relictis liberis & patruo superstitibus. Queritur, an patruo fideicommissi debeatur? Et ante Papinianum utique respondissent alii juris auctores patruo fideicommissum deberi, cum sit ei relictum simpliciter post mortem filii patris, quæ contigit intra præscriptam ætatem: At primus Papinian. qui mirum in modum auxit suis conjecturis suæque prudentia admirabilis, & locupletavit ius civile: primus, inquam, Papinian. induxit in hoc genere fideicommissi tacitam conditionem inesse: si nepos sine liberis vita decesseret, quæ deficit relictis liberis, nimirum capta conjectura a verisimili, ex intentione voluntatis avi, ejusdemque testatoris, & pietate pia, quæ duci videtur avus non tantum erga nepotem, sed etiam erga pronepotes ex eodem nepote. Itaque hoc casu verisimilius est, minus scripsisse testamentarium, id est, scriptorem testamenti: plus dixisse, vel distasse, vel nuncupasse testatorem: testamentarium omnis fidei conditionem illam: aut sane testatorem ipsum minus scripsisse, plus scribere voluisse, quæ est sententia hujus responsi. Et similem conjecturam interpretationemve etiam in aliis causis alii Jurisconsulti admittunt,

A ut plus dictum, minus scriptum intelligatur: ut scriptum suppleatur interpretatione, ut in *l. 1. §. ex fundo, & l. quotiens, §. 1. de hered. instit. l. unum ex familia §. pen. de legat. 2.* Quo exemplo audeo Papinianum & eandem interpretationem introducere in specie propolita, & quum ait, minus scriptum quam dictum inveniri, tacite significat, hanc sententiam sive conjecturam suam non esse sine exemplo: denique non esse inauditam & novam, quod & in aliis plerisque causis juris auctores interpretantur, plus dictum, quam scriptum. Celebratur autem hoc responsum Papiniani ab Imperatore Justiniano in *l. cum acutissimi, C. de fideic. l. generaliter, §. cum autem, C. de inst. & subtit.* Sed longe alia ratione in eis constitutionibus Justinianus proponit aut refert speciem quasi positam a Papiniano, quam ponatur hoc loco. Sane non quasi nepos patruo avitam, ut proponit Papinian. & expofui initio, sed quasi filius alii cuilibet post mortem suam paternam hereditatem restituere rogatus sit: idque facit Justinianus vel ex ampliore responso Papiniani, quam sit relatum hoc loco, vel alio in Digestis, vel per consequentias responsi Papiniani, ut si in partem nepotis intelligitur testator pronepotes ex eodem nepote, qui modo supervixerint nepoti, quod requiritur, ut in *l. ex patre, §. si quis autem, inst. ad Trebell.* Eos, inquam, prætulisse filio proprio: ita etiam intelligatur in partem locumque filii sui nepotes, aut pronepotes, aut abnepotes descendentes ex eodem filio prætulisse cuilibet fideicommissario, etiam ecclesie, ut quidam censent recte, tamen fideicommissio expressa non iniecerit conditionem: si supra dictis constitutionibus ad hoc exemplum statuit locum habere generaliter, puta, hæc est generalis definitio, puta, inquam, ut semper quicumque parentes quibuscunque fideicommissarii vel liberis, vel extraneis, fideicommissum reliquerint a liberis cuiuscumque sexus vel gradus, vel conditionis, ac proinde, etiam a liberis naturalibus, ut exprimit Justin. in *d. l. generaliter*: vel ut quidam sentiunt non male, etiam a liberis adoptivis, qui jure heredes instituti sunt, quibusve legatum aut fideicommissum speciale relictum sit sub onere fideicommissarii restituendi post mortem suam, huic fideicommissio tacite inest hæc conditio, si sine liberis vita decesserit, id est iustus liberis: nam naturales liberi fideicommissarium non excludunt, nisi appareat hanc fuisse voluntatem defuncti, ut docui lib. 8. ex *l. cum pater, §. volo, de leg. 2.* Atque ita hereditate, legato, fideicommissio relicto liberis sub onere restituendi post mortem suam, cum, ut ait *l. cum acutissimi*, liberos restitutionis post mortem oneri subegit, ubi scribendum, *subjecit* ex vestigiis antiquæ scripturæ: eo, inquam, casu non separamus naturales liberos a iustis, sed indistincte dicimus non aliter liberos vel iustos, vel naturales, fideicommissio quo onerati sunt obstringi, quam si sine liberis vita decesserint, quamvis expressim ea conditio adscripta non sit. At interpretatione tacite vel expressæ conditionis hujus, proculdubio separamus liberos iustos a naturalibus, & dicimus, deficere eam conditionem susceptis iustis liberis, non etiam susceptis liberis naturalibus tantum, *d. l. generaliter in fine*, illo loco, *sine iusta sobole*, & multo minus accersitis liberis adoptivis, ut *l. fideicommissum hoc tit.* Etiam illud observandum maxime est, huic responso Papiniani locum esse in liberis heredibus, aut legatariis, aut fideicommissariis, non in extraneis, etiam si parentes sint testatoris: vel cognati, ut Bartolus & alii notant: nam si patrem vel fratrem vel extraneum heredem scripserit, & rogaverit post mortem suam hereditatem alii restituere simpliciter, non intelligitur fideicommissio inesse conditio, si sine liberis decesserit, quia in extraneo cessat pietatis conjectura, & quia de liberis tantum testator loquitur Papinian. & Justinianus: liberi autem testatoris non sunt, qui nascuntur ex patre eodem, vel ex matre eadem, ex fratre vel extraneo, sicut nec ipsi pater, frater extraneus testatoris sunt liberi, si tu mihi non ex ex liberis, nec liberi tui sunt mihi ex liberis. Illud quoque obser-

vandum est, huic responso locum non esse in fideicommissio praestando post mortem liberorum, non in eo, quod in vita liberorum praestari debet, quia singulare est Papiniani responsum: ergo sine lege id nobis procudere, vel ampliare non licet. Et ita Joannes sentie recte in *d. l. cum acutissimi*, & probat Bartolus optima ratione, quia si fideicommissarium praelitit testator liberis ipsis viventibus in casum diemve certum, & multo magis liberorum liberi, quia non debent deterioris esse conditionis liberi, quam liberorum liberi, *l. pen. §. nam licet, C. de bon. matern.* Item observandum est, fideicommissum, de quo agimus, expirare postea agnatis liberis ei, qui fideicommissio oneratus est, non etiam, si jam liberis heredibus, aut legatariis tempore testamenti nati sint liberi, nec hoc ignoraverit testator: quia manifestum est testatorem, qui hoc non ignoraverit eis liberis praelitisse fideicommissarium. Et aperte *d. l. cum acutissimi* loquitur de iis tantum liberis, de quibus non cogitavit testator. Hæc sunt verba legis, quod scilicet nondum essent in rerum natura. Postremo ad hæc queritur, quia ex Novella Justiniani 123, quæ repetita est ex lege 52. quæ est lex Græca, *C. de epis. & clericis*, fideicommissum relictum ab herede vel legatario sub conditione, si sine liberis decesserit, non debetur, tamen si heres aut legatarius decesserit sine liberis, si modo monachus aut clericus factus fuerit, & bona subiecta fideicommissio in pias causas consumpserit, vel reliquerit, quasi monasterium aut Ecclesiam, cui se devovit, sit ei loco filii naturalis, nisi scilicet fideicommissum ab eo relictum sit in redemptionem captivorum, vel in exhibitionem pauperum: quod utique debetur etiam sine liberis defuncto eo in clericali vel monachismo. Quæ est sententia hujus Novellæ: sed ut initio dixi, quia id ita cavetur ea Novella, Queritur, an ad hanc Novellam etiam porrigi possit responsum Papiniani? ut scilicet tacita conditio, quæ liberis adscripta intelligatur, si sine liberis decesserint, defunctis intelligatur liberis monachis, aut clericis effectis, quod Glossa quidem putat in *d. l. cum acutissimi*. Verum tamen non est, ut ostendamus multis rationibus. Primum, quia jus singulare non temere producendum est ad alias species sine lege singulari, ergo nec responsum Papiniani quod singulare est, nec Novella Justiniani, quæ etiam jure singulari conditionem fideicommissi, quæ reapse extitit, pro defecta habet. Item quia Novellæ locus etiam est, extraneis heredibus institutis, ut patet ex contextu ejus. Huic responso non est locus, extraneis heredibus institutis, ut ante demonstravi, quæ varietas efficit, ne convenire invicem possint responsum Papiniani, cumque eo congruentes Justiniani constitutiones duæ, & supradicta Novella repetita ex *d. l. 52*. Item, quia si responsum Papiniani trahamus ad eam Novellam, eveniet, ut duo singularia concurrant in eandem speciem, puta, ut fideicommissio in sit conditio, quæ non est expressa ex hoc responso, & ut defunctis conditio intelligatur, quæ extitit ex supradicta Novella. Duo autem singularia vix aut ne vix quidem concurrunt in eandem speciem auctore Accursio in *l. cum post, §. generaliter, de jur. dot.* Non omittam ejus Novellæ sententiam posuisse Iheronimum in *C. sub tit. ad Sanatusconf. Trebell.* his verbis, quæ referri & aptari debent ad initium legis jubemus, quæ præcedit: hæc sunt verba, nisi rogati restituere datum dotis causa, vel propter nuptias donationis, vel relictum sub conditione nuptiarum, vel liberorum, monasterium, vel alium locum venerabiliter ingrediantur. Nihil addi amplius oportet: nam quæ sequuntur verba, vulgo in ea παρὰ τὸν Iheronimum, sive restitutio, sive sustitutio fiat sub prædictis conditionibus, sive in redemptionem captivorum, seu in egenorum alimenta: Hæc, inquam, postrema verba abstant a veteribus libris, nec agnoscuntur ab Accursio vel aliis interpretibus, & falsa etiam eorum verborum sententia est: nam multum interest substitutio, sive restitutio, id est, fideicommissum relinquitur in redemptionem captivorum, vel in alimenta pauperum, quoniam hujus fideicommissi petitio est, etiam herede clerico effecto, vel

A monacho, si illiberis fuerit, ut Tertullianus loquitur, si orbus fuerit: an vero fideicommissum relinquitur in aliam causam personamve profanam, quia hujus fideicommissi ex ea Novella petitio non est herede clerico factio vel monacho, nullis relictis liberis. Itaque obli-
teranda sunt ea postrema verba.

Ad Legem XIV. ad Legem Falcidiam.

Pater filiam quæ a viro divorcerat, heredem pro parte instituit, & ab ea petit, ut fratri & coheredi suo portionem hereditariam acceptam deducta sexta restitueret, admissa compensatione dotis in Falcidia ratione: si pater dotem consentiente filia non petisset, Falcidiam quidem jure hereditario, dotem autem jure proprio filiam habituram respondit, quia dos in hereditate patris non inveniretur.

Continet hæc lex tria responsa, quorum ad primum quod attinet, sciendum est divorcio facto bona gratia, vel culpa mariti, vitio mariti, aut morte mariti soluto matrimonio, dotem profecticiam, quam pater dedit pro filia de suo, patrem non posse repetere, nisi adjuncta & consentiente filia, quam habet in potestate: nam si sit emancipata filia, propria dotis repetitio est: si sit filiafamil. communis est dos, communisque repetitio dotis, ut nec pater sine filia, nec filia sine patre possit agere adversus quondam maritum de recuperanda dote, *l. 2. §. 1. & l. 2. §. sup. sol. matrim. l. 2. §. l. filia, C. ex. tit. l. Titia, §. qui invita, de leg. 2. l. qui hominem, §. si gener, inf. de sol. l. ut. ff. de coll. dot. filiam, proprium habent peculium castrense, vel quasi castrense: filiafamil. dotem etiam profecticiam, maxime mortuo patre, & viro patre communem, magisque filiam quam patris, etiam profecticiam dotem. Ergo filia, quæ patri heres extitit, qui nondum repetita dote viro decessit, non repetit dotem jure hereditario, vel in eam non transfertur repetitio dotis jure hereditario, quia non invenitur in hereditate patris, sed in bonis filie. Ideoque eam repetit jure proprio, ut lex ait hoc loco, jure suo, ut in *l. 81. ff. pro soc. quæ & exheredata eam repeteret. Vis scire quam non repetat eam jure hereditario, sed suo jure, etiam exheredata eam repeteret, l. si socer, §. 1. inf. sol. matrim. l. un. §. videamus, C. de rei ux. act.* Quibus præmissis, siage: filiafamil. pro qua pater marito dotem dederat, divorcium a marito fecit bona gratia, vel vitio mariti: post divorcium dote, voluntate filie uti oportet a patre nondum repetita, pater filiam & filium heredes instituit ex æquis partibus, & filiam pure rogavit, ut partem, id est, semissem restitueret fratri & coheredi suo, non quidem deducta quarta, id est, secuncia, *unde once & demie*, quæ tamen ex lege Falcidia deducenda retinenda est, quoniam in singulis heredibus separatim ponitur ratio legis Falcidie, *l. in singulis, inf. hoc tit.* Sed rogavit eam restituere partem suam fratri, deducta sexta tantum, id est, uncia, & ut semunciam, quæ Falcidia deest, compensaret cum dote, quam pro ea dedit pater: hæc est voluntas patris ultima. Queritur, an hæc compensatio admittenda sit supplendæ Falcidie gratia, hoc est, semuncie. Et responderet, huiusmodi compensationem non esse admittendam. Nec enim heres quicumque cogitur compensare in Falcidia rationem, quod alius ei debet, non testator, & post divorcium mortuo patre, qui dotem voluntate filie nondum petierat, soli filie maritus, a quo divorciat, dotem debet, *l. in inf. fam. in princ. sup. sol. matrim.* quæ maxime ad hunc locum pertinet. Itaque dotem quidem filia a marito recipiet jure suo, quasi sibi debitam, jure propriæ obligationis, propriæ actionis de dote sua recuperanda; Falcidiam autem, id est, secunciam integram recipiet*

ciptet jure hereditario, five jure testamenti, ut ait *l. qui duos, de vulg. subst. l. si legatus, ff. ad Trebellian.* Falcidia jure hereditario five jure testamenti percipitur. Et hæc quidem est sententia hujus responsi & species. Posui patrem vita decessisse, quod & vulgo ponunt fere omnes, voluntate filiz nondum repetita; vel petita dote, quia verba illa hujus legis, *si pater dotem consentiente filia non petisset*, sic accipio, si nullo modo dotem petisset, & recuperasset, si tacuisset, ut & in *d. l. in insulam*. Hæc verbas, *pater qui dotem consentiente filia non petierit*, hoc significant, nullo modo petisse aut exegisse patrem; denique aliud est dicere, si pater dotem non consentiente filia petierit, quod sermone significatur quidem petisse patrem, sed non consentiente filia, non efficaciter, non uti oportet: aliud dicere, si pater dotem consentiente filia non petierit, quod est simpliciter, si prorsus dotem non petierit, aut petens satis non egerit. Inde questiones tres existunt; primum quid sit dicendum, si pater priusquam moreretur dotem exegerit consentiente filia: an hoc casu admittenda erit compensatio ejus, quod Falcidia deest cum dote, quam secundum jus vetus non recepta distinctione nova Justiniani, que est in *l. uti. C. comm. intr. jud. filia post mortem patris*, propriam & precipuam habitura est? Et mihi quidem videtur admittendam esse compensationem, quia exacta dote voluntate filiz, proculdubio rediit in bona patris, atque adeo in hereditate patris invenitur, quod demonstrat *l. 10. ff. de bon. damn.* quæ est una ex iis, quæ Basilica Digestis restituerunt: nam ante Basilica etiam Florentinæ Pandectæ erant imperfectæ, sed dos rediit isto casu in bona patris, cum sua causa scilicet, ut filia dos servetur integra & imminuta, quoad alii nubat, vel cum eodem redintegret nuptias, *l. 81. sup. pro soc. Rursus*, & hæc est secunda questio, quid sit dicendum, si sine voluntate filiz pater dotem exegerit; deinde vita decesserit? Et videtur idem dicendum prima facie, quia dos facta est in bonis patris per restitutionem mariti. Idem, inquam, videtur dicendum esse, ut scilicet in ratione Falcidiz compensatio admittatur dotis, non totius utriusque dotis, sed pro modo unciz, quam filia solam deducere iusta est, quia eatenus consumitur, minuiturve actio dotis, quæ filia adversus maritum competit, cum non jure pater dotem exegerit, id est, quam cum exegit invita filia, *l. si cum dote, §. si pater, inf. sol. matrim.* videlicet, si amplior sit dos quam uncia: Superfluum autem dotis, quod dos amplior est uncia, mulier suo jure persequitur, & repetit a marito, *l. Titia §. qui invita, sup. de legat. 2.* Maritus autem, quod mulieri restituerit, mox repetit per conditionem sine causa a coherede mulieris pro deunce, qui ad eum pervenit partim jure hereditario, partim jure fideicommissi. Sola uncia mulieri servatur, *l. qui hominem, §. si gener, inf. de solut.* Et ideo superfluum, quod filia consequitur a marito jure suo, non compensabitur cum eo, quod Falcidiz deest. Et hoc, ut dixi, si amplior sit dos quam uncia, quæ sola remanet apud filiam ex judicio testatoris: quod si eadem sit quantitas dotis, & unciz, tunc sane totam dotem filia compensat cum eo, quod Falcidiz deest, quia ejus dotis nomine nullam actionem efficacem adversus maritum habet, quamvis patri solverit dotem invita filia, quoniam quidem tantum filia cepit ex bonis patris, quantum doti satis est; & ideo compensare debet dotem, nec petere a viro cum eo, quod ei dedit pater, id est, cum uncia, *d. l. si cum dote, §. si pater*. Idemque dicendum est, si uncia quam ex sua portione retinet filia, major sit dote; fac, dotem non plurius esse, quam semunciam: nam & hoc casu, non est filia utilis, & efficax actio dotis adversus maritum, qui dotem solvit patri sine filia, cum plus ea filia cepit ex bonis patris, quam sit in dote: & ideo semunciam, quanti est dos, compensare debet cum semuncia, qua Falcidiam suppleri desiderat. Tertia questio hæc est, quid sit dicendum, si pater dotem petierit sine contestata adversus maritum? Alioquin non videtur petiisse, qui litem contestatus non est, ut recte Glossa notat ex *l. amplius, rem*

pat. hab. Quid igitur sit dicendum, si pater dotem petierit cum marito lite contestata, & antequam dotem exigeret, & exprimeret a marito, vita decesserit? Facile est respondere huic questioni. Respondeo, idem juris esse in dote petita a patre, quod in dote exacta, eandemque distinctionem adhibendam esse, videlicet utrum pater petierit dotem volente filia, utrum patre interim mortuo, filiz etiam secuta condemnatione mariti, propria sit exactio dotis, nec in heredem patris: aut coheredem pro parte suam transmittatur, quod ostenditur recte in *l. si marito, §. si voluntate, sup. sol. matrim. l. un. §. & hoc C. de rei uxor. act.* Nam non omnes actiones, quæ contestatæ sunt a defuncto, transeunt in heredem, ut actio dotis a patre contestata volente filia, non transit in heredem patris, sed exactio est propria filiz: & ideo hoc casu non admittitur hæc compensatio, quia filia dotem habet proprio jure, non beneficio patris. An vero pater dotem petierit invita filia, ut cum admittatur secundum subdistinctionem ante propositam in dote exacta sine voluntate filiz in secunda questione. Et hæc quidem omnia ita procedunt, si pater initio dandæ dotis, ut in *l. quotiens, sup. sol. matrim.* stipulatus non sit divorcio factio dotem sibi reddi: nam si stipulatus sit sibi reddi, propria est actio patris, non communis patri & filiz, non propria filiz, atque adeo transferitur in heredes, etiam in filiam, si heres extiterit patri, pro qua parte extiterit, & compensatio admittitur, quia capit partem dotis jure hereditario.

Ad §. Avia.

Avia nepotibus hereditibus institutis fideicommissit, ut omissa retentione, quæ per Falcidiam ex alio testamento competebat, solida legata fratribus & coheredibus solveret. Recte datum fideicommissum respondit; sed hujus quoque onus in contributionem venire.

Species hæc est: habeo quatuor nepotes, primum, secundum, tertium, & quartum. Ex iis nepotibus L. Titius extraneus quidam duos sibi heredes instituit, tertium & quartum, & ab eis legata dedit primo & secundo, & aliis forte extraneis, ita ut legis Falcidiz ratio intercederet: postea ego nepotes quatuor mihi heredes institui, & tertio ac quarto fideicommissi, ut solida legata ex testamento Lucii Titii fratribus & coheredibus suis primo & secundo solverent, quamvis interveniret Falcidia, non retenta Falcidia: denique ut Falcidiam sibi competentem ex testamento Lucii Titii primo & secundo fratribus & coheredibus suis condonarent & remitterent: & aliis quoque fideicommissis vel legatis oneravi eosdem nepotes meos, tertium & quartum, ita scilicet, ut & ex meo testamento sicut ex testamento Lucii Titii, eis competat beneficium legis Falcidiz: Papinianus ait hoc loco, in inveniunda ratione legatorum & fideicommissorum, quæ a tertio & quarto dedi, etiam ceteris fideicommissis contribui & connumerari onus illud fideicommissi, ne scilicet ejus testamenti jure, quod Lucius Titius fecit ex legatis in eo fratribus relictis, primo & secundo deducant Falcidiam, quæ eis jure competit. Et hoc est quod ait Papinianus, hujus quoque fideicommissi onus, ne utantur Falcidia, in contributionem venire, five in computationem legis Falcidiz. Contribuere legata aut fideicommissa est, in inveniunda ratione legis Falcidiz, ea communi calculo subicere, *l. ii. §. quæstio, sup. hoc tit.* Ideoque quanta est Falcidia, quæ tertio & quarto ex testamento Lucii Titii competet, de legatis primo & secundo relictis, tantum testamentum meo a tertio & quarto per fideicommissum reliquidæ videor primo & secundo: & fideicommissum valeat; *fideicommissum*, inquit, recte dictum respondit. Cur vero recte, non simpliciter? quia rem vel jus heredis sui nemo non recte legat, §. non solum, *inf. de legat.* etiam inveniendi modo, ut Ulpianus scribit *lib. reg. ad. tit.* Sicut & recte constat, servum heredis manumitti testatorem prohibere, pe-

rinde ac si suus esset servus, l. 9. §. ult. inf. de man. testam. Sed idcirco maxime Papinianus respondit, recte datum fideicommissum, quia datum ita est, id est, citra fraudem legis Falcidiae, quam excogitavit testator. Nam etsi non possit testator cavere, etsi non possim ego cavere, ne in meo testamento Falcidiae ratio habeatur, sed solida legata ex eo praestentur sine deductione Falcidiae, etsi hoc frustra caveam in fraudem legis Falcidiae secundum ius vetus, quod obtinuit ante Iulianum. l. seq. §. ult. l. 1. §. 1. I. nemo potest, de leg. 1. sine fraude tamen legis recte caveo; ne heredes quodammodo ex alieno testamento competentem sibi Falcidiam deducant, quia non id ago, ut fraudem faciam legi Falcidiae, sed ut hoc beneficium sive fideicommissum numerem nepotibus meis mihi carioribus. Verum enimvero, ut subiicit Papin. hoc quoque inter cetera fideicommissum lex Falcidia minuet, quia in meo testamento locum habet, ut si quarta tertio & quarto de legatis primo & secundo relictis competens ex alieno testamentum sit centum, verbi gratia, ex ea quarta iure testamenti mei tertius & quartus deducant 25, quasi re sua aut iure suo legato: nam non solum ad res proprias testatoris legatas lex Falcidia pertinet, sed etiam ad res alienas, l. 1. §. non solum, h. t. Ergo & ad res heredis, iurave heredis legata, ut patet ex hoc responso, non quidem ita ut Falcidia deducatur ex rebus alienis, aut ex rebus heredis legatis, sed ex pretio earum, quod ex bonis defuncti dominis rerum praestatur: legata enim debebantur ex bonis testatoris, non ex alienis bonis: legatum est delibatio hereditatis testatoris, non hereditatis bonorumve alienorum, l. legatum, sup. de leg. 1. & inde, non delibata hereditas, id est, non onerata legatis, apud D. Ambrosium oratione quadam funebri: & eodem sensu, Illibatus quadrans in l. 20. §. Papianum. eris. heredes igitur, a quibus testatorem aut ius eorum legavit duplici deductione utentur: nam & pretium rei, iurive sui deducunt, & rem inferunt bonis testatoris, quae commixta aliis bonis defuncti, si omnia efficiant quadringenta verbi gratia, & legata sunt quadringenta, rursus heredes ex hac summa deducunt centum. Et haec est sententia & propria species huius responsi, quam & secundo loco attingit Accursius. Paulus & Alexander aliam speciem composuerunt, nempe, hoc modo: nam & hac nobis examinanda est. L. Titius, qui in bonis habuit quadringenta, me heredem instituit habebant quatuor nepotes, primum, secundum, tertium, & quartum, & duobus ex eis nepotibus meis, primo & secundo a me legavit quadringenta, si legis Falcidiae beneficio uti volo, non praestabo primo & secundo intacta & integra 400, sed trecenta tantum, ut centum salva habeam & sana, iure Falcidiae. Verum antequam inirem & ponerem rationem legis Falcidiae, mihi deducere illa centum, facto testamento eosdem nepotes quatuor, mihi heredes institui ex aequis partibus, & rogavi tertium & quartum, ut solida 400. ex testamento L. Titii fratribus & coheredibus suis, primo & secundo solverent, nec Falcidia uterentur, qua alioquin uti possent ex persona mea. Nam non tantum heredi Falcidiae deductio est, si oneratus sit legatis, sed etiam heredi heredis, l. 10. C. de test. l. 1. §. 1. rursus quod legat. Et insuper eosdem nepotes meos, tertium & quartum aliis oneravi legatis & fideicommissis, ita ut lex Falcidia locum habeat, fideicommissum illud quod ab eis relictum est primo & secundo valere constat, quia lex Falcidia heredis causa lata est: nec fraus fit legi Falcidiae, si ius suum deminuat heres, sibi vel successori suo, fraus fit heredi non legi, l. potest, h. t. fideicommissum igitur valet, sed perinde erit atque si primo & secundo, hoc notandum, legasset 50. a tertio & quarto, & commixtis atque confusis his quinquaginta cum aliis legatis, quibus oneravi tertium & quartum, si omnia excedant dodrantem portionum tertio & quarto adscriptarum, etiam ex illis 50. tertius & quartus Falcidiam detrahant, id est, decem cum dimidio. Lege autem Falcidia non interveniente 50. praestabunt primo & secundo pro portionibus hereditatis suis, non centum. Et

ita illi component speciem, quam non recipio, propterea, quod hac ratione fit, ut primo & secundo, non ut cavere, solvantur solida legata, id est, plena & integra, ut aliae leges loquuntur, sed pro partibus tantum tertii & quarti. Quandoquidem primus & secundus pro partibus suis hereditatis Falcidiam, quam mihi debuerunt, contribuant conferuntque bonis meis, l. 1. §. si debitor, hoc tit. l. si ei cui vendidi, §. ult. sup. de evict. ut quod ego eis debeo, deducant bonis, sic ex diverso, quod ipsi mihi debent, contribuant bonis. Proinde sola legata, id est, quadringenta primus & secundus non consequuntur, sed 350. tantum, non interveniente scilicet Falcidia in portionibus tertii & quarti, vel Falcidia interveniente 340. & unum cum dimidio. In ea autem specie, quam initio proposuimus, & magis probamus, primus & secundus solida legata consequuntur, non interveniente Falcidia, vel ea interveniente deminuto tantum, & rescisso legatorum quadrante, id est, quadrantis quadrante deducto tantum: itaque verbis Papiniani sane prima species accommodatior est.

Ad §. Ultimam.

Quibus impuberibus substitutum, utrique heredem existens, in alterius hereditate Falcidia non uti convenit, si de bonis alterius impuberis quartam partem hereditatis patris, quae ad filios pervenerit, retineat. Quod si frater fratris legitimus heres extiterit, & impuberi supremo substitutus, portio quidem paternorum bonorum, quam intestatus pater accepit, rationi Falcidiae non confunderetur, sed quartam ejus tantum portionem substitutus retinebit, quam impubes accepit, qui substitutus habuit.

Sequitur tertium & ultimum responsum, quod est in l. 14. ad l. Falcid. Pertinet ad materiam contributio- num, quia nulla est subditio in iure, & quae potissimum tractatur in l. 11. huius tit. Dux autem sunt partes huius tertii responsi, una est de substituto a patre duobus filiis impuberibus in secundum casum, quod substitutio pupillaris appellatur. Secundus casus est casus mortis, quod illis contingat, priusquam exceperint ex ephelis, priusquam pubuerint. Altera vero pars est de substituto a patre in eundem casum, et tantum, qui supremus moreretur. Primae partis species haec est: Pater qui habebat 400. in bonis, primum & secundum filios suos impuberes heredes instituit ex aequis partibus, eisque singulis separatim L. Titium substituit in secundum casum, quae, ut dixi, est substitutio pupillaris: primum partem oneraverat legatis supra modum legitimam, secundi partem non oneraverat, quia scilicet a primo legaverat ducenta: legata relicta a primo absumunt igitur portionem primi & exhaerunt, quae est ducentorum; a secundo autem nihil legaverat, aut legaverat centum duntaxat: nondum solutus legatis utroque moriente intra pubertatem, unus post alium, vel commoriente utroque simul, substitutus utrique heres extitit ex substitutione pupillari. Queritur, an ex portione primi, quae onerata est legatis, substitutus possit deducere Falcidiam, cum portio secundi, quae est integra, aut non delibata supra modum ei sufficiat ad Falcidiam bonorum, quae patet re- liquit mortis tempore? Et respondet Papinianus in prima parte huius responsi, substitutum in portione primi, quamvis onerata sit legatis, nulla Falcidiae deductione uti posse, hac ratione, quia legata contribuntur & commiscuntur tam a primo quam a secundo relicta, simul & portiones hereditariae primi & secundi, quae commixtio & confusio palam facit nullam in hac specie incidere questionem legis Falcidiae, quia portio secundi, quae est integra, quae non est onerata substituto, sufficit ad quartam Falcidiam, & mortuis impuberibus substitutus comparatur ei, qui primo loco institutus est, l. 1. §. si coheredes, l. 11. §. si filio, & §. questum, h. tit. & l. qui fundum, §. ult. ff. ad leg. Falcid. l. coheredi, §. coheres, sup. de vulg. subst. Substitutus igitur, quum extitit conditio substitutionis, invocatur ad intellectum institutionis, ut

illa leges loquuntur, id est, pro instituto habetur primis tabulis. Institutus autem ex utriusque partibus, una parte onerata, altera non item, proculdubio confunderet & committeret utraque partes, partiumque onera; ac deinde facta confusione componeret rationem legis Falcidiae. Ergo & instat instituti substitutus confunderet partes heredum institutorum, & legata ab eis relicta. Quo facto apparebit legem Falcidiam in hac specie locum non habere, quae est sententia primae partis: neque huic responso quicquam officit, quod in materia contributionum Dd. statuunt, & ego semper praecavi esse verissimum, ut ad 29. questionum, id est, ad l. 11. h. r. & ad 6. responsi id est, ad l. coheredi, §. coheres, de vulg. substit. Ita vero statuunt, quum portio integra accedit adiungiturque onerata, contributioni portionum & onerum locum esse: cum vero onerata accedit integra, contributioni locum non esse ex d. l. 1. §. si coheres, & l. 11. §. si filio, & §. questum, & l. quod si alterutro, hoc tit. Hec definitio, quam habeo pro verissima, nihil obstat huic responso, ut copii dicere, quia in specie proposita neutra portio neutri accedit, sed utraque portio est aequae principalis, & directo ac principaliter, quasi una hereditas, namve patrimonium substituto obvenit ex substitutione pupillari, & ideo contributioni locus est, perinde atque si in primis tabulis ex aere heres institutus esset, licet prius ei obveniret portio onerata, quam integra; Et quae supradictis locis tractantur, de contribuendis vel non contribuendis legatis, ad ea tantum legata pertinent, quae relinquuntur a pupillo herede scripto, & a substituto ejus, vel a duobus uni pupillo substitutis, vel ad ea, quae relinquuntur singulis heredibus institutis contribui scilicet debeant, necne, vel ad ea, quae relinquuntur ab instituto herede eodemque substituto, vel a pupillo, & coherede ejus extraneo eodemque substituto: nihil autem pertinet supradicti loci ad ea, de quibus hic agitur, quae scilicet relinquuntur a pupillis duobus heredibus institutis, quibus unus idemque substitutus heres existit, & quo nihil legatum est. Et de prima parte haec tenemus. In secunda parte hujus responsi: duobus impuberibus institutis, & unius portione onerata, non etiam alterius proponitur substitutus non utriusque datus, ut in prima parte, sed ei tantum, qui supremus moreretur: quo casu si unus post alium fungatur vita, priori defuncto frater superstes jure legitimo ab intestato heres existit, & eo postea moriente intra pubertatem, substitutus in bona ejus vocatur: in quibus bonis tametsi inveniat portionem prioris, quae ei obvenit jure legitimo ab intestato ut consanguineo, tamen eam non confundit, aut contribuit cum portione posterioris, id est, ejus qui supremus mortuus est. Fac, portione prioris esse integram, portionem posterioris oneratam, substitutus in portione posterioris, quam ex substitutione caput, Falcidiam inducere potest, licet pars prioris Falcidiae sufficiat atque largiatur, quia partem etiam prioris partis substitutus non caput ex substitutione, cum substitutus priori non fuerit, nec posterior eam habuerit ex testamento patris, sed lege ad eum redierit ab intestato, ut fraterna, non ut paterna hereditas, & ab eo deinde transierit in substitutum jure substitutionis, non quae facta est priori, quae facta nulla est, sed quae facta est supremo morienti, l. sed si plures, §. ad substitutos, sup. de vulg. substit. Haec tantum portiones confunduntur, quae sunt ejusdem hereditatis, veluti hereditatis paterna, non quae sunt aliae atque aliae, hereditatis, veluti fraterna, & paterna. Et rursum haec tantum portiones confunduntur, quae ex eodem testamento capiuntur, non quarum una ex testamento, altera ex lege, infecta origine diverso jure. Num etiam pater cogitaverit portionem ejus, qui prior vita decesseret ex lege perventuram ad posteriorem ab intestato, l. pen. C. de impub. & aliis substitutis, vel singulis, sup. de vulg. substit. non est tamen ea cogitatio patris, ne tacita quidem substituto, itaque portionem fratris, qui prior decessit, fratrem superstes caput, non veluti ex testamento patris, sed veluti ex l. 12. tabularum, jure intestati. Quod hic

Tom. IV.

A locus aperte demonstrat. Substitutus igitur in hac specie, si portio supremi morientis, si portio posterioris onerata sit legatis, ejus portionis quadrantem deducet, id est, fideiuciam, & praeter hunc quadrantem etiam habebit integram portionem intestati prioris inventam in bonis posterioris, id est, qui novissimus e vita excessit, quod & aliquando fieri idem Papinianus notat in l. 11. §. quod vulgo, sup. illo loco: Potest evenire, ut substitutus longe plus habeat quarta paterna hereditatis. Sane id evenit in specie proposita: nam habet substitutus septuncem & fideiuciam. Utramque autem partem hujus responsi Cyrillus Graecus interpretis breviter complexus est his verbis: *Εἰ μὴ ἴδῃ ἡμεῖς τὸν δῖον ἀνθρώπον ὅτι καὶ ἡ τις, καὶ οὐκ ἀποκρίσται ὁ φακίδιος; ἢ δὲ τὸ ὑπερὶ τῆς οὐκ ἐστὶν, καὶ οὐκ ἀποκρίσται.* Si quis, inquit, singulis duobus impuberibus substitutus sit, communiter habebit ratio legis Falcidiae; si vero ultimo morienti, separatim.

B Ad haec observandum est in specie primae partis nihil interesse filii impuberes simul mortui sint ruina vel naufragio, an unus post alium: utrobique enim substitutus in ratione Falcidiae confundit & permiscet utriusque partem & utriusque partis legata. At in specie secundae partis, huic responso locus est ita demum, si unus post alium vita decesserit, ut tum scilicet non fiat confusio & contributio partium vel onerum. Nam si pariter eodem momento filii perierint impuberes, confusionem admittimus, ut in prima specie, quia uterque intelligitur supremus decessisse, & substitutus utriusque succedit ex judicio patris, & substitutione pupillari, quam eis fecit pater, l. qui duos, sup. de reb. dub. l. ex duobus, sup. de vulg. substit. ubi satis ostendi ad Africanum non aliud esse dicendum in substitutione precaria, non esse in hac re separandam substitutionem directam a substitutione fideicommissaria, contra quam hic Glossa adnotavit, explicata ratione, l. eum qui, & l. heredes, §. cura ita, inf. ad Treb. quibus subnuncitur Glossa, quem etiam §. cum ita, memini me exponere superius superiore libro responforum. Ergo cum substitutionem pater fecit pupillarem ei tantum, qui supremus impubes moreretur; distinguimus, utrum simul ambo vita decesserint, & utrum quodam, an diversis temporibus: & eandem distinctionem servari volumus, si ita pater liberis substituerit: si ambo intra pubertatem decesserint, vel si uterque intra pubertatem decesserit, ut patet ex l. qui duos, sup. de vulg. substit. & l. pen. C. de impub. & aliis substitutis. Nam si diversis temporibus moriantur discretis partibus hereditariis, inducitur ratio legis Falcidiae in portione posterioris, non in portione prioris, nec ideo minus in portione posterioris, si onerata sit, quod portio prioris non sit onerata. At si eodem tempore simul decesserint, rationi Falcidiae partes hereditarias, partiumque legata contribuiamus & confundimus, communive calculo subicimus in computanda ratione bonorum & legatorum, quod & Accursius tradidit recte hoc loco, cujus Glossae omnes in hunc locum rectissime sunt, praeterquam in illa parte, qua separat substitutionem directam a fideicommissaria, ut docui in d. h. ex duobus. Idemque Antonius Polit. enarravit in hunc locum, nisi nescio qua mente in formulis concipiendis substitutionis pupillaris fexies scripsisset.

E in pubertate, si in pubertate decesserint, pro si in pupillari aetate: nam puberi in secundam casum directo substitui non potest, §. ult. inf. de pupill. substit. Et quod etiam crediderim esse vitium ejus, qui expresserat male, quod ille descriperat bene, nisi etiam quam ita substituit liberis impuberibus; si ambo mortui essent, desiderasset singulis ita substitui contra quam proponatur in d. l. pen. C. de imp. & aliis substitutis, & l. qui duos, de vulg. substit. Et hic est finis legis 14.

Priusquam veniam ad l. 8. ad SC. Treb. debeo satisfacere duobus ex vobis veri juris studiosissimis, quo genere & omnibus satisfaciam, quibus resideret adhuc

hesitationes quaedam juxta ea, quae diximus ad primum responsum l. 14. ad l. Falcid. Ac postquam ad eas

H h h h

tes

tres quaestiones, quas proposui post expositam speciem hujus responsi. Et ad primam quidem quaestionem, quod dixi, de dote a patre exacta consentiente filia, ut compensetur cum Falcidia, quia invenitur in bonis patris; ibidem obicitur, praegata etiam inveniri in bonis testatoris, & tamen non computari in Falcidiam pro ea parte, quae a coerede accipitur, ut in *l. in quartam, eod.* At respondeo, dotem filiae fuisse praegatam nusquam proponi, quia ex bonis patris filia dotem auferat tanquam praecipuam, & quasi non transmissam in utrumque heredem institutum, sed in se tantum in aliam, *l. unica, §. & hoc, C. de rei uxoris act.* Quod etiam olim obtinuisse certissimum argumentum praebeat nova distinctio, quam hac in re introduxit Justinianus in *l. ult. C. comm. uniusq. judic.* Deinde etiam si dos praegata esset, aut pro praegata haberetur, dicerem totam eam compensari in Falcidiam, quia tamen pars, quae jure legati capitur in praegato a coerede non imputetur, siue non computetur in Falcidiam, compensatur tamen, *l. Nescimus, h. filio, eod. t. l. §. ad quam mox aggredior, §. accipitur, ad Treb. l. filium quem ff. famul. creff.* Aliter est computare, aliud compensare. Et haec duo accurate semper distinguenda sunt, non confundenda, aut quod Dd. faciunt commutanda. Quod autem dixi ad secundam quaestionem, si tanti sit, quod filia ex bonis patris deducere iusta est, id est, si tanti sit uncia, quam deducere iusta est, quanti est dos, vel etiam si amplius sit, filiam dotem compensare cum Falcidia residuo, quod sibi suppleri desiderat, ibidem quaeritur, unde eam dotem habeat filia, & quo jure? Et respondeo, filiam eam dotem ex bonis patris habere videri, quod ex bonis patris tantum fert, vel amplius jure hereditario, vel jure legati, & idcirco compensat cum dote: denique agnoscendo hereditatem vel legatum, amittit propriam actionem dotis, quae in maritum a quo divertit frustra agit, *h. si cum dote, §. si pater, sol. matrim.* & quod in hereditate vel legato amplius habet, lucrificat. Item quod quaeritur, quatenus filia compenset dotem, ut habeat falcidiam? scribendum est, *falcidiam, non sextanciam.* Respondeo eam compensare totam dotem, quia posui non esse, eam amplius sextanciam, quae Falcidia deest, aut non esse amplius unciam, quam filia retinere iusta est. Postremo quod dixi ad tertiam quaestionem (secunda fuit de dote a patre exacta non consentiente filia, prima de dote exacta consentiente filia) de dote petita a patre, non etiam exacta, idem juris esse in dote petita, quod exacta, id persulorie dictum esse, cetera, quae tradidi, ostendunt, & sane mutandum est. Nam si pater dotem exegerit consentiente filia, compensatur, si petierit tantum consentiente filia, non exegerit, non compensatur, quia propria est exactio filiae, *h. si marito, §. si voluntate, sol. matrim. l. un. §. & hoc, C. de rei uxoris act.* Quod si pater dotem petierit tantum non consentiente filia, eadem quoque ratione, quia filiae exactio est propria, non compensatur: & multo majori ratione (quod unus ex illis accurate animadvertit) ne sit deterius conditionis, quae non consentit patri petenti, quam qua consentit: quod eveniret, si hac non compensaret, illa compensaret, & esset absurdum atque incongruum.

Ad L. LVIII. ad Senatusc. Trebell.

Deducta parte quarta restituere rogatus hereditatem, priusquam restitueret hereditario debitori heres extitit, quoniam actio ea confusa per Trebellianum redintegrari non potest, pecunia quoque debite dodrans, ex causa fideicommissi petatur, sed in eum diem, quo actio confusa est usurae praeterit temporis, quae in obligatione, vel in officio judicis fuerant, computabuntur, posteriores ita demum, si mora fideicommissi facta sit.

Sunt in hac lege plura responsa. Primum & secundum quoniam brevissimum, exponam: primi species haec

A est: Sempronius me heredem scripsit & pure rogavit, primum responsum est de puro fideicommissio, quod maxime ad rem facit, sequentia de fideicommissio in diem. Pure igitur me rogavit, ut deducta Falcidia Lucio Titio hereditatem restituerem: in hereditate erant nomina debitorum, quorum uni per additionem heres extitit, antequam L. Titio restituerem Sempronii hereditatem, additione extincta & confusa est actio hereditaria, quae mihi in eum debitorem competeat jure hereditario, quia ejusdem pecuniae factus sum creditor & debitor, *l. Stichum, §. addito, de solut. & l. seg. h. t. l. debitori, C. de pact.* Quae actio ita confusa redintegrari non potest, per S. C. Trebellianum L. Titio restituta hereditate scilicet, quoniam Senatusconsultum Trebellianum transfert tantum in fideicommissarium actiones, quas heres habet, & quibus obstrictus est, id est, activas & passivas: passivas, ut loquuntur, quae scilicet nunc sunt in hereditate, §. qui post, in hac lege, & in *l. seg. h. t. l. si mulier, §. ex asse, de jur. do.* Actiones autem, quae desierunt esse in hereditate, Senatusconsultum Trebellianum, ex quo restituit hereditas fideicommissario Trebelliano, neque transfert, neque redintegrat, quia S. C. illud est de transferendis tantum actionibus hereditariis, non de redintegrandis, quae cum sint extinctae per confusionem, nec transferri possunt igitur in fideicommissarium Trebellianum, & ideo deficiente auxilio Senatusconsulti, aequum est subveniri fideicommissario, ne amittat commodum ejus actionis, quae in hereditate fuit mortis testatoris tempore. Quamobrem Papinianus ait, exemplo ceterorum bonorum & ejus quoque actionis, siue pecuniae debita jure fideicommissi, deducta Falcidia, ut cavit Sempronius, debere L. Titio restituere dodrantem, dodrantem fortis, itemque dodrantem usurarum ejusdem pecuniae: usurarum, inquam, praeterit temporis, quae fuerint in obligatione, vel officio judicis usque in diem, quo confusa est obligatio, ut ait, id est, quod debitoris hereditarij hereditatem adivi: nam & ea obligatio usurarum, hereditaria est, *l. possidente, §. sed & in hujusmodi, hoc tit.* Ergo ejus dodrans in restitutionem fideicommissi venit. Ad eo autem die, quo confusa est obligatio, usurae consistunt, neque debentur fideicommissario pro dodrante, quod rursus officio judicis a me deberi incipiant, aut forte ex mora praestandi fideicommissi, quod interpellanti fideicommissario sine causa recusum restituere hereditatem fideicommissariam. Medij autem temporis inter diem confusae obligationis, & diem morae, nullae debentur usurae, quia sublata per confusionem, quae pro solutione est, obligatio principalis, sublata etiam est obligatio usurarum, quae illius sequela & accessio est. Quae est sententia hujus responsi, in quo & hoc maxime notandum, quod usuras, quae sunt in obligatione, Pap. separat ab usuris, quae veniunt officio judicis, quandoque deberi dicantur, ut in *l. mora, §. in bona fidei, sup. de usur.* tamen proprie non debentur, quia non sunt in obligatione, *l. ult. sup. de eo quod certo loco, l. qui per collisionem, §. ult. de act. emp. l. non quidquid, de indic.* Et leges insignendarum earum iudicibus tribuunt copiam, non imponunt necessitatem: in obligatione autem sunt usurae ex stipulatione in causis stricti juris, vel ex pacto certis casibus: & paucis in E strictis iudiciis, vel ex lege in omnibus iudiciis: nam & lege obligamur, *l. obligamur, §. i. de oblig. & action.* ut in causa iudicati: nam usurae rei iudicatae sunt legitime & certae, non arbitrariae: in arbitrio autem iudicis sunt usurae ex mora in bonae fidei contractibus, & in legatis, ac fideicommissis, *l. 3. C. in quib. causis rest. in integ. non est necess. & in pollicitationibus factis de imp. ob causam, l. i. inf. de polli.* & interdum etiam ante moram in bonae fidei iudiciis, ut in *l. 12. §. si mihi, sup. mand.* His etiam addamus, quod est perbreve & exiguum in §. i.

Ad §. Cum hereditas.

Cum hereditas ex causa fideicommissi in tempus restituenda est: non idcirco nominum periculum ad heredem pertinet, quod heres a quibusdam pecuniam exegerit.

Heres in tempus, vel ut ait §. qui sequitur, post tempus, quod idem est, puta post biennium rogatus est hereditatem restituere. L. Titio, & interim quedam nomina hereditaria foneratitia exegit intra biennium, quodam non exegit: quæ exegit fœnora, non veniunt in restitutionem fideicommissi, ut patet ex §. sequ. cuius questio elegantissima est, quia ea ex iudicio defuncti exegit, qui voluit integro biennio, quantum posset ex hereditate emolumenti percipere, salva rerum substantia: nec enim deminutio heredi onerato fideicommissi post tempus restituendo, permittitur, *l. mulier, §. si heres, hoc. & Nov. 39.* Quæ autem nomina non exegit, veniunt in restitutionem fideicommissi, veluti usuræ futuri temporis, & nomina, quæ non exegit, veniunt in restitutionem fideicommissi, & veniunt qualia sunt: nec enim heres præstare debet, ea esse integra & idonea, ut si forte sine culpa heredis deteriora facta sint, debitoribus facultatibus eversis, periculum eorum in se recipiat & agnoscat: nec enim agnoscat: quod tamen fideicommissarius heredi obijciat, desiderans, ut periculum nominum non exactorum, ad heredem pertineret, & dicens, cur tu hæc nomina non exegisti, illa exegisti? cur his intervallum dedisti, non illis? Quod obijcit frustra: nam etsi illa exegisset, si omnia exegisset, non fecisset meliorem, imo deteriorem conditionem fideicommissarii, quia tanto minus restitueret. Itaque ex eo solo culpa in herede culpari non potest, quod alia foneratitia: nomina enim proprie dicuntur de cautionibus foneratitiis: quod aliam, inquam, nomina exegerit, alia non. Et recte in *l. periculum, sup. de reb. cred.* periculum nominum ad eum tantum pertinere, cuius culpa deteriora ea facta esse probetur, non etiam ad eum, qui vacat culpa. Denique heres nisi culpam, merito estimat omnia alia sibi indebita esse, quæ est sententia *l. 1.* Nec adversus eum quicquam facit, *l. cum quaereretur, sup. de adm. tut.* quam obijcit Aec. quia non loquitur de nominibus hereditariis, sed de nominibus factis a tutore: nam & nomina hereditaria velim separari ab iis, quæ heres fecit ex pecunia hereditaria, & suo nomine stipulatus est, quæ heres sibi imputat in Falcidiam, & si quid sit ultra Falcid. ultra quam jus non habet deminuendi fideicommissi, ut notatur in supradicta Nov. 39. In eo eam dabit electionem fideicommissario, quam dat tutor pupillo, in *d. l. cum quaereretur, & l. tut. qui repertorium §. si tut. pec. cod. tit.* ut aut tota nomina, quæ heres contraxit agnoscat fideicommissarius, aut tota repellat, nec sit in ejus potestate integra sibi habere, & deteriora imputare heredi, eaque ita dividere & scindere, quoniam satis est, aut in totum, quod fecit heres in contrahendis nominibus eum approbare, aut in totum improbare.

Ad §. qui post.

Qui post tempus hereditatem restituere rogatur, usuram a debitoribus hereditariis perceptas, quarum dies post mortem creditoris cessit, restituere non cogitur, quibus non ex actio omnium usurarum actio, nam hereditaria stipulatio fuit, ex Trebelliano transierunt. Et ideo nec indebiti repetitio erit. Ac similiter hereditarius creditor, si mediis temporibus non solvantur usura, fideicommissarium in his quoque Trebellianum tenebit, nec ideo quærelæ locus erit, quod de fructibus heres, quos jure suo percipiebat, sanus non solverit. Quod si sanus heres mediis temporibus solverit, eo nomine non erit repetitio, cum proprium negotium gessit, quippe fortem reddere creditori coactus, fideicommissario nihil usurarum mediis temporibus imputabit.

A Sequitur ut exponamus §. qui post tempus, quod est tertium responsum hujus legis, cuius §. duæ sunt partes. Una est de actionibus, quibus defunctus alius tenebatur obstrictus, altera est de actionibus five obligationibus, quibus defunctus alios sibi habebat obstrictos. Denique prima est de debitoribus hereditariis, secunda de creditoribus hereditariis: In prima parte tractatur de fructibus, usuris, pensionibus ab herede medio tempore perceptis, ante diem fideicommissi, id est, antequam venisset dies restituendæ hereditatis ad heredem per fideicommissum alii relicta: denique agitur in prima parte, de fideicommissio hereditatis relicto in conditionem: nihil refert, æqui illud facio, an scilicet veniente die restituendi fideicommissi, aut existente conditione, fructus, usura, pensiones interim perceptæ

B ab herede fideicommissarium sequantur, & in restitutionem veniant? Loquitur tantum de fideicommissio in diem, puta relicto post biennium. Sed idem est in fideicommissio conditionali, ut dixi, hæc facio paria. At a fideicommissio in diem, vel in conditionem longe disparo fideicommissum purum five præsentem die relictum. Nam fructus sati a defuncto nec demissi, qui immaturi erant mortis tempore, ab herede percepti autem moram, per negligentiam, & ignaviam fideicommissarii non interpellantis heredem, fideicommissarium non sequuntur, nec imputantur in Falcidiam, sed heredis lucro cedunt, ut docui lib. 7. ad l. 3. de usu. quia scilicet non hereditati, sed ipsi corporibus hereditariis hi fructus accepto feruntur, & in Falcidiam tantum imputantur, quæ ex hereditate sunt, & in fideicommissum æque veniunt

C ea tantum, quæ hereditatis sunt, sed ii tantum fructus sequuntur fideicommissarium, qui percipiuntur post moram factam restitutioni fideicommissi, quæ omnia demonstrantur in *l. in fideicommissarium; l. mulier, §. si heres, l. postulante, §. sed & in hujusmodi questione, sup. b. t.* Hi etiam fructus fideicommissarium sequuntur, qui inventi sunt in hereditate mortis tempore, puta reconditi in horrea, vel qui maturi erant, & mox demetendi mortis testatoris tempore, quoniam ii pars hereditatis sunt: li hereditati accepto feruntur, qui inibi erant ut demeterentur, *l. 9. sup. ad leg. Falc. l. centurio, in fi. de vulg. subst.* Et hoc de fructibus. At usura pecuniarum a defuncto collocatarum, vel mercedes, aut pensiones locationum factarum a defuncto fideicommissarium sequuntur, fideicommissario debentur omnimodo ex mortis tempore in tempus restitutionis, *d. §. sed & in hujusmodi*, vel in tempus, quo principalis obligatio sublata fuerit, ut in primo responso h. leg. Et ratio hæc est, quia earum usurarum pensionumve actiones hereditariæ sunt, quandoquidem exordium sumpserunt a defuncto: ergo concedendæ sunt fideicommissario, cui relicta est hereditas, id est, quidquid esset hereditarium. In usuris autem perceptis, non ex contractu defuncti, sed ex contractu heredis, qui nummos hereditarios fœnori occupavit, & in fructibus similiter satis ab herede & perceptis, nulla est differentia, quia certum est, neque eas usuras, neque eos fructus contineri fideicommissio, propterea quod heres suo periculo pecuniam hereditariam fœnori occupavit, & suo quoque periculo, suaque impensa prædia hereditaria fevit, curavit, & coluit, & hereditariæ hæc actiones five obligationes non sunt, ideoque nihil eo nomine heres fideicommissario præstat, nisi mora intercesserit, *d. §. sed & in hujusmodi*. Obligationes, quæ non sunt hereditariæ, non cadunt in fideicommissum hereditatis, quod & lex quæ sequitur, *l. debitor*, demonstrat, quoniam quidem, ut jampridem ostendi, in ea legendum est, quoniam hereditaria non est actio: idcirco scilicet nihil eo nomine fideicommissario præstat, fortes tamen, quibus sumptis ex hereditate heres fœnocratus est, proculdubio præstat fideicommissario, *l. uxori, de usufr. leg.* Et hæc de puro fideicommissio. Videamus quid juris sit in fideicommissio relicto in diem, vel in conditionem: & certum est fructus medio tempore perceptos ex tempore

mor-

mortis, in diem, quo exstiterit conditio, aut venit dies fideicommissi, non venire in restitutionem, nisi fuerint maturi mortis tempore, vel repositi in horrea, ut d. *l. conturbio*, in qua fuit fideicommissum in diem, vel nisi mora heredis intercesserit. Sed ceteri fructus, qui non veniunt in restitutionem fideicommissi, si heres oneratus fideicommissio non sit ex filiis, quoniam filii excipiuntur a Justiniano in *l. jubemus*, *C. de lit. imputantur heredi*, non veniunt quidem in restitutionem, sed imputantur heredi in quartam, & quartæ fructus, quia eos heres habet ex iudicio defuncti, qui tantisper cum hereditate persequi voluit, vel ut ait in secunda parte huius §. eos heres jure suo, id est, jure hereditario interim percepit, *d. l. in fideicommissarium*, *l. mulier*, §. *si heres*, hoc t. Et constat in Falcidiam imputari omnia ea, quæ capiuntur ex iudicio testatoris, si jure hereditario, non alia uia, siue agatur de Falcidia hereditatis, siue de Falcidia legatorum, aut fideicommissorum specialium, *l. quod autem*, *l. in quartam*, *sup. ad leg. Falcid.* Exemplo autem fructuum usuræ, quas medio tempore percepit a debitoribus hereditariis, cedente earum usurarum die post mortem testatoris in restitutionem non veniunt, sed imputantur in Falcidiam; quasi perceptæ certo iudicio defuncti, §. *ante inf.* usuræ vicem fructuum obtinent, *l. usura*, *sup. de usur. l. postulante*, §. *sed & in huiusmodi*, in illo loco, *sane pro fructu*, &c. *sup. hoc tit.* Usuræ, inquam, vicem fructuum obtinent juris potestate, non naturæ, *l. si navis*, *sup. de rei vind.* nec enim usuræ natura proveniunt, quasi pecunia gignente pecuniam, sed ex obligatione descendunt, vel ex officio iudicis: Usuræ est quasi fructus, & redditus pecuniæ, *l. 3. sup. de usur. ear. ver. quæ usum conf.* *l. Titius*, de *pres. ver.* Sunt incrementum pecuniæ, *l. alio*, de *aliment. leg. axon. vaxus* quæ *xpius*, *Levit. 25.* Et idem etiam dicendum: est in pensionibus prædiorum rusticorum vel urbanorum, quæ defunctus locavit, quas scilicet pensiones, antequam dies cederet fideicommissarie hereditatis, die earum pensionum cedente post mortem testatoris, heres medio tempore percepit, *d. §. ante*, quia pensiones prædiorum etiam pro fructibus accipiuntur, *l. pensiones*, de *usur. l. 7. §. de pensionibus* *sup. sol. matr. l. ancillarum*, & *l. mercedis*, *sup. de petit. her.* Et rusticorum quidem prædiorum pensiones incunctanter dicimus pro fructibus accipi, cum sint pretia fructuum, quos prædia ferunt naturaliter. De pensionibus prædiorum urbanorum magis dubitatur, an habeantur pro fructibus, quia ex prædijs urbanis nulli fructus natura proveniunt, sed ex obligatione tantum locati & conducti: sed has quoque pensiones placet accipi pro fructibus, & heredi, qui eas accepit imputari in Falcidiam, nec fideicommissio contineri, Et hæc de fructibus, usuris, pensionibus ab herede perceptis ante diem cedentem fideicommissi, quo sit restituenda hereditas. Nunc videamus, quid fiat de illis, quos, quasve heres non percepit tempore restituendæ hereditatis? Et hoc casu videtur etiam nonnihil distare fructus ab usuris, & pensionibus: nam fructus nondum percepti, qui ab herede facti sunt, vel qui pendebant immaturis tempore mortis testatoris, in restitutionem non veniunt, nisi mora facta sit restitutioni fideicommissi, quia non hereditari, ut dixi ante, sed ipsi rebus hereditariis accepto feruntur, *l. in fideicommissarium*, hoc tit. Ut usurarum & pensionum nondum exactarum actiones in restitutionem veniunt, etiam si dies earum cesserit post mortem testatoris ante moram heredis, vel restitutionem fideicommissi, quia hereditariæ actiones sunt, quatenus originem ceperunt a defuncto. Quamobrem heredi non competit conditio indebiti, si usuris vel pensionibus non deductis, quarum dies jam cesserat post mortem testatoris, hereditatem restituerit ex Senatusconsulto Trebelliano, quia non intelligitur plus debito restituisse, quod Papin. hoc loco significat his verbis, & *ideo*, nec indebiti repetitio erit, non erit sc. heredi, qui restituit hereditatem his usuris, vel pensionibus non deductis;

A ne dicas, ut Glossa, non erit debitori, qui solvit heredi vel fideicommissario. Illud etiam certissimum est, earum usurarum vel pensionum actiones fideicommissarium sequi, quarum dies tempore restitutionis hereditatis nondum cesserat, forte quia erant debite sub conditione, quæ nondum extiterat, *l. ita tamen*, §. *actiones*, *sup. h. t.* At quæro, an etiam fideicommissarium sequantur usuræ, vel pensiones; quarum dies jam cesserat vivo testatore? Et ut sequi videantur magnum nobis præbent argumentum in hoc loco hæc verba Papin. *quarum dies post mortem creditoris cessit*. Secundum quæ etiam accipienda sunt hæc verba d. §. *ante*, cum postea cessisset dies, nempe dies usurarum aut pensionum, non dies fideicommissi, ut ibi Glossa notat quæ etiam illa verba accipiendo de die usurarum uti accipienda sunt, ex hoc §. frustra exigit moram debitorum, cum usuræ pecuniæ creditæ citra moram debeantur ex stipulatione, ut & hoc §. significat, dum ait, *nam hereditaria stipulatio fuit*, stipulatio usurarum scilicet. Igitur actiones usurarum, quarum dies jam cesserat ante mortem testatoris, fideicommissario competunt, vel si ab herede perlatæ sint & exactæ, in restitutionem veniunt ut sortes, quali sortes esset *l. uxori*, de *usur. leg. l. qui negotiationem*, §. *ult. de adm. tut.* Sortes vero non ambiguntur esse restituendas, quia fuerunt in hereditate mortis tempore, quæ de causa in §. *1. h. l. nomina*, vel accipi oportet pro cautionibus feneratoriis, ut *l. ult. in pr. C. de pact. con. super dote*: *l. qui filium*, *sup. de leg. 3. pecuniæ*, inquit, *diffinitæ nominibus faciendis*, id est, contrahendo feneratori, nimirum, quia pecuniæ creditæ usuræ non debentur, nisi ex stipulatione; vel ut olim obtinuit, nomine facto ad mensam argentarii, ubi era perfruebantur usuraria, ut Plautus ait, in *Truc.* his duobus modis, stipulatione scilicet & nomine facto fœnus contrahitur, *l. si plures*, *sup. de pact. vel si in d. §. 1. nomina* tam pro usuris quam pro sortibus accipias, separanda tibi sunt usuræ a sortibus. At dicendum sortes exactas ab herede in restitutionem venire, & non exactarum actiones, ita ut earum actionum periculum heres fideicommissario præstare non cogatur: usuræ autem exactas, quarum medio tempore dies cessit, in restitutionem non venire, quoniam testator voluit, ut interim eas heres sibi haberet: non exactas autem usuras concedi fideicommissario, quales quales sint earum actiones, herede non agnoscente earum periculum, nec præstante debitores esse idoneos & locupletes. Ut usuræ sint exactæ ab herede, ne restituuntur, aut cedant fideicommissario, omnimodo requiro: nam si petita tantum sint ab herede, etiam si petitionem sequuta sit condemnatio, id est, etiam si debitor condemnatus sit heredi, dico fideicommissario exactionem competere, non heredi, argumento *l. si maritus*, §. *si voluntate*, *sup. sol. matr.* Quod & fuisse prudentia nullo loco adnotato ita sensit Angelus Perusinus. Hæc sunt, quæ pertinent ad primam partem, quæ notanda sunt. Venio ad secundam partem, quæ est de usurariis creditoribus hereditariis. Et rursus dividitur in duas partes, quarum una est de herede, qui non solvit usuras creditoribus hereditariis, quarum dies cessit medio tempore post aditam hereditatem ante diem fideicommissi cedentem: altera pars est de herede, qui eas solvit. De prima, primum dicamus. Si ante diem fideicommissi cedentem medio tempore heres non solvit usuras creditoribus hereditariis; tamen earum dies cessisset medio tempore: lege quidem Falcidia non interveniente onus istud solvendarum usurarum sequitur fideicommissarium ex S.C. Trebelliano, cui restituta est hereditas: nam eo S.C. cautum est, ut actiones quæ heredi & in heredem competunt, ei, & in eum dentur restituta hereditate, *l. 1. h. t.* Eadem igitur est ratio usurarum non exactarum ab herede, & non solutarum: eadem ratio commodi & incommodi: nam & non exactarum commodum de quo egit supra, & non solutarum incommodum, sequitur fideicommissarium. Et hoc est, quod ait initio secundæ partis huius §. At similiter cura di-

dixisset de commodo non exactarum, quod sequitur fideicommissarium, subiecit de incommodo non solutarum, & id quoque similiter sequi fideicommissarium, servata eadem ratione in commodis, & in incommodis, ut nec sint commoda sine oneribus, nec onera sine commodis: Et subiecit, onus usufructuum medii temporis non solutarum ab herede creditori hereditario usque adeo fideicommissarium sequi, cui postea ex SC. Trebel. restituitur hereditas, ut nec queri fideicommissarius aut ex postulare cum herede possit hereditate vitio, aut culpae dare, quod ex fructibus medio tempore perceptis eas usuras non solverit. Hæc querela fideicommissarii, iusta non est adversus heredem, quia heres fructus iure optimo & iure suo percepit, & ex iudicio defuncti suos fecit, sine onere ullo, ut nec deberet ex eis ultroolvere usuras creditoribus hereditariis, quæ est sententia Papiniani in prima parte secundæ partis; cui tamen ob stare videtur lex scribit, sup. b. t. quæ offendit de fructibus medio tempore perceptis debere heredem replere fideicommissum, quod interim casus quidam deminuit, vel absumpsit. Et tamen hic dicitur, de iisdem fructibus heredem ultro non debere subire onus solvendarum usufructuum medii temporis. Sed speciem & sententiam integram d. l. scribit, priusquam respondeam, me aperire opere pretium est. Testator, qui quadraginta habebat in bonis, heredem rogavit, ut post mortem suam hereditatem L. Titio restitueret: heres medio tempore ex fructibus rerum hereditarium percipit, quadringenta, quanti fuit hereditas mortis testatoris tempore, & est etiam hodie. Queritur, utrum fideicommissario heres restituere debeat octingenta, vel quadringenta. Et certissimum est, satis esse 400. fideicommissario restitui quæ in hereditate fuerunt, quia fructus medio tempore perceptos heres imputat in Falcidiam, & id, quod amplius est in fructibus, quantum quantum sit, lucrificat sibi ex iudicio defuncti. Hinc fingi aliam speciem. Medio tempore ex hereditate deperisse trecenta improvisi quodam casu, hoc nomine regulariter heres, qui culpa vacat, fideicommissario non tenetur, ut præstet quod non habet, quod vis quædam major eripuit & absorbit, *mulier, §. sed enim, hoc tit.* At in proposita specie, cum ex fructibus medii temporis heres tulerit 400. Queritur, an ex fructibus fideicommissario teneatur restituere 300. quæ deperierunt, an teneatur dampnam fideicommissi reficere ex fructibus medii temporis: quod illa lex ait Celsum diu multaque tractasse & vexasse, & novissime, id est, post longam & diligentem discussionem vel tractationem, Celsum statuisse hoc casu ex æquo & bono dampnum, quod contigit fideicommissum eum debere agnoscere & reficere, ad quem etiam fructuum medii temporis emolumentum rediit, id est, hereditatem. Debere igitur heredem fideicommissario supplere 300. de fructibus medii temporis, ut pro rata dampni, quod medio tempore contigit, quodque sustinet fideicommissarius, & emolumentum fructuum sentiat, quæ est questio & sententia l. scribit. Et ut respondeam, satis apparet longe diversam esse questionem & speciem l. scribit, ab ea, quæ hoc loco proponitur, & tamen utramque dirimi ratione eadem, ut quod est secundum naturam, quem sequuntur damna, onera, incommoda, eundem etiam sequuntur lucra, commoda, emolumenta pro portione, & contra, ut non sequantur damna eum, quem lucra non sequuntur. Eadem ratio modo onerat fideicommissarium, ut in hoc §. qui post. modo relevat, ut in d. l. scribit. Non possunt autem esse contraria, quorum eadem causa & ratio est diversa species. Non possunt esse contraria, quæ una eademque ratione connumerantur. At rursus superiori sententia Papiniani, quam exposui, quæ proponitur in prima parte secundæ partis, opponitur l. ult. §. ubi autem, & §. sequent. C. de bon. quis lib. Ex quo loco Accursius efficit, cum adventitia hereditas obvenit filiofamil. patrem, in cuius potestate est, quamvis ad eum fructus pertineat & usus, nuda proprietas ad filium, de

fructibus tamen non solvere usuras creditoribus hereditariis. Male. Consentit enim ea etiam lex cum ratione eadem, quæ & hoc loco, & in d. l. scribit, secundum naturam postulat, ut cui adiciuntur commoda, inungantur etiam incommoda, quasi commodum & incommodum, labor & voluptas, dissimillima natura, ut Titus Livius ait §. societate quadam inter se naturali iuncta sint. Et secundum hanc regulam juris naturalis in d. l. ult. definitur, patrem, ad quem fructus hereditatis, quæ obvenit filiofamil. pertinet, sustinere etiam damna & sumptus litium, si quæ sint lites hereditarie, & onera legatorum, & urgente ære alieno hereditario, id patrem quamprimum debet dissolvere ex bonis hereditariis, ne usuræ crescant; aut sane de fructibus, quos percepit, usuras solvere creditoribus hereditariis: & æs alienum idcirco dissolvere ex bonis hereditariis; quia, ut ibidem notat Iustinianus, bona non intelliguntur esse, nisi quæ supersunt deducto ære alieno, l. ii. de iure fisci, l. usufructu, sup. ad l. Falcid. l. subignatam, §. bona, de verb. sign. Et Quintilianus declamar. 273. bona porro quæ sunt ut opinor, inquit, & quæ detractis alienis deprehensa sunt. Et rursus, ut opinor, inquit, detractis ære alieno omni, detractis oneribus bonorum, quod residuum ex patrimonio supersit. Nam patrimonii in alium transiit ea ratio est, ut primum credito satisfiat. Et hæc tenus quidem de herede, qui non solvit creditori hereditario usuras medii temporis, id est, de prima parte secundæ partis. Sequitur alia de herede, qui solvit usuras medio tempore ante diem fideicommissi cedentem, ante restitutionem fideicommissi, quem Papinianus ait, quod maxime notandum, in restituenda hereditate solutas usuras retinere, aut reputare fideicommissario non posse, & eo minus restituere, hac ratione, quia solvendo usuras medii temporis suum proprium negotium gessit, quoniam ipse solus usus eo tempore tenebatur obstrictus: fideicommissarii autem, cui nondum tenebatur, nullo modo potest videri gessisse negotium. Quia ratione etiam subiecit, heredem, si forte medio tempore per iudicem coactus sit creditori hereditario solvere sortem, sive caput, *le principal*, non posse eum medii temporis inter solutionem sortis, & restitutionem fideicommissi usuras reputare fideicommissario, hac ratione: quia, si eas quas ante solutionem sortis solvit creditori, non reputat fideicommissario, quod suum negotium gesserit, nec eas quoque reputabit, quas nec solvit quidem ipsi creditori, sed absoluto creditore sibi retinere desiderat, quasi vice creditoris sortem quidem solutam heres reputat fideicommissario, & eo minus ex causa fideicommissi restituit, *lita tamen, §. actiones, in fin. hoc tit.* vel restituenda hereditate ex Senatufconsulto Pegasiano, interveniente lege Falcidia, eam sortem pro dodrante a fideicommissario petit, ex stipulatione partis, & pro parte, de qua in *Instit. tit. de fideic. hered.* quod quidem modo accipienda est lex i. C. ad Senatuf. Trebell. usuras veteres, quas heres solvit, non reputat fideicommissario: ergo, nec usuras novas, quas post solutam sortem creditori hereditario ad vicem & exemplum creditoris sibi retinere desiderat, quasi successerit in locum creditoris: nec enim successit in ejus locum, quia coactus ei solvit ex causa propriæ obligationis. Et alia est ratio, unde possit sumi argumentum in contrarium. Alia, inquam, est ratio secundi creditoris, de quo in l. 12. §. sciendum, sup. qui pot. in pign. hab. & l. secundus, C. de pign. secundi, inquam, creditoris, qui sortem & usuras solvit primo creditori, ut pignus quod utrique obligatum erat, sibi confirmaret, quoniam hic solvit ultro, non coactus, non obligatus, & ideo debitori imputat usuras, quæ prestandæ fuissent primo creditori, si ei non satisfecisset, non etiam usufructuum solutarum usuras, quia ut illis locis ostenditur, suum magis quam debitoris negotium gessit. Gessit quidem etiam negotium debitoris, quia cum liberavit a primo creditore, sed suum gerere negotium magis in animo habuit, ut sibi pignus confirmaret, in quo primus creditor erat prior & potentior; si solus

debitoris negotium gessisset, etiam usufructum soluturum usufructus probe desideraret iudicio negotiorum gest. quasi omni pecunia sorte effecta. Eademque ratio est ejus, qui pradium emit a non domino, quod creditori nexum erat, & agenti creditori actione hypothecaria solvit ultro sortem & usufructum, ut sibi possessionem pradii confirmaret, magis quam ut liberaret debitorem, *l. emptor, sup. de rei vind.* At quum heres non ultro, sed coactus quasi solus obligatus in eam rem medio tempore sortem solvit, post sortem solutam nullas usufructus reputabit fideicommissario, quia nec reputat ante solutus usufructus. Et hæc ita distinguenda sunt accurate & subtiliter, atque explicanda. Posui autem initio, heredem coactum solvisse, heredem coactum fuisse per iudicem creditori reddere sortem ante restitutionem fideicommissi, ut Papin. etiam ponere, satis medi tempore commemoratio demonstrat. Et recte quidem ponitur coactus sortem solvisse ante restitutionem fideicommissi: nam regulariter post restitutionem fideicommissi non potest heres cogi solvere creditoribus, sed adjuvatur exceptione restituta hereditatis, *l. ita tamen, §. qui ex Trebelliano, h. t.* Post restitutionem, inquam heres non cogitur solvere, nisi scilicet res urgeat, ut in specie *l. cum hereditas, h. t.* quoniam adhuc heres etiam post restitutionem directis actionibus tenetur & convenitur efficaciter ex magna causa, puta, si abist fideicommissarius, cui restituta est hereditas, & periculum sit ne actio tempore pereat. Ex hac nimirum causa etiam post restitutionem cogitur heres solvere creditoribus, cui instat finis actionis sue, nisi mature quod debetur repeteret, nisi mature exigeret quod debetur. Alias directæ actiones post restitutionem in heredem, inefficaces sunt, & efficaces tantum sunt utiles, quæ ex SC. Trebelliano, translatae sunt in fideicommissarium, cum quo tantum solo congruere debent creditores hereditarii. Et hic est finis huius §.

Quæ diximus ad §. qui post tempus l. deducta, ad Trebell. tanti momenti sunt, ut si forte per biduum, quod intermissi, vobis memoria exciderint, & censeri ea repetenda, vestra memoria, uti suggeram meo iudicio æquum censentis, sed vix excidisse putem, quia satis perspicue ea tradidisse videor, præterquam id forte, quod pertinet ad eum locum, quo Papin. ait, fideicommissarium non posse imputare heredi, quod de fructibus medio tempore perceptis creditoribus non solvit usufructus medi tempore, quatenus in eum scilicet locum Acc. notat, aliud esse in herede, aliud in patre, quod, ut mihi satisfaciā & vobis, repetere libet, & facere brevius apertiusque. Et quæso, quo argumento Acc. dicit, aliud esse in patre? quia, *inquit*, pater non solvit usufructus fructibus bonorum adventitiorum filii sui, *l. ult. §. ubi autem in unum, C. de bon. que lib.* Hoc vero si ita est, non est ergo aliud in patre, sed idem omnino, quod in herede, qui etiam ex fructibus fideicommissariae hereditatis, ultro usufructus solvere non tenetur. Debit Accursius dicere, quia pater solvit usufructus ex fructibus bonorum quæ advenierint filiofam. ut est expressum in d. §. ubi autem in unum, aut §. seg. Et ratio eadem, ut me dicere memini, quæ ratio naturalis est, hanc differentiam facit atque constituit inter patrem & heredem, ut scilicet, non ad filium, sed ad patrem pertineat onus solvendarum usufructuum, ad quem etiam pertinet omne emolumentum, omnis fructus adventitiæ hereditatis. At similiter, ut non heredem sed fideicommissarium sequatur onus solvendarum usufructuum, quem etiam sequitur omne emolumentum fideicommissariae hereditatis. Quia in re etiam illud considerandum est, majus esse jus patris, quod est jus fructuarii, quam jus heredis onerati fideicommissio: quia jus patris est perpetuum, id est, quamdiu vixerit: jus heredis plerumque est temporarium. Possit esse etiam perpetuum, non nego, sed plerumque est temporarium, maxime id, de quo agitur in hoc §. qui post. quo rogatur non post mortem suam, sed post tempus aliquod certum hereditatem restituere. Itemque patris sunt omnes fructus adventitiæ hereditatis, non tantum

A quos ipse percepit, sed etiam quos a filio, vel ab alio perceptos postea nactus est, *l. 12. §. Julianus, de usufr.* Heredis autem non sunt fructus, quos fideicommissarius vel alius percepit post diem fideicommissi cedentem, tamen eos postea heres consequatur, & casu quodam nanciscatur, id est, possessionem eorum, quia, qui semel fructus facti sunt fideicommissarii, sine facto ejus fideicommissarii fieri heredis non possunt, *l. 11. de reg. juris. Varro. 2. de rer. scr. cap. 1.* Quod enim alterius fuit, id ut meum fiat, necesse est aliquid intercedere, fieri necesse est ex parte ejus, qui dominium habet, quo ab eo dominium discedat, & transferatur in alium, nec enim suapte sponte dominium mutatur. Nunc veniamus ad §. nummis.

Ad §. Nummis. III.

Nummis centum acceptis, hereditatem rogatus restituere, totam pecuniam jure Falcidis percipere videtur. Et ita Divi Hadriani scriptum intellectum est, tanquam si ex bonis nummos retenturus fuisset, quod tunc quoque respondendum est, cum pro parte hereditatem coheredi suo restituere rogatur. Diversa causa est prædiorum pro hereditaria parte retentorum, quippe pecunia omnis de portione retineri potest. Prædiorum autem alia portio non nisi a coherede, qui dominium habet, accipitur. Cum autem prædia majoris pretii, quam portio hereditatis essent: in superfluo prædiorum petenti fideicommissario Falcidiam intervenire visum est, Concurrentem enim pecuniam compensari placuit.

C D Uas facio partes huius responsi; prima est, de rogato restituere hereditatem accepta certa pecunia, altera, de rogato restituere hereditatem acceptis certis prædiis hereditariis. Et primæ partis verba hæc sunt: *Acceptis centum nummis hereditatem restituere rogatus, totam pecuniam jure Falcidis percipere videtur.* In Florentinis vox centum, perperam iteratur, iteratio perturbat sensum, nec ullum sanum admittit, sensus hic est. Heres rogatus est acceptis centum extraneo hereditatem restituere, non demonstrata persona ejus, a quo acciperet, sed simpliciter rogatus est acceptis centum extraneo hereditatem restituere; Lex ait, tota ea centum heredem imputare in Falcidiam, quasi jure hereditario, jure testamentario, jure Falcidis (quæ tria idem possunt) percepta, perinde est atque si retentis centum ex bonis hereditariis in portionem suam rogatus esset alii restituere hereditatem, ut plane nihil interfit, dixerit testator, retentis centum, vel perceptis, vel deductis, vel detractis, an acceptis, tantum potest accipere, quantum retinere, quæ retinere iustus est, computat in Falcidiam: ergo & quæ accipere iustus est, quibuscumque acceptis petitus est restituere hereditatem. Quod & D. Adrianum constituisse, ait hoc loco, & in l. acceptis, sup. ad l. Falc. D. Pluim, in l. 4. end. tit. D. Antoninum, in l. falcid. §. rescripto, inf. h. t. Divum ergo Antoninum Pluim, qui & Adrianus dictus est, postquam fuit adoptatus in familiam & nomen Adriani Imperatoris, unde & quæ passim dicitur Epistola D. Adriani de fideiussoribus, est D. Pil. l. si in testamento, §. quod si, de fideiuss. Et quod dicitur in l. 3. sup. si pars heredit. pet. Adriano ostensam fuisse mulierem, quæ uno partu quinque pueros ediderat, Julius Capitolinus id adscribit Divo Pio. Quod idem in l. 3. §. dicitur, de sep. viol. D. Adrianum vetuisse intra urbes mortuos sepelire, idem Capitolinus tribuit D. Pio, & similiter quod D. Adriano in l. si de vi, de publ. iudiciis, id tribuitur D. Pio in l. 5. §. 1. ad leg. Jul. de vi publ. nimirum his omnibus locis D. Pius Adrianus appellatur jure adoptionis. Huic autem constitutioni D. Pii, de qua agitur hoc loco, ut heres, quæ accipere iustus est, imputet in Falcidiam, locus est, non tantum, si, ut proposui, testator simpliciter dixisset, *Peto ut acceptis centum hereditatem Mevio restituas*, non demonstrata persona dantis. Quæ centum generaliter verum est

est heredi imputari in Falcidiam, perinde ac si ea restituere iustus esset ex hereditate. Sed est etiam supradictæ constitutioni locus, si testator demonstraverit personam dantis, nempe hoc modo, *Peto ut acceptis a Mævio centum, hereditatem Mævio restituas*, vel etiam palam adscripta conditione, *Peto, ut si tibi Mævius dederit centum, hereditatem Mævio restituas*. Hoc quoque casu constitutioni D. Pii locus est, non quidem generaliter, ut priore casu, sed duobus tantum casibus, quorum primus hic est: Si ea pecunia, quam heres a Mævio accipere iustus est, contineat Falcidiam, & consultata opera testator eam pecuniam dari iusserit, ut Falcidiæ loco cederet, quod patet ex *l. cum quo, §. ult. l. quod autem, in fi. l. si heres, sup. ad leg. Falcid. & d. l. facta, §. rescripto, hoc tit. nisi scilicet, de ea pecunia alii restituenda testator alterum rogavit, ut in specie *l. acceptis, sup. ad leg. Falcid.* Alter casus hic est, quo etiam acceptis a Mævio centum, hereditatem rogatus restituere Mævio, eam pecuniam imputat in Falcidiam, videlicet, si eam pecuniam heres accipere jubeatur a Mævio, veluti pro pretio hereditatis, atque ita hereditatem Mævio vendere, quia pretium loco hereditatis est. Ergo ut hereditas jure testamenti capitur. Quæcumque, aut jure testamenti capiuntur, si jure hereditario, imputantur in Falcidiam, non quæ alio jure capiuntur, *d. l. in quartam*. Et ita Celsus & Julianus placuisse dicuntur in ratione, *§. tamen si, sup. ad l. Falcid.* quia hic casus non fuit comprehensus constitutione D. Pii: & exceptus igitur est auctoritate tantum Celsi & Juliani. Et quod maxime notandum in *§. vendere d. l. in ratione, ex §. tamen si, illo loco quia non nostri causa capit id pretium ex d. §. tamen si* perspicuum est, legendum esse, quia non mortis causa capit id pretium, sed jure hereditario sc. capit, quia pretium vice hereditatis est, & ideo imputatur in Falcidiam: si mortis causa caperetur, non imputaretur in Falcidiam. Exceptis autem his duobus casibus, quos exposui, si quis, sub conditione rogetur Mævio restituere hereditatem, si Mævius ei centum dederit: vel si conditionem facere voluit, qui rogavit, ut acceptis a Mævio centum hereditatem Mævio restitueret: conditionem facit voluntas, non sermo testatoris *l. 2. sup. de his, quæ pæn. non. vel. l. in conditionib. §. 1. de condit. & demonstrat*. Si igitur sub conditione manifesta vel tacita jubeatur accipere a Mævio centum, & ei restituere hereditatem, jure communi heres æ centum non computat in Falcidiam, licet Falcidiam expleant, sed habet ea supra Falcidiam, quia nec jure hereditario ea capere intelligitur ex hereditate, vel ex judicio defuncti, ut solidum fideicommissum præstet, sed capit ea jure mortis causa capionis: capit sc. ea mortis causa, quasi conditionis fideicommissi implendæ gratia ei data, numerata a Mævio, *d. §. tamen si, d. l. in quartam, §. ult.* & constat ea tantum imputari in Falcidiam, quæ capiuntur jure hereditario, vel ex judicio defuncti Falcidiæ compensandæ causa, non quæ capiuntur jure legati, vel fideicommissi, vel mortis causa. Et in *d. l. in quartam*, quæ huic definitioni adversantur verba hujusmodi: *Sed quod conditionis implendæ causa fideicommissum heredi datur, in eadem causa esse admittendum, sciendum est*. Hæc, inquam, verba recte absunt, & a Florentinis, & a Basilicis, & *codicibus* etiam ea satis indicant, quod mortis causa capione, id est, datum & acceptum a fideicommissario conditionis implendæ causa, fideicommissum appellat, quo nihil ineptius, *h. quod mortis causa capitur, ff. de mort. causa donat.* Mortis causa capio, id est, datum conditionis implendæ causa & acceptum, non habet speciale nomen, ut legatum vel fideicommissum, sed demonstratur communi nomine: mortis causa capionis commune est nomen, quia quidquid capitur per occasionem mortis alterius, siue hereditas sit, siue legatum, siue fideicommissum, siue datum conditionis implendæ causa, mortis causa capio est, sed specialiter commune nomen sibi fecit proprium datio, quæ fit conditionis implendæ gratia. Et ad hæc notandum est multum interesse, acceptis a Mævio centum vi, aut figura conditionis, non ve-*

Tom. IV.

luti pro pretio hereditatis, non animo compensandæ Falcidiæ, hos enim casus semper excipio, rogetur heres aut legatarius partiaris hereditatem Mævio restituere, qui nihil ante ceperit ex testamento, id est, cui nihil ante quicquam in testamento relictum fuerit, an Mævio jam heredi scripto, aut coheredi, aut legatario, quia priore casu centum capiuntur mortis causa, non jure fideicommissi, posteriore casu jure fideicommissi, *l. 11. §. cum esset, de leg. 3.* Et ratio differentie hæc est perspicua admodum. Cum ab herede jubeatur certam pecuniam accipere, vel a legatario, facilius admitimus interpretationem fideicommissi, ut scilicet his verbis intelligatur oneratus fideicommissio, qui honoratus est hereditate vel legato, ut *d. §. cum esset*. Cum autem jubeatur accipere ab extraneo, cui nihil ante testator reliquit, eam pecuniam dicimus eum capere, non jure fideicommissi, quod nec ab illo relinquere potuit, cui nihil dum reliquit testator, sed mortis causa, *d. l. acceptis, ad leg. Falcid.* Sequitur in hac l. supradicto responso siue constitutioni Divi Pii locum esse, non tantum si heres rogatur accepta certa summa alii restituere hereditatem, sed & si rogetur coheredi suo restituere, ut scilicet, & cum coheredi suo rogatur partem hereditatis restituere accepta certa summa, totam eam summam imputet in Falcidiam, quia totam eam, non de communi, sed de sua parte, qui rogatus est eam partem coheredi restituere, retinet jure suo, jure hereditario: siue inyenit eam in parte sua, siue ex parte sua, ex rebus partis sue eam rescire & comparare possit: tantum numerorum etiam, non nummatus habere videor, quantum ex rebus meis cogere & efficere possim. Et mox in secunda parte addit aliud esse dicendum, quod & lib. 8. dixit idem Papinianus in *l. cum pater in primo, de leg. 2.* si quis retentis vel acceptis certis prædiis partem hereditatis coheredi suo restituere rogetur, quæ causa, quia prædia ea prælegata esse videntur, partem quidem prædiorum, quam jure hereditario capit a semetipso, ut heres, imputat in Falcidiam: partem vero, quam a coherede accipit jure legati non imputat in Falcidiam, ut ostendit hoc loco, sed tamen compensat eam cum Falcidiâ, quam deducere desiderat ex sua portione, aut si noluit compensare, a coherede nihil capit, *l. Nefernius, l. filios, sup. ad leg. Falcid. l. heredi sup. de his quæ ut in leg. l. qui non militabat, ubi exposui l. ite, de hered. in tit. l. filium, C. fam. ex ist.* Quæ leges nihil hanc loco adversantur, quo ait Papin. *divosus causa est prædiorum pro hereditaria parte retentorum*: quia Papinianus de imputatione loquitur, & ait, partem, quæ a coherede accipitur jure legati, non imputari in Falcidiam. Illa leges loquuntur de compensatione, de æquitate compensationis, & dum interpretes omnes confundunt imputationem cum compensatione, nesciunt sane quomodo se expediant ab his supradictis legibus, easque cum hoc loco, similibusque componant, & concilient. Sed magna est differentia. Imputo, quod a semetipso capio: compenso, quod vice mutua a coherede capio: imputatio est compensatio coacta, compensatio est imputatio voluntaria, nec enim compenso invitus, sed si velim non compenso, quæ ex re tantum amittam, quod vice mutua a coherede percipere potuissim. Imputatio fit ipso jure: compensatio opposita exceptione doli mali. Itaque in specie proposita, si prædiorum, quæ heres retinere iustus est, partes ambæ sufficiant Falcidiæ, & unam imputet, quod necessario facit, & alterius compensationem velit admittere, nihil deducit Falcidiæ nomine: si non sufficiant Falcidiæ, deducit quod Falcidiæ deest. Etiam explicat Papinianus elegantè rationem differentie inter pecuniam & prædia. Nam rogatus restituere coheredi partem hereditatis accepta certa pecunia, pecuniam, inquit, omnem in solidum de portione sua retinere potest, nec retinet de communi, quia quantitas ipsa pecunia, siue æquæ, ut Aristoteles vocat, quæ sola pecunia spectatur, & valet non corpore, semper est in portione hereditatis, licet nec nummus quidem sit in ea, *l. 12. de leg. 3. & l. 89.*

Iiii

de

de verborum significat. Ergo jure hereditario tota ea pecunia retinetur, siue coheredi siue alii restituere iustus sit, & consequenter tota imputatur in Falcidiam. At prædiorum, quæ retinere jubetur in restituenda coheredi hereditate, unam quidem portionem sumit de parte sua jure hereditario, aliam vero portionem non sumit de parte sua, sed de parte coheredis, qui pro ea dominium habet, & sumit alteram partem a coherede jure legati: ergo non imputatur in Falcidiam utramque partem, d. l. in quartam, & exposita ratione differentie, subicit Papinianus, quod nostri non intellexerunt: Cum autem prædia majoris pretii, quam portio hereditatis essent: in superfluo prædiorum petenti fideicommissario Falcidiam intervenire visum est. Quorum verborum sensus hic est, & hic maxime adhibendi sunt animi: si quis rogatus sit partem hereditatis coheredi restituere retentis prædiis quibusdam, quæ majoris pretii sunt, quam pars hereditatis, quam coheredi restituere iustus est: fac, partem quam coheredi restituit, esse centum, prædia esse trecentorum: non desiderabit quidem is qui rogatus est suam partem restituere, deducere Falcidiam ex sua portione, cum portio prædiorum, id est, centum & quinquaginta, quæ capit jure hereditario, abunde sufficiat: imo superet Falcidiam suæ partis: verum coheres, cui rogatus est partem suam restituere ex superfluo prædiorum, ut ait, id est, ex eo quod prædia, pro portione sua pluris sunt quam pars hereditatis, quæ ei restituitur ex hyperocha, qui est, *la plus valent*, ex eo quod plus dat ipse, quam vice mutua recipit, nimirum ex 50. quæ est prævalentia prædiorum, si & aliis legatis portio sua onerata sit, Falcidiam deducere potest ex 50. non etiam ex 100. cum pars ejus efficiat centum & quinquaginta in prædiis quibus, quæ præterea habet in parte prædiorum sua compensare debet cum illis centum, id est, cum parte hereditatis, quam a coherede jure fideicommissi accepit. Et hoc est, quod ait in fine hujus responsi, concurrentem legatæ prædiorum cum fideicommissio hereditatis quantitate compensari, & superfluum tantum, quod est in legato prædiorum Falcidiam parti. Itaque coheredem, qui fideicommissum hereditatis a coherede petit, non universam suæ partis prædiorum æstimationem legato expensam ferre, sed eo minus, quod a coherede fideicommissi nomine accipit, ut in d. l. Nefemius, & l. filio, & aliis ante allatis, quæ de hoc genere compensationis loquuntur. Et hæc sententia hujus responsi.

Ad §. Hereditatem.

Hereditatem post mortem suam exceptis redditibus restituere rogatus, ancillarum partem non retinebit, nec status pecorum, qui summissi gregem retinent.

Testator rogavit heredem, ut post mortem suam hereditatem alii restitueret exceptis redditibus, quos quidem apud eam heredem ejus remanere, & ab eo retineri voluit, nec fideicommissario restitui, qui nec ei restituerentur, si non fuissent excepti, ut plane supervacuum fuerit eos excipere. At quaeritur, an heres ejus heredis possit retinere partem ancillarum vivo priore herede, editos ante diem fideicommissi cedentem? Et respondet Papinianus, non posse ab eo retineri partem ancillarum: fructus quidem prædiorum posse retineri medio tempore perceptos: partem ancillarum medio tempore editos, non posse retineri, sed fideicommissario esse restituendos. Ratio hæc est, quia partem ancillarum in fructibus vel redditibus non computantur, l. mulier, §. si. sed enim, sup. hoc tit. Fructus & redditus idem est, ne quis ea Doctorum nostrorum exemplo distinguat, l. qui fructus, l. quidam, de usufructu leg. l. 12. de alim. legat. vetus autem fuit questio, an partem ancillæ esset nec ne in fructu, disceptata inter Scævola & Brutum, vel M. Tullio teste 1. de finibus. Scævola dicebat partem ancillæ esse in fructu, Brutus non esse. Et obtinuit Bruti sententia, quod

A non possit homo hominis in fructu esse l. vetus, sup. de usufructu. car. ver. naturam fructus comparasse hominum causa: gignentia ut vocantur, produxisse hominum causa, id est, fructus, mundum, & omnia, quæ in eo sunt fecisse hominum causa: quod & divine literæ docent, & Stoici loquuntur & Jurisconsulti nostri, qui omnes imbuti sunt a Stoicis, l. in pecudum, sup. de usufructu rerum naturam non fecisse hominem hominis causa: si hominem fecisset hominis causa, omnes homines sub eodem genere non continerentur, quod dictu absurdum est, omnes homines non essent homines, quia semper, ut Philosophi dicunt, id cuius causa quid comparatur, alterius est generis, quam sit id, quod comparatur ejus causa: verba Philosophorum hæc sunt: Ad τὸ ἰσχυρὸν ὅτι τῶν ἀνθρώπων ἰσχυρὸν ἐστὶ τὸ ἰσχυρὸν ἰσχυρὸν. Est quidem naturalis quædam cognatio inter homines, l. 3. de just. & jure, sed non ideo tamen natura aliter in alterius fructu vel instrumento est. Huic autem responso Papin. obstat l. usufructum, §. ferari, sup. de leg. 3. ubi Scævola ait, partus ancillarum, quæ a legatario post mortem ejus, alii per fideicommissum relicti sunt, vivo legatario editos non contineri fideicommissio, non esse fideicommissario restituendos, quos tamen Papinianus ait hoc loco fideicommissario esse restituendos, nec posse retineri ab herede; Et is Scævola, qui est auctor d. l. uxorem, quamvis non sit ille Publius Scævola, qui hac de re cum M. Bruto concertavit, sed Quint. Cerebrius Scævola, qui fuit sub Antoninis Imperatoribus, tamen suæ gentis, siue familie ad opinionem propriam accedit in §. ferari, dum non quidem statuit, partus computari in fructibus, quod tum non obtinebat prævalente Bruti sententia: sed dum vult partus sequi jus fructuum, licet non sint in fructibus, ut scilicet non tantum fructus medio tempore percepti, quod constabat inter omnes iustis peritos, lucro heredis cedant, nec fideicommissio continerentur, sed etiam partus ancillarum, ut idem sit in iis, quod in fructibus, quod & idem Scævola probat in l. pen. de opt. leg. Et hinc opinio accedit Paulus in l. 14. de usufructu, in qua lege hoc velim vos adnotare, post inscriptionem hanc, Paulus libro 14. responsorum, sequi initium tale in Florentinis, Respondit Paulus moram in solvendo fideicommissio faciam partus quoque ancillarum restituendos, ubi manifeste legendum, respondit, non Paulus, cum satis intelligitur ex inscriptione. Respondit post moram in solvendo fideicommissio §. non tantum fructus prædiorum, sed etiam partus ancillarum esse restituendos, quod est verissimum, & constat apud omnes Jurisconsultos. De partibus tantum erat & est controversia inter J.C. natis ante moram vel ante diem fideicommissi cedentem. Et ait in §. d. l. 14. heredem rogatum post mortem suam hereditatem restituere sine reditu, sine reditu, quod in hoc responso Papin. est, exceptis redditibus, vel etiam heredem simpliciter rogatum restituere hereditatem nulla addita exceptione: æqui istud facit in §. ult. d. leg. 14. non restituere partus editos ante diem fideicommissi cedentem, quia etsi partus non sint in fructu siue reditu, ut & idem Paulus subindicat in d. l. 14. & propagam faceret §. Sent. tit. de leg. dum ea Ancillæ usufructu legato partum ejus ad fructuarium non pertinere: Sed quia ex sententia Pauli, partus jus fructuum sequatur: & ideo ut fructus medio tempore percepti, ita partus medio tempore editi, ex sententia Pauli, non veniunt in restitutionem, non cadunt in fideicommissum, sed heredi imputantur in Falcidiam, quasi percepti ex iudicio defuncti, sicut fructus, ut & idem Paulus ait in l. 24. §. 1. sup. ad leg. Falcid. Denique obtinuit quidem sententia Bruti, partum non esse in fructu, atque ideo non pertinere quidem ad fructuarium, aut similem fructuario quæquam, veluti partem, aut maritum, l. plenissime, §. si ferri, de jure dot. Nec ab ea sententia Bruti discessit Cerebrius Scævola & Julius Paulus, quæ jam invaluerat, ut scilicet non sequerentur partus fructuarium: sed non etiam obtinuerat & invaluerat in fideicommissis aut similibus causis, partus non sequi jus fructuum. Itaque possimus dicere ex sententia Scævola & Pauli partus

partus non sunt in fructibus, sed jus fructuum sequitur tantum, qua in reddituanti ad Ulpiano & Papin. manifesto: nam Ulp. in d. *l. mulier*, §. *fed enim*, h. t. & Papin. hoc loco ita sentit, partus non sequi jus fructuum, nec retineri ab herede ut fructus, sed reftitui fideicommissario. Contra Paulus & Scaevola, partus jus fructuum sequi, nec reftitui fideicommissario, fed retineri ab herede, & imputari in Falcidiam, quorum sententia aequior est. Paulum notas fcripfit in refponfa Papin. notiffimum rim, et in ejus fcriptis aculeum fixisse, ubiqueque patebat afa quaedam. Delenda sunt Glossae hujus §. quod tamen in hoc ipso §. addit Papin. in fideicommissi reftitutionem venire fecus pecorum, qui submissi gregem retingunt, id est, qui substituantur, ut fit ex agnatis, in *res reversionis*, in locum demortuorum vel inutilium aut vitiosorum capium: in eo siquidem consentiunt omnium viris periti, quia foetus submissi, fructibus non computantur, fed rebus ipsi hereditariis, *l. plerumque*, §. *si farvus*, de *jure dot.* Inutilia tamen & vitiosa pecora, in quorum locum alia submissa sunt, in fructibus computantur, & retinentur ab herede, *l. vel inutilium*, *sup. de usufr.* Antonius Goveanus ad *legem* 24. *sup. ad leg. Falcid.* est valde suavis, qui & verba Papin. qui submissi gregem retingunt, refert tam ad partus ancillarum, quam ad foetus pecorum, ac si familia ancillarum sit veluti grex quidam, qui fit supplendus ab herede ex agnatis nimirum, ut grex pecorum, quod nusquam exstat, cum & supple-ri vix possit numerus ancillarum ex agnatis: nec enim ea est in ancillis, que in pecoribus fecunditas: & gregem tamen fecerunt ut quoque dicunt, qui improprie & figurate loquuntur: ut gregem venalium, gregem amicorum, gregem Philosophorum, non nostri auctores.

Ad §. ante diem.

Ante diem fideicommissi cedentem fructus, & usurae, quas debitores hereditarii; cum postea cessisset dies, solvunt, item mercedes prediorum ab herede percepta, portioni quadrantis imputabuntur.

Hujus sententia hæc est: hereditat post tempus rogatus reducere hereditatem, imputare in Falcidia fructus medio tempore perceptos, & ufuras vel pensiones exactas a debitoribus hereditariis, vel a conditoris prædiorum hereditarium quarum dies *postea*, id est, post mortem testatoris medio tempore cecit ante medio fiduciarii cedentem. Id vero jam facti expofuit *sup. in §. qui post*, & nunc hoc tantum observari velim, Papinianum *§. ante diem*, subnectere superiori *§. ut differentiam* constituit inter fructus medio tempore perceptos, & fructuum similes ufuras ante pensiones, que in Falcidiam imputari ait, & partus ancillarum similiter edios medio tempore ante medio fiduciarii cedentem, ante moram, quos in Falcidiam imputari noluit in superiori *§. sed* fiduciarii imputari restitui, contra quam Paulus sentiat in *d. l. 22. ad l. Falcid.* Que observatio evidenter demonstrat, quam fit futile & commentitium, quod Accursius ait, in superiore *§. agi* de paribus editis post moram, quod; nemo licet dixerit, & sequitur.

Cum autem post mortem suam rogatus hereditatem restituere, res hereditarias distrahere non cogatur, sortium quo de pretiis earum redigi poterunt, usura propter usum medii temporis percepta non videbuntur: denique nec periculum mercipiorum aut urbanorum praediorum praestare cogatur, sed nihilominus usus et casus eorum quadrantem quoque minuit.

Cujus loci sententia hæc est: non posse fideicommissarium, cui post mortem suam heres rogatus est hereditatem restituere, obijcere & exprobrare heredi, quod medio tempore res hereditarias non distraxerit, atque

Tom. IV.

[illegible]

Ad §. Quod ex hereditate.

Sequitur ut exponamus §. penult. & nos istam legem ab-
solvamus tandem: verba §. pen. hæc sunt: *Quod ex
hereditate (*) supersuisset cum moveretur restituere rogatus,*
liii 2. fru-

(*) Vide Merrill. variant. ex Cujac. lib. 3. cap. 32.

fructus superfluos restituere non videtur rogatus, cum ea verba diminutionem quidem hereditatis admittant, fructuum autem additamentum non recipiant. Quae verba hanc prae se ferunt sententiam: si testator heredem roget, post mortem suam restituere non hereditatem simpliciter, vel quod ad eum ex hereditate bonisve pervenerit, sed quod ex hereditate superfuerit tempore mortis heredis; his verbis heredi permitti diminutionem, & alienationem rerum hereditariarum, quae modo fiat bona fide, iusta causa impellente heredem ad distractionem aut pignorationem tam propriarum, quam hereditariorum rerum pro rata portione, non dolo malo, non malitia mala fraudandi & intervendi tantum fideicommissi causa, ut in *l. Titius, §. l. mulier, §. cum proponeretur, h. t.* Quod subtilius & diligentius Justin. explicat adhibita nova distinctione in *Novella 108. de re lit.* Cujus sententia ab Irnerio relata est in *tit. ad Senatisc. Treb.* incipiens ab his verbis: contra rogatus. Denique suprascriptis verbis testatoris hoc agi, ut medio tempore ex hereditate deminuat heres, quae vult, & id tantum fideicommissario restituat, quod supererit die fideicommissi cedente. At quum quaereretur, an etiam in restitutionem venirent superflui fructus, id est, quod ex fructibus rerum hereditariarum superesset die fideicommissi cedente, Papin. respondisse, quod ex fructibus superesset die fideicommissi cedente, non venire in restitutionem, hac ratione, quia haec verba: Peto ut quod ex hereditate supererit, quum mortis illi restitutus, additamentum, inquit, sive augmentum fructuum non recipiunt, sed diminutionem tantum hereditatis heredi permittunt: haec vero ratio responsio discrepat aut maxime disconvenit: nam si ea verba fructuum superfluum additamentum non recipiant, id est, si heredi non adjiciunt, quod ex fructibus superesset mortis tempore, consequens est, id esse fideicommissario restituendum, cum non retineatur ab herede. Et ita omnino idem Papin. scripsit in quest. *l. 3. §. nonnunquam, sup. de usur.* vid. fructuum perinde atque bonorum superfluum in restitutionem venire. Et verisimile non est, aliud sensisse Papin. in questionibus, aliud in responsis: constantes sunt habitus intellectus in erudito homine, perinde atque habitus voluntatis. Itaque vel suadente ratione, qua utitur Papin. quia, inquit, ea verba: fructuum additamentum non recipiunt, hoc loco, quod jam pridem ostendi, omni adfervatione esse legendum adfirmo, fructus superfluos restituere videtur rogatus: ut scilicet, qui rogatus est post mortem suam restituere, quod ex hereditate superfuerit, non tantum restituat, quod ex bonis superesset, quae tenuit interim, sed etiam quod ex fructibus superesset in horreo reconditum, quod percepit, detracta negatione, quae perperam iraeplit in contextum, & mirum in modum vexavit nostros. Duo praecipue sunt casus, quibus fructus medio tempore percepti, qui regulariter non sunt in causa restitutionis, vel omnes, vel qui extant die fideicommissi cedente, restituendi sunt. Unus casus hic est: si testator specialiter expresserit, *l. in fideicommissariam, sup. h. t.* Alter casus hic est: si testator id ita senserit, licet non expresserit, voluntas testatoris totum facit, ut ait eleganter *lex sacro proponatur, sup. de her. inst.* Et non tantum expressa voluntas, sed etiam tacita & praesumpta, non tantum sermo, sed etiam mens animi: Et omnino in testamentis idem est, expressisse, & intellexisse, *l. 88. de legat. 1. l. 6. de adsign. lib.* Sed quantum ad rem propositam attinet, de sententia testatoris, quod dico, appositis exemplis planum facere debeo. Ac primum si testator legatario deducta re vel quantitate certa, residuum quod ad eum ex hereditate pervenisset, iusserit fideicommissario restituere, hoc casu legatarius, id quidem quod deducere iussus est, retinebit cum fructibus, non etiam residuos fructus, quos forte percepit medio tempore, sed & residuum restituat cum fructibus: nam haec videtur fuisse sententia defuncti, qui cavet, ut deduceret tantum rem aut quantitatem certam, & residuum restitueret, *l. 2. §. ut de dote praeg. legatarius non utitur Fal-*

cidia: Eadem est sententia testatoris, si praestationem sive restitutionem fideicommissi distulerit in tempus, non heredis, ut interim fructus suos faceret, sed fideicommissarii gratia, ut ei consuleret, etate parvo forte: puta si pupillo fideicommissum relictum in tempus pubertatis, quo suae tutelae erit suaeque potestatis, *l. si ita relictum §. Pegasus, de leg. 2.* Et eadem multo magis est mens defuncti in specie *l. 3. §. cum Polidius, de usur.* si mater bona mente filia impubere praeterita, & alio herede instituto, & rogato filiae hereditatem restituere, cum ad annos pubertatis pervenisset, iusserit eum heredem retinere certum praedium, palamque declaravit, se ideo fideicommissi restitutionem differre in tempus pubertatis, quod heredi magis fidem habeat, cui bona fide restituenda committit, quam tutoribus filiae datis testamenti patris, vel lege, vel decreto iudicis. Hoc sane casu omnes fructus, qui ab herede sunt percepti medio tempore in fideicommissum cadunt ex voluntate defuncti. Vult enim mater meliorem loco esse rem filiae, quam si tutoribus ea res committeretur: porro tutoris fructus filiae servassent: ergo & heres, cui res filia committuntur, earum rerum fructus filiae servare, & restituere debet die fideicommissi cedente, in Falcidiam & Falcidiae fructus imputato praedio, & fructibus praedii, & defuncto si quid desit Falcidiae. Idemque est in specie, de qua agitur hoc loco, & in *d. l. 3. §. nonnunquam*, si testator post mortem heredis iusserit restitui, quod ex hereditate superesset: nam etsi aliud sit proprie hereditas, aliud fructus rerum hereditariorum, *l. in fideicommissariam, §. 1. h. t.* tamen nomine hereditatis hoc sermone testator, qui interim dedit heredi arbitrium deminuenda hereditas, videtur etiam superfluos fructus comprehendisse, ut scilicet ubi vivus heres, quod libuisset, ex hereditate deminuisset: tum mortens omne, quidquid non tantum ex bonis, sed etiam ex fructibus residere & superesset, fideicommissario restituere; Et hoc est, quod ait in *d. l. nonnunquam*, iure voluntatis fructus superfluos restitui, quasi scilicet testator voluerit heredem esse contentum diminutione medii temporis, quam ei in Falcidiam imputari cernat, *l. Marcellus, §. rei, sup. h. t.* Unde rei statuo: cui non licet deminuerere hereditatem, licet retineat fructus superfluos, quos ipse percepit, ut in *d. l. quod his verbis, de leg. 3. §. l. heredes, in princ. sup. hoc tit.* nisi ut ante dixi, aliud senserit testator. Cui autem licet deminuerere, non licet retinere fructus superfluos: nimia licentia coercenda est. Deminutio non permittitur ei, qui post mortem suam, vel post tempus jubetur restituere hereditatem, vel quod ex hereditate ad eum pervenerit: contra deminutio permittitur ei, qui jubetur post tempus restituere, quod ex hereditate superfuerit. Itaque multum interest, hoc vel illo modo concepta sint verba fideicommissi, nisi tamen interest, dixeris, quod, an quidquid, quae cum distinguunt Glossae & DD. scutica minus securi esse videntur: nihil, inquam, interest dixeris, quod ex hereditate, an quod ex bonis. Utraque appellatio idem potest, & conjungi saepe solet in *rapazibus*, ex hereditate, bonisve, *d. l. quod his verbis, d. l. heredes*, hereditatis bonorumve possessio, *l. 3. de bonor. poss. l. 3. de iure codicill.* *l. si Titio pecunia, de legat. 1.* Et in notis sive singulis, quae collegit Innocentius & Paulus Diaconus quatuor literis primoribus cuiusque vocis, H. B. V. P. Nihil etiam attinet haec distinguere benignum jus a iure summo: refello quaecumque scriptae Glossa in *d. l. nonnunquam*, ne videatur hic §. pen. uti scriptus est diffidere a §. nonnunquam. Nihil igitur attinet hic distinguere jus summum ab aequitate, cum totum jus pendeat ex voluntate defuncti, quae distincte observanda & exsequenda est. Nihil etiam attinet distinguere voluntatem a voluntate, quasi alia fuerit voluntas testatoris in specie huius §. pen. alia in §. nonnunquam, quod nunciam apparet, & manifesto falsum est; ubique eadem voluntas fuit, idem animus testatoris, & ne tantillum quidem distat una species ab altera: nihil etiam attinet distinguere fructus consumptos ab exstantibus, cum evidens sit, utrobique agi de fructibus super-

superfluis sive residuis, qui existant, an fideicommissio contineatur. Et verum est, fideicommissio contineri, & veritati subicienda sunt verba §. pen. detracta negatione, ut dixi: Quod autem additur, in §. ult. hujus legis, ad idem genus fideicommissi pertinet.

Ad §. Ultimum hujus legis.

Heres ejus, qui bonorum superfluum, post mortem suam restituere fuerat rogatus, pignori res hereditarias datus, si non in fraudem id factum sit, liberare non cogitur.

Cum heres post tempus aliquod sive post mortem suam rogatur restituere, quod ex hereditate superfluit, ei heredi medio tempore, ait, licere res hereditarias pignori obligare, quia deminutio & alienatio ei permittitur intelligitur, quorum utroque etiam pignoratitio continetur, l. ult. C. de reb. alien. non alien. Et si medio tempore vendere potest, & pignurare multo magis, si alienatio sive venditio ei permittitur, & pignoratitio igitur, l. 9. §. 1. sup. de pignori. l. ult. C. eod. tit. l. 1. C. rem alien. gerent. non interd. Et sicut, quae medio tempore vendidit heres bona fide redimere non cogitur, ut fideicommissario praestet: ita nec quae medio tempore pignavit, refluere & repignurare compellitur: refluat fideicommissarius si velit, hoc tantum exigitur ab herede, ut bona fide vendat vel pignoret, non in fraudem fideicommissarii, ut ait in §. ult. non in eversum fideicommissi, l. mulier §. cum proponeretur, hoc tit. non intervendi fideicommissi causa, l. Titius, hoc tit. non minuendi fideicommissi causa malitia mala, l. etsi lege, §. quod autem quis, sup. de petit. hered. Illud valde notandum est, diversam esse causam heredis, qui simpliciter hereditatem, aut quod ex hereditate ad eum pervenerit post tempus restituere rogatus est: nam etiam medio tempore res hereditarias pignori opponere possit, quia fructus rei est, vel pignori dare licere, l. ult. de usufr. tamen die fideicommissi cedente eas res, de suo liberare & repignurare, & fideicommissario salvas & incolumes praestare cogitur.

Ad L. XXVI. Quando dies leg. cedat.

Sequitur ut exponamus l. 26. quando dies leg. Sunt in ea tria responsa, ex quibus hodie duo priora explicabimus. Primi verba haec sunt: Firmio Heliodoro fratri meo dari volo quinquaginta ex redditu praediorum meorum futuri anni, postea non videri conditionem additam, sed tempus solvenda pecunia prolatum videri respondi, fructibus finis pecuniae relicta non perceptis, ubertatem esse necessarium anni secundum.

Primum in contextu, quod ait, postea non videri, depravatum est, scribere enim oportet, propter ea non videri, id est, propter ea verba testatoris, quae proposuit, ut in §. seq. ait propter haec verba: propter ea autem verba, Firmio Heliodoro, &c. ait fideicommissum non esse conditionale, ea verba non facere fideicommissum conditionale. Et rursus quod ait, finis relicta pecunia, sic moris est Papiniani soli loqui, ut memini me ostendere in l. 6. de dot. et lib. 7. ut Cato de re rustica, operito terra radicibus finis, & alio loco, Anasarum insularum finis. Ut autem intelligatur hoc responsum, sciendum est, ad heredem legatarii vel fideicommissarii, non aliter legatum aut fideicommissum transmitti, nisi si post diem legati vel fideicommissi cedentem legatarius vel fideicommissarius vita decesserit; legatorum autem vel fideicommissorum, quae pure vel in diem certam relicta sunt, hodie cedere, sublati. Julia & Papia: & a Justin. restituito iure antiquo, statim morte testatoris, exceptis quibusdam, quorum dies cedit ad adita hereditate demum; ut si legetur usus, usufructus, habitatio, vel si servo legato, aut servo testamentum manumisso. Eorum autem, quae sub conditione relicta sunt, diem cedere, vel etiam, quae relicta sunt in diem incertam, qui pro conditione habeatur, diem cedere, quum conditio existerit, effectus cessionis,

A diei est transmissio. Itaque si legato relicto pure, vel in diem certum vivo testatore legatarius vita decesserit, legatum ad heredem suum non transmittit. Idemque est de legato sub conditione, si legatarius vita decesserit, antequam conditio existeret vivo vel mortuo testatore: quae est summa hujus tituli. Quamobrem in eo saepe de legatis plerisque disceptatur, utrum pura sint an conditionalia, ut in hoc primo responso, de legato sive fideicommissio ita relicto: Illi dari volo quinquaginta ex redditu praediorum meorum futuri anni. Quod fideicommissum Papinianus ait, non esse conditionale, sed diem tantum ejus solvenda pecuniae esse prolatum in futurum annum post messes aut vindemias: mora suspendi fideicommissum, non conditione: magnam esse differentiam inter moram, quam adfert prolatio diei, quo solvatur fideicommissum, & conditionem, l. quod pure, h. 1. l. pen. C. eod. tit. l. heres, sup. de cond. & demonst. l. 1. de legat. 2. Itaque mortuo legatario, sive fideicommissario statim post mortem testatoris, legatum ad heredem legatarii transmitti, quod non sub conditione relictum est, sed in diem certum. Et hic est effectus hujus responsi. Quod autem addit Papinianus, est valde notandum, si forte futuro anno, in quem contulit praestationem fideicommissi fructus non provenerint finis relicta pecuniae, id est, si eo anno fructus percepti non efficiant 50. quae relicta sunt, quod deest fideicommissio esse supplendum ex fructibus sequentium annorum, sicut propter sterilitatem, aut calamitatem aliquam, si quo anno colonus minus redegerit ex fructibus, quod inferat locatori mercedis nomine, si fructus non provenerint finis mercedis, id ei colonus

B repletur & reputatur ex ubertate sequentium annorum, l. ex conducto, §. Papinianus, sup. loc. Verum huic Papinianus responso opponi potest l. 5. sup. de tritico, oleo, & vino leg. & l. si debitor, §. 1. de contr. empr. quae sunt conjungendae, quoniam ambae sunt eadem de re, sive quaestione, & ex eodem libro Juliani, & in eis dicitur, Legato aut vendito certo pondere, certave mensura, ex eo, quod ex fundo natum erit, harno scilicet hoc anno, non anno est superiore anno: harno, hoc anno veluti legatis, aut venditis vini amphoris decem, vel olei metretis decem, aut frugum, sive trumenti modis decem, ex eo, quod ex fundo harno natum erit, si quinguae duntaxat harno provenerint, ait, non amplius deberi quam quinguae. Et tamen hoc loco dicitur, legatis 50. ex redditu vel fructu praediorum futuri anni, & collectis tantum decem, verbi gratia, non sola 10. deberi legatario, sed & residuum ex ubertate sequentium annorum esse supplendum. Ratio differentiae rem omnem explicabit, quae talis est. Hic legata est pecunia certa, puta 50. Cujus pecuniae quantitas non minuitur, si minores fructus ex fundo provenerint. Illic legati sunt fructus ad modum certum, qui nascerentur. Postrema verba taxationem faciunt, ut, si non tot nascerentur, nec tot deberentur: quoniam utique minores sunt fructus anno sterili vel infecundo: hujus legati de quo agitur in hoc responso, taxatio est pecuniae certae quantitas, quae nunquam disperit deminuiturque. Illius legati taxatio est, quod ex fundo hoc anno nascitur vel natum erit. Et rursus hoc legatum purum est, ut recte Papinianus respondit: illi conditio inest; puta, si fundus decem reddiderit, vel amplius decem, quasi scilicet velit, ut si minus reddiderit, id tantum praestet legatario, quod reddiderit. Verum observandum est maxime, multum interesse, legentur decem amphorae vini, solvenda duntaxat semel ex vino, quod hoc anno nascetur, ex vino harno: an ex fundo simpliciter, quod ex fundo nascetur, aut ex vino, quod ex fundo nascetur, quod fere idem est, sive dixerit amphoras decem legavi ex eo, quod nascetur in fundo, sive amphoras decem, ex vino, quod in fundo nascetur semel solvendas vel quotannis nil refert: nam hoc casu si vindemia non responderit legato, cum dixerit ex vino, quod hoc anno ex fundo nascetur, ex anno superiore vel inferiore legatum non suppletur ex anno, id est, superiore anno, vel etiam ex inferiore anno legatum non suppletur, ut in d. l. 5. de trit. vini,

no. & oleo leg. Posterioribus casibus quum dixit, ex vino, quod ex fundo nascitur, legatum suppleri debet, etiam si primo anno post mortem testatoris fundus minus tulerit, quam legatum videatur. Et ratio hac est, quia non certi anni fructus, veluti hujus anni demonstrati sunt, & onerati legato, sed omnium annorum simul his verbis generalibus, ex fundo. Denique generaliter demonstrati sunt fructus fundi omnium annorum, l. inter, §. pro quo, sup. de verb. obl. l. ex eo, sup. de re iudic. & oleo leg. l. 16. §. 1. de ann. leg. l. Lucius, sup. de aliment. lega.

Ad §. Cum ab heredibus.

Cum ab heredibus alumnus centum dari voluisset testator, eam pecuniam ad alium transferri, ut ipse annuum vicissimum quantum trientes usuras ejus summa perciperet alumnus, ac post eam aetatem sortem ipsam, intra 25. annos eo defuncto, transmissum ad heredem pueri fideicommissum, sub eo peti non posset, penes quem voluit pecuniam collocari, propter hac verba. Eamque alumnus in eo post aetatem superscriptam curabis reddere, fideicommissum ab heredibus petendum, qui pecuniam dari stipulari debuerunt. Sed fideiussores ab eo non petendos, cujus fidem sequi defunctus maluit.

Testator puero alumnus suo centum per fideicommissum reliquit, quam pecuniam sive sortem iussit collocari fœnori apud L. Titium trientibus usuris, quæ quotannis reddunt quatuor, & est aut denier trente-trois, & un quart: quoad scilicet puer ille ad iustam aetatem pervenisset, id est, 25. annorum; post quam aetatem ad ipsum L. Titium, quod notandum collato sermone, iussit eam pecuniam reddi alumnus, his verbis: eamque alumnus meo post aetatem superscriptam curabis reddere. Alumnus intra 25. annuum vita decessit; Queritur, an ad heredem alumni transferretur fideicommissum, id est, fors alumnus per fideicommissum relicta? Et respondet transisse: quia purum non conditionale fideicommissum fuit. Simile ei, quod propositum est initio, quodque proponitur in §. seg. Cujus scilicet, solutio tantum prorogatur in diem certum, quo scilicet fideicommissarius perveniret ad annum 25. Et alia est ratio legati vel fideicommissi, de quo agitur in l. si Titio h. t. & l. si cui legatur, §. hoc autem, sup. de leg. 1. quæ leges huic responso solent opponi, quoniam illis legibus, testator ita legavit, Cajo Sejo cum erit annorum 14. vel 25. nihil refert, illam rem sive quantitatem de, lego, aut dari volo, quod legatum conditionale est. Ideoque si ante eam aetatem vita decesserit, non transmittit legatum ad heredem. In specie proposita testator non ita legavit, ut in illis legibus, sed ab initio pure legavit; deinde protulit diem solvendi legati, nempe hoc modo: Cajo Sejo centum de, lego, quæ præstari ei volo, quum ad iustam aetatem pervenerit, & interim Lucio Titio occupari fœnori trientario. Itaque nihil illa illi habent commune cum hoc responso. Illud non est omittendum, quod addit Papinianus, heredem alumni fideicommissum ab eo non petere, apud quem pecunia fœnori occupata est, id est, a L. Titio, quoniam hæc verba, quæ ad L. Titium directæ sunt, eamque pecuniam alumnus meo post aetatem superscriptam curabis reddere; vixit fideicommissi non habent, l. Jul. 66. §. 1. de leg. 3. verbum, curare, fideicommissum non facit, fideicommissum necessitatem injungit: verbum illud cohortatur tantum ad diligentiam aliquam: ut quum ad amicum scribimus, ut curet nobis pecuniam, quomodo frequenter loquitur M. Tullius, & ita etiam hæc verba stipulationis, decem dari curari: sane non obligant promissorem ad dandum 10. abscessit, l. ult. §. ult. sup. de reb. cred. l. illa, §. 1. inf. de ver. obl. Itaque heres alumni, fideicommissum debet petere ab heredibus, qui in collocanda pecunia Lucio Titio stipulari debuerunt, cum alumnus ad iustam aetatem pervenisset, vel quum intra eam aetatem vita decessisset, eam pecuniam reddi debuerunt heredes a L. Titio, cui fœneravit eam pecuniam ex

voluntate defuncti, stipulari pecuniam reddi alumnus in diem testamentum præscriptum, vel sibi potius, quam redderent alumnus, vel heredi alumni; & stipulari debuerunt sine satisfactione, & est, non exactis fideiussoribus, qui locus maxime notandus est: quia nunquam oneratur satisfactione is, cujus fidem testator elegit, & approbavit, ac sequutus est, ut in tutore testamentario dato a patre receptum est, qui non satisfacit rem pupilli salvam fore, quia electio patris pro satisfactione est, quia pater quodammodo pro eo satisfecisse intelligitur, cujus fidem securus est, l. 4. & 17. C. de test. tut. Lucii autem Titii fidem in specie proposita ipse testator elegit: ergo onerandus non est L. Titius satisfactione, sed sufficit cautio nuda, si stipulantibus heredibus reponitur pecuniam reddi, cum venerit dies fideicommissi alumni relicti. Perperam autem interpretes hoc loco trahunt de executori testamenti, de quo meminimus dicere satis in l. 8. sup. de ali. leg. quasi scilicet, L. Titius, cui pecunia datur utenda mutua sub usuris trientibus, sit executor testamenti, quo nihil est absurdum. Itaque nos ea de re nihil tractabimus.

Ad §. Ultimatum.

Pater annua tot ex fructu bonorum, quæ uxori legavit, accessura filii patrimonio, præter exhibitionem, quam æque matri mandavit, ad annum ætatis ejus 25. uxorem præstare voluit, non plura, sed unum esse fideicommissum certis pensionibus divisum apparuit: & ideo filio intra aetatem superscriptam diem finitio, residui temporis ad heredem fideicommissum ejus transmissi: sed non initio cujusvisque anni peti pecuniam oportere, quod ex fructibus uxori datis pater filio præbere voluit: ceterum si pecuniam annuam pater alimentis filii destinasset (non) dubie persona deficientem, causa præstandi videatur extincta.

Hoc ultimum responsum pertinet ad speciem humani. Pater filium heredem instituit, & bona quedam uxori legavit sub onere fideicommissi, ut scilicet uxor filio præstaret annua decem ex fructibus eorum bonorum, quod notandum; ac præterea, ut filium aleret, exhiberet, educaret usque dum ad 25. annum ætatis pervenisset. Hac specie proposita Pap. ait, unum esse fideicommissum omnium annorum ad 25. usque ætatis filii, non plura fideicommissa: quod quidem ait, & post Aristideum, ad differentiam annuorum legatorum, vel fideicommissorum, quæ relinquuntur nomine alimentorum. Ea enim non unum sed plura legata, vel plura fideicommissa esse intelliguntur, l. 10. & 12. & 20. h. t. l. 4. de ann. leg. & l. 11. cod. l. pater, §. ult. sup. de cond. & demonst. l. 45. quæ est const. Græca, C. de epis. & cler. in hac autem specie, annua decem filii patrem non reliquisset alimentorum nomine, ex eo apparet, quod præter annua decem, etiam ei alimenta ab uxore præberi voluit, atque mandavit usque ad annum ætatis ejus 25. quod etiam non mandasset, ut rectissime sentit Accurs. in l. obdicitur, sup. de annuis leg. etiam non esset vero simile, testatorem a legatario annua reliquisset nomine alimentorum heredi suo omnium bonorum domino, sed potius in plures pensiones unum fideicommissum divisisset legatarii exonerandi causa, quoniam gravius est unius summe magnæ persolutio. Igitur multum interest legatarii & alimentorum nomine, sed ut propiciatur heredi, ne urgeatur ad solutionem statim totius summe fideicommissi comprehensione, sed eam restituat per partes siye pensiones. Et sunt hic etiam adnotanda alia differentia. Annua, quæ alimentorum nomine relinquuntur, misericordie causa relinquuntur, ut ait l. qui bonis, ff. de cess. bon. videlicet, ut consular legatario fortasse consumptorio statim, & abligitur, si quæ magna summa ei præstaretur, non minutatim per partes in dies viuentes, vel annos ei dispensarentur plura legata & sufficientia præbita, ut Columella vocat, siue demensa præbita:

bita: providentia testatoris hoc facit, cui legatarii mores incogniti non sunt, quique aliquo integram summam representari iussisset. Annua vero, quæ alimentorum causa non relinquuntur, sane ita relinquuntur gratia heredis, vel legatarii, a quo relinquuntur, ne semel urgeatur ad solutionem unius summe, quæ curatu difficilis sit, sed diversis pensionibus eam exolvat, d.l.12.h.tit. in illo loco, nisi forte evidens sit voluntas testatoris, in annuas pensiones ideo dividendis, quantum non legatario consultum, sed heredi prospectum voluit, ne urgeretur ad solutionem; puta, quum relinquuntur nique ad diem certum, ut in specie propoſita. Alimenta autem plerumque relinquuntur in perpetuum, id est, dum vivet alimentarius, sed relinqui etiam possunt ad tempus, cum autem, §. sed etsi non fuerint, sup. de transact. & in multis aliis si. titularum de ann. leg. & de alim. leg. Præterea alimenta, quæ relicta sunt, cum vita legatarii aut fideicommissarii finiantur, nec in heredem ejus transmittuntur, quia personæ coherere, ac proinde deficiente persona, extinguuntur, ut Papinianus ait in extremo hujus legis, idque patet ex d.l.cum hi, §. modus, de transact. l. in singulis, de ann. leg. Mors alimentarii liberator est ejus, a quo alimenta relicta sunt. Et hac ratione quodammodo mortuus alimentarius tunc heredi legat annua, quod ab herede ei legata erant. Martialis, locus 9. Epigram. ad Bithyn. inquit;

*Nili tibi legavit Fabius, Bithynice, cui tu
Annua si memini millia sena dabas.
Plus nulli dedit ille; quæri
Annua legavit millia sena tibi.*

Bithynicus tum capere hereditatem Fabii, ei solebat annui nulli sena dare, quo postea moriente nihil ex testamento ejus consecutus est, ipse sua frustratus, sed tamen ille eum deridens ait; eum consequutum esse morte Fabii annua millia sena, quæ heredi ejus haudquaquam præstare compelleretur, neque deberetur, etiam si Fabio deberentur ex alieno testamento. Legatum autem fideicommissum, quod proponitur hoc loco ab uxore filio relictum, post patrem moriente filio, in heredem filii transmittitur, quoad præstitum tempus exierit, quo filius si viveret completeret iustam ætatem, l.20.hoc tit. quia non alimentorum causa, annua 10. filio relicta sunt; & ideo fideicommissum morte filio non extinguitur. Denique hoc fideicommissum est purum, necitur alia differentia ex alia, hoc, inquam, fideicommissum, de quo agitur in hoc ultimo responso, est purum, cuius dies dedit ex die mortis testatoris, solutio tantum conferatur in tempus, ut in superioribus duobus responsis; divisa in plures pensiones annuas exonerandi legatarii gratia. Glossa obiter dixit; heredis pro legatarii, quoniam non ab herede, sed a legatario annua filio relicta proponuntur. Annorum autem in alimenta relictorum primi anni purum est legatum sive fideicommissum, cujus dies dedit statim a morte testatoris, sequentium annorum legatis hæc conditio inest, si legatarius vivat. Denique sequentium annorum legata conditionalia sunt; nam mortuo legatario sequentium annorum annua heredi ejus non deberetur, l.4. sup. de ann. leg. l. a. §. si in annos, sup. ad l. Falcid. Postremo fideicommissum, quo dicitur agitur hoc loco, quo filio relicta sunt annua decem, non potest peti initio cujusque anni, sed expectanda est collectio fructuum, expectanda sunt metes aut vindemia, quoniam id fideicommissum divisis pensionibus pater præstari iussit, sed fructibus bonorum uxori relictorum: ergo non ante peti potest, quam coacti sint fructus atque percepti, quod & Papinianus notat diligenter hoc loco. At annua legata vel fideicommissa destinata alimentis, peti possunt initio cujusque anni, l.12.hoc tit. l.1. C. eod. tit. Sed & ea annua, quæ non sunt destinata alimentis, ut ex contrario hic locus arguenter præstat, peti possunt initio cujusque anni, si non sit additum, ut ex fructibus præstarentur. De legatis tantum tracto, non de stipulationibus, quibus annua stipulamur dari, vel annuam pecuniam; quoniam notissimum est hac in re, alio jure esse

A stipulationes, alio legata. Et rationem differentie fuisse exposuimus in l.16. de verb. oblig. Illud non omittendum, quod Accursius hoc loco negat, uxori relicto victu, & vestitu, victum ei non deberi initio cujusque anni, quod falsum esse coarguit d.l.12.h.t. & l.1. C. eod. quæ dicunt, alimenta, quæ utique verbo victus significantur, peti posse initio cujusque anni vel mensis, prout distribuenda ei alimenta censuerit iudex, cum id maritus non expreſſerit, l. si cui, de ann. leg. l. pen. de alimen. leg. Et ita Albericus sentit recte: venter, ut vulgo dicitur, dilationem non patitur. Quamobrem nec tempora iudicati faciendi servantur in alimentis constituendis, l.2. inf. de re judic. Vestiarium autem petet uxor, quum erit ei ex usu & commodo suo: ut relictum in habitationem non petitur statim præſenti die, sed quo die est commodum solvi, quo scilicet die debetur pensio habitationis, l.12. §. si in habitationem, hoc tit.

Ad L. XLII. de Oper. libert.

Cerdonem servum meum manumitti volo, ita ut operas heredi promittat: non cogitur manumissus promittere, sed & si promiserit, in eum actio non dabitur, nam juri publico derogare non potuit, qui fideicommissariam libertatem dedit.

C Erdo, ut opinor, non est artificii nomen, ut Glossa sentit, non est sutor veterarius, & c. apud, ut Græci vocant, veteramentarius, vetericulus, sed est proprium nomen servi, ut apud Apul. 2. Miles. Credo quidam nomine, negotiator accessit. Huic autem Cerdoni servo dominitus ab herede extraneo reliquit fideicommissariam libertatem, ita, hæc sunt verba testatoris, ut operas heredi promitteret, quæ verba, ita ut, quod fuit mihi sepe uti in multis casibus, modum faciunt, non conditionem, ut & ex hoc loco patet, & ex l. libertas, §. hæc scriptura, de man. testam. l. Titio centum, §. 1. sup. de condic. & demonſtr. legitur servo confectum præſtanda est libertas ex causa fideicommissi, quod purum esse intelligitur, non conditionale, quod sub modo esse intelligitur, non sub conditione. Modus impletur post præſtationem legæti, conditio impletur ante præſtationem legæti: sed queritur, an post præſtationem libertatem manumissus cogatur operas heredi promittere, quemadmodum testator cavet? Et respondet, non cogit, quinimo promittentem heredi stipulanti non obligari, id est, ut Glossa ait rectissime, promittere coactum, quia si post manumissionem ultro donandi animo promiserit operas, proculdubio obligatur, l. Campanus, D. h. t. Et recte etiam posui, ab extraneo herede servo fuisse relictam fideicommissariam libertatem. Nam si sit relicta a filio, filius manumissus ex causa fideicommissi, potest donum, munus, operas, quas nos appellamus, jure, quod & ex jurejurando debeantur, non minus quam ex stipulatione, imponere: filius, inquam, manumissus ex causa fideicommissi potest donum, munus, operas imponere, hac ratione, quia & directo manumissus, & liberto orculo operas posset imponere quasi patroni filius, l. si filius, in pr. inf. de fideicom. liber. Ratio autem hujus responsi hæc est, quia non potuit testator juri publico derogare, jubendo, ut manumissus ab herede ex causa fideicommissi heredi promitteret operas, vel juraret, l. nemo potest, de leg. 1. Non potest facere testator, ne jus publicum locum habeat, l. testandi, C. de testam. l. 5. §. Julianus, de admin. tut. Quintil. declamat. 372. Potentius, inquit, est quod in alio legis, quam quod in testamento. Jus autem publicum hoc loco vocat constitutiones Principum, quibus cavetur cessare persecutionem, sive petitionem operarum adversus eos, qui ex fideicommissi causa manumissi sunt, etiam si eas coacti promiserint, l. 7. §. prescriptum, h. t. l. 2. l. mater, C. eod. tit. l. qui ex causa, tit. leg. l. videndum, de leg. 1. nec mutat, quod is, qui manumissus ex causa fideicommissi patronus est. Cur ergo, inquires, jure licito non imponet operas manumissus, vel munus, vel donum? Nempe, quia non gratiam, sed

sed debitam libertatem præstitit, quia libertatem præstitit, quam non potuit non præstare, ut sit ea acceptio ferenda potius defuncto, quam manumissori.

Ad L. L. de Manumissis testament.

Quod D. Marco pro libertatibus conservandis placuit, locum habet irrito testamento factio, si bona venientia sint, alioquin vacantibus fisco vindicatis, non habere constitutionem locum, aperte cavetur. Servus autem testamento manumissus, ut bona suscipiant, jure cautionem idoneam offerre, non minus quam ceteros defuncti libertos, aut extraneos declaravit, quod beneficium minoribus annis hereditibus scriptis, auxilium bonis præstitutum more solito desiderantibus, non auferetur.

Pertinet hæc l. 50. ad genus illud succedenti in universa bona defuncti, quod introduxit constitutio D. Marci ad Popilius Rufum, de quo genere successione est in *Instit. tit. de eo cui lib. cau. bon. add.* Et de eo similiter agitur in *l. 2. §. 4. tit. seg. §. l. 6. C. de manumiss. testam.* Si heres scriptus testamento, quo servis directæ libertates vel fideicommissariae datae sunt, non lit adire hereditatem ex testamento, nec repudiata causa testamenti ullus existat, qui ab intestato eam hereditatem adire velit, forte ob grande æs alienum, quo ea premitur hereditas, & creditores hereditarii in eo sint, ut defuncti nomine bona possideant, & actionem eorum bonorum faciant sub hasta & præcone, quæ res si fieret, maxime læderet existimationem, memoriamque defuncti: ideo ne interdicant libertates, quæ sane ipso jure interdicunt destituito testamento & deserto ab herede scripto, ne lædatur existimatio defuncti, ejus nomine bonis a creditoribus distractis, ut inquam, conserventur libertates, simul atque existimatio defuncti, constitutio Divi Marci permittit illis, quibus libertates testamentum datae sunt, vel uni eorum, vel liberto testatori, quem scilicet vivus manumissit, vel etiam extraneo libero homini, ut a pratore vel prædite possulet bona universa defuncti sibi addici libertatum tuendam gratia, ne pereant, oblata & præstita satisfactio, vel alia cautione idonea, creditoribus hereditariis satisfactum iri, quia additione bonorum imperata, inhibitor actio eorum bonorum, quia defensor idoneus existit, qui respondeat creditoribus, qui admittitur etiam bonorum possessori, *l. 4. §. in autem, tit. seg.* Et si forte non caverit creditoribus, etiam creditoribus perinde atque si eis cavisset, in eum dantur utiles actiones, quasi ex stipulatione tacita, *l. 3. tit. seg.* Et de hac re hoc loco Papinianus ita scribit, constitutioni D. Marci locum esse libertatum tuendam gratia testamento, in quo datae sunt, destituito ab herede, & irrito factio. Si bona, inquit, venientia sint: nisi existat aliquis cui ea addicantur, quasi heredi testamentario, aut bonorum possessori. Nam si bona venientia non sint a creditoribus, si non urgeant creditores hereditarii, si bona, puta, solvendo sint, si locuples & luculenta hereditas, atque adeo nemine herede existente ex testamento, vel ab intestato, ea bona fisco vendiet, & agnoscat tanquam vacantia ex l. Julia, *liquidum, §. quotiens, de leg. 1.* quæ dicitur lex Julia caducaria ab Ulpiano libro sing. reg. tit. de bonor. possess. tum vero cessat constitutio Divi Marci, id est, libertates servis non competunt, neque debentur. Et hoc est quod ait, alioquin vacantibus bonis fisco vindicatis, non habere constitutionem locum. Idque ait aperte, caveri ipsa constitutione. Et hoc idem probat etiam *lex 2. §. eadem, tit. seg.* sed indiget interpretatione, quoniam prima specie in *d. l. 4.* Ulpianus secum ipse pugnare videtur: namque primum ait, constitutioni locum esse, id est, competere libertates non tantum, si extraneus quilibet bona sibi addici possulet libertatum conservandarum gratia, ut a Divo Marco studiosus libertatum postulavit Popilius Rufus, ad quem ea constitutio Divi Marci dirigitur,

A quæ nusquam extat alibi integra quam in Institutionibus: Innumeri sunt loci singulares in Institutionibus, quo libello juris neque pulchrior, neque facilius ullus est, nec dispositior; & præter illam constitutionem, cujus verba in Institutionibus integra referuntur, quæ non extant alibi, etiam invenies in eo tit. esse singulare, quod ait, quandoque libertates dari mortis causa. Verum ad rem. Non tantum, ut copii dicere, constitutioni locum esse, si extraneus sibi addici possulet, sed etiam si quæ creditores possidere & distringere concupiscunt, fisco agnoscat. Post additur in *d. §. eadem*, quod videtur pugnare cum superiori dicto, alia ratione fisco agnoscente bona, id est, non instantibus creditoribus, non urgentibus aut opprimentibus creditoribus, paucis aut nullis existentibus creditoribus, constitutioni locum non esse, id est, non competere libertates. Unde inferet hoc modo. Quare est caducis legibus bona delata sint, idem erit probandum, ubi jampridem ostendi esse legendum: quare est caducis legibus, id est, Julia & Papia, bona fisco delata sint, ut vacantia scilicet, probandum erit non esse constitutioni locum, id est, non competere libertates: & bona delata caducariis legibus, ut dixi, vocat bona vacantia, ut *d. §. quidem, §. quotiens, de legat. 1.* Bona vacantia sunt, quod notandum, quæ nec heredes, nec creditores ulli persequuntur. Popilius autem Rufum, ad quem scripta est constitutio hæc accipio pro extraneo libero homine Philo sopho studioso libertatum tuendarum, petente sibi addici bona propter libertates, non ut Theophilus, pro servo testamento manumisso, quia servi, bi-nomines non erant, *ils n'avoient point deux noms.* Et quod est in *l. 6. C. de testam. manumiss.* etiam extraneo postulante bona ei addici posse, libertatum conservandarum causa. Id ex hac l. 50. liquet manare ex constitutione ista divi Marci, qui etiam extraneo fecerit potestatem petendi additionem bonorum. Et in hanc rem est hæc lex singularis, quæ etiam fisco utique admittit sine satisfactione, vel satisfactione. Fisco nunquam satisfact, quia semper est locuples, *l. 1. §. si ad fisco, sup. ut leg. nom. cau. nec mirum, si constitutio etiam admittit extraneum quemlibet, cum libertatum causa sit publica, l. si quis rogatus, tit. seg. l. 4. D. ne de statu des.* Additur in extremo hujus legis, quod beneficium minoribus annis hereditibus, scriptis, auxilium bonis præstitutum more solito desiderantibus, non auferetur. Beneficium scilicet hujus constitutionis, hic est sensus, non auferitur illis, qui a domino libertatem acceperunt, si heredes scripti minores 25. annis initio abstinerint se bonis, deinde post factam additionem bonorum, libertatesque servis conservatas, vel præstas, restituti sint in integrum adeundorum bonorum, adeunde hereditatis causa: neque enim servis ideo auferuntur libertates, quæ semel competierunt, nec patroni, qui semel eorum effecti sunt, mutabuntur, ut *d. l. 4. §. 1.* quoniam adversus libertates non extenditur restitutio in integrum, *l. 11. §. ult. de minorib.* Et ait, *auxilium bonis præstitutum*, id est, auxilium generali edito de minoribus præstitutum, & præstitum minoribus, ut ad bona, quibus se inconsulto abstinerunt, restituti in integrum, regressum habeant. Hæc vero est secunda interpretatio Accursii rectior, quam prima, quam tamen Græci sequuntur 48. Basil. ut scilicet et converso minoribus hereditibus scriptis initio hereditatem adeuntibus: deinde beneficio restitutionis abstinentibus se, post audiantur, qui bona sibi addici desiderant libertatum conservandarum gratia. Male: nam hoc frustra desideraturum sunt, quia libertates semel competierunt adita hereditate, ne eis restitutio in integrum quicquam officit hereditibus restitutis abstinenti causa, *l. 2. C. de testam. manumiss.* Et hæc est vera interpretatio hujus legis.

Ad L. XXIII. de Fideicom. libert.

Fideicommissaria libertas prætexit compilata hereditas, aut rationis gestis non differtur.

Initio legis hoc proponitur : Severus, qui per speciem fideicommissi libertas pure relicta est, dicitur expulisse hereditatem iacentem, vel rationes gessisse hereditarias iacente hereditate, & conturbasse. Quamvis, an ideo differenda sit præstatio libertatis, quoad purgatis rationibus, & maleficio, quod ei obicitur, absolutus fuerit. Denique queritur, an suspensa cognitione maleficii sit ei representanda libertas ex causa fideicommissi? Et ait, moram non esse sciendam eo prætextu puræ libertati, quod & Divus Marcus constituit, *l. si pure, inf. hoc tit. l. i. §. sed si fideicommissaria, si quis test. lib. esse iuss. fuerit, l. pen. C. de crim. expil. hered. l. 4. C. de testam. manumiss.* Neque obstat *l. quam opponit Accursi. l. 5. C. de leg. cum qua consentit l. 48. sup. ad Trebell.* quæ dicunt, non habere legatarium petitionem rerum legatarum, quas furatus est. Primum respondeo, hoc verum esse, si legatarius postquam furti damnatus est eas res petat, quas ante subripuerat, frustra enim petit, non si suspensio criminis furti, nec dum facto, siue peracto eas res petat, arg. *l. pen. D. de accusat.* Deinde ex eo, quod illis lib. continetur, male infertur, non recte peti fideicommissariam libertatem ab eo, qui res aut rationes hereditarias intervertit. Id enim non intervertit, quod petit.

Ad §. Fideicommissariam.

Fideicommissariam libertatem ab herede non præstitam, cogendus est heredis heres, qui restituit ex Trebelliano Senatusconsulto hereditatem, præstare, si ejus personam eligat, qui manumittendus est.

Heres, a quo relicta est servo libertas per fideicommissum, vel heres ejus, heres heredis, si hereditatem alii restituerit ex SC. Treb. queritur, an cogitur eum servum manumittere, translata iam hereditate in fideicommissarium Trebellianum? Sic videtur Papinia. ut heres etiam post restitutam hereditatem, aut heres heredis cogatur eum servum manumittere, videlicet, si servus ab eo manumitti malit, quam a fideicommissario Trebelliano, quia is servus fideicommissio hereditatis non continetur, *l. apud Julian. sup. h. tit. quæ lex recte ait idem servari in persona fideicommissarii Trebelliani, quod in persona emptoris. Nam si eum servum quis ab herede emerit, si hoc malit servus, cogitur eum heres, idemque venditor redimere & manumittere, l. 15. sup. hoc tit. l. generaliter, §. ult. h. tit. l. Titius, de acq. empt.* Hoc relinquitur in arbitrio servi, ut eligat, quem volet manumissorem, quoniam sæpe interest manumitti potius ab uno quam ab alio, pro varietate morum, quibus manumissores præditi sunt, vel etiam pro arate, quoniam interest manumitti potius a senec, cui non diu edat operas officiales libertatis causa, quam a juvene, *d. l. 15.*

Ad §. Servum.

Servum peculii castrensis, quem pater fideicommissi verbis a legitimis heredibus filiis liberari voluit, filium militem, vel qui militavit, si patris heres existit, manumittere cogendum respondit, quoniam proprium manumissus defunctus post donationem in filium collatam existimavit: portionem enim a fratre domino fratrem eundemque coheredem citra damnum voluntatis redimere non cogendum, nec ob eundem errorem cetera, quæ patet in militia profecturo filio donavit, fratri qui mansit in potestate conferenda; cum peculium castrense filius etiam inter legitimis heredes præcipuum retineat.

Nemo ambigit in castrensi peculio filiam numerari, quod filio in militia profecturo pater donavit, *l. castrense, inf. de cast. pec.* Donatio inter patrem & filiumfam. regulariter quidem non valet, sed si fiat causa peculii castrensis omnino valet, quia filius in castrensi peculio pro patrefamil. habetur, *l. 2. sup. ad SC.*

Tom. IV.

A Maced. Nunc finge, filiofamil. proficiscenti in militiam, arma, equos, ornamenta, & multa alia patrem donasse, & inter cetera etiam servum calonem, siue eaculam, *un. gaviat,* & ei servo codicillis reliquisse fideicommissariam libertatem a duobus filiis, quos habuit tanquam legitimis heredibus ab intestato, uno milite aut veterano, id est, militia jam functo & emerito, altero pagano. Queritur, an si uterque filius patri heres existerit ab intestato, an ab utroque libertas fideicommissaria peti possit? Et respondet, a filio tantum milite peti posse, cui is servus a patre donatus est in castrensi peculio. Nec obstat, quod pater eum servum a filiis, ut posuimus, manumitti iussit, quia error in eo fuit patris, qui eum servum in dominio suo mansisse perperam existimavit post donationem collatam in filium, id est, qui existimavit eam donationem non valere, quæ valet optimo jure, quam sit in causam castrensis peculii. Et hoc errore falsus quasi proprio servo pater a filiis legitimis heredibus reliquit fideicommissariam libertatem, quam a filio servi domino tantum reliquere potuit, is solus, qui filius in eo servo nihil juris habet. Itaque is solus, qui servi dominus est, servum manumittere cogitur, nec propter errorem patris, ac si servus patris proprius fuisset, qui non fuit: & proinde communis utriusque filii jure hereditario, ut eum manumittat filius miles, aut veteranus, non cogitur redimere portionem fratris, qui ejus servi castrensis nulla ex parte dominus est, quia non fuit communis servus fratrum, sed filii militis aut veterani proprius in solidum. Verum quod hoc loco tradidit Papinianus, emendanda sunt Papiniani verba,

Cum ait: *Portionem enim a fratre domino fratrem, eundemque coheredem citra damnum voluntatis redimere non cogendum.* Illud enim, *domino*, glossa est. Dominus enim fuit servi, qui redimere portionem a fratre non cogitur, non is a quo redimere non cogitur, quem tamen si addas, *domino*, facis dominum. Itaque perspicuum est illud, *domino*, irreperibile in contextum, & ait, *citra damnum voluntatis*, ut damnum conditionis, *l. Imperator, sup. ad Treb.* hoc sensu, quod valde notandum est, quod non cogatur frater dominus servi a fratre portionem redimere, ut eum manumittat, secutus errorem patris potius quam veritatem, non ideo fieri contra voluntatem patris, id est, hoc fieri citra damnum voluntatis paternæ, quia non intelligitur voluisse, qui eravit in jure, *l. si per errorem, de jurif. l. 116. §. ult. de reg. jur.* Qua de causa ut subicit, nec is error patris efficit, qui servum donatum filio ex causa castrensi putat proprium suum esse, non filii, cui donavit proprium in solidum, uti est. Is, inquam, error non efficit, ut filius ille non habeat eum servum, ceteraque omnia bona castrensia, quæ pater ei donavit, præcipuum ab intestato: Is, inquam, error non efficit, ut ea bona conferat fratri pagano: imo sibi retinebit propria in solidum, ut *l. 1. §. nec castrense, de collat. bon. l. 54. ad Trebell. l. cum duobus, §. idem Papin. pro soc.* Nec obstat, quod dicitur, errorem testatoris facere jus, *l. 3. in fi. sup. de supell. leg.* quoniam hoc dicitur de errore facti, quo non læditur jus publicum, ut in exemplo ibi proposito, si vasa argentea, quæ sunt in supellestili, rationibus testator refferat in argento, non in supellestili, propter errorem testatoris, legato argento, ea vasa continebuntur, quia error, id est, voluntas illa testatoris, errantis scilicet, pro jure est: error hic est index voluntatis non injustæ, aut juri publico adversæ: At hic est error juris maxime adversus juri publico, ut manserit servus proprius, quem donavit ex causa castrensi, & ut conferatur fratri a fratre, urque habeatur pro communi inter fratres, qui errores sunt stultissimi. Etiam illud adnotandum, irreperibile mendum ali-quod illo loco: *Qui mansit in potestate*, quo significatur, pagano mansisse in potestate, & ex contrario igitur fratrem militem fuisse solum potestate, quod est falsum, alioquin non esset legitimus heres, sicut proponitur hoc loco. Ac præterea non fuisse eum emancipatum, nequaquam proponitur, nec potest dici, militia solvi

Kkkk

pa-

patriam potestatem, l. filiusfam. de ritu nupt. l. 7. C. de pat. potest. §. filiusfam. Insuper quid. mod. ius par. potest. amit. Quinimo necessario ponendum est, etiam militem mansisse in potestate, ut etiam in potestate, in eo ius istud singulare observemus, ut sit ei castrensium peculium proprium patrimonium, quod habiturus est præcipuum mortuo patre, nec collatus fratri. Igitur mendum hoc quoque loco dum ait, *Qui mansit in potestate*, aliud quod irrepit, & videtur esse legendum, *Qui mansit in potestate*, ut loqui alii auctores solent, esse in puerilibus annis, in senioribus, novissimis. Et etiam in l. 7. de reg. jur. ius nostrum non patitur eundem hominem in paganis, id est, qui sit in paganis, non in militibus. Atque ita exposuimus tria responsa huius legis.

Ad §. etiam fideicommissaria.

Etiam fideicommissaria libertas a filio post certam ætatem eius data, si ad eam puer non pervenit, ab herede filii præstituta debet reddere. Quam sententiam iure singulari receptam ad cetera fideicommissa relicta porrigi non placuit.

Quod ad §. penult. attinet, in eo proponitur, patrem a filio impubere codicillis factis ab intestato servo libertatem fideicommissariam reliquisse. Pone filium fuisse impubere, quia Papin. eum puerum vocat illo loco, si ad eam puer non pervenit. Et hoc sane multum facit ad §. ultimum, qui simul cum isto explicandus est: A filio igitur impubere reliquisse fideicommissariam libertatem his verbis, *illum servum cum filius meus ad 14. annum ætatis pervenerit, manumittit volo*. Hæc verba in se conditionem continent, si filius effectus fuerit annorum 14. Et tamen mortuo filio intra pubertatem, intra eam ætatem nondum facta annorum 14. placet heredem eius filii servo debere præstare libertatem ex causa fideicommissi præstituta die. Præstituta die, id est, qua die eam ætatem filius attigisset, si vixisset, quod ait fuisse receptum iure singulari, hoc est favore libertatis, ut in l. 10. C. de tit. l. si ita scriptum, sup. de manum. test. l. 19. De de statulib. favore libertatis conditio defecta pro impleta habetur. Defecta enim conditio est, qua qui mortuus est intra annum 14. sane non intelligitur esse annorum 14. aut fuisse, l. si Titio, sup. quando dies leg. ced. Sed pro impleta habetur favore libertatis, impleto tempore quo, si vixisset filius, servo ea libertas debita, & præstita fuisset, ut e contrario favore pæ causæ, conditio impleta nonnunquam habetur pro defecta in Novella 23. quod exposui hoc ipso libro in l. cum arvis, sup. de cond. & dem. Multa contra juris rigorem, contra communes regulas juris pro libertatibus benigne recepta sunt, instituta a maioribus favore libertatum l. generaliter, §. si quis servo, h. t. in bello, §. manumittendo, inf. de capt. & post. rev. l. penales, in fin. sup. ad l. Falcid. ult. Insuper de don. Philosophia amplectente libertatem, ut eleganter ait lex pen. C. de iis quibus, ut indig. Philosophia scilicet Stoica, in qua versantur omnes Jurisconsulti nostri, & cujus verbum hoc est apud Diog. Laertium *καὶ τὸ ἐλευθέρωτον*, C'est la plus noble chose que d'avoir un maître. Idem vero non servatur in fideicommissio pecuniaria, quod in libertate, eadem servo relicto sub eadem conditione: quum filius erit annorum 14. nam filio mortuo intra pubertatem, fideicommissum exstinguitur, quasi defecta conditio. Libertas quidem & fideicommissum simul relicta sunt eidem servo, & sub eadem conditione, sed libertatis conditio pro impleta habetur, fideicommissi pro defecta. Quæ est sententia §. p. n. cui nihil obstat lex Firmio, §. 1. sup. quando dies leg. ced. vel l. pen. C. ced. tit. Quoniam ut ostendi in d. l. Firmio, id purum fuit non conditionale fideicommissum: Eodem vero modo si adscripta sit libertati & fideicommissio pecuniaria hæc conditio, si heredi decem dederit, cum eidem servo relinquatur libertas simul, & legatum, vel fideicommissum sub conditione, si heredi decem dederit, servus non

dederit heredi, sed heredi heredis, quantum ad libertatem attinet, conditio pro impleta habetur: quantum ad fideicommissum pecuniarium, pro defecta: est similis ratio & causa l. sub diversis, §. ult. l. cum ita, in fin. sup. de condit. & dem. Insuper.

Ad §. ult.

Servum a filio post quinque annos, si eo tempore mercedem diurnam filio præstitisset manumitti voluit: biennio proximo vagatus non præstiterat, conditione defectus videbatur, si tamen heres filius, aut tutores ejus ministerium servi per biennium elegerint, eam rem ex præterito, quod per heredem steterit, impedimento residua conditioni non esse constitit.

IN specie quoque §. ult. huius l. conditio defecta pro impleta habetur, sed hoc interest, quod in §. pen. pro impleta habetur iure singulari, in ultimo, iure communi. Quo argumento, quia sive libertati, sive fideicommissio, aut legato adscripta sit conditio, semper habetur pro impleta. In specie §. ultimi, puta, cum per heredem, in cuius persona conditio sit, stat aut mora fit quo minus impleatur, communis hæc est regula juris, l. in iure, de reg. jur. quod ius commune vocat Papin. in l. cum pupillus, in princ. sup. de condit. & dem. ad differentiam scilicet iuris singularis, de quo dixit in §. pen. h. l. nam hic sane §. ult. omnino conjungendus est cum initio d. l. cum pupillus. Hoc loco ait, *plus aut tutores, & illo quoque loco ait, pupillus aut tutor*. Et rursum cum illa in l. cum pupillus ait, *Tam legati, quam libertatis conditionem impletam videri, nisi ad differentiam ejus, quod proposuit in §. pen. non ut libertatis, ita legati conditionem impletam videri*. Denique ius singulari, ponitur in §. ult. cooptato cum l. cum pupillus, ius commune. Et coheret etiam hic §. ult. cum pen. cuius æque est de filio impubere, & ex conjunctione utriusque exoritur, & emergit illi differentia inter ius singulare, & ius commune: & ea quoque convenientia in eo, quod utroque iure conditio defecta habetur pro impleta, iure singulari favore libertatis: iure communi culpa pupilli vel tutoris, in cuius personam conditio collata fuit. Et utraque species §. pen. & ult. est de pupillo, propterea quod conditio confertur in maiorem ætatem heredis, adultam puta, vel iustam. Unde apparet ex §. ult. in d. l. cum pupillus, proprie ita esse ponendam speciem. Pater a filio impubere post quinquennium, servum manumitti, & legatum certum ac fideicommissum ei præstari voluit sub conditione, si tempore toto quinquenni is servus filio diurnam mercedem præstiterit, ex sua industria & locatione operarum, ex suo quasi diurno. Servus triennio diurnam pensionem sive mercedem filio præstitit, biennio autem proximo feriatum & vagatus, inquit, per orbem terrarum, filio nihil intulit: sane conditio libertatis defectisse intelligitur, & precepta igitur spes fideicommissaria libertatis, hoc est extra omnem controversiam: At si servus feriatum & vagatus non sit, sed per biennium filius vel tutor, per biennium illud filius vel tutor ejus ministerium servi elegerit, & diurnam pensionem præstulerit, conditio tam libertatis, quam legati, aut fideicommissi pro impleta habetur, quia per filium aut tutorem, quod idem est, in cuius personam collata conditio fuit, stetit, quominus conditio impleteretur. Iure ergo communi pro impleta habetur, non iure singulari, quia non tantum libertas, sed etiam legatum servo deberi Papinianus ait: in fine huius legis, ait, eam rem, quod biennio proximo servus filio ministerium præbuerit, non diurnam mercedem, ministerium præoptante filio vel tutore, quam mercedem ex præterito tempore, ex triennio scilicet, quo servus conditioni paruit, non esse impedimento residua conditioni, id est, eam rem non efficere, ut minus videatur servus paruisse conditioni biennio residuo, quia per filium stetit, quo minus, & eo biennio pareret conditioni. Hoc est maxime notandum.

Ad leg. XXXV. de Statulib.

Non videbitur per statuliberum non stare, quo minus conditio libertatis existat, si de peculio, quod apud venditorem servus habuit, pecuniam conditionis offerre non possit: ad alienum enim peculium voluntas defuncti porrigi non potuit. Idem erit etsi cum peculio servus venerit, & venditor fide rupta peculium reituerit: quamquam enim ex empto sit actio, tamen apud emptorem peculium servus non habuit.

Sententia leg. 34. de statulib. pertinet ad hanc quaestionem vel speciem: Servo directe libertas data est sub conditione, si heredi decem dederit. Inter omnes constat, & proditum est in iure locis innumeris posse statuliberum, id est, cui directo data libertas est, sub conditione dandi decem, dare ea 10. de peculio, si quod habuit apud testatorem a testatore concessum conditionis implenda causa, l. 3. §. 1. h. t. l. 2. §. ult. *si p. de cond. cau. data.* Et hoc quidem est tanquam receptum & probatum iurisperitis omnibus, ut statuliber ex eo peculio dando quasi ex suo patrimonio suave pecunia perveniat ad libertatem, conjectura facta voluntatis domini, quasi voluerit dominus, ut & posset ea 10. dare ex peculio suo tacite, l. 17. h. t. *in solo*, §. si statuliber de capt. & post. *rev.* At si nunc servum non apud testatorem habuisset ullum peculium, sed habere cepisset apud heredem, ei constitutum ad heredem, & heredem statuliberum vendidisset, quod potest, l. 25. h. t. vendidisset autem sine peculio, statuliber conditionem libertatis implere potest in persona emptoris, dando emptori 10. quod est ex x. l. tab. l. 29. *bit.* & apud Ulpianum *lib. reg. tit. de statuliber.* At quæro, an eam conditionem possit servus implere sumpta pecunia, sumptis 10. ex peculio, quod habuit apud heredem eundemque venditorem. Et certum est, non posse servum implere conditionem ex aliena pecunia. Pecunia autem illud alienum est, quia id servus non habuit apud testatorem, sed apud heredem habere cepit, sine quo statuliberum heres vendidit. Ad alienum peculium, inquit Papinianus, id est, quod alius statulibero constituit, non testator, voluntas defuncti non porrigitur: quod receptum est ex tacita voluntate defuncti, ut statuliber dando de peculio, expleat conditionem libertatis. Id pertinet tantum ad peculium, quod habuit apud testatorem, non quod habuit apud heredem eundemque venditorem: vel etiam pertinet ad id, quod nunc habet apud emptorem. An igitur servus, quod ex peculio heredis dare non possit, qui id sibi excepit in vendendo servo: an videbitur per eum non stare, quo minus conditio libertatis existat, id est, an conditio habebitur pro impleta, & statim liber erit? Et respondet, non videri per statuliberum non stare, sic est Florentia scriptum rectissime: & male adnotarunt, qui Pandectas illas exprimi curaverunt, secundam negationem abundare: rectissime enim, ut scriptum est hoc modo: non videbitur per statuliberum non stare, id est, stat per statuliberum, quo minus conditio libertatis, existat, quia etiam non possit dare ex peculio heredis, dare aliunde potest, aliunde pecuniam corradere potest, qua data conditionem libertatis expleat. Et hæc est sententia Pap. **E** cui prima specie plurimum adversatur l. 3. §. si quis servum, h. t. Servus iustus est dare decem & liber esse: eum heres vendidit sine peculio; non erit statim atque venditus est, liber quasi prohibetur dare de peculio, hoc ipso quod sine peculio venditus sit, sed tunc liber erit, quasi conditione habita pro impleta, cum ab heredem prohibebitur peculium tangere. At Papin. negat, eum liberum fore, quod peculium non possit attingere, quod primum cepit habere apud heredem, & apud testatorem nunquam habuit. Sed ut perspicue respondeam abolita Glossa, in §. si quis servum, agitur de peculio, quod habuit apud testatorem, ex quo implere conditionem potest: & si prohibeatur ab heredem, conditio me-

Tem. IV.

A rito pro impleta habetur, & statim liber existit: & in hunc locum hoc ita recte animadvertit Benedictus Plumbinus, qui proprie affectavit scribere in hoc titulos de libertatib. solus: nec abs re, quoniam sunt utiles, & conducunt maxime omnib. partibus juris nostri, ut plane sit stultus, qui non & eis quoque titulis vult dare operam. At in §. si quis servum, ut dixi, agitur de peculio, quod apud testatorem servus habuit, ex quo si prohibeatur ab heredem, ne 10. sumat conditionis implenda causa, conditio habetur pro impleta, non statim hoc solo, quod servum vendidit sine peculio. In hac autem l. Pap. tractat de peculio, quod non apud testatorem servus habuit, sed apud heredem, ex quo non potest sumere quicquam implenda conditionis causa, cum non testatoris, sed alius, id est, heredis peculium sit. Et addit Papinianus, idem esse dicendum, si heres servum vendiderit cum peculio, quod apud eum servus habuit, non apud testatorem, sed fide contractus rupta emptori non tradiderit, quo nomine tenetur emptori actione ex empto nomine doli mali, quod fidem ruperit, quod & peculium vendiderit, nec tradere velit: actio ex empto est bonæ fidei, doli malus vindicatur actione bonæ fidei, fides rupta vindicatur actione bonæ fidei, ut l. 1. c. de dolo: actione mandati, de qua eam legem esse accipiendam probat observatio tertia, & actione depositi, l. ei apud quem, de pos. Et ideo servus, tamen si peculio, quod apud heredem habuit, non apud testatorem, dare non possit decem, & implere conditionem, quod necdum habet etiam apud emptorem, quia est emptor actionem habet ex empto ad peculium, ut sibi tradatur, quod venit cum servo; non tamen videtur habere peculium. Et in hoc casu vitatur regula l. 15. de reg. iur. quæ dicit, eum videri rem habere, qui actionem habet ad rem recuperandam, ut l. si quis de vi, de adq. poss. quoniam aliud est in peculio, quod ut intelligatur esse peculium, exigit naturalem sive corporalem traditionem, l. nec statim, de pecul. Servus, inquam, non ideo, quod non possit dare de illo peculio, quod habuit apud heredem, necdum habuit apud emptorem, dicere non potest, per se non stare, quo minus conditio libertatis existat, sed per heredem, qui peculium detinet mala fide, atque ideo se pro libero habendum esse, quasi conditione impleta. Denique nihil interesse, vendiderit heres servum sine peculio, an cum peculio, sed fide rupta peculium reituerit, nec tradiderit emptori, utroque casu per statuliberum stare videri, quo minus conditio existat, quamvis non possit eam implere ex peculio heredis. Valde notandum est, quod ait Papinianus, voluntas defuncti. Quæ verba palam faciunt sententiam vulgo receptam, ut statuliber de peculio, quod apud testatorem habuit, conditionem implere possit, esse subnixam voluntate defuncti tacita, nec ejus sententiæ aliam esse rationem. Ad alienum, inquit, peculium voluntas defuncti non porrigitur, qui scilicet voluisse intelligitur, ut servus conditionem impleat de peculio, quod apud se habuit ex concessu suo, atque permisso: quod etiam lex 17. hujus tit. ostendit, dum ait, id concedi statulibero sine injuria dominorum, id est, citra damnum voluntatis dominorum.

Ad L. pen. Qui sine manu. ad liber. perv.

Mancipia mater filia donaverat, ut filia curaret ea post mortem suam esse libera, cum donationis legi non esset obtemperatum, ex sententia constitutionis D. Marci libertates obtingere matre consentiente respondi: quod si ante filiam mater vita decessit, omnimodo.

In hac lege Mater filia donavit inter vivos servos aliquot ea lege & conditione, ut eos filia post mortem suam manumitteret, vel quemadmodum proponit Papinianus, ut curaret filia post mortem suam eos esse liberos, puta testamento vel codicillis data eis vel relicta liber.

Kkkk

bertate: verbum, *curet*, non facit fideicommissum, non fidem implorat, sed diligentiam aliquam tantum. Idque habuimus in *leg. Firmio*, §. 1. *sup. quand. dies leg. ced.* Quod quidem fideicommissum, nec potuisset relinqui a donatario inter vivos, l. cum quis, §. pater, de leg. 3. Itaque hæc verba: *ut filia curaret ea post mortem suam mancipia donata, esse libera*, legem efficiunt donationi, & imponunt donationi conditionem sive modum potius, non fideicommissum constituunt. Quaritur autem, an filia mortua servus non relicta libertate, servi ipso jure ad libertatem perducantur sine manumissione? Quod frustra in questionem deduceretur, si constaret ea lege donatos cessante donatario, & vita decedente, non manumissis servis, servos fieri ipso jure liberos ex constitutione Marci & Commodi ad Ausidium Victorinum; cuius sæpe fit mentio in libris nostris. Si igitur constaret ex ea constitutione servos donatos ea lege, cessante donatario ipso jure eripi ad libertatem, frustra quæreretur in hac lege, an sint ipso jure liberi. Sed ea constitutio, ut jam pridem ostendi, pertinet tantum ad servos venditos ea lege, ut ab emptore manumittantur, qui cessante emptore, ipsa constitutione, ipso jure ad libertatem eripiuntur sine manumissione, l. Paulus, §. 1. *inf. de lib. caus.* nihilominus emptorem patronum habent, perinde atque si ab eo manumissi fuissent. Quod pene est incredibile, ut qui non manumissus, sit patronus: & ex ea constitutione tamen ita est, l. 3. *hoc tit. l. sed si ac lege, in princ. sup. de in jus voc. l. 3. §. 1. de suis & legit. hered.* non pertinebat autem ea constitutio ad servos donatos ea lege. De venditis tantum loquebatur, ut patet ex d. l. Paulus, §. 1. non de donatis ea lege, ut manumitterentur a donatario. Itaque non pertinebat constitutio proprie ad donatos, idque intelligere licet ex eo, quod Scævola respondit in l. qui Roma, §. Flavianus de verbor. obligat. qui quidem Scævola vixit ætate eorum Imperatorum Marci & Commodi, & in servis donatis exigit omnimodo manumissionem donatarii, quasi constitutio eorumdem Imperatorum, quod & verum est, & non pertineret ad donatos, sed ad venditos tantum. Sed postea Papin. qui postea possedit palmam Jurisprudentiæ, quem etiam constat, multa adinvenisse nova, & mirum in modum amplificasse jus civile, a Papiniano, inquam, ea constitutio porrecta est hoc loco, etiam ad servos donatos ea lege, non ex verbis quidem constitutionis, sed ut ait, ex sententia constitutionis, quod & donati ea lege eundem mereantur favorem consequendæ libertatis cessante donatario. Neque dicat quisquam ipsum sibi Papin. refragari ex l. servus ea lege, in fine, quam objicit Accursius, *sup. de serv. export.* qui tamen secum ipse pugnare videretur, si in ea lege ita legeretur: *Quod si ut manumitteretur*, ut legit Glossa: Sed Florentinæ Pandectæ non sic habent, non habent, *Quod si ut manumitteretur*, sed, *quod ne si pœne causa exportaretur*. Quod autem Papinianus constitutionem Marci & Commodi porrexit etiam ad servos ea lege donatos, id etiam postea Imperator Alexander comprobavit in l. 1. C. si manc. ita fuer. alien. Quin etiam interpretatione prudentum postea porrecta est ea constitutio ad casum pecuniæ datæ pro capite, & quasi pro pretio servi, ut a domino manumitteretur: nam & hic non manumittente domino, qui pretium servi accepit, meretur eundem favorem consequendæ libertatis ipso jure ex sententia, non ex verbis constitutionis, d. l. Paulus, §. 1. l. 4. C. si manc. ita fuerit alien. Denique ad hos etiam, duos casus porrecta constitutio est, nec tamen eam nobis licet porrigere ad alios casus sine lege, sine auctoritate, ut sane constat eam nondum esse porrectam ad negotium do, ut facias, do tibi pecuniam non quasi pretium servi, sed do tibi pecuniam, ut servum manumittas, an te cessante fiet liber? minime l. naturalis, §. at cum do, de prescrip. verb. non porrigitur etiam ad servum legatum ut manumitteretur, l. si fundum sub condit. §. Sicutum, de leg. 1. Verum hoc admissio etiam ad donatos inter vivos eandem l. constitutionem Marci &

A Commodi porrigi, quod, ut dixi, initio non obtinuit, sed invaluit auctore Papiniano, qui id introduxit, consequens est in specie propoſita, si filia supervixerit matri, deinde vita decesserit servis sibi a matre donatis non manumissis, omnimodo eos fieri liberos, id est, etiam invitis heredibus matris, aut filiz, quorum voluntas non est exquirenda. Sin autem mater supervixerit filiz, sed ita demum ex constitutione fieri liberos, si mater non mutavit voluntatem: nam venditor vel donator, qui hanc legem dixit venditioni aut donationi, ut venditi aut donati servi manumitterentur intra certum tempus, postea acta poenitentia jubere, ne manumittantur, forte emergente causa, quæ servos faciat indignos libertate. Itaque cum mater, quæ donavit servos, supervixit filiz, quæ legem donationis non implevit, non protinus servus vi sunt liberi, sed ita demum, si mater perseveret in eadem voluntate, l. 3. *hoc tit. l. 3. sup. de serv. export. l. 1. l. ult. C. si manc. ita fuerit alien.* Neque obstat lex prima hujus tituli: si mutaverit venditor voluntatem, nihilominus libertatem competere, quoniam, ut primo loco notavit Accursius, & sequuntur Græci interpretes, loquitur quidem l. 1. de venditore, qui mutavit voluntatem, & porrigi potest ad donatorem: sed de venditore, qui mutavit voluntatem, & postea decessit sine ullo herede, qui objicere possit, venditorem aut donatorem mutasse voluntatem, & sibi injuriam fieri, si eripiantur servi ad libertatem: nam hoc casu nullo existente herede venditoris aut donatoris, servus libertas competit ex constitutione, quia potest competere sine injuria cuiusquam.

C Ad L. XXXV. de Liber. Causa.

Servos ad templi custodiam, quod edificari Titia voluit, destinatis, neque manumissos heredes esse constituit.

Titia herede instituto templum edificari jussit, & ad custodiam ejus templi servos aliquot suos deputavit, ut in l. servos, *sup. de alimen. leg.* & in quibusdam antiquis inscriptionibus legitur, nec eos servos manumissos: voluit igitur ut servi manerent. Questionis est cujus servi maneat, heredes ne Titiz an templi, sive Dei, cujus templum est vel erit, quam edificatum erit, quasi scilicet templo legati sint, qui ei custodiendo destinati sunt? Et prudenter Papinianus respondit, eos servos esse heredis, non templi, quia nec consecrati sunt templo, nec dedicati, nec legati. Denique non possunt manumitti nisi ab herede: legati aut consecrati proculdubio ejus Dei servi essent, cujus templum foret, ut Martialis Larini, & in Sicilia, *ministri Veneris Erycne*, apud Marcum Tullium in Cluentiana, & in divinatione in Quint. Cæcilius, de Agonide quadam in servitutem adjudicata Veneri. Nihil est præterea in hac leg. Sequitur l. 82. de regul. jur.

Ad L. LXXXII. de Regul. Jur.

Ex hoc loco est restituenda inscriptio, l. donari, de donation. In qua repetitur hæc regula, sed male attribuitur lib. 10. Ergo ita restituitur ex hoc loco, quod sequentia probabant manifestius, ut sit ex novo, non ex decimo, C. l. quidam, eodem tit. quæ sequitur l. donari, separata, a l. donari, ut in Basilicis, & in vulgaribus editionibus, non ut perperam in Florentinis, commista cum l. donari, ut sit ex libro decimo. Denique, ut lex donari sit ex novo, & quæ sequitur lex quidem, ex decimo: ac deinde, quæ interposita una valde pusilla subsequitur, lex donationes, sit ex duodecimo Responsorum: nam semper Tribonianus in digerendis responsis, servavit ordinem librorum. Fateor autem propriam speciem hujus regulæ esse sumendam ex lege Cædonem, quam non ita dudum exposuimus, *sup. de oper. liber. conjuncta l. Campanus, eod. tit. l. u. lege Cædonem* Papinianus ait, servum ab herede manumissum ex causa fideicommissi

missi non cogi operas heredi promittere, etiam si id iusserit A testator, & promittere coactum ex stipulatione non teneri, ergo neque cogitur ex testamento, neque ex contractu: non cogitur, inquam, hæc sunt verba l. Cerdonem, sed ut Campanus ait in d. l. Campanus, cuius Iurisconsulti fit etiam mentio in Iurivitis, §. 1. de fideicom. libert. si servus, cum sciret se operas reculare posse, obligari se passus sit consueta opera, non est inhibenda operum petitio, quia, inquit, donasse videtur, ut in hac regula ait, donari videtur. Quod & subiicisse Papinianum responso legis Cerdonem hic locus indicat, qui est ex eodem libro, quo Papinianus ait, Donari videtur, quod nullo iure cogente conceditur. Donasse scilicet videtur servus ex causa fideicommissi manumissus, operas suas heredi, qui cum nullo iure cogetur, nec ex voluntate defuncti, nec ex stipulatione, quæ interposita est, operas heredi præstare, ultra eas ei concessit, atque promissit. Et addatur quod ex eodem libro Papinianus refertur in l. si cui legatum, de condit. & demonstrat.

Ad L. si cui LXXXII. de Cond. & Dem. eo loco.
Papin. quoque.

Papinianum quoque libro nono Responsorum scribere referebam, non esse cogendum emancipare filios suos.

Legatarius rogatus emancipare filios suos, agnito & accepto legato non cogi eos emancipare: non cogi, scilicet iure ordinario, vel secundum vulgarem formulam iuris, id est, iure directo, ut lex filius famil. §. secundum, sup. de leg. 1. quæ verba, secundum vulgarem formulam iuris, quidam male applicant §. præcedenti, cum sit initium sequentis; Et secundum vulgarem formulam iuris, id est, iure ordinario, legatarius non cogitur filios suos emancipare, quia patria potestas est inextimabilis, est enim res sancta. Cogitamen potest, ut ait l. si cui legatum, iure extraordinario, id est, auctoritate Principis, ut eadem lex declarat. Et ideo si ultro pater eos emancipaverit, nihil eis donare videtur, quia donari id tantum videtur, quod nullo iure cogente conceditur, & cogi hic potuit aliquo iure, puta, extraordinario. Unde in hac regula, nullo iure, sic accipio, neque ordinario, neque extraordinario, neque naturali, neque civili, neque ex contractu, neque ex testamento. Et hic est finis hujus libri.

JACOBI CUJACII J.C.

COMMENTARIUS

In Lib. X. Responsorum EMILII PAPINIANI.

Ad L. VIII. De Pactis.

Maiores esse partem pro modo debiti, non pro numero personarum placuit, quod si æquales sint in cumulo debiti, tunc plurimum numerus creditorum præferendus est: in numero autem pari creditorum, auctoritatem ejus sequetur prætor, qui dignitate inter eos præcellit: sin autem omnia undique in unam qualitatem concurrant, humanior sententia a prætore eligenda est: hoc enim ex Divi Marci rescripto colligi potest.

Solent heredes scripti vel legitimi, qui se nolunt implicare negotiis hereditariis, nec remere sibi delatam hereditatem adire, forte pluribus creditoribus degeneratam: solent, inquam, priusquam hereditatem adeant, creditoribus hereditariis coactis in unum, cum eis agere & tractare, si se velint hereditatem adire, ut habeant cum quo reperiantur, & quæ parte debiti contenti esse velint, facta gratia residuæ partis, & de qua convenerit, de ea cum eis pacifici, transigere, decidere, atque ita adire heredi-

tatem. Exempli gratia: pacifici de dimidia parte tantum solvenda, & non solvenda altera dimidia, post aditam hereditatem, ut in l. qui habebat, §. 1. ff. de munum. testam. puta, ut cui debentur centum, ei solvantur 50. tantum: cui mille, 500. tantum: quam pactionem etiam fieri cum sectore, sive emptore bonorum, creditoribus bona debitoris proferentibus, & distrahentibus sub hasta & præcone, adhibito etiam quaestore Theophilus noster scribit in tit. de success. sub. quæ fiéb. per bon. possessor. & probatur l. Imperator, inf. hoc tit. Necessæ autem est, eam pactionem fieri communi consensu omnium creditorum, & omnibus presentibus, vel si forte dissentiant, aliis contentis dimidia parte debiti, aliis desiderantibus dimidiam & sextam, aliis dimidiam & tertiam. Olim quidem sibi quisque creditor rem gerebat, sibi quæ pacificeba-

Btur cum herede debitoris suo arbitrato, nec alterius pactio sive consensio alteri nocebat. Sed hodie ex constitutione Divi Marci, de qua agitur hoc loco, quum inter se dissentiant creditores in hac re, in modo pactionis, decretum interponit prætor vel præses, quo statuit, majoris partis creditorum sententiam arque consensum ceteris esse sequendum, & ut ferant omnes ab herede portionem, quam statuerit major pars creditorum: residuæ partis gratiam faciant, ut in l. prox. §. ult. sup. l. si procedente, §. 1. inf. mand. Majorem autem partem creditorum Papin. ex constitutione D. Marci, definit hoc loco, non numero personarum, sed pondere & cumulo debiti: ut si sint decem creditores hereditarii, & quatuor ex iis longe plus debeatur, quam reliquis sex, illorum quatuor sententia prævalet & prædominatur, arque adeo, si sint parati cum herede decidere dimidia parte debiti, & dimidia quoque ceteri contenti esse debent. Quam rationem etiam Justinianus censet esse sequendam in l. ult. C. qui bon. ced. poss. quum non bene convenit inter creditores, an debitori concedant dilationem quinquennii quam postulat, an magis admittant concessionem bonorum quam offert. Nam & hanc questionem dirimit major pars creditorum, quæ valeat pondere & quantitate debiti, non numero, quoniam ejus partis magis interest, vel quoniam res, qua de agitur, magis ad eam partem creditorum pertinet, magisque eorum interest pactionem justam fieri aliquam cum herede. Cajus quoque eodem exemplo majorem partem heredum, qui adierunt hereditatem, quibus res a defuncto deposita, restituenda est, accipit, æstimat, metitur **D** non ex numero personarum, sed ex magnitudine portionum hereditariarum, l. si plures, in pr. ff. de pos. Dico qui adierunt, nam in ea l. hæc verba, si major pars adierit, non sunt accipienda secundum Glossam hoc modo, si major pars heredum repetierit depositum, sed si adierit hereditatem. Huic majori parti, quæ adiit, restituendum esse depositum, non expectatis ceteris heredibus, ut recte est in Basilic. scriptum, *ἡ δὲ πλεονεξία τῶν ἀδελφῶν οὐκ ὀφείλει* Sn. & c. si, inquit, major pars adierit hereditatem depositoris. Numero autem Papinian. non aliter æstimat majorem creditorum partem ex mente constitutionis D. Marci, quam si creditores omnes sint partes in summa debiti, in quantitate, cumulo debiti, vincit quantitas debiti numerum, sed si non sit alia major pars vincit numerus. Quod quidem ita verum est, si disparis numeri diversæ sententiæ fuerint: nam si sententiæ diversæ sint partis numeri, ut si ex 10. quinque declarent esse contentos dimidia parte debiti, quinque desiderent dimidiam & sextam, s' *ils sont partis*, ut loquimur, ea sententia superior est, eamque in decernendo prætor sequetur, in qua fuerint creditores dignitate excellentiores, id est, quoniam in eo verbo hæret Accursius, *dignitate*, id est, honestate, ut Cicero definit, & cultu, & honore, & verecundia digna auctoritate. Sin autem, ut ait, omnia undique in unam æqualitatem concurrant, si & numero personarum, & quantitate debiti, & dignitate omnes creditores pares sint, tum ait, humaniorem sententiam prætori eligendam esse: puta, ejus partis creditorum, quæ debiti parte minore contenta est: prætoris est

est humaniorem sententiam sequi & eligere: sicut & imperiale & regium esse dicitur, humaniorem sententiam sequi in *l. ult. in fin. C. de cum. servo manum.* Etiam simili modo in iudiciis privatis, vel publicis jure nostro, ubi par est sententiarum numerus, ea sententia praevalet, quae reum absolvit vel allevat, *il n'y a point de partage: quoniam ea sententia praevalet, quae pro reo facit, l. inter pares, de re judic. l. si pars, de inoff. testam. l. si praeses, de pen. Exceptis iudiciis liberalibus, in quibus praevalet sententia, quae pro libertate facit ex l. Petronia, & constitutione D. Pii, l. lege, de manumiss. & d. l. inter pares.* Alias ea sententia potior est, non quae pro actore, sed quae pro reo facit. Inde vero legimus saepe in auctoribus nostris, *reus absolutus paribus sententiis:* qui mos fuit & Latinorum & Graecorum. Euripides in *Electra*: *Lex, inquit, est, vincere semper reum paribus sententiis, & in Iphigenia in Tauris: vincere reum, qui accepit sententias patris pro se.* Et favorabilior est reus, quam actor, quod dixi paulo ante: etiam huiusmodi passionem a creditoribus fieri bona debitorum distrahentibus ex *l. Imperator, hoc tit. & ex Theoph. nostro.* Ad id etiam pertinet, *l. i. de privi. cred. vel ut Florentiae l. cum bona, de reb. auct. jud. poff.* quae vult in distractione, si bona auctione bonorum debitorum, si plures existant, qui velint esse bonorum emptores, & quasi successores debitorum, ut eis & in eos competant omnes actiones, passionem prius habita cum creditoribus solvendae tantum certae partis, praeferrunt extraneo & cognato creditorem, cujus res agitur, si quis ex multis creditoribus bona emerit, & in se recipere velit onus solvendi aeris alieni ceteris creditoribus pro parte, de qua convenierint: creditor ad licitationem admittitur, *l. z. C. si in causa jud. pig. cap. sit, & potior est cognato debitoris, quia rem suam persequitur.* Extraneo autem parato emere bona, & pacisci cum creditoribus, potior est cognatus debitoris, si idoneus sit, & eo, quod convenierint solvendo, non impar. Et hoc est quod ait *l. Imperator, hoc tit.* Si creditores parati sint partem ex bonis licet ab extraneo, bonorum emptore scilicet consequi, si parati sint pacisci de certa parte debiti, residua remissa & condonata, rationem habendam prius necessarium personarum, id est, cognatis potius vendenda esse bona quam extraneo, si idonei sint cognati, id est, si sint solvendo, si habeant unde solvant partem debiti, quia creditores profitentur se fore contentos. Quod si ex creditoribus plures sint, qui ea bona emere velint, inter creditores, *d. l. cum bona,* ait, in emptione bonorum praeferrunt eum, cui major pecunia debetur, quia scilicet ejus interest magis: sicut hoc loco, in dicendis sententiis, quora parte cum herede antea aditam hereditatem creditores decidere debeant, ut eum impellant ad adendum, dicitur eorum sententiam praevalere, quibus major pecunia debetur: & hic est sensus *d. legis cum bona,* quam Accursius assequutus nullo modo est. Denique tota ea *l. cum bona,* est de bonorum emptoribus, qui auctionantur bona debitoris, quae creditores venditioni exposuerunt & proscripterunt uter utri praeferratur, si plures sint parati bona a creditoribus emere, quae distrahant sub pactione certa, & ut Basilica habent illo loco, tota est *περὶ προτιμωμένων τῶ ἀρτοῦται,* id est, de prelacione in emendis bonis debitoris, quae veniunt sub hasta: varium & multiplex est *πρῶτον*, quod habet quis in emendis bonis debitoris, quae a creditore distrahantur, de quo in *d. l. cum bona.* Item quod habet dominus in emendo jure emphyteutico, id est emphyteuticario volente vendere, de quo in *l. 3. de jure emphyt.* quod item habet agnatus vel dominus in emendo feudo, de quo in libris feudorum: quod habet item vicanius convicani volente fundum vendere: nam convicanus extraneo praefertur in emendo fundo, de quo jure *περὶ προτιμωμένων* est in *lib. xi. C. tit. non licere habitatoribus petrosotis, l. inter uxores,* id est, magni vici, &c. Et potissimum jure *περὶ προτιμωμένων*, quod habet in venditione & distractione pignorum antiquior creditor, de quo est titulus, qui pot. in pign. hab.

Ad L. XXXIII. de Neg. Geg.

Heres viri defuncti, uxorem, quae res viri tempore nuptiarum in sua potestate habuit, compilata hereditatis postulare non debet: prudentius itaque faciet, si ad exhibendum, & negotiorum gestorum, si negotia quoque viri gessit, cum ea fuerit expertus.

IN hac l. ostenditur, crimine expilatæ hereditatis ab herede non posse accusari uxorem defuncti, quae constante matrimonio res viri scilicet omnes in sua potestate, & in sua manu habuit atque administravit, ut hodie habent plerique domina malo more, quae vivo marito res mariti in sua potestate habent, post mortem ejus non potest rea postulari expilatæ hereditatis, quod etiam ostendit *l. pen. ff. de crim. expil. hered. & l. q. C. de tit. l. quavis, C. de furt.* Et ratio hæc est, quia nec compilare videtur uxor vel furari, si attrectat, quod vivus maritus in ejus potestate posuerit. Verum earum rerum nomine, ut subijci in hac lege, heres potest agere cum uxore defuncti ad exhibendum. Prudentius, inquit, fecerit, si omisso crimine expilatæ hereditatis, egerit ad exhibendum, & exhibitis res vindicaverit: vel etiam, quod ad potest. si egerit petitione hereditatis, cum res uxor possidet pro herede vel pro possessore: vel, ut ait, si egerit heres tum ea uxore negotiorum gestorum, cum ea gessit negotia omnia viri, viro dedito ignavia: & ait, prudentius fecerit, si egerit his actionibus omisso crimine, ejus accusatione expilatæ hereditatis, si elegerit aptam actionem, & negotio, quo de agitur, competentem. Ineptæ actio frustra instituitur, & efficit sepe, ut bona causa amittatur, *l. fideiussor, hoc tit. l. i. ff. si mens. fals. mod. dix.* Et tamen ineptæ actio, quae semel instituta est, non consumit aptam & congruam actionem, quod notandum est, *l. cum indebitum, de cond. indeb. & maluit etiam Papinian. dicere, compilata, sive, compilata hereditatis, cum hoc loco, tum in l. 23. in pr. de fidei. libert.* quod alii omnes dicunt expilatæ.

Ad L. LVII. Mandati.

Mandatum distrahendorum servorum, defuncto, qui mandatum suscepit, interdictisse constituit, quoniam tamen heredes ejus errore lapsi, non animo furandi, sed exequendi, quod defunctus sine cura fecerat, servos vendiderunt, eos ab emptoribus usucaptos videri placuit. Sed venalitarium ex provincia reversum Publiciana actione non utiliter acturum: cum exceptio iusti domini causa cognita debeat: neque oporteat eum, qui casti hominis fidem elegit, obtemperare aut imperitiam heredium adfici damno.

AD hanc l. præmittam, quod & ipse Papinian. præmisit, morte mandatoris sive domini, qui sui causa quid alteri negotii mandavit, vel morte mandatarii, sive procuratoris mandatum dissolvi, mandatum interdicere, *l. inter, in pr. & l. seq. §. morte, sup. hoc tit.* Morte, inquam, naturali vel etiam civili, id est, capitis deminutione, argum. *l. cum quis, in prin. de solut. & l. post litem, sup. de procur.* quae modo mors contigerit re integra, id est, negotio nondum inchoato: nam post negotium inchoatum mors huius vel illius non solvit mandatum. Symmachus i. Epistol. venerabilis, inquit, Juliani sanctio stare procuratorum iussu officia causarum dominis viventibus inchoata. Et ea constitutio Juliani est in *l. multa, C. de procur.* Eodem vero modo dicimus etiam iustum re integra extingui morte ejus qui iussit, *l. si per. epistolam, ff. de adquir. hered.* & si legitimus tutor alii tutelam in iure cessit, & moriatur, vel capite minuat, cessitiam etiam tutelam extingui, ex *Ulp. lib. reg. tit. de tut.* Hoc premisso, veniamus ad speciem huius legis. Species est de venalitario quodam, id est, de mangone, & quasi mercatore servorum venalium, quos solet emere ut vendat, non ut sibi habeat, qui & venalitus dicitur.

tur a M. Tullio, & Suet. Tranq. atque etiam ut Gracis *crumpit ipso pos*, in *Lult. ff. de adil. edic.* illo loco: *ex venalicio novitiorum emptum*, id est, a mangone emptum servum novitium; cum tamen propius sit, ea verba, *ex venalicio*, sic accipere de lapide, vel de cergula mangonis, de loco, non de homine, ut apud Petronium: *Evat*, inquit, *venalitiū vitulis pīctum*. Denique de venalitario species hæc est. Quidam venalitarii Roma profecturi in provinciam novitiorum coemendorum causa L. Titio mandavit ut servos, quos Roma reliquebat suo nomine venderet, quos quidem mango errans existimabat esse suos, qui eos emerat a non domino bona fide, nec dum ufuceperat: sic est ponenda species, ut inferius demonstrabitur. Luc. Titius mandatarius mortuus est antequam servos vendidisset, & antequam magno ex provincia reverteretur: heres autem L. Titii servos vendidit; lapsus errore juris, ut ait, id est, mandatum morte L. Titii existimans non esse finitum: heres igitur L. Titii servos bona fide vendidit, & tradidit bonæ fidei emptori, non animo furandi, alioquin essent furivi, & plane non possent ufucapi, quos tamen subinfert fuisse ufucaptos postea ab emptore: verum heres L. Titii illos vendidit animo exequendi mandati, quod putabat non esse extinctum, quod, ut ait eleganter, defunctus suæ curæ fecerat, quod defunctus ufuceperat. Per traditionem eorum mancipiorum heres L. Titii dominium non transtulit in emptorem, quia finito mandato morte mandatarii, ius vendendi servos heres non habuit. Verum fac, eorum servorum dominium postea emptorem adquisivisse per ufucapionem possidendo legitimo tempore; Queritur, an reversus mango ex provincia recte agat cum emptore, qui servos usi suos fecit, Publiciana in rem actione, quæ solet dari bonæ fidei possessori amissa possessione, ejus rei vindicandæ causa, quam ante possedit bona fide, nec dum ufucepit? Quid est Publiciana actio? utilis rei vindicatio, quæ tanquam domino datur ei, qui rem bona fide possedit, nec dum ufucepit, amissa possessione, adversus extraneum, non dominum, ad quem possessio pervenit, & aliquando adversus dominum, inventa & propnita in editio, ut est in *Instit. tit. de action. a Publico Pretore*, id est, a Quinto Publico, quem Pretorem Urbanum fuisse cum M. Junio ex Cluentiana intelligimus. Videtur autem in specie proposita, mangonem adversus emptorem, qui servos ufucepit, non utiliter agere Publiciana actione, quia emptor ufucapione servorum dominium adquisivit, quod ipse mango non habet; & ideo agentem mangonem actione Publiciana excludere potest opposita exceptione iusti domini, *l. pen. & ult. sup. de Publ. in rem. act.* Regulariter actio Publiciana non datur adversus iustum dominum: ufucapione iustum dominium acquiritur, quod legitimum dominium vocat Varro, *2. de re rustica, cap. 10. In emptoribus*, inquit, *dominum legitimum sex fere res perficiunt: si hereditatem iustum adiit: si, ut debuit, mancipio ab eo accepit, a quo iure civili potuit, aut si in iure cessit, cui cedere potuit, & id ubi oportuit, aut si ufucepit: aut si e præda sub corona emit: tumve cum in bonis sectione, cuius publicæ venit.* Denique iustus & verus dominus potior est fictitio, qualis est mango, qui servos bona quidem fide emit, & possedit a non domino, sed nondum ufucepit. Non abs re posuimus, mangonem non fuisse verum dominum servorum, sed bonæ fidei possessorem, & possessionem amississe venditis servis ab herede mandatarii, antequam ufucapionem impleset: alioquin hic frustra tractaretur de Publiciana actione. Non posuimus mangonem fuisse venalitariū fuisse verum dominum, quia dominus ab emptore ufucaptis servis dominium amississet, & actionem in rem directam bonæ fidei possessor, qui est fictitius dominus, & cui datur actio fictitia, quasi ufuceperit, quod non ufucepit, nempe Publiciana actio, nec servis ab emptore ufucaptis eam actionem amittit: plus potest fictio juris quam veritas. Et Papin. quoque hoc loco concludit, mangonem ex provincia reversum

A contra emptorem: qui servos ufucepit, Publiciana actione utiliter acturum, sic est legendum, *utiliter acturum* sine negatione, ut in Basil. *αλλοις κρητὶς τῆς πωδῆς κληρονομίας*, vel non inutiliter acturum: non ut Florentia perperam, non *utiliter acturum*. Quod & sequentia verba perspicue evincunt: ait enim mox Papinianus, mangonem utiliter agere Publiciana, quia nec ei obstat exceptio iusti domini, quod quæsit emptor, quippe quia ea exceptio non datur passim & temere, quocunque casu agente non domino adversus dominum, non certe in casu legis culpa, *sup. de rei vindic.* non in casu legis *si in cuius, sup. ex quib. cau. major.* non in casu legis, & generaliter, de noxal. actionib. non in casu *l. 2. de except.* non in casu *l. si quis rem, de except. rei judic.* non etiam in proposito casu; quia exceptio iusti domini datur non temere, ut dixi, sed causa cogitata & bene perpensa, id est, ita demum, si iusta causa subest dandæ ejus exceptionis, quæ nulla subest in casu proposito. Imo in casu proposito nulla est causa repellendi mangonem data exceptione iusti domini, cum non debeat ei, qui certi hominis fidem elegit in distrahendis servis, puta L. Titii error nocere, vel imperitia heredum, inficitia heredis L. Titii; cum non oporteat, inquit, mangonem, qui certi hominis, puta L. Titii fidem elegit, ut eos servos venderet, ob errorem & imperitiam heredis L. Titii officii damno. Itaque si mangoni agenti Publiciana emptor, qui servorum dominium adquisivit ufucapione, opponit exceptionem iusti domini, ea exceptio a mangone submoveri poterit, opposita replicatione in factum, vel doli mali, quod non fit æquum, sibi stultitiam officere heredis mandatarii, cuius solius fidem elegerat in exequendo mandato.

Ad L. I. in Quib. Caus. Pign.

Senatusconsulto, quod sub Marco Imperatore factum est, pignus insule creditori datum, qui pecuniam ob restitutionem ædificii extruendi mutuam dedit, ad eum quoque pertinebit, qui redemptori domino mandante nummos ministravit.

IN hac lege ostenditur ex Senatusconsulto, siue oratione Divi Marci, quæ elicit Senatusconsultum, domum, quæ corruerat aut exusta fuerat, restituta pecunia creditoris, creditori tacite pignori esse obligatam, qui eam pecuniam domino area numeravit ad domum restituendam, vel qui domino mandante redemptori subministravit. Redemptori, id est, *ἀποχρηστῶν*, vel ei, qui domum restituendam conduxit, *τὸ ἐγγράβω*, ut est in Basil. Eidem creditori eodem Senatusconsulto datur privilegium in actione personali. Privilegium exactionis, *qu' il soit le premier payé*, ut *l. ventri, §. 1. de priv. cred. vel de reb. auct. judic. possid. l. creditor, ff. de reb. cred.* Puto etiam eodem Senatusconsulto datam tacitam hypothecam ei, qui cessante domino domum alienam restituit & restauravit, quoniam & huic invenio ex oratione Divi Marci dari privilegium exactionis inter creditores chirographarios, *l. cum dōbus, §. idem respondit, sup. pro socio.* At quæret aliquis, an etiam detur tacita hypotheca ei, cuius pecunia domus, quæ vitium faciebat, refecta est? Et dicam, non dari tacitam hypothecam ei, qui creditit ad domum reficiendam, non restituendam, sed hoc tantum ei dari, ut si de pignore vel hypotheca conveniret nominatim, in ea præferatur etiam antiquioribus creditoribus hypothecariis, aut chirographariis, vel jure expressæ hypothecæ, quam nullam chirographarii habent. Facimus igitur differentiam inter restituere domum, & reficere, ut in *l. 58. & l. 61. de legat. 1.* Plus sane multo est restituere, quam reficere: & perperam Bartolus hoc loco restitutionem interpretatur refecionem. Rursus quæret aliquis, an is, cuius pecunia domus empta est, habeat in ea domo tacitam hypothecam? Et hunc quoque negabo habere tacit-

tacitam hypothecam, & dicam tantum habere expref-
sam, de qua convenerit specialiter, vel generaliter, l. 17.
C. de pigno. l. licet, C. qui pot. in pign. hab. Et quod ante
dixi de eo, cujus pecunia domus refecta est, forte non
probavi. Id patet ex l. interdum, qui pot. in pign. hab. Et,
cujus pecunia domus refecta est comparo eum, cujus
pecunia domus empta est, quia neuter habet tacitam
hypothecam, & necesse est, ut sibi caveat pignus vel hy-
pothecam, si velit, quia a lego non habet tacitam: neque
tamen id etiam probes ex eo, quod legitur in argum.
Moffellar. Comad. Argentum, inquit, mutuum acceptum
dicitur pignus emptis adibus: quoniam pignus ibi accipitur
pro arrabone, non pro hypotheca. Ceterum si is, cujus
pecunia domus comparata est, exprefsim sibi caverit hy-
pothecam, exemplo ejus, cujus pecunia domus refecta
est, in ea hypotheca præstetur antiquioribus, d. l. licet, d. B
l. interdum, C. Novel. 97. Excipiendus tamen est pupillus,
quod favor ejus ætatis exprefsit: nam si pupilli pecunia
res comparata est, in ea re pupillus habet tacitam hypo-
thecam ex constitutione Severi & Antonini, l. 3. inf. de
reb. eor. qui sub tut. vel cur. l. pen. C. de servo pign. data
man.

Ad L. LXVII. de evict.

Emptori post evictionem servi, quem dominus abduxit,
venditor eundem servum post tempus offerendo, quo minus
præstet, quod emptoris interest, non recte defenditur.

Proponitur in hac l. servum venditum, a non domi-
no, dominum emptori jure, judicioque evicisse &
abduxisse: non evicit rem, qui vicit, nisi & abduxit rem
vel abstulit, l. evicto, §. 1. l. habere, l. si pro ea re, §. ult. h. t.
Plus est evincere quam vincere: sicut plus est emigrare
quam migrare. Marc. Tullius de jure dicendo: domo
ejus emigrat, atque ab eo exit: nam jam ante migraverat,
plus est eradicatus quam radicatus. Plautus in Mostel.
omnia ergo malefacta vestra repori non radicatus quidem
hercle, verum etiam eradicatus. Post abductum autem
emptori servum a domino, queritur, an venditor, qui
evictionis nomine tenetur emptori ex empto in id,
quod interest, an liberetur si post aliquod tempus, si
post evictionem transacto aliquo tempore, offerat eun-
dem emptori agenti ex empto, redemptum forte a do-
mino, vel qua alia ratione questum? Et ait Papinian.
quod venditor servum venditum evictum offerat em-
ptori, non ideo liberari venditorem, nec defendi recte,
nisi etiam præter servum offerat quanti interest emptori-
is, eum sibi servum evictum non esse, eumve sibi inter-
rim habere non dicuisse: quæ est sententia hujus respon-
si. Neque huic responso quicquam obstat l. fidejussor, de
doli except. quam opponit Accursius, cujus Glossam
omnem esse abolendam, sequentia demonstrabunt, quo-
niam ea l. fidejussor suffragatur potius huic responso at-
que consonat: namque ait fidejussorem evictionis no-
mine condemnatum pro venditore: venditor est primus
auctor: fidejussor secundus auctor, & neuter potest de-
fugere auctoritatem emptore agente de evictione: fide-
jussorem, inquam, evictionis ait non liberari, si præ-
dium evictum offerat emptori, & omnia, quæ jure em-
pti continentur, nisi & pro damnis satisfaciatur emptori:
quid aliud est, quam nisi emptori pro eo quod interest,
satisfaciatur? Id, quod interest, est damnum datum, vel
lucrum interceptum: atque ita plane ea lex congruit
cum hoc responso: dices, fidejussorem etiam offerre id,
quod interest in specie leg. fidejussor. Quoniam, ut ait,
offerit omnia, quæ jure empti continentur. Omnia, est
verbum preemtorium, ut Valentinianus ait: imo di-
cam, hæc verba, omnia quæ jure empti continentur, non
complecti quantum interest prædium evictum non esse,
sed complecti ea quæ dicuntur, cetera venditoris, ut
solent dicere nostri auctores, cetera litis, cetera cognitio-
nis, l. magis, §. si pupillus, de reb. eor. qui sub tut. l. si duo
§. si quis juraverit, de jurejur. quæ dicuntur etiam reli-

qua, quæ per consequentias emptionis propria sunt, l.
§. de action. empti. puta, ut rei vendite vacuum possessionem
tradat, ut caveat de evictione, de sanitate, de noxiis,
ut purget se de dolo malo, d. §. si quis juraverit, l. 1. de
rer. pers. Et illis verbis, omnia non contineri etiam quod
interest propter evictionem, finis legis demonstrat, qui
exigit, & fidejussorem pro damnis emptori satisfacere,
quæ scilicet attulit evictio, id est, pro eo, quod inter-
est, quod non obtulit. Magis videtur huic responso
obstare l. si vero, §. ult. solut. matrim. quæ maritum, qui
negotia gerens mulieris, vel invita muliere manumissit
servum dotalem, quem quidem maritum eo nomine
constat etiam manente matrimonio lege Julia obliga-
tum esse mulieri conditione ex l. Julia, ut æstimatione
nisi mulieri præstet hereditatis liberti, id est, servi do-
talis manumissi, quæ scilicet ad eum quasi ad patronum
perveniret. Maritum, inquam, liberari ait, si non æsti-
mationem præstet hereditatis mulieri, sed res ipsas he-
reditarias offerat, & tradere mulieri malit. Et hoc be-
nigne admitti, ut liberetur tradendo res ipsas, cui ex
verbis legis Julia tenetur tradere æstimationem rerum.
Cur ergo & in specie proposita hoc non benigne admit-
timus, ut offerendo servum evictum venditor liberetur
judicio empti venditi? Et summa ratio hoc exigit: ni-
mirum, quia in damno versatur emptor, cui etiam non
offeratur quod interest, id est, damnum quod fecit servo
evicto, ob amissas servi operas, vel mercedes, vel ad-
quisitiones: nec ulla hac in re est differentia, quod qui-
dem Glossa notat inter actionem ex stipulatione duplæ
interposita evictionis nomine, quæ semel commissa non
perimitur, nisi solutione duplæ, l. habere, in fine, hoc
tit. & actionem ex empto ob evictionem, in quantum
emptoris interest, quæ etiam semel nata, non denasci-
tur vel intercidit, nisi solutione & præstatione dam-
ni, quod evicto attulit emptori. At in dicta l. si vero,
§. ult. nullo damno afficitur mulier, cui maritus præstat
res ipsas hereditarias, quæ ad eum pervenerunt ex bo-
nis liberti, id est, nihil amplius mulieris interest, &
satisfacti est in solidum: eademque ratio est legis si fun-
dus, §. si pluri, de pigno. Si debitor conventus actione
hypothecaria noluerit creditori pignus restituere, &
ideo damnatus sit præstare litis æstimationem creditori,
quanti creditor jurasset in litem; & subditi jure ex lege
duodecim Tabul. scilicet in, de reb. judic. propter au-
ditoritatem rei judicæ debet præstare integram litis
æstimationem, quam creditor juratus fecit, forte im-
mensam, & æstimavit ac probavit iudex, si quidem ve-
lit liberari hypotheca. Verum humanius est, ut ait, di-
cere hypotheca liberari, hypotheca exonerari, etiam si
non offerat quanti lis æstimata est: quod plerumque
est immodicum, & penæ vicem obtinet, sed offerat id
omne, quod revera creditori debet, id est, fortem &
ufuras, quia hoc præstito, & solutis sumptibus litis,
qui semper victori restituuntur, revera nihil amplius
creditoris interest, nihil præterea damni superest, quod
creditor facere videri possit: & in æstimatione ejus
quod interest spectamus veritatem, non quantitatem
comprehensam jurejurando in litem, quæ plerumque
superat justam æstimationem: spectamus utilitatem, id
est, quod vere interest, non penam, l. 4. §. in eum, de
dam. infec. Et æstimatio jurisjurandi in litem quasi po-
naria est, quia excedit veram æstimationem.

Ad L. LXXXVI. de Acquir. hered.

Eum bonis se miscere convenit, qui remotis familia
vinculo pro herede gerere videtur. Et ideo filius, qui tan-
quam ex bonis matris, ejus, cujus hereditatem suscepit,
agrum ad hereditatem patris pertinentem, ut maternum
ignotans possedit, abstinenti consilium, quod in bonis patris
tenuit, amisisse non videtur.

Nemo est, qui nesciat, suos heredes proprie vocari,
qui ipso jure statim post mortem parentis heredes
exi-

existunt, eosque etiam invitos & ignorantes non adire hereditatem, quam amplecti cupiunt, nec pro herede gerere, sed miscere se, vel immiscere se bonis quasi rei suae: extraneos autem heredes non existere statim, sed fieri adeundo, vel pro herede gerendo. Adire vel pro herede gerere, est acquirere hereditatem, immiscere se, est iam acquisita uti: Adeo, vel pro herede gero tantquam, qui non fuerim ante dominus. Immisceo me tantquam qui fuerim ante dominus. Denique quod in extraneo est pro herede gestio, id in suo herede est immisio. l. & si quis, §. plerique, sup. de religio. Verum quibus modis extraneus intelligitur se pro herede gessisse, vel non gessisse, iidem etiam suus heres intelligitur miscuisse se, aut non miscuisse. Et hoc est, quod ait initio huius legis, eum bonis patris se miscuisse convenit, id est, constitit inter omnes iurisperitos, qui remoto familia vinculo pro herede gerere videtur: familia vinculum vocat patriam potestatem. Sui non sunt, nisi qui eo vinculo in familia devincti sunt, remoto familia vinculo: emancipatione, vel alio modo legitimo sui heredes fiunt extranei. Hoc igitur ait, quo modo emancipatus filius videretur pro herede gerere, eodem suus videbitur miscere se bonis patris, vel hereditati paternae. Atqui filius emancipatus, vel heres extraneus non videtur se pro herede gerere, qui utitur re hereditaria, quasi non hereditaria: sicut e diverso videtur se pro herede gerere, qui utitur re hereditaria per errorem, quasi hereditaria, l. si quis extraneus, §. 1. sup. de i. leg. infra. Ergo & suus heres non videtur se bonis immiscere, qui utitur re hereditaria, quasi non hereditaria, veluti re paternae, quasi materna. Fac, filium suum cepisse consilium abstinendi se bonis paternis, non etiam maternis, & ignorantem fundum paternum possedisse tantquam maternum, non videtur mutasse consilium abstinendi se bonis paternis, non videtur miscuisse se bonis paternis: nihil nocet error ei, qui existimavit maternum esse, quod erat paternum, l. cum falsa, C. de iur. & fac. ign. Notandum tamen est, aliquo casu filium videri se immiscuisse bonis paternis, quo tamen extraneus non videtur se pro herede gessisse, ut si servum paternum filius manuaverit, videtur se miscuisse, l. iulianus, §. si servum, hoc tit. Si vero extraneus servum defuncti nondum agnita hereditate manuaverit, atque ita nullo iure manuaverit; qui nondum heres effectus erat, non videtur se pro herede gessisse, l. 1. C. de iur. deliber. Facilius videtur miscere se, qui ipso iure heres existit, quam pro herede gerere se, qui ipso iure heres non existit. Ad summam, res eo reddit, ut non quemadmodum iidem modis, quibus extraneus se pro herede gerere videtur, etiam suus videatur miscere se: quod proponitur initio huius legis, non ita etiam quomodo omnis suus miscere se intelligitur, & extraneus pro herede geret.

Ad §. Pupillis.

Pupillis quos placuit oneribus hereditariis esse liberandos, confusas actiones restitui oportet.

Sententia haec est: Pupillus post aditam hereditatem extranei liberatur oneribus hereditariis, si consilium amiserit retinenda hereditatis: & si liberatur pupillus E quantum existimo ipso iure, mutata voluntate, ex edicto Praetoris, sicut post immixtionem hereditatis paternae mutato consilio ipso iure liberatur, etiam non petita restitutione in integrum, l. impuberibus, l. necessariis, sup. hoc tit. At post additionem pupillo liberato oneribus hereditariis, æquum est, ut ait, restitui actiones additionem, ut scilicet eodem loco sit res omnis, quo fuisset non adita hereditate, integro iure debiti, quod fuisset non adita hereditate, debito iure crediti in aditio, id est, concursus iuris debitoris & creditoris in unam personam consumpsit: & eodem modo æquum est redintegrari servitutes confusas additione, quas scilicet praediis pupilli praedia defuncti debebant, l. 13. de serv. Tit. IV.

A l. si heres §. ult. ad Trebell. l. si servus Titii, de leg. 1. l. cum filius, §. dominus, de leg. 2.

Ad §. Quidam L. XXX. de Donat.

Quidam in iure interrogatus, nihil sibi debere tutoris heredes respondit. Eum actionem iure amisisse respondi: licet enim transactionem, sed donationis hac verba esse quis accipiat, attamen eum qui in iure confessus est, suam confessionem infirmare non posse.

PRIMI responsi species, quam nostri interpretes nullo modo assequuti sunt, hæc est. Heredes tutoris acturi contraria actione tutelæ adversus minorem 25. annis, iam puberem factum, & ignorantes, an aliquid vicissim ex administratione tutelæ defunctus pupillo deberet, ne plus petendo in periculum inciderent, & damnum sentirent aliquod ob eam rem: quia, qui plus petit causa cadit, & plus petit, qui non habita ratione compensationis, id est, non compensato vel deducto eo, quod ipse vicissim debet, torum petit, quod ei debetur, ut recte Paulus ait, 2. Sentent. tit. 4. in fine, & l. 4. de compensation. Ideo in iure, id est, quo loco prator more majorum jus dicere solet, Prator ipse, a quo heredes tutoris postulabant contrariam actionem tutelæ adversus minorem, priusquam conciperet formulam actionis desiderantibus heredibus tutoris, interrogavit minorem, nunquid ei heredes tutoris debeant, qui respondit, nihil sibi debere. Queritur an iure & merito minor amiserit directam tutelæ actionem, quam forte habet, quod respondit nihil sibi debere. Dicebat se non amisisse, quia id donandi, non transigendi animo in iure respondisset, & donationem nullam valere factam a minore 25. annis, etiam si veniam ætatis impetraverit, ut & ex ipso Papiniano dicimus in l. tutores, §. ab eo, de administ. tut. & confirmat l. ubi C. si maior factus sit alien. hab. Transactio valeret aliquo dato, vel promisso, vel retento, ut l. transactio, C. de transact. puta, si quid heredes tutoris minori darent, aut promitterent, ut actionem tutelæ remitterent, vel si quid ipse minor eo nomine ab heredibus tutoris retinisset: At donatio non valet, si remissio actionis tutelæ facta donandi animo. At Papin. etiam si quis illa verba, nihil sibi debere heredes tutoris, donationis, non transactionis verba esse accipiat, quæ quidem donatio non valet, id est, etiam si quis dicat illa verba non facere transactionem, quæ posset valere, sed facere donationem, quæ non posset valere, tamen respondit, non posse eum, qui in iure confessus est sibi nihil debere, confessionem suam infirmare, denique remissionem actionis valere, non vi donationis, sed vi confessionis in iure factæ, quia confessio in iure facta apud Praetorem pro re iudicata habetur, quasi in iure, id est, loco iuris reddendi proprio, & competenti: partes iudicis agente in seipsum eo, qui constituitur, quæ partes iudicis cum non possint alio loco agi, quam constituto lege vel more, consequens & verum est, nec eum, qui constituitur alio loco quam in iure, pro iudicato haberi. Et huc pertinet l. post rem, de re iudic. l. 1. §. proinde, si quid in fraud. pat. Et quod est in 12. tabul. Reus confessus, rebusque iure iudicatis, iure, id est, ubi oportet: comparatur in ea lege confessioni res iudicata, sed confessionem tamen sequi solet sententia iudicis confessioni compar, l. 5. inf. de confessis, l. 5. de custod. rer. l. qui sententiam, C. de pen. Atque ita is, qui confutetur, fit, ut videatur damnatus duplici iudicio, suo, & iudicis, nec iterari iudicia caret exemplis. Breviter hic est sensus huius responsi, ut quamvis illa verba nihil sibi debere, quæ dixit in iure minor viginti quinque annis, non accipiantur pro transactione, sed pro donatione, quæ non valet, tamen confessio in iure facta non possit confirmari, quasi scilicet donandi animo remissa actione tutelæ, ea res non valeat ut donatio, sed ut confessio in iure facta. Neque obstat, quæ objici posset l. cum donationis, C. de transact. quæ donationem valere di-

cit, qua remittitur actio tutelæ, quia accipienda ea lex est, ut patet ex similibus ejusdem tituli legibus quamplurimis, de donatione vel transactione, qua remittitur actio tutelæ, quæ fit a majore 25. annis. Denique in hac specie remissio actionis valet vi confessionis, non vi donationis, quia facta est a minore 25. annis: Potest etiam huic responso opponi *lex 3. C. de repud. heredit.* Quæ lex e converso, vice verâ & mutata, si transigendi, non donandi causa in jure profiteatur suus heres major 25. annis, ut in *l. 4. eod. tit.* se hereditatem patris, quam jam agnovit, & per immisionem adquisivit, non petiturum, ait, neque eam transactionem valere, quia nihil darum vel promissum, vel retentum est, ut ponit, neque professionem valere non petendæ hereditatis, licet ea professio facta sit in jure, quia hereditas semel adquisita repudiari non potest. Donari potest a majore viginti quinque annis: Et pactum donationis causa interpositum valet. At quia interpositum est transactionis causa, neque ut transactio valet, nullo dato, vel promisso, vel retento, neque ut repudiatio hereditatis in jure facta. Ergo potest dici, & in specie proposita, neque donationem valere factam a minore, neque confessionem, licet facta sit in jure. Et hanc legem, quæ valere confessionem dicit, nec posse irritam fieri, pugnare videri cum *d. l. 3. verum*, quæ post legem tertiam statim sequitur quarta, rem omnem explicat, & respondet tacite huic responso Papinianus hoc modo, ut quod dicitur hoc loco, confessionem pro judicato haberi, vel quod idem est, confessionem in jure factam, non posse infirmari, quia instat est rei judicaturæ, hoc ad eum tantum pertineat, qui faretur se debere, aut sibi non debere, non ad eum, qui repudiat in jure, profitendo se renuntiare bonis, qui repudiatio hereditatem in jure, quam semel adquisivit, quia ea repudiatio, etiam si fiat in jure, non valet. Repudiamus enim delata, non adquisita, *l. 1. §. decretatis, de success. edict. l. Titia, §. Lucio, de legat. 2.*

Ad §. donationem.

Donationem quidem partis bonorum proxima cognata viventis, nullam fuisse constabat: verum ei, qui donavit, ac postea jure patris successe, quoniam adversus bonos mores, & jus gentium secessisset, actiones hereditarias in totum denegandas respondit.

In hoc secundo responso ostenditur, non valere donationem partis bonorum cognati viventis, & ignorantis factam ab eo, qui ejus successionem sperat. Addidi, ignorantis, ex *l. 2. in fine, sup. de iis quib. ut indign. §. l. ult. C. de pact.* Cur non valeat ea donatio, causa est turpis predestinatio ejus, qui donat, quod jure nondum ad se pervenit, nec fore unquam perventurum est, & prematura atque improba spes illa successione, cum adhuc vivat is, cujus de bonis donat. Prematura & improba appellatur in *l. 1. §. si impuberi, de collat. bonor. l. 2. §. interdum, de vulg. substit.* & a Seneca, nefaria, & *l. ult. C. de pact. acerbissima spes*: nefaria igitur donatio est, & contra bonos mores, contraque jus gentium, ut ait hoc loco: contra bonos mores, civitatis Romanæ scilicet, & contra jus gentium, id est, contra bonos mores gentium omnium, rationemque diffusam in omnes gentes, qua ratione, furtum dicitur esse probum, & prohibitum: nam probum a prohibendo dicitur, furtum, inquam, esse probum jure naturali, in definitione furti, quæ existat in *l. 1. de furt.* & in *l. probum, de verb. signific.* furtum autem est de alieno donare, *l. si pignore, §. 1. de furt.* de alieno igitur donare partem bonorum, eamque vivente domino alii mancipare solemniter per æs & libram, quo genere pono in hac specie fuisse perfectam donationem partis bonorum cognati viventis. Alioquin non tam ratione turpitudinis nulla donatio esset, quam quod imperfecta esset: nec enim ante Justinianum donatio nudo consensu perficiebatur, sed mancipatione, vel traditione, vel cessione in jure, quo jure etiam utimur, *Donnet & rete-*

A *nir ne vult.* Qui autem dum premature inhiat bonis cognati viventis, ita donavit, ut dixi, mancipando alii partem bonorum cognati viventis, si postea ei cognato successerit ab intestato agnata bonorum possessione unde cognati, non tantum ea pars, quam donare festinavit, ei aufertur ut indigno, & fisco vindicatur, sed etiam omnia bona, denegatis in totum hereditariis actionibus, ut ait hoc loco, & *l. seq. §. l. 2. in fine, sup. de iis quibus ut indign.* Nec restitutis confusis actionibus si quid ei cognatus debuit, *l. heredem, eod. tit.*

Denique, qui premature partem donavit, totum amittit. Neque huic sententia quicquam obstat *l. rescriptum, eod. tit. de iis, quib. ut indign.* Quoniam alia est ratio heredis, qui post mortem testatoris, vel ejus, de cuius bonis agitur, subripuit partem hereditatis, aut rem aliquam hereditariam, antequam adiret hereditatem: huic enim heredi ea tantum pars, ejusque partis tantum Falcidia aufertur quasi indigno, & applicatur fisco; quam subripuit; quoniam hic in parte tantum peccavit, aut hereditaria quam subripuit: ille de quo agitur hoc loco, peccavit in totum, quia donandam partem inhiavit altera quasi esuriens lupus, & spe devoravit totum, & ob id etiam toto indignus est. Non obstat etiam huic responso *l. 14. C. de cap. & post. rev. quæ* (ut ejus speciem, & sententiam perstringam paucis) matre capta ab hostibus, si filius hereditatem ejus adierit, vel ex ejus hereditatis causa cum alio aliquid premature transigerit, nondum accepto certo nuntio de morte matris, deinde filius vita decesserit, & post filium mater decesserit apud hostes, ait, nihil officere, quod filius gessit viva matre, filius for-

C toris, quo minus ad materem successionem admittatur, quæ post filium vita functa est apud hostes; ac proinde bona non vindicari fisco, sed jure retineri a filii sororis, quia scilicet ad eos bona jure meritoque pervenerunt, neque se egerunt pro indignis successione materem. Itaque fisco locus non est. Si pervenissent ad filium premortua matre, qui viva matre transigerat de bonis cum aliis, vel adierat bona, tunc sane fisco locus esset. Nihil etiam obstat huic responso *lex si quis servum, de action. emp. ubi venditor servi, qui ante traditionem cum manumiserit, recte promittit emptori stipulanti quidquid ex hereditate liberti ad se pervenerit restitutum iri.* Libertus vivit, & tamen hæc conventio vivo eo admittitur: sed hoc ideo, quin venditor judicio empti in hoc tenetur, ut id promittat invitum, quod dixi, nec ipse festinavit, sed emptor sibi consulens & propiciens in futurum. Nihil etiam obstat *l. 2. §. illud potest, sup. de heredit. vend. ex qua male efficiunt, nondum delatam substituto hereditatem impuberis, recte vendi contra l. 1. ejusd. tit.* quia ille §. de delata hereditate loquitur, quæ vendi potest, non, de non delata. Et quod ait ille §. maximo si delata sit, taxationis vim habet, ut ita demum recte vendatur hereditas, si delata sit. Nihil etiam obstat *l. qui superstitis, sup. de acquir. heredit. ubi*, qui viventis hereditatem repudiavit post mortem ejus, eam non prohibetur adire, excluso fisco, quia is sane, qui repudiavit premature, non inhiavit hereditatem viventis. Nihil etiam obstat *lex 7. §. pen. de pact. quæ recte ait*, filium vivo patre pacifici cum creditore paterno, ne quid petat, vel ne totum petat, quia hic etiam non inhiat bonis paternis, sed rem gerit patris; denique gerit, quod ex re est patris, nec fatagit suam rem. Postremo nihil etiam obstat *l. pen. in fine, de cast. pecul. quæ ait*; si vivo filio pater testamento manumiserit servum castrensis peculii, servo libertatem competere premortuo filio, si ve intestatus filius decesserit; quo casu peculium redit ad patrem, *l. 2. eod. tit. si ve testatus decesserit, si de constitutum sit, & irritum factum testamentum ejus, puta, non adita hereditate ab herede scripto.* Quo etiam casu bona castrensis filii, pater qui supervixit occupat jure peculii. Primum, nihil obstat ea lex, quæ vult competere libertatem datam vivo domino: at hoc responsum non vult valere donationem factam vivo domino. Nihil obstat primum, quia ut ait; hoc favorabiliter admit-

tur,

tur, ut competat libertas: deinde quia qui testamento manumittit, ut posuimus manumississe patrem, magis cogitat de suis bonis, quam inhiat alienis; Vis scire quam hoc sit verum; finge, patrem non manumississe testamento, sed inter vivos, puta, vindicta servum castrensis peculii: sane hoc casu nec premortuo filio intestato libertas competit, ut ostendit eadem l. pen. §. ult. illo loco: non tamen, si ut heres servum vindictam imposuit.

Ad L. XX. de Manumiss.

Causam minor xx. annis, qui servum donatum manumittendi gratia accepit, ex abundanti probat post Divi Marci litteras ad Aufidium Victorinum: etenim si non manumiserit, ad libertatem servus perveniet: non idem in fideicommissaria libertate juris, cuius causam minor debet prosequi: nam libertas, nisi ita manumissa, non competit.

IN hac l. sunt tria responsa, quae omnia pertinent ad constitutionem, sive ad scriptum Divi Marci & Commodi ad Aufidium Victorinum praefectum urbis, de servis venditis, vel etiam ex sententia constitutionis, de servis donatis libertatis causa, ut scilicet ab emptore vel donatario manumittantur. Quod ad primum responsum attinet, certum est, ex lege Elia Sentia quae lata fuit Augusti temporibus, minore 20. annis servum suum inter vivos vindicta manumittere non posse, nisi causam se habere manumittendi iustam probaverit in consilio Praetoris, vel Consulis, vel Praefidis provinciae. Consilio iudicis lex Elia Sentia existimavit indigere eum, qui parum firmo consilio valet, parum aetate firma, l. 4. sup. de serv. export. firma vel firmata aetas, ut Poeta loquitur, & nostri quoque Imperatores, non est in mare ante x. annum, l. 1. C. de theod. de iis, qui ven. aet. impet. Iusta autem aetas, sive legitima non est ante xix. annum, nec in mare, nec in feminis. Ad rem. Huic capiti legis Elia Sentiae locus est, non tantum, si minor xx. annis ultro libertatem praestare servo suo gratuitam velit, sed & si debitam ex causa fideicommissi, ut puta, quod legatus sibi relicto rogatus sit servum suum manumittere: nec enim eum potest manumittere ex fideicommissio, nisi causa cognita apud consilium Praetoris, vel Consulis, vel Praefidis provinciae probetur, & ostendatur, plus aut tantum esse in legato, quantum in pretio servi. Nam si vilis est legatum, servo vix consilium permittit manumissionem, & fideicommissum, quod alias dicitur necessitatem iungere vel imponere, l. cum filius, §. pater, de leg. 2. hoc casu necessitatem non iungere, nec agnito legato, quia non potuit testator derogare legi Elia Sentiae, l. memo, de leg. 1. l. Cerdoneis, de oper. libert. Et hoc quidem proponitur in hoc responso inter cetera, itemque in l. si rogatus, tit. sep. In qua monendi estis, vulgares libros, & Basilica rectius sic habere, minor annis xx. male Florentiae, minor annis xxv. quoniam illa lex pertinet ad l. Eliam Sentiam, & idem habet omnino, quod hoc responsum, primum: atque adeo docet, quod & hic proponitur, aliud esse dicendum, si servus minori xx. annis donatus sit ea lege, ut eum manumitteret, si donatus sit libertatis causa: nam si minor eos, qui sunt in consilio praetoris, doceat, servum esse donatum libertatis causa, hoc est ratio manumittendi iustissima, nec alia exquiritur, l. liliud, §. 1. tit. sep. imo & consilio, hoc manumissionis causa allegatur ex abundanti, ut ait, hoc loco, sic loqui solet, ut & in l. legata, de sup. l. l. leg. in pignori: quia est haec causa non sit allegata consilio, vel allegata sit forte non sit probata consilio, aut si consilium in ea causa probanda, & manumissione pernitenda cunctetur, protinus servus ipso iure eripitur ad libertatem ex constitutione Marci & Commodi ad Aufidium Victorinum, cuius sententiam etiam Papinianus porrexit ad servos donatos, suprad. l. pen. inf. qui sine man. ad libert. Et eleganter Ulpianus in d. l. si rogatus, tit. sep. cunctante consilio, cunctante iudice eum non com. IV.

A consilio, in cognitione & probatione istius causae, quae iustissima est, quod servus donatus sit libertatis gratia, constitutionem D. Marci supervenientem istam iudicis cunctationem dirimere, & amoliri repraesentata libertate. Sequitur secundum responsum.

Ad §. Puellam.

Puellam ea lege vendidit, ut post annum ab emptore manumitteretur, quod si non manumississet; convenit uti manum injiceret, aut decem aureos emptor daret, non servata fide, nihilominus liberam ex sententia constitutionis fieri respondet, quoniam manus injectio plerumque auxilii ferendi causa intervenit: itaque nec pecunia petetur, cum emolumentum legis voluntatem venditoris secutum sit.

Vendita est ancilla ea lege, ut post annum manumitteretur ab emptore, & adjectum est in conventionem, ut si emptor non manumississet ancillam, venditori in eam manus injectio esset, vel uti emptor prout eligeret, poenae nomine venditori daret decem aureos. Queritur, an ad hanc conventionem pertineat constitutio Divi Marci ad Aufidium Victorinum? Et videtur non pertinere: nam lex venditionis non est praecisa, vel distincta, non est scilicet concepta abscisse, ut omnino ancilla manumittatur, sed ut vel manumittatur, vel si non manumittatur, poenae nomine emptor venditori inferat aureos decem, aut in eam venditori sit manus injectio. Et tamen Papinianus ait, ex sententia constitutionis, non ex verbis, sicut & superiore casu dixit in l. pen. qui sine manum. ad lib. ex sententia constitutionis idem esse statuendum in servis donatis, quod in venditis ea lege. Ergo & similiter hoc casu, ex sententia constitutionis post annum, cessante emptore in manumittenda ancilla, ancillam fieri liberam ipso iure ex constitutione, & ideo nec poenam 10. aureorum committi, quia, ut eleganter ait l. ult. C. si man. ita fuerit alien. quia sane hoc secundum Papinianum responsum comprobatur, quia, inquit, conditionis potestate, sic est legendum in d. l. ult. non potestate, id est, vi ipsa pacti adjecti, ut puella manumitteretur, pacti, inquam, adjecti venditioni, ut puella manumitteretur: factum manumittentis representatur: vis ipsa pactiois representat factum manumittentis, supplet factum manumittentis. Conditionis potestatem vocat d. l. ult. quod hoc loco Papinianus vocat emolumentum legis, id est, donatus legis, id est, pactiois addita venditioni, id est, vim pactiois adjectae venditioni sequi voluntatem venditoris, & ancillam facere liberam statim. Itaque in d. l. ult. conditio accipitur pro lege venditionis, sive pactioe, ut in l. pen. eod. tit. l. Paulus respondit, in princ. ff. de lib. causa. Ergo emolumentum legis ut ait Papinianus hoc loco, id est, vis ipsa & potestas legis data venditionis, ut puella manumitteretur, sequitur voluntatem venditoris, & liberam facit puellam, perinde ac si ab emptore manumissa esset, ut l. 3. ff. qui sine man. ad lib. Quod autem sibi venditor lege venditionis, ut initio posuimus exceptit manus injectionem, si ancilla non manumitteretur, vel si poenae nomine non darentur 10. aurei, non ideo, ut docet hoc loco Papinianus, actum intelligitur, ut ancilla in dominium venditoris redeat, & serva permaneat, sed potius, ut manu injecta liceat venditori auxilium ferre ancillae, & eam eximere ab injuria perpetuae servitutis contra voluntatem suam, qui voluit eam manumitti post annum. Et eleganter manus injectio, inquit, non domini vindicandi scilicet, sed auxilii ferendi causa plerumque intervenit, ut scilicet quis eximatur ab injuria. Tribuni plebis manu injecta civis eximebant ab injuria Consulium: creati autem sunt tribuni plebis auxilii ferendi causa. Et ita aperte in l. pen. in fide serv. export. manus injectionem sibi reservare venditores mancipii venditi causa, ut id vindicent ab injuria & eripiant auxilium causa, quo quidem auxilio jam non indiget, quae ipso iure sit libera, libertas satis eam

vindicat ab injuria, quæ ipso jure competit. Est quidem tam manus injectio, quam libertas comparata pro mancipio, ut eximatur ab injuria, sed ubi concurrunt libertas, & manus injectio, potior est libertas, ut ait d. l. pen. manus injectio potior est libertas: melius est remedium, five auxilium libertatis potentiusque quam manus injectionis. Et ita hic locus explicandus est. Quod autem Accursius in hoc responso opponit l. servum ea, in fi. de serv. export. & l. qui Romæ, §. Flavius, de verbor. significat. id quemadmodum expediendum sit jam ostendi supra libro 9. explicatis illis legibus ad leg. pen. qui sine man. ad lib. perv. restat tertium responsum, quod pertinet ad istam constitutionem, quod sequitur.

Ad §. Ultimam.

Tempore alienationis convenit, ut homo libertatis causa traditus post quintum annum impletum manumitteretur, & ut certam mercedem interea mensuram preberet, conditionem libertati mercedem non facere, sed obsequio temporaria servitutis modum prestitutum esse respondi, neque enim in omnibus libertatis causa traditum comparari statulibero.

Venditus aut donatus est servus ea lege, ut post quinquennium manumitteretur a donatario vel emptore, & ut interim donatario vel emptori prebeat certam mercedem mensuram, ut in l. 23. §. ult. de fid. lib. Si eam mercedem mensuram medio tempore servus non præbuerit; Queritur, an & ad hoc genus conventionis pertineat constitutio D. Marci ad Aufidium Vi. Florinum, ut servus liber fiat post quinquennium, non prestitis mercedibus mensuris intra quinquennium? Et respondet statim, liberum fieri: subtiliter, etiam si non præstiterit mensuram pensionem emptori vel donatario, quia hæc conditio non est. Imposita libertati vel hic modus non est impositus libertati, ut scilicet emptor eum manumitteret, si interim servus præstaret pensionem mensuram, vel ut ita eum manumitteret, ut interim servus præstaret pensionem mensuram: res inquit, sic acta non est, libertati nulla est imposita conditio, nullus impositus modus, sed obsequio tantum, & servitio quinquennii certus modus est præstitutus, ac si dixisset, volo te emptori hoc modo servare servitutem interim, ut ei quot mensibus, tot inferas ex tuis operis. Denique ea conditio siue modus non est impositus libertati, sed obsequio servitutis temporaria, definito genere modoque obsequii. Quod quidem obsequium constat medio tempore servum libertatis causa traditum, debere emptori vel donatario. Breviter, impositus est modus, qui & conditio quandoque dicitur, obsequio interim debito non libertati. Ideoque etiam eo modo non impleto libertas competit, quæ neque conditionalis est, neque modalis, ut l. Imperator, inf. de manum. restam. Nec obstat, inquit Papinianus, quod servus traditus libertatis causa comparatur statulibero, & statuliberti scilicet inest conditio vel mora, alioquin esset liber, non statuliber. An igitur, quia comparatur statulibero, dicam & in hac specie, libertati ejus, qui traditus est libertatis causa, inesse conditionem, si medio tempore servierit? dico comparari quidem posse statulibero eum, qui traditur alii libertatis causa, manumissionis causa, sicut & statulibero comparatur is, cui fideicommissaria libertas relinquatur, qui dicitur quasi statuliber, l. rogo, l. non tantum, & qui per fideicommissum, de fid. libert. Uterque est quasi statuliber, & qui traditur alii, ut manumittatur, & cui donatur fideicommissaria libertas: quoniam sicut statulibero dicitur esse implicitus casus libertatis, l. ult. si ex nox. cau. ag. ita illis implicitus est casus libertatis: & quasi medii generis sunt homines, inter servos & liberos: verum, ut respondet Papinianus non in omnibus comparantur statulibero, sed in quibusdam, puta, ut deterior eorum conditio non fiat, sicut nec eorum, qui revera sunt statuliberi, l. statuliberum, inf. de statulib. l. ito, qui ex causa, & d.

A. *Non tantum, §. qui per fideicommissum, de fideicommiss. libert.* In omnibus autem non comparari statulibero, sic demonstrat: statulibero libertas datur directo, & sub conditione semper, vel in diem: statulibertas directæ est, & suspenditur semper ex conditione: illis autem libertas non datur directo, sed injungitur alii, atque mandatur, ut eam det, neque huic mandato semper additur conditio, vel dies, vel modus, ut in specie proposita, nulla conditio, nullusve modus libertati additus intelligitur, sed obsequio tantum, five servitio temporario.

Ad L. pen. Si Libertus ingenuus esse dic.

Patronum post quinquennium sententia pro ingenuitate dicta, quo ignorante res judicata est, non esse præscriptio-
B. ne temporis submovendum respondi.

Sciendum est sententiam dictam pro ingenuitate non posse retractari post quinquennium ulla ex causa, l. 2. sup. de jure air. annul. l. 20. §. ult. de lib. causa. Ab hac sententia in hac lege penult. excipitur tantum unus casus, si pro ingenuitate dicta sententia sit alio quodam agente, ut in l. hoc tit. non agente patrono, sed ignorantem patrono: ignorantem non officere præscriptionem quinquennii, ignorantem patronum posse agere præjudiciali actione, etiam post quinquennium in eum, qui ingenuus pronuntiatus est, & detegere forte collusionem, quam is exercuit cum adversario, ut ingenuus pronuntiaretur, ut l. 2. inf. de collus. deteg. Et nihil est præterea in hoc responso. Opponit tantum Accursius l. ult. in fine, C. de præscript. longi temp. quæ ait, in præscriptione longi temporis, id est, 10. aut 20. annorum, non esse spectandam scientiam vel ignorantiam domini: nam siue dominus sciverit, siue ignoraverit rem suam possideri ab alio, ei præscriptio longi temporis nocet: Et tamen hic dicitur, ignorantem præscriptionem non nocere quinquennii. Quid nî vero? nam illa lex ult. loquitur de præscript. longissimi temporis; præscriptionem brevissimi temporis, puta, quinquennii, non est æquum nocere ignorantibus.

Ad L. XLVIII. de Acquir. Possess.

Predia cum servis donavit, eorumque se tradidisse possessionem litteris declaravit, si vel senus ex servis, qui simul cum prediis donatus est, ad eum, qui donum acceperit, pervenit, mox in predia remissus est, per servum prædiorum possessionem, quasitam ceterorumque servorum, constabit.

Sciendum est, donationem secundum ius, quod obtinuit ante Justinianum, fieri quidem posse per epistolam, ut l. Agnitus, & l. Lucius, sup. de don. & l. 5. & l. 13. C. eod. tit. sed non perfici, nisi translatò dominio, puta traditione, aut quasi traditione, l. 6. C. eod. t. l. 2. C. de crim. stell. l. quadam, sup. de rei vindic. vel ut olim solebat, cessione in jure, aut mancipatione: & alia est ratio emptio-
D. nis, venditionis, quæ perficitur nudo consensu, impletur, & consummatur traditione: donatio non perficitur nudo consensu, sed perficitur simul & impletur traditione. In specie autem hujus legis facta est donatio prædiorum per epistolam, sed nondum intelligitur esse perfecta etiam per epistolam declaraverit donator, sicut ea prædia tradidisse, quia ea epistola, siue declaratio pro pacto nudo habetur, ut in l. 15. de fundo dot. l. qui negotia, sup. mand. l. Paulus respondit, in pr. sup. de lib. causi. Et certi juris est, traditionibus, non nudis pactis dominia rerum transferri, l. traditionibus, C. de pact. Itemque traditionem non pactione fieri, sed datione possessionis naturali. At finge: absens ego per epistolam tibi donavi prædia cum servis, & me ea tibi tradidisse scripsi & declaravi, at revera naturaliter ad te possessio eorum prædiorum non pervenit, & unius tantum servi ex iis, qui in prædiis morabantur, possessio ad te pervenit, quem mox in prædia remissum. Queritur, an videatur & ceterorum ser-

servorum, simul ac praeiorum possessionem nactus? sic Papinianus videtur nempe, ut per eum servum, quem semel nactus es, & quem in praedia donata remisisti, ut ea possideret tuo nomine, videaris possidere praedia, & reliquos servos: idque constat inter omnes, l. i. §. veteris, h. t. Quae est sent. h. l. Malo in fin. l. ut aliis plerisque locis Papin. loquitur, legere, *constitit*, quod quidam Codices habent, quam *constabit*. Ponendum autem est in specie, quam proposui, unius ex servis praeiorum possessionem ad te pervenisse me volente, alioquin praedo esses, si me nolente rei donatae aut venditae, aut promissae possessionem nactus esses, l. si ex stipulatione, sup. h. t. Potui etiam absentem me donasse, absentemve declarasse per epistolam me tibi tradidisse possessionem, quod solum per se pro traditione non est, nec praesumi potest, aut fingi pro traditione esse repugnante natura, quae non patitur, ut nulla interveniente persona interposita, absens quicquam tradat alteri in manus: fisiones & praesumptiones convenite naturae oportet: at si praesens praesenti, & in re praesenti epistolam scripsero, qua continetur, me tibi rem tradidisse, sane ea scriptura, siue actus facile intelligitur pro traditione, ut l. i. §. pen. & l. quod me, §. si venditorum, h. t. Et ita accipiendum est, quod de traditione instrumento emptiois comprehensum proditum est in l. 2. C. eod. tit. Praesens autem res est, quam tenemus, vel cui indidemus, vel quam intuemur, ut d. §. si venditorum, h. t. Et ita accipiendum habemus. Et huius distinctionis quae vulgo recepta est, ratio illa est, quia fisiones, quae naturae non congruunt, prius rejiciuntur: sicut & de confessionibus, quae fiunt in iure, proditum est in l. confessionibus, §. i. & l. seq. §. ult. & seq. §. i. de in iure fac. ut si dicam, me filium esse adolescentis, si maritum mortuae mulieris, inanis confessio est. Et ita si absens praedium tibi donem, quod situm est, ubi tu es, & scribam, me tibi praedium tradidisse, quod propter absentiam meam nec fecit, nec facere potuit per rerum naturam, nihil nuntio misso, aut procuratore, ea scriptura inanis est, quia natura scripturae repugnat. At si praesens praesenti scribam in re praesenti, vel, si quis alius me volente scribat, me tibi eam rem tradidisse, etiam si reapse non tradiderim, haec scriptura pro traditione est; quia, quod continet, non abhorret a facultate naturae. Et simili modo, si tibi praesenti stipuler dari, vel fieri, facile quis fingat, aut praesumat te stipulationem esse, quod praesens fueris, tibi facile dederit actionem ex stipulatu, ut l. si procuratore, de verb. obl. l. si dictum, §. si praesente, de evict. non etiam si stipuler tibi absenti, l. 2. C. de contrah. stipul. l. 2. C. de inut. stip. quia naturae convenienter fingi non potest stipulationem esse, & habuisse sermonem tecum eum, qui absit. Et eadem ratione, si absens perire scripsero, me tibi stipulanti promississe, inanis scriptura est, quia stipulatio non potest fieri inter absentes: verba sunt praesentium tantum. Sed si praesens te praesente id scripsero, me promississe tibi stipulanti, licet revera tu stipulatus non sis, stipulatio praesumitur iure perfecta, l. i. & l. pen. C. de contrah. stipul. Et ita intelligenda est l. sciendum, de verb. obl. ut, si quis scripserit se promississe, omnia videri iure perfecta, & solemniter acta, videlicet, si res gesta sit inter praesentes, alioquin non fingitur actum, quod agi per naturam esse pecuniam in creditum, vel in solutum, nihil refert scripturae standum esse, quasi pecunia revera numerata, licet testes dicant se solutionem, aut numerationem nullam vidisse, quod Bartolus sentit hoc loco, si modo id ius, tabello scripserit volentibus nobis, alioquin tabello falsi reus est, qui ita scribit absentibus & nolentibus nobis. Et haec sunt, quae pertinent ad hanc legem.

Ad LXLV. de Usurp. & Usucap.

Prescriptio longa possessionis ad obtinenda loca juris gentium publica concessa non solet. Quod ita procedit, si quis

A *aedificio funditus diruto, quod in litore posuerat, aut dereliquerat aedificium: alterius postea eodem loco extructo, occupanti datam exceptionem opponat. Vel si quis quod in fluminis publici diverticulo solus pluribus annis piscatus sit, alterum eodem jure prohibeat.*

Initio legis ostenditur, praescriptionem longi temporis id est, x. annorum inter praesentes, & xx. inter absentes, non dari ad retinenda siue obtinenda loca publica juris gentium. Obtinere plus est, quam tenere. Teneamus cum primum nati sumus possessionem, deinde obtinemus, l. clam, sup. tit. pro. Imo nec tenuisse videmur, nisi obtineamus, l. non videtur, eod. tit. Loca autem publica juris gentium vocat flumina & littora, quae usui communia sunt omnium hominum, l. 7. §. quod si toto, de acquir. rer. dom. §. litium, l. iustit. de ver. div. Nec ulla gens est tam barbara, ut poeta ait, quae arena hospitio prohibeat, primaeque vetat consistere terra. Quamobrem, & his duobus exemplis Papinianus utitur, quibus propositioni initio posita ostendat esse locum, uno de littoris usu, hoc modo, si quis funditus diruto aedificio, quod in litore posuerat, aut derelicto aedificio, id est, si postquam aedificium possidere desit quod posuerat, & longo tempore possederat, alii eodem loco aedificavit, supradictam praescriptionem, siue exceptionem opponat, quod ibi ipse longo tempore aedificatum habuerit: nec enim ei qui possidere desit, haec praescriptio dabitur, quoniam aedificio dilapso, vel derelicto, quasi jure postliminii locus recidit in pristinam causam, & perinde publicus est juris gentium, ac si in eo nunquam inaedificatum fuisset, l. quod in litore, sup. de acquir. rer. dom. l. in tantum, in pr. sup. de ver. div. Proinde is locus funditus diruto aedificio, idve aedificium, si non dirutum sit, sed pro derelicto habitum a domino, occupanti conceditur, l. i. infra pro derelicto. Servius in illum locum,

... Hospitio prohibemur arena.

Occupantis, inquit, est possessio littoris. Exigit autem Papinianus, ut funditus dirutum sit aedificium, id est, fundamenti fini: nam si pars aedificii super sit, ejus manet, cujus fuit: vel etiam exigit, ut non dirutum aedificium pro derelicto habitum sit, quo loco male Accurs. ponit disjunctionem, vel, accipit pro conjunctione. Proponam autem verba Papiniani fere juxta vulgarem scripturam, quae melior hoc loco est quam Florentina. Cum proposuisset initio regulam, non dari praescriptionem longi temporis ad obtinenda loca publica juris gentium, subiicit proposito uno exemplo: quod ita procedit, inquit, si quis aedificio funditus diruto, quod in litore posuerat, aut dereliquerat, aedificio alterius postea eodem loco extructo, occupanti dictam exceptionem opponat. Hoc tantum mutata vulgari, quod scribo, dictam, non datam exceptionem, id est praescriptionem longi temporis, vel longae possessionis, quam initio nec dari solere proposuit, quod est perspicue rectum. Aedificii etiam nomine hoc loco comprehendo omne aedificium, quod sit propositum in litore, vel in mari, aut flumine publico: ergo comprehendo etiam molestrinam, de qua & DD. tractant hoc loco, & idem in ea statum, quod in quolibet alio aedificio. Sequitur alterum exemplum de usu fluminis, si quis quod in fluminis publici diverticulo pluribus annis, id est, longo tempore, piscatus sit, qui nunc piscari desit, nec perseveravit in possessione piscandi, eodem loco, alterum piscantem eodem jure non prohibeat, id est, publico juris gentium opposita supradicta praescriptione longi temporis. Praescriptiones opponuntur, vel exceptiones non agentibus tantum in iudicio, sed etiam tantantibus aliquid in praedictum alterius: ut exceptionem non numeratae pecuniae constat opponi, etiam si nondum agatur. Hoc vero casu, etiam illa praescriptio non admittitur, nec potest prohibere illa praescriptio piscari volentem, cum ille alter piscari desit eodem diverticulo. Et hinc responso Papiniani nota est & vexata satis, quae opponitur l. si quisquam, ff. de divers. & temp. praescrip. In qua sunt eadem verba, sed adfirmantia; alterum scilicet eodem

eodem jure uti prohiberi posse, quæ hic vi ipsa sunt negantia; alterum eodem jure uti prohiberi non posse, nullus tamen in eo dissidio componendo est labor. Nam *l. quisquam* accipienda est de eo, qui est in possessione piscandi certo quodam fluminis publici diverticulo, qui alium eodem loco piscari volentem prohibet recte, atque submovet præscriptione longi temporis. Contra hæc lex, ut superiore exemplo de usu litoris posui, desisse possidere ædificium eum, qui id posuerat in litore: nec enim possidetur, quod in rem natura esse desit, quod funditus dirutum est, nec etiam quod pro derelicto habetur, *l. quod servus, ff. de stipul. serv.* Ita sane consequens est, hoc posteriore exemplo poni eum, qui longo tempore certo fluminis diverticulo piscatus erat, intermisisse piscationem, & desisse possidere, quod sibi longo tempore paraverat, jus piscandi in flexu illo, & diverticulo fluminis: ideoque eodem loco piscari volentem non posse prohiberi, quia locus rediit in pristinam causam: & nunc non privatus, sed publicus est jurisdictionum. Et ita Joannes & Angelus sentiunt recte, & Accursius quoque breviter Solve, inquit, hic non erat in possessione, ibi erat, nihil est rectius: postremo quod additur in hac lege, *post mortem, &c.* hanc sententiam exprimit.

Ad §. Post mortem.

Post mortem domini servus hereditarius peculii nomine rem caput tenere, usucapionis primordium erit tempus hereditatis aditæ: quemadmodum enim usucapitur, quod ante defunctus possedit?

SI servus hereditarius jacente hereditate, alioquin non diceretur hereditarius, igitur nondum adita, peculiari nomine, quod servus peculiatu esset, a defuncto rem emerit, & tenere coeperit post mortem domini, ante aditam hereditatem, ut dixi, non procedere ejus rei usucapionem, si forte fuerit aliena, & bona fide emptæ, antequam aliquis heres extiterit adita hereditate, usucapionis primordium esse tempus aditæ hereditatis, quia possessio non coepit a defuncto, coeptam possessionem & usucapionem a defuncto, & ante aditam hereditatem impleri, *l. captam, hoc tit. l. qui cum, §. ult. inf. pro empt. l. cum miles, sup. ex quibus caus. mas.* non coeptam a defuncto non inchoari ante aditam hereditatem. Quod verum quidem est jure communi, sed jure singulari aliud esse receptum idem Papinianus scribit in *l. pro. §. nondum, sup. hoc tit.* nec alia ratione hic locus cum illo sine calumnia conciliari poterit. Et verisimile est, finem hujus *l.* imperfectum, aut mutilum esse, quoniam verisimile est, subiecisse Papinianum, aliud esse receptum jure singulari.

Ad L. XII. Pro emptore.

Misso legatario in possessione, res pro emptore usucapitur, salva prætorei pignoris causa.

EX hac lege intelligitur prætorem pignus constitui creditore, vel legatario misso in possessionem bonorum debitoris, vel bonorum hereditarium, ex edicto, & ex primo decreto prætoris, ut in *l. 2. C. de præ. pign.* Quo genere a debitore vel herede possessio bonorum non transfertur in eum, qui missus est in possessionem, sed custodia tantum & observatio bonorum, id est, possessors, qui debitor est, vel heres, creditor vel legatarius custos apponitur, *l. 5. in pr. sup. ut in poss. leg. l. 2. §. ult. sup. de adq. poss.* Nam primo decreto creditor vel legatarius non jubetur possidere, neque fit possessor, sed jubetur esse in possessione, & aliud est esse in possessione, aliud possidere: sicut aliud est esse in servitute, aliud servum esse. Et hoc quidem maxime distat prætorium pignus a conventionali: nam conventionalis pignoris naturalis possessio transfertur in creditorem, *l. cum & foris, §. ult. sup. de pign. act. l. per servum, in pr. sup. de adq. poss.* Deni-

A que constituto & tradito pignore ex conventionem, debitor possidere definit. Constituto autem pignore ex primo decreto prætoris, debitor possidere non definit: verum post primum decretum si debitor non satisfaciat creditori, quo jure utimur etiam hodie, secundo decreto prætor possessionem bonorum transfert in creditorem vel legatarium, simul ac præbet occasionem usucapionis, *l. prætoris, in pr. & l. si finita, §. Julianus, de damno infer.* ubi dominum accipere oportet, cum ait: creditorem secundo decreto dominum fieri, pro possessore, non proprietario, quia ut prætor non facit heredem, sed facit bonorum possessorem, ita nec dominum facit, aut facere potest, id est, proprietarium, sed dominum possessionis tantum, id est, possessorem, heredem & proprietarium facere est solius juris civilis, non honorarii. Ita que primo decreto facit creditorem in possessione bonorum debitoris, secundo facit possessorem: usucapio autem facit dominum jure civili. In hoc tamen prætorium pignus & conventionale inter se conveniunt, quod sicut debitor rem pignori datam ex conventionem, quam forte pro emptore bona fide possidebat, etiam translata possessione in creditorem, usucapere potest eam rem, quia quantum ad usucapionem attinet, non intelligitur debitor, qui cepit possidere, desisse possidere, hoc est, usucapio procedit, & impletur, etiam si reapse non possideat, qui dimisit possessionem creditori, *l. 1. §. per servum corporaliter, sup. de adq. poss. l. 1. ita & multo quidem magis constituto prætorio pignore debitor vel heres, pro emptore vel pro herede usucapere, vel inchoatam usucapionem implere potest, salva causa prætorii pignoris, ut ait, sicut, & rem pignori datam ex conventionem debitor usucapit salva causa pignoris conventionalis, quia neque conventionalis, neque prætorii pignoris causam usucapio permittit, quia nihil quicquam cum dominio, quod usucapione queritur, commune pignus habet. Denique res usucapitur cum sua causa, *l. 1. §. cum prædium, sup. de pign. l. usucapio, C. eod. tit. l. 2. tit. seq. l. iuste §. non mutat, sup. de usurpat. & usucapion.**

Ad L. XL. de re Judic.

Commodis præmiorum, quæ propter colonas sacras præstantur, condemnatio placuit interdici, & eam pecuniam jure pignoris in causam judicari capere.

Hæc lex est etiam de pignore, non tamen conventionali, vel, ut superior, de prætorio, sed de eo, quod in causam judicati capitur, quod discretionis causa interpretres nostri vocant *judiciale*, cum & id, quod prætorium est, sane etiam judiciale sit, & utrumque iussu prætoris constituitur, vel prædis, sed non ex edicto utrumque: prætorium ex edicto, judiciale extra ordinem, *l. si pignora, sup. de evict. Et docet hoc loco Papinianus in causam judicati, id est, judicati exequendi gratia, posse capi jure pignoris etiam commodata præmiorum, quæ, inquit, propter sacras colonas præstantur, videlicet, si qua commodata judicato competant ob victoriam, quam ex sacris certaminibus domum reportavit. Commodis, inquit, præmiorum, quæ propter colonas sacras præstantur: nam qui vincebant sacris certaminibus, veluti Olympicis, coronabantur, *l. 1. C. de Athletis, l. 6. §. Ulpianus, sup. de excus. tut. l. spem, C. quæ res pign. oblig. poss.* Alii, ut nostris, frondibus oleastris, alii lauri, alii pinus, alii apii more Græcorum, quorum etiam vox coronæ, est mera Græca. Ac præter istam coronam etiam de publico victoribus præstabantur annonæ annuæ vel mensuræ, quod pensandi verbum denotant in *d. l. spem.* & Vitruvius initio 9. scribens, *Victores et Republica constituit vestigalibus perpetua vita sua.* Et hæc quidem vestigalia, hæc commodata sive præmia, *vestigalia*, sive annonæ publicæ possunt capi in causam judicati, indicato prohibito ea percipere, & quo die ea præstari solent, exeatore res judicatas ea auferente judica-*

dicati facienda causa.⁶ Quo argumento dici potest, etiam commoda, quod iudicis praestantur potest capere, et in causam iudicis convertere. Et primum hoc etiam in capite 2. *est. de fideiuss.* Item pendia militum, quomodo *h. pendia*, *C. de exco. rat.* sub conditione tantum, verat stipendia militum pignori capere, si ratio suppetat, quare iudicatum magistratus exequantur, et perducant ad effectum: quam conditionem etiam apponimus commodis athletarum, ut non possint capi in causam iudicis, nisi quam alia bona condemnato non supersint. Ex conventionem vero constat hac omnia commoda pignori iure non obligari, d. *h. ipem.*

Ad L. XXI. de Privil. cred.

*Antiochenſium Cœleſyrie civitati, quod lege ſua privilegium in bonis defuncti debitoris accepit, jus perſeque-
ndi pignoris durare conſtitit.*

Hæc quoque lex est de pignore, non tantum de conventionali, vel pratorio, vel judiciali, fed de eo, quod lege datur, quod tacitum pignus dicitur, ut Antiochiz splendidissima civitas Cæsaryia, curvæ vel Caværyia ad differentiam Syriæ Phœnicis & allarum Syriarum; Antiochia, inquam, lex sua propria dedit privilegium in bonis defuncti debitoris; defuncti, non viventis, id est, dedit tacitam hypothecam in bonis defuncti debitoris, sicut in *l. simile, inf. ad municip.* dicitur, scum habere privilegium in bonis debitoris, id est, tacitam hypothecam, quod & privilegium dicitur in *l. 2. c. de serco pign. dat. man.* Est sane privilegium hoc fisci, ut habeat tacitum pignus, ut tacite est ipse pigneratora bona debitoris, etiam viventis, quoniam idem privilegium non habet quilibet Respu. nisi que id accepit nominatim a Principe, ut ait *l. simile, c. 2. c. de jure Resp. lib. 11.* vel que id habet sua lege, & more vetuto, ut habuisse Antiochiam civitatem Cæsaryia, ait, non quidem in bonis viventis, ut fisci; fed defuncti tantum debitoris. Quod privilegium Antiochiz etiam durare, hoc loco Papin. ait: quid hoc est, etiam durare? nempe non esse sublatum edito Severi Imperatoris, quo omnia jura & privilegia cum Antiochenis ademisse, eo quod in bello civitas Nigri Nigrum juvissent. Elius Spartianus scribit in Severo, & in Anton. Caracalla: post attempta Antiochenis privilegia, tamen hoc privilegium tacite hypotheca Papin. ait durare, quoniam id habuit civitas lege sua. Ratio igitur hæc est, quia tantum ea ademit Severus Antiochenis, quæ dederat ipse, vel data ab aliis Principibus initio ipsi Imperii confirmaverat. Ita quod fit hodie, est vetustissimum, ut soleant Principes initio ipsi Imperii, confirmare omnia privilegia, omnes immunitates, quod in jure nostro scriptum est, & scriptum esse pauci antea advertunt in *l. 6. quæ Græca est, de excus. tut.* quo loco agit de immunitate & privilegiis philosophorum, quæ eis, inquit, confirmavit D. Severus, *πεφωτισμένοι οὗτοι ἐστὶ τῶν ἀρχαίων διατηρούμενοι τὰς ἀπαρχὰς, τιμὰς, καὶ ἀρχαίας ἐξαιρέσεις*: statim autem principum adeptus est, suos honores & immunitates confirmavit. Quod quidem esse infinito Tiberii Imperatoris Suetonius scribit, & Aurel. Victor in Tito. Ademit ergo Severus Antiochenis sua beneficia, aut Principum superiorum, non ademit, quæ ea civitas lege sua & more patriæ recepto antiquitus habuit & exercuit; non ademit igitur ipsi taciti pignoris, quod habuit in bonis defuncti debitoris lege sua. Et hæc ratio significatur his verbis: Quod lege sua privilegium in bonis defuncti debitoris accepit. Recte enim editio Florentina expressit illud, quod, cum accentu gravi. Et hic fane est sensus hujus legis, quem & Basilica conservavunt, & expresserunt his verbis, *Αντιόχεια ἡ τῆς οὐραίας καὶ πόλεως ὅλη, τὴν ἀρχαίαν ἐκείνη λαβὴν ἐκ τῆς προκείμενης αὐτῆς: Ἀντιόχεια Καὶσαρεία προίλειον ἔχει, ὅτι τὸν δέσποιν ἐκείνην οὐκ ἐπέσειεν, πignorὰ καπιαὶ ἐκ τῆς γενεαῖς, σκεδὴν ἱερωνικῆς αὐτῆς, ἵκετ ἐκ πignorὸ ἐπίβητοί συνεστῆσι, μέλλει ἰαγὺρ Αἰλιανὸς τῆς*

A legem accipit de jure *πορτικησος*, quasi lex diceret, in
perferendo pignore convento, singulos Antiochenos
præferri extraneis creditoribus hypothecariis, etiam au-
tioribus. Quod hæc lex nullo modo dixit, quæ non
est de jure prælationis, non de hoc privilegio, fed de
jure & privilegio tacite hypothecæ. Male etiam Ac-
curfius hanc legem accipit de eodem jure *πορτικησος*, in
quo tamen longe aliter, quam Alciatus statuit, &
tradit hic, Papinianum velle, civitatem vel privilegium,
quod accipit via lege, vel a Principe, non præferri
privato antiquiori creditori hypothecario. Accurfius
nullum dari civitati privilegium, Alciatus dari aliquod,
fed non quod erat in mente Papiniani.

Ad L. XIX. de Iure fisci.

Denique non esse prestandas usuras, cum pecunia re-
vocatur, convenit; quoniam res, non persona convenitur.

Certum est fiscum in actione hypothecaria habere privilegium tacite hypothecae ex suis contractibus, vel ex causa tributorum, non ex omnibus causis, ut demonstrat *l. rescriptum, sup. de pact.* Et jure tacite hypothecae non habet privilegium, ut praefertur ceteris actionibus; denique pro privilegio habet tacitam hypothecam, sed non etiam, ut jure tacite hypothecae excludat priores creditores hypothecarios. Denique in actione hypothecaria non habet nisi privilegium & praerogativam temporis: si fiscus sit prior, erit potior in hypotheca, si posterior, servabit suum ordinem. At in actione personalis fiscus habet privilegium, & primum locum obtinet inter omnes creditores chirographarios, etiam antiquiores: nam & hoc item privilegium exactionis in actione personalis habet quaelibet Resp. *l. quod quis, C. l. pen. sup. de reb. auct. jud. possid. vel de privi. cred.* 3. C. qui pos. in pign. hab. Et ideo si quis ex aliis creditoribus occupet suum repetere a debitore, integrum est fisco, solumat creditori pecuniam revocare & repetere jure privilegiis sui, ut *l. proz. S. ult. sup. l. 5. C. de privi. fise.* Revocat ergo fiscus, quod solumat etiam alii creditori, cui ipse effit anteposendus, & revocat sortem tantum ei solumat, non etiam, ut ait hoc loco, ejus fortis usus, quod creditor interim ea pecunia usum sit, quia, inquit, res, non persona convenitur, id est, fiscus non agit in personam creditoris, qui festinat suum repetere, quasi fisci obligatum, sed agit in pecuniam ipsam, quae soluta praemature creditori est, non habita ratione privilegii fiscali, etiamque pecuniam vindicat. Constat autem in actionibus live persecutionibus in rem usus non venire, sed in actionibus in personam tantum, *l. si natus, de rei vindic.* Pertinet etiam ad hoc item privilegium exactionis, quod fiscus habet, *l. 37. hujus tit.*

Ad L. XXXVII. Eodem.

Quod placuit fisco non esse poenam petendam, nisi creditores suum recuperaverint: eo pertinet, ut privilegium in poena contra creditores non exerceatur, non ut jus commune privatorum fisco amittatur.

E Stenditur, privilegium exactiōnis fisco habere si
sum persequatur, quod sibi abest, non si per-
sequatur poenam ex causa delicti. Nam antiquiores credito-
res chirographarii potiores sunt fisco poenam persequen-
ti, non rem, vel pecuniam suam. Et hoc est, quod
dicitur, poenam fisco habere in potestate, *l. in sum-
ma, l. Stajius, §. ut hoc fit. l. i. C. poen. fisco. cred. prefer. l. i.*
creditores antiquiores scilicet, quoniam æquus est subve-
niri antiquiori creditori de damno sollicito, qui sum
reperit, quam fisco affecantī lucrum ex prædatione po-
næ, quod adventitium lucrum est. Verum si poenæ
debito sit antiquior credito, facit hoc casu fisco non
auferetur, quamvis ceter de lucro, jus commune privato-
rum, ut ait, opponens; jus commune, privilegio, id est,
poena

poena exsolvenda prius erit fisco, quam pecunia posteriori creditori, ut *l. ult. §. pen. C. qui potior in pign. hab.* Atque ita prerogativa temporis facit, ut qui de lucro certat, potior sit eo, qui certat de damno. Et ita hac lex explicanda est. Et nihil est præterea in *lib. 10.*

JACOBI CUJACII J.C.

COMMENTARIUS

In Lib. XI. Responsorum EMILII PAPINIANI.

Ad L. XII. De Pactis.

Intra illum diem debiti partem mihi si solveris, acceptum tibi residuum feram, & te liberabo: licet actionem non habet, pacti tamen exceptionem competere debitori constituit.

SPECIES hujus legis hæc est. Convenit nudo pacto inter debitorem & creditorem, non, ut stulti fingunt, in ipso tempore credendæ pecuniæ, aliquin pactum formaret actionem, & daretur actio ex pacto, quod tamen lex negat, sed id ita convenit postea, intermisso aliquo spatio temporis, ita scilicet convenit, ut, si debitor intra certum diem solveret creditori partem debiti (sermo est conditionalis) quod plerumque paciscuntur creditores, qui pecunia egent, creditor ei residuum acceptum ferret, vel quod idem est, residuo eum liberaret per acceptationem: forte creditor, qui pecunia indigebat ante diem solvendæ pecuniæ, si debitor rei vellet intra diem breviorē solvere, & representare partem debiti, pactus est, se residui gratiam facturum debitori, & eum liberaturum residuo per acceptationem. Quaritur an debitor intra eum diem agere possit, ut per acceptationem residuo liberetur oblata scilicet parte debiti, alioquin qua fronte id desideraret? oblata igitur parte debiti, de qua convenit, & creditore nolente partem oblatam accipere? Et respondet Papinianus, nullam debitori eo nomine competere actionem, quia ex pacto nudo non nascitur actio, sed quia nascitur exceptio: si post obligationem partis, quam creditor recusavit, creditor totum petat, & agat in solidum, debitor se tueri potest exceptione pacti conventi, vel doli mali: nuda obligatio pactum non transire, non verti in contractum, ut actionem pariat, sed datione & obligatione, *l. qui mutuum, §. i. mand. l. q. C. de solut.* Accursius & Doctores male ponunt, a debitore fuisse datam & solutam partem debiti: nam si soluta esset quasi pacto nudo jam perducto ad effectum, & in contractum converso, *do, ut facias, do partem debiti, ut mihi residuum acceptum feras*, tum debitori competet proculdubio actio præscriptis verbis in creditorem, ut se residuo liberet per acceptationem, quia, ut nihil refert, quod & Doctores fatentur, statim atque pactus sum, stipuler, an postea, ut mihi competat actio, ita nihil interest, dem statim, an postea: & quod ait *petens, C. de pact. in stipulatione*, quæ sequatur, statim, inquit, id ad eam legem satis ostendi quo referendum sit. Observatio 10. nam ex eo non sequitur, quin, si id, quod pactus sum longo tempore, post deducam in stipulationem, mihi pariam actionem ex stipulatu. Quidni? datione vel stipulatione pactum sumit effectum, *l. divisionis, hoc tit.* Ergo in specie proposita nihil interest conditionis pacti, si solveris partem debiti ceteriore die, nihil interest ea pacti conditio impleatur statim, an postea: nam & conditio postea impleta retro recurrit, *l. potior, qui potior in pign. hab.* Denique pactum transit in contractum, & in obligationis civilis causam, vel statim, vel postea pacti conditione impleta, unde nascitur actio, quia iam non est pactum, sed contractus. At quia in hac specie non fuit impleta conditio pacti, non fuit soluta pars debiti, de qua convenerat, sed oblata

A tantum: ideo ait, *offerenti*, quia nondum res pacti fines egressa est, id est, nondum transit in contractum, sed stetit intra finem pacti; ex eo pacto non esse actionem debitori, ut liberetur, sed exceptionem tantum, secundum vulgarem regulam toto hoc titulo diffusam: ex pacto exceptionem dari, non actionem.

Ad L. XIX. de Compensat.

Debitor pecuniam publicam servo publico citra voluntatem eorum solvit, quibus debitum recte solvi potuit: Obligatio pristina manebit, sed dabitur ei compensatio peculii fini, quod servus publicus habebit.

DEBITOR Reipub. vel fisci (nihil refert) pecuniam debitam ex contractu Reipub. (sic est ponendum, non ex contractu servi publici, servi Reipub.) servo publico solvit eam pecuniam citra voluntatem ejus, qui præpositus est administrationi rerum civitatis, puta, curatoris Reipub. non recte solvit: ergo nec se liberavit a Reipub. Curatori Reipub. recte solvisset: servo publico sine voluntate curatoris Reipublicæ non recte solvit: ergo se non liberavit, & pristina obligatio manet, atque adeo integra est Reipublicæ actio in debitorem, qui, cui non debuit, solvit, perinde atque si nemini solvisset. Verum, ut monet Papinianus hoc loco, si cum eo agatur nomine Reipub. quia ex negotiis gestis cum servo publico, sicut quilibet alius dominus, Reipub. tenetur de peculio, quod peti posset a Reipub. actione de peculio, id est, quod servo publico solum a Reipub. repeti posset actione de peculio, non in solidum, sed in peculium tantum, quatenus ferant vires peculii. Item si agatur nomine Reipub. ex pristina obligatione Reipub. compensari potest, *peculii fini*, ut ait, id est, *peculio tenus*, quantum peculii tenus, quod arcus genus est, intendi potest, ut in *l. si sine herede, §. Modestinus, de administr. tut.* Itaque si tantum sit in peculio, quantum solvit servo citra voluntatem administratoris Reip. nulla Reipub. actio competit: sin minus sit in peculio, superflui tantum petitio Reipub. superest: etiam Reip. vel fisco compensatio opponi potest, *l. idem, §. l. ult. h. t. lausertur, §. quod in compensationem, de jure fisci*, & opponitur in hac specie Reipub. compensatio peculii fini, ut ait, quia Reip. agit ex suo contractu, quod initio posui: nam si Reipub. ageret ex contractu servi, quum servo solum est, ex eo contractu nolente Reipub. ut *l. quod servus tit. seq. l. quod servus, inf. de solut.* si inquam, Reip. ageret ex contractu servi, solidum compensaretur, quod servo solum est, non peculii fini. Idque probat aperte *l. si cum filiofam. in princ. hoc tit.*

Ad L. LIII. Locati.

Qui fidejussor existit apud mancipem pro colono publicorum prædiorum, quæ manceps ei colono locavit, Reipublicæ non tenetur, sed fructus in eadem causâ pignoris manent.

EX est de eo, qui conduxit prædia publica, quem mancipem vocat, ut *l. ii. C. de vectig. & comm. Ag. genus 2. de limitibus constituendis: Mancipibus*, inquit, *agros Reipublicæ conducentibus in annis centenos.* Et Festus: *Manceps est*, inquit, *qui quid a populo conducit*, quia manu sublata, ut fit in auctionibus significat, se esse auctorem conductionis. Ponit autem hoc loco Papinianus, mancipem prædia publica colono locasse: nemo prohibetur, quod conduxit alii locare, quod quidem vocant ablocare, *l. 6. C. de locat.* quia non tantum uti, sed etiam frui conductori permittitur est. Ponit igitur mancipem prædia quedam publica colono locasse, *baillæ à ferme*, colonum autem mancipi cavisse de mercede sua die solvendâ, dato fidejussore: Queritur, an Reipub. sit actio in fidejussorem. Et ait non esse, quia fidejussor sit Reip.

Reip. non obligavit, sed mancipi: fideiussor cum Rep. A non contraxit, vel administratoribus eius, sed cum mancipi. Ideoque nec in colonum ullam actionem habet, cum quo etiam non contraxit: si non in colonum, nec in fideiussorem eius igitur. At fructus prædiorum tacite sunt Reip. pignori obligati, quisquis eos perceperit, pro mercede, scilicet, quam manceps, five publicanus, quem hic Græci notant posteriores vocasse *commercium*, pro mercede, inquam, quam manceps Reipub. cavet, perinde atque si eos fructus manceps percepisset, ut l. si in lege, §. 1. hoc tit. l. in prædiis, inf. in quib. cau. pign. vel hypoth. tas, cont. l. 3. C. eod. tit.

Ad L. IX. de Præscript. verb.

Ob eam causam accepto liberatus, ut nomen Titii debitoris delegaret, si fidem contractus non impleat, incerti actione tenebitur: itaque iudicis officio non vetus obligatio restituitur, sed promissa præstabitur, aut condemnatio sequetur.

Species hæc est. Te debitorem meum accepto liberavi ea lege, ut mihi vice tua delegares nomen debitoris tui: contractus est, non pactum: quia ego iam cepti facere. Pactum est, si causa non subit, id est, datio vel factum, sed nuda & simplex actio tantum, nudum solumque placitum dandi vel faciendi: ut faciam, ut des, pactum est: facio ut des, contractus est, ut hoc loco, te accepto libero, ut tu mihi cedas nomen debitoris tui, utrumque est facere, l. si mandatu, §. quoties, supra mand. negotium igitur ita gestum est, facio, ut facias, te accepto libero, ut mihi delegates nomen debitoris tui: pro pecunia, quam mihi debebas malui per delegationem sequi nomen debitoris tui, ut in l. 68. §. ult. ff. de evict. At finge: ego te accepto liberavi, & tu non mihi delegates nomen debitoris tui: mihi in te competet actio præscriptis verbis, quasi ex articulo, facio, ut facias: quæ quidem actio datur in hoc, ut vel mihi cedas nomen debitoris tui, vel, ut Papinianus loquitur, ut promissam præstes, *ἀποχρησθῶν*, pro promissione, sicut missam pro missionem, & Cyprianus, remissionem pro remissione: ut igitur mihi promissam præstes, ut scilicet mihi cedas nomen debitoris tui, vel præstes id quod interest. Quæ de causa hæc actio dicitur incerti actio, quia persequitur id, quod interest, cuius æstimatio non est certa, quia pendet ex facto, non ex jure, l. quatenus, de regi. jur. l. uli. de præst. stip. Verum an officio iudicis ego, qui egi præscriptis verbis, compelli possim, ut satis habeam, si reponas te in veterem obligationem, quam acceptatio mea sustulit ipso jure. Possim id satis habere ultro, si velim, & agere in id tantum, ut veteris obligatio restitatur, aut restauretur, qua tu mihi tenebaris, ut l. si mulier, & l. si accepto, sup. de condit. causi. data, l. licet, inf. de jur. dos. Sed hoc iudicio præscriptis verbis non possum compelli officio iudicis, ut id satis habeam: sed, quoniam nihil aut parum hic potest officium iudicis in strictis iudiciis: quod ego ago, id mihi omnino præstandum est, hoc est, vel obligatio, quæ promissa est, vel id quod interest, ut & l. 5. hoc tit. proponitur duobus locis aut tribus, actione præscriptis verbis non hoc agi, ut reddas, quod accepisti, cum tamen possum agere conditione ob rem dati, si vellem, sed non id ago actione præscriptis verbis: verum ut mihi præstetur id quod interest, quanti mea interest a te vicissim dari, aut fieri id, de quo convenit, & fidem eandem mihi fervari, quam ipse prior exhibui dando, vel faciendo.

Ad L. I. de Pignor.

Conventio generalis in pignore dando bonorum, vel potest questionum recepta est. Ite speciem autem alienæ rei collata corruptione, si non fuit ei, qui pignus dabat debita, postea debitori domino quesito: difficultus creditori, qui non ignoravit alienum, utilis actio dabitur. Sed facilius erit possidenti remissio.

IN Pandectis Florentinis hæc lex 1. adscribitur libro 11. In Noricis autem & vulgaribus adscribitur libro 2. quam inscriptionem veniorem esse arbitror, quoniam lex, quæ sequitur, est ex tertio. Et Tribonianus in disponendis prudentum sententiis vel opinionibus sequi solet semper ordinem librorum, unde eas sententias vel opiniones sumit: primo loco dans eas, quæ sunt ex primo, deinde eas quæ sunt ex secundo, & sic deinceps, nisi cum unius scripto interferitur aliquid ex alio. Sunt autem in hac l. 1. responsa quinque. In primo proponitur differentia una inter generalem obligationem pignoris, & specialem. Generalis est obligatio, si quis obliget præsentia bona & futura, si quis obliget, quæ habet, habiturusve est, quæ generalis obligatio vulgo recepta est, quamvis nunc non sint in bonis debitoris, quæ quandoque habiturus est, quia collata obligatio in tempus intelligitur, quo in bonis debitoris erunt, ut l. & quæ nondum, §. 1. hoc tit. l. ult. C. de remiss. pign. Ergo generali obligatione, exceptis his rebus, quæ enumerantur in l. 6. & sequentibus, hoc tit. continentur non tantum, quæ debitor habet in bonis, sed etiam, quæ postea adquisierit, licet nunc ea non habeat in bonis: Specialiter autem possum quidem obligare fructus, qui ex fundo, vel ex pecore meo nascuntur, vel partus, qui ex ancilla mea, tametsi nondum sint in bonis meis, ob id ipsum, quod nec sunt, quia intelligitur obligatio collata in tempus, quo mihi nascuntur fructus vel edentur, l. & quæ nondum, in princip. l. potior, & pen. inf. qui pot. in pign. Itemque possum specialiter pignori obligare rem mihi debitam five nomen debitoris mei, l. 3. §. 1. ff. qui pot. in pign. l. si convenit, sup. de pign. actio. l. nomen, C. quæ res pign. oblig. poss. Quod & in hoc responso Papinianus significat illo loco: si non fuit ei, qui pignus dabat, debita. Item specialiter pignori obligare possum rem mihi pigneratam, in qua habeo jus pignoris, l. grege, §. cum pignori, hoc tit. vel etiam eam rem, in qua usufructum habeo, l. 11. §. usufructum, & d. l. & quæ nondum, in princip. hoc tit. vel etiam rem, in qua habeo jus usufructus, vel jus superficium, l. tutor, §. ult. sup. de pign. act. l. etiam superficies, ff. qui pot. in pign. vel etiam rem, in qua habeo jus possessionis parte bona fide, & iusta ex causa, l. si ab eo, inf. hoc tit. Quod quidem jus videtur *ius usufructus* appellari in l. 3. §. si jus, de reb. eor. qui sub tut. Denique rem alienam, in qua habeo jus pignoris, vel jus usufructus, vel jus emphyteusis, vel jus superficiei, vel jus possessionis, pignori obligare possum, quia non rem ipsam obligo, quam non habeo in bonis meis, sed jus, quod in ea re habeo. Rem autem alienam, in qua nihil juris habeo, & quæ mihi non debetur, possum quidem pignori obligare sub conditione, si in dominium meum pervenerit, l. si fundus, §. aliena, hoc tit. Pure autem & specialiter rem alienam, in qua nullum jus habeo, & quæ mihi non debetur, pignerare non possum sine voluntate domini, l. si servum quem, in fine, ff. de act. empt. l. sed etsi lege, §. si quis re sua, sup. de perit. heredit. l. aliena, sup. de pignerat. act. Et si eam rem alienam forte pigneravero, non est pignus. Et tamen rem alienam, ut constat inter omnes, vendere possum, l. rem alienam, de contr. empt. quæ nobis explicanda est ex libr. 5. Ulpianus ad Sabinum. Hoc est observandum in primis, & initio hoc proponi ex Sabino: Rem alienam distrahere quem posse nulla dubitatio est, quæ sententia, quod videretur dura, aspera, & iniqua, ut & l. 1. C. de comm. rer. alien. ait, satis illiciteam esse venditionem rei alienæ, ideo eam sententiam Sabinus statim Ulpianus sic explicat: nam hæc verba Papiniani, Ulpiani sunt: nam, inquit, emptio est & venditio: ergo ultro citroque actio empti & venditi: sed res emptori a domino auferri & evinci potest, quia scilicet venditio rei alienæ, jus domini non mutat, & re evicta a domino, evictionis nomine, emptori est regressus adversus venditorem actione ex empto, vel ex stipulatu. In hoc igitur consistit differentia inter pignus & venditionem, quod rei alienæ pignus non est, rei alienæ emptio, venditio.

ditio est. Et ratio differentie est, quia pignore contracto, vel convento hoc agitur, ut res sit obligata, obnoxia, nexa: nemo autem potest obligare rem alienam, in qua nihil juris habet: venditione autem hoc non agitur, ut res obligetur emptori, nec ut dominium rei transeat in emptorem, nisi interveniat mancipatio, sed ut possessio tantum transeat in emptorem, quam venditor habet praestita cautione evictionis nomine, & de dolo malo, l. 1. de rerum perm. Potest rei alienae mea esse possessio: Ergo & ejus rei emptio, venditio est, cujus possessionem tantum habeo, non dominium. Solius domini est pignori obligare: vendere non est solius domini, sed etiam possessoris. Et quod dicitur in l. g. §. 1. hoc, ut. quod emptionem venditionemque recipit, etiam pignorationem recipere, id est ita supplendum, ne latius accipiat, quod nostrum emptionem & venditionem recipit, etiam pignorationem recipere potest: neque enim in locum habet in re aliena, quae venditionem recipit, non pignorationem: sed ea sententia locum tantum habet in eo, quod nostrum est iure domini, vel iure usufructus, vel iure pignoris, vel quo alio iure: usufructum possum vendere, ergo & pignere: quo argumento utitur l. 11. §. usufructum, hoc tit. At quaeritur in hoc primo responso, si rem alienam specialiter pignori obligavero, in qua nihil habebam juris, & quam mihi non debebatur, quae obligatio iure non consistit, & vitiosa est ab initio, an tamen convalescat postea, si ejus rei dominium adquisiero, ita ut vel utilis actio hypothecaria creditori detur? Et respondet Papinianus creditori, si scierit rem esse alienam, quae sibi pignori opponebatur, vix praetorem datum utilem actionem hypothecariam, possit dare quasi convalescit pignus dominio adquisito debitori, sed difficiliter dederit, vix dederit scienti creditori: facilius autem & sine cunctatione hoc casu, creditori, qui ignoravit, rem esse alienam dederit utilem hypothecariam, quia quod vulgo dicitur, id quod ab initio non valet, ex post facto non convalescere, quod audio quotidie obici. Ut faciliat deinceps ejusmodi regula, cujus adeo frequens obiectio est, statuendum esse regulam summi juris, ut omnes, quae sunt in titulo de reg. jur. sunt verae regulae & de rigore juris, & ita omnes accipiendae sunt. Unde obijci potest. Primum, vitari regulam, si sit lex specialis quae statuat convalescere, quod initio vitiosum fuit: ut ecce, donatio inter virum & uxorem ab initio non valet, sed convalescit morte donatoris ex oratione Antonini. Regula derogat specialis constitutio, vel lex. Vel etiam in plerisque causis licet respondere, quod initio vitiosum est, ex post facto non convalescit: directio non convalescit, fateor, sed convalescit ex causa, aequitate sua dante, praetor dante, non directam quidem actionem, cui obstat rigor juris, sed utilem actionem, cujus parens est aequitas: ut in hac specie, si rem alienam ignoranti creditori pignori opposuero, & postea ejus rei dominium nactus fuero, quasi pignus convalescit acquisitione domini, creditori praetor dabit utilem actionem, sive utilem hypothecariam contra debitorem, qui eam rem possidet jam ut suam, nec agenti creditori debitor probe resistit & adversatur, aliquin ex mendacio suo argueretur, qui eam rem pignori posuit quasi suam, si nolle eam vindicari a creditore, vel utili hypothecaria, quae est ratio Pauli elegantissima in l. rem alienam, in fi. sup. de pign. act. Utilis actio bifariam accipitur in hoc titulo. Uno modo, pro actione hypothecaria directa, quae & Serviana dicitur & quasi Serviana & utilis Serviana: & nonnunquam pignoratitia: utilis, inquam, actio dicitur, pro hypothecaria directa: quae tamen ipsa actio omnino comparatur actioni Servianae: quae directio competit locatori tantum, de rebus coloni pignori obligatis pro mercedibus fundi, ad cujus exemplum actio hypothecaria datur cuilibet creditori hypothecario: & comparatur actio hypothecaria actioni Servianae, quae locatori tantum datur, est utilis Serviana, vel quasi

A Serviana, ut in §. cum praedium inf. h. l. Altero modo utilis actio accipitur pro utili hypothecaria, ut in primo responso conjuncta l. cum res, C. si res alien. pign. data sit. Denique hypothecaria collata cum Serviana, utilis est collata cum utili hypothecaria, directa: potest ad exemplum utilis actionis, quae & ipsa datur ad exemplum directae, formari alia actio utilis, id est, actionis utilis: actio utilis, ut Publiciana actio est utilis, quae datur ad exemplum directae vindicationis, l. in honorariis, inf. de obligat. & actum. Est tamen quaedam Publiciana utilis, id est, quasi Publiciana, l. nec quasi, de rei vindic. & collata quidem Publiciana cum directa vindicatione, utilis vindicatio est: collata cum utili Publiciana, directa est.

Scienti autem creditori, ut ad responsum redeam, rem esse alienam, quam debitor pignori opponebat, re postea facta in bonis debitoris, Papinianus ait, vix praetorem datum utilem hypothecariam, si pignus creditori non possideat. Et facilius, si creditor possideat eam rem, datum retentionem rei, beneficio exceptionis doli mali adversus debitorem agentem directae vindicatione, quae dominium petitur, quod postea adquisivit. Et similem casum, quo pignoris retentio est, non persequitur per hypothecariam dabit paulo post l. 1. quae est ex eod. lib. inf. quib. mod. pign. vel hypoth. solv. & dat alium l. 1. C. etiam ab chir. mod. pign. pec. pign. ret. ex qua pignoris ex alia causa obligati etiam ob chirographarium pecuniam retentio est, non etiam persequitur, id est, actio hypothecaria: facilius datur retentio quam persequitur. Hanc autem sententiam Papin. ut rei alienae, quam debitor pignori opposuit, quae obligatio iure non consistit, postea dominio debitori quassito, creditori maxime ignorantem detur utilis hypothecaria, nedum retentio, difficile scienti, hanc, inquam, sententiam Papinianus nostrum comprobant etiam Paulus in l. rem alienam, sup. de pign. act. reddita ratione, quam exposui ante. Verum idem non admittit Paulus idem casu, si res aliena pignori frustra obligata a debitore sine voluntate domini, postea ejus rei dominus debitori heres exiterit. Hoc enim casu, Paulus ait, non videri pignus convalescere, nec ignorantem creditori dari utilem hypothecariam, aut agenti creditori probe & merito resistere dominum, qui pignorationi rei suae non consentit. At in proposito casu debitor ipse pignori consentit, sive pignervit rem ipsam, cujus postea dominus effectus est: atque adeo improbe resistit, quo minus rata habeatur pignoratitia, quam ipse fecit. Ergo Paulus differentiam facit inter hunc & illum casum, & adfert illam rationem differentiae quam notavi. Verum animadvertendum est postea libris differentiarum, ea ipsa differentia exposita, quam Paulus tradit in d. l. rem alienam, Modestinus (qui longe fuit post Paulum: nam ad aetatem pervenit Gordianorum) docere in l. si Titio, hoc tit. idem obtinuisse tandem, & hoc posteriore casu, domino rei succedente debitori: atque ita utroque casu pignus, non directio quidem convalesceret, ut ait d. lex si Titio, sed dari creditori utilem hypothecariam, utilem pignoratitiam, hoc est, utiliter convalescere: nec sine ratione postea obtinuit idem hoc posteriore casu, quia aequum est herede facere ratum, quod defunctus gessit, quamvis id gesserit sine sua voluntate, l. 2. C. de reb. alien. l. si ab eo, C. de lib. caus. Postremo quod in specie, de qua tractat Papinian. in hoc primo responso, ait, facile dari creditori retentionem rei, tam scienti quam ignorantem, ei nihil obstat lex cum vitiose, inf. hoc tit. quae ait, pignore vitiose vel inutiliter contracta retentionis pignoris locum non esse, etiam, inquit, si bona creditoris ad fscum pertineant, quoniam ea lex de pignore est accipienda, quod ex post facto non convalescit ratione Praetoris, ut de fundo dotali, quod exemplum est appositissimum, quem maritus obligavit contra l. Juliam, cujus pignoris nec retentio est, etiam si bona debitoris, ut etiam videtur legendum in l. cum vitiose, ex l. 2. de fundo dot. ad fscum pertineant, qui semper est locuples, & semper est folvendo, vel bona creditoris, non est locus retentioni, quam

pignoris causa vitiosa permansit. At in hoc responso agitur de pignore, quod ex æquitate convalescere intelligitur, cujus reus est, & non retentio tantum, sed etiam persecutio maxime ignorantis creditori. Ait Modestinus in l. cum vitiose, quæ pro regula est, quoniam est ex libro Regularum, cum vitiose vel inutiliter contractus pignoris intercedat, retentioni locum non esse, hæc est regula, quam amplificat subiiciens, nec si bona creditoris ad fiscum pertinent: & nullo verbo immutato breviter sensus hic est: Pignore vitiose vel inutiliter contracto, neque persecutionem, quod est certissimum, neque retentionem pignoris creditori esse, neque fisco, qui creditori succedit: creditore forte damnato in metallum, aut deportato, hoc est fiscum iure suo quodam proprio non retinere pignus, quod privatus creditor, cui successit vitiose contraxit, nec retinere potuit, sed fiscum uti iure privati creditoris, quod congruit cum l. 6. in pr. ff. de iure fisci, & l. 2. de fundo dot. l. 1. §. 1. ff. quib. mod. pign. vel hypoth. solv. Vitiose autem contrahitur pignus, ut puta, si prædium dotale pignori detur contra legem Juliam, ut si res pupilli aut adolescentis pignori detur sine decreto contra orationem D. Severi, vel si quæ res pignori detur supra modum legitimæ usuræ contra legem Gabinianam, l. 4. inf. de auct. font. l. pretii, C. mand. Inutiliter autem contrahitur pignus, ut puta si res aliena pignori detur, vel res litigiosa: hoc modo creditor repellitur exceptione litigiosis, l. 1. §. ult. ff. quæ res pign. oblig. poss. vel hæc exceptione, quod ea res in bonis debitoris numerate pecunie tempore non fuerit, ut l. 3. h. tit. l. qui prædium, C. si aliena res pign. data sit. Priore casu, quam pignus datum est contra legem, creditor repellitur ipso iure, lex vitiosum pignus facit, exceptio iusta, inutile & inefficax, & neque vitiosum, neque inutile pignoris retentio est cuiquam, ac ne fisco quidem, nisi ex causa interveniente prætoris, quasi quodammodo convalescit. Et ita explicanda est l. cum vitiose. Veniamus ad secundum responsum huius legis.

Ad §. Servo.

Servo pignori dato, peculium ejus creditor, circa conventionem specialiter super eo conceptam, frustra distrabit, Nec interest quando servus domino peculium adquisierat.

In secundo responso legis primæ ostenditur, servo a domino pignori obligato, non videri etiam pignoratium peculium servi, nisi ita actum sit nominatum; & ideo non posse distrahi peculium a creditore; servum posse distrahi iure pignoris, nec quicquam interesse, peculium id domino adquisitum sit, antequam servum pignori obligaret, an postea: nam quoquo tempore adquisitum sit, pignori non tenetur, nisi ex manifesta alia conventionem. Denique peculium non sequitur creditorem, cui servus pignatur, sicut nec legatarium, cui servus legatur tantum, l. si legatus, ff. de pecul. leg. nec emptorem, l. quotiens, de contrah. empt. & in fructibus fundi pignerati aliud dicimus, quam in peculio servi pignerati: nam fructus fundi pignerati tacite pignori esse creduntur, si modo percepti sint a debitore, vel herede ejus, l. 3. C. in quibus caus. pign. vel hypoth. pro qua l. in §. leg. Accursius adducit male l. in prædis, inf. eod. tit. quæ lex non est de fructibus fundi pignerati, sed de fructibus fundi locati. Itemque partus editi ac ancilla pignerata, tacite pignori esse creduntur, si dominium eorum ad debitorem pervenerit, vel heredem ejus, l. Paulus, §. 1. ff. hoc tit., l. 1. C. de part. pignori. At peculium servi pignerati tacite, non intelligitur esse pignori obligatum. Et ratio hæc est, quia fructus vel partus, ex re ipsa, quæ pignerata est, natura proveniunt & nascuntur. Peculium non nascitur ex servo ipso, sed ex industria ejus, vel negotiatione, vel adventitio lucro, & peculium res separata est a servo, nec accessio quidem est servi: ne hoc dixeris, nisi quomodo servus pignatur, aut venditur, aut legatur cum peculio: tum accessionis lo-

Tom. IV.

A cum obtinet, l. 2. ff. de pecul. leg. l. 2. ff. de pen. leg. At si sine peculio legetur, pigneretur, aut vendatur, sane falsum est, peculium esse accessionem servi: quod tamen hoc loco Angelus imprudenter admittit, & adstruit, alioquin semper peculium sequeretur suum venditum, aut pignoratium, l. libertorum, §. ult. de leg. 3. Venditur tertium responsum.

Ad §. Cum Prædium.

Cum prædium pignori daretur, nominatim ut fructus quoque pignori essent convenit: eos consumptos bona fide emptor utili Serviana restituere non cogetur: pignoris etenim causam nec usucapione perimi placuit, quoniam questio pignoris ab intentione domini separatur: quod in fructibus dissimile est, qui nunquam debitoris fuerunt.

Proponitur in specie huius §. fundum simul ac fructus, qui ex fundo nascerentur, fuisse pignori obligatos: quæ conventio non est supervacua, quia non sunt fructus omnes fundi tacite pignerati, si ea conventio non intervenerit, sed il tantum, ut dixi in secundo responso, qui percipiuntur a debitore, vel herede ejus, quia perceptione facti sunt in bonis debitoris. At qui percepti sunt ab alio, veluti a bonæ fidei emptore, cui debitor vel alius fundum creditori obligatum distraxit, non sunt pignori, nisi ex conventionem expressa; At quemadmodum hoc loco proponitur, ubi conventio expressa intercessit, ut fructus fundi pignerati & ipsi pignori essent, si sint percepti ab emptore bonæ fidei, cui debitor vel alius fundum vendidit, ita distinguendum est: Aut ii fructus, quos percepit bonæ fidei emptor extant, aut consumpti sunt, si extant, eos simul ac fundum emptor creditori agenti utili Serviana, id est, hypothecaria restituere cogitur, l. si fundus, §. in vendit. in fi. inf. hoc tit. maxime, ut ait, si fundus credito non sufficiat, si minoris sit fundus, quam id quod debetur creditori, tum etiam fructus creditori restituendi sunt, & veniunt fructus extantes in actionem hypothecariam, quia & ipsi fructus nominatim pignerati sunt creditori, ut proponitur: & licet nunquam in bonis debitoris fuerint, tamen ex fundo nati sunt, qui in bonis debitoris fuit: sed si consumpti sunt, puta, si eos emptor consumpserit, non tenetur creditori actione hypothecaria eos fructus restituere, eorumque estimationem. Qui bonæ fidei emptor est, fructus perfecte & ad plenum suos facit consumptione l. questum, in fine, de acquir. rer. dom. l. sequitur, §. lana, de usurp. & ff. de acquir. §. si quis a non domino. Infit. de rer. distr. Consumptio plenum dominium tribuit bonæ fidei possessori: extantium non est plenus dominus, quia vindicari a domino possunt, l. certum, C. de rei vindic. Consumptorum autem nulla repetitio vel actio est in bonæ fidei possessorem: ex quo sequitur consumptione adquisito dominio fructuum, perimi pignus, quo fructus tenebantur obnoxii ex conventionem expressa, quia eorum nomine creditori nulla superest actio hypothecaria. Inane est pignus, cujus nulla est actio. Atqui hinc sententia, quamvis sit verissima, objicit Papinianus, quod vulgo dicitur, usucapione, quæ est etiam species acquisitionis. domini pignus non perimi, cur tamen perimitur consumptione, inquit? Quærit rationem differentia: nam differentia negari non potest. Consumptione fructuum pignus non perimitur, quæ conventionalis, neque prætorium, l. iusto, §. non mutat, ff. de usurp. & usucapion. l. usucapio, C. de pignoris, l. missio, ff. pro empt. l. 2. ff. pro her. Pignus prætorium neque interpellat usucapionem, neque interpellatur, aut perimitur usucapione. Eademque est ratio conventionalis pignoris: ideoque creditori usucapio fundo pignerato, vel qua alia re integra est actio hypothecaria adversus eum, qui usucepit. Perimitur quidem pignus & actio hypothecaria prescriptione longi temporis, vel longissimi adversus omnes, l. creditus, ff. de diversis tempor.

M m m 2

tempor. prescript. l. 7. § ult. C. de obligat. & action. l. 19. C. de evict. l. 1. § 2. C. si adu. cred. sed non etiam perimitur usucapione anni in mobilibus, aut biennii in immobilibus, quod fuit usucapionis tempus legitimum ex XII. tab. quod sequenti sunt semper in Rep. usque ad Justinianum. Dominium, id est, proprietates acquiritur usucapione, non liberatio pignoris, quia res usucapitur & alienatur alio quoque modo cum sua causa: dominium a pignore se junctum & separatum est; itemque ab usufructu, vel alio jure, quod rei cohareat, l. locum, §. pen. de usufr. d. §. non mutat. Vis videre, quam jus pignoris, vel jus usufructus, vel aliud jus, quod rei cohareat, sit se junctum a jure domini? fieri potest, & sit plerumque, ut in eadem re unus habeat jus domini, alter jus pignoris, vel usufructus, vel emphyteusis, vel superficies: nulla igitur dominium cum hisce juribus societate conjungitur: & aliud juris est in legato operarum servi, quod usucapto servo perimitur, l. 2. de usufr. leg. quod ad hoc responsum notat Accursius subtilis in ratione reddenda, quæ talis est: qui legatum operarum servi debuit, non servus, sed heres quasi dominus: & debere desit igitur amisso dominio servi, puta usucapto servo, nec porro is debet legatum operarum, qui servum usucapit, quia ab eo legatum relictum non est. Usufructum vero non debet dominus, sed fundus vel res, in qua usufructus constitutus est. Quamobrem nec mutatione domini, sed mutatione rei, usufructus perimitur, & pignus similiter, quia rei cohareat, l. sicut, in princ. ff. quod. mod. pign. vel hypot. sol. Verum adnotandum est ad hæc, hodie usucapione transformata a Justiniano, & prolata in longius tempus, juri antiquo consequens esse, rerum immobilium pignus perimi usucapione Justiniana, quia hodie non completur usucapio rerum immobilium nisi longo tempore, id est, decem annis inter præsentem, & 20. inter absentes, quo etiam perimitur pignoris causa rerum etiam mobilium usucapione, quæ hodie est triennii: olim ante Justinianum fuit anni, & ejus juris vetustissimi etiam vestigium remansit in l. cum sponsus §. §. pen. de Pub. in rem act. illo loco, nondum amiculo: rerum, inquam, mobilium usucapione Justiniana, contra quam Accursius sentiat etiam hodie perimi etiam pignorationem hisce rationibus: nam præscriptionem longi temporis, quæ hodie usucapio est, invenio requiri tantum in rebus immobilibus ad tollendam actionem hypothecariam, non in mobilibus: & par est atque conveniens productionem temporis factam a Justiniano, quæ omnium rerum usucapionem produxit in longum tempus: eandem vim habere in mobilibus, quam immobilibus, ut & directam vindicationem perimat, & hypothecariam, ac si jure veteri (quod est verisimile obtinuisse) etiam rerum mobilium pignus perimeret præscriptio triennii. Secundum hæc autem quæ diximus, Papinianus, hoc loco statuit, consumptione fructuum pignus extinguí, quamvis & eo genere bonæ fidei possessor dominium fructuum adquisit, usucapione tamen prædii pignus non extinguí, reddita ratione differentie hujusmodi, quia facilius domini acquisitione, perimitur pignus fructuum perceptorum ab alio, qui nunquam fuerint debitoris, quam pignus prædii, quod fuit semper in bonis debitoris. Et hæc est sententia hujus responsi, ad quod multa quarit Accursius. sed ex eis jam enarratio hujus responsi multa profligavit. Restant quædam questiones Accursii ad hoc responsum, de quibus tractabimus die proxima. Ex tertio responso, quod est in l. 1. de pign. intelleximus, fundo & fructibus, qui ex eo nascerentur, nominatim pignori obligatis, fructus perceptos a bonæ fidei emptore, si extent venire in actionem hypothecariam, si consumpti sint, non venire. Consumptione perimi pignus fructuum, quasi infirmus, quod fructus illi nunquam fuerint in bonis debitoris. Usucapione tamen, quæ non minus perficit dominium fundi, quam consumptio dominium fructuum, non perimi pignus fundi, quia semper fundus fuit in bonis debitoris, & firmitus est in

A fundo jus pignoris, quam in fructibus. Ad hæc duæ ab Accursio questiones proponuntur.

Prima questio Accursii. hæc est. Usucapto fundo si creditor ab eo, qui usucapit actione hypothecaria fundum avocaverit, ut potest, quia pignus non est peremptum usucapione, an creditor debitori offerenti pecuniam debitam, teneatur actione pignoratitia, quæ de pignore restituendo datur, ut restituatur debitori absoluto creditore? Movet dubitationem, quia fundus desit esse in bonis debitoris, & usucapione factus est alterius; neque tamen ideo debitori si offerat debitum, deneganda est actio pignoratitia: nam etsi ab initio debitor in causam pignoris rem alienam tradidisset, vel si rem alienam à debitore pignori oppositam, creditor per injuriam & sordes, vel per errorem judicis domino abstulisset, edita actione hypothecaria, quamvis pignoris obligatio non consistat, tamen soluta omni pecunia debita, debitori adversus creditorem competere actio pignoratitia, ut est prodium in l. 9. §. pen. sup. de pign. act. l. re scriptum, §. §. pen. ff. de distr. pign. Et si hoc ita procedit, cum pignus non consistit, puta, re aliena pignori data, & multo magis, quum pignus consistit, puta, re sua pignori data, quæ postea usucapita sit: nam quodcumque per obligationis occasionem evenit, quodcumque per occasionem contingit obligationis qualis qualis, iuste, vel iniuste a debitore interpositæ, id æquius est debitori, quam creditori proficere, d. l. re scriptum, §. 1. arg. l. is qui alienum, ff. de solut. & l. qui alienam, in princ. de evict. nec quidquam interest debitori mala, an bona fide rem alienam quasi pignori dederit: nam & prædioni, id est, male fidei possessori, & furi datur actio pignoratitia soluto debito, l. si pignore, §. si prædii, sup. de pignor. act. sicut datur etiam prædioni, & furi commodati actio, quia & interest ejus, eo quod domino tenetur, l. commodare, & l. seg. sup. commod. l. 1. §. si prædii, ff. de pign. ex quib. cas. major. Ergo frustra rem a creditore repetierit debitor actione pignoratitia omni pecunia soluta, si postea dominus, id est, qui eam rem usucapit, eam a debitore jure suo vindicat? Sane ita est, frustra repetierit rem pignoratitio judicio, si is, qui usucapit jure suo uti velit: neque enim ullo remedio potest se debitor tueri adversus eum, qui rem usucapit: non si forte creditor in accipienda pecunia debita, debitori cessit actione hypothecaria. Hoc remedium non est idoneum, quia, ut & Accursius animadvertit, inutilis ea cessio est: nec enim, ut & idem Accursius præcidit in l. ult. C. de hered. vel act. vend. cedi potest actio hypothecaria sine principali, nec nisi omni jure nominis cesso, ut in l. pen. inf. de distr. pign. l. emptori, sup. de hered. vend. Competere quidem potest actio hypothecaria quibusdam casibus ei, qui desit habere personalem, ut in l. 1. §. 2. C. de luit. pign. & l. debitor, ff. de Trebell. sed non potest cedi, aut competere actio hypothecaria, ei qui nunquam habuit in seipsum, nec cedi ei potest utiliter, quoniam cessio confunderetur, eodem & debitor, & creditore constituto ejusdem pecunie: ergo & hypothecaria eidem debitori utiliter cedi non potest. Nec obstat lex in creditore, ff. de evict. quoniam in ea l. actio personalis non creditur debitori, sed emptori pignoris, non proponam speciem, quoniam est apertissima. Nichil etiam obstat l. mulier, ff. qui pot. in pign. cujus species necessaria exponenda est. Mulier marito dedit fundum suum in dotem, quem creditor pignorerat: post mortuam uxori in matrimonio ex testamento heredes extiterunt maritus & liberi, ex eo & ex alio marito nati: creditor actione hypothecaria vindicat fundum a marito, qui eum iuste possidet ex causa dotis, quo-

quoniam pramortua uxore dotem lucratur, & adventitiam & profectitiam, si pater non sit; & creditori vindicanti fundum actione hypothecaria maritus offert pecuniam debitam: oblatione debiti creditor remouetur a vindicatione pignoris, ab actione hypothecaria, & remouetur etiam offerente injusto possessore, *l. Paulus, §. ult. inf. quib. mod. pign. vel hypoth. solu.* quæ est conjungenda cum *d. l. mulier*. Non tamen injustus possessor offerendo pecuniam, creditorem etiam cogere potest, ut sibi cedat jus nominis, injustus possessor creditorem removere potest a vindicatione pignoris, cogere non potest ad cessionem nominis, quia qui injuste possidet cessionarius, vel procurator in rem suam justus esse non potest: maritus est justus possessor, prædo non juste possidet: at maritus quia justus possessor est, ut paulo prius dixi, creditorem compellere potest, ut sibi cedat jus nominis, non tantum ut recedat a pignore, sed etiam ut sibi cedat jus nominis, personalem actionem scilicet, quia cum maritus sit morte uxoris factus plenus dominus fundi dotalis, consequenter non potest ei in suo fundo cedi jus pignoris: res mea non potest mihi esse pignori, *l. neque pignus, de reg. jur.* At recte marito creditur actio personalis adversus coheredes, *id est*, liberos ex se & alio natos: creditur marito, *scilicet*. Sed ut respondeam, quum marito creditur, non creditur debitori in solidum, sed debitori pro parte tantum hereditaria, atque adeo non creditur pro sua parte, pro qua cessio iniusta esset ratione consensionis, sed creditur actio personalis pro partibus coheredum, & recte. Præterea notandum est, non posse etiam adversus usucapionem debitorem eo se remedium trahi, quod protulit Accursius hoc loco, nec Bartolus probat, videlicet, si debitor creditori rem pignoratam dederit in solutum, quia hoc modo debitor rem gesserit domini, id est, ejus qui usucepit potius, quam creditoris vel suam: nam actionem utilem negotiorum gestorum de pretio in se domino paraverit, si dominus ratam faciat dationem in solutum, *l. 3. C. de neg. gest.* Est enim datio in solutum similis emptioni & venditioni, vel dominus ratam non faciat dationem in solutum, ei in creditorem paraverit efficaciam in rem actionem pignore dato in solutum, creditore jam non possidente jure pignoris, sed titulo pro soluto: ac proinde sublato jure pignoris, etiam rei alienæ datio in solutum, sicut venditio, valet; & alio jure est solutio, alio datio in solutum. Solutio rei, pecuniæ alienæ non valet nec liberat debitorem pristina actione, *l. etiam, l. qui sibi, de solut.* datio in solutum liberat pristina actione, etiam si res aliena data sit, sed re evicta creditori competit actio ex empto de evict. *l. 4. C. de evict.* quia datio in solutum emptioni venditioni assimilatur. Et ita sunt definiendæ hæc duæ quæstiones Accursii.

Ad §. Pacto.

Pactum placuit, ut ad diem usuris non solutis, fructus hypothecarum usuris compensentur: si autem legitime usura, quamvis exordio minores in stipulatum venerint, non esse tamen irritam conventionem placuit, cum ad diem minore favore non soluto, legitima majores usura stipulanti recte promitti possent.

In §. pen. proponitur hæc species: Creditor crediti nomine accepit hypothecas, & stipulatus est usuras trientes ad diem certum solvi, addito pacto, ut si debitor ad diem non solveret usuras trientes, fructus hypothecarum creditor compensaret, & retineret in vicem usurarum, *scilicet* tamen, ut ait, *legitime usura*, id est, centesima, non supra centesimam: nam & quod supra modum licitum excederet, quod centesimam excederet, pro non adjecto esset, *l. pecunie, §. l. placuit, ff. de usur.* Et Papin. ait, hanc pactionem, ut minoribus usuris ad diem non solutis, fructus hypothecarum retineantur ad finem centesimæ usuræ, quia nulla est gravior, hanc

A pactionem esse justam & ratam: nam stipulatio majorem usurarum sub conditione concepta, si minores, de quibus initio convenit, ad diem non solvantur, valet, ut ait, idemque reperit Papinian. hoc ipso libro in *l. pecunie, §. i. inf. de usur.* si rata est illa stipulatio, rata quoque est, quæ ei similis est pactio superior: & quamvis non sit quidem ex ea pactione peritio usurarum, erit tamen retentio hypothecarum, siue fructuum ad finem legitimæ usuræ, ut *l. per retentionem 4. §. l. pignori-bus, C. de usur.* Quæ est sententia h. §. Dixi, quod excedit legitimam usuram esse inutile, & pro non adjecto haberi: & ideo pacto placuisse, ut fini tantum legitimæ usuræ fructus hypothecarum usuris compensarentur. Quid igitur si sit contracta *ἀντίχρησις*, ut vocatur ab auctoribus nostris, id est, *ἀντί τῶν τῶν ἡμῶν χρεῶν*, puta, si actum sit, ut fructus hypothecarum retineantur, & compensentur in vicem usurarum, hæc conventio vocatur *ἀντίχρησις*, & valet jure civili, etiam si quo anno fructus excedant finem legitimæ usuræ, propter incertum proventum fructuum, qui sepe frustrantur dominos, *l. si ea lege, C. de usur.* Verum in specie propoſita non est contracta *ἀντίχρησις*, quia non est actum simpliciter, ut fructus in vicem usurarum perciperentur, nullis ante usuris in stipulationem deductis, quo genere *ἀντίχρησις* contrahitur, sed actum est, ut in vicem usurarum, quæ in stipulationem deductæ erant, si non solverentur ad diem, fructus retineantur ad finem legitimæ usuræ, quæ res indicat, animum fuisse creditori contrahendi fœnoris, non contrahendæ *ἀντίχρησις*, quia quum *ἀντίχρησις* contrahitur, nulla usura specialiter in stipulationem deducitur.

Ad §. Ultimam.

Cum prædium uxor viro donasset, idque prædium vir pignori dedisset, post divorcium mulier possessionem prædii sui recuperavit. Et idem prædium ab debitum viri pignori dedit. In ea duntaxat pecunia recte pignus a muliere contractum apparuit, quam offerre viro debuit meliore prædicio factio, scilicet si majores sumptus quam fructus fuissent, quos vir ex prædio perceperit. Etiam in ea quantitate prædium mulier negotium gessisse, non alienum suscepisse videtur.

In §. ult. proponitur: uxor prædium viro donavit, idque vir creditori suo pignori dedit: donatio prædii non valet, quæ facta est constante matrimonio. Ergo nec pignus valet, quia rei alienæ pignus nullum est. At finge, divorcio facto mulier prædium vindicavit, utpote neque donatione valente, neque pignore, *l. si sponsus, §. ult. §. l. si sponsæ, ff. de donat. int. vir. & uxor.* Et rursus mulier ipsa idem prædium ob debitum viri, a quo diverterat, pignori obligavit. Intercessit igitur pro marito: nam datio pignoris intercessionem facit, *l. quamvis, in pr. sup. ad Vellejan. l. 4. C. eod. tit.* Sed finge rursus, marito debere mulierem sumptus meliorati prædii, quos vir fecit in prædium, quamdiu eo fructus est, ut prædium faceret melius & luculentius. Finge igitur, mulierem debere marito meliorationes, ut loquimur, prædii donati, quod ipsa revocavit, forte quia ii sumptus longe exuperant fructus a viro ex prædio perceptos. Et hoc casu compensata concurrente quantitate fructuum perceptorum, & meliorationum factarum in prædium, in superfluo sumptuum, quod viro mulier debet, consistit pignus prædii constitutum a muliere propter debitum viri: neque pro ea quantitate, id est, pro superfluo sumptuum pignus infirmatur Senatûconsulto Vellejano, quia in ea quantitate mulier non interfuitur intercessisse pro marito, sed suum negotium gessisse, quia erat obligata marito, ut in *l. si mulieri dederim, sup. ad Senatûsc. Vellejan.* Illud maxime notandum est, sumptus meliorati prædii uxori, quæ prædium donatum revocat, reputari utiles scilicet, vel necessarios, ut in *l. sed si vir, §. si vir, de donat. inter vir.*

vis. & uxori. l. sin autem, §. pen. in fin. ff. de rei vind. A
sicut eos quoque sumptus conductor reputat locatori,
l. pen. sup. loc. & bonæ fidei emptor venditori, d. l. sin
autem, §. pen. l. si prædium, C. de præd. minor. non etiam
malæ fidei emptor, l. 3. & ult. §. pen. C. comm. de leg.
Sumptus ergo meliorationum non reputari uxori, sed
compensari, ut ait, cum fructibus a marito medio
tempore perceptis: nam fructus ex prædio donato suis
operis acquisitos maritus sane suos facit, l. fructus, ff.
de usur. sed compensat cum meliorationibus. Qua in
re hic §. maxime notandus est.

Ad L. III. Qui pot. in pign. hab.

Creditor acceptis pignoribus, quæ secunda conventionæ
secundus creditor accepit novatione postea facta, pignora
prioribus addidit. Superioris temporis ordinem manere, pri-
mo creditori placuit, tanquam in suum locum succedenti.

Tria sunt responsa in hac l. 3. quæ explicabimus, &
primi quidem species est hujusmodi: Fundum
Tusculanum meum Titio primum, qui mihi credide-
rat centum aureos, in eam summam obligavi; deinde
eundem fundum obligavi Cajo secundo creditori; post
novata obligatione, qua tenebar Titio, aliis centum au-
reis mihi ab eo creditis, & utraque pecunia cumalata
in eandem summam & obligationem, eidem Titio eundem
fundum Tusculanum cum aliis quibusdam fundis
pignori obligavi, auxi posteriorem obligationem quan-
titate debiti, & additis aliis pignoribus; verum feci
hanc novationem post obligationem contractam cum
Cajo, ut Cajo videatur esse prior in causa pignoris
fundi Tusculani. Quaritur, in distractione & per-
secutione fundi Tusculani, tam Cajo, quam Titio obli-
gati, an Cajo Titius prior sit? Quod prima facie non
videtur, quia tamen exordio Titius fuerit prior in hy-
potheca fundi Tusculani, postea tamen cepit esse pos-
terior novatione facta. Et tamen aliud Papinian. iudi-
cium est, qui respondet, Titium esse potius in fundo
Tusculano, quasi novatione facta maritis obligatio-
nem tantum, aucta quantitate debiti, & additis aliis
pignoribus, non etiam locum & ordinem suum, non
privilegium prærogativamque sui temporis. Quod at-
tinet ad causam fundi Tusculani pro primis centum au-
reis obligati, quia, ut ait, in ejus pignoris causa, in
suum ordinem & locum Titius successisse intelligitur,
id est, in priorem locum; aut nova obligatione locum
pristinum non amisit, vel amissum mox recepit. Et
hæc est Papiniani sententia, quam ex hoc ipso libro
Marcianus refert in l. 12. §. Papinian. hoc tit. hoc ad-
dito ex eodem responso, quod hoc loco relictum est
imperfectum, Posteriore creditore, id est, Cajo non
offerente pecuniam debitam Titio, nec hac ratione suc-
cedente loco Titii, libique confirmante pignus, Titium
jure suo posse distrahere fundum Tusculanum. Ita ut
primam tantum pecuniam, quod maxime notandum,
expensam ferat, id est, prima centum, quæ mihi cre-
didit, antequam eundem fundum obligarem Cajo, non
etiam secundam pecuniam, id est, alia centum, quæ
postea credidit mihi: quoniam in prima tantum pecu-
nia jure hypothecæ persequenda, non in secunda, Ca-
jo Titius præfertur. Itaque si Titius ex distractione,
vel venditione fundi Tusculani redegerit 120. debet cen-
tum expensæ ferre, quasi a se mihi credita primum,
& 20. quæ supersunt restituere Cajo secundo creditori.
Qua actione vero? Non conditione ex lege, non of-
ficio judicis, non actione in factum, ut incertus, &
hæsitans Accurs. tradit, sed utili hypothecaria, quasi
superfluo, id est, eo, quod plus esset in pretio fundi
Tusculani Cajo obligati, cui idem fundus pigneratus
est, ut in l. pen. hoc tit. ubi illud superfluum eleganti
nomine appellatur *hyperocha*, *id est plus value*. Igitur il-
la 20. quæ supersunt, persequetur Cajo actione hypo-

thecaria, quasi *hyperocha* fundi sibi obligati. Nec ab hac
sententia discrepat, quod ex eodem Papin. proponitur
in l. 1. tit. seq. Nam & in ejus l. specie fundo specialiter
Titio obligato in centum, deinde Cajo generaliter
omnibus bonis, ac postea novatione facta etiam Titio
obligatis omnibus bonis, ob alium, vel ob eundem
contractum, Titius jure suo eum fundum vendere po-
test, & ex pretio ferre centum duntaxat: superfluum
si quod sit, servare Cajo, cui cetera bona omnia pi-
gnerata sunt prius quam sibi, & lex ea tantum tractat
de venditione ceterorum bonorum a Titio non jure fac-
ta, quæ bona Cajo a quocumque possessore persequi
potest actione hypothecaria: nullam vero in personam
actionem habet in Titium eo nomine, puta quod cetera
bona non jure venderit. Et hæc tantum perti-
nent ad primum responsum.

Ad §. Cum ex causa.

Cum ex causa mandati prædium Titio cui negotium
fuerat gestum, deberetur priusquam ei possessio traderetur,
id pignori dedit: post traditam possessionem idem prædium
alii denuo pignori dedit: prioris causam esse potius ap-
paruit, si non creditor secundus pretium ei, qui negotium
gesserat, solvisset. Verum in ea quantitate quam solvisset,
ejusque usuris, potius fore constaret: nisi forte prior ei
pecuniam offerat: quod si debitor aliunde pecuniam solvi-
set, prioris præferendum.

Secundi responsi species hæc est: mandavi tibi, ut
prædium mihi emeres: emisisti, & tibi traditum est
tuum, non meo nomine: si meo nomine, meum esset
effectum, l. si procurator, ff. de adquir. rer. dom. l. qui mihi, ff.
de donat. At quia tuo nomine tibi traditum est, tra-
ditione factum est tuum, non meum, sed tu id mihi
ex causa mandati tradere debes, & cum tradideris,
tunc fiet meum, l. res, ff. de adquir. rer. dom. l. 2. C. de iis,
qui a non dom. manum. sunt. verum antequam traderes, id
ego prædium Titio pignori dedi, ut ait, id est, pacto
obligavi, non dedi re ipsa, id est, non tradidi,
& ita, pignori dare, sepe accipitur in jure nostro,
sicut in dorem dare, dandi verbo demonstrato placito,
demonstrata conventionem, non traditione corporali.
Ergo prædium, quod mandatu meo emisisti, ante-
quam id mihi tradidisses pignori obligavi, & valet
obligatio, quia prædium, etsi nondum sit meum est
tamen mihi debitum ex causa mandati, l. 1. in pr. sup.
de pignori. At finge: postea tu mihi prædium, quod eme-
ras, quodque jam Titio pigneraveram, tradidisti, &
post traditionem idem ego prædium Cajo denuo pigno-
ri dedi, & tradidi: Quaritur, quis in eo prædio jure
hypothecæ sit potior, Titius, an Cajo? movet ques-
tionem, quod Cajo priori pignus tradidi, Titius,
prior est conventionem, Cajo traditionem; & constat,
quamvis Cajo priori res tradita sit, Titium ei præfer-
ri, cui conventa, non tradita est, l. 12. §. ult. ff. hoc tit.
Et alia ratio est in venditione, si primo fundum ven-
didero, secundo vendidero & tradidero, hoc casu se-
cundus est potior, quia traditio eum fecit dominum rei
vendita, l. qui tibi, C. de hered. vendit. In pignore autem
traditio nihil facit, nihil adjicit, nec eo quicquam
magis augetur jus pignoris, sed melius semper jus ejus
est, potentiuseque cui prior res pacto obligata est, ex
quo pacto nascitur actio jure prætorio: est pactum legiti-
mum: melius, inquam, semper est jus ejus, cui pri-
ori res pacto obligata est, licet tradita non sit, traditio
non auget jus pignoris. Verum quod ait Papin. hoc lo-
co: In pignore privilegium temporis Titium esse potius,
hoc, quemadmodum idem explicat subtiliter, ita
procedit, si tu, qui prædium mihi emisisti mandatu meo
pretium venditori solvisti ex tuis vel alienis num-
mis: nam si pretium solvisti ex nummis Cajo, quos
scilicet Cajo mihi credidit sub pignore ejusdem præ-
dii, ut ex ejus nummis venditori solveretur pretium,
hoc

hoc casu certum est Cajum in ea pecunia & usuris medii temporis esse potiorē, quia ejus pecunia pradium comparatum sit, idemque pradium eo nomine ei specialiter pignori nexum, ut in *l. licet, C. qui pot. in pign. l. 13. C. de pign. l. 5. §. plane, sup. de trib. act. l. potior, hoc sit. in pr. C. Nov. 97.* Hoc igitur casu Cajum præferri Titio, nisi, ut subiicit, Titius Cajo eam pecuniam offerat. Hoc enim modo Titius succedit in locum Caji, & sibi confirmat pignus. Et hæc est sententia hujus responsi ab Accursio non intellecta, qui fingit me procuratori, cui mandavi, ut pradium emeret, idem pradium pignerasse, quod lex nullo modo dicit, vel subiicit. Item fingit, procuratorem pretium prædii solvisse de suo, cum lex dicat, id solvisse, hoc est, numerasse: sapissimè, *solvere*, pro *numerare*, & contra, *numerare*, pro *solvere*: cum, inquam, lex dicat, pretium solvisse, id est, numerasse, secundum creditorem procuratori, ut id scilicet procurator solveret venditori, non quasi debitum procuratori, cui nihil debuit: quique debitor ipse tantum fuit prædii ex causâ mandati ante traditionem. Quod autem statuit Accursius, dominio prædii procuratori adquisito per traditionem, procuratorem habere retentionem quasi pignoris loco quod sibi pretium solvatur, si id dedit de suo. Id equidem facile concederem exemplo *l. Julianus, §. offerri, sup. de act. empt.* Res mea mihi non potest esse pignori, fateor: sed potest esse quasi pignori, si mihi jus sit rei meæ retinendæ, & quam alii debeo, *d. §. offerri*. Sed dicere male id Accursium colligere ex *l. i. sit. seq.* quam adducit, quæ non loquitur de procuratore, qui rei dominium adquisivit, quem potius excludit ea lex, & fecerunt his verbis *citra emptionem*, sed loquitur de procuratore voluntario, qui rem amici sui suis nummis pignore liberavit, cui dat ejus rei retentionem, non persecutionem jure pignoris. Restat tertium & ultimum, responsum, estque brevius.

Ad §. Ultimū.

Post divisionem regionibus factam inter fratres, convenerit, ut si frater agrī portionem pro indiviso pignori datam a creditore suo non liberasset, ex divisione quæsitæ partis partem dimidiam alter distraharet: pignus intelligi contractum existimavi, sed priorem secundo non esse priorem, quoniam secundum pignus ad eam partem directum videbatur, quam ultra partem suam frater, non consentiente socio non potuit obligare.

Facito, fundum esse communem inter fratres, primum & secundum, & omnia bona paternæ pro indiviso. Primus partem suam dimidiam, quam in eo fundo habuit pro indiviso, creditori suo obligare potest, non etiam partem alteram, quam habet frater etiam pro indiviso sine voluntate socii pignerare potest. Hoc est notissimum, *l. i. C. si commu. res pign. data sit*. Pone igitur primum obligasse partem suam pro indiviso, & postea accepto arbitro familiæ circumscribere, vel communi dividendo, & divisione bonorum facta inter fratres consortes, certis regionibus cum fundum fratres inter se partitos ex æquo: post hanc divisionem, ne dicas eam tantum partem esse obligatam creditori primi, quæ obligat primo, divisio non mutat causam pignoris, sicut nec usucapio, nec venditio, nec alienatio ulla; Ab initio autem ante divisionem pars fundi ejus dimidia pro indiviso creditori obligata fuit. Ergo & post divisionem eadem pars creditori pro indiviso obligata manet, quo fit, ut non tantum partis, quæ in eo fundo obligat primo, sed etiam partis quæ obligat secundo, pars dimidia, dimidia dimidia pro indiviso creditori maneat obligata: Et ita est proditum in *l. 7. §. ult. inf. quibus modis pign. vel. hypot. solu.* Et ratio hæc est, quia primus, non quam partem in fundo nunc habet, quæ certa est, & certis finibus sive regionibus circumscripta pignori obligavit, sed eam, quam tunc habuit: habuit

A autem tum partem etiam in fratris confortis parte, quæ nunc ei obligat, partem pro indiviso scilicet, quæ pars incerta est, quia non potest sensibus percipi, aut digito demonstrari: sed percipitur intellectu tantum, & abstrahitur: pars pro indiviso oculis percipitur, & cerni & tangi potest, pars pro indiviso nec cerni, nec tangi potest, & occupat totam rem, *l. placet, sup. quib. mod. ususf. amitt. l. i. §. hoc interdictum uti possid.* Quamobrem proponitur in specie hujus §. in divisione fundi convenisse inter fratres, ut si primus non lueret fundi partem a creditore suo, cui eam obligavit pro indiviso, secundo ut liceret partis, quæ ex divisione obligat primo partem dimidiam pro indiviso distrahere, permittit distractio ejus partis, quod maxime notandum, est argumentum contracti pignoris, id est permittit secundo intelligitur, ut eam partem distraheret jure pignoris, si cessaret primus in luenda parte dimidia pro indiviso partis certæ, quæ obligat secundo, quam utique debet primus ei præstare immunem & liberam, quasi obligatus de evizione: nam divisio vicem emptionis obtinet, *l. i. C. comm. utriusq. jud.* Erit autem secundus in eo pignore potior creditore primi, quamvis creditor primi sit prior, quia scilicet, ut etiam docet in *l. 2. hujus tit.* secundus in eo pignore non tam est potior, quam solus, id est, in eo pignore creditor primi, secundo non concurrat. Denique secundus in eo est solus, quia scilicet non partem jam obligatam creditori suo primus secundo pignerasse intelligitur permittit distractione, in qua creditor est prior & potior: sed partem, quam neque pigneravit, neque pignerare potuit creditori, invito secundo fratre suo, id est, partem dimidiam pro indiviso, quæ ex divisione obligat primo: sic hæc pactio sive conventio accipienda est, cujus argumentum præbet, quod permittit distractio est secundo: nam si diceres videri pigneratam secundo partem dimidiam pro indiviso partis, quæ obligat primo, videretur id pignus directum ad eam partem, quæ obligata est creditori primi, nec in ea potior esset secundus. Et ita explicanda est hæc lex.

Ad L. IV. de Distract. pign.

Cum solvenda pecunia dies pactio præferatur, convenisse videtur, ne prius vendendi pignoris potestas exerceretur.

IN hac lege ostenditur, prolato die solvendæ pecuniæ pacto convento, ne pecunia, quæ debetur petatur intra certum diem, sive id ita conveherit ab initio, sive aliquanto post creditam pecuniam, etiam tacite prolatum videri jus vendendi pignoris in eam causam obligati, nec posse distrahi pignus ante diem solvendæ pecuniæ, quod confirmat etiam *l. 6. §. 1. quib. mod. pign. vel. hypot.* Aliquid tamen interest, pactum sit perpetuum, puta, ne omnino pecunia petatur, an temporale, puta, ne petatur intra certum diem; nam si pactum sit perpetuum, id etiam pacto tacite inest, ne creditori sit persecutio pignoris, & tollitur actio hypothecaria per exceptionem pacti, *l. si tibi, §. de pignore, sup. de pact.* Actio hypothecaria nascitur ex pacto ipso jure, quasi legitimo pacto, id est, jure prætorio: non tollitur autem actio hypothecaria pacto convento ipso jure, ut actio furti, vel injuriarum ex duodecim tabulis, *d. l. si tibi, §. 1. sed opposita exceptione pacti, d. §. de pignore*. At si pactum sit temporale, quo dies solvendæ pecuniæ differatur vel proferatur, videtur tantum dilata vel prolata venditio pignoris, non etiam persecutio, quia creditoris interest pignori incumbere, ut in tuto sit creditum, *l. questum, sup. de pignor.* Plus est cautionis & securitatis in pignore, quam in persona, *l. 25. de reg. jur. in re quam in persona, l. ear. C. de pignor. §. juri autem, Institur. de obligation. quæ ex delict.* Quamobrem, non persequendi, sed vendendi pignoris tantum potestatem Papin.

Bapinianus ait hoc loco ante diem solvende pecunie A
exerceri non posse.

Ad Leg. I. Quibus modis pign. vel hy-
pothec. solvitur.

Debitoris absentis amicus, negotia gessit, & pignora
extra emptionem, pecunia sua liberavit, jus pristinum do-
mino restitutum videtur. Igitur qui negotium gessit, uti-
lem sibi Servianam dari non recte desiderabit, si tamen
possideat, exceptione doli defenditur.

IN hac lege sunt tria responsa; in primo ostenditur,
procuratorem voluntarium, five negotiorum gesto-
rem, qui amici sui pignora creditoribus obligata suis
nummis liberavit, jus pristinum amico restituisse, id
est, pignora ita liberasse, ut nec ei eo nomine tenean-
tur obnoxia, nec ejus propria efficiantur, sed plena
& libera domino restituantur. Ideoque nec earum re-
rum, quas amici causa liberavit perfectionem ei da-
ri, quasi taciti pignoris jure per actionem hypotheca-
riam, si eas non possideat, vel si possessionem earum
amiserit, sed dari retentionem tantum, si eas
res possideat opposita exceptione doli mali, domi-
no eas res vindicant, quoad dominus pecuniam
absolverit, qua res liberavit: habet etiam ejus pecu-
nia repetenda actionem negotiorum gestorum, l.
res, C. de pignor. Et recte ponit Papinianus, eas res,
negotiorum gestorum liberasse, restituisse, repignurasse
extra emptionem: nam si eas emit a creditore jure suo
detrahente pignora, si emit, ut extraneus quilibet,
dominus rerum efficitur, & earum perfectionem habet
amissa possessione, non jure pignoris, sed jure do-
mini directo. Et alia est causa fidejussoris, vel secun-
di creditoris, qui emit pignora a primo creditore, quo-
niam ii dominium pignorum non nanciscuntur, sed
succedunt tantum in locum creditoris, a quo pignora
redemerunt, non tam adquirendi dominii, quam
in se transferendorum pignorum causa, ea pignora emis-
sit, ut l. 2. & l. 5. §. ult. & l. 6. sup. tit. prox. l. 3. sup.
que res pign. oblig. poss. Et habent igitur actionem hy-
pothecariam, non directam vindicationem.

Ad §. Cum venditor.

Cum venditor numerata sibi parte pretii pradium, D
quod venerat, pignori accepisset, ac postea residuum pre-
tium emptori litris ad eum missis donasset, eoque defun-
cto donationem quibusdam modis inutilem esse constabat:
jure pignoris fiscum frustra petere pradium, qui successerat
in locum creditoris, apparuit, cujus pignoris solutum esse
pradium prima voluntate donationis constabat, quoniam inu-
tilem pecunie donationem lex facit: cui non est locus in pi-
gnore liberando.

Secundi responsi species hæc est: pradii venditi a me
& traditi pretium mihi emptor pro parte solvit, &
reliqui pretii idem pradium pignori dedit: post emptori
per epistolam donavi reliquum pretium, reliquam
partem pretii, quo modo donationem recte fieri osten-
di libro superiore ad l. 48. de acquir. possess. Et donatio-
ne residui pretii, cujus nomine pradium obligatum est,
constat solvi pignus, solvi pactum pignoris, ut ait, &
pradium liberari. At quid fiet, si post mortem meam
constiterit, eam donationem quibusdam modis, ratio-
nibusve inutilem esse vel ex l. Cincia, quæ fuit de dona-
tionibus, vel ex constitutionibus. Facito, me donasse
post contractum capitale crimen, quæ donatio sequuta
condemnatione inutilis est ex constitutione Severi &
Antonini, l. post contractum, ff. de donat. & me capitis
fuisse damnatum, ac proinde fscum mihi successisse,
quod etiam hoc loco proponitur; Quæritur, an fscus
possit pradium persequi actione hypothecaria, quasi
per donationem inutilem non soluto vel perempto pi-

gnore? Et Papinianus ita respondet, jure pignoris fscum
frustra petere pradium apparuit, id est, visum mihi est,
ut in l. 3. §. sup. qui pot. in pign. Prioris causam potiorum
esse apparuit. Cur vero fscus frustra pradium petit ju-
re pignoris? Cur frustra agit actione hypothecaria? quia
ut declarat lex, five constitutio Severi & Antonini,
lex pro constitutione, ut in l. eorum, sup. de pign. act. & l.
lex, C. de administ. tut. quia, lex, inquit, donationem
tantum pecunie sive residui pretii inutilem & irritam facit,
non etiam liberationem pignoris, quæ donationi in-
est, quia ea liberatio non nascitur ex donatione ipsa,
quæ inutilis est, sed ex nuda voluntate & pactione,
quæ utilis est, licet donationi inutili inest: nam et si
residui pretii donatio non valet, ut donatio, valet ta-
men ut nuda voluntas, nudave pactio, l. Modestinus, ff.
de donat. sicut acceptilatio inutilis valet ut pactio, l.
an inutilis, de acceptilat. l. si unus, §. pen. de pact. l. cum emptor,
de rescind. vend. Pacto autem certum esse remitti pignus,
nec eam solam remissionem pignoris, quæ fit pacto,
videri esse donationem, l. 18. quæ in fraud. credit. quæ
ostenditur, recte virum uxori, vel contra, uxorem vi-
ro remittere pignora, quia ea remissio non intelligit-
ur esse donatio, propterea quod integra manente prin-
cipali obligatione, nihil ob eam rem ex patrimonio
ejus, qui pignus remittit, abscedit, nec de suo quic-
quam largitur. Huic autem responso Papiniani Accur-
sius opponit l. debitor, C. de remiss. pign. quæ se expedi-
re nequit: lex ait, debito remisso per inutile pactum,
& debiti remissionem nullam esse: nihil
est facilius, per pactum inutile remissæ foris non re-
mittitur pignus, fateor: at per donationem inutilem,
ut hoc loco, pignus remittitur, non donationis, quæ
est inutilis, sed pacti potestate, quod non est inutile,
quamvis inutili donationi inest. Et ita ad eam legem
respondendum est, Glossa omni circumscripta Accursii.

Ad §. Ultimum.

Defensor absentis cautionem judicatum solvi prestitit:
in dominum iudicio posita translato, fidejussores ob rem ju-
dicatam, quos defensor dedit, non tenebantur, nec pigno-
ra qua dederunt.

IN tertio responsu & ultimo hoc proponitur: qui
in iudicio offerebat se ultro defensionem debitoris
absentis, ante litem contestatam, ut debuit, cavet
actori, judicatum solvi, datis fidejussoribus, qui &
in eam causam pignora obligaverunt. Notissima est re-
gula juris, neminem idoneum & locupletem videri
defensorem esse litis alienæ sine satisfactione hujusmo-
di, quæ proponitur multis in locis, ut tit. de proc. & de
reg. juris. Pinge, debitor reverbis pendente iudicio,
iudicium; ut fit, omne in eum translato esse: Pa-
pinianus definit translatione iudicii defensorem & fi-
dejussores & pignora liberari, nec posse, condemna-
to debitore in defensorem, vel in fidejussores commit-
ti stipulationem judicatum solvi, videlicet si actor trans-
lationem iudicii factam in dominum, non ignoravit,
quam ei esse significandam probat l. si ante, ff. judicat.
solvi. Et hoc jure utimur: & hæc est sententia videri
responsum ult. Cui nihil obstat quam opponit Accur-
sius l. in causa; §. sed ex parte, ff. de procurat. quia hoc
loco loquitur Papinianus de defensore rei, qui satisfi-
dedit judicatum solvi, in quem stipulatio non com-
mittitur, si iudicium translationis fit in dominum. Illo
autem loco agitur de procuratore actoris, qui satis ac-
cepit, non qui satisfidit judicatum solvi, quæ stipu-
latio committitur postea iudicio translato in dominum,
& a procuratore ea stipulatio transit in dominum, hoc
loco, qui satisfidit, omne litis commodum & incom-
modum in dominum transfert, & se, fidejussore/sue suos
exonerat. Illo etiam loco, qui satis accepit omne litis
commodum & incommodum in dominum transfert, ergo
& stipulationem judicatum solvi; sibi a seo factam, in
judi-

Judicio in rem. Nulla igitur repugnantia est; nihil est apertius. Potest autem alia differentia constitui inter procuratorem siue defensorem rei, & procuratorem actoris, ex d. l. si ante, quæ est de procuratore rei, & ex l. Julianus, sup. qui satisd. cog. quæ est de procuratore actoris. Et vexata est mirum in modum hæc differentia ab Accursio & interpretibus, quæ constitui debet & declarari perspicue ac breviter omisso longo sermone hoc modo: defensor rei, qui satisfecit iudicatum solvi, si postea fiat procurator accepto mandato, ut defendat rem, in eum condemnato reo stipulatio non committitur, quia non est eadem causa, & conditio personæ promissoris, qui satisfecit, quæ fuit interponendæ stipulationis tempore, quo tempore fuit defensor sine mandato, nunc est verus & iustus procurator: hoc de defensore. Procurator autem ex parte actoris voluntarius, qui non habebat mandatum, qui a reo factis accepit iudicatum solvi, si postea mandatum accepit a domino, ut ageret, vel pergeret agere, & rem eadem condemnato reo stipulatio committitur, quia eadem mansit causa personæ promissoris, quæ fuit initio: quod satis est, licet non eadem sit causa actoris. Et ita ea differentia explicanda est.

Ad L. LXVIII. de Evid.

Cum ea conditione pignus distrabitur, ne quid evictionis secuta creditor præstet: quamvis pretium emptor non solverit, sed venditori cavent, evictione secuta nullam emptor exceptionem habebit, quò minus pretium solvat.

IN hac l. proponuntur duo casus, quibus venditor emptori non tenetur de evictione. Unus casus hic est, si creditor pignus vendiderit non jure communi promissa evictione, sed jure creditoris, jure pignoris non cauta vel promissa evictione, ut definitur præcipue in illo tit. C. creditor. evid. pign. non deb. lib. 3. Denique si creditor pignus vendiderit, ut ad suo periculo emeret, qui emeret, nec mancipio ei daretur, nam si tantum tenetur de evictione, qui mancipio dedit, vel promissit, & se dominum emptorem facere palam professus est. Plautus in Persa. Sibi periculo is erat, qui eam mercabitur. Mancipio neque promittit, neque quisquam debet. Quamobrem in l. 4. h. t. Ulpianus videtur scripsisse hoc modo, an is, qui mancipio vendidit, fideiussorem ob evictionem dare debeat, an repromittere tantum nuda cautione? nam is, qui mancipio non vendidit, non tenetur de evictione, nisi nominatim caverit duplam aut simplam evictionis nomine, ut & Varro scribit 2. de re rustica cap. 10. Qui autem mancipio vepdidit, facta solemnī mancipatione rei venditæ solemniter per æs & libram, ut olim solebat, etiam si nihil caverit, tenetur de evictione: nam mancipio cavet vel promittit, ut Paulus loquitur, satisfecit promittit, nisi aliud convenerit, eandem ne daret, ut in lege mancipationum addi solitum, etiam idem Varro scribit 2. de Lingua Lat. satisfecit promittit, id est, dato fideiussore, qui & auctor secundus dicitur, quæ satisfecit Ciceroni 5. ad Atticum epist. 1. est satisfecit secundum mancipium. Verum ad rem. Creditor jure suo vendendo pignus mancipio neque promittit: & ideo non tenetur emptori de evictione. Verum fac ita esse, creditorem scilicet pignus vendidisse jure suo, & emptorem pretium nondum solvisse, sed cavisse de solvendo pretio; an evicta re, si ex cautione ab emptore venditor petat pretium, tueri se emptor potest exceptione rei evictæ & ablata a domino? id est, an emptor, & si non habeat actionem de evictione, qui emit a creditore lege pignoris, habeat tamen exceptionem doli re evictæ, & retentionem pretii? Et respondet Papinianus, nec retentionem pretii eum habere, quia evictionem pignoris nullo modo, nulla via venditor præstare debet, quia id jure pignoris vendidit, non jure commu-

Tom. II.

ni. Alter casus, qui proponitur in responso, siue §. sequenti hic est.

Ad §. Creditor.

Creditor, qui pecunia nomen debitoris per delegationem maluit, evictis pignoris, quæ prior creditor accepit, nullam actionem cum eo, qui liberatus est, habebit.

SI debitor creditori nomen sui debitoris in solum dederit, & delegaverit, quo casu creditorem etiam ejus nominis pignora sequantur, l. empt. sup. de hered. vend. l. pen. de distract. pign. Evictis etiam pignoris creditori, de evictione illi in debitorem nulla actio competit, quod proponitur in secundo responso hujus legis. Et ratio hæc est, quia venditor nominis, cui similis est is, qui nomen dat in solum, & eleganter, sup. de pign. act. l. 4. C. de evict. non præstat periculum evictionis, sed id periculum pertinet ad emptorem, si periculum, sup. de pign. Et in hoc tenetur tantum venditor nominis, ut præstat nomen esse, actionem esse, debitorem esse idoneum, non ut præstat nomen esse idoneum, debitorem esse idoneum, non ut præstat periculum evictionis, quia tale jus credit & vendit qualem habuit, nec optimum id jus esse præstare debet, l. si plus, §. pen. hoc tit. l. si nomen, sup. de hered. vend. Eadem vero est sententia hujus loci, quæ responsi Pauli, quod est in l. periculum, sup. de pign. quod Glossæ non animadvertunt. Recte tamen & vere notat eum, qui nomen debitoris sui in solum dedit creditori suo, pignoris creditori a domino evictis, ei debere cedere contrariam actionem pignoratitiam in debitorem suum, quod rem alienam pignorerit. Idemque creditor, qui pignus jure suo vendidit, debet præstare emptori, l. in creditore, hoc tit.

Ad L. IX. de Usuris.

Pecunia sanebris intra diem certum debito non soluto dupli stipulatum in altero tantum supra modum legitima usure respondi non tenere: quare pro modo cuiuscumque temporis superfluo derivatio, stipulatio vires habebit.

IN primo responso hujus legis, proponitur pecunia credita convenisse interposita stipulatione, ut ad diem pecunia non soluta pœne nomine duplum præstaretur: debitor muræ centum acceperat, si ea intra annum non solveret, promissit ducenta: hæc stipulatio partim utilis est, partim inutilis, non tota inutilis, sed pro ea tantum parte, quæ in duplo, id est, in altero tanto, quod in stipulationem deductum est, usuram legitimam, puta, centesimam excedit, nec pars inutilis vitiat eam partem, quæ est utilis, quæ non excedit modum licitum, ut in l. placuit, & l. penam, h. t. l. cum allegas, & l. eos, §. si quis autem, C. eod. tit. Itaque post annum, si non solverit ad diem, si non solverit intra annum, ut placuit, non statim debentur altera centum, ne fraus fiat legi Gabinia, & constitutionibus, quæ usuris modum imposuerunt, sed ex die interpositæ stipulationis, ut in l. l. etia, in si, sup. de reb. cred. pro modo annorum quibus cessaverit debitor in solvenda forte: ex stipulatione debentur usuræ legitimæ tantum, ut puta, si triennio cessaverit, usuræ siue pœne nomine debentur triginta & sex tantum, qui finis est legitimæ, id est, centesimæ usuræ, quæ in centum quotannis reddit xii. ex singulis centenis minimis duodenos nummos quotannis efficit. Et hæc est sententia hujus loci, quod & lib. 3. resp. idem Papianus, se respondisse scripsit, ut Ulpianus refert in l. Julianus, §. ibid. Papin. sup. de act. empt. Respondit autem, ut opinor hoc loco, & similiter, quod ibi Ulpianus refert, si

Nun con-

convenit, ut ad diem pretio non soluto, venditori duplum præstaretur, nimirum hanc conventionem in fraudem legum, quæ usuris modum fecerunt, videri adjectam, quod legitimam usuram excedit, & quod ad excessum illum attinet, inanem conventionem esse, longaque aliam esse rationem: nam & hoc addidit Papin. esse rationem pactionis, five legis commissoriæ, puta ut ad diem pretio non soluto res fiat inempta, non ut duplum præstetur, quia hoc modo, scenus illicitum non contrahitur, ut superius, sed lex tantum iusta dicitur venditioni, ut si non solvat emptor venditori pretium ad conditum diem, res ad emptorem revertatur, in qua conventionem nulla est species favoris. Porro ex hoc responso intelligimus, quod inutiliter adicitur, in stipulatione usurarum supra modum legitimum non vitare eam stipulationem usurarum, quantum utilis esse potest, ad finem legitimæ usuræ scilicet. Denique stipulationem partim esse inutilem, partim utilem, nec utile vitari per inutile. Obstat (*) lex Græcæ, §. item, ff. de fideiussoribus, quam citavit hoc loco Accurs. quæ l. ostendit, fideiussorem, qui pro debitore obligatus in decem promittit quindecim, nulla ex parte tenens, neque in decem, in quæ tantum, si promississet, teneretur utiliter, neque in 15. vel ut loquitur ea lex, omnino non obligari, ut in l. 4. §. 1. rem pup. soluto fore, Basilica ubi dicitur, nullo modo obligari, quæ verba tamen pessime Aleiatus cavillatus est §. parerg. statuens, fideiussorem non teneri in plusquam debebat debitor, puta, in quindecim, sed teneri in decem, in quæ teneretur reus, nec utile vitari per inutile, per excessum aut superfluum, quod omnino repugnat & verbis legis & rationi, quæ paulo post declarabitur, quoniam lex ait fideiussorem omnino non obligari: ac similiter in Institutionibus dicitur præcise, fideiussorem non obligari si reo promittente quinque, ipse promittat decem. Quod quid aliud est, quam nullo modo obligari nullave ex parte obligari: Et inutilem adjectionem vitare utilem? Verum, ut omnis contraversione dirimatur, separare debemus eum, qui pro se ipso promittit, in qua stipulatione utile per inutile non vitatur, ut l. 1. §. sed si mihi, de verb. obl. hunc, inquam, separare debemus ab eo, qui pro alio promittit. In qua stipulatione vel levi de causa ille non obligatur, & facile in eo utile vitatur per inutile: nam hoc est singulariter receptum in iis omnibus, qui pro aliis obligantur stulte, veluti fideiussoribus, mandatoribus, expromissoribus, reis constituta pecunia, nempe, ut si in diutorem causam, adhibeantur, puta, in maiorem & ampliorem quantitatem, prorsus non obligentur ulla ex parte, si vel minimum vitium insit intercessioni, quod mirum videri non debet; nam & in aliis plerisque causis fortune eorum, quæ plerumque miserrima est, singulariter iura subveniunt, quod docet observatio 20. c. 14. multis argumentis. Non omittam verum esse, quod Glossa notat hoc loco, Papinianum dixisse: dupli stipulationem, pro dupli stipulationem, ut in l. uxori, §. ult. de leg. 3. h. 2. C. de mut. stip. ut actionem ex stipulatu more veterum: actionem ex stipulatione, ut sponsum pro sponcione, & actionem ex sponsu, l. sciendum, §. dictum, de adil. ed. l. 7. inf. de verb. sign. Et forte etiam initio huius legis more veteri Papin. pecuniam foreborem, dixit, pecuniam mutam simpliciter, quæ & ab initio fuit sine usuris, & post etiam diem solvende pecunie palam usurarum mentio facta non est, sed duplex fortis tantum: & id ita Theologi accipiunt etiam quod est scriptum Deuter. 15. pauperi famus foreverabis, ubi D. Augustinus: δάσεν δάσιν αἰς, Certe, inquit, cum operam misericordie præcipiat, non utique usurarum crudelitatis suscipienda est, quamvis sanctoris verbo usus sit.

Ad §. Usurarium.

Usurarium stipulatio, quamvis debitor non conveniatur, committitur, nec inutilis legitima usura stipulatio videtur sub ea conditione concepta, si minores ad diem solutæ non fuerint, non enim pena, sed sanus uberius iustæ ratione fortis promittitur. Si tamen post mortem creditoris nemo fuit, cui pecunia solveretur, ejus temporis inculpata esse moram constituit, ideo si majores usura prioribus præstantur, exceptio doli non inutiliter opponitur.

IN §. sequenti initio proponitur usurarium stipulationem, quia dies satis debitorum interpellat, hoc est verisimilium, l. trajectitia, de oblig. & act. l. diem, de verb. obl. l. 4. §. ult. de lege commissi. l. 12. C. de contrah. stip. l. 2. C. de jure empti. Et hoc initio huius §. subiecit Papin. & repetit, quod etiam scripsit in l. 1. §. pen. sup. de pignor. valere stipulationem legitimæ usuræ factam sub conditione, si minor usura, de qua initio convenit, ad diem non solvatur, quia, inquit, non pena, sed sanus uberius fortis, iustæ ratione promittitur: separat penam ab usura, & tamen l. Capis, §. l. sepe, inf. h. tit. penam vocat si ob non solutas sua die minores usuras graviores indignantur. Verum hic, ut arbitror penam accipit pro usuris usurarum, negans id agi hac conventionem, ut minores usuræ currere non desinant, sed quo tardius solvantur, earum usurarum usuræ præstantur, quod est illicitum: usurarum usura nunquam fuerunt permixta, quæ est ratio dubitandi in l. cum quidam, ff. hoc tit. sed ut ait, hac conventionem id tantum agitur, ut usuræ minores, si sua die, si statuta die non solvantur, in postum currere desinant, & deinceps ex die cessationis, ut præscribit l. cum quidam, usuræ uberiores præstantur fini legitimæ usuræ: hic ergo est sensus: non usurarium minorum, si non solverentur, usura sunt promissa, sed usuræ fortis graviores sunt promissa, iustæ ratione, id est, ratione moræ & conditionis impositæ stipulationi, & ita quoque Græci hunc locum accipiunt: ἡ γὰρ ὁρὴ τῶν ἀπὸ δόλου ἀπαγορεύεται, ἀλλ' ὅσο ἀπὸν ἡ ἀνὴρ, ὅς ἐστιν ὁ νόμος. Non videtur, inquit, promississe usurarium usuras, sed sub conditione tantum majorem, & legitimam usuram, quod est rectissimum. At postremo subiecit, excusari promissorem a majoribus usuris, si post mortem creditoris non fuerit, cui ad diem solveret minores usuras, nondum adita hereditate ejus, & cunctantibus heredibus, ut in l. diem, ff. de verb. obl. Et ideo postea, hereditibus adeuntibus, & ex stipulatione petentibus majores usuras, ob stare merito exceptionem doli mali, quod, medi temporis mora sit inculpatæ, ut ait: Neque huic postremæ sententiæ quicquam obstat l. 18. §. ult. inf. h. tit. quæ post traditionem rei venditæ mortuo venditore, cui incertus est successus, si emptor quod debet pretium non deposuerit, & consignaverit, qui rem venditam accepit: non ideo minus currere usuras pretii medi temporis: nec mirum, quoniam emptor cepit esse in mora vivo venditore, cepit esse in culpa vivo venditore rem accipiendo, nec solvendo pretium. Nihil etiam obstat l. ult. tit. seg. penam committi trajectitiæ pecunie non solutæ, si mortuo debitor incertus sit successus, quia ibi ponitur (ut respondeam) non fuisse, qui solveret: hic autem ponitur fuisse, qui solveret, non etiam cui solveretur: quæ longe diversa species est, diversaque ratio.

Quod dixi nudistertius ad finem l. 9. de usur. ea quoniam dixi brevius & propterantius, quam res postulat, ut scire cogor præsternare præterlabente hora, mihi videor debere interim me exponere, quod dixi me daturum duo responsa tantum.

Si post mortem creditoris ideo non sint ad diem solutæ minores usuræ, quod incertus esse successus creditoris medi temporis graviores usuræ, quæ in stipulationem deductæ erant, effectu non debentur, quia petentibus obstat exceptio doli mali. Hoc proponitur in extre-

(*) Vide Merill. variant. ex Cujac. lib. 1. cap. 51.
& variant. adject. cap. 1.

extremo d. l. 9. quod pugnare videtur cum l. 18. §. ult. eod. tit. quæ ait, post traditionem rei venditæ & mortem venditoris, cui incertus successor fuit, nihilominus a debitor deberi mediæ temporis usuras pretii. Cur tam varie? Ratio differentie hæc est, quia in specie legis 9. mora non cæpit fieri creditori: nec igitur ex mora ei usuræ deberi coperunt, sed mora facta est post mortem creditoris, ad diem non oblati minoribus usuris, quæ mora extra omnem culpam est; *mora inculcata* est, ut ait cum nec coperit a defuncto creditore, nec potuerit incipere ab alio, nullo dum extante cui minores usuræ solverentur, ut nec culpa merito debitor possit, cur eas usuras non consignaverit interim, & deposuerit in æde sacra, ut fiebat apud sacerdotem & Aeditum. Ea tantum mora, hoc est tarda solutio nocet, quæ dolo, vel culpæ conjuncta est. In specie autem l. 18. mora cæpit fieri vivo venditore, quæ mora culpæ conjuncta est, cum debuerit emptor, qui re emptæ fruebatur, qui fructus percipiebat,olvere pretium, aut eo non soluto, usuras pretii venditori pendere; fructum perceptorum ratio, & vicissim usuras præstari desiderat, l. Julianus, §. ex vendito, de atl. emp. l. curabit, C. eod. tit. l. 3. §. ult. de dot. collat. Ex mora igitur usuræ in ea specie vivo venditori deberi coperunt. Quamobrem & post mortem venditoris jure hereditario debentur venditoris heredibus, etiam ejus temporis, quo incertus venditoris successor fuit, l. cum pater, eod. tit. quia interim hereditas iacens defuncti locum obtinuit, l. non minus, in fin. sup. de hered. inst. Et consequenter merito culpa potest emptor, qui jam contraxit culpam vivo venditore, qui pretium interim non consignat & deponit in æde sacra, vel tabulario civitatis. Sola depositio cum excausata de dependens usuris pretii, si non est, qui offert pretium, puta, iacente hereditate, si est cui offerat, etiam ei debet offerre omnino, nec sola depositio sine obligatione sufficit, l. 2. C. de usur. Illud etiam cum fine d. l. 9. pugnare videtur, quod dicitur in l. ult. de nau. san. ponam non soluta pecunie sua die committi, etiam si ea dies illuxerit post mortem debitoris nullo adhuc existente certo successore, & deliberantibus heredibus. Sed, ut respondeam, longe diversa ea species est, quia in ea ponitur non fuisse debitorem, aut heredem debitoris, & fuisse qui solveretur: quo casu ipso jure pœna committitur sine interpellatione, quæ fiat in personam, ex eo solo, quod die solvendæ pecunie, cum exisset cui solvatur, nullus exisset, qui solvat. Contra in specie l. 9. eo die, qui primus fuit solvendarum minorum usurarum, est qui solvat, non est qui solvatur, & merito culpa non potest, qui nulli solvit, cum nullus exisset cui solvat. Et ita hæc explicanda sunt.

Ad L. LXIX. de Leg. II.

Quæ fideicommissa moriens libertis vivi debuit, eorumdem prædiorum suis quoque libertis fructum reliquit. Juris ignoratio lapsi, qui petere prælia ex mariti testamento debuerunt, secundum fideicommissum inter ceteros longo tempore perceperunt. Non ideo peremptam videri petitionem prioris fideicommissi constituit.

Legis species hæc est: Uxor heres instituta a marito rogata est, ut quum moreretur libertis mariti prædia quadam restitueret, & moriens uxor, tam suis, quam mariti libertis usumfructum eorum prædiorum per fideicommissum reliquit; poterant & debebant mariti liberti ab herede uxoris prædia petere jure primi fideicommissi reliqui testamento patris: sed juris ignorantia lapsi, ut ait, una cum libertis uxoris petierunt eorum prædiorum usumfructum ex testamento uxoris, & longo tempore usumfructum perceperunt. Ignoratio juris, quod Glossa non videt, in eo fuit, quod liberti mariti existimarent primum fideicommissum pendere ex mera voluntate mulieris, & non necessitate juris contineri,

Tom. IV.

A sed pudore tantum & conscientia mulieris, ut olim obtinuisse scriptum est in Institutionib. tit. de fideic. hered. utque Seneca scripsit: *Religiosum hominem sanctumque solere fideicommissa tueri*: quæ nondum scilicet ullo juris vinculo continebantur, vel ex quibus nondum dabatur actio sive persecutio. Quaritur autem in hac lege an perceptionis secundi fideicommissi ex testamento mulieris, perempta sit persecutio primi fideicommissi ex testamento viri? Et respondet non esse peremptam. Recte, quia juris ignorantia suum perentibus non nocet, l. 7. §. 8. de jur. & facti ignor. Suum autem est & quodcumque debetur, l. 15. §. quod avus, ad l. Falc. Et quamvis longo tempore secundum fideicommissum perceperint ex testamento uxoris, nec quicquam exegerint ex testamento viri, primi fideicommissi petitio non perimitur præscriptione longi temporis, l. neque, C. quib. non oblit. long. temp. presc. Hæc est ratio hujus responsi. Verum huic responso Accursius opponit l. 3. in pr. ff. si quid in fraudem pat. & l. Claudius, sup. de adq. heredi. Quod ad l. 3. attinet; primum in ea agitur, de facti, non de juris ignorantia: quoniam in ea non est legendum, an jus ignorantia, ut vulgo, sed ut in Florentina, an ignorantia ejus. Deinde in ea, species proponitur hujusmodi: libertus, qui vivus multa bona alienaverat in fraudem patroni, ut eo minor portio ad patronum perveniret; mortis patronum heredem instituit ex semisse, ex debita portione debuit patronus omnia institutione petere bonorum possi. contra tab. quasi institutus ex modica parte, ob deminutiones a liberto factas in fraudem ejus: sed cum eas esse factas nesciret, quæ ignorantia facti est, non juris, liberti hereditatem adivit; additione jus bonorum possessionis contra tab. amisit, & consumpsit, quia agnovit voluntatem defuncti: an etiam amisit actionem Fabianam, de quo in illo titulo agitur, quæ patroni revocare solent quidquid gestum est in eorum fraudem? Et ait lex, eum amisisse etiam actionem Fabianam, quia acceperat voluntati liberti, & non simpliciter: quia factum ignoravit: nec enim facti ignorantia nocet, vel in damnis, vel in compendiis, sive lucris, sed quia vitio & culpa sua factum ignoravit, dum temere adivit hereditatem, re omni & totius hereditatis causa non bene perpensa, quod & ea lex significat his verbis; *Patronum sibi imputare debere*, hoc est, de se queri debere, stultitiæ suæ hoc acceptum ferre debere. Curiositas, prudentia & diligentia desideratur in eo, qui hereditatem aditurus est, quæ in re etiam legib. si dantur certa tempora ad deliberandum. At si non utitur diligentia, sibi imputer, si quid damni senserit inconsculto adita hereditate. Idemque putarem dicendum, si patronus juris ignorantia lapsus, liberti ad hereditatem, quia in compendiis juris error nocet, non in damnis rei suæ, d. l. 8. de jur. & fac. ign. Et hereditas liberti compendium est, quoniam patronus non est creditor, etiam si sit instituendus ex legitima parte non ideo est creditor, l. 6. in fi. ff. ad l. Corn. de falsis. Vis hoc tibi perspicue monstrari? Si esset creditor, si deberetur ei legitima quasi creditori, alienata in fraudem suam revocaret actione Pauliana, quæ creditoribus competit, nec indigeret propria actione, id est, Fabiana, vel Calvisiana. Et eodem modo respondendum est ad l. Claudius: qui per errorem facti adivit hereditatem ex testamento secundo, quod erat inutile, cum debuit adire ex primo, quod erat utile, in quo ab eodem heres scriptus erat, non potest redire ad primum testamentum, & rem amittit, quia temere & inconsculto adivit & seipsum ipsemet decepti. Idque Imperator Severus decrevit, ut ait d. l. Claudius. Eadem est ratio l. filium emancipatum, eod. tit. filius emancipatus in testamento heres instituitur a patre per errorem facti, existimans in testamento faciendo patrem desipuisset mente, & ideo inutile testamentum esse, vana simplicitate deceptus, quæ semper obest, l. 3. sup. ad Senat. Maced. ab intestato bonorum possessionem unde liberi accepit, quæ non competeat existente testamento iusto; jus omne suum amisit, & substituto dato in testamento,

Nnn 2

10-

locum fecit suo vitio, quia consultare etiam atque etiam deliberare debuit, antequam ab intestato bona patris adiret.

Ad L. Pen. de Dot. collat.

Pater nubenti filie quasdam res prater dotem dedit, eamque in familia retinuit, ac fratribus suis conditione, si dotem & cetera, quae nubenti tradidit contulisset, coheredem adscripsit. Cum filia se bonis abstinisset, fratribus res non in dotem datas vindicantibus exceptione doli placuit obstare, quoniam pater filiam alterutrum habere voluit.

Hoc responsum elegantissimum est; facti species huiusmodi est: Pater filia nubenti, quam habebat & retinebat in potestate, prater dotem bona quaedam donavit: dotis datio valet, donatio ipso iure non valet inter patrem, & filiam. Deinde pater testamento filios suos heredes scripsit, eadem filia coherede adiecta, non pure, sed sub hac conditione, si dotem & donationem; hoc est, cetera prater dotem, quae nubenti donavit fratribus suis in commune conferret. Post mortem patris filia se abstinuit paterna hereditate: certum est, non posse fratres filiae dotem auferre, quia iure consistit, & quam nec pater ipse ei posset esse proprium patrimonium filiae, ut l. ult. h. t. At quaeritur, an fratres filiae auferre & vindicare possint cetera bona, quae prater dotem pater filiae donavit, quae donatio ipso iure non consistit, ut initio proposui. Et ait, ea bona vindicantibus fratribus, obstare exceptionem doli mali, quod ea petant contra voluntatem defuncti, ut l. apud Celsum, §. praterea, ff. de doli except. l. anniculo, de mort. caus. donat. quia pater defunctus filiam alterutrum habere voluit, aut donationem & dotem, aut portionem hereditatis, qua cum se abstineat filia, restat, ut dotem & donationem retineat ex voluntate patris. Donatio autem a patre in filium vel filiam familias collata, licet non valeat ipso iure, & destinationi animi sit potius quam perfecta donatio, ut eleganter ait lex 1. C. de donat. convalescit tamen officio iudicis familiae resciscendae cognoscentis, si in extremum mortis diem pater in eadem voluntate perseveravit, l. filia cuius, C. fam. erecto, l. 2. C. Greg. eod. tit. Paulus §. Sentent. tit. de donat. Pater, inquit, si filiosam, aliqui donaverit, & in ea voluntate perseverans decesserit, morte patris donatio convalescit. Etiam illud notandum est, eam dotem vel donationem a filia herede instituta, nec abstinente se, non conferri fratribus, sed praecipuum retineri, d. h. filia cuius, l. 1. & 7. C. de collat. l. 3. in pr. sup. h. t. l. si filius, qui mansit, sup. si quis omis. cau. test. l. Pomponius, sup. fam. ere. Nec huic sententiae obstat l. si donatio, C. de collat. quoniam ea lex pertinet ad liberos patri intestato succedentes, non ad liberos patri succedentes ex testamento. In successione testati, nec dos, nec donatio conferuntur, quod probant supradictae ll. Quamobrem institutioni filiae recte ponitur hoc loco adscriptam fuisse conditionem, si fratribus conferret dotem & donationem, quoniam in successione testati, non est locus collationi dotis vel donationis, nisi hoc iusserit pater. In successione autem intestati simul dos & donatio conferuntur fratribus simul ab intestato succedentibus, l. 4. §. 1. & 16. C. de collat. nisi filia abstineat se bonis paternis, l. ult. h. t. Cur vero ex testamento non fuerit collationi locus, ut obtinuit semper ante Justinianum: ab intestato autem fuerit collationi locus, fuerit conferenda dos & donatio, ratio haec est, quia liberi ex testamento veniunt ad hereditatem patris, non ut liberi, sed ut extranei, quia eodem iure possent venire quilibet extraneus, si scriptus esset. Denique liberi in testamento veniunt non iure liberorum, non ut liberi, sed iure communii ut extranei, l. 1. §. Pomponius, ff. de Carb. edic. l. 10. C. de collat. & inter extraneos coheredes nulla est ratio constitutendae aequalitatis remedio collationis, & vice rursus collatis bonis. Ab intestato autem liberi sane veniunt ut li-

beri, iure proprio, non communi, id est, iure fraternitatis: inter fratres confortes summa ratio haec est constitutendae aequalitatis, collatis commixtisque bonis propriis cum bonis paternis. Nomen ipsum fraternitatis per se nihil aliud est, quam aequalitas & communio, l. verum, in pr. sup. pro socio, l. 2. C. de off. div. jud. Et in Panegy. Flavianum, quod est incerti auctoris: Fratrum, inquit, nomine & communitas apparet & aequalitas. Quae ratio differentiae maxime notanda est.

Ad L. XIX. Quae iu fraud. cred.

Patrem, qui non expectata morte sua fideicommissum hereditatis matris filio soluto potestate restituit omnia ratione Falcidia plenam fidem, ac debitam pietatem secutus exhibitionis, respondit non creditores fraudasse.

Quamvis attinet ad hanc legem, illud est extra omnem controversiam actione Pauliana ex edicto in hoc titulo proposito, atque etiam interdicto, quod fraudatorium appellatur, rescindi & revocari quaecunque in fraudem creditorum alienata sunt. Hoc cognitio, siinge. Pater heres institutus ab uxore, & rogatus post mortem suam, cum morte sua filii communes sui juris effecti essent, illis hereditatem maternam restituere, non expectata morte sua filios per emancipationem sui juris fecit, & mox eis restituit totam hereditatem matris uxoris suae, non deducta Falcidia, omisso commodum S. C. Paganiani. Quaeritur, an haec plena restitutio hereditatis patris, a creditoribus paternis rescindi & revocari possit actione Pauliana? Et respondet, non posse, quia non videtur fraudasse creditores, qui plenam fidem, & plenum obsequium testatori praestit, qui plenum officium & debitam pietatem secutus, ut ait, filiis fideicommissum restituit. Quod offenditur etiam in l. prox. inf. §. 1. §. 1. pen. de donat. inter vir. & ux. l. qui totam, sup. ad Treb. l. fideicommissum, sup. de cond. indeb. l. 1. C. ad d. Falc. Pli-nius §. Epist. illius testatoris, inquit, hoc munus, illius liberalitas, nostrum tamen obsequium vocatur. Quod de se scribit ultro praestante ex voluntate testatoris, quod iure non debuit. Plenam autem fidem praestitit pater testatori, quia sine deductione Falcidiae totam hereditatem filiis restituit ex voluntate testatoris, lex Falcidia est contra voluntatem testatoris, l. Titia, sup. ad l. Falcid. Et praestitit quoque debitam pietatem exhibitionis, ut ait, id est restitutionis fideicommissi: nam & exhibere & exhibitio significationem restituendi habent, l. Iulianus, §. quantum, ad exhiben. l. pactio, C. de pact. l. ult. C. de ad. act. Cur vero debitam pietatem? Quia est non esset pater nisi post mortem suam rogatus restituere hereditatem, tamen & filiis emancipatione sui juris effectis, eam debuit restituere, quia mater, quae iussit restituere hereditatem post mortem patris, non tam spectavit modum, quo filii fierent sui juris, quam finem. Et quocunque igitur modo filii fiant sui juris, siue morte patris, siue emancipatione, ex mente testatoris fideicommissum eis restitui debet, l. si ita esset, sup. quando dies leg. cedit. l. 1. §. si cui, de leg. 3. l. mulier, in pr. ad S. C. Treb. Pietas est obtemperare voluntati defuncti: ut contra impietas non obtemperare, l. penult. §. illo, C. de nec. ser. bor. inst. & debita pietas in hac specie, non gratuita, quia & filiis, si emanciparentur, fideicommissum hereditatis relictum videtur. Denique haec restitutio fideicommissi siue exhibitionis, ut loquitur, est praesentis debiti solutio, non donatio, non repraesentatio debiti collati in diem, vel in conditionem: alioquin locus esset actioni Paulianae, si vel donatio effet, vel repraesentatio, l. ait Prator, §. si cum in diem, & l. omnes, §. ult. h. t. Glossa non intellexit hanc legem, quae tamen est facilissima.

Ad L. XXIX. de Except. rei judic.

Judicata quidem vel prescriptio coheredi, qui non lie-gat, vit.

vir, obstat non potest, nec in servitute videtur peti post rem pro libertate iudicatam nondum ex causa fideicommissi manumissus, sed prout oportet in ea re sententiam ferre, quam pro parte vici prestat non potest, nam, & cum alterum ex coheredibus inofficiosi questio tenet, aut etiam duobus separatim agentibus alter obtinuit, libertates competere placuit: ita tamen, ut officio iudicis indemnitati vi-
toris suarumque manumissionis consulatur.

IN hac lege duo proponuntur casus, quibus contra regulam juris res inter alios iudicata aliis nocet. Primus casus vertitur circa speciem huiusmodi. Duo sunt heredes, primus & secundus, qui iure hereditario servum communem habent: cum primo solo servus agit de fideicommissaria libertate praestanda, quam sibi reliquam dicit testamento defuncti, & agit apud Praetorem fideicommissarium, qui de fideicommissis cognoscit; habet etiam servus ex hac causa per se aditum ad Praetorem, & hoc nomine causam orare potest, l. de libertate, ff. de fideicom. lib. l. mulier, §. non est, ad Senat. cons. Trebell. l. Titius, de action. emp. l. via certis de iud. Et Praetor quidem fideicommissarius, quem servus adit, fideicommissariam libertatem servo praestari iussit, verum antequam praestaretur, alter heres, puta, secundus, adversus quem servus non constitit, vel quem in ius non vocaverat, eum servum suum esse vindicat iure hereditario, an potest repelli exceptione rei iudicatae pro libertate? Et prima facie videtur rei iudicatae inter alios exceptio non obstat ei, qui non litigavit, quia non potest Praetor inter alios iudicando aliis nocere, l. is qui fundum, de usufr. l. Claudius, in fine, sup. qui pot. in pigno. hab. Posui servum a primo, qui litigavit cum servo ex causa fideicommissi, & iussit praetor nondum fuisse manumissum: nam si manumissus fuisset, secundus videretur liberum hominem factum iussu praetoris petere in servitute, nec admitteretur, nec audiretur. At quia nondum est manumissus, quia res est integra, non videtur eum secundus ex libertate in servitute petere: denique recte eum vindicare videtur. Verum aliud statuit Papinianus, ostendens melius esse & aequius favore libertatis sententiam Praetoris tueri, & exequi etiam adversus coheredem, qui non litigavit, id est, secundum; ut & sententia inter alios dicta ei praedictet, & servo libertas praestetur, quae cum non possit praestari pro parte primi tantum, quem servus vicit, consequens est, ne interdicat libertas, & pro parte secundi eam debere praestari, utroque servum manumittente: denique solidam plenamque libertatem, quae nec scindi potest servo esse praestandam, alioquin sententia Praetoris recideret in irritum, quod & comprobatur Papinianus exemplo simili; Si testamentum, in quo relicta est libertas pro parte tantum, rescissum sit per querelam inofficiosi testamenti, agente filio exheredato, pro parte constitit: nam querela potest facere intestatum pro parte tantum, hoc etiam casu certum est, libertatem directam servis competere, vel uno tantum herede ex testamento existente, & pro parte tantum non ex asse testatore facti partim intestato, partim testato. Quod etsi fieri non possit ab initio, potest tamen fieri ex eventu, & fideicommissaria quoque libertatem esse praestandam. Idque proditum est in l. 6. sup. de dot. coll. & l. cum filius, in pr. de leg. 2. l. cum duobus, C. de inoffic. testam. Et receptum etiam hoc est favore libertatis: nam legata vel fideicommissa pecuniaria in eo testamento relicta pro parte; qua rescissum est testamentum querela inofficiosi, irrita constituuntur: libertates autem omnino conservantur, d. h. cum filius, libertates sunt indivisibiles, legata dividua; Et simili modo, quod est aliud exemplum, si duo separatim iudicis hominem in servitute petant, singuli pro parte dimidia, & uno iudicio homo liber, altero servus pronuntietur, superior erit libertatis ratio. Ridiculum enim est arbitrari utramque sententiam valere, & ad emolumentum perducere debere pro parte dimidia ducto servo ab eo qui vicit; pro altera parte defensa libertate, quia libertas scindi non potest.

A Sabiniani quidem existimabant in hac specie, eum hominem trahi debere in servitute potius, quam in libertatem, conservata sententia, quae dixit, contra libertatem, & rejecta sententia, quae dixit pro libertate: & Julianus (*) qui ex Sabinianis fuit, se etiam huius opinionis esse nominatim scribit in l. duobus, sup. de lib. caus. Verum, contra quam se sentisse Julianus scribit, additur in ea lege, non ex Juliano igitur, sed ex alio, ex quo vero, nisi ex Marcello, qui notas scripsit in Julianum? Additur ergo ex Marcello, commodius esse contra opinionem Sabinianorum, favore libertatis servum ad libertatem perducere ab utroque domino, parte pretii praestata victori, viri boni arbitratu. Nam & idem invenio Marcellum adnotasse ad Julianum in quaestione de servo communi, ab uno ex dominis manumisso testamento aut vindicta; nam manumissionem quasi inutilem non admitterebat Julianus & alii nonnulli, quod non possit pro parte libertas competere; adnotasse, inquam, Marcellum, commodius esse & hoc casu, servum liberum fieri ab uno tantum ex dominis manumissum, praestata tamen alteri domino parte pretii, & coacto altero domino vendere partem suam, & manumissionem comprobare, l. i. C. de comm. ser. manum. l. domino, sup. ad Senat. cons. Syllan. l. si servus communis, de vulg. subtit. in qua l. hac verba: quod si neque a patre, neque a pupillo fuerit redemptus, quae subiunguntur verbis Juliani, proculdubio sunt ex Marcello, qui in Julianum notas scripsit, sicut in d. l. duobus, hac verba: commodius autem est favore libertatis, proculdubio sunt ex Marcello. Et sententiam Marcelli hoc loco Papinianus comprobatur evidenter, qui & similiter superioribus casibus censet officio iudicis indemnitati eius heredis, qui non litigavit de libertate cum alio coherede, servo contendente & vincente; item indemnitati eius heredis, qui vicit in querela inofficiosi testamenti, victo coherede pro sua parte esse consulendum, oblata parte pretii; ac tum demum servum ab utroque communi consensu debere manumitti, quae sententia est huius responsi. Et notandum in eo maxime genus loquendi, quo Papinianus utitur illo loco: cum alterum ex coheredibus inofficiosi questio tenet. Quae verba sunt interpretanda accipienda hoc modo, quum inofficiosi testamenti questio ab altero ex coheredibus obtenta sit, & denique adversus filium exheredatum. Tenere est obtinere, ut in l. ult. h. t. sicut Florentiae legitur in l. cum falsis, de manumiss. test. M. Tull. pro Calio: Scrovolam dixisse causam apud centumviro, non tenuisse. Et Horatius,

Quo responso, & quo cause teste tenetur.
Et saepissime in libris nostris. Et hac de primo casu: alter casus, quo res inter alios iudicata aliis praedictat, notatur in §. seq. in fine huius legis.

Ad §. Si debitor.

Si debitor de dominio rei, quam pignori dedit, non admonito creditore causam egerit, & contrariam sententiam accepit, creditor in locum vici successisse non videbitur: cum pignoris conventio sententiam praecesserit.

Debitor creditori fundum pignori dedit, post de proprietate huius fundi cum alio litigavit iudicio in rem, quae lis domini dicitur in iure, & contra debitorem pronuntiatum est, fundi eum non esse dominum; Queritur, an res iudicata inter debitorem & extraneum de dominio fundi pro extraneo contra debitorem, noceat creditor? Et distinguendum est; Aut scivit creditor, admonitus fore a debitore ipso, debitorem experiri de proprietate fundi & hoc casu creditor agenti hypothecaria adversus eum, qui debitorem vicit, & fundum evicit, obstat exceptio rei iudicatae, quamvis inter alios iudicatus, l. pen. de re jud. Ratio hac est, quia creditor sciente & consentiente, scientia & taciturnitas consensum imitatur. Quia, inquam, creditore sciente & con-

(*) Vide Meill. variant. ex Cujac. lib. 1. cap. 43.

sentiente, de jure, quod ex persona debitoris habuit, judicatum est, hac ratione etiam creditori obstat exceptio rei, quamvis inter alios iudicata. Excipiuntur tantum duo casus in l. 5. C. de pign. si debitor victus sit, quod lusorie causam egerit & perfunctorie, quod colluserit cum adversario suo, & se vincti passus sit: nam collusio debitoris creditori nocere non debet. Et alter casus, qui excipiendus est, hic est: si debitor victus non sit causa cognita, sed ex praescriptione & edicto peremptorio, quod iudicio defuerit, quod contumax fuerit. Extra hos duos casus, exceptio rei iudicatae inter debitorem & extraneum de proprietate pignoris, scienti creditori nocet. Aut, quae est altera pars distinctionis, si creditor ignoravit debitorem experiri de pignoris proprietate: & hoc casu res iudicata adversus debitorem, nullum praedictum creditori facit, & omnimodo salva est creditori actio hypothecaria adversus victorem, probanti creditori fundum eo tempore, quo pignus contrahebatur, in bonis debitoris fuisse, l. 3. C. de pign. l. 4. §. pen. de appellat. Sententia non perimit ignorantia causam pignoris antiquioris, sed nec usucapio vel alienatio: nec enim creditor, qui ignoravit debitorem pari controversiam de proprietate, successisse intelligitur in locum victi debitoris, qui ante sententiam a debitore fundum pignori acceperat. Ponendum igitur est, pignoris conventionem esse antiquiorem sententiae, & ita sententiam ignorantia nihil nocere, nec perimere pignoris causam: nam si post sententiam sequatur pignoris conventio, in locum victi debitoris successisse creditor intelligitur, & nocet ei exceptio rei iudicatae, ut in l. si mater, §. ult. hoc tit. Denique hoc casu inutile est pignus, quasi res aliena pignerata, quamvis ante pronuntiatum sit alienam esse, antequam pignori daretur.

Ad L. CXXI. de Verb. Oblig.

Ex ea parte cautionis, dolumque malum huic rei promissionem abesse, abuturumque esse, stipulatus est ille: incerti agitur, stipulationis utiliter interponenda gratia.

Continet haec l. quatuor responsa admodum breviter. Et ut statim atque paucis, quod initio proponitur, expediamus: solet omnium stipulationum siue cautionum extrema parte subijci haec clausula, dolum malum abesse abuturumque esse, l. 22. §. 119. & 125. hoc tit. l. si cum fundus, de contrah. empt. l. 3. C. de recept. arb. quae stipulationum novissima clausula dicitur, l. novissima, ff. iudican. solvi, & honestatis formula D. Ambrosio §. offic. Et haec clausula tam honesta, non potest non esse utilis, sed quae praecedunt clausulae siue partes, vel ex partibus, quae praecedunt, quaedam potest quandoque esse inutilis, quae tantum abesse, ut vitiet hanc partem, id est, clausulam doli, quae utilissima est & honestissima, ut ab ea potius vel confirmetur, ut l. 1. §. 1. C. de rei uxor. act. vel corrigatur ex ea clausula doli, data in promissorem actione incerti, quae proprie dicitur actio ex stipulatu, ut partem stipulationis conceptam inutiliter emendet, & concipiat denuo, seque obliget utiliter. Omnes obligationes actione incerti condicuntur, quia iura sunt ad rem de qua agitur, quae cogitatione sola percipiuntur: non sunt corpora certa, ut certi actione condici possint, l. §. 1. de usufr. ear. rer. quae usu consum. l. 3. §. ult. si cui plusq. per leg. Falcid. Et hoc vult tantum Papinianus in primo responso huius legis, quod Glossa non intellexit.

Ad §. Mulier.

Mulier ab eo in cuius matrimonium conveniebat, stipulata fuerat ducenta, si concubinae tempore matrimonii consuetudinem reperisset: nihil cause esse respondi, cur ex stipulatu, quae ex bonis moribus concepta fuerat, mulier impleta condicione, pecuniam adsequi non posset.

Haec §. est de stipulatione poenali a muliere, quem nubebat interposita sub hac conditione viro promittente: si tempore matrimonii tuas concubina consuetudinem reperieris, ducenta mihi dari spondes? spondeo. Honesta stipulatio est, quae coeret legitimae uxori contra bonos mores concubinam superducentem, vel quam habuit ante nuptias, reducunt: ac proinde ex hac stipulatione, si quid scilicet vir fecerit, mulieri poenae pecuniariae, quam in stipulationem deduxit, petitio est: nam etsi nulla poena, quod sciam legibus constituta sit in eum, qui praeter uxorem sibi adsciscit concubinam, tamen probrosum hoc & illicitum est, nec minus turpe, quam duas uxores eodem tempore habere. Nam & concubina uxorem imitatur, ut eleganter Julianus ait in Nov. 18. nulla sunt hodie concubinae: honestum erat concubinae nomen, non scortii nomen, aut vulgaris mulieris, quae se prostituere in vulgarem Venerem: nec tamen licebat & uxorem & concubinam habere: & uxorem & quasi uxorem. Paulus 3. Sent. Eodem tempore, inquit, quo quis uxorem habet, concubinam habere non potest. Haec etiam sunt verba Pauli, concubina igitur, inquit, ab uxore solo delectu separatur, id est, ut habenti uxorem non licet habere aliam uxorem, sic nec aliam concubinam, quia concubina quasi uxor est, & ab uxore sola delectione & destinatione animi separatur, ut in l. pen. sup. de concub. Et ut arbitror ex edicto Praetoris, ut infamia notatur, qui duas uxores habet eodem tempore, vel duas sponas, l. 1. de iis, qui notant. infam. Ita, qui eodem tempore habet uxorem & concubinam, ex sententia edicti, non ex verbis, infamiam incurrit: sicut ex sententia edicti notatur etiam, qui eodem tempore habet sponam & uxorem, l. quid ergo, §. si alteri, de iis qui notant. Eadem vero ratio si uxor a viro, vel vir ab uxore stipuletur poenam sub conditione, si culpa ejus divortium factum erit, honesta stipulatio est, & congruens bonis moribus, & valet intra modum poenae legitima, l. 19. hoc tit. Nam divortii culpa puniuntur peculiariter legibus Julia & Papia, & ut ait d. l. 19. poenis legum contenti esse debemus, quod etiam offendit l. un. C. de sentent. qua pro eo quod inter se profer. Non debemus esse asperiores legibus ipsis: poenae legitima sunt juris publici, & juri publico privatorum conventionem derogari non potest. Itaque in casum divortii facti conjugis culpa poenae stipulatio non valet supra legitimum modum. In priori casu uxori superducente concubinam poenae pecuniariae stipulatio non habet modum certum, quia concubinae siue pelliculae nulla poena pecuniaria legibus constituta est, sed poena infamiae tantum ex sententia edicti Praetoris, ut dixi paulo ante. Rejicienda autem opinio est Bartoli & aliorum, qui male ducto arg. ex hoc §. existimant, valere stipulationem, si de aliquo stipuler poenam sub conditione, si alia unquam lusoria: nam etsi honesta sit stipulatio, tamen nihil interest mea, quod ad rem meam familiarem attinet, ludat ille alea, necne: Et ideo, si nec subit causa interponenda huius stipulationis, ex ea stipulatione actio nulla competit. Et in specie huius §. stipulatio valet, non tam quia honesta est, quam etiam quia conjuncta est utilitati stipulantis, ne res domestica laboret, vel ne occidat, ut plerumque contingit, amicarum & pellicum injuria. Recte enim sapiens:

Cum conjux tibi sit, ne res, & fama laboret,

Vitandum ducas inimicum nomen amico.

Sic est legendum: Quae res etiam maxime honestas mulieres exasperat, avaritiam vicia, ut est in Nov. 22. Et multo magis rejicienda est opinio eorum, qui generaliter statuunt, valere stipulationem certae poenae, etiam si nihil stipulantis interest, nec stipulandi ulla causa subest. Apagere istam opinionem: Nam etsi ex stipulatione poenali detur actio, tamen si nihil actoris interest, l. inter §. alteri, hoc tit. l. cum poena, de pcept. arbit. aliter quam ex stipulatione, vel ex alio contractu, qui sit de pecuniaria, de re familiari, ex quo non datur actio, nisi ei cuius interest, l. qui fundum, sup. loc. l. si procuratorem, §. mandati, sup. mand. quo sensu M. Tullius ait, actiones exprimi ex dam-

in, & injuria cuiusque; actiones rei persecutorias seque-
ret, non penales: nam poenam persequitur & is, cuius
nihil interest, sive cui nihil abest de suo; non tamen ex
pualati stipulatione datur actio, si nulla causa præcesse-
rit negotii ita contrahendi, si nulla causa intercedente
ex abrupto, ut stulti solent, ita stipuler; si quis hodie (non
demolens certam personam) in Capitolium ascendit,
ro. dare spondes? nam hoc exemplum, quod ita proponit-
tur in l. a Titio, sup. hoc tit. si fani sumus, ita accipiendum,
si qua mihi causa fuerit ita stipulandi & cavendi, veluti
causa damni, quod facturus sum ex alia conventiones, si
quis hodie Capitolium ascenderit, sicut in aliis duobus exem-
plis, quæ proponuntur in d. l. a Titio: si qua mihi nupteris
dota nomine sit dabis? causa stipulationis est dos, sine qua
nolo ducere uxorem, & ferre onera matrimonii; & in
alia stipulatione, si quis a me decem petierit, decem dabis?
causa stipulandi est debitum, & metus creditoris, cui
debeo ro. Denique harum trium stipulationum, quæ
proponuntur in d. l. a Titio, causa est indemnitas, quam
stipulator capiat: alioquin stipulatio sine causa interpo-
sita, non valet, l. 2. §. circa, de dol. excep. l. si stipulatus es, de
fidejuss. Et quod dicitur in l. si quis Sempronium, de her-
ed. instit. Titius vel si quis, nihil refert, Capitolium non
ascenderit, sane ideo valet iustitio, quia hanc condi-
tionem testator non adscribit, ut suum testamentum
conferat in arbitrium alterius, quod nec posset utiliter,
sed ex causa aliqua, quæ pendet ex illa ascensione Capiti-
tolii. Sani homines naturam imitantur: & ut natura ni-
hil facit frustra, ita nec homo sanus & ficans. Ac propre-
ria huiusmodi conditio, si Capitolium ascenderit, quod
notandum, quæ frequens legitur in iure nostro, non est
conditio, quam ullus forte unquam negotiis suis infe-
ruerit, sed conditio hypothetica, quæ passim ab aucto-
ribus usurpatur; eadem ratione, quia Titii, Mævi, Caii
nomina hypothetica. Non omittam quod ad sermonem
Papiniani attinet, qui affectavit unus ex omnibus quo-
dammodo more prisco scribere, scriptis eum tam hoc
loco, quam in l. 1. de ritu nupt. Mulier ab eo, in cuius
manu conveniebat, idque mutasse Tribonianum, pro manu,
reposito matrimonio, in matrimonium conveniebat: Quod
sua ætate in desuetudinem abiissent conventiones in
matrimonium, per quas iuste uxores & matresfam. sebant,
ut Ulpianus ostendit in lib. reg. & ut in l. 9. in pr. de
iur. Sic hoc loco Papin. dixit, stipulationem pro stipula-
tionem, dum ait, ut in Florentinis scriptum est rectif-
sime, nec debuit notari asterisco ut mendum: nihil causæ
esse respondit, inquit, cur ex stipulatu, quæ ex bonis mo-
ribus concepta fuerat: prisce & eleganter, non ad sti-
pulationem, quod præcedit, sed ad stipulationem, quam
intelligebat; relatis iis verbis, quæ ex bonis moribus
concepta fuerat: quæ figura dicendi vocatur *anastrophe*, Per-
gamus ad §. pen. cuius sententia hæc est.

Ad §. in insulam.

In insulam deportato reo promittendi, stipulatio ita
concepta, cum morieris dari? non nisi moriente eo com-
mittitur.

Stipulatus sum a te, quum morieris mihi decem dari;
his verbis significatur mors naturalis, non mors ci-
vilis, quæ contingit deportatione in insulam. Et ideo
nec committitur stipulatio, si bonis adeptis deportatus
in insulam, & ad peregrinarem redactus fueris: sed
committitur te moriente, & claudente fatis diem extre-
mum. Ad dicere quis possit, nec te moriente stipulatio-
nem committi, quæ deportatione tota obligatio peri-
mitur, & naturalis & civilis, ut ait l. si debitori, de fidejuss.
l. 2. l. utelas, §. ult. de cap. milit. Imo, ut respondeam, non
perimitur obligatio simpliciter, quia transit in fiscum,
ad quem deportati bona transeunt, sed perimitur con-
tra deportatum duntaxat, quia sileus ei in iura & bona
universa succedit, l. 3. ad leg. Juliam pecuni. l. ult. §. ult. C. de
sentent. pass. Quia ratione deportatus in plerisque causis

A pro mortuo habetur, quia alius in eius quasi mortui
locum succedit, quod docet l. actio, §. publicatione.
sup. pro soc. non quia civium numero esse desit simpli-
citer, alioquin omnes peregrini pro mortuis haberen-
tur, quod stultum est dicere; pro mortuo habetur is
tantum, qui exiit omnibus bonis, qui nudus exulat,
non qui vestitus exulat, ut ita dixerim. Verum in hæc
stipulatione, de qua agitur hoc loco, hæc verba, quum
morieris, proprie accipimus de morte naturali, non de
civili, non ex mente contrahentium tantum, quod no-
tandum, sed quia deportatus sibi videtur morti, non
alii, non stipulatori. Quid ergo si non sit deportatus,
quæ est media capitis deminutio, sed damnatus in me-
tallum, quæ est maxima capitis deminutio: illa pere-
grinum facit, non servum, hæc plage servum facit, &
servum penæ, non hominis ullius? Et hic sane, qui
dampnatur in metallum videtur mori sibi, & aliis omni-
bus, ut in l. intercedit, sup. de cond. & demonst. Et sti-
pulatio hæc, de qua hic agitur, committitur in eum,
ad quem bona pervenerunt, l. utelas, §. pen. de cap. milit. Maxima capitis deminutio semper morti assimilatur.
Deportatio non semper. Nec abs. re est, quod Papin.
de deportato tantum loquitur, sicut nec abs. re est, quod
loquitur tantum de stipulatione ita concepta, quum mo-
rieris, dabis, quæ utilis est, quia ex ea obligatio incipit
a promissore in ipso morienti articulo. Concepta au-
tem stipulatio post mortem promissoris ante Iustinianum
erāt inutilis, quia non incipit a defuncto, vel morien-
te, ac proinde non debet in heredem transmitti.

Ad §. Ultimam.

Ex facto rei promittendi doli stipulatio heredem ejus
tenet, sicut ex ceteris aliis contractibus: veluti mandati,
depositi.

In hoc §. ostenditur, ex clausula doli, de qua dictum est
initio, subiecta stipulationi, non tantum promissorem
teneri, si quid fecerit dolo malo, sed etiam heredem ejus
in solidum, etiam si nihil ad eum ex delicto, sive dolo de-
functi pervenerit, id est, etiam ob dolum defuncti lo-
cupletior ad eum hereditas non pervenerit, commissum
stipulationem in defunctum transmitti in heredem. Et
idem hoc, ut subiicit, servari in strictis stipulationibus;
& in ceteris omnibus contractibus bonæ fidei: nam &
stipulationem nominat inter contractus bonæ fidei. Nam
& ex causa depositi, & mandati & commodati, & tute-
læ, & negotiorum gestorum, ob dolum defuncti heres
tenetur in solidum, si solus heres sit, ut si plures sint he-
redes, singuli tenentur pro portionibus hereditariis, l. ex
depositi, & l. ex contractibus, sup. tit. prox. l. ad ea, §. ult. de R.
I. doli clausula stipulationem, contractum bonæ fidei
facit, arg. l. pen. de mort. cau. donat. & l. 3. C. de excep. Verum
in Instit. tit. de perp. & temp. except. dicitur, aliquando ex
contractibus contra heredem non competere actionem,
quum testator dolose versatus est, & ad heredem ejus
nihil ex eo dolo pervenit, regulariter competere in he-
redem, aliquando non competere, ut ait. Quod tum pro-
prie evenire tandem cognovi, quum ob dolum defuncti
nihil auctori abest ex suis bonis, l. 1. C. de hered. tut. Si quid
abest, si quid damni fenerit auctor, proculdubio heres
defuncti ex dolo ejus ab eo auctore in solidum conveniri
potest, si unus fuerit heres ex asse, vel si plures pro he-
reditariis portionibus. Sed si nihil auctori abest, nihil est
causæ, cur heredes conveniat, quia nihil ejus interest.
Nam & quæso, quod erit extremum, & perbreve, cur he-
redes ejus, quem vivum nemo eo nomine interpellavit,
placet non teneri penali actione, veluti furti, aut iniu-
riarum, nec mixta actione, quatenus poenam persequitur,
veluti damni injuria ex l. Aquilia, & vi bonorum raptorum:
non penali inquam, etiam si quid ad heredes per-
venerit: non mixta autem, nisi quatenus ad heredes per-
venerit ex dolo defuncti, nec excepta quidem actione
vi bonorum raptorum, quæ est edicti verborum non datur
de

de eo, quod pervenerit ad heredes, l. 2. §. ult. in *hanc* cap.
dantamen potest non inutiliter. Hoc vero quia ratione
ita placet, ne heredes teneantur poenali, vel mixta actione
ex dolo defuncti? nisi quia poenali actione actor non
persequitur rem, qua sibi abest, fed poenam tantum, quæ
est extra rem familiarem, in quam sequum non est here-
dem innocentem succedere, l. 1. *in hominem*, §. 1. *de pos.* l. *pen.*
de nov. op. novi. In precario, & in societate serva, quod
jam pridem vniuersi me adnotastis in hunc locum.

Ad L. XI. de Duob. Réis Stip.

Reos promittendi vice mutua fidejussores non inuiciter accipi conuenit. Reus itaque stipulanti actionem suam diuidere si uelit, neque enim diuidere cogendus est, poterit eundem, ut principalem reum, item qui fidejussor, pro altero exstiteri, in partes conuenire, non secus ac si duos promittendi reos, diuisis actionibus conueniret.

Duo rei promittendi sunt, qui eandem pecuniam stipulanti promittunt, aut promissis intelliguntur, finguli in partem virilem simul atque in solidum, *chacun port soy, ou un seul pour la totte*. Quorum ius, & conditio hæc est, ut quem eis elegerit stipulator, convenire & exigere possit in solidum. Duos dicimus etiam pro pluribus, quasi iuxta primo numero duorum procedente ceteros, quod fit, ut Anatolius ait, *deux pour un des autres*, quasi iundus; & ita duos reos, qui dicuntur, intelligit etiam plures. Et in primo responso huius legis ostenditur, reos promittendi viæ mutua, id est, alterum pro altero vicissim apud creditorem fidejubeere posse. Videamus, quæ sint effecta huius mutue fideiussionis. Primum hæc ratione fit, si duo rei promittendi apud stipulatorem viæ mutua fideiufferint, ut idem fit reus principalis & fideiussor ejusdem pecunie, & ut possit stipulator si velit unum ex eis convenire tanquam reum principalem pro virili parte sua, & tanquam fideiussorem pro parte cornei, divisit & diffartit actionibus in partes duas, vel etiam, ut possit unum ex eis convenire in solidum tanquam reum principalem, vel tanquam fideiussorem; & si eisdem tanquam fideiussor vel solidum vel partem pro conreo solverit, in conreum habet actionem mandati, quod semper folet procedere fideiussionem: hæc enim quisquam fideiubeat line mandato eius, pro quo fideiubeat. Unde inter debitorem & fideiussorem eis semper contrahitur obligatio mandati: inter fideiussorem autem & creditorem obligatio ex stipulatu, quoniam fideiussio non fit nisi per stipulationem: Item hæc ratione fit, quod cornei scilicet viæ mutua fideiufferint, ut unus ex eis conventus tanquam fideiussor (hic est alius effectus mutue fideiussionis) non tantum compensare possit, quod sibi stipulator debet, sed etiam quod idem stipulator debet conreo, quia conventus ut fideiussor nomine cornei, fideiussor compensat utrumque, quod sibi vel quod conreo debetur, *l. 4. §. 5. sup. de comp. et sunt duo effectus mutue fideiussionis, qui non existunt si omnia sit fideiussio murua*. Quod sic demonstrat: si cornei viæ mutua non fideiufferint, nec socii sint, solventi suo nomine, nulla actio est in conreum nec mandati, quia inter eos non est contractum mandatum, nec negotiorum gestorum, ut Joannes scriptis mæc, quia conreus solvendo suum negotium gessit, non alienum, ut se liberaret obligatione, qua tenebatur obstrictus, *l. i. pro parte, in fine sup. de in rem verso*: et, qui suum negotium gessit, absurdum esset dare negotiorum gestorum in alium. Si cornei, qui viæ mutua non fideiufferint, sint socii, puta, ex contractu societatis, solventi competit in socium actio pro socio, ut agnoscat partem pecunie solute, & imputet sibi, *l. i. c. de dubo. reis*. Item si cornei viæ mutua non fideiufferint, nec socii sint, in quem elegerit & convenierit stipulator non potest compensare, quod stipulator debet conreo, *l. proz. inf. h. i. si socii sunt forepost compensare, quod stipulator socio debet ex causa societatis, quasi & sibi debitum, non quo*

A debet ex alia causa, si forte non erant focii omnium bo-
norum. Et ex his quidem efficit intelligimus fides, quare
dicat: non intelligitur reus promittendi *fide mutua fide-
jubere*, & non esse inutilem mutuum fideiunctionem: ni-
mirum, quia parit hæc duo effectus. Item quod eis efficit
tantum fit locus in conreis, qui focii non sunt, intelli-
gimus ex eo, focios frustra vice mutua fideiubere, quia
vis societatis in his tantum præstat, quantum in aliis, qui
non sunt focii, mutua fideiussio. Ex his etiam intelligimus
congress non videri vice mutua fideiubere, nisi hoc
ita actum fit. Quod indiffinitè verum est, five focii sint,
five non: nam & in focis, ut dixi, inutilis mutua fidei-
ussio est, cum sufficiat vis societatis quod mutua fidei-
fessionis consensu est, & non focii non possunt videri in-
vicem fideiussio, nisi nominatim interposita stipulatione
B & resiliptione, *fideiubere? fideiubere*: nec enim alio
modo fideiussio contrahitur: & a Græcis duo rei pro-
mittendi dicuntur *ἀντιπροσώπων*, non quod vice mutua
fideiussiores sint, etiam id cautum non sit, sed quod,
ac si, essent vice mutua fideiussiores singuli non in suam
partem teneant tantum, sed & in partem cōreol: verum
principali proprioque nomine propter suam obli-
gationem, non fideiussorio nomine, si invicem non fi-
deiussuerint. Nec obstat huius sententia, quod interveni-
entibus duobus reis promittendi, videatur alter pro
altero intercedere, *Uti uxori, in fine, ad Senatus. Vell.* &
ideo, si mulier & Liber constituantur duo rei promit-
tendi, mulieri succurrat, quasi intercesserit pro alio,
Senatusconsulto Velleiano, quod infamat intercessio-
nem mulierum. Dico hoc nihil obstat, quod cum duo fa-
C constituantur reos promittendi, alter pro altero interce-
dere videatur, quoniam alius id intercedere, aliud fide-
iubere. Intercedere est genus: fideiubere species. Fi-
dejubemus uno duntaxat modo, si stipulanti adpromit-
tamus pro debitorē mandati ejus: Intercedimus, si vel
fideiubemus, quod est proprie adpromittimus, vel
expromittimus, quod est aliud, puta, per novationem
in nos translatā principali obligatione, & liberato pri-
ori debitorē, vel si res nostras pignori obligemus pro
alio, vel si constitutamus nos soluturos pro alio, vel si
mandemus alii pecuniam credi, vel si ejusdem pecuniam
ex eodem contractu nos cum alio reos faciamus. &
debitorēs principales in partem virilem & in solidum,
ut *l. inter eos, §. inf. de fideiuss.* & aliis plerique modis
intercedimus, qui comprehenduntur Senatusconsulto
D Velleiano de intercessionibus mulierum. Male autem
Joannes, cōreos focios tacte videtur vice mutua fide-
iubere: nam quod statuit in nos focis, ut non vi-
deantur vice mutua fideiubere, nisi ita expressum fit
solemni stipulatione, ut debet, ita debuit Joannes
idem statuisse etiam in focis, quāquam in eis inu-
tilis fit mutua fideiussio, ut dixi supra. Denique de-
tracta ea distinctione inter focios, & non focios, vera
est sententia Joannis, cuius argumenta collegit Argu-
mentum in *dicta l. vir uxori*. Et examinavi omnia illa argu-
menta ad Africanum in eandem legem *vir uxori*. Illinc
assumes, quæ ad eam pertinebunt: quāquam res non
egret multis argumentis, cum & hæc lex aperte de
modis, res non videri vice mutua fideiubere, nisi
ita accepti sint nominatim: & ratio quoque evidens
E est; quod fideiussio contrahatur per stipulationem ex-
pressam. Pessime autem Martinus indiffinitè dicit, con-
reos vel non focios semper videtur vice mutua fideiube-
re. Ex his etiam intelligimus, verissimum esse, præmissa
propositione ejusmodi, reos promittendi invicem fide-
iubere posse. Inde colligit Papinianus, quod initio at-
tigit, si invicem fideiussuerint, stipulatorem; si velit,
videre actiones posse: convento uno ex cōreis pro
parte, actione creditæ pecuniæ, ut reo principali, &
pro parte altera actione ex stipulatu, ut fideiussorio cō-
reol: *Si vult, inquit, nec enim cogendus est dividere actio-
nes*, quod, frustra Papinianus adhibere videtur. Nam in
arbitrio & electione filii creditoris ante Justinianum in
Novella 4. quem priorem convenire reum principa-
lem,

Iam, an fideiussorem: nec potuit cogi prius convenire reum quam fideiussorem. Ergo manifestum est, nec cogi potuisse divisi actionibus partem exigere a reo, partem a fideiussore, sed totum ab hoc, vel ab illo exigere potuisse. Cur ergo monet nos, non esse cogendum dividere actiones & partem exigere veluti a reo, partem a fideiussore, quod erat evidentissimum? Hoc mihi nullus expediret, nisi qui animadvertet illam, quam ante Justinianum principum constitutiones creditori dabant electionem, ut si vellet, statim excuteret, & exigere fideiussorem, nec cogeretur prius excutere reum principalem, prius experiri cum reo principali, vel saltem dividere actionem, hanc, inquam, electionem Papin. non admodum probasse, vel ipso Justiniano teste, qui magni Papiniani auctoritate utitur in eadem Novella, scilicet si praesens esset reus principalis, & locuples: nam & hoc casu, cur excuties potius fideiussorem, qui habet praesentem reum, & idoneum? Quod, & Mar. Tullius ultima ad Attic. ait habere quandam *suavitatem, honestatem*, si quis fideiussorem prius appellet, quam debitorem, qui praesens est, & solvendo. At fideiussorem eundemque eorum ejusdem pecuniae, ut in specie proposita, Papinianus facile concedere sine distinctione statim conveniri posse in totum, ut reum, vel ut fideiussorem: vel divisi actionibus in partem, ut reum, in partem, ut fideiussorem, sicut illo loco: *non solum ac si duos promittendi reos divisi actionibus conveniret, significat, & unum ex reis, quod addi potest ex l. quam mox adferam: unum, inquam ex reis, vel fideiussorem ejus pro parte conveniri posse, & alterum reum vel fideiussorem ejus pro altera parte divisi actionibus*. l. 3. §. 1. h. t. l. inter, §. duo, ff. de fidejuss. Difficilius autem Papin. permittebat partem debiti peti a debitore principali, partem a fideiussore ejus, qui conreus non esset, si reus principalis erat praesens, & idoneus, existimans, honestius esse totum prius a debitore idoneo, & praesente peti quam a fideiussore, quod tamen alii auctores permiserunt, l. greges, §. etiam, de pignori l. 1. c. de fid. tut. l. reos, C. de fidejuss. Papinianus ut sermonis, ita juris antiqui fuit studiosissimus, & jure antiquissimo, ut testatur Justinianus in eadem Novella, hac libera electio creditori non fuit experiendi cum quo vellet in solidum, vel divisi actionibus, quae postea data est Constitutionibus innumeris, & novissime adempta Novella Justin. restituta jure antiquo, & approbata Papin. sententia, quae omnia maxime notanda sunt. Alterum responsum non est tanti laboris tantique momenti,

Ad §. I.

Cum tabulis esset comprehensum, illum & illum centum aureos stipulatos: neque adjectum ita, ut duo rei stipulandi essent: virilem partem singuli stipulari videbantur, & e contrario cum ita cautum inveniretur: tot aureos recte dari stipulatus est Julius Caeus, spondimus ego Antoninus Achilleus & Cornelius Dius, partes viriles deberi, quia non fuerat adjectum singulis in solidum spondisse, ita ut duo rei promittendi fierent.

IN altero responso ostenditur, reos stipulanti non esse eos, de quibus ita instrumeto scriptum est: Primus & Secundus centum stipulati sunt: spondit L. Titius, rei stipulandi sunt, quibus eadem pecunia debetur singulis in solidum, cujusmodi non sunt ii, de quibus cautum est hoc modo: ille & ille stipulati sunt, spondit ille, nisi sit adjectum: ita ut duo rei stipulandi essent, quia ambigua ea oratio est, ille & ille stipulati sunt. Quid enim stipulati sunt, an singuli viriles, an singuli solidum? ambiguus est sermo, qui duo sensa habet, vel recipere potest: & in ambiguis id accipimus, quod stipulatoribus nocet, l. stipulatio ista, §. in stipulationibus, sup. tit. prox. Itaque hoc casu non singuli in solidum stipulati videntur, sed in partem virilem tantum. Et e contrario, si ita scriptum sit, ille centum aureos dari stipulatus

A est, spondimus ego L. Titius & C. Seius, nec sit adjectum, ita ut duo rei promittendi essent, non sunt duo rei promittendi L. Titius & C. Seius, id est, singuli viriles partes debent, non solidum. Et observanda maxime hic est una differentia inter duos vel plures fideiussores, & plures, qui se principaliter obligant (fideiussores, sunt accessiones) Nam acceptis pluribus fideiussoribus id agitur plerumque, ut singuli in solidum teneantur, §. si plures, l. si de fidejuss. Sed si ita agatur, ut dixi, habent beneficium divisionis ex epistola D. Adriani, cum sint omnes solvendo litis contestata tempore, d. si plures. Potest agi nominatim, ut singuli fideiussores in partem tantum teneantur, l. 10. inf. de fidejuss. Sed si hoc dictum non sit, plerumque actum intelligitur, ut singuli in solidum teneantur. At quia plures se principaliter obligant in summam certam, ut apparet ex hoc responso, in dubio plerumque id actum intelligitur, ut viriles tantum partes debeant singuli, non solidum. Et ratio differentiae inter plures fideiussores, & plures reos, debitores principales hac est, quia singuli fideiussores accedunt obligationi in solidum, quam reus principalis contraxit, cujus locum singuli obtinent, l. 4. ff. de fidejuss. At plures rei principales non accedunt alii obligationi, quae sit contracta in solidum. Et ideo nisi aliud cautum sit, plerumque id actum intelligitur, ut viriles tantum partes debeant. Ratio est evidentissima. Postremo ex hoc responso apparet, duos reos stipulandi vel promittendi esse, de quibus specialiter actum est: ut duo rei stipulandi vel promittendi essent, licet solemniter singuli non sint stipulati, vel solidum non promiserint. Id vero specialiter agi necesse est in specie hujus §. ambiguitatis tollendae causa: alioquin non videntur esse duo rei, si nulla sit ambiguitas, id est, si constat de mente contrahentium, forte ex tractatu ante habito inter eos. Duo rei stipulandi sunt, qui rogant, spondet? Duo rei promittendi, qui respondent, spondens, vel spondeo, l. 4. hoc tit. Duo reos facit animus contrahentium, l. his verbis, hoc tit. l. cum appareat, hoc. At hodie ex Novella 99. generaliter dicimus, non fieri duos reos tacito intellectu, sed nominatim tantum & specialiter hoc expresso, ut singuli in solidum teneantur. Sed licet ipso jure in solidum teneantur, tamen si omnes sint praesentes & idonei, habent beneficium divisionis, ut pro parte tantum condemnentur, sicut fideiussores plures & mandatores, & rei constitutae pecuniae. In principio observandum est propositum hanc propositionem, reos promittendi vice mutua fideiussores non inutiliter accipi. Cur dicat non inutiliter, ostendi satis aperte, prolatis effectibus mutuae fideiussionis, & ostendi cur dicat, accipi, nimirum, quia non accipi nominatim vice mutua: fideiussores duo rei promittendi invicem reddissima, si non addidisset hanc exceptionem: nisi socii sint. Nam & rei promittendi, qui socii sunt, non intelliguntur vice mutua fideiubere, nisi id cautum sit nominatim, id est, nisi accepti sint vice mutua fideiussores, & vero frustra etiam invicem fideiufferint. Ex hac propositione, quam posuit Papinianus initio hujus legis infer: si duo ei vice mutua fideiussores accepti sint, posse creditorem E si velit, unum ex duobus pro parte convenire, ut reum principalem, pro parte, ut fideiussorem correi, divisi actionibus. Si velit, inquit quod confirmat etiam l. 3. §. 1. eod. tit. & l. greges, §. etiam, de pignori l. 1. reos, C. de fidejuss. & mandat. l. 1. C. de fidejuss. tut. si velit, inquit, & subinfert: cur dixerit, si velit, neque enim, inquit, actionem dividere cogendus est, in parte scilicet, ut partem exigat tanquam a reo, partem tanquam a fideiussore. Cur vero non est cogendus, cedo perspicue? Quia scilicet beneficium divisionis ex epistola D. Adriani datur pluribus fideiussoribus, vel mandatoribus credenda pecunia. ex epistola, inquam, Divi Adriani, cujus est frequentissima mentio in jure nostro, quam nec ignorant tabelliones, datur pluribus fideiussoribus, vel mandatoribus credita pecunia; ut in partes singuli conveniant.

niantur, non in solidum, licet in solidum teneantur si modo omnes sint praesentes, & locupletes litis contestata tempore, §. si plures, *Instit. de fidejussorib.* Idem beneficium non datur reo & fidejussori. Quod probat aperte l. si plures, §. ult. de fidejussor. quam omiseram, hoc est, non cogitur creditor invitus partem crediti petere a reo partem a fidejussore divisa actione, quia inter reum, & fidejussorem non est locus epistolae D. Adriani, sive beneficium divisionis; sed totum potest petere, prout elegerit secundum jus, quod obtinuit ante Justinianum, vel a reo, vel a fidejussore. Et inde subicit Papinianus hoc loco: non secus ac si duos promittendi reos, divisis actionibus conveniret: subicit, inquam, idem esse in duobus reis promittendi: nam creditor si velit, potest partem petere ab uno, partem ab altero divisis actionibus, ut in l. 3. §. 1. eod. tit. l. inter eos, §. duo, de fidejussor. si velit, inquam, quia creditor non cogitur inter duos reos promittendi dividere actionem pro partibus, quia beneficium epistolae Divi Adriani non pertinet ad duos reos promittendi: & ut ad duos reos promittendi pertineret, primum fecit Justinianus in *Novella 99.* ante Justinianum hoc est jure Digestorum ut loquatur, beneficium epistolae D. Adriani non pertinebat ad duos reos promittendi, id est, non poterat compelli creditor, ut pro partibus ageret si mallet agere in solidum in unum ex duobus reis: & eam ob rem, ante Justinianum uno ex duobus reis solvente partem, nullo modo liberabatur, neque ipso jure, neque per exceptionem obligatione residuae partis, etiam si aliter conatus solvendo esset, l. si ex toto, §. 1. de legat. 1. Sed fidejussor, quia inter fidejussores locum habebat beneficium divisionis, qui solverat partem, liberabatur per exceptionem obligatione reliquae partis, *Inter eos, §. 1. de fidejuss.* Et haec est sincera sententia huius responsi, quae nemini, ut puto non videtur esse facilis.

Ad L. III. de Fidejuss.

Amisso ruina pignoris, damnatum tam fidejussoris, quam rei promittendi periculum spectat: nec ad rem pertinebit, fidejussor ita sit acceptus: quanto minus ex pretio pignoris distracti servari poterit: istis enim verbis etiam totum contineri convenit.

Haec lex continet 4. responsa. In primo responsio ostenditur; si res pignori data creditori ruina vel incendio perierit, periisse eam rem debitori & fidejussori ejus. Debitori, ut domino; Pignoris causa non mutat dominium, æquum est domino cuique suam rem perire; debitori ergo perit, ut domino, l. pignus, C. de pign. att. fidejussori autem ejus perit, ut domini locum obtinenti, l. a. h. tit. Ex quo sequitur, amisso ruina pignore, creditorem non amittere crediti actionem. Ruina est casus fortuitus, casus fortuiti non imputantur creditori, l. que fortuitis, C. l. pignus. C. de pign. att. Dolus, & culpa creditori imputantur, & amissio pignoris, quæ contingit dolo, aut culpa creditoris, debitorum, & fidejussorem ejus liberat, l. si cur, C. de pign. non quæ contingit casu fortuito. Addit Papinian. neque fidejussorem debitoris liberari pignore ruina perempto, vel alia vi majore sive casu fortuito, licet fidejussor ita acceptus sit. Quanto minus ex pignore creditor servare poterit; quasi nihil superfit, quod minus servaverit; nam, ut ait, & minus servasse intelligitur, qui nihil servavit, l. illud, §. minus, de trib. att. l. 32. C. 150. de verb. sign. Igitur & ita acceptus fidejussor teneatur, nihil licet superfit ex pignore, quod casus major absumpsit.

Ad §. Inter.

Inter fidejussoribus actione divisa, condemnatus si deserit esse solvendo, fraus vel seguitia tutoribus, qui judicatum persequi poterant damnum dabit: quod si divisam actionem

nam inter eos, qui non erant solvendo, constabit, pupilli nomine restitutionis auxilium implorabitur.

Si plures sint fidejussores debitoris certissimum est, singulos ipso jure teneri in solidum, ut paulo ante ostendi, sed si omnes praesentes sint & idonei litis contestata tempore, habent beneficium divisionis ex epistola D. Adriani, ut in singulos dividatur actio pro virilibus portionibus, quo beneficio utuntur confidejussores etiam adversus pupillum creditorem, ut hic locus ostendit, qui in hac rem est singularis. Fac igitur, pupillo agente adversus fidejussorem divisam fuisse actionem inter fidejussores in portiones viriles, qui praesentes & locupletes erant, & post condemnationem unum forte ex fidejussoribus, dum tutores creditoris cunctantur & procrastinant agere judicati, desisse esse solvendo facultatibus eversum, quod plerumque in atomo contingit miseris mortalibus. Hujus inopia & infortunium ahihi onerat confidejussorem, quia erat solvendo litis contestata, imo & rei judicata tempore, sed inopia hujus, quæ contigit post damnationem, onerat tutores, quorum vitio factum est, ut ille, dum erat in facultatibus, non exigeretur in tempore; fraus, inquit, & seguitia, id est, dolus & culpa tutorum eis damnum dabit, quod notissimum est. Dehent enim tutores praestare dolum & culpam, l. contrarius, de regul. juris, l. qui solidum, §. etiam, de leg. 2. Quæro quid sit dicendum, si medio tempore post litem contestatam, ante rem judicatam ille deserit esse solvendo? Et ut respondet, hoc casu sane periculum pertinet ad pupillum ipsum, non ad confidejussores, non ad tutores, quia nihil imputari tutoribus potest, cum ante rem judicatam agere non potuerint, & exigeret pecuniam, l. tutores, in princ. C. §. tutores, de adm. tut. Imo nec restitui in integrum eo nomine pupillus potest, l. 7. de fidejuss. tut. l. prox. §. pen. sup. hoc tit. Quia, inquit, non videtur esse deceptus pupillus, qui jure communi usus est, id est, qui divisit actionem inter fidejussores, qui solvendo erant litis contestata tempore, licet postea deserit esse. Ad si divisit per imprudentiam fuerit actio inter fidejussores, qui omnes solvendo non erant litis contestata tempore, certum est hoc casu pupilli, vel adolescentis nomine implorari posse auxilium restitutionis in integrum adversus divisionem actionis inconsulto factam, quæ fieri non debuit, quia hoc casu minor deerravit a jure communi, qui inter quos non debuit, divisit actionem: Beneficium restitutionis in integrum minori restituitur actio plenior in eos fidejussores, qui solvendo erant litis contestata tempore, in locum eorum, qui eo tempore solvendo non erant. Ac præter beneficium restitutionis integra est pupillo vel adolescenti actio in tutores, vel in curatores, si quæ eorum culpa arguatur, l. 3. C. si tut. vel curat. integro.

Ad §. Fidejussores.

Fidejussores a colonis dati etiam ob pecuniam dotis prædiorum teneri convenit, cum ea quoque species locationis vinculum ad se trahat nec mutat consensum, an interjecto tempore fidem suam adstringant.

In hoc §. ostenditur, fidejussores datos simpliciter in causam locationis a colonis sive conductoribus prædiorum, non tantum videri datos ob pensiones, ut l. si a colono, inf. h. tit. sed etiam, ut ait, ob pecuniam dotis prædiorum, id est, ob æstimationem instrumenti prædiorum, quod coloni a locatore æstimatum acceperant, ut in l. 2. sup. hoc tit. ea lege, ut finita locatione ejus instrumenti pretium reddant locatori. Debet locator agri colone etiam præstare instrumenta, & vasa agri sive colonie necessaria, veluti dolia & alia, quæ enumerantur in l. sed adde, §. illud, sup. hoc. Fac igitur, locatorem prædiorum dedisse instrumenta prædiorum colono æstimata: fidejussores dati a colono non teneantur tantum ob mer-

mercedes, sed etiam ob estimationem instrumentorum datur colonis, quæ instrumenta vocantur dotes prædiorum. Et idem Papin. in l. 2. de inst. vel inst. leg. dicit, ea instrumenta, easque dotes prædiorum Græco vocabulo appellari *ἐσθίμας*. Recte igitur in Basilic. hic est expressa huius §. sententia breviter: *ὁ ὑποκρίτης τῶν μισθῶν καὶ τῶν τοῦ ἐσθίματος τῶν ἀγρῶν ἐνίσταται, fideiussor coloni etiam nomine enthecarum agri tenetur*. Ideo autem ait, fideiussores, quas dedit colonus, teneri etiam ob pecuniam dotes prædiorum, qui dotes prædiorum causa ex locatione nascitur, & locationis vinculum, id est, obligatio, causa locationis hanc quoque speciem ad se trahit sive comprehendit, id est, huic contractui inest, non ager tantum, sed & agri omne instrumentum, omnis dos: veluti, ut locator prædiorum colonis præstet non tantum prædia, sed etiam instrumenta & dotes prædiorum, & coloni reddant finito tempore conductionis, d. §. illud, & adjicit Pap. nihil interesse confestim fideiussor intervenire initio locationis in causam locationis, confestim, sive ex continenti, an interjecto tempore, sive ex intervallo. Et ita accipiendum est, quod vulgo dicitur, fideiussorem vel præcedere vel sequi obligationem principalem, ut nihil interfit, quo tempore præcedat vel sequatur: sicut nihil interfit, quo tempore pecunia creditæ stipulatio interponatur, confestim, an ex intervallo, l. 3. §. ult. c. l. 5. ad Macedon. l. 6. §. ult. c. l. 7. sit. prox. inf.

Ad §. Ultimam,

Plures ejusdem pecunia credenda mandatores, si unus judicio eligatur, absolutione quoque secuta, non liberantur, sed omnes liberantur pecunia soluta.

EX §. ultimo intelligimus rem admodum singularem, differentiam veterem, quæ fuit inter plures fideiussores vel plures reos debendi, & plures mandatores; quam subulit Justinianus in *l. ult. de ad. sit.* sed ejus differentia vestigium certissimum residet in hoc §. ult. Differentia hæc est: Si fiat plures mandatores credendæ pecuniæ, liberum est creditori unum eligere, & convenire in solidum, sicut & unum fideiussorem multis: nondum est differentia, verum electione unius mandatoris, & litis contestatione, omnes non liberantur, id est, electo uno mandatore, & judicio dictato in eum, neque reus liberatur hoc solo, neque ceteri mandatores, *l. reos, C. de ad. sit.* quæ etiam de mandatoribus tantum loquitur, ut hic §. Res ergo ita se habet, electione unius mandatoris sola, & litis contestatione omnes non liberari, id est nullum liberari, nec reum principalem, nec ceteros mandatores, etiam si ille, qui electus est, judicio absolutus sit. Sed solutione demum omnes liberantur, cum satisfactum est creditori. De mandatoribus loquitur Papinianus hoc loco, ut *l. reos*, quoniam aliud erat, quam in mandatoribus, in duobus reis debendi, ut patet ex d. l. ult. quoniam electione unius fideiussoris vel unius rei debendi, ut in l. 2. sup. de duob. reis, etiam non expectata solutione, protinus ceteri omnes liberabantur. Quæro, quæ fuit differentia? Ratio differentiæ, quam nondum me tradidisse memini, hæc est, quia mandatores tenentur judicio bonæ fidei, id est, mandati, quo judicio æquum est, ne ante solutionem liberentur, qui absoluti non sint, ne creditor in damno versetur. At fideiussores & duo rei tenentur stricto judicio, id est, ex stipulatu: diversitas judiciorum constituit differentiam inter mandatores & fideiussores, vel reos debendi: fideiussores & rei debendi tenentur stricto judicio, quo creditor, qui agit in unum omnibus ceteris, quia cogit se in angustum strictumque judicium, non potest ea res ei præjudicare. Hæc est ratio differentiæ summe notanda.

Ad L. XCVI. de Solut.

Pupilli debitor tutore delegante pecuniam creditori Tem. IV.

A tutoris solvit. Liberatio contingit, si non malo consilio cum tutore habito hoc factum esse probetur. Sed & interdico fraudulentio tutoris creditor pupillo tenetur, si eum consilium fraudis participasse constabit.

Sciendum est, debitorem pupilli recte solvere id quod ei debet, tutori ejus, l. quod si forte, §. i. c. l. solutam, h. i. & solventem tutori liberari ipso jure, l. tutores, §. tutela, c. §. ult. de administ. tut. liberari ipso jure, etiam si tutori solverit sine judice. Nam constitutio Justiniani sententiam judicis exigit, non quum tutori, sed quum pupillo solvitur tutore auctore, ut adversus solutionem ita factam, nunquam possit impetrari restitutio in integrum, & debitori, qui solvit, plenissima contingat liberatio & securitas. Et quod dicitur in ea constitutione Justiniani, l. sancimus, C. de adm. tut. c. §. at ex contrario, Instit. quib. alien. licet, licere tutori vel curatori debitorem pupillarem solvere, sic est accipiendum, debitorem pupilli solutionem facere tutori vel curatori accipienti pupilli vice, cui debitor præsentit pecuniam offert, & solvere in animo habet, atque adeo qui solvit tutore auctore potius quam tutori: quæ solutio, ut in totum debitorem absolvat, & securum faciat, nec per in integrum restitutionem irrita constituitur, Justinian. exigit, ut etiam ea solutio pupillo fiat, vel numeretur pecunia tutori vice pupilli, etiam judice auctore: solutio ita facta non revocabitur, nec beneficio restitutionis in integrum, siquidem facta sit pupillo, ut dixi, & tutore, & judice auctore, videlicet si qua pecunia solvatur pupillo, quæ semel inferenda sit, ut puta, legatum, si pupillo solvatur ex testamento, vel si fors solvatur ex chirographo, vel ex obligatione nominum, ne adversus solutionem hanc detur quandoque minori restitutio in integrum, exigitur a Justin. tum tutoris, tum judicis sententia, atque auctoritas pronuntiantis solvi pecuniam pupillo, si qua pecunia debeatur, quæ semel inferenda sit. Nam ex eadem constituitur. reditus, & usura, & mercedes locationum, quarum solutio dividi solet pensionibus, puta, ut solvantur vel quotannis vel quor. mensibus, vel trino quoque mense, ut fit, hæc ita recte pupillo solvuntur tutore auctore etiam sine judice, & sine periculo & metu restitutionis in integrum adversus solutionem pensionum huiusmodi. Et ratio hæc est: quia grave esset his de causis toties iudicem adire. Et ita explianda est hæc constitutio Justiniani. Hoc cognito, finge: debitor pupilli, cum vellet solvere tutori ejus a tutore delegatus est creditori suo, puta, ut oblata pecuniam solveret creditori tutoris, & solvit: Queritur, an liberetur? Et respondet Papin. liberatum videri debitorem pupilli, qui delegante tutore, & mandante solvit creditori tutoris, nimirum, quia tutori solvitur recte, & tutori solutum videtur, cum ei solutum est, cui tutor solvi iussit l. cum iussit, c. l. solutam, hoc tit. l. 169. §. qui iussit, de reg. jur. Verum huic responso addit Papin. hanc exceptionem: si non malo consilio cum tutore habito hoc factum esse probetur, si cum tutore fraudem non participaverit, ut in Basil. si in ea re non intervenierit dolus malus utriusque, debitoris scilicet & tutoris. Nam si dolus utriusque intervenierit, non tantum eo nomine in tutorem est actio tutelæ finita tutela, qua dolus malus vindicatur, cum sit actio bonæ fidei, sed, ut Accurs. sentit recte, ex generali edicto, quod est de minoribus 25. annis, restituitur pupillo pristina actio in debitorem. Et hoc igitur casu, id est, si debitoris dolus, si collusioni intervenierit, si in fraudem pupilli id ex compacto egerint inter se debitor & tutor, ut pecunia perveniret ad creditorem tutoris, debitor liberatur quidem ipso jure, qui creditori tutoris solvit mandatu tutoris, sed pupillo restituito in integrum, ex hac causa actione utili debitor conveniri potest, id est, restitutoria actione: non est in plenum liberatus, in quem utilis sive restitutoria actio decerni potest, l. 5. sup. de restit. in integ. At quid fiet si dolus (nam superiora sunt apertissima) tutoris intervenierit, non etiam

0000 2 dolus

dolus debitoris Pupilli, qui mandatu tutoris solvit creditori tutoris, si quantum in debitore est, res gesta fuerit bona fide, nullo colludio habito cum tutore, quo casu debitor omnimodo liberatur, nec adversus eum minor restitui potest in integrum: si denique non cum debitore, sed cum creditore suo, cui debitor pupilli bona fide solvit, tutor fraudandi pupilli consilium interit ei delegato debitore pupilli, quid fiet? Et tunc subicit Papin. superesse pupillo in creditorem tutoris, qui pecuniam accepit a tutore pupilli, interdictum fraudatorium, si fraudem participaverit, ut posui, cum tutore: potest addi vel actionem Paulianam. Nam utroque remedio revocatur & rescinditur, quod tutor gessit in fraudem tutelae, sive pupilli, cui ex tutelae administratione obligatus erat, sicut quod quilibet alius debitor gessit in fraudem creditorum, revocatur actione Pauliana, quae proponitur in l. i. *sup. quae in fraud. credit.* vel revocatur interdicto fraudatorio, quod proponitur in l. 10. in pr. *ead. tit.* de quo etiam fit mentio in l. si possidente, *sup. ad Treb. §. l. 1. C. Theod. de restit. in integrum.* Et inter haec duo remedia, haec est differentia. Pauliana revocat dominium rei vel pecuniae alienatae in fraudem creditoris, l. 14. *ead. tit. quae in fraud. credit.* creditor scilicet vindicat, & petit rem alienatam in fraudem suam, esse debitoris, etiam si ea res ei pignerata non sit: Actio Pauliana vindicatio est rei, non qua petat creditor rem suam esse, sed qua petat rem esse debitoris, quam alienavit in fraudem, §. item si quis in fraudem, *instit. de actionib.* Interdictum autem fraudatorium revocat possessionem: interdicta omnia sunt de possessione, non de proprietate: ergo interdictum fraudatorium est de possessione, l. ult. §. pen. *ead. tit.* in illo loco: *possessionem restitui oportere*: Nam quod notandum, tota ea lex ult. sicut & l. ex iis, §. l. Cassius, *ead. tit.* quae omnes sunt de interdicto fraudatorio, & licet actionem nominant, tamen intelligunt interdictum fraudatorium, vel actionem in factum ex causa interdicti fraudatorii. Sequitur alia & gravissima differentia, quae tollit magnas controversias. In Pauliana actione veniunt fructus medii temporis, id est, a die alienationis in diem iudicii accepti, quo dictata est actio Pauliana & contestata. Perceptos post acceptum iudicium certo certius est venire in condemnationem. Sed de quo dubitari poterat etiam percepti ante acceptum iudicium medio tempore post alienationem veniunt in actionem Paulianam, l. 10. §. per hanc actionem, & §. praeterea, *ead. tit.* Et ratio redditur in l. videamus, §. in Fabiana, de usur. quia praetor id agit data actione Pauliana, ut perinde omnia sint, atque si nihil alienatum esset: ac propterea verbum, *restituas*, quod in ea re usurpat, plenam significationem habet, ut fructus quoque restituantur medii temporis. At in fraudatorium interdictum fructus medii temporis non veniunt: sed si tantum, qui percepti sunt post iudicium acceptum, post litem contestatam, d. l. ult. §. non solum, quae tota est, ut dixi, de hoc interdicto, quia nulla alia ratione possunt explicare, & in concordiam adducere cum l. 10. §. per hanc actionem, quae dicit, fructus medii temporis in restitutionem venire, quam si dicam, non utroque loco de eadem actione agi, sed in illo de Pauliana actione, in hoc de interdicto fraudatorio, in quo fructuum exinde tantum ratio habetur, ex quo iudicium acceptum est: non retorsum, sed prorsum secundum regulam propositam in l. 3. de interdict. in interdictis restitutoris ex eo die rationem fructuum haberi, quo edita sunt, non retro, a qua regula tantum excipitur interdictum unde vi, l. 1. §. ex die *sup. unde vi*, qui §. est coniungendus cum d. l. 3. Excipitur etiam ab ea regula interdictum unde vi, d. l. videamus, §. in Fabiana. Totam autem eam l. ult. esse accipiendam de interdicto fraudatorio, non tantum inscriptio demonstrat, sed etiam verba §. non solum, quae respiciunt ad verba interdicti fraudatorii proposita in d. l. 10. Verba sunt huiusmodi: *Quae l. Ti-*

*tus fraudandi causa in bonis, quibus de ea re agitur fecit, legendum, in bonis quib. de agitur, ut in §. si fraudator d. l. 10. non in bonis quib. de ea re agitur, ut Florentiae, §. inquam, non solum, respicit ad ea interdicti verba, dum ait, fructus, qui tempore alienationis solo cohaerebant, quia pars fuit rei alienatae, venire in restitutionem, quia, inquit, in bonis fraudatoris fuerunt, respiciens ad verba interdicti: medio autem tempore perceptos fructus non venire, quia, inquit, in bonis non fuerunt. Ex hac distinctione inter actionem Paulianam & interdictum fraudatorium patet & licet discerni, quod est inter l. 10. §. per hanc, & §. praeterea, & l. ult. §. non solum, quod dicimere nostri nulla ratione possunt, nec expedire possit aliter quicquam, quam separata actione ab interdicto fraudatorio. Verum ad rem, in specie proposita hoc loco, qui debitor erat pupilli ex causa tutelae, in fraudem pupilli creditori suo iussit solvi pecuniam pupillo debitam, & sciens creditor tutoris eam pecuniam accepit; Si sciens tutor sciens creditori suo, suam vel sibi debitam pecuniam solvisset in fraudem pupilli, & ceterorum creditorum, proculdubio locus esset actioni Paulianae, & interdicto fraudatorio, l. 2. §. 3. *ead. tit.* Et multo magis, si pupilli pecuniam propriam, vel pupillo debitam solverit sciens, aut solvi iussit sciens creditori suo in fraudem pupilli, locus erit illi dem actionibus rei restituendae gratia. At praeterea ex hoc facto etiam in tutorem tanquam in fraudatorem competit actio ex eodem edicto. Nam edicto non tantum datur actio in eum, qui a fraudatore accepit, ut rem alienatam restituat, vel possessionem, sed etiam in fraudatorem ipsum, l. 1. §. l. ult. §. 1. *ead. tit.* Ergo ex hoc facto in tutorem pupilli competit actio ex eodem edicto, & in creditorem quoque tutoris, qui fraudem participavit, qui turpiter fecit, ut ait *l. si possidente, ad Trebellian.* turpiter fecit, qui fraudem participavit, id est, qui fraudis conficius est, qui cum fraudatore negotiatur, fraudem vero non ipse facit, sed debitor. Ideoque nec de dolo actio unquam fuit in eum, qui quid a fraudatore accepisset sciens, quia dolum ipse non facit, licet turpiter accipiat ab eo, quem non igaorabat esse fraudatorem, aut fraudandorum creditorum animum habere. Et M. Tullius 1. ad Atticum; de actione Pauliana sentit, cum ait, *Creditoribus Publii Varii egisse cum fratre Caninio de his rebus, quas a Varii fratre ejus dolo malo traditis mancipio acceperat.* Et ideo in l. ult. *quae in fraud. credit.* dicitur praetorem necessario proposuisse actionem Paulianam: quasi scilicet deficiente alia actione, quia in fraudatorem, & in participem fraudis nulla ex hac causa civilis fuit, aut sane fuit inanis actio in participem, non fuit actio civilis, vel praetoria, quia dolum non fecit: non fuit etiam in fraudatorem, quia bonis fraudator exutus est & spoliatus. Quandoquidem de actione Pauliana danda, vel interdicto fraudatorio nunquam tractatur, nisi quum creditores missi sunt in possessionem bonorum debitoris, eaque diraxerunt, aut mox diracturi sunt; cum in eo res est, tum revocant alienata in fraudem actione, vel interdicto, non alia alia actione: deficiebat omnis alia actio inter in fraudatorem, qui bonis spoliatus est, bonis possessis & diractis: sicut bonis cessis, facta cessione bonorum, aut bonis publicatis debitor liberatur: sed ex eo edicto etiam in fraudatorem datur actio, vel poena causa, ut ait d. l. ult. §. ult. ut scilicet carceri & vinculis contineatur, quod res non restituat, quas nec restituere potest, qui exutus est omnibus bonis: in fraudatorem est quasi poenaria actio: electio autem est pupilli vel adolescentis cum quo agat cum tutore vel cum creditore tutoris, quoniam ii duo inter se colluserunt in necem pupilli, delegato debitore pupilli. Hoc quod postremo dixit, probat l. 3. §. ult. *C. si tutor vel cur. pup. inter.* Non est illud omittendum, quod Papinianus in hoc responso loquitur de creditore tutoris, qui consilium fraudis participavit, ut in eum pupillo sit actio Pauliana, vel interdictum fraudatorium: nam in creditorem tutoris igno-*

rantem, quid ageret vel moliretur tutor, non actio Pauliana, vel interdictum fraudatorium, quia creditor suum recepit; non ergo id, quod recepit, habet ex causa lucrativa, l. ult. §. in maritum, eod. tit. l. ex promissione, de oblig. & act. In eo qui quid accepit ex causa non lucrativa separamus scientem ab ignorante, & ignorantem non teneri dicimus, sed scientem tantum. In eo autem, qui quid accepit ex causa lucrativa, non separamus scientem ab ignorante: uterque tenetur Pauliana actione, vel fraudatorio interdicto, l. §. §. simili modo, quae in fraud. cred. l. pen. C. de revoc. tis, quae in fraud. credit. Et haec sunt, quae pertinebant ad primum responsum h. l.

Ad §. Si cum pupilla.

Si cum pupilla magistratus, qui per fraudem pupillo tutorem dedit heres exstiteret, tutores ejus cum adolescente transgerunt: eam transactionem pupilli ratam habere noluit; nihilominus erit tutorem pecunia liberata; nec tutores contra adolescentem actionem, nec utilem habebunt, qui suum receperunt. Plane si adolescens pecuniam restituere maluerit, rescisso quod gestum est, actionem utilem in pupillam heredem magistratus accipiet.

Ad 2. responsum illud sciendum est in primis, quod si magistratus municipalis, sive dumvir pupillo per fraudem tutorem dederit minus idoneum, vel si a tutore dato non exegerit cautionem rem pupilli salvam fore, & pupillo aliquid abgit ex administratione tutelae suae, quod servari non possit a tutore, vel a fidejussore tutoris, vel ab eo, cui quid tutor alienavit in fraudem tutelae, tum in subsidium, magistratus municipalis pupillo tenetur in id, quod interest actione in factum, quae eam ob rem dicitur subsidaria, ex oratione Trajani, l. pen. C. de magist. conveniend. quae actio datur etiam in heredem ex dolo, vel lata culpa defuncti magistratus non ex levi culpa, ut vulgo existimant, l. 2. C. eod. tit. l. 4. §. 6. sup. eod. tit. Quod tamen in levi culpa dubitatione non caret, ut alibi ostendi. Ceterum, quia ea actio in factum, quasi penalit actio est, ut ait l. ult. sup. eod. tit. Ideo aequum est, ut non temere, sed causa cognita, id est, et causa tantum detur in heredem magistratus, qui tutorem dedit, & omisit cautionem rem pupilli salvam fore, nec bene pupillo proficiat: sicut temere etiam non datur actio in heredem magistratus, qui non curavit postulantem vicino cavere damni infecti aedium vicinarum, & quae vitium faciunt; Ad quam speciem pertinere d. l. 6. de magist. conveniend., demonstrat inscriptio legis conjuncta l. 4. §. in eum, & §. ult. sup. de dam. infect. cuius eadem inscriptio est. Et utraque igitur lex est, non de magistratu, qui omisit cautionem rem pupilli salvam fore, sed de magistratu, qui omisit cautionem damni infecti, quamquam in utroque idem jus sit, & possit, quod de uno dicitur licenter transferri in alterum. Hoc cognito, fingit magistratus per fraudem tutorem dedit pupillo cuidam; magistratus filia puella heres exstiterit; jure hereditario pupilla heres magistratus tenetur pupillo jam facto adolescenti actione in factum subsidaria, quae tenebatur defunctus magistratus. Ideoque ex ea causa tutores pupillae cum adolescente transgerunt, data ex arca sua adolescenti pecunia certa pupillae nomine heredis magistratus, pupillam suis nummis liberaverunt tutores; an etiam liberaverunt invitam? Hae eam transactionem non habere ratam; an nihilominus transactione liberata esse intelligitur? Et respondet liberatam videri etiam invitam & detestantem probare, quod fecerunt tutores ejus nomine, quia scilicet, non possumus quidem inviti deteriorem conditionem facere, ceterum etiam inviti meliorem conditionem facere possumus, veluti soluta pecunia eo invito & vetante, l. solutio, & l. solvere, h. tit. l. solvendo, de neg. gesti. vel supposito expromissore, qui novatid causa in se transferat obligationem debitoris, atque ita liberato debitore invito, eodemque mox supposito expromissore liberto per

A acceptilationem, l. si debitor tuus, h. tit. vel invito servo data libertate, l. ult. C. de testi. tut. vel invito domino per servum adquisito lucro quodam l. etiam, de adquir. rer. dom. l. quemad. de jure dot. l. servus vetante, de verb. obl. Utilitatis ratio hoc suadet, ut & beneficia dentur etiam invitis, & nolentibus, & ut in iis non sequamur, quod in similibus causis obtinet, puta, ut donatio, vel legatum non adquiratur invito, ut invito non acquiratur bonorum possessio, ut invito non assignetur libertus. Propter utilitatem, inquit Varro libris de lingua Latina, dissimilitudines potius, quam similitudines sequimur; quaecunque usus causa ad vitam sunt assumptae, in iis utilitatem quarimus, non similitudinem: in donatione & legato, & bonorum possessione & assignatione liberti est causa, qua causa invito beneficium non queratur, quia donatio vel legatum, vel assignatio liberti non intelligitur esse sine facto ejus, cui donatur, legatur, assignatur sine acceptance ejus, vel admissione. Haec non sunt iustitiae, sine acceptance, vel agnitione. Illa superiora sunt iustitiae, quia in liberatione non exigitur factum ejus, qui liberatur servitute, vel ere alieno: sed neque in acquisitionibus servorum factum domini, quia sufficit factum servorum. Et placet valde, quod in hanc rem dixit Leo in Novella 102. duplex beneficium accipere eum, qui cogitur beneficium accipere. In specie igitur proposita res ita est, pupillam tutores sua pecunia etiam invitam liberasse, ac proinde eam pecuniam ei reputare posse contrario iudicio tutelae, l. i. §. praeterea, & l. ult. de con. tut. act. vel opposita exceptione doli mali, si pupilla agat directa tutelae, non habita ratione pecuniae pro ea solute, l. si opera, sup. de doli excepti. nisi forte si quid pupillae probetur interfuisse eam pecuniam non solvi, l. cum pec. de neg. gesti. Ex eo, quod ita statuit Papinianus in §. 1. etiam efficitur, non habere tutores in adolescentem, cui solverunt pecuniam, conditionem indebiti, neque directam, neque utilem; quia adolescens, inquit, suum recuperabit. Et repetitio scilicet sine condictione nulla est ab eo, qui suum recepit, l. repetitio, de cond. indeb. tamen, ut addit eadem lex, ab alio, quam a vero debitore, nomine tamen veri debitoris solum sit. Et ad summam res ita se habet: si debitor liberatur, qui solvit pro se, vel pro alio, vel si is liberatur, pro quo solvit, non est conditio indebiti: si debitor non liberatur, ut si non mutata omnino specie tutor, vel quis alius solverit suo nomine per errorem, non pupillae nomine, locus est condictioni indebiti, l. si nomine, §. 1. l. si non fortem, §. filiosfam. & §. si decem, l. cum is, §. 1. de cond. indeb. l. 5. C. eod. tit. l. qui hominem, §. ult. h. t. de solut. Nunc quaero, quid sit dicendum, si adolescens, cui tutores solverunt ex causa transactionis malit pecuniam restituere tutoribus, & ex causa aliqua, vel etiam sine causa, restituatur in integrum, quod praetoribus nonnunquam accidit, ut etiam sine causa minores restituantur in integrum, aut supervacua; si igitur adolescens ex causa vel sine causa restituatur in integrum adversus transactionem oblata pecunia, quam acceperat? Et non est dubium, hoc casu adolescenti dari actionem in pupillam heredem magistratus, quod est in fine hujus §. Et utilem actionem, id est, restitutioariam. Omnis actio restitutioaria est utilis, rescissa transactione, per quam ipso jure ea actio fuerat extincta, interposita, ut fit, stipulatione Aquiliana, & acceptilatione subsecuta; hoc modo transactione ipso jure perimit omnem obligationem.

Ad §. Soror.

Soror, cui legatum ab heredo fratre debebatur post mortem legati questionem transgredit, ut nomine debitoris contenta legatum non peteret. Placuit quavis nulla delegatio facta, neque liberatio secuta esset, tamen nominis periculum, ad eam pertinere; itaque si legatum contra placitum peteret, exceptionem pacti non inutiliter opponit. In

In hoc §. proponitur species huiusmodi: Pater filie A forte exheredata legatum dedit a filio herede instituto, filia egit de legato actione ex testamento adversus fratrem, & nondum finita lite transfegit ea de re ita cum fratre nuda pactione, ut frater ei cederet nomen cuiusdam debitoris hereditarii, quod cum erat bonum nomen, & ipsa a lite discederet, & legatum omitteret: nuda pactio est, quia nulla ex parte sumpsit effectum, quia neque frater fori nomen debitoris delegavit, aut cessit, neque ipsa interposita Aquiliana stipulatione & acceptilatione subsequuta fratrem liberavit obligatione contracta ex legati causa. Re ita gesta, & transacta inter fratres: queritur, an nominis illius de quo convenit, periculum pertineat ad forem, forte postea debitore facto non solvendo, everso facultatibus? Et respondet Papinian. periculum nominis pertinere ad forem, & si pergit legatum petere, aut si repetat legati petitionem, summoveri eam exceptione pacti. Ex quo apparet, quod est summe notandum, pactionem nudam habitam inter heredem & legatarium, etsi non liberet heredem ipso iure, quia ex pacto nudo neque nascitur obligatio, neque liberatio, transferre tamen periculum ejus rei, de qua pactum conventum est, in legatarium: quod ne novum quidem & iniquum videatur, confirmabo exemplo consilium: oblatio nuda rei, pecuniarum debitorum sine depositione & obligatione, non liberat debitorem ipso iure, attamen periculum rei pecuniarum oblatae transfert in creditores, l. stipulatus sum, de verb. oblig. Et ita hoc tertium responsum explicandum est, in quo posui initio fuisse bonum nomen debitoris tempore habitae conventionis, alioquin quodammodo huic responso obstarat lex, quam adducit Accurs. si cum dotem, §. si mulier, sol. matr.

Ad §. Cum eodem.

Cum eodem tempore pignora duobus contractibus obligantur, pretium eorum pro modo pecunie cuiusque contrahens creditor accepto facere debet, nec in arbitrio ejus electio erit, cum debitor pretium pignoris conforioni subiectionis. Quod si temporibus discretis superfluum pignorum obligari placuit: prius debitum pretio pignorum iure solvetur, secundum superfluum compensabitur.

Qui debebat mihi 20. ex duobus contractibus, ex duobus causis, ex stipulatione 10. ex testamento 10. dedit mihi pignus in utramque causam, quod ego pignus iure meo vendidi sexdecim. Queritur, an sit in arbitrio meo, in quam causam voluerim pignoris pretium, id est, 16. accepto referre? hac est questio huius §. Et Papin. ita distinguit: aut eodem tempore in utramque causam debitor pignus obligavit, aut discretis temporibus: si discretis temporibus, ut puta, si in causam legati primum obligavit pignus, deinde interfecto tempore ejusdem pignoris superfluum, quod nos vocamus *superfluum*, la plus value, in causam stipulationis obligavit: hoc casu pignore distracto sexdecim, ut posui, decem imputantur in primum, seu antiquius debitum, & sex in secundum debitum, residuum quatuor petitione creditori salva, l. creditor 2. sup. de reb. cred. si eodem tempore pignus obligavit debitor in utramque causam, pretium quod redegit creditor ex venditione pignoris, acceptum referre debet, ut ait, pro modo, pro rata pecunie, cuiusque contractus, id est, *analogos*, ut scilicet imputet in primum debitum octo, & in secundum totidem, quoniam utriusque causae par summa est: neque enim est in arbitrio creditoris in unam tantum causam imputare pretium pignoris, quod, inquit, debitor conforioni subiecit, id est, quod simul & communiter obligavit in utramque causam: ratio est elegantissima, & distinctio quoque. Verum valde obstat huic distinctioni, sive responso l. Imperator §. in iis, sup. hoc tit. Sententia huius §. hac est. Creditor cui debeatur usura ex stipulatione, & alia usura ex pacto, ex stipulatione civiliter, ex pacto naturaliter: ex diversis contractibus, ex causa diversorum contractuum etiam si usurarum quantitates

sint dispares, pretium pignoris, ut illo loco ostenditur, imputatur aequaliter in utramque causam, non pro rata, ut exempli gratia: si xxiv. debeatur ex pacto, xxi. ex stipulatione, & pretium pignoris fuit decem & octo, novem pacto imputabuntur, & stipulationi totidem, non pro rata xxi. pacto, & vii. stipulationi. Valde videtur ob stare §. in iis, l. i. Sed res mihi ita explicanda esse videtur, ut dicamus in d. §. in iis agi de usuris, quod diversis temporibus pacta vel conventa sunt, quod est certum, & in quas pignus aequaliter obligatum est, non in has usuras pignus totum, in illas *superfluum*, five superfluum; & placet omnibus usuris imputari aequaliter pretium pignoris, quod etiam aequaliter constitutum, five contractum est. Hoc autem loco, nec in prima parte propositae stipulationis, discretis temporibus pignus contractum est aequaliter, sed in unam causam ad finem foris integrum; in alteram ad finem *superfluum*, ergo inaequaliter. Inaequalis causa pignoris & inaequalis imputationem exigit: nec item in secundae parte distinctionis pignus contractum est discretis temporibus, sed uno eodemque tempore. Et ubi contractum, & temporum diversorum par causa est, omnibus summis pretium pro portione imputatur, id est *analogos*, ut ait l. 8. h. t. Hinc apparet ratio.

Ad §. Cum institutus.

Cum institutus deliberaret, substituto pecunia per errorem soluta est: ad eum hereditate postea devoluta, causa conditionis evanescit, quae ratio facit, ut obligatio debito solvatur.

Deliberante herede instituto, debitor hereditarius solvit per errorem substituto, antequam substitutioni locus esset: Indebitum solvit; Quare, an id, quod solvit condicere possit, quamvis post longam deliberationem, & consultationem heres institutus repudiaret hereditatem, & substituto locum fecerit? Et ait, cessare conditionem indebiti, quia ex eventu apparuit substituto indebitum non fuisse solum; Denique causa conditionis evanescit, & debitor omnimodo liberatur: nam hoc sunt consequencia: si non est conditio indebiti, ergo debitor liberatur: cui simile est exemplum, quod ponitur in l. sub conditione, sup. de cond. indeb. & l. cum is, §. qui hominem, sup. hoc tit. Debeo tibi aliquid sub conditione, idque tibi per errorem solvo pendente conditione. Indebitum solvo; verum si post solutionem conditio existerit, non dabitur mihi conditio indebiti, quod ab initio videbatur esse indebitum, quia ex eventu apparuit non fuisse indebitum. Et hic est finis huius legis. Sequitur l. 2. rem ratam haberi, cuius verba haec sunt.

Ad L. II. Rem. rat. hab.

In stipulatione de rato habendo non est cogitandum rei promittendi vel stipulandi compendium, sed quid intersuerit ejus qui stipulatus est, ratum haberi, quod gestum est.

Lex est valde difficilis. Glossa, & qui ab ea profecti sunt ceteri omnes, in eam adserunt sex interpretationes, nec in qua potius consistent, habent. In omnibus nihil nisi culpa manifestae, & intolerabiles, planeque repugnantes verbis auctoris: danda nobis est opera, ut sensus ejus omnibus in facili, & in aperto esse videatur. Sciendum est, rem ratam dominum habiturum, & neminem amplius petiturum, plerumque stipulari eum, qui convenitur a procuratore vero, vel falso nomine creditoris, vel domini, si conveniatur in iudicio, sive extra iudicium, ut in l. interdum, l. amplius, l. si commissi, in fine, l. si sine iudice, h. t. Et interdum etiam is, qui agit, a defensore absenti, eandem stipulationem stipulatur, id est, de rato habendo, & argue interponit, ut in l. 6. & l. 8. §. ult. illo loco: vel adversus procuratorem h. t. l. non solum, §. si status, & seq. usque ad finem legis, & l. seq. §. sed & is, de procur. Et in iudicio quidem hac stipulatio interponitur ex edicto Praetoris, pratoria stipulatio est, d. l. interdum, hoc tit. Et causa interponenda ejus haec est, ne quis impudens sepius eadem

de re conveniatur, l. 8. §. ult. hoc sit. ne rursus dominus vel creditor retractet, quod actum est, l. non solum, §. est, & casus, de precibus. ne his idem praestet debitor vel possessor, l. si sine, §. Julianus, hoc sit. denique, ut tutiore loco sit, qui contrahit cum procuratore absentis, l. 2. l. 1. Concluditur autem hac stipulatio his fere verbis, quod compendii facio: si creditor vel dominus ratum non habuerit, cuius in nomine agis aut contrahis, quanti ea res est, tantam pecuniam dabis, l. 3. l. 3. §. ult. hoc sit. Et in multis aliis locis, ubi statim ambigitur, quemadmodum ea verba, quanti ea res est, accipienda sint. Sunt enim quipsores, & incertam quantitatem continent, ut ait l. 2. §. incertum, de prat. stip. Sunt verba novissima, Alias enim referuntur ad veritatem, id est, ad quantitatem veram ejus, quod stipulatoris interest, quod interdum plurius est, quam rei pretium verum & iustum, qua de agitur principaliter, l. 1. de action. empt. modo inquam, B plurius est quod interest, quam verum rei pretium, ut d. l. 1. modo minoris, l. 9. §. ult. ad exhib. Et ita quidem hac verba accipiuntur in actione, quae ex stipulatione iudicio sibi tanti competit, quanti ea res est, l. 2. §. ult. qui facit, cog. & in stipulatione damni infecti & iudicati solvi, quae quanti ea res est concluduntur & conicipiuntur, d. l. 2. §. incertum: & in actione in factum, quae datur, quanti ea res est in magistratum municipalem, qui non curavit possulanti caveri damni infecti, l. 4. §. in eum, de damn. inf. & in actione in factum, quae datur quanti ea res est in factum tutorem, ei, qui illo auctore frustra cum pupillo contraxit, l. 7. §. 1. quod fal. aut. auct. His actionibus continentur utilitas actoris, & veritas, id est, vera utilitas, siue quod in veritate actoris interest (utilitas), & id quod interest idem est semper) siue quantitas vera ejus quod ob eam rem actori abest de suo, vel quod lucratus non est: non etiam continentur quantitas quaquacunque ab auctore aestimata & petita, non poena. Quantitas quae egreditur veritatem poena est. Alias vero hac verba non referuntur ad id quod interest, sed ad verum rei pretium, ut in actione furti, l. in facti actione, §. de furt. & in actione vi bonorum raptorum, l. prator, §. hac autem, vi bon. rapt. In quibus actionibus duplatur vel quadruplatur, non id quod interest, sed verum rei pretium, quamvis ita concludatur, quanti ea res est. Itemque in actione ex stipulatione dupla interposita evictionis nomine, ad quam pertinet l. 179. de verb. significat. & in actione in duplum, ex edicto de publicanis, ad quam pertinet l. 192. eod. tit. Alias ea verba referuntur non tantum ad id quod interest, quod proprie consistit circa rem tantum, de qua principaliter agitur: sed etiam ad omne quodcumque compendium, & omne damnum etiam, quod extrinsece actori contingit, ut in l. 2. §. ult. de eo quod circo loco, de qua dicemus inferius. Alias ea verba referuntur, non ad rei pretium, non ad id quod interest, vel circa rem, vel extra rem, sed ad quantitatem infinitam, quantumcumque actor aestimavit iurjurando in litem; & ad poenam etiam, etiam si nihil reapse actoris interest, ut si per calumniam egerit, si calumniosam actionem instituerit. Et ita ea verba accipiuntur in actione in factum, quae datur quanti ea res est: ea sunt verba edicti: in eum, qui in ius vocatum vi exivit, l. pen. §. 1. ne quis in ius voc. & in actione in factum, quae datur in eum, qui ius dicenti non obtemperaverit, etiam si nihil interest adversarii, l. 1. §. ult. si quis ius dicenti non obtemper. Haec actiones meram poenam, ut ait d. lex 1. non utilitatem, id est, non quanti res ea est, non quanti revera actoris interest, continent, sed etsi nihil actoris interest, continent quantitatem, quam actor iuratus aestimaverit. Varie igitur ea verba in iure accipiuntur. Et inde queritur, quemadmodum in stipulatione, rem ratam haberi, accipienda sint: Et Papinianus ait hoc loco, in stipulatione de rato, ea verba referri ad id, quod interest stipulatoris ratum haberi, quod actum est; non ad compendium, inquit, stipulatoris vel promissoris; quod minime spectandum esse ait, manifeste compendium se-

parat ab eo, quod interest, ut & l. Titium, §. alieno, & l. qui negotiationem, de administ. tut. & Theophilus noster, qui separat in §. plus, de action. rei sigillatim, id est id, quod interest, ab eo, quod rixidur vocat, id est, compendium. Et differentia siue separatio hac est, quia id quod interest versatur circa rem, qua de agitur compendium venit extra rem profus. Vel aliter: id quod interest, est utilitas, quae circa rem consistit; compendium est utilitas, quae consistit extra rem. Exempli gratia, alioquin non posset res intelligi: si a procuratore conventus stipulatur, dominum rem ratam habiturum, domino rem ratam non habente, & denuo agente eadem de eadem re, vel pecunia, mea interest ob sumptus quos facio in litem, quam mihi dominus intendit, eosque repeto a procuratore, vel fideiussore ejus, qui cavet de rato: nam hac cautio satisfactio est, eos, inquam, sumptus repeto actione ex stipulatu de rato, siue me dominus vicerit, siue non, l. si sine, §. Marcelus, hoc sit. Sumptibus litis possunt addi sumptus itinerarii, id est, viaticae, quae impendo in ius peregre proficisci coactus vocante domino, qui quod gestum est, ratum non habet, l. eum, qui temere, de iudic. Et hi omnes sumptus significantur in l. 18. hoc tit. his verbis: prout interit agentis, quod litigat, quod consumit, quod advocat, consultores scilicet & patros. Vel hos sumptus solos repeto actione ex stipulatu de rato, vel praeter hos sumptus etiam repeto, quod domino ratum non habenti damnatus solvi, quod addit d. l. 18. aut quod procuratori solvi. Qua in re servanda sunt distinctiones huiusmodi, ut res omnis perspicue intelligatur, ex d. l. si sine: Aut falso procuratori solvi, cui nihil mandatum erat. Aut vero: & aut sine iudice solvi, aut interveniente iudice, nimirum ex sententia iudicis. Si sine iudice falso procuratori solvi debitum, vel indebitum, nihil refert, & dominus vel creditor ratam solutionem non habuerit, id est, si dominus de eadem re vel pecunia rursus mecum egerit, siue vicerit, siue non vicerit, praeter sumptus litis actae cum domino: repeto etiam actione ex stipulatu de rato id, quod procuratori falso solvi, vel quia indebitum solvi, vel quia, si debitum solvi, ea solutio me debito non liberavit, si quis offerenti, de solut. sed neque sententia, qua domino agente & superato absolutus sum, me liberavit ab obligatione naturali, l. 8. §. 1. hoc tit. Sequitur altera pars distinctionis, si ex sententia iudicis debitum vel indebitum falso procuratori solvi, ab eo quidem procuratore non repeto, quod ei per iudicem solvi, quia soluti ex causa iudicati repetitio non est, etiam si maneat obligatio naturalis, l. cum putarem, famul. ex cise. l. si fideiussor, §. in omnib. mand. Non repeto, inquam, quod falso procuratori solvi ex sententia iudicis, tametsi damnatus tantundem solverim domino ratum non habenti, quod actum est inter me & falsum procuratorem. Id autem, quod domino damnatus solvi, etiam a domino non repeto, qui ratum non habuit, propter eandem rationem, quia soluti ex causa iudicati repetitio non est. Id, inquam, a domino non repeto, cui solvi, sed id repeto a falso procuratore ex stipulatione de rato, d. leg. 18. illo loco; quod damnatus solvit, & l. 2. §. ult. h. t. Haec de falso procuratore. Si vero procuratori solvi, nihil interest iudicio coactus ei solverim, an sine iudicio, sine iudice: nullo enim casu repeto, quod ei solvi, tametsi dominus solutionem ratam non fecerit, & lite reintegrata forte me vicerit, quia iure non potuit me vincere: qui vero eius procuratori solveram, nec me potuit domino condemnare iudex, nisi per imprudenciam, vel injuriam, quam aequum non est mihi prestare procuratorem aut fideiussorem ejus, ideoque nec ab eo repeto, quod domino solvi damnatus per injuriam iudicis, d. l. si sine, §. cum autem. Injuriam quae mihi facit, ea panes me manere, quam ad verum procuratorem, & eundem promissorem de rato transferri, aequum est, l. exceptione, de fideiuss. l. si per imprudenciam, de evictio. Denique a vero procuratore ex cautione de rato, quod ei solvi vel domino, non repeto, quia domino solvi per injuriam iudicis, & quod ei solvi, iure solvi, sed repeto

litis sumptus tantum, quos feci in litem mihi motam a domino. Idemque erit si dominus, qui solutione rata non habita, quam vero procuratori feci, iudicio mecum expertus est, & litem amiserit, quoniam & hoc casu, quod solvi vero procuratori, non repeto, sed sumptus litis tantum, quos a domino forte servare non possum, d. l. si sine, §. Marcellus. His distinctionibus postremo addimus hanc regulam: Quotiens a falso procuratore repeto, quod ei solvi, simul & id repeto, quod ex re, pecuniave ei soluta, aut circa eam rem medio tempore lucri facere non potui, nec feci, veluti fructus fundi, aut usuras pecunie. Nam in estimatione ejus quod interest, non tantum damni dati habetur ratio, sed etiam lucri intercepti, ut generaliter definitur in l. unica, C. de sententia, quae pro eo quod interest profer. Et specialiter in causa stipulationis de rato proditum est in l. si commissum, hoc tit. dum ait, Commisam stipulationem de rato in tantum competere, in quantum stipulatoris interest, quod ita interpretatur, id est, quantum auctori abest, quantumque lucrari potuit, si dominus ratum habuisset. Non habetur ratio compendii, quod facere potuit extra rem, quae agitur, sed ut dixi, lucri, quod circa rem ipsam versatur, quodve sit ex re ipsa, veluti usura, aut fructus, aut id quod pluris hodie res ipsa est, quam fuit eo tempore, quo eam falso procuratori solvit. Compendium hoc loco pro extrario compendio accipitur, cuius rationem non haberi in estimatione ejus quod interest, certum est. Exempli gratia, si dicam me ex re procuratori soluta medio tempore potuisse negotiari, & ingentem quaestum facere, in stipulatione de rato non habebitur ratio incrementi negotiationis, compendii negotiationis, quod extrinsecus contingere potuit, l. ult. de peric. & comm. rei vend. l. si sterilis, §. quum per venditorem, de act. emp. sed in stipulatione de rato id tantum cogitandum erit & spectandum, quod stipulatoris circa rem ipsam interest, quae agitur. Et eleganter in d. §. cum per venditorem, qui est arx huius quaestionis, separat utilitatem, quae extra rem est, ab ea, quae circa rem consistit, ut & Seneca id distinguunt 1. de benefic. Omnia ista, inquit, extra rem sunt, ut nec circa rem sunt, ut quemadmodum in estimatione utilitatis, id est, ejus quod interest, non habetur ratio damni dati, nisi quatenus quid auctori abest ex re sua, aut sibi debita, ut si mihi abest triticum, quod emi per modum venditoris, quod hodie forte pluris est, quam fuit venditionis tempore, ejus damni ratio habetur in actione ex empto, quae datur in id, quod interest, non etiam ratio habetur huius damni extrarii, si quod mihi triticum non traderetur, servi mei fame interierint, aut iumenta, quod damnum consistit extra rem ipsam quae venit, d. §. quum per venditorem. Ita vero ut damni, ita in estimatione ejus quod interest, habetur ratio lucri intercepti huius tantum, quod mihi res ipsa, quae in contentione venit, sua vi attulisset, non ejus lucri quod compendium dicitur, quod extrinsecus facere potui mercaturis faciundis, excepto uno tantum casu, qui est in l. 2. §. ult. de eo quod certo loco: si agatur de nautica, sive trajectitia pecunia, in quo iudicio legitimus modus usurarum, vel modus legitimus ejus quod interest, non observatur, sed venit omne quodcumque compendium facere creditor potuit, & omne damnum quod fecit, etiam quod consistit extra rem: sicut veniunt etiam usurae immenses & immodicae, & supra duplum. Ist trajectitia pecunia alia est ratio, quae nullum servat modum, propter pensationem periculi gravissimi, quod creditor in se suscepit. De hoc autem compendio extrinsecus est accipiendum, quod ait Papinianus hoc loco: in stipulatione de rato non esse cogitandum compendium rei promittendi vel stipulandi, id est, compendium ejus, cum quo agitur ex stipulatione de rato, qui promissit, de rato, vel compendium auctoris, sive stipulatoris: uno verbo, non esse spectandum compendium rei vel auctoris, ut in Basil. c. 1. ubi dicitur in iudicio de rato in iudicio, lucrum rei vel auctoris. Coniunxit utrumque, rem, vel auctorem, id est, promissorem vel stipulatorem, ut ostenderet ex stipulatione de

rato, stipulatorem neque compendium consequi posse, quod facturus erat extra rem, si dominus ratum habuisset, veluti ex incremento negotiationis, neque etiam consequi posse compendium, quod promissit, id est, falsus procurator fecit extra rem ipsam, quam ab stipulatore exegit, ut puta, si promissor ex negotiatione ejus rei, quam exegit, magnum aliquod emolumentum consequutus fuerit, vel si se ea re, vel pecunia liberaverit imminente sibi poena quadam gravi ex contractu quodam, ut in l. Imperator, §. si centum, de legat. 2. Huius compendii, quod procurator fecit extra rem, quam ei stipulator solvit vel praestitit in revocanda ea re per actionem de rato, ratio non habetur, nec venit in restitutionem, quia satis est stipulatori procuratorem restituere rem ipsam, & quod ex se ipsa ferre & lucrari stipulator potuit. Et ita haec lex est accipienda.

Ad L. XX. de Jure fisci.

Sed revocata pecunia in fidejussorem liberatum utilis actio dabitur.

Sciendum est, privilegium fisci hoc esse, ut in exigenda pecunia sibi debita, quemadmodum Paulus ait §. Sententia, de jure fisci, primum locum obtineat ante omnes creditores, chirographarios scilicet, sive personales, ut in actione in personam potiora jura habeat, & in actione in rem multo magis, id est, Serviana, ut l. eos, C. qui pos. in pign. quia scilicet persequitur tacitam hypothecam, quam habet ex suis contractibus omnibus, l. 2. C. in quibus caus. pign. vel hypot. tac. contr. & ex causa tributorum, l. 1. C. eod. tit. non ex omnibus causis, l. restitutum, sup. de pass. Nam quod dicitur in l. aufertur, §. fisci, inf. hoc tit. fiscum semper habere jus pignoris, sic est accipiendum semper, ex suo contractu, non ex omni causa, sed ex causa tributorum tantum, vel ex causa gressi sui, sive contractus & obligationis suae, quod jus fiscale dicitur in l. 10. sup. de manum. Sic igitur ita utramque, sicut potiora jura habere in actione in personam, & in actione in rem, sive hypothecaria, & praefertur omnibus aliis creditoribus chirographariis in utraque actione, & multo magis in hypothecaria, quam ipse habet, non creditores, quibuscumque contendit: & praefertur inquam, omnibus aliis creditoribus chirographariis etiam antiquioribus, etiam privilegium habentibus adversus alios post fiscum, non adversus fiscum, l. quod quis, sup. de reb. auct. jud. post. sive privileg. cred. hypothecariis creditoribus antiquioribus fiscus non praefertur: in hypothecis fiscus non habet nisi privilegium, quod ei tempus dedit, quodque dat omnibus, l. si pignus, sup. qui pos. in pign. hab. In hypothecis fiscus habet jus commune, non proprium, aut praecipuum aliquod: At chirographariis creditoribus etiam antiquioribus praefertur, d. l. quod quis, sit. cut & Respublica qualibet, l. pen. C. de privil. credit. Commune igitur hoc est privilegium fisci & Reipublicae: Itaque debitor, qui debet pecuniam fisco, & aliis plerisque creditoribus chirographariis, debet prius pecuniam solvere fisco, quam alii creditoribus chirographario, etsi forte fiscum praevernit alius creditor privatus ejusdem debitoris, cui debitor prius solvat quam fisco, ejus pecunie, quam solvit quantitate fiscus pro modo sui debiti, si ejus interfit, ut puta, si aliunde suum servare non possit, ei, cui premature debitor solvit, auferre potest utili actione in factum jure sui privilegii, l. 5. C. de privil. fisci. Idque verum est omnimodo rejecta distinctione Papiniani, inter scientem & ignorantem. Nam Papinianus ignoranti privato creditori, id est, qui ignoravit eum, a quo pecuniam sibi debitam accipiebat, & fisci debitorum fuisse, volebat Papinianus ignoranti pecuniam auferri a fisco, sed scienti tantum. Quam distinctionem hoc ipso lib. 11. fecerat & libro quoque 6. sibi constans, l. 18. §. ult. sup. sed recepta ea distinctio non est. Igitur sive scienti, sive ignoranti solverit debitor ei, cui soluta est pecunia, antequam fisco satisfactum esset, ex-

dem pecunie quantitas, non species eadem a fisco auferri potest actione utili in factum, quasi in rem. Verum post sublatam privato creditori pecuniam a fisco, solutionemque rescissam, creditori restituitur actio vetus, actio utilis scilicet in debitorem principalem ex Constitutionibus: sicut rescissa expromissione mulieris, quæ intercessit pro alio, constat ex Senatusc. Vell. actionem restitui in veterem debitorem. Et ita hoc casu revocata pecunia a fisco, quæ soluta prius fuerat privato creditori, creditori restituitur actio utilis in veterem debitorem, in principalem debitorem: atque etiam, ut ostenditur in hac l. 20. in fideiussores eius liberatum ipso iure scilicet, sed non omnino liberatum, quia restituitur in eum hoc casu utilis actio: utraque est actio utilis, id est, restitutoria, quia directam solutionem consumpsit ipso iure. Proinde utraque est utilis non directæ, quæ restituitur, vel in debitorem principalem, vel in fideiussores ejus, a fisco solutione rescissa; & tamen illa, quæ restituitur in debitorem principalem dicitur actio directæ in l. 18. §. ult. Sed videndum est, quod respectu. Dicitur directæ per comparationem ejus actionis, quæ in fideiussores restituitur, quæ non est principalis actio, sed accessoria: illa autem directæ, id est, principalis, quia datur in reum principalem. Proinde illo loco directæ actio non opponitur utili, sed accessorie actioni, sive fideiussores. Ceterum utraque est utilis, & restitutoria: directæ & principalis, idem est, sicut directæ & principaliter idem, l. ult. de leg. 3. §. ult. Infr. quod cum eo, qui in al. potest. Sequuntur duo loci nondum explicati, in quibus ab aliis auctoribus ex eodem libro Papinianus in testimonium vocatur. Unus est in l. 11. §. usufructus, de pignor.

Ad §. Usufructus L. XI. de Pignoribus.

Usufructus an possit pignori hypothecæ dari, quæsum est, sive dominus proprietatis conveniret, sive ille, qui solum usufructum habet. Et scribit Papinianus libro 11. Responsorum, tuendum creditorem, & si velit cum creditore proprietarius agere, non esse ei jus uti frui invito se, tali exceptione unus prator tuebatur: si non inter creditorem, & eum ad quem usufructus pertinet, conveniret, ut usufructus pignori fit. Nam & cum emptorem usufructus prator tueretur, cur non & creditorem tuebatur? Eadem ratione & debitori obijcietur exceptio.

Hæc est sententia Papin. usufructum posse obligari pignori, tam a domino proprietatis, quam ab usufructuario, a domino plenæ proprietatis scilicet, puta, ut fundi sui usufructus pignori sit, non proprietatis, ut in l. 15. in prin. hoc tit. Dico a domino plenæ proprietatis. Nam dominus nudæ proprietatis, non potest pignus proprietatem, quæ alterius est, l. 6. C. de usufr. In domino proprietatis plenæ dubitabatur, an possit usufructum pignori vel hypothecæ dare: hæc ratio, quia usufructum pignorando, pignus videtur, quod non habet, quodve suum non est, l. quod nostrum, sup. de usufr. quia, qui habet proprietatem etiam solidam & integram, qui separatim usufructus non habet, quia nemini suus fundus servit, l. 5. si usufruct. pet. l. in re communi, de servit. urb. pred. Sed ut hæc dubitatio submoveatur, etiam dominus proprietatis, qui usufructum pignori dat, non pignorat servitutem usufr. quam nec habet in re sua (usufructus est jus alienis rebus utendi, non suis) sed pignorat perceptionem & commodum fructuum, factum, non jus. Sicut & fructuarius, qui usufr. pignorat, an pignorat jus servitutis usufructus? Minime vero, quia persone ejus coheret, ut nec ab ea avelli possit, sed pignorat tantum perceptionem & emolumentum fructuum, l. usufr. de jure dot. l. si postulat, §. jubet, ad leg. Jul. de adulter. In fructuario autem dubitabatur, an possit usufructum pignori dare? hæc ratio, quia fructuarius non est dominus fundi, sed tamen & fructuario idem permittitur, quia & usufr.

Tom. IV.

fructus vendere potest, & emptorem prator tenetur adversus fructuarium, & proprietarium ipsam. Quod autem ex bonis nostris venditionem recipit, & pignorationem recipit, l. 9. §. 1. hoc tit. l. ult. C. de tit. l. un. C. res alienas non interd. rer. suar. alien. Usufructus venditionem recipit, vendente fructuario scilicet, ergo & pignorationem. Quæ ratio, quia cessat in eo, qui nudum usum habet, recte sequitur, usufructu, ut vendere, ita pignusare usum non posse, l. 11. de usu & habit. Quia in usu nihil est corporis, quod capi possit: in usufructu est commodum fructuum, qui corporales sunt. Itaque nulla ratione usus nudus locari aut vendi, aut pignusari potest: si non vendi, ergo nec pignusari potest, ut contra usufructus, si vendi, & pignusari igitur. Nec obstat, quod fructuarius non est dominus fundi, quia nec fundum pignorat, aut pignusare potest, l. 6. C. de usufr. Nomine fundi significatur proprietas, & nomine rei cuiusque, nomine iumentum, nomine vas, vel alterius rei: sed fructuarius pignorat usufructum tantum, & non jus servitutis, sed perceptionem fructuum, quam iure servitutis in fundo habet, in qua habetur pro domino, l. 8. in pr. de reb. auct. jud. possid. Fructuarius inquit, etiam dominus esse intelligitur, quæ verba recipiunt ad eum pratoris de bonis possidendis & distrahendis. In quo dominus nominatur, ut vel Quintiana oratio docet, in qua ex edicto illo hæc referuntur: dominum inritum detrudere non placet: qui vocat dominum non proprietarium tantum, sed etiam fructuarium. Unus est dominus proprietatis, alter dominus usufructus, & in eadem re quandoque sunt tres, aut quatuor domini, unus dominus proprietatis, alter usufructus, alius dominus possessionis, alius dominus imperpetuum, vel superficiei, domini nomen latissime manat. Ut igitur emptorem usufructus, qui emia a fructuario, ita creditorem, cui fructuarius in debiti causam usufructum pignori dedit, prator tueretur adversus proprietarium, si agat jus illi non esse invito se utendi fructui, data exceptione hujusmodi, ut hoc loco proponitur: si non inter creditorem & fructuarium conveniret, ut usufructus pignori esset. Quæ exceptio datur etiam in fructuario, si a creditore vindict usufr. actione negatoria, cui usufructum ante pignori dedit. Neque huic sententiæ Papiniani quicquam obstat, l. 6. C. de usufr. quæ non negat, usufructum a fructuario pignusari posse, sed proprietatem. Et res exigit, ut tota ea l. exponatur. Quæstio hæc est, an maritus fundum in dotem datum possit pignori obligare? Et l. distinguit: Aut mulier dedit in dotem usufruct. fundi tantum, & tunc maritus non potest fundum obligare, id est, proprietatem, quo nomine proprio etiam lex utitur: At si fundum sive proprietatem fundi mulier dederit in dotem, pacto interposito, ut morte mariti soluto matrimonio æstimatio fundi mulieri restitueretur (non est legendum in ea lege, eadem possessio, sed, ut æstimatio restitueretur) Denique si proprietas fundi æstimata data sit in dotem, maritus constante matrimonio potest eam pignusare, quæ fuit æstimata: si fuisset inæstimata, nec alienare potuisset, nec pignusare ex l. Julia, de fund. dor. Quod manifesto demonstrat, illo loco legendum, æstimatio, non per scribilibiginem, eadem possessio. Alter locus est parvi momenti, qui est in l. cetera, §. sed & si quis, de leg. 1.

Ad §. Sed & si quis, L. XII. de Leg. I.

Sed & si quis ad opus Reipubl. faciendum legatus, puto valere legatum. Nam & Papin. lib. 11. Responsorum refert, Imperatorem nostrum, & Drimum Severum consiluisse, eos, qui Reipublicæ ad opus promiserint, posse detrudere ex edictis suis urbanis atque rusticis, & id ad opus uti quia hi quoque non promerit causa id haberent.

Errum est ex edicto Vespasiani, ut in l. 2. C. de adif. priat. Et ex Senatusconf. quod factum est Adriani temporibus, Otilio Aviola, & Cornelio Panfa Coss. ut

Pppp

est

In *pr. d. l. cetera de leg. 1.* cautum esse, ne deformetur ruinis urbium aspectus, ne possint legari ea, quæ juncta sunt ædibus, veluti tinga juncta ædibus, marmora, ostia, columnæ, statuae, regulæ. Nam si valeret legatem, utique detrahendæ hæc res essent, & præstandæ legatario, quod esset deforme civitati. Huic Senat. Constitutiones addiderunt, ut etiam juncta ædibus non possint detrahi *promercii causa*, id est, negotiationis causa. Addiderunt eadem Constitutiones, ut tamen is, qui promisit se opus facturum Reipub. possit detrahere suis ædificiis, quod jungat operi publico, quod ipse facit: quia id non facit promercii causa, sed ornandi publici ædificii causa, quod ex hoc Papiniani libro refertur in *d. §. sed si quis*: eoque argumento dicitur etiam ad opus Reipub. faciendum posse legari Reipub. vel ei, cui injungitur onus operis publici perficiendi, ea, quæ juncta sunt ædibus testatoris. Et hic est finis hujus libri.

JACOBI CUJACII J.C.

COMMENTARIUS

In Lib. XII. Responsorum ÆMILII PAPIANIANI.

Ad L. XXXV. Famil. Ercisc.

Pomponius Philadelphus dotis causa prædia filiz, quam habebat in potestate tradidit, & reditus eorum genero solvi mandavit: an ea præcipua filia retinere possit, cum omnes filios heredes instituit? quarebatur. Justam causam retinendæ possessionis habere filiam, quoniam pater prædia, de quibus quarebatur, dotis esse voluit, & matrimonium post mortem quoque patris steterat, respondi: Filiam etiam, quæ naturaliter agnoscitur, specie dotis, cujus capax fuisse, defendi.

IN hac l. hæc proponitur species: Pater filizfam. certa prædia donavit dotis causa: donatio valet, quæ facta est filizfam. dotis causa, sicut dotis datio: alioquin donatio aperte collata in filium, filiamvefamil. non valet: nemo sibi ipsi donat. Et idem esse censetur homo, pater & filiafamil. aut filiusfam. Atque adeo propter vinculum illud patriæ potestatis, quod unah ex patre & filia vel filio personam facit, regulariter non constituit donatio inter patrem & filium, filiamvefamil. *l. 1. C. de donation.* In donando autem pater filiz mandavit, ut prædiorum donatorum reditus marito solveret genero suo, quo plane demonstravit, se ea prædia donare dotis causa, non ut ipsa prædia marito in dotem essent, sed fructus eorum prædiorum. Deinde pater testamento omnes filios, & illam quoque filiam heredes instituit, & vita decessit constante matrimonio filiz. Quaritur filia cum fratribus veniente ad hereditatem patris ex testamento, an judicio famil. erciscundæ in dividenda hereditate paterna, prædia sibi donata dotis causa retinere possit præcipua, nec teneatur ea conferre in commune? Et videtur filia non posse ea prædia retinere præcipua extra portionem hereditatis, quia filiz donata sunt, non in dotem data: dotem præcipuam retineret utique non dubie, quia dotis dario valet a patre quæ fit filiz, quam habet in potestate. Donationem autem videtur filiam non posse retinere præcipuam, quia nulla donatio est, quæ nec morte patris sola confirmatur, secundum jus, quod obtinuit ante Justinianum, id est, ante *l. donationes. C. de donat. inter vir. & uxor.* Et ante eam legem, donationem a patre collatam in filium vel filiamfamil. nec morte patris, vel filio solo confirmari patet ex *l. 1. §. 1. ff. pro don. & l. 2. §. ult. inf. pro her.* Et omnino ita se res habet: est una tantum exceptio, nisi appareat patrem in extremum vitæ diem in eadem voluntate perseverasse, *l. pen. inf. de collat. dot. l. si filia cujus. C. famil. ercisc. l. 2. C. Gregor. cod. tit.* Quo casu etiam confirmatur tota donatio officio ju-

A dicis fam. ercisc. cognoscentis: qui tueretur extremam voluntatem patris, non ipso jure, *d. l. filia.* Aut interdum minuitur donatio etiam officio ejusdem judicis, ut puta, si inofficiosa fuerit, quæ lædat alios liberos, *l. 2. C. de inoffic. donat.* Videbatur ergo hac ratione, filiam prædia sibi donata non posse retinere præcipua, quia non apparebat in eadem voluntate patrem perseverasse. At contra Papinianus existimat, eam donationem, licet nulla perseverantia patris appareat, filiam retinere titulo præcipui vel excipui, quia scilicet non est simplex donatio, sed donatio dotis causa. Alio jure est donatio simplex, alio donatio dotis causa. Donatio simplex non eodem jure est, quo dos. Donationis causa dotis, & dotis idem jus est: & ita legitimus aliud esse donationem simplicem, aliud donationem divisionis causa, *l. si filia, §. si pater, hoc tit.* aliud esse venditionem simplicem, aliud venditionem dotis causa, *l. quentis, ff. de jure dot. vel pignoris causa, l. 2. de distract. pignori.* vel divisionis causa, *l. prox. sup. hoc tit.* In specie igitur proposita, ut Papinianus ait, filia justam habet causam retinendæ possessionis prædiorum, nempe causam dotis, speciem dotis, ut ait, cujus filia est capax, quæ non esset capax donationis simplicis propter vinculum patriæ potestatis. Et speciem dotis dicit, ut speciem legati, *l. si filia, §. Papinianus, hoc tit. & l. Moenius, de leg. 2. & speciem fideicommissi, in constitutione Divi Marci, de eo, cui libert. caus. bona addic. quæ est in Institut. Dos fratribus confertur, & communicatur ab intestato, non ex testamento, *l. 3. in pr. de collat. dot. l. si filius, qui mansit, ff. si quis omisi. caus. testam. l. 1. §. 7. C. de collat.* Cur confertur ab intestato, non confertur ex testamento, rationem differentiz perspicuum memini me reddere superiori libro ad leg. pen. de collat. dot. Dos ergo non confertur ex testamento, id est, quum patri succedunt fratres ex testamento. Ergo nec donatio dotis causa, quæ pro dote habetur. Et in hac specie filia cum fratribus patri successit ex testamento, ut posui initio, non ab intestato, & ideo dotem non confert fratribus, vel donationem dotis causa, quæ pro dote est, sed eam filia titulo dotis, specie dotis, præcipuam retinet & possidet naturaliter, ut ait, naturaliter, inquam, quasi res dotales. Uxor domina est rerum dotialium naturaliter, maritus civiliter: domina est, seu possidet rerum dotialium naturaliter, maritus civiliter, *l. in rebus. C. de jur. dot. l. sciendum, §. si fundus, qui satis, cog. non est omittendum huic legi, sive responsio Papiniani, quod jam satis explicatum est, derogare Novellam Justin. 18. de viente & semisse, quæ etiam ex testamento introducit dotis, & aliorum bonorum collationem inter fratres, quæ de causa & in Basilicis hæc lex omnia est. Pergamus ad legem, cum sex menses, de adil. edic.**

Ad L. LV. de Edil. edic.

Cum sex menses utiles, quibus experiundi potestas fuit, redhibitoria actioni præstantur, non videbitur potestatem experiundi habuisse, qui vitium fugitivi læsæ ignoravit: non ideo tamen dissolutam ignorantiam emptoris excusari oportebit.

LEx est de actione redhibitoria, quæ actio ex edicto Edilium Curulium datur emptori ob vitium, mortuumve rei venditæ, quod latebat venditionis tempore, venditor noverat & reticuerat, emptor ignoraverat. In hoc datur scilicet, ut venditione rescissa, omnia in integrum restituantur, venditor recipiat rem, quam vendidit & tradidit, emptor pretium, quod ei numeravit: aut liberetur obligatio ex vendito, si nondum numeravit, & inde redhibitoria actioni nomen. Redhibere, verbum est commune recipientis venditoris, & redditus emptoris: & contra Plautus in Mercatore dixit: *se redhibere, si non placet*, id est, venditor dixit se recepturum rem venditam, si non placeret emptori, quæ conventio jure recepta est, *l. 6. ff. de rescind. vend.* Et sic dictum est, red-

reddere, & redhibere, ut probere, & perhibere. Hæc autem actio redhibitoria non est perpetua, sed finitur sex mensibus utilibus, id est, quibus emptori experiundi potestas fuerat, intra quod tempus si non egerit emptor redhibitorio iudicio, repellitur præscriptione temporis supradicti, quam præscriptionem sumperunt ædiles ex legibus Platonis lib. 11. Tempus autem illud utile sex mensium, hoc loco Papinianus docet numerari ex die, quo emptor vitium cognovit, ut Plato eodem lib. dicit: *ἡ δὲ δίκη τῶν πενηντῶν: ὅταν ὁ ἐμπόρ τοῦ βίου ἐκγνώσκῃ*, nec enim tempus utile cedit, aut currit ignorantanti, sed continuum tempus tantum, l. genero, sup. de iis, qui not. inf. l. 2. quis ordo in bon. poss. serv. Utile tempus est, quo experiundi potestatem habet is, cui actio competit, l. de div. temp. prescript. Ignorans autem non videtur habere experiundi potestatem, Lammus, de calump. Quod ergo dicitur in l. sciendum, Sult. hoc tit. tempus sex mensium cedere ex die venditionis, non est verum, si latens vitium emptor ignoraverit: puta si ignoraverit servum quem emebat esse fugitivum, vel errorem. Verumtamen, quod eo loco offenditur, & scribitur in l. sciendum, Sult. hoc tit. si dissoluta & supina fuit ignorantia emptoris, ut puta, si nescierit, quod populus sciebat, si nesciebat *μασπίδης*, id est, voces de viâ collectas, dissoluta ignorantia non est ferenda, l. 6. ff. de iur. & facti ignor. Dissoluta ignorantia prope scientiam est, l. si fideiussor, in pen. sup. mand. Et hoc est, quod ait Papinianus hoc loco, dissolutam ignorantiam vel ignorantem emptoris excusari non oportere.

Ad L. ult. de Suis & legit.

Pater instrumenti dotali comprehendit filiam ita dotem accepisse, ne quid aliud ex hereditate patris speraret: eam scripturam jure successione non mutasse censuit. Prioratorum enim cautionem legum auctoritate non censeri.

EX hac l. ult. notandum est, quod si pacto dotali eaverit pater, ut filia dotis contenta esset, & nihil præterea desideraret ab intestato ex hereditate patris, quæ conventio hodie frequens est, ea conventio non onerat filiam, non nocet filie, non mutat jus publicum, quo ab intestato filia ad hereditatem patris vocatur, quæ manifestatur in potestate ex 12. tabul. *cautio prioratorum*, inquit, *legum auctoritate non censetur*, id est, non habet legum auctoritatem adversus leges ipsas, & jura publica, quæ est certissima regula juris, nisi quatenus leges permittunt, & cautiones approbant, l. ult. Sult. C. de temp. appell. Valet pactio, ne adversario si condemnatur liceat appellare, ne liceat uti communi auxilio appellationis, quod sic appellatur in l. 3. Sult. rem rat. hab. Communis auxilium appellationis: quia ea lex legum austeritatem (sic habent omnes veteres) permittit, aut finit mitigari inter contentientes, inter convenientes: *pacta jura juri præstant*, ut ait Cicerò, & Cornificius, quæ legibus non sunt improbatæ scilicet: exempli gratia, actionem, quæ ipso jure competit, iusti pacti elidit exceptio, hoc est certissimum, & ita pactum juri præstat: hoc autem genus pacti, de quo agitur hoc loco etiam improbatum in l. 3. C. de collat. Et hoc Papiniani responsum ipso iudicio intellexit Imperator in l. si quando §. 1. C. de inoffic. testam. dum hanc pactiorem improbat, ut filius certis rebus acceptis, a patre contentus sit, nec exheredatus agat querela inofficiosi testamenti, hac ratione reddita: quia meritis magis filii sunt provocandi ad obsequia parentum, quam pactiōibus adstringendi. Quam rationem adfert ex Papiniani responso, & videtur fuisse huic responso subdram, eandemque refert Paulus 4. Sentent. tit. de inoffic. quer. Non est omitendum, hodie tamen jure Pontificio, hanc pactiorem, ut filia sit contenta doti, nec quicquam amplius petat ex bonis parentis, nec quicquam amplius speret ex bonis parentis, iustam esse, atque admodum servandam, si modo jurejurando filie sit confirmata, l. 2. de pact. in 6. Et ita quoque aliud genus pacti, quod uno

A verbo appellatur a Græcis, pactum *ἰσχυρισ*, puta, ut filia, quam pater collocat in matrimonium, ex suis bonis ferat eandem portionem, quam frater, ut ferat æqualem portionem: pactum *ἰσχυρισ*, quod improbat l. pactum, C. de pact. Leo tamen Imperator postea probavit, & probasse postea intelligo nuper Senatū in Novell. 19. Qui etiam in ea testatur nunquam d. l. pactum, quæ pactum æqualis portionis, æqualis successione inter fratres improbat, usu fuisse receptam: non omnia, quæ legibus scripta sunt, vel a jurisconsultis, vel ab Imperatoribus, usus approbavit.

Ad L. XXXI. de Donat.

B Donationes in concubinam collatas non posse revocari convenit. Nec si matrimonium postea inter eos fuerit contractum, ad irritum recidat, quod ante jure valuit. Ad autem maritalis honor & affectu pridem præcesserit, personis emparatis, viæ conjunctione considerata, pendendum esse se respondi: neque enim tabulas facere matrimonium.

Initio primi responsi ostenditur, donationem collatam in concubinam valere, nec revocari posse, l. 3. §. Divus & l. si prædium, sup. de donation. inter vir. & ux. Quæ in re satis compertum est omnibus, distare concubinam ab uxore. Nam donatio collata in uxorem revocari potest, quasi improbatæ jure civili, quæ sola differentia non est inter concubinam & uxorem. Nam & ex testamento mariti olim, id est, ante Justinianum uxor solidum capere non poterat, l. ult. C. Th. de leg. hered. concubina solidum capere potuit ex amici sui testamento, siue vice conjugis, l. cum tabulis, §. quoniam, de iis quib. ut indigen. Per leges non licet tam liberalibus nobis esse in uxorem, quam in concubinam. Si liceret esse liberalibus, exemplo profusi & prodigi in eas effluere, quia tanta animi propensio hominibus sanis non est in concubinam, quæ iustos liberos non pariat: infans quid agant, non spectant, dantur frenæ conjugibus, non concubinis, & ut ait d. l. ult. *reprimendus est potius quam incitandus conjugalis favor*. Posset ea ratio differentie dilatarī, sed nolo, fugiens prolixitatem. Inde quaritur hoc loco, an donatio collata in concubinam, postea fiat irrita, si concubina uxor ducatur, quæ genere liberi naturales ex concubina suscepti, sunt iusti liberi, si procedente affectione, ut est in Institutionibus, quæ fit in concubinato, ducatur in matrimonium. An igitur donatio facta concubinae irrita sit, si postea uxor ducatur? Quod videtur dicendum secundum opinionem illorum, qui ea, quæ ab initio constituerunt, corrumpi, & irrita fieri putant, quum in eum casum recidunt, a quo incipere non potuerunt. Quæ opinio obtinet in quibuscumque casibus, ut l. existimo, l. si sub una, §. 1. de verb. obligat. l. pro parte, sup. de servitut. l. 3. de iis, quæ pro non script. non obtinet tamen in omnibus casibus, ut ait recte l. pen. §. ult. de verb. obligat. non in casu d. §. ult. non in casu leg. si qua, in pr. & l. oratione, in fide, de ritu nupt. non in casu l. 2. C. de interdic. matrim. int. pup. Jure contractum matrimonium superveniens casus non dissolvit, qui ei tamen fuisset impedimento, si exstitisset ab initio. Non obtinet etiam in casu proposito: nec enim donatio jure facta concubinae irrita fit postea, si uxor ducatur. Et ut ait l. 85. §. 1. de reg. jur. novum non est hoc, ut quæ semel utiliter constituta sunt, durent, etiam si casus aliquis existerit, postea a quo incipere non potuerunt. Et ratio differentie inter hos & illos casus, cur iis, quæ initio utilia fuerunt, casu superveniente aliquo non evanescent, illis evanescent: nunc explicanda est ratio: causa, idquam, hujus differentie & varietatis consistit in eo, quod omnibus illis casibus, ex eodem tempore, ea de quibus agitur, vires non accipiunt, sed quædam ex præsentī, quædam ex futuro: & quod id solam tempus inueniendum est, ex quo potissimum vires accipiunt, non aliud tempus quocumque, l. 22. sit, sup. l. non oportet, de leg. 2. ut in servitutibus adquirendis spectatur tempus,

quo constituntur, non tempus, quod antecessit, puta, quo in stipulationem deducta sunt, nondum constituta & imposita praeiis, non tempus etiam, quod constitutam servitutem insequentum est. Quamobrem, quae initio fuit utilis servitutum stipulatio, resolvitur & perimitur, si tempore, quo constituntur servitutes, casus aliquis existat, quo in stipulationem deduci non potuissent, si idem casus extitisset ab initio interponenda stipulationis, d.l. *existimo*, d.l. *si sub una*, d.l. *pro pari*. Et contra, servitutes, quae iure constituta & adquisita sunt, ex accidenti, & post facto interdicere non possunt, d. l. *pen. ult. de verb. obligat.* Et similiter in omnibus acquisitionibus rerum vel possessionum tempus spectatur, quia eas apprehendimus: hic enim est ultimus finis, quem nobis proponimus, ultimus effectus rei, quae geritur: ac proinde tempus spectatur quo eas adquirimus & apprehendimus, non quod antecedit, vel sequitur; quod raptum vel instanti tempore est utile, inutile est, si ex tempore adquisiti domini utile non fuerit, si finem optatum non habuerit: contra, tempore adquisiti domini, quod utile est, id, quae antecedit, neque subsequens tempus corrumpere potest, §. *item contra*, *Instit. de iust. stipul. l. 1. §. ult. & l. 2. de iur. aliquo priv. l. si de eo fundo*, §. *pen. de adq. poss.* In legatis autem & fideicommissis tempus spectatur, quo dies eorum cedit, quia ex eo tempore demum vires accipiunt, & ideo, quorum dies cessit utiliter, ex post facto interdicere non possunt: quorum autem dies cessit inutiliter, sane interdicunt, licet testamenti tempore utilia fuerint, l. 3. *de iis, quae pro non script. hab.* Neque obstat huic sententia l. 5. *sup. ad leg. Falcid.* in qua Pap. ait, *utile esse legatum, quod utile fuit testamenti tempore*, puta in hoc casu scilicet, si debitor, quod debet sub conditione, vel in diem, creditori pure legaverit, licet postea debitum purum esse ceperit conditione debiti existente ante diem legati cedentem. Quae sententia Papin. etiam probatur in *Institutionibus*, a Cajo scilicet in *tit. de legat. §. ex contrario*. Excipiendus est hic casus hac ratione, quia huius legati, de quo agit Papinianus in d. l. 5. dies non cedit prorsus inutiliter, quandoquidem praeter actionem creditae pecuniae legatario creditori comparatur actio ex testamento, si malit creditum repetere ex testamento quam ex stipulatu, vel conditione certi: utilitas quaedam est in laxiore agendi facultate, l. *cum filiis*, §. *variis*, de leg. 2. Nec recte ut opinor in hoc casu a Papiniano dissensit, ut certe dissensit Paulus in l. *debitor*, de leg. 2. Nam ea tantum legata, quae ab initio constituntur, interdicere aequum est, quorum dies prorsus inutiliter cedit, non si ad aliquid vel tantillum cedat utiliter. Porro in matrimonii & in donationibus tempus existans, siue praesens intuemur, quo perficiuntur, non tempus instans siue futurum, quo forte pervenerunt in eam causam, a qua incipere non poterant, quia suo tempore utiliter vires acceperunt, ut in specie huius legis, & in d. l. *si qua*, §. *de donatione*, de ritu nupt. & l. 3. *C. de interd. matr. int. pupil.* Illud observandum est maxime in specie proposita, eum, qui volebat revocare donationem collatam in concubinam, Jurisconsulto proposuisse duas rationes, quarum utra querebat revocare donationem posset, vel an neutra posset. Ac primum hanc adferebat causam revocandae donationis, quod concubina uxor postea esse coepisset, quam Papinianus rejicit statim: Adferebat & hanc causam revocandae donationis, quod & tempore factae donationis, cum ea muliere tabulas nuptiales, siue instrumenta dotalia confecerit, quam causam etiam rejicit Papinianus. Quia tabulae solae nuptiales matrimonium non faciunt, quod est verissimum, l. *neque sine nuptiis*, C. *de nupt.* Matrimonium facit destinatio animi, siue consensus nudus, quem mox absque dubio etiam sequitur omnis honor & adfectio maritalis. Concubina, ut Paulus dixit in *Sententiis*, ab uxore separatur solo delectu, id est, solo animo, *Id est de concub.* quem utriusque animi comitatur semper honor & dignitas & adfectio plenior, d. *de nuptiis*, §. *quoniam*, *Item legat. §. pen. de*

A leg. 3. l. 8. C. de oper. lib. l. 13. de post. & red. ab hostib. Honor, inquam, plenior, siue honestas matronae: nam concubina si alterius, quam patroni sui concubina sit, matris siue matronae honestatem non habet, quamvis concubinatus sit legitima conjunctio, l. *probrum*, de ritu nupt. Et recte Lysias adversus Eratothenem, concubinam cum uxore collatam, esse *matronae dignas*, longe minoris dignitatis. An autem mulierem quis habuerit uxoris loco, an concubinae, ejus animum eleganter Papinianus ait hoc loco esse estimandum & perpendendum, facta comparatione utriusque personae, & considerata vitae conjunctione: nec enim praesumitur ingenuus in matrimonium habuisse libertinam, sed in concubinatum potius: non praesumitur etiam ingenuam ingenuam habuisse in matrimonium, quae corpus suum aere vulgo publicaverat, quae corpus aluerat corpore, l. *in liberis*, de ritu nupt. nec item eam, cui in domo non detulit honores, & ministeria congruentia dominae (sic vocatur uxor legitima & materfamilias) vel quam mensa dignatus non est, atque cubili, nisi quandoque rei causa; quod notatur in cap. *illud de presump.* Spectanda etiam est fama & opinio vicinorum, l. *si vicinas*, C. de nupt. & d. cap. *illud*: sicut in agnoscendis liberis constat spectari opinionem vicinorum, l. *scilicet*, de iis qui sunt sui vel alieni iur. Sola adfectio, quae iis signis & argumentis deprehenditur, solus animus nuptias facit, nec quicquam amplius exigit ad nuptias perficiendas, consummantur & implentur concubitu, adhibito ritu solemniori, ut olim sacrificio facto, ut scribit Ulp. in lib. *regul. & auspiciis* advocatis, ut hodie interveniente *testamento*, la *benedictione*, quae etiam prima ecclesia usa est, & deductione in domum mariti, consummatur & impletur hoc modo; perficiuntur solo consensu, ut emptio impletur traditione & numeratione, perficitur nudo soloque consensu: & ut venditio, ita matrimonium quoque perficitur consensu collato in praesens tempus, non in futurum; quam in rem sunt comparata quasi formalia, & *trivialis* verba, accipis, accipio, aut his similia, in cap. 9. §. *pen. de spons. & matr.* & Lombardus 4. d. *similiter*. 27. & Thomas 3. *quest. 144.* Haec verba, volo, cupio, opto, vel quae alia, quae non sunt adfinitia illis, accipio, accipis, non sunt idonea ad nuptias perficiendas, quia nec ad sponsalia constituenda, quod est notandum, quae fieri debent his verbis: accipiam, accipies, d. cap. *pen. cap. 3. 4. de spons. duor.* Quod omne & catholica ecclesia probat.

Ad §. species.

Species extra dotem a matre filiae nomine viro traditae, filiae, quae praesens fuit, donatae, & ab ea viro traditas videri respondit; nec matrem offensam repetitionem habere, vel eas recte vindicare, quod vir coisset extra dotem usibus puellae sibi traditas, cum ea significatione non modus donationis declaratur, nec ab usu proprietatis separaretur: sed peculium a dote puella distingueretur: iudicem tamen estimaturum, si mater iure contra filiam offensam, eas revocare vellet, & revocandae matrem congruam, bonique viri arbitrio competentem ferre sententiam.

E IN secundo responso huius legis haec proponitur species, Filia nubente matri marito ejus extra dotem, ejusdem filiae nomine, quae praesens erat, tradidit res certas, veluti monilia quaedam in honorem nuptiarum, ut addit Paulus 5. *Sententiis*, *ead. tit.* expressa est sententia Papiniani, quae proponitur initio huius responsi, filiae scilicet eas res matrem donasse, & mox filiam marito eadem tradidisse videri. Species, inquit Paulus, extra dotem a matre praesente filia generi tradidit donationem perficisse videtur. Quod, inquam, alii tradidit meo nomine, ego accipere & mox alii tradere videtur, l. 1. *q. 1. in fi. tit. sex.* Sed in hac specie celeritate conjungendum inter se actionum, id est, actum duorum, una actio occultatur & subripitur, ut ait l. 5. *ult. sup. de don. int. vir. & ux. nimirum occultatur donatio & traditio earum rerum, quae*

primum filia facta esse intelligitur: & mox easdem res a filia traditas fuisse marito: celeritate coniungendorum extremorum medium occultatur aut transcenditur, re transacta brevi manu, ut nostri auctores loquuntur, ut Titus Livius 22. *Transcendendo medio fummis continuatis imis*: neque enim possunt duo extrema esse sine medio, quod vel fingatur, vel intellectu apprehendatur, quod Philosophis notissimum est. Ut autem filia extra dotem eas res mater donasse videtur, quas filia nomine tradidit marito ejus presente filia, ita res quas parens suis nummis emit filia nomine, aut vir uxoris nomine, filia vel uxori donasse videtur; *l. cum hic status, §. 1. sup. de don. int. vir. & uxor. l. 1. C. de revoc. don. l. filia ejus, C. fam. ercisc.* videlicet si eas ei tradidit, ut *l. 9. C. de donat. int. vir. & uxor.* vel argumento hujus responsi, si eas alii tradidit ejus nomine ea presente, dixi, extra dotem matrem marito res tradidisse: ideo dixi, extra dotem, quia, quod dote causa filia nomine marito traditur, si consensum adquisitum iure tituloque dote. Quod autem extra dotem marito traditur puellae nomine, soli puellae acquiritur donationis titulo pleniore, & vindicari a filia potest, vel per quicunque actione ad exhibendum, vindicandi causa, *l. si ego, in fi. sup. de iur. dot. nisi id actum sit, ut in dominium mariti transeat, & quasi contra dote fiduciam, solum matrimonium puella restituatur. Quo casu puella divorcio facto condicio eorum rerum competit, non vindicatio, nec veniunt etiam hae res in actionem de dote, *ad fi. ego, §. dote.* In qua ostenditur eas res, quae sunt extra dotem in usu mulieris *parapherna* appellari, & ut ait, Gallico vocabulo, *peculium mulieris*, quo etiam hodie Aquitani utuntur. Gallico igitur vocabulo hoc loco Papin. utitur, dum res extra dotem filiae donatas a matre, *peculium* vocat filia. Illud maxime notandum est, quod efficiat praesentia filia; hoc enim efficit, ut filia mater donasse eas res, & filia viro tradidisse intelligatur, quas mater filiae nomine tradidit viro, puta, dicendo, haec tibi tradit filia mea. Qua ratione invenio etiam alteri, qui modo praesens fuerit, nos stipulari utiliter: quia ipsa stipulatus est voce nostra, & ipsi promissum videtur, ac proinde utilem ex stipulata actionem habet, *l. si procuratori, de verb. oblig.* Et quod dicitur, neminem utiliter alteri stipulari posse, hoc ita dicitur, si ille alter abest, ut in *l. 2. C. de const. stipul. l. 3. C. de inst. stip.* non si praesto sit. Eodemque modo emptor, qui praesenti venditori denuntiavit, ut isti afflatur, quae movetur emptori de proprietate rei empta vendita, *l. si ideo, in fi. sup. de evict.* ut & formulae, qua auctor, id est, venditor laudatur, quando te in iure conspicio, postulo an auctor fias si vult ne preloque proinde a garantie, si tu vult esse garant. Fix ergo denuntiatio praesenti, facienda est praesenti in personam: *la sommation de garant se doit faire à la personne du vendeurs; ou si son procureur lui presente*: sed satis videtur etiam denuntiare praesenti, qui denuntiat procuratori ejus eo praesente, non si eo absente; si eo praesente, denuntiatio valet, perinde atque si in personam ejus facta fuisset, *l. si dictum, §. si praesente, de evict.* At persequamur speciem hujus responsi, non dum enim expleta est. Mater parapherna filiae nomine genero tradidit, filia ea donasse videtur, & mox filia tradidit marito; cavit autem matri, siue socii generi, se ea parapherna accepisse in usus puellae. Post offenso animo matris, & alienato a filia, vult ipsa revocare parapherna, quae tradidit marito, vult ea condicere, aut vindicare hac ratione: quod ea tradiderit tantum in usus filiae & quasi commodaverit, ut & maritus cavit se ea accepisse usus puellae. Et Papin. ait, hanc rationem matris non esse idoneam non esse modicam: nam his verbis, *in usus filiae*, non est impossibile donationi, non est restricta donatio, puta, ut eorum rerum filia domina non fieret, sed ut eis tantum uteretur quamdiu libuisset matri; imo dominium eorum rerum videri translatum in filiam, nec his verbis fuisse separatam usum a proprietate, sed sub nomine usum etiam intelligi proprietatem, ut accidit etiam in specie *l. ult.**

A *sup. de usuf. eorum rer. qua usu consum.* sed his verbis fuisse separatam peculium filiae, id est, parapherna a dote, quoniam parapherna sunt, quae extra dotem mulier in usu habet in domo mariti. Denique his verbis hoc actum est, ut a dote discernentur parapherna, non ut usus a proprietate. Hac igitur ratione non poterit mater revocare donationem; sed non negat, quin possit eam revocare ex causa ingratitudinis, si nata sit offensus matris ex filiae injuria, & magna ingratitudine. Vetustissimum jus hoc est, ut donationes revocentur ex causa ingratitudinis, quae modo probata sit iudici, ut *l. pen. & ult. C. de revoc. don.* Ex ista si mater iudici probaverit ingratitudinem filiae examinatis meritis filiae, iudex, ut eleganter ait Papinianus, *debet revocandis materiam congruam, & boni viri arbitrio competentem ferre sententiam.* B *Revocandam materiam*, dicit, ut revocandam paternam *l. filiusfamil. de cast. pecul.* Quoniam una & aequalis reverentia omnibus parentibus servanda est, *l. 6. de in jus voc.*

Ad §. Pater qui filiae.

Pater qui filia, quam habuit in potestate, mancipia donavit, & peculium emancipato non ademit, ex post facto novatorem videbatur perfectisse.

D Onatio a patre collata in filiam familiam, ipso iure non valet, & res donatas interim filiafamil. habet & tenet, non ut proprias, sed ut peculiares, quia donatio non valet: denique eas habet in peculium consentiens patri: verum ea donatio potest convalescere ex bono & aequo ex post facto, veluti filia emancipata, non adempto peculio, in quo sunt res donatae, quod etiam probat *l. siue emancipatis, C. eod. tit.* Constat etiam, eam donationem confirmari officio iudicis familiae erciscundae, si filia non emancipata, pater moriens in eadem voluntate perseveraverit, ut exposuimus in *l. 1. hujus lib. 12.*

Ad §. Ejusmodi.

Ejusmodi haec deposita in eadem arca, ut eam ipse solus, qui deposuit, collegeret, aut post mortem domini Aelius Speratus, non videri celebratam donationem respondit.

D Eposita est arca nummaria in aede sacra apud Aedilium vel sacerdotem templi, ut solere fieri ostendit *l. si reus, de procurat. l. ait Praetor, de minor. l. 2. in princ. de statulib. l. 1. §. si pecunia, in fi. de pos. l. 1. §. si autem, C. de commun. serv. manum.* Solere fieri ad praedictum *depos.* ut addit Dio Chrys. *de op. publicis*: deposita autem ea arca est a domino ea lege, ut sibi soli redderetur, vel post mortem suam Aelio Sperato; Queritur, an videatur dominus eam arcam Sperato donasse mortis causa? Respondet, non videri donasse, quia nullum extat argumentum, nulla significatio donationis, aliter quam si Sperati nomine arcam deposuisset, serva hanc arcam Sperato, *l. 6. C. de donat. int. vir. & uxor.* vel si instrumentum donationis in aede etiam deposuisset, quo significasset se post mortem suam velle arcam Sperato restitui, quo casu valeret donatio iure fideicommissi, *l. cum pater, §. donationis, de leg. 2.* At neutrum horum intercessit in hac specie, sed lex tantum dicta est. Aedilium depositario, ut non alium sine arcam tollere quam se, vel Speratum post mortem suam. Speratus est adiectus solutionis gratia, non est donatarius: & si forte Aedilius ei, ut potest, etiam in ius hereditibus domini restituerit arcam, heredes domini eam a Sperato vindicabunt, quia non intelligitur ei esse donata. Ipse vero Speratus, cum sit adiectus solutionis gratia tantum, repetenda arca in Aedilium nullam actionem habet, *l. 10. de solutioib.* neque dixeris habere utilem actionem depositi ex *l. pen. C. ad exhib.* quia ea *l. pen.* dat utilem actionem depositi ei, cuius res propria ab alio deposita est sub hac lege, ut ei restitueretur: haec arca, qua de agitur, non fuit Sperati. Neque etiam idem

idem contendas ex l. Publia, in pr. sup. depof. quoniam ea lex de filio loquitur, non de extraneo, qualis fuit Speratus. Et species hæc est; Mulier cum proficifceretur ad maritum, depofuit arcam claufam apud amicum ea lege, ut eam fibi redderet, vel post mortem fuam filio fuo ex alio marito; muliere defuncta interftata, fecundo marito nulla dabitur actio repetendæ aræ nomine; fed dabitur filio ejus: nec enim est novum, ut per parentes filiis etiam parentum utiles actiones, ut fatisfiat affectioni fumæ parentum. Igitur is folus filius, qui nominatus est, repetet arcam utili depofiti; folus, inquam, non coheredes ejus, fi plures fuerint filii, qui matri interftata heredes exifterint ex Senatusconfulto Orfit. Quod non ita in extraneo, veluti in Sperato, procedit.

Ad §. Ultimū.

Ratæ donationes effe non poffunt poft crimina perduellionis contractum: cuius heredem quoque teneat, etfi nondum poftulatus vita decesserit.

Pertinet hic §. ad id, quod definitur in l. poft contractum, fup. hoc tit. quæ eff valde celebris inter nostros, quod, inquam, ita definitur in ea lege, effex constitutione Severi & Antonini, cujus etiam fit mentio in l. ex judiciorum, ff. de accus. l. ult. C. ad l. Jul. majest. Et ex qua etiam constitutione fumpta eff sententia huius §. Poft contractum capitale crimen, donationes factæ ab eo, qui crimen contraxit, non valere, fi donatoris condemnatio fequuta fit, non valere, habent Pandectæ Florentinæ recte: fed non recte, nifi condemnatio fequuta fit, cum fit feribendum, fi condemnatio fequuta fit, non nifi: nam vel affirmate legendum eff, valere, nifi condemnatio fequuta fit, vel ut in Bafil. non valere ff. condemnatio fequuta fit, quod eff rectius. Et in ea constitutione crimen capitale accipere oportet non ftrictè, ut in l. transigere, C. de transact. ult. C. fi reus, vel accus. mort. fuer. Pro crimine, quod irrogat penam fanguinis, five ultimum fupplicium, fed etiam pro crimine, cujus poena eff exilium vel fervitus poenæ, & publicatio bonorum omnium, ut in l. 2. ff. de public. jud. Certiffima autem illa definitio eff, donationes inter vivos factas poft contractum capitale crimen non valere, & revocari a fisco, fi poftea ex caufa ejus criminis donator condemnatus fit: dico, poft contractum capitale crimen, poft reatum, id eff, poftquam judicio reus poftulatus eff: nam etfi, cum nondum reus poftulatus effet, is, qui crimen admittit, donationem fecerit, donatio non valet, & revocatur a fisco, fi poftea reus poftulatus, reus factus & condemnatus fit, quia donasse præfinitur fufpicionem reatus futuri, poenæque future, & in fraudem fisci. Ante contractum capitale crimen donationes factæ inter vivos valent, quia factæ funt fine fufpicionem poenæ ab innocente, & citra fraudem fisci, l. 7. tit. feg. l. cum hic status, §. fi maritus uxori, fup. de donat. inter vir. & ux. l. res uxori, C. eod. tit. illo loco: ante tempus criminis, & in l. 9. §. 1. C. de bon. profcrip. in fimili loco: ante tempus criminis & reatus: quæ verba in utraque lege defumpta funt ex l. 2. C. Thod. de bon. profcrip. Ergo ante crimen factæ donationes omnimodo valent. Et hoc maxime diftant donationes inter vivos a donationibus caufa mortis: nam donationes caufa mortis, etiam fi factæ funt ante contractum capitale crimen, feuto crimine & damnato donatore non valent, quia donationes caufa mortis legatis comparantur: & conftat legata capitis damnato reftatore irrita fieri, d. l. 7. tit. feg. ubi Accurf. recte a donationibus caufa mortis excipit donationem, quæ eis fimilima eff, a viro collatam in uxorem, quia etiam fi ea donatio a viro collata in uxorem donationi caufa mortis comparetur, propterea quod donatoris morte fequuta demum completur & confirmatur, quæ ab initio non valet, l. 32. C. ad leg. Falcid. d. l. cum hic status, §. 1. placet tamen Conftantino, eam donationem, quam vir contulit in uxorem, non fieri irritam (hoc primus voluit Conftantinus) marito ex poena mor-

A tuo aut facto fervo poenæ, d. l. res uxoris, d. l. 9. C. de bon. profcrip. fi modo uxor vidua permanserit: hoc enim uxori dat Conftantinus pro præmio pudicitie, ut ait. Ergo idem non eff dicendum & contrario, fi uxor viro donaverit, quod uxor ultimo fupplicio poftea, aut in metallum damnata fuerit: res enim viro donatas, quali jure communi irrita facta donatione per damnationem uxoris, per capitis damnationem, viro fifeus aufert, qui & cetera bona aufert uxori, quia hoc cafu quum uxor donavit viro, jure communi nominatim derogatum eff: nec viduitatis in mare tanta funt præmia, quanta in femina, quod maxime notandum eff. Notandum etiam eff fupradictæ constitutioni Severi & Antonini locum effe non tantum fi per damnationem, fed etiam, fi quocunque alio modo poft contractum capitale crimen res alienata fit in fraudem fisci, l. in fraudem, in princ. de jure fisci, lult. C. ad leg. Jul. majest. & d. l. ex judiciorum, inf. de accus. ubi alienationibus junguntur etiam manumiffiones fervorum, quia idem jus eff & in manumiffionibus factis poft contractum capitale crimen, ut nos valeant, non competant libertates, fi condemnatio fequuta fit. Denique idem jus eff in alienationibus & manumiffionibus: feperatio tamen nominum, quæ fit in d. l. ex judiciorum, & in d. l. ult. atque etiam in l. profcrip. inf. qui, & a quib. man. lib. non funt, & in lult. §. fed quis, C. de communis de leg. diffinitio, manumiffiones alienationes omnino non eff, quia fcielicet, qui manumittuntur non tranfeunt in dominium alterius: quatenus tamen manumiffi dominio nostro abeunt: recte manumiffi comparatur alienationi fupradictis locis, & in l. alimo §. fi fideicomiffum, inf. de fideicomiff. libertat. lult. C. de reb. alien. non alien. Et tamen in emancipationibus fervorum, quæ funt poft contractum capitale crimen, idem jus non eff, quod in manumiffionibus fervorum, valent enim emancipationes, quali studio & adfectu liberorum factæ neglectis bonis, quæ per eos adquiri poffent, non fraudandi fisci caufa, l. cum quidam, ff. de jure fisci, & ita explicanda eff l. poft contractum. Male Accurfus & alii omnes, excepto Odofredo accipiunt d. l. poft contractum, five constitutionem Severi & Antonini, ut poft contractum capitale crimen, donationes factæ ante damnationem valent, etiam fi poftea damnatio fequuta fit; & ut ex tunc non valent, quæ funt poft damnationem. Quæ interpretatio inepta & vitiofiffima eff, quia nec verba l. poft contractum, nec lex ex judiciorum, nec lult. C. ad l. Jul. majest. quæ congruat invicem, hunc fenfum admittunt. Et fi hic hiffet fenfus Imperatorum, non dixiffent fruſtra, poft contractum capitale crimen, fed, poft damnationem. Ac præterea donationes factæ poft damnationem, ut non valeant. Hoc vero confitutio illa Imperatorum primum non efficit, fed jus vetuiffimum hoc eff, ut fententia & damnatio ftatim vires fuas exerat, & præoccupet poenæ executionem, mortem, fervitutem, publicationem bonorum, l. quod ad statum, l. qui ultimo, inf. de poen. hoc non obtinuit, fed confitutio effecit, ut & ante damnationem poft contractum capitale crimen donationes factæ inter vivos non valerent, fi poftea damnatio fequeretur. Et ita folus Odofredus eam constitutionem accepit recte, nihil eff evidens. Addamas constitutioni huic locum effe in omni crimine capitali, etiam perduellionis: nam poft contractum crimen perduellionis, donationes factæ etiam non valent, fi condemnatio fequuta fit ex eadem constitutione fupradicta, d. l. ex judiciorum, lult. C. ad l. Jul. majest. Sed hoc in crimine perduellionis fpeciale eff, quod accusatio memoris & condemnatio fequi poteft poft mortem ejus, qui crimen perduellionis contraxit, quæ fi fequatur etiam poft mortem, donationes ab eo ante reatum & damnationem factæ poft contractum crimen perduellionis irritæ funt, quæ eff fententia huius §. ult. Et heredibus, qui crimen perduellionis, quo arguitur defuncti memoria, non purgaverint, hereditatem aufert fifeus, lult. inf. ad l. Jul. majest. 7. 4. C. de hæretic. Crimen perduellionis heredes tener. Item-

que

que crimen repetundarum, & peculatus residuum, & si qua sint similia crimina, quæ pecunie ablata perfectionem habeant, d. l. ex judiciorum: non quidem, quod notandum, ut memoria damnetur defuncti ex crimine repetundarum, vel simili, quæ damnatur tantum ex causa perduellionis, sed tantum ut & post mortem ejus, qui in ea crimina incidit, exigantur pecunie ablata, aut poenæ pecuniaria. Alia autem crimina nullo modo heredes tenent mortuo eo, qui ea admisit ante damnationem. Est etiam hoc speciale in crimine perduellionis, quod emancipationes liberorum a perduelle factæ post contractum illud crimen non valent, si accusatio & condemnatio sequuta sit vivo eo, vel post mortem ejus, nihil refert, l. quisquis, §. emancipationes, C. ad l. Jul. majest. quæ tamen emancipationes valent, si factæ sint post contractum aliud crimen, ut dixi ante. At quæro, quid sit dicendum, si donationes factæ sint ante contractum crimen perduellionis? Et quia Papinianus ait hoc loco: post contractum crimen perduellionis, ex contrario significat factas ante crimen esse ratas. Idemque demonstrat d. l. cum hic status, §. si maritus uxori, qui §. est de donationibus factis ante crimen perduellionis, vel antequam donator sibi mortem conscisceret ob conscientiam sceleris ejusdem, quas si vir alii, quam uxori fecerit inter vivos, valent, non si mortis causa, quia damnatione irritæ sunt donationes mortis causa, sicut legata, ut dixi supra. Et damnatur æque post mortem, qui sibi turpiter mortem conficit ductus contra sceleris scelera antea, & qui quid commisit contra Rempubl. vel contra majestatem ipsius Principis. Recte enim alia scelera five crimina dicuntur extingui mortalitate in l. ult. inf. ad l. Jul. majest. Mortalitas nomine significata morte, quam fors, & conditio humana adfert, & mortalitas hominum natura. Nam mortem sibi adfecta nullum crimen extinguitur. At ut ostenditur in d. §. si maritus uxori, si vir donationem fecerit uxori quasi inter vivos ante contractum crimen perduellionis, vel antequam mortem sibi adficeret, donatio non valet, quia instar obtinet donationis causa mortis, cum morte tantum donatoris confirmetur, instar obtinet donationis causa mortis, siue legati, ac proinde damnatione irrita fit. Ac postremo hoc est etiam speciale in crimine perduellionis, quod post contractum crimen perduellionis, nec ante nec post reatum, id est, post accusationem, perduelli debitor ejus solvit recte, l. ult. C. ad leg. Jul. majest. aut jure ei solvisse non intelligitur, si vel post mortem memoria ejus damnata sit, & interdictum postoris nomen. Et tamen post contractum aliud crimen capitale: imo & post reatum reo debitor bona fide solvit recte, l. auctur, §. in reatu, ff. de jure fisci. Alioquin plerique innocentium, id est, qui postea declarabuntur innocentes, & absolventur, interim necessario sumptu egerunt, & suum quod est, non possent recipere jure a suis debitoribus, l. reo, inf. de solut. Et hic est finis questionis.

Ad L. XXXVI. de Liber. Cauf.

Dominus qui obtinuit, si velit, servum suum abducere, E litis æstimationem pro eo accipere non cogitur.

Hæc sententia apertissima est: si dominus servum suum esse petierit liberali judicio, qui erat in possessione libertatis, & vicerit eum, statim veluti manu in eum injecta servum abducere posse, nec cogi pro eo oblatam litis æstimationem accipere, id est, non cogi eum vendere: litis æstimatio est similis venditionis emptio, l. 3. pro empt. l. ult. quib. ex caus. in poss. eatur, l. si propter, rer. amot. Alio jure est is, cui servus noxæ deditus est sententia judicis, qui quidem postquam deditus est servus, eum ducere & jure domini retinere non potest, si servus corrasa pecunia, & quæ sita ei offerat æstimationem damni, quia oblata æstimatione damni, siue no-

A xæ, quam ei servus fecit, etiam invito eo liber sit auxilio prætoris, §. 1. Instit. de noxal. act. quia, & non sua sponte factus est dominus servi deditione, sed magis necessitate quadam noxalis judicii, qui desiderabat tantum sibi damnum, siue noxæ æstimationem præstari, non servum. Qua ratione etiam eleganter Græci utuntur in l. 3. in fin. sup. de noxal. action. Si servus communis plurium L. Titio damnum dederit, & Lucius Titius velit agere noxali actione cum uno ex dominis servi, is, quem elegit si velit evitare actionem noxalem, quæ in eum daretur, in solidum, debet ante litem contestatam Lucio Titio cedere partem, quam habet in servo: atque ita definit teneri noxali actione, quia definit esse dominus; ac præterea Lucius Titius etiam adversus ceteros dominos amittere noxalem actionem, quia focus in focum nunquam agit noxali actione: & Lucius Titius factus est focus ceterorum, adquisita in servum parte domini: non habet etiam Lucius Titius in socios actionem communi dividendo, ut scilicet pro partibus suis damnum faciant, quoniam damnum, quod dedit servus, siue maleficium servi antiquius est communione, & ideo non venit in causam communionis. Verum d. l. 3. concludit, æquius esse Lucio Titio dari actionem communi dividendo, ut pro rata partium sociorum suorum, ei damnum præstetur, quod intulit servus. Et ratio redditur a Græcis elegantissima, æquum esse dari ei communi dividendo, quia non tam factus est dominus sua sponte, quam necessitate judicii noxalis: at qui dominum servi vindicavit, adferens se esse dominum, & obtinuit, non ideo prohibetur servum abducere, quod pro eo offeratur æstimatio, ut illo loco proponitur: & longe est alia ratio hujus atque illius. Et ita vero legatarius cui homo, vel res certa legata est, non cogitur pro ea oblatam æstimationem accipere ab herede, nisi ex iusta causa, sed districte agit, ut sibi ea res ipsa præstetur, quæ legata est, l. si domus, §. qui constituitur C. leg. de legat. 1. Ac similiter is, qui rem emit, non cogitur pro ea accipere æstimationem, vel quanti sua interest, sed venditor præcise cogitur ei rem tradere, si ejus tradendæ facultatem habeat: nam & donationem perfectam nuda conventionem ex constitutione Justiniani, ipse Justinianus ait, in se habere necessitatem traditionis, quæ necessitas, ne quis cavilleter, est simplex & absoluta, id est, sine exceptione, sine adjunctione. Id vero de donatione est in §. alie Instit. de donat. Et quod ait l. contractus, C. de fide instrum. venditori impostum esse necessitatem contractum perficere, id est, rem tradere, & implere contractum, vel id, inquit, quod interest emptoris perfolvere; ibi vel, non facit exceptionem vel adjunctionem; adjunctio exceptio est, quæ fit hoc modo: necesse est te dedas hostibus, si non vis fame perire; vel, nisi meo fame perire. Et ita si dixisset, necesse est venditori rem tradere, si nolit præstare id, quod interest, vel, nisi malis præstare id, quod interest: sane non esset simplex necessitas & absoluta, sed cum exceptione; at quum dicitur, necesse esse venditori rem tradere, vel præstare id, quod interest, ostenditur, alterutrum esse necesse simpliciter & absolute, prout emptor elegerit, & res tulerit. Et ita nominatim Paulus 1. Sentent. si id, quod emptum est, inquit, neque tradatur, neque mancipetur, venditori cogi potest, ut tradat, vel mancipet. Placet valde quod ait l. ult. C. de fideicommiss. libere. stultum esse judicem, qui damnat in æstimationem eum, qui rei restituendæ facultatem habet, quæ de agitur. Neque huic sententiæ, quæ communis est, repugnat, quod ait l. 1. in princ. de action. emp. si res vendita non tradatur, agi ex empto, quanti rem habere emptoris interest; nam quod statim subicit; interdum plus interesse, quam res valeat vel empti sit; sane ostendit hoc casu præcipue emptorem, si sapit acturum in id, quod interest, quod plus est, alioquin si minoris interest, sane acturum præcise, ut venditor rem tradat, ejus tradendæ potestatem habet, & ita ea lex explicanda.

da est. His exceptis ex adverso opponuntur duo alia exempla contraria, unum ex l. 13. §. ult. de re judic. alterum ex l. non cogendum, §. 1. de procurat. Dicamus primum de l. 13. §. ult. in ea ait, eum qui promisit damni infecti, verbi gratia, puta prohibere se, ne in ea re damnum stipulator patiat, prohibere se, ne quod ex ruina, aut vitio ædium, quod ædes faciunt, vel minantur, damnum stipulator patiat, si non faciat quod promisit, si non prohibeat, non accuret, in pecuniam numeratam condemnari, id est, in id, quod interest, ut l. stipulationes 72. de verb. oblig. nec cogi præcise facere quod promisit. Et ita servari ait in omnibus faciendi obligationibus, ut promissor si defecerit in faciendo, damnetur in id, quod interest: sed hoc ideo, quia integrum promissori non est facere, quod promisit damno jam illato stipulatori, lapsu ædium forte: at re integra sane ad faciendum compelli potest, si hoc malit stipulator: sicut heres ad præstandam rem legatam compelli potest, nec liberator offerendo litis æstimationem invito legatario, quia aliud pro alio solvi non potest invito creditori, l. 2. §. mutui, de rebus credit. Præstare facere est, l. si fundum certo die, de verb. oblig. Et sic heres iustus facere opus Reipubl. non liberatur offerendo pecuniam Reipubl. ut ipsa faciat, l. 11. §. ult. de legat. 3. Ac similiter donator, ut ante diximus, & venditor rem donatam, aut venditam tradere coguntur. His addatur etiam dominus, qui rem concessit in feudum, præcise eam tradere cogitur. Et ut nominatim scriptum est in 4. Feud. tit. 15. dominus feudi non liberatur præstando id, quod interest. Denique quicumque rem debet, non liberatur offerendo rei pretium, alioquin aperta erit via penitundini & perfidia post contractum perfectum cuicumque volenti ab eo recedere invito altero, si detur potestas offerenda pecunie pro re debita. Nec verum est, quod quidam dicunt, inoivile esse ad faciendum cogi eum, qui paratus est subire litis æstimationem. Quæso, an est incivile suum exigere, atque etiam efflagitare? Quis hoc dicat? & perperam in id adducunt l. nec temere, C. de iure deliber. quæ ait, neminem cogi emere, aut donatum accipere, aut hereditatem adire: sic fac, quia in hoc obligatus non est. Ceterum si obligatus esset, sane cogeretur, nec posset frangere fidem contractus. Et observandum est in leg. 11. 12. & 13. de re judic. proponi quatuor casus, quibus alia re, vel causa in obligationem deducta, fit condemnatio in id, quod interest. Primi casus ratio hæc est, quia ad diem fieri aliquid convenerat, & factum eo die non est, quod alio die fieri mihi stipulatori inutile est. Idcirco damnatur reus in id, quod interest, l. 11. Secundi casus ratio hæc est, quia rei debite restituenda facultatem debitor non habet, d. l. 12. Terti casus ratio hæc est: quia quum quis promisit satisfacere, & fideiussorem dare, nihil in satisfactionis promissione aliud venire potest, quam quod interest stipulatoris, ex sententia Proculi, l. 112. & l. seq. §. ult. de verb. oblig. Quia plerumque difficilis ac moleste, ac pene impossibilis est præstatio satisfactionis, l. omnes præterea, C. de epis. & cler. & l. 6. sup. si cui plusq. per leg. Falcid. Ex his tertius casus proponitur in d. l. 13. in princip. id est, in parte 1. Quartus casus proponitur in parte 2. in §. ult. Is nempe quem exposui ante, cuius ratio hæc est, quia res non est integra, ut prohibeat quis & arceat damnum, quod datum jam est, quod erat in obligationem deductum, idcirco necessario recurritur ad æstimationem pecuniariam: Contextus autem illius §. ult. d. l. 13. valde depravatus ita restituendus est: si quis promiserit prohibere se, ne quod damnum ex ea re stipulator patiat, & faciat, id est, prohibeat, facit quod promisit, &c. quæ initio aliter erant proposita, nempe hoc modo, si quis promiserit prohibere se, ut aliquod damnum stipulator patiat, & faciat, quoniam non est scribendum, ut aliquod damnum stipulator patiat, sed scribendum est, ne quod ex ea re damnum stipulator patiat, addito semicyclo, sive virgula, & faciat, facit quod promisit: sin minus, quia non facit quod promisit, in pecuniam numeratam

condemnatur. Idque glossæ, quod insertum est eo loco in Pandectis Florentinis aperte demonstrat his verbis: ita habeatur. Proponuntur duæ sectiones in hoc §. Prior falsa est: posterior vera, quod glossæ probat, dum ait: ita habeatur, hoc est, ita legatur: ne quod ex ea re damnum stipulator patiat, &c. cui simile glossæ observavi apud Arnobium 3. contra Gentes; Si tempus, inquit, significatus hoc nomine Græcorum, ut interpretes autumant, quod xpoios est, illud xpoios oportet scribere Latino charactere: habeatur xpoios charactere Græco: nullum est Saturni nomen, inquit. Illud, habeatur xpoios, Græco charactere, quod ita scriptum legi in Bibliotheca regia glossæ est, quo emendatur superior scriptura Latini characteris. Quod idem sæpe efficit in libris Varonis, de re rustica, quæ sæpe inserta est & intexta in manu scriptis litera L. ut Victorius testatur, & legi in eadem Bibliotheca, in qua litera interpretanda multi laborant. Admonemur, ut legamus eo modo, non alio: nam litera illa L. significat, legatur. Et hæc de dicta l. 13. §. ult. Restat tantum lex non cogendum, §. 1. de proc. quæ ait, procuratorem, qui cavet iudicatum solvi, quæ cautio, ut scitis, tres clausulas habet, de iudicato faciendo, de re defendenda, & de dolo malo, l. 6. iudicat. solvi eum, inquam, non cogi præcise iudicium accipere & rem defendere, ex Sabini sententia. Sed si iudicium accipere detrectet, agi posse ex clausula, sive ex stipulatione de re defendenda, & in eo iudicio æstimari, iusta fuerit necne causa recusandi iudicii, ut si iusta fuerit, reus absolvatur, quia non simpliciter promisit rem defendere, sed arbitrio boni viri: & boni viri arbitrio congruum est, ut invitus rem non defendat, qui iustas causas excusationis adfert. Atque ita hoc casu, nec cogitur iudicium accipere, nec stipulatio ob rem non defensam commissæ esse intelligitur, ut l. vir bonus, iud. solvi. Sin autem iniusta causa fuerit recusandi iudicii, non cogitur quidem præcise iudicium accipere, sed condemnatur, quanti ea res est ex stipulatione iudicatum solvi. Dico autem hoc Sabini non scripsisse de quocumque procuratore sive defensore, sed de eo tantum, qui non cogitur defendere, ut patet ex l. mutus, §. qui non cogitur, de proc. cui coheret dicta l. non cogendum. Quis vero non cogitur defendere? Is qui non egit alieno nomine: is qui non provocat alium alieno nomine ad iudicium: ego non cogor te defendere, si quis tecum agat, si non ago cum eo tuo nomine, si quam fidem susceperis, eam implere debeo: fidem autem ad defensionem absentis invitus suscipere non cogor, si non ago ejus nomine, l. invitus, C. eod. tit. Et si forte cavero iudicatum solvi, Labeo quidem existimavit, me præcise compelli posse ad defendendum, & iudicium accipiendum, nisi si qua causa mihi iusta esset recusandi iudicii, & tractu temporis res actoris non esset peritura, ut quia temporalis actio non esset, quam interit actoris vel contestari ratum cum defensore præscriptionis interrompendæ gratia. Verior tamen est Sabini sententia, ut etiam si cavero iudicatum solvi, non cogar iudicium accipere & rem defendere, id est, litem contestari, sed agi tantum mecum possit ex stipulatione ob rem non defensam. Et ratio Sabini hæc fuit: quia editio prætoris expressum non est, ut ille, qui non cogitur defendere, etiam si eaverit iudicatum solvi, iudicium accipere compellatur. Verum aliud dicendum est in eo, qui cogitur defendere absentem, puta, in eo, qui agit absentis nomine. Nam si is quo cum agit absentis nomine, invicem etiam cum eo absentis nomine agere velit, & mutuas petitiones sint, sane editio Prætoris expressum est in l. servum, §. ait prætor, eod. tit. eum cogi defendere absentem, alioquin non admitti ad agendum, l. mutus, §. poma, eod. tit. l. actionem, C. eod. tit. l. 1. sup. de novi oper. nunciat. Defendere autem ille non videtur nisi caveat iudicatum solvi, secundum quam cautionem a Prætoris, postulantem adversario, qui cavet, diffidit compelli potest ad iudicium accipiendum, litem contestandam, rem defendendam, etiam si paratus sit ex stipulatione iudicatum solvi.

solvi, subire litis aestimationem, & prestare quanti ea res est, nisi iustam causam habeat iudicii recusandi, aut iusta ex causa removeatur a domino, quae est sententia legis sed & ha. §. pen. eod. tit. quae videbatur pugnare cum d. l. non cogendum. Verum addimus, etiam eum, qui datus est procurator ad litem defendendam, si dominus pro sciente & consentiente, id est non contradicente caverit iudicium solvi, sane, ut etiam est edicto expressum in l. 8. §. ultim. eod. tit. cum, inquam, cogi praefice iudicium accipere cum illa exceptione, nisi iustam causam habeat recusandi iudicii; quales multa proponuntur in d. l. 8. §. ultim. & aliquot legibus sequentibus, quae tamen etsi iustae sint causae, nullius momenti sunt, quoniam aliqua est capio actoris propter temporis tractum, quoniam hoc casu, etiam si iustam causam habeat cessandi, omnimodo cogitur iudicium accipere, ne actio pereat actoris, l. 12. eodem tit. Quod exemplum Labeo sequebatur etiam in eo defensore, pro quo sciente dominus non cavit iudicium solvi, sed defensor ipsemet, de quo, quod nihil esset edicto comprehensum, ideo reprehensio Labeone Sabinus, qui fuit diverse scholae, sensit, nullas esse partes praeoris ad compellendum eum rem defendere abesse. Unde apparet, non de quolibet defensore Sabinum loqui. Illud tamen addi oportet, eum quoque defensorem, pro quo nesciente dominus cavit iudicium solvi, proculdubio nec compelli iudicium accipere, nec agi cum eo posse ulla actione, quia nihil cavit, neque ipse, neque dominus ipso sciente, sed dominus, qui cavit eo nesciente & detrectante defensionem, ex ea cautione conveniri potest, vel fideiusfor ejus, l. 14. eod. tit.

Ad L. IV. de Separat.

Creditoribus, qui ex die, vel sub conditione debentur, & propter hoc nondum pecuniam petere possunt, aequae separatio dabitur, quoniam & ipsis cautione communis consulitur. Legatarios autem in ea tantum parte, quae de bonis servari potuit, habere pignoris causam convenit.

Sciendum est, edicto praeoris proposito in hoc titulo promitti beneficium separationis bonorum possidentibus creditoribus defuncti intra quinquennium ab additione hereditatis, ut in l. 1. §. quod dicitur, hoc tit. videlicet, si heres solvendo non sit, & futurum sit, ut patiar possessionem & venditionem bonorum. Quo beneficio causa cognita, ut oportet, a praetore concessio, creditores hereditarii separantur a creditoribus heredis, & bona hereditaria a bonis heredis, & in bonis hereditariis creditores hereditarii, id est, creditores defuncti, potiores & soli sunt, ut nec ea attingere possint creditores heredis, nisi si quid adimpletis creditoribus hereditariis, superfuisset ex bonis defuncti, d. l. 1. §. item sciendum, hoc tit. Sed creditores heredis in suum debitum habent bona heredis, in quorum possessionem herede non solvente etiam mittantur soli, submotis creditoribus defuncti. Creditores autem defuncti mittuntur in possessionem bonorum hereditarium, crediti sui servandi causa, ut pro pignore a habente, quod pignus praetorium dicitur, quia ex ordine & edicto praeoris constituitur. Atque ita fit dato beneficio separationis bonorum defuncti & heredis, ut unum patrimonium, quod scilicet addito hereditatis, genere quodam fecerat unum, quasi dividatur in duo, & ut una persona, quae fingitur esse heredis & defuncti, quasi dividatur in duas: hinc est effectus separationis. Inter creditores autem hereditarios sive defuncti connumerantur etiam legatarii, quamvis a defuncto eis deberi non incipiat, sed ab herede. Nam & legatarii, quotiens heres non est solvendo, possunt impetrare separationem bonorum, l. pen. hoc tit. Eoque referri potest, quod ait l. hereditarium, inf. de obligat. & att. hereditarium actionum loco haberi actiones legatorum, quamvis ab herede incipiant, non in omnibus causis scilicet, sed in

A causa separationis bonorum, ut aequae eam impetrent causa cognita legatarii, atque creditores defuncti. Docet autem Papinianus hoc loco, etiam hoc beneficium sive commodum separationis dari creditoribus hereditariis, quibus debetur ex die, vel sub conditione, licet nondum pecuniam petere possint: non ergo tantum creditoribus hereditariis, quibus praesenti die debetur, sed etiam iis, quibus ex die vel ex conditione debetur: ergo & iis, quibus legatum est ex die vel sub conditione. Nam, ut diximus, in causa separationis bonorum legatarii connumerantur creditoribus hereditariis, aut loco eorum habentur. Et rationem hanc subiicit Papinianus, quia iis creditoribus, quibus debetur ex die, vel sub conditione communi cautione consulitur, quotiens scilicet heres solvendo non est: nam hic est casus, qui tractatur in hoc tit. Quoniam, inquit, & iis cautione communis consulitur. Quid vocat cautionem communem? vel cautio communis hoc loco accipitur pro praeorio pignore, quod constituitur missio in possessionem, vel pro satisfactione de solvendo debito, cum dies venerit, aut conditio extiterit, vel pro utroque remedio per consequentias, id est, uno trahente aliud, & consequente. Ac primum quidem in l. 6. sup. quib. ex caus. in poss. Paulus ait, creditores conditionales in possessionem bonorum debitoris mitti solere, quo genere pignus praetorium constituitur, ut dixi, l. missio, pro empti. Et vel uno qualicunque creditore missio in possessionem, ea missio sive cautio pignus est, cautionis species, & longe melior cautio, quam cautio personalis, l. 25. de regul. iur. Ea, inquam, missio sive cautio pignoris omnibus creditoribus prodest, vel uno tantum missio in bona etiam conditionalibus creditoribus, qui in rem sit, & generaliter non in personam, ut l. cum unus, sup. tit. prox. Qua de causa Gratianus, ut l. cum unus, sup. tit. prox. quae ad bona vel ad rem datur, ei eam missionem vocant, quae ad bona vel ad rem datur, id est, generalem possessionem creditorum. Et eadem ratione hoc loco videtur appellari cautio communis, quod innuit etiam id, quod paulo post in h. l. Papin. quum de legatariis loquitur, eam cautionem communem pignoris causam vocare videtur, pignoris praeoris scilicet, non pignoris, quasi ex tacita conventionione, quod iusti dedit legatariis in ceteris rebus hereditariis, l. 1. C. comm. de leg. Quod tamen Accursius sensit, quum in ea verba, pignoris causam, hoc loco appinxit l. 1. male, quia Iustinianus palam profiteretur, se primum esse auctorem dandae legatariis tacite hypothecae, tacitive pignoris invicem conventi, ut plane Accursio sit necesse longe a vicinia veritatis errare. At quod dicimus etiam cautionem communem hoc loco Papinianum accipere videri pro praeorio pignore, etiam a vero videtur errare, quia creditores conditionales vel in diem: de hinc quum dicam, creditores conditionales, idem existimare me dicere de iis, quibus debetur in diem. Creditores igitur conditionales idem Paulus, qui scripsit in possessionem mitti solere, d. l. 6. ait in l. pen. eodem, in possessionem non mitti. Quod sic velim componi & accipi, ut conditionales creditores non mittantur in possessionem cum effectu, quia nec possunt bona ex edicto vendere, antequam dies vel conditio venerit, d. l. pen. l. Fulcinius, §. si in diem, eod. tit. nec si a debitor prohibeantur venire in possessionem ex decreto Praetoris, in eum habent interdictum restitutorium, de quo in l. ne vis fiat ei, qui in poss. missus est, vel actionem quanti ea res est, quam habent ii, quibus praesenti die debetur, si non admittantur ad possessionem, si prohibeantur ingredi possessionem; de qua potissimum actio est d. l. pen. nec possunt etiam creditores conditionales interim desiderare caveri sibi de restituendo debito, cum dies venerit aut conditio extiterit. Hoc enim tantum permittitur officio iudicis in iudiciis bonae fidei, etiam si non alia causa subest, quae urgeat, exigenda cautionis, l. in omnibus, sup. de iudic. Sed in hoc providentia est, quod possit interim labi facultatibus, l. quotiens, §. si semel, de pacul. l. si constante, §. quotiens, sol. matrim. l. quod si in diem, de petit. heredit. l. Soja, de mortis caus.

donat. non tantum in iudiciis bonæ fidei officio iudicis, sed etiam in legatis vel fideicommissis ex die vel sub conditione relictis, de quibus caveri interim sibi recte desiderant legatarii ex edicto prætoris, non officio iudicis: ex edicto prætoris, inquam, proposito tuendarum, supremarum voluntatum gratia. Eaque cautio legatorum, quæ legatariis ex edicto præstatur, cautio vulgaris dicitur in *l. filiusfamil. §. Dicitur, de leg. 1.* id est, cautio communis, iustitæ & ordinaria, eadem forma, quæ cautio iudicatum solvi dicitur cautio sive satisfactio communis in *l. pen. quæ est Græca, de procurat. non in ædificiis*, solita satisfactio in *l. Pomponius, §. sed et si quis, sup. de procurat.* Quæ una est differentia inter creditores & legatarios, quoniam his cavetur interim, non illis. Et ex ea differentia pendet etiam & proficitur altera: quia legatarii conditionales, si eis non caveat heres, effectum mittuntur in possessionem bonorum, ut si res exegerit, etiam bona vendantur. Creditores autem, quum eis interim cavere non oporteat pro solvendo debito, non est contentum non cavente debitore, quasi debitoris contumaciæ coercendæ causa, quæ nulla est, mitti in possessionem bonorum. Solent mitti, ut ait *d. lex 6. mos hic est*, non ius, quia frustra mittuntur, cum & non admitti impune possint, & sequi venditio non possit, antequam conditio existerit. Unus tamen casus est, quo non frustra mittuntur in possessionem pendente conditione: hic casus tractatur in hoc titulo: si heres debitoris solvendo non sit, si suspectus sit conditionalibus creditoribus & aliis omnibus: hoc enim casu ex edicto prætoris pro solvendo debito, etiam conditionalibus creditoribus cavere heres debet, ex edicto, inquam, prætoris in hunc casum composito, de quo in *l. si creditores, sup. tit. pro. Aur.* ut ibidem ostenditur, si heres cavere recuset, pignus prætorium constituitur cum effectu, missis creditoribus in possessionem bonorum hereditariorum. Ac postea ex ordine distractis bonis, atque in hanc rem & finem, ut ostendit hoc loco Papinianus, separatim bonorum potestatur, ut separatim fiat missio, separatim venditio: Quia hoc casu, id est, si heres debitoris bona solvendo non sunt, etiam conditionalibus creditoribus ait, ne dum presentibus, communi cautione consulitur, id est, cautione solvendæ pecuniæ sua die, quæ non præstita consequatur prætorium pignus, ex *d. l. si creditores*. Sed & hoc casu alia differentia existit inter creditores & legatarios, quam hoc loco Papinianus indicare voluit. Differentia hæc est: creditores defuncti bona, quæ separaverunt beneficio Prætoris possident universa, atque distrahant in solidum debitum legatarii aptem, qui cum iis concurrunt, id tantum habent in causam pignoris prætorii, non præstita cautione vulgari; & id tantum distrahant quod, absolutis creditoribus defuncti, superest ex bonis defuncti, si quid superest, *l. pen. hoc tit.* quod ex bonis defuncti. Et ratio est evidens, quia legata non debentur, nisi deducto ære alieno, id est, postquam satisfactum est creditoribus defuncti. Quod & *l. Falcidia, & Senatusconsult. Pegasianum* expressum fuisse probat *l. 1. §. hæc verba: Si quis plus quam per leg. Falcid. & l. successores, C. ad leg. Falcid.* si quod superest, sufficiat legatariis, solidum adquirent, si non sufficiat, portionem tantum adquirent, ut ait *d. l. pen.* Non lex Falcidia tantum, sed & æs alienum minuit legata, aut sane nihil omnino adquirent, si nihil superest, & evanescent legata. Et ista interpretatione huius legis, totiusque questionis, nihil est enucleatum. Non est prætereunda insolens illa loquutio Papiniani, *creditoribus, qui debentur ex die vel sub conditione*, ut in Florentinis scriptum est, non male. Ea scilicet forma, quæ solvi creditores dicuntur, quum eis pecunia debetur, & a Papiniano deberi dicuntur, quum eis pecunia debetur, & nihil est præterea. Et responsis libri 12. quæ nobis supersunt restant tantum duo, quæ sunt in *l. 2. rem rat. hab.* In priore est negotii aliquid, in posteriore nihil. Prioris species hæc est.

A

Ad L. III. Rem rat. hab.

Cum minor xxv. annis, creditor pecuniam recipere vellet, interpositus procurator debitori de ratum habendo cavuit: restitutione in integrum data, neque indebiti conditionem, neque stipulationem committi constabat. Idemque eveniret si falsi procuratoris actum minor annis ratum habuisset. Et ideo ita cavendum erit, præcedente (quidem) mandato, si ille in integrum restitutus fuerit, herese ejus, aut is, ad quem ea res, quæ de re agitur, pertinebit, quanti ea res erit, tantam pecuniam dari, mandato vero non interveniente, vulgaribus verbis de rato habendo. Hec quoque prudentius inter consentientes adstringitur, alioquin si non conveniat, nec creditor minor consentiat, actionem dari oportebit. Falsus procurator de ratum habendo cavuit, atque ita dominus a sententia iudicis procuratore vicio provocavit: stipulationis defecisse conditionem, apparuit, cum ad auxilium commune superatus confugisset. Quod si dominus, qui ratum non habuit, pecuniam exegerit, stipulatio de rato committitur in eam pecuniam, quam dominus accepit, quamvis nihil procurator accepit.

B

Reditur minor xxv. annis, cum pecuniam sibi debitam recipere vellet, debitore parato eam solvere, procuratori in eam rem specialiter constituto mandavit, ut eam pecuniam reciperet: minor quidem non potest facere procuratorem ad agendum in iudicio sine curatoris auctoritate, *l. neque, C. de proc.* quia nec ipse potest agere sine curatoris auctoritate: actorem non facit, qui ipse agere non possit, *l. libero, §. pen. de negot. gest. l. Libertum non facit, qui ipse liber non est, l. qui pona, de manumiss.* At minor xxv. annis, extra iudicium omnia, quæ ad se pertinent, exceptis paucis, gerere & administrare potest sine curatore, quem etiam invitum non accipit in res suas omnes generaliter. Ita etiam extra iudicium potest procuratorem facere, non adhibito curatore. Et in summa, quod per se potest, & per procuratorem potest, quod non per se, nec per procuratorem. Recte igitur procuratori mandavit, ut oblata a debitore pecuniam reciperet, quod & procurator fecit, debitori incerto vel ignaro de mandato præstita cautione de rato. Pecuniam autem exactam pertulit ad dominum minorem xxv. annis, dominus accepit: post acceptam pecuniam, ut & in Basilicis expressum est: *κατά τὸ ἡσθὲν τὸ χρεὶν*, minor eam pecuniam perdidit & restitutus est in integrum adversus solutionem mandati suo procuratori factam, qui quidem procurator, ut dixi, debitori caverat de rato in recipienda pecunia ex conventionem scilicet. Sicut quum res inter debitorem & procuratorem agitur extra iudicium, proditum est in *l. interdum, inf. hoc tit.* solere interponi cautionem de rato habendo ex conventionem, non jam ex edicto prætoris. Ex hoc facto pendet questio huiusmodi, an debitori, restitutum minore in integrum, competat conditio indebiti adversus minorem, vel adversus procuratorem, si forte omissa sit stipulatio de rato, quia si interposita sit, ut proponitur, conditio indebiti perimitur, *l. si sine iudice, hoc tit.* vel an debitori competat actio ex stipulatione de rato, quæ interposita est adversus procuratorem? Et responderet Papinianus, neutram competere, nec conditionem indebiti, non interposita stipulatione de rato, non competere conditionem indebiti, quia debitor liberatur, qui vero procuratori solvit, *l. 6. §. Celsus, de condit. indeb. liberato conditio non datur*; & eadem ratione non competere debitori actionem ex stipulatione, quia liberatus est, quia solutio suum effectum habuit: liberatus est etiam, minore postea ratum non habente, quia rati habitio non consideratur in eo, qui mandavit, *d. §. Celsus*. Et hoc amplius, quia pecuniam exactam a procuratore recepit, ac præterea, ubi non interposita stipulatione de rato, conditioni indebiti locus non est, nec eam stipulationem interpositam committi placet, quia in locum conditionis interponitur, *l. si sine iudice, & l. ult. in fine, hoc tit.* Et consequentia semper hæc sunt, non competet conditio indebiti, si omissa est.

effect stipulatio de rato: ergo si interposita sit stipulatio, committitur. Et cum hoc scripsisset Papinianus de vero procuratore, qui mandatum habet, addit statim, idem evenire in falso procuratore, qui mandatum non habet, ut scilicet si interposita cautione de rato, pecuniam debitam minori xxv. annis exegerit, & minori restituerit: atque ita accepta pecunia minor solutionem ratam & gratam habuerit, & post pecunia deperdita inconsulto, adversus solutionem & ratihibitionem in integrum restitutus fuerit beneficio aetatis, neque debitori indebiti conditio competat, quo casu alias solet competere, neque actio ex stipulatu de rato, eadem ratione, quia debitor liberatus est, quia solutio quam ratam habuit dominus, effectum habuit semel. Quamobrem Papinianus suadet, ut debitor, si in hunc casum, quo minor restituitur in integrum, sibi cautum esse velit, atque prospectum, stipulationi de rato, quam de vero procuratore, qui mandatum habet in solvenda pecunia, creditori minori debita, stipulatur, adiciat hanc clausulam verbis solemniibus stipulationis de rato: *si ille in integrum restitutus fuerit heresque eius, aut is ad quem ea res, quae de agitur, pertinebit, quanti ea res erit, tantam pecuniam dari.* Aut, inquit, is ad quem ea res pertinebit: recte Accursius, veluti bonorum possessor aut fideicommissarius Trebellianus. Nam & is successor minoris in integrum restitui potest, l. 6. sup. de in integr. restit. Et observandum est in hac clausula nova, omnem successorem universi juris significari, non successorem rei, velleti emptorem, aut donatarium, aliter quam in vulgari & solemni stipulatione de rato, in qua his verbis: *Ratum habebiturum eum, ad quem ea res pertinebit, l. si sine §. si in stipulatione, l. procurator, hoc tit.* continetur etiam emptor, l. 16. §. ultim. hoc tit. & omnes venientes a domino persone, l. 8. §. ultim. hoc tit. Et similiter mandato minoris non interveniente, & falsi procuratoris, qui pecuniam exegit actu comprobato a creditore, minore xxv. annis, propter incertum restitutionis in integrum, ut loquitur lex si Titius, sup. de fideiuss. consultus est vulgari stipulationi de rato, eandem clausulam addere, *si ille in integrum restitutus fuerit, &c. mandato, inquit, non interveniente, consultus est prudentius est vulgariis verbis stipulationis de rato, illam quoque clausulam addere, adstruere, id est, adnectere inter consentientes, inter convenientes, ut & nonnulli ex conventionem, quam solvitur procuratori extra iudicium, omnis hac stipulatio interpretatur, d. l. interdum. Et ex hac quidem clausula, si ille in integrum restitutus fuerit, si post ratihibitionem minor restituitur in integrum, vel successor eius, stipulatio committitur in id, quod stipulatus, id est, debitoris, interest, non si omnia sit hac clausula, si in hunc casum sibi non prospexit, ut consultus Papinianus & suadet: & haec quidem omnia sunt fati aperta in hoc responso. Quod sequitur in fine huius responsi, alioquin si non conveniat, nec creditor minor consentiat: omnibus obscurissimum videtur, etiam ea verba obscurissime interpretantur, maxime ab Accursio, cuius tamen mentem Doctorum commentarii satis declarant. At si vls perspicue haec verba intelligere, mitte argutias, conspectare simplicitatem. Veritatis, ut inquit Seneca Trag. simplex oratio est. Alioquin hoc loco non significat absurdum, vel contrarium, sed diversum, quasi mutata specie, scilicet accipitur pro ceterum, ut saepissime in his libris. Hoc igitur vult Papinianus, ceterum, si non conveniat, quod non est, si non adstruatur, & connectatur illa clausula, si ille in integrum restitutus fuerit: quo tamen modo accipiunt ea verba, sed si non conveniat, id est generaliter, si vulgaris stipulatio de rato proflus omittatur, quae interponi solet ex conventionem, quam debitor procuratori solvit extra iudicium, d. l. interdum: nec debitor, inquit, minor consentiat, id est, ratum non habeat, quod sine mandato procurator exegit a debitore, si ratam non habeat solutionem factam falso procuratori, actum dari oportebit, id est, conditionem indebiti adversus procuratorem, ut definitur etiam in l. creditori, Cod. de condit. indeb. quae & actio conditionis dicitur in l. 1. Cod. eod. tit. & alio quo-*

Tom. IV.

dam loco Papiniani, actio simpliciter: locum alium esse scio similem, ubi sit non meminisse, forte vos meministis. Nam in Papiniano similiter invenimus quodam loco actionem accipi, pro conditione indebiti. Haec autem sententia huius versus maxime congruit cum iure, ut ubi omnia est stipulatio de rato, id est, si non conveniat: quod ait, conditio indebiti competat: sicut vice mutata, ubi illa stipulatio interposita est, conditio cessat, l. si sine, & l. ult. in fine, hoc tit. In posteriore responso hoc tantum proponitur: falsum procuratorem egisse adversus debitorem L. Titii praestita cautione de rato ex edicto Praetoris: hoc casu, ex iussu praetoris, & superatum fuisse, iudice pronuntiante, nihil deberi Lucio Titio, cuius nomine agebat sine mandato Lucium vero Titium ab ea sententia appellasse, qualiter ad se pertinente: Et ait, hoc casu non committi stipulationem de rato, quia, ut ait, conditio stipulationis defecit nimirum, quia Lucius Titius ratum habuit, quod gestum est in iudicio inter falsum procuratorem & debitorem: appellatio eius quod actum est, tacita ratihabitio, sive tacitus consensus est, l. 2. C. de falsis, & quemadmodum pro iis, pater ten. lib. 11. Ratum habemus non tantum verbis, sed etiam actu & tacite, l. §. h. tit. l. ultim. de bon. poss. Quid verba curem, inquit Tullius, cum facta videam? Quod si L. Titius non appellaverit, sed per iudicem pecuniam debitam exegerit, tunc sane stipulatio de rato committitur in id, quo Lucio Titio damnatus debitor solvit, ut in l. 18. hoc tit. illo loco; quod damnatus solvit: Atque ita stipulatio de rato committitur in procuratorem, qui victus est, quique nihil accepit, nihil expressit a debitore. Et hic est finis huius libri.

JACOBI CUJACII J.C. COMMENTARIUS

In Lib. XIII. Responsorum AEMILII PAPINIANI.

Ad L. XX. de Compensat.

Ob negotium copiarum expeditionis tempore mandatum, curatorem condemnatum pecuniam iure compensationis retinere non placuit: quoniam ea non compensatur.

OB negotium copiarum, &c. Copias vocat vivendi causam, copias vituales, quae in castra perferuntur, ut Cassiodorus ait in Psalm. 21. & 77. Et inde cauponae nomen Festo, Caupona, inquit, tabernaculi copias dicitur. Copiarum autem negotium expeditionis tempore mandatur turatoribus annona, quos fecerit Princeps, vel Reipub. qui *ovonitai* & *civonai* dicuntur, qui si forte conveniant nomine Reipub. civili actione residuae pecuniae, vel mandati vel conditione furtiva, & condemnentur ex ea causa, quod frumentariam five annonariam pecuniam abusi sint, actioni iudicati, si quid vicissim iis Respublica vel fisco debeat, non possunt opponere compensationem, sed quam primum Reipubl. eam pecuniam restituere debeat, quae est sententia huius responsi, & l. auferatur, §. ut debitoribus, de iure fisci, l. 17. sup. hoc tit. l. 1. Cod. eod. tit. Pecunia igitur ex ea causa Reipublicae debita non compensatur. Et ratio haec est, quia, ut eleganter ait l. 2. §. frumentaria, inf. de administrat. rer. ad civitat. pert. quia, inquit, necessaria omnibus Reipub. annonaria pecunia; moram solutionis accipere non potest. Dixi ex hac causa conventos actione iudicati non posse opponere compensationem sibi invicem a Republica debite pecuniae actione iudicati, inquam, quoniam lex ait, curatorem condemnatum. Ex quo intelligitur alias actioni iudicati opponi compensationem posse, licet priori iudicio opposita non fuerit, ut in d. l. 17. & in l. 2.

Q999 2 Cod.

Cod. eodem tit. Neque vero huic responso obstat *d.l. 17.* cum ait, condemnatum ex eo, quod adilitatis tempore arctiorem præbuerit annonam, actioni iudicati posse opponere compensationem, quia, ut eadem l. ostendit, dum adicit hæc verba: *frumentaria pecunia debitor non videtur*, ea l. non de debitore loquitur pecuniæ frumentariae, vel annonariæ destinatae copiis militibus, sed loquitur de adile curuli, qui populo arctiorem annonam præbuit, id est, qui non tantum præbuit, quantum oportuit, quive sibi ex ea retinuit aliquid, & in usus suos convertit, qui eo nomine recte conventus conditione furtiva, recte opponit compensationem sibi a Repub. invicem debita pecuniæ, quia non est debitor pecuniæ delegatae frumento, vel annonæ comparandæ, sed est debitor annonæ, panem civilem, qui populo erogari solebant: est debitor annonæ quam interverit, nec publice, ut debuit, erogavit, & compensationis jus denegatur tantum debitori pecuniæ annonariæ. Notandum, conditioni furtivæ opponi compensationem posse ut in l. 10. §. *quotiens*, *h. tit.* ubi legendum tamen est hoc modo, *id est, est condicatur ex causa furtivæ*; ut quodam loco ostendi. Conditioni furtivæ opponi compensatio potest, non actioni penali furti, hoc nunquam invenies: opponi potest actioni, quæ rem pecuniæve persequitur, quæ actori abest, non actioni, quæ persequitur penam etiam pecuniariam, vel in civili, vel in criminali iudicio. Et in *d.l. 17.* etiam ostendi recte in Florentinis esse scriptum, *adilitatis tempore*, id est, tempore gerendæ adilitatis potestatis, ut & Basil. *ἐν τῷ ἀγορευματι*, & male veteres & novos quosdam interpretes legere, *adilitatis tempore*, quæ vox Latina non est, & corrupte in Alexandro Seyero Lampridii, cum *vilisatem* populus Rom. ab eo peteret: quidam *adulitatem* habent, id est, cum populus posceret viliori pretio addici species annonas, frumentum, vinum, oleum: ut in Commodo, *vilisatem* proposit, inquit, ex qua maiorem penuriam fecit: quod plerumque contingit, ut quum cara est annona, si magistratus proponat vilisatem, eo fiat carior. Recte etiam in Mac. l. 20. Basil. hoc loco *ἀναστῶν χρηματα ἐνι σπυρίδι ἐν καίρῳ σπαράσσῃ*, id est, qui accepit pecuniam ad coemptionem expe-
ditionis tempore, id est, ad coemptionem copiarum, & specierum militarium, quas etiam invitis provincialibus comit suo pretio, ut in *tit. Cod. ut nemini lic. in coempt. specier. excus.* Boetius l. de consol. acerba famis tempore gravis, atque inexplicabilis indicia coemptio. Coemptio frumenti scilicet extorta venditione ab invitis. Planudes sic vertit, *τῷ καίρῳ τῷ ἀγορᾷ τῶν λίμνῶν*.

Ad L. XVII. de his, quib. ut indig.

Herodem, qui sciens defuncti vindictam insuperhabuit, fructus omnes restituere cogendum existimavi, nec probe consideratum, actionem consensam restitui: deceptum autem ignoratorem facti, bona fidei possessoris defensionem habiturum, ante motam scilicet controversiam, si ratio fructuum subducatur, nec improbe consensam actionem reddi postulatum.

Si heres post aditam hereditatem non ulocatur necem testatoris, iure scilicet & legibus, eo qui testatorem occidit, reo cadis postularo & peracto usque ad sententiam, certum est indistincte si scierit necatum fuisse testatorem, sive ignoravit, scilicet ei, ut indigno potiundæ hereditatis eam hereditatem addere, qui non defendit necem defuncti: sic punitur non tantum dolus, sed & negligentia heredis, qui non inquisivit in genus mortis testatoris. Sed quaeritur, adempta a fisco, & erepta hereditate, an etiam fructus omnes, quos percepit, aut percipere potuit, post aditam hereditatem fisco restituere debeat: Ac præterea quaeritur, an vicissim ei sint restituendæ, & redintegrandæ actiones, quas habuit in defunctum, quasque aditio hereditatis confudit, atque peremit: Quod item queri potest de servitutibus prædiorum, quum prædium hereditarium prædio heredis ante aditionem servitutem aliquam

A debuit, quam aditio confuderit. Et ad quaestionem huiusmodi Papinianus distinguit inter scientem & ignorantem, ut fecit etiam lib. 6. in l. *propter*, §. 1. de *Senatus. Syllan.* In hereditate auferenda non distinguimus inter scientem & ignorantem: at in fructibus auferendis, quos percepit heres post aditionem, & in restituendis hereditationibus vel servitutibus, quas aditio confudit, distinguimus inter scientem & ignorantem. Scientem dicimus omnes fructus restituere: omnes, id est, quod lex ipsa ostendit satis aperte, quoquo tempore perceptos aut percipiendos ante vel post motam a fisco controversiam bonorum: sciens omnes fructus restituit, quos percepit ante vel post, quia malæ fidei possessor est. Et certum est, malæ fidei possessorem etiam fructus cum ipsa re præstare, l. *certum*, C. de rei vindicat. ubi etiam ex hoc loco, omnes fructus, sic oportet accipere, quod nostri non tenent, quos scilicet percepit, aut percipere potuit, ante vel post litem contestatam, ante vel post controversiam motam: ne dicas omnes, ut in l. *bona fidei*, de *acquir. rer. dom.* id est, & eos qui sponte nascuntur, & eos qui satione & cura nostra proferuntur, quo modo posset vox, omnes, accipi: nempe, omnes, qui vel satione prædeunt, vel nulla satione, aut cura, ut viridarii poma, ut sylva, ligna, aut pecudum lac, quod Virgilius in Culice vocat, *Agræsum bonam sortem, curamque securam*, quia etsi ii omnes fructus in restitutionem veniant, tamen non respicit hoc loco ad eam differentiam fructuum, quum dixit, omnes, sed ad tempus, quo perciperentur, aut percipi potuissent, ut scilicet temporis nulla distinctio fiat. Eadem vero ratione, quia malæ fidei possessor est, scienti non restituuntur actiones vel servitutes prædiorum aditione confusa, non integratur ei ius debiti, vel servitutis pristina, l. *indignum*, *sup. hoc tit.* & l. *prox. §. bonis*, *inf. l. 1. C. eodem tit. l. ejus*, §. *ultima. inf. de iur. fidei*. Hæc de sciente. Ignorantem, qui deceptus ignorantia facti existimavit, testatorem sua morte functum, non violenta, *ἀναδύναται*, ait, non restituere cum re ipsa fructus perceptos ante motam controversiam & consumptos: quia bona fidei possessor est: fructus, inquam, perceptos suo labore, impensa cura sua: nam *ἀποκατα* fructus placet restituere etiam bonæ fidei possessorum, quoquomque tempore provenierint, l. *fructus*, de *usufr.* non fructus, *ἀποκατα*, multo sudore paratos, ut Ovidius ait undecimo:

Multo sudore parentes.

Dura lætosi sudiebat arces coloni.
Post motam autem controversiam a fisco, fructus perceptos, aut qui percipi potuerunt bonæ fidei possessor restituit, quia post motam controversiam comparatur malæ fidei possessori, *d.l. certum*. Placet etiam, ignorantem actiones vel servitutes confusas aditione, ablata hereditate a fisco esse restituendas. Et hæc est sententia huius responsi; ait, *herodem qui sciens defuncti vindictam insuperhabuit*: quo verbo in his libris solus Papinianus utitur: *insuperhabuit*, pro negligit & omisit ut in l. *sunt persona*, de *relig. & sumpt. suor.* propter utilitatem publicam, inquit, *strictam* rationem juris *insuperhabuit*. Et Imperator quoque in l. 2. *Cod. si omisa sit causa*, *restam. iudicium defuncti non insuperhabuit*, ut perspicue emendavimus, id est non omisam causam testamenti, cui opponat causam irriti facti testamenti ratione juris, non repudiatione, vel *insuperhabuit* heredis. Eadem voce utuntur etiam Apulejus, & Symmachus, & A. Gellius, & vetus interpres Panareti, qui animam suam diligit, *insuperhabuit*, id est, despiciatui & contemptui ducatur. Sunt in eo interprete multa antiqua & elegantia verba, quæ temere mutanda non sunt, ut illud, *insuperhabuit*, & *insuperhabuit*, pro *insipiens*: quod est duobus in locis, quo Cato & Seneca duobus locis utitur, *insuperhabuit*, inquit, *est ostentare divitias*, ut est apud Festum in verbo *frusci*, & Matificanensis Concilii can. 19. Sequitur lex 15. ad l. *Falcid.* quæ continet multa oracula Papiniani.

Ad L. XV. ad Leg. Falcid.

Quod bonis jure Falcidia contribuendum est a debitore, cui mortis causa pacto debitum remissum est, in factum concepta replicatione retinebitur.

Quod ad primum responsum attinet, sciendum est, non tantum ex legatis & fideicommissis, sed etiam, ut Severus constituit, ex donationibus causa mortis, quæ instar legatorum sunt, Falcidiam detrahi, herede legatis, fideicommissis, donationibus causa mortis onerato supra dodrantem, l. 5. Cl. eod. tit. l. 2. C. de mort. caus. donat. Qua de causa ut legata, ita donationes causa mortis in ponenda ratione legis Falcidie bonis hereditariis contribuantur, committuntur, connumerantur, quæ moriens testator reliquit, ut l. 1. Seja, §. ult. inf. de mort. caus. don. ut scilicet, ea inter se partiantur heres, & legatarii, fideicommissarii, donatarii mortis causa, pro quadrante & dodrante: ita ut heres jure Falcidie ex universis bonis ferat quadrantem, dodrantem præter legatariis fideicommissariis, vel donatariis causa mortis sibi habere sinat. Donatio causa mortis est, non tantum si rem meam donandi animo tradiderit mortis causa, sed & si debitori meo pacto cum eo habito, quod Greci vocant *συμβασις* *συμβασις*, pecuniam debitam remittere mortis causa, id est, ut non peteretur, si is mihi superviveret: contra, ut peteretur, si ego ei superviverem, si eum vivendo viverem. Ergo & me præmortuus, debitor cum pecunia quasi donatam mortis causa bonis meis contribuere & computare, & Falcidia subicere debet, si l. Falcidia ratio intervenit, nempe ut heres ex ea pecunia retineat xxv. fi in debito fuerint centum, quod remissum est mortis causa. Et hic maxime notanda est differentia una inter legatas & donationes causa mortis: nam Falcidia quidem locum habet in omnibus, verum ex omnibus non eodem servatur, aut retinetur modo: legatorum enim hoc jure, quod obtinuit ante Justinianum, id est, ante l. pen. C. eod. tit. legatorum, inquam, Falcidia servatur, vel fideicommissorum, non ut hodie ex ea constitutio Justiniani, etiam per actionem, id est, vindicationem aut repetitionem Falcidie, sed per retentionem tantum legatariis ab herede legata petentibus, ut fit, opposita exceptione doli mali, vel in factum, si ea solida petant sine diminutione Falcidie, ut l. seq. & l. 80. in fi. hoc tit. l. heres, ff. ad Treb. Qua retentione si forte non utatur heres remedio exceptionis, qui non ignoravit Falcidiam intervenire, sane videbitur Falcidiam legatariis remississe, & noluisse uti beneficio legis, quæ ejus causa lata est, ut ait l. post. hoc tit. Alia ratio est donationum mortis causa, quia non petantur ab herede ut legata: non præstantur ab herede ut legata, sed ab ipso donatore, eodemque testatore per traditionem aut mancipationem præstitæ jam & perfectæ sunt, dum is vixit, & ideo earum retentione Falcidie causa uti heres non potest, quia eas penes se non habet. Quamobrem ne Falcidiam earum rerum, quæ mortis causa donatæ sunt, amittat, necessario danda est heredi adversus donatarium Falcidie repetitio, aut vindicatio, quia retinendi eas res facultas nulla ei suppetit, quod ita semper obtinuit & obtinet vel Justiniano auctore in d. l. pen. quasi, ut ait, ipso jure Falcidia earum rerum semper manserit in bonis testatoris, derogare nec testator potuit. Idque comprobatur etiam l. cum pater, §. mater, & l. M. Juvio, de legat. 2. Et ex hac differentia inter legata & donationes causa mortis, quæ evidentissima est, enascitur alia, quod interdictum quod legatorem pertinet ad legata, ut beneficio interdictionis possessionem legatorum, quam nacti sunt legatarii sine voluntate heredis, ab iis recuperet vel adipiscatur retinenda Falcidia causa, quoniam ejus tantum habet retentionem, non petitionem: verum ad donationes causa mortis interdictum non pertinet, quia ex donationibus causa mortis, heres Falcidie petitionem

A habet, l. 1. §. si quis mortis, quod legator. l. 1. C. eod. tit. Itaque in specie proposita heres a debitore, cui totum debitum testator remisit mortis causa, recte petet quadrantem debiti jure Falcidie, quem vel jure Falcidie habere debet: & si debitor heredi agenti opponat exceptionem pacti, quasi toto debito sibi pacto remisso, heres postea replicatione doli mali, vel replicatione in factum hoc modo: quod jure Falcidie sibi quadrans debitus ex donatione mortis causa, non potuerit petitione remitti: quæ replicatio auxiliatur actioni, atque ita ex summa debita Falcidiam heres retinebit atque deducet; per actionem igitur, non per exceptionem: nam replicatio actionis adminiculum est: actio est telum, exceptio clypeus: replicatio aliud telum: actione igitur five replicatione doli mali, vel in factum inducitur Falcidia & retinebitur ab herede ex donatione debiti facta mortis causa. Papinianus dixit, replicatione in factum concepta, nec addidit, vel replicatione doli: quoniam satis constat, ubi illa est, & hanc esse, concurrere semper replicationem doli, vel actionem, vel exceptionem doli. Actiones tamen, exceptiones, replicationes in factum verbis temperari, nec in eis fieri mentionem doli mali, l. non debet, sup. de dolo malo: leviores esse verbis: vi tamen ipsa esse de dolo malo, & fide mala. In factum concepta, ait Papinianus, id est, in factum comparata, l. 4. §. si e Titio, de doli except. in factum comparata, §. 1. Insuper, de except. quæ eodem loco recte Theophilus ait, opponi *δωρικαίας*, ut Glossæ Philoxeni, ita factum conceptas, interpretantur *δωρικαίας*: in quibus tamen corrupte legitur, factum conceptas: *δωρικαίας*; id est, expolita narratione rei gestæ simpliciter, & omnia atrocitate verborum, non notato dolo, aut fraude rei, vel ut ait, l. cum mota, C. de transact. præscriptis verbis demonstrata re gestæ, hoc est, uno verbo, in factum, ut l. 1. C. de revoc. his, quæ in fraud. cred. sicut negotium gestum erit, id est, in factum. Vertam *παρησάσεις* verba hujus responsi, ut sensus sit apertior: quod debitor testator pacto convento mortis causa debitum donavit & remisit Falcidie servanda causa, bonis hereditariis testatoris contribuendum & conferendum est, ut heres qui Falcidiam ex eo debito retinere desiderat & repetit, eam retineat & repetat adversus exceptionem pacti, quæ se defendit debitor opposita replicatione doli mali, vel in factum, quod non potuerit ei ultra dodrantem mortis causa debitum remitti: sic heres exiget a debitore quadrantem, dodrans debiti tantum apud debitorem remanebit. Hæc est sententia hujus responsi. Male Accurs. semel ponit speciem in liberatione legata, quia manifestum est Papinianum loqui de donatione causa mortis, & liberatione legata, non actionis vel replicationis jure heres Falcidiam retineret, sed jure exceptionis, debitore, cui liberatio legata est, agente ex testamento ut ab herede accepto liberetur, l. 3. §. nunc, l. 7. §. 1. de liber. leg. Male etiam Accurs. tentat heredem ipsum debitore pacto convento debitum remississe mortis causa: nam si heres ipse remisit debitum, plusquam manifestum est, non cadere eam remissionem in rationem legis Falcidie, de qua tamen hic agitur. Male etiam Accurs. quum Papin. ponit, pacto fuisse remissum debitum mortis causa, ait, idem esse, si acceptilatione remissum sit debitum mortis causa. Quod fit quidem recte, ut in l. mortis causa capitur, §. Julianus, inf. de mort. caus. donat. l. quærebatur, inf. hoc tit. quia acceptilatio, etiam si non possit fieri sub conditione expressa; potest tamen fieri sub tacita, l. actus de reg. jur. quæ quidem inest acceptilationi facta mortis causa. Sed si testator acceptilatione mortis causa debitum remisit, & l. Falcidia locum habeat, hoc casu non est heredi necessaria replicatio doli, vel in factum, sed de Falcidia experiri potest, Falcidiam repetere aut vindicare potest sine metu exceptionis, quia nulla exceptio se tueri debitor potest, quandoquidem ab initio acceptilatio in quadrante non intelligitur constituisse, sed in dodrante tantum, ut nominatim est prædictum in d. l. quærebatur.

Ad §. Frater.

Frater cum heredem forem scriberet, alium ab ea, cui donatum volebat, stipulari curavit, ne Falcidia uteretur, & ut certam pecuniam, si contra fecisset, prestaret: privato- rum cautionibus legibus non esse refragantem constitit: & ideo forem jure publico retentionem habituram, & actionem ex stipulatu denegandam.

Species hæc est: frater forem heredem scripsit, & ab ea multa legata legavit, vel donavit mortis causa supra modum legis Falcidiae; & cum nollet forem uti beneficio legis Falcidiae, nec tamen posset vetare palam, ne Falcidia uteretur, *l. nemo potest, de leg. 1.* interposuit L. Titium, cui fundum, verbi gratia, mortis causa donaverat, qui stipularetur ab fore, eam Falcidia non usuram, aut si uteretur, certam pecuniam sibi daturam poenæ nomine. Ita Græci ponunt speciem recte hoc loco, videlicet forem promississe poenam, ut ajunt, *μίσθωσι καὶ τῷ μισθῷ δαπάνης δόσαντες*, accepturo donationem post mortem, donatario mortis causa, quod latius memini me exponere in Novella 1. Justiniani. Quæritur an si heres Falcidia utatur, committatur stipulatio poenalis? Videri potest heres sequuta voluntate fratris, quæ interposita a fratre, id stipulanti promissit: & sane si post mortem (*) fratris idem promississet, se non usuram Falcidia, vel si contra faceret, daturam pecuniam poenæ nomine, committeretur stipulatio, *l. quod quis, inf. hoc tit. l. ult. C. eod. tit. l. si patronus, & l. de donat.* Et ratio hæc est, quia unicuique licet de commodum suo detrudere: ergo heredi licet non uti Falcidia, quum ea locum habet, puta, post mortem testatoris. Lex Falcidia heredis causa data est, *d. n. potest, hoc tit.* Ergo heres ea non uti potest. At quia vivo testatore id promissit heres scriptus vel scripta, antequam ullum jus sibi competere, antequam Falcidia casus existeret, stipulatio interposita esse videtur, non ut juri privato, quod nullum erat, sed ut juri publico derogaret, id est, legi Falcidiae. Et ideo ipso jure stipulatio non valet: dico ipso jure, quoniam Papinian. destrinxit ait, *actionem ex stipulatu denegandam*. Igitur mortuo fratre integra est heredi Falcidia retentio ex donatione causa mortis, & legatis omnib. & fideicommissis, ut nec stipulatori ea conventio, nec ulli alii proficiat, quo minus patiat Falcidiam. Privatorum, inquit, cautione legibus non esse derogandum: in *l. ult. inf. de suis & legat. hered. privatorum* cautionem legum auctoritate non conferi: quo argumento, quia lex legi derogare potest, privata causa legi derogare non potest. Ergo legis auctoritate non censetur. Quod in Basil. hujus secundi responsi sententia relata est, nec omissa, id satis validum argumentum præbet, etiam hodie quod ex Novella Justiniani potest facere testator, ne lex Falcidia in suo testamento locum habeat, eam tamen pactionem, de qua hic agitur, nullam vim habere.

Ad §. Non ideo.

Non ideo minus Falcidia rationem in ceteris annuis legatis admitti visum est, quod primo ac secundo anno sine ulla detractioe fuisset legatario soluta.

Sequitur aliud responsum, quod tertio loco positum est in *l. 15. ad l. Falcid.* Finge Lucio Titio legata sunt annua centena, in alimentis forte plura sunt legata: primi anni legatum est parum, cuius dies cedat statim a morte testatoris: sequentium annorum legata sunt condicionalia, quatenus inest eis hæc conditio, si legatarius vivat, quia ita legata morte legatarii finiuntur, *l. 4. & l. 11. de annuis leg. l. 10. & l. 20. quando dies legatarii*.

(*) Vide Merill. variant. ex Cujac. *lib. 2. cap. 9.*

A. *l. 1. §. si annos, sup. hoc tit.* Porro heres Lucio Titio primi & secundi anni legata solvit in solidum sine detractioe Falcidiae, quam certum erat locum habere. Queritur, an & sequentium annorum heres eogatur plena, integra, solida legata solvere, non detracta Falcidia, qui priorum annorum jam cepit solvere legata integra? Et respondet, non posse cogi. Detrahit igitur Falcidiam, cui locus est, ex sequentium annorum legatis: quæro, an etiam ex sequentium annorum legatis detrahit Falcidiam pro legatis primi & secundi anni? Et distingo: Aut ea legata ultro primo & secundo anno solida solvit sciens prudensque, animo omittende Falcidiae, & in eis legatis specialiter plenioris fidei testatori exhibende gratia, pleniorisque obsequii: Et hoc casu pro his nihil detrahit, sed pro sequentium annorum legatis tantum: & ratio est evidens. Aut ea legata solida solvit non animo omittende Falcidiae: & tunc ex reliquis legatis Falcidiam detrudere potest etiam pro his, quæ jam solvit, ut constat ex *l. proque sequitur, & loquitur etiam de pluribus legatis uni relictis*, sicut hic §. puta, de pluribus rebus uni legatis, quia tot sunt legata, quot sunt res, *l. §. sup. de legat. 2.* Et adde in *l. sequenti*, idem esse, si uno legato tantum relicto partem dimidiam solvere integram, quam utique nemo dicit solvi animo omittende Falcidiae: nam ex reliqua parte totius legati Falcidiam retinere potest, hæc vero dicimus de pluribus legatis uni relictis: nam si pluribus plura relicta sint, & heres ultro quibusdam solverit legata in solidum sine ulla detractioe, ex ceterorum quidem legatis poterit Falcidiam detrudere, *l. 6. C. eod. ubi legendum, ultro, non ultra*: sicut & in *l. si pigri, in fi. famul. cretici*. Florentini recte ultro: alii haud recte, ultra. Ex ceterorum, inquam, legatis Falcidiam detrudere potest pro rata ceterorum legatorum, non etiam pro his, quæ aliis legatariis solida & integra solvit. Et ratio hæc est, quia sui quique non alicui legari Falcidiam pati debet, quum autem uni plura legata sunt, & in uno legatum omnium Falcidiam legatarius patitur, suorum, non alienorum legatorum Falcidiam patitur: nec conquiri potest, quod in uno legato omnium patitur Falcidiam, maxime quum legata consistunt in pecunia numerata, quamquam & idem sit in pluribus rebus uni legatis, ut in *l. sequenti*. Quod autem ait d. *l. 6. in fin.* heredem, qui solvit quibusdam solida legata, aliorum legata jure Falcidiae diminueri posse, nec inivum aliis præstare solida: recte Theodorus notat, abrogatum esse Justiniani Novell. 1. quæ vult, eum, qui solida legata quibusdam legatariis solvere cepit, & ceteris similiter solida debere persolvere, quasi approbata in omnibus voluntate testatoris, & legatariis omnibus remissa Falcidia, nisi, ut ait, heres deceptus fuerit iusta ignorantia facti, ut quemadmodum in ea Novella ait Julianus Antecessor, si mirabile aliquid existeret, quod diminuat patrimonium defuncti, veluti inopinatum æs alienum defuncti, mirabile vocat, quod in ea Novell. Justinian. expressè: neque tamen ex ea Novella etiam efficias probe, uni pluribus legatis relictis, & quibusdam ei solutis in solidum, & cætera eidem esse solvenda in solidum: alioquin dicendum esset cum Accurs. & hunc §. abrogatum esse, & leg. quæ sequitur, quod est falsum: quia Novella loquitur de pluribus legatis pluribus personis relictis, non de pluribus legatis uni relictis: & jus novum restrictum accipiendum est, non ampliandum. Itaque verius est, heredem, qui uni quædam legata solvit in solidum, eo facto non videri omnium legatorum Falcidiam uni eidemque legatario relictorum remisisse: sicut, nec si unus legati partem dimidiam solvisset integram sine diminutione, qua comparatione utitur l. proxima, quæ sequitur, plura legata uni relictis quasi quodammodo unum sunt. Male etiam Accursius ad illa verba, *sine ulla detractioe*, quæ supponunt heredi facultatem fuisse detrahende Falcidiae, si voluisset, sed noluisse uti facultate quam habuit, & quædam legata solida exolvisse. Adde ad illa verba, *sine ulla detractioe*, & sine

& sine cautione, inquit, de restituendis legatis; si Falcidia emerget: de qua cautione est totus titulus qui sequitur, & solet vocari, cautio Falcidia. Supplet igitur Accursius, & sine ulla cautione soluta fuisse legata: male, ut dixi, quoniam ubi heredi facultas est detrahendae Falcidiae, ut puta, quum certum est & liquidum Falcidiam locum habere, huic cautioni locus non est, l. 3. §. si in plures, tit. seq. frustra dicit omisam cautionem, quae etiam interponi non potuit: at non frustra Papinianus dicit, omisam Falcidiam, quae detrahi potuit. Male etiam Accursius in contextu legit, quod primo ac secundo anno sine ulla detractioe fuisset legatario soluta, & illa verba, fuisset legatario soluta, sic interpretatur, quod fuisset soluta ratio, quae poterat retineri, id est, Falcidia, ac si Papinianus inepte scripsisset, sine detractioe Falcidiae, Falcidiam fuisse solutam: & sane rectius Florentini, fuissent legatario soluta legata, scilicet primi & secundi anni, non fuisset. Idem Accursius male & a propodivisus opponit l. i. C. de fideicommissis si hoc diceret, solutis integris legatis aut fideicommissis quibusdam annuis, & sequentium annorum eidem integra legata solvi debere, sine recte opponeretur & nobis facilliter negotium, sed sine hac adjunctione, integris, & integra, ait d. l. i. solutis uni quibusdam legatis annuis simpliciter, & sequentium annorum legata eidem solvi debere, quasi approbato iudicio defuncti, licet forte ab initio iniusta fuerint: quod non pugnat cum hoc responso, in quo de Falcidia ratione agitur. In ea l. i. de Falcidia nihil agitur. Male etiam Aeneas Goveanus, qui & proximam superius responsum male interpretatus est, in hoc responso ponit speciem de legato relicto annua, bima, trima die, a suis pater, dans trois ans, quod non plura, sed unum est legatum, divinum tribus pensionibus annuis, l. Firmio, §. ult. quando dies leg. ced. nec quot funt pensiones, tot sunt legata: denique unius legati pensiones non sunt legata, sed partes legati, plura legata annua; & plures pensiones sunt fateor, ut in l. 47. hoc tit. quae promissae dicit legata annua, & pensiones annuas: sed contra plures pensiones non semper sunt plura legata. De pluribus autem legatis agi in hoc §. illa verba manifeste demonstrant; in ceteris annuis legatis: non ergo de legato relicto annua, bima, trima die, vel etiam quadrima die, & quinto anno, in plures dies annuas pensiones, quanquam, quod notandum est, & in legato relicto annua, bima, trima die, quadrima die, quinto anno, sexto anno, ut opinor, idem juris sit, ut locum habente lege Falcidia, si heres cum posset ex omnibus pensionibus Falcidiam statim deducere, d. l. 3. §. si in plures, ex quibusdam sciens ultro non deduxerit, non ideo possit videri & ceterarum pensionum Falcidiam remisisse, Falcidia etiam incerta, nec dum emergente, vel apparente. Dico nihil distare legata annua a legato relicto in pensiones plures: nam & prima legata primorum annorum solvuntur integra accepta cautione Falcidiae, de qua in tit. seq. solvuntur, inquam, integra, interim dum veniat annus, quo contra legatam Falcidiam aliquid ultra dodrantem debeat, & cum is annus venit, retro omnia legata singulorum annorum lege Falcidia minuantur, quod constat ex l. i. §. si in annos, §. l. 47. C. l. 73. §. magna, hoc tit. Nam post longum tempus, post aliquot annos Falcidiam induci non est novum, quae ante non fuit inducta, l. 58. hoc tit. Ita vero & unius legati pensiones primae integre solvuntur, quum incertum est lex Falcidia locum sit habitura necne, & ex postfacto si emerget Falcidia, minuantur, quae est meo iudicio sententia l. 32. §. annua, hoc tit. dum ait, legato relicto annua, bima, trima die, non tantum ex posterioribus pensionibus, vel annis, quibus scilicet emerit Falcidia, quibus exult caput, sed etiam ex superioribus annis, retrorsum legis Falcidiae rationem haberi, licet superiorum annorum pensiones integre solutae sint, quod & ratio suadet: & male tamen ille, nondum existente nec emergente Falcidia. In quo casu, quem ante

A proposui in annuis legatis, haud perseverat cum eis conferens legatum relictum annua, bima, trima die, aut sane delirat: ait, ultimo anno non expectato nondum emergente Falcidia, de omnibus pensionibus eam detrahi: quod est ac si diceret, Falcidiam detrahi ante Falcidiam, ante casum Falcidiae. Tunc enim duntaxat non expectatur ultimus annus, & statim ex omnibus legatis vel pensionibus detrahitur Falcidia, quum certum est, eam locum habere, d. l. 3. §. si in plures, non quum dubitatur, utrum lex Falcidia locum habitura sit, nec ne, & tamen cum esset incertum, eam locum habere, si heres ex quibusdam legatis vel pensionibus uni debitis non deduxit Falcidiam, non ideo & ex ceteris non debet deducere, ut Papinian. responderet hoc loco. Res non carebat dubitatione. Dubitationem enim faciebat, quod heres, qui locum habente Falcidia, vel in quibusdam legatis, ea non utitur, eam penitus omisisset & iudicium defuncti in totum approbasse videatur, quae dubitatio tanta est, ut & in legatis pluribus personis relictis, id hodie voluerit Iustinianus obtinere in Novel. 1. Et praeterea, quod ille ait, hoc posito, non etiam concessio a nobis, nondum legem Falcidiam emerisisset in specie huius §. nullam esse in hoc §. dubitandi causam, quasi primi & secundi anni legata interim heres debuerit omnimodo integra perolvere. Et etiam non placet: quoniam ea res maxime fuit controversia inter juris auctores; aliis, prima legata interim solida solvi volentibus, quorum sententia magis est in usu: aliis volentibus statim ex omnibus legatis Falcidiam detrahi, aestimatis legatis conditionalibus, quanti venire possunt, l. 45. §. 55. hoc tit. Minus etiam placet differentia, quam statuit inter res & summas plures uni legatas, ut quibusdam rebus solutis sine detractioe, ex reliquis Falcidia servetur per retentionem, etiam proliis, quae iam solutae sunt: ex summis autem, per actionem, non animadvertit, quod ad effectum attinet (quantum a la maniere de proceder, il y a difference.) nihil interesse ipso iure per actionem fiat aliquid, an per exceptionem, l. nihil interest, de regul. juris: non animadvertit etiam iure isto regulariter Falcidiam detrahi ex legatis quibuscunque per retentionem tantum, non per actionem, nisi si quae res sint in legatis, quae iam apud legatarium fuerint mortis tempore, ut in specie leg. lineam hoc tit. de linea margaritorum, tracta serie margaritorum, linea divite, ut Martialis loquitur, quod iam erat apud legatarium: contra in donationibus causa mortis regulariter Falcidiam servari per actionem, nisi si quae res donatae apud defunctum vel heredem fuerint, ut in §. proxi. sup. Et postremo male etiam idem statuit hoc velle Papin. in hoc §. ex posterioribus legatis, quae Falcidia dans causam, etiam pro superioribus quae integra soluta sunt, Falcidiam retineri. Quod Papinian. non dicit, nec dici potest indistincte, ut initio ostendi, id est, non nisi constet animum non fuisse omittendae Falcidiae heredi, qui superiora legata solvit integra, & voluit tantum Papinianus definire, quod etiam est primum, an pro rata posteriorum legatorum possit retineri Falcidia; an posteriora legata possent revocari ad exemplum priorum, quae integra soluta sunt, non etiam an ex posterioribus legatis, & pro rata priorum detrahi Falcidia possent. Et hac sunt quae in eum §. dicenda erant.

Ad §. quod Avus.

Quod avus ex causa tutelae nepoti debuit, cum avo nepos solus heres exisset, ratio Falcidiae si poneretur, in are alieno bonis deducendum respondit: nec ad rem pertinere, quod heredem avus idemque tutor rogaverat, ut si sine liberis ante certam aetatem decederet, tam hereditaria quam propria bona restitueret: non enim ex hoc hereditatem debito compensatam videri: cum vel ideo maxime declaratur non esse compensationem factam, quoniam heredem suum habere propria bona defunctus ostendit. Plane si conditio fideicommissi fuerit impleta, fructus hereditatis post mortem avi

perco-

percepti, pari pecunia debito tutelae compensabuntur, sed A
quarta heredis nepotis de bonis duntaxat, quae moriens avus
reliquit retinebit.

Quartum responsum est in §. quod avus, in quo
proponitur species huiusmodi: Avus, qui nepoti
debit mille ex administratione tutelae, nepotem
heredem instituit ex asse, & non oneravit quidem legatis,
ut vulgo fingunt, sed rogavit tantum, ut si sine liberis
intra xxv. annis vita decederet, L. Titio heredi-
tatem avi, atque etiam bona propria omnia restitueret.
Quod ad bona avi attinet, fideicommissum valet: quod
ad bona propria heredis, fideicommissum non valet, l. co-
heredi §. quod si heredes, de vulg. substit. in illo loco: nec fi-
deicommissum proprie facultates filii heredis instituti tenebun-
tur, & l. 5. cum filiusfam. l. miles ita, §. exiran. sup. de milit.
testam. l. precibus, in fi. G. de imp. & alitis substit. quia non
potest testator heredem suum onerare per fideicommissum
supra id quod ei dedit: in suis bonis potest eum onerare
fideicommissum, non in bonis heredis propriis: fac vero
nepotem medio tempore, id est, post mortem avi, &
ante diem fideicommissi cedentem adita hereditate, ex
ea fructus percepisse, & post diem fideicommissi cessasse
impleta conditione fideicommissi, id est, nepote mortuo
sine liberis intra xxv. annum: Si habeatur ratio legis
Falcidiae inter heredem nepotis, & L. Titium, qui fidei-
commissum petit, videtur heres nepotis duplici dedu-
ctione uti posse, Primum, ut bonis avi deducat, quod
avus nepoti debuit ex causa tutelae, id est, mille. Nam
in ponenda ratione legis Falcidiae, id est, in computando
onere aris alieni, & quantitate bonorum, quae deductio-
re alieno superfluit, & onere fideicommissi, constat
omnia bonis deduci omne res alienum defuncti, &
cum creditor debitori heres exitit, etiam quod defun-
ctus heredi debuit, quia etsi additione confusa sit obli-
gatio & actio, retentio tamen & deductio debiti, non est
interclusa vel interempta, l. qui fundum, §. si quis here-
dem, hoc tit. l. 6. & 8. C. de rei. l. un. §. igitur, G. de rei
uxor. acti. Ergo in specie pro oīta heres nepotis potest
deducere ex bonis avi, quod avus nepoti debuit, quod
initio huius §. proponitur, & eo deducto, deinde ex re-
siduo bonorum avi potest deducere Falcidiam. Ergo du-
plici deductione utitur. Dices, non posse debitum tutelae
deduci bonis, quia debito tutelari, inquit, Falcidia com-
pensatur, quam ex bonis avi iure hereditario capit ne-
pos vel heres ejus. Dicam Falcidiam nunquam debito
compensari, nisi ex manifesta voluntate defuncti, ut in
§. seg. & in l. 18. hoc tit. l. mulier, §. si heres, l. in fidei-
commissaria, l. deducta, §. ante, inf. ad Trebell. At in hac specie
non est manifesta voluntas testatoris, qui voluerit Falci-
diam debito compensari, id est, non liquet hoc voluisse
testatorem, certe hoc non cavet nominatim. Non de-
cat, qui diceret, voluisse avum Falcidiam compensari,
nec deduci bonis, hoc argumento, qui & bona propria
nepotis, quae ipse administravit ut tutor, simul atque
bona hereditaria iusserit nepotem L. Titio restituere,
quasi facta confusione utrorumque bonorum. Verum
Papinianus idem argumentum in illum retorquet va-
lentius, dicens vel eo maxime avum voluisse videri,
ut bonis suis hereditariis nepos propria deduceret, atque
adeo debitum proprium, nec hereditatem suam, heredi-
tativae suae Falcidiam debito compensaret. Quod rogando
nepotem, ut tam hereditaria quam propria bona resti-
tueret, ostenderit, nepotem habere bona propria sepa-
rata a bonis hereditariis, proinde nepotem ea bona in
separato habiturum & deducturum bonis avi, & debi-
tum tutelae igitur. Nam & quod ei debetur, proprium
ejus est, l. 79. de leg. 2. Sic igitur concludamus: in po-
nenda ratione legis Falcidiae ante omnia deduci res ali-
enum quod avus ex causa tutelae debuit nepoti heredi suo.
Sed huic conclusioni tamen addamus hunc modum, si ve-
hanc exceptionem, ut si fructus a nepote medio tem-
pore percepti ex bonis avi sufficiant debito tutelari,
tunc nepos bonis avi illud debitum non deducat, sed

fructus cum illo debito compenset, ut Papinianus ait
hoc loco. Atque etiam idem Papinianus in l. cum pater
77. §. Titio, de legat. 2. etiam fructus ait cum debito
compensari pari pecunia, id est, pro modo concurrentis
quantitatis, ita scilicet, ut si in fructibus fuerint mille,
vel plusquam mille, avitis bonis ob debitum tutelae ni-
hil deducatur: sin autem plus sit in debito tutelae, quam
in fructibus, quos interim percipit, quemadmodum hoc
loco proprie esse ponendam speciem ex ea conicio, quod
de fructibus etiam computandis in Falcidiam nihil Pa-
pinianus scribit, tum id quod plus est in debito tu-
telari, sine deductis heres nepotis bonis avi: deinde ex
iisdem bonis avi, quae habuit avus mortis tempore, jux-
ta definitionem l. in quantitate, hoc tit. deducit Falcidiam:
ex bonis avi, inquam, non ex bonis propriis nepotis,
quia bona tantum avi, non bona nepotis fideicommissum
renerunt. Quam rationem, quae verissima est, solus Al-
bericus hoc loco attingit. Et hæc est sincera interpreta-
tio huius responsi, quæ neque addit ei, neque aufert
quidquam. Verum ad hæc si quæras, an si fructus medii
temporis non tantum debito, sed etiam Falcidiae sufficiant
in totum vel in partem aliquam, etiam debeat nepos,
aut heres nepotis fructus imputare in ratione Falcidiae,
sibi quæ acceptam facere Falcidiam; si compensatis debi-
to fructibus tantum superfit adhuc ex fructibus, quan-
tum Falcidia satis est, vel pro modo superfluum fru-
ctuum? Dicam certissimum esse fructus ex hereditate
medio tempore perceptos, quia percipiuntur ex iudicio
defuncti, in Falcidiam & Falcidiae fructus imputari, ut
§. fructus, inf. & l. 18. hoc tit. & l. si mulier, §. si heres,
& l. in fideicommissaria, ad Trebell. & l. deducta, §. ante,
ead. supra adduxi, non suo loco: Nam erant tantum
hoc loco adducende, ut ex eis probaremus, fructus
medio tempore perceptos imputari in Falcidiam & Falci-
dia fructus. Uno tantum idoneo argumento possit quis
tentare, nepotem in Falcidiam hodie fructus non im-
putare, quia nepoti ea Falcidia debetur vice quartæ legitimæ
portionis, quæ etiam dicitur debitum bonorum substi-
tutum, l. si totas, C. de inoffic. donat. quam Justinianus ait
in l. scimus, §. repletiorem, C. de inoffic. testam. sumi & re-
pleri directo ex substantia ipsa, & hereditate testatoris,
non ex adventitio lucro, veluti ex substitutione, vel ex jure
adcrefcenti, puta, usufructus, inquit Justinianus in d. §.
repletiorem, ex jure adcrefcenti usufructus. Igitur si forte
exheredato, qui legatus est fundus, usufructus obvene-
rit jure adcrefcenti, quod explicandum est ex l. 3. §. ult.
sup. de usufr. adcref. Nam usufructus, qui ad proprieta-
tem redit ex consolidatione, non jure adcrefcenti, vide-
tur esse ex ipsa substantia testatoris, quia redit sine novo
jure, sponte, naturaque sua. Et de jure adcrefcenti usus-
fructus loquitur in eo §. repletiorem, non de jure adcre-
fcenti hereditatis, quia filius exheredatus proponitur,
non de jure adcrefcenti legati, quia collegatarium ha-
buisset non proponitur; quæ interpretatio maxime nota-
nda est; si autem ex substitutione vel ex jure adcrefcenti,
vel in summa ex alio quocunque adventitio lucro,
non est replenda quarta legitimæ portionis, ergo nec ex
perceptione fructuum medii temporis, qui etiam adventi-
tium sunt, nec directo ex ipsa hereditate proficiuntur,
l. in fideicommissaria, §. 1. inf. ad Trebell. Et tamen nos
dicimus, nepotem fructus medii temporis imputare in
Falcidiam, quod quid aliud est, quam ex fructibus re-
pleri Falcidiam, quæ vicem obtinet in nepote legitimæ
portionis: at ut respondeamus, constituto illa Justiniani
non de nepote loquitur, sed de filio aut filiis. In filio
autem speciale hoc est ex constitutione Zenonis, ut fru-
ctus medii temporis non imputet in Falcidiam, l. iube-
mus, C. ad Trebell. & hoc amplius ex constit. illa Justi-
niani, ut nec alia ulla adventitia lucra imputet in Falcidiam.
Ex ita l. scimus, locum habet tantum in filiis, de
quibus solis etiam loquitur, & patre, non in ceteris li-
beris. Quin etiam filios iis consequens & vero consen-
taneum est, fructus non imputare in debitum, quod pa-
ter eis debuit, vel non compensare cum alio quocunque debi-

debito, quod & hic Paulus Castrensis tradit.

Postremo querit Accursius hoc loco si fructibus medio tempore perceptis ex bonis avi compensatis cum debito, & imputatis in Falcidiam: quid vero interest, inter compensare, & imputare? Quos imputo in Falcidiam meam Falcidiam voco: quos compenso cum debito, meum debitum non voco: haec, substitutionem significat: cum, retributionem: si, inquam, fructibus medio tempore perceptis, compensatis cum debito, & imputatis in Falcidiam, tantum adhuc superest ex fructibus, quantum est in bonis propriis heredis; an etiam bona propria veniunt in restitutionem fideicommissi, vel si minus sit in fructibus qui superant, an pro modo superfluum fructuum bona propria in fideicommissi restitutionem veniunt? Hæc est questio Accursii, ad quam respondet tum hoc loco, tum in *L. heredi*, §. quod si heredes, de vulg. substit. hoc casu etiam bona propria cadere in fideicommissum: & ab Accursio una tantum lex est, quæ facere videatur, *L. Imperator*, §. pen. de leg. 2. Quæ, ut breviter speciem ponam, loquitur de herede instituto ex semisse, verbi gratia, & rogato post certum tempus, vel post mortem suam, ut ait, coheredi restituere tertiam partem bonorum propriorum, & ait, cum fideicommissum obligari, etiam si plus sit in ea portione tertia, quam in semisse, si modo fructus medio tempore percepti ex semisse suppleant id, quod plus est in tridente. At ea lege nihil movetur, quia in illa specie heres partem tantum bonorum propriorum restituere jubetur, in hac specie omnia bona hereditaria: item in illa heres non rogatur etiam bona hereditaria restituere, nimirum oneratur heres: Et si ob causam fructuum medio tempore perceptorum ex bonis hereditariis, intelligat ex sententia Jurisconsultorum etiam in propriis fructibus fideicommissum consistere, utique maluerit heres repudiare hereditatem, & intestatum facere testatorem (quod & plerique heredes faciebant, ante legem Falcidiam, ut est in *Instit.* nolentes pro nullo aut minimo lucro adire hereditatem) & hic etiam nolit heres sub incerto & temporario fructuum proventu, adire hereditatem omnia sua bona, tam propria quam hereditaria in periculum deducere extraneo restituendi jure fideicommissi. Melius igitur esse, & verius in specie proposita constituere fideicommissum, quod ab initio non constitit in bonis propriis heredis, nec ex post facto convalescere, etiam si fructuum quantitas præter debitum & Falcidiam adequatur etiam bona propria, aliquoquin exiit heres tam hereditariis, ex quibus neque debitum deduxit, neque Falcidiam, ut ostendimus, quam bonis propriis, & quodammodo ei erepta illo testamento videtur testandi facultas, quod perdurum est. Et in hoc responsio nihil est præterea:

Ad §. Cum fideicommissum.

Cum fideicommissum ex voluntate matris, a patre moriente debitum: filio pater cum hereditate sua, quam in filium conferbat, compensari voluit: quod filio debetur, fratio Falcidia poni caperis, finis quadrantis, quem ex bonis patris cum effectu percepit, compensabitur, atque ita superfluum avris alienis dodranti tantum detrahetur.

Venio ad interpretationem §. cum fideicommissum. Falcidiam, quam in superiori specie §. quod avus, diximus non compensari debito, id est, cum eo, quod testator heredi debuit, quod eam fuisse voluntatem testatoris liquido non apparet: in specie h. §. contra dicimus, quia voluntas testatoris manifesta est, Falcidiam debito compensari. Species hæc est. Uxor maritum heredem instituit, & rogavit, quomodo moreretur filio communi hereditatem restituere: pater filio herede instituto voluit, & cavet hereditatem suam compensari debito fideicommissaria hereditatis uxoris; quod moriens filio debiturus est, eundemque filium oneravit legatis, ita ut

A lex Falcidia interveniat in ponenda ratione legis Falcidie officio judicis (nam & judex dicitur in *L. cum Titio*, hoc tit.) vel officio arbitri, qui dari solet ad inveniendam, & computandam rationem legis Falcidie; *L. x. §. cum dicitur, tit. sequ.* servabitur voluntas defuncti, & ratione doli exceptionis, ut ait *L. 12. hoc tit.* quæ scilicet heredi volenti debitum legatariis reputare, opponi potest, quia facit contra voluntatem testatoris, iuxta *L. apud Celsum*, §. præterea, de doli except. vel potius, quia exceptio doli suppletur officio arbitri, si omissa sit a legatariis, quasi tacite huic negotio insit, ut in *L. unum ex familia*, §. sed si uno, de leg. 2. Ratione, inquam doli exceptionis, & tacite compensationis, quæ inducitur officio arbitri, hereditatis cum debito compensatio fiet, atque ita debitum bonis paternis non deducetur, nec reputabitur legatariis, ut *d. l. 12. §. l. cum pater*, §. Titio, in secunda parte, de leg. 2. Et *L. Lucius*, §. maritus, inf. ad Treb. Compensatio autem fiet, ut Papinianus ait hoc loco, finis quadrantis, hoc est, Falcidia, quam ex hereditate patris filius cum effectu percipit, sicut in superiore §. dixit, fructus debito compensari post pecunia, id est, finis quantitas fructuum. Ergo si in Falcidia plus, vel tantum sit, quantum in debito fideicommissi in ponenda ratione legis Falcidie, debitum filius non deducet, non detrahet bonis patris, si plus sit in debito fideicommissi, superfluum dodranti deducet, & quod inde restabit solum præstabit legatariis: hæc, in bonis patris esse quadrantes, in debito 100. filius jure Falcidie deducet centum, jure crediti nihil, quia creditum Falcidia compensat: si non compensaret, deduceret 175. 100. jure debiti. 75. jure Falcidie ex trecentis. Et hæc est sententia hujus §. Nihil admodum refert, dixerit testator velle se debitum hereditate sua compensari, an nolle se debitum legatariis repudiari, ut *d. l. 12.* Nam quocunque judicio voluntatis eam compensationem ad finem Falcidie fieri subintendit, §. quod avus. Indiciem autem est satis apertum, si veterit testator debitum legatariis reputari. Quid enim est hoc aliud, quam vetare debitum retineri & detrahi suis bonis? & iniquum, atque ineptum est dicere, si veterit debitum legatariis reputari, tum quantumcumque Falcidiam compensationi sufficere: nam omnis compensatio fit semper ad finem concurrentis quantitas, paris quantitas duntaxat, *L. cum alter*, sup. de comp. l. 4. Cod. eodem, nec unquam major summa compensata est minori, nisi quoad concurrentem quantitatem. Igitur, & verito herede legatariis debitum reputare, si in bonis fuerint 400. in debito 150. dicam centum compensari cum Falcidia, quæ ex bonis cum effectu apud heredem remansura est, residua autem 50. dodranti detrahi. Ait autem Papinianus. Falcidiam cum effectu ex hereditate percipi, quia ab herede jure perpetuo retinetur, & post multum tempus detrahi potest, *L. 58. h. tit.* nec avelli ei ulla ratione potest: dodrans etiam percipitur ab herede, sed non cum eo, non cum effectu, quia præstari eum & erogari legatariis oportet. Ratio autem dubitandi in specie proposita hoc loco hæc erat: quia pater, qui Falcidiam debito compensari jubet, quodammodo fraudem facit legi Falcidie: quo argumento? quia si tantum sit in debito, quantum in Falcidia, heres Falcidiam retinere non videretur, quia quod Falcidie nomine retinet, jam ante ei debebatur: & tamen receptum est hæc in re, lege potiorum potentiorque esse voluntatem testatoris, quæ tamen alias consultata opera Falcidiam minuire, vel auferre non potuit ante Justinianum, ut in §. 1. Et *ult. h. l.* nempe, quia præsumimus fraudandæ legis animum non habuisse patrem, qui eam compensationem indixit. Et hoc existente casu, tutius erit utriusque filio, ut idem Papin. suadet in *d. l. cum pater*, §. Titio, repudiato testamento patris, si ab intestato hereditatem patris possiderit. Quod citra merum edictum, si quis omnia causa testamenti, facere potest, cum id non faciat, ut eos circumscribat, quibus quid ex testamento deberi possit, si repudiatur non fuisset, sed ut fraudem a se propelleret, atque propellat, *d. l. 1.*

§. Titio. Potest autem hodie tentari argumento eorum, quæ favore filiorum constituta sunt in *l. subemus, C. ad Trebell.* & *l. scimus, C. de inoff. testam.* qua de re diximus ante, ut scilicet fructus medio tempore perceptos, vel alia adventitia lucra filii non imputentur in Falcidiam, tamen id iusserit pater, ita nec filios invitos, etiam si hoc iusserit pater, debito Falcidiam debere compensare, quæ locum obtinet quadrantis legitimæ portionis, quæ vulgo dicitur deberi jure naturæ. Sicut & Paulus Castrensis in superiore §. dixit, non sine ratione, nec cum alio debito filios compensare fructus medio tempore perceptos, quod omnimodo constitutiones filiorum lucto cedere volunt: neque enim lucrari viderentur, quod cum suo debito compensare cogentur. Et illud etiam, quod posse tentari supra dixi, auctor Accursius affirmare prima, tertiaque interpretatione ad hunc §. illud ipsum Falcidiam: sed merito ab omnibus explosa utraque interpretatio est. Alia ratio dubitandi ad hunc §. perperam adducitur, ex *l. 14. hoc tit.* quod dicat, frustra jubere patrem Falcidiam cum dote compensare filiam heredem institutam, quia in specie dicta *l. 14.* non dotem pater, quam ipse debuit filie, jubet compensari, sed quam maritus debuit filie, quod iustum inutile est: non possum inducere compensationem ejus, quod non ipse deo, sed alius, sicut nec ejus, quod non mihi debetur, sed alii, *l. ejus C. de compens.* Et nihil amplius est in hoc §. Sequitur §. ex donationibus, qui erit brevissimus.

Ad §. Ex donationibus.

Ex donationibus in uxorem collatis, quod heres ejus reddere viro cogitur, in bonis mulieris non erit: nam ita fit locupletior, ut tanto pauperior esse videatur: quod autem heres inde minuit, viro non perit.

Quia in ponenda ratione legis Falcidiæ per arbitrum legis Falcidiæ bonorum quantitas æstimatur, monet nos Papinianus in hoc §. in bonis defuncti non esse, quod defunctus vel heres ejus alii reddere debet, id enim æri alieno consumatur, quod in primis bonis detrahi oportet. Et ideo in bonis defunctæ uxoris non esse res a viro, qui uxori supervivit, ei donatas, quia heres uxoris viro eas reddere debet, propterea quod donatio non valet, & cogi potest, ut reddat conditione sine causa, vel ex injusta causa, non quidem, ut eas reddat in solidum, sed eatenus, quatenus uxor ex donatione locupletior facta est. *l. si sponsus, §. ult. & l. seg. sup. de donat. inter vir. & ux.* Ratio dubitandi hæc erat, quam objiciebant legatarii heredi uxoris, volenti deducere bonis, quod a viro uxori donatum viro restituere debet, quia, hæc erat ratio, quæ legatarii utebantur, æs alienum ideo deducitur, quod tanto pauperior videatur defunctus fuisse. At ex donatione uxorem factam esse locupletiores; alioquin, si non, esset facta locupletior, donatio valeret, nec revocari posset conditione sine causa, ut puta, si donata mulier male consumpsisset, *d. l. si sponsus, §. pen.* consumptione hujusmodi donatio convalescit & confirmatur. Quod si facta est locupletior, non pauperior igitur: & si non pauperior, ergo in ære alieno, bonis donatio deducenda non est: laudanda est ea ratio, ut subtilis, fugienda, ut minus subtilis, quoniam ut eleganter ait Papinianus, *uxor sua fit locupletior, ut tanto pauperior esse videatur*, quia condici ei potest revocata donatione, quasi dicat, his opibus a viro in se collatis, uxorem inopem esse, & heredi ejus abesse videri id in quo viro obligata est, *l. si quis mandato, de negot. gesti.* Reddere autem heres uxoris debet res pecuniarive donatas uxori & consumptas. Nam extantes vindicari possunt, non in solidum, sed in quantum uxor locupletior ex eis facta est. *d. l. si sponsus, §. ult. l. de his, C. de donat. inter vir. ut si donata sint uxori centum, & uxor ix. solverit creditori suo atque ita se poena, vel usuris liberavit, alia x. male consumpsit, ix. quæ verè sunt in rem uxoris, quibusve*

uxor intelligitur facta locupletior esse, viro restitui oportet, non xl. ea enim viro quasi domino pereunt, *l. id quod donatum, eod. tit.* Præterea reddere heres uxoris debet quodcumque ex rebus donatis ipse consumpsit bene vel male. Nam consumpta ab herede post mortem uxoris nullo modo pereunt viro, quia vir heredi donatum noluit. Et hoc est, quod ait in fine hujus §. *Quod autem heres inde minuit*, id est, consumpsit bene vel male, viro non perit.

Ad §. Fructus.

Fructus prædiorum sub conditione verbis fideicommissi relictis, in causa fideicommissi non deductos, heres in ratione Falcidiæ sic accepto facere sibi cogitur, ut quartam, & quarta fructus ex die mortis, bonorum quæ mortis tempore fuerunt, habeat, nec ad rem pertinet, quando Falcidia lex admissa sit. Nam est maxime post impletam conditionem fideicommissum locum habere capiti, tamen ex die mortis fructus quadrantis apud heredem relinqui necesse est.

Initio hujus §. in vulgaribus & in Florentinis Pandectis ita scriptum est: *fructus prædiorum sub conditione relictos, cum sit legendum, fructus prædiorum sub conditione relictorum.* Relictorum, non relictos, ut in Basilic. si *uxor ei quæ aliquid hæreditatis accepit*. Et in Cyrilli interpretatione, *in capiti tunc ubi aliquid hæreditatis accepit*: fructus prædiorum sub conditione relictorum. Et ita etiam legunt Albericus & Imola, & nihil est evidentius. Species autem & sententia hujus responsi hæc est: Testator ab herede instituto multa prædia Lucio Titio sub conditione per fideicommissum reliquit: heres medio tempore, id est, post mortem testatoris, & ante diem legati cedentem, siue pendente conditione fideicommissi fructus percipit: post impletam conditionem fideicommissum si interveniret lex Falcidia, Papinianus ait, heredem fructus medio tempore perceptos imputare in Falcidiam & Falcidiæ fructus, quod est verissimum, *l. 18. §. ultim. hoc tit. l. qui 400. §. ultim. l. re tit.* Et in hoc titulo plures alii sunt loci, quibus id manifestum sit, *l. Papinianus §. unde, de inoff. testam. l. mulier, §. si heres, inf. ad Trebellian.* fructus autem omnes, quos heres medio tempore percipit, id est, pendente conditione fideicommissum, quasi jure hereditario percepti, imputat in Falcidiam & Falcidiæ fructus, præterquam eos, qui maturi erant mortis testatoris tempore, qui quasi pars prædiorum veniunt in restitutionem fideicommissi, *l. 9. h. tit.* Regula igitur hæc fit: ceteros omnes fructus, quos heres percipit pendente conditione fideicommissum imputari in Falcidiam, & Falcidiæ fructus, quoniam omnimodo heres debet habere salvam quartam partem hereditatis, & quartæ partis fructus, quartam, inquam, salvam & illibatam: cujus regulæ duæ sunt exceptiones. Una hæc est, si filius heres institutus sit: Nam, ut ante dixi, fructus filius non imputat in Falcidiam, nec restituit fideicommissario, *l. subemus, C. ad Trebell.* Est beneficium Zenonis Imperatoris, quod solis filius datur, non aliis liberis. Altera exceptio hæc est: si specialiter rogatus fuerit fructus restituere medio temporis, *l. in fideicommissarium, ad Trebell.* quia de causa in hoc §. ponitur, fructus non fuisse deductos in causam fideicommissi, non imputarentur heredi in Falcidiam, sed in fideicommissi restitutionem venirent, non tantum percepti post impletam conditionem fideicommissum, sed etiam percepti pendente conditione. Nam cum de iis sit regula superior, & exceptiones ei subiectas de iisdem esse necesse est: quod tamen quidam imprudenter negavit: & quod attinet ad fructus Falcidiæ, in quos imputari dixit fructus ex prædiis sub conditione per fideicommissum relictis medio tempore perceptos: ait, nihil interesse, quo tempore lex Falcidia emergere & locum habere coeperit, quia non ex eo die tantum, quo Falcidia locum habere coepit, sed etiam retro fructus Falcidiæ heredi debentur, puta, ex die mortis testatoris, quia & retro Falcidia coepisse intelli-

relligitur: fac, post impletam conditionem fideicommissi A
forum Falcidiam emerisse, non ex eo die tantum Fal-
cidie fructus heredi debentur, sed & retro ex die mortis
testatoris, quia quasi retro acta conditione fideicommissi
forum, & retro Falcidia trahitur, & recurrit ad tempus
mortis testatoris: fideicommissum, scriptum est in Floren-
tinis pro fideicommissorum, *quod a vultu suo, ut in l. 19. de here-
dit. instit. pretium pro pretiorum, & ait, fideicommissorum, quia*
quot pradia relicta sunt, tot sunt fideicommissa, l. 5. de
leg. 2. Hac est sententia h. §. Et tantum videtur obitare
l. 30. §. 73. inf. hoc tit. cum ait, *fructus perceptos post mortem*
testatoris ad lucrum heredis pertinere: nam ex eo recte col-
liges heredem igitur fructus non imputare in Falcidiam.
Verum ut respondeam, illa leges non loquuntur de
fructibus legatorum aut fideicommissorum ex die, vel
sub conditione relictorum, qui medio tempore ab he-
rede percipiuntur, quos constat interveniente Falcidia, B
in Falcidiam imputari, sed loquuntur de aliis fructibus
rerum hereditariarum, non legatarum, vel etiam de fru-
ctibus legatorum sub conditione relictorum, qui pari
quantitate facta imputatione in Falcidiam, superiunt, quos
omnes constat heredis lucro cedere, nec imputari in Fal-
cidiam, nec proficere legatariis, siue non augere here-
ditatem, quia in bonis mortis tempore non fuerunt,
quod solum tempus spectari visum est in exquirenda
quantitate bonorum, d. h. 73. Insuper autem est Accu-
rsum, qui scribit hoc loco, in Falcidiam imputari fru-
ctus satis mortis testatoris tempore: postea satis non
imputari, quia certo certius est, satis mortis tempore,
si & maturi erant hereditati imputari, l. 9. sup. hoc tit.
hereditatem augere. Immaturos autem vel satis post
mortem, & perceptos ex fideicommissis conditionalibus, C
vel in diem, cum ea fideicommissa Falcidie subician-
tur, Falcidie imputari. Sequitur §. penultimus.

Ad §. Fideicommissum.

*Fideicommissum portionis supplende gratia, pro qua
matrem filius heredem instituit, eidem matri datum ratione
Falcidie minuitur. Et eam pecuniam mater supra quartam
portionis sue percipiet.*

Filius matrem heredem instituit ex minori parte quam
efficiat quarta legitime portionis, quae dicitur vul-
go deberi jure naturali, adiecto matri coherede: &
quia portio illa, quam adscripsit matri, non implebat
portionem legitimam, ideo supplende legitime, & de-
bita portionis causa, ut in Basil. *de quadrantis ad re-
spons. quibus qui vultu suo, implende debite & legitima
portionis gratia, matri etiam verbis fideicommissi, ut im-
pleret ei legitimam, fundum praelegavit. Ita sunt acci-
pienda illa verba, supplende portionis gratia: nam absurda
est glossae interpretatio, supplende, id est, augenda: por-
tionis hereditariae gratia: fundum autem illum mater
partim jure hereditario capit a seipsa, pro modo portio-
nis sibi adscriptae, partim a coherede jure fideicommissi.
Hoc est juxta praelegati, hac conditio seu natura prae-
legati, ut diverso jure capiat, l. cum qui, §. pen. de his,
quibus ut in l. 6. Facto, coheredi matri competere benefi-
cium legis Falcidiae: competere etiam matri. In singulis
heredibus separatim posui rationem legis Falcidiae cer-
tissimum est, l. in singulis, inf. hoc tit. Verum quaeritur, an
etiam coheres possit detrachere Falcidiam ex parte fidei-
commissi matri relicti, quam a coherede mater accipit
jure fideicommissi? Et respondet, detrachere posse recte,
quia & praelegata Falcidie subijciuntur, l. qui non mili-
tabat, sup. de hered. instit. l. a coherede, Cod. ad leg. Falcid.
Quod autem ex ea parte, detracta Falcidia a coherede:
supererit, rursus quaeritur, an mater id debeat imputare
in Falcidiam, si & ipsa in parte hereditatis sibi relicta
Falcidia uti velit? Et ait non imputari quod supererit ex
ea parte in Falcidiam sibi competentem, nimirum, quia
jure fideicommissi id capit, & in Falcidiam ea tantum
Tem. IV.*

imputantur, quae jure hereditario capiuntur, non quae
jure legati, vel fideicommissi, vel alio jure, l. Nescimus,
§. l. quod autem, §. seg. & l. in quartam, hoc tit. Quod
jam pridem ostendi esse verum in quacunque Falcidia,
non ea tantum, quae directo detrachitur, sed etiam in ea,
quae trahitur ex fideicommissaria hereditate, ex Sena-
tusconf. Pegasiano, & hodie Trebelliano. Nam & in
hanc ea tantum imputantur, quae jure hereditario ca-
piuntur, quod ostendit Observatio 8. Et quod ait vexata
illa lex i. de leg. 1. per omnia exequata esse legata fidei-
commissis, non in omnibus dicit esse exequata, sed id scri-
psit Ulpianus, cum ostendere veller, exequata esse legata
fideicommissis in imputatione Falcidiae, non in omnibus
causis: & fideicommissis dixit, generaliter comprehendens
tam fideicommissa hereditatum, quam fideicommissa pec-
cuniarum, hac sententia, ut quae imputantur in Falci-
diam, quae detrachitur legatis, ea etiam & quidem sola
imputentur in Falcidiam, quae detrachitur ex quibuscun-
que fideicommissis. At non omnitempus est, in quar-
tam legitime portionis, quam dicunt deberi jure natu-
rae, quae scilicet excludit querelam inofficiosi testamen-
ti, imputari etiam ea, quae jure legati vel fideicommissi
capiuntur, §. ultim. Instituit, de inoffic. testam. Quam-
obrem & in hoc §. ultim. ponitur, *supplende ejus quae
gratia fideicommissum relinqui. Idque aliquando etiam
Justinianus ipse probavit, sed mutavit tamen ad extre-
mum in Novella 115. & in eam quartam ea tantum
imputari vult, quae jure hereditario capiuntur, siue
titulo institutionis, quod idem est. Ceterum, quia in
Falcidiam, quam mater ex legatis a se relicti retinere
desiderat, non imputat, ut diximus, id quod a coherede
capit jure praelegati, ideo Papinianus ait, eam pecuniam,
quam scilicet a coherede consequitur jure fideicommissi,
si matrem habituram supra quartam, id est, supra Fal-
cidiam suae portionis, ut in l. filium quem, Cod. fami-
l. erisc. Id habens, inquit, supra quartam; id est, id neque
imputans in quartam, neque compenians cum quarta,
& in l. in quartam, hoc tit. extra quartam, id est, quod a
coherede accipitur, non imputatur in Falcidiam, id est,
in quartam Falcidianam. Restat §. ultimus.*

Ad §. Ultimium.

*Quarta, quae per l. Falcidiam retinetur, aestimatione,
quam testator fecit, non magis minui potest, quam auferri.*

IN ponenda ratione legis Falcidiae apud arbitrum Fal-
cidiae, bona, quae moriens testator reliquit, aestiman-
tur vero & praesenti pretio, l. 42. 62. §. l. sequ. inf. hoc
tit. Vero, inquam, pretio, id est, non formali pretio, ut
ait l. 62. id est, non impositio pretio, quod quisquam
fecerit pro libidine, vel affectione sua. Basil. formale pre-
tium vocant, *πρωτοκρίσιον δικαστικόν*, id est, formale aesti-
mationem, quam scilicet format & fingit sibi quisque,
non inspecta vera facultate & dignitate rei. Non ergo
etiam aestimanda sunt bona pretio, quod fecerit ipse tes-
tator, aestimato forte suo patrimonio trecentis, quod in
veritate dignum est quadringentis, quam aestimationem,
si sequeretur, Falcidia minueretur heredi: vel patri-
monio, quod erat quadringentorum, aestimato octim-
gentis, quam aestimationem si sequeretur, Falcidia
prorsus auferretur heredi & absumeretur: at hujus aesti-
mationis ratio non habetur in ponenda Falcidia, l. si
fundum, §. si liberus, sup. de leg. 1. licet nec in aliis causis,
l. l. arbit. qu. Ergo aestimatio testatoris Falcidiam neque
minuit, neque auferit. Nec post Novellam Justiniani,
quae dat potestatem testatori interdicenda Falcidia,
hodie dicam aestimatione a testatore sui patrimonii fal-
cia, non statim interpretabor, voluisse eam ob id prohi-
bere Falcidiam: quod vel pluries, vel minoris bona aesti-
maverit, non dicam eum voluisse derogare l. Falcidiae,
quia falli potuit in aestimandis suis bonis, nec ducti-
tudine abroganda Falcidiae. Qua in re hallucinatur Ac-
cursius.

curius hoc loco, dum ait, *ex ea Novella, hodie æstimatione patrimonii facta, Falcidianam abrogari*; quia hoc voluit se testatorem ex sola æstimatione, quam fecit, non ducitur idoneum argumentum. Er hic est finis hujus legis.

Ad L. Ult. de Obseq. parent. vel patr. præst.

Liberta ingratia non est, quod arte sua contra patronæ voluntatem utitur.

Certum est, libertis datam libertatem rescindi, libertis redactis in servitutem, si ingrati fuerint erga patronos, id est, si violaverint obsequia debita patronis: Qua de causa & sub hoc titulo de obseq. præst. patr. tractatur de libertis, quos patroni accusant ut ingratos revocandæ manumissionis causa, l. 7. & 4. & hoc loco, ejus accusationis exitus & effectus est, servitus, capitis deminutio maxima liberti, §. 1. *Instit. de cap. dem.* & vel levis offensæ fufficit, levis causa ingratitude, l. 2. C. de lib. & eorum lib. At nulla est causa offensæ, ne levis quidem, si libertus artem quam novit, quaque tolerat & tueri se vitamque suam, exerceat invito patrono, si veritati patrono ne eam exerceat, morem non gerat, veluti artem medicinæ, vel negotiationem aliquam licitam, quia nec jure eum patronus prohibet ab arte vel negotiatione licita, l. 2. l. quæro, sup. tit. prox. l. 45. inf. tit. prox. & si forte prohibeat patronus, veluti ne libertus medicinam faciat, qui medicinæ peritus est, forte quod & ipse patronus medicus sit, ductus æmulatione quadam, vel lucis studio, in multo plures haberet sibi imperantes medicinæ gratia, si inquam, hoc vel illo studio libertum medicum prohibere medicinam facere, & indicat ei quasdam alias operas, quas sibi exhibeat, ob eam rem non obtemperante liberto, non judicium ingrati in libertum patronus dabitur, sed judicium operarum tantum, in quo venit æstimatio operarum, l. medicus, inf. tit. prox. In qua lege & illud præclarum est, quod ait, a libertis esse exigendas liberales operas, non serviles operas, puta, ut eum sinat patronus, dum ei dat operam, valetudinis & honestatis suæ rationem habere, nec excruciet eum indistinctis operis continuis, assiduus, & ut sinat, inquit, eum acquiescere meridiano tempore, quod Latinis est *meridiana* & *meridiana* similiter Græcis, quod populo Rom. & patribus quoque illis rerum dominis, gentique togatæ, fuisse solemne Procopius indicat, 3. de bello Vandalico, quum illis meridianibus narrat urbem Romam captam fuisse ab Alarico Gothorum rege, *in auro*, inquit, *Varro dicit, quædam præterea, Omnibus, inquit, meridianibus, ut solent, post prandium.* Varro de re rustica, si non dissiderem, inquit, *meo institutio sono meridie, vivere non possem.* Quod autem ait eadem l. medicus, patronum medicum prohibuisse, ne libertus eadem arte uteretur, ut ipse multo plures sibi imperantes haberet, de quo sermone Alcibiades, & Duareus aliquid scripserunt; his tam novus videri non debet: nam imperare & jubere est commune nomen ægroti & medici. Obsecratrix, quæ malier medica est apud Terentium in Andr. act. 3. sc. 2. quod jussit ei, inquit, *dari biber, & quatum imperavi, date, scribendum est, biber, non bibere, ut t. Tusc. Ganymedem a diis raptum propter formam, ut Jovi biber ministraret, ex veteribus: nam impressi perperam dicunt, ut Jovi pocula ministraret, & Gajus Fannius: domina ejus, inquit, ut ad villam venerat, jubebat biber dari, & Cato: date huic mulieri biber, iracunda est, apud Charisium. Verum transeamus ad l. 8. de public. & vestig.*

Ad L. VIII. de Public.

Fraudati veltigalis crimen ad heredem ejus, qui fraudem contraxit, commissi ratione transmittitur. Sed si unus ex pluribus heredibus rem munem causa veltigalis subripiat, portiones ceteris non auferuntur.

Loquitur Papinianus in hæc lege de crimine fraudati veltigalis, quod uno verbo dicitur, *καταπορευσις* & *οὐρανοποιία*, illud a Græcis interpretibus, hoc in glossis Philoxeni; ut si quis negotiator merces subiectas præstationi veltigalis publici & munificas suppresserit, nec ad publicanos lege Censoria, uti oportet, professus fuerit, ejus criminis poena hæc est, ut merces in commissum cadant, id est, committantur fisco, recedant in fiscum, nisi forte per errorem transierit negotiator improffessus mercibus, nisi per errorem in commissum incidit: nam hoc casu merces ei restituntur, nec retinentur a fisco, si modo duplum veltigal inferat, hoc casu duplo veltigali publicanos contentos esse oportet. Et interea tamen duplo ille error, illaque incurta plectitur. Etiam ignorantia sepe plectitur in jure nostro, quod & definitio legis demonstrat: & id quod dixi de duplo veltigali proponitur in l. ultim. 7. *Diri quoque fratres, hoc tit.* hoc autem crimen fraudati veltigalis, ait Papinianus hoc loco ad heredem ejus, qui crimen contraxit, transmitti, id est, & heredem ejus teneri commissi ratione, id est, non nisi commissi ratione, videlicet etiam si vivo reo nihil ea de re cum eo actum sit, heredem, inquam, teneri, ut merces commissæ, quæ pervenerunt ad eum (nam hoc penendum est omnino) quibusque locupletior factus est, ei auferantur. Et hoc est quod ait, hoc crimen transmitti ad heredem commissi ratione, ut scilicet commissum, quod habet, ei erigatur, sicut & peculatus, & residuum, & repetundarum crimen dicitur ad heredem transmitti, etiam si vivo reo accusatus motus non sit, & transmitti ratione subreptæ pecuniæ, quæ pervenit ad heredem, l. 8. *judiciorum, inf. de accusat. l. ult. inf. ad l. Jul. pecul.* Et quod hic ait Papin. id ipsum est, quod proponitur in l. commissi, inf. hoc tit. commissi veltigalium ad heredem transmitti: quia, inquit, quod commissum est, statim ipso jure definit esse ejus, qui fraudem contraxit, & publico acquiritur, publico vindicatur. Ea propter commissi persequitur etiam heredem adscit. Et de hoc quoque genere commissi esse accipienda l. 1. *inf. de jure fisci.* Quo loco ait, mutationem fidei delationem fieri ad fiscum, quotiens adversus commissum factum est, adversus leges Censorias, scilicet quas Censores dicunt in locandis publicis veltigalibus. Varro de re rustica: *Græci ovium ad publicanos prostentur, ut si infirmitatem pecus paverit, lege Censoria committunt.* Verum additur in hac lege, si plures fuerint heredes ejus, qui in commissi poenam incidit, & unus ex eis rem munem, vel non immunem veltigalis causa, rem obnoxiam veltigali subriperit, in eum solum transmitti poenam, quia nihil pervenit ad ceteros, nullæ sunt portiones, quæ auferri possint ceteris coheredibus. Et rem munem dicit rem munificam, ut in l. 4. §. 1. *in fin. h. tit.* quod est muneri publico & veltigali subiectum: Plautus in Mercatore, *gratula me & munem forte, non memorem*, ut quidam libri scribunt, id est, officiosum & munificum, ut Festus interpretatur. Porro alie res sunt munes, alie immunæ a præstatione veltigalis: ut in militia alii sunt milites munifices, l. 18. *de verbor. signif.* & apud Festum, qui explent munera militaria: & munifices Julius Firm. recte interpretatur lib. 1. unde & in epistola Divi Pauli ad Corinth. *Dei estis munifici, Dei sumus munifices*; alii autem sunt immunæ, beneficiarii, principales: ut in mulieribus alie mamma munifices, quæ lacte abundant, vel mammae minæ, quibus lac deficit, apud Plin. & Varr. Si igitur ex pluribus heredibus ejus, qui crimen fraudati veltigalis contraxit, unus rem munem causa veltigalis id est, veltigali & commissio obnoxiam subriperit, in eum solum transfertur crimen defuncti, nihil petitur a coheredibus: *coheredibus, inquit, portiones non auferuntur, quia nullæ portiones ex eo crimine ad eos pervenerunt.* Et quod notandum, communis etiam ea res heredum non est, quoniam statim dominio fraudatoris abscedit, l. commissi, inf. hoc tit. Quo argumento recte dices, vulgo & in Basilicis hoc loco, male scriptum esse, *rem communem*, quæ non est communis inter heredes.

heredes; sed statim facta est fidei. Roste Florentini, rem munem. Papinianò placent antiqua verba, & antiquæ rationes loquendi, ut fini peculli, fini quadrantis, & insuperhabere, & betere.

Ad L. XLH. de Mort. caus. donat.

Seja, cum bonis suis traditionibus factis, Titio cognato donationis causa cessisset, usufructum sibi recepit & convenit, ut, si Titius ante ipsam vita decessisset, proprietatem ad eum rediret, si postea superstitibus liberis Titii mortui fuisset, tunc ad eos bona pertinerent. Igitur si res singulas heredes L. Titii vindicent, doli non utiliter opponitur exceptio: bona fidei autem iudicio constituto, quæbatur, an mulier promittere debeat, si bona cum moreretur, filiis restituerentur? Incurrebat hæsitatio non extorquende donationis, quæ non dum in personam filiorum initium acceperat: sed nunquid interposita cautio, prior donatio, quæ domino translati priorem perfæcit est, propter legem in exordio datam restituitur, non secunda promittitur? Utrum ergo certa conditionis donatio fuit, an quæ mortis consilium ac titulum habebat? Sed denegari non potest mortis causa factam videri: sequitur ut soluta priore donatione, quoniam Seja Titio superstitibus fuit, sequens extorqueri videatur. Muliere denique postea diem functa, liberi Titii, si cautionem ex cognatis mulieris acceperint, contributioni propter Falcidianam ex persona sua tenebuntur.

IN hac L. sunt duo responsa, quæ simul explicabuntur: prioris hæc est species: Seja donationis causa L. Titio cognato suo, bonis suis cessit in iure: perficitur donatio etiam cessione in iure, l. 1. C. Hermag. de don. si & exhibitio & traditio rerum, quæ donantur, corporalis interveniat, quæ peragitur, eas res accipiente & vindicant eo, cui ceduntur, & prætor addicente, apud quem fit cessio, id est, in iure. Perficitur ergo donatio cessione in hac specie, & traditione, eoque modo donatario acquiritur & quidem plenum dominium, nisi donator sibi receperit usufructum, ut in hac specie proponitur, Sejam sibi recepsit, & retinuisse usufructum. Cessione ergo & traditione: nuda tantum proprietatem transiit in Titium: donationi autem subiecta hæc lex, & conventio est, ut si Titius prior moreretur, eorum bonorum proprietatem ad Sejam rediret, quæ conventio valet, l. 2. C. de donat. quæ sub modo: ac præterea, si post mortem Titii Seja moreretur superstitibus filiis Titii, ut tunc ad eos ea bona pertinerent: hæc est conventio, quæ donationi adjecta est in exordio, ut ait, id est, ex continenti, sive tempore donationis: Titius præmortuus est, relicti heredibus, id est, filiis, qui & ei heredes extiterunt; nam illo loco huius legis, heredes L. Titii, id est, filii: heredum appellatione filii significantur, ut in l. 6. §. 1. de bon. libert. Hereditus ejus D. Marcus opem tulit, id est, filius ejus; nam id, quod agitur in ea lege, habet tantum locum in filiis: & Lex facta, §. ult. ad Trebell. hæc conditio, si sine herede mortuarius, sic accipitur, sive liberis. Porro filii L. Titii, & heredes, si eorum bonorum, quæ Seja Titio donavit, res singulas a Seja vindicent, ut possunt ipso iure, quia per cessione & traditionem earum rerum dominium Seja transtulit in Titium, cui heredes extiterunt: si inquam, eas res vindicant sigillatim, repellentur, ut ait, opposita exceptione doli mali, quia contra legem dictam donationi & contra conventionem eas res petunt, quia convenit, ut mortuo Titio, ad Sejam superstitem proprietatem rediret; sed quia, & hoc convenit inter Sejam & Titium, ut mortua Seja, ea bona ad filios Titii pertinerent: Queritur, an interim dum vivit Seja possint heredes L. Titii desiderare caveri sibi ab ea, de restituendis bonis post mortem suam? Movet Papinianum, quod vindicationi opposita exceptio doli mali iudicium in rem, quod non erat bonæ fidei, fecerit bonæ fidei: nam ut Dorotheus auctor est, hoc loco definit, opposi-

A tà doli mali exceptio omni modo bonæ fidei iudicium facit, nimirum, quia, ut Dialectici dicunt, exclusio unius contrarii, positio est alterius. Porro dolo malo contraria est bona fides, l. 3. in fin. pro soc. Excluditur igitur dolo malo, necesse est iudicium fieri & peragi ex fide bona, ac si ab initio mora fuisset actio bonæ fidei. Quod & quodammodo confirmat l. 3. de excep. dum ait, replicationem doli oppositam iudicium tutelæ facere bonæ fidei, quia scilicet quamvis actio tutelæ sua natura sit bonæ fidei, prætoræ actioni tutelæ nominatim adjectæ exceptionem vel replicationem doli, quæ etiam non adjecta inest bonæ fidei iudicio, l. sed & si ideo, sol. matr. tunc tamen non tam videtur actio tutelæ per se bonæ fidei esse, quam fieri beneficio & potestate exceptionis, aut certe, quam maxime fieri bonæ fidei, adjectione exceptionis doli expressa. In bonæ fidei autem iudiciis quum nondum dies venit præstandæ rei, pecuniariæ, constat recte agi ad cautionem interponendam interim, de re pecuniariæ solvenda cum dies venerit, l. in omnibus, sup. de judic. l. si constante, §. quotiens, sol. matr. quæ cum illa coniungenda est, l. quotiens, §. si fœnel, de pecul. l. quod si, de petit. hered. In hac igitur specie, an recte intendunt filii L. Titii, Sejam officio iudicis cavere oportere, bona cum moreretur sibi restituendum iri? Quod videtur, quia actionem in rem, quam filii instituerunt adversus Sejam, opposita exceptio doli mali bonæ fidei actionem fecit: & ut diximus, in bonæ fidei actionibus officio iudicis huiusmodi cautiones interponuntur. Verum ne hoc admittat & concedat Papinian. movetur alia ratio, quæ est subtilissima, quia si filii L. Titii invite Sejam illam cautionem extorqueant, invite donationem extorqueant, quod non potest fieri, nec ex persona Titii, quia morte ejus resoluta & revocata cautio est: nec ex persona filiorum, quia nondum in persona eorum donatio initium accepit vivente Seja, nemo invitus donat alteri: si invitæ Seja posset extorqueri cautio illa, invite donatio extorqueretur, quoniam cautio illa, promissio donationis est, ergo non potest extorqueri, neque exprimi Seja invite. Et hoc Papinian. ut faciat evidens, quærit, quid sit dicendum, si filii Titii ex consensu Sejam, ultro oblatam, non extortam cautionem acceperint, utrum cautione huiusmodi prima donatio, quæ collata est in Titium, retinetur, id est, utrum cautio illa non est promissio secundæ donationis factæ filiis Titii, sed primæ donationis factæ Titio, quæ revocata fuit morte Titii, retentio & renovatio, puta, conventionis in ea adjectæ, ut post mortem Seja bona pertinerent ad filios Titii, quæ etiam filiis proficere potuisset, l. quodcumque, §. si ita quis, de verb. oblig. nisi & principalis donatio revocata esset: nam principali donatione revocata, & conventio ei adjecta nulla constituitur. Utrum igitur eo ipso, quod eam cautionem Seja ultro præstitit, videatur perseverasse in donatione prima, & lege ac conventionem ei adjecta in continenti? an vero Seja præstita illa cautione intelligatur secundam donationem cavisse & promississe filiis Titii. Et hoc subindicat esse verius, cautionem Sejam sponte præstitam, secundam donationem esse factam filiis Titii stipulantibus: nondum est satis. Queritur rursus, utraque donatio prima & secunda, sive donatio inter vivos facta sub lege & conditione certa, an donatio causa mortis? Et ait, non posse negari mortis causa donationem factam videri; quia conditiones donationis, sunt conditiones, quæ non solent adijci, nisi donationib. causa mortis. Et ex eo subtiliter efficit Papin. resumpta prima questione, an invite Seja a filiis Titii cautio supradicta extorqueri possit, quæ est principalis questio resumpta, inquam, ea questione principali ex definitione subsequens aliarum duarum questionum Papin. efficit, resoluta donatione prima morte Titii, Seja non posse extorqueri illam cautionem, quia ea cautio, secunda donatio est, & nemo invitus donare cogitur. Quod ergo dicitur in bonæ fidei iudiciis agi posse ad interponendam cautionem illam, non pertinet ad cautionem, quæ donatio est, aut donationis

tionis promissio: sed ad cautionem, quæ simplex securitas, non donatio est, quod maxime notandum est. At subiicit Papinian. quod si ultro Seia cum non posset cogi: eam cautionem præstiterit filiis Titi, postea Seia mortua iisdem filiis superstitibus, consequi ex superioribus & inferi, quia ea cautio donatio est causa mortis, five promissio donationis causa mortis, in ea donatione filios Falcidiam pati, si lex Falcidia interveniat: vel ut ait contributioni propter Falcidiam filios Titi teneri, ut in l. 15. in prin. ad l. Falcid. dixit, bonis contribui propter Falcidiam debitum remissum mortis causa: & in secundo responso hujus legis, bonis contribui donationes Falcidia causa. In donationibus causa mortis, quæ instar legatorum sunt, lex Falcidia locum habet ex constitutione Severi, l. 2. C. de mort. caus. donat. l. 5. C. ad l. Falcid. l. cum pater, §. 1. de leg. 2. l. 1. §. in mortis, si cui plus quam per leg. Falcid. quam constitutionem Severi intelligit in secundo responso hujus legis, illo loco: non ad aliam constitutionem pertinere; D. Severi scilicet. In donationibus autem inter vivos locum Falcidia non habet, l. 27. hoc tit. Quod & in secundo responso hujus legis ostenditur; cuius species hæc est.

Ad §. cum Pater.

Cum pater in extremis vita constitutus emancipato filio quædam sine ulla conditione reddibendi donasset; ac fratres & coheredes ejus bonis contribui donationes Falcidia causa, vellent, jus antiquum servandum esse respondi. Non enim ad alia constitutionem pertinere, quam quæ lege certa donatur, & morte insecuta quodammodo bonis auferrentur, spe retinendi perempta: cum autem; qui absolute donaret, non tam mortis causa, quam morientem donare.

Pater filio emancipato quædam donavit sine ulla conditione reddibendi, reddendive: donatio est inter vivos, non mortis causa licet; ut ait, in extremis vitæ constitutus eam donationem fecerit filio emancipato: donatio mortis causa habet certas condiciones reddibendi, reddendæ rei donatæ, si donator convalescat, si donatorem donationis ponituerit, si prior donatarius decesserit, l. 16. C. 30. hoc tit. l. non omnis, sup. de reb. cred. Ad donatio nullam habuit conditionem reddibendi; ergo fuit donatio inter vivos, non mortis causa. Ex quo efficitur, in ea donatione Falcidiam locum non habere, sed in ea servari jus antiquum, id est, quod in omnibus donationibus servabatur ante constitutionem Severi, quæ etiam Falcidie subiecit donationes tantum mortis causa, non donationes inter vivos, & donationes mortis causa facto testamento recte donationes causa mortis comparantur legatis, non ab intestato, ubi nulla comparatio legatorum existit, l. si filius, de leg. preest. Quod & hic Græci recte notant. Sed hodie ex constitutione Gordiani, id est, ex l. 2. C. ead. tit. etiam ab intestato in donationibus causa mortis, sicut in fidei commissis ex constitutione D. Pii lex Falcidia locum habet, quod plenius ostendit caput 6. Observat. 20. Concludit ergo Papinian. in specie secundi responsi, constitutionem Severi pertinere tantum ad ea, quæ certa lege donarentur, & morte insecuta donatoris quodammodo bonis auferrentur, spe retinendi perempta a mortuo donatore. In hac specie non fuisse donationem ita factam, sed filio emancipato patrem absolute & pure donasse. Nec mutare quod decumbens donavit, mortique proximus, quia non ideo tam mortis causa donavit, quam moriens donavit. Denique moriens donavit sed inter vivos, non mortis causa: nam & morienti momentum vitæ deputatur, non morti. Quod valde notandum est.

Ad L. XXI. de Manumiss.

Servum dotalem vir, qui solvendo est, constante matrimonio manumittere potest, si autem solvendo non est, licet.

A alios creditores non habeat, libertas servi impeditur, ut constante matrimonio debet dos intelligatur.

Sciendum est, legem Juliam prohibere alienationem fundi dotalis: de fundo loquitur, non de servo dotali: de alienatione, non de manumissione. Nam servum dotalem marito, qui modo locuples & solvendo sit, proculdubio, quia dominus est, servum dotalem manumittere licet in testamento, vel inter vivos constante matrimonio, etiam invita uxore, l. 3. C. de jur. dot. l. 1. C. ult. C. de ser. pign. dat. & ejus servi dotalis, quem manumiserit patronus efficitur, & ad legitimam hereditatem ejus vocatur, l. intestat. §. 1. sup. de suis, & legit. hered. Verum si libertus heres existerit ab intestato jure legitimo, vel ex testamento, debet etiam constante matrimonio uxori restituere portionem bonorum liberti, quæ deberetur jure patronatus conditione ex l. Julia, l. hæc actio, sol. matr. l. filius, & ult. ad l. Corn. de fals. Cetera bona liberti, quæ ad eum pervenerunt restituit solum matrimonio, judicio seu actione dotis, l. dotalem, sup. sol. matr. & ipsius quoque servi, ut certum est, estimationem, quem manumisit licet æstimatus in dotem datus non fuerit. Et hoc de marito locuplete, qui servum dotalem manumisit. Sed si maritus egenus & non solvendo sit, frustra manumitti servum dotalem, quia libertati obstat lex Ælia Sentia, quæ in fraudem creditorum datam libertateni irritam & nullam facit ipso jure, l. 27. inf. qui C. a quibus manum. Nam et alios creditores maritus non habet, semper tamen servo dotali, quum non est solvendo, intelligitur dare libertatem in fraudem mulieris, quæ est creditrix, id est, cui etiam constante matrimonio dos debetur, quum maritus incipit labi facultatibus, l. constante, sol. matr. l. ubi, C. de jur. dot. Et dos, quæ alias non repetitur, nisi solum matrimonio, hæc casu, nempe marito urgente ad inopiam, etiam manente matrimonio repeti potest, aut cautio exigi idonea de dote restituenda solum matrimonio, d. l. si constante, §. qui tens, & ult. pen. ext. de donat. inter vir. & ux. quia de dote iudicium bonæ fidei est; & ut sup. diximus, in omnibus bonæ fidei iudiciis ante diem præstandæ pecuniæ, in hoc agi potest, ut cautio interponatur. Vulgo ex hac lege notant, rem mobilem datam in dotem alienari posse, quod equidem verum esse arbitror, quodcumque res mobilis si movens fuerit. Sed id parum apte ex hac l. colligi dico: quia aliud est manumissio de qua hic agit: aliud alienatio: alienatio est mutatio domini, l. 1. C. de fund. dot. manumissio non est mutatio domini. Et observandum in d. l. 1. C. de fund. dot. quod ait, alienationem esse omnem actum, per quem dominium transfertur eis verbis non tam proponi definitionem alienationis, quam significari omnem omnino alienationem fundi dotalis l. Julia prohiberi, ut in l. sed si maritus, §. ult. inf. qui C. a quibus man. liberi non sunt: quæ l. sed si maritus, & l. prospecti, eod. tit. & lex iudiciorum, de accusat. manifeste separat alienationem a manumissione: adeo autem verum est res mobiles, vel semovētes l. Julia non contineri, ut nec res omnes immobiles continentur, sed res soli tantum, ut est proditum in Institut. quib. alien. licet, vel non. Quæ coherent solo, hæc tantum res alienari vel obligari non possunt invita uxore; ac ne volente quidem uxore, in provinciis: hodie nec in Italia, nec in provinciis ex constitutione Justiniani, de rei uxoris actione, cuiusmodi sunt fundi, & ædes, ædificiaque omnia. Hæc sunt res soli, quæ l. Julia continentur: nam idem jus est in ædibus, l. 1. in pr. sup. de fund. dot. sicut l. 1. Tab. quæ est de fundo tantum biennio usucapiendo, pertinet etiam ad ædes, ut M. Tull. docet in Topic. & in Orat. pro Cæc. Non pertinet autem l. Julia ad superficiem ædium dotalium: pertinet ad ædes dotales, sed non ad superficiem ædium, l. si ex lapidicinis, de iure dot. quia superficies est quidem res immobilis, sed non res solæ, ut ædes ipsæ integre. Ergo l. Julia non pertinet ad res omnes immobiles, & multo minus ad res mobiles vel

vel feroventes, veluti servos dotales vel pecora dotalia, nisi forte servi dotales partes faciant fundi dotalis, ut servus rusticus, frutex, ut per ridiculum vocatur, qui pars fundi sit, l. 3. de div. temp. prescrip. l. hac edictali, §. illud, C. de sec. nups. & Novel. 7. nam l. Julia pertinet etiam ad partem prædii, l. 13. §. 1. sup. de fin. dot. Transeamus ad l. 10. de divers. temp. prescrip.

Ad L. X. de Div. & temp. prescrip.

Intra quatuor annos vacantium bonorum delator facta denuntiatio desistit: post quatuor annos secundo delatori venienti, prior nuntiatio, quo minus prescriptione temporis summoveatur, non proderit: nisi prioris prævaricatio detegatur, quo declarato prescriptione, sed & negotii questio perimitur.

Tota lex est de prescriptione quadriennii, qua repellitur fiscus, vel quicumque agit fisci nomine, qui vindicat bona vacantia, id est, bona sine domino, vel potius bona defuncti domini, quorum nullus successor extitit, bona decessoris, quæ aliis nullo iure possidet; vindicat ea fiscus intra quadriennium ex l. Julia caducaria, l. quidam, §. quotiens, de leg. 1. Quod & Ulpian. scribit lib. reg. tit. de bon. poss. Si post quadriennium ea vindicat a possessore, etsi sit iniustus possessor, repellitur prescriptione quadriennii, quasi post quadriennium meliore causa possessoris in pari causa, l. 1. C. de quad. prescrip. Ceterum prescriptione illa quadriennii interruptur, & perpetuatur actio fisci denuntiatione eorum bonorum facta fisco a delatore, & lite contestata cum possessore: litis contestationem exigo, si modo delator non desitit a lite. Nam si desitit, & litem inchoatam deseruerit, non intelligitur interrupta esse prescriptione quadriennii, quia qui desitit a lite, nec litem inchoatam videtur. Et ideo lite desituta a priore delatore, si alius post quadriennium ea bona fisco deferat, prescriptione quadriennii submovetur, quæ pro interrupta non est, arg. l. 1. §. ult. de iur. fisci. Papinian. hoc loco utitur verbo desistit, quod est, prius depositum animum litigandi, ut l. desistisse, de iur. fisci. Aliud enim dicendum est, si prior delator traxit negotium tantum, non desistit: nam & ultra quadriennium tracta causa bonorum vacantium deferri, aut peragi potest, d. §. ult. At si desistit prior delator, alius delator post quadriennium non admittitur, excepto uno tantum casu, si alius delator prioris delatoris prævaricationem arguerit & convicerit: nam detecta prævaricatione, ei non obstat prescriptione quadriennii, & reus pro convicto habetur, maxime si priorem delatorem probetur fuisse pretio corruptum, ut prævaricaretur & se vinci pateretur a possessore bonorum vacantium, §. ult. & l. ejus qui, & l. in fisci, eod. tit. l. 1. C. de sent. adv. fisci. Item non rec. lib. 10. Et hoc est quod ait Papinianus hoc loco, prioris prævaricatione detecta prescriptionem quadriennii perimi: sed & perimi negotii questionem, quia scilicet possessor bonorum vacantium, qui priorem delatorem corrumpit, pro convicto, & condemnato habetur.

Ad §. Quadriennii.

Quadriennii tempus, quod bonis vacantibus nuntiatis prescriptionem est, non ex opinione hominum, sed de substantia vacantium bonorum dinumeratur. Quatuor autem anni post irritum testamentum factum & intestati possessionem ab omnibus repudiatam, qui gradatim petere poterunt, vel temporis finem, quod singulis præstitum est computabuntur.

In hoc §. additur, quadriennium aut quadriennii tempus non ex opinione hominum dinumerari, sed de substantia vacantium bonorum, id est, non ex die, quo homines existimaverunt ea bona vacare, & id scilicet

A fisco forte denuntiaverunt, sed ex eo die, quo in veritate ea bona vacare coeperunt, nullo existente herede, aut successore defuncti, nullisque creditoribus ea bona persequentibus, ut l. 50. sup. de man. test. l. 1. §. Dicitur, inf. de iur. fisci. l. pen. C. de bonis vac. lib. 10. de substantia, inquit, bonorum vacantium, id est, de vero nomine substantiæ bonorum vacantium, ut in l. Arrianus, C. de liber. causa. Ex quo scilicet id nomen vacantium bonorum, eamque appellationem adeptæ sunt, ex eo scilicet die quatuor anni dinumerantur & computantur. Quod & ita esse declarat manifestum in §. ult. hujus legis, ut si post irritum factum testamentum, id est, post repudiatam hereditatem ab herede scripto, vel omisam, id est, non aditam intra constituta tempora, & post repudiatam quoque intestati hereditatem, aut bonorum possessionem ab agnatis, cognatis, patronis, confortibus, viro, vel uxore, vel etiam post omisam ab his omnibus intestati successione, id est, iis omnibus tempore exclusis, quod singulis præstitum est ad successionem amplectendam, ab eo die, quo per centisris omnibus gradibus successione apparuerit, nullum successorem existere, ab eo, inquam die, quadriennium computatur. Et hoc distat maxime hæc causa fisci de bonis vacantibus ab aliis fisci alibus causis, quæ non perimuntur, nisi prescriptione vicennii, l. in omnib. inf. hoc tit. quia in iis causis vicennium numeratur a die nuntiationis, quo primum bona fisco delata sunt, l. 1. §. pen. de iur. fisci. In causa autem bonorum vacantium quadriennium numeratur, etiam ante diem nuntiationis, si jam ante percurtis omnibus gradibus constiterit, nullum defuncto successorem extare: post omnes enim vocatur fisco lege Julia ad bona vacantia intra quadriennium ex eo tempore, quod diximus connumerandum. Huic legi adjungenda est l. 38. de iur. fisci, quæ ex eodem libro est etiam de bonis vacantibus.

Ad L. XXXVIII. de iure Fisci.

Fiscus in questione falsi testamenti non obtinuit, priusquam autem ea questio decideretur, alio nuntiante, bona postea vacare constitit: fructus post primam litem absumi non oportuisse: respondit: neque enim ad Senatusconsulti beneficium, scriptum heredem pertinere controversia mota.

Ujus hæc est species: Quidam delator sive accusator bona quædam fisco denunciavit quasi vacantia, dicens falsum testamentum esse, ex quo, qui hereditatem bona fide possidebat, existimabat, & vero contendebat, se defuncto heredem esse: & in questione falsi testamenti non obtinuit re iudicata secundum possessorem in testamento heredem scriptum: pendente autem falsi testamenti cognitione, necdum finita, alius quidam delator, eadem bona fisco denunciavit quasi vacantia non ex causa falsi testamenti, ut prior delator, sed ex alia causa, veluti iniusti, aut rupti testamenti, vel quod incapax aut indignus heres esset scriptus in testamento, & post finitam questionem falsi testamenti, in qua, ut diximus, prior delator non obtinuit, hic posterior probavit bona vacare, & obtinuit. Queritur, ex quo tempore possessor eorum bonorum fructus fisco restituere debeat, utrum ex die, quo prior lis mota & contestata est, in qua delator sive accusator fisci nomine non obtinuit, an ex die coepte posterioris litis, in qua accusator sive delator obtinuit? Est questio elegantissima, & responsum valde singulare: Respondet Papinianus, a die, quo prior lis contestata est, quamvis in ea fisco non obtinuerit, fructus fisco esse restituendos, quos possessor percepit, vel quos cum percipere potuit, non percepit, quia bonæ possessor post litem contestatam, motamque controversiam, malæ fidei possessori similis est: post litem contestatam omnes possessores pares sunt, l. sed etsi lege, §. si ante litem, de petiti.

petit. her. l. i. G. eod. tit. Et post motam priorem litem possessori, semper de hereditate, & perpetuo facta controversia est, nullo intermisso intervallo temporis, quod fuerit vacuum a lite fiscali eorum bonorum causa. Nam finita priore lite, posteriore stringebatur ejusdem fisci nomine, in qua fisco eum condemnavit. Ergo a die prioris litis, fisco fructus restituere debet. Nam ut ait beneficium Senatusconsulti, Adriani scilicet, de petitione hereditatis, ut in d. l. i. quod scilicet datur bonæ fidei possessori, ut scilicet fructus consumptos restituere non teneatur, pertinet tantum ad fructus consumptos ante litem motam, non ad consumptos post litem motam, l. heredem, sup. de tit. quib. ut indign. l. certum C. de rei vind. Ergo æstimatio fructuum, fisco, qui posteriore judicio vicit, a tempore prioris iudicii omnimodo præstanda est, quanti in litem juratum fuerit, quod plerumque immensum & iniquum pretium est: vel si interim possessor ideo fructus absumpsit, quod tempore essent perituri, quanti revera fuerint, l. item ventum, §. quod si quis, sup. de petit. hered. Et hæc est sententia primæ partis hujus legis. Recte autem posui posteriorem delatorem, non ex eadem causa fisco nuntiassæ vacante bona, ex qua agebat prior, sed ex alia, quia ab alio delatum ex eadem causa alius deferre non potuit, l. statim, §. ult. sup. de accus. l. ubi de crimine, G. eod. nisi prior destitit, nec peregerit litem, & posterior veniat intra constituta tempora, vel etiam prioris prævaricatione detecta, post legitima tempora, id est, post quadriennium: non enim admittitur post quadriennium, nisi prioris prævaricationem detexerit, ex l. 10. de delictis. tempor. præscript. Posui etiam speciem in bonæ fidei possessore: Nam malæ fidei possessor omnes fructus restituit quocunque tempore perceptos, vel percipiendos ante vel post litem motam, d. l. heredem, d. l. certum. Post litem vero motam, ut dixi, omnes possessores pares sunt, quantum attinet ad fructuum restitutionem causam, non in omnibus causis. Nam ut hoc demonstrarem duob. exemplis, re, quæ agitur, fato perempta post litem contestatam, bonæ fidei possessor non præstat, fatum & mortalitatem, malæ fidei possessor plerumque eam præstat, l. illud, sup. de pet. hereditat. Item possessor non restituit, quod servus, quo de agitur, ei interim adquisierit ex re sua, malæ fidei possessor & hoc quoque restituit, l. 20. sup. de rei vindic. l. 1. C. eod. tit. l. per servum donatum, sup. de acquir. rer. domin.

Ad §. Delatoria.

Delatoria opera non esse fructum respondit, qui fisci pecuniam, quam alius tenebat, ad sui temporis administrationem pertinere, quamvis probare non potuisset, contendit, quoniam propriam causam egerit.

Delator est, qui agit causam fiscalem spe præmii, quod erat vulgo quadruplum, & inde delatori quadruplatoris nomen. Denique delator est, qui spe præmii agit causam fiscalem, non qui agit causam propriam. Ille delator, si non obtineat, notatur infamia tanquam calumniator & evocatur, l. 2. in princ. hoc tit. l. nostris, C. de calumniat. Is, qui propriam agit, si non obtineat, non notatur. Et ideo, ut in hoc §. proponitur, qui detulit, verbi gratia, a curatore Reip. qui sibi in ea administratione Reipubl. successit, detineri pecuniam fiscalem, quæ ad sui temporis administrationem, atque adeo ad suum periculum pertinebat, ut l. 3. §. 1. inf. de admin. rer. ad civit. pert. nec obtinuit, non habetur pro delatore, nec fit infamis, quia principaliter id sua, non fisci causa fecit. Delator non est, qui protegendæ suæ causæ gratia, aliquid nuntiat, ad fiscum, sive defert, l. 44. inf. hoc tit.

Ad L. VIII. ad Leg. Jul. majest.

In questionibus læsæ majestatis etiam mulieres audiuntur.

Aur. Conjuracionem denique Sergii Catilinæ (Fulvia) mulierem detexit, & M. Tullium Consulem indicium ejus instruxit.

Lex 8. ad l. ful. majest. docet, non tantum infames, qui plerumque jus accusandi non habent, aut deferendi, vel milites, qui etiam propter sacramentum jus accusandi non habent, vel servos etiam dominos suos deferentes, hos omnes tamen audiri in questionibus læsæ majestatis, l. prox. sup. Sed non hos tantum, sed etiam mulieres, ut ait, quæ alias causas deferre non possunt, l. deferre, inf. de jure fisci: causam læsæ majestatis deferre posse, & in ea audiri propter publicam utilitatem. Et ita Papinianus hoc loco scribit, Fulviam mulierem detexisse conjurationem Sergii Catilinæ, & M. Tullium Consulem indicium, id est, delationem ejus mulieris instruxisse, & edocuisse infidias paratas Reip. Julia, habent, non Fulvia Florentini, & Dorotheus auctor v. max. & Gratianus 15. q. 2. ut in veterib. libris scriptum est, Julia pro Fulvia. Sed Fulvia esse rectius & verius præter Sallustium, Annæus Senece five Florus ostendit libro 4. Tanti, inquit, scelere indicium per Fulviam emerit. Et Plutarchus in Cicerone: τὸ ἐκ τῆς συγγενείας τῆς Κικελίας. Et Appianus 2. de bell. civil. πρὸς τὴν αὐτῆς τῆς Κικελίας: ἢ ἀπὸ τοῦ λεγόμενου, id est, non ignobilis mulier, ex apertis; nam & Plutarchus ait, fuisse τῶν ἐκ τῆς Κικελίας, & Sallustius nobilem mulierem, quod Grammatici male accipiunt in malam partem, quasi nobile scortum.

Ad L. XII. ad Leg. Cornel. de falsi.

Cum falsi reus ante crimen illatum aut sententiam dictam vita decedit, cessante Cornelia, quod scelere quasitum est, heredi non relinquitur.

Sicly in l. 8. de public. & vestigalib. supra dixit idem Papinianus, fraudati vestigalis crimen ad heredem transmitti commissi ratione, id est, ratione rerum fisco commissarum, quæ ad heredem pervenerunt, etiam si ea de re non sit actum cum defuncto, vel condemnatus, ob eam rem defunctus non sit, ut puta, si vita decessit ante illatum crimen aut sententiam dictam. Ita falsi crimen mortuo falsario ante crimen illatum, id est, ante accusationem, vel post accusationem, ante condemnationem hoc loco ait, ad heredem transmitti, sed ratione tantum lucri, quod ex eo scelere defunctus fecit, & transfuit ad heredem. Nam quod scelere quasitum est, semper heredi etiam innocenti fisco aufert, l. Lucius, inf. de jure fisci, l. in heredem, sup. de calumniat. l. quod diximus, §. ult. sup. de eo, quod metus causa, ne heres scelere alieno diceretur, ut ait Iunica, C. ex delicti defuncti, in quant. hered. conven. Crimen quidem ipsum falsi extinguitur morte falsarii, & pena l. Cornelia non transmittitur ad heredem ejus, quod hoc loco significat his verbis, cessante Cornelia, sed turpe lucrum heredi auferitur. Quod & in omnibus criminibus generaliter obtinet, l. defuncto, de publ. judic. l. fisci, de vag. jur. si plures sint heredes, singulis ejus, quod scelere quasitum est, portiones auferuntur, nisi id totum unus ex heredibus subripuerit aliis, ut in d. l. 8. de publ. quæ cum hac lege commodissime conjungi

D potest. Hic est finis hujus libri 13.

JACOBI CUJACII JC.

COMMENTARIUS

In Lib. XIV. Responforum EMILII PAPINIANI.

Ad Leg. pen. de his, quæ ut indign.

Si gener socrum heredem reliquit, taciti fideicommissi suscipi.

suspicionem sola ratio paterna affectionis non admittit.

HUJUS Legis verba hæc sunt, quod sequitur, ex Claudii notis ad 30. librum D. Scævola hujus tit. l. ult. est. Et vulgo male, ex iis duabus legibus conficitur una. Basilica eas diviserunt rectissime. Species autem l. penult. hæc est. Maritus cum per leges ei non liceret uxorem heredem instituere, quia lex Julia & Papia uxorem ex testamento viri, & contra, virum ex testamento uxoris, solum capere vetat, ideo non uxorem heredem instituit, quæ est incapax. Queritur, an sola institutio fœderi sit iusta præsumptio taciti fideicommissi a fœdero uxori relictæ in fraudem legis Julæ & Papiæ, cui facile illudi poterat per tacitum fideicommissum & clancularia? Videtur præsumptio taciti fideicommissi dici posse ex affectione fœderi erga filiam, affectione paterna, qua motus fœderi induci poterat ad fidem tacitam interponendam restituendæ hereditatis filiæ. Præsumptio hæc facit, ut non tam videatur pater reipsa heres generi, quam administrator taciti fideicommissi. Et sane si hoc probaretur manifestissimis probationibus, ut exigit l. 3. §. tacita, inf. de jure fœderi: fœderum tacitam fidem interposuisse restituendæ hereditatis filiæ, cuius ea est incapax, fœdero sane, ut indigno hereditatem fœderi asserere posset, l. i. G. de iis, qui se def. lib. to. Verum recte ait Papinianus, ex eo solo non dici iustam præsumptionem taciti fideicommissi, levissimum id argumentum, levissimam præsumptionem esse & obscurissimam, non manifestissimam. Sola, inquit, ratio paterne affectionis erga filiam, qua nupti testatori, non admittit, non inducit, suspicionem taciti fideicommissi. Et ita hanc legem secundo loco accipit Accursius recte, & eam quoque eodem modo enarrant & explicant Basilica, ferè ita: quamvis uxorem heredem instituere non possim, tamen si patrem ejus heredem instituero, non ideo induco suspicionem legati, aut fideicommissi uxori inutiliter relictæ, in fraudem scilicet legis Julæ & Papiæ. Itaque tacito fideicommissio probando non sufficiunt quælibet præsumptiones, sed manifestissimæ requiruntur semper, quoties ex præsumptionibus, indicibus, conjecturis, argumentis extrinsecus probationes adsumuntur, l. 3. §. prætoris, de suspect. tut. l. pen. Cod. de contr. & committ. stip. Et certa, inquam, præsumptiones ac jure prodite & probatæ, l. indicia, Cod. de rei vindic. l. cum circa, Cod. de jur. dot. Quod est maxime notandum. Nam non præsumptio sufficit, quam quis sibi adingit, vel adumbrat, sed præsumptio, de qua nominatim mentio fit in jure, nec enim liberum nobis est comminisci præsumptiones, aut conjecturas: hujusmodi autem præsumptiones quas requirimus, nemo est, qui non videat, quam non sit promptum, & facile prestare. Ideoque recte etiam Quintilianus scribens de tacitis fideicommissis declamat. 325. ait, natura esse difficile tacitum fideicommissum probare.

Ad L. XI. de Adsign. libert.*

Alimentorum causa libertos filiis attributos, filiis assignandos non videri respondit: cum ea ratione libertis consuli patronus voluerit, quo facilius voluntatis emolumentum consequatur salvo jure communi.

Sciendum est, patronum, qui plures liberos habet in potestate, si uni ex eis liberum, vel liberos suos assignavit, ad eum solum, cui assignati sunt liberti, jus patronatus pertinere, quod potissimum consistit in hereditate bonorumve possessione liberis, exclusis fratribus, quibus assignati non sunt: Nec enim fratres aliter admittuntur ad bona liberi fratris assignati, quam si is frater repudiaverit, vel omiserit successionem liberti, aut capitis libertum sibi assignatum accuserit, aut sine liberis vita decesserit. Nec enim ad extraneos heredes transmittit libertos sibi assignatos, fratribus superstiti-

Abus, sed ad liberos tantum. Quod et verba Senatusconsulti demonstrant propositi initio legis i. h. tit. *§. sed si cui, ead. l. & l. 3. si capitis, de bon. libert.* ubi Accursius rectissime notavit, quoniam viciatus est contextus vulgo, atque etiam in Florentinis, alias ita legi, *alter frater cui assignatus non est potest succedere, &c.* Eam scripturam & ipsa juris ratio, & Basilicæ aperte verissimam esse demonstrant. At Senatusconsultum propositum in l. i. *busjus tit.* non hunc tantum casum excipit, si is cui assignatus est libertus, sine liberis vita decesserit, sed & generaliter, si is cui assignatus est libertus, in civitate esse desierit, ut puta, si in insulam deportatus fuerit, nullis relictis liberis & fratribus superstitibus. Nam & hoc casu superstitis ejus liberi excludunt patruus, & retinent liberos paternos, licet pater per deportationem amissa civitate ad peregrinitatem redactus fuerit, & subierit magnam capitis deminutionem: deportato auferuntur bona, etiam si habeat liberos: liberti conservantur liberis, & jura patronatus igitur, *l. eorum, inf. ad leg. Jul. majest. l. 4. sup. de jure patr. l. 4. §. si deportatus, de bonis libert.* Verum huic sententia valde obstat l. 3. *sup. de iur. & releg.* quæ ait, eum qui civitatem amisit, veluti deportatum, liberis suis non tantum adimere hereditatem suam, quam fœcus occupat, sed etiam liberos suos. Verum observandum est, eam leg. 3. scriptam esse ab Alpheno veteri Jurisconsulto secundum strictam rationem juris, quæ olim obtinuit & vivo Alphenio. Nam hoc jure liberi ejus, qui civitatem amisit, veluti deportati, retinent tantum ea quæ a genere eis tribuuntur, vel stirpe, & a civitate, & a rerum natura, veluti legitimas hereditates consanguineorum, vel agnatorum, atque tutelæ eas retinent, quas accipiunt a majoribus, non a patre, id est: a genere & stirpe; verum non retinent ea, quæ a patre ad eos perventura erant, si deportatus non fuisset: non retinent bona vel legitimam hereditatem patris: non retinent legitimam hereditatem libertorum paternorum, nec in hac causa deportatus mortuo comparatur, sicut nec in specie *l. intercidit, de condit. & demonstr. l. sed & si mors, de donat. inter vir. l. ex ea, §. in insulam, de verb. oblig.* Non in omnibus causis deportatus mortuo comparatur, in hac causa nullo modo, secundum rigorem juris. Mortuo enim patri suo fato utique liberi heredes existerent, libertisque paternis: patre deportato non item. Et hæc quidem in libertis ita se habent summo jure, ut dixi veteri jure, de quo Alphenus scripsit: sed postea benigne placuit, ut liberi hereditatem legitimam, non patris quidem, quoniam bona patris deportati publicantur, sed liberti, vel libertorum paternorum retinerent. Idque placuit supradicto Senatusconsulto propositum in d. l. i. *hoc tit.* ut apertissime demonstrant illa verba, *utique si ex liberis, quis in civitate esse desisset, neque ei liberi ulli essent.* Quæ verba satis ostendunt eum, qui desit esse in civitate, liberos, quos ipse habuit non adimere. Benigne de benignissime, ut ait l. 4. *sup. de jure patron.* Severo & Antonino placuit, ut etiam liberti ejus, qui perduellionis damnatus esset, quod est omnium maximum crimen, liberis ejus conservaretur: hoc in illis benigne constitutum est, in his benignissime, quoniam vel in crimine perduellionis, juris rigor observandus esse videbatur: qui tamen remittitur, quod ad liberos attinet, si jure patronatus libertorum perduellis & condemnati ex ea causa. Ego hic libenter quaesierim, quid opus fuerit Senatusconsulto, quod adprobaretur assignatio liberti, vel libertorum facta uni ex liberis? Senatusconsultum factum fuit Claudii Imperatoris temporibus. Cur ante Claudium? Ante SC. non licuit patri libertum assignare uni ex filiis, remotis fratribus? Ratio hæc fuit, quia ut pacto mutari non potest jus legitimum hereditatum, *l. ultim. inf. de suis & legit. hered.* ita nec testamento: quod non potest fieri pacto, nec testamento, & e contrario, *l. pactum, sup. de pact.* quod non instrumentum, nec testamento, ut ecce, nemo testamento suo efficere potest, quo minus se mortuo filii sui liberi

invicem, id est, fratres fratribus ab intestato succedant. Ac similiter non potest efficere, ne post mortem suam, liberto suo intestato defuncto, ei liberto omnes liberi ab intestato succedant. Jus enim commune, quod vocat Papin. in hac lege, jus publicum hoc est, cui derogat testator non potuit, l. 15. §. 1. ad leg. Falcid. quod tamen agit, qui uni ex liberis libertum suum adsignat, ut is solus exclusis fratribus ad liberti hereditatem vel bona admittatur: & ideo SC. opus fuit, quo ea assignatio comprobaretur, id est, quo permetteretur testatori derogare juri communi, & juri patronatus, quod ab intestato commune est omnibus liberis patroni. Jus igitur SC. huius singulare est. Qua de causa & in l. ultim. §. ultim. h. tit. ait Juris. diligenter esse observandum finem SC. nam jus singulare, quod recedit a jure communi, strictius accipiendum est: quamobrem ait, non posse libertum adsignari in diem certum, sed debere adsignari in perpetuum. Quoniam Senatus, inquit, huic negotio finem proposuit, quem sequi oportet stricte & destitute. Quem finem? Ut scilicet is, cui adsignatus est libertus, in eum diem jura patronatus solus obtineret, quod desineret esse in civitate, vel morte naturali, vel deportatione, quod maxime notandum est. In hac autem l. 11. uni ex filiis, cui liberti attributi sunt alimentorum causa, id est, ut is alimenta libertis praeferat, erogaret, distribueret, quae patronus eis relinqueret, ei, inquam, filio hoc modo non videri adsignatos liberos. Nam assignatio libertorum fit filii causa: hæc autem libertorum attributio fit libertorum causa, ut habeant a quo alimenta percipiant & petant, nec a singulis petendo distringantur, ut ait l. 3. de alim. leg. *Is servient trop empêcher, si a singulis heredibus, vel a singulis filiis minutatim cogatur alimenta petere: melius est, habere unum a quo solo alimenta petant, quam distringi petendo a singulis, ut in l. ultim. rem pup. salv. fore: & apud Ann. Florum eleganter, eos, qui per insidias volunt capere urbem aliquam, prius urbem distringere incenditis: pour les empêcher a s'entreprendre le feu: proinde aliud est assignare libertum simpliciter, aliud assignare alimentorum causa: quæ est sententia huius legis: assignare, & attribuire idem est: assignare nomina in l. ultim. de distr. pign. attribuire nomina in l. 3. fam. erisc. sequitur l. 3. de manumiss.*

Ad L. III. de Manumiss. quæ servis ad universit. &c.

Servus civitatis jure manumissus, non adeptum peculium retinet, ideoque debitor ei solvendo liberatur.

Nemo est, qui nesciat, servum privati hominis manumissum inter vivos, retinere peculium, quod habuit, si adeptum non sit, nec necessarium est, ut nominatim ei concedatur, satis est si non adimatur, videtur ei data libertas simul & peculium, quod habuit, l. un. C. de pec. ejus qui liber. meruit, §. peculium, Institut. de leg. ut & hæc lex 3. ostendit, idem esse in servo civitatis jure manumisso. Jure, id est, decreto ordinis, & auctoritate Præsidis, ut l. 1. C. l. 2. C. de servis Reipublic. man. Servus civitatis, inquit, jure manumissus inter vivos retinet peculium, quod ei Reipub. non adimit. Ex quo efficit, debitorem peculiarem ei recte solvere, solvendo liberari, nec quod solvit condicere posse: quod usque adeo verum est, ut etsi adeptum sit manumisso peculium, debitor peculiaris ei solvendo liberetur, si modo ignoravit adeptum ei esse peculium: quod Accursius hic notavit recte: concessio peculio aut non adeptum, quod idem est, nullus est labor, quoniam in concessio est, omnibus debitorem peculiarem ei solvendo liberari. Et observandum, nos loqui tantum de manumisso inter vivos. Nam manumisso testamento non videtur concessum peculium, quod non est adeptum, nisi nominatim legatum sit, d. l. un. Et ratio differentie evidens est: quia qui manumittit inter vivos, neque peculium sibi retinet aut recipit, neque in alium transfert: ergo manumisso relinquere videtur.

A At qui manumittit testamento, id transferre videtur in heredem suum, cum universo jure, si id nominatim manumisso non legaverit.

Ad L. II. de Man. testam.

Testamento centurio servos suos venire prohibuit, ac petitis prout quisque meruisset eos manumitti, libertates utiliter datas, respondit, cum si nemo servorum offenderit, omnes ad libertatem pervenire possunt, quibus per offensam exclusis, residui in libertatem perveniunt.

Miles servos suos alienari prohibuit ab herede in testamento, & rogavit heredem, ut prout quisque eorum promeruisse, eos servos manumitteret. Quæritur, an his verbis, jure sit data eis fideicommissaria libertas: dubitationem facit, quia placet testamento servos libertates dare nominatim, §. libertas, Institut. de leg. quod esse ex l. Fusia Caninia Ulpian. scribit lib. reg. tit. l. & Paulus 4. sent. tit. ultim. Qua de causa & quid sit nominatim explicatur in l. 24. C. 47. hoc tit. quia scilicet in testamentis nominatim manumittere licet, & in testamento etiam militis hoc locum habuisse argumentum præbet §. incertis, Institut. de leg. qui ne militem quidem ait, incertæ personæ potuisse legare, & incertæ quodammodo est, cujus nomen non adscribitur. In specie proposita nomina servorum non sunt expressa. Et ideo quæritur, an sint eis utiliter datæ libertates? At quod eadem lege Caninia cautum erat, ne quis testamento omnes servos suos manumitteret, non habuisse locum in testamento militis hic locus arguit, quo proponitur centurio servos suos, prout quisque meruisset, heredem testamento manumitti iussisse: atque adeo omnibus dicitur deberi libertas fideicommissaria, si omnes bene meriti sint de herede, aut non male meriti, quod satis est, non indigni libertate. Omnibus videtur data libertas contra Caninianam legem: non habuit igitur locum in testamento militis. Si tamen non omnes bene meriti sint de herede: ait, bene meritos, aut non male meritos tantum esse manumittendos, indignos & immerentes repellendos. Quæ autem omnibus generaliter testamento militis, vel cujuscunque, quanquam non cujuscunque utiliter per legem Caninianam, sed militis tantum, quæ, inquam, omnibus generaliter testamento videtur dari libertas, satis videtur dari nominatim, l. Titius, sup. de lib. C. post. In hac igitur specie, jure data est libertas, quia data est omnibus quæ omnibus jure dari potuit a milite, & quia etiam a milite dari debuit nominatim, & nominatim data intelligitur, quæ data est toti familie, si modo promeruisse heredem.

Ad §. Cum ita.

Cum ita testamento adscriptum esset, servi, qui sine offensa fuerunt liberi sunt, conditionem adscriptam videtur, placuit, quæ interpretationem talei faciendam, ut de his in libertate danda cogitasse non videatur, quos pena coercuit, aut ab honore ministrandi, vel administranda rei negotio removit.

Superius responsum est de fideicommissaria: hoc vero de directa libertate data testamento, hoc modo: servi, qui sine offensa fuerunt, liberi sunt, id est, qui quamdiu vixi sine offensa fuerunt, qui me non offenderunt, contra quos offensus non fui: sic accipienda sunt ea verba testatoris, servi, qui sine offensa fuerunt, liberi sunt: verba illa, liberi sunt, sunt directa: & præterea libertas, quæ data est superiori responso, est pura: quoniam hæc verba, quæ diriguntur ad heredem scriptum, prout quisque meruerit, pro boni viri arbitrio accipiuntur l. fideicommissarias 3. §. 1. tit. seg. l. 20. hoc tit. l. 11. §. sed etsi, de leg. 3. Boni viri autem arbitrium est certum, nec inest ei

ei ulla mora, vel conditio, sed statim est certum, sicut aequitas est certa, cuius magister est bonus vir, l. 1. de leg. 2. Hæc autem manumissio, servi, qui sine offensa fuerunt, liberi sunt, conditionalis est, ut ait, quia hæc ei injecta esse conditio intelligitur, si me testatorem non offenderunt. Et ideo hi tantum vocantur ad libertatem, qui non offenderunt testatorem, non ceteri qui offenderunt: & definit, qui offendisse intelliguntur, qui locus est singularis. Offendisse dominum intelliguntur, quos poena coarguit, quos vixit compedibus poenæ causa, quos compunxit notis poenæ causa, qui *overqueri* aut dicuntur, & a Tertulliano subverbusti, qui sunt *sestris au visage*, ut Galli loquuntur, non stigmati, ut Alciatus tentat. Nam stigmati non dicitur a stigmate, sed ab ordine quodam, serie, versu. Offendisse etiam dominum & aduererum, administratione rerum suarum, id est, quem noloit amplius esse actorem rerum suarum, qui erat summus honor in familia. Offendisse etiam dominum intelligitur is, quem removit ab honore ministrandi, honor est accumbe[n]ti domino ministrare cibos aut pocula, aut stare ad eyathum, vel prægustatorem esse, qui locus est singularis.

Ad L. II. ne de statu def. post quinq. quær.

Non esse libertatis quæstionem filii inferendam, propter matris, vel patris memoriam, post quinquennium a morte non retractatam cõvenit. Nec in ea re, quæ publicam tutelam meruit, pupillis agentibus restitutionis auxilium tribuendum est, quod quinquæ annorum tempus, cum tutores non haberet, excesserit. Prescriptio quinquæ annorum, quæ statum defunctorum tuetur, specie litis ante mortem illata non fit irrita, si veterem causam, desistente qui movet, longo silentio finiamus proberet.

SENATU CONSULTUM, de quo agitur in l. si. ne de statu defunctorum post quinquennium queratur, quod factum esse opinor D. Marci temporibus, præscriptione quinquennii repellit eum, qui post quinquennium quam defunctus est, qui ut liber in diem mortis vixit sine controversia, sine interpellatione, de statu capitis quæstionem movet, asserens eum non ingenuum, sed aut servum suum, aut liberum fuisse. Quæ de re non agit quidem, nec agere potest principaliter in defunctum, quia cum defuncto nulla est lis. In defunctum liberale iudicium non est, l. principalliter, Cod. de lib. caus. Sed agit de ea re propter aliam causam, veluti propter peculium sive bona, quæ defunctus reliquit, quæ ad e tanquam dominum aut patronum ejus pertinere contendit, vel propter filios ejus: Finge, defunctam esse matrem, propter cujus conditionem asserat, filios ex ea natos servos suos esse, quod mater sua esset ancilla: & audiat quidem post mortem matris intra quinquennium, non post quinquennium, nisi servus fugitivus fuerit, qui se pro libero gesserit, ut Athenio & Sparacuo duces servilis belli, l. ultim. Cod. eodem tit. l. 1. Cod. de long. temp. prescript. quæ pro lib. Nam de fugitivo statu queri potest etiam post quinquennium mortis ejus, & post vicennium, d. l. ultim. At si servus fugitivus non fuerit, qui communi opinione domo vixit pro libero habitus est, & agat de statu L. Titii viventis, quasi filii defuncti fac, matrem L. Titii mortuam in civitate ante quinquennium, quam diciis ancillam tuam, atque adeo L. Titium filium ejus, servum tuum fuisse, tibi agenti de statu L. Titii viventis post quinquennium mortis matris, ne præjudicium fiat matris statui, obstat quinquennii præscriptio, quia non potest queri de statu L. Titii viventis, quin & de statu queratur matris ejus defunctæ ante quinquennium, l. 2. Cod. eodem tit. Et hoc est quod ait, non esse libertatis quæstionem filii inferendam, hoc est, non esse filios petendos in servitutem, propter matris memoriam, quæ dicitur fuisse ancilla petitoris, videlicet, si hoc intendat petitor post quinquennium mortis matris, quæ commu-

Tom. IV.

ni opinione vixit semper ut libera. Et additur in hac lege, vel patris, propter matris, vel patris memoriam, quæ verba, vel patris, prima specie videntur abundare, quia non a patre, sed a matre servitutem trahimus, aut libertatem, & sicut natus ex libero & ancilla servus est, quod constat inter omnes, l. partum, Cod. de rei vind. ita natus ex servo & libera, liber est, spectata conditione matris, non patris, l. Severus, inf. de decur. l. 1. C. de mulier. quæ se prop. ser. junct. §. 1. Institut. de ingen. quia natus ex servo & libera habetur pro spurio, sive vulgo quæsto, hoc est, nato incerto patre. Nam servus incertus homo est, ac pene nullus jure civili: ut ergo natus ex incerto patre, non matre, quæ nunquam potest esse incerta, sequitur conditionem matris, quæ certior est parentis: ita natus ex servo incerto homine & libera, pro spurio habetur, l. 3. Cod. sol. matrim. l. 6. C. de suis & legit. hered. Si igitur semper spectanda est conditio matris, sive fuerit libera sive serva, cur hic Papin. de patris conditione mentionem injecit? propter matris, inquit, vel patris memoriam, & conditionem scilicet, ut l. 2. C. eodem ait, propter matris conditionem, nec addit vel patris. At ut hoc expediamus, dico, ut ex servo & libera liber nascatur, hoc esse ex constitutione Alexandri Severi introductum favore libertatis, d. l. Severus, de decur. cujus Imperatoris tempora, non attigit Papinianus. Nam jure veteri ex servo & libera natus, deterioris parentis conditionem & memoriam sequebatur: sicut & ex peregrino & civæ Romana natus, ut Ulp. scribit lib. regul. Cui juri prorsus simile est illud, quod in legibus. Nivernensium exprimitur his verbis, le mauvais emporte le bon, id est, nati sequuntur deteriorem conditionem parentis. Nam ut hoc magis atque magis probem, & quod hodie placet, natum ex ea, quæ libera concepta, ancilla peperit, liberum esse, spectato conceptionis potius quam partitionis five editionis tempore: id olim non obtinuit: hodie obtinet ex constitut. & extortum dicitur favore libertatis a Paulo 2. Sentent. tit. de lib. agnos. Jure enim veteri tempus editionis tantum spectabatur, non conceptionis, l. 9. ad municip. & Caus. 1. Institut. hodie etiam conceptionis tempus favore libertatis, l. 5. de statu hom. ubi placuit, Principibus scilicet. Nam aliud erat jure veteri. Quod autem additur in hac lege, valde singulare est: nec pupillos, qui intra quinquennium de statu defuncti agere superederunt, etiam ideo superederunt, quod tutores non haberent, restitui posse in integrum adversus præscriptionem quinquennii, ut post quinquennium a morte, ea de re agant, quia libertas, ut ait, publicam tutelam meretur adversus omnes, nec mirum, cum dicatur libertas esse res publica, l. si quis rogatus, sup. de fideic. libert. unde quod publica utilitatis gratia in l. si hereditas, §. ultim. de test. tut. in eadem specie est, libertatis gratia, l. etsi non adscripta, C. de fideic. libert. unde & olim cuilibet agere licuit pro libertate cujuslibet, ut est in Institut. tit. de iis per quos agere poss. Tit. Livius 3. In iis, qui adseruntur in libertatem, quicvis lege agere potest, id est, publica actio est. Pupillorum etiam favor est magnus, d. l. si hereditas, §. ult. l. 3. §. præterea, de susp. tut. l. 1. §. ult. sup. de usur. l. pen. C. de necess. serv. l. pen. C. de ser. pign. dat. manum. Et pupillorum causa sicuti libertatum etiam publicam tutelam & curam mereri dicitur, l. 2. sup. quæ per. tut. l. 2. §. tractari, ad Tertull. l. 19. Cod. Theod. de decur. sed præponderat & prævalet libertatis favor, quia libertatum causa ad multo plures pertinet, eique posthabetur pupillorum causa, & pupillis etiam hac in re Respublica comparatur, l. si mater, Cod. ne de statu def. & fiscus, l. 1. in princ. hoc tit. ut eis non subveniatur post quinquennium, ut adversus eos omnes præscriptio quinquennii currat, nec adversus eam restitui possint in integrum: & si in pupillis hoc juris est, & in minoribus xxv. annis multo magis idem dicendum erit: si in hac causa non paritur pupillis, nec puberibus igitur minoribus 25. annis. Neque obstat l. ultim. Cod. in quib. caus. in integ. rest. non est necess. quam adfert Accursius,

SSSS 2

quæ

quæ ipso jure tuetur minores adversus præscriptiones A
omnes temporum, quoniam, ut breve faciam, ea lex
loquitur de præscriptionibus, adversus quas minoribus
solebat tribui auxilium restitutionis in integrum: at ad-
versus hanc præscriptionem quinquennii, non potuit
tribui auxilium restitutionis in integrum. Præterea no-
tandum est huic præscriptioni quinquennii locum non
esse, si ante mortem ejus, de cujus statu queritur, lis
mota fuerit, quoniam peragetur post mortem propter
causam evisionis, vel propter causam bonorum, aut
propter causam filiorum defuncti § 1.3. C. de iur. l. 2. C. de
adfort. toll. excepto uno casu, nisi qui movit litem vi-
venti, antequam is moreretur, ab ea destiterit, & lon-
go silentio sopita ealis fuerit, quoniam nec mota fuisse
intelligitur hoc casu, l. 10. inf. de div. temp. præscr. Et
hoc est quod ait in hac lege, præscriptio quinque anno-
rum, quæ statum defunctorum tuetur, &c.

Ad L. XIII. Quib. ex caus. in possess. eatur.

Ad cognitionem Imperatorum a præfide provincie re-
missus, & si in ceteris litibus Romæ defendere se non co-
gitur, tamen in provincia defendendus est. Nam & exilio
temporario puniti, si defensor non existat, bona veneunt.

Præfides provincie causam aliquam remisit ad cogni-
tionem Imperatoris in urbem, forte ex appella-
tione, ut in l. 22. & 26. inf. de appell. an in urbem quum
venit, qui appellavit, & remissus est ad Principem,
cogitur se in urbe defendere, non in hac lite tantum,
sed & in ceteris omnibus, si in urbe conveniatur a
creditoribus? Et ait, non cogi, sed in ea tantum re
se defendere cogitur, quæ remissa est ad Principem,
idque patet ex l. 2. §. ei quoque, sup. de jud. Verum in ce-
teris litibus, etiam si sit in urbe, defendendus est in
provincia, ubi domicilium habet, aut si non defendatur
per procuratorem, creditores possunt mitti in pos-
sessionem bonorum, & bona distrahere, ut in l. 1. inf.
cum qui appell. in prov. def. Nam ut subiecit, & damnatus
exilio temporario, puta, relegatus ad tempus, vel qui
exilii causa solum venierit, ut erat expressum in edi-
cto prætoris, ut Quintiana ostendit, si non defendatur
in provincia, ubi domicilium habet, bona ejus veneunt,
quia imputatur ei quod procuratorem aut defensorem,
quem potuit relinquere, non reliquit, l. Papin. de mi-
n. l. sed est per Prætorum, §. 1. ex quib. caus. inf.

JACOBI CUJACII J.C.

COMMENTARIUS

In Lib. XV. Responsorum EMILII PAPINIANI.

Ad L. XXIX. de Test. tut.

Ex sententia SC. Liboniani, tutor non erit, qui se te-
stamento pupillo tutorem scripsit. Cum autem patris volun-
tas hoc ipsum manu sua declarantis ambigua non esset, nec
admittendam excusationem, quam jure publico habeat; quo-
niam promississe videatur, nec ut suspectum removeri.

Certum est ex Senatusconsulto Liboniano, facto
Tiberii Imperatoris temporibus teneri quasi fal-
sarium, licet falsarius non sit, pena legis Corne-
lie de falsis, nisi veniam a Principe, vel senatu
impetraverit eum, qui alienum testamentum scripsit di-
citante testatore, si hereditatem, vel legatum, vel fideicom-
missum sibi adquisierit, quamvis id iussu testatoris fecerit,
idque etiam sibi inutiliter adquisierit, quoniam pro non
scripto est quod quis sibi adquisivit in alieno testamento, l.
1. inf. de iur. quæ pro non scrip. hab. SCrum loquitur de heredi-
tate tantum, & legato, & fideicommissio, & libertate, quod

quis sibi adquisierit, cum adhibitus esset ad scribendum alie-
num testamentum. Sed ex sententia Senatusconsulti idem
juris est, si scriptor testamenti, cum esset ex liberis
testatoris, sibi adquisierit assignationem liberti, l. 22.
§. qui libert. ad leg. Corn. de fals. Ex sententia, inquam,
Senatusconsulti, non ex verbis, quia assignatio liberti, ne-
que legatum, neque fideicommissum est, l. 7. inf. de ad-
signat. lib. Et similiter ex sententia Senatusconsulti tenetur
scriptor testamenti alieni, qui sibi adquisierit mortis causa
captionem, ut puta, qui legato alii relicto adquisierit condi-
tionem sibi dandæ pecuniæ, quæ pecunia demum data
pervenit ad legatum legatarius, & capi dicitur ea pecunia
mortis causa, quæ datur conditionis implendæ gratia.
Ergo ex sententia Senatusconsulti tenetur etiam is, qui
legato alii relicto adquisierit conditionem sibi dandæ pecu-
niæ certæ, hoc est, qui sibi adquisierit mortis causa capio-
nem, d. l. 22. §. pen. Ex sententia, inquam, Senatuscon-
sulti, non ex verbis, quia mortis causa capio, neque lega-
tum, neque fideicommissum est, sed proprie quadam
capiendi species, quæ commune nomen mortis causa
captionis, fecit suum proprium, l. 31. de mort. caus. donat.
l. 8. inf. si quis omis. cau. test. Ex sententia etiam Senatuscon-
sulti hoc loco ostenditur, teneri scriptorem alieni tes-
tamenti, qui & in jure sæpe dicitur testamentarius,
id est, scriptor alieni testamenti, & enomio in gloss.
Phyloxi. Teneri, inquam, testamentarium (ex sententia
dico Senatusconsulti) qui sibi adquisierit tutelam filii im-
puberis testatoris. Ex sententia, non ex verbis, quoniam
& tutela, legatum aut fideicommissum pecuniarium non
est; ergo sicut legatum sibi adquisierit inutiliter, ita &
tutelam. Denique ex testamento tutor esse non potest,
præterquam (hic quum casus est excipiendus) si testator
ipse manu sua specialiter declaraverit, se cum tutorem
esse velle, aut probare quæcumque is scripserit, se di-
citante his verbis, quod Luc. Titio dictari, & recognovi. Hoc
casu tutor dabitur non ex testamento quidem protinus
ipso, sed ex confirmatione, & decreto prætoris, vel
Præfidis, quoniam prius inquirendum est, an sit ido-
neus, l. xxi. §. 1. inf. ad l. Corn. de fals. nam & hoc casu,
qui sibi adquisierit legatum, legatum capit, quum tes-
tator specialiter subscripsit, quod illi dictari & recognovi,
l. 1. §. inter, & l. 15. §. plane, cod. tit. Tutor autem tum ma-
ximè dabitur ex inquisitione, decreto Prætoris, vel
Præfidis in casu excepto, quum eodem testamento alii
tutores pupillo instituti non sunt: nam si cum eo alii
sint in testamento tutores instituti sive dati, facilius ille
curator dabitur & adjungetur aliis tutoribus, quam tu-
tor, quoniam semper dariva tutela testamentaria cedit,
ut & de legitima tutela dicitur in l. 9. §. 1. inf. de tut. & rat.
distr. Et qui confirmatur tutor testamento datus, da-
tativus est, non testamentarius proprie, l. 5. tit. seg. Et
de hujusmodi casu, quum excipiendum esse diximus,
ita respondit Papinian. hoc loco: ut propter specialem
subscripcionem testatoris, cum alii tutores dati sunt, & is,
qui se tutorem cum aliis scripsit tutoribus curator adjungatur ex
inquisitione. Et adiecit: Eum hoc casu, qui se tutorem
scripsit, nulla excusatione uti posse, etiam si quam habeat
probatam jure publico, vel propter numerum liberorum, vel
propter aliam justam causam, nullo modo potest se excusare a
tutela, quam sibi adquisierit, excusationem, quam habuit,
amittit. In summario Bartoli ad hanc legem corrupte
excusationem amittit, pro amittit excusationem. Cur vero ex-
cusationem amittit, quam habuit jure communi, jure
publico: quia promississe, inquit, videtur, id est, fidem patri
dedisse, se eam tutelam administraturum, & consensisse
voluntati patris, qui se eo jubente tutorem scripsit. Cer-
tum autem est, eos qui patri promiserunt, se tutelam admi-
nistraturos, nulla ratione excusari posse, l. 15. quæ incipit
et aliorum §. 1. de excusat. tut. Nuda igitur promissio aufert
jus excusationis: nuda promissio, amissio excusationis
est. Nec obstat l. quum quis decedens 30. in princ. inf. de leg.
3. quam hic obijcit Accursius: Ex qua hoc tantum efficitur,
ex nuda promissione, vel professione actionem non na-
sci. Si quis, ut quærem speciem breviter, rem suam sibi
lega-

legatum, quod legatum est inutile, & a se per fideicommissum alii relictum in iure profiteatur, se fideicommissario praestitutum, & nihil facturum contra voluntatem defuncti: nam ea professio nullam fideicommissario actionem parit, sicut nec, ut rectissime Bartolus notavit, si quis rem meam me consentiente alii legaverit, is consensus nullam legatario actionem parit, consensus me non obligat ad rem meam alii praestandam, quia nudus consensus est. Hoc efficitur ex d. l. quum quis decedens; ergo nihil efficitur, quod pugnet cum hoc responso, in quo hoc tantum dicitur, nudam promissionem promittenti adimere jus excusationis, quod habuit ex iure publico. Utique est verum, & quod hic & illic dicitur, nec adversum alii aliud. Pergamus igitur ad alia. Addit in hac lege, non posse etiam eum, qui se tutorem scripsit, removeri a tutela, vel cura ut suspectum: Quum speciali subscriptione testator omnia probavit, quae dictavit ei, & omnia recognovit, ut diximus ante: videbatur posse removeri ut suspectus, quod ultro videatur affectasse tutelam: imo non ultro affectavit, sed jubente testatore, ac deinde etiam manu sua subscribente, & factum approbante. Suspectus dicitur, qui operam suam ingerit invito, l. qui omnia, §. 1. de procurat. invito, non qui volenti. Et hac est sententia h. l.

Ad L. Ult. si quis al. testa. prohib.

Virum qui non per vim nec dolum, quo minus uxor contra eum, quata voluntate, codicillos faceret, intercesserat, sed (ut fieri adoleat) offensam agra mulieris maritali sermone placaverat: in crimen non incidisse respondit, nec ei, quod testamentum fuerat datum, offerendum.

Certum est ex constitutione Adriani, de qua in hoc titulo agitur, coerceri crimen prohiberi per vim aut dolum, vel extorti testamenti, aut codicilli. Quomodo? nimirum a fisco ablata hereditate vel legato, vel fideicommissum, veluti indignis, ut ait l. 2. C. ad. tin. veluti indignis eis, quibus testamentum relictum est aliquid, videlicet si per vim vel dolum testatorem prohibuerint mutare testamentum in quo aliquid eis relictum est: vel si prohibuerint testatorem facere codicillos, quibus adimere volebat relictum his legatum aut fideicommissum, si per vim aut dolum id egerint, ne hoc perficeret testator, forte dum scriptorem testamenti vel codicillorum, quem testator adscivit, vel testes, quos rogavit, eximunt aut morantur, vel ludificantur quo minus veniant: merito illis ut indignis fisco aufert, quod relictum est, quia supremam defuncti voluntatem non habent: crimen est, si interveniat vis aut dolus, non si blanditiis, aut illecebris. Nam blanditiis, non prohibemur elicere hominum voluntates, benignitatem, & po. Siquis. Et ideo si maritus, quae est species huius legis, cui quid uxor testamentum legavit, uxore legatum ei adimere volente, non vi adhibita, ereptis testibus aut excepto, vel expulso testamentario, non dolo malo, veluti dolosis persuasionibus, aut caliditate quadam, mora, aut impedimento aliquo obiectis testibus vel testamentario, ne veniant, ne introirent, sed maritali sermone, ut ait, utque ex hoc ipso loco est scriptum in l. ult. C. eod. hoc est, blando sermone uxorem agram animi & offensam atque insensam sibi placaverit, atque ita effecerit, ne quod decreverat, ad effectum perduceret, puta, ne mutaret voluntatem, ne codicillis legatum adimeret: hoc vero aut extra crimen esse, nec ob eam rem marito legatum esse auferendum ut indigno: in aliis plerisque causis blanditiis maritales vel uxoriae cohibentur & reprimuntur, l. 1. C. Teod. de inf. p. nris. col. veluti lege Julia & Papia, quae virum & uxorem inter se solidum capere vetat, & lege Soloris recepta iure civili populi Romani, quae non vult inter virum & uxorem consistere factas donationes. His legibus sane cohibetur blanditiis maritales, alioquin in immensum donaret alter alteri, & in solidum bona sua relinqueret alteri,

sed specie proposita, non est quod blanditiis, aut cohibeantur aut reprimantur.

Ad L. XVIII. de his quae ut Indign.

Eum, qui tacitum fideicommissum in fraudem legis suscepit, eos quoque fructus quos ante litem motam percepit cogendum restituere respondit, quod bona fidei possessor fuisse non videtur, exemplo bonorum fisco vindicatorum, post motam de tacito fideicommissio controversiam, ante pretia fructuum percepta cum usuris esse restituenda respondit, sed omnium fructuum, quorum pretia percepta fuerant: quod si fructus in usu habuit, eorum pretia tantum restitui satis erit. Sed Divus Severus bonorum tacite relictorum, circa distinctionem temporis, fructus duntaxat deberi, non etiam usuras eorum benigne decrevit, quo iure utimur.

IN hac lege sunt tria responsa de tacitis fideicommissis, in primo responso idem ostenditur fere, quod in proximo superiore: male fidei possessorem omnes fructus debere restituere petentibus hereditatem, etiam eos, quos ante litem motam percepit, aut percipere potuit. Et ideo heredem, qui tacitam fidem interposuit, tacitumve ministerium suscepit in fraudem legum incapaci restituenda hereditatis, quia praedo & male fidei possessor est, l. praeonis, sup. de pet. hered. fisco cum hereditariis bonis etiam fructus debere restituere ante litem motam perceptos, aut consumptorum fructuum pretia, exemplo, inquit, bonorum fisco vindicatorum, id est, sicut bona fisco vindicantur ex causa taciti fideicommissi, ita & eorum bonorum fructus, etiam qui percepti sunt ante motam litem. Quod autem sequitur in hoc ipso responso, post motam de tacito fideicommissio controversiam, est etiam de fructibus perceptis ante motam litem: & his verbis post motam controversiam, hoc tantum significatur, a tempore litis contestatae, pretiorum, quae percepit ante litem contestatam, distractis fructibus, venditis fructibus, & in fortem redactis cuiuscumque generis fructus fuerint, quoniam ait, omnium fructuum, usuras praestare heredem a tempore litis contestatae, qui tacitam fidem interposuit, ut in fraudem legis incapaci hereditatem restitueret: a tempore, inquam, litis contestatae. Ejus vero temporis quod praecessit litis contestationem usuras nullas praestare; crevit mala fides ex litis contestatione & contumacia possessoris fisco non restituentis hereditatem, & usurarum quoque additamento plebitur: & dixi, distractis fructibus, quia si is heres fructus non distraxerit, sed in usu suo habuerit & consumperit, nec eos in aes redegerit, satis est fructuum ante litem motam consumptorum pretia restitui sine usuris pretiorum. Et hoc quidem ipso iure ita se habet. Itaque se respondisse Papinianus scribit ante decretum Severi, quod subiicit: nam postea Severus specialiter in casu proposito, id est, fisco bona tacite relictis vindicante satis habuit, circa distinctionem temporis, hoc est, non solum ante tempus litis contestatae, sed & post litem contestatam, pretia fructuum, qui venerunt ante litem contestatam, sola fisco restitui sine usuris, id est, nec usuras deberi a tempore litis contestatae, sicut nec ejus temporis quod praecessit litis contestationem. Idque ut ait Severus, ita benigne decrevit in gratiam heredum fisco suo non favens. Nec pugnat cum hoc decreto lex, cum quidam, §. in tacito sup. de usur. quae heredi, qui tacitam fidem accommodavit, dicit, auferri usurarium emolumentum, quia de usuris loquitur, quas heres percepit a debitoribus hereditariis, non de usuris fructuum distractorum. Quia vero id tantum, benigne ut ait, Severus decrevit in causa taciti fideicommissi: & quod benigne decretum est in una causa, ad confectionem trahi non oportet, l. qui negotia, mandati: ideo illo casu excepto, alias regulariter statutum, si agatur petitione hereditatis, male fidei possessorem a die litis contestatae pretia fructuum ante litem percepta cum usuris

usuris debere restituere, etiam si ex ea pecunia locupletior factus non sit, quia hi fructus auxerunt hereditatem. Et perinde ac cetera bona in hereditatis petitionem veniunt, id est, petita hereditate, & ipsi principaliter petiti videntur, vel pretia eorum, l. 1. C. eod. tit. l. item veniunt, §. fructus, l. illud, §. prado, l. heres furiosus, §. ult. sup. de pet. hered. l. 2. C. eod. tit. Et ideo eorum fructuum vel pretiorum, quae ex iis redacta sunt quia petiti intelliguntur petita hereditate quasi pars hereditatis, usura eorum fructuum officio iudicis in petitionem hereditatis accedunt, quasi fructuum principaliter petitorum fructus. In petitionem hereditatis, inquam, non in conditionem fructuum specialem, vel in specialem in rem actionem, d. l. 2. l. neque, sup. de usur. Et rationem diversitatis inter actiones memini me latius exponere lib. 2. ad d. l. heres furiosus, §. ult. quam differentiam actionum etiam recte observavit Accursius in d. l. neque. Et haec de fructibus perceptis ante litem contestatam a male fidei possessore. Post litem vero contestatam fructibus aut pretiis fructuum perceptis, quoniam hi fructus petiti non sunt, qui nondum erant in rerum natura, nec principaliter venerunt in iudicium petitionis hereditatis, accedunt officio iudicis: si accedunt, ergo eorum usura non praestantur, quia accessionis accessio esse non potest, d. l. heres furiosus, §. ult. d. l. neque; accessio rei principalis est accessio, hoc est, rei petita principaliter, qualisqualis ea res sit, non accessionis. Et haec de male fidei possessore. Bonae fidei possessor (ut hoc quoque exponamus, quamvis praetermittatur a Papiniano) fructuum aut pretiorum consumptorum ante litem contestatam, nec ex tempore litis contestatae usuras praestat, quia nec fructus ipsos, nec pretia eorum praestat, sed eos tantum fructus, quibus locupletior factus est, quibus adolevit ante litem, & ex die litis motae eorum usuras quibus auctor & locupletior factus est, usuras ex die litis contestatae, l. 1. C. de pet. hered. l. illud, §. in bonae fidei, & d. l. heres furiosus, eod. tit. Post litem vero contestatam, quod ad fructuum rationem attinet, qui percipiuntur post litem, idem iuris est in bonae fidei & male fidei possessore, l. sed est lege, §. ante, de pet. hered. l. 38. de jur. fisci. In distractis quoque rebus hereditariis ante litem motam Ulpianus hanc differentiam inducit, interpretans l. 1. C. de his, quae ut indigni, in l. item veniunt §. ceterum, de pet. hered. Quod ex die distractionis rerum hereditariarum, jam non loquimur de fructibus, sed de corporibus: sive praediis hereditariis, aut de rebus immobilibus: quod, inquam, ex die distractionis, ex die distractionum rerum hereditariarum, quae servari poterant, male fidei possessor usuras praestat ex die venditionis, vel res ipsas, atque fructus earum, si hoc malit actor, vel quanti in litem actor juraverit, qui omnimodo vult res sibi restitui & fructus earum. Rerum autem distractionum, quae servando servari non poterant, quae onerabant magis hereditatem quam fructui essent; male fidei possessor usuras praestat ex die tantum litis contestatae. Et ita accipit Ulpianus d. l. 1. C. eod. tit. Bonae fidei autem possessor omnium rerum, si locuples factus sit, praestat usuras ex die tantum litis contestatae, nuncquam ex die venditionis, l. 1. C. de pet. hered. Et haec est hujus questionis summa definitio.

Ad §. Bonis.

Bonis universis ex causa taciti fideicommissi fisco restituitur, heredem onus eris alieni non spectare convenit: nec aliud servatur morte defuncti. Si quid tamen ob aditam hereditatem, actionibus aut servitutibus confusis, amiserit, auxilio restitutionis non merebitur.

In secundo responso h. l. ostenditur, hereditatem, ob causam taciti fideicommissi fisco vindicari cum onere eris alieni, onera eris alieni sequi fisco, qui auferit hereditatem, quia fisco heredis locum obtinet, fisco

A est heres re, non nomine: heres scriptus, qui tacitam fidem accommodavit, heres est nomine, non re, quia qui semel adeundo extitit heres, non desinit esse heres, licet ei ut indigno auferatur hereditas, sive emolumentum omne hereditatis, l. ex facto, §. ult. sup. de vulg. & pup. subst. Et adiecit Papinianus in hoc secundo responso idem servari, si fisco hereditas vindicaretur ob causam ingratam necis defuncti, heredi erepta hereditate veluti ab ingratulo & indigno, quod non vindicaretur necem defuncti, quae causa confiscandorum bonorum iustissima est, quondam etiam publico Francorum conventu probata secundum leges Romanas, ut nominatim scribit Aimonius mopachus hist. Francor. 4. ca. 28. Secundum leges Romanas, inquit, quae sanciant paterna hereditate decidere eos, qui interfecti non vindicant necem. Et ex hac quoque causa, ut diximus, bona in fisco rediguntur cum onere eris alieni, eadem ratione, quia fisco successores est universi juris, & heredis vicem obtinet, idcirco respondere debet omnibus creditoribus hereditariis. Excipitur tantum a alienum, quod defunctus debuit heredi, qui postea indignus pronuntiatus est. Id enim quod heredi debuit additione hereditatis confusum est & extinctum, nec evicta hereditate a fisco heredi restitui actionem, sicut nec servitutem praediorum additione confusam, æquum est, quoniam male fidei possessor est, qui tacitam fidem accommodavit, vel qui sciens non est ultus necem defuncti: bonae fidei possessori confusae actiones & servitutis restaurantur, restituerentur & reintegrarentur, l. prox. sup. l. propter, §. i. de Senatus. Syllan. l. ejus, §. ult. de iure fisci.

Ad §. Ultimum.

Pro parte heredis institutus, praedii legatum acceperat, & in hereditate non capienti restituendi tacitum ministerium suscepit: quoniam legatum pro ipsius parte non constitisset, ideoque portionem istam pro herede possideret, tamen ei praedictum integrum esse relinquendum respondit: neque enim rationem juris ac possessionis varietatem inducere divisionem voluntatis.

TEstator Lucio Titio heredi instituto ex parte fundum praelegavit: nemo est, qui nesciat praelegari jus hoc esse, ut pars ejus possideatur pro herede, pars pro legato, id est, ut diverso jure capiatur, partim jure hereditario, partim jure legati, l. in quartam, ad l. Falcid. At si pars hereditatis L. Titio auferatur ut indigno ex causa taciti fideicommissi: Queritur, an etiam ei auferatur pars fundi praelegati, quam jure hereditario possidere videtur? Et respondet, nullam partem fundi ei auferri, quia ablata portione hereditatis, jam non jure praelegati, sed jure legati totum fundum habere videtur, ut extraneus, non ut heres, quia nec pro herede instituto habetur, qui non fuit, sed incapacis gratia institutus est, ut ei mox restitueret bona. Fisco igitur auferret, quia & tacitam fidem L. Titius accommodavit tantum in hereditate, id est, in portione hereditatis, non in legato; alioquin & legatum fisco auferret. Quam quis rogatur, quod maxime notandum est, portionem restituere simpliciter & absolute, etiam praelegatum totum fideicommissio continetur: cum portione hereditatis rogatur restituere, non continetur fideicommissio pars praelegati, quae a coherede jure legati capitur, l. Marcellus, §. quidam, l. in fideicommissariam, §. ult. ad Treb. l. filium quem, C. fam. ero. Itaque in proposita specie recte definit Papinianus, rationem juris ac varietatem possessionis, ut ait, quod scilicet diverso jure capi videatur praelegatum, partim hereditario jure, partim jure legati, evicta portione hereditatis, eam rationem juris, ac varietatem, & eam subtilitatem juris non inducere divisionem voluntatis, id est, non scindere legatum, sed integrum legatum L. Titio esse praestandum, sicut eveniret, si nullo dato tacito fideicommissio L. Titius utro repudiasset portionem hereditatis, non praelegatum.

rum: nam & hoc casu totum praelegatum consequeretur, l. 17. §. ult. c. l. 18. l. quæsitum, §. duobus, sup. de leg. 1. l. cum respon. C. de leg. quia separare voluit L. Titius hereditatem a legato, hereditatem respuere, legatum amplecti. Aliud tamen dicendum est, si L. Titius ante aditam vel repudiatam hereditatem, dum deliberat, vita decessisset, quoniam hoc casu totum praelegatum non transmitteret in heredem, sed partem tantum, quæ a coherede capitur jure legati, quia mortuus est priusquam separaret hereditatem a legato, l. miles, §. ult. de leg. 2. Post hanc legem 18. male huic libro tribuitur l. Cæsus de manumiss. quam Basilica rectius indicant esse Pauli non Papiniani, & lex quoque ipsa, illo loco: Paulus respondit: & non esse Papiniani etiam ex eo patet, quod lex quæ præcedit legem Cæsus, sit ex definitionibus Papiniani, & definitiones non solent præcedere responsa Papiniani, sed subsequi, hic est ordo Pandectarum. Itaque omnia hac lege transitum faciamus ad l. 2. de jure aur. annul. Sed priusquam ad eam legem veniamus, quæ est de jur. aur. annulorum, quæ nobis ex ordine suggeritur, apertius explicabo, quod habemus in l. 18. §. ult. de his, quib. ut indign. dum ait in specie proposita §. ult. rationem juris, ac varietatem possessionis non inducere divisionem voluntatis. Hæc verba faciamus dilucidiora: heredi ex parte prælegato fundo, ratio juris inducit varietatem possessionis, & varietas possessionis inducit divisionem voluntatis: ratio juris, quia sc. pro parte hereditaria ejus, cui fundus legatus est, legatum inutile est, quasi heredi a semetipso relictum, quasi a seipso sibiipsum debitum, quod fieri nequit, ut quisquam sibiipsum quicquam debeat, l. legatum, §. 1. de leg. 1. Hæc ratio juris inducit varietatem possessionis, id est, efficit, ut parte prælegati si heres possideat jure legati, partem jure hereditario, non jure legati, quia pro parte legatum non consistit. Et rursus hæc varietas possessionis inducit divisionem voluntatis testatoris, qui totum fundum ad heredem pervenire voluit jure legati, quia pars tantum ad eum pervenit jure legati, non etiam pars altera. Verum portione hereditatis heredi ablata ex causa taciti fideicommissi, cessat illa ratio juris, quia non capit aur non retinet portionem hereditatis, arque adeo cessat varietas possessionis, & consequenter indivisa voluntate testatoris, indivisusque legatus totus fundus capitur jure legati, nec redigitur in fideicommissum, quia heres tacitam fidem interposuit in portione hereditatis tantum, non in legato. Et fideicommissio quidem portione hereditarie capaci relicto utiliter, sane nec fideicommissio totum legatum contineretur, sed pars hereditaria tantum, l. in fideicommissariam, §. ult. ad Treb. aut imputaretur in Falcidiam, l. filium quem, C. fam. etc. l. in quartam, ad l. Falcid. at fideicommissio portione hereditarie incapaci tacite relicto, quod fideicommissum, nulla pars legati fideicommissio continetur, quia heres scriptus, cui aufertur portio hereditatis, totum fundum capit jure legati, ut extraneus, nec jam ut heres, quia non est heres cum re, sicut si ultro repudiasset portionem hereditatis. Et ita hæc verba illius legis sunt explicanda. His verbis nihil videtur esse apertius; nunc veniamus ad l. 2. de jur. aur. annul.

Ad L.II. de jure aur. annul.

Intra quinque annos pro ingenuitate sententia dicta rescissa fuerat: victum annulorum aureorum beneficium, quod ante sententiam pro ingenuitate dictam acceperit, ac depositis non retinuisse respondit.

Dicta pro ingenuitate sententia sciente patrono, pro veritate habetur, & ingenuum facit eum, qui ingenuus pronuntiatus est, l. ingenuum, sup. de statu hom. Sed si postea probeatur, de ingenuitate adum per collusionem, & colludente ac prævaricante adversario, pronuntiatus eum fuisse ingenuum, causa ingenuitatis de novo retractari potest intra quinquennium, non post quinquennium, l. pen. inf. si ing. esse dic. l. 29. §. ult. de lib.

A cau. Intra quinquennium vero retractari potest, si vivat is, qui ante ingenuus pronuntiatus est, lutorie agente adversario: si vivat, inquam, non etiam post mortem ejus: imo & vivo eo, quæ cepit retractari causa ingenuitatis extinguitur, si moriatur pendente conditione, ex oratione D. Marci, l. 1. §. sed interdum, inf. ne de stat. defunct. Et quod dicitur, de statu defunctorum posse quæri intra quinquennium mortis cujusque, verum est, si is vixerit ut liber communi opinione hominum tantum, non etiam si liber & ingenuus pronuntiatus sit: nam hujus status post mortem revocari in dubium nullo unquam tempore potest: dum vivit, in dubium revocari potest intra quinquennium retractata eadem causa, ex iusta aliqua causa, ut puta, sicut dixi, si priore iudicio per collusionem ingenuus pronuntiatus sit, l. 2. inf. de collus. deteg. Hoc cognito, fac retractata causa ingenuitatis, sententiam pro ingenuitate olim dictam fuisse rescissam intra quinquennium, eo, qui ingenuus pronuntiatus fuerat priore iudicio, posteriore iudicio pronuntiato libertino, aliquo derigente collusionem prioris iudicii, quoniam quilibet admittitur ad collusionem detegendam, d. l. 2. §. ult. quaritur, an si hic, qui posteriore iudicio, rescisso priore libertinus pronuntiatus est, & redditus suæ conditioni pristinae, an si ante sententiam priorem pro ingenuitate dictam, habuerit jus aureorum annulorum, an libertinitati suæ reddatur eam eodem jure aureorum annulorum, quod habuit ante? Et responder, eum restitui libertinitati: non juri, non honori, non beneficio aurei annuli, hac ratione: quia ut ait, jus aureorum annulorum depositus, id est, eo honore se abdicavit, affectata ingenuitate, atque adeo sepe fit, ut qui captat plus, quam sibi jure competat, id etiam amittat, quod jure sibi competit, ut in specie l. 16. de iur. quibus ut indign. qui non jure captat assem, & semissem amittit, qui ei jure competeat. Quo argumentum possumus uti quotidie in causis plerisque. Et vero in hac l. 2. pridem se ita respondisse Papinianus ait: respondit autem libro 1. quod extat in l. 1. hujus tituli, ubi & eadem ratione dicitur, eum, qui ingenuus pronuntiatus est, postea rescissa pronuntiatione, iudicio acto de integro, non admitti ad legatum alimentorum, quod libertus patronus reliquerat: restitui quidem libertinitati, sed non restitui commodo libertinitatis, quia eo se abstinnisse intelligitur affectata ingenuitate.

D Ad L.III. de Fidejussoribus.

Capitis rei postulati fidejussores, ex contractu circa ultimam prescriptionem a creditore, qui reum postularit, recte conveniuntur.

Sententia hæc est: Creditorem, si debitorem suum reum fecerit capitis, & pendente cognitione criminis capitalis cum eo agat ex crediti causa, repellit a debitore prescriptionem hujusmodi (hæc erit formula) Quod me in majus periculum vocaveris amittendum omnium bonorum meorum, quasi dicat, non est æquum te reposcere pecuniam debitam pendente iudicio capitali, qui hoc agis, ut omnia mea bona publicentur. Debitor ergo hac exceptione uti potest. Quaritur, an ex persona debitoris eadem exceptione fidejussor ejus uti possit? Et respondet, non posse, quia ipse fidejussor etiam de suo capite non periclitatur: & est admodum singulare responsum. Cui non obstat l. ex persona, sup. hoc tit. l. omnes, de except. quia non hoc designant aut volunt, omnem exceptionem, quæ debitori competit, & fidejussori competere. Hoc enim est falsum, sed exceptionem, quæcunque fidejussori competit ex persona debitoris, etiam invito debitor competere fidejussori, veluti exceptionem doli mali, l. 16. hoc tit. l. fidejussori, sup. de donat. non tamen omnis exceptio, quæ debitori competit, & fidejussori competit, non quæ cohæret personæ debitoris, vel rei, quæ de agitur, l. 7. sup. de except. non exceptio, si non bonis cesserit, quam debitor cessit bonis, §. ult. infra.

fiunt. de reple. Non etiam in hac specie exceptio hæc, quam aliter concipiamus, eodem sensu tamen, si non in ea causa sit debitor, ut capitis deminutionem & bonorum ademptionem patiatur. Hæc exceptio dabitur debitori reo postulato capitis, non fideiussori ejus: nam & capitis deminutione ademptis bonis debitor liberatur, fideiussor non liberatur, *l. 1. C. de fideiuss.* *l. 11. C. de except.* de capitis reo est etiam ex eodem libro *l. pen. de accus.* quam breviter explicabimus.

Ad L. Pen. de accus.

Capitis reus, suspensio crimine, causam fisco deferre non prohibetur.

Damnatus capitis, quod certum est causam fisco deferre non potest, non est justus delator, *l. 18. de jure fisci.* At capitis postulatus tantum, nondum damnatus, *suspensio crimine*, deferre causam fiscalem non prohibetur, sibi novos honores petere prohibetur, *l. reus, inf. de numeris. C. honor. l. 1. C. de reis post. lib. 10.* fisco causam deferre non prohibetur, quando est in reatu, nec dum damnatus, & hoc loco, suspensio crimine dicit, ut *l. propter, de Senatusf. Syllan.* quod suspensa cognitio est, *l. Papin. §. 1. de acquir. hered. l. pen. C. de crim. expil. heredit. ante eventum cognitionis, l. pater §. ex quadrante, de doli excepti.*

Ad L. Penult. de publ. jud.

Accusatore defuncto, res ab alio, judicante preside provincia peragi potest. Ad crimen judicii publici persequendum frustra procurator intervenit: multoque magis ad defendendum, sed excusationes absentium ex Senatusconsulto judicibus allegantur, C. si justam rationem habeant, sententia differtur.

Primum ostendit, defuncto accusatore, non reo (nam morte rei extinguitur crimen) *l. defuncto sup. hoc tit.* rem ab alio apud eundem judicem peragi posse, an & reum? an defuncto accusatore & res & reus apud eundem judicem peragi potest? Sic videtur, licet mortuo accusatore reus abolitionem impetraverit, ut nomen ejus eximeretur numero reorum: nam & post abolitionem impetratam reus repeti potest ejusdem criminis intra 30. dies utiles a die impetratæ abolitionis, *l. 3. §. ult. l. si tamen, §. ult. tit. seq. hoc est apertissimum.* At sequitur aliud in hac lege, ad crimen publici judicii persequendum frustra procuratorem intervenire, hoc est, accusationem criminis publici judicii per se instituendam, per procuratorem institui non posse: civiliter agimus per procuratorem recte, criminaliter haud recte, *l. 1. inf. an per alium accus. appell. l. tunc convenit, C. de accus. l. 2. C. ad leg. Fabian., de plag. l. 16. ad l. Cornel. de fals. l. ult. C. ubi Senatores vel clar. Paulus §. Sentent. Crimen, inquit, quod vindictæ aut calumniæ judicium expectat, per alium intendi non potest. Et cum dixisset Papinianus, ad accusandum judicio publico frustra procuratorem dari, adiecit, multo magis ad defendendum eum, qui reus postulatur judicio publico. Cur ait, multo magis? Quia scilicet presentia rei magis, quam actoris necessaria est, ut reus componatur cum testibus, dicimus, *conspicere quod sit, & ut ex ore ejus & vultu iudex veritatem eruat.* Regula hæc fit: in criminalibus causis, neque ad accusandum, neque ad defendendum procuratorem dari posse, sed causam agi oportere per ipsum accusatorem ipsumque reum. Excipiuntur tantum illustres viri, tam legitimi, quam honorarii, qui non omne quidem criminale judicium, sed judicium tantum criminale injuriarum possunt agere per procuratorem, sed necesse est, initio, ut ipsi si accusent injuriam, inscribant in crimen, & condemnatio quoque in eorum persona facienda est, *l. ult. C. de injur.* Quod datur etiam in eodem judicio criminali injuriarum Episcopis & Presbyteris in *Novel. Valentiniiani, de Episc. jud.* Additur*

A hoc loco etiam, excusationes absentium reorum vel accusatorum posse allegari per alios, per amicum, per procuratorem voluntarium, quod in idiotismo est, *exonier*, quod verbum non ex Græco venit, ut quidam somniant, sed ex Barbaro Latino, *exidoneare*, hoc est allegare, cur non sit quis idoneus modo sistendi se in judicio, cur impediatur venire in jus. Non possumus igitur per procuratorem accusare, vel defendere crimen, sed possumus absentia causam allegare, & ut loquuntur, *exidoneare absentem*, & si justæ causæ videbuntur, sane judicium differtur, quod Papinianus ait esse ex Senatusconsulto, ut absentia possit excusari per alium, quo ostenditur etiam in *l. inter, sup. hoc tit.* Addo ad Papinianum, in capitalibus criminibus, non in omnibus criminibus, sed in capitalibus tantum, non tantum absentiam posse per alium excusari, sed etiam innocentiam, tota causa acta per alium, qui suscipit rei defensionem ultro, sua sponte, sine mandato rei, qui periculi rei committeretur, quoniam aperte proditum est in *l. servum, §. publicæ de procur. in capitalibus criminibus* quemlibet pro absente verba facientem, & innocentiam ejus purgantem audiri. Idque esse ordinarium, id est, legitimum & constitutum quoque ab Alexandro Severo, videlicet in *l. 3. C. de accusat.* Innocentia nomen non totam causam criminalem complectitur, sed eam tantum, quæ capitalis est, nec novum scilicet videri debet: nam & quilibet appellans pro eo, qui ducitur ad supplicium, qui non vult appellare, forte auditur, *l. non tantum, de appellat.* Si auditur, qui appellat pro eo, qui ducitur ad supplicium, suæ salutis nullam rationem habens, cur non audietur etiam, qui paratus est excusare innocentiam absentis, nec reatum quo tenetur curant, maxime in causa capitali, ut dixi? nam in crimine non capitali non auditur, qui absens innocentiam purgare paratus est, *l. miles, §. ex quo, ad leg. Jul. de adult.* Hoc tantum receptum est in capitalibus criminibus, quia honestum est expedire salutem desperati hominis. Et nihil est præterea in hac lege.

Ad LXXXIX. ad Leg. Jul. de adult.

Vim passam mulierem, sententia presidis provincie continetur in l. Julia de adulteriis non commissis respondit: licet injuriam suam protegenda pudicitia causa, confestim marito renuntiari prohibuit.

Initio ostenditur non posse adulterii, nec stupri accusari eam, quam vi fuisse compressam constat ex sententia judicis, quia forte damnatus est raptor: denique non fuisse adulteram eam, in quam per vim adulterium commissum est, quia mens est, quæ peccat, non corpus. Nec mutat, ut scribit Papinianus, quod mulier eam injuriam confestim viro non renuntiavit, aut ab aliis renuntiari non permisit. Pudor ei fuit renuntiare, nec quod voluerit postea factumque probaverit, videtur elasse maritum, sed ut regetur, sive protegeret pudicitiam suam, ut & in Basil. *indignetur si perperam, ayant bonie de ce qui luy estoit advenu.* Recte Epigra-phus in Terent. *Veniam fieri tribus modis, vi, casu, ignorantia: nihil est facilius.*

Ad §. Nupta.

Nupta quoque muliere, tamen si lenocinii vir prior non postuletur, adulterii crimen contra adulterum ab extraneo poterit inferri.

In §. 1. ostenditur, constante matrimonio ab extraneo quolibet, quoniam hoc crimen publicum est, adulterum posse adulterii accusari, etiam si prius maritum, qui retinet uxorem in matrimonio non postulat, ut lenonem, & productorem uxoris suæ. De adultero loquitur, quem dicit etiam manente matrimonio ab extraneo posse adulterii accusari, etiam non probato lenocinio mariti,

manei, cui est adfinit, qui retinet adulteram. De adultera non loquitur, quia etiam aliud juris est in adultera, quae retinetur in matrimonio, nec potest ab extraneo adulterii accusari, nisi prius extraneus maritum reum fecerit, & arguerit lenocinii, l. constante, sup. hoc tit. Quae differentia inter adulterum & adulteram, proculdubio est ex lege Julia, quae propter pudorem viri constante matrimonio noluit temere traduci mulierem, quam is probat & retinet. Ignominia est quadam, & fuit semper in ore vulgi, quod & hodie iactatur, ut Artemidorus indicat lib. 2. libi, 2. hodie, & c. Adultera igitur, quae mansit in matrimonio lex propter virum pepercit, nisi vir leno iudicaretur; adultero autem non pepercit. Rata igitur haec differentia est, ab extraneo adultera statim etiam constante matrimonio accusari posse: adulteram non ante posse, quam lenocinium mariti arguatur ab eo, qui vult accusare adulteram. Verum adnotandum est, hodie ex constitutione Imperatoris Constantini sublatam esse hanc differentiam inter adulterum & adulteram: nam ex ea constitutione constante matrimonio adulter, vel adultera ab extraneo, vel a propinquo quolibet accusari non potest, ne sit in potestate, & libidine cuiusque bene concordantia matrimonii conturbare, & infamare, sed solum matrimonio a quolibet publice. Constante autem matrimonio adulter, vel adultera non potest accusari, nisi a patre mulieris, vel a fratre, vel a patruo, vel ab avunculo, l. quamvis, C. eod. tit. quoniam has quatuor personas iustus & verus dolor, & familiae suae dedecus ad accusationem impellit. Itaque facile admittuntur etiam manente matrimonio. Extraneum autem ad accusationem impellit, vel odium odium, vel audacia & protervia, quae utique cohibenda est, maxime maritis bene concordibus. Eadem constitutio permittit etiam marito, & id quidem marito in primis, ut constante matrimonio uxorem ex suspitione ream faceret adulterii, ex suspitione, inquam, quia deprehensam, aut damnatam adulteri maritus citra crimen, poenamque lenocinii in matrimonio retinere non potest, suspectam adulterii tamen retinere potest, l. 2. C. eod. tit. suspectam quoque ac retentam accusare ex eadem constitutione potest: ante quam tamen olim, neque retentam adulterum maritus accusare poterat, ne ex suspitione quidem, neque ea reventa adulterum, l. 1. C. eod. tit. l. miles, §. volenti, sup. hoc tit. qui quidem §. ut & is, qui praecedit, quique sequitur, est accipiendus de marito accusatore, quem ait, neque retentam accusare posse, neque eum, cum quo suspicatur eam adulterium commisisse: de marito, inquam, accipiendus est, non de extraneo: nam extraneus, ut in hoc §. i. ostenditur, etiam retenta muliere in matrimonio, adulterum accusare potest, maritus naque adulteram, quam retinet, neque adulterum. Et ita quoque eum §. esse accipiendum, & d. l. 1. i. argumentum praebet Basilica, a quibus abest d. l. 1. i. & d. §. volenti: quod fuit abrogata ea iura constitutione Constantini, atque etiam Iustiniani, ex qua etiam retentam in matrimonio ex suspitione marito accusare licet, non etiam dimissam & reductam, l. si uxor §. ult. hoc tit. Reduci potest, non quae deprehensa vel damnata est, sed quae suspecta dimissa est, quae suspicio & criminatio omnis aboleretur, si reducatur, ut, quod Poeta fingunt, suspecta adulterii Procris, ut maritus eius Cephalus ait apud Ovid.

... Dum census dare me pro nocte,
non, promitto, sed legendum, pro nocte.
Muneraque augendo, tandem dubitare coegit.
Paulo post.
Residitur, & dulcis (cum Cephalo) concorditer exigit
annos, 7. Metamorphos.

Ad §. in Matrimonio.

In matrimonio quoque defuncta uxore, ut iure adulterum inter reos recipi possit.

O Stenditur in hoc §. etiam mortua muliere in matrimonio ante accusationem & reatum, maritum

Tom. IV.

A intra constituta tempora posse adulterum, qui supervixit lege Julia reum postulare. Et ratio haec est, quia crimen commune duorum, quale est adulterium mortuo uno, in mortui quidem persona extinguitur, sed non etiam in persona superstitis, l. ult. hoc tit. l. 1. C. si reus vel accus. mort. fuer.

Ad §. Nupta.

Nupta, prius quam adulter dampnetur, a adulterii non postulat, si nuptias denunciatio, vel ad domum mulieris missa non praecessit.

S Equitur in hoc §. mulierem ex adulterio, quod in priore matrimonio admisit, postquam secundo viro nuptis, non posse accusari, antequam adulter convictus & condemnatus fuerit, uno casu excepto, si nuptis alteri post denuntiationem criminis, non dico post accusationem, sed post denuntiationem criminis: nam hoc casu etiam ab ipsa accusator incipere potest, posthabito adultero, quod etiam l. Julia nominatim comprehensum est, l. 1. l. 2. in pr. l. miles, §. licet, l. qui uxori, & sup. hoc tit. l. si dum, C. eod. Sed si ante denuntiationem criminis in priore matrimonio admitti, alii nuptis, accusator ab adultero incipere, non nuptam iam alii statim incedere, si vidua permanserit, in arbitrio est accusatoris, a quo velit incipere, ab adultero, an ab adultera, verum utrumque simul accusare non potest, ut postea demonstrabimus in §. duos. Et notandum, quod hoc loco scribit Papinianus, satis esse denuntiationem criminis fieri, non ad iudicem, sed ad mulierem, & necesse etiam non esse denuntiationem fieri in personam mulieris, fieri autem mitto posse ad domum mulieris voce praeconi, vel adfixo libello ad domum, ob portum, ut x. i. tabul. loquuntur, quia nemo invitus de domo sua extrahitur, ut vel in ius vocetur, vel aliquid in personam ejus denuntietur, satis est denuntiationem fieri ad domum, l. 4. §. si quis, de damn. inf. quae conjungenda est cum l. 19. & l. 21. de in ius voc. l. 5. §. 1. quod vi aut clam, l. 13. de excus. iur. l. 1. §. 1. de agnos. lib. l. 2. C. de annal. excepto. In quibus locis omnibus denunciatio recte fit ad domum, & l. 1. C. de beat. si certum per. Novel. Theodos. l. de inuasi. Quod sequitur in §. mulierem, est aperitissimum.

Ad §. Mulierem.

Mulierem ob latronum societatem exulare iussam, etiam poena metum in matrimonio retineri posse respondit, quia non fuerat adulterii damnata.

M Ulier damnata adulterii in matrimonio citra lenocinii crimen & poenam retineri non potest, hoc est certissimum ex l. Julia. At damnata quasi latronum socia, impune, ut ait, in matrimonio retineri potest: nam nec ideo habetur pro adultera, quod cum latronibus cojerit societatem. Idemque est, si quolibet alio crimine mulier damnata fuerit, cuius poena non solvat matrimonium, praeterquam si crimine adulterii, haec honeste in matrimonio retineri non potest.

Ad §. Praescriptione.

Praescriptione quinque annorum crimen incesti conjugalium adulterio non excluditur.

R egulariter crimina extinguuntur praescriptione xx. annorum, l. si quis §. Cod. ad leg. Cornel. de falsi. quo iure utitur hodie omnino, ut post vicennium non audiatur accusator. At crimen adulterii simplicis, quod contractum fit sine incesto, aut sine vi, breviori tempore constringitur, & l. Julia non tam fuit severa, quam par erat adulterii criminis executio: nam & ad accusationem adulterii non admittebantur minores xxv. annis, qui ad alias accusationes admittuntur, & poena adulterii

T r r t

r i i

rii non erat capitalis, & gludebantur multis præscriptionibus, & multis exceptionibus, *l. ita cordi, C. eodem*, & simul ambo mas & femina non poterant accusari adulterii, sed ordine accusandi erant, quia forte abfolutio prioris, & tacite abfolvit alterum, nec interim alter traditur frustra. Ac præterea ex *l. Julia adulterium simplex* in adultero tollitur præscriptio quinquennii continui, in adultera præscriptio sex mensium utilium. Ita tamen, ut non egrediantur quinquennium continuum, possunt sex menses utiles five iudiciiarii superare quinquennium, possunt & minus quinquennio contineri, puta, biennio tantum, *l. moxiti, §. sex mensium, hoc tit. l. 3. C. eod. l. 1. §. accusationem, inf. ad Turpill.* In definienda præscriptio temporis, quo crimen adulterii extingui placuit silentio, lex Julia faver adultero minus quam adulteræ, sexui imbecilliori: quia brevior plerumque est præscriptio sex mensium utilium; quæ datur adulteræ, quam quinquenniorum continuorum, quæ datur adultero. Dixi adulterium simplex: nam adulterium per vim illatum nulla præscriptio perimitur. Adulterium quoque junctum incesto nulla temporis præscriptio perimitur, quia nec vis, aut incestum simplex ulla præscriptio perimitur, quæ est una differentia inter adulterium & incestum: adulterium perimitur præscriptio quinquennii, aut sex mensium, incestum non nisi præscriptio viciennii, ut cetera crimina. Notatur etiam aliq. differentia inter incestum & adulterium in *§. duos, & in §. pen. & ultim.*

Ad §. Duos, & §. penult.

Duos quidem adulterii, marem & feminam præter commune crimen, simul non jure, nec a viro postulari con-
venit. Cum tamen duobus demonstratum fuisset, ab eo, qui postea desistere volebat, abolitionem esse necessariam in utriusque personam respondendi.

§. 4. Incesti commune crimen adversus duos simul intendi potest.

Quod commune crimen incesti adversus duos simul ab eodem intentari potest: commune autem crimen adulterii adversus duos ab eodem simul intentari non potest, *l. si maritus 2. §. ult. l. nihil, §. ult. h. tit.* Quod & *l. Julia de pudicitia* nominatim cautum fuisse proditum est in *l. vers, C. eodem tit.* Et in hanc rem, ex hoc loco etiam Papiniani auctoritate utitur Marcianus in *l. 1. §. atque, inf. ad Senatuf. Turpill.* Ergo uterque mas & femina simul accusari, ne jure quidem mariti potest. Cohibuit lex in hac causa nimium accusatoris studium, duos simul deferentis, nec voluit temere ambos traduci, quia prior potest abfolvi: alia crimina communia simul omnia ab eodem deferri possunt. Sed notanda hic est differentia inter denuntiationem & accusationem: mas & femina uterque simul adulterii ab eodem accusari non potest: utrique tamen crimen denuntiari potest, etiam extra iudicium: & in denuntiatione, atque in accusatione hoc tamen commune est, ut non tantum accusatio, sed etiam denuntiatione cum, qui desistat ab accusatione, vel denuntiatione, & tergiversatur, obliget pena Senatuf. Turpilliani, si desistat sine abolitione, id est, sine venia omittendæ accusationis, vel denuntiationis semel inchoatæ. Itaque necessaria est abolitio non tantum in persona accusatoris, sed etiam in persona denuntiatoris nondum progressi ad accusationem. Quod sequitur in hac lege (aliud esse in incesto, quod & aliud est in omnibus criminibus) incesti commune crimen adversus duos intentari potest, id Marciani notis tribuitur ad Papinianum in *l. qui papillam, §. ultim. sup. hoc tit.* Summa hæc fit, aut secunda differentia hæc fit, adulterii crimen simul adversus duos ab eodem intentari non potest: incesti crimen potest. Quæro quid sit dicendum, si junctum sit incesto adulterium? hoc non desinitur hoc loco, sed argumento eorum, quæ ante dicta sunt, & mox dicentur in *§. ultim.* dicemus adulterium

incesto junctum simul adversus duos intentari posse, quia quoties duplex est crimen, fumere oportet quod in altero ex duobus jura durius constituerunt: nam & hoc sequimur, & adsumimus in 3. differentia, inter adulterium & incestum, proponitur in *§. ultimo*.

Ad §. Ultim.

De servis questionem in dominos incesti postulat, ite demum habendam respondendi, si per adulterium incestum esse contractum dicatur.

Quod in crimine adulterii servi torquentur in caput domini, vel domina, *l. si postulerit, §. habens, h. tit.* non in crimine incesti, non in crimine stupri, non in aliud quodcumque crimen præterquam majestatis: hæc igitur est 3. differentia, quod in crimine adulterii servi torquerentur in dominos: in crimine incesti non item, *l. 4. & 17. inf. de quest. & in l. 17. quæ est ex libro seq. rationem explicabimus.* Quid vero si incesto sit junctum adulterium, an servi torquentur in caput domini? Et in *§. ultim.* torqueri posse ostenditur, ut in *l. si quis videtur, inf. de quest.* nam quoties juncta sunt crimina, id est, ut diximus adsumimus, quod in altero durius constitutum est, sicut in præscriptio temporis, *§. præscriptio, sup.* & in duobus reis simul postulandis. Quod diximus de incestu servos torqueri non posse in dominos, pugnare videtur cum eo, quod M. Tullius scribit in Milone his verbis: *da servus nulla lege questio est in dominum nisi de incestu*, ut fuit in Clodium, inquit, quoniam incestum illud fuit etiam adulterium, ut idem M. Tullius ait, in *pudicioribus sanctissimis comprehensum fuisse.* Et semper adsumimus, quod in alterutro crimine durius est receptum vel constitutum.

Ad L. XIII. ad L. Cornel. de Falsi.

Falsi nominis vel cognominis adfervatio, pena falsi coercetur.

Initio hujus *l.* ostenditur, falsi nominis vel cognominis adfervationem lege Cornelia quasi falsum coerceri, puta, si quis falsum fidei nomen, vel cognomen imposuerit in fraudem alterius, ut Græci interpretes suppleant rectissime, *E mi hoc Blus tris hateris*; & Paulus *5. Sent. eod. tit.* quo quid alienum intericeret vel possideret: nam sine fraude & captione alterius liber homo non prohibetur sibi mutare nomen, *l. 1. C. de que. nom. sicut nec scutorum de quæra*, quæ sic vocat Vegetius, *dignata.* Domus Francie mutavit sæpius dignata. Primum enim habuit tres coronas, non bufones: deinde lilia innu-mera, & postremo ex consil. Caroli Sexti lilia tantum tria. Quo exemplo & unusquisque sibi potest mutare digna, sine fraude alterius potest sibi mutare nomen, & scuti sui digna. Servus autem homo hujus rei arbitri non est: servus non est dominus sui nominis; servus sibi mutare nomen invito domino non potest sine injuria domini, *d. l. 1. Plautus in Milite gloriofo.*

Injuria est, inquit, falsum nomen possidere, Philocappasum postulat; at istud non decet, & non adeo hoc injuriam facit. Denique injuriam domino facit, qui servo mutat nomen, vel qui servus ipse sibi mutat nomen.

Ad §. Ordine.

Ordine decurionum decem annis advocatum motum, qui falsum instrumentum cognoscere prefide recitavit, post finem temporis dignitatem respondendi recuperare, quoniam in Cornelia falso recitatio, non factio, non incidit. Eadem ratione plebej ob eandem causam exilio temporario punitur, decurionem post reditum recte creari.

Utiatur hoc loco, an lege Cornelia falsi reus sit advocatus, qui Præfide provincie sedente prætribunali

bunali & causas cognoscere, sciens prudensque apud eum falsum instrumentum recitavit, quod acceperat a suscepro, id est, a cliente suo, cuius causam defendebat: Et an si ea causa advocatus, cum esset etiam decurio civitatis suae, ordine remotus fuerit in decem annos, an expleto decennio redeat in ordinem, in curiam, & pristinam dignitatem decurionatus recipiat? Et respondet, recipere hac ratione, quoniam, inquit, in Corneliam falso recitavit, non falso, non incidit. Sic rectissime & in Florentinis, atque in Basilic. quoniam in Corneliam falso recitavit, non falso, non incidit. Quibus verbis significatur l. Cornelii de falsis teneri eum, qui falsum fecit, non qui recitavit: ac proinde advocatum illum, ut falsarium lege Cornelia de falsis damnatum non videri, quum ordine motus est in decennium ob eam causam: nam si damnatus videretur lege Cornelia, sane non posset recipere pristinam dignitatem, reverti in curiam non posset, nec finito tempore poenae, quia damnatus iudicio publico, quale est iudicium legis Corneliae de falsis infamis est, l. infamem, sup. de pub. iud. l. 4. §. adulterii, con- iuncto §. ad tempus, infra, de re milit. Infamia, quae semel iniuncta est, nunquam aboletur sine speciali beneficio Principis. Omnis infamia est perpetua, & infami neque aditus, neque reditus patet ad dignitates, l. 8. inf. de interd. & rel. l. 1. inf. ad leg. Jul. de vi priv. & l. 8. C. de decur. lib. 10. l. 2. C. de dign. lib. 12. Marc. Tullius pro Cicerone. Turpi iudicio damnati, in perpetuum omni honore ac dignitate privantur. Tertullianus de spectaculis: Damnati, inquit, ignominia & capitis minutione arcentur curia, rostris, senatu, equite, ceterisque honoribus omnibus, simul & ornamentis quibusdam. In specie igitur huius §. ideo post decennium decurio in curiam redit, quia non fuit damnatus lege Cornelia; non fuit damnatus publico iudicio, sed extraordinario, ex causa non famosa: si famosa causa damnationis fuerit, finito tempore non aliter recipit pristinam dignitatem, quam si graviore poena, quam sit lege praescripta, affectus sit; quoniam duriore poena, duriore sententia, cum eo de fama & existimatione conservanda transactum videtur, l. ordine, ad municip. l. quid ergo, §. poena, de iis qui not. infam. Si ergo clementiore, aut legitima poena affectus sit ex causa famosa, puta ordinis motus ad tempus etiam finito tempore poenae infamia perdurat, l. 3. in princip. & l. 5. inf. de decurion. l. 4. §. ad tempus, inf. de re milit. Et ita quidem obtinuit fere, ante edictum Antonini Imperatoris, de quo in l. 3. inf. de decurion. l. 1. C. de iis, qui in exil. dati vel ordin. moti sunt, libro 10. quo edicto praecipit Antoninus, quacunque ex causa famosa, vel non famosa, quis ordine motus sit ad tempus, ne post- hac, inquit, quoniam alia aliud observabatur facta distinctione causae famosae, & non famosae, sed jam nunc indistincte, ne posthac ultra tempus poenae prorogeretur infamia contra sententiae fidem, sed statim, qui explevit tempus poenae, redeat in curiam, & sit decurio, ut fuit ante penam, non etiam suscipiat novos honores in Republica, si causa famosa fuerit, quia qui rediit in curiam perfectus poena sua, novis honoribus tanto tempore abstinere debet, quanto decurionatu caruit, d. l. ordi- ne, & l. 2. C. de iis, qui in exil. dati, libro 10. si causa non fuerit famosa, ut in specie proposita, expleto tempore poenae, non tantum decurionatum recipiat, sed etiam ad no- vos honores admitti potest. His consequens est, quod subji- cit Papinianus, & advocatum plebeum, non decurionem, qui ob recitatum in iudicio falsum instrumentum ad tem- pus relegatus est, quia poena non est capitis deminutio, finito tempore post reditum decurionem recte creari posse, si Senator municipalis, quod idem est, quasi integra fama & existimationis virum, quia in legem Corneliae de falsis ob eam causam commisisse non videtur.

Ad Leg. Ult. ad L. Jul. repet.

Qui munus publicae mandatum accepta pecunia ruperunt, crimine repetundarum poenulantur.
Tome IV.

A Sententia haec est: eos, quibus publicum munus injun- ctum est, si pecunia corrupti in eo munere exe- quendo, in fraudem Reipublicae segnitius aut malitiose se gesserint, teneri iudicio publico ex l. Julia repetundarum, cuius poena est infamia & exilium plerumque, l. 7. §. ult. hoc tit. vel quadrupli redhibitio, l. i. C. hoc tit. Ita ta- men, ut corruptori, quia turpiter pecuniam dedit, nec datæ pecuniae repetitio competat, l. 2. §. 4. sup. de cond. ob turp. caus. sed quadruplum, vel totum redigatur in fi- scum vel dividatur, ut plerumque solebat, inter accu- satorem & fiscum. Utitur autem Papinianus antiquo verbo ruperunt, pro, corrumperunt, quo & lex xlii. tabul. usa est, & lex Aquilia, l. si servus, inquit, ad leg. Aquil. l. qui tabulas, in fin. sup. de furt. Et munus corrumpere cum significat, qui eo fungitur, si corrumpatur ipse, quo minus eo fungatur bene, & fordescat accepta pecunia.

Ad Leg. IV. ad Senatusc. Turpill.

Mulier, quae falsi crimen injuria propriae post interpo- sitam denuntiationem desistens omisit, ex Senatusconsulto Turpilliano teneri non videtur. Post abolitionem idem cri- men ab eodem, in eundem instaurari non potest.

Potest dici probabiliter, quod & quidam dixerunt, in hac lege si esse legendum addita negatione mul- tier, quae falsi crimen non injuria propriae, quod jam Mar- cianus in l. i. §. accusationem, hoc tit. refert, Papinianum respondisse, mulierem, quae ideo ad falsi accusatio- nem non admittitur, quod suam suorumve injuriam non persequatur: nam regulariter mulier non potest accu- sare, nisi suam suorumve injuriam persequatur, non si publicam tantum vindictam persequatur; mulier igitur quae ideo non potest accusare falsi, quod suam injuriam non persequatur, si tamen denuntiationem criminis, vel accusationem intulerit, id est, si non ju- re intulerit, & mox poenitentia ducta desisterit non impetrata abolitione a iudice, ideo ea non plectitur lege Petronia, siue SC. Turpill. quod est factum in ter- giversatores, qui scilicet ab accusatione temere desistunt: loquitur illo loco Marcianus ex Papin. responsis, de ea, quae intulit falsi crimen, non injuria propriae causa. Quamobrem & hic videtur esse legendum, non injuria propriae. At sane nihil mutandum est hoc loco: nam & Doretheus sine negatione legit eodem modo, Τὴν δὲ τὴν πρὸς τὸν ἑαυτῆς ἁγῶν. Potuit utrumque Papin. respondisse, non incidere in Turpillianam mulierem, quae desistit sine abolitione, siue suae injuriae causa, siue alienae ac- cusionem instituerit. Et vero cum hoc loco id respon- disse, in ea, quae falsi crimen intulerat suae injuriae causa, hoc est, quae jure intulerat, huic responso sub- jecisse Papin. videtur, quod est relatum in d. §. accusa- tionem, idem multo magis esse dicendum, si non suae injuriae causa falsi crimen intulerit. Ergo siue propriae, siue non propriae injuriae causa mulier falsi crimen de- nuntiaverit reo, vel intulerit, etiam si desisterit non petita abolitione, non petita venia omittebat accu- sationis, non plectitur Senatusconsulto Turpilliano. Et ratio haec est evidentissima, quia nec si iusta sit accu- satio mulieris, mulier nunquam subscribit in crimen, nec de calumnia tenetur, pariter imbecillitati sexus, l. de crimine, C. qui accus. non poss. l. 2. C. de calum. Verissima autem est illa definitio, eos de quorum calumnia quaeri non potest, nec si desistant ab accusatione, & ter- giversentur non petita abolitione, non incidere in Se- natusconsul. id est, eos, de quorum calumnia quaeri non potest, nec posse quaeri de tergiversatione eorum, l. in Senatusc. §. eos, hoc tit. Ergo nunquam mulier incidit in Senatusconsultum Turpillianum; uno tantum casu excepto, nisi mulier cum reo turpiter despecta sit ac- cepta pecunia, atque ita desisterit, ut recte Theo- dorus accepit leg. pen. C. end. tit. nam hoc casu, & de mulieris, propter turpitudinem, & propter turpem

Ttt 2 depe-

depeñtionem, quæ depeñtio semper dicitur in malum: de mulieris, inquam, & de cuiuscumque calumnia vel tergiversatione, de qua alias queri non potest, propter turpem depeñtionem queri potest, propter avaritiam & lucri cupiditatem accusatoris desistentis: excepto hoc uno casu, de eorum tantum tergiversatione queri potest, de quorum etiam calumnia queri potest, & si si desistant non impetrata abolitione, in poenam Senatufc. Turpilliani incidunt, non tantum si accusationem inchoarint, sed etiam si crimen duntaxat denuntiaverint, *l. vim, §. duos, ad leg. Jul. de adult.* non etiam si comminati tantum sint, se denuntiuros vel accusaturos: nam si impune desistunt, ut in *l. seg. l. questum, in princip. sup. ad l. Jul. de adult.* Et definitioni dicti §. eos, ut impune desistant ii, de quorum calumnia queri non potest, jampridem ostendi nihil ob stare *l. abolitionem, C. ad leg. Jul. de adult.* quæ ait, maritum ab accusatione adulterii impune non desistere. Recte: quia & de mariti calumnia, quæ modo manifestissima sit queri potest, *l. is cuius, §. ultim. sup. de adult.* In extremo huius legis, ait, post abolitionem idem crimen ab eodem, in eundem inflaurari non potest. Sententia hæc est: qui impetrata speciali abolitione desistit ab accusatione, non potest rursus poenitentia actus, eundem reum ex eadem causa repetere, vel si repetat, repellitur prescriptione defectæ accusationis, *l. q. C. cod. tit.* nec aliter potest reum repetere restituto eodem crimine, quam si id specialiter Princeps concesserit, *l. 2. C. cod. tit. l. 1. C. de abolit.* Alium aculare vel eundem alio crimine accusare non prohibetur qui desistit petita abolitione: At qui desistit non petita abolitione, nec eundem, nec alium quencumque unquam damnatus Senatusconsulto Turpilliano, eodem vel alio crimine reum deferre potest, *l. 2. hoc tit. l. questum, §. ultim. sup. ad leg. Jul. de adult. l. abolitionem, Cod. eodem.* Hoc dicimus de abolitione speciali, ut qui eam impetravit, non possit eundem reum repetere ex eadem causa; nam concessa abolitione generali a Principe, vel Senatu, ut si plerumque, nemine postulante ob hilaritatem aliquam, vel ab iisdem accusatoribus possunt repeti intra triginta dies; non cognatur eos repetere, sed si velint repetere, possunt intra xxx. dies, quod Accurs. notavit: & alia leges huius tituli demonstrant.

JACOBI CUJACII JC. D. COMMENTARIUS

In Lib. XVI. Responsorum EMILII PAPINIANI.

Ad L. II. de Veter. & milit. succes.

Bona militis intestati defuncti castrensis fisco non vindicantur, cum heres legitimus ad finem quinti gradus extiterit, cui proximus cognatus ejusdem gradus intra tempus possessionem acceperit.

HÆC L. accipienda est de milite capite damnato ex delicto militari; non communi, qui intestatus vita decessit: de eo accipiendam esse, argumentum præbet vicinitas *l. 1.* quæ de eodem est: & quod hæc *l. 2.* querit, an fiscus veniat in bona militis exclusis agnatis & cognatis, quod non quæreretur, si fisco locus esse non posset: atquin fisco locus esse non potest, aut esse videri, nisi milite damnato capitis. Ac præterea totum hunc librum v. certissimum est esse de rebus capitalium criminum. Ergo & hæc *l. 2.* accipitur de milite capite damnato: ex militari delicto, & ut ait *l. 1.* intestato defuncto. Docet ergo Papinianus hoc loco, milite capite damnato, & intestato defuncto ab bona castrensis fiscum non vocari, sed fisco anteponi agnatos; non in infinitum, ut sit in successione pa-

ganorum: sed usque ad quintum gradum duntaxat. Denique fisco anteponi agnatos in bonis castrensisibus usque ad quintum gradum duntaxat, & iis deficientibus cognatos usque ad eundem gradum, eodemque quoque gradu comprehenso in hunc numerum. Hoc si miles intestatus decesserit. Sin autem damnatus miles testamentum fecerit, quod ex constitutione Adriani ei permitti solet; sententia damnatis de bonis castrensisibus tantum hoc casu etiam in bonis castrensisibus heres testamentarius fisco præferitur. De bonis igitur castrensisibus, miles, qui capitis damnatus est, testamentum facere potest, permittit eo in sententia qui damnavit, non etiam de paganis bonis. Imo si quod de paganis ante fecerit testamentum, protinus damnatione irritum fit. Ab intestato autem in bona pagana fiscus statim vocatur, non in castrensisia, si extent agnati vel cognati ad finem quinti gradus. Quæ omnia comprobantur partim hac *l. 2.* & partim *l. si quis, in pr. §. miles, de leg. 3. cum hic status, §. si miles, de donat. inter. vir. & ux. l. 6. §. sed & si quis, de iustis rap. testam. l. ex militari, sup. de mil. testam. l. & militibus, C. cod. tit.* Verum quod hæc lex significat, post agnatos & cognatos quinti gradus fiscum vocari ab intestato, pugnare videtur cum *l. 1. §. ejus qui, in fine, & cum l. 2. C. de hered. der. vel mil.* quæ il. fisco præferunt in successione infantes deficientibus agnatis, vel cognatis, contubernales, & commilitones, siue legionem aut vexillationem, in qua merebatur miles. Verum illæ *l. l.* loquantur de milite non damnato: hæc vero *l. de milite damnato capitis ex delicto militari.* In damnati bona castrensisia, fiscus ab intestato agnatis & cognatis, qui sunt ultra quintum gradum, & legioni atque vexillationi præferitur. In non damnati militis bona omnia pagana vel castrensisia ab intestato succedunt agnati in infinitum, & cognati usque ad sextum vel septimum gradum, sicut in paganorum successione receptum est, *§. ut. Inst. de success. cognat.* Et post eos conjux, & post conjugem legio aut vexillatio succedit fisco remoto, fiscus post omnes vocatur. Hæc omnia obtinent in milite damnato ex causa militari; in milite damnato ex communi delicto sequimur jus commune successionum ab intestato. Commune delictum est veluti adulterium, stuprum, furtum, plagium: militare delictum est veluti armorum abalienatio, vel amissio turpis, seditio, contemptio disciplinae militaris, emansio, & his similia.

Ad L. Ultim. de Publ. jud.

Generi servus a sacro beneficii accusatus, præses provincie patrem calumniam intulisse pronuntiaverat. Inter infames patrem defuncti non habendum, respondit: quoniam est publicum iudicium inter liberos de morte filia constitisset, circa periculum pater vindicaretur.

Sunt quidam accusatores, de quorum calumnia queri non potest, *l. in §. §. eos, inf. ad Turp. ut mulieres,* quæ suam vel suorum injuriam persequuntur, *l. 2. C. de calumniator.* vel heredes, qui iussu defuncti beneficii accusant eum, quem sibi venenum infudisse defunctus cavet, *d. l. 2.* vel filius, qui persequitur eadem patris, *l. q. C. eodem tit.* vel maritus, qui iure mariti ex suspitione aliqua iusta, non calumnia, aut malicia mala ac manifesta uxorem accusat adulterii, *l. iure mariti, & l. quomodo, C. ad l. Jul. de adult.* Quod & de patre similiter dici potest, qui iure patrio accusat mæochum filie. Nam & in hac lege dicitur, patrem, qui filia veneno necata ita & dolore cæco incensilis servos generi sui accusat beneficii extra periculum esse calumnie, ac si forte præses provincie pronuntiaret patrem calumniam intulisse, qui accusavit servos generi beneficii, non notari tamen patrem infamia, quia etsi liberos homines pater beneficii accusasset, non probato crimine pater non haberetur pro infami calumniatore. Pater, inquit vindicaretur circa periculum calumnie: iustus enim & gravis dolor eum exculat: inconsultus calor calumnia vitio caret, ut eleganter

ter ait, l. 1. §. *quasi*, inf. ad *Senatus. Turpill.* Et sententia præfida, quam ne dixeris, nullam esse aut injustam, ut vulgo, valet enim ea sententia, qua pronuntiavit præses patrem calumniari intulisse: verum non irrogat infamiam patri. Cur ait? quia non pronuntiavit, eum esse calumniatorem, sed calumniari intulisse: potest quis inferre calumniam, nec tamen calumniari, aut calumniandi animum habere: sicut mendacium dicere potest quis, nec tamen mentiri: non temere quis iudicatur calumniator fuisse, nisi iudex dixerit fuisse, & hoc ipso verbo usus fuerit, *es calumniator*, vel, *calumniatus es*. Si absolutio reo, simul & de consilio accusatoris iudex ita pronuntiaverit addeverantur, *calumniatus es*, proculdubio hæc sententia irrogat infamiam, sententia, inquam, non interloquutio, l. 1. §. *sed non utique*, ad *Senatus. Turpill.* l. *verbum*, C. *quib. ex caus. infam. irrog.* Sin autem ita pronuntiavit: *calumniari intulisti*, vel ut est in epit. Cæli ad Cicer. *calumniari intulisti*: Scito, inquit, C. *Semper* pronuntium Rufum calumniam maximo plausu intulisse, quod M. Tuccium remm lege Plautia de vi fecit: Si pronuntiavit igitur calumniari intulisse vel intulisse, hæc sententia non irrogat infamiam, quia perinde est ac si dixisset, *mendacium dixisti*, vel, *quod proposuisti non probavisti*, vel, *quod proposuisti verum non est*, quia non addeverat calumniatorem esse, nisi qui dicit conceptis verbis, *calumniatus es*, vel, *calumniatus es*, l. 3. C. de *calumniat.* Ac præterea tentari potest accusato servo non potuisse de calumnia accusatoris queri, sicut nec servo accusato adulteri, constat non posse queri de lenocinio accusatoris, l. *quoniam*, C. ad l. *ful. de adult.* Et ideo addit Papinianus hoc loco, nec libero homine quasi beneficio a patre vacuato, queri posse de calumnia patris, quia pater citra periculum calumnie persequitur necem filiae, si accusato libero homine nullum est periculum calumnie, quia pater accusator est, & multo magis servo accusato nullum est periculum calumnie patri: & altera ratio est, quæ excludit periculum calumnie, quia servus nulli potest accusatori referre aliud crimen, vel calumnie putata, vel lenocinii. Et ita hæc lex explicanda est. Quod autem tractat Aecursius in hac lege, an furti damnatus innocens infamis fiat, actio furti est famosa, hoc est certissimum, sed quod tractat, an etiam infamis fiat innocens, qui furti damnatus est, collatis inter se duabus legibus atque commissis, quæ invicem pugnare videntur, l. *non potest*, sup. de *furti*, l. *si furti*, C. *quib. ex caus. inf. irrog.* primum dico, non posse ea de re tractari illæsa auctoritate rei iudicatz, quia res iudicata pro veritate habetur: & ideo nec debere ea de re frustra tractari, & damnatum furti etiam innocentem infamiam sequi. Et quod ad pugnam earum legum attinet, ita distinguendum ex l. *quid ergo*, §. *pen. sup. de iis, qui not. inf. circumscripta* admodum magna glossa Aecursii inutili & inconstanti ad d. l. *si furti*. Diviso & distinctio hæc est: si damnatus fur est iudicio civili, quod pecuniarium est in duplum, vel quadruplum, vel triplum, ut inf. ostendam, etiam si durior sententia fuerit, quæ irrogat poenam pecuniariam tantum, ut si in quadruplum condemnatur eum, vel triplum, qui damnari tantum debuit in duplum; sententia etiam durior irrogat infamiam, d. l. *non potest*, C. de l. *quid ergo*, §. *pen.* Si damnatus est iudicio extraordinario, poena extraordinaria, quæ non est pecuniaria, quæ etiam furtum posse vindicari constat, l. *interdum*, §. *qui furem*, l. *ult. sup. de furt.* veluti si damnatus sit furtum animadversione, sententia durior non irrogat infamiam. Et ita est accipienda d. l. *si furti*: nam quod ait, mulierem damnatam furti, quod ipia fecit citra furtum verba, famæ dampnum subivisse: significat & demonstrat, eam fuisse furtibus cæsam, non multatam poena pecuniaria, quod & Basilica ponunt, nec tamen furtum ictum eam fecisse infamem, l. *neminem*, C. *cod. tit.* sed causa furti, facti scil. l. *ictus*, sup. de *iis qui not. inf.* Et facti furto, dico poenam furtum non esse duriorē, quæ absolvit etiam poena pecuniaria dupli vel quadrupli. At ut ponitur in eadem lege, si ipsa mulier furtum non fecit, sed apud

A ipsam ignorantem res furtiva comperta & concepta sit, qualita & inventa sit, & ob eam causam mulier furtibus cæsa fuerit, duriorē sententia videtur eum ea transactum de existimatione conservanda. Et hoc casu damnata furti concepti non fiet infamis: aliqui furti concepti damnatus poena pecuniaria, quæ fuit in triplum, ut Aulus Gellius scribit lib. xi. cap. ult. famosus efficitur. Paulus 2. *Sentent. tit. ult. furti quocunque genere damnatus famosus efficitur*: quocunque genere, id est, vel manifesti, vel non manifesti, vel concepti, vel oblati. Hæc sunt quatuor furtorum genera: in furto concepto maxime, si res furtiva apud ignorantem concepta fuerit, durior est istus furtum quam damnatio tripli, l. in *servorum*, in *fi. inf. de par.* quæ lex non est accipienda de quocunque genere furti. Sed ad eam ex d. l. *sej.* commodissime potest exemplum poni in ignorante: ob casum furti concepti furtibus cæso, hic non fit infamis, quia duriorē poena affectus est: compendatur durior poena cum conservatio existimationis, quæ remanet integra.

Ad L. ult. de Accusat.

Alterius provincie reus apud eos accusatur, apud quos crimen contractum ostenditur, quod etiam in militibus esse observandum, optimi Principes nostri generaliter rescripserunt.

Hoc tantum ostenditur, in qua quis provincia crimen contraxit, in ea accusari, & damnari eum posse, licet alterius provincie sit, indistincte, sive paganus sit, sive miles, non habet prescriptionem fori, non potest revocare domum, *il ne peut demander son renvoy*, quoniam ut vulgo dicitur, *ratione criminis fortitur forum*, l. 7. §. *pen. & ult. hoc tit. l. 1. C. ubi de crimin. agi oport.* Sed ait Papinianus, optimos Principes idem rescripsisse generaliter esse servandum in militibus, ut ibi puniantur, ubi crimen admiservunt. *Optimos Principes*, id est, Severum & Antoninum, ut patet ex l. 3. de *re milit.* ubi idem refertur ex rescripto Severi & Antonini nominatim. Itaque confirmat etiam l. 1. C. ad l. *Corn. de scar.* C. *Treudof. Nov. 2. de amota militibus fori prescriptione*, dura ait, *veteres quoque leges fori prescriptionibus deficta subtrahunt, nec pati aliquem, qui quid in provincia aliqua crimine commiserit, eis se prescriptionibus defendere*. Notandum tamen est, ex causa, Præsidem provincie, in qua crimen contractum est, reum posse remittere ad præsidem provincie, unde is homo est, l. *non dubium tit. seg. vel militem* posse remittere ad ducem suum, aut magistrum militum, maxime si militare crimen fuerit, veluti desertio militie, non commune, d. l. 3. l. de *militib. tit. seg. l. 1. de exhib. reis*.

Ad L. XVII. de Quest.

Extrario quoque accusante, servos in adulterii questione contra dominum interrogari placuit, quod D. Marcus apud postea Maximus Princeps iudicantes secuti sunt. Sed & in questione supri servi aduersus dominum non conueniunt.

Quod diximus superiori libro ad l. *vim passam*, §. *ult. ad l. ful. de adult.* in adulterii questione servos interrogari, & torqueri posse in caput domini vel domine, verum est, non tantum patre vel marito accusante, ut l. *pater sup. hoc tit. l. 3. C. ad l. ful. de adult.* sed etiam, ut ait initio h. l. accusante extrario. Inter extrarium & extraneum, & extrum Papinian. & ceteri auctores juris nullam differentiam faciunt: licet Pessus fecerit aliquam. Id autem, ut quocunque accusante adulterii servi possint torqueri in caput domini, Papinian. scribit hoc loco, etiam D. Marcum & Maximum principem, id est, Septimium Severum in iudicando secutos. Rem igitur orare dubitatione. Et tamen in questione incesti, quod non fit iudicium adulterio, & in questione furti certum est, servos non posse torqueri contra dominum, si

cut

cut nec in aliis questionibus criminalibus vel civilibus, l. 4. hoc tit. Ammianus Marcellinus 28. Mancipia, inquit, squalore diuturno marcescentia, in domini caput ad usque ultimum lacerabat exitum: quod, inquit, in supri questione fieri vetere elementissima leges. Ex quo loco manifeste apparet, Basilica perperam hoc loco scribere adfirmate, & in questione stupri servos torqueri adversus dominos. Hoc enim receptum est in questione adulterii, non stupri, vel incesti, quæ sunt crimina adfinia adulterio. Hoc in questione adulterii primum lege Julia permitti cepit patri vel domino tantum accusatori, ut idem Papinian. scribit libro singulari de adult. ut scilicet quemadmodum idem ait, pater, ac maritus dolorem animi sui diligentius, & injuriam lecti genialis ac domus non translatit persequerentur: diligens questio permittitur patri, vel domino lege Julia, etiam tortis servis in dominos. Sed postea, quoniam, inquit, non facile tale delictum sine ministerio servorum (aquariorum) admitti creditum est, ratio eo perducit, ut etiam extraneo accusante mancipia questionum tormentorum a iudicibus subicerentur: quanquam eadem non sit ratio in extraneo, quæ fuit in patre vel domino, sed tamen & extraneo accusante idem observantur Principes, & judicaverunt præter legem Juliam.

Ad §. de Questione.

De questione, inquit, suppositi partus, vel si petat hereditatem quem ceteri filii non esse fratrem suum concedunt: questio de servis hereditariis habebitur, quia non contra dominos ceteros filios: sed pro successione domini defuncti quaeritur. Quod congruit et quod D. Hadrianus rescriptis. Cum enim in sacrum cadis focus postularetur, de communi servo habendam questionem rescriptis, quod pro domino fore videtur.

Ius vetus hoc est, vetus Senatusconsultum, ut Cornelius Tacitus ait 2. Annal. ut excepto crimine adulterii sicut diximus, & excepto etiam crimine perduellionis, & crimine quoque fraudati census, fraudati tributis, cuius causa pertinet ad summam Rempublicam, exceptis his tribus criminibus, ut l. 1. §. in causa, hoc t. l. vir. sup. de jud. l. 1. C. de quest. regulariter servi non torqueantur in caput domini: non, quia non possit verum inveniri, ut M. Tullius ait pro Milone, & pro Deiotaro, non quod in questione dolor veram vocem etiam ab invito servo elicere non possit, sed quia indignum videtur esse, & domini morte ipsa tristius, dominorum salutem servulorum voci committi, ut in l. seg. §. iudex. Idem hoc ius vetus commemorat Dio 55. & alii plerique auctores, in Ennius dicitur verba de domo sua dicitur dicitur. At si quaeratur de hereditate, ad quem pertineat ab intestato, forte L. Titio dicente se esse filium defuncti, aliis filiis contentibus L. Titium supposititium esse, vel simplicius, fratrem suum non esse: atque ideo si quaeratur de supposito partu, vel de fide generis, ut in l. seg. §. iudex: propter hereditatis emolumentum, tum in hac questione de servis hereditariis questio haberi potest, quia non videtur torqueri in caput dominorum, id est, ceterorum filiorum, l. 2. hoc tit. l. 13. C. eod. tit. sed videtur torqueri, & torquentur potissimum pro successione domini defuncti, ut constat, qui sint ei iusti successores. Et hoc ita proponit Papin. in hoc §. Hoc vero etiam cessante & illa ratione contra jus vetus ex constitutione Justin. observandum est: si non sit controversia de pure hereditatis, puta, si constat, ad quos pertineat hereditas, sed sit controversia de rebus quibusdam, sint hereditariae nec ne, de dominio singularum rerum, etiam & ea de re quaeri potest per tormenta servorum hereditariorum servorum communium inter heredes, qui rerum hereditarium notitiam habent, quanquam periculum sit ne respondeant adversus heredes dominos suos, præstito tamen prius iurejurando calumnie ab eo, qui ex ea causa servos he-

A reditarios postulat in questionem dari, l. ult. C. eod. tit. conjuncta l. 1. C. de iurejur. propt. calumn. l. ult. §. licentiam, inf. de iur. delib. C. N. 1. quia ut in hac specie, cum quaeritur de corporibus hereditariis evenire potest, ut & pro dominis servi hereditarii respondeant. Nec assimile est, quod ex rescripto Adriani subicit Papinian. hoc loco, uno ex dominis occiso, & altero domino facto reo cadis, de communi servo questionem haberi posse, quia etiam interrogetur in caput domini qui cadis alterius domini reus postulat est, magis tamen id pro salute fore, vel ultione domini occisi, creditum est, atque ideo permittum, l. est certus, §. pen. de Senatusf. Syllan. Et nullorum magis interest, quam dominorum, salutis suæ causa hoc permitti: nimirum, ut in questione cadis a domino illata servus communis pro domino audiat in dominum: non etiam temere in omnibus aliis questionibus, sed in hac gravi causa tantum, quum locus socium occidisse dicitur, l. 13. in fi. C. eod. tit. Et ex constitutione Justin. de qua dixi supra in alia etiam causa, si ambigatur de rebus hereditariis inter coheredes. Nam & hoc casu de servo communi questio haberi potest. Et hoc colore non vera ratione etiam dicitur in l. 2. C. Theod. ne prat. crim. majest. serv. domi. accus. crim. perduell. quod ad salutem Principis attinet, dicitur, servos audiri contra dominum, quia pro salute domini rerum, id est, principis, intervenire videntur; quia hoc crimen, inquit, tendit ad dominos communes omnium.

Ad §. Ultimam.

C De servo in metallum damnato questionem contra eum qui dominus fuit, non esse habendam respondi: nec ad verum pertinere, si ministerium se facinoris fuisse constiterit.

Quod est in §. ult. b. l. amplificat regulam juris veteris, ut nec contra eum, qui dominus fuit, & non est, servus interrogari vel torqueri possit, in memoriam prioris domini: ergo nec in emptorem, nec in venditorem, ut l. seg. §. servus, l. etiam, sup. hoc tit. l. 14. C. eod. tit. quare amovetur fraus & ambrogatur, quam veteri juri quandoque fecerunt Augustus & Tiberius, eo, quem torqueri volebant in caput domini, prius venire iusto auctori publico, ut Tacitus scribit 2. C. 3. Annal. & Dio. 55. nam & in veterem dominum servi torqueri non possunt. Ac similiter si servus damnatus sit in metallum ex crimine aliquo, quo genere sit servus ponat, & definit esse ejus, cuius fuit, l. aut damnatus, §. ult. de pan. & antequam damnaretur in metallum, ut ait hoc loco, torqueri non potest, in memoriam prioris domini, nec se constiterit, se ministerium esse, inquit, ac plane consensum & participem facinoris a domino pristino commissi: atque ita ministerii ratio, quæ in causa adulterii servos admittit contra dominum, vel dominam extraneo accusante, ut ex Papin. sup. retuli. Ea ratio ubique non valet, & probabilis tantum non necessaria ratio est, quales sunt innumeræ in jure nostro, quod qui necit, aut diffidet, se jurisperitum non esse proficitur. In memoriam prioris dignitatis non torquetur, qui desit esse decurio, l. ult. de decur. Et sic in memoriam prioris domini non torquetur servus in priorem dominum, neque istud decet; memoria debetur honos aliquis. In honorem matrimonii prioris non datur actio famosa in eam, quæ uxor fuit, ex causa quæ coepit constante matrimonio, l. 2. sup. rerum amot. In honorem & in memoriam idem est. At enim memorie tantum bonæ hic honos debetur, non infamata, non damnata memorie. Ideoque servus licet torqueri non possit in priorem dominum, cuius adhuc integer est status, tamen in priorem dominum qui damnatus est ignominia, & capitis minutione adeptis bonis, torqueri potest, l. 1. §. item Nummio, hoc tit. quia memorie ejus nullus honos debetur, memorie infamis.

Ad L. XXXIV. de penis.

Servus in opus publicum perpetuum, ac multo magis temporarium non datur. Cum igitur per errorem in opus temporarium fuisset datus, expleto tempore domino servum esse reddendum respondi.

IN hac l. proponitur, servos sententia iudicis in opus publicum perpetuum non dari, id est, non solere dari, aut non jure dari, & multo magis, inquit, non dari in opus publicum temporarium, quamvis dicat, multo magis, non tamen hoc argumentum est a minori ad majus, sed a majori ad minus secundum Dialecticos, a quibus Jurisconsulti imbuti sunt, cum sint Stoiici omnes, non secundum Rhetores. Proinde sic argumentatur Papinian. si pœna operis publici perpetui servo ob delictum non infligitur, quanto magis credibile erat infligi posse, quia & major pœna videtur esse, multo minus infligitur levior, puta, operis publici temporarii: vel quod idem est, multo magis non infligitur levior: si ve dixeris multo minus infligitur levior, si multo magis non infligitur levior, utroque modo negas infligi & servum, inquit, in opus publicum perpetuum, ac multo magis temporarium non datur. Et sic in l. pen. sup. de publ. jud. si non datur procurator ad accusandum, multo magis non datur ad defendendum, vel quod idem est, multo minus datur ad defendendum. Et in l. aut damnum, §. i. hoc est, si pœnes provincie non potest reo permittere liberum mortis arbitrium, puta, ut se necet quoquo genere voluerit, vel in pelvi scita vena, vel alio, sed ut necet tamen se omni modo: si, inquam, pœnes provincie non potest permittere reo liberum arbitrium mortis, quoniam hoc est solius principis, ut apud Sueton. in Domit. & apud Tacit. sepe, multo magis nec veneno necare pœnes provincie reum potest: quoniam est pœna turpis & illegitima: sic legitur vulgo, multo magis nec, in d. l. aut damnum, §. i. rectius quam in Florentinis, multo magis vel. Nunc concipiatur argumentum hoc modo: nihil refert, si pœnes non potest permittere liberum mortis arbitrium, multo minus veneno necare. Et sic in l. 4. C. de præd. minor. si minor xxv. annis non potest prædia sua vendere sine decreto prætoris aut præsidis, multo magis nec donare. Nam & in illa lege veteres libri ostendunt sic esse legendum, multo magis donare, nec alio quoquo modo transferre. Vel sic dicamus, si minor non potest prædia vendere sine decreto, multo minus donare. At contra, si non in negando, sed in confirmando argumentaris hoc modo, ut l. Barbarius, sup. de off. prætor. si populus servo potest prætorum decernere, multo magis Imperator: non est argumentum a majore ad minus, ut superiora, sed a minori ad majus, quod tantum valet ad affirmandum, non ad negandum: contra illud quod est a majore ad minus valet ad negandum, non ad affirmandum. Et ut hoc breviter perstringam, a majore est quum quod magis est credibile, adsumitur ad probationem: a minori, quum quod minus est credibile aut probabile, adsumitur ad probationem. Quarum rerum neque totius artis non debet jurisperitus esse ignarus, sed tinctus saltem esse debet, & nosse locos, atque habere in numerato, alioquin ludit operam: sed ad rem. Videamus cur servus non detur in opus publicum perpetuum vel temporarium pœne causa? Credo, & verum est, quia hæc pœna in servo non est pœna: nec enim fit ejus causa deterior; imo quandoque dum subtrahitur servitio durioris domini, & publico operi mancipatur siue vinculis, fit melior: non est igitur pœna. Qua ratione etiam hic Græci interpretes ajuntur: pœna operis publici perpetui in libero homine gravissima est, quia civitate mulctat, & deportationis in insulam comparatur, l. 17. sup. hoc tit. l. 1. C. eod. tit. denique capitis media deminutio est. In servo autem nulla est pœna. Item operis publici temporarii in libero homine pœna est, quia non multum distat ab specie servientium, qui inivrus

A publico operi navat operam, non tamen est capitis deminutio, quia neque libertate plestir, neque civitate, l. 6. C. de caus. ex quib. inf. al. non irrog. In servo autem pœna operis publici temporarii, nulla omnino est pœna. Pœna igitur operis publici non est communis liberis hominibus & servis, non cadit in omnes, sed est liberorum hominum propria: ut contra, vinculorum perpetuorum pœna, propria servorum est, non liberorum hominum, l. seg. 33. hoc tit. l. 6. & 10. C. eod. At pœna metalli, siue in opus metalli est communis liberorum hominum & servorum, l. si quis aliquid, §. qui se, hoc tit. l. 11. C. eod. tit. l. 17. §. ult. de quest. l. 5. de manum. Et hæc pœna metalli fodina in liberis hominibus maxima capitis deminutio est: in servis mutatio domini in deterius, quia etsi servi nec libertatem habeant, nec civitatem, aut caput ullum, quod damnatione in metallum amittere possint, tamen in deteriorem & terreturum dominum decidunt, abeunt a priore, quem habebant ante damnationem, & servi sunt pœne, non fisci, non Cæsaris, non Reipubl. non ullius certi hominis: sed quod miserum est, sunt servi pœne, cruciatus, tormentorum, catenarum, l. aut damnum, §. inter eos, & §. ult. hoc tit. Quod autem ait Papin. in opus publicum perpetuum servos non damnari, pugnare videtur cum l. in servorum, hoc tit. quam opponit etiam Accursius, quæ, ut breviter eam exponam, servum ita damnatum, ut domino reddatur sub pœna vinculorum, si dominus nolit eum nebulonem recipere forte, nec sit, qui eum emere velit, ait, dandum esse in opus publicum perpetuum. Ergo, inquit, forte servus damnatur in opus publicum perpetuum: imo, ea lex nihil pugnat, quia non proponit servum damnatum fuisse in opus publicum, sed domino reddi jussum sub pœna vinculorum, ut ei perpetuo in vinculis serviret, quæ pœna in servo legitima est. Et hunc tamen servum ita damnatum, non in opus publicum, quod non potuit, sed in vincula, si a domino & omnibus derelinquatur, si nullus existat, qui servitio ejus uti velit, cui possit sub pœna vinculorum servitutem servare, non necessario servus datur vel in opus metalli, ut l. 5. de manumiss. & l. si quis aliquid, §. qui se, hoc tit. vel datur in opus publicum perpetuum: & hoc modo fit servus pœne, vel potius servus publicus: At si a domino non derelinquatur, si dominus eum recipere velit sub pœna vinculorum, sub lege habendi eum semper in vinculis, in compedibus, remanet in ejus dominio & potestate, nec fit alterius, licet vincula ei injecta sint, l. aut damnum, §. ult. hoc tit. nullis autem vinculis injectis, si in opus publicum perpetuum tradatur, nullam sustinet pœnam, nullum onus domini servitio gravius. Ergo hoc genere servus non punitur. Denique frustra datur simpliciter sine vinculis in opus publicum perpetuum, & multo minus datur in opus publicum temporarium, quod servitium tempore levius est. Quod si forte aliquando eveniat, ut servus damnetur in opus publicum temporarium per imperitiam iudicis, toleratur quidem sententia nec rescinditur, arg. l. 23. hoc tit. & l. 7. §. ad tempus; de interd. & releg. Sed ut Papinianus ait hoc loco, expleto tempore, domino redditur, ut ei præbeat operas, nec jam amplius publico, quoniam ab ejus dominio non discessit: vel etiam si per imperitiam iudicis servus damnetur in opus publicum perpetuum, sane tunc curabit dominus rescindi sententiam: quoniam ejus interest, ne in perpetuum carcat operis servi, & sit dominus sine re,

Ad §. Eos quoque.

Eos quoque pœna delatoris ex sententia Senatus, tene-ri respondi, qui per suppositam personam delatori causam dederunt.

Hoc loco ostendit Papinianum, qui per suppositam personam delatori siue accusatori causam dedit, id est, qui supposuit aliquem, qui mandaret delatori causam capitalem deferendam, quique delatorem siue accu-

accusatorem instrueret allegationibus & probati onibus, eum, inquam, qui hoc ministerio utitur ad man dandam alteri accusationem, delationemve capitalis criminis, deserta accusatione teneri, perinde atque desertorem ipsum, qui ab accusatione desistit. Teneri, inquam, ut ait, ex sententia Senatusconsulti Turp. non ex verbis, quia Senatusconsultum tantum loquitur de accusatore & mandatore desistente. At sententia Senatusconsulti porrigitur etiam ad mandatorem mandatoris, de quo hic locus est accipiendus. Et hic Papin. locus proculdubio significatur in l. i. §. incidit, ad Senatus. Turp.

Ad L. III. de Sent. pass. & rest.

In insulam deportati bona fisco, pœna remissa reu-
nitur: creditores ex ante gesto non habere cum eo, qui de-
bitor quondam fuit, actiones constituit. Quod si bona cum di-
gnitatis restitutione concessa recuperaverit, utiles actiones
necessariae non erunt, cum & directe competunt.

IN hac lege proponitur deportatum in insulam indul-
gentia Principis fuisse restitutum civitati, quam per
deportationem amiserat, & famæ quoque simul amissæ,
ac dignitati suæ. Solius principis est restituere civitati
& famæ, l. Imperialis, C. de nuptiis l. si quis, C. ad Sena-
tus. Terull. At fuisse eum restitutum civitati tantum &
famæ, non etiam bonis, quæ semper deportato adimuntur
omnia, & coguntur in fiscum, non fuisse, inquam
restitutum bonis, ut plerumque non solet fisco resti-
tuere, quæ semel in eum ceciderint, ne innocenti qui-
dem confiscato forte ex causâ contumaciæ, ut l. 2. C. de
requir. reis. Et certum est deportatum restitutum civita-
ti & dignitati beneficio Principis, non etiam bonis,
non teneri creditoribus ex eo, quod gessit vel contra-
xit ante damnationem, quia deportatione, quæ est
species capitis deminutionis, desit esse debitor, & actiones
translatæ sunt in fiscum, ad quem bona pervene-
runt, l. si debitor, sup. de fidejuss. l. 2. §. i. & l. tutelæ
§. ult. de cap. minut. sup. vel fisco non utente jure suo,
& non vindicante bona deportati, ut potest, creditores
cum deportato, qui bona retinet negligente fisco, non
habent quidem directas actiones, quia ipso jure capi-
tis deminutione liberatus est, sed habent utiles, quia
bona ei adempta non sunt reipsa, jure adempta sunt,
quia pertinent ad fiscum, sed per negligentiam fisci
apud eum remanserunt. Ideo tenetur utilibus actionibus
respondere creditoribus suis, l. 14. §. ult. sup. de int. &
rel. quæ est una ex eis, quas ad eum titulum, qui mu-
tilus est, restituitur ex Basilicis. Et quod dicimus de
actionibus quibus deportatus obstrictus fuit ante senten-
tiam, nem obtinet in iis, quas habuit ante sententiam,
ut scilicet ei auferantur, & transeant in fiscum, sicut
cetera bona, l. 5. C. eod. tit. Et hoc est, quod pertinet
ad priorem partem hujus legis. Ex posteriori parte hu-
jus legis notandum est, quod si forte magno beneficio
Principis, deportatus pristinum statum, pristinam di-
gnitatem cum bonis omnibus specialiter recipereverit,
tunc ei & in eum competunt directæ actiones, eadem,
quæ competeabant ante sententiam, nec utiles hoc casu
sive restructoris actiones ei sunt necessariae, quia ipso
jure restitutus bonorum & actionum restitutio est, l. 4.
C. eod. tit. l. 21. inf. de verb. signific. Quod usque adeo
verum est, ut et si restitutus bona respuat, sibi a Prin-
cipe concessa & restituta, non ideo minus ipso jure re-
deat in obligationem creditorum, non ideo magis exua-
tur actionibus, l. 2. hoc tit. l. pen. C. eod. Et nota quod
ait, non esse necessarias actiones utiles, quum directæ
competunt. Quod ostendit etiam l. si heres instituitur, sup.
ad Trebell. & l. 1. de Public. in rem act. Posui in hac
posteriore parte, eum fuisse restitutum cum bonis om-
nibus, ut & h. 2. hujus tituli exigit bona omnia restitui,
ut & actiones restituantur in eum directæ, quia si re-
stituatur tantum ei res quædam, veluti domus illa,
& ille fundus, dicente principe: Restituo te civitati &

A dignitati, & illis adibus, & illi fundo, quem possidisti
pridem ante damnationem. Hoc casu actiones ex ante ge-
sto, id est, ex tempore præcedente sententiam, ei vel
in eum nullæ competunt, sed fisco sequuntur, ad quem
bona pervenerunt, l. 3. C. eod. tit. Hoc ita, si res quæ-
dam, si corpora quædam bonorum ei restituantur: sicut
dixi. Nam si pars bonorum ei restituitur, non designa-
tis certis rebus, veluti dimidia pars aut tertia, quam
partem cognominem Arithmetici vocant, nostri Doctores,
partem quotam, puta, his verbis: restituo te dimidia par-
ti bonorum: vel restituo te tertia parti bonorum: tunc pro
ea parte, quæ restituitur, ei & in eum competunt pri-
stinæ actiones, dicta l. 3. C. eod. tit. Multum igitur in-
terest, rebus quibuscum restituitur, an parti bonorum:
sicut multum interest ex rebus certis quis heres insti-
tuatur, adjectis aliis heredibus, qui pro legatario habe-
tur, an ex parte certa, qui pro herede habetur, non
pro legatario, l. pen. C. de hered. instit. Multum item in-
terest, rogetur heres restituere hereditatem retenta re,
aut rebus certis, quo casu omnes actiones hereditariæ
transeant in fideicommissarium Trebellianum, an vero
retenta quarta parte, quo casu actiones dividuntur inter
heredem & fideicommissarium pro quadrante & do-
drante, l. si legatus, §. multum, sup. ad Trebell. Actiones, in-
quam, creditorum, non etiam actiones legatorum, qui-
bus tenetur solus fideicommissarius in solidum, cui re-
stituitur dodrans hereditatis, optima ratione, quia cum
adversus legatarios heres salvum & integrum quadran-
tem, id est, integrum Falcidianum habere debeat, non
debet eam ideo minus habere integram & illibatam,
sine onere legatorum, quod dodrantem fideicommissa-
rio restituere tenetur. Dico dodrantem, cum rogatus
est adem restituere. Nam si rogatus sit semissem re-
stituere hereditatis, hoc casu non tantum actiones cre-
ditorum, sed etiam actiones legatorum dividuntur in-
ter heredem & fideicommissarium pro semisibus, l. 1.
§. pen. & ult. ad Trebell. l. 2. C. eod. tit. l. etiam, §. i.
sup. ut legat. nom. cav. Idemque est si heres rogetur re-
stituere trientem vel bessem, non asem, quæ juris prin-
cipia certissima sunt, & sæpe memoria retinenda, quo-
niam facile excidunt.

Ad LXXXIX. de Jure fisci.

Bona fisco citra pœnam exilii perpetuam adjudicari
sententia non oportet.

D Isplicet mihi & omnibus interpretatio Accursii ad
initium hujus legis, quod accipit de deportatio-
ne, cum sit necessario accipiendum de relegatione, ut
perspicue demonstrabo. Omnino enim hoc vult: citra
pœnam exilii perpetuam, id est, non irrogata relegatio-
nis pœna in perpetuum, sed ad tempus tantum, dam-
nati bona non esse confiscanda, id est, neque omnia
bona, neque partem bonorum ullam: Et ideo non nisi
relegato in perpetuum, partem bonorum adimi posse,
ut patet ex l. 4. sup. de interd. & releg. quæ ait, (sic
enim explicanda est) relegatos omnia bona retinere præter ea,
si qua eis adempta sunt sententia judicis. Quod ita expli-
cat mox, nam eorum, inquit, qui in perpetuum exilium
dati sunt, vel relegati, potest quis sententia partem bono-
rum adimere. In perpetuum exilium datos, proculdubio
vocat relegatos in perpetuum, non deportatos. Et quod
sequitur, vel relegati, interpretatio est illorum verbo-
rum, in perpetuum exilium dati. Illud, vel ut sæpe occur-
rit in jure nostro, est, rōdequos dīnagatōrōs. Et ita
hoc loco: citra pœnam exilii perpetuam, id est, citra
relegationem perpetuam, bona damnati non sunt adju-
dicanda fisco: citra relegationem perpetuam, quia releg-
gati ad tempus bona nulla ex parte publicari possunt, l. 7.
§. ad tempus, sup. de interd. & releg. Egit ergo differen-
tiam inter relegationem perpetuam, quæ adimere po-
test partem bonorum, & relegationem temporariam,
quæ nullam partem bonorum adimere potest. Quæ dif-
ferentia

ferentia cum non possit fieri in deportatione, quia omnis deportatio est perpetua, nulla temporaria. *l. 18. eod. tit.* quæ est etiam ex restitutis auxilio Basilicon, nulla capitis deminutio est temporaria. *l. capitalium, §. dñus de pen. ex eo* manifesto apparet illa verba: *citra panam exilii perpetuam*, quæ sunt scripta ad differentiam exilii temporarii, posse tantum accipi de relegatione, non de deportatione, quæ nulla est temporaria: nulla danique capitis deminutio est temporaria. Nec objicias, quod damnari quis potest in metallum ad tempus: ergo capite minui ad tempus. Nam damnatio in metallum, proculdubio capitis deminutio est, quia plechit & civitate, & libertate. Damnari quis potest in metallum ad tempus ex *l. sine præfinito, de pen.* quæ ait, damnato aliquo in metallum simpliciter, non præfinito tempore, imperitia damnantis non adjecto, in perpetuum, neque ad tempus, illud ait, decennium præfinitum videri. Nam, ut respondeam, concedo damnari quem posse in metallum ad tempus, & hoc esse frequentissimum, & non adscripto tempore; damnatum videri in decennium, sed tamen ita damnatus in perpetuum capite minuitur, quia in perpetuum civitatem amittit, & libertatem tantum retinet, quod aperte ostenditur in *d. §. Dñus, & laut damnus, §. in ministerium, eod. tit.* Et alia est ratio servi damnati ad vincula sententia iudicis non præfinito tempore, qui in perpetuum damnatus intelligitur, non in decennium, quia durius agitur cum servis, & solemne hoc erat, servos reddi dominis sub poena vinculorum, *l. in servorum, l. si quis aliquid, §. qui se, sup. de pñ. l. servus, C. eod. tit.* In liberis hominibus poenæ interpretatione molliendæ sunt, ut ait *l. interpretatione, de pen.* in servis interpretatione exasperandæ potius quam molliendæ sunt. Concludamus igitur, exilium esse accipiendum initio hujus legis, non proprie pro deportatione, ut in *l. 2. de publ. jud.* quia deportatio nulla est temporaria, sed improprie exilium esse accipiendum pro relegatione, ut apud eundem Pap. exilium temporarium esse relegatio, non certe deportatio, *l. falsi, §. 1. ad leg. Corn. de falsi. l. 13, quib. ex causis poss.* Et sequitur in hac lege.

Ad §. Eum, qui.

Eum, qui periculum communis condemnationis dividi postulat, quod participes iudicati solvendo essent, revocatis alienationibus, quas fraudulenter fecerant, non videtur causam pecunie fisco nuntiassè, respondit.

Idem ostendit hoc loco, quod ostendit in *l. proxima, §. ult. sup. lib. 13.* delatorum numero non haberi eum, qui causæ propriæ protegendæ gratia fisco nunciat causam pecuniariam, atque adeo vinci eum posse sine periculo calumniæ, quod delator nunquam evitat. Et species hæc est: plures sunt condemnati fisco ex eadem causa in unam summam, hoc adjecto in sententia & expresso, ut si quis eorum solvendo non esset, pro eo ceteri solvere tenerentur: unus ex eis postulavit dividi sententiam & condemnationem pro virilibus portionibus, dicens participes & collegas esse solvendo, si modo revocentur alienationes, quas fecerunt in fraudem fisci, & quum ab eo desideraretur, ut probaret collegas alienasse bona sua in fraudem fisci, id non potuit probare. An fit infamis quasi delator? Minime, quia hoc dixit & proposuit suæ causæ protegendæ gratia, ne supra virilem inferret fisco. Ita vero, ut posui hoc loco, necesse est ponere speciem, quam etiam explicavit Acc. male. Plures scilicet una sententia fuisse damnatos, ita ut pro eo, qui solvendo non esset, ceteri tenerentur, quoniam si generaliter damnati forent, & simpliciter, ut ponit Acc. eo non addito, ut quod ab altero servari non posset, alter suppleret de suo, proculdubio hoc casu periculum sententia non excusis facultatibus singulorum, ex æquo inter eos dividitur pro virilibus portionibus, nec inopia unius onerat ceteros, *l. 1. §. quoties, sup. de app. l. 1. & 2. C. si plures una sent.*

Tom. IV.

cond. sent. Et nihil est præterea in lib. 16. Imo supersunt adhuc duo loci, quib. Marcianus ex eodem libro utitur Pap. auctoritate, qui breviter explicabuntur. Unus in *l. 1. §. ult. de req. reis, vel abs. dam.*

Ad §. ult. L. I. de Requis. reis.

Sed & Pap. lib. 16. respondit scriptis, requirendum ad notatum si provincia præsidem intra annum adierit, & satis obtulerit, non esse locum mandatis, ut bona fisco vindicentur: adn. etsi intra annum mortuus sit, criminis causa expirat & perit, & bona ejus ad successores transmittuntur.

EX quo intelligimus, reum criminis capitalis absentem & profugum, non damnari quidem, sed adnotari inter reos, ut requiratur, & fieri, ut loquuntur, requirendum, bonis interim fisco subsignatis, nondum publicatis, quæ nec publicantur ante damnationem, si intra annum, ex quo publice adnotatio innotuit, venerit, adierit iudicem, & satisfecerit iudicio fisci. Imo nec si intra annum moriatur, bona confiscantur, sed ad ejus heredes legitimos transeunt, & morte ejus, quæ contigit intra annum, cum criminis questio, tum bonorum questio perimitur, *l. 1. C. eod. l. 2. C. si pend. app. mors interven.* si non venerit intra annum, & purgari se, vel si non mortuus sit intra annum, post annum bona subsignata fisco, proculdubio, & occupantur a fisco, quasi publicata, quasi publica, *l. ult. h. l. 2. C. eod.* Alter locus est in *l. 3. de bon. eorum, qui ante sent. vel mort. sibi conf. vel au. eor.*

Ad L. III. de Bon. eorum, qui ante sentent. &c.

Qui rei postulati, vel qui in scelere deprehensi, metu criminis imminents mortem sibi consciverunt, heredem non habent. Pap. tamen lib. 16. respondit ita rescriptis, ut qui rei criminis non postulati, sibi manus intulerint, bona eorum fisco non vindicentur, non enim facti sceleritatem esse obnoxiam, sed conscientia matum in reo, velut confesso teneri placuit: Ergo aut postulati esse debent, aut in scelere deprehensi, ut si se interfecerint bona eorum confiscentur.

Sententia hæc est: bona ejus, qui sibi mortem conscivit, fisco vindicari, si reus postularus, vel in scelere capitali deprehensus, *et al. rescripta*, vel si in reatu, metu criminis imminents, mortem sibi consciverit, non aliter: Nam si quis, cum non esset in reatu, cum non esset reus postularus, non in flagranti crimine deprehensus se interfecerit, non ideo bona fisco vindicantur, & ut ait Pap. facti sceleritas, id est, *disquis*, ut veteres Glossæ interpretantur *disquis*, sceleritatem, iniquitatem, est priscum vocabulum, quo significatur foeditas & turpitudinis facti, & nefandissimum scelus iniussa Dei, a quo animus datus est, ex hominum vita migrare, & assignatum a Deo munus humanum defugere & deferere. Et tamen illa facti sceleritas legibus non plechitur, sed conscientia tantum metus, & quasi tacita confessio rei in qua causa is tantum est, qui cum esset in reatu sibi ipsi manus intulit. Et ita hic locus explicandus est.

JACOBI CUJACII J.C. COMMENTARIUS

In Lib. XVII. Responsorum EMILII PAPINIANI.

Ad L. XLII. de Pactis.

Inter debitorem & creditorem convenerat, ut creditor onus tributi prædii pignerati non agnosceret, sed ejus solvendi necessitas debitorem spectaret, talem conventionem quantum ad fisci rationem, non esse servandam respondit: pactis etenim privatorum formam juris fisciis convelli non placuit.

Vuuu

Hu.

HUJUS I. sententia hæc est: debitor creditori A pradium tradidit, ut id haberet & possideret jure pignoris, addita lege, sive pactione hujusmodi, ut tributum, quod pradium fisco debet, debitor exsolveret, non creditor. Quæritur, an ideo dicendum sit, fisco non posse convenire creditorem tributorum nomine, quod aliud placuerit inter eum & debitorem, ut non ipse creditor, sed debitor munere tributum sungeretur. Et ait, eam pactionem non lædere jus fisci, jus fiscale: fisco posse convenire creditorem, qui possidet pradium jure pignoris. Nam tributum onus est possessoris cuiuscunque, non domini, nisi possidet, *l. Imperatores, inf. de publican.* & creditor pignerati prædii possessor est naturaliter, & jure pignoris, *l. 3. §. ult. inf. ad exhib.* Et quidem solus possessor, quia debitor eo animo pignus tradidit, ut possessionem dimitteret, & transferret in creditorem, *l. per servum, in pr. inf. de acq. rer. dom. l. cum C. fortis, §. ult. de pign. act.* Ergo creditor debet prædii pignerati, quod possidet, tributum agnoscere & fisco perolvere: fisco non delegato ad debitorem, quia pactio habita inter eum & debitorem, non potuit labefactare aut convellere jus fisci, sicut nec jus privati alterius cuiuscunque, *l. 3. in princ. t. seg.* Eadem hac in re est causa privati ac fisci, nec quidquam datur fisco, quod non detur etiam privato. Pactio habita inter duos non nocet tertio, qui pactioni non interfuit. Recte autem ait Pap. quantum ad fisci rationem attinet, eam pactionem non esse servandam: Nam quantum attinet ad debitorem & creditorem, proculdubio servanda est inter eos, ita ut, quod solverit creditor fisco tributorum nomine, a debitore recipiat, debitor creditori rependat, *l. epistola, §. pactum, h. t.* & quantum ad debitorem & creditorem attinet, ea pactio congruit omnino cum jure communi, quo soluta fisco a creditore dicuntur augere sortem, *l. 6. C. de pign.* Quod & hic Acc. notavit recte.

Ex libro 18. nullæ sumptæ sunt ll.



JACOBI CUJACII J.C.

COMMENTARIUS

In Lib. XIX. Responsoꝝ EMILII PAPINIANI.

Ad L. III. ad L. Rhod. de jactu.

Quum arbor, aut aliud navis instrumentum, removen- di communis periculi causa dejectum est, contributio debetur.

COGUNTUR sæpe, qui in mari navigant orta gravi tempestate vatorum imbriumque procella, ut commune, quod imminet naufragii periculum evitent, levare navem facta jactura mercium, vel fascinarum, quæ magis navem onerant, ut Nemefius ait libro de natura hominis, ἀποβολὴν τῶν φορητῶν ποσὶν τῶν ναυτῶν ὁμῶς περιτίσσονται: de consilio scilicet & sententia omnium, qui in navi sunt, & domino quoque ipso mercium, quas jactari placuit, navis exonerandæ gratia, primum incipiente jactum, ut nominatum est scriptum in l. Rhodia his verbis: ἀπαβολὴν εἰς τὴν θάλασσαν ὁρμηθεὶς ὁ ἡγεμὸς πρῶτος διατάσσεται. Hoc vero casu dominis mercium vel fascinarum, quæ jactæ sunt in mare, ex eadem lege Rhodia, quæ vetustissima est, & recepta ubique gentium, dampnum quod fecerunt faciri debet ad collationem, contributionem, symbolum vocatis iis omnibus, quorum res beneficio jacturæ salvæ remanserunt: quia natura æquum est, participes esse damni eos, qui beneficio damni, quod alter accipit, sua conservaverunt: Æquum est ex aliena jactura non

conservari res nostras nobis gratuito sine aliquo dispendio, & communicatione damni, & ut eleganter ait *l. 2. §. cum in eadem, h. t.* Id tributum, id est, cum contributionem, observata res debent, non personæ, sed res, quia liberarum personarum, qui in navi fuerunt, nulla æstimatione est: salus liberi hominis inæstimabilis est, vel, ut ait *l. pen. §. ult. inf. de don. Contemplatio salutis certo modo æstimari non potest.* Ergo conservati homines liberi, conservata valis liberorum hominum in contributionem non venit, quia inæstimabilis est. Conservatio servorum & aliarum rerum æstimabilis est: hæc igitur res contribuere debent, quod salva superfluerint beneficio jacturæ, non etiam liberi homines pro capite suo quidquam conferre debent. Contributio autem fit pro rerum servatarum & jacturarum pretio præfenti, & fit non tantum a dominis conservatarum rerum, sed etiam a domino navis, pro navis servatæ pretio, *d. §. cum in eadem*, atque etiam, ut hoc loco Pap. ostendit, & *l. 5. h. t.* pro pretio arboris cæzæ, sive mali, qui & ἀσπίριος dicitur, si cæsa sit arbor navis periculi amovendi causa, juxta illud Lucani *g.*

Arboribus cæsis statum effudere prementem.

Vel etiam pro pretio clavi vel anchoræ, vel antennarum, si servata sint cornua antennarum, vel pro pretio aliorum quorumcunque instrumentorum, quæve servata sunt, ut si qua instrumenta navis eruta, fracta, dejecta sint, navis & mercium servandarum, & periculi propulsandi gratia. Et ita in l. Rhodia nominatim scriptum est, *ἡνὰ τὴν ἔκτακτον*, quo nomine significatur omne instrumentum navis, usitato etiam Venetis hodie.

Cum ergo instrumento omni navis, navem in contributionem venire; instrumento dejecto debetur contributio, vel fracto, vel eruto: Instrumentum verò servatum simul cum nave debet contributionem, & definitur etiam eo capite legis Rhodiæ: pretium navis cuiusque, pro quo conferti debet pretium navis verustæ, & specialiter pretium navis capacis decem millium modiorum, id est, quæ tollat modiorum decem millia, quæ vocat, *τὴν χιλιάδιον ἡμετέραν*. Et Dio *36. χιλιάριον*, qualis erat plerumque omnis navis oneraria, Ulp. *lib. sing. regul. Navis*, inquit, Latini civitatem Romanam accipit, si non minorem, quam 10. millia modiorum navem fabricaverit, id est, *τὴν χιλιάδιον ἡμετέραν*. Pertinet lex Rhodia non ad naves longas veluti triremes, sed ad onerarias, quæ sunt fabricatæ mercaturæ causâ, veluti Corbitæ, & inde frequens in hoc titulo mentio mercium navibus impositarum. Valde autem notandum est, quod ait hoc loco, *removendi communis periculi causa, si dejecta cæsa sit arbor*, si cæsus malus, vel defectum aliud instrumentum navis, deberi contributionem. Si facta sit dejectio, inquit, vel amissio instrumenti removendi communis periculi causa. Nam si citra metum periculi exarmaverit aliquid in navi nauta, aut vis quædam modica tempestatis, id vectores aut mercatores facere non debent, sed id tantum, quod exarmavit metu imminenti periculi, & voluntate vectorem aut mercatorum, si quid ultro exarmaverit, id citra voluntatem vectorem, nec urgente periculo ullo, id nauta facere non debent: sicut nec si faber, cuius opus locasti, marculum vel in eadem fregerit, id imputabitur ei, id facere non debes, *l. 2. §. si conservatis, hoc tit.* Notandum

etiam est, non tantum contributionem fieri jactura certarum mercium navis levandæ causâ, sed etiam propter jactum, vel propter vim tempestatis, ut additur in lege Rhodia aspergine, vel fællugine maris deteriorib. factis aliis mercibus, quæ in navi remanserunt, ut scilicet dampnum faciantur, tam harum quam illarum mercium dominis, ex collatione ceterorum, quorum merces salvæ integræ, illæse sunt, *l. 4. §. ult. hoc tit.* Et dampnum asperginis in lege Rhodia significatur his verbis: *ἔαν ἐκ τῆς ζάλης ζάδιον vocat procellam, συμβῇ τῶν κερῶν βροχθίνων*. Item contributio fit navit expugnata a piratis, ut scilicet redimatur navis communi pecunia, cum mercibus, quæ simul abductæ sunt & ereptæ, *l. 2. §. si navis, h. tit.* Item contributio fit mercibus levandæ navis

navis gratia transiēdis in scapham, quæ subsequi plerumque navem solet, si postea scapha submersa sit: nam dominus mercium illarum, quæ in scapham transiēte sunt, postea scapha demersa, perinde atq; si merces jacta essent in mare, contribuere debent ceteri, qui in navi merces suas salvas habent, l. 4. in pr. h. tit. Denique contributio fit amissis mercibus jactura, vel transactione facta in scapham navis levandæ, & mercium ceterarum conservandarum gratia, ut damnum farciatur dominis mercium, vel etiam mercib. aspergine deteriorib. factis, ut & hoc damnum farciatur dominis mercium viciatarum, aut ruptarum, vel etiam navi, ut diximus, expugnata a piratis vel hostibus, ut redimatur cum mercibus pro rata ære collato. Naufragio vero facto, & nave proflus amissa, non est contributio locus, l. 4. §. 1. & l. 5. h. tit. Etiam si quis forte merces suas ex naufragio liberaverit, vel profundo extraxerit per urinatores vel columbarios, vel etiam servaverit in scapha, vel carabo (carabus, *ναυαγος*, *ναυαγισ*) quæ fere idem est, quod scapha, quæ *vovus* appellat, *caravelle*, quæ sequitur magnas naves, & ejus usus etiam in magno flumine: chelandii usus est in parvo flumine tantum, ut in Avarico flumine Biturigum, commune enim est nomen urbis & fluminis; cuius parvi fluminis nautæ etiam id genus navigii chelandium vocant, ut Cedrinus in historia, *un cheland*. Nave autem amissa, licet forte quædam merces servata sit, non esse contributioni locum etiam Paulus scribit 2. sent. eod. tit. ubi & illud generaliter definiit, collationis contributionem ob jacturam non nisi *nave salva fieri debere*. Nempe ca- ut hoc legis Rhodiæ, de quo in hoc tit. potissimum agitur, de jactura est tantum, non de naufragio: aliud fuisse caput legis Rhodiæ, de naufragio subindicat l. 9. hoc. tit. in qua proponitur libellus Eudemoni Nicomedensis oblatu Antonino Imperatori, quo querebatur naufragio facto in Italia, se direptum fuisse, ut ait *ὁ κερὰν δυστυχῶν*, a publicanis Cycladum insularum, in quas ejedæ erant reliquæ naufragii quadam: quæ insule, ut glossa ait, non sunt etiam in Italia, ubi nemo scit. Et respondisse Imperatorem Antoninum, eam rem, id est, rectene publicani direperint reliquias naufragii necne, judicari oportere lege Rhodia, quæ omnes populi libenter sequuntur in controversiis nauticis, videlicet si desciceret, aut non repugnet l. Romana: forte l. Rhodia non probabat, quod Juvenalis ait, *res fisci est ubiqueque natæ*. Sed licebat unicuique impune, id est, nullo tributo publicanis illato, nullæve parte naufragii, naufragium suum colligere, quod & Antoninus scripsit in l. ult. inf. de inc. ruin. & naufr. & l. 1. C. de naufr. lib. 11. In nauticis autem questionibus omnibus, etiam legem Rhodiam esse sequendam, nisi si qua in re ab ea jus civile populi Rom. diffideret, etiam Senatu comprobante, Augustus ut nominatim ait l. 9. & Tiberius, & alii, & Vespasianus & Trajanus decreverunt.

Ad L. XLIII. de Oper. Libert.

A It l. libertum operis obligatum, qui debet operas patrono ex jurejurando, vel ex stipulatione, militiæ nomen non dare sine injuria patroni: Quod certum est, militiæ nomen dare non posse, ne patrono fiat injuria, ne patronus careat operis sibi debitis, patroni consensum exigit, ut amittat operarum actionem, alioquin libertus militiæ removebitur. Nam et si libertus jus aurocorum annulorum impetraverit invito patrono, vel patroni filio, vel natalibus restitutus fuerit, hæc beneficia ei adiunguntur, ne fiat injuria patrono, l. 3. inf. de jur. auct. ann. l. 2. in fin. l. pen. & ult. de nat. rest. Imperatores Diocletianus & Maximianus in l. 4. C. de eman. lib. In eujusquam injuriæ beneficia aliis tribuere moris nostri non est, & idem in l. 1. C. Hermogenianus, de rest. beneficia circa eujusquam injuriæ decernere potentibus, minime solemus, ubi dicitur, *pro intra*, ut apud Cor. Tac. sepe. Et similiter Trajanus.

Tom. IV.

A nus ad Plinium: *Privilegia privatorum injuria a me dari non oportet*. Libertinus militiæ non prohibetur, sed servus tantum: libertinus nomen militiæ dare potest, l. ult. C. de liber. & cor. liber. sed non nisi consentiente patrono, si ei debeat operas: si non debeat, etiam non consentiente patrono, & si forte ingratitudinis arguatur adversus patronum, aut filium patroni, privilegio militiæ non defenditur, quo minus in servitutem tetrahatur propter ingratitudinem, d. l. ult. nam etiam militibus adversus parentes & patronos ratio pietatis constare debet, l. 1. de obs. par. & pat. præs. l. 5. §. a milit. inf. de lib. agnos. quæ precepta sunt officiorum laudatissima.

Ad L. XXIII. de Appell.

B Ex consensu litigantium circa compromissum a præfide provincie judice dato, victus potest provocare.

A D hanc l. sciendum est, aut quod jam sciunt omnes quasi notissimum, memoria repetendum a sententia judicis delegati, quem præfes provincie dedit, posse appellari ad eundem præfidem, vel ad successorem ejus, qui ei successit in imperio, l. 1. inf. quis & a quo appell. A judice autem compromissario, quem ex compromisso litigantes adierunt a sententia judicis compromissarii appellari non posse, quanquam hodie alio jure utimur: at jure civili a sententia judicis compromissarii appellari non potest, l. non disting. §. item cum a judice, sup. de recept. qui arb. recept. & l. 1. C. eod. Et ratio est evidens, quia frustra appellaretur a sententia judicis compromissarii, cum neque pariat actionem judicati, neque exceptionem rei judicate, d. l. 1. & l. 2. sup. eod. t. de rec. qui arb. & ideo quia ex sententia judicis compromissarii, id est, recepti arbitri, non nascitur obligatio, nec judicati actio, nec exceptio; qui eum adeunt, solent invicem penam promittere, quod est consulari & compromittere vicissim alter alteri penam, si quis non steterit sententiæ arbitri, ut metu penæ stetur sententiæ arbitri, & in non obtemperantem detur actio ex stipulatu penæ nomine. Queritur inde an a judice editio appellari possit, sic appellatur a M. Tullio pro Plancio, & quis is sit, Servius exposuit in Eclog. Virg. 7. Is est, quem præfes provincie dedit, non ex suo arbitrio, sed ex petitione, editione, & consensu litigantium, de quo etiam agitur in l. pen. C. de recept. arbit. l. 1. C. ubi & apud quem cogn. est. Ab ejus autem sententia, ut definit hoc loco Papiasian. appellari potest, quia nihil distat a judice delegato. Quid enim interest, delegit præfes eum, quem ipse elegit, an eum, quem partes elegerunt, si modo eum elegerint circa compromissum: nam hoc loco Florentini perperam habent, circa compromissum, alii recte, circa, ut Basilic. *ὑποβή*, id est, sine: nam si ex compromisso editus sit, ab ejus sententia appellari non potest, si sine compromisso editus sit, & datus a præfide partibus postulantibus, ab eo appellari potest ad præfidem, qui dedit.

Ad §. Cum Procurator.

E Cum procurator Caesaris, qui partibus præfidis non fungebatur, in lite privatorum jus dandi judicis non habuisset, frustra provocatum ab ea sententia constitit, quæ non tenebat.

Procurator Caesaris, alias rationalis dicitur, & in Basilicis semper *ῥητορικὸς*, quod universam rem Caesaris tractet & administret. Singuli autem constituuntur in singulis fere provinciis procuratores Caesaris, & hic procurator Caesaris habet jurisdictionem inter fiscum & privatos in causis pecuniariis, l. nec quidquam in princ. sup. de offic. procons. Jurisdictionem non habet inter privatos in lite privatorum, nisi partibus præfidis in provincia fungatur. Jurisdictionem etiam non habet inter fiscum & privatos in causis capitalibus, nisi præfidis vicem tueatur & sublineat, l. 2. C. de panis, l. 4. C.

Vuuu 2

ad

ad l. Fab. de plag. l. 8. C. de sent. passis. Jurisdictionis pars A est iudicis dandi licentia, iudicem delegare posse, l. imperium, supra, de iurisd. Iudicem ergo procurator Cæsaris dare potest inter fiscum & privatum in causis fiscalibus pecuniariis, non inter privatos, & si quem iudicem forte dederit inter privatos, isque sententiam dixerit, ab ea sententia frustra appellatur, cum sit dicta a iudice non jure dato, vel a non iudice potius, l. 1. C. de pedan. jud. quæ est sententia hujus §. congruens cum d. l. 1. Inter privatos iudicem dare, vel de causis capitalibus cognoscere ad præsidis provincie jurisdictionem spectat. At crimine poenæ extincta morte rei ante damnationem, vel etiam post condemnationem facta a præside vivo vel mortuo reo, succedunt partes procuratoris Cæsaris, ut damnati, aut mortui in reatu bona vindicet fisco, & cognoscat de bonorum causa: de reatu non potest cognoscere, de bonis potest cognoscere, quia civilis quæstio hæc est, & pecuniaria, l. desentio, sup. de publ. jud. l. 1. 2. 3. C. ubi causa fisci. Ulpianus lib. 9. de offi. procur. tit. ad l. Fab. Legis inquit, Fabia de plagio in provinciis præsidium cognitio est. Nec aliter procuratori Cæsaris hæc cognitio iniungitur, quam si præsidis partibus in provincia fungatur; Sane, inquit, post sententiam de plagio latam, insula tamen Crete, ut emendavi, procuratori specialiter datum constitutione Antonini, ut ex l. Fabia posset cognoscere de plagio, & l. Julia tantum de adulterio coercendis. Hinc queritur, quando videatur procurator Cæsaris fungi partibus Præsidis? Ne dicas, ut Accurs. in l. 1. C. de ped. jud. & l. 4. C. ad leg. Fab. procuratorem Cæsaris tunc fungi partibus præsidis, quum privati quidam in lite, quam habent inter se, se jurisdictioni eius subiciunt, quia non in eo obtinet, agere partes præsidis, sed in ea tantum lite inter privatos consentientes jurisdictionem exercet, l. 1. sup. de judic. Ne etiam dicas, eum fungi partibus præsidis, quum præses ei mandavit jurisdictionem suam, neque lex ei detulit: lex Julia iudiciorum, l. 6. sup. de iurisd. Et constat etiam mandari a præside non posse procuratorem causarum capitalium, quæ lege datur præsidis, non jure magistratus competit, l. 1. sup. de offi. jud. cui mand. est iurisd. At tunc certe procurator Cæsaris tuetur vicem præsidis, sive partes, quum mortuo præside, a Principe, qui lex viva esse dicitur, moderamen provincie ei temporis causa datur: vel etiam, quum ab initio a Principe ei provincia regenda committitur, quæ non habet præsidem, ut in l. 1. sup. de tur. & cur. dat. l. 1. C. de offi. ejus, qui vicem alt. jud. gerit. Fuerunt enim quædam provincie quandoque sine præside, quæ a solo procuratore Cæsaris regebantur, ut dicitur Mauritanie, & Rhetie, & Noricum teste Cornel. Tac. 1. histor. Et quædam provincie quædam sine præside, neque a procuratore Cæsaris regebantur quædam, sed a Primpipilo. Idem Cornel. Tac. cit. 4. Annal. Olennius ex Primpipiliis regendis Frisii impositus. Ovid. 4. de Ponto, ad Vestalem: in quo lemmate ex veteribus addendum est, Primpipilum. Ad Vestalem Primpipilum.

Missus es Euxinas, quoniam Vestalis ad oras,
Vt polaris reddas jura sub ære locis.

Ad §. Filiumfam.

Filiusfamilias, cum adversus patrem ejus de bonis, quæ per ipsum poterat adquiri, pronuntiatus esset, respondit, non nisi patris nomine potuisse provocari.

Quædam erant bona per filiumfamilias, quæ patri jure potestatis, quæ cum persequeretur pater, & peteret a possessoribus, adversus eum pronuntiatum est: filius ejus potest appellare a sententia etiam sine mandato patris, l. sed & hæc præf. sup. de procur. sed nomine patris, non suo, quia res jam sua non est, ac ut momento quidem fuit sua, l. placet, de adq. hered. sed res est patris. Effectus hujus rei hic est, quod debeat appellare intra triduum, qui si causa ejus esset propria, si suo

nomine veller appellare, deberet appellare intra biduum, l. 1. §. in propria, inf. quand. appell. sit.

Ad §. Ultimium.

Eum, qui cognovit edictum peremptorium secundum ordinis causam dari, placuit non recte provocasse, cum in ejus potestate fuerit, ante diem præstitutum pro tribunali respondentem, aut defensum edicti denuntiationem rumpere.

EX §. ult. hujus legis intelligitur, eum, qui in causis civilibus post litem contestationem per contumaciam judicio abest, & damnatus ex eremodicio, quam vocem, & forum retinet, quasi deserta lite, post diem præstitutum edicto peremptorio, quo adesse jubetur, si judicio abest, nec venerit predicta die, & cognoverit edictum, eum, inquam, absentem, qui ex contumacia ita damnatus est, non posse appellare, quod approbat rursus admodum leges præter hunc §. ult. l. & post peremptorium, §. ult. sup. de judic. l. libero, §. pen. de negot. gest. l. 1. C. quomodo appell. non recip. l. properandum, §. cum autem, C. de judic. Verum exigimus ut ei innoverit edictum peremptorium, quo evocatus est in iudicium ad diem certum. Exigimus ut edictum peremptorium vel fuerit publice propositum, publice affixum, quoniam non potest causari ignorantiam ejus, quod publice affixum est. Denique cognoscere videtur quisque & intelligere, quod publice propositum est loco celeberrimo clavis literis. Ergo exigimus ut edictum vel sit propositum, vel ut non propositum venerit in notitiam ejus, perlatis ad eum litteris, vel denuntiationibus; Aliquin si edictum peremptorium, neque propositum, neque ei notum factum sit, sententia in eum absentem dicta, ipso jure nulla est, l. 1. §. pen. inf. qua sent. sine appell. rescind. Itemque exigimus, ut edictum peremptorium interponatur, ut ait, secundum ordinis dati causam, id est, secundum solemnem formulam ordinis legis dati, vel solemnem ordine edictorum peracto, ut ait l. §. prator, sup. de judic. Nam tria edicta vel litteræ aut denuntiationes tres debent, aut solent præcedere edictum peremptorium. Et hæc est forma, sive causa ordinis dati in contumaci faciendi & dammando. Ut autem, qui damnatus est ex contumacia, non possit appellare, poena contumacie hæc est, & contempti magistratus: & ut ait hoc loco, imputatur ei, quod cum poterit edicti denuntiationes abrumpere, non abruperit, sistendo se iudicio ante diem præstitutum edicto peremptorio. Fuit enim in ejus potestate ante diem præstitutum iudicio adesse, per se, aut per procuratorem, respondere per se, aut defendi a procuratore, quod cum non fecerit, cum neque venerit ad diem, neque miserit procuratorem, de se queri debet, si litis damno coercetur, ut in l. contumacia, de re judic. id est, si damnato neque detur commune auxilium appellationis, neque restitutionis in integrum. Sed hoc dum exprimit Pap. utitur valde prisco & Attico tamen genere loquendi, dum ait, cum in ejus potestate fuerit ante diem præstitutum pro tribunali respondentem, aut defensum edicti denuntiationem rumpere. Cum, inquit, in ejus potestate fuerit respondentem, aut defensum, quo genere loquendi ferme omnes antiquiores utuntur: est sollicitudo, neque tamen sollicitudo, quale exstat simile in §. ult. Institut. de action. qui quidem §. ita legitur in omnibus veteribus, etiam ab Angelo Aretino, & ceteris; eum quoque qui creditoribus bonis resistit, si postea aliquem adquisierit, quod idoneum emolumentum habeat, ex integro creditores cum eo experiuntur; quæ oratio congruere non videtur, ad coherere, neque tamen rejicienda est, quoniam doctissimi est, & frequentissimum genus loquendi etiam apud Ciceronem & Sallust.

Ad l. pen. de Re mil.

Ex causa desertionis notatus, ac restitutus, temporis, quod in desertione fuerit, impendit compungitur; quod si raris con-

confiteris, neque desertorem fuisse apparueris: omnia stipendia citra temporis finem redduntur.

In hac lege ostenditur, desertorem militiæ damnatum & notatum infamia, etiam indulgentia Principis militiæ restitutus fuerit, ut solet ex prima desertione tantum, l. 5. desertor, hoc tit. non restitui tamen stipendiis, quæ vocat impendia etiam, veteri vocabulo, stipendiis, inquam, ejus temporis, quo in desertione fuit, quod & aperte constitutum est in l. 5. C. cod. Ideoque si militiæ tempus legitimum, quod est viginti annorum, l. ult. C. de iis, qui non impl. stip. lib. 10. in desertione impleverit, privatur emerito, l. 3. §. qui militiæ sup. hoc tit. sed, ut subiungit, si ratio innocentie confiterit, ut plenus est scriptum in l. 1. §. ult. de quæst. id est, si non desertorem fuisse apparuerat, omnia stipendia accipiat citra finem temporis citra distinctionem temporis, ut idem loquitur in l. eam qui, de iis quibus ut indigne.

Ad L. XVI. de Castr. Pec.

Dotem filiofamilias datam, vel promissam, in peculio castrensi non esse respondi: nec ea res contraria videbitur ei, quod D. Hadrianus temporibus filiosum. militem uxori heredem extitisse placuit, & hereditatem in castrense peculium habuisse, nam hereditas adventitio jure quaritur: dos autem matrimonii coherens oneribus ejus ac liberis communibus, qui sunt in avi familia constituta.

In hac l. ostenditur, dotem ab uxore datam vel promissam, vel dictam filiofamilias militi marito suo, non esse in castrensi peculio filiosum. sed in adventitio: recte, alioquin dos non acquireretur patri, in cuius potestate filius est, & tamen patri dotem adqui æquissimum est, quia ad eum pertinent onera matrimonii filii sui: nam & nurus & nepotes ex eo matrimonio procreati familiam ejus sequuntur, & ab eo omnes alendi & exhibendi sunt cum hominibus eorum, l. si filia. & si filiusfamilias, fam. eris. ibi dos esse debet, ubi sunt onera matrimonii, l. si is qui, §. 1. sup. de jure dot. l. si maritus, sup. fam. eris. l. actione, l. ult. sup. pro soc. Dos enim nihil aliud est, quam repentinum onerum matrimonii, vel collatio pecunie, quæ fit mulieris nomine pro oneribus & impendiis, quæ sustinet maritus vel parens, in cuius potestate maritus est, matrimonii causa, l. dos tis, sup. de jure dot. l. pro oneribus, C. cod. tit. Ex hoc est, quod ait Papinianus hoc loco, dotem conferri pro oneribus matrimonii ac liberis communibus, filii scilicet & nurus, qui omnes sunt in potestate & familia patris vis avi, patris filio, avi ceteris: nam & nurus, quæ convenerat in manum filii, veniebat in familiam & potestatem foci, & ut Cajus scribit in Institutionibus, avo mortuo, si filius in ejus potestate non erat, nurus sua heres erat: quia nepitis loco erat. Stulte Accurius tenet hoc loco, verbum, conferri, traducere ad onus collationis bonorum propriorum, quo ex edito Prætoris fratres funguntur invicem, qui ab intestato veniunt ad bona defuncti parentis, quia de ejusmodi collatione non cogitavit Papinianus, quæ fit fratribus coheredibus ab intestato, vel successoribus, sed loquitur Papinianus de collatione dotis, quæ fit marito pensandorum onerum matrimonii causa. Huic autem sententiæ Papiniani obitare videtur quod idem refert ex rescripto Divi Adriani cum hoc loco, tum in l. Dron, sup. hoc tit. hereditatem, quæ ex testamento uxoris obvenit filiofamil. militi castrensi peculio adnumerari: nam cur & dos filiofamil. militi dara, vel promissa ab uxore non adnumeratur castrensi peculio? Et rationem differentie hanc esse Papinianus docet: quia dos coheret matrimonio, cuius onera sequuntur patrem, coheret oneribus matrimonii, quæ sustinet pater: ergo adqui debet patri, quæ non possit adqui, si deputaretur in castrensi peculio. Hereditas autem uxoris, quæ obvenit filiofamil. militi adventitio jure quaritur, id est, extra causam matrimonii obtingit filio: neque enim his verbis, adventitio jure, significat, hereditatem uxoris esse

A in adventitio peculio, quæ proculdubio est in castrensi, ut Adrianus rescripsit, sed eam hereditatem extrinsecus, sive extra causam matrimonii obvenire & adqui filio. Aliud est adventitium jus, longe aliud adventitium peculium, quod notandum. Verum aliter quam Divus Adrianus constituit in hereditate uxoris, constitui videtur in l. 6. hoc tit. In servis ab uxore filiofamil. militi donatis manumittendi causa, quæ donatio valet inter virum & uxorem manumissionis causa, alioquin non valeret, nec inter virum militem, & uxorem, l. 2. C. de donat. inter vir. & uxor. Servis autem doganis ab uxore filiofamil. militi manumissionis causa, d. l. 6. ostendit ita esse distinguendum, quum quaritur si in castrensi peculio, necne? Aut uxoria vis conjugali adfectione eos servos donavit, & non sunt in castrensi peculio, neque servi, neque liberti: proinde nec possunt manumitti sine permisso patris, & manumissi permisso patris sunt liberti patris, non filii, l. filiusfamilias, sup. de jure patron. Aut eos servos uxor ad castra eunti marito donavit manumittendi causa, ut habiles ad militiam liberos haberet, servi sunt inhabiles, & hoc casu liberti in castrensi peculio computantur. Eadem distinctio adhibetur in donatis ab uxore filiofamil. militi aliis rebus mortis causa, quæ donatio etiam licita est, vel alio jure licito, vel in legatis, l. 8. hoc tit. Nam & legatorum quorundam inter se vir & uxor capaces sunt, ut constat ex lib. sing. regalarum Ulpiani. At in hereditate uxoris relicto testamento filiofamil. militi marito suo, hæc distinctio Divus Adrianus non utitur; Quid ita? quia lege Julia & Papia, quæ obtinuit ante Theodosium, id est, l. 2. C. de infirm. penis calibar. non potuit utiliter viro relinqui hereditas testamento uxoris, vel contra, adfectione conjugali, quam lex Julia & Papia cohibuit: ac ne militiæ quidem causa herede instituto marito, ante tempora Divi Adriani, qui favore militiæ primus rescripsit, militiæ causa maritum ab uxore heredem institui posse ex asse. Responsum est admodum singulare, & ita accipiendum omnino, quod valde notandum studio juris antiqui. Hæc de uxore heredem institute maritum militem. Nunc tractemus de agnato vel cognato.

Ad §. Hereditatem.

Hereditatem castrensi peculio non videri quasitam respondit, quam frater patruelis in alia provincia stipendia merens, fratri patrueli, cum quo nunquam militavit, relinquit. Sanguinis etenim ratio, non militis causa, maritum hereditatis accipiende præbuerat.

Signatus, vel cognatus testamento suo agnatum militem, qui est in potestate patris, veluti fratrem patruelem, vel cognatum militem, veluti consobrinnum heredem instituerit, distinguendum est, utrum militiæ contemplatio, & ratio meritum præbuerit, & causam accipiende hereditatis, ut ait in 2. responsio hujus legis, puta, quia erant commilitones: commilitio, id est, castrensi collegio augente necessitudinem & caritatem, ut ait l. pen. in prin. h. l. Et tunc hereditas agnati, vel cognati commilitonis proculdubio computatur in castrensi peculio, l. 1. & 5. C. cod. lib. 12. Aut non erant commilitones, quia testator, vel erat paganus, vel in alia provincia merebat stipendia; & tunc hereditas non computatur in castrensi peculio, quia non castrensis notitia, vel adfectio eam elicit, ut l. 8. hoc tit. non militiæ, sed sanguinis causa tantum. Sanguinem hoc loco etiam pro agnatione accipit, ut in l. vel si sanguine, sup. de manumiss. testam. l. si adulterium, §. 1. sup. ad l. jul. de adult. l. pen. C. de legit. hered. l. 49. C. Theodos. de iis, qui super relig. contr. Quintilian. declam. 321. Fratrem suum potuit aliquis occidere, non obstitit tacita natura, non sanguinis jus. Quod notandum: nam alias plerumque jus sanguinis restrictius refertur tantum ad jus cognationis, quod venit per feminas, non ad jus agnationis, ut in illa regula juris sanguinis nullo jure civili dirimi possunt. Cave acceperis,

ris, *jura sanguinis* latissime, quoniam id tantum verum est in cognationis jure. Et hac de hereditate delata filiofamilias militi, vel ab uxore, vel a cognato: si ab uxore, distinctione non utimur: si a cognatis, distinctione utimur. Notandum etiam in aliis rebus mobilibus, quae cognatis, vel quae a matre, vel a patre: nam & quae ob causam militariae a patre filiofamilias sit donatio, valet, l. 23. §. 1. *sup. de fideicommissis libert.* quae, inquam, res mobiles a cognatis, vel a matre, vel a patre, vel etiam quae ab uxore jure licito donantur, certis casibus utimur etiam distinctione, & inspicimus utrum militaturo, sive eunti ad castra, illae res donatae sint, quae castrensi peculio adnumerantur, l. 6. hoc tit. l. 3. §. *sequendum, sup. de donat. inter vir. & ux.* l. 3. C. de bonis proscripti. Paulus 3. Sententiar. castrense peculium est, inquit, quod in castris adquisitum, vel quod profecturo ad militiam datur. Inspectum ergo utrum res donatae sint profectum ad militiam, & sint in castrensi peculio, an vero iam militanti donatae sint, quae non temere militari, sive castrensi peculio adnumerantur, nisi donationi commilitum causa praebuerit, vel nisi, ut in l. 3. hoc tit. donentur ad comparandas res militares, vel castrenses, militanti necessarias. Quae de causa in l. 11. hoc tit. ubi definitur castrense peculium, illa verba, *in militia agentis*, quod attinet ad eas res, quas parentes vel cognati donant, strictius accipienda sunt de iis tantum, quae donant per causam commilitum, vel ad comparandas res militares aut castrenses. Et de mobilibus rebus hoc dicimus, ut diximus initio, vel se moventibus, puta, servis aut equis, vel jumentis, quia praedia donata a parentibus vel cognatis, licet donata sint eunti in militiam, nunquam connumerantur castrensi peculio, l. 1. C. eod. tit. l. si filius, C. famul. *exis.*

Ad L.V. de Censibus.

Cum possessor unus, expendendi negotii causa, tributum jure conveniretur, adversus ceteros, quorum aequae praedia tenentur, et, qui conveniunt, actiones a fisco praestantur: scilicet, ut omnes pro modo praediorum, pecuniam tributum conferant, nec inutiliter actiones praestantur, tametsi fiscus pecuniam suam recuperaverit, quia novum venditorum pretium acceptum videtur.

Plures sunt in uno vico vel territorio possesores praediorum: fiscus tributorum jure; quae universa praedia ejus vici debent pro rata, unum ex vicinis sive rusticanis, qui locupletissimus erat, elegit & convenit in solidum pro universis possessoribus, expediendi, ut ait, negotii causa, pour avoir plus tôt fait, pour expedier, ne destringeretur in plures, ut in l. 3. §. apparet, de administr. tut. l. ult. *sup. rem pup. sal. for. Tributorum*, inquit, jure, id est, eo jure, quo tributa omnia unius territorii jure suo fiscus, vel ab uno possessore exigere potest pro omnibus; quo jure etiam utimur hodie. Nec hoc valde, aut ne minimum quidem refragatur, l. 1. C. ut nullus ex vic. pro alt. lib. 11. jubemus, C. de omni ag. defer. eod. lib. l. nullam, C. de execut. *et exalt.* Id quod dixi tribui fisco jure tributorum, non refragatur his legibus. Quoniam hae leges, vel loquuntur de privatis debitis, ne unus pro alio conveniatur, non de publicis, non de onere publico tributorum, vel de injuriosa exactione unius ob tributa omnium, puta, quae fit non cessis, vel mandatis actionibus adversus ceteros ei, qui in solidum exiguntur. Causa tributaria quaedam praecipua habet, ut fisco tributa perfecti compensatio opponi non possit. Hoc sit primum lausertur, §. ut debitoribus, de jure fisci, ut in causa tributorum servi torqueantur in dominos, l. 1. §. in causa, *sup. de questio.* Quia, ut ait, in tributis sunt servi Reipubl. ex Demosthen. & Aeschynae, qui ea vocant *τὰς ἀπογραφὰς*. Ut item universa bona possessoris tributorum nomine tacite obligata sint, ut l. 1. C. in quibus causis pign. vel hypothecae, nec enim semper fiscus habet tacitam hypothecam, l. rescriptum, *sup. de pact. nisi ex suis contrahentibus*, lausertur, §. fiscus, de jure fisci. Item, ut in fisci potestate sit, qui alias electionem non habet, & arbitrium

A prius agendi hypothecaria, quam personalis, ex causa tamen tributorum possit prius agere hypothecaria, quam personalis, ut in §. ult. hujus legis. Et postremo, ut unum possessorem tributorum jure convenire possit pro omnibus, citra injuriam tamen: puta cessis ei, quem exegit in solidum suis actionibus, personali & hypothecaria adversus ceteros possessores, ut omnes pro modo praediorum, quae possident, pecuniam tributum conferant, l. in fraudem, §. qui pro alio, *sup. de jure fisci*. Facta cessio actionum, non videtur ille injuriam pati, qui exigitur pro omnibus: at dices, quod etiam dicit Pap. hoc loco, nullas habet fisci actiones quas cedere possit, quia solutis tributis pro omnibus, tollitur omnis obligatio? Denique inutilis est cessio actionum, quae nulla sunt. Quod utique verum est, si ex intervallo post solutionem cedentur actiones, non cedantur ex continenti, vel ante solutionem, non etiam si in solvendo conveniret, ut cederentur, & postea cessis sint, quia pretium potius venditarum & cessum actionum ex causa venditionis solutum, quam actiones fiscales perempta videntur, ut in l. Modestianus, *sup. de solution. l. cum pupillus, sup. de tut. et not. dist.* Et ita respondit recte Papinianus hoc loco, ac subtiliter. Sequitur in hac lege.

Ad §. Qui non habita, & §. ult.

Qui non habita ratione tributorum, ex causa fideicommissi praedia restituitur; actionem ex D. Pii Antonini licet habent, quam legato quoque soluto locum habere voluit. Pro pecunia tributum, quod sua die non redditum, quo minus praedium jure pignoris distraheretur, oblata moratoria cautio non admittitur. Nec auditur legatarius contradicens ob tributa praeteriti temporis, quod heres solvendo sit, & is qui tributis recipiendis praepositus fuerat.

Heredi, qui ex causa fideicommissi vel legati, praedia restituit, vel solvit fideicommissario, vel legatario, non habita ratione tributorum, praetoriturum scilicet id est, non exacta a legatario cautione solvendi tributum, quod jam praedia fisco debere coeperant, heredi, inquam, hoc casu in legatarium ex rescripto D. Pii Antonini competere actionem, id est, conditionem indebiti. Actio hic simpliciter est conditio indebiti, ut in l. 3. *sup. rem ratam haberi*. Quod & ibi diximus. Heredi igitur in legatarium competere conditionem indebiti, quasi plus debito solverit, qui solvit non exacta cautione indemnitate, ut l. si quis a fideicommissario, *sup. de condit. indebit.* Ante rescriptum Dii Pii heres habebat tantum retentionem legati, non repetitionem. Ex eo sequitur, tributorum praetoriturum nomine heredem, qui praedia non possidet, quo solvit legatario, a fisco conveniri posse omisso legatario, qui praedia possidet, quia scilicet ea praedia heres possidet eo tempore, quo dies tributorum cessat, & ea debere coepit, antequam solveret legatario, l. cum servus, §. heres, de legat. 1. Denique heres a fisco conveniri potest personali actione: verum potest & fiscus, si hoc malit, ut in §. ult. hujus legis, legatarium, qui praedia possidet, convenire actione hypothecaria, etiam si heres solvendo sit, vel succesor tributorum, qui in eis exigendis remissior, aut tardior fuit. Itaque ex causa tributorum potest, si velit, fiscus prius agere hypothecaria, quam personalis, & eligere quam voluerit actionem: nam & leges, quae fisco adiungunt electionem, non loquuntur de causa tributorum, sed de aliis causis, ex quibus fisco quid deberetur, l. Modestianus, *sup. de jure fisci*, l. 1. C. de conven. fisco, deb. lib. 10. Non auditur etiam legatarius, cum quo fiscus agit hypothecaria ob tributa praeterita, si offerat cautionem de indemnitate, & de solvendo tributo, si id sorte fiscus servare non poterit ab herede. Cur non auditur offerens cautionem? quia offerre ejusmodi cautionem subterfugere est & indicari fiscum. Hac cautio, quae offertur frustratoria & moratoria est, id est, trahit & moratur negotium fisci. Deo optimo maximo sit laus, hic est finis responsorum.

Tē dīs dīgē.

JACOBI



JACOBI CUJACII J.C.

IN LIBRUM PRIMUM

DEFINITIONUM

ÆMILII PAPINIANI COMMENT.

Anno 1580.

Ad L.L. ff. de Legibus.

Lex est commune preceptum, vivorum prudentium consultum, delictorum, quæ sponte vel ignorantia contrahuntur, coercitio, communis Reip. sponso.



IN Libris Definitorum Papinianus proposuit, & accurate interpretatus est varias regulas juris antiqui, nec obsoleti tamen: nam Definitiones vocat regulas juris, & sententias generales, ut in *l. 1. de reg. Cat.* Regula Catoniana vocatur definitio, quæ dicitur, ea quæ ab initio in testamento inutiliter relinquuntur, ex post facto non convalescere. Et in *l. mora, de usur.* ex lib. 4. Regula Martiani, proposita hac regula, moram ex persona fieri, non ex re, id est, interpellatione debitoris, non ex solo tempore tardæ solutionis: subjicitur, huius rei difficile esse definitionem, id est, eam regulam lubricam & periculosam esse, ut de qualibet juris regula traditur in *l. omnis definitio, de reg. jur.* quia nulla est regula in jure civili perpetua, nulla quæ non aliquando vitari, labefactari, & subverti parte aliqua possit: quia jus constituitur de singulis rebus, sive causis, & singularem causarum nulla est notio, sive definitio certa, ut ait Aristot. Ad definitionum nomine Papin. in hoc significat usum esse, unus locus satis indicat ex lib. 2. *l. cum ex pluribus, de solut.* in qua proposita regula, quæ ordine componit causas, in quas indistincte solum ab eo, qui debuit ex pluribus causis, prius potiusque solutum esse intelligitur, subjicit eum ordinem fecisse, & ita definitivæ veteres lib. 2. definitionum. Proponuntur ergo his libris definitiones, sive regulæ veterum prudentum, quorum prudentia semper majore in pretio habita sit: vel ut etiam ait in eod. lib. in *l. in tabulis, de statulib.* proponuntur jurisprudentum veterum auctoritates: nam hæ auctoritates veterum regulas juris fecere. Et apud L. Rufinum 2. *reg. in l. 74. de heredib. institut.* auctoritas Galli Aquilii regulam fecit, introduxitque, quæ fuit probata ab Aquilio, ac deinceps ab omnibus, ut qui solus heres institutus est excepto fundo, vel usufructu, pro eo habeatur, ac si ex asse simpliciter heres institutus fuisset sine ulla exceptione. Auctoritas Aquilii vete-

Aris Jurisconsulti hanc regulam introduxit. Proponuntur igitur his libris regulæ juris veteris, nec tamen mortui, non juris novi: Nam & ita titulus ultimus Digestorum est, *de diversis regulis juris antiqui*, non novioris, quod nondum exibat, nondum exierat: & ponitur ille tit. in calce Digestorum, quod servandum, ut definitiones Papiniani post quæstiones, & responsa ultimo loco, quia regulæ juris sunt juris colophones, ut Epicurus quoque canones suos vocabat colophones, auctore Laertio, ut non plane sit statim a primo studio juris præposere danda opera regulis, quæ etiam desiderant, eruditissimum interpretem. Ab hac vero significatione Definitionum, quam sequi Papin. dixi, non te dimoveat, quæ prima est ex lib. 1. *defin.* lex proponitur, nempe *l. 1. de leg.* quamvis nihil aliud contineat, quam definitionem legis dialecticam, non regulam juris. Nam neque novum neque absurdum est, libris regularum inferi definitiones dialecticas, quibus demonstretur, *quæ rei in vias*, cuiusque rei, de qua regula est, quam enarrare juris auctor instituit. Inferi etiam definitiones nominum, quæ veriloquia dicuntur, in quib. J.C. tanquam Stoicos mirum in modum sibi placuisse compertissimum est, ut *lib. 4. reg.* Marcianus definit, quid sit sanctum, & unde dicatur, *l. sanctum, de rer. divis.* Invenies & in *tit. de reg. jur.* definitionem hereditatis ex arte confectam, quæ breviter complectitur hereditatis propriam potestatem: *hereditas*, inquit, *est successio*, &c. Invenies & in *lib. 1. Reg. Modest.* definitionem matrimonii, *l. 1. de rit. nupt.* & definitionem acceptilationis in *l. 1. de accept.* acceptilatio est per mutuum interrogationem, &c. Invenies etiam *lib. 1. defin.* Ulpian. definitionem Iuditiæ & jurisprudentiæ, *l. 10. de iustit. & ju.* Et in his ipsis libris Papin. non tantum legis definitionem, sed juris civilis, & juris Prætorii, *l. 7. eod. tit.* Invenies etiam in iisdem lib. divisionem actionis, petitionis, persecutionis, id est, divisionem actionis in actionem, petitionem, persecutionem, *l. 28. de oblig. & act.* & in libris regul. quos alii composuerunt alias præterea divisiones actionum, *l. 52. eod. tit.* divisiones servitutum, *l. 1. de servit.* divisiones adoptionum, *l. 1. de adop.* Cujus enim rei regulam juris auctores proponere constituant, & interpretari, ea res prius quid sit absolute, & breviter explicant, quæque sint ejus rei species: deinde proposita regula etiam singulis verbis ejus aptant exempla & interpretationes; nec omittunt regulæ extensiones sive ampliationes, nec vitia vel exceptiones, ut patet ex *l. 40. ff. de cond. indeb.* in qua ex libris regul. proponitur regula

la primum, deinde extensiones, & similiter exceptiones, l. 7. de jur. codicil. l. 31. conjuncta l. 37. de adopt. l. 119. de leg. 1. l. ult. ex quibus causis major. Quamobrem non omnes leges, quae sunt ex libris definitionum, vel regularum, vel *regulae*, ut Quintus Mutius Scaevola inscribit suos, sunt regulae, sed notae potius ad regulas, vel amplificationes, vel exceptiones magna ex parte, vel interpretationes.

Definitio autem legis, quae prima ex primo libro definit. Papin. datur, haec est in l. 1. de legib. *lex est commune praecipuum*, &c. quam definitionem esse ad verbum e verbo expressam ex Demosthene, quod Marcianus subiicit in l. 2. aperte demonstrat. Nam, inquit, sic Demosth. orator definit, *νόμος ἰσότης*, &c. Loc. Demosth. est in orat. in Aristogitonem. Sed Marcianus omisit in l. 2. quod eo loco dixerat Demosth. legem esse *καὶ πρὸς τὰς ἀλλὰς*, & Papin. verit. commune praecipuum, quae verba deinde latius idem Demosth. interpretatur: *πᾶσι τοῖς ἰσὸς οὖν, ὅτι οὐκ ἔστιν ἑκαστῶν ἀλλὰ πᾶσι τοῖς ἰσὸς*, ut in eadem civitate versantur. Hoc est commune praecipuum, Capito antiquus JC. dixit. generale iussum: quibus verbis demonstratur, quod ait lex 8. hac tit. iura, non in singulas personas, sed generaliter & communiter constitui. Ergo his verbis separatur lex a privilegiis, non a jure singulari, quod definitur in l. 6. hoc tit. nam & ipsum jus singulare, quod dicitur commune ius, commune praecipuum est, sed singulare dicitur, quod sit contra subtilitatem, contra rigorem juris ex utilitate & aequitate profuturum, & receptum in civitate: communiter quod sit *παρὰ τὴν ἀρχήν*, ut jus singulare SC. de assignandis libertis, quod quis negaverit esse ius commune? Jus singulare conditionis furtivae, quae contra rigorem juris dominus condicere rem suam, ius singulare libertatum. Sequitur in definitione, *virorum prudentium consilium*, ut Demosth. *ὅθεν φησὶν ἀρχαῖοι*. Sequitur, *delictorum*, quae sponte vel ignorantia contrahuntur, coercitio. Demosth. *ἐν αὐτοῖς τοῖς νόμοις τὰς ἐπινοίας τῶν ἀρχαίων ἀπορρήτων*: nihil refert dixeris coercitio, aut correctio: nam coercitio quid aliud est, quam correctio & castigatio. Illi, qui in hac definitione Papin. reponunt correctio pro coercitio, quod Demosth. dixerit *ἐν αὐτοῖς νόμοις*, quam non magna aut insipida cervix sunt. Lex igitur coerced non tantum, quae consulta opera & dolo malo, sed plerumque, quae per ignorantiam admittuntur, coerced culpam, & errorem, & casum. Quod patet ex l. 2. in fi. de term. motu: ubi ait, nominatim eum, qui per ignorantiam lapides finales, qui existimabantur esse sacri, abstulerit, verberib. coerceri, & Lult. §. Divi quoque fratres, de publican. eum, qui per errorem in commissum incidit, vestigal in duplum fisco aut publico dependere, si commissas ipso iure merces recipere velit, & L. eum qui, C. ad l. Corn. de sicar. & Novella Valent. de homicidio casu facto: quo iure utimur, eum, qui casu homicidium fecerit puniri, nisi propere veniam meruit, non simplici rescripto Principis, sed adnotatione principis, qui scilicet manu sua subscripserit: & L. qui ades, de incend. ruina, &c. ex 12. tab. eum, qui ades aut accervum frumenti combusserit casu quodam, teneri in duplum, vel extra ordinem coerceri. Coercetur ergo legibus non tantum conscientia, sed etiam ignorantia. Et lege Dei omnipotentis sex civitates eliguntur exiliis eorum, qui non sponte, sed per ignorantiam, vel jactu lapidis, vel impulsu manus, si telum manu fugerit magis, quam jecerit, ut erat scriptum in antiquis actionibus vel eorum, qui joco, aut lascivia citra inimicitias, infelicitate magis, quam voluntate peccarunt, & tamen non sunt sine crimine: etiam error crimen est, quia lege Dei relegantur in perpetuum in eas sex civitates, tres cis Jordanem, & tres ultra Jordanem. Qua de re latius Hieron. adversus Pelagianos. Et relegationis quoque eius, qui per lasciviam alii mortis causam praebuerit, dum sago eum jactat, exstat exemplum in l. 4. §. 1. ad l. Corn. de sic. Recte igitur Papinianus ait, legem esse coercionem delictorum, quae sponte, vel per ignorantiam contrahuntur. Et postremo

A addit, *communis Reip. sponso*. Demosth. *νόμος συνδικη*, *νόμος*, Arist. saepe in Rhet. & in Polit. *ἡσυχία*, & *ἡσυχία* *νόμος* *νόμος*, & similiter Dion. Hal. *νόμος* *νόμος* *νόμος*, leges esse communes sponsores, sive conventiones *Rerumpublicarum*. sive *civitatum*, non partis eorum, qui civitates incolunt, lex enim est commune praecipuum, commune sponso omnium: & recte l. de quibus, ubi leges nulla alia ex causa nos temere, quam quod populi iudicio receptae & usu probatae sunt, id est, communi sponso populi: & idem ipse Arist. 2. Polit. *ὁ νόμος ἀδίκους βίβη ἔχει πρὸς τὸν δίκαιον* *νόμος* *νόμος*, id est, lex nullam vim habet, quae compellat homines, ut sibi pareant, nisi eam quam assumit ex more recepto, ex consuetudine, quae non convalescit, nisi diuturno tempore: atque adeo recte Demetrius, *legem nihil aliud esse, quam consuetudinem scriptam, consuetudinem autem esse legem non scriptam*, illiteratam: *ὁ νόμος συνδικη* *ἐγγραφός*, *συνδικη* δὲ δὲ νόμος *ἐγγραφός*.

Ad L. V. de Transactionibus.

Cum Aquiliana stipulatio interponitur, quae ex consensu redditur, lites, de quibus non est cogitatum in suo statu retinentur: liberalitatem enim capiosam interpretatio prudentum fregit.

Sciendum est, acceptationem non omnem tolli obligationem, sed eam tantum, quae verbis contracta est, veluti per stipulationem, vel per iuramentum, l. 4. de transact. l. 1. & per iuramentum, inf. de acceptil. vel olim per ditionem dotis, aequae solemnibus verbis conceptam, cuius exempla multa sunt in tit. de jur. dot. Nam verba illa, quae in illo tit. occurrunt frequenter, *prædicia illa*, vel tot millia doti tibi erunt, sunt ex formula ditionis dotis. Cur autem per acceptationem tantum tollitur verborum obligatio? quia acceptatio verbis fit, exempli gratia, *acceptum feris? acceptum fero? acceptum habes? habeo. Acceptum facis? facio*. Et sic obligatio constituitur per stipulationem, & sic liberatio per acceptationem, & utrumque fit verbis solemnibus. Verbis autem tolli non potest, nisi quod verbis contractum est, l. 1. §. *acceptum, de acceptil.* juxta id, quod definitum est in l. prout 80. ff. de sol. prout quidque contractum est, ita & solvi debere, nimirum, ut eo genere absolvamur, quo nos obligamus, quod naturae congruit omnimodo. Nec enim vincit solvi potest, si quod aliud vinculum quævis alium nodum solvas, quo ipse devinctus non est, si alio vel nullo: sed si tantum eum nodum solvas, quo vincit ipse tenetur, & eo modo quo eum colligasti, sed contrario: eodem modo tollitur obligatio, quo contracta est, eodem in genere, scilicet, sed contrario tamen: ut ex Aristotele intelligimus, contrarium eandem esse vim, sed contrarium tamen: at si quis velit etiam re, aut consensu, aut litteris, non verbis contractas obligationes per acceptationem perimere, remedium, & cautio ea uti debet, quam invenit Gallus Aquilius Juris. ut eas obligationes, quae re aut consensu, aut litteris, non verbis contractae sunt, novet, & immutet in verborum obligationem interposita stipulatione, quae ab inventore Aquiliana dicitur, cuius formula extat in Instir. & in l. uno, §. 1. inf. de acceptil. ac deinde stipulationem ipsam Aquilianam perimat subdita acceptatione, ut in l. 4. hoc tit. Remedio novationis Aquiliana omnis obligatio quomodocumque contracta acceptatione tollitur, licet nihil solutum sit. Hoc enim E distat acceptatio ab apocha: nam acceptatio liberat, etiam si pecunia soluta non sit: apocha, id est, professio solutæ pecuniae non aliter liberat, quam si & revera soluta sit, l. 19. de acceptil. l. 13. C. de solu. Differentia inter apocham & acceptationem maxime notanda est. Ignoratio ejus Ludovicum Regium, virum eruditissimum nostra memoria senatu exclusit, ac postea dolore repulsa totus fuit in philosophia abdidit, & in ea consuevit. Soter autem Aquiliana stipulatio subijci pacto convento de non petenda pecunia, Lult. C. de acceptil. Et notandum maxime consilium quod dat Paulus in l. 1. pactus,

paſtus, hoc ſit. ut paſto de non petenda pecunia non tantum ſubſciatur ſtipulatio Aquiliana & acceptatio, ſed etiam ſtipulatio pœnalis, ſi creditor frerit & ruperit fidem paſti, ut in *l. pen. h. e.* Cui utile eſt ſubſciere utramque ſtipulationem, ut ſcilicet, quod offendit *d. l. paſto*, reſciſſo paſto de non petendo, & quæ id paſtum ſubſequuta eſt, reſciſſa ſtipulatione Aquiliana & acceptatione, forte beneficio reſtitutionis in integrum, tum ex altera ſtipulatione pœna peti poſſit, antequam agatur iudicio reſtitutorio & reſciſſorio, quæ alioquin nulla peti poſſet, ſed impune liceret reſlire a paſto beneficio reſtitutionis. Conſultus igitur eſt utramque ſtipulationem paſto ſubſciere, ut ſi hoc malit debitor, exigat pœnam. Nam in ejus poteſtate eſt, utraque ſtipulatione interpoſita, ut vel ſe quali ipſo jure liberatum per acceptationem defendat, atque adeſcat, vel ac ſi non liberatus, perſequatur pœnam, & deinde ſubeat iudicium reſtitutorium, quæ eſt ſententia *l. ubi paſtum*, *C. eod.* Formula autem ſtipulationis Aquiliana generaliter concepta eſt, ita ut omnes omnino præcedentes obligationes nover: *Quidquid ſe mihi, ex quacunque cauſa dare, facere oportet præſens, in diemve &c.* ut, inquam, omnes nover, & ſedim ſubdita etiam generali acceptatione: *Quodcumque ego ſibi promiſi ſtipulatione Aquiliana, habes ne acceptum? Habeo acceptum.* Fateor ſtipulationem aliquam Aquilianam & acceptationem fieri poſſe in ſpeciem & partem tantum *l. 3. C. eod. ſit.* At ſi facta ſit generaliter, ut compoſita eſt a Gallo, dico per eam omnes præcedentes obligationes novari, & acceptationem ſubſculta perimi, ut in *l. actione*, *h. ut reſponſum*, *l. ubi paſtum*, *C. eod. ſit. l. 13. C. de ſolut.* Et hoc pro regula tradi in *l. quæ præcedit*, apparet ex eis verbis, & hoc jure utimur. Ex jure, quo utimur, plerumque regula ſit: regula ergo proponitur in *l. 4.* In hac autem *l. 5.* proponitur hujus regule interpretatio, quæ docet, eam regulam eſſe accipiendam de ſis tantum obligationibus, de quibus actum eſt, ut debitor ſtipulatione Aquiliana, & acceptatione remitterentur, ut *l. 6. D. de acceptil.* non de obligationibus, de quibus non eſt cogitatum, puta, qua ignoraret ſis, qui interpoſuit Aquilianam ſtipulationem, vel acceptationem, ut & de paſtis dicitur in *l. o. §. qui per fallaciam*, & *§. ſeq. hoc ſit. l. res fratres 35. ſup. ſit. prox.* & ubique ratio eadem eſt in ſtipulatione Aquiliana, quam in paſtis. Nam & ſtipulatio Aquiliana ex conſenſu redditur, ut ait Papinianus hoc loco, id eſt, ex conſenſu interponitur & datur, ut *l. 1. §. pen. ſup. ſit. prox.* Cautio vel ſtipulatio, ut dari, & reddi dicitur recte. Nam & reddere per ſe dandi ſignificationem habet, & cavere ſtipulanti nihil aliud eſt, quam ſatisfacere vel reddere. Quia ergo ex conſenſu redditur ſtipulatio Aquiliana, id eſt, quia ſaſſidatur ex conſenſu: ergo in eam veniunt hæc tantum obligationes, in quas conſenſum eſt, quamvis ſtipulatio Aquiliana ſit generaliter concepta: ceteræ obligationes, in quas conſenſum non eſt, in ſuo ſtatu manent. Et ita ſuperiorem regulam veteres prudentes interpretati ſunt, & ea interpretatio, ut eleganter Papinianus ait, *captioſam liberalitatem fragit*, captioſum omnem, quæ erat in generali ſermone, amputavit: captioſa eſt generalis ſtipulatio Aquiliana, & acceptatio, captioſa liberalitas, ſi ejus ſermo generalis ſpectetur, non mens & cogitatio creditoris, quandoquidem ita creditor caperetur, deciperetur; incideret in fraudem, ut in *l. quæro*, *inf. de act. emp.* Obſervandum eſt, liberalitatem vocari decationem litium: & proprie quidem liberalitas eſt, ſi Aquiliana ſtipulatio & acceptatio intervenierit donationis cauſa, ut in *l. 1. hoc ſit.* qui, inquit, donationis cauſa rem certam & indubitatum remitti liberalitate. Nam ſi non liberalitas, ſed tranſactionis cauſa lites ſunt deductæ in ſtipulationem Aquilianam, ea non eſt plena liberalitas, quia tranſactione non remittuntur lites, niſi aliquo dato, vel promiſſo, vel retento, *l. tranſactio*, *C. eod. ſit.* conjuncta *l. 3. C. de repul. hered.* Aliud eſt donatio, longe aliud tranſactio, *l. ſi uno*, *inf. loc. l. quidam 29. §. 1. inf. de donat. l. tutoris §. ab eo*, *inf. de admin. tut.*

Ad L. XXXVII. & XXXIX. de Reb. creditis.

Cum ad præſens tempus conditio conſertur, ſtipulatio non ſuſpēditur, eſſi conditio vera ſit, ſtipulatio tenet, quamvis tenere contrahentes conditionem ignorent. Veluti ſi Rex Parthorum vivit, centum dare ſpondeo? eadem ſunt, & cum in præteritum conditio conſertur. Itaque tunc poſſet conditio obſtinere, cum in futurum conſertur.

IN hac *l.* proponitur regula juris, quam Modeſtinus propoſuit *4. Regularum l. 100. de verb. obligat.* Regula hæc eſt: conditionem collatam in præſens vel præteritum tempus, ſub qua facta eſt ſtipulatio, non ſuſpendere ſtipulationem, non diſſerre, non morari obligationem, quod eſt eam conditionem non habere conditionis poteſtatem propriam. Nam conditionis propria & præcipua poteſtas, eſt ſuſpendere, diſſerre, morari. Hanc poteſtatem non habet conditio, quæ reſertur ad præſens vel præteritum tempus. Ergo non eſt proprie conditio: Conditionis definitio hæc eſt: *conditio eſt cauſa, quæ ſuſpēdit actum, quoad ex poſt facto conſirmatur.* Hæc definitio cadit tantum in conditionem, quæ in futurum conſertur, veluti, ſi navis ex Asia venerit, non cadit in eam, quæ conſertur in præteritum, veluti, ſi *Lucius Titius Conſul fuit*, vel in præſens, veluti, ſi *Lucius Titius Conſul eſt*. Ergo ea, quæ conſertur in præſens vel præteritum tempus, proprie conditio non eſt: & definitio conditionis in eam non cadit, quoniam ſtatim verum aut falſum eſt, *L. Titium fuiſſe Conſulem*, vel *Conſulem eſſe*, ut Diſſecti dicunt, omnem affirmationem aut negationem conceptam in præſens aut præteritum tempus, ſtatim veram aut falſam eſſe. Ideoque ſi conditio concepta in præſens tempus, veluti, ſi *Lucius Titius Conſul eſt*, ſi *Rex Parthorum vivit*, ſi *navis in portu ſtat*, ſi falſa ſit tempore interpoſitæ ſtipulationis, ſtatim nulla ſtipulatio eſt: Si vera ſit, ſtatim tempore interpoſitæ ſtipulationis, id eſt, ſi *Titius Conſul ſit eo tempore*, ſi *Rex Parthorum vivat*, ſi *navis ſtet in portu*, ſtatim ſtipulatio tenet, neque ejus effectus, five emolumentum, five obligatio vel petitio ullo modo diſſertur, quamvis contrahentes rei veritatem ignorent, quamvis neſciant conditionem veram eſſe, *l. 28. de verb. obligat.* quia non ſpectatur, an illi ſciant conditionem tenere & deberi, ſed an alii homines ſcire poterint, vel an hominum natura ſcire poterit deberi, ut *Scevola* ait in *l. ſeq.* & debitu iri, ut ait idem *Scevola*, hoc eſt, debitum iri ſtatim, ſi ſub ea conditione contrahentes concipiant ſtipulationem: ſic enim illud *debitu iri* accipiendum eſt: ſi ita concipias ſtipulationem ſcilicet, quam nondum concepisti. Nam ſi jam concepisti ſtipulationem, ſatis eſt, quod hominum natura ſcire poteſt, jam deberi ex ſtipulatione pecuniam, quod conditio ſit vera: in hominum rerumque natura præterita & præſentia omnia ſunt certa, non etiam futura, niſi quæ futura ſunt, jam coeperint fieri & in formari; ut ſtatim atque mulier concepit, in rerum natura certum eſt, quot naſcitur ſunt. Et hoc eſt quod ait *l. ſed eſſi reſtituatur*, *§. 1. ſup. de judic.* in rerum natura omnia eſſe certa, cum futura utique fierent, proculdubio omnia præſentia, & præterita in rerum natura ſunt certa, ſed & futura cum fierent, inſerentur & informarentur, certa jam ſunt in rerum natura, non antequam fierent. Et bene in rerum natura: nam cognitio rei futuræ non eſt certa in hominum natura, quandoquidem eſt ſupra captum hominum, cognitio præſentis vel præteritæ rei non ſuperat captum hominum. Et ſerva diligenter, quod in hominum natura certum eſt, & in rerum natura certum eſt: e contrario tamen, quod in rerum natura certum eſt, ut quotus factus ſit in utero prægnantis mulieris, non eſt etiam certum in hominum natura: & hæc eſt ſententia *d. §. 1.* Effectus autem ſuperioris regule pertinet non tantum ad ſtipulationes conditionales, & quaſi conditionales, ſed etiam ad multa alia. Nam & qui petit ex ſtipulatione facta ſub conditione

collata in præsens vel præteritum tempus, etiam si ignoret, si teneat conditionem, plus non petit: qui ex stipulatione facta sub conditione collata in futurum tempus, plus petit, l. 36. hoc tit. si agat antequam cognoverit, aut certum sit, conditionem extitisse. Hæc dicitur proprie conditio, siue stipulatio conditionalis, quæ confertur in futurum. Illa quæ confertur in præsens vel præteritum, dicitur quasi conditio, vel quasi conditionalis stipulatio, & ut Græci loquuntur, *ἀποκρίσιμος*, non est *ἀπὸ τοῦ*. In conditionalis spectatur scientia nostra, non naturæ: in quasi conditionalis naturæ, non nostra. Cujus differentia auctor est Stephanus hoc loco. Quasi conditionalis stipulatio novat priorem obligationem, si vera sit conditio, quia pro pura habetur: conditionalis autem non novat statim priorem obligationem, ut l. 36. hoc tit. l. quotiens, de novation. Sub quasi conditione filiofamil. a patre herede instituto, iustum testamentum est: Sub conditione injustum quasi præterito filio suo, l. institutio, §. ult. de condit. institu. Sub quasi conditione herede scripto in posteriori testamento, superius rumpitur statim, si vera sit, aut non rumpitur, si falsa sit: Sub conditione autem non potest statim constitui superius testamentum ruptum sit, necne, quia ejus eventus in dubio est, sit an non sit, l. cum in secundo, de inj. rupt. test. Item sufficit patrono, si sub quasi conditione heres instituitur, non si sub conditione, l. 3. §. si patronus, de bon. libert. Sub quasi conditione relicto legatum transmittitur in heredem, non relicto sub conditione. Et, ut idem Stephanus addit hoc loco: usura in stipulationem deductæ quasi conditionalem, statim currere incipiunt, non si deductæ sint in stipulationem conditionalem, quæ proprie conditionalis dicitur, non *κατὰ χρόνον*: Ut illa confertur in præsens vel præteritum tempus.

Ad L. LXXIV. de Contrahenda emptione.

Clavibus traditis, ita mercium in horreo conditarum possessio tradita videtur, si claves apud horrea tradita sunt: quo facto confestim emptor dominum & possessionem acquiritur, etsi non aperuerit horrea: quod si venditoris merces non fuerint, usucapio confestim inchoabitur.

Nemo est, qui nesciat, a venditore ejus rei, quam vendidit, fieri debere traditionem possessionis vacuæ, non occupatæ ab alio, aut impeditæ: & non tradentem teneri actione ex empto: & tradere nihil aliud esse, quam possessionem cedere rei venditæ, & transferre in emptorem, quo genere transfertur etiam dominium rei in emptorem, si venditor dominus sit, si non, præstatur occasio usucapionis emptori bona fide accipienti, dominium non transfertur, quod non habuit venditor, qui rem tradidit, l. traditio, de acquir. rer. dom. l. qui rem alienam, de mort. caus. donat. Traditio autem fit non tantum naturaliter re mobili data de manu in manum, vel emptore inducto in possessionem prædij, sed fit etiam multis aliis modis civilibus, non tantum sit naturaliter, ut dixi, sed etiam civiliter aliis modis, quibus res non tradita naturaliter, fingitur esse tradita, quorum unus proponitur in hac lege, aptandus, ut arbitror cum aliis ad generalem illam definitionem, quam initio posui, de possessione rei venditæ a venditore tradenda emptori: modus autem qui in hac l. proponitur, hic est, si venditor venditis mercibus, quæ in horreo repositæ erant, claves horrei tradiderit emptori: si vendito vino, quod erat in cella vinaria conditum, in horreo vinario, claves horrei tradiderit emptori, licet emptor non aperuerit horreum: sola clavium traditio pro mercium, aut vini traditione habetur, ut etiam demonstratur aperte in l. 2. C. de peric. & comm. rei vend. l. 1. C. de crim. expil. hered. Ideoque traditis clavibus horrei, in quo est merx, quæ venit, statim in emptorem transfertur possessio mercis, & per hanc dominium mercis, siue venditor ejus dominus fuerit, & solum etiam sit ei pretium, aut eo nomine satisfactum, aut ab eo fides ha-

bita de pretio, alioquin dominium non transfertur, antequam de pretio ei sit cautum aut satisfactum, l. 19. h. tit. vel si venditor mercium dominus non sit, in emptorem transfertur possessio, & præstatur ei occasio usucapionis merces alienas, quoniam statim emptor usucapionis conditionem inchoat: statim incipit usucapere, ut loquitur l. 1. de adq. poss. Traditionibus & usucapionibus dominia rerum acquiruntur, l. traditio, C. de pact. traditionibus, si factæ sint a domino ex justa causa, iustoque titulo: usucapionibus, si traditiones factæ sint a non domino. Et traditionibus, jure gentium: usucapionibus jure civili. Verum, ut ostenditur hoc loco, ut clavium traditio, pro traditione mercium habeatur, necesse est, claves tradi apud horreum, in quo sunt merces venditæ, in re præsent, in conspectu horrei, alioqui clavium horrei traditio non habetur pro traditione rerum, quæ sunt intrus, quæque venierint: præstatur est claves tradi ob horreum, ante horreum, in re præsent. Et ita columnarum venditæ, quæ propter magnitudinem ponderis vix loco moveri possunt, ita demum traditæ videntur, si in re præsent, siue in rem præsentem conferent contrahentes emptor & venditor, & dixerit venditor: eae columnas tradere emptori, ut eas tolleret & asportaret cum vellet. Vel etiam fundus venditus, in quem emptor nondum inductus est, non aliter traditus videtur, etiam si dixerit venditor, se eum tradere, quam si in re præsent dixerit, se fundi venditi possessionem tradere emptori, aut si prohibuerit ingrediendi emptori vim fieri, ut l. 1. §. pen. & l. quod meo, §. si vend. & l. pen. §. ult. de adq. poss. His omnibus modis possessio, cum res peragitur in rem præsentem, translata videtur in emptorem, & emptor videtur rei adquisisse possessionem non animo, non effectu solo, sed etiam corpore, perinde atque si apprehendisset merces, aut vasa vinaria, aut columnas, aut ingressus fuisset fundum. Et idem dicendum, si in re præsent mandatu emptoris procuratori ejus rei venditæ possessio tradita sit, quia & hoc casu emptor videtur adquisisse possessionem animo suo, & corpore, non corpore procuratoris: cum coram in re præsent iussit procuratori suo tradi, præsens ipse videtur scilicet accepisse non procurator. Potest possessio acquiri corpore alieno, hoc est verum, sed ita posita specie emptor videbitur eam adquisisse corpore, quia præsens in re præsent dicit, volente venditore, ut ingrederetur, vel eaperet possessionem rei venditæ, d. l. 1. §. pen. præsentia corporalis contrahentis: vel oculi emptoris, vice contrahentis, vice apprehensionis, vice *ἐπιχειρήσεως*, apph, funguntur: quo genere etiam hodie videmus beneficii Ecclesiastici possessionem queri, pro foribus adis sacre, actis ea de re confectis, aut procul e conspectu ejus fastigii, quod in eade summa tinnibulis relicto est. Sic in l. quarundam, eod. tit. dicitur possessionem traditam videri, & non solum animo, sed & corpore uti oportet questam videri, si empto acervo lignorum, si strue lignorum emptæ, aut emptis universis amphoris vini, quæ simul eodem loco composite erant voluntate venditoris, emptor is rebus custodem apposuerit, si voluntate venditoris, lignis & amphoris custodem apposuerit, vel etiam si venditor ipse, rebus emptorem custodem apposuerit, venditor rei venditæ custodiam præstare debet ante traditionem, l. 1. 2. & 3. de per. & comm. rei vend. Verum si a se custodia translationem faciat in emptorem, hæc translatio custodie nihil aliud est, quam translatio possessionis, & in fine d. l. quarundam, esse scribendum autumo, utrobique corporis genere quodam possessio estimatur, id est, utroque casu aut venditorum lignorum, aut amphorarum vini quodammodo corpore possessio quæstia videtur, licet custodia tantum translata sit in emptorem, & similiter is, qui emit materiam ad ædificandum, veluti trabes, aut tigna, si eas trabes, eave tigna voluntate venditoris signaverit, traditæ ei esse videntur, si vel signaverit eas, & suo quodam signo pernotaverit, l. quod si neque, in fi. de peric. & com. rei vend. Ubi recte Accurs. non exposita tamen ratione differentia,

nota-

notavit aliud esse dicendum in vino vendito, vino scilicet vendito, si emptor vasa vinaria signaverit, vinum traditum non videri. Hoc verissimum esse arbitror, siue vinum jam degustatum sit & probatum, siue non sit degustatum. Primum si vinum degustatum non sit, quamvis vasa vinaria signaverit emptor, vinum traditum non videtur, quia nondum perfecta venditio est, l. 1. §. 1. de per. & com. rei vend. Et ideo periculum vini ad venditorem pertinet, non ad emptorem, si vinum acefcit, vel mucefcit, vel effundatur forte pertusis vasis. Et quamvis traditio posset precedere emptionem venditionem, l. siue autem, §. 1. de Public. in rem act. tamen id agi non videtur, ut quis tradat antequam vendat, aut perficiat venditionem, nisi appareat evidenter, quoniam præposterum est. Denique signando vasa vinaria, emptor non videtur degustationi renuntiassc, non videtur vinum probasse, quod in iis vasis est. Itaque imperfecta adhuc venditio est, cum scilicet ita venit vinum, ut degustaretur, quod perurque fit & quod vix unquam fit aliter, ut ait l. 4. §. si averseione, eod. tit. Verum, si quando vinum veneat averseione, en gros, & en bloc, omne forte quod est in amphoris, ita, ut non degustetur, siue vasa sint signata ab emptore, siue non, perfecta emptio est, & vini periculum statim pertinet ad emptorem, l. qui officii, §. ult. h. tit. Quod si vinum degustatum sit, & post degustationem vasa emptor signaverit, Trebatius quidem dicebat, vinum traditum videri, ut de trabibus signatis diximus. Sed Labeo rectius, non idem esse statuendum in vino, quod in trabibus, aut lignis, quia trabes non possunt alio sine signari, quam ut tradita videantur: vasa vinaria signantur sigillo impresso in operculo, ne mutetur vinum potius, quam ut traditum videatur, nisi appareat eam fuisse mentem contrahentium, ut hac signatio pro traditione esset, quæ est sententia l. 1. §. si dolium, de per. & com. & c. quem §. accipio de dolo signato etiam post degustationem, quia de dolo signato ante degustationem jam dixerat paulo ante in §. 1. aliquin bis idem quasi iuncta scriptura frustra positum videretur, & in §. 1. ut certum, & in §. si dolium, ut controuersum. Et de hac quidem specie traditionis civilis hæcenus. Notandum etiam est, tradito instrumento originis siue emptionis fundi, le titre, quod etiam dicitur instrumentum auctoritatis in l. ult. C. de pign. att. tabellæ auctoritatis a Seneca: tradito, inquam, instrumento auctoritatis fundi venditi, genere quodam, & possessio fundi tradita videtur, l. 1. C. de donat. l. pen. §. 1. de legat. 2. Et hoc quidem genere ut arbitror possessio fundi tradita videtur, etiam si non in re præfenti instrumentum emptionis fundi traditum sit, quia auctoritatem fundi habemus pro fundo ipso. Nam & similiter non exigimus rem præsentem, si dominus iubeat te rem suam, quam apud te habes, retinere jure empti. Nam et si hoc non iusserit in re præfenti, quia jam rem habes apud te, hic iussus domini pro traditione possessionis habetur, licet, ut dixi, non consenserit in re præfenti, l. si rem, in prin. de evic. l. 3. §. interdum, & l. si servus, inf. de acqui. possel. l. absenti, de donat. l. quidem, de rei vindic. Nihil refert relinquatur res apud emptorem, quam jam habet, vel ex causa depositi, vel commodati, an transferatur in eum possessio, l. 9. C. commun. utriusque jud. Idemque dicendum, si rem meam nomine tuo me volente in censum referas quasi tuam, vel si ego rem meam tuo nomine in censum referam; nam & hoc pro traditione cedit, etiam si census non fiat in re præfenti, l. 7. & 8. C. de donat.

Ad L. VIII. de Jur. & facti ignor.

Error facti nec maribus quidem in damnis, vel compendiis obest. Juris autem error nec feminis in compendiis prodest. Ceterum omnibus juris error in damnis omittenda rei suæ non nocet.

Definitio juris, quæ proponitur in l. regula, quæ sequitur, juris ignorantiam, cuique nocere, facti ignorantiam.

Arantiam non nocere, ad hanc l. 8. manifeste pertinet, quæ eam regulam latius interpretatur, & docet ignorantiam facti maribus aut feminis neque nocere in damnis amittende rei suæ, neque in compendiis adquirende rei cuiusque nobis delata ex causa lucrativa: hoc necesse est, ut appositis exemplis faciam evidenti. In damnis amittende rei suæ errorem facti non nocere, ut si errans in facto, nescius te servum meum esse, & a te quasi a libero homine pecuniam debitam exegi in iudicio, hæc ignorantia non efficit, ut tui dominium amittam. Denique quod te errans in facto olim habuerim pro libero, non ideo tui dominium amitto, l. non ideo, C. eodem sit. Item si filius, qui se abstulit hereditate paterna, quæ suspecta ei erat, maternam autem hereditatem agnovit, agrum paternum possideat veluti maternum, cum ignorat esse paternum, quod est ignorare factum, hæc ignorantia non efficit, ut filius videatur damnosam hereditatem patris agnovisse, utve sustineat incommoda hereditatis paternæ, l. 5. C. eod. tit. l. cum bonis, de acqu. hered. Item si pecuniam, quam existimabam me tibi debere, quam ignorarem alium me liberaffe, alium pro me tibi solvisse, iussu tuo alii promisero, cui id donare volebas. Hæc quoque ignorantia non efficit, ut pecuniam meam amittam, ut pecunia quam promisi mihi invito extorqueatur, l. Julian. de dol. excepti. Et hæc sint exempla de damnis. In compendiis autem adquirende rei cuiusque etiam errorem facti non nocere, ut si ignorans cognatum meum vita decessisse intestatum sine liberis & agnatis, non petierim bonorum possessionem unde cognati intra centesimum diem: hæc quoque ignorantia non me excludet commodo bonorum possessionis, neque efficit, ut cognita morte cognati bona ejus non adquiram, l. 1. hoc tit. Denique error facti neque in damnis neque in compendiis erranti nocet: & excipio tantum errorem, siue ignorantiam facti supinam, & dissolutam vitio & magna negligentia nostra quæsitam, ut in l. 6. hoc tit. ut in specie l. 3. in pr. si quid in fraud. patr. & l. Claudius, & l. filium emancipationem, ff. de acqui. hered. cum scilicet erat in potestate nostra, vel mediocri, aut minima adhibita diligencia cognoscere factum, quod eleganter Gracii vocant *varius modorum ignorancia*, cum erramus ut Arist. ait, cum erat in nobis diligentibus esse, & peritis facti facillimo negotio. In damnis male Accurs. utitur exemplo indebiti soluti per ignorantiam facti: nam si solvi indebitum, jam feci damnum rei meæ. Et quod dicitur in damnis errorem facti non nocere, de damnis futuris intelligitur, non de his, quæ jam contigerunt: errorem facti non dare nobis damnum, sed non restituere etiam nobis damnum, quod jam fecimus. Et in compendiis hoc exemplo uti convenientius est, quia si indebitum, quod solvi per errorem facti condicere volo, hoc ago ut adquiram denuo, quod amisi semel, nec tamen quo minus hoc agam solutumque condicam, mihi nocet error facti, quia nec in compendiis denuo acquirere volentibus nocet. Unde sic statuamus: si indebitum promisero, tuebor me errore facti ne solvam, ne pecunia promissa, nondum amissa damnum faciam: si indebitum solvero etiam tuebor me errore facti, quo magis id quod solvi & amisi, vel solutione alienavi, condicam, & mihi denuo adquiram: compendium facio, si adquireo quæ mea non sunt, licet quandoque mea fuerint. Damnum facio si quæ mea sunt, aut mihi debita (nihil refert) non recipio, aut non retineo: & error facti præstat utrumque ne damnum faciam, id est, ut meum retineam, vel recipiam, & ut lucrum faciam vel adquiram, quod amisi, quodve nunc primum mihi offertur ex causa lucrativa. Et hæc de errore facti, in quo, ut ostendi, non distinguuntur damna a compendiis. In errore juris distinguuntur damna a compendiis. Nam in compendiis volentibus scilicet acquirere maribus vel feminis juris error non prodest, id est, juris error nocet, & impedimento est: in damnis suum petentibus, aut retinere & servare cupientibus, juris error non nocet: exemplum in femina est apertissimum: si soluto matrimonio morte mariti dotem petat, non repellitur, quia rem suam

persequitur, etiam si non fecerit inventarium bonorum A
mariti ignara constitutionis Leonis 110. quæ hoc jubet.
At si persequatur lucrum nuptiale ex donatione propter
nuptias, repellitur, nec potest se tueri prætextu igno-
rantia ejus constitutionis, quia compendium captat, non
damnum præcavere tentat. Item si per errorem juris
femina antiquioribus creditoribus cesserit, & prius eis
satisfieri permiserit, dum ignara juris nescit dotium
causam esse præcipuam, & præferri aliis creditoribus
etiam antiquioribus, ab eis dotem suam revocabit, ne in
damno amittenda dotis suæ error juris ei noceat. Sin
autem lucrum nuptiale persequatur, in qua persecutio-
ne non habet eadem privilegia, quæ in dotis repetitio-
ne, l. assiduis, in fi. C. qui potior. in pign. Privilegium
tamen temporis commune eam habere constat, si antiquior
sit: at si forte per errorem juris non utatur privilegio
temporis in persequendo lucro nuptiali, & cedat impru-
dens, suta posterioribus creditoribus, eisque ante satis-
fieri permittat, nihil lucris nuptialis nomine eis auferri
potest, quia in lucris error juris non prodest, & hoc exem-
plo Harmonopolis utitur 1. Epitomarum, tit. 16. Sic
igitur statuamus: errorem juris neque maribus, neque
feminis nocere in damnis amittenda rei suæ, vel sibi
debita ex causa obligationis, ut in l. qua fideicommissa,
de leg. 2. exposita 11. Respons. l. 3. §. si quis ignorans, de
Senatusf. Syllan. l. ult. C. de juris & Jac. ign. In compendiis
autem errorem juris & maribus & feminis nocere, ut
puta, persequentibus lucra nuptialia, ut dixi. Itemque,
ut hoc aliis exemplis faciam manifestius, persequentibus
donationes actis minime insinuat, uti oportet,
hoc colore, quod imperitia lapsi eas non insinaverint,
l. 3. C. Theodos. de sponsal. Item ufucapere volentibus, l. 4.
hoc tit. ut ecce, neque mas, neque femina ufucapere po-
test quod a pupillo sine tutoris auctoritate emit per erro-
rem juris, dum putat valere emptionem, l. nunquam,
in prin. de usur. & ufucap. l. 3. §. si a pupillo, pro empt.
Item condicentibus indebita soluta juris error nocet: nam
neque mas, neque femina potest condicere quod indebi-
tum per juris ignorantiam solvit, ut in l. prox. §. pen.
& ult. l. cum quis, C. eod. tit. l. error, C. ad l. Falcid. quia
qui condicit quod solvit, id agit, ut adquirat quod
amisit, non ut quod suum est, non amittat. Denique solli-
citus est de lucro, non de damno. Erranti in jure subvesti-
tur, ne suum amittat, non etiam ne amiserit, ne damnum
faciat, non etiam ne fecerit: damna facta qui infesta fa-
cere studet, lucrum captat, non damnum futurum amittit.
Eademque ratio intervenit, si quis quid aliud damni fe-
cerit per errorem juris, ut si apud judicem errans in jure
inconsulta confessus fuerit, & ex confessione in damnum
inciderit, l. 2. de confess. videlicet si confessus fuerit in
jure vel in iudicio, quia confessio tantum facta in jure
vel in iudicio, fraudi & damno esse potest contenti, non
facta extra iudicium: quam distinctionem, an confessio
in iudicio facta sit, an extra iudicium, hoc loco Ac-
cursius inepte coarctavit ad regulam propositam. Nam
five quis in iudicio, five extra iudicium damnum passus
sit per errorem juris, obtentu ejus erroris non relarcie-
tur ei damnum quod fecit semel. Idemque est si quis
per ignorantiam Senatusconfulti Macedoniani pecuniam
suam amiserit, credendo eam filiosfam. l. 3. in prin-
cip. ad Macedon. Item si per ignorantiam juris duxerit
uxorem eam, quæ nondum eluxerat priorem maritum,
l. liberorum, §. ult. sup. de his qui not. inf. Error juris ob-
stat damno ne contingat, non etiam quod jam contigit,
restituit. Alioqui erranti lucro esset ignorantia juris. Et
eodem ratione error juris nocet petentibus bonorum
possessionem post tempora præstituta, hoc prætextu,
quod ignoraverint legibus bonorum possessioni petenda
præstituta esse tempora, l. 1. hoc tit. l. 3. C. eod. l. juris, C.
qui admitti ad. bon. poss. Itemque bona aut hereditatem
persequentibus, quam alio modo imperitia & stulticia
sua, id est, ignoratione juris amiserit, l. 2. eod. tit. l.
ult. C. qui petant. tut. Satis jam exemplorum habemus:
nunc adnotemus, ab hac definitione de errore facti &

juris, quam diximus promiscue locum habere in feminis
& maribus, excipiendi sunt quidam, quibus juris error
nec in compendiis nocet, aut in persecutione lucrorum
five acquisitionum: Neque enim nocet minoribus 25. an-
nis, five sint mares five feminae, l. 2. & l. quamvis, C. eod.
tit. non etiam militibus, l. prox. §. si filiusfamilias, hoc tit.
l. i. C. eod. tit. l. ult. C. de jur. deliber. Iis enim personis
jus ignorare permittum est. Quandoque etiam error
juris in compendiis rusticis non nocet, maxime si non
habuerint copiam Jurisconfulti, ut ait l. prox. §. sed jur. s.
Et hoc probatur etiam l. pen. C. qui admitti ad. bon. poss.
in Octavio: Agrestibus, inquit, non est datum intelli-
gere civilia, & ideo non dicitur eis ad id, ut dicitur, Non
nocet etiam nec in compendiis error juris captanti mo-
dicum compendium, ut in specie alibi a me exposita l. de
die, §. si servus, qui satisd. cogent. & l. 1. §. 1. ut in possess.
leg. Non nocet feminae, si ignara Senatusconfulti Libo-
niani sibi legatum adscripserit, quamvis non sit modicum
compendium legati, quia scilicet hoc ita nominatum
fuit expressum SC. Liboniano, ut parceretur feminae
ignoranti Senatusconf. alioqui amitteret legati emolumentum,
l. Drusus, §. pen. ad l. Cornel. de fals. Non etiam no-
cet feminae, si ignara juris sui seipsum detulerit fisco
quasi incapacem capiendi legati, quæ vere erat capax, l. 2.
§. ult. de jure fisci. Et hi sunt casus, quos significat lex
proxima, §. 1. dum ait, in quibusdam mulieribus etiam ad-
quirere volenti subveniri propter imperitiam juris: his per-
sonis & casibus, ceteris error juris in compendiis
nocet: in damnis, minime nocet. Huic postremæ sen-
tentia obicit Accurs. l. 2. C. de in jus voc. ubi ignorantia
juris coercetur damno & poena pecuniaria 50. aureo-
rum, si libertus irreverens patronum in jus vocaverit sine
venia prætoris, nihil est facilius. Regula de qua tracta-
mus, est de ignorantia juris civilis, legum civilium, Se-
natusconsultorum, edictorum, receptarum sententiarum
jurisprudentialium, de ignorantia, inquam, juris civilis om-
nibus cogniti vulgo, juris civilis propositi in albo, juris
civilis promulgati propalam. At d. l. 2. est de ignorantia
juris naturalis, quod & Accurs. attingit. Si quis obren-
dat, se nescire reverentiam deberi parentibus ac patro-
nis, quod perinde est, ac si quis dicat se incestum, aut
adulterium, aut furtum, quæ proba sunt juri naturali,
commisisse per ignorantiam juris naturalis, quod nemo
potest pratendere, quia nemo nescit jus naturale, l. si
adulterium, §. 1. & l. 1. §. 1. de adul. Elegans est sen-
tentia Menandri, non licet ignorare leges naturæ. Has
enim leges natura ipsa arripimus, haesimus, expressi-
mus: nec in damnis etiam amittendorum omnium bono-
rum nostrorum & publicandorum, earum legum igno-
ratio quonquam excusatur: causari juris civilis ignorantiam
quidam non improbabiliter possunt: juris naturalis ne-
mo. Et ita hæc omnis definitio explicanda est.

Ad L. LXIII. de Ritu nupt.

Præfatus cohortis, vel equitum, aut tribunus, contra
interdictum ejus provincia duxit uxorem, in qua officium
gerbat, matrimonium non erit: quæ species pupilla com-
paranda est, cum ratio potentatus nuptias prohibuerit. Sed
an huic quoque si virgo nupsit, non sit ascendendum, quod
testamento relictum est, deliberari possit: Exemplo tamen
pupilla nupte tutori, quod relictum est, potest mulier con-
sequi: pecuniam tamen in dotem datam mulieris heredi resti-
tui necesse est.

Pertinet hæc lex ad id, quod definitum est, mandatis
Principum eum, qui in provincia officium publi-
cum administrat, veluti præfideum, aut proconsulem, aut
procuratorem Cesaris, aut præfectum cohortis, vel le-
gionis, vel equitum, aut tribunum militum, quamdiu eo
officio in provincia fungitur, provincialem mulierem

uxorem ducere, vel filio suo nuptum collocare non posse, aut consentire filio suo eam uxorem ducanti, l. 38. Et sup. hoc tit. l. 3. §. 1. inf. de don. inter vir. Et ux. Et hoc loco, contra interdictum, id est, contra mandata Principum, quæ dant iis, quos mittunt in provincias publici officii administrandi causâ, quib. eis interdicitur nuptis ejusmodi, l. 65. inf. hoc tit. l. 2. §. 1. de his, quæ ut indig. l. 6. C. de nupt. Si uxorem duxit provincialem, qui in provincia officium administrat, vel si consenserit filio suo uxorem ducanti in ea provincia, justum matrimonium non est, & liberi ex ea conjunctione procreati, justî & legitimi liberi non sunt. Et speciem hanc injusti, & illiciti matrimonii Papin. hoc loco comparat matrimonio, quod ex Senatusconsulto vel oratione Marci & Commodi, tutor filiusve tutoris prohibetur contrahere cum pupilla quondam sua, vel patris sui, l. Senatus. C. l. seq. l. 66. Et l. seq. inf. hoc tit. Et in C. tot. tit. de interdict. matrim. inter pupill. Et tutor. vel curator. Et filios eor. C. Comparatio recta est: nam utrumque matrimonium est prohibitum, utrumque injustum & illicitum, & ut ait, in utroque ratio prohibitionis eadem, ratio potentatus scilicet: nam si prohibita ea matrimonia non essent, sæpe puellis inivit & imprudentibus, maxime locupletioribus matrimonia extorquerentur per impressionem & terrorem potentatis, quod maxime interstet Reipubl. ne fiat: potentatus majorve potestas, & inæqualitas personarum libertati impedimento est, quæ potissimum exigitur in contrahendo matrimonio, l. 2. C. de inu. stip. Ubi non est ea libertas nec matrimonium est; non videtur autem ea esse libertas inter magistratum, & eam, quæ subiecta jurisdictioni ejus est: inter eum, qui cum imperio & potestate est & privatam mulierem; inter tutorem & pupillam, quæ utique semper reveretur & formidat eum, qui tutor est vel fuit, & facile ab eo circumscripti potest, aut terri. In oratione Marci & Commodi, quæ prohibuit nuptias inter tutorem & pupillam, prohibitionis alia redditur ratio, ne rationes reddendæ tutelæ cohæcant, quib. reddendis tutor obstrictus est, puella ducta in matrimonium, ne ejusmodi conjunctione fraude administrationis suæ regere laboret, ne pupillæ in re familiari circumfribantur ejusmodi conjunctione, ab iis, qui rationes gestæ tutelæ restituere debent, ut in l. seq. Et l. pen. §. sed etsi iungam. hoc tit. l. si tutor, C. de interdict. matrim. Ea ratio continetur oratione Marci, ut ait l. penult. neque tamen omnino necessaria est, sed probabilis tantum, alioqui quicunque femina esset obnoxius rationib. reddendis, non posset eam ducere uxorem ante redditas rationes, quod tamen est falsum. Ergo non ea tantum fuit ratio prohibitionis, sed & alia: nihil vetat ejusdem juris plures esse rationes; & ratio quidem proxima est ratio potentatus, & melior igitur. Nam ut cum queritur quid sit, quid quæque res sit, melius est reddere genus proximum, quam remotum, ita cum queritur quare sit, melius est reddere proximam quam remotam rationem, quæ proximior est, eo & proximior negotio proposito, magisque necessaria. Comparatio autem facta utriusque matrimonii, quod tutor contrahit cum pupilla, vel qui officium administrat in provincia cum provinciali muliere, quærit Papinianus, an & sicut pupillæ non jure nuptæ tutori, non aucter fisco, quod ei testamentum mariti relictum est, quamvis, maritus justus non sit, l. 2. de his, quæ ut indig. ita & provinciali mulieri, quæ nupti officium gerenti in provincia, non aufferat fisco, quod ei testamentum maritus reliquerit? Et ait, deliberari posse, id est, rem non carere dubitatione, quoniam facilis videtur, non debere parere pupillæ quæ capti facilis fuit, quam provinciali cuilibet mulieri. Et tamen concludit Papinian. idem juris esse in utroque matrimonio sive capsi, ut scilicet, quod relictum est mulieri testamentum mariti injusti, id ei fisco ut indigere, quasi deliquerit, quia contraxit illicitum matrimonium, aufferre non possit, etiam si sit ex adest heres scripta testamentum viri, d. l. 2. Huic conclusioni Papinianus multa obstat. Obstat l. 1. unde vir & uxor; quæ

generaliter statuit propter illicitum matrimonium nihil capi posse ex bonis viri vel uxoris, nec ex testamento adiri posse hereditatem, aut peti bonorum possessionem secundum tabulas, nec deficientibus cognatis ab intestato peti posse bonorum possessionem unde vir & uxor, si injustum, & illicitum sit matrimonium, id est, si neque sit maritus, neque uxor iusta: & nos tamen dicimus pupillam, quæ nupti tutori, provincialem, quæ nupti præfecto regionis, posse capere ex testamento tutoris vel præfecti, nec quod ceperit, ei auferri a fisco. Obstat etiam l. 12. inf. de his, quæ ut indig. cujus species hæc est. Quidam in adulterio Semproniam damnatus, postea Semproniam, quæ & ipsa damnata non fuerat, duxit uxorem, & heredem scripsit. Idem Papinianus ait hoc loco, eam non esse uxorem justam, non esse justum matrimonium. Et ideo lucrum hereditatis ad eam non pertinere, sed vindicari fisco ablatum ut indigne: & vice versa, si talis mulier talem virum heredem instituerit, viro auferri hereditatem ut indigno. Obstat etiam l. uxori maritus 27. de usufr. legata, quam obicit Accursius hoc loco. Species hæc est: maritus uxori legavit usufructum omnium bonorum suorum, alio herede instituto, & alia quadam, & dotem heres mulieri usufructum concessit per errorem facti: post biennium apparuit injustam uxorem esse, injustum matrimonium; Queritur, an heres possit ab ea repetere, quod præterito tempore percepisset ex testamento injusti mariti: & respondet Scævola illo loco hoc tantum repetere ab ea heredem posse quod fructum uxorem nomine percepisset. De omnibus aliis rebus, quæ legatæ erant, & de dote nihil respondet, quo plane significat, cetera legata heredem non posse repetere a muliere, sed fisco fructum repetere. At usufructum, & quod eo nomine percepisset, heredem posse repetere a muliere, non fisco: quæ est sententia d. l. 27. Ut omnibus respondeamus observandus est modus, quem in hac l. Papinian. addit, provinciali mulieri, quæ nupti præfecto verbi gratia, tribuno legionis, qui modus addi potest, & vero debet in qualibet alia specie illiciti matrimonii. Modus hic est: si virgo nupti, quem modum & comparatio pupillæ exigit. Hic modus ostendit, tenellæ ætati esse parcendum, quæ decepta fuit a viro & illeita in nuptias illicitas. Quod etiam est proditum nominatim in l. ult. de legat. 1. ei ætati esse parcendum, ut non auferatur ei, quod ceperit ex testamento mariti. Virgo non tantum est integritatis nomen, sed & teneræ ætatis: si virgo ergo nupit, id est, similis pupillæ ætate, si in utraque specie utraque fuerit tenella puella. Ex contrario igitur sequi majori 25. annis, & robustæ ætati non esse parcendum, si hoc vel illo modo, vel alio quovis illicitum matrimonium contraxerit. Huic ætati, id est, mulieri hujus ætatis firmatæ, quasi indignæ esse auferendum quodcumque adquisivit ex testamento mariti injusti, etiam si jus ignoravit, quia juris error nec feminis majoribus 25. annis in compendiis prodest. Et de feminis utique ejus ætatis sunt accipiendæ superiores ill. tres, non de feminis tenellæ ætatis, de quibus hæc lex loquitur, quas respicit solas, quibusve parcat solis. Cur vero d. l. 27. de usufr. leg. usufructus relictus injustæ uxori redit ad heredem non ad fisco; alia legata & dos, ut dixi, redit ad fisco, usufructus repetitur ab herede: quia scilicet, hoc est perpetuum in jure, ut nunquam usufructus redigatur in fisco, l. 9. cod. tit. Et l. si Titio, in pr. sup. de usufr. In quarum legum specie usufructus legatum, quod erat in causâ caduci, legatario defecto vivo testatore non redit ad fisco. Nuda proprietas vel plena redit ad fisco; ex suis causis, usufructus nudus nunquam, alioqui in perpetuum proprietas constitueretur inanis & inutilis, Et hæc de feminis. De maribus dicimus, quod eis plerumque ex testamento uxorum injustarum adquisitum est, fisco auferre, d. l. 2. de his, quæ ut indig. d. l. ult. de legat. 1. Nam & infames fiunt, qui contraxerunt illicitum matrimonium & extra ordinem coercentur, ut de tutoribus

vel dari vel augeri & ampliari potest, l. 21. & 24. hoc tit. l. ita constante 8. de jur. dot. l. 7. de tutor. dat. Minui autem dos constante matrimonio, vel tolli, auferri, reddi, repeti non potest, exceptis certis causis, quarum quædam enumerantur in l. 37. §. 1. de jur. dot. Alias constante matrimonio dos minui, tolli, auferri, repeti non potest, quoniam redditio, aut diminutio instar donationis habetur. Potest & sine dote ab initio matrimonium contrahi, quid ni? l. ult. C. de don. ant. nupt. Sed quod semel contractum est matrimonium, dote data vel promissa, nec direptum, nulla conventionem fieri potest, ut sit sine dote. Si vero divortio fuerit direptum, & in reintegrando & renovando matrimonio convenit, ne mulier dotata esset, conventio improbat, quia non est facta constante matrimonio, sed initio matrimonii novi contrahendi, eo die quo novum matrimonium reconciliatum est, quo iure fit donatio qualibet, l. 27. ff. de donat. inter vir. & ux. & l. vir. mulieri, eod. l. 31. de iure dot. At qua in specie proposita idem matrimonium mansit, nec iurgio direptum est, ea conventio improbat, & mulier dotata manet, eadem dos manet, sicut & matrimonium idem.

Ad L. XLII. de Administ. tutor.

Ex pluribus tutoribus in solidum unum tutorem iudex condemnavit in rem suam, iudicatus procurator datus, privilegium pupilli non habebit, quod nec heredi pupilli datur. Non enim cause, sed personæ succurritur, quæ meruit præcipuum favorem.

PERTINET hæc l. ad regulam illam, quæ etiam ex lib. reg. Modest. proponitur in l. privilegia, de reg. jur. privilegia sive beneficia, quæ personæ præstantur, quæ personæ coherent, non transire ad heredem ejus personæ, vel ad aliam quælibet privilegia, quæ cause præstantur, quæ rei, negotii, generi actionis, privilegia realia transire, non personalia. Hæc est regula & definitio juris, ad quam hoc loco apponitur exemplum in persona pupilli, cui in tutela actione datur constitutio Principum privilegium exactionis, ut præferatur ceteris creditoribus tutoris, utque tantipet, dum ei satisfidum sit ex bonis tutoris, ceterorum creditorum actiones differantur, l. ex facto, sup. de pecul. Persona pupilli, ut ait Papinianus, meruit huic præcipuum favorem. Omne beneficium personale præcipuum est, non commune. Quamobrem heredi pupilli idem privilegium non datur, ut in l. 1. §. si dem principes, ad l. Cornel. de falsi. l. dabitur, §. ult. de reb. auct. jud. poss. vel de privileg. creditor. Nec distinguo inter heredem pupilli extraneum & filium. Nam & filio pupilli quæ postea genuit, idem privilegium non datur, ut aperte demonstrat l. pen. §. 1. de rit. nupt. Ergo heredi pupilli, quamvis in eum transeat actio tutelæ, idem privilegium non datur: actio tutelæ in eum non transit cum privilegio, nec si filius sit pupilli: & multo minus transit in procuratorem pupilli factum in rem suam, ut in hac specie: si pupillus ex pluribus tutoribus, qui tutelam administrant, ut potest, unum elegerit & convenerit, atque condemnaverit in solidum, debet ei cedere actionem tutelæ, adversus collegam vel collegas, quo genere eum faciat procuratorem in rem suam, id est, in rem propriam ipsius procuratoris, l. 2. §. ult. famul. eicise. l. si quis in rem, de procur. Competit igitur actio tutelæ ei, cui cessa est, sed sine privilegio: privilegiaria actio tutelæ non cedit, sed simplex, quod non transit in successorem totius juris, qui tamen proprius accedit ad vicem defuncti, ut Cicer. ait 2. de legib. & ostendit l. heres, ff. de usucap. Denique quod non transit ad heredem, qui totius successores est, quique eadem intelligitur esse persona cum defuncto, ut ait Novella de iurejur. a moriente præfit. & in successionem unius rei, vel unius actionis transit multo minus. Coniungenda autem cum hac om-

A nino est l. cum pupillus 21. de tut. & rat. distrah.

Ad Leg. cum Pupillus XXI. de tutel. & rat. distrah.

Cum pupillus tutela actione, contra tutorem alterum, tutorem, quem iudex in solidum condemnavit cessit, quamvis postea iudicatum fiat, tamen actio data non interdictit, quia pro parte condemnati tutoris, non tutela reddita, sed nominis pretium solum videtur.

Quæ de eadem specie tractat, nempe de uno ex tutoribus pupillo condemnato in solidum, cui pupillus cessit actionem tutelæ adversus collegam, quam cessionem in hac l. 21. Papinian. ostendit esse utilem, quamvis postea ex causa iudicati is, qui condemnatus est, solidum pupillo solverit, quod omnes tutores pupillo debebant ex tutelæ administratione, quia solutio ejusmodi non interdictit, inquit, actio tutelæ quæ tutori, qui solidum solvit, ex causa iudicati data, id est, cessit, ut in l. 1. C. de satisfat. lis quæ ei data est, id est, cessit & mandata. Denique cessio actionis tutelæ facta a pupillo, non est inutilis, quia, inquit, pro parte condemnati tutoris, non tutela reddita videtur, &c. Ubi plerumque manifestum est esse scribendum, quia pro parte condemnati tutoris, non tutela reddita videtur, id est, pro ejus parte, pro collegæ parte, qui condemnatus non est, non videtur solum pupillo ex causa tutelæ, alioqui inutilis esset cessio, sed pro ejus parte, nominis pretium, id est, actionis tutelæ pretium pupillo numeratum videtur, quasi ex causa emptionis, ut idem dixit in l. 5. de consensu, l. Modestinus, de solut. l. cum is, de fidejuss.

Ad L. I. de Injusto, rupto, & irrito facto testam.

Testamentum aut non iure factum dicitur, ubi solemnitas juris defuerit, aut nullius esse momenti, cum filius, qui fuit in patris potestate, præteritus est: aut ruptum alio testamento, ex quo heres existere potuit, vel agnatione sui heredis: aut in irritum constituitur non adita hereditate.

DE causis, quæ vitiant testamentum hæc lex proponit regulas juris civilis quatuor. Prima hæc est: Testamentum, in quo defuit solemnitas juris, non iure, aut non rite factum esse, atque adeo inutile esse, quoniam testamentum solemnitate juris desiderat. Testamentum, solemnitas voluntas est. Solemnitas ergo juris civilis intelligit. Nam & hæc regulæ quatuor & ceteræ, quæ in his libris continentur, sunt regulæ juris civilis, non prætorii: & solemnitas juris civilis potissimum consistebat in emancipatione familiæ facta inter testatorem & emptorem familiæ, adhibito libripente, qui æs appenderet, quod pro familia emptor inferebat, emptor imaginarius, & in solemnem nuncupationem testamenti, ut Ulpian. exposuit lib. sing. reg. Quincil. in l. ult. Non dixerim, inquit, testamentum, cui libripens, & emptor familiæ, & cetera iure necessaria deerunt. In solemnibus non pono testes, alioqui falsum esset, quod in l. ult. dicitur, codicillos nullam ordinis solemnitatem desiderare, quoniam & codicillos desiderant 5. testes, l. ult. de testam. l. ult. C. de codicill. l. hæc consuetissima, §. 1. & l. cum antiquitas, C. de testam. In solemnibus etiam non pono signa testium, quia non desiderantur iure civili, sed iure prætorio, ut scilicet testamentum sit obligatum 7. testium signis, prætorè alioqui non datur heredi scripto bonorum possessio secundum tab. Et iure quoque factum testamentum, & rite esse potest, licet signatum non sit, l. quis legatum, inf. ad l. Corn. de falsis. Secunda regulæ: nullum esse testamentum, in quo filius qui est in potestate testatoris, præteritus est, id est, neque heres institutus, neque nominatim exheredatus, licet legata ei adscripta sint. De qua regulæ, & Martianum tractasse secundo regul. constat ex l. ult. tit. super. Idem etiam inutile & injustum testamentum dicitur. Nam

Nam hoc est summum vitium testamenti, præterire filiumfamil. & principale jus, quod exigitur in ordinandis testamentis, ut ait *l. inter cetera, tit. sup.* Tertia regula; rumpi testamentum, quod ab initio iustum fuit, mutatione vel agnatione sui heredis. Mutatione, si postea aliud testamentum factum sit, ex quo, ut ait, heres existere possit, & interdum etiam non iure, non rite, non solemniter factum sit, ut si aliud testamentum factum sit iure militari, vel si in posteriore testamento is sit scriptus, qui ab intestato rem obtinere potest, *l. 2. hoc tit. l. hæc consilissima, §. si quis, C. de testam.* Atque etiam si ex posteriore testamento, nemo heres existerit, prius rumpitur. Denique neutrum consistit: non prius, quia ruptum est: non posterius, quia irritum est, quando ex eo nemo heres exiit, ut quando heres scriptus repudiavit, vel conditione defectus est, *l. 16. hoc tit.* Ut posteriore rumpatur prius satis est, si ex posteriore heres existere poterit, licet non existerit. Ambulatoria enim est voluntas, usque ad extremum vite spiritum, *l. 4. de adim. leg.* Quintil. in declam. *sublatum*, inquit, *dicunt prius testamentum posteriore, neque ego non confiteor, si iure factum sit*: hoc est, si testamentum sit, quoniam plenius exigimus, ut posterius iure sit factum, exceptis duob. casibus notatis ex *l. 2. hoc tit.* Et sequitur potentissimam esse defuncti proximam quamque voluntatem. Agnatione autem sui heredis rumpitur testamentum si post mortem testatoris, vel post testamentum ei suus heres agnascatur, qui testamento præteritus sit, id est, neque institutus heres, neque uti oportet exheredatus, & non agnatione tantum sui heredis, sed quasi agnatione, ut si mortuo filio superstiti patre, vel emancipato, nepos ex eo in ejus locum succedat & subintrat, *l. 13. hoc tit.* vel si filius ex prima vel secunda mancipatione manumissus, ut olim fiebat, revertatur in potestatem patris. Quod etiam idem Ulpian. exposuit *ead. lib. regul.* quod non ita fiebat in filia, ceterisque liberis, qui una mancipatione exibant de potestate patris, nec desiderabantur tres, ut in filio, (quem morem etiam hodie Moscovia observat) *l. 8. §. ult. hoc tit.* His duobus modis testatori, quasi agnascatur heres suus, & rumpit testamentum, in quo silentio præteritus est. Qui agnationem, & quasi agnationem dicit, ut qui contractum, & quasi contractum, qui impossibilem conditionem, & quasi impossibilem: qui possessionem, & quasi possessionem, qui actionem Servianam, & quasi Servianam: nihil etiam refert, suus heres naturalis agnascatur, vel quasi agnascatur, veluti ex iusta uxore, vel ex nuru, quæ sit in manu filiam. an suus heres non naturalis, veluti per adoptionem vel adrogationem, *l. 8. in pr. hoc tit.* vel, ut olim per conventionem in manum. Nam & uxor, quæ convenerat in manum mariti, sua heres, & filia loco marito erat, ut Caius scribit *3. Instit. & Aulus Gell. noct. Attic. lib. 18 cap. 6.* Quarta & ultima regula hæc est: irritum testamentum per omnia constitui non adita hereditate ab herede, qui in eo scriptus est, in *l. penult. §. 1. de honor. poss. secund. tab. l. 5. de manum. testam.* Idem desertum dicitur testamentum, & desertum. Irritum igitur fit testamentum in totum, si repudietur ab herede. Nec dubito quin addiderit Papinianus huius definitioni, vel etiam irritum fieri capitis diminutione quacunque ejus, qui testamentum fecit. Qua de re in *l. 6. §. irritum, hoc tit.* singula causæ, siue species vitandorum testamentorum, singula vitia, singuli appellationibus singulisque regulis distincta & definita sunt. Et hæc sunt vitia, quæ testamentum infirmant.

Ad E. XXXIV. de Heredib. instit.

Hæreditas ex die vel ad diem, non recte datur, sed vitio temporis sublato manet institutio.

A Lia sunt vitia his a Papin. subiecta, quæ testamentum non infirmant, ut in hac *l. 34. de hered. instit.*

A si in testamento pagani heres nominatim instituitur ex tempore certo, vel ad tempus certum, veluti heres esto, post decennium quam major, vel heres esto usque ad 10. annos. Quo genere non recte heres instituitur, non recte hereditas datur, quia quod in bon. portione testatur, non licet, ut de una portione testetur, de alia non testetur, ut in una habeat heredem testamentarium, in altera legitimum: non licet etiam ei in temporis spatio, ut post mortem suam parte temporis sit testatus, parte intestatus, *l. miles ita, §. 1. de milit. testam.* hæc, quæ sunt privantia natura, sunt inter se contraria, testatus & intestatus, *l. 7. de regul. jur.* Et in quo subiecto unum contrarium est, non potest etiam esse alterum. Quod autem iure singulari receptum est, ut miles partim testatus, partim intestatus esse possit, hoc colore receptum est, quasi miles habens bona duorum generum, castrensia & pagana, duorum hominum vice fungatur, pagani & militis, ut paganus sit testatus, & ut miles intestatus, vel contra, *l. si certarum, inf. de milit. test.* Paganus tantum unius generis bona habet. Quamvis autem ex tempore vel ad tempus non recte instituitur heres, tamen institutio propterea non vitatur, quia vitium illud temporis, quod significat illis verbis, vitio temporis sublato, tollitur & circumscribitur, & pro non adjecto habetur: & vitium est potius testatoris, quam vitium testamenti: vitia testatoris non infirmant testamentum, quia menda potius sunt & errata testatoris, *l. 1. ff. de condit. insti.* vitia persone non rei: vitia testamenti testamentum infirmant. Et ita in *d. l. 1. sub conditione impossibili, vel alio mendo*, ut in Florent. recte factum institutionem non vitari: sub conditione impossibili, vel quasi impossibili, ut *l. 14. & 15. eod. tit.* quia ea institutio pro pura habetur, *l. 30. §. pen. hoc tit.* ea conditio pro impleta habetur *id. 4. §. ult. de condit. insti. conjuncta l. Maciene, §. ult. de condit. & demonstrat.* sub alio mendo veluti ex certo tempore, vel ad certum tempus, vel sub falsa causa, falsa demonstratione, vel falso mendo. Nam & hæc vitia non vitant testatoris voluntatem, quia vitia testatoris sunt, non testamenti, vel etiam si servus proprius liber esse iustus ita heres instituitur, si liber erit heres esto. Nam mendo est illa adjectio, si liber erit cum directo sit manumissus. At hæc quæro, cur tamen heres possit institui sub conditione, an quia pendente conditione videtur paterfam. esse intestatus? hoc nego, quia quamdiu pendet conditio, non est certum, testatus an intestatus sit, sed ex postfacto, ex eventu hoc declaratur, & siquidem conditio existerit, retrogitur conditio, atque recurrit, & testatus e vita migrasse intelligitur. Si defecit conditio, intelligitur nunquam fuisse testatus, & intestatus e vita migrasse, atque ideo sub incerto conditionis eventu etiam interim heredi pendente conditione prætor dat bonor. poss. secundum tab. non expectata conditione, *l. 2. §. 1. & l. 6. ff. de bon. poss. sec. tab.* præstita tamen cautione, vel substitutis, vel iis, qui irritato facto testamento per defectum conditionis ab intestato venire possunt, *l. inter, qui satisd. cog.* Tempus vero certum, neque retro duci potest, neque porro inspicitur, ut puta, cum tempus certum inspicitur & observatur, ex quo vel ad quod quis heres instituitur est, ut in testamento militis post vel ante tempus qui scriptus est, non intelligitur heres esse, vel fuisse. Non est omitendum, quod ait Accurs. hoc loco idem esse in libertate & hereditate, ut etiam si testamento data sit libertas usque ad diem certum temporis, adjectio circumscribitur, & pro non scripta habeatur, *d. l. libertas, & l. seq. de man. test.* Et in Comædia Plauti, quod Stichus servo dicitur, *sume cleutheriam in hunc diem, te nihil morabor, & abi quo lubes*, non est manumissio, sed commeatus & licentia in eum diem, se gerendi pro libero. Neque liber, neque heres quisquam est temporarius: sicut dicitur etiam de filio in *l. quasi ius, de adop.* per adoptionem puta, non posse fieri filium temporarium. At quum ex die datur libertas, tum differentia est inter libertatis donationem & donationem hereditatis, quia ex

die data libertate temporis adfectio non circumscribitur, A
l. 17. §. ult. & l. 1. §. ult. l. 23. §. ult. de manu. test. In hereditate data ex die, diei adfectio circumscribitur, quia hereditatis nullum aliud initium esse potest, quam tempus mortis ejus, de cujus bonis agitur: mortuo enim succedit statim, aut potest succedere aliquis vel lege vel testamento. Libertatis autem initio quodcumque tempus idoneum est, non tempus mortis solum domini, vel aditæ hereditatis, nisi pure sint data libertates.

Ad L. XXIX. de Hered. instit.

Quod si non sit reliqui facta mentio: tantumdem in altero asse habebit Mævius, quantum Titius in primo.

Pertinet hæc lex ad id, quod ex lib. regul. Ulp. definitum est in l. 50. §. ult. hoc tit. Hereditatem plerumque dividi in 12. uncias, quia sc. hoc numero plerumque significatur universitas, & ut ait idem Ulp. illo loco: hoc 12. uncia assis appellatione continentur: Quod & Remmius Palemo tradit:

Nunc dicam solide, quæ sit divisio libæ,
Sive assis, nam sic legum dixere periti,
Ex quo quod soli capimus perhibendum habere.

Per translationem Vegetius dixit assem pro ungula equi, purgabis, inquit, assem, le pied & libro de re veterinaria. Plerumque autem ait Ulp. quia non semper 12. uncias esse vel fieri oportet, sed ex voluntate testatoris quandoque sunt plures, quandoque pauciores, l. 13. §. 1. hoc tit. ut in specie hujus l. 79. Titium heredem scripsit ex portione, quam per leges capere possit, & Mævium simpliciter hoc modo, Mævius heres esto, duo asses fient, id est, 24. uncia, ut singuli habeant 12. si Titius assem capere possit, vel etiam duobus assibus reductis ad unum assem, dupondio reducto ad aspidopidium, singuli habebunt semissem. Et hoc si Mævius fuerit simpliciter institutus, non si fuerit institutus ex residua parte, quia Titio existente capace assis, Mævius nihil habiturus est, quia residua pars nulla est quod in responsis latius exposuimus ad l. superiorem cui hæc implicita est.

Ad L. qui duos XLII. ff. de Vulg. & pup. substit.

Qui duos impuberes filios heredes reliquerat, ita substituit, si ambo mortui essent, deinde pueri post mortem patris simul perierunt. Duæ hereditates substituto deferuntur: sed si diversis temporibus vita decedant in hereditate novissimi pueri, ejus fratris, qui ante mortuus est, hereditatem substitutus inveniet. Sed in ratione Falcidia, pueri prioris hereditas non venit, nec substitutus amplius, quam fsecundiam jure testamenti desiderabit: legata quoque quæ a substituto ejus filii data sunt, qui prior intestato decessit ad irritum recidunt.

DE rebus dubiis, vel ambiguis, & maxime de commorientibus variis fuisse conditas regulas, & definitiones a Jurisconsultis, constat ex l. 16. 17. 18. 22. de reb. dub. & l. 34. ad Treb. & l. 26. de mort. caus. don. Quæ omnes sunt ex lib. reg. Martiani Juris. Commorientes dicuntur, qui simul pereunt naufragio, vel alio casu, ita ut non videatur supervivisse alteri alteri. Ad eas regulas Juris. de commorientibus pertinet hæc l. 42. Cuius species est de duobus filiis impuberibus a patre hereditibus institutis ex æquis partibus, quibus pater L. Titium directo substituit in hunc casum, si ambo impuberes mortui essent, quæ est substitutio pupillaris, sive pupillare testamentum, quod pater filius fecit: & ab eodem substituto in eum casum pater plerique multa legata reliquit. Et ostenditur in hac l. multum interesse, utrum ambo filii diversis temporibus vita decesserint unus post alium, an simul uno lectu, unoque impetu commortui sint, ruina vel naufragio. Nam si non diversis temporibus vita decesserint, sed simul iis filiis post mortem patris commorientibus casu quodam, duæ he-

reditates duorum pupillorum substituto deferuntur, substitutionis iure, quasi substituto utrique simul morienti, quia non apparet uter utri supervixerit. Sed si hoc appareat, ut si diversis temporibus vita decesserint, priori mortuo superstes succedit legitimo iure ab intestato, quia pater, qui substitutum vocavit in hunc casum, tantum, si ambo impuberes mortui essent, ius legitimæ hereditatis inter fratres servari voluit. Denique vero posteriori mortuo succedit substitutus substitutionis iure, si hic & intra pubertatem mortuus sit, si mortuus sit impubes, Ceterum una est hereditas, cui substitutus succedit, non ut priore casu duæ hereditates, licet in hereditate posterioris, cui succedit, inveniat hereditas prioris, quæ hereditati posterioris accessit iure legitimo, non iure testamenti paterni. Eademque differentia servatur, si pater duobus filiis impuberibus ita substituerit, si uterque impubes decesserit, l. pen. C. de impub. & aliis substit. vel si substituerit ei, qui novissime morietur, ut l. vel singulis, & l. ex duobus hoc tit. l. qui duos, de reb. dub. quibus l. quæ refragari videbantur, ea jam sunt profligata in Responsis Papiniani. ad l. heredes, §. qui ita, ad Treb. & ad l. 14. §. ult. ad leg. Falc. vel ad Afric. in q. lex duobus. Sic igitur statuamus: si duobus filiis impuberibus pater ita substituat, si ambo impuberes decesserint, vel, si uterque impubes decesserit, vel etiam hoc modo, ei qui novissime impubes morietur, dicimus, multum interesse simul, an diversis temporibus fratres impuberes vita decesserint. Nam primo casu, si pariter & simul mortui sint, utriusque hereditas, id est, duæ hereditates duorum pupillorum substituto deferuntur ex testamento pupillari, quod pater pupillis fecit. Secundo autem casu, cum ordina vita decesserint, substituto tantum deferuntur ex testamento pupillari hereditas filii postremo defuncti, sed auctor & locupletior hereditate fratris præmortui legitima. Ex hac differentia nascitur alia, quæ pertinet ad legata: quæ initio posui fuisse plurima a substituto primo casu relicta. Et quod ad rationem legis Falcidia attinet, cui ea legata subiunguntur, primo casu, id est, si ambo simul perierint, ex legatis a se relictis in testamento pupillari, vel quod idem est in secundis tab. substitutus, si sit oneratus, detrahit quadrantem totius hereditatis paternæ, perinde ac si a patre heres institutus esset ex asse, quia & assem substitutus capit iure testamenti: id est, iure substitutionis: Et merito hac in causa substitutus instituto comparatur, l. 11. §. si filio, & l. questum ad l. Falc. l. prox. §. coheres, hoc tit. l. quod fundum, §. ult. ad Treb. Et ideo si ex unius pupilli hereditate substitutus saluum quadrantem habeat totius hereditatis paternæ, nihil detrahit ex hereditate pupilli alterius, quia in ponenda ratione legis Falcidia duæ illæ hereditates duorum pupillorum commiscuntur, & confunduntur, l. 14. §. ult. ad l. Falc. Secundo casu, si pueri diversis temporibus vita decedant quem solum casum ut & advertit Accurs. qui intelligit hanc legem: recte tractat hic Papin. cum diversis temporibus diem suum obierint, hoc, inquam, casu pro parte ejus, qui prior vita decessit, substitutio fit irrita, l. prox. §. pen. sup. hoc tit. Igitur & pro ejus parte legata a substituto relicta ad irritum recidunt, ut ait in extremo h. l. testamentum, quod fit irritum, per omnia fit irritum, l. pen. §. 1. de bon. pos. contr. tab. & irritum fit testamentum non adita hereditate, siue si noluerit heres adire hereditatem, siue non potuerit, veluti, conditione defectus, sub qua heres institutus erat. Quæ ratione, & in specie proposita irritum fit testamentum pupillare, pro parte ejus, qui prior excessit & vita, quam partem ne substitutus adire possit, frater superstes impedit, cui ea pars deferatur iure intestati, iure legitimo, quod inter fratres pater servari voluit. Pro parte autem posterioris, id est, qui postremus vita decessit, testamentum pupillare, siue substitutio pupillaris valet, & pro ea parte legata debentur a substituto, salva tamen eidem substituto Falcidia, id est, quarta semissis, quæ est secunda semissis competentis posteriore mortuo. As enim continet & secuncias;

Yyy

ergo

ergo semis continet 4. & semissis quarta, sive Falcidia est fescuncia. In eam vero Falcidiam, id est, in fescunciam substitutus non imputat hereditatem fratris pramortui, quam invenit in bonis posterioris, cui soli ex substitutione succedit, quia ea hereditas pramortui filii adventitio jure, quanta est, nimirum ab intestato, non ex iudicio patris: & ea tamen, quod vulgo notum est, in Falcidiam imputantur, quae capiuntur ex iudicio testatoris, id est, jure testamenti, l. quod autem, ff. ad l. Falc. Qua de causa & Falcidia hoc loco dicitur capi jure testamenti, id est, jure substitutionis testamento factae: & atibi Falcidia dicitur esse commodum testamenti, l. omnes, ff. ad Treb. quia jure testamenti, jure hereditario percipitur non adventitio jure. Quae non imputaret in Falcidiam institutus, non imputat etiam substitutus, quia primo & secundo casu substitutus instituto comparatur: itaque supra fescunciam, quam substitutus detrahit ex semisse posterioris, jure substitutionis habebit etiam integrum & illibatum semissem prioris. Et hoc est quod ait in b. l. cum diversis temporibus, pueri non pariter mortui sunt (quem solum casum tractat) in rationem Falcidia pueri prioris hereditatem non veniunt, id est, capi eam a substituto integram, non pro ratione Falcidia dodrante ejus portionis legatis erogato, quae pro ea parte in irritum reciderunt, nec imputata quoque ea parte hereditatis in rationem Falcidia, in quam venit sola hereditas posterioris, quam ex testamento prior accepit: sed ex hereditate tamen posterioris, si onerata sit legatis substitutionem detrahente fescunciam jure Falc. ut in d. l. 14. §. ult. ad l. Falc.

Ad L. LXXX. de Legat. 2.

Legatum ita dominium rei legatarii facit, ut hereditas heredis res singulas, quod eo pertinet: ut si pure res relicta sit, & legatarius non repudiavit defuncti voluntatem, relictam via dominium, quod hereditatis fuit, ad legatarium transeat, nunquam factum heredis.

IN hac l. proponitur haec regula, *legatum ita dominium rei legatarii facit, ut hereditas heredis res singulas, &c.* Loquitur de legato pure relicto, ut infra ait, *ut si pure res relicta sit: non loquitur de legato relicto sub conditione, sicut nec altera regula, quae huic subservit ex lib. 9. reg. Modest. in l. omnia, sup. hoc tit. Omnia quae testamentis sine die, vel conditione adscribuntur, id est, quae pure relinquuntur, ex die aditae hereditatis praestantur.* Ergo non loquuntur etiam haec regulae de legato relicto ex die, vel ad diem: nam & legatum aliter, quam hereditas recte datur ex die vel ad diem, l. ult. C. de leg. & legatarius temporalis fit dominus rei legatae, quod in herede esset absurdum. Et ea est differentia inter heredem & legatarium summe notanda. Legati autem titulo, & jure rei legatae dominium adquiri ait hoc loco, ut l. quotiens, §. ult. de pecti. l. 1. in fi. de Public. in rem act. l. 3. §. si rem, tit. seg. l. 7. C. de leg. l. 2. C. quando dies leg. ced. est ex lege 12. tabul. ut legato dominium adquiratur, uti quisque legasset, &c. Sed ita legato ait adquiri dominium legatario rei legatae, ut hereditate id est, titulo & jure hereditatis heredi adquiruntur (quod est etiam ex 12. tab.) res singulae hereditariae: quam definitionem sic explicat, ut heres dominium rerum hereditariarum adquirat adita hereditate, cum dixit se heredem esse velle, & ea aditio retrahitur ad mortis tempus testatoris, ut & ex mortis tempore defuncto heres esse intelligatur, l. heres, de acquit. her. Cujus rei argumentum profert l. si ex re, §. ult. de stipul. serv. ex jure Pontificio, quod heres, aut quod heredis familia ex die mortis funesta esse intelligatur, nondum pura, nondum expiata: Heres igitur ex aditione fit dominus rerum hereditariarum, & intelligitur fuisse a morte testatoris, quia aditio retrahitur: & ad eundem modum legatarius dominium rei legatae adipiscitur agnito legato, cum dixit, se amplecti liberalitatem defuncti, l. et qui ita, de condit. insti. l. cum

A vero, in fi. de fideic. libert. Ceterum agnito legato retrahitur ad tempus aditae hereditatis ab herede instituto, quo tempore demum cepit legatario deferri legatum, l. servum filii, §. 1. l. si tibi bono, §. cum servus, tit. prox. Cedit dies legati, quod notandum, ut possit transferri in heredem (hic est effectus cessionis) & a morte testatoris: deferretur legatum, ut vel repudiari, vel agnoscere possit ab aditione heredis: ante aditionem non deferretur, id est frustra repudiatur, frustra agnoscitur: acquiritur autem dominium rei legatae ab agnitione legatarii, cum dixit se non aspernari aut repudiare legatum. Et hoc est, quod ait l. omnia hoc tit. quam dixi subferre omnino huic regulae, omnia quae testamentis sine die, & conditione adscribuntur, ex die aditae hereditatis praestantur, id est, ex eo die deferuntur, & si repudiata non sunt, si agnita sunt, ex eo etiam die adquisita esse dicuntur, retroacta ad eum diem agnitione legati. Denique ut aditio heredis retrahatur ad tempus mortis testatoris, ita agnito legatarii retrahitur ad tempus aditae hereditatis, non ultra: quia non sequitur recursum sive retractum etiam aditionis, sicut sidera, quae retrahuntur ad punctum certum, nec tamen ejus puncti ductum sequuntur, qui retrahitur: ita vero fit, ut ab adita hereditate legatario rei legatae dominium adquisitum videatur, dominium scilicet. quod ante fuit testatoris dum vixit, & post mortem ejus, ante aditam hereditatem, quod fuit jacens hereditatis & vacuae, quae quidem hereditas jacens, non minus, quam heres qui adivit, ante aditionem, domini, id est defuncti vicem sustinet, l. heres, de usup. & usuc. l. hereditas, de acquit. rer. dom. l. non minus, de hered. insti. l. denique, §. quastum, quod vi aut clam. Agnitione igitur legatarius acquirit dominium quod fuit hereditatis, non quod fuit heredis, quia nunquam fuit heredis res legata, sed ut ait, relictam via: l. 3. §. si rem, tit. seg. ait, statim relictam via. Igitur & statim ab hereditate jacente dominium intelligitur transire in legatarium, nunquam factum heredis: sicut nec servi directio manumissi in testamento heres intelligitur unquam dominium habuisse, l. si iussit, in fi. de sur. & ita in l. a Titio, cod. tit. Similiter dicitur relictam via ea, quae legantur ab eo, qui legavit, & ab hereditate, quae ejus vicem sustinet, ad eum, cui legata sunt, transire, nec ullo momento consistere in dominio heredis, l. 9. §. sed & creditor, sup. de penul. dominium igitur rerum legatarum, non nisi scientibus adquiritur, nempe agnoscitibus, & actiones tamen personales legatarum, fateor etiam ignorantibus legatarii acquiri: aliud est actio personalis, aliud dominium, l. si a furioso, de obl. & act. l. filius, qui testat. fac. post. l. cum pr. §. servo, hoc tit. l. ult. quamd. dies leg. ced. Ac postremo ne quid obijciatur, omnino notandum est, quae diximus habentis locum habere tantum in legato vindicationis, de quo haec lex accipienda est, veluti, illud tibi do, lego, illam rem capio, habeto: nam legatum damnationis, veluti, heres damnas esto illi illud dare, non acquiritur per agnitionem legatarii, sed per traditionem heredis damnati, & quastum traditione dominium non retrahitur ad tempus aditionis heredis, sed ad tempus mortis heredis: ac propterea interim ante traditionem aditione hereditatis heredis factum esse intelligitur. Ex quibus principiis certissimis sequuntur effectus complures, & de hoc genere legati per damnationem est accipienda l. 18. de serv. & l. legatum, §. ult. tit. prox. vel etiam de legato per vindicationem conditionalis, vel in diem, non de pure relicto, de quo solo egimus haecenus.

Ad L. LXXIX. de Condit. & demon.

Heres meus, cura morietur Titius, centum ei dato, pure legatum est, quia non conditione, sed mora suspenditur, non potest enim conditio non existere.

§. 1. Heres meus cum ipse morietur, centum Titio dato legatum sub condit. relictum est, quamvis enim heredem moriturum certum sit, tamen incertum est, an legatario vivo, dies legati non cesset, & non est certum ad eum legatum perventurum, §. Qui post

post Mucianam cautionem interpositam legatum accepit, si contra cautionem aliquid fecerit stipulatione commissa etiam fructus heredi restitueret: hoc enim legatarius, & in exordio cavere cogitur. §. 3. Quamvis usufructus cum morietur legatarius inutiliter legatur: tamen conditionis Muciana remedium, usufructu quoque sub conditione alicujus non faciendi legato, locum habet. §. 4. Quod in fraudem legis ad impediendas nuptias scriptum est nullam vim habet, veluti Titio patri centum, si filia quam is habet in potestate, non nupserit, heres dato, vel filiosam, si pater ejus uxorem non duxerit, heres dato.

Quæ proponuntur initio h.l. pertinent ad generalem illam definitionem juris antiqui, qua utimur, neglecta l. Papia: Legatorum, quæ pure vel in diem certum relicta sunt, diem cedere ex mortis testatoris tempore: eorum vero, quæ sub conditione relicta sunt, diem cedere, cum conditio extiterit, quam Ulp. ponit lib. sign. res. tit. de legatis. Et consequenter pertinet etiam ad regulam Catonianam, ut quæ legata ab initio non valent, non convalescant ex postfacto: quæ locum tantum habet in legatis quorum dies cedit a morte testatoris, non conditionalibus legatis, l. cetera, §. 1. de leg. i. neque enim ad alias, quam ad alias regulas juris referri potest, quod ait initio hujus l. purum esse legatum, quod ita relinquatur, heres meus, cum morietur Titius, centum ei dato. Quod sane purum est legatum, quia certum est Titium moriturum, atque statim a morte testatoris legatum deberi incipit, l. q. ut legat. nom. cav. & quandoque mortuo Titio præstandum est legatum heredi ejus, l. 4. quando dies leg. ced. & deberi quidem incipit statim, non tamen peti potest etiam statim, quia etsi non conditione, mora tamen certi temporis legatum suspenditur, quoad morietur Titius: non omne quod debetur statim, & peti statim potest, quia differitur sæpe petitio ex causa, d. l. 9. Condicio suspendit obligationem & petitionem: mora suspendit petitionem non obligationem: conditio transmissi impedimento est, ne sc. a legatario jus legati transeat ad heredem ejus: mora transmissi impedimento non est: ac similiter conditio delegationi impedimento est, ne sc. jus legati possit cedi alteri, l. legata sub cond. hoc tit. mora non obstat delegationi, vel cessio legati. Denique magna est differentia inter conditionem & moram, l. 1. ff. de leg. 2. l. 6. quando dies leg. At ut sequitur in §. 1. si legatum ita relinquatur heres meus quam morietur, Titio centum dato, vel Titio hoc vel illud facito, conditionale legatum est, quia etsi heredem moriturum certum sit, tamen non est certum, uter sit prior moriturus, heres an Titius legatarius, quæ res suspendit omnino causam legati. Si enim prior morietur heres superstitie legatario, verum est heredem heredis statim teneri legatario. At si prior morietur legatarius superstitie herede, heredi legatarii, heres, a quo legatum relinquitur, non tenetur, quia legatarius decessit antequam dies legati cederet, id est, ante mortem heredis, ante conditionem impletam: & ideo nihil legatarius transmittit ad heredem suum, l. 1. §. dies, hoc tit. & d. l. 4. quando dies leg. ced. l. 12. §. ult. de leg. 2. l. ult. C. de contr. stip. Priori casu, qui proponitur initio h. l. certum est, legatum debitum iri, atque adeo videtur etiam deberi statim, quia quæ omnino exitura sunt, pro præsentibus habentur, & videntur deberi statim. Quia ratione & mors cuique dicitur esse præsens: omnis dies cuique esse supremus dies. Posteriori casu, certum non est legatum debitum iri, quia legatario heres supervivere potest, quo casu inutile legatum efficitur: prior casu dies est certus, posteriore incertus, qui pro conditione habetur, l. dies, hoc tit. Quod sequitur in hac l. in §. qui post, pertinet etiam ad legata conditionalia, non quidem ad ea, quæ relinquuntur sub conditione dandi aut faciendi aliquid, sed ad ea, quæ relinquuntur sub conditione non faciendi, veluti, Titio centum lego, si Stichum non manumiserit, quæ quidem plurimum ab illis distant. Neque enim illa, quæ relinquuntur sub conditione dandi vel faciendi, ullo remedio

capit aut peti possunt, antequam conditio fuerit impleta. Hæc autem quæ relinquuntur sub conditione non faciendi, capi & peti possunt remedio stipulationis Mucianæ, quam C. Mucius excogitavit. Unde si legatarius eam offerat & caveat datis fidejussoribus se non facturum, quod ne faceret in conditionem legati deductum est, aut si secus fecerit, se rem legatam heredi redditurum cum fructibus medio tempore perceptis, hoc remedio statim pervenit ad legatum, quamvis sit conditionale, l. 7. & 18. hoc tit. alioquin erit expectanda mors legatarii, quia antequam ea contingerit, non est certum non fecisse eum, quod facere vetitus est, quia conditiones in non faciendo conceptæ, non possunt expleri, nisi morte legatarii, l. Titio fundum, hoc tit. Solet autem legatarius etiam cavere de fructibus restituendis, ut dixi ante, & ostenditur in l. cum filius, de leg. 2. Sed & si in cautione ommissa sit mentio fructuum restituendorum, forte per oblivionem commissa stipulatione Muciana, hoc loco ostendit in eam fructus rerum legatarum venire rupta cautionis fide: quod cautioni vulgo adici solet pro adjecto habetur, si ommissum sit, non pro omisso, l. ult. C. quæ res pign. l. ult. C. de fidejuss. De cautione Muciana etiam est quod subicit in §. pen. si ita legetur usufruct. quum morietur legatarius, purum quidem est legatum, sed inutile, quia & constitutus usufructus mortis legatarii extinguitur, quia jus est personale, quod cum persona extinguitur: & consequenter perperam, & quasi ridicule confertur in mortem, quod morte perimitur, l. 5. de usufr. leg. Sed si usufructus relinquatur sub conditione non faciendi aliquid, conditionale est legatum, & valet, quia etsi ea conditio non expleatur nisi morte legatarii, quæ extinguit legatum, tamen legatarius ad legatum statim pervenire potest præstita cautione Muciana: remedio cautionis Mucianæ fiet utile legatum, quod alioqui esset inutile, quæ est sententia §. pen. etiam referri potest ad cautionem Mucianam §. ult. ut intelligamus, si mulieri legatum relictum sit sub conditione, si uxorem non duxerit, legatarium posse pervenire ad legatum, etiam non præstita cautione Muciana, quia l. Julia, quæ Miscella appellatur, ea conditio viduitatis remittitur, quasi publica utilitati repugnans, l. hoc modo, hoc tit. l. 2. §. tractari, ad Tertullianum. Itaque post mortem testatoris intra annum, ut definitur lex Julia, ille legatarius nuptias contrahere, & nihilominus non habita ratione conditionis adscriptæ legato, legatum capere potest. Verum post annum si viduus aut vidua permanferit in annum post mortem testatoris, post annum non aliter capere potest, quam si præstiterit cautionem Mucianam se non nupturum, non ducturum uxorem, quod lex Julia cavit & probavit etiam Justin. in Novella 22. Et hoc quidem jus sequimur non tantum si conditio viduitatis conferatur in personam legatarii nominatim, veluti, lego Titio centum, si uxorem non duxerit, sed si ea conditio conferatur in personam patris, in cuius potestate legatarius est hoc modo, lego Titio centum, si pater ejus uxorem nunquam duxerit, vel si conferatur in personam filii, quem legatarius in potestate habet, ut lego Titio centum, si filius ejus uxorem non duxerit, vel, si filia ejus non nupserit. Nam & hæc conditiones circumscribuntur & remittuntur, quia scilicet sunt adscriptæ in fraudem l. Miscellæ per simulationem legati relicti patri, quod relinquere voluit filio sub ea conditione, vel contra, & inspecta calliditate testatoris perinde est, atque si ei sub ea conditione legasset nominatim, cui legatum & questum, etiam si pater vel filius, qui in conditione positus est, nuptias contraxerit. Ponit speciem in patre, qui filium habet in potestate, & in filio, qui est in potestate patris: nam aliud est in emancipato vel extraneo quolibet, ut si ita legavero, lego Titio centum, si Seja non nupserit. Hæc species legatum nihil pertinet ad l. Juliam Miscellam, nec aliter Titius pervenit ad legatum, quam si Seja vidua permanferit, l. mulieri, hoc tit. Qui ita legavit nullum

fraudem excogitavit adversus l. Juliam Miscellam.

Ad L. XXVIII. de Oblig. & act.

Actio in personam inferitur, petitio in rem, persecutio in rem, vel in personam, rei persequenda gratia. ()*

PROPOSITURUS Papinianus regulas, quae multa sunt de actionibus, ut in his libris regularum non esse in solitum fieri ostendi initio hujus libri, divisit (*) actionem in d.l. 28. in actionem, petitionem, persecutionem. Actionem dixit inferri in personam rei persequendae gratia. Proprie ita accepit actionem & specialiter: est enim actionis nomen generale & speciale ut adoptionis & cognitionis. Petitionem inferri in rem, quae & petitoria actio dicitur, & inde nomen petitioni hereditatis, quia in rem actio est. Persecutionem autem inferri in rem vel in personam. Ergo actione convenio personam, affirmans eam mihi dare aliquid aut facere oportere. Petitione convenio rem ipsam, asserens eam rem meam esse, quae ab alio possidetur: persecutione convenio vel rem vel personam. Et ut haec quoque definitionibus explicemus. Actio est jus, quod sibi debeat rite & ex ordine in iudicio persequendi. Petitio est jus, quod suum est, id est, in dominio suo iudicio rite persequendi. Persecutio, autem est jus quod suum, quodve sibi debitum est extra ordinem iudicio persequendi. Nam persecutio dicitur tantum de actionibus extraordinariis, l. pecunie, §. actionis, de verb. sign. ut de persecutione fideicommissi, quod ut Ulpian. scripsit in regulis, petitur cognitione & inventu ipsius magistratus, non apud iudicem datum per formulam. In iudiciis extraordinariis formulae non observantur, id est, juris ordo, l. actio, de neg. gest. ut item de persecutione salarii, quod non petitur per formulam, sed cognitione magistratus, l. salarium sup. mend. Et ita haec tria verba distinguenda sunt in stipulatione de rato, l. procurator, rem rat. hab. Neminem petitorum, cui ea de re actio, petitio, persecutio sit: & in stipulatione Aquiliana, l. & una, de accept. Quarumcunque rerum mihi tecum actio, quaque adversus te petitio, vel adversus te persecutio est: & in l. ao. de verb. sign. In bonis connumerari, quae sunt in actionibus, petitionibus, persecutionibus. Et apud Cornif. 2. ad Herenn. queritur in translationibus, inquit, num aliquis eius rei actionem, petitionem, executionem habeat, nihil est mutandum. Nam persecutio passim in iure executio appellatur. Quamvis autem haec sint definitiones actionis, petitionis, persecutionis, admonendi tamen sumus, eas facile confundi, commutari, vel communicari earum verbis latius acceptis. Nam & in definitione actionis verbum debendi complectitur etiam, quae nostra sunt, si ab alio possideantur, lata significatione, in d.l. pecunia, §. debetur: & in definitione petitionis suum recte quis dicit latissime, & quod sibi debitum est, ut in l. repetitio, de cond. indeb. & saepe in illo tit. quia suum recepit, id est, sibi debitum. Et definitio quoque persecutionis accommodari potest ad omnia iudicia, omnesque actiones, quoniam hodie omnia iudicia sunt extraordinaria, id est in nullis observantur formulae, mores, ritusve iudiciorum antiqui proditi iure civili, omnia iudicia sunt extraordinaria, §. ult. Institutionibus, de interd. distis: non quod ordinaria, solemnia, formularia sint sublata, si quis his uti malit, quibus plerumque uti consuevit esset, & nescio an defuetudo formularum plus auxerit, quam minuerit lites, sed quod extraordinaria iudicia magis frequententur omni ordine sublata a iudiciis, sicut a ceteris negotiis: nam & a testamentis hodie exulat ordo iuris, ut vere possis dicere omnia testamenta non iure facta esse, quia in omnibus defuncti ritus & solemnia iuris, deest as & libra.

(*) (*) Vide Merill. variam. ex Cujac. lib. 1. cap. 45.

Ad L. CXXIII. de Verb. oblig.

Si flagitii facienti vel facti causa concepta sit stipulatio, ab initio non valet.

IN hac lege melius est accipere verbum flagitii generaliter, ut regula congruat cum eo, quod generaliter definitur in l. generaliter, cod. tit. Generaliter novimus turpes stipulationes nullius esse momenti. Et ait, ab initio non valet, id est, statim non valet ipso iure, etiam si postea flagitium admissum non sit: vel etiam si admissi flagitii poena legis extincta sit.

JACOBI CUJACII JC.

COMMENTARIUS

In Lib. II. Definitionum EMILII PAPINIANI.

Ad L. VII. D. de Justit. & jure.

Jus civile est, quod ex legibus, plebiscitis, Senatufconsultis, decretis Principum, auctoritate prudentium venit. §. 1. Jus praetorium est, quod Praetores introduxerunt adjuvandi vel supplendi, vel corrigendi juris civilis gratia, propter utilitatem publicam, quod & honorarium dicitur, ab honorem praetorum sic nominatum.

HÆC lex secundum editionem Florentinam est ex libro 2. definit. Papinian. quae declarat quid sit jus civile, & quid praetorium. At secundum vulgarem editionem, sane ea l. 7. lib. 1. definitionem vindicanda est, quod equidem verum esse arbitror. Nam & ceterae fere omnes ll. hujus tit. sunt ex aliorum auctorum vel lib. 1. Instit. vel lib. 1. regul. vel lib. 1. juris Epitomarum. Ergo & hanc verisimile est fuisse ex lib. 1. definitionum. Præterea ut Papin. lib. 1. exposuit ante omnia, quid esset lex, ita verisimile est: quod præstat lex 7. & eodem libro antequam juris regulas exegeretur, exposuisse eum, quid esset jus civile, quid praetorium. Sunt enim hæc definitiones preparatoria quædam ad regulas. Et credo etiam Ulpian. regulas juris inchoasse a partibus juris civilis, quas complectitur definitio proposita in hac l. 7. Est enim definitio confecta per partitionem. At ita verisimile est Papin. libros suos definitionum & regularum inchoasse non tantum a definitione legis, sed etiam juris civilis atque juris prætorii, nec ejus rei explanationem rejecisse in lib. 2. Ait autem Ulpian. initio regularum, jus civile, quod & positum appellatur ex pluribus partibus constat, scil. legibus, plebiscitis, Senatufconsultis, constitutionibus Imperatorum & similiter iure honorario, inquit, quod est edictum prætoris, vel proconsulis, id est, edictum urbanum, vel provinciale, & ex responsis jurisperitorum. Et his partibus explicatis, ait Ulpian. se ad studia juris regulas exequi velle, & ita priusquam regulas juris exegeretur Papin. quae sumuntur ex variis partibus juris, vel civilis, vel prætorii, exposuit nobis, quid esset jus civile per partitionem his verbis, *jus civile est, quod ex legibus, plebiscitis, Senatufconsultis, &c.* Verum Ulpian. sup. d. loco in partibus juris numerat etiam edicta magistratuum, quae tamen hic Papin. conficiens definitionem juris civilis per partitionem omittit. Partem enim juris civilis Ulp. facit edicta magistratuum in Instit. ex quibus est scriptum, *Instit. de jure nat. gent. & civ.* Et Cicero in Topicis, ubi etiam per partitionem definit jus civile. Ac solus ipse etiam partibus juris civilis adnumerat res iudicatas, & morem, & æquitatem, quas tamen omisit omnes Papin. in hac definitione, quamvis & eam conficeret per partitionem, quod vitiosum esse merito quis dixerit, nisi cur eas partes Papin. omiserit ostendatur. Et facilius hu-

jus

jus rei absolute erit, si dicamus a Papin. defini scriptum tantum & merum ius legitimum jus civile, scriptum jus civile. Nam ut in d. §. scriptum, con. proposuisset ante ex Ulpian. Infit. jus civile constare ex scripto, & sine scripto: modo subijcit definitionem juris scripti. Ita cum eadem divisio juris civilis ante proposita fuisset ex eodem Ulpiano in l. 6. confluens erit, statim & primum tradi definitionem juris scripti, quod & positum ius positivum dicitur. Jus non scriptum, cuius partes sunt mos, aequitas, rerum iudicatarum constantia, est jus *quædam* non positivum. Merum autem jus civile, quod legitimum dicitur, l. fed cum pat. con. §. bonorum, l. bon. poss. l. §. ult. de bon. poss. cont. tab. a Papin. definit etiam subjecta juris pretorii definitio demonstrat in hæc l. quod enim evidens, quam voluisse Papin. ius civile separare a jure pretorio? Et idem jus pretorium five edita magistraturam, quod idem est, non inferit definitioni juris civilis confectæ ex partibus, cui definitioni juris civilis inferit ius pretorium, miscet ius utrumque, miscet quæ separat Papin. Nec enim definit Papinian. ius civile universum, cuius pars est etiam pretorium, & ius quæque civile nonnuncum dicitur, ut in illo loco Ciceron. pro Cæc. quæ denique ad ius civile, &c. loquentis de pretoriis editis, & ius pretorium, quod manar ex edito, vel interdicto pretoris, quod & quasi dicitur a Theop. in sit. de interv. viri vix esse juris civile in l. seq. Ciceroni ita loquens, & ius pretorium ius civile subsequi in l. cio, de reffib. l. 3. & ult. de capt. & poss. l. 39. de moral. aff. Et ius pretorium ad legem affirmari apud Varro nem de ling. Lat. & Pretorem Tullius in ill. iuris civilis custodem esse, qui idem paratione definitioni juris civilis, cum admiscet res iudicatas & morem & æquitatem, non ius tantum scriptum definit, ut Papin. fed universum ius civile five scriptum, five non. Non scripti juris civilis pars est mos & consuetudo, quæ tacito & illiterato populi consensu & quasi conventu obtinet: non scripti etiam iuris pars est æquitas, quæ scripti juris interpretatio est, & moderatio & emendatio, ut Aristoteles ait, *εὐνομία*, id est, quod deest jure civili, quod litteris non potuit comprehendere. Æquitas denique juris scripti interpretatio, moderatio, emendatio est, posita in arbitrio boni viri, periti bene iudicandi, ut in re dubia pro ratione temporis, loci, causarum, personarum, æquitatem sequatur potius, quam ius scriptum: ea æquitas neque in totum scripta est, neque in totum scribi potest: est enim infinita regula æquitatis. Non scripti juris civilis pars etiam sunt res iudicate, id est, res quasi tritura quadam ford & usu jamdiu recepto semper eodem modo in similibus causis iudicari solita, iuxta id quod dicitur in l. nam Imperator, l. de li. in ambiguitat. quæ ex legibus proficiuntur, rerum perpetuo iudicatarum similiter auctoritatem, vim legis obtinere: observa quod ait, *perpetuo & similiter*: nam ut Tullius ait lib. 2. de invent. *solitarii aliquos aut vari judicatos nullum momentum esse*: nec a iudicatio simpliciter argumentum valet, sed & sæpius iudicatio, vel a perpetuo iudicatio, l. 1. hoc autem, inf. ad Syllan. Et similiter ait, non vixit, ut l. non unquam, ad Trebell. nam ex vario iudicatio ius vel argumentum certum constituit, aut duci non potest. Iudicatum autem perpetuo & similiter, iudicatum quod numero & tempore valet, partem facit juris non scripti, in ius causis, in quibus ius scriptum deficit, eaque pars dicitur mos iudiciorum sæpiissime, & ius iudiciorum, l. 3. C. de doct. promiss. & mos legum l. 32. C. de transactio. Alius est mos maiorum five ius populi: alius mos iudiciorum & legum. Non scripti etiam iuris civilis nemo negat partem esse ius gentium, quod & naturale dicitur, & morum etiam appellatione continetur, ut in l. 8. & in l. fororis, de rit. nup. nec libertinam matrem, vel forem uxorem duci posse, quæ hoc ius, iungit, moribus, quod est jure gentium, non legibus introductum, quia, ut ait in l. adoptivus, §. 1. eos. cit. in nuptis contrahendis ius naturale inficitur, quod est ius gentium, pudor naturalis, non merum ius civile, non

A
jus legitimum. Et filii inter in d.l. foris, si quis eam duxerit, quam moribus prohibetur uxorem ducere, incestum committere iuris gentium; quo fit periculum morum appellatione significat ius gentium, & universi iuris ius gentium pars dici potest. Et inde M. Tullius 3.de offic. quod ius gentium est, inquit, & ius civile esse debet. Et alibi in Partitionibus legis esse propria eam, & sine litteris, aut gentium iure, aut maiorum more reinvenitur. Verum non partes iuris non scripti, sed partes iuris scripti tantum hac definitione Papin. completi voluit. Noluit etiam, ut diximus, confundere ius prætorium cum iure civili, quamvis idipsum, quod prætorium est, civile fit, non quidem specialiter, sed generaliter. Specie plurimum inter se differunt ius civile & prætorium. Et ius quidem prætorium ita definitur, quod prætores scilicet urbani & peregrini, introducunt adiuvant, suppleant, corrigunt iuris civilis gratia, propter utilitatem publicam, quæ mater est iuris civilis, quæ non contenta iusto fœto suscepit alium, qui primum fœtum adiuvaret, suppleret, corrigeret. Tres sunt virtutes iuris prætorii, adjuvare ius civile, supplere, corrigere. Definitio iuris civilis est a partium, definitio iuris prætorii, ab effectuum enumeratione. Adjuvat autem ius civile prætorius, cum id subsequitur, cum id tueretur, atque confirmat; ut cum ius hereditibus vel agnatis ab intestato dat bonorum possessionem unde liberi & unde legittimi, & cum hereditibus infuturis iure perfectio testamento dat bonorum possessionem secundum tab. & aliis per modum, s. i. Instit. de bon. possell. l. sed cum patrono, D. od. sit. legum. inquit, emendandam causa prætor dat bonorum possessionem. Supplet autem ius civile, cum quod ei deest quodque legis omnium est, quantum prætor aliqua ex parte implet: ut cum feminas, quas in successione intestati lex Voconia excludit iure graduque agnatorum, nec vocat inter cognatos, saltem prætor vocat dat bonorum possessione unde cognati: quæ de s. media, Instit. de legit. agnat. success. primum ait, Prætorum corrigere aperientem iuris civilis; deinde propiore verbo aliud, non corrigere, sed quod deerat implere. Et filii inter i. quia actionem, de prætor. verb. ait, actiones legis proditas, actiones civiles; siquæ iuxta ac necessaria sit, prætorum supplere in eo quod legi deest, datis actionibus utilis, actioribus in factum, exigente æquitate & utilitate rerum, legi accommodatis. Supplet item quodammodo ius civile, cum agnatus, vel gentilis, qui legitimus est curator furiosi aut mente caput, ad eam rem inhabilis est, quasi deficiente curatore legitimo, deficiente iure civili, aliis permissa bonorum furiosi administratione, l. fape, de curat. furiosi. Corrigit autem ius civile, cum id palam oppugnat & emendat, ut cum postumum alienum, id est, qui suus heres testatori futurus non est, heredi dem institutum, quem ius civile repellit, quasi incertam personam, s. postumus, Instit. de legat. prætor ad bona testatoris vocat, dat bonorum possessione secundum tabul. s. i. Instit. de bonor. possell. l. postumus, de inoffic. testam. l. 3. de bon. possell. fec. tab. l. i. s. si filius in adoptionem, & l. si extraneo, de vent. in poss. mitti. Item cum liberis caput dominatos, quos ius civile proculdubio repellit ab hereditate parentum, prætor rescissa capitis demissione vocat ad bonorum possessionem contra tab. l. ultim. unde lib. d. sed cum patrono, s. pen. l. 3. s. emancipatus, de bon. possell. cum tab. l. si aliquis, C. theod. de bon. possell. Item cum libero testato, vel ab intestato relinquente suum heredem non naturalem, puta, filium adoptivum, quo casu ius civile omnimodo patronum excludit a liberti bonis, prætor patronum vocat in semissem, dat bonorum possessione contra tab. vel contra suum heredem non naturalem. His modis prætor corrigit ius civile propterea. Denique hæc sunt vires, hæc effectus iuris prætorii. Quod subiicit Papin. etiam ius honorarium nominari in honorem prætorum, ut & in Inst. ait Theophil. tria sunt æquorum, & qui ipsi honorarii sunt atque dicuntur apud Quid. Verbaque honorarii libera prætor habet. Quare etiam bonorum possessoris dicuntur etiam honorarii

successores. Addi velim ad ea, quæ superius dixi de correctione juris civilis, locum, quem omisi, in quo id proponitur, prætores scilicet jus emendare in §. 1. *Instit. de success. libert.* ubi ait, ea in re iniquitatem juris civilis prætorem emendasse.

Ad L. Pen. de usufr. accresc.

Cum singulis ab heredibus singulis ejusdem rei fructus legatur, fructuarii separati videntur, non minus quam si æquis portionibus duobus ejusdem rei fructus legatus fuisset, unde fit, ut inter eos jus accrescendi non sit.

Hæc l. pertinet ad id, quod generaliter definitur ex auctoritate & sententia Celsi in l. 3. h. tit. Inter eos quibus ejusdem rei usufructus legatus est, toties esse jus accrescendi, quoties ab initio singuli solidum habent, concursu partes faciunt, non si ab initio singulis legatariis partes adscribantur aut adscriptæ intelligantur, id est, inter eos esse jus accrescendi, si utroque concurrente & agnoscente legatum usufructus inter se partiantur, non etiam si ab initio ipse testator inter eos usufructus partitur adscriptis partibus. Et jus accrescendi est jus obtinendi totius usufructus, quem quis non repudiavit, collegatarius ejus repudiavit, vel amisit. Et ex hac definitione Celsi intelligimus, inter re conjunctos esse jus accrescendi, ut si ita legavit: *Primo & Secundo fundi illius usufructus do lego*, vel ita, *Primo fundi illius usufructum do lego, Secundo fundi ejusdem usufructum do lego, si eadem res, Instit. de legat.* Priore exemplo Primus & Secundus etiam verbis conjuncti sunt, posteriore exemplo verbis sunt disjuncti & separati. Utrouque re conjuncti sunt, quia ab initio singulis pro indiviso fundi solidus usufructus relictus videtur. Denique judicio testatoris indivisus est usufructus, nec dividitur nisi concurrat uterque & amplecti legatum velit. Ex eadem definitione intelligimus, inter disjunctos re non esse jus accrescendi, etiam si verbis forte conjuncti sint, ut si ita legaverit, *Primo & Secundo fundi illius usufructus, æquis portionibus do lego*, non sunt re conjuncti, quia ab initio singuli partes habent, non solidum: & ideo, nec inter Primum & Secundum hoc casu versatur jus accrescendi, sed repudiante primo usufructum portio ejus recurrit ad proprietatem, non etiam accrescit alteri portioni usufructus. Quod in hac l. pen. demonstrant hæc verba: *si æquis portionibus duobus ejusdem rei fructus legatus fuisset: & separatos eos esse nec inter eos versari jus accrescendi.* Ergo inter verbis tantum conjunctos, non etiam re, non est jus accrescendi. Hoc est verissimum, cum hac exceptione tamen, nisi appareat aliud sensisse testatorem, puta, partes designasse potius, quas facerent concursu, quam ipsum secisse, ut in specie l. 16. §. ult. de leg. 1. Cum legavit mihi & postumis ex virilibus portionibus, adscriptis portionibus, nullo nato postumo totum legatum vindicabo jure accrescendi. Atqui non fuimus re conjuncti, quum singulis sint adscriptæ partes viriles? Respondeo testatorem non tam adscripsisse partes viriles, ut nos separaret, quam ut demonstraret, pluribus postumis natis non unam mihi partem, & postumis alteram se dare vellet, sed singulis viriles, ut in l. 7. §. 8. de reb. dub. Alioqui nuda verborum nominumve conjunctio jus accrescendi non parit, quoniam plerumque non tam conjunxisset testator, quam celerius dixisset videtur, l. 66. de hered. inst. cum scilicet re legatarios disjunct, id est, cum adscripsit eis partes ab initio nominatim. Et idem est si intelligatur ab initio partes adscripsisse, ut & hic Papinianus ostendit in hac specie, si duobus heredibus institutis Titio & Mævio, a Titio testator usufructum legaverit primo, & a Mævio ejusdem fundi usufructum secundo, quia hoc casu intelligitur testator singulis legatariis partes ab initio reliquisse, quas scilicet singuli heredes pro portionibus hereditariis singulis legatariis præstare tenentur, quia ut subjicitur in l. ultim. cum alius legatarius ab alio herede usufructum vindicat, id est, quia singuli legatarii vin-

dicant partes ab heredibus singulis, quæ singulis relictæ videntur, non solidum, & ideo inter eos quasi re disjunctos jus accrescendi non versatur in l. ultim. cum pro, quia, ut in Basilicis. Nihil igitur interest Primo & Secundo conjuncta oratione legetur usufructus fundi æquis portionibus adscriptis, an vero singulis legetur a singulis heredibus, quoniam hi & illi re disjuncti sunt, & non concursu partes faciunt, sed habent eas statim ab initio ex judicio testatoris. Et ideo non est inter eos ab initio jus accrescendi.

Ad L. LIX. de Cond. indeb.

Si fidejussor jure liberatus, solverit errore pecuniam, repetenti non oberit, si vero reus promittendi per errorem, & ipse postea pecuniam solverit, non repetet: cum prior solutio, quæ fuit irrita, naturale vinculum non dissolvit, nec civile si reus promittendi tenebatur.

Pertinet hæc lex ad regulam illam, vulgo jactatam, *errore & imprudentia soluti repetitionem esse, consilio soluti donationem, non repetitionem esse*, l. 53. de reg. jur. l. 1. hoc tit. errore, inquam, facti, qui solvent indebitum non oberit: error juris oberit, l. cum quis, C. de jur. & fac. ignor. l. error, C. ad l. Falcid. Nec enim errorem cum dicunt simpliciter juris auctores, alium quam errorem facti intelligunt. Et est plane importunus, qui d. l. 53. scriptis esse accipiendam de errore juris, relatum ad actionem Fabianam, ad quam etiam sane proprie pertinet. Sed non aptanda est ad eam actionem Fabianam eo modo, quo eam ille aptavit ex lege 5, si quid in fraud. patr. sed hoc modo, ut si liberus errore solverit indebitum pecuniam, repetitio libero competat per conditionem indebiti, non patrono per actionem Fabianam, quia qui erravit, noluit fraudare patronum, sed si consilio solverit, quia donasse videtur in fraudem patroni, actio Fabiana, quæ solutum revocat, patrono competet. Sicut in l. 6. end. tit. dicitur eandem actionem patrono competere, si liberus consilio sciens fraudemque filiofamil. pecuniam crediderit contra senatusconsultum Maced. in fraudem patroni, quia donasse intelligitur filiofamil. scientem credere, donare est, perdere est, ut ait l. 4. §. Julianus, ad Maced. & l. filiusfam. de donat. Hoc cogito, finge; qui fidejussor per reo promittendi, solus ipse jure liberatus est, non etiam reus promittendi, reus promittendi manet obligatus. Quod evenit si fidejussor cum creditore pacificatur, ne a se pecunia petatur, quia pactum fidejussoris reo non prodest, l. fidejussoris, de pact. fidejussori prodest non quidem, ut jure civili liberetur, quia pactum non potest tolli civilis obligatio, sed ut liberetur jure prætorio per exceptionem pacti conventi. Idem etiam evenit, si fidejussor tempore liberatus sit, ut puta, cum fidejussisset in diem certum tantum, ut in l. fidejussor, §. ultim. D. mand. Nam & hoc casu reus omni jure obligatus manet, fidejussor jure prætorio liberatur per exceptionem pacti conventi, vel doli mali, l. oblig. §. 1. vers. placet, de obligation. & action. Et ita in hac lege hæc verba accipienda sunt, si fidejussor jure liberatus, id est, jure prætorio, ut l. 3. §. 1. de constit. pec. per exceptionem pacti, vel doli, non jure civili. Nam liberato fidejussore jure civili, & reus omnino liberatur. Tac vero fidejussorem tutum exceptione pacti conventi, vel doli mali, per errorem creditori suo nomine pecuniam solvisse, pacti non remissionem, solutione hujusmodi videtur tam se, quam reum promittendi liberasse omni obligatione, & civili & naturali: solutione tollitur omnis obligatio, id est, & naturalis & civilis. Et quavis pactione fidejussoris reus non liberetur, solutione tamen liberatur: sane solutione vera, cum & solutione imaginaria, veluti acceptilatione fidejussoris etiam reus liberetur & tota solvatur obligatio, l. 13. §. etiam si fidejussori, de accept. Quid tamen dicimus in specie proposita si fidejussor per errorem solvit ignarus exceptionis pacti, vel heres fidejussoris

foris qua se tueri poterat, & solum condicatur quasi natura indebitum, quod potest, *l. cum is, §. 1. hoc tit.* potest, inquam, condicere, quia exceptio pacti, vel doli, quam habuit, dat repetitioni locum: pactum enim etsi non tollatur civilis obligatio, tollitur tamen naturalis, *l. Seichum §. naturalis, de solut. l. qui exceptione, §. ultim. conjuncta l. si non fortem, §. libertus, hoc tit.* Solutione autem fidejussoris irrita facta per conditionem indebiti, ex eventu apparet, nec retro ullo modo fuisse liberatum reum promittendi, qui fidejussore pacificante, & civili & naturali jure manit obligatus, fidejussor jure civili tantum, *l. qui hominem, §. ult. de solut.* Itaque post solutionem a fidejussore factam per errorem, si hujus solutionis ignarus reus promittendi per errorem creditori solverit eandem pecuniam, conditio quidem indebiti fidejussori dabitur, quia natura non debuit: reo promittendi, non dabitur ut definit Papin. hoc loco, quia reus promittendi, quod solvit, & naturaliter, & civiliter debuit, nec solutione fidejussoris, quae ad irritum redacta est, sublati est naturalis vel civilis obligatio, quae reus promittendi tenebatur obstrictus: prior, inquam, solutio, id est, solutio fidejussoris, quae fuit irrita facta per conditionem indebiti, naturale vinculum non dissolvit, quo reus promittendi tenebatur ex stipulatione. Vinculum naturale & civile dixit, significans obligationem, quae etiam definitur esse juris vinculum. Verum si definitioni addatur, quod additur in Institutionibus, *juris vinculum, quo necessitate adstringimur, alicujus rei solvenda, obligatio civilis definitur, non naturalis, quoniam naturalis sola necessitate solvendi non adstringit.* Denique definitur tantum ea obligatio, quae parit actionem, quaeque proprie est obligatio. Nam ut eleganter ait *l. in vendendis, C. de contr. emp.* nulli est obligatio, quae necessitate non adstringit contrahentem. Et ex hoc loco non male Baldus colligit ex stipulatione, quae scilicet reus promittendi tenebatur nasci vinculum naturale, obligationem naturalem, quod & Accursius probat in *l. r. §. penult. de pactis*: quia stipulatio inter consensum habet, & ex consensu interponitur, ut ait *l. 5. de transact.* Et ut solus consensus etiam nudus sine pacto nuda parit actionem, aut obligationem naturalem, & sicuti dicitur quis ex stipulatione juri civili teneri, non ex eo sequitur & jure naturali eum non teneri. Sicut in *l. solvere, de solut.* cum dicitur jure civili constitutum esse, ut liceat etiam ignorantis invitiq; conditionem meliorem facere: an ideo inferes, non idem esse constitutum jure naturali? minime. Nam & ita scriptum est in *l. solvendo, de negot. gest.* & naturalem & civilem rationem suadere, ut & ignorantis & inviti melior conditio fieri possit, ut si quis solvat pro alio invito & ignorante, quod is revera debet. Quod autem dicitur in *l. indebitum, hoc tit. fidejussorem*, qui intercessit pro eo, qui nec civiliter, nec naturaliter obligatus erat, quem fidejussoris causa constat nullo modo teneri, quia nulla subest obligatio principalis, si tamen is fidejussor suo nomine solverit per errorem, habere conditionem indebiti, quia inquit, jure gentium, id est, natura indebitum solvit? ex eo non sequitur ex nulla stipulatione nasci obligationem naturalem, quoniam nascitur sane ex utili stipulatione: sed ex eo tantum colligitur, ex ea duntaxat stipulatione, nec naturalem obligationem nasci, nec civilem, quae adhibetur accessione loco, nulla existente principali obligatione. Et ita verissimum est, quod Accursius & Azo existimavit, etiam ex utili obligatione naturalem obligationem nasci, quod & lex haec aperte demonstrat.

Ad L. VI. ff. Quando ex facto tut.

Tutor interposito decreto praeoris actionem reliquit, secundum eum sententia dicta, iudicati transferretur ad pupillum actio, non minus quam si tutor obtinisset.

Certum est, tutore vel curatore adversa valitudine vel senio etatis, vel alia necessitate & iusta causa

A impedito, quo minus praesto adeste pupillo, & omnia negotia eius, quae late diffusa sunt, administrare possit, si nec sit in promptu, ut pupillus tutore auctore sibi procuratorem faciat, vel quia pupillus abest educatus peregre apud matrem, vel, quia nondum fari potest, id est, quia minor est septennio, tum a tutore, vel curatore suo periculo interveniente decreto praeoris, vel praesidis, actorem exigi posse, vel adiutorem, qui sibi suppetias ferat in administrandis negotiis pupilli: actorem ad litem agendam. Et inde nomen, ut indicat *l. libertus §. pen. de negot. gest.* dum ait, matrem non habere jus filio suo constituendi actorem litium causa suo periculo, quod solus tutor habet; mater autem non potest esse tutor. Ergo nec actorem dare filio impuberi litium causa, quia nec ipsa filii nomine recte agit. Nec enim verum est, quod Theoph. scribit in *§. ultim. Inst. de curat.* actorem dici, quod apud acta constituitur, sub gestorum publicorum testificatione, alioqui & procurator five defensor constituitur apud acta, juxta *l. unie. C. de saisis, actor* dici possit, quod nemo dixerit. Actorem igitur ad litem agendam: adiutorem vero ad cetera negotia pupilli administranda, ut in *l. solus de tutel.* Tutor ex sua persona ante litem contestatam procuratorem dare non potest, qui agat nomine pupilli: quia non est dominus litis, *l. neque, C. de procurat.* actorem vero interposito decreto praeoris dare potest suo periculo. Duo exiguntur, ut decretum interponatur praeoris, actorem constitutum, & electum a tutore approbantis: & ut tutor in se recipiat omne periculum eius, quod is actor gesserit, administravit, egerit, *l. decreto, de administrat. tut. l. 10. C. eod. l. 10. qui tut. dare, l. 1. C. de actor. a tut. vel curat. dando.* Et quemadmodum tutore agente pupilli nomine, & secundum eum dicta sententia, certum est, actionem iudicati pupillo dari, cuius nomine egit: ita hoc loco Papinianus ostendit, secundum actorem a tutore relictum, qui alia negotia procurabat, dicta sententia, actionem iudicati transferri ad pupillum, actionem competere pupillo. Unde & consequens est, & damnato actore actionem iudicati in pupillum, non in actorem dari, ut executio iudicati fiat in pupilli bonis, ad quem ea res pertinet, non in bonis actoris, sicut & in tutore servatur, ne sum officium ei damnosum sit: Regula haec erat: quotiens tutor ipse iudicium accipit, vel dicitur pupilli nomine, non pupillus tutore auctore forte propter absentiam vel infantiam pupilli, actionem iudicati dari pupillo & in pupillum, *l. 2. de administrat. tut. l. 1. §. tutor, de re judic. & l. 1. §. l. 1. C. eod. tit.* Et regulam esse satis demonstrat *d. l. 2.* dum ait, id multis rescriptis fuisse declaratum, actionem iudicati cum tutor egit pupilli nomine, dandam esse pupillo & in pupillum. Ex multis & crebris rescriptis & constitutionibus sunt regulae juris. Et ita quod dicitur saepe constitutum in *l. lauda, C. de contrah. stip.* ex pacto nudo actionem non nasci, id appellatur regula juris in *l. juris gentium, §. ut puta de pact.* Et hanc regulam quidem, quam proposuit Papin. hoc loco, extendit etiam ad actorem decreto praeoris & tutoris periculo constitutum, ut perinde atque si tutor egisset, actio iudicati detur pupillo & in pupillum.

Ad L. XXII. de Manumissionibus.

Nepos ex filio, voluntate qui: ut filius voluntate patris, potest manumittere, sed manumissus patris vel avi libertus est.

In hac lege ostenditur, servum patris vel avi, vel servum peculiarem a filiofamil. vel a nepote ex filio, consentiente patre vel avo vindicta apud praetorem manumitti posse. Quod & *lib. 1. Reg. Modestinus* scripsit in *l. si consentiente, hoc tit.* hoc addito, ut valeat manumissio ob patris consensum seu iustum, etiam si filius fuerit minor 25. annis, nec causam manumissionis probaverit consilio praeoris vel praesidis: Hoc item addito, quod & hic Papinianus ait, manumissum libertum patris vel nepo-

nepotis: nimirum, quia pater ipse eum manumississe intelligitur, *l. marimonii, sup. de rit. nupt. l. si quis, §. 1. qui, & a quibus manum.* Regula juris hæc erat: *servum vindicta manumitti per alium non posse.* Quæ regula adeo vera est, ut nec uxor per maritum, nec mater per filium vindicta servum suum manumittere possit, quia ea manumissio est actus legitimus, & nullus actus legitimus expletur per alium. Et hoc in manumissione ita definitur in *l. pen. de manumiss. vind.* Paulus *1. Sent. tit. 20. filiusfamil.* inquit, *iussum, patris manumittere potest: matris vero, non potest:* nec pater per filium emancipatum, nec item pater per filiamfam. quasi muliere non idonea ad exequendum actum legitimum, & multo minus avus per nepotem ex filia, quia eum non habet in potestate: hoc tantum datum est patri vel avo. Et hæc tantum exceptio ad superiorem regulam addenda est: ut pater per filiumfam. avus per nepotem ex filio quem habet in potestate servum manumittere possit, quia vinculum potestatis facit, ut unus homo intelligatur esse pater & filius, avus & nepos, & filii vox intelligatur esse vox patris, vox nepotis, vox avi, *§. ei vero, & §. post mortem, Inst. de inut. stipul.* vox filii dicitur esse vox patris, ratione potestatis, quæ unam personam constituit ex duabus, sicut manumisso, quæ ex una duas personas facit, ut ait *l. si Pamphilo, de oot. legat.* Erat igitur hac in re differentia inter filiumf. & filiamf. Nam per filiamfam. pater non poterat manumittere: per filiumfam. poterat, quæ tamen differentia tollitur a Justiniano in *l. 1. §. ultim. C. comm. de manumiss.* Nam & per filiam pater quocunque modo servum manumittere potest. Erant etiam jure veteri, multe aliæ differentie inter filium & filiam: filia furiosi vel capri ab hostibus suo arbitrio cuicunque nubere poterat: filius non poterat uxorem ducere sine permisso Principis. Ad quam differentiam pertinet *l. 8. sup. de pact. dotal.* sed & hæc tollitur a Justiniano in *l. si furiosi, C. de nupt.* Item filius trina mancipatione exhibit potestatis patris: filia una mancipatione tantum, *l. verum, §. ult. de in iust. rupt. testam.* quæ etiam differentia, cum solemnibus mancipationum exolevit. Item filii non filie præteritio nullum faciebat testamentum patris: filius nominatim erat exheredandus, filia non item, sed & inter ceteros exheredari poterat his verbis, *ceteros exheredes sumo:* filia sub omni conditione heres institui poterat: filius sub ea tantum conditione, quæ esset in ejus potestate, non quæ penderet ex casu, *l. suus, l. sed est, de hered. instit. l. 1. §. sciendum, de suis & legitim. heredib.* Et hæc quidem postrema differentia non invenitur esse sublata. Cetera sublata sunt, ut Inst. docent in *tit. de exher. lib. & l. pen. & ult. C. de liber. præst.*

Ad L. XXXVI. de Statuliberis.

In tabulis secundis filio servum data libertate substitutum jure statulibero prudentas munierunt, quod utilitas recepit: scilicet ut cum sua causa alienaretur, ne patris testamentum pater filius rescindat. Quæ juris auctoritas, citra delectum ordinis, ad secundum quoque vel tertium substitutum porrecta est.

IN hac lege proponitur hæc definitio & auctoritas Jurisprudantium, servum a patre filio impuberi cum libertate substitutum in secundis tabul. statuliberi causam obtinere. Ea substitutio vocatur substitutio pupillaris, quæ fit in secundum casum hoc modo, si filius impubes deceaserit, Statulus liber & heres esto, & dicitur etiam testamentum pupillare, & hoc loco testamentum patris, quod scilicet pater non sibi, sed filio fecit, *l. Papin. §. sed nec, de inoffic. testam.* Hanc autem definitionem ait Papinianus utilitatem rerum extorsisse, quia ipso jure statuliberi causam non nascitur, non obinet servus, antequam adita sit hereditas ex testamento, in quo libertas ei directo relicta est in diem, vel sub conditione, *l. 2. §. 1. & l. statuliberum, §. ult. hoc tit.* Quia ratione etiam hoc loco Dorotheus utitur. Nondum autem adita est, imo

nondum adiri potest hereditas ex testamento pupillari pupillo vivo. Ergo interim servus ei substitutus cum libertate, jure statuliber non censetur, sed exigente utilitate pupilli prudentibus placuit, eum haberi pro statulibero post aditam hereditatem patris, etiam ante aditam hereditatem pupilli ex testamento pupillari, in quo libertas relicta est. Et confirmatur hæc juris auctoritas siue definitio *l. 2. §. sed si in tabul. & §. ult. hoc tit. l. ult. §. ult. de vulg. substit.* *l. pater filio, de her. instit.* Utilitatis causa hæc est, ne a pupillo forte alienato servo, antequam casus substitutionis existeret, infringatur spes libertatis, si non haberetur pro statulibero, sicut & revera non est statuliber, atque ita testamentum pupillare evanescat, quod pupillo esset inutile: & id tamen alienatio servi efficeret, id est, infringeret spem libertatis, rescinderet testamentum pupillare nisi haberetur pro statulibero, id est, nisi intelligeretur ei implicitus esse casus libertatis, ut ait *l. ult. si ex nov. caus. agat.* etiam ante hereditatem aditam pupilli ex substitutione pupillari. Qualitas statuliberi siue statulibertatis est immutabilis & inseparabilis, ac servum, cui adheret, perpetuo sequitur, siue alienetur, siue usufructuatur, siue manumittatur interim: alioquin si non haberetur pro statulibero venditus servus, maneret servus emptoris, nec posset ejus iustu adire hereditatem pupilli existentem casu substitutionis, quia sine libertate compelli non potest. At verius est, eum pupillo cum libertate necessarium heredem fore, existentem casu substitutionis, & alienationem siue venditionem recidere in irritum, quia cum sua causa alienatus esse censetur, id est, cum causa quasi statulibertatis. Et addit Papinianus, ut *§. d. l. 2. §. ult. h. tit.* nihil referre, quo ordine vel gradu servus cum libertate filio impuberi substituitur primo ac secundo, vel tertio, potest pater vel sibi, & filio impuberi facere plures gradus substitutionis, *l. potest, de vulg. substit.* & citra delectum ordinis vel gradus. Papin. ait initio propositæ juris auctoritati, id est, definitioni locum esse.

Ad Leg. XLV. de Acquir. vel amit. possess.

Licet neque servum, neque colonum ibi habeamus.

Pertinet hæc l. ad definitionem illam Proculjanorum vulgo receptam, ut ait *l. 1. §. quod vulgo, de vi & vi arm.* Definitio hæc est, æstivorum & hibernorum saluum possessionem nudo animo retineri, videlicet cum eos saltus, ubi pecus pasci solet æstate vel hieme, quos Greci vocant *ἀστυς*, vel *ἀστυς*, *τοῖς*, *τοῖς*, & postea *τοῖς*, cum scilicet eos saltus certis temporibus anni relinquimus, nec eis insidemus corpore nostro vel alieno, veluti corpore servi vel coloni, atque ita cum eos omnimodo relinquimus, nemine nostrorum in eis relicto: corpore quidem eos non possidemus, sed non ideo amittimus possessionem. Nam ut ait Papinian. licet neque servum, neque colonum ibi habeamus, eorum possessionem solo animo retinemus, ut *l. 3. §. saltus, hoc tit.* Paulus *§. Sent. possessionem*, inquit, *nudo animo retinere possumus, sicut in salibus æstivis & hibernis contingit:* idque etiam verum esse ostenditur in *l. sequen.* tamen alius nobis absentibus clam eos saltus fuerit ingressus animo possidendi, quamdiu scilicet ab eo possessionem occupatam ignoramus. Nam, ut non potest nobis acquiri possessio nisi corpore & animo, *l. 3. in princ. hoc tit.* ita nec tolli nobis, nisi in qua utrumque in contrarium actum sit, *l. 8. h. tit.* repetita in *l. si quis in usufructu, de reg. jur.* Non potest tolli nobis possessio fundi, nisi corpore & animo inde digrediamur, nisi corpore didicimus possessionem simul, & desinamus habere animum possidendi, quem utique animum non desinimus habere, quamdiu ignoramus alium possessionem occupasse, Quum vero hoc rescimus, alium sc. possessionem rei nostræ occupasse, non possumus non despondere & deponere animum possidendi, *l. 2. §. ultim. h. tit.* si modo suspicemur repelli nos posse & excludi ab eo, qui incubat rei nostræ,

nostræ animus labascit suspicione, & perinde est, ac si nos ille repulisset vel expulisset: utroque genere deficit nobis & delinquit animus. Et ita in specie l. 6. §. ult. & l. 1. hoc tit. dominus fundi, qui ad nuditas abiit nemine in fundo relicto, si forte cum esset in itinere, quum reverteretur in fundum, aliquis clam occupaverit possessionem fundi: non definit fundum possidere, cujus possessionem retinet, solo animo videlicet, antequam vel reversus repellatur, vel re cognita metuens repulsum, vel vim majorem, inducat animum in fundum non reverti: species est elegans, qui redeuntem repellit vi possidet, ut l. 1. §. si vis autem, de vi, & vi arm. qui dominus nolente reverti metu repulsa, & vis majoris, possessionem retinet, quam domino absente occupavit, clam possidet. Utrouque genere vitiose, & tenetur interdictis, de vi, vel de clandestina possessione. Et placet etiam hac in re species l. licet, C. cod. si prædiorum tuorum possessionem desideram aliquandiu non coluisti, non animo quidem derelinquendi, sed metu, dum forte times periculum aliquid vel ab incursu hostium, vel a contagio grassantis morbi, & necumo cam possessionem occupavit, a quo suspiceris te posse repelli, non omisit possessionem, sed animo retinuit: recte ait d. l. 1. §. quod vulgo, id dici exempli gratia: quoniam idem est in omnibus aliis prædiis, omnium prædiorum possessionem solo animo, sola mente, affectione, voluntate, ut nostri auctores varie loquuntur, proposito, cogitatione, opinione, & similiter Græci, ἡ ψυχή, λογισμὸς, διάκρισις, προαιρέσις. Denique omnium prædiorum possessionem solo animo retinemus, si ex eis non hoc animo, non hac mente recedamus, ut possessionem derelinquamus: Et recte quod ait l. 3. §. quod si servus, hoc tit. nos possidere, donec aut nostra voluntate discessimus, aut vi præterit sumus. Ex hac definitione intelligimus, corpore solo non amitti possessionem, nisi accedat etiam animus amittendi, quia nudo animo retineri potest, nudo etiam & solo animo amitti potest, l. 3. §. in amittenda, h. t. ut si fundum, quem meo nomine possidebam, incipiam possidere alieno nomine, veluti quasi precario, sola destinatione animi possessionem, quæ mea erat amitto, & alium possessorem ministerio meo facio. Nam si possidet, cujus nomine possideo, l. quod meo, h. t. Et quod dicitur in d. l. 8. & in l. fere, de reg. jur. possessionem, ut non acquiratur nisi corpore & animo, ita non amitti nisi corpore & animo: articulus fere, qui est suppleendus etiam l. 8. quique eam regulam temperat, satis perspicue demonstrat, eam comparationem claudicare nonnihil. Nam corpore quidem non amittitur possessio sine animo. Ceterum & ex hac parte claudicat, solo animo amittitur sine corpore. Et rectissime Joannes, quem & Græci sequuntur interpretes: in amittenda possessione, si a corpore incipias, & animum requiri, si ab animo, solum animum sufficere. Et hoc maxime distat possessio a dominio: nam dominium solo animo non amittitur, sed certis præscriptis modis jure gentium vel civili, veluti traditione, mancipatione, cessione in jure, l. 17. §. 1. h. t. l. si vis autem, de pact. Jus agnationis, inquit, non posse pacto repudiari vel dicto, ut si agnatum meum dicam, me nolle esse mihi agnatum, non ideo defuit esse meus agnatus, sicut, inquit, si quod meum est, dicam nolle meum esse, non ideo definit esse meum, propter voluntatem, factio opus est meo: nuda voluntas, nudumve pactum non sufficit, l. traditionibus, C. de pact. l. quod nostrum, de reg. jur. Varro 2. de re rustica, quod alterius fuit, ut id fiat meum, necesse est, aliquid intercedere.

Ad L. XLIX. de Adq. vel amit. poss.

Possessio quoque per servum, cujus ususfructus meus est ex re mea, vel operis servi acquiritur mihi, cum naturaliter a fructuario tenuerit, & plurimum ex jure possessio mutuetur.

Tom. IV.

Prima definitio hæc est, per servum, in quo ususfr. habemus, non proprietatem, sed possessionem nobis adquiri ex duabus causis tantum, ex suis videlicet operis, quas habemus in fructu, & ex re nostra, ut in §. non solum, Inst. per quas personas. Nec huic definitioni obstat, quod fructuarius non possidet, sed proprietarius solus, l. acquiritur, in fi. sup. tit. prox. Et absurdum videtur, ut per servum possessio nobis adquiratur, quem non possidemus, l. homo liber, in fi. cod. tit. Et ut huic objectioni responderet Papinian. superioris definitionis hanc esse rationem ait (duplicem rationem asserit) quia fructuarius sane jus utendi fruendi, quod est jus incorporale quasi possidet, l. ait prætor §. 1. ex quibus causis maj. l. 3. §. ult. de vi, & vi arm. Et servus quoque, non quidem civiliter, id est, animo domini, animo proprietarii, sed naturaliter possidere intelligitur, l. naturaliter, in princ. h. t. M. Tull. pro Cæcinnæ: Cæcinnam prope ususfructum possidere non negas? Ergo hominem, in quo ususfr. habet fructuarius, naturaliter possidere intelligitur, & proprietarius sive dominus per eum. Ac proinde non est absurdum, si dicamus & per servum fructuario adquiri possessionem, quia & eum possidet quodammodo. Ac propterea non est absurdum, ut adquiramus possessionem per eum, quem non possidemus. Filiumf. non possidemus, & tamen per eum adquirimus possessionem, l. 1. §. per eum, sup. hoc tit. Præterea, & hæc est altera ratio, quæ servus ex his duabus causis fructuario acquirit ea, quæ sunt juris, veluti dominium & obligationem & actionem, quod est certissimum: ergo & possessionem. Nam & possessio fructuarii, naturalis scilicet sive corporalis, plurimum ex jure mutuat: magis quidem est facti quam juris, sed tamen & ex jure plurimum habet: nam & in pari causa fructuarius potior est eo, qui ei controversiam facit, & interdicta possessoria ei dantur, si forte prohibeatur uti frui, l. 3. §. unde vi, de vi, & vi arm. Ac præterea jure suo fructuarius omne emolumentum rei percipit; & consequenter acquirit etiam per servum ex supra dictis causis. Ergo & in possessione fructuarii naturali est juris aliquid.

Ad §. I.

Secunda definitio hæc est: Per filium, aut servum nostrum peculium, quod ei concessimus non possideri civiliter, sed corporaliter tantum, & naturaliter, peculium non haberi non possideri: verba sunt de possessione civili, ut in stipulatione Aquiliana, sed teneri, quod verbum est naturalis possessionis. Cur vero peculium non possident civiliter, cum sit eis quasi proprium patrimonium voluntate patris vel domini, cum dicantur etiam domini servi peculiarii, id est, servi vicarii, & peculium omnino obtineant quasi domini? Rationem ostendit Papinianus, quia possessio civilis, non tantum corporis est, imo magis est juris, quia possidetur animo domini, & nullius juris, præterquam ex causa castrensis, vel quasi castrensis filiusfamil. vel servus obtinendi capax est, ne momento quidem temporis, quin id confestim adquirat patri vel domino, l. quod dicitur, de verb. oblig. l. placet, de adq. hered. Ergo fieri non potest, ut videatur filiusfamil. vel servus peculium possidere civiliter, ut in l. quod servus, hoc tit. sed possidet naturaliter, & dominus per eum.

Ad §. Ultim.

Tertia & ultima definitio hæc est: Per liberam personam, id est, per procuratorem possessionem adquiri, etiam nobis ignorantibus, si eam apprehendat nostro nomine, quam definitionem l. 1. & C. cod. tit. & Paulus 5. Sentent. tit. 2. ait, utilitatis ratione fuisse receptam, ne scilicet interim possessio vacet, ut si fufius explicat l. 1. §. per procuratorem, hoc tit. & auctoritate prudentum fuisse receptam, l. 41. tit. sequent. Denique in

Zzzz

ad-

adquirenda possessione per procuratorem, ab initio quidem voluntas nostra requiritur & animus, requiritur mandatum, ut rem emat, & traditam accipiat procurator. Alioquin nec possessio sine mandato acquireretur domino, *l. nisi ratum habenti, l. communis, hoc tit. & Paulus, sup. d. loco Sentent.* Ab initio igitur mandatum nostrum requiritur & voluntas, *l. ea que sup. tit. prov.* Sed non requiritur etiam scientia, ut scilicet postea sciamus traditam fuisse procuratori possessionem. Et hoc distat possessio ab usucapionis causa. Nam per procuratorem ignorans incipit quidem possidere, sed non etiam usucapere, si forte procuratori res tradita sit a non domino, non incipit usucapere, antequam scierit eam rem procuratori fuisse traditam, *d. l. i. C. eod. tit. l. si emptam, tit. seq.* Distat etiam multum possessio ab obligatione. Possessio acquiritur per procuratorem: obligatio & actio non acquiritur per procuratorem, sed per eos tantum, qui sunt in nostra potestate. Nam per liberam personam, qualis est procurator, excepta causa mutui & pignoris traditi, aut contracti in causa mutui, *l. solutum, §. per liberam, de pign. act. l. per procurat. sup. de procur. l. i. C. per quas pers. nobis acquir.* Denique obligationes & actiones nobis non acquiritur per procuratorem, sed mandati iudicio quas actiones nobis cedere & præstare tenentur. Itaque si rem procurator emerit, & traditam acceperit, statim possessionem domino acquirit, actionem evictionis nomine, si forte res evincatur ab alio contra venditorem domino non acquirit, sed mandati iudicio eam cedere compellitur. Dominus eam obligationem vel actionem non acquirit ipso iure, sed mandati actione acquirere potest: quæ est sententia *§. ult. hujus l.*

Ad L. XI. de divers. & temp. præscr.

Cum heres in jus omnia defuncti succedit, ignorantia sua defuncti vitia non excludit: veluti cum sciens alienum illum, illo, vel precario possedit: quamvis enim precarium heredem ignorantem non teneat, nec interdicto recte conveniatur, tamen usucapere non poterit, quod defunctus non potuit. Idem juris est, cum de longa possessione queritur, neque enim recte defendatur, cum exordium rei bona fidei ratio non tueatur.

Definitio, quæ proponitur in hac l. est etiam de possessione, & extat in *l. pen. C. de acquir. poss.* Vitium possessionis a defuncto contractum heredem sequi. Vitia possessionis tria sunt, vi. possidere, clam possidere, precario possidere, quoniam his tribus modis mala fide possidemus, ut ait Donatus Homerus grammaticorum. Hæc vitia, si coperint a defuncto, heredem comitantur. Succedit enim in universum jus defuncti, quod est non in commoda tantum, sed & in incommoda: non in virtutes tantum, sed & in vitia: neque in bonam fidem tantum, sed & in malam: & ut bona fides defuncti prodest ad usucapionem, vel longam possessionem, quamvis heres sciat rem alienam esse, continuatio usucapionis non impeditur heredis scientia, *l. heres ejus, de usurp. & usucap.* ita vero mala fides defuncti heredi nocet, quamvis ignoret rem alienam esse: heres, inquit Papin. ignorantia sua defuncti vitia non excludit. Papinian. noster nunquam dixit ignorantiam, sed ignorantem semper. Et subijcit exemplum, veluti cum sciens alienum illum illo vel precario possedit, ubi quæso quid est, illum illo, aut quid portendit potius? vel illum, illo, vel ut scriptum est in Florent. quibus nulli sunt vetustiores, nulli castigatiores, & sicubi inuestigati, ita tamen scripti, ut castigata lectioni inveniendæ occasione præbeant. Divinum est munus editio hæc Pandectarum. Nam levat nos magna parte questionum & dubitationum illatarum frustra ab interpretibus; earum denique beneficio jus nostrum mirum in modum illustratum est: In illis vero atque etiam in omnibus manuscriptis, hoc loco ita scriptum est veluti cum sciens alienum illum, illo, vel precario possedit, ma-

nifesto mendo, quod equidem creatum opinor ex notis juris male explanatis, quibus hæc significabantur, cum sciens alienum vel vi vel precario possedit; & ita est legendum. Sensus autem hic est, vitium defuncti, qui rem alienam, vel vi, vel clam, vel precario possedit, heredem sequi & afficere. Dubitari poterat, an huic definitioni locus esset, cum defunctus rem alienam precario possederat. Ratio dubitandi hæc erat, quia precarium non transit in heredem, sicut nec societas, nec mandatum: precarium, sive precaria possessio non transit in heredem, id est, quod defunctus possedit precario, heres etiam non possidet precario: precarium non transit in heredem ejus, qui precario rogavit & possedit, quia ei duntaxat non etiam heredi ejus concessa est precaria possessio, *l. cum precario, §. ult. sup. de precar.* Et ideo nec heres ejus ex sua persona tenetur interdicto de precario, ut rem restituat, ex persona defuncti tenetur ad restituendum, si rem habeat, aut dolo fecerit, quo minus haberet, vel ad se perveniret, *l. quæstum, §. ult. de precar. l. 2. C. eod.* Ex sua autem persona non tenetur interdicto de precario, quia precarium ad eum non transit, sed finitur morte ejus, qui precarium rogavit. Verum si heres sciens pergit eam rem sibi possidere, tenetur interdicto de clandestina possessione, de quo in *l. 7. §. Julianus, eod. dicitur.* quia clam possidet non precario, tenetur etiam rei vindicatione. Et eleganter Paulus *§. Sent. tit. de interdict. heres, inquit, ejus, qui precariam possessionem tenebat, si in ea manserit, magis dicendum est, clam videri possidere: nulla enim preces ejus videntur adhibita, & ideo, inquit, persecutio ejus rei semper manebit, nec interdictio locus est: interdictio scilicet de precario.* Et hoc est quod ait Papinian. hoc loco, precarium heredem ignorantem non tenere, nec interdicto de precario recte conveniri. Ignorantem ait, non quod idem non sit in sciente: nam & scientem precarium non tenet, sed quia de herede ignorante est quæstio, an ei scientia defuncti noceat, quo minus rem usucapere possit. Et quamvis heres eam rem precario non possideat, sicut defunctus, sed forte pro herede, ignorans esse rem alienam, existimans hereditariam esse, quamvis eam possideat bona fide, tamen non potest eam usucapere, quia nec defunctus potuit eam usucapere, quam precario possidebat, *l. ult. C. commun. de usucap.* Precaria quidem possessio in heredem non transit, sed vitium & mala fides defuncti in heredem transit, & ideo non potest eam rem usucapere, quamvis ignoret eam alienam esse. Et subijcit Papin. huic definitioni locum esse non tantum cum de usucapione, sed & cum de possessione longi temporis, queritur, id est, 10. inter præsentis, & 20. annorum inter absentes, quæ olim in provinciis locum habuit, & non minus quam usucapio, quæ erat anni vel biennii tantum, bonam fidem possessoris exigebat, & exigit etiam hodie. Nam & in causa longæ possessionis mala fides defuncti ignorantem heredi nocet, nec recte defenditur heres præscriptione longi temporis, cum exordium, inquit, quod cepit a defuncto bona fide non tuetur: nam in initio & ad usucapionem & ad longam possessionem bonam fidem intercedere oportet. Hæc definitio est tantum de herede, qui successores est juris; & porrigi potest etiam ad bonorum possessorum: nam & hîc successores est juris universi: non est, inquam, hæc definitio, nisi de successore juris universi: nam idem non est in successore rei: veluti in emptore, hic enim si bona fide emerit, nec utatur accessione temporis ex persona venditoris, ei mala fides venditoris non nocet, quia ad vicem ejus propius non accedit, sicut heres, nec in universum jus universæque qualitates ejus successit, *l. an vitium, hoc tit. l. apud Celsum, §. de auctoritate, de doli except. l. 1. C. de præscript. longi temp.* Alius est successores juris. Alius successores rei, *l. quædam, §. is autem, sup. de edendo, l. 9. de exception. l. 15. C. de donat. §. legatarius, Instit. de testam.* Successores juris est successores vitiorum defuncti, non successores rei.

Ad L. CXXIV. de verborum obligationib.

Insulam intra biennium illo loco adificari spondes? Ante finem biennii stipulatio non committitur, quamvis reus promittendi non adificaverit, & tantum residui temporis sit, quo adificium extrui non possit: neque enim stipulationis status, cujus dies certus in exordio fuit, ex post facto mutatur, idque & in stipulatione iudicio sistendi causa facta placuit, scilicet ut ante diem stipulatio non committatur, se certum esse coperit parere stipulationi residuo tempore non posse.

Hæc lex pertinet ad regulam l. 186. de reg. jur. quæ talis est: cum certum tempus, ceterusve dies obligationi additur, nisi eo tempore vel die præterito agi non possit. Quam & Ulpianus retulit lib. i. regul. in l. cedere, de verb. significat. his verbis: ubi quis in diem certam stipulatus est, statim quidem cedere diem, sed nondum venire, id est, statim deberi, statim nasci obligationem; & ex presenti tempore vires accipere, sed stipulationem non committi, & ex ea agi non posse, antequam dies venerit, atque etiam præterierit, *dominus, Instit. de verbor. obligat.* Qua de causa, qui ante diem agit, non dicitur nihil agere, quia ei debetur, quod temp sit: sed dicitur male agere, quia plus petit tempore, sicut & qui plus petit quantitate, male agere dicitur, l. 4. de compensat. Et similiter, qui tempore plus petit, l. 1. §. ult. quan. dies a usufr. leg. cedat: male agit, quia incidit in periculum plus petitionis: qui nihil agit, ab omni periculo securus est. Porro huic regulæ hoc loco Papin. off. c. dicit locum esse, etiam si antequam dies venerit, certum esse coperit, non posse expleri, quod in stipulationem deductum est. Fac me stipulatum domum adificari certo loco intra biennium, an ex stipulatu agere possim ante finem biennii, cum ex biennio superest mensis duntaxat, intra quem certissimum est domum adificari non posse, an statim, atque id certum esse coperit, possum agere ex stipulatu? Minime: status, inquit, stipulationis, cujus dies certus in exordio fuit, ex post facto mutari non potest, tota stipulatio fuit collata in biennium completum: ergo biennii finis expectandus est, quia nec ante verum est, intra biennium adificium extruendum non esse, quam totum biennium exierit & effluxerit: statum stipulationis dici pro natura, conditione, qualitate stipulationis, ut l. 9. §. pen. tit. seg. l. 17. de condit. furt. Idemque est in stipulatione iudicio sisti, si exempli gratia eum, qui Romæ est, stipuler Lugduni in iudicio sisti intra Calen. Majas: Nam et si 4. Calen. Majas is nondum pedem Romæ extulerit, ut plane certum sit; eum intra triduum Lugdunum venire non posse, & sese iudicio sistere, tamen ex stipulatione nondum agi potest, antequam Calen. Majæ venerint & præterierint, quia tota obligatio fuit collata in Calendas Majas, l. eum, §. 1. sup. si quis cautionem. Neque huic sententiæ Papiniani quicquam obstat l. 14. hoc tit. quia & stipulatio, quæ in ea l. proponitur ita concepta simpliciter, domum adificari, non committitur, antequam tempus præterierit, intra quod domus adificari potuit vel debuit, quod quidem tempus ei stipulationis simpliciter conceptæ tacite inesse intelligitur, l. 73. h. t. l. quotiens, de oper. libert. & l. 186. Utrobique igitur non committitur stipulatio antequam is dies præterierit, intra quem domus adificari potuit vel debuit, etiam si jam ante confiterit domum adificari non posse residuo tempore, quod superest. Itaque congruit l. 14. cum hac l. Magis tamen videtur ob stare, l. 72. §. ult. hoc tit. quæ ait, eandem stipulationem domum adificari committi etiam, antequam tantum temporis præterierit, quanto domus adificari potuit: Nempe statim atque interpellatus promissor, ut inchoaret adificium, moram fecit. Pugnât d. l. 72. §. ult. cum d. l. 14. & fuit in ea dissentio inter juris auctores, ut ostendi in d. l. 14. rejecta diffinitione Joannis, quam tamen postea quidam asserere conati sunt ineptissime. At non pugnât

Tom. IV.

A d. l. 72. §. ult. cum sententia hac Papin. quia Papin. loquitur de stipulatione, cui ab initio nominatim dies additus est, is dies omnino est expectandus, antequam committatur stipulatio, vel agatur ex stipulatu. Illa l. 72. §. ult. loquitur de stipulatione, domum adificari, cui dies additus non est: nec mutat, quod tacite inest, quia in jure non est eadem ratio taciti, & expressi, nisi perraro.

Ad L. XXVIII. de Novationibus.

Fundum Cornelianum stipulatus, quanti fundus est postea stipulor, si non novandi animo secunda stipulatio facta sit, cessat novatio, secunda vero stipulatio tenet, ex qua non fundus, sed pecunia debetur: itaque si reus promittendi fundum solvat, secunda stipulatio jure non tollitur: nec si litem actor ex prima contestetur, deinde meliore vel deteriore facto sine culpa debitoris postea fundo, præsens æstimatio fundo petito recte consideretur, in altera vero ea æstimatio venit, quæ secunde stipulationis tempore fuit.

Hæc l. pertinet ad id, quod definitur in l. 3. §. in hac, commod. & l. vinum, de reb. cred. & l. ult. de condit. trit. & l. hominem 37. mand. In actione stricti iudicii, tempus litis contestatæ spectari, cum queritur quanti ea res sit quæ de agitur, quæ in re actio stricti iudicii plurimum distat ab actione bonæ fidei. Nam in actione bonæ fidei plerumque æstimatio respicit tempus rei iudicatæ, ad quod etiam formula ejus actionis refertur, d. §. in hac. Et species hujus legis hæc est: stipulatus sum mihi dari fundum Cornelianum; postea **C** ex intervallo ab eodem stipulatus sum mihi dari quanti fundus idem est. i. æstimationem fundi, non novandi animo, sed ut utrumque mihi daretur, fundus & pecunia. Pecuniam vocat hoc loco Papinian. verum fundi pretium. Nam ut his verbis, quanti ea res est, modo verum pretium significatur, modo id, quod interest, aut poena, ut offendi in l. 2. rem ratam habere 11. respons. ita etiam pecuniæ verbo modo significatur verum & iustum rei pretium, ut hoc loco: modo id, quod interest, vel poena certa, ut l. stipulationes, de verb. oblig. l. §. quis ab alio, §. ult. de re jud. Titus Livius lib. 3. sisti reum pecuniamque, nisi sistatur, pro populo promitti. Igitur in specie proposita duæ obligationes, duæ stipulationes sunt. Una fundi, altera æstimationis: ideoque soluto fundo, altera stipulatio jure non tollitur, id est, neque ipso jure tollitur, quia nec in ejus stipulationis causam fundus solutus est, neque per exceptionem pacti conventi, vel doli mali, quia id actum non est, ut ex posteriore stipulatione non ageretur: jure, Basilica interpretantur *id est dicitur*, ut in l. ubicunque, de fidejussor. Ac similiter lite contestata ex priori stipulatione, id est, fundo petito altera stipulatio non perimitur, & ex utraque agi potest, quia cessat novatio. Hoc tantum interest, quod est præcipuum in hac lege, inter effectum prioris & posterioris stipulationis, quod ex priore, si agatur conditione triticaria ad æstimationem scilicet, puta, ut si non fundus, qui stipulatione continetur, saltem fundi æstimatio præstetur, tum præstari debet officio iudicis, non quanti fundus fuit tempore interpositæ stipulationis, sed quanti est cum petitur i. tempore litis contestatæ ut in d. §. in hac, d. l. vinum, d. l. ult. de condit. trit. d. l. hominem, quæ omnes ill. etiam sunt accipienda de conditione triticaria ex stipulationis causa, quæ persequimur rei æstimationem deductæ in obligationem. Et hæc definitio ita procedit, nisi aliud convenierit. Nam si de tempore convenierit, id sane potius spectabitur, id est, si convenierit, cujus temporis æstimationem præstari oporteret, ut mox declarabitur, quum tractabimus de posteriore stipulatione. Item nisi dictum sit, quo tempore fundus daretur. Nam id tempus spectare oportet in æstimando fundo, quo dari debuit d. l. vinum, & d. l. ult. Unde est sumenda ratio l. cum quis, de oblig. & actio. ut ad Africanum demonstratum

Zzzz 2

est

est lib. 3. nam ea l. cum quis est Africani. Alioqui si dictum non sit, quo tempore fundus daretur, tempus litis contestatæ spectatur secundum superiorem definitionem: sive ut ait, post stipulationem primam, melior sive deterior factus sit fundus sine culpa promissoris. Nam si culpa vel mora promissoris intervenierit, æstimatio fundi reducitur ad tempus, quo culpa debitoris nondum interveniente, fundus nondum erat deterior, non ad tempus culpæ vel moræ debitoris, quo pluri fuit fundus, ut in l. pen. in fine de condit. tritic. Nam & mora culpa est, l. si servum, §. sequitur, de verb. oblig. Et ob id solet a me ita definiri mora, culpa debitoris, non respondentis ad interpellationem creditoris. Et hæc de prima stipulatione. Nunc dicamus de secunda, aut de effectu secundæ stipulationis. Si agatur de secunda stipulatione ita concepta, quanti fundus est, dari præstari debet quanti fuit fundus, tempore interpositæ stipulationis, non tempore litis contestatæ, quia illa verba, quanti fundus est, præsentis temporis, id est, temporis contractus demonstrationem habent, l. scribit, §. item scribit, de aur. & arg. leg. Proinde quasi ex conventionem ejus temporis æstimatio debetur, non ejus temporis, quo lis contestata est, pretium cuiusque rei pro tempore est. Itaque multum interest scire, cujus temporis æstimationem servari oporteat: Et in prima quidem stipulatione servatur tempus litis contestatæ: in secunda tempus contractus, quæ est sententia hujus l. cui tamen in eo, quod agit, ex prima stipulatione, tanti fundum æstimari, quanti fuit tempore litis contestatæ, quod & homine petito servari ostendit d. l. hominem, & vino petito d. l. vinum, & frumento, vel oleo petito, & ceteris rebus d. l. ult. de condit. tritic. quæ omnino consentit cum d. l. vinum: in eo, inquam, & illis l. & legi nostræ adversari videretur l. pen. de cond. tritic. Adversari igitur l. pen. & l. ult. adversari inter se illicina & quasi conjuncta. Qua in re dici non potest, quantopere jamdudum laborant Doctores nostri nec quicquam non animadvertentes, quod erat perspicuum satis in l. ult. quæ ut dixi omnino congruit cum l. vinum, quod tamen non animadvertentes, quod erat perspicuum satis in l. ult. quæ ut dixi omnino congruit cum l. vinum, quod in hac l. aperte proponitur illo loco, sine culpa debitoris, atque etiam in d. l. hominem. Sed vini, exempli gratia, non existente copia, & debitore, qui vinum mutuum acceperat, parato solvere æstimationem, quam & creditor ipse petit conditione triticaria, de eo tantum queri & litigari, cujus temporis æstimatio præstanda sit, utrum contractus habiti, an rei judicatis, an litis contestatis, cum scilicet non est dictum, quo tempore vinum redderetur. Et ajunt omnes litis contestatæ tempus spectari, vel litis contestatæ tempore spectari quanti vinum fuerit, & ejus temporis æstimationem creditori esse præstandam. At in specie l. pen. debitor fuit in mora, nec fuit paratus solvere hominem, qui perebatur conditione triticaria. Ideoque si post moram, si post litem contestatam ille homo factus sit pretiosior, tanti homo æstimatur, quanti fuit rei judicatis tempore si vivat, vel si interim mortuus sit quanti fuit mortis tempore, quod tempus recte ait esse accipiendum in prædictis. i. tempus mortis non esse accipiendum pro momento moriendi, sed aliquanto latius, ne spectato novissimo tempore vitæ, novissimo spiritu, quandoque ad exiguum redigatur pretium servi, veluti si forte servus mortifere vulneratus fuerit. Qua de causa id tempus potius spectatur, quo mortiferam plagam servus accepit, quo longe plurius erat, quam litis contestatæ tempore, quia post litem contestatam factus erat pretiosior. Et hæc de homine post moram pretiosiore factus. Quod si deterior factus sit post moram, ut si eluscarus sit, tunc subjicit l. pen. sive si homo vivat, sive non, æstimationem esse reducendam ad tempus moræ, quo plurius fuit, atque ita præstendam esse moram debitoris. Denique l. pen. tota est de faciendi æstimatione post moram debitoris, l. ult. l. vinum, & similes sunt de æstimatione faciendi ante moram debitoris, aut cum nulla intercedit mora debitoris. Quod & Stephanus Græcus interpres notat expresse ad d. l. vinum,

his verbis partim Græcis, partim Latinis: τὸ τοῦ πένον ἰδὼν οὗ ὡς ἀπὸ τῆς πρὶν γυναικὸς, id est, hoc autem, intellige, ubi moram reus non fecit. Hoc etiam memini me exponere latius ad d. l. hominem, & ad l. 50. de verb. oblig. Quod profigat omnes quaestiones, quæ frustra agitantur vulgo in d. l. vinum.

Ad L. XCVII. de solutionibus.

Cum ex pluribus causis debitor pecuniam solvit, utriusque demonstratione cessante, potior habetur causa ejus pecunie, quæ sub infamia debetur, mox ejus, quæ poenam continet, tertio quæ sub hypotheca vel pignore contracta est: post hunc ordinem potior habebitur propria, quam aliena causa, veluti fidejussoris. Quod veteres: ideo definiunt, quod verisimile videretur, diligenter debitorem admonitum, ita negotium suum gesturum fuisse, si nihil eorum interveniat, restitit contractus ante solvitur. Si major pecunia numerata sit, quam ratio singulorum exposcit, nihilominus primo contractui soluto, qui potior erit, superfluum ordini secundo, vel in totum, vel pro parte minuendo, videbitur datum.

Quod proponitur in hac l. definitionem esse veterum ipsismet Papii nominatim ait in h. l. Definitio autem est de debitore, qui cum eadem creditori deberet ex pluribus causis, ex pluribus nominibus, certam pecuniam solvit, nec dixit, in quam causam eam pecuniam solveret, nec item creditor dixit, in quam causam pecuniam acciperet. Potuit id debitor exprimere, & solutioni dicere certam legem, vel debito cessante potuit creditor statim in ipso negotio edicere, cui potius causæ sive debito eam pecuniam acceptam ferret. Qua tamen in re ita debet versari, atque veraretur ipse in suo debito solvendo: nec, verbi gratia, quod solvitur acceptum ferre debet debito, quod est in controversia: nec debito, quod pro alio fidejussit, si nec debito, cujus dies nondum venit, l. i. h. ubi ex Basilicis jamdudum ostendi, omnino ita esse legendum, non in id debitum, quod est in controversia, id est, probe non facit creditor; si quod solvitur, acceptum ferat in debitum, quod liquidum non est. Utrouque vero cessante & debitore & creditore, utroque tacente, vel, ut Papianus ait, cessante utriusque demonstratione causa, ita veteres definiunt, id videri solutum, quod ex causa famosa debeatur, veluti furti, vel mandati potius, quam quod debetur ex causa non famosa, ut l. 7. h. i. Causa existimationis prima & summa causa est, tum post eam causam id, quod debetur, sub poena, solum videtur potius, quam id quod debetur sine poena, l. 4. hoc tit. Tertio loco id, quod debetur sub pignore, quam quod debetur sine pignore. Quarto loco id, quod debet is, qui solvit principaliter suo nomine potius, quam quod debet fidejussorio nomine, d. l. 4. Potior est causa, quæ durior est, & gravior, & quæ magis onerat debitorem, quaque abfolvi eum quantocius maxime interest. Et inter duriores causas prima, & summa est causa famosa. Secunda causa poenalis. Tertia causa hypothecaria. Quarta causa principalis & directa: praeferat enim me magis, quod meo nomine principaliter, quam quod alieno nomine debeo. Et quem ordinem diligens debitor in admonendo creditore servare dicitur solvendo pecuniam, eundem servasse semper præsumitur; si neque debitor, neque creditor demonstrat, in quam causam pecunia indistincte soluta solveretur, vel acciperetur. Quid autem fiet, si nulla interveniat causa durior, nullum nomen, quod contractum sit sub infamiae periculo, vel sub poena, vel sub pignoribus, vel alieno nomine puta fidejussorio. Denique quid si omnia nomina similia sint? Et recte ait, tunc solum videri in vestigiorem causam, id est, in antiquius debitum, & quæ Græci dicunt γρηγορότερα χρεία; Galli, plus antequam debetur, ut in l. 5. in princ. & l. 24. & l. 89. §. ult. hoc tit. Et ad hanc definitionem respiciens Modestianus in l. 79. hoc tit. ait, in libertino nullum esse

esse antiquius debitum debito operarum, quas promissit patrono, sine quibus non pervenisset ad libertatem: hæc est prima obligatio, quam manumissus contrahit; ergo antiquior: nam debita contracta in servitute manumissum jure civili non sequuntur, *l. servi, de obli. & ast.* Quid rursus fiet, si major pecunia solvatur, quam debeatur ex singulis causis? Fac nullam esse causam, ex qua debeantur plusquam centum, & solvi centum & quinquaginta, non demonstrata causa, & ait centum imputari primo ordini, id est, causæ primæ, causæ famosæ, si ex ea centum debeantur: superfluum autem, id est 50. imputari secundo ordini, secundæ causæ, & sic deinceps secundum definitionem veterum, quæ est sententia hujus. In ea in hoc fallitur tantum Acc. quod ponat ad hanc definitionem pertinere, *l. si in duob. 104. de reg. jur.* quæ longe alio respicit: nimirum ad causarum agendarum ordinem, non ad ordinem solvendarum pecuniarum: ordo causarum agendarum hic erat ut causa de majore summa præponeretur minori, nisi si qua incidereat causæ eximitionibus, causæ famosæ, veluti de furto, aut de vi. Nam hæc extra ordinem agebatur, & inde appellatio extraordinarii rei in epist. Cælii, ad Cic. & de servando isto ordine in causis agendis etiam est lex quædam *lib. 9. C. l. pen. si pendet. app.*

Ad L. X. de Publicis judiciis.

Inter accusatorem & reum cognitione suscepta excusatio pro absente iustis rationibus admittitur, ne per triduum per singulos dies ter citatus reus damnetur, vel de accusatoris absentis presente reo calumnia pronuntiatur.

In hac l. proponitur ratio ejus definitionis, quæ statuit post litem contestatam inter accusatorem & reum: si reus vel accusator absit, pro absente excusationem iustis rationibus admitti. Quæ definitio SC. tribuitur in *l. pen. ult. h. t.* iustis, inquam, rationibus, ut ait hoc loco, quod est in *d. s. ult.* si iustas & idoneas rationes absentie procurator habeat, quæ iudicibus allegare possit. Admissa autem excusatione absentis rei vel accusatoris differtur condemnatio: aliqui absens est contumacia condemnari statim posset, quoniam litem contestatus est. Litem contestatio hoc loco significatur his verbis, *cognitione suscepta*: nec enim iudex cognitionem suscepit antequam litem partes suscepierint, quod fit per contestationem & narrationem negotii ex utraque parte: litem suscepit litigator, cognitionem vero iudex statim atque lis suscepta est ex utraque parte, *l. pen. sup. de iurisdic.* ante litem contestatam absens condemnari non potest, *l. 6. C. de acc. l. absentem, §. adversus, de pen.* At quia post litem contestatam absens condemnari potest, si per triduum, per singulos dies ter citatus, non respondeat, nec sui presentiam faciat: ideo iustæ excusationes absentie, quæ allegari possunt per procuratorem, *l. absens, sup. de procur.* admittuntur differendæ & cohædendæ condemnationis causæ, si existat procurator vel amicus voluntarius, qui excuset absentem: quod in foro vocant *coniter*. Et hoc est, quod ait hoc loco, *ne per triduum per singulos dies ter citatus reus damnetur, vel de accusatoris absentis presente reo calumnia pronuntiatur*. Ideo admittitur excusatio absentie prolatis iustis rationibus, ne ex calumnia damnetur reus absens, vel etiam ne accusator absens presente reo calumnia damnetur, qui destitit a lite suscepta. Legendum est hoc loco, *ne per triduum*, ut & in Basil. *iva più tò re*, &c. male in Florent. scriptum est, *nec per triduum*. Mos autem hic erat quem Glossæ non percepunt, qui servabatur & in legibus promulgandis triduum, aut in triundinum, & in die dicenda reis æque in triundinum, ut indicat Cic. oratione pro domo sua. Denique mos hic erat, ut absens reus, vel accusator post litem contestatam triundinio adesse juberetur, id est, singulis tribus nundinis, si mercedibus solemnibus per singulas nundinas intermisso, ut fiebat, spatio dierum 9. & unaquaque vice ter repetito nomine absen-

tis voce præconis, quæ vox legis dicitur, ut Julianus interpretatur in *Nov. 69.* vel a Demosthenē pro Ctesiphonte, *vox patriæ communis*. Et hunc morem latius exposuit Observatio 20. Ne igitur hoc more non servato, vel absens reus damnetur, vel absens accusator, ut calumniator: ideo SC. cautum est, differendæ condemnationis causæ, iustas causas absentie si allegentur, admittendos esse suspensam condemnatione. Quæ est sententia hujus legis.

Ad L. XII. ff. de Pœnis.

Sanctio legum, quæ novissime certam poenam irrogat iis, qui præceptis legum non obtinuerunt, ad eas species pertinere non videtur, quibus ipsa lege poena specialiter addita est: nec ambigitur in cetero omni jure speciem generi derogare: nec sane verisimile est, delictum unum eadem lege cæcis estimationibus coerceri.

Hæc lex proponit evidenter regulam ejusmodi, quæ est in *tit. de regul. jur. 80.* In toto jure generi per speciem derogari, & illud potissimum haberi, quod ad speciem directum est. Et proponit hæc lex ad eam regulam exemplum tale. In extrema parte legum plurimæ solet generaliter addi poena certa, si quis adversus ea fecerit sciens dolo malo, capitalis est, vel, eos populo dare damnas esto. Ultima clausula legum est poena, quæ infligitur migrantibus a lege, si non obtinuerint præceptis legis; & ea pars ultima legum appellatur sanctio, & ab ea leges ipsæ sanctæ dicuntur, quasi sanctione subnixæ, *l. sacra, §. proprie, de ver. divisio. l. Tull. 2. de Invent.* Maxime conservandam eam legem esse, quæ diligentissima & sancta est; & 3. ad Att. vix ullam esse legem, quæ non ipsa se sepius difficultate abrogationis, id est, sanctione aliqua. Pertinet autem ea pars, si quis sanctio, quæ generalis est ad omnia capita legis, & ad omnes species, quæ lege continentur, quibus similiter non est adscripta poena certa & propria. Nam ad eas species, quibus poena lege specialiter adscripta est, clausula illa, si quis sanctio generalis non pertinet; pars siue poena specialis derogat generali: ut in certo omni jure ait Papinianus receptum esse, speciem generi derogare & detrudere, quod multis exemplis demonstrari posset, petitis ex *l. 10. de manum. testam. l. 9. de suppell. leg. l. 12. §. ult. de instruc. & inst. leg.* & innumeris aliis locis. Ac præterea ait Papinianus non esse verisimile legem voluisse, idem crimen siue delictum coerceri duplici poena: nimirum speciali & generali: unius criminis una lex est, una poena, unum iudicium. Quia de causâ & Senatus censuit, ob unum crimen neminem posse pluribus legibus reum fieri, *l. Senatus, sup. de accusat.* Idque arbitror censui tempore Titi Vespasiani. Nam ut Sueton. scribit, *Titus Imperator, ut delatores coereret, vetuit inter cetera de eadem re pluribus legibus agi*: aliqui uni delicto duplex poena infligeretur, quod iniquum est. Ideoque cum certo capite legis uni delicto addita est poena specialis, poena sanctione subscripta ad illud delictum non pertinet: quoniam est iniquum, unius delicti duplicem esse poenam. Hoc loco addam definitionem Papin. ex hoc lib. 2. quæ non est quidem relata in D. sed quam nobis concessit L. Rufinus in eo lib. quo contrulit jus civile populi Romani cum lege Dei data per Moysen populo judaico, & eam fuisse positam scribit *lib. 2. Definit. sub tit. de judic.* id est, de condemn. Nam hi libri Definit. erant distincti tituli. Definitio hæc est: per hominem liberum noxæ deditum, si tantum adquisitum sit, quantum damnum dedit, manumittere cogendus est a prætorē, qui noxæ deditum accepit, sed fiducia iudicio non tenetur. Hæc est definitio Papinian. quæ loquitur quidem de libero homine noxæ dedito, sed idem servari in servo noxæ dedito ostendit aperte §. *dominus, Instit. de nox. ast.* nempe servum noxæ deditum ei, cui noxam nocuit, id est, cui damnum dedit, manumitti auxilio prætoris, si quæ sita pecu-

pecunia is servus novo domino, cui deditus est facierit & solverit damnum, id est, praestiterit damni aestimationem, manumitti eum oblata aestimatione damni, nec reverti ad priorem dominum, cuius dominio in perpetuum abscissit. Sicut si quis amiserit dominum rei suae usufructu, ac deinde is, qui usufructu eam rem, habeat pro derelicto, sine dominio non revertetur ad priorem dominum, a quo discessit in perpetuum, sed acquireretur occupanti iusto titulo, nempe pro derelicto. Et est valde suavis in quadam epist. noviter impressa M. Ant. Muretus qui ludit J.C. & cum ea quaestio ei proposita fuisset de eo, qui rem usufructu, quam postea pro derelicto habet, magnifice respondit sibi videri equum esse, ut ea res redeat ad priorem dominum. Ratio autem huius definitionis a nobis proposita haec est, quod novus dominus, cui servus noxae deditus est, magis voluerit sibi damnum faciri, quam dedi servum, quodque servum in noxam acceperit, non tam sua sponte, quam cosctus necessitate quadam noxalis iudicii: qua ratione etiam Graeci utuntur, ut dixi in specie l. 8. de nox. act. quod item iudex in primis etiam damnum faciri iusserit: ita enim solet iudex proponere noxali iudicio, ut docent Inst. Pub. Mavium (qui est dominus servi conventus noxali actione) propter delictum servi L. Titio (qui est is cui damnum datum est a servo) in decem aureos condemnare, aut noxam dedere. Praecedit aestimatio damni in x. aut xx. aut centum aureos, ut & praecedere ait l. 6. sup. de re iudic. praecedit, inquit, aestimatio damni, & in condemnatione est: noxae deditio sequitur, & in praestatione magis est, quam in condemnatione. Denique in condemnatione tantum est aestimatio damni. Quamobrem & noxae deditio est integrum satisfactio iudicato praestita aestimatione litis, & ita se ab eo liberare, cui noxae deditus est, & ei invito interventu praeioris extorquere libertatem. Denique sub tit. de iud. docuit Pap. etiam libero homini noxae deditio ob causam iudicatis, non facti post deditionem, integrum esse facere iudicatum, & se liberare ab eo, cui deditus vel addictus est: noxae dedi olim poterant etiam liberi homines, l. 2. §. proinde, de lib. hom. exhib. §. ult. Inst. de nox. act. quod & Paulus apud eundem L. Rufinum significat lib. sing. de adult. dum ait, marito licere occidere deditum liberum hominem deprehensum in adulterio uxoris: locus ille intelligitur de dedito libero homine, quia de servo & libertino iam sup. dixerat: proinde etiam liberi homines noxae dedi poterant. Verum multum distabat noxae deditio servi a noxae deditione liberi hominis, quia servi deditio faciebat eum servum ejus, cui debebatur: at noxae deditio liberum servum non faciebat. Imo nec pignoris aut fiduciae vinculo necebat liberum hominem. Nam ut Paulus ait, liber homo pignori vel fiduciae dari non potest: perstringam paucis differentiam inter pignus & fiduciam. Pignus est pignus, quod transfert solam possessionem in creditorem: fiduciae est pignus, quod transfert etiam dominium in creditorem sub lege remanendi, post solutam omnem pecuniam, quod & Paulus ostendit in sent. & Isidor. in originibus suis. Noxae igitur deditio non necit liberum hominem iure pignoris aut fiduciae. Qua de causa in superiori definitione Pap. ait, oblata aestimatione damni, eum, cui liber homo deditus est, non compelli hominem manumittere. Nam & manumitti dicitur deditus vel addictus, vel obatus. Non omnis qui manumittitur, manumittitur ex servitute, sed vel ex nexu, vel ex deditione, vel ex additione: non compelli, inquam, eum manumittere fiduciae iudicio oblata aestimatione litis, quia nulla fiducia contracta est, sed compelli extra ordinem per praeiorem ipsum vel praedem, non iure ordinario data actione & iudice speciali.

Ad L. XVII. de Castr. pec.

Pater, qui castrense peculium intestati filii retinebit, et alienum intra modum ejus, & annum utilem iure prae-

rio solvere cogitur, Idem si testamento scriptus heres extiterit perpetuo civilitate, ut heres conveniatur. Pater a filio milite vel qui militavit heres institutus, testamenti causam omisit, & castrense peculium possidet, legitimi heredis exemplo cogitur ad finem peculii perpetuo legata praestare. Quod si filius post annum, quam militare desierat, iure communi testamentato facto vita decessit, ratione Falcidae retinebitur quarta: ceterum si testamenti causam pater omisit, cum peculium creditoribus solvendo non esset, nihil dolo videbitur fecisse, quamvis temporis incurrat compendium.

Quod attinet ad l. 17. de castr. pecul. certissima juris definitio est, nec ullo modo, ut male tradit Acc. abrogata per Nov. 18. Et definitio haec est: filiusfamilias militis intestati defuncti, nullis liberis vel fratrib. superstitibus. ut recte adfuit, & singulariter in §. Inst. quib. non est permitt. fac. test. bona castrensia patri ejus superstiti deferri ut peculium, quod retro intelligitur fuisse in bonis patris, ut ait l. pen. h. t. Deferri, inquam, patri ut peculium, cuius retro fingitur dominum habuisse, non ut hereditatem: testati autem filiusfamilias militis, patre herede instituto bona castrensia ex testamento patri deferri ut hereditatem. Haec definitio proponitur multis in locis, l. 1. §. 2. §. 9. & l. pen. h. t. l. 1. §. si is cui bona, de collat. bon. l. ult. ad Tertull. l. in eo, de adq. ver. dom. Et ratio evidentissima huius definitionis haec est: quia iure antiquo, quod obtinuit ante constitutiones Principum, peculium castrense filiusfamilias non minus acquiratur patri, quam peculium paganum. Et novissime ex constitutionibus Principum, hoc privilegium militiae datum est, ut de castrensi peculio possit filiusfamilias milites statuere suo arbitrio, perinde atque si patrifamilias. est, quo privilegio quamdiu utitur filiusfamilias, nullum in eo peculio sui patri competit. Quamobrem si de castrensi peculio testetur filiusfamilias, ut potest, vel in militia, iure militari, vel post missionem iure communi, si, inquam, filiusfamilias. testetur de castrensi peculio, atque ita suo iure utatur, & extraneum heredem instituat, pater in eo peculio nihil iuris habet, vel si patrem ipsum heredem instituat, pater id occupat, & retinet, ut extraneus quilibet iure hereditario, non iure praeiorio, non iure antiquo, non iure peculii: si autem de eo peculio filiusfamilias testamentum non faciat, & moriatur intestatus, quia suo iure usus non est, pater secundum ius antiquum postmissionem cuiusdam similitudine, ut ait l. pen. h. t. id peculium sibi vindicat, quasi sibi adquisitum: id peculium occupat iure suo, iure patris potestatis, iure peculii, non iure hereditario, quod est extraneum ius. Et haec est sententia huius definitionis. Porro ex hac definitione & differentia sequitur, quod proponit Papin. initio h. legis. Intestato mortuo filiofamilias patrem creditoribus filii teneri iure praeiorio actione de peculio, non in solidum, sed intra modum peculii, siue quod idem est ad finem peculii, id est, eatenus quatenus peculium patitur: uno verbo, peculio tenus, & teneri creditoribus intra eum modum, & intra annum utilem tantum, ut in peculio pagano fervari solet, l. 1. quando de pecul. actio annua. sit. Nam mortuo filiofamilias intestato peculium castrense eodem iure est quo paganum: testato autem filiofamilias. & patre herede instituto, patrem adita hereditate iure civili, non iure praeiorio, creditoribus teneri in solidum, & perpetuo, non pro modo bonorum castrensium: & perpetuo, non intra annum, tamquam heredem filii scilicet: legatariis autem si filius a patre herede instituto legata reliquerit, patrem teneri, non in solidum, sed fini hereditatis, siue peculii castrensis, quod ad eum pervenit iure hereditario ex testamento filii, quia nec ex testamento militis legata debentur ultra vires hereditatis, legata debentur tantum ad finem hereditatis, deducto eo, quod creditoribus debetur, l. 1. §. denique, ad Trebell. res alienum debetur supra finem hereditatis, si adita sit ab herede scripto: legata nunquam debentur, nisi ad finem hereditatis, quod scilicet superest deducto are alieno; verum pro quaestio hereditatis, quod

quod superest deducto ære alieno pater legatariis tenetur perpetuo, quia actio legatorum, actio ex testamento perpetua actio est & civilis; ac præterea ex legatis pater non deducit quartam ratione legis Falcidie, quia in testamento militis Falcidia cessat, & legata debentur, si eis bona sufficiant, l. 7. C. ad l. Falcid. In testamento autem ejus, qui militia dimissus & sacramento solutus est, id est, in testamento veterani, Falcidia locum habet, etiam si vita decesserit intra annum missionis, l. ad veterani, ad leg. Falcid. In testamento, inquam; veterani, quod fecit post missionem jure communi. Nam in testamento, quod fecit in militia jure militari, si moriatur intra annum missionis, l. Falcidia non habet locum, quia intra annum testamentum valet jure militari, perinde atque si in militia diem suum obiisset. Sed si post annum missionis moriatur, etiam in eo testamento, quod in militia fecit, l. Falcidia locum habet, si moriatur post annum missionis, l. si post, C. l. si miles, ad leg. Falcid. l. si certarum, §. ult. de milit. test. Sciendum autem est, his omnibus, quæ diximus hæcenus, locum esse non tantum, cum pater a filiosam. milite aut veterano heres institutus hereditatem adirit ex testamento, sed etiam cum omiffa causa testamenti, id est, repudiata hereditate filii ex testamento, atque ita filiosam. intestato facto per repudiationem patris, bona castrensia pater possidet jure peculii. Item ea quæ diximus, obtinent etiam hoc casu, exemplo scilicet ejus, qui omiffa testamento, in quo erat institutus, bona possidet jure legitimo, & jure hereditario ab intestato, ex edicto, si quis omiffa. caus. testam. d. l. si certarum, §. pen. Pater filiosam. testamentarius heres esse potest; legitimus heres esse non potest ab intestato, sed hoc casu legitimi heredis exemplum sequitur, si omiffa causa testamenti retineat bona castrensia jure peculii, perinde atque si ea retineret jure hereditario ab intestato. Et hoc igitur casu perinde atque si adisset hereditatem filii ex testamento, in eum legatorum actio datur perpetua, ut ait hoc loco, & comprobatur l. de libertatibus, §. 1. si quis omiffa. caus. test. sed datur legatorum actio ad finem peculii tantum, id est, pro quantitate hereditatis quæ superest absolutis creditoribus filii. Nec Falcidie locus est, si testamentum filiosam. fecerit jure militari, & in militia vita decesserit, vel intra annum missionis, honeste, non ignominiose; sed si decesserit post annum missionis, vel si post missionem jure communi testamentum fecerit, licet intra annum vita decesserit, Falcidie locus est, quamvis pater omiffa testamento bona possideat ut peculium, non ut hereditatem, quia pro eo habetur, ac si adisset ex testamento, nec repudiasset testamentum ex superiore edicto, l. duo §. ult. si quis omiffa. l. 1. §. ad eos, sup. ad l. Falcid. Et hoc est, quod ait Papinianus illo loco, quod si filius post annum, quam militare deserat, jure communi testamento facto vita decesserit, C. c. In extremo hujus l. ponit Papinianus unum casum, unam exceptionem, qua quidem pater institutus a filiosam. milite, omiffa causa testamenti, si bona filii castrensia possideat jure peculii, legatorum nomine non tenetur. Casus hic est: si pater ideo noluerit ex testamento adire hereditatem filii, quod ea hereditas, id est, peculium castrense creditoribus filii solvendo non esset, quia, qui ob eam causam repudiavit testamentum, nihil dolo facit, sed prospicit sibi tantum, ne implicetur æri alieno filii, & edictum si quis omiffa causa occurrit tantum

A dolo, & calliditati heredum repudiantium testamentum in necem & fraudem legatariorum, l. si quis omiffa. Pater vero hoc casu non repudiavit testamentum hoc animo, ut legatariis fraudem faceret, sed ut fraudem a se depelleret, & onus æris alieni, quod facere potest impune, & citra metum illius edicti, l. cum pater, d. Titio, in fin. de legat. 2. l. Papin. §. quarta, de inoff. test. l. 4. de acq. hered. l. 6. §. si patronus, si quis omiffa causa testam. Sane pater incidisset in fraudem, si adisset hereditatem ex testamento filii, quæ erat onerata ære alieno nimis, quia adeundo, creditoribus filii se obligasset in solidum, etiam si hereditas non esset solvendo, quia semper intelligitur esse solvendo hereditas, quæ invenit heredem, qui adierit ex testamento, l. libertus qui, de bon. libert. Ergo & hoc casu repudiato testamento non fraudandi alterius causa, sed ne ipse fraudaretur, hæc inserciunt legata, quia non adita hereditate ex testamento non debentur, & commodum temporis etiam acquirit pater, quia creditoribus filii, de peculo non tenetur perpetuo, sed intra annum utilem tantum, ut proposuit initio: Atque ita hoc casu repudiato testamento, ut ait, temporis brevioris, quo conveniri potest a creditoribus, compendium incurrit. Et quamvis istius temporis compendium incurrit, quod non perpetua, sed temporaria actione pater filii creditoribus teneatur, qui repudiavit ipsius testamentum, tamen non tanta habetur ratio lucri temporarii, ut non propterea statuamus impune repudiari a patre testamentum filii bonis occupatis jure peculii, ac si intestatus decessisset e vita, quem & repudiato intestatum facit.

Ad L. LXXXIII. de Reg. juris.

Non videntur rem amittere, quibus propria non fuit.

A Liorum exempla ad hanc regulam displicent: utar tribus quæ non afferunt Latini interpretes. Creditores non videntur amittere rem pignori datam, quibus propria non fuit. Et ideo amiffi pignoris periculum pertinet ad debitorem, qui domusque mansit, non contracta fiducia, l. cum & sortis, §. ult. de pigner. act. amiffi, inquam, pignoris periculum pertinet ad debitorem tanquam dominum, non ad creditorem, si sine culpa ejus res amiffa sit, l. amiffi, in princ. de fidejuss. l. pignus, & l. quæ fortuitis, C. de pigner. act. Et ad hunc locum, hoc exemplo Græci interpretes utuntur apud Harmenopolum 3. Epitom. tit. 9. Potest etiam apponi aliud ex l. 1. §. cum qui, C. l. 3. §. utifru, de vi & vi arm. si quis prohibeatur ingredi & incipere possidere fundum, non videtur vi dejectus, aut detrusus ex fundo, nec habet interdictum unde vi, quia is tantum dejectus, qui amittit possessionem, non amittit autem possessionem, ejus nondum propria fuit. At aliud exemplum ex l. sed & si constante, de donat. inter vir. donatio rei alienæ, quam forte suam esse maritus existimabat collata in uxorem valet, quia ea tantum donatio jure civili prohibetur, quæ maritum pauperiorem facit, id est, per quam maritus rem suam amittit: non videtur autem amittere, quod proprium ejus non fuit. Explicuit est Papin. Definitionum liber 2. & ultimus, 12. Calend. Maij 1580.



JACOBI CUJACII J.C.

AD LIBRUM PRIMUM

ÆMILII PAPINIANI

DE ADULTERIIS COMMENT.

Ad L. XIII. D. de Testibus.

Quæritur scio, an in publicis judiciis calumnia dam-
nati testimonium judicio publico perhibere possunt, sed ne-
que lege Remmia prohibetur, & Julia lex de vi; & re-
petundarum, & peculatus, eos homines testimonium dicere
non vetuerunt: verumtamen quod legibus omisum est, non
omittitur religione judicantium, ad quorum officium pertinet
ejus quoque testimonii fidem, quod integra frontis homo di-
xerit perpendere.



APINIANUS scripsit duos libros de
adulteriis, & librum quoque sin-
gularem de adulteriis. Inter quos
aliquid interest: nam libri duo de
adulteriis sunt ad l. Jul. de adult. id
est, ad omnia capita l. Julia, quæ
erant plurima, nec omnia respicie-
bant ad causam, penam, vel judi-
cium publicum adulterii, siue stu-
cium publicum de fundo dotali non alie-
nando, Paulus 2. Sent. lege, inquit, Julia, de adulte-
riis cavetur, ne dotale prædium maritus invita uxore alie-
net: & alia de divortio certo modo riteque faciendis,
l. 1. in fine, unde vir & uxor: lex, inquit, Julia de adulte-
riis nisi certo modo divortium factum sit, pro infesto habet, &
aliud quoque fuisse caput l. Julia ait l. 19. de rit. nupt. de
compellendis parentibus, liberos suos, quos habent in
potestate, collocare in matrimonium filiabus aliter in-
stituta. Et ita libros Ulpiani de adulteriis aliter in-
scriptos fuisse ad l. Juliam, de adulteriis intelligimus ex
inscriptione legis 17. & 19. & 25. inf. ad l. Jul. de adult.
quo modo libros Papin. de adult. sic accipere debemus,
ad leg. Jul. de adult. id est, ad omnia capita. Nam &
ex hoc libro dabuntur leges de fundo dotali, & de
divortio. Liber autem singularis Papiniani de adulte-
riis fuit tantum de executione publici judicii, ex l.
Jul. de adult. non de omnibus capitibus l. Julia. Et
prima quidem, quæ se in D. offert ex primo ad l.
Jul. de adult. est, l. 13. ff. de testib. cui adjungam ex
lib. sing. l. 14. eod. Porto certum est adulterii damna-
tum, vel damnatum judicio publico ex l. Julia testem
produci vel testimonium dicere in judicio publico
non posse, l. qui testamento, §. mulier, qui testam. fac.

A poss. l. 18. hoc tit. Quod obtinet etiam in alio quolibet
damnato aliquo judicio publico, veluti repetundarum,
aut de vi, aut peculatus, quia infamis fit, & pro-
pter infamiam testis esse, inque judicio testimonium
perhibere vetatur, l. 3. §. lege, & l. 16. hoc tit. l. 6.
§. 1. ad leg. Jul. repet. Qua de causa, ut M. Tullius
scribit in prætura urbana, Verres callide cum esset le-
gatus Dolabellæ in provincia Sicilia, & furtorum ac
flagitiorum multorum in ea provincia commissorum
non modo particeps, sed etiam princeps, noluit ra-
tiones legationis suæ reddere, nisi condemnato prius
repetundarum, & ejecto Dolabella, qui poterat eum
reprehendere, ne post damnationem Dolabella in se
posset testimonium dicere. Quod si publico damnatus
in judicio testimonium dicere & perhibere non po-
test, & in testamento multo minus testis, vel signa-
tor esse potest, l. qui testamento, §. eum qui, qui
testam. fac. poss. quia testamenta, quibus patresfam.
statuunt & decernunt de universo jure suo solemniter,
maxime requirunt selectos & classicos assiduosque te-
stes, non qualescunque, non proletarios: quin & pro-
prie auctore Festo, classici dicuntur testes, qui signan-
dis testamentis adhibentur. Hujus autem rei argumen-
tum est, quod mulier si non sit damnata adulterii, in
judicio testis esse potest, in testamento non potest, d.
l. qui testa. §. mulier, & l. 18. hoc tit. Recte igitur dicimus,
judicio publico damnatum, qui in judicio testis esse
non potest, & multo minus in testamento adhiberi pos-
se: & in judiciis, & in testamentis testes adhibendi sunt
integre opinionis, aliqui ut ait l. 14. testamentum ne-
que jure civili valet, ut ex eo adiri hereditas possit,
neque jure prætorio, quod hac in re subsequitur jus civi-
le, ut bon. possessio secundum tab. dari possit, si infames
signandis testamentis adhibiti sunt. Testium infamia cor-
rumpit testamentum, quod maxime notandum. Ex eo
autem quod dicitur, judicio publico damnatum in ju-
dicio testimonium publice dicere non posse, colligitur,
ex eo crimine damnatum, quod publici judicii non
est, non prohiberi in judicio testimonium dicere, quia
non ex crimine damnatus est, cujus accusatio pateret
omnibus, sed ex crimine, quod habet causam privati
judicii, non publici. Et hoc sane verum est, si dam-
nationem ex crimine non publico, non sequatur
infamia, ut l. infamem, ff. de jud. pub. At quid si
damnationem sequatur infamia ex crimine non publi-
co,

co, an damnatus testis adhiberi potest in iudicio vel testamento? Hæc est questio *h. legis*. Fac, calumnie causa in iudicio publico, non iudicio publico; sed privato damnatum esse aliquem in iudicio, puta, quod iudicio publico malitiose aliquem accusarit per calumniam? iudicium de calumnia commissum in iudicio publico, non est publicum, tamen irrogat infamiam, *l. i. de his, qui not. inf.* illo loco, qui in iudicio publico calumnia prævaricationis causa, quid fecisse iudicatus erit. Quibus verbis duo tantum casus notantur; si quis in iudicio publico, calumnie causa damnatus fuerit, quod falsum crimen intendisset; & si quis in iudicio publico, prævaricationis causa, puta, quod profidit causam cum reo colludens, damnatus sit. Denique si cuius de calumnia vel de prævaricatione, in iudicio publico sit pronuntiatum, recte in iudicio publico: nam in causa privati iudicii calumnie damnatus, puta, quod litem privatam egerit calumnie, infamis non fit, *l. 5. C. de calum.* Queritur ergo hoc loco, an in iudicio aliquo publico damnati accusatores testimonium perhibere possint. In alio, maxime iudicio publico, quod in alium intenditur? Et videntur hi, qui damnati sunt calumnie causa in iudicio, posse testimonium perhibere etiam iudicio publico, quod intenditur in aliquem, quia lex Remmia, quæ calumniatores coeret, qui scilicet in iudicio publico calumniati sunt, lex Remmia, ut est proditum hoc loco, & *l. i. ad Senatus. Turpill.* & in oratione M. Tullii pro Roscio Amerino, ubi tamen vulgo male Memmia, pro Remmia, ut hi duo loci Digestorum perveniunt, ex qua familia (ne quis arguat nullum talem fuisse Romæ) nomen etiam est Quinto Remmio Palæmoni, qui scripsit artem Grammaticam & librum de ponderibus: quia igitur i. Remmia, quæ coeret eos, qui in iudicio publico calumniati sunt, eos non facit infestabiles, id est, testimonium dicere non vetat in aliis causis; ideo videntur testimonium dicere posse etiam in iudicio publico, & non tantum, quia lex Remmia, quæ proprie in eo lata est, sed etiam quia i. Julia de vi, & lex Julia repetundarum, & i. Julia peculatus, vel alie leges publicorum iudiciorum, non vetant eos testimonium dicere, qui in his publicis iudiciis sunt calumniati. Per leges igitur licet eis testimonium dicere, & tamen, quia perinde sunt infames, qui in iudicio publico calumnie causa aliquid fecisse iudicati sunt, atque ii, qui iudicio ipso publico damnati sunt vel de adulterio, vel de vi, vel repetundarum, æquum est, testimonium eorum repelli, quia infames sunt. Cur damnatorum iudicio publico testimonium repellitur? propter infamiam, ut ait *l. 3. §. lege, hoc rit.* Ergo eadem ratione repelli debet testimonium, qui in iudicio publico calumnie damnati sunt, licet nominatim legibus facti non sunt infestabiles. Et ideo quod legibus omisum est, vel Remmia vel legibus publicorum iudiciorum, ut eleganter hic ait Papinianus, suppleri debet iudicantis religione, legibus quidem non repelluntur a testimonio, sed officio iudicum, quia & ad eorum officium pertinet, inquit, etiam ejus testimonii fidem perpendere, seu perpenso consilio excutere, quod homo integre frontis dixerit. Non dicit hominem integre frontis figurate pro homine integre famæ, opinionis, dignitatis, sed proprie admodum hominem integre frontis citra metaphoram dicit pro homine, qui frontem integram habet, id est, non compunctam notis, non inscriptam aut inustam literis, ut habent calumniatores, qui in iudicio publico calumniati sunt, quorum fronti ex *l. Remmia* invari soletur litera K, quæ calumniam significabat, vel simplex aut duplex, quod significabat calumnie causam, ut veteres scribere solebant: quod in idiotismo appellatur *flexuræ le front.* Et hoc jamdiu memini me comprobare ex Plinio in Panegyrico ad Trajanum scribente de delatoribus, de calumniatoribus, quos Trajanus expulerat & multaverat bonis, nunc, inquit, non ut antea exsanguem illam & ferream frontem, ne quicquam vulneratam punctis præbuerit, & notas suas videant. Et ex ead. oratione pro Roscio Amerino M. Tull. quo loco

Tom. IV.

A agit de i. Remmia, & de calumniatoribus; Crura, inquit, nemo vobis suffringet, sed ego hos bene novi, litteram illam, cui vos adeo inimici estis, ut etiam litteras omnes oderitis, ita vehementer ad caput affigam, ut postea neminem alium nisi fortunas vestras accusare possitis, hoc est, vos cruci quidem non affigent, sed fronti affigent litteram K. In crucem sublati crura suffringi solebant, ut duobus illis latronibus, qui suffixi sunt cum Domino: idem in ead. oratione, si luce canes latent, quum Deos salutatum aliquis venit, opinor iis crura suffringentur, quod aures sunt etiam tum cum suspicio nulla est, quasi velit dicere, & vobis crura esse suffringenda, quod temere institutis accusationes sine ulla suspicione. Et idem Philip. 13. Plancum prære non posse, nisi crura ei fracta sint; id est, nisi ut erectus detur cruci. Et Plautus in Poenulo, continuo is me crucifigam feceris. Eam litteram fuisse K, simplex vel duplex indicat Juliani Misopogon adversus Antiochenos dum ait, opiat Deus Antiochenis infligere duplex KK, quod vicinas civitates calumniati sunt. Sensus ergo hujus i. hic est; si iudices nec quod integre frontis homo testimonium dixerit temere recipiunt incognita causa, multo minus id recipiunt, quod dixerit calumnia causa in iudicio publico damnatus, cuius frons vulnerata est & inscripta. Et eadem ratione dicere possumus, extra ordinem damnatum criminaliter, ex crimine non publico, ex causa furti, vel iniuriarum, vel vi bonorum raptorum, vel ex alia causa, crimine felonatus, vel crimine expilatæ hereditatis, quæ iudicia publica non sunt, quia infamis fit, *l. quid ergo, §. ult. de his qui not. infam. l. i. re, C. cod. l. infamem, de publ. iudic.* infamem officio iudicis esse a testimonio iudiciario repellendum, quia ut dixi, nec iudicio publico damnati alia ratione legibus remonentur, quam propter infamiam. Hoc dico de damnato criminaliter ex furto, ut in *l. ult. de furt.* vel ex alio crimine non publico: nam damnato civiliter, ut actione furti, vel iniuriarum, vel vi bonorum raptorum, vel de dolo malo vel depositi, mandati, tutelæ, pro socio, licet ex omnes actiones famosæ sint, & damnatum infamem faciant, tamen non dixerim, eum repelli a testimonio iudiciario, vel testamentario; nec iure ipso, nec officio iudicis, quia hoc tantum reperitur scriptum de his, qui criminaliter damnati sunt ex causa famosa; civiliter damnati iudicio non publico non repelluntur a testimonio. Inter cetera hoc ad extremum notandum ex hac i. in calumniatores, qui in iudicio publico calumniati erant, ex i. Remmia non fuisse iudicium publicum. Hoc hæc i. manifeste ostendit, alioquin frustra quæreret, an testimonii dictionem habeant, quia generaliter verum est, damnatos iudicio publico testimonii dictionem non habere. Ergo ex hac i. Remmia liquido constat, non fuisse iudicium publicum, accusationem publicam. Quod tamen affirmavit Accursius male in *l. 1. §. 1. ad SC. Turpill.*

Ad L. XII. de Fundo dotali.

Etiam dirempto matrimonio prædium dotale esse intelligitur.

Hæc i. pertinet ad caput *l. Julia de adult.* de prædio dotali non alienando invita muliere, ut & *l. 2.6. 12. 14. h. tit.* quæ omnes sunt ex Ulp. vel Pauli libris *de adult.* Idque ostenditur ea lege 12. non tantum constanter, sed etiam soluto matrimonio dotale prædium esse videtur, quoad scilicet restitutum sit mulieri; vel heredi ejus, utique si ea in causa est, ut restitui debeat mulieri vel heredi ejus, *l. 3. h. tit.* Sunt enim plerique casus, quibus soluto matrimonio dos in restitutionem non venit, sed quam est in causa restitutionis, sine etiam post solutum matrimonium, quod fuit dotale prædium & dotale esse intelligitur, quoad restitutum sit. Ex quo sequitur interim prædium illud alienari non posse, quod & *l. 1. h. tit.* probat, dum ait, morte mariti dirempto matrimonio, prædium dotale transire ad heredem mariti cum suo jure, cum causa & conditione sua, ut alienari

A a a a a

non

non possit. Idemque probat l. 13. §. heredi, b. tit. si morte mulieris solutum est matrimonium, nec tamen potest maritus post mortem mulieris prædium dotale alienare, quod heredi mulieris restituendum est; sed perinde ac mulieri & heredi ejus idem auxilium præstatur, puta, repetitio vel vindicatio prædii alienati, vindicatio rescissoria alienationis, l. cum pater, §. qui dotale, de leg. 2. Et hæc etiam valde pertinet quod ait l. si post, sol. matr. herede mulieris agente de dote, mortua muliere, cum viro vel parente ejus, eadem intervenire & servari in dote restituenda, quæ ipsa muliere agente observari solent, puta, ut iisdem diebus dos reddatur, ut eadem retentiones ex dote fiant, & non ultra facultates maritus damnetur: neque enim quod & regula juris non patitur plus commodi heredi suo mulier relinquit, quam ipsa habuit; itemque ut nec mortua muliere viro permittatur alienatio fundi dotalis; privilegium solum exactio- nis vel hypothecæ mulieris non sequitur, nisi sit filius, l. unica, C. de priv. d. l. ult. §. exceptis, C. qui pot. & No- vell. 99. Ex hac etiam Papin. sententia sequitur, nec soluto matrimonio dotale prædium ufucapio posse, quia in l. Julia alienationis verbo etiam ufucapio continetur, l. si fundum, b. tit. L. tamen si, sol. matr. Verum etiam est, dotale prædium ufucapio non posse, aut adquiri possessione longi temporis: nec obflare quam obicit Accurs. l. in reb. dotalius, §. omnis, C. de jure dot. Quia rejectis omnibus Accursii rationibus, quæ perquam inanes & nugaces sunt, lex, in reb. non hoc docet, soluto matrimonio fundum dotalem ufucapio posse, sed docet actionem de dote sive repetitionem dotis excludi præscriptione temporis legitimi. Denique non docet, ufucapione adquiri dominium fundi dotalis, vel adquiri actionem in rem, quæ actio five lis solius domini est, l. evictis, sup. de usur. sed adquiri exceptionem temporis contra mulierem heredemve ejus soluto matrimonio dotem repetentem, quæ ex quo repetitio ei competere coepit, diu cessavit in repetitione dotis. Verba legis hæc sunt: *Omnis exceptio temporalis sive per ufucapionem inducitur, sive per decem, sive per viginti annorum curricula, vel 30. aut 40. opponitur mulieribus dotem repetentibus ex eo die, quo eis actio de dote competere coepit: ufucapio vero illa parit exceptionem tantum possessori, non actionem in rem, non dominium.* Denique ea lex loquitur non de dominio acquirendo fundi dotalis, qui est effectus ufucapionis, sed de acquirenda præscriptione ufucapionis, sive exceptione temporali adversus repetitionem dotis fundi.

Ad §. I.

Soceri voluntas in distrahendo prædio dotali nulla est.

LEge Julia voluntate uxoris fundus dotalis alienari potest, quia invita tantum uxore alienatio prohibetur, non etiam volente, §. 1. *Instit. quib. alien. voluntate*, inquam, uxoris, non etiam voluntate soceri, id est, patris mulieris; soceri voluntas in alienando fundo dotali nulla est, sola enim voluntas mulieris alienationem confirmat: hodie ex constit. Justiniani, de rei uxore. act. etiam voluntas uxoris in distrahendo fundo dotali nulla est: sed Papin. hoc scripsit secundum jus suæ ætatis. Ubique vero de fundo inæstimato loquimur, quia hic solus est dotalis, qui non est æstimatus: qui autem est æstimatus, non est dotalis, quia in dotis causa æstimatio sola est, non fundus.

Ad L. VII. de Divortii.

Si penitus eum, qui libellum tradendum divortii dedit, itaque per ignorantiam mutata voluntatis oblatu est, durare matrimonium dicendum est: nisi penitentia cognita is, qui accepit ipsum, voluit matrimonium dissolvere: tunc enim per eum, qui accepit, solvitur matrimonium.

INitio hujus lib. satis ostendi a tractatu l. Jul. de adult. non abhorreere questionem de divortio, quod & in-

A scriptio l. 8. & l. 9. b. tit. demonstrat, in qua l. 9. quod proponitur nullum divortium ratum esse, nisi septem civibus Romanis puberibus adhibitis factum sit, præter libertum ejus, qui divortium facit. Hæc omnia verba ipsa sunt l. Julia de adult. quæ certo modo divortia fieri iussit, ut ait l. 1. in fin. unde vir & uxor, quam legitimam observationem divortii faciendi appellat l. 36. sup. tit. proz. Suetonius in Augusto, qui auctor fuit l. Julia de divortio, divortii modum imposuit. Et serva quod ait l. Julia, nullum esse divortium ratum, id est, omne divortium pro infecto haberi, nisi factum sit 7. civibus Romanis puberibus adhibitis, id est, præsentibus, ut in testamentis legitimis 7. custodiri numero, & civibus Romanis, alioqui non essent classici testes, & puberibus. Nam impuberes testimonii perhibendi jus nulla in causa habent. *Semper, inquit, puberibus præsentibus; aliud dixeris si dixeris, pube præsentem, ut Festus ostendit.* Omnem enim populum significaveris. Plautus Plæd. *pubi præsentis in canticone. i. populo.* Septem (inquit) præter libertum ejus, qui divortium faciet, id est, qui remittit libellum divortii, & plerumque per libertum fiebat. Unde illud Juvenalis:

*Colligam sarcinulas, dicet libertus, & exi,
Jam gravio es nobis, & sape emargueris, exi
Oculus, & propterea, sicco venit altera naso.*

Ut etiam per libertum solebant principi libellum desideria sua & preces continentem offerre, l. 57. §. 1. de rit. nupt. l. 6. de iur. d. & releg. Et rei postulati per libertum mittere defensionem, & se purgare, apud Corn. Tac. 3. annal. & heredes per libertum recitare testamentum apud Suet. in Tib. c. 23. Non est autem internuncius, qui & a veteribus dicebatur annuncius, non est, inquit, internuncius negotii cuiusque & interpres in eo negotio testis idoneus: sicut nec patronus nec executor litis, l. ult. de test. Itaque præter libertum, per quem nunciatur uxori, ut res suas procuret, ædibus faciat, traditur uxori vel marito libellus divortii, etiam septem testes l. Julia requirit, in eum scilicet numerum liberto non computato. Divortium est contractus, l. si uxor, sup. de jud. l. juris gentium, §. ut puta de pact. Contractus, qui nudo consensu perficitur. Ergo & per nuncium & per epistolam inter absentes. Et ita in specie hujus lib. recte ponam mandasse marito nuncio, veluti libero suo, ut libellum divortii perferret ad uxorem, & libero profecto jam ad uxorem, mox penitentia maritus mutasse voluntatem; libertum vero ignarum mutata voluntatis peregrisse mandatum, & libellum divortii uxori tradidisse. Quo casu Papinianus ait quasi nuncio non remisso, neque facto divortio durare matrimonium, quia re integra mandatum penitentia revocatum fuit, ut l. si vero, §. 1. mand. l. 4. §. 1. de manum. vind. l. si is, qui bona, §. ult. de acquir. hered. Offerendo igitur libellum divortii, quantum ad maritum attinet, qui re integra mutavit voluntatem, libertus nihil egit. Ceterum si mulier, quæ libellum accepit, simul cognita penitudine mariti, non accipiat penitudinem, ac malit exire matrimonio, ipsa videtur causam dedisse divortio, non maritus, feretque penas injusti divortii, si nullam aliam causam habuerit, sine causa divertere delictum non modicum est: nec quod impunitum remanet, l. si ex causa, §. si mulier, sup. de minor.

Ad L. XII. de Solutionibus.

Reo criminis postulato interim nihil prohibet recte pecuniam a debitoribus solvi, alioqui plerique innocentium necessario sumptu egerint.

CUM hoc lib. Papinianus doceret, reo adulterii postulato, debitores recte pecuniam solvere pendente cognitione, pendente reatu, adiecit generalem rationem, & cuicumque alii res postulato recte solvi; alioqui plerique innocentium necessario sumptu egerent, si eis debita solvi non possent, quod esset perdurum. Et l. quæ

que sequitur ostendit, hoc etiam Paulum scripsisse lib. 3. de adult. Ac similiter retro eum, qui reus postulatus est suis creditoribus æque solvere recte, modo bona fide solvat, vel eis solvat non in fraudem fisci, l. aufertur, §. in reatu, de jure fisci. Alioquin pecunie solute revocarentur a fisco. Plinius 3. epistol. de repetundarum reo promittatur, inquit, ut pecunie, quas debitorum solverent creditoribus revocarentur, &c. sed de pecuniis loquitur præceptis fisco. Et congruit omnino l. deferre, §. ult. de jure fisci. Excipitur ab hac generali sententia Papin. is, qui perduellionis reus postulatus est, quia is neque solvit recte, & ei recte quoque non solvit, ut in Codice relatum est ex Marciano in fine, tit. ad l. Jul. majest. Excipitur etiam is, qui profugit & judicio adesse destitit: nam dicitur, debitorum ei non posse quicquam solvere, ne ita qui solvant, fugam ejus instruant, l. ult. §. ult. de requir. reis. Ceterum reo criminis postulato non profugo, præterquam si postulatus sit perduellionis, debitorum solvunt recte. Idemque creditoribus suis solvit recte.

Ad L. II. de Accusat. & in script.

Certis ex causis concessa est mulieribus publica accusatio, veluti si mortem exequatur eorum, earumque in quas ex lege testimonium publicorum judiciorum invitata non dicunt. Idem & in lege Cornelia testamentaria Senatus statuit, sed & de testamento paterni liberi, vel materni mulieribus publico judicio dicere permittitur est.

Papinianus lib. 1. de adulter. cum doceret, regulariter mulieri publico judicio neminem accusare licere, ut l. 1. §. 8. hoc sit, sicut nec populari actione experiri, l. 6. supra, de popul. action. ac ne lege quidem Julia de adulteris mulierem injuriam suam persequi possit, injuriam lecti sui, injuriam a viro violati matrimonii, ut l. 12. C. ad leg. Jul. de adulter. quia l. Jul. de adult. masculis tantum dedit facultatem accusandi jure mariti; feminis idem privilegium non detulit, quæ differentia jure civili inter maritum & uxorem semper servata fuit. Quum, inquam, hoc doceret Papin. hoc lib. & illud quoque simul docuit, aliis tamen ex causis mulieri Senatum permittere publicam accusationem persequenti suam vel suorum injuriam: ut puta, si mortem vel necem exequatur eorum earumque, in quos ex lege Julia publicorum judiciorum invita testimonium non dicit: & ii quidem quales sunt, ex ipsa l. Julia publicorum judiciorum docet, l. 4. sup. de testib. Mulier invita testimonium non dicit adversus cognatos usque ad sextum gradum, nec ex septimo gradu adversus sobrinum, sobrinave natum natamve, qui etiam est finis cognationis in dicto unde cognati, l. 1. §. hoc autem, sup. unde cogn. nec adversus affinium certas personas, veluti adversus socerum, generum, vitricum, privignum, quæ appellationes latissime patent, & in quos mulier invita testimonium non dicit. In eos etiam invitatus judicio publico testimonium non dicit libertus mulieris, aut libertus mariti ejus, aut libertus parentum, liberorumque ejus, aut libertus patroni, patronave ejus, quod necesse est, ut exemplo planius faciam. Consobrinorum vel consobrina adversus consobrinum invitatus testimonium non dicit, nec ei denuntiari potest. Ac similiter adversus consobrinum E

nis in quas invitatus testimonium dicere non coguntur, sunt etiam accipiendæ hæc leges, l. vestem, de injur. l. 1. §. si servus bona fide, de quaest. l. 22. C. de fide instrum. Itemque l. jurisconsultus, §. 1. de gradib. & aff. Sed maxime animus advertendus ad id, quod ait ea l. Jul. publicorum judiciorum, contra affines & cognatos testimonium invitati dicere non coguntur: nam non est legendum, agnatos, sed cognatos, ut apud Paul. 5. Sent. adversus adfinem, inquit, & cognatum invitati testes interrogari non possunt. Et ratio, cur potius legamus cognatos quam agnatos est evidens, quia non solum contra agnatos, sed etiam contra cognatos invitati testimonium non dicunt usque ad 6. gradum, qui cognationis finem, & quasi terminum facit. Debit igitur non agnatorum nomine uti, quod est speciale, sed cognatorum, quod est generale: nam & agnati cognati sunt. Contra cognati omnes agnati non sunt. Ac præterea agnatio infinita est, nec ullo certo fine graduum circumscribitur, l. pen. §. 1. unde cogn. §. ult. Instit. de success. cognat. Et si contra agnatos, invitatus testimonium denuntiari non posset, hoc jus in infinitum extenderetur, sicut jus agnationis; & tamen juris hujus lex Julia certum finem esse voluit. Cognatorum autem vel agnatorum, si accipiantur, quatenus cognati sunt simpliciter, certa finitio est graduum & certa gradatio. Porro his personis, in quas invitatus testimonium non dicunt, addit Ulpian. lib. de offic. procons. quo tractavit de judiciis criminalibus, non civilibus, nec admittamus distinctionem Glossæ in l. incerti, de testib. addit, inquam, Ulp. etiam publicani, qui sunt occupati exigendis vectigalibus, invitati in judicio publico testimonium non dicunt: invitati venire non compelluntur ad testimonium perhibendum; item qui non detrectandi testimonii causa aberit, invitatus testimonium non dicit, sed is tantum, qui detrahit ferre testimonium & occultat se; invitatus etiam testimonium non dicit qui publice præbendum aliquid exercitui conduxit. Et subijcit in d. l. invitati, sed nec pupillis testimonium denuntiari potest, quasi scilicet invitatis pupillis non possit denuntiari, volentibus possit, quod est falsum: nam nec volentes audiuntur, l. 3. §. lege eod. tit. Ac sane videtur Papin. scripsisse, sed nec patronis testimonium denuntiari potest adversus libertos, denuntiatur semper invitatis. Nam in l. Julia publicorum judiciorum d. l. 4. eod. tit. additum fuisse ostendit, ut ne patroni patronave adversus libertos cogantur testimonium dicere; quoniam inter eos est necessitudo quadam, ut hodie receptum est, esse necessitudinem quadam inter vasallum & dominum. Hoc etiam cavetur l. Julia, ut ne inquit patroni patronave cogantur adversus libertos testimonium dicere. Quo loco tamen perperam a nescio quo interprete inserta sunt hæc verba, nec liberti adversus patronos, scilicet coguntur testimonium dicere. Spuria sunt hæc verba, non l. Julia, neque liberti adversus patronum, non potuerunt esse hæc verba in eo capite l. Jul. quod est de his tantum, qui invitati testimonium non dicunt, volentes dicunt, quia non est iis omnino testimonium interdictum, qui invitati testimonium non dicunt; non potuit l. Julia admiscere libertos, quia constat hujus generis libertos non esse, quum nec volentes audiantur adversus patronos, vel patronorum libertos, l. 3. §. lege, eod. tit. l. libertorum, C. eod. tit. Qua de causa nec parentum nec liberorum l. Julia, in eo capite mentionem facit: Cur non adjecti lex Julia, nec invitatus testimonium dicere contra parentes vel liberos? quia ii nec volentes audiuntur adversus parentes vel liberos, l. 5. C. eod. tit. Paulus 5. Sent. adversus se invicem liberi vel parentes nec volentes ad testimonium admittendi sunt, quia rei veræ testimonium, necessitudo personarum corrumpit plerumque: l. Julia separat eos, qui invitati testimonium non dicunt, ab iis, quibus omnino interdictum testimonium, ut nec volentes audiantur, ut ostendit Ulpian. lib. 9. de off. procons. & de iis qui invitati testimonium non dicunt erat l. Julia caput 87. & de iis, quibus omnino interdictum testimonium erat caput 88. quo capite nominatim libertis adversus patronos, pa-

tronaſſe & liberos eorum, teſtimonium interdictum omnino, his verbis, *his omnibus hac l. in reum teſtimonium dicere ne liceo, qui ſe ab eo parente ejus liberavit, quive impubes erunt*, &c. ut in l. 3. §. *lege, ff. de teſtib.* Et iis addidit Ulpian. etiam eos, qui reſcenſentur in d. l. 3. §. *lege*, poſt libertos, quibus omnino interdicitur teſtimonium adverſus patronos, patronaſſe & liberos eorum: ſupradictis verbis addidit etiam eos, qui eſſent impubes, quoniam & iis omnimodo interdictum eſt teſtimonium, & eos, qui publico judicio damnati, nec in integrum reſtituti eſſent, & eos qui in vinculis ob reatum euſtodiae publica eſſent, & eos qui ut cum beſtiis depugnarent, ſuas operas locaſſent, præterquam eos qui jaculandi cauſa in circo maximo in urbem miſſi eſſent, itemque eos, qui palam corpore quaſum feciſſent, & poſtremo eos, qui ob dicendum, vel non dicendum teſtimonium pecuniam accepiſſe judicati eſſent: non dicimus iis invitis non denuntiari teſtimonium, ſed his omnino interdicti teſtimonium: ex iis ſunt liberti. Ergo in l. 4. perperam liberti miſcentur iis, quibus invitis teſtimonium non denuntiatur, verum mulieri ut eorum mortem perſequi licet, l. *Cornel. de ſcar. & veneſi.* in quos invita teſtimonium non dicit ex l. *Julia*, ut proponitur hoc loco: quod etiam perſciti ſenatuſconſulto offendit l. 2. C. *de calumn.* Sic & eorum mortem, & multo quidem magis mulier exequi & ulciſci poteſt judicio publ. in quos nec volens teſtimonium dicere poteſt, veluti parentum mortem, aut liberorum aut patroni patronæve, aut liberorum patroni patronæve, ut in l. 1. hoc *ſir. lex* 1. quod obſervandum pertinet ad eos, in quos mulier nec volens teſtimonium dicit, quorum mortem ulciſci poteſt: l. 2. pertinet ad eos, in quos invita teſtimonium non dicit, quorum mortem ulciſci poteſt. Eadem vero ratione & eodem ut opinor ſenatuſconſulto mulier ſuam vel ſuorum injuriam perſequi poteſt, lege *Cornelia teſtamentaria*, id eſt, de teſtamentis falſis, vel de aliis inſtrumentis. Nam l. *Corn. quæ ab initio fuit de falſis teſtamentis*, poſtea porrecta fuit ad omnia inſtrumenta falſa. Igitur mulier reum facere poteſt l. *Cornel. teſtamentaria* 1. de falſis teſtamentis vel inſtrumentis, ſi ſuam vel ſuorum injuriam perſequatur, quod ſenatuſconſulto fuiſſe permiſſum mulieri hic locus offendit, & l. 5. C. *qui accuſ. non poſſ. extero- rum injuriam non poteſt perſequi* l. *Corn. teſtamentaria*, l. 19. C. *ad l. Cor. de falſi.* ſed ſuam vel ſuorum, id eſt cognatorum, vel affinium injuriam, ſi ſua vel ſuorum interſit. Et ut ſubjicit Papin. non tantum teſtamentum patris aut matris judicio publico falſum dicere poteſt, ſi quid ejus interſit, ſed etiam teſtamentum liberti paterni vel materni, ſi ea res ad eam pertineat. Certum eſt etiam, mulierem lege *Fabia de plagiariis*, ſuam & ſuorum injuriam exequi poteſt, ut initio dixi l. 1. C. *ad l. Jul. de adult.* nec ex conſtitutionibus quidem (puta ex noviffima conſtitutione *Conſtantini*, de iis qui adult. accuſare poſſ. id eſt, l. *quammis*, C. *ad l. Jul. de adult.* quæ patri accuſationem permittit, non etiam permittit matri: patruo, non amixæ, avunculo, non matertera.

Ad §. Pupillis.

Pupillis ex conſilio tutorum, patris mortem, item pupilla avi ſui mortem, exequi conſeſſum eſt, lege autem teſtamentaria: nam de patris quidem teſtamento pupillis agere Divus Veſpaſianus permiſit: ſed quaſi non exhibeantur tabula, per interdictum poſſunt experiri.

Postremo ſubjicit Papin. etiam pupillis, quibus regulariter, nec publico judicio accuſandi, nec popu-

lari actione agendi jus eſt, d. l. 6. *de popul.* aſt. licere tamen exequi judicio publico mortem patris vel avi ſui ex conſilio tutorum, l. *Corn. de ſcariis*: vel etiam licere exequi falſum teſtamentum patris, ſi eorum interſit, l. *Corn. teſtamentaria*. Quod & permiſiſſe Veſpaſianum ait ex conſilio æque tutorum, ut Paulus ſcribit §. *Sent. tit. de jure ſiſci*, ætati ejus pupilli, qui accuſat teſtamentum falſum patris, ſi non obtineat, ſubveniri, maxime ſi conſilio tutoris, uti oportet, actionem inſtituit. Pupillis utriuſque ſexus licet exequi ſuam vel ſuorum injuriam quod additur in Baſilicis, *ut in hiſbus inſcriptis poſitor hic demonſtras*, legendum, *pupillis ex conſilio tutorum patris mortem: item pupilla & avi mortem exequi conſeſſum eſt*. Et legendum item: non autem, & infra: ſed ſi non exhibeantur tabula, per interdictum non quaſi, &c. hoc ſenſu: ſi pupillis non exhibeantur tabula paterni teſtamenti, ab eo a quo ſupprimuntur, pupillis utriuſque ſexus liceat agere interdicto de tabulis exhibendis, quamvis ſit quaſi populare interdictum, quia agitur tanquam de inſtrumento publico, non tanquam de inſtrumento proprio, l. 2. in *prin. §. quemadm. teſtam. aper.* & concurret quoque interdictum de tabulis exhibendis cum judicio publico, ex l. *Corn. teſtamentaria*, l. 4. *ſup. de publ. judic.* l. 3. §. *ſi quis dolo, de tabul. exhibend.* Nam & interdictum de libero homine exhibendo, quod conſtat eſſe populare, certum eſt dari pupillis pro parente, vel cognato, vel affine ſuo, d. l. 3. §. *ſed ſi mulier, de lib. hom. exhib.* & generaliter pupillis dari quamlibet actionem popularem, ſi res ad eos pertineat, l. 6. *de pop. action.* Quamobrem ita videtur argumentari, pupillis ſuæ injuriæ cauſa, vel ſuorum dantur popularia judicia, cur non dantur eiſdem ex eadem cauſa publica judicia, veluti ex l. *Cor. de ſcar.* vel l. *Corn. teſtamentaria*? Quibus exemplis utitur, ſuæ ſuorumque injuriæ perſequende gratia.

Ad L. II. de Cuſt. reorum.

Si quis ſervus capitali crimine poſſideatur, lege publ. judiciorum caveatur, ut ſciendum vel ab æſtraneo ſatiſſato promittatur, qui ſi non defendatur, ut in vincula publica conjici jubetur, ut ex vinculis cauſam dicat. Solet itaque teſtari an poſtea domino permittendum ſit, ablata ſatiſſatione ſervum vinculis liberare: dubitationem auget editum *Domitiani* quo cautum eſt, abſolutiones ex *SC. ſacras* ad huiſmodi ſervos non pertinere. Nam & lex ipſa prohibet eum abſolvere, priuſquam de eo judicetur. Sed hæc interpretatio perdura & nimium ſevera eſt in eo cuſus dominus abſens fuit, vel quod per inopiam illo momento temporis ſatiſſationem implere non potuit. Neque enim pro indefenſo deſectus recte dici poteſt, qui dominum præſentem non habuit, vel habuit paratum defendere, pauperem tamen. Quod utique facilius admitti poterit, ſi non poſt longum temporis ſpatium hoc deſideretur.

Quod proponitur initio huius legis, eſt de ſervo capitali crimine reo poſtultato, veluti ex l. *Jul. de ſcar.* quæ pertinet etiam ad ſervos, l. *hoc accuſare, §. omnibus, de accuſ. & inf. l. ult. ſup. de publ. jud.* Pertinet l. *Cornel. de ſc.* etiam ad ſervos & peregrinos, quod & *Tullius* offendit in *Cluentiana*, vel etiam ex l. *Jul. de adult.* ex qua in ſervos capitale crimen fuit. Nam & Ulpia. 3. de adult. ſcribit, ſervos adulterii accuſari poſſe, l. 5. *tit. prov. & de ſervis adulterii accuſatis quaſtionem haberi poſſe poſtultante accuſatore, l. ſi poſtulaverit, in prin. ad l. Jul. de adult.* Quod Papin. ſcripſit l. 2. de adult. l. *ult. ſup. de calumn.* & idem Ulp. eod. lib. Non tamen ita ſervos adulterii accuſatos quaſtionem ſubjici aut torqueri oportere, ut inde moriantur, ſed ita de iis quaſtionem haberi oportere, ut ſalvi ſint innocentie & abſolutioni, vel ſupplicio, ſi nocentes inventi fuerint, crimen adulterii exaſperatur in ſervos. Nam in liberos homines crimen adulterii ex l. *Julia* non fuit capitale. Qua in re differentia eſt inter liberos homines & ſervos. Neque iis, quæ

quæ diximus obstat d. §. omnibus l. has accipere, quod dicat A
 pœnam capitis non convenire ad mortem penis, quia non
 eam pœnam intelligit, quæ vitam adimit, vel quæ facit
 servum pœnæ, sed eam quæ adimit libertatem vel civi-
 tatem, quam cum nullam servus habeat, sine eam pœ-
 nam sustinere non potest, verum ultimo supplicio plecti
 potest, atque etiam damnari in metallum, quo genere
 exit dominio domini, & fit servus pœnæ, l. 17. §. ultim.
 de quaest. & l. aut damnum, §. ult. de pœn. l. 11. C. cod.
 tit. Et deportatio in servum, in l. 21. C. Theod. de heret.
 est damnatio in metallum, deportatio in metallum, alioqui
 deportatio in insulam, quæ puniri solent cives Romani,
 non cadit in servum, relegatio tamen cadit in servum, l.
 2. qui & a quib. manum. l. 2. C. de sepul. viol. l. 1. C. Theod.
 de mulierib. quæ se propr. servis. Et ita est accipiendum,
 quod ait §. omnib. esse pœnam capitis aliquam, quæ ser- B
 vis convenit, sicut relegatio, exempli gratia, deportatio
 vis, convenit, sicut relegatio, non convenit, sicut relegatio, quæ sci-
 licet servis recte convenit. Sic enim ea verba accipienda
 sunt, ut in d. §. omnibus, ut in l. pen. de usucap. in contrac-
 tum emptionis & venditionis pro soluto, vel pro emptore
 non posse uti capere eum, qui non emit, sicut in ceteris
 contractibus, in quibus scilicet pro soluto potest uti ca-
 pere, & qui non contraxit. Quam autem servus capita-
 li crimine reus postulari, Papinianus ostendit hoc loco,
 l. Jul. pub. judiciorum, quæ generalis est, lege de om-
 nibus pub. judiciis caveri, ut pro eo servo defensor ad-
 mittatur non tantum dominus, sed & procurator domi-
 ni, ut l. servus, de publ. jud. l. Lucius, de appell. & quili-
 bet extraneus nomine domini, ut opinor, argum. l. servi,
 de appell. Qua in re etiam differentia est inter servum &
 liberum hominem, & quam Modestinus lib. 6. differen-
 tiar. notasse coniecturam facit l. si servum, sup. tit. prox.
 quæ est ex eodem lib. Nam liber homo, qui præsens est,
 in crimine capitali per alium defendi non potest, l. pen.
 §. ult. de public. judic. Servus præsens per dominum vel
 per alium nomine domini defendi potest, l. 19. de pœnis.
 Verum, qui defensionem ejus servi suscipit, lege Julia
 publicorum judiciorum satisfacere jubetur iudicio fisci ser-
 vum, eumque sistere, cum usus exigerit, l. si servum,
 sup. tit. prox. l. 2. C. de accusat. Si ita non defendatur ser-
 vus capitali crimine postulari, in vincula publica con-
 jici eadem l. jubetur, ut ex vinculis causam dicat. Qua
 in re alia etiam differentia existit inter liberum hominem
 & servum: Nam liber reus postulari, non aliter jure
 civili in vincula publica conjicitur, ut ex vinculis causam
 dicat, quam si confessus sit, §. 5. hoc tit. l. 4. ad l. Jul.
 majest. Cum vero servus, quem dominus, vel alius non
 defendit in vincula publica conjectus est, queritur, si
 postea dominus offerat satisfationem iudicio fisci servum,
 & defensionem, an audiat, an possit servum vinculis
 liberare? Ratio dubitandi sumitur ex edito quodam Do-
 mitiani, de quo & Paulus tractavit lib. singul. de adul-
 ter. l. Domitianus, inf. ad Turpill. quod autem eo edi-
 cto cavetur, sciendum est, quandoque ob res prospere
 gestas adversus hostes, & propagatos fines imperii, vel
 ob publicam gratulationem, vel in honorem Principis, ut
 in l. sed & si per prætorum, §. si ferias, sup. ex quib. caus. maj.
 l. abolitio, & l. fer. sup. ad Turpill. extra ordinem populo
 iudici ferias, iustitium, claudi fora, & abolitionem reorum
 fieri, & laxari vincula reis ex Senatufconsulto, non Tur-
 pilliano, ut hic Glossa annotavit, quod non fuit de fer-
 riis, vel abolitionibus reorum, sed de accuatorum præ-
 varicationibus, vel tergiversationibus; non ergo ex Sena-
 tufconsulto. Turpill. nec ex ullo SC. pro re nata factio, l. si
 intervenies, ad Senatuf. Turpill. quæ publica hilaritas
 & quies indicitur, & rei carcere vinculisque solvantur
 exunxuntque reatu, non quidem in perpetuum, sed tan-
 tisper, dum ferie finitæ sunt, dum publica letitia fini-
 ta sit, quæ finita rei possunt repeti intra 30. dies utiles,
 a tempore finitum feriarum numerando l. haud priva-
 tum, §. ut ad Turpill. verum ex edito Domitiani ferie
 & abolitiones non pertinent ad servos nihilve allevant
 servos, qui rei postulati vinculis publicis continentur,

quia & eos l. Jul. pub. judiciorum jubet esse in vinculis,
 donec de iis pronuntietur, donec iudicium finiat, ut
 est legendum in d. l. Domitianus. Abolitiones, publicæ
 ferie, & hilaritates pertinent tantum ad liberos homi-
 nes, quæ est quarta differentia hac in re inter servos &
 liberos homines. Et cum hoc loco, tum in d. l. Domitia-
 nus, lex ipsa est lex Jul. publicorum judiciorum, non ut
 glossa vult editum Domitiani. Verum exemplo editi
 Domitiani, ut servi non solvantur vinculis ob publi-
 cam abolitionem, ita nec videntur esse solvendi vincu-
 lis ob feram & intempestivam dominorum defensionem
 & satisfationem, quam offerunt post vincula servo-
 rum. Hæc est ratio dubitandi, quæ vim maximam ha-
 bet, si quod Domitianus edixit, licet porrigere ad hunc
 casum indistincte per interpretationem, quæ tamen per-
 dura perque nimium severa est. Ideoque concludit,
 non temere quidem, sed ex iusta causa post vincula ser-
 vis injecta dominos defensionem & satisfationem offer-
 rentes admitti, ut servi dominis reddantur vinculis
 absoluti, eorumque dominus pergat eos defendere. Quid
 enim si absentia domini fuerit in causa ut non poterit
 in tempore satisfationem offerre, antequam servo vin-
 cula imponerentur? quid etiam si ei præsentis obstitit
 inopia, qui minus satisfationem impleret? vix enim
 reperitur qui pro inope velit fideiubere, §. iudicissime,
 Instit. de susp. tut. qui ita explicandus est, aliter quam
 vulgo: ait eum tutorem, qui tutela n. per fraudem admi-
 nistrat, etiam si satis offerat, nempe quia locuples est,
 & in facili est ei invenire fideiussures, qui caveant rem
 pupilli salvam fore, etiam si dives sit, atque satis offerat,
 C removendus est duplici ratione, quia satisfatio non mu-
 tat malevolum propositum tutoris, sed diutius grassan-
 di in re familiari facultatem præstat. Subjicitur altera
 ratio: suspectum enim tutorem eum esse putamus (sic est
 legendum, auctoribus omnibus lib. antiquis,) qui
 moribus talis est, ut suspectus sit, quamvis locuples sit
 & assiduus, & fideiussures dare paratus: sicut e con-
 trario, etiam si sit pauper, modo sit fidelis & diligens,
 non est removendus quasi suspectus. Et huc pertinet
 etiam lex si procuratorem §. si ignorantes, mand. quæ ita
 explicanda est. Conventi fideiussures per injuriam ju-
 dicialis condemnati sunt & solverunt, nec appellaverunt
 a sententia judicis, an possint actione mandati repetere
 quod solverunt? Sic videtur: nisi paupertas eis obstitit,
 quo minus appellarent; an vero paupertas te vetat appel-
 lare a sententia judicis? sic sane, quia non est facile
 pauperi invenire fideiussures, qui dandi sunt ab eo, qui
 appellat; non facile est pauperi implere satisfationem,
 quæ est implenda ab eo, qui appellat in pœnam certam,
 si non jure appellasse pronuntiatum fuerit, de qua sa-
 tisfat. Paulus §. Sentent. tit. de cautionib. & pœn. appellat.
 Ergo si paupertas vel absentia domino obstitit, quo
 minus servum defenderit impleta satisfatione, atque ideo,
 servus fuerit conjectus in vincula publica, æquum est
 postea venientem dominum paratum satisfacere & defende-
 re admitti, servo vinculis absoluto: maxime, si non post
 longum temporis spatium veniat, sed non ita multo post
 vincula servi, quia nec videtur servum indefensum reli-
 quisse, cui aut paupertas obstitit vel absentia, quo
 minus idonee defenderit. Et hæc est sententia Papin. ad
 quam hoc etiam addendum hoc loco, idem servari in
 privatis judiciis, quod dixit hæctenus servari in publicis
 judiciis, quibus reus servus postulari: Idem servari
 in privatis judiciis, quæ ob noxam servorum intendun-
 tur ex noxali actione, l. 2. §. ult. si ex nox. caus. agat. Et
 postremo in §. ult. h. l. proponitur Senatufconsult. quo
 cavetur, reum postularum de vi, exempli gratia, qui ca-
 vit iudicio fisci, qui vadimonium promissit datis fide-
 iussoribus, ut oportet, in diem certum, & postea eo die
 se iudicio exhibuit paratum suscipere, & contestari li-
 tem, non posse alio crimine, puta de adulterio antea
 commissio accusari, vel reum recipi eo ipso die & iudi-
 cio, quod alii rei condicuntur est, quia non hujus crimi-
 nis ergo, quod ei denuntiatur non erat in iudicium
 venit,

venit, sed alterius criminis defendendi instructus venit, non illius. Et hoc quoque nominatim Papinian. scribit fervari in privatis causis, ut scilicet, qui cavit iudicio fieri in causa legatorum, exempli gratia, si stato conditio die se iudicio sistat, & mox conveniri non posse ex alia causa, veluti ex empti aut venditi causa, nisi res tempore peritura sit, id est, nisi dilatio sit peremptura actionem, quæ forte temporalis est: alioqui non cogitur aliud iudicium accipere, qui alterius iudicii causa venit, nisi, ut diximus ex hoc temporalis actio in periculum cadat, l. 1. §. ult. de feriis. Quo pertinet locus ille egregius Titi Livii 39: quum de Bacchanalibus scribit: Tanta, inquit, fuga ex urbe facta erat, ut quia multis res & actiones peribant, tempore scilicet, cogerentur prætore per Senatum res in tertium diem proferre, donec quaestiones de Bacchanalibus a consulibus pericerentur. Et eodem modo, ut Suetonius scribit, D. August. ne quod negotium mora elaberetur, id est, ne qua actio tempore periret, triginta amplius dies, qui honorariis ludis occupabantur actui rerum sine causis audiendis accommodare. Dixit in hoc §. hominibus sub fideiussore factis pro reis, qui satisfecerant iudicio fieri, ut servum sub custodia officii factum in l. 1. Cod. ad Tullianum. id est, servum officiali custodiendum datum, & servum apud verum dominum factum, l. 1. Cod. de furt. & in possessione factum aliquem, pro in possessionem missum, l. si fideicommiss. ut in poss. legat. in possessionem fieri, mitti in possessionem, ut Græci interpretes loquuntur in §. quod autem, Institut. de usucapion. Id valde confirmat l. 17. §. quod autem, ad l. Jul. de adult.

Ad L. VI. ad L. Jul. de Adult.

Inter liberas tantum personas adulterium stuprumque passas l. Jul. locum habet, quod autem ad servas pertinet & legis Aquilia actio facile tenebitur & injuriarum quoque competit, nec erit deneganda pratoria quoque actio de servo corrupto, nec propter plures actiones parcendum erit in huiusmodi crimine reo. Lex stuprum & adulterium promiscue, & *καταχρηστικῶς* appellatur, sed proprie adulterium in nuptiam committitur propter partum ex altero conceptum composito nomine, stuprum vero in virginem viduamque committitur, quod Græci *φθοράν* appellant. Filiusfam. maritus ab eo, qui sui juris est in ea lege non separatur. Divus quoque Adrianus Roscium Geminum præscripsit & invito patre filium hac lege reum facere posse, maritus est duos reos ex alio crimine habeat, poterit iure viri tertium accusare, quoniam ea causa non cadit in numerum ceterarum.

Ad L. XX.

Patri datur ius occidendi adulterum cum filia, quam in potestate habet: itaque nemo alius ex patribus idem faciet: sed nec filius familias pater.

Ad L. XXII. Eod. tit.

Nec in ea lege naturalis pater ab adoptivo separatur. In accusatione filia vidua non habet pater ius præcipuum. Ius occidendi patri conceditur domi sua, licet ibi filia non habet, vel in domo generi, sed domus & pro domicilio accipienda est, ut in lege Cornelia de injur. sed qui occidere potest adulterum, multo magis contumelia poterit iure afficere. Ideo autem patri, non marito mulierem & omnem adulterum permissum est occidere, quod plerumque pietas paterni nominis consilium pro liberis capit. Ceterum mariti calor & impetus facile decernentis fuit refranandus.

Initio h. l. ostenditur l. Julia vindicari adulterium tantum vel stuprum, quod posse sunt libere mulieres, non quod ancillæ sunt perpeffe: sed domino violatæ ancillæ competere civilem actionem ex l. Aquilia, si quis impuberem & immaturam virginem ancillam stuprarit, quasi, & corpori ejus quod plerumque sit, dam-

num dederit, quod & Paulus scripsit l. sentent. tit. 17. vel etiam si quis maturam, & tempestivam viro ancillam alienam corruperit, competere domino actionem injuriarum, quasi sibi injuria facta, l. si stuprum, de injur. vel etiam si quis suaserit ancillæ alienæ, ut stuprum vel adulterium committeret, domino competere actionem pratoriam servi corrupti in duplum, quanti ob eam rem ancilla deterior facta est: non deest igitur civilis actio, qua dominus ulciscatur adulterium vel stuprum illatum ancillæ suæ. Et quod notandum non omnes hæ actiones tres l. Aquilia, injuriarum, servi corrupti simul, ex uno facto descendunt vel competunt, sed ut distinxit ex suo quoque facto, imo & adhuc ultra has actiones domino datur extra ordinem criminale iudicium, maxime ob deintegratam ancillam, quæ integra erat a viro l. ult. de offic. præsid. Et hoc est, quod ait Papin. hoc loco, propter plures actiones civiles, quæ domino competunt vitata ancilla sua in ejusmodi crimine reo non esse parcendum, id est, non esse remittendam coercionem extraordinariam. Civiles actiones non perimunt criminalem coercionem, dico extraordinariam, quoniam ex l. Jul. domino publica accusatio non competit vel alii contubernali confervo quoque, id est, marito ancillæ, cui ancilla conjuncta est, nullam invenio actionem civilem, vel accusationem dari, sed domino tantum, & interdum extraordinariam accusationem. Vindicatur quidem lege Julia adulterium etiam in uxore vulgari, id est, prostituta in vulgarem libidinem, in quam si vidua esset, stuprum impune committeretur, l. 22. C. eodem tit. Vindicatur etiam adulterium in uxore injusta, quam quis in matrimonio habet, ut si civis Romanus peregrinam uxorem duxerit, iuxta id quod Papinian. 15. resp. apud L. Rufinum civem, sine connubio peregrinam in matrimonio habere, i. e. injustas esse nuptias, injustam uxorem. Potest esse matrimonium sine nuptiis, hoc est, sine connubio. Ex quo intelligitur quid intersit inter nuptias & matrimonium. Imo vindicatur etiam adulterium in concubinam, quia legitimam uxorem imitatur, ut Julian. ait Nov. 8. Et ideo viceconjug in antiquis inscriptionibus appellatur: nullus utitur hodie concubinis. Nam in iure concubina est quasi uxor: concubinatus est quasi conjunctio legitima. Quia igitur concubina uxorem legitimam imitatur, etiam in ea adulterium vindicatur: sed neque in ea, neque in uxore vulgari, neque in uxore injusta vindicatur iure mariti a marito scilicet, sed iure extranei: vir eam accusat non iure mariti, quod jus privilegium est, sed iure extranei, ut quilibet de populo: at in contubernali, id est, quasi uxore servi, adulterium a servo non vindicatur, l. 23. & 24. C. eod. tit.

Sequitur in hac l. §. 1. l. Julianum promiscue & indifferenter uti adulterii & stupri nominibus, & *καταχρηστικῶς*, per abusionem, ut eo capite, quo plectitur, qui adulterii damnatam uxorem duxerit; quo continetur etiam stuprum damnata, & adulterii nomen utrumque vitium significat, l. 2. §. quod ait, h. tit. & eo capite, quo plectitur qui pro comerto stupro, id est, adulterio pretium acceperit, l. 29. §. refutibus, h. tit. & eodem exemplo in l. 7. & l. 11. §. 1. adulterii accusari, adulterii poena teneri id est, stupri. Et similiter l. 22. C. eodem, tit. in muliere stupro cognita adulterii nomen dicit, & infra quoque E stuprum ponit pro adultério, in l. 2. §. pen. h. l. illo loco: *siue ullius stupri probatione*, id est, adulterii. Proprie autem adulterium, ut ait, committitur in nuptiam, nomine tracto ex eo, quod (quam originem tradit solus Papin.) ex altero quam ex legitimo marito partus concipiatur, quasi adulterium sit conceptio partus ex altero. Stuprum autem committitur in virginem, aut viduam, quod inquit, Græci *φθοράν* vocant. Philostratus vocavit *αἰνείαν φθοράν*, crimen zone. Stuprum autem quidam dici putant ab *stupeo*, id est, miror, iuxta id quod Cæcilius ait apud Nonium, *nomen virginis nisi mirum est deintegravit*. Stuprum igitur quasi mirum quoddam: ut monstrum a moneo, probum a prohibeo, l. probum, de verb. signific. furtum natura esse probum in definitione furti, l. 1.


1.1. de furt. furtum jure naturali prohibitum esse.

Sequitur in hac lege Julia non separari filiumfam. maritum a patrefamilias. Utrumque adulterum, vel adulteram jure mariti accusare posse, & filiumfam. etiam invito patre, quia vindictam proprii, & maximi doloris exequitur, l. filium, h. tit. Invito patre ex constitutione Adriani, ut ait hoc loco. Constitutione opus fuit, quia jure non potuit invito patre, sicut nec agere hodie injuriarum invito patre, l. sed si unus, §. filiofam. de injur. quamvis ea actio sit, dicaturque proprii doloris actio a Valent. Novell. de libert. & eorum successione. & a Tull. pro Cæcina. Non tamen potest filiusfamil. agere injuriarum, & exequi injuriam sibi illatam invito patre, quia deficit constitutio, quæ etiam filiofamil. permittit cujuscunque injuriæ actionem invito patre. Item quia l. jul. non separat patremfam. maritum a filiofam. Ideo dicimus utrumque deprehensum domi suæ adulterum sine fraude occidere posse, deprehensum in re ipsa, modo ejus conditionis sit, ut occidi possit: nam maritus non omnem adulterum occidere licet, quod deprehendit in actu ipso, fed infamem tantum, vel servum, vel libertum suum, vel uxoris, vel parentum, aut liberorum eorum, l. 24. §. 1. h. tit. Ait enim, eum quem occidere licet, non patrifam. tantum, sed & filiofam. occidere licet. At in patre, qui deprehendit filium in adulterio, quantum ad verba l. jul. attinet, videtur esse aliqua differentia. Nam patrifamilias datur jus occidendi adulterum & filiam, quos deprehendit, quam modo habeat in potestate, non filiam emancipatam, sive sit pater naturalis sive adoptivus. Quod tamen quantum ad verba l. jul. attinet, non datur patri filiofam. l. 22. & 22. h. tit. quia filiam non habet in potestate, imo nec potest habere, qui suæ potestatis non est, qui est filiusfam. l. 22. h. tit. Seneca §. declam. non potest quisque alium in manum suam recipere, qui ipse in alia manu est. Qua ratione Seneca efficit filiumfam. adoptare non posse. Verum Paulus 2. Sentent. scribit, etiam hoc non ferant verba l. jul. idem tamen esse permittendum patri filiofam. ut adulterum cum filia deprehensum, id est, utrumque interficiat. Quod postremo additur in hac lege pertinere ad id quod cavetur l. jul. publicorum iudic. ne eodem tempore quis de tribus reis diversis publici iudicii queratur, nec tres accusat ex diversis criminibus publicis simul eodem tempore, nisi suarum injuriarum causa. Sic est legendum, de tribus reis, non de duobus in l. hos accusare, §. lege, de accusat. quod ostendi & probavi, & confirmat omnino l. cum rationibus, C. qui accus. non poss. Proximus est delator sive triballus, sic appellatur sycofanta, qui plures quam duos eodem tempore delatos habet, diversis iudiciis publicis ut l. 7. sup. de accusat. Tertium ei deferre non licet, nisi suam, vel suorum injuriarum persequatur, ut ostendit hoc loco, si jure viri maritus adulterii tertium accusat: hæc injuriarum persequutio in numerum accusationum non computatur, jure viri, dixit, ut l. si uxor, §. si quis uxorem, h. l. 16. eodem. quod frequentius est jure mariti, quod jus præcipuum est. Præfertur enim maritus intra 60. dies utiles a die divortii omnibus aliis, qui ad accusationem ejusdem adulterii veniunt, etiam patri mulieris adulteræ, l. 2. §. ult. hoc tit. quod & privilegium dicitur in l. 2. §. sexaginta, hoc tit. Et quod dicuntur pater & maritus jus æquale habere in accusatione adulterii in l. 15. hoc tit. verum est, quod extraneos: nam & pater adversus extraneos in accusatione adulterii jus præcipuum habet, l. 4. §. 1. l. 14. §. ultim. hoc tit. Inter se vero pater & maritus jus æquale non habent, quia pater postpositus marito.

Et his addamus, quod est in l. 22. nam 20. iam explicata est. Jam expostuius in accusatione viduæ filiz non habere patrem jus præcipuum: adulterii accusari potest vidua commissi in matrimonio scilicet, veluti post divortium, aut post mortem mariti, l. 5. & 11. l. 2. §. de functo, h. tit. in accusatione viduæ pater non præfertur extraneo, si iudici adulterii extraneus justior accusator videatur, cum ageretur de accusatore constituendo, quod iudicium divotatio dicitur. Hæc est sententia hujus loci

A in l. 22. §. 1. si modo ita legatur, in accusatione, vel, in accusationem (quoniam tota l. est de adulterio,) Verum an ita recte legatur subditio & multis validis rationibus moveor ut existimem, non recte legi in accusatione, vel accusationem. Primum quia in accusatione nuptæ filiz non magis, quam viduæ pater collatus cum marito jus præcipuum habet, id est, sive agatur de accusanda nupta, sive vidua, pater collatus cum marito jus præcipuum non habet: postponitur enim marito. Confertur tota hac lege pater cum marito non cum extraneo, & collatus quoque cum extraneo patrem, falsum est in viduæ filiz accusatione non habere jus præcipuum: alioqui pater nunquam haberet jus præcipuum in accusatione filiz quia non nisi viduam accusare potest: non potest accusare nuptam, nec ipse nec alius, quamdiu matrimonium manet, l. constans, h. tit. quia probatum a viro & quiescens matrimonium alius turbare & inquietare non debet, quare habet locum in patre, l. 1. §. ultim. de lib. exhib. Bône concordantia matrimonia, inquit, non esse turbanda jure patriæ potestatis: apud Nonium Afranium, optimis bene convenientes, & concordantes nuptias repente viduas faciunt pater. Hoc non potest facere, non potest etiam pater, vel avus accusare nuptam primo marito, in quem peccasse dicitur: ita nec eandem divortio facto potest accusare, si secundo marito sit nupta ante denuntiationem adulterii commissi in priore matrimonio: nec nuptam igitur secundo viro accusari posse, nisi prius condemnatus sit adulter, l. 2. & 3. h. tit. Propterea ut hoc loco legam, in occasione viduæ filiz, non, in accusatione, studeant omnia præcedentia, omnia sequentia, quæ sunt de jure occidendæ filiz deprehensæ cum adultero, quod jus pater solus præcipuum habet; nec enim marito ullo modo deprehensum in adulterio uxorem interficere licet per l. jul. imo nec adulterum generaliter, nisi domi suæ deprehensum, non deprehensum etiam in domo socii, l. 24. h. tit. Pater autem quemlibet adulterum cum filia, quam habet in potestate uno impetu ambos occidere potest, & non tantum domi suæ, sed etiam domi generi deprehensos. Quo cap. monet Papin. hic domum accipi pro qualibet habitatione, sive domicilio: alias domus nomine proprietas significatur, l. lege Cor. §. domum, de injur. Quam differentiam Plautus servat in milite glorioso, ostium, inquit, hoc mihi est domicilium, Athenis domus. At in occasione viduæ filiz deprehensæ in adulterio sive stupro, pater nullum jus præcipuum, aut singulare habet. Et ita quoque Græci interpretes Basil. D hoc loco legant in occasione, non in accusatione: reddita hac ratione, quia in viduam stuprum committitur, non adulterium: lex Jul. ferrum dedit patri adulterii tamen ulciscendi causa, non stupri. Denique jus præcipuum interpretantur jus occidendi, & adulteram filiamfam. Igitur non caret mendo, quod ex Paulo refertur apud L. Rufinum, ita Marcellum scripsisse in vidua, si adulterum deprehensum pater occiderit, & filiam incontinenti licito jure hoc factum, legendum enim est, illicito jure. Nam cum ante dixisset nuptam filiam & adulterum, deprehensos patrem occidere posse, & subiciat statim, in vidua uxorem, &c. sane diversum jus in vidua statuit, quia dixit autem non item; quod & naturali rationi conveniens est, ut facile quidem detur ferrum patri in nuptam, quæ genialem lectum polluit, & injuriam marito fecit. Ratio differentiz inter patrem & maritum hæc est. Cur in occidenda filia jus præcipuum habeat pater, non maritus? quia si per legem Jul. licet marito uxorem occidere deprehensam, si omnem adulterum deprehensum, sane nemini parceret unquam: magnos enim æstus patitur, qui veterem matrimonii consuetudinem, qui pudorem cubilis, qui spem liberorum expugnatam esse videt: magnus furor est, ut quidam ait in tragedia: iratus amor. Et similiter l. 29. §. Imperator, hoc tit. difficillimum esse justum dolorem temperare: patri autem, qui non tanto furore concitatur, lex non aliter permittit adulterum occidere, quam si & filiam occiderit incontinenti; & quasi uno ictu, uno veru, quia lex ita aut perrare eventurum arbitrata est, ut pater occiden-

cidende filiae tristissimum ministerium obierit: & libidine-
se mulieres verentur hodie magis maritum, imo fra-
trem, quam patrem: plerumque enim patris pietas consi-
lium pro liberis capit & parcat adultero, ut parcat filiae. Ce-
terum mariti calor & impetus facile non decernentis
fuit refranandus. Qua ratione etiam D. Marcus apud Lam-
pridium, nolens in rebelles agi severius: non placere sibi
inquit, in Imperatore vindictam sui doloris, quae est iustior
fuit, semper acrior videtur. Neque est omittendum argu-
mentum a minore ad majus quo utitur Papinianus in l. 22,
si patri, inquit, licet adulterum una cum filia occidere,
quos deprehendit in ipsa turpitudine, & multo magis licet
ei adulterum contumelia afficere, veluti exfecto viro
restituere naribus, crucibus, ceterisque similibus.



JACOBI CUJACII J.C.

COMMENTARIUS

In Lib. II. AEMILII PAPINIANI.

De Adulteriis.

Ad L. IX. de Calumniatoribus.

De servo, qui accusatur, si postuletur, questio habetur,
quo absoluto in duplum pretium accusator domino damnatur,
sed & citra pretii estimationem, quicquid de calumnia ejus;
separatum est etenim calumnie crimen a damno, quod in
servo propter questionem domino datum est.

Ad L. VI. de Quest.

Patre vel marito de adulterio agente & postulante,
de servis rei ut questio habetur, si vere causa perorata te-
stibus prolatis, absoluto sequuta fuerit, mancipium qua
mortua sunt, estimatio habetur. Sequuta vero damnatione,
qua superant, publicantur.

§. 1. Cum de falso testamento queritur, hereditarii
servi possunt torqueri.

Ad L. VIII. de Divort.

Divus Adrianus eum, qui alienam uxorem ex itinere
domum suam duxisset, & inde marito ejus repudium misis-
set, in triennium relegavit.

PERTINET L. IX. ad illud caput l. Juliae, quod
l. 27. §. ult. ad l. Jul. de adult. significat fuisse nonum
caput, quo cavetur postulante eo, qui servum
accusat adulterii, de eodem servo questionem
haberi posse, si ipse accusator voluerit interesse qua-
stioni, sive noluerit, ut eodem capite expressum est:
cujus verba proponuntur initio d. legis 27. nam & accu-
sator interesse potest questioni rei, sicut & questioni ser-
vorum rei parentumve ejus interesse potest, tam reus
ipse, quam accusator: & interrogationes fiunt per pa-
trones, d. l. 27. §. questione. Iudices autem, qui l. Julia
querunt de adulterio, quod servus fecisse dicitur, ser-
vum accusatum imprimis estimare debent, quanti sit,
ut eadem lex praecipit, & servo absoluto tantam pecu-
niam, quanti servum aestimavit, & alterum tantum,
id est, duplum, accusatorem praestare jubere debent, &
praestare ei, ad quem ea res pertinet, puta, domino aut
bonae fidei possessori aut creditori, cui is servus pignera-
tus est, quia & creditoris interfuit, de servo temere
questionem non haberi, d. l. 27. §. 1. Et hoc quidem ge-
nere poena, calumnia accusatoris coercetur civiliter, ut
L. dominus, C. de ad. tit. de calumniatoribus. Ac praeter hanc
civilem coercionem in duplum pretium duplamve esti-
mationem servi, qua sarcitur damnum in questione

A defuncti servi, vel facti deterioris, etiam criminaliter
lege Remmia coercetur calumnia accusatoris. Denique
coercetur civili & criminali judicio: nam ut ait hoc loco,
separata est criminis causa a causa civili damni domino
illati, quae causa civilis est: hac respicit utilitatem pri-
vati hominis, illa criminalis, vigorem publicae discipli-
nae, l. 9. §. quod illicitum, de publica. Igitur hoc loco,
citra pretii estimationem, id est, ultra, ut apud Cicer. in
oratione ad Brutum: natura, inquit, in omni verbo posuit
acutam vocem nec una plus, nec a postrema syllaba citra ter-
tiam. Ergo, ut ait Papinianus, citra estimationem dupli
pretii, id est, ultra, etiam in accusatorem absoluto servo
criminalis accusatio competit: & ita cum actione in fa-
ctum civili, quae proprie in hoc titulo proponitur in eum
qui pecuniae causa per calumniam negotium alii fecit, vel
non fecit, civili aut criminali judicio, quae actio est intra
annum in quadruplum, post annum in simplum, cum
ea, inquam, actione de calumniatoribus, quae est civilis,
concurrit etiam criminale judicium, quia non est
utriusque eadem causa, l. penult. hoc tit. Et notandum
hic est, maxime interesse, an de servo adulterii accusato
questio habeatur, quae de re agimus praecipue, an de ser-
vis accusatis, qui torquentur contra dominum, ut spe-
cialiter receptum est in crimine adulterii. Regulariter
servi non torquentur in dominum. Priori enim casu,
quum servus accusatus est adulterii, & questioni tor-
mentorum subiectus, absoluto servo accusator in duplum
domino damnatur. Posteriori casu, quum torti sunt ser-
vi ejus, qui accusatus est adulterii, absoluto reo accu-
sator domino damnatur civiliter in simplum tantum,
id est, quantae pecuniae servi ante questionem fuerunt,
quantae pecuniae in his damnium datum fuerit, factum-
ve sit, d. l. 27. in fin. l. 3. C. eod. & utrumque, id
est, duplum vel simplum in suo casu petitur condictione
ex l. Jul. de adul. non alia actione, l. 28. sup. eod.
tit. Ad priorem casum pertinet ut dixi nonum caput l.
Juliae, de quo in d. l. 27. a principio usque ad §. haberi.
Ad posteriorem casum pertinet 10. caput l. Jul. de quo
agitur a §. haberi usque ad §. ult. qui §. ult. utrique
capiti communis est, quod glossa in l. 27. nesciunt di-
scernere. Huic vero legi conjungenda est l. 6. de question.
ex eod. lib. quae tamen pertinet tantum ad 10. caput
l. Jul. non ad nonum, & ait, de servis rei postulatj adul-
terii questionem haberi contra dominum, patre vel marito
accusante. Hoc est certissimum ex cap. 10. an & extra-
neo accusante, non quidem ex l. Julia, sed ex consti-
tutione, ut ex l. 17. hoc tit. Quod & Papinianus scripsit
lib. sing. de adult. apud L. Rufinum reddita hac ratione,
quia non facile adulterium potest admitti sine ministere
& conciliatura servorum. Quae ratio est tantum pro-
babilis, non necessaria, ut sunt pleraque rationes iure-
consulti, quod pauci animadverterunt, aut nolunt animad-
vertere: quia ubi de iure constabat, non erant admo-
dum solliciti rationis constituti & recepti juris contenti
erant probabilis. Et ejusmodi est ratio in Institutionibus,
quae vexat plurimos in tit. de fiduc. iur. Et hanc ratio-
nem, quod tale delictum vix possit admitti sine ministere
servorum, esse probabilem, ex eo apparet, quod
alioqui & in aliis criminibus, quorum minister domino
servus fuisset, posset torqueri adversus dominum, quod
tamen falsum est, d. l. 17. §. ult. Ait autem Papinianus
hoc loco sequuta absolutione rei, causa vere perorata,
id est, non perfunctorie, non lusorie, non dicens causa,
aestimationem servorum, qui in questione mortui, vel
facti sunt deterioris, domino eorum deberi, in simplum
scilicet: & hoc loco, pro aestimato habetur malo, esti-
matio debetur, ut est scriptum in l. 28. ad Jul. de adult.
Sequitur autem damnatione rei, veluti relegatione in in-
sulam, quae legitima & frequentior fuit poena adulterii,
ex l. Julia, servi ejus qui damnatus est, qui in qua-
stione defuncti non sunt, publicantur ex l. Julia: cujus
rei ratio redditur in d. l. 27. §. jubet, quia si servi redi-
rent in potestatem rei, obdurerent in questione, nec
efferrent unquam, vel hiscerent quicquam adversus
domi-

dominum. Ideo ut intrepide verum dicant post questionem & domini damnationem, dominum mutant, & fiunt servi publici, servi civitatis. Huic vero casui, quo scilicet iure singulari in crimine adulterii servi torquentur adversus dominum, Papin: addit alium casum in hac l. 6. sicut & in l. 17. §. 1. hoc tit. de quo ibi accuratius differui: & satis in responsis, in quo etiam casu servi quodammodo adversus dominum torqueri videntur, ut in questione falsi testamenti, quod fecisse dicitur dominus servi quum de ejus successione agitur, servi hereditarii torquentur. Sequitur in l. 3. de divortii, exemplum non jure, imo perquam injuriose facti divortii. Quidam uxorem alienam, non habentem animum a marito suo divertendi quum ei ea mulier occurrisset in itinere, perduxit in domum suam, & mox id egit, ut e domo sua priori marito mitteret libellum divortii, & sibi eam retinuit in matrimonio. Res gesta est exemplo & more malo, atque incivili, & quasi raptus speciem habet. Ideoque in hac l. 8. recte, ut Papinian. refert eum hominem D. Adrianus relegavit in triennium: audaciam hominis multavit relegatione triennii: id tamen olim plerisque Imperatoribus excedit, & regibus etiam nostra memoria in Anglia, ut & ipso die nuptiarum abducerent novam nuptam, & sibi haberent uxorem.

Ad L. VIII. de Adulteriis.

Qui dotem suam, ut stuprum adulteriumve cum aliena matrefamilias, vel cum masculo fieret, sciens praeberit, vel quassum ex adulterio uxoris suae fecerit; ejusqueque sit conditionis quasi adulter puniatur.

§. Appellatione domus habitationem quoque significari palam est.

Ad L. X. de Adult.

Mater autem familias significatur non tantum nupta, sed etiam vidua.

§. 1. Mulieres quoque hoc capite legis, quod domum praeberunt, vel pro comperto stupro aliquid acceperunt, tenentur.

§. 2. Mulier, quae vitanda poene adulterii gratia, lenocinarius fecerit, aut operas suas in scenam locavit, adulterii accusari damnarique ex S. C. potest.

Sequitur demum l. 8. & 10. ad l. Jul. de adult. in eis legibus proponitur aliud caput l. Jul. de adult. quo caveatur, lenonem quoque, quasi adulterum puniri eadem poena, qui sciens dolo malo domum suam praeberit, ut stuprum vel adulterium in ea committeretur cum aliena matrefamil. ubi Papin. demonstrat, matrisfam. nomine contineri non tantum nuptam, sed etiam viduam, quia de adulterio & stupro lex loquitur nominatim. Et domum quoque interpretatur Papin. legem Juliam accipere pro quolibet habitatione, quomodo etiam domum accipi in cap. 2. l. Jul. quod fuit de iure praecipuo, quod pater habet occidere adulterum & filiam, deprehensos domi suae, vel domi generi, ubi etiam domus accipitur pro quolibet habitatione, etiam si non sit propria habitantis, l. 22. hoc tit. Ac praeterea eodem cap. l. Jul. eadem poena plectitur qui quassum fecit ex adulterio uxoris suae, vel qui pro comperto adulterio pretium accepit, ut ficeretur deprehensus: si vero maritus sit, si vero alius, & cuiuscumque conditionis & dignitatis sit, immo & cuiuscumque sexus sit: nam in l. Jul. (qui) sic accipitur, quare, ut in l. 1. §. 1. de constit. pecun. Ergo & mulier, quae domum praeberit, & quae pro comperto stupro pretium accepit, tenetur. His additur in §. ult. l. 10. Senatusconsultum, quod peruenit ad l. Jul. quia poena l. Jul. infames feminas non tenentur, ut quae lenocinium fecerunt, aut faciunt, quae ex edicto Praetoris notantur infamia: vel quae operas suas in scena locaverunt artis ludicrae, & saltandi cantandive causa: vel quae palam corpore quassum quaequeverunt. Sed si ultro consulta opera, in fraudem

A l. Jul. ad evitandam poenam adulterii, quae erant matrefamil. lenocinium facere coperint, aut in scenam prodire mercede conductae, hoc casu ex Senatusconsulto adulterii accusari & damnari possunt, facto scilicet Taberii temporibus, nam & Cornelius Tacit. scilicet 2. annal. sub Taberio gravibus decretis coercitam fuisse libidinem feminarum, & cautum, ne corpore quassum facerent, quibus avus aut pater, aut maritus eques Romanus esset: atque ita ne hoc genere profecto turpitudinis evitarent poenam l. Jul. adulterio impositam: & Suet. in Tiberio, femine, inquit, famis ad evitandas legum poenas, jure ac dignitate matronali, ut exolverentur, lenocinium prostiteri coperant, eas omnes ne refugium in tali fraude cuiquam esset, exilio affecti. Et huius Senatusconsulti pars est in l. 14. §. 1. hoc tit. dam ait, ex Senatusconsulto de ea re factum, si vir infamandae uxoris suae causa adulterum subiecerit, ut ipse deprehenderet, atque ita infamaret mulierem, & virum, & mulierem adulterii crimine teneri: alias l. Jul. ut dixi, infames feminas, etiam si nupta essent similibus personis, crimine adulterii accusari vel damnari non posse, quasi indignas censura ejusmodi, quae matrumfamil. honestatem, & nomen amiserunt propter infamiam. Neque cum his pugnat lex si uxor, §. sed & in ea, h. t. quae ait, etiam in vulgari uxore adulterium vindicari, quia non loquitur de infami muliere: non omnis mulier vulgaris, id est, quae prostituit se in vulgarem libidinem, est infamis. Loquitur ille §. cum uxorem vulgarem dicit de ea, quae libidinis causa vulgo se praebet malis, contempto honore matrimonii, contempta religione matrimonii, quae infamis non est, antequam deprehensa sit, vel iudicio publico damnata, quae propterea propudiosa est, & alit corpus corpore, etiam si damnata nondum sit, quae licentiam stupri profecta est apud fideles more pisco, ut Cornel. Tacit. ait eod. loco, ipso iure infamis est, l. 1. §. de testibus, l. 1. de dam. de rit. nupt. solaque, ut ait Ovidius, famosam culpa profecta facit. Et haec proprie meretrix dicitur, quod mercatus captivam, non etiam illa, quae sine pretio facilis & prona ad libidinem est, nec dum deprehensa vel damnata, quae nec matrisfam. nomen amittit. Et perperam Glossa hoc loco metu d. l. si uxor, adulterii, interpretatur stupri, quum sit proprie accipiendum adulterium: non ergo adulterii dicendum, id est, stupri.

Ad L. VIII. & X. ad Senatusc. Turpill.

Abolitio aut publice fit ob diem insignem aut publicana gratulationem. Aut privatim auctore postulante: Tercio genere fit ex lege abolitio, accusatore mortuo, vel ex iusta causa impedito, quo minus accusare possit, abolitio autem facta non retractabitur in iudicio repetendo, de mariti iure, Triginta dies repetendi rei Divus Trajanus utiles esse interpretatus est: ex die scilicet quo serie finita sunt. Et Senatus censuit eos dies cedere quibus quisque reum suum repetere possit. Hoc autem repetendi rei tempus non aliter cedit, quam si accusator quoque potuit adire.

Ertum est, in poenam S. C. Turpil. incidere eum, qui aliter, quam abolitione facta desistit ab accusatione adulterii, l. 1. §. accusationem, h. t. quia prodidit l. Juliam: & puniri quasi tergiversatorem, vel quasi calumniatorem, nisi si ut in specie l. 11. inf. h. t. post rei postulationem prescriptione legitimi temporis exclusus, causam adulterii perferre non poterit. Quam sententiam Papin. l. 11. glossa non assequuntur. Reus postulat, priusquam causa perferatur, postulat reus, cum si in iudicio, si extra iudicium postulat inter reos recipi, l. vim, §. in matrimonio, ad l. Jul. de adult. Et hoc quidem postulat vel dato iurici libello accusationis, vel querela apud acta deposita, l. 8. C. de accusat. Postea vero causa perferitur lite contestata, lite & cognitione suscepta, & mox eo, cuius nomen delatum est recepto inter reos: nunc post rei postulationem, si accusator, quo minus causam adulterii perferat, impediatur objecta praescri-

criptione temporis, quod tardius venerit ad accusationem, vel prescriptione sex mensium utilium, vel prescriptione 60. dierum utilium, vel prescriptione quinquennii continui, quae prescriptiones leg. Julia comparatae sunt adversus accusationem adulterii, atque ita submotus prescriptione, si deliquerit, sine non incidit in poenam S. C. Turpill. vel l. Petronia, quae ead. de re fuit, & calumnia ejus non punitur, ut ait l. 1. i. ejus calumniam non puniri lege Remmia scilicet: nam alias, qui deliquit ab accusatione adulterii sine abolitione, non tantum incidit in poenam S. C. Turpill. & l. Petroniae, sed etiam ut calumniator l. Remmia puniri potest, ut hac l. 1. i. offendit, & Plinius 6. *epist.* dum refert Imperatorem denuntiasset, se de calumnia accusatoris cogniturum, nisi causam peregerit & pertulerit. At excusatur is, qui obiecta sibi prescriptione temporis a causa adulterii perferenda submotus est. Et ita est accipienda l. 1. i. Alias, qui sine abolitione deliquit ab accusatione adulterii, puniri potest, vel ut tergiversator S. C. Turpill. & l. Petronia, vel ut calumniator l. Remmia, non tantum, si causam adulterii perlatam deferat post litem contestatam, sed etiam si ante litem contestatam deliquit post dationem libelli accusatorii, & delationem & postulationem rei, l. pen. h. t. l. 7. C. qui accus. non possi. Ac praeterea ex ead. lege, damnato l. Petronia vel l. Remmia, jus accusari non superest, l. 2. §. 1. l. 40. in fin. sup. ad l. Jul. de adult. i. abolitionem, C. de i. i. Quo de causa propter hac omnia, scilicet quae retuli lib. de adult. Papin. proposuit tria genera abolitionum, quorum nullo fretus accusator, si deseruerit institutionem accusationem, incidit in poenam S. C. Turpill. & l. Petroniae, vel l. Remmia. Alia est abolitio publica & indulgentia generalis, quae fit ex S. C. pro re nata facto, ut in l. 1. 2. hoc tit. l. 2. sup. de cast. reor. ob diem aliquem insignem, inquit l. 8. forte die natali, five condita urbis, memoriae victoriarum praefatae cuiusdam, quae celebrari solebat quotannis certo die, ea re insignito, vel ob publicam gratulationem factam in honorem Principis, forte principe aucto liberis, ut in l. 1. i. Cod. Theod. de indulg. crimin. Constantino aucto Crispo & Helena conceditur generalis abolitio & criminum indulgentia, vel etiam ob rem prospere gestam adversus hostes, extra ordinem indictis feriis, indicta publica laetitia, & carcere vinculisque absolutis reis minorum criminum: nam majorum non solvuntur ob publicam hilaritatem, vel abolitionem. Alia est abolitio privata, quae conceditur postulanti accusatori a magistratu, apud quem agit, & nihil aliud est, quam venia omissa accusationis, inconsulto, temere susceptae: & dari solet a magistratu redditus causis, eum eam omittere velit, causa cognita pro tribunali utraque parte praesente, nec magistratus hanc cognitionem alii mandare potest, l. 1. §. abolitio, hoc tit. Quia specialiter ei S. C. data est, l. 15. in fin. de iure fisci, quod magistratui lex vel Senatus dat specialiter, id non potest alii mandare: quoniam iure suo ei non competit, sed iure legis. Reddenda esse causas abolendae accusationis etiam Plinius indicat 7. *epist.* & lib. 6. *Bithyni*, inquit, accusationem Varenii & temere inchoatam omisso narratur, legatus causas abolitae accusationis exposuit, & lib. 6. a parte, inquit, heredum intraverunt duo, omnino postulaverunt, ut omnes heredes agere cogerebantur, aut sibi quoque desistere permitteretur: Caesar ex consilii sententia iussit denuntiari heredibus, ut aut agerent, aut singuli approbarent causas non agendi, alioqui se de eorum calumnia promissurum. Tertium genus abolitionis fit ex l. Julia de vi, puta accusatore mortuo, vel ex iusta causa impedito, quo minus causam perferre possit, forte ratione civilium officiorum, ut in l. 15. §. pen. hoc tit. & ob eam rem ab initio nomine rei, ut l. 3. §. ult. sup. de accus. Et ut breviter perstringam differentiam, quae est inter ea genera abolitionum: Prima fit ex S. C. vel placito Principis. Secunda fit ex decreto iudicis. Tertia fit ex l. Jul. Rursum, prima fit nemine postulante ob publicam iustitiam, quam indicit Senatus vel princeps, secunda fit postulante accusatore, tertia postulante reo. At cuius-


unque generis fit abolitio, post eam idem reus repeti potest, id est, iterato potest reus fieri. Nam publica abolitio primum, quae fit ex S. C. vel placito Principis, suspendit & differt crimen, non etiam solvit: nam ut offendit l. 10. ex die, quo ferit finitae sunt intra 30. dies, ab alio vel ab eodem reus repeti potest, non post 30. dies, ut & Paul. scripti 5. *Sent. tit. de abolit.* eos dies 30. ut ait l. 10. Trajanus Imperator interpretatus est esse utiles & iudicarios dies, non continuos dies, id est, ut Senatus censuit, in numerum dierum 30. eos tantum dies cedere, quibus accusator non impeditur iudicem adire, & quibus reus iterato accusari potest, id est, quibus reus secum agendi potestatem facit. Qua ratione in l. 15. §. ult. h. t. dicitur, quod si post abolitionem antequam reus repeteretur intra dies 30. utiles, alia abolitio supervenerit, dies 30. computantur, non ex superiore, sed ex posteriore abolitione, quia utiles sunt dies, & non continui. Et hoc de publica abolitione. Ac similiter abolitio facta ex l. Jul. reus repeti potest ab alio intra 30. dies utiles, d. l. 3. §. ult. de accusat. Idemque erit concessa privata abolitio: nam & reus repeti poterit, & id quidem quandoque vel ab alio, & permittit principis etiam ab eodem, ut in l. 1. C. de abolit. quod inferius latius explicabitur. Verum ex his prius generaliter constitutamus, huiusmodi abolitiones esse temporarias non perpetuas, & crimen suspendere non perimere, crimen diluere non absolvere. Et ita Suet. refert, D. Augustum ditionum reorum (& ex quorum foribus nihil aliud quam voluptas inimicis quaereretur) nomina abolevisse: an in perpetuum? minime, sed conditione propolita, ut si quis reum repeterere vellet, parrem poenam & periculum subiret. Et simili modo Domitianum reos, qui ante quinquennium apud ararium pependissent, universos discrimine liberaisse facta abolitione: an in perpetuum? minime, quia intra annum eosdem repeti permittit ea conditione, ut accusatori, qui causam non teneat, exilium poena esset. Domitianus idem fecit, quod Augustus, & loquitur illo loco Suetonius de diuturnis reis, quique die in reatu manserant, arario neci pecuniae nomina, vel quorum bona eo nomine, nullo pro iis intercedente, ut idem ait in Claudio, in vacuum, id est, tanquam vacantia; venum, exposita pendebant sub edicto praefectorum ararii ex l. praedicatoria, inquit, quae scripta est scilicet de praedicatoribus, id est, de iis quorum praedia arario tenebant. Nam in glossis Philoxeni praedicator est, qui nexus est ob res debitum arario publico, cum suis bonis, quod valde facit ad inscriptionem l. res, de iur. dot. quae est ex tit. de praedicatoribus, & illo loco Suetonii in Claudio. Illa verba in vacuum sic interpretor, quasi vacantia bona reorum, quae in publico venalia suspenduntur fisci nomine, non ut Alciatus in paregisi, in vacuum, id est, frustra, ut Graeci, inquit, exprimunt & perperam, quia Graeci nostrum frustra nunquam ita exprimunt. Dicitur enim *διωκέντι* uno verbo non *ις κέρδι*. Quod autem diximus de abolitione, quae fit ex Senatusconsulto, vel ex l. Jul. ut post eam reus repeti possit intra certa tempora, idem etiam obtinet in abolitione privata data accusatori ex edicto praedidis. Nam & hoc casu quandoque reus ab alio repeti potest, l. 2. §. ult. sup. de accusatione. Atque etiam ab eodem permittit Principis, l. 1. C. de abolit. non sine speciali permittu Principis, l. 4. §. 1. hoc tit. Ex his apparet, longe aliud esse abolitionem, aliud absolutionem reorum: absolutio securitatem & liberationem plenissimam praestat, non abolitio illa. Absolutio, inquam, liberationem plenissimam & perpetuam praestat exceptis tribus casibus: si probatur causam vere peroratam non fuisse, id est, praevaricatorum priorem accusatorem fuisse, vel si probetur iudicem corruptum pecunia reum absolvisse, vel si posterior accusator suum dolorem, suam injuriam exequatur, l. 3. de praev. l. 7. §. 1. de accusat. l. 3. §. ult. sup. ad l. Jul. de adult. Non est omnittendum quod additur in hac l. 10. postquam iure mariti quis adulterum vel adulteram accusavit adulteri, existente publica abolitione, & finitis feriis

feriis marito repetente reum, vel ream intra 30. dies A eod. iure eum eamve repeti, id est, iure mariti, ut l. 7. hoc tit. Nec repetito iudicio & crimine retractari, aut revocari in dubium ius privilegiumque mariti, quo initio prelatum est ceteris omnibus, tamen interea 60. dies marito dati ad consulendum præterierint. Et hoc si reum adulterii repetere velit. Nam invitum repetere, non cogitur reum, qui exemptus est ex rebus intervenientibus publicæ abolitione, l. 12. hoc tit. Nec post abolitionem prohibetur etiam uxorem, quam fecerat ream adulterii, a se dimissam domum reducere, l. generali, §. 1. de rit. nupt. Nec quod dico, invitum non repetere reum, ei quidquam obstat l. pen. h. tit. quamvis dicat etiam eum teneri Senatus. Turpill. qui post abolitionem reum non repetit. Cogitur ergo repetere, ut videtur. Sed non ita est, quoniam l. pen. de eo tantum loquitur, qui reum postulat, verum etiam litem contestatus fuerat, impletis solemnibus accusationibus, & causa peracta, qui etiam interveniat publicæ abolitioni, tenetur Senatus. Turpill. nisi persequatur crimen, & peragat reum, quia abolitio publicæ pertinet tantum ad ea crimina, quæ peracta sunt, non ad ea quorum accusatio nondum peracta, & cognitio suscepta est, l. 2. C. de gener. abol. Et ita est accipienda d. l. pen.

Ad L. IV. de Bonis damnatorum.

Et omnes omnino maritus saltem actiones habet contra fiscum.

Dote caduca facta, sive publicata ob delictum mulieris ait, marito adversus fiscum servari omnes actiones; publicari enim dotem, cum sua causa: & ideo eadem petitiones, eadem exceptiones, & retentiones ex dote marito competunt adversus fiscum, fisco vindicante dotem, quæ competet mulieri, vel heredi ejus divortio facto repetenti dotem, l. si post, l. si maritus, sup. sol. matrim. Nam & fiscus vicem heredis obtinet, l. 2. C. ad l. Jul. de vi. Dos caduca fit ex quinque legibus tantum publicorum iudiciorum, sive publicatur, l. Julia majestatis. l. Julia vis publicæ. l. Pompeja, de paricidiis. l. Cornelia de veneficiis, l. Cornelia de fidei. l. 3. h. tit. secundum quam est explicanda l. si constante, §. ult. sol. matrim. Et in ea l. 3. hoc tit. maxime observandum est, Ulpianum l. Corneliæ de fidei & veneficiis dividere in duas, quoniam quinque numerat ill. & non erant nisi quatuor: nisi l. Corneliæ diviseris in duas, unam de fidei scilicet feceris, alteram de veneficiis, quibus locis usui esse possit optime scio. Lege autem Julia de adult. sicut nec ulla alia lege dos caduca noñit, nec marito cedit, nisi pro parte sexta, ut Ulpianus scripsit lib. singul. reg. tit. de dotib. & indicat l. cum mulieri, sol. matr. l. miles, §. fidei, ad l. Jul. de adult. Et ita est accipiendum, quod Horatius ait, doti metuere deprehensam, quia jure veteri parti dotis tantum metuit, hodie etiam secundum jus quo utimur, & metuit universæ doti, l. ult. C. ad l. Jul. de adult. & cap. plerumque, de donat. inter vir. & ux.



JACOBI CUJACII J.C.

In Librum Singularem Pap. de Adulteriiis.

Ad L. XI. ad L. Jul. de Adult.

Miles, qui cum adultero uxoris suæ pactus est, solvi sacramento deportarique debet.

CERTUM est L. Jul. de Adult. teneri, ut alium quemlibet, ita maritum, qui pro comperto adulterio pretium accepit, vel qui pactus est quocunque pretio, quod post sibi daretur, ut adulterum dimitteret, forte pacto subiecta stipulatione, l. 7. & 8. de eo, quod met. causa, l. mariti, §. plecti. Tom. IV.

tur, hoc tit. Is autem tenetur lenocinii poena, quæ eadem est atque adulterii. Dices, imo tenetur longe graviore poena, quoniam Papinianus ait, hoc loco militem, qui id fecerit, qui cum adultero uxoris suæ deprehensio pactus fuerit, exactorari, hoc est, sacramento solvi, & quidem cum ignominia, ut in l. 2. §. miles, de iis, qui not. inf. Et præterea deportari in insulam, quod est pati mediam capitis deminutionem, quam l. Jul. vulgo neque patiebantur adulteri, neque lenones, sed relegationem, quæ non est capitis deminutio, aut ademptionem tertiæ partis bonorum. Verum plerumque omne crimen exasperatur in militem, l. 7. in fin. ad l. Jul. majest. l. quidam, inf. de pan. Et ita ex causa huius criminis, etiam gravius miles plectitur, quam paganus. Et hoc loco pactum cum adultero militem accipio certo pretio, ut in edicto prætoris, de his, qui not. inf. si quis furti pactus sit, non gratuito, sed certo pretio accepto a fure, l. furti, §. pactus, de his qui not. inf. Male enim Accurs. statuit hoc loco, eandem esse poenam ejus, qui adulterum gratia dimisit, manifesto contra verba legis mariti, §. plectitur, hoc tit. quæ ait, ad legem Juliam non pertinere, id est, l. Julia non coerceri eum, qui gratis dimisit deprehensum adulterum, sive maritus sit, sive alius, quia lenocinium l. Jul. coercet, & leno non est, nisi qui pretium accipit pro comperto stupro, sive adulterio, vel qui pretium turpius paciscitur, non qui deprehensi commiserunt, eumque dimittit illisum, non qui negat se, cum eo velle agere, qui ultro hoc negat, l. si maritus, §. si negaverint, hoc tit. Non qui continent suum matrimonium, quique contaminatione non indignatur, l. 2. §. lenocinii, h. tit. Quid enim vetat, quem deprehenderit, gratuito dimittere? nulla lex vetat: cuique miseriam esse licet. Igitur ultro gratis adulter impune dimittitur. Nec obstat quod dicitur, nec gratuito licere pacisci de adulterii, l. transigere, C. de transact. l. de crimine, C. ad leg. Jul. de adult. non licere, inquam, transigere vel pacisci. Inter quæ duo hoc interest, quod transactio nulla est gratuita: pactum potest esse gratuitum. Verum, quod dicitur, de præviatore tantum dicitur, ut indicat d. de crimine, id est, de eo, qui prodit institutam accusationem ex comperto, & collusio habito cum adversario; non etiam de eo, qui non vult adulterum accusare, sed ultro & gratis dimittit, ad dissimulat injuriam suam, nulla habita pactio cum alio, sed ultro & sua sponte.

Ad §. Militem qui sororis filiam.

Militem qui sororis filiam in contubernio habuit, licet non in matrimonium, adulterii poena, teneri rectius dicitur. Ea quæ inter reas adulterii recepta esset, absens defendi non potest.

Locus hic est singularis, & interpretatione dignus. Ait, avunculum militem, qui sororis filiam in contubernio habuit, stupro scilicet sibi cognitam, ut idem ait in l. 14. de his, quæ ut indignis, sicut Latini solent accipere cognitam, & cognoscere, ut meminimus legere apud Hermogenem notantem hunc locum ex Menandro, cognovit me. Avunculum igitur militem, qui sororis filiam habuit in contubernio, non in matrimonio teneri poena adulterii, id est, stupri & incesti: vel ut Tullius in Miloniana, stupri incesti: quia videlicet non videtur errasse in iure civili, quod vetat conjungi avunculum cum sororis filia. Permittitur quidem militi jus civile ignorare, sed non videtur id ignorasse in hac specie, qui sororis filiam clam habuit in contubernio. Nam quod eam habuit clam, arguit conscientiam ejus, aliter quam si habuisset eam palam in matrimonio. Unde & palam plerique licent, quæ clam non licerent. Palam licet ambire magistratum, non clam. Seneca 5. epist. Senatusconsultis plebisque scitis secula exercentur, & publice jubentur, ut in arena. Sequitur, vestra privatim quedam commissa capite licent, tunc quia palam fecere, laudamus: avunculus non habuit

Bbbbb 2 foro.

fororis filiam in matrimonio non habuit etiam in concubitu. Quae est species & imitatio matrimonii, ut diximus saepe, sed eam habuit in contubernio, ut ait hoc loco, & in l. 14. Hanc vulgo vocant focariam: non uxorem non concubinam, ut in l. 2. C. de donatione inter vir. & uxorem. Honestum est uxoris, & concubinae nomen, focaria non item, quae sic appellatur, quod plerumque habeatur per causam speciemque cultus: nam & *parvulus*, & *parvulus* Divas Hieronymus interpretatur focarias i. Samuelis cap. 8. quas & Varro intellexit 2. de re rustica, dum ait, mulieres ad focum afferre ligna, & cibum coquere. Quid autem est, quod ait Pap. hoc loco, avunculum eam habuisse in contubernio, licet non in matrimonio, & licet non habuerit in matrimonio, sed in contubernio, tamen puniri. Quid hic facit illud, licet, an gravius est habere in matrimonio? non utique. Imo nonnunquam excusatur, qui cognatam in matrimonio habuit propalam, l. ult. de rit. nupt. quia nemo videtur tam impudens & audax, ut quam non potest habere in matrimonio, habeat palam sine errore aliquo, vel facti vel juris civilis: & qui errat, non contemnit jus. Proinde majus est delictum ejus, qui clam habet in coitu aliquam, quam qui palam in matrimonio, quoniam hic errore duci praesumitur. Existimo omnino scribendum esse hoc loco, non licet, sed scilicet matrimonio: quia si palam fororis filiam in matrimonio, puta per errorem juris civilis, vel per errorem facti habuit, sane miles excusatur, l. 38. h. t. Quo loco ait, incesti crimen aliquando, & in maribus, ut in militibus scilicet, vel minoribus xxv. annis, quibus jus civile ignorare permittum est, tractari humanius quam adulterii, si modo, inquit, incestum per matrimonium illicitum contractum sit. Et ponit etiam exemplum in fororis filia, quoniam, qui ira contrahunt, non nisi errantes in iure id facere videntur: nemo praesumitur esse adeo stultus: & loquitur d. l. 38. §. 1. de incesto juris tantum. Aliud est incestum juris naturalis, siue juris gentium, quod contrahitur inter parentes & liberos in infinitum, & inter novercam & privignum, inter vitricum & privignam, inter soceram & nurum, inter socrum & generum, qui nunquam non inter se habentur naturalium parentum & liberorum loco. Incestum autem juris civilis contrahitur cum iis, qui ex transverso nobis conjuncti sunt, l. ult. de rit. nupt. Unde in fororis filiam incestum committitur jure civili, non jure gentium. Id palam ostendit d. l. 38. quae loquitur initio de incesto juris gentium in §. 1. de incesto jure civili, non de incesto jure naturali, siue jure gentium. Neminem enim excusat juris naturalis ignorantia, l. 2. C. de in jus voc. Non excusat mulierem, non etate minor, non militem. Et ideo nullus excusatur ab incesto juris gentium. Non loquitur etiam ea l. de adulterio: nam & ab adulterii crimine nemo excusatur: neque etas, neque sexus, neque conditio, aut professio, quoniam excusat a crimine adulterii, quia jure naturali probum est, l. probum, de verb. sig. & natura turpe. Laetant in Epitome Instit. corumpere alterum matrimonium etiam communi jure gentium damnatur, id est, jure gentium probum est; dicitur enim probum a prohibendo in eadem l. 38. h. t. Ait, quod & superiora confirmant, incestum, quod per illicitam matrimonii conjunctionem admittitur, excusari solere, si error juris, vel error facti allegetur, & si nondum quisquam reum postularit, id est, ut Ulpianus ait, apud L. Rufinum eod. lib. sing. de adulter. si nondum reus fuerit praeventus a delatore, si nemo eum postularit, & alleget errorem juris vel facti, excusari solet, vel sexu, vel etate, vel etiam militia, vel ut ait puniendi correctione, quae bona fide interveniat puniendi, id est, hominis incesti, siue ejus, qui incestum admisit correctione, quae bona fide interveniat, ut puta, si errore cognito bona fide corrigat factum, & abstineat hujusmodi conjunctione toto animo, quod est bona fide non simulata, nempe ei, qui fororis filiam per errorem duxerit uxorem (& loquitur de errore facti, quum ignoravit eam fuisse fororis filiam) antequam praeveniretur a delatore, si

A bona fide, si serio ea conjunctione abstinerit, poenam remittit quia qui errore cognito, ut ait, dirimit conjunctionem, ejus voluntatis fuisse creditur, ut si scivisset, se in eo necessitudinis gradu positum, non fuisset tale matrimonium copulaturus: penitentia & correctio est argumentum, contraxisse eum tale matrimonium invitum: videtur invitum fecisse, qui mox corrigat factum, ut Aristot. ait. 3. Ethic. Et hic probat se noluisse, qui corrigat factum penitentia actus. Quod etiam confirmat, l. 3. C. de incest. nupt. & usque adeo etiam verum hoc est in errore facti, ut & is error excuset ab incesto juris gentium, si modo errore comperto, antequam reus postuletur, statim se eo matrimonio abstinerit, divortio facto bona fide citra dissimulationem, ut in d. l. 38. videm Imperatores: dum ait post divortium, B quod cum noverca privignum bona fide fecit, cum qua coerebat, & fecerat contra jus gentium. Igitur quia corripit factum errore comperto, non admittendam accusationem incesti.

Addam his tantum, quod est in §. ea quae: ex hoc loco liquido constat, lege Julia crimen adulterii non fuisse capitale. Id fecerunt capitale novissimae constitutiones Theodosiani & Justiniani Codicis: nam jus vetus nunquam fecit capitale: dum ait, eam quae inter reos adulterii recepta est, absentem defendi non posse, quia ut defendi absens possit, qui semel inter reos receptus est, quod non fit nisi post litem contestatam, tamen hoc tantum admittum est in capitalibus criminibus, l. servum, §. publice, de procurat. l. 3. C. de accusat. Hoc non admittitur in crimine adulterii, ergo non est capitale, alicui C admitteretur defensori absentis recepti inter reos. Et quod ait Acc. hoc loco etiam absentem inter reos recipi posse, non est verum indistincte & generaliter, sed ita demum, si post litem inchoatam & contestatam abesse coepit, l. adulteram, C. de adult. quia & absens damnari potest, l. inter, de pub. judic. si damnari, & inter reos recipi: is autem qui litem contestatus non est, neque inter reos recipi absens, neque condemnari potest, l. absentem, de pen. sed adnotatur requirendus, vel ut aliter loquimur, fit requirendus in i. de requir. reis.

Ad §. Socer cum nurum, &c.

D Socer, cum nurum adulterii accusaturum se libellis praefidi datis, restatus fuisset, maluit accusatione desistere, & lucrum ex dote magis petere. Queritur an hujusmodi committum ejus admitti existimes? Respondit, turpissimo exemplo is, qui nurum suum accusare instituit, postea desistere maluit, contentus lucrum ex dote retinere, tanquam culpa mulieris diremptum matrimonio. Quare non inique repellatur, qui commodum dotis, vindicta domus sua praepone-re non erubuit.

I N hoc §. haec proponitur species: Facto divortio inter filium & nurum culpa nurus, socer nurum libellis praefidi provinciae datis se accusaturum adulterii testatus & minatus est, ut in l. 5. inf. ad SC. Turpill. Proponitur quidam libello principi dato, falsum se obiecturum minatus esse, ab hac comminatione impune desistere licet, l. 5. a datione E libelli accusatorii non comminatorii, qui & libellus inscriptionis dicitur & delationis & accusationis, vel a denuntiatione criminis facta reo, non licet impune desistere sine abolitione, l. vini, §. duos h. t. quia in desistentem est constituta poena, quasi in tergiversatorem lege Petronia, & SC. Turpill. etiam si litem contestatus non fuerit, l. pen. inf. ad SC. Turpill. l. 7. C. qui accus. non poss. Is vero socer post supradictam comminationem ab accusatione nurus desistit, id est, ab accusandi proposito, & maluit ex dote lucrum persequi, quasi culpa nurus diremptum matrimonio. Donatus in eum locum Virgillii, & hoc praetextu nomine culpam, verbo, inquit, juris, usus est. Sic enim definitum est, culpam mulieris esse, quum pudoris causa peccaverit. Socer igitur mutata sententia & omis-

sa accusatione adulterii criminali, quasi culpa mulieris dirempto matrimonio, id est, propter adulterium mulieris, maluit lucrum ex dote persequi, videlicet civili actione, quæ dicebatur actio de moribus, & ob culpam graviolem, siue mores graviores, id est, ob adulterium, quod diffidio causam dedisset, competeat ei actio in sextam partem dotis: hodie tota dos amittitur, atque etiam hypobolon: ob alios autem mores mulieris, qui collati cum adulterio dicuntur leviores, actio de moribus competeat in octavam partem dotis, auctore Ulp. lib. sing. reg. Et de hac actione de moribus sunt hæc leges, l. i. sup. de pati. dotal. l. rei iudicata, §. i. l. cum mulier, & l. viro, sol. matr. l. ult. C. de repud. l. i. C. Theod. de dotibus, l. i. C. Theod. Victum civiliter, criminaliter agere posse. Queritur autem, an eiusmodi fœderi commentum, id est, solertia siue ut hic Græci interpretantur, fophsima, qui omnia instituta accusatione adulterii mavult lucrum dotis persequi, an admitti debeat? Et eleganter respondet Papin. turpissimo exemplo eum desistere a priori proposito, ob lucrum dotis, quod magis capiat, quia scilicet vindictæ domus suæ pecunias siue lucrum dotis præferre non erubescit, quod est turpe & sordidum, omnis scil. auctoritas, est turpitudinem, l. 2. de senator. senatu motus persequi turpitudinem, id est, auctoritas, puta damnatus iudicio publico reputandus. Nam eadem est huius 1. sententia, quæ l. 15. sup. de testib. Et sic M. Tullius 1. ad Attic. si causam absolutionis queris, inquit, egestas iudicium fuit & turpitudinem, id est, deinde, & auctoritas. Est autem huius simile argumentum, quo utitur idem Papinianus in l. Julianus, sup. si quis omnia causa testam. dum ait, non carere dolo eum, aut non esse ferendum qui honore proprio omisso propter compendium, alienam institutionem malevole. Nam & ita non est ferendus fœderi, qui honore proprio omisso, quem initio ulcisci recte instituerat, mavult sequi lucrum dotis: non potuit fœderi utroque iudicio experiri, puta, iudicio civili de moribus & iudicio criminali ex l. i. Jul. sed alterutrum tantum, ut est proditum in d. l. i. C. Theod. victum civiliter, &c. Ratio hæc est, quia est iudicium de moribus, pecuniam persequitur, id est, partem dotis, tamen & vindictam persequitur, perinde ac quæ iudicium criminale, quod præcipue solum vindictam exequitur, & minus criminis dux vindictæ, duo supplicia esse non debent. Quia ratione nec de iniuriis licet experiri civiliter & criminaliter, sed alterutro duntaxat modo, l. 6. de injur. quia & civilis injuriarum actio vindictæ magis, quam pecuniarum persequutionem habet, l. 2. §. emancipato, de calt. bonor. Et ita non potuit fœderi utroque iudicio experiri, & electo criminali, non potest variare & transire ad civile, ductus lucri aviditate, turpi exemplo.

Ad §. Adulterii reum.

Adulterii reum intra quinque annos continuus a die criminis admissi, defuncta quoque muliere, postulari posse palam est.

Regulariter crimina finiuntur vicennio continuo, ut crimen homicidii, crimen falsi, & alia innumera, quæ nisi instituantur intra 20. annos, quo jure utimur, reus est securus, l. querela, C. ad l. Corn. de falsi. At crimen adulterii breviori tempore finitur, nempe quinquennio continuo, quod ut vicennium in aliis criminibus numeratur a die commissi criminis, l. 5. C. cod. tit. Et intra illud quidem quinquennium 60. dies utiles dantur marito & patri, intra quos si veniant ad reculationem adulterii, vel reum, vel ream accusaturi, præferuntur ceteris omnibus, qui ad eandem accusationem jure pub. venire volunt. Post dies autem 60. extraneis marito quoque patrive, ut extraneis jure communi & publico, non præcipuo, aut privilegio, dantur alii quatuor menses utiles accusanda adultera, scilicet numerandi tam marito & patri etiam agentibus intra 60. dies, vel intra alios 4. menses, quam etiam extraneis; aume-

randi, inquam a die divortii soluti matrimonii, quod mulier contaminasse dicitur, si post alii nupserit, vel a die commissi criminis, si vidua permanferit, l. 29. §. sex mensem, & §. seq. h. tit. & ita scilicet ut illi sex menses utiles non excedant quinquennium continuum a die commissi criminis, ut tamen si ita res ferat, finiantur illi sex menses utiles etiam intra quinquennium, videlicet, ut dixi, quum de adultera accusanda agatur: nam adultero accusando a die commissi criminis, semper totum quinquennium continuum delatori siue accusatori cedit. Et in hac re l. Julia favet magis adultera, ut imbecilliori, quam adultero: nam adulter non nisi quinquennio completo securus est: adultera etiam ante quinquennium completum liberari potest, videlicet si sex menses utiles intra illud quinquennium præterierint, l. i. §. accusatione, inf. ad Turpil. Et Papin. ait hoc loco, adulterum accusari posse intra quinquennium continuum a die commissi criminis, etiam defuncta muliere adultera, etiam si mulier superstes non sit, ut in l. vim, §. in matrimonio, & l. ult. inf. h. t. Est quidem hoc crimen adulterii commune duorum, sed iudicium non est commune duorum: imo nec duorum esse potest, fed alius post alium reus fieri debet, prout delator elegerit, nisi iussit alii nupserit ante criminis denuntiationem. Hoc enim casu ab adultero accusator incipere debet, l. 5. l. si maritus 2. §. ult. l. mihi, §. ult. l. vim, §. duos, b. tit. l. viros, C. cod. tit.

Ad §. Quidam accusare volebat.

Quidam accusare volebat adulterii mulierem, & postulat, ne sibi computarentur dies, quos in custodia fecisset, nec hæc admittente existit, qui mihi contradiceret, cuius opinionem, an tu probes, rogo maturius mihi scribas. Respondit opinionem suam & verba legis & sententiam adiuvant, cui placuit utiles dies accusatori computandos esse, id est, quibus potuit accusationis solemnia implere, sine dubio dies, quibus quis in custodia fuit, extra computationem utilium dierum existimanti tibi constitutos, contradici debuit. Sexaginta dies, qui marito accusante utiles computantur, feriatis quoque diebus, si modo facultatem prædis adeundi accusator habuit, numerari certum est, quoniam de plano quoque libelli dari potest. Quod privilegium si amisit, non prohibentur intra alios quatuor menses querelam suam apud iudicem deferre.

Adultera accusanda jure communi sunt præscripti sex menses, queritur, an in id temporis cedant dies, quos ut ait, qui accusatus erat adulterii, in custodia fecisset. Fac fecisse eum in custodia quos menses, an ii computantur in numerum sex mensium? Facere dies, aut menses ait eleganter, ut in l. 14. de statulib. annum in fuga fecerat. Julianus antecessor constitutione 15. Prefes provincie, inquit, postquam deserit esse prefes, in ead. provincia 50. dies fecerat: Et in antiqua inscriptione: cura marito fecit menses 10. dies 15. Ad questionem vero propositam respondet Papin. eos dies accusatorio non computari, quos in custodia fecisset, quia sex menses l. Jul. præscripti utiles, non continuos; & utiles ii sunt, quibus potuit solemnia accusationis implere, puta inscriptiones & satisfactiones, ut in l. i. C. ad Turpil. apud Ammianum Marcellinum lib. 14. cum accusatore flagitaret, & solemnia, &c. Quid vocat solemnia accusationis? libelli inscriptionem & satisfactionem de lite exequenda, d. l. i. quæ quidem solemnia non potest implere, qui publica custodia coercetur. Ergo hi dies non computantur, quos egit in custodia. Et ostenditur in §. prox. 60. dies, qui dantur marito volenti accusare jure mariti, remotis aliis accusatoribus ad consulendum, ut Corn. Tac. de eo crimine scribens, & annot. 60. dies viro ad consulendum datos: eos dies 60. etiam esse utiles: Nam eos tantum computari, quibus adeundi prædis & dandi libelli accusatorii accusator facultatem habuit, non eos dies, quibus præses aliis dissentus occupationibus in publico sui copiam non fecit, ut in l. 6. eo. tit. l. i. §. dies, quan-

mortuo scilicet priori marito, & qui postea damnatam eam dimisit, cum non videri divortii, sive diffidii causam praestitisse, quia nec per l. Jul. adulterii damnatam in priori matrimonio retinere potuit; ac proinde culpa mulieris potius disruptum matrimonium dicemus, & consequenter secundum jus, quod obtinuit tempore Papiniani auctore Ulpiano lib. sing. regul. & apud Boetium auctore Gajo lib. 2. Instit. in singulos liberos si extent, hic secundus maritus sextas ex dote retinere potest, usque ad mediam partem duntaxat dotis. Recte posui, mortuum fuisse priorem maritum, cum ille duxit ream adulterii. Nam vivo priore marito, nec rea adulterii ab alio uxore duci potest, l. reas, de viis nupt. Quae distinctio valde notanda est, aliqui hic §. pugnaret cum d. l. reas.

EX LIBS. SINGULARI *ἀπορρηκτοῦ*
extat tantum lex unica tit. de via publica,
& si quid in ea gestum
esse dicatur.

Adiles curules studeant, & quae secundum civitates sunt viae, ut utique adaequantur: & effusiones non noceant domibus, & pontem faciant ut ibi queat oportet. Studeant autem, ut proprii parietes, & aliorum aliquid, quae circa domos ad viam publicam ducunt, non labilia sint: quatenus ut oportet emundant domini domorum & construant. Si autem non emundaverint, neque construxerint, mulctentur eos quoad illabilia faciant. Curent autem, ut nullus effodiat vias, neque subruat, neque construat in viis aliquid. Si autem servus quidem fuerit, & obviante sustigerit; si liber demonstratur adilibus: adiles autem damniscent secundum legem, & quod factum est dissolvant. Construat autem vias publicas unusquisque secundum propriam domum: & aqua ductus purget, qui sub dio sunt, id est, celo libero: & construat ita, ut non prohibeatur vehiculum transire. Quicumque autem mercede habitant: si non construant domus ipsi construentes computent dispendium in mercedem. Studeant autem ut ante ergasteria nihil profectum sit, vel propositum: praequam si sullo vestimenta siccet: aut section trochos exterius ponat, ponant autem & hi, ut non prohibeant vehiculum ire. Non permittant autem rixari in viis, neque stercorea projicere, neque morticina, neque coria jaceret. Translatum Plin.

Præter lib. de adult. Papinianus scripsit lib. singulari rem, ex quo est hæc L. unica, de via publica, &c. quem appellavit *ἀπορρηκτοῦ*, & fuit de curatoribus viarum publicarum, sive ut Varro loquitur, de Viocuris, quos Græci *ἀγοραῖοι* vocant, posteriores dixere patres civitatis, ut Ulpianus scribit in orationem Demosthenis contra Timocratem. De his sepe fit mentio in Novell. & in C. multis collegi locos in Novell. 85. & in l. 3. C. de iis, qui sponte munera suscep. lib. 10. Quibus locis ostenditur, olim etiam patres civitatum habuisse curam operum publicarum omnium: curam igitur viarum publicarum & operum: Idem & patres simpliciter dicuntur

A in l. ult. C. Judæis, ubi legendum, patris hominem, id est, patris civitatis, l. 12. Græca, C. de hereticis, dicuntur & curatores reip. ut Basil. interpretantur in l. ad curatores, de damno infecti. l. 1. C. de solut. & liberat. lib. 11. l. ult. de off. adfess. Sunt magistratus minores, curatores reip. publicarum viarum, & operum publicarum: ergo habent jurisdictionem, habent adfessores d. l. ult. habent multæ dictionem adversus inobedientes, ut ostendit hæc lex Pap. Ab iis omnibus quos supra diximus separantur ædiles, & nomine & administratione. Nam ædiles dicuntur *ἀγοραῖοι*, ut Theoph. docet §. proponebat, Instit. de jur. natur. gen. & civ. illi vero dicuntur *ἀγοραῖοι*: differunt administratione quoque, nam ad *ἀγοραῖοι* pertinent iura rerum venalium: Theophrast. lib. de legib. apud Suidam: duorum potissimum curam incumbere adilibus, ut rite omni & ordine gerantur in foro, & ut fraudes tum emptorum, tum venditorum corceantur. Verum ad *ἀγοραῖοι* pertinet cura viarum & operum publicarum. Ulpianus interpres Demosthenis ex Platone, ut opinor *ἀγοραῖοι*, inquit, est qui inspicit res venales in foro: *ἀγοραῖοι*, qui curat munditiam civitatis, & a nobis dicitur pater. Proinde ut in hac l. ostendit, curant *ἀγοραῖοι*, ut viæ puræ sint & mundæ, ut viarum cumuli non lædant ædificia, & contrastruant ponticuli, ubi res exigit in publico per quos populo iter sit, & ne parietes ædium ventrem faciant in publicam viam, ut fulciant sufflaminibus, & tibiis, & ne quid projiciatur, aut obruatur in viam publicam, quod irineri vel actui vehiculorum impedimento sit, ne quis viam publicam aperiat, aut fodiat, vel obruat, ut deviam publicam faciat, ne ædificet in via publica nisi publiciorum, ut ait l. fluminum, de damno infecti. idque auctoritate publ. veluti principis. Publice ædificare est consecrare auctoritate publica, ut publice consecrare est consecrare auctoritate publica, puta per principem aut pontificem, l. 4. §. sacra de rer. div. & inter cetera (quod ait in hac lege) ne ædiles finant in viam publ. projici fordes. Id etiam ex nescio quo auctore Græco invenies scriptum de *ἀγοραῖοι* apud Suidam eos curam habuisse sordium projiciendarum. Plutarchus quoque in præceptis politicis, dum scribit de iis, qui apud Thebanos dicebantur *πολιάρχαι*, qui idem erant, *ἀγοραῖοι*. Ex quibus intelligitur, quanta sit differentia inter *ἀγοραῖοι*, & *ἀγοραῖοι*. Non inficior tamen, ut evenit sepe, uni deferri duo munera publica, ita esse factum, ut idem esset *ἀγοραῖοι*, sive ædilis, & *ἀγοραῖοι*, seu curator viarum aut itinerum civitatis. Suet. in Vespas. Vespasianum ædilem Caesar succensens propter curam vendendo viis non adhibitam, luto oppleri iussit, quia scilicet Vespasianus non tantum erat ædilis, sed etiam curator viarum ut hanc rem referens nominatim ait Dio libro 58. cujus hæc sunt verba: lutum inquit, cernens in publica via, iussit projici in vestem Vespasiani, qui tunc erat ædilis, & curator viarum, & ita duplici munere functus. Proinde ille etiam locus indicat esse differentiam inter *ἀγοραῖοι*, & *ἀγοραῖοι*. Vide Observat. lib. 22. cap. 31.



